


Jag₁ 'mî₂
a₂ma₂li' ₅₄ quian' ₅₄
Diu₄



New Testament in Chinantec, Tepetotutla (MX:cnt:Chinantec,
Tepetotutla)

Jag₁ 'm_{i2} a₂ ma₂ li_i'₅₄ quian'₅₄ Diu₄
New Testament in Chinantec, Tepetotutla (MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 23 Aug 2023 from source files dated 30 Dec 2021

5c52af9e-3086-5d57-9b7e-2e495fea8899

Contents

SAN MATEO	1
SAN MARCOS	59
SAN LUCAS	94
SAN JUAN	152
HECHOS	197
ROMANOS	247
PRIMERA CORINTIOS	270
SEGUNDA CORINTIOS	291
GÁLATAS	305
EFESIOS	313
FILIPENSES	320
COLOSENSES	326
PRIMERA TESALONICENSES	331
SEGUNDA TESALONICENSES	335
PRIMERA TIMOTEO	338
SEGUNDA TIMOTEO	344
TITO	349
FILEMÓN	352
HEBREOS	354
SANTIAGO	373
PRIMERA PEDRO	379
SEGUNDA PEDRO	386
PRIMERA JUAN	390
SEGUNDA JUAN	396
TERCERA JUAN	397
JUDAS	398
APOCALIPSIS	400

Já_g₁ Dse₃ quió₅ Diú₄ a₂ca₂tó₂ San Mateo ne₄ Si₂

Dsa₂ can'₅₄ quián₅ Jesucristo i₂jme₁chan₂ ma₂lig'₂
(Lucas 3:23-38)

¹ A₂la₂ bá₄ caun₂ lista ja₁le₁ton₅ dsa₂ can'₅₄ quián₅ Jesucristo i₂jme₁lín₄ tsi₁jon₂ quián₅ David* quian'₅₄ Abraham.

² Abraham ca₂lín₃ jmei₂ Isaac,
Isaac guë'₂ ca₂lín₃ jmei₂ Jacob;
Jacob guë'₂ ca₂lín₃ jmei₂ Judá quian'₅₄ riin'₅₄.

³ Judá guë'₂ ně₃ ca₂lín₃ jmei₂ Fares quian'₅₄ Zara
të₂le₃ quian'₅₄ Tamar.

Fares guë'₂ ca₂lín₃ jmei₂ Esrom;
Esrom guë'₂ ca₂lín₃ jmei₂ Aram.

⁴ Aram guë'₂ ca₂lín₃ jmei₂ Aminadab;
Aminadab guë'₂ ca₂lín₃ jmei₂ Na'asón;
Na'asón guë'₂ ca₂lín₃ jmei₂ Salmón;

⁵ Salmón guë'₂ ca₂lín₃ jmei₂ Bo'oz
të₂le₃ quian'₅₄ Rahab.

Bo'oz guë'₂ ca₂lín₃ jmei₂ Obed
të₂le₃ quian'₅₄ Ruth.

Obed guë'₂ ca₂lín₃ jmei₂ Isaí;

⁶ Isaí guë'₂ ca₂lín₃ jmei₂ Rag₅₄ David.
Rag₅₄ David guë'₂ ně₃ ca₂lín₃ jmei₂ Salomón,
(të₂le₃ quian'₅₄ i₂jme₁lín₄ dsa₂ mí₂
quian'₅ Urías le₂jñiá₅).

⁷ Salomón guë'₂ ca₂lín₃ jmei₂ Roboam;

Roboam guë'₂ ca₂lín₃ jmei₂ Abías;
Abías guë'₂ ca₂lín₃ jmei₂ Asa;

⁸ Asa guë'₂ ca₂lín₃ jmei₂ Josafat;
Josafat guë'₂ ca₂lín₃ jmei₂ Joram;

Joram guë'₂ ca₂lín₃ jmei₂ Usías;
⁹ Usías guë'₂ ca₂lín₃ jmei₂ Jotam;

Jotam guë'₂ ca₂lín₃ jmei₂ Acáz;
Acáz guë'₂ ca₂lín₃ jmei₂ Ezequías;

¹⁰ Ezequías guë'₂ ca₂lín₃ jmei₂ Manasés;
Manasés guë'₂ ca₂lín₃ jmei₂ Amón;

Amón guë'₂ ca₂lín₃ jmei₂ Josías;

¹¹ Josías guë'₂ ca₂lín₃ jmei₂ Jeconías quian'₅₄ riin'₅₄,
(lia'₂ con'₂ jmi₄ jme₁ca₂lén₂ dsa₂ israelitas
a₂ca₂tág₃ dsa₂ jui₅ 'uë₃ Babilonia).

¹² Cang₂ jme₁ma₂tág₃ dsa₂ 'uë₃ Babilonia jaun₂,
ca₂lín₃ Jeconías jmei₂ Salatiel;
i₂ca₂lín₃ jmei₂ Zorobabel;

¹³ Zorobabel ně₃ ca₂lín₃ jmei₂ Abiud;

Abiud guë'₂ ca₂lín₃ jmei₂ Eliaquim;
Eliaquim guë'₂ ca₂lín₃ jmei₂ Azor;

* **1:1** Rag₅₄ David i₂ca₂rë₃chán₃ con'₂ co₂mei₅ ŋi₂ né'₃ a₂ca₂rë₃chán₃ Jesús.

14 Azor ně₃ ca₂lin₃ jmei₂ Sadoc;
 Sadoc guë'₂ ca₂lin₃ jmei₂ Aquim;
 Aquim guë'₂ ca₂lin₃ jmei₂ Eliud;
 15 Eliud guë'₂ ca₂lin₃ jmei₂ Eleazar,
 i₂ca₂lin₃ jmei₂ Matán;
 Matán guë'₂ ca₂lin₃ jmei₂ Jacob;
 16 Jacob ně₃ ca₂lin₃ jmei₂ José, dsi₂i₂gu₂ María;
 María guë'₂ ně₃ ca₂lin₃ chog₅₄ Jesús
 i₂tě'₂ dsa₂ Cristo*.[†]

17 Jaun₂ ně₃, con'₂ guia₃-quén₂ tsi₁jon₂ dsa₂ ca₂ñí₂ ca₂le₃ jme₁chan₂ Abraham ca₂tě₂ jmi₄
 jme₁ca₂rě₃chán₃ David, ján₃ bá₄ le₂jaun₂ guia₃-quén₂ tsi₁jon₂ dsa₂ ca₂ñí₂ ca₂le₃ jme₁chan₂
 David, ca₂tě₂ jmi₄ jme₁ca₂tág₃ dsa₂ dsa₂ israelitas jui₅ 'uë₃ Babilonia; cang₂ jaun₂ guë'₄
 ně₃, con'₂ guia₃-quén₂ tsi₁jon₂ dsa₂ ca₂ñí₂ ca₂le₃ ca₂tág₃ dsa₂, ca₂tě₂ jmi₄ jme₁ca₂rě₃chán₃
 dsa₂ l₂rě₂'ín₁ quián₅ Diú₄.[‡]

*A₂ lia'₂ ca₂lě₃ a₂ca₂rě₃chán₃ Jesús
 (Lucas 2:1-7)*

18 Le₂la₂ bá₄ ca₂lě₃ a₂ca₂rě₃chán₃ Jesús: chog₅₄ jme₁chen₂ María jme₁ma₂li'₅₄ jág₁ a₂jéin'₂
 gu₂ quian'₅₄ José; la₁ né'₃ guë'₄ a₂tiain'₃, María ně₃ ca₂can₃ guein₂ tě₂le₃ quian'₅₄ jui₅bí₂ quió'₅
 Jme₂dsí₂ Jñi₅. 19 José dsa₂ ñe'₂ quiáin₅ ně₃ jme₁lín₄ jan₂ dsa₂ dsen₃, jaun₂ tsá₃ jme₁'nio₃
 chein'₃ o₂guí'₃ María jua'₅₄ le₃ñi₅ dsa₂ juin₅; jñia'₅₄ lia'₂ a₂jaun₂ bá₄ jme₁dsi₂jio₅ dsí₅
 a₂jme₁téi₂ bá₄ con'₂ tsá₃ 'ein₂ ñi₅. 20 Le₂jaun₂ bá₄ jme₁ma₂ca₂'náu'₃ dsí₅ jmo₃, jme₁ca₂qui₃
 a₂ca₂jme₃jñia₅ jan₂ ángel quián₅ Te₁gui'₅₄ ne₅₄ ca₂juá'₂:

—Sě₄, tsi₁jon₂ David, tsá₃ lě₁jmo₂ gang'₃ jua'₅₄ cán'₁ o₂guí'₃ a₂guéng'₄ María a₂lěin₂
 dsi₂i₂gog'₂, ia₁ guein₂ i₂le₃chan₂ quiáin₅ já₅ ja₁con₂ Jme₂dsí₂ Jñi₅. 21 Jaun₂ le₃chan₂ jan₂
 guein₂ dsa₂ ñe'₂ quiáin₅, jaun₂ quiain'₅₄ 'ne₂ JESÚS.Š Le₃chein₂ le₂ně₅ ia₁ a₂lióin₂ dsa₂ juig₂
 quiáin₅ 'uig₅₄ dsá_{u1}.

22 Ca₂lě₃ ca₂le₃jě₃ a₂ně₅ ia₁jaun₂ le₃ti₃ ju'lia'₂ ca₂juá'₂ Te₁gui'₅₄ tě₂le₃ quian'₅₄ dsa₂ i₂jme₁'ě₂
 jág₁ quiáin₅, jme₁ca₂juá'₂:

23 Cán₂ jan₂ dsa₂ mi₄ guein₂,
 jaun₂ le₃chan₂ jan₂ guein₂ dsa₂ ñe'₂ quiáin₅,
 jaun₂ le₃chein₂ Emanuel,*
 co₂'nió'₄ a₂juá'₂: Quiong'₅₄ Diú₄ jniog₄.

24 Jaun₂ jme₁ca₂ñé₃ Sě₄ a₂jme₁rě₂güin₃ jaun₂, le₂jaun₂ bá₄ ca₂jmo₃ lia'₂ con'₂ lě₅ ca₂juá'₂
 ángel quián₅ Te₁gui'₅₄, jaun₂ ca₂guein₃ bá₄ María a₂lěin₂ 'éi₂ dsi₂i₂gu₂. 25 La₁ia₁ tsá₃ ca₂tiáin'₂
 dsi₂jui₅ jme₁né₄, jua'₅₄ a₂ca₂rě₃cuin₂₃ riin'₅₄, ca₂lia'₂ jme₁ca₂rě₃chán₃ guein₂ i₂le₂'uig₅₄ 'éi₂
 quián₅ bá₄ María; jaun₂ ca₂quiain₃ guein₂ Jesús.

2

Ca₂o₃lén₂ dsa₂ can'₅₄ i₂dsi₂ jág₁

1 Ca₂rě₃chán₃ Jesús jě₄ juig₂ Belén, ja₁tén₄ 'uë₃ Judea, jmi₄ lia'₂ con'₂ jme₁lín₄ Herodes
 rag₅₄ 'uë₃ jaun₂. Jaun₂ ca₂o₃lén₂ co₂nió'₃ dsa₂ i₂chan₂ uíng₂ tě₂le₃ ja₁'ia₂* 'iog₂, jaun₂
 ca₂dsi₃lén₂ juig₂ Jerusalén. 2 Jaun₂ ca₂ñag₃:

[†] 1:16 Co₂rě₂ bá₄ jein₅ jág₁ “Cristo” quian'₅₄ “l₂rě₂'ín₁ quián₅ Diú₄.” Quian'₅₄ jág₁ jmei₅ hebreo guë'₂ táng₃ juá'₂ dsa₂
 Meshíaj: “Mesías” quian'₅₄ jág₁ ñi'₅₄. [‡] 1:17 Co₂rě₂ bá₄ jein₅ jág₁ “Cristo” quian'₅₄ “l₂rě₂'ín₁ quián₅ Diú₄.” Quian'₅₄ jág₁
 jmei₅ hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ñi'₅₄. § 1:21 Lia'₂ chen₂ Jesús (hebreo: Yeshua) jein₅
 jág₁: Lió₂ bá₄ Te₁gui'₅₄. * 1:23 Isaías 7:14. * 2:1 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄,
 'Nio'₂ ja₁ton₅ Salmo 8:3; Romanos 1:25.

—¿Na₅ Rag₅₄ quián₅ dsa₂ judíos i₂ca₂rë₃chán₃? Ia₁ 'uë₃ tē₂le₃ ja₁ 'ñia₂ 'iog₂, ma₂nē₂jín₄ jnia'₅₄ nei₅ quián₅, jaun₂ ja₂náu₅ jnia'₅₄ a₂jme₁juin'₂.

³ Jme₁ca₂rë₃ñi₅ Rag₅₄ Herodes jág₁ nē₅, 'ñio₅ lín₃ tsá₃ ma₃tei₄ ca₂'ág₂ dsí₅, ján₃ bá₄ le₂jaun₂ ca₂le₃jín₃ dsa₂ juig₂ Jerusalén. ⁴ Jaun₂ nē₃ ca₂tē₃ rag₅₄ ca₂le₃jín₃ juig₅₄ jme₂dsa₂ quian'₅₄ ca₂le₃jín₃ tē₅juá'₅ quián₅ dsa₂, jaun₂ ca₂ñag₃ a₂já'₄ dsón'₂ lē₅ jág₁ le₃chan₂ dsa₂ I₂rē₂'ín₁ quián₅ Diú₄. ⁵ Jaun₂ ca₂juá'₂ dsa₂ 'éi₂:

—Juig₂ Belén, ja₁tén₄ 'uë₃ Judea. Ia₁ le₂la₂ ca₂tó'₂ ne₄ si₂ dsa₂ i₂jme₁'ē₂ jág₁ o₄quió'₄ Diú₄:

⁶ Jaun₂ 'ne₂, Belén, juig₂ tén₅ 'uë₃ Judá,

on₃jua'₅₄ 'ne₂ líng'₅ juig₂ i₂me'₂ guē₄

tē₂le₃ ne₄ jui₁lia'₂ dsa₂ i₂qui₂dsí₅ 'éi'₃ 'uë₃ nē₅;

ia₁ ja₁con'₂ 'ne₂ bá₄ o₃'ín₅ jan₂

i₂gon₂, cán₂ ne₄ jui₅,

jmo₃ 'í₁ dsa₂ juig₂ Israel quiáng₃.†

⁷ Jaun₂ Herodes nē₃ ca₂tē₃ dsa₂ can'₅₄ 'éi₂ con'₂ jē₄ tē₃co'₅₄, jaun₂ ca₂ñag₃ líg'₂ 'e₂ jmig₄ tē₃dsón'₂ ca₂rë₃jniá₂ nei₅ jaun₂.‡ ⁸ Jme₁ma₂nē₂ñag₃ dsa₂ 'éi₂ jaun₂ guē₄ ca₂chei₃ jui₅ juig₂ Belén, jaun₂ ca₂tsí'₃ dsa₂:

—O₂nó'₅ 'nia'₂ ja₁jaun₂, o₂quion₂ de'₂ 'nia'₂ 'í₁ rē₂ tē₂le₃ quió'₅ chi'₂ bē'₅₄ i₂'ín'₅ 'nia'₂ nē₅; jaun₂ jē₁ma₂ca₂dsáin'₂ 'nia'₂, i₂con'₄ 'nia'₂ jág₁ ia₁jaun₂ nei₅₄ jniá₂ ján₃ i₂jme₁juin'₂.

⁹ Jme₁ma₂nē₂néi₂ dsa₂ 'éi₂ jág₁ quió'₅ rag₅₄, jaun₂ ca₂lén₂. Jaun₂ nē₃, nei₅ a₂ma₂ca₂jág₃a tē₂le₃ 'uë₃ ja₁'ia₂ 'iog₂, ca₂ñó₃ ne₄ jui₅ quió'₅, ca₂lia'₂ ca₂'ág₂ tei₄ ne₄ ja₁jme₁'en₅₄ guein₂.

¹⁰ Jme₁ca₂jág₃ jaun₂, § ca₂jmo₃ 'io'₂ 'ñio₅ lín₃; ¹¹ jaun₂ jme₁ca₂i₃toin'₅₄ dsi₂néi₂, ca₂jín₂ guein₂ bē'₅₄ quiain'₅₄ chog₅₄ i₂chen₂ María. Jaun₂ nē₃, ca₂chi₃jnē₃ ca₂jme₁juin'₂ guein₂. Jaun₂ dsi₂jui₅ le₂jaun₂ qui₂ca₂niá₃ tsí₁gu₅ quió'₅, ca₂cuē₃ cu₄nió₄, chen₂, no'₅₄ mirra nē₃.

¹² Cang₂ guē₄ jaun₂ ca₂qui₃ dsa₂ 'éi₂ a₂ca₂jmo₃ Diú₄ jág₁ a₂tsá₃ ma₃dsí₃lein₃ jui₅ ja₁con₂ Rag₅₄ Herodes, jaun₂ jui₅ siá'₂ bá₄ ca₂i₃lein₃ jui₅ go₅₄.

Ca₂cuing₃ Sē₄ quiain'₅₄ María jui₅ 'uë₃ Egipto

¹³ Cang₂ guē₄ jaun₂, jme₁ma₂i₂len₃ dsa₂ can'₅₄ 'éi₂, ca₂qui₃ Sē₄ a₂ca₂jme₃jnia₅ jan₂ ángel quián₅ Te₁gui'₅₄ ja₁coin₂, a₂ca₂juá'₂:

—Nau₂, jñia₅ i₂bē'₅₄ quiáng'₂, chog₅₄ nē₃, cuing₅ 'nia'₂ jui₅ 'uë₃ Egipto. Ja₁jaun₂ o₂'ú₅ ca₂lia'₂ ca₂juá'₃ jniá₂. Ia₁ 'nau'₂ Herodes 'nai'₂ guein₂ a₂jñag'₃.

¹⁴ A₂ca₂nau₂ jaun₂ Sē₄, ca₂tág₃ guein₂ quian'₅₄ chog₅₄ a₂'uë₂ jaun₂, ca₂i₃lén₂ jui₅ Egipto.

¹⁵ Ja₁jaun₂ ca₂tóin'₂ ca₂lia'₂ ca₂jon₃ Herodes. Ca₂lē₃ le₂nē₅ ia₁jaun₂ le₃ti₃ jág₁ a₂ca₂juá'₂ Te₁gui'₅₄ tē₂le₃ quian'₅₄ dsa₂ i₂jme₁'ē₂ jág₁ o₄quió'₄, jme₁ca₂juá'₂: “Tē₂ Egipto bá₄ ca₂tē₃ jniá₂ jón₃ quiáng₃.”*

Jmo₃ Herodes 'éi'₃ a₂jme₃dsiain₂₃ guein₂

¹⁶ Jme₁ca₂rë₃lí'₄ Herodes ca₂jme₃gau₅ dsa₂ can'₅₄ 'éi₂ quió'₅, ca₂rë₃'néi₃ 'ñio₅ lín₃. Jaun₂ ca₂chein₃ dsa₂ a₂jme₃dsiain₂₃ ca₂le₃jín₃ guein₂ i₂con'₂ ma₂tion'₅₄ tñ₃ ñi₂, guein₂ i₂pí'₁ guē₄ nē₃ i₂chan₂ ma₂quián₅ Belén, lia'₂ con'₂ tí₅ ma₂ne₁ñó₄ jmig₄ a₂ca₂juá'₂ dsa₂ can'₅₄ 'éi₂. ¹⁷ Jaun₂ le₂nē₅ ca₂rë₃ti₃ jág₁ a₂ca₂tó'₂ ne₄ si₂ Jeremías i₂jme₁'ē₂ jág₁ o₄quió'₄ Diú₄:

¹⁸ Ca₂né'₂ tē₁tsí'₅₄ co₂mí'₅₄ jē₄ juig₂ Ramá,

a₂'o₅ dsa₂ a₂qui'₂ dsí₅ guē₄ lín₃;

Raquel bá₄ 'éi₂ ca₂'o₃†

o₄quió'₄ chi'₂-guein₂ quián₅,

jaun₂ tsá₃ ca₂gue₃ jua'₅₄ 'ein₂ guē₃ jmo₃ lián'₂ dsí₅,

† **2:6** Miqueas 5:2. ‡ **2:7** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § **2:10** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * **2:15** Oseas 11:1. † **2:18** Raquel: 'io₅₄ quián₅ Jacob, Génesis 29.

ia₁ ma₂ca₂dsan₃ bá₄ guein₂.‡

19 La₁ cang₂ gué₄ jaun₂, jme₁ma₂ca₂jon₃ Herodes, ca₂qui₃ Sě₄ a₂ca₂jme₃jnia₅ táng₃ jan₂ ángel quián₅ Te₁gui₅₄ ja₁coin₂ 'ein₅₄ Egipto, 20 Ca₂juá'₂ ángel:

—Nau₂, jnia₅ táng₃ i₂bě'₅₄ quiáng'₂, chog₅₄ ně₃, jaun₂ o₂nó'₅ táng₃ 'nia'₂ jui₅ 'uě₃ Israel, ia₁ ma₂ca₂dsan₃ bá₄ i₂jme₁'nio₃ jme₁jñi'₃ guein₂.

21 A₂ca₂nau₂ jaun₂ táng₃ Sě₄, ca₂tág₃ chi'₂ quián₅, quian'₅₄ chog₅₄, jui₅ 'uě₃ Israel. 22 La₁ jme₁ca₂rě₃ñi₅ Sě₄ a₂ma₂lín₅ ta₁ Arquelao 'uě₃ Judea, ta₁ a₂jme₁lín₄ Herodes jme₁, jaun₂ ca₂rě₃gó'₅ dsó₃ ja₁jaun₂. Ia₁ ca₂'ě₂ táng₃ Diú₄ jág₁ jě₄ qui₂₃, jaun₂ jui₅ 'uě₃ Galilea bá₄ ca₂ñó₃.

23 Jme₁ca₂dsió₃ ja₁jaun₂, ca₂ñó₃ ca₂l₁gua₂ juig₂ ja₁chei₂ Nazaret. Le₂ně₅ bá₄ ca₂rě₃ti₃ jág₁ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂: “A₂quiong₃ dsa₂ nazareno.”

3

*Ě₂ Juan₅₄ jág₁ caun₂ 'uě₃ quein₂ ja₁co₂'ñiog₅
(Marcos 1:1-8; Lucas 3:1-18; Juan 1:19-28)*

1 Jmíg₄ jaun₂ guan₃ Juan₅₄ i₂chon₅ dsa₂ jmíg₂, caun₂ 'uě₃ quein₂ co₂'ñiog₅ ja₁tén₄ 'uě₃ Judea, a₂'ě₂ jág₁, 2 a₂juá'₂:

—Jein'₅₄ 'nia'₂ 'au'₂, ia₁ ma₂ja₂quián₃ jmíg₄ jě₁gon₃ Diú₄.

3 Juan₅₄ la₂ bá₄ 'éi₂ i₂ca₂'in₃ Isaías i₂jme₁juá'₂ o₄quió'₄ Diú₄ jme₁ca₂tó'₂ ne₄ si₂ a₂juá'₂ le₂la₂: Né'₂ a₂táun₂ dsa₂ tiá₂ jág₁

caun₂ 'uě₃ quein₂ ja₁co₂'ñiog₅, a₂juá'₂:

“Jmo₄ 'nia'₂ co₂jñia₅₄ jui₅ quió'₅ Te₁gui₅₄;

nia₄ 'nia'₂ caun₂ jui₅ co₂dsau₅.”*

4 Ni₁tsin'₅₄ Juan₅₄ 'éi₂ jme₁lě₄ 'mi'₂ a₂rě₂ta₄ quian'₅₄ jñi₄ já'₂ camello; a₂jme₁jén'₅ tú'₅ gué'₂ quian'₅₄ lo₄ já'₂; má₃ a₂jme₁gué'₅ gué'₂, jmá'₃ i₁ni'₂ tia₄ quian'₅₄ jmi₁tá'₄ cha₂ ja₁nau₂.

5 Jme₁ja₂lén₂ dsa₂ chan₂ Jerusalén, quian'₅₄ dsa₂ i₂tián'₅ 'uě₃ Judea quian'₅₄ dsa₂ i₂tián'₅ cau₅ Cuá₃ Jordán ně₃, jme₁qui₂ja₂néi₃ jág₁ a₂cuě'₅ 'éi₂. 6 Jme₁ma₂ca₂lě₃ jmo₂₃ qui₂ñi₃ quió'₅ ne₄ Diú₄ ca₂le₃jě₃ dso₄ a₂qui₂rě₂cáin'₄, jaun₂ gué₄ ca₂cho₃ Juan₅₄ jmíg₂† Cuá₃ Jordán.

7 La₁ jme₁ca₂jág₃ Juan₅₄ juin₅ lín₃ dsa₂ fariseos ja₂lén₂ quian'₅₄ dsa₂ saduceos ně₃, a₂mi₂₃ cho₃ Juan₅₄ jmíg₂,‡ jaun₂ ca₂juá'₂ Juan₅₄:

—i'Nia'₂ tsi₁jon₂ dsi₂mi'₂! ħ'Ein₂ bá₄ ně₂chí'₃ 'nia'₂ a₂cuing'₂ long'₅₄ a₂'i₄ 'nei₂ dsí₅ Diú₄ a₂ja₂quián₃? 8 Jmo₄ 'nia'₂ jaun₂ jui₁le₂jniá₂ a₂léi₄ tě₃dsón'₂ a₂ma₂ca₂jein'₅₄ 'nia'₂ 'au'₂. 9 Tsá₃ o₁len'₂ 'nia'₂ jua'₅₄ lé₂ le₃jua'₅₄ 'nia'₂: “Lág₅ jnia'₅₄ tsi₁jon₂ Abraham”; ia₁ jniá₂ juá'₅, ca₂tě₂ ni₁cang₁ tio'₅₄ la₂, lé₂ le₃jmo₃ Diú₄ jmóí'₂ tsi₁jon₂ Abraham. 10 Ia₁ ma₂lě₅ co₂jñia₅₄ ñi₁dsi₁ a₂qui₂uín'₂ 'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín'₂ bá₄, dsi₂to'₅₄ si₂. 11 Jniá₂ ně₃, dsau₅ bá₄ ně₂tiáng₃ 'nia'₂ jmíg₂ co₂'nió'₄ a₂jáng'₅ léi₄ a₂jein'₅₄ 'nia'₂ 'au'₂; la₁ i₂já₅ chi₁co'₅₄ quió₃ ně₃, 'éi₂ bá₄ i₂'uan'₂ gué₄ lia'₂ con'₂ gué₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ i₁quian₃. 'Éi₂ gué₄ ně₃, tióg₂ Jme₂dsí₂ Jñiós, dsi₂si₂ ně₃. 12 Ně₂jag₄ bá₄ a₂ma₂chi₁chan'₂ ñi₁ a₂quió'₅ míg₂ trigo, dsia₃ jma₃quén₅ quian'₅₄ jme₁qui₅. Jmá'₃ míg₂ bá₄ cág'₃, 'ma₃ dsi₂néi₂, la₁ qui₂dsí'₂ bá₄ jme₁qui₅ dsi₂si₂ ja₁tsá₃ ma₃o₁líg'₂ jmíg₄ éi₃.§

Ca₂jñó₂ Jesús jmíg₂

(Marcos 1:9-11; Lucas 3:21-22)

13 Jaun₂ ně₃, Jesús, o₂'iin₃ 'uě₃ Galilea, ca₂dsió₃ tě₂ Cuá₃ Jordán ia₁jaun₂ cho₃ Juan₅₄ jmíg₂. * 14 Tsá₃ jme₁gue₅ Juan₅₄ le₂'uig₅₄, jaun₂ ca₂juá'₂ tsí'₅ Jesús:

—Jniá₂ bá₄ i₂'nió'₅ quió₃ tsón'₄ 'ne₂ jmíg₂.† ħ'A₂ bá₄ lia'₂ 'ne₂ ñe'₃ ja₁con₂ jniá₂?

15 La₁ ca₂juá'₂ Jesús:

‡ 2:18 Jeremías 31:15. * 3:3 Isaías 40:3. † 3:6 lit. “ca₂tióg₃ Juan₅₄ jmíg₂.” ‡ 3:7 lit. “tióg₂ Juan₅₄ jmíg₂.” § 3:12 Nio'₂ ja₁ton₅ Mateo 13:30. * 3:13 lit. “ia₁jaun₂ tióg₂ Juan₅₄ jmíg₂.” † 3:14 lit. “tián'₄ 'ne₂ jmíg₂.”

—Jui₁le₅₄ bá₄ le₂nē₅ tē₂nē₃, ia₁ dsi₂ten₅₄ de'₂ jmó₁ jniog₄ le₂nē₅ ia₁jaun₂ jme₁ti₁ ca₂le₃jě₃ a₂dse₃.

Jaun₂ bá₄ ca₂gue₃ Juan₅₄.

¹⁶ Jme₁ma₂lě₅ cho₅ Juan₅₄ jmig₂,[‡] jaun₂ ca₂o₃'ín₃ Jesús dsi₂jmig₂. Jaun₂ dsi₂jui₅ le₂jaun₂ ca₂niá₃ dsi₄ mi₂güig₃ ca₂lě₃, jaun₂ ca₂jín₂ Jesús Jme₂dsí₂ quián₅ Diú₄ ca₂sión₃ ne₄ quió'₅, i₂lín₅ lia'₂ lín₅ jan₂ i₁ju₂. ¹⁷ Jaun₂ ca₂né'₂ jág₁ guei'₅₄ a₂ca₂juá'₂:

—I₂la₂ bá₄ jón₃ quiáng₃ i₂ñí₄ lě₃ 'nióg₃ guě₄ lin₃. 'E₂ bá₄ 'ñio₂ dsi₃ quiain'₅₄.

4

Ca₂caun₃ i₂sě₃dsen₃ táu₂ quió'₅ Jesús

(Marcos 1:12-13; Lucas 4:1-13)

¹ Dsi₂jui₅ jaun₂ ca₂tě₃ Jme₂dsí₂ quián₅ Diú₄ ca₂tě'₃ Jesús caun₂ 'uě₃ quein₂ co₂'ñiog₅ ia₁jaun₂ ja₁jaun₂ cáun₂ táu₂ i₂sě₃dsen₃.

² Tě₂láu₃ jmig₄ tē₂láu₃ nei₅, ca₂jme₃'ín₅₄ Jesús; cang₂ guě₄ jaun₂ ca₂lě₃ i₁cón'₅ 'ñio₅ lin₃.

³ Jaun₂ ca₂jme₃quián₃ i₂sě₃dsen₃ ja₁coin₂, a₂cáun₂ táu₂, jaun₂ ca₂juá'₂ tsí'₅ Jesús:

—Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñí'₄ ni₁cang₁ tio'₅₄ nē₅.

⁴ La₁ ca₂ñag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñí'₄ le₃tan₅₄ dsa₂ mi₂güig₃ le₃chain₂, ján₃ bá₄ 'nió'₅ jme₃tan₅₄ dsa₂ quian'₅₄ ca₂le₃jě₃ jág₁ a₂'uě'₂ mi₂'o₄ Diú₄.”*

⁵ Nó₃ jaun₂, ca₂jiog₃ táng₃ i₂sě₃dsen₃ tē₂ juig₂ Jerusalén ciudad jñió₅, jaun₂ ca₂jiog₃ tē₂ guei'₅₄ guá'₅ templo ja₁ñei₅ 'ñio₅ lin₃. ⁶ Jaun₂ ca₂juá'₂ ca₂tsí'₃ Jesús:

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ja₁nē₅; ia₁ juá'₂ ne₄ Si₂:

Chen₃ Diú₄ ángeles quián₅

ia₁jaun₂ jmo₃ 'í₁;

chó'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ quian'₅₄ cang₄.[†]

⁷ Jaun₂ ca₂ñag₃ Jesús:

—Ján₃ bá₄ juá'₂ ne₄ Si₂: “Tsá₃ tang'₅₄ Te₁gui'₅₄ Diú₄ quiáng'₂.”[‡]

⁸ Con'₂ guě₄ siá'₂ táng₃ ca₂jiog₃ i₂sě₃dsen₃ jui₅ caun₂ má'₂ ja₁ñei₅ 'ñio₅ lin₃. Jaun₂ ca₂'ě₃ le₃jě₃ juig₂ a₂cha₂ mi₂güig₃ quian'₅₄ ca₂le₃jě₃ a₂jlá'₁ cha₂. ⁹ Jaun₂ ca₂tsí'₃ Jesús:

—Dsia₅₄ jniá₂ gog'₂ 'ne₂ ca₂le₃jě₃ a₂nē₅, nē₁jua'₂ ca₂chi₁jne'₄ ne₃ a₂jme₁juag'₂.

¹⁰ Jaun₂ nē₃ ca₂ñag₃ Jesús:

Guan'₂ Satanás, ia₁ ne₄ Si₂ juá'₂: “Jme₁juin'₂ Te₁gui'₅₄ Diú₄ quiáng'₂, jñia'₅₄ lia'₂ ne₄ 'éi₂ bá₄ jme₁ti₁.”§

¹¹ Jaun₂ nē₃ ca₂ñá'₃ i₂sě₃dsen₃, jaun₂ ca₂o₃lén₂ ángeles ca₂jme₃ti₃ ta₁ ne₄ Jesús.

Ca₂jme₃lióg₃ Jesús ta₁ quió'₅, 'uě₃ Galilea

(Marcos 1:14-15; Lucas 4:14-15)

¹² Jme₁ca₂rě₃ñi₅ Jesús a₂'en₅₄ Juan₅₄ né'₃ 'má₃, jaun₂ ñó₃ jui₅ 'uě₃ Galilea. ¹³ Tsá₃ ca₂jñia₃ jě₄ juig₂ Nazaret, ñó₃ bá₄ ca₂i₁'i₅ tē₂ Capernaum, caun₂ juig₂ a₂niog₅ chei'₅₄ jmi₁ñí'₄ 'uě₃ ja₁tén₄ Zabulón quian'₅₄ Neftalí. ¹⁴ Jaun₂ le₂nē₅ ca₂rě₃ti₃ jág₁ a₂ca₂tó'₂ ne₄ si₂ Isaiás i₂jme₁'ě₂ jág₁ o₄quió'₄ Diú₄:

¹⁵ 'Uě₃ ja₁tén₄ Zabulón quian'₅₄ Neftalí

a₂niog₅ le₃quióng₄ Cuá₃ Jordán, chei'₅₄ jmi₁ñí'₄,

'uě₃ Galilea le₃quió'₅ dsi₂nau₂:

¹⁶ dsa₂ i₂jme₁tián'₄ jě₄ qui₁né'₃

ma₂ca₂jág₃ caun₂ si₂ juě'₂;

‡ 3:16 lit. “tióg₂ Juan₅₄ jmig₂.” * 4:4 Deuteronomio 8:3. † 4:6 Salmo 91:11-12. ‡ 4:7 Deuteronomio 6:16.

§ 4:10 Deuteronomio 6:13.

dsa₂ i₂jme₁tián'₄ 'uë₃ ja₁'ei₅ 'én'₁ 'mú₃,
ne₄ quió'₅ ma₂ca₂'ág₂ si₂.*

17 Të₂le₃ ne₄ jui₅ jaun₂ ca₂jme₃lióg₃ Jesús ca₂'ë₂ jág₁, ca₂juá'₂:

—Jein'₅₄ 'nia'₂ 'au'₂, ia₁ ma₂ja₂quián₃ guá'₂ 'éi'₃ quió'₅ Diú₄.

Ca₂të'₃ Jesús quén₂ dsa₂ i₂tsán'₂ ju₄

(Marcos 1:16-20; Lucas 5:1-11)

18 Co₂ráun₂ n₃ Jesús i₁ñi₂ chei'₅₄ jmi₁ñi'₄ Galilea. Ja₁jaun₂, ca₂jíin₂ Si₂mu₅₄ i₂të'₂ dsa₂ Pe₄, quiain'₅₄ dsó₂ riin'₅₄ i₂chen₂ Dré₄. Dsa₂ i₂tsán'₂ ju₄ bá₄ 'éi₂, jaun₂ hora jaun₂ dé₄ n₃ jme₁tioin'₅₄ táun₂ 'má₅ dsi₂jmi₂g₂. 19 Jaun₂ ca₂juá'₂ Jesús:

—'Éin₃ jniá₂, jaun₂ cuë₅₄ ta₁ a₂chi₁liang'₂ dsa₂ mi₂güig₃, jui₁lia'₂ chi₂liáng'₁ ju₄ n₃.

20 Dsi₂jui₅ le₂jaun₂ bá₄ ca₂dsia₃ cau₅ 'má₅ quió'₅, jaun₂ i₃léin₂ quiong'₅₄.

21 Me'₂ guë₄ ne₄ jui₅ ja₁i₃léin₂ jaun₂, ca₂jíin₂ con'₂ guë₄ on₃ dsó₂: Jacobo quian'₅₄ Juan₅₄ riin'₅₄, ja₁ñi'₅₄ Zebedeo. Jme₁tioin'₅₄ 'ñió'₃ tsi₁mu₅ qui₂'méi₅ 'má₅ quió'₅, quiain'₅₄ jmei₂. Jaun₂ ca₂të₃ Jesús, 22 jaun₂ dsi₂jui₅ le₂jaun₂ bá₄ ca₂tí₂ tsi₁mu₅ quió'₅ ca₂téin₂ jmei₂, jaun₂ ca₂i₃léin₂ ca₂jme₃quiain'₅₄ Jesús.

Ca₂jme₃tin₅ Jesús juin₅ lin₃ dsa₂

(Lucas 6:17-19)

23 I₂ñi₅₄ Jesús le₂tan₅₄ 'uë₃ Galilea, qui₂jme₂tin₂₃ dsa₂ dsi₂néi₂ guá'₅ sinagogas lia'₂ caun₂ ja₁qui₂ñi₅. Qui₂'ë₂ jág₁ dse₃ jui₁lia'₂ ja₁gon₂ Diú₄, ján₃ bá₄ qui₂jme₂'lióin₂ dsa₂ ca₂le₃jë₃ ne₅₄ dso₄ 'e₂ niog₅ lin₅ dsa₂. 24 Le₂tan₅₄ 'uë₃ Siria ca₂i₃'ág₃ jág₁ 'a₂ lia'₂ lë₅ jmo₅ Jesús ñi₂₃, jaun₂ ca₂o₃jñia₃ dsa₂ ca₂le₃jín₃ dsa₂ i₂le₁quian₅ ca₂le₃jë₃ ne₅₄ jmi₁uig₅, quian'₅₄ jui₁'ein₂ guë₃ i₂qui₂' uig₅ quió'₅. Ca₂i₁quiain₅₄ ca₂le₃jín₃ dsa₂ i₂tion'₅₄ jme₂dsí₂ je₂na'₅₄, dsa₂ i₂lín₅ dso₄ 'ei₂, quian'₅₄ dsa₂ 'lian'₂ n₃. Ja₁jaun₂ ca₂jme₃'lión₂ Jesús ca₂le₃jín₃ dsa₂ 'éi₂.

25 Juin₅ lin₃ dsa₂ i₂chan₂ Galilea, dsa₂ i₂chan₂ ta₁guia₃ juig₂ ja₁të'₂ dsa₂ Decápolis, quian'₅₄ dsa₂ i₂chan₂ Jerusalén, dsa₂ i₂tián'₅ 'uë₃ Judea quian'₅₄ dsa₂ i₂tián'₅ le₂'ño'₅₄ Cuá₃ Jordán n₃, ca₂jme₃quiong'₅₄ ca₂jme₃quiain'₅₄ Jesús.

5

Jág₁ a₂ca₂cuë₃ Jesús má'₂

(Lucas 6:20-23)

1 Jín₂ Jesús dsa₂ juin₅ 'éi₂, jaun₂ ca₂uig₂ caun₂ dsi₂con'₂ ja₁ñei₅ guë₄, jaun₂ ca₂guá₂. Jaun₂ ca₂ñi'₂ dsa₂ i₂quiain'₅₄ le₃lág'₃ quió'₅. 2 Jaun₂ ca₂jme₃lióg₃ ca₂jme₃tin₂₃ dsa₂, ca₂juá'₂ le₂la₂:

¿'Ein₂ dsa₂ 'éi₂ i₂jmo₅ 'io'₂?

3 —'E₂ guë₄ dsen₃ jui₁lia'₂ dsa₂ i₂rë₂lí'₄ qui₂chi₁quiain₁₂ jmi₂g₄ o₄quió'₄ jme₂dsí₂ quió'₅, ia₁ i₂le₂'éi₂ bá₄ ca₂tín₂ ja₁gon₂ Diú₄.

4 "E₂ guë₄ dsen₃ jui₁lia'₂ dsa₂ i₂ta'₂ 'lia'₂ dsí₅, ia₁ cuë₃ bá₄ Diú₄ lián'₂ dsí₅.

5 "E₂ guë₄ dsen₃ jui₁lia'₂ dsa₂ i₂jmo₅ me'₂, ia₁ gua'₅₄ 'uë₃ bá₄ tin₅₄, cuë₃ Diú₄.

6 "E₂ guë₄ dsen₃ jui₁lia'₂ dsa₂ i₂ñi₄ lë₃ 'ín₅ dsí₅ jmo₃ a₂'ñio₂ dsí₅ Diú₄, ia₁ lë₂ dsí₅ n₃ë₂jag₄ bá₄ a₂i₁cón'₅, a₂rë₂quein₂ dsí₅ n₃; ia₁ 'ág'₄ bá₄ dsí₅, jmo₃ Diú₄.

7 "E₂ guë₄ dsen₃ jui₁lia'₂ dsa₂ i₂ñéi₂ dsí₅ dsa₂ sián'₂, ia₁ dsia₃ bá₄ Diú₄ ñéi₂ dsí₅ guioin₅₄.

8 "E₂ guë₄ dsen₃ jui₁lia'₂ dsa₂ i₂qui₂le₁jë₃ dsí₅, ia₁ jíin₂ bá₄ Diú₄.

9 "E₂ guë₄ dsen₃ jui₁lia'₂ dsa₂ i₂quín'₅ bí₂ 'no'₂ jui₅ 'a₂ lia'₂ 'ag₃ tei₄, ia₁ quiong₃ Diú₄ chi₂-guein₂ quiáin₅.

10 "E₂ guë₄ dsen₃ jui₁lia'₂ dsa₂ i₂qui₂co₂'ein₅ dsa₂ 'uig₅₄ ia₁ a₂jmo₂₃ a₂'ñio₂ dsí₅ Diú₄, ia₁ ja₁gon₂ Diú₄ bá₄ ca₂tín₂.

* 4:16 Isaías 9:1-2.

11 "E₂ gué₄ dse_n'₃ 'nia'₂, jē₁ma₂tē₂ rē₁qui₃jna_u'₂ dsa₂ jág₁, qui₂co₂j_móg'₂, a₂juá'₂ ca₂le₃jě₃ ne₅₄ jág₁ a₂tsá₃ tí₅ ja₁con'₂ 'nia'₂ o₄qui₃o₃ jniá₂; 12 jmo₄ 'nia'₂ 'io'₂, ju_ile₁'ág₄ bá₄ dse₃ 'au'₂, ia₁ gué₁'₁ 'nia'₂ 'liang'₅₄ jó₄ guei'₅₄ i₂juíg₃. Ia₁ le₂nē₅ bá₄ ján₃ qui₂ca₂co₃'ein₃ dsa₂ quió'₅ dsa₂ i₂jme₁'ě₂ jág₁ quián₅ Diú₄, i₂ma₂ca₂rē₃chán₃ le₂jñiá₅ con'₂ gué₄ 'nia'₂.

Jág₁ a₂jáng'₅ léi₄ ju_ilia'₂ tsi_iñi₁ quian'₅₄ si₂ a₂tág₅ jin₄ dsa₂ mi₂güig₃
(Marcos 9:50: Lucas 14:34-35)

13 "Tén'₅ 'nia'₂ ta₁ ne₄ gua'₅₄ 'uě₃ ju_ilia'₂ jmo₅ tsi_iñi₁ jē₄ má₃. La₁ nē₁juá'₂ ma₂ca₂'en₃ ñi'₅₄ tsi_iñi₁, ¿'a₂ bá₄ lia'₂ lé₂ le₃lei₂ táng₃? Tsá₃ ma₃'e₂ ta₁ jmo₃, a₂jñia'₅₄ lia'₂ a₂dsi₃ga'₅₄ bá₄ jaun₂, qui₃tsó'₃ dsa₂.

14 "Ján₃ bá₄ rē₂jñiá'₁ 'nia'₂ co₂'nió'₄ a₂lín'₅ si₂ quió'₅ dsa₂ mi₂güig₃. Ju_ilia'₂ caun₂ juig₂ a₂niog₅ dsi₂con'₂ tsá₃ lé₂ le₃dsi₃'ma₄, 15 ján₃ bá₄ tsá₃ guí'₅ dsa₂ si₂ caun₂ ni₁tsí₅ a₂chi'₃ né'₃ tsi₁gu₅; guei'₅₄ bá₄ chi'₂ dsa₂ ia₁jaun₂ tág'₅ si₂ ja₁con₂ ca₂le₃jín₃ i₂tion'₅₄ dsi₂néi₂. 16 Le₂nē₅ bá₄ 'nia'₂ nē₃, jmo₄ tág₅ si₂ quiáng'₂ jin₄ dsa₂ mi₂güig₃, ia₁jaun₂ tē₅₄ ne₄ dsa₂ a₂dse₃ a₂jmo'₂ 'nia'₂, jaun₂ jme₃juin'₂ Néi'₅ 'nia'₂ i₂guá₅ guei'₅₄ i₂juíg₃.

Jme₂tag₅ Jesús ju_ilia'₂ 'Éi'₃

17 "Tsá₃ o₁len'₂ 'nia'₂ jua'₅₄ a₂guio₃ jniá₂ a₂jñiá'₄ Si₂ 'Éi'₃ quió'₅ Moisés, on₃ gué'₂ jág₁ a₂jme₁jme₂tag₅ dsa₂ i₂jme₁'ě₂ jág₁ quián₅ Diú₄. On₃juá'₅₄ ta₁ jaun₂ guio₃ jniá₂ a₂jñiá'₄, tē₂le₃ a₂jme₁'ñia₅ bá₄ jniá₂ guio₃. 18 Ia₁ a₂dsi₂jó'₃ juá'₅ jniá₂, tē₁lia'₂ niog₅ mi₂güig₃, tē₁lia'₂ jniá₂ dsi₄ guei'₅₄ nē₅, 'i₁caun₂ punto, on₃ gué'₂ 'i₁caun₂ letra pí'₁ quió'₅ Si₂ 'Éi'₃ tsá₃ dsi₃'én₂ ca₂lia'₂ ca₂rē₃ti₃ ca₂le₃jě₃ a₂niog₅ lé₂. 19 'Uig₅₄ jaun₂, ju_ilia'₂ i₂jmo₅ cau₅ caun₂ 'Éi'₃ Juá'₅ ne₄ Si₂ 'Éi'₃, o₁jñia'₅₄ lín₂ caun₂ 'éi'₃ tsá₃ lín₄ quen₅, nē₁juá'₂ le₂jaun₂ jme₁tiin₂₃ dsa₂ rin'₅₄, le₂jaun₂ bá₄ lén₂ dsa₂ 'éi₂ jan₂ dsa₂ i₂tsá₃ lín₄ quen₅ ja₁gon₂ Diú₄. La₁ ju_ilia'₂ dsa₂ i₂nag₅ gau₂, jme₂ti₃, le₂jaun₂ jme₂tiin₂₃ i₂sián'₂ nē₃, le₂jaun₂ bá₄ lén₂ dsa₂ 'éi₂ juin'₂ ja₁gon₂ Diú₄. 20 Ia₁ a₂dsi₂jó'₃ juá'₅ jniá₂ juíg₂ 'nia'₂, nē₁juá'₂ tsá₃ ca₂jmo'₅₄ 'nia'₂ a₂dse₃ gué₄ con'₂ gué₄ tē₅juá'₅ quian'₅₄ dsa₂ fariseos, lia'₂ o₁líg'₂ jmi₃g₄ tsá₃ lé₂ dsi₁no'₃ 'nia'₂ ja₁gon₂ Diú₄.

Jme₂tag₅ Jesús ju_ilia'₂ a₂rē₂'ne₂ dsa₂
(Lucas 12:57-59)

21 'Ma₂ñi'₅₄ bá₄ 'nia'₂ 'a₂ lia'₂ lē₅ ma₂nág₂ dsa₂ can'₅₄ quián'₂ 'nia'₂: "Tsá₃ jñig'₄ dsa₂,* ia₁ nē₁juá'₂ 'ein₂ ca₂jñi'₃ rin'₅₄, tion₅₄ tē₃dsi₅₄ bá₄ 'éi'₃ ja₁coin₂." 22 La₁ jniá₂ juá'₅ juíg₂ 'nia'₂, chi₂juá'₂ 'ein₂ ca₂rē₃'né₃ quian'₅₄ rin'₅₄,† ján₃ bá₄ le₂jaun₂ jióg'₂ 'í₁ ja₁coin₂, tē₃dsi₅₄ 'éi'₃, Ján₃ bá₄ le₂jaun₂ ju_ilia'₂ i₂tē₂'on'₂ rin'₅₄, ne₄ dsi₂tan₅₄ quián₅ guá'₅ bá₄ dsi₁lén₂, la₁ ju_ilia'₂ i₂quian₅ tonto‡ rin'₅₄, go'₂ 'liáin'₃ quióin'₄ dsi₂si₂ ja₁'lig'₅₄.

23 'Uig₅₄ jaun₂ nē₃, nē₁juá'₂ dsi₂can'₅₄ 'e₂ dsi₂can'₅₄ ne₄chei₂, a₂jen'₅₄ ne₄ Diú₄, nē₁ca₂dsáu'₃ 'au'₂ tsá₃ 'ei₅ caun₂ jág₁ quian'₅₄ ríng'₂, 24 ja₁jaun₂ de'₂ dsia₄ a₂jaun₂ cau₅ ne₄chei₂, jaun₂ gué₄ guan'₂ jme₁dsian₅ mi'₅₄ o₂ 'éi₂ caun₂ jág₁ quian'₅₄ ríng'₂. Jaun₂ gué₄ ñe'₅₄ táng₃ i₂dsia₄ a₂cué'₅₄ Diú₄.

25 'Chi₂juá'₂ 'ein₂ 'nio₃ 'nag₃ ne₄ dsi₂tan₅₄, ñi'₅₄ ta₁ 'nio'₂ ju_i 'éi₂ caun₂ jág₁ quian'₅₄ né'₃ a₂jmo₃ le₂jaun₂, ia₁jaun₂ tsá₃ jáng'₂ ne₄ dsi₂tan₅₄ i₂qui₂dsi₅ 'éi'₃; ia₁ dsi₂tan₅₄ nē₃, con'₂ tsá₃ ñó₅ nē₁ca₂jáng'₂ o₄gú₃ chi'₂ 'i'₅₄; i₂'éi₂ gué₄ nē₃ 'liog'₃ né'₃ 'má₃. 26 A₂dsi₂jó'₃ juá'₅ jniá₂, tsá₃ a₁jaun₂ o₃'ing'₂ ja₁jaun₂ ca₂lia'₂ ca₂qui'₅₄ ca₂le₃jě₃ 'a₂ con'₂ mi₅ dsa₂ quiáng'₂.

Jme₂tag₅ Jesús a₂tsá₃ nió'₃ dsa₂ jág₁ quian'₅₄ dsa₂ on₃juá'₅₄ dsi₂i₂gu₂

* 5:21 Éxodo 20:13. † 5:22 A₂lín'₅₄ chog₅₄ si₂juá'₂ ján₃: "on₃juá'₅₄ cha₂'uig₅₄." ‡ 5:22 griego: raza; caun₂ jág₁ tē₂'o'₅₄ arameo co₂'nió'₄ a₂juá'₂: "Tsá₃ 'e₂ tio'₅₄ mi₂dsei'₂."

27 'Ma₂nei'₅₄ bá₄ 'nia'₂ ján₃ 'a₂ lia'₂ lě₅ ma₂juá'₂ dsa₂ le₂jñiá₅: “Tsá₃ nióg'₄ jág₁ quian'₅₄ dsa₂ on₃jua'₅₄ dsi₂i₂gog'₂.” § 28 La₁ jniá₂ guè'₂ juá'₅ juíg₂ 'nia'₂, chi₂jua'₂ 'ein₂ dsi₂jio₅ dsi₅ 'lig'₅₄ qui₂jñin₂ jan₂ dsa₂ mí₂, co₂'nió'₄ ma₂ně₂'nióg₂ dso₄ quiong'₅₄ ju₅ tē₂dsí₅.

29 'Ně₁jua'₂ mi₂ne'₅₄ jmo₅ a₂tang'₂ dso₄, co₂dsia₅ dsi₄, tong₂ uíng₂; ia₁ dse₃ guě₄ a₂dsi₃'én₂ ca₂jne₄ quiáng'₂, con'₂ guě₄ jme₁o₁'ú'₃ ta₁jang'₂ ja₁'lig'₅₄. 30 Ján₃ bá₄ le₂ně₅ ně₁jua'₂ mi₂gog'₂ jmo₅ a₂tang'₂ dso₄, co₂dsia₅ ti₄, tong₂ uíng₂; ia₁ dse₃ guě₄ a₂dsi₃'én₂ ca₂jne₄ ni₁ñi'₁ con'₂ guě₄ jme₁o₁'ú'₃ ta₁jang'₂ ja₁'lig'₅₄.

Jme₂tag₅ Jesús ju₁lia'₂ dso₄ a₂tén₂ dsa₂ dsi₂i₂gu₂
(Mateo 19:9; Marcos 10:11-12; Lucas 16:18)

31 'Ján₃ bá₄ ma₂juá'₂ dsa₂ le₂jñiá₅: “Chi₂jua'₂ 'ein₂ ca₂tén₂ dsa₂ mí₂ quián₅, ca₂tín₂ cho₃ caun₂ si₂ a₂jang'₅ léi₄ a₂ma₂ca₂tén₂ dsón'₂ riin'₅₄.”* 32 La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂tén₂ dsa₂ mí₂ quián₅, on₃jua'₅₄ cha₂ 'uig'₅₄, jua'₅₄ a₂ma₂nió'₅ jág₁ quian'₅₄ i₂sián'₂, jmo₂₃ a₂'no₃ 'io₅₄ quián₅ dso₄. Ján₃ bá₄ le₂jaun₂ ju₁lia'₂ dsa₂ ñe'₂ i₂cán₂ 'io₅₄ i₂ma₂téi₂ dsa₂, ján₃ bá₄ le₂jaun₂ 'no₂₃ dso₄.

Jme₂tag₅ Jesús ju₁lia'₂ jág₁ a₂'in₅ dsa₂ Diú₄

33 'Ma₂nei'₂ bá₄ 'nia'₂ ján₃, 'a₂ lia'₂ lě₅ ca₂nág₂ dsa₂ can'₅₄ ma₂líg'₂: “Tsá₃ jmó'₂ jua'₅₄ a₂tsá₃ jme₁ti'₄ jág₁ quiáng'₂ a₂ma₂cuè'₅₄ a₂'íng'₅ Te₁gui'₅₄.” 34 La₁ jniá₂ juá'₅ juíg₂ 'nia'₂ tsá₃ 'e₂ 'uig'₅₄ cha₂ jua'₅₄ a₂'íng'₄ Diú₄; tsá₃ 'é'₁ guei'₅₄ i₂juíg₃, ia₁ ne₄ta₁ quió'₅ Diú₄ bá₄ jaun₂; 35 on₃ guè'₂ 'é'₁ gua'₅₄ 'uě₃, ia₁ co₂'nió'₄ ja₁tióng₂ tag₄ bá₄ Diú₄; on₃ guè'₂ 'nió'₅ 'é'₁ 'nia'₂ Jerusalén, ia₁ juíg₂ quió'₅ Rag₅₄ Juin'₂ bá₄ jaun₂. 36 Tsá₃ lě₁'ě₂ 'nia'₂ mi₂dsei'₂ guiong'₅₄ ně₃, ia₁ 'i₁ca₂mi'₂ ni₁jñi₂ dsei'₂ 'nia'₂ tsá₃ lě₂ le₃jmó'₂ tiog₂, on₃ guě₄ a₂lia'₂ ně₃. 37 Jua'₅₄ bá₄ 'nia'₂ quian'₅₄ ca₂jon₄ jág₁, “ján₅”, o₃ “jan₂ón₄” 'e₂, ia₁ ně₁jua'₂ 'ein₂ ca₂juá'₂ ñag₅₄ guě₄ con'₂ lě₅ ně₅, já₅ ja₁con₂ i₂sě₃dsen₃ bá₄ jaun₂.

Jme₂tag₅ Jesús jág₁ ju₁lia'₂ a₂con₂ dsa₂ 'ma'₅₄ ja₁con₂ riin'₅₄
(Lucas 6:29-30)

38 'Ma₂nei'₂ bá₄ 'nia'₂ a₂ma₂juá'₂ dsa₂ le₂jñiá₅: “Ně₁jua'₂ 'ein₂ ca₂'én₂ ca₂míg₂ mi₂ne₄ rin'₅₄, le₂jaun₂ bá₄ lě₂ 'éi'₃ dsi₃'én₂ ca₂míg₂ mi₂ne₄ ju₁lia'₂ i₂ca₂jmo₃ ján₃; o₃ ně₁jua'₂ 'ein₂ ca₂tia'₃ ca₂míg₂ mi₂jan₄ rin'₅₄ ně₃, le₂jaun₂ bá₄ lě₂ táng₃ 'éi'₃, tiá'₃ ca₂míg₂ quió'₅.”† 39 La₁ jniá₂ guè'₂ juá'₅ juíg₂ 'nia'₂, tsá₃ lě₁nau₂ 'nia'₂ queng'₂ quian'₅₄ dsa₂ 'lin'₅₄. Ně₁jua'₂ 'ein₂ ca₂quein₃ rě₂jog'₂, jein'₅₄ tē₂le₃ ca₂ton₂, ju₁quein₂₃ ta₁tñ₃ ton₂. 40 Chi₂jua'₂ 'ein₂ 'nag₅ quiáng'₂, a₂'nio₃ jñiá'₂ ni₁tsín'₂, le₂jio₅ tsi₁'mi'₂ dsio₂ qui₅₄ cuè'₅₄ ju₁quion₂. 41 Ně₁jua'₂ 'ein₂ ca₂chi₃quióng₂ jmig₄ a₂caun'₅₄ lio₅₄ caun₂ kilómetro, o₂con₄ tñ₃ kilómetros. 42 Ju₁'ein₂ guě₃ mi₅ 'e₂ mi₅ quiáng'₂ a₂dsi₂, cuè'₅₄; 'a₃ lě₁jein'₅₄ le₃mi₂ca'₅₄ quió'₅.

Jme₁'nió₄ bá₄ 'nia'₂ ju₁lia'₂ dsa₂ i₂'iog₅₄ quián'₂ 'nia'₂
(Lucas 6:27-28, 32–36)

43 'Ján₃ bá₄ ma₂nei'₂ 'nia'₂ a₂ma₂juá'₂ dsa₂ le₂jñiá₅: “Jme₁'nió₄ a₂mei₅₄ quiáng'₂, jme₁'ñia₅₄ ju₁lia'₂ dsa₂ i₂'iog₅₄.” 44 La₁ jniá₂ guè'₂ juá'₅ juíg₂ 'nia'₂: Jme₁'nió₄ bá₄ 'nia'₂ ju₁lia'₂ dsa₂ i₂'iog₅₄, mi₄ ne₄ Diú₄ o₄quió'₄ ju₁lia'₂ dsa₂ i₂co₂'ein₅.‡ 45 Jaun₂ le₂ně₅ bá₄ a₂rě₂jñiá'₁ 'nia'₂ a₂lín₅ chi₂-guein₂ quián₅ Néi'₅ i₂guá₅ guei'₅₄ i₂juíg₃; ia₁ 'éi₂ bá₄ cuě₅ 'iog₂ cuě'₅ lia'₂ dsa₂ 'lin'₅₄ lia'₂ dsa₂ dsen₃; ján₃ bá₄ chein₁₂ jmí₅ cuě'₅ lia'₂ dsa₂ i₂cuín₅ Diú₄ lia'₂ dsa₂ i₂tsá₃ Diú₄ cuín₅ ně₃. 46 Ia₁ ně₁jua'₂ 'nió'₃ 'nia'₂ jmá'₃ lia'₂ dsa₂ i₂'nio₃ 'nia'₂, ¿'e₂ 'lian'₅₄ 'nia'₂ guéi'₁ le₂jaun₂? Le₂jio₅ dsa₂ i₂cán₂ 'lia'₅₄ quián₅ dsi₂tan₅₄ tñ₂ le₂jaun₂. 47 Chi₂jua'₂ cuín₅ 'nia'₂ Diú₄ jmá'₃ lia'₂ dsa₂ ríng'₂, ¿'e₂ a₂ñag₅₄ guě₄ a₂dse₃ jmo₂ 'nia'₂ ně₁jua'₂ le₂jaun₂? Ia₁ le₂ně₅

§ 5:27 Éxodo 20:14. * 5:31 Deuteronomio 24:1. † 5:38 Éxodo 21:24; Levítico 24:20; Deuteronomio 19:21. ‡ 5:44 A₂lín₅₄ chog₅₄ si₂juá'₂: “Jua'₅₄ a₂dse₃ ja₁con₂ ju₁lia'₂ dsa₂ i₂juá'₂ uig₅, jmo₄ a₂dse₃ ja₁con₂ ju₁lia'₂ dsa₂ i₂'iog₅₄.”

bá₄ jmo₅ dsa₂ i₂tsá₃ Diú₄ cuin₅ ján₃. ⁴⁸ Ju₁dsi₂can₅₄ bá₄ 'nia'₂ a₂dsi₁nóg₅ léng₂ dsa₂ dsen₃ ju₁lia₂ dsen₃ Néi₅ 'nia'₂ i₂guá₅ guei₅₄ i₂juíg₃.

6

Jme₂tag₅ Jesús jág₁ ju₁lia'₂ a₂jmo₅ dsa₂ dse₃

¹ Jmo₄ 'nia'₂ 'í₁ tsá₃ lë₁jmo₂ 'nia'₂ a₂líng₅ dsa₂ dsen₃ njia₅₄ lia₂ jmá'₃ jë₄ jág₃ dsa₂. Në₁jua₂ le₂në₅ jmo₂ 'nia'₂, Néi₅ 'nia'₂ i₂guá₅ guei₅₄ i₂juíg₃ tsá₃ 'e₂ 'lian'₅₄ 'nia'₂ cuë₃ 'i₁caun₂.

² "Uig₅₄ jaun₂, jë₁ma₂të₂ rë₁jme₁'on₁ 'nia'₂ 'ein₂ jme₁'ong₁ ju₁lia₂ i₂'nió'₅ quió'₅, tsá₃ jmó'₂ jua₅₄ uíng₂ ma₂dsi₂'ag₅ jág₁ ju₁lia₂ jmo₅ dsa₂ i₂lë₁jmo₅ o₁ne₁ dsi₂néi₂ guá'₅ sinagogas ju₁lia₂ jë₄ calles në₃. Jmo₂₃ le₂jaun₂ a₂chein₂ dse₃ guioin₅₄ ia₁jaun₂ 'ag₃ dsa₂ dse₃; la₁ia₁ a₂të₃dsón₂ juá'₅ jniá₂ i₂ma₂gue₃ 'lian'₅₄ bá₄ i₂le₂'éi₂. ³ La₁ 'ne₂ në₃, jë₁ma₂të₂ rë₁jme₁'ong₁ ju₁lia₂ 'ein₂ jme₁'ong₁, jmo₄ ca₂lia₂ njia₅₄ a₂mei₅₄ dsen₃ quiáng₂ tsá₃ nj₅. ⁴ Ja₂lin₃ guë₄ dse₃ jmó'₂ jë₄ të₃co₅₄. Jaun₂ Néi₅ i₂jág₅ a₂dse₃ jmo₂ jë₄ të₃co₅₄ jaun₂, cuë₃ 'liang'₅₄.*

Jme₂tag₅ Jesús 'a₂ lia'₂ chi₃lén'₂ dsa₂ Diú₄ (Lucas 11:2-4)

⁵ Jë₁ma₂të₂ rë₁chi₁lén₄ 'nia'₂ Diú₄, tsá₃ lë₁jmo₂ 'nia'₂ ju₁lia₂ jmo₅ dsa₂ i₂lë₁jmo₅-dsá₅ o₁ne₁, a₂të₅ dsí₅ chi₂lén₂ Diú₄ të₃ tióin₂ dsi₂néi₂ guá'₅ sinagogas jë₄ calles në₃, ia₁jaun₂ jág₃ dsa₂. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ i₂le₂'éi₂. ⁶ La₁ jë₁ma₂të₂ rë₁mí₁ 'ne₂ ne₄ Diú₄, jne₅₄ dsi₂néi₂ quiáng₂. Ja₁jaun₂ chi₁lén₄ 'ne₂ Diú₄ Néi₅ i₂tsá₃ jniá₂. Jaun₂ në₃ Néi₅ i₂nj₅ 'e₂ a₂jmo₂ jë₄ të₃co₅₄, cuë₃ 'liang'₅₄.

⁷ Jë₁ma₂të₂ rë₁juig₅₄ Diú₄, tsá₃ jmó'₂ 'nia'₂ jua₅₄ a₂lë₂të₁'í₁ jág₁ a₂tsá₃ ta₁ tí₄, ju₁lia₂ jmo₅ dsi₂nau₂ i₂tsá₃ 'én₂, ia₁ lín₂ nag₃ Diú₄ të₂le₃ ia₁ a₂líong₂ jág₁ juá'₂. ⁸ Tsá₃ lë₁o₁lén₅₄ 'nia'₂ ju₁lia₂ lín₅ dsa₂ le₂'éi₂. Ia₁ i₂ma₂nj₅ bá₄ Néi₅ 'nia'₂ 'e₂ a₂'nió'₅ quián₂ 'nia'₂ né₃ guë₄ a₂mí₁. ⁹ Jaun₂ në₃, le₂la₂ bá₄ juig₅₄ 'nia'₂ Diú₄:

Tia₅₄ quián₂ jniog₄, 'ne₂ i₂nj₅' guei₅₄ i₂juíg₃,
ju₁jme₂go₃ bá₄ dsa₂ a₂rë₂njó₄ a₂cheng₂.

¹⁰ Ju₁le₅₄ bá₄ 'éi'₃ quiáng₂,
ju₁le₅₄ bá₄ a₂'nj₅o₂ 'au'₂ 'ne₂ ne₄ gua₅₄ 'uë₃,
ju₁lia₂ lë₅ guei₅₄ i₂juíg₃.

¹¹ Cuë₄ a₂'nió'₅ que₅₄ jnia₅₄ jmig₄ në₃.

¹² 'Én₃ dso₄ quián₂ jnia₅₄,
ju₁lia₂ 'én₅ jnia₅₄ dsá₅ rin₅₄.

¹³ 'A₃ cuë₂ jmig₄ jiá₃ ju₁bí₂ a₂caun₂ táu₂,
të₂le₃ lió₄ bá₄ o₄gú₃ i₂së₃dsen₃.†

¹⁴ 'Ia₁ në₁jua₂ 'én₅ 'nia'₂ dsá₅ ríng₂ jë₁ma₂'náu₂ dso₄ ja₁cong₂, ján₃ bá₄ le₂jaun₂ Néi₅ 'nia'₂ i₂guá₅ guei₅₄ i₂juíg₃ 'éin₂ dsá₅ 'nia'₂ guiong₅₄. ¹⁵ La₁ në₁jua₂ tsá₃ 'éng₅ dsá₅ ríng₂, ján₃ bá₄ le₂jaun₂ tsá₃ 'én₂ Néi₅ dsá₅ 'nia'₂.

Jme₂tag₅ Jesús jág₁ ju₁lia'₂ a₂jme₂'in₅₄ dsa₂

¹⁶ Jë₁ma₂të₂ rë₁jme₁'in₄ 'nia'₂, tsá₃ jme₁tsín₄ 'nia'₂ o₄-ne₅₄ jua₅₄ a₂jmó'₂ lë₁'ág₄ 'lia'₂ 'au'₂ ju₁lia₂ jmo₅ dsa₂ i₂lë₁jmo₅-dsá₅ o₁ne₁. Jmo₅ dsa₂ le₂'éi₂ le₂jaun₂ ia₁jaun₂ jág₃ dsa₂ a₂dsón₂ bá₄ jme₂'in₅₄. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ 'éi₂. ¹⁷ La₁ 'ne₂ në₃, jë₁ma₂të₂ rë₁jme₁'ing₄, sio₅ rë₂ dsei₂, rang₂ ne₅₄ në₃, ¹⁸ ia₁jaun₂ tsá₃ 'ein₂ le₃lí₄ a₂jme₂'ing₄. Jnia₅₄ lia₂ Néi₅ i₂tsá₃ jniá₂ bá₄ nj₅. Jaun₂ Néi₅ i₂jág₅ ca₂le₃jë₃ a₂jmo₂ jë₄ të₃co₅₄ jaun₂, 'éi₂ bá₄ cuë₃ 'liang'₅₄.

* **6:4** Juá'₂ a₂lin₅₄ chog₅₄ si₂ le₂la₂ ján₃; "të₃ jin₄ juin₅ dsa₂." † **6:13** A₂lin₅₄ chog₅₄ si₂ juá'₂; "lió₄ bá₄ jnia₅₄ ne₄ a₂'lig₅₄." a₂siá'₂ juá'₂ bá₄ ján₃; "ia₁ 'ne₂ bá₄ ca₂tíng₂ gong₂, qui₁dsi₂'éi₃, a₂jme₃juag₂ dsa₂ në₃, co₂tan₅₄."

Ju₁lia₂ a₂quen₅ lin₃ a₂rē₂'ma₄ guei'₅₄ i₂juíg₃
(Lucas 12:33-34)

¹⁹ 'Tsá₃ lē₁dsia₂ 'nia'₂ lo'₂ le₁má'₂ a₂jmo'₂ 'nia'₂ a₂quen₅ lin₃ quiáng'₂ ne₄ gua'₅₄ 'uē₃ la₂, ia₁ ja₁lá₃ ja₁lē₁qui₂rē₂jui₁ tón'₅ i₁cá₁ qui₂'éin₂, ján₃ bá₄ ja₁lá₃ ja₁qui₂dsi₂'én₂ qui₂rē₃'áu₁ cosas ně₃; ja₁lá₃ bá₄ chan₂ dsa₂ qui₂jui₂₃ 'e₂ qui₂jui₂₃ a₂tóin'₅ 'ang₂₃. ²⁰ Guei'₅₄ i₂juíg₃ bá₄ 'nió'₅ dsiá'₁ 'nia'₂ lo'₂ quiáng'₂, ja₁tsá₃ 'e₂ lé₂ jua'₅₄ a₂qui₃'én₂ cá₁, on₃ guē'₂ 'e₂ rē₂'áu₁, on₃ guē₄ lé₂ dsi₃ton'₅₄ 'ang₂. ²¹ Ia₁ ju₁lia₂ 'jē₁tio'₅₄ a₂quen₅ quiáng'₂, ja₁jaun₂ bá₄ 'i₄ a₂'i₅ 'au'₂.

Ju₁lia₂ jme₁ne₁ dsa₂
(Lucas 11:34-36)

²² 'Lě₅ jme₁ne₁ dsa₂ ju₁lia₂ 'lě₅ caun₂ si₂ ni₁tsí₅ quió'₅ ni₁ñi₁ dsa₂; 'uig₅₄ jaun₂ ně₃, ně₁jua'₂ dse₃ jme₁ne'₁, ján₃ bá₄ le₂jaun₂ co₂'nió'₄ tág₅ bá₄ si₂ ta₁jang'₂; ²³ la₁ ně₁jua'₂ tsá₃ dse₃ jme₁ne'₁, ta₁jang'₂ bá₄ lě₅ qui₁né'₃. Ně₁jua'₂ si₂ quiáng'₂ ně₃, chí'₅ chi₁liá'₃, 'i₂e₂ guē₄ 'ñio₅ juē'₂ lě₅ qui₁né'₃, ně₁jua'₂ le₂jaun₂!

Ju₁lia₂ a₂'nio₃ dsa₂ Diú₄, a₂'ín₅ guē'₂ dsí₅ cu₄ ně₃
(Lucas 16:13)

²⁴ "I₁jan₂ tsá₃ 'ein₂ lé₂ jme₃ti₃ ta₁ ne₄ on₃ juig₅₄; ia₁ jme₃'ñiai₅₄ jan₂, i₂jan₂ guē'₂ jme₃'nioi₃. O₃ náu₃ tiá₂ quian'₅₄ jan₂, i₂jan₂ guē'₂ tsá₃ le₃jein₅₄. Tsá₃ 'ein₂ lé₂ jme₃ti₃ ne₄ Diú₄, le₂jiog₅ ne₄ a₂'ín₅ dsí₅ cu₄ ně₃.

Jmo₅ Diú₄ 'í₁ chí'₂-guein₂ quiáin₅
(Lucas 12:22-31)

²⁵ 'Jaun₂ ně₃ juíg₂ jniá₂ 'nia'₂: Tsá₃ lē₁can₂ 'nia'₂ o₂i₁ dsi₅ jua'₅₄ a₂ñí₄ 'i₅ 'au'₂ 'e₂ quē'₅₄, o₃ 'e₂ 'ag'₅₄ tē₁lia₂ 'chang'₂, on₃ guē'₂ o₄quió'₄ ni₁ñi'₁ 'nia'₂, 'e₂ 'mi'₂ a₂qui'₅₄. ¿Tsa₁ quen₅ guē₄ jme₂dsi₂ a₂chan₂ dsa₂ lia₂ 'con'₂ guē₄ má₃? ²⁶ Jin₄ de'₂ 'nia'₂ ju₁lia₂ 'i₁tan₅ i₂nio₄ guei'₅₄: tsá₃ 'e₂ jne₂₃, on₃ guē'₂ 'e₂ cág'₅, jua'₅₄ a₂dsia₂₃ lo'₂; la₁ Néi'₅ 'nia'₂ i₂guá₅ guei'₅₄ i₂juíg₃ qui₂jme₂tau₅₄. Jaun₂ ně₃, ¿Tsa₁ quen₅ guē₄ 'nia'₂ lia₂ 'con'₂ guē₄ já₂ 'éi₂? ²⁷ ¿'Ein₂ 'nia'₂, tē₂le₃ ia₁ a₂ñí₄ 'i₅ 'au'₂, lé₂ le₃jmo'₂ 'nia'₂ a₂lé₂ le₃chang'₂ caun₂ hora ñag₅₄ guē₄?‡

²⁸ ¿'E₂ 'uig₅₄ a₂ñí₄ lē₃ 'i₅ 'au'₂ 'nia'₂ ju₁lia₂ 'o₄quió'₄ 'mi'₂ a₂qui'₅₄? Jag₄ de'₂ 'nia'₂ ju₁lia₂ 'a₂ lia₂ 'dsi₂cón₃ lí₁ a₂cha₂ ja₁nau₂; on₃ jua'₅₄ i₂jmo₅ ta₁ 'ua'₂, on₃ guē'₂ 'me₂₃; ²⁹ la₁ juíg₂ jniá₂ 'nia'₂, ca₂lia₂ 'ñia'₅₄ Rag₅₄ Salomón lia₂ 'con'₂ jme₁quí₅ tsin'₅₄ a₂jlá'₁ guē₄, tsá₃ ca₂rē₃jláin'₁ ju₁lia₂ 'jlá'₁ lí₁. ³⁰ Jaun₂ ně₃, chí₂jua'₂ Diú₄ le₂ně₅ jmo₂₃ 'jlá'₁ nau₂ a₂cha₂ jmi₄ ně₃, la₁ 'ióg₃ guē'₂ dsi₃'én₂ dsi₂si₂, 'i₂ē₂ guē₄ bá₄ 'nia'₂ dsa₂ tsá₃ lin₄ 'én₂ jmo₃ 'í₁ qui₃chein'₃ 'nia'₂ dse₃! ³¹ Jaun₂ le₂ně₅, tsá₃ lē₁can₂ 'nia'₂ o₂i₁ dsi₅, jua'₅₄ a₂qui₁ñag'₅₄ 'nia'₂: “¿'E₂ que₅₄ jniog₄?” o₃ “¿'E₂ 'ne'₅₄ jniog₄?” o₃ “¿'E₂ 'mi'₂ qui'₅₄ jniog₄?” ³² Ia₁ dsa₂ mi₂güí₃ bá₄ i₂nio₄ qui₂'en₅ 'ín₅ dsí₅ ca₂le₃jě₃ a₂ně₅. I₂ñi₅ bá₄ Néi'₅ 'nia'₂ i₂guá₅ guei'₅₄, a₂'nió'₅ quián'₂ 'nia'₂ le₃jě₃ a₂ně₅. ³³ La₁ jmo₄ de'₂ jniá₅ 'nia'₂ 'ín₅ 'au'₂ a₂jiá₃ 'éi'₃ quió'₅ Diú₄ ja₁cong'₂, quian'₅₄ a₂jmo'₂ 'nia'₂ ca₂le₃jě₃ a₂dse₃ a₂tē₅ dsí₅ 'éi₂, jaun₂ guē₄ guéi'₁ 'nia'₂ le₃jě₃ a₂ně₅ a₂ñag₅₄ guē₄. ³⁴ Tsá₃ lē₁can₂ 'nia'₂ o₂i₁ dsi₅ jaun₂, o₄quió'₄ jmi₄ 'ióg₃, ia₁ jma₃quén₅ o₂i₁ dsi₅ cha₂ bá₄ lia₂ 'co₂jmi₄ lia₂ 'co₂jmi₄.

7

Tsá₃ lē₁caun₂ 'nia'₂ 'í₁ quió'₅ i₂sián'₂
(Lucas 6:37-38, 41—42)

¹ 'Tsá₃ lē₁caun₂ 'nia'₂ 'í₁ quió'₅ ríng'₂, ia₁ jaun₂ tsá₃ con₂ Diú₄ 'í₁ ja₁con'₂ 'nia'₂ guiong'₅₄. ² Ia₁ le₂ně₅ bá₄ con₂ Diú₄ 'í₁ ja₁con'₂ 'nia'₂ guiong'₅₄ ju₁lia₂ 'caun₂ 'nia'₂ 'í₁ ja₁con₂ ríng'₂. Quian'₅₄ 'éi'₃ a₂dsia₂ 'nia'₂, 'éi'₃ jaun₂ bá₄ dsiog₃ Diú₄ quián'₂ 'nia'₂ guiong'₅₄.

‡ 6:27 A₂lin₅₄ chog₅₄ si₂ juá'₂: “a₂lé₂ le₃con'₅₄ 'nia'₂ caun₂ lē₂.”

3 'ĉ'A₂ lia'₂ jniag'₃ 'ne₂ jag'₅₄ jme₁qui₅ pí'₁ a₂i₄ jme₁ne₁ ríng'₂, ton'₂ tsá₃ leng'₅₄ guë'₂ a₂i₄ ca₂'nau₅₄ ni₁chá₅ pa₁ jme₁ne'₁ 'ñiag'₂? 4 ĉO₃ 'a₂ lia'₂ lé₂ le₃juig'₅₄ ríng'₂: “Cuë₄ jmig₄ dsi₄ jniá₂ jme₁qui₅ pí'₁ a₂i₄ jme₁ne'₁,” ton'₂ nē₅ bá₄ chi₁'i₁ ca₂'nau₅₄ ni₁'ma₂ chá₅ jme₁ne'₁ 'ñiag'₂? 5 i'Ne₂ dsa₂ i₂lë₁jmo₅ o₁ne₁! Dsi₄ de'₂ jniá₅ ni₁'ma₂ chá₅ mi₂ne'₅₄ 'ñiag'₂, jaun₂ guë₄ lé₂ le₃jag'₅₄ rë₂, jaun₂ guë₄ lé₂ dsí'₁ qui₅ pí'₁ jme₁ne₁ ríng'₂.

6 'Tsá₃ cuë'₂ 'nia'₂ jui₁lia'₂ dsi₂jí'₅₄ a₂lë₅ a₂jñió₅ quió'₅ jme₂dsí₂, ia₁ con'₂ tsá₃ ñó₅ nē₁jua'₂ ja₂dsí₂ a₂jmo₃ le₁juig₁ quiáng'₂. Ján₃ bá₄ tsá₃ dsia₂ 'nia'₂ jui₁lia'₂ míg₂ jlá'₁ a₂quen₅ quiáng'₂ ne₄ i₁ñí₅, con'₂ tsá₃ ñó₅ nē₁jua'₂ qui₂ca₂tsó'₃, jme₃'ióg₃.

Jui₁lia'₂ dsa₂ i₂mi₅, i₂'no'₂, i₂të₂ nē₃.
(Lucas 11:9-13; 6:31)

7 'Mi₄ 'nia'₂ ne₄ Diú₄, jaun₂ guéi'₁ 'nia'₂; 'nio'₂ 'nia'₂, jaun₂ bá₄ dsiang'₂; té₃ 'nia'₂ o₄né₄, jaun₂ bá₄ niá₂. 8 Ia₁ jui₁lia'₂ i₂mi₅, gue₃ bá₄; jui₁lia'₂ i₂'no'₂, dsio'₂ bá₄ ján₃; ján₃ bá₄ le₂jaun₂, quió'₅ jui₁lia'₂ i₂të₂ o₄né₄, niá₂ bá₄.

9 'ĉO₃ chan₂ jui₁lia'₂ 'ein₂ 'nia'₂, jme₁mi₅ chi'₂ quiáng'₂ i₁ñí'₄, cuë'₂ 'nia'₂ ca₂míg₂ ni₁cang₁? 10 ĉO₃ chan₂ 'nia'₂ jë₁ma₂ca₂mi₃ chi'₂ quiáng'₂ quió'₅ ju₄, cuín'₄ 'nia'₂ dsi₂mi₂? 11 Jaun₂ nē₃, chi₂jua'₂ 'nia'₂ dsa₂ i₂rë₂cán'₄ dso₄ ting'₂ cuë'₂ cosa dse₃ chi'₂-guein₂ quiáng'₂, i'₂ guë₄ bá₄ Nēi'₅ 'nia'₂ i₂guá₅ guei'₅₄ cuë₃ a₂dse₃ cuë'₃ jui₁lia'₂ i₂mi₅ ja₁coin₂!

12 "Uig₅₄ jaun₂ nē₃, jmo₄ bá₄ 'nia'₂ quian'₅₄ dsa₂ mi₂güig₃ ríng'₂ jui₁lia'₂ 'e₂ a₂'niog'₂ 'nia'₂ jmo₃ 'éi₂ quian'₅₄ 'nia'₂; ia₁ a₂nē₅ bá₄ ta₁ qui'₅ ca₂le₃jë₃ Si₂ 'Éi'₃, quian'₅₄ guë₄ Si₂ a₂qui₂ca₂jmo₃ dsa₂ i₂jme₁'ë₂ jág₁ quián₅ Diú₄.

O₄jui₅ dsag₂
(Lucas 13:24)

13 'Tión'₂ 'nia'₂ të₂le₃ o₄jui₅ dsag₂. Ia₁ a₂i₂ juë'₂ bá₄ ja₁dsi₂ton'₅₄ dsa₂ jui₅ a₂jio₅ ja₁dsi₃'éin₂. Ja₂lin₃ guë₄ juin₅ dsa₂ i₂dsi₂ton'₅₄ jui₅ jaun₂; 14 ia₁ caun₂ o₄jui₅ dsag₂ rë₂quí'₅ bá₄ ja₁i₂nio₄ dsa₂ a₂dsi₁lein₅ ja₁le₃chan₂ jme₂dsí₂, jaun₂ tsá₃ lin₄ juin₅ i₂dso'₂ jui₅ jaun₂.

Të₂le₃ quian'₅₄ míg₂ a₂'ag₅ bá₄ ni₁'ma₂, jáng'₅ léi₄
(Lucas 6:43-44)

15 'Jmo₄ 'nia'₂ 'í₁ jaun₂ tsá₃ jme₃gau₅ dsa₂ i₂i₂nio₄ 'ë₂ jág₁ a₂jui₁gain₂, i₂ja₂lén₂ ja₁con'₂ 'nia'₂ qui₂rë₂lin₅₄ a₂lín₅ já'₂ cha'₂, la₁ të₂le₃ né'₃ të₂dsí₅ lín₅ jui₁lia'₂ lín₅ dsi₂jí'₅₄ ná₂ tsau₂ dsí₅. 16 La₁ të₂le₃ 'a₂ lia'₂ jmo₅-dsá₅ bá₄ le₃cuín'₂ 'nia'₂; ia₁ tsá₃ guei'₅₄ chi₁uíng₃ taun₅ quín₅ dsa₂ jui₁lia'₂ míg₂ uvas. On₃ guë'₂ lé₂ le₃quín₃ dsa₂ míg₂ higos guei'₅₄ 'ma₂ taun₅ jmí'₅₄. 17 Jaun₂ nē₃, ca₂le₃jë₃ 'ma₂ dse₃, míg₂ dse₃ bá₄ 'ag₅; ján₃ bá₄ le₂jaun₂ jui₁lia'₂ ni₁'ma₂ 'lig'₅₄, míg₂ 'lig'₅₄ bá₄ 'ag₅. 18 Jui₁lia'₂ ni₁'ma₂ dse₃, tsá₃ lé₂ le₃'ag₃ míg₂ 'lig'₅₄; ján₃ guë'₂ le₂jaun₂ tsá₃ lé₂ le₃'ag₃ míg₂ dse₃ jui₁lia'₂ ni₁'ma₂ 'lig'₅₄. 19 Ca₂le₃jë₃ ni₁'ma₂ a₂tsá₃ 'ag₅ míg₂ dse₃, jñia'₅₄ lia'₂ a₂uín'₂ bá₄, dsi'₂ dsi₂si₂. 20 Jaun₂ le₂nē₅ bá₄ le₃cuín'₂ 'nia'₂; të₂le₃ 'a₂ lia'₂ lë₅ jmo₂₃.

Tsá₃ ca₂le₃jín₃ tñ'₄ ja₁gon₂ Diú₄.
(Lucas 13:25-27)

21 'Tsá₃ ca₂le₃jín₃ i₂të₂ jniá₂: “Te₁gui'₅₄, Te₁gui'₅₄,” dsi₁lein₅ guei'₅₄ i₂juig₃ ja₁gon₂ Diú₄; jñia'₅₄ lia'₂ jmá'₃ i₂jmo₅ a₂'ñio₂ dsí₅ Ne'₃ i₂guá₅ guei'₅₄ bá₄ dsi₁len₅. 22 Juin₅ dsa₂ lé₂ jmig₄ jaun₂ i₂juá'₂ tság₃ jniá₂: “Te₁gui'₅₄, Te₁gui'₅₄, ma₂qui₂ca₂'ë₄ jnia'₅₄ jág₁ o₄quián'₂ 'ne₂. Quian'₅₄ bí₂ 'éi'₃ quiáng'₂ nē₃, ma₂qui₂ma₂'uín'₅₄ jnia'₅₄ je₂na'₅₄, ma₂qui₂ma₂jmo₁ jnia'₅₄ 'líong₂ léi₄ juë'₂ nē₃.” 23 La₁ jaun₂ guë₄ nē₃ juig₅₄ jniá₂: “O₁líg'₂ tsá₃ 'nia'₂ ca₂rë₃cuíng₅. Cau₅ jñia'₃ 'nia'₂ i₂jmo₂ a₂'lig'₅₄.”

Ta₁tñ₃ ne₅₄ 'uig₅₄
(Marcos 1:22; Lucas 6:47-49)

24 'Jaun₂ ně₃, ca₂le₃jín₃ jui₁lia'₂ dsa₂ i₂nag₅ jág₁ quió₃, jmo₂₃ a₂juíg₂ jniá₂, lín₅ jui₁lia'₂ lín₅ jan₂ dsa₂ i₂ñí'₂ dsí₅ i₂ca₂jmóg'₃ 'ne₄ ne₄ 'lau₂. 25 Ca₂já₃ jmí₅, qui₂ca₂juë'₂ jmig₂ cuá₃, ca₂'ág₂ dsí₂ tiá₂ lín₃ ca₂jnú₃ 'né₅ jaun₂; la₁ tsá₃ ca₂qui'₃, ia₁ jme₁chí'₄ bá₄ 'uig₅₄ ne₄ 'lau₂. 26 La₁ ca₂le₃jín₃ jui₁lia'₂ dsa₂ i₂nag₅ jág₁ quió₃, tsá₃ jmo₂₃ guë'₂ a₂juíg₂ jniá₂, lín₅ jui₁lia'₂ lín₅ jan₂ dsa₂ co₄ i₂tsá₃ 'en₅₄ dsí₅, ca₂chi'₃ 'né₅ quió'₅ ne₄ ti₁tsag₁. 27 Jme₁ca₂já₃ jmí₅, ca₂juë'₂ jmig₂ cuá₃, ca₂'ág₂ dsí₂ tiá₂ ca₂jnú₃ dso'₂ tsí₁'né₅ jaun₂; jaun₂ ca₂qui'₃ ca₂gon₃ gau₂ lín₃.

28 Jme₁ca₂lë₃ juá'₂ Jesús jág₁ le₂në₅, 'ñio₅ lín₃ qui₂dsi₂gó'₃ dsí₅ dsa₂ 'a₂ lia'₂ lë₅ jág₁ a₂jme₂tag₂₃, 29 ia₁ jme₂tag₂₃ jui₁lia'₂ jan₂ i₂quian₅ 'éi'₃ dsón'₂, on₃jua'₅₄ rë'₂ lia'₂ tē₅juá'₅ quiáin₅.

8

Ca₂jme₃'lión₂ Jesús jan₂ dsa₂ i₂lín₅ 'mé'₅ 'iog₅

(Marcos 1:40; Lucas 5:12-16)

1 Jme₁ca₂sión₃ Jesús má'₂, juin₅ lín₃ dsa₂ jme₂quiong'₅₄. 2 Jaun₂ ca₂jme₃quián₃ jan₂ dsa₂ dso'₅₄ i₂lín₅ 'mé'₅ 'iog₅, ca₂chi₃jnë₃ ne₄ Jesús, jaun₂ ca₂juá'₂:

—Chi₂jua'₂ 'niog'₂ 'ne₂, Te₁gui'₅₄, lé₂ bá₄ jme₁'lio'₅₄ jniá₂.

3 Jaun₂ Jesús ně₃ ca₂néi'₃ gu₂, ca₂jña'₃ quió'₅ dsa₂ 'éi₂, jaun₂ ca₂juá'₂:

—'Nio₃ bá₄ jniá₂. Jme₁'lióng₅₄ 'ne₂.

Dsi₂jui₅ jme₁ca₂juá'₂ le₂në₅, ca₂'lón₂ dsa₂ 'éi₂ 'mé'₅ 'iog₅ a₂jme₁lín₄. 4 Jaun₂ ca₂juá'₂ Jesús:

—Në₃ jaun₂, tsá₃ lë₁'ein₂ juig'₂ 'i₁jan₂; jñia'₅₄ lia'₂ guan'₂ o₂jme₁jnia₅ ne₄ jme₂dsa₂, jaun₂ o₂jen'₅₄ a₂'nió'₅ jme₁ti'₄ con'₂ lë₅ 'Éi'₃ quió'₅ Moisés, ia₁jaun₂ le₃ñi₅ dsa₂ a₂ma₂le₁jíng'₃.*

'A₂ lia'₂ jme₁'én₂ jan₂ juig₅₄ 'lióg₂ romano

(Lucas 7:1-10)

5 Jme₁ca₂'í₃ Jesús jë₄ juig₂ Capernaum, ca₂jme₃quián₃ jan₂ juig₅₄ 'lióg₂ romano coin₂, jaun₂ ca₂mí₃ a₂jme₃'o₅₄ 'éi₂, ca₂juá'₂:

6—Te₁gui'₅₄, jan₂ dsó₂ i₂jme₂ti₃ ta₁ ne₃, ron₅ dso'₅₄ ñág₅ uig₅ ja₁quió₃; a₂'ua'₂ quió'₅, tsá₃ lé₂ jë'₂ gu₂-tag₅₄. 7 Jaun₂ ca₂juá'₂ Jesús:

—Nei₅₄ bá₄ jniá₂ i₁jme₁'lioin₁₂.

8 Jaun₂ ca₂ñag₃ juig₅₄ 'lióg₂:

—Te₁gui'₅₄, tsá₃ ca₂tín₂ jniá₂ jua'₅₄ o₁'ú'₃ 'ne₂ dsi₂néi₂ quió₃; jñia'₅₄ lia'₂ a₂jme₁jmó'₂ 'éi'₃ bá₄, jaun₂ 'lión₂ dsa₂ 'éi₂ quiáng₃. 9 Ia₁ le₂në₅ bá₄ jniá₂ 'ñio₃, chéng'₅ a₂jme₂ti₅₄ 'éi'₃ quió'₅ juig₃, ján₃ bá₄ le₂në₅ te₁neg'₅₄ 'lióg₂ i₂niog₅ gu₃, 'e₂ caun₂ 'nio₃ jniá₂ lé₂. Në₁jua'₂ ca₂juig₂ jniá₂: “Gua₂ jó₄”, ja₁jaun₂ dsó₃ bá₄; në₁jua'₂ ca₂juig₂ jniá₂ i₂sián'₂ guë'₂ táng₃: “Ñia₅”, jiá₃ bá₄. Në₁jua'₂ ca₂juig₂ jniá₂ dsa₂ sián'₂ quiáng₃: “O₂jmo₄ a₂la₂ a₂ó₃”, a₂jaun₂ dsi₃jmó₂ bá₄.

10 Jme₁ca₂nág₂ Jesús a₂juá'₂ dsa₂ 'éi₂, ca₂i₃gó'₃ dsí₅, jaun₂ ca₂tsí'₃ dsa₂ i₂jme₁quiain'₅₄:

—A₂dsi₂jó'₃ juá'₅ jniá₂ juig₂ 'nia'₂, ca₂lia'₂ 'i₁jan₂ dsa₂ juig₂ Israel, tsá₃ i₂ma₂jín₄ jniá₂ i₂'én₂ guë'₄ lín₃ lia'₂ 'én₂ dsa₂ la₂. 11 Jniá₂ juig₂ 'nia'₂, juin₅ dsa₂ i₂qui₂ja₃lén₂ ca₂le₂con₂ gua'₅₄ 'uë₃, a₂tiain'₃ co₂lë₅ guë'₃ quian'₅₄ Abraham, quian'₅₄ Isaac, Jacob ně₃ ja₁gon₂ Diú₄ guei'₅₄ i₂juig₃; 12 la₁ dsa₂ i₂jme₁ca₂tín₂ tón'₃ ja₁gon₂ Diú₄, dsi₃toin'₅₄ jë₄ qui₁né'₃ uíng₂, qui₂dsi₃'áu₃, quíg'₃ jan₅₄.

13 Jaun₂ ca₂juá'₂ Jesús ca₂tsí'₃ juig₅₄ 'lióg₂:

—Guan'₂ dsi₂néi₂ quiáng'₂. Lé₂ bá₄ con'₂ lë₅ 'éng'₂.

Dsón'₂ rë'₂ hora jaun₂ ca₂'lón₂ dsó₂ mozo quián₅ dsa₂ 'éi₂.

Ca₂jme₃'lión₂ Jesús ma₂chog₅₄ Pe₄.

(Marcos 1:29-31; Lucas 4:38-39)

* 8:4 'Í₂ Levítico 14.

14 Co₂ráun₂ ḡ₃ Jesús ja₁quió'₄ Pe₄. Ja₁jaun₂ jme₁rē₂quian₅ ma₂chog₅₄ Pe₄ a₂dso'₅₄ 'i₄ dséi₂. 15 Jaun₂ ca₂ḡa'₃ Jesús gu₂ dsa₂ dso'₅₄, jaun₂ dsi₂jui₅ le₂jaun₂ bá₄ ca₂o₃'ág₃ dséi₂. Jaun₂ ca₂nau₂ ma₂chog₅₄ Pe₄ ca₂jme₃lióg₃ ca₂jme₃ti₃ ta₁ ne₄ mesa, a₂ag'₃.

*Ca₂jme₃'lión₂ Jesús juin₅ lin₃ dsa₂ dso'₅₄
(Marcos 1:32-34; Lucas 4:40-41)*

16 Le₃ca₂nei₂ jaun₂, juin₅ lin₃ dsa₂ i₂jio₅ jme₂dsí₂ je₂na'₅₄, ca₂o₃ḡia₃ dsa₂ ne₄ Jesús; jaun₂ quian'₅₄ ca₂jon₄ já_g₁ bá₄ ca₂'uín'₂ jme₂dsí₂ 'lin'₅₄. Jaun₂ ca₂jme₃'lióin₂ ján₃ ca₂le₃jín₃ dsa₂ dso'₅₄. 17 Le₂nē₅ bá₄ ca₂rē₃ti₃ já_g₁ quió'₅ Isaías i₂jme₁'ě₂ já_g₁ o₄quió'₄ Diú₄ jme₁ca₂juá'₂:

'Éi₂ bá₄ ca₂ḡiá'₂ a₂jme₁'uau₅₄ jniog₄,

'éi₂ bá₄ ca₂can₃ guei₂ jmi₁uig₅ quián₂ jniog₄.†

*Dsa₂ i₂jme₁'nio₃ jme₃quian'₅₄ Jesús
(Lucas 9:57-62)*

18 Jme₁ca₂jág₃ Jesús juin₅ lin₃ dsa₂ le₁lio₃, jaun₂ ca₂jmo₃ 'éi'₃ a₂ḡi₃ dsa₂ quián₅ tē₂le₃ 'ḡo'₅₄ jmi₁ḡi'₄. 19 Jaun₂ ca₂jme₃quián₃ jan₂ tē₅juá'₅ coin₂, jaun₂ ca₂juá'₂:

—Tē₅, nei₅₄ jniá₂ quian'₅₄ 'ne₂ ca₂le₂con₂ ja₁gog'₅₄.

20 Jaun₂ ca₂ḡag₃ Jesús:

—I₂cha₂ tē₂'lau₂ quió'₅ bá₄ jui₁lia'₂ i₁gü₅, ján₃ bá₄ le₂jaun₂ jui₁lia'₂ i₁tan₅ i₂'in₅ guei'₅₄, i₂tio'₅₄ tsag₄ bá₄ 'éi₂. La₁ Jaun₅ dsa₂ mi₂gü₃ig₃ nē₃, tsá₃ ja₁cha₂ jua'₅₄ ja₁quió₃ ca₂tiá₂.

21 Jan₂ guē'₂ i₂sián'₂ i₂jme₁ma₂ḡó₅ quiong'₅₄ ca₂juá'₂:

—Te₁gui'₅₄, ḡtsa₁ cuē'₁ jmi₁g₄ a₂nég'₄ i₁'ong₃ de'₂ jḡiá₅ ḡe'₃?

22 La₁ ca₂ḡag₃ Jesús:

—'Éin₃ 'ne₂ jniá₂, jui₁dsi₂'ón₃ bá₄ 'lag₄, 'lag₄ riin'₅₄.

*Ca₂jmo₃ Jesús ca₂'ág₂ tei₄ jmi₁ḡi'₄, ca₂ḡiá'₃ dsí₂ nē₃
(Marcos 4:35-41; Lucas 8:22-25)*

23 Jaun₂ nē₃, ca₂'i₃ Jesús 'ḡi₃ tsí₁mu₅, quian'₅₄ dsa₂ i₂ma₂quian'₅₄. 24 Jme₁ma₂tioin'₅₄ ne₄ jmi₁g₂, ca₂'ág₂ dsí₂ tiá₂ lin₃ con'₂ tsá₃ jáin₅. Ca₂lia'₂ ma₂dsi₂jein₃ jmi₁g₂ 'ḡi₃ tsí₁mu₅. La₁ jme₁rē₂güin₃ bá₄ Jesús ḡó₅. 25 Jaun₂ ca₂i₁ḡei₅₄ bá₄ dsa₂ quián₅, jaun₂ ca₂juá'₂:

—i₁Te₁gui'₅₄, lio₄! i₁la₁ dsi₃'éin₂ jnia'₅₄† ja₁lá₃!

26 Jaun₂ ca₂ḡag₃ Jesús:

—ḡ'E₂ lē₃ ḡi₄ lē₃ gan'₃ 'nia'₂ dsa₂ i₂tsá₃ lin₄ 'én₂?

Jaun₂ ca₂nau₂ ca₂jéin₂ dsí₂, jmi₁ḡi'₄ nē₃, jaun₂ co₂ḡei'₅₄ ca₂tē₁tsi'₅₄ táng₃ tei₄. 27 Jaun₂ ca₂i₃gó'₃ dsí₅ dsa₂, qui₂ca₂ḡi'₃ riin'₅₄:

—ḡI₂'ein₂ bá₄ dsa₂ nē₅, le₂jio₅ dsí₂ le₂jio₅ jmi₁ḡi'₄ nag₅ gau₂ já_g₁ quió'₅?

*Dsa₂ i₂chan₂ Gadara i₂jme₁tion'₅₄ je₂na'₅₄ tē₂dsí₅
(Marcos 5:1-20; Lucas 8:26-39)*

28 Jme₂ca₂dsi₃óg₃ Jesús le₃ca₂ton₂ jmi₁ḡi'₄, tē₂le₃ 'uē₃ Gadara,§ jaun₂ ca₂'uín₂ on₃ dsa₂ jē₄ le₁'on₅ 'lag₄, jaun₂ ca₂jme₃quián₃ con₂ Jesús. Le₃on₃ dsa₂ 'éi₂ jme₁jio₅ je₂na'₅₄, jaun₂ 'ḡio₅ lin₃ jme₁tsau₂ dsí₅, 'i₁jan₂ dsa₂ tsá₃ 'ein₂ lé₂le₃ḡi₃ jui₅ jaun₂. 29 Jaun₂ ca₂tóin'₂ co₂mi'₅₄ ca₂juá'₂ tiá₂:

—ḡ'E₂ 'uig₅₄ tián'₅ 'ne₂ jē₄ quian'₅₄ jnia'₅₄, Jesús Ja₁ḡi'₅₄ Diú₄? ḡA₂ḡe'₃ 'ne₂ ja₁lá₃ a₂jmog'₅₄ jnia'₅₄ tē₃jḡiá₅?

30 Me'₂ cau₅ jaun₂, jme₁tion'₅₄ juin₅ i₁ḡi₅ guē'₅; 31 jaun₂ qui₂ca₂mi₃ je₂na'₅₄ ne₄ Jesús, ca₂juá'₂:

—Chi₂jua'₂ 'uag'₅₄ jnia'₅₄ ja₁lá₃, chei₅ jnia'₅₄ dsi₁tió'₄ quió'₅ i₁ḡi₅ 'o₃.

32 Jaun₂ ca₂juá'₂ Jesús:

† 8:17 Isaías 53:4. ‡ 8:25 o₃, “jniog₄.” § 8:28 A₂lin₅₄ chog₅₄ si₂juá'₂: “Gerasa”; a₂siá'₂ guē'₂ nē₃, juá'₂: “Gergesa.”

—O₂nó'₅ 'nia'₂.

Jaun₂ ca₂'uin₂ jme₂dsí₂ 'lin'₅₄ të₂dsí₅ dsa₂ 'éi₂, jaun₂ ca₂i₃toin'₅₄ të₂dsí₅ i₁ñí₅. Dsi₂jui₅ le₂jaun₂ bá₄ ca₂i₁nio₁ co₂chi'₅₄ i₁ñí₅ cuing₂₃ jui₅ siá₅, jaun₂ ca₂i₁sein'₃ të₂ jmi₁ñí'₄. Ja₁jaun₂ ca₂dsain₃ ca₂'in'₃ jmi₂g₂.

³³ Dsa₂ i₂jme₁jmo₅ 'í₁ i₁ñí₅ ně₃ ca₂cuing₃. Jme₁dsi₁lein₃ jë₄ juig₂ ca₂dsia₃ a₂ca₂lë₃ jaun₂, quian'₅₄ a₂ca₂lë₃ quian'₅₄ dsa₂ i₂jme₁tion'₅₄ je₂na'₅₄ ně₃. ³⁴ Ca₂le₃jín₃ dsa₂ chan₂ juig₂ jaun₂ ně₃ ca₂'uin₂ i₃lén₂ ja₁'en₅₄ Jesús. Jaun₂ jme₁ca₂jín₂ Jesús ně₃, ca₂chi₃quióng₂ jmi₂g₄ a₂o₃'iin₅ le₂con₂ jaun₂.

9

Ca₂jme₃'lión₂ Jesús jan₂ dsa₂ 'lian'₂
(Marcos 2:1-12; Lucas 5:17-26)

¹ Jaun₂ ca₂'í₃ Jesús 'ñió'₃ tsi₁mu₅, ca₂ñí₃ le₂'ño'₅₄ jmi₁ñí'₄, jaun₂ ca₂dsiáin'₃ juig₂ ja₁jme₁guá₄. ² Jaun₂ ca₂o₃jña₃ dsa₂ jan₂ dsa₂ 'lian'₂, dsín₂ ne₄ tsi₁jein₁. Jme₁ca₂jág₃ Jesús a₂'én₂ dsa₂ 'éi₂ 'ñio₅ lin₃, ca₂tsí'₃ dsa₂ dso'₅₄:

—Jmo₄ lían'₂ 'au'₂, jón₃; ma₂rë₂'én₄ bá₄ dsáu'₂.

³ Jaun₂ ca₂i₃jiog₅ dsí₅ i₂lin₅₄ të₅juá'₅: “A₂'in₅ 'lig'₅₄ Diú₄ bá₄ i₂në₅ a₂juá'₂ le₂në₅.”

⁴ La₁ i₂ñi₅ rë₂ bá₄ Jesús a₂dsi₂jiog₅ dsí₅ dsa₂ 'éi₂, jaun₂ ca₂juá'₂:

—¿'E₂ lë₃ dsi₂jiog₅ 'au'₂ 'nia'₂ 'lig'₅₄ le₂në₅? ⁵ ¿Na₂ a₂'ua₁ guë₄ ta₁ jua'₅₄ a₂jme₁juig₅₄ jniá₂ dsa₂ la₂: “Ma₂rë₂'én₄ bá₄ dsáu'₂”, o₃ a₂jme₁juig₅₄ 'e₂jniá₂: “Nau₂, ñi₄?” ⁶ Dse₃ jaun₂. La₂ jmo₅₄ jniá₂ jaun₂ le₃ñi'₅₄ 'nia'₂ a₂'io₅ 'éi'₃ Jaun₅ dsa₂ mi₂güig₃ ne₄ gua'₅₄ 'uë₃ a₂qui₃'éin₂ dsáu₁ dsa₂.

Jaun₂ guë₄ ca₂juá'₂ ca₂tsí'₃ dsa₂ 'lian'₂:

—Nau₂, quion₂ tsi₁jein₁ quiáng'₂, guan'₂ ja₁quiáng'₂.

⁷ Jaun₂ ca₂nau₂ bá₄ dsa₂ 'éi₂, ca₂ñái'₃ ja₁quió'₄. ⁸ Jme₁ca₂jág₃ dsa₂ a₂ca₂lë₃ jaun₂, ca₂i₃gó'₃ dsí₅, jaun₂ ca₂jme₃juin'₂ Diú₄ ne₄ 'uig₅₄ ia₁ a₂ma₂cuë₃ bí₂ jaun₂ ma₂cuë'₃ jan₂ dsa₂ mi₂güig₃.

Ca₂të'₃ Jesús Mateo
(Marcos 2:13-17; Lucas 5:27-32)

⁹ Ca₂o₃'ín₃ bá₄ Jesús ja₁jme₁'ein₅₄ jaun₂. Ja₁ñó₄ jaun₂, ca₂jín₂ jan₂ dsa₂ i₂chen₂ Mateo, guá₅ caun₂ dsi₂néi₂ cán₂ 'lia'₅₄ o₄quió'₄ dsi₂tan₅₄. Jaun₂ ca₂juá'₂ Jesús ca₂tsí'₃ 'éi₂:

—'Éin₃ jniá₂.

Jaun₂ ca₂nau₂ bá₄ Të₅₄, ca₂jme₃quiong'₅₄.

¹⁰ Ca₂lë₃ jme₁ma₂'en₅₄ Jesús guë'₅ dsi₂néi₂ quió'₅ Të₅₄, ca₂dsi₃lén₂ juin₅ guë₄ dsa₂ i₂cán₂ cu₄ riin'₅₄, dsa₂ “i₂le₁cán'₄ dso₄” sián'₂ guë₄ ně₃, ca₂i₃toin'₅₄ i₁guë'₂ quian'₅₄ Jesús, quian'₅₄ dsa₂ i₂ma₂quian'₅₄ ně₃. ¹¹ Dsa₂ fariseos ně₃, jme₁ca₂jág₃ a₂në₅, jaun₂ ca₂ñí'₃ dsa₂ quián₅ Jesús:

—¿'A₂ lia'₂ guë'₅ të₅ quián'₂ 'nia'₂ co₂lë₅ quian'₅₄ dsa₂ i₂cán₂ 'lia'₅₄ quián₅ dsi₂tan₅₄, dsa₂ i₂le₁cán'₄ dso₄ ně₃?

¹² Ca₂nág₂ Jesús jág₁ jaun₂, jaun₂ ca₂juá'₂:

—On₃jua'₅₄ dsa₂ i₂quile₁'ág₄ dse₃ dsí₅ i₂'nió'₅ të₅mí₅ quió'₅; të₂le₃ ja₁con₂ dsa₂ i₂le₁dso'₅₄ bá₄ 'nió'₅ quió'₅. ¹³ O₂nó'₅ 'nia'₂ o₂jme₁tin₅ 'e₂jein₅ jág₁ la₂ tio'₅₄ ne₄ Si: “A₂'nio₃ jniá₂ dsiá'₁ 'nia'₂ ñéi₂ 'au'₂ dsa₂ mi₂güig₃ ríng'₂, on₃jua'₅₄ rë'₂ a₂jña₅₄ qui₁jen'₄ 'nia'₂ 'e₂ qui₁jen'₄ ne₃.”*
Ia₁ tsá₃ ta₁ jaun₂ guio₃ jniá₂ jua'₅₄ a₂të₄ dsa₂ dsen₃; a₂të₄ dsa₂ i₂le₁cán'₄ dso₄ bá₄ jniá₂ guio₃.

Ca₂ñí'₃ dsa₂ Jesús jui₁lia'₂ jág₁ a₂jme₂'in₅₄ dsa₂
(Marcos 2:18-22; Lucas 5:33-39)

¹⁴ Jaun₂ ca₂dsi₃lén₂ dsa₂ i₂jme₁i₂nio₄ quian'₅₄ Juan₅₄ i₂chon₅ dsa₂ jmi₂g₂ ca₂jme₃quiáin₃ ne₄ Jesús, jaun₂ ca₂ñag₃:

* 9:13 Oseas 6:6.

—ǂ'A₂ lia'₂ jme'₂ in₅₄ bá₄ dsa₂ fariseos, le₂ jaun₂ gué'₂ jnia'₅₄ ně₃, la₁ dsa₂ i₂ quian'₅₄ 'ne₂ gué'₂ tsá₃ jme'₂ in₅₄?

15 Jaun₂ ca₂ ηag₃ Jesús:

—ǂLé₂ le₃ tón'₃ 'lia'₂ dsí₅ jui₁ lia'₂ dsa₂ i₂ té₁ ja₁ niog₅ jmig₄ ja₁ jen'₂ gu₂ dsa₂, chi₂ jua'₂ jaun₂ bá₄ guá₅ gué'₂ dsa₂ ηe'₂ i₂ jen'₂ gu₂? Já₅ jmig₄ jě₁ tsá₃ ma₃ dsa₂ i₂ jen'₂ gu₂ 'éi₂ chan₂ lé₂; jaun₂ gué'₄ tón'₃ jme'₃ in₅₄.

16 'Ma₁ tsá₃ 'ein₂ tin₂ tíong₅ tsi₁ 'mi'₂ gui'₅₄ quian'₅₄ 'nau₅₄ tsi₁ 'mi'₂ 'mí₂. Ia₁ dsán'₅ tsi₁ 'mi'₂ 'mí₂, jaun₂ jué'₂ gué'₄ ja₁ gag₂ lě₂. 17 Ján₃ bá₄ le₂ jaun₂ tsá₃ tia'₂ dsa₂ vino 'mí₂ 'ñi₃ ó₃, ni₁ lau₂ gui'₅₄, ia₁ ne'₂. Ně₅ bá₄ téin₃ vino, ton'₂ dsi₃ 'én₂ ni₁ lau₂ ně₃ ně₁ jua'₂ ca₂ jmo₃ dsa₂ le₂ jaun₂. Jaun₂ lě₃, 'ñi₃ ó₃ lau₂ 'mí₂ bá₄ 'ni₃ ó₃ tia'₃ dsa₂ vino 'mí₂, ia₁ jaun₂ le₃ tin₃ bá₄ lě₂ 'í₁.

Ja₁ mig₄ Jairo, quian'₅₄ 'io₅₄ i₂ ca₂ ní'₃ tsin'₅₄ Jesús

(Marcos 5:21-43; Lucas 8:40-56)

18 Tě₃ 'en₅₄ Jesús dsia₂₃ jág₁, jme₁ ca₂ dsióg₃ jan₂ i₂ niog₅ gu₂ guá'₅ sinagoga. Ca₂ chi₃ jné₃ ne₄ Jesús, jaun₂ ca₂ juá'₂:

—Lia'₂ ca₂ jon₃ † jan₂ chi'₂ dsa₂ mí₂ quiáng₃. La₁ ně₁ jua'₂ gog'₅₄ 'ne₂ quian'₅₄ jniá₂ o₁ quiog'₂ gog'₂ ne₄ quió'₅, le₃ chain₂ bá₄ táng₃.

19 Jaun₂ ca₂ nau₂ Jesús, jaun₂ ca₂ ηó₃ quian'₅₄ dsa₂ 'éi₂, lia'₂ jma₃ quian'₅₄ dsa₂ i₂ ma₂ ja₂ lén₂ quiong'₅₄. 20 Tě₃ jě₄ jaun₂, ηó₃ jan₂ dsa₂ mí₂ i₂ dso'₅₄ ma₂ guia₃-tín₂ ηi₂ a₂ tin₂. Ca₂ jme₃ quián₃ tě₂ le₃ chi₁ co'₅₄ quió'₅ Jesús, jaun₂ ca₂ ní'₂ chei'₅₄ tsin'₅₄ 'éi₂. 21 Ia₁ lín₂: “Tsá₃ nag₅₄ ně₁ jua'₂ jnia'₅₄ níg'₄ ca₂ juig₄ tsin'₅₄, jnia₃ quió₃.” 22 Jaun₂ ca₂ jén'₃ Jesús, ca₂ jín₂ 'io₅₄, jaun₂ ca₂ juá'₂:

—Jmo₄ lián'₂ 'au'₂, jón₃. Ma₂ 'lóng'₂ bá₄, ia₁ 'éng'₂.

Dsi₂ jui₅ le₂ jaun₂ bá₄ ca₂ jnia₃ co₂ ηei'₅₄ quió'₅.

23 Jme₁ ca₂ dsióg₃ Jesús ja₁ quió'₄ dsa₂ juig₅₄ sinagoga 'éi₂, jaun₂ ca₂ jág₃ ma₂ tion'₅₄ dsa₂ i₂ jmo₅ son₅₄, ma₂ tion'₅₄ dsa₂ juin₅ go₂ i₃ ně₃, qui₂ 'o₂₃. 24 Jaun₂ ca₂ juá'₂:

—'Uin'₂ 'nia'₂ ja₁ lá₃; tsá₃ rě₂ jon₅₄ i₂ bě'₅₄ ně₅. Jnia'₅₄ lia'₂ a₂ rě₂ güín₃ bá₄.

La₁ jnia'₅₄ ca₂ ηág₂ bá₄ dsa₂. 25 Jme₁ ma₂ 'uin'₂ dsa₂, jaun₂ ca₂ 'í₃ Jesús dsi₂ néi₂, ca₂ jña'₃ mi₂ gu₂ i₂ bě'₅₄, jaun₂ ca₂ nau₂ bá₄ 'éi₂. 26 Ca₂ le₂ con₂ juig₂ tio'₅₄ 'uě₃ jaun₂, ca₂ i₃ 'ág₃ jág₁ a₂ ca₂ lě₃ jaun₂.

Ca₂ jme₃ 'lión₂ Jesús on₃ dsa₂ ten₄

27 Jme₁ o₂ 'ín₃ Jesús ja₁ jaun₂, ca₂ 'ein₃ on₃ dsa₂ ten₄, ja₂ lén₂ tě₂ tiá₂:

—ǂDsia₄ ηéi₂ 'au'₂ jnia'₅₄, 'ne₂ tsi₁ jon₂ David!

28 Jme₁ ca₂ 'í₃ Jesús dsi₂ néi₂, ca₂ jme₃ quián₃ dsa₂ ten₄ 'éi₂ cau₅ quió'₅. Jaun₂ ca₂ ηag₃ Jesús:

—ǂ'Én'₂ 'nia'₂ a₂ lé₂ le₃ jme₁ 'lio₅₄ jniá₂?

Jaun₂ ca₂ ηag₃:

—'Éin₂ bá₄ jnia'₅₄, Te₁ gui'₅₄.

29 Jaun₂ ca₂ ní'₃ Jesús gu₂ jme₁ ne₁₂ jaun₂ ca₂ juá'₂:

—Jui₁ le₅₄ bá₄ con'₂ lě₅ 'én'₂ 'nia'₂.

30 Jaun₂ ca₂ lág₃ bá₄ mi₂ ne₄ dsa₂ 'éi₂. Jaun₂ ca₂ jmo₃ Jesús 'éi'₃ ca₂ juá'₂:

—Tě₃ ηi'₅₄ 'nia'₂ jnag₅₄ tsá₃ 'ein₂ jui₁ le₂ ηi₅ a₂ ně₅.

31 La₁ 'éi₂ ně₃, jme₁ ca₂ 'uin₂ jaun₂, ca₂ dsia₃ ca₂ le₂ con₂ ja₁ tén₄ 'uě₃ jaun₂ 'e₂ a₂ ca₂ jmo₃ Jesús.

Ca₂ jme₃ 'lión₂ Jesús jan₂ dsa₂ con₄

32 Jme₁ ma₂ 'uin₂ dsa₂ i₂ jme₁ ten₄ 'éi₂, ca₂ o₃ lén₂ i₂ sián'₂ táng₃ jniai₂₃ jan₂ dsa₂ con₄ i₂ 'en₅₄ jme₂ dsí₂ je₂ na'₅₄. 33 Dsi₂ jui₅ jme₁ ca₂ dsen₅ Jesús je₂ na'₅₄, jaun₂ ca₂ jme₃ lióg₃ dsa₂ con₄ 'éi₂ ca₂ dsia₃ jág₁. Dsa₂ juin₅ i₂ jme₁ tion'₅₄ ca₂ tě₂ ne₅₄, ca₂ i₃ gó'₃ dsí₅, jaun₂ ca₂ dsia₃:

—Ca₂ le₂ con₂ 'uě₃ Israel la₂, tsá₃ 'ein₂ ma₂ ca₂ jág₃ a₂ le₂ ně₅.

† 9:18 o₃, “ma₂ i₁ jón₂”, lě₂ le₃ jein₃ jág₁.

³⁴ La₁ dsa₂ fariseos guë'₂ ně₃, ca₂juá'₂:

—Të₂le₃ quian'₅₄ jui₅bí₂ quió'₅ 'ñiog₅ juig₅₄ je₂na'₅₄ bá₄, jmo₅ i₂ně₅ 'uúin'₂ je₂na'₅₄.

Dsa₅ Jesús ñéi₂ dsí₅ dsa₂

³⁵ Ca₂ñi₃ Jesús ca₂le₂con₂ juig₂ ca'₅₄, ca₂le₂con₂ juig₂ pí'₁ ně₃, jme₂tiin₂₃ dsa₂ dsi₂néi₂ guá'₅ sinagogas. Jme₁'ě₂ jág₁ dse₃ ju₁lia'₂ ja₁gon₂ Diú₄. Jme₁jme₂'lióin₂ dsa₂ ca₂le₃jě₃ ne₅₄ dso₄, quian'₅₄ ca₂le₃jě₃ jmi₁uig₅ a₂jme₁le₁quian'₅₄ dsa₂. ³⁶ Jme₁ca₂jín₂ dsa₂, ca₂tá'₂ ñéi₂ dsí₅, ia₁ jme₁chain₂ o₂l₁ dsi₅ ca₂lia'₂ ma₂ja₂'ú'₃ dsí₅ chain₂, ně₂jag₄ bá₄ já'₂ cha'₂ i₂tsá₃ chan₂ jmo₃ 'í₁.

³⁷ Jaun₂ ně₃ ca₂tsí'₃ dsa₂ i₂jme₁quian'₅₄:

—Dón'₂ bá₄ dsau₅ 'lióng₂ a₂ca₂rau₂, la₁ tsá₃ ju₁n₅ dsa₂ i₂jmo₅ ta₁ ja₁nau₂. ³⁸ Jaun₂ lě₃, mi₄ 'nia'₂ ne₄ juig₅₄ ja₁nau₂ a₂chein₃ guě₄ ju₁n₅ dsa₂ i₂jmo₃ ta₁ ja₁nau₂ quió'₅.

10

Ca₂quió'n'₂ Jesús guia₃-tín₂ dsa₂ jě₄ quió'₅ dsa₂ quiáin₅
(Marcos 3:13-19; Lucas 6:12-16)

¹ Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂cuě₃ bí₂ 'éi'₃ a₂'uúin'₂ jme₂dsí₂ 'lín'₅₄, a₂qui₂jme₃'lióin₂ ca₂le₃jě₃ ne₅₄ dso₄ a₂niog₅ lín₅ dsa₂, ca₂le₃jě₃ jmi₁uig₅ ně₃.

² Le₂la₂ bá₄ chen₂ ta₁guia₃-tín₂ dsa₂ i₂ca₂quió'n'₂ Jesús 'éi₂ quiáin₅: Si₂mu₅₄, i₁tě'₂ dsa₂ Pe₄; quiáin'₅₄ Drě₄ riin'₅₄; Jacobo* quian'₅₄ Juan₅₄ riin'₅₄, ja₁ñí'₄ Zebedeo; ³ Fe₂li₄ quian'₅₄ Bartolomé; To₁má₄ ně₃ quian'₅₄ Tě₅₄ i₂jme₁cán₂ 'lia'₅₄ a₂ca₂tín₂ dsi₂tan₅₄; Jacobo i₂lín₅ ja₁ñí'₄ Alfeo; Tadeo ně₃; ⁴ Si₂mu₅₄ ně₃ i₂tě'₂ dsa₂ cananista;† Judas Iscariote ně₃, i₂ca₂jín'₂ Jesús.

Ca₂chen₃ Jesús dsa₂ guia₃-tín₂ quiáin₅ a₂ca₂i'₂ě₄ jág₁ dse₃
(Marcos 6:7-13; Lucas 9:1-6)

⁵ Dsa₂ guia₃-tín₂ ně₅ bá₄ ca₂chen₃ Jesús jme₁ma₂ně₂cuě₃ jág₁ la₂:

—Tsá₃ o₁nó'₅ 'nia'₂ jui₅ 'uě₃ go₄ dsi₂nau₂, on₃ guě'₂ o₂ton'₅₄ 'nia'₂ 'i₁caun₂ juig₂ a₂tén₅ 'uě₃ Samaria. ⁶ Ja₁jaun₂ bá₄ o₂nó'₅ 'nia'₂ ja₁tion'₅₄ dsa₂ i₂lín₅ co₂'nió'₄ já'₂ cha'₂ i₂ma₂i₂cón'₅ i₂chan₂ juig₂ Israel. ⁷ O₂nó'₅ 'nia'₂ qui₂o₂'ě₃ jág₁ dse₃ la₂ chei'₅₄ 'nia'₂ dsa₂, ma₂ja₂quián₃ 'éi'₃ quió'₅ Diú₄. ⁸ O₂jmo₄ 'nia'₂ le₁jín₃ dsa₂ i₂lín₅ 'mé'₅ 'iog₅; ca₂le₃jín₃ guě'₂ i₂lín₅ dso₄ siá'₂ ně₃, o₂jme₁'lioin₅₄; o₂jme₁jen'₅₄ 'nia'₂ 'lag₄; o₂'uúin'₅₄ 'nia'₂ je₂na'₅₄ quió'₅ dsa₂ ně₃. Jaun₂ le₂ně₅ ju₁lia'₂ ně₂gue'₅₄ 'nia'₂ bí₂ la₂ on₃juá'₅₄ a₂cha₂ 'lia'₅₄, le₂ně₅ o₂jmo₄ 'nia'₂ ján₃, o₂cuě'₅₄ dsa₂ bí₂ tsá₃ 'lia'₅₄ cán'₁. ⁹ Tsá₃ 'e₂ cán'₁ 'nia'₂, ju₁lia'₂ a₂'nió'₅ le₂'i₄ jui₅, on₃ guě'₂ cu₄nióg₄, on₃ guě'₂ cu₄tio₂, on₃ guě'₂ ñí₁ guéin₂ të₂lau₂ quiáng'₂, ¹⁰ on₃ guě'₂ të₂'mi'₂ jua'₅₄ a₂to'₅₄ lio₅₄ cán'₁. Jmá'₃ co₂dsán'₃ tsín'₂ bá₄ 'nia'₂ cán'₁, tsá₃ cán'₁ 'nia'₂ lau₂ ton₂ tag'₅₄ a₂ñag₅₄ guě₄ con'₂ a₂ma₂le₁ton₅ tag'₅₄, on₃ guě'₂ 'ma₂'i₅₄; ia₁ ju₁lia'₂ dsa₂ i₂jmo₅ ta₁, ca₂tiin₂ bá₄ gue₃ má₃ quió'₅.

¹¹ Jě₁ma₂ca₂dsi₃nó'₅ 'nia'₂ lia'₂ caun₂ juig₂ ca'₅₄ o₃ juig₂ pí'₁ 'e₂, ja₁jaun₂ jñia₄ 'nia'₂ ja₁quió'₄ dsa₂ i₂léi₄ dsen₃ 'ua₁ dsí₅, quió'₅ 'éi₂ tión'₂ 'nia'₂ ca₂lia'₂ ca₂tě₂ jmíg₄ i₁'uúing'₃ táng₃.

¹² Jě₁ma₂tě₂ rě₁tóng'₁ dsi₂néi₂ quió'₅, cu₁ñ₅₄ 'nia'₂ Diú₄ jua'₅₄ 'nia'₂: “Jui₁'ei₅ bá₄ tei₄ dsi₂néi₂ la₂.” ¹³ Ně₁jua'₂ dsa₂ dsi₂néi₂ jaun₂ léi₄ gue₂₃ bá₄ lia'₂ i₁rě₂ jág₁, jág₁ quián'₂ 'nia'₂ a₂cuúin'₅ Diú₄, ju₁tě₂'ñiá₄ bá₄ 'ei₅ tei₄ ja₁con₂ dsa₂ 'éi₂ dsi₂néi₂ jaun₂. La₁ ně₁jua'₂ léi₄ tsá₃ dse₃ le₁'ág₄ dsí₅ dsa₂ gue₂₃ jág₁ quián'₂ 'nia'₂, ju₁tě₂'ñiá₄ bá₄ jág₁ 'ei₅ tei₄ jaun₂ ja₁con₂ 'nia'₂ guiong'₅₄.

¹⁴ Ně₁jua'₂ cha₂ ja₁lín₅₄ tsá₃ 'nio₃ dsa₂ guein₃ 'nia'₂, on₃ guě'₂ 'nio₃ nag₃ jág₁ quián'₂ 'nia'₂ ně₃, co₂ñei'₅₄ 'uúin'₂ 'nia'₂ dsi₂néi₂ jaun₂, o₃ juig₂ jaun₂, séi'₃ 'nia'₂ 'liog₂ tag'₅₄. ¹⁵ Ia₁ a₂dsi₂jó'₃ juá'₅ jniá₂, jě₁ma₂tě₂ rě₁qui₃dsi₅ Diú₄ 'éi'₃, 'ñio₅ guě₄ uig₅ gue₃ dsa₂ juig₂ jaun₂ con'₂ guě₄ dsa₂ i₂jme₁chan₂ Sodoma quian'₅₄ Gomorra.‡

* **10:2** Jacobo: ján₃ bá₄ chein₂ Santiago. † **10:4** cananista: partido quió'₅ dsa₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ me₁' tsá₃ ca₂ne₅₄ a₂chein₂. ‡ **10:15** Sodoma quian'₅₄ Gomorra: 'Í₂ Génesis 18 - 19.

*Qui₂co₃'ei₃ dsa₂**(Marcos 13:9-13; Lucas 21:12-17)*

16 'Tsín₂ jniá₂ 'nia₂ jaun₂, a₂líng₅ ně₂jag₄ bá₄ já₂ cha₂ jín₄ co₂'nió₄ já₂ tsau₂ dsi₅. Jmo₄ 'nia₂ jaun₂ a₂líng₅ dsa₂ i₂'io₅ mai₅₄ ju₁lia₂ dsi₂mi₂, ton₂ 'ua₁ 'au₂ 'nia₂ ju₁lia₂ lín₅ i₁ju₂.
 17 Rě₂ján₁ 'nia₂ jaun₂ ia₁ qui₃jáng₂ dsa₂ ne₄ dsi₂tan₅₄, qui₃bóg₂ dsa₂ ně₃ dsi₂néi₂ guá₅ sinagogas. 18 Lia₂ ne₄ dsi₄má₂ lia₂ ne₄ rag₅₄ ně₃, dsi₁jnia₃ dsa₂ 'nia₂ 'uig₅₄ quió₃ jniá₂; jaun₂ le₂ně₅ bá₄ lé₂ le₃o₁jang₄ 'nia₂ jág₁ dsau₅ ne₄ 'éi₂, quian₅₄ ja₁ con₂ dsi₂nau₂ sián₂ ně₃. 19 La₁ jě₁ma₂tě₂ rě₁qui₃jáng₂ dsa₂ ne₄ta₁, tsá₃ lě₁jmo₂ 'nia₂ 'i₅ 'au₂ 'e₂ jua₅₄ o₃ 'a₂ lia₂ 'ňag₅₄; ia₁ jě₁ma₂tě₂ rě₁jua₅₄ 'nia₂ jág₁, Diú₄ bá₄ cuě₃ jág₁ a₂ňi₅₄ 'nia₂ 'a₂ lia₂ 'ňag₅₄ juig₅₄ dsa₂. 20 Ia₁ on₃jua₅₄ guion₅₄ 'nia₂ jua₅₄ jág₁; 'ňiog₅ bá₄ Jme₂dsí₂ quián₅ Nėi₅ 'nia₂ juá₂ ju₅tě₂'au₂.

21 'Ia₁ lé₂ táng₃, ju₁lia₂ rin₅₄ dsa₂ qui₃jín₂ riin₅₄ jaun₂ 'ňag₃ dsa₂, ju₁lia₂ jmei₂ guě₂ dsa₂ qui₃jín₂ chi₂ quiáin₅; chi₂ guě₂ ně₃ qui₃náu₃ 'nei₂ jmái₃ chog₅₄-jmei₂, qui₃jáng₂ a₂jme₃dsiog₅ dsa₂. 22 Ca₂le₃jín₃ ju₁lia₂ dsa₂ mi₂güig₃ jme₃'ňiai₅₄ 'nia₂ 'uig₅₄ quió₃ jniá₂; la₁ia₁ ju₁lia₂ i₂tión₂ tiá₂ ca₂tě₂ jě₁ca₂tó₂, i₂'éi₂ bá₄ i₂lión₂. 23 Jě₁ma₂qui₂co₃'ei₃ dsa₂ ju₁lia₂ caun₂ juig₂, cuing₅ 'nia₂ ju₅ juig₂ siá₂ táng₃; a₂dsi₂jó₃ juá₅ jniá₂, tě₃ tsá₃ ma₂lě₅ quen₄ 'nia₂ i₁niog₄ ca₂le₃jě₃ juig₂ ja₁tén₄ 'uě₃ Israel, a₂guan₂ táng₃ Jaun₅ dsa₂ mi₂güig₃.

24 'Ju₁lia₂ jan₂ i₂jme₂tin₅, tsá₃ ju₁in₂ con₂ guě₄ tě₅ quiáin₅; ján₃ bá₄ le₂jaun₂ ju₁lia₂ jan₂ dsa₂ i₂jme₂ti₃, tsá₃ ju₁in₂ con₂ guě₄ juig₅₄. 25 Tió₅ ju₁lia₂ i₂jme₂tin₅ lėin₂ ju₁lia₂ lín₅ tě₅ quiáin₅; ju₁lia₂ dsa₂ i₂jme₂ti₃ guě₂ ně₃, dsi₁lėin₂ ju₁lia₂ lín₅ juig₅₄. Chi₂jua₂ 'ňiog₅ dsa₂ ju₁in₂ caun₂ dsi₂néi₂ ma₂quion₅ dsa₂ Be'elzebú, 'i₂ guě₄ bá₄ 'in₃ dsa₂, ju₁lia₂ i₂tion₅₄ dsi₂néi₂ quió₅!

*'Ein₂ 'nió₅ jme₃gan₃ dsa₂**(Lucas 12:2-7)*

26 'Uig₅₄ jaun₂, tsá₃ lě₁jmo₂ 'nia₂ gang₃ dsa₂ mi₂güig₃. Ia₁ 'i₁caun₂ ju₁lia₂ a₂rě₂jlě₅ tsá₃ cha₂ jua₅₄ a₂tsá₃ le₃jniá₂, ján₃ bá₄ le₂jaun₂ ju₁lia₂ a₂rě₂'ma₄ tsá₃ cha₂ jua₅₄ a₂tsá₃ le₃ňi₅ dsa₂.
 27 Ju₁lia₂ a₂juig₂ jniá₂ 'nia₂ la₂ jě₄ tě₃co₅₄, jua₅₄ 'nia₂ tě₃jín₄ dsa₂ ju₁in₅; ján₃ bá₄ le₂jaun₂ ju₁lia₂ a₂juig₂ jniá₂ 'nia₂ con₂ tei₄, jua₅₄ 'nia₂ co₂mi₂ ju₁lia₂ ja₁ňei₅. 28 Tsá₃ lě₁jmo₂ 'nia₂ gang₃ quian₅₄ i₂ňi₃ ni₁ňi₅, la₁ tě₂'au₂ 'nia₂ tsá₃ 'e₂ lé₂ le₃jmo₃; i₂'éi₂ bá₄ ca₂tín₂ 'nia₂ jme₁gang₃ ju₁lia₂ i₂lé₂ le₃ňi₃ ni₁ňi₅ quian₅₄ guě₂ tě₂'au₂ 'nia₂ a₂jeng₃ ja₁'lig₅₄.

29 'Tsa₁ 'ni₅ dsa₂ on₃ i₁tan₅ pí₁ quian₅₄ caun₂ 'ňi₁ guéin₂? La₁ 'i₁jan₂ i₁tan₅ tsá₃ tián₃ 'uě₃ jua₅₄ tsá₃ 'ňi₅ Nėi₅ 'nia₂. 30 Ia₁ le₂jio₅ ni₁ňi₂ dsei₂ 'nia₂ le₁'i₁ je₂liá₂ mi₂ tí₅ ján₃. 31 Tsá₃ lě₁jmo₂ 'nia₂ gang₃, ia₁ 'ňio₅ lín₃ guě₄ quen₄ 'nia₂ lia₂ con₂ guě₄ ju₁in₅ lín₃ i₁tan₅.

*Ju₁lia₂ i₂jme₂jnia₅ a₂cuin₂₃ Jesucristo jín₄ dsa₂ mi₂güig₃**(Lucas 12:8-9)*

32 'Ju₁lia₂ i₂jme₂jnia₅ tě₂le₃ quió₃ jniá₂ jín₄ dsa₂ mi₂güig₃, ján₃ bá₄ le₂jaun₂ jniá₂ ně₃ jme₁jniag₅ tě₂le₃ quió₅ 'éi₂ ne₄ 'ňe₃ i₂guá₅ guei₅₄ i₂juig₃; 33 la₁ ju₁lia₂ i₂jme₂jnia₅ a₂tsá₃ cuig₂₃ jniá₂ jín₄ dsa₂ mi₂güig₃, ján₃ bá₄ le₂jaun₂ jme₁jnia₅ jniá₂ a₂tsá₃ cuin₅ ne₄ 'ňe₃ i₂guá₅ guei₅₄ i₂juig₃.

*Jesús bá₄ i₂'u₁n₄ a₂lě₂ le₁dson₅₄ dsa₂**(Lucas 12:51-53; 14:26-27)*

34 'Tsá₃ o₁len₂ 'nia₂ jua₅₄ a₂guio₃ jniá₂ a₂i₃'ei₃ tei₄ mi₂güig₃; ia₁ tsá₃ ta₁ jaun₂ guio₃ jniá₂ a₂i₃'ei₃ tei₄. Mi₅₄ 'nei₂ bá₄ a₂quian₄ jniá₂. 35 A₂jaun₂ bá₄ guio₃ jniá₂ a₂i₃dsia₃ mi₅₄ dsi₂néi₂:
 Chi₂ jme₃'ňiai₅₄ jmei₂,
 chi₂ ja₁míg₄ dsa₂ ně₃
 jme₃'ňiai₅₄ chog₅₄;
 i₂lín₅ mi₂lo₅₄ ně₃

tóin'3 mi'54 quian'54 ma2chog54.

36 Dsa2 i2lín5 jmei2 dsi2néi2

qui2jme3 'iog54 chi'2 quián5. §

37 'Jui1lia'2 i2'nio3 guě4 'nio5 lin3 chog54-jmei2 lia'2 con'2 guě4 jniá2, tsá3 ca2tín2 léin2 dsa2 quiáng3; le2nē5 bá4 ján3, jui1lia'2 i2'nio3 'nio5 lin3 guě4 ja1ni'54 o3 ja1míg4 'e2, lia'2 con'2 guě4 jniá2, tsá3 ca2tín2 léin2 dsa2 quiáng3; 38 jui1lia'2 i2tsá3 ca2'ág2 caun2 dsi5 ca2join3 chi2jua'2 ca2join3, * a2jiá3 chi1co'54 quió3, tsá3 ca2tín2 léin2 dsa2 quiáng3. 39 Jui1lia'2 i2nía4 lē3 'nio3 lí'2 le3chain2 dse3, dsi3'é2 quió'5; ján3 bá4 le2nē5, jui1lia'2 i2ca2guen3 'mú3 o4quió3 jniá2, lí'2 bá4.

Co2'nio'4 'lian'54 dsa2
(*Marcos 9:41*)

40 'Jui1lia'2 i2guen5 'nia'2, guei23 jniá2; jui1lia'2 i2guei5 jniá2 guein23 i2ca2chei3 jniá2 ně3.

41 I2guen5 jui1lia'2 jan2 dsa2 i2'ě2 jág1 o4quió'4 Diú4 ia1 a2lín5 i2chen4 quián5 Diú4, co2jaun2 bá4 'lia'54 gue3 ján3 jui1lia'2 'lian'54 jan2 i2'ě2 jág1 quián5 Diú4. Le2nē5 bá4 ján3, jui1lia'2 i2guen5 jan2 dsa2 dsen3 ia1 lín5 dsa2 dsen3, gue3 'lian'54 ján3 con'2 'lia'54 a2ca2tín2 jan2 dsa2 dsen3.

42 Jui1'ein2 guě3 dsa2 i2cuē5 caun2 vaso jmi2g güig'2, cuē'5 jan2 dsa2 me'2 le2nē5 quiáng3 'uig54 ia1 a2'ein23 jniá2, a2dsi2j'3 juá'5, tion54 bá4 gue3 'lian'54.

11

Dsa2 i2chen4 quián5 Juan54 i2chon5 dsa2 jmi2g
(*Lucas 7:18-35*)

1 Jme1ca2dsan3 cuē5 Jesús jág1 nē5 cuē'5 chi'2 dsi2guia3-tín2 quián5, ca2o3'ín3 táng3 ja1jaun2, ca2'í3 jui5 ca2i'ě4 jág1, i2jme1tín23 dsa2 juig2 tio'54 con'2 ma2quián5 jaun2.

2 Juan54 ně3, tē3 'ein54 né'3 'má3, ca2rē3ni5 'a2 lia'2 lē5 jmo5 I2rē2'ín1 quián5 Diú4. Jaun2 ca2chein3 i2lín54 dsa2 i2jme1quiain'54 3 a2ca2i1nag12:

—¿'Ne2 líng'5 dsa2 i2lē5 jág1 jiá3, o3 jnia4 jnia'54 i2sián'2 'e2?

4 Jaun2 ca2nag3 Jesús:

—O2nó'5 'nia'2 o2chei'54 Juan54 'e2 a2tē5 ne'54 'nia'2 la2, 'e2 a2nag'2 'nia'2 ně3. 5 O2dsia4 'nia'2 'a2 lia'2 lē5 qui2jág5 dsa2 ten4; dsa2 i2jme1guian'54 guē'2 ně3, ma2i2nioi54 rē'2 táng3; dsa2 i2jme1lín4 'mé'5 'iog5 ma2le1jín3 táng3 dso4 a2jme1lín4; dsa2 i2jme1guin4 guē'2 ně3 ma2nag23; dsa2 i2ma2dsan3, jein'54 táng3; ja1con2 dsa2 te2nē2 ně3 dsi2'ag5 jág1 dse3 la2 a2lión2 dsa2. 6 'E2 guě4 dsen3 dsa2 i2tsá3 'ag5 caun2-tin3 dsi5 ja1con2 jniá2.

7 Jme1ma2i2len3 dsa2 'éi2, jaun2 ca2jme3lióg3 Jesús ca2tsí'3 dsa2 a2'ín23 Juan54:

—¿'E2 jme1lín'2 'nia'2 jme1tē3 ne'54 lia'2 con'2 jme1i1nóg'4 'uē3 quein2 co2'niog5 jaun2? ¿O3 bá4 jme1lín'2 'nia'2 a2jme1jng'4 jan2 dsa2 i2lín5 jui1lia'2 lē5 ca2'nau2 ni1'ma2 ta5 a2lē1qui2bí2 dsi2 jui5 la2 jui5 ně5? 8 Chi2jua'2 tsá3 le2jaun2 ně3, ¿'e2 guē'2 ca2i1jag'4 'nia'2? ¿O3 bá4 a2jme1lín'2 'nia'2 a2jme1jng'4 jan2 dsa2 i2qui'2 tsin'54 jlá'1? La1 on3jua'54 le2jaun2. Ia1 jui1lia'2 dsa2 i2qui'5 tsin'54 jlá'1, i2tón'5 dsi2néi2 quió'5 rag54 bá4 i2le2'éi2. 9 ¿'E2 guē'2 ca2i1jag'4 'nia'2 jaun2 ně3? ¿O3 bá4 jan2 dsa2 i2'ě2 jág1 quián5 Diú4 'e2? Dsón'2 bá4 jaun2 juá'5 jniá2. I2lín5 tson2 guě4 jan2 dsa2 i2'ě2 jág1 quián5 Diú4 bá4 'éi2. 10 Juan54 'éi2 bá4 i2'in5 Si2 quió'5 Diú4 ja1juá'2:

Tsing54 jan2 dsa2 quiáng3 ne4 jui5 quiáng'2, jón3,

a2dsi3can5 jág1, jmo3 co2jnía54 jui5.*

11 A2dsi2j'3 juig2 jniá2 'nia'2, 'i1jan2 dsa2 i2ma2can5 dsa2 mí2 i2chan2 mi2güig3, tsá3 'ein2 ma2lín5 i2juin'2 guě4 i2'ě2 jág1 o4quió'4 Diú4, lia'2 con'2 guě4 Juan54 i2chon5 dsa2 jmi2g. La1ia1, i2lín5 i2me'2 guě4 ja1gon2 Diú4, i2'éi2 bá4 lín5 i2juin'2 guě4 lia'2 con'2 guě4 Juan54 'éi2. 12 Ca2le3 ca2guan3 Juan54 i2chon5 dsa2 jmi2g, ca2tē2 jmi2g4 ně3, con'2 'i4 jui5 bá4 ma2já5 tiá2 ja1gon2 Diú4.

§ 10:36 Miqueas 7:6. * 10:38 lit. "i2tsá3 cán2 cróg4 quió'5," * 11:10 Malaquías 3:1.

Jaun₂ dsa₂ con'₂ i₂tiá₂ dsí₅ bá₄ chan'₂ tiá₂ jui₅ jaun₂.† 13 Ca₂le₃jín₃ dsa₂ i₂jme'₁ě₂ jág₁ quián₅ Diú₄, quian'₅₄ 'Éi'₃ quió'₅ Moisés ně₃, a₂jñia'₅₄ con'₂ ca₂'ě₂ jág₁ ja₁gon₂ Diú₄ bá₄ jaun₂, ca₂lia'₂ ca₂tě₂ jmig₄ jme'₁ca₂guan₃ Juan₅₄. 14 Ján₃ bá₄ chi₂jua'₂ 'niog'₂ 'nia'₂ guéi'₁ jág₁ la₂, Juan₅₄ 'éi₂ bá₄ i₂ca₂jme₃ti₃ jág₁ a₂lě₅ a₂jme₁jiá₃ Elías. 15 Jui₁lia'₂ i₂le₁dsi₅₄ rě₂gua₄, jui₁nei₅₄.

16 'ġ'E₂ quian'₅₄ lé₂ le₃quíng₄ a₂lín₅ dsa₂ i₂chan₂ jmig₄ ně₃? Lín₅ jui₁lia'₂ lín₅ i₂bě'₅₄ i₂tion'₅₄ co₅ jě₄ 'ma'₅₄, tain'₅₄ co₂mi'₅₄ qui₂guió'₅ tsí'₅ r'in'₅₄:

17 Ně₂jéi₄ jnia'₅₄ te₁fi₁ o₄quián'₂ 'nia'₂,
la₁ tsá₃ ně₂dsián'₃ guě'₂ 'nia'₂;
ján₃ guě'₂ ně₂jmó₁ jnia'₅₄ son₅₄ quió'₅ 'lag₄

a₂ta'₂ 'lia'₂ dsí₅ dsa₂,
la₁ tsá₃ ca₂tá'₂ guě'₂ qui'₂ 'au'₂ 'nia'₂.

18 Ia₁ ca₂guan₃ Juan₅₄, i₂tsá₃ 'e₂ 'líong₂ jme₁guě'₅ on₃ guě'₂ 'e₂ jme₁'ín'₂ ně₃, jaun₂ ca₂'ag₃ dsa₂ a₂'ein₅₄ je₂na'₅₄. 19 Ca₂guan₃ guě'₂ táng₃ Jaun₅ dsa₂ mi₂güig₃ i₂guě'₅ i₂'ín'₂, 'ag₅ táng₃ dsa₂ a₂lín₅ jlé₂ 'í₅ quian'₅₄ má₄ jmig₃, a₂lín₅ a₂mei₅₄ quián₅ dsa₂ cha₂ dsau₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ ně₃. La₁ tion₅₄ bá₄ le₃l'₄ dsa₂ a₂dsau₅ jág₁ a₂ñi'₂ dsí₅ Diú₄, 'uig₅₄ ia₁ ñi'₂ bá₄ dsí₅ dsa₂ i₂gue₅ jág₁ ně₅.

Juig₂ jě₁tsá₃ ne'₅₄ dsa₂
(Lucas 10:13-15)

20 Jaun₂ ně₃, ca₂jme₃lióg₃ Jesús qui₂ca₂jéin₂ dsa₂ ja₁'líong₂ guě₄ léi₄ juě'₂ ma₂qui₂ma₂jmo₃, ia₁ tsá₃ ma₂jéin'₃ dsa₂ dsí₅. Jaun₂ ca₂juá'₂:

21 —i'E₂ guě₄ juig'₂ 'nia'₂ dsa₂ juig₂ Corazín! i'E₂ guě₄ juig'₂ 'nia'₂ i₂chan₂ Betsaida! Ia₁ jua'₅₄ mei'₂ guě₃ jniá₂ ma₂jmo₃ léi₄ juě'₂ ně₅ jě₄ juig₂ Tiro quian'₅₄ juig₂ Sidón jui₁lia'₂ a₂ma₂jmo₃ jniá₂ jě₄ quián'₂ 'nia'₂, líg'₂ bá₄ tsá₃ ma₂ca₂jéin'₃ dsa₂ 'éi₂ dsí₅, jme₁cuě₃ léi₄ a₂qui'₂ dsí₅ jme₁i₃nioi₅₄ le₁qui'₂ 'mi'₂ taun₅ qui₂le₁séin₅ ti₁juá₃ ně₃. 22 La₁ juig₂ jniá₂ 'nia'₂, jmig₄ i₁qui₃dsi₅ Diú₄ 'éi'₃, ja₂lín₃ guě₄ tson₂ uig₅ a₂guéi'₁ 'nia'₂ con'₂ guě₄ dsa₂ i₂jme₁chan₂ Tiro quian'₅₄ Sidón. 23 'Nia'₂ guě'₂ dsa₂ i₂chan₂ juig₂ Capernaum, ġlín'₂ 'nia'₂ a₂uig₅₄ guei'₅₄ lín₃? On₃jua'₅₄ le₂jaun₂. Tě₂ ja₁ji'₂ lín₃ ja₁tion'₅₄ 'lag₄† bá₄ sén'₂ 'nia'₂. Ia₁ jua'₂ mei'₂ guě₃ jniá₂ ca₂jmo₃ léi₄ juě'₂ jě₄ juig₂ Sodoma jui₁lia'₂ a₂ma₂ca₂jmo₃ jniá₂ jě₄ quián'₂ 'nia'₂, a₂niog₅ bá₄ juig₂ jaun₂ ca₂tě₂ jmig₄ ně₃. 24 Jaun₂ juá'₅ jniá₂, jmig₄ jě₁ma₂tě₂ rě₁qui₃dsi₅ Diú₄ 'éi'₃, 'ñio₅ guě₄ uig₅ guéi'₁ 'nia'₂ con'₂ guě₄ dsa₂ i₂jme₁chan₂ juig₂ Sodoma.

Ja₁jñia₅ dsa₂ i₂ma₂'ú'₃
(Lucas 10:21-22)

25 Jmig₄ jaun₂ ca₂juá'₂ Jesús:

—Jme₁juín'₁ jniá₂ 'ne₂, Tia₅₄, i₂lín₅ juig₅₄ gua'₅₄ 'uě₃ quian'₅₄ guei'₅₄ i₂juig₃, ia₁ ca₂'ma'₅₄ a₂ně₅ ja₁con₂ dsa₂ i₂tin₂ si₂, i₂ñi'₂ dsí₅, a₂ma₂ca₂jme₁jniag'₂ ja₁con₂ dsa₂ i₂lín₅ lia'₂ lín₅ guein₂, i₂tsá₃ 'e₂ cuí'₅. 26 Dsón'₂ bá₄ jaun₂, Tia₅₄, ia₁ le₂ně₅ ca₂rě₃ñi₃ 'au'₂.

27 Jaun₂ ca₂tsí'₃ dsa₂:

—O₄gu₃ jniá₂ ma₂ca₂dsia₃ Ne'₃ ca₂le₃jě₃. 'I₁jan₂ tsá₃ 'ein₂ cuin₅ Ja₁ñi'₅₄ Diú₄ 'a₂ lia'₂ tě₃dsón'₂ lín₅, jnia'₅₄ lia'₂ 'ñiog₅ bá₄ Jmei₂; ján₃ bá₄ 'i₁jan₂ tsá₃ 'ein₂ cuin₅ Jmei₂ 'a₂ lia'₂ tě₃dsón'₂ lín₅, jnia'₅₄ lia'₂ 'ñiog₅ bá₄ Ja₁ñi'₅₄ táng₃, ján₃ bá₄ jme₁jniai₂₃ ja₁con₂ i₂'nio₃ le₃ñi₅. 28 I₂nó'₅ 'nia'₂ ja₁con₂ jniá₂, ca₂le₃jín'₃ 'nia'₂ i₂qui₂ma₂'ú'₃ dsí₅, i₂qui₂le₁quian₅ guei₂, jaun₂ cuě₅₄ jniá₂ ja₁jan'₄ 'nia'₂. 29 Gue₄ 'nia'₂ ta₁ quió₃ a₂cuě₅ jniá₂ 'nia'₂, jme₁tin₅ 'nia'₂ jmó'₂ ján₃, 'a₂ lia'₂ lín₅ jniá₂, ia₁ juín'₂ dsi₃ lín₅, meg'₂ bá₄ lě₅ dsi₃; jaun₂ le₂ně₅ bá₄ dsi₁nó'₅ 'nia'₂ dsiang'₂

† 11:12 o₃, “ca₂tě₃ jmig₄ ně₃, ma₂já'₅ ja₁gon₂ Diú₄ ně₂jag₄ bá₄ a₂lě₂ 'nei₂. Jaun₂ dsa₂ i₂con₂ qui₂jmo₂₃ 'nei₂ ně₃, 'nio₃ join₅₄ jui₁lia'₂ dsa₂ i₂ñio₃, jui₅ jaun₂.” ‡ 11:23 griego: hades, co₂'nió₄ a₂juá'₂, ja₁quió'₄ 'lag₄.

ja₁jñia₃ tē₂'au'₂. ³⁰ Ia₁ ta₁ a₂cuē₅ jniá₂ 'nia'₂, on₃jua'₅₄ a₂'ua'₂ ta₁; já_{n3} bá₄ le₂jaun₂ on₃jua'₅₄ a₂guei₂ cán'₁ 'nia'₂ a₂cuē₅ jniá₂ 'nia'₂.

12

Jesús bá₄ i₂quian'₅ 'éi'₃ ne₄ quió'₅ jmi_{g4} sa₅₄
(Marcos 2:23-28; Lucas 6:1-5)

¹ Jmi_{g4} jaun₂ ca₂ñi₃ Jesús ja₁lě₄ ja₁nau₂ quió'₅ dsa₂ caun₂ jmi_{g4} sa₅₄. Dsa₂ i₂quiain'₅₄ ně₃ ca₂tá'₁ i₁cón'₅, jaun₂ qui₂ca₂gá₃ mí'₂ trigo, jaun₂ ca₂guē'₃. ² Jme₁ca₂jág₂ dsa₂ fairseos, jaun₂ ca₂o₃lėin₂ ca₂tsi'₃ Jesús:

—Jag₄ 'a₂ lia'₂ tion'₅₄ dsa₂ quiáng'₂ jmo₂₃ ta₁ a₂tsá₃ 'i₄ 'éi'₃ jmo₃ dsa₂ jmi_{g4} sa₅₄.

³ Jaun₂ ca₂ñag₃ Jesús:

—¿Tsa₁ ma₂ca₂'í'₂ 'nia'₂ ne₄ Si₂ 'a₂ lia'₂ lě₅ ca₂jmo₃ David co₂ráun₂ jme₁ca₂lě₃ i₁cón'₅ quiain'₅₄ riin'₅₄? ⁴ Ca₂'í₃ dsi₂néi₂ quió'₅ Diú₄, ca₂guē'₃ i₁ñi'₄ jñi_{o5}, a₂tsá₃ jme₁'i₄ 'éi'₃ guē'₃, a₂'i₄ 'éi'₃ guē'₃ jmá'₃ jme₂dsa₂. ⁵ ¿O₃ tsa₁ ma₂ca₂'í'₂ 'nia'₂ ne₄ Si₂ 'Éi'₃ quió'₅ Moisés, ju_{i1}lia'₂ jme₂dsa₂ tsá₃ jme₂gó'₃ jmi_{g4} sa₅₄? La₁ tsá₃ 'ein₂ bón'₂ guē'₂ dso₄ 'éi₂ ně₃. ⁶ Ju_{i2}g₂ jniá₂ 'nia'₂, ja₁lá₃ chén'₅ jan₂ i₂juin'₂ guē₄ con'₂ guē₄ guá'₅ templo. ⁷ Jua'₅₄ mei'₂ guē₃ ma₂ñi'₂ 'nia'₂ 'e₂ jein₅ jág₁ la₂: “A₂'nio₃ jniá₂ a₂dsiá'₁ 'nia'₂ néi₂ 'au'₂, on₃jua'₅₄ rē'₂ a₂jñia'₅₄ qui₁jen'₅₄ 'nia'₂ 'e₂ qui₁jen'₅₄ ne₃”, * tsá₃ jua'₅₄ jme₁bong'₅₄ dso₄ dsa₂ i₂tsá₃ 'e₂ dso₄ rin₂. ⁸ Ia₁ le₂ně₅ jaun₂, jniá₂, Jaun₅ dsa₂ mi₂gü₃, jmo₂₃ 'éi'₃ ju_{i1}lia'₂ jmi_{g4} sa₅₄.

Jan₂ dsa₂ jle₅ caun₂ gu₂
(Marcos 3:1-6; Lucas 6:6-11)

⁹ Ca₂o₃'in₃ bá₄ Jesús ja₁jaun₂, jaun₂ ca₂'í₃ táng₃ dsi₂néi₂ guá'₅ sinagoga. ¹⁰ Ja₁jaun₂ jme₁'en₅₄ jan₂ dsa₂ i₂jle₅ caun₂ mi₂gu₂. Dsa₂ fariseos ně₃ jme₁'nio₃ 'no'₂ ju_{i5} bóin'₂ dso₄ Jesús, jaun₂ ca₂ñag₃:

—¿'I₄ 'éi'₃ jme₃lión₂ dsa₂ jan₂ dsa₂ dso'₅₄ jme₁jmi_{g4} sa₅₄?

¹¹ Jaun₂ ca₂ñag₃ Jesús:

—¿'Ein₂ 'nia'₂, i₂'ñio₅ jan₂ já'₂ cha'₂, ně₂jua'₂ ca₂bain₃ siá₅ ju_{i1}lia'₂ caun₂ jmi_{g4} sa₅₄, tsa₁ dsó₅ dsi₂dsein₂₃ já'₂ quiáin₅? ¹² 'Ě₂ guē₄ bá₄ quen₅ jan₂ dsa₂ con'₂ guē₄ jan₂ já'₂ cha'₂! Jaun₂ lě₃, 'i₄ bá₄ 'éi'₃ jmo₃ dsa₂ a₂dse₃ ju_{i1}lia'₂ jmi_{g4} sa₅₄.

¹³ Jaun₂ guē₄ ca₂tsi'₃ dsa₂ dso'₅₄ 'éi₂:

—Nei'₅₄ gog'₂.

Jaun₂ ca₂néi'₃ 'éi₂ gu₂, ca₂jñia₃ quió'₅, jaun₂ ca₂lě₃ co₂rě₂ quian'₅₄ a₂caun₂. ¹⁴ Ca₂'uin₂ bá₄ dsa₂ fariseos 'éi₂ ně₃, jaun₂ ca₂jmo₃ jág₁ a₂jñi'₃ Jesús.

Ju_{i1}lia'₂ dsa₂ i₂ca₂quión'₂ Diú₄ a₂jme₃ti₃ ta₁ ne₅₄, jág₁ a₂ca₂'ě₂ dsa₂ i₂ca₂juá'₂ o₄quió'₄ Diú₄

¹⁵ Jme₁ca₂rě₃ñi₅ Jesús jág₁ jaun₂, ca₂o₃'in₃ bá₄. Jaun₂ juin₅ lin₃ dsa₂ i₃lėn₂ chi₁co'₅₄ quió'₅ 'ein₂₃. Jme₁jme₂lión₂ Jesús ca₂le₃jín₃ dsa₂ i₂le₁dso'₅₄, ¹⁶ jaun₂ ca₂juá'₂ a₂tsá₃ 'e₂ dsia₃ dsa₂ jua'₅₄ a₂'ag₃ 'ein₂ lín₅. ¹⁷ Le₂ně₅ bá₄ ca₂lě₃ ia₁jaun₂ le₃ti₃ jág₁ a₂ca₂'ě₂ Isaiás, dsa₂ i₂jme₁'ě₂ jág₁ quián₅ Diú₄, jme₁ca₂juá'₂ le₂la₂:

¹⁸ I₂la₂ bá₄ dsa₂ i₂jme₃ti₃ ta₁ ne₃,

i₂ma₂ca₂quiong'₅₄, i₂'nióg₃ guē₄ lín₃,

jaun₂ 'io'₂ jėin₅ jniá₂ quiain'₅₄.

Tón'₁ jniá₂ Jme₂dsi₂ quiáng₃ tē₂dsi'₅,

jaun₂ jme₃jñiai₂₃ ca₂le₃jě₃ juig₂

jín₄ dsi₂nau₂ 'ě₃ ju_{i5} dsau₅ tē₃dsón'₂.

¹⁹ Tsá₃ quein₅ náu₃, on₃ guē'₂ guió'₃,

on₃ guē'₂ né'₂ jág₁ quió'₅ jě₄ calle,

* 12:7 Oseas 6:6.

20 Lia'₂ 'i₁ca₂tag₄ ni₁'ma₂ ta₅ tsá₃ jiō₃,
on₃ guë'₂ ei₃ ni₁mecha a₂ca₂juig₄ 'ia₂ guë₄ jme₁ni₁.
Jmo₃ le₂në₅ ca₂lia'₂ ca₂tió'₃
a₂lí'₂ a₂dsi₂ten₅₄ dsón'₂.

21 Jaun₂ caun₂ ja₁con₂ 'éi₂ bá₄
'ag₃ dsa₂ caun₂ dsí₅
ca₂le₃jín₃ dsa₂ i₂chan₂ ca₂le₃jě₃ juig₂.†

Juá'₂ dsa₂ a₂'io₅ Jesús jui₅bí₂ quió'₅ Be'elzebú
(Marcos 3:19-30; Lucas 11:14-23, 12:10)

22 Jaun₂ ca₂o₃jnia₃ dsa₂ ja₁coin₂ jan₂ dsa₂ ten₄ i₂con₄ ně₃ i₂jme'₁en₅₄ jan₂ jme₂dsí₂ je'na'₅₄.
Jesús ně₃ ca₂jme₃'lió₂, ca₂jág₃ táng₃ dse₃, ca₂dsia₃ dse₃ jág₁ ně₃. 23 Ca₂i₃gó'₃ dsí₅ ca₂le₃jín₃
dsa₂, jaun₂ ca₂juá'₂:

—¿On₁jua'₅₄ i₂në₅ lín₅ tsi₁jon₂ David?

24 La₁ jme₁ca₂nág₂ dsa₂ fariseos jág₁ jaun₂, ca₂dsia₃ jág₁ quian'₅₄ riin'₅₄:

—A₂'uin'₂ i₂në₅ je'na'₅₄ quió'₅ dsa₂ tē₂le₃ quian'₅₄ jui₅bí₂ quió'₅ Be'elzebú, juig₅₄ je'na'₅₄
bá₄.

25 La₁ i₂ni₅ rē₂ bá₄ Jesús 'e₂ dsi₂jiog₅ dsí₅ dsa₂ 'éi₂, jaun₂ ca₂juá'₂:

—Jui₁lia'₂ dsi₂tan₅₄ tion'₅₄ le₁dsoin'₅₄, nió'₅ mi'₅₄, tsá₃ uě₂ tió'₅ jua'₅₄ tsá₃ dsi₃'én₂ 'éi'₃ quió'₅.
Le₂në₅ bá₄ ján₃ jui₁lia'₂ dsa₂ caun₂ dsi₂néi₂, ně₁jua'₂ lě₅ le₁dsoin'₅₄, niog₅ mi'₅₄, ján₃ bá₄
tsá₃ uě₂ tió'₅. 26 Ján₃ bá₄ le₂në₅, ně₁jua'₂ ca₂jmo₃ Satanás mi'₅₄ dsein₂₃ jan₂ i₂quiáin₅ 'niog₅,
co₂'nió'₄ 'niog₅ bá₄ jmo₂₃ le₁dsoin'₅₄. ¿'A₂ lia'₂ lé₂ le₃'io₃ guë₄ bí₂ 'éi'₃ quió'₅, chi₂jua'₂ le₂jaun₂?

27 Chi₂jua'₂ jniá₂ 'uing'₅₄ je'na'₅₄ quian'₅₄ bí₂ quió'₅ Be'elzebú jui₁lia'₂ juá'₂ 'nia'₂, ¿'ein₂ bá₄
guë'₂ cuë₅ bí₂ cuë'₅ dsa₂ quián'₂ 'nia'₂ a₂'uin'₂ je'na'₅₄ jaun₂ ně₃? 'Uig₅₄ jaun₂, guion₅₄ bá₄
dsa₂ quiáng'₂ jme₃li₅₄ a₂lín'₅ 'nia'₂ guiong'₅₄. 28 La₁ jniá₂ ně₃ ně₂'uing'₅₄ je'na'₅₄ tē₂le₃ quian'₅₄
bí₂ quió'₅ Jme₂dsí₂ quián₅ Diú₄. Jaun₂ ně₃ le₂në₅ bá₄ cuë₅ jniá₂ léi₄ a₂ma₂gua₅ 'éi'₃ quió'₅ Diú₄
ja₁con'₂ 'nia'₂.

29 'Jaun₂ ně₃, ¿'a₂ lia'₂ lé₂ le₃'í₂ jan₂ dsa₂ dsi₂néi₂ quió'₅ jui₁lia'₂ jan₂ dsa₂ i₂'uan'₂, a₂jnia'₃
a₂te₁'i₁ quió'₅, chi₂jua'₂ le₂'ui₅₄ tsá₃ ma₂ně₂'nei'₂ de'₂ dsa₂? Jnia'₅₄ lia'₂ le₂jaun₂ bá₄ lé₂
le₃jnia'₃ a₂cha₂ quió'₅.

30 'I₂tsá₃ tión₂ le₃quió₃ jniá₂, dsa₂ i₂'io₅₄ jniá₂ bá₄ 'éi₂; le₂jaun₂ guë'₂ i₂tsá₃ quian'₅₄ jniá₂
cág'₅, jnia'₅₄ jmo₂₃ tsi₁rē₂ja₅₄ bá₄. 31 Juig₂ jniá₂ 'nia'₂ jaun₂ ně₃, a₂lé₂ le₃'én₂ bá₄ ca₂le₃jě₃ dsáu₁
dsa₂, ca₂le₃jě₃ 'e₂ a₂'lig'₅₄ juá'₂ ně₃. La₁ ně₁jua'₂ ca₂'in₃ 'lig'₅₄ Jme₂dsí₂ quián₅ Diú₄, a₂ně₅ guë₄
tsá₃ ma₃o₂'én₂ dso₄ cha₂. 32 La₁ ně₁jua'₂ chan₂ i₂ca₂'in₃ 'lig'₅₄ Jaun₅ dsa₂ mi₂güig₃, lé₂ bá₄
le₂'én₂ dsáu₁; la₁ jui₁lia'₂ i₂'in₅ 'lig'₅₄ Jme₂dsí₂ Jnió₅, tsá₃ ma₃o₂'én₂ dso₄ cha₂ quió'₅, mi₂güig₃
la₂, on₃ guë'₂ mi₂güig₃ caun₂ ně₃.

Tē₂le₃ 'a₂ lia'₂ lě₅ mīg₂ a₂'ag₅ bá₄ ni₁'ma₂, jáng'₅ léi₄
(Lucas 6:43-45)

33 'Chi₂jua'₂ jmo'₂ 'nia'₂ a₂le₃dse₃ ni₁'ma₂, mīg₂ dse₃ bá₄ 'ag₃; la₁ chi₂jua'₂ jmo'₂ 'nia'₂
a₂le₃'lig'₅₄ ni₁'ma₂, mīg₂ 'lig'₅₄ bá₄ 'ag₃ ján₃. 'Uig₅₄ jaun₂, tē₂le₃ quian'₅₄ mīg₂ a₂'ag₅ bá₄ ni₁'ma₂,
jáng'₅ léi₄ chi₂jua'₂ dse₃ o₃ a₂'lig'₅₄ 'e₂. 34 'Nia'₂ tsi₁jon₂ dsi₂mi'₂! ¿'A₂ bá₄ lia'₂ lé₂ le₃dsiá'₁ 'nia'₂
jág₁ dse₃, ton'₂ 'lin'₅₄ bá₄ guë'₂ 'nia'₂ guiong'₅₄? Ia₁ lia'₂ con'₂ lě₅ a₂'lióng₂ ṅag₅₄ cha₂ tē₂dsí₅
dsa₂, a₂jaun₂ bá₄ 'uě₂ mi₂'o₅₄. 35 Jui₁lia'₂ dsa₂ dsen₃, jág₁ dse₃ bá₄ dsia₂₃, ia₁ jmá'₃ lia'₂ a₂dse₃
bá₄ rē₂'ma₄ tē₂dsí₅; le₂në₅ bá₄ jui₁lia'₂ dsa₂ 'lin'₅₄, jág₁ 'lig'₅₄ bá₄ dsia₂₃, ia₁ jmá'₃ lia'₂ a₂'lig'₅₄
bá₄ rē₂'ma₄ tē₂dsí₅. 36 Jaun₂ juá'₅ jniá₂, jáng'₃ bá₄ dsa₂ mi₂güig₃ cuenta quió'₅ jē₁ma₂tē₂ jmig₄
i₁con₂ Diú₄ 'í₁, qui₃dsi₂₃ 'éi'₃ ne₄ ca₂le₃jě₃ jág₁ a₂tsá₃ ta₁ tí₄. 37 Ia₁ tē₂le₃ 'a₂ lia'₂ lě₅ jág₁ quián'₂
bá₄ 'nia'₂, jióg'₂ 'í₁, rīng'₂ o₃ tsá₃ rīng'₂.

† 12:21 Isaías 42:1-4.

Mi₅ dsa₂ fariseos a₂jmo₃ Jesús caun₂ léi₄ juë'₂
(*Marcos 8:12; Lucas 11:29-32*)

38 Jaun₂ ně₃ i₂lin₅₄ dsa₂ fariseos quian'₅₄ tē₅juá'₅ ca₂tsí'₃ Jesús:

—Tē₅, 'niog₂ jnia'₅₄ jag₅₄ caun₂ léi₄ juë'₂ a₂jmo'₂ 'ne₂.

39 Jaun₂ ca₂ḡag₃ Jesús:

—Tsi₁jon₂ dsa₂ 'lin'₅₄ i₂tsá₃ nag₃ la₂ mi₂₃ a₂jmo₅₄ jniá₂ caun₂ léi₄ juë'₂. La₁ tsá₃ ma₃'e₂ léi₄ lé₂ le₃cuë₅₄ jniá₂ ja₁con'₂ 'nia'₂ jnia'₅₄ lia'₂ con'₂ léi₄ ju₁lia'₂ a₂ca₂i₃ḡi₂ Jonás i₂jme'₁ě₂ jág₁ o₄quió'₄ Diú₄ bá₄. 40 Ia₁ ju₁lia'₂ ca₂'í₃ Jonás 'ni₅ jmig₄, 'ni₅ nei₅ tē₂dsí₅ já'₂ jmig₂ pan₅₄ 'éi₂, le₂jaun₂ bá₄ 'í₂ Jaun₅ dsa₂ mi₂güig₃ né'₃ 'uë₃ 'ni₅ jmig₄, 'ni₅ nei₅. 41 Jmig₄ jē₁ma₂tē₂ rē₁con₂ Diú₄ 'í₁, dsa₂ i₂jme₁chan₂ juig₂ ciudad Nínive, dsa₂ 'éi₂ bá₄ náu₃ qui₃dsí₂₃ 'éi'₃ ján₃ ja₁con'₂ 'nia'₂ dsa₂ chang'₂ jmig₄ ně₃. Ia₁ dsa₂ 'éi₂ ca₂jéin'₃ dsí₅ lia'₂ con'₂ jme₁ca₂'ě₂ Jonás jág₁ quió'₅ Diú₄. La₁ ně₃ ně₃ la₂ chén'₅ jan₂ i₂juin'₂ guě₄ lia'₂ con'₂ guě₄ Jonás 'éi₂. 42 'Io₅₄ rag₅₄ i₂jme₁gon₂ 'uë₃ tē₂le₃ sur, ján₃ bá₄ náu₃ 'éi₂ jmig₄ i₁qui₃dsí₅ Diú₄ 'éi'₃, ján₃ guě'₂ 'liog'₃ 'éi₂ 'liain'₃ 'nia'₂ i₂chang'₂ jmig₄ ně₃. Ia₁ 'éi₂ ně₃ ca₂já₃ uing₂ lin₃ ca₂'í₃ ju₁i₅ a₂ca₂o₃néi₃ jág₁ quió'₅ Salomón 'a₂ lia'₂ jme₁ḡi'₂ dsí₅ 'éi₂ a₂ḡi₄ lē₃ jme₁tiin₂;† la₁ ně₃ ně₃, la₂ chén'₅ jan₂ i₂juin'₂ guě₄ con'₂ guě₄ Salomón 'éi₂.

Jme₂dsí₂ 'lin'₅₄ i₂jón'₂ táng₃
(*Lucas 11:24-26*)

43 'Jē₁ma₂o₂'ín₃ jan₂ jme₂dsí₂ 'lin'₅₄ quió'₅ jan₂ dsa₂, jaun₂ dsi₂ḡi₃ le₂tan₅₄ ja₁quein₂ 'no'₂ ja₁jnia₃. Nē₁juá'₂ tsá₃ ca₂dsó'₂ ja₁jnia₃ ně₃, jaun₂ 'no'₂ táng₃ dsí₅: 44 “Nég'₄ táng₃ dsi₂néi₂ quió₃ ja₁ca₂o₃'íng₃.” Jē₁ma₂ca₂dsiáin'₃ jaun₂, dsain'₂ táng₃ dsa₂ 'éi₂ lín₅ co₂'nió'₄ bá₄ caun₂ dsi₂néi₂ a₂rē₂jē₄, rē₂'ia'₅₄, rē₂ chí'₅. 45 Jaun₂ ně₃ o₂'iin₅₄ táng₃ dsó₅ chi₂liain'₂ con'₂ guě₄ guion₃ jme₂dsí₂ 'lin'₅₄ riin'₅₄ i₂lē₁'ḡio₅ guě₄ con'₂ guě₄ 'ḡiog₅. Dsi₂lein₅ dsi₂tiain'₂ tē₂dsí₅ dsa₂ 'éi₂. Jaun₂ dsa₂ 'éi₂ ně₃, dsió₄ léin₂ le₃'lín'₅₄ guě₄ lin₃ guě₄ con'₂ guě₄ jme₁lín₄ le₂'uig₅₄. § Le₂nē₅ bá₄ dsi₃ḡi₂ tsi₁jon₂ 'lin'₅₄ i₂chan₂ rē₂nē₃.

Chi'₂ rin'₅₄ Jesús quian'₅₄ chog₅₄
(*Marcos 3:31-35; Lucas 8:19-21*)

46 Tē₃ 'en₅₄ Jesús dsia₂₃ jág₁ tsí'₅ dsa₂, jme₁ca₂dsi₃lén₂ chi'₂ rin'₅₄ quian'₅₄ chog₅₄ ně₃. Ca₁'né₄ bá₄ ca₂tiáin'₂ a₂'nio₃ dsia₃ jág₁ quian'₅₄ Jesús. 47 Jaun₂ ca₂i₁con₂ jan₂ jág₁, ca₂juá'₂:
—Chog'₂ quian'₅₄ chi'₂ ríng'₂ tiáin'₅ ca₁'né₄, a₂'nio₃ dsia₃ jág₁ quian'₅₄ 'ne₂.*

48 Jaun₂ ca₂ḡag₃ Jesús:

—¿'Ein₂ 'éi₂ cha₃ jniá₂, 'ein₂ 'éi₂ rin'₃ jniá₂ ně₃?

49 Jaun₂ ně₃ ca₂'iin₃ chi'₂ dsi₂guia₃-tín₂ quiáin₅, jaun₂ ca₂juá'₂:

—I₂la₂ bá₄ lín₅ co₂'nió'₄ cha₃ jniá₂, quian'₅₄ ríng'₃ ně₃. 50 Ia₁ ju₁'ein₂ guě₃ i₂jmo₅ a₂'ḡio₂ dsí₅ Ne'₃ jniá₂ i₂guá₅ guei'₅₄ i₂juig₃, i₂'éi₂ bá₄ lín₅ ju₁lia'₂ dsó₂ ríng'₃, 'io₅₄ ríng'₃, cha₃ ně₃.

13

Jág₁ a₂jáng'₅ léi₄ ju₁lia'₂ dsa₂ i₂séi₂ mīg₂ jon₂
(*Marcos 4:1-9; Lucas 8:4-8*)

1 Jmig₄ jaun₂ ca₂o₃'ín₃ Jesús dsi₂néi₂ ja₁jme₁'ein₅₄, ca₂ḡó₃ ca₂i₁gua₂ chei'₅₄ jmi₁'ḡi'₄. 2 Ia₁ ca₂ḡi'₂ táng₃ juin₅ lin₃ dsa₂ le₃lág'₃ quió'₅ ja₁guá₄, jaun₂ ca₂'í₃ 'ḡió'₃ tsi₁mu₅, jaun₂ ca₂guá₂. Jaun₂ dsa₂ guě'₂ ně₃ ca₂tóin'₂ ca₂le₃jáin₃ chei'₅₄ jmig₂. 3 Jaun₂ ně₃ ca₂jme₃tiin₂₃ dsa₂ 'lióng₂ lin₃ jág₁ tē₂le₃ quian'₅₄ jág₁ a₂jáng'₅ léi₄.

Ca₂juá'₂:

† 12:42 'Í₂ 1 Reyes 10; 2 Crónicas 9:1-12. § 12:45 'Nio'₂ ja₁ton₅ 2 Pedro 2:20. * 12:47 A₂lin₅₄ chog₅₄ si₂ tsá₃ chi₁ton₅

—Jan₂ dsa₂ ca₂ŋe₄ ja₁nau₂ ca₂i₁séi₄ míg₂ jon₂; ⁴ jme₁ma₂'ein₅₄ séi₂ ně₃, a₂lin₅₄ míg₂ jon₂ ca₂i₃ga₅₄ le₂'i₄ jui₅, jaun₂ ně₃ i₁tan₅ bá₄ ca₂o₃lén₂ ca₂cág₃. ⁵ A₂lin₅₄ guë'₂ míg₂ jon₂ ca₂i₃to'₅₄ jë₄ ni₁cang₁, ja₁tsá₃ lin₄ gua'₅₄ lë₅. A₂jaun₂ ně₃ tsá₃ uë'₂ ca₂rë₃'ag₄ ca₂'ia₂, ia₁ tsá₃ jì'₂ gua'₅₄ ja₁i₃to'₅₄. ⁶ La₁ jme₁ca₂të'₂ 'iog₂, ca₂rë₃juing₅, ca₂cáu₂ bá₄ a₂jaun₂, ia₁ tsá₃ jmú₄ 'líong₂ jme₁ma₂cha₂. ⁷ A₂lin₅₄ guë'₂ i₃ga₅₄ ja₁lë₄ ni₁taun₅. Jme₁ca₂i₃cón₃ ni₁taun₅ ně₃, ca₂jlë₃ bá₄ jon₂ jaun₂ táng₃. ⁸ La₁ a₂lin₅₄ guë'₂ ně₃ ca₂tín₂ ja₁'o'₅₄ 'uë₃; a₂jaun₂ ca₂rau₂ dse₃; a₂lin₅₄ míg₂ jon₂ ca₂'ág₂ jma₃cáun₃ 'ñiá₂-láu₂ míg₂ lia'₂ ca₂míg₂ jon₂ a₂i₃jnia₄; a₂lin₅₄ guë'₂ jma₃'nag'₂ ne₂guióg₂ míg₂, a₂lin₅₄ guë'₂ jma₃guióg₂-guiá₂ míg₂. ⁹ Chi₂jua'₂ 'ein₂ 'nia'₂ i₂dsi₅₄ rë₂gua₄, nei₂ 'nia'₂.

Ta₁ qui'₅ jág₁ a₂jáng'₅ léi₄

(Marcos 4:10-12; Lucas 8:9-10)

¹⁰ Jaun₂ ca₂jme₃quián₃ chi'₂ dsi₂guia₃-tín₂ con₂ Jesús, jaun₂ ca₂ŋag₃:

—¿'E₂ lë₃ jme₂tíng'₁ dsa₂ jmá'₃ lia'₂ quian'₅₄ jág₁ a₂jáng'₅ léi₄?

¹¹ Jaun₂ ně₃ ca₂ŋag₃ Jesús:

—Diú₄ bá₄ jmo₅ a₂rë₃ñí'₂ 'au'₂ 'nia'₂ jág₁ rë₂'ma₄ ju₁lia'₂ 'a₂ lia'₂ lë₅ ja₁goin₂ guei'₅₄ i₂juíg₃. La₁ ja₁con₂ dsa₂ ně₅ ně₃, tsá₃ le₂jaun₂. ¹² Ia₁ ju₁lia'₂ dsa₂ i₂ñí'₂ dse₃, Diú₄ bá₄ jmo₃ le₃ñí'₂ guë'₄ 'líong₂, jaun₂ dsi₁lén₂ lén₂ dsa₂ i₂niog₅ dsi₄. La₁ ju₁lia'₂ i₂tsá₃ 'nio₃ le₃ñí'₂ ně₃, Diú₄ bá₄ jmo₃ co₂dsia₅ tsá₃ le₃ñí'₂ co₂ñei'₅₄. ¹³ Uig₅₄ jaun₂ bá₄ a₂jme₂tín₂ jniá₂ dsa₂ tē₂le₃ quian'₅₄ jág₁ a₂jáng'₅ léi₄:

Ia₁jaun₂ i₂jág₃,

la₁ tsá₃ le₃lí'₄ 'e₂ a₂në₂jág₃;

i₂në₂néi₂ guë'₂ ně₃,

la₁ tsá₃ ca₂rë₃lí'₄ 'e₂ a₂në₂néi₂,

on₃ guë'₄ ca₂ñí'₂.

¹⁴ Jaun₂ le₂në₅ rë₂ti₃ tē₂le₃ quió'₅ dsa₂ ně₅ ju₁lia'₂ ca₂juá'₂ Isaías i₂ca₂'ë₂ jág₁ quián₅ Diú₄: Dsón'₂ bá₄ nág'₁ 'nia'₂,

la₁ tsá₃ le₃ñí'₂ 'e₂ a₂nág'₁;

Caun₂ qui₁jag'₅₄ 'nia'₂ ně₃,

la₁ tsá₃ le₃len'₅₄ 'nia'₂,

¹⁵ Ia₁ a₂ma₂'ua'₂ dsi₄ bá₄ dsa₂ la₂,

ja₂lag₃ bá₄ nag₂₃,

në₂jag₄ bá₄ i₂ma₂rë₂jni₅ rë₂gua₄;

ján₃ bá₄ le₂në₅, në₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guë'₂ nag₃ quian'₅₄ rë₂gua₅₄,

on₃ guë'₄ le₃ñí'₂ dsí₅,

ia₁jaun₂ tsá₃ jéin'₃ dsí₅ ja₁con₂ jniá₂

ia₁jaun₂ jme₁'lioin₁₂ jniá₂.*

¹⁶ 'La₁ 'e₂ guë'₄ dsen'₃ 'nia'₂ ia₁ jniá₂ mi₂ne'₅₄, nag'₂ bá₄ 'nia'₂ ně₃ quian'₅₄ rë₂guá'₂.

¹⁷ A₂dsi₂jó'₃ juíg₂ jniá₂ 'nia'₂, juin₅ dsa₂ i₂jme₁'ë₂ jág₁ quián₅ Diú₄ ma₂líg'₂, juin₅ dsa₂ dsen₃, jme₁'nio₃ tē₃ ne₅₄ a₂jág'₂ 'nia'₂ rë₂ně₃, la₁ tsá₃ ca₂jág₃; jme₁'nio₃ nag₃ ně₃ ju₁lia'₂ a₂nag'₂ 'nia'₂ rë₂ně₃, la₁ tsá₃ ca₂nág₂.

Juá'₂ Jesús tsí'₅ dsa₂ lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ jág₁ quió'₅ dsa₂ i₂séi₂ mi₂jon₂

(Marcos 4:13-20; Lucas 8:11-15)

¹⁸ 'Nei₂ 'nia'₂ jaun₂, 'e₂ jág₁ dsau₅ jáng'₅ ju₁lia'₂ jág₁ quió'₅ dsa₂ i₂séi₂ míg₂ jon₂. ¹⁹ Ju₁lia'₂ dsa₂ i₂nag₅ jág₁ dse₃ a₂já₅ guei'₅₄ i₂juíg₃ ja₁gon₂ Diú₄, në₁jua'₂ tsá₃ ñí'₂, lín₅ ju₁lia'₂ míg₂

* **13:15** Isaías 6:9-10.

jon₂ a₂ca₂séi'₂ dsi₂juí₅. I₂së₃dsen₃ bá₄ja₂ ja₁coin₂, jaun₂ jñiá'₂ táng₃ jág₁ dse₃ a₂jme₁ma₂jnia₄ tē₂dsí₅. ²⁰ Míg₂ jon₂ a₂ca₂séi'₂ guē'₂ jē₄ ni₁cang₁, lē₅ jui₁lia'₂ lín₅ dsa₂ i₂gue₅ 'ñio₅ dsí₅ jág₁ dse₃ a₂nag₂₃, ²¹ la₁ia₁ tsá₃ cha₂ guē'₂ jē₄ dsi₃'má₂ jmú₄ né'₃ 'uē₃, tsá₃ uē₂ tió'₅; jaun₂ jē₄ma₂já₅ o₂i₁ dsi₅ a₂dsi₂ñí₂ 'e₂ dsi₂ñí₂, o₃ qui₂co₂'ein₅ dsa₂ o₄quió'₄ jág₁ quió'₅ Diú₄, guein₂₃ tí₂ bá₄ táng₃ jág₁. ²² Jui₁lia'₂ míg₂ jon₂ a₂i₃ga'₅₄ jē₄ ni₁taun₅ guē'₂ táng₃, jáng'₅ jág₁ dsau₅ jui₁lia'₂ dsa₂ i₂nag₅ jág₁ dse₃, la₁ia₁ 'ñio₅ lín₅ guē'₄ 'i₅ dsí₅ o₂me'₅₄ dsi₅ a₂cha₂ mi₂güí₃ la₂, a₂'ín₅ dsí₅ a₂le₃cha₂ cu₄ a₂le₃chain₂ dse₃ ně₃, a₂nē₅ bá₄ a₂jme₂gau₅ táng₃ quió'₅. Ca₂le₃jē₃ a₂nē₅ jlē₂ bá₄ táng₃ jág₁ dse₃ a₂jme₁ma₂nág₂, jaun₂ tsá₃ ma₂'e₂ a₂dse₃ ráu₃ ja₁con₂ dsa₂ 'éi₂. ²³ La₁ jui₁lia'₂ míg₂ jon₂ a₂ca₂séi'₂ ja₁dse₃ gua'₅₄, jáng'₅ táng₃ jág₁ dsau₅ tē₂le₃ ja₁con₂ dsa₂ i₂nag₅ jág₁, ton'₂ ñí'₂ ně₃; jaun₂ jmá'₃ lia'₂ ca₂ne₅₄ a₂dse₃ bá₄ rau₂ ja₁coin₂. I₂lín₅₄ guē'₂ dsa₂ 'éi₂ tē₂le₃ quian'₅₄ a₂dse₃ rē₂jniá₂ a₂jmo₂₃, lín₅ jui₁lia'₂ lē₅ lia'₂ ca₂cho'₅₄ míg₂ a₂ca₂i₃jnia₄, rau₂ caun₂ 'ñiá₂-láu₂ míg₂ lia'₂ ca₂míg₂; i₂lín₅₄ guē'₂ jma₃'nag'₂ co₂ne₂guióg₂; i₂lín₅₄ guē'₂ jma₃guióg₂-guiá₂ míg₂.

Jág₁ a₂jáng'₅ léi₄ jui₁lia'₂ ni₁nau₂ 'lig'₅₄ a₂ca₂'ia₂ jē₄ trigo

²⁴ Ca₂juá'₂ Jesús táng₃ ca₂tsí'₃ dsa₂ caun₂ jág₁ a₂jáng'₅ léi₄ siá'₂:

—A₂lē₅ guei'₅₄ i₂juí₃ ja₁gon₂ Diú₄ lia'₂ lín₅ jan₂ dsa₂ i₂ca₂séi₂ ca₂ne₅₄ míg₂ jon₂ dse₃ 'uē₃ quió'₅; ²⁵ la₁ caun₂ 'uē₂ jme₁ma₂le₃güín₃ dsa₂ le₃jñin₃, ca₂guan₃ jan₂ dsa₂ 'lín₅₄ i₂'iog₅₄ ca₂jmo₃ uig₅ dsí₅ ca₂guia'₃ jon₂ ni₁nau₂ 'lig'₅₄ jē₄ trigo, jaun₂ ca₂ñái'₃ táng₃. ²⁶ Jme₁ca₂i₃cón₃ trigo, jme₁ma₂tio'₅₄ mí'₂ ně₃, jē₄ jaun₂ ca₂'ia₂ ni₁nau₂ 'lig'₅₄ ján₃. ²⁷ Jaun₂ ně₃, dsa₂ i₂jme₂ti₃ ta₁ ne₄ juig₅₄ ja₁nau₂, ca₂i₃con₂ jág₁ ne₄ juig₅₄, ca₂juá'₂: “Gui'₅₄, ¿on₁jua'₅₄ jmá'₃ ca₂ne₅₄ míg₂ jon₃ dse₃ ca₂jñí'₂ ja₁nau₂ quiáng'₂ jme₁ca₂jñí'₂? ¿'A₂ guē'₂ lia'₂ ca₂lē₃ a₂ca₂'ia₂ ni₁nau₂ 'lig'₅₄ jaun₂ ně₃?” ²⁸ Jaun₂ ca₂ñag₃ dsa₂ juig₅₄: “An₁ jan₂ dsa₂ 'lín₅₄ i₂'iog₅₄ bá₄ ca₂jmo₃ a₂nē₅.” Jaun₂ ca₂ñag₃ dsa₂ i₂jme₂ti₃ ta₁ ne₅₄: “¿Tsa₁ 'niog'₂ jua'₅₄ co₂dsia₅ dsi₁guéi₁ jnia'₅₄ ni₁nau₂ 'lig'₅₄ jaun₂?” ²⁹ Jaun₂ ca₂ñag₃ táng₃ 'éi₂, ca₂juá'₂: “Jan₂'ón₄. Tió'₅ bá₄. Ia₁ con₂ tsá₃ ñó₅ ně₁jua'₂ le₂jio₅ tag₄ trigo dse₃ bá₄ ca₂cang₅. ³⁰ Ja₂lín₃ guē'₄ dse₃ jui₁le₁dsi₅₄ me'₂ jaun₂, jui₁dsi₂cón₃ bá₄ co₂lē₅, ca₂lia'₂ ca₂tē₂ jmíg₄ i₁ráu₃; jaun₂ guē'₄ tsing₅₄ dsa₂ a₂dsi₃cang₅₄ de'₂ le₂'uig₅₄ ni₁nau₂ 'lig'₅₄, jaun₂ cág'₃ jmá'₃ co₂dsong'₅₄ ia₁jaun₂ 'nei₃, dsi'₂, jaun₂ guē'₄ cág'₃ trigo tó'₃ caun₂ ja₁tó'₃ dsi₂néi₂ quió₃.”

Jág₁ a₂jáng'₅ léi₄ jui₁lia'₂ míg₂ jon₂ quió'₅ ni₁'ma₂ mostaza
(*Marcos 4:30-32; Lucas 13:18-19*)

³¹ Ca₂dsia₃ Jesús ján₃ caun₂ jág₁ a₂jáng'₅ léi₄ le₂la₂:

—Ja₁gon₂ Diú₄ guei'₅₄ i₂juí₃, lē₅ jui₁lia'₂ lē₅ míg₂ jon₂ quió'₅ ni₁'ma₂ mostaza[†] a₂ca₂jné₂ jan₂ dsa₂ ja₁nau₂ quió'₅. ³² Dsón'₂ míg₂ jon₂ jaun₂ lē₅ míg₂ a₂pí'₁ tei₄ guē'₄ 'ñio₅ lín₃ lia'₂ con₂ guē'₄ míg₂ jon₂ siá'₂; la₁ia₁ jē₄ma₂ca₂i₃cón₃ ně₃, lē₂ caun₂ ni₁'ma₂ pa₁ guē'₄ lia'₂ con₂ guē'₄ rin'₅₄ a₂cha₂ ja₁nau₂ quió'₅, ca₂tē₂ i₁tan₅ lé₂ le₃tian'₃ gu'₂ nei'₅₄.

Jág₁ jáng'₅ léi₄ jui₁lia'₂ 'a₂ lia'₂ rón'₂ i₁ñí'₄
(*Lucas 13:20-21*)

³³ Ca₂dsia₃ Jesús jág₁ a₂jáng'₅ léi₄ le₂la₂ táng₃:

—Lē₅ guei'₅₄ i₂juí₃ ja₁gon₂ Diú₄, jui₁lia'₂ lē₅ levadura a₂co₂güín'₂ jan₂ 'io₅₄ quian'₅₄ 'ni₅ tio'₅₄ ñí₁ ca'₅₄† ti₁juí₁ harina, ia₁jaun₂ ron'₂ dse₃ ca₂le₃jē₃ ti₁can₁.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(*Marcos 4:33-34*)

† 13:31 mostaza: On₃jua'₅₄ mi₁ján'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tē₂ tē₅sí₃ Brassica nigra.

‡ 13:33 griego: “ni₅ tio'₅₄ ñí₁ sata”, a₂tio'₅₄ con₂ 22 litros le₂caun₂ ñí₁.

³⁴ Ca₂le₃jě₃ jág₁ la₂ ca₂juá'₂ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄; 'i₁co₂ráun₂ tsá₃ jme₁jme₂tag₂₃ jua'₅₄ tsá₃ tē₂le₃ quian'₅₄ jág₁ a₂jáng'₅ léi₄. ³⁵ Le₂ně₅ ca₂jmo₃ ia₁jaun₂ le₃ti₃ jág₁ a₂jme₁ma₂rě₂'ě₂ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂ jme₁ca₂juá'₂:

'Uě'₅₄ jniá₂ jág₁ 'o₃
tē₂le₃ quian'₅₄ jág₁ a₂jáng'₅ léi₄;
dsia₅₄ jniá₂ jág₁ a₂tsá₃ ma₂ca₂rě₃jniá₂
ca₂le₃ ca₂jmo₃ Diú₄ mi₂güí₃.Š

Dsia₅ Jesús lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ ni₁nau₂ 'líg'₅₄ a₂ca₂'ia₂ jě₄ trigo

³⁶ Jaun₂ ně₃, ca₂o₃'ín₃ Jesús jin₄ dsa₂ ju₁n₅ ja₁jme₁'ein₅₄ jaun₂ ca₂'í₃ táng₃ caun₂ dsi₂néi₂.
Jaun₂ ca₂o₃lén₂ táng₃ chi'₂ dsi₂guia₃-tín₂ ja₁coin₂, ca₂juá'₂:

—Dsia₄ lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ jág₁ quió'₅ ni₁nau₂ 'líg'₅₄ a₂ca₂'ia₂ jě₄ trigo.

³⁷ Jaun₂ ca₂ḡag₃ Jesús:

—Dsa₂ i₂ḡi₅ séi₂ míg₂ jon₂ dse₃, Jaun₅ dsa₂ mi₂güí₃ bá₄ 'éi₂; ³⁸ ja₁nau₂ guě'₂ lě₅ co₂'nió'₄ mi₂güí₃ la₂. Jon₂ dse₃ guě'₂ ně₃, co₂'nió'₄ lín₅ chi'₂-guein₂ i₂tion'₅₄ 'éi₃ quió'₅ Diú₄. Ni₁nau₂ 'líg'₅₄ guě'₂ ně₃, co₂'nió'₄ dsa₂ i₂tion'₅₄ ju₁'éi₃ quió'₅ i₂sě₃dsen₃. ³⁹ Dsa₂ 'lín'₅₄ i₂'iog₅₄ i₂ca₂jné₂ jon₂ ni₁nau₂ 'líg'₅₄, i₂sě₃dsen₃ bá₄ 'éi₂. I₁ráu₃ guě'₂ ně₃, lě₅ jmíg₄ jě₁ca₂tó'₂; i₂ja₃lén₂ ja₃cag'₅₄ guě₄ ně₃, ángeles quián₅ bá₄ Diú₄. ⁴⁰ Jaun₂, ju₁lia'₂ cág'₅ dsa₂ ni₁nau₂ 'líg'₅₄, a₂tó'₅ dsi₂si₂, le₂ně₅ bá₄ lě₂ ján₃ jmíg₄ jě₁ca₂tó'₂ mi₂güí₃ la₂. ⁴¹ Chen₃ Jaun₅ dsa₂ mi₂güí₃ ángeles quián₅ ia₁jaun₂ 'u₁in'₂ jě₄ quió'₅ dsa₂ quián₅ ca₂le₃jín₃ i₂jmo₅ qui₂sén'₂ rín'₅₄ a₂'no₂₃ dso₄, ca₂le₃jín₃ guě₄ i₂ca₂rě₃chán₃ i₂tsá₃ ca₂tí₂ ju₁'éi₃ 'líg'₅₄. ⁴² Jaun₂ to'₂ ja₁néi'₅ tsi'₄ si₂, ja₁tóin'₃ qui'₂'o₂₃, qui₃quí₃'₃ jan₅₄ ně₃. ⁴³ Jaun₂, dsa₂ dsen₃ quián₅ Diú₄ guě'₂ dsi₃lein₅ dsi₃tian'₂ ja₁jniai₅₄ tág₅ ju₁lia'₂ jniá₂ 'iog₂ ja₁jmo₅ Diú₄ Jmei₂ 'éi₃. Chi₂juá'₂ 'ein₂ 'nia'₂ i₂dsi₅₄ rě₂gua₄, rě₂ nei₂ 'nia'₂.

Jág₁ a₂jáng'₅ léi₄ ju₁lia'₂ caun₂ a₂quen₅ guě₄ 'ḡio₅ lín₃ a₂rě₂'ma₄

⁴⁴ 'Guei'₅₄ i₂juí₃ ja₁gon₂ Diú₄ ján₃ bá₄ lě₅ ju₁lia'₂ caun₂ a₂quen₅ 'ḡio₅ lín₃ a₂rě₂'ma₄ rě₂'o₅ né₃ 'uě₃. La₁ ju₁lia'₂ jan₂ dsa₂ i₂dso'₂ ně₃, ja₁jaun₂ bá₄ 'ma₂₃ táng₃; ia₁ a₂ḡi₄ lě₃ 'io'₂ jén'₅, jaun₂ dsáin'₅ dsi₂'nág₂ ca₂le₃jě₃ 'e₂ a₂cha quió'₅, jaun₂ lá₅ 'uě₃ jaun₂.

Jág₁ a₂jáng'₅ léi₄ ju₁lia'₂ míg₂ perla a₂quen₅ lín₃

⁴⁵ 'Ján₃ bá₄ lě₅ guei'₅₄ i₂juí₃ ja₁gon₂ Diú₄ ju₁lia'₂ lín₅ jan₂ dsa₂ i₂ḡi₅ 'no'₂ perlas jlá'₁ ia₁jaun₂ jmo₃ 'ma'₅₄. ⁴⁶ Jě₁ma₂ca₂dsó'₂ ca₂míg₂ a₂quen₅ lín₃, dsáin'₅ dsi₂'nág₂ ca₂le₃jě₃ 'e₂ a₂cha quió'₅, jaun₂ lá₅ míg₂ jlá'₁ jaun₂.

Jág₁ a₂jáng'₅ léi₄ ju₁lia'₂ tsi'₁ 'má₅

⁴⁷ 'Ján₃ bá₄ le₂jaun₂ lě₅ guei'₅₄ i₂juí₃ ja₁gon₂ Diú₄ ju₁lia'₂ lě₅ caun₂ tsi'₁ 'má₅ a₂táun₂ dsa₂ ne₄ jm₁ḡi'₄ jaun₂ 'u₁in'₂ ca₂le₃jín₃ ne₅₄ já'₂. ⁴⁸ Jě₁ma₂ca₂rín₅ tsi'₁ 'má₅, dsa₂ ně₃ 'ín₅ tē₂le₃ chei'₅₄ jm₁ḡi'₄; jaun₂ quióin'₂ jmá'₃ lia'₂ ju₄ dsen₃ caun₂ ja₁to'₂, jaun₂ guaiin'₂ bá₄ ju₁lia'₂ já'₂ i₂tsá₃ dsen₃. ⁴⁹ 'Ján₃ bá₄ le₂jaun₂ lě₂ jmíg₄ jě₁ca₂tó'₂ mi₂güí₃ la₂: 'u₁in₃ ángeles ja₃jmó₂ jma₃quén₅ dsa₂ 'lín'₅₄ jě₄ quió'₅ dsa₂ dsen₃. ⁵⁰ jaun₂ toin'₂ i₂'lín'₅₄ ja₁néi'₅ tsi'₄ si₂ ja₁dsi₃toin'₅₄ qui'₂'o₂₃ qui₃quí₃'₃ jan₅₄ ně₃.”

Ju₁lia'₂ cu₄nióg₄ 'mí₂ quian'₅₄ cu₄nióg₄ gui'₅₄

⁵¹ Jaun₂ ca₂ḡi'₃ Jesús chi'₂ dsi₂guia₃-tín₂ quián₅:

—¿ḡí₂ 'nia'₂ ca₂le₃jě₃ jág₁ a₂juá'₅ jniá₂ ně₅?

Jaun₂ ca₂ḡag₃:

—Nág'₂ bá₄ jnia'₅₄.

⁵² Jaun₂ ca₂juá'₂ Jesús ně₃:

—Ju₁lia'₂ jan₂ tē₅juá'₅ i₂ma₂ca₂jme₃tin₅ 'a₂ lia'₂ lē₅ guei'₅₄ i₂juíg₃ ja₁gon₂ Diú₄, lín₅ ju₁lia'₂ lín₅ jan₂ juíg₅₄ tsi₁'né₅ i₂'uē'₅ a₂quen₅ a₂te₁'i₁ le₁'ma₁ dsi₂néi₂ quió'₅, lia'₂ cosas 'mí₂ lia'₂ cosas gui'₅₄ nē₃.

*'En₅₄ Jesús jē₄ juíg₂ Nazaret
(Marcos 6:1-6; Lucas 4:16-30)*

⁵³ Jme₁ca₂dsan₃ jme₂tin₅ Jesús dsa₂ jág₁ a₂jáng'₅ léi₄ nē₅, ca₂o₃'iin₃ bá₄ ja₁jaun₂, náj'₃ juíg₂ go₅₄. ⁵⁴ Jme₁ca₂dsiáin'₃ jaun₂ nē₃, ca₂jme₃lióg₃ ca₂jme₃tin₂₃ dsa₂ jág₁ dse₃ quió'₅ Diú₄ dsi₂néi₂ guá'₅ sinagoga quió'₅ dsa₂ ja₁jaun₂, jaun₂ dsa₂ nē₃, ca₂i₃gó'₃ dsí₅ jág₁ a₂ca₂nág₂, jaun₂ ca₂dsia₃:

—¿A₂já'₄ ca₂i₁jme₁tin₅ i₂nē₅ jág₁ a₂nj'₄ lē₃ tin₂₃ nē₅? ¿'A₂ bá₄ lia'₂ 'io₂₃ bí₂ a₂tin₂ jmo₃ o₂dsain₂ nē₃? ⁵⁵ ¿On₁jua'₅₄ i₂nē₅ ja₁nj'₅₄ tē₅'má₃? ¿On₁jua'₅₄ chog₅₄ i₂chen₂ María? ¿On₁jua'₅₄ i₂nē₅ i₂lín₅ rin'₅₄ Santiago* quián'₅₄ Sē₄, Si₂mu₅₄, Judas nē₃? ⁵⁶ ¿On₁jua'₅₄ jē₄ quián₂ jniog₄ la₂ tián'₅ 'io₅₄ rin'₅₄ nē₃? ¿'A₂ bá₄ já'₄ já₅ a₂nj'₄ lē₃ cuí'₅ i₂nē₅ ca₂le₃jē₃ jág₁ a₂tin₂ nē₅?

⁵⁷ Jaun₂ tsá₃ dse₃ ca₂tin₂ dsa₂ jág₁ jaun₂ quió'₅, tsá₃ ju₁ ca₂tón'₃ dsa₂. La₁ ca₂juá'₂ Jesús:

—Ca₂le₂con₂ bá₄ juíg₂ siá'₂ jme₂gan₃ dsa₂ ju₁lia'₂ jan₂ dsa₂ i₂'ē₂ jág₁ quián₅ Diú₄; jnia'₅₄ lia'₂ dsa₂ go₅₄ bá₄, tsá₃ jei₅₄, quián'₅₄ dsa₂ dsi₂néi₂ quió'₅ 'njog₅ nē₃.

⁵⁸ Jaun₂ tsá₃ ma₃léi₄ juē'₂ lín₅₄ ca₂jmo₃ ja₁jaun₂, ia₁ tsá₃ guē'₂ 'én₂ dsa₂.

14

*Ca₂jon₃ Juan₅₄ i₂chon₅ dsa₂ jmig₂
(Marcos 6:14-29; Lucas 9:7-9)*

¹ Jmig₄ jaun₂ Herodes, i₂jme₁lín₄ dsi₄má'₂ 'uē₃ Galilea, ca₂rē₃nj₅ jág₁ a₂nj₅ Jesús le₂con₂ jaun₂. ² Jaun₂ dsia₂₃ tsí'₅ dsa₂ i₂jme₂ti₃ ta₁ ne₅₄:

—Juan₅₄ i₂chon₅ dsa₂ jmig₂ bá₄ nē₅ nj₅; ma₂ca₂jein'₅₄ táng₃. 'Uig₅₄ jaun₂ 'io₂₃ ju₁bí₂ a₂jmo₂₃ léi₄ juē'₂.

³ Ia₁ le₂nj₄á₅ ma₂ca₂nja'₃ dsa₂ Juan₅₄ 'éi'₃ quió'₅ Herodes, ca₂'nei'₂, ca₂to'₂ dsa₂ né'₃ 'má₃ nē₃. Ca₂jmo₃ le₂nē₅ 'uig₅₄ quió'₄ 'io₅₄ Herodías i₂jme₁lē₄ dsa₂ mí₂ quián₅ Fe₂li₄ rin'₅₄. ⁴ Ia₁ 'lióng₂ ráun₂ ma₂qui₂ma₂juá'₂ Juan₅₄ ma₂qui₂ma₂tsí'₃ Herodes: “Tsá₃ 'i₄ 'éi'₃ cáng'₄ 'io₅₄ nē₅.”

⁵ 'Uig₅₄ jág₁ jaun₂, jme₁'nio₃ Herodes nj₅'i₃ Juan₅₄, la₁ tsá₃ tiá₂ dsí₅, ia₁ jme₁gain₃ dsa₂; ia₁ ca₂le₃jín₃ bá₄ dsa₂ jme₁'éin₂ a₂lín₅ Juan₅₄ jan₂ dsa₂ i₂'ē₂ jág₁ quián₅ Diú₄. ⁶ La₁ caun₂ jmig₄ nē₃, jme₁ca₂dsí'₃ Herodes nj₅, ca₂o₃'ín₃ ja₁míg₄ 'io₅₄ Herodías, ca₂dsáin₂ jin₄ dsa₂ i₂té₁ jmig₄. A₂nē₅ nē₃ ca₂tē₂ dsí₅ 'nj₅o₅ lín₃ Herodes, ⁷ ca₂lia'₂ ca₂cuē₃ jág₁ quió'₅, ca₂le₃jē₃ 'iin₂₃ Diú₄ a₂cuē₃ 'e₂ caun₂ a₂mi₃ 'io₅₄ bē'₅₄ 'éi₂. ⁸ Jaun₂ nē₃, jme₁ma₂nē₂tio'₂ chog₅₄ jág₁, nj₅o₃, ca₂juá'₂:

—Cuē₄ mi₂dsi₄ Juan₅₄ i₂chon₅ dsa₂ jmig₂, tē₂nē₃, 'i₄ 'nj₅o'₃ uing₅.*

⁹ Jaun₂ ca₂tá'₂ 'lia'₂ dsí₅ rag₅₄ jme₁ca₂nág₂ le₂nē₅, la₁ tsá₃ ma₂'e₂ nj₅ jmo₃, ia₁ ma₂nē₂cuē₃ jág₁ quió'₅ a₂'iin₂₃ Diú₄, tē₃nag₅ dsa₂ i₂tion'₅₄ dsi₂néi₂ ja₁niog₅ jmig₄. ¹⁰ Jaun₂ lē₃, ca₂jmo₃ 'éi'₃ a₂ca₂i₁qui'₂ dsa₂ mi₂dsi₄ Juan₅₄ dsi₂néi₂ tsi₁'né₅ 'má₃. ¹¹ Dsi₂ju₁ jaun₂ bá₄ ca₂o₃can₅ dsa₂ mi₂dsi₄ Juan₅₄ rē₂'i₄ 'nj₅o'₃ uing₅,† jaun₂ ca₂cuē'₃ 'io₅₄ bē'₅₄ 'éi₂, jaun₂ 'éi₂ nē₃ ca₂i₁con₂ ne₄ chog₅₄.

¹² Jme₁co₂lág₂ jaun₂ nē₃, ca₂o₃lén₂ dsa₂ i₂jme₁quian'₅₄ Juan₅₄, jaun₂ ca₂tág₃ 'lag₄ 'éi₂ ca₂i₁'ó₄. Jaun₂ guē₄ ca₂i₁lein₅₄ ca₂i₁chi'₄ Jesús.

*Ca₂jme₃tan₅₄ Jesús 'nj₄á₂ mei₅ dsa₂
(Marcos 6:30-44; Lucas 9:10-17; Juan 6:1-14)*

¹³ Jme₁ca₂rē₃nj₅ Jesús jág₁ nē₅, ca₂o₃'iin₃ ja₁jme₁'ein₅₄, ca₂'í₃ 'nj₅o'₃ caun₂ tsi₁mu₅, a₂jme₁i₂'i₅ caun₂ ja₁co₂'njog₅. La₁ ju₁n₅ dsa₂ juíg₂ te₁'i₁ con₂ ma₂quián₅ jaun₂ ca₂rē₃nj₅, jaun₂

* **13:55** Santiago: ján₃ bá₄ chein₂ Jacobo. † **14:8** lit. “rē₂dsí₂ ne₄ caun₂ ni₁nj₁, charola.” † **14:11** lit. “rē₂dsí₂ ne₄ caun₂ ni₁nj₁, charola.”

ca₂'u_in₂, ca₂i₁lein₅₄ ca₂i₁'ein₂₃ Jesús ju_i5 tag₅₄. ¹⁴ Jme₁ca₂dsióg₃ Jesús le₂'ŋo'₅₄ jmig₂, ca₂jág₃ ju_in₅ lin₃ dsa₂ ma₂tión₂ le₁jñiog₅. Jaun₂ ca₂dsia₃ ŋéi₂ dsí₅ dsa₂ 'éi₂, ca₂jme₃'lióin₂ dsa₂ i₂jme₁qui₂le₁dso'₅₄ quián₅ dsa₂. ¹⁵ Të₂le₃ ca₂'láu₂ jaun₂, ca₂o₃lén₂ chi'₂ dsi₂guia₃-tín₂ ca₂juá'₂ ca₂tsí'₃ Jesús:

—Ca₂'láu₂ bá₄ la₂, ton'₂ caun₂ ja₁co₂'ñiog₅ bá₄ la₂ ja₁tsá₃ 'ein₂ tián'₅. 'Ei'₂ jág₁ dsa₂ ia₁jaun₂ dsi₃lén₂ le₂con₂ juig₂ ma₂quián₅ në₅, qui₂dsi₃lia₅ ca₂la₂ a₂gué'₃.

¹⁶ Jaun₂ ca₂ŋag₃ Jesús:

—Tsá₃ tion₅₄; cuë'₅₄ 'nia'₂ dsa₂ guiong'₅₄ a₂gué'₃.

¹⁷ Jaun₂ ca₂ŋag₃ chi'₂ dsi₂guia₃-tín₂:

—Tsá₃ 'e₂ a₂siá'₂ cha₂ ja₁lá₃, jñia'₅₄ lia'₂ 'ñiá₂ i₁ñí'₄ bá₄, quian'₅₄ on₃ i₁ju₁.

¹⁸ Jaun₂ ca₂juá'₂ táng₃ Jesús:

—O₂quian₂ 'nia'₂ ja₁lá₃.

¹⁹ Jaun₂ në₃, ca₂tsí'₃ dsa₂ a₂tian'₃ ne₄ 'uë₃. Jaun₂ ca₂jñá'₃ ta₁'ñiá₂ i₁ñí'₄ quian'₅₄ le₃on₃ i₁ju₁, jaun₂ ca₂chóg'₃ ne₅₄ guei'₅₄ i₂juig₃, ca₂cuë'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ñí'₄, ca₂cuë'₃ chi'₂ dsi₂guia₃-tín₂. Jaun₂ 'éi₂ gué₄ në₃ ca₂dsióg'₃ jin₄ dsa₂. ²⁰ Ca₂le₃jín₃ bá₄ dsa₂ ca₂gué'₃ ca₂lia'₂ ca₂'ág'₃ dsí₅. Jme₁ca₂lë₃ gué'₅, jaun₂ ca₂cág'₃ bá₄ gué₄ guia₃-tín₂ tsi₁mi'₂ 'nau₅₄ a₂ca₂chóng₃. ²¹ Dsa₂ i₂ca₂gué'₃ 'éi₂ jme₁tén₄ 'ñiá₂ mei₅ jmá'₃ lia'₂ dsa₂ ŋe'₂, i₂sián'₂ bá₄ dsa₂ mí₂, chi'₂ në₃.

Ca₂ñi₃ Jesús ne₄ jm₁ñí'₄

(Marcos 6:45-52; Juan 6:16-21)

²² Dsi₂ju_i5 jme₁ca₂lë₃ jaun₂, ca₂jmo₃ Jesús 'éi'₃ a₂tón'₃ chi'₂ dsi₂guia₃-tín₂ 'ñió'₃ tsi₁mu₅, a₂ñí₃ de'₂ 'éi₂ jmig₂ le₁jñiá₄ lia'₂ con'₂ gué₄ 'ñiog₅ a₂dsi₃lein₃, të₁lia'₂ 'í₂ 'ñiog₅ 'ág'₅ jág₁ dsa₂. ²³ Jme₁ca₂lë₃ 'ág'₅ jág₁ dsa₂, ca₂ñó₃ ju_i5 má'₂ i₁chi₂i₁lein'₄ Diú₄. Ca₂tó'₂ nei₂ jme₁ca₂tó'₂, jaun₂ bá₄ 'ein₅₄ 'ñiog₅. ²⁴ Tsi₁mu₅ a₂tion'₅₄ chi'₂ dsi₂guia₃-tín₂ në₃, jme₁ma₂dsióg'₃ dsi₂jo₂ jm₁ñí'₄. Jmig₂ në₃, qui₂jná'₅ tiá₂ lin₃ dso'₂ tsi₁mu₅, ia₁ 'ei₅ tiá₂ dsí₂ 'liog'₂ le₃ca'₃. ²⁵ Le₁në₃ të₂le₃ ca₂jñia₃ jaun₂, ca₂jme₃quián₃ Jesús ja₁ñáu'₄ tsi₁mu₅ tioin'₅₄. ²⁶ Jaun₂ në₃ jme₁ca₂jág₂ chi'₂ dsi₂guia₃-tín₂ jóin'₅ ŋi₂₃ ne₄ jm₁ñí'₄, ca₂ju_in'₂ ca₂tóin'₂ co₂mi'₅₄ ca₂guió'₃ ca₂juá'₂:

—jme₂dsí₂ 'lin'₅₄† bá₄ ó₃!

²⁷ La₁ dsi₂ju_i5 bá₄ ca₂juá'₂ Jesús në₃:

—jDsia₄ 'nia'₂ tiá₂ 'au'₂! jñiá₂ bá₄ la₂; tsá₃ lë₁juín'₂ 'nia'₂!

²⁸ Jaun₂ Pe₄ në₃ ca₂ŋag₃:

—Te₁gui'₅₄, chi₂juá'₂ 'ne₂ në₅, jmo₄ 'éi'₃ a₂nei₅₄ ŋi₅₄ ne₄ jmig₂ a₂dsióg₄ të₂ ja₁chéng'₄ në₅.

²⁹ —Ñia₅ jaun₂ —ca₂juá'₂.

Jaun₂ ca₂sión₃ Pe₄ 'ñió'₃ tsi₁mu₅, ca₂ñi₃ ne₄ jmig₂ jme₁ñó₄ ja₁chén'₄ Jesús. ³⁰ La₁ jme₁ca₂tón'₃ ju_i5 ca₂jág₃ 'a₂ lia'₂ 'ei₅ tiá₂ dsí₂, ca₂ja₃gó'₃ dsí₅, jaun₂ gué₄ ca₂rë₃lióg₃ ca₂i₃'óin'₅ jmig₂. Ca₂guió'₃ tiá₂, ca₂juá'₂:

—jLio₄ jñiá₂, Te₁gui'₅₄!

³¹ Dsi₂ju_i5 jaun₂ ca₂néi'₃ Jesús gu₂, ca₂tín₂ quió'₅ Pe₄, jaun₂ juá'₂:

—j'E₂ gué₄ ca₂juig₄ 'én'₂ 'ne₂! ¿'E₂ lë₃ në₂'éi'₂ caun₂-tín₃ 'au'₂?

³² Jme₁ca₂i₃toin'₅₄ 'ñió'₃ tsi₁mu₅, ca₂'ág₂ táng₃ tei₄ dsí₂. ³³ Jaun₂ i₂jme₁tion'₅₄ 'ñió'₃ tsi₁mu₅ ca₂jmo₃ i₁'áin₃ ne₄ Jesús, ca₂jme₃juag'₂. Jaun₂ ca₂juá'₂:

—Dsón'₂ bá₄ líng'₅ Ja₁ñi'₅₄ Diú₄.

Ca₂jme₃'lión₂ Jesús dsa₂ dso'₅₄ 'uë₃ Genesaret

(Marcos 6:53-56)

³⁴ A₂ca₂ain₂ jmig₂ jaun₂, ca₂dsi₃lein₃ 'uë₃ Genesaret. ³⁵ Dsa₂ chan₂ ja₁jaun₂ në₃, jme₁ca₂rë₃cuin₂₃ Jesús, jaun₂ ca₂i₁noi₁₂ ca₂i₁can₅ jág₁ ca₂le₃jé₃ juig₂ te₁'i₁ le₃lág'₃ jaun₂,

† 14:26 griego: fantasma.

jaun₂ ca₂o₃jnia₃ dsa₂ ca₂le₃jín₃ dsa₂ i₂jme₁le₁dso'₅₄ ja₁'en₅₄ Jesús. ³⁶ Jaun₂ ca₂mi₃ tsá₃ a₂nag₅₄ o₁jnia'₅₄ 'ág₃ tag₄ tsin'₅₄ bá₄ cuë₃ jmi_g₄ ní'₃ dsa₂ i₂le₁dso'₅₄; jaun₂ ně₃, ca₂le₃jín₃ dsa₂ dso'₅₄ i₂qui₂ca₂ní'₃ tsin'₅₄ Jesús, ca₂'lóin₂ co₂ñei'₅₄ dso₄ a₂jme₁lin₄.

15

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rë₂'ñio₅ dsa₂
(Marcos 7:1-23)

¹ Jaun₂ ně₃ ca₂o₃lén₂ i₂lin₅₄ dsa₂ fariseos quian'₅₄ tē₃juá'₅ i₂ja₂lén₂ Jerusalén, ca₂jme₃quián₃ ja₁con₂ Jesús, jaun₂ ca₂ñag₃:

² —¿'E₂ lē₃ tsá₃ jme₂ti₃ dsa₂ i₂quiang'₅₄ tag₄ 'éi'₃ a₂chí'₅ quió'₅ dsa₂ can'₅₄? Tsá₃ rang₂₃ gu₂ né'₃ guë₄ a₂guë'₃.

³ Jaun₂ ca₂ñag₃ Jesús:

—'Nia'₂ guë'₂ ně₃, ¿'E₂ lē₃ qui₂tsó'₂ 'nia'₂ 'éi'₃ quió'₅ Diú₄ a₂jme₂tí'₁ 'nia'₂ jmá'₃ lia'₂ tag₄ quián'₂ 'nia'₂ guiong'₅₄? ⁴ Ia₁ ca₂juá'₂ Diú₄: “Jme₁gan₃ 'nia'₂ chog'₂-ñéi'₅.”* Ján₃ bá₄ ca₂juá'₂: “I₂tē₂'on'₂ jmei₂, o₃ i₂tē₃'on'₂ chog₅₄, ca₂tiin₂ jóin₂.”† ⁵ La₁ 'nia'₂ ně₃ jme₂ting'₁ dsa₂, ně₁'ein₂ cha₂ quió'₅ a₂lé₂ le₃jme₃'oin₅₄ chog₅₄-jmei₂, la₁ lag₃ ně₁ca₂tsí'₃ dsa₂ chog₅₄-jmei₂: “A₂ma₂rë₂jen'₅₄ ne₄ Diú₄ bá₄ a₂jaun₂”, ⁶ jaun₂ ně₃, jme₂tín'₂ 'nia'₂ dsa₂ 'éi'₃ a₂tsá₃ ma₃tion₅₄ 'nió'₅ jme₃'on₅₄ dsa₂ chog₅₄-jmei₂. O₄quió'₄ tag₄ quián'₂ 'nia'₂ guiong'₅₄ bá₄ ma₂ja₂nó'₅ 'nia'₂ jmo'₂ tsá₃ ma₃'e₂ quen₅ 'éi'₃ quió'₅ Diú₄. ⁷ ¡'Nia'₂ dsa₂ i₂lë₁jmo₅-dsá_u₅ o₁ne₁ a₂jmo'₂ 'nia'₂ a₂jme₂juíng'₁ Diú₄ quian'₅₄ tag₄ quiáng'₂ ja₂nóg'₅! Dsón'₂ bá₄ dsau₅ a₂ca₂juá'₂ Isaiás i₂jme₁ë₂ jág₁ quián₅ Diú₄, jme₁ca₂tióng₃ ne₄ si₂, 'iin₂₃ 'nia'₂, jme₁ca₂juá'₂:

⁸ Dsa₂ juig₂ la₂ jme₂juag'₂ jniá₂

jmá'₃ lia'₂ quian'₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí₅

ja₁con₂ jniá₂.

⁹ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃

jmá'₃ 'éi'₃ quió'₅ dsa₂ mi₂güí_g₃ bá₄ jaun₂.‡

¹⁰ Jaun₂ ca₂té'₃ Jesús dsa₂ juin₅ i₂ma₂quiain'₅₄ a₂jme₃quián₃ 'éi₂ ja₁coin₂, jaun₂ ca₂juá'₂:

—Rë₂ nei₂ 'nia'₂ a₂la₂; jui₁le₂ñí'₂ 'nia'₂: ¹¹ Jui₁lia'₂ a₂dsi₂to'₅₄ jui₅ mi₂'o₄ dsa₂, on₃jua'₅₄ a₂jaun₂ jmo₅ a₂rë₃'iog₅ jme₂dsí₂ quió'₅ dsa₂. Ca₂le₃jë₃ a₂'uë₂ jui₅ mi₂'o₄ dsa₂, a₂jaun₂ bá₄ jmo₅ a₂rë₂'iog₅ jme₂dsí₂ quió'₅ dsa₂.

¹² Jaun₂ ca₂jme₃quián₃ chí'₂ dsi₂guia₃-tín₂, jaun₂ ca₂juá'₂:

—¿Tsa₁ ñi'₅₄, 'ñio₅ lin₃ tsá₃ dse₃ ca₂tín₂ dsa₂ fariseos jág₁ a₂në₂chei'₅₄?

¹³ La₁ ca₂ñag₃ Jesús:

—Ca₂le₃jë₃ ni₁'ma₂ a₂tsá₃ ca₂chéin'₃ Ne'₃ jniá₂ i₂guá₅ guei'₅₄ i₂juí_g₃, guéi₃ le₂jio_g₅ jmú₄.

¹⁴ O₁lë₄ me'₂; ia₁ dsa₂ ten₄ bá₄ ně₅ quian₅ ne₄ jui₅.§ Ia₁ në₁jua'₂ jan₂ dsa₂ ten₄ jñia₁₂₃ dsa₂ ten₄ rñin'₅₄, le₃oin₃ bá₄ tsi₃séin'₂ siá₅.

¹⁵ Jaun₂ ca₂juá'₂ Pe₄ ca₂tsí'₃ Jesús:

—Jua'₅₄ 'e₂ jág₁ dsau₅ jáng'₅ jág₁ ně₅.

¹⁶ Jaun₂ ca₂ñag₃ Jesús:

—¿Ján₃ bá₄ tsá₃ ñí'₂ 'au'₂ 'nia'₂? ¹⁷ Ia₁, ¿tsa₁ ñí'₂ 'nia'₂, jui₁lia'₂ ca₂le₃jë₃ a₂dsi₂to'₅₄ jui₅ rë₂'o₄ dsa₂, dsi₂lé₂ rë₂tú'₅ bá₄ dsa₂, cang₂ jaun₂ 'uë₂ táng'? ¹⁸ La₁ jui₁lia'₂ a₂'uë₂ jui₅ mi₂'o₄ dsa₂, a₂jaun₂ a₂já₅ tē₂dsí₅ bá₄ dsa₂. A₂jaun₂ bá₄ jmo₅ a₂rë₂'iog₅ jme₂dsí₂ quió'₅ dsa₂. ¹⁹ Ia₁ tē₂dsí₅ bá₄ dsa₂ já₅ ca₂le₃jë₃ a₂'lig'₅₄ a₂dsi₂jio_g₅ dsí₅: jui₁lia'₂ a₂jme₂dsian₅ dsa₂ dsa₂ mi₂güí_g₃ rñin'₅₄:

* 15:4 Éxodo 20:12; Deuteronomio 5:16. † 15:4 Éxodo 21:17; Levítico 20:9. ‡ 15:9 Isaiás 29:13. § 15:14 A₂lin₅₄ chog₅₄ si₂juá'₂: “ia₁ i₂jnia₃ dsa₂ ten₄ bá₄ ně₅.”

ju₁lia'₂ a₂nió'₅ dsa₂ jág₁ quian'₅₄ dsa₂ i₂tsá₃ lín₅ dsi₂i₂gu₂, ju₁lia'₂ a₂lë₁i₂nio₄ dsa₂ tiáin'₅, tsá₃ gu₂ le₁jen'₂; ju₁lia'₂ a₂'ang₅ dsa₂; ju₁lia'₂ a₂nau₂ dsa₂ a₂jáng'₅ jág₁ dsau₅ a₂jmo₂₃ tē₂jín₁; ju₁lia'₂ a₂jmo₅ dsa₂ a₂lë₁bóin'₂ dso₄ riin'₅₄ nē₃. ²⁰ Ca₂le₃jě₃ a₂nē₅ bá₄ jmo₅ a₂rē₂'iog₅ jme₂dsí₂ quió'₅ dsa₂; la₁ a₂guě'₅ dsa₂ tē₃ tsá₃ ma₂nē₂jme₃ti₃ 'éi'₃ tag₄ a₂chí'₅ a₂rang₂₃ gu₂, on₃jua'₅₄ a₂jaun₂ jmo₅ a₂rē₂'nio₅ dsa₂.

*Jan₂ i₁ná₃ i₂ca₂rē₃'én₂ tē₂le₃ quió'₅ Jesús
(Marcos 7:24-30)*

²¹ O₂'ín₃ bá₄ Jesús ja₁jaun₂, ca₂ñó₃ táng₃ ju₁i₅ juig₂ Tiro quian'₅₄ Sidón. ²² Ja₁jaun₂ jan₂ 'io₅₄ cananea i₂guá₅ jē₄ juig₂ jaun₂, ca₂guain₃ con₂ Jesús 'o₂₃ co₂mi'₅₄, juá'₂ tiá₂:

—i₁Te₁gui'₅₄, jaun₅ David, dsia₄ nēi₂ 'au'₂ jniá₂! Jan₂ chi'₂ ja₁míg₄ jniá₂ 'en₅₄ jan₂ jme₂dsí₂ je₂na'₅₄ tē₂dsí₅, 'nio₅ lín₃ nág₅ uig₅.

²³ La₁ tsá₃ 'e₂ ca₂ñag₃ Jesús 'i₁caun₂. Jaun₂ o₃lén₂ chi'₂ dsi₂guia₃-tín₂ quiáin₅, jaun₂ ca₂juá'₂:
—Chei'₅₄ i₂nē₅ ju₁dsiain'₅₄, ia₁ já₅ guió'₅ co₂mi'₅₄ chi₁co'₅₄ quián₂ jniog₄.

²⁴ Jaun₂ ca₂ñag₃ Jesús ca₂tsí'₃ 'io₅₄ 'éi₂:

—Ca₂chei₃ Diú₄ jniá₂ a₂guio₃ jmá'₃ lia'₂ ca₂ne₅₄ o₄quió'₄ já'₂ cha'₂ i₂ma₂i₂cón'₅ chan₂ juig₂ Israel.

²⁵ La₁ caun₂ já₅ bá₄ 'io₅₄ 'éi₂, ca₂chi₃jnē₃ ne₄ Jesús, ca₂juá'₂:

—i₁Te₁gui'₅₄, jme₁'o₄ jniá₂!

²⁶ Jaun₂ ca₂ñag₃ Jesús:

—Tsá₃ dsi₂ten₅₄ jua'₅₄ a₂jñiá'₄ jniá₂ i₁ní'₄ quió'₅ chi'₂-guein₂ a₂cuě₄ dsi₂jí'₅₄.

²⁷ Jaun₂ ca₂ñag₃ táng₃ 'io₅₄:

—Dsón'₂ bá₄ dsau₅, Te₁gui'₅₄; la₁ cág'₅ bá₄ dsi₂jí'₅₄ ni₁jne₁ a₂tsi₂séi'₂ ne₄ mesa ja₁guě'₅ juig₅₄.

²⁸ Jaun₂ ca₂ñag₃ táng₃ Jesús:

—i₁'E₂ guě₄ tson₂ 'én'₂ 'ne₂, dsa₂ mí₂! Ju₁le₅₄ bá₄ lia'₂ con'₂ lě₅ a₂mi'₂ nē₅.

Dsi₂juí₅ le₂jaun₂ bá₄ ca₂'lón₂ chi'₂ ja₁míg₄ 'io₅₄ 'éi₂.

Ca₂jme₃'lión₂ Jesús juin₅ dsa₂ dso'₅₄

²⁹ O₂'ín₃ bá₄ táng₃ Jesús ja₁jaun₂, jaun₂ ca₂ñi₃ ju₁i₅ chei'₅₄ jmi₁ní'₄ Galilea; jaun₂ ca₂uíg₂ ju₁i₅ ne₄ má'₂, jaun₂ ca₂guá₂ jme₁dsióg₃. ³⁰ Juin₅ dsa₂ ca₂dsi₃lén₂ táng₃ cau₅ quió'₅ ja₁jaun₂, le₁jñiá₂₃ dsa₂ guian'₅₄, dsa₂ i₂le₁já'₂ gu₂-tag₄, dsa₂ ten₄, dsa₂ con₄, juin₅ guě₄ dsa₂ sián'₂ i₂jme₁le₁dso'₅₄ nē₃. Qui₂ca₂dsiog₃ ja₁chén'₄ Jesús, jaun₂ ca₂jme₃'lió₂ 'éi₂. ³¹ Jaun₂ guě₄ ca₂l₃gó'₃ dsí₅ dsa₂ jme₁ca₂tē₂ ne₅₄ ma₂dsia₅ jág₁ dsa₂ i₂jme₁con₄, ma₂i₂nio₄ dsa₂ i₂jme₁qui₁le₁já'₂ quió'₅, quian'₅₄ dsa₂ guian'₅₄ nē₃; dsa₂ ten₄ nē₃ qui₂ca₂jág₃. Jaun₂ ca₂tón'₂ dsa₂ ca₂jme₃juin'₂ Diú₄ quián₅ dsa₂ Israel.

*Ca₂jme₃tan₅₄ Jesús quén₂ mei₅ dsa₂
(Marcos 8:1-10)*

³² Jaun₂ ca₂tē'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—'Nio₅ nēi₂ dsi₃ jing₅₄ dsa₂ nē₅, ia₁ ma₂'ni₅ jmig₄ tioen'₅₄ ja₁lá₃ quian'₅₄ jniá₂, 'i₁ca₂juig₄ tsá₃ 'e₂ cha₂ a₂guě'₃ ja₁lá₃. Jaun₂ nē₃, tsá₃ 'nio₃ jniá₂ dsiain'₅₄ tē₃ tsá₃ ma₂nē₂guě'₃, ia₁ con'₂ tsá₃ nō₅ nē₁ca₂'uáin₂ le₂'i₄ juí₅.

³³ Jaun₂ ca₂juá'₂ chi'₂ dsi₂guia₃-tín₂ quiáin₅:

—¿A₂já'₄ lé₂ dsi₁liá₄ i₁ní'₄ ja₁co₂'niog₅ la₂ a₂guě'₃ dsa₂ juin₅ nē₅?

³⁴ Jaun₂ ca₂ñag₃ Jesús ca₂ñi₃' chi'₂ dsi₂guia₃-tín₂:

—¿Je₂liá'₂ i₁ní'₄ 'i₄ guě₄ quián'₂ 'nia'₂?

Jaun₂ ca₂ñag₃ 'éi₂:

—Guio₃ i₁ní'₄ bá₄ 'i₄, quian'₅₄ guě'₂ on₃-ún₂ ju₄ pí'₁.

³⁵ Jaun₂ ca₂jmo₃ 'éi'₃ a₂tian'₃ dsa₂ 'uë₃, ³⁶ jaun₂ ca₂jña'₃ ta₁guio₃ i₁ñí'₄ quian'₅₄ i₁ju₁ ně₃, ca₂cuë'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ñí'₄, ca₂cuë'₃ chi'₂ dsi₂guia₃-tín₂ quiáin₅, jaun₂ 'éi₂ guë'₄ ně₃ ca₂dsió'₃ jin₄ dsa₂. ³⁷ Ca₂le₃jín₃ bá₄ dsa₂ 'éi₂ ca₂guë'₃ ca₂lia'₂ ca₂'ág'₃ dsí₅. Jaun₂ ca₂cág'₃ chi'₂ dsi₂guia₃-tín₂ guio₃ tsi₁mi'₂ jmá'₃ ni₁jne₁ a₂ca₂chóng₃. ³⁸ Dsa₂ i₂ca₂guë'₃ 'éi₂ jme₁lě₂ quén₂ mei₅ jmá'₃ dsa₂ ñe'₂, i₂sián'₂ bá₄ dsa₂ mí₂ quian'₅₄ chi'₂ ně₃. ³⁹ Jme₁ca₂lě₃ jaun₂, ca₂'ág'₃ Jesús jág₁ dsa₂, jaun₂ ca₂'í₃ 'ñió'₃ tsi₁mu₅ a₂ñó₃ jui₅ jě₄ juig₂ Magdán.*

16

Dsa₂ fariseos quian'₅₄ dsa₂ saduceos mi₂₃ ne₄ Jesús a₂jmo₃ 'éi₂ caun₂ léi₄ juë'₂
(Marcos 8:11-13; Lucas 12:54-56)

¹ Dsa₂ fariseos quian'₅₄ dsa₂ saduceos i₁lein₅₄ i₁jün₅₄ Jesús, ia₁ a₂'no'₂ jui₅ 'a₂ lia'₂ tiain'₃ Jesús quian'₅₄ jág₁; jaun₂ ca₂mi₃ a₂jmo₃ 'éi₂ caun₂ léi₄ a₂já₅ guei'₅₄ i₂juig₃.

² La₁ ca₂ñag₃ Jesús:

—['Nia'₂ ting'₂ jág'₁ tē₂le₃ ca₂'láu₂ jme₁lin₅₄, juá'₂ 'nia'₂: “Dse₃ bá₄ 'ei₅ táng₃ 'ióg₃, ia₁ guéin₂ bá₄ jniá₂ guei'₅₄ mi₂₃güig₃.” ³ Ján₃ bá₄ juá'₂ 'nia'₂ jme₁lin₅₄ ju₁lia'₂ tē₃ o₃ 'iog₂, “Tiá'₃ jmí₅ ně₃, ia₁ guéin₂ jniá₂ jnei₅ tio'₅₄ guei'₅₄.” Ní'₅₄ bá₄ 'nia'₂ 'a₂ lia'₂ jua'₅₄ 'e₂ jein₅ jág₁ 'a₂ lia'₂ jniá₂ guei'₅₄, jña'₅₄ lia'₂ 'e₂ a₂tē₅ ne'₅₄ 'nia'₂ jmig₄ ně₃ bá₄, tsá₃ ñi'₅₄ 'nia'₂ 'e₂ jein₅ jág₁.]” ⁴ Tsi₁jon₂ dsa₂ 'lin'₅₄ i₂tsá₃ nag₃ la₂, mi₂₃ a₂jmo₅₄ jniá₂ caun₂ léi₄ a₂o₂dsang₂. La₁ 'i₁caun₂ léi₄ siá'₂ tsá₃ 'e₂ ñe'₂ 'nia'₂, jña'₅₄ lia'₂ caun₂ léi₄ ju₁lia'₂ a₂ca₂i₃ñí₂ Jonás bá₄.

Jaun₂ ca₂tén₂ bá₄ Jesús dsa₂ 'éi₂, ca₂ñái'₃.

Levadura quió'₅ dsa₂ fariseos
(Marcos 8:14-21)

⁵ Jme₁ca₂'an₂ chi'₂ dsi₂guia₃-tín₂ jmi₁ñí'₄, ca₂dsáu'₃ dsí₅ tsá₃ 'e₂ i₁ñí'₄ le₁quian₅ guë'₃.

⁶ Jaun₂ ca₂juá'₂ Jesús:

—Jmo₄ 'nia'₂ 'í₁ jaun₂ tsá₃ le₃tín₂ 'nia'₂ juá'₅ a₂jme₂tag₅ dsa₂ fariseos, dsa₂ saduceos ně₃. Ia₁ juá'₅ quió'₅ lě₅ lia'₂ lě₅ ju₁ levadura.

⁷ Jaun₂ ca₂dsia₃ chi'₂ dsi₂guia₃-tín₂ jág₁ tsí'₅ riin'₅₄:

—Ia₁ tsá₃ i₁ñí'₄ le₁quian₅ bá₄ jniog₄, jaun₂ bá₄ juá'₂ le₂ně₅.

⁸ La₁ ca₂rě₃lí'₄ bá₄ Jesús 'e₂ jág₁ dsia₂₃, jaun₂ ca₂juá'₂:

—¿'E₂ lě₃ juá'₂ 'nia'₂ tsá₃ le₁quian₄ i₁ñí'₄? 'i'₂ guë'₄ ca₂juig₄ 'én'₂ 'nia'₂! ⁹ ¿'E₂? ¿Tsa₁ ma₂ca₂rě₃ñí'₂ 'nia'₂? ¿Tsa₁ ma₂dsá₂ 'au'₂ 'nia'₂ lia'₂ con'₂ ca₂dsio'₄ jniá₂ 'ñiá₂ i₁ñí'₄ ca₂lin₅ quió'₅ 'ñiá₂ mei₅ dsa₂, on₃ guë'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂cag'₅₄ táng₃ 'nia'₂? ¹⁰ ¿On₃ guë'₂ dsá₂ 'au'₂ 'nia'₂ lia'₂ con'₂ ca₂dsio'₄ jniá₂ guio₃ i₁ñí'₄ ca₂lin₅ quió'₅ quén₂ mei₅ dsa₂, on₃ guë'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂chóng₂ a₂ca₂cag'₅₄ 'nia'₂ ně₃? ¹¹ ¿'A₂ bá₄ lia'₂ ñí₄ tsá₃ rě₂len'₅₄ 'nia'₂? On₃ jua'₅₄ i₁ñí'₄ 'ě₅ jniá₂ jme₁ně₂juá'₃ jmo₄ 'nia'₂ 'í₁ quian'₅₄ levadura quió'₅ dsa₂ fariseos quian'₅₄ dsa₂ saduceos.

¹² Jaun₂ guë'₄ ca₂ñí'₂ dsí₅ 'éi₂ a₂'ě₅ Jesús jaun₂, on₃ jua'₅₄ a₂ca₂tín₂ jmo₃ 'í₁ ju₁lia'₂ ju₁ levadura a₂cón'₂ dsa₂ i₁ñí'₄, a₂ca₂tín₂ jmo₃ 'í₁ 'a₂ lia'₂ lě₅ juá'₅ a₂jme₂tag₅ dsa₂ fariseos quian'₅₄ dsa₂ saduceos bá₄.

Ca₂juá'₂ Pe₄ lia'₂ tí₅ jág₁ dsau₅ a₂lin₅ Jesús dsa₂ I₂rě₂ 'ín₁ quián₅ Diú₄
(Marcos 8:27-30; Lucas 9:18-21)

¹³ Jme₁ca₂dsióg₃ Jesús ma₂quián₅ juig₂ Cesarea ja₁tén₄ Filipo, jaun₂ ca₂ñí'₃ chi'₂ dsi₂guia₃-tín₂ quiáin₅:

—¿'Ein₂ lín₅ Jaun₅ dsa₂ mi₂₃güig₃, juá'₂ dsa₂?

* **15:39** o₃, Magdala, ja,chan₂ María Magdalena.

* **16:3** A₂lin₅₄ chog₅₄ si₂ gui'₅₄ guë'₄ tsá₃ chi₁ton₅ jág₁ a₂tio'₅₄ 'ñió'₃ corchetes [le₂la₂].

14 Jaun₂ ca₂ŋag₃ 'éi₂:

—I₂lin₅₄ dsa₂ juá'₂ a₂líng'₅ Juan₅₄ i₂chon₅ dsa₂ jmig₂; i₂sián'₂ guë'₂ juá'₂ a₂líng'₅ Elías; i₂lin₅₄ guë'₂ juá'₂ táng₃ a₂líng'₅ Jeremías, o₃ jan₂ i₂sián'₂ i₂já₅ 'ě₂ jág₁ quió'₅ Diú₄.

15 Jaun₂ ca₂ŋag₃ Jesús:

—¿'Nia'₂ guë'₂ ně₃? ¿'E₂ juá'₂ 'nia'₂ 'ein₂ lín₅ jniá'₂?

16 Jaun₂ ca₂ŋag₃ Si₂mu₅₄ Pe₄:

—'Ne₂ líng'₅ dsa₂ I₂rë'₂ 'ín₁, Ja₁ŋi'₅₄ Diú₄ jén'₃.

17 Jaun₂ ca₂ŋag₃ Jesús:

—'E₂ guë'₄ dsen'₃ 'ne₂, Si₂mu₅₄, ja₁ŋi'₅₄ Jonás, ia₁ 'i₁jan₂ dsa₂ mi₂güig₃ tsá₃ ně₂jme₃jnia₅ ne'₅₄ a₂ně₅, jnia'₅₄ lia'₂ Ne'₃ jniá'₂ i₂guá₅ i₂juig₃ bá₄. 18 Jaun₂ juá'₅ jniá'₂ juig₂ 'ne₂, a₂ma₂cheng'₂ Pedro, † jaun₂ ne₄ ni₁'lau₂ la₂† jmóg'₄ jniá'₂ guá'₅ quió₃, jaun₂ ca₂lia'₂ jnia'₅₄ i₂'io₅ bí₂ 'mú₃ tsá₃ le₃qui'₅₄ jmig₄ jua'₅₄ a₂tió'₃ quiong'₅₄ quian'₅₄ mai₅₄ quió'₅. 19 Jaun₂ o₄gog'₂ 'ne₂ dsia₅₄ jniá'₂ jág₁ dse₃ quió₃ a₂lě₅ co₂'nió'₄ ŋi₁ llave a₂niá₃ ja₁dsi₃tion'₅₄ dsa₂ ja₁gon₂ Diú₄. Ca₂le₃jě₃ 'e₂ a₂tsá₃ cuë'₂ 'ne₂ jmig₄ ne₄ gua'₅₄ 'uë₃ la₂ lia'₂ con'₂ lě₅ jág₁ quió₃, ján₃ bá₄ le₂jaun₂ tsá₃ lě₂ guei'₅₄ i₂juig₃; ján₃ bá₄ le₂jaun₂ jui₁lia'₂ a₂cuë'₂ 'ne₂ jmig₄ gua'₅₄ 'uë₃ la₂ lia'₂ con'₂ lě₅ jág₁ quió₃, a₂jaun₂ bá₄ lě₂ guei'₅₄ i₂juig₃ ján₃.

20 Jaun₂ ca₂tsí'₃ chi'₂ dsi₂guia₃-tín₂ quiáin₅ a₂tsá₃ 'ein₂ tsí'₃ 'i₁jan₂ a₂lín₅ I₂rë'₂ 'ín₁ quián₅ Diú₄.

Ca₂'ě₂ Jesús jág₁ a₂jóin₂

(Marcos 8:31–9:1; Lucas 9:22-27)

21 Tě₂le₃ ne₄ jui₅ ja₁ŋó₄ jaun₂, ca₂jme₃lióg₃ Jesús ca₂'ě₂ jág₁ ca₂tsí'₃ chi'₂ dsi₂guia₃-tín₂ quiáin₅, a₂tion₅₄ dsó₃ jui₅ Jerusalén, ja₁dsi₃ŋi₂ 'lióng₂ ne₅₄ jmi₁uig₅ a₂jmóg'₂ dsa₂ can'₅₄ quián₅ guá'₅, quian'₅₄ juig₅₄ jme₂dsa₂, tě₅juá'₅ ně₃. Jaun₂ ca₂juá'₂ a₂jŋag'₃ dsa₂, la₁ a₂'ni₅ jmig₄ jaun₂, jein'₅₄ bá₄ táng₃.

22 Jaun₂ Pe₄ ně₃ ca₂jio₃ le₃cau₅, jaun₂ ca₂jme₃lióg₃ a₂tě₂néi'₂ a₂jme₁jnéi₂ jui₅, ca₂juá'₂:

—i₂Tsá₃ o₁le₅₄ le₂ně₅, Te₁gui'₅₄! i₂O₁líng'₂ bá₄ tsá₃ jui₁dsi₂ŋi'₂ 'ne₂ le₂ně₅!

23 La₁ Jesús ně₃, ca₂jéin'₃ le₂ca'₃, jaun₂ ca₂juá'₂ ca₂tsí'₃ Pe₄:

—i₂Jŋag'₃ cau₅ quió₃, Satanás! Jnia'₅₄ jni'₂ bá₄ 'ne₂ jui₅ quió₃, ia₁ tsá₃ le₂jaun₂ dsi₂jio₃ 'au'₂ jui₁lia'₂ dsi₂jio₃ dsí₅ Diú₄. Ia₁ lia'₂ dsi₂jio₃ dsí₅ dsa₂ mi₂güig₃ bá₄ dsi₂jio₃ 'au'₂.

24 Jaun₂ ca₂juá'₂ Jesús ca₂tsí'₃ ca₂le₃jín₃ chi'₂ dsi₂guia₃-tín₂ quiáin₅:

—Chi₂jua'₂ 'ein₂ 'nio₃ 'éin₃ jniá'₂, co₂dsia₅ jui₁dsi₂'én₂ dsí₅ guoin₅₄, jui₁jmo₁₂ co₂jŋiai₅₄ a₂jóin₂, § jui₁jia₂ chi₁co'₅₄ quió₃. 25 Ia₁ jui₁'ein₂ guě₃ i₂tsá₃ 'nio₃ jón₂ ia₁ a₂'ín₅ dsí₅ le₃chain₂ dse₃ mi₂güig₃ la₂, dsi₂'én₂ quió'₅. La₁ jui₁'ein₂ guě₃ i₂tén'₂ dsí₅ gue₃ 'mú₃ 'uig₅₄ quió₃ jniá'₂, le₃chain₂ dse₃ mi₂güig₃ caun₂. 26 Ia₁, ¿'e₂ bá₄ ta₁ jmo₃ a₂lí'₂ dsa₂ 'ŋio₅ lín₃ ne₄ gua'₅₄ 'uë₃ la₂, ně₁juá'₂ dsi₃'én₂ bá₄ guë'₂ jme₂dsí₂ quió'₅ mi₂güig₃ caun₂? ¿O₃ je₂liá'₂ lě₂ le₃quí₃ dsa₂ 'lia'₅₄ ia₁jaun₂ tén'₄ jme₂dsí₂ quió'₅? 27 Ia₁ Jaun₅ dsa₂ mi₂güig₃ jŋi₁oi'₂ quian'₅₄ jui₅bí₂ jlá'₁ quió'₅ Jmei₂, quian'₅₄ ángeles quiáin₅, ja₃qui₅ 'lian'₅₄ dsa₂ 'a₂ con'₂ jnia'₅₄ niog₅ ca₂jmo₃. 28 A₂dsi₂jó'₃ juá'₅ jniá'₂ juig₂ 'nia'₂, chan₂ i₂lin₅₄ jui₁lia'₂ i₂tion'₅₄ ja₁lá₃ tsá₃ dsián₃ ca₂lia'₂ ca₂tě₂ ne₅₄ jín₂ Jaun₅ dsa₂ mi₂güig₃ a₂jŋi₁oi'₂ lín₅ rag₅₄ a₂qui₃dsi₂₃ 'éi'₃.

17

Ca₂rě₃tsín₃ 'a₂ lia'₂ jniá'₂ Jesús

(Marcos 9:2-13; Lucas 9:28-36)

† 16:18 griego: Petros, co₂'nió'₄ le₃juá'₅₄ ni₁cang₁. ‡ 16:18 'Nio'₂ ja₁ton₅ 1 Pedro 2:7. § 16:24 lit. “jui₁quian₅₄ cróg₄ quió'₅.”

1 Jñéi₂ jmig₄ cang₂ jaun₂, ca₂jñia₃ Jesús Pe₄, Jacobo,* quian'₅₄ Juan₅₄ rin'₅₄ Jacobo ně₃, ca₂i₃lén₂ con'₂ guoin₅₄ caun₂ má'₂ ñei₅. 2 Ja₁jaun₂ ca₂rě₃tsin'₃ 'a₂ lia'₂ jniá₂ Jesús tē₃ jág₅ 'éi₂. Ne₄ Jesús ca₂jnia₃ tág₅ jui₁lia'₂ jniá₂ 'iog₂; tsin'₅₄ guë'₂ ně₃ ca₂jnia₃ tiog₂ jau₂ ca₂lia'₂ tág₅ lín₃. 3 Jaun₂ dsi₂jui₅ jaun₂ ca₂jnia₃ Moisés quian'₅₄ Elías, tióin₂ dsia₂₃ jág₁ quiain'₅₄ Jesús. 4 Jaun₂ ca₂juá'₂ Pe₄ ca₂tsí'₃ Jesús:

—Te₁gui'₅₄, i'e₂ guë'₄ dse₃ lia'₂ tio'₅₄ jniog₄ ja₁lá₃! Chi₂jua'₂ niog'₂, jmo₅₄ jniá₂ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guë'₂ quió'₅ Elías ně₃.

5 Tě₃jě₄ dsia₅ Pe₄ jág₁ jaun₂, ca₂lioin₂ caun₂ jnei₅ tág₅; jaun₂ jě₄ jnei₅ jaun₂ ca₂né'₂ jág₁ a₂juá'₂:

—I₂la₂ bá₄ jón₃ quiáng₃, i₂ñí₄ lě₃ 'nióg₃ guë'₄ lín₃. 'E₂ bá₄ 'ñio₂ dsi₃ quiain'₅₄. Nei₂ 'nia'₂ jág₁ quió'₅.

6 Jme₁ca₂nág₂ chi'₂ dsi₂guia₃-tín₂ jág₁ jaun₂, ca₂rě₃gó'₅ ca₂le₃jě₃ ca₂i₃gain'₅₄ 'uë₃ le₁'éin₂, 7 Jaun₂ ca₂guán'₃ táng₃ Jesús cau₅ quió'₅, ca₂jñau'₃, jaun₂ ca₂juá'₂:

—Nau₂ 'nia'₂; Tsá₃ lě₁jmo₂ 'nia'₂ gang'₃.

8 Jaun₂ jme₁ca₂jág₃ táng₃, tsá₃ ma₂'ein₂ i₂sián'₂ ca₂jíin₂; jñia'₅₄ lia'₂ 'ñiog₅ bá₄ Jesús ma₂chén'₅.

9 Jme₁ja₂lein₃ sióin₅ táng₃ má'₂ jaun₂, ca₂jmo₃ Jesús 'éi'₃, ca₂juá'₂:

—Tsá₃ 'ein₂ juig'₅₄ 'nia'₂ a₂ně₂jag'₅₄ 'nia'₂ ně₅, ca₂lia'₂ ca₂tě₂ jmig₄ jě₁ma₂ca₂jen'₅₄ táng₃

Jaun₅ dsa₂ mi₂güig₃ ne₄ 'mú₃.

10 Jaun₂ ca₂ñag₃ chi'₂ dsi₂guia₃-tín₂ ca₂ñí'₃ Jesús:

—Chi₂jua'₂ le₂ně₅, ¿'E₂ lě₃ juá'₂ tě₅juá'₅, Elías bá₄ i₂jjiá₃ le₂'uig₅₄?

11 Jaun₂ ca₂ñag₃ Jesús:

—Dson'₂ Elías bá₄ jiá₃ le₂'uig₅₄, jaun₂ 'éi₂ bá₄ jme₃rě₃ ca₂le₃jě₃. 12 La₁juá'₅ jniá₂, i₂ma₂guan₅ bá₄ Elías, la₁ tsá₃ 'ein₂ ca₂rě₃cuig₅. Jaun₂ qui₂ca₂jmóg'₂ dsa₂ lia'₂ lě₂ dsí₅ ca₂le₃jě₃ guë'₄ 'a₂ lia'₂ 'nio₃ jmóg'₂. Ján₃ bá₄ le₂ně₅, Jaun₅ dsa₂ mi₂güig₃ dsi₃ñí₂ uig₅ o₄gú₃ dsa₂ 'éi₂.

13 Jaun₂ guë'₄ ca₂rě₃lí'₄ chi'₂ dsi₂guia₃-tín₂, Juan₅₄ i₂ca₂chon₃ dsa₂ jmig₂ bá₄ 'in₅ Jesús, a₂juá'₂ le₂jaun₂.

*Ca₂jme₃'lión₂ Jesús jan₂ chi'₂ i₂'en₅₄ jme₂dsí₂ 'lín'₅₄ dsí₅
(Marcos 9:14-29; Lucas 9:37-43)*

14 Jme₁ca₂dsi₃lein₃ ja₁tion'₅₄ dsa₂ juin₅, jaun₂ ca₂jme₃quián₃ jan₂ dsa₂ ja₁chén'₄ Jesús, jaun₂ ca₂chi₃jné₃ ne₅₄, jaun₂ ca₂juá'₂:

15 —Te₁gui'₅₄, dsia₄ ñéi₂ 'au'₂ chi'₂ quiáng₃, 'ñio₅ lín₃ ñág₅ uig₅ lín₅ dso₄ 'ei₂; 'lióng₂ ráun₂ ma₂ca₂táin'₂ dsi₂si₂, dsi₂jmig₂ ně₃. 16 Ma₂i₁jñiai₅₄ jniá₂ ne₄ chi'₂ dsi₂guia₃-tín₂ quiáng'₂, la₁ tsá₃ ca₂tió'₃ jme₃lió₂.

17 Jaun₂ ca₂ñag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂! ¿Je₂liá'₂ jmig₄ jmá'₃ 'nió'₅ 'ú₄ quian'₅₄ 'nia'₂? ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsi₃ quian'₅₄ 'nia'₂? I₂jñia₅ chi'₂ ja₁lá₃.

18 Jaun₂ ca₂jí₂ Jesús ca₂jéin₂ je₂na'₅₄. Jaun₂ ca₂o₃'ín₃ tē₂dsí₅ chi'₂ 'éi₂, jaun₂ guë'₄ ně₃ ca₂lóin₂ dsi₂jui₅ le₂jaun₂.

19 Jme₁co₂lág₂ jaun₂ ca₂dsia₃ chi'₂ dsi₂guia₃-tín₂ jág₁ quian'₅₄ Jesús jě₄ con'₂ guoin₅₄, jaun₂ ca₂ñí'₃ 'éi₂:

—¿'E₂ 'uig₅₄ tsá₃ ca₂tián₃ jnia'₅₄ dsén₄ i₂'lín'₅₄?

20 Jaun₂ ca₂ñag₃ Jesús:

—Ne₄ ia₁ a₂ñí₄ lě₃ ca₂juig₄ 'én'₂ bá₄ 'nia'₂. A₂dsi₂jó'₃ juá'₅ jniá₂, jua'₅₄ mei'₂ guë'₃ 'én'₂ 'nia'₂, tsá₃ a₂nag₅₄ o₁jñia'₅₄ con'₂ tí₅ ca₂míg₂ mi₂jon₂ mostaza,† lě₂ le₃jme₁juig'₅₄ 'nia'₂ jui₁lia'₂ má'₂

* 17:1 ján₃, bá₄ chein₂ Santiago. † 17:20 mostaza: On₃jua'₅₄ mi₂ján'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂tě'₂ tě₅sí₅, Brassica nigra.

ó₃: “Jniag' ₃ ja₁ně₅, gua₂ tē₂le₃ ca₂taun₂”; má' ₂ jaun₂ ně₃ jnióg' ₃ ja₁'ē' ₂ 'nia' ₂. 'I₁caun₂ tsá₃ 'e₂ cha₂ jua' ₅₄ a₂tsá₃ lé₂ le₃jmó' ₂ 'nia' ₂ jua' ₅₄ mei' ₂ guě₃ le₂jaun₂.[‡]

Ca₂'ě₂ táng₃ Jesús jág₁ a₂jóin₂

(Marcos 9:30-32; Lucas 9:43-45)

²² Tē₁lia' ₂ i₂nioi₅₄ co₂lě₅ le₂con₂ ja₁tén₄ 'uě₃ Galilea, jaun₂ ca₂juá' ₂ táng₃ Jesús a₂jáng' ₂ dsa₂ jíin' ₂ Jaun₅ dsa₂ mi₂güig₃ o₄gú₃ dsa₂ mi₂güig₃. ²³ Jaun₂ jnag' ₃ dsa₂, la₁ a₂'ni₅ jmig₄ jaun₂, jein' ₅₄ bá₄ táng₃. Ca₂tá' ₂ 'lia' ₂ bá₄ dsí₅ chi' ₂ dsi₂guia₃-tín₂ jme₁ca₂nág₂ jág₁ jaun₂.

Ca₂quí₃ 'lia' ₅₄ ja₁con₂ dsi₂tan₅₄ quián₅ guá' ₅

²⁴ Jme₁ca₂dsióg₃ Jesús juig₂ Capernaum quiaín' ₅₄ chi' ₂ dsi₂guia₃-tín₂, jaun₂ ca₂o₃lén₂ dsa₂ i₂cág' ₅ jma₃tín₃ 'éi' ₃ cu₄ dracma a₂'nió' ₅ quió' ₅ guá' ₅ templo, jaun₂ dsa₂ 'éi₂ ca₂jme₃quiaín₃ con₂ Pe₄, ca₂ḡag₃:

—¿Tsa₁ qui₅ tē₅ quián' ₂ 'nia' ₂ 'lia' ₅₄ quió' ₅ guá' ₅?

²⁵ Jaun₂ ca₂ḡag₃ Pe₄:

—Ján₅. Qui₅ bá₄.

Jme₁ca₂'i₃ Pe₄ dsi₂néi₂, jaun₂ 'niog₅ Jesús de' ₂ jniá₅ ca₂juá' ₂ ca₂tsí' ₃ Pe₄:

—¿'A₂ lia' ₂ lín' ₂ 'ne₂, Si₂mu₅₄? Jui₁lia' ₂ jan₂ rag₅₄ dsa₂ mi₂güig₃, ¿'Ein₂ quió' ₅ mi₂3 'lia' ₅₄? ¿Quió' ₅ dsa₂ go₅₄, o₃ quió' ₅ jmá' ₃ dsi₂nau₂ 'e₂?

²⁶ Jaun₂ ca₂ḡag₃ Pe₄:

—Quió' ₅ dsi₂nau₂ bá₄.

Jaun₂ ca₂juá' ₂ táng₃ Jesús ca₂tsí' ₃ 'éi₂:

—Tsá₃ ca₂tín₂ dsa₂ go₅₄ qui₃ jaun₂ ně₃. ²⁷ La₁, jaun₂ tsá₃ tiin₃ 'lig' ₅₄, gua₂ o₂'éi₂ mi₂cu₄ dsi₂jmig₂, O₂dsen₅₄ i₁ju₁ i₂nág' ₃ le₂'uig₅₄ mi₂cu₄. Mi₂'o₄ i₁ju₁ 'éi₂, dsiang' ₂ caun₂ cu₄ 'ua' ₂. A₂jaun₂ qui' ₅₄ quián₂ jniog₄ le₃ó₃.

18

'Ein₂ lín₅ i₂dsen₅₄ guě₄ ja₁gon₂ Diú₄

(Marcos 9:33-37; Lucas 9:46-48)

¹ Ján₃ bá₄ jmig₄ jaun₂ táng₃ ca₂jme₃quiaín₃ chi' ₂ dsi₂guia₃-tín₂ con₂ Jesús jaun₂ ca₂ḡag₃:

—¿'Ein₂ lín₅ i₂dsen₅₄ guě₄ guei' ₅₄ i₂juig₃ ja₁gon₂ Diú₄?

² Jaun₂ ca₂tě' ₃ Jesús jan₂ i₂bě' ₅₄, jaun₂ ca₂chei' ₃ dsi₂jo₂ ja₁tiáin' ₄, ³ jaun₂ ca₂juá' ₂:

—A₂dsi₂jó' ₃ juig₂ jniá₂ 'nia' ₂, ně₃jua' ₂ tsá₃ ca₂jme₁tsín' ₄ 'nia' ₂ 'au' ₂, a₂lěng' ₂ lia' ₂ lín₅ jan₂ i₂bě' ₅₄, o₁líg' ₂ jmig₄ tsá₃ lé₂ le₃dsi₁no' ₃ 'nia' ₂ guei' ₅₄ i₂juig₃. ⁴ Jaun₂ ně₃, i₂'éi₂ bá₄ i₂lén₂ i₂dsen₅₄ guě₄ guei' ₅₄ i₂juig₃ jui₁lia' ₂ i₂jmo₅ me' ₂ lia' ₂ lín₅ chi' ₂ bě' ₅₄ la₂. ⁵ Con' ₂ siá' ₂ táng₃, jui₁lia' ₂ dsa₂ i₂guen₅ jan₂ guein₂ o₄quió₃ jniá₂ jui₁lia' ₂ i₂la₂, jniá₂ bá₄ guei₂₃.

A₂go' ₂ tsí₃sén' ₂ dsa₂ dso₄

(Marcos 9:42-48; Lucas 17:1-2)

⁶ Jui₁'ein₂ guě₃ i₂jmo₅ tsí₂sén' ₂ jui₁lia' ₂ chi' ₂ bě' ₅₄ i₂le₂la₂ i₂'én₂ tē₂le₃ quió₃ jniá₂, ja₂lín₃ guě₄ co₂ḡei' ₅₄ dse₃ tón₂ dsa₂ ne₄ jmi₁ḡí' ₄ rē₂quein₅ ca₂míg₂ ni₁to₂ dsi₂lag₅₄. ⁷ 'E₂ guě₄ juig₂ dsa₂ mi₂güig₃ ia₁ tsá₃ caun₂ a₂ja₂lé₂ ja₁coin₂ a₂jmo₅ a₂tsí₂sén' ₂! La₁ le₂jaun₂ dsón' ₂ dsi₃ḡí₂ bá₄, la₁ 'e₂ guě₄ juig₂ jui₁lia' ₂ dsa₂ i₂ton' ₂ jág₁ rin' ₅₄ jaun₂ jén' ₃ dsí₅ 'éi₂ a₂'no₃ dso₄.

⁸ "Uig₅₄ jaun₂, chi₂jua' ₂ mi₂gog' ₂ o₃ mi₂tag' ₅₄ 'e₂, jmo₅ a₂tang' ₂ dso₄, co₂dsia₅ dse₃ 'nia₄, tiong₂ uíng₂; ia₁ ja₂lín₃ guě₄ dse₃ a₂dsiáng' ₄ ja₁le₃chang' ₂ co₂tan₅₄ a₂rē₂'liáng' ₃, con' ₂ guě₄ a₂jme₁o₁'ú' ₃ a₂rē₂'ḡia₅ gog' ₂-tag' ₅₄ dsi₂si₂ ja₁tsá₃ ton₅ jmig₄ éi₃. ⁹ Ně₁jua' ₂ mi₂ne' ₅₄ jmo₅ a₂tang' ₂ dso₄, dsi₄ ján₃, tiong₂ uíng₂: ia₁ ja₂lín₃ guě₄ dse₃ a₂dsiáng' ₄ ja₁le₃chang' ₂ co₂tan₅₄

‡ 17:20 A₂lín₅₄ chog₅₄ si₂ chi₁ton₅ versículo 21 bá₄ ján₃, a₂juá' ₂ le₂la₂: “La₁ jui₁lia' ₂ i₂'lín' ₅₄ le₂ně₅, tsá₃ o₂'iin₅ ně₃jua' ₂ tsá₃ chi₂lén' ₂ dsa₂ Diú₄ a₂jme₂'iin₅₄.”

a₂teng'⁵⁴ ca₂míg² mi₂ne'⁵⁴, lia'₂ con'₂ gué₄ a₂jme₁gog'⁵⁴ a₂rë₂'ñia₅ ta₁tin₃ mīg² mi₂ne'⁵⁴ dsi₂si₂ guio₃-juíg³.

Jág₁ a₂jáng'⁵ léi₄ ju₁lia'₂ jan₂ já'₂ cha'₂ i₂ca₂i₃cón'⁵
(Lucas 15:3-7)

10 'Tsá₃ jmo₂ 'nia'₂ jua'⁵⁴ a₂tsá₃ jen'⁵⁴ ju₁lia'₂ jan₂ chi'₂ bē'⁵⁴ le₂la₂. Ia₁ juíg² jniá₂ 'nia'₂, ia₁ ángeles i₂jmo₅ 'í₁ quiáin₅ co₂tan₅₄ bá₄ jín₂ Nē'₃ i₂guá₅ guei'⁵⁴ i₂juíg³.*

12 '¿'A₂ lia'₂ lín'₂ 'nia'₂? Jua'⁵⁴ mei'₂ gué₃ jan₂ dsa₂ 'ñio₅ caun₂ 'ñiá₂-lón₂ já'₂ cha'₂, nē₁jua'₂ ca₂i₃cón'⁵ jan₂, ¿tsa₁ ja₁jaun₂ chein'₂ ne₄ dsi₂con'₂ i₂quén'₂ co₂ne₂guión₂ rē₂dsí₂ guia₃-né₂ (99) con'₂ i₂te₂ 'éi₂, jaun₂ dsó₅ táng₃ dsi₂'niai'₂ i₂tsá₃ chan₂ 'éi₂? 13 Jē₁ma₂ca₂dsáu'₂ nē₃, a₂dsi₂jó'₃ juá'₅ jniá₂, 'ñio₅ lín₃ gué₄ 'io'₂ jmo₂₃ o₄quió'₄ i₂jan₂ 'éi₂ con'₂ gué₄ i₂quén'₂ co₂ne₂guióg₂ rē₂dsí₂ guia₃-né₂ i₂tsá₃ i₂cón'⁵. 14 Le₂nē₅ bá₄ ján₃, Néi'₅ 'nia'₂ i₂guá₅ guei'⁵⁴ i₂juíg³ tsá₃ 'nio₃ jua'⁵⁴ dsi₃cón'⁵ ca₂lia'₂ 'i₁jan₂ i₂lín₅ guein₂ bē'⁵⁴ ju₁lia'₂ i₂la₂.

'A₂ lia'₂ 'nió'⁵ 'én₂ dsa₂ dsáu₁ riin'⁵⁴
(Lucas 17:3)

15 'Chi₂jua'₂ 'e₂ caun₂ a₂ca₂j móg'₂ jan₂ ríng'₂, dsia₄ de'₂ 'nia'₂ jág₁ ja₁con'₂ guiong'⁵⁴, ja₁jaun₂ jme₁jniag'₂ ne₅₄ 'e₂ a₂ca₂j móg'₂. Nē₁jua'₂ ca₂tón'₃ ju₁ jág₁ quiáng'₂, ja₁jaun₂ ca₂dsan₃ bá₄ mi'⁵⁴, ca₂lě₃ bá₄ táng₃ ríng'₂ quiain'⁵⁴. 16 La₁ nē₁jua'₂ tsá₃ ca₂tón'₃ ju₁ jág₁ quiáng'₂ nē₃, te'₂ on₃-ún₂ dsa₂ sián'₂ ia₁jaun₂ "ca₂le₃jě₃ 'e₂ niog₅ lé₂ jióg'₂ 'í₁ quián'⁵⁴ on₃-ún₂ dsa₂ i₂jáng'₃ jág₁ dsau₅, nē₁jua'₂ tí₅ jág₁ jaun₂."† 17 Nē₁jua'₂ tsá₃ ca₂tón'₃ ju₁ jág₁ quió'₅ dsa₂ 'éi₂, chei'⁵⁴ guá'₅; nē₁jua'₂ tsá₃ ca₂tón'₃ ju₁ on₃ gué'₂ jág₁ quió'₅ guá'₅ nē₃, tē₂le₃ ja₁ñó₄ jaun₂, jmo₄ 'au'₂ jín₅₄ lia'₂ ja₁jíng'₄ jan₂ dsi₂nau₂, o₃ ju₁lia'₂ jan₂ i₂cág'₅ cu₄ a₂ca₂tín₂ dsi₂tan₅₄ 'e₂.

18 'A₂dsi₂jó'₃ juíg² jniá₂ 'nia'₂, ca₂le₃jě₃ 'e₂ a₂tsá₃ cuē'₂ 'nia'₂ jmig₄ ne₄ gua'⁵⁴ 'uē₃ la₂, lia'₂ con'₂ lě₅ jág₁ quió₃, ján₃ bá₄ tsá₃ lé₂ guei'⁵⁴ i₂juíg³; ján₃ bá₄ le₂jaun₂ ju₁lia'₂ a₂cuē'₂ 'nia'₂ jmig₄ ne₄ gua'⁵⁴ 'uē₃ la₂, lia'₂ con'₂ lě₅ jág₁ quió₃, a₂jaun₂ bá₄ lé₂ guei'⁵⁴ i₂juíg³.

19 'Ján₃ bá₄ juá'₅ jniá₂, nē₁jua'₂ on₃ 'nia'₂ jmo₂ caun₂ jág₁ ne₄ gua'⁵⁴ 'uē₃ la₂, a₂mí'₁ 'nia'₂ 'e₂ a₂'niog'₂ mí'₁, cuē₃ bá₄ Nē'₃ jniá₂ i₂guá₅ guei'⁵⁴ i₂juíg³. 20 Ia₁ jē₁le₁ñi'₂ on₃-ún₂ o₄quió₃ jniá₂, jē₄ jaun₂ bá₄ 'eng⁵⁴.

21 Jaun₂ Pe₄ nē₃ ca₂ñag₃:

—Te₁gui'⁵⁴, ¿con'₂ je₂liá'₂ ráun₂ 'nió'⁵ 'én₄ jniá₂ dsáu₁ ríng'₃ nē₁jua'₂ 'e₂ caun₂ a₂ca₂j móg'₂? ¿'A₂ lia'₂? ¿Guio₃ ráun₂?

22 Jaun₂ ca₂ñag₃ Jesús:

—Ma₁ tsá₃ juá'₅ jniá₂ jñia'⁵⁴ guio₃ ráun₂. Ta₁'nag'₂ co₂ne₂guióg₂ rē₂dsí₂ guia₃ ráun₂ a₂jma₃guio₃ (70 X 7 = 490)‡ bá₄ juá'₅ jniá₂.

Jág₁ a₂jáng'⁵ léi₄ ju₁lia'₂ jan₂ dsa₂ i₂tsá₃ ca₂'én₂ dsáu₁ riin'⁵⁴

23 'Uig⁵⁴ jaun₂, lě₅ guei'⁵⁴ i₂juíg³ ju₁lia'₂ lín₅ jan₂ rag⁵⁴ i₂ca₂mág₃ cuentas quió'₅ ca₂le₃jín₃ dsa₂ i₂jme₂tí₃ ta₁ ne₅₄. 24 Jaun₂ jme₁ma₂jme₂lióg₃ chein'₂ cuentas, jme₁ca₂dsi₃lén₂ dsa₂ le₁jñia₂₃ jan₂ dsa₂ i₂riñ₅ guia₃ mei₅ talentos. 25 La₁, ia₁ tsá₃ 'e₂ cha₂ quián'⁵⁴ a₂quí₃, jaun₂ ca₂jmo₃ rag⁵⁴ 'éi'₃ a₂dsi₃'ni₄ dsa₂ 'éi₂ lia'₂ jma₃quian'⁵⁴ 'io₅₄ quiáin₅, chí'₂ quiáin₅ nē₃, ca₂le₃jě₃ 'e₂ a₂jme₁cha₂ quió'₅ nē₃, ia₁jaun₂ le₂jaun₂ jme₁dsian₅ a₂riin₂. 26 La₁ dsa₂ 'éi₂ nē₃, ca₂já₃ ca₂chi₃jné₃ ne₄ rag⁵⁴ juig⁵⁴, jaun₂ ca₂mi₃ tion₅₄ ca₂juá'₂: "Gui'⁵⁴ quiáng₃, jmo₄ juin'₂ 'au'₂ quián'⁵⁴ jniá₂, a₂quí₄ bá₄ jniá₂ quiáng'₂, ca₂le₃jě₃." 27 Jaun₂ juig⁵⁴ nē₃ ca₂dsia₃ bá₄ ñéi₂ dsí₅ ja₁coin₂, jaun₂ ca₂'éin₂ bá₄ ca₂le₃jě₃ a₂jme₁riin₂, jaun₂ ca₂lió₂ bá₄.

* 18:10 A₂lín₅₄ chog⁵⁴ si₂ chí₁ton₅ versículo 11 a₂juá'₂ le₂la₂: "Ta₁ jaun₂ bá₄ já₅ Jaun₅ dsa₂ mi₂güig³, a₂ja₂'niai'₂ dsa₂ i₂ma₂i₂cón'⁵." † 18:16 Deuteronomio 19:15. ‡ 18:22 o₃, "ta₁'nag'₂ co₂ne₂guióg₂ rē₂dsí₂ guia₃-guio₃ (77) ráun₂."

28 'La₁ dsi₂jui₅ jme₁o₂'ín₃ jaun₂ ně₃, ca₂jein'₂ jan₂ dsa₂ i₂jme₂ti₃ riin'₅₄ i₂rin₂ caun₂ 'ñiá₂-láu₂ cu₄ denarios quió'₅. Jaun₂ ca₂tín₂ dsi₂lag₄ riin'₅₄, ca₂güi'₃ tiá₂, ca₂juá'₂: “¡Qui₄ a₂ring'₂ quió'₃!” 29 Jaun₂ riin'₅₄ 'éi₂ ně₃ ca₂chi₃jiné₃ ne₅₄, jaun₂ ca₂mi₃ tion₅₄ ca₂juá'₂: “Jmo₄ juin'₂ 'au'₂ quian'₅₄ jniá₂, a₂quí₄ bá₄ jniá₂ quiáng'₂, ca₂le₃jě₃.” 30 La₁ i₂jan₂ ně₃ tsá₃ ca₂gue₃, jaun₂ jui₅ 'né₅ 'má₃ bá₄ ca₂i₁tio'₂. Ca₂lia'₂ jaun₂ ca₂'mag'₂ dsí₅ ca₂lia'₂ ca₂quí₃ riin'₅₄ ca₂le₃jě₃. 31 Jaun₂ jme₁ca₂jág₃ riin'₅₄ i₂jme₂ti₃ ta₁ sián'₂, ca₂tá'₂ 'lia'₂ dsí₅, jaun₂ ca₂i₁con₂ jág₁ ne₄ juig₅₄ ca₂i₁jua'₄ ca₂le₃jě₃ a₂ca₂lě₃ jaun₂. 32 Jaun₂ ca₂jmo₃ juig₅₄ 'éi'₃ ca₂i₁quiong₅₄ táng₃ dsa₂, jaun₂ ca₂tě₃ juig₅₄ dsi₂néi₂ quió'₅, jaun₂ ca₂juá'₂: “Ne₂ i₂jme₂ti₃ ta₁ ne₃, i'e₂ guě₄ 'ñio₅ 'lin'₅₄ 'ne₂ ca₂'uín'₂! Jua'₂ ně₂ 'én₃ bá₄ jniá₂ ca₂le₃jě₃ a₂jme₁ring'₂ quió'₃, ia₁ ně₂mi'₅₄ tion₅₄-jan₃. 33 ¿Tsa₁ dse₃ jua'₅₄ le₂jaun₂ bá₄ ně₂dsia'₅₄ 'ñéi₂ 'au'₂ ring'₂, jui₁lia'₂ ně₂dsia₃ jniá₂ 'ñéi₂ dsi₃ 'ñiag'₂?” 34 Tě₃ ma₂'ne₂ jaun₂ juig₅₄, ca₂'jín'₂ dsa₂ 'éi₂ o₄gú₃ dsa₂ i₂niog₅ ne₄ 'né₅ 'má₃, ca₂jmo₃ ca₂lia'₂ ca₂quí₃ jě₂ a₂jme₁riin₂.

35 Jaun₂ ca₂juá'₂ Jesús guě₄ ně₃:

—Ján₃ bá₄ le₂ně₅ jmo₃ Ne'₃ jniá₂ i₂guá₅ guei'₅₄ i₂juig₃ quian'₅₄ 'nia'₂ le₂jang'₂ le₂jang'₂ ně₁jua'₂ tsá₃ ca₂'én'₃ 'nia'₂ ca₂le₃jě₃ 'au'₂ dsá₁ ring'₂.

19

*Jme₂tag₅ Jesús jui₁lia'₂ 'a₂lia'₂ lě₅ a₂tén₂ dsa₂ dsi₂i₂gu₂
(Marcos 10:1-12; Lucas 16:18)*

1 Jme₁ca₂dsan₃ juá'₂ Jesús jág₁ ně₅, jaun₂ ca₂o₃'ín₃ 'uě₃ Galilea, jaun₂ ca₂dsióg₃ tě₂le₃ quióng₄ Cuá₃ Jordán. 2 Juin₅ lin₃ dsa₂ ca₂jme₃quiong'₅₄, jaun₂ ca₂jme₃'lióin₂ dsa₂ i₂quile₂dso'₅₄.

3 Jaun₂ ně₃, i₂lin₅₄ dsa₂ fariseos ca₂jme₃quiáin₃ con₂ Jesús a₂ñia'₅₄ con'₂ cáun₂ táu₂. Jaun₂ ca₂ñag₃:

—¿'I₄ 'éi'₃ a₂tén₂ dsa₂ dsi₂i₂gu₂ ne₄ 'uig₅₄ ně₁'e₂ caun₂ a₂lě₃?

4 Jaun₂ ca₂ñag₃ Jesús:

—¿Tsa₁ ma₂ca₂'í₂ 'nia'₂ ne₄ Si₂, ja₁juá'₂ i₂ca₂jmo'₂ dsa₂ mi₂güig₃ le₂ne₁: “Ca₂jmoí'₂ dsa₂ 'ñe'₂ dsa₂ mí₂ ně₃”?* 5 Ca₂juá'₂ ně₃: “Uig₅₄ jaun₂ ca₂tín₂ dsa₂ 'ñe'₂ téin₂ chog₅₄-jmei₂ jaun₂ con'₂ tiain'₃ quiaín'₅₄ dsi₂i₂gu₂, jaun₂ jě₁le₃oin₃ léin₂ caun₂ bá₄ ni₁ñí₅.”† 6 Jaun₂ dsióg₄ léin₂ jan₂ bá₄, tsá₃ ma₃lě₂ oin₃. Jaun₂ tsá₃ 'i₄ 'éi'₃ jua'₅₄ jmo₃ dsa₂ mi₂güig₃ jma₃quén₅ a₂ma₂ca₂dsia₃ Diú₄ rě₂.

7 Jaun₂ ca₂ñag₃ táng₃ dsa₂ fariseos:

—¿'E₂ guě'₂ lě₃ ně₃ ca₂jmo₃ Moisés 'éi'₃ a₂lé₂ le₃jmo₃ dsa₂ 'ñe'₂ caun₂ si₂ tě₃ron₅₄ cuě'₃ 'io₅₄ ja₁juá'₂ a₂tén₂ riin'₅₄, jaun₂ guě₄ ma₂lé₂ dsei₂₃?

8 Jaun₂ ca₂juá'₂ Jesús:

—'Uig₅₄ ia₁ a₂ñí₄ tsá₃ nág'₁ 'nia'₂ guiong'₅₄ bá₄ jaun₂ ca₂cuě₃ 'éi₂ jmi₃g₄ a₂tén₂ dsa₂ dsi₂i₂gu₂; la₁ lia'₂ con'₂ le₂'uig₅₄ tsá₃ le₂ně₅ jme₁lě₄. 9 La₁ jniá₂ juá'₅, jui₁'ein₂ guě₃ i₂lě₁tén₂ dsi₂i₂gu₂, on₃jua'₅₄ a₂cha₂ lě₃, ně₁jua'₂ on₃ guě'₂ jua'₅₄ ia₁ a₂nió'₅ jág₁ quian'₅₄ i₂sián'₂; ně₁jua'₂ jě₁ma₂ca₂lě₃ jaun₂, cáin₂ táng₃ 'io₅₄ sián'₂, 'no₂₃ dso₄ ne₄ Diú₄; ján₃ bá₄ le₂ně₅ quian'₅₄ dsa₂ 'ñe'₂ i₂jén'₂ gu₂ quian'₅₄ jan₂ 'io₅₄ i₂ma₂téi₂ dsa₂ ně₃, ján₃ bá₄ le₂jaun₂ 'no₂₃ dso₄ ne₄ Diú₄.

10 Jaun₂ lě₃, ca₂juá'₂ chi'₂ dsi₂guia₃-tín₂ quiaín₅:

—Ně₁jua'₂ le₂ně₅ cha₂ o₂me'₅₄ dsi₅ quió'₅ dsa₂ 'ñe'₂ dsa₂ mí₂, ¿tsa₁ dse₃ jua'₅₄ a₂tsá₃ jéin'₂ co₂ñei'₅₄ gu₂?

11 Jaun₂ ca₂juá'₂ táng₃ Jesús:

—Tsá₃ ca₂le₃jín₃ lé₂ le₃ñí'₂ dsí₅ jua'₅₄ lé₂ le₃jmo₃ le₂ně₅; jñia'₅₄ lia'₂ i₂ma₂cuě₃ Diú₄ bí₂ a₂le₃ñí'₂. 12 'Lióng₂ bá₄ 'uig₅₄ cha₂ a₂tsá₃ le₃jén'₂ dsa₂ 'ñe'₂ i₂lin₅₄ gu₂; ia₁ i₂lin₅₄

* 19:4 Génesis 1:27; 5:2. † 19:5 Génesis 2:24.

le₂jaun₂ ma₂lín₅ lia'₂ con'₂ jme₁ca₂rë₃cháin₃ a₂tsá₃ lé₂ le₃jéin'₂ gu₂; i₂lín₅₄ guë'₂ ně₃, ia₁ a₂ma₂ca₂jmóg'₂ dsa₂ mi₂güig'₃ riin'₅₄ té'₃; i₂lín₅₄ guë'₂ ně₃, ia₁ a₂co₂nei'₅₄ ma₂quí'₃ dsí'₅ a₂tsá₃ jéin'₂ gu₂ ne₄ o₄quíó'₄ ja₁gon₂ Diú₄. Ju₁lia'₂ i₂tió'₅ jme₃ti₃ jág₁ la₂, ju₁jmo₁₂.

Ca₂jme₃gon'₅₄ Jesús chi'₂-guein₂
(*Marcos 10:13-16; Lucas 18:15-17*)

¹³ Jaun₂ ca₂o₃jñia₃ i₂lín₅₄ dsa₂ ca₂o₃jñiai₃ guein₂ quiáin₅ ne₄ Jesús ia₁jaun₂ qui₃ní'₂ gu₂, tsí'₃ Diú₄ o₄quíó'₄ ně₃. La₁ chi'₂ dsi₂guia₃-tín₂ ně₃ ca₂jéin₂ dsa₂. ¹⁴ La₁ Jesús ně₃, ca₂juá'₂:
—Cuë'₄ 'nia'₂ jmig₄ ju₁ja₂lén₂ chi'₂-guein₂ cong₂; tsá₃ lë₁jmo₂ 'nia'₂ le₂në₅ jua'₅₄ jnig'₅₄, ia₁ ju₁lia'₂ i₂le₂në₅ bá₄ guë'₂ i₂ca₂tín₂ ja₁gon₂ Diú₄.

¹⁵ Jme₁ca₂lë₃ chi₂lái'₂ le₂jan₂ le₂jan₂ guein₂ a₂jme₂gu'₅₄, ca₂ñái'₃ bá₄ jaun₂.

Jan₂ dsó₂ chi'₂ cha₂ cu₄ ca₂dsia₃ jág₁ quiain'₅₄ Jesús
(*Marcos 10:17-31; Lucas 18:18-30*)

¹⁶ Jan₂ dsó₂ chi'₂ ca₂jme₃quián₃ con₂ Jesús, jaun₂ ca₂ñag₃:

—Të₅ dsen₃, ¿'e₂ jmo₅₄ jniá₂† ia₁jaun₂ léi₂ ja₁le₃chang₂ co₂tan₅₄?

¹⁷ Jaun₂ ca₂juá'₂ Jesús:

—¿'E₂ lë₃ té'₅ jniá₂ dsen₃? Š Jñia'₅₄ lia'₂ jan₂ bá₄ i₂chan₂ i₂lín₅ i₂dsen₃, i₂'éi₂ lín₅ Diú₄. La₁ ně₁jua'₂ 'niog'₂ 'ú'₄ ja₁le₃chang₂ co₂tan₅₄, jme₁ti₁ 'éi'₃ quió'₅ Diú₄.

¹⁸ Jaun₂ ca₂ñag₃ táng₃ dsó₂ 'éi₂:

—¿'E₂ 'éi'₃?

Jaun₂ ca₂ñag₃ táng₃ Jesús:

—Tsá₃ jñig'₄ dsa₂ mi₂güig'₃ ríng'₂; tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ 'áng'₁ a₂cha₂ quió'₅ ríng'₂; tsá₃ jmó'₂ jua'₅₄ jang'₅₄ jág₁ të₂jág₁ a₂jmag'₅₄ ríng'₂; ¹⁹ a₂jme₁gang'₃ chog'₂-ñéi'₅; * a₂jme₁'nióg'₄ dsa₂ mi₂güig'₃ ríng'₂ ju₁lia'₂ 'nióg'₃ 'ñiag'₂ ně₃.†

²⁰ Jaun₂ ca₂ñag₃ táng₃ dsó₂ 'éi₂ ca₂tsí'₃ Jesús:

—Ca₂le₃jë₃ a₂në₅ ma₂guio₃ jme₂tí₂. ¿'E₂ guë'₄ a₂siá'₂ 'nió'₅ jmo₅₄?

²¹ Jaun₂ ca₂ñag₃ táng₃ Jesús:

—Në₁jua'₂ 'niog'₂ léng'₂ jan₂ dsa₂ i₂rë₂'ñia₅ të₂le₃ quió'₅ jme₂dsí₂, guan'₂ o₂'nag₄ ca₂le₃jë₃ a₂cha₂ quiáng'₂, jaun₂ o₂dsio'₅₄ ja₁con₂ dsa₂ te₂ñé₂, jaun₂ le₂në₅ le₃cha₂ a₂jlá'₁ quiáng'₂ guei'₅₄ i₂juig'₃; jaun₂ guë'₄ ñe'₅₄ quian'₅₄ jniá₂.

²² La₁ jme₁ca₂nág₂ dsó₂ jág₁ ně₅, ca₂ñái'₃ 'lia'₂ dsí₅, ia₁ 'ñio₅ lín₃ jme₁cha₂ cu₄.

²³ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—A₂dsi₂jó'₃ juig'₂ jniá₂ 'nia'₂, 'e₂ guë'₄ quian₅ ta₁ quió'₅ jan₂ dsa₂ cha₂ cu₄ a₂'í₂ guei'₅₄ i₂juig'₃ ja₁gon₂ Diú₄. ²⁴ Juá'₅ jniá₂, tsá₃ guë'₄ 'e₂ ta₁ quian₅ a₂lé₂ le₃ñí₃ jan₂ já'₂ camello ju₁tau₂ mi₂cu₄, lia'₂ con'₂ guë'₄ jan₂ dsa₂ cha₂ cu₄ a₂'í₂ ja₁gon₂ Diú₄.

²⁵ Jme₁ca₂nág₂ chi'₂ dsi₂guia₃-tín₂ quiáin₅ jág₁ ně₅, 'ñio₅ lín₃ ca₂i₃gó'₃ dsí₅, jaun₂ qui₂ca₂ñái'₃ riin'₅₄ con'₂ guioin₅₄:

—¿I₂'ein₂ bá₄ guë'₂ jaun₂ ně₃ i₂lé₂ le₃tín'₄?

²⁶ Jaun₂ ca₂jág₃ Jesús ca₂jíin₂ 'éi₂, jaun₂ ca₂juá'₂:

—Dsón'₂ bá₄ jaun₂, të₂le₃ quió'₅ dsa₂ mi₂güig'₃ o₁líg'₂ tsá₃ lé₂ le₃lé₂. La₁ të₂le₃ quió'₅ Diú₄, ca₂le₃jë₃ bá₄ lé₂ le₃lé₂.

²⁷ Jaun₂ ca₂juá'₂ Pe₄ ně₃:

—Te₁gui'₅₄, ca₂le₃jë₃ 'e₂ a₂jme₁cha₂ quián₂ jnia'₅₄ ma₂ca₂tén'₃ dsí₅ jnia'₅₄ ma₂qui₂ca₂tí₄ ia₁ a₂'én₅ jnia'₅₄ 'ne₂. ¿'E₂ a₂tag₃ jnia'₅₄ ně₃?

²⁸ Jaun₂ ca₂ñag₃ Jesús ca₂juá'₂:

‡ **19:16** o₃, “Të₅, ¿'e₂ a₂dse₃ a₂jmo₅₄ jniá₂...” § **19:17** o₃, “¿'E₂ lë₃ ñag'₅₄ jniá₂ ju₁lia'₂ a₂dse₃?” * **19:19** Éxodo 20:12-16; Deuteronomio 5:16-20. † **19:19** Levítico 19:18.

—A₂dsi₂jó'₃ juá'₅ jniá'₂ juíg'₂ 'nia'₂, jë₁ma₂ca₂të'₂ jmi₄g₄ i₁le'₃mag'₂ ca₂le₃jë'₃ 'a₂ lia'₂ niog₅ lë'₅ mi₂güig'₃, jë₁ma₂ca₂të'₂ rë₁guá'₃ Jaun₅ dsa₂ mi₂güig'₃ ne₄ta₁ jlá'₁ quió'₅, jaun₂ 'nia'₂ në'₃ i₂ma₂ja₂nóg'₅ quiong'₅₄ jniá'₂, nio₃ gog'₂ 'nia'₂ jma₃caun₃ ta₁ a₂tiáng'₄ jmó'₂ gong'₂ qui₁dsí'₂ 'éi'₃ ta₁guia₃-tín₂ nió'₃ dsa₂ juig'₂ tsi₁jón₂ Israel. ²⁹ Ján₃ bá₄ le₂jaun₂ ján₃, ca₂le₃jín₃ i₂ma₂ca₂tén'₃ dsí'₅ dsi₂néi₂ quió'₅, i₂ma₂ca₂tén'₃ dsí'₅ chi'₂ rin'₅₄, o₃ chog₅₄-jmei₂, o₃ dsa₂ mí₂ quiáin₅, o₃ chi'₂ quiáin₅, i₂ca₂tén'₃ dsí'₅ ca₂tí₂ ja₁nau₂ quió'₅ në'₃, 'uig₅₄ quió'₃ jniá'₂, ia₁ gue₃ caun₂ 'ñiá₂-láu₂ ñag₅₄ gué₄ lia'₂ con'₂ gué₄ a₂ma₂ca₂tí₂, ton'₂ gue₃ ján₃ a₂le₃chain₂ co₂tan₅₄. ³⁰ La₁ rë₂në'₃ juin₅ lín₃ i₂lín₅ i₂quen₅, la₁ jmi₄g₄ jaun₂ léin₂ dsa₂ të₂le₃ jë₁ca₂tó'₂; le₂jaun₂ bá₄ ján₃ ju₁lia'₂ i₂tsá'₃ 'e₂ quen₅ rë₂në'₃ lia'₂ con'₂ niog₅ lín₂ dsa₂ mi₂güig'₃, léin₂ i₂le₂'uig₅₄.

20

Jág₁ jáng'₅ léi₄ ju₁lia'₂ dsa₂ i₂jmo₅ ta₁ caun₂ ja₁nau₂

¹ 'Lë'₅ guei'₅₄ i₂juig'₃ ja₁gon₂ Diú₄ ju₁lia'₂ jan₂ dsa₂ juig₅₄ ja₁nau₂ i₂o₂'in₅ të₃ o₃'iog₂, ca₂i₁tióin₁₂ dsa₂ i₂jmo₃ ta₁ ja₁nau₂ quió'₅ ja₁jnia₄ cho'₅₄ uing₂ uvas. ² Ca₂lí'₃ bá₄ jág₁ quian'₅₄ dsa₂ i₂jmo₃ ta₁ a₂'liain'₅₄ jma₃ca₂'éi'₃ cu₄ denario lia'₂ co₂jmi₄g₄, jaun₂ ca₂chein₃ dsa₂ 'éi₂ ju₁ ja₁nau₂ quió'₅. ³ Jme₁co₂lág₂ jaun₂ o₂'iin₃ táng₃ con'₂ hora ñi₁ ñi₃ të₂le₃ o₃'iog₂, * jaun₂ ca₂jín₂ dsa₂ sián'₂ i₂tióin₂ jin₅₄ jë₄ 'ma'₅₄. ⁴ Jaun₂ ca₂tsí'₃ dsa₂ 'éi₂: “O₂nó'₅ 'nia'₂ ján₃ o₂jmo₄ ta₁ ja₁nau₂ quió'₃, quí₄ bá₄ jniá'₂ 'liang'₅₄ 'nia'₂ con'₂ dsi₂ten₅₄.” Jaun₂ i₃lén₂ bá₄ dsa₂ 'éi₂. ⁵ Jaun₂ o₂'iin₃ táng₃ con'₂ dsi₂ñí'₃, † con'₂ siá'₂ hora ñi₁ 'ni₅ të₂le₃ ca₂'láu₂ në'₃; ‡ le₂jaun₂ bá₄ ca₂jmo₃ ján₃. ⁶ Con'₂ siá'₂ o₂'iin₃ bá₄ gué₄ con'₂ hora ñi₁ 'ñiá₂ të₂le₃ ca₂'láu₂, § ñó₃ ju₁ jë₄ 'ma'₅₄, jaun₂ ca₂dsáin'₂ táng₃ dsa₂ i₂jin₅₄ tióin₂. Jaun₂ ca₂tsí'₃ 'éi₂: “¿'E₂ lë₃ tióin'₂ 'nia'₂ ja₁lá₃ ta₁ne₁jmi₄g₄ tsá'₃ 'e₂ ta₁ jmo₂'?” ⁷ Jaun₂ ca₂ñag₃ dsa₂ 'éi₂ ca₂juá'₂: “Ta₁ 'i₁jan₂ tsá'₃ 'ein₂ tio₅.” Jaun₂ ca₂ñag₃ dsa₂ juig₅₄ ja₁nau₂ ca₂juá'₂: “O₂nó'₅ 'nia'₂ ján₃, o₂jmo₄ ta₁ ja₁nau₂ quió'₃; quí₄ bá₄ jniá'₂ 'lian'₅₄ 'nia'₂ con'₂ dsi₂ten₅₄.”

⁸ Jme₁ca₂nei₂ jmi₄g₄ jaun₂, ca₂juá'₂ juig₅₄ ja₁nau₂ ca₂tsí'₃ dsa₂ i₂niog₅ ne₄ i₂te₂né'₂ dsa₂ ta₁: “Te'₂ dsa₂ i₂ma₂në₂jmo₃ ta₁, jaun₂ qui'₅₄ 'liain'₅₄. Jme₁lióg₄ de'₂ jñiá'₅ quian'₅₄ dsa₂ i₂në₂tióin'₂ jë₁ca₂tó'₂, jaun₂ dsian₅ quian'₅₄ i₂në₂tióin'₂ le₂'uig₅₄.” ⁹ Jaun₂ dsi₃lén₂ dsa₂ i₂ca₂tón'₂ ca₂jmo₃ ta₁ hora ñi₁ 'ñiá₂ të₂le₃ ca₂'láu₂, jaun₂ le₂jain₂ le₂jain₂ ca₂gue₃ 'liain'₅₄ jma₃ca₂'éi'₃ cu₄ denario. ¹⁰ Jme₁co₂lág₂ jaun₂, ca₂tín₂ dsa₂ i₂ca₂i₃ton'₅₄ le₂'uig₅₄, i₃jio₅ dsí'₅ a₂jme₁gue₃ gué₄ ñag₅₄ 'liain'₅₄; la₁ co₂rë₂ bá₄ 'liain'₅₄ ca₂gue₃ jma₃ca₂'éi'₃ cu₄ denario le₂jain₂ le₂jain₂. ¹¹ La₁ jme₁ma₂në₂gue₃ 'liain'₅₄, i₃lén₂ i₃chog'₄ dso₄ ne₄ juig₅₄, ¹² jaun₂ ca₂juá'₂: “Dsa₂ i₂o₃lén₂ jë₁ca₂tó'₂, caun₂ hora bá₄ në₂tióin'₂ në₂jmo₃ ta₁; co₂jaun₂ bá₄ 'liain'₅₄ në₂gue₃ ján₃ con'₂ 'liog'₅₄ jnia'₅₄ i₂në₂tió'₄ në₂jmó₁ ta₁ ta₁ne₁jmi₄g₄ në₂ñag₅₄ 'iog₂ dséi₂ 'ñio₅ lín₃.” ¹³ La₁ ca₂ñag₃ juig₅₄ ca₂tsí'₃ jan₂: “A₂mei₅₄ quiáng₃, tsá'₃ 'e₂ jua'₅₄ a₂tsá'₃ dsi₂ten₅₄ jmo₅ jniá'₂ ja₁cong'₂, ¿Tsa₁ ca₂lë₃ jág₁ a₂'liang'₅₄ ca₂'éi'₃ cu₄ denario gué₂'? ¹⁴ Ju₁le₂'ñio₂ 'au'₂ con'₂ ma₂'liang'₅₄ në₅, guan'₂ quiáng'₂. Në₁jua'₂ jniá'₂ le₂në₅ ca₂lë₃ dsí₃ quí₄ 'lian'₅₄ dsa₂ i₂në₂tong₅₄ jë₁ca₂tó'₂ con'₂ 'lian'₅₄ 'ne₂, ¹⁵ ¿o₃ tsa₁ ca₂tín₂ jniá'₂ jmo₅₄ quian'₅₄ cu₄ quió'₃ 'a₂ lia'₂ jñiá'₅₄ 'nio₃ jmo₅₄? ¿o₃ ja₂ uig₅ 'au'₂ 'e₂, ia₁ a₂'ua₁ dsí₃?”

¹⁶ 'Jaun₂ në'₃ ju₁lia'₂ dsa₂ i₂lín₅ të₂le₃ jë₁ca₂tó'₂ rë₂në'₃, léin₂ i₂le₂'uig₅₄ jmi₄g₄ jaun₂; le₂në₅ bá₄ ján₃, ju₁lia'₂ i₂lín₅ i₂le₂'uig₅₄ rë₂në'₃, léin₂ dsa₂ të₂le₃ jë₁ca₂tó'₂.

*Con'₂ siá'₂ táng₃ ca₂'ë₂ Jesús jág₁ a₂jóin₂
(Marcos 10:32-34; Lucas 18:31-34)*

¹⁷ Jme₁ma₂'en₅₄ Jesús ju₁ uig₂ tso₄ a₂dsióg₄ Jerusalén, jaun₂ ca₂të'₃ cau₅ chi'₂ dsi₂guia₃-tín₂ quiáin₅, jaun₂ ca₂juá'₂:

* 20:3 lit. “hora 'ni₅.” † 20:5 lit. “hora jñéi₂.” ‡ 20:5 lit. “hora ñi₃.” § 20:6 lit. “hora guia₃-caun₃.”

18 —Jui₁lia'₂ jág'₂ 'nia'₂, tio'₅₄ jniog₄ jui₅ tso₄ la₂ a₂dsi₁náu₅ Jerusalén. Ja₁jaun₂ jáng'₂ dsa₂ jín'₂ Jaun₅ dsa₂ mi₂güig₃ o₄gú₃ juig₅₄ jme₂dsa₂, ne₄ tē₅juá'₅ ně₃; 'éi₂ guě₄ ně₃ cuě₃ 'éi'₃ a₂jñag'₃ dsa₂. 19 Jáng'₂ dsa₂ ně₃ o₄gú₃ dsi₂nau₂ ia₁jaun₂ jmóg'₂ burlas, qui₃bóg₂ dsa₂, jaun₂ guě₄ tioin₃ cróg₄ jñag'₃; la₁ a₂'ni₅ jmig₄ jaun₂, jein'₅₄ le₃chain₂ bá₄ táng₃.

Jui₁lia'₂ a₂ca₂mi₃ chog₅₄ Jacobo quian'₅₄ Juan₅₄
(Marcos 10:35-45)

20 Jaun₂ ca₂jme₃quián₃ chog₅₄ Jacobo quian'₅₄ Juan₅₄, ja₁ñi'₅₄ Zebedeo, ja₁'en₅₄ Jesús. Jaun₂ ca₂chi₃jné₃ ca₂mi₃ a₂jmo₃ 'éi₂ dse₃ dsí₅. 21 Jaun₂ ca₂ñag₃ Jesús:

—¿'E₂ 'niog'₂ 'ne₂?

Jaun₂ ca₂ñag₃ chog₅₄ chi'₂ 'éi₂:

—¿Tsa₁ cuě'₁ jmig₄ a₂tian'₃ jma₃jan₂ chi'₂ quiáng₃ cong'₂, jē₁ma₂tē₂ rē₁ne'₅₄ gong'₂ ne₄ta₁ quiáng'₂, jan₂ tē₂le₃ gog'₂ ne₁, jan₂ guě'₂ tē₂le₃ gog'₂ jen₅?

22 La₁ Jesús ně₃ ca₂ñag₃:

—Tsá₃ ñi'₅₄ 'nia'₂ 'e₂ a₂mi'₂. ¿Tian'₃ 'nia'₂ dsi₃ñig'₂ ca₂le₃jě₃ jui₁lia'₂ a₂dsi₃ñi₂ jniá₂ guě'₂?*

Jaun₂ ca₂ñag₃ 'éi₂:

—Tián₂ bá₄ jnia'₅₄.

23 Jaun₂ ca₂juá'₂ táng₃ Jesús:

—Dsón'₂ bá₄ jaun₂ dsi₃ñi'₂ 'nia'₂ jui₁lia'₂ 'a₂lia'₂ niog₅ dsi₃ñi₂ jniá₂,† la₁ jui₁lia'₂ a₂juá'₂ 'nia'₂ ně₅ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuě₅₄ a₂jaun₂. Ja₁jaun₂ ma₂jmo₃ Ñe'₃ jniá₂ co₂jñia₅₄ a₂tian'₃ con'₂ i₂ca₂tín₂ bá₄.

24 Riin'₅₄ i₂guian₃ guě₄ 'éi₂ ně₃ ca₂rē₃ 'néi₃ quian'₅₄ i₂on₃ 'éi₂ jme₁ca₂nág₂ jág₁ jaun₂. 25 La₁ ca₂tē₃ Jesús, jaun₂ ca₂juá'₂:

—Ñi'₅₄ bá₄ 'nia'₂, jui₁lia'₂ dsi₂tan₅₄ dsa₂ can'₅₄ i₂tián'₅ gon₂ ca₂le₃jě₃ juig₂,‡ qui₂toin'₂ dsa₂ 'éi'₃ bēn₂. Le₂jaun₂ bá₄ jmo₅ jui₁lia'₂ dsi₂tan₅₄ i₂sion₅ guě₄, tián'₅ goin₂ jmo₂₃ 'éi'₃. 26 La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tín₂ jme₃ti₃ ta₁ ne₄ riin'₅₄;

27 chi₂jua'₂ 'ein₂ 'nia'₂ 'nio₃ cán₂ ne₄ juí₅, 'nió'₅ jme₃ti₃ ne₄ ca₂le₃jín₃ dsa₂. 28 Ia₁ le₂nē₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ co₂'nió'₄ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús on₃ dsa₂ ten₄

(Marcos 10:46-52; Lucas 18:35-43)

29 Jme₁ma₂tioin'₅₄ jui₅ 'u_{in}₂ juig₂ Jericó, juin₅ dsa₂ ja₁jaun₂ ca₂jme₃quiain'₅₄ Jesús. 30 Jui₅ ja₁ñó₄ jaun₂, jme₁tián'₄ on₃ dsa₂ ten₄ cau₅ juí₅. Dsa₂ 'éi₂ ně₃ jme₁ca₂nág₂ a₂ñó₅ Jesús cau₅ jaun₂, ca₂juá'₂ tiá₂:

—i₁Te₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

31 Jaun₂ ca₂jí₂ bá₄ dsa₂ ia₁jaun₂ dsi₃lén₂ tei₄. La₁ tē₂le₃ i₂juí'₂ guě₄ co₂mi'₅₄ ca₂tóin'₂ bá₄, ca₂juá'₂:

—i₁Te₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

32 Jme₁ca₂nág₂ Jesús, jaun₂ ca₂nau₂, jaun₂ ca₂tē'₃ le₃on₃ dsa₂ 'éi₂, jaun₂ ca₂ñag₃:

—¿'E₂ 'niog'₂ 'nia'₂ jmo₅₄ jniá₂ o₄quián'₂ 'nia'₂?

33 Jaun₂ ca₂ñag₃ dsa₂ 'éi₂:

—Te₁gui'₅₄, a₂jnia₅₄ mi₂ne₄ bá₄ jnia'₅₄ 'niog₂.

34 Jaun₂ ca₂dsia₃ bá₄ Jesús ñéi₂ dsí₅, jaun₂ ca₂tí₂ gu₂ jme₁ne₁ dsa₂ 'éi₂. Jaun₂ dsi₂jui₅ le₂jaun₂ ca₂jnia₃ jme₁ne₁ dsa₂, jaun₂ i₃lén₂ bá₄ jaun₂ ca₂jme₃quiain'₅₄ Jesús.

* 20:22 A₂lin₅₄ chog₅₄ si₂ juá'₂ le₂la₂ ján₃: “¿Tian'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ a₂can₅₄ jniá₂?” † 20:23 A₂lin₅₄ chog₅₄ si₂ juá'₂ le₂la₂ ján₃: “ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá₂.” ‡ 20:25 o₃, “i₂tián'₅ gon₂ jin₄ dsi₂nau₂.”

21

Ca₂'í₃ Jesús jë₄ juig₂ Jerusalén

(Marcos 11:1-11; Lucas 19:28-40; Juan 12:12-19)

¹ Jme₁ma₂quián₅ dsi₁lén₂ Jerusalén, dsi₃lén₂ quián₅ juig₂ Betfagé a₂niog₅ cau₅ Má'₂ Olivos, ja₁jaun₂ ca₂chen₃ Jesús on₃ chi'₂ dsi₂guia₃-tín₂ quián₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ të₂le₃ ne₄ jui₅ ja₁dsau₅₄ në₅. Ja₁jaun₂ dsian'₂ 'nia'₂ jan₂ i₂bú'₄ mí₂ rë₂'ñe'₅₄, chéin'₅ quián'₅₄ guein₂ quián₅. O₂chein'₅₄ 'nia'₂ jaun₂ të'₅₄ ja₁lá₃. ³ Në₁juá'₂ 'ein₂ ñag₅ 'e₂ lë₃ tsin'₅₄, jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂.” Jaun₂ në₃ cón'₅ bá₄ cuag₃.

⁴ Ca₂lë₃ le₂në₅ ia₁jaun₂ le₃ti₃ jág₁ a₂ca₂tó'₂ ne₄ si₂ dsa₂ i₂jme₁'ë₂ jág₁ quián₅ Diú₄ ma₂líg'₂, jme₁ca₂juá'₂:

⁵ Chei'₅₄ dsa₂ juig₂ i₂tián'₅ Sión:

“Jag₄, në₅ jón'₅ Rag₅₄ quián'₂ 'nia'₂ ja₁cong'₂,

a₂lín₅ jan₂ dsa₂ me'₂, tsá₃ jláin'₁,

jóin'₅ co₂dsiin₅₄ jan₂ bú'₄,

jóin'₅ quián'₅₄ jaun₅ já'₂ i₂cán₂ lio₅₄ bá₄”.*

⁶ Jaun₂ ca₂i₃lén₂ bá₄ i₂on₃ 'éi₂, ca₂jmo₃ bá₄ con'₂ lë₅ jág₁ a₂ca₂cuë₃ Jesús. ⁷ Jaun₂ ca₂i₁te₂ bú'₄ lia'₂ jma₃quián'₅₄ guein₂ quián₅, ca₂i₁jio₃ ja₁'en₅₄ Jesús. Jaun₂ ca₂jlág₂ ni₁tsin'₅₄ mi₂ca'₄ já'₂, jaun₂ gué₄ ca₂co₃dsag₅₄ Jesús. ⁸ Jaun₂ dsa₂ juin₅ i₂quián'₅₄ në₃ i₂ñiá₅ le₃ne₄ jui₅ qui₂ca₂néi'₃ 'mi'₂ le₂'i₄ jui₅ ja₁ñí₃ Jesús; i₂lín₅₄ guë'₂ qui₂ca₂'nia₃ mog'₅₄ 'ma₂tsín₅, qui₂ca₂jó₃ dsi₂jui₅. ⁹ Dsa₂ i₂i₃lén₂ le₃ne₄ jui₅, quián'₅₄ i₂ja₂lén₂ le₃chi₁co'₅₄ në₃, qui₂ca₂tóin'₂ co₂mi'₅₄ ca₂juá'₂: jui₁le₂juin'₂† bá₄ tsí₁jon₂ David!

jui₁le₂ñi₃ó bá₄ i₂në₅ i₂já₅ o₄quió'₄ Te₁gui'₅₄!‡

jui₁le₂juin'₂ bá₄ i₂guá₅ guei'₅₄ i₂juig'₃!

¹⁰ Jme₁ca₂'í₃ Jesús jë₄ juig₂ Jerusalén, jaun₂ qui₂ca₂tón'₂ go₂'i₃ dsa₂ juig₂, juin₅ i₂qui₂ca₂ñag₃:

—¿'Ein₂ bá₄ në₅?

¹¹ Jaun₂ qui₂ca₂ñag₃ dsa₂ juin₅ i₂quián'₅₄ Jesús, ca₂juá'₂:

—Jesús bá₄ la₂, dsa₂ i₂'ë₂ jág₁ quián₅ Diú₄, i₂chan₂ juig₂ Nazaret ja₁tén₄ Galilea.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Marcos 11:15-19; Lucas 19:45-48; Juan 2:13-22)

¹² Ca₂dsi₃óg₃ Jesús jme₁ca₂dsi₃óg₃ i₁dsi₅ guá'₅ templo, jaun₂ qui₂ca₂'uín'₂ ca₂le₃jín₃ dsa₂ i₂jme₁ma₂tion'₅₄ dsia₅ 'ma'₅₄ i₁dsi₅ guá'₅, dsa₂ i₂'nag₅, i₂qui₂lám₅ në₃, qui₂ca₂jéin'₃ ni₁mesa ja₁jme₁jó₂ dsa₂ ta₁ jme₂tsin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹³ jaun₂ ca₂juá'₂:

—Ne₄ Si₂ juá'₂: “Në₅ quió₃ lë₅ ca₂ne₅₄ 'né₅ ja₁të₁ja₂lén₂ dsa₂ ja₂chi'₅₄ Diú₄”;§ la₁ 'nia'₂ në₃ ma₂jmo'₅₄ në₂jag₄ bá₄ të₂'lau₂ quió'₅ dsa₂ 'ang₂.*

¹⁴ Jaun₂ ca₂jme₃quián₃ i₂lín₅₄ dsa₂ ten₄ quián'₅₄ dsa₂ guian'₅₄ në₃ con₂ Jesús i₁dsi₅ guá'₅, jaun₂ ca₂jme₃'lióin₂ bá₄ dsa₂ 'éi₂. ¹⁵ La₁ jme₁ca₂jág₃ juig₅₄ jme₂dsa₂ quián'₅₄ të₅juá'₅ léi₄ jlá'₁ a₂ca₂jmo₃ Jesús jaun₂, ton'₂ ia₁ ca₂nág₂ në₃ tion'₅₄ chi'₂ co₂mi'₅₄ qui₂guió'₅ i₁dsi₅ guá'₅, a₂juá'₂: “jui₁le₂juin'₂ tsí₁jon₂ David!”, jaun₂ ca₂rë₃'néi₃. ¹⁶ Jaun₂ ca₂juá'₂ ca₂tsí'₃ Jesús:

—¿Tsa₁ nag'₂ 'e₂ juá'₂ chi'₂?

Jaun₂ ca₂ñag₃ Jesús:

—Ján₅, nag₅ bá₄ jniá₂. Ia₁, ¿tsa₁ ma₂'í'₂ 'nia'₂ ne₄ Si₂ ja₁juá'₂:

Te₁gui'₅₄, 'ne₂ bá₄ ma₂ca₂jmo'₅₄

* **21:5** Zacarías 9:9. † **21:9** lit. “Hosana”, a₂jein₅ jág₁ quián'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jiá₃ l₂rë₂'ín₁ quián₅; la₁ cang₂ jaun₂ táng₃ ca₂jein₃ jág₁, a₂jme₂juin'₂ dsa₂ jan₂ dsa₂. Ján₃ bá₄ le₂në₅ ‡ **21:9** Salmo 118:26. § **21:13** Isaías 56:7. * **21:13** Jeremías 7:11.

'e₂ a₂ 'uë₂ mi₂ 'o₄ chi₂ 'bë₅₄
 quian₅₄ mi₂ 'o₄ guein₂ tei₄ i₂guén₅ dsi₅₄,
 'uë₂ jág₁ a₂jme₂juin₂ 'ne₂?†

17 Jaun₂ ca₂o₃ 'iin₃ bá₄ ja₁tion₅₄ 'éi₂, jaun₂ ca₂ñái₃ táng₃ juig₂ Betania. Ja₁jaun₂ ca₂jnia₂ caun₂ nei₅.

Ca₂juá'₂ Jesús caun₂ jág₁ a₂ca₂cuë'₃ uig₅ caun₂ ni₁ 'ma₂ higuera a₂tsá₃ míg₂ cha₂
(Marcos 11:12-14, 20–26)

18 Jme₁jnia₃ jaun₂, jme₁ma₂tioin₅₄ juí₅ a₂i₂lein₃ táng₃ juí₅ jë₄ juig₂ Jerusalén. Jesús ně₃ ca₂tá'₂ i₁cón₅. 19 Jaun₂ ca₂jág₃ caun₂ ni₁ 'ma₂ higuera a₂dsi₅₄ cau₅ juí₅, jaun₂ ca₂jme₃quián₃ 'uig₅₄, la₁ tsá₃ 'e₂ míg₂ ca₂dsó'₂ guë'₂ guei₅₄ ni₁ 'ma₂; jnia'₅₄ lia'₂ jmá'₃ mog'₅₄ bá₄ cha₂. Jaun₂ ně₃ ca₂juá'₂ Jesús ca₂tsí'₃ ni₁ 'ma₂:

—iLia'₂ o₁líg'₂ jmíg₄, tsá₃ ma₃juí₁ 'ag₅₄ míg₂ quiáng'₂!

Dsi₂juí₅ jaun₂ bá₄ ca₂rë₃quéin₃ ni₁ 'ma₂ jaun₂. 20 Jme₁ca₂të₂ ne₄ chi'₂ dsi₂guia₃-tín₂ a₂ca₂lë₃ jaun₂, ca₂i₃gó'₃ dsí₅, jaun₂ ca₂ñí'₃ Jesús:

—¿'A₂ bá₄ lia'₂ con'₂ tan₅₄ lia'₂ dsi₂juí₅ ca₂rë₃quéin₃ ni₁ 'ma₂ ně₅?

21 Jaun₂ ca₂ñag₃ Jesús:

—A₂dsi₂jó'₃ juig₂ jniá'₂ 'nia'₂, ně₁jua'₂ tsá₃ ca₂'éi'₂ 'nia'₂ caun₂-tín₃ 'au'₂ lia'₂ 'éng'₂, on₃jua'₅₄ jmá'₃ juí₁lia'₂ a₂në₂jmo₃ jniá'₂ quian₅₄ ni₁ 'ma₂ higuera ně₅, lé₂ le₃jmó'₂ 'nia'₂, ia₁ lé₂ le₃jua'₅₄ 'nia'₂ ján₃ juig₅₄ ni₁má'₂ ó₃: “Jniag'₃ ja₁në₅, o₃ o₂'ú₅ jmí₁ñí'₄”, le₂jaun₂ dsón'₂ lé₂ bá₄. 22 Le₂jaun₂ bá₄ ján₃ ca₂le₃jě₃ 'e₂ a₂mi'₂ 'nia'₂ jme₁mi'₂ ne₄ Diú₄, ně₁jua'₂ 'én'₂ tē₃dsón'₂ 'nia'₂, guéi'₁ bá₄ 'nia'₂.

Jesús bá₄ i₂'io₅ 'éi'₃

(Marcos 11:27-33; Lucas 20:1-8)

23 Jaun₂ ca₂'í₃ táng₃ Jesús i₁dsi₅ guá'₅ templo, jaun₂ të₁lia'₂ 'ein₅₄ jme₂tíin₂₃ dsa₂, jaun₂ ca₂jme₃quián₃ juig₅₄ jme₂dsa₂ quian₅₄ i₂lín₅ dsa₂ can₅₄ quián₅ dsa₂ juig₂, con₂ Jesús, jaun₂ ca₂ñag₃:

—¿'E₂ ta₁ lín₅ 'ne₂, 'e₂ lë₃ jmo'₂ ca₂le₃jě₃ 'e₂ a₂jmo'₂ ñí'₂? ¿'Ein₂ ca₂cuë₃ bí₂ 'éi'₃ ně₅?

24 Jaun₂ ca₂ñag₃ Jesús:

—Ján₃ bá₄ ñag₄ jniá'₂ caun₂ 'nia'₂: ně₁jua'₂ ca₂ñag₅₄ 'nia'₂ lia'₂ tí₅, jaun₂ guë₄ juá'₄ jniá'₂ 'ein₂ cuë₅ bí₂ 'éi'₃ a₂jmo₂₃ ca₂le₃jě₃ a₂jmo₂₃. 25 Juí₁lia'₂ a₂ca₂chon₃ Juan₅₄ jmíg₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig₃ 'e₂?

Jaun₂ ca₂dsia₃ dsa₂ can₅₄ jág₁ con'₂ guioin₅₄, ca₂juá'₂:

—Në₁jua'₂ ca₂chei₅₄ jniog₄ 'éi'₃ quió'₅ Diú₄ bá₄ jaun₂, ně₃ cón₅ bá₄ ñag₃: “¿'E₂ lë₃ tsá₃ ca₂rë₃ 'én'₂ 'nia'₂ jág₁ quió'₅ 'éi'₂?” 26 La₁ ně₁jua'₂ ca₂ñag₄ guë'₂ jniog₄ 'éi'₃ quió'₅ dsa₂ mi₂güig₃ ně₃, le₃ 'ne₂ dsa₂ juig₂ quian₅₄ jniog₄, ia₁ ca₂le₃jín₃ bá₄ dsa₂ jmo₂₃ dsí₅ a₂jme₁lín₄ Juan₅₄ jan₂ dsa₂ i₂ca₂'ë₂ jág₁ quián₅ Diú₄. 27 Jaun₂ ně₃, ca₂ñag₃ dsa₂ can₅₄ 'éi₂ ca₂tsí'₃ Jesús:

—Tsá₃ a₂jaun₂ ne₄ jnia'₅₄ 'ein₂ ca₂chen₃ 'éi₂.

Jaun₂ ně₃, ca₂ñag₃ Jesús:

—Ján₃ bá₄ le₂në₅ tsá₃ juá'₄ jniá'₂ 'ein₂ cuë₅ bí₂ a₂jmo₂₃ ca₂le₃jě₃ a₂jmo₂₃ ñí₂₃.

Jág₁ jáng₅ léi₄ juí₁lia'₂ on₃ ja₁ñi'₅₄ jan₂ dsa₂

28 Jaun₂ ca₂juá'₂ Jesús ca₂tsí'₃ dsa₂ 'éi₂:

—¿'A₂ lia'₂ lín₂ 'nia'₂ juí₁lia'₂ jág₁ la₂? Jan₂ dsa₂ jme₁chan₂ on₃ ja₁ñi'₅₄. Jaun₂ ca₂tsí'₃ chi'₂ quián₅ i₂lín₅ i₂juin₂ guë₄: “Jón₃, gua₂ o₂jmo₄ ta₁ ja₁nau₂ quián₂ jmíg₄ ně₃.” 29 Jaun₂ ca₂ñag₃ chi'₂ quián₅: “iTsá₃ nei₅₄!” La₁ jme₁co₂lág₂ jaun₂ ca₂jme₃tsíin₃ 'a₂ lia'₂ dsi₂jio₅ dsí₅, jaun₂ ñó₃ bá₄ i₁jmo₅₄ ta₁. 30 Jaun₂ ca₂ñe₄ táng₃ jme₁i₂ i₁chi'₄ chi'₂ jan₂ quián₅. Ján₃ bá₄ le₂jaun₂

† 21:16 Salmo 8:2.

ca₂tsí'₃ 'éi₂. I₂'éi₂ ně₃ ca₂ṅag₃: “Nei₅₄ bá₄ jniá₂, tia₅₄, i₁jmo₃ ta₁.” La₁ tsá₃ ṅei₅₄ guë'₂ jaun₂ ně₃.
 31 Jë₄ le₃oin₃ le₂jaun₂, ċ'ein₂ ca₂jmo₃ a₂'ṅio₂ dsí'₅ jmei₂?

Jaun₂ ca₂ṅag₃:

—Chi'₂ i₂le₂'uig₅₄ bá₄.

Jaun₂ ca₂juá'₂ Jesús:

—A₂dsi₂j'₃ juí'₂ jniá₂ 'nia'₂, dsa₂ i₂cán₂ 'lia'₅ quián₅ dsi₂tan₅₄, o₃ ju₁lia'₂ 'io₅₄ i₂'nag₅ quió'₅ ně₃, i₂le₂'éi₂ bá₄ tiá₂ le₂'uig₅₄ dsi₃ton'₅ ja₁gon₂ Diú₄ lia'₂ con'₂ guë'₄ 'nia'₂. 32 Ia₁ lia'₂ con'₂ jme₁guan₃ Juan₅₄ i₂chon₅ dsa₂ jmi'₂, ca₂jme₁jniá'₂ ja₁con'₂ 'nia'₂ 'a₂ lia'₂ dsón'₂ ca₂tíng'₂ 'nia'₂ tiáng'₄. La₁ tsá₃ a₂jaun₂ ca₂rë'₃ 'én'₂ 'nia'₂. Ia₁ a₂dsau₅ bá₄ ju₁lia'₂ dsa₂ i₂cán₂ 'lia'₅ quián₅ dsi₂tan₅₄, quián'₅ 'io₅₄ i₂'nag₅ quió'₅ ně₃, ca₂rë'₃ 'én'₂ jág₁ quió'₅ Juan₅₄. La₁ a₂dsau₅ bá₄ o₁ṅia'₅ a₂ca₂të₂ ne'₅ 'nia'₂ jaun₂, tsá₃ ca₂tá'₂ jén₂ 'au'₂ 'nia'₂, on₃ guë'₂ ca₂rë'₃ 'éng'₂.

Jág₁ jáng'₅ léi₄ ju₁lia'₂ co₂nió'₃ dsa₂ 'lin'₅ i₂jmó'₂ ta₁ ja₁nau₂
(Marcos 12:1-12; Lucas 20:9-19)

33 'Nei₂ 'nia'₂ jág₁ a₂jáng'₅ léi₄ siá'₂ la₂: Jan₂ dsa₂ ca₂chéin'₃ cho'₅ uing₂ uvas ja₁nau₂ quió'₅. Jaun₂ ca₂jmo₃ jní'₁ le₃lág'₃; ca₂jmo₃ co₂ṅia₅₄ ja₁jlein'₃ míg₂ ně₃; caun₂ guë'₂ tsi₁'né₅ ṅei₅ ca₂chi'₃ ja₁guá₃ jmo₃ 'í₁. Jaun₂ ca₂lí'₃ jág₁ quián'₅ dsa₂ sián'₂ i₂nio₃ ne₄ ja₁nau₂, jaun₂ ca₂ṅó₃ bá₄ 'ṅiog₅ i₁ṅi₂ juig₂ siá'₂. 34 Jme₁ca₂të₂ jein₂ a₂ca₂rau₂ míg₂, jaun₂ dsa₂ juig₅₄ ja₁nau₂ ca₂chein₃ co₂nió'₃ dsa₂ mozo quián₅, a₂jme₁i₂mí₃ a₂jáng'₃ dsa₂ i₂niog₅ gu₂ ja₁nau₂ ca₂dsio₄ míg₂ con'₂ a₂ca₂tín₂ juig₅₄. 35 La₁ dsa₂ i₂tion'₅ jmó'₂ ta₁ ja₁nau₂ ně₃, ca₂ṅai'₃ bá₄ dsa₂ mozo i₂chen₄ quián₅ juig₅₄. Ca₂cuë'₃ bá₄ jan₂ tioin'₅; jan₂ guë'₂ ca₂ṅi'₃; jan₂ guë'₂ ca₂cuë'₃ quián'₅ ni₁cang₁. 36 La₁ juig₅₄ ja₁nau₂ ně₃, ju₁n₅ guë'₄ i₂ca₂chein₃ cang₂ jaun₂ con'₂ guë'₄ le₂'uig₅₄; la₁ dsa₂ 'lin'₅ i₂tion'₅ jmo₅ ta₁ ja₁nau₂ ně₃, le₂jaun₂ bá₄ qui₂ca₂jmaí'₂ ca₂le₃jín₃ dsa₂ mozo i₂chen₄ 'éi₂.

37 'La₁ jë₁ca₂t'₂ ně₃, dsa₂ juig₅₄ ja₁nau₂ ca₂chein₃ ja₁ṅi'₅, ia₁ lín₂: “Jme₃go₃ dsa₂ jme₃gain₃ chi'₂ quiáng₃.” 38 La₁ jme₁ca₂jág₃ dsa₂ i₂jmo₅ ta₁ ja₁nau₂ ca₂jín₂ ja₁ṅi'₅ dsa₂ juig₅₄ ca₂dsióg₃, jaun₂ ca₂dsia₃ jág₁ tioin'₅: “I₂ně₅ bá₄ tīn₃ ja₁nau₂ la₂ cang₂; ně₃ o₁ṅi'₄ jniog₄ ia₁jaun₂ jniog₄ bá₄ lé₂ quián₂.” 39 Le₂jaun₂ bá₄ ca₂jmo₃. Ca₂ṅai'₃ bá₄ 'éi₂ tioin'₅, jaun₂ ca₂dsei₂₃ le₃co'₅ jní'₁; ja₁jaun₂ ca₂ṅag'₃.

40 'Jaun₂ ně₃, jë₁ma₂të₂ jmi'₄ rë₁ṅi'₂ dsa₂ juig₅₄ ja₁nau₂, ċ'e₂ lín'₂ 'nia'₂ jmo₃ quián'₅ dsa₂ i₂jmó'₂ ta₁ ja₁nau₂ 'éi₂?

41 Jaun₂ ca₂ṅag₃ dsa₂ 'éi₂:

—A₂jme₃dsiain₂₃ dsa₂ 'lin'₅ 'éi₂ ca₂lia'₂ tsá₃ ṅéi₂ dsí'₅, jaun₂ cuë'₃ dsa₂ sián'₂ ja₁nau₂ con'₂ i₂léi₄ jáng'₃ ca₂dsio₄ con'₂ ca₂tín₂ jë₁ma₂të₂ jein₂ a₂ráu₃.

42 Jaun₂ ně₃, ca₂juá'₂ Jesús ca₂tsí'₃ dsa₂:

—ċTsa₁ ma₂'í'₂ 'nia'₂ ne₄ Si₂ ja₁juá'₂:

Ni₁cang₁ a₂tsá₃ ca₂rë'₃ jī'₅ tē'₅ 'ia'₂,
 ca₂dsióg₃ ca₂lë₃ ni₁cang₁ a₂dsen₅₄ guë'₄
 tē'₅ ron₅₄ qui'₅ 'ia'₂;

a₂ca₂jmo₃ Te₁gui'₅ bá₄ jaun₂,
 jaun₂ 'ṅio₅ lín₃ bá₄ jlá'₁, lág₂ jniog₄?‡

43 "Uig₅₄ jaun₂ juí'₂ jniá₂ 'nia'₂, co₂dsia₅ jniá'₂ Diú₄ o₄gog'₂ 'nia'₂ 'éi'₃ quió'₅, o₄gú₃ i₂sián'₂ bá₄ dsia₃ con'₂ i₂léi₄ jáng'₃ a₂ráu₃. 44 La₁ ju₁lia'₂ ni₁cang₁ la₂ ně₃, ju₁i'ein₂ guë'₃ i₂ca₂tán'₂ ne₄, lé₂ le₁juig₁ le₁dsog'₅ quió'₅; o₃ ně₁jua'₂ ca₂jlin₃, lé₂ ti₁'liog₂ quió'₅. §

‡ 21:42 Salmo 118:22-23. § 21:44 A₂lin₅₄ chog₅₄ si₂ tsá₃ rë₂ton₅ versículo 44.

45 Jme₁ca₂nág₂ juig₅₄ jme₂dsa₂ quian'₅₄ dsa₂ fariseos jág₁ a₂jáng'₅ léi₄ ně₅, ca₂rě₃lí'₄ bá₄ guioin'₅₄ a₂'in₅ 'éi₂ bá₄ Jesús. 46 Jaun₂ jme₁'nio₃ jme₁tsáun'₂, la₁ ca₂rě₃gain₃ bá₄ dsa₂ juin'₅₄ i₂quian'₅₄ Jesús, ia₁ ca₂le₃jín₃ bá₄ dsa₂ jmo₂₃ dsí₅ a₂lín₅ 'éi₂ jan₂ i₂'ě₂ jág₁ quián₅ Diú₄ bá₄.

22

Jág₁ jáng'₅ léi₄ juí₁lia'₂ ja₁nio₃ jmi₃g₄ a₂ca₂jen'₂ gu₂ dsa₂
(Lucas 14:15-24)

1 Ca₂jme₃lióg₃ táng₃ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄, le₂la₂:

2 —Lě₅ guei'₅₄ i₂juí₃ ja₁gon₂ Diú₄ juí₁lia'₂ jan₂ rag₅₄ i₂ca₂jmo₃ co₂jñia₅₄ caun₂ má₃ a₂ca₂jmo₃ jmi₃g₄ ja₁jen'₂ gu₂ chi'₂ ja₁ñi'₅₄. 3 Jaun₂ ca₂chein₃ dsa₂ i₂jme₂ti₃ ta₁ ne₅₄ a₂dsi₃quiáin₂ dsa₂ i₂ma₂lě₅ jág₁ ja₃lén₂ ja₃guě'₃. La₁ dsa₂ 'éi₂ ně₃ tsá₃ ma₃ca₂gue₃ ja₃lén₂. 4 Jaun₂ ca₂chein₃ táng₃ i₂sián'₂, jaun₂ ca₂tsí'₃ 'éi₂: “Chei'₅₄ 'nia'₂ dsa₂ i₂ma₂lě₅ jág₁ ja₃lén₂ jmi₃g₄, ma₂lě₅ bá₄ co₂jñia₅₄ má₃. Ca₂jme₁dsiang₂₃ bá₄ ca₁juí₅ 'on'₅₄ quiáng₃; ma₂lě₅ bá₄ co₂jñia₅₄ ca₂le₃jě₃. Jaun₂ juí₁ja₂lén₂ bá₄ jmi₃g₄ quió'₅ chi'₂ quiáng₃.” 5 La₁ tsá₃ juí₅ ca₂tón'₃ dsa₂ i₂jme₁ma₂lě₅ jág₁ rě₂té₄ 'éi₂. Juí₅ siá'₂ bá₄ i₃lén₂: jan₂ ŋó₃ juí₅ ja₁nau₂ quió'₅ bá₄; jan₂ guě'₂ ŋó₃ i₃dsiá₃ 'ma'₅₄. 6 Rin'₅₄ dsa₂ 'éi₂ ně₃, ca₂jñai'₃ bá₄ dsa₂ i₂jme₂ti₃ ta₁ ne₄ rag₅₄ 'éi₂, ca₂cuě₃, ca₂jme₃dsiog₂₃ bá₄. 7 Jaun₂ ně₃, ca₂rě₃'ně₃ rag₅₄ 'ñio₅ lin₃, jaun₂ ca₂chein₃ 'lióg₂ quiáin₅ ca₂i₂jme₁dsiain₂₃ dsa₂ 'éi₂ qui₂ca₂i₁dsí'₄ 'lióg₂ 'né₅, co₂dsia₅ ca₂'éin₂ go₄ dsa₂ 'éi₂. 8 Jaun₂ ca₂juá'₂ rag₅₄ ca₂tsí'₃ dsa₂ i₂jme₂ti₃ ne₅₄: “Ca₂le₃jě₃ ma₂lě₅ co₂jñia₅₄ a₂jen'₂ gu₂ chi'₂ quiáng₃ a₂nio₃ jmi₃g₄, la₁ dsa₂ i₂jme₁lě₄ jág₁ rě₂té₄ 'éi₂, tsá₃ ma₃ca₂tín₂ ja₃lén₂. 9 O₂nó'₅ 'nia'₂ ně₃, o₂nau₂ jě₄ calle juě'₂ ja₁i₂nio₄ guě'₄ dsa₂ juin₅, o₂chei'₅₄ ca₂le₃jín₃ dsa₂ i₂jeng'₂ juí₁ja₂lén₂ jmi₃g₄ jě₁jen'₂ gu₂ chi'₂ quiáng₃.” 10 Jaun₂ ca₂'uin₂ bá₄ dsa₂ 'éi₂ ně₃ ca₂i₁lein₅₄ jě₄ calle, jaun₂ chi₂ca₂liain₃ ca₂le₃jín₃ dsa₂ i₂ca₂jein'₂ lia'₂ dsa₂ dsen₃ lia'₂ dsa₂ 'lin'₅₄ ně₃; jaun₂ ca₂can'₂ bá₄ dsi₂něi₂ ca₂lě₃, quian'₅₄ dsa₂ 'éi₂.

11 Jaun₂ guě'₄ ca₂'í₃ rag₅₄ dsi₂něi₂ ca₂i₁jin₁₂ dsa₂ i₂tion'₅₄ 'éi₂, jaun₂ ca₂jín₂ jan₂ i₂'en₅₄ jě₄ jaun₂, tsá₃ jme₁rě₂lin₅₄ jua'₅₄ a₂qui'₂ 'mi'₂ a₂quí'₅ dsa₂ dsi₂lén₂ ja₁nio₃ jmi₃g₄ jen'₂ gu₂ dsa₂. 12 Jaun₂ ca₂tsí'₃ dsa₂ 'éi₂, ca₂juá'₂: “A₂mei₅₄, ě'₂ bá₄ lia'₂ ně₂'ú'₃ 'ne₂ ja₁lá₃ tě₃ tsá₃ rě₂ling'₅₄ con'₂ dsi₂ten₅₄ a₂gog'₅₄ ja₁nio₃ jmi₃g₄ jen'₂ gu₂ dsa₂?” Jaun₂ tei₄ bá₄ ca₂nau₂ dsa₂ 'éi₂, tsá₃ 'e₂ ŋi₅ ŋag₃. 13 Jaun₂ bá₄ ca₂juá'₂ rag₅₄ ca₂tsí'₃ dsa₂ i₂tion'₅₄ jme₂ti₃ ne₄ mesa: “Quéin₂ 'nia'₂ gu₂-tag₄ i₂ně₅, dsein₅₄ ca₁'né₄, qui₂dsin₅ 'nia'₂ güig₂, 'liain'₅₄ jě₄ qui₁'né₃ ja₁qui'₂-o₃, qui₃quí₃ jan₅₄.” 14 Ia₁ juin₅ lin₃ dsa₂ i₂rě₂té₄, la₁ me'₂ bá₄ i₂rě₂quion'₅₄.

Jág₁ juí₁lia'₂ 'lia'₅₄ a₂ca₂tín₂ dsi₂tan₅₄
(Marcos 12:13-17; Lucas 20:20-26)

15 Jme₁co₂lág₂ jaun₂ ca₂i₃len₃ dsa₂ fariseos ca₂i₁jmo₅₄ jág₁ 'a₂ lia'₂ join₅₄ Jesús juí₁lia'₂ bá₄ 'ñiá₃ ca₂jón₄ jág₁ 'lia'₂, ia₁ jaun₂ cuin₃ jmi₃g₄ a₂bóg'₂ dso₄. 16 Jaun₂ ca₂chein₃ táng₃ i₂lin₅₄ dsa₂ quiáin₅ quian'₅₄ i₂lin₅₄ dsa₂ i₂quian'₅₄ Herodes, a₂ca₂i₁chi'₄ Jesús:

—Tě₅, ne₄ bá₄ jnia'₅₄, a₂dsón'₂ bá₄ juá'₂ 'ne₂ lia'₂ tí₅ jág₁, qui₂jme₂tíng'₁ dsa₂ juí₅ dse₃ quió'₅ Diú₄, jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ a₂'ag₅ dsa₂, ia₁ tsá₃ gang'₃ jmag'₅₄ juí₁lia'₂ dsa₂ dsen₅₄ ně₃. 17 Jaun₂ 'niog₂ jnia'₅₄ jua'₅₄ 'ne₂ 'a₂ lia'₂ dsi₂jio₅ 'au': ě₂ Dsióg₅ guě'₂ jua'₅₄ a₂caun₂ qui₅₄ 'lia'₅₄ a₂ca₂tín₂ dsi₂tan₅₄ César? ě₂ Nió'₅ qui₅₄, o₃ tsá₃ qui₅₄ 'e₂?

18 La₁ ca₂rě₃lí'₄ bá₄ Jesús a₂dsi₂jio₅ dsí₅ dsa₂ 'éi₂ 'lig'₅₄, jaun₂ ca₂juá'₂:

—i'Nia'₂ dsa₂ i₂lě₂co₂jmo₅ o₁ne₁! ě₂ E₂ lě₃ 'niog'₂ 'nia'₂ jo'₅₄ jniá₂ juí₁lia'₂ tsán'₂ dsa₂ jan₂ já'₂ quian'₅₄ liá₂? 19 ě₂ de'₂ 'nia'₂ caun₂ cu₄ 'ua'₂ juí₁lia'₂ a₂quí₅ dsa₂ 'lia'₅₄ a₂ca₂tín₂ dsi₂tan₅₄.

Jaun₂ ca₂o₃can₅ dsa₂ caun₂ cu₄ denario. 20 Jme₁ma₂ně₂jág₃ Jesús, jaun₂ ca₂ñi'₃ dsa₂ 'éi₂:

—ě₂ Ein₂ dsi₂ne₄ chi₁ton₅ ja₁lá₃? ě₂ Ein₂ guě'₂ quió'₅ letra ně₃?

21 Jaun₂ ca₂ŋag₃:

—Quió' ₅ gui' ₅₄ emperador César.

Jaun₂ ca₂juá'₂ táng₃ Jesús:

—Jang' ₅₄ guë'₂ 'nia'₂ jaun₂ ne₄ César con'₂ a₂ca₂tín₂ César; ne₄ Diú₄ ně₃ jang' ₅₄ 'nia'₂ con'₂ a₂ca₂tín₂ Diú₄.

²² Dsa₂ 'éi₂ ně₃, jme₁ca₂nág₂ jág₁ ně₅, ca₂i₃gó'₃ dsí₅. Ca₂téin₂ bá₄ ca₂juë'₂ Jesús, ca₂i₃lein₃ bá₄.

Ca₂ŋag₃ dsa₂ saduceos ju₁lia'₂ a₂jen'₅₄ 'lag₄

(Marcos 12:18-27; Lucas 20:27-40)

²³ Jmíg₄ jaun₂ ca₂o₃lén₂ i₂lin₅₄ dsa₂ saduceos ca₂o₃jiin₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃ dsa₂ jē₁ma₂dsain₃. Jaun₂ jág₁ ně₅ ca₂ŋi'₃ Jesús ca₂juá'₂:

²⁴ —Tē₅, le₂la₂ ca₂juá'₂ Moisés: ně₁juá'₂ ca₂jon₃ jan₂ dsa₂ ŋe'₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ŋe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁ jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ riin'₅₄. ²⁵ Dse₃ jaun₂. Jē₄ quián₂ jnia'₅₄ la₂, jme₁chan₂ guion₃ dsa₂ ŋe'₂ i₂lín₅ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄, tē₃ tsá₃ guein₂ ca₂can₃ 'io₅₄ quiáin₅. Jaun₂ ca₂tē₁'ŋiá₄ bá₄ 'io₅₄ 'nág₂ 'éi₂ o₄gú₃ dsó₂ riin'₅₄ i₂jē₁ca₂tē₂ on₃. ²⁶ La₁ ján₃ bá₄ le₂jaun₂ ca₂i₃ŋi'₂, ca₂join₃ bá₄ ján₃. Jaun₂ ca₂guá₂ táng₃ 'io₅₄ 'éi₂ quian'₅₄ i₂jē₁ca₂tē₂ ún₂ dsó₂; ján₃ bá₄ le₂jaun₂ ca₂lē₃ quian'₅₄ 'éi₂. Jaun₂ le₂nē₅ bá₄ ca₂lē₃ quian'₅₄ ta₁guion₃ dsó₂ 'éi₂ con'₂ i₂jme₁lě₄ rin'₅₄, ca₂dsain₃ bá₄ tē₃ tsá₃ guein₂ ca₂can₃ 'io₅₄. ²⁷ Jaun₂ ca₂jon₃ bá₄ 'io₅₄ jme₁ca₂jon₃ ně₃.

²⁸ Jaun₂ ně₃, jmíg₄ jē₁ma₂tē₂ rē₁jen'₅₄ 'lag₄, ħ₂'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guë'₂ dsa₂ ŋe'₂ ca₂guá₂ quian'₅₄.

²⁹ Jaun₂ ca₂ŋag₃ Jesús:

—Tsá₃ le₂jaun₂ lia'₂ ŋi'₂ 'au'₂ 'nia'₂, ia₁ tsá₃ cui₂'nia'₂ 'a₂lia'₂ juá'₂ Si₂, on₃ guë'₂ cui₂'nia'₂ 'a₂lia'₂ lě₅ ju₁bí₂ quió'₅ Diú₄ ně₃. ³⁰ Jē₁ma₂tē₂ jmíg₄ a₂jen'₅₄ 'lag₄, on₃juá'₅₄ a₂le₃chain₂ juá'₅₄ a₂qui₃jéin'₂ guë'₄ gu₂, on₃ guë'₂ ně₅ tóin'₃ guë'₄ juá'₅₄ a₂qui₃cui₂in₃ chi'₂ quiáin₅ a₂jéin'₂ gu₂, ia₁ i₂lén₂ ju₁lia'₂ lín₅ ángeles i₂tion'₅₄ guei'₅₄ i₂juig₃ bá₄ 'éi₂ jmíg₄ jaun₂. ³¹ La₁ ju₁lia'₂ a₂jen'₅₄ táng₃ 'lag₄, ħ₂tsa₁ ma₂'í'₂ 'nia'₂ ne₄ Si₂ ju₁lia'₂ a₂ca₂juá'₂ 'ŋiog₅ Diú₄ jme₁ca₂juá'₂: ³² “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob ně₃?”* A₂lín₅ Diú₄ quián₅ dsa₂ jén'₃ bá₄, on₃juá'₅₄ rē₂ Diú₄ quián₅ 'lag₄.

³³ Jme₁ca₂nág₂ dsa₂ jág₁ ně₅, ca₂i₃gó'₃ dsí₅ 'a₂lia'₂ jme₂tag₅ Jesús.

'Éi'₃ Juá'₅ a₂dsen₅₄ guë'₄ quió'₅ Diú₄

(Marcos 12:28-34; Lucas 10:25-28)

³⁴ Jme₁ca₂rē₃ŋi₅ dsa₂ fariseos ca₂lí'₃ bá₄ táng₃ Jesús jág₁ a₂ca₂tsiin₂ quian'₅₄ dsa₂ saduceos, jaun₂ ca₂ŋi'₂ ca₂jmo₃ jág₁. ³⁵ Jaun₂ jan₂ riin'₅₄ i₂lín₅ tē₅juá'₅, jme₁'nio₃ jme₁jo₅₄ quian'₅₄ jág₁, jaun₂ ca₂ŋi'₃ Jesús:

³⁶ —Tē₅, ħ₂'e₂ 'Éi'₃ Juá'₅ a₂dsen₅₄ guë'₄ con'₂ guë'₄ ca₂le₃jě₃ Si₂ 'Éi'₃ quió'₅ Diú₄?

³⁷ Jaun₂ ca₂ŋag₃ Jesús:

—“Jme₁'nió₄ Te₁gui'₅₄ Diú₄ quiáng'₂, ca₂le₃jě₃ 'au'₂, ca₂le₃jě₃ jme₂dsí₂ quiáng'₂, ca₂le₃jě₃ 'a₂lia'₂ niog₅ ŋi'₂ dsei'₂.”† ³⁸ A₂nē₅ bá₄ 'Éi'₃ Juá'₅ a₂le₂'uig₅₄ a₂dsen₅₄ guë'₄ con'₂ guë'₄ ca₂le₃jě₃. ³⁹ Jē₁ca₂tē₂ tin₃ 'Éi'₃ ně₃, mei'₂ tsá₃ co₂rē₂ quian'₅₄ a₂le₂'uig₅₄: “Jme₁'nió₄ dsa₂ mi₂güig₃ ríng'₂ ju₁lia'₂ 'nióg₃ 'ŋiag'₂.”‡ ⁴⁰ Tin₃ 'éi'₃ ně₅ bá₄ lě₅ 'uig₅₄ cho'₅₄ ca₂le₃jě₃ 'Éi'₃ quió'₅ Moisés quian'₅₄ ca₂le₃jě₃ jág₁ a₂ca₂'ě₂ dsa₂ i₂chen₄ quián₅ Diú₄ ma₂líg'₂.

ħ₂'Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?

(Marcos 12:35-37; Lucas 20:41-44)

⁴¹ Tē₃ tion'₅₄ dsa₂ fariseos le₁ŋi'₂, ⁴² jaun₂ ca₂ŋag₃ Jesús ca₂juá'₂:

* 22:32 Éxodo 3:6. † 22:37 Deuteronomio 6:5. ‡ 22:39 Levítico 19:18.

—ǵ'A₂ lia'₂ lín'₂ 'nia'₂? ǵ'E_{in}₂ tsi₁jon₂ quián₅ lín₅ I₂rē'ín₁ quián₅ Diú₄?

—Tsi₁jon₂ David —ca₂ḡag₃ dsa₂ 'éi₂.

43 Jaun₂ ca₂juá'₂ táng₃ Jesús:

—ǵ'A₂ lia'₂ jaun₂? Ia₁ 'ḡiog₅ bá₄ guè'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jḡió₅ tē₂dsí₅, ca₂tē₃ “Te₁gui'₅₄.” ǵ'A₂ lia'₂ lē₅ jaun₂? Ia₁ 'ḡiog₅ bá₄ guè'₂ David ca₂juá'₂:

44 Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmig₄

a₂tón'₁ jniá₂ dsa₂ i₂'iog₅ o₄tag'₄.”§

45 ǵ'A₂ bá₄ lia'₂ lē₅ a₂lín₅ tsi₁jon₂ David, ton'₂ 'ḡiog₅ bá₄ guè'₂ David ca₂tē₃ “Te₁gui'₅₄ quiáng₃?”

46 Jaun₂ tē₂le₃ ne₄ jui₅ guè₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ḡag₃ guè₄ 'e₂ ḡag₃.

23

Chóg'₅ Jesús dso₄ juá'₂ 'a₂ lia'₂ niog₅ lín₅ dsa₂ fariseos quian'₅₄ tē₅juá'₅ nē₃
(Marcos 12:38-40; Lucas 11:37-54; 20:45-47)

1 Jaun₂ nē₃ ca₂ton₃ Jesús jág₁ ca₂tsí'₃ dsa₂ juin₅ i₂quian'₅₄, ca₂tsí'₃ chi'₂ dsi₂guia₃-tín₂ quián₅ nē₃, ca₂juá'₂:

2 —Dsa₂ fariseos quian'₅₄ tē₅juá'₅ nē₃, tián'₅ ta₁ a₂jme₁lín₄ Moisés. 3 Jaun₂ lē₃ ca₂tín'₂ 'nia'₂ nág'₁ gau₂ jág₁ quió'₅, jme₁ti'₄ 'nia'₂ 'e₂ a₂te₂néi'₂. La₁ tsá₃ can₂ 'nia'₂ jui₅ jua'₅₄ a₂jmó'₂ jui₁lia'₂ a₂jmo₂₃ guoin₅₄, ia₁ jui₁lia'₂ jme₂tag₂₃, tsá₃ jme₂ti₃ guoin₅₄; tē₂le₃ siá'₂ bá₄ jmo₂₃ dsó₅. 4 Qui₂'nei₂₃ lio₅₄ guei₂ 'ḡio₅ lín₃ qui₂dsi₂₃ mi₂ca'₄ dsa₂, la₁ guoin₅₄ nē₃ ca₂lia'₂ jnia'₅₄ caun₂ chi₁gú₃ bá₄ tsá₃ 'nio₃ tí₂ jua'₅₄ a₂jme₃'o₅₄ cán₂. 5 Ca₂le₃jē₃ 'e₂ a₂jmo₂₃, jmo₂₃ a₂jnia'₅₄ con'₂ 'nio₃ jág₂ dsa₂ bá₄. Ia₁ tin₂ dsí₅ i₃quian'₅₄ le₁ton₅ jma₃ca₂tsín'₅ tsi₁'mi'₂ 'í₂ le₂con₂ chi₁quí₃ quian'₅₄ mi₂cu₅ nē₃ qui₂le₁ton₅ 'éi'₃ quió'₅ Diú₄;* a₂ta₁ dsí₅ i₂nioi₅₄ le₁qui'₂ tsi₁'mi'₂ chen'₅₄ jang₄ qui₂le'ág₄ a₂lē₅ lí₁ ca'₅₄ a₃tag₄. 6 'Nio₅ tē₅ dsí₅ qui₂dsi₂toin'₅₄ jmá'₃ lia'₂ ja₁jlá'₁ bá₄ ja₁qui₂dsi₂guè'₃, qui₂dsi₂tian'₂ ja₁dsen₅₄ guè₄ jui₁lia'₂ dsi₂néi₂ guá'₅ sinagoga nē₃. 7 Ton'₂ 'ḡio₅ tē₅ dsí₅ qui₃cuag₃ dsa₂ Diú₄ jē₄ 'ma'₅₄, qui₃tē₂ dsa₂ “tē₅”† nē₃.

8 'La₁ 'nia'₂ nē₃, tsá₃ ca₂tíng'₂ jua'₅₄ tē₂ dsa₂ “tē₅”, ia₁ ca₂le₃jín'₃ bá₄ 'nia'₂ lē₅ ríng'₂; ia₁ jan₂ bá₄ Tē₅ quián'₂ 'nia'₂ chan₂. 9 Tsá₃ tē'₅₄ 'nia'₂ “tia₅₄” i₁jan₂ dsa₂ mi₂güig₃, ia₁ jan₂ bá₄ Néi'₅ 'nia'₂ i₂chan₂, i₂guá₅ guei'₅₄ i₂juig₃. 10 Tsá₃ cuè'₁ 'nia'₂ jmig₄ a₂tē₂ dsa₂ 'nia'₂ guiong'₅₄ a₂lín₅ juig₅₄ dsa₂, ia₁ jan₂ I₂rē'ín₁ quián₅ Diú₄ bá₄ i₂lín₅ juig'₂ 'nia'₂. 11 Jui₁lia'₂ i₂jme₃ti₃ ta₁ ne₄ rín'₅₄, i₂'éi₂ bá₄ i₂juin'₂ guè₄. 12 Ia₁ jui₁lia'₂ i₂jme₂can'₅₄ guion₅₄ jin₄ rín'₅₄, tē₂le₃ sióin₂, lé₂ mei'₂; la₁ jui₁lia'₂ i₂jmo₅ me'₂ jin₄ rín'₅₄, i₂'éi₂ bá₄ lén₂ i₂juin'₂ guè₄ con'₂ guè₄ ca₂le₃jín₃.

13 'i'E₂ guè₄ juig'₂ 'nia'₂ tē₅juá'₅, 'nia'₂ dsa₂ fariseos nē₃, i₂lē₁jmo₅-dsáu₅ o₁ne₁! Ia₁ jnág'₂ 'nia'₂ o₄'né₄ guei'₅₄ i₂juig₃ ja₁gon₂ Diú₄, tsá₃ cuè'₂ 'nia'₂ jmig₄ tón'₃ i₂sián'₂. Ia₁ on₃ guè'₂ tón'₂ 'nia'₂ guiong'₅₄, on₃ guè'₂ cuè'₂ 'nia'₂ jui₅ tón'₃ jui₁lia'₂ i₂'nio₃ tón'₃.‡

15 'i'E₂ guè₄ juig'₂ 'nia'₂ tē₅juá'₅, 'nia'₂ dsa₂ fariseos nē₃, i₂lē₁jmo₅-dsáu₅ o₁ne₁! Ia₁ qui₂l₂nio'₄ 'nia'₂ ca₂le₂con₂ mi₂güig₃ qui₁'ang'₄ jmi₁ḡí'₄, a₂qui₂jme₂tíng'₁ dsa₂ lia'₂ lē₅ 'én'₂ 'nia'₂ guiong'₅₄. Jē₁ma₂ca₂jon'₃ 'nia'₂ dsa₂ a₂dsi₃lén₂ jui₅ quiáng'₂, qui₂jme₂tín'₁ 'nia'₂ a₂jnia'₅₄ con'₂ a₂jme₃'lín'₅₄ guè₄ lia'₂ con'₂ guè₄ guion'₅₄ 'nia'₂.

16 'i'E₂ guè₄ juig'₂ 'nia'₂, dsa₂ ten₄ i₂quian₅ ne₄ jui₅! Ia₁ juá'₂ 'nia'₂ jme₂tíng'₁ dsa₂: “Nē₁jua'₂ 'ein₂ ca₂cuè₃ jág₁ quió'₅ 'ē₂₃ guá'₅, tsá₃ 'e₂ quen₅ jág₁ jaun₂; la₁ nē₁jua'₂ ca₂'ē₃ cu₄nióg₄ a₂te₁'i₁ guá'₅, a₂jaun₂ guè₄ dsón'₂ quen₅ jág₁ quió'₅”, tion₅₄ 'nió'₅ jme₃ti₃ jág₁ a₂nē₂cuè₃. 17 'i'Nia'₂ dsa₂

§ 22:44 Salmo 110:1. * 23:5 'Nio'₂ ja₁ton₅ Deuteronomio 6:4-9. † 23:7 o₃, Rabbí. ‡ 23:13 A₂lín₅₄ chog₅₄ si₂ chi₁ton₅ versículo 14 ján₃, a₂juá'₂ le₂la₂: “i'E₂ guè₄ juig'₂ 'nia'₂ tē₅juá'₅, 'nia'₂ dsa₂ fariseos nē₃, i₂lē₁jmo₅-dsáu₅ o₁ne₁! Ia₁ ja₂nó'₅ 'nia'₂ qui₂jniá'₂ 'ne₄ 'io₅₄ 'nág₂, jaun₂ jmo'₂ 'nia'₂ chi₂leng'₅₄ Diú₄ uè₂ lín₃, ia₁ jaun₂ tsá₃ 'ein₂ le₃lí₄. 'Uig₅₄ jaun₂ ja₂lín₃ guè₄ 'ḡio₅ uig₅ gué'₁ 'nia'₂.

ten₄, dsa₂ co₄! ¿'E₂ a₂quen₅ gué₄ 'ñio₅ lín₃? ¿Cu₄nióg₄, o₃ guá' ₅ ja₁rē₂jñió₃ cu₄nióg₄ jaun₂ 'e₂?
 18 Juá' ₂ 'nia' ₂ ján₃: “Nē₁jua' ₂ 'ein₂ cuē₅ jág₁ quió' ₅ a₂ē₂₃ ne₄chei₂, ján₃ bá₄ tsá₃ 'e₂ quen₅ jág₁
 jaun₂; la₁ nē₁jua' ₂ ca₂'iin₃ já' ₂ i₂rē₂jen' ₅₄ ne₄ ne₄chei₂, jaun₂ gué₄ dsón' ₂ tion₅₄ 'nió' ₅ jme₃tí₃
 jág₁ quió' ₅.” 19 'Nia' ₂ dsa₂ ten₄! ¿'E₂ jaun₂ a₂lē₅ a₂dsen₅₄ gué₄? ¿Já' ₂ i₂rē₂jen' ₅₄ ne₄ Diú₄, o₃
 ne₄chei₂ a₂rē₂jñió₃ já' ₂ 'éi₂ 'e₂? 20 Jaun₂ lē₃, jui₁lia' ₂ jme₁cuē₅ dsa₂ jág₁ quió' ₅ a₂ē₂₃ ne₄chei₂,
 on₃jua' ₅₄ jmá' ₃ ne₄chei₂ 'ē₂₃; a₂ē₂₃ ca₂le₃jě₃ 'e₂ a₂te₁'i₁ ne₄chei₂ bá₄ jaun₂. 21 Le₂nē₅ bá₄ ján₃,
 jui₁lia' ₂ i₂'ē₅ guá' ₅, on₃jua' ₅₄ jmá' ₃ ca₂ne₅₄ guá' ₅ 'ē₂₃, a₂'iin₂₃ le₂jio₅ Diú₄ i₂guá' ₅ dsi₂néi₂ jaun₂
 bá₄. 22 Ján₃ bá₄ le₂nē₅ jui₁lia' ₂ i₂'ē₅ guei' ₅₄ i₂juíg₃, a₂ma₂nē₂'ē₃ le₂jio₅ ne₄ta₁ quió' ₅ Diú₄, ton' ₂
 a₂ma₂nē₂'iin₃ le₂jio₅ 'ñio₅ Diú₄ i₂guá' ₅ ne₄ta₁ jaun₂ bá₄ ján₃.

23 'i'E₂ gué₄ juíg' ₂ 'nia' ₂ tē₅juá' ₅, 'nia' ₂ dsa₂ fariseos ně₃, i₂lē₁jmo₅-dsáu₅ o₁ne₁! Ia₁ qui₂jáng' ₂
 'nia' ₂ caun₂ qui' ₅₄ a₂guia₃ quió' ₅ mi' ₁au₂ mi₂juíg₂, jui₁lia' ₂ menta, anís, quian' ₅₄ qui₂má₃ ně₃.
 La₁ tsá₃ tón' ₂ guē' ₂ 'nia' ₂ jui₅ 'Éi' ₃ Juá' ₅ a₂dsen₅₄ gué₄ quió' ₅ Diú₄ ron₅, jui₁lia' ₂ ja₁juá' ₂ a₂'nió' ₅
 jmo₃ dsa₂ a₂dse₃, a₂dsia₃ dsa₂ 'néi₂ dsí₅ dsa₂ mi₂güí₃ riin' ₅₄, a₂jmo₃ dsa₂ tí₅ jág₁ quió' ₅ quian' ₅₄
 riin' ₅₄. A₂nē₅ bá₄ a₂dsen₅₄ gué₄ a₂ca₂tín' ₂ 'nia' ₂ jmó' ₂, la₁ on₃jua' ₅₄ a₂tsá₃ ma₃jme₁tí' ₄ 'nia' ₂
 'Éi' ₃. 24 'Nia' ₂ dsa₂ ten₄ i₂quian₅ ne₄ jui₅! Qui₁ñi' ₄ 'nia' ₂ quió' ₅ i₁lu₂ pí' ₁, la₁ ní' ₅ bá₄ guē' ₂ 'nia' ₂
 guiong' ₅₄ jui₁lia' ₂ já' ₂ camello.

25 'i'E₂ gué₄ juíg' ₂ 'nia' ₂ tē₅juá' ₅, 'nia' ₂ dsa₂ fariseos ně₃, i₂lē₁jmo₅-dsáu₅ o₁ne₁! Ia₁ lín' ₅ 'nia' ₂
 jui₁lia' ₂ lē₅ ni₁vaso, ni₁uing₅ ně₃, qui₁rin' ₄ 'nia' ₂ jmá' ₃ lia' ₂ le₃co' ₅₄. La₁ tē₂le₃ jui₅ tē₂'au' ₂
 'nia' ₂, qui₂rē₂can' ₂ ca₂le₃jě₃ ne₅₄ a₂'lig' ₅₄ a₂qui₂dsi₂jñia₅ 'au' ₂ 'nia' ₂, 'niog' ₂ 'nia' ₂ jua' ₅₄ jmá' ₃
 lia' ₂ guiong' ₅₄ bá₄ qui₂le₃cha₂ quiáng' ₂; qui₂ja₂nó' ₅ 'nia' ₂ 'ang' ₂ quió' ₅ dsa₂. 26 'Nia' ₂ dsa₂
 fariseos ten₄! Rang₂ 'nia' ₂ de' ₂ jñiá₅ le₃'ñió' ₂ ni₁vaso quian' ₅₄ ni₁uing₅, jaun₂ gué₄ lé₂ le₁jě₃
 le₂tan₅₄ le₃co' ₅₄ ně₃.

27 'i'E₂ gué₄ juíg' ₂ 'nia' ₂ tē₅juá' ₅, 'nia' ₂ dsa₂ fariseos ně₃, i₂lē₁jmo₅-dsáu₅ o₁ne₁! Ia₁ lín' ₅ 'nia' ₂
 jui₁lia' ₂ lē₅ tau₂ 'ñio₅ a₂jñia' ₅₄ con' ₂ jniá₂ tiog₂, jniá₂ jlá' ₁ jmá' ₃ lia' ₂ le₃co' ₅₄ bá₄, la₁ le₃'ñió' ₂
 qui₂rē₂can' ₂ ni₁mu₅, chí' ₅ ma₂'lig' ₅₄. 28 Le₂nē₅ bá₄ lín' ₅ 'nia' ₂; 'e₂ gué₄ dsen' ₃ 'nia' ₂ jniág' ₂ jmá' ₃
 lia' ₂ le₃co' ₅₄ tē₃jě₄ jág₅ dsa₂, la₁ tē₂'au' ₂ guē' ₂ 'nia' ₂ qui₂rē₂can' ₂ ca₂le₃jě₃ ne₅₄ a₂'lig' ₅₄, a₂jmo' ₂
 dsáu' ₂ 'nia' ₂ o₁ne₁ 'e₂ a₂jmo' ₂.

29 'i'E₂ gué₄ juíg' ₂ 'nia' ₂ tē₅juá' ₅, 'nia' ₂ dsa₂ fariseos ně₃, i₂lē₁jmo₅-dsáu₅ o₁ne₁! Ia₁
 qui₂jmóg' ₂ 'nia' ₂ tau₂ 'ñio₅ quió' ₅ dsa₂ i₂ca₂'ē₂ jág₁ quián₅ Diú₄ ma₂líg' ₂, qui₂jmóg' ₂ 'nia' ₂
 jlá' ₁ qui₂rē₂lag₄ jui₁lia' ₂ ja₁le₁on₅ dsa₂ dsen₃ i₂ma₂dsan₃. 30 Jaun₂ jag' ₅₄ 'nia' ₂: “Jua' ₅₄
 mei' ₂ bá₄ ca₂rē₃chóng₃ jniog₄ jmíg₄ jaun₂ lia' ₂ con' ₂ jme₁chan₂ dsa₂ can' ₅₄ quián₂ ma₂líg' ₂,
 tsá₃ jme₁jme₁quian' ₅₄ jniog₄ lia' ₂ con' ₂ jme₁ca₂jmo₃ a₂ca₂l₃o₅₄ jmí₂ 'an' ₅₄ dsa₂ i₂chen₄ 'éi₂
 quián₅ Diú₄.” 31 Jaun₂ le₂nē₅, quian' ₅₄ jág₁ quián' ₂ 'nia' ₂ guiong' ₅₄, jáng' ₂ 'nia' ₂ jág₁ dsau₅
 a₂lín₅ tsí₁jon₂ dsa₂ i₂ca₂jme₃dsian₅ dsa₂ i₂ma₂chen₃ Diú₄. 32 Jaun₂ ně₃, jme₁'ñia₅ 'nia' ₂ dso₄
 a₂ca₂jme₃lióg₃ dsa₂ can' ₅₄ quián' ₂ 'nia' ₂.

33 'i'Já' ₂ 'lín' ₅₄! 'i'Tsí₁jon₂ dsi₂mi' ₂! ¿'A₂ bá₄ lia' ₂ le₃lon' ₅₄ 'nia' ₂ 'éi' ₃ uig₅ a₂já₅ ja₁con' ₂ 'nia' ₂
 a₂dsi₁nog' ₃ guio₃-juíg₃? 34 'Uig' ₅₄ jaun₂, tsin₅₄ jniá₂ ja₁con' ₂ 'nia' ₂ dsa₂ i₂'ē₂ jág₁ o₄quió₃, dsa₂
 i₂ñí' ₂ niog₅ dsi₄, i₂lín₅ tē₅ ně₃. I₂lín₅₄ 'éi₂ jme₁dsiain' ₂ bá₄ 'nia' ₂, i₂lín₅₄ guē' ₂ qui₁tóin' ₄ 'nia' ₂
 cróg₄. I₂sián' ₂ guē' ₂ ně₃ qui₁cuē' ₅₄ 'nia' ₂ dsi₂néi₂ guá' ₅ sinagogas quiáng' ₂, qui₂co₁'éin' ₄ 'nia' ₂
 ně₃ le₂'í₁ juíg₂. 35 Jaun₂ lē₃, 'nia' ₂ bá₄ le₁cáng' ₄ jmí₄ ca₂le₃jín₃ dsa₂ dsen₃ i₂qui₂ma₂dsan₃
 mi₂güí₃, ca₂tē₂ jmí₄ Abel i₂jme₁lín₄ dsa₂ dsen₃, ca₂tē₂ jmí₄ Zacarías ja₁ñi' ₅₄ Berequías,
 i₂ca₂jñí' ₃ 'nia' ₂ i₁dsi₅ guá' ₅ jē₄ ja₁lē₄ ja₁jñió₅ quian' ₅₄ ja₁chí' ₄ ne₄chei₂. 36 A₂dsi₂jó' ₃ juíg₂ jniá₂
 'nia' ₂, dsa₂ chan₂ jmíg₄ ně₃ bá₄ rē₂cán' ₄ ca₂le₃jě₃ dso₄ jaun₂.

'O₅ Jesús o₄quió' ₄ juíg₂ Jerusalén

(Lucas 13:34-35)

37 'i'Nia' ₂ dsa₂ juíg₂ Jerusalén! 'i'Nia' ₂ dsa₂ juíg₂ Jerusalén, 'nia' ₂ i₂jme₂dsiáng' ₁ dsa₂ i₂'ē₂ jág₁
 quián₅ Diú₄, 'nia' ₂ i₂qui₂jnag' ₅₄ cang₄ dsa₂ i₂chen₅ Diú₄ jin' ₄ 'nia' ₂! 'i'Lióng₂ ráun₂ jme₁'ín₅ dsi₃

jme₁chi₁liang' ₂ guein₂ dsa₂ juig₂ quiáng' ₂, ju₁lia' ₂ jmo₅ i₁tsín' ₃ a₂chi₂lain' ₂ guein₂ quiáin₅ to' ₂ né₃ ts₁rē₂cu₅, la₁ guion' ₅₄ 'nia' ₂ tsá₃ ca₂gue' ₅₄! ³⁸ Jag₄ jaun₂, dsi₂néi₂ quiáng' ₂ ně₃ tē₃ŋiá₄, tē₃tsi' ₅₄ tei₄, tsá₃ 'ein₂ chan₂ lé₂. ³⁹ Ia₁ juá' ₅ jniá₂, tsá₃ ma₃la₂ jag' ₅₄ 'nia' ₂ jniá₂, ca₂lia' ₂ ca₂tē₂ jmig₄ jē₁ma₂tē₂ rē₁jua' ₅₄ 'nia' ₂: “Ju₁le₂jnió₃ bá₄ i₂nē₅ i₂jón' ₅ o₄quió' ₄ Te₁gui' ₅₄.” §

24

Ca'ě₂ Jesús jág₁ a₂dsi'én₂ bá₄ guá' ₅ templo
(*Marcos 13:1-2; Lucas 21:5-6*)

¹ Jaun₂ ca₂o₃ín₃ Jesús i₁dsi₅ guá' ₅ templo ja₁jme₁'ein₅₄. Jme₁ma₂'ein₅₄ ju₁5 ŋái' ₅, ca₂jme₃quián₃ chi' ₂ dsi₂guia₃-tín₂ quiáin₅ tē₂, ca₂juá' ₂:

—Jag₄ 'a₂ lia' ₂ lē₅ guá' ₅.

² La₁ jaun₂ ca₂ŋag₃ Jesús:

—ǀJág' ₂ 'nia' ₂ ca₂le₃jě₃ a₂nē₅? A₂dsi₂jó' ₃ ju₁g₂ jniá₂ 'nia' ₂, já₅ jmig₄ lia' ₂ 'i₁ca₂míg₂ ni₁cang₁ tsá₃ ma₃'e₂ jua' ₅₄ a₂le₁ju₁4 guē₄ lé₂ quian' ₅₄ rin' ₅₄. Ca₂le₃jě₃ bá₄ 'én₂.

Léi₄ a₂lé₂ jmig₄ jē₁ca₂tó' ₂

(*Marcos 13:3-23; Lucas 21:7-24; 17:22-24*)

³ Jme₁ca₂dsióg₃ Jesús Má' ₂ Olivos; ja₁jaun₂ ca₂guá₂. Jaun₂ ca₂i₁len₅₄ chi' ₂ dsi₂guia₃-tín₂ con' ₂ jē₄ jmá' ₃ guioin₅₄, ca₂nñi' ₃ Jesús:

—'Niog₂ jnia' ₅₄ le₃ne₄ líg' ₂ lé₂ a₂juá' ₂ 'ne₂ nē₅. ǀ'E₂ léi₄ lé₂ jē₁ma₂tē₂ rē₁ŋeg' ₅₄ táng₃? ǀ'E₂ bá₄ léi₄ lé₂ jē₁ma₂tē₂ rē₁tē₅₄ jmig₄ jaun₂?

⁴ Jaun₂ ca₂ŋag₃ Jesús:

—Jmo₄ 'nia' ₂ 'í₁ ia₁jaun₂ tsá₃ 'ein₂ jme₃gau₅. ⁵ Ia₁ ju₁n₅ i₂tē₁i₃nio₄ a₂juá' ₂ i₂nioi₅₄ o₄quió₃ jniá₂, juá' ₂: “Jniá₂ bá₄ líng₅ I₂rē₂ín₁ quián₅ Diú₄”; jaun₂ ju₁n₅ dsa₂ i₂qui₂jme₃gain₂₃.

⁶ Jē₁ma₂nei' ₂ 'nia' ₂ 'ei₅ jág₁ a₂nio₃ 'nei₂ a₂quín' ₂ dsa₂ ja₁lá₃ ja₁ó₃, la₁ tsá₃ jmó' ₂ 'nia' ₂ gang' ₃, ia₁ le₂jaun₂ dsón' ₂ lé₂ bá₄. La₁ 'nió' ₅ bá₄ guē₄ a₂ŋi₂ jein₂ jaun₂. ⁷ Ia₁ nio₃ 'nei₂, qui₃quín' ₂ dsa₂ le₂caun₂ le₂caun₂ juig₂ nación; dsi₂tan₅₄ guē' ₂ ně₃ qui₃tóin' ₃ mi' ₅₄ quín' ₂ quian' ₅₄ dsi₂tan₅₄ riin' ₅₄ i₂chan₂ juig₂ siá' ₂. Jaun₂ guē₄ ně₃ 'líong₂ ja₁qui₂i₂nio₄ dsa₂ 'oin₅₄ lé₂, ton' ₂ 'líong₂ ja₁qui₂dsi₃bi₅₄ 'uē₃ ně₃. ⁸ Ca₂le₃jě₃ a₂nē₅ lé₂ a₂le₂'uig₅₄ jmi₁uig₅ ju₁lia' ₂ jan₂ 'io₅₄ i₂rē₂chan₂ guein₂ quián₅.

⁹ 'Jaun₂ guē₄ ně₃, qui₃jín' ₂ dsa₂ 'nia' ₂ ne₄ dsi₂tan₅₄ ia₁jaun₂ cuē₃ dsa₂ uig₅, jaun₂ guē₄ jme₃dsian₅ dsa₂ 'nia' ₂. Le₂con₂ mi₂güig₃ bá₄ jme₃ŋia₅₄ dsa₂ 'nia' ₂ 'uig₅₄ quió₃ jniá₂. ¹⁰ Jmig₄ jaun₂, ju₁n₅ dsa₂ i₂tí₂ ju₁5 quió' ₅ Diú₄ a₂jme₁'éin₂, qui₂jme₃'ŋiai₅₄ bá₄ riin' ₅₄, qui₃jáng' ₂ ně₃.

¹¹ Ju₁n₅ dsa₂ le₃chan₂ i₂'ě₂ jág₁ i₂ju₁gan₂, jaun₂ ju₁n₅ dsa₂ i₂jme₃gain₂₃. ¹² 'Uig₅₄ ia₁ a₂ŋi₄ lē₃ ju₁si ŋag₅₄ le₃'lin' ₅₄ dsa₂, co₂dsia₅ le₃güig' ₂ bá₄ 'a₂ lia' ₂ jme₁'nio₃ dsa₂ riin' ₅₄ le₂jain₂ le₂jain₂. ¹³ La₁ ju₁lia' ₂ i₂ná₃ tiá₂ tē₂ jē₁ca₂tó' ₂, 'éi₂ bá₄ líón₂. ¹⁴ Jág₁ dse₃ la₂ ju₁lia' ₂ 'a₂ lia' ₂ lē₅ ja₁gon₂ Diú₄ qui₂dsi₃'ag₅ ta₁caun₂ mi₂güig₃, ia₁jaun₂ le₃ŋi₅ ca₂le₃jě₃ juig₂ te₁'i₁ gua' ₅₄ 'uē₃ jág₁ dse₃ jaun₂; jaun₂ guē₄ ně₃ tē₅₄ jmig₄ jē₁ca₂tó' ₂.

¹⁵ 'Jaun₂ ně₃, já₅ jmig₄ a₂tē₅₄ ne' ₅₄ 'nia' ₂ a₂ná₃ jan₂ dsa₂ i₂'lin' ₅₄ guē₄ lin₃, a₂jme₃'ióg₃ ja₁ŋiós, a₂le₃ti₃ jág₁ a₂ca₂'ě₂ Daniel i₂jme₁'ě₂ jág₁ quián₅ Diú₄, * (jaun₂ ju₁le₂ŋi' ₂ bá₄ i₂'i₅ si₂ la₂), ¹⁶ jaun₂ ně₃, dsa₂ i₂tián' ₅ le₂tan₅₄ 'uē₃ Judea, ju₁cuing₁₂ ju₁5 má' ₂. ¹⁷ Ju₁lia' ₂ i₂'en₅₄ guei' ₅₄ 'ne₄, tsá₃ ma₃ju₁sióin₄ jua' ₅₄ a₂'uē₃ 'e₂ 'uē₃ dsi₂néi₂ quió' ₅; ¹⁸ ju₁lia' ₂ i₂'en₅₄ ja₁nau₂ quió' ₅ táng₃, tsá₃ ma₃ju₁ŋi₁oi' ₅₄ jua' ₅₄ a₂ja₃quián₂ tsi₁'mi' ₂ dsiog₂ quió' ₅. ¹⁹ Ju₁g₂ bá₄ ju₁lia' ₂ dsa₂ mí₂ i₂le₁quian₅ guein₂, ju₁lia' ₂ i₂le₁ŋia₅ guein₂ i₂'ín' ₂ dsi' ₅₄ ně₃, jmig₄ jaun₂! ²⁰ Mi₄ 'nia' ₂ ne₄ Diú₄ ia₁jaun₂ tsá₃ o₁le₅₄ jua' ₅₄ a₂cuíng' ₂ 'nia' ₂ jein₂ güig₂, on₃ guē' ₂ jmig₄ sa₅₄ ně₃. ²¹ Ia₁ juá' ₅ jniá₂, caun₂ o₂i₁ dsi₅ lin₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rē₃chá₃

ca₂le₃ ca₂nio₃ mi₂güig₃, on₃ guë'₂ ma₃nio₅ jmig₄ jua'₅₄ a₂le₃cha₂ guë'₄ cang₂. ²² Jua'₅₄ mei'₂ guë'₃ Diú₄ tsá₃ ma₂ca₂jme₃té₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guë'₃ tsá₃ le₂jaun₂. La₁ o₄quió'₄ i₂rë₂quion'₅₄ quiáin₅, jme₃té₃ bá₄ jmig₄ jaun₂.

²³ 'Në₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “jag₄ 'nia'₂! jLa₂ bá₄ chén'₅ I₂rë₂'ín₁ quián₅ Diú₄!” o₃ në₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en'₅₄ 'nia'₂ jág₁ jaun₂. ²⁴ Ia₁ juin₅ dsa₂ i₂juigan₂ ja₃lén₂ a₂juá'₂ a₂lín₅ I₂rë₂'ín₁ quián₅ Diú₄, a₂juá'₂ në₃ a₂lín₅ dsa₂ i₂'ë₂ jág₁ quián₅ Diú₄; 'lióng₂ léi₄ juë'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ guë'₃ lé₂, ca₂të₂ dsa₂ i₂quion'₅₄ quián₅ Diú₄ jme₃gain₂₃. ²⁵ Jaun₂ në₅ ma₂në₂juig₂ jniá'₂ 'nia'₂ të₃jniá₅. ²⁶ Jaun₂ në₃, në₁jua'₂ 'ein₂ ca₂tsí'₃ 'nia'₂: “Ní₂ 'nia'₂, jó₄ 'ein₅₄ ja₁lë₄ 'uë₃ quein₂ co₂'ñiog₅”, tsá₃ lë₁o₂nó'₅ 'nia'₂ ja₁jaun₂; o₃ në₁jua'₂ 'ein₂ ca₂juá'₂: “Ní₂ 'nia'₂, ja₁lá₃ rë₂'mai₅₄ dsi₂néi₂”, tsá₃ ju₁le₂'én'₂ 'nia'₂. ²⁷ Ia₁ ju₁lia'₂ jme₁lë₂ si₁ñí'₃ ca₂taun₂ ca₂taun₂, le₂jaun₂ bá₄ lé₂ jë₁ma₂të₂ rë₁guan'₂ Jaun₅ dsa₂ mi₂güig₃. ²⁸ Ia₁ ju₁lia'₂ ja₁ron₅ 'lag₄, ja₁jaun₂ bá₄ ñi'₂ i₁tú₃ tsin'₅₄.

A₂ lia'₂ guan'₂ Jaun₅ dsa₂ mi₂güig₃

(Marcos 13:24-37; Lucas 21:25-33; 17:26-30, 34—36)

²⁹ 'Dsi₂jui₅ jë₁ma₂ca₂ñag₅ jmig₄ o₂l₁ dsi₅ jaun₂,
'iog₂ në₃ co₂dsia₅ le₃lia'₂,
tsi'₂ në₃ tsá₃ ma₃tág₅ jnia₅₄;
nei₅ guë'₂ në₃ qui₂tsi₃séi'₂,
ca₂le₃jë₃ guë'₄ 'e₂ bí₂ cha₂ guei'₅₄ mi₂güig₃
qui₃guan'₃.†

³⁰ 'Të₃jë₄ jaun₂ guë'₄ në₃, le₃jniá₂ guei'₅₄ dsi₂güig₂ léi₄ quió'₅ Jaun₅ dsa₂ mi₂güig₃, ca₂le₃jë₃ juig₂ te₁'i₁ le₂con₂ mi₂güig₃ tóin'₃ qui'₃-o₃. Jíin₂ Jaun₅ dsa₂ mi₂güig₃, guan'₂ guei'₅₄ jë₄ jnei₅ quián'₅₄ ca₂le₃jë₃ ju₁bi₂ a₂'io₂₃ jláin'₁. ³¹ Jaun₂ qui₃chein₃ ángeles quiáin₅ jéi₂ ñí₂ trompeta tiá₂ lin₃ a₂të₂ dsa₂ i₂quion'₅₄ quiáin₅ i₂chan₂ ca₂le₃jë₃ juig₂ te₁'i₁ ta₁caun₂ mi₂güig₃.

³² 'Jme₁tin₅ 'nia'₂, ju₁le₂ñí'₂ 'au'₂ jág₁ a₂jáng'₅ léi₄ ju₁lia'₂ ni₁'ma₂ a₂'ag₅ míg₂ higos: jme₁chéi'₂ gu'₂ nei'₅₄, a₂ja₂'ñio₃ mog'₅₄, ñi'₅₄ 'nia'₂ a₂ma₂ja₂quián₃ jein₂ 'iog₂ bá₄ jaun₂. ³³ Le₂në₅ bá₄ 'nia'₂ jaun₂ në₃, jë₁ma₂të₅ ne'₅₄ a₂lë₂ ca₂le₃jë₃ a₂në₅, ju₁le₂ñi'₅₄ bá₄ 'nia'₂ a₂ma₂ja₂quiáin₃, në₂jag₄ bá₄ i₂ma₂chén'₅ o₄'né₄ bá₄ 'éi₂. ³⁴ A₂dsi₂jó'₃ juá'₅ jniá₂ juig₂ 'nia'₂, tsá₃ dsi₂ñí₂ tsi₁jon₂ la₂,‡ ca₂lia'₂ ca₂lë₃ ca₂le₃jë₃ a₂në₅. ³⁵ Já₅ jmig₄, guei'₅₄ dsi₂güig₂ quián'₅₄ mi₂güig₃ la₂ ñag₅, la₁ jág₁ quió₃ o₁líg'₂ tsá₃ ñag₅ jua'₅₄ a₂tsá₃ le₃tí₃.

³⁶ 'La₁ 'i₁jan₂ tsá₃ 'ein₂ ñi₅ 'e₂ 'ió'₄, 'e₂ hora lé₂ a₂jaun₂, on₃ guë'₂ ángeles i₂tion'₅₄ guei'₅₄ i₂juig₃, on₃ guë'₂ 'ñiog₅ Ja₁ñi'₅₄ Diú₄,§ Jnia'₅₄ lia'₂ 'ñiog₅ bá₄ Diú₄ Jmei₂ ñi₅.

³⁷ 'Ia₁ ju₁lia'₂ ca₂lë₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ ján₃ jë₁ma₂të₂ rë₁guan'₂ Jaun₅ dsa₂ mi₂güig₃. ³⁸ Ia₁ jmig₄ jaun₂, né'₃ a₂can'₂ mi₂güig₃ quián'₅₄ jmig₂, jme₁chan₂ dsa₂ qui₂guë'₅, qui₂'ín'₂, qui₂jéin'₂ gu₂, qui₂cu₁in₂₃ ja₁míg₄ jme₁jéin'₂ gu₂ në₃, ca₂lia'₂ ca₂të₂ jmig₄ jme₁ca₂'í₃ Noé 'ñió'₃ ni₁barco; ³⁹ la₁ con'₂ tsá₃ 'ein₂ rë₁ján₁ jme₁ca₂dság'₃ jmig₂ ca₂jio₃ quió'₅ ca₂le₃jíin₃. Le₂jaun₂ bá₄ lé₂ táng₃ jë₁ma₂të₂ rë₁guan'₂ Jaun₅ dsa₂ mi₂güig₃. ⁴⁰ Jmig₄ jaun₂, on₃ dsa₂ ñe'₂ tion'₅₄ ja₁nau₂; jan₂ i₂dsán'₃, jan₂ guë'₂ i₂të₃'ñiá₄. ⁴¹ On₃ guë'₂ dsa₂ mí₂ tioin'₅₄ éi'₅ ne₄ ni₁to₂; jan₂ i₂dsán'₃, jan₂ guë'₂ i₂të₃'ñiá₄.

⁴² 'Jme₁jnio₂ 'nia'₂ ne'₅₄ jaun₂, ia₁ tsá₃ ñi'₅₄ 'nia'₂ 'e₂ hora jñió'₂ juig'₂. ⁴³ La₁ ju₁le₂ñí'₂ 'au'₂ 'nia'₂ a₂la₂: jua'₅₄ mei'₂ guë'₃ ñi₅ dsa₂ juig₅₄ caun₂ dsi₂néi₂ 'e₂ hora jiá₃ dsa₂ 'ang₂ të₂le₃ ca₂nei₂, jme₁jnio₅₄ ne₅₄, tsá₃ cuë₃ jmig₄ a₂'í₂ dsa₂, 'ang₃ dsi₂néi₂ quió'₅. ⁴⁴ Le₂në₅ bá₄ 'nia'₂, rë₂ján'₁ 'nia'₂ chang'₂; ia₁ con'₂ tsá₃ ñi'₅₄ bá₄ 'nia'₂ guan'₂ Jaun₅ dsa₂ mi₂güig₃.

† 24:29 Isaías 13:10; 34:4. ‡ 24:34 o₃, “né'₃ a₂dsián₃ dsa₂ i₂lín₅ raza la₂.” § 24:36 A₂lin₅₄ chog₅₄ si₂ tsá₃ chi₁ton₅ “on₃ guë'₂ 'ñiog₅ Ja₁ñi'₅₄ Diú₄.”

Dsa₂ dsen₃ i₂jme₂ti₃, quian'₅₄ dsa₂ i₂tsá₃ jme₂ti₃
(Lucas 12:41-48)

45 'ĶEin₂ dsa₂ i₂ŋi'₂ dsí₅ jme₂ti₃ con'₂ dsi₂ten₅₄ ne₄ juig₅₄? Juig₅₄ ně₃ ca₂dsia₃ o₄gú₃ 'éi₂ dsi₂néi₂ quió'₅ lia'₂ jma₃quian'₅₄ ca₂le₃jín₃ riin'₅₄ i₂jme₂ti₃, a₂ŋi'₃ riin'₅₄ jē₁ma₂tē₂ hora a₂guē'₃. 46 'E₂ guē₄ dsen₃ 'éi₂ jē₁ma₂tē₂ rē₁jō₅₄ juig₅₄ jē₁ma₂guáin'₅ jme₂ti₃ bá₄ ta₁ a₂chéin'₅. 47 A₂dsi₂jó'₃ juá'₅ jniá₂, cuē₃ juig₅₄ ta₁ a₂nio₃ ne₅₄ ca₂le₃jē₃ 'e₂ a₂cha₂ quió'₅. 48 La₁ jua'₅₄ mei'₂ guē₃ dsa₂ i₂jme₂ti₃ lín₅ jan₂ dsa₂ 'lin'₅₄ i₂tsá₃ tón'₂ jui₅ ta₁ a₂chéin'₅, ia₁ lín₂, "i₂le₃'in₄ bá₄ juig₃", 49 jaun₂ jme₂lióg₃ qui₂cuē'₅ bá₄ riin'₅₄, dsó₂ qui₂dsi₂guē'₃ qui₂dsi₂'én'₃ quian'₅₄ dsa₂ 'en₅ ně₃. 50 La₁ caun₂ jmig₄ con'₂ tsá₃ rē₂jáin₁, caun₂ hora con'₂ tsá₃ lí'₄ bá₄, dsián'₄ juig₅₄. 51 Juig₅₄ ně₃ cuē₃ uig₅, * 'liog'₃ ja₁jaun₂ bá₄ ján₃, ja₁ca₂tín₂ dsi₁len₅ i₂lē₁jmo₅-dsá₅ o₁ne₁, ja₁qui'₂-o₃, qui₃quí₃' jan₅₄.

25

Jág₁ jáng'₅ léi₄ ju₁lia'₂ guian₃ chi'₂ dsa₂ mi₄

1 'Jmíg₄ jaun₂ ju₁lia'₂ ja₁gon₂ Diú₄, lé₂ ju₁lia'₂ ca₂jmo₃ guian₃ chi'₂ dsa₂ mi₄ jme₁ca₂can₃ ni₁tsí₅ le₁guí'₂ si₂ quió'₅. Ca₂i₃lén₂ ca₂i₁jme₁jein'₂ dsa₂ ŋe'₂ i₂jen'₂ gu₂. 2 'Njá₂ chi'₂ dsa₂ mi₄ 'éi₂ jme₁coin₅₄; 'njiá₂ guē'₂ i₂'ŋio₄, i₂dse₃ niog₅ dsi₄. 3 Dsa₂ mi₄ i₂co₄ 'éi₂ ně₃, jmá'₃ ni₁tsí₅ chi₁guí'₂ si₂ bá₄ ca₂can₃; tsá₃ ca₂can₃ guē'₂ ni₁dsig₁ a₂'a₄ aceite. 4 La₁ dsa₂ mi₄ i₂niog₅ dse₃ dsi₄ ně₃ ca₂jmo₃ co₂jñia₅₄ quió'₅, jme₁le₁quian₅ ni₁tsí₅ le₁guí'₂ si₂, ton'₂ jme₁le₁quian₅ rē₂tsón₂ aceite 'a₄ ni₁dsig₁. 5 La₁ ca₂rē₃'in₄ bá₄ guē'₂ dsa₂ ŋe'₂ i₂lē₅ jág₁ jen'₂ gu₂, jaun₂ le₃jín₃ bá₄ dsa₂ mí₂ 'éi₂ ně₃ ca₂tá'₂ i₁gü₃'in₃, jaun₂ ca₂gü₃'in₂ bá₄. 6 Jaun₂ jme₁ca₂tē₂ dsi₃nei₅, ca₂né'₂ tiá₂ i₁juá'₄ dsa₂: "i₁Nē₅ jón'₅ dsa₂ ŋe'₂ i₂jen'₂ gu₂! i₁'Uin'₂ 'nia'₂ o₂jme₁jein'₂!" 7 Jaun₂ qui₂ca₂nau₂ ca₂le₃jín₃, ca₂jmo₃ dse₃ mecha tsí₅ quió'₅. 8 Jaun₂ ca₂juá'₂ dsa₂ mí₂ i₂'njiá₂ i₂co₄ 'éi₂ ca₂tsí'₃ riin'₅₄ i₂'ŋio₄: "Cuē'₁ 'nia'₂ ca₂juig₄ aceite quiáng'₂, ia₁ ma₂i₁ei₃ si₂ tsí₅ quián₂ jnia'₅₄." 9 La₁ ca₂ŋag₃ dsa₂ mí₂ i₂'ŋio₄: "Jan₂'ón₄. Ia₁ con'₂ tsá₃ ŋó₅ ně₃ jua'₂ tsá₃ ca₂tín'₂ quián₂ jnia'₅₄ guio₅₄, on₃ guē'₂ quián'₂ 'nia'₂ tín'₂ ně₃. Co₂ŋei'₅₄ guē₄ dse₃ o₂nó'₅ 'nia'₂ guiong'₅₄ o₂liá₃ quiáng'₂ ja₁'nag₅ dsa₂." 10 La₁ tē₁lia'₂ i₂lén₂ 'éi₂ i₂lia₅ aceite, tē₃jē₄ jaun₂ ca₂guán'₃ dsa₂ ŋe'₂ i₂lē₅ jág₁ jen'₂ gu₂. Dsa₂ mí₂ i₂tián'₅ lē₅ co₂jñia₅₄ ca₂i₃toin'₅₄ bá₄ co₂lē₅ quiong'₅₄ i₁guē'₂ ja₁niog₅ jmig₄ a₂jen'₂ gu₂ dsa₂. Jaun₂ ca₂jnág₃ o₄'né₄ jme₁ca₂jnág₃. 11 Jme₁co₂lág₂ jaun₂, o₃len₅ i₂'njiá₂ 'éi₂, jaun₂ ca₂tóin'₂ ca₂tē₃, ca₂juá'₂: "i₁Te₁gui'₅₄, Te₁gui'₅₄! i₁Nia₄ o₄'né₄ jaun₂ tió'₄ jnia'₅₄!" 12 La₁ jaun₂ ca₂ŋag₃ dsa₂ ŋe'₂: "A₂dsi₂jó'₃ juá'₅, tsá₃ cúing₅ 'ein₂ 'nia'₂."

13 'Jaun₂ le₂nē₅, chan'₂ 'nia'₂ co₂jñiag'₅₄, ia₁ tsá₃ ŋi'₅₄ 'nia'₂ 'e₂ ió'₄, 'e₂ hora guan'₂ Jaun₅ dsa₂ mi₂gü₃.

Jág₁ jáng'₅ léi₄ ju₁lia'₂ 'a₂ lia'₂ lē₅ ca₂jmo₃ ún₂ dsa₂ quian'₅₄ a₂ca₂dsia₃ juig₅₄ o₄gú₃
(Lucas 19:11-27)

14 'Con'₂ siá'₂ lē₅ ja₁gon₂ Diú₄ ju₁lia'₂ jan₂ dsa₂ i₂'en₅₄ ju₁ dsó₃ dsi₃ŋí₃ úing₂ juig₂ siá'₂. Jaun₂ ca₂tē'₃ dsa₂ i₂jme₁jme₂ti₃ ta₁ ne₅₄, jaun₂ o₄gú₃ 'éi₂ ca₂dsia₃ cu₄. 15 Jan₂ i₂ca₂cuē'₃ 'njiá₂ mei₅ 'éi'₃ cu₄ talentos; jan₂ guē'₂ i₂ca₂cuē'₃ tin₃ mei₅, jan₂ guē'₂ caun₂ mei₅. Ca₂cuē'₃ le₂jan₂ dsa₂ 'éi₂ 'a₂ con'₂ jñia'₅₄ qui'₅₄ jmig₄. Jaun₂ guē₄ ŋó₃ i₁ŋí₃. 16 Dsa₂ i₂ca₂gue₃ 'njiá₂ mei₅ 'éi'₃ cu₄ ně₃, ca₂jmói'₂ ta₁ cu₄ jaun₂, jaun₂ ca₂lí'₃ con'₂ guē₄ 'njiá₂ mei₅ jmá'₃ a₂dsí₂. 17 Ján₃ bá₄ le₂jaun₂ ca₂jmo₃ i₂ca₂gue₃ tin₃ mei₅, ca₂lí'₃ con'₂ guē₄ tin₃ mei₅ táng₃ a₂tē₁dsi₅₄. 18 La₁ dsa₂ i₂ca₂gue₃ caun₂ mei₅ ně₃, ca₂'ma₃ bá₄ a₂caun₂ mei₅ a₂ca₂cuē₃ juig₅₄, ca₂l₁'ó₄ né'₃ 'uē₃.

19 'Uē₂ lín₃ bá₄ i₁ŋi₂ juig₅₄ ně₃; la₁ ca₂guáin'₃ jme₁ca₂guáin'₃ cang₂. Jaun₂ ca₂caun₃ 'í₁ ca₂chein'₃ cuentas quió'₅ dsa₂ i₂jme₂ti₃ i₂ca₂cuē'₃ cu₄. 20 Jaun₂ ca₂dsióg₃ i₂le₂'uig₅₄ i₂ca₂gue₃ 'njiá₂ mei₅, jaun₂ ca₂jín'₂ juig₅₄ con'₂ guē₄ 'njiá₂ mei₅ a₂tē₁dsi₅₄ a₂ca₂lí'₃, jaun₂ juá'₂ tsí'₃ juig₅₄:

* 24:51 lit. "dsia₃ juig₅₄ le₁juig₁ le₁dsog'₅₄ quió'₅."

“Te₁gui^{'54}, ca₂cuë^{'54} 'ne₂ 'ñiá₂ mei₅; jag₄, la₂ ron₅ con^{'2} guë₄ 'ñiá₂ mei₅ táng₃ a₂ca₂lág₃.”
 21 Jaun₂ ca₂juá^{'2} juig^{'54}: “Ñio₅ dse₃ ca₂jmo^{'54}. Líng^{'5} bá₄ jan₂ dsa₂ dsen₃ i₂ca₂rë₃ti^{'54}; ca₂rë₃teng^{'54} bá₄ quian^{'54} a₂ca₂juig₄ a₂ca₂dsia₃ jniá₂ gog^{'2}, nē₃ nē₃ 'lióng₂ guë₄ a₂dsia₅₄ jniá₂ gog^{'2}. 'Ú₅ dsi₂néi₂, o₁quián₁ o₂'ñi₃ dsi₅ co₂dsia₅.” 22 Jme₁co₂lág₂ jaun₂ ca₂dsi₃g₃ i₂ca₂gue₃ tin₃ mei₅, jaun₂ ca₂juá^{'2}: “Te₁gui^{'54}, ca₂cuë^{'54} 'ne₂ tin₃ mei₅; jag₄, la₂ ron₅ con^{'2} guë₄ tin₃ mei₅ táng₃ a₂ca₂lág₃.” 23 Jaun₂ ca₂juá^{'2} juig^{'54}, “Ñio₅ dse₃ ca₂jmo^{'54}. Líng^{'5} bá₄ jan₂ dsa₂ dsen₃ i₂ca₂rë₃ti^{'54}; ca₂rë₃teng^{'54} bá₄ quian^{'54} a₂ca₂juig₄ a₂ca₂dsia₃ jniá₂ gog^{'2}, nē₃ nē₃ 'lióng₂ guë₄ a₂dsia₅₄ jniá₂ gog^{'2}. 'Ú₅ dsi₂néi₂, o₁quián₁ o₂'ñi₃ dsi₅ co₂dsia₅.”

24 'La₁ jme₁ca₂dsi₃g₃ i₂ca₂gue₃ caun₂ mei₅, ca₂juá^{'2} tsí^{'5} juig^{'54}: “Te₁gui^{'54}, guion₄ jniá₂ a₂líng^{'5} jan₂ dsa₂ i₂tsá₃ 'e₂ 'néi₂ dsí₅, 'aun^{'2} ja₁tsá₃ 'e₂ ca₂ñj^{'2}, ton^{'2} cag^{'54} ja₁tsá₃ 'e₂ ca₂séi^{'3}. 25 'Uig^{'54} jaun₂ ca₂rë₃g₃ó₅ jniá₂, ca₂l₁'ó₄ bá₄ jniá₂ cu₄ quiáng^{'2} né^{'3} 'uë₃. La₁, la₂ bá₄ ron₅ quiáng^{'2}.” 26 Jaun₂ ca₂ñag₃ juig^{'54}: “i₂Dsa₂ 'lin^{'54} juí^{'5}! 'An₁, ñi^{'54} bá₄ jaun₂ nē₃ a₂'on₂₃ ja₁tsá₃ 'e₂ ca₂jan₃, ton^{'2} cag^{'54} ja₁tsá₃ 'e₂ ca₂séi^{'3}. 27 'Uig^{'54} jaun₂, jua^{'54} banco bá₄ co₂ñei^{'54} ca₂l₁tio^{'2} cu₄ quió₃, ia₁jaun₂ jme₁guéi^{'4} cu₄ quió₃ jë₁ma₂guáng^{'3} lia^{'2} jma₃quian^{'54} a₂të₁dsi^{'54}. 28 'Ñiá^{'3} 'nia^{'2} a₂caun₂ mei₅ chan^{'2} i₂nē₅ jaun₂ nē₃, o₂cuë^{'54} i₂chan^{'2} guia₃ mei₅. 29 Ia₁ jui₁lia^{'2} i₂ma₂le^{'io₅} 'lióng₂, të₂le₃ 'lióng₂ guë₄ ñei₂ bá₄, ia₁jaun₂ le₃cha^{'2} quió^{'5} lia^{'2} qui₂rë₂tsón₂; la₁ jui₁lia^{'2} i₂tsá₃ 'e₂ le^{'io₅}, le₂jio₅ a₂ca₂juig₄ a₂ma₂le^{'io₂₃}, co₂dsia₅ jnia^{'3} bá₄. 30 Jaun₂ dsa₂ i₂tsá₃ ta₁ tén₄ la₂, dsein^{'54} ca₁'né₄ tioen^{'2} 'nia^{'2} jë₄ qui₁né^{'3}, ja₁qui^{'2}-o₃ qui^{'3} jan^{'54} nē₃.”

Jë₁ma₂të₂ rë₁të₃dsi^{'54} 'éi^{'3} ja₁con₂ dsa₂ mi₂güig₃.

31 'Jë₁ma₂të₂ rë₁guan^{'2} Jaun₅ dsa₂ mi₂güig₃ a₂lín₅ rag^{'54} jlán^{'1} lin₃, a₂qui₂le₁lio₃ ángeles quiáin₅, jaun₂ guë₄ guá₃ ne₄ta₁ quió^{'5} a₂'uain^{'2} lin₃, 32 jaun₂ ñi^{'2} ne₅₄ ca₂le₃jín₃ dsa₂ chan₂ juig₂ ca₂le₂con₂ mi₂güig₃. Jaun₂ guë₄ nē₃ jmo₃ jma₃quén₅ con^{'2} ca₂tín₂ le₂jan₂ le₂jan₂ dsa₂ quian^{'54} riin^{'54}, jui₁lia^{'2} jmo₅ dsa₂ i₂jmo₅ 'í₁ já^{'2} cha^{'2}, jmo₂₃ jma₃quén₅ já^{'2} cha^{'2} quian^{'54} chein₄ lau₂. 33 Të₂le₃ gu₂ ne₁ quió^{'5}, chein^{'3} já^{'2} cha^{'2}; chein₄ lau₂ guë^{'2} të₂le₃ gu₂ jen₅. 34 Jaun₂ nē₃, juá^{'2} Rag^{'54} tsí^{'5} i₂tión₂ të₂le₃ gu₂ ne₁: “I₂no^{'4} 'nia^{'2} i₂ma₂rë₂gon^{'54} quián₅ Ne^{'3}; gue₄ 'nia^{'2} a₂ca₂tíng^{'2} ja₁gon₂ Diú₄, ja₁ma₂lë₅ co₂jñia^{'54} quián^{'2} 'nia^{'2} ca₂le₃ ca₂nio₃ mi₂güig₃. 35 Ia₁ ca₂ñi₃ jniá^{'2} 'ong^{'54}, 'nia^{'2} bá₄ i₂ca₂cuë^{'54} a₂ca₂guë^{'3}; ca₂ñi₃ a₂rë₂quein₂ dsi₃ i₁gui^{'4} jmi₂g₂, 'nia^{'2} bá₄ i₂ca₂cuë^{'54} jmi₂g₂ ca₂gui^{'3}; ca₂ñi₃ jniá^{'2} 'no₂₃ ja₁jan₁₂, 'nia^{'2} bá₄ i₂ca₂cuë^{'54} dsi₂néi₂ quiáng^{'2} ca₂jan^{'54}. 36 Ca₂ñi₃ jniá^{'2} 'in₂ tsín^{'5}, 'nia^{'2} bá₄ i₂ca₂cuë^{'54} tsín^{'5} ca₂quí^{'3}; ca₂tsán₂ dsong^{'54}, 'nia^{'2} bá₄ i₂ca₂jmo^{'54} 'í₁; ca₂l₁'ú₄ né^{'3} 'má₃, ca₂l₁jag^{'4} bá₄ 'nia^{'2}.” 37 Jaun₂ nē₃, ñag₃ dsa₂ dsen₃ 'éi₂: “Te₁gui^{'54}, çlíng^{'2} bá₄ jaun₂ ca₂né₄ jnia^{'54} 'ne₂ a₂ñi^{'2} i₁cuang^{'3} jaun₂ ca₂cuë^{'1} jnia^{'54} a₂ca₂qué^{'2}? çO₃ líng^{'2} jaun₂ ca₂né₄ jnia^{'54} 'ne₂ a₂ñi^{'2} rë₂quein^{'2} 'au^{'2}, jaun₂ ca₂cuë^{'1} jnia^{'54} jmi₂g₂ ca₂'én^{'2}? 38 çO₃ líng^{'2} jaun₂ ca₂né₄ jnia^{'54} 'ne₂ a₂ñi^{'2} 'núu^{'2} ja₁jan^{'4}, jaun₂ jnia^{'54} bá₄ ca₂cuë^{'1} dsi₂néi₂ ca₂jñia^{'54}, o₃ ca₂ñi^{'54} 'in₂ tsín^{'2}, jaun₂ jnia^{'54} bá₄ ca₂cuë^{'1}? 39 çO₃ líng^{'2} jaun₂ ca₂né₄ jnia^{'54} 'ne₂ a₂rong^{'2} dsong^{'54} o₃ lia^{'2} con^{'2} ca₂'ú^{'3} né^{'3} 'má₃, jaun₂ ca₂l₁jag^{'54} jnia^{'54}?” 40 Jaun₂ nē₃, ñag₃ Rag^{'54}: “A₂dsi₂jó^{'3} juá^{'5} jniá^{'2}, ca₂le₃jë₃ a₂dse₃ a₂'ua^{'1} 'au^{'2} 'nia^{'2} ca₂jmo^{'54} ja₁con₂ le₂jan₂ le₂jan₂ ríng^{'3} la₂ i₂jín₂ dsa₂ mi₂güig₃ 'uin₃, o₄quió₃ jniá^{'2} bá₄ a₂ca₂jmo^{'54} 'nia^{'2}.”

41 'Jaun₂ juá^{'2} táng₃ Rag^{'54} tsí^{'3} i₂tión₂ të₂le₃ gu₂ jen₅: “Jnia^{'3} 'nia^{'2} ja₁con₂ jniá^{'2}, 'nia^{'2} i₂tiong^{'54} 'éi^{'3} o₁nóg^{'5} dsi₂si₂ ja₁tsá₃ ton₅ jmi₂g₄ éi₃, ja₁lë₄ co₂jñia^{'54} quió^{'5} i₂së₃dsen₃ quian^{'54} ángeles quiáin₅. 42 Ia₁ ca₂ñi₃ jniá^{'2} i₁cón₅, 'nia^{'2} nē₃ tsá₃ 'e₂ ca₂cuë^{'54} a₂guë^{'54}; ca₂ñi₃ rë₂quein₂ dsi₃ i₁gui^{'4} jmi₂g₂, tsá₃ 'e₂ jmi₂g₂ ca₂cuë^{'54} 'nia^{'2}. 43 Ca₂ñi₃ jniá^{'2} 'no₂₃ ja₁jan₁₂, tsá₃ ja₁ca₂cuë^{'54} 'nia^{'2} jan^{'54}. Ca₂ñi₃ 'in₂ tsín^{'5}, tsá₃ 'e₂ tsín^{'5} ca₂cuë^{'54} 'nia^{'2}. Ca₂tsán₂ dsong^{'54}, jme₁ca₂'ú^{'3} né^{'3} 'má₃ nē₃, tsá₃ ca₂l₁jag^{'4} 'nia^{'2}.” 44 Jaun₂ nē₃, ñag₃ dsa₂ 'éi₂: “Te₁gui^{'54}, çlíng^{'2} bá₄ jaun₂ ca₂né₄ jnia^{'54} 'ne₂ a₂ñi^{'2} i₁cuang^{'3}, o₃ rë₂quein^{'2} 'au^{'2} o₃ ca₂ñi^{'54} 'núu^{'2} ja₁jan^{'4}, o₃ ca₂ñi^{'54} tsá₃ tsín^{'2} cha^{'2} qui^{'54}, o₃ jme₁ca₂rë₃dsong^{'54}, o₃ lia^{'2} con^{'2} ca₂'ú^{'3} né^{'3} 'má₃, tsá₃ ca₂jme^{'o₁} jnia^{'54}?” 45 Jaun₂ ñag₃ Rag^{'54}: “A₂dsi₂jó^{'3} juá^{'5} jniá^{'2}, ca₂le₃jë₃ a₂dse₃ a₂tsá₃ ca₂jmo^{'54} 'nia^{'2} ja₁con₂

le₂jan₂ le₂jan₂ ríng'₃ la₂ i₂jín₂ dsa₂ mi₂güí₃ 'uin₃, o₄quió₃ jniá₂ bá₄ tsá₃ 'e₂ ca₂jmo'₅₄ 'nia'₂.”
 46 Jaun₂ dsa₂ 'éi₂ dsi₃lén₂ ja₁dsi₃ŋag₅₄ uig₅ co₂tan₅₄, la₁ dsa₂ dsen₃ ně₃, dsi₃lein₅ ja₁le₃chain₂ co₂tan₅₄.

26

*Ca₂quin'₃ dsa₂ jág₁ a₂tsáin'₂ Jesús
 (Marcos 14:1-2; Lucas 22:1-2; Juan 11:45-53)*

1 Jme₁ca₂dsan₃ juá'₂ Jesús ca₂le₃jě₃ jág₁ ně₅, jaun₂ ca₂tsí'₃ chi'₂ dsi₂guia₃-tín₂:

2 —Ma₂ŋi'₅₄ 'nia'₂ jaun₂, a₂tín₃ jmig₄ ně₃ te₅₄ Jmig₄ Tě₂'in₅₄, ja₁jáng'₂ dsa₂ jín'₂ Jaun₅ dsa₂ mi₂güí₃ a₂tion₃ ne₄ cróg₄.

3 Jaun₂ ně₃, juig₅₄ jme₂dsa₂, quian'₅₄ tě₅juá'₅, dsa₂ can'₅₄ quián₅ dsa₂ judíos ně₃, ca₂ŋi'₂ i₁dsi₅ ne₄ta₁ quió'₅ i₂lín₅ jme₂dsa₂ dsen₅₄, i₂chen₂ Caifás. 4 Ja₁jaun₂ ca₂quin₃ jág₁ quió'₅ a₂jmo₃ tě₂le₃ quian'₅₄ caun₂ mai₅₄ ia₁jaun₂ cuin₃ jmig₄ tsáun'₂, jaun₂ ŋang'₃. 5 Jaun₂ tioin'₅₄ ca₂dsia₃ jág₁ ca₂juá'₂:

—La₁ tsá₃ 'nió'₅ jmó₁ jniog₄ tě₃ niog₅ jmig₄, jme₁né₄, ia₁ con'₂ tsá₃ ŋó₅ ně₁jua'₂ ca₂tó'₂ dsa₂ juig₂ mi'₅₄.

*Jan₂ 'io₅₄ ca₂tsín₂ Jesús no'₅₄ mi₂juig₂
 (Marcos 14:3-9; Juan 12:1-8)*

6 Lia₂ con'₂ 'en₅₄ guě₄ Jesús juig₂ Betania ja₁quió'₄ i₂tě₂ dsa₂ Si₂mu₅₄ 'mé'₅ 'iog₅, 7 jaun₂ ca₂dsió₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄. Jme₁ma₂guá₅ Jesús ne₄ mesa guě'₅, jaun₂ ca₂'ág₂ 'io₅₄ 'éi₂ no'₅₄ mi₂juig₂ mi₂dsi₄ Jesús. 8 Jme₁ca₂jág₃ chi'₂ dsi₂guia₃-tín₂ a₂jaun₂, tsá₃ dse₃ ca₂tín₂, jaun₂ ca₂tsí'₃ riin'₅₄ tioin'₅₄:

—Tsá₃ ne₄ 'e₂ lě₃ ně₂'éin₂ a₂ně₅. 9 Jua'₅₄ co₂ŋei'₅₄ bá₄ ně₂'nag₃ ia₁jaun₂ jme₁jme₂'oin₅₄ dsa₂ te₂ŋě₂.

10 Jme₁ca₂nág₂ Jesús jág₁ a₂dsia₂₃ tioin'₅₄, jaun₂ ca₂juá'₂:

—¿'E₂ lě₃ cuě'₂ 'nia'₂ o₂me'₅₄ dsi₅ 'io₅₄ la₂? A₂ně₂jmóg'₂ la₂ caun₂ a₂dse₃ bá₄. 11 Ca₂le₃jě₃ jmig₄ bá₄ i₂nio₄ dsa₂ te₂ŋě₂ jin'₄ 'nia'₂, la₁ jniá₂ ně₃ tsá₃ ma₃uě₂ 'en₅₄ jniá₂ quian'₅₄ 'nia'₂. 12 Jui₁lia'₂ no'₅₄ mi₂juig₂ a₂ně₂tsáng₂ ni₁ŋi₃, jua'₂ a₂ma₂ně₂jmóg'₂ co₂ŋia₅₄ jě₁ma₂tě₂ rě₁'ong₃ bá₄. 13 A₂dsi₂jó'₃ juig₂ jniá₂ 'nia'₂, ca₂le₂con₂ mi₂güí₃ ja₁'ě₂ dsa₂ jág₁ dse₃ quió₃, ján₃ bá₄ le₂jaun₂ dsiog'₂ dsí₅ dsa₂ 'iin₃ 'io₅₄ ně₅.

*Jmo₅ Judas caun₂ jág₁ a₂'ni₂₃ Jesús
 (Marcos 14:10-11; Lucas 22:3-6)*

14 Jaun₂ ně₃, jan₂ i₂lín₅ dsa₂ guia₃-tín₂, i₂chen₂ Judas Iscariote, ŋei₅₄ i₁dsia₂ jág₁ quian'₅₄ juig₅₄ jme₂dsa₂, 15 jaun₂ ca₂l₁jua'₄:

—¿Je₂liá'₂ cuě'₁ 'nia'₂ ně₁jua'₂ jin'₄ jniá₂ Jesús o₄gog'₂?

Jaun₂ ně₃, ca₂quí₃ juig₅₄ jme₂dsa₂ guióg₂-guiá₂ 'éi'₃ cu₄tiog₂. 16 Jaun₂ ně₃ tě₃ne₄ jui₅ ja₁ŋó₄ jaun₂, ca₂'náu'₃ Judas dsí₅ 'a₂ lia'₂ cuin₃ jmig₄ jín'₂ Jesús.

*Má₃ jě₁ca₂tó'₂ quió'₅ Te₁gui'₅₄
 (Marcos 14:12-25; Lucas 22:7-23; Juan 13:21-30; 1 Corintios 11:23—26)*

17 Jmig₄ le₂'uig₅₄ a₂niog₅ Jmig₄ Tě₂'in₅₄ a₂guě'₅ dsa₂ i₁ŋí'₄ a₂tsá₃ quian'₅₄ levadura, chi'₂ dsi₂guia₃-tín₂ ně₃ ca₂jme₃quián₃ ja₁con₂ Jesús ca₂ŋag₃:

—¿A₂já'₄ 'niog'₂ dsi₁jmó₁ jnia'₅₄ co₂ŋia₅₄ má₃ Jmig₄ Tě₂'in₅₄ quiáng'₂?

18 Jaun₂ ca₂juá'₂ Jesús:

—O₂nó'₅ 'nia'₂ jě₄ juig₂, ja₁quió'₄ jan₂ dsa₂, jaun₂ juig₅₄ 'nia'₂: “Le₂la₂ juá'₂ tě₃: Ma₂ja₂quián₃ hora quió₃, jaun₂ ja₁quiáng'₂ i₁guě'₃ Jmig₄ Tě₂'in₅₄ co₂lě₅ quian'₅₄ chi'₂ dsi₂guia₃-tín₂ quiáng₃.”

19 Jaun₂ ně₃ i₃lén₂ bá₄ chi'₂ dsi₂guia₃-tín₂, jaun₂ ca₂jmo₃ con'₂ lě₅ jág₁ ca₂juá'₂ Jesús. Jaun₂ ca₂tóin'₂ ca₂jmo₃ co₂jñia₅₄ a₂guě'₃ Jmíg₄ Tě₂'in₅₄ ja₁jaun₂.

20 Jme₁ca₂nei₂ jaun₂, jme₁ma₂guá₅ Jesús ne₄ mesa co₂lě₅ quiaín'₅₄ ta₁guia₃-tín₂ chi'₂ dsi₂guia₃-tín₂ quiaín₅. 21 Tě₃jě₄ tiáin'₄ guě'₅ jaun₂, ca₂juá'₂ Jesús:

—A₂dsi₂jó'₃ juá'₅ jniá₂, jan'₂ 'nia'₂ i₂'en₅₄ jě₄ la₂ bá₄ i₂jáng'₂ jniá₂.

22 Jaun₂ ně₃ ca₂tá'₂ 'lia'₂ dsí₅ 'ñio₅ lin₃ bá₄ tiáin'₅, jaun₂ ca₂jme₃lióg₃ ca₂ñi'₃ Jesús le₂jain₂ le₂jain₂ ca₂juá'₂:

—Te₁gui'₅₄, ¿On₁jua'₅₄ jniá₂ 'ág'₅?

23 Jaun₂ ca₂ñag₃ Jesús:

—I₂tiá₂ gu₂ co₂lě₅ 'ñió'₃ uing₅ quian'₅₄ jniá₂, i₂'éi₂ bá₄ i₂jáng'₂. 24 Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ juí₅ lia'₂ con'₂ lě₅ juá'₂ ne₄ Si₂; la₁ i₂'e₂ guě₄ juíg₂ dsa₂ i₂jáng'₂! Dse₃ quió'₅ jua'₅₄ co₂ñei'₅₄ bá₄ tsá₃ ca₂rě₃cháin₃.

25 Jaun₂ ně₃ Judas, dsa₂ i₂ma₂lě₂ dsí₅ jáng'₂, ca₂juá'₂:

—Tě₅, ¿On₁ jniá₂ bá₄ 'ág'₅ 'ne₂?

Jaun₂ ca₂ñag₃ Jesús:

—'Ñiag'₂ bá₄ ma₂ně₂jua'₅₄.

26 Tě₁lia'₂ tiáin'₅ guě'₅, ca₂jña'₃ Jesús i₁ñí'₄, ca₂cuě'₃ ti₁'mag'₄ Diú₄, jaun₂ guě₄ ca₂dsioin₃, ca₂cuě'₃ chi'₂ dsi₂guia₃-tín₂ quiaín₅, jaun₂ ca₂juá'₂:

—Qué'₂ 'nia'₂, ia₁ ñi₃ bá₄ jniá₂ i₁ñí'₄ la₂.

27 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsi₂guia₃-tín₂, jaun₂ ca₂juá'₂:

—'Én'₂ 'nia'₂ ca₂le₃jíng'₃ a₂la₂, 28 ia₁ jmi₃ bá₄ jniá₂ la₂, a₂lí₅₄ jág₁ 'mí₂ a₂tě₃ron₅₄,* a₂niog₅ dsi₃'o₅₄ o₄quió'₄ juín₅ dsa₂, ia₁jaun₂ 'én₂ dsáu₁. 29 Dsón'₂ juá'₅ jniá₂, tsá₃ ma₃líg'₂ jmíg₄ jua'₅₄ a₂gui'₅₄ guě₄ táng₃ vino ca₂lia'₂ ca₂tě₂ jmíg₄ i₁gui'₄ táng₃ caun₂ vino 'mí₂ co₂lě₅ quian'₅₄ 'nia'₂ ja₁gon₂ Ne'₃.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Marcos 14:26-31; Lucas 22:31-34; Juan 13:36-38)

30 Jme₁ca₂lě₃ 'ě₂₃ jme₂juin'₂ Diú₄, jaun₂ guě₄ i₃lén₂ juí₅ Má'₂ Olivos. 31 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂ o₄quió₃ jniá₂ a₂'uě₂ ně₃, 'ág'₁ 'nia'₂ caun₂-tín₃ 'au'₂; ia₁ rě₂ton₅ ne₄ Si₂, juá'₂: “Ñí'₄ jniá₂ dsa₂ i₂jñia₅ já'₂ cha'₂, jaun₂ já'₂ cha'₂ ně₃ dsi₃lén₂ tsi₁rě₂jain₅₄.”† 32 La₁ cang₂ jě₁ma₂ca₂jeng'₅₄ táng₃, nei₅₄ jniá₂ jñiág₅ juí₅ Galilea lia'₂ con'₂ guě₄ 'nia'₂.

33 Jaun₂ ně₃ ca₂ñag₃ Pe₄:

—O₁jñia'₅₄ la₂ ca₂'ág₂ caun₂-tín₃ dsí₅ ca₂le₃jín₃ ríng'₃, la₁ jniá₂, o₁líg'₂ jmíg₄ tsá₃ 'ag₅₄ caun₂-tín₃ dsi₃.

34 Jaun₂ ca₂juá'₂ Jesús:

—A₂dsi₂jó'₃ juá'₅ jniá₂, a₂'uě₂ ně₃, né'₃ a₂'o₃ tě₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.

35 Jaun₂ ca₂ñag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lě₅, o₁líg'₂ jmíg₄ jua'₅₄ a₂tsá₃ 'ín₄ jniá₂ 'ne₂.

Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

Ca₂chi₃lén'₂ Jesús Diú₄ caun₂ ja₁chei₂ Getsemaní

(Marcos 14:32-42; Lucas 22:39-46)

* 26:28 'Nio'₂ ja₁ton₅ Éxodo 24:8; Hebreos 10:29; 13:20. † 26:31 Zacarías 13:7.

36 Jaun₂ ca₂dsióg₃ Jesús jme₁ca₂dsióg₃ quiain'₅₄ chi'₂ dsi₂guia₃-tín₂ quiáin₅ caun₂ ja₁chei₂ Getsemaní, jaun₂ ca₂juá'₂:

—Ja₁lá₃ tián'₂ 'nia'₂ të₁lia'₂ nei₅₄ jó₄ i₁chi₁leng'₄ Diú₄.

37 Jaun₂ ca₂jñiai₃ Pe₄, quian'₅₄ le₃on₃ ja₁ñi'₅₄ Zebedeo, jaun₂ Jesús ně₃ ca₂tá'₂ quian₅ o₂i₁ dsi₅ 'ñio₅ lin₃. 38 Jaun₂ ca₂juá'₂ ca₂tsí'₃ i₂ún₂ i₂quian'₅₄:

—'Ñio₅ lin₃ quian₅₄ o₂i₁ dsi₅, ca₂lia'₂ jmá'₃ le₃jóng₂ të₂ně₃. Ja₁lá₃ tián'₂ 'nia'₂, jme₁jnio₂ 'nia'₂ ne'₅₄, jme₁quiong'₅₄ jniá'₂.

39 Ca₂juig₄ bá₄ ca₂ñó₃ guě₄ ne₄ jui₅. Ja₁jaun₂ ca₂lia'₂ ca₂i₃ín₃ chi₁'in₅ ne₅₄ ca₂tě₂ 'uě₃, ca₂mi₃ ca₂tsí'₃ Diú₄, ca₂juá'₂:

—Tia₅₄ quiáng₃, jua'₅₄ mei'₂ bá₄ lé₂ le₃lé₂, lio₄ jniá'₂ jmi₁uig₅ la₂. La₁ tsá₃ jui₁le₅₄ con'₂ 'nio₃ jniá'₂, jui₁le₅₄ bá₄ a₂'ñio₂ 'au'₂ 'ne₂.

40 Jaun₂ ně₃, ca₂nau₂ Jesús, jaun₂ ca₂ñái'₃ ja₁tián'₄ i₂ún₂ i₂quian'₅₄, la₁ ma₂le₁güín₃ bá₄ guě'₂ 'éi₂ tián'₅; jaun₂ ca₂tě'₃ Pe₄, ca₂juá'₂:

—¿Tsa₁ ma₃tian'₃ guě'₄ 'nia'₂ jua'₅₄ caun₂ hora bá₄ jme₁jnio'₂ guě'₄ 'nia'₂ ne'₅₄ quian'₅₄ jniá'₂?

41 Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂. Dsón'₂ bá₄ jaun₂ 'ñio₂ bá₄ dsi₅ jme₂dsi₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

42 A₂ca₂tě₂ tin₃ ráun₂ ñó₃ táng₃ i₁chi'₄ Diú₄ le₂la₂:

—Tia₅₄ quiáng₃, chi₂jua'₂ tsá₃ lé₂ jua'₅₄ a₂tsá₃ jme₁ñag₅₄ jniá'₂ uig₅ la₂, jui₁le₅₄ bá₄ a₂'ñio₂ 'au'₂ 'ne₂.

43 Jaun₂ ca₂guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tián'₅, ia₁ a₂ñí₄ lě₃ ma₂l₁güín₃. 44 Jaun₂ ñó₃ bá₄ táng₃ jě₁ca₂tě₂ 'ni₅ ráun₂, a₂chi₂i₁lein'₄ Diú₄; ján₃ bá₄ le₂jaun₂ ca₂juá'₂ tsí'₅ Diú₄. 45 Jaun₂ guáin'₃ ně₃ ja₁tián'₄ chi'₂ dsi₂guia₃-tín₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güíng'₃? Ní₂ 'nia'₂, ca₂tě₂ bá₄ hora ně₃. Ma₂rě₂jín'₅₄ bá₄ Jaun₅ dsa₂ mi₂güig₃ o₄gú₃ dsa₂ i₂le₁cán'₄ dso₄. 46 Nau₂ 'nia'₂ ně₃, ma₃; ia₁ ně₅ ma₂já₅ i₂jáng'₂.

Ma₂le₁te₂ dsa₂ Jesús

(Marcos 14:43-50; Lucas 22:47-53; Juan 18:2-11)

47 Tě₃jě₄ dsia₂₃ jág₁ jaun₂, jme₁ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lin₃ dsa₂ i₂ja₂lén₂ quiong'₅₄ qui₂le₁quian₅ ñi₁tág₂, i₂le₁quian₅ ni₁'ma₂ ně₃, i₂chen₄ quián₅ juig₅₄ jme₂dsa₂ quian'₅₄ dsi₂gui'₅₄ can'₅₄ quián₅ dsa₂ juig₂. 48 Jaun₂ Judas ně₃, ia₁ ma₂ca₂jmo₃ bá₄ jág₁ le₂jñiá'₅ 'e₂ léi₄ jmo₃ jě₁ma₂tě₂ rě₁jáng'₂, jme₁ma₂juá'₂:

—I₂chen'₄ jniá'₂ quió'₅, i₂'éi₂ bá₄ jma'₅₄ 'nia'₂.

49 Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—¡Siang'₃, të₅!

Jaun₂ ca₂chen'₃ rě₂jú'₅ Jesús.

50 Jaun₂ ca₂jéin'₃ Jesús jág₁ quió'₅, ca₂juá'₂:

—A₂mei₅₄, ¿'E₂ ta₁ ñi'₂?

Jaun₂ guě₄ ca₂jme₃quián₃ ca₂le₃jín₃ dsa₂ ca₂jñai'₃ Jesús, jaun₂ ca₂tág₃.

51 Tě₃jě₄ jaun₂, jan₂ dsa₂ i₂jme₁quian'₅₄ Jesús ca₂dsi₂ ñi₁tág₂, ca₂ti₃ caun₂ rě₂gua₄ dsa₂ i₂jme₂ti₃ quián₅ jme₂dsa₂ dsen₅₄. 52 Jaun₂ ca₂juá'₂ Jesús:

—Tiá₃ táng₃ ñi₁tág₂ quiáng'₂ ja₁jme₁'i₄. Ia₁ ca₂le₃jín₃ i₂quín'₂ quian'₅₄ ñi₁tág₂, ján₃ bá₄ quian'₅₄ ñi₁tág₂ dsiáin₃. 53 ¿'E₂ líng'₂? ¿A₁tsá₃ lé₂ le₃jme₁mi₁₂ ne₄ Ne'₃, a₂chein₃ ja₁cong₂ guia₃-tín₂ mei₅ ángeles quiáin₅? 54 La₁ jua'₅₄ mei'₂ guě₃ le₂jaun₂, ¿'A₂ bá₄ lia'₂ le₃ti₃ jág₁ a₂tio'₅₄ ne₄ Si₂ ja₁juá'₂ a₂dsi₃ñig₂ le₂la₂?

55 Jaun₂ juá'₂ Jesús tsí'₅ dsa₂:

—¿'E₂? ¿Ja₁nó'₅ 'nia'₂ le₁quian'₅₄ ñi₁tág₂, ni₁'ma₂, ja₂chong'₂ jniá'₂, ně₂jag₄ bá₄ líng₅ dsa₂ 'ang₂? Jua'₂ ca₂le₃jě₃ jmi₃g₄ bá₄ 'eng₅₄ jme₁tíng₂ dsa₂ jin'₄ 'nia'₂ i₁dsi₅ guá'₅ templo, tsá₃

ma₂chong'₂ guë'₂ 'nia'₂ ja₁jaun₂. ⁵⁶ La₁ ca₂le₃jě₃ a₂lě₂ la₂ rě₂ti₃ jág₁ quió'₅ dsa₂ i₂jme'₁ě₂ jág₁ quián₅ Diú₄ ma₂líg'₂.

Jaun₂ guë'₄ qui₂ca₂cuing₃ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsián'₃ Jesús ne₄ dsi₂tan₅₄ quián₅ guá'₅

(Marcos 14:53-65; Lucas 22:54-71; Juan 18:12-24)

⁵⁷ Jaun₂ dsa₂ i₂ca₂i₁chan'₅₄ Jesús ca₂i₁jo₅₄ ne₄ Caifás, i₂lín₅ jme₂dsa₂ dsen₅₄. Ja₁jaun₂ ma₂le₁ñi'₂ tē₅juá'₅ quian'₅₄ guë'₄ dsa₂ can'₅₄. ⁵⁸ Pe₄ ně₃ ca₂ñó₃ uing₂ tē₂quín₃ 'ein₂₃ Jesús ca₂tē₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂'₃ ca₂guá₂ quian'₅₄ 'lióg₂, ia₁ 'nio₃ tē₅ ne₅₄ 'a₂ lia'₂ jñia'₅₄ dsióg₄ quian'₅₄ Jesús.

⁵⁹ Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃, qui₂ca₂'náu'₃ jui₅ 'a₂ lia'₂ jme₃cáin'₂ Jesús dso₄ quian'₅₄ jág₁ tē₂jág₁ ia₁jaun₂ jñag'₃. ⁶⁰ La₁ tsá₃ dso'₂ guë'₂ 'a₂ lia'₂ jme₃cáu'₂, o₁jñia'₅₄ juin₅ i₂qui₂ca₂nau₂ jmo₂₃ jág₁ tē₂jág₁. Dsi₃lén₂ jme₁dsi₃lén₂ on₃ dsa₂, ⁶¹ jaun₂ ca₂juá'₂:

—I₂ně₅ ma₂ca₂juá'₂, “Qui'₅₄ jniá₂ jmig₄ lé₂ le₃'éng₄ guá'₅ templo quió'₅ Diú₄, quian'₅₄ 'ni₅ jmig₄ bá₄ lé₂ le₃jmóg'₄ táng₃.”

⁶² Jaun₂ ca₂nau₂ jme₂dsa₂ dsen₅₄, jaun₂ ca₂tsí'₃ Jesús:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ a₂jáng'₅ dsa₂ a₂rě₂cáng'₄?

⁶³ La₁ tei₄ bá₄ ca₂nau₂ Jesús. Jaun₂ ca₂ñag₃ táng₃ jme₂dsa₂ dsen₅₄, ca₂juá'₂:

—Dsi₅₄ jniá₂ 'éi'₃ a₂jua'₅₄ 'íng'₅ Diú₄ jén'₃ ne₄ jnia'₅₄, chi₂jua'₂ tē₃dsón'₂ líng'₅ Ja₁ñi'₅₄ Diú₄, I₂rě₂'ín₁ quián₅.

⁶⁴ Jaun₂ ca₂ñag₃ Jesús:

—Ján₅, jniá₂ bá₄ 'éi₂, jui₁lia'₂ i₁juá'₂ 'ne₂ ně₅. La₁ juá'₅ jniá₂ juig₂ 'nia'₂ ján₃, ca₂le₃jíng'₃, a₂já₅ jmig₄ a₂jag'₅₄ 'nia'₂ jing'₅₄ Jaun₅ dsa₂ mi₂güig₃ guá₃ tē₂le₃ gu₂ ne₁ Diú₄ i₂'uan'₂ guë'₄ lín₃, a₂jñi₁ó'₂ jē₄ jnei₅ guei'₅₄ dsi₂güig₂ ně₃.

⁶⁵ Jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ñiog₅, † jaun₂ ca₂juá'₂:

—I₁'E₂ guë'₄ 'ñio₅ 'lig'₅₄ juá'₂ i₂ně₅ 'iin₂₃ Diú₄ quian'₅₄ jág₁ ně₅ quió'₅! ¿'E₂ guë'₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₅ guë'₄ dsa₂ sián'₂ jág₁ dsau₅? Ma₂ně₂nei'₂ bá₄ 'nia'₂ guiong'₅₄ jág₁ 'lig'₅₄ a₂ma₂ně₂juá'₂ i₂ně₅ 'iin₂₃ Diú₄. ⁶⁶ ¿'A₂ lia'₂ lín'₂ 'nia'₂?

Jaun₂ ca₂juá'₂ ca₂le₃jín₃ tióin'₅₄:

—I₂ca₂tín₂ jón₂ bá₄ ně₅.

⁶⁷ Jaun₂ qui₂ca₂'ñéi₃ dsa₂ dsi₂ne₄ Jesús tióin'₅₄, tsá₃ caun₂ a₂qui₂ca₂jmóg'₂. I₂lín₅₄ guë'₂ qui₂ca₂quein₃ tióin'₅₄, ⁶⁸ jaun₂ ca₂juá'₂:

—'Ne₂ guë'₂ i₂juá'₂ líng'₅ I₂rě₂'ín₁ quián₅ Diú₄: ¡Dsi₄ jág₁ jua'₅₄ 'ein₂ ně₂quein₃ quiáng'₂!

Tsá₃ ca₂tion₃ Pe₄ a₂cuin₂₃ Jesús

(Marcos 14:66-72; Lucas 22:56-62; Juan 18:15-27)

⁶⁹ Tē₃jē₄ jaun₂ jme₁guá₄ Pe₄ i₁dsi₅; jaun₂ ca₂dsióg₃ jan₂ 'io₅₄ i₂jme₂ti₃ ta₁ ja₁jaun₂, jaun₂ ca₂tsí'₃ Pe₄:

—¿Ján₃ guë'₂ jme₁quian'₄ 'ne₂ Jesús i₂chan₂ Galilea?

⁷⁰ La₁ jñ₄ dsa₂ ja₁guá₄ jaun₂ tsá₃ ca₂tióin₃, jaun₂ ca₂juá'₂:

—Tsá₃ guion₅₄ 'e₂ a₂juá'₂ 'ne₂ ně₅.

⁷¹ Ca₂nau₂ Pe₄ ñó₅ tē₂le₃ o₄'né₄, jaun₂ ca₂jág₂ táng₃ jan₂ 'io₅₄ sián'₂. 'Éi₂ ně₃ ca₂tsí'₃ dsa₂ i₂tion'₅₄:

—I₂jme₁quian'₅₄ Jesús Nazareno bá₄ ně₅.

⁷² La₁ jme₁ca₂nág₂ Pe₄, tsá₃ ca₂tióin₃ táng₃ jě₃ 'iin₂₃ Diú₄, ca₂juá'₂:

—¡Tsá₃ dsa₂ 'éi₂ cuin₅ jniá₂!

† 26:65 Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuë₂₃ léi₄ jē₁ma₂'í₅ 'nei₂ dsí₅, o₃ jme₁'i₄ qui₂ dsí₅.

⁷³ Jme₁co₂lág₂ jaun₂, ca₂jme₃quián₃ dsa₂ i₂tion'₅₄ con₂ Pe₄, jaun₂ ca₂juá'₂:

—Tě₃dsón'₂ bá₄ líng'₅ jan₂ rín'₅₄ 'éi₂, ia₁ ně₅ rě₂jniág'₂ 'a₂ lia'₂ né'₂ jag'₅₄.

⁷⁴ Jaun₂ ně₃, Pe₄ ca₂'iin₃ Diú₄ ca₂mi₃ a₂dsi₃ñí₂ 'e₂ dsi₃ñí₂, ca₂juá'₂:

—¡Tsá₃ dsa₂ 'éi₂ cuín₅ jniá'₂!

Tě₃jě₄ jaun₂ ca₂'o₃ jan₂ tē₁guí₄ dsó₂. ⁷⁵ Jaun₂ guě₄ ně₃ ca₂dsáu'₃ dsí₅ Pe₄ a₂ca₂juá'₂ Jesús le₂jñiá₅: “Né'₃ a₂'o₃ tē₁guí₄ dsó₂; hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cui_g'₂ jniá₂.” Jaun₂ guě₄ o₂'ín₃ Pe₄ tē₂le₃ ca₁'né₄, ca₂tá'₂ qui'₂ dsí₅, ca₂'o₃ 'ñio₅ lín₃.

27

Ca₂jín'₂ dsa₂ Jesús o₄gú₃ Pilato

(Marcos 15:1; Lucas 23:1-2; Juan 18:28-32)

¹ Jme₁jnia₃ jaun₂, ca₂le₃jín₃ juig₅₄ jme₂dsa₂ quian'₅₄ gui'₅₄ can'₅₄ quián₅ dsa₂ juig₂ ca₂jmo₃ caun₂ jág₁ a₂jñi'₃ Jesús. ² Qui₂ca₂'néi₂ tioin'₅₄, jaun₂ ca₂tág₃ ca₂i₁jang'₂ ne₄ Dsi₄má'₂ Poncio Pilato.

Ca₂jon₃ Judas

(Hechos 1:18-19)

³ Jme₁ma₂tě₅ ne₄ Judas i₂ca₂'nag₃, a₂ma₂ně₂dsí₃ dsa₂ 'éi'₃ a₂jñi'₃ Jesús, jaun₂ ca₂tá'₂ qui'₂ dsí₅. Jaun₂ ca₂i₁con₂ táng₃ ta₁guiog₃-guiá'₂ 'éi'₃ cu₄tiog₂ jaun₂, ca₂jín'₃ juig₅₄ jme₂dsa₂ quian'₅₄ gui'₅₄ can'₅₄. ⁴ Jaun₂ ca₂juá'₂:

—Ma₂ně₂'no₃ jniá₂ dso₄, ia₁ ně₂jing'₅₄ ne₄ 'mú₃ jan₂ i₂tsá₃ dso₄ rín₂.

La₁ ca₂ñag₃ dsa₂ 'éi₂:

—Tsá₃ 'e₂ a₂jaun₂ dsan₂ dsi₅ jnia'₅₄. A₂ca₂tín'₂ 'ne₂ bá₄ jaun₂.

⁵ Con'₂ ca₂i₁guia'₂ jaun₂ bá₄ Judas cu₄ jaun₂ dsi₂'néi₂ ja₁jñi₅ guá'₅ templo, jaun₂ ca₂'o₃'iin₃ ca₂i₁tiá₄ ché₂ dsi₂lag₅₄ ca₂jñi'₃ 'ñiog₅. ⁶ Juig₅₄ jme₂dsa₂ ně₃ ca₂i₁cag'₂ cu₄ jaun₂, jaun₂ ca₂juá'₂:

—Tsá₃ 'i₄ 'éi'₃ dsi₃to'₅₄ cu₄ la₂ 'ñi₃o'₃ gu₅ ja₁tio'₅₄ cu₄ quió'₅ guá'₅, ia₁ cu₄ a₂ca₂quín₂ jmi₂ bá₄ la₂.

⁷ Jaun₂ ca₂jmo₃ caun₂ jág₁ a₂lá₃ caun₂ 'uě₃ quian'₅₄ cu₄ jaun₂ quió'₅ jan₂ dsa₂ i₂jme₁jmo₅ ni₁dsig₁ gua'₅₄, ja₁jmo₃ 'uě₃ ja₁'óin₂ jmá'₃ lia'₂ dsi₂nau₂. ⁸ 'Uig₅₄ jaun₂ chei₂ ja₁jaun₂ ca₂tě₂ jmig₄ ně₃, 'Uě₃ Jmi₂. ⁹ Le₂ně₅ ca₂rě₃ti₃ jág₁ a₂ca₂juá'₂ Jeremías, dsa₂ i₂jme₁'ě₂ jág₁ quián₅ Diú₄ ma₂líg'₂, jme₁ca₂juá'₂: “Ca₂can₃ dsa₂ guiog₂-guiá'₂ cu₄tiog₂, con'₂ 'ma'₅₄ a₂ca₂dsi₂ dsa₂ juig₂ Israel quió'₅ 'éi₂. ¹⁰ Quian'₅₄ cu₄ jaun₂ ca₂lá₃ caun₂ 'uě₃ quió'₅ dsa₂ i₂jmo₅ ni₁dsig₁, lia'₂ con'₂ lě₅ 'éi'₃ quió'₅ Te₁gui'₅₄.”*

Chén'₅ Jesús ne₄ Pilato

(Marcos 15:2-5; Lucas 23:3-5; Juan 18:33-38)

¹¹ Tě₁lia'₂ jaun₂, chén'₅ Jesús ne₄ dsi₄má'₂, jaun₂ 'éi₂ ně₃ ca₂ñag₃:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂ně₅ bá₄, jui₁lia'₂ juá'₂ 'ne₂ ně₅.

¹² Jaun₂ caun₂ qui₂ca₂'nag₃ bá₄ juig₅₄ jme₂dsa₂ quian'₅₄ gui'₅₄ can'₅₄ tioin'₅₄. La₁ tsá₃ ma₃'e₂ ca₂ñag₃ Jesús. ¹³ Jaun₂ ca₂juá'₂ Pilato:

—¿Tsa₁ nag'₂ ca₂le₃jě₃ 'e₂ i₁juá'₄ dsa₂ ně₅ 'ni₂₃ 'ne₂?

¹⁴ La₁ tsá₃ ma₃'e₂ ca₂ñag₃ Jesús 'i₁caun₂; jaun₂ ca₂i₃gó'₃ dsí₅ Pilato.

Ca₂'o₃ 'ág₃ 'éi'₃ a₂jón₂ Jesús

(Marcos 15:6-20; Lucas 23:13-25; Juan 18:38 — 19:16)

* 27:10 Jeremías 32:6-9; Zacarías 11:12-13.

15 Jmīg₄ jaun₂ jme₁chí₄ tag₄ quió₅ dsi₄má₂ a₂lióin₂ ca₂le₃jě₃ŋi₂, jan₂ dsa₂ i₂'en₅₄ né₃ 'má₃, jme₁tě₅ Jmīg₄ Tě₂'in₅₄, 'ein₂ ca₂'in₃ dsa₂ juig₂ i₂lión₂. 16 Jmīg₄ jaun₂ jme₁rě₂jní₅ jan₂ dsa₂ i₂chen₂ Barrabás, ca₂le₂con₂ bá₄ 'ei₅ jág₁ quió₅ a₂'lín₅₄. 17 Tě₃jě₄ le₁ŋi₂ dsa₂ jaun₂, ca₂ŋag₃ Pilato ca₂ŋi₃' dsa₂ juig₂:

—¿I₂'ein₂ 'niog₂' 'nia₂' lon₄ jniá₂ quián₂ 'nia₂'? ¿Barrabás, o₃ Jesús i₂tě₂ dsa₂ I₂rě₂'ín₁ quián₅ Diú₄'e₂?

18 Ia₁ ca₂rě₃lí₄ bá₄ Pilato 'ŋiog₅, a₂'iog₅₄ uig₅ dsí₅ bá₄ dsa₂ ca₂jín₂ Jesús ne₅₄.

19 Tě₁lia₂ guá₅ Pilato ne₄ta₁ quió₅, ja₁qui₂dsi₂₃ 'éi₃, tě₃jě₄ jaun₂ ca₂chen₃ 'io₅₄ quián₅ jág₁ ne₅₄ a₂ca₂juá₂: “Tsá₃ lě₁tián₅ 'ne₂ cuente quió₅ dsa₂ i₂tsá₃ 'e₂ rin₂ ně₅. Ia₁ 'ŋio₅ gau₂ qui₂chóg₂ i₃ŋíg₂ ca₂něi₃ o₄quió₄.”

20 La₁ juig₅₄ jme₂dsa₂ quian₅₄ gui₅₄ can₅₄ ně₃, ca₂toin₂ jág₁ dsa₂ juig₂ ia₁jaun₂ mi₃ dsa₂ tsí₃ Pilato a₂lióin₂ Barrabás bá₄, jaun₂ ŋi₃' bá₄ Jesús. 21 Jaun₂ ca₂juá₂ Pilato ca₂tsí₃ dsa₂:

—¿I₂'ein₂ dsa₂ on₃ la₂ 'niog₂' 'nia₂' lon₄ jniá₂?

Jaun₂ ca₂ŋag₃ dsa₂ juig₂ tioen₅₄:

—Barrabás bá₄.

22 Jaun₂ ca₂ŋag₃ táng₃ Pilato ca₂ŋi₃' dsa₂ juig₂:

—¿'E₂ guě₂ 'niog₂' 'nia₂' jmo₅₄ jniá₂ quian₅₄ Jesús i₂tě₂ dsa₂ I₂rě₂'ín₁ quián₅ Diú₄?

Jaun₂ ca₂ŋag₃ co₂dsia₅ ca₂le₃jín₃ tioen₅₄:

—¡Tióin₃ cróg₄!

23 Jaun₂ ca₂ŋag₃ táng₃ Pilato:

—¿'E₂ 'uig₅₄ ně₃? ¿'E₂ guě₂ dso₄ ma₂'náu₂?

La₁ tě₂le₃ i₂jui₂ guě₄ co₂mi₅₄ ca₂tóin₂, ca₂juá₂:

—¡Tióin₃ cróg₄!

24 La₁ ca₂rě₃lí₄ bá₄ Pilato tsá₃ 'e₂ ta₁ jmo₃ jág₁ quió₅, ia₁ tě₂le₃ 'ŋio₅ lin₃ guě₄ jui₁si co₂mi₅₄ ca₂tóin₂. Jaun₂ lě₃, ca₂chein₃ jan₂ dsa₂ i₁quian₅₄ jmīg₂, jaun₂ ca₂rang₃ gu₂ tě₃ne₄ dsa₂ juig₂, jaun₂ ca₂juá₂:

—Tsá₃ 'e₂ rě₃cán₄ jniá₂ jmi₄ dsa₂ ně₅; guion₅₄ bá₄ 'nia₂ rě₂cáng₄ ně₁'e₂ ca₂jmai₅₄.

25 Jaun₂ ca₂ŋag₃ ca₂le₃jín₃ dsa₂ juig₂ tioen₅₄:

—¡jmi₄ 'mú₃ quió₅ i₂ně₅, jui₁dsi₂ŋag₂ jnia₅₄ 'e₂ dsi₃ŋág₂, quian₅₄ tsi₁jon₂ quián₂ jnia₅₄ i₂ně₃ guě₄ tě₁ja₃lén₂!

26 Jaun₂ ca₂lión₂ bá₄ Pilato Barrabás i₂mi₅ dsa₂ lión₂; jaun₂ ca₂jmo₃ 'éi₃ a₂bán₂ dsa₂ Jesús, jaun₂ guě₄ ca₂jáng₂ o₄gú₃ dsa₂ juig₂ jaun₂ tion₃ cróg₄.

27 Jme₁co₂lág₂ jaun₂, 'lióg₂ quián₅ dsi₄má₂ ca₂ŋjai₃ Jesús jui₅ i₁dsi₅ ne₄ta₁ jaun₂. Jaun₂ ca₂ŋi₂ ca₂le₃jín₃ 'lióg₂ le₃lág₃ quió₅ Jesús. 28 Jaun₂ guě₄ ca₂dsi₂ tsin₅₄ Jesús, ca₂quei₃ caun₂ tsi₁'mi₂ guěin₂ 'ui₃, † 29 jaun₂ ca₂jmo₃ caun₂ corona quian₅₄ chi₁uín₃ taun₅, ca₂tó₂ mi₂dsi₄ Jesús. Ca₂chong₂ ca₂'nau₅₄ guě₂ ni₁'ma₂ ta₅ gu₂ ne₁. Jaun₂ guě₄ ca₂chi₃ŋné₃ ne₄ Jesús tioen₅₄, a₂lě₁qui₂co₂jmóg₂, ca₂juá₂:

—¡Sian₃ 'ne₂, Rag₅₄ quián₅ dsa₂ judíos!

30 Ján₃ qui₂ca₂'héi₂ dsa₂, qui₂ca₂bá₂ dsa₂ mi₂dsi₅₄ quian₅₄ ni₁'ma₂ a₂ca₂chong₃ jaun₂.

31 Jme₁ca₂lě₃ a₂lě₁co₂jmóg₂ jaun₂, ca₂dsei₂₃ táng₃ tsi₁'mi₂ 'ui₃ a₂jme₁ca₂quei₃, jaun₂ ca₂quei₃ táng₃ ni₁tsin₅₄ a₂jme₁qui₂. Jaun₂ guě₄ ca₂jio₃ ca₂tě₂ ja₁tě₃toin₅₄ cróg₄.

Ca₂tion₃ dsa₂ cróg₄ Jesús

(Marcos 15:21-32; Lucas 23:26-43; Juan 19:17-27)

32 A₂ca₂'uín₂ jaun₂, ca₂jein₂ jan₂ dsa₂ i₂chan₂ Cirene, i₂chen₂ Si₂mu₅₄. Jaun₂ ca₂chi₃quián₂ jmīg₄ 'éi₂ a₂cán₂ cróg₄.

† 27:28 Guěin₂ 'ui₃ jme₁jniá₂ tsin₅₄ rag₅₄ jme₁qui₅ jmīg₄ jaun₂.

33 Jaun₂ ca₂dsi₃lén₂ jme₁dsi₃lén₂ caun₂ ja₁chei₂ Gólgota, co₂'nió'₄ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. 34 Ja₁jaun₂ ca₂jén'₃ dsa₂ ne₄ Jesús vino a₂rě₃cón'₅ quian'₅₄ dsí'₁ já'₂;† la₁ dsi₂jui₅ jme₁ca₂tí₂ Jesús 'o₅₄, tsá₃ ma₃ca₂'in'₃.

35 Jme₁ca₂lě₃ tion₂₃ cróg₄, 'lióg₂ ně₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂. § 36 Ja₁jaun₂ ca₂tián'₂ jmo₂₃ 'í₁. 37 Dsi₄ cróg₄ ca₂tióng₃ dsa₂ letra ja₁juá'₂ 'e₂ dso₄ a₂bóin'₂ Jesús, a₂juá'₂ le₂la₂: “I₂LA₂ B_Á JESÚS, I₂LĪN₅ RAG₅₄ QUIÁN₅ DSA₂ JUDÍOS”.

38 Ján₃ bá₄ ca₂tioin₃ gué₄ on₃ dsa₂ 'ang₂ co₂lě₅ quiong'₅₄, jan₂ tē₂le₃ gu₂ ne₁, jan₂ guē'₂ tē₂le₃ gu₂ jen₅. 39 Jaun₂ ca₂le₃jín₃ dsa₂ i₂qui₂ca₂ŋí₃ jui₅ jaun₂ qui₂ca₂jnáu'₂ jág₁ uig₅, qui₂bí₂ dsi₅₄, 40 ca₂juá'₂:

—'Ne₂ guē'₂ i₂juá'₂ a₂'éng'₄ guá'₅, con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄, ně₃ ně₃, lion₄ 'ŋiag'₂. Sión₅ ja₁tong'₂ ně₅, chi₂jua'₂ dsón'₂ 'ne₂ líng'₅ Ja₁ŋi'₅₄ Diú₄.

41 Ján₃ bá₄ le₂jaun₂ a₂lě₁qui₂co₂jmóg'₂ juig₅₄ jme₂dsa₂ quian'₅₄ tē₅juá'₅, gui'₅₄ can'₅₄ ně₃, dsia₂₃ jág₁ qui₂tsí'₅ riin'₅₄, juá'₂:

42 —Ca₂lióin₂ bá₄ i₂sián'₂, la₁ 'ŋiog₅ bá₄ tsá₃ lé₂ le₃lióin₂. Chi₂jua'₂ i₂ně₅ lín₅ Rag₅₄ quián₅ dsa₂ juig₂ Israel, jui₁sióin₄ cróg₄ ia₁jaun₂ bá₄ le₃'éin₂ jniog₄ le₃quió'₅. 43 I₂ně₅ guē'₂ juá'₂ 'ei₅ caun₂ dsí₅ ne₄ Diú₄; ně₃ ně₃ 'éi₂ jui₁lio₅₄ chi₂jua'₂ tē₃dsón'₂ bá₄ 'nioi₃ i₂ně₅; ia₁ 'ŋiog₅ guē'₂ ma₂juá'₂ lín₅ Ja₁ŋi'₅₄ Diú₄.

44 Le₂jio₅ dsa₂ 'ang₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Marcos 15:33-41; Lucas 23:44-49; Juan 19:28-30)

45 Jme₁ca₂tě₂ dsi₂ŋí'₃, * ca₂'ág₂ nei₂ le₂tan₅₄ le₂con₂ 'uē₃ jaun₂ ca₂lia'₂ ca₂tě₂ hora ŋí₁ 'ni₅† tē₂le₃ ca₂'láu₂. 46 Hora jaun₂, ca₂'ŋia₂ gué₄ Jesús, jág₁ ca₂juá'₂ tiá₂:

—Elí, Elí, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lě₃ ma₂ně₂téi'₃ jniá₂?‡

47 I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—Nei₂ 'nia'₂. Elías, i₂jme₁'ě₂ jág₁ quián₅ Diú₄ ma₂líg'₂, tē'₂.

48 Jaun₂ dsi₂jui₅ le₂jaun₂ ŋó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guoin₃ vino dsi'₃, jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'in'₂. 49 La₁ ca₂juá'₂ riin'₅₄:

—Tsá₃ lein'₅₄; o₁ne₄ chi₂jua'₂ jiá₃ Elías ja₃lio₅₄ quió'₅.

50 Con'₂ bá₄ ca₂'ŋióg₂ gué₄ Jesús tiá₂ lín₃, jaun₂ gué₄ ca₂jáng'₃ jme₂dsí₂ quió'₅. 51 Hora jaun₂ dé₄ dsón'₂ co₂dsia₅ ca₂chen₃ ca₂tě₂ guel'₅₄ ca₂tě₂ 'uē₃ ca₂lě₃ tin₃ tsín'₅ tsí'₁'mi'₂ pa₁ a₂jme₁'ei₅ dsi₂néi₂ guá'₅ templo. 'Uē₃ guē'₂ ně₃ ca₂i₁bi₅₄, ni₁'lau₂ a₂te₁'i₁ ja₁jaun₂ qui₂ca₂dsón₂; 52 tau₂ 'ŋio₅ ně₃ qui₂ca₂niá₃ ca₂lě₃; ján₃ bá₄ qui₂ca₂jen'₅₄ juin₅ 'lag₄ ŋŋió₅ quián₅ Diú₄ i₂ma₂dsan₃ le₂ŋŋiá₅. 53 Qui₂ca₂'uin₂ tau₂ 'ŋio₅; ca₂i₃toin'₅₄ Jerusalén ciudad ŋŋió₅ jme₁ca₂jen'₅₄ Jesús, ton'₂ ca₂jme₃jniái₂₃ ně₃ ne₄ juin₅ dsa₂.

54 Jaun₂ juig₅₄ 'lióg₂ quian'₅₄ gué₄ dsa₂ i₂jme₁quian'₅₄ jmo₂₃ 'í₁ Jesús, jme₁ma₂tě₅ ne₅₄ dsi₂bi₅₄ 'uē₃ ma₂lě₂ ca₂le₃jě₃ gué₄ 'e₂ a₂ca₂lě₃ jaun₂, jaun₂ gué₄ ca₂rě₃gó'₅ 'ŋio₅ lín₃; jaun₂ gué₄ ca₂juá'₂:

—Tē₃dsón'₂ bá₄ jme₁lín₄ i₂ně₅ Ja₁ŋi'₅₄ Diú₄.

55 Jme₁tion'₅₄ juin₅ 'io₅₄ ja₁jaun₂ jág₅, tióin₂ uing₂. 'Éi₂ ma₂ja₂lén₂ jme₂ti₃ ne₄ Jesús le₂tan₅₄ 'uē₃ Galilea. 56 Jín₄ 'io₅₄ 'éi₂ jme₁en₅₄ María i₂chan₂ Magdala, quian'₅₄ María chog₅₄ Jacobo quian'₅₄ Sé₄; quian'₅₄ chog₅₄ chi'₂ quián₅ Zebedeo.

‡ 27:34 co₂'nió'₄ caun₂ mí₅ a₂ŋŋiá'₃ uig₅ quió'₅ dsa₂. § 27:35 A₂lín₅₄ chog₅₄ si₂ a₂ca₂lě₃ gué₄ cang₂juá'₂ le₂la₂ ján₃: “Le₂ně₅ ca₂lě₃ ca₂rě₃ti₃ jág₁ a₂ca₂juá'₂ dsa₂ i₂'ě₂ jág₁ quián₅ Diú₄ ma₂líg'₂, ja₁juá'₂: ‘Ca₂dsión'₂ dsa₂ ni₁tsín'₅; ca₂co₃ dsa₂ o₁ne₄ 'ein₂ lí'₂ 'mi'₂ quió₃.’” Salmo 22:18. * 27:45 lit. “hora ŋjéi₂.” † 27:45 lit. “hora ŋi₃.” ‡ 27:46 Salmo 22:1.

*Ca'on₃ Jesús**(Marcos 15:42-47; Lucas 23:50-56; Juan 19:38-42)*

⁵⁷ Jme₁ca₂tó'₂ nei₂ jmig₄ jaun₂, guan₃ jan₂ dsa₂ cha₂ cu₄ i₂chen₂ José, i₂chan₂ juig₂ Arimatea, ia₁ ján₃ bá₄ ca₂rě₃'éin₂ le₃quió'₅ Jesús. ⁵⁸ 'Éi₂ ně₃, ŋei₅₄ i₂jin₁₂ Pilato, ca₂i₁mi'₄ 'lag₄ Jesús. Jaun₂ ca₂jmo₃ Pilato 'éi'₃ a₂jáng'₂ dsa₂. ⁵⁹ Jaun₂ ně₃ ca₂tág₃ Sě₄, ca₂lio₃ rě₂ quian'₅₄ caun₂ tsi'₁mi'₂ le₁jě₃. ⁶⁰ Jaun₂ ca₂i₁tio'₂ 'ŋió'₃ caun₂ tau₂ 'ŋio₅ 'mí₂ quió'₅ 'ŋiog₅, a₂jme₁ma₂guéi₃ dso'₂ ni₁'lau₂. Jaun₂ ca₂ŋi₁ó'₃ ca₂míg₂ ni₁cang₁ li'₂ pa₁, ca₂jlě₂ 'o₄ tau₂ 'ŋio₅, jaun₂ guě₄ ca₂ŋái'₃. ⁶¹ La₁ María i₂chan₂ Magdala quian'₅₄ María jan₂ 'éi₂, jaun₂ bá₄ jme₁tián'₄ tě₂le₃ ja₁jniá₂ o₄'né₄ tau₂ 'ŋio₅.

Jmo₅ 'lióg₂ 'í₁ tau₂ 'ŋio₅

⁶² Jme₁jnia₃ táng₃ jaun₂, co₂'nió'₄ jme₁ca₂dsan₃ tion'₅₄ dsa₂ jmo₂₃ co₂jnia₅₄ a₂'nió'₅ quió'₅ jmig₄, jaun₂ ca₂i₁len₅₄ juig₅₄ jme₂dsa₂ quian'₅₄ dsa₂ fariseos ně₃ ca₂ŋi'₂ ne₄ Pilato, ⁶³ ca₂i₁jua'₄:

—Gui'₅₄, dsáu'₅ dsi₅ jnia'₅₄, a₂ca₂juá'₂ tě₂jág₁ 'éi₂ lia'₂ con'₂ jme₁chain₂ guě₄, a₂jein'₅₄ táng₃ a₂'ni₅ jmig₄. ⁶⁴ 'Uig₅₄ jaun₂, chen₅ 'lióg₂ ju₁dsi₂jmó₂ 'í₁ tau₂ 'ŋio₅ ca₂lia'₂ ca₂tě₂ jmig₄ 'ni₅, ia₁ con'₂ tsá₃ ŋó₅ ně₃jua'₂ ja₂lén₂ dsa₂ i₂jme₁quian'₅₄ tě₂, jaun₂ táun₂ jág₁ cang₂, lé₂ le₃juá'₂: “Ma₂ca₂jein'₅₄ bá₄ táng₃.” Ia₁ ně₃jua'₂ ca₂lě₃ le₂jaun₂, ja₂lin₃ guě₄ juě'₂ lé₂ jág₁ tě₂jág₁ jě₁ca₂tó'₂ ně₅, con'₂ guě₄ jág₁ tě₂jág₁ le₂'uig₅₄.

⁶⁵ Jaun₂ ca₂juá'₂ Pilato:

—Ně₅ tión₂ co₂nió'₃ i₂ně₅. O₂nó'₅ 'nia'₂ quian'₅₄, o₂jmo₄ 'nia'₂ 'í₁ 'a₂ con'₂ jnia'₅₄ tian'₃ 'nia'₂ jmó'₂.

⁶⁶ Jaun₂ ca₂i₁lén₂ jaun₂ ně₃, i₁jmo₅₄ 'í₁ dse₃ lin₃ tau₂ 'ŋio₅, ca₂tióng₃ caun₂ sello dso'₂ ni₁cang₁ a₂chi₁jni₅, jaun₂ ca₂chein'₃ co₂nió'₃ 'lióg₂ i₂jmo₃ 'í₁.

28*Jmig₄ a₂ca₂jen'₅₄ Jesús**(Marcos 16:1-8; Lucas 24:1-12; Juan 20:1-10)*

¹ Ca₂ŋí₂ bá₄ jmig₄ sa₅₄. Jaun₂ ně₃, tě₂le₃ ca₂jnia₃ jmig₄ le₂'uig₅₄ semana, ca₂ŋe₄ María i₂chan₂ Magdala quian'₅₄ María jan₂; ca₂i₁lein₅₄ i₁jag₅₄ tau₂ 'ŋio₅ quió'₅ Jesús. ² Con'₂ tsá₃ rě₂jáin₁ dsi₂jui₅ le₂jaun₂ ca₂i₁bi₅₄ 'uě₃ tiá₂ lin₃ ia₁ a₂ca₂sión₃ guei'₅₄ i₂juig₃ jan₂ ángel quián₅ Te₁gui'₅₄. Ca₂tě₂tsi_{in}'₅₄ o₄'né₄ tau₂ 'ŋio₅, ca₂mói₂ ni₁cang₁ a₂jme₁chi₁jni₅, jaun₂ ca₂guá₂ ne₄ jaun₂. ³ Ca₂lia'₂ tág₅ 'ŋio₅ lin₃ jniá₂ ju₁lia'₂ tág₅ si₁ŋí'₃. Tsin'₅₄ a₂qui'₂ guě'₂ tiog₂ jau₂ lin₃.

⁴ Jme₁ca₂jág₂ 'lióg₂ i₂tion'₅₄ jmo₅ 'í₁, ca₂rě₃gó'₅ 'ŋio₅ lin₃ ca₂jlein₃ ně₂jag₄ bá₄ tsá₃ dsi₅ chan₂ ca₂jén'₃. ⁵ Jaun₂ ca₂juá'₂ ángel ca₂tsí'₃ 'io₅₄:

—Tsá₃ jmo₂ 'nia'₂ gang'₃. Ia₁ guion₄ jniá₂ a₂'na'₂ Jesús i₂ca₂tion₃ dsa₂ cróg₄ bá₄ 'nia'₂ i₂niog'₅₄. ⁶ Tsá₃ 'éi₂ ma₃chan₂ ja₁láš; ma₂ca₂jein'₅₄ bá₄ táng₃ ju₁lia'₂ lě₅ ca₂juá'₂ 'ŋiog₅. La₂ i₂jag₄ de'₂ 'nia'₂ ja₁jme₁rě₂quian₂₃. ⁷ O₂nó'₅ 'nia'₂ i₂ŋáu'₂ o₂chei'₅₄ chi'₂ dsi₂guia₃-tín₂ quián₅ a₂ma₂ca₂jein'₅₄ táng₃ ne₄ 'mú₃; ma₂'ein₅₄ ju₁ŋó₅ jniá₂ lia'₂ con'₂ guě₄ 'nia'₂ ju₁ Galilea. Ja₁jaun₂ o₁jjin'₄ 'nia'₂. Jág₁ ně₅ ma₂ně₂juig₂ 'nia'₂.

⁸ Jaun₂ ně₃ ca₂'uin₂ 'io₅₄ i₂ŋáu'₂, tě₃ ma₂gó'₅, ton'₂ jén'₅ rě'₂ 'io'₂ ján₃. Jaun₂ ca₂i₁lein₃ co₂chi'₅₄ i₁con₂ jág₁ ne₄ dsa₂ guia₃-tín₂. ⁹ Tě₃jě₄ i₂lein₃ jaun₂, con'₂ tsá₃ jáin₅ ca₂jme₃jnia₅ Jesús ne₅₄, ca₂juá'₂:

—iSiang'₃!

Jaun₂ ně₃ ca₂jme₃quián₃ con₂ Jesús, ca₂chi₃jné₃ ca₂jmo₃ i₁'áin₃ ca₂tě₂ 'uě₃, ca₂quí'₃ cu₅ tag₄ Jesús. ¹⁰ Jesús ně₃ ca₂juá'₂:

—Tsá₃ lě₁jmo₂ 'nia'₂ gang'₃. O₂nó'₅ 'nia'₂ o₂con₄ jág₁ ne₄ ríng'₃ o₂chei'₅₄ 'nia'₂ ju₁dsi₂lein₅ ju₁ Galilea, jaun₂ ja₁jaun₂ jág₂ jniá₂.

Jág₁ a₂ca₂dsia₃ 'lióg₂

¹¹ Të₁lia'₂ i₃len₃ 'io₅₄ 'éi₂ i₂con₃ jág₁, i₂lin₅₄ 'lióg₂ i₂jme₁jmo₅ 'í₁ i₃lein₃ jë₄ juig₂ i₁con₂ jág₁ ne₄ juig₅₄ jme₂dsa₂ ca₂i₁juá'₄ ca₂le₃jě₃ 'a₂ lia'₂ niog₅ ca₂lě₃. ¹² Juig₅₄ jme₂dsa₂ ně₃ ca₂ŋi'₂ quian'₅₄ gui'₅₄ can'₅₄ ca₂jmo₃ jág₁, jaun₂ ca₂cuě'₃ 'lióng₂ cu₄ 'lióg₂ 'éi₂, ¹³ ca₂juá'₂:

—Le₂la₂ dsiá'₁ 'nia'₂ juig'₅₄ dsa₂: tē₁lia'₂ jme₁rē₂güin'₃ 'nia'₂ a₂'uē₂ ca₂dsi₃lén₂ dsa₂ i₂jme₁quian'₅₄, jaun₂ ca₂tág₃ 'lag₄. ¹⁴ Nē₁juá'₂ ca₂rē₃ŋi₅ dsi₄má'₂ jág₁ ně₅, la₂ bá₄ ne₄ jnia'₅₄ 'a₂ lia'₂ jme₁'uan₅₄ dsí₅ ia₁jaun₂ tsá₃ cán'₁ 'nia'₂ o₂i₁ dsí₅. ¹⁵ Jaun₂ ca₂gue₃ bá₄ 'lióg₂ cu₄, jaun₂ le₂jaun₂ bá₄ ca₂jmo₃ con'₂ lě₅ jág₁ ca₂to'₂ dsa₂ 'éi₂. Jaun₂ le₂ně₅ bá₄ jág₁ 'ei₅ ca₂le₂con₂ le₁ŋi₅ dsa₂ judíos ca₂tē₂ jmig₄ ně₃.

Ca₂chen₃ Jesús chi'₂ dsi₂guia₃-tín₂ a₂dsi₃'ě₃ jág₁

(Marcos 16:14-18; Lucas 24:36-49; Juan 20:19-23; Hechos 1:6-8)

¹⁶ Jaun₂ ně₃ i₃len₃ bá₄ ta₁guia₃-ján₃ chi'₂ dsi₂guia₃-tín₂ ju₅ Galilea, ca₂i₃lén₂ ja₁lě₄ caun₂ má'₂, lia'₂ con'₂ lě₅ ma₂ca₂juá'₂ Jesús le₂ŋiá₅. ¹⁷ Jaun₂ dsi₂ju₅ jme₁ca₂jín₂ Jesús, ca₂chi₃jně₃ ca₂jmo₃ i₁'áin₃, la₁ i₂lin₅₄ ně₃ tsá₃ caun₂ jme₁ma₂le₁'ág₄ dsí₅. ¹⁸ Jaun₂ ca₂jme₃quián₂ Jesús ja₁tióin₂, jaun₂ ca₂juá'₂:

—Ca₂le₃jě₃ bí₂ 'éi'₃ lia'₂ guei'₅₄ i₂juig₃ lia'₂ ne₄ gua'₅₄ 'uē₃ ně₃ ma₂ca₂ŋig₂. ¹⁹ Jaun₂ lě₃, o₂nó'₅ 'nia'₂ ně₃ ca₂le₂con₂ mi₂güig₃, o₂jme₁tín₅ 'nia'₂ dsa₂ a₂lén₂ dsa₂ quiáng₃, o₂qui₂o₂chon₄ 'nia'₂ dsa₂jmig₂, lia'₂ con'₂ lě₅ 'éi'₃ quió'₅ Ne'₃, quian'₅₄ lia'₂ con'₂ lě₅ 'éi'₃ quió'₅ Ja₁ŋi'₅₄, * quian'₅₄ lia'₂ con'₂ lě₅ 'éi'₃ quió'₅ Jme₂dsí₂ Jŋi₅, ²⁰ o₂jme₁tín₅ 'nia'₂ a₂nag₃ gau₂ ca₂le₃jě₃ 'éi'₃ a₂ma₂cuě₃ jniá₂ 'nia'₂. Jaun₂ ŋi'₅₄ 'nia'₂ ně₃, la₂ bá₄ 'eng₅₄ quian'₅₄ 'nia'₂ ca₂le₃jě₃ jmig₄, ca₂lia'₂ ca₂ŋia₅ jmig₄ jë₁ca₂tó'₂.

Co₂ně₅.

* 28:19 'Nio'₂ ja₁ton₅ Romanos 6:3; 1 Corintios 1:13; Gálatas 3:27.

Já_g1 Dse₃ quió'₅ Diú₄ a₂ca₂tó'₂ San Marcos ne₄ Si₂

*'Ě₂ Juan₅₄ já_g1 quió'₅ Diú₄ caun₂ 'uë₃ co₂'ηiog₅
(Mateo 3:1-12; Lucas 3:1-9, 15–17; Juan 1:19-28)*

¹ Le₂la₂ bá₄ ca₂rë₃lióg₃ já_g1 dse₃ quió'₅ Jesucristo, Ja₁ηi'₅₄ Diú₄. *

² Jui₁lia'₂ lë₅ tio'₅₄ ne₄ si₂ quió'₅ dsa₂ i₂jme₁'ë₂ já_g1 quián₂ Diú₄ ma₂líg'₂, ja₁juá'₂ le₂la₂:
Tsing₅₄ jan₂ dsa₂ quiáng₃
ne₄ jui₅ quiáng'₂, jón₃,

a₂dsi₃can₅ já_g1 dse₃ jin₄ dsa₂ mi₂güig₃,
jaun₂ jmo₃ co₂ηia₅₄ jui₅ quiáng'₂. †

³ Jaun₂ né'₂ 'ë₂ dsa₂ 'éi₂ já_g1 co₂mi'₅₄
caun₂ 'uë₃ quein₂ co₂'ηiog₅, jaun₂ i₂'éi₂ juá'₂:

“Jmo₄ 'nia'₂ co₂ηia₅₄
jui₅ quió'₅ Te₁gui'₅₄ i₂jiá₃.

Nia₄ 'nia'₂ caun₂ jui₅ co₂dsau₅.” ‡

⁴ Jaun₂ le₂la₂ ca₂rë₃ti₃ já_g1 në₅: Ca₂guan₃ Juan₅₄ caun₂ ja₁lë₄ 'uë₃ co₂'ηiog₅ ca₂choin₃
jmig₂ dsa₂, qui₂ca₂'ë₂ já_g1 a₂tsón₃ dsa₂ jmig₂, jë₁ma₂ca₂dsi₃quén'₅ dsí₅ ia₁jaun₂ le₃'én₂ dsáu₁.

⁵ Jaun₂ ca₂le₃jín₃ dsa₂ chan₂ juig₂ Judea quian'₅₄ dsa₂ i₂chan₂ Jerusalén në₃, ca₂i₁lein₅₄
ja₁jme₁'en₅₄ Juan₅₄. Qui₂ca₂jmo₃ dsa₂ qui₂ηí₃ quió'₅ ca₂le₃ë₃ dsáu₁. Jaun₂ guë₄ ca₂cho₃
Juan₅₄ jmig₂ § Cuá₃ Jordán.

⁶ Ni₁tsin'₅₄ Juan₅₄ 'éi₂ jme₁lë₄ quian'₅₄ ni₁ηí₁ já'₂ camello. A₂jme₁jén'₅ tú'₅ guë'₂ në₃, lo₄
já'₂. Má₃ a₂jme₁guë'₅ guë'₂, jmá'₃ i₁ni'₂ tia₄ quian'₅₄ jmí₁tá'₄ cha₂ja₁nau₂. ⁷ Caun₂ ca₂ηí₃ bá₄
'ë₂ já_g1 dse₃, juá'₂:

—I₂jiá₃ chi₁co'₅₄ quió₃, i₂'éi₂ bá₄ i₂'uan'₂ i₂tin₂ guë₄ lia'₂ con'₂ guë₄ jniá₂, ca₂lia'₂ ηia'₅₄ lau₂
ton₅ tag₅₄ tsá₃ ca₂tíng₂ tsi'₅₄. ⁸ Jniá₂ në₂tiáng₃ 'nia'₂ jmig₂; la₁ 'éi₂ guë'₂ në₃ tióg₂ Jme₂dsí₂ Jnió₅.

*Ca₂chon₃ Juan₅₄ jmig₂ Jesús
(Mateo 3:13-17; Lucas 3:21-22)*

⁹ Jmig₄ jaun₂ o₂'ín₃ Jesús juig₂ Nazaret, ja₁tén₄ Galilea. Nó₃ ja₁'en₅₄ Juan₅₄. Ja₁jaun₂
ca₂cho₃ Juan₅₄ jmig₂ ca₂choin₃ Jesús* Cuá₃ Jordán. ¹⁰ Jaun₂ dsí₂jui₅ jme₁ca₂'ηio₂ Jesús ne₄
jmig₂, ca₂jág₃ ca₂niá₃ dsí₄ mi₂güig₃. Jaun₂ ca₂sión₃ Jme₂dsí₂ quián₅ Diú₄ i₂lín₅ lia'₂ lín₅ jan₂
i₁ju₂, ne₄ quió'₅. ¹¹ Jaun₂ ca₂né'₂ já_g1 a₂já₅ guei'₅₄ i₂juig₃ a₂juá'₂:

—'Ne₂ bá₄ líng'₅ jón₃ quiáng₃, i₂ηí₄ lë₃ 'nióg₃ guë₄ lín₃; 'E₂ bá₄ 'ηio₂ dsí₃ quian'₅₄ 'ne₂.

*Ca₂caun₃ i₂së₃dsen₃ táu₂ quió'₅ Jesús
(Mateo 4:1-11; Lucas 4:1-13)*

¹² Dsi₂jui₅ jaun₂ ca₂jio₃ Jme₂dsí₂ quián₅ Diú₄ caun₂ jui₅ 'uë₃ co₂'ηiog₅. ¹³ Jaun₂ ja₁jaun₂
ca₂'í₃ të₂láu₃ jmig₄ ia₁jaun₂ cáun₂ táu₂ i₂së₃dsen₃. Ja₁jaun₂ jme₁tion'₅₄ já'₂ tsau₂ dsí₅. La₁
ca₂o₃lén₂ ángeles ca₂jme₃'o₅₄.

*Ca₂jme₃lióg₃ Jesús jme₂tiin₂₃ dsa₂ já_g1 dse₃
(Mateo 4:12-17; Lucas 4:14-15)*

¹⁴ Jme₁ma₂ca₂ton'₂ dsa₂ Juan₅₄ né'₃ 'má₃, Jesús në₃ ca₂ηei₅₄ jui₅ Galilea i₁'ë₄ já_g1 dse₃ quió'₅
Diú₄, ¹⁵ juá'₂ ηi₂₃:

* **1:1** A₂lín₅₄ chog₅₄ si₂ tsá₃ chi₁ton₅ “Ja₁ηi'₅₄ Diú₄.” † **1:2** Malaquías 3:1. ‡ **1:3** Isaías 40:3. § **1:5** lit. “ca₂tióg₃ Juan₅₄ jmig₂” * **1:9** lit. “ca₂tióg₃ Juan₅₄ ca₂tián₂ jmig₂ Jesús.”

—Ca₂dsin₃ jmig₄ a₂ja₂quián₃ a₂jme₃gón₃ Diú₄. Jaun₂ lë₃ ju₁dsi₂quén₅ 'au₂, ju₁le₂'én₂ 'nia₂ jág₁ dse₃.

Ca₂të₃ Jesús quén₂ dsa₂ i₂jme₁tion₅₄ tsán₂ ju₄
(Mateo 4:18-22; Lucas 5:1-11)

16 Co₂ráun₂ ca₂η₁₅ Jesús chei₅₄ jm₁η₁ Galilea. Ja₁jaun₂ ca₂jín₂ Si₂mu₅₄ quiain₅₄ Drë₄ riin₅₄. Jme₁tiain₅₄ táun₂ 'má₅ dsi₂jmig₂, ia₁ jme₁lín₄ dsa₂ i₂jmo₅ ta₁ tsán₂ ju₄. 17 Jaun₂ ca₂juá₂ Jesús:

—I₂nó₅ 'nia₂, jme₁quiong₅₄ jniá₂, jaun₂ cuë₅₄ ta₁ a₂chi₁liang₂ dsa₂ mi₂güig₃, ju₁lia₂ chi₂lián₁ 'nia₂ ju₄.

18 Jaun₂ dsi₂ju₁₅ bá₄ i₃lén₂ quiong₅₄; ja₁jaun₂ ca₂dsia₃ bá₄ tsi₁'má₅ quió₅.

19 Me₂ bá₄ ja₁i₃lén₂ guë₄ jme₁ca₂jín₂ i₂chen₂ Jacobo quiain₅₄ Juan₅₄ riin₅₄, ja₁η₁₅₄ Zebedeo. Jme₁tiain₅₄ 'ñi₃ ts₁mu₅ jmóg₅ 'má₅ quió₅. 20 Dsi₂ju₁₅ ca₂të₃ i₂'éi₂ ján₃; ca₂tén₂ bá₄ guë₂ 'éi₂ në₃ Zebedeo jme₁'ñi₃ ts₁mu₅ quiain₅₄ mozo quiáin₅.

Jan₂ dsa₂ i₂jme₁'en₅₄ jme₂dsí₂ 'lín₅₄ tē₂dsí₅
(Lucas 4:31-37)

21 Jaun₂ dsi₃lén₂ juig₂ Capernaum. Caun₂ jmig₄ sa₅₄, ca₂'í₃ Jesús guá₅ sinagoga. Jaun₂ ca₂jme₃lióg₃ ca₂jme₃tiin₂₃ dsa₂ jág₁ dse₃. 22 Ca₂le₃jín₃ i₂ca₂nág₂ në₃ ca₂i₃gó₃ dsí₅ jág₁ quió₅, ia₁ ca₂jme₃tag₂₃ ju₁lia₂ jë₁jme₂tag₅ jan₂ i₂'io₅ 'éi₃, on₃jua₅₄ rë₂ ju₁lia₂ jme₂tag₅ tē₂juá₅. 23 Jë₄ jaun₂ ca₂dsióg₃ jan₂ dsa₂ i₂'en₅₄ jme₂dsí₂ 'lín₅₄, ca₂juá₂ quió₅ tiá₂:

24 —¿'E₂ lë₃ tián₅ 'ne₂ Jesús Nazareno† jë₄ quián₂ nia₅₄? A₂ñia₅₄ 'niog₂ 'éng₄ nia₅₄ bá₄ 'ne₂ η₁₃. Guion₄ jniá₂ 'ein₂ líng₅. 'Ne₂ líng₅ dsa₂ jñi₃ quián₅ Diú₄.

25 Jaun₂ ca₂jén₂ Jesús i₂'lín₅₄ i₂'en₅₄ tē₂dsí₅ dsa₂ 'éi₂, ca₂juá₂:

—Tei₄ jmo₄. Jú₅ quió₅ dsa₂ në₅.

26 Jaun₂ ca₂jmo₃ i₂'lín₅₄ ca₂ba₂ca₂lín₂ dsa₂ 'éi₂ 'uë₃, ca₂guió₃ tiá₂. Jaun₂ guë₄ o₂'iin₃ jaun₂ në₃. 27 Jaun₂ ca₂le₃jín₃ dsa₂ i₂ca₂të₂ ne₄ ca₂i₃gó₃ dsí₅, qui₂ca₂ñi₃ riin₅₄, ca₂juá₂:

—¿'E₂ bá₄ në₅? ¿'An₁ a₂në₅ bá₄ juá₅ 'mí₂? 'I₁o₅ 'éi₃ i₂në₅ ca₂të₂ ne₄ quió₅ i₂'lín₅₄, jaun₂ 'éi₂ në₃ nag₂₃ gau₂ jág₁ quió₅!

28 Jaun₂ dsi₂ju₁₅ bá₄ ca₂i₃'ág₃ jág₁ quió₅ ca₂le₂con₂ ja₁tén₄ Galilea.

Ca₂jme₃'lión₂ Jesús ma₂chog₅₄ Si₂mu₅₄
(Mateo 8:14-15; Lucas 4:38-39)

29 Jaun₂ dsi₂ju₁₅ jme₁ca₂'u₁in₂ guá₅, ca₂ñó₃ quiain₅₄ Jacobo, Juan₅₄ në₃, ja₁quió₄ Si₂mu₅₄ quiain₅₄ Drë₄. 30 Ma₂chog₅₄ Si₂mu₅₄ në₃ jme₁roin₂₃ dso₅₄, 'i₄ dséi₂. Jaun₂ dsi₂ju₁₅ ca₂'in₃ dsa₂ dsa₂ dso₅₄ 'éi₂ ca₂tsí₃ Jesús. 31 Jaun₂ në₃ ca₂jme₃quiáin₃ con₂ dsa₂ dso₅₄, ca₂jña₃ gu₂, ca₂chó₂ jaun₂ në₃. Jaun₂ dsi₂ju₁₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ në₃ ca₂jme₃lióg₃ ca₂jme₃ti₃ ta₁ ne₄ 'éi₂ tiain₅₄.

Ca₂jme₃'lión₂ Jesús ju₁n₅ dsa₂ dso₅₄
(Mateo 8:16-17; Lucas 4:40-41)

32 Jme₁ma₂riin₂ 'iog₂ jmig₄ jaun₂, ca₂o₃jña₃ dsa₂ ne₅₄ ca₂le₃jín₃ dsa₂ dso₅₄, dsa₂ i₂tion₅₄ jme₂dsí₂ je₂na₅₄ në₃. 33 Ca₂le₃jín₃ dsa₂ juig₂ bá₄ ca₂ñi₂ o₄'né₄. 34 Jaun₂ Jesús në₃ ca₂jme₃'lión₂ dsa₂ ca₂le₃jë₃ ne₅₄ dso₄ a₂jme₁lín₄. Qui₂ca₂'u₁in₂ rë₂ ju₁n₅ je₂na₅₄ në₃. La₁ tsá₃ ma₃ca₂cuë₃ Jesús jmig₄ jua₅₄ a₂juá₂ guë₄ je₂na₅₄ jág₁, ia₁ η₁₅ bá₄ je₂na₅₄ 'ein₂ 'éi₂.

Ca₂'ë₂ Jesús jág₁ dse₃ dsi₂néi₂ guá₅ sinagogas le₂tan₅₄ juig₂ ja₁tén₄ Galilea
(Lucas 4:42-44)

35 Le₁në₃ guë₄ jme₁jña₃ jaun₂, ca₂nau₂ Jesús o₂'iin₃ 'ni₂ juig₂, caun₂ ja₁lë₄ co₂'ñiog₅, i₁chi₄ Diú₄. 36 Jaun₂ ñó₃ Si₂mu₅₄ quiain₅₄ riin₅₄ i₁'niong₂. 37 Jme₁ca₂dsáu₂ në₃, ca₂juá₂:

† 1:24 o₃, "i₂chan₂ Nazaret."

—Ca₂le₃jín₃ dsa₂ i₂nioi₅₄ 'nai'₂ 'ne₂.

³⁸ La₁ Jesús ně₃ ca₂ṅag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ ně₅, dsi₁'ě₄ jág₁ dse₃, ia₁ ta₁ jaun₂ bá₄ guio₃ jniá₂.

³⁹ Jaun₂ le₂ně₅ ca₂i₁ṅi₂ Jesús le₂tan₅₄ juig₂ tio'₅₄ ja₁tén₄ 'uě₃ Galilea, qui₂i₁'ě₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'uín'₂ je₂na'₅₄ tē₂dsí₅ dsa₂ ně₃.

Ca₂jme₃'lión₂ Jesús dsa₂ i₂lín₅ 'mé'₅ 'iog₅
(Mateo 8:1-4; Lucas 5:12-16)

⁴⁰ Ca₂guan₃ jan₂ dsa₂ dso'₅₄ i₂lín₅ 'mé'₅ 'iog₅ coin₂. Jaun₂ ca₂chi₃jiné₃ ne₅₄, ca₂juá'₂:
—Chi₂jua'₂ 'ṅio₂ 'au'₂, jñia'₅₄ lia'₂ 'ne₂ bá₄ qui'₅₄ jmig₄ jmó'₂ le₁jě₃ quió₃.

⁴¹ Jaun₂ ca₂dsia₃ Jesús ṅéi₂ dsí₅ dsa₂ 'éi₂, ca₂néi'₃ gu₂ ca₂níi'₂ quió'₅, jaun₂ ca₂juá'₂:
—'ṅio₂ bá₄ dsi₃. Jui₁le₅₄ le₁jě₃ quiáng'₂.

⁴² Dsi₂jui₅ le₂jaun₂ ca₂jñia'₃ 'mé'₅ 'iog₅, ca₂'lón₂ dsa₂ 'éi₂. ⁴³ Jaun₂ ca₂dsióg'₂, ca₂juá'₂:

⁴⁴ —La₁ tē₃ṅi'₅₄ tsá₃ 'ein₂ i₂juig'₂ 'i₁jan₂. Jñia'₅₄ gua₂ o₂jme₁jñia₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lě₅ 'Éi'₃ quió'₅ Moisés,† o₂jang'₅₄ jág₁ dsau₅ jin₄ dsa₂ juig₂ a₂ma₂'lóng'₂.

⁴⁵ La₁ dsa₂ 'éi₂ ně₃ tē₂le₃ i₂jui'₂ guě₄ ca₂dsia₃ bá₄ jme₁o₂'íin₃, qui₂ca₂'ě₂ jág₁ ca₂le₂con₂. 'Uig₅₄ jaun₂ tsá₃ ma₃lé₂ 'í₂ Jesús jě₄ juig₂ tē₃ jág₅ dsa₂; jmá'₃ lia'₂ ja₁co₂'ṅiog₅ bá₄ jme₁jñia₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

2

Ca₂jme₃'lión₂ Jesús jan₂ dsa₂ i₂rě₂já'₃ quió'₅
(Mateo 9:1-8; Lucas 5:17-26)

¹ Cang₂ jaun₂ ca₂'í₃ táng₃ Jesús jě₄ juig₂ Capernaum. Jaun₂ ca₂rě₃ṅi₅ dsa₂ a₂ma₂dsiáin'₃.
² Jaun₂ dsi₂jui₅ bá₄ ca₂ṅi'₂ dsa₂ juin₅ lín₃, ca₂lia'₂ jñia'₅₄ tsá₃ ma₃tě₂ ja₁'éin'₄ dsi₂néi₂, le₂tan₅₄ o₄'né₄ ně₃. Jaun₂ ca₂ton₃ jág₁ dse₃ ca₂tsí'₃ dsa₂. ³ Jaun₂ ca₂dsi₃lén₂ co₂nió'₃; jě₄ jaun₂ i₃lén₂ quén₂ le₁jñia₂₃ jan₂ dsa₂ i₂rě₂já'₃ quió'₅. ⁴ Ia₁ tsá₃ lé₂ ṅíi₃ tē₂ dsi₂néi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ jui₅ co'₅₄ tsí₁'né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsíin₂ caun₂ tsí₁jein₁. ⁵ Jme₁ca₂rě₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

—Jón₃, ma₂rě₂'én₄ bá₄ dsáu'₂.

⁶ Jaun₂ i₂lín₅₄ tē₂juá'₅ i₂jme₁tián'₄ jě₄ jaun₂, ca₂i₃jio₅ dsí₅: ⁷ “¿'E₂ lě₃ juá'₂ i₂ně₅ le₂ně₅? A₂'in₅ 'lig'₅₄ Diú₄ bá₄ i₂ně₅. 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jñia'₅₄ lia'₂ jan₂ Diú₄ bá₄.”

⁸ La₁ ma₂ṅi₅ bá₄ Jesús dsi₂jui₅ a₂dsi₂jio₅ dsí₅ dsa₂ 'éi₂ tián'₅, jaun₂ ca₂juá'₂:

—¿'E₂ lě₃ dsi₂jio₅ 'au'₂ 'nia'₂ le₂ně₅? ⁹ ¿'E₂ a₂quian₅ guě₄ ta₁, a₂juig₅₄ jniá₂ dsa₂ 'lian'₂ ně₅: “Ma₂rě₂'én₄ dsáu'₂”, o₃ a₂juig₅₄ 'e₂ jniá₂: “Nau₂ guan'₂ ṅi₄ quion₂ tsí₁jein₁ quiáng'₂?” ¹⁰ La₁, ia₁ jaun₂ le₃ṅi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uě₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

¹¹ —'Ne₂ juig₂ jniá₂, nau₂ quion₂ tsí₁jein₁ quiáng'₂, guan'₂.

¹² Jaun₂ ca₂nau₂ 'éi₂, ca₂cáun₃ tsí₁jein₁ quió'₅, tē₃ jág₅ dsa₂. Jaun₂ ca₂i₃gó'₃ dsí₅ ca₂le₃jín₃, qui₂jme₂juin'₂ Diú₄, tsí₅ rin'₅₄:

—'I₁co₂ráun₂ tsá₃ 'ein₂ ma₂jág₃ jnio₄ le₂ně₅.

Ca₂tě'₃ Jesús Leví
(Mateo 9:9-13; Lucas 5:27-32)

† 1:44 'Éi'₃ quió'₅ Moisés: 'Í₂ Levítico 14.

13 Con'2 siá'2 táng3 ca2ŋó3 Jesús chei'54 jm1iŋí'4. Jaun2 dsi3lén2 dsa2 juin5 ca2ŋi'2. Jaun2 qui2ca2jme3tag5 Jesús jág1 dse3. 14 Jme1ca2ŋi5 ja1jaun2, ca2jii2 Leví* ja1ŋi'54 Alfeo, guá5 'éi2 gue23 'lia'54 a2ca2tín2 dsi2tan54 romano. Jaun2 ca2juá'2 Jesús:

—Jme1quiong'54 jniá2.

Jaun2 ca2nau2 'éi2, ca2ŋó3 quiong'54.

15 Jme1ma2'en54 Jesús gué'5 ja1quió'4 Leví; ja1jaun2 jme1le1ŋi'2 juin5 dsa2 i2cán2 'lia'54 quián5 dsi2tan54 ján3, quian'54 dsa2 sián'2 “i2le1cán'4 dso4” ně3, tián'5 co2lě5 gué'5 quian'54 Jesús quian'54 dsa2 quián5, ia1 i2juin5 lin3 i2le2'éi2 ma2quian'54 ŋi23. 16 Jaun2 jme1ca2jág3 tē3juá'5 quián5 dsa2 fariseos a2gué'5 Jesús co2lě5 quian'54 dsa2 le2'éi2, jaun2 ca2tsí'3 dsa2 quián5 Jesús:

—¿A2 bá4 lia'2 gué'5 tē5 quián'2 'nia'2 quian'54 dsa2 'lin'54 i2le1cán'4 dso4, quian'54 i2cán2 'lia'54 quián5 dsi2tan54 ně3? 17 Jaun2 jme1ca2nág2 Jesús jág1 ně5, jaun2 ca2ŋag3:

—Tsá3 tē5mí5 'nió'5 quió'5 dsa2 dsen3 i2tsá3 le1dso'54, ŋia'54 lia'2 dsa2 i2le1dso'54 bá4 'nió'5 tē5mí5 quió'5. Ia1 tsá3 ta1 jaun2 guio3 jniá2 a2tē4 dsa2 dsen3, a2tē4 dsa2 i2qui2le1cán'4 dso4 bá4 jniá2 guio3.

Ca2ŋí'3 dsa2 Jesús jui'lia'2 jág1 a2jme2'in54 dsa2
(Mateo 9:14-17; Lucas 5:33-39)

18 Co2ráun2 dsa2 i2jme1i2nio4 quian'54 Juan54, quian'54 dsa2 i2tén5 le3quió'5 dsa2 fariseos ně3, jme1jme2'in54. Jaun2 dsi3lén2 i2lin54 ca2ŋi'3 Jesús:

—¿E2 'uig54 jme2'in54 dsa2 i2i2nio4 quian'54 Juan54, dsa2 quián5 fariseos ně3, ton'2 tsá3 jme2'in54 gué'2 dsa2 quián'2 'ne2?

19 Jaun2 ca2ŋag3 Jesús:

—¿Lé2 le3jme3'in54 ju1lia'2 dsa2 i2té4 ja1niog5 jmig4 ja1jen'2 gu2 dsa2, tē1lia'2 quiong'54 dsa2 ŋe'2 i2jén'2 gu2? Ma1 tsá3 le2jaun2 jmo5 dsa2, tē1lia'2 quiong'54 'éi2. 20 La1 jiá3 caun2 jmig4 a2ŋia'3 dsa2 i2jén'2 gu2 'éi2. Jaun2 gué4 lé2 le3jme3'in54.

21 'Ma1 tsá3 jmo5 dsa2 jua'54 a2tión5 quian'54 'nau54 'mí'2 'mí2 tsi1'mí'2 gui'54, ia1 dsáu'5 tsi1'mí'2 'mí2 jē1ma2ŋi2. Jaun2 jué'2 gué4 jē1gag2 lě2 tsi1'mí'2 gui'54. 22 On3 gué4 jmo5 dsa2 jua'54 a2tia'2 vino 'mí'2 'ŋió'3 ni1lau2 gui'54. Ia1 gué3 ni1lau2 gui'54 quian'54 dsió'1 vino 'mí2. Dsi2'é2n2 bá4 vino, lia'2 ni1lau2 ně3. Jaun2 'ŋió'3 ni1lau2 'mí2 bá4 'nió'5 tia'3 dsa2 vino 'mí2 ia1jaun2 tsá3 dsi3'é2n2.

Ca2gág3 dsa2 quián5 Jesús mí'2 trigo jmig4 sa54
(Mateo 12:1-8; Lucas 6:1-5)

23 Caun2 jmig4 sa54 ca2ŋi5 Jesús quian'54 dsa2 quián5 caun2 ja1nau2 ja1jnia4 trigo. Dsa2 i2jme1quian'54 ně3 ca2jme3lióg3 qui2ca2gág3 mí'2 trigo jme1ca2ŋi5 ja1jaun2. 24 Jaun2 ně3, ca2juá'2 dsa2 fariseos:

—¿E2 lě3 jmo5 dsa2 i2quiang'54 ta1 a2tsá3 'i4 'éi'3 jmo3 jmig4 sa54?

25 Jaun2 ca2ŋag3 Jesús:

—¿Tsa1 ma2'í'2 'nia'2 'i1cón'2 a2ca2jmo3 David ma2líg'2 quian'54 riin'54 lia'2 con'2 jme1ca2rē3'in2 quió'5, a2ca2lě3 i1cón'5?† 26 Ca2'í3 David dsi2néi2 quió'5 Diú4, lia'2 con'2 jme1lín4 Abiatar juig54 jme2dsa2. Ca2gué'3 i1ŋí'4 ŋiío5 a2'i4 'éi'3 a2gué'5 jmá'3 jme2dsa2. Jaun2 ca2cué'3 dsa2 i2jme1quian'54 ně3.

27 Já3 bá4 ca2juá'2 Jesús ca2tsí'3 dsa2:

—O4quió'4 dsa2 mi2güig3 bá4 ca2lě3 jmig4 sa54, on3jua'54 rē'2 o4quió'4 jmig4 sa54 ca2jmó'2 Diú4 dsa2 mi2güig3. 28 Jaun2 lě3, Jaun5 dsa2 mi2güig3 bá4 i2'io5 'éi'3 ne4 quió'5 jmig4 sa54.

* 2:14 Leví i2tē'2 Mateo ján3. † 2:25 'Nio'2 ja1ton5 1 Samuel 21:6.

3

*Jan₂ dsa₂ i₂'lia'₂ caun₂ mi₂gu₂
(Mateo 12:9-14; Lucas 6:6-11)*

¹ Con'₂ siá'₂ táng₃ ca₂'í₃ Jesús guá'₅ sinagoga. Ja₁jaun₂ jme₁'en₅₄ jan₂ dsa₂ i₂'lia'₂ caun₂ mi₂gu₂. ² Jaun₂ ca₂tioğ₃ dsa₂ ca₂tiain₃ Jesús, o₁ne₄ chi₂jua'₂ jme₃'lióin₂ dsa₂ 'éi₂, tē₃ jmig₄ sa₅₄, ia₁jaun₂ chain₂ bí₂ a₂bóin'₂ dso₄ Jesús. ³ Jaun₂ ca₂tsí'₃ Jesús dsa₂ i₂'lia'₂ mi₂gu₂:
—Nia₅, dsi₂jo₂ la₂ nau₂.

⁴ Jaun₂ ca₂ηag₃ Jesús ca₂ηíi'₃ dsa₂ i₂tion'₅₄ jág₅:
—Jui₁lia'₂ jmig₄ sa₅₄, ċ'e₂ 'i₄ 'éi'₃ jmo₃ dsa₂? ċA₁dse₃, o₃ a₂'lig'₅₄ 'e₂? ċA₂lión₂ dsa₂ jme₂dsí₂ riin'₅₄, o₃ a₂ηíi'₃ dsa₂ riin'₅₄ 'e₂?

Jaun₂ ηnia'₅₄ lē₁tióin₂ tei₄ le₂jaun₂ bá₄ dsa₂. ⁵ Jaun₂ 'ne₂ Jesús ca₂ηiin₂ dsa₂ i₂tion'₅₄, co₂'na₂ guē'₂ qui'₂ dsí₅, ia₁ a₂ηí₄ lē₃ tsá₃ ηí'₂ dsí₅ dsa₂. Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃ 'éi₂ gu₂; ca₂lág₃ bá₄ jaun₂ ně₃. ⁶ Dsi₂jui₅ le₂jaun₂ ca₂'uin₂ dsa₂ fariseos ca₂i₁jmo₅₄ jág₁ quian'₅₄ dsa₂ quián₅ Herodes a₂ηíi'₃ Jesús.

Juin₅ dsa₂ tion'₅₄ chei'₅₄ jmig₂

⁷ Jaun₂ ca₂ηó₃ táng₃ Jesús jui₅ chei'₅₄ jmi₁ηí'₄ quian'₅₄ dsa₂ i₂quiain'₅₄. Jaun₂ juin₅ lin₃ dsa₂ chan₂ Galilea ca₂jme₃quiong'₅₄ ně₃. ⁸ Jme₁ca₂rē₃ηi₅ dsa₂ ca₂le₃jě₃ 'e₂ a₂niog₅ lē₂ a₂jmo₅ Jesús, ca₂o₃lén₂ juin₅ lin₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ηo'₅₄ Cuá₃ Jordán, dsa₂ chan₂ Tiro, dsa₂ chan₂ Sidón ně₃, a₂ca₂o₃ηiin₅₄ Jesús. ⁹ Jaun₂ ca₂tsí'₃ Jesús dsa₂ quián₅, a₂jmo₃ co₂ηia₅₄ caun₂ tsí₁mu₅, ia₁ con'₂ tsá₃ ηó₅ ně₁jua'₂ ca₂quíin'₃ jin₄ dsa₂. ¹⁰ Ia₁ juin₅ lin₃ dsa₂ dso'₅₄ ma₂ca₂jme₃'lióin₂ le₂ηiá₅. Jaun₂ ně₃, ca₂le₃jin₃ dsa₂ dso'₅₄ tioin'₅₄ co₂'liain'₂ riin'₅₄ ca₂lia'₂ qui₂co₂dsiin₅₄ Jesús, ia₁ a₂'nio₃ qui₃nií'₃ quió'₅. ¹¹ Jme₁ca₂jág₂ jme₂dsí₂ 'lin'₅₄ i₂tion'₅₄ tē₂dsí₅ dsa₂, jaun₂ ca₂chi₃jnë₃, tioin'₅₄ co₂mi'₅₄, juá'₂:

—i'Ne₂ líng'₅ Ja₁ηi'₅₄ Diú₄!

¹² Jaun₂ lē₃ ca₂jmo₃ Jesús 'éi'₃ a₂tsá₃ jme₃jniog₂₃.

*Ca₂quióin'₂ Jesús chi'₂ dsi₂guia₃-tín₂
(Mateo 10:1-4; Lucas 6:12-16)*

¹³ Cang₂ jaun₂ ca₂i₃lén₂ caun₂ ja₁lě₄ dsi₂con'₂. Ja₁jaun₂ ca₂quióin'₂ Jesús dsa₂ i₂'nioi₃ jme₃quiong'₅₄. Jaun₂ ca₂o₃lén₂ 'éi₂ ja₁chéin'₄. ¹⁴ Jaun₂ ca₂'iin₃ guia₃-tín₂ dsa₂ 'éi₂, ia₁jaun₂ jme₃quiong'₅₄ ton'₂ ia₁jaun₂ chei₃ a₂dsi₃lén₂ 'éi₂ a₂qui₂dsi₃'ě₃ jág₁, ¹⁵ ia₁jaun₂ 'io₃ 'éi₂ bí₂ ján₃* a₂le₃'uín'₂ je₂na'₅₄ dsí₅ dsa₂. ¹⁶ I₂la₂ bá₄ dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂tě₂ Jesús Pe₄; ¹⁷ Le₂on₃ ja₁ηi'₅₄ Zebedeo: Jacobo quian'₅₄ Juan₅₄, i₂ca₂tě₃ Jesús Boanerges, co₂'nió'₄ a₂juá'₂, jaun₅ ηí'₃; ¹⁸ Drě₄, Fe₂li₄, Bartolomé, Tě₅₄, To₁má₄ ně₃; Jacobo ja₁ηi'₅₄ Alfeo. Tadeo, Si₂mu₅₄ i₂lín₅ cananista;† ¹⁹ Judas Iscariote ně₃, dsa₂ i₂ca₂jin'₂ Jesús.

*Juá'₂ dsa₂ a₂'io₅ Jesús ju₅bí₂ quió'₅ Be'elzebú
(Mateo 12:22-32; Lucas 11:14-23; 12:10)*

Jaun₂ ca₂dsián'₃ Jesús jme₁ca₂dsián'₃ caun₂ dsi₂néi₂. ²⁰ Con'₂ guē'₂ siá'₂, ca₂ηí'₂ táng₃ dsa₂ juin₅ lin₃, ηnia'₅₄ tsá₃ ηiin₅₄ guě'₃ quiain'₅₄ chi'₂ dsi₂guia₃-tín₂. ²¹ Jme₁ca₂rē₃ηi₅ o₁riin'₅₄, jaun₂ ca₂o₃lén₂ a₂jme₁tsáun'₂ tē₂, ia₁ 'ei₅ jág₁ a₂lě₁ma₂tě₂ i₂23 ηi₂₃.

²² Ján₃ bá₄ le₂jaun₂ tē₅juá'₅ i₂ja₂lén₂ Jerusalén, ca₂juá'₂:

—Quian₅ dsa₂ ně₅ Be'elzebú, i₂lín₅ juig₅₄ je₂na'₅₄. A₂jaun₂ bá₄ qui'₅₄ jmig₄ 'uín'₂ je₂na'₅₄ tion'₅₄ dsí₅ dsa₂.

²³ Jaun₂ lē₃ ca₂tě'₃ Jesús tē₅juá'₅ 'éi₂, jaun₂ ca₂juá'₂ tē₂le₃ quian'₅₄ jág₁ a₂jáng'₅ léi₄:

* **3:15** A₂lin₅₄ chog₅₄ si₂ juá'₂ ján₃: “a₂jme₃'lióin₂ dsa₂ dso'₅₄.” † **3:18** cananista: partido quió'₅ dsa₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quióin₃ le₃on₃ Si₂mu₅₄ 'éi₂, ia₁ ηí₄ lē₃ mei'₂ tsá₃ ca₂ne₅₄ a₂chein₂.

—ǵ'A₂ lia'₂ le₃lé₂ jua'₅₄ jmo₃ Satanás a₂dsein₂₃ 'ŋiog₅ quió'₅ dsa₂? ²⁴ Nĕ₁jua'₂ co₂nió'₃ dsi₂tan₅₄ ca₂nió'₃ mi'₅₄ quiain'₅₄ rĭn'₅₄, dsi₂tan₅₄ 'éi₂ tsá₃ uĕ₂ lé₂ le₃tóin'₃. ²⁵ Nĕ₁jua'₂ dsa₂ dsi₂néi₂ tĭoin'₅₄ mi'₅₄ quiin'₂, ján₃ bá₄ le₂jaun₂ tsá₃ uĕ₂ tió'₅. ²⁶ Nĕ₁jua'₂ ca₂dsia₃ Satanás 'nei₂ a₂jmo₃ le₁dsoin'₅₄ 'ŋiog₅, ján₃ bá₄ le₂jaun₂ tsá₃ uĕ₂ 'oin₅₄ bí₂ quió'₅; ja₁jaun₂ ca₂dsan₃ bá₄ quió'₅ nĕ₁jua'₂ le₂jaun₂.

²⁷ "I₁jan₂ tsá₃ 'ein₂ lé₂ le₃'í₂ tion₅₄ dsi₂néi₂ quió'₅ jui₁lia'₂ jan₂ dsa₂ 'uan'₂, jua'₅₄ a₂jñiá'₂ dsa₂ a₂te₁'i₁ quió'₅, jñia'₅₄ lia'₂ a₂'nei'₂ bá₄ de'₂ jñiá'₅ dsa₂. Jaun₂ bá₄ lé₂ le₃jñia'₃ a₂cha₂ quió'₅.

²⁸ 'A₂dsi₂jó'₃ juá'₅ jniá'₂, a₂lé₂ le₃'én₂ ca₂le₃jĕ₃ bá₄ dsá_{u1} dsa₂, ca₂le₃jĕ₃ 'e₂ a₂'lig'₅₄ juá'₂ nĕ₃.

²⁹ La₁ nĕ₁jua'₂ ca₂juá'₂ 'lig'₅₄ 'iĭn₂₃ Jme₂dsí₂ Jñió₅, tsá₃ ma₃a₁jaun₂ lé₂ le₃'én₂ dsá_{u1}. A₂rĕ₂cáin'₄ ca₂le₃jĕ₃ jmĭg₄ chain₂ bá₄ jaun₂.

³⁰ Le₂nĕ₅ ca₂juá'₂ ia₁ dsia₅ dsa₂ 'ag₂₃ 'ein₅₄ jme₂dsí₂ 'lin'₅₄.

Chi'₂ rĭn'₅₄ Jesús quiain'₅₄ chog₅₄
(Mateo 12:46-50; Lucas 8:19-21)

³¹ Jaun₂ ca₂dsi₂lén₂ chi'₂ rĭn'₅₄ Jesús, quiain'₅₄ chog₅₄ nĕ₃. La₁ ca₁'né₄ bá₄ ca₂tóin'₂. Jaun₂ ca₂chein₃ jág₁ a₂tĕ'₂ Jesús. ³² Jaun₂ ca₂juá'₂ dsa₂ i₂jme₁tíán'₄ cau₅ quió'₅ Jesús:

—Chog'₂ quiain'₅₄ chi'₂ rĭng'₂, nĕ₅ tiáin'₅ ca₁'né₄, a₂'nai'₂ 'ne₂.

³³ Jaun₂ ca₂ŋag₃:

—ǵ'Ein₂ 'éi₂ lín₅ cha₃ jniá'₂, rĭn'₃ jniá'₂ nĕ₃?

³⁴ Jaun₂ ca₂jĭin₂ dsa₂ i₂tián'₅ cau₅ quió'₅, jaun₂ ca₂juá'₂:

—jag₄! I₂la₂ bá₄ lín₅ cha₃, rĭng'₃ nĕ₃. ³⁵ Ia₁ jui₁'ein₂ guĕ₃ i₂jmo₅ a₂'ŋio₂ dsí₅ Diú₄, i₂'éi₂ bá₄ lín₅ jui₁lia'₂ rĭng'₃, cha₃ nĕ₃.

4

Jág₁ jáng'₅ léi₄ jui₁lia'₂ dsa₂ i₂séi₂ mĭg₂ jon₂
(Mateo 13:1-9; Lucas 8:4-8)

¹ Con'₂ siá'₂ táng₃, co₂ráun₂ ca₂jme₃lióg₃ Jesús ca₂jme₃tiin₂₃ dsa₂ chei'₅₄ jmi₁ŋí'₄. Ia₁ juin₅ lin₃ dsa₂ ca₂lĕ₃ nĕ₃ ca₂ŋi'₂ ja₁chéin'₄, jaun₂ ca₂'í₃ 'ŋió'₃ tsi₁mu₅ 'ei₅ chei'₅₄ jmĭg₂; jaun₂ ja₁jaun₂ ca₂guá₂. Dsa₂ guĕ'₂ nĕ₃ ca₂tóin'₂ chei'₅₄ jmĭg₂. ² Lióng₂ jág₁ dse₃ ca₂jme₃tag₂₃ tĕ₂le₃ quiain'₅₄ jág₁ a₂jáng'₅ léi₄. Jĕ₄ juá'₅ quió'₅ a₂jme₂tag₂₃, ca₂juá'₂:

³ —Nei₂ 'nia'₂: Jan₂ dsa₂ ca₂ŋe₄ ja₁nau₂ ca₂i₁séi₄ mĭg₂ jon₂. ⁴ Jme₁ma₂'ein₅₄ séi₂ nĕ₃, a₂lin₅₄ mĭg₂ jon₂ i₂ga'₅₄ le₂'i₄ jui₅. I₁tan₅ bá₄ ca₂dsi₂lén₂ ca₂cág'₃ a₂jaun₂. ⁵ A₂lin₅₄ guĕ'₂ mĭg₂ jon₂ táng₃, ca₂i₃to'₅₄ jĕ₄ nĭcang₁, ja₁tsá₃ gua'₅₄ lín₄ cha₂. A₂jaun₂ nĕ₃ tsá₃ uĕ₂ ca₂rĕ₃'ag₄, ca₂'ia₂, ia₁ tsá₃ ji'₂ gua'₅₄ ja₁i₃to'₅₄. ⁶ La₁ jme₁ca₂jnióg₃ 'iog₂ nĕ₃, ca₂rĕ₃juing₅ ca₂rĕ₃quéin₃ bá₄, ia₁ tsá₃ jmú₄ 'lióng₂ jme₁cha₂. ⁷ A₂lin₅₄ guĕ'₂ ca₂séi'₂ ja₁lĕ₄ nĭtaun₅. Jme₁ca₂i₃cón₃ nĭtaun₅ nĕ₃, ca₂jĭĕ₃ bá₄ a₂jaun₂, tsá₃ 'e₂ ca₂rau₂. ⁸ La₁ a₂lin₅₄ guĕ'₂ nĕ₃ ca₂tín₂ ja₁dse₃ 'uĕ₃. A₂jaun₂ ca₂rau₂ bá₄ dse₃. A₂lin₅₄ ca₂'ág₂ jma₃guióg₂-guiá'₂ mĭg₂, lia'₂ ca₂mĭg₂ jon₂. A₂lin₅₄ guĕ'₂ jma₃'nag'₂ ne₂guióg₂ mĭg₂; a₂lin₅₄ guĕ'₂ jma₃caun₂ 'ñiá₂-láu₂ mĭg₂.

⁹ Jaun₂ nĕ₃, ca₂juá'₂ Jesús:

—Ca₂le₃jĭn'₃ 'nia'₂ i₂le₁dsi₅₄ rĕ₂gua₄, rĕ₂ nei₂ 'nia'₂.

Ta₁ quí'₅ jág₁ a₂jáng'₅ léi₄
(Mateo 13:10-17; Lucas 8:9-10)

¹⁰ Jme₁ma₂i₂len₃ dsa₂, jme₁ma₂tĕ₁'ñiá'₄ quiain'₅₄ chi'₂ dsi₂guia₃-tín₂, quiain'₅₄ i₂lin₅₄ guĕ'₄ dsa₂ sián'₂, jaun₂ ca₂ŋag₃ 'éi₂ 'e₂ jág₁ dsau₅ jáng'₅ jág₁ jaun₂. ¹¹ Jaun₂ ca₂juá'₂ Jesús:

—Diú₄ bá₄ jmo₅ a₂rĕ₂ŋí'₂ 'au'₂ 'nia'₂ jág₁ a₂rĕ₂'ma₄ 'a₂ lia'₂ lé₅ ja₁goin₂, la₁ dsa₂ i₂tsá₃ i₂nio₄ quiain'₅₄ jniá'₂ nĕ₃, 'nió'₅ juá'₂ dsa₂ tĕ₂le₃ quiain'₅₄ jág₁ a₂jáng'₅ léi₄:

¹² ia₁jaun₂ i₂nĕ₂jág₃,

la₁ tsá₃ ca₂rĕ₃lí'₄ 'e₂ nĕ₂jág₃.

I₂nē₂néi₂ ně₃,
 la₁ tsá₃ ca₂rě₃lí₄ 'e₂ ně₂néi₂,
 on₃ guë'₂ ca₂ñí'₂;
 con'₂ tsá₃ ñó₅ ně₁ca₂jéin'₃ dsí'₅,
 ia₁jaun₂ jme₁'lio₁₂jniá₂.*

Juá'₂ Jesús 'e₂ jág₁ dsau₅ jein₅ jág₁ ju₁lia' dsa₂ i₂séi₂ mīg₂ jon₂
(Mateo 13:18-23; Lucas 8:11-15)

¹³ Ca₂juá'₂ ján₃:

—¿Tsa₁ ñí'₂ 'nia'₂ jág₁ a₂jáng'₅ léi₄ ně₅? ¿'A₂ bá₄ guë'₂ lé₂ le₃ñí'₂ 'nia'₂ ju₁lia'₂ jág₁ a₂jáng'₅ léi₄ siá'₂? ¹⁴ Ju₁lia'₂ lín₅ dsa₂ i₂séi₂ mīg₂ jon₂, le₂jaun₂ bá₄ lín₅ ju₁lia'₂ dsa₂ i₂ě₂ jág₁ dse₃ quió'₅ Diú₄. ¹⁵ I₂lín₅₄ dsa₂ lín₅ ju₁lia'₂ mīg₂ jon₂ a₂i₃ga'₅₄ le₂'i₄ ju₁. Nag₂₃ jág₁ dse₃, la₁ dsi₂ju₁ jaun₂ ja₂ Satanás jñiá'₂ jág₁ a₂ma₂jnia₄ tē₂dsí₅ dsa₂. ¹⁶ I₂lín₅₄ guë'₂ dsa₂ lín₅ ju₁lia'₂ lě₅ mīg₂ jon₂ a₂i₃ga'₅₄ jē₄ ni₁cang₁. Nag₂₃, gue₂₃ jág₁ a₂ñio₂ dsí'₅. ¹⁷ La₁ia₁ tsá₃ uē₂ tió'₅, ia₁ tsá₃ lín₄ jmú₄ cha₂ jua'₅₄ a₂chan'₂ tiá₂ jág₁. Jaun₂ jē₁ma₂ca₂can₃ o₂i₁ dsi₅, a₂co₂'ein₅ dsa₂ 'uig'₅₄ jág₁ dse₃, dsi₂ju₁ bá₄ tí₂ táng₃ jág₁. ¹⁸ I₂sián'₂ guë'₂ ně₃ lín₅ co₂'nió'₄ mīg₂ jon₂ a₂i₃ga'₅₄ jē₄ ni₁taun₅. Nag₂₃ jág₁ dse₃, ¹⁹ la₁ 'ñio₅ guē₄ 'i₅ dsí₅ o₂me'₅₄ dsi₅ a₂cha₂ mi₂güig'₃ la₂; ne₄ 'uig'₅₄ ia₁ a₂'ín₅ dsí₅ ju₁ ja₁le₃cha₂ cu₄, ja₁nē₅ bá₄ ja₁rē₂gain₂ táng₃; tsá₃ caun₂ a₂'ín₅ dsí₅. Ca₂le₃jě₃ a₂jaun₂ ně₃ jmo₅ jlě₅ jág₁ dse₃, tsá₃ ma₃cuē₂₃ jmig₄ a₂ráu₃. ²⁰ La₁ i₂lín₅₄ guē₄ ně₃ nag₂₃, gue₂₃ bá₄ jág₁, chan'₂ tiá₂. Lín₅ ju₁lia'₂ lě₅ mīg₂ jon₂ a₂i₃ga'₅₄ ja₁dse₃ gua'₅₄. 'Lióng₂ rau₂. I₂lín₅₄ guë'₂ lín₅ co₂'nió'₄ mīg₂ a₂qui₂ca₂'ág₂ guió₂-guiá₂; i₂lín₅₄ guë'₂ co₂'nió'₄ a₂qui₂ca₂'ág₂ 'nag'₂ ne₂guió₂, o₃ caun₂ 'ñiá₂-láu₂ mīg₂ lia'₂ ca₂mīg₂ mīg₂ jon₂ a₂i₃jnia₄.

Jág₁ jáng'₅ léi₄ ju₁lia'₂ ni₁tsí₅ chi₁guí'₂ si₂
(Lucas 8:16-18)

²¹ Jaun₂ ca₂juá'₂ táng₃ Jesús:

—Nē₁jua'₂ quian₅ dsa₂ caun₂ ni₁tsí₅ a₂guí'₂ si₂, ¿'a₂ chi'₃? ¿né'₃ tsi₁mi'₂, o₃ né'₃ tsi₁cama? Jan₂'ón₄. A₂'ag₅ guei'₅₄ bá₄ dsa₂ si₂. ²² Ia₁ 'i₁caun₂ cosa tsá₃ cha₂ jua'₅₄ a₂lín₂ dsa₂ rē₂'ma₄, a₂tsá₃ le₃jñiá₂; tion₅₄ bá₄ rē₂jñiá₂. Já₃n guë'₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ñi₅; tion₅₄ bá₄ rē₂ñi₅ dsa₂. ²³ Chi₂jua'₂ 'ein₂ dsi₅₄ rē₂gua₄, ju₁nei₅₄ rē₂.

²⁴ Con'₂ siá'₂ táng₃ ca₂juá'₂ Jesús:

—Tion'₂ 'nia'₂ ju₁'e₂ a₂nag'₂. Quian'₅₄ 'éi'₃ a₂cau'₂ 'nia'₂ guiong'₅₄, 'éi'₃ jaun₂ bá₄ quió₃ Diú₄ quián'₂ 'nia'₂ ján₃, jñia'₅₄ tē₂le₃ lě₅ guē₄. ²⁵ Ia₁ ju₁lia'₂ dsa₂ i₂'ñio₂ dsí₅ le₃ñí'₂, Diú₄ bá₄ jmo₃ le₃ñí'₂ guē₄ dse₃. La₁ i₂tsá₃ 'nio₃ le₃ñí'₂ ně₃, Diú₄ bá₄ jmo₃ a₂tsá₃ ma₃le₃ñí'₂ co₂ñei'₅₄.†

Jág₁ jáng'₅ léi₄ ju₁lia'₂ 'a₂ lia'₂ 'ia₂ mīg₂ jon₂

²⁶ Jaun₂ ca₂juá'₂ Jesús:

—Le₂jaun₂ bá₄ lě₅ ja₁gon₂ Diú₄, ju₁lia'₂ lě₅ quian'₅₄ dsa₂ i₂jne₅ 'e₂ jne₂₃. ²⁷ Jē₁ma₂ca₂'ia₂, qui₂dsi₂cón₃ a₂jaun₂. La₁ ju₁lia'₂ dsa₂ i₂jne₅ 'éi₂ ně₃, o₁jñia'₅₄ a₂'uē₂-jmi₂ güin₂, nau₂ ně₃, la₁ tsá₃ jaun₂ ñi₅ 'a₂ lia'₂ lě₂ a₂dsi₂cón₃. ²⁸ 'Uē₃ bá₄ lia'₂ lě₅, jaun₂ bá₄ rau₂. Le₂'uig'₅₄, tag₄ de'₂ jñiá₅ 'ia₂; ñó₅ jaun₂ 'ia₂ ni₁la₁, lě₂ ni₁guein₂. Nó₅ jaun₂ lě₂ ni₁cuig₂ lá₅ ně₃. ²⁹ Jē₁ma₂ca₂ron₂, jaun₂ guē₄ dsi₂'áun₂ dsa₂; ia₁ ca₂tě₂ jmig₄ a₂ca₂rau₂.‡

Jág₁ jáng'₅ léi₄ ju₁lia'₂ mīg₂ jon₂ quió'₅ ni₁'ma₂ mostaza
(Mateo 13:31-32; Lucas 13:18-19)

³⁰ Con'₂ siá'₂ táng₃ ca₂juá'₂ Jesús.

* **4:12** Isaiás 6:9-10. † **4:25** lit. “Ia₁ ju₁lia'₂ dsa₂ i₂cha₂ quió'₅, ñei₂; la₁ i₂tsá₃ cha₂ quió'₅ ně₃, le₂jio₅ a₂cha₂ quió'₅, jñia'₃.” ‡ **4:29** lit. “Uē₃ bá₄ lia'₂ lě₅, jaun₂ bá₄ rau₂. Le₂'uig'₅₄, tag₄ de'₂ jñiá₅ 'ia₂; ñó₅ jaun₂ 'ia₂ mí'₂. Nó₅ jaun₂ tó'₅ mīg₂ mí'₂ trigo. Jē₁ma₂ca₂ron₂, jaun₂ guē₄ dsi₂cag'₅₄ dsa₂ quian'₅₄ ñí₁ hoz; ca₂tě₂ jmig₄ a₂ca₂rau₂.”

—¿'A₂ lia'₂ lě₅ ja₁gon₂ Diú₄, o₃ 'e₂ quian'₅₄ lé₂ le₃quin₃? 31 Lě₅ ju₁lia'₂ lě₅ míg₂ ni₁'ma₂ mostaza. § Míg₂ jon₂ jaun₂ lě₅ a₂pí'₁ guě₄ 'nio₅ lín₃, lia'₂ con'₂ guě₄ ca₂le₃jě₃ jon₂ a₂jne₅ dsa₂. 32 Jě₁ma₂ca₂i₃jnia₄ ně₃, dsi₂cón₃ dsiog₅ lě₂ caun₂ ni₁'ma₂ pa₁, ca₂lia'₂ qui₂rě₂já₂ ni₁gu'₂ quió'₅. Jaun₂ tian'₅ i₁tan₅ ja₁lě₄ 'en'₂ quió'₅.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(Mateo 13:34-35)

33 Ca₂jme₃tín₅ Jesús dsa₂ jág₁ dse₃ tē₂le₃ quian'₅₄ 'lióng₂ jág₁ a₂jáng'₅ léi₄ le₂ně₅. 34 'I₁caun₂ jág₁ tsá₃ jme₁cuě₂₃ jua'₅₄ tsá₃ tē₂le₃ quian'₅₄ jág₁ a₂jáng'₅ léi₄. La₁ jě₁ma₂tě₁ 'njiá₄ con'₂ guoin₅₄ quiain'₅₄ chi'₂ dsi₂guia₃-tín₂ quiáin₅, jme₁juá'₂ lia'₂ rě₂jiá₃ jág₁.

Ca₂jmo₃ Jesús ca₂'ág₂ tei₄ jmi₁ńí'₄, ca₂jnia'₃ dsí₂ ně₃
(Mateo 8:23-27; Lucas 8:22-25)

35 Le₃ca₂nei₂ jmig₄ jaun₂ ca₂tsí'₃ chi'₂ dsi₂guia₃-tín₂ quiáin₅:
—Ma₃ le₃ 'ńo'₅₄ jmi₁ńí'₄ le₃ó₃.

36 Tion'₅₄ jaun₂ dsa₂ chei'₅₄ jmi₁ńí'₄, ca₂ńó₃ Jesús ca₂jio₃ chi'₂ dsi₂guia₃-tín₂ 'ńió'₃ tsi₁mu₅ ja₁jme₁'ein₅₄ táun₂ jág₁. Ján₃ bá₄ i₂lé₂ guě₄ tsi₁mu₅ siá'₂ quiong'₅₄, tion'₅₄ dsa₂. 37 Jme₁co₂lág₂ jaun₂ ca₂'ág₂ dsí₂ tiá₂ lín₃, jaun₂ qui₂ca₂jná'₃ jmig₂ 'ńio₅ lín₃ ca₂lia'₂ ca₂i₃'a₄ jmig₂ 'ńió'₃ tsi₁mu₅, jnia'₅₄ mei'₂ tsá₃ ca₂can'₂. 38 Jme₁rě₂güín₃ bá₄ Jesús ńó₃ le₃chi₁co'₅₄ rě₂dsin₅ 'mi'₂ dsi₅₄. Jaun₂ ca₂ńei₃ dsa₂, ca₂juá'₂:

—jTě₅! ¿Tsa₁ dsan₂ 'au'₂ jua'₂ dsi₃'éin₂ jnia'₅₄ ja₁lá₃?

39 Ca₂na₂ Jesús jaun₂ ně₃, ca₂jéin₂ dsí₂, ca₂jéin₂ jmi₁ńí'₄ ně₃, ca₂juá'₂:
—jme₁'ua₅₄! jTei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ńí'₄, dsí₂ ně₃ ca₂jnia'₃. 40 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—¿'E₂ lě₃ ńí₄ 'ńio₅ gan'₃ 'nia'₂? ¿'A₂ bá₄ lia'₂ ńí₄ tsá₃ rě₂'én'₂ 'nia'₂?

41 Jaun₂ i₃gó'₃ dsí₅ 'ńio₅ lín₃, qui₂ca₂tsí'₃ riin'₅₄:

—¿'Ein₂ bá₄ lín₅ i₂ně₅ ca₂tě₂ jmi₁ńí'₄, ca₂tě₂ dsí₂ ně₃ qui₂nag₅ gau₂ jág₁ quió'₅?

5

Jan₂ dsa₂ i₂'en'₅₄ jme₂dsí₂ 'lín'₅₄
(Mateo 8:28-34; Lucas 8:26-39)

1 Jaun₂ dsi₃léin₂ jme₁dsi₃léin₂ 'ńo'₅₄ jmi₁ńí'₄, go₄ dsa₂ Gadarenos.* 2 Jaun₂ dsi₂jui₅ jme₁ca₂o₃'ín₃ Jesús 'ńió'₃ tsi₁mu₅, dsióg₃ jan₂ dsa₂ i₂o₂'ín₃ ja₁le₁'on₅ 'lag₄, dsa₂ i₂'en'₅₄ jme₂dsí₂ 'lín'₅₄ dsí₅. 3 Jme₁guá₄ dsa₂ 'éi₂ jě₄ tau₂ 'ńio₅; jaun₂ tsá₃ ma₃'ein₂ jme₁quí'₅₄ jmig₄ tió'₅ 'nei'₂ quian'₅₄ ńí₁ cadena, 4 ia₁ 'lióng₂ ráun₂ jme₁ma₂'nei'₂ dsa₂ le₂jnia₅, jme₁ma₂tó'₂ dsa₂ cadena mi₂tag₅₄, mi₂gu₂ ně₃. La₁ jě₂ bá₄ jnia'₅₄ ma₂gág₃; ma₂jui₃ ni₁ńí₁ jme₁chi₁quí'₅ mi₂tag₅₄ ně₃. Jaun₂ 'i₁jan₂ tsá₃ ma₃'ein₂ jme₁tio₃. 5 Jaun₂ ně₃, jme₁i₂ńi₅₄ lia'₂ 'uě₂-jmi₂ dsi₂guio'₂ ja₁le₁'on₅ 'lag₄ lia'₂ ju₁ má'₂ ně₃, qui₂jmái'₂ uig₅ 'ńio₅ qui₂uig₂ quió'₅ quian'₅₄ ni₁cang₁. 6 La₁ jme₁ca₂jín₂ Jesús já₅ uing₂, ńó₃ jaun₂ ně₃ co₂chi'₅₄ le₃ne₄ ja₁ńó₄ Jesús, jaun₂ ca₂chi₃jně₃. 7 Jaun₂ ca₂'í₃ co₂mi₅₄ ca₂juá'₂:

—¿'E₂ lě₃ tián'₅ 'ne₂ jě₄ quió₃ jniá₂, 'ne₂ Jesús Ja₁ńi'₅₄ Diú₄ juin'₂? Ca₂Diú₄, jnag₅₄, mi₅ jniá₂ ne'₅₄ tsá₃ lě₁ 'ě₅ uig₅.

8 Ca₂juá'₂ le₂ně₅, ia₁ jme₁ma₂ně₂chí'₃ Jesús jme₂dsí₂ 'lín'₅₄, ca₂juá'₂: “jJú₅ quió'₅ dsa₂ ně₅, 'ne₂ jme₂dsí₂ 'lín'₅₄!”

9 Jaun₂ ca₂ńag₃ Jesús:

—¿'A₂ lia'₂ cheng'₂?

§ 4:31 mostaza: On₃juá'₅₄ mi₂jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tě₂ tě₅sí₃, Brassica nigra. * 5:1 A₂lín₅₄ chog₅₄ si₂juá'₂: “uě₃ Gerasa.”

Jaun₂ ca₂ŋag₃:

—Juin₅† bá₄ cheng₂, ia₁ a₂juag₅ jnia'₅₄ lě₂.

¹⁰ Jaun₂ ca₂mi₃ tion₅₄-jan₃ ne₄ Jesús a₂tsá₃ chein₂ jme₂dsí₂ 'lin'₅₄ ja₁siá'₂. ¹¹ Ia₁ jme₁tion'₅₄ juin₅ i₁ŋí₅, guě'₅ quián₅ 'uig₅₄ má'₂, ¹² jaun₂ qui₂ca₂mi₃ i₂'lin'₅₄ ne₄ Jesús, ca₂juá'₂:

—Chei₅ jnia'₅₄ ja₁tion'₅₄ i₁ŋí₅, jaun₂ dsi₁tió'₄ jnia'₅₄ quió'₅ 'éi₂.

¹³ Jaun₂ ca₂cuě₃ bá₄ Jesús jmig₄. Jaun₂ ca₂'uin₂ ca₂i₃lén₂ i₃toin'₅₄ quió'₅ i₁ŋí₅. Jme₁lě₂ con'₂ tin₃ mei₅ i₁ŋí₅ jme₁tion'₅₄. Ca₂le₃jín₃ 'éi₂ ca₂i₁nioi₁₂ co₂chi'₅₄ cuing₂₃ ca₂sein₃ siá'₅ i₃toin'₅₄ jmi₁ŋí'₄, ca₂dsain₃.

¹⁴ Jaun₂ ca₂i₃lén₃ dsa₂ i₂jme₁jmo₅ 'í₁ cuing₂₃ ca₂i₁chi'₄ dsa₂ jě₄ juig₂, quian'₅₄ i₂tion'₅₄ ja₁nau₂ ně₃. Jaun₂ i₃lén₂ dsa₂ i₁jag₅₄ 'e₂ ca₂lě₃ ja₁jaun₂. ¹⁵ Jme₁ca₂o₃lén₂ ja₁'en₅₄ Jesús, ca₂jín₂ dsa₂ i₂jme₁tion'₅₄ juin₅ jme₂dsí₂ je₂na'₅₄ quió'₅. Jaun₂ ma₂guá₅ ma₂qui'₂ tsin'₅₄, ma₂'en₅₄ bá₄ dsí₅. Tioin'₅₄ ca₂jág₂ dsi₂gó'₃ dsí₅. ¹⁶ Jaun₂ dsa₂ i₂ca₂jág₃ ca₂dsia₃ 'e₂ ca₂lě₃ quian'₅₄ dsa₂ i₂jme₁tion'₅₄ je₂na'₅₄ quió'₅, 'e₂ ca₂lě₃ quian'₅₄ i₁ŋí₅ ně₃. ¹⁷ Jaun₂ ca₂jme₃lióg₃ qui₂ca₂mi₃ tion₅₄ ne₄ Jesús a₂o₃'iin₅ 'uě₃ go₅₄.

¹⁸ Jme₁ma₂ŋó₅ Jesús 'í₂ tsi₁mu₅, jaun₂ jme₁mi₅ dsa₂ i₂jme₁tion'₅₄ je₂na'₅₄ quió'₅, jme₁mi₂₃ jág₁ ne₄ Jesús a₂dsó₃ quiong'₅₄. ¹⁹ La₁ tsá₃ ca₂cuě₃ 'éi₂ jmig₄. Jaun₂ ca₂tsí'₃ dsa₂ 'éi₂:

—Guan'₂ ja₁quiáng'₂, ja₁tián'₄ ríng'₂, o₂dsia₄ ca₂le₃jě₃ 'e₂ ně₂jmo₃ Te₁gui'₅₄ o₄quiáng'₂, 'a₂ lia'₂ ně₂dsia₃ ŋéi₂ dsí₅.

²⁰ Jaun₂ ŋá'₃ bá₄ dsa₂ 'éi₂ dsi₂néi₂ quió'₅, jaun₂ ca₂jme₃lióg₃ ca₂i₁dsia₂ jě₄ juig₂ tén₅ Decápolis ca₂le₃jě₃ 'e₂ ca₂jmo₃ Jesús o₄quió'₄. Ca₂le₃jín₃ dsa₂ i₂ca₂nág₂ ca₂i₃gó'₃ dsí₅.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús

(Mateo 9:18-26; Lucas 8:40-56)

²¹ Jme₁ca₂dsián'₃ táng₃ Jesús le₃ŋo'₅₄ jmi₁ŋí'₄ quian'₅₄ tsi₁mu₅, juin₅ lin₃ dsa₂ i₂ca₂dsi₃lén₂ táng₃ jme₁dsián'₃. Tě₁lia'₂ 'ŋi₂₃ chei'₅₄ jmig₂, ²² jaun₂ ca₂dsióg₃ jan₂ dsa₂ i₂niog₅ gu₂ guá'₅ sinagoga, i₂chen₂ Jairo. Jme₁ca₂jín₂ Jesús, jaun₂ ca₂chi₃jné₃ ne₄ 'éi₂. ²³ Ca₂mi₃ ca₂juá'₂:

—Ma₂i₁jón₂ jan₂ chi'₂ quiáng₃. ¿Tsa₁ gog'₅₄ o₁jjin'₁ o₁quiog'₂ gog'₂ ne₄ quió'₅, jaun₂ 'lióin₂, le₃chain₂?

²⁴ Jaun₂ ně₃ ca₂ŋó₃ Jesús quiong'₅₄; juin₅ lin₃ guě₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús. ²⁵ Jě₄ jaun₂, ŋó₃ jan₂ 'io₅₄ i₂ma₂tě₂ guia₃-tín₂ ŋi₂ a₂dso'₅₄ a₂tin₂. ²⁶ 'Lióng₂ a₂ma₂i₃ŋí₂ o₄gú₃ juin₅ tě₅mí₅; jme₁ma₂'éin₂ ca₂le₃jě₃ cu₄ a₂jme₁cha₂ quió'₅. La₁ tsá₃ 'e₂ ta₁ jmo₃, ia₁ tě₂le₃ ca₂i₃ja₃ bá₄ quió'₅. ²⁷ La₁ jme₁ca₂nág₂ a₂'in₅ dsa₂ Jesús, jaun₂ ŋó₃ ca₂jme₃quiáin₃ le₃ja₁ŋó₄ 'éi₂, jin₄ dsa₂. Jme₁ca₂dsióg₃ cau₅ quió'₅ Jesús ně₃, jaun₂ ca₂ní'₃ ni₁tsin'₅₄ 'éi₂. ²⁸ Ia₁ lín₂: “Tsá₃ a₂nag₅₄ a₂ŋia'₅₄ níg'₄ ca₂juig₄ tsin'₅₄, jŋia₃ quió₃.” ²⁹ Co₂tan₅₄ dsi₂jui₅ le₂jaun₂ bá₄ ca₂'ná₂ tein₂₃ jmi₂, ca₂rě₃lí₄ ca₂'lóin₂ dso₄ quió'₅. ³⁰ Jaun₂ dsi₂jui₅ bá₄ ca₂rě₃lí₄ Jesús a₂o₃'ág₃ bí₂ quió'₅. Jaun₂ ca₂jéin'₃ jin₄ dsa₂, ca₂ŋag₃:

—¿'Ein₂ bá₄ ně₂ní'₃ tsin'₅?

³¹ Jaun₂ ca₂ŋag₃ chi'₂ dsi₂guia₃-tín₂ quiáin₅:

—Jua'₂ jág'₂ bá₄ 'ne₂ 'a₂ lia'₂ co₂'liog'₂ dsa₂ ja₂lén₂. ¿'E₂ lě₃ juá'₂ “ein₂ ně₂ní'₃ quió₃?”

³² La₁ qui₂ja₂né₂ Jesús jin₄ dsa₂ a₂'nai'₂ 'ein₂ ně₂ní'₃ quió'₅. ³³ 'Io₅₄ 'éi₂ ně₃ ma₂jlein₂₃ bá₄ chéin'₅ gó'₅, ia₁ ŋi₅ bá₄ 'e₂ ma₂i₂ŋí₂. Ca₂ŋó₃ co₂ŋei'₅₄ ne₄ Jesús, ca₂chi₃jné₃, ca₂juá'₂ ca₂le₃jě₃ lia'₂ tí₅ jág₁ dsón'₂. ³⁴ Jesús ně₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄ quiáng'₂. Co₂ně₅ ca₂jŋia₃ dso₄ quiáng'₂.

³⁵ Tě₃ dsia₅ bá₄ guě₄ Jesús jág₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jón₃ bá₄ ja₁míg'₄. ¿'E₂ ta₁ ma₂cuě'₂ o₂me'₅₄ dsí₅ tě₅?

† 5:9 griego: legión

³⁶ La₁ tsá₃ ca₂tón'₃ Jesús juí₅ jág₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lë₁jmo₂ gang'₃; jñia'₅₄ lia'₂ 'én₃ bá₄.

³⁷ Tsá₃ ca₂cuë₃ jmig₄ Jesús a₂dsi₃lén₂ juin₅ dsa₂ quiong'₅₄. Jñia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂. ³⁸ Jme₁ca₂dsi₃lén₂ ja₁quió'₄ Jairo, ca₂jág₃ tion'₅₄ dsa₂ go₂'i₃ qui'₂-o₂₃ co₂mi'₅₄, 'lia'₂ dsí₅. ³⁹ Ca₂'i₃ Jesús dsi₂néi₂, ca₂juá'₂:

—¿'E₂ lë₃ ñí₄ lë₃ tó'₂ 'nia'₂ mi'₅₄, 'au'₂ 'nia'₂ le₂në₅? Tsá₃ rë₂jon₅₄ guein₂ në₅. Jñia'₅₄ lia'₂ a₂rë₂güin₃ bá₄.

⁴⁰ La₁ jñia'₅₄ ca₂ñí₂ bá₄ dsa₂ Jesús tioen'₅₄. Jaun₂ në₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂jñiai₃ chog₅₄-jmei₂ 'lag₄, dsa₂ ún₂ i₂jme₁quian'₅₄ në₃. Ca₂i₃toin'₅₄ ja₁rë₂quian₅ guein₂ 'lag₄. ⁴¹ Jaun₂ ca₂jña'₃ gu₂ i₂bë'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bë'₅₄, 'ne₂ juí₂ jniá₂, nau₂.

⁴² Dsi₂juí₅ le₂jaun₂ bá₄ ca₂nau₂, ca₂ñi₃. Jme₁ma₂'ein₅₄ guia₃-tín₂ ñi₂. Jaun₂ ca₂i₃gó'₃ dsí₅ tioen'₅₄. ⁴³ La₁ Jesús në₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuë₃ dsa₂ a₂guë'₃ i₂bë'₅₄ 'éi₂.

6

*Ca₂dsián'₃ Jesús juí₂ Nazaret go₅₄ ja₁tsá₃ ca₂guei₃ dsa₂
(Mateo 13:53-58; Lucas 4:16-30)*

¹ Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juí₂ go₅₄ quian'₅₄ chi'₂ dsi₂guia₃-tín₂ quián₅. ² Jme₁ca₂të₂ jmig₄ sa₅₄, jaun₂ ca₂jme₃lióg₃ ca₂jme₃tiin₂₃ dsa₂ dsi₂néi₂ guá'₅ sinagoga. Juin₅ bá₄ dsa₂ i₂ca₂nág₂ dsi₂gó'₃ dsí₅, jaun₂ ca₂tsí'₃ riin'₅₄:

—¿A₂já'₄ ca₂i₁jme₁tin₅ i₂në₅ jág₁ ca'₅₄ a₂juá'₂ në₅? ¿I₂'e₂ bá₄ jág₁ a₂ñí'₂ dsí₅ a₂ma₂ñi₂ në₅, ca₂të₂ léi₄ juë'₂ në₃ tiin₂ jmo₃? ³ ¿On₁jua'₅₄ i₂në₅ të₅'má₃ ja₁ñi'₅₄ María, dsó₂ riin'₅₄ Jacobo, quian'₅₄ José, quian'₅₄ Judas, quian'₅₄ Si₂mu₅₄ në₃? Në₅ bá₄ tián'₅ 'io₅₄ riin'₅₄ ja₁lá₃ ján₃.

Jaun₂ tsá₃ ca₂rë₃jei₅₄ dsa₂ ja₁jaun₂. ⁴ Jaun₂ ca₂juá'₂ Jesús:

—Ca₂le₂con₂ bá₄ ja₁siá'₂ guen₅ dsa₂ dsa₂ i₂'ë₂ jág₁ quián₅ Diú₄. Jñia'₅₄ lia'₂ dsa₂ go₅₄ bá₄ tsá₃ guei₅, on₃ guë'₂ o₁riin'₅₄, on₃ guë'₂ riin'₅₄ dsi₂néi₂ në₃.

⁵ Jaun₂ tsá₃ 'lióng₂ léi₄ juë'₂ lé₂ le₃jmo₃ juí₂ go₅₄. Jñia'₅₄ lia'₂ i₂lin₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂. ⁶ Jaun₂ i₃gó'₃ dsí₅ ia₁ a₂ñí₄ lë₃ tsá₃ 'e₂ 'én₂ dsa₂.

*Ca₂chen₃ Jesús dsa₂ guia₃-tín₂ quián₅ ca₂i₁'ë₄ jág₁ dse₃ juí₂ siá'₂
(Mateo 10:5-15; Lucas 9:1-6)*

⁷ Jaun₂ ca₂të'₃ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuë₃ bí₂'éi'₃ a₂'uín'₂ 'éi₂ jme₂dsí₂ 'lin'₅₄ quió'₅ dsa₂. ⁸ Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁'i₄ juí₅, jñia'₅₄ lia'₂ jma₃cáun₃ 'ma₂'i₅₄ bá₄. 'I₁caun₂ a₂siá'₂ tsá₃ cán₂, on₃ guë'₂ të₂'mi'₂, on₃ guë'₂ i₁ñí'₄, on₃ guë'₂ cu₄ 'ñió'₃ ni₁lau₂ le₁jén'₅ tú'₅ në₃. ⁹ Jñia'₅₄ lia'₂ jma₃co₂dsán'₃ ni₁lau₂ con'₂ a₂ma₂le₁ton₅ tag₅₄ bá₄ cán₂, ton'₂ tsá₃ cán₂ tin₃ dsán'₃ tsin'₅₄ në₃. ¹⁰ Jaun₂ ca₂juá'₂ në₃:

—Jë₁ma₂të₂ rë₁tón'₄ 'nia'₂ lia'₂ caun₂ dsi₂néi₂ quió'₅ dsa₂ ja₁o₁nóg'₅, ja₁jaun₂ jñia₄ 'nia'₂ ca₂lia'₂ ca₂të₂ jmig₄ i₁'uín'₃ 'nia'₂ táng₃ juí₂ jaun₂. ¹¹ Në₁jua'₂ cha₂ ja₁lin₅₄ tsá₃ guei₅ dsa₂, on₃ guë'₂ 'nio₃ dsa₂ nag₃ jág₁ quián'₂ 'nia'₂, 'uín'₂ 'nia'₂ ja₁jaun₂, séi'₄ 'nia'₂ 'liog₂ tag'₅₄ co₂'nió'₄ jmó'₂ 'nia'₂ léi₄ co₂jaun₂ ma₂le₁cán'₄ dsa₂ 'éi₂ guioin₅₄.*

¹² Jaun₂ ca₂'uín₂ bá₄ chi'₂ dsi₂guia₃-tín₂ në₃, ca₂i₃lén₂ ca₂i₁'ë₄ jág₁ a₂dsi₃quén'₅ dsí₅ dsa₂.

¹³ Jaun₂ qui₂ca₂'uín'₂ juin₅ je₂na'₅₄, qui₂ca₂tsín₂ no'₅₄ juin₅ dsa₂ dso'₅₄, qui₂ca₂jme₃'lóin₂ dsa₂ në₃.

* **6:11** A₂lin₅₄ chog₅₄ si₂ juá'₂ le₂la₂ ján₃: “A₂dsi₂jó'₃ juá'₅ jniá₂, jë₁ma₂të₂ jmig₄ i₁qui₃dsi₅ Diú₄ 'éi'₃, tsá₃ jua'₅₄ ñí₄ uig₅ gue₃ dsa₂ jme₁chan₂ Sodoma quian'₅₄ Gomorra, con'₂ guë₄ dsa₂ i₂tsá₃ guen₅ 'nia'₂.”

Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Lucas 9:7-9)

¹⁴ Ca₂rë₃ñi₅ Rag₅₄ Herodes jág₁ a₂'ei₅ quió'₅ Jesús, ia₁ ca₂le₂con₂ bá₄ ma₂le₁ñi₅ dsa₂ 'e₂ a₂jmo₅ Jesús ñi₂₃. Jaun₂ juá'₂ Rag₅₄ Herodes:

—Ma₂ca₂jen'₅₄ Juan₅₄, dsa₂ i₂jme₁chon₅ dsa₂ jmig₂; 'uig₅₄ jaun₂ qui'₅₄ jmig₄ jmo₂₃ 'e₂ a₂jmo₂₃.

¹⁵ I₂lín₅₄ guë'₂ dsia₅ táng₃:

—Elías bá₄ 'éi₂ ñi₅.

La₁ i₂sián'₂ guë'₂ juá'₂:

—Jan₂ i₂chen₄ quián₅ Diú₄ bá₄ 'éi₂, jui₁lia'₂ dsa₂ i₂jme₁'ë₂ jág₁ quián₅ Diú₄ ma₂líg'₂.

¹⁶ Jme₁ca₂nág₂ Rag₅₄ Herodes, jaun₂ ca₂juá'₂:

—Juan₅₄ bá₄ nē₅ ñi₅, i₂ca₂'nia₃ dsa₂ dsi₂lag₄, 'éi'₃ quió'₃ jniá₂. Ma₂ca₂jein'₅₄ táng₃.

¹⁷ Ia₁ 'ñiog₅ bá₄ Herodes ma₂jmo₅ 'éi'₃ le₂jñiá₅ a₂ca₂i₁chan'₅₄ dsa₂ Juan₅₄ ca₂i₁tio'₂ né'₃ 'má₃ rë₂'ñei'₅₄ 'uig₅₄ quió'₅ 'io₅₄ Herodías i₂lín₅ dsi₂i₂gu₂ Fe₂li₄ riin'₅₄. La₁ Herodes nē₃ ma₂jmo₂₃ quián₅. ¹⁸ Ia₁ jme₁ma₂qui₂ma₂juá'₂ Juan₅₄ tsí'₅ Herodes:

—Tsá₃ 'i₄ 'éi'₃ jmó'₂ quiáng'₂, 'io₅₄ quián₅ dsó₂ ríng'₂.

¹⁹ 'Uig₅₄ jaun₂ jme₁'i₄ 'nei₂ dsí₅ 'io₅₄ Herodías jíin₂ Juan₅₄. Jaun₂ jme₁'nio₃ jñag'₃, la₁ tsá₃ ca₂dsó'₂ jui₅ 'a₂ lia'₂ jmo₃. ²⁰ Ia₁ jme₁ñi₅ bá₄ Rag₅₄ Herodes a₂lín₅ Juan₅₄ dsa₂ dsen₃, jaun₂ jme₁jme₂go₃ bá₄; jaun₂ jme₁jmo₂₃ 'í₁. Lia'₂ con'₂ jme₁nag₂₃ jág₁ quió'₅ Juan₅₄, jme₁të₂tsin'₅₄ tsá₃ 'e₂ ñi₅ jmo₃, la₁ 'ñio₂ bá₄ dsí₅ jme₁nag₂₃. ²¹ La₁ ca₂cuin₃ jmig₄ nē₃ jme₁ca₂jmo₃ Herodes jmig₄ a₂ca₂dsí'₃ ñi₂: ca₂jmo₃ má₃, ca₂të'₃ dsa₂ can'₅₄ con'₂ dsa₂ i₂jmo₅ 'éi'₃ juig₂, i₂lín₅ juig₅₄ 'lióg₂ quián₅ nē₃, ca₂le₃jín₃ guë'₄ con'₂ dsa₂ dsen₅₄ quián₅ juig₂ ja₁tén₄ Galilea. ²² Jaun₂ ca₂guan₃ ja₁míg₄ Herodías ja₁niog₅ jmig₄, jaun₂ ca₂dsáin₂. A₂jaun₂ ca₂të₂ dsí₅ Rag₅₄ Herodes, ca₂le₃jín₃ dsa₂ i₂té₄ i₂tion'₅₄ guë'₅ quiain'₅₄ nē₃. Jaun₂ ca₂juá'₂ rag₅₄ ca₂tsí'₃ 'io₅₄ bē'₅₄ 'éi₂:

—Mi₄ ca₂le₃jë₃ 'e₂ 'niog'₂, jaun₂ cuë₅₄ jniá₂.

²³ Jaun₂ ca₂cuë₃ jág₁ quió'₅ ca₂le₃jë₃ ca₂'iin₃ Diú₄, ca₂juá'₂:

—Chi₂jua'₂ 'e₂ caun₂ a₂mí'₁ 'ne₂, cuë₅₄ bá₄ jniá₂, jñia'₅₄ ca₂dsio₄ 'uë₃ ja₁gong₂.

²⁴ Jaun₂ ca₂o₃'ín₃ 'io₅₄ bē'₅₄ 'éi₂ ca₂i₁ñag₁₂ chog₅₄, ca₂i₁jua'₄:

—¿'E₂ mi₅₄ jniá₂, mag₅₄?

Jaun₂ ca₂juá'₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmig₂.

²⁵ Jaun₂ ca₂'í₃ táng₃ 'éi₂ dsi₂jui₅ ja₁guá₄ rag₅₄, jaun₂ ca₂juá'₂:

—'Nio₃ cuë'₁ të₂nē₃ mi₂dsi₄ Juan₅₄ i₂chon₅ dsa₂ jmig₂, a₂'i₄ 'ñió'₃ uing₅.†

²⁶ Jme₁ca₂nág₂ rag₅₄ jág₁ nē₅, ca₂jén₂ dsí₅. La₁ tsá₃ a₂ñi₅ jmo₃, ia₁ ma₂nē₂cuë₃ jág₁ quió'₅ le₂jñiá₅ a₂cuë₃ chi₂jua'₂ 'e₂ 'nio₃ 'io₅₄ 'éi₂, ton'₂ ia₁ ma₂nē₂néi₂ a₂mei₅₄ quián₅ i₂tián'₅. ²⁷ Jaun₂ dsi₂jui₅ jaun₂ ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄. ²⁸ Jaun₂ ca₂ñó₃ 'lióg₂ jui₅ 'ñió'₃ 'né₅ 'má₃, jaun₂ ca₂i₁qui'₂ dsi₂lag₄ Juan₅₄, jaun₂ quian₅ rë₂'i₄ 'ñió'₃ uing₅, ca₂cuë'₃ 'io₅₄ 'éi₂. Jaun₂ 'io₅₄ nē₃ ca₂gue₃, jaun₂ ca₂i₁cuë'₂ táng₃ chog₅₄.

²⁹ Jme₁ca₂rë₃ñi₅ dsa₂ i₂jme₁quian'₅₄ Juan₅₄, jaun₂ ca₂o₃lén₂, ca₂tág₃ 'lag₄, jaun₂ ca₂i₁'ó₄.

Ca₂jme₃tan₅₄ Jesús 'ñiá₂ mei₅ dsa₂

(Mateo 14:13-21; Lucas 9:10-17; Juan 6:1-14)

³⁰ Cang₂ jaun₂ ca₂o₃len₃ dsa₂ i₂chen₄† 'éi₂, ca₂ñii'₂ táng₃ quiain'₅₄ Jesús, jaun₂ ca₂dsia₃ 'e₂ ñiog₅ ca₂jmo₃ ja₁i₁lein₅₄, 'a₂ lia'₂ i₂ca₂jme₁tiin₂₃ dsa₂. ³¹ Jaun₂ ca₂juá'₂ Jesús:

—I₂nó'₅ 'nia'₂ con'₂ guiong'₅₄ caun₂ ja₁co₂'ñiog₅, i₂jñia₄ ca₂tiá₂.

† 6:25 lit. “rë₂.dsí₂ ne₄ caun₂ ni₁ñi₁ charola.” ‡ 6:30 griego: apóstolous.

Ia₁ juin₅ lin₃ dsa₂ i₂o₂lén₂, lia'₂ i₂dsi₂len₃ ně₃, ca₂lia'₂ njia'₅₄ tsá₃ cuin₅ jmig₄ gué'₃. ³² Jaun₂ ně₃ ca₂tóin'₂ tsi₁mu₅ ca₂i₃lén₂ caun₂ ja₁lě₄ co₂'njog₅ con'₂ guioin₅₄. ³³ Jaun₂ qui₂ca₂'uin₂ dsa₂ le₂caun₂ le₂caun₂ juig₂, i₃lén₂ co₂chi'₅₄ ju₅ tag₅₄ a₂'ein₂₃ Jesús. Jaun₂ njia'₅ bá₄ dsi₃lén₂ lia'₂ con'₂ gué'₄ 'éi₂. ³⁴ Jme₁ca₂sión₃ Jesús 'njó'₃ tsi₁mu₅, ca₂j₁in₂ juin₅ lin₃ dsa₂, ma₂tion'₅₄ le₁jnog₅, ca₂tá'₂ 'néi₂ dsí₅ dsa₂ 'éi₂, ia₁ i₂nio₄ dsa₂ lia'₂ jě₁i₂nio₄ já'₂ cha'₂ i₂tsá₃ juig₅₄ chan₂, jiog₃, jmo₃ 'í₁. Jaun₂ ca₂jme₃lióg₃ ca₂jme₃tiin₂₃ dsa₂ 'lióng₂ lin₃ jág₁. ³⁵ Jme₁ca₂'láu₂ jaun₂ ca₂o₃lén₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Caun₂ ja₁co₂'njog₅ bá₄ la₂, ton'₂ ca₂'láu₂ gué'₄ má'₃. ³⁶ 'Ei'₂ jág₁ dsa₂, ia₁jaun₂ dsi₃lein₅ dsi₃'nióg₂ a₂gué'₃ lia'₂ con'₂ juig₂ ja₁nau₂ ma₂quián₅ ně₅.

³⁷ Jaun₂ ca₂ηag₃ Jesús:

—Cué'₅₄ 'nia'₂ dsa₂ a₂gué'₃.

Jaun₂ ca₂ηag₃ táng₃ 'éi₂:

—¿Lé₂ le₃dsi₁liá'₄ tin₃ 'niá₂-láu₂ 'éi'₃ denario i₁ηí'₄ ia₁jaun₂ dsio'₂ a₂gué'₃ dsa₂?

³⁸ Jaun₂ ca₂juá'₂ táng₃ Jesús:

—O₂jag₄ 'nia'₂ je₂liá'₂ i₁ηí'₄ 'i₄ quián'₂ 'nia'₂.

Jaun₂ ca₂i₁jag₅₄ 'éi₂ jaun₂ ně₃, jaun₂ ca₂o₃lén₂ táng₃, ca₂juá'₂:

—'Niá₂ i₁ηí'₄ bá₄ 'i₄, on₃ gué'₂ i₁ju₁.

³⁹ Jaun₂ ca₂chein₃ jág₁ a₂tian'₃ dsa₂ jma₃co₂nióí'₃ ne₄ ηi₂ma'₂ rě'₂, ⁴⁰ jaun₂ ca₂tián'₂ dsa₂ jma₃co₂nióí'₃ ja₁lě₂ caun₂ 'niá₂-lón₂, i₂ca₂tián'₂ jma₃co₂nióí'₃ jma₃tě₂lón₃-guián₂ ně₃. ⁴¹ Jaun₂ ně₃ ca₂j₁ηa'₃ Jesús le₃'niá₂ i₁ηí'₄, le₃on₃ gué'₂ i₁ju₁ ně₃, ca₂jág₃ guei'₅₄ i₂juí₃, ca₂cué'₃ ti₁'mag'₄ Diú₄. Jaun₂ ca₂jmo₃ le₁'nau₅₄ i₁ηí'₄, jaun₂ gué'₄ ca₂cué'₃ chi'₂ dsi₂guia₃-tín₂ quiáin₅, ia₁jaun₂ dsia₃ 'éi₂ ne₄ dsa₂. Ján₃ gué'₂ ca₂jmo₃ dsióg₁ quió'₅ i₁ju₁ on₃ 'éi₂, ca₂cué'₃ ca₂le₃jín₃. ⁴² Jaun₂ le₃jín₃ dsa₂ ca₂gué'₃ ca₂lia'₂ ca₂rě₃tain₅₄. ⁴³ Jaun₂ ca₂cág'₃ bá₄ gué'₄ dsa₂ guia₃-tín₂ tsi₁mi'₂ 'nau₅₄ i₁ηí'₄, a₂ca₂chóng₃ quió'₅ i₁ju₁ ně₃. ⁴⁴ 'Niá₂ mei₅ jme₁lě₂ ca₂le₃jín₃ dsa₂ ηe'₂ i₂ca₂gué'₃ 'éi₂.

Ca₂ηi₃ Jesús ne₄ jm₄ηí'₄

(Mateo 14:22-27; Juan 6:16-21)

⁴⁵ Jaun₂ dsi₂juí₅ le₂jaun₂ ca₂jmo₃ Jesús 'éi'₃ a₂i₃ton'₅₄ chi'₂ dsi₂guia₃-tín₂ quiáin₅ 'njó'₃ tsi₁mu₅, jaun₂ njia'₅ de'₂ 'éi₂ ηí₃ jmig₂ con'₂ gué'₄ 'njog₅, a₂dsi₁lén₂ Betsaida, tē₁lia'₂ 'í₁ gué'₄ 'njog₅ 'ág'₃ jág₁ dsa₂. ⁴⁶ Jme₁ma₂ca₂lě₃ 'ág'₅ jág₁ dsa₂, ca₂ηó₃ jaun₂ ně₃ jui₅ má'₂ i₁chi₂i₁lein'₁ Diú₄. ⁴⁷ Jaun₂ con'₂ ca₂tó'₂ nei₂ dé₄, ma₂ηó₅ tsi₁mu₅ dsi₂jo₂ jm₄ηí'₄, 'njog₅ gué'₂ Jesús jaun₂ bá₄ 'ein₅₄ 'uě₃. ⁴⁸ Jaun₂ ca₂jág₃ Jesús 'njio₅ cán₂ ta₁ tioen'₅₄ a₂jein₂₃ ni₁'ma₂ a₂gag₂ jmig₂, ia₁ 'liog'₂ dsí₂ le₂ca'₃. Jaun₂ con'₂ le₁né₃ tē₂le₃ ca₂jnia₃, ca₂jme₃quián₃ Jesús ηi₂₃ ne₄ jmig₂ ja₁ηó₄ tsi₁mu₅. Jaun₂ ca₂jmo₃ ně₂jag₄ bá₄ i₂jme₁ma₂ηí₃ co₂dsau₅ ja₁tion'₅₄ 'éi₂. ⁴⁹ Jme₁ca₂jág₂ jóin'₅ ηi₂₃ ne₄ jm₄ηí'₄, dsa₂ 'lin'₅₄ § bá₄ 'éi₂ lín₂, jaun₂ ca₂tóin'₂ co₂mi'₅₄ ca₂guió'₃, ⁵⁰ ia₁ ca₂le₃jín₃ bá₄ ca₂rě₃gó'₅ 'njio₅ lin₃ jme₁ca₂jág₂. La₁ dsi₂juí₅ bá₄ ca₂juá'₂ Jesús:

—¡Tiá₂ dsia₄ 'nia'₂ 'au'₂; jniá₂ bá₄ la₂, tsá₃ lě₁jmo₂ 'nia'₂ gang'₃!

⁵¹ Jaun₂ ca₂uig₂ 'njó'₃ tsi₁mu₅ ja₁tion'₅₄ 'éi₂. Jaun₂ ca₂'ág₂ táng₃ tei₄ ca₂j₁ηia'₃ dsí₂, jaun₂ i₃gó'₃ dsí₅ 'éi₂ 'njio₅ lin₃. ⁵² Ia₁ tsá₃ 'e₂ ca₂ηí'₂ dsí₅ dsa₂ 'éi₂ ju₁lia'₂ léi₄ jué'₂ a₂ma₂ně₂jág₃ jmo₅ Jesús quian'₅₄ i₁ηí'₄, ně₂jag₄ bá₄ cha₂ a₂jmo₅ jnág₅ a₂tsá₃ rě₂ηí'₂.

Ca₂jme₃'lión₂ Jesús dsa₂ dso'₅₄ 'uě₃ Genesaret

(Mateo 14:34-36)

⁵³ Jme₁ca₂'ain₂ jmig₂, ca₂dsi₃lén₂ 'uě₃ Genesaret. Ja₁jaun₂ ca₂'néi₂ tsi₁mu₅ chei'₅₄ jmig₂. ⁵⁴ Dsi₂juí₅ jme₁ca₂'uin₂ tsi₁mu₅, co₂tan₅₄ lia'₂ ca₂rě₃cuin₅ bá₄ dsa₂ Jesús. ⁵⁵ Jaun₂ ca₂i₁nioi₁₂ co₂chi'₅₄ le₂tan₅₄ juig₂ te₁'i₁ ma₂quián₅ jaun₂. Jaun₂ ca₂i₁quian₅₄ dsa₂ dsa₂ i₂le₁dso'₅₄ quian'₅₄ tsi₁jein₁ 'a₂ gué'₃ já'₄ 'en₅₄ Jesús. ⁵⁶ Ca₂le₂con₂ ja₁jme₁ηi₅ Jesús, jě₁ma₂'í₅ jě₄ juig₂, jě₄ ciudad,

o₃ le₂'i₄ jui₅ ja₁ηó₄ 'e₂, jme₁qui₂dsi₂jñia₃ dsa₂ dsa₂ dso'₅₄, qui₂ca₂dsiog₃ ja₁nio₅ 'ma'₅₄. Qui₂ca₂mi₃ dsa₂ tsá₃ a₂nag₅₄ o₁jñia'₅₄ a₃tag₄ tsin'₅₄ bá₄ cuë₃ jmi₄g₄ a₂ní'₃. Jaun₂ ca₂le₃jín₃ dsa₂ dso'₅₄ i₂qui₂ca₂ní'₃ tsin'₅₄ Jesús, qui₂ca₂'lói₂.

7

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rë₂'ñio₅ dsa₂
(Mateo 15:1-20)

1 Jaun₂ ně₃ dsa₂ fariseos quian'₅₄ i₂lin₅₄ tē₅juá'₅ i₂ja₂lén₂ Jerusalén, ca₂o₃lén₂ ca₂ñi'₂ ja₁'en₅₄ Jesús. 2 Ca₂jág₃ dsa₂ 'éi₂ ca₂jín₂ i₂lin₅₄ chi'₂ dsi₂guia₃-tín₂ a₂guë'₅ tē₃ tsá₃ “le₁jě'₃” gu₂, tsá₃ jme₂ti₃ jua'₅₄ a₂rang₂₃ lia'₂ con'₂ lě₅ 'éi'₃. * 3 (Ia₁ ca₂le₃jín₃ dsa₂ fariseos, quian'₅₄ ca₂le₃jín₃ dsa₂ chan₂ Judea ně₃, jme₂ti₃ lia'₂ con'₂ lě₅ tag₄ chí'₅ quió'₅ dsa₂ can'₅₄, a₂tsá₃ guë'₃ ně₁jua'₂ tsá₃ ma₂ně₂rang₃ 'lióng₂ ráun₂ gu₂. 4 Jē₁ma₂o₃lein₃ 'ma'₅₄, tsá₃ guë'₃ ně₁jua'₂ tsá₃ ma₂ně₂jme₂ti₃ con'₂ tag₄ chí'₅ a₂rang₃ quió'₅. Jaun₂ 'lióng₂ bá₄ guë'₄ tag₄ siá'₂ a₂jme₂ti₃ dsa₂ jui₁lia'₂ a₂rang₅ dsa₂ ni₁vaso, jui₁lia'₂ a₂rang₅ dsa₂ ni₁taza, ni₁dsig₁, tsí₁cama ně₃.) † 5 Jaun₂ ně₃ ca₂ñag₃ dsa₂ fariseos quian'₅₄ tē₅juá'₅, ca₂ñi'₃ Jesús:

—¿'E₂ lě₃ tsá₃ jme₂ti₃ chi'₂ dsi₂guia₃-tín₂ quiáng'₂ tag₄ chí'₅ quió'₅ dsa₂ can'₅₄? Guë'₅ bá₄ tē₃ tsá₃ ma₂ně₂rang₃ gu₂.

6 Jaun₂ ca₂ñag₃ 'éi₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lě₁jmo₅-dsáu₅ o₁ne₁, jui₁lia'₂ tio'₅₄ ne₄ Si₂:

Dsa₂ jui₂g₂ la₂ jme₂juag'₂ jniá'₂
jma'₃ lia'₂ quian'₅₄ mi₂'o₅₄ bá₄,
la₁ia₁ uíng₂ bá₄ 'i₄ dsí₅ ja₁con₂ jniá'₂.

7 La₁ tsá₃ 'e₂ ta₁ tí₄ a₂jme₂juag'₂,
ia₁ jág₁ a₂jme₂tag₂₃,
'éi'₃ a₂lě₁lě₅ quió'₅ dsa₂ mi₂güíng₃ bá₄. ‡

8 Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄, a₂ma₂ja₂nóg'₅ chan'₅₄ tiá'₂ 'éi'₃ tag₄ quió'₅ dsa₂ mi₂güíng₃. §

9 Ca₂juá'₂ ján₃:

—'Ñio₅ tin'₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂ tag₄ quián'₂ 'nia'₂ guiong'₅₄.

10 Ia₁ ca₂juá'₂ Moisés a₂jme₃gan₃ dsa₂ chog₅₄-jmei₂. * Jaun₂ juá'₂, chi₂jua'₂ 'ein₂ ca₂juá'₂ uig₅ ne₄ chog₅₄-jmei₂, jui₁join₅₄. † 11 La₁ 'nia'₂ ně₃ juá'₂ a₂lě₂ le₃juá'₂ dsa₂ tsí'₃ chog₅₄-jmei₂: “Tsá₃ 'nia'₂ lě₂ le₃jme₁ong₁₂, ia₁ ca₂le₃jě₃ a₂cha₂ quió₃ a₂lě₅ Corbán”, (co₂'nió'₄ a₂juá'₂, a₂ma₂lě₅ quió'₅ Diú₄ bá₄). 12 Ně₁jua'₂ le₂ně₅ jaun₂ tsá₃ ma₃cuë'₂ 'nia'₂ jmi₄g₄ a₂jme₃on₅₄ guë'₄ dsa₂ chog₅₄-jmei₂. 13 Jaun₂ le₂ně₅ bá₄ tsá₃ ma₃'e₂ quen₅ jág₁ quió'₅ Diú₄, jmo'₂ 'nia'₂, tē₂le₃ quian'₅₄ tag₄ a₂chí'₅, a₂ca₂ñag₃ dsa₂ can'₅₄ quiáng'₂. 'Lióng₂ bá₄ guë'₄ a₂siá'₂ jmo'₂ 'nia'₂.

14 Jaun₂ ca₂tě'₃ Jesús dsa₂, ca₂juá'₂:

—Nei₂ 'nia'₂ dse₃ ca₂le₃jíng'₃ a₂juá'₄ jniá'₂ la₂. 15 'I₁caun₂ a₂dsi₂to'₅₄ quió'₅ dsa₂, on₃jua'₅₄ a₂jaun₂ jmo₅ a₂rë₂'iog₅ jme₂dsí₂ quió'₅. Cosa a₂'uë₂ dsí₅ dsa₂ guoin₅₄, a₂jaun₂ bá₄ jmo₅ a₂rë₂'iog₅ jme₂dsí₂. ‡

17 Jme₁o₂'iin₃ jin₄ dsa₂, ñái'₃ dsi₂néi₂, jaun₂ ca₂ñag₃ chi'₂ dsi₂guia₃-tín₂ quiáin₅ 'e₂ jág₁ dsau₅ jáng'₅ jág₁ ca₂cuë'₃ dsa₂ jaun₂. 18 Jaun₂ ca₂juá'₂:

* 7:2 A₂lin₅₄ chog₅₄ si₂juá'₂ le₂la₂ ján₃: “jaun₂ lě₃ ca₂chi₂ca₂'ag₃.” † 7:4 A₂lin₅₄ chog₅₄ si₂juá'₂: “ni₁taza, ni₁dsig₁, ni₁ñi₁ ně₃.” ‡ 7:7 Isaías 29:13. § 7:8 A₂lin₅₄ chog₅₄ si₂juá'₂ ján₃: “jui₁lia'₂ a₂qui₂rang'₂ 'nia'₂ ni₁dsig₁, ni₁vaso a₂'ág'₂ jmi₄g₄, ca₂le₃jě₃ guë'₄ 'e₂ cosa a₂qui₂jmo'₂ 'nia'₂ ně₃.” * 7:10 Éxodo 20:12; Deuteronomio 5:56. † 7:10 Éxodo 21:17; Levítico 20:9. ‡ 7:15 A₂lin₅₄ chog₅₄ si₂chi₁ton₅ versículo 16 bá₄ ján₃, a₂juá'₂: “Ca₂le₃jín₃ 'nia'₂ i₂le₁dsi₅₄ rë₂gua₄, nei₂ 'nia'₂.”

—ǂján₃ bá₄ tsá₃ njí'₂ 'nia'₂ a₂juá'₅ jniá'₂? Ca₂le₃jě₃ 'e₂ a₂guě'₅ dsa₂, on₃jua'₅₄ a₂jaun₂ jmo₅ a₂rě₂'iog₅ jme₂dsí₂. ¹⁹ Ia₁ on₃jua'₅₄ dsí₅ dsa₂ dsi₂to'₅₄ a₂guě'₅. Rě₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uě'₅₄ táng₃ dsa₂ ca₁'né₄.

(Ca₂'ě₃ co₂'nió'₄ a₂le₁jě₃ ca₂le₃jě₃ bá₄ má₃, jme₁ca₂juá'₂ le₂ně₅). ²⁰ Ca₂juá'₂ ján₃:

—Ca₂le₃jě₃ a₂'uě₂ dsí₅ dsa₂, a₂jaun₂ bá₄ a₂jmo₅ a₂rě₂'iog₅ jme₂dsí₂. ²¹ Tě₂dsí₅ bá₄ dsa₂ 'uě₂ ca₂le₃jě₃ ne₅₄ a₂'lig'₅₄: ju₁lia'₂ a₂lě₅ dsí₅ dsa₂ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂ riin'₅₄; ²² a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄, a₂jmo₂₃ uig₅ dsí₅, a₂qui₂chi₂'in₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jě₃ guě₄ 'e₂ a₂tsá₃ 'en₅₄ dsí₅ dsa₂ lín₅. ²³ Ca₂le₃jě₃ a₂ně₅, tě₂dsí₅ bá₄ dsa₂ lě₂, a₂ně₅ bá₄ a₂jmo₅ a₂rě₂'iog₅ jme₂dsí₂ quió'₅ dsa₂.

*Jan₂ i₂náú₃ i₂ca₂rě₃'én₂ tě₂le₃ quió'₅ Jesús
(Mateo 15:21-28)*

²⁴ A₂'ein₅₄ ja₁jaun₂, ca₂o₃'ín₃ njó₃ 'uě₃ ma₂quián₅ juig₂ Tiro.Š Jaun₂ ca₂'í₃ con'₂ tě₃co'₅₄ bá₄ dsi₂néi₂ quió'₅ dsa₂ ja₁jaun₂. La₁ tion₅₄ bá₄ ca₂rě₃lí'₄ dsa₂, tsá₃ ma₃ca₂cuin₃ jmig₄ a₂'mai₃. ²⁵ Dsi₂jui₅ jaun₂ ca₂nág₂ chog₅₄ jan₂ 'io₅₄ bě'₅₄ i₂'en₅₄ jme₂dsí₂ 'lín'₅₄. Ca₂dsióg₃, jaun₂ ca₂chi₃jnë₃ ne₄ Jesús. ²⁶ 'Éi₂ jme₁lín₄ jan₂ 'io₅₄ griega, i₂chan₂ Sirofenicia. Jaun₂ ca₂mi₃ ca₂tsí'₃ 'éi₂ a₂dsi₃dsein₂₃ je₂na'₅₄ quió'₅ chi'₂ quián₅. ²⁷ Jaun₂ ca₂ŋag₃ Jesús:

—Ju₁le₂tan₅₄ de'₂ jniá'₅ chi'₂ quiáng₃; ia₁ tsá₃ dsi₂ten₅₄ jua'₅₄ a₂jŋiá'₄ jniá'₂ i₁ŋí'₄ quió'₅ chi'₂, a₂ton₅₄ ne₄ dsi₂ji'₅₄.

²⁸ Jaun₂ ca₂ŋag₃ táng₃ 'io₅₄ 'éi₂:

—Dsón'₂ bá₄ dsau₅, Te₂gui'₅₄, la₁ia₁ le₂jiog₅ dsi₂ji'₅₄ bá₄ guě'₅ né'₃ ni₁mesa 'nau₅₄ a₂tsi₂séi'₂ guein₂.

²⁹ Jaun₂ ca₂ŋag₃ táng₃:

—Dse₃ ně₂ŋag'₅₄. Ma₂lé₂ guang'₅₄. Ma₂o₂'ín₃ bá₄ je₂na'₅₄ i₂jme₁'en₅₄ tě₂dsí₅ chi'₂ quiáng'₂.

³⁰ Jaun₂ ca₂ŋái'₃ bá₄; jme₁dsiáin'₃, ca₂jiin₂ ja₁míg₄ roin₂₃ tei₄ ne₄ tsí₁cama, ma₂o₂'ín₃ bá₄ je₂na'₅₄ tě₂dsí₅.

Ca₂jme₃'lión₂ Jesús jan₂ dsa₂ güin₄ i₂tsá₃ lín₄ lé₂ dsia₃ jág₁

³¹ Ca₂o₃'ín₃ táng₃ Jesús juig₂ Tiro, ca₂ŋí₃ ju₁ juig₂ Sidón, jaun₂ ca₂dsióg₃ chei'₅₄ jmi₁ŋí'₄ Galilea, jaun₂ ca₂'í₃ 'uě₃ Decápolis. ³² Ja₁jaun₂ ca₂o₃jŋia₃ dsa₂ jan₂ dsa₂ i₂tsá₃ lín₄ lé₂ dsia₃ jág₁. Jaun₂ ca₂mi₃ dsa₂ a₂quióg₃ Jesús gu₂ ne₄ quió'₅ dsa₂ 'éi₂. ³³ Jaun₂ ca₂jiog₃ Jesús ca₂jŋiai₃ dsa₂ 'éi₂ caun₂ ja₁co₂'ŋiog₅, jaun₂ ja₁jaun₂ ca₂tiá₂ chi₁gú₃ rě₂gua₄ dsa₂ 'éi₂, jaun₂ ca₂'ŋéi₃ chi₁gú₃, jaun₂ ca₂níi'₂ le₁tsi'₂ dsa₂ 'éi₂. ³⁴ Jaun₂ ca₂chóg'₃ ne₅₄ guei'₅₄ i₂juíg₃, ca₂choin₃ dsí₅, jaun₂ ca₂juá'₂:

—ǂEfata! —co₂'nió'₄ a₂juá'₂: ǂNia₄!

³⁵ Jme₁ma₂ně₂juá'₂ le₂ně₅, ca₂niá₃ rě₂gua₄ mi₂'o₄ dsa₂ 'éi₂ ně₃, ca₂'lóin₂, ca₂dsia₃ dse₃ jág₁.

³⁶ Jaun₂ ca₂juá'₂ Jesús ca₂tsí'₃ ca₂le₃jín₃ dsa₂ i₂jme₁tion'₅₄ a₂tsá₃ 'ein₂ tsí'₃. La₁ tě₂le₃ i₂jui'₂ guě₄ ca₂dsia₃ bá₄ dsa₂. ³⁷ Jaun₂ 'ŋio₅ lín₃ ca₂i₃gó'₃ dsí₅ dsa₂ jme₁ca₂rě₃ŋi₅. Jaun₂ qui₂ca₂dsia₃ dsa₂:

—Dse₃ bá₄ ca₂le₃jě₃ a₂jmo₂₃. Jmo₂₃ a₂nag₅ dsa₂ i₂güin₄, lia'₂ dsa₂ i₂con₄ ně₃, lé₂ le₃dsia₃ jág₁.

8

*Ca₂jme₃tan₅₄ Jesús quén₂ mei₅ dsa₂
(Mateo 15:32-39)*

Š 7:24 A₂lín₅₄ chog₅₄ si₂juá'₂ ján₃: “quian'₅₄ Sidón.”

1 Jmīg₄ jaun₂ ca₂ŋi'₂ juin₅ lin₃ dsa₂. Ia₁ tsá₃ ma₃'e₂ cha₂ guě'₃, jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

2 —Néi₂ dsi₃ jing₅₄ dsa₂ ně₅, ia₁ ma₂'ni₅ jmīg₄ tioin'₅₄ ja₁lá₃ quiong'₅₄, tsá₃ ma₃'e₂ cha₂ guě'₃.
3 Nē₁juá'₂ dsiain'₅₄ guě'₂ jniá₂ quió'₅ tē₃ tsá₃ ma₂ně₂guě'₃, 'uáin₂ bá₄ le₂'i₄ jui₅, ia₁ uing₂ bá₄ ja₂lén₂ i₂lin₅₄ ně₅.

4 Jaun₂ ca₂ŋag₃ chi'₂ dsi₂guia₃-tín₂ quiáin₅:

—¿A₂já'₄ bá₄ lé₂ le₃dsi₁'nióg₂ ca₂le₃jě₃ i₁ŋí'₄ a₂'nió'₅ le₂tan₅₄ dsa₂ ně₅ ja₁co₂'ŋiog₅ la₂?

5 Jaun₂ ca₂ŋag₃ táng₃ Jesús:

—¿Je₂liá'₂ i₁ŋí'₄ 'i₄ quián'₂ 'nia'₂?

—Guio₃ bá₄ —ca₂ŋag₃.

6 Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃ 'uě₃. Jme₁ma₂chan'₂ le₂guio₃ i₁ŋí'₄, ca₂cuě'₃ ti₁'mag'₄ Diú₄, jaun₂ ca₂jmo₃ le₁'nau₅₄, jaun₂ guě₄ ca₂cuě'₃ chi'₂ dsi₂guia₃-tín₂ quiáin₅, ia₁jaun₂ 'éi₂ dsia₃ ne₄ dsa₂. Jaun₂ le₂jaun₂ bá₄ ca₂jmo₃. 7 Jme₁tion'₅₄ on₃-ún₂ i₁ju₁ pí'₁, jaun₂ ca₂jme₃ŋi₃oi₃ quió'₅ 'éi₂ ján₃, jaun₂ ca₂jmo₃ 'éi'₃ a₂dsión'₂ 'éi₂. 8 Jaun₂ qui₂ca₂guě'₃ ca₂le₃jín₃ dsa₂ ca₂lia'₂ ca₂rě₃tain₅₄. Jme₁ca₂lě₃ jaun₂, ca₂cág'₃ dsa₂ guio₃ tsi₁mi'₂ 'nau₅₄ a₂ca₂chóng₃. 9 Ca₂le₃jín₃ dsa₂ 'éi₂ jme₁lě₂ con'₂ quén₂ mei₅. Jaun₂ guě₄ qui₂ca₂'ág'₃ jág₁ dsa₂. 10 Dsi₂jui₅ le₂jaun₂ ca₂'í₃ táng₃ 'ŋi₃oi₃ tsi₁mu₅ quiain'₅₄ chi'₂ dsi₂guia₃-tín₂ quiáin₅, ca₂dsi₃lén₂ 'uě₃ Dalmanuta.

Mi₅ dsa₂ fariseos a₂jmo₃ Jesús caun₂ léi₄ juě'₂

(Mateo 16:1-4; Lucas 12:54-56)

11 Jaun₂ ca₂o₃lén₂ dsa₂ fariseos ca₂jme₃lióg₃ ca₂tsi₂in₂ quiong'₅₄, a₂mi₂3 jmo₃ 'éi₂ caun₂ léi₄ juě'₂ a₂já₅ guei'₅₄ i₂juíg₃. 12 Jaun₂ ca₂chon₃ Jesús dsi₅'ŋio₅ lin₃, jaun₂ ca₂juá'₂:

—¿'E₂ bá₄ lě₃ 'nio₃ dsa₂ chan₂ jmīg₄ ně₃ a₂jmo₅₄ jniá₂ léi₄? A₂dsi₂jó'₃ juíg₂ jniá₂ 'nia'₂, tsá₃ léi₄ jaun₂ le₃guéi'₁ 'nia'₂.

13 Ti₃on₂ jaun₂ bá₄ dsa₂ 'éi₂, ca₂'í₃ táng₃ 'ŋi₃oi₃ tsi₁mu₅ ca₂ŋó₃ le₂'ŋo'₅₄ jmi₁ŋí'₄ le₃ó₃.

Levadura quió'₅ dsa₂ fariseos

(Mateo 16:5-12)

14 Ca₂'en₃ dsi₅ chi'₂ dsi₂guia₃-tín₂ cán₂ a₂guě'₃, ŋnia'₅₄ lia'₂ caun₂ i₁ŋí'₄ bá₄ quian₅ i₃lén₂ 'ŋi₃oi₃ tsi₁mu₅. 15 Jaun₂ ti₁ca₂néi'₂ Jesús jág₁, ca₂juá'₂:

—Tě₃ŋi'₅₄ quián'₂ 'nia'₂ quian'₅₄ juá'₅ quió'₅ dsa₂ fariseos, quian'₅₄ jág₁ quió'₅ Herodes ně₃. Ia₁ lě₅ lia'₂ lě₅ jui₁ levadura.

16 Jaun₂ ca₂dsia₃ chi'₂ dsi₂guia₃-tín₂ quian'₅₄ riin'₅₄:

—'An₁ juá'₂ le₂ně₅ ia₁ tsá₃ i₁ŋí'₄ cha₂ quián₂ jniog₄.

17 Ca₂rě₃lí'₄ bá₄ Jesús jág₁ a₂dsia₅ 'éi₂ i₃lén₂, jaun₂ ca₂juá'₂:

—¿'E₂ lě₃ juá'₂ 'nia'₂ a₂tsá₃ i₁ŋí'₄ cha₂ quián'₂ 'nia'₂? ¿'E₂ lě₃ ŋí₄ tsá₃ rě₂ŋí'₂ 'nia'₂? ¿O₃ a₂tsá₃ len'₅₄ 'e₂ 'nia'₂, o₃ a₂cang₄ dsei'₂ 'e₂ 'nia'₂? 18 ¿O₃ bá₄ a₂lě₂tio'₅₄ mi₂ne'₅₄ 'e₂ 'nia'₂, la₁ tsá₃ jniag'₃? ¿O₃ bá₄ a₂lě₁le₁dsi₅₄ bá₄ rě₂guá'₂ 'nia'₂, la₁ tsá₃ nag'₂ guě'₂ 'nia'₂? ¿O₃ bá₄ tsá₃ ma₃dsá₂ 'e₂ 'au'₂ 'nia'₂? 19 Lia'₂ con'₂ jme₁ca₂dsio'₄ jniá₂ quian'₅₄ 'ŋiá₂ i₁ŋí'₄ bá₄ ca₂lin₅ ca₂guě'₃ con'₂ 'ŋiá₂ mei₅ dsa₂, ¿je₂liá'₂ mi'₂ ca₂lě₃ ni₁'nau₅₄ a₂ca₂chóng₃ guě₄ ca₂cag'₅₄ 'nia'₂?

Jaun₂ ca₂ŋag₃ 'éi₂:

—Guia₃-tín₂.

20 Con'₂ siá'₂ táng₃, lia'₂ con'₂ jme₁ca₂dsio'₄ jniá₂ guio₃ i₁ŋí'₄ ca₂lin₅ ca₂guě'₃ quén₂ mei₅ dsa₂, ¿je₂liá'₂ mi'₂ 'nau₅₄ a₂ca₂chóng₃ ca₂cag'₅₄ guě₄ táng₃ 'nia'₂?

Jaun₂ ca₂ŋag₃ táng₃ 'éi₂:

—Guio₃.

21 Jaun₂ ca₂juá'₂ táng₃:

—¿Tsa₁ rě₂len'₅₄ bá₄ guě₄ 'nia'₂ jaun₂?

Ca₂jme₃'lión₂ Jesús jan₂ dsa₂ ten₄ juig₂ Betsaida

22 Jaun₂ dsi₃lén₂ juig₂ Betsaida. Jaun₂ ca₂o₃jña₃ dsa₂ jan₂ dsa₂ ten₄, jaun₂ ca₂mi₃ dsa₂ a₂té₂ gu₂. 23 Jaun₂ ně₃ ca₂jña₃ gu₂ dsa₂ ten₄ 'éi₂, ca₂jio₃ jui₅ 'ni₂ juig₂. Jaun₂ ja₁jaun₂ ca₂tsáng₂ jmi₁'ě₅ quió₅, jme₁ne₁ dsa₂ 'éi₂, ca₂té₂ gu₂, jaun₂ ca₂ḡag₃ chi₂jua₂ ma₂lé₂ jág₃. 24 Jaun₂ ca₂chóg₃ ne₅₄ ca₂jág₃, jaun₂ ca₂juá₂:

—Jin₄ jniá₂ dsa₂ i₂nio₄, i₂jniá₂ lia₂ jniá₂ ni₁'ma₂.

25 Con₂ siá₂ ca₂tí₂ táng₃ Jesús gu₂ jme₁ne₁ dsa₂ 'éi₂, jaun₂ guě₄ ca₂jág₃ i₁ca₅₄ mi₂ne₅₄, jaun₂ guě₄ ca₂rě₃jniá₂ dse₃ jme₁ne₁₂, ca₂'lón₂. 26 Jaun₂ ca₂dsióg₂ Jesús co₂dsau₅ ja₁quió₄, ca₂juá₂:

—Tsá₃ 'ú₅ jě₄ juig₂ tě₃ jág₅ dsa₂.

*Ca₂cuě₃ Pe₄ jág₁ dsau₅ a₂lín₅ Jesús I₂rě₂'ín₁ quián₅ Diú₄
(Mateo 16:13-20; Lucas 9:18-21)*

27 Cang₂ jaun₂ ca₂ḡ₃ Jesús quiain₅₄ chi₂ dsi₂guia₃-tín₂ quián₅ le₂tan₅₄ juig₂ Cesarea ja₁tén₄ Filipino. Jaun₂ le₂'i₄ jui₅ ja₁l₃lén₂, ca₂ḡag₃ Jesús ca₂ḡi₃ chi₂ dsi₂guia₃-tín₂:

—¿'Ein₂ lín₅ jniá₂, juá₂ dsa₂?

28 Jaun₂ ca₂ḡag₃ chi₂ dsi₂guia₃-tín₂:

—I₂lín₅₄ dsa₂ juá₂ a₂lín₅ Juan₅₄ i₂jme₁chon₅ dsa₂ jmig₂. I₂lín₅₄ guě₂ juá₂ a₂lín₅ Elías. I₂lín₅₄ guě₂ juá₂ táng₃ a₂lín₅ jan₂ i₂sián₂ i₂chen₄ quián₅ Diú₄.

29 Jaun₂ ca₂ḡag₃ táng₃:

—¿'Nia₂ guě₂ ně₃? ¿'E₂ juá₂ 'nia₂ 'ein₂ lín₅ jniá₂?

Jaun₂ ca₂ḡag₃ Pe₄:

—'Ne₂ lín₅ I₂rě₂'ín₁ quián₅ Diú₄.

30 Jaun₂ ca₂jmo₃ Jesús 'éi₃ a₂tsá₃ dsia₃ tsí₃ 'i₁jan₂ jua₅₄ a₂'ag₃.

*Ca₂'ě₂ Jesús jág₁ a₂jóin₂
(Mateo 16:21-38; Lucas 9:22-27)*

31 Jaun₂ ně₃ ca₂jme₃lióg₃ Jesús ca₂'ě₂ jág₁ ca₂tsí₃ chi₂ dsi₂guia₃-tín₂, a₂ca₂tín₂ Jaun₅ dsa₂ mi₂güig₃ dsi₃ḡi₂ 'lióng₂ uig₅, a₂tsá₃ le₃jei₅₄ dsa₂ can₅₄ quián₅ guá₅, juig₅₄ jme₂dsa₂, tě₅juá₅ ně₃. Ca₂le₃jín₃ quiin₃ jág₁ a₂jḡag₃. La₁ jein₅₄ bá₄ táng₃ a₂'ni₅ jmig₄ jaun₂. 32 Ca₂juá₂ lia₂ rě₂jiá₃ jág₁. Jaun₂ Pe₄ ně₃ ca₂jio₃ le₂cau₅, jaun₂ ca₂jme₃lióg₃ ca₂ti₂ca₂néi₂ a₂jme₁jnéi₂ jui₅.

33 Jaun₂ ca₂jén₃ Jesús ca₂jín₂ ca₂le₃jín₃ chi₂ dsi₂guia₃-tín₂, jaun₂ ca₂jéin₂ Pe₄ ca₂juá₂:

—jḡiag₃ cau₅ quió₃, 'ne₂ Satanás! Ia₁ tsá₃ dsi₂jio₃ 'au₂ ju₁lia₂ dsi₂jio₃ dsí₅ Diú₄; lia₂ dsi₂jio₃ dsí₅ dsa₂ mi₂güig₃ bá₄ dsi₂jio₃ 'au₂.

34 Jaun₂ ca₂tě₃ Jesús chi₂ dsi₂guia₃-tín₂, ca₂le₃jín₃ guě₄ dsa₂ i₂jme₁tion₅₄ ně₃. Jaun₂ ca₂juá₂:

—Chi₂jua₂ 'ein₂ 'nio₃ 'ein₃ jniá₂, co₂dsia₅ jui₁dsi₂'én₂ dsí₅ guoin₅₄, jui₁jmo₁₂ co₂jñiai₅₄ a₂jóin₂, * ju₁'ein₁₂. 35 Ia₁ jui₁'ein₂ guě₃ i₂tsá₃ 'nio₃ jón₂ ia₁ 'ín₅ dsí₅ le₃chain₂ dse₃ mi₂güig₃ la₂, dsi₃'én₂ quió₅. La₁ jui₁'ein₂ guě₄ i₂tén₂ dsí₅ gue₃ 'mú₃ 'uig₅₄ quió₃ jniá₂, 'uig₅₄ quió₄ jág₁ dse₃ ně₃, tñn₄, le₃chain₂ dse₃ mi₂güig₃ caun₂. 36 ¿'E₂ bá₄ ta₁ jmo₃ a₂lí₂ dsa₂ 'ḡio₅ lín₃ ne₄ gua₅₄ 'uě₃ la₂, ně₃ jua₂ dsi₃'én₂ bá₄ guě₂ jme₂dsí₂ quió₅ mi₂güig₃ caun₂? 37 ¿O₃ je₂liá₂ lé₂ le₃quí₃ dsa₂ 'lia₅₄ ia₁jaun₂ tñn₄ jme₂dsí₂ quió₅? 38 Ia₁ jui₁'ein₂ guě₃ i₂gui₅₄ jmóg₂ jniá₂, quián₅₄ jág₁ dse₃ quió₃, tě₃jín₄ dsa₂ i₂qui₂rě₂cán₄ dso₄ i₂tsá₃ ne₅₄ chan₂ jmig₄ ně₃, ján₃ bá₄ le₂jaun₂ Jaun₅ dsa₂ mi₂güig₃ gui₅₄ jmóg₂ jě₁ma₂tě₂ rě₁guain₂ quián₅₄ ángeles jñi₅ quián₅₄ ca₂le₃jě₃ bí₂ jlá₁ quió₅ jmei₂.

* 8:34 lit. "ju₁quián₅₄ cróg₄ quió₅."

9

1 Jaun₂ ca₂tsí'₃ dsa₂ le₂la₂ ján₃:

—A₂dsi₂jó'₃ juá'₅ jniá'₂, ia₁ chan₂ i₂lin₅₄ 'nia'₂ i₂tion₂ ja₁lá₃ i₂tsá₃ tin₅₄ dsián₃ né'₃ a₂të₅₄ ne₅₄ a₂guá₂ jmig₄ a₂jme₃gón₃ Diú₄ quian'₅₄ jui₅bí₂ quió'₅.

Ca₂rë₃tsin₃ Jesús lia'₂ jniá'₂

(Mateo 17:1-13; Lucas 9:28-36)

2 Jñé₂ jmig₄ cang₂ jaun₂ ca₂jñia₃ Jesús Pe₄, Jacobo, Juan₅₄ në₃, jaun₂ ca₂l₃léin₂ con'₂ guoin₅₄ jui₅ caun₂ má'₂ ñei₅. Ja₁jaun₂ ca₂jme₃tsin₃ Jesús lia'₂ jniá'₂ të₃ jág₅ riin'₅₄. 3 Jaun₂ ni₁tsin'₅₄ ca₂jnia₃ tág₅ co₂'né'₅ tiog₂ jau₂ ca₂lia'₂ 'i₁jan₂ dsa₂ chan₂ mi₂güig₃ tsá₃ tiin₂ rang₃ 'mi'₂ a₂jnia₅₄ tiog₂ le₂jaun₂. 4 Jaun₂ ca₂jág₃ ca₂jnia₃ coin₂, Elías quian'₅₄ Moisés, tióin₂ dsa₂23 jág₁ quian'₅₄ Jesús. 5 Jaun₂ në₃ ca₂juá'₂ Pe₄ ca₂tsí'₃ Jesús:

—Të₅, i₁e₂ guë₄ dse₃ lia'₂ tio'₅₄ jniog₄ ja₁lá₃! Në₃ o₁jmog'₅₄ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guë'₂ quió'₅ Elías në₃.

6 (On₃juá'₅₄ jaun₂ ca₂rë₃lí'₄ rë'₂ Pe₄ 'e₂ a₂ca₂'ñiai₂, të₂'i₂₃ le₂jaun₂, ia₁ a₂gó'₅ 'ñio₅ lin₃ tióin'₅₄).

7 Të₃jë₄ jaun₂ në₃ ca₂'ág₂jnei₅ ja₁tióin'₅₄, ca₂lioin₂. Jaun₂ jë₄ jnei₅ jaun₂ ca₂'né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ guë₄ lin₃. Nei₂ 'nia'₂ jág₁ quió'₅.

8 Dsi₂jui₅ le₂jaun₂ jme₁ca₂jág₃ táng₃, tsá₃ ma₃'ein₂ chan₂, jñia'₅₄ lia'₂ jan₂ 'ñiog₅ bá₄ Jesús quiong'₅₄ guë₄.

9 Jme₁ma₂tióin'₅₄ jui₅ ja₂lein₃ sióin₅ má'₂, jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂ 'e₂ a₂ca₂jág₃ jaun₂, a₂jmo₃ tei₄ ca₂lia'₂ ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

10 Jaun₂ në₃ tei₄ bá₄ ca₂jmo₃, tsá₃ 'ein₂ ca₂tsí'₃, jñia'₅₄ lia'₂ qui₂ca₂ñi'₃ riin'₅₄ 'e₂ jein₅ jág₁ jaun₂ a₂jein'₅₄ ne₄ 'mú₃. 11 Jaun₂ ca₂ñi'₃ Jesús:

—¿'E₂ lë₃ juá'₂ të₅juá'₅, Elías bá₄ i₂ca₂tín₂ já₃ le₂'uig₅₄?

12 Jaun₂ ca₂ñag₃:

—Dsón'₂ bá₄ jaun₂ Elías bá₄ i₂jia₃ le₂'uig₅₄, a₂jmóg'₃ ca₂le₃jë₃. ¿'E₂ guë'₂ lë₃ jaun₂ chi₁ton₅ ne₄ Si₂ a₂ca₂tín₂ Jaun₅ dsa₂ mi₂güig₃ a₂tsá₃ caun₂ dsi₃ñi'₂, tsá₃ guei₃ dsa₂, 'liog'₃ dsa₂ 'uë₃ co₂ñi'₂? 13 La₁ jniá'₂ juá'₅, i₂ma₂guan₅ bá₄ Elías, qui₂ca₂jmóg'₂ dsa₂ ca₂lia'₂ lë₂ dsí₅, lia'₂ con'₂ lë₅ chi₁ton₅ ne₄ Si₂.

Ca₂jme₃'lión₂ Jesús jan₂ chi'₂ i₂jme₁'en₅₄ i₂'lin'₅₄ të₂dsí₅

(Mateo 17:14-21; Lucas 9:37-43)

14 Jme₁co₂lág₂ jaun₂, ca₂dsi₃lein₃ ja₁tion'₅₄ riin'₅₄. Jaun₂ ca₂jín₂ juin₅ dsa₂ sián'₂ tion'₅₄ le₃lág'₃ jaun₂. Tion'₅₄ të₅juá'₅ në₃, tsiin₂₃ quian'₅₄ 'éi₂. 15 Jaun₂ dsi₂jui₅ jme₁ca₂jág₃ dsa₂ ca₂le₃jín₃ ca₂jín₂ Jesús, ca₂i₃gó'₃ dsí₅ 'ñio₅ lin₃, jaun₂ i₃léin₂ i₁cuag₃ Diú₄. 16 Jaun₂ ca₂ñag₃ Jesús:

—¿'E₂ jág₁ tsi₂jín'₂ 'nia'₂ quian'₅₄ dsa₂ në₅?

17 Jaun₂ ca₂ñag₃ jan₂ dsa₂ i₂'en₅₄ jë₄ jaun₂:

—Të₅, la₂ jñiag₅₄ chi'₂ quiáng₃ a₂'ein₅₄ jme₂dsí₂ 'lin'₅₄ i₂tsá₃ cuë₅ jmig₄ dsia₃ chi'₂ jág₁.

18 Chi₂juá'₂ 'a₂ guë'₂ já₄ jmóg'₂, jmo₂₃ tón₂ 'uë₃. Qui₂'uë'₅ chi'₂ jan₅ mi₂'o₅₄, qui₂quig'₂ mi₂jan₅₄ në₃. Jmo₂₃ a₂rë₂'uá'₃ rë₂juí₂ quió'₅ në₃. Jaun₂ jme₁ma₂në₂juí₂ jniá'₂ dsa₂ i₂quiang'₅₄ a₂jme₁dsein₂₃ i₂'lin'₅₄, la₁ tsá₃ tió'₅, juá'₂.

19 Jaun₂ ca₂ñag₃ Jesús:

—i₁'En₁ jmá'₃ tsá₃ 'e₂ 'én'₂ 'nia'₂ dsa₂ chan₂ jmig₄ në₃! ¿Je₂liá'₂ jmig₄ jmá'₃ 'nió'₅ jmo₅₄ jniá'₂ tió₅ dsi₃ ñi₅₄ quian'₅₄ 'nia'₂? O₂quian₅ 'nia'₂.

20 Jaun₂ ca₂i₁quian₅₄ dsa₂ chi'₂ ca₂o₃jio₃ ne₅₄. Jaun₂ dsi₂jui₅ jme₁ca₂jág₃ i₂'lin'₅₄ ca₂jín₂ Jesús, ca₂jmo₃ táng₃ i₃'ín₃ i₂bë'₅₄ qui₂ca₂ba₂ca₂lín'₂ 'uë₃, 'uë'₅ jan₅ mi₂'o₅₄. 21 Jaun₂ ca₂ñi'₃ jmei₂ chi'₂:

—¿Jma₂je₂liá'₂ jmig₄ jén'₅ le₂në₅?

Jaun₂ ca₂ŋag₃:

—Lia'₂ con'₂ bin'₅₄ bá₄ i₂ně₅. ²² 'Lióng₂ ráun₂ ma₂jmo₃ a₂'nio₃ 'í₂ né'₃ si₂, 'nio₃ 'í₂ né'₃ jmíg₃ ně₃, a₂jmóg'₂ i₂'lín'₅₄ a₂'nio₃ ŋag'₃. La₁ ně₁jua'₂ cha₂ a₂lé₂ le₃jmó'₂, dsa₄ ŋéi₂ 'au'₂ jnia'₅₄.

²³ Jaun₂ ca₂juá'₂ Jesús:

—ǰ'_{A2} bá₄ lia'₂ jaun₂ “chi₂jua'₂ cha₂ a₂lé₂?” Lé₂ bá₄, quió'₅ ca₂le₃jín₃ i₂'én₂.

²⁴ Dsi₂jui₅ le₂jaun₂ ca₂ŋag₃ jmei₂ i₂bě'₅₄ ca₂juá'₂ tiá₂:

—ǰ'_{Én2} bá₄ jniá₂! ǰme₁'o₁ jaun₂ le₃'éng₂ guě₄!

²⁵ Jme₁ca₂jág₃ Jesús caun₂ qui₂ca₂ŋi'₂ juin₅ lín₃ guě₄ dsa₂, jaun₂ guě₄ ca₂jéin₂ i₂'lín'₅₄, ca₂juá'₂:

—Jú₅ ja₁ně₅, 'ne₂ jme₂dsí₂ i₂jmo'₂ con₄ güin₄ chi'₂. Ca₂lia'₂ o₁líg'₂ jmíg₄ tsá₃ ma₃'ú'₄ ja₁ně₅, ia₁ jniá₂ juá'₂.

²⁶ Jaun₂ jme₁ca₂o₃'ín₃ i₂'lín'₅₄, ca₂jmo₃ guě₄ cón'₂ ca₂guió'₃ chi'₂ 'éi₂, ca₂i₃'ín₃, ca₂ba₂ca₂lín'₂ 'uě₃, ca₂quiog₂ tsá₃ lí₄. “Ca₂join₃ bá₄”, ca₂juá'₂ mei'₂ tsá₃ ca₂le₃jín₃ dsa₂ i₂ca₂jág₂. ²⁷ Jaun₂ ca₂'ín₃ Jesús mi₂gu₂, ca₂chó'₂, jaun₂ ca₂nau₂ chi'₂.

²⁸ Jaun₂ jme₁ma₂'í₅ Jesús caun₂ dsi₂néi₂, ja₁jaun₂ ca₂ŋag₃ chi'₂ dsi₂guia₃-tín₂ con'₂ guioin₅₄:

—ǰ'_{E2} 'uig₅₄ tsá₃ ca₂tián₃ jnia'₅₄ a₂dsén₄ i₂'lín'₅₄?

²⁹ Jaun₂ ca₂ŋag₃ Jesús:

—Jme₂dsí₂ 'lín'₅₄ i₂le₂ně₅ lé₂ le₃'uúin₃ jmá'₃ lia'₂ quian'₅₄ a₂chi₂lén'₂ dsa₂ Diú₄.*

Ca₂'ě₂ táng₃ Jesús jág₁ a₂jóin₂

(Mateo 17:22-23; Lucas 9:43-45)

³⁰ Jme₁ca₂'uúin₂ juig₂ jaun₂, ca₂i₃lein₃ táng₃, ca₂ŋi₅ jui₅ 'uě₃ Galilea, tsá₃ jme₁'nio₃ Jesús le₃ŋi₅ dsa₂, ³¹ ia₁ jme₁jme₂tín₂₃ chi'₂ dsi₂guia₃-tín₂, ca₂juá'₂:

—Ja₂quián₃ jmíg₄ a₂jáng'₂ dsa₂ jín'₂ Jaun₅ dsa₂ mi₂güig₃ o₄gú₃ dsa₂ i₂'iog₅₄ jaun₂ ŋag'₃ dsa₂. La₁ a₂'ni₅ jmíg₄, jein'₅₄ bá₄ táng₃.

³² La₁ chi'₂ dsi₂guia₃-tín₂ ně₃, tsá₃ ca₂ŋi'₂ 'e₂ jein₅ jág₁ a₂juá'₂ le₂jaun₂, ton'₂ tsá₃ ma₃ca₂tiá₃ dsí₅ jua'₅₄ a₂ŋag₃ guě₄ 'e₂ ŋag₃.

Tsin₅ chi'₂ dsi₂guia₃-tín₂ 'ein₂ bá₄ i₂lín₅ i₂dsen₅₄ guě₄ con'₂ quiaín₅₄ riín₅₄

(Mateo 18:1-5; Lucas 9:46-48)

³³ Jaun₂ ca₂dsi₃lén₂ juig₂ Capernaum. Jme₁ma₂tiáin₅ dsi₂néi₂, jaun₂ ca₂ŋi'₃ Jesús chi'₂ dsi₂guia₃-tín₂, ca₂juá'₂:

—ǰ'_{E2} jág₁ tsín'₂ 'nia'₂ ja₂nóg'₅ le₂'i₄ jui₅?

³⁴ La₁ tei₄ bá₄ ca₂tiáin₂, tsá₃ 'e₂ ca₂ŋag₃, ia₁ le₂'i₄ jui₅ ja₂lein₃ tsin₂₃ 'ein₂ dsón'₂ i₂lén₂ i₂dsen₅₄ guě₄ jě₄ quió'₅ riín'₅₄. ³⁵ Jaun₂ ca₂guá₂ Jesús, jaun₂ ca₂tě'₃ ta₁guia₃-tín₂ 'éi₂, jaun₂ ca₂juá'₂:

—Chi₂jua'₂ 'ein₂ 'nia'₂ 'nio₃ lén₂ i₂le₂'uig₅₄, cán₂ ne₄ jui₅, 'nió'₅ lén₂ i₂jě₁ca₂tó'₂ quió'₅ ca₂le₃jín₃, jme₂ti₃ ta₁ ne₄ ca₂le₃jín₃ riín'₅₄.

³⁶ Jaun₂ ně₃ ca₂cain₃ jan₂ guein₂ quián₅ dsa₂, jaun₂ ca₂dsiain₃ 'éi₂ jě₄ quió'₅, jaun₂ ca₂ŋau'₃, ca₂juá'₂:

³⁷ —Jui₁'ein₂ guě₃ i₂guen₅ jan₂ guein₂ bě'₅₄ le₂la₂ o₄quió₃ jniá₂, jniá₂ bá₄ guei₂₃. I₂guei₅ jniá₂, on₃jua'₅₄ jmá'₃ jniá₂ guei₂₃. Guein₂₃ le₂jiog₅ i₂ca₂chei₃ jniá₂.

“I₂tsá₃ 'iog₅₄ jniog₄, tě₂le₃ quián₂ jniog₄ bá₄ chéin₅”

(Mateo 10:42; Lucas 9:49-50)

³⁸ Jaun₂ ca₂juá'₂ Juan₅₄:

* **9:29** A₂lín₅₄ chog₅₄ si₂ juá'₂: “a₂chi₂lén'₂ dsa₂ Diú₄, a₂jme₂'iín₅₄ ně₃.”

—Të₅, në₂jín₄ jnia'₅₄ jan₂ dsa₂ i₂në₂'uín'₂ je₂na'₅₄ quian'₅₄ bí₂'éi'₃ quiáng'₂. Tsá₃ ma₃në₂cuë'₁ jnia'₅₄ jmíg₄ jua'₅₄ a₂jmo₃ guë'₄ le₂jaun₂, ia₁ tsá₃ ñi₂₃ guë'₂ quian'₅₄ jniog₄.

³⁹ Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jñig'₅₄. Ia₁ 'i₁jan₂ tsá₃ jmo₅ caun₂ ta₁ juë'₂ lia'₂ con'₂ lë₅ 'éi'₃ quió₃ jniá₂, jua'₅₄ a₂lé₂ le₃dsia₃ 'ag₃ 'lig'₅₄ dsi₂jui₅ le₂jaun₂. ⁴⁰ Ia₁ jui₁'ein₂ guë'₃ jui₁lia'₂ i₂tsá₃ 'iog₅₄ jniog₄, i₂tión₂ të₂le₃ quián₂ jniog₄ bá₄ 'éi₂. ⁴¹ Ia₁ në₁jua'₂ 'ein₂ ca₂cuë'₃ 'nia'₂ tsá₃ a₂léi'₂ o₁jñia'₅₄ caun₂ vaso jmíg₂ bá₄, ia₁ a₂tén'₅ 'nia'₂ të₂le₃ quió'₅ I₂rë₂'ín₁ quián₅ Diú₄, a₂dsi₂jó'₃ juá'₅ jniá₂, lí'₂ bá₄ 'liain'₅₄.

A₂go'₂ tsí₃sén'₂ dsa₂ dso₄

(Mateo 18:6-9; Lucas 17:1-2)

⁴² 'Jui₁'ein₂ guë'₃ i₂jmo₅ tsí₃sén'₂ dso₄ jui₁lia'₂ i₂me'₂ le₂la₂ i₂én₂ të₂le₃ quió₃ jniá₂, ja₂lín₃ guë'₄ dse₃ co₂ñei'₅₄ jua'₅₄ a₂tón₂ dsa₂ ne₄ jmi₁ñí'₄ rë₂quein₅ ca₂míg₂ ñi₁to₂ dsi₂lag₅₄. ⁴³ Në₁jua'₂ mi₂gog'₂ jmo₅ a₂tang'₂ dso₄, co₂ñei'₅₄ guë'₄ dse₃ 'nia₄, ia₁ ja₂lín₃ guë'₄ dse₃ dsiáng'₄ 'nau₅₄ caun₂ gog'₂ ja₁le₃chang'₂ co₂tan₅₄, con'₂ guë'₄ a₂jme₁dsiáng'₄ guio₃-juí₃ a₂rë₂'ñia₅ ta₁tín₃ gog'₂ ja₁tsá₃ líg'₂ jmíg₄ éi₃ si₂.[†] ⁴⁵ Në₁jua'₂ mi₂tag'₅₄ jmo₅ a₂tang'₂ dso₄, 'nia₄ ján₃, ia₁ ja₂lín₃ guë'₄ dse₃ dsiáng'₄ guiang'₅₄ ja₁le₃chang'₂ co₂tan₅₄, lia'₂ con'₂ guë'₄ a₂jme₁dsiáng'₄ a₂rë₂'ñia₅ le₃tín₃ tag'₅₄ guio₃-juí₃, ja₁tsá₃ líg'₂ jmíg₄ éi₃ si₂.[‡] ⁴⁷ Chi₂jua'₂ mi₂ne'₅₄ jmo₅ a₂tang'₂ dso₄, co₂ñei'₅₄ guë'₄ dse₃ dsi₄ ján₃, ia₁ ja₂lín₃ guë'₄ dse₃ a₂dsiáng'₄ a₂teng'₅₄ ca₂míg₂ mi₂ne'₅₄ ja₁gon₂ Diú₄, lia'₂ con'₂ guë'₄ a₂jme₁dsiáng'₄ a₂rë₂'ñia₅ ta₁tín₃ mi₂ne'₅₄ guio₃-juí₃:

⁴⁸ ja₁tsá₃ líg'₂ jmíg₄ dsián₃ i₁ja'₅₄,

on₃ guë'₂ si₂ éi₃ në₃.[§]

⁴⁹ 'Ia₁ ca₂le₃jín₃ bá₄ 'nió'₅ lé₂ 'í₁ të₂le₃ quian'₅₄ uig₅ a₂lë₅ lia'₂ lë₅ si₂.^{*} ⁵⁰ Dse₃ bá₄ tsi₁ñi₁ të₁lia'₂ ñi'₅₄, la₁ në₁jua'₂ ca₂'en₃ ñi'₅₄ tsi₁ñi₁ në₃, ¿'A₂ bá₄ lia'₂ lé₂ le₃lei₂ táng₃? Jaun₂ jui₁len'₅₄ bá₄ 'nia'₂ jui₁lia'₂ lë₅ tsi₁ñi₁. Jui₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂ le₂jang'₂ le₂jang'₂.

10

Jme₂tag₅ Jesús jui₁lia'₂ 'a₂ lia'₂ lë₅ a₂tén₂ dsa₂ dsi₂i₂gu₂

(Mateo 19:1-12; Lucas 16:18)

¹ Jaun₂ ca₂o₃'ín₃ Jesús juí₂ Capernaum ja₁jme₁'ein₅₄, ca₂ñó₃ táng₃ ja₁tén₄ Judea quian'₅₄ jui₅ 'uë₃ të₂le₃ 'ño₅₄ Cuá₃ Jordán. Ja₁jaun₂ ca₂o₃lén₂ táng₃ dsa₂ juín₅ ja₁'ein₅₄. Con'₂ siá'₂ táng₃ ca₂jmo₃ jui₁lia'₂ jmo₂₃ tián₂, ca₂jme₃tiín₂₃ dsa₂. ² Jaun₂ ca₂dsi₃lén₂ i₂lín₅₄ dsa₂ fariseos, ca₂ñí'₃ Jesús a₂jñia'₅₄ con'₂ 'nio₃ cáun₂ táu₂ chi₂jua'₂ 'i₄ 'éi'₃ a₂tén₂ dsa₂ dsa₂ mí₂ quiáin₅.

³ Jaun₂ ca₂ñag₃ 'éi₂:

—¿'E₂ 'éi'₃ ca₂cuë'₃ Moisés guë'₂?

⁴ Jaun₂ ca₂ñag₃ táng₃ dsa₂ 'éi₂:

—Ca₂cuë'₃ Moisés jág₁ a₂lé₂ le₃jmo₃ dsa₂ ñe'₂ caun₂ si₂ të₃ron₅₄, jaun₂ guë'₄ ma₂lé₂ dsei₂₃.

⁵ Jaun₂ ca₂ñag₃ Jesús:

—'Uig₅₄ ia₁ a₂ñí₄ tsá₃ nág'₁ 'nia'₂ guiong'₅₄ bá₄ ca₂cuë'₃ Moisés 'éi'₃ jaun₂, ⁶ La₁ le₂'uig₅₄ lia'₂ con'₂ jme₁ca₂dsia₃ Diú₄ mi₂güí₃, “ca₂jmó'₂ dsa₂ ñe'₂, dsa₂ mí₂”. ⁷ “'Uig₅₄ jaun₂ në₃ dsa₂ ñe'₂, ca₂tiín₂ téin₂ chog₅₄-jmei₂, con'₂ tiain'₃ quiain'₅₄ dsa₂ mí₂ quiáin₅. ⁸ Jaun₂ jë₁le₃oin₃ lén₂ caun₂ bá₄ ñi₁ñí₅.”^{*} Jaun₂ dsióg₄ lé₂ co₂'nió'₄ jan₂ dsa₂ bá₄, tsá₃ ma₂lë₂ oin₃. ⁹ Jaun₂ tsá₃ 'i₄ 'éi'₃ jua'₅₄ dsa₂ mi₂güí₃ a₂jmo₃ jma₃quén₅ a₂ma₂dsia₃ Diú₄ rë₂.

¹⁰ Jme₁ma₂tioin'₅₄ táng₃ dsi₂néi₂, ca₂ñag₃ chi'₂ dsi₂guia₃-tín₂ ca₂ñí'₃ Jesús jág₁ në₅. ¹¹ Jaun₂ ca₂juá'₂ Jesús:

[†] **9:43** A₂lín₅₄ chog₅₄ si₂ chi₁ton₅ versículo 44, ja₁juá'₂ co₂rë₂ quian'₅₄ versículo 48. [‡] **9:45** A₂lín₅₄ chog₅₄ si₂ chi₁ton₅ versículo 46, ja₁juá'₂ co₂rë₂ quian'₅₄ versículo 48. **§ 9:48** Isaías 66:24. ^{*} **9:49** lit. “Ia₁ ca₂le₃jín₃ 'nió'₅ le₃ñi'₅₄ quió'₅ quian'₅₄ si₂.” 'Nio'₂ ja₁ton₅ 1 Pedro 1:7; 4:12. ^{*} **10:8** Génesis 2:24.

—Dsa₂ i₂tén₂ 'io₅₄ quián₅, a₂guá₃ táng₃ quiain'₅₄ i₂sián'₂, 'no₂₃ dso₄ ja₁con₂ 'io₅₄ quián₅ i₂le₂'uig'₅₄. ¹² Con'₂ gué'₂ siá'₂ táng₃ nē₁juá'₂ tén₂ 'io₅₄ dsi₂i₂gu₂ a₂guá₃ táng₃ quiain'₅₄ dsa₂ ηe'₂ sián'₂, ján₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon'₅₄ Jesús chi'₂-guein₂
(Mateo 19:13-15; Lucas 18:15-17)

¹³ Jaun₂ ca₂dsi₃lén₂ dsa₂ le₁ñjai₂₃ chi'₂ quián₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi'₂ dsi₂guia₃-tín₂ nē₃ ca₂jí₂. ¹⁴ Jme₁ca₂jág₃ Jesús, jaun₂ ca₂i₃méi'₂ dsí₅ quian'₅₄ chi'₂ dsi₂guia₃-tín₂, jaun₂ ca₂juá'₂:

—Cuē₄ 'nia'₂ jmig₄ jui₁ja₂lén₂ chi'₂-guein₂ cong₂. Tsá₃ jmó₁ 'nia'₂ le₂nē₅ jua'₅₄ a₂jñig'₅₄, ia₁ jui₁lia'₂ i₂le₂la₂ bá₄ gué'₂ i₂dsi₂len₅ ja₁gon₂ Diú₄. ¹⁵ A₂dsi₂jó'₃ juíg₂ jniá'₂ 'nia'₂, ia₁ jui₁'ein₂ gué'₃ i₂tsá₃ gue₅ 'éi'₃ quió'₅ Diú₄, jui₁lia'₂ gue₅ jan₂ i₂bē'₅₄, o₁líg'₂ tsá₃ dsi₁lein₅ ja₁gon₂ Diú₄.

¹⁶ Jaun₂ qui₂ca₂jñai'₃ guein₂ 'ein₅₄, ca₂quiog₂ gu₂ ne₄ quió'₅, ca₂jme₃jñi₃o₃.

Jan₂ dsó₂ chi'₂ cha₂ cu₄ ca₂dsia₃ jág₁ quiain'₅₄ Jesús
(Mateo 19:16-30; Lucas 18:18-30)

¹⁷ Jme₁ma₂'en₅₄ Jesús jui₅ ηó₅ táng₃, jaun₂ já₃ jan₂ dsó₂ co₂chi'₅₄ ca₂jme₃jein'₂ ca₂chi₃jné₃ ne₅₄. Jaun₂ ca₂ñag₃:

—Tē₅ dsen₃, ¿'e₂ 'nió'₅ jmo₅₄ jniá'₂ ia₁jaun₂ ting₅₄ ja₁le₃chang₂ co₂tan₅₄?

¹⁸ Jaun₂ ca₂ñag₃ Jesús:

—¿'E₂ lē₃ quiong'₅₄ jniá'₂ a₂dseng₃? 'I₁jan₂ i₂dsen₃ tsá₃ chan₂, jñia'₅₄ lia'₂ jan₂ Diú₄ bá₄. ¹⁹ Cuing'₂ bá₄ 'Éi'₃ Juá'₅ quió'₅ Diú₄, ja₁juá'₂ tsá₃ jme₁dsiang'₂ dsa₂ mi₂güig₃ ríng'₂; on₃ gué'₂ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; on₃ gué'₂ 'áng'₁. Tsá₃ jmó₁ jua'₅₄ jang'₅₄ jág₁ tē₂jág₁; tsá₃ jme₁gan₅ dsa₂ jua'₅₄ a₂jñiá'₄ a₂cha₂ quió'₅; a₂jme₁gang'₃ chog'₂-ñéi'₅ nē₃.†

²⁰ Ca₂ñag₃ táng₃ dsa₂ 'éi₂:

—Tē₅, ca₂le₃jě₃ a₂nē₅, lia'₂ con'₂ bin'₅₄ bá₄ jniá'₂ jme₂tí₁.

²¹ Jaun₂ ca₂jág₂ Jesús ηéi₂ dsí₅, ca₂juá'₂:

—Caun₂ gué'₄ a₂'nió'₅ quiáng'₂. Guan'₂ o₂'nag₄ ca₂le₃jě₃ a₂cha₂ quiáng'₂, o₂dsio'₅₄ cu₄ jaun₂ o₂cué'₅₄ dsa₂ te₂ñé₂. Jaun₂ gué'₄ le₃cha₂ a₂jlá'₁ quiáng'₂ guei'₅₄ i₂juíg₃. Jaun₂ gué'₄ ñia₅, 'éin₃.‡

²² Jaun₂ ca₂tá'₂ jén₂ dsí₅ dsa₂ 'éi₂ jme₁ca₂nág₂ le₂nē₅; ñái'₅ bá₄ jaun₂ 'lia'₂ dsí₅, ia₁ 'ñio₅ lín₃ jme₁cha₂ cu₄.

²³ Jaun₂ ca₂jén'₃ Jesús qui₂ca₂jñin₂ chi'₂ dsi₂guia₃-tín₂ quián₅. Jaun₂ ca₂juá'₂:

—'E₂ gué'₄ 'ñio₅ quian₅ ta₁ quió'₅ dsa₂ cha₂ cu₄ a₂tín'₄ ja₁gon₂ Diú₄!

²⁴ Jaun₂ i₃gó'₃ dsí₅ chi'₂ dsi₂guia₃-tín₂ jág₁ jaun₂, la₁ ca₂juá'₂ táng₃ Jesús:

—'Nia'₂ jón₃, 'e₂ bá₄ 'ñio₅ quian₅ ta₁ a₂dsilen₅ dsa₂ ja₁gon₂ Diú₄!§ ²⁵ Tsá₃ gué'₄ 'e₂ ta₁ quian₅ a₂lé₂ le₃ñi₅ jan₂ já'₂ camello jui₅ tau₂ mi₂cu₄, con'₂ gué'₄ dsa₂ cha₂ cu₄ a₂'í₂ ja₁gon₂ Diú₄.

²⁶ Jme₁ca₂nág₂ chi'₂ dsi₂guia₃-tín₂ a₂nē₅, i₃gó'₃ dsí₅ 'ñio₅ lín₃. Qui₂ca₂ñi'₃ riin'₅₄:

—¿I₂'ein₂ bá₄ gué'₂ jaun₂ nē₃ i₂lé₂ le₃tín'₄?

²⁷ Jaun₂ ca₂jág₂ Jesús, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güig₃, o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jě₃ bá₄ lé₂ le₃lé₂.

²⁸ Pe₄ nē₃ ca₂jme₃lióg₃ ca₂juá'₂:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄, ma₂ca₂tén'₂ dsi₅ jnia'₅₄ ma₂qui₂ma₂tí₄, ia₁ a₂'én₅ jnia'₅₄ 'ne₂.

²⁹ Jaun₂ ca₂ñag₃ Jesús:

† 10:19 Éxodo 20:12-6; Deuteronomio 5:16-20. ‡ 10:21 A₂lín₅₄ chog₅₄ si₂ juá'₂: “Jmo₄ co₂jñiag'₅₄ a₂jóng'₂,” (lit. quian₂ cróg₄ quiáng'₂), “éin₃ jniá'₂.” § 10:24 Cha₂ a₂lín₅₄ chog₅₄ si₂ a₂juá'₂ le₂la₂: “a₂dsilen₅ dsa₂ cha₂ cu₄ ja₁gon₂ Diú₄.”

—A₂dsi₂jó₃ juá₅ jniá₂ juí₂ 'nia'₂, ca₂le₃jín₃ i₂táun₂ 'ne₄, i₂tén₂ rin'₅₄, chog₅₄-jmei₂, chi'₂ quiáin₅, i₂tí₂ ja₁nau₂ quió'₅, 'uig₅₄ quió₃ jniá₂, quian'₅₄ 'uig₅₄ quió'₄ jág₁ dse₃ ně₃, ³⁰ gue₃ mi₂güig₃ la₂ 'lióng₂ gué₄ 'né₅, juin₅ gué₄ rin'₅₄, juin₅ gué₄ chog₅₄, juin₅ gué₄ chi'₂-guein₂ quiáin₅ ně₃ le₃chan₂; ton'₂ 'lióng₂ gué₄ ja₁nau₂ quió'₅ le₃cha₂, o₁jnia'₅₄ la₂ chain₂ mi'₅₄ co₂'ein₅ dsa₂. La₁ia₁ gue₃ ja₁le₃chain₂ co₂tan₅₄ mi₂güig₃ caun₂. ³¹ La₁ rē₂ně₃, juin₅ i₂lín₅ i₂quen₅, la₁ jmig₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄ ján₃, ju₁lia'₂ i₂tsá₃ 'e₂ quen₅ rē₂ně₃ lia'₂ con'₂ niog₅ lín₂ dsa₂ mi₂güig₃, léin₂ i₂le₂ 'uig₅₄.

Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Lucas 18:31-34)

³² Tioin'₅₄ ju₁₅ uig₂ tso₄ a₂dsi₁léin₂ Jerusalén. Jesús ně₃ ηó₃ dsi₂jniá₄ ne₄ ju₁₅. Chi'₂ dsi₂guia₃-tín₂ guē'₂ i₂léin₂ dsi₂gó'₃ dsí₅. Ca₂le₃jín₃ gué₄ dsa₂ i₂jme₁quian'₅₄ ně₃ i₂léin₂ gó'₅. Jaun₂ ně₃ ca₂tě'₃ Jesús le₃cau₅ ju₁₅ jmá'₃ dsi₂guia₃-tín₂, jaun₂ ja₁jaun₂ ca₂juá'₂ 'e₂ niog₅ dsi₃ñí₂, ³³ ca₂juá'₂:

—Ní₂ 'nia'₂ jaun₂, tio'₅₄ jniog₄ ju₁₅ uig₂ tso₄ a₂dsi₁ná₅ Jerusalén. Ja₁jaun₂ jín'₂ dsa₂ Jaun₅ dsa₂ mi₂güig₃ o₄gú₃ juig₅₄ jme₂dsa₂, ne₄ tē₅juá'₅ ně₃. I₂'éi₂ dsí₃ 'éi'₃ a₂jñag'₃ dsa₂, jaun₂ jáng'₂ dsa₂ o₄gú₃ dsi₂nau₂ ně₃. ³⁴ 'Éi₂ ně₃ a₂lē₁qui₃jmóg'₂, qui₃cuē₃, qui₃'ñéi₂ dsa₂ ně₃. Jaun₂ gué₄ jñag'₃. La₁ a₂'ni₅ jmig₄, jein'₅₄ bá₄ táng₃.

A₂ca₂mi₃ Jacobo quian'₅₄ Juan₅₄
(Mateo 20:20-28)

³⁵ Jaun₂ ně₃, Jacobo quian'₅₄ Juan₅₄, le₃on₃ ja₁ñi'₅₄ Zebedeo, ca₂jme₃quiáin₃ ja₁chén'₄ Jesús, jaun₂ ca₂juá'₂:

—Tē₅, 'niog₂ jnia'₅₄ jmó'₂ 'ne₂ dse₃ 'au'₂ a₂jmó'₂ ju₁₅ 'e₂ caun₂ a₂mí₁ jnia'₅₄.

³⁶ Jaun₂ ca₂juá'₂ Jesús:

—¿'E₂ 'niog'₂ 'nia'₂ jmo₅₄ jniá₂ guē'₂?

³⁷ Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃jáu₃ lia'₂ ca₂ton₂ cau₅ quiáng'₂ jē₁ma₂tě₂ rē₁ne'₅₄ jláng'₁ ne₄ta₁ quiáng'₂.

³⁸ Jaun₂ ca₂ñag₃ Jesús:

—Tsá₃ a₂jaun₂ ñi'₅₄ 'nia'₂ a₂mí'₂. ¿Tián'₃ 'nia'₂ dsi₃ñíg'₂ ca₂le₃jě₃ ju₁lia'₂ a₂dsi₃ñí₂ jniá₂ guē'₂? ¿Tián'₃ 'nia'₂ cán'₁ o₂i₁ dsi₅ ju₁lia'₂ o₂i₁ dsi₅ can₅₄ jniá₂?

³⁹ Jaun₂ ca₂ñag₃ táng₃ 'éi₂:

—Tián₂ bá₄ jnia'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ñí'₂ 'nia'₂ 'e₂ niog₅ dsi₃ñí₂ jniá₂. Já₃ bá₄ cán'₁ 'nia'₂ o₂i₁ dsi₅ ju₁lia'₂ o₂i₁ dsi₅ can₅₄ jniá₂. ⁴⁰ La₁ ju₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuē₅₄ a₂jaun₂. Ja₁jaun₂ lé₅ co₂jñia₅₄ a₂tian'₃ con'₂ i₂ca₂tín₂ bá₄.

⁴¹ Rin'₅₄ i₂guian₃ gué₄ 'éi₂ ně₃, ca₂rē₃'néi₃ quian'₅₄ Jacobo quian'₅₄ Juan₅₄, jme₁ca₂nág₂ juá'₂ 'éi₂ le₂ně₅. ⁴² Jaun₂ ca₂tě₃ Jesús cau₅ quió'₅ ca₂tě'₃ 'éi₂ ca₂le₃jín₃. Jaun₂ ca₂juá'₂:

—Ñi'₅₄ bá₄ 'nia'₂ ju₁lia'₂ dsa₂ can'₅₄ i₂tián'₅ gon₂ juí₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiáin₅, qui₂toin'₂ dsa₂ 'éi'₃ bēn₂. Le₂jaun₂ bá₄, ju₁lia'₂ dsi₂tan₅₄ i₂sion₅ gué₄ quiáin₅ ně₃, tián'₅ goin₂ jmo₂₃ 'éi'₃. ⁴³ La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tíin₂ jme₃ti₃ ta₁ ne₄ rin'₅₄; ⁴⁴ chi₂jua'₂ 'ein₂ 'nia'₂ 'nio₃ cán₂ ne₄ ju₁₅, 'nió'₅ jme₃ti₃ ne₄ ca₂le₃jín₃ dsa₂. ⁴⁵ Ia₁ le₂ně₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ 'lia'₅₄ ia₁jaun₂ tén'₄ juin₅.

Ca₂jme₃'lión₂ Jesús jan₂ dsa₂ ten₄ i₂chen₂ Bartimeo
(Mateo 20:29-34; Lucas 18:35-43)

46 Dsi₃lén₂ juig₂ Jericó. Jme₁o₂'ín₃ juig₂ jaun₂ quíain'₅₄ chi'₂ dsi₂guia₃-tín₂ quiáin₅, juin₅ guë₄ dsa₂ sián'₂ ně₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ñi'₅₄ Timeo), guá₅ 'éi₂ cau₅ juí₅ mi₂₃ a₂jme₃'o₅₄ dsa₂ cu₄. 47 Jme₁ca₂nág₂ juá'₂ dsa₂ ñó₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ tě'₂ Jesús:

—¡Jesús, tsi₁jon₂ David, dsia₄ ñéi₂ 'au'₂ jniá₂!

48 Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ tě₂le₃ i₂juí'₂ guë₄ co₂mi'₅₄ ca₂'í₃ bá₄, ca₂juá'₂:

—¡Tsi₁jon₂ David, dsia₄ ñéi₂ 'au'₂ jniá₂!

49 Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quíain'₅₄:

—Te'₂ 'nia'₂ o₁ja₂ ja₁lá₃.

Jaun₂ ca₂tě₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ tě₂.

50 Jaun₂ ca₂ton₃ cau₅ 'mi'₂ dsióg₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chi'₅₄, ca₂ñó₃ ja₁chén'₄ Jesús.

51 Jaun₂ ca₂ñag₃ 'éi₂:

—¿'E₂ 'niog'₂ jmo₅₄ jniá₂ o₄quíang'₂?

Jaun₂ ca₂ñag₃ táng₃ dsa₂ ten₄:

—Tě₅, a₂jnia₅₄ jme₁ne₃ bá₄ jniá₂ 'nio₃.

52 Jaun₂ ca₂juá'₂ Jesús:

—Ma₂lé₂ guang'₅₄. Ma₂'lóng'₂ ia₁ 'éng'₂ bá₄.

Dsi₂juí₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂ñó₃ quíain'₅₄ Jesús.

11

Ca₂'í₃ Jesús jë₄ juig₂ Jerusalén

(Mateo 21:1-11; Lucas 19:28-40; Juan 12:12-19)

1 Jme₁ma₂quíain₅ dsi₁lén₂ Jerusalén, dsi₃lén₂ quián₅ juig₂ Betfagé quíain'₅₄ juig₂ Betania ně₃, a₂niog₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quiáin₅, 2 ca₂juá'₂:

—O₂nó'₅ 'nia'₂ juig₂ pí'₁ niog₅ tě₂le₃ ne₄ juí₅ ja₁dsau₅₄ ně₅. Jë₁ma₂ca₂dsi₃nó'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí₂ i₂rě₂'ñe'₅₄ i₂tsá₃ 'ein₂ ma₂co₁dsag₅₄. O₂chein'₅₄ 'nia'₂ jaun₂ tě₅₄ ja₁lá₃. 3 Në₃juá'₂ 'ein₂ ca₂juá'₂: “¿'E₂ lě₃ jmo'₂ 'nia'₂ le₂ně₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂, la₁ ně₃ cón'₅ bá₄ jáng'₂ táng₃.”

4 Jaun₂ i₃lén₂ dsa₂ 'éi₂. Jme₁ca₂dsi₃lén₂ ja₁chén'₄ bú'₄ rě₂'ñe'₅₄ jë₄ calle cau₅ o₄'né₄ quió'₅ dsa₂, jaun₂ ca₂chéi'₂ jaun₂ ně₃. 5 Jaun₂ ca₂juá'₂ i₂lín₅₄ dsa₂ i₂ca₂jág₃, i₂tión₂ cau₅ jaun₂:

—¿'E₂ jmo'₂ 'nia'₂ ja₁ně₅? ¿'E₂ lě₃ tsing'₅₄ bú'₄?

6 Jaun₂ ca₂jéin'₃ bá₄ guë'₂ 'éi₂ jág₁ lia'₂ lě₅ jág₁ ca₂cuë₃, Jesús. Jaun₂ ca₂cuë₃ bá₄ dsa₂ jmi₄g₄ tě₂ já'₂. 7 Jaun₂ jme₁o₃lein₃ te₂ bú'₄, ca₂i₁jio₃ ja₁'en₅₄ Jesús, jaun₂ ca₂jmo₃ dse₃ qui₂ca₂jlág₂ 'mi'₂ mi₂ca'₄ já'₂. Jaun₂ guë₄ ca₂co₃dsag₅₄ Jesús. 8 Juin₅ dsa₂ qui₂ca₂néi'₃ 'mi'₂ le₂'i₄ juí₅ ja₁ñi'₃ Jesús. I₂lín₅₄ guë'₂ ca₂dsia₃ gu'₂-nei'₅₄ 'ma₂ a₂ca₂i₁'niai₁₂ ja₁nau₂.

9 Jaun₂ dsa₂ i₂i₂lén₂ le₃ne₄ juí₅ quíain'₅₄ i₂ja₂lén₂ le₃chi₁co'₅₄ ně₃, qui₂ca₂tóin'₂ co₂mi'₅₄, ca₂juá'₂:

—¡Juí₁le₂juin'₂ bá₄ i₂ně₅! * ¡Juí₁le₂jñió₃ bá₄ i₂ně₅ i₂já₅ o₄quió'₄ Te₁gui'₅₄! † 10 ¡Juí₁le₂jñió₃ bá₄ 'éi'₃ a₂já₅ quió'₅ jmei₂ jniog₄ David ně₃! ¡Juí₁le₂juin'₂ bá₄ i₂guá₅ guei'₅₄ i₂juíg₃!

11 Jme₁ca₂'í₃ Jesús juig₂ Jerusalén, jaun₂ ca₂'í₃ i₁dsi₅ guá'₅ templo. Jme₁ma₂ně₂jág₃ 'a₂ lia'₂ lě₅ ja₁jaun₂, ca₂o₃'ín₃, ca₂ñái'₃ táng₃ juí₅ Betania quíain'₅₄ ca₂le₃jín₃ chi'₂ dsi₂guia₃-tín₂ quiáin₅, ia₁ ma₂ca₂'láu₂.

* 11:9 lit. “Hosana”, a₂jjein₅ jág₁ quíain'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jíá₃ I₂rě₂'ín₁ quiáin₅; la₁ cang₂ jaun₂ táng₃ ca₂jjein₃ jág₁ a₂jme₂juin'₂ dsa₂ jan₂ dsa₂. † 11:9 Salmo 118:25-26.

Ca₂juá'₂ Jesús jág₁ uig₅ ca₂tsí'₃ ni₁'ma₂ higuera a₂tsá₃ míg₂ cha₂
(Mateo 21:18-19)

¹² Jme₁jnia₃ jaun₂, con'₂ ma₂'uín₂ táng₃ juig₂ Betania, ca₂tá'₂ i₁cón'₅ Jesús. ¹³ Jaun₂ ca₂jág₃ tē₂ uíng₂ caun₂ ni₁'ma₂ higuera, lia'₂ rē₂can'₂ mog'₅₄ jniá₂ chí'₅. Jaun₂ njó₃ 'uig₅₄ ja₁dsi₅₄, ia₁ líin₂ jme₁dsio'₂ míg₂. La₁ jme₁dsióg₃ ně₃, jmá'₃ mog'₅₄ bá₄ cha₂, ia₁ on₃jua'₅₄ jein₂ a₂'ag₅ míg₂ higos jaun₂. ¹⁴ Jaun₂ ně₃ ca₂juá'₂ Jesús ca₂tsí'₃ ni₁'ma₂:

—Jui₁le₅₄ ca₂lia'₂ o₁líg'₂ jmig₄ tsá₃ ma₃'ein₂ guě'₃ co₂nej₅₄ míg₂ quiáng'₂.
 Ca₂nág₂ bá₄ chí'₂ dsi₂guia₃-tín₂ jme₁ca₂juá'₂ le₂ně₅.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Lucas 19:45-48; Juan 2:13-22)

¹⁵ Jme₁ca₂dsi₃léin₂ táng₃ juig₂ Jerusalén, ca₂'í₃ Jesús i₁dsi₅ guá'₅ templo, ca₂jme₃lióg₃ ca₂'uín'₂ ca₂le₃jín₃ dsa₂ i₂jme₁tion'₅₄ 'nag₅, i₂lá₅ ně₃. Jaun₂ qui₂ca₂jéin'₃ ni₁mesa jme₁jmó'₂ dsa₂ ta₁ ja₁jme₂tsiin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹⁶ tsá₃ ma₃ca₂cuě₃ jmig₄ jua'₅₄ a₂dsi₃can₅ guě'₄ dsa₂ lió₄ quió'₅ i₁dsi₅ guá'₅.

¹⁷ Jaun₂ ca₂jme₁tiin₂₃ dsa₂ 'éi₂, ca₂juá'₂:

—Ne₄ Si₂ juá'₂: “Né₅ quió₃ lě₅ ca₂ne₅₄ 'né₅ ja₁chi₂lén'₂ dsa₂ Diú₄, dsa₂ chan₂ ca₂le₃jě₃ juig₂.” ‡ La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂. §

¹⁸ Jaun₂ juig₅₄ jme₂dsa₂ quian'₅₄ tē₅juá'₅ ně₃ ca₂nág₂ jág₁ ně₅. Jaun₂ ca₂jme₃lióg₃ ca₂'náu'₃ jui₅ 'a₂ lia'₂ jnag'₃, ia₁ gó'₅ con'₂ tsá₃ njó₅ ně₁jua'₂ 'éi₂ bá₄ jme₃gón₃ lé₂, ia₁ juin₅ lin₃ dsa₂ nag₅ dsi₂gó'₃ dsí₅ jág₁ a₂jme₂tag₅ Jesús. ¹⁹ Tē₂le₃ ca₂nei₂ jmig₄ jaun₂, ca₂'uín₂* juig₂ jaun₂.

Ca₂rě₃quén₃ ni₁'ma₂ higuera
(Mateo 21:20-22)

²⁰ Jme₁jnia₃ jaun₂, ca₂ñi₅ táng₃ jui₅ ja₁dsi₅₄ ni₁'ma₂ higuera. Jaun₂ ca₂jág₃ co₂dsia₅ ma₂quein₂ ca₂tē₂ cho'₅₄. ²¹ Jaun₂ ca₂dsáu'₃ dsí₅ Pe₄, jaun₂ ca₂tsí'₃ Jesús:

—Tē₅, jag₄ ni₁'ma₂ a₂ca₂chei'₅₄ uig₅. Co₂dsia₅ ma₂ca₂rě₃quén₃.

²² Jaun₂ ca₂ñag₃ Jesús ca₂tsí'₃ dsa₂:

—'Én₃ 'nia'₂ tē₂le₃ quió'₅ Diú₄. ²³ A₂dsi₂jó'₃ juig₂ jniá₂ 'nia'₂, jui₁'ein₂ guě₃ juá'₂ tsí'₃ ni₁má'₂ ně₅: “ñiag'₃ ja₁ně₅, o₂'ú₅ jmi₁ñí'₄”, le₂jaun₂ dsón'₂ le₃ti₃ bá₄, ně₁jua'₂ tsá₃ ca₂'ág₂ caun₂-tín₃ dsí₅. ²⁴ Jaun₂ lě₃, juá'₅ jniá₂, jui₁'e₂ guě₃ a₂mí'₂ 'nia'₂ jme₁chi₂leng'₅₄ Diú₄, ně₁jua'₂ jmo'₂ 'nia'₂ 'au'₂ ně₂jag₄ bá₄ a₂ma₂ně₂gue'₅₄ 'e₂ a₂mí'₂, le₂jaun₂ dsón'₂ le₃ti₃ bá₄ ja₁con'₂ 'nia'₂. ²⁵ Jē₁ma₂tē₂ rē₁náu'₁ 'nia'₂ chi₁leng'₄ Diú₄, ně₁jua'₂ cha₂ 'nei₂ 'au'₂ 'nia'₂ ja₁con₂ ríng'₂, 'én₃ 'nia'₂ dsáu₁ ríng'₂, ia₁jaun₂ bá₄ Néi'₅ 'nia'₂ i₂guá₅ guei'₅₄ i₂juig₃ 'éin₂ dsáu'₂ 'nia'₂ guiong'₅₄. †

Jesús bá₄ i₂'io₅ 'éi'₃

(Mateo 21:23-27; Lucas 20:1-8)

²⁷ Ca₂dsi₃léin₂ táng₃ juig₂ Jerusalén. Jaun₂ jme₁ma₂ñi₅ Jesús i₁dsi₅ guá'₅ templo, jaun₂ ca₂jme₃quián₃ juig₅₄ jme₂dsa₂, tē₅juá'₅, dsi₂gui'₅₄ can'₅₄ ně₃. ²⁸ Jaun₂ ca₂ñag₃ dsa₂ 'éi₂ ca₂ñi₅'₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jě₃ 'e₂ a₂jmo'₂ ñi'₂? ¿'Ein₂ cuě₅ bí₂ 'éi'₃ a₂jmo'₂ le₂ně₅?

²⁹ Jaun₂ ca₂ñag₃ Jesús:

—Ján₃ bá₄ ñag₄ jniá₂ caun₂ 'nia'₂. Ně₁jua'₂ ca₂ñag'₅₄ 'nia'₂ lia'₂ tí₅, jaun₂ guě₄ juá'₄ jniá₂ 'ein₂ cuě₅ bí₂ a₂jmo₂₃ ca₂le₃jě₃ a₂jmo₂₃. ³⁰ Jui₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig₃ 'e₂? Ñag₄ 'nia'₂.

³¹ Jaun₂ ca₂dsia₃ dsa₂ can'₅₄ jág₁ con'₂ guioin₅₄, ca₂juá'₂:

‡ 11:17 Isaías 56:7. § 11:17 Jeremías 7:11. * 11:19 A₂lin₅₄ chog₅₄ si₂juá'₂: “ca₂o₃'ín₃.” † 11:25 A₂lin₅₄ chog₅₄ si₂chi₁ton₅ versículo 26 ján₃, a₂juá'₂ le₂la₂: “Ia₁ ně₁jua'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ 'nia'₂ i₂guá₅ guei'₅₄ i₂juig₃ dsáu'₂ 'nia'₂ guiong'₅₄”.

—Në₁jua'₂ ca₂chei₅₄ jniog₄ 'éi'₃ quió'₅ Diú₄ bá₄, në₃ cón'₅ bá₄ ŋag₃: “¿'E₂ lë₃ tsá₃ ca₂rë₃'én'₂ 'nia'₂ jág₁ quió'₅ 'éi'₂?” ³² ¿La₁ në₁jua'₂ ca₂chei₅₄ jniog₄ 'éi'₃ quió'₅ dsa₂ mi₂güig₃ bá₄...?

La₁ ca₂rë₃gain₃ ca₂le₃jín₃ dsa₂ i₂quian'₅₄ Jesús. Ia₁ ca₂le₃jín₃ dsa₂ jme₁'éin₂ a₂jme₁lín₄ Juan₅₄ tē₃dsón'₂ jan₂ dsa₂ i₂'ě₂ jág₁ quián₅ Diú₄. ³³ Jaun₂ ca₂ŋag₃ dsa₂ can'₅₄ ca₂tsí'₃ Jesús:

—Tsá₃ a₂jaun₂ ne₄ jnia'₅₄.

Jaun₂ ca₂ŋag₃ táng₃ Jesús:

—Ján₃ bá₄ tsá₃ juá'₄ jniá'₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃ ŋi₂₃.

12

Jág₁ jáng'₅ léi₄ ju₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Mateo 21:33-46; Lucas 20:9-19)

¹ Jaun₂ ca₂jme₃lióg₃ Jesús ca₂juá'₂ quian'₅₄ jág₁ a₂jáng'₅ léi₄. Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ míg₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃. Jaun₂ ca₂jmo₃ co₂jnia₅₄ ja₁jlein'₃ míg₂. Jaun₂ ca₂chi'₃ caun₂ tsi₁'né₅ ŋei₅ ja₁guá₃ jmo₃ 'í₁.

Jaun₂ ca₂l'í'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, Jaun₂ ca₂ŋó₃ bá₄ 'ŋiog₅ i₂ŋí₃ juig₂ siá'₂. ² Jme₁ca₂tě₂ jein₂ a₂ca₂rau₂ míg₂, jaun₂ ca₂chen₃ dsa₂ juig₅₄ ja₁nau₂ jan₂ dsa₂ mozo quián₅ a₂jme₁i₂mí₃ a₂jáng'₃ dsa₂ ca₂dsio₄ míg₂ con'₂ a₂ca₂tín₂ dsa₂ juig₅₄. ³ Dsa₂ jmó'₂ ta₁ ja₁nau₂ ně₃, 'nió'₄ a₂jme₁cuē₃ a₂mi₅ dsa₂ 'éi₂, ca₂ŋau'₃, ca₂cuě'₃ dsa₂ 'éi₂ tióin'₅₄, ca₂dsióg'₂ bá₄, tsá₃ 'e₂ ca₂jáng'₃ a₂jme₁mi₅ 'éi₂. ⁴ Dsa₂ juig₅₄ ja₁nau₂ ně₃ ca₂chein₃ táng₃ jan₂ dsa₂ mozo sián'₂. I₂'éi₂ ně₃, ca₂cuí'₂ mi₂dsi₅₄, ca₂jmóg'₂ dsa₂ 'éi₂, jě₂ bá₄ ca₂tě₂ca₂'o'₂. ⁵ Jaun₂ dsa₂ juig₅₄ ja₁nau₂ ně₃ ca₂chein₃ bá₄ guě₄ jan₂ dsa₂ sián'₂ táng₃, la₁ i₂'éi₂ guě₄ ně₃ ca₂jŋi'₃. Juin₅ guě₄ i₂sián'₂ ca₂i₁len₅₄ ján₃. I₂lín₅₄ 'éi₂ qui₂ca₂cuě'₃, i₂lín₅₄ guě'₂ ca₂jme₃dsiain₂₃ tióin'₅₄.

⁶ Dsa₂ juig₅₄ ja₁nau₂ ně₃ jme₁chan₂ guě₄ jan₂ ja₁ŋi'₅₄ i₂jme₁'nio₃ guě₄ lín₃. Jaun₂ ca₂chein₃ 'éi₂, ia₁ lín₂: “Jme₃gan₃ dsa₂ chi'₂ quiáng₃.” ⁷ La₁ dsa₂ tion'₅₄ ja₁nau₂ ně₃, ca₂dsia₃: “I₂ně₅ bá₄ tñ₃ ja₁nau₂ la₂ cang₂; ně₃ o₁jŋí'₄ jniog₄, ia₁jaun₂ jniog₄ bá₄ lé₂ quián₂”. ⁸ Jaun₂ le₂jaun₂ bá₄ ca₂jmo₃. Ca₂jŋi'₃ bá₄ 'éi₂ tióin'₅₄. Jaun₂ ca₂dsei₂₃ le₃co'₅₄ jní₁.

⁹ Jaun₂, ¿'e₂ jmo₃ dsa₂ juig₅₄ ja₁nau₂? Jŋi₁ó'₂ jme₃dsiain₂₃ ca₂le₃jín₃ dsa₂ i₂tion'₅₄ jmó'₂ ta₁ ja₁nau₂ quió'₅, jaun₂ dsia₃ gu₂ dsa₂ sián'₂ táng₃.

¹⁰ ¿Tsa₁ ma₂'í'₂ 'nia'₂ Si₂ ja₁juá'₂:

Ni₁cang₁ a₂tsá₃ ca₂rë₃jí'₅₄ tē₅'ia'₂,
ca₂dsióg₃ ca₂lě₃ ni₁cang₁ a₂dsen₅₄ guě₄

a₂tě₁ron₅₄ qui'₅₄ 'ia'₂;

¹¹ con'₂ ně₅ lě₅ ca₂jmo₃ Te₁gui'₅₄,

jaun₂ 'ŋio₅ lín₃ bá₄ jlá'₁, lág₂ jniog₄?*

¹² Jaun₂ jme₁'no'₂ dsa₂ jui₅ a₂jme₁tsáun'₂, ia₁ ca₂rë₃lí'₄ bá₄ guioin₅₄ a₂juá'₂ Jesús jág₁ jáng'₅ léi₄ ně₅ a₂'in₂₃ 'éi₂ bá₄. La₁ ca₂rë₃gain₃ bá₄ dsa₂ juin₅ i₂quian'₅₄ Jesús. Jaun₂ i₂lein₃ bá₄, tsá₃ ma₃ca₂jŋau'₃.

Jág₁ ju₁lia'₂ 'lia'₅₄ a₂ca₂tín₂ dsi₂tan₅₄

(Mateo 22:15-22; Lucas 20:20-26)

¹³ Jaun₂ ca₂chen₃ dsa₂ can'₅₄ i₂lín₅₄ dsa₂ fariseos, quian'₅₄ i₂lín₅₄ dsa₂ quián₅ Rag₅₄ Herodes a₂dsi₃chi'₅₄ 'e₂ dsi₃chi'₅₄ Jesús, ia₁jaun₂ cuin₅ jmíg₄ jo₅₄ ju₁lia'₂ bá₄ 'ŋiá'₃ ca₂jon₄ jág₁ 'lia'₂. ¹⁴ Jaun₂ ca₂o₃lén₂ ca₂juá'₂:

—Tě₅, ne₄ bá₄ jnia'₅₄ a₂dsón'₂ bá₄ juá'₂ 'ne₂ lia'₂ tí₅ jág₁. Jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ 'ag₅ dsa₂, ia₁ tsá₃ gang'₃ jmag'₅₄ ju₁lia'₂ dsa₂ dsen₅₄ ně₃. Caun₂

* 12:11 Salmo 118:22-23.

qui₂jme₂tíng'₁ bá₄ dsa₂ jui₅ quió'₅ Diú₄. ¿'I₄ 'éi'₃ qui₅₄ 'lia'₅₄ a₂ca₂tín₂ dsi₂tan₅₄ César? ¿'Nió'₅ qui₅₄ o₃ tsá₃ qui₅₄ 'e'₂?

15 La₁ ŋi₅ rē₂ bá₄ Jesús a₂lē₁i₂nio₄ juá'₂ o₁ne₁ bá₄ dsa₂ 'éi'₂. Jaun₂ ca₂juá'₂:

—¿'E₂ lē₃ cáun'₂ 'nia'₂ táu₂ jniá'₂? O₂quian₂ de'₂ 'nia'₂ caun₂ cu₄ denario jaun₂ jág₄ jniá'₂.

16 Jaun₂ ca₂i₁quian₅₄ dsa₂. Jaun₂ jme₁ca₂jág₃ Jesús, jaun₂ ca₂ŋag₃:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ quió'₅ letra ně₃?

Jaun₂ ca₂ŋag₃:

—Quió'₅ gui'₅₄ emperador César bá₄.

17 Jaun₂ ca₂juá'₂ táng₃ Jesús:

—Jang'₅₄ 'nia'₂ ne₄ César con'₂ a₂ca₂tín₂ César; ne₄ Diú₄ ně₃ jang'₅₄ 'nia'₂ con'₂ a₂ca₂tín₂ Diú₄.

Jaun₂ ca₂i₃gó'₃ dsi₅ jjin₂ 'éi'₂.

Ca₂ŋag₃ dsa₂ saduceos jui₁lia'₂ a₂jen'₅₄ 'lag₄

(Mateo 22:23-33; Lucas 20:27-40)

18 Jaun₂ ca₂o₃lén₂ i₂lin₅₄ dsa₂ saduceos ca₂o₃jjin₅₄ Jesús. Ia₁ tsá₃ 'én₂ dsa₂ 'éi'₂ a₂jen'₅₄ táng₃ dsa₂ jē₁ma₂dsain₃. Jaun₂ ca₂tsí'₃ Jesús:

19 —Tē₅, ca₂quiog₂ Moisés si₂ a₂juá'₂, ně₁juá'₂ ca₂jon₃ jan₂ dsa₂ ŋe'₂ tē₃ tsá₃ ca₂can₃ 'io₅₄ quiáin₅ guein₂, tion'₅₄ 'nió'₅ jén'₂ gu₂ dsó₂ rin'₅₄ dsa₂ ŋe'₂ i₂ca₂jon₃ quiaín'₅₄ 'io₅₄ 'nág₂ 'éi'₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ rin'₅₄.†

20 'Ia₁ jme₁chan₂ guion₃ dsa₂ ŋe'₂ i₂lín₅ jmá'₃ lia'₂ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅. 21 Jaun₂ ca₂jen'₂ táng₃ gu₂ 'io₅₄ 'nág₂ 'éi'₂ quiaín'₅₄ jē₁ca₂tē₂ on₃. Ján₃ bá₄ le₂jaun₂ ca₂jon₃ táng₃ dsó₂ 'éi'₂, tsá₃ guein₂ ca₂can₃ 'io₅₄. Ján₃ bá₄ le₂jaun₂ ca₂lē₃ quian'₅₄ jē₁ca₂tē₂ ún₂. 22 Le₂jaun₂ bá₄ ca₂lē₃ quian'₅₄ ta₁guion₃ dsa₂ ŋe'₂ con'₂ i₂jme₁lē₄ rin'₅₄: ca₂dsain₃ bá₄ tē₃ tsá₃ guein₂ ca₂can₃ 'io₅₄ 'i₁jan₂ quiaín'₅₄ 'i₁jan₂ dsó₂ 'éi'₂. Jaun₂ ca₂jon₃ 'io₅₄ jme₁ca₂join₃ ně₃. 23 Jaun₂ ně₃, jmi₄g₄ jē₁ma₂tē₂ rē₁jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi'₂? Ia₁ ta₁guion₃ bá₄ guē'₂ dsa₂ ŋe'₂ ca₂guá₂ quiaín'₅₄.

24 Jaun₂ ca₂ŋag₃ Jesús:

—'E₂ guē'₄ tsá₃ rē₂ ŋí'₂ 'au'₂ 'nia'₂, ia₁ a₂tsá₃ cuin'₂ 'nia'₂ 'a₂ lia'₂ juá'₂ Si₂, on₃ guē'₂ cuin'₂ 'nia'₂ 'a₂ lia'₂ lē₅ jui₅bí₂ quió'₅ Diú₄. 25 Jē₁ma₂tē₂ jmi₄g₄ a₂jen'₅₄ 'lag₄, on₃juá'₅₄ a₂le₃chain₂juá'₅₄ a₂qui₃jéin'₂ guē'₄ gu₂, on₃ guē'₂ ně₅ tóin'₃ guē'₄ jua'₅₄ a₂qui₃cuin₃ chi'₂ quiáin₅ a₂jéin'₂ gu₂, ia₁ i₂lén₂ jui₁lia'₂ lín₅ ángeles i₂tion'₅₄ guei'₅₄ i₂juíg₃ bá₄ 'éi'₂ jmi₄g₄ jaun₂. 26 La₁ jui₁lia'₂ a₂jen'₅₄ táng₃ 'lag₄, ¿tsa₁ ma₂'í'₂ 'nia'₂ Si₂ quió'₅ Moisés jui₁lia'₂ ja₁juá'₂ 'ē₂₃ ni₁'ma₂ taun₅, ja₁ca₂juá'₂ Diú₄ ca₂tsí'₃ Moisés: “Jniá'₂ bá₄ líng₅ Diú₄ quián₅ Abraham, quián₅ Isaac, quián₅ Jacob ně₃?”‡

27 A₂lín₅ Diú₄ quian₅ dsa₂ jén'₃ bá₄, on₃juá'₅₄ rē'₂ Diú₄ quián₅ 'lag₄. Jaun₂ 'ŋio₅ lín₃ tsá₃ rē₂ ŋí'₂ 'au'₂ 'nia'₂.

'Éi'₃ Juá'₅ a₂dsen₅₄ guē'₄ quió'₅ Diú₄

(Mateo 22:34-40)

28 Jaun₂ ca₂guan₃ jan₂ tē₅juá'₅, ca₂nág₂ jág₁ a₂tsin₅ Jesús quian'₅₄ dsa₂, ca₂rē₃lí'₄ bá₄ a₂ca₂ŋag₃ Jesús lia'₂ tí₅ jág₁. Jaun₂ ca₂ŋag₃:

—¿'E₂ 'Éi'₃ Juá'₅ a₂le₂'uig₅₄ a₂lē₅ a₂dsen₅₄ guē'₄ con'₂ guē'₄ ca₂le₃jě₃ juá'₅?

29 Jaun₂ ca₂ŋag₃ Jesús:

—'Éi'₃ Juá'₅ le₂'uig₅₄ con'₂ guē'₄ ca₂le₃jě₃, juá'₂: “Nei₂ 'nia'₂ dsa₂ chan₂ juig₂ Israel. Jan₂ Te₁gui'₅₄ bá₄ lín₅ Diú₄ quián₂ jniog₄. 30 Jme₁'nió'₄ 'nia'₂ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsí₂ quiáng'₂, ca₂le₃jě₃ 'a₂ lia'₂ ŋí'₂ dsei'₂, ca₂le₃jě₃ bí₂ quiáng'₂.”§ 31 Jē₁ca₂tē₂ tin₃ juá'₅ ně₃ juá'₂: “A₂jme₁'nióg'₄ dsa₂ mi₂güig₃ ríng'₂ jui₁lia'₂ 'niog'₂ 'ŋiag'₂.”* Jnia'₅₄ lia'₂ a₂tin₃ ně₅ bá₄ juá'₅ a₂lē₅ a₂dsen₅₄ guē'₄ con'₂ guē'₄ ca₂le₃jě₃ 'Éi'₃ Juá'₅ quió'₅ Diú₄.

† 12:19 'Nió'₂ ja₁ton₅ Deuteronomio 25:5-6. ‡ 12:26 Éxodo 3:6. § 12:30 Deuteronomio 6:4-5. * 12:31 Levítico 19:18.

³² Jaun₂ ca₂ηag₃ tē₅juá'₅ 'éi₂:

—Tē₅, 'ηio₅ dse₃ lia'₂ nē₂ηag'₅₄; a₂dsón'₂ bá₄ dsau₅ jan₂ bá₄ Diú₄ i₂chan₂, tsá₃ ma₃'ein₂ diú₄ sián'₂ chan₂. ³³ A₂jaun₂ bá₄ a₂dsen₅₄ guē₄ a₂jme₃'nio₃ dsa₂ Diú₄ ca₂le₃jě₃ dsí₅, ca₂le₃jě₃ jme₂dsí₂, ca₂le₃jě₃ bí₂ quió'₅; a₂jme₃'nio₃ dsa₂ riin'₅₄ jui₁lia'₂ 'nioi₃ 'ηiog₅. A₂jaun₂ bá₄ a₂quen₅ guē₄ con'₂ guē₄ ca₂le₃jě₃ 'e₂ niog₅ jén'₅ dsa₂ ne₄ Diú₄, o₃ 'e₂ a₂qui₂dsí'₂ dsa₂ ne₄chei₂ ně₃.

³⁴ Jaun₂ jme₁ca₂nág₂ Jesús ca₂ηag₃ bá₄ dsa₂ 'éi₂ a₂ηí'₂ dse₃ dsí₅, jaun₂ ca₂juá'₂:

—Tsá₃ uíng₂ ηí'₂ ja₁gon₂ Diú₄.

Jaun₂ tē₂le₃ ne₄ jui₅ guē₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ηág₃ guē₄ 'e₂ ηag₃.

¿'Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?

(Mateo 22:41-46; Lucas 20:41-44)

³⁵ Jaun₂ ca₂jéin'₃ Jesús jág₁ jē₄ jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂:

—¿'A₂ lia'₂ lē₅ juá'₂ tē₅juá'₅ a₂lín₅ tsi₁jon₂ David I₂rē₂'ín₁ quián₅ Diú₄, ³⁶ ton'₂ 'ηiog₅ bá₄ guē'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jñio₅ tē₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”?

³⁷ ¿'A₂ bá₄ lia'₂ lē₅ jaun₂ a₂lín₅ tsi₁jon₂ David, ton'₂ 'ηiog₅ bá₄ guē'₂ David ca₂tē₃ “Te₁gui'₅₄ quiáng₃?”

Ca₂le₃jín₃ dsa₂ juin₅ 'éi₂ jme₁nag₂₃ 'ηio₂ dsí₅ jág₁ quió'₅.

Chóg'₅ Jesús dso₄ juá'₂ 'a₂ lia'₂ niog₅ lín₅ tē₅juá'₅

(Mateo 23:1-36; Lucas 11:37-54; 20:45-47)

³⁸ Tē₃jē₄ jme₂tiin₂₃ dsa₂, ca₂juá'₂:

—Ní₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ jui₅ jui₁lia'₂ niog₅ lín₅ tē₅juá'₅. Ia₁ tē₅ dsí₅ i₂niioi₅₄ le₁qui'₂ 'mi'₂ chen'₅₄ jang₄, ton'₂ tē₅ dsí₅ qui₂cuag₃ dsa₂ Diú₄ jē₄ 'ma'₅₄, ³⁹ ton'₂ jmá'₃ lia'₂ ja₁dsen₅₄ bá₄ qui₂dsi₂tiain'₂ jui₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂guē'₃ jui₁lia'₂ ja₁niog₅ jmig₄. ⁴⁰ Qui₂ηiá'₂ 'ne₄ 'io₅₄ 'nág₂ ně₃, jaun₂ a₂ηia'₅₄ con'₂ 'ma₂₃ jlē₅ a₂jmo₂₃ jaun₂, chi₂lén'₂ Diú₄ uē₂ lín₃ tē₃jín₄ dsa₂. La₁ 'e₂ guē₄ uig₅ cuē₃ Diú₄ quió'₅ i₂le₂'éi₂.

Ca₂tó'₂ 'io₅₄ 'nág₂ te₂ηé₂ cu₄ quió'₅

(Lucas 21:1-4)

⁴¹ Co₂ráun₂ guá'₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá'₅ jñin₂ dsa₂ i₂dsi₂lén₂ dsi₂tio'₂ cu₄ 'ηió'₃ tsi₁gu₅. Jaun₂ ně₃, juin₅ dsa₂ cha₂ cu₄ dsi₂lén₂ dsi₂tio'₂ 'lióng₂ cu₄. ⁴² La₁ tē₃jē₄ jaun₂ ca₂dsióg₃ jan₂ 'io₅₄ 'nág₂ te₂ηé₂. Jaun₂ ca₂tó'₂ tin₃ ηí₁ guéin₂.[‡] ⁴³ Jaun₂ ca₂tē'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—A₂dsi₂jó'₃ juíg₂ jniá₂ 'nia'₂, 'lióng₂ guē₄ nē₂tió'₂ 'io₅₄ 'nág₂ te₂ηé₂ ně₅, lia'₂ con'₂ guē₄ ca₂le₃jín₃ i₂ma₂nē₂tió'₂ 'ηió'₃ tsi₁gu₅. ⁴⁴ Ia₁ 'éi₂ ně₃ cu₄ a₂ma₂qui₂rē₂tsón₂ bá₄ jaun₂ quió'₅ cuē₂₃. 'Io₅₄ 'nág₂ ně₅ ně₃, ca₂le₃jě₃ bá₄ nē₂cuē₃, con'₂ a₂jme₁ron₅ quió'₅, 'nió'₄ a₂jme₁lá₃ a₂guē'₃.

13

Ca₂'ě₂ Jesús jág₁ a₂dsi₃'én₂ bá₄ guá'₅ templo

(Mateo 24:1-2; Lucas 21:5-6)

¹ Con'₂ jme₁ma₂'ein₅₄ jui₅ o₂'in₅ i₁dsi₅ guá'₅, jaun₂ ca₂juá'₂ jan₂ chi'₂ dsi₂guia₃-tín₂ quiáin₅:

—¡Tē₅, jag₄ 'e₂ guē₄ jlá'₁ ni₁cang₁ a₂le₁juí₄ a₂lē₅ guá'₅!

† 12:36 Salmo 110:1. ‡ 12:42 lit. “tin₃ ηí₁ lepta.”

²Jaun₂ ca₂ŋag₃ Jesús:

—ǂág' ₂ 'né₅ ca' ₅₄ a₂te' ₁ i₁ nē₅? Já₅ caun₂ jmig₄, 'i₁ca₂míg₂ ni₁cang₁ tsá₃ ma₃'e₂ le₁juí₄ lé₂.

Léi₄ a₂lé₂ jmig₄ jē₁ca₂tó'₂

(Mateo 24:3-28; Lucas 21:7-24; 17:22-24)

³Jme₁ca₂dsióg₃ Jesús má' ₂ Olivos a₂chí' ₅ quióng₄ guá' ₅, ja₁jaun₂ ca₂guá' ₂. Jaun₂ ca₂guan₃ Pe₄, Jacobo, quiain' ₅₄ Juan₅₄, Drē₄ nē₃, ca₂tsí' ₃ Jesús con' ₂ jē₄ tē₃co' ₅₄:

⁴—Jua' ₅₄ líg' ₂ bá₄ le₃ti₃ a₂juá' ₂ 'ne₂ nē₅. 'Niog₂ jnia' ₅₄ le₃ne₄. ǂ'E₂ léi₄ a₂lé₂ né' ₃ a₂tē₅₄ jmig₄ jaun₂?

⁵Jaun₂ ca₂ŋag₃ Jesús:

—Jmo₄ 'nia' ₂ 'í₁ ia₁jaun₂ tsá₃ 'ein₂ jme₃gau₅. ⁶Ia₁ juin₅ i₂tē₁i₃nio₄ a₂juá' ₂ i₂nioi₅₄ o₄quió₃ jniá₂, juá' ₂: “Jniá₂ bá₄ líng₅ 'éi₂,” jaun₂ juin₅ dsa₂ i₂qui₂jme₃gain₂₃.

⁷'Jē₁ma₂nei' ₂ 'nia' ₂ 'ei₅ jág₁ a₂nio₃ 'nei₂ a₂quín' ₂ dsa₂ ja₁lá₃ ja₁ó₃, la₁ tsá₃ jmó' ₁ 'nia' ₂ gang' ₃, ia₁ le₂jaun₂ dsón' ₂ lé₂ bá₄. La₁ on₃jua' ₅₄ jmig₄ jē₁ca₂tó' ₂ jaun₂. ⁸Ia₁ nio₃ 'nei₂, qui₃quín' ₂ dsa₂ le₂caun₂ le₂caun₂ juig₂ nación; dsi₂tan₅₄ guē' ₂ nē₃ qui₃tóin' ₃ mi' ₅₄ quín' ₂ quian' ₅₄ dsi₂tan₅₄ riin' ₅₄ i₂chan₂ juig₂ siá' ₂. 'Lióng₂ ja₁qui₂dsi₃bi' ₅₄ 'uē₃ lé₂, ton' ₂ le₃cha₂ 'lióng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jmi₁uig₅ bá₄ guē' ₄ nē₅, ju₁lia' ₂ jan' ₂ 'io₅₄ i₂rē₂chan₂ guein₂ quián₅.

⁹'Rē₂ján' ₁ 'nia' ₂ chang' ₂, ia₁ qui₃jín' ₂ dsa₂ 'nia' ₂ ne₄ dsi₂tan₅₄ quián₅ guá' ₅ ia₁jaun₂ bóg₂ dsa₂ dsi₂néi₂ guá' ₅ sinagogas. Jaun₂ dsi₁nó' ₅ 'nia' ₂ tē₃ne₄ dsi₄má' ₂, ne₄ rag₅₄ nē₃, 'uig₅₄ quió₃ jniá₂; ja₁jaun₂ o₁jang' ₄ 'nia' ₂ jág₁ dsau₅. ¹⁰Jág₁ quió' ₅ Diú₄ de' ₂ jniá₅ 'nió' ₅ dsi₃'ag₅ le₂con₂ mi₂güig₃. ¹¹Jē₁ma₂tē₂ rē₁qui₃tē₂ dsa₂ 'nia' ₂ a₂dsi₁jó₂ ne₄ dsi₂tan₅₄, tsá₃ jmó' ₂ 'nia' ₂ 'i₅ 'au' ₂ tē₃jniá₅ 'e₂ ŋag' ₅₄. La₁ ŋag₄ bá₄ 'nia' ₂ con' ₂ jág₁ a₂ma₂ca₂ŋi' ₂ 'nia' ₂ hora jaun₂, ia₁ on₃jua' ₅₄ guion' ₅₄ 'nia' ₂ a₂ŋag' ₅₄ jág₁ jaun₂; Jme₂dsi₂ Jnió₅ bá₄ i₂jmo₃. ¹²Ia₁ tón' ₃ dsa₂ qui₃jín' ₂ riin' ₅₄ jmig₄ jaun₂, jaun₂ jŋag' ₃ dsa₂; ju₁lia' ₂ jmei₂ qui₃jín' ₂ chi' ₂ quián₅. Chi' ₂ guē' ₂ nē₃, jme₃'ŋiai₅₄ chog₅₄-jmei₂; chan₂ guē' ₂ i₂qui₂jme₃dsian₅ chog₅₄-jmei₂ nē₃. ¹³Ca₂le₃jín₃ dsa₂ jme₃'ŋia₅₄ 'nia' ₂ 'uig₅₄ quió₃ jniá₂, la₁ ju₁lia' ₂ i₂tió' ₃ náu₃ tiá₂ tē₂ jē₁ca₂tó' ₂, tīn' ₄ bá₄.

¹⁴'Jaun₂ nē₃, já₅ jmig₄ a₂tē₅₄ ne' ₅₄ 'nia' ₂ a₂náu₃ jan₂ dsa₂ i₂ju₁si 'lin' ₅₄ ja₁tsá₃ 'i₄ 'éi' ₃ náu₃,* —jaun₂ ju₁le₂ŋí' ₂ bá₄ i₂'i₅ si₂ la₂—; jaun₂ nē₃, dsa₂ i₂tián' ₅ le₂tan₅₄ 'uē₃ Judea, ju₁cuing₁₂ ju₁ má' ₂. ¹⁵Ju₁lia' ₂ i₂'en₅₄ guei' ₅₄ 'ne₄, tsá₃ ju₁sióin₄ jua' ₅₄ a₂'uē' ₃ 'e₂ 'uē' ₃ dsi₂néi₂ quió' ₅; ¹⁶ju₁lia' ₂ i₂'en₅₄ ja₁nau₂ quió' ₅ táng₃, tsá₃ ma₃ju₁jŋioi' ₅₄ jua' ₅₄ a₂ja₃quián₂ tsi₁'mi' ₂ dsióg₂ quió' ₅. ¹⁷Ju₁g₂ bá₄ ju₁lia' ₂ dsa₂ mí₂ i₂le₁quian₅ guein₂, ju₁lia' ₂ i₂chan₂ guein₂ bē' ₅₄ i₂'ín' ₂ dsi' ₅₄ quió' ₅ nē₃, jmig₄ jaun₂! ¹⁸Mi₄ 'nia' ₂ ne₄ Diú₄ tsá₃ ju₁dsi₂ŋí' ₂ 'nia' ₂ a₂jaun₂ ju₁lia' ₂ jein₂ güig₂. ¹⁹Ia₁ juá' ₅ jniá₂, caun₂ o₂i₁ dsi₅ lin₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güig₃, on₃ guē' ₂ ma₃niog₅ jmig₄ jua' ₅₄ a₂le₃cha₂ guē' ₄ cang₂. ²⁰Jua' ₅₄ mei' ₂ guē' ₃ Te₁gui' ₅₄ tsá₃ ma₂ca₂jme₃tē₃ jmig₄ jaun₂, 'i₁jan₂ tsá₃ 'ein₂ jme₁lión₂ jua' ₅₄ mei' ₂ guē' ₃ tsá₃ le₂jaun₂. La₁ ma₂ca₂jme₃tē₃ bá₄ jmig₄ jaun₂ o₄quió' ₄ i₂quion' ₅₄ quián₅.

²¹'Nē₁jua' ₂ chan₂ i₂ca₂juá' ₂ tsí' ₅ 'nia' ₂ jmig₄ jaun₂: “ǂag₄ 'nia' ₂! La₂ bá₄ chén' ₅ I₂rē₂'ín₁ quián₅ Diú₄,” o₃ nē₁jua' ₂ 'ein₂ ca₂juá' ₂: “Jó₄ 'ein₅₄,” tsá₃ o₁'en' ₅₄ 'nia' ₂ jág₁ jaun₂. ²²Ia₁ juin₅ dsa₂ i₂jme₃gau₅ ja₃lén₂ a₂juá' ₂ líin₅ I₂rē₂'ín₁ quián₅ Diú₄, a₂juá' ₂ nē₃ a₂líin₅ dsa₂ i₂'ē₂ jág₁ quián₅ Diú₄; 'lióng₂ léi₄ juē' ₂ a₂o₂dsain₂ jmo₃ a₂jme₃gain₂₃ dsa₂. Jua' ₅₄ mei' ₂ guē' ₃ lé₂, ca₂tē₂ dsa₂ i₂quion' ₅₄ quián₅ Diú₄ jme₃gain₂₃. ²³La₁ chan' ₂ 'nia' ₂ rē₂jáng' ₁,† jaun₂ le₂nē₅ ma₂nē₂juig₂ jniá₂ 'nia' ₂ ca₂le₃jē₃ tē₃jniá₅.

A₂ lia' ₂ guan' ₂ Jaun₅ dsa₂ mi₂güig₃

(Mateo 24:29-35, 42—44; Lucas 21:25-36)

²⁴Jē₁ma₂ca₂ŋag₅ jmig₄ o₂i₁ dsi₅ jaun₂,

* **13:14** 'Nio' ₂ ja₁ton₅ Daniel 9:27; 11:31; 12:11. † **13:23** o₃, “ŋí₂ 'nia' ₂”.

'iog₂ ně₃ co₂dsia₅ le₃lia'₂,
tsi'₂ ně₃ tsá₃ ma₃tág₅ jnia₅₄;

²⁵ Nei₅ guë'₂ ně₃ qui₂tsi₃séi'₂;‡
ca₂le₃jě₃ guë'₄ 'e₂ bí₂ cha₂ guei'₅₄ mi₂güig₃
qui₃guian'₃.§

²⁶ 'Tě₃jě₄ jaun₂ guë'₄ ně₃, jín₂ dsa₂ Jaun₅ dsa₂ mi₂güig₃, jñi₁óí'₂ guei'₅₄ jě₄ jnei₅ quian'₅₄
ca₂le₃jě₃ juí₅bí₂ a₂'io₂₃ jláin'₁. ²⁷ Jaun₂ qui₃chein₃ ángeles quiáin₅, a₂tě₂ dsa₂ i₂quion'₅₄ quiáin₅
i₂chan₂ ca₂le₃jě₃ juig₂ te'₁ i₁ ca₂taun₂ ca₂taun₂ mi₂güig₃.

²⁸ 'Jme₁tin₅ 'nia'₂, juí₁le₂ñí'₂ 'au'₂ jág₁ a₂jáng'₅ léi₄ juí₁lia'₂ ni₁'ma₂ a₂'ag₅ míg₂ higos;
jme₁chéi'₂ gu'₂-nei'₅₄, qui₂ja₂'iá₃ mog'₅₄ ně₃, ñi'₅₄ bá₄ 'nia'₂ a₂ma₂ja₂quián₃ jein₂ 'iog₂ bá₄
jaun₂. ²⁹ Le₂ně₅ bá₄ 'nia'₂ jaun₂ ně₃, jě₃ma₂tě₅ ne'₅₄ a₂lě₂ ca₂le₃jě₃ a₂ně₅, juí₁le₂ñi'₅₄ bá₄ 'nia'₂
a₂ma₂ja₂quián₃, ně₂jag₄ bá₄ i₂ma₂chén'₅ o₄'né₄ bá₄ 'éi₂. ³⁰ A₂dsi₂jó'₃ juá'₅ jniá₂ juíg₂ 'nia'₂,
tsá₃ dsi₃ñí₂ tsi₃jon₂ la₂, * ca₂lia'₂ ca₂lě₃ ca₂le₃jě₃ a₂ně₅. ³¹ Jaun₂ já₅ jmig₄, guei'₅₄ dsi₂güig₂
quian'₅₄ mi₂güig₃ la₂ ñag₅, la₁ jág₁ quió₃, o₁líg'₂ jmig₄ tsá₃ ñag₅ jua'₅₄ a₂tsá₃ le₃ti₃.

³² 'La₁ 'i₁jan₂ tsá₃ 'ein₂ ñi₅ 'e₂ 'i₁ó'₄, 'e₂ hora lé₂ a₂jaun₂, on₃ guë'₂ ángeles i₂tion'₅₄ guei'₅₄
i₂juíg₃, on₃ guë'₂ 'ñiog₅ Ja₁ñi'₅₄ Diú₄. Jñia'₅₄ lia'₂ 'ñiog₅ bá₄ Diú₄ Jmei₂ ñi₅.

³³ 'Chan'₂ 'nia'₂ rě₂jáng'₁, jme₁jnio₂ 'nia'₂ ne'₅₄, ia₁ tsá₃ ñi'₅₄ 'nia'₂ 'e₂ jmig₄ lé₂. ³⁴ Lé₂
juí₁lia'₂ jan₂ dsa₂ i₂o₂'in₅ dsi₂néi₂ quió'₅, dsó₅ dsi₂ñí₃ uíng₂; dsia₂₃ gu₂ dsa₂ i₂jme₂ti₃ ne₅₄
dsi₂néi₂ quió'₅, le₂jan₂ le₂jan₂ 'éi₂ jma₃quén₅ ta₁ cuë'₅ con'₂ ca₂tíin₂, tsí'₅ mozo i₂jmo₅ 'í₁ o₄'né₄
a₂chain₂ rě₂jáin₁. ³⁵ Jaun₂ le₂ně₅ bá₄ 'nia'₂ ján₃, rě₂jáng'₁ 'nia'₂ chang'₂, ia₁ tsá₃ ñi'₅₄ 'nia'₂
'e₂ 'i₁ó'₄ guan'₂ dsa₂ i₂quió'₅ dsi₂néi₂, tě₂le₃ ca₂nei₂, o₃ dsi₃nei₅, o₃ jě₁ma₂ca₂'o₃ i₁tú₃, o₃ tě₂le₃
ca₂jnia₃ 'e₂, ³⁶ ia₁ con'₂ tsá₃ ñó₅ ně₁jua'₂ ca₂guáin'₃ co₂tíá₂, jo₅₄ rě₂güín'₃ 'nia'₂. ³⁷ Jaun₂ jág₁
a₂juíg₂ jniá₂ 'nia'₂ la₂, juíg₂ ca₂le₃jín₃: “iChan'₂ 'nia'₂ rě₂jáng'₁!”

14

*Ca₂quin'₃ dsa₂ jág₁ a₂tsáin'₂ Jesús
(Mateo 26:1-5; Lucas 22:1-2; Juan 11:45-53)*

¹ Tin₃ jmig₄ né'₃ a₂tě₅₄ Jmig₄ Tě₂'in₅₄, a₂guë'₅ dsa₂ i₁ñí'₄ 'ua'₂ a₂tsá₃ juí₁ levadura quian'₅₄,
jaun₂ juig₅₄ jme₂dsa₂, tě₅juá'₅ ně₃ ca₂'náu'₃ juí₅ 'a₂ lia'₂ tsáin'₂ Jesús quian'₅₄ caun₂ mai₅₄,
jaun₂ jñag'₃. ² Jaun₂ ca₂dsia₃ jág₁, juá'₂:

—La₁ tsá₃ 'nió'₅ jmó₁ jniog₄ tě₃ niog₅ jmig₄, jme₁né₄, ia₁ con'₂ tsá₃ ñó₅ ně₁jua'₂ ca₂tó'₂ dsa₂
juig₂ mi'₅₄.

*Jan₂ 'io₅₄ ca₂tsíin₂ no'₅₄ mi₂juig₂ Jesús
(Mateo 26:6-13; Juan 12:1-8)*

³ Lia'₂ con'₂ 'ein₅₄ guë'₄ juig₂ Betania ja₁quió'₄ i₂tě'₂ dsa₂ Si₂mu₅₄ 'Mé'₅ 'Iog₅, jaun₂ ca₂dsi₁og₃
jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄, a₂lě₅ jmá'₃ no'₅₄ quió'₅ mi₁'au₂ nardo.
Jaun₂ ca₂niá₃ ni₁tsí₅, jaun₂ ca₂'ág₂ no'₅₄ mi₂dsi₄ Jesús. ⁴ Jaun₂ i₂lin₅₄ dsa₂ i₂tion'₅₄ ja₁jaun₂,
dséin₂ ca₂tíin₂, jaun₂ ca₂dsia₃:

—Tsá₃ ne₄ 'e₂ lě₃ ně₂'éin₂ no'₅₄ mi₂juig₂ quió'₅. ⁵ Jua'₅₄ co₂ñei'₅₄ bá₄ ně₂'nag₃ quian'₅₄ 'ni₅
'ñiá₂-láu₂ 'éi'₃ cu₄ denario, jaun₂ jme₁jme₂'oin₅₄ dsa₂ te₂ñé₂.

Jaun₂ ca₂dséin₃ quaiin'₅₄ 'io₅₄ 'éi₂.

⁶ Jaun₂ ca₂juá'₂ Jesús:

—Tsá₃ lě₁lein'₅₄. ¿'E₂ lě₃ cuë'₂ 'nia'₂ o₂me'₅₄ dsi₅? A₂ně₂jmóg'₂ ně₅, caun₂ a₂dse₃ bá₄ ně₅.

⁷ Ca₂le₃jě₃ jmig₄ bá₄ i₂nio₄ dsa₂ te₂ñé₂ jñ'₄ 'nia'₂; lé₂ bá₄ jme₁'oin'₁, chi₂jua'₂ líg'₂ 'niog'₂ 'nia'₂

‡ 13:25 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

§ 13:25 Isaiás 13:10; 34:4. * 13:30 o₃, “né'₃ a₂dsián₃ dsa₂ i₂lín₅ raza la₂.”

jme₁'oin'₁. La₁ jniá₂ ně₃ tsá₃ ma₃uě₂ 'en₅₄ jniá₂ quian'₅₄ 'nia'₂. ⁸ Io₅₄ ně₅, ně₂jmo₃ 'a₂ con'₂ jnia'₅₄ le₃qui'₅₄ jmi₄jmo₃. Ma₂ně₂tsáng₂ tē₂jniá₅ no'₅₄ mi₂juig₂ quió₃, ma₂ně₂jmo₃' co₂jnia₅₄ jē₁ma₂tě₂ rē₁'ong₃. ⁹ A₂dsi₂jó₃ juig₂ jniá₂ 'nia'₂, ca₂le₂con₂ mi₂güig₃ ja₁'ě₂ dsa₂ jág₁ dse₃ quió₃, já₃ bá₄ le₂jaun₂ dsiog'₂ dsí₅ dsa₂ 'in₃ 'io₅₄ ně₅.

Jmo₅ Judas caun₂ jág₁ a₂'ni₂₃ Jesús
(Mateo 26:14-16; Lucas 22:3-6)

¹⁰ Jaun₂ ně₃ Judas Iscariote i₂jme₁lín₄ jan₂ chi'₂ dsi₂guia₃-tín₂ quián₅ Jesús, ňei₅₄ i₁dsia₂ jág₁ quian'₅₄ juig₅₄ jme₂dsa₂ a₂jáng'₂. ¹¹ Jaun₂ 'io'₂ jmo₅ dsa₂ can'₅₄ jme₁ca₂nág₂, jaun₂ ca₂jén'₃ cu₄. Jaun₂ guě₄ ně₃ ca₂'náu'₃ Judas dsí₅ 'a₂ lia'₂ cu_{in}₅ jmi₄ a₂jín'₂ Jesús, jaun₂ tsáun'₂ dsa₂.

Má₃ jē₁ca₂tó'₂ quió'₅ Te₁gui'₅₄
1 Corintios 11:23-26)

¹² Jmi₄ le₂'uig₅₄ a₂niog₅ Jmi₄ Tē₂'in₅₄ a₂guě'₅ dsa₂ i₁ŋí'₄ a₂tsá₃ quian'₅₄ levadura, jmi₄ a₂jme₁jme₂dsian₅ dsa₂ já'₂ cha'₂ quián₅ jmi₄, jaun₂ ca₂ŋag₃ chi'₂ dsi₂guia₃-tín₂ ca₂ŋí'₃ Jesús: —¿A₂já'₄ 'niog'₂ dsi₂jmo₁ jnia'₅₄ co₂jnia₅₄ má₃ Jmi₄ Tē₂'in₅₄ quiáng'₂?

¹³ Jaun₂ ca₂chein₃ on₃ chi'₂ dsi₂guia₃-tín₂ quiáin₅, ca₂juá'₂:

—O₂nó'₅ 'nia'₂ jē₄ juig₂. Ja₁jaun₂ jen'₂ 'nia'₂ jan₂ dsa₂ ňe'₂ i₂quion₂ jmi₄ quian'₅₄ ni₁dsig₁. Jaun₂ o₁'én'₃ 'nia'₂ dsa₂ 'éi₂. ¹⁴ Dsi₂néi₂ ja₁'í₂ 'éi₂, juig₅₄ dsa₂ juig₅₄ dsi₂néi₂: “Le₂la₂ juá'₂ tē₅, ¿Na₂ dsi₂néi₂ ja₁guě'₄ Jmi₄ Tē₂'in₅₄ co₂lě₅ quian'₅₄ chi'₂ dsi₂guia₃-tín₂ quiáng₃?” ¹⁵ Jaun₂ 'éi₂ ně₃, 'ě₃ caun₂ dsi₂néi₂ juě'₂ ja₁lě₄ guei'₅₄ a₂ma₂lě₅ co₂jnia₅₄. Ja₁jaun₂ o₂jmo₄ 'nia'₂ co₂jnia₅₄ má₃ que₅₄ jniog₄.

¹⁶ Jaun₂ ca₂i₃lén₂ bá₄ dsa₂ on₃ 'éi₂. Jme₁ca₂dsi₃lén₂ jē₄ juig₂ ně₃, ca₂dsó'₂ lia'₂ con'₂ lě₅ jág₁ ca₂juá'₂ Jesús. Jaun₂ ja₁jaun₂ ca₂jmo₃ co₂jnia₅₄ má₃ a₂guě'₃ Jmi₄ Tē₂'in₅₄.

¹⁷ Jme₁ca₂nei₂ jaun₂, ca₂dsióg₃ Jesús quiain'₅₄ ta₁guia₃-tín₂ chi'₂ dsi₂guia₃-tín₂.

¹⁸ Jme₁ma₂tiáin'₅ guě'₅, jaun₂ ca₂juá'₂ Jesús:

—A₂dsi₂jó₃ juá'₅ jniá₂ la₂, jan'₂ 'nia'₂ i₂guě'₅ jniá₂ co₂lě₅ quiang'₅₄ bá₄ i₂jang'₂ jniá₂.

¹⁹ Jaun₂ ně₃ ca₂tá'₂ 'lia'₂ dsí₅ 'ŋio₅ lín₃ tiáin'₅, jaun₂ ca₂jme₃lióg₃ ca₂ŋí'₃ Jesús le₂jain₂, le₂jain₂, ca₂juá'₂:

—¿On₁juá'₅₄ jniá₂ 'ág'₅?

²⁰ Jaun₂ ca₂ŋag₃ Jesús:

—Jan'₂ 'nia'₂ i₂lě₂ guia₃-tín₂' i₂tiá₂ mi₂gu₂ co₂lě₅ 'ŋio'₃ uing₅ quian'₅₄ jniá₂. ²¹ Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ dsó₃ lia'₂ con'₂ lě₅ juá'₂ ne₄ Si₂; la₁ i₁e₂ guě₄ juig₂ dsa₂ i₂jáng'₂! Jme₁dse₃ quió'₅ jua'₅₄ co₂ŋei'₅₄ bá₄ tsá₃ ca₂rě₃cháin₃.

²² Tē₂lia'₂ tiáin'₅ guě'₅, ca₂jŋa'₃ Jesús i₁ŋí'₄, ca₂cuě'₃ ti₁'mag'₄ Diú₄, jaun₂ guě₄ ně₃ ca₂dsioin₃, ca₂cuě'₃ chi'₂ dsi₂guia₃-tín₂ quiáin₅. Jaun₂ ca₂juá'₂:

—Qué'₂ 'nia'₂, ia₁ ŋi₃ bá₄ jniá₂ i₁ŋí'₄ la₂.

²³ Jaun₂ ca₂can₃ táng₃ copa 'a₄ vino, já₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsi₂guia₃-tín₂. Jaun₂ ca₂le₃jín₃ bá₄ ca₂'in'₃. ²⁴ Ca₂juá'₂ Jesús:

—Jmi₃ bá₄ jniá₂ la₂, a₂li'₅₄ jág₁ 'mí₂ a₂tě₃ron₅₄, * a₂niog₅ dsi₃'o₅₄ o₄quió'₄ juin₅ dsa₂. ²⁵ Dsón'₂ juá'₅ jniá₂, tsá₃ ma₃líg'₂ jmi₄ jua'₅₄ a₂gui'₅₄ guě₄ táng₃ vino ca₂lia'₂ ca₂tě₂ jmi₄ i₁gui'₄ táng₃ caun₂ vino 'mí₂ co₂lě₅ quiang'₅₄ 'nia'₂ ja₁gon₂ Diú₄.

Ca₂juá'₂ Jesús a₂tsá₃ tion₃ Pe₄ a₂cuig₂₃
(Mateo 26:30-35; Lucas 22:31-34; Juan 13:36-38)

²⁶ Jme₁ca₂lě₃ 'ě₂₃ jme₂juin'₂ Diú₄, jaun₂ guě₄ i₃lén₂ juí₅ Má'₂ Olivos. ²⁷ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

* **14:24** 'Nio'₂ ja₁ton₅ Éxodo 24:8; Jeremías 31:31-34; Hebreos 10:29; 13:20.

—Ca₂le₃jín' ₃ bá₄ 'nia' ₂ tiá' ₃ jén₂ 'au' ₂, 'ág' ₁ 'nia' ₂ caun₂-tin₃ 'au' ₂; ia₁ rē₂ton₅ ne₄ Si₂ ja₁juá' ₂: “Jñí' ₄ jniá₂ dsa₂ i₂jñia₅ já' ₂ cha' ₂, jaun₂ já' ₂ cha' ₂ ně₃ dsi₃léin₂ tsi₁rē₂jain₅₄.”† 28 La₁ cang₂ jē₁ma₂ca₂jeng' ₅₄ táng₃, nei₅₄ jniá₂ jniá₅ juí₅ Galilea lia' ₂ con' ₂ gué₄ 'nia' ₂.

29 Jaun₂ ně₃ ca₂ḡag₃ Pe₄:

—O₁jñia' ₅₄ la₂ ca₂ág₂ caun₂-tin₃ dsi₅ ca₂le₃jín₃ ríng' ₃, la₁ jniá₂, o₁líg' ₂ jmig₄ tsá₃ 'ag₅₄ caun₂-tin₃ dsi₃.

30 Jaun₂ ca₂juá' ₂ Jesús:

—A₂dsi₂jó' ₃ juá' ₅ jniá₂, a₂'uē₂ ně₃, né' ₃ a₂'ó₃ jē₁ca₂tě₂ tin₃ ráun₂† tē₁guí₄ dsó₂, hora jaun₂ dé₄ dsón' ₂ chéng' ₅ tsá₃ tóng' ₄ ta₁'ni₅ ráun₂ a₂cuig' ₂ jniá₂.

31 Jaun₂ ca₂ḡag₃ táng₃ Pe₄:

—O₁jñia' ₅₄ la₂ ca₂dsau₃ jniog₄ co₂lē₅, o₁líg' ₂ jmig₄ jua' ₅₄ a₂tsá₃ 'ín₄ jniá₂ 'ne₂.

Le₂jaun₂ bá₄ ca₂juá' ₂ ca₂le₃jín₃ riin' ₅₄ ján₃.

Ca₂chi₃lén' ₂ Jesús Diú₄ caun₂ ja₁chei₂ Getsemani
(Mateo 26:36-46; Lucas 22:39-46)

32 Jaun₂ ca₂dsi₃léin₂ caun₂ ja₁chei₂ Getsemani. Jaun₂ ca₂juá' ₂ ca₂tsí' ₃ chi' ₂ dsi₂guia₃-tín₂:

—Ja₁lá₃ tián' ₂ 'nia' ₂, tē₁lia' ₂ i₁chi₁leng' ₄ Diú₄.

33 Jaun₂ ca₂jñia₃ Pe₄, Jacobo, Juan₅₄ ně₃. Jaun₂ ca₂rē₃lióg₃ ca₂tá' ₂ quian₅ o₂i₁ dsi₅ 'ñio₅ lin₃.

34 Jaun₂ ca₂juá' ₂ ca₂tsí' ₃ i₂ún₂ i₂quian' ₅₄:

—'Ñio₅ lin₃ quian₅₄ o₂i₁ dsi₅, ca₂lia' ₂ jmá' ₃ le₃jóng₂ tē₂ně₃. Ja₁lá₃ tián' ₂ 'nia' ₂ jme₁jnio₂ 'nia' ₂ ne' ₅₄.

35 Ca₂juig₄ bá₄ ca₂ḡó₃ gué₄ ne₄ juí₅. Ja₁jaun₂ ca₂tóin₂ tē₂ 'uē₃, ca₂mi₃ ca₂tsí' ₃ Diú₄, jua' ₅₄ lé₂ bá₄ le₃lé₂ a₂tsá₃ dsi₃ñí₂ uig₅ 'e₂ niog₅ dsi₃ñí₂ hora jaun₂. 36 Tē₃jē₄ chi₂léin' ₂ Diú₄, ca₂juá' ₂:

—Abba, § Tia₅₄ quiáng₃, ca₂le₃jě₃ bá₄ lé₂ le₃jmó' ₂ 'ne₂. Lio₄ jniá₂ 'e₂ a₂dsi₃ñíg₂ ně₃. La₁ tsá₃ juí₁le₅₄ con' ₂ 'nio₃ jniá₂; juí₁le₅₄ bá₄ a₂'ñio₂ 'au' ₂ 'ne₂.

37 Jaun₂ ca₂dsiáin' ₃ táng₃ ja₁tián' ₄ 'éi₂, la₁ le₁güín₃ bá₄ 'éi₂ tián' ₅ ně₃. Jaun₂ ca₂tě' ₃ Pe₄, ca₂juá' ₂:

—¿Rē₁güín' ₃ bá₄ 'ne₂, Si₂mu₅₄? ¿Tsa₁ tiang' ₃ jua' ₅₄ caun₂ hora bá₄ jme₁jniog' ₂ gué₄ ne' ₅₄?

38 Jme₁jnio₂ 'nia' ₂ ne' ₅₄, chi₁len' ₄ 'nia' ₂ Diú₄, ia₁jaun₂ tsá₃ tsi₃sén' ₂ 'nia' ₂ dso₄. Dsón' ₂ bá₄ 'ñio₂ dsi₅ jme₂dsí₂ quián' ₂ 'nia' ₂, la₁ ni₁ñí' ₁ guion' ₅₄ bá₄ 'nia' ₂ 'uan₅₄.

39 Jaun₂ ḡó₃ bá₄ táng₃ i₁chi₂i₁léin' ₄ Diú₄. Ján₃ bá₄ jág₁ le₂jaun₂ ca₂juá' ₂ táng₃. 40 Jaun₂ guáin' ₃ táng₃ ja₁tián' ₄ chi' ₂ dsi₂guia₃-tín₂, la₁ le₁güín₃ bá₄ táng₃ 'éi₂ tián' ₅, ia₁ a₂ñí₄ lē₃ 'ñio₅ lin₃ ma₂i₁güín₃. Jaun₂ tsá₃ 'e₂ ñi₅ ḡag₃. 41 Jaun₂ jme₁dsiáin' ₃ táng₃ ja₁tián' ₄ 'éi₂ jē₁ca₂tě₂ 'nag' ₂ ráun₂, jaun₂ ca₂juá' ₂:

—¿'E₂? ¿Lia' ₂ ma₂tián' ₅ jaun₂ bá₄ 'nia' ₂ le₁güíng' ₃? Co₂ně₅ bá₄ ně₃. Ca₂tě₂ bá₄ hora ně₃. Ní₂ 'nia' ₂. Ma₂rē₂jín' ₅₄ bá₄ Jaun₅ dsa₂ mi₂güíng' ₃ o₄gú₃ dsa₂ i₂le₁cán' ₄ dso₄. 42 Nau₂ 'nia' ₂ ně₃, ma₃, ia₁ ně₅ ma₂já₅ i₂jáng' ₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

43 Dsi₂juí₅ tē₃jē₄ dsia₂₃ jág₁ jaun₂, ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lin₃ dsa₂ i₂ja₂lén₂ quiong' ₅₄ qui₂le₁quian₅ ñi₁tág₂, i₂le₁quian₅ ni₁'ma₂ ně₃, i₂chen₄ quián₅ juig₅₄ jme₂dsa₂, quian' ₅₄ tē₅juá' ₅, ca₂le₃jín₃ gué₄ dsi₂gui' ₅₄ can' ₅₄ ně₃. 44 Jaun₂ Judas ně₃, ia₁ ma₂ca₂jmo₃ bá₄ jág₁ le₂jñiá₅ 'e₂ léi₄ jmo₃ jē₁ma₂tě₂ rē₁jáng' ₂, jme₁ma₂juá' ₂: “I₂chen' ₄ jniá₂ quió' ₅, i₂'éi₂ bá₄ jma' ₅₄ 'nia' ₂, jaun₂ tē' ₅₄ 'nia' ₂, lé₅ 'í₁.”

45 Jaun₂ dsi₂juí₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá' ₂:

—¡Tě₅! —Jaun₂ ca₂chen' ₃ quió' ₅. 46 Jaun₂ dsi₂juí₅ le₂jaun₂ ca₂jñau' ₃ dsa₂, ca₂tág₃.

† 14:27 Zacarías 13:7. ‡ 14:30 A₂lin₅₄ chog₅₄ si₂ tsá₃ chi₁ton₅ “jē₁ca₂tě₂ tin₃ ráun₂.” § 14:36 Abba: co₂'nió' ₄ le₃jua' ₅₄: “Tia₅₄” quian' ₅₄ jág₁ jme₁ arameo.

47 La₁ jan₂ i₂ jme₁ chén' ₄ cau₅ ně₃, ca₂ dsi₂ ŋi₁ tág₂, ca₂ ti₃ caun₂ rë₂ gua₄ dsa₂ i₂ jme₂ ti₃ quián₅ jme₂ dsa₂ dsen₅₄. 48 Jaun₂ ca₂ juá' ₂ Jesús ca₂ tsí' ₃ dsa₂:

—¿Dsa₂ 'ang₂ líng₅, 'e₂ ja₂ nó' ₅ 'nia' ₂ le₁ quian' ₄ ŋi₁ tág₂, 'ma₂ ně₃, a₂ tē' ₅₄ jniá₂? 49 Jua' ₂ ca₂ le₃ jě₃ jmig₄ bá₄ 'eng₅₄ jin' ₄ 'nia' ₂, jme₂ tíng₁ dsa₂ i₁ dsi₅ guá' ₅, tsá₃ ma₂ ca₂ chong' ₂ guē' ₂ 'nia' ₂ ja₁ jaun₂. La₁ lě₂ le₂ ně₅, ia₁ jaun₂ le₃ ti₃ con' ₂ lě₅ juá' ₂ ne₄ Si₂.

50 Jaun₂ qui₂ ca₂ cuing₃ bá₄ ca₂ le₃ jín₃ chi' ₂ dsi₂ gua₃-tín₂, ca₂ téin₂ bá₄ Jesús.

Dsó₂ i₂ ca₂ cuing₃ tē₃ rē₂ ŋí₅

51 Tē₃ jē₄ jaun₂, ŋó₃ jan₂ dsó₂ rē₂ bóin' ₅ caun₂ tsi₁ 'mi' ₂ tióg₃, 'ein₂₃ Jesús. 52 Jaun₂ jme₁ ca₂ jnau' ₃ dsa₂, la₁ ca₂ lóin₂ bá₄, jmá' ₃ tsi₁ 'mi' ₂ bá₄ ca₂ lí' ₃ dsa₂. Jaun₂ ŋái' ₃ bá₄ tē₃ rē₂ ŋí₅.

Ma₂ chén' ₅ Jesús ne₄ dsi₂ tan₅₄ quián₅ guá' ₅

(Mateo 26:57-68; Lucas 22:54-55, 63—71; Juan 18:12-14, 19—24)

53 Jaun₂ ca₂ tág₃ dsa₂ Jesús i₁ jo₅₄ ne₄ jme₂ dsa₂ dsen₅₄, jaun₂ ca₂ ŋi' ₂ ca₂ le₃ jín₃ juig₅₄ jme₂ dsa₂, quian' ₅₄ dsi₂ gui' ₅₄ can' ₅₄, tē₅ juá' ₅ ně₃. 54 Pe₄ ně₃ ca₂ ŋó₃ uing₂ tē₂ quín₃ 'ein₂₃ Jesús ca₂ tē₂ i₁ dsi₅ quió' ₅ jme₂ dsa₂ dsen₅₄. Ja₁ jaun₂ ca₂ guá' ₂ cau₅ si₂ quian' ₅₄ 'lióg₂, ca₂ jme₃ dsioin' ₂.

55 Jaun₂ juig₅₄ jme₂ dsa₂, quian' ₅₄ ca₂ le₃ jín₃ dsi₂ tan₅₄ quián₅ guá' ₅ ně₃, qui₂ ca₂ 'náu' ₃ jui₅ 'a₂ lia' ₂ bóin' ₂ dso₄ Jesús ia₁ jaun₂ jnag' ₃. La₁ tsá₃ dso' ₂ guē' ₂ jui₅ 'e₂ dso₄ jme₃ cáu' ₂, 56 ia₁ juin₅ i₂ qui₂ ca₂ jmo₃ jág₁ tē₂ jág₁ a₂ bóin' ₂ dso₄ Jesús, la₁ tsá₃ tē₃ tsi' ₅₄ guē' ₂ jág₁ quió' ₅ tióin' ₅₄. 57 Jaun₂ i₂ lín₅₄ ně₃ qui₂ ca₂ nau₂ ca₂ jmo₃ jág₁ tē₂ jág₁ a₂ 'ni₂₃ Jesús, ca₂ juá' ₂:

58 —Ma₂ néi₁ jnia' ₅₄ juá' ₂ i₂ ně₅: “A₂ 'éng₄ guá' ₅ templo a₂ ca₂ jmo₃ dsa₂ mi₂ güig₃, jaun₂ quian' ₅₄ 'ni₅ jmig₄ jmóg' ₄ táng₃ 'ŋió₃ caun₂ guá' ₅ siá' ₂, on₃ jua' ₅₄ lia' ₂ lě₅ guá' ₅ ně₅ a₂ ca₂ jmo₃ dsa₂ mi₂ güig₃.”

59 On₃ guē' ₂ quian' ₅₄ jág₁ jaun₂ ca₂ lí' ₃ jág₁ rē₂.

60 Jaun₂ ca₂ nau₂ jme₂ dsa₂ dsen₅₄ tē₃ jē₄ tióin' ₅₄ jaun₂, jaun₂ ca₂ ŋí' ₃ Jesús ca₂ juá' ₂:

—¿Tsa₁ 'e₂ ŋag' ₅₄ 'i₁ caun₂? ¿I₂ 'e₂ bá₄ jág₁ ně₅ jme₂ cáu' ₂ dsa₂ quiang' ₂?

61 La₁ tei₄ bá₄ ca₂ nau₂ Jesús, tsá₃ ma₃ 'e₂ ca₂ ŋag₃. Con' ₂ siá' ₂ ca₂ ŋag₃ táng₃ jme₂ dsa₂ dsen₅₄, ca₂ juá' ₂:

—¿Dson' ₂ 'ne₂ líng' ₅ dsa₂ I₂ rē₂ 'ín₁, Ja₁ ŋi' ₅₄ I₂ ŋi₅?

62 Jaun₂ guē₄ ca₂ ŋag₃ Jesús:

—Ján₅, jniá₂ bá₄ líng₅. Ján₃ bá₄ tē₃ ne' ₅₄ 'nia' ₂ jē₁ ma₂ tē₂ rē₁ guá₃ Jaun₅ dsa₂ mi₂ güig₃ tē₂ le₃ gu₂ ne₁ quió' ₅ i₂ 'uan' ₂, jaun₂ ján₃ bá₄ jag' ₅₄ 'nia' ₂ jē₁ ma₂ tē₂ rē₁ ŋi₅ 'nió' ₂ táng₃ jē₄ jnei₅ guei' ₅₄.

63 Jaun₂ jme₂ dsa₂ dsen₅₄ ně₃, jme₁ ca₂ nág₂ jág₁ jaun₂, ca₂ chein₃ ni₁ tsin' ₅₄ 'ŋiog₅, * jaun₂ ca₂ juá' ₂:

—¿'E₂ guē₄ jmá' ₃ jág₁ 'lióng₂ 'niog₂ jniog₄ jua' ₅₄ a₂ jáng' ₃ guē₄ dsa₂ sián' ₂ jág₁ dsau₅?

64 Ma₂ ně₂ nei' ₂ bá₄ 'nia' ₂ guiong' ₅₄ a₂ ma₂ ně₂ juá' ₂ i₂ ně₅ 'in₂₃ Diú₄. ¿'A₂ lia' ₂ juá' ₂ 'nia' ₂?

Jaun₂ ca₂ le₃ jín₃ dsa₂ ca₂ juá' ₂ tióin' ₅₄, ca₂ tén₂ jóin₂ bá₄.

65 Jaun₂ ca₂ jme₂ lióg₃ i₂ lín₅₄ qui₂ ca₂ 'ŋéi₃ quió' ₅ Jesús, qui₂ ca₂ lio₃ dsa₂ dsi₂ ne₅₄, jaun₂ qui₂ ca₂ jnó₂ ně₃ tióin' ₅₄, jaun₂ juá' ₂:

—¿Dsi₄ jág₁ jua' ₅₄ 'ein₂ ně₂ quein₃ quiáng' ₂!

Chi' ₂ 'í' ₅₄ quián₅ guá' ₅ ně₃, ján₃ bá₄ qui₂ ca₂ cuē₃ ja' ₂ tióin' ₅₄.

Tsá₃ ca₂ tion₃ Pe₄ a₂ cuin₂₃ Jesús

(Mateo 26:69-75; Lucas 22:56-62; Juan 18:15-18, 25—29)

66 I₁ dsi₅ ca₁ 'né₄ 'uē₃ bá₄ jme₁ guá₄ Pe₄. Jaun₂ ca₂ dsióg₃ jan₂ 'io₅₄ i₂ jme₂ ti₃ ta₁ ne₄ jme₂ dsa₂ dsen₅₄, 67 jaun₂ ca₂ jín₂ Pe₄ guá₅ jme₂ dsioin' ₂, jaun₂ ca₂ jág₂ 'io₅₄ tiá₂, ca₂ juá' ₂:

—¿Ján₃ guē' ₂ jme₁ quian' ₄ 'ne₂ Jesús Nazareno ó₃?

* 14:63 Jme₁ chí' ₄ tag₄ quió' ₅ dsa₂ judíos jmig₄ jaun₂ a₂ gág₅ dsa₂ ni₁ tsin' ₅₄ cuē₂₃ léi₄ jē₁ ma₂ 'í₅ 'nei₂ dsí₅, o₃ jme₁ 'i₄ qui' ₂ dsí₅.

68 La₁ tsá₃ ca₂tion₃ Pe₄.

—Tsá₃ guion₅₄, on₃ guě₄ ŋí₂'e₂ a₂juá'₂ 'ne₂.

Jaun₂ ca₂nau₂ Pe₄ ca₂o₃'íin₃ ca₂i₁nau₂ tē₂le₃ ca₁'né₄ ja₁lě₄ corredor. Tē₃jě₄ jaun₂ ca₂'o₃ tē₁guí₄ dsó₂. 69 Con'₂ siá'₂ ca₂jág₃ táng₃ 'io₅₄ ca₂jíin₂ Pe₄, jaun₂ ca₂juá'₂ ca₂tsí'₃ dsa₂:

—Jan₂ rin'₅₄ 'éi₂ bá₄ nē₅.

70 La₁ ján₃ bá₄ le₂jaun₂ tsá₃ ca₂tion₃ Pe₄. Jme₁co₂lág₂ jaun₂, dsa₂ i₂tián'₅ quian'₅₄ Pe₄ ca₂juá'₂:

—Dsón'₂ rin'₅₄ 'éi₂ bá₄ líng'₅, ia₁ ján₃ bá₄ Galilea chang'₂.

71 Jaun₂ nē₃, Pe₄ ca₂'iin₃ Diú₄ ca₂mí₃ a₂dsi₃ŋí₂'e₂ dsi₃ŋí₂, ca₂juá'₂:

—¡Tsá₃ cuíng₅ dsa₂ i₂'in'₅ 'nia'₂!

72 Dsi₂juí₅ jaun₂ ca₂'o₃ táng₃ tē₁guí₄ dsó₂ a₂ca₂tē₂ tin₃ ráun₂. Jaun₂ guě₄ nē₃ ca₂dsáu'₃ dsí'₅ Pe₄ a₂ca₂juá'₂ Jesús le₂ŋiá'₅: “Né'₃ a₂'o₃ jě₁ca₂tē₂ tin₃ ráun₂ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuíng'₂ jniá₂.” Jme₁ca₂dsáu'₃ dsí'₅ jág₁ nē₅, jaun₂ guě₄ ca₂'o₃ 'ŋio₅ lín₃.

15

Chén'₅ Jesús ne₄ Pilato

(Mateo 27:1-2, 11–14; Lucas 23:1-5; Juan 18:28-38)

1 Dsi₂juí₅ jme₁nia₃ táng₃ jaun₂, ca₂ŋi'₂ juig₅₄ jme₂dsa₂ quian'₅₄ dsi₂gui'₅₄ can'₅₄, quian'₅₄ ca₂le₃jín₃ tē₅juá'₅, ca₂le₃jín₃ guě₄ i₂lín₅ dsi₂tan₅₄ quián₅ guá'₅ nē₃. Qui₂ca₂ŋí'₃ riin'₅₄ ca₂jmo₃ caun₂ jág₁. Ca₂'néi'₂ Jesús tioen'₅₄, jaun₂ ca₂i₁jio₃ ne₄ Pilato. 2 Jaun₂ ca₂ŋag₃ Pilato:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ŋag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

3 Jaun₂ caun₂ qui₂ca₂'nag₃ guě₄ juig₅₄ jme₂dsa₂ 'lióng₂ ne₅₄ dso₄ ca₂bóin'₂ Jesús. 4 Jaun₂ con'₂ siá'₂ táng₃ ca₂ŋag₃ Pilato ca₂ŋí'₃ Jesús, ca₂juá'₂:

—¿Tsa₁ a₂ŋag'₅₄? Nē₅ bá₄ nag'₂ 'ŋiag'₂ 'lióng₂ dso₄ a₂bóg'₂ dsa₂.

5 La₁ tsá₃ ma₃'e₂ ca₂ŋag₃ Jesús 'i₁caun₂. Jaun₂ jě₃ ca₂i₃gó'₃ dsí'₅ Pilato.

Ca₂o₃'ág₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:38--19:16)

6 Jmig₄ jaun₂ jme₁chí'₄ tag₄ a₂lióin₂ ca₂le₃jě₃ ŋi₂ jan₂ dsa₂ i₂'en₅₄ né'₃ 'má₃, jme₁tē₅ Jmig₄ Tē₂'in₅₄, 'ein₂ ca₂'in₃ dsa₂ juig₂ i₂lión₂. 7 Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂. 8 Jaun₂ ca₂mí₃ dsa₂ juig₂ ca₂tsí'₃ Pilato a₂jmo₃ con'₂ lě₅ tag₄ chí'₅. 9 Jaun₂ ca₂ŋag₃ Pilato ca₂tsí'₃ dsa₂ juig₂:

—¿'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

10 Ia₁ ca₂rě₃lí₄ bá₄ Pilato 'ŋiog₅ a₂'iog₅₄ uig₅ dsí'₅ bá₄ juig₅₄ jme₂dsa₂ ca₂jíin'₂ Jesús ne₅₄.

11 La₁ juig₅₄ jme₂dsa₂ nē₃ ca₂toin'₂ jág₁ dsa₂, jaun₂ tóin'₃ co₂mí'₅₄ a₂mí₃ lión₂ Barrabás bá₄.

12 Jaun₂ ca₂ŋag₃ táng₃ Pilato ca₂tsí'₃ dsa₂ juig₂:

—¿'E₂ guě'₂ 'niog'₂ 'nia'₂ jmo₅₄ jniá₂ quian'₅₄ i₂tě'₂ 'nia'₂ rag₅₄ quiáng'₂?

13 Jaun₂ ca₂ŋag₃ dsa₂ juig₂ co₂mí'₅₄ tioen'₅₄, ca₂juá'₂:

—¡Tióin₃ cróg₄!

14 Jaun₂ ca₂juá'₂ táng₃ Pilato:

—¿'E₂ 'uig₅₄? ¿'E₂ guě'₂ dso₄ ma₂'náu₂?

La₁ tē₂le₃ i₂juí'₂ guě₄ co₂mí'₅₄ ca₂tóin'₂, ca₂juá'₂:

—¡Tióin₃ cróg₄!

15 La₁ Pilato ně₃, ia₁jaun₂ dsi₃lén₂ dsa₂ tei₄, ca₂lióin₂ bá₄ Barrabás i₂mi₅ dsa₂ lión₂, Jme₁ma₂ně₂dsí₃ Pilato 'éi'₃ a₂bán₂ dsa₂ Jesús, jaun₂ ca₂jáng'₂ o₄gú₃ dsa₂ juig₂ jaun₂ tion₃ cróg₄.

16 Jaun₂ ca₂tág₃ 'lióg₂ Jesús tē₂le₃ i₁dsi₅ ne₄ta₁, (co₂'nió'₄ caun₂ ja₁chei₂ Praetorio), jaun₂ ca₂ñí'₂ 'lióg₂ ca₂le₃jín₃ riin'₅₄. 17 Jaun₂ ca₂quei'₃ dsa₂ caun₂ capa 'ui'₃, * jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús. 18 Jaun₂ ca₂jme₃lióg₃ qui₂ca₂cuag₃ Diú₄ tioen'₅₄, ca₂juá'₂:

—¡Sian'₃ 'ne₂ Rag₅₄ quián₅ dsa₂ judíos!

19 Jaun₂ qui₂ca₂bá₂ mi₂dsi₄ Jesús quian'₅₄ ni₁'ma₂ ta₅, qui₂ca₂'ñéi₂ ně₃ tioen'₅₄, qui₂ca₂chi₃jné₃ ně₃, a₂jme₂juag'₂. 20 Jme₁ca₂lě₃ a₂lě₁co₂jmóg'₂ jaun₂, ca₂dsein₂₃ táng₃ Jesús tsi₁'mi₂ 'ui'₃ a₂jme₁ca₂quei'₃. Jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guě₄ ca₂jñiai₃ Jesús a₂dsi₃tion₃ cróg₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

21 Jaun₂ ca₂chi₃quiáin₂ jmig₄ jan₂ dsa₂ i₂'en₅₄ jui₅ jón'₅ ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian'₅₄ Rufo, a₂cán₂ 'éi₂ cróg₄ quió'₅ Jesús.

22 Jaun₂ ca₂jñia₃ dsa₂ Jesús caun₂ ja₁chei₂ Gólgota, (co₂'nió'₄ jein₅ jág₁ chei₂ Dsi₂con'₂ Ni₁mu₅ Mi₂dsi₄ 'Lag₄.) 23 Jaun₂ ca₂jén'₃ ne₄ Jesús vino a₂rě₂cón'₅ quian'₅₄ mirra, la₁ tsá₃ ca₂gue₃ 'éi₂. 24 Jaun₂ guě₄ ca₂tion₃ cróg₄. Dsi₂'lióg₂ guě'₂ ně₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.

25 Con'₂ hora ñi₁ ñi₃ tē₂ o₃'iog₂,† ca₂tion₃ dsa₂ cróg₄. 26 Jaun₂ ca₂tióng₃ letra dsi₄ cróg₄ co₂'nió'₄ a₂juá'₂ 'e₂ dso₄ a₂bóin'₂ Jesús, a₂juá'₂: “RAG₅₄ QUIÁN₅ DSA₂ JUDÍOS.” 27 Ján₃ bá₄ ca₂tioen₃ guě₄ on₃ dsa₂ 'ang₂ co₂lě₅ quiong'₅₄, jan₂ tē₂le₃ gu₂ ne₁, jan₂ guě'₂ tē₂le₃ gu₂ jen₅.‡

29 Jaun₂ ca₂le₃jín₃ dsa₂ i₂qui₂ca₂ñí₃ jui₅ jaun₂ qui₂ca₂jnú'₂ jág₁ uig₅, qui₂bí₂ dsi₅₄, ca₂juá'₂: —Ia₁, ¿on₁ 'ne₂ i₂juá'₂ a₂ 'éng'₄ guá'₅ con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄? 30 Ně₃ ně₃, lion₄ 'ñiag'₂, ja₁tong'₂ ně₅.

31 Ján₃ bá₄ le₂jaun₂ a₂lě₁qui₂co₂jmóg'₂ juig₅₄ jme₂dsa₂, quian'₅₄ tē₅juá'₅, dsia₂₃ jág₁ qui₂tsí'₅ riin'₅₄, juá'₂:

—Ca₂lióin₂ bá₄ i₂sián'₂, la₁ 'ñiog₅ bá₄ tsá₃ lé₂ le₃lióin₃. 32 Jui₁sión₄ cróg₄ I₂rě₂'ín₁ quián₅ Diú₄ ně₅, i₂juá'₂ lín₅ Rag₅₄ quián₅ dsa₂ juig₂ Israel, ia₁jaun₂ tē₅₄ ne₄ jniog₄, ia₁jaun₂ le₃'éin₂.

Le₂jio₅ dsa₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

33 Jme₁ca₂tě₂ dsi₃ñí'₃,§ ca₂'ág₂ nei₂ le₂con₂ 'uě₃ jaun₂, ca₂lia'₂ ca₂tě₂ hora ñi₁ 'ni₅ tē₂le₃ ca₂'láu₂. * 34 Hora jaun₂, ca₂'ñia₂ guě₄ Jesús jág₁, ca₂juá'₂ tiá₂:

—Eloi, Eloi, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lě₃ ma₂ně₂téi'₃ jniá'₂? †

35 I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—¡Nei₂! Elías i₂jme₁'ě₂ jág₁ quián₅ Diú₄ ma₂líg'₂ tē'₂.

36 Jaun₂ ně₃ ñó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi'₃. Jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín₂. Jaun₂ juá'₂:

—O₁ne₄ chi₂jua'₂ jiá₃ Elías jaun₂ sió₂ quió'₅.

* 15:17 Color 'ui'₃ jui₁lia'₂ 'mi'₂ a₂quí'₅₄ rag₅₄. † 15:25 lit. “hora 'ni₅.” ‡ 15:27 A₂lín₅₄ chog₅₄ si₂ chi₁ton₅ versículo 28, a₂juá'₂ le₂la₂: “Jaun₂ le₂jaun₂ ca₂rě₃ti₃ con'₂ lě₃ juá'₂ Si₂ quió'₅ Diú₄: ‘A₂jmá'₂ dsa₂ 'éi₂ jui₁lia'₂ jě₁jmái'₂ dsa₂ i₂rín₂ dso₄’.” Isaiás 53:12. § 15:33 lit. “hora jñéi₂.” * 15:33 lit. “hora ñi₃.” † 15:34 Salmo 22:1.

37 Cón'₂ bá₄ ca₂'ñiog₂ guě₄ Jesús tiá₂ lín₃, co₂tan₅₄ ca₂join₃. 38 Hora jaun₂ dé₄ dsón'₂ co₂dsia₅ ca₂chen₃ ca₂tē₂ guel'₅₄ ca₂tē₂ 'uě₃ ca₂lě₃ tin₃ tsín'₅ tsi₁'mi'₂ pa₁ a₂jme₁'ei₅ dsi₂néi₂ guá'₅ templo. 39 Jaun₂ juig₅₄ 'lióg₂ i₂jme₁chén'₄ cau₅ cróg₄, jme₁ca₂jág₃ 'a₂ lia'₂ ca₂jon₃ Jesús, jaun₂ ca₂juá'₂:

—Tē₃dsón'₂ bá₄ jme₁lín₄ dsa₂ nē₅ Ja₁ñi'₅₄ Diú₄.

40 Jaun₂ bá₄ jme₁tion₂ i₂lín₅₄ 'io₅₄, jág₅ uing₂ ján₃. Jē₄ jaun₂ jme₁chén'₄ María chan₂ Magdala, quian'₅₄ María chog₅₄ i₂chen₂ José, quian'₅₄ i₂chen₂ Jacobo† i₂lín₅ i₂me'₂ guě₄, quian'₅₄ guě₄ jan₂ i₂chen₂ Salomé. 41 'Io₅₄ 'éi₂ ma₂ja₂lén₂ le₂tan₅₄ 'uě₃ Galilea jme₂ti₃ ne₄ Jesús. Juin₅ bá₄ guě₄ 'io₅₄ sián'₂ i₂ma₂ja₂lén₂ 'ein₂₃ Jesús tē₂ Jerusalén.

Ca₂'on₃ Jesús

(Mateo 27:57-61; Lucas 23:50-56; Juan 19:38-42)

42 Jme₁ca₂tó'₂ nei₂ jmig₄ jaun₂, tion'₅₄ dsa₂ jmo₂₃ co₂ñia₅₄ jui₁lia'₂ 'ióg₃ jmig₄ jñió₅. 43 Jaun₂ ca₂dsióg₃ José i₂chan₂ Arimatea, i₂lín₅ jan₂ dsa₂ dsen₅₄ i₂quian'₅₄ dsi₂tan₅₄ quián₅ guá'₅. Ia₁ 'éi₂ ján₃ jme₁chi₁jñia₂₃ a₂'ín₂ dsí₅ a₂guá₂ 'éi'₃ quió'₅ Diú₄. Jaun₂ ca₂dsia₃ tiá₂ dsí₅ nē₃, ñó₃ ja₁con₂ Pilato, ca₂i₁mi₁₂ 'lag₄ Jesús. 44 Jaun₂ ca₂i₃gó'₃ dsí₅ Pilato jme₁ca₂nág₂ a₂ma₂jon₅ Jesús, jaun₂ ca₂tē'₃ juig₅₄ 'lióg₂ ca₂ñag₃ chi₂jua'₂ dsón'₂ ma₂join₂₃. 45 Jme₁ca₂rě₃ñi₅ ca₂juá'₂ 'lióg₂, “Dsón'₂ bá₄ le₂jaun₂ ma₂ca₂lě₃”, jaun₂ ca₂jñin'₂ 'lag₄ o₄gú₃ Sē₄ 'éi₂. 46 Jaun₂ Sē₄ nē₃ ca₂i₁lia₅ 'mi'₂ tióg₃; quian'₅₄ a₂jaun₂ ca₂lioin₃ 'lag₄ Jesús jme₁ca₂sió₂ cróg₄. Jaun₂ ca₂to'₂ 'ñió'₃ tau₂ 'ñio₅ a₂jme₁ma₂lě₅ dso'₂ ni₁'lau₂. Jaun₂ ca₂mói₂ ca₂míg₂ ni₁cang₁ 'i₂ pa₁, ca₂jne₃ 'o₄ tau₂ 'ñio₅. 47 Jaun₂ María i₂chan₂ Magdala quian'₅₄ María chog₅₄ José, ca₂tē₂ ne₅₄ ja₁ca₂'on₃ Jesús.

16

Ca₂jen'₅₄ Jesús

(Mateo 28:1-10; Lucas 24:1-12; Juan 20:1-10)

1 Le₃ca₂gú'₃ jmig₄ jñió₅, jaun₂ María i₂chan₂ Magdala quian'₅₄ María chog₅₄ Jacobo,* quian'₅₄ guě₄ jan₂ i₂chen₂ Salomé, ca₂i₁lia₅ no'₅₄ mi₂juig₂ a₂jme₁dsi₃tsáng₃ ni₁ñi₁ 'lag₄ Jesús.

2 Jaun₂ le₁né₃ guě₄ jme₁jñia₃ jmig₄ le₂'uig₅₄ semana, ca₂i₃lén₂ ja₁chi₁'on₅ Jesús, ca₂dsi₃lén₂ con'₂ ma₂'en₅ ca₂la₂ 'iog₂. 3 Jaun₂ dsia₂₃ jág₁:

—¿Ein₂ jme₃'o₅₄ jñiog₄ mói₂ cau₅ ni₁cang₁ a₂chi₁jñi₅ 'o₄ tau₂ 'ñio₅?

4 La₁ jme₁ca₂jág₃ nē₃, jua'₂ ma₂rě₂mu₅, cau₅ bá₄ ma₂chí'₅. Ia₁ a₂jme₁pa₁ lín₃ bá₄ ni₁cang₁.

5 Jaun₂ ca₂i₃toin'₅₄ 'ñió'₃, jaun₂ ca₂jñin₂ jan₂ dsa₂ chi'₂ i₂qui'₂ 'mi'₂ chen'₅₄ tiog₂, guá₅ tē₂le₃ gu₂ ne₁ ja₁i₃lén₂ jaun₂. Jaun₂ ca₂i₃gó'₃ dsí₅ 'io₅₄ nē₃. 6 La₁ ca₂juá'₂ dsa₂ 'éi₂:

—Tsá₃ jui₁dsi₂gó'₃ 'au'₂ 'nia'₂. A₂'na'₂ Jesús bá₄ 'nia'₂ i₂ñiog'₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein'₅₄ bá₄. Tsá₃ 'éi₂ chan₂ ja₁lá₃. Nē₅ jag₄ 'nia'₂ ja₁ca₂quio₅ dsa₂. 7 Jaun₂ o₂nó'₅ 'nia'₂ o₂chei'₅₄ chi'₂ dsi₂guia₃-tín₂ quián₅, Pe₄ nē₃, a₂ma₂'ein₅₄ jui₅ ñó₅ jñiái₅ lia'₂ con'₂ guě₄ 'nia'₂ jui₅ Galilea. Ja₁jaun₂ o₁jñin'₄ 'nia'₂ con'₂ lě₅ jág₁ quió'₅ ma₂ca₂juá'₂.

8 Jaun₂ ca₂'uin₂ tau₂ 'ñio₅ i₃lein₃ cuing₂₃, dsi₂gó'₃ dsí₅ jlein₂₃. Tsá₃ 'ein₂ ca₂tsí'₃ le₂'i₄ jui₅, ia₁ a₂gó'₅ bá₄ i₃lein₃.

Ca₂jme₃jñia₅ Jesús ne₄ dsa₂ quián₅.†

(Juan 20:11-18)

9 Jaun₂ tē₂le₃ o₂'iog₂ jmig₄ le₂'uig₅₄ a₂ca₂rě₃lióg₃ semana a₂ca₂jein'₅₄ jaun₂, ca₂jme₃jñiai₂₃ le₂'uig₅₄ ne₄ María chan₂ Magdala, i₂ca₂'uín'₂ Jesús guion₃ je₂na'₅₄ quió'₅ le₂jñiá₅. 10 Jaun₂ 'éi₂ nē₃ ca₂i₁chi'₄ dsa₂ i₂jme₁quian'₅₄ Jesús. 'Éi₂ nē₃, tioin'₅₄ 'lia'₂ dsí₅, qui'₂-o₂₃ bá₄.

11 Jme₁ca₂nág₂ juá'₂ 'io₅₄ a₂ma₂chan₂ táng₃ Jesús, ia₁ ma₂nē₂jág₂ 'io₅₄, la₁ tsá₃ 'ein₂ ca₂rě₃ 'én₂ guě'₂ jág₁ jaun₂.

‡ 15:40 o₃, Santiago. * 16:1 o₃, Santiago. † 16:8 Chog₅₄ si₂ a₂lě₅ gui'₅₄ guě₄, tsá₃ le₁ton₅ versículos 9-20.

*Ca₂jme₃jnia₅ Jesús ne₄ on₃ dsa₂ quiáin₅**(Lucas 24:13-35)*

¹² Cang₂ jaun₂ táng₃ ca₂jme₃jnia₅ Jesús le₂siá'₂ ne₄ on₃ dsa₂ 'éi₂ quiáin₅, ja₁jme₁i₂nioi₅₄ ja₁nau₂. ¹³ Jaun₂ ca₂i₃lein₃ táng₃ ca₂i₁chi'₄ riin'₅₄. Ján₃ bá₄ le₂jaun₂ tsá₃ 'ein₂ riin'₅₄ ca₂rě₃'én₂ jág₁ a₂dsia₅ 'éi₂.

*Ca₂chen₃ Jesús chi'₂ ds₂i₂guia₃-tín₂ i₂lě₂ guě₄**(Mateo 28:16-20; Lucas 24:36-49; Juan 20:19:23)*

¹⁴ Cang₂ guě₄ jaun₂ ca₂jme₃jnia₅ Jesús jin₄ ta₁guia₃-ján₃ con'₂ i₂jme₁tén₄ guě'₅. Jaun₂ ca₂jí₂ ia₁ 'e₂ lě₃ ŋí₄ lě₃ cang₄ ds₂i₅₄, tsá₃ 'éin₂ a₂juá'₂ riin'₅₄ i₂ma₂ca₂tě₂ ne₄ a₂ma₂ca₂jein'₅₄ táng₃.

¹⁵ Jaun₂ ca₂juá'₂ ca₂tsí'₃ dsa₂ 'éi₂:

—O₂nó'₅ 'nia'₂ le₂con₂ mi₂güí₃, o₂'ě₃ jin₄ ca₂le₃jín₃ dsa₂ jág₁ dse₃. ¹⁶ I₂'én₂, i₂jŋó₂ jmig₂ ně₃, lióin₂, tñin'₄ bá₄. I₂tsá₃ 'én₂ ně₃, le₃chain₂ tióin'₅₄ 'éi'₃ a₂dsi₃'éin₂. ¹⁷ Jaun₂ léi₄ la₂ jme₃quian'₅₄ dsa₂ 'én₂. Tě₂le₃ quian'₅₄ bí₂ 'éi'₃ quió₃ jniá₂, 'uín'₂ je₂na'₅₄, ton'₂ dsia₃ dsa₂ jág₁ jmei₅ 'mí₂ ně₃. ¹⁸ Nė₁juá'₂ 'ein₂ ca₂jŋa'₃ ds₂i₂mí'₂, o₃ 'ein₂ ca₂'in'₃ mí₅ 'lig'₅₄, la₁ tsá₃ 'e₂ jén'₄. Qui₂quiog₃ gu₂ ne₄ quió'₅ dsa₂ dso'₅₄, jaun₂ 'lión₂ bá₄ dsa₂.

*Ca₂uíg₂ Jesús guei'₅₄ i₂juíg₃**(Lucas 24:50-53; Hechos 1:6-11)*

¹⁹ Jme₁ma₂lě₅ juá₂ Te₁gui'₅₄ Jesús le₂ně₅, jaun₂ guě₄ ca₂roin'₂ ŋái'₃ guei'₅₄ i₂juíg₃, jaun₂ ca₂guá₂ tě₂le₃ gu₂ ne₁ quió'₅ Diú₄. ²⁰ Cang₂ jaun₂, dsa₂ i₂jme₁quian'₅₄ ně₃, ca₂'uín₂ i₁lein₅₄ ca₂le₂con₂ juíg₂ i₁'ě₄ jág₁. Jaun₂ 'ŋiog₅ bá₄ Te₁gui'₅₄ Jesús ca₂cuě₃ bí₂, ca₂jmo₃ léi₄ a₂dsón'₂ dsau₅ jág₁ quió'₅, tě₂le₃ quian'₅₄ ca₂le₃jě₃ léi₄ juě'₂ a₂qui₂ca₂jmo₃ dsa₂ quiáin₅.

Co₂ně₅.

Jág₁ Dse₃ quió'₅ Diú₄ a₂ca₂tó'₂ San Lucas ne₄ Si₂

Jág₁ a₂ca₂rë₃lióg₃ Si₂ a₂ca₂jmo₃ San Lucas

¹ Juin₅ bá₄ dsa₂ i₂qui₂ca₂nio₃ ne₄ ca₂can₃ ta₁ ca₂tó'₂ ne₄ si₂ ca₂le₃jë₃ jág₁ 'a₂ lia'₂ dsón'₂ niog₅ ca₂lë₃ jë₄ quián₂ jnia'₅₄, ² lia'₂ con'₂ lë₅ ca₂jme₃tag₅ dsa₂ i₂ca₂të₂ ne₄ lia'₂ con'₂ le₂'uig₅₄ jme₁ca₂rë₃lióg₃, ton'₂ ca₂jme₃'o₅₄ ca₂'ë₂ jág₁ dse₃. ³ Ján₃ bá₄ le₂jaun₂, jniá₂ në₃ ma₂cáun₃ 'í₁ dse₃ lín₃ 'a₂ lia'₂ ma₂já₅jë₄le₂'uig₅₄, jaun₂ bá₄ líng₂ dsi₂ten₅₄ a₂tó'₄ ne₄ si₂ la₂ ca₂le₃jë₃ lia'₂ con'₂ lë₅, a₂tsíng₂ ne'₅₄ 'ne₂, gui'₅₄ Teófilo,* ⁴ ia₁jaun₂ ñi'₅₄ dse₃ a₂dsón'₂ tí₅ jág₁ a₂ma₂ca₂rë₃tíng'₃.

'E₂ jág₁ ángel quián₅ Diú₄ a₂le₃chan₂ Juan₅₄ i₂chon₃ dsa₂ jmig₂

⁵ Jmig₄ lia'₂ con'₂ jme₁lín₄ Herodes rag₅₄ 'uë₃ Judea, jme₁chan₂ jan₂ jme₂dsa₂ i₂jme₁chen₂ Zacarías, i₂jme₁tén₄ le₃quió'₅ co₂nió'₃ jme₂dsa₂ quián₅ Abías. Dsa₂ mí₂ quián₅ jme₂dsa₂ 'éi₂ në₃ jme₁chen₂ Elisabet, i₂jme₁lín₄ tsi₁jon₂ quián₅ jme₂dsa₂ Aarón. ⁶ Le₃oin₃ jme₁lín₄ dsa₂ dsen₃ le₃ne₄ Diú₄, jme₁jme₂ti₃ 'éi'₃ quió'₅ Te₁gui'₅₄. A₂chain₂ le₂jaun₂ në₃, tsá₃ 'ein₂ qui₂le₃bóg'₂ dso₄ jua'₅₄ 'e₂ dso₄ le₃bóg'₂. ⁷ La₁ 'i₁jan₂ guein₂ tsá₃ i₂ma₂ca₂rë₃chán₃ quián₅, ia₁ jme₁lín₄ Elisabet jan₂ 'io₅₄ quen₂. Jme₁ma₂cain'₅₄ ma₂guein'₂ 'ñio₅ lín₃ jain₂ jain₂.

⁸ Co₂ráun₂, ca₂lë₃ jme₁ca₂të₂ jmig₄ a₂tín₅₄ jme₂dsa₂ i₂quian'₅₄ Zacarías a₂jme₃ti₃ ta₁ a₂tióin₂ ne₄ Diú₄, ⁹ a₂jmo₃ lia'₂ con'₂ lë₅ tag₄ chí'₅ quió'₅ jme₂dsa₂. Të₃jë₄ jmig₄ jaun₂, ca₂o₃ág₃ jág₁ ca₂tín₂ Zacarías, a₂'í₂ dsi₂néi₂ ja₁jñio₅ quió'₅ Te₁gui'₅₄ a₂dsí'₂ chen₂. ¹⁰ Të₁lia'₂ 'ein₅₄ dsí'₂ chen₂ ne₄chei₂ në₃, dsa₂ juig₂ guë'₂ le₃ca₁'né₄ bá₄ le₁ñi'₂ chi₂lén'₂ Diú₄.

¹¹ Të₃jë₄ jaun₂ ca₂jme₃jnia₅ jan₂ ángel quián₅ Te₁gui'₅₄ ne₄ Zacarías të₂le₃ gu₂ ne₁ ja₁lë₄ ne₄chei₂. ¹² Jme₁ca₂jág₂ Zacarías, ca₂ja₃gó'₃ dsí'₅ 'ñio₅ lín₃, ca₂lia'₂ tsá₃ a₂ñi₅ jmo₃ ca₂jén'₃. ¹³ La₁ ca₂juá'₂ ángel:

—Zacarías, tsá₃ lë₁jmo₂ gang'₃, ia₁ ma₂nág₂ Diú₄ jág₁ quiáng'₂ a₂chi₁lein'₅₄, jaun₂ le₃chan₂ jan₂ guein₂ dsa₂ ñe'₂ quián₅ Elisabet dsa₂ mí₂ quiáng'₂. Guein₂ 'éi₂ quiang'₅₄ Juan₅₄. ¹⁴ Jmó'₂ 'io'₂ le₃chang'₂, o₂'ñio₃ o₂jñia₃ 'au'₂ në₃, ján₃ bá₄ juin₅ i₂të₃ dsí'₅ jë₁ma₂chain₂. ¹⁵ Ia₁ lén₂ dsa₂ juin'₂ le₃ne₄ Te₁gui'₅₄. Tsá₃ vino 'ín'₂, on₃ guë'₂ ti₁jmíg₃ në₃; Jme₂dsí₂ Jñio₅ bá₄ ma₂rë₂rín₅ të₂dsí'₅ né₃ a₂le₃chain₂. ¹⁶ Co₃jén'₂ juin₅ lín₃ dsa₂ juig₂ Israel le₃quió'₅ Te₁gui'₅₄ Diú₄ quián₅. ¹⁷ 'Éi₂ i₂já₅ ne₄ jui₅ quió'₅ Te₁gui'₅₄, 'ein₅₄ jme₂dsí₂, ton'₂ 'io₂₃ jui₅bí₂ jui₁lia'₂ a₂jme₁'io₅ Elías, a₂jme₃dsiain₁₂ mí'₅₄ ja₁con₂ dsa₂, quian'₅₄ chi'₂-guein₂ quián₅, a₂co₃jén'₂ jui₁lia'₂ i₂tsá₃ ne'₅₄, jme₃tag₂₃ le₃tiin₂ le₃ñí'₂ a₂dse₃. Le₂në₅ jmo₃ co₂jñia₅₄ dsa₂ ia₁jaun₂ guein₃ Te₁gui'₅₄.

¹⁸ Jaun₂ ca₂ñag₃ Zacarías ca₂ñí'₃ ángel:

—¿'A₂ bá₄ lia'₂ lé₂ le₃guion₅₄ jniá₂ a₂tí₅ dsón'₂ jág₁ në₅? Ia₁ dsa₂ ma₂guen'₂ bá₄ jniá₂, le₂jaun₂ guë'₂ dsa₂ mí₂ quiáng₃ i₂ma₂dsi₁juin₅₄ ñi₂ ján₃.

¹⁹ Jaun₂ ca₂ñag₃ táng₃ ángel:

—Gabriel bá₄ jniá₂, chéng'₅ le₃ne₄ Diú₄. A₂cheng₅₄ bá₄ guio₃ a₂juá'₄ jág₁ dse₃ la₂ ne'₅₄.

²⁰ La₁ të₂në₃, cóng'₂, tsá₃ ma₃jág₁ le₃dsiá'₁ ca₂lia'₂ ca₂lë₃ le₂në₅, 'uig₅₄ ia₁ a₂tsá₃ 'éng'₂ jág₁ quió'₃ a₂le₃ti₃ jë₁ma₂dsin₃ jmig₄ jaun₂.

²¹ Dsa₂ juig₂ në₃, le₁jñia₂₃ a₂o₃'in₅ Zacarías, dsi₂gó'₃ dsí'₅ ia₁ a₂ca₂rë₃'in₄ 'éi₂. ²² Jme₁ca₂o₃'iin₃ në₃, la₁ tsá₃ ma₃jág₁ le₂dsia₃, jaun₂ ca₂rë₃lí'₄ bá₄ dsa₂, cha₂ a₂ca₂jág₃ dsi₂néi₂ guá'₅ templo. A₂jñia'₅₄ qui₂bí₂ gu₂ bá₄ jmo₂₃ léi₄, ia₁ ma₂coin₅₄.

²³ Jme₁ca₂dsin₃ jmig₄ a₂jme₃ti₃ ta₁ jaun₂, jaun₂ ñái'₃ bá₄ ja₁quió'₄. ²⁴ Cang₂ jaun₂ në₃, ca₂can₃ Elisabet dsa₂ mí₂ quián₅ guein₂. Të₁lia'₂ jaun₂, tei₄ bá₄ ca₂'í₃ dsi₂néi₂ quió'₅ con'₂

* 1:3 o₃, “ne₂ i₂nióg'₃ Diú₄.”

'ŋiá₂ tsi'₂. 'Ein₅₄ qui₂dsi₂jŋia₅ dsí₅, lín₂: 25 “Co₂ně₅ ca₂rě₃'ŋi₃ dsí₅ Te₁gui'₅₄ a₂lín₅ le₂la₂, ia₁jaun₂ tsá₃ ma₂'ag₃ dsa₂ 'lig'₅₄.”

Ě₂ jág₁ jan₂ ángel quián₅ Diú₄ a₂le₃chan₂ Jesús

26 Jŋéi₂ tsi'₂ ma₂ne₁ŋó₄ a₂quian₅ Elisabet guein₂; Diú₄ ně₃ ca₂chein₃ táng₃ ángel Gabriel caun₂ juig₂ ja₁tén₄ Galilea ja₁chei₂ Nazaret, 27 a₂ca₂i₁jme₁jniai₂₃ ne₄ jan₂ dsa₂ mi₄ i₂jme₁ma₂lí₅₄ jág₁ a₂jéin'₂ gu₂ quian'₅₄ i₂chen₂ José, jan₂ dsa₂ tsi₁jon₂ Rag₅₄ David. Dsa₂ mi₄ 'éi₂ jme₁chen₂ María. 28 Jaun₂ ně₃, ca₂'í₃ ángel dsi₂néi₂ ja₁'en₅₄ María, jaun₂ ca₂juá'₂:

—iSiang'₃ María! i'E₂ guě₄ dsen'₃ 'ne₂, ia₁ quiong'₅₄ Te₁gui'₅₄!†

29 La₁ jme₁ca₂nág₂ María jág₁ ně₅, 'ŋio₅ lín₃ ca₂l₃gó'₃ dsí₅, jaun₂ ca₂'náu'₃ dsí₅ 'e₂ bá₄ jein₅ jág₁ jaun₂. 30 Jaun₂ ca₂juá'₂ táng₃ ángel:

—Tsá₃ lě₁jmo₂ gang'₃, María, ia₁ a₂dse₃ dsí₅ Diú₄ jmo₂₃ ja₁cong'₂. 31 Ní₂, 'í₂ jan₂ guein₂ tē₂'au'₂; le₃chan₂ jan₂ guein₂ dsa₂ ŋe'₂ quiáng'₂, jaun₂ quiaín'₅₄ JESÚS. 32 'ŋio₅ juin'₂ lén₂; quiong₃ dsa₂ a₂lín₅ Ja₁ŋi'₅₄ Diú₄ i₂guá₅ guei'₅₄ lín₃. Te₁gui'₅₄ Diú₄ ně₃, dsiog₃ ne₄ta₁ quió'₅ David jme₂gui'₂. 33 Jaun₂ jme₃góin₃ con'₂ tan₅₄ ne₄ chi'₂ dsio₄ Jacob, jaun₂ tsá₃ ma₃líg'₂ jmig₄ dsi₃ŋí₂ 'éi'₃ quió'₅.

34 Jaun₂ ca₂ŋag₃ María ca₂ŋí'₃ ángel:

—¿'A₂ bá₄ lia'₂ lě₂ a₂ně₅? Ia₁ tsá₃ dsa₂ ŋe'₂ cuíng₅.

35 Jaun₂ ca₂ŋag₃ ángel:

—Jme₂dsí₂ Jŋi₃ó₅ bá₄ jmo₃ a₂lé₂ le₂jaun₂ ja₁cong'₂; jui₅bí₂ quió'₅ Te₁gui'₅₄ i₂guá₅ guei'₅₄ bá₄ lio₃ 'én'₁ quió'₅. Jaun₂ lě₃, guein₂ jŋi₃ó₅ i₂le₃chan₂ 'éi₂, quiong₃ dsa₂ Ja₁ŋi'₅₄ Diú₄.‡ 36 Ján₃ bá₄ le₂ně₅ Elisabet ríng'₂, o₁jŋia'₅₄ ma₂guein'₂, ma₂tě₂ jŋéi₂ tsi'₂ a₂quiaín₂₃ guein₂, jaun₂ le₂ně₅ bá₄ le₃chan₂ jan₂ guein₂ quián₅ i₂tě'₂ dsa₂ 'io₅₄ quen₂. 37 Ia₁ 'i₁caun₂ tsá₃ 'e₂ cha₂ jua'₅₄ a₂tsá₃ qui'₅₄ jmig₄ Diú₄.

38 Jaun₂ ca₂juá'₂ María:

—Ní₂, dsa₂ i₂jme₂ti₃ ta₁ ne₄ Te₁gui'₅₄ bá₄ jniá₂; jui₁le₅₄ ja₁cong₂ con'₂ lě₅ jág₁ quiáng'₂. Jaun₂ ca₂ŋá'₃ ángel ja₁coin₂.

Ca₂i₁jag₅₄ María ja₁quió'₄ Elisabet

39 Tě₃jě₄ jmig₄ jaun₂, ca₂ŋó₃ María tē₂le₃ dséi₂ jui₅ juig₂ niog₅ má'₂ ja₁tén₄ Judea. 40 Jaun₂ jme₁ca₂dsi₃og₃, ca₂'í₃ dsi₂néi₂ quió'₅ Zacarías, ca₂cuin₃ Diú₄ Elisabet. 41 Jme₁ca₂nág₂ Elisabet a₂cuag₅ María Diú₄, dsi₂jui₅ jaun₂ bá₄ ca₂jín'₂ guein₂ tē₂dsí₅, jaun₂ ca₂rě₃cain'₂ Jme₂dsí₂ Jŋi₃ó₅. 42 Jaun₂ ca₂'í₃ co₂mi'₅₄, juá'₂:

—i'E₂ guě₄ 'ŋio₅ jme₂gu'₅₄ Diú₄ 'ne₂, lia'₂ con'₂ guě₄ 'i₁jan₂ dsa₂ mí₂ sián'₂, le₂jaun₂ guě'₂ guein₂ quiáng'₂ ně₃! 43 ¿I₂'ein₂ bá₄ jniá₂, já₅ chog₅₄ Te₁gui'₅₄ quiáng₃ ja₂jag₅₄? 44 Ia₁ dsi₂jui₅ jme₁ně₂cuag'₅₄ Diú₄, ca₂jín'₂ 'io'₂ jén'₅ guein₂ quiáng₃ tē₂dsi₃. 45 i'E₂ guě₄ dsen'₃ 'ne₂ a₂ca₂rě₃'éng'₂, ia₁ le₃ti₃ ja₁cong'₂ a₂ma₂juá'₂ Te₁gui'₅₄!

46 Jaun₂ María ně₃, ca₂juá'₂:

Jme₂juin'₂ tē₂dsi₃ Te₁gui'₅₄.

47 Jme₂dsí₂ quió₃ ně₃, 'io'₂ jén'₅ le₃quió'₅ Diú₄ quiáng₃ i₂lió₂.

48 Ia₁ Diú₄ ca₂jéin'₃ ne₅₄ ja₁con₂ jniá₂ dsi₂ŋég₂ i₂jme₂ti₃ quiáin₅.

Jaun₂ ně₃, le₂tan₅₄ le₃ne₄ jui₅ ja₁ŋó₄, tē₂ dsa₂ lín₅ i₂rě₂gon'₅₄ quián₅ Diú₄.

49 Ia₁ 'e₂ guě₄ 'uan'₂ Diú₄, ia₁ ca₂jmo₃ caun₂ a₂juě'₂ ja₁cong₂;

† 1:28 A₂lín₅₄ chog₅₄ si₂ juá'₂ ján₃: “Ma₂jme₂gu'₅₄ Diú₄ jme₂gon'₅₄ 'ne₂ con'₂ guě₄ ca₂le₃jín₂ dsa₂ mí₂.” ‡ 1:35 o₃, “Jaun₂ ně₃, guein₂ i₂le₃chan₂ 'éi₂ quiong₃ dsa₂ guein₂ jŋi₃ó₅.”

í'e₂ guë₄ jñi₅ a₂chein₂!

50 Co₂tan₅₄ bá₄ ñéi₂ dsí₅

le₂tan₅₄ tsi₁jon₂ dsa₂ i₂jme₂go₃.

51 Quian'₅₄ gu₂ bén₂, ca₂jmo₃ caun₂ a₂juë'₂

a₂tsá₃ 'ein₂ qui'₅₄ jmi₄.

Ia₁ co₂ñei'₅₄ ca₂guiain'₃ 'uë₃

dsa₂ i₂con'₂ ñí'₂ dsí₅ guion₅₄ jmo₂₃ táin'₅.

52 Ca₂'liain'₃ cau₅ i₂jme₁tián'₄ can'₅₄,

a₂ca₂dsiain₃ táng₃ i₂jmo₅ me'₂.

53 Dsa₂ i₂jme₁chan₂ 'on₄,

ca₂jme₃tau₅₄ quian'₅₄ a₂dse₃.

I₂ñí₄ jme₁chan₂ dse₃ guë'₂,

ca₂'uág'₂ ca₂chei'₃ lín₃.

54 Ca₂jme₃'oin₅₄ dsa₂ juig₂ Israel i₂jme₂ti₃ quiáin₅,

ca₂dsia₃ ñéi₂ dsí₅ ca₂dsáu'₃ dsí₅

55 con'₂ lë₅ jág₁ quió'₅

ca₂tsí'₃ Abraham jme₂gui'₂ jniog₄

quian'₅₄ ca₂le₃jín₃ tsi₁jon₂ quiáin₅ co₂tan₅₄.

56 Con'₂ 'ni₅ tsí'₂ ca₂dsin₃ ca₂'í₃ María ja₁quió'₄ Elisabet. Cang₂ jaun₂ ñái'₃ táng₃ ja₁quió'₄.

Ca₂rë₃chán₃ Juan₅₄ i₂chon₅ dsa₂ jmi₄

57 Cang₂ jaun₂ ca₂dsin₃ jmi₄ a₂le₃chan₂ guein₂ quián₅ Elisabet, jaun₂ ca₂rë₃chán₃ jan₂

guein₂ dsa₂ ñe'₂ quiáin₅. 58 Jaun₂ ca₂rë₃ñi₅ o₁riin'₅₄, quian'₅₄ dsa₂ i₂tián'₅ cau₅ quió'₅ ñë₃, 'a₂

lia'₂ ca₂jmo₃ Te₁gui'₅₄ dse₃ dsí₅ ja₁con₂ 'éi₂. Jaun₂ ca₂jmo₃ 'io'₂ quiong'₅₄.

59 Jaun₂ ca₂lë₃ ñë₃, jme₁ca₂të₂ jñia₃ jmi₄, ca₂o₃lén₂ dsa₂ ca₂ti₃ lo₄ guein₂, jaun₂ jme₁'nio₃

quiong₃ Zacarías lia'₂ chen₂ jmei₂. 60 La₁ ca₂juá'₂ chog₅₄ guein₂:

—Jan₂'ón₄. Juan₅₄ bá₄ le₃chein₂.

61 Jaun₂ ca₂ñag₃ táng₃ dsa₂:

—'I₁jan₂ o₁ríng'₂ tsá₃ i₂chen₂ le₂ñë₅, jme₁né₄.

62 Jaun₂ ca₂jmo₃ dsa₂ léi₄ quian'₅₄ gu₂ a₂ca₂tsí'₃ jmei₂ guein₂ 'a₂ guë'₂ lia'₂ 'nio₃ 'éi₂ le₃chen₂

guein₂. 63 Jaun₂ ca₂mi₃ 'éi₂ ca₂'nau₅₄ jau₅₄ 'ma₂, jaun₂ ne₄ jaun₂ ca₂tióng₃: “Juan₅₄ bá₄

chein₂.” Jaun₂ ca₂i₃gó'₃ dsí₅ ca₂le₃jín₃ tiain'₅₄. 64 Dsi₂jui₅ jaun₂ ca₂ján₃ mi₂'o₄ Zacarías,

ca₂'ág₂ 'ua₁ táng₃ le₁tsi'₂, ca₂dsia₃ jág₁, ca₂jme₃juin'₂ Diú₄. 65 Jaun₂ ca₂i₃gó'₃ dsí₅ ca₂le₃jín₃

dsa₂ i₂tián'₅ cau₅, jaun₂ le₂tan₅₄ juig₂ te₁'i₁ 'uë₃ má'₂ ja₁tén₄ Judea ñë₃, ca₂i₃'ag₅₄ jág₁ ca₂le₃jë₃

a₂ca₂lë₃ jaun₂. 66 Dsa₂ i₂qui₂ca₂rë₃ñi₅ a₂jaun₂ ñë₃, jme₁'nio'₂ dsí₅ i₂gú'₃ jág₁ ñë₅, qui₂ñí'₅

le₂jan₂ le₂jan₂ dsia₂₃: “¿'E₂ bá₄ lén₂ guein₂ 'éi₂?” Ia₁ dsón'₂ bá₄ dsau₅ léi₄ jme₁quiong'₅₄

Te₁gui'₅₄ guein₂ 'éi₂.

Le₂la₂ canto a₂ca₂jme₃juin'₂ Zacarías Diú₄

67 Zacarías jmei₂ guein₂ ñë₃, rë₂cain'₂ Jme₂dsí₂ Jñi₅, qui₂ca₂'ë₃ jág₁ ca₂cuë₃ Diú₄, ca₂juá'₂:

68 Jui₁le₂juin'₂ Te₁gui'₅₄ Diú₄

quián₅ dsa₂ juig₂ Israel,

ia₁ ma₂guain₂₃ jë₄ quián₂ jniog₄

dsa₂ juig₂ quiáin₅, ma₂ca₂lió₂.

69 Ma₂ca₂cuag₃ jniog₄ jan₂ i₂'uan'₂ lín₃

i₂lín₅ lia'₂ lë₅ caun₂ mi₁juí₁,

jan₂ i₂já₅ jë₄ tsi₁jon₂ David i₂ca₂jme₃ti₃ ta₁ ne₅₄,

a₂ja₂lioin₅₄ dsa₂ quiáin₅.

70 Le₂ñë₅ jág₁ quió'₅ ca₂cuë₃ ca₃ma₂líg'₂,

ca₂juá'₂ tē₂le₃ quian'₅₄ dsa₂ i₂jme₁'ě₂ jág₁,
i₂jme₁lě₄ 'í₁ quiáin₅,

71 jme₁ca₂juá'₂ a₂lió₂ o₄gú₃ dsa₂ i₂'iog₅₄,
i₂uig₅ dsí₅ jág₂ ně₃,

72 ja₁juá'₂ ně₃ a₂tiá'₃ ηéi₂ dsí₅
ja₁con₂ dsa₂ can'₅₄ quián₂,
ja₁juá'₂ ně₃ dsiog'₂ dsí₅ jág₁ ηjió₅ quió'₅ ron₅.

73 A₂ně₅ bá₄ jág₁ jaun₂ ca₂quiog₂
jme₁ca₂'iin₃ 'ηiog₅
ca₂tsí'₃ Abraham jme₂gui'₂ jniog₄:

74 a₂ca₂juá'₂ a₂lió₂ o₄gú₃ dsa₂ i₂'iog₅₄,
ia₁jaun₂ dsiá'₁ tiá'₂ dsí₅ jme₁ti₁ ne₅₄,

75 ia₁jaun₂ le₂chong₂ rē₂ le₃ne₅₄, lě₅ 'í₁,
ca₂le₃jě₃ jmig₄ chong₂.

76 Jaun₂ tē₂le₃ ja₁con'₂ 'ne₂ guē'₂, jón₃,
tē₂ dsa₂ a₂líng'₅ jan₂ i₂'ě₂ jág₁ quián₅ Diú₄
i₂guá₅ guei'₅₄ lín₃,

ia₁gog'₅₄ ne₄ jui₅ quió'₅ Te₁gui'₅₄
a₂jmó'₂ co₂ηia₅₄ jui₅ quió'₅.

77 'Ne₂ bá₄ o₁jmo'₄ a₂le₃cuí'₅ dsa₂ juig₂ quiáin₅
'e₂ jaun₂ a₂lión₂ dsa₂,
tē₂le₃ quian'₅₄ a₂'én₂ dsáu₁.

78 Ia₁ ηéi₂ bá₄ dsí₅ Diú₄ quián₂ jniog₄.

Jaun₂ lě₃, tē₂ guei'₅₄ i₂juíg₃ bá₄
chein₂₃ caun₂ si₂,

ně₂jag₄ bá₄ ca₂jnia₃ caun₂ jmig₄ 'mí₂

79 ja₁con₂ dsa₂ i₂tián'₅ jě₄ qui₁né'₃,
ja₁'ei₅ 'én'₁ 'mú₃ ně₃,
a₂jio₃ jniog₄ caun₂ jui₅ ja₁'ag₃ tei₄.

80 Caun₂ ca₂i₃cón₃ bá₄ guein₂ 'éi₂, caun₂ rē₂'uain'₂ bá₄ tē₂le₃ jui₅ jme₂dsí₂ ně₃; ca₂guá₂
caun₂ ja₁lě₄ 'uě₃ quein₂ co₂'ηiog₅, ca₂lia'₂ ca₂tě₂ jmig₄ a₂ca₂jme₃jniai₂₃ jin₄ dsa₂ juig₂ Israel.

2

Ca₂rě₃chán₃ Jesús (Mateo 1:18-25)

1 Jaun₂ ca₂lě₃ ně₃ jmig₄ jaun₂ ca₂jmo₃ 'éi'₃ gui'₅₄ Emperador Augusto, a₂cho₃ si₂ tioen₃
ca₂le₃jín₃ dsa₂ ta₁caun₂ mi₂güig₃. 2 (Jě₁le₂'uig₅₄ si₂ ně₅ ca₂cho₃ dsa₂ lia'₂ con'₂ jme₁lín₄
Cirenio dsi₄má'₂ 'uě₃ Siria.) 3 Jaun₂ jma₃quén₅ ca₂tín₂ dsa₂ ca₂le₃jín₃ dsí₃lein₃ juig₂ go₅₄,
a₂qui₂dsí₃tioen₃ si₂.

4 Jaun₂ ca₂'í₃ José jui₅ ca₂o₃'iin₃ juig₂ Nazaret ja₁tén₄ 'uě₃ Galilea, ca₂ηái'₃ jui₅ 'uě₃ Judea
a₂dsiáin'₄ Belén, go₄ David, ia₁ dsa₂ tsi₁jon₂ David bá₄ jme₁lín₄ José. 5 Ca₂i₁tioen₃ si₂ ja₁jaun₂
quian'₅₄ María i₂ma₂li'₅₄ jág₁ jéin'₂ gu₂ quiain'₅₄; ma₂quiain₂₃ bá₄ guein₂ ηi₂₃. 6 Ca₂lě₃ ně₃,
con'₂ ma₂tioen₃'₅₄ ja₁jaun₂, ca₂dsin₃ jmig₄ a₂le₃chan₂ guein₂ quiáin₅. 7 Ja₁jaun₂ ca₂rě₃chán₃
guein₂ ne₅₄ 'éi₂ quiáin₅, 'ein₅₄ ca₂lio₃ 'mí'₂, ca₂quio₂₃ 'ηió'₃ tsi₁gu₅ ja₁guě'₅ já'₂, 'uig₅₄ ia₁ a₂tsá₃
ma₃ja₁ca₂tíin₂ dsí₂néi₂ ja₁siá'₂ ja₁ηia₃.

Ca₂jme₃jnia₅ ángel ne₄ dsa₂ i₂jmo₅ 'í₁ já'₂ cha'₂

8 'Uë₃ jaun₂ jme₁tion'₅₄ jnia₅ ja₁nau₂ co₂nió'₃ dsa₂ i₂jmo₅ 'í₁ já'₂ cha'₂ quián₅, a₂'uë₂ jaun₂.
9 Ca₂jme₃nia₅ jan₂ ángel quián₅ Te₁gui'₅₄ ne₅₄, ca₂jnia₃ co₂tág₅ co₂'né'₅ quió'₅ Te₁gui'₅₄ le₃lág'₃ ja₁tioin'₅₄, jaun₂ ca₂rë₃gó'₅ 'ñio₅ lin₃. 10 La₁ ca₂juá'₂ ángel:

—Tsá₃ jmo₂ 'nia'₂ gang'₃. Ní₂, a₂i₃'ë₃ jág₁ dse₃ bá₄ jniá₂ guio₃, caun₂ jág₁ quió'₅ ca₂le₃jín₃ dsa₂, já₃ cán₂ o₂'ñio₃ dsi₅. 11 Ia₁ jmi_g₄ në₃, ca₂rë₃chan₂ o₄quián'₂ 'nia'₂ juig₂ go₄ David, jan₂ i₂lió₂, i₂lín₅ Te₁gui'₅₄ I₂rë₂'ín₁ quián₅ Diú₄. 12 Quian'₅₄ léi₄ la₂ o₁quion'₂ 'nia'₂ 'í₁: dsian'₂ 'nia'₂ guein₂ rë₂bón'₅ 'mi'₂, rë₂quiain₂₃ 'ñio'₃ tsi₁gu₅ ja₁guë'₅ já'₂.

13 Dsi₂jui₅ con'₂ tsá₃ jáin₅, ca₂jín₂ juin₅ lin₃ ángeles sián'₂ con₂ ángel 'éi₂, ca₂tóin'₂ jme₂juin'₂ Diú₄ ca₂juá'₂:

14 jui₁le₂juin'₂ Diú₄ guei'₅₄ i₂juig₃!

Ne₄ gua'₅₄ 'uë₃ në₃,

jui₁'ei₅ tei₄ ja₁con₂ dsa₂ mi₂güig₃

i₂ma₂dsia₅ Diú₄ dse₃ dsí₅ o₄quió'₄.

15 Ca₂lë₃ në₃, jme₁ma₂i₃len₃ ángeles guei'₅₄ i₂juig₃, jaun₂ ca₂jme₃lióg₃ dsa₂ i₂jmo₅ 'í₁ já'₂ cha'₂ 'éi₂ qui₂ca₂tsí'₃ riin'₅₄:

—Ma₃ jniog₄ jui₅ Belén, ma₃ dsi₁jag₅₄ a₂ca₂lë₃ ja₁jaun₂, con'₂ lë₅ jág₁ ma₂në₂'ë₂ Te₁gui'₅₄.

16 Ca₂i₃lén₂ jaun₂ në₃ tē₂le₃ dséi₂. Dsón'₂ rē₂ ja₁jaun₂ ca₂dsáin'₂ María quian'₅₄ José, guein₂ në₃ rë₂quiain₂₃ 'ñio'₃ gu₅ ja₁guë'₅ já'₂. 17 Jme₁ca₂jág₂, jaun₂ guë₄ ca₂dsia₃ 'a₂ lia'₂ lë₅ jág₁ a₂ca₂nág₂, a₂ca₂'ë₂ ángel a₂'iin₂₃ guein₂, 18 jaun₂ ca₂i₃gó'₃ dsí₅ ca₂le₃jín₃ dsa₂ i₂ca₂nág₂ jág₁ a₂dsia₅ dsa₂ i₂quián₅ já'₂ cha'₂ 'éi₂. 19 La₁ María në₃, 'no'₂ bá₄ dsí₅ ca₂le₃jë₃, 'e₂ jein₅ a₂lë₂ jaun₂. 20 Dsa₂ i₂jmo₅ 'í₁ já'₂ cha'₂ në₃, ca₂i₃lein₃ bá₄ táng₃ qui₂jme₂juin'₂ Diú₄, qui₂cuë₂₃ ti₁'mag'₄ o₄quió'₄ ca₂le₃jë₃ a₂ca₂të₂ ne₅₄ quian'₅₄ a₂qui₂ca₂nág₂. Ia₁ ca₂le₃jë₃ bá₄ ca₂rë₃ti₃ con'₂ lë₅ ca₂juá'₂ ángel.

Ca₂i₃jme₁jniai₂₃ guein₂ Jesús guá'₅

21 Jme₁ca₂dsin₃ jnia₃ jmi_g₄, ca₂ti₃ dsa₂ lo₄ guein₂, jaun₂ ca₂quiong₃ JESÚS* lia'₂ con'₂ lë₅ ca₂juá'₂ ángel ca₂tsí'₃ María né'₃ a₂caun₂.

22 Jme₁ca₂dsin₃ jmi_g₄ a₂'i₄ 'éi'₃ jmo₃ le₁jín₃ a₂jme₂ti₃ lia'₂ con'₂ lë₅ 'Éi'₃ quió'₅ Moisés, ca₂i₃lein₅₄ Jerusalén jniai₂₃ guein₂ i₁jein'₅₄ ne₄ Te₁gui'₅₄. 23 Ca₂jmo₃ le₂në₅ ia₁ ton₅ ne₄ Si₂ quió'₅ Te₁gui'₅₄: “Ca₂le₃jín₃ guein₂ dsa₂ ñe'₂ i₂ne₅₄ i₂le₃chan₂, lén₂ i₂lë₅ 'í₁ quián₅ Te₁gui'₅₄.”†

24 Ja₁jaun₂ ca₂jén'₃ ján₃ con'₂ lë₅ juá'₂ 'éi'₃ quió'₅ Te₁gui'₅₄: “On₃ i₁ju₂, o₃ co₂dsán'₃ i₁ju₂ bë₂ 'e₂.”‡

25 Jmi_g₄ jaun₂, jme₁chan₂ jan₂ dsa₂ jë₄ juig₂ Jerusalén i₂jme₁chen₂ Simeón. Jme₁lín₄ jan₂ dsa₂ dsen₃ lin₃, i₂jme₁jme₂gan₃ Diú₄; jme₁chain₂ chi₁jnia₂₃ a₂guán₂ i₂cuë₃ lián'₂ quió'₅ dsa₂ juig₂ Israel. Jme₁quiong'₅₄ Jme₂dsí₂ Jñio₅; 26 'éi₂ bá₄ ma₂ca₂'ë₂ jág₁ ne₅₄ a₂tsá₃ jóin₂ ca₂lia'₂ ca₂jín₂ de'₂ I₂rë₂'ín₁ quián₅ Te₁gui'₅₄. 27 Jmi_g₄ jaun₂ ñó₃ jiog₅ Jme₂dsí₂ Jñio₅ jui₅ guá'₅ templo. Ja₁jaun₂ jme₁'ein₅₄ në₃ jme₁ca₂dsi₃lén₂ chog₅₄-jmei₂ guein₂ Jesús, jniai₂₃ guein₂ a₂jmo₃ quiong'₅₄ con'₂ lë₅ tag₄ chí'₅ a₂quí'₅ 'Éi'₃. 28 Jaun₂ ca₂jñau'₃ Simeón ca₂jñai'₃ guein₂, ca₂jme₃juin'₂ Diú₄, ca₂juá'₂:

29 Në₃ guë₄ në₃, 'ne₂ juig₃ quiáng₃,

ma₂lë₂ dsiang'₅₄ tei₄

dsa₂ i₂jme₂ti₃ ne'₅₄,

lia'₂ con'₂ lë₅ jág₁ quiáng'₂.

30 Ia₁ la₂ ca₂të₂ ne₃ i₂ma₂cheng'₂ lió₂,

31 i₂ma₂jmo'₅₄ co₂jnia₅₄ quián₅ ca₂le₃jë₃ juig₂ nación.

32 I₂la₂ bá₄ i₂lín₅ si₂

* 2:21 Lia'₂ chen₂ Jesús (hebreo: Yeshua) jein₅ jág₁ “Lió₂ bá₄ Te₁gui'₅₄.” † 2:23 Éxodo 13:2. ‡ 2:24 Levítico 5:11; 12:8.

i₂jmo₃ tág₅ ja₁con₂ dsi₂nau₂;
i₂la₂ bá₄ i₂lín₅ dsa₂ i₂chi₃ jlá'₁
juig₂ Israel quiáng'₂.

³³ Ca₂i₃gó'₃ dsí₅ bá₄ José quian'₅₄ chog₅₄ guein₂, o₄quió'₄ jág₁ a₂ca₂juá'₂ Simeón jaun₂, 'iin₂₃ guein₂. ³⁴ Jaun₂ ca₂jme₃gu'₅₄ Simeón quió'₅, jaun₂ ca₂juá'₂ ca₂tsí'₃ María chog₅₄ guein₂:

—Ní₂, 'en₅₄ jui₅ guein₂ la₂ já₅, jmo₃ a₂dsi₃gan'₅₄ 'uë₃ juin₅ dsa₂ juig₂ Israel, o₃ tē₂le₃ ron'₂ juin₅ 'e₂. Já₅ lín₅ caun₂ léi₄ quió'₅ i₂'ag₃ i₂ná_{u3} quen₅ i₂le₃'iog₅₄. ³⁵ Le₂nē₅ bá₄ jióg'₃ 'í₁ le₃jniá'₂ 'a₂ lia'₂ dsi₂jio₅ dsí₅ dsa₂ le₂jan₂ le₂jan₂. La₁ tē₂le₃ ja₁cong'₂ ně₃, dsi₂ñíg'₂ ně₂jag₄ bá₄ caun₂ ñi₁tág₂ dsi₂tia₃ tē₂'au'₂.

³⁶ Ján₃ bá₄ jaun₂ jme₁'en₅₄ jan₂ guiong'₂ i₂chen₂ Ana, ja₁míg₄ Fanuel, dsa₂ tsi₁jon₂ Aser. 'Éi₂ ně₃ jme₁'ě₂ jág₁ o₄quió'₄ Diú₄ ján₃. Jme₁ma₂guein'₂. Mei'₂ bá₄ lia'₂ con'₂ ca₂jen'₂ gu₂. Guio₃ ñi₂ bá₄ ca₂rē₃quiain'₅₄ dsa₂ ñe'₂ quiáin₅. ³⁷ Quén'₂ ne₂guióg₂ rē₂dsí₂ quén₂ (84) ñi₂ a₂ca₂rē₃'ní₂. § Guiong'₂ 'éi₂ ně₃ jme₁'ein₅₄ tián₂ i₁dsi₅ guá'₅. 'Uë₂-jmi₂ bá₄ jme₁jme₂ti₃ ne₄ Te₁gui'₅₄ chi₂léin'₂ Diú₄ a₂jme₂'iin₅₄ ně₃. ³⁸ Hora jaun₂ dé₄ ca₂dsióg₃ ja₁tión₂ dsa₂, ca₂cué'₃ ti₁'mag'₄ Diú₄, ca₂dsia₃ jág₁ 'iin₂₃ guein₂ tsí'₅ ca₂le₃jín₃ dsa₂ i₂tion'₅₄ i₂le₁jnia₅ a₂lión₂ dsa₂ juig₂ Jerusalén.

Ca₂i₃lein₃ táng₃ Nazaret

³⁹ Jaun₂ ně₃ jme₁ma₂ca₂lē₃ jmo₂₃ ca₂le₃jě₃ con'₂ lě₅ ta₁ quí'₅ 'Éi'₃ quió'₅ Te₁gui'₅₄, jaun₂ ca₂i₃lein₃ jui₅ 'uë₃ Galilea, ja₁niog₅ Nazaret, juig₂ go₅₄. ⁴⁰ Guein₂ ně₃, caun₂ ca₂i₃juin'₂ bá₄, caun₂ ca₂rē₃'uáin'₃ ně₃, ton'₂ 'ño₅ lín₃ ñi₅, Diú₄ bá₄ jme₁jme₂gu'₅₄.

Lia'₂ con'₂ me'₂ Jesús ca₂dsióg₃ i₁dsi₅ guá'₅

⁴¹ Ca₂le₃jě₃ ñi₂ jme₁dsi₂lén₂ chog₅₄-jmei₂ Jmíg₄ Tē₂'in₅₄ a₂tē₅ Jerusalén. ⁴² Jme₁ca₂dsí'₃ Jesús guia₃-tín₂ ñi₂, ca₂i₃léin₂ táng₃ co₂dsia₅ jui₅ Jerusalén. Ia₁ le₂jaun₂ tin₂ dsa₂ ca₂le₃jě₃ ñi₂ dsi₃léin₂ jmíg₄ jaun₂. ⁴³ Jme₁ca₂gú'₃ jmíg₄, ca₂i₃lein₃ táng₃. Tsá₃ ca₂rē₃lí'₄ chog₅₄-jmei₂ jnia'₅₄ jaun₂ bá₄ tē₁'ñia₄ Jesús Jerusalén, ⁴⁴ ia₁ lín₂ ma₂ñái'₅ bá₄ quiain'₅₄ dsa₂ sián'₂. Caun₂ jmíg₄ ma₂ne₁ñó₄ tioen'₅₄ jui₅ i₃lein₃ jme₁ca₂'nau'₂ jin₄ o₁rín'₅₄, jin₄ dsa₂ i₂cuin₂₃ ně₃. ⁴⁵ La₁ tsá₃ ca₂dsáu'₂. Jaun₂ ca₂jéin'₃ táng₃ jui₅ ca₂i₃léin₂ Jerusalén ca₂i₁'niog'₂ ja₁jaun₂.

⁴⁶ A₂'ni₅ jmíg₄ jaun₂ jme₁ca₂dsáu'₂ i₁dsi₅ guá'₅, guá₅ jin₄ tē₅juá'₅, nag₂₃ jág₁, ñag₂₃ ñí'₅ 'éi₂ ně₃. ⁴⁷ Jaun₂ ca₂i₃gó'₃ dsí₅ ca₂le₃jín₃ i₂tion'₅₄ nag₅ jág₁ quió'₅, ia₁ 'ño₅ lín₃ ñi₅ 'a₂ lia'₂ qui₂jéin'₃ jág₁ quió'₅ dsa₂ 'éi₂. ⁴⁸ Jme₁ca₂jág₂ chog₅₄-jmei₂, ca₂i₃gó'₃ dsí₅, jaun₂ ca₂juá'₂ chog₅₄:

—Jón₃, ¿'e₂ lě₃ jmog'₅₄ le₂ně₅? Néi'₅, jniá₂ ně₃, ma₂ně₂i₁nio₁ 'i₅ dsi₅ 'niog'₂ jnia'₅₄.

⁴⁹ Jaun₂ ca₂ñag₃ Jesús:

—¿'E₂ lě₃ 'nau'₂ 'nia'₂ jniá₂? ¿Tsa₁ ñi'₅₄ 'nia'₂ a₂ca₂tíng₂ 'ú₄ ta₁ quió'₅ Ne'₃?

⁵⁰ La₁ tsá₃ ca₂ñí'₂ dsí₅ 'éi₂ 'e₂ jein₅ jág₁ jaun₂.

⁵¹ Jaun₂ ca₂jóin'₃ bá₄ quiain'₅₄ chog₅₄-jmei₂ jui₅ Nazaret. Caun₂ bá₄ ne'₅₄ ca₂le₃jě₃ a₂tē₂néi'₂ chog₅₄-jmei₂. La₁ tei₄ bá₄ 'ma₅ chog₅₄ dsí₅ ca₂le₃jě₃ a₂jaun₂. ⁵² Jaun₂ caun₂ ca₂i₃juin'₂ bá₄ Jesús, rē₂ niog₅ dsi₅₄, rē₂ chéin'₅ le₃ne₄ Diú₄, lia'₂ le₃ne₄ dsa₂ ně₃.

3

'Ē₂Juan₅₄ i₂chon₅ dsa₂jmíg₂jág₁ caun₂'uë₃ quein₂ co₂'ñiog₅ (Mateo 3:1-12; Marcos 1:18; Juan 1:19-28)

¹ Ñi₂ guia₃-ñiá₂ lia'₂ con'₂ jme₁lín₄ emperador Tiberio, jmíg₄ lia'₂ con'₂ jme₁lín₄ táng₃ Poncio Pilato dsi₄má'₂ 'uë₃ Judea; Herodes guë'₂ jme₁lín₄ rag₅₄ i₂jmo₅ 'éi'₃ 'uë₃ Galilea; Felipe rín'₅₄ guë'₂ jme₁lín₄ dsi₄má'₂ le₂tan₅₄ juig₂ Iturea quian'₅₄ Traconite; Lisaniás ně₃

§ 2:37 o₃, "Ma₂'ein₅₄ quén'₂ ne₂guióg₂ rē₂dsí₂ quén₂ (84) ñi₂."

jme₁lín₄ dsi₄má'₂ quián₅ Abilinia. ² Ján₃ bá₄ jmig₄ jaun₂ jme₁lín₄ jme₂dsa₂ dsen₅₄ Anás quián₅₄ Caifás. Con'₂ jmig₄ jaun₂ dé₄ ně₃, ca₂tě₃ Diú₄ ca₂tě'₃ Juan₅₄, ja₁ŋi'₅₄ Zacarías, 'uě₃ co₂ŋiog₅ ja₁jme₁guá₄. ³ Juan₅₄ ně₃ ca₂ŋi₃ le₂tan₅₄ juig₂ te₁'i₁ ma₂quián₅ Cuá₃ Jordán, qui₂tsí'₅ dsa₂ a₂'nió'₅ tsóin₃ jmig₂, cuě₃ léi₄ a₂ma₂ca₂dsi₃quén'₅ dsí₅ ia₁jaun₂ le₃'én₂ Diú₄ dsáu₁. ⁴ Le₂ně₅ bá₄ ca₂lě₃ ca₂rě₃ti₃ con'₂ lě₅ jág₁ a₂ca₂tó'₂ Isaías ne₄ si₂, i₂jme₁'ě₂ jág₁ o₄quió'₄ Diú₄, a₂ca₂juá'₂:

Nag₃ dsa₂ co₂mi'₅₄ jág₁

caun₂ 'uě₃ co₂ŋiog₅, a₂juá'₂:

Jmo₄ 'nia'₂ co₂ŋia₅₄ juí₅ quió'₅ Te₁gui'₅₄;

Nia₄ 'nia'₂ caun₂ juí₅ co₂dsau₅.

⁵ Ca₂le₃jě₃ jí₅₄ siá₅ 'nió'₅ le₃can'₂,

ca₂le₃jě₃ dsi₂con'₂, má'₂, 'nió'₅ 'ag₃ co₂rě₂;

Ca₂le₃jě₃ juí₅ qui₂rě₂guion'₂, 'nió'₅ lé₂ co₂dsau₅,

juí₅ a₂qui₂le₁quin'₅₄, 'nió'₅ lei₂.

⁶ Ca₂le₃jín₃ dsa₂ mi₂güig₃ bá₄ jág₃

'a₂ lia'₂ lě₅ a₂jmo₃ Diú₄ lió₂.*

⁷ Jaun₂ ca₂'uin₂ dsa₂ quió'₅, ca₂o₃lén₂ mi₂₃ cho₃ Juan₅₄ jmig₂,† jaun₂ ca₂juá'₂ 'éi₂:

—|'Nia'₂ tsi₁jon₂ dsi₂mi'₂! ¿'Ein₂ bá₄ ně₂chí'₃ 'nia'₂ a₂cuing'₂ long'₅₄ uig₅ a₂ja₂quián₃? ⁸ Cuě₄ 'nia'₂ léi₄ jaun₂ a₂tě₃dsón'₂ ma₂ca₂dsi₃quén'₅ 'au'₂. 'A₃ lě₁juí₁dsi₂ŋia₅ 'au'₂ 'nia'₂ jua'₅₄ a₂juá'₅₄: “Lág₅ jnia'₅₄ tsi₁jon₂ Abraham”; ia₁ jniá₂ juá'₅, Diú₄ qui₅₄ jmig₄ jmo₃ ca₂tě₂ ni₁cang₁ tio'₅₄ la₂, lé₂ le₃jmóí'₂ chi'₂-guein₂ quián₅ Abraham. ⁹ Ia₁ ma₂lě₅ co₂ŋia₅₄ ŋi₁dsi₁ a₂qui₃uín'₂ ni₁'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín'₂ dsi₃to'₅₄ si₂.

¹⁰ Jaun₂ ca₂ŋag₃ dsa₂:

—¿'E₂ bá₄ le₃jmó₁ jnia'₅₄ jaun₂ ně₃?

¹¹ Jaun₂ ca₂ŋag₃ táng₃:

—I₂cha₂ tin₃ dsán'₃ tsin'₅₄, juí₁cuě'₄ co₂dsán'₃ i₂tsá₃ cha₂ quió'₅; le₂jaun₂ guě'₂ juí₁lia'₂ i₂cha₂ a₂guě'₃, juí₁jme₂'oin₅₄ juí₁lia'₂ i₂tsá₃ cha₂ quió'₅.

¹² Ca₂o₃lén₂ i₂lín₅₄ i₂cán₂ 'lia'₅₄ quián₅ dsi₂tan₅₄ ně₃, a₂'nio₃ tsóin₃ jmig₂, jaun₂ ca₂tsí'₃ Juan₅₄:

—Tě₅, ¿'e₂ bá₄ lé₂ le₃jmó₁ jnia'₅₄?

¹³ Jaun₂ ca₂jéin'₃ táng₃ 'éi₂ jág₁:

—Tsá₃ jmó'₂ 'nia'₂ jua'₅₄ a₂cán'₁ ŋag₅₄ guě'₄ 'lia'₅₄ quió'₅ dsa₂, jua'₅₄ a₂dsi₁juin'₅₄ con'₂ 'éi'₃ qui'₅ si₂.

¹⁴ Ca₂o₃lén₂ i₂lín₅₄ 'lióg₂ ně₃, ca₂ŋag₃:

—Jnia'₅₄ guě'₂ ně₃: ¿'E₂ bá₄ ca₂tág₂ jnia'₅₄ jmó₁?

Jaun₂ ca₂ŋag₃:

—Tsá₃ qui₁quiang'₄ dsa₂ juě'₅, jua'₅₄ a₂qui₁ŋiá'₄ 'e₂ qui₁ŋiá'₄ quió'₅, on₃ guě'₂ qui₁'níg'₄ dsa₂ jua'₅₄ a₂lě₁qui₁'ní'₄. Juí₁le₂ŋio₂ bá₄ 'au'₂ 'nia'₂ ján₃, con'₂ ma₂tí₅ 'liang'₅₄.

¹⁵ La₁ dsa₂ ně₃, tsá₃ tei₄ le₁'ág₄ dsí₅ tíoín'₅₄, le₁ŋia₂₃ le₃ŋi₅ chi₂jua'₂ Juan₅₄ 'éi₂ bá₄ lín₅ I₂rě₂'ín₁ quián₅ Diú₄. ¹⁶ Jaun₂ ca₂juá'₂ Juan₅₄ 'ŋiog₅, ca₂tsí'₃ ca₂le₃jín₃:

—Jniá₂ ně₂tiáng₃ 'nia'₂ jmig₂; la₁ i₂já₅ chi₂quín₃ ně₅, tióg₂ Jme₂dsí₂ Jŋi₀5, jě₄ si₂ ně₃. 'Éi₂ bá₄ i₂'uan'₂ guě'₄ lia'₂ con'₂ guě'₄ jniá₂, ca₂lia'₂ ŋia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄.

¹⁷ Ma₂chi₁chan'₂ si₂jmu₂ a₂jme₂dse₃ míg₂ trigo. Cág'₃ dse₃ lín₃, con'₂ dsia₃ jmá'₃ a₂dse₃, 'ma₃ dsi₂néi₂. Dsí'₂ bá₄ jme₁qui₅ dsi₂si₂ ja₁tsá₃ líg'₂ jmig₄ éi₃.

¹⁸ Jaun₂ le₂ně₅ bá₄, 'lióng₂ jág₁ dse₃ siá'₂ ca₂to'₂ Juan₅₄, ca₂jme₃tiin₂₃ dsa₂ jág₁ dse₃.

* **3:6** Isaías 40:3-5. † **3:7** lit. “tióg₂ Juan₅₄ jmig₂.”

19 Ján₃ bá₄ ca₂jéin₂ Rag₅₄ Herodes, ia₁ a₂jme₁ma₂guá₅ 'éi₂ quian'₅₄ 'io₅₄ Herodías dsa₂ mí₂ quián₅ riin'₅₄, † ne₄ 'lióng₂ guë₄ a₂'lig'₅₄ siá'₂ a₂jme₁jmo₅-dsá_{u5} Herodes; 20 la₁ tē₂le₃ ŋag₅₄ guë₄ ca₂jme₃ja₃; né'₃ 'má₃ bá₄ ca₂tiáin₂ Juan₅₄.

Ca₂chon₃ Juan₅₄ jmig₂ Jesús
(Mateo 3:13-17; Marcos 1:9-11)

21 Jme₁ma₂ca₂lë₃ choin₂₃Š jmig₂ ca₂le₃jín₃ dsa₂, jme₁ma₂në₂chon₃a Jesús jmig₂, a₂ma₂chéin'₅ chi₂léin'₂ Diú₄ ně₃. Të₃jë₄ jaun₂ ca₂niá₃ dsi₄ i₂juíg₃. 22 Ca₂sión₃ Jme₂dsí₂ ŋjió₅ chi₂dsáin₃ jniái₂ lia'₂ jniá₂ jan₂ i₁ju₂, ne₄ quió'₅. Jaun₂ ca₂né'₂ jág₁ a₂já₅ guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃ i₂'nióg₃ guë₄ lin₃; 'ŋio₂ bá₄ dsi₃ 'ŋio₅ lin₃ jing₅₄ 'ne₂.*

Dsa₂ can'₅₄ quián₅ Jesús i₂qui₂ma₂ŋí₂ ma₂dsi₃jo₃
(Mateo 1:1-17)

23 Con'₂ guióg₂-guiá₂ ŋi₂ bá₄ jme₁ma₂'en₅₄ Jesús lia'₂ con'₂ jme₁ca₂jme₃lióg₃ ca₂jme₃tiin₂₃ dsa₂ jág₁ dse₃. Dsa₂ ně₃, jmo₂₃ dsí₅ a₂lín₅ 'éi₂ ja₁ŋi'₅₄ Së₄.

Jaun₂ Së₄ 'éi₂ ca₂já₃ ca₂liin₃ ja₁ŋi'₅₄ Elí.

24 Elí 'éi₂ guë'₂ ně₃ ca₂já₃ ca₂liin₃ ja₁ŋi'₅₄ Matat;

Matat 'éi₂ guë'₂ ně₃ ca₂já₃ ca₂liin₃ ja₁ŋi'₅₄ Leví

i₂jme₁lín₄ ja₁ŋi'₅₄ Melqui;

Melqui ně₃ jme₁lín₄ chi'₂ quián₅ Jana,

i₂jme₁lín₄ chi'₂ quián₅ José;

25 José ně₅ ně₃ ca₂já₃ ca₂liin₃ chi'₂ quián₅ Matatías;

Matatías guë'₂ ně₃ ca₂já₃ ca₂liin₃ ja₁ŋi'₅₄ Amós;

Amós jme₁lín₄ ja₁ŋi'₅₄ Nahum;

Nahum guë'₂ jme₁lín₄ ja₁ŋi'₅₄ Esli,

i₂jme₁lín₄ chi'₂ quián₅ Nagai

26 i₂jme₁lín₄ chi'₂ quián₅ Ma'at;

Ma'at guë'₂ ca₂já₃ ca₂liin₃ ja₁ŋi'₅₄ Matatías;

Matatías guë'₂ ca₂já₃ ca₂liin₃ chi'₂ quián₅ Semei;

Semei 'éi₂ ně₃ ca₂já₃ ca₂liin₃ ja₁ŋi'₅₄ i₂chen₂ José;

José guë'₂ ně₃ ca₂já₃ ca₂liin₃ ja₁ŋi'₅₄ Judá;

27 Judá 'éi₂ guë'₂ ně₃ ca₂já₃ ca₂liin₃ ja₁ŋi'₅₄ Joana;

Joana 'éi₂ guë'₂ ně₃

ca₂já₃ ca₂liin₃ chi'₂ quián₅ i₂jme₁chen₂ Resa;

Resa guë'₂ ně₃

ca₂já₃ ca₂liin₃ ja₁ŋi'₅₄ i₂chen₂ Zorobabel;

Zorobabel guë'₂ ně₃

ca₂já₃ ca₂liin₃ chi'₂ quián₅ i₂jme₁chen₂ Salatiel,

i₂jme₁lín₄ ja₁ŋi'₅₄ Neri,

28 i₂jme₁lín₄ ja₁ŋi'₅₄ Melqui,

i₂jme₁lín₄ ja₁ŋi'₅₄ Adi,

i₂jme₁lín₄ chi'₂ quián₅ i₂chen₂ Cosam,

i₂jme₁lín₄ chi'₂ quián₅ Elmodam,

i₂jme₁lín₄ chi'₂ quián₅ i₂jme₁chen₂ Er,

29 i₂jme₁lín₄ chi'₂ quián₅ Josué;

‡ 3:19 A₂lin₅₄ chog₅₄ si₂: “Felipe riin'₅₄.” Š 3:21 lit. “tiáin₂.”

* 3:22 A₂lin₅₄ chog₅₄ si₂ tsá₃ chi₁ton₅ “i₂'nióg₃ guë₄ lin₃”, a₂chi₁ton₅ táng₃ “jmig₄ ně₃ ca₂ling₃ ŋéi'₅.”

Josué ně₃ ca₂já₃ ca₂liin₃ ja₁ŋi'⁵⁴ Eliezer;
 Eliezer guë'₂ ně₃ ca₂já₃ ca₂liin₃ ja₁ŋi'⁵⁴ Jorim,
 i₂jme.lín₄ ja₁ŋi'⁵⁴ Matat;
³⁰ Matat guë'₂ ně₃ ca₂já₃ ca₂liin₃ ja₁ŋi'⁵⁴ Leví;
 Leví guë'₂ ně₃ ca₂já₃ ca₂liin₃ ja₁ŋi'⁵⁴ Simeón;
 Simeón guë'₂ ně₃ ca₂já₃ ca₂liin₃ ja₁ŋi'⁵⁴ Judá;
 Judá guë'₂ ně₃ ca₂já₃ ca₂liin₃ ja₁ŋi'⁵⁴ José;
 José 'éi₂ guë'₂ ně₃ ca₂já₃ ca₂liin₃ ja₁ŋi'⁵⁴ Jonán;
 Jonán 'éi₂ guë'₂ ně₃ ca₂já₃ ca₂liin₃ ja₁ŋi'⁵⁴ Eliaquim;
³¹ Eliaquim guë'₂ ca₂já₃ ca₂liin₃ ja₁ŋi'⁵⁴ Melea;
 Melea guë'₂ ca₂já₃ ca₂liin₃ ja₁ŋi'⁵⁴ Mainán;
 Mainán guë'₂ ca₂já₃ ca₂liin₃ ja₁ŋi'⁵⁴ Matata;
 Matata guë'₂ ně₃ ca₂já₃ ca₂liin₃ ja₁ŋi'⁵⁴ Natán;
³² Natán guë'₂ ca₂já₃ ca₂liin₃ ja₁ŋi'⁵⁴ David;
 David 'éi₂ guë'₂ ně₃ ca₂já₃ ca₂liin₃ ja₁ŋi'⁵⁴ Isaí;
 Isaí guë'₂ ně₃ ca₂já₃ ca₂liin₃ ja₁ŋi'⁵⁴ Obed;
 Obed guë'₂ ca₂já₃ ca₂liin₃ ja₁ŋi'⁵⁴ Bo'oz;
 Bo'oz guë'₂ ca₂já₃ ca₂liin₃ ja₁ŋi'⁵⁴ Salmón;
 Salmón guë'₂ ca₂já₃ ca₂liin₃ ja₁ŋi'⁵⁴ Na'asón;
³³ Na'asón guë'₂ ně₃ ca₂já₃ ca₂liin₃ ja₁ŋi'⁵⁴ Aminadab;
 Aminadab guë'₂ ca₂já₃ ca₂liin₃ ja₁ŋi'⁵⁴ Aram;
 Aram guë'₂ ně₃ ca₂já₃ ca₂liin₃ ja₁ŋi'⁵⁴ Esrom;
 Esrom guë'₂ ca₂já₃ ca₂liin₃ ja₁ŋi'⁵⁴ Fares;
 Fares guë'₂ ně₃ ca₂já₃ ca₂liin₃ ja₁ŋi'⁵⁴ Judá;
³⁴ Judá guë'₂ ně₃ ca₂já₃ ca₂liin₃ ja₁ŋi'⁵⁴ Jacob;
 Jacob guë'₂ ně₃ ca₂já₃ ca₂liin₃ ja₁ŋi'⁵⁴ Isaac;
 Isaac guë'₂ ně₃ ca₂já₃ ca₂liin₃ ja₁ŋi'⁵⁴ Abraham;
 Abraham guë'₂ ně₃ ca₂já₃ ca₂liin₃ ja₁ŋi'⁵⁴ Taré;
 Taré guë'₂ ně₃ ca₂já₃ ca₂liin₃ ja₁ŋi'⁵⁴ Nacor;
³⁵ Nacor guë'₂ ca₂já₃ ca₂liin₃ ja₁ŋi'⁵⁴ Serug;
 Serug guë'₂ ca₂já₃ ca₂liin₃ ja₁ŋi'⁵⁴ Ragau;
 Ragau guë'₂ ca₂já₃ ca₂liin₃ ja₁ŋi'⁵⁴ Peleg;
 Peleg guë'₂ ně₃ ca₂já₃ ca₂liin₃ ja₁ŋi'⁵⁴ Heber;
 Heber guë'₂ ca₂já₃ ca₂liin₃ ja₁ŋi'⁵⁴ Sala;
³⁶ Sala guë'₂ ca₂já₃ ca₂liin₃ ja₁ŋi'⁵⁴ Cainán;
 Cainán guë'₂ ca₂já₃ ca₂liin₃ ja₁ŋi'⁵⁴ Arfaxad;
 Arfaxad guë'₂ ca₂já₃ ca₂liin₃ ja₁ŋi'⁵⁴ Sem;
 Sem guë'₂ ca₂já₃ ca₂liin₃ ja₁ŋi'⁵⁴ Noé;
 Noé guë'₂ ca₂já₃ ca₂liin₃ ja₁ŋi'⁵⁴ Lamec;
³⁷ Lamec guë'₂ ně₃ ca₂já₃ ca₂liin₃ ja₁ŋi'⁵⁴ Matusalén;
 Matusalén guë'₂ ně₃ ca₂já₃ ca₂liin₃ ja₁ŋi'⁵⁴ Enoc;
 Enoc guë'₂ ně₃ ca₂já₃ ca₂liin₃ ja₁ŋi'⁵⁴ Jared;
 Jared guë'₂ ně₃ ca₂já₃ ca₂liin₃ ja₁ŋi'⁵⁴ Mahalale'el;
 Mahalale'el guë'₂ ně₃ ca₂já₃ ca₂liin₃ ja₁ŋi'⁵⁴ Cainán;
³⁸ Cainán guë'₂ ně₃ ca₂já₃ ca₂liin₃ ja₁ŋi'⁵⁴ Enós;
 Enós guë'₂ ně₃ ca₂já₃ ca₂liin₃ ja₁ŋi'⁵⁴ Set;
 Set guë'₂ ně₃ ca₂já₃ ca₂liin₃ ja₁ŋi'⁵⁴ Adán;
 Adán guë'₂ ně₃ ca₂já₃ ca₂liin₃ co₂'nió'₄ ja₁ŋi'⁵⁴ Diú₄.

4

Ca₂caun₃ i₂sě₃dsen₃ táu₂ quió₅ Jesús
(Mateo 4:1-11; Marcos 1:12-13)

¹ Jaun₂ Jesús ně₃, ma₂rě₂riin₅ Jme₂dsí₂ Jñió₅, ca₂o₃'iín₃ Cuá₃ Jordán. Ca₂jio₃ Jme₂dsí₂ caun₂ 'uě₃ quein₂ co₂'ñiog₅. ² Ja₁jaun₂ ca₂i₁'i₅ tē₂láu₃ jmig₄, ia₁jaun₂ cáun₂ táu₂ i₂sě₃dsen₃. Tsá₃ 'e₂ ca₂guě₃ 'i₁ca₂juig₄ tē₁lia₂ jmig₄ jaun₂. Jme₁ca₂dsan₃ jaun₂, jaun₂ guě₄ ma₂i₁cón₅ 'ñio₅ lín₃. ³ Jaun₂ ca₂juá₂ i₂sě₃dsen₃:

—Chi₂jua₂ dsón₂ líng₅ Ja₁ñi₅₄ Diú₄, jmo₄ juí₁le₅₄ i₁ñí₄ ni₁cang₁ ně₅.

⁴ Jaun₂ ca₂ñag₃ Jesús:

—Chi₁ton₅ ne₄ Si₂: “On₃jua₅₄ jmá₃ quian₅₄ i₁ñí₄ le₃tan₅₄ dsa₂ mi₂güig₃ le₃chain₂.”* †

⁵ Jaun₂ ca₂jio₃ táng₃ i₂sě₃dsen₃ caun₂ má₂ ja₁ñei₅. Ja₁jaun₂ ca₂'ě₃ ca₂tiá₂ tei₄ ca₂le₃jě₃ juig₂ te₁'i₁ gua₅₄ 'uě₃. ⁶ Jaun₂ ca₂juá₂:

—Gog₂ 'ne₂ bá₄ dsia₅₄ jniá₂ ca₂le₃jě₃ juig₂ ně₅; 'ne₂ bá₄ gong₂ lé₂, 'ó₄ bí₂, qui₂jme₃juag₂ dsa₂. Ia₁ a₂niog₅ ne₃ jniá₂ bá₄ ně₅, ton₂ lé₂ le₃cuě₄ jniá₂ 'ein₂ 'nio₃ cuě₄. ⁷ Jaun₂ a₂lé₂ quiáng₂ ně₁jua₂ ca₂chi₁jne₄ ne₃ jme₁juag₂.

⁸ Jaun₂ ca₂ñag₃ Jesús:

—Ne₄ Si₂ quió₅ Diú₄ chi₁ton₅: “Jme₁gan₃ 'nia₂ Te₁gui₅₄ Diú₄ quiáng₂; ne₄ jan₂ 'éi₂ bá₄ ca₂tín₂ 'nia₂ jme₁ti₄.”§

⁹ Cang₂ jaun₂ ca₂jio₃ táng₃ i₂sě₃dsen₃ juig₂ Jerusalén, jaun₂ ca₂i₁chei₂ caun₂ ja₁lě₄ ja₁ñei₅ guě₄ ne₄ ni₁'ia₂ guá₅ templo, jaun₂ ca₂juá₂:

—Chi₂jua₂ 'ne₂ líng₅ Ja₁ñi₅₄ Diú₄, tian₅₄ ca₂tě₂ 'uě₃; ¹⁰ ia₁ chi₁ton₅ ne₄ Si₂:

Dsiog₃ Diú₄ o₄gú₃ ángeles quiáin₅,

jaun₂ jmo₃ 'í₁;

¹¹ guéi₂ quian₅₄ gu₂

ia₁jaun₂ tsá₃ jéng₂ uig₅ nióg₃ ni₁cang₁.*

¹² Jaun₂ ca₂ñag₃ Jesús:

—Ján₃ bá₄ juá₂ ne₄ si₂: “Tsá₃ tang₅₄ Te₁gui₅₄ Diú₄ quiáng₂.”†

¹³ Jme₁ca₂dsan₃ ca₂le₃jě₃ a₂niog₅ ca₂juá₂ i₂sě₃dsen₃ a₂cáun₂ táu₂ jaun₂, jaun₂ ca₂i₃uín₂ co₂'na₂, ně₁jua₂ líg₂ ca₂cuín₃ táng₃ jmig₄.

Ca₂jme₃lióg₃ Jesús ca₂jme₃tag₂₃ 'uě₃ Galilea
(Mateo 4:12-17; Marcos 1:14-15)

¹⁴ Ca₂ñá₃ táng₃ Jesús juí₅ 'uě₃ Galilea rě₂can₂ Jme₂dsí₂ Jñió₅ tē₂dsí₅. Le₂con₂ juig₂ te₁'i₁ ma₂quián₅ jaun₂, ca₂i₃'ag₅₄ jág₁ 'ag₅ dsa₂. ¹⁵ Ca₂i₁jme₁tiin₂₃ dsa₂ le₂tan₅₄ guá₅ sinagogas quió₅ dsa₂, jaun₂ ca₂le₃jín₃ bá₄ dsa₂ jme₁jme₂juag₂.

Dsiáin₃ táng₃ juig₂ Nazaret

(Mateo 13:53-58; Marcos 6:1-6)

¹⁶ Jaun₂ ca₂ñái₃ juí₅ Nazaret, ja₁ca₂i₃juin₂. Caun₂ jmig₄ sa₅₄ ca₂'í₃ dsi₂néi₂ guá₅ sinagoga, ia₁ le₂jaun₂ tiin₂. Jaun₂ ca₂nau₂ a₂'i₃ Si₂. ¹⁷ Jaun₂ ca₂cuě₃ dsa₂ si₂ rě₂bin₅ quió₅ Isaiás i₂jme₁'ě₂ jág₁ o₄quió₄ Diú₄. Jme₁ma₂ně₂néi₃ si₂, jaun₂ ca₂dsó₂ ja₁chi₁ton₅ le₂la₂:

¹⁸ Dsín₂ Jme₂dsí₂ quián₅ Te₁gui₅₄ ne₄ quió₃,

ia₁ ma₂ca₂'ag₃ jniá₂

a₂i₁'ě₃ jág₁ dse₃ jin₄ dsa₂ dsi₂ñé₂.

Ca₂chei₃ a₂i₁'ě₃ jág₁ a₂lión₂ dsa₂ i₂qui₁le₁jní₅,

ton₂ ján₃ guě₂ jmo₅₄ jnia₅₄ jme₁ne₁ dsa₂ i₂ten₄;

* 4:4 Deuteronomio 8:3. † 4:4 A₂lin₅₄ chog₅₄ si₂ juá₂ ján₃: “a₂'nió₅ le₂chain₂ nag₃ jág₁ quió₅ Diú₄ ně₃.” ‡ 4:8 A₂lin₅₄ chog₅₄ si₂ juá₂ le₂la₂ ján₃: “Jñiag₃ cau₅ quió₃ 'ne₂ Satanás, ia₁ ne₄ Si₂.” § 4:8 Deuteronomio 6:13. * 4:11 Salmo 91:11-12. † 4:12 Deuteronomio 6:16.

qui₁long₁₂ dsa₂ i₂qui₂dsi₂ñí₂ uig₅ qui₂jmo₂g'₂ dsa₂;
 19 a₂'é₄ jmi₄g₄ dse₃ a₂lió₂ Te₁gui'₅₄†

20 Jaun₂ ca₂bíin₂ táng₃ si₂; ca₂jíin'₃ dsa₂ i₂jme₂'o₅₄, jaun₂ ca₂guá₂ táng₃. Ia₁ jaun₂ bá₄ tion'₅₄ dsa₂ ca₂le₃jíin₃ le₁ñi'₂, jág₂. 21 Jaun₂ ca₂jme₃lió₃ Jesús ca₂juá'₂:

—Jmi₄g₄ nē₃ ca₂tē₂ ne'₅₄ 'nia'₂ ca₂rē₃ti₃ a₂juá'₂ Si₂ nē₅.

22 Ca₂le₃jíin₃ bá₄ dsa₂ 'iin₂₃ dse₃ Jesús, dsi₂gó'₃ dsí₅ ca₂le₃jě₃ jág₁ jlá'₁ a₂'uē'₂ 'o₅₄. Jaun₂ qui₂ca₂ñí'₃ riin'₅₄:

—¿On₁jua'₅₄ i₂nē₅ 'éi₂ i₂lín₅ ja₁ñi'₅₄ Sě₄?

23 Jaun₂ ca₂juá'₂ Jesús:

—A₂dsi₂jó'₃ já₅ jmi₄g₄ le₃jua'₅₄ 'nia'₂ juig'₅₄ jniá₂ quio₃ § la₂: “Ne₂ tē₅mí₅ jma'₅₄ mí₅ 'ñiag'₂.” Le₃jua'₅₄ 'nia'₂ nē₃: “A₂ca₂rē₃ne₄ jnia'₅₄ a₂ca₂jmo'₅₄ Capernaum, ma₂nē₃ jmo₄ ja₁lá₃ go'₅₄ ján₃.”

24 Caun₂ ca₂juá'₂ bá₄:

—A₂tē₃dsón'₂ juá'₅ jniá₂ juig'₂ 'nia'₂, 'i₁jan₂ dsa₂ i₂'ě₂ jág₁ quián₅ Diú₄, tsá₃ a₁jaun₂ jua'₅₄ a₂guei₃ dsa₂ dse₃ go₅₄. 25 Tí₅ bá₄ jág₁ quió₃ a₂juá'₅ la₂, juin₅ dsa₂ mí₂ 'nág₂ i₂jme₁chan₂ Israel jmi₄g₄ lia'₂ con'₂ jme₁chan₂ Elías i₂jme₁'ě₂ jág₁ o₄quió'₄ Diú₄, lia'₂ con'₂ ca₂rē₃'ín₃ 'ñio₅ lín₃ a₂guě'₃ dsa₂ ta₁caun₂ juig'₂ nación, ia₁ tsá₃ ma₃jmí₅ ca₂tang₂ 'ni₅ ñi₂ tē₂ ca₂dsio₄. 26 La₁ ca₂lia'₂ quió'₅ 'i₁jan₂ 'io₅₄ 'nág₂ i₂jme₁chan₂ Israel, tsá₃ ca₂ñe₄ Elías, jnia'₅₄ lia'₂ quió'₅ jan₂ i₁náu₃ i₂jme₁guá₄ Sarepta* a₂niog₅ quián₅ ciudad Sidón bá₄. 27 Ján₃ bá₄ le₂jaun₂ jme₁chan₂ juin₅ dsa₂ i₂jme₁lín₄ 'mé'₅ 'iog₅ juig'₂ Israel, lia'₂ con'₂ jmi₄g₄ ca₂ñi₃ Eliseo i₂jme₁'ě₂ jág₁ o₄quió'₄ Diú₄ ján₃. La₁ ca₂lia'₂ 'i₁jan₂ i₂'éi₂ tsá₃ ca₂'lón₂, jnia'₅₄ lia'₂ jan₂ i₂jme₁chen₂ Na'amán† i₂jme₁chan₂ 'uē₃ Siria bá₄.

28 Jme₁ca₂nág₂ dsa₂ jág₁ nē₅, ca₂le₃jíin₃ con'₂ i₂tion'₅₄ guá'₅ sinagoga ca₂rē₃'néi₃ 'lig'₅₄.

29 Qui₂ca₂nau₂ tioen'₅₄, ca₂dsei₂₃ juig'₂, ca₂lélén₂ le₁jiog₂₃ ca₂tē₂ ne₄ má'₂ ja₁lě₄ ni₁'lau₂ dsio'₅₄ juig'₂, ia₁ a₂jme₁dsi₂jiog₅ dsí₅ jme₁tón₂ ja₁jaun₂. 30 La₁ con'₂ ca₂ñi₅ bá₄ 'éi₂ jě₄ quió'₅, ca₂lóin₂ ñái'₅.

Jan₂ dsa₂ i₂jme₁'en₅₄ jme₂dsí₂ 'lín'₅₄

(Marcos 1:21-28)

31 Jaun₂ ca₂ñó₃ Jesús juig'₂ Capernaum, caun₂ juig'₂ tén₅ 'uē₃ Galilea. Ja₁jaun₂ ca₂jme₃tiin₂₃ dsa₂ jme₁jmi₄g₄ sa₅₄. 32 'Ñio₅ lín₃ dsi₂gó'₃ dsí₅ dsa₂ quian'₅₄ jág₁ quió'₅, ia₁ a₂'io₂₃ 'éi'₃ dsón'₂ bá₄ a₂jme₂tag₂₃. 33 Dsi₂néi₂ guá'₅ sinagoga ja₁tioen'₅₄ jaun₂, jme₁'en₅₄ jan₂ dsa₂ i₂'en₅₄ jme₂dsí₂ je₂na'₅₄ tē₂dsí₅. Jaun₂ ca₂quió'₃ 'éi₂, ca₂juá'₂:

34 —¡'Ne₂ nē!₃ ¿'E₂ lē₃ tiáng'₅ jě₄ quián₂ jnia'₅₄, 'ne₂ Jesús Nazareno?‡ ¿A₂i₃'éin'₃ jnia'₅₄ bá₄ 'ne₂ ñe'₃? Guion₄ jniá₂ 'ein₂ líng'₅: 'ne₂ líng'₅ I₂jñi₅ quián₅ Diú₄.

35 Jaun₂ ca₂jí₂ Jesús, ca₂juá'₂:

—¡Tei₄ jmo₄; tén₃ dsa₂ nē₅!

Jaun₂ je₂na'₅₄ nē₃, ca₂tón₂ 'uē₃ tē₃ jág₅ ca₂le₃jíin₃, jaun₂ guě₄ ca₂o₃'íin₃, la₁ tsá₃ 'e₂ uig₅ ca₂jmo₂g'₂. 36 Jaun₂ ca₂ja₃gó'₃ dsí₅ ca₂le₃jíin₃, jaun₂ ca₂dsia₃ jág₁ jin₄ riin'₅₄, ca₂juá'₂:

—¿'E₂ bá₄ jág₁ nē₅? I₂nē₅ 'io₂₃ bí₂ jmo₂₃ 'éi'₃ lia'₂ ma₂'uin₂ bá₄ jme₂dsí₂ 'lín'₅₄ jě₁ma₂ca₂juá'₂.

37 A₂jaun₂ nē₃, ca₂i₃'ag₅₄ jág₁ le₂con₂ juig'₂ te₁'i₁ ma₂quián₅ jaun₂.

Ca₂jme₃'lión₂ Jesús ma₂chog₅₄ Si₂mu₅₄ Pe₄

(Mateo 8:14-15; Marcos 1:29-31)

38 A₂ca₂o₃'ín₃ Jesús guá'₅ sinagoga jaun₂, ca₂ñó₃ ja₁quió'₄ Si₂mu₅₄. Ja₁jaun₂ jme₁rē₂quian₅ ma₂chog₅₄ 'éi₂ dso'₅₄ 'lā dséi₂ 'ñio₅ lín₃. Jaun₂ ca₂mi₃ dsa₂ ne₅₄ o₄quió'₄ dsa₂ dso'₅₄. 39 Jaun₂

‡ 4:19 Isaías 61:1-2. § 4:23 quio₃; Já₁g₁ quió'₅ dsa₂ Jen'₅₄, co₂'nió'₄ le₃jua'₅₄, caun₂ já₁ a₂ñí'₂ dsí₅ a₂ca₂quiog₂ dsa₂ can'₅₄, a₂dsia₅ dsa₂. * 4:26 'Ñio'₂ ja₁ton₅ 1 Reyes 17:7-24. † 4:27 Na'amán: Í₂ 2 Reyes 5. ‡ 4:34 o₃, “i₂chan₂ Nazaret.”

ca₂jme₃quiáin₃ cau₅ quió'₅ dsa₂ dso'₅₄, ca₂jéin₂ dso₄ dséi₂. Jaun₂ ca₂o₃'ág₃ dséi₂. Dsi₂jui₅ le₂jaun₂ bá₄ ca₂nau₂ dsa₂ i₂jme₁dso'₅₄, ca₂jme₃ti₃ ne₄ dsa₂ i₂tion'₅₄.

*Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Marcos 1:32-34)*

⁴⁰ Të₂le₃ ca₂nei₂ jmig₄ jaun₂, ca₂le₃jín₃ dsa₂ i₂chan₂ dsa₂ dso'₅₄ quián₅ jui'₁e₂ guë₃ dso₄ lín₅, ca₂o₃jio₃ dsa₂ ne₅₄. Jaun₂ qui₂ca₂téin₂ gu₂ le₂jan₂ le₂jan₂ dsa₂ dso'₅₄, ca₂jme₃'lió₂. ⁴¹ Juin₅ bá₄ jme₂dsí₂ je₂na'₅₄ qui₂ca₂'uúin'₂ quió'₅ dsa₂, qui₂guió'₅ juá'₂:

—i'Ne₂ líng'₅ Ja₁ñi'₅₄ Diú₄!

La₁ Jesús ně₃, ca₂jí₂ bá₄, tsá₃ ca₂cuë₃ jmig₄ jua'₅₄ a₂juá'₂ guë₄, ia₁ a₂ñi₅ rë₂ bá₄ je₂na'₅₄ a₂lín₅ 'éi₂ I₂rë₂'ín₁ quián₅ Diú₄.

*Ca₂ton₃ Jesús jág₁ 'uë₃ Galilea
(Marcos 1:35-39)*

⁴² Jme₁jnia₃ jaun₂, ca₂o₃'ín₃ Jesús ñó₃ caun₂ ja₁lë₄ co₂'ñiog₅. La₁ ca₂le₃jín₃ dsa₂ ca₂i₁nioi₁₂ ca₂'nau'₂. Jaun₂ ně₃ jme₁ca₂dsáu'₂, jme₁jné₂ jui₅ tsá₃ jme₁cuë₂₃ jmig₄ dsáin'₃. ⁴³ Jaun₂ ca₂juá'₂ Jesús:

—Ca₂tín₂ jniá₂ qui₂i₁'ë₃ jág₁ jui₁lia'₂ ja₁gon₂ Diú₄, le₂tan₅₄ juig₂ ja₁siá'₂, ia₁ ta₁ ně₅ chen₄ bá₄ jniá₂ guio₃.

⁴⁴ Jaun₂ le₂në₅ bá₄ ca₂ñi₃ Jesús ca₂'ë₂ jág₁ le₂con₂ guá'₅ sinagogas a₂te₁'i₁ ja₁tén₄ Judea.Š

5

*Ca₂jmo₃ Jesús ca₂jon₃ dsa₂ ju₄
(Mateo 4:18-22; Marcos 1:16-20)*

¹ Ca₂lë₃ co₂ráun₂ jme₁'en₅₄ Jesús chei'₅₄ Jm₁iñi'₄ Genesaret. * Të₃jë₄ jaun₂ ca₂ñi'₂ juin₅ lín₃ dsa₂, ca₂lia'₂ co₂'liog'₂ bá₄ tioen'₅₄, ia₁ 'nio₃ nag₃ jág₁ quió'₅ Diú₄. ² Jaun₂ ca₂jág₃ Jesús tin₃ tsi₁mu₅ a₂le₁jë₁, le₁'ág₄ chei'₅₄ jmig₂, ia₁ dsa₂ i₂tsán'₂ ju₄ jme₁ma₂sióin₃ i₂ráng₃ 'má₅ quió'₅. ³ Jaun₂ ca₂'í₃ Jesús caun₂ tsi₁mu₅ jaun₂, a₂lë₅ quió'₅ Si₂mu₅₄. Jaun₂ ca₂mi₃ a₂jio₃ 'éi₂ ca₂juig₄ guë₄ le₃ne₄ jmig₂. Jaun₂ ca₂guá'₂ 'ñió'₃ tsi₁mu₅, jaun₂ ja₁jaun₂ ca₂jme₃lióg₃ ca₂jme₃tiin₂₃ dsa₂.

⁴ Jme₁ca₂dsan₃ cuë₂₃ jág₁, ca₂tsí'₃ Si₂mu₅₄:

—ñiog'₅₄ mu₅ quiáng'₂ le₃ja₁ji'₂ guë₄. Ja₁në₅ tion₂ 'má₅ quiáng'₂, jaun₂ lén'₂ 'nia'₂ ju₄.

⁵ Jaun₂ ca₂ñag₃ Si₂mu₅₄:

—Të₅, la₂ tio'₅₄ bá₄ jnia'₅₄ ta₁jma₃ nei₅ ca₂néi₃, tsá₃ 'ein₂ já'₂ ma₂lag₅ jnia'₅₄; la₁ i₁tion₃ caun₂ ia₁ a₂juá'₂ 'ne₂.

⁶ Jme₁ca₂jmo₃ le₂jaun₂, ca₂lia'₂ juin₅ lín₃ ju₄ i₃ton'₅₄, jñia'₅₄ mei'₂ tsá₃ ca₂gag₂ bá₄ 'má₅ quió'₅ tioen'₅₄. ⁷ Jaun₂ ca₂bí₂ gu₂ ca₂të'₃ riin'₅₄ i₂jme₁tion'₅₄ tsi₁mu₅ caun₂, ia₁jaun₂ ja₃lén₂ jme₃'o₅₄. Jme₁o₃lén₂ 'éi₂ ně₃, ca₂jme₃cain'₂ ta₁tin₃ tsi₁mu₅, jñia'₅₄ mei'₂ tsá₃ ca₂i₃guein'₅₄ bá₄ tioen'₅₄. ⁸ Jme₁ca₂jág₃ Si₂mu₅₄ ně₅, ca₂ñó₃ ca₂chi₃jné₃ ne₄ Jesús, ca₂juá'₂:

—ñia'₃ cau₅ quió₃, Te₁gui'₅₄, ia₁ dsa₂ cha₂ dsáu₁ bá₄ jniá₂.

⁹ Ia₁ dsi₂gó'₃ dsí₅ Si₂mu₅₄ quian'₅₄ riin'₅₄, ia₁ a₂ñí₄ lë₃ 'ñio₅ juin₅ ju₄ i₂ca₂join₃. ¹⁰ Ján₃ bá₄ le₂jaun₂ Jacobo quian'₅₄ Juan₅₄ i₂lín₅ ja₁ñi'₅₄ Zebedeo, ia₁ co₂dsia₅ jme₁i₂nioi₅₄ quian'₅₄ Si₂mu₅₄ tsáin'₂ ju₄. La₁ Jesús ně₃ ca₂juá'₂ ca₂tsí'₃ Si₂mu₅₄:

—Tsá₃ jmo₂ gang'₃. Ia₁ të₂le₃ ne₄ jui₅ ja₁dsau₅₄ ně₅, ñí'₁ jmag'₅₄ dsa₂ mi₂güí₃ ju₁lia'₂ jmag'₂ ju₄.

¹¹ Jme₁ma₂në₂jñiog'₃ tsi₁mu₅ quió'₅ le₃ja₁quein₂ chei'₅₄ jmig₂, ja₁jaun₂ ca₂dsia₃ jë₂, ca₂i₃lén₂ bá₄ quian'₅₄ 'éi₂.

Š 4:44 A₂lín₅₄ chog₅₄ si₂juá'₂: “Galilea.” * 5:1 Ján₃ bá₄ chei₂ “Jm₁iñi'₄ Galilea.”

Ca₂jme₃'lión₂ Jesús jan₂ dsa₂ i₂lín₅ 'mé₅ 'iog₅
(Mateo 8:1-4; Marcos 1:40-45)

¹² Co₂ráun₂ jme₁'en₅₄ Jesús caun₂ juig₂, jaun₂ ca₂dsióg₃ jan₂ dsa₂ dso₅₄ i₂lín₅ 'mé₅ 'iog₅, ta₁jain₂. Jme₁ca₂jín₂ Jesús, ca₂tóin₂ tē₂rē₃'éin₂ 'uē₃, ca₂mi₃ tion₅₄-jan₃, ca₂juá'₂:

—Te₁gui'₅₄, chi₂jua'₂ 'niog'₂, njia'₅₄ lia'₂ 'ne₂ bá qui'₅₄ jmig₄ chi'₅₄ dso₄ a₂lín₅.

¹³ Jaun₂ ca₂néi'₃ gu₂, ca₂ní'₃ quió'₅ dsa₂ dso₅₄, ca₂juá'₂:

—'Nio₃ jniá₂. Jmo₅₄ bá le₁jín₃.

Dsi₂jui₅ jme₁ca₂juá'₂ jaun₂, ca₂nja'₃ 'mé₅ 'iog₅ a₂jme₁lín₄. ¹⁴ Jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂. Nja'₅₄ lia'₂ ca₂juá'₂:

—La₁ gua₂ o₂jme₁nja₅ ne₄ jme₂dsa₂, o₄quió'₄ a₂ma₂le₁jín₃, o₂jmo₄ o₂jen'₅₄ ne₄ Diú₄ con'₂ lē₅ 'Éi'₃ quió'₅ Moisés,† co₂'nió'₄ a₂jang'₅₄ jág₁ dsau₅ jin₄ dsa₂.

¹⁵ La₁ tē₂le₃ lē₅ guē₄ ca₂i₃'ag₅₄ bá jág₁ ca₂le₂con₂ a₂'in₅ dsa₂ Jesús. Jaun₂ i₂juin₅ lín₃ dsa₂ i₂jme₁tē₁ja₂lén₂ njí'₂ ja₂néi₃ jág₁, i₂'nio₃ 'lión₂ ně₃ 'e₂ caun₂ jmí₁uig₅ chain₂. ¹⁶ La₁ jme₁dsi₂uín₃ bá 'ni'₂ juig₂ ja₁con'₂ 'njog₅, chi₃lén'₂ Diú₄.

Ca₂jme₃'lión₂ Jesús jan₂ dsa₂ 'lian'₂
(Mateo 9:1-8; Marcos 2:1-12)

¹⁷ Ca₂lē₃ co₂ráun₂ jme₁'en₅₄ Jesús jme₂tiin₂₃ dsa₂. Le₂con₂ jaun₂, jme₁tián'₄ i₂lín₅₄ dsa₂ fariseos, tē₅juá'₅ ně₃, i₂ja₂lén₂ le₂con₂ 'uē₃ Galilea, Judea, juig₂ Jerusalén ně₃. Ia₁ jui₅bí₂ quió'₅ Te₁gui'₅₄ bá₄ jme₁'io₅ Jesús, a₂jme₂'lión₂ dsa₂. ¹⁸ Tē₃jē₄ jaun₂, ca₂dsi₃lén₂ dsa₂ le₁njai₂₃ jan₂ dsa₂ 'lian'₂, dsin₂ ne₄ tsi₁jein₁. Jme₁'no'₂ jui₅ dsi₃toin'₅₄ dsi₂néi₂, jme₁dsi₃quio₂₃ ne₄ Jesús. ¹⁹ Ia₁ tsá₃ ca₂dsó'₂ 'a₂ lia'₂ dsi₃toin'₅₄, ia₁ a₂ní₄ lē₃ juin₅ dsa₂ tion'₅₄, jaun₂ ca₂uig₂ le₃co'₅₄ tsi₁'né₅. Jaun₂ ca₂niá₃ jē₄ gua'₅₄ lag₁, jaun₂ ca₂sió₂ lia'₂ jma₃quian'₅₄ tsi₁jein₁, dsi₂jo₂ jaun₂, ne₄ Jesús. ²⁰ Jme₁ca₂jág₃ Jesús a₂'én₂ dsa₂ 'éi₂ 'njio₅ lín₃, jaun₂ ca₂juá'₂:

—'Ne₂ dsa₂, ma₂rē₂'én₄ bá₄ dsáu'₂.

²¹ Jaun₂ ně₃ ca₂jme₃lióg₃ tē₅juá'₅ quian'₅₄ dsa₂ fariseos ně₃ ca₂i₃nja₅ dsí₅: “¿I₂'ein₂ bá₄ ně₅ jmái'₂ mí₅₄ Diú₄ a₂juá'₂ le₂nē₅? 'I₁jan₂ tsá₃ 'ein₂ lé₂ le₃'én₂ dsáu₁ dsa₂, njia'₅₄ lia'₂ Diú₄ bá.”

²² La₁ a₂lí'₄ rē₂ bá₄ Jesús 'e₂ a₂qui₂dsi₂nja₅ dsí₅ dsa₂ 'éi₂, jaun₂ ca₂juá'₂:

—¿'E₂ bá₄ lē₃ dsi₂jio₅ 'au'₂ 'nia'₂ le₂nē₅? ²³ ¿'E₂ a₂'ua₁ guē₄ ta₁, a₂juá'₄ jniá₂ juig₅₄ dsa₂ la₂: “Ma₂rē₂'én₄ dsáu'₂”, o₃ a₂juig₅₄ 'e₂ jniá₂: “Nau₂, njí₄”? ²⁴ Ia₁ dse₃ jaun₂. La₂ jmo₅₄ jniá₂ ia₁jaun₂ le₃nji'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guē₄ ca₂tsí'₃ dsa₂ 'lian'₂:

—'Ne₂ juig₂ jniá₂, nau₂, quion₂ tsi₁jein₁ quiáng'₂, guan'₂.

²⁵ Dsi₂jui₅ jaun₂ tē₃ jág₅ ca₂le₃jín₃, ca₂nau₂ ca₂cáun₃ tsi₁jein₁ quió'₅ ca₂njái'₃ jme₂juin'₂ Diú₄. ²⁶ Jaun₂ ca₂i₃gó'₃ dsí₅ ca₂le₃jín₃, ca₂jme₃juin'₂ Diú₄ ně₃. Jaun₂ tē₃jē₄ dsi₂gó'₃ dsí₅ jaun₂, qui₂ca₂tsí'₃ riin'₅₄:

—Jmíg₄ ně₃ ca₂tē₂ ne₄ jniog₄ a₂dsi₂gó'₃ dsí₅.

Ca₂tē'₃ Jesús Leví
(Mateo 9:9-13; Marcos 2:13-17)

²⁷ Cang₂ jaun₂ ca₂o₃'iín₃ táng₃. Ja₁nó₄ jaun₂, ca₂jín₂ jan₂ i₂chen₂ Leví i₂cán₂ 'lia'₅₄ a₂ca₂tín₂ dsi₂tan₅₄, guá₅ ja₁dsi₂qui₅ dsa₂ 'lia'₅₄. Jaun₂ ca₂juá'₂ Jesús:

—Nia₅ chi₁co'₅₄ quió₃.

²⁸ Ja₁jaun₂ ca₂dsia₃ jē₂, ca₂nau₂ nó₃ quiong'₅₄.

²⁹ Ca₂i₁jmo₅₄ Leví caun₂ má₃ pa₁ dsi₂néi₂ quió'₅ o₄quió'₄ Jesús, jaun₂ ca₂nji'₂ juin₅ dsa₂ i₂cán₂ 'lia'₅₄ riin'₅₄. Juin₅ bá₄ dsa₂ sián'₂ ně₃ qui₂ca₂guē'₃ quian'₅₄. ³⁰ La₁ dsa₂ fariseos quian'₅₄ tē₅juá'₅ quiáin₅, chi₂ca₂'iín₃ dsa₂ i₂ma₂quian'₅₄ Jesús, ca₂juá'₂:

† 5:14 ¹I₂ Levítico 14.

—¿'E₂ lē₃ qui₂quē' ₂ qui₂'ág' ₂ 'nia' ₂ co₂dsia₅ quian' ₅₄ dsa₂ i₂cán₂ 'lia' ₅₄ nē₅, dsa₂ i₂le₁cán' ₄ dso₄ nē₃?

³¹ Jaun₂ ca₂ηag₃ Jesús:

—Ma₁ tsá₃ tē₅mí₅ 'nió' ₅ quió' ₅ dsa₂ i₂le'ág₄ dse₃ dsí₅; dsa₂ i₂le₁dso' ₅₄ bá₄ 'nió' ₅ quió' ₅.
³² Tsá₃ ta₁ jaun₂ guio₃ jniá₂ a₂tē₄ dsa₂ dsen₃; a₂tē₄ dsa₂ i₂le₁cán' ₄ dso₄ bá₄ jniá₂ guio₃, ia₁jaun₂ dsi₁quén' ₅ dsí₅.

Ca₂η' ₃ dsa₂ Jesús jui₁lia' ₂ a₂jme₂'in₅₄ dsa₂
(Mateo 9:14-17; Marcos 2:18-22)

³³ Jaun₂ dsa₂ 'éi₂ nē₃ ca₂tsí' ₃ Jesús:

—¿'A₂ guē' ₂ lia' ₂ i₂gú' ₃ jme₂'in₅₄ dsa₂ i₂quian' ₅₄ Juan₅₄, jē₂ qui₂tsí' ₅ Diú₄, le₂jaun₂ bá₄ dsa₂ quián₅ fariseos nē₃, la₁ dsa₂ quiáng' ₂, guē' ₅ 'ín' ₂ bá₄?

³⁴ Jaun₂ ca₂jéin' ₃ Jesús jág₁:

—¿Lé₂ le₃chi₁quian' ₄ 'nia' ₂ jmig₄ jme₃'in₅₄ jui₁lia' ₂ dsa₂ i₂té₄ ja₁jen' ₂ gu₂ dsa₂, chi₂jua' ₂ jaun₂ bá₄ guá₅ guē' ₂ dsa₂ ηe' ₂ i₂jen' ₂ gu₂? ³⁵ La₁ já₅ jmig₄ jē₁ma₂ηia' ₃ dsa₂ ηe' ₂ 'éi₂; jmig₄ jaun₂ guē₄ ma₂lé₂ jme₃'in₅₄.

³⁶ Ján₃ bá₄ ca₂juá' ₂ Jesús jág₁ jáng' ₅ léi₄ la₂:

—Ma₁ tsá₃ 'ein₂ dsa₂ tióng₅ 'nau₅₄ 'mí' ₂ 'mí₂ tsi₁'mí' ₂ gui' ₅₄. Ia₁ nē₁jua' ₂ ca₂jmo₃ le₂jaun₂, a₂ηia' ₅₄ guéi₃ bá₄ caun₂ caun₂, ton' ₂ tsá₃ ma₃rē₂ quin₅ tsi₁'mí' ₂ gui' ₅₄ quian' ₅₄ 'nau₅₄ 'mí₂.
³⁷ Ján₃ guē' ₂ tsá₃ tia' ₂ dsa₂ vino 'mí₂ ni₁lau₂ gui' ₅₄, ia₁ nē₁jua' ₂ ca₂jmo₃ dsa₂ le₂jaun₂, a₂ne' ₂ bá₄ ni₁lau₂ gui' ₅₄ quian' ₅₄ dsió' ₁ vino 'mí₂; téin₃ bá₄ vino, ton' ₂ dsi₃'én₂ ni₁lau₂ gui' ₅₄ nē₃. ³⁸ Jaun₂ lē₃, lau₂ 'mí₂ bá₄ 'nió' ₅ tia' ₃ dsa₂ vino 'mí₂, ia₁jaun₂ rē₂ lé₂ 'í₁ le₃tin₃. ³⁹ Ján₃ bá₄ le₂jaun₂ jui₁lia' ₂ i₂ma₂'in' ₅ vino gui' ₅₄ a₂ma₂ron₂, tsá₃ jíá₃ dsí₅ 'ín' ₂ vino 'mí₂ a₂tē₂ca₂jlen' ₃. “Ia₁ tió' ₅ a₂gui' ₅₄” bá₄ juá' ₂.

6

Guén₂ dsa₂ quián₅ Jesús mí₂ trigo caun₂ jmig₄ sa₅₄
(Mateo 12:1-8; Marcos 2:23-28)

¹ Caun₂ jmig₄ sa₅₄, ca₂ηi₅ Jesús caun₂ ja₁nau₂ ja₁jnia₄ trigo. Jaun₂ ca₂gág₃ dsa₂ i₂quian' ₅₄ mí' ₂ trigo, qui₂ca₂guéin₂ ca₂guē' ₃. ² Jaun₂ jme₁ca₂jág₂ i₂lin₅₄ dsa₂ fariseos, jaun₂ ca₂juá' ₂:

—¿'E₂ lē₃ jmo' ₂ 'nia' ₂ a₂tsá₃ 'i₄ 'éi' ₃ jmo₃ dsa₂ jme₁jmig₄ sa₅₄?

Jaun₂ ca₂ηag₃ Jesús:

³ —¿Tsa₁ ma₂'í' ₂ 'nia' ₂ ja₁juá' ₂ a₂ca₂jmo₃ David quian' ₅₄ riin' ₅₄ jme₁ca₂tá' ₂ i₁cón' ₅? ⁴ Ca₂'í₃ dsi₂néi₂ quió' ₅ Diú₄ ca₂can₃ i₁ηí' ₄ ηjío₅ a₂'i₄ 'éi' ₃ a₂guē' ₃ jmá' ₃ jme₂dsa₂. Ca₂guē' ₃, ca₂cué' ₃ riin' ₅₄ i₂jme₁quian' ₅₄ nē₃.

⁵ Ca₂juá' ₂ Jesús ján₃:

—Jaun₅ dsa₂ mi₂güig₃ bá₄ i₂quian' ₅ 'éi' ₃ ne₄ quió' ₅ jmig₄ sa₅₄.

Dsa₂ i₂rē₂já' ₃ caun₂ gu₂
(Mateo 12:9-14; Marcos 3:1-6)

⁶ Co₂ráun₂ táng₃ caun₂ jmig₄ sa₅₄ ca₂lē₃, ca₂'í₃ Jesús guá' ₅ sinagoga, ca₂jme₃tiin₂₃ dsa₂. Jē₄ jaun₂ jme₁'en₅₄ jan₂ dsa₂ i₂rē₂já' ₃ gu₂ ne₁. ⁷ Ca₂tiog₃ dsa₂ fariseos quian' ₅₄ tē₅juá' ₅ chi₂jua' ₂ jme₃lióin₂ 'éi' ₂ tē₃ jmig₄ sa₅₄, ia₁ jme₁'no' ₂ juí₅ 'a₂ lia' ₂ jmo₃ dsá_{u1} 'éi₂. ⁸ La₁ a₂ηi₅ rē₂ bá₄ Jesús 'e₂ a₂dsi₂jio₅ dsí₅ dsa₂ 'éi₂ tióin₂, jaun₂ ca₂tsí' ₃ dsa₂ i₂rē₂já' ₃ gu₂:

—Nau₂, ηia₅ dsi₂jo₂ la₂.

Ca₂nau₂ bá₄ dsa₂ 'éi' ₂ ca₂ηó₃. ⁹ Jaun₂ ca₂tsí' ₃ Jesús dsa₂ i₂tióin₂ jág₅:

—La₂ ηag₄ jniá₂ caun₂ 'nia' ₂: ¿'E₂ 'i₄ 'éi' ₃ jmo₃ dsa₂ jui₁lia' ₂ jme₁jmig₄ sa₅₄? ¿A₁dse₃, o₃ a₂'lig' ₅₄ 'e₂? ¿A₂lióin₂ dsa₂ mi₂güig₃ riin' ₅₄, o₃ a₂ηag' ₃ 'e₂?

¹⁰ Jaun₂ ca₂jín₂ ca₂le₃jín₃ dsa₂ i₂tióin₂ le₃lág' ₃ quió' ₅, jaun₂ ca₂tsí' ₃ dsa₂ dso' ₅₄:

—Nei' ₅₄ gog' ₂.

Jaun ₂ ca₂neí' ₃. Dsi₂jui₅ jaun ₂ bá₄ ca₂lág₃ gu₂. ¹¹ La₁ ca₂rě₃'né₃ bá₄ dsa₂ jain₂ jain₂ tioin' ₅₄, ca₂jme₃lióg₃ ca₂tsí' ₃ riin' ₅₄ 'e₂ jmái' ₂ Jesús.

Ca₂quión' ₂ Jesús guía₃-tín₂ dsa₂ i₂chein₃ 'a₂ guě₃ já' ₄ chei₃
(Mateo 10:1-4; Marcos 3:13-19)

¹² Ca₂lě₃ tě₃jě₄ jmig₄ jaun₂, ca₂hó₃ Jesús jui₅ caun₂ má' ₂ a₂chi₂i₁lein' ₄ Diú₄. Tě₁jma₃nei₅ bá₄ ca₂hí₅ chi₂lén' ₂ Diú₄. ¹³ Jme₁jnia₃ táng₃ jaun₂, ca₂tě' ₃ dsa₂ i₂quian' ₅₄, jaun₂ ca₂quión' ₂ guía₃-tín₂ 'éi₂. I₂'éi₂ ně₃ ca₂quian₃, i₂chen₄ quiáin₅.* ¹⁴ Le₂la₂ jme₁chein₂: Si₂mu₅₄ i₂ca₂quian₃ Pe₄; Drě₄ rin' ₅₄ Si₂mu₅₄; Jacobob quian' ₅₄ Juan₅₄ ně₃; Fe₂li₄, Bartolomé, ¹⁵ Tě₅₄, To₁má₄, Jacobo† i₂lín₅ ja₁hí' ₅₄ Alfeo; Si₂mu₅₄ i₂lín₅ cananista.‡ ¹⁶ Judas rin' ₅₄ Jacobo; quian' ₅₄ Judas IscarioteŠ i₂ca₂dsióg₃ ca₂'ni₃ Jesús cang₂.

Jme₂tín₅ Jesús juin₅ lín₃ dsa₂
(Mateo 4:23-25)

¹⁷ Jme₁ca₂sióin₃ má' ₂ jaun₂, quian' ₅₄ 'éi₂, jaun₂ ca₂nau₂ caun₂ ja₁lě₄ ja₁jo₂. Ja₁jaun₂ ně₃ jme₁ma₂le₁hí' ₂ juin₅ lín₃ dsa₂ i₂chan₂ ta₁caun₂ 'uě₃ Judea, i₂ja₂lén₂ Jerusalén, ca₂le₃jě₃ juig₂ te₁'i₁ le₂tan₅₄ chei' ₅₄ jmí₁hí' ₄ ja₁niog₅ juig₂ Tiro quian' ₅₄ Sidón ně₃, ¹⁸ ia₁ 'nio₃ dsa₂ nag₃ jág₁ quió' ₅ Jesús, ton' ₂ ia₁ 'nio₃ 'lióin₂ 'e₂ caun₂ dso₄ niog₅ lín₅. Le₂jaun₂ guě' ₂ dsa₂ i₂chan₂ uig₅ co₂jmóg' ₂ jme₂dsí₂ 'lín' ₅₄, ja₁jaun₂ qui₂ca₂'lóin₂ bá₄ ján₃. ¹⁹ Qui₂ca₂'náu' ₃ jui₅ a₂ní' ₃ quió' ₅ Jesús, ia₁ jme₁'io₅ 'éi₂ bí₂ a₂jme₁jme₂'lióin₂ ca₂le₃jín₃.

Jui₁lia' ₂ a₂dse₃, quian' ₅₄ a₂tsá₃ dse₃ lia' ₂ chan₂ dsa₂
(Mateo 5:1-12)

²⁰ Jaun₂ ca₂jín₂ ca₂le₃jín₃ i₂ma₂quian' ₅₄, jaun₂ ca₂juá' ₂:

—'E₂ guě₄ dsen' ₃ 'nia' ₂ dsa₂ i₂chang' ₂ hég' ₂ le₃ne₄ Diú₄, ia₁ 'nia' ₂ bá₄ ca₂tíng' ₂ ja₁goin₂.

²¹ "E₂ guě₄ dsen' ₃ 'nia' ₂ i₂chang' ₂ 'ong' ₅₄ rě₂ně₃, ia₁ 'ág' ₄ bá₄ 'au' ₂. Dsen' ₃ 'nia' ₂ i₂qui' ₂-o₅ jmig₄ ně₃, ia₁ hág' ₄ bá₄ 'nia' ₂.

²² "E₂ guě₄ dsen' ₃ 'nia' ₂ jě₁ma₂ca₂jme₃'iog₅₄ dsa₂, a₂'uág' ₂, jě₁ma₂tě₂ rě₁tě₃'o' ₂, quiong₃ dsa₂ a₂'lín' ₅₄ o₄quió' ₄ Jaun₅ dsa₂ mi₂güig₃.

²³ 'Jmo₄ 'nia' ₂ 'io' ₂ 'hio₅ lín₃, quian' ₂ 'nia' ₂ o₂'hio₃ 'au' ₂ jě₁ma₂tě₂ jmig₄ jaun₂, ia₁ le₂ně₅ bá₄ guéi' ₁ 'nia' ₂ juě' ₂ 'liang' ₅₄ guei' ₅₄ i₂juig₃. Ia₁ le₂ně₅ bá₄ ma₂jmo₃ dsa₂ can' ₅₄ quiáin₅ ca₃ma₂líg' ₂ ma₂jmái' ₂ dsa₂ i₂jme₁'ě₂ jág₁ quián₅ Diú₄.

²⁴ 'La₁ 'e₂ guě₄ juig' ₂ 'nia' ₂ dsa₂ cha₂ cu₄, ia₁ ma₂gue' ₅₄ bá₄ 'nia' ₂ liang' ₅₄.

²⁵ "E₂ guě₄ juig' ₂ 'nia' ₂ i₂chang' ₂ qui₂le₁'ág' ₃ 'au' ₂, ia₁ já₅ jmig₄ jě₁le₃chang' ₂ 'ong' ₅₄. 'E₂ guě₄ juig' ₂ 'nia' ₂ i₂chan₂ co₂hág₂ jmig₄ ně₃, ia₁ já₅ bá₄ jmig₄ jě₁tóng' ₁ 'lia' ₂ 'au' ₂ qui' ₁-'áu' ₂.

²⁶ 'Juig' ₂ bá₄ 'nia' ₂ jě₁ma₂tě₂ rě₁qui' ₃ ag₃ dsa₂ dse₃, ia₁ le₂ně₅ bá₄ ca₂jmo₃ dsa₂ can' ₅₄ quiáin₅, ca₂'in₃ dse₃ dsa₂ jui₁gan₂ i₂jme₁'ě₂ jág₁ ma₂líg' ₂.

A₂jme₃'nio₃ dsa₂ jui₁lia' ₂ dsa₂ i₂'iog₅₄
(Mateo 5:38-48; 7:12)

²⁷ 'La₁ 'nia' ₂ dsa₂ i₂nag₅, juá' ₅ jniá₂: Jme₁'nió₄ 'nia' ₂ dsa₂ i₂'iog₅₄, jmo₄ a₂dse₃ ja₁con₂ dsa₂ i₂ja₂uin₅₄ dsí₅ jág₂. ²⁸ Caun₂ dse₃ bá₄ qui' ₁ing' ₄ i₂'ag₅ 'lig' ₅₄; chi₁len' ₅₄ 'nia' ₂ Diú₄ o₄quió' ₄ i₂lě₁co₂jmóg' ₂. ²⁹ Chi₂jua' ₂ 'ein₂ ca₂jnáu₃ ca₂ton₂ rě₂jog' ₂, jein' ₅₄ le₃ca₂ton₂ táng₃ o₁jnáu₄; chi₂jua' ₂ 'ein₂ ca₂jhiá' ₂ 'mi' ₂ dsiog₂ quiáng' ₂, le₂jio₅ tsing' ₂ a₂qui' ₅₄ cuě' ₅₄ ján₃, o₁quion₂. ³⁰ Jui' ₁ein₂ guě₃ mi₅ 'e₂ mi₂₃, cuě' ₅₄; chi₂jua' ₂ 'e₂ caun₂ a₂jhiá' ₂ quiáng' ₂, tsá₃ ma₃mag' ₅₄. ³¹ Jui₁lia' ₂ a₂'niog' ₂ 'nia' ₂ jmo₃ dsa₂ ja₁cong' ₂, le₂jaun₂ jmo₄ 'nia' ₂ ja₁coin₂.

* **6:13** griego: apóstolous (dsa₂ i₂chen₄). † **6:15** o₃, Santiago. ‡ **6:15** griego: Celotes, co₂'nió' ₄ dsa₂ i₂nau₂ quens₅; jan₂ i₂'nio₃ táun₂ 'uě₃ 'éi' ₃ quió' ₅ Roma. Jma₃quén₅ ca₂quoin₃ le₃on₃ Si₂mu₅₄ 'éi₂, ia₁ hí₄ lě₃ mei' ₂ tsá₃ ca₂ne₅₄ a₂chein₂. § **6:16** o₃, Judas i₂chan₂ Cariot; o₃, Judas i₂tě₂jín₁.

³² 'Ia₁ nē₁jua'₂ 'nió₃g'₃ jmá'₃ lia'₂ dsa₂ i₂'nio₃ 'nia'₂ guiong'₅₄, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ ján₃ bá₄ le₂nē₅ jmo₅ ju₁lia'₂ dsa₂ i₂'no₅ dso₄. ³³ Ia₁ chi₂jua'₂ jmo'₂ 'nia'₂ dse₃ jmá'₃ lia'₂ ne₄ dsa₂ i₂jmo₅ dse₃ ja₁cong'₂, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá₄ tion'₅₄ dsa₂ i₂'no₅ dso₄ ján₃. ³⁴ Nē₁jua'₂ qui₂dsi'₂ 'nia'₂ jmá'₃ lia'₂ le₃quió'₅ i₂lín'₂ 'nia'₂ le₃qui'₅₄ jmíg₄ jéin'₃ quiáng'₂, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá₄ tion'₅₄ gué'₂ dsa₂ i₂'no₅ dso₄ ján₃, qui₂dsi₂ quió'₅ riin'₅₄ jain₂ jain₂, ia₁jaun₂ qui₃gue₃ quió'₅ riin'₅₄. ³⁵ La₁ 'nia'₂ nē₃, jme₁'nió₄ i₂'iog₅₄, jmo₄ a₂dse₃ ja₁coin₂; dsi₄ 'nia'₂ quió'₅, tsá₃ jmo₄ 'nia'₂ jua'₅₄ a₂ŋí₄ 'i₅ 'au'₂ a₂jaun₂. Jaun₂ le₂nē₅ bá₄ gué'₁ 'nia'₂ jué'₂ 'liang'₅₄, ton'₂ léng'₂ chi₂-guein₂ quián₅ Diú₄ i₂guá₅ guei'₅₄. Ia₁ i₂'ua₁ dsí₅ 'éi₂ ján₃ ja₁con₂ dsa₂ 'lin'₅₄, i₂ŋia'₅₄ ti₁'mag'₄ tsá₃ cuē₂₃. ³⁶ Ju₁len'₅₄ 'nia'₂ dsa₂ ŋéi₂ dsí₅, ju₁lia'₂ ŋéi₂ dsí₅ Diú₄ ŋéi'₅.

Tsá₃ lē₁caun₂ 'nia'₂ 'í₁ quió'₅ ríng'₂
(Mateo 7:1-5)

³⁷ 'Tsá₃ lē₁caun₂ 'nia'₂ 'í₁ ja₁con₂ ríng'₂, jaun₂ tsá₃ con₂ Diú₄ 'í₁ ja₁con₂ 'nia'₂ guiong'₅₄. Tsá₃ 'lián'₅ 'nia'₂ ríng'₂ jaun₂ tsá₃ 'liog'₃ Diú₄ guion'₅₄ 'nia'₂ ján₃. 'Én₃ 'nia'₂ dsáu₁ ríng'₂, jaun₂ bá₄ 'én₂ Diú₄ dsáu'₂ 'nia'₂ guiong'₅₄. ³⁸ Qui₂jme₁'on₁ 'nia'₂ ríng'₂, jaun₂ bá₄ jme₃'o₅₄ Diú₄ 'nia'₂, cuē₃ caun₂ 'éi'₃ tí₅, a₂tó'₅ tiá₂, a₂qui₂rē₂'ŋiá'₄ rē₂ lín₃, ca₂lia'₂ tsá₃ ma₃to'₂ ja₁'éi'₄ jmo₃, tó'₃ tē₂jmu₂ quián'₂ 'nia'₂. Ia₁ 'éi'₃ jaun₂ bá₄ to'₂ Diú₄ ju₁lia'₂ lē₅ 'éi'₃ a₂dsián'₅ 'nia'₂ ríng'₂ guiong'₅₄.

³⁹ Jaun₂ ca₂cuē₃ Jesús jág₁ jáng'₅ léi₄ la₂:

—¿Lé₂ le₃ŋia₃ dsa₂ ten₄ jan₂ dsa₂ ten₄ riin'₅₄ a₂'ē₃ ju₁i₅? ¿Tsa₁ tsi₃séin'₂ jua'₅₄ ju₁lia'₂ caun₂ siá₃? ⁴⁰ 'I₁jan₂ ju₁lia'₂ i₂'i₅ si₂ tsá₃ lín₅ jua'₅₄ a₂ju₁in'₂ gué₄ con₂ gué₄ tē₅ quiáin₅; ca₂lia'₂ ca₂dsó'₃ si₂ quió'₅, jaun₂ gué₄ lé₂ le₃dsióg₄ léin₂ con₂ lín₅ tē₅ quiáin₅.

⁴¹ '¿'A₂ bá₄ lia'₂ ŋjiá'₄ 'ne₂ jme₁qui₅ pí'₁ a₂'i₄ jme₁ne₁ ríng'₂, ton'₂ tsá₃ leng'₅₄ a₂'i₄ ni₁'ma₂ chá₅ jme₁ne₄ 'ŋiag'₂? ⁴² '¿'A₂ bá₄ lia'₂ tiá₂ 'au'₂ juig'₅₄ ríng'₂: “Rin'₅₄ jniog₄, cué₄ jmíg₄ o₁dsi₁₂ jme₁qui₅ pí'₁ a₂'i₄ jme₁ne₄”? 'i'Ne₂ dsa₂ i₂lē₁jmo₅-dsáu₅ o₁ne₁! Dsi₄ de'₂ ŋjiá₅ ni₁'ma₂ chá₅ a₂'i₄ jme₁ne₄ 'ŋiag'₂, jaun₂ gué₄ le₃jag'₅₄ rē₂ dsí'₁ qui₅ pí'₁ a₂'i₄ jme₁ne₁ ríng'₂.

Tē₂le₃ 'a₂ lia'₂ lē₅ mīg₂ a₂'ag₅ bá₄ ni₁'ma₂, jáng'₅ léi₄
(Mateo 7:17-20; 12:34-35)

⁴³ 'Tsá₃ cha₂ ni₁'ma₂ dse₃ jua'₅₄ a₂lé₂ le₃'ag₃ mīg₂ 'lig'₅₄; ján₃ gué'₂ le₂jaun₂ tsá₃ cha₂ ni₁'ma₂ 'lig'₅₄ jua'₅₄ lé₂ le₃'ag₃ mīg₂ dse₃. ⁴⁴ Le₂caun₂ le₂caun₂ bá₄ ni₁'ma₂ jau'₂ 'í₁ tē₂le₃ 'a₂ lia'₂ lē₅ mīg₂ a₂'ag₅: ma₁ tsá₃ quin₅ dsa₂ mīg₂ higos ju₁lia'₂ ni₁'ma₂ taun₅ chei₅₄, on₃ gué'₂ lé₂ le₃cág'₃ dsa₂ mīg₂ uvas ju₁lia'₂ chi₁uúng₃ taun₅. ⁴⁵ Ján₃ bá₄ le₂nē₅ dsa₂ nē₃. Ju₁lia'₂ dsa₂ dsen₃, lia'₂ con₂ lē₅ a₂dse₃ a₂ma₂rē₂'ma₄ tē₂dsí₅, jmo₂₃ a₂dse₃; dsa₂ i₂'lin'₅₄ nē₃, lia'₂ con₂ lē₅ a₂'lig'₅₄ a₂ma₂rē₂'ma₄ tē₂dsí₅, jmo₂₃ a₂'lig'₅₄. Ia₁ lia'₂ con₂ lē₅ a₂'lióng₂ ŋag₅₄ cha₂ tē₂dsí₅ dsa₂, a₂jaun₂ bá₄ 'uē₂ mi₂'o₅₄.

Tin₃ né₃ 'uig₅₄ cha₂
(Mateo 7:24-27)

⁴⁶ '¿'E₂ bá₄ lē₃ tē'₅ 'nia'₂ jniá₂, “Te₁gui'₅₄, Te₁gui'₅₄”, ton'₂ tsá₃ jmo'₂ gué'₂ 'nia'₂ a₂juá'₅? ⁴⁷ Le₂jan₂ le₂jan₂ i₂tē₁ja₂lén₂ ne₃, i₂ja₂néi₃ jág₁ quió₃, ton'₂ ne'₅₄ nē₃, la₂ 'iin₄ 'a₂ lia'₂ lín₅: ⁴⁸ lín₅ ju₁lia'₂ jan₂ dsa₂ i₂ca₂j móg'₃ 'né₅, ca₂guéi₃ 'ei₄ de'₂ ŋjiá₅ ca₂lia'₂ ca₂tē₂ ne₄ ni₁'lau₂. Ne₄ jaun₂ ca₂jme₃lióg₃ 'uig₅₄ 'ia'₂. Jme₁ca₂jué'₂ jmíg₂, ca₂dság'₃ jmíg₂ tiá₂ 'ei₅ dso'₂ tsi₁'né₅ jaun₂. La₁ ca₂lia'₂ ŋjiá'₅₄ tsá₃ ca₂'ŋiá'₂, ia₁ rē₂ jme₁lé₄. ⁴⁹ La₁ ju₁lia'₂ i₂nag₅ jág₁ quió₃, ton'₂ tsá₃ nei'₅₄ gué'₂ nē₃, lín₅ ju₁lia'₂ lín₅ dsa₂ i₂ca₂chi'₃ 'ne₄ ŋjiá'₅₄ dsí₂ ne₄ 'uē₃ bá₄, tsá₃ 'uig₅₄ 'ia'₂ ca₂jmo₃. Jme₁ca₂dság'₃ tiá₂ 'ei₅ jmíg₂ dso'₂ tsi₁'né₅ jaun₂, ca₂qui'₃ bá₄, co₂ŋei'₅₄ ca₂'en₃.

7

Ca₂jme₃'lión₂ Jesús jan₂ dsa₂ mozo quián₅ juig₅₄ 'lióg₂ romano
(Mateo 8:5-13)

¹ Jme₁ca₂dsan₃ cuë₂₃ jág₁ le₂në₅, ca₂le₃jín₃ bá₄ dsa₂ qui₂ca₂nág₂, jaun₂ ca₂ηó₃ jui₅ juig₂ Capernaum. ² Ja₁jaun₂ jme₁guá₄ jan₂ juig₅₄ 'lióg₂ romano i₂jme₁'ηio₅ jan₂ dsa₂ i₂jme₁jme₂ti₃ ne₅₄, i₂jme₁'nioi₃ lin₃. 'Éi₂ në₃ jme₁dso₅₄ jme₁ma₂rë₂quiain₂₃ jóin₂. ³ Jme₁ca₂rë₃ηi₅ juig₅₄ 'lióg₂ a₂'in₅ dsa₂ Jesús, jaun₂ ca₂chein₃ jan₂-on₃ dsa₂ can₅₄ quián₅ dsa₂ judíos a₂i₃léin₂ a₂i₁mi₂ ne₄ Jesús a₂jiá₃ jme₁'lióin₂ dsa₂ mozo quián₅. ⁴ Jme₁dsi₃léin₂ ja₁'en₅₄ Jesús, ca₂mi₃ tion₅₄-jan₃, ca₂juá'₂:

—Ca₂tín₂ bá₄ gui₅₄ juig₅₄ 'lióg₂ 'éi₂ a₂jme₁'oin'₄, ⁵ ia₁'ηio₅ lin₃ bá₄ 'nioi₃ dsa₂ juig₂ go₄ jniog₄. Ia₁ 'éi₂ bá₄ ca₂jmo₃ 'éi'₃ a₂ca₂lág₃ guá'₅ sinagoga quián₂ jnia'₅₄.

⁶ Jaun₂ ca₂ηó₃ bá₄ guë'₂ Jesús quian'₅₄ 'éi₂. La₁ jme₁ma₂ja₂quián₃ dsi₁léin₂ dsi₂néi₂ jme₁ca₂chen₃ táng₃ gui₅₄ juig₅₄ 'lióg₂ jan₂-on₃ a₂mei₅₄ quián₅, a₂quian₅ jág₁ a₂juá'₂:

—Te₁gui₅₄, tsá₃ cán'₁ ta₁ jua'₅₄ a₂gog'₅₄ tē₂ ja₁quió₃, ia₁ tsá₃ ca₂tíng₂ jua'₅₄ a₂o₁'ú'₃ dsi₂néi₂ quió₃. ⁷ 'Uig₅₄ jaun₂ i₂jio₅ dsi₃, ċ₁₂'ein₂ bá₄ jniá₂ jua'₅₄ nei₅₄ 'ηió₃ tē₂ ja₁cong'₂? La₁ tió'₅ jua'₅₄ ca₂jon₄ bá₄ jág₁ quiáng'₂ tē₂në₅, ia₁jaun₂ jnia₃ dso₅₄ mozo quiáng₃. ⁸ Ia₁ le₂në₅ bá₄ jniá₂ 'ηió₃ chéng'₅ jme₂ti₅₄ ne₄ juig₃, ján₃ bá₄ niog₅ gu₃ 'lióg₂ i₂te₁neg'₄. Nē₁jua'₂ ca₂juíg₂ jniá₂, “Gua₂ jó₄”, ja₁jaun₂ dsó₃ bá₄; nē₁jua'₂ ca₂juíg₂ “Nia₅ ja₁lá₃”, jiá₃ bá₄. Já₃ guë'₂ le₂jaun₂ nē₁ca₂juíg₂ “O₂jmo₄ a₂la₂ a₂ó₃”, a₂jaun₂ dsi₃jmo₂ bá₄.

⁹ Jme₁ca₂nág₂ Jesús jág₁ në₅, ca₂i₃gó'₃ dsí₅ o₄quió'₄ dsa₂ 'éi₂, jaun₂ ca₂jéin'₃ ca₂jíin₂ dsa₂ i₂quiain'₅₄, jaun₂ ca₂juá'₂:

—Tē₃dsón'₂ bá₄, ca₂lia'₂ 'i₁jan₂ dsa₂ chan₂ Israel tsá₃ ma₂ca₂dsán'₂ jniá₂ i₂'én₂ lia'₂ 'én₂ dsa₂ në₅.

¹⁰ Jme₁ca₂dsi₃len₃ dsa₂ i₂chen₄ 'éi₂ dsi₂néi₂, ma₂ca₂'lón₂ bá₄ dsa₂ mozo i₂jme₁dso'₅₄.

Ca₂jme₃jen'₅₄ Jesús ja₁ηi'₅₄ jan₂ 'io₅₄ 'nág₂

¹¹ Cang₂ jaun₂ ca₂ηó₃ táng₃ Jesús caun₂ juig₂ ja₁chei₂ Nain, jaun₂ ca₂jme₃quiain'₅₄ chi'₂ dsi₂guia₃-tín₂ quián₅, i₃léin₂ quian'₅₄ juin₅ guë'₄ dsa₂ sián'₂ në₃. ¹² Jme₁ja₂quián₃ dsióg₄ ja₁dsi₂ton'₅₄ dsa₂ o₄'né₄ juig₂, ca₂jág₃ ca₂'uin₂ dsa₂ i₃'óin₃ jan₂ 'lag₄, i₂jan₂ tan₅₄ 'éi₂ ja₁ηi'₅₄ jan₂ 'io₅₄ 'nág₂. Juin₅ lin₃ bá₄ dsa₂ juig₂ i₂jme₁quiong'₅₄ i₃'o₃. ¹³ Ca₂tá'₂ ηéi₂ dsí₅ Te₁gui₅₄ jme₁ca₂jág₂, jaun₂ ca₂juá'₂:

—Tsá₃ 'au₂.

¹⁴ Jaun₂ ca₂jme₃quián₃ ca₂níi'₃ tsi₁gu₅. Ca₂jnia₃ bá₄ guë'₂ dsa₂ i₂jme₁le₁te₂, jaun₂ ca₂juá'₂ Jesús ca₂tsí'₃ 'lag₄:

—i'₁Ne₂ juíg₂ jniá₂ chi'₂, nau₂!

¹⁵ Jaun₂ në₃ ca₂guá₂ 'lag₄, ca₂jme₃lióg₃ ca₂dsia₃ jág₁, jaun₂ ca₂jáng'₂ Jesús ne₄ chog₅₄.

¹⁶ Jme₁ca₂tē₂ ne₄ dsa₂ a₂ca₂lë₃ jaun₂, ca₂i₃gó'₃ dsí₅ ca₂le₃jíin₃, jaun₂ ca₂jme₃juin'₂ Diú₄, ca₂juá'₂:

—Ma₂ca₂rë₃jniá₂ jan₂ dsa₂ juin'₂ i₂'ě₂ jág₁ quián₅ Diú₄ jë₄ quián₂ jniog₄.

Juá'₂ në₃:

—Ma₂guan₅ Diú₄ a₂jme₃'oin₅₄ dsa₂ juig₂ quián₅.

¹⁷ Le₂con₂ ja₁tén₄ 'uë₃ Judea, le₂con₂ ma₂quián₅ jaun₂ në₃, qui₂ca₂rë₃ηi₅ dsa₂ a₂ca₂jmo₃ Jesús jaun₂.

Dsa₂ i₂ca₂chen₃ Juan₅₄ i₂chon₅ dsa₂ jmig₂
(Mateo 11:2-19)

¹⁸ Ca₂rë₃ηi₅ Juan₅₄ ca₂le₃jë₃ a₂jaun₂, ia₁ ca₂dsia₃ dsa₂ i₂jme₁quiain'₅₄. Jaun₂ ca₂tē'₃ on₃ dsa₂ 'éi₂, ¹⁹ jaun₂ ca₂chei₃ ne₄ Te₁gui₅₄ a₂dsi₃ηag₅₄ chi₂jua'₂ tē₃dsón'₂ lín₅ dsa₂ i₂lë₅ jág₁ jiá₃, o₃ jniai₃ i₂sián'₂ 'e₂. ²⁰ Jaun₂ dsa₂ 'éi₂ në₃, ca₂jme₃quián₃ con₂ Jesús jaun₂ ca₂juá'₂:

—Juan₅₄ i₂chon₅ dsa₂ jmig₂ nē₂chei₃ jnia'₅₄ a₂ηag₄ 'ne₂ chi₂jua'₂ tē₃dsón'₂ líng'₅ i₂lě₅ jág₁ jiá₃, ¿O₃ jnia₄ jnia'₅₄ i₂sián'₂ 'e₂?

²¹ Tē₃jě₄ jaun₂, ca₂jme₃'lión₂ Jesús juin₅ lin₃ dsa₂ i₂jme₁le₁dso'₅₄, ca₂le₃jě₃ ne₅₄ jmi₁uig₅ a₂jme₁le₁quian₅ dsa₂; lia'₂ jme₂dsí₂ 'lin'₅₄ nē₃ qui₂ca₂'uíin'₂; qui₂ca₂j móg'₃ jme₁ne₁ dsa₂ i₂jme₁ten₄. ²² Jaun₂ guě₄ ca₂jéin'₃ jág₁ quió'₅ 'éi₂, ca₂juá'₂:

—O₂nó'₅ 'nia'₂ o₂dsia₄ o₂chei'₅₄ Juan₅₄ 'e₂ ca₂tě₂ ne'₅₄, 'e₂ a₂qui₂nē₂nei'₂ nē₃. Qui₂jág₅ jui₁lia'₂ dsa₂ ten₄; tē₁nio₄ táng₃ dsa₂ i₂tsá₃ lé₂ jme₁i₂nio₄; tē₂tsin'₅₄ le₁jín₃ i₂jme₁lín₄ 'mé'₅ 'iog₅; qui₂nag₅ táng₃ dsa₂ i₂jme₁guin₄ nē₃; le₂jaun₂ guě'₂ 'lag₄ nē₃ qui₂jein'₅₄ táng₃; ja₁con₂ dsa₂ dsi₂ñé₂ dsi₂'ag₅ jág₁ dse₃ a₂lión₂ dsa₂. ²³ 'E₂ guě₄ dsen₃ dsa₂ i₂tsá₃ 'ag₅ caun₂-tin₃ dsí'₅ o₄quió'₃ jniá₂.

²⁴ Jme₁ma₂i₂len₃ dsa₂ i₂ca₂chen₃ Juan₅₄ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iin₂₃ Juan₅₄, ca₂juá'₂:

—¿'E₂ ca₂i₁jag'₄ 'nia'₂ lia'₂ con'₂ i₁nóg'₄ 'uē₃ quein₂ co₂'ñiog₅ jaun₂? ¿O₃ bá₄ ca₂jag'₅₄ 'nia'₂ ca₂'nau₂ ni₁'ma₂ ta₅ a₂lě₁qui₂bí₂ dsí₂ ja₁jaun₂? ²⁵ Chi₂jua'₂ on₃ jaun₂, ¿'e₂ guě'₂ ca₂i₁jag'₄ 'nia'₂? ¿O₃ bá₄ ca₂jing'₅₄ jan₂ dsa₂ i₂qui'₂ tsin'₅₄ jlá'₁ 'e₂? La₁ on₃ le₂jaun₂. Ia₁ ñi'₅₄ bá₄ 'nia'₂, ca₂le₃jín₃ dsa₂ i₂tē₁i₂nio₄ jlán'₁ i₂qui₂cuě'₅ o₂'ñi₃ o₂ñia₃ dsi₅, i₂tion'₅₄ jui₁lia'₂ dsi₂néi₂ quió'₅ rag₅₄ bá₄ i₂le₂'éi₂. ²⁶ Jaun₂ nē₃, ¿'e₂ guě'₂ ca₂i₁jag'₄ 'nia'₂? ¿O₃ bá₄ jan₂ dsa₂ i₂'ě₂ jág₁ quián₅ Diú₄ 'e₂ ca₂jín'₅₄ 'nia'₂? Dsón'₂ bá₄ jaun₂. Jan₂ i₂lín₅ i₂juin'₂ guě₄ lia'₂ con'₂ guě₄ jan₂ i₂'ě₂ jág₁ quián₅ Diú₄ bá₄ ca₂i₁jín'₄ 'nia'₂, juá'₅ jniá₂. ²⁷ Juan₅₄ bá₄ 'éi₂ i₂'in₅ Si₂ quió'₅ Diú₄ ja₁juá'₂: Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,

a₂dsi₃can₅ jág₁, jmo₃ co₂ñia₅₄ jui₅.*

²⁸ Juá'₅ jniá₂ juig'₂ 'nia'₂, ca₂lia'₂ 'i₁jan₂ dsa₂ tsá₃ ma₂ca₂rě₃chán₃ i₂juin'₂ guě₄ lia'₂ con'₂ guě₄ Juan₅₄. La₁, i₂lín₅ i₂me'₂ guě₄ ja₁gon₂ Diú₄, i₂'éi₂ lín₅ i₂juin'₂ guě₄ lia'₂ con'₂ guě₄ 'éi₂.

²⁹ (Ca₂le₃jín₃ dsa₂ i₂ca₂nág₂, lia'₂ dsa₂ i₂cán₂ 'lia'₅₄ nē₃, jme₁ca₂jñói₂ jmig₂ ca₂cho₃ Juan₅₄, le₂nē₅ bá₄ ca₂jme₃jniai₂₃, Diú₄ bá₄ i₂lín₅ i₂qui₂dsi₅ 'éi₃ tí₅. ³⁰ La₁ dsa₂ fariseos quian'₅₄ tē₅juá'₅ nē₃, tsá₃ ca₂gue₃ cho₃ Juan₅₄ jmig₂; le₂nē₅ bá₄ a₂ca₂rě₃jniá₂ ján₃ a₂tsá₃ ji'₅₄ a₂jme₁'nio₃ Diú₄ jmo₃ quiong'₅₄.)

³¹ —¿'A₂ lia'₂ le₃jua'₅₄ lín₅ dsa₂ i₂chan₂ jmig₄ nē₃? ¿'E₂ bá₄ quian'₅₄ le₃quíng₄ lín₅? ³² Lín₅ jui₁lia'₂ lín₅ i₂bē'₅₄ i₂tón'₅ qui₂guió'₅ jmái'₂ riin'₅₄ jě₄ 'ma'₅₄, juá'₂: Nē₂jéi₄ jnia'₅₄ te₁fi₁ o₄quián'₂ 'nia'₂,

la₁ tsá₃ nē₂dsián'₃ 'nia'₂;

ján₃ guě'₂ nē₂jmó₁ jnia'₅₄ son₅₄ quió'₅ 'lag₄

la₁ tsá₃ ca₂tá'₂ guě'₂ 'lia'₂ 'au'₂ 'nia'₂.

³³ 'Ta₁ ca₂guan₃ Juan₅₄ i₂chon₅ dsa₂ jmig₂, i₂tsá₃ jme₁guě'₅ i₁ñí'₄, on₃ guě'₂ vino jme₁'ín'₂ nē₃, ca₂'iin'₅₄ 'nia'₂ a₂'ein₅₄ jme₂dsí₂ je₂na'₅₄. ³⁴ Ca₂guan₃ guě'₂ táng₃ Jaun₅ dsa₂ mi₂güig₃ i₂tin₂ guě'₅, 'ín'₂ nē₃; la₁ 'nia'₂ juá'₂ 'ín'₅ a₂lín₅ jlé₂ 'í₅, má₄ jmíg₃ nē₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ nē₃. ³⁵ Rě₂jniá₂ bá₄ a₂ñí₄ lě₃ ñí'₂ dsí₅ Diú₄, a₂tiin₂, tē₂le₃ quian'₅₄ 'a₂ lia'₂ lě₅ jmo₅ chi'₂-guein₂ quián₅.

'En₅₄ Jesús dsi₂néi₂ quió'₅ Si₂mu₅₄ dsa₂ i₂lín₅ fariseo

³⁶ Jaun₂ ca₂tě₃ jan₂ dsa₂ fariseo ca₂tě'₃ Jesús a₂i₁guě'₂ dsi₂néi₂ quió'₅. Ca₂'í₃ bá₄ guě'₂ Jesús dsi₂néi₂ quió'₅ dsa₂ fariseo 'éi₂ jme₂dsióg₃, jaun₂ ca₂guá₂ ne₄ mesa. ³⁷ Tē₃jě₄ jaun₂, ca₂dsióg₃ jan₂ 'io₅₄ i₂'no₅ dso₄ i₂jme₁ñi₅ juig₂ jaun₂, ia₁ jme₁ca₂rě₃ñi₅ a₂'en₅₄ Jesús guě'₅ dsi₂néi₂ quió'₅ dsa₂ fariseo 'éi₂. Jaun₂ ca₂dsióg₃ quian₅ caun₂ ni₁tsí₅ pi'₁ jlá'₁ a₂lě₅ quian'₅₄ alabastro, a₂'a₄ no'₅₄ mi₂juig₂. ³⁸ Ca₂guá₂ 'o₂₃ cau₅ ja₁tióng₂ tag₄ Jesús, ca₂jme₃lióg₃ 'ág₂ jmig₂ 'ei₅ jme₁ne₁₂ co'₅₄ tag₄ 'éi₂. Jaun₂ ca₂jme₃quéin₃ táng₃ quian'₅₄ jñi₂ dsi₅₄, jaun₂ ca₂chen'₃, jaun₂ ca₂tsáng₂ no'₅₄ mi₂juig₂. ³⁹ Jme₁ca₂jág₃ dsa₂ fariseo i₂quió'₅ dsi₂néi₂, ca₂i₃jio₅ dsí₅: “Jua'₅₄ mei'₂ guě₃

* 7:27 Malaquías 3:1.

tě₃dsón'₂ dsa₂ nē₅ lín₅ jan₂ i₂'ě₂ jág₁ quián₅ Diú₄, jme₁le₃lí'₄ 'a₂ lia'₂ lín₅ dsa₂ i₂ní'₅ quió'₅. Ia₁ jan₂ 'io₅₄ i₂'no₅ dso₄ bá₄ nē₅." ⁴⁰ Jaun₂ ca₂juá'₂ Jesús ca₂tsí'₃ 'éi₂:

—Si₂mu₅₄, cha₂ caun₂ jág₁ a₂'nio₃ juig₅₄ 'ne₂.

—Jua'₅₄ 'ne₂, Tě₅ —ca₂ŋag₃.

⁴¹ Jaun₂ ca₂juá'₂:

—On₃ dsa₂ jme₁le₁rín₃ cu₄ quió'₅ jan₂ dsa₂ i₂tín₂ jme₁dsi₂ cu₄. Jan₂ jme₁rín₂ ca₂jau₅₄ mei₅ 'éi'₃ cu₄ denarios, jan₂ guě'₂ jme₁rín₂ tě₂láu₃-guiá₃. ⁴² Ca₂'én₂ bá₄ guě'₂ dsa₂ juig₅₄ cu₄ dsáu₁ jě₂le₃oin₃ le₂jaun₂, ia₁ tsá₃ guě'₂ qui'₅₄ jmig₄ jáng'₃. Jaun₂ tsá₃ ma₃tion₅₄ ca₂mág₃ cú₁. Jaun₂ ně₃, ě₂'ein₂ i₂on₃ 'éi₂ i₂'nio₃ guě'₄?

⁴³ Ca₂ŋag₃ táng₃ Si₂mu₅₄:

—Dsa₂ i₂jme₁rín₂ guě'₄ 'lióng₂, lín₂ jniá₂.

—Dsau₅ bá₄ le₂ně₅ —ca₂ŋag₃ Jesús. ⁴⁴ Jaun₂ ca₂jín₂ táng₃ 'io₅₄, ca₂tsí'₃ táng₃ Si₂mu₅₄:

—ĵjng'₄ dsa₂ mí₂ la₂? Jme₁ně₂'ú₃ dsi₂néi₂ quiáng'₂, tsá₃ jmig₂ ně₂cuě'₅₄ a₂ŋj₃ tag₃; la₁ 'io₅₄ la₂ ně₃ ma₂ně₂rang₃ tag₃ quian'₅₄ jmig₂ 'ei₅ jme₁ne₁₂, ton'₂ ma₂ně₂chí₃ táng₃ quian'₅₄ jŋi₂ dsi₅₄. ⁴⁵ Ján₃ bá₄ le₂jaun₂, tsá₃ ně₂chen'₅₄ quió₃ jme₁guang₁₂. 'Io₅₄ la₂ guě'₂ ně₃, ca₂lia'₂ tsá₃ 'na₂ bá₄ caun₂ chen'₂ tag₃. ⁴⁶ Tsá₃ no'₅₄ ma₂ně₂'ág'₂ jua'₅₄ a₂ma₂ně₂tsáng'₃ dsi₃; la₁ 'io₅₄ la₂ guě'₂ ně₃, ma₂ně₂'ág'₂ no'₅₄ mi₂juig₂ tag₃. ⁴⁷ 'Uig₅₄ ně₅ ně₃ juá'₅ jniá₂ ia₁ a₂ŋj₄ lě₃ 'lióng₂ dso₄ jme₁rě₂cáin'₄, la₁ ma₂rě₂'én₄, a₂jaun₂ bá₄ lě₃ ŋj₄ lě₃ cuě₂₃ léi₄ a₂'nio₃. La₁ jui₁lia'₂ dsa₂ i₂ca₂juig₄ bá₄ dsáu₁ rě₂'én₄, me'₂ bá₄ cuě₂₃ léi₄ a₂'nio₃.

⁴⁸ Jaun₂ guě'₄ ca₂juá'₂ ca₂tsí'₃ 'io₅₄:

—Ca₂le₃jě₃ bá₄ dsáu'₂ ma₂rě₂'én₄.

⁴⁹ Ca₂le₃jín₃ guě'₄ dsa₂ sián'₂ i₂jme₁tián'₄ ne₄ mesa quiain'₅₄, ca₂dsia₃ tsí'₅ riin'₅₄:

—ĵl₂'ein₂ bá₄ ně₅, ca₂tě₂ dsáu₁ dsa₂ qui₂'éin₂?

⁵⁰ La₁ Jesús ně₃, ca₂tsí'₃ dsa₂ mí₂ 'éi₂:

—Ia₁ a₂'éng'₂, ma₂ca₂lóng'₂ ně₃. Guan'₂ tei₄ quiáng'₂.

8

Dsa₂ mí₂ i₂jme₁nio₄ jme₂'on₅₄ Jesús

¹ Cang₂ jaun₂, ca₂i₁ŋi₂ Jesús le₂tan₅₄ juig₂ ca'₅₄, le₂tan₅₄ juig₂ pí'₁ ně₃, qui₂i₁jme₁tín₂₃ dsa₂ jág₁ dse₃ jui₁lia'₂ ja₁gon₂ Diú₄. Jme₁quian'₅₄ bá₄ chí'₂ dsi₂guia₃-tín₂. ² Ján₃ guě'₂ jme₁quian'₅₄ dsa₂ mí₂ i₂ma₂ca₂'uín'₂ jme₂dsi₂ 'lín'₅₄ quió'₅, i₂ma₂ca₂jme₃'lióin₂ dso₄ a₂jme₁lín₄ ně₃. Jín₄ 'éi₂ jme₁ŋi₅ jan₂ i₂chen₂ María i₂tě'₂ Magdalena,* i₂ma₂'uín'₂ Jesús guion₃ je₂na'₅₄ tě₂dsí₅; ³ ján₃ bá₄ jme₁ŋi₅ i₂chen₂ Juana i₂lín₅ dsa₂ mí₂ quián₅ Cuza, dsa₂ i₂nio₅ ne₄ 'e₂ a₂cha₂ quió'₅ Herodes; ján₃ bá₄ jme₁ŋi₅ i₂chen₂ Susana; i₂juin₅ bá₄ i₂sián'₂ guě'₄ i₂jme₁i₂nio₄ quiong'₅₄, jme₁jme₂'o₅₄ quian'₅₄ 'e₂ a₂cha₂ quió'₅.

Jág₁ jáng'₅ léi₄ jui₁lia'₂ dsa₂ i₂séi₂ mīg₂ jon₂

(Mateo 13:1-9; Marcos 4:1-9)

⁴ 'Lióng₂ juig₂ ja₁jme₁tón'₅ dsa₂ jui₅ dsi₂léin₂ dsi₂jín₅₄ Jesús. Jě₁ma₂le₁ŋi'₂ dsa₂ juin₅ ně₃, jaun₂ ca₂dsia₃ jág₁ jáng'₅ léi₄ la₂, ca₂juá'₂:

⁵ —Jan₂ dsa₂ ca₂ŋe₄ ja₁nau₂ ca₂i₁séi₄ mīg₂ jon₂. Jme₁ma₂'ein₅₄ séi₂ ně₃, a₂lín₅₄ mīg₂ i₂ga'₅₄ le₂'i₄ jui₅ qui₂ca₂tsó'₃ dsa₂; i₁tan₅ guě'₂ ně₃ ca₂guě'₃ ca₂dsio₄. ⁶ Ca₂dsio₄ guě'₂ ně₃ ca₂i₃to'₅₄ jě₄ nī₁cang_; jme₁ca₂'ia₂, ca₂rě₃quéin₃ bá₄ ia₁ tsá₃ gua'₅₄ cha₂ jua'₅₄ a₂güig'₂. ⁷ Ca₂dsio₄ guě'₂ ca₂séi'₂ jě₄ nī₁taun₅. La₁ nī₁taun₅ bá₄ tiá₂ ca₂jō₃ jme₁ca₂'ia₂. ⁸ La₁ ca₂dsio₄ guě'₂ ně₃ ca₂tín₂ ja₁dse₃ gua'₅₄; a₂jaun₂ ca₂i₃cón₃, ca₂rau₂ dse₃ lín₃, caun₂ 'ŋiá₂-láu₂ mīg₂ lia'₂ ca₂mīg₂ jon₂ a₂ca₂séi₂.

Jme₁ma₂lě₅ jme₂tag₂₃ le₂ně₅, ca₂juá'₂ tiá₂:

* 8:2 o₃, "i₂chan₂ Magdala."

—Chi₂jua'₂ 'ein₂ 'nia'₂ dsi₅₄ rē₂gua₄, nei₂ 'nia'₂ rē₂.

Ta₁ qui'₅ jág₁ a₂jáng'₅ léi₄

(Mateo 13:10-17; Marcos 4:10-12)

⁹ Jaun₂ ca₂ḡag₃ chi'₂ dsi₂guia₃-tín₂ 'e₂ bá₄ jein₅ jág₁ a₂cuē₂₃ jaun₂. Jaun₂ ca₂juá'₂ Jesús:

¹⁰ —Diú₄ bá₄ jmo₅ a₂rē₂ḡí'₂ 'au'₂ 'nia'₂ jág₁ a₂rē₂'ma₄ quió'₅, 'a₂ lia'₂ lě₅ ja₁goin₂. La₁ dsa₂ sián'₂ ně₃, juí₂gniá₂ tē₂le₃ quian'₅₄ jág₁ jáng'₅ léi₄, ia₁jaun₂:

I₂nē₂jág₃, la₁ tsá₃ le₃lí'₄ 'e₂ ně₂jág₃;

i₂nē₂néi₂ ně₃, la₁ tsá₃ le₃lí'₄ 'e₂ ně₂néi₂,

on₃ guē'₂ le₃ḡí'₂.†

Juá'₂ Jesús 'e₂ jág₁ dsau₅ jein₅ jág₁ ju₁lia'₂ dsa₂ i₂séi₂ mǐg₂ jon₂

(Mateo 13:18-23; Marcos 4:13-20)

¹¹ 'A₂la₂ bá₄ jein₅ jág₁ a₂jáng'₅ léi₄: A₂lě₅ co₂'nió'₄ mǐg₂ jon₂, jág₁ dse₃ quió'₅ bá₄ Diú₄ jaun₂.
¹² Ju₁lia'₂ ca₂dsio₄ mǐg₂ jon₂ a₂i₃ga'₅₄ le₂'i₄ ju₁guē'₂ ně₃, le₂jaun₂ lín₅ ju₁lia'₂ ca₂dsion₄ dsa₂ i₂nag₅ jág₁ dse₃; la₁ i₂sē₃dsen₃ guē'₂ ně₃, ja₂ḡiá'₃ jág₁ dse₃ jme₁ma₂'i₄ dsí₅, ia₁jaun₂ tsá₃ ma₃le₃'éin₂ jua'₅₄ a₂lióin₂. ¹³ Co₂'nió'₄ mǐg₂ jon₂ a₂i₃to'₅₄ jē₄ ni₁cang₁ guē'₂ ně₃, co₂'nió'₄ lín₅ ju₁lia'₂ dsa₂ i₂guen₅ 'ḡio₂ dsí₅ jág₁ dse₃ jē₄ma₂ca₂nág₂. La₁ cang₂ jaun₂ tsá₃ tiá₂ tióin₂; lín₅ ně₂jag₄ bá₄ a₂tsá₃ jmú₄ cha₂ ju₁jme₂dsí₂ quió'₅. Co₂'na₂ bá₄ rē₂'éin₂, ia₁ jē₄ma₂ca₂i₃ḡí'₂ 'e₂ caun₂ ju₁bi₂ a₂caun₂ táu₂, dsi₂lein₅ táng₃ le₃ca'₃, tí₂jág₁. ¹⁴ Co₂'nió'₄ jon₂ a₂ca₂séi'₂ jē₄ ni₁taun₅ guē'₂ ně₃, co₂'nió'₄ lín₅ ju₁lia'₂ dsa₂ i₂nag₅ jág₁, la₁ tē₂le₃ ne₄ ju₁ja₁i₂léin₂ jaun₂, tē₂ ca₂juig₄ bá₄ jme₂gain₂₃ dsí₅ a₂jo₅ bí₂ a₂quian₅ o₂me'₅₄ dsí₅, a₂ja₂ dsí₅ le₃cha₂ cu₄ 'lióng₂, a₂'nio₃ cuē'₅ o₂'ḡi₃ o₂ḡia₃ dsí₅; i₂nē₅ ně₃ lín₅ co₂'nió'₄ mǐg₂ a₂tsá₃ ma₃lé₂ rón₃. ¹⁵ La₁ ca₂dsio₄ mǐg₂ jon₂ a₂ca₂séi'₂ ja₁dse₃ gua'₅₄, co₂'nió'₄ lín₅ ju₁lia'₂ dsa₂ i₂dse₃ dsí₅ i₂caun₂ ne'₅₄, tsán'₂ tiá₂ jág₁ a₂nag₂₃, caun₂ ju₁n'₂ bá₄ dsí₅, 'lióng₂ a₂dse₃ rē₂jniá₂ a₂jmo₂₃ chain₂.

Jág₁ jáng'₅ léi₄ ju₁lia'₂ ni₁tsí₅ chi₁guí'₂ si₂

(Marcos 4:21-25)

¹⁶ 'I₁jan₂ dsa₂ tsá₃ guí'₅ si₂ caun₂ ni₁tsí₅, jua'₅₄ a₂jlě₂ o₃ a₂chi'₂ né'₃ tsi₁cama 'e₂. A₂'ag₅ guei'₅₄ bá₄ dsa₂ si₂, ia₁jaun₂ jniá₂ quió'₅ i₂dsi₂ton'₅₄. ¹⁷ Ján₃ bá₄ le₂jaun₂, 'i₁caun₂ a₂rē₂'ma₄ jlě₅ cha₂ jua'₅₄ a₂lín₂ dsa₂ a₂tsá₃ le₃jniá₂; tion₅₄ bá₄ rē₂jniá₂. Ján₃ guē'₂ le₂jaun₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ḡi₅: tion₅₄ bá₄ rē₂ḡi₅ dsa₂.

¹⁸ 'Quion₂ de'₂ 'nia'₂ 'í₁ rē₂ jaun₂, 'a₂ lia'₂ lě₅ nag'₂, ia₁ ju₁lia'₂ i₂ma₂ḡí'₂, Diú₄ bá₄ jmo₃ a₂le₃ḡí'₂ guē₄. La₁ ju₁lia'₂ i₂tsá₃ 'nio₃ le₃ḡí'₂ guē'₂ ně₃, ca₂tē₂ a₂jme₁ma₂ḡí'₂, lín₂, ḡi₁á'₃.

Chi'₂ rin'₅₄ Jesús, quian'₅₄ chog₅₄

(Mateo 12:46-50; Marcos 3:31-35)

¹⁹ Jaun₂ ca₂dsi₃lén₂ chi'₂ rin'₅₄ Jesús quian'₅₄ chog₅₄, jme₁'nio₃ jme₁ḡí₃ ca₂tē₂ ja₁'en₅₄ 'éi₂, la₁ tsá₃ lé₂, ia₁ ju₁n₅ lín₃ dsa₂ tion'₅₄. ²⁰ Jaun₂ jan₂ dsa₂ sián'₂ bá₄ ca₂ḡag₃ jág₁ ca₂juá'₂:

—Chog'₂ quian'₅₄ chi'₂ ríng'₂ ně₅ tióin₂ ca₁'né₄, 'nio₃ jín₂ 'ne₂.

²¹ Jaun₂ ca₂ḡag₃:

—Dsa₂ i₂nag₅ jág₁ quió'₅ Diú₄, ton'₂ jme₂ti₃, 'éi₂ bá₄ lín₅ cha₃, ríng'₃ ně₃.

Ca₂jmo₃ Jesús ca₂'ág₂ tei₄ jm₁ḡí'₄, ca₂ḡiá'₃ dsí₂ ně₃

(Mateo 8:23-27; Marcos 4:35-41)

²² Co₂ráun₂ ca₂'í₃ Jesús caun₂ tsi₁mu₅, jaun₂ ca₂tsí'₃ chi'₂ dsi₂guia₃-tín₂ quiáin₅:

—Ma₃dsau₅₄ quióng₄ le₃ca₂taun₂.

† 8:10 Isaías 6:9.

Jaun₂ ca₂i₃l_{éin}₂ bá₄. ²³ Të₁lia'₂ t_{ioin}'₅₄ 'ain₂₃ j_mi₁ñí'₄, la₁ 'éi₂ n_ě₃ ca₂g_üi_{in}₂ bá₄. Të₃j_ě₄ jaun₂ ca₂á_g₂ dsí₂ tiá₂ l_{in}₃ ne₄ j_mi_g₂. Ca₂r_ě₃lió_g₃ i₃'a₄ j_mi_g₂ 'ñi_ó'₃ ts_i₁mu₅, ca₂lia'₂ ma₂lé₂ ds_i₃guein'₅₄ bá₄, go'₂ l_{in}₃ t_{ioin}'₅₄. ²⁴ Jaun₂ ca₂i₁ñe_i₂₃ Jesús, ca₂juá'₂:

—i₁Të₅! i₁Të₅! i₁Dsi₃'éi₂n₂ j_niog₄!

Jaun₂ ca₂nau₂ bá₄ guë'₂ Jesús ca₂t_ě₂ ca₂j_{éin}₂ dsí₂, a₂j_{ná}'₅ j_mi_g₂ n_ě₃. Dsi₂jui₅ le₂jaun₂ bá₄ ca₂t_ě₁tsi'₅₄ táng₃ tei₄. ²⁵ Jaun₂ tsí'₅ chi'₂ dsi₂guia₃-t_{in}₂:

—ĉ'_A₂ ñó₅ a₂'én'₂ 'nia'₂?

Ca₂lia'₂ l_ě₁quian₅ juë'₅ l_{in}₃ bá₄ t_{ioin}'₅₄ dsi₂gó'₃ dsí₅, dsia₂₃ tsí'₅ r_{iin}'₅₄:

—ĉ'_E_{in}₂ bá₄ l_{in}₅ dsa₂ n_ě₅, t_{iin}₂ j_mo₃ 'éi'₃ tsí'₅ t_ě₂ dsí₂, j_mi_g₂ n_ě₃, ne'₅₄ a₂juá'₂?

Dsa₂ chan₂ Gerasa i₂tion'₅₄ jme₂dsí₂ 'l_{in}'₅₄

(Mateo 8:28-34; Marcos 5:1-20)

²⁶ Jaun₂ guë'₄ ca₂dsi₃l_{éin}₂ 'uë₃ Gerasa[†] a₂ron₅ le₃'ño'₅₄ j_mi_g₂ ja₁ron₅ 'uë₃ Galilea.

²⁷ Jme₁ca₂o₂'_{in}₃ Jesús a₂t_ě₁tsi_{in}'₅₄ 'uë₃, jaun₂ ca₂jme₃quián₃ jan₂ dsa₂ juig₂ jaun₂ cau₅ quió'₅. Dsa₂ 'éi₂ n_ě₃, líg'₂ bá₄ qui₂ca₂jo₃ jme₂dsí₂ je₂na'₅₄. Líg'₂ bá₄ ñi₂₃ tsá₃ ma₃tsin'₅₄ qui'₅, on₃ guë'₂ ma₃juá'₅₄ a₂guá₅ dsi₂n_{éi}₂; tau₂ 'ñio₅ quió'₅ 'lag₄ bá₄ jme₁ma₂guá₅. ²⁸ Jme₁ca₂j_{iin}₂ Jesús, jaun₂ ca₂guió'₃ co₂mi'₅₄, ca₂chi₃ñé₃ ne₄ 'éi₂, ca₂juá'₂ tiá₂ l_{in}₃:

—ĉ'_E₂ bá₄ l_ě₃ ñe'₃ i₃tiáng'₃ j_ě₄ quián'₂ j_niá₂, 'ne₂ Jesús Ja₁ñi'₅₄ Diú₄ i₂guá₅ guei'₅₄ l_{in}₃? Mi₂₃ j_niá₂ ne'₅₄, tsá₃ cuë₂ uig₅.

²⁹ Ca₂juá'₂ le₂n_ě₅ ia₁ jme₁ma₂n_ě₂j_mo₃ Jesús 'éi'₃ a₂o₃'_{in}₅ jme₂dsí₂ 'l_{in}'₅₄ quió'₅. 'Lióng₂ ráun₂ bá₄ le₂ñiá₅ jme₁ma₂ca₂j_{nau}'₃ i₂'l_{in}'₅₄. Jaun₂ o₁j_{ñia}'₅₄ ma₂qui₂ma₂'n_{éi}₂ dsa₂ mi₂gu₂ mi₂tag₅₄ quian'₅₄ ñi₁ cadenas ia₁jaun₂ lé₂ 'í₁, la₁ ca₂le₃j_ě₃ bá₄ jme₁gá_g₅. Jme₁'liog'₂ je₂na'₅₄ a₂jme₁dsi₂ñi₃ uíng₂ gua'₅₄ quein₂ ja₁co₂'ñiog₅.

³⁰ Jaun₂ ca₂ñag₃ Jesús:

—ĉ'_A₂ bá₄ lia'₂ cheng'₂?

Jaun₂ ca₂ñag₃:

—Ju_in₅Š bá₄ cheng₂.

Le₂n_ě₅ ca₂juá'₂ chein₂ ia₁ a₂ju_in₅ je₂na'₅₄ i₂jme₁tion'₅₄ quió'₅.

³¹ Jaun₂ jme₂dsí₂ 'éi₂ n_ě₃ qui₂ca₂mi₃ tion₅₄ ne₄ Jesús ia₁jaun₂ tsá₃ guiog'₃ 'éi₂ ca₂t_ě₂ ja₁ca₂jein₃ chi₁dsio₅₄. ³² Jaun₂ jme₁tion'₅₄ ju_in₅ i₁ñí₅ caun₂ dsí₂con'₂. Jaun₂ ca₂mi₃ jme₂dsí₂ a₂cuë₃ Jesús j_mi_g₄ a₂dsi₃toin'₅₄ quió'₅ i₁ñí₅. Jaun₂ ca₂cuë₃ bá₄ guë'₂ Jesús j_mi_g₄. ³³ Jaun₂ qui₂ca₂'uin₂ bá₄ je₂na'₅₄ quió'₅ dsa₂ 'éi₂; ca₂i₃l_{éin}₂ i₃toin'₅₄ quió'₅ i₁ñí₅. Ca₂le₃j_{in}₃ i₁ñí₅ 'éi₂ n_ě₃ ca₂i₁ñioi₁₂ co₂'ei₅ 'lig'₅₄, qui₂ca₂sein'₃ tsag₂ siá₅ ca₂séin'₂ t_ě₂ dsi₂j_mi_g₂. Ja₁jaun₂ ca₂dsain₃ ca₂'in'₃ j_mi_g₂.

³⁴ Jme₁ca₂t_ě₂ ne₄ dsa₂ i₂jme₁j_mo₅ 'í₁ i₁ñí₅ 'e₂ ca₂l_ě₃, ca₂i₃l_{éin}₃ ca₂cuíng₃ ca₂i₁dsia₂ j_ě₄ juig₂, ja₁nau₂ n_ě₃. ³⁵ Jaun₂ ca₂i₁l_{en}₅₄ dsa₂ juig₂ i₁jag₅₄ a₂ca₂l_ě₃ ja₁jaun₂. Jme₁ca₂dsi₃l_{éin}₂ ja₁'en₅₄ Jesús, ca₂j_{iin}₂ dsa₂ i₂ma₂'uin₂ je₂na'₅₄ t_ě₂dsí₅. Jaun₂ ma₂guá₅ con₂ Jesús ma₂qui'₂ tsin'₅₄, ma₂'en₅₄ bá₄ dsí₅. Jaun₂ ca₂i₃gó'₃ dsí₅ dsa₂ jme₁ca₂já_g₂. ³⁶ Dsa₂ i₂ca₂t_ě₂ ne₄ a₂ca₂l_ě₃ jaun₂, ca₂dsia₃ ca₂tsí'₃ táng₃ i₂ca₂dsi₃l_{én}₂ 'éi₂ 'a₂lia'₂ ca₂'lón₂ dsa₂ i₂jme₁tion'₅₄ je₂na'₅₄ t_ě₂dsí₅.

³⁷ Jaun₂ n_ě₃, ca₂le₃j_{in}₃ bá₄ dsa₂chan₂ le₃lág'₃ juig₂ 'uë₃ Gerasa ca₂tsí'₃ Jesús a₂o₃'_{in}₅ ja₁jaun₂, ia₁ 'ñio₅ l_{in}₃ t_ě₂tsi'₅₄ go₂'i₃ tion'₅₄ dsa₂. Jaun₂ ca₂ñá'₃ bá₄ 'éi₂ ca₂'i₃ táng₃ ts_i₁mu₅. ³⁸ Dsa₂ i₂ca₂'uin₂ jme₂dsí₂ je₂na'₅₄ quió'₅ n_ě₃, jme₁mi₂₃ ne₄ Jesús a₂jme₁dsó₃ quiong'₅₄. La₁ 'éi₂ n_ě₃ ca₂j_mo₃ 'éi'₃ a₂j_nia₃ bá₄, ca₂juá'₂:

³⁹ —Guan'₂ bá₄ quiáng'₂, o₂dsia₄ ca₂le₃j_ě₃ 'e₂ n_ě₂j_mo₃ Diú₄ ja₁cong'₂.

Ca₂ñá'₃ bá₄ guë'₂ dsa₂ 'éi₂ quió'₅, ca₂i₁dsia₂ le₂tan₅₄ j_ě₄ juig₂ 'e₂ ca₂j_mo₃ Jesús quiong'₅₄.

† 8:26 A₂l_{in}₅₄ chog₅₄ si₂juá'₂: “Gadara”; a₂siá'₂ guë'₂ n_ě₃, juá'₂: “Gergesa”; ján₃ bá₄ le₂n_ě₅ § 8:30 griego: legión.

Ja,míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Mateo 9:18-26; Marcos 5:21-43)

⁴⁰ Jme₁ca₂dsián'₃ táng₃ Jesús le₃'ño'₅₄ jmíg₂, qui₂ca₂guei₃ dsa₂ a₂'ño₂ dsí'₅, ia₁ ca₂le₃jín₃ bá₄ jme₁ma₂le₁jñiog₂₃ tióin'₅₄. ⁴¹ Të₃jë₄ jaun₂, ca₂dsióg₃ jan₂ dsa₂ i₂chen₂ Jairo, i₂nio₅ gu₂ guá'₅ sinagoga. Dsa₂ 'éi₂ ně₃ ca₂chi₃jné₃ ne₄ Jesús jme₁dsióg₃, ca₂mi₃ tion₅₄-jan₃ ia₁jaun₂ dsó₃ ja₁quió'₄. ⁴² Ia₁ jme₁chan₂ jan₂ tan₅₄ ja,míg₄, i₂jme₁ma₂'en₅₄ con'₂ guia₃-tín₂ ñi₂, i₂jme₁ma₂i₁jón₂. Jme₁ma₂'en₅₄ Jesús jui₅ ñó₃ ja₁quió'₄ 'éi₂, juin₅ lín₃ dsa₂ i₂lén₂ quiong'₅₄, lia'₂ qui₂rë₂quín'₅ bá₄ Jesús ñó₃.

⁴³ Jë₄ jaun₂, ñó₃ jan₂ dsa₂ mí₂ i₂dso'₅₄ ma₂guia₃-tín₂ ñi₂ a₂tiin₂, * la₁ ca₂lia'₂ 'i₁jan₂ tsá₃ 'ein₂ ma₂ca₂tió'₃ jme₃'lió₂.

⁴⁴ 'Io₅₄ 'éi₂ ně₃ ca₂jme₃quiáin₃ të₂le₃ chi₁co'₅₄ quió'₅ Jesús. Jaun₂ ca₂ní'₃ chei'₅₄ tsin'₅₄ 'éi₂. Co₂tan₅₄ dsi₂jui₅ le₂jaun₂ bá₄ ca₂quion₂ jmí₂ 'ain₅₄.

⁴⁵ Jaun₂ ca₂juá'₂ Jesús:

—¿'Ein₂ ně₂ní'₃ quió'₃?

Ca₂le₃jín₃ bá₄ dsa₂ ñag₂₃ juá'₂ tsá₃ ñi₅.

Jaun₂ ca₂juá'₂ Pe₄:†

—Të₅, jág'₂ bá₄ 'ne₂ chi₁quí'₅ co₂'liog'₂ dsa₂ ca₂taun₂ ca₂taun₂ ja₂náu₅.

⁴⁶ La₁ caun₂ ca₂juá'₂ bá₄ Jesús:

—Chan₂ i₂ně₂ní'₃ quió'₃, ia₁ ca₂rë₃léi₄ jniá₂ o₂'ág₃ bí₂ quió'₃.

⁴⁷ 'Io₅₄ ně₃, jme₁ca₂rë₃lí'₄ a₂tsá₃ ma₃lé₂ jua'₅₄ a₂'mai₃, já₃ jlein₂₃, ca₂chi₃jné₃ ne₄ 'éi₂. Të₃ jág₅ ca₂le₃jín₃ dsa₂ ca₂juá'₂ lia'₂ tí₅ jág₁ 'e₂ 'uig₅₄ ca₂ní'₃ quió'₅ 'éi₂, ton₂ ca₂jáng'₃ jág₁ dsau₅ a₂ca₂'lóin₂ dsi₂jui₅ le₂jaun₂.

⁴⁸ Jaun₂ ca₂juá'₂ Jesús:

—Jón₃, ne₄ ia₁ a₂'éng'₂, ca₂'lóng'₂ bá₄. Guan'₂ tei₄ quiáng'₂.

⁴⁹ Të₃jë₄ juá'₂ jág₁ jaun₂ jme₁ca₂dsióg₃ jan₂ dsa₂ i₂chen₄ dsi₂néi₂ quió'₅ i₂nio₅ gu₂ guá'₅, ca₂juá'₂:

—Ma₂jon₅ bá₄ chi'₂ quiáng'₂. 'A₃ ma₃cuë'₂ ta₁ Të₅.

⁵⁰ La₁ ca₂nág₂ bá₄ Jesús, jaun₂ ca₂juá'₂:

—Tsá₃ lë₁jmo₂ 'lia'₂ 'au'₂. Jñia'₅₄ con'₂ 'én₃ bá₄, jaun₂ ně₃ jag'₅₄ i₂'lión₂ bá₄ chi'₂ quiáng'₂.

⁵¹ Jme₁ca₂dsióg₃ dsi₂néi₂, tsá₃ ca₂cuë₃ jmíg₄ jua'₅₄ dsi₃ton'₅₄ 'i₁jan₂ i₂sián'₂, jñia'₅₄ lia'₂ Pe₄, Juan₅₄, Jacobo‡ ně₃, quian'₅₄ jmá'₃ chog₅₄-jmei₂ chi'₂ 'éi₂ bá₄ i₃ton'₅₄. ⁵² Jaun₂ qui₂'-o₅ bá₄ dsa₂ qui₂' dsí₅ lín₃ tióin'₅₄, o₄quió'₄ chi'₂. Jaun₂ ca₂juá'₂ Jesús:

—Tsá₃ 'au₂ 'nia'₂; on₃jua'₅₄ i₂rë₂jon₅₄ ně₅. Jñia'₅₄ lia'₂ a₂rë₂güin₃ bá₄.

⁵³ La₁ jñia'₅₄ ca₂ñi₂ bá₄ 'éi₂ tióin'₅₄, ia₁ ñi₅ rë₂ bá₄ a₂jme₁ma₂rë₂jon₅₄ dsón'₂ bá₄ chi'₂.

⁵⁴ Jaun₂ ca₂tiin₂ gu₂ chi'₂ 'éi₂, ca₂juá'₂ tiá₂:

—jón₃, nau₂!

⁵⁵ Ca₂gú'₃ táng₃ jme₂dsí₂ quió'₅; dsi₂jui₅ jaun₂ bá₄ ca₂nau₂. Jaun₂ ca₂jmo₃ Jesús 'éi'₃ a₂cuë₃ dsa₂ a₂guë'₃. ⁵⁶ Jaun₂ dsi₂gó'₃ dsí₅ 'ño₅ lín₃ chog₅₄-jmei₂. La₁ Jesús ně₃ ca₂juá'₂ a₂tsá₃ 'ein₂ tsí'₃ 'i₁jan₂ a₂ca₂lë₃ jaun₂.

9

Ca₂chen₃ Jesús chi'₂ dsi₂guia₃-tín₂
(Mateo 10:5-15; Marcos 6:7-13)

* **8:43** A₂lin₅₄ chog₅₄ si₂juá'₂ ján₃: “Jme₁ma₂'ein₂ ca₂le₃jë₃ cu₄ a₂jme₁cha₂ quió'₅ quian'₅₄ të₃mí₅.” † **8:45** A₂lin₅₄ chog₅₄ si₂juá'₂ ján₃: “Pe₄ quiaín₅₄ riín₅₄.” ‡ **8:51** o₃, Santiago.

1 Ca₂ŋí'₂ Jesús chi'₂ dsi₂guia₃-tín₂ quiáin₅ ca₂cuë₃ jui₅bí₂ a₂'io₃ 'éi'₃ ne₄ quió'₅ ca₂le₃jín₃ jme₂dsí₂ je₂na'₅₄, a₂lé₂ qui₂jme₃'lióin₂ dsa₂ jui₁'e₂ guë₃ dso₄ niog₅ lín₅. 2 Ca₂chei₃ a₂dsi₃'ě₃ jág₁ jui₁lia'₂ ja₁gon₂ Diú₄, a₂dsi₃jme₁'lióin₅₄ dsa₂ i₂le₁dso'₅₄. 3 Jaun₂ ca₂juá'₂:

—Tsá₃ 'e₂ cán'₁ 'nia'₂ 'i₁caun₂ le₂'i₄ jui₅, on₃ guë'₂ 'ma'₂i₅₄, on₃ guë'₂ tsi₁na'₅₄ on₃ guë'₂ i₁ŋí'₄, on₃ guë'₂ cu₄, on₃ guë'₂ tsín'₂ 'nia'₂ siá'₂ cán'₁. 4 Le₂caun₂ dsi₂néi₂ ja₁dsi₁nó'₅ 'nia'₂, ja₁jaun₂ jan'₄ 'nia'₂ ca₂lia'₂ ca₂tě₂ jmig₄ a₂o₁no₄g'₄ táng₃. 5 Le₂caun₂ juig₂ ja₁tsá₃ guei₅ dsa₂, co₂dsia₅ 'uin'₂ 'nia'₂ juig₂ jaun₂, séi'₃ 'nia'₂ 'liog₂ tag'₅₄, a₂jmó'₂ léi₄ a₂tsá₃ ma₃'e₂ 'uin'₄ 'nia'₂ quiain'₅₄.

6 Jaun₂ qui₂ca₂'uin₂ bá₄ chi'₂ dsi₂guia₃-tín₂, ca₂i₃lén₂ le₂tan₅₄ juig₂ i₁'ě₄ jág₁ dse₃, i₁jme₁'lióin₂₃ dsa₂ ně₃.

*Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Marcos 6:14-29)*

7 Jaun₂ ca₂rě₃ŋi₅ Rag₅₄* Herodes ca₂le₃jě₃ 'e₂ niog₅ lě₂. La₁ tsá₃ caun₂ a₂i₃jio₅ dsí₅, ia₁ dsia₅ i₂lín₅₄, Juan₅₄ bá₄ 'éi₂ ŋi₅ a₂ma₂ca₂jein'₅₄ táng₃. 8 I₂lín₅₄ guë'₂ dsia₅ a₂ma₂ca₂jme₃nia₅ Elías; i₂sián'₂ guë'₂ dsia₅ a₂ma₂ca₂jen'₅₄ táng₃ jan₂ i₂jme₁'ě₂ jág₁ quián₅ Diú₄ ma₂líg'₂. 9 La₁ Rag₅₄ Herodes 'ŋiog₅ guë'₂ ně₃ juá'₂:

—Jua'₂ jniá₂ 'ŋi₃o₃ ca₂jmo₃ 'éi'₃ a₂ca₂quí'₃ dsa₂ dsi₂lag₄ 'éi₂. ħEin₂ guë'₂ ně₅, tsá₃ caun₂ jág₁ guion₁₂ a₂jmo₂₃?

Jaun₂ Herodes ně₃ jme₁'no'₂ jui₅ a₂jme₃jein'₂.

*Ca₂jme₃tan₅₄ Jesús 'ŋiá₂ mei₅ dsa₂
(Mateo 14:13-21; Marcos 6:30-44; Juan 6:1-14)*

10 Jme₁ca₂o₃len₃ dsa₂ i₂chen₄ quiáin₅ 'éi₂, jaun₂ ca₂dsia₃ ca₂tsí'₃ Jesús 'e₂ niog₅ ca₂jmo₃ ja₁i₁lein₅₄. Jaun₂ ca₂jio₃ Jesús a₂i₃lén₂ con'₂ guioin₅₄ caun₂ juig₂ ja₁chei₂ Betsaida. 11 La₁ tion₅₄ bá₄ ca₂i₃lén₂ dsa₂ sián'₂ jme₁ca₂rě₃ŋi₅; ca₂guei₃ bá₄ guë'₂ Jesús qui₂ca₂jme₃tag₂₃ jág₁ jui₁lia'₂ ja₁gon₂ Diú₄ ca₂jme₃'lióin₂ dsa₂ i₂jme₁le₁dso'₅₄ ně₃.

12 Tě₂le₃ ca₂'láu₂ jmig₄ jaun₂, ca₂o₃lén₂ chi'₂ dsi₂guia₃-tín₂ ca₂tsí'₃ Jesús:

—'Ei'₂ jág₁ dsa₂, ia₁ jaun₂ dsi₃lein₅ dsi₃'nió₂g₂ a₂guë'₃, jui₁dsi₂'nio'₂ ja₁jŋia₃ le₂con₂ juig₂ pí'₁ ma₂quián₅ ně₅, ia₁ tsá₃ 'e₂ cha₂ ja₁lá₃.

13 La₁ Jesús guë'₂ ně₃ ca₂juá'₂:

—Cuë'₅₄ 'nia'₂ dsa₂ a₂guë'₃.

Jaun₂ ca₂ŋag₃ 'éi₂ táng₃:

—Tsá₃ 'e₂ cha₂ jua'₅₄ a₂le₃cue₅₄ jnia'₅₄ dsa₂, jŋia'₅₄ lia'₂ 'ŋiá₂ i₁ŋí'₄ bá₄ 'i₄; quian'₅₄ on₃ i₁ju₁, jŋia'₅₄ lia'₂ ně₃ jua'₂ dsi₁liá₄ má₃ con'₂ tín'₂ guë'₃ ca₂le₃jín₃.

14 Con'₂ 'ŋiá₂ mei₅ dsa₂ 'éi₂ jme₁lě₂, jmá'₃ dsa₂ ŋe'₂.

Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—Chei'₅₄ 'nia'₂ dsa₂ jui₁tian'₄ jui₁jmo₁₂ jma₃tě₂lón₃-guián₂ lia'₂ co₂nió'₃.

15 Jaun₂ ca₂jmo₃ bá₄ guë'₂ 'éi₂ 'éi'₃ a₂tian'₃ dsa₂. 16 Jaun₂ ca₂tín₂ Jesús ta₁'ŋiá₂ i₁ŋí'₄, le₃on₃ i₁ju₁ ně₃. Ca₂chóg'₃ ne₅₄ jui₅ guei'₅₄ i₂juig₃, ca₂jme₃jŋi₃o₃ a₂jaun₂. Jaun₂ guë'₄ ca₂'niai₃, ca₂cuë'₃ chi'₂ dsi₂guia₃-tín₂. 'Éi₂ guë'₂ ně₃ ca₂dsi₃o'₃ jŋin₄ dsa₂. 17 Ca₂le₃jín₃ bá₄ ca₂guë'₃ ca₂lia'₂ ca₂'ág'₃ dsí₅. Jme₁ca₂lě₃ jaun₂, guia₃-tín₂ tsi₁mi'₂ tá₁ ca₂cág'₃ dsa₂ jmá'₃ 'nau₅₄ a₂ca₂chóng₃.

*Ca₂juá'₂ Pe₄ lia'₂ tí₅ jág₁ a₂lín₅ Jesús I₂rě₂'ŋ₁ quián₅ Diú₄
(Mateo 16:13-19; Marcos 8:27-29)*

18 Co₂ráun₂ 'en₅₄ Jesús 'ŋiog₅ chi₂lén₂ Diú₄, i₂jme₁quiain'₅₄ bá₄ chi'₂ dsi₂guia₃-tín₂, jaun₂ ca₂ŋag₃ Jesús:

—ħE₂ 'ag₅ dsa₂ jniá₂? ħEin₂ lín₅ jniá₂, dsia₅ dsa₂?

19 Jaun₂ ca₂ŋag₃ chi'₂ dsi₂guia₃-tín₂:

* 9:7 griego: tetrarca (i₂gon₂ jmo₃ 'éi'₃ 'uë₃ Galilea).

—I₂lin₅₄ dsa₂ dsia₅ a₂líng'₅ Juan₅₄ i₂chon₅ dsa₂ jmig₂; i₂lin₅₄ guè'₂ dsia₅ a₂líng'₅ Elías; i₂lin₅₄ guè'₂ dsia₅ táng₃ a₂líng'₅ i₂sián'₂ i₂jme'₁ 'ě₂ jág₁ quián₅ Diú₄, a₂ca₂jein'₅₄ táng₃.

²⁰ Jaun₂ ca₂ηag₃ Jesús:

—ǂ'Nia'₂ guè'₂ ně₃? ǂ'E₂ guè'₂ juá'₂ 'nia'₂ 'ein₂ lín₅ jniá'₂?

Jaun₂ ca₂ηag₃ Pe₄:

—'Ne₂ líng'₅ I₂rě₂'ín₁ quián₅ Diú₄.

'Ě₂ Jesús jág₁ a₂jóin₂

(Mateo 16:20-28; Marcos 8:30--9:1)

²¹ Jaun₂ ca₂juá'₂ Jesús a₂jmo₃ tei₄, a₂tsá₃ 'ein₂ tsí'₃ jág₁ jaun₂. ²² Jaun₂ ca₂juá'₂ ně₃:

—Co₂ně₅ 'en₅₄ 'éi'₃ Jaun₅ dsa₂ mi₂güig₃ a₂dsi₃ñí₂ uig₅ 'ñio₅ lín₃; jme₃ 'iog₅₄ dsi₂gui'₅₄ can'₅₄, lia'₂ juig₅₄ jme₂dsa₂, tē₅juá'₅ ně₃. Quiñ'₃ dsa₂ jág₁ a₂ηag₃, la₁ jein'₅₄ bá₄ táng₃ a₂'ni₅ jmig₄ jaun₂.

²³ Jaun₂ ca₂tsí'₃ ca₂le₃jín₃:

—Ně₁jua'₂ chan₂ i₂'nio₃ jiá₃ chi₁co'₅₄ quió₃, co₂dsia₅ jui₁dsi₂'én₂ dsí₅ 'ñiog₅, jui₁'ei₅₄ bá₄ caun₂ dsí₅ ca₂le₃jě₃ jmig₄ o₁ñia'₅₄ ca₂join₃,† jui₁jia₂ chi₁co'₅₄ quió₃. ²⁴ Ia₁ jui₁lia'₂ dsa₂ i₂'nio₃ le₃chan₂ dse₃ mi₂güig₃ la₂, dsi₃'én₂ quió'₅; la₁ jui₁lia'₂ dsa₂ i₂quí'₃ dsí₅ jui₁dsi₂ñí₂ 'e₂ dsi₃ñí₂ o₄quió₃ jniá₂, lí'₂, tñin'₄ bá₄. ²⁵ Ia₁ ǂ'e₂ bá₄ ta₁ jmo₃ a₂lí'₄ dsa₂ ca₂le₃jě₃ a₂cha₂ ne₄ gua'₅₄ 'uě₃ la₂, ně₁jua'₂ dsi₃'én₂ bá₄ guè'₂? ²⁶ Ia₁ ně₁'ein₂ gui'₅₄ jén'₅ o₄quió₃ jniá₂ quian'₅₄ o₄quió'₄ jág₁ quió₃, ján₃ bá₄ le₂jaun₂ le₃gui'₅₄ Jaun₅ dsa₂ mi₂güig₃ 'ag₃ jě₁ma₂tě₂ rě₁ñioí'₂ ma₂lín₅ Rag₅₄ jlán'₁ jui₁lia'₂ jlán'₁ Jmei₂, quian'₅₄ ángeles ññio₅ quiáin₅. ²⁷ A₂dsi₂jó'₃ juig₂ jniá₂ 'nia'₂, chan₂ bá₄ 'nia'₂ i₂lin₅₄ i₂tión₂ jě₄ la₂, i₂tsá₃ dsián₃ ca₂lia'₂ ca₂tě₂ ne₅₄ bí₂ 'éi'₃ quió'₅ Diú₄.

Ca₂rě₃tsín₃ Jesús lia'₂ jniái₂

(Mateo 17:1-8; Marcos 9:2-8)

²⁸ Con'₂ ñnia₃ jmig₄ cang₂ a₂ca₂juá'₂ Jesús le₂ně₅, ca₂ñó₃ jui₅ má'₂ i₁chi₂i₁lein'₄ Diú₄, jme₁quian'₅₄ Pe₄, Jacobo, Juan₅₄ ně₃. ²⁹ Tě₃jě₄ chi₂lén'₂ Diú₄, ca₂rě₃tsín₃ lia'₂ jniái₂. Tsin'₅₄ ně₃ ca₂rě₃tsín₃ ca₂ñnia₃ tiog₂ jau₂, ca₂lia'₂ tág₅ 'ñio₅ lín₃. ³⁰ Tě₃jě₄ jaun₂, ca₂ñnia₃ on₃ dsa₂, dsia₂₃ jág₁ quian'₅₄ Jesús. Moisés quian'₅₄ Elías bá₄ 'éi₂. ³¹ Ca₂lia'₂ co₂tág₅ co₂'né'₅ bá₄ ca₂ñniai₃, tióin₂ dsia₂₃ a₂ñiog₅ lé₂, 'mú₃ a₂gue₃ jě₄ juig₂ Jerusalén, a₂le₃ti₃ 'éi'₃ a₂'ein₅₄. ³² Tě₃ ma₃i₁güín₃ 'ñio₅ lín₃ bá₄ Pe₄ quian'₅₄ riin'₅₄, ca₂jme₃ñnio₅₄ ne₅₄ ca₂jñin₂ Jesús jniái₂ co₂tág₅ quian'₅₄ dsa₂ on₃ i₂quian'₅₄. ³³ Jme₁ma₂i₂uín₃ dsa₂ 'éi₂ cau₅ quió'₅, jaun₂ ca₂juá'₂ Pe₄ ca₂tsí'₃ Jesús:

—Tě₅, i'e₂ guě₄ dse₃ lia'₂ tio'₅₄ jniog₄ ja₁lá₃! Ně₃ o₁jmó₁ 'ni₅ tsí₁'io₅ láu₃: caun₂ quiáng'₂, caun₂ quió'₅ Moisés, caun₂ guè'₂ quió'₅ Elías ně₃.

La₁ a₂lě₁ca₂juá'₂ bá₄ Pe₄, on₃jua'₅₄ jaun₂ lí'₄ a₂tě₂'i₂₃ le₂jaun₂.

³⁴ Tě₃ dsia₂₃ jág₁ le₂jaun₂, jme₁gua₃ jnei₅ ca₂jlin₃, jaun₂ guě₄ ca₂ja₃gó'₃ tióin'₅₄ jme₁ca₂i₃'én₂ 'éi₂ jě₄ jnei₅. ³⁵ Jě₄ jnei₅ jaun₂ ca₂né'₂ jág₁, ca₂juá'₂:

—I₂la₂ bá₄ jón₃ I₂rě₂'ín₁ quiáng₃. Nei₂ 'nia'₂ jág₁ quió'₅.

³⁶ Jme₁ma₂ně₂néi₂ jág₁ jaun₂, jua'₂ 'ñiog₅ bá₄ Jesús ma₂chéin'₅ jme₁ca₂jág₃. La₁ jmig₄ jaun₂, tei₄ bá₄ ca₂jmo₃ tsá₃ 'ein₂ ca₂tsí'₃ 'i₁jan₂ a₂ca₂tě₂ ne₅₄ jaun₂.

Ca₂jme₃'lión₂ Jesús jan₂ chi'₂ i₂jme₁'en₅₄ jme₂dsí₂ 'lín'₅₄

(Mateo 17:14-21; Marcos 9:14-29)

³⁷ Jme₁ñnia₃, ca₂sióin₃ táng₃ má'₂ jaun₂, con'₂ guè'₂ juin₅ lín₃ dsa₂ ca₂jme₃jein'₂. ³⁸ Tě₃ jin₄ dsa₂ jaun₂, ca₂juá'₂ tiá₂ jan₂ dsa₂ ca₂tsí'₃ Jesús:

—Tě₅, jmo₄ dse₃ 'au'₂, jin₄ co₂ñio₄ chi'₂ quiáng₃, i₂jan₂ la₂ bá₄ la₂ quiáng₃ chan₂. ³⁹ Jme₂dsí₂ 'lín'₅₄ bá₄ i₂co₂jmóg'₂ quió'₅ co₂tiá₂ jén'₅ dso₄ 'ei₂, qui₂'uě'₅ jan₅ mi₂'o₅₄. I₂'lín'₅₄ ně₃, jmóg'₂,

† 9:23 lit. "ju₁quian₅₄ cróg₄ quió'₅ ca₂le₃jě₃ jmig₄."

ca₂lia'₂ jaun₂ guě₄ téi₂ ca₂lia'₂ ma₂jén'₃ uig₅ 'ŋio₅ lin₃. ⁴⁰ Jme₁ma₂ně₂juíg₂ chi'₂ dsi₂guia₃-tín₂ quiáng'₂ a₂jme₁dsei₂₃, la₁ tsá₃ ca₂tió'₃.

⁴¹ Jaun₂ ca₂juá'₂ Jesús:

—j'En₁ jmá'₃ 'nia'₂ dsa₂ chan₂ jmig₄ ně₃ tsá₃ 'e₂ 'éng'₂! ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsi₃ jin'₄ 'nia'₂? Ŋi₅₄ chi'₂ quiáng'₂ le₃la₂.

⁴² La₁ jme₁ma₂ŋó₅ chi'₂ le₃ne₄ Jesús, i₃'in₃ táng₃ ca₂tón₂ jme₂dsí₂ je₂na'₅₄ qui₂ca₂ba₂lág'₂. La₁ dsi₂juí₅ le₂jaun₂ ca₂jí₂ Jesús ca₂jéin₂ i₂'lin'₅₄, ca₂jme₃'lióin₂ chi'₂. Jaun₂ ca₂jáng'₂ ne₄ jmei₂.

⁴³ A₂jaun₂ ně₃, ca₂i₃gó'₃ dsí₅ ca₂le₃jin₃ 'a₂ lia'₂ juin'₂ Diú₄.

Ca₂'ě₂ táng₃ Jesús jág₁ a₂jóin₂

(Mateo 17:22-23; Marcos 9:30-32)

Tě₃ tion'₅₄ dsa₂ dsi₂gó'₃ dsí₅ a₂jmo₅ Jesús, jaun₂ ca₂juá'₂ ca₂tsí'₃ dsa₂ guia₃-tín₂ quiáin₅:

⁴⁴ —Řě₂ nei₂ 'nia'₂ jág₁ quió₃ la₂: ŋi'₅₄ ta₁ ja₁dsau₅₄ ně₅, jáng'₂ dsa₂ quió'₅ Jaun₅ dsa₂ mi₂güí₃ o₄gú₃ dsa₂.

⁴⁵ La₁ jág₁ jaun₂ ně₃, tsá₃ ca₂ŋí'₂ dsí₅ chi'₂ dsi₂guia₃-tín₂, ia₁ tsá₃ jme₁ma₂'i₄ 'éi'₃ a₂le₃ŋí'₂. Jaun₂ tsá₃ ca₂tiá₂ dsí₅ a₂ŋí'₃ Jesús 'e₂ 'nio₃ juá'₂ quian'₅₄ jág₁ jaun₂.

¿'Ein₂ lín₅ i₂dsen₅₄ guě₄?

(Mateo 18:1-5; Marcos 9:33-37)

⁴⁶ Jaun₂ ca₂tsín₂ chi'₂ dsi₂guia₃-tín₂ con'₂ guioin₅₄, ne₄ juí₁lia'₂ 'ein₂ i₂lén₂ i₂dsen₅₄ guě₄ jě₄ quió'₅. ⁴⁷ La₁ jme₁ca₂rě₃lí'₄ Jesús 'e₂ a₂dsia₂₃, jaun₂ ca₂cain₃ jan₂ guein₂ ca₂dsiog₃ cau₅ quió'₅. ⁴⁸ Jaun₂ ca₂juá'₂:

—Juí₁lia'₂ dsa₂ i₂guen₅ guein₂ la₂ o₄quió₃ jniá₂, guei₂₃ jniá₂; juí₁lia'₂ dsa₂ i₂guei₅ jniá₂, ján₃ guě'₂ guein₂₃ i₂ca₂chei₃. Ia₁ juí₁lia'₂ i₂jmo₅ me'₂ guě₄ jě₄ ca₂le₃jin₃ 'nia'₂, i₂'éi₂ bá₄ i₂lín₅ i₂dsen₅₄ guě₄.

I₂tsá₃ 'iog₅₄ jniog₄, i₂quian'₅₄ jniog₄ bá₄ 'éi₂

(Marcos 9:38-40)

⁴⁹ Jaun₂ ně₃ ca₂juá'₂ Juan₅₄:

—Tě₅, ma₂jin₄ jnia'₅₄ jan₂ dsa₂ 'uín'₂ jme₂dsí₂ je₂na'₅₄ quian'₅₄ bí₂ 'éi'₃ a₂'ó'₅ 'ne₂. Tsá₃ ma₃ca₂cuě₅₄ jnia'₅₄ jmig₄, ia₁ tsá₃ guě'₂ ŋi₂₃ quian'₅₄ jniog₄.

⁵⁰ La₁ Jesús ně₃ ca₂juá'₂:

—Tsá₃ jmó'₂ 'nia'₂ le₂jaun₂ a₂jni₃g'₅₄. Ia₁ juí₁lia'₂ dsa₂ i₂tsá₃ 'iog₅₄, tě₂le₃ quián₂ jniog₄ bá₄ tión₂ i₂le₂'éi₂.

I₃jen₅₄ Jacobo quian'₅₄ Juan₅₄ ca₂jí₂ Jesús

⁵¹ Jme₁ma₂ja₂quián₃ tě₅₄ jmig₄ a₂dsán'₃ táng₃ Jesús guei'₅₄ i₂juíg₃, ca₂'ág₂ caun₂ dsí₅ ca₂'í₃ juí₅ a₂dsióg₄ Jerusalén. ⁵² Ca₂chein₃ dsa₂ i₃lén₂ ne₄ juí₅ i₃jmó₂ co₂jnia₅₄ ja₁ŋia₃ caun₂ juig₂ pí'₁ niog₅ 'uě₃ Samaria. ⁵³ La₁ tsá₃ ca₂guen₃ dsa₂ Jesús ja₁jaun₂, ia₁ ca₂rě₃lí'₄ a₂'ein₅₄ juí₅ ŋó₅ juí₅ Jerusalén bá₄. ⁵⁴ Jaun₂ ně₃, jme₁ca₂rě₃ŋi₅ Jacobo quian'₅₄ Juan₅₄ a₂tsá₃ guei₅ dsa₂, jaun₂ ca₂juá'₂:

—Te₁gui'₅₄, ¿tsa₁ dse₃ jmó₁ jniog₄ 'éi'₃ a₂sió₃ si₂ guei'₅₄ i₂juíg₃ ia₁jaun₂ 'én₂ juig₂ la₂?‡

⁵⁵ Jaun₂ ca₂jén'₃ Jesús ca₂jí₂. §

⁵⁶ Jaun₂ ca₂i₃lén₂ bá₄ táng₃ juig₂ siá'₂.

Dsa₂ i₂jme₁'nio₃ jme₃quian'₅₄ Jesús

(Mateo 8:19-22)

⁵⁷ Ja₁i₃lén₂ jaun₂, ca₂juá'₂ jan₂ dsa₂:

—Te₁gui'₅₄, 'nio₃ jniá₂ jme₁quion₁ 'ne₂ le₂con₂ ja₁gog'₅₄.

‡ 9:54 A₂lin₅₄ chog₅₄ si₂ juá'₂ ján₃: “juí₁lia'₂ ca₂jmo₃ Elías.” § 9:55 A₂lin₅₄ chog₅₄ si₂ juá'₂ ján₃: “ca₂juá'₂: —Tsá₃ len'₅₄ 'nia'₂ guiong'₅₄ 'ein₂ jme₂dsí₂ ca₂jó₃ 'nia'₂. Ia₁ tsá₃ ta₁ jaun₂ já₅ Jaun₅ dsa₂ mi₂güí₃ a₂'éin₂ dsa₂, tě₂le₃ a₂lió₂ bá₄.”

58 Jaun₂ ca₂ŋag₃ táng₃ Jesús:

—Jui₁lia'₂ i₁güi₅, i₂'io₅ to₄ bá₄ 'éi₂; ján₃ bá₄ le₂jaun₂ jui₁lia'₂ i₁tan₅ i₂i₂nio₄ guei'₅₄, tio'₅₄ tsag₄ bá₄ 'éi₂ ján₃. La₁ Jaun₅ dsa₂ mi₂güig₃ ně₃ tsá₃ ja₁cha₂ quió'₅, jua'₅₄ ja₁lé₂ le₃ŋia₃.

59 Jaun₂ ca₂tsí'₃ i₂sián'₂:

—Nia₅ quian'₅₄ jniá₂.

La₁ ca₂ŋag₃ 'éi₂:

—Te₁gui'₅₄, * jui₁i₁ 'óng₃ de'₂ ŋe'₃.

60 Jaun₂ ca₂ŋag₃ táng₃ Jesús:

—Jui₁dsi'₂ 'ón₃ 'lag₄, 'lag₄ riin'₅₄. La₁ 'ne₂, juig₂ jniá₂, gua₂ o₂ 'ě₃ jág₁ jui₁lia'₂ 'a₂ lia'₂ lě₅ ja₁gon₂ Diú₄.

61 Jaun₂ ca₂juá'₂ táng₃ jan₂:

—Te₁gui'₅₄, 'nio₃ jniá₂ nei₅₄ quian'₅₄ 'ne₂, la₁ jui₁i₁ 'éi'₃ de'₂ jág₁ i₂chan₂ quió'₃.

62 La₁ Jesús ně₃ ca₂juá'₂:

—Dsa₂ i₂ma₂ně₂ 'éi₂ caun₂ dsí₅ a₂jme₃quiong'₅₄, ně₁jua'₂ ca₂'ág₂ caun₂-tin₃ dsí₅, lín₅ lia'₂ lín₅ jan₂ i₂jme₂lióg₃ quiá'₂ 'uě₃, jéin'₅ le₃ca'₃. Tsá₃ ta₁ tén₄ dsa₂ i₂le₂ 'éi₂ le₃ja₁gon₂ Diú₄.

10

Chen₅ Jesús 'nag'₂ ne₂guión₂ rě₂dsí₂ guian₃ dsa₂

1 Cang₂ jaun₂ ca₂quión'₂ Te₁gui'₅₄ 'nag'₂ ne₂guión₂ rě₂dsí₂ guian₃ (70) dsa₂ sián'₂. * Jaun₂ qui₂ca₂chein₃ jma₃on₃ jma₃on₃ 'éi₂ i₃lėin₂ ne₄ jui₅ quió'₅, ca₂le₃jě₃ juig₂ ja₁'ein₅₄ jui₅ dsióg₄.

2 Ca₂tsí'₃ 'éi₂:

—Jui₅ lín₃ bá₄ dsa₂ 'nio₃ gue₃ jág₁ quió'₅ Diú₄; lě₅ ně₂jag₄ bá₄ 'lióng₂ lín₃ a₂ca₂rau₂, la₁ dsa₂ i₂jmo₃ ta₁ bá₄ tsá₃ jui₅ chan₂. Jaun₂ lě₃, mi₄ 'nia'₂ chei'₅₄ Juig₅₄ ja₁nau₂ jui₁chein₁₂ dsa₂ i₂jmo₃ ta₁ cág'₃. 3 Jag₄ 'nia'₂ jaun₂, 'nia'₂ tsín₂ jniá₂ o₁nóg'₅ líng'₅ co₂'nió'₄ guein₂ já'₂ cha'₂ jin₄ dsig₂ náu₂. 4 Tsá₃ tsí₁na'₅₄ cán'₁ 'nia'₂, on₃ guě'₂ lau₂ tó'₅ cu₄, on₃ guě'₂ lau₂ ton₅ tag'₄ 'nia'₂ siá'₂ cán'₁. Tsá₃ jme₁'ag'₄ 'nia'₂ le₂'i₄ jui₅ jua'₅₄ a₂dsiá'₁ 'nia'₂ jág₁ uě₂ quian'₅₄ dsa₂. 5 Jě₁ma₂tě₂ rě₁tón'₂ 'nia'₂ dsi₂néi₂ quió'₅ dsa₂ ja₁jan'₄, cui₅₄ de'₂ 'nia'₂ dsa₂ Diú₄ juig'₅₄ le₂la₂: “Jui₁'ei₅ bá₄ tei₄ tion'₄ 'nia'₂ dsi₂néi₂ la₂.” 6 Chi₂jua'₂ dsa₂ i₂quió'₅ dsi₂néi₂ jaun₂ 'ua₁ bá₄ dsí₅, tě₃'ŋiá₄ bá₄ jág₁ a₂'ei₅ tei₄ quián'₂ 'nia'₂ ja₁coin₂. La₁ ně₁jua'₂ tsá₃ le₂jaun₂, tě₃'ŋiá₄ bá₄ táng₃ ja₁con'₂ 'nia'₂ guiong'₅₄ jág₁ a₂'ei₅ tei₄ jaun₂. 7 Caun₂ bá₄ ja₁o₁ŋia'₄ 'nia'₂, qué'₂, 'én'₂ 'nia'₂ 'e₂ caun₂ a₂niog₅ cuě₅ dsa₂; ia₁ a₂co₂jaun₂ ca₂tín₂ bá₄ dsa₂ 'liain'₅₄ ta₁ quió'₅. Jaun₂ tsá₃ i₁nio₄ 'nia'₂ le₂'í₁ 'né₅. 8 Jě₁ma₂dsi₃nóg'₅ le₂caun₂ juig₂ ja₁guei₅ dsa₂, qué'₂ 'nia'₂ jui₁'e₂ guě₃ a₂cuě₅ dsa₂. 9 Jme₁'lion₅₄ 'nia'₂ dsa₂ dso'₅₄ i₂chan₂ ja₁jaun₂, chei'₅₄: “Ma₂ja₂quián₃ bí₂'éi₂ quió'₅ Diú₄ ja₁con'₂ 'nia'₂.” 10 La₁ ně₁jua'₂ ca₂dsi₃nó'₅ 'nia'₂ caun₂ juig₂ ja₁tsá₃ guei₅ dsa₂, 'uin'₂ 'nia'₂ jě₄ calles, chei'₅₄: 11 “Le₂jio₅ 'liog₂ te₁'i₁ go'₄ 'nia'₂, a₂qui₂ca₂quen'₂ tag₄ jnia'₅₄, la₂ séi'₄ jnia'₅₄, a₂jmo₁ léi₄ tsá₃ ma₃'e₂ 'uag₄ jnia'₅₄ quian'₅₄ 'nia'₂. La₁ dsá'₂ 'au'₂ 'nia'₂ jmo₄, ma₂ja₂quián₃ bí₂ 'éi'₃ quió'₅ Diú₄ ja₁cong'₂.” 12 Juá'₅ jniá₂ juig₂ 'nia'₂, 'ŋio₅ lín₃ guě₄ uig₅ a₂'ě₂ Diú₄ jmi₄ jaun₂ ja₁con₂ dsa₂ 'éi₂, lia'₂ con'₂ guě₄ dsa₂ juig₂ Sodoma.

Juig₂ ja₁tsá₃ ne'₅₄ dsa₂

(Mateo 11:20-24)

13 'i'E₂ guě₄ juig'₂ 'nia'₂ dsa₂ juig₂ Corazín! 'i'E₂ guě₄ juig'₂ 'nia'₂ dsa₂ juig₂ Betsaida! Ia₁ jua'₅₄ mei'₂ guě₃ ca₂le₃jín₃ dsa₂ chan₂ Tiro quian'₅₄ Sidón ca₂tě₂ ne₅₄ jui₁lia'₂ jui₅bí₂ juě'₂ a₂niog₅ lě₂ jě₄ quián'₂ 'nia'₂ jmi₄ ně₃, líg'₂ bá₄ tsá₃ ma₂quí'₂ 'mi'₂ taun₅ jme₁tian₃ jě₄ jua₂ ně₃, jme₁jmo₃ léi₄ a₂ca₂dsi₃quén'₅ dsí₅. 14 La₁ jě₁ma₂tě₂ rě₁qui₃dsi₅ Diú₄ 'éi'₃, 'ŋio₅ lín₃ guě₄ 'ŋio₅ uig₅ guéi'₁ 'nia'₂ con'₂ guě₄ uig₅ a₂ca₂gue₃ dsa₂ i₂chan₂ Tiro quian'₅₄ Sidón. 15 'Ne₂ guě'₂

* 9:59 A₂lín₅₄ chog₅₄ si₂ tsá₃ chi₁ton₅ jág₁ “Te₁gui'₅₄.”

* 10:1 A₂lín₅₄ chog₅₄ si₂ chi₁ton₅ “nag'₂ ne₂guión₂ rě₂dsí₂ guia₃-tín₂ (72) dsa₂ sián'₂.”

juig₂ Capernaum, ¿a₁rong' ₂ nei₅ tē₂ guei' ₅₄ i₂juig₃, líng' ₂? 'En₁ bá₄ 'ne₂ sióng' ₃ ca₂tē₂ ja₁ca₂tín₂ 'lag₄.†

16 'Dsa₂ i₂nag₅ jág₁ quián' ₂ 'nia' ₂, jág₁ quió₃ jniá₂ bá₄ nag₂₃. Dsa₂ i₂tsá₃ guen₅ 'nia' ₂, jniá₂ bá₄ a₂tsá₃ guei₂₃. I₂tsá₃ guei₅ jniá₂, ján₃ bá₄ le₂jaun₂ tsá₃ guein₂₃ i₂ca₂chei₃ jniá₂.

Ca₂dsi₃len₃ táng₃ i₂'nag' ₂ ne₂guión₂ rē₂dsí₂ guian₃

17 Ca₂o₃len₃ táng₃ 'io' ₂ jén' ₅ ta₁'nag' ₂ ne₂guión₂ rē₂dsí₂ guian₃ (70)‡ dsa₂ 'éi₂, jaun₂ dsia₂₃, juá' ₂:

—Te₁gui' ₅₄, ca₂lia' ₂ jiog₅ je₂na' ₅₄ bá₄ nag₅ gau₂ jág₁ quián₂ jnia' ₅₄ jē₁ma₂ca₂'ín₂ jnia' ₅₄ 'ne₂.

18 Jaun₂ ca₂ḡag₃ Jesús:

—Ján₅. Ma₁ jág₅ bá₄ jniá₂ jme₁ca₂tán' ₂ Satanás guei' ₅₄ i₂juig₃ lia' ₂ ja₁ta' ₂ caun₂ si₁ḡí' ₃. S
19 'Éi' ₃ jaun₂ bá₄ ma₂cuě₃ jniá₂ 'nia' ₂ a₂ó' ₅ 'nia' ₂ bí' ₃ a₂lé₂ le₃qui₁tsong' ₅₄ dsi₂mí' ₂, i₁'né₅
ně₃, a₂tiang' ₃ ne₄ ca₂le₃jě₃ jui₅bí₂ a₂gu₂dsí₂ i₂'io' ₅₄, ca₂lia' ₂ jnia' ₅₄ tsá₃ 'e₂ jén' ₄ 'nia' ₂ guiong' ₅₄.
20 La₁ tsá₃ jmo₂ 'nia' ₂ 'io' ₂ ia₁ a₂nag₅ gau₂ jme₂dsí₂ 'lin' ₅₄ jág₁ quián' ₂ 'nia' ₂. A₂jaun₂ bá₄ jmo₄
'nia' ₂ 'io' ₂ ia₁ a₂ma₂le₁tong' ₂ ne₄ si₂ guei' ₅₄ i₂juig₃.

Jmei₂ quian' ₅₄ Ja₁ḡi' ₅₄

(Mateo 11:25-27; 13:16-17)

21 Hora jaun₂, ca₂jmo₃ Jme₂dsí₂ Jnjió₅ a₂'io' ₂ jén' ₅ lín₃ Jesús, jaun₂ ca₂juá' ₂:

—Jme₂juín' ₁ jniá₂ 'ne₂, Tia₅₄, Juig₅₄ guei' ₅₄ i₂juig₃, gua' ₅₄ 'uě₃ ně₃, ia₁ ma₂ca₂'ma' ₅₄ a₂ně₅
ja₁con₂ dsa₂ i₂ḡí₄ tin₂ si₂, i₂ḡí' ₂ dsí₅ ně₃, a₂ma₂ca₂jme₁jniag' ₂ le₃ja₁con₂ dsa₂ i₂lín₅ lia' ₂ lín₅
guein₂ i₂tsá₃ 'e₂ cuí' ₅. Dsón' ₂ bá₄ jaun₂, Tia₅₄ quiáng₃, ia₁ le₂ně₅ 'ḡio₂ 'au' ₂.

22 Jaun₂ ca₂jén' ₃ Jesús, ca₂juá' ₂:*

—ḡe' ₃ jniá₂ ma₂dsia₃ o₄gu₃ ca₂le₃jě₃. Jaun₂ 'i₁jan₂ tsá₃ 'ein₂ cuín₅ 'ein₂ 'éi₂ i₂lín₅ Ja₁ḡi' ₅₄,
jniá' ₅₄ lia' ₂ 'ḡiog₅ bá₄ Jmei₂. Ján₃ guě' ₂ le₂jaun₂, 'i₁jan₂ tsá₃ 'ein₂ cuín₅ 'ein₂ 'éi₂ lín₅ Jmei₂,
jniá' ₅₄ lia' ₂ Ja₁ḡi' ₅₄ bá₄ i₂cuig₅, jaun₂ jme₂jniog₂₃ ne₄ dsa₂ i₂'ḡio₂ dsí₅ Ja₁ḡi' ₅₄ jme₂jniog₂₃.

23 Jaun₂ ca₂jén' ₃, ca₂tsí' ₃ jmá' ₃ chí' ₂ dsí₂guia₃-tín₂ guioin₅₄:

—'E₂ guě₄ dsen₃ dsa₂ i₂tē₅ ne₄ jui₁lia' ₂ a₂niog₅ jág' ₂ 'nia' ₂, ²⁴ ia₁ a₂dsi₂jó' ₃ juá' ₅ jniá₂, juín₅
rag₅₄ ma₂líg' ₂, lia' ₂ dsa₂ i₂jme₁'ě₂ jág₁ quián₅ Diú₄ ně₃, jme₁'ín₅ dsí₅ jme₁tě₃ ne₅₄ jui₁lia' ₂
a₂niog₅ tē₅ ne' ₅₄ 'nia' ₂ rē₂ně₃, la₁ tsá₃ ca₂jág₃. Ján₃ bá₄ jme₁'ín₅ dsí₅ nag₃ jui₁lia' ₂ a₂niog₅ nag' ₂
'nia' ₂ jmig₄ ně₃, la₁ tsá₃ ca₂nág₂.

Jág₁ jáng' ₅ léi₄: a₂dse₃ ca₂jmo₃ jan₂ dsa₂ chan₂ Samaria

25 Co₂ráun₂ ca₂nau₂ jan₂ tē₅juá' ₅, a₂jnia' ₅₄ con' ₂ cáun₂ táu₂ bá₄ ca₂ḡag₃:

—Tē₅, ¿'e₂ 'nió' ₅ jmo₅₄ jniá₂, ia₁jaun₂ ting₅₄ ja₁le₃chang₂ co₂tan₅₄?

26 Jaun₂ ca₂ḡag₃ Jesús:

—¿'E₂ 'éi' ₃ tio' ₅₄ ne₄ Si₂ guě' ₂? ¿'A₂ lia' ₂ ḡí' ₂ 'au' ₂ a₂'i' ₂?

27 Jaun₂ ca₂ḡag₃ táng₃ tē₅juá' ₅ 'éi₂:

—“Jme₁'nió₄ Te₁gui' ₅₄ Diú₄ quiáng' ₂ ca₂le₃jě₃ 'au' ₂, ca₂le₃jě₃ jme₂dsí₂, ca₂le₃jě₃ jui₅bí₂,
quian' ₅₄ ca₂le₃jě₃ a₂ḡí' ₂ dsei' ₂ ně₃,† ján₃ guě' ₂ le₂jaun₂ jme₁'nióg' ₄ dsa₂ mi₂güig₃ ríng' ₂ jui₁lia' ₂
'nióg' ₃ 'ḡiag' ₂.”‡

28 Jaun₂ ca₂ḡag₃ táng₃ Jesús:

—Dse₃ lín₃ bá₄ ně₂ḡag' ₅₄. Ně₁juá' ₂ ca₂jmo' ₅₄ le₂ně₅, léng' ₂ bá₄ ja₁le₃chang' ₂ co₂tan₅₄.

29 La₁ tē₅ 'éi₂ jme₁'nio₃ chein' ₃ dse₃, jaun₂ ca₂tsí' ₃ Jesús:

—¿'Ein₂ 'éi₂ dsa₂ mi₂güig₃ ríng' ₃?

† 10:15 griego: hades, co₂'nió' ₄ a₂juá' ₂, ja₁quió' ₄ 'lag₄. ‡ 10:17 A₂lín₅₄ chog₅₄ si₂ chí₁ton₅ “ta₁'nag' ₂ ne₂guión₂ rē₂dsí₂ guia₃-tín₂ (72).” § 10:18 'Nio' ₂ ja₁ton₅ Isaías 14:12-15; Apocalipsis 9:1; 12:9. * 10:22 A₂lín₅₄ chog₅₄ si₂ tsá₃ chí₁ton₅ “jaun₂ ca₂jén' ₃ Jesús, ca₂juá' ₂.” † 10:27 Deuteronomio 6:5. ‡ 10:27 Levítico 19:18.

³⁰ Jaun₂ ca₂ŋag₃ Jesús ma₂të₂chan' ₂ jág₁ jaun₂, ca₂juá' ₂:

—Jan₂ dsa₂ jme₁'en₅₄ jui₅ o₂'iin₃ Jerusalén ca₂sióin₃ a₂dsióg₄ juig₂ Jericó. Dsa₂ 'ang₂ bá₄ ca₂jo₃ ca₂chei' ₃ lín₃, ca₂cuë₃ dsa₂ 'ŋio₅ lin₃ jnia' ₅₄ mei' ₂ tsá₃ ca₂jŋag' ₃. Jaun₂ guë₄ ca₂i₃lein₅. ³¹ Jë₂ lia' ₂ jui₅ jaun₂ 'en₅₄ jui₅ já₅ jan₂ jme₂dsa₂. La₁ con' ₂ ca₂quiá₂ cau₅ bá₄ ca₂ŋi₅ jme₁ca₂jág₂. ³² Ján₃ bá₄ ca₂jág₃ táng₃ jan₂ dsa₂ i₂lín₅ tsi₁jon₂ Leví, con' ₂ ca₂quiá₂ cau₅ bá₄ ján₃, ca₂ŋi₅. ³³ La₁ jan₂ dsa₂ i₂chan₂ Samaria 'ein₅₄ jui₅, ca₂dsióg₃ ja₁ron₅ dsa₂ dso' ₅₄, ca₂tá' ₂ ŋéi₂ dsí₅ jme₁ca₂jág₂. ³⁴ Jaun₂ ca₂jme₃quiáin₃ cau₅ quió' ₅, ca₂'ág₂ aceite quian' ₅₄ vino ja₁rë₂cuí' ₃, ca₂lio₃. Jaun₂ ca₂tág₃ co₁lag₁ bú' ₄ quiáin₅, ca₂jio₃ caun₂ 'né₅ ja₁jŋia₅ dsa₂. Ja₁jaun₂ ca₂jmo₃ 'í₁. ³⁵ Jme₁jnia₃ jaun₂, ca₂dsi₂ tin₃ cu₄ 'ua' ₂ ca₂cuë' ₃ dsa₂ juig₅₄ dsi₂néi₂, ca₂juá' ₂: “Jmo₄ co₂nio₄ 'í₁ dsa₂ nē₅. Nē₁jua' ₂ 'e₂ ca₂'éng' ₃ guë₄ quiáng' ₂, la₂ bá₄ jáng' ₄ jë₁ma₂guióng' ₃.” Nē₃ nē₃ jaun₂. ³⁶ ¿'Ein₂ dsa₂ i₂ún₂ 'éi₂ líng' ₂ ca₂jmo₃ dsí₅ a₂lín₅ dsa₂ mi₂güí₃ rín' ₅₄ dsa₂ i₂ca₂jma' ₂ dsa₂ 'ang₂?

³⁷ Jaun₂ ca₂ŋag₃ táng₃ të₅juá' ₅:

—I₂ca₂tá' ₂ ŋéi₂ dsí₅ dsa₂ 'éi₂.

Jaun₂ ca₂ŋag₃ táng₃ Jesús:

—Guan' ₂, le₂nē₅ jmo₄ 'ne₂ ján₃.

Ca₂dsióg₃ Jesús dsi₂néi₂ quió' ₅ Marta quian' ₅₄ María

³⁸ Con' ₂ tioin' ₅₄ jui₅, ca₂'í₃ Jesús caun₂ juig₂ pí' ₁. Ja₁jaun₂ ca₂guei₃ jan₂ dsa₂ mí₂ i₂chen₂ Marta dsi₂néi₂ quió' ₅. ³⁹ 'Éi₂ nē₃ jme₁chan₂ jan₂ rín' ₅₄ i₂chen₂ María. 'Éi₂ nē₃ tei₄ bá₄ ca₂guá₂ cau₅ mi₂tag₄ Te₁gui' ₅₄, nag₂₃ jág₁ a₂juá' ₂ 'éi₂. ⁴⁰ Marta guë' ₂ nē₃ 'ein₅₄ tsá₃ rë₂jín₅₄ jmo₂₃ ta₁ a₂cha₂ dsi₂néi₂, jaun₂ guain₃ o₃chi' ₅₄ Jesús, ca₂juá' ₂:

—Te₁gui' ₅₄, ¿tsa₁ dsan₂ 'au' ₂ a₂tsá₃ 'e₂ jme₂'o₅₄ 'io₅₄ ríng' ₃? 'Ŋi₃ bá₄ 'eng₅₄ tsá₃ rë₂jíng₅₄ jme₂ti₅₄. Chei' ₅₄ juí₁jme₂'o₅₄.

⁴¹ Jaun₂ ca₂ŋag₃ Te₁gui' ₅₄:

—Marta, Marta, jág₅ bá₄ jniá₂ 'ŋio₅ tsá₃ rë₂jíng' ₅₄ 'eng' ₅₄ dsan₂ 'au' ₂ 'líong₂ ta₁ a₂jmo' ₂.

⁴² La₁ caun₂ bá₄ a₂dsen₅₄ guë₄ a₂ca₂tín₂ dsa₂ nag₃. María ríng' ₂ nē₃, nē₂quió' ₃ a₂dse₃ guë₄, jaun₂ 'i₁jan₂ tsá₃ 'ein₂ le₃jníá' ₂ a₂ma₂nē₂quió' ₃.

11

Jme₂tag₅ Jesús 'a₂ lia' ₂ chi₃lén' ₂ dsa₂ Diú₄

(Mateo 6:9-15; 7:7-11)

¹ Co₂ráun₂ jme₁'en₅₄ Jesús chi₂lén' ₂ Diú₄. Jme₁ca₂lë₃ jaun₂, ca₂juá' ₂ chi' ₂ dsi₂guia₃-tín₂ quiáin₅:

—Te₁gui' ₅₄, jme₁tag₅ 'a₂ lia' ₂ chi₂lén' ₄ jnia' ₅₄ Diú₄, juí₁lia' ₂ ca₂jme₃tag₅ Juan₅₄ ca₂jme₃tin₂₃ dsa₂ quiáin₅.

² Jaun₂ ca₂juá' ₂:

—Le₂la₂ jua' ₅₄ 'nia' ₂ jë₁ma₂të₂ rë₁chi₁leng' ₄ Diú₄:

Tia₅₄, 'ne₂ i₂ŋéi' ₂ guei' ₅₄ i₂juí₃ *

juí₁jme₂gó' ₃ dsa₂ a₂rë₂jníó₄ a₂cheng' ₂.

Juí₁le₅₄ bá₄ 'éi' ₃ quiáng' ₂,

juí₁le₅₄ bá₄ a₂'ŋio₂ 'au' ₂ 'ne₂, ne₄ gua' ₅₄ 'uë₃,

juí₁lia' ₂ lë₂ guei' ₅₄ i₂juí₃. †

³ Cuë₄ a₂'nió' ₅ que₅₄ jnia' ₅₄ jmíg₄ nē₃.

⁴ 'Én₃ dsáu₁ jnia' ₅₄,

juí₁lia' ₂ 'én₅ jnia' ₅₄ dsáu₁ rín' ₅₄.

* **11:2** A₂lín₅₄ chog₅₄ si₂ tsá₃ chi₁ton₅ “ne₂ i₂ŋéi' ₂ guei' ₅₄ i₂juí₃.” † **11:2** A₂lín₅₄ chog₅₄ si₂ tsá₃ chi₁ton₅ “juí₁le₅₄ bá₄ 'éi' ₃ quiáng' ₂, juí₁le₅₄ bá₄ a₂'ŋio₂ 'au' ₂ 'ne₂, ne₄ gua' ₅₄ 'uë₃, juí₁lia' ₂ lë₂ guei' ₅₄ i₂juí₃.”

A₃ cuë₂ jmi₄ jiá₃ jui₅bí₂ a₂caun₂ táu₂,
të₂le₃ lio₄ bá₄ o₄gú₃ i₂së₃dsen₃.‡

⁵ Ca₂juá'₂ Jesús nē₃:

—Jua'₅₄ mei'₂ guë'₃ le₃jua'₅₄, chan₂ jan₂ 'nia'₂ i₂dsi₂og₄ a₂'uë₂ quió'₅ a₂mei₅₄ quián₅, tē₂, juá'₂:
“Jmo₄ dse₃ 'au'₂ rin₅₄ jniog₄, dsi₄ 'ni₅ i₁ñí'₄. ⁶ Ia₁ lia'₂ guan₅ quió'₃ jan₂ a₂mei₅₄ quiáng₃ 'ein₅₄
jui₅; ia₁ tsá₃ 'e₂ cha₂ 'i₁caun₂ quió'₃ a₂le₃cuë₄.” ⁷ Dsa₂ dsi₂néi₂ nē₃ lé₂ le₃ñag₃ tē₃ rē₂quiain₂₃:
“Tsá₃ cuë₂ o₂me'₅₄ dsi₅, ia₁ ma₂chi₁ñág₅ o₄'né₄ quió'₃; chi'₂-guein₂ quiáng₃ nē₃ ma₂tiáin'₅
le₁güin₃. Jaun₂ tsá₃ lé₂ no₅₄ jua'₅₄ cuë₅₄ a₂mi'₂.” ⁸ Jaun₂ juá'₅ jniá₂, tion₅₄ bá₄ náu₃ cuë₃
ca₂le₃jě₃ 'e₂ a₂mi₅ 'éi₂, on₃jua'₅₄ jmo₃ ia₁ lē₅ a₂mei₅₄, tē₂le₃ 'uig₅₄ ia₁ a₂ñí₄ lē₃ tion₅₄ mi₃ bá₄.
⁹ Jaun₂ le₂nē₅ bá₄ juíg₂ jniá₂ 'nia'₂: Mi₄ 'nia'₂, jaun₂ ñeg'₂ bá₄; 'niai'₂ 'nia'₂, jaun₂ dsiain₂;
quein₄ 'nia'₂ o₄'né₄ té₃, jaun₂ niá₂. ¹⁰ Ia₁ jui₁lia'₂ i₂mi₅ 'e₂ mi₅, gue₂₃. Le₂jaun₂ jui₁lia'₂ i₂'no'₂
'e₂'no'₂, dso'₂ bá₄. Le₂jaun₂ guë'₂ quió'₅ jui₁lia'₂ i₂tē₂, niá₂ bá₄ o₄'né₄.

¹¹ 'O₃ bá₄ chan₂ i₂lin₅₄ 'nia'₂ jmo₅, jē₁ma₂ca₂mi₃ guein₂ quiáng'₂ i₁ñí'₄, ¿cuë'₂ 'nia'₂ ca₂míg₂
ni₁cang₁? O₃ nē₁jua'₂ ca₂mi₃ jan₂ i₁ju₁, ¿cuñ'₅ 'nia'₂ jan₂ dsi₂mi'₂? ¹² O₃ jē₁ma₂ca₂mi₃
ca₂míg₂ mi₂jlag₂, ¿O₃ bá₄ cuñ'₅ jan₂ i₁'né₅ 'e₂? ¹³ Chi₂jua'₂ 'nia'₂ dsa₂ mi₂güig₃ i₂'nau'₂ dso₄
chang'₂, ting'₂ cuë'₂ bá₄ chi'₂-guein₂ quiáng'₂ a₂dse₃, i'ë₂ guë₄ bá₄ Néi'₅ 'nia'₂ i₂guá₅ guei'₅₄
cuñ₃ Jme₂dsí₂ Jñi₅ quián₅ quió'₅ ca₂le₃jín₃ i₂mi₅!

Juá'₂ dsa₂ a₂'io₅ Jesús jui₅bí₂ quió'₅ Be'elzebú
(Mateo 12:22-30; Marcos 3:19-27)

¹⁴ Co₂ráun₂ táng₃ jme₁'en₅₄ Jesús dsein₂₃ jan₂ jme₂dsí₂ je₂na'₅₄ i₂jmo₅ a₂tsá₃ lé₂ dsia₃ dsa₂
jág₁. Jme₁ca₂o₃'ín₃ je₂na'₅₄ quió'₅ dsa₂, jaun₂ guë₄ ca₂dsia₃ táng₃ dsa₂ 'éi₂ jág₁. Jaun₂ ca₂i₃gó'₃
dsí₅ dsa₂ tiain'₅₄. ¹⁵ La₁ i₂lin₅₄ guë'₂ ca₂dsia₃ 'iin₂₃ Jesús:

—Qui'₅₄ i₂nē₅ jmi₄ 'uñ'₂ je₂na'₅₄ quian'₅₄ jui₅bí₂ quió'₅ Be'elzebú, i₂lín₅ juig₅₄ je₂na'₅₄.

¹⁶ I₂lin₅₄ guë'₂ nē₃, a₂jñia'₅₄ con'₂ cáun₂ táu₂ bá₄ jme₁mi₂₃ a₂jme₁jmo₃ Jesús a₂sió₃ caun₂ léi₄
guei'₅₄ i₂juíg₃. ¹⁷ La₁ a₂ñi₅ rē₂ bá₄ Jesús 'a₂ lia'₂ dsi₂jio₅ dsí₅ dsa₂ 'éi₂. Jaun₂ lē₃ ca₂juá'₂:

—Jui₁lia'₂ caun₂ juig₂ nación, tiain'₅₄ mi'₅₄ guioin₅₄, tiain'₅₄ le₁dsoin'₅₄, dsi₃én₂ bá₄ juig₂
jaun₂. Le₂jaun₂ guë'₂ jui₁lia'₂ caun₂ dsi₂néi₂ tion₅₄ dsa₂ le₁dsoin'₅₄ tsá₃ caun₂ jág₁ 'ei₅, ján₃
bá₄ dsi₃én₂ dsi₂néi₂ jaun₂. ¹⁸ Le₂nē₅ bá₄ ján₃, nē₁jua'₂ ca₂lě₃ le₁dso'₅₄ jui₅bí₂ quió'₅ i₂së₃dsen₃,
¿'a₂ guë'₂ lia'₂ lé₂ le₃qui'₅₄ guë₄ jmi₄ jio₃ ne₄ta₁ quió'₅? Juá'₅ jniá₂ le₂nē₅ ia₁ juá'₂ 'nia'₂,
quian'₅₄ bí₂ quió'₅ Be'elzebú bá₄ a₂'uñ'₄ jniá₂ je₂na'₅₄. ¹⁹ La₁ chi₂jua'₂ le₂jaun₂ 'uñ'₄ jniá₂
quian'₅₄ bí₂ quió'₅ Be'elzebú, ¿'ein₂ guë'₂ quió'₅ bí₂ quian₅ i₂quian'₅₄ 'nia'₂ a₂lé₂ le₃'uág'₂ ján₃?
Jaun₂ jui₁lia'₂ lē₅ jmo₅ dsa₂ 'éi₂ bá₄ jíog'₂ 'í₁ a₂tsá₃ tí₅ jág₁ quián'₂ 'nia'₂. ²⁰ La₁ chi₂jua'₂ jaun₂
quian'₅₄ jui₅bí₂ a₂tin₂ Diú₄ lon₄ jniá₂ dsa₂ o₄gú₃ je₂na'₅₄, jaun₂ le₂nē₅ bá₄ jau'₂ jág₁ dsau₅
a₂ma₂gua₅ bí₂ 'éi'₃ quió'₅ Diú₄ ja₁con'₂ 'nia'₂.

²¹ 'Jui₁lia'₂ jan₂ dsa₂ 'uan'₂ chain₂ rē₂jáin₁, 'io₂₃ ca₂le₃jě₃ a₂'nió'₅ quió'₅ jmo₃ 'nei₂, jaun₂
lē₅ 'í₁ ca₂le₃jě₃ 'e₂ tio'₅₄ dsi₂néi₂. ²² La₁ nē₁ca₂já₃ jan₂ i₂'uan'₂ guë₄ lia'₂ con'₂ guë₄ 'ñiog₅ 'éi₂,
nē₁ca₂jo₃ nē₃, i₂'éi₂ guë'₂ nē₃ jniá'₂ ca₂le₃jě₃ a₂ñí₄ lē₃ bein'₂ jmo₂₃ a₂'uain'₂. Jaun₂ jmo₂₃ dsió₂
ca₂le₃jě₃ a₂ca₂lí₃.

²³ 'Jui₁lia'₂ dsa₂ i₂tsá₃ chén'₅ le₃quió₃ jniá₂, i₂'iog₅₄ bá₄ 'éi₂. Jui₁lia'₂ i₂tsá₃ cág'₅ co₂lě₅
quian'₅₄ jniá₂, jñia'₅₄ jmo₅ tsi₁rē₂ja₅₄.

Jme₂dsí₂ 'lin'₅₄ i₂dsián'₅ táng₃
(Mateo 12:43-45)

²⁴ 'Jui₁lia'₂ jan₂ jme₂dsí₂ 'lin'₅₄ i₂o₂'in₅ quió'₅ dsa₂, dsi₂ñí₃ le₂tan₅₄ ja₁quein₂ dsi₂'nio'₂
ja₁jñia₃. Nē₁jua'₂ tsá₃ dso'₂ ja₁'í₂ nē₃, 'no'₂ dsí₅: “Nég'₄ táng₃ dsi₂néi₂ quió'₃ ja₁o₂'ing₃.”
²⁵ Jē₁ma₂dsiáin'₃, jein'₂ táng₃ dsa₂ 'éi₂ ma₂lín₅ co₂'nió'₄ bá₄ caun₂ dsi₂néi₂ a₂chí'₅ rē₂, rē₂'ia'₅₄,

‡ 11:4 A₂lin₅₄ chog₅₄ si₂ tsá₃ chi₁ton₅ “tē₂le₃ lio₄, bá₄ o₄gú₃ i₂së₃dsen₃,”

rě₂lag₄ ně₃. ²⁶ Jaun₂ dsó₅ táng₃ dsi₂quiáin₂ guě₄ guion₃ jme₂dsí₂ i₂ 'lin' ₅₄ guě₄ lia' ₂ 'ñiog₅, jaun₂ dsi₂tiain' ₂ ca₂le₃jín₃ tē₂dsí₅ dsa₂ 'éi₂. Jaun₂ dsa₂ 'éi₂ ně₃ 'ñio₅ lin₃ guě₄ le₃ 'lin' ₅₄ dsióg₄ lia' ₂ con' ₂ guě₄ jme₁lín₄ le₂ñiá₅. S

A₂ lia' ₂ 'nió' ₅ jmo₃ dsa₂ ia₁jaun₂ le₃chain₂ dse₃

²⁷ Tě₃ 'en₅₄ Jesús dsia₂₃ le₂ně₅, ca₂juá' ₂ tiá₂ jan₂ dsa₂ mí₂ tē₃jín₄ dsa₂:

—i' E₂ guě₄ dsen₃ dsa₂ mí₂ i₂ca₂caun₃ 'ne₂, i₂ca₂'éin' ₃ dsi' ₅₄ quió' ₅!

²⁸ Jaun₂ ca₂ñag₃:

i' Tě₂le₃ ja₂lin₃ guě₄ dsen₃ dsa₂ i₂nag₅ 'e₂ juá' ₂ Diú₄, ton' ₂ jme₂ti₃!

Léi₄ a₂lín₅ Jonás

(Mateo 12:38-42; Marcos 8:12)

²⁹ Caun₂ qui₂ñi' ₂ bá₄ dsa₂ ja₁chén' ₄ Jesús, jaun₂ 'éi₂ ně₃ ca₂jme₃lióg₃ ca₂juá' ₂:

—'Ñio₅ lin₃ ma₂'lin' ₅₄ dsa₂ rě₂ně₃, mi₂₃ a₂jmo₅₄ jniá₂ léi₄ jué' ₂. La₁ tsá₃ ma₂'e₂ léi₄ jua' ₅₄ a₂jmo₄ guě₄ jniá₂, jñia' ₅₄ lia' ₂ caun₂ léi₄ a₂ca₂lě₃ quian' ₅₄ Jonás bá₄. ³⁰ Ia₁ le₂ně₅ jui₅lia' ₂ Jonás ca₂lin₃ caun₂ léi₄ tē₂le₃ ja₁con₂ dsa₂ i₂jme₁chan₂ Nínive jmig₄ jaun₂, le₂ně₅ bá₄ ján₃, Jaun₅ dsa₂ mi₂güig₃ lén₂ caun₂ léi₄ a₂jáng' ₃ jág₁ dsau₅ ja₁con₂ dsa₂ i₂chan₂ jmig₄ ně₃. ³¹ Jē₁ma₂tē₂ rē₁qui₃dsi₅ Diú₄ 'éi' ₃, náu₃ 'io₅₄ rag₅₄ i₂jme₁chan₂ tē₂le₃ sur, jein' ₅₄ quian' ₅₄ dsa₂ ñe' ₂ i₂chan₂ jmig₄ ně₃. 'A₂ lia' ₂ niog₅ ca₂jmo₃ 'éi₂, jióg' ₂ 'í₁ a₂rě₂cán' ₄ dsa₂. Ia₁ 'io₅₄ 'éi₂ ca₂'í₃ jui₅ ca₂já₃ uíng₂ lin₃ guain₃ ca₂o₃néi₃ jág₁ ca' ₅₄, ca₂o₃dso₅₄ dsí₅ 'a₂ lia' ₂ niog₅ dsi₄ Salomón. La₁ ně₃ ně₃, la₂ chén' ₅ jan₂ i₂juin' ₂ guě₄ lia' ₂ Salomón. ³² Ján₃ bá₄ náu₃ i₂jme₁chan₂ Nínive, jein' ₅₄ quian' ₅₄ dsa₂ ñe' ₂ i₂chan₂ jmig₄ ně₃, jē₁ma₂tē₂ rē₁qui₃dsi₅ Diú₄ 'éi' ₃. 'A₂ lia' ₂ niog₅ ca₂jmo₃ 'éi₂ ma₂líg' ₂ jióg' ₂ 'í₁ a₂rě₂cán' ₄ dsa₂ jmig₄ ně₃. Ia₁ 'éi₂ ca₂jme₃tsin₃ dsí₅ jme₁ca₂'ě₂ Jonás jág₁ quió' ₅ Diú₄. La₁ ně₃ ně₃, la₂ chén' ₅ jan₂ i₂juin' ₂ guě₄ lia' ₂ Jonás.

Dsa₂ i₂lín₅ lia' ₂ lě₅ caun₂ si₂

(Mateo 5:15; 6:22-23)

³³ 'I₁jan₂ dsa₂ tsá₃ gui' ₅ caun₂ si₂ ni₁tsí₅ jua' ₅₄ chi' ₃ ja₁chi₁quion' ₅₄. * A₂'ag₅ guei' ₅₄ bá₄ dsa₂ si₂, ia₁jaun₂ jág₃ dsa₂ i₂dsi₃ton' ₅₄ dsi₂néi₂. ³⁴ Jme₁ne₁ dsa₂ lě₅ co₂'nió' ₄ caun₂ ni₁tsí₅ a₂guí' ₂ si₂ quió' ₅ ni₁ñi₁ dsa₂. Chi₂jua' ₂ dse₃ jme₁ne' ₄, ta₁jang' ₂ bá₄ tág₅ si₂ quiáng' ₂. La₁ nē₁jua' ₂ tsá₃ dse₃, ta₁jang' ₂ bá₄ chéng' ₅ qui₁né' ₃. ³⁵ Tě₃ñi' ₅₄ 'nia' ₂ jaun₂, ia₁ con' ₂ tsá₃ ñó₅ nē₁jua' ₂ si₂ quiáng' ₂ tsá₃ jniá₂. ³⁶ Chi₂jua' ₂ ta₁jang' ₂ tág₅ bá₄ si₂ quiáng' ₂, tsá₃ qui₁né' ₃ lě₅. Jniág' ₂ bá₄ lia' ₂ ja₁jniá₂ tág₅ caun₂ si₂.

Jme₂caún' ₂ Jesús quió' ₅ dsa₂ fariseos quian' ₅₄ tē₅juá' ₅

(Mateo 23:1-36; Marcos 12:38-40; Lucas 20:45-47)

³⁷ Jme₁ca₂dsan₃ cuē₂₃ jág₁, ca₂tág₃ jan₂ dsa₂ fariseo a₂i₃guě' ₃ quiong' ₅₄. Jme₁ca₂dsióg₃ dsi₂néi₂ ca₂guá₂. ³⁸ Dsa₂ fariseo 'éi₂ ně₃, i₃gó' ₃ dsí₅ ia₁ tsá₃ ca₂jme₃ti₃ Jesús con' ₂ lě₅ tag₄ a₂chí' ₅, a₂rang₃ gu₂ né' ₃ a₂guě' ₃. ³⁹ La₁ Te₁gui' ₅₄ ně₃, ca₂juá' ₂:

—'Nia' ₂ dsa₂ fariseos líng' ₅ lia' ₂ lě₅ ni₁vaso, ni₁uñg₅, a₂jñia' ₅₄ le₁jě₃ jmá' ₃ le₃co' ₅₄, la₁ tē₂le₃ jui₅ jme₂dsi₂ quiáng' ₂, qui₂rě₂can' ₂ ca₂le₃jě₃ a₂'lig' ₅₄ a₂jmo' ₂: tsá₃ mag' ₂ 'au' ₂ 'nia' ₂ ma₂qui₂ma₂'ang' ₂ quió' ₅ dsa₂. ⁴⁰ i' E₂ bá₄ tsá₃ ñí' ₂ 'au' ₂ 'nia' ₂! ¿On₁jua' ₅₄ i₂ca₂jmo₃ le₃co' ₅₄, ca₂jmo₃ le₃'ñió' ₂ ján₃? ⁴¹ Ja₂lin₃ guě₄ dsióg₅ jen' ₅₄ de' ₂ 'nia' ₂ a₂te₁'i₁ quiáng' ₂, jaun₂ guě₄ lé₂ le₃tě₃tsin' ₅₄ 'nia' ₂ le₁jíng' ₃ le₃ja₁con₂ Diú₄.

⁴² i' E₂ guě₄ juí' ₂ 'nia' ₂ dsa₂ fariseos! Ia₁ a₂jme₂tí' ₁ 'nia' ₂ jmo' ₂, cuē' ₂ Diú₄ caun₂ qui' ₅₄ a₂guia₃ a₂'i₄ 'éi' ₃ cuē' ₅₄, ca₂lia' ₂ ca₂le₃jě₃ ne₅₄ ma₁'au₂ a₂lě₂ ma₂juig₂ má₃ bá₄ jáng' ₄ 'nia' ₂. La₁ con' ₂ ma₂ñi' ₅₄ bá₄ 'nia' ₂ jui₅ dse₃ tē₃dsón' ₂ ja₁'ñio₂ dsí₅ Diú₄, ja₁jme₁jme₁'nió' ₄ 'nia' ₂ Diú₄: a₂ně₅ bá₄ a₂dsen₅₄ guě₄ a₂ca₂tín' ₂ 'nia' ₂ jmó' ₂, la₁ on₃jua' ₅₄ a₂tsá₃ ma₃jme₁ti' ₄ 'nia' ₂ 'éi' ₃.

§ 11:26 'Nio' ₂ ja₁ton₅ 2 Pedro 2:20. * 11:33 A₂lín₅₄ chog₅₄ si₂juá' ₂ ján₃: "on₃ guě' ₂ né' ₃ tsi₁gu₅."

43 'juíg'₂ 'nia'₂ dsa₂ fariseos! Ia₁ 'ñio₅ lin₃ të₅ 'au'₂ a₂tiáng'₄ jláng'₁ ja₁dsen₅₄ guě₄ jui₁lia'₂ dsi₂néi₂ guá'₅ sinagogas. Ján₃ bá₄ të₅ 'au'₂ 'nia'₂ qui₃cuag₃ dsa₂ Diú₄ jui₁lia'₂ jë₄ 'ma'₅₄ a₂jme₂go₃ dsa₂ 'ñio₅ lin₃.

44 'i'E₂ guě₄ juíg'₂ 'nia'₂!† Ia₁ líng'₅ jui₁lia'₂ lë₅ tau₂ 'ñio₅ a₂tsá₃ léi₄ cha₂. Dsa₂ ně₃ qui₂ñí₅ ne₄, të₃ tsá₃ ñi₅.”

45 Jaun₂ ca₂ñag₃ jan₂ të₅juá'₅:

—Të₅, a₂juá'₂ 'ne₂ ně₅, a₂të₂'ó'₁ jnia'₅₄ bá₄ 'ne₂.

46 Jaun₂ ca₂ñag₃ Jesús:

—juíg'₂ 'nia'₂ të₅juá'₅! Ia₁ quian'₄ 'nia'₂ lio₅₄ guei₂ i₂sián'₂, la₁ guion'₅₄ 'nia'₂ ně₃, ca₂lia'₂ jnia'₅₄ gog'₂ tsá₃ 'niog'₂ tí'₄.

47 'juíg'₂ 'nia'₂! Ia₁ qui₂chog'₂ 'nia'₂ ni'ia'₂ jlá'₁ quió'₅ 'lag₄ i₂jme'ě₂ jág₁ quió'₅ Diú₄, ton'₂ dsa₂ can'₅₄ quián'₂ 'nia'₂ guiong'₅₄ qui₂ca₂jme₃dsiog₂₃. 48 Jaun₂ ně₃, lia'₂ lë₅ jmo'₂ 'nia'₂, cuë'₂ léi₄ co₂nió'₄ caun₂ bá₄ 'ei₅ jág₁ 'nia'₂ quian'₅₄ dsa₂ can'₅₄ quiáng'₂. Ia₁ dsa₂ can'₅₄ ca₂jme₃dsiog₂₃; 'nia'₂ guë'₂ ma₂ja₂nióg'₅ chog'₂ ni'ia'₂.

49 Jaun₂ lë₃ Diú₄, ia₁ a₂tin₂ a₂ma₂ñi₅ bá₄ a₂lë₂, ca₂juá'₂: “Qui₁tsing₅₄ dsa₂ i₂dsi₃can₅ i₂dsi₃'ě₃ jág₁ quió₃. I₂lin₅₄ 'éi₂ jme₃dsian₅ dsa₂; i₂lin₅₄ guë'₂ qui₃'ein₃.” 50 Jaun₂ ně₃ ca₂të₂ dsa₂ chan₂ jmi₄ ně₃ bá₄ rë₂cán'₄ 'mú₃ quió'₅ ca₂le₃jín₃ dsa₂ i₂'ě₂ jág₁ i₂ma₂dsan₃ ca₂le₃ ca₂nio₃ mi₂güig₃. 51 Ca₂lia'₂ con'₂ jme₁ca₂jon₃ Abel, ca₂të₂ jmi₄ i₁ca₂jon₃ Zacarías i₂ca₂ñi'₃ dsa₂ jë₄ ja₁lë₄ ne₄chei₂ quian'₅₄ ja₁ñióg₅, dsa₂ chan₂ jmi₄ ně₃ bá₄, juá'₅ jniá₂, qui₃ 'mú₃ quió'₅ ca₂le₃jín₃ dsa₂ i₂ma₂dsan₃ 'éi₂.

52 'i'E₂ guě₄ juíg'₂ 'nia'₂ të₅juá'₅! Ia₁ 'nia'₂ bá₄ ma₂rë₂'móg'₄ jág₁ quió'₅ Diú₄ a₂lë₅ co₂nió'₄ ñí₁ llave quió'₅ o₄né₄ ja₁jme₁le₃tin₂, le₃ñí'₂ dsa₂. On₃ guë'₂ guion'₅₄ 'nia'₂ tóng'₄, on₃ guë'₂ cuë'₂ 'nia'₂ jmi₄ dsi₃ton'₅₄ i₂'niog₃ tón'₃.

53 Jme₁ca₂dsan₃ juá'₂ Jesús le₂ně₅, ca₂rë₃'né₃ 'lig'₅₄ dsa₂ fariseos, të₅juá'₅ ně₃. Jaun₂ ca₂jme₃lióg₃jmóg'₂ mi'₅₄, tsá₃ caun₂ a₂qui₂ca₂ñag₃, a₂jme₁jmo₂₃ tion₅₄ lia'₂ jme₁jéin'₃ 'éi₂jág₁. 54 Ia₁ jme₁'niog₃ jo₅₄ jua'₅₄ ca₂jon₄ bá₄ jág₁ 'lia'₂ jme₁'ñiá₃ 'éi₂.

12

Ca₂jme₃tag₅ Jesús a₂tsá₃ jmo₃ dsa₂ a₂ñia'₅₄ con'₂ dse₃ le₁'ág₄ o₁ne₁

1 Të₃jë₄ jaun₂, të₂le₃ mei₅ bá₄ dsa₂ i₂ca₂ñi'₂, ca₂lia'₂ qui₂co₂'liain'₂ riin'₅₄. Jaun₂ Jesús ně₃ jniá₅ de'₂ dsa₂ i₂quian'₅₄ bá₄ ca₂tsí'₃:

—Të₃ñi'₅₄ 'nia'₂ quian'₅₄ jui₅ lia'₂ lë₅ quian₅ dsa₂ fariseos* co₂nió'₄ i₂lë₁jmo₅-dsá₅ o₁ne₁.

2 Ia₁ 'i₁caun₂ a₂rë₂'ma₄ jua'₅₄ lín₂ dsa₂ a₂tsá₃ le₃jniá₂, tion₅₄ bá₄ rë₂jniá₂; ján₃ bá₄ tsá₃ cha₂ 'i₁caun₂ a₂rë₂jlë₅ jua'₅₄ lín₂ dsa₂ a₂tsá₃ 'ein₂ le₃ñi₅, tion₅₄ bá₄ rë₃ñi₅ dsa₂. 3 Jaun₂ ně₃, ca₂le₃jë₃ 'e₂ a₂dsia₅ dsa₂ jë₄ qui₁né'₃, jíá₃ bá₄ le₃ja₁jniá₂ si₂. Le₂jaun₂ jui₁lia'₂ jág₁ a₂dsia₅ dsa₂ jë₄ të₃co'₅₄ a₂qui₂le₁jnág₅ 'né₅, a₂dsi₃'ag₅ bá₄ jaun₂.†

I₂'ein₂ ca₂tín₂ dsa₂ jme₃gain₃

(Mateo 10:28-31)

4 "Nia'₂ a₂mei₅₄ quiáng₃, juíg₂ jniá₂ 'nia'₂, tsá₃ jmo₂ 'nia'₂ gang'₃ i₂jme₂dsian₅ ni₁ñí₅, ia₁ tsá₃ ma₃a₂siá'₂ jua'₅₄ a₂'io₂₃ guě₄ bí₂ jmo₃. 5 Jaun₂ la₂ juá'₅ jniá₂ 'ein₂ dsón'₂ i₂ca₂tín'₂ 'nia'₂ jme₁gang'₃: i₂'ei₂ bá₄ jme₁gan'₃ 'nia'₂ jmo₄ i₂'io₅ bí₂, jme₃dsiog₂₃, ton'₂ 'io₂₃ bí₂ 'liog'₃ ja₁'lig'₅₄ ján₃. 6 ¿Tsa₁ 'ni₅ dsa₂ 'ñiá₂ i₁tan₅ tei₄ quian'₅₄ tin₃ ñí₁ guéin₂? La₁ 'i₁jan₂ 'éi₂ tsá₃ dsi₂'én₂ dsí₅ Diú₄. 7 Jag₄ 'nia'₂ jaun₂, 'ñio₅ lin₃ guě₄ dsan₂ dsí₅ Diú₄ 'nia'₂, le₂jio₅ jñi₂ dsei'₂ 'nia'₂, ma₂ñi₅ bá₄ Diú₄ je₂liá'₂ mi'₂ tí₅. Jaun₂ tsá₃ jmo₂ 'nia'₂ gang'₃, ia₁ 'ñio₅ guě₄ quen'₄ 'nia'₂ lia'₂ con'₂ guě₄ jun₅ i₁tan₅.

† 11:44 A₂lin₅₄ chog₅₄ si₂ chi₁ton₅ ján₃: “'nia'₂ të₅juá'₅, 'nia'₂ dsa₂ fariseos ně₃ a₂lë₁jmo'₂ góg'₂ a₂o₁ne₁. * 12:1 lit. “levadura quió'₅ dsa₂ fariseos.” † 12:3 lit. “a₂táun₂ dsa₂ jág₁ tióin₂ guei'₅₄ 'né₅ bá₄ a₂jaun₂.”

*Dsa₂ i₂jme₂jnia₅ cui_{in}₂₃ Jesús
(Matt 10:32-33; 12:32; 10:19-20)*

⁸ Juá'₅ jniá'₂, ca₂le₃jín₃ i₂jme₂jnia₅ ja₁con₂ dsa₂ mi₂güig₃ a₂cui_g₂₃ jniá'₂, ján₃ bá₄ le₂jaun₂ Jaun₅ dsa₂ mi₂güig₃ 'ag₃ jme₃jniog₂₃ a₂cui_g₂₃ ja₁con₂ ca₂le₃jín₃ ángeles quián₅ Diú₄. ⁹ La₁ jui₁lia'₂ i₂tsá'₃ 'ag₅ a₂cui_g₂₃ jniá'₂ ja₁con₂ dsa₂ mi₂güig₃, ján₃ bá₄ le₂jaun₂ tsá'₃ 'iin₄ jniá'₂ a₂cui_{in}₅ ja₁con₂ ángeles quián₅ Diú₄. ¹⁰ Ia₁ jui₁'ein₂ gué₃ i₂'in₅ 'lig'₅₄ Jaun₅ dsa₂ mi₂güig₃, cha₂ bá₄ o₂'én₂ dso₄ quió'₅. La₁ jui₁lia'₂ i₂juá'₂ 'lig'₅₄ 'iin₂₃ Jme₂dsi₂ Jnió₅, tsá'₃ ma₃o₂'én₂ dso₄ cha₂. ¹¹ Jë₁ma₂ca₂jnia₃ dsa₂ 'nia'₂ ne₄ dsi₂tan₅₄ quián₅ guá'₅, o₃ jë₁ma₂ca₂jio₃ ne₄ i₂con₂ 'í₁, ne₄ dsa₂ i₂qui₂dsi₅ 'éi'₃ ně₃, tsá'₃ jmó'₂ 'nia'₂ 'i₅ 'au'₂ jua'₅₄ tsá'₃ ŋi'₅₄ 'a₂ lia'₂ ŋag'₅₄, 'o₃ 'e₂ juig'₅₄. ¹² Ia₁ 'niog₅ bá₄ Jme₂dsi₂ Jnió₅ jme₃tag₂₃ 'e₂ a₂ca₂tín'₂ 'nia'₂ ŋag'₅₄, jë₁ma₂ca₂të₂ hora jaun₂.

Go'₂ ně₁'ein₂ ca₂dsia₃ le₁má'₂ 'ŋio₅ lín₃ jmo₃ dsí₅ jmá'₃ quió'₅ 'ŋiog₅

¹³ Jan₂ dsa₂ i₂jme₁'en₅₄ jë₄ jaun₂ ně₃, ca₂tsí'₃ Jesús:

—Të₅, chei'₅₄ co₂nio₄ dsó₂ ríng'₃ ju₁cué'₁₂ con'₂ a₂ca₂tíng₂ a₂cha₂ quió'₅ 'lag₄ ŋe'₃.

¹⁴ Jaun₂ ca₂ŋag₃ Jesús:

—'Ne₂ dsa₂, ħ₂'ein₂ ca₂dsiog₃ jniá'₂ a₂lín₅ jan₂ i₂dsi_ó'₅ 'e₂ a₂ca₂tín'₂ 'nia'₂?

¹⁵ Já₃ bá₄ ca₂juá'₂:

—Të₃ŋi'₅₄ 'nia'₂ tsá'₃ i₂jmo₂ jua'₅₄ a₂ŋí₄ lë₃ 'ín₅ 'au'₂ a₂le₃cha₂ quiáng'₂. Ia₁ on₃jua'₅₄ jmá'₃ a₂ŋí₄ cha₂ quió'₅ dsa₂ le₃chain₂.

¹⁶ Jaun₂ ca₂tsí'₃ táng₃ dsa₂ jág₁ jáng'₅ léi₄ la₂:

—Jme₁chan₂ jan₂ dsa₂ i₂jme₁cha₂ cu₄ 'ŋio₅ lín₃. 'Lióng₂ lín₃ jme₁rau₂ quió'₅. ¹⁷ Jaun₂ ca₂i₃jio₅ dsí₅: “ħ₂'E₂ bá₄ jmo₅₄ jniá'₂ ně₃? Tsá'₃ ma₃cha₂ ja₁tó'₄ a₂ca₂rau₂ quió'₃.” ¹⁸ Jaun₂ ca₂i₃jio₅ dsí₅: “Le₂la₂ jmo₅₄. Qui'₄ tsi₁'io₅ a₂tióng₂ ně₅, jaun₂ jmo₅₄ a₂ca₅₄ gué₄. Jaun₂ ja₁jaun₂ tó'₄ trigo, quian'₅₄ ca₂le₃jë₃ gué₄ a₂cha₂ quió'₃. ¹⁹ Jaun₂ gué₄ 'náu'₄ dsí₃: 'Lióng₂ ma₂niog₅ le₁má'₂, ma₂len₅ 'lióng₂ ŋi₂; ma₂lé₂jan₅₄, gua₅₄ tei₄, guè'₅₄, gui'₅₄, cué₄ o₂'ŋió₃ o₂jnia₃ dsí₃.” La₁ Diú₄ ně₃ ca₂juá'₂ ca₂tsí'₃ dsa₂ 'éi₂: ²⁰ “ħ₂'E₂ gué₄ con'₅₄ 'ne₂ lín₅! Jua'₂ a₂uë₂ ně₃ mág₄ jniá'₂ 'mú₃ quiáng'₂. Ca₂le₃jë₃ a₂ma₂dsia₅₄ 'ne₂ rë₂, ħ₂'ein₂ bá₄ quió'₅ lé₂?” ²¹ Le₂në₅ dsi₂ŋi₂ jui₁lia'₂ dsa₂ i₂dsia₅ le₁má'₂ jmá'₃ quió'₅ 'ŋiog₅, la₁ të₂tsi_{in}'₅₄ lín₃ le₃ja₁con₂ Diú₄.

*I₂jmo₅ 'í₁ bá₄ Diú₄ chi'₂-guein₂ quiáin₅
(Mateo 6:25-34)*

²² Jme₁ca₂dsan₃ jaun₂, ca₂tsí'₃ táng₃ chi'₂ dsi₂guia₃-tín₂ quiáin₅:

—Juí₂ jniá'₂ 'nia'₂, tsá'₃ jmo₂ 'nia'₂ jua'₅₄ a₂ŋí₄ dsan₂ 'au'₂ 'e₂ a₂quë'₅₄ të₁lia'₂ chang'₂, on₃ guè'₂ o₄quió'₄ ni₁ŋi'₁, jua'₅₄ dsan₂ 'au'₂ 'e₂ qui'₅₄. ²³ Ia₁ jme₂dsi₂ bá₄ a₂quen₅ gué₄ lia'₂ con'₂ gué₄ má₃. Já₃ guè'₂ le₂jaun₂ ni₁ŋi'₁ bá₄ dsa₂ a₂quen₅ gué₄ lia'₂ con'₂ gué₄ 'mí'₂. ²⁴ Ní₂ de'₂ 'nia'₂ jui₁lia'₂ i₂qui₂lia'₂. Tsá'₃ 'e₂ jne₂₃, on₃ guè'₂ 'e₂ cha₂ a₂le₃rau₂ quió'₅, on₃ guè'₂ 'io₅ chí'₅ quió'₅. Diú₄ bá₄ i₂jme₂tau₅₄. ħ₂Jaun₂ 'ŋio₅ lín₃ gué₄ bá₄ quen'₄ 'nia'₂ lia'₂ con'₂ gué₄ i₁tan₅ 'éi₂! ²⁵ ħ₂'ein₂ 'nia'₂ i₂lé₂ le₃jmo₃ le₃chain₂ gué₄ uë₂, † ne₄ ia₁ a₂ŋí₄ lë₃ 'i₅ 'au'₂ 'nia'₂ chang'₂? ²⁶ Chi₂jua'₂ tsá'₃ quin'₅₄ 'nia'₂ jmí_g₄ quian'₅₄ a₂ca₂juig₄ ně₅, ħ₂'e₂ guè'₂ lë₃ ŋí₄ dsan₂ 'au'₂ 'nia'₂ quian'₅₄ a₂siá'₂? ²⁷ Ní₂ de'₂ 'nia'₂ já₃ 'a₂ lia'₂ qui₂dsi₂cón₃ lí₁. Tsá'₃ tsi₁ŋi₅ lé₂ tsë'₃, on₃ guè'₂ lé₂ ta₃. Jaun₂ juí₂ jniá'₂ 'nia'₂, ca₂lia'₂ jnia'₅₄ Rag₅₄ Salomón, quian'₅₄ ca₂le₃jë₃ a₂jlá'₁ a₂jme₁cha₂ quió'₅, tsá'₃ ca₂rë₃jláin'₁ bá₄ gué₄ ju₁lia'₂ jlá'₁ lí₁. ²⁸ Chi₂jua'₂ le₂në₅ chi'₅ Diú₄ jlá'₁ nau₂ a₂cha₂ 'ŋa₁, a₂jnia'₅₄ jniá'₂ jlá'₁ ca₂tiá₂ co₂lág₂, ia₁ ju₁la₂ 'ióg₃ dsí'₂ dsa₂, 'ë₂ gué₄ bá₄ 'nia'₂, dsa₂ i₂'én₂ ca₂juig₄, jmo₃ bá₄ Diú₄ 'í₁. ²⁹ Jaun₂ juá'₅ jniá'₂, tsá'₃ i₁niog₄ jua'₅₄ a₂ŋí₄ dsan₂ 'au'₂ 'e₂ quë'₅₄ 'ag'₅₄. Tsá'₃ can₂ 'nia'₂ o₂i₁ dsi₅ quian'₅₄ a₂jaun₂, ³⁰ ia₁ jmá'₃ a₂në₅ bá₄ a₂ŋí₄ lë₃ 'nio'₃ dsi₂nau₂.

† 12:25 o₃, “ħ₂'ein₂ 'nia'₂ i₂lé₂ le₃jmo₃ a₂dsi₃cón₃ gué₄ caun₂ lë₂.”

Ia₁ i₂ŋi₅ bá₄ Néi'₅ a₂'nió'₅ ca₂le₃jě₃ a₂ně₅ quián'₂ 'nia'₂. ³¹ La₁ 'nio'₂ de'₂ ŋiá₅ 'nia'₂ ja₁goin₂, jaun₂ ca₂le₃jě₃ a₂ně₅ tē₁ja₃lé₂ a₂ma₂ŋag₅₄ cuē₃.

A₂quen₅ lín₃ a₂cha₂ quió'₅ dsa₂ guei'₅₄ i₂juíg₃
(Mateo 6:19-21)

³² 'Nia'₂ já'₂ cha'₂ quiáng₃, tsá₃ lē₁jmo₂ 'nia'₂ gang'₃, o₁ŋiá'₅₄ la₂ tsá₃ juín'₅ 'nia'₂, la₁ 'ŋio₂ dsí₅ Néi'₅ cuē₃ ja₁goin₂. ³³ Nag₄ 'nia'₂ a₂cha₂ quiáng'₂; jme₂'on₅₄ i₂te₂ŋé₂. ŋiá'₅₄ lia'₂ le₂ně₅ bá₄ dsióg₄, tē₃ron₅₄ tē₂'mi'₂ a₂tsá₃ ton₅ jmig₄ le₃'áu₂ quián'₂ 'nia'₂; caun₂ a₂quen₅ lín₃ 'ó'₄ 'nia'₂ quiáng'₂ guei'₅₄ i₂juíg₃ a₂tsá₃ ton₅ jmig₄ dsiá₃, ja₁tsá₃ líg'₂ jmig₄ dsióg₄ 'ang₂, on₃ guē'₂ i₁tsan'₅₄ lé₂ le₃'én₂. ³⁴ Ia₁ juí₁lia'₂ ja₁rē₂'mú'₄ 'nia'₂ quiáng'₂, ja₁jaun₂ bá₄ 'i'₄ 'au'₂.

'Nió'₅ bá₄ a₂chan₂ dsa₂ rē₂ján₁

³⁵ 'Rē₂ján'₁ 'nia'₂ chang'₂, le₁lín₄, le₁guí'₂ si₂ tsí₅ quiáng'₂. ³⁶ Juí₁len'₅₄ 'nia'₂ ně₂jag₄ bá₄ dsa₂ i₂chi₁ŋiá₅ guan'₂ juíg₅₄ ŋó₃ ja₁niog₅ jmig₄. Rē₂ján'₁ 'nia'₂ chang'₂, ia₁jaun₂ lé₂ le₃na'₅₄ 'nia'₂ dsi₂juí₅ jē₁ma₂tě₂ rē₁guáin'₃ quein₃ o₄'né₄. ³⁷ 'E₂ guē₄ dsen₃ dsa₂ i₂le₁ne₅₄ jē₁ma₂ca₂guán'₃ juíg₅₄. A₂dsi₂jó'₃ juá'₅ jniá₂, 'ŋiog₅ bá₄ 'éi₂ dsiog₃ ne₄ mesa, ton'₂ qui'₃ 'mi'₂ a₂jme₂ti₃ ŋág₃ má₃. ³⁸ 'E₂ guē₄ dsen₃ dsa₂ i₂tion'₅₄ le₁ne₅₄ jē₁ma₂ca₂jó₃ juíg₅₄ o₁ŋiá'₅₄ la₂ ca₂guáin'₃ a₂'uē₂ dsi₃nei₅, o₃ ma₂ca₂ŋí₂ dsi₃nei₅ 'e₂. ³⁹ La₁ juí₁le₂ŋi'₅₄ 'nia'₂ a₂la₂ ján₃, jua'₅₄ mei'₂ guē₃ ŋi₅ dsa₂ quió'₅ dsi₂néi₂ 'e₂ hora jiá₃ dsa₂ 'ang₂, guá₃ rē₂nei₅₄, jmo₂₃ 'í₁, tsá₃ cuē₃ jmig₄ 'í₂ dsa₂ 'éi₂, 'ang₃. ⁴⁰ Le₂ně₅ bá₄ 'nia'₂ ján₃, rē₂jáng'₁ chang'₂, ia₁ con'₂ tsá₃ 'ein₂ lín₂ bá₄, tē₃tsin'₅₄ Jaun₅ dsa₂ mi₂güí₃.

Juí₁lia'₂ dsa₂ i₂tsá₃ rē₂ti'₅₄ ta₁ quió'₅
(Mateo 24:45-51)

⁴¹ Jaun₂ ně₃ ca₂ŋag₃ Pe₄:

—Te₁gui'₅₄, ¿a₁ně₂chei'₅₄ jmá'₃ jniá'₅₄ jág₁ jáng'₅ léi₄ ně₅, o₃ a₂ně₂chei'₅₄ ca₂le₃jín₃ 'e₂?

⁴² Jaun₂ ca₂juá'₂ Te₁gui'₅₄:

—¿I₂'ein₂ 'éi₂, lín'₂ 'nia'₂, lín₅ dsa₂ dsen₃ i₂rē₂ti'₅₄, niog₅ dsi₄, i₂ca₂dsiog₃ juíg₅₄ nio₃ ne₅₄ jmo₃ ta₁ dsi₂néi₂, a₂ag'₃ ŋi'₃ dsa₂ hora ca₂tín₂? ⁴³ 'E₂ guē₄ dsen₃ dsa₂ i₂niog₅ ne₄, i₂jo₅ juíg₅₄ jme₂ti₃ bá₄ ta₁ quió'₅, i₁guain'₂. ⁴⁴ A₂dsi₂jó'₃ juá'₅ jniá₂, dsiog₃ juíg₅₄ a₂nio₃ ne₅₄ ca₂le₃jě₃ a₂cha₂ quió'₅. ⁴⁵ La₁ ně₁jua'₂ lín₂ dsa₂ i₂niog₅ ne₄ 'éi₂, le₃'ag₄ bá₄ guan'₂ juíg₅₄, chi₂jua'₂ ca₂jme₃lióg₃ ca₂jmái'₂ uig₅ dsa₂ ŋe'₂, dsa₂ mí₂ně₃ i₂jme₂ti₃ ta₁, ton'₂ 'ŋiog₅ guē'₂ ca₂'í₃ guē'₅, 'ín'₂, ca₂rē₃'ein₅ bá₄ 'ŋiog₅, ⁴⁶ la₁ con'₂ tsá₃ jáin₅, con'₂ caun₂ hora a₂tsá₃ ŋi₅ bá₄ guan'₂ juíg₅₄; uig₅ gau₂ 'ŋio₅ lín₃ bá₄ cuē₃ 'éi₂, co₂jaun₂ bá₄ uig₅ gue₃ con'₂ lē₅ tín₃ dsa₂ i₂tsá₃ 'én₂.

⁴⁷ 'Juí₁lia'₂ dsa₂ i₂ŋi₅ 'e₂ 'nio₃ juíg₅₄, la₁ tsá₃ 'e₂ co₂ŋiá₅₄ jmo₂₃, on₃ guē'₂ jme₂ti₃ a₂juá'₂ 'éi₂, cán₂ uig₅ dsi₃bain₅₄ ca₂lia'₂ ton₅ 'mi₅ 'lióng₂ lín₃ ni₁ŋi₁₂. ⁴⁸ La₁ juí₁lia'₂ i₂tsá₃ 'e₂ ca₂rē₃ŋi₅ ton'₂ jmo₅-dsá₅ cosa a₂ca₂tín₂ gue₃ uig₅, tsá₃ lín₅₄ 'lióng₂ 'mi₅ cán₂. Juí₁lia'₂ dsa₂ i₂'lióng₂ tē₂no₄ gu₂ a₂ca₂tín₂ jme₃ti₃, ján₃ bá₄ 'lióng₂ a₂mág₃ juíg₅₄. Ján₃ guē'₂ le₂jaun₂ juí₁lia'₂ i₂ma₂dsia₅ dsa₂ 'lióng₂ ne₅₄, 'lióng₂ guē₄ a₂chi₃quióng₂ dsa₂ jmig₄ jáng'₃.

Jesús bá₄ 'uin₄ a₂lě₂ le₁dson'₅₄ dsa₂
(Mateo 10:34-36)

⁴⁹ 'A₂l₃ing₅₄ si₂ mi₂güí₃ la₂ bá₄ jniá₂ guio₃. 'i₂E₂ guē₄ 'ín₅ dsi₃, jua'₅₄ ma₂cau₂ bá₄ co₂ŋei'₅₄ tē₂ně₃! ⁵⁰ La₁ tion₅₄ niog₅ tiáng₄ juí₅ ja₁dsi₃ŋíg₂ mi'₅₄ 'ŋio₅ lín₃. Jaun₂, 'i₂e₂ guē₄ 'ŋio₅ o₂i₁ dsi₅ chang₂, ca₂lia'₂ ca₂rē₃ti₃ ta₁ a₂guio!₅₁ ¿Lín'₂ 'nia'₂ a₂guio₃ jniá₂ i₃'ei₃ tei₄ mi₂güí₃ la₂? On₃jua'₅₄ le₂jaun₂. A₂i₃jmo₃ le₁dson'₅₄ dsa₂ bá₄ jniá₂ guio₃. ⁵² Ia₁ tē₂le₃ ne₄ juí₅ ja₁dsau₅₄ ně₅, juí₁lia'₂ caun₂ dsi₂néi₂ ja₁lě₂ 'ŋiá₂ dsa₂, lé₂ le₁dson'₅₄, ⁵³ ún₂ jme₃'ŋiai₅₄ on₃; i₂on₃ jme₃'ŋiai₅₄ i₂ún₂ táng₃; juí₁lia'₂ jmei₂ dsa₂ tóin'₃ mi'₅₄ quian'₅₄ ja₁ŋi'₅₄, ja₁ŋi'₅₄ guē'₂ 'í₂ mi'₅₄ quian'₅₄ jmei₂; juí₁lia'₂ chog₅₄ tóin'₃ mi'₅₄ quian'₅₄ ja₁míg₄, ja₁míg₄ guē'₂ 'í₂ mi'₅₄ quian'₅₄ chog₅₄. Juí₁lia'₂ i₂lín₅ ma₂chog₅₄ dsa₂, tóin'₃ mi'₅₄ quian'₅₄ lo₅₄, juí₁lia'₂ mi₂lo₅₄ 'í₂ mi'₅₄ quian'₅₄ ma₂chog₅₄.

Ju₁lia'₂ jme₁cha'₂ léi₄ guei'₅₄
(Mateo 16:1-4; Marcos 8:11-13)

⁵⁴ Ján₃ bá₄ ca₂tsí'₃ dsa₂:

—Jme₁caun'₂ 'nia'₂ 'í₁ guei'₅₄ jme₁tsau₂ jnei₅ le₃ja₁rín₂ 'iog₂, jag'₄ 'nia'₂, jiá₃ jmí₅, dsón'₂ bá₄ le₂jaun₂ lě₂. ⁵⁵ Jaun₂ jme₁ja₂ dsí₂ tē₂le₃ sur, jag'₄ 'nia'₂ dséi₃ 'iog₂ nē₃. Jaun₂ dsón'₂ bá₄ le₂jaun₂ lě₂ ján₃. ⁵⁶ 'Nia'₂ dsa₂ i₂jñia'₅₄ dse₃ le₁ág₄ o₁ne₁! Ní'₅₄ 'nia'₂ 'a₂ lia'₂ jua'₅₄ 'e₂ niog₅ tē₅ ne'₅₄ 'nia'₂ guei'₅₄, quian'₅₄ 'e₂ lě₂ ne₄ gua'₅₄ 'uē₃. ¿'A₂ bá₄ lia'₂ tsá₃ tñ'₂ 'nia'₂ caun'₅₄ 'í₁ léi₄ a₂ma₂cha₂ rē₂ně₃?

Jme₁jen'₂ jág₁ quian'₅₄ dsa₂ i₂'iog₅₄
(Mateo 5:25-26)

⁵⁷ '¿'E₂ lě₃ tsá₃ caun'₂ 'nia'₂ 'í₁ jē₄ quiáng'₂ guiong'₅₄ a₂dsi₂ten₅₄ jmó'₂? ⁵⁸ Jē₁ma'₂eng'₅₄ juí₅ dsióg'₄ ne₄ dsi₂tan₅₄ quian'₅₄ dsa₂ i₂'nag₅, jme₁jen'₂ 'nia'₂ jág₁ le₂'i₄ juí₅ jme₁dsian₅ mī'₅₄ a₂chang'₂ quian'₅₄. Ia₁ con'₂ tsá₃ ñó₅ nē₁jua'₂ ca₂tsag'₂ tē₃ne₄ dsi₂tan₅₄ i₂qui₂dsi₅ 'éi'₃. 'Éi₂ nē₃ jáng'₃ ne₄ 'lióg₂; 'lióg₂ guē₄ nē₃ to'₂ né'₃ 'má₃. ⁵⁹ Juá'₅ jniá₂, o₁líg'₂ tsá₃ o₃ 'ing'₂ ja₁jaun₂ ca₂lia'₂ ca₂qui'₅₄ jē₁ca₂tó'₂ ñí₁ guéin₂ a₂ríng'₂.

13

A₂quen₅ lñ₃ bá₄ a₂dsi₂quén'₅ dsí₅ dsa₂

¹ Jmíg₄ jaun₂ i₂lñ₅₄ dsa₂ i₂jme₁tion'₅₄ guē₄ ca₂dsia₃ ca₂tsí'₃ Jesús 'a₂ lia'₂ ca₂jme₃dsian₅ Pilato i₂lñ₅₄ dsa₂ chan₂ Galilea. Ca₂cóin'₂ jmi₄ dsa₂ 'éi₂ quian'₅₄ jmi₄ já'₂ i₂ca₂jme₃dsian₅ dsa₂ i₂jéin'₂ ne₄ Diú₄.

² Jaun₂ ca₂juá'₂ Jesús nē₃:

—¿Lín'₂ 'nia'₂ nē₃, dsa₂ chan₂ Galilea 'éi₂ ca₂i₃ñí₂ le₂jaun₂ ia₁ 'lióng₂ guē₄ dso₄ jme₁le₁cáin'₄ lia'₂ con'₂ guē₄ dsa₂ go₅₄? ³ Juá'₅ jniá₂, on₃jua'₅₄ le₂jaun₂; ia₁ le₂nē₅ bá₄ 'nia'₂ ján₃, nē₁jua'₂ tsá₃ ca₂dsi₃quén'₅ 'au'₂, dsiáng'₃ ján₃. ⁴ ¿On₃ bá₄ lín'₂ 'nia'₂, 'ñio₅ lñ₃ guē₄ jme₁le₁cán'₄ dso₄ dsa₂ i₂guia₃-jñiá₂ i₂ca₂dsan₃ 'éi₂, lia'₂ con'₂ ca₂qui'₃ ni₁'ia'₂ ñei₅ ja₁chei₂ Siloé, lia'₂ con'₂ guē₄ ca₂le₃jín₃ i₂tián'₅ Jerusalén? ⁵ Juá'₅ jniá₂, on₃jua'₅₄ le₂jaun₂; ia₁ ján₃ bá₄ le₂nē₅ 'nia'₂, nē₁jua'₂ tsá₃ ca₂dsi₃quén'₅ 'au'₂, dsiáng'₃ bá₄ ján₃.

Jág₁ jáng'₅ léi₄ quió'₅ ni₁'ma₂ higuera a₂tsá₃ mīg₂ 'ag₅

⁶ Jaun₂ ca₂juá'₂ táng₃ Jesús jág₁ jáng'₅ léi₄ la₂:

—Jan₂ dsa₂ jme₁jñia₄ caun₂ 'ma₂ a₂'ag₅ mīg₂ higo ja₁nau₂ quió'₅, jaun₂ ca₂i₁jag₅₄ chi₂jua'₂ ma₂le₁ág₄ mīg₂. Tsá₃ mīg₂ cha₂ guē'₂ nē₃, jme₁dsióg₃. ⁷ Jaun₂ ca₂tsí'₃ dsa₂ i₂jmo₅ 'í₁ ja₁nau₂ jaun₂: “Ma₂'ni₅ ñi₂ guio₂₃ i₂jág₃ ni₁'ma₂ nē₅ chi₂jua'₂ le₁ág₄ mīg₂, la₁ caun₂ tsá₃ mīg₂ cha₂ bá₄ lia'₂ co₂ráun₂ guio₅₄. Qui'₅₄ co₂ñei'₅₄. Tsá₃ ta₁ jmo₃ jñia'₅₄ jme₂dsiá₃ 'o'₅₄ 'uē₃ bá₄.” ⁸ La₁ dsa₂ i₂jmo₅ 'í₁ ja₁nau₂ 'éi₂ nē₃ ca₂ñag₃: “Te₁gui'₅₄, cuē₄ jmíg₄ o₁dsi₅₄ guē₄ caun₂ ñi₂ la₂; jmo₅₄ dse₃ le₃lág'₃, tó'₄ 'mīg₄ já'₂ nē₃, ⁹ o₁ne₄ chi₂jua'₂ 'ag₃ mīg₂ ñi₂ caun₂. Nē₁jua'₂ tsá₃ 'e₂ mīg₂ cha₂ i₁jáun₃, jaun₂ guē₄ uín'₂.”

Ca₂jme₃'lión₂ Jesús jan₂ 'io₅₄ i₂jme₁quin'₅₄ mi₂ca'₅₄ caun₂ jmíg₄ sa₅₄

¹⁰ Caun₂ sa₅₄, jme₁en₅₄ Jesús jme₂tñin₂₃ dsa₂ dsi₂néi₂ guá'₅ sinagoga.

¹¹ Ja₁jaun₂ jme₁en₅₄ jan₂ 'io₅₄ i₂ma₂guia₃-jñiá₂ ñi₂ dso'₅₄. Ca₂jmóg'₂ jme₂dsí₂ 'lñ'₅₄ rē₂guen'₂ mi₂ca'₅₄, jme₁ñi₂₃ tsá₃ lé₂ néi'₃ rē₂.

¹² Jme₁ca₂jág₂ Jesús, jaun₂ ca₂tē₃, jaun₂ ca₂juá'₂:

—'Io₅₄, ma₂ca₂'lóng'₂ bá₄ dso₄ a₂jme₁lín'₄.

¹³ Jaun₂ ca₂téi₂ gu₂. Dsi₂juí₅ le₂jaun₂ bá₄ ca₂néi'₃ mi₂ca'₅₄ 'io₅₄, jaun₂ ca₂jme₃juin'₂ Diú₄.

¹⁴ La₁ dsa₂ i₂niog₅ ne₄ guá'₅ sinagoga, ca₂rē₃ néi₃ quian'₅₄ Jesús ia₁ ca₂jme₃'lióin₂ dsa₂ 'éi₂ tē₃ jmíg₄ sa₅₄. Jaun₂ ca₂tsí'₃ dsa₂ i₂tion'₅₄:

—Jñéi₂ jmig₄ bá₄ ca₂tín₂ dsa₂ jmo₃ ta₁; jui₁ja₂lén₂ 'ein₂ 'nio₃ 'lión₂ jë₄ semana, on₃jua₅₄ rë'₂ jme₁sa₅₄.

15 Jaun₂ ca₂ñag₃ Te₁gui'₅₄ ca₂tsí'₃ 'éi₂:

—i'Nia'₂ dsa₂ i₂jñia'₅₄ dse₃ le₁'ág₄ o₁ne₁! ¿Tsa₁ 'ein₂ 'nia'₂ chén'₂ ca₁jui₅ o₃ bú'₄ quián₅ jua'₅₄ tsá₃ dsi₃jio₃ dsi₃'ein'₅₄ jmig₂ o₁jñia'₅₄ lë₅ sa₅₄? 16 Ia₁ dsa₂ mí₂ la₂, i₂lín₅ jan₂ tsi₁jon₂ Abraham; i₂së₃dsen₃ jme₁ma₂'nei'₂ ma₂guia₃-jñiá₂ ñi₂. Jaun₂ ně₃, ¿tsa₁ ca₂tín₂ chein'₂ ján₃ jñia'₅₄ tē₃ jmig₄ sa₅₄?

17 Jme₁ca₂juá'₂ Jesús le₂në₅, ca₂rë₃gui'₅₄ bá₄, ca₂le₃jín₃ con'₂ dsa₂ i₂'iog₅₄. La₁ 'io'₂ jén'₅ tē₅ dsí₅ bá₄ dsa₂ i₂tion'₅₄, ca₂le₃jë₃ a₂jlá'₁ jmo₅ 'éi₂.

Jág₁ jáng'₅ léi₄ jui₁lia'₂ mīg₂ jon₂ quió'₅ ni₁'ma₂ mostaza
(Mateo 13:31-32; Marcos 4:30-32)

18 Ca₂juá'₂ ně₃:

—¿'A₂ lia'₂ le₃juá'₄ lë₅ ja₁gon₂ Diú₄? ¿'E₂ quian'₅₄ lé₂ le₃quíng₄? 19 Lë₅ jui₁lia'₂ mīg₂ jon₂ ni₁'ma₂ mostaza* a₂ca₂jne₃ jan₂ dsa₂ ja₁nau₂ quió'₅. Jaun₂ ca₂l₃cón₃ ca₂dsióg₃ ca₂lë₃ caun₂ ni₁'ma₂ pa₁; i₁tan₅ ně₃ ca₂tó'₂ tsag₅₄ gu₂ nei'₅₄ jaun₂.

Jág₁ jáng'₅ léi₄ jui₁lia'₂ 'a₂ lia'₂ ron'₂ i₁ñí'₄
(Mateo 13:33)

20 Ca₂juá'₂ Jesús le₂la₂ ján₃:

—¿'E₂ quian'₅₄ lé₂ le₃quíng₄ lë₅ ja₁gon₂ Diú₄? 21 Lë₅ jui₁lia'₂ lë₅ levadura a₂co₂güin'₂ jan₂ 'io₅₄ jë₄ 'ni₅ tio'₅₄ 'ma₂† ti₁can₁ i₁ñí'₄. Quian'₅₄ co₁séin'₄ levadura bá₄ guion'₂ ca₂le₃jë₃ ti₁can₁.

Jág₁ jáng'₅ léi₄ quió'₅ o₄'né₄ dsag₂
(Mateo 7:13-14, 21—23)

22 Lia'₂ con'₂ ma₂'ein₅₄ jui₅ a₂dsióg₄ Jerusalén, qui₂ca₂i₁jme₁tiin₂₃ guë₄ dsa₂ le₂tan₅₄ juig₂ te₁'i₁ ja₁ca₂ñi₅.

23 Jaun₂ ca₂ñag₃ jan₂ dsa₂:

—Te₁gui'₅₄, ¿me'₂ bá₄ dsa₂ i₂tín'₅?

Jaun₂ ca₂ñag₃:

24 —Quen'₂ 'nia'₂ bí₂ tióng'₂ jui₅ o₄'né₄ dsag₂; ia₁ juá'₅ jniá₂, juin₅ i₂'nio₃ tón'₃, la₁ tsá₃ le₃qui'₅₄ jmig₄. 25 Ia₁ con'₂ tsá₃ ñó₅ jë₁ma₂të₂ rë₁náu₃ juig₅₄ dsi₂néi₂, jnéi₃ o₄'né₄, 'nia'₂ ně₃ i₂të₃tsing'₅₄ le₃ca₁'né₄, jme₁lióg'₄ to'₅₄ mi'₅₄ tē'₄: “iTe₁gui'₅₄! Nia₄ o₄'né₄, tió'₄ jnia'₅₄.” 'Éi₂ ně₃ ñag₃: “Tsá₃ cuín₅ jniá₂ 'nia'₂; tsá₃ guion₅₄ a₂já'₄ ja₂nó'₅ 'nia'₂.” 26 Jaun₂ guë₄ jme₁lióg'₄ 'nia'₂ jua'₅₄: “Jnia'₅₄ bá₄ la₂ i₂ma₂que₅₄ ma₂'ne'₅₄ co₂lë₅ quian'₅₄ 'ne₂; jua'₂ 'ne₂ bá₄ guë'₂ ca₂jme₁tag'₂ jnia'₅₄ jin₄ juin₅ dsa₂.” 27 Jaun₂ dsa₂ juig₅₄ dsi₂néi₂ ně₃, ñag₃: “Ma₂në₂juá'₃ jniá₂ tsá₃ guion₅₄ i₂'ein₂ 'nia'₂. Cau₅ jñia'₃ 'nia'₂ ca₂le₃jíng'₃ i₂jmo₅ dsó'₅ a₂'lig'₅₄.” 28 Ja₁jaun₂ qui₂o₁'o'₄ o₁quíng'₃ 'nia'₂ jan'₅₄, jë₁ma₂të₂ rë₁jíng'₅₄ Abraham, Isaac, Jacob, quian'₅₄ ca₂le₃jín₃ guë₄ dsa₂ i₂jme₁'ë₂ jág₁ quián₅ Diú₄, tióin'₅₄ ja₁gon₂ Diú₄, la₁ 'nia'₂ guë'₂ ně₃, dsi₃gang'₅₄ úing₂.

29 Ia₁ qui₂ja₃len₅ i₂chan₂ ca₂taun₂ ca₂taun₂ mi₂güig₃ ja₃tiain'₂ guë'₃ co₂dsia₅ ja₁gon₂ Diú₄.

30 La₁ lé₂, chan₂ i₂lín₅₄ i₂tióin₂ le₃jë₁ca₂tó'₂, tē₃tsiin'₅₄ le₃ne₄ jui₅; i₂tióin₂ le₃ne₄ jui₅ rë₂në₃ guë'₂ ně₃, tē₃tsiin'₅₄ le₃jë₁ca₂tó'₂.

Ca₂'o₃ Jesús o₄quió'₄ dsa₂ juig₂ Jerusalén
(Mateo 23:37-39)

31 Hora jaun₂ dé₄ dsi₃lén₂ i₂lín₅₄ dsa₂ fariseos, ca₂juá'₂:

—Co₂ñei'₅₄ dse₃ jú₅ ja₁lá₃, quian₂ jui₅ quiáng'₂, ia₁ 'nio₃ Herodes jñag'₃.

32 Jaun₂ ca₂ñag₃ táng₃ Jesús:

* 13:19 mostaza: On₃jua'₅₄ mi₁jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂chei₂ Brassica nigra.

† 13:21 griego: sata, (caun₂ tio'₅₄ 'éi'₃ 'ma₂ jaun₂ 'éi₄ con'₂ 22 litros.)

—O₂nó⁵ 'nia'₂, o₂chei⁵⁴ dsi₂ma₂jág₂† 'éi₂: “Ní₂, la₂ bá₄ 'ú₄, nē₃, 'ióg₃ nē₃; nē₃ bá₄ guē₄ 'uig'₅₄ jme₂dsí₂ je₂na'₅₄ quió'₅ dsa₂, nē₃ guē₄ qui₂jme₁'liong₅₄ dsa₂. 'Íóg₃ caun₂ guē₄ 'ña₅ quió₃.” ³³ A₂caun₂ jmo₅₄ bá₄ jniá₂ ta₁ a₂ca₂tíng₂ jmo₅₄ tē₂lia'₂ chang₂, ia₁ tsá₃ lé₂ le₃jón₂ jan₂ dsa₂ i₂'ě₂ jág₁ quián₅ Diú₄ uíng₂ ja₁lě₄ juig₂ Jerusalén. ³⁴ i'Nia'₂ dsa₂ juig₂ Jerusalén! i'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂'ě₂ jág₁ quián₅ Diú₄, 'nia'₂ i₂qui₂jnag'₅₄ cang₄ dsa₂ i₂chen₅ Diú₄ jin'₄ 'nia'₂! i'Lióng₂ ráun₂ jme₁'ín₅ dsi₃ jme₁chi₁liang'₂ chi'₂-guein₂ juig₂ la₂ quiáng'₂, ju₁lia'₂ jmo₅ i₁tsín'₃ a₂chi₁lain'₂ guein₂ quián₅ to'₂ né'₃ tsi₁rě₂cu₅, la₁ guion'₅₄ 'nia'₂ tsá₃ ca₂gue'₅₄! ³⁵ Ní₂ nē₃, tē₃tsi'₅₄ chi₁güig'₂ dsi₂néi₂ quiáng'₂. Juá'₅ jniá₂, o₁líg'₂ tsá₃ ma₃jag'₅₄ jniá₂, ca₂lia'₂ ca₂tě₂ jmig₄ ja₁jua'₅₄ 'nia'₂: “Ju₁le₂jnió₃ i₂nē₅ i₂já₅ o₄quió'₄ Te₁gui'₅₄.”

14

Ca₂jme₃'lión₂ Jesús jan₂ dsa₂ i₂jme₁guion₂

¹ Co₂ráun₂ guē'₂ ca₂lě₃ táng₃ caun₂ jmig₄ sa₅₄ a₂ca₂ηó₃ Jesús i₃guē'₃ ja₁quió'₄ jan₂ dsa₂ dsen₅₄ quián₅ dsa₂ fariseos; i₂lin₅₄ guē'₂ dsa₂ fariseos sián'₂ a₂jña'₅₄ tiog₂₃ bá₄ tioen'₅₄.

² Ja₁jaun₂ jme₁'en₅₄ jan₂ dsa₂ dso'₅₄ i₂guion₂.

³ Jaun₂ ca₂ηag₃ Jesús ca₂tsí'₃ tē₅juá'₅ quian'₅₄ dsa₂ fariseos, ca₂juá'₂:

—ǀ₄'I₄ 'éi'₃, o₃ tsá₃ 'i₄ 'éi'₃ jme₃'lión₂ dsa₂ dsa₂ dso'₅₄ jme₁jmig₄ sa₅₄?

⁴ La₁ tei₄ bá₄ i₃lén₂, tsá₃ 'e₂ ηi₅ ηag₃. Jaun₂ ca₂ηai'₃ dsa₂ dso'₅₄, ca₂jme₃'lió₂. Jaun₂ ca₂dsióg'₂ quió'₅.

⁵ Jaun₂ ca₂juá'₂ ca₂tsí'₃ 'éi₂:

—ǀ₂'ein₂ 'nia'₂, tsá₃ dsi₃dsen₅ dsi₂jui₅ chi'₂ quián₅,* o₃ jan₂ ca₁jui₅ 'e₂ nē₃ jua'₂ ca₂táin'₂ né'₃ táu₃ jña'₅₄ tē₃ jmig₄ sa₅₄?

⁶ La₁ tsá₃ ca₂tió'₃ ηag₃ jág₁ nē₅.

Tsá₃ dsióg₅ jua'₅₄ quió'₃ dsa₂ 'ma₂si₅₄ ja₁dsen₅₄ guē₄

⁷ Jme₁ca₂tě₂ ne₄ Jesús 'a₂ lia'₂ quió'₅ dsa₂ i₂té₄ jmá'₃ lia'₂ ja₁dsen₅₄ guē₄ ja₁tian'₂, jaun₂ ca₂cuē₃ jág₁ a₂jáng'₅ léi₄ la₂:

⁸ —Nē₃jua'₂ 'ein₂ tē₂ ja₁niog₅ jmig₄ jen'₂ gu₂ dsa₂, tsá₃ ne'₅₄ ju₁lia'₂ ja₁dsen₅₄, ia₁ con'₂ tsá₃ ηó₅ nē₃jua'₂ ca₂dsióg₃ jan₂ i₂dsen₅₄ guē₄ lia'₂ 'ne₂. ⁹ Ia₁ ǀ₂'e₂ bá₄ lé₂ nē₃jua'₂ dsa₂ i₂nē₂té₂ le₂on'₃ 'nia'₂ juá'₂: “I₂la₂ cuē'₅₄ ja₁ηéi'₂”? Jaun₂ tē₃ ma₂gueng'₅₄ bá₄ gog'₅₄ o₁né'₂ tē₂ jē₁ca₂tó'₂. ¹⁰ La₁ juá'₅ jniá₂, chi₂jua'₂ líg'₂ nē₁'ein₂ ca₂tě₃, tē₂le₃ jē₁ca₂tó'₂ bá₄ ne'₅₄, ia₁jaun₂ dsa₂ i₂nē₂té₂ lé₂ le₃juá'₂: “A₂mei₅₄ quiáng₃, ja₁dsen₅₄ guē₄ la₂ i₂nē₂.” Jaun₂ le₂nē₅ bá₄ jme₃juag'₂ dsa₂ i₂quē'₂ quiáng'₅₄. ¹¹ Ia₁ ju₁lia'₂ dsa₂ i₂jme₂can'₅₄ guion₅₄, sióin₃ tē₂le₃ jē₁ca₂tó'₂; dsa₂ i₂jmo₅ me'₂ guē'₂ nē₃, roin'₂ guei'₅₄.

¹² Jaun₂ ca₂tsí'₃ ján₃, dsa₂ i₂ca₂tě₃ 'éi₂:

—Jē₁ma₂tě₂ rē₁'niog'₂ jmó'₂ caun₂ má₃ a₂ηig'₅₄ dsa₂, tsá₃ tē'₅₄ ju₁lia'₂ dsa₂ a₂mei₅₄ quiáng'₂, on₃ guē'₂ ju₁lia'₂ i₂lín₅ o₁ríng'₂, on₃ guē'₂ ju₁lia'₂ i₂cha₂ cu₄ tián'₅ cau₅ quiáng'₂ nē₃. Ia₁ con'₂ tsá₃ ηó₅, dsa₂ le₂'éi₂, lé₂ le₃tě₂, a₂jéin'₃ táng₃ quiáng'₂. ¹³ Jaun₂ nē₃, nē₃jua'₂ 'niog'₂ jmó'₂ caun₂ jmig₄, te'₂ jmá'₃ lia'₂ dsa₂ te₂ηé₂, dsa₂ 'lian'₂, dsa₂ ten₄, dsa₂ guian'₅₄ nē₃. ¹⁴ Jaun₂ le₂nē₅ bá₄ le₃chang'₂ dse₃. Ia₁ dsa₂ 'éi₂ nē₃, tsá₃ qui'₅₄ jmig₄ le₃jéin'₃ quiáng'₂, la₁ i₁jáun₃ bá₄ tíng'₄ quiáng'₂, i₁jen'₅₄ ca₂le₃jín₃ dsa₂ dsen₃.

Jág₁ jáng'₅ léi₄ ju₁lia'₂ dsa₂ i₂té₄ ja₁niog₅ jmig₄ (Mateo 22:1-10)

¹⁵ Jan₂ dsa₂ i₂jme₁guá₄ cau₅ i₂ca₂nág₂ jág₁ nē₅, ca₂tsí'₃ Jesús:

—'E₂ guē₄ dsen₃ i₂tian'₃ guē'₃† ja₁gon₂ Diú₄.

¹⁶ Jaun₂ ca₂juá'₂ Jesús:

† 13:32 lit. “dsi₂güi₅”, co₂'nió'₄ le₃jua'₅₄, dsa₂ i₂'io₅ mai₅₄.

* 14:5 Cha₂ a₂lin₅₄ chog₅₄ si₂ a₂juá'₂: “dsi₃dsen₅ bú'₄ quián₅.”

† 14:15 lit. “guē'₃ i₁ηi'₄.”

—Jme₁chan₂ jan₂ dsa₂ i₂ca₂cuë₃ caun₂ má₃ pa₁, jaun₂ ca₂tě₃ juin₅ dsa₂. ¹⁷Jme₁ca₂tě₂ hora a₂nio₃ jmig₄ ně₃, ca₂chein₃ dsa₂ i₂jme₂ti₃ ta₁ ne₅₄, i₁chi₄ dsa₂ i₂ma₂lě₅ jág₁ dsi₁lén₂: “I₂nó₅ 'nia'₂, ia₁ ma₂lě₅ co₂jnia₅₄ ca₂le₃jě₃.” ¹⁸La₁ ca₂le₃jín₃ bá₄ ca₂juá'₂ tsá₃ jin₅₄. I₂le₂'uig₅₄ ca₂ngag₃: “Caun₂ 'uë₃ lia'₂ ně₂lá₂; ja₁jaun₂ nei₅₄ i₁jág₃. 'Én₃ dso₄ quió₃ tsá₃ lé₂ nei₅₄.” ¹⁹I₂sián'₂ guë'₂ táng₃ ca₂juá'₂: “'Njá₂ dsán'₃ ca₁jui₅ i₂quia'₂ 'uë₃ i₂tě₂ca₂láng₂, i₂'éi₂ nei₅₄ i₁quión₃ 'í₁ chi₂jua'₂ ma₂téin₅ jmo₃ ta₁. 'Én₃ dso₄ quió₃ tsá₃ lé₂ nei₅₄.” ²⁰I₂sián'₂ guë'₂ ca₂juá'₂ táng₃: “Gu₃ lia'₂ ně₂jeng'₅₄; jaun₂ lě₃, tsá₃ lé₂ nei₅₄.” ²¹Jaun₂ jme₁dsián'₃ mozo 'éi₂ ca₂jmóg'₃ jág₁ ne₄ juig₅₄, jaun₂ ca₂rě₃'né₃ bá₄ juig₅₄. Jaun₂ ca₂juá'₂ tsí'₅ táng₃ mozo 'éi₂: “Co₂chi'₅₄ o₂ñi₄ jě₄ calles, le₂tan₅₄ ja₁le₁ñi'₂ dsa₂ juin₅ jě₄ juig₂, qui₂o₂quian₅ dsa₂ te₂ñé₂, dsa₂ 'lian'₂, i₂guian'₅₄, i₂ten₄ ně₃.” ²²Jme₁co₂lág₂ jaun₂, ca₂juá'₂ dsa₂ mozo 'éi₂: “Gui'₅₄, ma₂ně₂jmo₃ con'₂ lě₅ ně₂jua'₅₄. Jo₂ bá₄ guë'₄ dsi₂néi₂.” ²³Jaun₂ ca₂juá'₂ táng₃ juig₅₄: “Gua₂ táng₃ jě₄ calles le₂tan₅₄ ja₁lě₄ o₄jui₅, o₂quian₅ tion₅₄ dsa₂ i₂jeng'₂, jaun₂ can'₂ dsi₂néi₂ quió₃. ²⁴Ia₁ le₂ně₅ bá₄ juá'₅ jniá₂, 'i₁jan₂ i₂jme₁lě₄ jág₁ ca₂tě₃ le₂'uig₅₄ 'éi₂, tsá₃ quein'₃ jě₄ jmig₄ quió₃.”

'Nio₅ bá₄ 'ua'₂ ta₁ a₂jme₃quian'₅₄ dsa₂ Te₁gui'₅₄
(Mateo 10:37-38)

²⁵Juin₅ lin₃ dsa₂ i₂jme₁ma₂quian'₅₄ Jesús. Jaun₂ ca₂jéin'₃ ca₂juá'₂:

²⁶—Chi₂jua'₂ 'ein₂ 'ei₅ dsí₅ jme₃quiong'₅₄ jniá₂, ně₁jua'₂ tsá₃ ca₂tén'₃ dsí₅ téin₂ jmei₂, chog₅₄, dsa₂ mí₂ quiáin₅, chi'₂-guein₂ quiáin₅, ca₂le₃jín₃ guë'₄ o₁rñin'₅₄ ně₃; ně₁jua'₂ tsá₃ ca₂tén'₃ dsí₅ le₂jio₅ jme₂dsí₂ quió'₅ ně₃, tsá₃ lé₂ le₃lén₂ dsa₂ quiáng₃. ²⁷Jua'₅₄ 'ein₂ tsá₃ ca₂tén'₃ dsí₅ gue₃ 'mú₃, †jiá₃ chi₁co'₅₄ quió'₅, tsá₃ lé₂ le₃lén₂ dsa₂ quiáng₃. ²⁸Jua'₅₄ mei'₂ guë'₃ chan₂ jan'₂ 'nia'₂ i₂'nio₃ chi'₃ caun₂ ni₁'ia'₂ ñei₅, ¿on₁ jniá₅ de'₂ con₂ 'í₁ chi₂jua'₂ ma₂len₅ cu₄ quió'₅ ca₂lia'₂ a₂'ió'₄ a₂jaun₂? ²⁹Ia₁ ně₁jua'₂ tsá₃ le₂jaun₂, jme₃lióg₃ 'uig₅₄ 'ia'₂, tsá₃ tió'₅ guë'₂ jme₃'ió'₃, ca₂le₃jín₃ dsa₂ i₂jág₃ a₂jaun₂, a₂lě₂co₂jmóg'₂ co₃ngág₂ bá₄. ³⁰Dsa₂ ně₅ con'₂ jnia'₅₄ ca₂jme₃lióg₃ 'uig₅₄, la₁ tsá₃ guë'₂ qui'₅₄ jmig₄ jme₃'ió'₃.” ³¹O₃ ju₁lia'₂ jan₂ rag₅₄ guë'₂, i₂jmo₃ 'nei₂ quian'₅₄ jan₂ rag₅₄ sián'₂, ¿tsa₁ jniá₅ de'₂ guá₃ con₂ 'í₁ chi₂jua'₂ tió'₅ quian'₅₄ guian₃ mei₅ 'lióg₂ quiáin₅, dsí₃quiín'₂ quian'₅₄ guión₂ mei₅? ³²Chi₂jua'₂ ma₂lí'₄, tsá₃ tió'₅ ně₃, tē₁lia'₂ uing₂ guë'₄ já₅ rag₅₄ jan₂, chein₃ dsa₂ i₂quian₅ jág₁ a₂mi₂₃ dsian₅ co₂ñei'₅₄ mi'₅₄. ³³Le₂ně₅ bá₄ chi₂'ein₂ 'nia'₂ i₂tsá₃ ca₂tén'₃ dsí₅ tí₂ ca₂le₃jě₃ a₂cha₂ quió'₅, tsá₃ lé₂ le₃lén₂ dsa₂ quiáng₃.

Jág₁ jáng'₅ léi₄ ju₁lia'₂ 'a₂ lia'₂ lě₅ tsi₁ñi₁
(Mateo 5:13; Marcos 9:50)

³⁴(Ju₁lia'₂ dsa₂ i₂quian'₅₄ jniá₂ lín₅ ju₁lia'₂ lě₅ tsi₁ñi₁.) A₂dse₃ bá₄ tsi₁ñi₁ tē₁lia'₂ ñi'₅₄. La₁ ně₁jua'₂ ca₂'en₃ ñi'₅₄ ně₃, ¿'a₂ bá₄ lia'₂ lé₂ le₃lei₂ táng₃? ³⁵Tsá₃ ma₃'e₂ ta₁ tí₄, on₃ guë'₂ lé₂ le₃lé₂ gua'₅₄, on₃ guë'₂ ma₂tí₅ ta₁ jua'₅₄ a₂le₃lé₂ ca₂bě'₅₄ 'o'₅₄. Jnia'₅₄ lia'₂ a₂dsi₃ga'₅₄ uing₂ bá₄. I₂dsi₅₄ gua₄, rě₂ ju₁nei₅₄.

15

Jág₁ jáng'₅ léi₄ ju₁lia'₂ jan₂ já'₂ cha'₂ i₂ca₂i₃cón'₅
(Mateo 18:10-14)

¹Ca₂le₃jín₃ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ guë'₄ dsa₂ i₂le₁cán'₄ dso₄ sián'₂, ca₂o₃lén₂ ja₁'en₅₄ Jesús, a₂o₃néi₃.

²'Uig₅₄ jaun₂, dsa₂ fariseos quian'₅₄ tē₅juá'₅ ca₂chi₂ca₂'iin₃ Jesús. Ca₂juá'₂:

—Dsa₂ ně₅ qui₂guein₂₃ bá₄ dsa₂ i₂le₁cán'₄ dso₄, guë'₅ co₂lě₅ quiong'₅₄.

³Jaun₂ lě₃ ca₂juá'₂ Jesús jág₁ jáng'₅ léi₄ la₂:

⁴—¿I₂'ein₂ 'nia'₂, ju₁lia'₂ i₂ñio₅ caun₂ 'ñiá₂-lón₂ já'₂ cha'₂, ně₁jua'₂ ca₂i₃cón'₅ jan₂, tsa₁ ja₁co₂ñiog₅ jaun₂ toin'₂ i₂quén'₂ ne₂guión₂ rě₂dsí₂ guia₃-né₂ (99) con'₂ i₂te₂, dsó₃ táng₃ dsi₂jui₅, dsi₂'niai'₂ i₂jan₂ i₂i₃cón'₅ 'éi₂, 'nau'₂ ca₂lia'₂ ca₂dsáu'₂? ⁵Jě₁ma₂ca₂dsáu'₂ ně₃, tē₂ ju₁i₅

† 14:27 lit. “tsá₃ cán₂ cróg₄ quió'₅.”

co₁dsi_{1,2}, jóin'₅ táng₃ 'io'₂ jén'₅. ⁶ Jë₁ma₂dsiáin'₃ dsi₂néi₂ ně₃, ŋí'₂ ca₂le₃jín₃ a₂mei₅₄ quiáin₅, quian'₅₄ gué₄ dsa₂ i₂tián'₅ cau₅ quió'₅. Jaun₂ juá'₂: “Ně₃ o₁tió'₄, jmó'₁ 'io'₂ quian'₅₄ jniá₂, ia₁ dsán'₅ bá₄ já'₂ cha'₂ i₂jme₁ma₂i₂cón'₅ quiáng₃.” ⁷ Juá'₅ jniá₂, 'ŋio₅ lin₃ gué₄ bá₄ cha₂ o₂'ŋió₃ dsi₅ guei'₅₄ i₂juíg₃ o₄quió'₄ jan₂ dsa₂ i₂rě₂cán'₄ dso₄, i₂dsi₂quén'₅ dsí₅, lia'₂ con'₂ gué₄ o₄quió'₄ i₂quén'₂ ne₂guión₂ rě₂dsí₂ guia₃-né₂ (99) dsa₂ “dsen₃” i₂tsá₃ 'e₂ 'nió'₅ jme₃tsín₃ dsí₅.

Jág₁, jáng'₅ léi₄ ju₁lia'₂ caun₂ cu₄ 'ua'₂ a₂i₃có'₅

⁸ 'O₃ ju₁lia'₂ jan₂ dsa₂ mí₂ i₂'io₅ guia₃ cu₄ 'ua'₂, * ně₁jua'₂ ca₂i₃có'₅ caun₂, tsa₁ téi₂ si₂, 'iá'₂ dse₃ lin₃ dsi₂néi₂, 'no'₂ ca₂lia'₂ ca₂dsó'₂? ⁹ Jë₁ma₂ca₂dsó'₂ ně₃, jmo₂₃ 'io'₂, ŋí'₂ 'io₅₄ a₂mei₅₄ quiáin₅, i₂tián'₅ cau₅ quió'₅ ně₃, jaun₂ juá'₂: “Ně₃ o₁jmó'₁ 'io'₂ quian'₅₄ jniá₂, ia₁ dsó'₅ bá₄ cu₄ a₂jme₁ma₂i₂ág₃ quió₃.” ¹⁰ Jaun₂ le₂ně₅ bá₄ juíg₂ jniá₂ 'nia'₂, chan₂ o₂'ŋió₃ o₂ŋia₃ dsi₅ ángeles quián₅ Diú₄ o₄quió'₄ jan₂ dsa₂ i₂rě₂cán'₄ dso₄, i₂ma₂ca₂dsi₃quén'₅ dsí₅.

Jág₁, jáng'₅ léi₄ ju₁lia'₂ jan₂ dsó₂ i₂ca₂dsián'₃ táng₃ quió'₅ jmei₂

¹¹ Ca₂juá'₂ Jesús ján₃:

—Jan₂ dsa₂ jme₁chan₂ on₃ ja₁ŋi'₅₄. ¹² I₂lín₅ i₂me'₂ gué₄ ca₂tsí'₃ jmei₂: “Tia₅₄, cué₄ ca₂dsio₄ cu₄ quiáng'₂ con'₂ ca₂tíng₂.” Jaun₂ jmei₂ ně₃ ca₂dsi₃o'₃ 'e₂ a₂cha₂ quió'₅, jma₃quén₅ ca₂cuě'₃ chí'₂ quiáin₅ con'₂ ca₂tíin₂. ¹³ Mei'₂ bá₄ cang₂ jaun₂, dsó₂ i₂me'₂ gué₄ qui₂ca₂'nag₃ a₂jme₁ma₂lě₅ quió'₅. Quian'₅₄ cu₄ jaun₂ ca₂'í₃ ju₁i₅ i₁ŋi₂ uíng₂ caun₂ 'uě₃ siá'₂. Ja₁jaun₂ ca₂i₁'éin₄ jě₂ cu₄ quió'₅, tsá₃ 'en₅₄ dsí₅ ca₂rě₃cháin₃. ¹⁴ Jme₁ma₂dsó'₃ jě₂ cu₄ ně₃, 'ŋio₅ lin₃ ca₂rě₃'ín₃ a₂guě'₃ dsa₂ juíg₂ jaun₂. 'Eí₂ ně₃ ma₂ŋi₂₃ 'oin₅₄. ¹⁵ Jaun₂ ŋó₃ i₃'nióg₂ ta₁ a₂jmo₃ quió'₅ dsa₂ juíg₂ jaun₂. Jaun₂ dsa₂ 'éi₂ ně₃ ca₂chei₃ ja₁nau₂ quió'₅ a₂ŋi₃ i₁ŋi₅. ¹⁶ Jë₁ma₂tě₂ rě₁guě'₃ i₁ŋi₅, ca₂lia'₂ ma₂le₃guě'₃ 'ŋiog₅ cuá'₁ tsí₁rě₂jnei₂ a₂guě'₅ já'₂, la₁ 'i₁jan₂ tsá₃ 'ein₂ ca₂cuě₃ a₂guě'₅. ¹⁷ Jaun₂ ca₂i₃ŋia₅ dsí₅: “i₂Tě₁lia'₂ ju₁in₅ mozos i₂'ŋio₅ ŋe'₃, cha₂ qui₂rě₂tsón₂ a₂guě'₅, jniá₂ ně₃ ja₁lá₃ jŋíg'₅ dsi₃ 'ong₅₄! ¹⁸ Ag₅₄ caun₂ dsi₃, nég'₄ táng₃ dsi₂néi₂ quió'₅ ŋe'₃. Juíg₅₄ le₂la₂: Tia₅₄ quiáng₃, 'e₂ gué₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂; ¹⁹ ŋia₅₄ tsá₃ ma₃ca₂tíng₂ a₂tě'₄ jniá₂ jón₃. La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄. ²⁰ Jaun₂ ca₂nau₂ ca₂'í₃ ju₁i₅ jóin'₃ táng₃ quió'₅ jmei₂. La₁ uíng₂ bá₄ gué₄ jóin'₅, jme₁ca₂jág₂ jmei₂. Ca₂tá'₂ néi₂ dsí₅, ca₂ŋó₃ co₂chí'₅₄, ca₂cág'₃ cu₅ ca₂chen'₃ quió'₅ 'io'₂ jén'₅. ²¹ Jaun₂ gué₄ ca₂juá'₂ ja₁ŋi'₅₄: “Tia₅₄ quiáng₃, 'e₂ gué₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂; ŋia₅₄ tsá₃ ma₃ca₂tíng₂ a₂tě'₄ jniá₂ jón₃.”† ²² La₁ jmei₂ ně₃, ca₂tsí'₃ dsa₂ i₂jme₂ti₃ ta₁ tion'₅₄ quiáin₅: “i₂Ma₂ně₃ co₂chí'₅₄! O₂dsi₄ 'mi'₂ a₂lě₅ a₂dse₃ gué₄, queng'₅₄ chí'₂ quiáng₃; caun₂ guě'₂ anillo tio'₂ chí₂gú₃. Co₂dsán'₃ guě'₂ ni₁lau₂ to'₅₄ 'nia'₂ tag₅₄; ²³ Jaun₂ o₁te'₄ 'nia'₂ ca₁ju₁i₅ i₂ma₂'on'₅₄ chén'₅, jaun₂ ŋí'₄ 'nia'₂. i₂Jaun₂ que₅₄, tió'₄ jmó'₁ 'io'₂! ²⁴ Ia₁ chí'₂ ně₅ quiáng₃, ně₂jag₄ i₂jme₁ma₂jón₅ bá₄ ně₅, la₁ chain₂ bá₄; jme₁ca₂i₃cóin'₅, la₁ ma₂dsáin'₅ bá₄.” Jaun₂ ca₂jme₃lióg₃ jmig₄ tíoin'₅₄.

²⁵ 'Tě₁lia'₂ jaun₂, chí'₂ ja₁ŋi'₅₄ i₂lín₅ i₂ju₁in'₂ gué₄, jme₁'ein₅₄ ja₁nau₂. Jme₁ma₂ja₂quián₃ guain'₂ dsi₂néi₂, ca₂nág₂ i₁niog₅ son₅₄ i₁dsan₅ dsa₂. ²⁶ Jaun₂ ca₂tě'₃ jan₂ dsó₂ ca₂ŋag₃ 'e₂ niog₅ lě₂. ²⁷ Jaun₂ juá'₂ 'éi₂: “Dsó₂ ríng'₂ bá₄ guán'₅, jaun₂ néi'₅ ně₃ ně₂jmo₃ 'éi'₃ ně₂ŋi₃ dsa₂ ca₁ju₁i₅ i₂jme₁chén'₄ 'on'₅₄, ia₁ guán'₅, dsein₃ bá₄, tsá₃ 'e₂ lín₅.” ²⁸ La₁ ca₂rě₃'né₃ bá₄ riin'₅₄ i₂ju₁in'₂ 'éi₂. Tsá₃ 'nio₃ 'í₂ dsi₂néi₂; jaun₂ ca₂o₃'ín₃ jmei₂, ca₂juá'₂ jág₁ 'ua₁. ²⁹ La₁ 'éi₂ ně₃ ca₂ŋag₃ ca₂tsí'₃ jmei₂: “Ca₂le₃jě₃ ŋi₂ ma₂guio₃ gua₅₄ jme₃tí₂ ta₁ ne'₅₄, tsá₃ líg'₂ jua'₅₄ ma₂jmo₃ tsá₃ nag₅₄ ja₁cong'₂. Ca₂lia'₂ ŋia₅₄ jan₂ chein₂ lau₂ bá₄ tsá₃ ma₂cuag'₅₄ jniá₂ jua'₅₄ jmo₅₄ jmig₄ quian'₅₄ a₂mei₅₄ quiáng₃. ³⁰ Ně₃ gué₄ ting'₂ jmó'₂ jmig₄ ia₁ guán'₅ ja₁ŋi'₄ ně₅, i₂lě₁qui₂i₁'én₄ cu₄ quiáng'₂, qui₂i₁ŋi₂ lia'₂ lě₂ dsí₅ quian'₅₄ 'io₅₄ ga₂. Ně₃ ně₃, jmig₄ jmo'₂ o₄quió'₄, jŋíg'₅

* 15:8 griego: dracma (co₂'nió'₄ 'lian'₅₄ dsa₂ co₂jmig₄ ta₁). † 15:21 A₂lin₅₄ chog₅₄ si₂ chí₁ton₅ le₂la₂ ján₃: “La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄.”

ca₁juí₅ i₂'on'₅₄ guě₄ jme₁chén'₄.” ³¹ Jaun₂ ca₂ḡag₃ jmei₂: “Jón₃, ma₁ co₂tan₅₄ bá₄ ḡéi'₂ 'ne₂ quian'₅₄ jniá₂; a₂quían'₂ 'ne₂ bá₄ ca₂le₃jě₃ a₂cha₂ quió₃. ³² La₁ nē₃ nē₃ co₂nē₅ ca₂tág₂ jmó₁ jmig₄, quián₁ o₂'ḡi₃ dsi₅, ia₁ guán'₅ ríng'₂, nē₂jag₄ i₂jme₁ma₂jon₅, la₁ nē₃ ma₂chain₂ bá₄ táng₃; jme₁ca₂i₃cóin'₅, la₁ ma₂dsáin'₅ bá₄.”

16

Jág₁, jáng'₅ léi₄ juí₁lia'₂ jan₂ dsa₂ i₂tsá₃ ca₂rě₃ti'₅₄

¹ Ca₂juá'₂ Jesús ján₃ ca₂tsí'₃ dsa₂ i₂quian'₅₄:

—Jme₁chan₂ jan₂ dsa₂ cha₂ cu₄ jme₁'ḡioi₂₃ jan₂ dsa₂ i₂nio₅ gu₂ dsi₂néi₂ quió'₅; la₁ ca₂i₁dsia₂ jan₂ dso₄, ia₁ juá'₂ a₂lě₁jme₁qui₂'én₂ 'éi₂ a₂cha₂ quió'₅ juig₅₄. ² Jaun₂ ca₂tě₃ juig₅₄ ca₂juá'₂: “ǀ₂e₂ bá₄ jág₁ nē₅ nag₂₃ quián'₂ 'ne₂? Jang'₅₄ cuentas quiáng'₂, ta₁ a₂lǐng'₅, ia₁ ja₁lá₃ jnia'₃ ta₁ a₂nio₅ gog'₂.” ³ Jaun₂ dsa₂ 'éi₂ nē₃ ca₂'náu'₃ dsi₅: “ǀ₂E₂ bá₄ jmo₅₄ jniá₂? Jniá'₂ juig₃ ta₁ quió₃. Tsá₃ bēng₂ jua'₅₄ jmo₅₄ ta₁ ja₁nau₂, ján₃ guě'₂ gui'₄ jniá₂ jua'₅₄ a₂lě₁mi₁₂ jme₃'o₅₄ dsa₂. ⁴ Ma₂guion₄ 'a₂ lia'₂ jmo₅₄ ia₁jaun₂ guei₃ dsa₂ sián'₂ dsi₂néi₂ quió'₅ jě₁ma₂tě₂tsing'₅₄ tsá₃ ta₁ cha₂ jmo₅₄.” ⁵ Jaun₂ ca₂tě'₃ tě₃ qui₂ján₃ dsa₂ i₂jme₁le₁rín₃ quió'₅ juig₅₄. I₂le₂'uig₅₄ ca₂tsí'₃: “ǀ₂e₂liá'₂ ríng'₂ quió'₅ gui'₅₄?” ⁶ Jaun₂ ca₂juá'₂ 'éi₂: “Caun₂ 'ḡiá₂-láu₂ ba₂rig₅₄* no'₅₄.” Jaun₂ juá'₂: “La₂ ron₅ si₂ ja₁ton₅ con'₂ a₂ríng'₂. Né₂, ma₂nē₃ jmo₄ táng₃ caun₂ a₂siá'₂, tió'₃ jnia'₅₄ tě₂láu₃-guiá₂ bá₄ taun'₅₄ a₂le₃ríng'₂.” ⁷ Jaun₂ ca₂tsí'₃ táng₃ jan₂ i₂sián'₂: “Ne₂ guě'₂, ǀ₂e₂liá'₂ ríng'₂?” Jaun₂ juá'₂: “Caun₂ mei₅ 'ma₂ cuig₂.” † Jaun₂ ca₂ḡag₃: “Jón'₅ si₂ ja₁ton₅ a₂ríng'₂; jmo₄ táng₃ caun₂ a₂siá'₂ tió'₃ quéin'₂ co₂ne₂guióg₂ bá₄ taun'₅₄.” ⁸ Juig₅₄ nē₃, rě₂ bá₄ ca₂'i_{in}₃ dsa₂ i₂tsá₃ ca₂rě₃ti'₅₄ 'éi₂, ia₁ 'ḡioi₅₄ ca₂jmo₃. Ia₁ ja₂lin₃ guě₄ bá₄ 'ḡio₅₄ juí₁lia'₂ dsa₂ mi₂güig₃ jmig₄ nē₃, lia'₂ con'₂ guě₄ chi'₂-guein₂ i₂2nio₄ ja₁jniá₂ si₂. ⁹ Jaun₂ juig₂ jniá₂ 'nia'₂, 'nio'₂ 'nia'₂ juí₅ 'a₂ lia'₂ léng'₂ a₂mei₅₄ quian'₅₄ cu₄ cha₂ mi₂güig₃ 'lig'₅₄ la₂, ia₁jaun₂ jě₁ma₂ca₂dsa₃ cu₄, chan₂ bá₄ i₂le₃guéi'₂ 'nia'₂ ja₁o₁tiáng'₂ dse₃ co₂tan₅₄. ¹⁰ Juí₁lia'₂ i₂rě₂ti'₅₄ rě₂ quian'₅₄ ca₂juig₄ a₂tě₂no₄ gu₂, ján₃ bá₄ le₂jaun₂ rě₂ti'₅₄ quian'₅₄ 'lióng₂. Le₂jaun₂ guě'₂ juí₁lia'₂ dsa₂ i₂tsá₃ rě₂ti'₅₄ quian'₅₄ ca₂juig₄, ján₃ bá₄ le₂jaun₂ tsá₃ rě₂ti'₅₄ quian'₅₄ 'lióng₂. ¹¹ Jaun₂ nē₃, nē₁juá'₂ tsá₃ rě₂ten'₅₄ 'nia'₂ quian'₅₄ cu₄ cha₂ mi₂güig₃ 'lig'₅₄ la₂, ǀ₂'ein₂ bá₄ i₂lé₂ le₃'ág₃ caun₂ dsi₅ ja₁con'₂ 'nia'₂ quian'₅₄ a₂lě₅ a₂quen₅ tě₃dsón'₂? ¹² Nē₁juá'₂ tsá₃ rě₂ten'₅₄ 'nia'₂ quian'₅₄ a₂lě₅ quió'₅ dsa₂ sián'₂, ǀ₂'ein₂ bá₄ dsia₃ gog'₂ 'nia'₂ juí₁lia'₂ a₂ca₂tín'₂ 'nia'₂ guiong'₅₄? ¹³ I₁jan₂ dsa₂ i₂ma₂'lian'₅₄ tsá₃ lé₂ le₃jme₃ti₃ ta₁ ne₄ on₃ juig₅₄. Ia₁ jme₃'ḡiai₅₄ jan₂, jan₂ guě'₂ jme₃'nioi₃; o₃ jme₂gain₃ jan₂, jan₂ guě'₂ tsá₃ juí₅ toin'₂. Tsá₃ 'ein₂ 'nia'₂ lé₂ le₃jme₃ti₃ lia'₂ ne₄ Diú₄, lia'₂ ne₄ Cu₄ nē₃.

¹⁴ Dsa₂ fariseos nē₃, jme₁tioin'₅₄ 'nag₂₃ jě₂ jág₁ nē₅. Jaun₂ jnia'₅₄ ca₂ḡág₂ 'nei₂ bá₄ jme₁ca₂nág₂, ia₁ lǐin₅ dsa₂ i₂ḡi₄ dsi₅₄ cu₄.

¹⁵ Jaun₂ ca₂juá'₂ Jesús:

—'Nia'₂ jmo'₂ a₂dseng'₃ tě₃ne₄ dsa₂, la₁ cú'₅ bá₄ Diú₄ dse₃ 'a₂ lia'₂ lě₅ 'au'₂ 'nia'₂. Ia₁ juí₁lia'₂ i₂jmo₅ dsi₅ a₂ḡi₄ lě₃ dsein₅₄ 'ḡio₅ quein₅, a₂jaun₂ 'io'₅₄ Diú₄.

'Éi'₃ Juá'₅, quian'₅₄ ja₁gon₂ Diú₄

¹⁶ 'Jme₁ron₅ 'Éi'₃ Juá'₅, quian'₅₄ Si₂ quió'₅ dsa₂ i₂jme₁'ě₂ jág₁ quián₅ Diú₄, ca₂lia'₂ ca₂tě₂ jmig₄ a₂jme₁chan₂ Juan₅₄. Ca₂le₃jaun₂ qui₂dsi₂'ag₅ jág₁ juí₁lia'₂ ja₁gon₂ Diú₄; ma₂ja₂lén₂ ca₂le₃jín₃ dsa₂ qui₂quín'₅ bí₂ a₂tóin'₃. ¹⁷ Tsá₃ guě'₂ e₂ ta₁ quian₅ a₂dsi₃ḡi₂ dsi₁ guei'₅₄ quian'₅₄ gua'₅₄ 'uě₃, lia'₂ con'₂ guě₄ dsi₃'én₂ caun₂ léi₄ pí'₁ a₂le₁ton₅ 'Éi'₃, jua'₅₄ a₂tsá₃ le₃ti₃.

*Jme₂tag₅ Jesús 'a₂ lia'₂ lě₅ juí₁lia'₂ a₂tén₂ dsa₂ dsi₂i₂gu₂
(Mateo 19:1-12; Marcos 10:1-12)*

* **16:6** lit. “caun₂ 'ḡiá₂-láu₂ batous”, (caun₂ 'éi'₃ a₂jme₁'io₅ dsa₂, a₂'a₄ con'₂ 37 litros le₂caun₂). † **16:7** lit. “caun₂ 'ḡiá₂-láu₂ korous míg₂ trigón”, (caun₂ 'éi'₃ a₂'éi₄ con'₂ guia₃ 'ma₂ le₂caun₂).

18 'Në₁jua'₂ jan₂ dsa₂ ñe'₂ ca₂téin₂ dsa₂ mí₂ quiáin₅, a₂jéin'₂ táng₃ gu₂ quian'₅₄ i₂sián'₂, 'no₂₃ dso₄. Ján₃ guè'₂ le₂jaun₂ në₁jua'₂ dsa₂ ñe'₂ ca₂cain₃ dsa₂ mí₂ i₂ma₂téi₂ dsi₂i₂gu₂, ján₃ bá₄ co₂jaun₂ 'no₂₃ dso₄ ján₃.

Jan₂ dsa₂ cha₂ cu₄, quian'₅₄ Lázaro

19 'Jme₁chan₂ jan₂ dsa₂ cha₂ cu₄ i₂jme₁quí'₅ jmá'₃ tsin'₅₄ jlá'₁, quian'₅₄ 'mi'₂ 'ui'₃ a₂chein'₅₄ ta₁jain₂, në₃. Le₂'o₃ jmi₄g₄ bá₄ jme₁cué'₅ o₂'ñi₃ o₂ñia₃ dsi₅, jme₁jmo₂₃ jmi₄g₄ jlá'₁.
20 Jme₁chan₂ táng₃ jan₂ dsa₂ te₂ñé₂ i₂jme₁chen₂ Lázaro,† i₂dso'₅₄ jme₁qui₂rè₂can'₂ 'mé'₅ ni₁ñi₁₂. Jme₁dsi₂dsiog₃ dsa₂ o₄'né₄ quió'₅ dsa₂ cha₂ cu₄. 21 Dsa₂ te₂ñé₂ 'éi₂ në₃ jme₁nio₃ jme₃tain'₅₄ quian'₅₄ a₂tsi₂séi'₂ ne₄ mesa. Ca₂tè₂ dsi₂jí'₅₄ jme₁ja₂lén₂ ja₂'lí'₃ ne₄ 'mé'₅ quió'₅.
22 Cang₂ jaun₂ ca₂jon₃ bá₄ dsa₂ dsi₂ñé₂ 'éi₂, ca₂tág₃ ángeles ja₁con₂ Abraham. Cang₂, ca₂jon₃ bá₄ dsa₂ cha₂ cu₄ 'éi₂ ján₃. Ca₂'ó₂ bá₄ dsa₂ në₃. 23 Jme₁ma₂'ein₅₄ ñág₅ uig₅ ja₁dsi₂len₅ 'lag₄, § ca₂chóg'₃ ne₅₄ ca₂jíin₂ úing₂ Abraham quian'₅₄ Lázaro cau₅ quió'₅. 24 Jaun₂ ca₂guió'₃ co₂mi'₅₄ ca₂juá'₂: “Tia₅₄ Abraham, dsia₄ ñéi₂ 'au'₂ jniá₂, chen₅ Lázaro në₅ jui₁tia₅₄ chi₁gú₃ né'₃ jmi₄g₃, jui₁ñia₂ jme₃güig'₂ le₁tsi'₃. Ia₁ 'ñio₅ lin₃ uig₅ ñag₅₄ 'eng₅₄ jè₄ si₂ la₂.” 25 Jaun₂ ca₂ñag₃ Abraham: “Jón₃, dsá₂ 'au'₂ jmo₄, ca₂gue'₅₄ bá₄ 'ne₂ a₂dse₃ tē₁lia'₂ ca₂rè₃cháng'₃. Lázaro la₂ në₃, tsá₃ 'e₂ dse₃ ca₂rè₃cháin₃. Jaun₂ rè₂nē₃ në₃ gue₂₃ lián'₂ chain₂ dse₃ ja₁lá₃. 'Ne₂ guè'₂ ma₂ñag'₅₄ uig₅ ja₁nē₅. 26 Ton'₂ jí'₅₄ ñei₅ lin₃ lē₅ jè₄ quián₂ jniog₄, jaun₂ tsá₃ 'ein₂ lé₂ le₃ñí₃ tē₂le₃ në₅, on₃ guè'₂ i₂tion'₅₄ ja₁nē₅ lé₂ ñí₃ le₃la₂.” 27 Jaun₂ ca₂ñag₃ táng₃: “Mí₅ jniá₂ ne'₅₄ jaun₂, tia₅₄, a₂dsiang'₅₄ i₂nē₅ dsi₃con₅₄ jág₁ dsau₅ dsi₂néi₂ quió'₅ ñe'₃, 28 ia₁ 'ñiá₂ chi'₂ ríng'₃ i₂chan₂ guè₄, ia₁ jaun₂ tsá₃ ja₃ñag₅₄ uig₅ ja₁lá₃.” 29 Jaun₂ ca₂ñag₃ táng₃ Abraham: “I₂ma₂rón'₅ si₂ bá₄ ó₃ ca₂quiog₂ Moisés quian'₅₄ dsa₂ i₂jme₁'è₂ jág₁. ¡Jui₁tion'₅₄ jui₅ a₂juá'₂ 'éi₂!” 30 Jaun₂ ca₂ñag₃ táng₃: “Jan₂'ón₄, tia₅₄ Abraham, ia₁ në₁ca₂dsián'₂ jan₂ 'lag₄ dsi₁con₃ jág₁, dsi₃quén'₅ bá₄ dsí₅.” 31 La₁ ca₂ñag₃ táng₃ 'éi₂: “Chi₂jua'₂ tsá₃ nag₅ gau₂ a₂juá'₂ Moisés, quian'₅₄ dsa₂ i₂jme₁'è₂ jág₁ quián₅ Diú₄ në₃, ján₃ bá₄ le₂jaun₂ tsá₃ 'e₂ gau₂ nag₃ o₁ñia'₅₄ la₂ ca₂jen'₅₄ jan₂ 'lag₄ dsi₁con₃ jág₁.”

17

A₂go'₂ në₁jua'₂ 'ein₂ ca₂tian'₃ dso₄

(Mateo 18:6-7, 21–22; Marcos 9:42)

1 Ca₂juá'₂ Jesús ca₂tsí'₃ dsa₂ i₂quian'₅₄:

—Tion₅₄ niog₅ le₃cha₂ bá₄ a₂jmo₃ a₂qui₃nió₃ dsa₂. ¡La₁ 'e₂ guè₄ juí₂ jui₁lia'₂ dsa₂ i₂'uin₄ a₂dsi₂gan'₅₄ riin'₅₄! 2 Ja₂lin₃ guè₄ dse₃ jua'₅₄ tón₂ dsa₂ ne₄ jmi₁ñí'₄ chi₁quein₅ ni₁to₂ dsi₂lag₅₄, lia'₂ con'₂ guè₄ jmo₃ tián'₃ dso₄ jan₂ dsa₂ dsi₂ñé₂ la₂. 3 Tē₃ñi'₅₄ 'nia'₂ jaun₂.

'Chi₂jua'₂ 'ein₂ ríng'₂ jmóg'₂ mí₅₄, jéin₃. Në₁jua'₂ ca₂jme₃tsín₃ dsí₅, 'én₃ dsáu₁. 4 O₁ñia'₅₄ guio₃ ráun₂ në₂jmóg'₂ mí₅₄ co₂jmi₄g₄, në₁jua'₂ guio₃ ráun₂ ca₂já₃ ne'₅₄, juá'₂: “Tsá₃ ma₃jmo₅₄”, 'én₃ dsáu₁.

Bí₂ a₂'io₅ a₂'én₂ dsa₂

5 Ca₂juá'₂ chi'₂ dsi₂guia₃-tín₂ ca₂tsí'₃ Te₁gui'₅₄:

—Jmo₄ jui₁le₂'éin₂ guè₄ jnia'₅₄.

6 Jaun₂ ca₂ñag₃ táng₃ Te₁gui'₅₄:

—Tsá₃ a₂nag₅₄ ñia'₅₄ con'₂ tí₅ ca₂míg₂ mi₂jon₂ quió'₅ ni₁'ma₂ mostaza* bá₄ 'én₂ 'nia'₂, lé₂ le₃juig'₅₄ ni₁'ma₂ sicómoro† chí'₅ në₅, “Jñiag'₃ ja₁nē₅, o₂nau₂ ne₄ jmi₁ñí'₄”, le₂jaun₂ dsón'₂ lé₂ bá₄.

A₂ ca₂tín₂ jmo₃ dsa₂ i₂jme₂ti₃

‡ 16:20 Lia'₂ chen₂ Lázaro jein₅ jág₁, dsa₂ i₂jme₂'o₅₄ Diú₄. § 16:23 griego: hades, co₂'nió'₄ a₂juá'₂, ja₁quió'₄ 'lag₄.

* 17:6 mostaza: On₃jua'₅₄ mi₁jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tē₂ tē₅sí₃ Brassica nigra. † 17:6 sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14.

7 'Jua⁵⁴ mei² guë³ jan² 'nia² chan² jan² dsa² i²jmo⁵ ta¹ ja¹nau² quió⁵, o³ jmo²³ 'í² já² cha² 'e², jua⁵⁴ mei² guë³ ma²guáin⁵ ja¹nau², ¿o³ bá⁴ juig² 'nia²: “Ñi⁵⁴ i²né² jaun² quë⁵⁴”?

8 Ma¹ tsá³ le²jaun². ¿o³ juig² le²la² 'e²: “jmo⁴ co²jñia⁵⁴ a²guë⁵⁴, jmo⁴ co²jñia⁵⁴ quiáng², jaun² ñag⁵⁴ dsiá¹ quió³. Ca²lia² jë¹ma²ca²lë³ guë², gui² në³, jaun² guë⁴ quë⁵⁴, 'ag⁵⁴ 'ne²”?

9 ¿Cuë⁵ ti¹'mag⁴ dsa² 'éi² ia¹ jme²ti³ con² lë⁵ a²të¹néi²? Jan²'ón⁴. 10 Le²në⁵ bá⁴ 'nia² ján³, jë¹ma²ca²lë³ jmo² ca²le³jë³ a²juá² Diú⁴, ca²tín² 'nia² jua⁵⁴: “Tsá³ 'e² ta¹ téi⁴ jnia⁵⁴ ja¹cong², ia¹ tsá³ 'e² ñag⁵⁴ jua⁵⁴ në²jmó¹ jnia⁵⁴, jñia⁵⁴ con² a²ca²tág² jnia⁵⁴ jmó¹ bá⁴ në²jmó¹.”

Ca²jme³'lión² Jesús guian³ dsa² i²jme¹lín⁴ 'mé⁵ 'iog⁵

11 Con² siá², ca²'í³ táng³ Jesús jui⁵ a²dsióg⁴ Jerusalén, qui²ca²ñi⁵ le²tan⁵⁴ 'uë³ Samaria quian⁵⁴ Galilea.

12 Jme¹ca²dsióg³ caun² juig² bë⁵⁴, ca²jme³jein² guian³ dsa² i²le¹dso⁵⁴ lín⁵ 'mé⁵ 'iog⁵, la¹ uíng² bá⁴ ca²nau² ja¹chén⁴ Jesús. 13 Ca²juá² tiá²:

—jJesús, Të⁵, dsia⁴ ñéi² 'au² jnia⁵⁴!

14 Jme¹ca²jág² Jesús, ca²juá²:

—O²nó⁵ 'nia² o²jme¹jnia⁵ ne⁴ jme²dsa².

Jë⁴ i²lén² jaun² bá⁴, ca²jñia³ 'mé⁵ a²jme¹lín⁴.

15 Jaun² në³ jan² 'éi², jme¹ca²rë³lí⁴ ca²jñia³ dso⁵⁴, ca²jéin³ táng³ ne⁵⁴, jme²juin² Diú⁴ co²mi⁵⁴.

16 Ca²tóin² 'uë³ cau⁵ mi²tag⁴ Jesús, cuë²³ ti¹'mag⁴. Jan² dsa² chan² Samaria bá⁴ 'éi².

17 Jaun² ca²juá² Jesús:

—¿On¹jua⁵⁴ guian³ lë² i²ca²'lón²? ¿Na⁵ guë² i²ñi³ 'éi²? 18 ¿Jan² dsi²nau² la² bá⁴ i²jón⁵ jme²juin² Diú⁴?

19 Jaun² ca²tsí³ dsa² 'éi²:

—Nau², guan² quiáng². Ca²'lóng² ia¹ 'éng² bá⁴.

'A² lia² lé² i²guá² 'éi³ quió⁵ Diú⁴

(Mateo 24:23-28, 36—41)

20 Jaun² ca²ñag³ dsa² fariseos ca²ñi³ Jesús líg² guá² jmig⁴ a²le³gon² Diú⁴. Jaun² ca²ñag³ 'éi²:

—On³jua⁵⁴ a²cha² léi⁴ a²rë²jniá² guá² 'éi³ quió⁵ Diú⁴. 21 Jaun² tsá³ 'ein² lé² le³juá², jua⁵⁴ “ñi² ja¹lá³ já⁵”, o³ “jó⁴ já⁵.” Ia¹ a²ma²'i⁴ bá⁴ 'éi³ quió⁵ Diú⁴ jin⁴ 'nia².

22 Jaun² ca²tsí³ táng³ chi² dsi²guia³-tín²:

—Já⁵ jmig⁴ ja¹lé² 'au² 'nia² 'niog² jag⁵⁴ jmig⁴ a²le³gon² Jaun⁵ dsa² mi²güig³, la¹ tsá³ jaun² të⁵⁴ ne⁵⁴ 'nia². 23 Ia¹ já⁵ jmig⁴ i¹tsí³ dsa² 'nia²: “ñi² ja¹lá³ já⁵”, o³ “jó⁴ já⁵.” La¹ tsá³ o¹nó⁵ 'nia², on³ guë² jui¹le² 'én² 'nia² quió⁵ i²juá² le²në⁵. 24 Ia¹ jui¹lia² të²tsi⁵⁴ si¹ñi³ ca²taun² ca²taun² guei⁵⁴ mi²güig³, le²jaun² bá⁴ lé² jë¹ma²të² rë¹të³tsin⁵⁴ Jaun⁵ dsa² mi²güig³. 25 La¹ jñiá⁵ de² ca²tíin² ñág³ uig⁵ 'ñio⁵ lín³, jme³'iog⁵⁴ dsa² chan² jmig⁴ në³. 26 Ia¹ jui¹lia² ca²lë³ jmig⁴ lia² con² jme¹chan² Noé, le²jaun² bá⁴ lé² táng³ jmig⁴ quió⁵ Jaun⁵ dsa² mi²güig³. 27 Ia¹ jme¹tion⁵⁴ dsa² 'éi² jmig⁴ jaun² qui²guë⁵, qui²'ín² në³, jme¹qui²jéin² gu², qui²cu¹in²³ chi² quiáin⁵ a²jéin² gu², ca²lia² jme¹ca²dsióg³ jmig⁴ i¹ca²'í³ Noé 'ñió³ ni¹barco, a²ca²can² rë² jmig² ta¹caun² mi²güig³, ca²i³'én² ca²le³jín³. 28 Le²në⁵ bá⁴ ca²lë³ ján³ jmig⁴ quió⁵ Lot. Jme¹tion⁵⁴ dsa² qui²guë⁵, qui²'ín², i²tion⁵⁴ qui²lá⁵, qui²'nag²³, qui²jne²³ 'e² qui²jne²³, qui²jmóg⁵ 'ne⁴ në³. 29 La¹ jme¹ca²dsióg³ jmig⁴ a²o²'ín³ Lot juig² Sodoma, a²ca²tang² rë² si², ca²séi² ni¹cang¹ azufre le¹guí² si² guei⁵⁴, ca²i³'én² táng³ ca²le³jín³. 30 Le²jaun² bá⁴ lé² táng³ jmig⁴ i¹jme³jnia⁵ Jaun⁵ dsa² mi²güig³. 31 Jmig⁴ jaun², chi²jua² 'ein² 'en⁵⁴ co⁵⁴ 'ne⁴, jui¹te¹'i¹ bá⁴ 'e² te¹'i¹ dsi²néi² quió⁵, tsá³ o¹sióin⁴ jua⁵⁴ a²'uë³ a²jaun². Já³ bá⁴ le²jaun² jui¹lia² i²'en⁵⁴ ja¹nau², tsá³ ma³o¹jñioi⁵⁴ jua⁵⁴ a²ja³quián² 'e² ja³quián² a²cha² quió⁵. 32 Dsá² 'au² 'nia² jmo⁴ 'e²

ca₂i₃ŋí₂ 'io₅₄ quián₅ Lot. ³³ Ia₁ jui₁lia'₂ dsa₂ i₂'nio₃ le₃chan₂ dse₃, dsi₃'én₂ quió'₅; la₁ jui₁lia'₂ dsa₂ i₂dsi₃'én₂ quió'₅, le₃chain₂ bá₄ dse₃.

³⁴ 'Juá'₅ jniá₂, 'uë₂ jaun₂, on₃ dsa₂ i₂tián'₅ caun₂ tsi₁cama; jan₂ i₂dsi₃lén₃, jan₂ guë'₂ i₂të₃'ŋiá₄. ³⁵ Ján₃ guë'₂ le₂jaun₂, on₃ dsa₂ mí₂ i₂tion'₅₄ éi'₅ co₂lë₅; jan₂ i₂dsi₃lén₃, jan₂ guë'₂ i₂të₃'ŋiá₄.†

³⁷ Jaun₂ ca₂ŋag₃ dsa₂:

—¿A₂já'₄ bá₄ lé₂ a₂në₅, Te₁gui'₅₄?

Jaun₂ ca₂ŋag₃ táng₃ 'éi₂:

—Jui₁lia'₂ ja₁ron₅ ni₁ŋi₁ 'lag₄, ja₁jaun₂ ŋi'₂ i₁tú₃ tsin'₅₄.

18

Jág₁, jáng'₅ léi₄ jui₁lia'₂ jan₂ 'io₅₄ 'nág₂ quian'₅₄ jan₂ juë'₄

¹ Ca₂juá'₂ Jesús caun₂ jág₁ a₂jáng'₅ léi₄, a₂ca₂jme₃tin₂₃ dsa₂ a₂ca₂tin₂ chi₃lén'₂ Diú₄ tián₂, tsá₃ o₁'ú'₄ dsí₅.

² Ca₂juá'₂ le₂la₂:

—Caun₂ juig₂ jme₁guá₄ jan₂ juë'₄ i₂tsá₃ Diú₄ gan₃, on₃ guë'₂ dsan₂ dsí₅ dsa₂ mi₂güig₃ ně₃. ³ Ján₃ bá₄ juig₂ jaun₂ jme₁chan₂ jan₂ 'io₅₄ 'nág₂ i₂jme₁ja₂ i₂gú'₃ ja₃jün₅₄ juë'₄ 'éi₂, jme₁ja₂jua'₅₄: “Jme₁rë₂ jág₁ quió'₃, qui₂dsi₅ 'éi'₃ quió'₅ dsa₂ i₂jimóg'₂ jniá₂.” ⁴ Uë₂ bá₄ tsá₃ jui₅ tón'₂ 'éi₂ jua'₅₄ jme₃rë₃. La₁ cang₂ bá₄ ca₂i₃ŋia₅ dsí₅: “O₁ŋia'₅₄ la₂ tsá₃ Diú₄ gáng₅, on₃ guë'₂ dsa₂ mi₂güig₃ dsan₂ dsi₃ ně₃, ⁵ la₁ia₁ 'uig₅₄ a₂ŋí₄ lë₃ cuë₅ o₂me'₅₄ dsi₃ 'io₅₄ 'nág₂ ně₅, qui₁dsi₅ jniá₂ co₂ŋei'₅₄ 'éi'₃ o₄quió'₄, con'₂ tsá₃ ŋó₅ ně₁jua'₂ caun₂ le₂në₅ ŋi₃, jmo₃ dsi₃mé'₂ dsi₃.”

⁶ Jaun₂ ca₂juá'₂ Te₁gui'₅₄:

—Ní₂ rë₂ a₂juá'₂ juë'₄ 'lin'₅₄ 'éi₂. ⁷ ¿Tsa₁ lín'₂ 'nia'₂, jme₃rë₃ bá₄ Diú₄ 'e₂ a₂mi₅ dsa₂ i₂rë₂quion'₅₄ quiáin₅ i₂qui'₂ 'áu'₂ ca₂nei₂ ca₂jnia₃? ¿Tsa₁ lín'₂ 'nia'₂ caun₂ juin'₂ dsí₅ bá₄ quiong'₅₄? ⁸ Juig₂ jniá₂ 'nia'₂, dsi₂jui₅ bá₄ qui₃dsi₅ Diú₄ 'éi'₃ o₄quió'₄ i₂mi₅. La₁, jë₁ma₂të₂ rë₁guan'₂ Jaun₅ dsa₂ mi₂güig₃, ¿dsiain'₂ bá₄ guë'₄ dsa₂ 'én₂ ne₄ gua'₅₄ 'uë'₃?

Jág₁, jáng'₅ léi₄ jui₁lia'₂ on₃ dsa₂: jan₂ dsa₂ fariseo, jan₂ guë'₂ dsa₂ i₂mi₅ 'lia'₅₄ a₂ca₂tin₂ dsi₂tan₅₄

⁹ Ca₂juá'₂ Jesús caun₂ jág₁ jáng'₅ léi₄ a₂ca₂tin₂ con'₂ i₂lín₂ lín₅ dsa₂ dsen₃, tsá₃ dsá₅ dsí₅ riin'₅₄ sián'₂. Ca₂juá'₂:

¹⁰ —On₃ dsa₂ ca₂i₃lén₂ guá'₅ templo i₁chi₂i₁lein'₄ Diú₄. Jan₂ 'éi₂ jme₁lín₄ fariseo, jan₂ guë'₂ i₂jme₁lín₄ ta₁ i₂mi₅ 'lia'₅₄ a₂ca₂tin₂ dsi₂tan₅₄. ¹¹ Dsa₂ fariseo ně₃, të₃ chéin'₅ bá₄ chi₂lí'₂ con'₂ 'ŋiog₅, ca₂juá'₂ le₂la₂: “Cuë₅ jniá₂ ti₁'mag'₄, 'ne₂ Diú₄ quiáng₃, ia₁ tsá₃ líng₅ jui₁lia'₂ lín₅ i₂lín₅₄: i₂qui₂'ang₅, i₂tsá₃ dse₃ jmo₅ ja₁con₂ rin'₅₄, i₂nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, ca₂lia'₂ jnia'₅₄ lia'₂ lín₅ dsa₂ i₂mi₅ 'lia'₅₄ ně₅, tsá₃ líng₅. ¹² Jme₂'ing₅₄ ně₃ tin₃ ráun₂ lia'₂ caun₂ semana, ton'₂ cuë₅ bá₄ jniá₂ caun₂ qui'₅₄ a₂guia₃ quió₃, jë₂ con'₂ a₂lág₂.” ¹³ La₁ dsa₂ i₂mi₅ 'lia'₅₄ 'éi₂ guë'₂ ně₃, úing₂ bá₄ chéin'₅, ca₂lia'₂ jnia'₅₄ ne₅₄ bá₄ tsá₃ tiá₂ dsí₅ chóg'₃ guei'₅₄. Jnia'₅₄ con'₂ qui₂quein₂₃ le₁dsí₅ bá₄ chéin'₅, juá'₂: “Diú₄ quiáng₃, dsia₄ ŋéi₂ 'au'₂ jniá₂ ia₁ rë₂cáng₄ dso₄.” ¹⁴ Jaun₂ juig₂ jniá₂ 'nia'₂, dsa₂ i₂mi₅ 'lia'₅₄, 'éi₂ bá₄ tiá₂ rë₂ të₁tsin'₅₄ ne₄ Diú₄ ŋái'₅ quió'₅, lia'₂ con'₂ guë'₄ i₂jan₂. Ia₁ ca₂le₃jín₃ i₂jme₂can'₅₄ guion₅₄, sióin₃; la₁ i₂jmo₅ me'₂ guë'₂ ně₃, roin'₂ guei'₅₄.

Ca₂jme₃gon'₅₄ Jesús chi'₂-guein₂

(Mateo 19:13-15; Marcos 10:13-16)

¹⁵ Co₂ráun₂ guë'₂, qui₂ca₂o₃jnia₃ dsa₂ guein₂ quiáin₅ ne₄ Jesús, ia₁jaun₂ qui₃téi₂ gu₂. La₁ ca₂jí₂ bá₄ chí'₂ dsi₂guia₃-tín₂ jme₁ca₂jág₂.

† 17:35 Chog₅₄ si₂ a₂gui'₅₄ guë'₄, tsá₃ chi₁ton₅ versículo 36 a₂juá'₂: “On₃ dsa₂ ŋe'₂ i₂tion'₅₄ jmo₅ ta₁ ja₁nau₂; jan₂ i₂dsi₃lén₃, i₂jan₂ guë'₂ i₂të₃'ŋiá₄.”

16 Jaun₂ ca₂tě₃ Jesús guein₂, jaun₂ ca₂tsí₃ chi₂ dsi₂guia₃-tín₂:

—Cuë₄ 'nia'₂ jmig₄ ja₁lén₂ chi₂-guein₂ ja₁cong₂; tsá₃ lë₁jni₁'₅₄ jui₅. Ia₁ jui₁lia'₂ i₂le₂në₅ bá₄ guë'₂ i₂tín₃ ja₁gon₂ Diú₄. 17 A₂dsi₂jó'₃ juig₂ jniá₂ 'nia'₂, dsa₂ i₂tsá₃ gue₅ ja₁gon₂ Diú₄ jui₁lia'₂ gue₅ jan₂ i₂bë'₅₄, o₁líg'₂ jmig₄ tsá₃ 'í₂ ja₁jaun₂.

*Jan₂ dsó₂ chi'₂ i₂cha₂ cu₄ ca₂dsia₃ jág₁ quian'₅₄ Jesús
(Mateo 19:16-30; Marcos 10:17-31)*

18 Jan₂ i₂lín₅ dsa₂ dsen₅₄ ca₂ñí'₃ Jesús:

—Të₅ dsen₃, ç'e₂ bá₄ 'nió'₅ jmo₅₄ jniá₂ ia₁jaun₂ ting₅₄ ja₁lechang₂ co₂tan₅₄?

19 Jaun₂ ca₂ñag₃ Jesús:

—ç'E₂ lë₃ quiong'₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jnia'₅₄ lia'₂ jan₂ Diú₄ bá₄.

20 Ting₂ bá₄ 'Éi'₃ Juá'₅: “Tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂gog'₂; tsá₃ jñig'₄ dsa₂ mi₂güig₃ ríng'₂; tsá₃ 'áng'₁; tsá₃ jmó'₂ dsá_{u1} ríng'₂ quian'₅₄ jág₁ të₂jág₁; jme₁gang'₃ chog'₂-ñéi'₅.”

21 Ca₂ñag₃ 'éi₂:

—Lia'₂ con'₂ bin'₅₄ bá₄ jniá₂ ma₂guio₃ jme₂tí₁ ca₂le₃jě₃ 'éi'₃ në₅.

22 Jme₁ca₂nág₂ Jesús a₂në₅, jaun₂ ca₂juá'₂:

—'Nió'₅ bá₄ guë'₄ caun₂ quiáng'₂: 'nag₄ ca₂le₃jě₃ a₂cha₂ quiáng'₂. Jaun₂ dsio'₅₄ quió'₅ dsa₂ te₂ñé₂. Jaun₂ guë'₄ le₃cha₂ 'lióng₂ quiáng'₂ guei'₅₄ i₂juig₃. Jaun₂ ñia₅ chi₁co'₅₄ quió'₅ o₁ló₄.

23 La₁ jme₁ca₂nág₂ dsa₂ 'éi₂ jág₁ në₅, ca₂tá'₂ 'lia'₂ dsí₅ 'ñio₅ lín₃, ia₁ 'ñio₅ lín₃ jme₁cha₂ cu₄.

24 Jme₁ca₂jág₂ Jesús, ca₂juá'₂:*

—'E₂ guë'₄ quian₅ ta₁ a₂tón'₃ dsa₂ cha₂ cu₄ ja₁gon₂ Diú₄! 25 Ja₂lín₃ guë'₄ tsá₃ ta₁ quian₅ a₂lé₂ le₃ñi₅ jan₂ camello jui₅ tau₂ mi₂cu₄, lia'₂ con'₂ guë'₄ jan₂ dsa₂ cha₂ cu₄ ñi₅ 'í₂ ja₁gon₂ Diú₄.

26 Jme₁ca₂nág₂ dsa₂ i₂tión₂ jë₄ jaun₂, ca₂juá'₂:

—çI₂'ein₂ bá₄ guë'₂ i₂tín'₄ jaun₂?

27 Jaun₂ ca₂juá'₂ táng₃:

—Ca₂le₃jě₃ a₂tsá₃ qui'₅₄ jmig₄ dsa₂ mi₂güig₃ jmo₃, Diú₄ lé₂ le₃jmo₃.

28 Jaun₂ ca₂juá'₂ Pe₄:

—Te₁gui'₅₄, ma₁ jnia'₅₄ ma₂ca₂tí₄ ca₂le₃jě₃ a₂jme₁cha₂ quián₂, a₂ma₂ja₂náu₅ 'én₅ 'ne₂.

29 Jaun₂ ca₂ñag₃ táng₃:

—A₂dsi₂jó'₃ juig₂ jniá₂ 'nia'₂, 'i₁jan₂ tsá₃ jua'₅₄ a₂lë₁táun₂ 'ne₄, téin₂ chog₅₄-jmei₂, o₁rñin'₅₄, dsa₂ mí₂, chi₂-guein₂ quiáin₅ në₃, o₄quió'₄ ja₁gon₂ Diú₄, 30 jua'₅₄ tsá₃ gue₃ tson₂ guë'₄ ne₄ gua'₅₄ 'uë₃ la₂, ton₂ le₃chain₂ dse₃ co₂tan₅₄ mi₂güig₃ caun₂.

*Con'₂ siá'₂ táng₃ ca₂'ë₂ Jesús jág₁ a₂jóin₂
(Mateo 20:17-19; Marcos 10:32-34)*

31 Jaun₂ ca₂tě₃ Jesús cau₅ jmá'₃ lia'₂ chi₂ dsi₂guia₃-tín₂ quiáin₅, jaun₂ ca₂juá'₂:

—Në₃ guë'₄ në₃ ca₂tě₂ jmig₄ a₂dsau₅₄ juig₂ Jerusalén, ja₁niog₅ le₃ti₃ ca₂le₃jě₃ con'₂ lë₅ ca₂tó'₂ dsa₂ i₂'ë₂ jág₁ quián₅ Diú₄ ne₄ si₂, a₂'in₂₃ Jaun₅ dsa₂ mi₂güig₃. 32 Jáng'₂ dsa₂ o₄gú₃ dsi₂nau₂, ja₁lë₁co₃jmóg'₂ dsa₂, qui₃të₃'o'₂ dsa₂, a₂qui₃'ñéi₂ dsa₂ në₃. 33 Jaun₂ jë₁ma₂ca₂lë₃ bóg₂, jaun₂ guë'₄ jñag'₃. La₁ jë₁ma₂ca₂tě₂ 'ni₅ jmig₄, jein'₅₄ bá₄ táng₃.

34 La₁ 'éi₂ në₃, tsá₃ 'e₂ ca₂ñí'₂ 'i₁caun₂ jág₁ në₅, ia₁ lë₅ jág₁ a₂rë₂'ma₄ bá₄ guë'₄ ja₁coin₂, tsá₃ jein₅ dsí₅ 'e₂ jaun₂.

*Ca₂jme₃'lión₂ Jesús jan₂ dsa₂ ten₄ juig₂ Jericó
(Mateo 20:29-34; Marcos 10:46-52)*

35 Con'₂ jme₁ma₂ja₂quián₃ dsióg₄ Jesús juig₂ Jericó, jme₁guá₄ jan₂ dsa₂ ten₄ cau₅ jui₅, mi₂₃ a₂jme₃'o₅₄ dsa₂ cu₄.

* 18:24 A₂lín₅₄ chog₅ si₂juá'₂: “jme₁ca₂jág₃ Jesús chén'₅ dsa₂ 'éi₂ 'lia'₂ dsí₅, ca₂juá'₂.”

³⁶ Jme₁ca₂nág₂ a₂qui₂ca₂ñi₅ juin₅ dsa₂, jaun₂ ca₂ñag₃ 'e₂ niog₅ lě₂.

³⁷ Jaun₂ ca₂juá'₂ dsa₂:

—Jesús chan₂ Nazaret bá₄ ně₅ já₅.

³⁸ Jaun₂ 'éi₂ ně₃ ca₂juá'₂ tiá₂ ca₂tsí'₃ Jesús:

—¡Jesús, tsi₁jon₂ David, dsia₄ ñéi₂ 'au'₂ jniá₂!

³⁹ Ca₂jí₂ bá₄ dsa₂ i₂ja₂lén₂ ne₄ jui₅ ia₁jaun₂ jmo₃ tei₄, la₁ tē₂le₃ lě₅ guě₄ qui₂ca₂'áu'₂ bá₄ 'ein₅₄, ca₂juá'₂:

—¡'Ne₂ tsi₁jon₂ David, dsia₄ ñéi₂ 'au'₂ jniá₂!

⁴⁰ Ca₂nau₂ Jesús, jaun₂ ca₂jmo₃ 'éi'₃ a₂dsi₃qui₂ón₂ dsa₂. Jme₁ca₂dsi₃óg₃ cau₅ quió'₅, jaun₂ ca₂ñag₃ Jesús:

⁴¹ —¿'E₂ 'niog'₂ jmo₅₄ jniá₂ quiáng'₂?

Jaun₂ ca₂juá'₂:

—Te₁gui'₅₄, a₂jnia₅₄ jme₁ne₃ bá₄ jniá₂ 'nio₃.

⁴² Jaun₂ ca₂juá'₂ Jesús:

—¡Gue₄, jui₁jnia₅₄ quiáng'₂! Ma₂ca₂'lóng'₂ bá₄, ia₁ 'éng'₂.

⁴³ Dsi₂jui₅ jaun₂ bá₄ ca₂jnia₃ mi₂ne₅₄. Jaun₂ ca₂ñó₃ chi₁co'₅₄ quió'₅, jme₂juin'₂ Diú₄. Ca₂le₃jín₃ bá₄ dsa₂ i₂ca₂tě₂ ne₄ a₂ca₂lě₃ jaun₂ ca₂jme₃juin'₂ Diú₄ ján₃.

19

Jesús quián'₅₄ Zaqueo

¹ Ca₂'í₃ Jesús juig₂ Jericó. Jaun₂ jme₁ma₂ñó₅ jě₄ juig₂, ² ja₁jaun₂ jme₁chan₂ jan₂ dsa₂ cha₂ cu₄ i₂chen₂ Zaqueo, i₂lín₅ dsa₂ juin'₂ quián₅ dsa₂ i₂cán₂ 'lia'₅₄ quián₅ dsi₂tan₅₄.

³ 'Éi₂ ně₃, jme₁'no'₂ jui₅ jín₂ 'ein₂ 'éi₂ Jesús. La₁ tsá₃ lé₂, ia₁ a₂ñí₄ lě₃ juin₅ dsa₂ tion'₅₄. Ia₁ jan₂ dsa₂ 'on'₂ bá₄ 'éi₂.

⁴ Jaun₂ ca₂ñó₃ co₂chi'₅₄ le₃ne₄ jui₅, ca₂uíg₂ guei'₅₄ caun₂ ni₁'ma₂ sicómoro,* ia₁ 'nio₃ jín₂ Jesús, ia₁ jui₅ jaun₂ jme₁ñí₃.

⁵ Jme₁ca₂dsi₃óg₃ Jesús, jaun₂ ca₂jág₃ guei'₅₄, jaun₂ ca₂juá'₂:

—Zaqueo, ma₂ně₃ sión₅, ia₁ ja₁quiáng'₂ ca₂tíng₂ i₁jnia₁₂ ně₃.

⁶ Jaun₂ ca₂sióin₃ co₂chi'₅₄, ca₂guei₃ 'io'₂ jén'₅.

⁷ Jme₁ca₂jág₃ dsa₂, jaun₂ ca₂chi₂ca₂'ag₃ ca₂juá'₂:

—Dsi₂néi₂ quió'₅ jan₂ dsa₂ cha₂ dsá_u₁ bá₄ ñó₅ i₂jnia₅₄.

⁸ Zaqueo ně₃, jme₁ca₂nau₂ ne₅₄ jaun₂ ca₂tsí'₃ Te₁gui'₅₄:

—Te₁gui'₅₄, dsio'₄ jniá₂ ca₂dsio₄ a₂cha₂ quió₃, cuě₄ dsa₂ te₂ñé₂. Ján₃ guě'₂ le₂jaun₂ chi₂juá'₂ 'ein₂ quió'₅ ma₂'ang₃ a₂jui₁gang₂, jín'₅₄ táng₃ jniá₂ quén₂ ráun₂ lě₅ guě₄ co₂jaun₂.

⁹ Jaun₂ ca₂juá'₂ Jesús:

—Jmíg₄ ně₃ ca₂lón₂ dsa₂ dsi₂néi₂ la₂. Ia₁ ján₃ bá₄ lín₅ tsi₁jon₂ quián₅ Abraham. ¹⁰ Ta₁ ně₅ já₅ bá₄ Jaun₅ dsa₂ mi₂güig₃, a₂ja₂'niai'₂ a₂ja₂lioin₅₄ dsa₂ i₂ma₂i₂cón'₅.

Jág₁ jáng'₅ léi₄ ju₁lia'₂ guia₃ 'éi'₃ cu₄ 'ua'₂

(Mateo 25:14-30)

¹¹ Tě₃ tion'₅₄ dsa₂ nag₂₃ jág₁ jaun₂, jaun₂ ca₂juá'₂ táng₃ caun₂ jág₁ jáng'₅ léi₄, ia₁ ma₂quián₅ bá₄ dsi₃óg₄ Jerusalén, ton'₂ ia₁ lín₂ dsa₂ le₃jniá₂ dsi₂jui₅ jaun₂ 'éi'₃ quió'₅ Diú₄. ¹² Jaun₂ ně₃ ca₂juá'₂:

—Jme₁chan₂ jan₂ dsa₂ i₂lín₅ tsi₁jon₂ dsa₂ jlán'₁. Ca₂ñó₃ caun₂ juig₂ uíng₂ ja₁'ag₃ dsa₂ a₂lén₂ rag₅₄, jaun₂ guě₄ jnióí'₂ táng₃. ¹³ La₁ né'₃ a₂o₃'iin₅, ca₂tě'₃ guian₃ dsa₂ i₂jme₂ti₃ ta₁ ne₅₄. Jaun₂ le₂jan₂ le₂jan₂ 'éi₂ ca₂cuě'₃ jma₃cáun₃ cu₄ 'ua'₂ a₂chei₂ mina.† Jaun₂ ca₂juá'₂: “Jmo₄ 'nia'₂ ta₁ cu₄ ně₅ qui₁dsag'₂ 'nia'₂ ca₂lia'₂ ca₂tě₂ jmíg₄ i₁guang'₂ táng₃.” ¹⁴ La₁ dsa₂ go₅₄ ně₃ ca₂rě₃'iog₅₄,

* **19:4** sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14. † **19:13** mina: co₂'nió'₄ 'lian'₅₄ dsa₂ con'₂ 'ni₅ tsi'₂ ta₁.

ca₂chein₃ co₂nió'₃ dsa₂ ca₂i₁chi'₄ dsa₂ ja₁jaun₂: “Tsá₃ 'niog₂ jnia'₅₄ jme₃gón₃ i₂në₅ jë₄ quián₂.”
 15 La₁ tion₅₄ bá₄ ca₂lin₃ 'éi₂ rag₅₄. Jme₁ca₂guáin'₃ táng₃ go₅₄, jaun₂ ca₂të'₃ dsa₂ i₂jme₂ti₃ quiáin₅ i₂ca₂cuë'₃ cu₄ 'éi₂, ia₁ 'nio₃ con₂ 'í₁ jma₃je₂liá'₂ tí₅ a₂ma₂të₁dsi₅₄ quió'₅ le₂jain₂ le₂jain₂.
 16 Jaun₂ ca₂dsióg₃ i₂le₂'uig₅₄, ca₂juá'₂: “Gui'₅₄, con₂ guë'₄ guia₃ co₂jaun₂ ma₂të₁dsi₅₄ cu₄ mina quiáng'₂.”
 17 Jaun₂ ca₂tsí'₃ 'éi₂: “E₂ guë'₄ dse₃, téng'₅ bá₄ ta₁; ca₂jme₁ti'₄ bá₄ dse₃ quian'₅₄ a₂ca₂juig₄ a₂ca₂dsia₃ jniá₂ gog'₂. Në₃ në₃ dsia₄ jniá₂ gog'₂ a₂jmo'₂ 'éi'₃ ne₄ guia₃ juig₂.”
 18 Jaun₂ ca₂guan₃ táng₃ i₂ca₂të₂ on₃, ca₂juá'₂: “Gui'₅₄, 'niá₂ guë'₄ co₂jaun₂ ma₂të₁dsi₅₄ cu₄ mina jaun₂ quiáng'₂.”
 19 Le₂jaun₂ bá₄ ca₂tsí'₃ i₂'éi₂ ján₃: “Ne₂ guë'₂ jmo'₂ 'éi'₃ ne₄ 'niá₂ juig₂.”
 20 Jaun₂ ca₂já₃ táng₃ jan₂ ca₂juá'₂: “La₂ bá₄ ron₅ cu₄ quiáng'₂, gui'₅₄. Ca₂'ma₃ bá₄ jniá₂ dsí₅ pe₁guí₄.
 21 A₂gán₅ 'ne₂ bá₄ jniá₂, ia₁ guion₅₄ líng'₅ dsa₂ tsau₂ dsí₅, të₂le₃ dséi₂ mág'₂ quiáng'₂. Ia₁ cáun'₂ ja₁tsá₃ 'e₂ ca₂qui₁dsag'₂ 'niag'₂, ton'₂ cag'₅₄ ja₁tsá₃ 'e₂ ca₂ñi'₂.”
 22 Jaun₂ ca₂ñag₃ táng₃ 'éi₂: “'E₂ bá₄ tsá₃ ta₁ téng'₄! Lia'₂ con₂ lë₅ jág₁ quiáng'₂ qui₁dsi₅ jniá₂ 'éi'₃. Chi₂jua'₂ ma₂ñi'₅₄ líng₅ dsa₂ i₂tsau₂ dsí₅, cáun₄ a₂tsá₃ 'e₂ ca₂qui₁dsag'₂ 'nió₃, ton'₂ cag'₅₄ ja₁tsá₃ 'e₂ ca₂jan₃,
 23 'E₂ 'uig₅₄ tsá₃ ca₂i₁tio'₂ banco cu₄ quió₃ jaun₂ në₃, ia₁jaun₂ jë₁ma₂guáng'₅ la₂, jme₁guéi'₄ lia'₂ jma₃quian'₅₄ a₂të₁dsi₅₄?”
 24 Jaun₂ ca₂tsí'₃ i₂jme₁tió₂ cau₅: “'Niá'₃ 'nia'₂ cu₄ mina a₂chan'₂ i₂në₅. Cuë'₅₄ i₂'io₅ guia₃.”
 25 Jaun₂ ca₂juá'₂ 'éi₂: “Gui'₅₄, ma₁ ma₂'io₅ bá₄ i₂në₅ guia₃ minas.”
 26 Jaun₂ ca₂ñag₃ rag₅₄: “A₂dsi₂jó'₃ juig₂ jniá₂ 'nia'₂, ca₂le₃jín₃ jui₁lia'₂ i₂ma₂le₁'io₅, ñei₂ guë'₄; la₁ i₂tsá₃ 'e₂ qui₁dsag'₂, ca₂të₂ a₂jme₁ma₂niog₅ gu₂, co₂ñei'₅₄ 'ñia'₃.
 27 La₁, jui₁lia'₂ dsa₂ i₂'iog₅₄ i₂tsá₃ 'ñio₂ dsí₅ gua₅₄ jmo₅₄ 'éi'₃ ja₁coin₂, o₂quian₅ 'nia'₂ ja₁lá₃, jaun₂ jme₁dsiain'₂ 'nia'₂ ne₃.”

Ca₂dsióg₃ Jesús juig₂ Jerusalén

(Mateo 21:1-11; Marcos 11:1-11; Juan 12:12-19)

28 Jme₁ca₂dsan₃ tsí'₅ dsa₂ le₂në₅, ca₂'ág₂ táng₃ ne₅₄ jui₅, ca₂uig₂ tso₄ a₂dsióg₄ Jerusalén.

29 Jme₁ma₂ja₂quián₃ dsióg₄ juig₂ Betfagé quian'₅₄ Betania, a₂te₁'i₁ cau₅ má'₂ chei₂ Olivos, ja₁jaun₂ ca₂chein₃ on₃ chi'₂ dsí₂guia₃-tín₂ quian₅.
 30 Ca₂juá'₂:

—O₂nó'₅ 'nia'₂ juig₂ niog₅ 'ño'₅₄ ó₃. Jë₁ma₂ca₂dsi₃nóg'₅, dsian'₂ 'nia'₂ jan₂ bú'₄ chéin'₅ rë₂'ñe'₅₄, i₂tsá₃ 'ein₂ ma₂co₁dsag₅₄. Chein'₅₄ 'nia'₂ jaun₂ të₅₄ ja₁lá₃.
 31 Në₁jua'₂ 'ein₂ ca₂ñag₃ 'e₂ lë₃ tsiin'₅₄, jaun₂ juig₅₄: “Ia₁ 'nió'₅ quió'₅ Te₁gui'₅₄.”

32 Ca₂i₃lén₂ bá₄ guë'₂ i₂chen₄ 'éi₂ në₃. Ca₂lë₃ rë'₂ lia'₂ con₂ lë₅ jág₁ jaun₂.

33 Jme₁ma₂tióin'₅₄ chéin'₂ bú'₄, ca₂juá'₂ juig₅₄ já'₂:

—'E₂ 'uig₅₄ tsin'₅₄ 'nia'₂ bú'₄?

34 Jaun₂ ca₂ñag₃:

—Ia₁ 'nió'₅ quió'₅ Te₁gui'₅₄.

35 Jaun₂ ja₂lein₃ bá₄ te₂ ja₁'en₅₄ Jesús. Qui₂ca₂dsia₃ tsi₁'mi'₂ mi₂ca'₄ dsí₂bú'₄, jaun₂ guë'₄ ca₂dsiain₃ Jesús guei'₅₄.

36 Le₃ne₄ jui₅ ja₁ñó₄ Jesús, qui₂ca₂já₃ dsa₂ 'mi'₂ le₂'i₄ jui₅.

37 Con'₂ jme₁ma₂ja₂quián₃ jein₅₄ Má'₂ Olivos, ca₂jme₃lióg₃ ca₂le₃jín₃ dsa₂ i₂quian₅₄ ca₂tóin'₂ co₂mi'₅₄ jmo₂₃ 'io'₂ jme₂juin'₂ Diú₄ në₃, o₄quió'₄ ca₂le₃jë₃ jui₅bí₂ a₂ma₂jmo₃ Jesús, a₂qui₂ma₂të₂ ne₅₄.

38 Ca₂juá'₂:

—Jui₁le₂juin'₂ bá₄ Rag₅₄ në₅ i₂já₅ o₄quió'₄ Te₁gui'₅₄! Jui₁'ei₅ bá₄ tei₄ guei'₅₄ i₂juig₃!
 Jui₁le₂juin'₂ bá₄ Diú₄ le₂tan₅₄ ja₁ñei₅ në₃!

39 I₂lin₅₄ dsa₂ fariseos i₂tion'₅₄ jë₄ jaun₂ ca₂juá'₂:

—Të₅, jén₃ dsa₂ i₂quiang'₅₄.

40 Jaun₂ ca₂ñag₃ Jesús:

—Juig₂ jniá₂ 'nia'₂, jua'₅₄ mei'₂ guë'₃ dsí₂lén₂ i₂në₅ tei₄, ni₁cang₁ guë'₂ tó'₃ mi'₅₄.

41 Jme₁ma₂ja₂quián₃ dsióg₄ 'ni'₂ juig₂ Jerusalén, ca₂'o₃ o₄quió'₄ dsa₂ juig₂,
 42 ca₂juá'₂:

—jui₁lia'₂ bá₄ ŋi'₂ 'au'₂ 'nia'₂ jmig₄ ně₃ a₂dse₃ já₅ jin'₄ 'nia'₂ a₂jme₁le₃chang'₂ 'ag₃ tei₄! La₁ rē₂'ma₄ jlē₅ le₃ja₁cong'₂. ⁴³ Ia₁ jiá₃ jmig₄ ja₁tsá₃ ma₃'e₂ ŋi'₅₄ 'nia'₂ jmó'₂. Ia₁ cho₃ dsa₂ i₂'iog₅₄ caun₂ ni₁'ia'₂ le₃lág'₃ quián'₂ 'nia'₂, a₂jě₃li'₅₄, qui₃tiog₃ dsa₂ ně₃ le₂tan₅₄ ja₁lě₄ o₄jui₅. ⁴⁴ Jnú'₂ dsa₂ 'uě₃ 'nia'₂, jme₃dsiog₂₃ lia'₂ jma₃quian'₅₄ chi'₂-guein₂ quiáng'₂. 'I₁ca₂míg₂ cang₄ tsá₃ ma₃'e₂ le₁juí₄ lé₂ ja₁lá₃. Ia₁ tsá₃ ca₂rě₃len'₄ 'nia'₂ lia'₂ con'₂ jmig₄ jme₁'nio₃ Diú₄ jme₃gu'₅₄.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Marcos 11:15-19; Juan 2:13-22)

⁴⁵ Jaun₂ ca₂'í₃ Jesús i₁dsi₅ guá'₅ templo, ca₂jme₃lióg₃ qui₂ca₂'uín'₂ dsa₂ i₂jme₁ma₂tion'₅₄ 'nag₅† ja₁jaun₂. ⁴⁶ Ca₂juá'₂:

—Ne₄ Si₂juá'₂: “Né₅ quió₃ lé₂ ca₂ne₅₄ 'né₅ ja₁chi₂lén'₂ dsa₂ Diú₄.”§ La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂.*

⁴⁷ Ca₂le₃jě₃ jmig₄ bá₄ jme₁jme₂tin₅ Jesús dsa₂ i₁dsi₅ guá'₅. La₁ juig₅₄ jme₂dsa₂ quian'₅₄ tē₅juá'₅, dsa₂ can'₅₄ quián₅ juig₂ ně₃, caun₂ 'no'₂ juí₅ 'a₂ lia'₂ jñag'₃.

⁴⁸ La₁ tsá₃ dso'₂ guē'₂ juí₅ 'a₂ lia'₂ jmo₃, ia₁ ca₂le₃jín₃ bá₄ dsa₂ i₂tion'₅₄, nag₂₃ tei₄ lín₃.

20

A₂'io₅ Jesús 'éi'₃

(Mateo 21:23-27; Marcos 11:27-33)

¹ Co₂ráun₂ jme₁ma₂'en₅₄ Jesús jme₂tiin₂₃ dsa₂ já₃g₁ dse₃ i₁dsi₅ guá'₅ templo, jme₁ca₂dsi₃lén₂ juig₅₄ jme₂dsa₂, tē₅juá'₅, quian'₅₄ gui'₅₄ can'₅₄ ně₃. ² Ca₂juá'₂:

—Jmo₄ já₃g₁ 'e₂ ta₁ líng'₅, ħ₂'Ein₂ ca₂cuē₃ bí₂ 'éi'₃ a₂jmo'₂ le₂ně₅?

³ Jaun₂ ca₂ñag₃ Jesús, ca₂juá'₂:

—Ján₃ bá₄ ñag₄ jniá₂ caun₂ já₃g₁ 'nia'₂: ⁴ ħ₂'Ein₂ ca₂chen₃ Juan₅₄ a₂o₃choin₃ dsa₂ jmig₂? ħ₂Ca₂chei₃ Diú₄, o₃ ca₂chei₃ dsa₂ mi₂güí₃g₃ 'e₂? ñag₄ de'₂ 'nia'₂ a₂ně₅.

⁵ Jaun₂ ca₂dsia₃ já₃g₁ guoin₅₄, ca₂juá'₂:

—Ně₁juá'₂ ca₂chei₃ jniog₄ i₂chen₄ quián₅ Diú₄ bá₄ 'éi₂, ně₃ cón₅ bá₄ juá'₂: “ħ₂'E₂ guē'₂ lě₃ tsá₃ ca₂rě₃'én'₂ 'nia'₂ já₃g₁ quió'₅?” ⁶ Ně₁juá'₂ ca₂ñag₄ guē'₂ jniog₄ dsa₂ bá₄ i₂ca₂chen₃ 'éi₂, ně₃ cón₅ bá₄ ca₂le₃jín₃ dsa₂ juig₂ qui₃dsag₅ cang₄. Ia₁ 'én₂ dsón'₂ bá₄ dsa₂ juig₂ a₂jme₁lín₄ Juan₅₄ jan₂ i₂'ě₂ já₃g₁ quián₅ Diú₄.

⁷ Jaun₂ ca₂ñag₃:

—Tsá₃ a₂jaun₂ ne₄ jnia'₅₄.

⁸ Jaun₂ ca₂juá'₂ Jesús:

—Ján₃ bá₄ le₂ně₅ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃.

Jág₁ jáng'₅ léi₄ juí₁lia'₂ co₂nió'₃ dsa₂ 'lín'₅₄ i₂jmó'₂ ta₁ja₁nau₂

(Mateo 21:33-44; Marcos 12:1-11)

⁹ Jaun₂ ca₂jme₃lióg₃ táng₃ Jesús ca₂tsí'₃ dsa₂ juig₂ caun₂ já₃g₁ jáng'₅ léi₄ la₂, ca₂juá'₂:

—Jme₁chan₂ jan₂ dsa₂ i₂ca₂jmo₃ caun₂ ja₁nau₂ ca₂chéin'₃ uing₂ mīg₂ uvas. Cang₂ jaun₂ ca₂o₃'iin₃ bá₄ ca₂ñó₃ uě₂ ja₁siá'₂. Gu₂ dsa₂ sián'₂ bá₄ ca₂dsia₃ ja₁nau₂ quió'₅. ¹⁰ Jme₁ca₂tě₂ jein₂ a₂ca₂rau₂ ja₁nau₂, ca₂chein₃ jan₂ dsa₂ i₂jme₂ti₃ quián₅, a₂i₁mag₂₃ con'₂ a₂ca₂tiin₂ ne₄ dsa₂ i₂jmo₅ ta₁ ja₁nau₂ 'éi₂. La₁ jě₂ bá₄ ca₂cuē₃ tioen'₅₄, ca₂dsióg'₂ lín₃. ¹¹ Jaun₂ dsa₂ juig₅₄ ja₁nau₂, ca₂chein₃ táng₃ jan₂ i₂sián'₂, la₁ le₂jaun₂ bá₄ ca₂jmóg'₂ táng₃: jñia'₅₄ ca₂tě₂ca₂'o'₂ bá₄ ca₂cuē₃ tioen'₅₄, ca₂dsióg'₂ lín₃ táng₃. ¹² Jě₁ca₂tě₂ 'nag'₂, ca₂chein₃ táng₃ jan₂ i₂sián'₂. La₁ ján₃ bá₄ le₂jaun₂ qui₂ca₂jmóg'₂ uig₅, ca₂dsei₂₃ tioen'₅₄.

¹³ Jaun₂ ca₂juá'₂ juig₅₄ ja₁nau₂: “ħ₂'E₂ jmo₅₄ jniá₂ ně₃? Chi'₂ quiáng₃ i₂'nióg₃ guē₄ lín₃ tsing₅₄. 'An₁ jme₃gain₃ bá₄ i₂ně₅.” ¹⁴ La₁ jme₁ca₂jág₂ i₂tion'₅₄ jmo₅ ta₁, ca₂quín'₃ já₃g₁, ca₂juá'₂: “I₂ně₅

† 19:45 A₂lín₅₄ chog₅₄ si₂: “i₂jme₁ma₂tion'₅₄ 'nag₅, lá₅ ja₁jaun₂.”

§ 19:46 Isaiás 56:7.

* 19:46 Jeremías 7:11.

bá₄ tin₃ a₂la₂ cang₂. Nē₃ o₁ñi'í₄ jniog₄, ia₁jaun₂ jniog₄ bá₄ lé₂ quián₂.” ¹⁵ Jaun₂ ca₂dsei₂₃ ca₂i₁ñag₂ 'ni₂' ja₁nau₂. ¿'E₂ bá₄ jmo₃ dsa₂ i₂quió'₅ ja₁nau₂ nē₃, quian'₅₄ dsa₂ 'éi₂? ¹⁶ Guain'₂ jme₃dsiain₂₃ dsa₂ i₂tion'₅₄ ja₁nau₂. O₄gú₃ i₂sián'₂ bá₄ ñág₃ ja₁nau₂ quió'₅.

Jme₁ca₂nág₂ dsa₂ jág₁ nē₅, ca₂juá'₂:

—¡Tsá₃ jui₁le₅₄ le₂nē₅!

¹⁷ Jaun₂ ca₂jág₂ Jesús, jaun₂ ca₂juá'₂:

—¿'E₂ guē'₂ 'nió'₄ jein₅ jág₁ ja₁juá'₂ ne₄ Si₂?

Ni₁cang₁ a₂tsá₃ ca₂rē₃ji'₅₄ tē₅'ia'₂,

ca₂dsióg₃ ca₂lē₃ ni₁cang₁ a₂dsen₅₄ guē₄

tē₁ron₅₄ qui'₅₄ 'ia'₂.*

¹⁸ Ca₂le₃jín₃ i₂tsi₃sén'₂ ne₄ ni₁cang₁ jaun₂ lé₂ le₁juig₁ le₁dsog'₅₄ quió'₅; nē₁jua'₂ ni₁cang₁ guē'₂ nē₃ ca₂tá'₂ ne₄ quió'₅, lé₂ 'liog₂.

¹⁹ Dsi₂jui₅ jaun₂ jme₁'nio₃ juig₅₄ jme₂dsa₂, tē₅juá'₅ nē₃, jme₁tsáun'₂, ia₁ ca₂rē₃lí'₄ a₂'in₅ 'éi₂ bá₄ Jesús, a₂ca₂juá'₂ jág₁ jáng'₅ léi₄ jaun₂.† La₁ dsa₂ juig₂ bá₄ ca₂rē₃gain₃.

Jág₁ jui₁lia'₂ 'lia'₅₄ a₂ca₂tín₂ dsi₂tan₅₄

(Mateo 21:45-46; 22:15-22; Marcos 12:12-17)

²⁰ Cón'₂ ca₂chein₃ dsa₂ i₂jñia'₅₄ con'₂ tiog₅, tsá₃ jme₁li₅₄, jmo₂₃ a₂lín₅ dsa₂ dsen₃, jme₁'no'₂ jui₅ 'a₂ lia'₂ jme₁jo₁₂ jua'₅₄ ca₂jón₄ bá₄ jág₁ 'lia'₂ jme₁'ñiá₃ Jesús. Jaun₂ jme₁dsi₁jáng'₂ ne₄ bí₂ 'éi'₃ a₂'io₅ dsi₄má'₂. ²¹ Jaun₂ ca₂ñi'₃ Jesús jág₁ la₂:

—Tē₅, ne₄ jnia'₅₄ dsón'₂ bá₄ lia'₂ tí₅ jág₁ jme₂tíng'₁ dsa₂, tsá₃ jua'₅₄ jma₃quén₅ jing'₅₄ dsa₂; jme₂tíng'₁ dsa₂ con'₂ lē₅ jui₅ tí₅ quió'₅ Diú₄. ²² Jua'₅₄: ¿'I₄ 'éi'₃ qui₅₄ 'lia'₅₄ quió'₅ dsi₂tan₅₄ César, o₃ tsá₃ qui₅₄ 'e₂?

²³ La₁ ca₂rē₃lí'₄ bá₄ Jesús mai₅₄ quió'₅ dsa₂ 'éi₂. Jaun₂ ca₂ñag₃:‡

²⁴ —'Ē₄ de'₂ 'nia'₂ caun₂ cu₄ 'ua'₂. § ¿'Ein₂ quió'₅ nió'₄ chi₁ton₅? ¿'A₂ lia'₂ chein₂ juá'₂ letras tió'₅₄ nē₅?

²⁵ —Quió'₅ gui₅₄ emperador César bá₄ —juá'₂ jaun₂ nē₃.

Jaun₂ guē₄ ca₂juá'₂ Jesús:

—Jang'₅₄ guē'₂ 'nia'₂ jaun₂ nē₃, ne₄ César con'₂ a₂ca₂tín₂ César; ne₄ Diú₄ nē₃ jang'₅₄ 'nia'₂ con'₂ a₂ca₂tín₂ Diú₄.

²⁶ Jaun₂ tsá₃ ca₂tió'₃ jua'₅₄ a₂jo₅₄ quian'₅₄ jág₁ tē₃jē₄ jág₅ dsa₂ jaun₂. Tē₂le₃ ca₂i₃gó'₃ dsí₅ bá₄ jág₁ a₂ca₂jéin'₃ Jesús; tei₄ bá₄ co₂ñei'₅₄ ca₂i₃léin₂.

Ca₂ñag₃ dsa₂ saduceos jui₁lia'₂ a₂jen'₅₄ 'lag₄

(Mateo 22:23-33; Marcos 12:18-27)

²⁷ Jaun₂ ca₂jme₃quián₃ i₂lín₅₄ dsa₂ saduceos, i₂jme₂tag₅ a₂tsá₃ jen'₅₄ 'lag₄, ca₂o₃ñag₅₄:

²⁸ —Tē₅, ca₂quiog₂ Moisés si₂ a₂juá'₂, nē₁jua'₂ ca₂jón₃ jan₂ dsa₂ ñe'₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ñe'₂ i₂ca₂jón₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jón₂ 'lag₄ riin'₅₄. ²⁹ Jaun₂ nē₃, jme₁chan₂ guion₃ dsa₂ ñe'₂ i₂jme₁lē₄ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅. ³⁰ Jaun₂ ca₂caun₃ táng₃ i₂ca₂tē₂ on₃,* ³¹ le₂jaun₂ bá₄ i₂ca₂tē₂ ún₂ nē₃, ca₂cain₃ 'io₅₄ 'éi₂. Le₂jaun₂ bá₄ ca₂lē₃ quian'₅₄ ta₁guion₃. Ca₂dsain₃ bá₄; 'i₁jan₂ guein₂ tsá₃ ca₂can₃ 'io₅₄. ³² Jē₁ca₂tó'₂, ca₂jón₃ bá₄ 'io₅₄ ján₃. ³³ Jaun₂ nē₃, jmi₄g₄ jē₁ma₂tē₂ rē₁jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē'₂ dsa₂ ñe'₂ i₂ca₂guá₂ quiain'₅₄.

³⁴ Jaun₂ ca₂ñag₃ Jesús:

—Dsa₂ i₂chan₂ ne₄ gua'₅₄ 'uē₃ jmi₄g₄ nē₃, tioin'₅₄ qui₂jéin'₂ gu₂, qui₂jéin'₂ gu₂ chi'₂ quiáin₅ nē₃. ³⁵ La₁ i₂ca₂tín₂ tín'₄ ja₁tiain'₃ mi₂güig₃ caun₂, i₂tin₅₄ jen'₅₄ ja₁jme₁rē₂ 'lín₅₄, ja₁jaun₂ guē₄

* **20:17** Salmo 118:22. † **20:19** 'Nio'₂ ja₁ton₅ Isaías 5:7. ‡ **20:23** A₂lín₅₄ chog₅₄ si₂ chi₁ton₅ ján₃: “¿'E₂ lē₃ cáun'₂ táu₂ 'nia'₂ jniá₂?” § **20:24** griego: denario. * **20:30** A₂lín₅₄ chog₅₄ si₂: “ca₂caun₃ táng₃ i₂ca₂tē₂ on₃, la₁ ján₃ bá₄ le₂jaun₂ ca₂join₃, tsá₃ guein₂ ca₂can₃ 'io₅₄.”

tsá₃ ma₃ 'ein₂ jén'₂ gu₂, on₃ gué₄ qui₃ jén'₂ gué₄ gu₂ chi'₂ quiáin₅. ³⁶ Ia₁ tsá₃ ma₂ 'ein₂ lé₂ dsián₃. Ja₁ jaun₂ ma₂ léin₂ jui₁ lia'₂ lín₅ ángeles, léin₂ jaun₅ Diú₄, ia₁ ma₂ ca₂ rē₃ cháin₃ táng₃. ³⁷ La₁ jui₁ lia'₂ a₂ jen'₅₄ 'lag₄, ca₂ tē₂ Moisés ca₂ cuē₃ léi₄ jme₂ ca₂ tó'₂ ne₄ Si₂ a₂ ca₂ lē₃ quián'₅₄ ni₁ 'ma₂ taun₅, ja₁ juá'₂ 'iin₂₃ Te₁ gui'₅₄: “Diú₄ quián₅ Abraham, Diú₄ quián₅ Isaac, Diú₄ quián₅ Jacob.”

³⁸ Jaun₂ ně₃ tsá₃ lín₅ Diú₄ quián₅ 'lag₄; Diú₄ quián₅ dsa₂ i₂ jén'₃ bá₄ lín₅, ia₁ o₄ quió'₄ 'éi₂ bá₄ chan₂ le₃ jín₃.

³⁹ Jaun₂ ca₂ ηag₃ i₂ lín₅₄ tē₅ juá'₅:

—Tē₅, 'nio₅ jlá'₁ jág₁ quiáng'₂.

⁴⁰ Tsá₃ ma₃ ca₂ tiá₃ dsi₅ jua'₅₄ a₂ ηag₃ gué₄ 'e₂ ηag₃.

¿'Ein₂ tsi₁ jon₂ quián₅ lín₅ I₂ rē₂ 'ín₁ quián₅ Diú₄?

(Mateo 22:41-46; Marcos 12:35-37)

⁴¹ Ca₂ juá'₂ Jesús ca₂ tsi₃ dsa₂:

—¿'A₂ lia'₂ lē₅ ně₃ a₂ juá'₂ dsa₂ a₂ lín₅ tsi₁ jon₂ David I₂ rē₂ 'ín₁ quián₅ Diú₄? ⁴² Jua'₂ 'nio₅ bá₄ gué₂ David ca₂ tíong₃ ne₄ si₂ Salmos, ca₂ juá'₂:

Ca₂ juá'₂ Diú₄ ca₂ tsi₃ Te₁ gui'₅₄ quiáng₃:

“Né₂ con₂ jniá₂ tē₂ le₃ gu₃ ne₁,

⁴³ ca₂ lia'₂ ca₂ tē₂ jmig₄

a₂ tón'₄ jniá₂ dsa₂ i₂ 'iog₅₄ o₄ tag'₄.”†

⁴⁴ Chi₂ jua'₂ le₂ ně₅ juá'₂ David tē₂ Te₁ gui'₅₄, ¿'a₂ bá₄ lia'₂ lē₅ jaun₂ a₂ juá'₂ lín₅ jaun₅ 'éi₂?

Jme₂ cáun'₂ Jesús quió'₅ tē₅ juá'₅

(Mateo 23:1-36; Marcos 12:38-40; Lucas 11:37-54)

⁴⁵ Tē₃ nag₅ ca₂ le₃ jín₃ dsa₂ i₂ tion'₅₄, ca₂ tsi₃ dsa₂ i₂ quiain'₅₄ le₂ la₂:

⁴⁶ —Te₃ ηi'₅₄ 'nia'₂ quián'₅₄ tē₅ juá'₅, ia₁ 'nio₅ 'nio₂ dsi₅ i₂ nioi₅₄ jláin'₁ le₁ qui'₂ tsi₁ 'mi'₂ chen'₅₄ jang₄; tē₅ dsi₅ qui₂ cuag₃ dsa₂ Diú₄ jui₁ lia'₂ jē₄ 'ma'₅₄, jmá'₃ lia'₂ ne₄ 'ma₂ si₅₄ dsen'₅₄ bá₄ 'no'₂ tian'₃ jui₁ lia'₂ dsi₂ néi₂ guá'₅ sinagogas; le₂ jaun₂ bá₄ 'no'₂ ja₁ jme₂ juag'₂ dsa₂ jui₁ lia'₂ ja₁ niog₅ jmig₄ ně₃. ⁴⁷ Qui₂ jniá'₂ 'ne₄ 'io₅₄ 'nág₂; a₂ tsá₃ jme₂ li₅₄ jmo₂₃ chi₂ lén'₂ Diú₄ uē₂. Tson₂ gué₄ uig₅ 'ē₂ Diú₄ quió'₅ i₂ le₂ ně₅.

21

Ca₂ tó'₂ 'io₅₄ 'nág₂ te₂ ηé₂ cu₄ quió'₅

(Marcos 12:41-44)

¹ Jaun₂ ca₂ chóg'₃ Jesús ne₅₄, ca₂ jín₂ dsa₂ cha₂ cu₄ i₂ dsi₂ lén₂ dsi₂ tio'₂ cu₄ 'nió'₃ tsi₁ gu₅ ja₁ tio'₅₄ ofrendas.

² Jaun₂ ca₂ jín₂ táng₃ jan₂ 'io₅₄ 'nág₂ te₂ ηé₂ ca₂ tó'₂ tin₃ ηí₁ guéin₂. * ³ Jaun₂ ca₂ juá'₂ Jesús:

—A₂ dsi₂ jó'₃ juíg₂ jniá₂ 'nia'₂, 'líong₂ gué₄ ně₂ tió'₂ 'io₅₄ 'nág₂ te₂ ηé₂ ně₅ lia'₂ con'₂ gué₄ ca₂ le₃ jín₃ i₂ ma₂ ně₂ tió'₂. ⁴ Ia₁ 'éi₂ ně₃, cu₄ a₂ ma₂ qui₂ rē₂ tsón₂ bá₄ jaun₂ quió'₅ cuē₂₃; dsa₂ mí₂ ně₅ ně₃, ně₂ cuē₃ ca₂ le₃ jē₃ a₂ jme₁ ron₅ quió'₅ bá₄, 'nió'₄ a₂ jme₁ lá₃ a₂ gué'₃.

A₂ dsi₃ 'én₂ bá₄ guá'₅, jág₁ 'ē₂ Jesús

(Mateo 24:1-2; Marcos 13:1-2)

⁵ I₂ lín₅₄ dsa₂ jme₁ tióin₂ dsia₂₃ jág₁ a₂ ja₂ né₂ guá'₅ templo, ia₁ a₂ ηí₄ lē₃ jlá'₁ ni₁ cang₁ a₂ le₁ juí₄, ca₂ le₃ jē₃ gué₄ a₂ jlá'₁ tio'₅₄ a₂ qui₂ ma₂ cuē₃ dsa₂ co₂ 'nió'₄ ofrendas. Jaun₂ ca₂ juá'₂ Jesús:

⁶ —Ca₂ le₃ jē₃ a₂ jág'₂ 'nia'₂ tíong'₂ ně₅, já₅ caun₂ jmig₄ jē₁ dsi₃ 'én₂, tsá₃ ma₃ 'e₂ ni₁ cang₁ te₂ 'niá'₄ jua'₅₄ a₂ le₁ juí₄ gué₄ lé₂.

Léi₄ a₂ le₃ cha₂ jmig₄ jē₁ ca₂ tó'₂

(Mateo 24:3-28; Marcos 13:3-23)

† 20:43 Salmo 110:1. * 21:2 lit. “tin₃ ηí₁ lepta.”

⁷ Jaun₂ ca₂ŋag₃ dsa₂ ně₃:

—Të₅, ħ'ílg'₂ jaun₂ lé₂ a₂ně₅? ħ'E₂ bá₄ léi₄ le₃cha₂ jë₁ma₂ja₂quián₃ lé₂ a₂jaun₂?

⁸ Jaun₂ ca₂ŋag₃:

—Jmo₄ 'nia'₄ 'í₁ tsá₃ i₂cuín₅ 'nia'₂ jua'₅₄ a₂jme₃gau₅ dsa₂. Ia₁ i₂juin₅ lin₃ i₂të₁i₃nio₄ i₂juá'₂ i₂nioi₅₄ o₄quió₃ jniá₂, a₂juá'₂ ně₃: “Jniá₂ bá₄ 'éi₂”; juá'₂ ján₃: “Ma₂ja₂quián₃ jmig₄ jaun₂”. La₁ tsá₃ i₂o₂nó₅ 'nia'₂ chi₁co'₅₄ quió₅. ⁹ Ia₁ jë₁ma₂ca₂nei'₂ 'nia'₂ 'ei₅ jág₁ a₂nio₃ 'nei₂, tón'₃ dsa₂ mi'₅₄ ně₃, tsá₃ tón'₁ 'nia'₂ go₂i₃, ia₁ le₂jaun₂ de'₂ jñiá₅ ca₂tín₂ lé₂ bá₄, la₁ on₃jua'₅₄ a₂ma₂dsian₅ dsi₂jui₅ jaun₂.

¹⁰ Jaun₂ ca₂tsí'₃ táng₃ dsa₂:

—Qui₃nio₃ 'nei₂ jui₁lia'₂ caun₂ juig₂, qui₂quín'₂ quian'₅₄ juig₂ siá'₂; jme₃'uán'₃ dsa₂ ca₂taun₂ ca₂taun₂. ¹¹ Qui₂dsi₃bi₅₄ 'uë₃ tiá₂, jiá₃ 'on₅₄ dsa₂ ca₂le₂con₂, 'í₂ jmi₁uig₅ ně₃; jnia₅₄ gau₂ dsi₁ guei'₅₄, 'lióng₂ léi₄ ca'₅₄ qui₂le₃jniá₂. ¹² La₁ né'₃ a₂lé₂ ca₂le₃jě₃ a₂ně₅, qui₃tsán'₂ dsa₂ 'nia'₂ qui₂co₃'ein₃ dsa₂. Dsi₁jang'₂ dsa₂ o₄gú₃ dsi₂tan₅₄ quián₅ guá'₅ sinagoga, jaun₂ guë'₄ to'₂ né'₃ 'má₃. Dsi₁jó₂ ne₄ rag₅₄ ne₄ dsi₄má'₂ ně₃ 'uig₅₄ quió₃ jniá₂. ¹³ Ja₁jaun₂ cuin₃ jmig₄ a₂jang'₅₄ 'nia'₂ jág₁ dsau₅ a₂'ág'₄ jniá₂. ¹⁴ 'Éi₂ 'nia'₂ caun₂ 'au'₂, tsá₃ 'náu'₂ 'nia'₂ 'au'₂ të₃jñiá₅ 'a₂ lia'₂ long'₅₄, ¹⁵ ia₁ 'ñi₃ó₃ bá₄ jniá₂ cuë₅₄ jág₁ a₂ting'₂ a₂ñi'₅₄ 'nia'₂ 'a₂ lia'₂ ŋag'₅₄, ca₂lia'₂ jñia'₅₄ tsá₃ ma₃'e₂ ŋi₅ ŋag₃ ca₂le₃jín₃ dsa₂ i₂'iog₅₄ 'éi₂. ¹⁶ Ca₂të₂ chog'₂-ñéi'₅ 'nia'₂ qui₃jáng'₂, ca₂të₂ chi'₂ ríng'₂, o₁ríng'₂, a₂mei₅₄ quiáng'₂ ně₃. I₂lin₅₄ 'nia'₂ jme₃dsiog₅ dsa₂. ¹⁷ Ca₂le₂con₂ bá₄ jme₃'ñia₅₄ dsa₂ 'nia'₂ o₄quió₃ jniá₂. ¹⁸ La₁ tsá₃ can₂ 'nia'₂ o₂i₁ dsi₅, ia₁ ca₂lia'₂ jñia'₅₄ 'i₁ca₂mi'₂ jñi₂ dsei'₂ 'nia'₂ tsá₃ dsi₃'én₂. ¹⁹ Në₁jua'₂ ca₂nau'₂ 'nia'₂ tiá₂, dsi₁no'₃ 'nia'₂ tín'₄ jme₂dsi₂ quiáng'₂.

²⁰ 'Jë₁ma₂ca₂jag'₅₄ 'nia'₂ ma₂le₁lio₃ 'lióg₂ le₃lág'₃ juig₂ Jerusalén, jaun₂ guë'₄ le₃len'₅₄ 'nia'₂ ma₂ja₂quián₃ 'én₂. ²¹ Dsa₂ i₂tián'₅ 'uë₃ Judea jmig₄ jaun₂, jui₁cuing₁₂ le₃má'₂; i₂tián'₅ jë₄ juig₂ guë'₂ ně₃, jui₁'uün₂; jui₁lia'₂ i₂tion'₅₄ ja₁nau₂ guë'₂, tsá₃ ma₃jui₁ja₂lein₅. ²² Ia₁ lé₂ jmig₄ a₂le₃chan₂ dsa₂ gue₃ jmi₁uig₅ 'ñio₅ lin₃, a₂le₃ti₃ ca₂le₃jě₃ lia'₂ con'₂ lë₅ juá'₂ ne₄ Si₂. ²³ Juig₂ jui₁lia'₂ dsa₂ m'í₂ i₂le₁quian₅ guein₂, jui₁lia'₂ i₂chan₂ guein₂ bë'₅₄ i₂'ín'₂ dsi'₅₄ quió'₅ ně₃, jmig₄ jaun₂! Ia₁ go₂i₃ 'ñio₅ lin₃ të₃tsi'₅₄ gua'₅₄ 'uë₃, a₂le₃jniá₂ a₂'ne₂ Diú₄ ne₄ quió'₅ dsa₂ juig₂ la₂; ²⁴ ia₁ dsi₃gan'₅₄ i₂dsián₃ quian'₅₄ ñi₁tág₂; i₂lin₅₄ guë'₂ qui₃të₂ dsa₂ le₁'ñei'₅₄ ca₂le₂con₂ go₄ dsi₂nau₂. Co₂dsia₅ qui₃tsó'₃ dsi₂nau₂ juig₂ Jerusalén, ca₂lia'₂ ca₂dsin₃ jmig₄ quió'₅ dsi₂nau₂ a₂'i₄ 'éi'₃ tóin'₃ goin₂.

'A₂ lia'₂ lé₂ i₁jñi₃ó'₂ Jaun₅ dsa₂ mi₂güig₃

(Mateo 24:29-35, 42—44; Marcos 13:24-37)

²⁵ 'Jmig₄ jaun₂ lé₂ léi₄ të₂le₃ quian'₅₄ 'iog₂, tsí'₂, nei₅ ně₃. Ta₁caun₂ gua'₅₄ 'uë₃ tón'₃ dsa₂ tiá'₃ qui'₂ dsi₅, tsá₃ a₂ñi₅ jmo₃, jmi₁ñi'₄ guë'₂ ně₃ lé₂ gau₂ qui₃jná'₃. ²⁶ Tón'₃ dsa₂ qui₃nei'₂ a₂le₃gó'₃, 'i₅ dsi₅ ne₄ ca₂le₃jě₃ 'e₂ niog₅ lé₂ mi₂güig₃. Ia₁ ca₂të₂ jui₅bí₂ a₂cha₂ guei'₅₄ mi₂güig₃ qui₃quian'₃. ²⁷ Jaun₂ guë'₄ jín₂ dsa₂ Jaun₅ dsa₂ mi₂güig₃ jiá₃ jë₄ jnei₅ a₂'uain'₂ a₂jláin'₁ 'ñio₅ lin₃. ²⁸ Jë₁ma₂ca₂rë₃lióg₃ lë₂ a₂ně₅, quen'₂ 'nia'₂ bí₂, 'a₃ jlian₅₄ 'nia'₂,† ia₁ ja₃quián₂ jmig₄ a₂lión'₂ 'nia'₂ co₂ñei'₅₄.

²⁹ Jaun₂ ca₂juá'₂ táng₃ caun₂ jág₁ jáng'₅ léi₄ la₂:

—Ní₂ 'nia'₂ jui₁lia'₂ lë₂ quian'₅₄ ni₁'ma₂ higuera, jui₁'e₂ guë₃ ni₁'ma₂ siá'₂ ně₃; ³⁰ jë₁ma₂ca₂ne'₅₄ mog'₅₄, cáun'₂ 'nia'₂ 'í₂ guiong'₅₄ a₂ja₂quián₃ jein₂ 'iog₂ bá₄ jaun₂. ³¹ Ján₃ bá₄ le₂ně₅, jë₁ma₂të₂ ne'₅₄ 'nia'₂ lë₂ ca₂le₃jě₃ a₂ně₅, le₃ñi'₅₄ 'nia'₂ a₂ma₂ja₂quián₃ le₃gon₂ Diú₄. ³² A₂dsi₂jó'₃ juá'₅ jniá₂ juig₂ 'nia'₂, tsá₃ dsi₃ñi₂ tsi₁jon₂ jmig₄ ně₃,‡ ca₂lia'₂ ca₂lë₃ ca₂le₃jě₃ a₂ně₅. ³³ Dsi₃ñi₂ guei'₅₄ mi₂güig₃ quian'₅₄ gua'₅₄ 'uë₃, la₁ jág₁ quió₃ ně₃, o₁lílg'₂ tsá₃ dsi₃ñi₂ jua'₅₄ tsá₃ le₃ti₃.

† 21:28 lit. “nau₂ 'nia'₂ chog'₅₄ ne'₅₄.” ‡ 21:32 o₃, “né'₃ a₂dsián₃ dsa₂ i₂lín₅ raza la₂.”

³⁴ 'Të₃ŋi'₅₄ 'nia'₂, tsá₃ i₂jme₂cán'₁ táng₃ 'nia'₂ 'au'₂ a₂i₂niog'₅₄ dsing'₅₄ le₁'eng'₅, tsá₃ caun₂ a₂'i₅ 'au'₂ a₂chang'₂ mi₂güig'₃ la₂, con'₂ tsá₃ ŋó₅ nē₁jua'₂ ca₂jo₃ jmig'₄ jaun₂ 'nia'₂ co₂tiá'₂.

³⁵ Jui₁lia'₂ ja₁ta'₂ caun₂ tsi₁liá'₂ bá₄ lé₂ jmig'₄ jaun₂ ne₄ quió'₅ ca₂le₃jín₃ dsa₂ i₂tián'₅ ne₄ gua'₅₄ 'uē₃. ³⁶ Jaun₂ chan'₂ 'nia'₂ rē₂jáng'₁, chi₁leng'₄ Diú₄ ca₂le₃jē₃ jmig'₄, ia₁jaun₂ bá₄ quín'₅₄ 'nia'₂ jmig'₄ lióng'₂ ne₄ ca₂le₃jē₃ a₂niog'₅ lé₂ nē₅, ia₁jaun₂ dsi₁nóg'₅ tē₃tsing'₅₄ ne₄ Jaun₅ dsa₂ mi₂güig'₃.

³⁷ Ca₂le₃jē₃ jmig'₄ bá₄ jme₁jme₂tag₂₃ i₁dsi₅ guá'₅ templo, jē₁ma₂ca₂nei₂ dsó₅ dsi₂jñia₅₄ má'₂ ja₁chei₂ Olivos.

³⁸ Ca₂le₃jín₃ bá₄ dsa₂ jme₁ja₂lén₂ tē₂ o₃'iog₂ i₁dsi₅ guá'₅ a₂ja₂néi₃ jág₁ a₂cuē₂₃.

22

Ca₂jmo₃ dsa₂ jág₁ a₂tsáin'₂ Jesús

(Mateo 26:1-5, 14-16; Marcos 14:1-2, 10-11; Juan 11:45-53)

¹ Jme₁ma₂ja₂quián₃ jmig'₄ quió'₅ i₁ŋí'₄ a₂tsá₃ levadura rē₂jñia₅, a₂chei₂ Jmig'₄ Tē₂'in₅₄.
² Jaun₂ qui₂ca₂'náu'₃ dsí₅ juig'₅₄ jme₂dsa₂, tē₅juá'₅ nē₃, 'a₂ lia'₂ cuin₃ jmig'₄ jñag'₃, ia₁ a₂gain₃ dsa₂ juig'₂ bá₄.

³ Jaun₂ ca₂'í₃ Satanás dsí₅ Judas, i₂tē'₂ Iscariote, i₂jme₁lín₄ jan₂ dsa₂ i₂guia₃-tín₂.

⁴ Judas 'éi₂ nē₃ ca₂nei₅₄ ca₂i₁jmo₅₄ jág₁ quian'₅₄ juig'₅₄ jme₂dsa₂, quian'₅₄ i₂lín₅ 'lióg₂ dsen₅₄ quián₅ guá'₅ templo nē₃, 'a₂ lia'₂ jáng'₂ jín'₂ Jesús o₄gú₃.

⁵ Jaun₂ 'io'₂ jén'₅ bá₄ dsa₂ 'éi₂, ca₂jmo₃ jág₁ a₂cuē₃ cu₄.

⁶ Jaun₂ ca₂cuē₃ Judas jág₁ quió'₅. Jaun₂ ca₂'náu'₃ dsí₅ 'a₂ lia'₂ jáu₂ jui₅ a₂jáng'₂ con'₂ jme₁tsá₃ juin₅ dsa₂ ma₃quiain'₅₄.

Má₃ jē₁ca₂tó'₂ quió'₅ Te₁gui'₅₄

(Mateo 26:17-29; Marcos 14:12-25; Juan 13:21-30; 1 Corintios 11:23-26)

⁷ Ca₂tē₂ jme₁ca₂tē₂ jmig'₄ quió'₅ i₁ŋí'₄ a₂tsá₃ levadura rē₂jñia₅, con'₂ ca₂tín₂ dsa₂ jme₂dsiain₂₃ guein₂ já'₂ cha'₂ quián₅ Jmig'₄ Tē₂'in₅₄.

⁸ Jaun₂ ca₂chen₃ Jesús Pe₄ quian'₅₄ Juan₅₄, ca₂juá'₂:

—O₂nó'₅ 'nia'₂ o₂jmo₄ co₂jñia₅₄ má₃ quián₂ jniog₄ a₂que₅₄ Jmig'₄ Tē₂'in₅₄.

⁹ Jaun₂ ca₂ñag₃ 'éi₂:

—¿A₂já'₄ 'niog'₂ dsi₁jmo₁ jñia'₅₄ co₂jñia₅₄?

¹⁰ Jaun₂ ca₂juá'₂:

—Jē₁ma₂dsi₃nó'₅ 'nia'₂ jē₄ juig'₂, jme₃jein'₂ jan₂ dsa₂ ŋe'₂ i₂ñá'₅ quion₂ caun₂ ni₁dsig₁ 'a₄ jmig'₂. O₁'éin'₃ 'nia'₂ ca₂tē₂ dsi₂néi₂ ja₁'í₂. ¹¹ Jaun₂ juig'₅₄ 'nia'₂ dsa₂ juig'₅₄ dsi₂néi₂: “Le₂la₂ juá'₂ Tē₅ tsí'₅ 'ne₂: ¿Na₂ bá₄ dsi₂néi₂ ja₁guē'₅₄ má₃ quió'₅ Jmig'₄ Tē₂'in₅₄ quiang'₅₄ chi'₂ dsi₂guia₃-tín₂ quiáng₃?” ¹² Jaun₂ 'ē₃ caun₂ ja₁lě₄ dsi₂néi₂ juē'₂ guei'₅₄ ja₁ma₂lě₅ co₂jñia₅₄ quió'₅. Ja₁jaun₂ jmo₄ co₂jñia₅₄.

¹³ Jaun₂ ca₂lén₂ bá₄ 'éi₂ nē₃. Ca₂lě₃ rē'₂ lia'₂ con'₂ lě₅ jág₁ jaun₂. Ja₁jaun₂ ca₂jmo₃ má₃ quió'₅ jmig'₄.

¹⁴ Jme₁ca₂tē₂ hora jaun₂, ca₂guá'₂ Jesús ne₄ mesa, quian'₅₄ chi'₂ dsi₂guia₃-tín₂* quián₅.

¹⁵ Jaun₂ ca₂tsí'₃ 'éi₂:

—i₁líg'₂ bá₄ 'ín₅ dsi₃ guē'₅₄ má₃ Jmig'₄ Tē₂'in₅₄ la₂ quian'₅₄ 'nia'₂, né'₃ a₂dsi₃ñig'₂ uig₅! ¹⁶ Ia₁ juá'₅ jniá₂ juig'₂ 'nia'₂, tsá₃ ma₃líg'₂ jmig'₄ jua'₅₄ guē'₅₄ guē'₄ má₃ le₂la₂ ca₂lia'₂ ca₂tē₂ jmig'₄ i₁le₃ti₃ ja₁gon₂ Diú₄.

¹⁷ Jaun₂ ca₂tín₂ copa, ca₂cuē'₃ ti₁'mag'₄ Diú₄, jaun₂ ca₂juá'₂:

* 22:14 griego: apóstolous (dsa₂ i₂chen₄).

—Ján'5 'nia'2 a2la2; jmo4 dsióg1 jin4 ríng'2, 18 Ia1 juá'5 jniá2, tsá3 ma3líg'2 jmig4 jua'54 a2gui'54 gué4 jmi'54 míg2 uvas le2la2, ca2lia'2 ca2të2 jmig4 i1le3ti3 ja1gon2 Diú4.

19 Jaun2 ca2tíin2 táng3 caun2 i1ñí'4, ca2cué'3 ti1'mag'4 Diú4. Jaun2 ca2'niai3 ca2cué'3 'éi2, ca2juá'2:

—Ñi3 bá4 jniá2 i1ñí'4 la2, a2ma2rë2jang'54 o4quián'2 'nia'2. Jmo4 'nia'2 a2la2 a2dsiog'2 'au'2 jniá2.†

20 Ján3 bá4 le2në5, jme1ma2ca2lë3 gué'5 i1ñí'4, ca2can3 táng3 copa, jaun2 ca2juá'2:

—A2'a4 copa la2, lë5 jág1 'mí2 a2të3ron54, a2lì'54 të2le3 quian'54 jmi3 a2dsi3'o54 o4quián'2 'nia'2,‡

21 'La1 në3 në3, ne4 mesa la2 guá5 quian'54 jniá2 i2jáng'2, 22 Dsón'2 bá4 'en54 jui5 Jaun5 dsa2 mi2güig3 dsióg4 ja1'ein54 'éi'3 dsióg4, la1 i'e2 gué4 juig2 dsa2 i2jáng'2!

23 Jaun2 ca2jme3lióg3 tsí2ca2jín2 quian'54 riin'54, 'ein2 bá4 'éi2 i2jmo3 le2jaun2.

Ca2tsíin2 o4quió'4 'ein2 i2lén2 i2dsen54 gué4

24 Ján3 bá4 ca2lë3 mi'54 jë4 quió'5, ne4 'uig54 'ein2 'éi2 i2lén2 i2dsen54 gué4.

25 Jaun2 ca2juá'2 Jesús:

—Ca2le3jín3 rag54 quián5 dsi2nau2, tian'23 goin2 jmo23 'éi'3 lia'2 lë2 dsí5. Le2jaun2 gué'2 i2le'io5 'éi'3 i2le1'in1 quián5, 'ag5 dsa2 a2lín5 dsa2 i2jmo5 a2dse3. 26 La1 tsá3 le2jaun2 lë2 quian'54 'nia'2. Jui1lia'2 i2can'54 jë4 quián'2 'nia'2, jui1jmo12 mei'2. Le2jaun2 gué'2 i2cán2 ne4 jui5, jui1jmo12 në2jang4 bá4 i2jme2ti3, 27 Jaun2 në3, ¿'ein2 i2dsen54 gué4: i2guá5 ne4 mesa, o3 i2dsia5 má3 'e2? ¿'On1 i2guá5 ne4 mesa bá4? La1 jniá2 'eng54 jë4 quián'2 'nia'2, líng5 jan2 i2jme2ti3.

28 'Nia'2 gué'2 líng'5 i2ma2ja2nóg'5 quiong'54 jniá2 jë4 uig5 a2qui2ma2i2ñig2. 29 'Uig54 në5 në3, dsián4 jniá2 'nia'2 ja1o1tiáng'2 gong'2, jui1lia'2 ma2dsiog3 Ne'3 jniá2, 30 ia1jaun2 o1qué'2 o1'éin'2 'nia'2 ne4 mesa quió3 ja1gong2, ja1jaun2 o1tián'2 'nia'2 ne4ta1 a2qui,dsi'2 'éi'3 quió'5 ta1guia3-tín2 nió'3 tsí1jon2 dsa2 juig2 Israel.

Ñi5 bá4 Jesús a2tsá3 tion3 Pe4 a2cuig23

(Mateo 26:31-35; Marcos 14:27-31; Juan 13:36-38)

31 Ján3 bá4 ca2juá'2 Te1gui'54:

—Si2mu54, Si2mu54 —ca2tsí'3 Pe4—, i2së3dsen3 ma2në2mag3 'ñiá'2 'nia'2 lia'2 ja1'ñiá'2 dsa2 trigo, 32 la1 jniá2 ma2në2mi3 o4quián'2 'ne2, ia1jaun2 tsá3 dsiá3 éi3 a2'éng'2. 'Ne2 në3, jë1ma2ca2jéin'3 táng3 'au'2, cué'54 bí2 ríng'2.

33 Jaun2 'éi2 në3 ca2ñag3:

—Te1gui'54, caun2 bá4 ma2'eí5 dsi3 i1'ú3 né'3 'má3 co2lë5 quian'54 'ne2, o1jnja'54 'mú3 ca2quín2.

34 Jaun2 ca2ñag3 Jesús:

—Pe4, jniá2 gué'2 juá'5, tsá3 'o3 të1guí4 dsó2 në3, ca2lia'2 ma2në2jua'54 'ne2 'ni5 ráun2 a2tsá3 tóng'4 a2cuig'2 jniá2.

Ma2ja2quián3 hora gue3 Jesús uig5

35 Jaun2 ca2juá'2:

—Lia'2 con'2 ca2tsíng2 'nia'2, lia'2 con'2 tsá3 tsi1na'54 jme1le1quian'4, on3 gué'2 të2lau2, on3 gué'2 ni1lau2 ton5 tag'54 në3, ¿cha1 a2ca2rë3'nió'5 quián'2 'nia'2?

'Éi2 në3, ca2ñag3:

—'I1caun2 tsá3 ca2rë3'nió'5.

36 Jaun2 ca2juá'2 táng3:

—Në3 gué4 në3 i2'io5 tsi1na'54, të2lau2 në3 jui1quian54. I2tsá3 'io5 ñi1tág2 në3, o1'nag12 mi2dsiog2 quió'5 ia1jaun2 lá3 ñi1tág2. 37 Ia1 juá'5 jniá2, tion54 niog5 le3ti3 ja1con2 jniá2 ja1juá'2

† 22:19 A2lin54 chog54 si2 tsá3 chi1ton5 "a2ma2rë2jang'54 o4quián'2 'nia'2. Jmo4 'nia'2 a2la2 a2dsiog'2 'au'2 jniá2", on3 gué'2 versículo 20. ‡ 22:20 'Nio'2 ja1ton5 Éxodo 24:8.

ne₄ Si₂ le₂ la₂: “Nó₃ jë₄ quió₅ dsa₂ i₂ le₁ cán₄ dso₄, ia₁ ca₂ jmo₃ dsa₂ dsí₅ në₂ jag₄ bá₄ a₂ rë₂ cáin₄ dso₄ já₃.” § Ia₁ ca₂ le₃ jë₃ a₂ niog₅ juá₂ ne₄ Si₂ a₂ ag₂₃ jniá₂, tion₅₄ niog₅ le₃ ti₃.

³⁸ Jaun₂ ca₂ juá₂ 'éi₂:

—Te₁ gui₅₄, la₂ tiá₅ tin₃ ni₁ tá₂.

Jaun₂ ca₂ ηag₃ táng₃:

—Tió₅ bá₄ në₅.

Ca₂chi₂lén₂ Jesús Diú₄ caun₂ ja₁chei₂ Getsemani

(Mateo 26:36-46; Marcos 14:32-42)

³⁹ Jaun₂ gué₄ në₃ o₂ iin₃ nó₃ juí₅ Má₂ Olivos, ia₁ le₂ jaun₂ tiin₂ bá₄. Jaun₂ ca₂ i₃lén₂ chi₂ dsí₂ gua₃-tín₂ quiong₅₄.

⁴⁰ Jme₁ ca₂ dsióg₃ ja₁ jaun₂, jaun₂ ca₂ juá₂:

—Chi₁ len₅₄ 'nia₂ Diú₄ ia₁ jaun₂ tsá₃ jo₅₄ juí₅ bí₂ a₂ cáun₂ táu₂.

⁴¹ Jaun₂ ca₂ nó₃ Jesús 'niog₅ úing₂ con₂ ja₁ tá₂g₅ ca₂ mí₂g₂ ni₁ cang₁ a₂ táun₂ dsa₂. Ja₁ jaun₂ ca₂ chi₃ jné₃ ca₂ chi₃ lén₂ Diú₄.

⁴² Ca₂ juá₂:

—Tia₅₄, ¿tsa₁ cui₅ jmig₄ jniá₄ uig₅ dsí₃ ní₂g₂ la₂? La₁ ia₁, juí₁ le₅₄ bá₄ a₂ 'niog₂ 'au₂ 'ne₂, on₃ jua₅₄ con₂ 'nio₃ jniá₂.

⁴³ Jaun₂ ca₂ jme₃ jnia₅ jan₂ ángel ne₅₄, i₂ ca₂ sión₃ juí₅ guei₅₄ i₂ juí₃, a₂ ca₂ cuë₃ bí₂.

⁴⁴ Hora jaun₂ ca₂ ηág₃ uig₅ 'niog₅ lin₃, jaun₂ tē₂ le₃ lē₅ gué₄ ca₂ chi₃ lén₂ Diú₄; ca₂ tein₃ jme₁ dsiog₂ në₂ jag₄ bá₄ jmi₂ qui₂ ca₂ dsá₂ tē₂ 'uē₃. *

⁴⁵ Jme₁ ca₂ nau₂ ja₁ chi₂ lén₂ Diú₄ jaun₂, guáin₃ ja₁ tián₄ chi₂ dsí₂ gua₃-tín₂. La₁ le₁ güín₃ bá₄ 'éi₂ tián₅ ca₂ jo₃, 'uig₅₄ ia₁ a₂ ni₄ lē₃ 'lia₂ dsí₅.

⁴⁶ Jaun₂ ca₂ juá₂:

—¿'E₂ lē₃ le₁ güín₃ 'nia₂ tiáng₅? Nau₂, chi₁ len₅₄ 'nia₂ Diú₄ ia₁ jaun₂ tsá₃ jo₃ juí₅ bí₂ a₂ cáun₂ táu₂.

Ma₂ le₁ te₂ dsa₂ Jesús

(Mateo 26:47-56; Marcos 14:43-50; Juan 18:2-11)

⁴⁷ Tē₃ jë₄ juá₂ Jesús jaun₂, jme₁ ca₂ dsi₃ lén₂ juin₅ dsa₂. Jaun₂ ca₂ dsióg₃ i₂ tē₂ dsa₂ Judas, i₂ jme₁ lín₄ jan₂ chi₂ dsí₂ gua₃-tín₂, quian₅ ne₄ juí₅. Jaun₂ ca₂ jme₃ quiáin₃ con₂ Jesús a₂ jme₁ chen₃ † quió₅.

⁴⁸ La₁ ca₂ juá₂ Jesús:

—Judas, ¿'e₂? ¿Le₁ në₅ bá₄ jing₅₄ Jaun₅ dsa₂ mi₂ güí₃, a₂ chén₁ quió₅?

⁴⁹ Jme₁ ca₂ jág₃ i₂ quian₅₄ Jesús a₂ lē₂ jaun₂, ca₂ juá₂:

—Te₁ gui₅₄, ¿qui₅₄ jnia₅₄ quian₅₄ ni₁ tá₂g₂?

⁵⁰ Jan₂ 'éi₂ në₃ ca₂ qui₃ quió₅ i₂ jme₂ ti₃ ta₁ quián₅ jme₂ dsa₂ dsen₅₄, ca₂ jniá₂ rē₂ gua₅₄ ne₁.

⁵¹ Jaun₂ ca₂ juá₂ Jesús:

—'A₃ ma₃ jmai₅₄.

Jaun₂ ca₂ chong₃ táng₃ rē₂ gua₄ 'éi₂, ca₂ jme₃ lió₂. ⁵² Jaun₂ ca₂ tsí₃ juí₅₄ jme₂ dsa₂, 'i₅₄ guá₅, gui₅₄ can₅₄ në₃ i₂ dsi₃ lén₂ tsáun₂:

—¿'E₂? ¿Juí₁ lia₂ jē₁ tsán₂ dsa₂ 'ang₂ ja₂ nó₃ qui₂ le₁ quian₄ ni₁ tá₂g₂, 'ma₂ në₃? ⁵³ Lí₂ bá₄ 'eng₅₄ tián₂ quian₅₄ 'nia₂ i₁ dsi₅ guá₅, tsá₃ ma₂ chong₂ 'nia₂ ja₁ jaun₂. La₁ në₃ gué₄, 'au₂ 'nia₂ bí₂ tiá₂ 'au₂ jmó₂, në₃ lia₂ chí₅ qui₁ né₃.

Tsá₃ tion₅ Pe₄ a₂ cui₂₃ Jesús

(Mateo 26:57-58, 69—75; Marcos 14:53-54, 66—72; Juan 18:12-18, 25—27)

§ 22:37 Isaías 53:12. * 22:44 A₂ lin₅₄ chog₅₄ si₂ tsá₃ chi₁ ton₅ versículos 43 quian₅₄ 44. † 22:47 Jme₁ tin₂ quió₅ dsa₂ judíos a₂ chen₂ jú₅ riin₅₄ jē₁ cuag₃ Diú₄.

54 Jme₁ma₂në₂chóng₂, ca₂tág₃ jui₅ ja₁quió₄ jme₂dsa₂ dsen₅₄. La₁ Pe₄ në₃, uíng₂ bá₄ tē₂quiín₃ ñó₃ 'ein₂₃.

55 Dsa₂ 'éi₂ në₃, ca₂dsia₃ si₂ i₁dsi₅, ca₂tián₂ le₃lág₃ cau₅ si₂; jē₄ jaun₂ ca₂guá₂ Pe₄ ján₃.

56 Tē₃jē₄ jaun₂, ca₂rē₃lí₄ jan₂ 'io₅₄ i₂jme₂ti₃ ta₁ ja₁jaun₂, a₂guá₅ Pe₄ cau₅ si₂. Caun₂ ca₂jág₂ tiá₂, ca₂juá₂:

—Ján₃ bá₄ jme₁quiain₅₄ i₂nē₅.

57 La₁ 'éi₂ në₃, tsá₃ ca₂tioin₃, ca₂juá₂:

—Tsá₃ 'éi₂ cuín₅ jniá₂, 'ne₂ 'io₅₄.

58 Jme₁co₂lág₂ jaun₂, ca₂guan₃ táng₃ jan₂, ca₂jág₂, jaun₂ ca₂juá₂:

—Jme₁quiain₅₄ 'ne₂ ján₃, ¿lia₅₄?

—Jan₂'ón₄. Tsá₃ dsa₂ 'éi₂ jme₁quian₄ jniá₂, 'ne₂.

59 Con₂ caun₂ hora cang₂ jaun₂, tion₅₄ bá₄ tsá₃ jme₁cán₂ jan₂ jág₁, ca₂juá₂:

—Tē₃dsón₂ jan₂ i₂jme₁quiain₅₄ bá₄ në₅, ia₁ Galilea bá₄ ja₁chain₂.

60 Jaun₂ ca₂juá₂ táng₃ Pe₄:

—Tē₃dsón₂ rē₂ juá₅ jniá₂ la₂, ca₂lia₂ jñia₅₄ tsá₃ cuíng₅ 'ein₂ 'éi₂ 'ín₅ 'nia₂.

Tē₃jē₄ dsia₂₃ jág₁ jaun₂ jme₁ca₂'o₃ tē₁guí₄ dsó₂. 61 Jaun₂ ca₂jén₃ Te₁gui₅₄ ca₂jín₂ Pe₄, ca₂jmo₃ a₂dsiog₂ dsí₅ 'éi₂ 'e₂ a₂ma₂nē₂juá₂ le₂jñiá₅: “Tsá₃ 'o₃ tē₁guí₄ dsó₂ në₃, ca₂lia₂ ma₂nē₂jua₅₄ 'ne₂ 'ni₅ ráun₂, a₂tsá₃ tóng₄ a₂cuig₂ jniá₂.”

62 Jaun₂ ca₂'o₃ 'íin₃ ca₂tá₂ qui₂ dsí₅, ca₂'o₃ 'ñio₅ lín₃.‡

A₂lē₁qui₂co₂jmá₂ dsa₂ Jesús

(Mateo 26:67-68; Marcos 14:65)

63 Dsa₂ i₂niog₅ jmo₅ 'í₁ Jesús në₃, a₂lē₁qui₂co₂jmóg₂ tioin₅₄, ca₂cuē₃ në₃.

64 Ca₂'néi₂ jme₁ne₁ Jesús, qui₂ca₂quein₃ dsí₂ne₅₄ § jaun₂ ca₂juá₂:

—¿Dsi₄ jág₁ 'ein₂ në₂quein₃ quiáng₂!

65 'Lióng₂ lín₃ bá₄ ca₂juá₂ tioin₅₄, a₂tē₂'o₂.

Ca₂chen₃ dsa₂ Jesús ne₄ dsí₂tan₅₄ quián₅ guá₅

(Mateo 26:59-66; Marcos 14:55-64; Juan 18:19-24)

66 Jme₁jñia₃ jaun₂, qui₂ca₂ñi₂ ca₂le₃jín₃ gui₅₄ can₅₄ quián₅ dsa₂ judíos, juig₅₄ jme₂dsa₂, tē₃juá₅ në₃. Jme₁ma₂le₂ñi₂, ca₂dsi₁jñia₃ dsa₂ Jesús ne₅₄. Jaun₂ ca₂ñag₃:

67 —¿Dsón₂ 'ne₂ líng₅ I₂rē₂'ín₁ quián₅ Diú₄?

Jaun₂ ca₂ñag₃:

—O₁jñia₅₄ ca₂juá₃ jniá₂, jniá₂ 'éi₂, a₂dsón₂ tsá₃ le₃'én₂ bá₄ 'nia₂. 68 Nē₁jua₂ ca₂ñag₄ jniá₂ 'e₂ ca₂ñag₅₄ ne₅₄ 'nia₂, a₂dsón₂ on₃jua₅₄ a₂jaun₂ jein₅₄ 'nia₂ jág₁ quió₃. * 69 La₁ në₃ në₃, tē₂le₃ ne₄ jui₅ ja₁ñó₄ në₅, guá₃ Jaun₅ dsa₂ mi₂güig₃, tē₂le₃ gu₂ ne₁ Diú₄ i₂'uan₂ gué₄ lín₃.

70 Jaun₂ ca₂ñag₃ ca₂le₃jín₃:

—¿Ia₁ 'ne₂ bá₄ líng₅ Ja₁ñi₅₄ Diú₄, jaun₂?

—Jniá₂ bá₄ líng₅, jui₁lia₂ ma₂nē₂jua₅₄ 'nia₂ në₅.

71 Jaun₂ ca₂juá₂ tioin₅₄:

—¿'Ein₂ gué₄ jmá₃ dsa₂ 'niog₂ jniog₄ jáng₃ jág₁ dsau₅? Jua₂ jniog₄ guio₅₄ ma₂nē₂néi₁ jág₁ a₂ma₂nē₂'uē₃ i₂nē₅ 'ñiog₅ mi₂'o₅₄ chéin₅.

23

Ca₂dsián₃ Jesús ne₄ Pilato

(Mateo 27:1-2, 11—14; Marcos 15:1-5; Juan 18:28-38)

1 Jaun₂ qui₂ca₂nau₂ ca₂le₃jín₃ ca₂jñiai₃ Jesús ne₄ Pilato.

‡ 22:62 A₂lín₅₄ chog₅₄ si₂ tsá₃ chi₁ton₅ versículo 62. § 22:64 A₂lín₅₄ chog₅₄ si₂ tsá₃ chi₁ton₅ “qui₂ca₂quein₃ dsí₂ne₅₄.”

* 22:68 A₂lín₅₄ chog₅₄ si₂ juá₂ ján₃: “on₃ gué₂ jaun₂ a₂lo₅₄ 'nia₂.”

²Ja₁jaun₂ guě₄ ca₂'náu'₃ dsáu₁ Jesús, ca₂juá'₂:
—Ca₂jón₃ jnia'₅₄ dsa₂ la₂ jme₁'ein₅₄ dsia₂₃ mi'₅₄ jin₄ dsa₂ juig₂ quián₂ jnia'₅₄. N_{i23} toin'₂ dsa₂ jág₁ a₂tsá₃ ma₂'ein₂ qui₃'lia'₅₄ a₂ca₂tín₂ César; a₂jme₂t_{iin}₂₃ dsa₂ juá'₂ a₂lín₅ Irē₂'ín₁ quián₅ Diú₄, co₂'nió'₄ a₂lín₅ rag₅₄.

³Jaun₂ ca₂ηag₃ Pilato:

—¿Dón'₂ líng'₅ Rag₅₄ quián₅ dsa₂ judíos?

Jaun₂ ca₂ηag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

⁴Jaun₂ ca₂juá'₂ táng₃ Pilato ca₂tsí'₃ juig₅₄ jme₂dsa₂, quian'₅₄ dsa₂ juig₂:

—Tsá₃'e₂ dsáu₁ dsa₂ nē₅ dso'₂ jniá₂ 'i₁caun₂.

⁵La₁ tē₂le₃ lē₅ guě₄ co₂mi'₅₄ ca₂tóin'₂, ca₂juá'₂:

—La₁ 'ηio₅ lín₃ dsia₂₃ mi'₅₄ ηi₂₃, jme₂t_{iin}₂₃ dsa₂ ta₁caun₂ 'uē₃ Judea. Ca₂jme₃lióg₃ Galilea, rē₂nē₃ guě'₂ ma₂ηi₂₃ ja₁láš₃ jmo₂₃ le₂jaun₂.

Ca₂dsián'₂ Pilato Jesús ne₄ Herodes

⁶Jme₁ca₂nág₂ Pilato a₂nē₅, jaun₂ ca₂ηag₃ chi₂jua'₂ 'uē₃ Galilea chan₂ dsa₂ 'éi₂.

⁷Jme₁ca₂rē₃ηi₅ nē₃, a₂lín₅ Jesús dsa₂ chan₂ tē₂le₃ 'uē₃ ja₁niog₅ gu₂ Herodes, jaun₂ ca₂dsióg'₂ ne₄ 'éi₂. Ia₁ jme₁ηi₂₃ juig₂ Jerusalén jmi₄ jaun₂.

⁸To'₂ jén'₅ bá₄ Rag₅₄ Herodes jme₁ca₂jín₂ Jesús, ia₁ líg'₂ bá₄ 'ín₅ dsí₅ jág₂, ia₁ jme₁ma₂nág₂ bá₄ 'ei₅ jág₁ a₂'in₅ dsa₂ 'éi₂. Ia₁ jme₁'ín₂ dsí₅ jág₃ 'e₂ caun₂ o₂dsain₂ jmo₃.

⁹Lióng₂ a₂qui₂ca₂ηí'₃ Jesús, la₁ tsá₃ ma₃'e₂ ca₂ηag₃ 'éi₂ 'i₁caun₂.

¹⁰Ja₁jaun₂ jme₁tión₂ juig₅₄ jme₂dsa₂ quian'₅₄ tē₃juá'₅ nē₃, caun₂ qui₂ca₂'náu'₃ tion₅₄ dsáu₁ 'éi₂.

¹¹Jaun₂ Herodes nē₃, quian'₅₄ 'lióg₂ quián₅, lē₁qui₂ca₂j móg'₂ tióin'₅₄, ca₂quei'₃ 'mi'₂ jlá'₁, jaun₂ ca₂dsióg'₂ bá₄ táng₃ ne₄ Pilato.

¹²Jmi₄ jaun₂ bá₄ ca₂jmo₃ Pilato a₂mei₅₄ quian'₅₄ Herodes, ia₁ jme₁le₁'ηiai₁₂ riin'₅₄ le₂jniá₅.

Ca₂o₃'ág₃ 'éi'₃ a₂jón₂ Jesús

(Mateo 27:15-26; Marcos 15:6-15; Juan 18:39-19:16)

¹³Jaun₂ ca₂ηí'₂ Pilato juig₅₄ jme₂dsa₂, quian'₅₄ i₂lín₅ ta₁, quian'₅₄ dsa₂ juig₂ nē₃. ¹⁴Jaun₂ ca₂tsí'₃ dsa₂:

—O₂jón'₅₄ 'nia'₂ ne₃ dsa₂ la₂, ia₁ juá'₂ 'nia'₂ a₂dsia₂₃ mi'₅₄ jin₄ dsa₂. Tē₃ ne'₅₄ 'nia'₂ ma₂qui₂nē₂ηag₄ jniá₂, tsá₃ 'e₂ dsáu₁ dso'₂ jniá₂ 'i₁caun₂, lia'₂ con'₂ lē₅ dso₄ a₂jme₂cain'₅₄ 'nia'₂.

¹⁵On₃ guě'₂ Herodes ca₂dsó'₂, jaun₂ la₂ bá₄ ca₂dsióg'₂ táng₃. Jaun₂ 'i₁caun₂ tsá₃ 'e₂ cha₂jua'₅₄ ca₂tín₂ gue₃ 'mú₃. ¹⁶La₁ jmo₅₄ 'éi'₃ a₂bóg₂ dsa₂, jaun₂ guě₄ loin₅₄.

¹⁷Jme₁jmi₄ tē₂'in₅₄, jme₁chí'₄ tag₄ quió'₅ Pilato jme₁lióin₂ jan₂ dsa₂ 'né₅ 'má₃, jme₁chei'₂ le₃jin₄ dsa₂.*

¹⁸La₁ dsa₂ juig₂ nē₃ co₂ηei'₅₄ ca₂le₃jín₃ ca₂tóin'₂ co₂mi'₅₄ ca₂juá'₂:

—¡Cau₅ jniá'₃ i₂nē₅! ¡Barrabás bá₄ lion₄ quián₂ jnia'₅₄!

¹⁹Barrabás 'éi₂ ca₂to'₂ dsa₂ né'₃ 'má₃ 'uig₅₄ ia₁ ca₂dsia₃ caun₂ mi'₅₄ jē₄ juig₂, ton'₂ ia₁ jme₁ma₂jñi'₃ dsa₂ nē₃.

²⁰Jme₁'nio₃ bá₄ Pilato jme₁lióin₂ Jesús, jaun₂ jme₁ca₂tsí'₃ bá₄ guě₄ dsa₂. ²¹La₁ tē₂le₃ lē₅ guě₄ co₂mi'₅₄ ca₂tón'₂ bá₄ dsa₂, guió'₅ juá'₂:

—¡Tióin₃ cróg₄! ¡Tióin₃ cróg₄!

²²Jē₁ηó₄ 'ni₅ ráun₂ ca₂juá'₂ táng₃ Pilato tsí'₅ dsa₂:

—¿'E₂ guě'₂ 'lig'₅₄ ma₂jmo₃? Tsá₃ 'e₂ dsáu₁ i₂nē₅ dso'₂ jniá₂ jua'₅₄ a₂ca₂tín₂ jóin₂. Jmo₅₄ jniá₂ 'éi'₃ a₂bóg₂ dsa₂ jaun₂ guě₄ loin₅₄.

* 23:17 A₂lin₅₄ chog₅₄ si₂ tsá₃ chi₁ton₅ versículo 17.

²³ La₁ tion₅₄ ca₂mi₃ dsa₂ tioen'₅₄ co₂mi'₅₄ a₂tion₃ cróg₄. Ca₂lë₃ rë'₂ con'₂ lë₅ 'ín₅ dsí₅ dsa₂ juig₂ lé₂.
²⁴ Jaun₂ co₂ñei'₅₄ me'₂ ca₂jmo₃ Pilato 'éi'₃ a₂lé₂ con'₂ lë₅ mi₅ dsa₂.
²⁵ Jaun₂ ca₂lióin₂ bá₄ dsa₂ i₂jme₁'en₅₄ né'₃ 'má₃, i₂jme₁ma₂dsia₃ mi'₅₄, i₂ma₂jñi'₃ dsa₂ ně₃.
 Jaun₂ ca₂jáng'₂ ca₂jíin'₂ Jesús o₄gú₃ dsa₂ juig₂ o₁jmo₁₂ quiong'₅₄ con'₂ 'ín₅ dsí₅ jmo₃.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Juan 19:17-27)

²⁶ Con'₂ ma₂tioen'₅₄ jui₅ jñiai₂₃ Jesús ja₁dsi₃tion₃ cróg₄, ca₂chi₃quiáin₂ tion₅₄ jan₂ dsa₂ chan₂ 'uë₃ Cirene, i₂chen₂ Si₂mu₅₄, i₂'en₅₄ jui₅ jón'₅ ja₁nau₂, a₂cán₂ cróg₄ dsó₃ le₃chi₁co'₅₄ quió'₅ Jesús.

²⁷ Jui₅ lin₃ bá₄ dsa₂ juig₂ i₃lén₂ 'ein₂₃, dsa₂ mí₂ ně₃, i₃lén₂ qui'₂-o₂₃ 'lia'₂ dsí₅ qui'₂-óin'₂ Jesús.

²⁸ Jaun₂ ca₂jén'₃ Jesús, ca₂juá'₂:

—'Nia'₂ dsa₂ mí₂ chan₂ Jerusalén, 'a₃ ma₃'au₂ 'nia'₂ o₄quió₃ jniá₂. 'O₄ bá₄ 'nia'₂ o₄quiáng'₂ guiong'₅₄, o₄quió'₄ chi'₂-guein₂ quiáng'₂ ně₃. ²⁹ Ia₁ já₅ jmig₄ jë₁juá'₂ dsa₂: “E₂ guë₄ dsen₃ jui₁lia'₂ dsa₂ mí₂ i₂tsá₃ lé₂ cán₂ guein₂; 'e₂ guë₄ dsen₃ jui₁lia'₂ dsa₂ i₂tsá₃ guein₂ ca₂'í₃ tē₂dsí₅, on₃ guë'₂ dsi'₅₄ quió'₅ ca₂guén'₃ guein₂ ně₃.” ³⁰ Jmig₄ jaun₂ jme₃lióg₃ dsa₂ tsí'₃ ni₁má'₂: “Lá'₃ ne₄ quián₂ jnia'₅₄”, juá'₂ ně₃ tsí'₃ dsi₂con'₂: “Mog₅₄ jnia'₅₄.” ³¹ Ia₁ chi₂jua'₂ le₂la₂ jmo₅ dsa₂ jmái'₂ i₂tsá₃ ca₂tín₂ gue₃ uig₅, ħ'ë₂ guë₄ bá₄ dsi₃ní₂ i₂ca₂tín₂ dsón'₂?†

³² Ján₃ bá₄ jme₁le₁jñiai₂₃ guë₄ on₃ dsa₂ i₂le₂cán'₄ dso₄, a₂jme₂dsiog₂₃ co₂lë₅ quian'₅₄ Jesús.

³³ Jme₁ca₂dsi₃léin₂ ja₁té'₂ dsa₂ Dsi₂con'₂ Ni₁mu₅ Mi₂dsi₄ 'Lag₄,‡ ja₁jaun₂ ca₂tion₃ cróg₄ quian'₅₄ le₃on₃ dsa₂ 'lín'₅₄ 'éi₂, jan₂ tē₂le₃ gu₂ ne₁, jan₂ guë'₂ tē₂le₃ gu₂ jen₅.

³⁴ [Jaun₂ ca₂juá'₂ Jesús:

—Tia₅₄, 'én₃ dsáu₁, ia₁ tsá₃ ñi₅ a₂jmo₂₃.]§

Jaun₂ ca₂co₃ dsi₂'lióg₂ ca₂tóin'₂ ca₂jmo₃ le₁dso'₅₄ ni₁tsin'₅₄ Jesús.*

³⁵ Jaun₂ jme₁tión₂ dsa₂ juig₂ cau₅, jág₅. Dsi₂tan₅₄ ně₃ jme₁tión₂, qui₂co₂jmóg'₂ burlas, ca₂juá'₂:

—Qui₂ma₂lióin₂ i₂sián'₂; ně₃ ně₃, jui₁lioin₅₄ 'ñiog₅ chi₂jua'₂ dsi₂jó'₃ lín₅ I₂rë₂'ín₁ rë₂quion'₅₄ quián₅ Diú₄.

³⁶ Dsi₂'lióg₂ ně₃ ca₂jmóg'₂ burlas ca₂jme₃quiáin₃ ca₂jén'₃ vino jen'₂, ³⁷ ca₂juá'₂:

—Chi₂jua'₂ líng'₅ Rag₅₄ quián₅ dsa₂ judíos, lion₄ 'ñiag'₂.

³⁸ Jaun₂ ca₂tióng₃ dsa₂ letras dsi₄ cróg₄ tio'₅₄ 'ni₅ né₃ jág₁ jmei₅: griego, latín, hebreo ně₃, co₂'nió'₄ a₂juá'₂: “RAG₅₄ QUIÁN₅ DSA₂ JUDÍOS BÁ₄ LA₂.”

³⁹ Jan₂ i₂rë₂cán'₄ dso₄ i₂jme₁rë₂ton₅ cau₅ quió'₅ ca₂tē₂ca₂'o'₂, ca₂juá'₂:

—ħOn₁ 'ne₂ líng'₅ I₂rë₂'ín₁ quián₅ Diú₄? Ma₂ně₃ lion₄ 'ñiag'₂, jaun₂ lo'₅₄ jnia'₅₄ ně₃.

⁴⁰ La₁ ca₂jí₂ bá₄ riin'₅₄ ca₂juá'₂:

—ħ'En₁ jmá'₃ tsá₃ gan'₃ 'ne₂ Diú₄? Jua'₂ uig₅ le₂ně₅ bá₄ guei'₂ ján₃. ⁴¹ La₁ jniog₄ a₂ca₂tág₂ dsón'₂ guei₂ uig₅ la₂, lia'₂ con'₂ lë₅ a₂ma₂jmó₁; la₁ dsa₂ la₂ ně₃, 'i₁caun₂ tsá₃ 'e₂ riin₂.

⁴² Jaun₂ ca₂juá'₂:

—Jesús, jui₁dsiog'₂ bá₄ 'au'₂ jniá₂, jë₁ma₂dsiáng'₃ ja₁gong'₂.

⁴³ Jaun₂ ca₂ñag₃ Jesús:

—A₂dsi₂jó'₃ juig₂ jniá₂ 'ne₂, jmig₄ ně₃ tē₃tsing'₅₄ quian'₅₄ jniá₂ Ja₁jlá'₁.†

Ca₂jon₃ Jesús

(Mateo 27:45-56; Marcos 15:33-41; Juan 19:28-30)

† **23:31** lit. “ia₁ chi₂jua'₂ ni₁'ma₂ rë'₂ co₂jmo₅ dsa₂ le₂ně₅, ħ'ë₂ guë₄ bá₄ lé₂ quian'₅₄ ni₁'ma₂ quein₂?” ‡ **23:33** ja₁chei₂ “Gólgota” quian'₅₄ arameo; quian'₅₄ latín guë'₂, chei₂ “Calvario.” § **23:34** A₂lin₅₄ chog₅₄ si₂ tsá₃ chi₁ton₅ jág₁ ně₅.

* **23:34** 'Nio'₂ ja₁ton₅ Salmo 22:18. † **23:43** griego: paradeiso (Paraiso).

44 Con'₂ dsi₃ní'₃, † tē₁tsi'₅₄ qui₁né'₃ ta₁caun₂ gua'₅₄ 'uē₃, ca₂lia'₂ ca₂tē₂ hora ŋ₁ 'ni₅Š le₃ca₂'láu₂.

45 'Tog₂ co₂dsia₅ ca₂rē₃liá'₃; tsi₁'mi'₂ cortina a₂jme₁'ei₅ dsi₂néi₂ guá'₅ templo, co₂dsia₅ ca₂chen₃ ca₂lē₃ tin₃ dso'₅₄ jo₂.

46 Hora jaun₂, ca₂guió'₃ Jesús, ca₂juá'₂:

—jTia₅₄ quiáng₃, o₄gog'₂ 'ne₂ dsia₅₄ jme₂dsí₂ quió'₃!

Caun₂ jaun₂ bá₄ a₂ca₂juá'₂ guē₄, co₂tan₅₄ ca₂join₃.

47 Jme₁ca₂jág₃ juig₅₄ 'lióg₂ a₂ca₂lē₃ jaun₂, ca₂jme₃juin'₂ Diú₄, ca₂juá'₂:

—Dsón'₂ bá₄ tsá₃ 'e₂ jme₁rin₂ dsa₂ la₂.

48 Ca₂le₃jín₃ bá₄ dsa₂ i₂jme₁tion'₅₄ i₂ca₂jág₃ a₂ca₂lē₃ jaun₂, ca₂i₃lein₃ quein₂₃ dsí'₅.*

49 Ca₂le₃jín₃ dsa₂ i₂jme₁cuin₅ Jesús quian'₅₄ dsa₂ mí₂ i₂jme₁ma₂quiong'₅₄ tē₂ Galilea, jme₁tióin₂ uing₂ jág₅ ca₂le₃jē₃ a₂nē₅.

Ca₂'on₃ Jesús

(Mateo 27:57-61; Marcos 15:42-47; Juan 19:38-42)

50 La₁ ca₂lē₃ nē₃, jan₂ dsa₂ i₂chen₂ José, i₂jme₁quen'₅₄ lín₅ ta₁ jin₄ dsi₂tan₅₄ quián₅ guá'₅, jme₁lín₄ dsa₂ dsen₃ i₂'ua₁ dsí'₅. 51 Sē₄ 'éi₂ nē₃, i₂chan₂ juig₂ Arimatea ja₁tén₄ Judea, tsá₃ ca₂rē₃'ñióg dsí'₅ lia'₂ niog₅ ca₂jmo₃ dsi₂tan₅₄ rin'₅₄, ia₁ jme₁chi₁jñia₂₃ le₃gon₂ Diú₄.

52 Jaun₂ ca₂ñei₅₄ nē₃ i₁mi₂ jág₁ ne₄ Pilato a₂dsi₃sioin₅₄ 'lag₄ Jesús cróg₄ a₂dsi₃'ó₃.

53 Jme₁ca₂sió₂, ca₂lio₃ caun₂ 'mi'₂ tióg₃. Jaun₂ ca₂i₁quio₂₃ 'ñió'₃ tau₂ 'ñio₅ a₂jme₁ma₂lē₅ ca₂jmo₃ dsa₂ dsí'₅ ni₁'lau₂, ja₁tsá₃ 'ein₂ 'lag₄ ma₂'í₅.

54 Ia₁ jmiḡ₄ jaun₂ tion'₅₄ dsa₂ jmo₂₃ co₂jñia₅₄ a₂'nió'₅ quió'₅ jmiḡ₄ sa₅₄ a₂jē₁ca₂jñia₃ jaun₂.

55 La₁ dsa₂ mí₂ i₂ma₂ja₂lén₂ quian'₅₄ Jesús tē₂ Galilea, ca₂o₃lén₂ ca₂jág₃ 'a₂ lia'₂ ca₂quion₅ dsa₂ 'lag₄ né'₃ táu₂.

56 Jme₁ca₂dsi₃lein₃ quió'₅, ca₂jmo₃ co₂jñia₅₄ no'₅₄ mi₂juig₂ quian'₅₄ guē₄ ma₁'au₂ nē₃, a₂dsi₃tsin₅₄ Jesús.

Jme₁ca₂jñia₃ sa₅₄ jaun₂, ca₂tián'₂ ca₂jñia₃ lia'₂ con'₂ lē₅ 'Éi'₃.

24

Ca₂jen'₅₄ táng₃ Jesús

(Mateo 28:1-10; Marcos 16:1-8; Juan 20:1-10)

1 Jē₁le₂'uig₅₄ jmiḡ₄ semana, ca₂i₃lén₂ táng₃ dsa₂ mí₂ tē₂ o₃'iog₂ lín₃, i₁jag₅₄ tau₂ 'ñio₅ le₁quian₅ no'₅₄ mi₂juig₂ a₂jme₁ma₂lē₅ co₂jñia₅₄ quió'₅; [lē₂ bá₄ guē₄ dsa₂ mí₂ sián'₂ i₂ca₂jme₃quiong'₅₄].* 2 Jme₁ca₂dsi₃lén₂ ja₁jaun₂, jua'₂ cau₅ bá₄ ma₂i₂mu₃ ni₁cang₁ a₂jme₁rē₂jñi₅ tau₂ 'ñio₅. 3 Jaun₂ ca₂i₃toin'₅₄, la₁ tsá₃ ma₃ni₁ñi₁ 'lag₄ [Te₁gui'₅₄ Jesús]† ca₂dsó'₂ ja₁jaun₂. 4 [Jaun₂ ca₂lē₃], ‡ tē₃ tióin₂ dsi₂gó'₃ dsí'₅ jaun₂, tsá₃ a₂ñi₅ jmo₃, jme₁ca₂jñin₂ on₃ dsa₂ i₂qui'₂ tsin'₅₄ tág₅, tión₂ cau₅ quió'₅.

5 Tē₃ ma₂gó'₅ jaun₂, ca₂'iin₃ ne₅₄ tē₂ 'uē₃. Jaun₂ ca₂juá'₂ dsa₂ 'éi₂:

—¿'E₂ lē₃ 'na'₂ 'nia'₂ jan₂ i₂jén'₃ jin₄ 'lag₄? 6 Tsá₃ 'éi₂ chan₂ ja₁lá₃. Ma₂ca₂jein'₅₄ bá₄. Jui₁dsiog'₂ 'au'₂ 'nia'₂ a₂ca₂juá'₂ lia'₂ con'₂ jme₁ñi₂₃ Galilea, 7 jme₁ca₂juá'₂ a₂ca₂tín₂ Jaun₅ dsa₂ mi₂güḡ₃ jáng'₂ dsa₂ o₄gú₃ dsa₂ 'lin'₅₄, a₂tion₃ dsa₂ cróg₄, la₁ a₂'ni₅ jmiḡ₄ jaun₂ jein'₅₄ táng₃.

8 Jaun₂ guē₄ ca₂dsáu'₃ dsí'₅ 'io₅₄ jág₁ jaun₂ quió'₅ Jesús. 9 Jme₁dsi₃lein₃ jaun₂, ca₂dsia₃ ca₂tsí'₃ ta₁guia₃-ján₃ chi'₂ dsi₂guia₃-tín₂ i₂jme₁lē₂ guē₄, ca₂tsí'₃ ca₂le₃jín₃ guē₄ dsa₂ sián'₂ nē₃.

10 Dsa₂ mí₂ i₂jme₁quion₂ jág₁ nē₅ ne₄ chi'₂ dsi₂guia₃-tín₂: María i₂chan₂ Magdala, Juana, María chog₅₄ Jacobo, quian'₅₄ guē₄ dsa₂ mí₂ sián'₂.

‡ 23:44 lit. “hora jñéi₂.” Š 23:44 lit. “hora ŋi₃.” * 23:48 Co₂'nió'₄ a₂jmo₂₃ léi₄ a₂qui'₂ dsí'₅. * 24:1 A₂lin₅₄ chog₅₄ si₂ tsá₃ le₁ton₅ jág₁ nē₅. † 24:3 A₂lin₅₄ chog₅₄ si₂ tsá₃ le₁ton₅ jág₁ nē₅. ‡ 24:4 A₂lin₅₄ chog₅₄ si₂ tsá₃ le₁ton₅ jág₁ nē₅.

11 La₁ jme₁ca₂nág₂ chi'₂ dsi₂guia₃-tín₂ jág₁ në₅, a₂lë₁të₂'i₅ bá₄ 'io₅₄ 'éi₂, lín₂, jaun₂ tsá₃ ca₂rë₃'éi₂.

12 La₁ Pe₄ në₃, ca₂o₃'íin₃ nõ₃ co₂chi'₅₄ ca₂i₁jag₅₄ dsi₂néi₂ tau₂ 'ñio₅. Jaun₂ jmá'₃ tsi₁'mi'₂ tióg₃ bá₄ ca₂jág₃ niog₅. Ca₂ñái'₃ bá₄ táng₃ jaun₂ në₃, dsi₂gó'₃ dsí₅ 'e₂ ca₂lë₃.

*A₂ca₂lë₃ dsi₂jui₅ ja₁ñó₄ jui₂g₂ Emaús
(Marcos 16:12-13)*

13 Jmí₄ jaun₂ dé₄, on₃ dsa₂ 'éi₂ tioen'₅₄ jui₅ i₃lén₂ jui₅ jui₂g₂ ja₁të'₂ dsa₂ Emaús, a₂niog₅ con'₂ guia₃-cáun₃ kilómetros ja₁niog₅ Jerusalén. 14 Jaun₂ dé₄ tsi'₅ riin'₅₄ i₃lén₂ ca₂le₃jë₃ 'e₂ niog₅ ca₂lë₃. 15 Të₃ dsia₂₃ i₃lén₂ jaun₂, ca₂jme₃quián₃ Jesús nõ₃ quiong'₅₄. 16 La₁ jui₁'a₂ guë₃ la₂ jág₂ i₃lén₂, cha₂ a₂jmo₅ a₂tsá₃ rë₂cuig₂₃ 'ein₂ 'éi₂.

17 Jaun₂ ca₂ñag₃ Jesús:

—¿'E₂ bá₄ jág₁ dsia'₂ 'nia'₂ ja₂nóg'₅?

Jaun₂ ca₂nau₂ ca₂tiá₂ tei₄, le₁'ág₄ 'lia'₂ dsí₅ bá₄. 18 Jaun₂ ca₂ñag₃ jan₂ i₂chen₂ Cleofas:

—¿On₁ bá₄ jan'₂ 'ne₂ líng'₅ dsa₂ i₂lia'₂ të₂tsin'₅₄ guan₅ Jerusalén, jaun₂ tsá₃ ñi'₅₄ 'e₂ niog₅ ca₂lë₃ dsióg₂-jo₃ në₅?

19 Jaun₂ ca₂ñag₃:

—¿'E₂ ca₂lë₃ guë'₂?

Jaun₂ ca₂ñag₃ táng₃:

—A₂ca₂lë₃ quian'₅₄ Jesús i₂chan₂ Nazaret, i₂jme₁lín₄ jan₂ i₂jme₁'ë₂ jág₁ quián₅ Diú₄, i₂'uan'₂ të₂le₃ quian'₅₄ ca₂le₃jë₃ a₂niog₅ ca₂jmo₃, i₂'uan'₂ të₂le₃ quian'₅₄ jág₁ a₂ca₂jme₃tag₂₃, lia'₂ le₃ne₄ Diú₄ lia'₂ le₃ne₄ dsa₂ mi₂güí₃ në₃; 20 'a₂lia'₂ ca₂jáng'₂ jui₂g₅₄ jme₂dsa₂ quian'₅₄ dsi₂tan₅₄ quián₂ jnia'₅₄, ca₂dsi₂ 'éi'₃ ca₂jñag'₃ tioen'₅₄, ca₂tion₃ cróg₄. 21 Jnia'₅₄ jme₁'ín₂ dsi₅ chong₂, a₂lág₂ jnia'₅₄ 'éi₂ bá₄ lín₅ i₂jme₁lión₂ jui₂g₂ Israel. La₁ në₃ në₃, ma₂'ni₅ jmí₄ ca₂lë₃ le₂në₅. 22 I₂lín₅₄ dsa₂ mi₂ i₂tion'₅₄ jë₄ quián₂ jnia'₅₄ ma₂në₂quiong₃ jnia'₅₄ juë'₅, ia₁ ma₃i₁jag₅₄ të₂ o₃'iog₂ ma₂'mí₂ tau₂ 'ñio₅, juá'₂. 23 Tsá₃ ni₁ñi₁ 'lag₄ dsó'₅. A₂jaun₂ bá₄ dsia₂₃ o₃lein₃ a₂në₂jme₃jnia₅ ángeles ne₅₄, a₂në₂juá'₂ i₂chan₂ bá₄ 'éi₂. 24 Jaun₂ në₃, ma₂i₁len₅₄ i₂lín₅₄ rin'₅₄ jnia'₅₄ ma₂i₁jag₅₄ tau₂ 'ñio₅. Jua'₂ dsón'₂ bá₄ dsau₅ con'₂ lë₅ jág₁ jmóg'₅ dsa₂ mí₂ 'éi₂, la₁ 'éi₂ guë'₂ në₃ tsá₃ në₂jíin₂, juá'₂.

25 Jaun₂ ca₂ñag₃ Jesús ca₂tsí'₃ 'éi₂:

—'En₁ jmá'₃ tsá₃ 'e₂ ca₂ñí'₂ 'au'₂ 'nia'₂! ¿Líg'₂ bá₄ le₃'én'₂ 'nia'₂ ca₂le₃jë₃ a₂niog₅ ca₂juá'₂ dsa₂ i₂jme₁'ë₂ jág₁ quián₅ Diú₄? 26 Ia₁ ¿on₁ le₂jaun₂ 'i₄ 'éi'₃ ca₂tín₂ I₂rë₂'ín₁ quián₅ Diú₄, dsi₃ñí₂ ca₂le₃jë₃ a₂në₅ de'₂ jniá₅, jaun₂ guë₄ dsiáin'₄ ja₁le₃juiin'₂ táng₃?

27 Jaun₂ qui₂ca₂juá'₂ 'a₂lia'₂ niog₅ juá'₂ ne₄ Si₂ quió'₅ Diú₄; ca₂jme₃lióg₃ de'₂ jniá₅ ja₁juá'₂ ne₄ si₂ quió'₅ Moisés, nõ₃ ca₂'ë₃ le₂tan₅₄ si₂ quió'₅ dsa₂ i₂jme₁'ë₂ jág₁ quián₅ Diú₄, ja₁juá'₂ 'íin₂₃ 'éi₂ 'ñiog₅.

28 Jaun₂ ja₂quián₃ dsi₁lén₂ jui₂g₂ pí'₁ ja₁tioen'₅₄ jui₅ dsi₁lén₂. La₁ dsa₂ 'éi₂ con'₂ jme₁ma₂ñó₅ co₂dsau₅ bá₄ ca₂jmo₃.

29 La₁ i₂on₃ 'éi₂ në₃ ca₂chi₃quióng₂ jmí₄ a₂jñia₃, ca₂juá'₂:

—Në₃ o₁jñia₁ quian'₅₄ jnia'₅₄, ia₁ ca₂rin₂ bá₄ 'iog₂, ca₂'láu₂ ca₂nei₂ bá₄ la₂.

Jaun₂ ca₂'í₃ dsi₂néi₂ ja₁jñia₃ quian'₅₄ 'éi₂.

30 Jaun₂ ca₂lë₃, jme₁ma₂guá₅ ne₄ mesa quian'₅₄ 'éi₂, ca₂can₃ i₁ñí'₄, ca₂jme₃jñiío₃, jaun₂ guë₄ ca₂'niai₃ ca₂cuë'₃ le₃on₃ i₂quiain'₅₄.

31 Të₃jë₄ jaun₂ në₂jag₄ a₂jaun₂ guë₄ ca₂niá₃ jme₁ne₁₂ lín₂, jaun₂ guë₄ ca₂rë₃cuig₂₃. La₁ dsi₂jui₅ jaun₂ ca₂i₃cóin'₅ të₃ ne₅₄.

32 Jaun₂ guë₄ ca₂dsia₃ jág₁ guioin₅₄:

—Dsón'₂ bá₄ lia'₂ tio'₅₄ jui₅ ja₂náu₅, ca₂lë₃ dsi₅ néi₁ ca₂le₃jë₃ 'e₂ niog₅ në₂juá'₂ në₂jme₃ñí'₂ dsi₅ jniog₄ a₂juá'₂ Si₂.

³³ Dsi₂ju_{i5} le₂jaun₂ bá₄ ca₂tóin'₂ táng₃ jui₅ ja₂lein₃ Jerusalén. Jme₁o₃lein₃ jaun₂, tion'₅₄ ta₁guia₃-ján₃ chi'₂ dsi₂guia₃-tín₂ i₂lě₂ guě₄, le₁ñi'₂ quian'₅₄ guě₄ dsa₂ sián'₂. ³⁴ Jaun₂ juá'₂ 'éi₂ tion'₅₄:

—Tě₃dsón'₂ bá₄ ma₂ca₂jen'₅₄ Te₁gui'₅₄. Ia₁ ma₂ně₂jme₃jniai₂₃ ne₄ Si₂mu₅₄.

³⁵ Jaun₂ guě₄ ca₂j_{móg}'₃ táng₃ i₂on₃ 'éi₂ jág₁ 'a₂ lia'₂ ca₂lě₃ le₂'i₄ jui₅, 'a₂ lia'₂ ca₂rě₃cuig₂₃ con'₂ jme₁ca₂'niai₃ i₁ñi'₄.

Ca₂jme₃jnia₅ Jesús jě₄ quió'₅ chi'₂ dsi₂guia₃-tín₂
(Mateo 28:16-20; Marcos 16:14-18; Juan 20:19-23)

³⁶ Tě₃ tion'₅₄ dsia₂₃ jág₁ jaun₂, jme₁ca₂jme₃jnia₅ Jesús ca₂nau₂ jě₄ quió'₅. §

³⁷ Ca₂i₃gó'₃ dsi₅ tion'₅₄, lín₂ jan₂ jme₂dsí₂ bá₄ 'éi₂ ñi₅.

³⁸ Jaun₂ ca₂juá'₂:

—¿'E₂ lě₃ ñi₄ lě₃ tion'₅₄ 'nia'₂ chí'₅ go₂'i₃? ¿'E₂ lě₃ ñi₄ 'lióng₂ a₂'náu'₂ 'nia'₂ 'au'₂? ³⁹ La₂ jag₄ 'nia'₂ o₄gu₃ o₄tag₃. Jniá₂ bá₄ la₂. I₂nó'₅ 'nia'₂ i₂níg'₃ quió₃ i₂jag₄ 'nia'₂. Jan₂ jme₂dsí₂, on₃jua'₅₄ i₂ton₅ ñi₅ on₃ i₂'en₅₄ mu₅, jui₁lia'₂ jág₁ 'nia'₂ lín₅ jniá₂.

⁴⁰ Tě₃ juá'₂ le₂ně₅, qui₂ca₂'ě₃ o₄gú₃ o₄tag₁₂ ně₃.

⁴¹ Tě₃ tion'₅₄ jaun₂ dsi₂gó'₃ dsi₅ tsá₃ 'éin₂ o₄quió'₄ a₂ñi₄ lě₃ 'io'₂ jén'₅, jme₁ca₂juá'₂ Jesús:

—¿Cha₁ a₂le₃que₅₄ ca₂la₂ ja₁lá₃?

⁴² Jaun₂ ca₂o₃can₅ ca₂'nau₅₄ quió'₅ i₁ju₁ cui₂ ne₄ si₂, [quian'₅₄ guě'₂ ca₂jne₄ ni₁tá'₅ cui₂ng₅].*

⁴³ Jaun₂ ca₂gue₃ ca₂guě'₃ guá₅ tě₃ne₄ ca₂le₃jín₃.

⁴⁴ Jaun₂ ca₂juá'₂ ně₃:

—Ma₁ ca₂juá'₃ jniá₂ le₂jñiá₅ lia'₂ con'₂ jme₁ñi₂₃ jin'₄ 'nia'₂, a₂tion₅₄ le₃ti₃ ca₂le₃jě₃ lia'₂ con'₂ lě₅ tio'₅₄ ne₄ Si₂ 'Éi'₃ quió'₅ Moisés, ne₄ Si₂ quió'₅ dsa₂ i₂jme₁ 'ě₂ jág₁ quián₅ Diú₄, ne₄ Salmos ně₃, ja₁'ag₂₃ jniá₂.

⁴⁵ Jaun₂ guě₄ ca₂jme₃ñi'₂ dsi₅ 'éi₂ a₂juá'₂ Si₂, ⁴⁶ jaun₂ ca₂juá'₂:

—Le₂ně₅ bá₄ tio'₅₄ ne₄ Si₂: a₂tion₅₄ bá₄ dsi₃ñi'₂ uig₅ I₂rě₂'ín₁ quián₅ Diú₄, la₁ jein'₅₄ bá₄ táng₃ a₂'ni₅ jmig₄; ⁴⁷ a₂tion₅₄ dsi₃'ag₅ jág₁ ně₃, a₂'nió'₅ qui₂dsi₃quén'₅ dsi₅ dsa₂ ia₁jaun₂ bá₄ lé₂le₃'én₂ dsau₁. Jág₁ ně₅ dsó₃ qui₂rě₂'ě₂ o₄quió₃, ne₄ ca₂le₃jín₃ i₂chan₂ gua'₅₄ 'uě₃, la₁ Jerusalén de'₂ jñiá₅ ja₁le₃lióg₃. ⁴⁸ 'Nia'₂ ně₃ i₂qui₂ca₂tě₂ ne'₅₄ ca₂le₃jě₃ a₂niog₅ ca₂lě₃, qui₂o₁jang'₄ 'nia'₂ jág₁ dsau₅. ⁴⁹ Jaun₂ ně₃, tsin₅₄ jniá₂ i₂ma₂lě₅ jág₁ chen₃ Ne'₃. La₁ jñia₄ guě₄ 'nia'₂ juig₂ la₂, ca₂lia'₂ ca₂lě₃ le₁lín'₄ 'nia'₂ quian'₅₄ jui₅bí₂ a₂sió₃ guei'₅₄.

Ca₂uíg₂ Jesús guei'₅₄ i₂juíg₃
(Marcos 16:19-20)

⁵⁰ Jaun₂ ca₂jñiai₃ chi'₂ dsi₂guia₃-tín₂ tě₂ juig₂ Betania, jaun₂ ca₂cho₃ gu₂ ne₄ quió'₅ ca₂le₃jín₃, ca₂jme₃gu'₅₄. ⁵¹ Ca₂lě₃ ně₃, tě₃jě₄ jme₂gu'₅₄ jaun₂, ca₂i₃uíin₂. †

⁵² 'Éi₂ ně₃, ja₂lein₃ bá₄ táng₃ Jerusalén, jmo₂₃ 'io'₂ 'ñio₅ lín₃, ⁵³ le₃ó₃ jmig₄ bá₄ jme₁ñi'₂ i₁dsi₅ guá'₅ jme₂juin'₂ Diú₄.

Co₂ně₅.

§ 24:36 A₂lín₅₄ chog₅₄ si₂ juá'₂ ján₃: “co₂tan₅₄ ca₂cuag₃ Diú₄, ca₂juá'₂: —Siang'₃. Jui₁'ei₅ bá₄ tei₄ tion'₅₄ 'nia'₂.” * 24:42 A₂lín₅₄ chog₅₄ si₂ tsá₃ chi₁ton₅ jág₁ ně₃. † 24:51 A₂lín₅₄ chog₅₄ si₂ juá'₂ ján₃: “ca₂ñái'₃ guei'₅₄ i₂juíg₃.”

Jág₁ Dse₃ quió'₅ Diú₄ a₂ca₂tó'₂ San Juan₅₄ ne₄ Si₂

Jág₁ quió'₅ Diú₄ a₂lín₅ dsa₂ mi₂güí₃

¹ Lia'₂ con'₂ le₂'uig₅₄ jme₁ca₂rë₃lió₃, jme₁ma₂chan₂ i₂té'₂ Jág₁; jaun₂ i₂'éi₂ i₂lín₅ Jág₁ ně₃, jme₁'ein₅₄ quian'₅₄ Diú₄; Diú₄ bá₄ jme₁lín₄ ján₃. ² Jaun₂ lia'₂ con'₂ le₂'uig₅₄, 'éi₂ ně₃, jme₁'ein₅₄ quian'₅₄ Diú₄. ³ Të₂le₃ quian'₅₄ 'éi₂ bá₄, ca₂lë₃ ca₂le₃jë₃ 'e₂ a₂cha₂; ca₂lia'₂ 'i₁caun₂ tsá₃ ca₂rë₃chá₃ jua'₅₄ tsá₃ ca₂jmo₃ 'éi₂.

⁴ Ja₁con₂ 'éi₂ bá₄ já₅ bí₂ a₂le₃chan₂ dsa₂; bí₂ jaun₂ ně₃, lë₅ Si₂ a₂tág₅ ja₁con₂ dsa₂ mi₂güí₃.

⁵ Tág₅ Si₂ jaun₂ jë₄ qui₁né'₃, la₁ qui₁né'₃ ně₃, tsá₃ ma₂ca₂tió'₃.

⁶ Ca₂rë₃chán₃ jan₂ dsa₂ i₂chen₄ quián₅ Diú₄, i₂chen₂ Juan₅₄. ⁷ Ca₂guain₃ ca₂jáng'₃ jág₁ dsau₅ tē₂le₃ quió'₅ 'éi₂ i₂lín₅ Si₂, ia₁jaun₂ tē₂le₃ quian'₅₄ jág₁ dsau₅ a₂jáng'₅ ně₃, le₃'én₂ ca₂le₃jín₃ dsa₂.

⁸ On₃jua'₅₄ Juan₅₄ 'éi₂ i₂jme₁lín₄ Si₂; jñia'₅₄ con'₂ i₂jáng'₅ jág₁ dsau₅ bá₄ jme₁lín₄, ju₁lia'₂ le₃quió'₅ Si₂.

⁹ Jme₁ma₂guán₂ i₂lín₅ Si₂ tē₃dsón'₂, a₂tág₃ ja₁con₂ le₂jan₂ le₂jan₂ dsa₂ mi₂güí₃.

¹⁰ I₂'éi₂ i₂lín₅ Jág₁ jme₁'ein₅₄ mi₂güí₃; jaun₂, o₁jñia'₅₄ ca₂lë₃ mi₂güí₃ tē₂le₃ quian'₅₄ 'éi₂, tsá₃ ca₂rë₃cuig₅ dsa₂ mi₂güí₃.

¹¹ Guain₃ jin₄ dsa₂ go₅₄, la₁ dsa₂ go₅₄ ně₃, tsá₃ ca₂guei₃.

¹² La₁ia₁ i₂con'₂ ca₂guei₃, i₂ca₂rë₃'én₂ tē₂le₃ quió'₅, dsa₂ 'éi₂ ně₃ ca₂cuë'₃ bí₂ a₂lëin₂ chi'₂-guein₂ quián₅ Diú₄.

¹³ Ju₁lia'₂ chi'₂-guein₂ 'éi₂, on₃jua'₅₄ ca₂rë₃chán₃ lia'₂ con'₂ lë₅ jmi₄ dsa₂ mi₂güí₃, on₃guë'₂ lia'₂ con'₂ lë₅ dsí₅ dsa₂ mi₂güí₃, on₃guë'₂ lia'₂ con'₂ lë₅ dsí₅ jan₂ dsa₂ ñe'₂, ton'₂ ca₂rë₃chán₃ le₃quió'₅ Diú₄ bá₄.

¹⁴ I₂'éi₂ ně₃ i₂lín₅ Jág₁, ca₂can₃ ñi₄ dsa₂ mi₂güí₃, ca₂guá₂ jë₄ quián₂ jniog₄. Jnia'₅₄ ně₃ ma₂ca₂jag₅₄ a₂co₂'né'₅ quió'₅, co₂'nió'₄ a₂co₂'né'₅ quió'₅ jan₂ tan₅₄ Ja₁ñi'₅₄ Diú₄, i₂já₅ ja₁con₂ Jmei₂, rë₂rín₅ a₂dse₃ dsí₅, a₂rë₂ti'₅₄ ně₃.

¹⁵ Ca₂jáng'₃ Juan₅₄ jág₁ dsau₅ tē₂le₃ quió'₅ 'éi₂, ca₂juá'₂ tiá₂:

—I₂la₂ bá₄ 'éi₂ i₂lín₅ jniá₂, lia'₂ con'₂ jme₁ca₂juá'₃: “I₂já₅ cang₂ guë'₄ con'₂ guë'₄ jniá₂, dsein₅₄ guë'₄ con'₂ guë'₄ jniá₂, ia₁ jme₁ma₂chain₂ jniá₅ guë'₄ con'₂ guë'₄ jniá₂.”

¹⁶ Ca₂le₃jág₃ bá₄ jniog₄ ma₂qui₂ma₂guéi₂ a₂tson₂ a₂dse₃ dsí₅ 'éi₂, caun₂ qui₂jme₂gu'₅₄ bá₄ Diú₄ jniog₄ lia'₂ i₂gú'₃.

¹⁷ Ca₂ñag₂ jniog₄ Si₂ 'Éi'₃ tē₂le₃ quian'₅₄ Moisés, la₁ia₁ tē₂le₃ quian'₅₄ Jesucristo bá₄ ca₂já₃ a₂dse₃ dsí₅ Diú₄, ca₂rë₃ti₃ jág₁ dsau₅ ně₃.

¹⁸ Lia'₂ 'i₁jan₂ tsá₃ 'ein₂ ma₂jín₂ Diú₄ lia'₂ 'i₁cón₂; la₁ia₁ Ja₁ñi'₅₄ i₂jan₂ tan₅₄ 'éi₂ quián₅, i₂'en₅₄ ja₁con₂ Jmei₂, i₂'éi₂ bá₄ ma₂jmo₃ jág₁ dsau₅ 'a₂ lia'₂ lín₅ Diú₄.

*Jáng'₅ jág₁ dsau₅ Juan₅₄ i₂chon₅ dsa₂ jmig₂, ju₁lia'₂ i₂'ein₂ 'éi₂ Jesucristo
(Mateo 3:11-12; Marcos 1:7-8; Lucas 3:15-17)*

¹⁹ Jaun₂ le₂la₂ jág₁ a₂ca₂jáng'₃ Juan₅₄ jme₁ca₂chen₃ dsa₂ can'₅₄ quián₅ dsa₂ judíos i₂tion'₅₄ Jerusalén ca₂chein₃ jme₂dsa₂ quiain'₅₄ levitas ne₄ Juan₅₄, a₂i₁ñag₁₂ i₂'ein₂ 'éi₂.

²⁰ 'Éi₂ ně₃ ca₂jmo₃ jág₁ lia'₂ rë₂jiá₃, ca₂juá'₂:

—On₃jua'₅₄ jniá₂ líng₅ I₂rë₂'ín₁ quián₅ Diú₄.

²¹ Jaun₂ ca₂ñag₃ táng₃ dsa₂:

—¿'Ein₂ 'ne₂ jaun₂? ¿'Ne₂ líng'₅ Elías i₂jme₁'ë₂ jág₁ o₄quió'₄ Diú₄?

Jaun₂ ca₂juá'₂ Juan₅₄:

—On₃jua'₅₄ 'éi₂ jniá₂.

Dsi₂jui₅ le₂jaun₂ bá₄ ca₂ηag₃ táng₃ dsa₂:

—¿On₃ bá₄ 'ne₂ líng'₅ i₂'ě₂ jág₁ 'éi₂, i₂lě₅ jág₁ jiá₃?

Jaun₂ ca₂ηag₃ Juan₅₄:

—Jan₂'ón₄.

²² Jaun₂ bá₄ ca₂juá'₂ dsa₂ ca₂tsí'₃ Juan₅₄:

—¿'Ein₂ lín'₅ 'ne₂, jaun₂ ně₃? Jua'₅₄, ia₁jaun₂ dsi₁con₁ jnia'₅₄ jág₁ dsau₅ ne₄ dsa₂ i₂ca₂chei₃.
¿'Ein₂ juá'₂ 'ne₂ líng'₅?

²³ Jaun₂ ca₂ηag₃ Juan₅₄:

—Jniá₂ bá₄ líng'₅ i₂'éi₂ i₂juá'₂ jág₁ tiá₂ caun₂ 'uě₃ quein₂ co₂'ηiog₅ i₁juá'₄: “Nia₄ 'nia'₂ caun₂ jui₅ co₂dsau₅ quió'₅ Te₁gui'₅₄.”*

²⁴ Dsa₂ i₂i₁len₅₄ i₁dsia₂ jág₁ quian'₅₄ Juan₅₄, dsa₂ i₂chen₄ quián₅ dsa₂ fariseos bá₄ 'éi₂,
²⁵ jaun₂ ca₂ηag₃ ca₂ηí'₃ táng₃ Juan₅₄:

—Chi₂jua'₂ on₃jua'₅₄ 'ne₂ líng'₅ I₂rě₂'ín₁ quián₅ Diú₄, on₃ guě'₂ Elías, on₃ guě'₂ jan₂ i₂'ě₂ jág₁ o₄quió'₄ Diú₄ ně₃, ¿'e₂ ta₁ 'eng'₅₄ tsóng'₅ dsa₂ jmig₂?†

²⁶ Jaun₂ ca₂juá'₂ Juan₅₄:

—Jniá₂ tiáng₅ dsa₂ jmig₂; la₁ia₁ jin₄ 'nia'₂ chan₂ jan₂ i₂tsá₃ cui_n'₂ 'nia'₂. ²⁷ Já₅ jan₂ cang₂ guě₄ con'₂ guě₄ jniá₂, on₃jua'₅₄ 'ein₂ lín'₅ jniá₂ jua'₅₄ ca₂lín'₂ tsi'₅₄ lau₂ ton₅ tag₅₄.

²⁸ Ca₂le₃jě₃ a₂la₂ ca₂lě₃ caun₂ ja₁chei₂ Betania,‡ a₂niog₅ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, ja₁jme₁'en₅₄ Juan₅₄ choin₂₃ dsa₂ jmig₂.§

Jesús i₂lín₅ Guein₂ Já'₂ Cha'₂ quián₅ Diú₄

²⁹ Jme₁jnia₃ jaun₂, ca₂jín₂ Juan₅₄ Jesús a₂já₅ ja₂quián₃ ja₁chéin'₄, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄, i₂jniá'₂ dsau₁ dsa₂ mi₂güig₃. ³⁰ I₂ně₅ bá₄ 'éi₂ i₂'ín₅ jniá₂, lia'₂ con'₂ jme₁ca₂juá'₃: “I₂já₅ cang₂ guě₄ con'₂ guě₄ jniá₂, dsein₅₄ guě₄ con'₂ guě₄ jniá₂, ia₁ jme₁ma₂chain₂ jniá₅ guě₄ con'₂ guě₄ jniá₂.” ³¹ Lia'₂ jnia'₅₄ 'nió₃, tsá₃ jme₁guion₅₄ 'ein₂ 'éi₂; la₁ia₁ chón₅ dsa₂ jmig₂ ma₂guio₃,* ia₁jaun₂ le₃cui₅ dsa₂ juig₂ Israel 'ein₂ 'éi₂.

³² Ján₃ bá₄ ca₂jáng'₃ Juan₅₄ jág₁ dsau₅ la₂, ca₂juá'₂:

—Ca₂jín₄ jniá₂ Jme₂dsí₂ Jnió₅ ca₂sióin₃ guei'₅₄ i₂juí₃ i₂jniá₂ lia'₂ jniá₂ jan₂ i₁ju₂, ca₂tē₁gua₁ ne₄ quió'₅ 'éi₂. ³³ Tsá₃ jme₁ma₂guion₄ bá₄ guě₄ jniá₂ i₂'ein₂ 'éi₂; la₁ia₁ i₂ca₂chei₃ jniá₂ a₂chón₄ dsa₂ jmig₂,† ca₂tság₃ jniá₂: “Jē₁ma₂ca₂jín₅₄ Jme₂dsí₂ sióin₅ ne₄ quió'₅ jan₂ dsa₂ ηe'₂, i₂'éi₂ bá₄ qui₃tián₂ dsa₂ Jme₂dsí₂ Jnió₅.” ³⁴ Ma₂ca₂jín₅₄ bá₄ jniá₂, jaun₂ jáng'₅ jniá₂ jág₁ dsau₅, a₂lín₅ 'éi₂ Ja₁ni'₅₄ Diú₄.

I₂le₂'uig₅₄ dsa₂ guia₃-tín₂ quián₅ Jesús

³⁵ Jme₁jnia₃ jaun₂, jme₁'en₅₄ táng₃ Juan₅₄ ja₁jaun₂ quian'₅₄ guě₄ on₃ dsa₂ i₂i₂nio₄ quiaín'₅₄.

³⁶ Jaun₂ jme₁ca₂jág₃ Juan₅₄ ca₂ηí₅ Jesús, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄.

³⁷ Jaun₂ ca₂nág₂ le₃on₃ dsa₂ 'éi₂ a₂ca₂juá'₂, jaun₂ i₃lén₂ chi₁co'₅₄ quió'₅ Jesús.

³⁸ Jaun₂ ně₃ ca₂jén'₃ Jesús tē₂le₃ ca'₃, ca₂jín₂ dsa₂ i₂i₃lén₂ chi₁co'₅₄ quió'₅, jaun₂ ca₂juá'₂ ca₂tsí'₃ 'éi₂:

—¿'E₂ 'náu'₂ 'nia'₂?

Jaun₂ ca₂juá'₂ dsa₂ 'éi₂ ca₂tsí'₃ Jesús:

—Rabbí —co₂'nió'₄ le₃jua'₅₄: Tē₅—, ¿Já'₄ ηéi'₂ 'ne₂?

³⁹ Jaun₂ ca₂ηag₃ Jesús:

* **1:23** Isaías 40:3. † **1:25** lit. “¿'e₂ ta₁ 'eng'₅₄ tiáng'₅ dsa₂ jmig₂?” ‡ **1:28** A₂lín₅₄ chog₅₄ si₂: “Betábara.” Juig₂ Betania siá'₂ cau₅ Cuá₃ Jordán, uíng₂ ja₁niog₅ Jerusalén; on₃jua'₅₄ Betania ja₁jme₁guá₄ Lázaro quiaín'₅₄ 'io₅₄ riín'₅₄. § **1:28** lit. “ja₁jme₁'en₅₄ Juan₅₄ tián₂ dsa₂ jmig₂.” * **1:31** lit. “la₁ia₁ tiáng₅ dsa₂ jmig₂ ma₂guio₃.” † **1:33** lit. “la₁ia₁ i₂ca₂chei₃ jniá₂ a₂tiáng₄ dsa₂ jmig₂.”

—I₂nó'₅ 'nia'₂ i₂jag₄.

Jaun₂ i₃lén₂ i₁jag₅₄ já'₄ guá'₅ Jesús, jaun₂ quian'₅₄ 'éi₂ bá₄ ca₂tóin'₂ tē₁lia'₂ ca₂'láu₂ jmig₄ jaun₂; ia₁ jme₁ma₂ca₂tē₂ con'₂ hora n₁ quén₂ tē₂le₃ ca₂'láu₂.‡

40 Jan₂ i₂on₃ 'éi₂ i₂ca₂nág₂ a₂ca₂juá'₂ Juan₅₄, i₂i₃lén₂ chi₁co'₅₄ quió'₅ Jesús, jme₁chen₂ Drē₄ i₂lín₅ rin'₅₄ Si₂mu₅₄ i₂tē'₂ dsa₂ Pe₄.

41 Dsi₂jui₅ né'₃ guē₄ jaun₂ bá₄ ηe₄ Drē₄, i₁'nai'₂ Si₂mu₅₄ r₁in'₅₄, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ Mesías, (co₂'nió'₄ le₃jua'₅₄, dsa₂ I₂rē₂'ín₁ quián₅ Diú₄).

42 Jaun₂ i₁jnia₃ Drē₄, Si₂mu₅₄ r₁in'₅₄ ja₁'en₅₄ Jesús, jaun₂ jme₁ca₂jág₂ Jesús ně₃, ca₂juá'₂:

—'Ne₂ líng'₅ Si₂mu₅₄, ja₁ηi'₅₄ Jonás. La₁ia₁ le₃cheng'₂ Cefas.

Lia'₂ chen₂ Cefas ně₅, co₂'nió'₄ le₃jua'₅₄ Pe₄.§

Tē'₂ Jesús Felipe quian'₅₄ Natanael

43 Jme₁jnia₃ jaun₂, ca₂lē₃ dsí'₅ Jesús dsó₃ 'uē₃ Galilea, jaun₂ ca₂dsáin'₂ Felipe, jaun₂ ca₂juá'₂ ca₂tsí'₃ 'éi₂:

—Jme₁quiong'₅₄ jniá₂.

44 Felipe 'éi₂ ně₃, jme₁chain₂ juig₂ Betsaida, ján₃ bá₄ ja₁jme₁chan₂ Drē₄ quian'₅₄ Pe₄ ně₃.

45 Fe₂li₄ 'éi₂ ně₃, ηei₅₄ i₁'niai'₂ Natanael, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ dsa₂ 'éi₂ i₂'in₅ Moisés ne₄ Si₂ 'Éi'₃, i₂'in₅ dsa₂ i₂'ē₂ jág₁ quián₅ Diú₄ ně₃. Jesús bá₄ 'éi₂, ja₁ηi'₅₄ José, i₂chan₂ juig₂ Nazaret.

46 Jaun₂ ca₂juá'₂ Natanael:

—¿Lé₂ le₃o₃'ag₅ caun₂ a₂dse₃ juig₂ Nazaret?

Jaun₂ ca₂ηag₃ Fe₂li₄:

—Nia₅ de'₂ i₂jag₄.

47 Jaun₂ jme₁ca₂jág₃ Jesús a₂ma₂ja₂quián₃ Natanael, ca₂juá'₂:

—La₂ dé₄ dsón'₂ já₅ jan₂ dsa₂ israelita tē₃dsón'₂, i₂tsá₃ cha₂ mai₅₄ ja₁con₂.

48 Jaun₂ ca₂ηag₃ Natanael ca₂ηí'₃ Jesús:

—¿'A₂ lia'₂ cui₂g'₂ jniá₂?

Jaun₂ ca₂juá'₂ Jesús:

—Jniá₂ ně₂jing₅₄ 'ne₂ jniá₅, né'₃ guē₄ a₂dsi₃té₂ Fe₂li₄, lia'₂ con'₂ jme₁ηéi'₂ né'₃ ni₁'ma₂ higuera.

49 Jaun₂ ně₃ ca₂juá'₂ Natanael ca₂tsí'₃ Jesús:

—Tē₅, 'ne₂ bá₄ líng'₅ ja₁ηi'₅₄ Diú₄; 'ne₂ bá₄ líng'₅ Rag₅₄ quián₅ dsa₂ juig₂ Israel.

50 Jaun₂ ca₂ηag₃ Jesús ca₂tsí'₃ 'éi₂:

—¿A₁jaun₂ 'éng'₂ ia₁ ně₂juá'₃ a₂nē₂jín₄ jniá₂ 'ne₂, ηéi'₂ né'₃ ni₁'ma₂ higuera? La₁ia₁ ně₃ guē₄ tē₃ ne'₅₄ 'líong₂ léi₄ juē'₂ guē₄ con'₂ guē₄ a₂la₂.

51 Já₃ bá₄ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, jag'₅₄ 'nia'₂ rē₂na₄ guei'₅₄ i₂juig₃, jin'₅₄ 'nia'₂ ángeles quián₅ Diú₄ ně₃, qui₂tsau₂ qui₂tsi₂sioin₂ ne₄ Jaun₅ dsa₂ mi₂güig₃.

2

Ca₂jen'₂ gu₂ dsa₂ jē₄ juig₂ Caná juig₂ tén₅ Galilea

1 'Ni₅ jmig₄ cang₂ guē₄ jaun₂, ca₂nio₃ jmig₄ ca₂jen'₂ gu₂ dsa₂ jē₄ juig₂ Caná, a₂nio₅ 'uē₃ Galilea. Ja₁jaun₂ jme₁'en₅₄ chog₅₄ Jesús ně₃; 2 já₃ bá₄ ca₂tē'₃ dsa₂ Jesús quian'₅₄ dsa₂ i₂quian'₅₄, ja₁jen'₂ gu₂ dsa₂ jaun₂.

3 Jme₁ca₂dsa₃ vino, jaun₂ ca₂juá'₂ chog₅₄ Jesús ca₂tsí'₃ 'éi₂:

—Tsá₃ ma₃cha₂ vino quió'₅ dsa₂ tío₂in'₅₄.

‡ 1:39 lit. “hora guia,” § 1:42 Co₂'nió'₄ le₃jua'₅₄, “Ni₁cang₁,” Le₂nē₅ juá'₂ jág₁ “Cefas” quian'₅₄ jág₁ jmei₅ arameo; co₂jaun₂ juá'₂ “Petros” (ja₁já₅ jág₁ piedra, Pedro ně₃) quian'₅₄ jág₁ jmei₅ griego.

⁴ La₁ ca₂ηag₃ Jesús:

—'Io₅₄, ¿'e₂ lë₃ juig'₂ jniá₂ a₂në₅? Ia₁ tsá₃ ma₂të₂ guë₄ hora quió₃.

⁵ La₁ ca₂juá'₂ chog₅₄ ca₂tsí'₃ dsa₂ i₂tion'₅₄ tia'₅:

—Jmo₄ 'nia'₂ chi₂'e₂ juá'₂ i₂në₅.

⁶ Jme₁tióng₂ ja₁jaun₂ jñé₂ tí'₂ cang₄, ju₁lia'₂ a₂jme₁jmó'₂ dsa₂ judíos ta₁ a₂jme₁qui₂jmo₂₃ le₁jín₃, con'₂ lë₅ tag₄ jme₁chí'₄ quió'₅. Lia'₂ caun₂ ni₁tí'₂ cang₄ jaun₂ 'a₄ con'₂ të₂láu₃-guiá'₂, o₃ caun₂ 'ñiá₂-láu₂ litro jmig₂.

⁷ Jaun₂ ca₂juá'₂ Jesús ca₂tsí'₃ dsa₂ i₂tia'₅:

—Jme₁can'₂ 'nia'₂ ni₁tí'₂ tióng₂ la₂ quian'₅₄ jmig₂.

Ca₂jme₃can'₂ bá₄ guë'₂ dsa₂ lia'₂ ca₂rin₅ rë₂ lín₃. ⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—Në₃ në₃, dsen₅₄ ca₂juig₄, o₂can₄ ne₄ dsa₂ i₂niog₅ ne₄ jmig₄.

Jaun₂ i₁can₅ dsa₂.

⁹ Dsa₂ i₂niog₅ ne₄ jmig₄ jaun₂, ca₂tí₂ 'o₅₄ jmig₂ a₂ca₂lë₃ vino jaun₂, të₃ tsá₃ ηi₅ a₂já'₄ já₃; jnia'₅₄ lia'₂ dsa₂ i₂ca₂dsen₅ jmig₂ bá₄ jme₁ηi₅. Jaun₂ në₃ ca₂të₃ dsa₂ i₂niog₅ ne₄ jmig₄, ca₂të'₃ dsa₂ ηe'₂ i₂jen'₂ gu₂, ¹⁰ jaun₂ ca₂tsí'₃ 'éi₂:

—Ca₂le₃jín₃ bá₄ dsa₂ tiin₂₃ tia'₃ le₂'uig₅₄ vino dse₃, jaun₂ jë₁ma₂le₁'en₅ dsa₂, jaun₂ guë₄ tia'₃ vino ga₂. La₁ 'ne₂ në₃ në₂'ma'₅₄ vino dse₃ ca₂të₂ jë₁ca₂tó'₂.

¹¹ Jë₄ juig₂ Caná a₂tén₅ 'uë₃ Galilea jaun₂, ca₂jmo₃ Jesús léi₄ juë'₂ le₂'uig₅₄. Le₂në₅ ca₂jme₃jniai₂₃ 'ein₂ lín₅ të₂le₃ quian'₅₄ ju₁bí₂ quió'₅, jaun₂ ca₂rë₃'én₂ chi'₂ ds₂i₂guia₃-tín₂ quiáin₅.

¹² Cang₂ guë₄ jaun₂ ca₂ηó₃ jë₄ juig₂ Capernaum, lia'₂ jma₃quiain'₅₄ chog₅₄, riin'₅₄, chi'₂ ds₂i₂guia₃-tín₂ quiáin₅ në₃; ja₁jaun₂ ca₂tóin'₂ tin₃-ni₅ jmig₄.

Ca₂chí₃ Jesús i₁dsi₅ guá'₅

(Mateo 21:12-13; Marcos 11:15-18; Lucas 19:45-46)

¹³ Jme₁ma₂ja₂quián₃ Jmig₄ Të₂'in₅₄ quió'₅ dsa₂ judíos, jaun₂ ca₂uig₂ Jesús ju₁Jerusalén.

¹⁴ Ja₁jaun₂ ca₂dsáin'₂ i₁dsi₅ guá'₅ templo dsa₂ i₂'ni₅ ca₁ju₁i₅, i₂'ni₅ já'₂ cha'₂, i₂'ni₅ i₁ju₂ në₃, quian'₅₄ dsa₂ i₂qui₂jme₂tsín₃ cu₄ quió'₅ dsa₂.

¹⁵ Jme₁ca₂jág₃ Jesús a₂jaun₂, ca₂jmo₃ caun₂ látigo a₂lë₅ quian'₅₄ tsi₁'nei₅₄, jaun₂ ca₂'u₁in'₂ ca₁'né₄ ca₂le₃jín₃ i₂tion'₅₄ i₁dsi₅ lia'₂ jma₃quiain'₅₄ já'₂ cha'₂ quiáin₅, ca₁ju₁i₅ në₃. Ca₂jein₃ 'uë₃ cu₄ quió'₅ dsa₂ i₂jme₂tsín₃ cu₄, qui₂ca₂jéin'₃ ni₁mesa në₃.

¹⁶ Jaun₂ ca₂tsí'₃ i₂'ni₅ i₁ju₂:

—i'Uë'₅₄ 'nia'₂ ca₂le₃jë₃ a₂në₅ ja₁lá₃! ¡Tsá₃ lë₁jmo₂ 'nia'₂ ja₁'ma'₅₄ ja₁quió'₄ Ñe'₃!

¹⁷ Jaun₂ ca₂dsáu'₃ dsí₅ dsa₂ i₂jme₁quiain'₅₄, a₂chi₁ton₅ ne₄ Si₂le₂la₂:

Në₂jag₄ bá₄ a₂ca₂cóng₂ 'uig₅₄ ia₁ a₂ñí₄ lë₃ dsí'₅ dsí₃

o₄quió'₄ ds₂i₂néi₂ quiáng'₂.*

¹⁸ Jaun₂ në₃ ca₂ηag₃ dsa₂ judíos ca₂ñi'₃ Jesús:

—¿'E₂ léi₄ le₃'ë'₂ jnia'₅₄ a₂jáng'₅ jág₁ dsau₅ a₂ca₂tín'₂ 'ne₂ jmó'₂ le₂në₅?

¹⁹ Jaun₂ ca₂ηag₃ Jesús:

—'Én₂ 'nia'₂ guá'₅ la₂, jaun₂ tsi'₅₄ táng₃ jniá₂ quian'₅₄ 'ni₅ jmig₄.

²⁰ Jaun₂ në₃ ca₂juá'₂ dsa₂ judíos ca₂tsí'₃ Jesús:

—Të₂láu₃-jñé₂ ηi₂ ca₂rë₃'ín₅ dsa₂ jme₁ca₂chi'₃ guá'₅ la₂. ¿'En₁ jmá'₃ jaun₂, lé₂ le₃jmog'₅₄ tsi'₅₄ quian'₅₄ 'ni₅ jmig₄?

²¹ La₁ia₁ guá'₅ a₂'ë₅ Jesús jaun₂, ni₁ηi₄ 'ηiog₅ bá₄ Jesús 'ë₂₃.

* 2:17 Salmo 69:9

²² Jaun₂ lë₃, lia'₂ con'₂ jme₁ca₂jen'₅₄ Jesús a₂jme₁rë₂lin'₅₄, ca₂dsáu'₃ dsí₅ chi'₂ dsí₂guia₃-tín₂ quiáin₅ jág₁ jaun₂. Jaun₂ ca₂rë₃'én₂ jág₁ a₂juá'₂ ne₄ Si₂ quió'₅ Diú₄, quian'₅₄ jág₁ a₂jme₁ca₂juá'₂ Jesús jaun₂.

I₂cuin₅ bá₄ Jesús ca₂le₃jín₃ dsa₂

²³ Lia'₂ con'₂ jme₁'en₅₄ Jesús Jerusalén Jmig₄ Të₂'in₅₄, ca₂rë₃'én₂ juin₅ lin₃ dsa₂ tē₂le₃ quió'₅ Jesús, jme₁ca₂jág₃ léi₄ a₂ma₂qui₂ma₂jmo₃.

²⁴ La₁ tsá₃ jme₁'én₂ Jesús quió'₅ dsa₂ 'éi₂, ia₁ i₂cuin₂₃ bá₄ ca₂le₃jín₃ dsa₂, 'a₂ lia'₂ lë₅ tē₂dsí₅.

²⁵ Tsá₃ 'e₂ ca₂rë₃'nió'₅ quió'₅, jua'₅₄ a₂jáng'₃ dsa₂ jág₁ dsau₅ jui₁lia'₂ quió'₅ 'i₁jan₂, ia₁ ma₂ñi₅ rë₂ bá₄ Jesús 'e₂ a₂qui₂dsi₂jñia₅ dsí₅ dsa₂ mi₂güí₃.

3

Jme₂tag₅ Jesús jme₂tin₂₃ Nicodemo

¹ Jme₁chan₂ jan₂ dsa₂ fariseo i₂jme₁chen₂ Nicodemo, i₂jme₁lín₄ jan₂ dsa₂ dsen₅₄ quián₅ dsa₂ judíos.

² Ne₄ 'éi₂ ca₂i₁jñin₁₂ Jesús tē₂le₃ ca₂nei₂, jaun₂ ca₂juá'₂ ca₂tsí'₃ Jesús:

—Të₅, ne₄ bá₄ jnia'₅₄ a₂lín'₅ 'ne₂ jan₂ tē₅ i₂chen₄ quián₅ Diú₄, ia₁ ca₂lia'₂ 'i₁jan₂ tsá₃ lé₂ le₃jmo₃ léi₄ juë'₂ le₂në₅, jui₁lia'₂ jmo'₂ 'ne₂, jua'₅₄ tsá₃ quiong'₅₄ Diú₄.

³ Jaun₂ ně₃ ca₂juá'₂ Jesús ca₂tsí'₃ Nicodemo:

—A₂dsi₂jó'₃ juí₂ jniá'₂ 'ne₂, ně₁jua'₂ tsá₃ rë₂chan₂ táng₃ dsa₂, tsá₃ lé₂ le₃jág₃ ja₁gon₂ Diú₄.

⁴ Jaun₂ ca₂ñag₃ Nicodemo:

—¿'A₂ bá₄ lia'₂ lé₂ le₃chan₂ táng₃, jan₂ dsa₂ ma₂juin'₂? ¿Lé₂ le₃'í₂ táng₃ né'₃ tē₂dsí₅ chog₅₄, jaun₂ le₃chain₂ táng₃?

⁵ Jaun₂ ca₂ñag₃ Jesús:

—A₂dsi₂jó'₃ juí₂ jniá'₂ 'ne₂, jui₁lia'₂ i₂tsá₃ rë₂chan₂ le₃quió'₅ jmi₂, quian'₅₄ le₃quió'₅ Jme₂dsí₂, tsá₃ lé₂ le₃'í₂ ja₁gon₂ Diú₄. ⁶ Jui₁lia'₂ i₂rë₂chan₂ le₃quió'₅ ni₁ñi₅, jan₂ dsa₂ ni₁ñi₅ bá₄ 'éi₂; jui₁lia'₂ i₂rë₂chan₂ le₃quió'₅ Jme₂dsí₂, jan₂ dsa₂ i₂gu₂dsí₂ bá₄ lín₅ 'éi₂. ⁷ Tsá₃ jui₁dsi₂gó'₃ 'au'₂ 'ne₂ a₂juá'₅ jniá₂: “Tion₅₄ bá₄ le₃chan'₂ 'nia'₂ táng₃.” ⁸ 'Ag₅ dsí₂ jui₁'a₂ guë'₃ já'₄ 'nio₃ 'ag₃; nag'₂ bá₄ 'ne₂ mi'₅₄ a₂lë₂, la₁ia₁ tsá₃ ñi'₅₄ a₂já'₄ já₅, on₃ guë'₂ a₂já'₄ dsó₃. Ján₃ bá₄ le₂në₅ lín₅ ca₂le₃jín₃ i₂rë₂chan₂ le₃quió'₅ Jme₂dsí₂.

⁹ Jaun₂ ně₃ ca₂ñag₃ táng₃ Nicodemo:

—¿'A₂ bá₄ lia'₂ lé₂ le₃lé₂ a₂juá'₂ 'ne₂ ně₅?

¹⁰ Jaun₂ ca₂ñag₃ Jesús:

—¿'Ne₂ guë'₂ líng₅ jan₂ tē₅ quián₅ dsa₂ juí₂ Israel, ton'₂ tsá₃ ñi'₂ bá₄ guë'₄ 'au'₂ jág₁ ně₅? ¹¹ A₂dsi₂jó'₃ juí₂ jniá'₂ 'ne₂, jui₁lia'₂ a₂ma₂tag₂ bá₄ jnia'₅₄, dsia₂; ján₃ bá₄ jang'₂ jnia'₅₄ jág₁ dsau₅ jui₁lia'₂ a₂ma₂të₂ ne₄ jnia'₅₄. La₁ 'nia'₂ ně₃ tsá₃ gue'₂ jág₁ dsau₅ a₂jang'₂ jnia'₅₄.

¹² Chi₂jua'₂ ma₂në₂juá'₃ jniá₂ a₂'ë₂₃ jui₁lia'₂ a₂cha₂ mi₂güí₃ la₂, ton'₂ tsá₃ 'én'₂ bá₄ guë'₂ 'nia'₂, ¿'a₂ bá₄ guë'₂ lia'₂ le₃'én'₂ 'nia'₂ jág₁ quió₃ ně₁ca₂juá'₃ jniá₂ ca₂juí₂ 'nia'₂ a₂'ë₂₃ jui₁lia'₂ a₂cha₂ guei'₅₄ i₂juí₃?

¹³ 'Ca₂lia'₂ 'i₁jan₂ tsá₃ 'ein₂ ma₂uí₂ guei'₅₄ i₂juí₃, jñia'₅₄ lia'₂ 'éi₂ i₂ca₂sió₃ guei'₅₄ i₂juí₃; co₂'nió'₄ 'ñiog₅ Jaun₅ dsa₂ mi₂güí₃. * ¹⁴ Jui₁lia'₂ ca₂chón'₂ Moisés dsí₂mi'₂ guei'₅₄ ja₁lë₄ 'uë₃ quein₂ co₂'ñiog₅ jaun₂, ján₃ bá₄ le₂jaun₂ 'i₄ 'éi'₃ chón'₂ dsa₂ guei'₅₄ Jaun₅ dsa₂ mi₂güí₃,

¹⁵ ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, le₃chain₂ co₂tan₅₄.

'Nio₃ Diú₄ dsa₂ mi₂güí₃

* **3:13** A₂lín₅₄ chog₅₄ si₂ juá'₂ ján₃: “i₂'en₅₄ guei'₅₄ i₂juí₃.”

16 'Jaun₂, 'uig₅₄ ia₁ a₂ŋ₄ lē₃ ca₂rē₃'nio₃ Diú₄ ca₂rē₃'nio₃ dsa₂ mi₂güig₃, ca₂cuin₃ Ja₁ŋi'₅₄ i₂jan₂ tan₅₄ quiáin₅, ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, tsá₃ dsi₃'éin₂, ton'₂ le₃chain₂ bá₄ co₂tan₅₄. 17 Ia₁ on₃jua'₅₄ jaun₂ ca₂chei₃ Diú₄ ca₂chein₃ Ja₁ŋi'₅₄ mi₂güig₃ a₂qui'ē₂ uig₅ ja₁con₂ dsa₂ mi₂güig₃; a₂jaun₂ bá₄ ca₂chei₃ ia₁jaun₂ lión₂ dsa₂ mi₂güig₃ tē₂le₃ quian'₅₄ 'éi₂. 18 Jui₁lia'₂ dsa₂ i₂'én₂ tē₂le₃ quió'₅ 'éi₂, tsá₃ rē₂'ē₂ uig₅ ja₁coin₂; la₁ia₁ jui₁lia'₂ i₂tsá₃ 'én₂ guē'₂ ně₃, ma₂rē₂'ē₂ uig₅ ja₁coin₂, 'uig₅₄ ia₁ a₂tsá₃ 'éin₂ tē₂le₃ quió'₅ Ja₁ŋi'₅₄ i₂jan₂ tan₅₄ quián₅ Diú₄. 19 A₂la₂ bá₄ uig₅ a₂rē₂'ē₂ jaun₂; a₂ma₂gua₅ si₂ ja₁con₂ dsa₂ mi₂güig₃, la₁ ca₂rē₃'nio₃ guē'₄ dsa₂ jē₄ qui₁né'₃ lia'₂ con'₂ guē'₄ ja₁tág₅ si₂, ia₁ a₂'lig'₅₄ bá₄ jme₁jmo₂₃-dsáu₅. 20 Ca₂le₃jín₃ dsa₂ i₂jmo₅ a₂'lig'₅₄, 'io'₅₄ si₂, jaun₂ tsá₃ jme₂quián₃ ja₁tág₅ si₂, ia₁jaun₂ tsá₃ le₃jniá₂ a₂'lig'₅₄ a₂jmo₂₃-dsáu₅. 21 La₁ia₁ jui₁lia'₂ dsa₂ i₂chan₂ caun₂ jui₅ co₂dsau₅, jme₂quián₃ ja₁tág₅ si₂, ia₁jaun₂ le₃jniá₂, le₃quió'₅ Diú₄ bá₄ já₅ a₂dse₃ a₂jmo₅ 'éi₂.

Jáng'₅ táng₁ jág₁ dsau₅ Juan₅₄ i₂chon₅ dsa₂ jmig₂ jui₁lia'₂ 'ein₂ 'éi₂ Jesús

22 Cang₂ jaun₂, ŋó₃ Jesús jui₅ 'uē₃ Judea quian'₅₄ chi'₂ dsi₂guia₃-tín₂ quián₅, jaun₂ ja₁jaun₂ ca₂'í₃ ca₂la₂ uē₂ quian'₅₄ 'éi₂, qui₂choin₂₃ jmig₂ dsa₂.†

23 Ján₃ bá₄ le₂jaun₂ jme₁'en₅₄ Juan₅₄ ně₃, choin₂₃ jmig₂ dsa₂,‡ caun₂ ja₁chei₂ Enón, ma₂quián₅ Salim, ia₁ ja₁jaun₂ jme₁cha₂ 'lióng₂ jmig₂; jaun₂ jme₁ja₂lén₂ dsa₂ ia₁jaun₂ qui₃cho₃ Juan₅₄ jmig₂.§

24 (A₂la₂ ca₂lē₃ né'₃ guē'₄ a₂ton'₂ dsa₂ Juan₅₄ né'₃ 'má₃.)

25 Jaun₂ ně₃, i₂lín₅₄ dsa₂ i₂quian'₅₄ Juan₅₄ ca₂tsín₂ quian'₅₄ jan₂ dsa₂ judío ne₄ jág₁ jui₁lia'₂ a₂jmo₅ dsa₂ le₁jín₃.

26 Jaun₂ i₃lén₂ i₁chi'₄ Juan₅₄:

—Tē₅, dsa₂ i₂jme₁'en₅₄ quian'₅₄ 'ne₂ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, dsa₂ i₂'ín₅ 'ne₂ 'éi₂, jē₂ bá₄ choin₂₃ jmig₂ dsa₂,* jaun₂ ca₂le₃jín₃ bá₄ dsa₂ dsi₂lén₂ ja₁coin₂.

27 Jaun₂ ca₂ŋag₃ Juan₅₄:

—Ca₂lia'₂ 'i₁caun₂ tsá₃ 'e₂ lé₂ le₃cha₂ quió'₅ dsa₂ jua'₅₄ tsá₃ ŋei₂ guei'₅₄ i₂juíg₃. 28 Ca₂nei'₂ bá₄ 'nia'₂ guiong'₅₄ jme₁ca₂juá'₃: “On₃jua'₅₄ jniá₂ líng₅ I₂rē₂'ín₁ quián₅ Diú₄; jan₂ dsa₂ i₂chen₄ ne₄ jui₅ quió'₅ 'éi₂ bá₄ líng₅.” 29 I₂ca₂tín₂ dsa₂ ŋe'₂ i₂jen'₂ gu₂ bá₄, dsa₂ m₂i₂jen'₂ gu₂ quian'₅₄. Jaun₂ dsa₂ a₂mei₅₄ quián₅ dsa₂ ŋe'₂ ně₃, chi₁ŋia₁ nag₂₃. Jaun₂ 'io'₂ jén'₅ jē₁ma₂nág₂ jág₁ quió'₅ 'éi₂. Ján₃ bá₄ le₂jaun₂ jniá₂ ně₃, rē₂'ŋia₅ a₂'io'₂ jén'₅ dsi₃.

Jui₁lia'₂ i₂já₅ guei'₅₄ i₂juíg₃

30 "Éi₂ ca₂tín₂ le₃dsein₅₄ guē'₄; jniá₂ guē'₂ ca₂tíng₂ le₃meg'₂. 31 Jui₁lia'₂ i₂já₅ jui₅ guei'₅₄ i₂juíg₃, dsen₅₄ guē'₄ ne₄ quió'₅ ca₂le₃jín₃. Jui₁lia'₂ i₂já₅ gua'₅₄ 'uē₃, jan₂ i₂chan₂ gua'₅₄ 'uē₃ bá₄ 'éi₂. Jaun₂ dsia₂₃ jui₁lia'₂ a₂quió'₅ gua'₅₄ 'uē₃. La₁ia₁ jui₁lia'₂ i₂já₅ guei'₅₄ i₂juíg₃, dsen₅₄ guē'₄ ne₄ quió'₅ ca₂le₃jín₃. 32 Jáng'₅ 'éi₂ jág₁ dsau₅ jui₁lia'₂ a₂ma₂tē₂ ne₅₄, jui₁lia'₂ a₂ma₂nág₂ ně₃; la₁ 'i₁jan₂ tsá₃ 'éin₂ tón'₂ jui₅ jág₁ dsau₅ a₂jáng'₅ 'éi₂. 33 La₁ia₁ jui₁lia'₂ i₂tón'₂ jui₅, ma₂caun₅ 'í₁ a₂dsón'₂ bá₄ tí₅ jág₁ a₂juá'₂ Diú₄; 34 ia₁ i₂ca₂chen₃ Diú₄ ně₃, dsia₂₃ jág₁ quió'₅ Diú₄, ia₁ cuin₅ Diú₄ jme₂dsi₂ quián₅ ca₂lia'₂ tsá₃ niog₅ 'éi'₃. 35 A₂'nio₃ Diú₄ jme₂'nio₃ Ja₁ŋi'₅₄, jaun₂ o₄gú₃ 'éi₂ ma₂dsia₃ ca₂le₃jē₃. 36 Jui₁lia'₂ i₂'én₂ tē₂le₃ quió'₅ Ja₁ŋi'₅₄ Diú₄, le₃chain₂ bá₄ co₂tan₅₄; la₁ jui₁lia'₂ i₂tsá₃ ne'₅₄ le₃quió'₅ Ja₁ŋi'₅₄ Diú₄, tsá₃ tē₃ ne₅₄ a₂le₃chain₂ rē₂'ŋia₁23, ton'₂ tē₂le₃ tē₃gua₄ 'nei₂ dsi₅ Diú₄ ja₁coin₂.

4

Dsia₅ Jesús jág₁ quian'₅₄ jan₂ 'io₅₄ i₂chan₂ Samaria

† 3:22 lit. “qui₂tián₂ dsa₂ jmig₂.”

‡ 3:23 lit. “tián₂ dsa₂ jmig₂.”

§ 3:23 lit. “ia₁jaun₂ qui₃tióg₃ Juan₅₄ jmig₂.”

* 3:26 lit. “jē₂ bá₄ tián₂ dsa₂ jmig₂.”

1 Jme₁ca₂rē₃ŋi₅ Te₁gui' ₅₄ a₂ma₂nág₂ dsa₂ fariseos jág₁, 'ŋio₅ lín₃ guě₄ juin₅ dsa₂ i₂ma₂quian' ₅₄ Jesús, qui₂ma₂cho₃ jmig₂* lia' ₂ con' ₂ guě₄ Juan₅₄; 2 (o₁jñia' ₅₄ on₃jua' ₅₄ 'ŋiog₅ Jesús choin₂₃ jmig₂ dsa₂,† jñia' ₅₄ lia' ₂ chi' ₂ dsi₂guia₃-tín₂ quián₅ bá₄), 3 jaun₂ ca₂o₃'ín₃ 'uě₃ Judea, a₂ŋái' ₃ táng₃ jui₅ 'uě₃ Galilea. 4 Ja₁tioin' ₅₄ jui₅ jaun₂, ca₂tíin₂ ŋíi₃ 'uě₃ Samaria. 5 Jaun₂ ně₃ ca₂dsi₃léin₂ caun₂ juig₂ ja₁tén₄ Samaria a₂chei₂ Sicar, ma₂quián₅ ca₂jne₄ 'uě₃ a₂jme₁ca₂cuě₃ Jacob ma₂líg' ₂ ca₂cuě' ₃ ja₁ŋi' ₅₄ i₂chen₂ Sě₄.

6 Ja₁jaun₂ jme₁dsi₅₄ caun₂ tau₂ pozo a₂tě' ₂ dsa₂ a₂quió' ₅ Jacob. Jaun₂ ca₂guá₂ Jesús cau₅, ia₁ a₂ca₂'ú' ₃ 'ein₅₄ juí₅. Jme₁ma₂ca₂tě₂ con' ₂ dsi₂ŋí' ₃ jaun₂.

7 Tě₃ guá₅ jaun₂ ca₂dsióg₃ jan₂ 'io₅₄ i₂chan₂ Samaria a₂i₃dsein₂₃ jmig₂ pozo jaun₂. Jaun₂ ca₂juá' ₂ Jesús ca₂tsí' ₃ 'io₅₄ 'éi₂:

—Cuě₄ ca₂juig₄ jmig₂ gui' ₅₄.

8 Tě₃lia' ₂ jaun₂, i₁len₅₄ jě₄ juig₂ chi' ₂ dsi₂guia₃-tín₂, i₁lia₅ má₃ a₂guě' ₃.

9 Jaun₂ ně₃ ca₂juá' ₂ 'io₅₄ chan₂ Samaria 'éi₂ ca₂tsí' ₃ Jesús:

—¿'A₂ lia' ₂ lě₅ jaun₂, 'ne₂ jan₂ dsa₂ i₂lín₅ judío, mi' ₂ jmig₂ ne₃ jniá₂, jan₂ 'io₅₄ chan₂ Samaria?

(Ia₁ tsá₃ jág₁ 'ei₅ dsa₂ judíos quian' ₅₄ dsa₂ chan₂ Samaria.)‡

10 Jaun₂ ně₃ ca₂ŋag₃ Jesús:

—Jua' ₅₄ mei' ₂ guě₃ ŋi' ₅₄ 'ne₂ 'e₂ jaun₂ a₂cuě₅ Diú₄, quian' ₅₄ 'ein₂ i₂mi₅ jmig₂ ne' ₅₄, jme₁mi' ₂ ne₃ jniá₂, jaun₂ jniá₂ ně₃ cuě₅₄ jmig₂ jén' ₃.

11 Jaun₂ ca₂juá' ₂ 'io₅₄ ca₂tsí' ₃ Jesús:

—Gui' ₅₄, tsá₃ ŋí₁ cubeta cha₂ quiáng' ₂ a₂dséng' ₄ jmig₂, ton' ₂ a₂ji' ₂ bá₄ tau₂ pozo. ¿'A₂ guě' ₂ já' ₄ cán' ₁ jmig₂ jén' ₃ a₂cuě' ₂ jniá₂? 12 ¿'E₂, 'ne₂ líng' ₅ i₂juin' ₂ guě₄ con' ₂ guě₄ 'lag₄ jmei₂ jniog₄ Jacob, i₂ca₂cuě₃ pozo la₂? Jme₁cán₂ 'éi₂ jmig₂ a₂'ín' ₂ 'ŋiog₅ quian' ₅₄ chi' ₂ quián₅, quian' ₅₄ já' ₂ quián₅ ně₃.

13 Jaun₂ ca₂ŋag₃ Jesús:

—Ca₂le₃jín₃ jui₁lia' ₂ dsa₂ i₂'ín' ₂ jmig₂ la₂, lé₂ táng₃ dsí₅ i₁'ín' ₂ jmig₂; 14 la₁ia₁ jui₁lia' ₂ i₂'ín' ₂ jmig₂ a₂cuě₄ jniá₂, lia' ₂ o₁líg' ₂ jmig₄ tsá₃ ma₃lé₂ dsí₅ i₁'ín' ₂ jmig₂. Ia₁ jui₁lia' ₂ jmig₂ a₂cuě₄ jniá₂, lé₂ ně₂jag₄ bá₄ caun₂ o₄tu₁ jmig₂ tě₂lé₃ quió' ₅, a₂qui₃'iá₃ jmig₂ a₂gu₂dsí₂ a₂jmo₃ a₂le₃chain₂ co₂tan₅₄.

15 Jaun₂ ně₃ ca₂juá' ₂ 'io₅₄ ca₂tsí' ₃ Jesús:

—Gui' ₅₄, cuě₄ jmig₂ a₂'ě' ₂ ně₅, ia₁jaun₂ tsá₃ ma₃le₃quein₂ dsi₃, on₃ guě' ₂ caun₂ guio₅₄ guě₄ ca₂tě₂ la₂ i₁dséng₃ jmig₂.

16 Jaun₂ ca₂juá' ₂ Jesús:

—Guan' ₂ o₂te' ₂ dsi₂i₂gog' ₂, jaun₂ ŋe' ₅₄ táng₃ ja₁lá₃.

17 Jaun₂ ca₂ŋag₃ 'io₅₄ 'éi₂:

—Tsá₃ dsi₂i₂gu₃ jniá₂ chan₂.

Jaun₂ ně₃ ca₂juá' ₂ Jesús:

—Tí₅ bá₄ jág₁ quiáng' ₂ a₂ně₂jua' ₅₄, a₂tsá₃ chan₂ dsi₂i₂gog' ₂; 18 ia₁ 'ŋiá₂ dsi₂i₂gog' ₂ i₂ma₂ca₂né' ₂ quiang' ₅₄, jaun₂ i₂ŋéi' ₂ quiang' ₅₄ rě₂ně₃ ján₃, on₃jua' ₅₄ dsi₂i₂gog' ₂ 'éi₂. Dsón' ₂ bá₄ tí₅ jág₁ quiáng' ₂ a₂ně₂jua' ₅₄.

19 Jme₁ca₂nág₂ 'io₅₄ jág₁ ně₅, ca₂juá' ₂ ca₂tsí' ₃ Jesús:

—Te₁gui' ₅₄, dsón' ₂ bá₄ lín' ₅ 'ne₂ jan₂ dsa₂ i₂'ě₂ jág₁ quián₅ Diú₄, lín₂ jniá₂. 20 Ja₁chí' ₄ má' ₂ la₂ ca₂jme₃juin' ₂ dsa₂ can' ₅₄ quián₂ jnia' ₅₄ ca₂jme₃juin' ₂ Diú₄ ma₂líg' ₂, la₁ia₁ 'nia' ₂ i₂líng' ₅ dsa₂ judíos ně₃, juá' ₂ Jerusalén bá₄ ja₁ca₂tín₂ dsa₂ jme₃juin' ₂ Diú₄.

21 Jaun₂ ca₂ŋag₃ Jesús:

* 4:1 lit. “qui₂ma₂tíog₃ jmig₂.” † 4:2 lit. “tíán₂ dsa₂ jmig₂.” ‡ 4:9 o₃, “tsá₃ jmó' ₂ dsa₂ judíos ta₁ jui₁lia' ₂ ni₁uĩng₅ a₂jmó' ₂ dsa₂ chan₂ Samaria ta₁,”

—Ju₁le₂'éng'₂ bá₄ a₂juá'₅ jniá₂: já₅ caun₂ jmig₄ a₂jme₁juin'₂ 'nia'₂ Diú₄, on₃jua'₅₄ i₁nóg'₅ má'₂ la₂, on₃ guë'₂ o₁nó'₅ 'nia'₂ Jerusalén. ²² 'Nia'₂ jme₂juíng'₁ tē₃ tsá₃ ŋi'₅₄ 'ein₂ jme₂juíng'₁; a₂dsau₅ bá₄ jnia'₅₄, ne₄ jnia'₅₄ 'éin₂ i₂jme₂juín'₂; ia₁ tē₂le₃ quió'₅ dsa₂ judíos bá₄ já₅ jág₁ a₂lión₂ dsa₂. ²³ La₁ já₅ hora, ton'₂ ma₂tē₂ dsón'₂, a₂jme₃juin'₂ dsa₂ Jmei₂, ju₁lia'₂ dsa₂ i₂jme₂juag'₂ tē₃dsón'₂, jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅. Ia₁ i₂le₂'éi₂ bá₄ 'na'₂ Jmei₂ jme₃juag'₂. ²⁴ A₂lín₅ Diú₄ jme₂dsí₂; jaun₂ ju₁lia'₂ i₂jme₂juag'₂, ca₂tín₂ jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅.

²⁵ Jaun₂ ca₂juá'₂ 'io₅₄:

—Guion₄ jniá₂ a₂jiá₃ Mesías, (i₂tē'₂ dsa₂ I₂rē₂'ín₁ quián₅ Diú₄). Jē₁ma₂guain₂₃, jaun₂ guē₄ juá'₂ ca₂le₃jě₃ lia'₂ rē₂jiá₃.

²⁶ Jaun₂ ca₂juá'₂ Jesús:

—Jniá₂ bá₄ 'éi₂, i₂dsia₅ jág₁ quian'₅₄ 'ne₂.

²⁷ Tē₁lia'₂ jaun₂, ca₂o₃len₃ chi'₂ dsí₂guia₃-tín₂ quián₅, jaun₂ ca₂i₃gó'₃ dsí₅ jme₁ca₂jág₃ a₂dsia₅ Jesús jág₁ quian'₅₄ jan₂ 'io₅₄. La₁ia₁ lia'₂ 'i₁jan₂ tsá₃ ca₂tiá₂ dsí₅ ŋag₃ 'e₂ 'no'₂, 'e₂ jág₁ dsia₂₃ quiain'₅₄ 'io₅₄ 'éi₂.

²⁸ Jaun₂, ja₁jaun₂ ca₂chi'₃ 'io₅₄ ni₁dsig₁ quió'₅, jaun₂ ŋái'₃ jē₄ juig₂, jaun₂ ca₂juá'₂ ca₂tsí'₃ dsa₂:

²⁹ —I₂nó'₅ 'nia'₂ i₂jín₄ jan₂ dsa₂ ŋe'₂ i₂ma₂nē₂juá'₂ ca₂le₃jě₃ 'e₂ a₂ma₂jmo₃ jniá₂. ¿On₁jua'₅₄ mei'₂ tsá₃ 'éi₂ lín₅ I₂rē₂'ín₁ quián₅ Diú₄?

³⁰ Jaun₂ ně₃ ca₂'uin₂ dsa₂ jē₄ juig₂ ca₂i₃lén₂ ja₁guá₄ Jesús.

³¹ Tē₁lia'₂ jaun₂, ca₂chi₃quióng₂ jmig₄ chi'₂ dsí₂guia₃-tín₂ chi₂quián₂ jmig₄ Jesús a₂guē'₃, juá'₂:

—Tē₅, qué'₂ ca₂la₂.

³² Jaun₂ ca₂juá'₂ Jesús:

—Cha₂ caun₂ má₃ a₂guē'₅₄ jniá₂, a₂tsá₃ cuin'₂ 'nia'₂.

³³ Jaun₂ ně₃ qui₂ca₂ŋí'₃ chi'₂ dsí₂guia₃-tín₂ riin'₅₄, jain₂ jain₂:

—¿On₃ bá₄ chan₂ jan₂ i₂ma₂o₃can₅ má₃ a₂guē'₃?

³⁴ La₁ ca₂juá'₂ Jesús ca₂tsí'₃ 'éi₂:

—A₂jaun₂ bá₄ má₃ quió₃ jniá₂, a₂jmo₅₄ 'éi'₃ a₂'ŋio₂ dsí₅ i₂ca₂chei₃, a₂jme₁'ŋiag₅ ta₁ quió'₅ ně₃. ³⁵ ¿'On₁ juá'₂ guē'₂ 'nia'₂: “Ei₅ bá₄ guē₄ quén₂ tsí'₂ a₂ráu₃”? La₁ia₁ jniá₂ juig₂ 'nia'₂, jag₄ 'a₂ lia'₂ ma₂tion'₅₄ dsa₂ le₁jñia₂₃, ně₂jag₄ bá₄ a₂le₁chein'₂ ja₁nau₂ ca₂ron₂, ma₂lé₂ bá₄ cág'₃.

³⁶ Ju₁lia'₂ dsa₂ i₂jmo₅ ta₁ ja₁nau₂ ně₃ gue₂₃ 'liain'₅₄. Ju₁lia'₂ a₂ráu₃, a₂cág'₃ ja₁nau₂ jaun₂, a₂jio₃ co₂tan₅₄ bá₄ jaun₂, ia₁jaun₂ co₂lě₅ bá₄ jmo₃ 'io'₂, lia'₂ dsa₂ i₂jne₅, lia'₂ dsa₂ i₂cág'₅ ně₃.

³⁷ Le₂ně₅ dsón'₂ bá₄ quió₃Š a₂dsia₅ dsa₂: “Jan₂ i₂jne₅, i₂sián'₂ i₂cág'₅.” ³⁸ Jniá₂ ma₂tsíng₂ 'nia'₂ a₂o₁cag'₄ ja₁tsá₃ ta₁ ma₂jmo₅₄ 'nia'₂ guiong'₅₄, ta₁ ma₂jmo₃ i₂sián'₂; jaun₂ 'nia'₂ ně₃ ca₂ling'₃ ta₁ quió'₅ dsa₂ 'éi₂.

³⁹ Ju₁n₅ dsa₂ i₂chan₂ Samaria i₂tián'₅ juig₂ jaun₂ ca₂rě₃'éin₂ tē₂le₃ quió'₅ Jesús jme₁ca₂nág₂ jág₁ dsau₅ a₂ca₂jáng'₃ 'io₅₄, jme₁ca₂juá'₂: “Ně₂juá'₂ 'éi₂ ca₂le₃jě₃ 'e₂ a₂ma₂jmo₃ jniá₂.”

⁴⁰ 'Uig₅₄ jaun₂ ně₃, jme₁ca₂o₃lén₂ dsa₂ chan₂ Samaria, ca₂chi₃quián₂ jmig₄ Jesús a₂jme₁jñia₃ 'éi₂ quiong'₅₄. Jaun₂ ca₂jñia₃ Jesús tñ₃ jmig₄ ja₁jaun₂.

⁴¹ Jaun₂ tē₂le₃ ju₁n₅ guē₄ dsa₂ ca₂rě₃'én₂ jme₁ca₂nág₂ jág₁ a₂juá'₂ 'ŋiog₅ Jesús.

⁴² Jaun₂ ca₂juá'₂ dsa₂ ca₂tsí'₃ 'io₅₄:

—Ně₃ guē₄ ně₃ 'éin₂ jnia'₅₄, on₃jua'₅₄ 'uig₅₄ jág₁ a₂ca₂jua'₅₄ 'ne₂, ia₁ a₂ma₂nē₂néi₁ jnia'₅₄ guio₅₄ jág₁ quió'₅, jaun₂ ne₄ jnia'₅₄, tē₃dsón'₂ bá₄ 'éi₂ lín₅ dsa₂ i₂lión₂ dsa₂ mi₂güig₃.*

Ca₂jme₃'lión₂ Jesús jan₂ ja₁ŋi'₅₄ jan₂ dsa₂ dsen₅₄ quián₅ dsí₂tan₅₄

Š 4:37 quió₃: Jág₁ quió'₅ dsa₂ Jen'₅₄, co₂'nió'₄ le₃jua'₅₄, caun₂ jág₁ a₂ŋí'₂ dsí₅ a₂ca₂quiog₂ dsa₂ can'₅₄, a₂dsia₅ dsa₂. * 4:42 A₂lín₅₄ chog₅₄ si₂: “Tē₃dsón'₂ bá₄ 'éi₂ lín₅ I₂rē₂'ín₁ quián₅ Diú₄, i₂lión₂ dsa₂ mi₂güig₃.”

43 Jme₁ca₂dsan₃ tin₃ jmig₄ jaun₂, ca₂o₃'íin₃ ja₁jaun₂, ca₂'í₃ jui₅ nái'₃ jui₅ 'uë₃ Galilea.

44 Ia₁ jui₁lia'₂ ca₂juá'₂ 'niog₅ Jesús, jui₁lia'₂ jan₂ dsa₂ i₂'ě₂ jág₁ o₄quió'₄ Diú₄, tsá₃ jme₂go₃ dsa₂ juig₂ go₅₄.

45 Jme₁ca₂dsiáin'₃ 'uë₃ Galilea ně₃, ca₂guei₃ bá₄ dsa₂ dse₃ ja₁jaun₂, ia₁ jme₁ma₂ca₂jág₃ bá₄ ca₂le₃jě₃ 'e₂ a₂ca₂jmo₃ Jesús juig₂ Jerusalén jme₁ca₂tě₂ Jmig₄ Tě₂'in₅₄, ia₁ ján₃ bá₄ jme₁i₁len₅₄ 'éi₂ jmig₄.

46 Jaun₂ ně₃, ca₂dsióg₃ táng₃ juig₂ Caná a₂tén₅ 'uë₃ Galilea ja₁ca₂jme₃tsíin₃ jmig₂ ca₂jmo₃ vino. Ja₁jaun₂ jme₁en₅₄ jan₂ dsa₂ i₂jme₂ti₃ ta₁ ne₄ rag₅₄, i₂chan₂ jan₂ chi'₂ dso'₅₄ quiáin₅, jě₄ juig₂ Capernaum.

47 Jme₁ca₂rě₃ni₅ dsa₂ 'éi₂ a₂ma₂ni₅ Jesús 'uë₃ Galilea, 'ein₅₄ jui₅ a₂o₂'íin₃ 'uë₃ Judea, jaun₂ nei₅₄ ca₂i₁jín₁₂ Jesús, jaun₂ ca₂chi₃quióng₂ jmig₄ tion₅₄-jan₃ a₂dsó₃ 'éi₂ ja₁quió'₄ a₂jme₃lión₂ ja₁ni'₅₄ i₂ron₅ ma₂i₁jón₂.

48 Jaun₂ ně₃ ca₂juá'₂ Jesús:

—Tsá₃ 'én'₂ 'nia'₂ ně₁juá'₂ tsá₃ ca₂jag'₅₄ léi₄ juë'₂ a₂dsi₂gó'₃ 'au'₂.

49 Jaun₂ ca₂juá'₂ dsa₂ i₂jme₂ti₃ ta₁ ne₄ rag₅₄ 'éi₂:

—Te₁gui'₅₄, i₂njáu'₂ uë₃ nia₅, né'₃ guě₄ a₂jón₂ chi'₂ quiáng₃.

50 Jaun₂ ně₃ ca₂juá'₂ Jesús:

—Guan'₂ bá₄ quiáng'₂; ia₁ i₂chan₂ bá₄ chi'₂ quiáng'₂.

Ca₂rě₃'én₂ bá₄ dsa₂ jág₁ a₂ca₂juá'₂ Jesús, jaun₂ ca₂nái'₃.

51 Jaun₂ jme₁ma₂'ein₅₄ jui₅ dsiáin'₂, jaun₂ ca₂jme₃jein'₂ dsa₂ i₂jme₂ti₃ ta₁ ne₅₄, jaun₂ ca₂juá'₂ 'éi₂:

—I₂chan₂ bá₄ chi'₂ quiáng'₂.

52 Jaun₂ ca₂nag₃ 'e₂ hora ca₂tág'₃ dsí₅. Jaun₂ ca₂juá'₂ dsa₂ 'éi₂:

—Dsióg₂ con'₂ hora ní₁ caun₂ tě₂le₃ ca₂'láu₂,† ca₂nja₃ dséi₂ a₂jme₁'i₁.

53 Jaun₂ ca₂rě₃lí'₄ jmei₂ chi'₂ 'éi₂, hora jaun₂ dé₄ ca₂juá'₂ Jesús: “I₂chan₂ bá₄ chi'₂ quiáng'₂.” Jaun₂ ca₂rě₃'én₂ dsa₂ 'éi₂, quiain'₅₄ ta₁jín₂ dsa₂ dsi₂néi₂ quió'₅.

54 A₂ně₅ jě₁ca₂tě₂ táng₃ léi₄ juë'₂ a₂ca₂jmo₃ Jesús, jme₁ca₂o₃'íin₃ Judea, jme₁guáin'₃ Galilea.

5

Ca₂jme₃'lión₂ Jesús jan₂ dsa₂ 'lian'₂ i₂ron₅ cau₅ Dsiog₅ Betesda

1 Cang₂ jaun₂ ca₂jmo₃ dsa₂ judíos caun₂ jmig₄, jaun₂ ca₂uíg₂ táng₃ Jesús jui₅ Jerusalén.

2 Jě₄ juig₂ Jerusalén jaun₂, cau₅ ja₁lě₄ caun₂ o₄'né₄ a₂chei₂ quió'₅ Já'₂ Cha'₂, niog₅ caun₂ dsiog₅ a₂chei₂ Betesda* quián'₅₄ jág₁ arameo, ja₁lě₄ 'nía₂ corredor.

3 Ja₁jaun₂ jme₁tián'₄ 'uë₃ juin₅ dsa₂ i₂qui₂le₁dso'₅₄, jě₃ dsa₂ ten₄, dsa₂ guian'₅₄ quián'₅₄ dsa₂ 'lian'₂ ně₃, a₂chi₁nja₂₃ a₂qui₃jě'₂ jmig₂. 4 Ia₁ jme₁lin₅₄, sión₅ jan₂ ángel quián₅ Te₁gui'₅₄ ja₁niog₅ dsiog₅ jaun₂, jaun₂ jmo₂₃ qui₂jě'₂ jmig₂. Jaun₂ jui₁lia'₂ dsa₂ dso'₅₄ i₂'í₂ le₂'uig₅₄ jmig₂ jě₁ma₂i₂bi₅₄, jme₁nja₅ quió'₅, chi₂juá'₂ 'e₂ dso₄ jme₁lín₄.†

5 Ja₁jaun₂ jme₁ron₅ jan₂ dsa₂ dso'₅₄, jme₁ma₂tě₂ guióg₂-guiá₂-nja₂ ni₂ roin₂₃ dso'₅₄.

6 Jme₁ca₂jág₃ Jesús ron₅ dsa₂ dso'₅₄ ja₁jaun₂, jaun₂ jme₁ca₂rě₃lí'₄ ma₂líg'₂ bá₄ lín₅ le₂jaun₂, ca₂nag₃:

—¿'Niog'₂ 'lióng'₂?

7 Jaun₂ ca₂nag₃ dsa₂ dso'₅₄:

—Gui'₅₄, tsá₃ 'ein₂ chan₂ to'₂ jniá₂ 'nió'₃ dsiog₅ jě₁ma₂tě₂ rě₁qui₃jě'₂ jmig₂. Lia'₂ co₂ráun₂ 'nio₃ 'ú₄, i₂sián'₂ bá₄ sión₅ le₂'uig₅₄.

8 Jaun₂ ca₂juá'₂ Jesús:

—Nau₂, chog'₅₄ tsi₁jein₁ quiáng'₂, ni₄ ně₃.

† 4:52 lit. “hora guio₃,”
tsá₃ chi₁ton₅ versículo 4.

* 5:2 A₂lin₅₄ chog₅₄ si₂: “Betzata”; a₂siá'₂ ně₃: “Betsaida.”

† 5:4 Chog₅₄ si₂ a₂dse₃ guě₄

⁹ Dsi₂ju₅ le₂jaun₂ bá₄ ca₂ñia₃ quió'₅ dsa₂ 'éi₂. Ca₂chóg'₃ tsi₁jein₁ quió'₅, jaun₂ ca₂jme₃lió₃ ca₂ñi₃. A₂jaun₂ ca₂lë₃ caun₂ jmig₄ sa₅₄.

¹⁰ Jaun₂ ca₂juá'₂ dsa₂ judíos ca₂tsí'₃ dsa₂ i₂ca₂lón₂ 'éi₂:

—Jmig₄ sa₅₄ bá₄ nē₃; tsá₃ 'i₄ 'éi'₃ caun₅₄ tsi₁jein₁ quiáng'₂ jmig₄ nē₃.

¹¹ Jaun₂ ca₂ñag₃ dsa₂ 'éi₂:

—I₂nē₂jme₃'lió₂ jniá'₂, nē₂juá'₂: “Chog'₅₄ tsi₁jein₁ quiáng'₂, ñi₄ nē₃.”

¹² Jaun₂ nē₃ ca₂ñag₃ táng₃ dsa₂ 'éi₂:

—¿'Ein₂ 'éi₂ nē₂juá'₂ a₂caun₅₄ tsi₁jein₁ quiáng'₂, a₂ñí'₂ nē₃?

¹³ La₁ tsá₃ ñi₅ 'ein₂ 'éi₂ i₂nē₂jme₃'lió₂ quió'₅, ia₁ jme₁ma₂l₂cón'₅ Jesús jin₄ dsa₂ juin₅ i₂jme₁tion'₅₄ ja₁jaun₂.

¹⁴ Cang₂ jaun₂ ca₂jen'₂ Jesús ca₂jein'₂ dsa₂ 'éi₂ i₁dsi₅ guá'₅ templo, jaun₂ ca₂juá'₂:

—Jag₄ de'₂, nē₃ lia'₂ ma₂'lóng'₂, tsá₃ ma₃lë₁'nau₂ dso₄, ia₁jaun₂ tsá₃ dsi₃ñig'₂ caun₂ jmi₁uig₅ 'ñio₅ guë₄ con'₂ guë₄ a₂jme₁lín'₄ le₂ñiá₅.

¹⁵ Jaun₂ ñá'₃ bá₄ dsa₂ 'éi₂, jaun₂ ca₂l₁chi'₄ dsa₂ judíos, Jesús bá₄ 'éi₂ i₂ca₂jme₃'lió₂ quió'₅.

¹⁶ 'Uig₅₄ jaun₂ qui₂ca₂co₃'ein₃ dsa₂ judíos quió'₅ Jesús,† ia₁ jme₁tin₂ Jesús jme₁jmo₂₃ le₂nē₅ jmig₄ sa₅₄.

¹⁷ La₁ ca₂juá'₂ Jesús ca₂tsí'₃ dsa₂ judíos:

—Lia'₂ jmo₅ jaun₂ ñe'₃ ta₁ ñia'₅₄ jmig₄ nē₃; ján₃ bá₄ le₂jaun₂ jmo₅ jniá₂ ta₁.

¹⁸ 'Uig₅₄ jaun₂, tē₂le₃ i₂jui'₂ guë₄ jme₁'nio₃ ñag'₃ dsa₂ judíos, ia₁ on₃jua'₅₄ jmá'₃ 'éi'₃ jmig₄ sa₅₄ jmo₂₃ cau₅, ján₃ bá₄ ca₂tē₂ jmo₂₃ a₂lín₅ co₂r_{in}₂ quian'₅₄ Diú₄, ia₁ a₂juá'₂ Diú₄ bá₄ lín₅ Jmei₂.

'Éi'₃ a₂ron₅ quió'₅ Ja₁ñi'₅₄ Diú₄.

¹⁹ Jaun₂ nē₃ ca₂juá'₂ Jesús ca₂tsí'₃ dsa₂ judíos:

—A₂dsi₂jó'₃ juí₂ jniá₂ 'nia'₂, tsá₃ 'e₂ lé₂ le₃jmo₃ Ja₁ñi'₅₄ 'i₁caun₂ 'ñiog₅; a₂jaun₂ bá₄ jmo₂₃ jui₁lia'₂ a₂jág₅ jmo₅ Jmei₂. Jui₁lia'₂ 'e₂ ta₁ a₂jmo₅ Jmei₂, a₂jaun₂ bá₄ jmo₅ Ja₁ñi'₅₄ ján₃. ²⁰ Ia₁ 'nio₃ Jmei₂ 'nio₃ Ja₁ñi'₅₄, jaun₂ 'ë₂₃ 'ë'₅ Ja₁ñi'₅₄ ca₂le₃jě₃ 'e₂ a₂jmo₂₃. Tē₂le₃ lë₅ guë₄ juë'₂ ta₁ qui₃'ë₃, con'₂ guë₄ a₂le₂la₂, ia₁jaun₂ qui₂dsi₃gó'₃ 'au'₂ 'nia'₂. ²¹ Ia₁, jui₁lia'₂ jme₂jen'₅₄ Jmei₂ jme₂jein'₅₄ 'lag₄, cuë₂₃ jme₂dsí₂ a₂le₃chain₂, ján₃ bá₄ le₂jaun₂ cuë₅ Ja₁ñi'₅₄ jme₂dsí₂ cuë'₅ jui₁lia'₂ i₂'nio₃ cuë'₃. ²² Ján₃ guë'₂, tsá₃ con₂ Jmei₂ 'í₁ quió'₅ 'i₁jan₂; o₄gú₃ Ja₁ñi'₅₄ bá₄ ma₂dsia₃ ca₂le₃jě₃ 'éi'₃ a₂con₂ 'í₁, ²³ ia₁jaun₂ jme₃go₃ ca₂le₃jín₃ dsa₂ jme₃gain₃ Ja₁ñi'₅₄, jui₁lia'₂ jme₂gain₃ Jmei₂. Jui₁lia'₂ i₂tsá₃ jme₂gan₃ Ja₁ñi'₅₄, tsá₃ jme₂gain₃ Jmei₂ i₂ca₂chei₃.

²⁴ 'A₂dsi₂jó'₃ juí₂ jniá₂ 'nia'₂: jui₁lia'₂ i₂nag₅ i₂tón'₂ jui₅ jág₁ quió'₃, ton'₂ 'éin₂ tē₂le₃ quió'₅ i₂ca₂chei₃, le₃chain₂ bá₄ co₂tan₅₄. Tsá₃ 'í₁ jióg'₂ ja₁coin₂, ia₁ ma₂ca₂ñi₅ ne₄ 'mú₃, ma₂ca₂dsió₃ ja₁le₃chain₂ co₂tan₅₄. ²⁵ A₂dsi₂jó'₃ juí₂ jniá₂ 'nia'₂, já₅ jmig₄ ton'₂ ma₂tē₂ dsón'₂, jē₁ma₂tē₂ rē₁nag₃ 'lag₄ jág₁ quió'₅ Ja₁ñi'₅₄ Diú₄. Jui₁lia'₂ i₂ne'₅₄ nē₃, le₃chain₂ bá₄. ²⁶ Ia₁ jui₁lia'₂ 'io₅ bí₂ Jmei₂ a₂le₃chain₂ 'ñiog₅, ján₃ bá₄ le₂nē₅ ma₂cuë'₃ Ja₁ñi'₅₄ jui₅bí₂ a₂le₃chain₂ 'ñiog₅. ²⁷ Ján₃ bá₄ ma₂cuë₃ jui₅bí₂ a₂con₂ 'í₁ qui₃dsi₂₃ 'éi'₃, ia₁ lín₅ Jaun₅ dsa₂ mi₂güig₃. ²⁸ Tsá₃ lē₁jui₁dsi₂gó'₃ 'au'₂ 'nia'₂ jág₁ a₂nē₂juá'₃ jniá₂ la₂, ia₁ já₅ hora a₂nag₃ ca₂le₃jín₃ dsa₂ i₂le₁'on₅ tau₂ 'ñio₅, jág₁ quió'₅, ²⁹ jaun₂ 'uín₃ ja₁jaun₂. Jui₁lia'₂ i₂ca₂jmo₃ a₂dsi₂ten₅₄, jein'₅₄ a₂dsi₁lein₅ ja₁le₃chain₂ co₂tan₅₄; la₁ia₁ jui₁lia'₂ i₂ca₂jmo₃ a₂'lig'₅₄, jein'₅₄ a₂tē₃dsi₅₄ 'éi'₃ ja₁coin₂.

Jau'₂ 'í₁ a₂dsón'₂ 'io₅ Jesús bí₂

³⁰ Tsá₃ 'e₂ lé₂ le₃jmo₅₄ jniá₂ jua'₅₄ a₂jmo₅₄ con'₂ ting₂ 'ñió₃. Qui₂dsí₂ jniá₂ 'éi'₃ lia'₂ con'₂ lë₅ jág₁ a₂nég'₄ ja₁con₂ ñe'₃, jaun₂ dsi₂ten₅₄ bá₄ 'éi'₃ a₂qui₂dsí₂ jniá₂, ia₁ tsá₃ a₂jaun₂ jmo₅ jniá₂ lia'₂ con'₂ lë₅ a₂'ñio₂ dsi₅ 'éi₂ i₂ca₂chei₃ jniá₂. ³¹ Nē₁juá'₂ jáng'₅ jniá₂ jág₁ dsau₅ ja₁cong₂ 'ñió₃, jág₁ jaun₂ a₂jáng'₅, tsá₃ quen₅. ³² La₁ia₁

† 5:16 A₂lín₅₄ chog₅₄ si₂ a₂me'₂ guë₄ juá'₂ ján₃: “a₂jme₁'nio₃ ñag'₃.”

chan₂ gué₄ jan₂ i₂sián'₂ i₂jáng'₅ jág₁ dsau₅ tē₂le₃ quió₃ jniá₂, jaun₂ guion₄ jniá₂ ju₁lia'₂ a₂juá'₂ 'éi₂ 'ag₂₃ jniá₂, tí₅ bá₄ jág₁ a₂jáng'₅. ³³ Ca₂chen'₂ 'nia'₂ dsa₂ a₂ca₂i₁ηag₁₂ ne₄ Juan₅₄, jaun₂ dsón'₂ tí₅ bá₄ jág₁ dsau₅ a₂ca₂jáng'₃ 'éi₂. ³⁴ La₁ia₁ on₃jua'₅₄ jaun₂ chén'₅ jniá₂ rē₂ ia₁ a₂jáng'₅ dsa₂ mi₂güig₃ jág₁ dsau₅ tē₂le₃ quió₃ jniá₂; a₂jaun₂ bá₄ juig₂ jniá₂ 'nia'₂ jág₁ la₂ ia₁jaun₂ lé₂ le₃lión'₂ 'nia'₂. ³⁵ Jme₁lín₄ Juan₅₄ nē₂jag₄ caun₂ si₂ ni₁tsí₅ a₂cau₂ a₂tág₅. Jaun₂ 'nia'₂ ně₃, jme₁ma₂'éi'₂ caun₂ 'au'₂ a₂jmo'₂ co₂'na₂ 'io'₂ ja₁tág₅ si₂ quió'₅. ³⁶ La₁ia₁ jniá₂ ně₃, 'ηio₅₄ jan₂ i₂jáng'₅ jág₁ dsau₅ i₂juin'₂ gué₄ lia'₂ con'₂ gué₄ Juan₅₄. Ia₁ ju₁lia'₂ léi₄ a₂jmo₅ jniá₂, a₂jaun₂ ca₂cué₃ Ne'₃ a₂jmo₅₄. A₂jaun₂ bá₄ jáng'₅ jág₁ dsau₅ a₂dsón'₂ bá₄ ca₂chei₃ Ne'₃. ³⁷ Ján₃ bá₄ le₂jaun₂, 'ηiog₅ bá₄ Ne'₃ jniá₂ i₂ca₂chei₃, jáng'₅ 'éi₂ jág₁ dsau₅ tē₂le₃ quió₃ jniá₂. 'Nia'₂ ně₃, lia'₂ 'i₁cón'₂ tsá₃ ma₂nei'₂ 'nia'₂ jág₁ quió'₅, on₃ gué'₂ ma₂j'in'₅₄ 'nia'₂ 'a₂ lia'₂ lín₅, ³⁸ on₃ gué'₂ ma₂tē₁gua₁ jág₁ quió'₅ tē₂'au'₂, ia₁ tsá₃ 'én'₂ 'nia'₂ tē₂le₃ quió'₅ 'ηiog₅ i₂ca₂chein₃. ³⁹ A₂'i'₂ 'nia'₂ Si₂ quió'₅ Diú₄ ca₂lia'₂ dsen₅₄ 'au'₂, ia₁ lín'₂ 'nia'₂ a₂le₃chan₂ 'nia'₂ co₂tan₅₄ tē₂le₃ quian'₅₄ Si₂ jaun₂. Si₂ jaun₂ bá₄ jáng'₅ jág₁ dsau₅ 'ag₂₃ jniá₂. ⁴⁰ Jaun₂ 'nia'₂ ně₃, tsá₃ 'niog'₂ i₁nóg'₅ ne₃ jniá₂ ia₁jaun₂ le₃chan'₂ 'nia'₂.

⁴¹ 'Tsá₃ gue₅ jniá₂ a₂jme₂juag'₂ dsa₂ mi₂güig₃. ⁴² La₁ cuín₅ jniá₂ 'nia'₂, jaun₂ guion₄ jniá₂ a₂tsá₃ jaun₂ le₁'i₁ tē₂'au'₂ 'nia'₂ a₂niog₅ dsí₅ Diú₄ a₂'nioi₃ 'nia'₂. ⁴³ O₄quió'₄ Ne'₃ bá₄ jniá₂ guio₃, 'nia'₂ gué'₂ tsá₃ guéi'₅ jniá₂; la₁ia₁ nē₁jua'₂ ca₂já₃ jan₂ o₄quió'₄ 'ηiog₅, i₂'éi₂ bá₄ guén'₄ 'nia'₂. ⁴⁴ ¿'A₂ lia'₂ lé₂ le₃'én'₂ 'nia'₂, chi₂jua'₂ jaun₂ 'náu'₂ a₂tióng'₂ rē₂ quiang'₅₄ ríng'₂, tsá₃ gué'₂ 'náu'₂ 'nia'₂ a₂qui₁náu'₂ rē₂ quiang'₅₄ Diú₄? ⁴⁵ 'Tsá₃ o₁len'₂ 'nia'₂ jua'₅₄ a₂'nág₄ jniá₂ ne₄ Ne'₃; chan₂ jan₂ i₂'nag₅: Moisés bá₄ 'éi₂. Le₃quió'₅ 'éi₂ bá₄ 'ín₂ 'au'₂ 'nia'₂. ⁴⁶ Ia₁ jua'₅₄ mei'₂ gué₃ ca₂rē₃'éng'₂ jág₁ quió'₅ Moisés, ján₃ bá₄ le₂jaun₂ jme₁le₃'éng'₂ jág₁ quió'₃, ia₁ jniá₂ bá₄ ca₂'ag₃ Moisés ne₄ Si₂. ⁴⁷ La₁ chi₂jua'₂ tsá₃ 'én'₂ gué'₂ 'nia'₂ jág₁ a₂ca₂tó'₂ 'éi₂ ne₄ Si₂, ¿'a₂ gué'₂ lia'₂ lé₂ le₃'én'₂ 'nia'₂ jág₁ a₂juá'₅ jniá₂?

6

Ca₂ηi'₃ Jesús 'ηiá₂ mei₅ dsa₂

(Mateo 14:13-21; Marcos 6:30-44; Lucas 9:10-17)

¹ Cang₂ jaun₂ ca₂ηó₃ Jesús tē₂le₃ quióng₄ ca₂taun₂ jmi₁ηí'₄ Galilea, (a₂chei₂ jmi₁ηí'₄ Tiberias). ² Jaun₂ ca₂l₃lén₂ juin₅ lín₃ dsa₂ chi₁co'₅₄ quió'₅, ia₁ ma₂jág₃ léi₄ jué'₂ a₂ma₂jmo₃, a₂qui₂ma₂ca₂jme₂'lióin₂ dsa₂ i₂jme₁le₃dso'₅₄. ³ Jaun₂ ně₃ ca₂uig₂ Jesús caun₂ má'₂, jaun₂ ca₂guá₂ ja₁jaun₂ quiaín'₅₄ chi'₂ dsi₂guia₃-tín₂ quiaín₅.

⁴ Jmig₄ jaun₂, jme₁ma₂ja₂quián₃ Jmig₄ Tē₂'in₅₄, co₂'nió'₄ jmig₄ quió'₅ dsa₂ judíos.

⁵ Jme₁ca₂jág₃ Jesús ca₂jín₂ juin₅ lín₃ dsa₂ i₂ja₂lén₂, jaun₂ ca₂juá'₂ ca₂tsí'₃ Felipe:

—¿A₂já'₄ dsi₁liá₄ má₃ a₂gué'₃ ca₂le₃jín₃ dsa₂ ně₅?

⁶ A₂jaun₂ bá₄ ca₂juá'₂ Jesús le₂nē₅ o₁ne₄ 'e₂ jme₁ηag₃ Fe₂li₄, ia₁ jme₁ma₂ηi₅ rē₂ bá₄ Jesús 'ηiog₅ 'e₂ a₂jmo₃.

⁷ Jaun₂ ně₃ ca₂ηag₃ Fe₂li₄:

—Tín₃ 'ηiá₂-lá_{u2} denario i₁ηí'₄ tsá₃ len₅ bá₄ gué₄ a₂ηe₂ jma₃ca₂juig₄ le₂jan₂ le₂jan₂ dsa₂.

⁸ Jaun₂ ně₃ ca₂ηag₃ gué₄ jan₂ chi'₂ dsi₂guia₃-tín₂ quiaín₅ Jesús, i₂jme₁chen₂ Drē₄ rin'₅₄ Si₂mu₅₄ Pe₄:

⁹ —Jē₄ la₂ 'en₅₄ jan₂ i₂bē'₅₄ i₂quian₅ 'ηiá₂ i₁ηí'₄ cebada, quian'₅₄ gué'₂ on₃ ju₄; la₁ia₁, ¿'e₂ bá₄ cha₂ 'e₂ jaun₂, ja₁con₂ dsa₂ juin₅ le₂nē₅?

¹⁰ Jaun₂ ně₃ ca₂juá'₂ Jesús:

—Chei'₅₄ dsa₂ ca₂le₃jín₃ ju₁tiain'₂₃.

'Lióng₂ ηi₂ma'₂ jme₁cha₂ ja₁jaun₂, jaun₂ ca₂tián'₂ dsa₂ ηe'₂, i₂jme₁lē₂ con'₂ 'ηiá₂ mei₅ dsa₂.

11 Jaun₂ ně₃ ca₂can₃ Jesús i₁ñí'₄, jaun₂ jme₁ma₂ně₂cuě'₃ ti₁'mag'₄ Diú₄, qui₂ca₂dsi₃ó'₃ ca₂cuě'₃ ca₂le₃jín₃ dsa₂ i₂jme₁tián'₄ ja₁jaun₂.^{*} Ján₃ bá₄ le₂jaun₂ ca₂jmo₃ quian'₅₄ dsi₂ju₄ 'éi₂, ca₂cuě'₃ ca₂le₃jín₃ dsa₂ 'a₂ con'₂ jnia'₅₄ 'nio₃.

12 Jaun₂ jme₁ma₂lí'₃ dsa₂ guě'₅, ca₂juá'₂ Jesús ca₂tsí'₃ chi'₂ dsi₂guia₃-tín₂:

—Cag'₅₄ 'nia'₂ ni₁jne₁ i₁ñí'₄ a₂ca₂chóng₃, ia₁jaun₂ tsá₃ 'e₂ dsi₃'én₂.

13 Jaun₂ ca₂cág'₃, jaun₂ ca₂jme₃cain'₂ guia₃-tín₂ tsi₁mi'₂ tá₂, quian'₅₄ ni₁jne₁ a₂ca₂chóng₃ a₂'ñiá₂ i₁ñí'₄ cebada jaun₂.

14 Jaun₂ ně₃, jme₁ca₂jág₃ dsa₂ léi₄ a₂ca₂jmo₃ Jesús, ca₂juá'₂:

—Dsón'₂ bá₄ lín₅ dsa₂ ně₅ dsa₂ i₂'ě₂ jág₁ quián₅ Diú₄, i₂lě₅ jág₁ jiá₃ mi₂güí₃.

15 La₁ ca₂rě₃lí'₄ bá₄ Jesús a₂'nio₃ dsa₂ jme₁tě₂ tion₅₄, a₂jme₁jmó'₂ 'éi₂ rag₅₄, jaun₂ ca₂ñái'₃ bá₄ táng₃ ca₂'í₃ má'₂ con'₂ 'ñiog₅.

Ca₂ñi₃ Jesús ne₄ jmig₂ jmí₁ñí'₄

(Mateo 14:22-27; Marcos 6:45-52)

16 Jme₁ca₂nei₂ jaun₂, ca₂sión₃ chi'₂ dsi₂guia₃-tín₂ quián₅ ca₂tě₂ jmí₁ñí'₄.

17 Jaun₂ ca₂tóin'₂ 'ñió'₃ caun₂ tsi₁mu₅, jaun₂ ca₂jme₃lióg₃ ca₂'ain₃ jmí₁ñí'₄ a₂dsi₃lén₂ Capernaum. Jme₁ma₂tó'₂ nei₂ bá₄ jaun₂, tsá₃ jme₁ma₂quiong'₅₄ bá₄ guě'₄ Jesús.

18 Jaun₂ ca₂rě₃lióg₃ ca₂'ág₂ dsí₂ tiá₂ lín₃, jaun₂ qui₂ca₂ron'₂ jmí₁ñí'₄.

19 Jme₁ma₂'ain₂ con'₂ 'ñiá₂-jněi₂ kilómetros, jaun₂ ca₂jág₃ a₂ja₂quián₃ Jesús cau₅ tsi₁mu₅, a₂ñi₂₃ ne₄ jmig₂; jaun₂ ca₂rě₃gó'₅ 'ñiog₅ lín₃.

20 La₁ia₁ ca₂juá'₂ Jesús:

—jñiá₂ bá₄ la₂; tsá₃ lě₁jmo₂ 'nia'₂ gang'₃!

21 Jaun₂ ně₃ ca₂lia'₂ 'io'₂ jén'₅ bá₄ ca₂guein₃[†] Jesús 'ñió'₃ tsi₁mu₅, jaun₂ quian'₅₄ ca₂tiá₂ co₂lág₂ bá₄ ca₂dsi₃lén₂ chei'₅₄ 'uě₃ ja₁jme₁tioin'₅₄ jui₅ i₃lén₂.

'Nau'₂ dsa₂ 'nai'₂ Jesús

22 Jme₁ca₂jnia₃ jaun₂, ca₂rě₃lí'₄ dsa₂ i₂tě₁'ñiá₄ tě₂le₃ quióng₄ ca₂taun₂ jmí₁ñí'₄, a₂jme₁chí'₄ caun₂ tan₅₄ tsi₁mu₅ ja₁jaun₂, ton'₂ tsá₃ ca₂'í₃ Jesús 'ñió'₃ jaun₂ quiain'₅₄ chi'₂ dsi₂guia₃-tín₂; guion₅₄ bá₄ chi'₂ dsi₂guia₃-tín₂ i₃lén₂.

23 La₁ tě₁lia'₂ jaun₂, o₃lě₂ tsi₁mu₅ siá'₂ a₂ja₂lei₃ juig₂ Tiberias, ca₂o₃lě₂ quián₅ ja₁ca₂guě'₃ i₁ñí'₄ le₂jñiá₅ jme₁ca₂lě₃ cuě'₅ Te₁gui'₅₄ ti₁'mag'₄ Diú₄.[‡]

24 Jaun₂ ně₃, jme₁ca₂rě₃lí'₄ dsa₂ a₂tsá₃ Jesús chan₂ ja₁jaun₂, on₃ guě'₂ chi'₂ dsi₂guia₃-tín₂ quián₅, ca₂i₃toin'₅₄ 'ñió'₃ tsi₁mu₅, ca₂i₃lén₂ jui₅ Capernaum ca₂i₁'niog'₂.

Jesús bá₄ lín₅ i₁ñí'₄ a₂le₃chan₂ dsa₂ co₂tan₅₄

25 Jme₁ca₂dsi₃lén₂ dsa₂ tě₂le₃ quióng₄ ca₂taun₂ jmí₁ñí'₄, ca₂dsáin'₂ Jesús, jaun₂ ca₂ñag₃:

—Tě₅, ě₁líg'₂ guang'₃ ja₁lá₃?

26 La₁ia₁ ca₂ñag₃ Jesús ca₂tsí'₃ dsa₂ 'éi₂:

—A₂dsi₂jó'₃ juíg₂ jniá₂ 'nia'₂, a₂'nau'₂ jniá₂ i₂niog'₅₄, ia₁ ca₂qué'₂ 'nia'₂ lia'₂ 'ág'₃ 'au'₂ i₁ñí'₄, on₃jua'₅₄ rě'₂ ia₁ a₂ca₂rě₃ñí'₂ 'nia'₂ léi₄ jaun₂.²⁷ Tsá₃ lě₁jmo₂ 'nia'₂ ta₁ o₄quió'₄ má₃ a₂jñia'₅₄ con'₂ dsi₃'én₂, tě₂le₃ o₄quió'₄ má₃ a₂jio₅ co₂tan₅₄ bá₄ jmo₄ 'nia'₂ ta₁, a₂cuě'₅ Jaun₅ dsa₂ mi₂güí₃. Ia₁ ne₄ 'éi₂ ma₂tióng₃ 'ñiog₅ bá₄ Diú₄ Jme₁léi₄ quió'₅.

28 Jaun₂ ně₃ ca₂ñag₃ dsa₂:

—ě'₂ 'nió'₅ jmó₁ jnia'₅₄ ia₁jaun₂ lé₂ le₃jmó₁ jnia'₅₄ ta₁ a₂'nio₃ Diú₄ jmó₁?

29 Jaun₂ ca₂ñag₃ Jesús:

—A₂la₂ bá₄ ta₁ quió'₅ Diú₄: a₂le₃'én'₂ 'nia'₂ tě₂le₃ quió'₅ i₂chen₄ quián₅.

* 6:11 A₂lín₅₄ chog₅₄ si₂ a₂me'₂ guě'₄ juá'₂: “jme₁ma₂ně₂cuě'₃ ti₁'mag'₄ Diú₄, jaun₂ ca₂cuě'₃ chi'₂ dsi₂guia₃-tín₂, jaun₂ chí'₂ dsi₂guia₃-tín₂ ně₃ qui₂ca₂dsi₃ó'₃ ca₂cuě'₃ ca₂le₃jín₃ dsa₂.” † 6:21 o₃, “jme₁guein₃.” ‡ 6:23 A₂lín₅₄ chog₅₄ si₂ tsá₃ chí₁ton₅ “jme₁ca₂lě₃ cuě'₅ Te₁gui'₅₄ ti₁'mag'₄ Diú₄.”

30 Jaun₂ ně₃ ca₂ŋag₃ dsa₂:

—¿'E₂ léi₄ lé₂ le₃ 'ě₂ jnia'₅₄, ia₁jaun₂ jag₅₄ jnia'₅₄ jaun₂ le₃ 'éin₂ jnia'₅₄ quiáng'₂? ¿'E₂ léi₄ jmó'₂?

31 Dsa₂ can'₅₄ quián₂ jnia'₅₄ ma₂líg'₂, ca₂guě'₃ i₁ŋí'₄ maná, lia'₂ con'₂ jme,tioin'₅₄ 'uě₃ quein₂ co₂ŋiog₅ jaun₂, ju₁lia'₂ juá'₂ ne₄ Si₂ quió'₅ Diú₄: “Ca₂cuě₃ Moisés ca₂guě'₃ 'éi₂ i₁ŋí'₄ a₂ca₂já₃ guei'₅₄ i₂juíg₃.”§

32 Jaun₂ ca₂ŋag₃ Jesús:

—A₂dsi₂jó'₃ juíg₂ jniá₂ 'nia'₂: on₃jua'₅₄ Moisés i₂ca₂cuě₃ i₁ŋí'₄ a₂já₅ guei'₅₄ i₂juíg₃; Ne'₃ bá₄ jniá₂ i₂cuě'₅ 'nia'₂ i₁ŋí'₄ tē₃dsón'₂ a₂já₅ guei'₅₄ i₂juíg₃. 33 Ia₁ ju₁lia'₂ i₁ŋí'₄ a₂já₅ ja₁con₂ Diú₄, i₂'éi₂ bá₄ lín₅, i₂ca₂sió₃ guei'₅₄ i₂juíg₃, i₂jmo₅ a₂le₃chan₂ dsa₂ co₂tan₅₄.

34 Jaun₂ ně₃ ca₂juá'₂ dsa₂ ca₂tsí'₃ Jesús:

—Te₁gui'₅₄, cuě₄ lia'₂ o₂jmi₃g₄ i₁ŋí'₄ a₂'ě'₂ 'ne₂ ně₅.

35 Jaun₂ ca₂juá'₂ Jesús:

—Jniá₂ bá₄ lín₅ i₁ŋí'₄ a₂jmo₅ a₂le₃chan₂ dsa₂. Ju₁lia'₂ i₂ja₂ ja₁con₂ jniá₂, lia'₂ o₁líg'₂ jmi₃g₄ tsá₃ ma₃lé₂ i₁cón'₅; já₃n₃ bá₄ le₂jaun₂ ju₁lia'₂ i₂'én₂ tē₂le₃ quió₃ jniá₂, lia'₂ o₁líg'₂ jmi₃g₄ tsá₃ ma₃le₃quein₂ dsí₅. 36 La₁ ju₁lia'₂ ma₂nē₂juíg₂ jniá₂ 'nia'₂, tsá₃ 'én'₂ 'nia'₂ o₁jŋia'₅₄ ma₂nē₂jag'₅₄ 'nia'₂ jniá₂. 37 Ca₂le₃jín₃ ju₁lia'₂ dsa₂ i₂cuin₅ Ne'₃ cui₃g₂₃ jniá₂, ja₃lén₂ ja₁con₂ jniá₂; jaun₂ ju₁lia'₂ i₂ja₂ ja₁con₂ jniá₂, lia'₂ o₁'e₂ guě₃ tsá₃ dsín₄ jniá₂. 38 Ia₁ on₃jua'₅₄ jaun₂ guio₃ jniá₂ ca₂sió₃guei'₅₄ i₂juíg₃ jua'₅₄ a₂jmo₅₄ a₂'ŋio₂ dsí₃ 'ŋió₃; a₂jaun₂ bá₄ guio₃ a₂jmo₅₄ a₂'ŋio₂ dsí₅ i₂ca₂chei₃. 39 A₂la₂ bá₄ a₂'ŋio₂ dsí₅ i₂ca₂chei₃: a₂tsá₃ qui₂dsi₃cón'₅ 'i₁jan₂ i₂ma₂cuin₃ 'éi₂ jniá₂, tē₂le₃ a₂jme₁jein'₅₄ bá₄ jniá₂ jmi₃g₄ jē₁ca₂tó'₂. 40 A₂la₂ bá₄ a₂'ŋio₂ dsí₅ Ne'₃: ju₁lia'₂ ca₂le₃jín₃ i₂jín₂ Ja₁ŋi'₅₄ ton'₂ 'éin₂ tē₂le₃ quió'₅, ju₁le₂chain₂ co₂tan₅₄, jaun₂ jniá₂ ně₃ jme₁jein'₅₄ jmi₃g₄ jē₁ca₂tó'₂.

41 Quian'₅₄ já₃g₁ ně₅ ca₂jme₃lió₃ dsa₂ judíos qui₂ca₂dsia₃ guioin₅₄, ca₂chi₃'iin₃ Jesús ia₁ jme₁ma₂nē₂juá'₂: “Jniá₂ bá₄ lín₅ i₁ŋí'₄ i₂ca₂sió₃ guei'₅₄ i₂juíg₃.”

42 Jaun₂ ca₂juá'₂:

—¿On₃jua'₅₄ i₂nē₅ Jesús ja₁ŋi'₅₄ Sě₄? I₂cuin₅ bá₄ jniog₄ chog₅₄-jmei₂ i₂nē₅. ¿'A₂ guě'₂ lia'₂ juá'₂ a₂ca₂sió₃ guei'₅₄ i₂juíg₃?

43 Jaun₂ ně₃ ca₂juá'₂ Jesús:

—Tsá₃ lē₁ma₃chi₂'ág₅ 'nia'₂. 44 Lia'₂ 'i₁jan₂ tsá₃ lé₂ jiá₃ ja₁con₂ jniá₂, jua'₅₄ tsá₃ o₂jio₃ Ne'₃ i₂ca₂chei₃; jaun₂ jniá₂ jme₁jein'₅₄ jmi₃g₄ jē₁ca₂tó'₂. 45 Le₂la₂ ca₂tó'₂ ne₄ Si₂ dsa₂ i₂jme₁'ě₂ já₃g₁ o₄quió'₄ Diú₄: “Diú₄ bá₄ jme₃tag₅ jme₃tiin₂₃ ca₂le₃jín₃ dsa₂.”* Jaun₂ ca₂le₃jín₃ ju₁lia'₂ i₂nag₅ já₃g₁ quió'₅ Ne'₃, ton'₂ qui₂rē₂tiin₂ 'e₂ a₂jmo₅ 'éi₂, ja₃lén₂ bá₄ ja₁con₂ jniá₂. 46 On₃jua'₅₄ rē'₂ ia₁ 'ein₂ ma₂jín₂ Jmei₂. Jnia'₅₄ lia'₂ i₂ca₂já₃ ja₁con₂ Diú₄; i₂'éi₂ bá₄ ma₂jín₂ Jmei₂. 47 A₂dsón'₂ juíg₂ jniá₂ 'nia'₂, ju₁lia'₂ i₂'én₂, † le₃chain₂ co₂tan₅₄. 48 Jniá₂ bá₄ lín₅ i₁ŋí'₄ a₂jmo₅ a₂le₃chan₂ dsa₂. 49 Qui₂ca₂guě'₃ dsa₂ can'₅₄ quián'₂ 'nia'₂ i₁ŋí'₄ maná, lia'₂ con'₂ jme,tioin'₅₄ 'uě₃ quein₂ co₂ŋiog₅ jaun₂, la₁ ca₂dsain₃ bá₄. 50 A₂la₂ bá₄ lē₅ i₁ŋí'₄ a₂ca₂sió₃ guei'₅₄ i₂juíg₃ ia₁jaun₂ ně₁jua'₂ 'ein₂ ca₂guě'₃, tsá₃ dsiáin₃. 51 Jniá₂ bá₄ lín₅ i₁ŋí'₄ jén'₃ i₂ca₂sió₃ guei'₅₄ i₂juíg₃ jaun₂; ju₁lia'₂ i₂guě'₅ i₁ŋí'₄ la₂, le₃chain₂ co₂tan₅₄. I₁ŋí'₄ ju₁lia'₂ a₂juá'₅ jniá₂ cuě₅₄, ni₁ŋi₃ 'ŋió₃ bá₄ jniá₂ 'ě₂₃, a₂jáng'₄ jniá₂ ia₁jaun₂ le₃chan₂ dsa₂ mi₂güig₃.

52 Jaun₂ ně₃ qui₂ca₂chen₃ dsa₂ judíos guioin₅₄, a₂juá'₂:

—¿'A₂ lia'₂ lé₂ le₃cuě₃ i₂nē₅ ŋi₅₄ 'ŋiog₅ a₂que₅₄ jniog₄?

53 Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, ně₁jua'₂ tsá₃ ca₂qué'₂ 'nia'₂ ŋi₄ Jaun₅ dsa₂ mi₂güig₃, ně₁jua'₂ tsá₃ ca₂'én'₂ 'nia'₂ jmi₂'ain₅₄ ně₃, tsá₃ jén'₃ 'nia'₂ tē₁lia'₂ chang'₂. 54 Ju₁lia'₂ i₂guě'₅ ŋi₃ jniá₂,

§ 6:31 Éxodo 16:4; Nehemías 9:15; Salmo 78:24-25. * 6:45 Isaías 54:13. † 6:47 A₂lín₅₄ chog₅₄ si₂juá'₂: “i₂'én₂ tē₂le₃ quió₃ jniá₂.”

ton'₂ 'ín'₂ jmi₃ jniá₂ ně₃, le₃chain₂ bá₄ co₂tan₅₄; jaun₂ jniá₂ jme₁jein'₅₄ jmig₄ jē₁ca₂tó'₂. 55 Ia₁ ni₁ηi₃ jniá₂ bá₄ lē₅ má₃ a₂tí₅ dsón'₂; ján₃ bá₄ le₂jaun₂ jmi₃ jniá₂ lē₅ jmig₂ a₂'ág'₃ dsi₅ tē₃dsón'₂. 56 Jui₁lia'₂ i₂guē'₅ ηi₃ jniá₂, ton'₂ 'ín'₂ jmi₃ jniá₂ ně₃, tē₂'ηiai₅₄ le₃quió₃ jniá₂; jniá₂ guē'₂ le₃quió'₅ 'éi₂. 57 Jui₁lia'₂ ca₂chei₃ Ne'₃ jén'₃ ca₂chei₃ jniá₂, jaun₂ chan₂ jniá₂ 'uig₅₄ quió'₅ 'éi₂, ján₃ bá₄ le₂jaun₂, jui₁lia'₂ i₂guē'₅ quió₃ jniá₂, le₃chain₂ 'uig₅₄ quió₃ jniá₂. 58 A₂la₂ bá₄ 'ē₂₃ i₁ηí'₄ i₂ca₂sion₃ guei'₅₄ i₂juig₃. Qui₂ca₂guē'₃ dsa₂ can'₅₄ quián'₂ 'nia'₂ i₁ηí'₄ maná, la₁ ca₂dsain₃; la₁ jui₁lia'₂ i₂guē'₅ i₁ηí'₄ la₂, le₃chain₂ bá₄ co₂tan₅₄.

59 Jáǵ₁ ně₅ ca₂juá'₂ Jesús tē₁lia'₂ ca₂jme₃tag₂₃ dsi₂néi₂ guá'₅ sinagoga jē₄ juig₂ Capernaum.

Jáǵ₁ a₂le₃chan₂ dsa₂ co₂tan₅₄

60 Jme₁ca₂nág₂ dsa₂ jáǵ₁ jaun₂ a₂jme₂tag₅ Jesús, juin₅ dsa₂ i₂quian'₅₄ Jesús ca₂juá'₂:

—Jáǵ₁ a₂juá'₂ ně₅ 'ηio₅ lin₃ juí'₅, quian₅ ta₁ guéi₁. ¿Ein₂ bá₄ lé₂ le₃tón'₂ jui₅ quió'₅?

61 Jaun₂ ně₃ ca₂rē₃lí'₄ Jesús 'e₂ jáǵ₁ chen₅ dsa₂ tioen'₅₄, o₄quió'₄ jáǵ₁ jaun₂, jaun₂ ca₂juá'₂:

—¿O₃ bá₄ tsá₃ dse₃ ca₂tín'₂ 'nia'₂ jáǵ₁ ně₅? 62 ¿E₂ bá₄ lé₂ jaun₂ ně₁jua'₂ ca₂jing'₅₄ 'nia'₂ Jaun₅ dsa₂ mi₂güig₃ a₂uig₂ táng₃ ja₁jme₁'ein₅₄ le₂jniá₂? 63 Jme₂dsí₂ bá₄ i₂jmo₅ a₂chan₂ dsa₂; jui₁lia'₂ ni₁ηi₁ dsa₂ ně₃, tsá₃ ta₁ tí₄. La₁ jáǵ₁ a₂ma₂ně₂juig₂ jniá₂ 'nia'₂, a₂gu₂dsí₂ bá₄ jaun₂, ton'₂ jmo₅ a₂chan₂ dsa₂. 64 La₁ tion'₅₄ bá₄ guē₄ i₂lin₅₄ 'nia'₂ i₂tsá₃ 'én₂.

Ia₁ jme₁ma₂ηi₅ bá₄ Jesús lia'₂ con'₂ le₂'uig₅₄ i₂'ein₂ 'éi₂ tsá₃ 'én₂, i₂'ein₂ guē'₂ i₂jáng'₂ cang₂.

65 Jaun₂ ca₂juá'₂:

—'Uig₅₄ jaun₂ ma₂ně₂juig₂ jniá₂ 'nia'₂, lia'₂ 'i₁jan₂ tsá₃ lé₂ jiá₃ ja₁con₂ jniá₂ jua'₅₄ tsá₃ o₂jiog₃ Ne'₃.

66 Ca₂le₃jaun₂, juin₅ dsa₂ i₂jme₁i₂nio₄ quian'₅₄ Jesús ca₂i₃uín₂ cau₅, tsá₃ ma₃jme₁i₂nioi₅₄ quian'₅₄ 'éi₂.

67 Jaun₂ ně₃ ca₂ηag₃ Jesús ca₂ηí'₃ chi'₂ dsi₂guia₃-tín₂:

—¿O₃ bá₄ 'niog'₂ 'nia'₂ o₁nog'₁ ján₃?

68 La₁ ca₂ηag₃ Si₂mu₅₄ Pe₄:

—Te₁gui'₅₄, ¿ne₄ 'ein₂ lé₂ dsi₁nú₄ jnia'₅₄? Ia₁ 'ne₂ bá₄ 'au'₂ jáǵ₁ a₂le₃chong₂ jnia'₅₄ co₂tan₅₄.

69 Ma₂ca₂rē₃'éin₂ bá₄ jnia'₅₄, jaun₂ ne₄ jnia'₅₄, 'ne₂ bá₄ líng'₅ I₂jñiós quián₅ Diú₄.‡

70 Jaun₂ ca₂ηag₃ Jesús:

—¿On₁jua'₅₄ jniá₂ ca₂quiong'₅₄ 'nia'₂ ta₁guia₃-tín'₂? La₁ia₁, jan₂ i₂'en₅₄ jē₄ quián'₂ 'nia'₂ lín₅ i₂'lin'₅₄.

71 (A₂ca₂juá'₂ Jesús le₂ně₅ a₂'iin₂₃ Judas bá₄, ja₁ηi'₅₄ Si₂mu₅₄ Iscariote,§ ia₁ Judas bá₄ i₂jáng'₂ quió'₅, o₁jnia'₅₄ lín₅ jan₂ dsa₂ guia₃-tín₂.)

7

Tsá₃ 'én₂ rin'₅₄ Jesús jáǵ₁ quió'₅

1 Cang₂ jaun₂, ca₂ηi₃ Jesús 'uē₃ Galilea; a₂tsá₃ 'nio₃ dsi₃ηí₃ jē₄ 'uē₃ Judea, ia₁ ja₁jaun₂ jme₁'nio₃ dsa₂ judíos ηag'₃.

2 La₁ia₁ jme₁ma₂ja₂quián₃ Jmig₄ quió'₅ Tsi₁'io₅ Láu₃, jmig₄ quió'₅ dsa₂ judíos, 3 jaun₂ ca₂juá'₂ rin'₅₄ Jesús:

—Tsá₃ lē₂jan₁ ja₁lá₃; gua₂ jui₅ Judea, ia₁jaun₂ jáǵ₃ dsa₂ i₂quiang'₅₄ léi₄ a₂jmo'₂. 4 Ia₁ jui₁lia'₂ i₂'nio₃ a₂le₃cuig₅ dsa₂ quió'₅, tsá₃ jmo₂₃ jui₁lia'₂ a₂tīn₂₃ jē₄ chi₁'ma₁. Chi₂jua'₂ dsón'₂ jmo'₂ léi₄ le₂ně₅, jmo₄ tē₃ jáǵ₅ dsa₂ juin₅.

5 Ia₁ ca₂lia'₂ jnia'₅₄ rin'₅₄ bá₄ Jesús tsá₃ jme₁'éin₂ le₃quió'₅.

6 Jaun₂ ně₃, ca₂juá'₂ Jesús ca₂tsí'₃ riin'₅₄:

‡ 6:69 A₂lin₅₄ chog₅₄ si₂ juá'₂: “Ne₂ bá₄ líng'₅ I₂rē₂'ín₁ quián₅ Diú₄; 'ne₂ bá₄ líng'₅ Ja₁ηi'₅₄ Diú₄ jén'₃.”

§ 6:71 A₂lin₅₄

chog₅₄ si₂ juá'₂: “Judas Iscariote, ja₁ηi'₅₄ Si₂mu₅₄.”

—Tsá₃ ma₂tě₂ bá₄ guě₄ hora quió₃ jniá₂, la₁ia₁ tē₂le₃ quián' ₂ 'nia'₂, jua'₅₄ 'e₂ guě₃ hora bá₄ dse₃. ⁷ Tsá₃ lé₂ le₃jme'₃ 'iog₅₄ dsa₂ mi₂güig₃ jme'₃ 'ñiai₅₄ 'nia'₂; la₁ia₁ 'iog₅₄ bá₄ jniá₂, 'uig₅₄ ia₁ a₂jáng'₅ jniá₂ jág₁ dsau₅ ja₁con₂ 'éi₂, a₂'lig'₅₄ bá₄ a₂jmo₂₃-dsáu₅. ⁸ O₂nó'₅ 'nia'₂ guiong'₅₄ jmig₄; tsá₃ nei₅₄ jniá₂, ia₁ tsá₃ ma₂dsin₃ guě₄ hora quió₃.

⁹ Jme₁ma₂ně₂chí'₃ riin'₅₄ le₂ně₅, ca₂jñia₃ jě₄ 'uě₃ Galilea.

Nó₃ Jesús Jmíg₄ quió'₅ Tsí'₁io₅ Láu₃

¹⁰ La₁ cang₂ guě₄ jaun₂, jme₁ma₂i₂lén₂ riin'₅₄ Jesús, ján₃ bá₄ ca₂ñó₃ 'éi₂ jmig₄ jaun₂, o₁jñia'₅₄ ca₂ñó₃ tē₃ tsá₃ jme₂li₅₄ jin₄ dsa₂ juin₅. Mei'₂ tsá₃ con'₂ tē₃co'₅₄ bá₄ ñó₃.

¹¹ Jaun₂ lē₃, ca₂i₁nio₁ dsa₂ judíos 'nai'₂ Jesús ja₁niog₅ jmig₄, jaun₂ juá'₂:

—¿A₂já'₄ 'en₅₄ dsa₂ 'éi₂?

¹² Jin₄ dsa₂ guě'₂, juin₅ i₂dsia₅ tē₂'ua₁ jin₄ riin'₅₄ a₂'in₂₃ 'éi₂. I₂lin₅₄ juá'₂: “Dsa₂ dsen₃ bá₄ 'éi₂”, la₁ i₂sián'₄ guě'₂ juá'₂: “On₃jua'₅₄ dsa₂ dsen₃ 'éi₂, ia₁ jme₂gain₂₃ dsa₂.”

¹³ La₁ia₁ lia'₂ 'i₁jan₂ tsá₃ ca₂dsia₃ lia'₂ rē₂jia₃ jág₁ a₂'in₂₃ 'éi₂, ia₁ a₂gain₃ dsa₂ judíos.

¹⁴ Con'₂ tin₃ dso'₅₄ jmig₄ jme₁ma₂tě₂, jaun₂ ca₂'í₃ Jesús i₁dsi₅ guá'₅ templo, jaun₂ ca₂jme₃lióg₃ ca₂jme₃tiin₂₃ dsa₂.

¹⁵ Jaun₂ ca₂i₃gó'₃ dsí₅ dsa₂ judíos jaun₂ ca₂juá'₂:

—¿'A₂ lia'₂ ñí₄ lē₃ ma₂tin₂ si₂ i₂ně₅ tē₃ tsá₃ si₂ ca₂'í₂?

¹⁶ Jaun₂ ca₂ñag₃ Jesús:

—Ju₁lia'₂ a₂jme₂tág₂ jniá₂ la₂, on₃jua'₅₄ jág₁ quió₃ 'ñió₃ juá'₅; jág₁ quió'₅ i₂ca₂chei₃ bá₄ la₂. ¹⁷ Chi₂jua'₂ 'ein₂ jan₂ ma₂'ei₅ dsí₅ jmo₃ a₂'ñio₂ dsí₅ Diú₄, le₃ñi₅ bá₄ 'éi₂ 'a₂ lia'₂ lē₅ jág₁ a₂jme₂tág₂ jniá₂, chi₂jua'₂ já₅ ja₁con₂ Diú₄, o₃ chi₂jua'₂ dsia₂₃ 'a₂ con'₂ ting₂ 'ñió₃. ¹⁸ Ju₁lia'₂ i₂dsia₅ o₄quió'₄ 'ñiog₅, jmo₂₃ le₂jaun₂ ia₁jaun₂ jme₃juag'₂ dsa₂. La₁ ju₁lia'₂ i₂'no'₂ a₂le₃juin'₂ i₂ca₂chei₃, i₂tē₃dsón'₂ bá₄ 'éi₂; 'i₁caun₂ a₂'lig'₅₄ tsá₃ cha₂ ja₁coin₂.

¹⁹ ¿On₁jua'₅₄ Moisés ca₂cuē₃ 'Éi'₃ ca₂cuē₃ 'nia'₂? La₁ia₁, ca₂lia'₂ 'i₁jan'₂ 'nia'₂ tsá₃ jme₂tí'₁ Si₂ 'Éi'₃. ¿'E₂ lē₃ 'niog'₂ 'nia'₂ jñág'₄ jniá₂?

²⁰ Jaun₂ ca₂ñag₃ dsa₂:

—'En₅₄ je₂na'₅₄ tē₂'au'₂; ¿'ein₂ 'nio₃ jñi'₃ 'ne'₂?

²¹ Jaun₂ ca₂juá'₂ Jesús:

—Caun₂ léi₄ ca₂jmo₃ jniá₂ jmig₄ sa₅₄, jaun₂ ca₂i₃gó'₃ 'au'₂ 'nia'₂ ca₂le₃jíng'₃. ²² Jaun₂ ně₃, ca₂jmo₃ Moisés 'éi'₃ a₂ti₃ dsa₂ ni₁lo₁, (la₁ia₁ on₃jua'₅₄ Moisés i₂ca₂jme₃lióg₃; dsa₂ can'₅₄ bá₄ ca₂jme₃lióg₃ ma₂líg'₂). 'Uig₅₄ jaun₂ ti'₂ 'nia'₂ ni₁lo₄ guein₂, o₁jñia'₅₄ tē₃ lē₅ jmig₄ sa₅₄. ²³ Dse₃ bá₄ jaun₂, chi₂jua'₂ jaun₂ ti'₂ 'nia'₂ ni₁lo₄ guein₂ jmig₄ sa₅₄ ia₁jaun₂ tsá₃ dsó₃ 'uě₃ 'Éi'₃ quió'₅ Moisés, ¿'e₂ lē₃ 'ne'₂ 'nia'₂ quian'₅₄ jniá₂, ia₁ ca₂jme₁'liong₁₂ jan₂ dsa₂ ta₁jain₂, tē₃ jmig₄ sa₅₄? ²⁴ Tsá₃ lē₁caun₂ 'nia'₂ 'í₁ a₂jñia'₅₄ con'₂ jniá₂ le₃co'₅₄. Quion₂ bá₄ 'nia'₂ 'í₁ con'₂ dsi₂ten₅₄.

Dsia₅ Jesús a₂juá'₂ a₂já'₄ já₅

²⁵ Jaun₂ ně₃ ca₂jme₃lióg₃ qui₂ca₂ñag₃ i₂lin₅₄ dsa₂ chan₂ Jerusalén qui₂ca₂ñi'₃ riin'₅₄:

—¿On₁jua'₅₄ i₂ně₅ 'na'₂ dsa₂ a₂jñag'₃ i₂nioi₅₄? ²⁶ Ó₃ bá₄ guě'₂ 'ein₅₄ dsia₂₃ lia'₂ rē₂jia₃ jág₁ jin₄ dsa₂ juin₅, tsá₃ 'ein₂ juá'₂ 'i₁caun₂ quió'₅. ¿O₃ bá₄ dsón'₂ ma₂ca₂rē₃ñi₅ dsi₂tan₅₄, a₂lín₅ dsa₂ ně₅ I₂rē₂'ín₁ quián₅ Diú₄? ²⁷ La₁ ne₄ bá₄ jniog₄ a₂já'₄ já₅ i₂ně₅; a₂dsau₅, jē₁ma₂tě₂ rē₁jia₃ I₂rē₂'ín₁ quián₅ Diú₄, lia'₂ 'i₁jan₂ tsá₃ le₃ñi₅ a₂já'₄ já₅.

²⁸ Jaun₂ lē₃, tē₁lia'₂ 'en₅₄ Jesús jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂ tiá₂:

—¿Cui₂g'₂ bá₄ 'nia'₂ jniá₂, jaun₂ ñi'₅₄ bá₄ 'nia'₂ 'a₂ guě'₂ guio₃ jniá₂! La₁ on₃jua'₅₄ o₄quió₃ 'ñió₃ guio₃; tē₂le₃ o₄quió'₄ i₂ca₂chei₃ i₂tē₃dsón'₂ bá₄ guang₃. I₂'éi₂ guě'₂, tsá₃ cuin'₂ 'nia'₂. ²⁹ La₁ia₁ jniá₂ cuin₅, ia₁ ja₁con₂ 'éi₂ bá₄ guio₃, jaun₂ 'éi₂ bá₄ ca₂chei₃.

³⁰ Jaun₂ ně₃, jme₁'nio₃ dsa₂ jme₁tsáun'₂; la₁ lia'₂ 'i₁jan₂ tsá₃ ca₂téi₂ gu₂, ia₁ tsá₃ jme₁ma₂tě₂ bá₄ guě₄ hora quió'₅.

³¹ La₁ia₁ juin₅ dsa₂ 'éi₂ ca₂rē₃'én₂ jág₁ quió'₅, jaun₂ juá'₂:

—Jë₁ma₂të₂ rë₁jiá₃ I₂rë₂'ín₁ quián₅ Diú₄, ¿O₃ bá₄ le₃qui'₅₄ jmig₄ jmo₃ léi₄ a₂juë'₂ guë₄ lia'₂ con'₂ guë₄ a₂jmo₅ i₂në₅?*

Ca₂chen₃ dsa₂ fariseos chi'₂ 'i'₅₄ quián₅ guá'₅ a₂tsáin'₂ Jesús

³² Ca₂nág₂ bá₄ dsa₂ fariseos jág₁ a₂ca₂juá'₂ dsa₂ a₂'iin₂₃ Jesús; jaun₂ dsa₂ fariseos 'éi₂ quiaín'₅₄ juig₅₄ jme₂dsa₂, ca₂chein₃ chi'₂ 'i'₅₄ quián₅ guá'₅ a₂tsáin'₂ Jesús jaun₂ të₂. ³³ Jaun₂ në₃ ca₂juá'₂ Jesús:

—Me'₂ bá₄ jmig₄ 'ú₄ jniá₂ jin'₂ 'nia'₂, jaun₂ guë₄ nég'₄ táng₃ ja₁con₂ i₂ca₂chei₃. ³⁴ 'Nau'₅₄ 'nia'₂ jniá₂ i₁nioig'₄, la₁ia₁ tsá₃ dsiog'₂ 'nia'₂; ia₁ tsá₃ lé₂ o₁nó'₅ 'nia'₂ ja₁nég'₄.

³⁵ Jaun₂ në₃, ca₂jme₃lióg₃ dsa₂ judíos qui₂ca₂ñí'₃ riin'₅₄:

—¿A₂já'₄ dsi₂jioig₅ dsí₅ i₂në₅ dsó₃, a₂tsá₃ dsiain'₂ jnioig₄? ¿On₃ bá₄ dsó₃ jin₄ dsa₂ go₄ jnioig₄ i₂tián'₅ tsi₁rë₂jan₅₄ jin₄ dsa₂ griegos, ia₁jaun₂ jme₃tiin₂₃ dsa₂ griegos? ³⁶ ¿'E₂ jein₅ jág₁ a₂në₂juá'₂ në₅: “'Nau'₅₄ 'nia'₂ jniá₂ i₁nioig'₄, la₁ia₁ tsá₃ dsiog'₂ 'nia'₂, ia₁ tsá₃ lé₂ o₁nó'₅ 'nia'₂ ja₁nég'₄?”

Jui₁lia'₂ caun₂ jmig₂ cuá₃ jén'₃

³⁷ Jm₁ig₄ juë'₂ dé₄ dsón'₂ jë₁ca₂tó'₂ quió'₅ jmig₄, ca₂nau₂ Jesús, jaun₂ ca₂juá'₂ tiá₂:

—Në₁juá'₂ 'ein₂ rë₂quein₂ dsí₅, jui₁lia₂ ja₁con₂ jniá₂, jui₁'en'₅₄ jmig₂. ³⁸ Jui₁lia'₂ juá'₂ Si₂, jui₁lia'₂ dsa₂ i₂'én₂ të₂le₃ quió₃ jniá₂, 'iá₃ të₂tsí₅ në₂jag₄ bá₄ jmig₂ cuá₃ a₂jén'₃.†

³⁹ La₁ a₂juá'₂ le₂në₅ a₂'iin₂₃ Jme₂dsí₂ Jñió₅ i₂jme₁ma₂'i₄ 'éi'₃ guen₃ dsa₂ i₂'én₂ të₂le₃ quió'₅; ia₁ tsá₃ jme₁ma₂guan₅ bá₄ guë₄ Jme₂dsí₂, ia₁ tsá₃ guë₄ jme₁ma₂ca₂rë₃juin'₂ Jesús.

Ca₂lë₃ le₁dson'₅₄ dsa₂

⁴⁰ I₂lin₅₄ dsa₂ i₂jme₁tion'₅₄ ja₁jaun₂, jme₁ca₂nág₂ a₂juá'₂ Jesús, ca₂juá'₂:

—Dsón'₂ bá₄ i₂në₅ dsa₂ i₂'é₂ jág₁ quián₅ Diú₄ i₂lé₅ jág₁ jiá₃ 'éi₂.

⁴¹ I₂lin₅₄ guë'₂ juá'₂:

—I₂rë₂'ín₁ quián₅ Diú₄ bá₄ në₅.

La₁ia₁ i₂sián'₂ guë'₂ ca₂juá'₂:

—¿'A₂ bá₄ lia'₂ lé₂ le₃chan₂ Galilea I₂rë₂'ín₁ quián₅ Diú₄? ⁴² ¿Tsa₁ juá'₂ Si₂, tsi₁jon₂ Rag₅₄ David bá₄ tion₅₄ lén₂ I₂rë₂'ín₁ quián₅ Diú₄, jaun₂ jë₄ juig₂ Belén bá₄ le₃chain₂, juig₂ go₄ David 'ñiog₅?

⁴³ Jaun₂ në₃, le₁dson'₅₄ bá₄ dsa₂ ca₂lë₃ o₄quió'₄ Jesús.

⁴⁴ Jme₁'nio₃ i₂lin₅₄ tsáun'₂, la₁ ca₂lia'₂ 'i₁jan₂ tsá₃ 'ein₂ ca₂téi₂ gu₂.

Tsá₃ 'én₂ dsa₂ can'₅₄ të₂le₃ quió'₅ Jesús

⁴⁵ Jaun₂ ca₂dsi₃len₃ táng₃ chi'₂ 'i'₅₄ quián₅ guá'₅ ja₁jme₁tion'₅₄ juig₅₄ jme₂dsa₂ quian'₅₄ dsa₂ fariseos, jaun₂ ca₂ñag₃ 'éi₂ ca₂ñí'₃ chi'₂ 'i'₅₄:

—¿'E₂ 'uig₅₄ tsá₃ në₂te'₅₄ 'nia'₂ 'éi₂?

⁴⁶ Jaun₂ ca₂ñag₃ chi'₂ 'i'₅₄:

—iLia'₂ 'i₁cón'₂ tsá₃ 'ein₂ dsa₂ ma₂juá'₂ jág₁ jui₁lia'₂ juá'₂ dsa₂ 'éi₂!

⁴⁷ Jaun₂ në₃ ca₂juá'₂ dsa₂ fariseos:

—¿O₃ bá₄ ma₂jme₃gau₅ dsa₂ 'éi₂ quián'₂ 'nia'₂ já₃? ⁴⁸ 'I₁jan₂ dsa₂ can'₅₄ juig₅₄ jnioig₄, on₃ guë'₂ dsa₂ fariseos, tsá₃ ma₂ca₂rë₃ 'én₂ le₃quió'₅ 'éi₂, jme₁né₄. ⁴⁹ La₁ dsa₂ lë₁dsa₂ i₂tion'₅₄ në₅, tsá₃ cuí'₅ Si₂ 'Éi'₃. Ma₂tioin'₅₄ ne₄ jmi₁uig₅ a₂ma₂rë₂'ë₂ ja₁coin₂.‡

⁵⁰ Jin₄ dsa₂ fariseos 'éi₂ jme₁'en₅₄ Nicodemo, i₂jme₁ma₂ñe₄ i₁jin₅₄ Jesús le₂jñiá₅. § 'Éi₂ në₃ ca₂ñag₃:

⁵¹ —Jui₁lia'₂ con'₂ lë₅ juá'₂ Si₂ 'Éi'₃ quián₂, ¿lé₂ le₃qui₁dsi₅ 'éi'₃ ja₁con₂ jan₂ dsa₂, të₃ tsá₃ ma₂në₂néi₂ jág₁ quió'₅, a₂juá'₂ 'e₂ a₂ma₂jmo₃?

* **7:31** 'Nio'₂ ja₁ton₅ Isaías 35:5-6. † **7:38** 'Nio'₂ ja₁ton₅ Isaías 44:3; 55:1. ‡ **7:49** 'Nio'₂ ja₁ton₅ Deuteronomio 27:14-26.

§ **7:50** A₂lin₅₄ chog₅₄ si₂ juá'₂: “i₁jin₅₄ Jesús a₂'uë₂ jaun₂.”

52 Jaun₂ ně₃ ca₂ŋag₃ riin'₅₄:

—ǂján₃ bá₄ lín'₅ 'ne₂ jan₂ dsa₂ i₂chan₂ Galilea? 'Í₂ dse₃ ne₄ Si₂, jaun₂ jag'₅₄, lia'₂ 'i₁jan₂ dsa₂ i₂'ě₂ jág₁ quián₅ Diú₄ tsá₃ já₅ 'uě₃ Galilea.*

53 Jaun₂ guě₄ i₃len₃ le₂jan₂ le₂jan₂ dsa₂ ja₁quió'₄.

8

Jan₂ 'io₅₄ i₂ca₂tán'₂ dso₄

1 La₁ ca₂ŋó₃ bá₄ Jesús jui₅ Má'₂ Olivos. 2 Jme₁jnia₃ jaun₂ táng₃, ca₂guáin'₃ i₁dsi₅ guá'₅ templo. Ja₁jaun₂ ca₂jme₃quián₃ ca₂le₃jín₃ dsa₂. Jaun₂ ca₂guá'₂ Jesús, jaun₂ ca₂jme₃lióg₃ jme₂tšin₂₃ dsa₂. 3 Jaun₂ ně₃, ca₂o₃jnia₃ tē₅juá'₅ quian'₅₄ dsa₂ fairseos ca₂o₃jnia₃ jan₂ 'io₅₄ i₂ca₂join₃ jme₁'ein₅₄ quian'₅₄ dsa₂ ŋe'₂. Jaun₂ ca₂chei'₃ dsi₂jo₂ jě₄ quió'₅ dsa₂ i₂tion'₅₄ ja₁jaun₂.

4 Jaun₂ ca₂juá'₂ ca₂tsí'₃ Jesús:

—Tě₅, ca₂jón₂ 'io₅₄ la₂ nió'₅ jág₁ quian'₅₄ dsa₂ ŋe'₂ on₃jua'₅₄ dsi₂i₂gu₂. 5 Ně₃ ně₃, ne₄ Si₂ 'Éi'₃, juá'₂ Moisés a₂ŋj'₄ jnia'₅₄ jan₂ 'io₅₄ le₂la₂, a₂qui₁dsin₅ jnia'₅₄ cang₄. ǂ'Ne₂ guě'₂, 'a₂ lia'₂ juá'₂?

6 Ca₂juá'₂ dsa₂ le₂ně₅ ia₁ a₂cáin₂ táu₂ Jesús, ia₁jaun₂ cuin₃ jmíg₄ bóg'₂ dso₄. La₁ ca₂guá'₂ Jesús i₁sióg'₅ 'uě₃, jaun₂ ca₂jme₃lióg₃ ca₂jmóg'₃ letras ne₄ 'uě₃ quian'₅₄ nei'₅₄ chi₁gú₃.

7 La₁ caun₂ tioin'₅₄ qui₂ŋag₂₃ qui₂ŋj'₂ Jesús, jaun₂ ca₂nau₂, ca₂juá'₂ ca₂tsí'₃ dsa₂:

—Chi₂jua'₂ 'ein₂ jan₂ 'nia'₂ i₂tsá₃ dso₄ rě₂cán'₄, o₁tiong₅₄ le₂'uig₅₄ ca₂míg₂ ni₁cang₁ jui₁qui'₅₄ quió'₅ 'io₅₄.

8 Jaun₂ ca₂guá'₂ táng₃ i₁sióg'₅ 'uě₃, jmóg'₅ letras a₂tsáng₂ 'uě₃.

9 La₁ jme₁ca₂nág₂ dsa₂ jág₁ a₂ca₂juá'₂ Jesús,* jaun₂ ca₂jme₃lióg₃ qui₂ca₂'uin₂ bá₄ le₂jain₂ le₂jain₂, jniá'₅ de'₂ dsa₂ i₂ma₂guen'₂ ca₂'uin₂ ne₄ jui₅. Jaun₂ jme₁ma₂ca₂'uin₂ ca₂le₃jín₃ dsa₂, 'ŋiog₅ bá₄ Jesús tē₁tsiin'₅₄ quiain'₅₄ 'io₅₄ 'éi₂, i₂chén'₅ dsi₂jo₂ jaun₂.

10 Jaun₂ ně₃ ca₂nau₂ Jesús,† jaun₂ ca₂juá'₂ ca₂tsí'₃ 'io₅₄:

—'Io₅₄, ǂna₅ dsa₂?‡ ǂTsa₁ 'ein₂ ně₂'ě₂ uig₅?

11 Jaun₂ ca₂juá'₂ 'io₅₄:

—Jan₂'ón₄. Lia'₂ 'i₁jan₂ dsa₂, Te₁gui'₅₄.

Jaun₂ ně₃ ca₂juá'₂ Jesús:

—On₃ guě'₂ jniá'₂ 'ě₄ uig₅ quiáng'₂; guan'₂ ně₃, la₁ tsá₃ ma₃lě₁'nau₂ dso₄.

Lín₅ Jesús si₂ a₂tág₅ quió'₅ dsa₂ mi₂güí₃

12 Ca₂juá'₂ táng₃ Jesús tsí'₅ dsa₂, a₂juá'₂:

—Jniá'₂ líng₅ si₂ i₂jmo₅ tág₅ jui₅ quió'₅ dsa₂ mi₂güí₃; jui₁lia'₂ i₂'ein₅ jniá'₂, lia'₂ o₁líg'₂ tsá₃ ma₃ŋj'₃ jě₄ qui₁né'₃, ton'₂ qui₃'io₃ si₂ a₂jmo₅ a₂chain₂.

13 Jaun₂ ně₃ ca₂juá'₂ dsa₂ fariseos ca₂tsí'₃ Jesús:

—'Ne₂ jáng'₂ jág₁ dsau₅ tē₂le₃ quián'₂ 'ŋiag'₂; 'uig₅₄ jaun₂ tsá₃ quen₅ jág₁ quiáng'₂ a₂jáng'₂.

14 Jaun₂ ca₂ŋag₃ Jesús ca₂tsí'₃ dsa₂:

—Jui₁lia'₂ a₂juá'₅ jniá'₂, quen₅ bá₄, o₁jnia'₅₄ 'ŋió₃ jniá'₂ jáng'₅ jág₁ dsau₅ tē₂le₃ quió'₃ 'ŋió₃. Ia₁ guion₄ bá₄ jniá'₂ a₂já'₄ guio₃, a₂já'₄ nég'₄ ně₃; la₁ia₁ 'nia'₂ ně₃, tsá₃ ŋi'₅₄ 'nia'₂ a₂já'₄ guio₃, on₃ guě'₂ a₂já'₄ nég'₄. 15 'Nia'₂ guě'₂ cáun'₂ 'í₁ lia'₂ con'₂ lě₅ 'éi'₃ quió'₅ dsa₂ mi₂güí₃. Jniá'₂ ně₃ tsá₃ 'í₁ cáun₅ jniá'₂ jua'₅₄ a₂qui₂dsí₂ 'éi'₃ ja₁con₂ 'i₁jan₂. 16 La₁ia₁ chi₂jua'₂ cáun₅ jniá'₂ 'í₁, dse₃ dsi₂ten₅₄ bá₄ 'éi'₃ a₂qui₂dsí₂ jniá'₂, ia₁ on₃jua'₅₄ jniá'₂ 'ŋió₃ cáun₅ 'í₁; qui₂dsí₂ jniá'₂ 'éi'₃ co₂lě₅ quiang'₅₄ i₂ca₂chei₃ bá₄. 17 Ján₃ bá₄ ca₂tě₂ ne₄ Si₂ 'Éi'₃ quián'₂ 'nia'₂, rě₂ton₅ juá'₂, ně₁jua'₂

* 7:52 Ne₄ chog₅₄ si₂ a₂gui'₅₄ guě₄, tsá₃ le₁ton₅ Juan 7:53–8:11. * 8:9 A₂lin₅₄ chog₅₄ si₂ juá'₂ ján₃: “ca₂jéin'₃ o₂guí'₃ ia₁ rě₂cán'₄ dso₄ guioin₅₄.” † 8:10 A₂lin₅₄ chog₅₄ si₂ juá'₂ ján₃: “ia₁ tsá₃ ca₂jág₃ jua'₅₄ tión₂ guě₄ i₂sián'₂, jnia'₅₄ lia'₂ 'io₅₄ 'éi₂.” ‡ 8:10 A₂lin₅₄ chog₅₄ si₂ juá'₂ ján₃: “i₂'nag₅ quiáng'₂.”

on₃ dsa₂ lě₂ i₂jáng'₅ jág₁ dsau₅, a₂quen₅ bá₄ jág₁ quió'₅, ¹⁸ Jniá'₂ líng₅ i₂jáng'₅ jág₁ dsau₅ tē₂le₃ quió'₃ 'ñi₃; Ñe'₃ jniá'₂ i₂ca₂chei₃ guē'₂, lín₅ táng₃ jan₂ i₂jáng'₅ jág₁ dsau₅.

¹⁹ Jaun₂ ně₃ ca₂ñag₃ dsa₂ fariseos ca₂ñí'₃ Jesús:

—¿Na₅ ñéi'₅ 'ne₂?

Jaun₂ ca₂ñag₃ Jesús:

—Tsá₃ cui_g'₂ 'nia'₂ jniá'₂, on₃ guē'₂ Ñe'₃ jniá'₂ cui_n'₂ 'nia'₂; jua'₅₄ mei'₂ guē₃ cui_g'₂ 'nia'₂ jniá'₂, já_{n3} bá₄ jme₁le₃cui_n'₂ 'nia'₂ Ñe'₃.

²⁰ Ca₂juá'₂ Jesús le₂ně₅ tē₂lia'₂ jme₁ein₅₄ jme₂tñin₂₃ dsa₂ i₁dsi₅ guá'₅ templo, cau₅ ja₁jme₁tíong₂ tsi₁gu₅ quió'₅ cu₄ guá'₅. La₁ia₁, lia'₂ 'i₁jan₂ tsá₃ 'ein₂ ca₂ñau₃, ia₁ tsá₃ jme₁ma₂tē₂ bá₄ guē₄ hora quió'₅.

“Ju₁lia'₂ ja₁né'₄ jniá'₂, tsá₃ lé₂ o₁no'₅ 'nia'₂”

²¹ Con'₂ siá'₂ táng₃ ca₂juá'₂ Jesús ca₂tsí'₃ dsa₂:

—Né'₄ jniá'₂; jaun₂ 'nia'₂ guē'₂, 'náu'₂ jniá'₂ i₁niog'₄, la₁ia₁ dsián'₃ 'nia'₂ tē₃ rē₂cán'₄ 'nia'₂ dsáu'₂; ja₁né'₄ jniá'₂, tsá₃ lé₂ o₁no'₅ 'nia'₂.

²² Jaun₂ ně₃ ca₂juá'₂ dsa₂ judíos:

—¿O₃ bá₄ a₂ñí'₃ 'e₂ 'ñiog₅, jaun₂ guē'₂ juá'₂ tsá₃ lé₂ dsi₁náu₄ jniog'₄ ja₁dsáin'₃?

²³ Jaun₂ ca₂juá'₂ Jesús:

—Dsa₂ chan₂ gua'₅₄ 'uē₃ la₂ bá₄ lín'₅ 'nia'₂; jniá'₂ ně₃, líng₅ i₂chan₂ guei'₅₄. Dsa₂ i₂tén₅ mi₂güig₃ la₂ bá₄ lín'₅ 'nia'₂; jniá'₂ ně₃ tsá₃ téng₅ mi₂güig₃ la₂. ²⁴ 'Uig₅₄ jaun₂ bá₄ ně₂juig₂ jniá'₂ 'nia'₂ a₂dsiáng'₃ tē₃ rē₂cáng'₄ jaun₂ dsáu'₂. Ia₁ chi₂jua'₂ tsá₃ 'én'₂ 'nia'₂, jniá'₂ bá₄ líng₅ 'éi₂, S dsiáng'₃ 'nia'₂ qui₂rē₂cáng'₄ dsáu'₂.

²⁵ Jaun₂ ně₃ ca₂ñag₃ dsa₂ judíos ca₂ñí'₃ Jesús:

—¿'Ein₂ bá₄ lín'₅ 'ne₂?

Jaun₂ ca₂ñag₃ Jesús:

—Le₂jaun₂ jui₁lia'₂ ma₂qui₂ma₂juig₂ jniá'₂ 'nia'₂ ca₃le₂'uig₅₄. * ²⁶ 'Lióng₂ bá₄ 'uig₅₄ cha₂ a₂le₃juá'₄ jniá'₂ a₂qui₁dsi₅ jniá'₂ 'éi'₃ ja₁con'₂ 'nia'₂. La₁ tí₅ bá₄ jág₁ quió'₅ i₂ca₂chei₃. Jaun₂ jniá'₂ ně₃, jág₁ a₂ma₂nag₃ ja₁coin₂, a₂jaun₂ bá₄ juig₂ jniá'₂ dsa₂ mi₂güig₃.

²⁷ La₁ tsá₃ ca₂rē₃ñí'₂ dsa₂, a₂jme₁juá'₂ Jesús tsí'₅ dsa₂ 'éi₂, a₂'iñ₂₃ Jmei₂.

²⁸ 'Uig₅₄ jaun₂ ca₂juá'₂ Jesús:

—Jē₁ma₂tē₂ rē₁chóng'₄ 'nia'₂ Jaun₅ dsa₂ mi₂güig₃, jaun₂ guē₄ le₃ñi'₅₄ 'nia'₂ a₂lín₅ jniá'₂ 'éi₂; † le₃ñi'₅₄ 'nia'₂, a₂tsá₃ jmo₅ jniá'₂ 'i₁caun₂ tē₂le₃ o₄quió'₃ 'ñio₃, jña'₅₄ lia'₂ a₂jaun₂ bá₄ juá'₅ jniá'₂ jui₁lia'₂ a₂ma₂ca₂jme₃tag₅ Ñe'₃. ²⁹ Ia₁ i₂ca₂chei₃ 'ein₅₄ quian'₅₄ jniá'₂, tsá₃ jua'₅₄ ma₂téin₂ jniá'₂ 'ñi₃, ia₁ lia'₂ co₂tan₅₄ bá₄ jmo₅ jniá'₂ a₂'ñio₂ dsi₅ 'éi₂.

³⁰ Lia'₂ jme₁juá'₂ Jesús jág₁ ně₅, juñ₅ lín₃ dsa₂ ca₂rē₃'én₂ le₃quió'₅.

Chi'₂-guein₂ quián₅ Diú₄, quian'₅₄ dsa₂ i₂qui₂le₁'ñe'₅₄ 'uig₅₄ dsáu₁

³¹ Jaun₂ ně₃ ca₂juá'₂ Jesús ca₂tsí'₃ dsa₂ judíos i₂ca₂rē₃'én₂ le₃quió'₅:

—Nē₁jua'₂ tē₁'ñiá'₄ 'nia'₂ le₃quió'₅ jág₁ quió'₃, dsón'₂ bá₄ lín'₅ 'nia'₂ dsa₂ i₂quian'₅₄ jniá'₂; ³² jaun₂ le₃cui_n'₂ 'nia'₂ jág₁ dsau₅, jaun₂ jág₁ dsau₅ ně₃, jmo₃ qui₃chen'₂ 'nia'₂.

³³ Jaun₂ ca₂ñag₃ dsa₂ 'éi₂ ca₂tsí'₃ Jesús:

—Lág₅ jnia'₅₄ dsa₂ tsi₁jon₂ Abraham, jaun₂ lia'₂ 'i₁cón'₂ tsá₃ ma₂lag₃ jnia'₅₄ dsa₂ i₂le₁'ñe'₅₄ ne₄ 'i₁jan₂. ¿'A₂ guē'₂ lia'₂ juá'₂ 'ne₂ jaun₂ a₂qui₃chei'₂ jnia'₅₄?

³⁴ Jaun₂ ca₂juá'₂ Jesús:

—A₂dsi₂jó'₃ juig₂ jniá'₂ 'nia'₂, jui₁lia'₂ ca₂le₃jín₃ dsa₂ i₂'no₅ dso₄, qui₂le₁'ñe'₅₄ ne₄ dsáu₁. ³⁵ Jui₁lia'₂ jan₂ dsa₂ i₂chi₁'ñe'₅₄ ně₃, tsá₃ jua'₅₄ tē₃'ñiá'₄ co₂tan₅₄ dsi₂néi₂ quió'₅ juig₅₄; la₁ia₁ chi'₂ ja₁ñi'₅₄ ně₃, co₂tan₅₄ bá₄ téin₅ dsi₂néi₂ jaun₂. ³⁶ Jaun₂ ně₃, chi₂jua'₂ ca₂chéi'₂ Ja₁ñi'₅₄

§ 8:24 o₃, “jniá'₂ bá₄ líng₅.” * 8:25 o₃, “¿'E₂ jaun₂ ma₂qui₂ma₂juig₂ jniá'₂ 'nia'₂ ca₃le₂'uig₅₄?” † 8:28 o₃, “le₃ñi'₅₄ 'nia'₂, jniá'₂ líng₅.”

ca₂chéin'₂ 'nia'₂, jaun₂ bá₄ lén'₂ 'nia'₂ dsa₂ i₂le₁tsin'₁ tē₃dsón'₂. ³⁷ Ma₂guion₄ bá₄ jniá₂ jaun₂ a₂lín'₅ 'nia'₂ tsi₁jon₂ Abraham; la₁ia₁ 'niog'₂ 'nia'₂ jnág'₄ jniá₂, ia₁ a₂tsá₃ guei'₂ 'nia'₂ 'e₂ a₂juá'₅ jniá₂. ³⁸ Jniá₂ ně₃ juá'₅ juíg'₂ 'nia'₂ ju₁lia'₂ 'e₂ a₂ma₂jág₃ ja₁con₂ Ne'₃; 'nia'₂ ně₃, jmo'₂ 'e₂ a₂ma₂nei'₂ 'nia'₂ ja₁con₂ nēi'₅.

³⁹ Jaun₂ ca₂ηag₃ dsa₂ 'éi₂ ca₂tsí'₃ Jesús:

—Abraham bá₄ jme₁lín₄ jmei₂ jnia'₅₄ ma₂líg'₂.

La₁ ca₂juá'₂ Jesús ca₂tsí'₃ dsa₂ 'éi₂:

—Jua'₅₄ mei'₂ guě₃ lín'₅ 'nia'₂ chi'₂-guein₂ quián₅ Abraham, jaun₂ jme₁jmo'₂ 'nia'₂ ju₁lia'₂ a₂ca₂jmo₃ 'éi₂. ⁴⁰ La₁ia₁ 'nia'₂ ně₃ 'niog'₂ jnág'₄ jniá₂, o₁jñia'₅₄ ma₂ně₂juíg'₂ jniá₂ 'nia'₂ jág₁ tí₅ tē₃dsón'₂ a₂ma₂ca₂jme₃tag₅ Diú₄ jniá₂. Tsá₃ le₂ně₅ ca₂jmo₃ Abraham. ⁴¹ 'Nia'₂ ně₃, le₂jaun₂ bá₄ jmo'₂ ju₁lia'₂ jmo₅ nēi'₅.

Jaun₂ ně₃ ca₂juá'₂ dsa₂ 'éi₂:

—La₁ on₃jua'₅₄ jnia'₅₄ lág₅ guein₂ i₂lě₁chan₂; jan₂ bá₄ jmei₂ jnia'₅₄ chan₂; i₂'éi₂ lín'₅ Diú₄.

⁴² Jaun₂ ně₃ ca₂juá'₂ Jesús:

—Jua'₅₄ mei'₂ guě₃ tē₃dsón'₂ Diú₄ lín'₅ nēi'₅ 'nia'₂, jme₁jme₁'nió'₄ bá₄ 'nia'₂ jniá₂, ia₁ ja₁con₂ Diú₄ bá₄ 'uín'₂ jniá₂; jaun₂ la₂ ma₂guio₃. On₃jua'₅₄ o₄quió₃ 'nió₃ guio₃; o₄quió'₄ i₂ca₂chei₃ bá₄ jniá₂ guio₃. ⁴³ ¿'E₂ lě₃ tsá₃ lě₂ le₂ñí'₂ 'nia'₂ jág₁ a₂juá'₅ jniá₂? 'Uig'₅₄ ia₁ a₂tsá₃ tian'₃ 'nia'₂ nág'₁ jág₁ a₂'ě₅ jniá₂. ⁴⁴ 'Nia'₂ bá₄ rě'₂ tēng'₅ le₃quió'₅ i₂sě₃dsen₃ nēi'₅ 'nia'₂. Jaun₂ 'ín'₅ 'au'₂ jmo'₂ 'e₂ a₂'ñio₂ dsí₅ 'éi₂. Lia'₂ con'₂ le₂'uig'₅₄ bá₄ jaun₂ lín'₅ jan₂ i₂jme₂dsian₅ dsa₂. Tsá₃ le₃quió'₅ jág₁ dsau₅ chéin'₅, ia₁ 'i₁ca₂míg'₂ jág₁ dsau₅ tsá₃ cha₂ ja₁coin₂. Jě₁ma₂ca₂juá'₂ jág₁ tē₂jág₁, juá'₂ bá₄ ju₁lia'₂ tñin₂ 'ñiog₅, ia₁ i₂tě₂jñin₁ bá₄ 'éi₂, jaun₂ lín'₅ jmei₂ dsa₂ tē₂jñin₁. ⁴⁵ La₁ia₁, 'uig'₅₄ ia₁ a₂juá'₅ jniá₂ jág₁ dsau₅ ně₃, tsá₃ 'éng'₂ jág₁ quió₃. ⁴⁶ ¿I₂'ein₂ 'nia'₂ qui'₅₄ jmig₄ cáun₂ 'í₁ a₂ñin₂ jniá₂ dso₄? Chi₂jua'₂ juá'₅ jniá₂ jág₁ dsau₅, ¿'E₂ lě₃ tsá₃ 'én'₂ 'nia'₂ jág₁ quió₃? ⁴⁷ Ju₁lia'₂ i₂tén₅ le₃quió'₅ Diú₄, nag₂₃ jág₁ quió'₅ Diú₄. 'Uig'₅₄ jaun₂ bá₄ tsá₃ nag'₂ 'nia'₂ jág₁: ia₁ tsá₃ tén'₅ 'nia'₂ le₃quió'₅ Diú₄.

Ně₃ guě₄ a₂le₃chan₂ Abraham, jme₁ma₂chan₂ bá₄ Te₁gui'₅₄

⁴⁸ Jaun₂ ně₃ ca₂ηag₃ dsa₂ judíos ca₂ñí'₃ Jesús:

—¿Tsa₁ dsau₅ jág₁ a₂jua'₂ jnia'₅₄, dsa₂ chan₂ Samaria bá₄ lín'₅ 'ne₂; a₂'en₅₄ jan₂ je₂na'₅₄ tē₂'au'₂ ně₃?

⁴⁹ Jaun₂ ca₂ηag₃ Jesús:

—Lia'₂ 'i₁jan₂ je₂na'₅₄ tsá₃ 'en₅₄ tē₂dsí₃. A₂jaun₂ bá₄ jmo₅ jniá₂ a₂jme₂juín'₁ jniá₂ Ne'₃; 'nia'₂ guě'₂, tsá₃ jme₂go'₃ jniá₂. ⁵⁰ Tsá₃ a₂jaun₂ 'náu'₅ jniá₂ a₂jme₃juag'₂ dsa₂, la₁ chan₂ jan₂ i₂'no'₂ a₂jme₃juag'₂ dsa₂ jniá₂, ton'₂ 'éi₂ bá₄ con₂ jág₁ dsau₅. ⁵¹ A₂dsi₂jó'₃ juíg'₂ jniá₂ 'nia'₂, chi₂jua'₂ 'ein₂ dsa₂ i₂tón'₂ ju₁ jág₁ quió₃, lia'₂ o₁líg'₂ jmig₄ tsá₃ dsí₃ñi₅₄ 'mú₃.

⁵² Jaun₂ ně₃ ca₂ηag₃ dsa₂ judíos:

—Ně₃ guě₄ dsón'₂ jag₂ jnia'₅₄ a₂'en₅₄ jan₂ je₂na'₅₄ tē₂'au'₂. Ia₁ ma₂ca₂jon₃ Abraham lia'₂ jma₃quian'₅₄ dsa₂ i₂qui₂ca₂'ě₂ jág₁ quián₅ Diú₄; 'ne₂ guě'₂ juá'₂: “Ju₁lia'₂ i₂tón'₂ ju₁ jág₁ quió₃, tsá₃ líg'₂ dsí₃ñi₅₄ 'mú₃.” ⁵³ ¿O₃ bá₄ 'ñio₅ lín₃ guě₄ ju₁n'₂ 'ne₂ lia'₂ con'₂ guě₄ Abraham 'lag₄ jmei₂ jnia'₅₄? Ca₂jon₃ bá₄ 'éi₂, ján₃ bá₄ le₂jaun₂ qui₂ca₂dsan₃ dsa₂ i₂jme₁'ě₂ jág₁ quián₅ Diú₄. ¿'Ein₂ lín'₂ 'ne₂ lín'₅?

⁵⁴ Jaun₂ ca₂ηag₃ Jesús:

—Chi₂jua'₂ 'ñi₃ jniá₂ jme₂juíng'₂, tsá₃ 'e₂ quen₅ a₂jaun₂. La₁ia₁ ju₁lia'₂ i₂jme₂juag'₂ jniá₂, Ne'₃ bá₄ jniá₂ 'éi₂, i₂'ín'₅ 'nia'₂ lín'₅ Diú₄ quiáng'₂. ⁵⁵ O₁jñia'₅₄ tsá₃ cuín'₂ 'nia'₂ 'éi₂, la₁ cuín₅ bá₄ jniá₂ 'éi₂. Jua'₅₄ mei'₂ guě₃ juá'₅ jniá₂ a₂tsá₃ cuín₅, jme₁lén₂ jniá₂ jan₂ i₂tě₂jñin₁ ju₁lia'₂ lín'₅ 'nia'₂. La₁ia₁ dsón'₂ bá₄ cuín₅ jniá₂ 'éi₂, jaun₂ tón'₅ bá₄ jniá₂ ju₁ jág₁ quió₃. ⁵⁶ Ca₂jmo₃ 'io'₂

Abraham, 'lag₄ ηέí' ₅ 'nia' ₂, ia₁ jme₁ 'ín₂ dsi₅ jág₃ jmig₄ i₁guan₃ jniá₂; jaun₂ ca₂jág₃, jaun₂ 'ηio₅ lin₃ 'io' ₂ ca₂jén' ₃.

⁵⁷ Jaun₂ ně₃ ca₂juá' ₂ dsa₂ judíos ca₂tsí' ₃ Jesús:

—Tsá₃ ma₂'eng' ₅₄ bá₄ guě₄ tē₂láu₃-guiá₂ ηi₂. ¿'A₂ guě' ₂ lia' ₂ juá' ₂ 'ne₂ a₂ma₂jing' ₅₄ 'lag₄ Abraham?

⁵⁸ Jaun₂ ca₂ηag₃ Jesús:

—A₂dsi₂jó' ₃ juig₂ jniá₂ 'nia' ₂, né' ₃ guě₄ a₂le₃chan₂ Abraham, jniá₂ líng₅.[‡]

⁵⁹ Jaun₂ ně₃ qui₂ca₂jha' ₃ cang₄ a₂jme₁qui' ₃ quió' ₅. La₁ ca₂'ma₃ bá₄ Jesús, jaun₂ o₂'iin₃ i₁dsi₅ guá' ₅ templo. §

9

Ca₂jme₃'lión₂ Jesús jan₂ dsa₂ i₂ten₄ ca₂rě₃chán₃

¹ Jme₁ca₂ηi₅ jaun₂, ca₂jín₂ jan₂ dsa₂ i₂ten₄ ca₂rě₃chán₃. ² Jaun₂ ca₂ηag₃ chi' ₂ dsi₂guia₃-tín₂ quiáin₅:

—Tē₅, ¿'ein₂ bá₄ ca₂'náu₂ dso₄? ¿Dsa₂ la₂, o₃ chog₅₄-jmei₂ 'e₂, a₂ca₂rě₃chán₃ tein₅₄?

³ Jaun₂ ca₂juá' ₂ Jesús:

—On₃jua' ₅₄ 'uig₅₄ dsáu₂ 'ηiog₅, on₃ guě' ₂ 'uig₅₄ dsáu₁ chog₅₄-jmei₂; a₂jaun₂ bá₄ ca₂lě₃ ia₁jaun₂ le₃jniá₂ juí₅bí₂ quió' ₅ Diú₄ ja₁coin₂. ⁴ Ca₂tág₂ jniog₄ jmó₁ ta₁* quió' ₅ i₂ca₂chei₃ jniá₂ tē₁lia' ₂ jniá₂ guě₄; ia₁ ma₂ja₂quián₃ néi₃, jē₁tsá₃ ma₃'ein₂ lé₂ le₃jmo₃ ta₁. ⁵ Tē₁lia' ₂ 'en₅₄ jniá₂ mi₂güig₃ la₂, líng₅ si₂ a₂tág₅ ja₁con₂ dsa₂ mi₂güig₃.

⁶ Jme₁ca₂dsan₃ juá' ₂ le₂ně₅, jaun₂ ca₂'ηéi₃ 'uě₃, ca₂jmo₃ ca₂juig₄ jein₂ quian' ₅₄ jmi₁'ě' ₅ quió' ₅, jaun₂ ca₂tsáng₂ jme₁ne₁ dsa₂ten₄. ⁷ Jaun₂ ca₂juá' ₂ ca₂tsí' ₃ dsa₂ 'éi₂:

—Gua₂ o₂rang₂ quiáng' ₂ Dsiog₅ Siloé —co₂'nió' ₄ le₃jua' ₅₄ jág₁, I₂chen₄, a₂chei₂ dsiog₅ jaun₂.

Jaun₂ ca₂ηó₃ i₁rang₂ quió' ₅, jaun₂ jme₁guáin' ₃ táng₃ jaun₂, ma₂jág₅ bá₄.

⁸ Jaun₂ qui₂ca₂ηag₃ dsa₂ i₂tián' ₅ cau₅ quió' ₅, quian' ₅₄ dsa₂ i₂jme₁ma₂ca₂jág₂ mi₅ 'éi₂ cu₄ le₂jniá₅, ca₂juá' ₂:

—¿On₁jua' ₅₄ dsa₂ ně₅ 'éi₂ i₂jme₁gua₂ mi₅ a₂jme₃'o₅₄ dsa₂ cu₄?

⁹ I₂lin₅₄ juá' ₂:

—'Éi₂ bá₄ ně₅,

I₂sián' ₂ guě' ₂ juá' ₂:

—On₃jua' ₅₄ 'éi₂ ně₅, la₁ia₁ mei' ₂ tsá₃ le₂jaun₂ jniái₂.

La₁ ca₂juá' ₂ dsa₂ 'éi₂ 'ηiog₅:

—Jniá₂ bá₄ 'éi₂.

¹⁰ Jaun₂ ně₃ ca₂ηag₃ dsa₂ ca₂ηí' ₃ 'éi₂:

—¿'A₂ guě' ₂ lia' ₂ lě₃ ca₂jnióg₃ jme₁ne' ₄ 'ne₂?

¹¹ Jaun₂ ca₂ηag₃ dsa₂ 'éi₂:

—Dsa₂ i₂tě' ₂ dsa₂ Jesús ně₂jmo₃ ti₁jéin₃, jaun₂ ně₂tsáng₂ jme₁ne₃ jniá₂, jaun₂ ně₂juá' ₂ tság₅ jniá₂: “Gua₂ Dsiog₅ Siloé, o₂rang₂ quiáng' ₂.” Jaun₂ ηe₄ jniá₂, jaun₂ jme₁ca₂lě₃ rang₂₃ quió₃, co₂tan₅₄ lia' ₂ ně₂jág₃.

¹² Jaun₂ ca₂ηag₃ dsa₂ ca₂ηí' ₃ dsa₂ i₂jme₁ten₄ 'éi₂:

—¿Na₅ dsa₂ 'éi₂?

Jaun₂ ca₂juá' ₂:

—Tsá₃ guion₄ jniá₂.

Ca₂ηag₃ dsa₂ fariseos jág₁ dsau₅ ne₄ dsa₂ i₂jme₁ten₄ i₂ca₂jme₃ 'lió₂ Jesús

¹³ Jaun₂ ně₃ ca₂i₁jnia₃ dsa₂ ne₄ dsa₂ fariseos dsa₂ i₂jme₁ten₄ 'éi₂.

‡ **8:58** Jág₁ “jniá₂ líng₅” co₂'nió' ₄ jein₅ jág₁ lia' ₂ chen₂ Jehová. 'Nio' ₂ ja₁ton₅ Éxodo 3:14. § **8:59** A₂lin₅₄ chog₅₄ si₂ juá' ₂ ján₃. “jaun₂ ca₂ηí₃ jin₄ dsa₂ 'éi₂, ca₂ηái' ₃.” * **9:4** A₂lin₅₄ chog₅₄ si₂: Ca₂tín₂ jniá₂ jmo₅₄ ta₁.

14 La₁ jmig₄ lia'₂ con'₂ jme₁ca₂jmo₃ Jesús ti₁jéin₃ a₂ca₂tsáng₂ mi₂ne₄ dsa₂ i₂jme₁ten₄ 'éi₂, jaun₂ dé₄ jmig₄ sa₅₄ bá₄ jaun₂. 15 Jaun₂ ca₂ḡag₃ táng₃ dsa₂ fariseos ca₂ḡii'₃ dsa₂ 'éi₂, 'a₂ bá₄ lia'₂ jaun₂ ma₂lé₂ jág₃. Jaun₂ ca₂juá'₂ dsa₂ i₂jme₁ten₄ 'éi₂:

—Ně₂tsáng₂ ti₁jéin₃ jme₁ne₃ jniá'₂, jaun₂ ně₂rang₃ jniá'₂ quió'₃, jaun₂ lě₃ ma₂jág₅ jniá'₂.

16 Jaun₂ ně₃ ca₂juá'₂ i₂lin₅₄ dsa₂ fariseos:

—Dsa₂ i₂ně₂jmo₃ a₂ně₅, on₃jua'₅₄ dsa₂ quián₅ Diú₄ 'éi₂, ia₁ tsá₃ jme₂gó'₃ jmig₄ sa₅₄.

La₁ i₂lin₅₄ guë'₂ juá'₂:

—¿'A₂ lia'₂ lé₂ le₃jmo₃ jan₂ dsa₂ i₂cha₂ dsáu₁ léi₄ juë'₂ le₂ně₅?

Jaun₂ lě₃ ca₂lě₃ le₁dson'₅₄ dsa₂.

17 Jaun₂ ca₂ḡag₃ táng₃ dsa₂ ca₂ḡii'₃ dsa₂ i₂jme₁ten₄ 'éi₂:

—¿'E₂ guë'₂ juá'₂ 'ne₂ lín₅, ia₁ jme₁ne'₄ 'ne₂ bá₄ ně₂niá'₃?

Jaun₂ ca₂ḡag₃ dsa₂ 'éi₂:

—A₂lín₅ jan₂ dsa₂ i₂ě₂ jág₁ quián₅ Diú₄ bá₄.

18 La₁ dsa₂ judíos ně₃, tsá₃ jme₁'éin₂ bá₄ guë'₄ a₂dsón'₂ jme₁ten₄ dsa₂ 'éi₂, ton'₂ ca₂tíin'₃ jme₁ne₁₂, ca₂lia'₂ ca₂tě'₃ chog₅₄-jmei₂ dsa₂ 'éi₂.

19 Jaun₂ ca₂ḡag₃ dsa₂ fariseos ca₂ḡii'₃ chog₅₄-jmei₂ 'éi₂:

—¿Chi'₂ ja₂ḡii'₂ 'nia'₂ la₂, i₂juá'₂ 'nia'₂ i₂ten₄ ca₂rě₃chán₃? ¿'A₂ guë'₂ lia'₂ ma₂jág₅ ně₃?

20 Jaun₂ ca₂ḡag₃ chog₅₄-jmei₂:

—Ne₄ bá₄ jnia'₅₄, chi'₂ quián₂ bá₄ jnia'₅₄ ně₅, i₂ca₂rě₃chán₃ ten₄; 21 la₁ tsá₃ ne₄ jnia'₅₄ 'a₂ guë'₂ lia'₂ ně₃ ma₂lé₂ jág₃, on₃ guë'₂ ne₄ jnia'₅₄ 'ein₂ ca₂jmo₃ ca₂jnia₃ mi₂ne₅₄. ḡag₄ caun₂ 'nia'₂ guiong'₅₄; i₂ma₂juin'₂ bá₄ ně₅, jaun₂ lé₂ bá₄ juá'₂ 'ḡiog₅ 'a₂ lia'₂ ca₂lě₃.

22 Ca₂juá'₂ chog₅₄-jmei₂ le₂ně₅ 'uig₅₄ ia₁ a₂gó'₅ gain₃ dsa₂ judíos, ia₁ jme₁ma₂ca₂jmo₃ 'éi₂ caun₂ jág₁ a₂'uág'₂ 'uúin'₂ dsa₂ ja₁le₁toin₂₃ ne₄ si₂ guá'₅ sinagoga jui₁'ein₂ guë'₃ i₂juá'₂, Jesús bá₄ lín₅ I₂rě₂'ín₁ quián₅ Diú₄. 23 'Uig₅₄ jaun₂ bá₄ ca₂juá'₂ chog₅₄-jmei₂: “ḡag₄ caun₂ 'nia'₂ guiong'₅₄, i₂ma₂juin'₂ bá₄ ně₅.”

24 Jaun₂ bá₄ ca₂tě'₃ táng₃ dsa₂ judíos ca₂tě'₃ dsa₂ i₂jme₁ten₄ 'éi₂, jě₁ca₂tě₂ táng₃ ráun₂, jaun₂ ca₂juá'₂:

—Jua'₅₄ jág₁ dsau₅ tě₃dsón'₂ ne₄ Diú₄;† ne₄ bá₄ jnia'₅₄ jan₂ dsa₂ i₂cha₂ dsáu₁ bá₄ 'éi₂.

25 Jaun₂ ně₃ ca₂ḡag₃ dsa₂ 'éi₂:

—Tsá₃ a₂jaun₂ guion₄ jniá'₂ jua'₅₄ jan₂ dsa₂ cha₂ dsáu₁ 'éi₂, o₃ tsá₃ dsáu₁ cha₂ 'e₂. Jnia'₅₄ lia'₂ a₂jaun₂ bá₄ guion₅₄, a₂jme₁ten₄ bá₄ jniá'₂, la₁ ně₃ ma₂lé₂ bá₄ jág₄.

26 Jaun₂ ca₂ḡag₃ táng₃ dsa₂ fariseos:

—¿'E₂ ca₂jmo₃ quiáng'₂? ¿'A₂ lia'₂ ca₂jmo₃ dsa₂ 'éi₂ a₂ca₂jnia₃ mi₂ne'₅₄?

27 Jaun₂ ca₂ḡag₃ dsa₂ 'éi₂:

—Ma₂ně₂juá'₃ guë'₂ jniá'₂. Tsá₃ tón'₂ guë'₂ 'nia'₂ jui₅'e₂ juá'₅ jniá'₂. ¿'E₂ lě₃ 'niog'₂ 'nia'₂ nág'₂ táng₃? ¿O₃ bá₄ ján₃ guë'₂ 'niog'₂ 'nia'₂ le₃'éng'₂ le₃quió'₅ 'éi₂?

28 Jaun₂ qui₂ca₂jnáu'₂ dsa₂ jág₁ uig₅₄, jaun₂ ca₂juá'₂:

—'Ne₂ 'éng'₂ le₃quió'₅ dsa₂ 'éi₂, la₁ia₁ jnia'₅₄ guë'₂ 'éin₂ le₃quió'₅ Moisés. 29 Ne₄ jnia'₅₄, a₂ca₂dsia₃ Diú₄ jág₁ quián₅₄ Moisés, la₁ dsa₂ 'éi₂ guë'₂ ně₃, tsá₃ ne₄ a₂já'₄ já₅.

30 Jaun₂ ca₂ḡag₃ dsa₂ 'éi₂ ně₃ ca₂juá'₂:

—jDsón'₂ bá₄ jaun₂ dsí₂gó'₃ dsí₅ a₂jaun₂: a₂tsá₃ ḡi'₅₄ 'nia'₂ a₂já'₄ já₅, ton'₂ ca₂jme₃jnio₅₄ jme₁ne₃! 31 Ma₂ne₄ rě₂ bá₄ jniog₄ jaun₂, a₂tsá₃ nag₅ Diú₄ jág₁ quió'₅ dsa₂ i₂cha₂ dsáu₁; jmá'₃ lia'₂ jág₁ quió'₅ dsa₂ i₂jme₂gan₃ Diú₄, i₂qui₂jmo₅ a₂'ḡio₂ dsí₅ 'éi₂: quió'₅ 'éi₂ bá₄ nag₂₃. 32 Lia'₂ 'i₁cón'₂ tsá₃ 'ein₂ ma₂nág₂ ca₂le₂jniá'₅ jua'₅₄ chan₂ dsa₂ i₂lé₂ le₃jme₃lión₂ jan₂ dsa₂ i₂ten₄ ca₂rě₃chán₃. 33 Jua'₅₄ mei'₂ guë'₃ tsá₃ já₅ dsa₂ 'éi₂ ja₁con₂ Diú₄, tsá₃ 'e₂ lé₂ jme₁jmo₃.

34 Jaun₂ ně₃ ca₂ḡag₃ dsa₂ fariseos:

† 9:24 lit. “jme₁juin'₂ Diú₄”, co₂'nió'₄ quián₅₄ jág₁ ně₃ jme₁jmo₅ dsí₂tan₅₄ 'éi'₃ ja₁con₂ dsa₂, a₂juá'₂ tion₅₄ jág₁ tí₅ dsón'₂. 'Nio'₂ ja₁ton₅ Josué 7:19, Mateo 26:63.

—Co₂nei⁵⁴ bá₄ ne₄ dsáu² ca₂rë₃cháng³. ¿I₂'ein₂ bá₄ lín⁵ 'ne₂ jaun₂ jme₁tag⁵ jnia⁵⁴?
Jaun₂ ca₂dsei₅ dsa₂.

Jui₁lia² dsa₂ ten₄ tē₂le₃ gu₂dsí₂

³⁵ Jaun₂ ca₂rë₃ñi₅ Jesús jág₁ a₂ca₂dsen₅ dsa₂ ca₂dsein₂₃ dsa₂ i₂jme₁ten₄ 'éi₂. Jaun₂ jme₁ca₂jein², ca₂juá²:

—¿'Én² 'ne₂ tē₂le₃ quió⁵ Jaun₅ dsa₂ mi₂güí₃?‡

³⁶ Jaun₂ ca₂juá² dsa₂ 'éi₂:

—Gui⁵⁴, ¿i₂'ein₂ bá₄ 'éi₂, ia₁jaun₂ lé₂ le₃'én₂ jniá₂ le₃quió⁵?

³⁷ Jaun₂ ca₂ñag₃ Jesús:

—Ma₂nē₂jñin⁵⁴ bá₄, jaun₂ jniá₂ bá₄ 'éi₂ i₂dsia² jág₁ quiang⁵⁴.

³⁸ Jaun₂ bá₄ ca₂chi₃jnë₃ dsa₂ 'éi₂ ne₄ Jesús, jaun₂ ca₂juá²:

—'Én₂ bá₄ jniá₂, Te₁gui⁵⁴.

³⁹ Jaun₂ ca₂juá² Jesús:

—A₂qui₁dsi₅ 'éi³ bá₄ jniá₂ guio₃ mi₂güí₃ la₂, ia₁jaun₂ jág₃ jui₁lia² dsa₂ ten₄, ton² ia₁jaun₂ le₃ten₄ jui₁lia² dsa₂ i₂jág₅.

⁴⁰ Jaun₂ qui₂ca₂nág₂ jág₁ jaun₂ i₂lín⁵⁴ dsa₂ fariseos i₂jme₁tion⁵⁴ quian⁵⁴ Jesús, jaun₂ ca₂ñag₃:

—¿O₃ bá₄ dsa₂ ten₄ lág₅ jnia⁵⁴ ján₃?

⁴¹ Jaun₂ ca₂ñag₃ Jesús:

—Jua⁵⁴ mei² gué₃ lín⁵ 'nia² dsa₂ ten₄, tsá₃ dso₄ jme₁qui₂le₃cán² 'nia². La₁ia₁, 'uig⁵⁴ ia₁ a₂juá² 'nia², “ne₄ jnia⁵⁴”, jaun₂ tē₂'ñiá₄ dsáu² 'nia².

10

Jág₁ jáng⁵ léi₄ jui₁lia² dsa₂ i₂jmo₅ 'í₁ já² cha²

¹ A₂dsi₂jó³ juí₂g₂ jniá₂ 'nia², jui₁lia² i₂tsá₃ tón⁵ tē₂le₃ jui₅ o₄'né₄ tsi₁jñí₂ ja₁tion⁵⁴ já² cha², a₂uí₂g₂ jui₅ siá², dsa₂ 'ang₂ bá₄ 'éi₂. ² La₁ia₁ jui₁lia² i₂'í₂ tē₂le₃ o₄'né₄, dsa₂ i₂jmo₅ 'í₁ já² cha² bá₄ 'éi₂. ³ O₄quió⁴ 'éi₂ bá₄ niá₅ dsa₂ i₂jmo₅ 'í₁ o₄'né₄, jaun₂ já² cha² ně₃, rē₂cuí⁵ jág₁ quió⁵ 'éi₂. Jaun₂ tē² já² cha² quiáin⁵ 'ñiog₅ lia² chein₂, jaun₂ 'uág². ⁴ Jē₁ma₂ca₂lē₃ 'uín² ca₂le₃jín₃ con² i₂quiáin⁵ 'ñiog₅, jaun₂ cán₂ ne₄ jui₅, dsó₅ ne₄ já² cha². Já² cha² ně₃ dsi₂lén₂ chi₁co⁵⁴ quió⁵, ia₁ rē₂cuí⁵ bá₄ jág₁ quió⁵. ⁵ La₁ tsá₃ 'ein₂₃ jui₁lia² dsa₂ i₂tsá₃ cui_{in}₂₃; tē₂le₃ cui_{ng}₂₃ bá₄ ja₁con² 'éi₂, ia₁ tsá₃ cui⁵ jág₁ quió⁵ dsa₂ sián².

⁶ Ca₂juá² Jesús jág₁ a₂jáng⁵ léi₄ ně₅, la₁ tsá₃ ca₂rë₃ñí² dsa₂, 'e₂ jein₅ jág₁ jaun₂ a₂juá².

Jan₂ Jesús i₂dsen₃ i₂jmo₅ 'í₁ já² cha²

⁷ Jaun₂ ně₃ ca₂juá² táng₃ Jesús ca₂tsí³ dsa₂:

—A₂dsi₂jó³ juí₂g₂ jniá₂ 'nia², jniá₂ bá₄ líng₅ o₄'né₄ jui₅ ja₁dsi₂ton⁵⁴ já² cha². ⁸ Ca₂le₃jín₃ i₂ma₂o₃lén₂ jñiá₅ gué₄ con² gué₄ jniá₂, dsa₂ 'ang₂ bá₄ 'éi₂; la₁ já² cha² ně₃, tsá₃ jui₅ ca₂ton² quió⁵. ⁹ Jniá₂ líng₅ o₄'né₄; jui₁lia² i₂tón⁵ jui₅ le₃quió₃, tíin⁴ bá₄. Jaun₂ qui₃dsi₃toin⁵⁴, qui₃'uín₃, jaun₂ dsio² bá₄ ñi₂ma² a₂gué³.

¹⁰ Dsa₂ 'ang₂ ně₃, jmá³ ta₁ jaun₂ bá₄ ja₂: a₂'ang₃, a₂jme₃dsiog₂₃, a₂qui₃'éin₂ ně₃; jniá₂ ně₃ guio₃ ia₁jaun₂ le₃chain₂, a₂le₃chain₂ qui₂rē₂tsón₂. ¹¹ Jniá₂ bá₄ líng₅ juí₅g₅₄ dsen₃ i₂jmo₅ 'í₁ já² cha². * Guen⁵ 'mú₃ juí₅g₅₄ dsen₃ o₄quió⁴ já² cha²; ¹² la₁ jui₁lia² dsa₂ i₂jmo₅ ta₁ a₂'liain⁵⁴, jē₁ma₂ca₂jág₃ já₅ dsi₂jí⁵⁴ ná_u₂, téin₂ bá₄ já² cha² jaun₂ cui_{ng}₂₃ bá₄ 'ñiog₅, ia₁ on₃jua⁵⁴ juí₅g₅₄ i₂quián₅ já² cha² 'éi₂. Jaun₂ dsi₂jí⁵⁴ ná_u₂ ně₃, tsáin² já² cha², jaun₂ jmo₂₃ le₁jan⁵⁴ já². ¹³ Dsa₂ 'éi₂ ně₃, cui_{ng}₂₃ ia₁ a₂'liain⁵⁴ bá₄ jmo₂₃ 'í₁; tsá₃ dsan₂ dsí₅ já². ¹⁴ Jniá₂ bá₄ líng₅ juí₅g₅₄ dsen₃; i₂cui_{in}₅ bá₄ jniá₂ já² cha² quiáng₃; 'éi₂ ně₃ cui_{ng}₂₃ jniá₂. ¹⁵ Le₂jaun₂ jui₁lia² cui_{ng}₅ Ñe³ jniá₂,

‡ 9:35 A₂lín₅₄ chog₅₄ si₂juá²: “¿'Én² 'ne₂ tē₂le₃ quió⁵ Ja₁ñi⁵⁴ Diú⁴?”

* 10:11 'Í₂ Ezequiel 34.

ján₃ bá₄ cuín₅ jniá₂ 'éi₂ ně₃. Guén₅ jniá₂ 'mú₃ o₄ quió₄ já₂ 'cha₂ quiáng₃. ¹⁶ Ján₃ bá₄ tion₅₄ já₂ 'cha₂ sián₂ quiáng₃ i₂ tsá₃ tion₅₄ 'ñi₃ jni₁ la₂; ján₃ bá₄ ca₂ tñ₂ jniá₂ i₁ te₁ 'éi₂. Ján₃ bá₄ le₃ ne₅₄ 'éi₂ jág₁ quió₃, jaun₂ co₂ nió₃ bá₄ lé₂, jan₂ gué₂ juí₅₄.

¹⁷ "Uí₅₄ jaun₂ bá₄ 'nio₃ Ne₃ jniá₂; ia₁ jáng₅ jme₂ dsí₂ quió₃, † ia₁ jaun₂ tñg₄ táng₃. ¹⁸ Lia₂ 'i₁ jan₂ tsá₃ jniá₂ jme₂ dsí₂ a₂ chan₂ jniá₂, ia₁ jáng₅ bá₄ jniá₂ jme₂ dsí₂ a₂ chang₂ a₂ 'ñio₂ dsí₃ 'ñi₃. Jniá₂ bá₄ 'o₂₃ bí₂ jáng₅, jaun₂ 'o₂₃ bí₂ tñg₄ táng₃. 'Éi₃ ně₅ ca₂ ñig₂ ja₁ con₂ Ne₃.

¹⁹ Jaun₂ ca₂ lë₃ le₁ dson₅₄ táng₃ dsa₂ judíos, jme₁ ca₂ nág₂ jág₁ ně₅.

²⁰ Juín₅ i₂ 'éi₂ juá₂:

—I₂ 'en₅₄ jan₂ jme₂ dsí₂ je₂ na₅₄ tē₂ dsí₅ bá₄ ně₅, tē₂ 'i₂₃ a₂ ñái₅ ně₃. ¿'E₂ lë₃ tón₂ 'nia₂ jui₅ jág₁ quió₅?

²¹ La₁ i₂ lín₅₄ gué₂ juá₂:

—On₃ jua₅₄ jág₁ quió₅ jan₂ i₂ 'en₅₄ je₂ na₅₄ tē₂ dsí₅ ně₅. ¿Lé₂ le₃ jmo₃ je₂ na₅₄ a₂ jág₃ jui₁ lia₂ dsa₂ ten₄?

Tsá₃ ca₂ guen₃ dsa₂ judíos Jesús

²² Jmíg₄ jaun₂, jme₁ tion₅₄ dsa₂ juí₂ Jerusalén jmo₂₃ Jmíg₄ quió₅ Si₂. Jein₂ güí₂ jme₁ lë₄, ²³ jaun₂ jme₁ i₂ ñi₅₄ Jesús i₁ dsí₅ guá₅ templo ja₁ lë₄ corredor a₂ chei₂ Quió₅ Salomón, ²⁴ jaun₂ qui₂ ca₂ o₃ lio₃ dsa₂ judíos quió₅, jaun₂ ca₂ juá₂:

—¿'A₂ con₂ jmó₂ 'ne₂ 'ag₃ gué₄ caun₂-tñ₃ dsí₅ jniá₅₄? Chi₂ jua₂ dsón₂ lín₅ 'ne₂ I₂ rē₂ 'ín₁ quián₅ Diú₄, co₂ ñei₅₄ jua₅₄ rē₂ jiá₃ jág₁.

²⁵ Jaun₂ ca₂ ñag₃ Jesús:

—Ma₂ ně₂ juá₃ bá₄ jniá₂, la₁ tsá₃ ca₂ rē₃ 'én₂ gué₂ 'nia₂. Qui₂ jáng₅ bá₄ jág₁ dsau₅ o₄ quió₃, léi₄ a₂ jmo₅ jniá₂; ²⁶ la₁ tsá₃ 'én₂ 'nia₂, ia₁ tsá₃ lín₅ 'nia₂ já₂ 'cha₂ quiáng₃. ²⁷ Ne₅₄ bá₄ já₂ 'cha₂ quiáng₃ jág₁ quió₃; i₂ cui₅ bá₄ 'éi₂ jniá₂, jaun₂ ja₂ 'ein₂₃ chi₁ co₅₄ quió₃. ²⁸ Cué₅ jniá₂ jme₂ dsí₂ a₂ le₃ chain₂ co₂ tan₅₄, jaun₂ lia₂ o₁ líg₂ jmíg₄ tsá₃ dsí_{áin}, on₃ gué₄ lia₂ 'i₁ jan₂ tsá₃ lé₂ le₃ jniá₂ 'éi₂ o₄ gu₃ jniá₂. ²⁹ Ne₃ jniá₂, i₂ ma₂ cuag₃ 'éi₂, lín₅ i₂ juín₂ gué₄ lia₂ con₂ gué₄ ca₂ le₃ jñin₃; jaun₂ lia₂ 'i₁ jan₂ tsá₃ lé₂ jnióg₂ o₄ gú₃ Ne₃. ³⁰ Jniá₂ quian₅₄ Ne₃, ca₂ ne₅₄ bá₄ lág₅ jniá₅₄.

³¹ Jaun₂ ně₃ ca₂ jña₃ táng₃ dsa₂ judíos ni₁ cang₁ a₂ qui₃ quió₅. ³² Jaun₂ ca₂ juá₂ Jesús:

—'Lióng₂ lín₃ léi₄ dse₃ ma₂ 'ě₃ jniá₂ 'nia₂ tē₂ le₃ quian₅₄ jui₅ bí₂ quió₅ Ne₃; ¿o₄ quió₄ 'e₂ caun₂ a₂ ma₂ jmo₃ jniá₂ jaun₂, a₂ qui₁ jnau₅₄ 'nia₂ jniá₂ ni₁ cang₁?

³³ Jaun₂ ca₂ ñag₃ dsa₂ judíos:

—Tsá₃ o₄ quió₄ léi₄ dse₃ qui₁ jna₅₄ jniá₅₄ 'ne₂ ni₁ cang₁; a₂ jaun₂ bá₄ ia₁ a₂ 'íng₅ 'lig₅₄ Diú₄, a₂ jmo₂ 'ne₂ a₂ líng₅ Diú₄, ton₂ jan₂ dsa₂ mi₂ güí₃ bá₄ líng₅.

³⁴ Jaun₂ ně₃ ca₂ juá₂ Jesús tsí₅ dsa₂ judíos:

—¿Tsa₁ chi₁ ton₅ ne₄ Si₂ 'Éi₂ quián₂ 'nia₂: “A₂ ma₂ juá₃ jniá₂, a₂ lín₅ 'nia₂ diú₄”? †
³⁵ Chi₂ jua₂ ca₂ tē₃ “diú₄” dsa₂ i₂ ca₂ ñi₂ jág₁ quió₅ Diú₄, (jaun₂ tsá₃ lé₂ jua₅₄ tsá₃ le₃ ti₃ Si₂); ³⁶ 'ě₂ gué₄ bá₄ 'éi₂ i₂ ca₂ jmo₃ Diú₄ rē₂ tson₄, i₂ ca₂ chein₃ mi₂ güí₃. ¿'Nia₂ jui₂ 'íng₅ 'lig₅₄ Diú₄ ia₁ jniá₂ ně₂ juá₃ a₂ líng₅ Ja₁ ñi₅₄ Diú₄? ³⁷ Chi₂ jua₂ tsá₃ jmo₅ jniá₂ ta₁ quió₅ Ne₃, tsá₃ jui₁ le₂ 'én₂ 'nia₂ le₃ quió₃ jniá₂. ³⁸ La₁ chi₂ jua₂ jmo₅ gué₂ jniá₂, jui₁ a₂ gué₃ la₂ tsá₃ 'én₂ 'nia₂ tē₂ le₃ quió₃ jniá₂, jui₁ le₂ 'én₂ bá₄ 'nia₂ tē₂ le₃ quió₅ ta₁ a₂ jmo₅ jniá₂, ia₁ jaun₂ le₃ ñi₅₄ bá₄, ia₁ jaun₂ le₃ ñi₂ 'au₂ 'nia₂, § a₂ 'en₅₄ Ne₃ ja₁ cong₂, le₂ jaun₂ gué₂ táng₃, a₂ 'en₅₄ jniá₂ ja₁ con₂ Ne₃.

³⁹ Jaun₂ jme₁ 'nio₃ táng₃ dsa₂ jme₁ tsáun₂, la₁ ca₂ lóin₂ bá₄ o₄ gú₃ 'éi₂.

⁴⁰ Jaun₂ ně₃, ñó₃ táng₃ Jesús tē₂ le₃ quióng₄ Cuá₃ Jordán, jaun₂ ca₂ jña₃ ja₁ jaun₂ ja₁ jme₁ 'en₅₄ Juan₅₄ le₂ jña₅ choin₂₃ jmíg₂ dsa₂. * ⁴¹ Juín₅ lín₃ dsa₂ ca₂ i₁ len₅₄ i₁ jag₅₄, qui₂ ca₂ juá₂:

—Tē₃ dsón₂ bá₄, o₁ jña₅₄ tsá₃ 'e₂ léi₄ jué₂ ca₂ jmo₃ Juan₅₄, la₁ ca₂ le₃ jě₃ 'e₂ a₂ ca₂ juá₂ a₂ 'in₂₃ dsa₂ ně₅, dsau₅ bá₄.

† 10:17 'Nio₂ ja₁ ton₅ Juan 19:30. ‡ 10:34 Salmo 82:6. § 10:38 A₂ lín₅₄ chog₅₄ si₂ juá₂: “ia₁ jaun₂ le₃ 'én₂ 'nia₂.”

* 10:40 lit. “tiáin₂ dsa₂ jmíg₂”

42 Ja₁jaun₂ ca₂rë₃'én₂ juin₅ dsa₂ le₃quió'₅ Jesús.

11

Ca₂jon₃ Lázaro

1 Jme₁chan₂ jan₂ dsa₂ dso'₅₄ i₂jme₁chen₂ Lázaro, i₂jme₁chan₂ juig₂ Betania, juig₂ ja₁guá₄ María quian'₅₄ 'io₅₄ riin'₅₄ i₂chen₂ Marta.

2 María në₅ në₃ i₂riin'₅₄ Si₁Lia₁ dsa₂ dso'₅₄, 'éi₂ bá₄ i₂ca₂'ág₂ no'₅₄ mi₂juig₂ mi₂tag₄ Te₁gui'₅₄ jaun₂ ca₂chí₃, ca₂jme₃quén₃ quian'₅₄ ŋi₂ dsi₅₄.

3 Jaun₂ në₃, ca₂chen₃ le₃on₃ 'io₅₄ jág₁ ne₄ Jesús:

—Te₁gui'₅₄, a₂ron₅ dso'₅₄ dsa₂ i₂'nio₄ quiáng'₂.

4 Jaun₂ jme₁ca₂nág₂ Jesús, ca₂juá'₂:

—On₃jua'₅₄ dso₄ a₂jiog₅ juí₅ 'mú₃ jaun₂; të₂le₃ ia₁jaun₂ le₃juin'₂ Diú₄ bá₄, le₂jaun₂ guë'₂ Ja₁ŋi'₅₄ Diú₄ ján₃ le₃juin'₂ të₂le₃ quian'₅₄ dso₄ jaun₂.

5 Jesús në₃, jme₁'nio₃ 'ŋio₅ lin₃ Marta quian'₅₄ 'io₅₄ riin'₅₄, quian'₅₄ Si₁Lia₁. 6 Jaun₂ lë₃, jme₁ca₂juá'₂ dsa₂ a₂dso'₅₄ Si₁Lia₁, ca₂ŋia₃ guë'₄ tin₃ jmíg₄ ja₁jme₁'ein₅₄ jaun₂. 7 Cang₂ jaun₂, ca₂juá'₂ ca₂tsí'₃ chi'₂ dsi₂guia₃-tín₂ quián₅:

—Ma₃dsau₅₄ táng₃ juí₅ Judea.

8 Jaun₂ në₃ ca₂juá'₂ chi'₂ dsi₂guia₃-tín₂:

—Të₅, i₁jáun₃ në₅ cón'₅ jme₁'nio₃ dsa₂ judíos jme₁qui₃jnáu'₂ cang₄; ¿con'₂ guë'₂ lia'₂ 'niog'₂ gog'₅₄ táng₃ ja₁jaun₂?

9 Jaun₂ ca₂ŋag₃ Jesús:

—¿On₁ dsón'₂ quian₅ guia₃-tín₂ horas caun₂ jmíg₄? Në₁jua'₂ i₂'nio₄ dsa₂ a₂jmí₂, tsá₃ qui₂nió₅, ia₁ jág₅ si₂ a₂tág₅ ja₁con₂ dsa₂ mi₂güig₃; 10 la₁ në₁jua'₂ i₂'nio₄ dsa₂ jë₄ qui₁né'₃ qui₂nió₅ ia₁ tsá₃ si₂ cha₂ ja₁coin₂.

11 Cang₂ jme₁ma₂në₂juá'₂ le₂në₅, jaun₂ ca₂juá'₂:

—Ma₂ca₂güin₂ bá₄ Si₁Lia₁ a₂mei₅₄ quián₂ jniog₄; la₁ nei₅₄ jniá₂ i₁ŋei₁₂.

12 Jaun₂ në₃ ca₂juá'₂ chi'₂ dsi₂guia₃-tín₂:

—Te₁gui'₅₄, chi₂jua'₂ ma₂ca₂güin₂, co₂'nió'₄ jŋia₃ bá₄ quió'₅.

13 La₁ a₂jaun₂ bá₄ jme₁'nio₃ Jesús juá'₂ a₂jme₁ma₂jon₅ bá₄ 'éi₂; la₁ jaun₂ bá₄ lín₂ chi'₂ dsi₂guia₃-tín₂ a₂'ë₅ Jesús juí₁lia'₂ a₂güin₂ dsa₂ jë₁ma₂ca₂nei₂.

14 Jaun₂ në₃ ca₂juá'₂ Jesús lia'₂ rë₂jiá₃ jág₁:

—Ma₂ca₂jon₃ bá₄ Si₁Lia₁. 15 Jéin₅ jniá₂ 'io'₂ o₄quián'₂ 'nia'₂, a₂tsá₃ jme₁'eng₅₄ ja₁jaun₂, ia₁jaun₂ le₃'én'₂ 'nia'₂. La₁ ma₃dsau₅₄ ma₃dsi₁jin₅₄.

16 Jaun₂ në₃ ca₂juá'₂ To₁má₄ i₂të'₂ dsa₂ Dsa₂ Tsin'₅₄, ca₂tsí'₃ chi'₂ dsi₂guia₃-tín₂ riin'₅₄:

—Ján₃ guë'₂ dsau₅₄ jniog₄, ia₁jaun₂ dsióg₃ co₂lë₅ quian'₅₄ i₂në₅.

Jesús bá₄ i₂jmo₅ a₂jen'₅₄ dsa₂, i₂cuë₅ jme₂dsí₂ a₂le₃chan₂ dsa₂

17 Jme₁ma₂të₂ quén₂ jmíg₄ 'en₅₄ Si₁Lia₁ tau₂ 'ŋio₅, jme₁dsióg₃.

18 Juig₂ Betania jaun₂, jme₁niog₅ cau₅ ma₂quián₅ Jerusalén con'₂ tin₃ kilómetros të₂ ca₂jau₅₄.

19 Jaun₂ ca₂i₁len₅₄ juin₅ dsa₂ judíos ca₂i₁jin₁₂ Marta quian'₅₄ María riin'₅₄, ca₂i₁jmo₅₄ lián'₂ dsí₅ 'éi₂, ia₁ ca₂jon₃ Si₁Lia₁ riin'₅₄.

20 Jaun₂ Marta në₃, jme₂ca₂rë₃ŋi₅ a₂ma₂já₅ Jesús, jaun₂ ca₂o₃'ín₃ ca₂i₁jme₁jein'₂. La₁ María në₃ ca₂ŋia₃ bá₄ dsi₂néi₂.

21 Jaun₂ ca₂juá'₂ Marta ca₂tsí'₃ Jesús:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃. 22 La₁ia₁ guion₄ jniá₂, o₁ŋia'₅₄ con'₂ lë₅ la₂, chi₂jua'₂ 'e₂ a₂mi'₂ 'ne₂ ja₁con₂ Diú₄, cuë₃ bá₄ 'éi₂.

23 Jaun₂ ca₂juá'₂ Jesús:

—Le₃chan₂ bá₄ táng₃ ríng'₂.

²⁴ Jaun₂ ca₂juá'₂ Marta:

—Guion₄ bá₄ jniá₂ a₂le₃chain₂ táng₃ jë₁ma₂të₂ rë₁jein'₅₄ jin₄ 'lag₄, jmig₄ jë₁ca₂tó'₂.

²⁵ Jaun₂ ně₃ ca₂juá'₂ Jesús:

—Jniá₂ bá₄ líng₅ i₂jmo₅ a₂jen'₅₄ dsa₂, i₂cuë₅ jme₂dsí₂ a₂le₃chan₂ dsa₂ ně₃. Jui₁lia'₂ i₂'én₂ të₂le₃ quió₃ jniá₂, o₁jnia'₅₄ ma₂join₂₃, le₃chain₂ bá₄; ²⁶ jaun₂ chi₂jua'₂ 'ein₂ i₂chan₂ guë₄, ně₁jua'₂ ca₂rë₃'éin₂ të₂le₃ quió₃ jniá₂, lia'₂ o₁líg'₂ jmig₄ tsá₃ jóin₂. ¿'Éng'₂ jág₁ ně₅?

²⁷ Jaun₂ ca₂juá'₂ Marta:

—Ján₅, Te₁gui'₅₄. Ma₂ca₂rë₃'én₂ bá₄ jniá₂ a₂lín'₅ 'ne₂ Ja₁ñi'₅₄ Diú₄ I₂rë₂'ín₁ quiáin₅, i₂lë₅ jág₁ jiá₃ mi₂güí₃.

Ca₂'o₃ Jesús cau₅ tau₂ 'ñio₅ quió'₅ Si₁Lia₁

²⁸ Jme₁ca₂lë₃ juá'₂ Marta jág₁ ně₅, ñái'₃ i₁te'₂ María riin'₅₄; jaun₂ ca₂juá'₂ jág₁ con'₂ të₃co'₅₄:

—La₂ ma₂'en₅₄ të₅, jaun₂ 'ne₂ té'₂.

²⁹ Dsi₂jui₅ jme₁ca₂nág₂ María jág₁ ně₅, ca₂nau₂, jaun₂ ñó₃ i₁jñin₂₃ Jesús.

³⁰ Tsá₃ jme₁ma₂dsióg₃ guë₄ Jesús të₃jë₄ juig₂; jaun₂ bá₄ jme₁'ein₅₄ ja₁ca₂jein'₂ Marta.

³¹ Dsa₂ judíos i₂tion'₅₄ dsi₂néi₂ i₂cuë₅ lián'₂ dsi₅ ně₃, jme₁ca₂jág₃ ca₂nau₂ María ca₂o₃'íin₃ co₂chi'₅₄, ca₂i₃lén₂ chi₁co'₅₄ quió'₅, ia₁ a₂lín₂ ñó₅ 'éi₂ tau₂ 'ñio₅ a₂i₂'áu₂ ja₁jaun₂.

³² Jaun₂ ně₃, jme₁ca₂dsióg₃ María ja₁jme₁'en₅₄ Jesús, ca₂chi₃jnë₃ ne₄ 'éi₂,* jaun₂ ca₂juá'₂:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃.

³³ Jme₁ca₂jág₃ Jesús 'a₂ lia'₂ jme₁'o₅ María, 'a₂ lia'₂ jme₁tion'₅₄ guë₂ dsa₂ judíos 'o₂₃ ně₃, i₂ja₂lén₂ quiain'₅₄, jaun₂ ca₂'ñia₃ i₃mé'₂ dsí₅, ca₂'í₃ qui'₂ dsí₅ ně₃. ³⁴ Jaun₂ ca₂ñag₃:

—¿A₂já'₄ ca₂i₁'óin'₄ 'nia'₂?

Jaun₂ ca₂juá'₂ dsa₂:

—Te₁gui'₅₄, ñia₅ i₂jag₄.

³⁵ Jaun₂ ca₂'o₃ Jesús.

³⁶ Jaun₂ ně₃ ca₂juá'₂ dsa₂ judíos:

—Jag₄ de'₂ 'a₂ lia'₂ jme₁'nioi₃ 'éi₂.

³⁷ La₁ ca₂juá'₂ i₂lín₅₄:

—¿Tsa₁ cha₂ lé₂ le₃jme₁jmo₃ i₂në₅ i₂ca₂jme₃'lión₂ dsa₂ ten₄ 'éi₂, ia₁jaun₂ tsá₃ jme₁jón₂ guë'₂ dsó₂ rin'₅₄ 'io₅₄ ně₅?

Ca₂jen'₅₄ Si₁Lia₁

³⁸ Con'₂ siá'₂ táng₃ ca₂'ñia₃ Jesús a₂i₃mé'₂ dsí₅ lia'₂ con'₂ ca₂dsióg₃ ja₁dsi₅₄ tau₂ 'ñio₅. Caun₂ tsi₁të₂'lau₂ bá₄ jme₁lë₄ a₂jaun₂, jme₁chí'₄ ca₂míg₂ ni₁cang₁ a₂rë₂jlë₅ o₄'né₄.

³⁹ Jaun₂ ca₂juá'₂ Jesús:

—Jniá'₃ ni₁cang₁ ně₅.

Jaun₂ ca₂juá'₂ Marta rin'₅₄ 'lag₄ ca₂tsí'₃ Jesús:

—Te₁gui'₅₄, mei'₂ tsá₃ ma₂ja₂ ma₂'lig'₅₄ quió'₅, ia₁ ma₂të₂ quén₂ jmig₄ ca₂join₃.

⁴⁰ La₁ ca₂juá'₂ Jesús:

—¿Tsa₁ ně₂juá'₃ jniá₂, ně₁jua'₂ 'éng'₂, jag'₅₄ jui₅bí₂ jlá'₁ quió'₅ Diú₄?

⁴¹ Jaun₂ ně₃ ca₂ñjá'₂ dsa₂ ni₁cang₁. Jaun₂ ca₂chóg'₃ Jesús ne₅₄, ca₂juá'₂:

—Tia₅₄, cuë₅ jniá₂ ti₁'mag'₄ 'ne₂ ia₁ ma₂nei'₂ bá₄ jág₁ quió₃. ⁴² A₂guion₄ bá₄ jniá₂, a₂nag'₂ co₂tan₅₄. La₁ ně₂juá'₃ le₂në₅ o₄quió'₄ dsa₂ i₂tion'₅₄ ja₁lá₃, ia₁jaun₂ le₃'éin₂ a₂ca₂chei'₂ jniá₂.

⁴³ Jme₁ca₂lë₃ juá'₂ le₂në₅, ca₂juá'₂ tiá₂:

—¡Lázaro! ¡Jú₅ ja₁në₅!

⁴⁴ Jaun₂ o₂'ín₃ 'lag₄ ja₁jaun₂ qui₂rë₂quein₅ gu₂-tag₅₄ quian'₅₄ 'nau₅₄ tsín'₅ tsi₁'mi'₂ jang₄. Dsi₂ne₅₄ ně₃ jme₁chi₁quein₅ quian'₅₄ tsi₁'mi'₂ tióg₃. Jaun₂ ca₂juá'₂ Jesús ca₂tsí'₃ dsa₂:

* **11:32** lit. “ca₂tóin₂ 'uë₃ cau₅ mi₂tag₄ 'éi₂.” 'Nio'₂ ja₁ton₅ Apocalipsis 4:10.

—Chi' ₅₄ quió' ₅, cuë ₄ jmig ₄ juí ₁ dsiain' ₅₄.

Ca₂jmo₃ dsa₂ caun₂ jág₁ a₂tsáin' ₂ Jesús
(Mateo 26:1-5; Marcos 14:1-2; Lucas 22:1-2)

⁴⁵ Jaun₂ ně₃, juín₅ dsa₂ judíos 'éi₂, i₂ca₂i₁len₅₄ quiain' ₅₄ María, i₂qui₂ca₂tě₂ ne₄ 'e₂ a₂ca₂jmo₃ Jesús jaun₂, ca₂rě₃'éin₂ tě₂le₃ quió' ₅ 'éi₂.

⁴⁶ La₁ i₂lin₅₄ guë' ₂ ně₃ ca₂i₁lein₅₄ ja₁con₂ dsa₂ fariseos, ca₂i₁jua' ₄ 'e₂ a₂ca₂jmo₃ Jesús.

⁴⁷ Jaun₂ ně₃, ca₂ñi' ₂ dsa₂ fariseos quiain' ₅₄ juig₅₄ jme₂dsa₂, quiain' ₅₄ dsi₂tan₅₄ quián₅ guá' ₅, jaun₂ ca₂juá' ₂:

—¿'E₂ bá₄ jmó₁ jniog₄? Ia₁ ně₅ bá₄ ñi₅ dsa₂ 'éi₂ jmo₂₃ 'lióng₂ léi₄ juë' ₂. ⁴⁸ Chi₂jua' ₂ caun₂ cuë₂ jniog₄ jmig₄ jmo₃ lia' ₂ ma₂jmo₂₃ ně₅, le₃'én₂ bá₄ ca₂le₃jín₃ dsa₂ tě₂le₃ quió' ₅; jaun₂ qui₂ja₃lén₂ dsa₂ romanos qui₃'éin₂ ja₁jñi₅ quián₂ jniog₄ la₂, lia' ₂ jma₃quian' ₅₄ juig₂ nación quián₂ ně₃.

⁴⁹ La₁ jan₂ dsa₂ 'éi₂, i₂chen₂ Caifás, i₂jme₁lín₄ jme₂dsa₂ dsen₅₄ ñi₂ jaun₂, ca₂juá' ₂:

—Tsá₃ 'e₂ cuin' ₂ 'nia' ₂ 'i₁caun₂, ⁵⁰ on₃ guë' ₂ len' ₅₄ 'nia' ₂, a₂jmo₅ bá₄ quián₂ jniog₄,† a₂jón₂ jan₂ dsa₂ o₄quió' ₄ ca₂le₃jín₃, ia₁jaun₂ tsá₃ dsi₃'én₂ ta₁caun₂ juig₂.

⁵¹ La₁ on₃jua' ₅₄ con' ₂ tñ₂ 'ñiog₅ Caifás ca₂juá' ₂ le₂ně₅; a₂jaun₂ bá₄ ca₂juá' ₂ le₂ně₅ ia₁ a₂jme₁lín₄ jme₂dsa₂ dsen₅₄ ñi₂ jaun₂: ca₂'ě₂ jág₁ o₄quió' ₄ Diú₄, a₂'i₄ 'éi' ₃ jón₂ Jesús o₄quió' ₄ dsa₂ juig₂ judíos.

⁵² La₁ on₃jua' ₅₄ rě' ₂ jmá' ₃ o₄quió' ₄ dsa₂ juig₂ judíos, ján₃ bá₄ ia₁jaun₂ chi₃loin' ₃ jmói' ₂ ca₂ne₅₄ ca₂le₃jín₃ chi' ₂-guein₂ quián₅ Diú₄ i₂qui₂i₂nio₄ tsi₁rě₂jan₅₄ ně₃.

⁵³ Jaun₂ ně₃, ca₂le₃ jmig₄ jaun₂, ca₂jmo₃ jág₁ dsi₂tan₅₄ quián₅ dsa₂ judíos a₂jñi' ₃ Jesús.

⁵⁴ 'Uig₅₄ jaun₂ tsá₃ ma₃jme₁ñi₅ Jesús dsi₁ne₁ jin₄ dsa₂ judíos, tě₂le₃ ca₂o₃'ín₃ bá₄ ja₁jaun₂. Jaun₂ ñó₃ caun₂ 'uë₃ ma₂quián₅ ja₁lě₄ 'uë₃ quein₂ co₂'ñiog₅, caun₂ juig₂ a₂chei₂ Efraín. Ja₁jaun₂ ca₂jñia₃ quiain' ₅₄ chi' ₂ dsi₂guia₃-tñ₂.

⁵⁵ Jme₁ma₂ja₂quián₃ Jmig₄ Tě₂'in₅₄ quió' ₅ dsa₂ judíos. Jaun₂ juín₅ bá₄ dsa₂ ca₂'uñ₂ juig₂ gu' ₂, qui₂ca₂uig₂ juí₅ Jerusalén né' ₃ a₂tě₅₄ Jmig₄ Tě₂'in₅₄, ia₁jaun₂ qui₃jmo₃ le₁jín₃.

⁵⁶ Jaun₂ jme₁i₂nio₄ dsa₂ 'nai' ₂ Jesús, jaun₂ qui₂ñí' ₂ rñin' ₅₄ tióin₂ i₁dsi₅ guá' ₅ templo:

—¿'A₂ lia' ₂ lín' ₂ 'nia' ₂? ¿Jiá₃ jmig₄, o₃ bá₄ tsá₃ jiá₃ 'e₂?

⁵⁷ Jme₁ma₂ca₂cuë₃ 'éi' ₃ dsa₂ fariseos quiain' ₅₄ juig₅₄ jme₂dsa₂ ně₃, jme₁ma₂juá' ₂, ně₁jua' ₂ 'ein₂ ca₂rě₃ñi₅ a₂já' ₄ 'en₅₄ Jesús, juí₁jmo₁₂ jág₁ ia₁jaun₂ cuin₃ jmig₄ tsáun' ₂.

12

Jan₂ 'io₅₄ ca₂tsáin₂ no' ₅₄ mi₂juig₂ Jesús
(Mateo 26:6-13; Marcos 14:3-9)

¹ Jñéi₂ jmig₄ né' ₃ a₂tě₅₄ Jmig₄ Tě₂'in₅₄, ñó₃ Jesús juí₅ Betania ja₁jme₁chan₂ Lázaro, dsa₂ i₂ca₂jme₃jen' ₅₄ Jesús jme₁rě₂'lín₄ 'éi₂.

² Ja₁jaun₂ ca₂jmo₃ dsa₂ caun₂ má₃ o₄quió' ₄ Jesús, a₂jme₂juag' ₂. Ca₂tia' ₃ Marta má₃; Si₁Lia₁ guë' ₂ jme₁lín₄ jan₂ dsa₂ i₂tián' ₅ ne₄ mesa guë' ₅ co₂lě₅ quiain' ₅₄ Jesús.

³ Jaun₂ ně₃ ca₂can₃ María con' ₂ mei' ₂ tsá₃ ca₂'nau₅₄ litro no' ₅₄ mi₂juig₂ nardo, a₂quen₅ 'mu' ₅₄ 'ñio₅ lin₃, jaun₂ ca₂tsáng₂ mi₂tag₄ Jesús, jaun₂ ca₂chí₃ quian' ₅₄ jñi₂ dsi₅₄. Ta₁caun₂ dsi₂néi₂ qui₂ca₂can' ₂ dsió' ₁ mi₂juig₂.

⁴ Jaun₂ ně₃, ca₂juá' ₂ Judas Iscariote, * i₂jme₁lín₄ jan₂ dsa₂ guia₃-tñ₂ quián₅ Jesús, i₂'éi₂ dé₄ i₂jáng' ₂ quió' ₅ Jesús, ca₂juá' ₂:

⁵ —¿'E₂ 'uig₅₄ tsá₃ ca₂i₃'nag₄ co₂ñei' ₅₄ no' ₅₄ mi₂juig₂ ně₅ quian' ₅₄ 'ni₅ 'ñiá₂-lá₂ 'éi' ₃ cu₄ denario, a₂jme₁jme₁on₁ dsa₂ te₂ñé₂?

† 11:50 A₂lin₅₄ chog₅₄ si₂juá': "a₂jmo₅ bá, quián' ₂ 'nia' ₂."

* 12:4 A₂lin₅₄ chog₅₄ si₂juá' ₂ bá, ján₃: "ja₁ñi' ₅₄ Si₂mu₅₄."

⁶ La₁ on₃jua'₅₄ jaun₂ ca₂juá'₂ Judas le₂nē₅ jua'₅₄ a₂dsón'₂ dsan₂ dsí₅ ja₁con₂ dsa₂ te₂ḡé₂; a₂jaun₂ bá₄ ca₂juá'₂ le₂nē₅ ia₁ a₂jme₁lín₄ jan₂ dsa₂ 'ang₂ bá₄, ton'₂ jme₁niog₅ gu₂ tsi₁tē₂lau₂ ja₁jme₁tó'₅ cu₄, jaun₂ jme₁cán₂ a₂jme₁tio'₅₄ 'ḡió'₃.

⁷ Jaun₂ ně₃ ca₂juá'₂ Jesús ca₂tsí'₃ Judas:

—Tsá₃ lē₁lein'₅₄; ta₁ jaun₂ bá₄ ca₂'ma₃ a₂nē₅, jaun₂ ma₂lē₅ co₂jñia₅₄ jmig₄ jē₁ma₂tē₂ rē₁'on₃ jniá₂. ⁸ Ca₂le₃jě₃ jmig₄ bá₄ i₂nio₄ dsa₂ te₂ḡé₂ jin'₄ 'nia'₂, la₁ jniá₂ ně₃ tsá₃ ma₃uē₂ 'en₅₄ jniá₂ quian'₅₄ 'nia'₂.

Ca₂jmo₃ dsa₂ caun₂ jág₁ a₂jñi'₃ Lázaro

⁹ Jaun₂ ně₃, ca₂rē₃ñi₅ juin₅ dsa₂ judíos a₂'en₅₄ Jesús jē₄ juig₂ Betania, jaun₂ i₁lein₅₄ ja₁jaun₂, on₃jua'₅₄ jmá'₃ ca₂ne₅₄ a₂i₁jñin₁₂ Jesús, ján₃ bá₄ ca₂i₁jñin₁₂ Si₁Lia₁ i₂ca₂jme₃jen'₅₄ Jesús jme₁rē₂'lín₅₄.

¹⁰ Jaun₂ ně₃, ca₂jmo₃ juig₅₄ jme₂dsa₂ caun₂ jág₁ a₂jñi'₃ Si₁Lia₁ ján₃, ¹¹ ia₁ o₄quió'₄ 'éi₂ bá₄ juin₅ dsa₂ ma₂i₂uñin₂ ja₁con₂ dsa₂ judíos, a₂rē₂'éin₂ tē₂le₃ quió'₅ Jesús.

Ca₂dsióg₃ Jesús Jerusalén

(Mateo 21:1-11; Marcos 11:1-11; Lucas 19:28-40)

¹² Jme₁jñia₃ jaun₂, ca₂dsi₃lén₂ juin₅ lín₃ dsa₂ Jerusalén, ja₁niog₃ jmig₄. Jaun₂ jme₁ca₂rē₃ñi₅ a₂dsióg₄ Jesús jē₄ juig₄ Jerusalén, ¹³ ca₂can₃ mog'₅₄ 'ma₂tsín₅, jaun₂ ca₂'uñin₂ ca₂i₁jñia₅₄ Jesús, jaun₂ qui₂ca₂juá'₂ tiá₂:

—jui₁le₂juin'₂ bá₄ i₂nē₅!† jui₁le₂jñi₃ i₂já₅ o₄quió'₄ Te₁gui'₅₄!‡ jui₁le₂jñi₃ Rag₅₄ quián₅ Israel!

¹⁴ Ca₂dsán'₂ Jesús jan₂ i₂bú'₄ 'mí₂, jaun₂ ca₂co₃dsin₅₄ já'₂, jui₁lia'₂ chi₁ton₅ ne₄ Si₂:

¹⁵ Tsá₃ lē₁jmo₂ gang'₃,

'nia'₂ dsa₂ chan₂ ciudad Sión:

jag₄, já₅ Rag₅₄ quiáng'₂,

co₂dsin₅₄ jan₂ bú'₄.§

¹⁶ Tsá₃ a₂jaun₂ ca₂rē₃ñi'₂ dsí₅ chi'₂ dsí₂guia₃-tín₂ le₂'uig₅₄; la₁ia₁ cang₂ jaun₂, jme₁ma₂ca₂lē₃ rē₂juin'₂ Jesús, jaun₂ bá₄ ca₂dsáu'₃ dsí₅ guioin₅₄ jág₁ nē₅ a₂tio'₅₄ ne₄ Si₂ a₂'iñ₂₃ 'éi₂. Ca₂dsáu'₃ dsí₅ ján₃, dsau₅ bá₄ le₂jaun₂ ca₂jmo₃ dsa₂ juig₂ ja₁con₂ Jesús.

¹⁷ Qui₂ca₂jáng'₃ jág₁ dsau₅ dsa₂ juin₅ i₂jme₁quian'₅₄ Jesús lia'₂ con'₂ jme₁ca₂tē'₃ Si₁Lia₁ né₃ tau₂ 'ḡio₅, jme₁ca₂jme₃jein'₅₄ 'éi₂ jme₁rē₂'lín₅₄. ¹⁸ Uig₅₄ jaun₂ bá₄ ca₂'uñin₂ dsa₂ juin₅, a₂ca₂i₁jñia₁₂ Jesús, ia₁ ca₂rē₃ñi₅ a₂ca₂jmo₃ 'éi₂ léi₄ juē'₂ jaun₂.

¹⁹ Jaun₂ ně₃ ca₂juá'₂ dsa₂ fariseos qui₂ca₂tsí'₃ riin'₅₄:

—Nē₅ bá₄ jág'₂ 'nia'₂, tsá₃ 'e₂ qui'₅₄ 'nia'₂ jmig₄ jmó'₂ 'i₁caun₂. Jag₄ de'₂ 'nia'₂, ma₂i₂lén₂ ta₁caun₂ mi₂güig₃ le₃quió'₅ i₂nē₅.

I₂lín₅₄ dsa₂ griegos 'nai'₂ Jesús

²⁰ Jin₄ dsa₂ i₂i₁len₅₄ Jerusalén i₂jme₂juin'₂ Diú₄ ja₁niog₅ jmig₄, jme₁tion'₅₄ i₂lín₅₄ dsa₂ griegos. ²¹ Dsa₂ 'éi₂ ně₃, ca₂jme₃quiáin₃ ja₁con₂ Felipe i₂chan₂ juig₂ Betsaida, ja₁niog₅ 'uē₃ Galilea, jaun₂ ca₂mi₃ ne₄ 'éi₂, ca₂juá'₂:

—Gui'₅₄, 'niog₂ jnia'₅₄ né₄ Jesús.

²² Jaun₂ ḡe₄ Fe₂li₄ ca₂i₁chi'₄ Dré₄; jaun₂ le₂oin₃ ca₂i₁dsia₂ a₂ca₂i₁chi'₄ Jesús. ²³ Jaun₂ ně₃ ca₂ḡag₃ Jesús:

—Ma₂ca₂tē₂ hora a₂le₃juin'₂ Jaun₅ dsa₂ mi₂güig₃. ²⁴ A₂dsi₂jó'₃ juig₂ jniá₂ 'nia'₂, ně₁jua'₂ tsá₃ tiá'₃ né₃ 'uē₃ jui₁lia'₂ ca₂míg₂ mi₂cuig₂, * a₂dsi₃'én₂ ně₃, a₂lē₁tē₂ron₅₄ 'ḡiog₅; la₁ia₁ ně₁jua'₂ ca₂jon₃ ně₃, 'lióng₂ rau₂. ²⁵ Jui₁lia'₂ i₂ñí₄ lē₃ 'nio₃ jme₂dsí₂ a₂chain₂, dsí₂'én₂ bá₄ jme₂dsí₂ jaun₂; la₁ia₁ jui₁lia'₂ i₂tén'₂ dsí₅ jme₂dsí₂ quió'₅ a₂chain₂ mi₂güig₃ la₂, a₂lé₂ quió'₅ bá₄ co₂tan₅₄.

† 12:13 lit. “Hosana”, co₂'nió'₄ le₃jua'₅₄: “¡Lio₄ jmig₄ nē₃!” A₂jme₁juá'₂ dsa₂ le₂nē₅ tsí₅ Diú₄, qui₂mi₂₃ a₂jíá₃, dsa₂ I₂rē₂'in₁ quiáin₅. ‡ 12:13 Salmo 118:25-26. § 12:15 Zacarías 9:9. * 12:24 lit. “trigo.”

26 Jui₁lia'₂ i₂jme₂ti₃ ta₁ ne₃ jniá'₂, 'nió'₅ jiá₃ chi₁co'₅₄ quió'₃ jniá'₂, jaun₂ jui₁lia'₂ ja₁'en₅₄ jniá'₂, ján₃ bá₄ ja₁jaun₂ 'en₅₄ guë'₂ i₂jme₂ti₃ ta₁ ne₃. Jaun₂ jui₁lia'₂ i₂jme₂ti₃ ta₁ ne₃, guéi'₂ bá₄ Ne'₃ rë₂.

Ca'ë₂ Jesús jág₁ a₂jóin₂

27 "Ñio₅ lín₃ quian₄ jniá'₂ o_{2i}1 dsi₅. ¿E₂ bá₄ juá'₄ jniá'₂? ¿Juá'₄ 'e₂: "Tia₅₄, lio₄ jniá'₂ 'e₂ niog₅ a₂qui₂dsi₃ñí₂ jniá'₂ hora la₂"? La₁ on₃jua'₅₄ le₂jaun₂, ia₁ ta₁ jaun₂ guio₃ guë'₂ jniá'₂ hora la₂.

28 Tia₅₄ jme₁jnia₅ 'a₂ lia'₂ jláng'₁.

Jaun₂ ně₃ ca₂né'₂ caun₂ jág₁ guei'₅₄ mi₂güig₃ a₂ca₂juá'₂:

—Ma₂ca₂jme₁jnia₅ bá₄ jniá'₂, jaun₂ con'₂ siá'₂ jme₁jnia₅ táng₃.

29 Jme₁ca₂nág₂ dsa₂ juin₅ i₂jme₁tió_{n2} cau₅ jaun₂, ca₂juá'₂:

—Ní'₃ bá₄ ně₂quiá'₃.

La₁ i₂sián'₂ guë'₂ juá'₂:

—Jan₂ ángel bá₄ ně₂juá'₂ jág₁ quió'₅.

30 Jaun₂ ně₃ ca₂juá'₂ Jesús ca₂tsí'₃ dsa₂:

—On₃jua'₅₄ o₄quió'₃ jniá'₂ a₂ca₂né'₂ jág₁ ně₅; o₄quián'₂ 'nia'₂ bá₄ a₂ca₂né'₂. 31 Ně₃ guë'₄ ně₃ ca₂të₂ jmig₄ a₂të₃dsi₅₄ 'éi'₃ mi₂güig₃ la₂; ně₃ guë'₄ dsein₂₃ i₂gon₂ mi₂güig₃ la₂. 32 Jaun₂ jniá'₂ ně₃, jë₁ma₂ca₂chó'₂ dsa₂ guei'₅₄ gua'₅₄ 'uë₃, jme₁quián₄ jniá'₂ ca₂le₃jín₃ ja₁cong₂.

33 Ca₂juá'₂ le₂ně₅ a₂'ë₂₃ 'e₂ ne₅₄ 'mú₃ dsi₃ñí₂.

34 Jaun₂ ca₂ñag₃ dsa₂:

—Ma₂néi₂ jnia'₅₄ a₂'i₅ dsa₂ ne₄ Si₂ 'Éi'₃ a₂juá'₂ a₂le₃chan₂ I₂rë₂'ín₁ quián₅ Diú₄ co₂tan₅₄. ¿'A₂ guë'₂ lia'₂ juá'₂ 'ne₂ tion₅₄ chón'₂ dsa₂ Jaun₅ dsa₂ mi₂güig₃? ¿'Ein₂ 'éi₂ i₂lín₅ Jaun₅ dsa₂ mi₂güig₃?

35 Jaun₂ ně₃ ca₂juá'₂ Jesús:

—Jnia'₅₄ lia'₂ co₂'na₂ bá₄ táng₅ guë'₄ si₂ jin'₄ 'nia'₂. La₁ i₂nio'₄ 'nia'₂ të₁lia'₂ táng₅ si₂, con'₂ tsá₃ ñó₅ ně₁jua'₂ ca₂tó'₂ nei₂. Ia₁ jui₁lia'₂ dsa₂ i₂ñi₅ jë₄ qui₁né'₃, tsá₃ ñi₅ 'a₂ jui₅ dsó₃. 36 Jui₁le₂'én'₂ 'nia'₂ le₃quió'₅ si₂, të₁lia'₂ cha₂ si₂ jin'₄ 'nia'₂, ia₁jaun₂ lén'₂ 'nia'₂ dsa₂ quián₅ si₂.

Jme₁ca₂dsan₃ juá'₂ Jesús le₂ně₅, ñái'₃, jaun₂ ca₂'mai₃ ja₁con₂ dsa₂ 'éi₂.

'E₂ lë₃ tsá₃ jme₁'én₂ dsa₂ judíos le₃quió'₅ Jesús

37 La₁ jui₁'a₂ guë'₃ la₂ ca₂jmo₃ Jesús 'lióng₂ léi₄ ne₄ dsa₂ 'éi₂, tsá₃ ca₂rë₃'én₂ bá₄ guë'₄ dsa₂ 'éi₂ le₃quió'₅. 38 Le₂ně₅ ca₂rë₃ti₃ jág₁ a₂ca₂'ë₂ Isaías o₄quió'₄ Diú₄, jme₁ca₂juá'₂:

Te₁gui'₅₄, ¿'ein₂ ma₂ca₂rë₃'én₂ jág₁ a₂'ë₅ jniog₄?

¿Ja₁con₂ 'ein₂ ma₂ca₂jme₃jnia₅ Te₁gui'₅₄

jui₅bí₂ quió'₅?†

39 'Uig₅₄ jaun₂ tsá₃ lé₂ le₃'én₂ dsa₂ 'éi₂, ia₁ con'₂ siá'₂ ca₂juá'₂ táng₃ Isaías:

40 "Ma₂ca₂jmo₃ Diú₄ a₂tén₂ dsa₂ 'éi₂,

a₂ca₂lë₃ cang₄ dsi₅₄ ně₃,

ia₁jaun₂ tsá₃ jág₃ quian'₅₄ mi₂ne₅₄,

on₃ guë'₂ le₂ñí'₂ të₂le₃ të₂dsí₅,

on₃ guë'₂ qui₃jéin'₃ dsí₅,

ia₁jaun₂ jme₁'lioin₁₂ jniá'₂. "‡

41 Ca₂juá'₂ Isaías le₂ně₅ ia₁ ca₂jág₃ le₂ñiá₅ jui₅bí₂ jlá'₁ quió'₅ Jesús, jaun₂ ca₂dsia₃ 'iin₂₃ 'éi₂.

42 La₁ia₁ tion₅₄ bá₄ ca₂rë₃'én₂ dsa₂, le₂jio₅ bá₄ i₂lín₅₄ dsa₂ can'₅₄. La₁ tsá₃ ca₂jmo₃ jág₁, ia₁ a₂gó'₅ gain₃ dsa₂ fariseos, con'₂ tsá₃ ñó₅ ně₁jua'₂ ca₂'uág'₂ dsa₂ quió'₅, ja₁le₁toin₂₃ ne₄ si₂ guá'₅ sinagoga.

43 Ia₁ a₂'nio₃ guë'₄ të₃tsiin'₅₄ dse₃ quian'₅₄ dsa₂ mi₂güig₃, lia'₂ con'₂ guë'₄ a₂jme₁të₃tsiin'₅₄ dse₃ quian'₅₄ Diú₄.

† 12:38 Isaías 53:1. ‡ 12:40 Isaías 6:10.

Jág₁ quió'₅ Jesús bá₄ a₂qui₃dsi₅ 'éi'₃ ja₁con₂ dsa₂ mi₂güig₃

⁴⁴ Ca₂juá'₂ Jesús jág₁ tiá₂:

—Jui₁lia'₂ i₂'én₂ të₂le₃ quió'₃ jniá₂, on₃jua'₅₄ jmá'₃ le₃quió'₃ jniá₂ 'éin₂; ján₃ bá₄ 'éin₂ le₃quió'₅ Ne'₃ i₂ca₂chei₃ jniá₂. ⁴⁵ Jui₁lia'₂ i₂jág₂ jniá₂, j₁in₂ i₂ca₂chei₃ jniá₂. ⁴⁶ Ma₂guan₅ jniá₂ mi₂güig₃ la₂, a₂líng₅ si₂, ia₁jaun₂ i₂'én₂ të₂le₃ quió'₃ jniá₂, tsá₃ të₃'ñiá₄ jë₄ qui₁né'₃. ⁴⁷ Jaun₂ chi₂jua'₂ 'ein₂ i₂nag₅ jág₁ quió'₃, la₁ tsá₃ guë'₂ tón'₂ jui₅, on₃jua'₅₄ jniá₂ qui₃dsi₅ 'éi'₃ quió'₅ 'éi₂; ia₁ on₃jua'₅₄ ta₁ jaun₂ guio₃ jniá₂ a₂qui₃dsi₅ 'éi'₃ ja₁con₂ dsa₂ mi₂güig₃; të₂le₃ a₂loin₅₄ bá₄ jniá₂. ⁴⁸ Jui₁lia'₂ i₂tsá₃ jei₅₄ jniá₂, on₃ guë'₂ tón'₂ jui₅ jág₁ quió'₃, cha₂ bá₄ caun₂ a₂qui₃dsi₅ 'éi'₃ quió'₅. Jág₁ a₂ma₂qui₂ma₂juá'₃ bá₄ jniá₂, a₂jaun₂ bá₄ qui₃dsi₅ 'éi'₃ quió'₅, jmig₄ jë₁ca₂tó'₂. ⁴⁹ Ia₁ on₃jua'₅₄ o₄quió'₃ 'ñi₃ ma₂qui₂ma₂juá'₃; Ne'₃ jniá₂ i₂ca₂chei₃ bá₄ ma₂ca₂cuë₃ 'éi'₃ jui₁'e₂ a₂juá'₅ jniá₂ quian'₅₄ 'e₂ a₂jme₂tíng₂ dsa₂. ⁵⁰ Jaun₂ guion₄ jniá₂, a₂jio₅ 'éi'₃ quió'₅ Ne'₃ jui₅ ja₁le₃chan₂ dsa₂ co₂tan₅₄; jaun₂ lë₃, jág₁ a₂juá'₅ jniá₂, juá'₅ lia'₂ con'₂ lë₅ 'éi'₃ ca₂cuë₃ Ne'₃.

13

Ca₂rín'₃ Jesús mi₂tag₄ chi'₂ dsi₂guia₃-tín₂ quiáin₅

¹ Ca₂juig₄ jme₁'nió'₅ guë'₄ a₂të₅₄ Jmig₄ Të₂'in₅₄. Jme₁ma₂ñi₅ bá₄ Jesús a₂ma₂ca₂të₂ hora a₂o₃'in₅ mi₂güig₃ la₂ a₂dsáin'₃ táng₃ ja₁con₂ Jmei₂. Lia'₂ co₂tan₅₄ bá₄ ca₂jme₃'nio₃ 'éi₂ dsa₂ quiáin₅ i₂jme₁tion'₅₄ mi₂güig₃; la₁ në₃ në₃, ca₂jme₃jniai₂₃ 'a₂ con'₂ ca₂dsi₃óg₃ ca₂rë₃'nioi₃ 'éi₂.*

² Jme₁ma₂lë₅ má₃ të₂le₃ ca₂nei₂, jaun₂ jme₁ma₂jmo₃ i₂së₃dsen₃ a₂i₂jio₅ dsi₅ Judas Iscariote, ja₁ñi'₅₄ Si₂mu₅₄, a₂j₁in₂ Jesús. ³ Jme₁ma₂ñi₅ bá₄ Jesús a₂ma₂ca₂dsia₃ Jmei₂ ca₂le₃jë₃ o₄gú₃; jme₁ma₂ñi₅ bá₄ ján₃ a₂já₅ ja₁con₂ Diú₄, jaun₂ ja₁con₂ Diú₄ bá₄ dsáin'₃ táng₃. ⁴ Jaun₂ lë₃, lia'₂ con'₂ jme₁tiáin'₄ guë'₅, ca₂nau₂ ja₁jme₁guá₄, jaun₂ ca₂dsia₃ cau₅ tsin'₅₄ a₂jme₁qui'₂ të₂le₃ co'₅₄, jaun₂ ca₂jén'₃ caun₂ 'mi'₂ toalla o₄'ñei'₂.

⁵ Jaun₂ në₃ ca₂tia'₃ jmig₂ 'ñi₃ caun₂ ni₁'í₅, jaun₂ ca₂jme₃lióg₃ ca₂rang₃ mi₂tag₄ chi'₂ dsi₂guia₃-tín₂. Jaun₂ ca₂jme₃quéin'₂ quian'₅₄ tsí₁'mi'₂ toalla a₂jme₁chi₁jén'₅ o₄'ñei'₂.

⁶ Jaun₂ jme₁ca₂dsi₃óg₃ ja₁con₂ Si₂mu₅₄ Pe₄, ca₂juá'₂ 'éi₂ ca₂tsí'₃ Jesús:

—Te₁gui'₅₄, ¿'ne₂ ráng'₂ tag₃ jniá₂?

⁷ Jaun₂ ca₂ñag₃ Jesús:

—Tsá₃ ñí'₂ guë'₄ 'au'₂ 'ne₂ 'e₂ a₂jmo₅ jniá₂ në₃, la₁ cang₂ guë'₄ le₃ñí'₂.

⁸ La₁ ca₂juá'₂ Pe₄:

—Lia'₂ o₁lí'₂ co₂ñí₂ tsá₃ ráng'₂ 'ne₂ tag₃ jniá₂.

Jaun₂ ca₂juá'₂ Jesús:

—Në₁juá'₂ tsá₃ ca₂rang₃ jniá₂ quiáng'₂, tsá₃ quen'₅₄ 'ne₂ ja₁con₂ jniá₂.

⁹ Jaun₂ në₃ ca₂juá'₂ Si₂mu₅₄ Pe₄:

—Chi₂jua'₂ le₂jaun₂, Te₁gui'₅₄, on₃jua'₅₄ jmá'₃ mi₂tag₃ ráng'₂; ján₃ bá₄ rang₄ mi₂gu₃ quian'₅₄ mi₂dsi₃.

¹⁰ La₁ ca₂juá'₂ Jesús:

—Jui₁lia'₂ i₂lia'₂ ca₂lë₃ ló'₅, jmá'₃ mi₂tag₅₄ bá₄ 'nió'₅ rín'₂, ia₁ ma₂le₁j₁in₃ bá₄ ta₁jain₂. Ma₂le₁j₁in₃ bá₄ 'nia'₂, la₁ia₁ on₃jua'₅₄ ca₂le₃j₁ing'₃.

¹¹ Ca₂juá'₂: “Tsá₃ le₁j₁in₃ 'nia'₂ le₃j₁ing'₃”, ia₁ ma₂ñi₅ bá₄ i₂'ein₂ i₂jáng'₂ quió'₅.

¹² Jme₁ca₂lë₃ rang₅ Jesús mi₂tag₄ chi'₂ dsi₂guia₃-tín₂, jaun₂ ca₂quí'₂ táng₃ ni₁tsin'₅₄ le₃co'₅₄, jaun₂ ca₂guá₂ táng₃ ne₄ mesa. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

—¿ñí'₂ 'nia'₂ 'e₂ a₂në₂jmo₃ jniá₂ quián'₂ 'nia'₂? ¹³ 'Ág'₅ 'nia'₂ jniá₂ Të₅, quian'₅₄ Te₁gui'₅₄. Tí₅ bá₄ jág₁ quián'₂ 'nia'₂, ia₁ dsón'₂ bá₄ le₂jaun₂ líng₅. ¹⁴ Jaun₂ në₃, chi₂jua'₂ le₂në₅ jniá₂ i₂líng₅ Të₅ quian'₅₄ Juig'₂ 'nia'₂, në₂rang₃ mi₂tag₅₄ 'nia'₂, ján₃ bá₄ le₂jaun₂ 'nió'₅ jmó'₂ 'nia'₂:

* **13:1** o₃, “në₃ në₃, ca₂rë₃'nioi₃ ca₂të₂ jë₁ca₂tó'₂.”

a₂qui₁ráng'₂ mi₂tag₄ ríng'₂ le₂jang'₂ le₂jang'₂. ¹⁵ Ia₁ ma₂nē₂can₃ jniá₂ caun₂ jui₅, ia₁jaun₂ jmó'₂ 'nia'₂ le₂jaun₂, jui₁lia'₂ ma₂nē₂jmo₃ jniá₂ ja₁con'₂ 'nia'₂. ¹⁶ A₂dsi₂jó'₃ juíg₂ jniá₂ 'nia'₂, lia'₂ 'i₁jan₂ dsa₂ i₂jme₂ti₃ ta₁, tsá₃ juin'₂ guě₄ con'₂ guě₄ juig₅₄; ján₃ bá₄ lia'₂ 'i₁jan₂ dsa₂ i₂chen₄, tsá₃ juin'₅₄ guě₄ lia'₂ con'₂ guě₄ dsa₂ i₂chei₅. ¹⁷ Chi₂jua'₂ nǐ'₂ 'au'₂ 'nia'₂ a₂nē₅, 'e₂ bá₄ dsen'₃ 'nia'₂ chi₂jua'₂ le₂jaun₂ qui₂jmo'₂.

¹⁸ On₃jua'₅₄ ca₂le₃jín'₃ 'nia'₂ 'ín₅ jniá₂; guion₄ bá₄ jniá₂ i₂'ein₂ 'éi₂ i₂ma₂ca₂quiong'₅₄. La₁ia₁, 'nió'₅ le₃ti₃ lia'₂ con'₂ juá'₂ ne₄ Si₂: “Jui₁lia'₂ i₂guě'₅ co₂lě₅ quian'₅₄ jniá₂, ca₂nau₂ quen₅ tē₂le₃ ja₁con₂ jniá₂.”† ¹⁹ Jaun₂ juíg₂ jniá₂ 'nia'₂ nē₃, tē₃jniá₅, ia₁jaun₂ jē₁ma₂tē₂ rē₁lě₂, le₃'én'₂ 'nia'₂, jniá₂ bá₄ líng₅ 'éi₂.‡ ²⁰ A₂dsi₂jó'₃ juíg₂ jniá₂ 'nia'₂, jui₁lia'₂ i₂guen₅ dsa₂ i₂chen₄ quián₃ jniá₂, guei₂₃ jniá₂; jaun₂ jui₁lia'₂ i₂guei₅ jniá₂ guein₂₃ i₂ca₂chei₃ jniá₂.

Ca₂juá'₂ Jesús a₂jang'₂ Judas quió'₅

(Mateo 26:20-25; Marcos 14:17-21; Lucas 22:21-23)

²¹ Jme₁ca₂lě₃ juá'₂ jág₁ nē₅, ca₂can₃ o₂i₁ dsi₅ ca₂tē₂ jme₂dsi₂, jaun₂ ca₂jang'₃ jág₁ dsau₅ lia'₂ rē₂jiá₃ jág₁, ca₂juá'₂:

—A₂dsi₂jó'₃ juíg₂ jniá₂ 'nia'₂, jan₂ 'nia'₂ jáng'₂ jniá₂.

²² Jaun₂ nē₃ qui₂ca₂jín₂ chi'₂ dsi₂guia₃-tín₂ riin'₅₄ le₂jain₂ le₂jain₂, i₂gó'₃ dsí₅ 'nio₃ le₃ni₅ 'ein₂ bá₄ 'ín₅ Jesús.

²³ Jan₂ chi'₂ dsi₂guia₃-tín₂ i₂nǐ₄ lě₃ jme₁'nio₃ Jesús, jme₁guá₄ le₃jén'₃ quió'₅. ²⁴ Jaun₂ ca₂jmo₃ Si₂mu₅₄ Pe₄ caun₂ léi₄ ne₄ 'éi₂, ca₂juá'₂:

—Chei'₅₄ 'ein₂ bá₄ 'iin₂₃.

²⁵ Jaun₂ nē₃ ca₂jme₃quián₃ 'éi₂ tē₂cau₅ guě₄ quió'₅ Jesús, jaun₂ ca₂ηag₃:

—Te₁gui'₅₄, ¿'ein₂ 'éi₂?

²⁶ Jaun₂ ca₂ηag₃ Jesús:

—I₂'éi₂ bá₄ i₂cuě₄ jniá₂ ca₂jne₄ i₁nǐ'₄ la₂, jē₁ma₂ca₂tiá₃ ni₁uing₅.

Jaun₂ nē₃, jme₁ma₂nē₂tiá₂ i₁nǐ'₄, jaun₂ ca₂cuě'₃ Judas Iscariote, ja₁ni'₅₄ Si₂mu₅₄.

²⁷ Jaun₂ dsi₂jui₅ le₂jaun₂ jme₁ca₂gue₃ Judas i₁nǐ'₄ jaun₂, ca₂'í₃ i₂sē₃dsen₃ tē₂dsí₅. Jaun₂ nē₃ ca₂juá'₂ Jesús:

—A₂jaun₂ a₂niog₅ 'au'₂ jmó'₂, jmo₄ nē₃ cón'₅.

²⁸ La₁ lia'₂ 'i₁jan₂ i₂tián'₅ guě'₅ ne₄ mesa tsá₃ ca₂rē₃nǐ'₂ 'e₂ 'uig₅₄ ca₂juá'₂ Jesús ca₂tsí'₃ Judas le₂jaun₂.

²⁹ Ia₁ jme₁niog₅ gu₂ Judas 'éi₂ ni₁lau₂ tio'₅₄ cu₄; jaun₂ ca₂lin₃ i₂lin₅₄, a₂ca₂juá'₂ Jesús tsí'₅ 'éi₂ a₂cha₂ jme₁lá₃ quió'₅ jmi₃g₄, o₃ jme₃oin₅₄ ca₂la₂ cu₄ dsa₂ te₂ηé₂ 'e₂.

³⁰ Jaun₂ dsi₂jui₅ jme₁ma₂nē₂gue₃ 'éi₂ i₁nǐ'₄, o₂'iin₃. Jme₁ma₂ca₂nei₂ bá₄ le₂jaun₂.

Caun₂ 'éi'₃ 'mǐ₂

³¹ Jme₁ma₂o₂'ín₃ Judas jaun₂, ca₂juá'₂ Jesús:

—Nē₃ nē₃, jē₁ma₂le₃jniá₂ jui₅bí₂ jlá'₁ quió'₅ Jaun₅ dsa₂ mi₂güig₃; ján₃ bá₄ le₃jniá₂ jui₅bí₂ quió'₅ Diú₄, ja₁con₂ 'éi₂. ³² Chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂, § Diú₄ nē₃, jme₃jnia₅ jui₅bí₂ jlá'₁ quió'₅ Ja₁ni'₅₄ ja₁con₂ 'ηiog₅, ton'₂ jme₃jniai₂₃ ni'₅₄ ta₁. ³³ 'Nia'₂ chi'₂-guein₂ quiáng₃, tsá₃ ma₂uě₂ 'en₅₄ jniá₂ jin'₄ 'nia'₂. Qui₁'nau'₅₄ 'nia'₂ jniá₂; la₁ jui₁lia'₂ ma₂ca₂juíg₂ jniá₂ dsa₂ judíos, ján₃ bá₄ le₂jaun₂ juíg₂ jniá₂ 'nia'₂ nē₃; tsá₃ lé₂ o₁nó'₅ 'nia'₂ ja₁né'₄ jniá₂. ³⁴ Caun₂ 'éi'₃ 'mǐ₂ la₂ cuě₄ jniá₂ 'nia'₂: a₂jme₁'nió'₄ 'nia'₂ ríng'₂ le₂jang'₂ le₂jang'₂. Jui₁lia'₂ ca₂jme₁'nió₄ jniá₂ 'nia'₂, 'nia'₂ nē₃ 'nió'₅ jme₁'nió'₄ 'nia'₂ ríng'₂. ³⁵ Le₂nē₅ bá₄ le₃ni₅ ca₂le₃jín₃ dsa₂ a₂lín'₅ 'nia'₂ dsa₂ i₂ma₂ca₂rē₃tín₃ quiáng₃: nē₁jua'₂ caun₂ qui₂ca₂jme₁'nió'₄ 'nia'₂ ríng'₂ le₂jang'₂ le₂jang'₂.

† 13:18 Salmo 41:9. ‡ 13:19 o₃, “jniá₂ líng₅” co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14, Isaías 43:10, Juan 8:58. § 13:32 A₂lin₅₄ chog₅₄ si₂, tsá₃ juá'₂ con'₂ táng₃: “chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂.”

Ca₂juá'₂ Jesús a₂tsá₃ tion₃ Pe₄ a₂cuig'₂₃
(Mateo 26:31-35; Marcos 14:27-31; Lucas 22:31-34)

³⁶ Jaun₂ ca₂ηag₃ Si₂mu₅₄ Pe₄ ca₂ηi'₃ Jesús:

—Te₁gui'₅₄, ¿a₂já'₄ guang'₅₄?

Jaun₂ ca₂ηag₃ Jesús:

—Ja₁né'₄ jniá'₂, tsá₃ lé₂ le₃'éin'₄. La₁'éin'₄ bá₄'nia'₂ cang₂.

³⁷ Jaun₂ ně₃ ca₂juá'₂ Pe₄ ca₂tsí'₃ Jesús:

—Te₁gui'₅₄, ¿'e₂ lě₃ tsá₃ lé₂ le₃'éin₄ jniá'₂ tē₂ně₃? Ma₂chan₂ co₂jñia₅₄ bá₄ jniá'₂ a₂gue'₅₄ 'mú₃ o₄quián'₂ 'ne₂.

³⁸ Jaun₂ ca₂ηag₃ Jesús:

—¿Dsón'₂ ma₂'ei₅ caun₂ 'au'₂ a₂gue'₂ 'mú₃ o₄quió₃ jniá'₂? A₂dsi₂jó'₃ juí₂g₂ jniá'₂ 'ne₂, né'₃ guě'₄ a₂'o₃ tē₁guí₄ dsó₂, hora jaun₂ dé₄ tsá₃ tón'₄ 'ne₂ a₂cuig'₂ jniá'₂, ta₁'ni₅ ráun₂.

14

Jesús bá₄ lín₅ juí₅ a₂dsi₁len₃ dsa₂ ja₁con₂ Jmei₂

¹ 'Tsá₃ lě₁can₂ 'nia'₂ o₂i₁ 'au'₂. Juí₁lia'₂ 'én'₂ 'nia'₂ tē₂le₃ quió'₅ Diú₄, ján₃ bá₄ le₂jaun₂ juí₁le₂'én'₂ 'nia'₂ tē₂le₃ quió₃ jniá'₂. ² Ja₁quió'₄ Ne'₃, 'lióng₂ dsi₂néi₂ cha₂ a₂jo₂; jua'₅₄ mei'₂ guě'₃ tsá₃ le₂jaun₂ ně₃, ¿lín'₂ 'nia'₂ a₂jme₁juí₅g₅₄ jniá'₂ 'nia'₂ a₂nég'₄ i₁jmo₃ co₂jñia₅₄ dsi₂néi₂ quián'₂ 'nia'₂?* ³ Cang₂ jē₁ma₂dsián'₃ jniá'₂, jē₁ma₂ca₂lē₃ jmo₂₃ co₂jñia₅₄ ja₁o₁tió'n'₂ 'nia'₂, jaun₂ bá₄ guí₅₄ táng₃ a₂i₁te₁₂ 'nia'₂ ja₁cong₂, ia₁jaun₂ ja₁i₁'ú₃ jniá'₂, ján₃ bá₄ lé₂ o₁tió'n'₂ 'nia'₂. ⁴ Ni'₅₄ bá₄ 'nia'₂ a₂já'₄ né'₄ jniá'₂; cui'n'₂ bá₄ 'nia'₂ juí₅ ně₃.

⁵ Jaun₂ ca₂juá'₂ To₁má₄:

—Te₁gui'₅₄, tsá₃ ne₄ jnia'₅₄ a₂já'₄ guang'₅₄; ¿'a₂ guě'₂ lia'₂ le₃cuag₅ jnia'₅₄ juí₅?

⁶ Jaun₂ ca₂ηag₃ Jesús:

—Jniá'₂ bá₄ lín₅ juí₅, ján₃ bá₄ lín₅ jág₁ dsau₅, ján₃ bá₄ lín₅ i₂jmo₅ a₂le₃chan₂ dsa₂. 'I₁jan₂ tsá₃ dsióg₄ ja₁con₂ Ne'₃ jua'₅₄ tsá₃ tē₂le₃ quián'₅₄ jniá'₂. ⁷ Jua'₅₄ mei'₂ guě'₃ dsón'₂ ηi'₅₄ 'nia'₂ 'éin₂ lín₅ jniá'₂, ján₃ bá₄ jme₁le₃cui'n'₂ 'nia'₂ Ne'₃ ján₃;† jaun₂ ně₃ ně₃, tē₂le₃ ne₄ juí₅, le₃cui'n'₂ 'nia'₂, ton'₂ ma₂jñin'₅₄ 'nia'₂.

⁸ Jaun₂ ně₃ ca₂juá'₂ Fe₂li₄ ca₂tsí'₃ Jesús:

—Te₁gui'₅₄, cuē₄ jmí₄g₄ a₂jñin₄ jnia'₅₄ Néi'₅, jaun₂ co₂jaun₂ guě'₄ dsá₅ dsi₅ jnia'₅₄.

⁹ Jaun₂ ca₂ηag₃ Jesús:

—¿Tsa₁ cui₂g'₂ 'ne₂ jniá'₂ Fe₂li₄, o₁jñia'₅₄ ma₂ηó₅ jmí₄g₄ 'en₅₄ jniá'₂ quián'₅₄ 'nia'₂? Chi₂jua'₂ 'éin₂ dsa₂ ma₂jág₂ jniá'₂, ján₃ bá₄ ma₂jñin₂ Ne'₃. ¿'A₂ bá₄ lia'₂ juá'₂ 'ne₂: “Cuē₄ jmí₄g₄ a₂jñin₄ jnia'₅₄ Néi'₅”? ¹⁰ ¿Tsa₁ 'én'₂ 'ne₂ a₂'en₅₄ jniá'₂ ja₁con₂ Ne'₃, ton'₂ 'en₅₄ guě'₂ Ne'₃ táng₃ ja₁con₂ jniá'₂? Juí₁lia'₂ jág₁ a₂juí₂g₂ jniá'₂ 'nia'₂, tsá₃ juá'₅ jniá'₂ o₄quió₃ 'ñi₃o₃. Tē₂le₃, Ne'₃ jniá'₂ i₂tē₁ñiá'₄ ja₁con₂ jniá'₂, i₂'éi₂ bá₄ jmo₅ ta₁ quió'₅. ¹¹ Juí₁le₂'én'₂ bá₄ 'nia'₂ a₂juá'₅ jniá'₂, a₂'eng₅₄ ja₁con₂ Ne'₃, a₂'en₅₄ guě'₂ Ne'₃ ja₁con₂ jniá'₂; o₃ ně₁jua'₂ tsá₃ le₂jaun₂, jmá'₃ lia'₂ tē₂le₃ quián'₅₄ léi₄ a₂jmo₂₃, juí₁le₂'én'₂ 'nia'₂. ¹² A₂dsi₂jó'₃ juí₂g₂ jniá'₂ 'nia'₂, juí₁lia'₂ i₂'én₂ le₃quió₃ jniá'₂, ján₃ bá₄ jmo₃ juí₁lia'₂ a₂jmo₅ jniá'₂; jaun₂ tē₂le₃ 'ñio₅ guě'₄ juē'₂ a₂jmo₃, ia₁ nég'₄ ja₁con₂ Ne'₃. ¹³ Jaun₂ chi₂jua'₂ 'e₂ a₂mi'₂ 'nia'₂ lia'₂ con'₂ lě₅ 'éi'₃ quió₃ jniá'₂, jmo₅₄ bá₄ jniá'₂, ia₁jaun₂ le₃juin'₂ Jmei₂ o₄quió'₄ Ja₁ñi'₅₄. ¹⁴ Lé₂ bá₄ mí'₁ 'nia'₂ lia'₂ con'₂ lě₅ 'éi'₃ quió₃ jniá'₂, chi₂jua'₂ 'e₂ caun₂ a₂'niog'₂ 'nia'₂, jaun₂ jmo₅₄ bá₄ jniá'₂.

Ca₂cuē₃ Jesús jág₁ quió'₅ a₂chein₃ Jme₂dsí₂ Jñi₃o₃

¹⁵ Chi₂jua'₂ 'nióg'₃ 'nia'₂ jniá'₂, nei₂ gau₂ 'éi'₃ quió₃. ¹⁶ Jaun₂ mi₅₄ jniá'₂ ne₄ Ne'₃ a₂cui'n₃ jan₂ i₂sián'₂ i₂cuē'₃ bí₂ 'au'₂ 'nia'₂, ia₁jaun₂ 'í₂ 'éi₂ co₂tan₅₄ quián'₅₄ 'nia'₂. ¹⁷ Jme₂dsí₂ quió'₅ jág₁ tí₅

* **14:2** o₃, “jua'₅₄ mei'₂ guě'₃ tsá₃ le₂jaun₂ ně₃, jme₁juí₅g₅₄ guě'₂ jniá'₂ 'nia'₂. Né₃g'₄ i₁jmo₃ co₂jñia₅₄ dsi₂néi₂ quián'₂ 'nia'₂.”

† **14:7** A₂lín₅₄ chog₅₄ sí₂ juá'₂: “chi₂jua'₂ dsón'₂ ma₂cuí₂g'₂ 'nia'₂ jniá'₂, le₃cui'n'₂ 'nia'₂ Ne'₃ ján₃.”

bá₄ 'éi₂. Tsá₃ lé₂ le₃guei₃ dsa₂ mi₂güig₃, ia₁ tsá₃ jág₂, on₃ guë'₂ cui₂₃ cui₂₃ 'éi₂. La₁ 'nia'₂ ně₃, ma₂cui₂ 'nia'₂, ia₁ guá₅ ja₁con₂ 'nia'₂, ton'₂ tē₃ 'ñiá'₄ le₃quián'₂ 'nia'₂. ¹⁸ On₃jua'₅₄ a₂tén₄ jniá₂ 'nia'₂ co₂ñei'₅₄ ně₂jag₄ bá₄ chi'₂ 'nág₂. Guio₅₄ bá₄ táng₃ ja₁con₂ 'nia'₂. ¹⁹ Tsá₃ ma₃uë'₂ jág₂ dsa₂ mi₂güig₃ jniá₂, la₁ia₁ jag'₅₄ bá₄ 'nia'₂. 'Uig₅₄ ia₁ a₂chan₂ jniá₂, le₃chang'₂ bá₄ 'nia'₂. ²⁰ Jmig₄ jaun₂ le₃len'₅₄ 'nia'₂ a₂en₅₄ jniá₂ ja₁con₂ Ne'₃, 'nia'₂ guë'₂ tiong'₅₄ ja₁con₂ jniá₂, jaun₂ jniá₂ guë'₂ ně₃ 'eng₅₄ ja₁con₂ 'nia'₂. ²¹ Jui₁lia'₂ i₂gue₅, i₂né'₂ 'éi'₃ quió₃, 'éi'₂ bá₄ i₂tē₃dsón'₂ 'nio₃ jniá₂. Jui₁lia'₂ i₂'nio₃ jniá₂ ně₃, jme₃'nio₃ Ne'₃. Ján₃ bá₄ le₂jaun₂ jniá₂ jme₁'nió₄, jaun₂ jme₁jnia₅ jniá₂ ja₁coin₂.

²² Jaun₂ ca₂juá'₂ Judas, (on₃jua'₅₄ Iscariote):

—Te₁gui'₅₄, ¿'e₂ lē₃ ja₁con₂ jnia'₅₄ jme₁jnag'₅, on₃jua'₅₄ rē'₂ ja₁con₂ dsa₂ mi₂güig₃?

²³ Jaun₂ ca₂ñag₃ Jesús:

—Jui₁lia'₂ i₂'nio₃ jniá₂, tón'₂ bá₄ jui₅ jág₁ quió₃; jaun₂ jme₃'nio₃ Ne'₃ jme₃'nio₃ 'éi₂, jaun₂ qui₂ja₁ná₄ jnia'₅₄ ja₁coin₂ ja₁'io₁ quián'₅₄ 'éi₂. ²⁴ Jui₁lia'₂ i₂tsá₃ 'nio₃ jniá₂, tsá₃ tón'₂ jui₅ jág₁ quió₃. Jág₁ a₂nag'₂ 'nia'₂ la₂, on₃jua'₅₄ a₂quió₃, a₂quió'₅ Ne'₃ i₂ca₂chei₃ bá₄.

²⁵ 'Ca₂le₃jē₃ a₂la₂ juá'₅ jniá₂ juig'₂ 'nia'₂ tē₁lia'₂ 'eng₅₄ guē₄ quián'₅₄ 'nia'₂; ²⁶ la₁ia₁ i₂cuē₃ bí₂ 'au'₂ 'nia'₂ 'éi₂, i₂lín₅ Jme₂dsí₂ Jñi₅, i₂chen₃ Ne'₃ o₄quió₃ jniá₂, 'éi₂ bá₄ jme₃tag₅ jme₃tñ₂₃ 'nia'₂, jaun₂ jmo₃ a₂qui₃dsiog'₂ 'au'₂ 'nia'₂ ca₂le₃jē₃ 'e₂ a₂ma₂qui₂ma₂juig'₂ jniá₂ 'nia'₂.

²⁷ 'Ág'₅ jniá₂ jág₁ a₂jmo₃ 'ag₃ tei₄ ja₁con₂ 'nia'₃. A₂tei₄ a₂'ei₅ ja₁con₂ jniá₂, a₂jaun₂ bá₄ cuē₅ jniá₂ 'nia'₂. La₁ on₃jua'₅₄ lia'₂ cuē₅ dsa₂ mi₂güig₃, cuē₅ jniá₂ 'nia'₂. Tsá₃ lē₁can₂ 'nia'₂ o₂l₁ dsi₅, on₃ guë'₂ jmó'₂ 'nia'₂ gang'₃. ²⁸ Ma₂qui₂ma₂nei'₂ 'nia'₂ a₂juá'₅ jniá₂: a₂nég'₄, jaun₂ guio₅₄ táng₃ ja₁con₂ 'nia'₂. Nē₁jua'₂ tē₃dsón'₂ 'nióg'₃ 'nia'₂ jniá₂, jme₁jmó'₂ 'nia'₂ 'io'₂ jme₁ca₂rē₃ñi'₅₄ 'nia'₂ a₂né'₄ jniá₂ ja₁con₂ Ne'₃, ia₁ i₂juin'₂ guē₄ 'éi₂ lia'₂ con₂ guē₄ jniá₂. ²⁹ Jaun₂ ma₂juig'₂ jniá₂ 'nia'₂ a₂la₂ tē₃jñiá₅, ia₁jaun₂ le₃'én'₂ 'nia'₂ jē₁ma₂tē₂ rē₁lé₂ a₂jaun₂.

³⁰ 'Tsá₃ ma₂'lióng₂ jág₁ dsia₅₄ jniá₂ quián'₅₄ 'nia'₂; ia₁ ma₂já₅ i₂gon₂ mi₂güig₃ la₂, o₁jnia'₅₄ tsá₃ 'e₂ jui₅bí₂ 'io₅ 'éi₂ ja₁con₂ jniá₂. ³¹ La₁ia₁ 'nió'₅ le₃ñi₅ dsa₂ mi₂güig₃, a₂'nió₃ jniá₂ Ne'₃, jaun₂ lia'₂ con₂ lē₅ 'éi'₃ a₂ma₂cuē₃ Ne'₃ jniá₂, a₂jaun₂ bá₄ jmo₅ jniá₂.

'Nau₂ 'nia'₂. Ma₃dsau'₅₄ jniog₄ ja₁lá₃.

15

Cho'₅₄ chi₁uñg₃ uvas, quián'₅₄ gu'₂ nei'₅₄ quió'₅

¹ 'Jniá₂ líng₅ cho'₅₄ ni₁uñg₂ uvas, ja₁já₅ bí₂ dsón'₂. Ne'₃ guë'₂ lín₅ i₂jmo₅ 'í₁ ja₁nau₂. ² 'Jniá₂ 'éi₂ ca₂le₃jē₃ ni₁gu'₂ quió₃ a₂tsá₃ míg₂ 'ag₅; la₁ia₁ qui₂jí₅ qui₂uñ₂₃ ni₁gu'₂ a₂'ag₅ míg₂, ia₁jaun₂ ráu₃ guē₄ 'lióng₂. ³ Ma₂le₁jín'₃ bá₄ 'nia'₂ tē₂le₃ quián'₅₄ jág₁ a₂qui₂ma₂juig'₂ jniá₂ 'nia'₂. ⁴ Caun₂ jui₁tē₂'ñiá'₄ bá₄ 'nia'₂ ja₁con₂ jniá₂, jui₁lia'₂ tē₂'ñiá'₄ jniá₂ ja₁con₂ 'nia'₂. 'I₁caun₂ ni₁gu'₂ tsá₃ lé₂ le₃'ag₃ míg₂ con₂ 'ñiog₅ le₂jaun₂, ně₁jua'₂ tsá₃ rē₂tsán'₂ quián'₅₄ cho'₅₄; ján₃ bá₄ le₂jaun₂ jui₁lia'₂ 'nia'₂ ně₃, tsá₃ 'e₂ lé₂ le₃ráu₃ quián'₂ 'nia'₂ ně₁jua'₂ tsá₃ tē₂'ñiá'₄ ja₁con₂ jniá₂.

⁵ 'Jniá₂ líng₅ cho'₅₄; 'nia'₂ guë'₂ líng₅ gu'₂ nei'₅₄. Jui₁lia'₂ dsa₂ i₂tē₂'ñiá'₄ rē₂tsán'₂ quián'₅₄ jniá₂, jui₁lia'₂ tē₂'ñiá'₄ jniá₂ ja₁con₂ 'éi₂, 'lióng₂ ráu₃ quió'₅. Ia₁ 'i₁caun₂ tsá₃ 'e₂ lé₂ le₃jmó'₂ 'nia'₂ jua'₅₄ tsá₃ quiong'₅₄ jniá₂. ⁶ Jui₁lia'₂ i₂tsá₃ tē₂'ñiá'₄ ja₁con₂ jniá₂, lín₅ ně₂jag₄ bá₄ caun₂ ni₁gu'₂ a₂dsi₂guia'₂ dsa₂ cau₅, jaun₂ rē₂quein₂. Ni₁gu'₂ le₂nē₅ qui₂cág'₅ dsa₂, qui₂tó'₅ dsa₂ dsi₂si₂, jaun₂ cau₂.

⁷ 'Chi₂jua'₂ tē₂'ñiá'₄ 'nia'₂ ja₁con₂ jniá₂, ton'₂ tē₂'ñiá'₄ jág₁ quió₃ ja₁con₂ 'nia'₂, jaun₂ mi₄ 'nia'₂ chi₂jua'₂ 'e₂ caun₂ 'niog'₂, jaun₂ guéi'₁ bá₄ 'nia'₂. ⁸ Le₂la₂ bá₄ rē₂juin'₂ Ne'₃; a₂qui₂ráu₂ 'lióng₂ 'e₂ a₂jmo₂ 'nia'₂. * Le₂nē₅ jme₂jniá'₂ 'nia'₂ a₂líng₅ dsa₂ i₂ca₂rē₃tín₃ quián₃ jniá₂. ⁹ Jui₁lia'₂ 'nio₃ Ne'₃ jniá₂, ján₃ bá₄ le₂jaun₂ 'nió₃ jniá₂ 'nia'₂; caun₂ jui₁i₂nio₄ bá₄ 'nia'₂ jui₅ a₂'nió₃ jniá₂

* 15:8 'Nio'₂ ja₁ton₅ Isaías 61:3.

'nia'₂, ¹⁰ Nē₁jua'₂ caun₂ né'₂ 'nia'₂ gau₂ 'éi'₃ quió₃, le₂nē₅ tē₃'ñiá'₄ 'nia'₂ juí₅ a₂'nió₃ jniá'₂ 'nia'₂, juí₁lia'₂ caun₂ nag₅ jniá'₂ gau₂ 'éi'₃ quió'₅ Ne'₃, ton'₂ tē₂'ñiá'₄ jniá'₂ juí₅ a₂'nio₃ 'éi'₂ jniá'₂.

¹¹ Jág₁ nē₅ ma₂nē₂juíg₂ jniá'₂ 'nia'₂ ia₁jaun₂ a₂ñí₄ lē₃ jéin₅ jniá'₂ 'io'₂, cuē₄ jniá'₂ 'nia'₂, ia₁jaun₂ le₃'ñia₅ bá₄ a₂jén'₂ 'nia'₂ 'io'₂. ¹² A₂la₂ bá₄ 'éi'₃ quió₃: a₂jme₁'nió'₄ 'nia'₂ ríng'₂ le₂jang'₂ le₂jang'₂, juí₁lia'₂ ma₂ca₂jme₁'nió'₄ jniá'₂ 'nia'₂. ¹³ I₁jan₂ tsá₃ lé₂ le₃'nio₃ guē₄ lin₃ riin'₅₄, lia'₂ con'₂ guē₄ i₂guein₅ 'mú₃ o₄quió'₄ a₂mei₅₄ quiáin₅. ¹⁴ 'Nia'₂ bá₄ líng'₅ dsa₂ a₂mei₅₄ quiáng₃ chi₂jua'₂ jmo'₂ 'nia'₂ 'e₂ te₂nei'₄ jniá'₂. ¹⁵ Tsá₃ ma₃tē₅ jniá'₂ 'nia'₂ dsa₂ i₂jme₂ti₃ ne₃, ia₁ tsá₃ ñi₅ juí₁lia'₂ jan₂ dsa₂ i₂jme₂ti₃ ta₁, 'e₂ a₂jmo₅ juíg₅₄. Tē₅ jniá'₂ a₂mei₅₄ quiáng₃ bá₄ 'nia'₂, ia₁ ma₂ca₂jme₁ jniá'₅ bá₄ jniá'₂ ja₁con'₂ 'nia'₂, ca₂le₃jé₃ 'e₂ a₂ma₂ca₂juá'₂ Ne'₃. ¹⁶ On₃jua'₅₄ 'nia'₂ ca₂quió'₅₄ jniá'₂; jniá'₂ bá₄ ma₂quion'₄ 'nia'₂, jaun₂ ma₂ca₂dsia₃ jniá'₂ gog'₂ 'nia'₂ a₂o₁nó'₅ 'nia'₂ a₂qui₂rau₂ 'lióng₂ quián'₂ 'nia'₂ a₂jio₃ uē₂. Jaun₂ le₂nē₅ cuē₃ Ne'₃ jniá'₂ cuē'₃ 'nia'₂ chi₂'e₂ caun₂ a₂mí'₁ 'nia'₂ lia'₂ con'₂ lē₅ 'éi'₃ quió₃ jniá'₂. ¹⁷ A₂la₂ bá₄ 'éi'₃ quió₃ jaun₂ nē₃: a₂jme₁'nió'₄ 'nia'₂ ríng'₂ le₂jang'₂ le₂jang'₂.

Tog₅₄ dsa₂ mi₂güig₃ 'ñiai₅₄ Jesús quian'₅₄ dsa₂ quiáin₅

¹⁸ Chi₂jua'₂ 'iog₅₄ dsa₂ mi₂güig₃ quián'₂ 'nia'₂, juí₁le₂ñi'₅₄ 'nia'₂, jniá'₂ bá₄ ca₂rē₃'iog₅₄ dsa₂ le₂'uig₅₄. ¹⁹ Jua'₅₄ mei'₂ guē₃ lín'₅ 'nia'₂ dsa₂ i₂tē₅ mi₂güig₃, jme₁jme₃'nio₃ bá₄ dsa₂ mi₂güig₃ juí₁lia'₂ 'nioi₃ dsa₂ quiáin₅. La₁ 'uig₅₄ ia₁ a₂tsá₃ tén'₅ 'nia'₂ mi₂güig₃, ton'₂ ma₂quion'₄ jniá'₂ 'nia'₂ jin₄ dsa₂ mi₂güig₃; 'uig₅₄ jaun₂ nē₃, 'ñiai₅₄ 'nia'₂. ²⁰ Dsá₂ 'au'₂ 'nia'₂ jmo₄, jág₁ a₂ma₂juíg₂ jniá'₂ 'nia'₂: “Lia'₂ 'i₁jan₂ dsa₂ i₂jme₂ti₃ ta₁, tsá₃ juin'₂ guē₄ con'₂ guē₄ juíg₅₄”. Chi₂jua'₂ ma₂qui₂ca₂co₃'ein₃ dsa₂ jniá'₂, ján₃ bá₄ le₂jaun₂ qui₃co₃'en₃ dsa₂ 'nia'₂; chi₂jua'₂ ma₂tón'₂ dsa₂ juí₅ jág₁ a₂ma₂ca₂jme₁tin₅ jniá'₂, ján₃ bá₄ le₂jaun₂ qui₃tón'₂ dsa₂ juí₅ jág₁ quián'₂ 'nia'₂. ²¹ La₁ ca₂le₃jé₃ a₂nē₅ ds₃ñí'₂ 'nia'₂ qui₃co₃jmo₃' dsa₂ 'uig₅₄ quió₃ jniá'₂, ia₁ tsá₃ cui_{in}₂₃ i₂ca₂chei₃ jniá'₂.

²² Tsá₃ jme₁le₃cáin'₄ jua'₅₄ mei'₂ guē₃ tsá₃ guan₃ jniá'₂ a₂o₂juá'₃ ja₁con₂ 'éi'₂; la₁ nē₃ nē₃, tsá₃ ma₃'e₂ lé₂ le₃juá'₂ jua'₅₄ tsá₃ ñi₅. ²³ Ia₁ juí₁lia'₂ i₂'iog₅₄ jniá'₂, ján₃ bá₄ 'ñiai₅₄ Ne'₃ jniá'₂. ²⁴ Tsá₃ jme₁le₃cáin'₄ jua'₅₄ mei'₂ tsá₃ léi₄ jaun₂ ca₂jmo₃ jniá'₂ jin₄ dsa₂ 'éi'₂ a₂tsá₃ 'ein₂ sián'₂ ma₂jmo₃; la₁ ia₁ o₁ñia'₅₄ la₂ ma₂ca₂jág₃ bá₄ léi₄ jaun₂, tion₅₄ bá₄ 'iog₅₄ dsa₂ jniá'₂, lia'₂ Ne'₃ nē₃, 'ñiai₅₄. ²⁵ La₁ ia₁ qui₂lē₂ ia₁jaun₂ le₃ti₃ jág₁ a₂tio'₅₄ ne₄ Si₂ 'Éi'₃ quió'₅ a₂juá'₂: “Ca₂rē₃'iog₅₄ dsa₂ tē₃ tsá₃ 'e₂ cha₂ lē₃.”†

²⁶ La₁ ia₁ jē₁ma₂tē₂ rē₁jiá₃ i₂cuē₃ bí₂ 'au'₂ 'nia'₂, i₂tsin₅₄ jniá'₂ ja₁con₂ 'nia'₂ i₂jiá₃ tē₂le₃ ja₁guá₄ Ne'₃: Jme₂dsí₂ tí₅ dsón'₂ i₂o₂'in₅ ja₁con₂ Ne'₃, i₂'éi'₂ bá₄ jáng'₃ jág₁ dsau₅ tē₂le₃ quió₃ jniá'₂. ²⁷ Ján₃ bá₄ le₂jaun₂ 'nió'₅ jang'₅₄ 'nia'₂ jág₁ dsau₅, ia₁ ca₂le₃'uig₅₄ bá₄ ma₂qui₂ma₂tión'₂ 'nia'₂ quian'₅₄ jniá'₂.

16

¹ Le₂nē₅ juíg₂ jniá'₂ 'nia'₂ ia₁jaun₂ tsá₃ qui₃dsi₃uín'₂ 'nia'₂ a₂'éng'₂. ² Qui₃'uág'₂ dsa₂ 'uúin'₂ 'nia'₂ ja₁lē₁tong'₂ ne₄ si₂ guá'₅ sinagoga, ca₂le₃jé₃ já₅ caun₂ jmig₄, lín₂ juí₁lia'₂ i₂jme₃dsiog₅ 'nia'₂, a₂jén'₃ ta₁ jaun₂ quió'₅ ne₄ Diú₄. ³ Ca₂le₃jé₃ a₂nē₅ jmo₃* ia₁ tsá₃ ma₂ca₂rē₃cui_{in}₂₃ Ne'₃, on₃ guē'₂ jniá'₂ ma₂ca₂rē₃cui_g₂₃. ⁴ Jaun₂ juíg₂ jniá'₂ 'nia'₂ le₂nē₅ ia₁jaun₂ jē₁ma₂tē₂ rē₁tē₅₄ jmig₄ jaun₂, dsiog'₂ 'au'₂ 'nia'₂ a₂ca₂juíg₂ jniá'₂ 'nia'₂ jág₁ la₂.

Ta₁ a₂jmo₅ Jme₂dsí₂ Jñi_ó

'Tsá₃ ca₂juá'₃ jniá'₂ le₂nē₅ lia'₂ con'₂ le₂'uig₅₄, ia₁ jme₁'en₅₄ bá₄ jniá'₂ quian'₅₄ 'nia'₂. ⁵ La₁ ia₁ nē₃ nē₃, ma₂nég'₄ i₁'ú₃ quiang'₅₄ i₂ca₂chei₃; jaun₂ lia'₂ 'i₁jan'₂ 'nia'₂ tsá₃ 'ein₂ ñag₅: “¿A₂já'₄ guang'₅₄?” ⁶ La₁ qui₂ca₂tá'₂ qui'₂ 'au'₂ 'nia'₂ 'uig₅₄ ia₁ a₂nē₂juíg₂ jniá'₂ 'nia'₂ a₂nē₅. ⁷ La₁ jág₁ dsau₅ bá₄ juíg₂ jniá'₂ 'nia'₂; tē₂le₃ a₂dse₃ quián'₂ 'nia'₂ bá₄ a₂nē'₄ jniá'₂. Ia₁ nē₁jua'₂ tsá₃ ca₂ñá'₃

† 15:25 Salmo 35:19; 69:4. * 16:3 A₂lin₅₄ chog₅₄ si₂: “jmo₃ jmái'₂ 'nia'₂.”

jniá₂, tsá₃ jiá₃ i₂cuë₃ bí₂ 'au'₂ 'nia'₂; la₁ia₁ chi₂jua'₂ né₄ jniá₂ ně₃, tsin₅₄ jniá₂ 'éi₂ ja₁con'₂ 'nia'₂.
 8 Jë₁ma₂tě₂ rë₁jiá₃ 'éi₂, jme₃jniai₂₃ a₂rë₂gan₂ dsa₂ mi₂güig₃ cuente quió₅ dsáu₁, quió₅ jui₅
 dse₃, quió₅ a₂jáu'₅ 'í₁ ja₁coin₂ ně₃. 9 Cuente quió₅ dsáu₁, 'uig₅₄ ia₁ a₂tsá₃ 'éin₂ le₃quió₃ jniá₂;
 10 cuente quió₅ jui₅ dse₃, ia₁ a₂nég'₄ ja₁con₂ Ne'₃, jaun₂ tsá₃ ma₃jniá₂ jag'₅₄ 'nia'₂; 11 ján₃ bá₄
 cuente quió₅ a₂jáu'₅ 'í₁, ia₁ ma₂jáu'₅ 'í₁ ja₁con₂ i₂'éi₂ i₂gon₂ mi₂güig₃ la₂.

12 "Lióng₂ bá₄ jág₁ cha₂ guë₄ a₂juig₅₄ jniá₂ 'nia'₂, la₁ia₁ tsá₃ qui₅₄ 'nia'₂ jmig₄ le₃ñig'₂ jë₂ ně₃.
 13 La₁ jë₁ma₂tě₂ rë₁jiá₃ Jme₃dsí₂ tí₅ dsón'₂, i₂'éi₂ bá₄ jiog₃ 'nia'₂ jui₅ a₂tí₅ jág₁; ia₁ tsá₃ a₂jaun₂
 juá'₂ 'éi₂ o₄quió₄ 'ñiog₅; a₂jaun₂ bá₄ juá'₂ ca₂le₃jě₃ a₂nag₃, ton'₂ 'ě₂ jág₁ jui₁lia'₂ 'e₂ niog₅ lé₂.
 14 Jme₃juag'₂ 'éi₂ jniá₂, ia₁ ñei₂ jui₁lia'₂ a₂lě₅ quió₃ jniá₂, jaun₂ 'éi₂ ně₃, jmo₃ jág₁ ja₁con'₂ 'nia'₂.
 15 Ca₂le₃jě₃ a₂cha₂ quió₅ Ne'₃, ján₃ bá₄ lě₅ quió₃ jniá₂; jaun₂ bá₄ lě₃ ně₂juá'₃ jniá₂ a₂ñe₂ 'éi₂
 jui₁lia'₂ a₂lě₅ quió₃ jniá₂, jaun₂ jmo₃ jág₁ ja₁con'₂ 'nia'₂.

Jui'lia'₂ a₂'lia'₂ dsí₅ dsa₂ le₃tsín₃ a₂lé₂ a₂qui₃jmo₃ 'io'₂

16 'Ñi'₅₄ ta₁, tsá₃ ma₃jag'₅₄ guë₄ 'nia'₂ jniá₂; la₁ ñi'₅₄ ta₁ bá₄, jag'₅₄ táng₃ jniá₂, ia₁ né₄ jniá₂
 ja₁con₂ Ne'₃.†

17 Jaun₂ ně₃, qui₂ca₂ñag₃ i₂lin₅₄ chi'₂ dsi₂guia₃-tín₂ quiáin₅ ca₂ñí'₃ rñin'₅₄ le₂jain₂ le₂jain₂:
 —¿I₂'e₂ 'nio₃ juá'₂ a₂juá'₂ tság₅ jniog₄ le₂ně₅: “Ñi'₅₄ ta₁, tsá₃ ma₃jag'₅₄ guë₄ 'nia'₂ jniá₂; la₁
 ñi'₅₄ ta₁ bá₄, jag'₅₄ táng₃ jniá₂, ia₁ né₄ jniá₂ ja₁con₂ Ne'₃”? 18 ¿I₂'e₂ 'nio₃ juá'₂: “Ñi'₅₄ ta₁”? Tsá₃
 ne₄ i₂'e₂ jaun₂ 'ě₂₃.

19 Jaun₂ ca₂rě₃lí₄ Jesús i₂'e₂ 'nio₃ ñag₃ tioin'₅₄, jaun₂ ca₂juá'₂:

—¿A₁qui₂ñí'₄ 'nia'₂ ríng'₂ 'uig₅₄ ia₁ a₂ně₂juá'₃ jniá₂: “Ñi'₅₄ ta₁, tsá₃ ma₃jag'₅₄ guë₄ 'nia'₂ jniá₂;
 la₁ ñi'₅₄ ta₁ bá₄, jag'₅₄ táng₃ jniá₂”? 20 A₂dsi₂jó'₃ juí₂ jniá₂ 'nia'₂, a₂tóng'₂ 'nia'₂ qui₁'áu'₂,
 a₂'lia'₂ 'au'₂ ně₃, tē₁lia'₂ jmo₃ dsa₂ mi₂güig₃ 'io'₂. La₁ia₁ le₃tsín₃ bá₄ a₂'lia'₂ 'au'₂ 'nia'₂ jaun₂
 a₂qui₃jmó'₂ táng₃ 'io'₂. 21 Jui₁lia'₂ lín₅ jan₂ 'io₅₄ jë₁rě₂chan₂ guein₂ quiáin₅, 'lia'₂ dsí₅ ia₁
 ma₂ca₂tě₂ hora quió₅; la₁ cang₂ jë₁ma₂ca₂rě₃chán₃ guein₂ quiáin₅, tsá₃ ma₃dsau'₂ dsí₅
 a₂ca₂rě₃quí₃ quió₅, ia₁ a₂ñí₄ lě₃ 'io'₂ jén'₅, ia₁ a₂ca₂rě₃chán₃ jan₂ guein₂ mi₂güig₃ la₂. 22 Ján₃
 bá₄ le₂jaun₂ 'nia'₂ ně₃; 'lia'₂ 'au'₂ 'nia'₂ rě₂ně₃, la₁ jing₅₄ bá₄ táng₃ 'nia'₂, jaun₂ guë₄ ně₃ jmó'₂
 'nia'₂ 'io'₂ tē₂'au'₂, a₂'lio'₂ jén'₂ 'nia'₂ jaun₂ ca₂lia'₂ 'i₁jan₂ tsá₃ 'ein₂ lé₂ le₃ñiá'₂.

23 'Jmí₄ jaun₂ tsá₃ ma₃'e₂ qui₁ñag'₁ 'nia'₂ jniá₂ 'i₁caun₂. A₂dsi₂jó'₃ juí₂ jniá₂ 'nia'₂, chi₂jua'₂
 'e₂ a₂mi'₂ 'nia'₂ lia'₂ con'₂ lě₅ 'éi'₃ quió₃ jniá₂, cuë₃ bá₄ Ne'₃. 24 Ca₂lia'₂ jnió₄ jmí₄ ně₃, tsá₃ 'e₂
 ma₂mi'₅₄ 'nia'₂ 'i₁caun₂ lia'₂ con'₂ lě₅ 'éi'₃ quió₃. Mi₄ 'nia'₂, jaun₂ guéi'₁ 'nia'₂, ia₁ jaun₂ le₃ñia₅
 a₂o₂ñi₃ o₂ñia₃ 'au'₂.

Jesucristo bá₄ ca₂tió'₃ mi₂güig₃ la₂

25 'Jág₁ la₂ ma₂ně₂juí₂ jniá₂ 'nia'₂ quian'₅₄ jág₁ a₂jáng'₅ léi₄. La₁ jiá₃ hora a₂tsá₃ ma₃juig₅₄
 jniá₂ 'nia'₂ quian'₅₄ jág₁ a₂jáng'₅ léi₄; lia'₂ rě₂jiá₃ jág₁ bá₄ juá'₄ jniá₂ juig₅₄ 'nia'₂ a₂'ing₄ Ne'₃.
 26 Jmí₄ jaun₂ mí₁ 'nia'₂ ne₄ Ne'₃ lia'₂ con'₂ lě₅ 'éi'₃ quió₃ jniá₂. Tsá₃ ma₃tion₅₄ juá'₄ jniá₂
 a₂mi₅₄ jniá₂ ne₄ Ne'₃ o₄quián'₂ 'nia'₂, 27 ia₁ ñiog₅ bá₄ Ne'₃ 'nioi₃ 'nia'₂, ia₁ 'nióg'₃ 'nia'₂ jniá₂,
 ia₁ ma₂ca₂rě₃'én'₂ 'nia'₂ a₂guio₃ jniá₂ ja₁con₂ Diú₄. 28 Ca₂o₃'ín₃ jniá₂ ja₁con₂ Ne'₃ a₂ca₂guang₃
 mi₂güig₃ la₂; la₁ia₁ ně₃ ně₃ o₃'ing₅ mi₂güig₃ la₂, jaun₂ nég'₄ táng₃ ja₁con₂ Ne'₃.

29 Jaun₂ ca₂juá'₂ chi'₂ dsi₂guia₃-tín₂ quiáin₅:

—Ně₃ guë₄ ně₃ juá'₂ 'ne₂ lia'₂ rě₂jiá₃ jág₁; on₃jua'₅₄ quian'₅₄ jág₁ a₂jáng'₅ léi₄. 30 Ně₃ guë₄ ně₃
 ma₂ne₄ jniá'₅₄ a₂ñi'₅₄ bá₄ 'ne₂ ca₂le₃jě₃, jaun₂ tsá₃ 'e₂ 'nió'₅ quiáng'₂ jua'₅₄ tsá₃ ñi'₅₄ 'e₂ qui₃ñag₃
 dsa₂ qui₃ñí'₃ 'ne₂. 'Uig₅₄ jaun₂ 'éin₂ jniá'₅₄ a₂ñe'₃ 'ne₂ ja₁con₂ Diú₄.

31 Jaun₂ ca₂ñag₃ Jesús:

† 16:16 A₂lin₅₄ chog₅₄ si₂ tsá₃ le₁ton₅ jág₁: “ia₁ né₄ jniá₂ ja₁con₂ Ne'₃.”

—¿Dsón'₂ jua'₅₄, nē₃ guē₄ 'én'₂ 'nia'₂? 32 jJag₄ 'nia'₂! Ma₂ja₂quián₃ hora, ton'₂ tē₂nē₃ dsón'₂ bá₄, a₂cuíng'₂ 'nia'₂ lé₂, a₂o₁nog'₄ tsī₁rē₂jang'₅₄ le₂jang'₂ le₂jang'₂ o₁nog'₄ jma₃quén₅ quiáng'₂; jaun₂ téi'₄ 'nia'₂ jniá₂ tē₃tsing'₅₄ 'ñi₃ó₃ lé₂. La₁ia₁ tsá₃ 'ñi₃ó₃ jniá₂ tē₃tsing'₅₄, ia₁ quiong'₅₄ bá₄ Ne'₃ jniá₂. 33 Juí₂g₂ jniá₂ 'nia'₂ le₃jě₃ a₂la₂, ia₁jaun₂ 'ag₃ tei₄ 'au'₂ 'nia'₂ le₃quió₃ jniá₂. Mi₂güí₂g₃ la₂ tion₅₄ rē'₂ qui₁cán'₂ 'nia'₂ qui'₂ 'au'₂; la₁ia₁ tiá₂ dsia₄ 'nia'₂ 'au'₂, ia₁ ma₂ca₂tió₃ bá₄ jniá₂ ja₁con₂ mi₂güí₂g₃ la₂.

17

Ca₂chi₃lén'₂ Jesús Diú₄ Jmei₂ o₄quió'₄ chi'₂ dsī₂guia₃-tín₂ quiáin₅

1 Jme₁ma₂ca₂juá'₂ Jesús le₂nē₅, ca₂chóg'₃ ne₅₄ guei'₅₄ i₂juí₂g₃, jaun₂ ca₂juá'₂:

—Tia₅₄, ma₂tē₂ hora quió₃. Jme₁nia₅ 'a₂ lia'₂ jlán'₁ ja₂ñí'₂, ia₁jaun₂ jme₃nia₅ ja₂ñí'₂ 'a₂ lia'₂ jlán'₁ 'ne₂. 2 Ia₁ ma₂ca₂cuē'₅₄ 'éi₂ 'éi'₃ ne₄ quió'₅ ca₂le₃jín₃ dsa₂, ia₁jaun₂ jmo₃ a₂le₃chan₂ co₂tan₅₄ ca₂le₃jín₃ i₂ma₂cuin'₅₄. 3 A₂la₂ lē₅ a₂chan₂ dsa₂ co₂tan₅₄; a₂le₃cuin₅ dsa₂ 'ne₂ i₂lín'₅ i₂jan₂ tan₅₄ Diú₄ tē₃dsón'₂, a₂le₃cuin₂₃ Jesucristo nē₃ i₂ca₂chen'₂ 'ne₂.

4 'Ma₂ca₂jme₁nia₅ jniá₂ ne₄ gua'₅₄ 'uē₃ la₂ 'a₂ lia'₂ jlán'₁ 'ne₂, ia₁ ma₂ca₂jme₁ñia₅ jniá₂ ta₁ a₂ca₂cuē'₅₄ jmo₅₄. 5 Nē₃ nē₃, jaun₂, Tia₅₄, jmo₄ jlán'₁ jniá₂ ja₁cong'₂, ju₁lia'₂ jme₁lín₄ jniá₂ ja₁cong'₂ lia'₂ con'₂ né'₃ guē₄ a₂nio₃ mi₂güí₂g₃.

6 'Ma₂ca₂jme₁nia₅ jniá₂ ne₄ dsa₂ i₂ca₂cuag'₅₄ jniá₂ jin₄ dsa₂ mi₂güí₂g₃, i₂'ein₂ lín'₅ 'ne₂. I₂quiáng'₂ bá₄ jme₁lín₄, jaun₂ ma₂ca₂cuag'₅₄ jniá₂; ma₂qui₂ca₂'í₃ tē₂dsí₅ 'éi₂ jág₁ quiáng'₂. 7 Ma₂ca₂rē₃ñi₅ 'éi₂, ca₂le₃jě₃ a₂ca₂cuē'₅₄ jniá₂ já₅ ja₁con'₂ 'ne₂; 8 ia₁ ma₂ca₂cuē₃ bá₄ jniá₂ jág₁ jaun₂ a₂ca₂cuē'₅₄ 'ne₂ jniá₂, jaun₂ ca₂gue₃ bá₄ 'éi₂ nē₃. Ma₂ca₂rē₃ñi₅ lia'₂ con'₂ tí₅ jág₁, ja₁con'₂ 'ne₂ bá₄ o₂'ín₃ jniá₂, ton'₂ ca₂rē₃'ein₂ a₂ca₂chei'₂ 'ne₂ jniá₂.

9 'O₄quió'₄ 'éi₂ bá₄ mi₅ jniá₂, on₃jua'₅₄ o₄quió'₄ dsa₂ mi₂güí₂g₃. O₄quió'₄ dsa₂ i₂ca₂cuag'₅₄ bá₄ mi₅ jniá₂, ia₁ i₂quiáng'₂ 'ne₂ bá₄ 'éi₂. 10 Ia₁ ca₂le₃jín₃ dsa₂ quiáng₃, já₃n₃ bá₄ quiáng'₂ 'éi₂; ton'₂ ca₂le₃jín₃ dsa₂ quiáng'₂ nē₃, i₂quiáng₃ bá₄ 'éi₂ já₃n₃, jaun₂ rē₂jniá₂ a₂jlán'₁ jniá₂ tē₂le₃ quian'₅₄ 'éi₂.

11 'Tsá₃ ma₃jan₄ jniá₂ mi₂güí₂g₃ la₂; la₁ia₁ 'éi₂ nē₃ tē₂'ñiáí₄ mi₂güí₂g₃, jaun₂ nég'₄ ja₁con'₂ 'ne₂. Tia₅₄ Jñi₃ó₃, jmo₄ 'í₁ 'éi₂ i₂ma₂cuag'₅₄ quian'₅₄ ju₁bi₂ a₂lín'₅, * ia₁jaun₂ ca₂ne₅₄ bá₄ léin₂ co₂tan₅₄, ju₁lia'₂ lág₅ jniog₄. 12 Lia'₂ con'₂ jme₁'en₅₄ jniá₂ quiang'₅₄ 'éi₂ mi₂güí₂g₃ la₂,† ma₂qui₂ma₂jmo₃ jniá₂ 'í₁ i₂ma₂cuag'₅₄ quian'₅₄ ju₁bi₂ a₂lín'₅.‡ Ma₂qui₂ma₂jmo₃ jniá₂ 'í₁, jaun₂ lia'₂ 'i₁jan₂ 'éi₂ tsá₃ ca₂i₃cón'₅, jñia'₅₄ lia'₂ jan₂ bá₄ i₂'í₄ 'éi'₃ dsī₃'én₂, ia₁jaun₂ le₃ti₃ Si₂.

13 'Nē₃ nē₃, nég'₄ ja₁cong'₂; la₁ia₁ tē₂lia'₂ 'eng₅₄ guē₄ mi₂güí₂g₃, juá'₅ jniá₂ jág₁ la₂ ia₁jaun₂ le₃'ñia₅ ja₁con₂ 'éi₂ a₂'io'₂ jéin₅ jniá₂. 14 Ma₂ca₂cuē₃ bá₄ jniá₂ jág₁ quiáng'₂, la₁ia₁ dsa₂ mi₂güí₂g₃ nē₃, 'iog₅₄ quió'₅, ia₁ tsá₃ tén₅ 'éi₂ mi₂güí₂g₃, ju₁lia'₂ jniá₂ nē₃, tsá₃ téng₅ mi₂güí₂g₃. 15 On₃jua'₅₄ rē'₂ mi₅ jniá₂ jua'₅₄ a₂'uin'₅₄ mi₂güí₂g₃, a₂jaun₂ bá₄ mi₅ jniá₂ a₂jmó'₂ 'í₁ ia₁jaun₂ tsá₃ jo₃ i₂sē₃dsen₃. 16 Tsá₃ mi₂güí₂g₃ téin₅, ju₁lia'₂ jniá₂ nē₃, tsá₃ téng₅ mi₂güí₂g₃. 17 Chon₄ dsa₂ 'éi₂ tē₂le₃ quian'₅₄ jág₁ tí₅; ia₁ jág₁ quiáng'₂ bá₄ lē₅ jág₁ tí₅. 18 Ju₁lia'₂ ca₂chei'₂ 'ne₂ jniá₂ jin₄ dsa₂ mi₂güí₂g₃, já₃n₃ bá₄ le₂jaun₂ tsin₅₄ jniá₂ 'éi₂ jin₄ dsa₂ mi₂güí₂g₃. § 19 O₄quió'₄ 'éi₂ bá₄ tsón₄ jniá₂ 'ñio₃, ia₁jaun₂ já₃n₃ bá₄ le₂jaun₂ 'éi₂ nē₃, lé₂ rē₂tsoin₅₄ le₃quió'₅ jág₁ tí₅.

20 'La₁ia₁ on₃jua'₅₄ jmá'₃ o₄quió'₄ 'éi₂ mi₅ jniá₂; já₃n₃ bá₄ le₂jio₅ o₄quió'₄ i₂le'én₂ le₃quió₃, tē₂le₃ quian'₅₄ jág₁ quió'₅, 21 ia₁jaun₂ léin₂ ca₂ne₅₄ ca₂le₃jín₃, ju₁lia'₂ 'ne₂, Tia₅₄, 'eng'₅₄ ja₁con₂ jniá₂, ton'₂ 'en₅₄ guē'₂ jniá₂ ja₁con'₂ 'ne₂, ia₁jaun₂ 'éi₂ nē₃, dsī₃toin'₅₄ ja₁con₂ jniog₄, ia₁jaun₂ qui₂le₃'én₂ dsa₂ mi₂güí₂g₃ a₂ca₂chei'₂ jniá₂. 22 Ma₂ca₂cuē₃ jniá₂ 'éi₂ a₂jlá'₁ quió₃

* 17:11 A₂lín₅₄ chog₅₄ si₂: “jmo₄ 'í₁ 'éi₂ quian'₅₄ ju₁bi₂ a₂lín'₅, a₂ma₂jmo'₅₄ a₂lín₅ jniá₂ já₃n₃.” † 17:12 A₂lín₅₄ chog₅₄ si₂ tsá₃ chi₂ton₅: “mi₂güí₂g₃ la₂.” ‡ 17:12 A₂lín₅₄ chog₅₄ si₂: “ma₂qui₂ma₂jmo₃ jniá₂ 'í₁ quian'₅₄ ju₁bi₂ a₂lín'₅, a₂ma₂jmo'₅₄ a₂lín₅ jniá₂ já₃n₃.” § 17:18 'Nio'₂ ja₁ton₅ Juan 20:21.

a₂ca₂cuë'⁵⁴ 'ne₂ jniá'₂, ia₁jaun₂ lén'₂ 'éi₂ ca₂ne⁵⁴, ju₁lia'₂ lág₅ jniog₄ ca₂ne⁵⁴ ján₃. ²³ Jniá'₂ le₃quió'⁵ 'éi₂, 'ne₂ guë'₂ le₃quió'₃ jniá'₂, ia₁jaun₂ le₃'ñia⁵ 'éi₂ a₂lén'₂ ca₂ne⁵⁴, ia₁jaun₂ le₃'ñi⁵ dsa₂ mi₂güig₃ a₂ca₂chei'₂ jniá'₂, ton'₂ ca₂jme₁'nió'₄ 'éi₂ ju₁lia'₂ ca₂jme₁'nió'₄ jniá'₂.

²⁴ 'Tia⁵⁴, 'nio₃ jniá'₂ a₂dsi₃ton'⁵⁴ 'éi₂ i₂ca₂cuag'⁵⁴ ja₁cong₂, ia₁jaun₂ tē₃ ne⁵⁴ a₂jlá'₁ quió'₃ a₂ca₂cuë'⁵⁴ 'ne₂, ia₁ ca₂jme₁'nió'₄ 'ne₂ jniá'₂, né'₃ guë'₄ a₂nio₃ mi₂güig₃. ²⁵ Tia⁵⁴ i₂dsen₃ guë'₄ lin₃, tsá₃ cu₁n₅ dsa₂ mi₂güig₃ 'ne₂, la₁ia₁ jniá'₂ cuíng₅ 'ne₂, jaun₂ ma₂'ñi⁵ bá₄ dsa₂ la₂ quiáng'₂ a₂ca₂chei'₂ 'ne₂ jniá'₂. ²⁶ Ma₂ca₂jme₁ñia⁵ jniá'₂ ja₁con₂ 'éi₂ 'ein₂ lín'₅ 'ne₂, jaun₂ caun₂ jme₁ñia⁵ bá₄ jniá'₂ 'ne₂, ia₁jaun₂ ju₁lia'₂ a₂'nió'₃ 'ne₂ jniá'₂ tē₃'ñiá'₄ ja₁con₂ 'éi₂, ton'₂ 'ú₄ jniá'₂ ja₁coin₂.

18

Ca₂jña'₃ dsa₂ Jesús

(Mateo 26:47-56; Marcos 14:43-50; Lucas 22:47-53)

¹ Jme₁ma₂ca₂dsan₃ juá'₂ Jesús le₂nē₅, ca₂o₃'iin₃ quiain'⁵⁴ chi'₂ dsi₂guia₃-tín'₂, qui₂ca₂'ain₃ Ji'⁵⁴ Jma₃ Cedrón. Le₂quióng₄ ja₁jaun₂, jme₁cha₂ caun₂ ja₁jme₁cha₂ ni₁'ma₂ 'ag₅ míg₂, ja₁ca₂'í₃ Jesús quiain'⁵⁴ chi'₂ dsi₂guia₃-tín'₂ quiáin₅. ² Ján₃ bá₄ le₂jaun₂ Judas i₂jme₁ma₂'en⁵⁴ ju₁'jáng'₂ quió'⁵, jme₁ma₂cuí'⁵ bá₄ ja₁jaun₂, ia₁ 'lióng₂ ráun₂ ca₂'ñi'₂ Jesús ja₁jaun₂ quiain'⁵⁴ chi'₂ dsi₂guia₃-tín'₂ quiáin₅. ³ Jaun₂ lē₃ ca₂dsióg₃ Judas ja₁jaun₂ quiain'⁵⁴ co₂nió'₃ 'lióg₂, quiain'⁵⁴ co₂nió'₃ guë'₂ chi'₂ 'i⁵⁴ quián₅ guá'₅, i₂chen₄ quián₅ juig⁵⁴ jme₂dsa₂ quian'⁵⁴ dsa₂ fariseos nē₃. Ca₂dsi₃lén'₂ dsa₂ 'éi₂ qui₂le₁quian₅ ñi₁tág₂, ni₁'ma₂, quian'⁵⁴ si₂ ni₁tsí₅, ni₁qui₂ a₂le₁guí'₃ si₂ nē₃. ⁴ La₁ia₁ Jesús nē₃, jme₁ma₂'ñi⁵ bá₄ ca₂le₃jē₃ 'e₂ a₂dsi₃'ñi₂, jaun₂ o₂'iin₃ ja₁jaun₂ ca₂i₁jme₁jain'₂ dsa₂, jaun₂ ca₂'ñi₃ dsa₂ 'éi₂:

—¿I₂'ein₂ 'nag'₂ 'nia'₂?

⁵ Jaun₂ ca₂'ñag₃ dsa₂ 'éi₂:

—Jesús i₂chan₂ Nazaret bá₄ 'nia'₂ jnia'⁵⁴.

Jaun₂ ca₂'ñag₃ Jesús:

—Jniá'₂ bá₄ 'éi₂.

Jaun₂ bá₄ jme₁chén'₄ Judas i₂'jáng'₂ quió'⁵, quiain'⁵⁴ dsa₂ 'éi₂.

⁶ Jaun₂ jme₁ca₂juá'₂ Jesús ca₂tsí'₃ dsa₂: “Jniá'₂ bá₄ 'éi₂”, jaun₂ i₃lén'₂ le₃ca'₃ i₃gain'⁵⁴ 'uë₃.

⁷ Jaun₂ nē₃ ca₂'ñag₃ táng₃ Jesús ca₂'ñi₃ dsa₂ 'éi₂:

—¿I₂'ein₂ 'nag'₂ 'nia'₂?

Jaun₂ ca₂'ñag₃ táng₃ dsa₂:

—Jesús i₂chan₂ Nazaret bá₄.

⁸ Jaun₂ ca₂'ñag₃ táng₃ Jesús:

—Ma₂nē₂juí'₂ jniá'₂ 'nia'₂, jniá'₂ bá₄ líng₅ 'éi₂. * Chi₂juá'₂ jniá'₂ 'nau'₂ 'nia'₂, cuë'₄ jmi₂g₄ ju₁dsi₂lén'₅ bá₄ i₂la₂.

⁹ A₂la₂ ca₂lē₃ ia₁jaun₂ le₃ti₃ lia'₂ con'₂ lē₅ a₂jme₁ca₂juá'₂ Jesús tsí'₅ Jmei₂: “Ju₁lia'₂ i₂ca₂cuag'⁵⁴ 'ne₂ jniá'₂, tsá₃ 'ein₂ ca₂l₃cón'₅ 'i₁jan₂.”

¹⁰ Jaun₂ nē₃ jme₁quian₅ Si₂mu⁵⁴ Pe₄ ñi₁tág₂, jaun₂ ca₂dsí₃ ca₂quí'₃ rē₂gua₄ ne₁ quió'⁵ jan₂ dsa₂ i₂jme₁chen₂ Malco, i₂jme₂ti₃ ta₁ ne₄ jme₂dsa₂ dsen⁵⁴.

¹¹ La₁ ca₂juá'₂ Jesús ca₂tsí'₃ Pe₄:

—Tio'₂ táng₃ ñi₁tág₂ ja₁jme₁'i₄. ¿'E₂ lín'₂ 'ne₂ a₂tsá₃ ca₂tín'₂ jniá'₂ dsi₃'ñi₂ a₂ma₂juá'₂ ñe'₃?†

Ñó₃ Jesús ne₄ jme₂dsa₂ dsen⁵⁴

(Mateo 26:57-58; Marcos 14:53-54; Lucas 22:54)

* **18:8** lit. “Jniá'₂ líng₅”, co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14. † **18:11** lit. “¿'E₂ lín'₂ 'ne₂ a₂tsá₃ guí'⁵⁴ jniá'₂ tion₅₄ jmi₂g₂ dsi'₃ a₂ma₂cuë₃ ñe'₃?”

12 Jaun₂ ně₃ ca₂ŋau'₃ co₂nió'₃ 'lióg₂ lia'₂ jma₃quai_{in}'₅₄ juig₅₄, quai_{in}'₅₄ chi'₂ 'i'₅₄ quián₅ guá'₅ ně₃, ca₂ŋai'₃ Jesús, jaun₂ qui₂ca₂'nei'₂ ně₃. 13 Jaun₂ ca₂i₁jiog₃ le₂'uig₅₄ ja₁quió'₄ Anás. Anás 'éi₂ ně₃ jme₁lín₄ dsi₂jmei₂ Caifás, i₂jme₁lín₄ ta₁ jme₂dsa₂ dsen₅₄ ŋi₂ jaun₂.

14 Caifás 'éi₂ ně₃ i₂jme₁ca₂juá'₂ ca₂tsí'₃ dsa₂judíos, a₂jmo₅ jón₂jan₂ dsa₂ o₄quió'₄ dsa₂ juig₂. ‡

Tsá₃ ca₂tion₃ Pe₄ a₂cuin₂₃ Jesús

(Mateo 26:69-70; Marcos 14:66-68; Lucas 22:55-57)

15 Jaun₂ ca₂ŋó₃ Si₂mu₅₄ Pe₄ quai_{in}'₅₄ gué₄ jan₂ dsa₂ i₂guia₃-tín₂ sián'₂ ně₃, chi₁co'₅₄ quió'₅ Jesús. Dsa₂ guia₃-tín₂ jan₂ 'éi₂ ně₃ jme₁cuig₅ bá₄ jme₂dsa₂ dsen₅₄ quió'₅, jaun₂ bá₄ ca₂'í₃ co₂lě₅ quai_{in}'₅₄ Jesús i₁dsi₅ quió'₅ jme₂dsa₂ dsen₅₄. 16 La₁ Pe₄ ně₃, jaun₂ bá₄ ca₂nau₂ o₄'né₄ tē₂le₃ ca₁'né₄. 'Uig₅₄ jaun₂ ca₂o₃'ín₃ dsa₂ guia₃-tín₂ i₂ma₂cuig₅ jme₂dsa₂ dsen₅₄ quió'₅, jaun₂ ca₂juá'₂ ca₂tsí'₃ 'io₅₄ i₂niog₅ ne₄ o₄'né₄, jaun₂ ca₂ŋi₂ Pe₄ tē₂le₃ dsi₂néi₂.

17 Jaun₂ ně₃ ca₂ŋag₃ 'io₅₄ i₂jmo₅ 'í₁ o₄'né₄ ca₂ŋi₂'₃ Pe₄:

—On₃jua'₅₄ 'ne₂ líng'₅ jan₂ i₂ca₂rě₃tín₃ quián₅ dsa₂ ně₅, ¿lia'₅₄?

Jaun₂ ca₂juá'₂:

—Jan₂'ón₄, on₃jua'₅₄ jniá₂ 'éi₂.

18 Ja₁jaun₂ jme₁tió_n₂ dsa₂ i₂jme₂ti₃ ta₁, quai_{in}'₅₄ chi'₂ 'i'₅₄ quián₅ guá'₅. Jme₁ma₂ca₂dsia₃ ca₂jo'₅₄ si₂, ia₁ a₂jme₁güig₂, jaun₂ tió_n₂ qui₂jme₂dsioin'₂. Ján₃ bá₄ jē₄ jaun₂ jme₁chén'₄ Pe₄ jme₂dsioin'₂.

Chén'₅ Jesús ne₄ jme₂dsa₂ dsen₅₄

(Mateo 26:59-66; Marcos 14:55-64; Lucas 22:66-71)

19 Jaun₂ ca₂ŋag₃ jme₂dsa₂ dsen₅₄ ca₂ŋi₂'₃ Jesús cuente quió'₅ chi'₂ dsi₂guia₃-tín₂ quiáin₅, cuente quió'₅ jui₁lia'₂ jág₁ a₂jme₂tag₂₃ ně₃.

20 Jaun₂ ca₂ŋag₃ Jesús:

—Ma₂qui₂ma₂juá'₃ bá₄ jniá₂ lia'₂ rē₂jiá₃ jág₁ tē₃ne₄ ca₂le₃jín₃ dsa₂; jme₁qui₂jme₁tín₂ jniá₂ tián₂ dsa₂ dsi₂néi₂ guá'₅ sinagoga quian'₅₄ i₁dsi₅ guá'₅ templo ně₃, ja₁qui₂ŋi'₂ ca₂le₃jín₃ dsa₂ judíos. Tsá₃ 'e₂ jág₁ ma₂juá'₃ jniá₂ 'i₁caun₂ tē₃ chi₁'ma₁. 21 ¿'E₂ 'uig₅₄ ŋag'₅₄ 'ne₂ jniá₂ jaun₂? Ŋi'₅₄ jui₁lia'₂ dsa₂ i₂qui₂ma₂nág₂ jág₁ quió'₃, 'e₂ ma₂juig₂ jniá₂. Jag₄ de'₂, i₂ŋi₅ bá₄ 'éi₂ jui₁lia'₂ i₂'e₂ jág₁ a₂ma₂juá'₃ jniá₂.

22 Jme₁ca₂juá'₂ Jesús le₂ně₅, jan₂ chi'₂ 'i'₅₄ quián₅ guá'₅ i₂jme₁chén'₄ cau₅, ca₂quein₃ dsi₂ne₄ Jesús, jaun₂ ca₂juá'₂:

—¿Le₁ně₅ bá₄ ŋag'₅₄ 'ne₂ ne₄ jme₂dsa₂ dsen₅₄?

23 Jaun₂ ca₂ŋag₃ Jesús:

—Chi₂jua'₂ 'lig'₅₄ ně₂juá'₃ jniá₂, jua'₅₄, jme₁jnia₅ chi₂jua'₂ já'₄ ca₂'lian'₂ jniá₂ jaun₂. La₁ chi₂jua'₂ dsau₅ bá₄ jág₁ a₂ně₂juá'₃, ¿'e₂ gué'₂ lě₃ quein'₂ quió'₃?

24 Jaun₂ ně₃ ca₂chei₃ Anás ca₂chein₃ Jesús chi₁'ŋei'₅₄ ne₄ Caifás, i₂lín₅ jme₂dsa₂ dsen₅₄.

Con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús

(Mateo 26:71-75; Marcos 14:69-72; Lucas 22:58-62)

25 Tē₁lia'₂ jaun₂ ně₃, jaun₂ bá₄ chén'₅ Pe₄ jme₂dsioin'₂ cau₅ si₂, jaun₂ ca₂ŋag₃ dsa₂ ca₂ŋi₂'₃ Pe₄:

—¿On₁jua'₅₄ 'ne₂ líng'₅ jan₂ i₂ca₂rě₃tín₃ quián₅ dsa₂ ně₅?

Tsá₃ ca₂tion₃ Pe₄ jaun₂, ca₂juá'₂:

—Jan₂'ón₄. On₃jua'₅₄ jniá₂ 'éi₂.

26 Jaun₂ ně₃ ca₂ŋag₃ jan₂ i₂jme₂ti₃ ta₁ ne₄ jme₂dsa₂ dsen₅₄, i₂lín₅ jan₂ o₁rín'₅₄ dsa₂ i₂ca₂quí'₃ Pe₄ rē₂gua₄, ca₂juá'₂:

—¿Tsa₁ ně₂jín₄ jniá₂ 'ne₂ ja₁cha₂ ni₁'ma₂ jaun₂, co₂lě₅ quian'₅₄ 'éi₂?

‡ 18:14 Juan 11:50.

27 Jaun₂ con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús. Jaun₂ lia'₂ ma₂të₂dsi₅₄ jaun₂, ca₂'o₃ të₁guí₄ dsó₂.

Chén'₅ Jesús ne₄ Dsi₄má'₂ Pilato

(Mateo 27:1-2, 11–14; Marcos 15:1-5; Lucas 23:1-5)

28 Jaun₂ ně₃ ca₂dsen₅ dsa₂ Jesús ja₁quió'₄ Caifás ca₂i₁jio₃g₃ të₂ ne₄ta₁ quió'₅ dsi₄má'₂. Jme₁ma₂jnia₃ mi₂güig₃, jaun₂ tsá₃ ca₂tón'₂ dsa₂ judíos dsi₂néi₂ ne₄ta₁ quió'₅ dsi₄má'₂, ia₁jaun₂ tsá₃ le₃'iog₅ quió'₅, ia₁'nio₃ jme₁gué'₃ má₃ quió'₅ Jmig₄ Të₂'in₅₄.

29 'Uig₅₄ jaun₂ ně₃ ca₂o₃'ín₃ Pilato 'njio₅g₅ ja₁tion'₅₄ 'éi₂, jaun₂ ca₂juá'₂:

—¿'E₂ dso₄ bon'₄ 'nia'₂ dsa₂ la₂?

30 Jaun₂ ca₂ḡag₃ dsa₂:

—Jua'₅₄ mei'₂ guě₃ tsá₃ rin₅ dsa₂ ně₅ dso₄, tsá₃ o₄gog'₂ 'ne₂ jme₁jjin'₅₄ jnia'₅₄.

31 Jaun₂ ně₃ ca₂juá'₂ Pilato ca₂tsí'₃ dsa₂:

—Te₅₄ 'nia'₂ jaun₂, qui₂dsi₅ 'nia'₂ 'éi'₃ quió'₅ lia'₂ con'₂ lě₅ 'Éi'₃ quián'₂ 'nia'₂ guiong'₅₄.

Jaun₂ ca₂ḡag₃ dsa₂ judíos:

—La₁ia₁ tsá₃ 'i₄ 'éi'₃ a₂jñí'₄ jnia'₅₄ jan₂ dsa₂.

32 Le₂ně₅ ca₂rě₃tí₃ jág₁ a₂ca₂juá'₂ Jesús 'e₂ ne₅₄ 'mú₃ a₂dsi₃ñí₂.

33 Jaun₂ ca₂'í₃ táng₃ Pilato të₂le₃ dsi₂néi₂ ne₄ta₁ quió'₅, jaun₂ ca₂tě'₃ Jesús jaun₂ ca₂ñí'₃ 'éi₂:

—¿Lín'₅ 'ne₂ Rag₅₄ quián₅ dsa₂ judíos?

34 Jaun₂ ca₂ḡag₃ Jesús:

—¿A₂ḡag'₅₄ 'a₂ con'₂ dsi₂jio₅g₅ 'au'₂ 'ñiag'₂ a₂juá'₂ ně₅, o₃ chan₂ i₂sián'₂ a₂ma₂juá'₂ 'ag₂₃ jniá'₂?

35 Jaun₂ ca₂ḡag₃ Pilato:

—¿O₃ bá₄ dsa₂ judío lín₅ jniá'₂? Dsa₂ juig₂ quiáng'₂, quian'₅₄ juig₅₄ jme₂dsa₂ bá₄ ně₂jáng'₂ quiáng'₂ o₄gu₃ jniá'₂. ¿'E₂ ma₂jmo'₅₄?

36 Jaun₂ ně₃ ca₂ḡag₃ Jesús:

—On₃jua'₅₄ mi₂güig₃ la₂ ja₁gon₂ jniá'₂. Jua'₅₄ mei'₂ guě₃ mi₂güig₃ la₂ ja₁gon₂ jniá'₂, jme₁náu₃ 'nei₂ bá₄ dsa₂ i₂quiong'₅₄ jniá'₂ ia₁jaun₂ tsá₃ jme₁jáng'₂ dsa₂ ne₄ dsa₂ judíos. La₁ on₃jua'₅₄ ja₁lá₃ ja₁gon₂ jniá'₂.

37 Jaun₂ ně₃ ca₂juá'₂ Pilato ca₂tsí'₃ Jesús:

—¿Dsón'₂ bá₄ lín'₅ 'ne₂ rag₅₄ jaun₂ ně₃?

Jaun₂ ca₂ḡag₃ Jesús:

—Dsau₅ bá₄ juá'₂ 'ne₂, a₂lín₅ jniá'₂ rag₅₄. Ta₁ jaun₂ ca₂rě₃cháng₃, ta₁ jaun₂ guang₃ mi₂güig₃, ia₁jaun₂ jáng'₄ jág₁ dsau₅ o₄quió'₄ jág₁ tí₅. Ca₂le₃jín₃ i₂tión₂ le₃quió'₅ jág₁ tí₅, nag₂₃ jág₁ quió'₃.

38 Jaun₂ ca₂juá'₂ Pilato ca₂tsí'₃ Jesús:

—¿I₂'e₂ jaun₂ jág₁ tí₅?

Ca₂o₃'ág₃ 'éi'₃ a₂jón₂ Jesús

(Mateo 27:15-31; Marcos 15:6-20; Lucas 23:13-25)

Jme₁ca₂dsan₃ juá'₂ Pilato le₂ně₅, ca₂o₃'ín₃ táng₃, ca₂dsia₃ táng₃ jág₁ quian'₅₄ dsa₂ judíos. Jaun₂ ca₂juá'₂:

—Tsá₃ dso₄ dso'₂ jniá'₂ ja₁con₂ dsa₂ la₂. 39 La₁ chí'₅ caun₂ tag₄ quián'₂ 'nia'₂ a₂tén₅ jniá'₂ jan₂ dsa₂ ja₁con₂ 'nia'₂ jme₁tě₅ Jmig₄ Të₂'in₅₄. ¿'Niog'₂ 'nia'₂ jaun₂ a₂tén₄ jniá'₂ Rag₅₄ quián₅ dsa₂ judíos?

40 Jaun₂ ně₃, ca₂tóin'₂ co₂mi'₅₄ ca₂juá'₂:

—¡On₃jua'₅₄ i₂ně₅! ¡Barrabás bá₄ tén₃!

Barrabás 'éi₂ ně₃, jme₁lín₄ jan₂ dsa₂ 'ang₂ i₂ca₂nau₂ 'nei₂. §

19

1 Jaun₂ ně₃ ca₂jmo₃ Pilato 'éi'₃ a₂ca₂i₁ban₅ dsa₂ Jesús quian'₅₄ tsi'₁nei'₅₄ a₂co₂taun₅.
2 Jaun₂ ca₂jmo₃ 'lióg₂ caun₂ ni₁tsag₂ corona a₂lě₅ jméi'₁ ni₁uing₂ taun₅, jaun₂ ca₂tó'₂ mi₂dsi₄ Jesús. Jaun₂ ca₂quen'₃ dsa₂ Jesús caun₂ tsi'₁mi'₂ chen'₅₄ a₂jniá'₂ 'ui'₃ guéin₂. 3 Jaun₂ ně₃ qui₂ca₂jme₃quiáin₃ ja₁con₂ 'éi'₂, a₂juá'₂:

—¡Sian'₃ 'ne₂, Rag₅₄ quián₅ dsa₂ judíos!

Jaun₂ qui₂ca₂quein₃ dsi₂ne₄ Jesús.

4 Jaun₂ ně₃ o₂ín₃ táng₃ Pilato, jaun₂ ca₂juá'₂ ca₂tsí'₃ dsa₂:

—Nei₂ 'nia'₂, dséin₄ jniá'₂ ja₁lá₃ le₃ja₁con₂ 'nia'₂, ia₁jaun₂ le₃len'₅₄ 'nia'₂ ca₂lia'₂ 'i₁caun₂ dso₄ tsá₃ dso'₂ jniá'₂ ja₁coin₂.

5 Jaun₂ o₂ín₃ Jesús, 'i₄ dsi₅₄ corona lě₅ ni₁uing₂ taun₅, ján₃ bá₄ qui'₂ tsi'₁mi'₂ chen'₅₄ 'ui'₃ jaun₂. Jaun₂ ně₃ ca₂juá'₂ Pilato ca₂tsí'₃ dsa₂:

—¡jín₄ 'nia'₂ dsa₂!

6 Jaun₂ jme₁qui₂ca₂jág₂ juig₅₄ jme₂dsa₂ quian'₅₄ chi'₂ 'i'₅₄ quián₅ guá'₅ ně₃, jaun₂ ca₂jme₃lióg₃ qui₂ca₂tóin'₂ co₂mi'₅₄, ca₂juá'₂:

—¡Tióin₃ cróg₄! ¡Tióin₃ cróg₄!

Jaun₂ ca₂juá'₂ Pilato:

—Te₅₄ 'nia'₂ jaun₂, tióin₃ 'nia'₂ cróg₄ guiong'₅₄, ia₁ jniá'₂ ně₃, 'i₁caun₂ dso₄ tsá₃ dso'₂ jniá'₂ ja₁coin₂.

7 La₁ia₁ ca₂ḡag₃ dsa₂ judíos:

—Ron₅ caun₂ 'éi'₃ quián₂ jnia'₅₄, jaun₂ lia'₂ con'₂ lě₅ juá'₂ 'éi'₃ jaun₂, a₂'nió'₅ jóin₂ bá₄; ia₁ a₂jmo₂₃ a₂lín₅ Ja₁ḡi'₅₄ Diú₄.

8 Jme₁ca₂nág₂ Pilato jág₁ ně₅, 'ḡio₅ lín₃ guě₄ ca₂i₃gó'₃ dsi'₅. 9 Jaun₂ ca₂'í₃ táng₃ tē₂le₃ dsi₂néi₂ ne₄ta₁ quió'₅, jaun₂ ca₂ḡag₃ ca₂ḡi'₃ Jesús:

—¿A₂já'₄ chan'₂ 'ne₂?

La₁ tsá₃ 'e₂ ca₂ḡag₃ Jesús, 'i₁caun₂. 10 Jaun₂ ně₃, ca₂juá'₂ Pilato:

—¿Tsa₁ ḡag'₅₄ 'ne₂ jág₁ quió'₃ jniá'₂? ¿Tsa₁ ḡi'₅₄ 'ne₂ jaun₂ a₂'o₂ jniá'₂ jui₅bí₂ a₂jmo₅₄ 'éi'₃ a₂tion₃ dsa₂ cróg₄ 'ne₂, ján₃ bá₄ le₂jaun₂ guě'₂ ján₃, a₂'o₂ jniá'₂ jui₅bí₂ a₂long₅₄ 'ne₂?

11 Jaun₂ ca₂ḡag₃ Jesús:

—Ca₂lia'₂ 'i₁caun₂ jui₅bí₂ tsá₃ 'au'₂ 'ne₂ ja₁con₂ jniá'₂, jua'₅₄ tsá₃ Diú₄ ca₂cuě₃. 'Uig₅₄ jaun₂, jui₁lia'₂ i₂ně₂jáng'₂ jniá'₂ ne'₅₄ 'ne₂, 'ḡio₅ lín₃ guě₄ juě'₂ dso₄ rē₂cáin'₄ con'₂ guě₄ 'ne₂.

12 Ca₂le₃ jaun₂ ca₂'náu'₃ dsi'₅ Pilato 'a₂ lia'₂ cuin₅ jmig₄ a₂jme₁lióin₂ Jesús; la₁ dsa₂ judíos ně₃ qui₂ca₂tóin'₂ co₂mi'₅₄ ca₂juá'₂:

—¡Ně₁jua'₂ ca₂lioin'₅₄, tsá₃ lín₃ 'a₂mei₅₄ quián₅ dsi₂tan₅₄ emperador! ¡la₁ ně₁jua'₂ 'ein₂ jmo₅ lín₅ rag₅₄, lín₅ jan₂ dsa₂ i₂'ḡia₅₄ emperador!

13 Jaun₂ ně₃ jme₁ca₂nág₂ Pilato jág₁ jaun₂, ca₂dsein₂₃ Jesús. Jaun₂ ca₂guá'₂ ne₄ta₁ ja₁qui₂dsi₂₃ 'éi'₃; ja₁jaun₂ ja₁chei₂ Gabata quian'₅₄ jág₁ jmei₅ hebreo, co₂'nió'₄ a₂juá'₂, ja₁lě₄ 'uě₃ cang₄. 14 Jme₁lě₄ jmig₄ a₂jmo₅ dsa₂ co₂ḡia₅₄ Jmig₄ Tē₂'in₅₄; jme₁ma₂tě₂ con'₂ dsi₂ḡi'₃; jaun₂ ca₂juá'₂ Pilato ca₂tsí'₃ dsa₂ judíos:

—¡jín₄ 'nia'₂ rag₅₄ quiáng'₂!

15 La₁ ca₂tóin'₂ co₂mi'₅₄ ca₂juá'₂:

—¡Cau₅ jḡiai'₃! ¡Cau₅ jḡiai'₃! ¡Tióin₃ cróg₄!

Jaun₂ ca₂juá'₂ Pilato:

—¿A₁'niog'₂ 'nia'₂ tóng₄ cróg₄ rag₅₄ quián'₂ 'nia'₂?

La₁ qui₂ca₂ḡag₃ juig₅₄ jme₂dsa₂ ca₂juá'₂:

—Tsá₃ rag₅₄ sián'₂ chan₂ quián₂ jnia'₅₄, jḡia'₅₄ lia'₂ jan₂ emperador bá₄.

16 Jaun₂ bá₄ ca₂jáng'₂ Pilato ca₂jín'₂ Jesús ia₁jaun₂ tio₃ dsa₂ ne₄ cróg₄. Jaun₂ ca₂tág₃ dsa₂.

*Ca₂tion₃ dsa₂ cróg₄ Jesús**(Mateo 27:32-44; Marcos 15:21-32; Lucas 23:26-43)*

17 O₂'ín₃ Jesús jaun₂, quian₅ cróg₄ quió'₅, a₂ηó₃ jui₅ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. Quian'₅₄ jág₁ jmei₅ arameo guě'₂, chei₂ Gólgota. 18 Ja₁jaun₂ ca₂tion₃ dsa₂ ne₄ cróg₄, ján₃ bá₄ ca₂tion₃ guě'₄ dsa₂ on₃ dsa₂ sián'₂ co₂lě₅ quian'₅₄ Jesús, jma₃jan₂ lia'₂ ca₂ton₂ quió'₅; 'ηiog₅ guě'₂ Jesús tē₁toin₅₄ dsi₂jo₂.

19 Jaun₂ ca₂tióng₃ Pilato letras dsi₄ cróg₄ co₂'nió'₄ a₂juá'₂: “JESÚS CHAN₂ NAZARET, RAG₅₄ QUIÁN₅ DSA₂ JUDÍOS.”

20 Jaun₂ juin₅ dsa₂ judíos ca₂'í₂ letras jaun₂, ia₁ ma₂quián₅ chei'₅₄ juig₂ ciudad bá₄ ja₁ca₂tion₃ dsa₂ cróg₄ Jesús jaun₂. Jme₁chi₁ton₅ letras jaun₂ quian'₅₄ jág₁ jmei₅ hebreo, griego, quian'₅₄ jág₁ jmei₅ latín ně₃. 21 'Uig₅₄ jaun₂, ca₂juá'₂ juig₅₄ jme₂dsa₂ quian'₅₄ dsa₂ judíos, ca₂tsí'₃ Pilato:

—Tsá₃ lē₁taun₂ “Rag₅₄ quián₅ dsa₂ judíos”; ja₂lin₃ guě'₄ dse₃ taun'₅₄ “I₂juá'₂ a₂lín₅ Rag₅₄ quián₅ dsa₂ judíos.”

22 La₁ ca₂ηag₃ Pilato:

—Jui₁lia'₂ a₂ma₂nē₂táun₂ jniá₂, co₂nē₅ ma₂nē₂táun₂.

23 Jme₁ma₂ca₂lě₃ tion₅ 'lióg₂ Jesús ne₄ cróg₄, jaun₂ ca₂can₃ tsi₁'mi'₂ quió'₅ Jesús, jaun₂ ca₂jmo₃ quén₂ dso'₅₄, jma₃jan₂ 'lióg₂ lia'₂ ca₂dso'₅₄. Já₃ bá₄ le₂jaun₂ ca₂can₃ ni₁tsin'₅₄ Jesús. La₁ ni₁tsin'₅₄ ně₃, tsá₃ jme₁rě₂'me₅; jme₁lě₄ caun₂ 'mi'₂ con'₂ lě₅ ca₂ta₃ dsa₂, ta₁caun₂.

24 Jaun₂ ca₂juá'₂ 'lióg₂ ca₂tsí'₃ riin'₅₄:

—Co₂ηei'₅₄ tió'₅ tsá₃ guéi₃. Ně₃ i₁cáu₂ co₂ηei'₅₄ dsí₂ suerte, o₁ne₄ 'ein₂ tin₅₄.

Jaun₂ le₂ně₅ ca₂rě₂ti₃ jág₁ a₂rě₂ton₅ ne₄ Si₂ a₂juá'₂:

Qui₂ca₂dsión'₂ dsa₂ tsín'₅ jniá₂ quian'₅₄ riin'₅₄,

ca₂co₃ ca₂dsi₂ suerte o₁ne₄ 'ein₂ tin₅₄.*

Le₂ně₅ bá₄ ca₂jmo₃ 'lióg₂ 'éi₂ tioin'₅₄.

25 La₁ chog₅₄ Jesús ně₃, jaun₂ bá₄ jme₁chéin'₄ cau₅ cróg₄, lia'₂ jma₃quian'₅₄ 'io₅₄ riin'₅₄, quian'₅₄ María quián₅ Cleofas, quian'₅₄ María chan₂ Magdala ně₃. 26 Jme₁ca₂jín₂ Jesús chog₅₄, quian'₅₄ chi'₂ dsi₂guia₃-tín₂ i₂η₄ lě₃ jme₁'nioi₃ 'éi₂, chéin'₅ cau₅, jaun₂ ca₂juá'₂ ca₂tsí'₃ chog₅₄:

—'Io₅₄, ně₅ chén'₅ ja₂ηí'₂.

27 Jaun₂ guě'₄ ca₂juá'₂ ca₂tsí'₃ dsi₂guia₃-tín₂ 'éi₂:

—Ně₅ chén'₅ chog'₂.

Ca₂le₃ jmig₄ jaun₂, ca₂guei₃ chi'₂ dsi₂guia₃-tín₂ 'éi₂ ca₂guein₃ María dsi₂néi₂ quió'₅.

*Ca₂jon₃ Jesús**(Mateo 27:45-56; Marcos 15:33-41; Lucas 23:44-49)*

28 Cang₂ guě'₄ jaun₂ ně₃, ia₁ jme₁ma₂ηi₅ bá₄ Jesús a₂ma₂ca₂rě₃ηia₅ ca₂le₃jě₃, ia₁jaun₂ le₃ti₃ jág₁ tio'₅₄ ne₄ Si₂, ca₂juá'₂:

—Jm₂ig₂ i₁gui'₁ jniá₂.

29 Jě₄ jaun₂ jme₁chí'₄ caun₂ ni₁dsig₁ a₂'a₄ jmig₂ dsi'₃, jaun₂ ca₂tiá₂ dsa₂ caun₂ ni₁jaun₂ 'ηió'₃, ca₂guoin₃ quian'₅₄ jmig₂ dsi'₃ jaun₂. Jaun₂ ca₂chi₃dsí₂ dsa₂ nei'₅₄ caun₂ ni₁'ma₂ hisopo jaun₂ ca₂chóg'₃ dsa₂ tē₂ mi₂'o₄ Jesús. 30 Jme₁ma₂ně₂'én'₂ jmig₂ dsi'₃ jaun₂, jaun₂ ca₂juá'₂:

—Ma₂ca₂lě₃.

Jaun₂ ně₃ ca₂sióg₂ mi₂dsi₅₄, ca₂jáng'₃ jme₂dsí₂ quió'₅.

Ca₂'ág'₂ 'lióg₂ ηi₁chen'₂ quió'₅ mi₂dsi₂con₂ Jesús

31 Jme₁lě₄ jmig₄ a₂jmo₅ dsa₂ co₂ηia₅₄ Jm₂ig₄ Tě₂'in₅₄, jaun₂ tsá₃ 'nio₃ dsa₂ judíos jua'₅₄ lia'₂ ma₂le₁ton₅ jaun₂ ni₁ηi₁₂ dso'₂ cróg₄ jmig₄ sa₅₄, ia₁ jmig₄ juě'₂ lin₃ bá₄ sa₅₄ jaun₂. 'Uig₅₄ jaun₂ ně₃ ca₂mi₃ ne₄ Pilato a₂chein₃ 'lióg₂ a₂qui₂dsi₃jio₅₄ dsi₂tag₄ 'éi₂, jaun₂ guě'₄ tē₂. 32 Jaun₂ ně₃ ca₂i₁len₅₄ 'lióg₂ ca₂i₁jio₂ dsi₂tag₄ i₂le₂'uig₅₄; já₃ bá₄ le₂jaun₂ ca₂jmo₃ quian'₅₄ i₂jan₂ i₂chi₁ton₅

* 19:24 Salmo 22:18.

cróg₄ con₂ Jesús. ³³ La₁ jme₁ca₂jme₃quiáin₃ con₂ Jesús, ca₂jág₃ jme₁ma₂join₂₃ bá₄; 'uig₅₄ jaun₂ ně₃ tsá₃ ma₂ca₂jio₃ dsi₂tag₄ 'éi₂. ³⁴ La₁ ca₂'ág'₂ jan₂ 'lióg₂ mi₂dsi₁con₂ Jesús quian'₅₄ ŋi₁chen'₂ quió'₅, jaun₂ dsi₂jui₅ le₂jaun₂ ca₂'io₂ jmi₂ quian'₅₄ jmig₂. ³⁵ Jan₂ dsa₂ i₂ca₂tě₂ ne₄ i₂jáng'₅ jág₁ dsau₅ la₂; ton'₂ tí₅ bá₄ jág₁ dsau₅ a₂jáng'₅. Ján₃ bá₄ ŋi₅ dsa₂ 'éi₂ a₂juá'₂ jág₁ tí₅ tě₃dsón'₂, ia₁jaun₂ le₃'én'₂ 'nia'₂ ján₃. ³⁶ Ia₁ a₂ca₂lě₃ la₂, ca₂lě₃ ia₁jaun₂ le₃tí₃ jág₁ a₂rě₂ton₅ ne₄ Si₂ a₂juá'₂: “Lia'₂ 'i₁caun₂ mu₄ 'éi₂ tsá₃ qui₃jio₃ dsa₂.”† ³⁷ Le₂jaun₂ guě'₂ táng₃ juá'₂ ne₄ Si₂ ja₁siá'₂: “Jág₂ dsa₂ jín₂ 'éi₂ i₂ca₂'ág'₂ dsa₂ quió'₅.”‡

Ca₂'on₃ Jesús

(Mateo 27:57-61; Marcos 15:42-47; Lucas 23:50-56)

³⁸ Cang₂ guě₄ jaun₂ ně₃, ca₂mi₃ jan₂ dsa₂ i₂chen₂ José, i₂chan₂ juig₂ Arimatea, i₂jme₁lín₄ jan₂ dsa₂ i₂quián₅ Jesús, la₁ia₁ jme₁'éin₂ con'₂ tě₃co'₅₄ bá₄, ia₁ a₂gain₃ dsa₂ judíos; ca₂mi₃ Sě₄ 'éi₂ ne₄ Dsi₄má'₂ Pilato a₂con₂ ni₁ŋi₁ 'lag₄ Jesús. Ca₂cuě₃ bá₄ Pilato jmig₄, jaun₂ ŋe₄ Sě₄ ca₂i₂sioin₅ 'lag₄, jaun₂ ca₂tág₃. ³⁹ Ján₃ bá₄ ca₂dsióg₃ Nicodemo i₂jme₁ca₂i₂dsia₂ jág₁ le₂ŋiá₅ quian'₅₄ Jesús a₂'uě₂. Jme₁quian'₅ 'éi₂ con'₂ guióg₂-guiá₂ kilos mirra quian'₅₄ áloes a₂ma₂rě₂güin'₅. ⁴⁰ Jaun₂ ca₂tág₃ Sě₄ quian'₅₄ Nicodemo ca₂tág₃ 'lag₄ ca₂lio₃ quian'₅₄ tsi₁'mi'₂ tióg₃ lia'₂ jma₃quian'₅₄ mi₂ro₂ jaun₂, lia'₂ jme₁lě₄ tag₄ chí'₅ quió'₅ dsa₂ judíos a₂jme₁'óin₂ 'lag₄. ⁴¹ Cau₅ ja₁ca₂tion₃ dsa₂ cróg₄ Jesús, jme₁lě₄ caun₂ ja₁cha₂ ni₁'ma₂ a₂'ag₅ míg₂. Jaun₂ jě₄ jaun₂ jme₁dsi₅₄ caun₂ tau₂ 'ŋio₅ 'mí₂ ja₁tsá₃ 'ein₂ jme₁ma₂ton'₂ dsa₂ 'i₁jan₂ 'lag₄. ⁴² Jaun₂ 'uig₅₄ ia₁ a₂jme₁lě₄ jmig₄ a₂jmo₃ dsa₂ judíos co₂ŋia₅₄ quió'₅, ton'₂ 'uig₅₄ ia₁ a₂jme₁lě₄ ma₂quián₅ jaun₂ tau₂ 'ŋio₅, jaun₂ ja₁jaun₂ ca₂quio₅ Sě₄ quian'₅₄ Nicodemo ca₂quioin₂₃ Jesús.

20

Ca₂jen'₅₄ Jesús

(Mateo 28:1-10; Marcos 16:1-8; Lucas 24:1-12)

¹ Jě₁le₂'uig₅₄ jmig₄ semana, ŋe₄ María chan₂ Magdala ja₁dsi₅₄ tau₂ 'ŋio₅, tě₂ o₃'iog₂ tě₃ qui₁né'₃ guě₄ le₂jaun₂. Jaun₂ ca₂jág₃, jme₁ma₂rě₃ŋiá'₅₄ bá₄ ni₁cang₁ 'o₄ tau₂ 'ŋio₅ jme₁dsióg₃. ² Jaun₂ ně₃ ca₂ŋá'₃ co₂chi'₅₄ ja₁jme₁'en₅₄ Si₂mu₅₄ Pe₄ quian'₅ chí'₂ dsi₂guia₃-tín₂ jan₂ i₂ŋí₄ lě₃ jme₁'nio₃ Jesús 'éi₂, jaun₂ ca₂juá'₂:

—Ma₂ně₂dsen₅ dsa₂ Te₁gui'₅₄ dsi₂néi₂ tau₂ 'ŋio₅ ja₁jme₁roin₂₃, jaun₂ tsá₃ ne₄ a₂já'₄ ně₂quio₅ dsa₂.

³ Jaun₂ ně₃ Pe₄ quian'₅₄ chí'₂ dsi₂guia₃-tín₂ jan₂ 'éi₂ ca₂'u_{in} jaun₂ i₃lěin₂ ja₁dsi₅₄ tau₂ 'ŋio₅. ⁴ Le₃oin₃ bá₄ i₃lěin₂ co₂lě₅ co₂'ei₅; la₁ i₂jan₂ 'éi₂ ca₂ŋi₃ guě₄ co₂chi'₅₄ con'₂ guě₄ Pe₄, jaun₂ ŋiá'₅ bá₄ ca₂dsióg₃ ja₁dsi₅₄ tau₂ 'ŋio₅. ⁵ Jaun₂ ca₂jmo₃ i₁jín₂ ca₂ŋéi₃ ne₅₄, jaun₂ ca₂jág₃, jaun₂ bá₄ jme₁niog₅ tsi₁'mi'₂ tióg₃, la₁ia₁ tsá₃ ca₂'í₃ dsi₂néi₂. ⁶ Jaun₂ guě₄ ca₂dsióg₃ Si₂mu₅₄ Pe₄ chí₁co'₅₄ quió'₅, jaun₂ ca₂'í₃ dsi₂néi₂ tau₂ 'ŋio₅. Jaun₂ ca₂jág₃ 'éi₂ tsi₁'mi'₂ tióg₃: jaun₂ bá₄ jme₁niog₅ ja₁jaun₂; ⁷ ján₃ bá₄ ca₂jág₃ pe₁guí₄ a₂ca₂lio₃ mi₂dsi₁ Jesús. La₁ tsá₃ jme₁ron₅ co₂lě₅ quian'₅₄ tsi₁'mi'₂ tióg₃ jaun₂; cau₅ bá₄ jme₁ron₅ jme₁rě₂jon'₅. ⁸ Jaun₂ bá₄ ca₂'í₃ chí'₂ dsi₂guia₃-tín₂ jan₂ 'éi₂, i₂dsióg₃ le₂'uig₅₄; ca₂tě₂ ne₅₄, jaun₂ ca₂rě₃'éin₂. ⁹ (Ia₁ tsá₃ jme₁ma₂ŋí'₂ guě₄ dsí₅ jág₁ a₂chi₁ton₅ ne₄ Si₂, a₂tion₅₄ niog₅ jen'₅₄ Jesús jin₄ 'lag₄.)

¹⁰ Jaun₂ ně₃, i₂len₃ bá₄ táng₃ chí'₂ dsi₂guia₃-tín₂ 'éi₂ quió'₅.

Ca₂jme₃ŋia₅ Jesús ne₄ María chan₂ Magdala

(Marcos 16:9-11)

¹¹ La₁ jaun₂ bá₄ jme₁chén'₄ María ca₁'né₄ tau₂ 'ŋio₅, 'o₂₃. Tě₁lia'₂ 'o₂₃ jaun₂, ca₂jmo₃ i₁jín₂ a₂ca₂jág₃ tě₂le₃ 'ŋió'₃ tau₂ 'ŋio₅, ¹² jaun₂ ca₂jín₂ on₃ ángeles i₂le₁qui'₂ 'mi'₂ tiog₂, tiáin'₅ jě₄ jme₁ron₅ ni₁ŋi₁ Jesús; jan₂ jme₁guá₄ tě₂le₃ ja₁lě₄ chí₁gui'₂, i₂jan₂ guě'₂ ja₁jme₁lě₄ a₃tag₅.

¹³ Jaun₂ ca₂ŋag₃ ángeles ca₂ŋí'₃ María:

† 19:36 Éxodo 12:46; Números 9:12; Salmo 34:20. ‡ 19:37 Zacarías 12:10.

—'Io₅₄, ¿'e₂ lë₃ 'au'₂?

Jaun₂ ca₂ηag₃:

—Ia₁ ma₂në₂te₃ bá₄ dsa₂ Te₁gui'₅₄ quiáng₃, jaun₂ tsá₃ guion₄ jniá₂ a₂já'₄ në₂quio₅ dsa₂.

14 Jë₂ bá₄ ca₂'ñiai₂ jág₁ në₅, jme₁ca₂jéin'₃, jaun₂ ca₂jíin₂ Jesús jme₁chéin'₄; la₁ tsá₃ jaun₂ jme₁ñi₅, Jesús bá₄ 'éi₂.

15 Jaun₂ në₃ ca₂ηag₃ Jesús:

—'Io₅₄, ¿'e₂ lë₃ 'au'₂ 'ne₂? ¿I₂'ein₂ 'nag'₂?

Jaun₂, ia₁ a₂lín₂ María a₂lín₅ 'éi₂ dsa₂ i₂jmo₅ 'í₁ 'uë₃ jaun₂, jaun₂ ca₂juá'₂:

—Gui'₅₄, chi₂jua'₂ 'ne₂ ne₂te'₅₄, jua'₅₄ a₂já'₄ në₂quoin'₂, ia₁jaun₂ tē₅₄ jniá₂.

16 Jaun₂ ca₂juá'₂ Jesús:

—¡María!

Jaun₂ ca₂jén'₃ María jaun₂ ca₂juá'₂ quian'₅₄ jág₁ jmei₅ hebreo:

—¡Raboni! —co₂'nió'₄ a₂juá'₂: Tē₅ quiáng₃.

17 Jaun₂ ca₂juá'₂ Jesús:

—Tsá₃ lë₁jma'₂ quió₃, ia₁ tsá₃ ma₂uíg₂ guë₄ jniá₂ ja₁con₂ Ne'₃. La₁ guan'₂ o₂chei'₅₄ rín'₃ jniá₂, a₂uíg₂ jniá₂ ja₁con₂ Ne'₃, ja₁con₂ Néi'₅ 'nia'₂ në₃, ja₁con₂ Diú₄ quiáng₃, ja₁con₂ Diú₄ quián'₂ 'nia'₂ në₃.

18 Jaun₂ bá₄ ηó₃ María chan₂ Magdala 'éi₂ ca₂i₁chi'₄ chi'₂ dsi₂guia₃-tín₂ a₂jme₁ma₂në₂jíin₂ Te₁gui'₅₄, a₂jme₁ma₂në₂juá'₂ 'éi₂ jág₁ jaun₂.

Ca₂jme₃jnia₅ Jesús ne₄ chi'₂ dsi₂guia₃-tín₂

(Mateo 28:16-20; Marcos 16:14-18; Lucas 24:36-49)

19 Jme₁ca₂nei₂ jë₁le₂'uig₅₄ jmig₄ semana jaun₂ në₃, jme₁tion'₅₄ chi'₂ dsi₂guia₃-tín₂ le₁ñi'₂, qui₂le₁jnág₅ 'né₅ ja₁tioin'₅₄, ia₁ a₂gain₃ dsa₂ judíos. Jaun₂ ca₂'í₃ Jesús, jaun₂ ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Jui₁'ei₅ tei₄ 'au'₂ 'nia'₂.

20 Jme₁ma₂ca₂juá'₂ le₂në₅, ca₂'ë₃ mi₂gu₂ quian'₅₄ mi₂dsi₁coin₂. Jaun₂ ca₂jmo₃ 'io'₂ chi'₂ dsi₂guia₃-tín₂ jme₁ca₂jíin₂ Te₁gui'₅₄.

21 Jaun₂ ca₂juá'₂ táng₃ Jesús:

—Jui₁'ei₅ tei₄ 'au'₂ 'nia'₂. Jui₁lia'₂ ca₂chei₃ Ne'₃ jniá₂, ján₃ bá₄ le₂jaun₂ tsin₅₄ jniá₂ 'nia'₂.*

22 Jaun₂ në₃ ca₂jéi₂ dsí₂ ne₄ quió'₅ dsa₂ 'éi₂, jaun₂ ca₂juá'₂:

—Guen'₅₄ 'nia'₂ Jme₂dsí₂ Jñiós₅. 23 Chi₂jua'₂ 'ein₂ i₂ca₂'én'₃ 'nia'₂ dsáu₁, ma₂qui₂ca₂i₃'én₂ bá₄ dsáu₁ 'éi₂; chi₂jua'₂ 'ein₂ tsá₃ ca₂'én'₃ 'nia'₂ dsáu₁, tē₃'ñiá₄ dsáu₁ ja₁coin₂.

Jág₅ To₁má₄ jín₂ Te₁gui'₅₄ a₂ma₂ca₂jéin'₅₄

24 La₁ To₁má₄ në₃, jan₂ chi'₂ dsi₂guia₃-tín₂ i₂të'₂ dsa₂ Dsa₂ Tsin'₅₄, tsá₃ jme₁'ein₅₄ jë₄ quió'₅ riin'₅₄ lia'₂ con'₂ jme₁dsióg₃ Jesús. 25 Jaun₂ lë₃, jme₁ca₂juá'₂ chi'₂ dsi₂guia₃-tín₂ riin'₅₄:

—Ma₂në₂jín₄ jnia'₅₄ Te₁gui'₅₄.

La₁ To₁má₄ në₃ ca₂juá'₂:

—Në₁jua'₂ tsá₃ ca₂jág₃ jniá₂ léi₄ mi₂gu₂ ja₁ca₂i₃ba₅₄ mi₂ñí₁, ca₂lia'₂ ca₂tiá₃ chi₁gu₃ tau₂ a₂ca₂lë₃ quian'₅₄ mi₂ñí₁, ca₂lia'₂ ca₂tiá₃ mi₂gu₃ mi₂dsi₁coin₂, tsá₃ le₃'éng₂.

26 Jñia₃ jmig₄ cang₂ guë₄ jaun₂, jme₁le₁ñi'₂ táng₃ chi'₂ dsi₂guia₃-tín₂ quiáin₅ caun₂ dsi₂néi₂, le₂jaun₂ guë₄ në₃ jme₁'en₅₄ To₁má₄ jë₄ quió'₅ 'éi₂. Jaun₂ në₃, o₁jñia'₅₄ qui₂le₁jnág₅ 'né₅ ja₁tioin'₅₄, ca₂'í₃ Jesús, ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Jui₁'ei₅ tei₄ 'au'₂ 'nia'₂.

27 Jaun₂ në₃ ca₂juá'₂ ca₂tsí'₃ To₁má₄:

—'Ñia₅ i₂tio'₂ chi₁gog'₂ ja₁lá₃, jag₄ mi₂gu₃; i₂tio'₂ gog'₂ mi₂dsi₁cong₂. Tsá₃ lë₁jmo₂ a₂tsá₃ 'éng'₂, jui₁le₂'éng'₂ bá₄.

* 20:21 'Nio'₂ ja₁ton₅ Juan 17:18.

28 Jaun₂ ně₃ ca₂ŋag₃ To₁má₄:

—i₁Te₁gui' ₅₄ quiáng₃, Diú₄ quiáng₃ ně₃!

29 Jaun₂ ca₂juá'₂ Jesús:

—Ně₃ guě₄ 'éng'₂ 'uig'₅₄ ia₁ a₂ně₂jag'₅₄ jniá₂. 'E₂ guě₄ dsen₃ jui₁lia'₂ dsa₂ i₂tsá₃ ca₂jág₂, la₁ 'éin₂ bá₄.

Ta₁ a₂quí'₅ si₂ la₂

30 Jaun₂ ně₃, 'lióng₂ bá₄ léi₄ jué'₂ siá'₂ ca₂jmo₃ Jesús ne₄ chi'₂ dsi₂guia₃-tín₂ quiáin₅ a₂tsá₃ tio'₅₄ ne₄ si₂ la₂. 31 La₁ia₁ qui₂rě₂ton₅ a₂la₂, ia₁jaun₂ le₃'én'₂ 'nia'₂ a₂lín₅ Jesús I₂rě₂'ín₁ quián₅ Diú₄, ton'₂ lín₅ Ja₁ŋi'₅₄ Diú₄, ia₁jaun₂ jě₁ma₂qui₂ca₂rě₃'én'₂ 'nia'₂, le₃chan'₂ bá₄ 'nia'₂ co₂tan₅₄ le₃quíó'₅ 'éi₂.

21

Ca₂jme₃jnia₅ Jesús ne₄ guion₃ chi'₂ dsi₂guia₃-tín₂ quiáin₅

1 Cang₂ guě₄ jaun₂, ca₂jme₃jnia₅ táng₃ Jesús ne₄ chi'₂ dsi₂guia₃-tín₂ quiáin₅ chei'₅₄ Jm₁ŋí'₄ Tiberias.* Le₂la₂ bá₄ ca₂lě₃:

2 Jme₁tion'₅₄ co₂lě₅ Si₂mu₅₄ Pe₄; To₁má₄, i₂tě'₂ dsa₂ Dsa₂ Tsin'₅₄; Natanael i₂chan₂ juig₂ Caná ja₁tén₄ 'uě₃ Galilea; le₃on₃ ja₁ŋi'₅₄ Zebedeo ně₃; quiáin'₅₄ on₃ guě₄ chi'₂ dsi₂guia₃-tín₂ sián'₂ quián₅ Jesús. 3 Jaun₂ ca₂juá'₂ Si₂mu₅₄ Pe₄:

—Nei'₅₄ i₁cháng'₃ ju₄.

Jaun₂ ca₂ŋag₃ 'éi₂:

—Ján₃ bá₄ dsau₅₄ jnia'₅₄ quian'₅₄ 'ne₂.

Jaun₂ i₃lěin₂, ca₂uig₂ 'ŋi₃ó'₃ caun₂ tsi₁mu₅, la₁ a₂'uě₂ jaun₂ tsá₃ ju₄ ca₂join₃ 'i₁jan₂.

4 Jme₁ca₂jnia₃ táng₃ jaun₂, jaun₂ jme₁chén'₄ Jesús chei'₅₄ jm₁ŋí'₄, la₁ tsá₃ jaun₂ ŋi₅ chi'₂ dsi₂guia₃-tín₂ jnia'₅₄ Jesús bá₄ 'éi₂. 5 Jaun₂ ně₃ ca₂juá'₂ Jesús:

—'Nia'₂ chi'₂, ħtsa₁ ju₄ chan₂ quián'₂ 'nia'₂?

Jaun₂ ca₂ŋag₃ 'éi₂:

—Lia'₂ 'i₁jan₂.

6 Jaun₂ ně₃ ca₂juá'₂ Jesús:

—Tiong₂ 'nia'₂ 'má₅ quiáng'₂ tě₂le₃ gu₂ ne₁ tsi₁mu₅, jaun₂ join'₅₄ 'nia'₂.

Jaun₂ le₂jaun₂ bá₄ ca₂jmo₃. Jme₁co₂lág₂ jaun₂ tioin'₅₄ tsá₃ lé₂ dsí₃ tsi₁'má₅ dsi₂jmig₂, ia₁ a₂ŋí₄ lě₃ juin₅ i₁ju₁ jme₁tion'₅₄ 'ŋi₃ó'₃.

7 Jaun₂ ně₃ ca₂juá'₂ chi'₂ dsi₂guia₃-tín₂ i₂jme₁'nio₃ Jesús guě₄ lín₃, ca₂tsí'₃ Pe₄:

—i₁Te₁gui' ₅₄ bá₄ ó₃!

Jě₂ bá₄ con'₂ ca₂nág₂ Si₂mu₅₄ Pe₄, Te₁gui'₅₄ bá₄ 'éi₂, ca₂quí'₂ tsin'₅₄ jang₄ le₃co'₅₄ (ia₁ jme₁ma₂ně₂jniá'₂ a₂jme₁jmo₃ ta₁) jaun₂ ca₂tián₂ dsi₂jmig₂. 8 Chi'₂ dsi₂guia₃-tín₂ riin'₅₄ guě'₂ ně₃, ca₂dsi₃lein₃ bá₄ tě₂ chei'₅₄ jm₁ŋí'₄ quian'₅₄ tsi₁mu₅ qui₂tsi₂cuín'₅ tsi₁'má₅, ca₂lia'₂ rě₂can'₂ ju₄. Ia₁ tsá₃ úing₂ jme₁tioin'₅₄ ja₁lě₄ chei'₅₄ jm₁ŋí'₄: con'₂ caun₂ 'ŋiá₂-láu₂ metros bá₄ jme₁tí₄. 9 Jme₁ca₂sióin₃ 'uě₃ ně₃, ca₂jág₃ a₂ma₂niog₅ si₂ tá'₃, ján₃ bá₄ jme₁ma₂dsín₂ jan₂ ju₄ ne₄ si₂; ján₃ bá₄ jme₁te₁'i₁ i₁ŋí'₄ ně₃.

10 Jaun₂ ca₂juá'₂ Jesús:

—Jnia₅ jan₂-on₃ ju₄ i₂lia'₂ ně₂chan'₂ 'nia'₂.

11 Jaun₂ ca₂uig₂ Si₂mu₅₄ Pe₄ guei'₅₄ tsi₁mu₅. Jaun₂ ca₂tsé'₃ tsi₁'má₅ ca₂tě₂ chei'₅₄ jmig₂ lia'₂ rě₂can'₂ tion'₅₄ ju₄ ca₁can'₅₄. Con'₂ caun₂ 'ŋiá₂-lón₂ rě₂dsí₂ tě₂láu₃-guia₃-ún₂ (153) ju₄ jme₁tion'₅₄. La₁ o₁jnia'₅₄ la₂ juin₅ ju₄ jme₁tion'₅₄, tsá₃ ca₂gag₂ bá₄ guě₄ tsi₁'má₅. 12 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—I₂nó'₅ 'nia'₂ i₂qué'₂ má₃ tě₂ o₃'iog₂.

* 21:1 o₃, Jm₁ŋí'₄ Galilea.

Jaun₂ lia'₂ 'i₁jan₂ chi'₂ ds_{i2}guia₃-tín₂ tsá₃ tiá'₂ ds_{i5} ñag₃ i₂'ein₂ 'éi₂, ia₁ ñi₅ bá₄ jaun₂ Te₁gui'₅₄ bá₄ 'éi₂. ¹³ Jaun₂ ně₃ ca₂jme₃quián₃ Jesús, ca₂can₃ i₁ñí'₄, jaun₂ ca₂cuě'₃ chi'₂ ds_{i2}guia₃-tín₂. Ján₃ bá₄ le₂jaun₂ ca₂jmo₃ quian'₅₄ ju₄. ¹⁴ A₂ně₅ jē₁ca₂tě₂ 'nag'₂ ráun₂ a₂ca₂jme₃jnia₅ Jesús ne₄ chi'₂ ds_{i2}guia₃-tín₂ quián₅ cang₂ jme₁ca₂jein'₅₄ ja₁jme₁rě₂'lin₅₄.

Dsia₅ Jesús jág₁ quian'₅₄ Si₂mu₅₄ Pe₄

¹⁵ Cang₂ jme₁ca₂lě₃ guě'₅ má₃ tē₂ o₃'iog₂, ca₂ñag₃ Jesús ca₂ñí'₃ Si₂mu₅₄ Pe₄:
—Si₂mu₅₄, ja₁ñi'₅₄ Juan₅₄, † ¿dsau₅ 'nióg'₃ jniá'₂ lia'₂ con'₂ guě'₄ dsa₂ tión₂ la₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂, a₂'nió₃ jniá'₂ 'ne₂.

Jaun₂ ca₂juá'₂ Jesús:

—Jme₁tan₅₄ guein₂ já'₂ cha'₂ quiáng₃ jaun₂.

¹⁶ Jaun₂ ca₂ñag₃ táng₃ Jesús jē₁ca₂tě₂ táng₃ ráun₂:

—Si₂mu₅₄, ja₁ñi'₅₄ Juan₅₄, ¿'nióg'₃ jniá'₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂ a₂'nió₃ jniá'₂ 'ne₂.

Jaun₂ ca₂juá'₂ Jesús:

—Jmo₄ 'í₁ já'₂ cha'₂ bē'₅₄ quiáng₃ jaun₂.

¹⁷ Jaun₂ ca₂ñag₃ táng₃ Jesús jē₁ca₂tě₂ 'nag'₂ ráun₂:

—Si₂mu₅₄, ja₁ñi'₅₄ Juan₅₄, ¿'nióg'₃ jniá'₂?

Jaun₂ ca₂'í₃ qui'₂ ds_{i5} Pe₄ ia₁ ca₂ñag₃ Jesús jē₁ca₂tě₂ 'nag'₂ ráun₂, “¿'nióg'₃ jniá'₂?” Jaun₂ ca₂juá'₂:

—Te₁gui'₅₄, ca₂le₃jě₃ bá₄ ñi'₅₄ 'ne₂. Ñi'₅₄ bá₄ 'ne₂ jaun₂ a₂'nió₃ § jniá'₂ 'ne₂.

Jaun₂ ca₂juá'₂ Jesús:

—Jme₁tan₅₄ já'₂ cha'₂ bē'₅₄ quiáng₃ jaun₂. ¹⁸ A₂ds_{i2}jó'₃ juá'₅ jniá'₂, lia'₂ con'₂ jme₁líng'₄ guě'₄ dsa₂ chi'₂, jme₁tíng'₂ jme₁quí'₂ tsíng'₂, jaun₂ jme₁góg'₂ a₂já'₄ 'nióg'₂ gog'₅₄; la₁ia₁ jē₁ma₂líng'₅ jan₂ dsa₂ ma₂guen'₂, jaun₂ nei'₅₄ gog'₂, jaun₂ i₂sián'₂ bá₄ quei'₃ tsíng'₂, jaun₂ ds_{i3}jio₃ ja₁tsá₃ 'nióg'₂ gog'₅₄.

¹⁹ Jme₁ca₂juá'₂ Jesús le₂ně₅, ca₂jmo₃ jág₁ a₂'e₂₃ 'e₂ ne₅₄ 'mú₃ a₂'i₄ 'éi'₃ ds_{i3}ñí'₂ Pe₄, a₂jme₃jniai₂₃ a₂jlán'₁ Diú₄. Jaun₂ ca₂juá'₂ táng₃ ca₂tsí'₃ Pe₄:

—i'Éin₃ jniá'₂!

Chi'₂ ds_{i2}guia₃-tín₂ i₂'nió₄ guě'₄ quián₅ Jesús

²⁰ Jme₁ca₂jén'₃ Pe₄ le₃ca'₃, ca₂jág₃ já₅ chi₁co'₅₄ quió'₅, chi'₂ ds_{i2}guia₃-tín₂ i₂'nio₃ Jesús guě'₄ lin₃; chi'₂ ds_{i2}guia₃-tín₂ 'éi₂ i₂jme₁guá'₄ cau₅ le₃jén'₃ quió'₅ Jesús ja₁ca₂guě'₃ má₃ tē₂le₃ ca₂nei₂, ján₃ bá₄ 'éi₂ i₂ca₂ñag₃ ca₂ñí'₃ Jesús, jme₁ca₂juá'₂: “Te₁gui'₅₄, ¿i₂'ein₂ 'éi₂ i₂jáng'₂ quiáng'₂?”

²¹ Jaun₂ jme₁ca₂jág₃ Pe₄ ca₂jíin₂ 'éi₂, ca₂ñag₃ ca₂ñí'₃ Jesús:

—Te₁gui'₅₄, i₂la₂ guě'₂: ¿'e₂ jén'₄?

²² Jaun₂ ca₂ñag₃ Jesús:

—Chi₂jua'₂ 'nio₃ jniá'₂ a₂chan₂ i₂ně₅ ca₂lia'₂ jē₁ma₂guión'₃ táng₃ jniá'₂, ¿'e₂ bá₄ 'uig₅₄ 'ne₂ 'i₅ 'au'₂? La₁ia₁ 'ne₂ 'éin₃ jniá'₂.

²³ Jaun₂ ně₃ ca₂i₃ag₅₄ jág₁ ně₅ jin₄ riin'₅₄ a₂tsá₃ jón₂ chi'₂ ds_{i2}guia₃-tín₂ 'éi₂. La₁ia₁ on₃jua'₅₄ jaun₂ ca₂juá'₂ Jesús a₂tsá₃ jón₂ 'éi₂; a₂jaun₂ bá₄ ca₂juá'₂: “Chi₂jua'₂ 'nio₃ jniá'₂ a₂chan₂ i₂ně₅ ca₂lia'₂ jē₁ma₂guión'₃ jniá'₂ táng₃, ¿'e₂ bá₄ 'uig₅₄ 'ne₂ 'i₅ 'au'₂?”

²⁴ Chi'₂ ds_{i2}guia₃-tín₂ 'éi₂ bá₄ la₂, i₂jáng'₅ jág₁ dsau₅ 'a₂ lia'₂ ca₂lě₃, i₂ca₂tó'₂ jág₁ la₂ ne₄ si₂ ně₃. Jaun₂ ne₄ bá₄ jniog₄, a₂tí₅ bá₄ jág₁ dsau₅ a₂jáng'₅ 'éi₂.

† 21:15 o₃, ja₁ñi'₅₄ Jonás. ‡ 21:16 griego: W0Iagapeo (ju₁lia'₂ 'a₂ lia'₂ 'nio₃ Diú₄, dsa₂ mi₂güüg₃). § 21:17 griego: W0Ifileo (ju₁lia'₂ 'a₂ lia'₂ 'nio₃ dsa₂ mi₂güüg₃ rin'₅₄ a₂mei₅₄ quián₅).

²⁵ Ján₃ bá₄ cha₂ 'lióng₂ a₂siá'₂ a₂ca₂jmo₃ Jesús; jua'₅₄ mei'₂ guě₃ dsi₃to'₅₄ ne₄ si₂ le₂caun₂
 le₂caun₂, ca₂lia'₂ jñia'₅₄ ta₁caun₂ mi₂güí₃ bá₄ tsá₃ jme₁'éi'₄ si₂ jua'₅₄ ca₂'uě'₃ dsa₂, lín₂ jniá₂.^{*}
 Co₂ně₅.

* **21:25** A₂lin₅₄ chog₅₄ si₂ juá'₂ ján₃: “A₂méi₃.”

Le₂la₂ ca₂jmo₃ dsa₂ i₂chen₄ quián₅ Jesús

Jág₁ a₂cuě₄ a₂chen₃ Diú₄ Jme₂dsí₂ Jñi_ó₅

¹ Ne₄ si₂ a₂ca₂jmo₃ jniá₂ le₂'uig₅₄, gui₅₄ Teófilo, * ca₂juá'₃ jniá₂ ca₂le₃jě₃ a₂ca₂jmo₃ Jesús ca₂le₃ ca₂jme₃lióg₃ ca₂jme₃tag₂₃, ² ca₂lia'₂ ca₂tě₂ jmig₄ a₂ca₂ñái'₃ guei'₅₄ i₂juíg₃. Né'₃ a₂dsáin'₃ guei'₅₄ i₂juíg₃, ca₂quióin'₂ dsi₂guia₃-tín₂ i₂chen₄† quián₅, ca₂chei₃ dsi₂'ě₂ jág₁. Jaun₂ ca₂cuě₃ jág₁ tē₂le₃ quian'₅₄ Jme₂dsí₂ Jñi_ó₅, ca₂le₃jě₃ 'e₂ 'nió'₅ jmo₃ chi'₂ dsi₂guia₃-tín₂ 'éi₂. ³ Cang₂ jme₁ca₂join₃, jme₁ma₂jein'₅₄ táng₃, ca₂ñi₃ tē₂láu₃ jmig₄ qui₂jme₂jniai₂₃ qui₂cuě'₅ jág₁ dsau₅ chi'₂ dsi₂guia₃-tín₂ a₂tē₂dsón'₂ bá₄ chain₂ ma₂jein'₅₄ táng₃; jaun₂ qui₂ca₂dsia₃ jág₁ quiain'₅₄ 'éi₂ jui₁lia'₂ 'a₂ lia'₂ lě₅ ja₁gon₂ Diú₄.

⁴ Jme₁'en₅₄ guě₄ Jesús quiain'₅₄ chi'₂ dsi₂guia₃-tín₂ quián₅, jaun₂ ca₂juá'₂ ca₂tsí'₃ 'éi₂ a₂tsá₃ dsi₃lein₃ dsi₂jui₅ juig₂ Jerusalén. Jaun₂ ca₂juá'₂:

—Jñia₄ 'nia'₂, jui₁le₂ti₃ de'₂ jág₁ quió'₅ Ne'₃ a₂ma₂juíg₂ 'nia'₂. ⁵ Dsau₅ bá₄ ca₂tióg₃ Juan₅₄ ca₂tiáin₂ jmig₂ dsa₂, la₁ 'nia'₂ guě'₂ ně₃ tióg₂ Diú₄ Jme₂dsí₂ Jñi_ó₅, tē₃jě₄ la₂.

Ca₂ñá'₃ Jesús guei'₅₄ i₂juíg₃

(Marcos 16:19; Lucas 24:50-53)

⁶ Co₂ráun₂ tion'₅₄ chi'₂ dsi₂guia₃-tín₂ le₂ñi'₂ ja₁'en₅₄ Jesús, jaun₂ ca₂ñi'₃ Jesús:

—Te₁gui'₅₄, ¿ma₂tě₂ ja₁jmó'₂ 'ne₂ a₂lión₂ dsa₂ juig₂ Israel?

⁷ Jaun₂ ca₂ñag₃ Jesús:

—Tsá₃ ca₂tín'₂ 'nia'₂ le₃ñi'₅₄ 'a₂ lia'₂ jmo₃ Diú₄ Jmei₂'éi'₃ ca₂le₃jě₃ 'e₂ 'i_ó'₄, 'e₂ jmig₄ ně₃. 'Niog₅ bá₄ Diú₄ Jmei₂ñi₅ a₂jaun₂. ⁸ Jē₁ma₂ca₂guen'₅₄ 'nia'₂ Jme₂dsí₂ quián₅ Diú₄, guéi'₁ 'nia'₂ jui₅bí₂, jaun₂ qui₂o₁nóg'₅ qui₂o₁'ě'₃ jág₁ dsau₅ quió'₃ juig₂ Jerusalén, le₂tan₅₄ juig₂ 'uě₃ Judea, 'uě₃ Samaria, ca₂le₃jě₃ juig₂ ta₁caun₂ mi₂güig₃ ně₃.

⁹ Jme₁ma₂dsan₃ juá'₂ Jesús le₂ně₅, ca₂uig₂ jui₅ guei'₅₄ i₂juíg₃, ca₂ñái'₃ ca₂lioin₂ jnei₅.

¹⁰ Tē₃tión₂ jaun₂ chi'₂ dsi₂guia₃-tín₂ jág₅ guei'₅₄ jme₁ñá'₃ Jesús, con'₂ tsá₃ jáin₅ jme₁ca₂jín₂ on₃ dsa₂ le₁qui'₂ 'mi'₂ tiog₂ jau₂, tión₂ cau₅ quió'₅. ¹¹ Jaun₂ ca₂juá'₂ dsa₂ on₃ 'éi₂:

—'Nia'₂ dsa₂ chan₂ Galilea, tsá₃ ma₃ta₁ jmo₃ tión'₂ guě₄ 'nia'₂ uě₂ jág'₂ guei'₅₄. 'Niog₅ Jesús ně₅ i₂ñá'₅ guei'₅₄ i₂juíg₃ tē₃jín'₄ 'nia'₂, le₂ně₅ bá₄ jiá₃ táng₃ jē₁ma₂tě₂ rē₁jiá₃, jui₁lia'₂ ně₂jín'₅₄ 'nia'₂ ñái'₅ ně₅.

Ca₂qui_ón'₂ dsa₂ Matías a₂jmo₃ ta₁ a₂jme₁lín₄ Judas

¹² Jaun₂ ně₃ ca₂'u_{ii}n₂ má'₂ ja₁chei₂ Olivos, ca₂o₃lein₃ táng₃ juig₂ Jerusalén, a₂niog₅ uíng₂ con'₂ ja₁'i₄ 'éi'₃ i₃nio₄ dsa₂ jme₁jmig₄ sa₅₄.† ¹³ Jme₁ca₂o₃lein₃ Jerusalén jaun₂, ca₂uig₂ cuarto guei'₅₄ ja₁ca₂ñia₃. Dsa₂ 'éi₂ jme₁chein₂ Pe₄, Jacobo, Juan₅₄, Drě₄, Fe₂li₄, To₁má₄, Bartolomé, Tē₅₄, Jacobo ja₁ñi'₅₄ Alfeo, Si₂mu₅₄ i₂lín₅ cananista,§ quian'₅₄ Judas rín'₅₄ Jacobo. ¹⁴ Ca₂le₃jín₃ le₂jaun₂ jme₁ñi'₂ i₂gú'₃ co₂lě₅ quiain'₅₄ o₁rín'₅₄ Jesús, María chog₅₄ Jesús, ca₂le₃jín₃ guě₄ 'io₅₄ sián'₂ ně₃, a₂jme₁tsí'₅ Diú₄.

¹⁵ Co₂ráun₂ jme₁lě₂ con'₂ caun₂ 'ñiá₂-lón₂ rē₂dsí₂ gui_ón₂ (120) dsa₂ 'én₂ i₂jme₁le₁ñi'₂. Jaun₂ ca₂nau₂ Pe₄ tē₃jě₄ jaun₂, jaun₂ ca₂juá'₂ ca₂tsí'₃ dsa₂:

¹⁶ —Rín'₅₄ jniog₄, co₂ně₅ lě₅ Si₂, tion₅₄ ca₂rě₃ti₃ jág₁ a₂ma₂'ě₂ Jme₂dsí₂ quián₅ Diú₄ tē₂le₃ quian'₅₄ 'lag₄ David, a₂ca₂'i_{in}₃ Judas i₂ca₂ñia₃ dsa₂ i₂ca₂ite₂ Jesús chi₁'ñei'₂.

¹⁷ I₂jme₁quian'₅₄ bá₄ jniog₄ 'éi₂, jme₁lě₄ rín'₅₄ jniog₄, i₂jme₁jmo₅ ta₁ le₂la₂ bá₄ 'éi₂ ján₃. ¹⁸ La₁

* **1:1** Teófilo: o₃, “ne₂ i₂nióg'₃ Diú₄.” † **1:2** griego: apóstolous. ‡ **1:12** Con'₂ tís caun₂ kilómetro. § **1:13** griego: celotes, co₂'nió'₄ dsa₂ i₂nau₂ quens₅; jan₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quoin₃ le₃on₃ Si₂mu₅₄ 'éi₂, ia₁ ñí₄ lě₃ mei'₂ tsá₃ ca₂ne₅₄ a₂chein₂.

quian'⁵⁴ cu⁴ 'lig'⁵⁴ a₂ca₂lí'³ Judas a₂ca₂'ni³ Jesús, ca₂lá³ 'uë³. 'Uë³ jaun₂ ca₂jmo₃ ca₂táin'² tē³ chi₁jín₂, qui₂ca₂'uë² ca₂le₃jě³ a₂jme₁tio'⁵⁴ tú'⁵. ¹⁹ Jme₁ca₂rě₃ñi₅ dsa₂ juig₂ Jerusalén, ca₂tě'³ 'uë³ jaun₂ Acéldama, co₂'nió'⁴ a₂juá'²: 'Uë³ Jm_{i2}, quian'⁵⁴ jág₁ jmei₅ quió'⁵. ²⁰ Ia₁ le₂la₂ juá'² ne₄ Si₂ Salmos:

Jui₁tě₂tsi'⁵⁴ 'ñiog₅ 'né₅ quió'⁵,

ia₁ 'i₁jan₂ tsá₃ 'ein₂ le₃tian'³. *

Ján₃ guě'² juá'² táng₃:

Dsa₂ sián'² jui₁jmo₅₄ ta₁ a₂jme₁lín₄. †

²¹ 'Chan₂ bá₄ dsa₂ jě₄ la₂ quián₂ jniog₄ dsa₂ i₂ma₂ca₂jme₃quiong'⁵⁴ ca₂le₃jě₃ jmig₄ lia'² con'² jme₁quian'⁵⁴ jniog₄ Te₁gui'⁵⁴ Jesús, ²² ca₂le₃ ca₂jñó₂ Jesús jmig₂ a₂ca₂cho₃ Juan₅₄, ca₂lia'² jme₁ca₂uíg₂ Jesús guei'⁵⁴ i₂juíg₃. Jaun₂ tion₅₄ 'nió'⁵ dsa₂ 'éi₂, jme₃quiong'⁵⁴ jniog₄, jaun₂ jáng'³ jág₁ dsau₅ a₂ca₂jen'⁵⁴ táng₃ Jesús.

²³ Jaun₂ ca₂jmo₃ jág₁ ca₂'iin₃ jan₂ i₂chen₂ José i₂tě'² Barsabás i₂tě'² Justo ně₃, quian'⁵⁴ jan₂ i₂chen₂ Matías. ²⁴ Jaun₂ ca₂tsí'³ Diú₄ ca₂le₃jín₃, ca₂juá'² le₂la₂:

—Te₁gui'⁵⁴, 'ne₂ bá₄ i₂cuíng'² tē₂dsi₅ ca₂le₃jín₃ dsa₂, 'in₅₄ jnia'⁵⁴ 'ein₂ dsa₂ on₃ la₂ i₂ma₂quion'⁵⁴ 'ne₂, ²⁵ ia₁jaun₂ jmo₃ ta₁ léin₂ chi'² dsi₂guia₃-tín₂ quiáng'² a₂jme₁lín₄ Judas, 'uig₅₄ dsáu₁ ca₂i₃'éin₂, ca₂ñái'³ ja₁ca₂tíin₂.

²⁶ Jaun₂ ca₂tóin'² ca₂co₃, ca₂dsi₂ jág₁. Jaun₂ i₂chen₂ Matías bá₄ ca₂tín₂ ta₁ jaun₂. Dsi₂jui₅ le₂jaun₂ bá₄ ca₂jme₃quiain'⁵⁴ dsa₂ guia₃-ján₃ i₂jme₁lě₂ guě₄ dsi₂guia₃-tín₂ i₂chen₄ quián₅ Jesús.

2

Jme₁guan₃ Jme₂dsí₂ quián₅ Diú₄

¹ Jme₁ca₂tě₂ Jm_{i2}g₄ Tě₂láu₃-guiá₂, caun₂ bá₄ ja₁jme₁tion'⁵⁴ le₁ñi'² ca₂le₃jín₃ dsa₂ i₂'én₂. ² Con'² tsá₃ jáin₅ jme₁ca₂nág₂, ca₂lě₃ gau₂ ca₂jan₃ guei'⁵⁴ lia'² lě₅ jě₁'ei₅ dsí₂ tiá₂ lín₃ ca₂lě₃, ca₂né'² ta₁caun₂ dsi₂néi₂ ja₁jme₁tion'⁵⁴ dsa₂. ³ Jaun₂ co₂tan₅₄ dsi₂jui₅ le₂jaun₂ qui₂ca₂séi'² tsi'⁴ si₂ qui₂tě₁tsi'⁵⁴ ne₄ quió'⁵ dsa₂ 'éi₂, le₂jain₂ le₂jain₂. ⁴ Jaun₂ ca₂le₃jín₃ qui₂ca₂cain'² quian'⁵⁴ Jme₂dsí₂ Jñio₅. Jaun₂ ca₂jme₃lióg₃ dsa₂ qui₂ca₂dsia₃ jág₁ jmei₅ siá'², lia'² con'² lě₅ ca₂cuě₃ Jme₂dsí₂ a₂juá'² dsa₂.

⁵ Jm_{i2}g₄ jaun₂ jme₁tion'⁵⁴ dsa₂ judíos juig₂ Jerusalén, i₂ja₂lén₂ ta₁caun₂ mi₂güí₃, a₂jme₂ti₃ con'² tag₄ chí'⁵ quió'⁵. ⁶ Jme₁ca₂nág₂ mi'⁵⁴ a₂ca₂lě₃ jaun₂, qui₂ca₂ñi'² dsa₂, tsá₃ caun₂ ca₂i₃jio₅ dsí₅, ia₁ ca₂le₃jín₃ bá₄ dsa₂ 'éi₂ jma₃quén₅ qui₂ca₂nág₂ jág₁ jmei₅ quió'⁵ a₂qui₂ca₂dsia₃ dsa₂ i₂tion'⁵⁴ 'éi₂. ⁷ Jaun₂ dsi₃gó'³ dsí₅ 'ñio₅ lín₃, qui₂ca₂dsia₃ jág₁ guoin₅₄ quiain'⁵⁴ riin'⁵⁴, ca₂juá'²:

—¿On₁juá'⁵⁴ dsa₂ chan₂ Galilea ca₂le₃jín₃ dsa₂ i₂dsia₅ jág₁ ně₅? ⁸ ¿'A₂ bá₄ lia'² né'² dsia₂₃ jág₁ jmei₅ quió'⁵ juig₂ go₄ jniog₄ le₂jau₂ le₂jau₂? ⁹ Dsa₂ i₂tion'⁵⁴ ja₁lá₃ i₂chan₂ juig₂ Partia, dsa₂ chan₂ Media, dsa₂ chan₂ Elam, dsa₂ chan₂ Mesopotamia, i₂chan₂ Judea, i₂chan₂ Capadocia, dsa₂ chan₂ Ponto, dsa₂ chan₂ 'uë³ Asia, ¹⁰ dsa₂ chan₂ Frigia quian'⁵⁴ Panfilia, dsa₂ ja₂lén₂ 'uë³ Egipto quian'⁵⁴ juig₂ 'uë³ Africa* a₂niog₅ uíng₂ con'² guě₄ Cirene. Ján₃ bá₄ tion'⁵⁴ dsa₂ chan₂ Roma i₂ma₂tián'⁵ ja₁lá₃. I₂lín₅₄ 'éi₂ jme₁ma₂lín₅ judíos; i₂lín₅₄ guě'² ma₂gue₃ juá'⁵ quió'⁵ dsa₂ judíos. ¹¹ Ján₃ bá₄ tion'⁵⁴ dsa₂ chan₂ 'uë³ Creta, dsa₂ chan₂ Arabia ně₃. La₁ ca₂le₃jág₃ bá₄ jniog₄ néi₁ quian'⁵⁴ jág₁ jmei₅ quián₂ a₂dsia₅ dsa₂ ně₅ ca₂le₃jě₃ a₂jlá'¹ a₂'io'² a₂jmo₅ Diú₄.

¹² Jaun₂ 'ñio₅ dsi₂gó'³ dsí₅ dsa₂, tsá₃ caun₂ qui₂ca₂'ág₂ dsí₅. Jnia'⁵⁴ qui₂ñi'⁵ riin'⁵⁴:

—¿'E₂ 'nió'⁴ juá'² ca₂le₃jě₃ a₂ně₅?

¹³ I₂lín₅₄ guě'² tsá₃ 'éin₂, jnia'⁵⁴ qui₂jmóg'² burlas, jaun₂ ca₂juá'²:

* **1:20** Salmo 69:25. † **1:20** Salmo 109:8. * **2:10** griego: Libia.

—I₂le₁'en₅ bá₄ i₂ně₅.

Jág₁ a₂ca₂juá'₂ Pe₄ ca₂tsí'₃ dsa₂

¹⁴Jaun₂ ca₂nau₂ Pe₄ jě₄ jme₁guá₄ quiain'₅₄ guě₄ guia₃-ján₃ chi'₂ dsi₂guia₃-tín₂ riin'₅₄. Jaun₂ ca₂juá'₂ tiá₂ ca₂tsí'₃ dsa₂:

—'Nia'₂ dsa₂ chan₂ Judea quian'₅₄ ca₂le₃jíng'₃ i₂tián'₅ Jerusalén ně₃, jui₁le₂ŋi'₅₄ 'nia'₂ jág₁ la₂. Nei₂ 'nia'₂ dse₃ a₂juá'₄ jniá₂ la₂. ¹⁵Tsá₃ le₁'en₅ dsa₂ la₂ jui₁lia'₂ lín'₂ 'nia'₂, ia₁ con'₂ hora ŋí₁ ŋi₃ tē₂ o₃'iog₂† bá₄ guě₄ la₂. ¹⁶Tě₂le₃ a₂rě₂ti₃ con'₂ lě₅ jág₁ a₂ca₂'ě₂ Joel ma₂líg'₂, lia'₂ con'₂ jme₁ca₂juá'₂:

¹⁷Jě₁ca₂tó'₂ jmig₄, juá'₂ Diú₄,
tsing₅₄ Jme₂dsí₂ quiáng₃ jaun₂ sióin₃
ne₄ quió'₅ ca₂le₃jín₃ dsa₂ mi₂güí₃.

Ja₂ŋí'₂ 'nia'₂, ja₁míg'₄ ně₃
qui₃dsia₃ o₄quió'₃ jniá₂.

Dsó₂ chi'₂ quián'₂ 'nia'₂ ně₃
a₂lě₁qui₃jág₃ 'e₂ qui₃jág₃,
dsi₂gui'₅₄ can'₅₄ guě'₂ qui₃qui₃.

¹⁸Jmig₄ jaun₂, qui₁'íng₄ Jme₂dsí₂ quiáng₃
ne₄ quió'₅ dsa₂ ŋe'₂, dsa₂ mǐ₂ ně₃
i₂jme₂ti₃ ta₁ ne₃,

jaun₂ guě₄ qui₃dsia₃ o₄quió'₃ jniá₂.

¹⁹Dsi₁ guei'₅₄ guě'₂ qui₁'ě₄ jniá₂ dsa₂
cosas a₂dsi₃gó'₃ dsí₅.

Ne₄ gua'₅₄ 'uě₃ guě'₂
jmo₅₄ jniá₂ lé₂ léi₄,
jui₁lia'₂ jmi₂, si₂, jnei₅ lě₅ jme₁ŋi₁ ně₃.

²⁰'Iog₂ guě'₂ co₂dsia₅ le₃lia'₂.
Tsi'₂ guě'₂ lé₂ guéin₂ lia'₂ lě₅ jmi₂.

Ca₂le₃jě₃ a₂ně₅ lé₂ né'₃ guě₄
a₂guá₂ jmig₄ quió'₅ Te₁gui'₅₄.

Jmig₄ jaun₂ lé₂ caun₂ jmig₄ juě'₂ a₂gau₂.

²¹Jaun₂ ca₂le₃jín₃ dsa₂ i₂mi₅ chi₁lén'₂ Te₁gui'₅₄,
lióin₂ bá₄.‡

²²'Nia'₂ dsa₂ chan₂ Israel, nei₂ 'nia'₂ ca₂le₃jě₃ a₂juá'₄ jniá₂ la₂. Jesús chan₂ Nazaret dsa₂ dsen₃ quián₅ Diú₄, i₂ca₂cuě'₃ 'éi'₃ ca₂chein₃ jín'₄ 'nia'₂. Ca₂jmo₃ Diú₄ ca₂le₃jě₃ léi₄ juě'₂, ca₂le₃jě₃ 'e₂ dsi₂gó'₃ dsí₅ dsa₂, qui₂ca₂jmo₃ tē₂le₃ quian'₅₄ Jesús jín'₄ 'nia'₂. A₂ŋi'₅₄ rě₂ bá₄ 'nia'₂ jaun₂. ²³La₁ jme₁ca₂jáng'₂ dsa₂ o₄gog'₂ 'nia'₂ con'₂ jme₁ma₂lě₅ jág₁ quió'₅ Diú₄ a₂ma₂ŋi₅ le₂ŋiá₅, 'nia'₂ ně₃ ca₂chang'₂ i₂'éi₂, ca₂te'₅₄ chi₁'ŋei₂₃, ca₂l₁jín'₅₄ 'nia'₂ o₄gú₃ dsa₂ 'lín'₅₄ i₂tsá₃ ŋéi₂ dsí₅. Jaun₂ ca₂ŋag'₃ ca₂tion₃ cróg₄. ²⁴La₁ Diú₄ ca₂jme₃jein'₅₄ táng₃, ca₂lió₂ ne₄ 'mú₃. Ia₁ tsá₃ lé₂ jua'₅₄ a₂tě₃roin₅₄ a₂rě₃join₅ co₂tan₅₄ jín'₄ 'lag₄. ²⁵Ia₁ ca₂juá'₂ 'lag₄ Rag₅₄ David a₂'iin₂₃ Jesús, ca₂juá'₂:

Ia₁ jín₄ bá₄ jniá₂ tián₂ Te₁gui'₅₄
cau₅ quió₃.

'Éi₂ bá₄ guá₅ tē₂le₃ gu₃ ne₁,
ia₁jaun₂ 'i₁jan₂ tsá₃ 'ein₂ lé₂ jmóg'₂ jleng₃,
'i₅ dsí₃.

²⁶Jaun₂ lě₃, 'ŋio₅ lín₃ ca₂jmo₃ jniá₂ 'io'₂,
jaun₂ ca₂juá'₃ quian'₅₄ le₁tsí'₃

† 2:15 lit. "hora 'ni₅." ‡ 2:21 Joel 2:28-32.

jág₁ a₂jéin₅ lián'₂.
 Jaun₂ lě₃ tsá₃ 'i₅ dsi₃ jě₁ma₂ca₂jon₃ ni₁ŋi₃.
 27 Ia₁ tsá₃ cuě'₁ jmig₄ a₂ŋia₃ jme₂dsí₂ quiáng₃
 ja₁tion'₅₄ 'lag₄, §
 on₃ guě'₂ cuě'₁ jmig₄ a₂siá'₃ ni₁ŋi₃ jniá₂,
 dsa₂ jŋi₅ quiáng'₂ i₂'nióg'₃.

28 Ca₂'ě'₅₄ ca₂jme₁tag'₂ jui₅ ja₁tín'₄ jme₂dsí₂ quiáng₃.
 Jaun₂ jmó'₂ jéin₄ lián'₂ jě₁ma₂'eng₅₄ ja₁cong'₂.*

29 'Rin'₅₄ jniog₄, léi₄ dsón'₂ bá₄ ca₂jon₃ tsí₁jon₂ jmei₂ jniog₄ David, jaun₂ ca₂'oin₃. Ně₅ bá₄ chí'₅ guě'₂ tau₂ 'ŋio₅ quió'₅ quian'₅₄ jniog₄ rě₂ně₃. 30 La₁ David 'éi₂ jme₁lín₄ jan₂ i₂jme₁'ě₂ jág₁ quián₅ Diú₄, jaun₂ jme₁ŋi₅ rě₂ a₂ca₂cuě₃ Diú₄ jág₁ 'iin₂₃ 'ŋiog₅, a₂le₃chan₂ jě₄ quió'₅ ja₁ŋi'₅₄ chí'₂ dsio₅₄, jan₂ i₂lín₅ I₂rě₂'ín₁ quián₅ Diú₄. Jaun₂ i₂'éi₂ guá₃ goin₃ ne₄ ne₄ta₁ ja₁jme₁guá₄ 'ŋiog₅ David. 31 Co₂'nió'₄ a₂ma₂jág₂ bá₄ David le₂jŋiá₅, ca₂juá'₂ a₂jen'₅₄ I₂rě₂'ín₁ quián₅ Diú₄. Jaun₂ ca₂juá'₂ ján₃ a₂tsá₃ jŋia₃ jme₂dsí₂ quió'₅ jin₄ 'lag₄, † on₃ guě'₂ dsi₃'én₂ ni₁ŋi₁₂ jua'₅₄ a₂siá'₃. 32 Ia₁ Diú₄ bá₄ ca₂jmo₃ ca₂jen'₅₄ táng₃ 'ŋiog₅ Jesús 'éi₂. Ca₂le₃jág₃ bá₄ jnia'₅₄ ca₂tě₂ ne₄, jaun₂ lě₃ cuě₂ jág₁ dsau₅. 33 Jaun₂ ca₂chó'₂ Diú₄ quian'₅₄ gu₂ ne₁, ca₂jme₃juag'₂. Jaun₂ Diú₄ Jmei₂ ca₂cuin₃ Jme₂dsí₂ quián₅ ca₂cuin₃ Jesús, lia'₂ con'₂ lě₅ jág₁ quió'₅ ma₂cuě₃. Jaun₂ ca₂le₃jě₃ a₂ně₅ a₂ma₂jag'₅₄ a₂ma₂nei'₂ 'nia'₂, já₅ ne₄ 'éi₂ bá₄. 34 Ia₁ on₃jua'₅₄ David ca₂uíg₂ guei'₅₄ i₂juíg₃, ia₁ 'ŋiog₅ David ca₂juá'₃:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

35 ca₂lia'₂ ca₂tě₂ jmig₄

a₂tón'₁ jniá₂ dsa₂ i₂'iog₅₄ o₄tag'₄” .‡

36 Jui₁le₂ŋi₅ rě₂ ca₂le₃jín₃ dsa₂ chan₂ juig₂ Israel, jaun₂ tsá₃ jui₁'ei₅₄ caun₂-tín₃ dsi₅, ia₁ 'ŋiog₅ Jesús 'éi₂ bá₄, i₂ca₂tión'₃ 'nia'₂ cróg₄, Diú₄ ně₃ ma₂jmo₃ ma₂lín₅ lia'₂ Te₁gui'₅₄ lia'₂ rě'₂ I₂rě₂'ín₁ quián₅.

37 Jme₁ca₂nág₂ dsa₂ le₂ně₅ tioen'₅₄, qui₂ca₂tá'₂ 'lia'₂ dsi₅ 'ŋio₅ lín₃. Jaun₂ ca₂ŋí'₃ Pe₄ quian'₅₄ chí'₂ dsi₂guia₃-tín₂ riin'₅₄ ca₂juá'₂:

—Rin'₅₄ jniog₄, ¿'e₂ 'nió'₅ jmó'₁ jnia'₅₄?

38 Jaun₂ ca₂ŋag₃ Pe₄:

—Jme₁tsín₄ 'nia'₂ 'au'₂, jen'₄ 'nia'₂ tē₂le₃ quió'₅ Diú₄, chon₅₄ 'nia'₂ jmig₂ le₂jang'₂ le₂jang'₂ lia'₂ con'₂ lě₅ 'éi'₃ quió'₅ Jesús, cuě'₅₄ léi₄ a₂qui₂ma₂'én₂ dsáu'₂ 'nia'₂. Jaun₂ guě₄ cuin₃ Diú₄ Jme₂dsí₂ Jŋi₅ quián₅. 39 Jág₁ ně₅ ca₂cuě₃ Diú₄ quián'₂ 'nia'₂ ca₂le₃jín'₃, ca₂le₃jín₃ chí'₂-guein₂ quián'₂ 'nia'₂ ně₃, quian'₅₄ ca₂le₃jín₃ guě₄ dsa₂ i₂chan₂ uíng₂. Jág₁ ně₅ quió'₅ ca₂le₃jín₃ dsa₂ i₂'nio₃ Te₁gui'₅₄ Diú₄ quián₅ jniog₄ tē₂.

40 Quian'₅₄ jág₁ la₂, quian'₅₄ 'líong₂ guě₄ jág₁ siá'₂, ca₂juá'₂ Pe₄ tion₅₄ ca₂tsí'₃ dsa₂:

—Lion₄ 'nia'₂ jin₄ dsa₂ i₂ma₂i₂cón'₅ rě₂ně₃.

41 Jaun₂ ca₂le₃jín₃ i₂ca₂tón'₃ jui₅ ca₂nág₂ jág₁ dse₃ ca₂juá'₂ Pe₄, qui₂ca₂jŋói₂ jmig₂. Jmig₄ jaun₂ con'₂ 'ni₅ mei₅ dsa₂ i₃ton'₅₄ tē₂le₃ jin₄ dsa₂ i₂ma₂'én₂ tē₂le₃ quió'₅ Jesucristo. 42 Ca₂le₃jín₃ dsa₂ ca₂jŋa'₃ tiá₂ ca₂le₃jě₃ jág₁ a₂jme₂tag₅ chí'₂ dsi₂guia₃-tín₂. Caun₂ bá₄ jág₁ quió'₅ ca₂jmo₃ ca₂le₃jín₃, chí₂lén'₂ Diú₄, qui₂tóin'₅ co₂lě₅, jmo₂₃ dsóg₁ i₁ŋí'₄.

A₂ lia'₂ jme₁chan₂ dsa₂ le₂'uíg₅₄ i₂'én₂ jág₁ dse₃

43 'Ŋio₅ i₂gó'₃ dsi₅ dsa₂ ca₂le₃jě₃ léi₄ a₂qui₂ca₂jmo₃ Diú₄ tē₂le₃ quian'₅₄ dsi₂guia₃-tín₂ i₂chen₄ § quián₅. 44 Ca₂le₃jín₃ dsa₂ i₂ma₂'én₂, caun₂ bá₄ jág₁ 'ei₅ quió'₅, jaun₂ ca₂le₃jě₃

§ 2:27 Salmo 16:18-11. * 2:28 Salmo 16:18-11. † 2:31 griego: hades, co₂'nió'₄ a₂juá'₂, ja₁quió'₄ 'lag₄. ‡ 2:35 Salmo 110:1. § 2:43 griego: apóstolos.

a₂jme₁cha₂ quió'₅, jme₁lě₄ quió'₅ ca₂le₃jín₃ riin'₅₄. ⁴⁵ Ca₂le₃jě₃ 'e₂ cosa cha₂ quió'₅, qui₂ca₂'nag₃, jaun₂ jme₁qui₂dsi₂ó'₅ cu₄ jaun₂ 'ein₂ riin'₅₄ 'nió'₅ quió'₅. ⁴⁶ Ca₂le₃jě₃ jmig₄ jme₁ñi'₂ i₁dsi₅ guá'₅ templo. Dsi₂néi₂ quió'₅ ně₃, jme₁dsi₂ó'₅ i₁ñi'₄ jme₁guě'₅ co₂dsia₅, ca₂le₃jín₃ jmo₂₃ 'io'₂, caun₂ bá₄ 'ei₅ dsí₅. ⁴⁷ Ca₂le₃jín₃ jme₁cuě'₅ ti₁'mag'₄ Diú₄, jaun₂ ca₂le₃jín₃ dsa₂ sián'₂ jme₁'nioi₃ dsa₂ 'éi₂. Jaun₂ ca₂le₃jě₃ jmig₄ bá₄ jmo₅ Te₁gui'₅₄ caun₂ dsi₂juin₂ dsa₂ i₂lón₂.

3

Ca₂'lón₂ jan₂ dsa₂ 'lian'₂

¹ Co₂ráun₂ dsióg₃ Pe₄ quiain'₅₄ Juan₅₄ guá'₅ templo con'₂ hora ñi₁ 'ni₅ tē₂le₃ ca₂'láu₂,* ia₁ hora jaun₂ jme₁ñi'₂ dsa₂ tián₂ chi₂lén₂ Diú₄. ² Ca₂le₃jě₃ jmig₄ jme₁dsi₂jñia₃ dsa₂ jan₂ dsa₂ 'lian'₂ i₂tsá₃ lé₂ ñi₃, le₂jaun₂ jme₁ma₂lín₅ lia'₂ con'₂ jme₁ca₂rě₃cháin₃, jme₁dsi₃jio₃ dsa₂ o₄'né₄ i₁dsi₅ guá'₅, ja₁tě'₂ dsa₂ O₄'né₄ Jlá'₁. Ja₁jaun₂ jme₁qui₂mí₅ dsa₂ 'lian'₂ 'éi₂ cu₄ quió'₅ dsa₂ i₂dsi₂lén₂ guá'₅. ³ Jme₁ca₂jág₃ dsa₂ dso'₅₄ 'éi₂ ca₂ñó₃ Pe₄ quiain'₅₄ Juan₅₄ a₂dsi₃toin'₅₄ i₁dsi₅ guá'₅, jaun₂ ca₂mí₃ cu₄ quió'₅ dsa₂ on₃ 'éi₂. ⁴ Jaun₂ ca₂nau₂ Pe₄, Juan₅₄ ně₃, ca₂jín₂ dsa₂ 'éi₂. Jaun₂ ca₂juá'₂ Pe₄:

—Dse₃ jag₄ jnia'₅₄.

⁵ Jaun₂ guá'₅ dsa₂ 'éi₂ qui₂jín₂ Pe₄ quian'₅₄ Juan₅₄, ia₁ lín₂ cuě₃ dsa₂ ca₂la₂ cu₄. ⁶ La₁ jaun₂ ca₂juá'₂ Pe₄:

—Tsá₃ cu₄tio₂, on₃ guě'₂ cu₄nió₄ cha₂ quió'₃ cuě₅₄. La₁ con'₂ a₂cha₂ quió'₃, cuě₅₄. Quian'₅₄ 'éi'₃ quió'₅ Jesucristo chan₂ Nazaret, nau₂, ñi₄.

⁷ Jaun₂ ca₂jña'₃ Pe₄ mi₂gu₂ ne₁ dsa₂ 'éi₂, ca₂jme₃'o₅₄ ca₂chó'₂. Dsi₂jui₅ le₂jaun₂ ca₂rě₃bén₂ mi₂tag₄ dsa₂ 'éi₂. ⁸ Jaun₂ ca₂ráun₂ ca₂nau₂ jaun₂ ca₂jme₃lió₃ ca₂ñi₃. Jaun₂ ca₂'í₃ i₁dsi₅ guá'₅ quiain'₅₄ dsa₂ on₃ 'éi₂, qui₂ca₂ñi₃ qui₂ca₂ráun₂ qui₂ca₂cuě'₃ ti₁'mag'₄ Diú₄. ⁹ Ca₂le₃jín₃ dsa₂ i₂tion'₅₄ ja₁jaun₂, ca₂jín₂ dsa₂ 'éi₂ ñi₂₃ cuě'₅ ti₁'mag'₄ Diú₄. ¹⁰ Jaun₂ dsi₂gó'₃ dsí₅ 'ñio₅ lín₃, ia₁ ma₂ñi₂₃. Ma₂cuin₂₃ bá₄ dsa₂ 'éi₂ i₂gua₂ tián₂ o₄'né₄ chei₂ Jlá'₁ qui₂mí₂₃ cu₄.

Jág₁ ca₂ton₃ Pe₄ corredor ja₁tě'₂ dsa₂ quió'₅ Salomón

¹¹ Caun₂ 'en₅₄ le₂jaun₂ bá₄ dsa₂ i₂jme₁'lian'₂ 'éi₂ quiain'₅₄, tsá₃ téin₂ Pe₄, Juan₅₄ ně₃. Jaun₂ ca₂i₃lén₂ co₂chi'₅₄ juin₅ dsa₂ dsi₂gó'₃ dsí₅ ca₂ton₂ guá'₅ ja₁chei₂ Corredor quió'₅ Salomón, ja₁jme₁'en₅₄ Pe₄ quiain'₅₄ Juan₅₄ ně₃. ¹² Jme₁ca₂jág₃ Pe₄ le₁ñi'₂ dsa₂ juin₅, jaun₂ ca₂juá'₂ ca₂tsí'₃ dsa₂ 'éi₂:

—'Nia'₂ dsa₂ jui₂ chan₂ Israel, ¿'E₂ lě₃ ñi₄ dsi₂gó'₃ 'au'₂ 'nia'₂? ¿'E₂ lě₃ jag'₅₄ 'nia'₂ jnia'₅₄ le₂ně₅? On₃jua'₅₄ bí₂ a₂tag₂ jnia'₅₄ guio₅₄ a₂ca₂'lón₂ dsa₂ ně₅ a₂ma₂lé₂ ñi₃, jua'₅₄ a₂lág₅ jnia'₅₄ dsa₂ o₂dsan₂. ¹³ La₁ia₁ Diú₄ quián₅ tsi₁jón₂ jmei₂ jnio₄ Abraham, Isaac, Jacob ně₃, Diú₄ 'éi₂ ca₂jme₃juin'₂ 'ñio₅ lín₃ Jesús ja₁ñi'₅₄, i₂ca₂jín'₅₄ 'nia'₂ ne₄ dsi₂tan₅₄. Jme₁'nio₃ guě₄ Dsi₄má'₂ Pilato jme₁lió₂, la₁ tsá₃ ca₂gue'₅₄ 'nia'₂. ¹⁴ 'Nió'₄ jme₁lon'₄ 'nia'₂ dsa₂ jñi₅ i₂tsá₃ 'e₂ dso₄ rin₂ 'éi₂, jě₂ bá₄ dsa₂ i₂ma₂jñi'₃ dsa₂ ca₂mí₅₄ 'nia'₂ líón₂. ¹⁵ Jaun₂ le₂ně₅ ca₂jñi'₃ 'nia'₂ dsa₂ i₂cuě₅ jme₂dsí₂. La₁ Diú₄ ca₂jme₃jein'₅₄ táng₃ jin₄ 'lag₄, jaun₂ ca₂le₃jě₃ a₂ně₅ ca₂tě₂ ne₄ jnia'₅₄. ¹⁶ Quian'₅₄ bí₂ quió'₅ 'ñio₅ Jesús 'éi₂ ca₂'lión₂ dsa₂ i₂cuin'₂ 'nia'₂ i₂jin'₄ 'nia'₂ ně₅, ia₁ a₂'éin₂ jnia'₅₄ tē₂le₃ quió'₅ Jesús. 'Éi₂ bá₄ ně₂cuě₃ bí₂ quió'₅ dsa₂ ně₅, jaun₂ ca₂'lón₂, co₂ñei'₅₄, ju₁lia'₂ jñi'₅₄ 'nia'₂ ně₅.

¹⁷ 'Guion₄ bá₄ jniá₂ dse₃, rin'₅₄ jnio₄, a₂ca₂jmo'₅₄ 'nia'₂ caun₂ jág₁ quian'₅₄ dsa₂ can'₅₄ quián'₂ 'nia'₂, a₂ca₂jñi'₃ 'nia'₂ Jesús, ca₂jmo'₅₄ 'nia'₂ le₂jaun₂ ia₁ a₂tsá₃ ñi'₅₄ bá₄ 'nia'₂ 'e₂ jmo'₂.

¹⁸ La₁ ca₂rě₃ti₃ jág₁ a₂ma₂'ě₂ Diú₄ le₂jñiá₅ tē₂le₃ quian'₅₄ dsa₂ i₂jme₁'ě₂ jág₁ quián₅, a₂tion₅₄ ñág₃ uig₅ dsa₂ i₂rě₂'ín₁ quiáin₅. ¹⁹ Jaun₂ ně₃, jme₁tsín₄ 'nia'₂ 'au'₂, jen'₅₄ 'nia'₂ tē₂le₃ quió'₅ Diú₄, ia₁jaun₂ 'én₂ dsáu'₂ 'nia'₂. Jaun₂ bá₄ jiá₃ jmig₄ cuě₃ Te₁gui'₅₄ a₂le₃gün'₂ jme₂dsí₂ quián'₂

* 3:1 lit. "hora ñi₃."

'nia'₂, ²⁰ a₂chein₃ táng₃ Jesús i₂lín₅ i₂rē₂ín₁ quián₅ Diú₄, i₂ma₂lě₅ jág₁ le₂jñiá₅ jiá₃ quián'₂
 'nia'₂, ²¹ o₁jñia'₅₄ la₂ rē₂ně₃ tion₅₄ 'nió'₅ guá₃ Jesús guei'₅₄ i₂juig₃ ca₂lia'₂ ca₂jmo₃ Diú₄ rē₂
 ca₂le₃jě₃ lia'₂ con'₂ lě₅ jág₁ ma₂'ě₂ dsa₂ jñiós quiáin₅ ma₂líg'₂. ²² Le₂la₂ ca₂juá'₂ 'lag₄ Moisés
 ca₂tsí'₃ dsa₂ quián₂ jniog₄ ma₂dsi₃jo₃: “A₂chen₃ Te₁gui'₅₄ Diú₄ jan₂ dsa₂ i₂'ě₂ jág₁ quiáin₅, i₂lín₅
 dsa₂ go'₄ 'nia'₂ guiong'₅₄, ju₁lia'₂ ca₂chei₃ jniá₂. Jaun₂ tón'₂ 'nia'₂ ju₁me₁ti'₄ 'nia'₂ ca₂le₃jě₃
 con'₂ 'éi'₃ a₂jmo₃ 'éi₂. ²³ Ia₁ ca₂le₃jín₃ i₂tsá₃ ju₁me₁tón'₂ jág₁ quió'₅ dsa₂ i₂chen₄ quiáin₅ 'éi₂,
 dsí₃'éin₂, 'u₁in₃ ju₁g₂ Israel.”† ²⁴ Jaun₂ le₂ně₅ ca₂'ě₂ Samuel jág₁ le₂'u₁ig₅₄, ca₂le₃jín₃ guě₄ dsa₂
 i₂jme₁'ě₂ jág₁ quián₅ Diú₄ i₂ca₂o₃lén₂ cang₂ guě₄ jaun₂, qui₂ca₂juá'₂ lia'₂ lé₂ jmig₄ ně₃. ²⁵ Jág₁
 a₂ca₂cuě₃ Diú₄ tē₂le₃ quian'₅₄ dsa₂ i₂jme₁'ě₂ jág₁ quiáin₅, ca₂cuě'₃ 'nia'₂ bá₄. A₂dse₃ quián'₂
 'nia'₂ bá₄ ca₂jmo₃ Diú₄ caun₂ jág₁ quian'₅₄ dsa₂ can'₅₄ quián₂ jniog₄ ma₂líg'₂, ju₁lia'₂ ca₂tsí'₃
 Abraham: “Ca₂le₃jín₃ chi'₂-guein₂ dsa₂ mi₂güig₃ le₃chain₂ dse₃ tē₂le₃ quian'₅₄ chi'₂ dsió'₂.”‡
²⁶ Lia'₂ con'₂ jme₁ca₂chón'₂ § Diú₄ Ja₁ñi'₅₄, ca₂chein₃ le₂'u₁ig₅₄ jin'₄ 'nia'₂, ia₁jaun₂ jme₃gu'₅₄,
 ia₁jaun₂ tí'₄ 'nia'₂ le₂jang'₂ le₂jang'₂ ca₂le₃jě₃ dso₄ qui₂'nau'₂ 'nia'₂.

4

Pe₄ quiain'₅₄ Juan₅₄ tióin₂ ne₄ dsi₂tan₅₄

¹ Pe₄ quian'₅₄ Juan₅₄ tsá₃ ma₂dsan₃ bá₄ guě₄ tsí'₅ dsa₂ jág₁, jme₁ca₂dsi₃lén₂ jme₂dsa₂
 quiain'₅₄ juig₅₄ chi'₂ 'i'₅₄ quián₅ guá'₅, dsa₂ saduceos ně₃. ² Le₁'néi₃ 'ñio₅ lín₃, ia₁ jme₂tin₅ 'éi₂
 dsa₂ a₂jen'₅₄ dsa₂ jin₄ 'lag₄ ju₁lia'₂ ca₂lě₃ léi₄ ca₂jen'₅₄ Jesús. ³ Jaun₂ ca₂jñau'₃ chi'₂ 'i'₅₄ ca₂tág₃
 ca₂i₁tio'₂ né₃ 'má₃ ca₂tē₂ jme₁jnia₃, ia₁ ca₂'láu₂ bá₄ jmig₄ jaun₂. ⁴ La₁ ju₁in₅ bá₄ dsa₂ i₂ca₂nág₂
 ca₂rě₃'éin₂ jág₁. Con'₂ 'ñiá₂ mei₅ dsa₂ i₂ca₂rě₃'én₂ 'éi₂, jme₁ca₂caun₂ dsa₂ 'í₁ jmá'₃ dsa₂ ñe'₂.

⁵ Jme₁jnia₃ jaun₂, ca₂ñi'₂ ca₂le₃jín₃ dsa₂ dsen₅₄ i₂jmo₅ 'éi'₃ quián₅ dsa₂ judíos, dsi₂gui'₅₄
 can'₅₄, tē₅juá'₅ ně₃. ⁶ Ján₃ bá₄ jaun₂ jme₁'en₅₄ Anás i₂lín₅ jme₂dsa₂ dsen₅₄, Caifás, Juan₅₄,
 Alejandro ně₃, ca₂le₃jín₃ guě₄ i₂lín₅ o₁rín₅₄ jme₂dsa₂ dsen₅₄. ⁷ Jme₁ma₂le₁ñi'₂ jñin₂, jaun₂
 guě₄ ca₂i₁dsein₂₃ Pe₄ quian'₅₄ Juan₅₄, jaun₂ ca₂chei'₃ dsi₂jo₂ ja₁le₁ñi'₂ jaun₂. Jaun₂ ca₂ñag₃:

—¿'Ein₂ ca₂cuě₃ 'éi'₃, o₃ 'ein₂ ca₂cuě₃ jág₁ a₂i₂nio'₄ 'nia'₂ jme₂tíng'₁ dsa₂, a₂jmo'₂ 'nia'₂ 'e₂
 jmo'₂ i₂niog'₅₄?

⁸ Jaun₂ ca₂juá'₂ Pe₄, rē₂rín₅ jme₂dsí₂ jñiós tē₂dsí₅, ca₂tsí'₃ dsa₂ i₂le₁ñi'₂ 'éi₂:

—'Nia'₂ dsa₂ dsen₅₄ quián₅ juig₂, 'nia'₂ dsa₂ can'₅₄ quián₅ juig₂ Israel ně₃: ⁹ Chi₂jua'₂
 a₂jaun₂ ñag'₅₄ 'nia'₂ ia₁ ca₂jmó₁ jñia'₅₄ caun₂ a₂dse₃ quió'₅ jan₂ dsa₂ dso'₅₄ i₂tsá₃ lé₂ jme₁ñi₃,
 chi₂jua'₂ 'niog'₂ 'nia'₂ le₃ñi'₅₄ 'a₂ lia'₂ ca₂lě₃ a₂ca₂'lón₂, ¹⁰ ju₁le₃ñi'₅₄ bá₄ 'nia'₂, ju₁le₃ñi₅ bá₄
 ca₂le₃jín₃ dsa₂ juig₂ Israel ně₃, a₂chén'₅ dsa₂ ně₅ jin'₄ 'nia'₂ ca₂'lón₂ quian'₅₄ bí₂ quió'₅
 Jesucristo chan₂ Nazaret i₂ca₂tió'n'₃ 'nia'₂ cróg₄, i₂ca₂jme₁jen'₅₄ táng₃ Diú₄ jin₄ 'lag₄. ¹¹ Jesús
 'éi₂:

lín₅ ni₁cang₁ a₂tsá₃ jen'₅₄ 'nia'₂,

i₂lín₅ g'₅ tē₅ i₂chi'₅ tsí'₁ né₅,

la₁ ca₂dsióg₃ ca₂lě₃ ni₁cang₁ a₂dsen₅₄ guě₄.*

¹² Ia₁ 'i₁jan₂ i₂sián'₂ tsá₃ chan₂ i₂le₃lón₂ dsa₂. Ia₁ 'i₁jan₂ i₂sián'₂ tsá₃ ca₂cuin₃ Diú₄ ne₄ gua'₅₄
 'uě₃ la₂, a₂lé₂ 'i₁n₄ jniog₄ a₂mí₁ ne₄ Diú₄ ia₁jaun₂ tág'₄ guei'₅₄ i₂juig₃, jñia'₅₄ lia'₂ jan₂ Jesús bá₄.

¹³ Jme₁ca₂jág₃ dsa₂ can'₅₄ dsi₂gó'₃ dsí₅ ca₂jñin₂ Pe₄ quian'₅₄ Juan₅₄ 'a₂ lia'₂ tiá₂ dsí₅ 'éi₂ ñag₂₃
 ne₅₄ le₂jaun₂, jaun₂ ca₂rě₃lí'₄ a₂lín₅ 'éi₂ dsa₂ tsá₃ lín₄ quen₅, i₂tsá₃ lín₄ si₂ cuí'₅ ně₃, jaun₂
 guě₄ ca₂rě₃cuin₂₃ a₂lín₅ 'éi₂ dsa₂ i₂jme₁i₂nio₄ quian'₅₄ Jesús. ¹⁴ Ia₁ jaun₂ bá₄ jme₁chén'₄
 dsa₂ i₂ca₂'lón₂ 'éi₂ jē₄ jaun₂, jaun₂ lě₃ tsá₃ cuin₅ jmig₄ jua'₅₄ a₂juá'₂ dsa₂ can'₅₄ a₂tsá₃ dsau₅.

¹⁵ Jaun₂ ca₂'u₁in₂ bá₄ Pe₄ quian'₅₄ Juan₅₄ jē₄ jaun₂, jaun₂ ca₂jmo₃ jág₁ guioin₅₄ 'a₂ lia'₂ jmo₃.

¹⁶ Ca₂dsia₃ jág₁, juá'₂:

† 3:23 Deuteronomio 18:15,18-19. ‡ 3:25 Génesis 22:18; 26:4. § 3:26 o₃, “jme₁ca₂jme₃jen'₅₄.” * 4:11 Salmo 118:22.

—¿'A₂ lia'₂ jmó₁ quian'₅₄ dsa₂ nē₅ jaun₂? Ia₁ ca₂le₃jín₃ bá₄ dsa₂ juig₂ Jerusalén ma₂le₁ñi₅ a₂jmo₅ i₂nē₅ léi₄ jué'₂, jaun₂ tsá₃ lé₂ jua'₅₄ a₂jua'₅₄ jniog₄ a₂tsá₃ dsau₅. ¹⁷ La₁ ia₁jaun₂ tsá₃ ma₃caun₂ qui₃dsi₃'ag₅ jág₁ jin₄ dsa₂ juig₂, 'nió'₅ quiaín₅₄ jniog₄ jué'₅ ia₁jaun₂ tsá₃ ma₃i₃noi₅₄ qui₃'iin₃ gué₄ Jesús a₂tsí'₃ dsa₂ le₃ne₄ jui₅ ja₁dsau₅₄ nē₅.

¹⁸ Jaun₂ ca₂tē₃ dsa₂ i₂le₁ñi'₂ 'éi₂ ca₂tē'₃ táng₃ Pe₄ quian'₅₄ Juan₅₄, jaun₂ ca₂jmo₃ 'éi'₃ ca₂tsí'₃ dsa₂ on₃ 'éi₂, a₂tsá₃ ma₃dsia₃ co₂ñei'₅₄ on₃ gué'₂ jme₃tiin₂₃ dsa₂ a₂'iin₂₃ Jesús. ¹⁹ La₁ jaun₂ ca₂ñag₃ Pe₄ quian'₅₄ Juan₅₄ ca₂juá'₂:

—'Nio'₄ 'nia'₂ 'au'₂ chi₂jua'₂ 'ñio₅ gué₄ dse₃ jniá₂ ne₄ Diú₄, a₂néi₁ jnia'₅₄ gau₂ jág₁ quián'₂ 'nia'₂, 'nió'₄ a₂jme₁néi₁ jnia'₅₄ gau₂ jág₁ quió'₅ Diú₄. ²⁰ La₁ jnia'₅₄ nē₃ tsá₃ lé₂ tí₄ a₂dsiá₁ ca₂le₃jé₃ a₂ma₂jag₅₄, a₂ma₂néi₁ nē₃.

²¹ Jaun₂ ca₂quiong₃ dsi₂tan₅₄ jué'₅, la₁ ca₂lió₂ bá₄ jaun₂ nē₃. Ia₁ tsá₃ ca₂dsó'₂ 'a₂ lia'₂ 'ě₂ uig₅, ia₁ ca₂le₃jín₃ bá₄ dsa₂ ma₂qui₂cué'₃ ti₁'mag'₄ Diú₄ a₂ca₂tē₂ ne₅₄ a₂ca₂lě₃ jaun₂. ²² Jaun₂ dsa₂ ñe'₂ i₂ca₂'lón₂ 'éi₂ quian'₅₄ léi₄ a₂dsi₂gó'₃ dsi₅, jme₁'ein₅₄ lě₅ gué₄ tē₂láu₃ ñi₂.

Ca₂mi₃ dsa₂ 'én₂ a₂cué₃ gué₄ Diú₄ bí₂ quió'₅

²³ Jme₁ma₂lón₂ Pe₄ quian'₅₄ Juan₅₄, ca₂i₃léin₂ ja₁tion'₅₄ riin'₅₄, jaun₂ ca₂dsia₃ ca₂le₃jé₃ 'e₂ ca₂juá'₂ juig₅₄ jme₂dsa₂ quian'₅₄ dsi₂gui'₅₄ can'₅₄ a₂ca₂tsí'₃ 'éi₂. ²⁴ Jme₁ca₂nág₂ jág₁ jaun₂, ca₂le₃jín₃ ca₂mi₃ co₂lě₅ ca₂tsí'₃ Diú₄ ca₂juá'₂:

—Te₁gui'₅₄ quián₂ jniog₄, 'ne₂ bá₄ líng'₅ Diú₄ i₂ca₂jmo'₅₄ guei'₅₄ i₂juíg₃, quian'₅₄ gua'₅₄ 'uē₃, jmi₁ñí'₄ nē₃, ca₂le₃jé₃ gué₄ 'e₂ a₂cha₂. ²⁵ 'Ne₂ bá₄ ca₂jua'₅₄ quian'₅₄ Jme₂dsí₂ Jñiós quiáng'₂, jme₁ca₂juá'₂ 'lag₄ David dsa₂ quiáng'₂:

¿'E₂ lě₃ tion'₅₄ dsi₂nau₂ co₂mi'₅₄?

¿'E₂ lě₃ dsi₂jio₅ dsi₅ dsa₂ chan₂ mi₂güig₃

ca₂le₃jé₃ ne₅₄ a₂'lig'₅₄ a₂tsá₃ ta₁ tí₄?

²⁶ Ca₂le₃jín₃ rag₅₄ ne₄ gua'₅₄ 'uē₃

qui₂ca₂quin'₂ jág₁;

Ca₂le₃jín₃ dsi₂tan₅₄ quián₅ juig₂

qui₂ca₂nau₂ 'nei₂ ja₁con₂ Te₁gui'₅₄,

ja₁con₂ I₂rē₂'ín₁ quiáin₅ nē₃.†

²⁷ 'Dsau₅ dsón'₂ bá₄ ca₂jmo₃ caun₂ jág₁ Rag₅₄ Herodes quian'₅₄ Dsi₄má'₂ Poncio Pilato juig₂ la₂ quian'₅₄ dsi₂nau₂, dsa₂ israelitas nē₃. Ca₂quin'₃ jág₁ ca₂jme₃'ñiai₅₄ Jesús Ja₂ñí'₂

Jñiós i₂rē₂'ín₁ quiáng'₂. ²⁸ Quian'₅₄ a₂nē₅, ca₂jme₃ti₃ dsa₂ can'₅₄ 'éi₂ ca₂le₃jé₃ a₂'i₄ 'éi'₃ niog₅ lé₂.

²⁹ Jaun₂ nē₃ Te₁gui'₅₄, jag₄ a₂quiong₅ dsa₂ jué'₅ jnia'₅₄. Cué₄ bí₂ jnia'₅₄ dsa₂ quiáng'₂ ia₁jaun₂

tián₂ qui₂jme₁tin₅ gué₄ jnia'₅₄ dsa₂ jág₁ quiáng'₂, tsá₃ ju₁le₂go₃. ³⁰ Cué₄ bí₂ quiáng'₂ a₂lé₂

jme₁'lion₅₄ jnia'₅₄ dsa₂ dso'₅₄, a₂lé₂ jmó₁ léi₄ dsi₂gó'₃ dsi₅ quian'₅₄ bí₂ 'éi'₃ quió'₅ Jesús, dsa₂

Jñiós i₂jme₂ti₃ quiáng'₂.

³¹ Jme₁ca₂dsan₃ chi₂léin'₂ Diú₄ le₂nē₅, ca₂i₁bi₅₄ ja₁tioin'₅₄, jaun₂ ca₂le₃jín₃ qui₂ca₂cain'₂ Jme₂dsí₂ Jñiós, Jaun₂ tsá₃ ma₃jué'₅ 'i₄ dsi₅ qui₂ca₂'ě₂ jág₁ dse₃ quió'₅ Diú₄.

Ca₂le₃jé₃ 'e₂ cha₂ jme₁lě₄ quió'₅ ca₂le₃jín₃

³² Ca₂le₃jín₃ dsa₂ i₂ma₂'én₂, caun₂ bá₄ a₂dsi₂jio₅ dsi₅, caun₂ bá₄ 'ei₅ jme₂dsí₂ quió'₅ ca₂le₃jín₃. 'I₁jan₂ tsá₃ jua'₅₄ a₂jmo₂₃ quió'₅ 'ñiog₅ 'e₂ caun₂ a₂cha₂ quió'₅. Jmo₂₃ bá₄

dsí₅ a₂quió'₅ co₂dsia₅ quiaín'₅₄ riin'₅₄ ca₂le₃jé₃ 'e₂ a₂cha₂ quió'₅. ³³ Caun₂ ca₂'ág₂ tiá₂ dsi₅

qui₂ca₂cué₃ jág₁ dsau₅ dsi₂guia₃-tín₂ i₂chen₄‡ quián₅ Diú₄ 'éi₂, 'a₂ lia'₂ ca₂jen'₅₄ Te₁gui'₅₄ Jesús.

Jaun₂ caun₂ qui₂ca₂cué₃ Diú₄ bí₂ 'ñio₅ lín₃ quió'₅ ca₂le₃jín₃ dsa₂ i₂'én₂. ³⁴ 'I₁jan₂ tsá₃ 'ein₂

jua'₅₄ cha₂ qui₂ca₂rē₃ 'nió'₅ quió'₅, ia₁ dsa₂ i₂cha₂ 'uē₃, o₃ i₂tióng₂ 'né₅ quió'₅ nē₃, qui₂ca₂'nag₃.

³⁵ Jaun₂ ca₂o₃can₅ cu₄ jaun₂, ca₂jín₃ dsa₂ guia₃-tín₂ i₂chen₄ quián₅ Jesús 'éi₂, jaun₂ ca₂dsi₂o'₃

† 4:26 Salmo 2:1-2. ‡ 4:33 griego: apóstolous.

ca₂cuë'₃ le₂jan₂ le₂jan₂ 'a₂ con'₂ 'nió'₅ quió'₅. ³⁶ Jme₁chan₂ jin₄ dsa₂ 'éi₂ jan₂ dsa₂ levita i₂jme₁chen₂ José i₂chan₂ Chipre. Dsa₂ i₂chen₄ ně₃ ca₂quaiin₃ Sě₄ 'éi₂ Bernabé, co₂'nió'₄ a₂juá'₂ dsa₂ i₂jmo₅ lián'₂, i₂jme₂'o₅₄. § ³⁷ Bernabé 'éi₂ ca₂'nag₃ caun₂ 'uë₃ quió'₅ a₂jme₁cha₂. Ca₂le₃jě₃ cu₄ jaun₂ ca₂o₃can₅ ca₂cuë'₃ dsa₂ guia₃-tín₂.

5

Dso₄ a₂ca₂'nú₂ Ananías quiain'₅₄ Safira

¹ La₁ jan₂ dsa₂ sián'₂ i₂jme₁chen₂ Ananías quiain'₅₄ Safira 'io₅₄ quiáin₅, ca₂'nag₃ caun₂ 'uë₃ quió'₅. ² Dsa₂ ŋe'₂ 'éi₂ ca₂'ma₃ ca₂dsio₄ cu₄ jaun₂ 'ŋiog₅, jaun₂ ca₂dsio₄ bá₄ ca₂i₁cuë'₂ dsa₂ guia₃-tín₂ i₂chen₄* quián₅ Jesús, lia'₂ jag₄ bá₄ a₂i₁can₅ ta₁jě₂. Ján₃ bá₄ ŋi₅ 'io₅₄ quiáin₅. ³ Jaun₂ ca₂juá'₂ Pe₄ ca₂tsí'₃ Ananías:

—¿'E₂ lě₃ ca₂'í₃ Satanás tē₂'au'₂ jaun₂ jmo'₂ jág₁ tē₂jág₁ ne₄ Jme₂dsí₂ Jŋi₅ a₂ca₂'ma'₅₄ ca₂dsio₄ cu₄ a₂ca₂quí₃ dsa₂ 'lia'₅₄ 'uë₃ quiáng'₂? ⁴ ¿On₁jua'₅₄ quiáng'₂ 'uë₃ a₂ně₂'nag'₅₄? ¿On₁jua'₅₄ quiáng'₂ cu₄ jaun₂ ně₃? ¿'E₂ lě₃ ca₂l₃jio₅ 'au'₂ jmó'₂ le₂ně₅? Diú₄ bá₄ ně₂chei'₅₄ 'ne₂ jág₁ tē₂jág₁, on₃jua'₅₄ dsa₂ mi₂güí₃.

⁵ Dsi₂jui₅ jme₁ně₂néi₂ Ananías le₂ně₅, ca₂quiin'₃ ca₂join₃. Jaun₂ ca₂le₃jín₃ dsa₂ i₂ca₂rě₃ŋi₅ a₂ca₂lě₃ le₂jaun₂ ca₂rě₃gó'₅ 'ŋio₅ lín₃. ⁶ Jaun₂ ca₂o₃lén₂ on₃-ún₂ chi'₂ dsa₂ ŋe'₂, ca₂lio₃ 'mi'₂ ni₁ŋi₁₂, jaun₂ ca₂i₁'ó₄.

⁷ Tsá₃ jaun₂ ŋi₅ 'io₅₄ quián₅ Ananías a₂ca₂lě₃ le₂jaun₂, jaun₂ ca₂dsió₃ con'₂ 'ni₅ hora cang₂ jaun₂. ⁸ Jaun₂ ca₂ŋag₃ Pe₄ ca₂ŋí'₃ 'io₅₄:

—Jua'₅₄ dsón'₂, ¿'Ma'₅₄ jaun₂ ně₂'nag'₅₄ 'nia'₂ 'uë₃ con'₂ lě₅ jág₁ juá'₂ 'nia'₂?

Jaun₂ ca₂ŋag₃ 'io₅₄:

—Ján₅. 'Ma'₅₄ jaun₂ dsón'₂ bá₄ i₂'nag₄.

⁹ Jaun₂ ca₂juá'₂ táng₃ Pe₄:

—¿'E₂ lě₃ ně₂jmo'₅₄ 'nia'₂ caun₂ jág₁ a₂cáng'₄ táu₂ Jme₂dsí₂ quián₅ Te₁gui'₅₄? Ca₁'né₄ ně₅ ma₂ja₂len₃ táng₃ dsa₂ i₂ma₃i₁'ón₄ dsi₂l₂gog'₂. Ně₃ gué₄ tē₂ táng₃ 'ne₂.

¹⁰ Dsi₂jui₅ le₂jaun₂ ca₂quiin'₃ 'io₅₄ ca₂join₃ ja₁chén'₄ Pe₄ jaun₂. Jme₁ca₂i₃ton'₅₄ chi'₂ dsa₂ ŋe'₂ 'éi₂, ma₂jon₅ bá₄ 'io₅₄, jaun₂ ca₂tág₃ táng₃ jaun₂ ca₂i₁'ó₄ cau₅ ja₁rě₂'on₅ dsi₂l₂gu₂. ¹¹ Jaun₂ ca₂rě₃gó'₅ 'ŋio₅ lín₃ ca₂le₃jín₃ dsa₂ 'én₂ i₂lín₅ guá'₅, ca₂le₃jín₃ gué₄ dsa₂ sián'₂ i₂ca₂rě₃ŋi₅ a₂ca₂lě₃ jaun₂.

'Lióng₂ léi₄ juë'₂ a₂dsi₂gó'₃ dsi₅ ně₃, ca₂lě₃

¹² Quian'₅₄ bí₂ quió'₅ Diú₄ ca₂jmo₃ dsa₂ i₂chen₄ quián₅ Jesús 'lióng₂ léi₄ juë'₂ a₂dsi₂gó'₃ dsi₅ jin₄ dsa₂. Jaun₂ jme₁ŋi'₂ dsa₂ i₁dsi₅ guá'₅ templo ja₁lě₄ corredor ja₁tě'₂ dsa₂ quió'₅ Salomón.

¹³ 'I₁jan₂ tsá₃ ca₂tiá₂ dsí₅ jme₃quiain'₅₄ dsa₂ i₂'én₂ 'éi₂, la₁ jme₁jme₂go₃ bá₄. ¹⁴ La₁ juin₅ bá₄ dsa₂ ŋe'₂, lia'₂ dsa₂ mí₂ ně₃, ca₂rě₃'én₂ tē₂le₃ quió'₅ Te₁gui'₅₄. ¹⁵ Ca₁lia'₂ jme₁dsi₂jŋiai₃ jě₄ calle dsa₂ dso'₅₄ tián'₅ ne₄ cama, ne₄ tsi₁jein₁ ně₃, ia₁jaun₂ tsá₃ a₂nag₅₄ jŋia'₅₄ 'én'₁ quió'₅ bá₄ Pe₄ tē₅₄ quió'₅ i₂lín₅₄ dsa₂ dso'₅₄ 'éi₂. ¹⁶ Ján₃ bá₄ ca₂o₃lén₂ juin₅ dsa₂ chan₂ juig₂ ma₂quián₅ Jerusalén, le₁jŋiai₂₃ dsa₂ le₁dso'₅₄, dsa₂ i₂tion'₅₄ jme₂dsí₂ 'lín'₅₄ tē₂dsí₅ ně₃, ca₂o₃lén₂. Jaun₂ ca₂le₃jín₃ dsa₂ 'éi₂ qui₂ca₂'lón₂.

Ca₂co₃'ein₃ dsa₂ quió'₅ Pe₄ quian'₅₄ Juan₅₄

¹⁷ Jaun₂ ca₂rě₃'iog₅₄ 'ŋio₅ lín₃ jme₂dsa₂ dsen₅₄, quiain'₅₄ riin'₅₄ i₂jme₁lín₄ saduceos. ¹⁸ Jaun₂ ca₂jŋai'₃ dsa₂ i₂chen₄ quián₅ Jesús, ca₂l₁tio'₂ 'né₅ 'má₃. ¹⁹ La₁ a₂'uë₂ jaun₂, ca₂ŋe₄ jan₂ ángel quián₅ Te₁gui'₅₄ ca₂niá₃ 'né₅ 'má₃, ca₂'uín'₂ dsa₂ i₂chen₄ 'éi₂, ca₂juá'₂:

²⁰ —O₂nó'₅ 'nia'₂ i₁dsi₅ guá'₅ templo, o₂nau₂ o₂chei'₅₄ 'nia'₂ dsa₂ jág₁ dse₃ quió'₅ Ju₁₅ 'mí₂ la₂.

²¹ Jme₁ca₂nág₂ jág₁ ně₅, tē₃ o₃'iog₂ jme₁jnia₃ jaun₂ ca₂l₁lein₅₄ guá'₅ ca₂i₁jme₁tín₂₃ dsa₂.

Jmīg₄ jaun₂ ca₂tē₃ jme₂dsa₂ dse_n₅₄ ca₂ñí₂ dsi₂tan₅₄ quián₅ guá'₅, jaun₂ ca₂jmo₃ 'éi'₃ i₁tē₂ dsa₂ i₂chen₄ quián₅ Jesús i₂tion'₅₄ 'né₅ 'má₃ 'éi₂. ²² La₁ jme₁ca₂dsi₃lén₂ 'lióg₂† 'né₅ 'má₃, tsá₃ ma₃dsa₂ i₂jme₁tion'₅₄ chan₂. Jaun₂ ca₂i₃lein₃ táng₃ i₁con₂ jág₁, ²³ juá'₂:

—Jme₁chi₁jnág₅ dse₃ bá₄ o₄'né₄ 'né₅ 'má₃, jme₁tió_n₂ bá₄ gué'₂ 'lióg₂ jmo₂₃ 'í₁ cau₅ o₄'né₄ ně₃. La₁ jme₁nē₂tió'₄ jnia'₅₄ dsi₂néi₂, tsá₃ ma₃dsa₂ i₂jme₁tion'₅₄ chan₂ 'i₁jan₂.

²⁴ Jme₁ca₂nág₂ juig₅₄ jme₂dsa₂, juig₅₄ chi'₂ 'i'₅₄ quián₅ guá'₅ ně₃, jaun₂ dsi₂gó'₃ dsí₅ qui₂ca₂ñí'₃ riin'₅₄ 'a₂ dsi₁quén'₅ ca₂le₃jě₃ a₂ně₅. ²⁵ Jaun₂ ca₂dsióg₃ jan₂ dsa₂ quián₅ jág₁, jaun₂ ca₂juá'₂:

—Dsa₂ i₂ca₂jne'₅₄ 'nia'₂ 'né₅ 'má₃, ó₃ bá₄ ma₂tió_n₂ i₁dsi₅ guá'₅ jme₂tiin₂₃ dsa₂.

²⁶ Jaun₂ ně₃ ca₂i₃lén₂ chi'₂ 'i'₅₄ quiain'₅₄ juig₅₄ quián₅, jaun₂ ca₂i₁chong'₅₄ táng₃ lia'₂ 'i₄ rē₂ jág₁. Tsá₃ uig₅ ca₂jmog'₂, ia₁ gó'₅ qui₃jnáu'₂ cang₄ dsa₂ i₂le₁ñi'₂ ja₁jaun₂. ²⁷ Jme₁ca₂dsi₃lein₃ le₁te₂ dsa₂ 'éi₂, jaun₂ ca₂chei'₃ dsi₂j_o ja₁le₁ñi'₂ dsi₂tan₅₄ quián₅ guá'₅. Jaun₂ ca₂juá'₂ jme₂dsa₂ dse_n₅₄ ca₂tsí'₃ dsa₂ 'éi₂:

²⁸ —Ca₂jne₅₄ jnia'₅₄ co₂ñei'₅₄ a₂tsá₃ ma₃jme₁tin'₅ 'nia'₂ dsa₂, jua'₅₄ a₂'ín'₄ gué'₄ 'nia'₂ Jesús 'éi₂. ¿'E₂ ma₂jmo'₅₄ gué'₂ 'nia'₂? Caun₂ qui₂jme₂tin'₁ 'nia'₂ dsa₂, tsá₃ jág₁ cán'₁, ca₂lia'₂ ta₁caun₂ juig₂ Jerusalén ma₂rē₂riin₅ quián₅ jág₁ a₂jme₂tiin'₁ 'nia'₂. A₂'niog'₂ 'nia'₂ bog'₅₄ jnia'₅₄ dso₄ a₂ca₂j_o₃ dsa₂ 'éi₂.

²⁹ Jaun₂ ca₂ñag₃ Pe₄ quiain'₅₄ dsa₂ i₂chen₄ riin'₅₄:

—'Nio₅ gué'₄ dse_n₅₄ ta₁ jme₁ti₁ jnia'₅₄ 'éi'₃ quió'₅ Diú₄, con'₂ gué'₄ 'éi'₃ quió'₅ dsa₂ mi₂güig₃. ³⁰ Diú₄ quián₅ dsa₂ can'₅₄ quián₂ jniog₄ ma₂líg'₂, Diú₄ 'éi₂ bá₄ ca₂jme₃jen'₅₄ Jesús i₂ca₂ñí'₃ 'nia'₂ ca₂tió_n₃ cróg₄. ³¹ Diú₄ ně₃ ma₂ca₂chó'₂ guei'₅₄, jaun₂ ma₂guá₅ cau₅ quió'₅ tē₂le₃ gu₂ ne₁, jaun₂ ma₂dsiog₃ a₂lén₂ juig₅₄ jniog₄ i₂lió₂, ia₁jaun₂ cuin₃ jmig₄ jme₃tsín₃ dsí₅ dsa₂ juig₂ Israel ia₁jaun₂ 'én₂ dsáu₁. ³² Ca₂le₃jág₃ bá₄ jnia'₅₄ ca₂tē₂ ne₄ a₂ně₅, ján₃ bá₄ jáng'₅ jág₁ dsau₅ Jme₂dsí₂ Jñi_ó₅ i₂ma₂cuin₃ Diú₄ quió'₅ dsa₂ i₂nag₅ gau₂ jme₂ti₃ jág₁ quió'₅.

³³ Ca₂rē₃ 'né₃ 'ñio₅ lin₃ dsa₂ can'₅₄ jme₁ca₂nág₂ le₂ně₅, a₂'nio₃ jme₁jme₃dsiain₂₃ dsa₂ i₂chen₄ quián₅ Jesús 'éi₂. ³⁴ La₁ jē₄ quió'₅ dsi₂tan₅₄ jaun₂, jme₁en₅₄ jan₂ dsa₂ fariseo i₂jme₁chen₂ Gamaliel, dsa₂ i₂lín₅ tē₅juá'₅, jaun₂ jme₁jme₂go₃ dsa₂ 'ñio₅ lin₃. Jaun₂ ca₂nau₂ dsa₂ 'éi₂ jē₄ quió'₅ dsi₂tan₅₄, ca₂mi₃ a₂'uín'₂ ca₂tiá₂ dsa₂ i₂chen₄ 'éi₂. ³⁵ Jme₁ca₂'uin₂ 'éi₂, jaun₂ ca₂juá'₂ Gamaliel ca₂tsí'₃ dsi₂tan₅₄:

—'Nia'₂ dsa₂ chan₂ juig₂ Israel, jmo₄ 'nia'₂ 'í₁ a₂jma'₅₄ 'nia'₂ dsa₂ ně₅. ³⁶ Dsá₂ 'au'₂ 'nia'₂ jmo₄ a₂ca₂lē₃, ma₂ñó₃ ca₂la₂ 'lióng₂ ñi₂, ca₂nau₂ Teudas a₂juá'₂ a₂lín₅ dsa₂ 'uan'₂ dsa₂ dse_n₅₄. Jaun₂ ca₂jme₃quiong'₅₄ con'₂ quén₂ 'ñiá₂-lón₂ dsa₂ ñe'₂. La₁ jme₁ca₂jñag'₃ dsa₂, ca₂le₃jín₃ dsa₂ i₂jme₁quiain'₅₄ ně₃ ca₂i₃lén₂ jma₃quén₅. ³⁷ Cang₂ jaun₂, jmig₄ jme₁ca₂tion₃ dsa₂ si₂, ca₂nau₂ Judas i₂chan₂ Galilea. Ján₃ bá₄ le₂jaun₂ juin₅ dsa₂ ca₂jme₃quiong'₅₄ quió'₅. La₁ ján₃ bá₄ ca₂jñag'₃ dsa₂. Ca₂le₃jín₃ bá₄ dsa₂ i₂jme₁quiain'₅₄ ně₃ ca₂i₃lén₂ tsi₁rē₂jain₅₄ táng₃ jme₁ma₂j_o₅ 'éi₂. ³⁸ Jaun₂ lē₃, tsá₃ 'e₂ jmag'₅₄ dsa₂ ně₅, tsá₃ lē₁tón'₂ 'nia'₂ mi'₅₄ quiain'₅₄. Ia₁ ně₁jua'₂ jág₁ ně₅ lē₅ cosa quió'₅ dsa₂ mi₂güig₃, a₂lē₁dsi₃'én₂ bá₄ ně₅. ³⁹ La₁ia₁ ně₁jua'₂ lē₅ cosa quió'₅ Diú₄, tsá₃ a₁jaun₂ le₃qui'₅₄ 'nia'₂ jmig₄ a₂'eng'₄. Jaun₂ 'í₁ jmo₄ ia₁ con'₂ tsá₃ ñó₅ ně₁jua'₂ quián₅ Diú₄ quín'₂ 'nia'₂.

⁴⁰ Jaun₂ ca₂nág₂ jág₁ jaun₂ ca₂le₃jín₃. Jaun₂ ca₂tē'₃ táng₃ dsa₂ i₂chen₄ quián₅ Jesús 'éi₂. Jaun₂ ca₂jmo₃ dsi₂tan₅₄ 'éi'₃ a₂bóg₂ dsa₂. Jaun₂ ca₂jné₃ táng₃ tsá₃ cuē₂₃ jmig₄ jua'₅₄ a₂'ě₂ gué'₄ dsa₂ 'éi₂ jág₁ a₂'iin₂₃ Jesús. Jaun₂ ca₂lió₂ bá₄ jaun₂ ně₃. ⁴¹ Jme₁ca₂'uin₂ dsa₂ i₂chen₄ quián₅ Jesús 'éi₂, jin₄ dsi₂tan₅₄, jmo₂₃ 'io'₂, ia₁ ca₂cuē₃ Diú₄ jmig₄ ca₂i₃ñí₂ o₂guí'₃ o₄quió'₄ Jesús. ⁴² Jaun₂ caun₂ ca₂i₁nioi₁₂ bá₄ jme₂tiin₂₃ dsa₂ jág₁ dse₃ quió'₅ Jesucristo ca₂le₃jě₃ jmig₄, lia'₂ i₁dsi₅ guá'₅ templo, lia'₂ dsi₂néi₂ quió'₅ dsa₂ ně₃.

† 5:22 o₃, chi'₂ 'i'₅₄ quián₅ guá'₅.

6

*Ca₂'nai'₂ guion₃ dsa₂ i₂jme₃'o₅₄ **

¹ Jm_{ig}₄ jaun₂ caun₂ dsi₂ju_{in}₂ bá₄ dsa₂ i₂'én₂. Jaun₂ dsa₂ i₂dsia₅ jág₁ jmei₅ griego ca₂jí₂ ca₂tsí'₃ dsa₂ i₂dsia₅ jág₁ jmei₅ arameo. Ca₂juá'₂ 'in₂₃ 'io₅₄ 'nág₂ chan₂ quiáin₅ tsá₃ lin₄ dse₃ jme₁cué'₅ dsa₂ jui₁lia'₂ 'e₂ má₃ dsió'₅ ca₂le₃jě₃ jm_{ig}₄. ² Jaun₂ ta₁guia₃-tín₂ dsa₂ i₂chen₄† quián₅ Jesús ca₂ñí'₂ ca₂le₃jín₃ dsa₂ i₂'én₂, jaun₂ ca₂juá'₂:

—Tsá₃ dse₃ jua'₅₄ a₂tí₅ jnia'₅₄ a₂'ě₄ jnia'₅₄ jág₁ quió'₅ Diú₄ a₂jme₁ti₁ jnia'₅₄ ne₄ mesas a₂dsio'₅₄ jnia'₅₄ má₃. ³ Jaun₂ lě₃ rin'₅₄ jniog₄, 'in₅₄ 'nia'₂ guion₃ dsa₂ těj₃jin'₄ 'nia'₂, i₂'ei₅ jág₁ a₂'en₅₄ dsí₅, a₂rě₂rin₅ Jme₂dsí₂ Jñió₅ těj₂dsí₅, jaun₂ cué'₅₄ 'nia'₂ ta₁ nē₅. ⁴ Jnia'₅₄ gué'₂ caun₂ qui₁chei₅₄ Diú₄, caun₂ qui₂jme₁tin₅ jnia'₅₄ dsa₂ jág₁ quió'₅ Diú₄.

⁵ Jaun₂ ca₂le₃jín₃ dsa₂ ca₂těj₂ dsí₅ a₂nē₅, jaun₂ ca₂quióin'₂ dsa₂ i₂chen₂ Esteban i₂'én₂ 'ñio₅ lin₃, i₂rě₂rin₅ Jme₂dsí₂ Jñió₅ těj₂dsí₅; Fe₂li₄ nē₃, Prócoro, Nicanor, Timón, Parmenas, Nicolás nē₃ i₂lín₅ jan₂ dsa₂ chan₂ Antioquía i₂jme₁ma₂gue₃ le₂jñiá₅ 'Éi'₃ Juá'₅ quió'₅ dsa₂ judíos.

⁶ Jaun₂ ca₂o₃jñia₃ dsa₂ dsa₂ guion₃ i₂ca₂'iin₃ 'éi₂ ja₁tión₂ dsa₂ guia₃-tín₂, jaun₂ qui₂ca₂quiog₂ gu₂ ne₄ quió'₅ dsa₂ guion₃ 'éi₂, ca₂chi₃lén'₂ Diú₄.

⁷ Jaun₂ caun₂ ca₂i₃'ág₃ jág₁ quió'₅ Te₁gui'₅₄ jě₄ juig₂ Jerusalén, jaun₂ caun₂ ca₂i₃ju_{in}₂ bá₄ dsa₂ i₂ca₂rě₃'én₂, ca₂těj₂ i₂jme₁lín₄ jme₂dsa₂ quián₅ dsa₂ judíos ca₂guein₃ jág₁, ca₂rě₃'én₂ ju_{in}₅.

Ca₂jñá'₃ dsa₂ Esteban

⁸ Esteban, dsa₂ i₂'ñio₅ lin₃ ma₂cué₃ Diú₄ jui₅bí₂, ma₂jme₂'o₅₄ nē₃, i₂'éi₂ jme₁jmo₂₃ 'lióng₂ léi₄ dsi₂gó'₃ dsi₅ jin₄ dsa₂ juig₂. ⁹ Jaun₂ i₂lin₅₄ dsa₂ quián₅ guá'₅ sinagoga i₂jme₁těj₂ dsa₂ Libertinos, quiain'₅₄ i₂lin₅₄ dsa₂ chan₂ Cirene, i₂lin₅₄ i₂chan₂ Alejandría, i₂chan₂ Cilicia, i₂chan₂ juig₂ ja₁tén₄ 'uě₃ Asia nē₃, ca₂jme₃lióg₃ ca₂tsín₂ quian'₅₄ Té₂. ¹⁰ La₁ tsá₃ ca₂tio₃, ia₁ a₂niog₅ dsi₄ 'éi₂, tiin₂ 'a₂ lia'₂ ñag₃, ia₁ Jme₂dsí₂ Jñió₅ bá₄ cué₅ bí₂. ¹¹ Jaun₂ ca₂lái₂ dsa₂ i₂jáng'₃ jág₁ těj₂jág₁, a₂juá'₂ a₂ma₂nág₂ juá'₂ Té₂ 'iin₂₃ 'lig'₅₄ Moisés, 'iin₂₃ 'lig'₅₄ Diú₄ nē₃. ¹² Jaun₂ le₂jaun₂ ca₂tóin'₂ co₂mí'₅₄ jin₄ dsa₂ juig₂ quian'₅₄ dsi₂gui'₅₄ can'₅₄, těj₅juá'₅ nē₃, ca₂jmaí'₂ mí'₅₄ Té₂, ca₂jñau'₃, ca₂i₁jo₅₄ ne₄ dsi₂tan₅₄ quián₅ guá'₅. ¹³ Jaun₂ ca₂'nai'₂ ján₃ dsa₂ i₂jmo₃ jág₁ těj₂jág₁ a₂'ni₃ Té₂. Jaun₂ ca₂juá'₂:

—Dsa₂ nē₅ caun₂ qui₂juá'₂ 'lig'₅₄ 'ě₂₃ guá'₅ jñió₅, 'ě₂₃ 'Éi'₃ Juá'₅ nē₃. ¹⁴ Ján₃ bá₄ ma₂ca₂néi₁ jnia'₅₄ juá'₂ i₂nē₅ a₂'én₂ Jesús chan₂ Nazaret guá'₅ a₂jme₁tsín₃ tag₄ chí'₅ ca₂quiog₂ Moisés.

¹⁵ Jaun₂ dsi₂tan₅₄ quiain'₅₄ ca₂le₃jín₃ gué'₄ dsa₂ i₂jme₁tion'₅₄ le₁ñí'₂ ja₁jaun₂, ca₂jñin₂ Té₂, a₂ma₂jñiá₂ dsi₂ne₄ 'éi₂ lia'₂ jñiá₂ jan₂ ángel.

7

Jág₁ ca₂ton₃ Esteban

¹ Jaun₂ ca₂ñag₃ jme₂dsa₂ dsen₅₄ ca₂ñí'₃ Té₂:

—¿Dsón'₂ dsau₅ ca₂le₃jě₃ a₂juá'₂ dsa₂ nē₅?

² Jaun₂ ca₂ñag₃ 'éi₂:

—Rin'₅₄ jniog₄, 'nia'₂ dsa₂ can'₅₄ quián₂ nē₃, nei₂ 'nia'₂ a₂juá'₄ jniá₂ la₂. Diú₄ 'uan'₂ quián₂ jniog₄ ca₂jme₃jñia₂₃ ne₄ jme₁2 jniog₄ Abraham lia'₂ con'₂ jme₁'ein₅₄ 'uě₃ Mesopotamia né'₃ a₂dsi₃guá₃ juig₂ Harán. ³ Jaun₂ ca₂juá'₂ Diú₄: “Tí₃ 'uě₃ quiáng'₂, tén₃ ca₂le₃jín₃ o₁ríng'₂, gua₂ jui₅ 'uě₃ ja₁i₁'ě₃ jniá₂.”*

⁴ Jaun₂ ca₂ñó₃ Abraham ca₂o₃'iin₃ 'uě₃ Caldea jaun₂, ca₂i₁gua₂ juig₂ Harán. Cang₂ jaun₂ ca₂jon₃ bá₄ jmei₂. Jaun₂ Diú₄ bá₄ ca₂o₃jñia₃ Abraham 'uě₃ la₂ ja₁tián'₄ 'nia'₂ rě₂nē₃. ⁵ La₁ tsá₃ jua'₅₄ 'e₂ ca₂cué₃ Diú₄ 'uě₃ la₂, on₃ gué'₂ ja₁chí'₃ caun₂ tag₅₄ jua'₅₄ ca₂cué₃. La₁ ca₂cué₃ bá₄

* 6: o₃, diáconos. 'Nio'₂ ja₁ton₅ Hechos 21:8; Filipenses 1:1. † 6:2 griego: apóstolous. * 7:3 Génesis 12:1.

Diú₄ jág₁ quió'₅ a₂cuë₃ 'uë₃ la₂, a₂jmo₃ le₃cha₂ quió'₅ chi'₂ quián₅ bá₄ Abraham jë₁ma₂join₂₃, o₁jñia'₅₄ guë'₂ jmig₄ jaun₂ tsá₃ chi'₂ quián₅ Abraham jme₁chan₂ 'i₁jan₂. ⁶Jaun₂ ca₂juá'₂ Diú₄ ján₃, ca₂le₃jín₃ chi'₂ dsio₄ Abraham tain'₃ jui₁lia'₂ ja₁tián'₄ dsi₂nau₂ caun₂ 'uë₃ a₂tsá₃ cuí'₅, qui₃ñág₃ uig₅ con'₂ quén₂ 'ñiá₂-láu₂ ñi₂ a₂lë₁jmo₃ ta₁ jme₂ti₃ ta₁ ne₄ dsa₂. ⁷La₁ ján₃ bá₄ ca₂juá'₂ Diú₄ ca₂tsí'₃ Abraham: “Jniá₂ bá₄ 'ë₄ uig₅ ne₄ jui₂g₂ i₂jma'₂ dsa₂ quiáng₃ i₂tion'₅₄ i₂lë₁jme₂ti₃ ta₁ ne₅₄. Cang₂ jaun₂ guion₅₄ dsa₂ jui₂g₂ quiáng₃ 'uín₃ jui₂g₂ jaun₂, jaun₂ ja₃lëin₂ jme₃ti₃ ta₁ ne₃ ja₁lá₃.”† ⁸Ján₃ bá₄ ca₂jmo₃ Diú₄ caun₂ jág₁ quian'₅₄ Abraham, a₂ti₃ ni₁lo₁ ta₁jñi₂ chi'₂ dsa₂ ñe'₂ tsi₁jon₂ quián₅, a₂li'₅₄ jág₁ a₂të₃ron₅₄. 'Uig₅₄ jaun₂, jme₁ca₂rë₃chán₃ ja₁ñi'₅₄ i₂ca₂rë₃chén₃ Isaac, ca₂ti₃ Abraham ni₁lo₁ Isaac jme₁ma₂'ein₅₄ jñia₃ jmig₄. Ján₃ bá₄ le₂jaun₂ ca₂jmo₃ Isaac quian'₅₄ Jacob ja₁ñi'₅₄. Ján₃ bá₄ le₂jaun₂ ca₂jmo₃ Jacob quian'₅₄ ta₁guia₃-tín₂ ja₁ñi'₅₄ i₂ca₂lin₃ jmei₂ ta₁guia₃-tín₂ jui₂g₂ ja₁tén₄ Israel.

⁹'Ca₂le₃jín₃ chi'₂ ja₁ñi'₅₄ Jacob i₂jme₁lín₄ jmei₂ jniog₄ ma₂líg'₂ 'éi₂, ca₂i₃uig₅₄ dsí₅ jñin₂ Së₄ riin'₅₄. Jaun₂ ca₂'ni₃ 'éi₂ jaun₂ ca₂tág₃ dsa₂ ca₂të₂ 'uë₃ Egipto. La₁ Diú₄ bá₄ ca₂jmo₃ 'í₁ quió'₅ Së₄, ¹⁰qui₂ca₂lió₂ ca₂le₃jë₃ 'e₂ ca₂i₃ñi₂ ca₂jmo₃ ca₂rë₃ñi'₂ dsí₅ 'ñio₅ lin₃. Ján₃ bá₄ ca₂jmo₃ Diú₄ a₂chéin'₅ dse₃ quiain'₅₄ i₂të'₂ dsa₂ Faraón, i₂lín₅ rag₅₄ quián₅ 'uë₃ Egipto. Rag₅₄ 'éi₂ ca₂'iin₃ Së₄ a₂lëin₂ dsi₄má'₂ 'uë₃ Egipto. Ján₃ bá₄ ca₂jmo₃ a₂nio₃ ne₄ 'éi₂ dsi₂néi₂ quió'₅.

¹¹'Cang₂ jaun₂ ca₂gua₃ ñi₂ a₂ca₂ñág₃ uig₅ 'ñio₅ lin₃ a₂ca₂rë₃'ín₃ a₂guë'₃ dsa₂ ta₁caun₂ 'uë₃ Egipto quian'₅₄ 'uë₃ Cana'án. Jaun₂ ca₂le₃jín₃ jmei₂ jniog₄ ma₂líg'₂ tsá₃ ma₃'e₂ jnio'₂ a₂guë'₃. ¹²Jme₁ca₂rë₃ñi₅ Jacob a₂cha₂ trigo 'uë₃ Egipto, jaun₂ ca₂chein₃ chi'₂ ja₁ñi'₅₄ ja₁jaun₂, i₂ca₂lin₃ jmei₂ jniog₄ ma₂líg'₂. A₂jaun₂ guë'₄ le₂'uig₅₄ ca₂i₃lein₅₄. ¹³Jme₁ca₂të₂ tin₃ ráun₂ i₁len₅₄ rin'₅₄ Së₄ 'uë₃ Egipto, jaun₂ ca₂jmo₃ Së₄ a₂ca₂rë₃ñi₅ a₂lë₅ riin'₅₄ dsa₂ 'éi₂. Jaun₂ guë'₄ ca₂rë₃ñi₅ rag₅₄ quián₅ Egipto 'e₂ tsi₁jon₂ lín₅ Së₄. ¹⁴Jaun₂ guë'₄ ca₂tsí'₃ Së₄ dsó₂ riin'₅₄ a₂dsi₃quián₂ gui'₅₄ Jacob jmei₂, quian'₅₄ ca₂le₃jín₃ o₁riin'₅₄ i₂jme₁lë₂ 'nag'₂ ne₂guióg₂ rë₂dsí₂ guia₃-ñiá₂ (75) dsa₂. ¹⁵Le₂jaun₂ ca₂lë₃ a₂ca₂ñó₃ Jacob ca₂i₃gua₂ 'uë₃ Egipto. Ja₁jaun₂ ca₂join₃ cang₂ jaun₂. Jaun₂ ja₁jaun₂ bá₄ qui₂ca₂dsan₃ chi'₂ quián₅ i₂'nió'₄ jmei₂ jniog₄ ma₂líg'₂. ¹⁶Ni₁mu₁₂ ca₂o₃con₃ dsa₂ cang₂ jaun₂ ja₁chei₂ Siquem. Ca₂o₃'ó₃ tau₂ 'ñio₅ a₂ca₂lá₃ Abraham quió'₅ tsi₁jon₂ chi'₂ quián₅ Hamor ja₁chei₂ Siquem jaun₂, quian'₅₄ caun₂ 'ma'₅₄ a₂ca₂lí₃.

¹⁷'Jme₁ja₂quián₃ jmig₄ le₃ti₃ jág₁ ca₂cuë₃ Diú₄ 'iin₂₃ 'ñiog₅ ca₂cuë'₃ Abraham, ca₂i₃juín₂ 'ñio₅ lin₃ dsa₂ israelitas 'uë₃ Egipto. ¹⁸Jaun₂ ca₂guá₂ jan₂ rag₅₄ i₂tsá₃ cuin₅ Së₄, ca₂jme₃lióg₃ jmo₂₃ 'éi'₃ 'uë₃ Egipto. ¹⁹Rag₅₄ 'éi₂ ca₂jme₃gain₂₃ dsa₂ go₄ jniog₄, ca₂jmaí'₂ dsa₂ can'₅₄ quián₂ jniog₄ ca₂jmo₃ 'éi₂ tion₅₄ a₂téin₂ guein₂ dsa₂ ñe'₂ i₂të₂ca₂rë₃chán₃, ia₁jaun₂ dsiáin₃.

²⁰'Jmig₄ jaun₂ ca₂rë₃chán₃ Moisés. Guein₂ 'éi₂ ca₂të₂ dsí₅ Diú₄, jaun₂ ca₂jme₃juag'₂ chog₅₄-jmei₂ 'ni₅ tsi'₂ dsi₂néi₂ quió'₅. ²¹Jme₁ca₂të₂ jmig₄ a₂tóin₂ guein₂ 'éi₂, jaun₂ ja₁míg₄ 'ñiog₅ rag₅₄ quián₅ Egipto ca₂tág₃ ca₂jme₃juag'₂ co₂'nió'₄ ja₁ñi'₅₄ 'ñiog₅. ²²'Uig₅₄ jaun₂, ca₂rë₃tín₃ Moisés ca₂le₃jë₃ a₂ñi₅ dsa₂ chan₂ Egipto, jaun₂ ca₂rë₃'uáin'₃, 'ñio₅ lin₃ ñi₅ 'e₂ jág₁ dsia₃, ñi₅ a₂ca₂jmo₃ në₃.

²³'Jme₁ma₂'ein₅₄ të₂láu₃ ñi₂, jaun₂ ca₂ñe₄ Moisés ca₂i₃jñin₁₂ dsa₂ go₅₄ dsa₂ israelitas. ²⁴Ja₁jaun₂ ca₂jñin₂ jan₂ dsa₂ chan₂ Egipto jmaí'₂ uig₅ cuë'₅ jan₂ dsa₂ go₅₄. Jaun₂ ca₂nau₂ Moisés 'nei₂ quiain'₅₄ i₂cuë'₅ riin'₅₄, ca₂jñi'₃ dsa₂ 'éi₂, ca₂lióin₂ dsa₂ go₅₄. ²⁵Ia₁ ca₂i₃jñiog₅ dsí₅ jaun₂ le₃lí₄ dsa₂ israelitas riin'₅₄, a₂jmo₃ Diú₄ lió₂ të₂le₃ quian'₅₄ 'éi₂. La₁ tsá₃ ca₂rë₃lí₄ guë'₂ dsa₂. ²⁶Jme₁jñia₃ jaun₂, ca₂jen'₂ Moisés on₃ dsa₂ israelitas i₁tion'₅₄ quín'₂. Jaun₂ jme₁'nio₃ Moisés dsioin₃ mi'₅₄. Jaun₂ ca₂juá'₂: “Rín'₂ bá₄ 'nia'₂. ¿E₂ lë₃ qui₂jma'₅₄ 'nia'₂ uig₅ le₂jang'₂ le₂jang'₂?”

²⁷'Jaun₂ i₂jme₁'en₅₄ cuë'₅ rin'₅₄ ca₂'liain'₃ Moisés cau₅, jaun₂ ca₂juá'₂: “¿Ein₂ ca₂cuë'₃ 'ne₂ ta₁ líng'₅ dsi₂tan₅₄ i₂qui₂dsi₅ 'éi'₃ ja₁con₂ jnia'₅₄? ²⁸¿'Niog'₂ jñág'₄ jniá₂ ján₃ jui₁lia'₂ ca₂jñíg'₃

† 7:7 Génesis 15:13-14.

dsióg₂ dsa₂ chan₂ Egipto 'éi₂?” † 29 Jme₁ca₂nág₂ Moisés le₂në₅, co₂tan₅₄ ca₂cuing₃ ca₂ηó₃ jui₅ 'uë₃ ja₁chei₂ Madián. Ja₁jaun₂ ca₂i₁gua₂ co₂'nió'₄ a₂lín₅ dsi₂nau₂. Ja₁jaun₂ ca₂rë₃chán₃ on₃ chi₂' quián₅.

30 'Të₂láu₃ η₁₂ cang₂ jaun₂, caun₂ ja₁lë₄ 'uë₃ quein₂ quián₅ má'₂ ja₁chei₂ Sinaí, ja₁jaun₂ ca₂jme₃jnia₅ jan₂ ángel jë₄ si₂ chi₁guí'₂ caun₂ ni₁'ma₂ taun₅ a₂cau₂. 31 Jaun₂ ca₂i₃gó'₃ dsí₅ Moisés jme₁ca₂jág₃ a₂në₅, jaun₂ jme₁ca₂jme₃quián₃ guë₄ ia₁ 'nio₃ jme₁jág₃ guë₄ dse₃. Të₃jë₄ ηó₃ jaun₂ jme₁ca₂nág₂ jág₁ quió'₅ Te₁gui'₅₄ a₂ca₂juá'₂: 32 “Jniá₂ bá₄ líng₅ Diú₄ quián₅ dsa₂ quiáng'₂ ma₂líg'₂, Diú₄ quián₅ Abraham, quián₅ Isaac, quián₅ Jacob në₃.” § Jaun₂ ca₂jme₃lióg₃ ca₂jlen₃ Moisés ca₂rë₃gó'₅ 'ηio₅ lín₃, tsá₃ ma₃tiá₂ dsí₅ jág₃.

33 'Jaun₂ ca₂juá'₂ táng₃ Te₁gui'₅₄: “Jniá'₃ lau₂ ton₅ tag'₅₄, ia₁ 'uë₃ jnió₅ bá₄ ja₁chéng'₄ në₅. 34 Jág₅ bá₄ jniá₂ a₂chan₂ uig₅ dsa₂ quiáng₃ 'uë₃ Egipto, qui₂nag₅ bá₄ jniá₂ a₂qui'₂-o₂₃. Jaun₂ lë₃ ca₂sióng₃ ia₁ a₂loin₅₄. Nia₅, ia₁jaun₂ tsag₅₄ jniá₂ guang'₅₄ jui₅ Egipto”.*

35 'O₁jnia'₅₄ la₂ tsá₃ jme₁'nio₃ dsa₂ go₄ Moisés le₂jniá₅, ia₁ ca₂juá'₂: “¿Ein₂ ca₂'in₃ 'ne₂ a₂lín'₅ dsi₂tan₅₄ i₂qui₂dsí₅ 'éi'₃ ja₁con₂ jnia'₅₄?” la₁ Diú₄ në₃ ca₂chein₃ Moisés a₂lín₅ co₂'nió'₄ dsi₂tan₅₄ i₂lió₂, të₂le₃ quian'₅₄ ángel i₂ca₂jme₃jnia₅ jë₄ ni₁'ma₂ taun₅ jaun₂. 36 Moisés bá₄ dsa₂ i₂ca₂'uín'₂ dsa₂ can'₅₄ quián₂ jniog₄ ma₂líg'₂ 'uë₃ Egipto i₂qui₂ca₂jmo₃ ján₃ 'lióng₂ léi₄ juë'₂ a₂dsi₂gó'₃ dsí₅ në₃. Léi₄ jaun₂ ca₂jmo₃ Moisés 'uë₃ jaun₂, quian'₅₄ ne₄ Jmi₁ηí'₄ Guéin₂, † quian'₅₄ 'uë₃ quein₂ co₂'niog₅ ja₁ca₂i₁noi₁₂ të₂láu₃ η₁₂. 37 Jaun₂ 'niog₅ Moisés 'éi₂ bá₄ ca₂tsí'₃ dsa₂ israelitas: “A₂chen₃ Diú₄ jan₂ dsa₂ i₂'ë₂ jág₁ quián₅, i₂lín₅ dsa₂ go₄ 'nia'₂ guiong'₅₄, jui₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jág₁ quió'₅ 'éi₂.” † 38 Ján₃ bá₄ Moisés 'éi₂ jme₁'en₅₄ quian'₅₄ dsa₂ juig₂ 'uë₃ quein₂ co₂'niog₅ jaun₂. Jme₁'ein₅₄ quian'₅₄ ángel i₂ca₂juá'₂ jág₁ má'₂ Sinaí. Ján₃ bá₄ jme₁'ein₅₄ quian'₅₄ 'lag₄ tsi₁jon₂ jmei₂ jniog₄. Moisés 'éi₂ bá₄ ján₃ i₂ca₂gue₃ jág₁ ca'₅₄, jaun₂ guë₄ ca₂ηág₃ të₂le₃ quián₂ jniog₄ táng₃.

39 'La₁ dsa₂ quián₂ jniog₄ ma₂líg'₂ në₃, tsá₃ ma₃ca₂jme₃ti₃, tsá₃ ma₃ca₂nág₂ gau₂ jág₁ quió'₅ Moisés. Ca₂chei'₃ cau₅, jme₁'nio₃ jme₁dsi₃lein₃ táng₃ jui₅ 'uë₃ Egipto. 40 Jaun₂ në₃ ca₂tsí'₃ Aarón § ca₂juá'₂: “Niog₂ jnia'₅₄ jmog'₅₄ diú₄ dsa₂ lag₄ i₂dsi₃lén₂ ne₄ jui₅ quián₂ jniog₄. Ia₁ tsá₃ ne₄ 'e₂ ca₂jén'₃ Moisés 'éi₂ i₂ca₂'uág'₂ jniog₄ 'uë₃ Egipto.”* 41 Jaun₂ ca₂jmói'₂ jan₂ guein₂ ca₁jui₅ co₂'nió'₄ i₂lín₅ diú₄, qui₂ca₂jme₃dsiain₂₃ já'₂ quián₅ qui₂ca₂cuin₃ diú₄ lag₄ 'éi₂. Jaun₂ ca₂jmo₃ 'io'₂ quian'₅₄ a₂ca₂jmo₃ quian'₅₄ gu₂ guoin₅₄. 42 Jaun₂ co₂ηei'₅₄ ca₂jmo₃ Diú₄ cau₅, tsá₃ ma₃ca₂jme₃quiain'₅₄ dsa₂ 'éi₂, jui₁jmo₁₂ bá₄ con'₂ tain₂ guoin₅₄. Jaun₂ ca₂jme₃lióg₃ dsa₂ 'éi₂ ca₂chi₂ca₂lén'₂ nei₅ a₂le₁'ág₄ † guei'₅₄. Ia₁ le₂në₅ rë₂ton₅ ne₄ Si₂ a₂ca₂jmo₃ dsa₂ i₂jme₁'ë₂ jág₁ quián₅ Diú₄ ma₂líg'₂:

'Nia'₂ dsa₂ chan₂ Israel, ¿'e₂ lín'₂ 'nia'₂?

¿Ca₂jme₁dsian'₅ 'nia'₂ já'₂

ca₂dsia'₅₄ ca₂jen'₅₄ 'nia'₂ ne₃ jniá₂

lia'₂ con'₂ jme₁quian'₅₄ jniá₂ 'nia'₂

të₂láu₃ η₁₂ 'uë₃ quein₂ co₂'niog₅ jaun₂?

43 On₃jua'₅₄ le₂jaun₂.

Ia₁ guá'₅ chéi₂ quió'₅ diú₄ Moloc bá₄ ca₂quian'₂ 'nia'₂

quian'₅₄ nei₅ diú₄ Renfán, †

nió'₄ a₂qui₂ca₂jmo'₅₄ 'nia'₂ guiong'₅₄,

a₂jaun₂ bá₄ ca₂chi₂ca₂len'₄ 'nia'₂.

'Uig₅₄ jaun₂, 'uín'₄ jniá₂ 'nia'₂ 'uë₃ quiáng'₂,

‡ 7:28 Éxodo 2:14. § 7:32 Éxodo 3:6. * 7:34 Éxodo 3:5,7,8,10. † 7:36 Ján₃ bá₄ chei₂ Jmi₁ηí'₄ 'Ma₂ta₅. ‡ 7:37 Deuteronomio 18:15. § 7:40 Jme₁lín₄, Aarón rin'₅₄ Moisés. 'Nio'₂ ja₁ton₅ Éxodo 4:14. * 7:40 Éxodo 32:1. † 7:42 nei₅; Lia'₂ chi₁ton₅ ne₄ Si₂ quió'₅ Diú₄, lë₅ caun₂ cosa a₂tsá₃ 'i₄ jme₂dsí₂. ‡ 7:43 Renfán: co₂'nió'₄ a₂jme₁të₂ dsa₂ egipcios planeta Saturno, ca₂jme₃juag'₂ dsa₂.

tsag₅₄ jniá₂ të₂le₃ ó₃ guë₄ ja₁niog₅ 'uë₃ Babilonia. §

44 "Uë₃ quein₂ jaun₂, dsa₂ can'₅₄ quián₂ jniog₄ ma₂líg'₂ jme₁quian₅ guá'₅ tabernáculo ja₁jme₁rë'₂ma₄ ni₁cang₁ a₂le₁ton₅ ta₁guia₃ 'Éi'₃ Juá'₅. Guá'₅ tabernáculo jaun₂ ca₂lë₃ con'₂ lë₅ jág₁ ca₂cuë₃ Diú₄ ca₂cué'₃ Moisés, jme₁ca₂'ë₃ Diú₄ nió'₄ le₂jniá₅ 'a₂ lia'₂ lé₂. 45 Dsa₂ quián₂ jniog₄ ma₂líg'₂ ca₂gue₃ guá'₅ jaun₂ co₂'nió'₄ ca₂ñág₃ dsa₂ can'₅₄ quián₅. Jaun₂ dsa₂ i₂jme₁quian'₅₄ Josué në₃ ca₂cáun₃ lia'₂ con'₂ jme₁ca₂lí'₃ 'uë₃ quió'₅ dsa₂ juig₂ siá'₂, i₂ca₂'uín'₂ Diú₄ ia₁jaun₂ cha₂ ja₁tian'₃ 'éi₂. Le₂jaun₂ ca₂lë₃ ca₂lia'₂ ca₂të₂ jmig₄ a₂ca₂rë₃chán₃ David. 46 Ca₂jmo₃ Diú₄ dse₃ dsí₅ ja₁con₂ Rag₅₄ David, jaun₂ 'éi₂ në₃ jme₁'nio₃ jmóg'₃ caun₂ ja₁guá₃ Diú₄ quián₅ Jacob. 47 La₁ Salomón bá₄ i₂ca₂chi'₃ 'né₅ quió'₅ Diú₄.

48 'La₁ Diú₄ i₂juin'₂ guë₄ lín₃ tsá₃ guá₅ dsi₂néi₂ guá'₅ a₂jmóg'₅ dsa₂ mi₂güig₃. Jui₁lia'₂ ca₂juá'₂ Diú₄ të₂le₃ quian'₅₄ dsa₂ i₂jme₁'ë₂ jág₁ quián₅ ma₂líg'₂:

49 Guei'₅₄ i₂juíg₃ bá₄ ja₁gua₁₂
ja₁lë₄ ne₄ta₁ quió₃,

gua'₅₄ 'uë₃ në₃ jui₁lia'₂ ja₁tióng₂ tag₃.

¿'E₂ bá₄ 'né₅ jmó'₂ 'nia'₂ quió₃? juá'₂ Te₁gui'₅₄,

¿O₃ já'₄ bá₄ lé₂ le₃jan₄ jniá₂?

50 ¿On₁ jniá₂ bá₄ ca₂jmo₃ quian'₅₄ gu₃-tag₃
ca₂le₃jë₃ 'e₂ a₂cha₂?*

51 (Jaun₂ caun₂ ca₂juá'₂ bá₄ Té₂ tsí'₅ dsa₂):

—'Nia'₂ në₃, lia'₂ ma₂ja₂nó'₅ jaun₂ bá₄ 'nia'₂ cang₄ dsei'₂, jaun₂ lë₅ rë₂guá'₄ 'nia'₂ quian'₅₄ të₂'au'₂ jui₁lia'₂ dsa₂ i₂tsá₃ cuin₅ Diú₄,† Caun₂ 'ñia'₅₄ co₂tan₅₄ bá₄ 'nia'₂ Jme₂dsí₂ Jñiós₅. I₂co₂rín'₂ bá₄ 'nia'₂ quiang'₅₄ dsa₂ can'₅₄ quiáng'₂ ma₂líg'₂. 52 ¿'Ein₂ dsa₂ i₂jme₁'ë₂ jág₁ quián₅ Diú₄ jua'₅₄ i₂tsá₃ ca₂jmá'₂ dsa₂ can'₅₄ quián'₂ 'nia'₂ ma₂líg'₂? Qui₂ca₂jme₃dsiain₂₃ bá₄ dsa₂ i₂qui₂ca₂'ë₂ jág₁ le₂jniá₅ ca₂'iin₃ jan₂ i₂dsen₃ lín₃, i₂jiá₃. La₁ jme₁guan₃ i₂'éi₂ në₃, ca₂jiin'₅₄ 'nia'₂ jaun₂ ca₂jñí'₃. 53 'Nia'₂ guë'₂ i₂ca₂gue'₅₄ 'Éi'₃ Juá'₅ të₂le₃ quian'₅₄ ángeles, tsá₃ jme₂tí'₁ guë'₂ 'nia'₂ 'Éi'₃ jaun₂.

Ca₂jon₃ Té₂

54 Jme₁ca₂nág₂ jág₁ a₂ca₂juá'₂ Té₂ jaun₂, ca₂rë₃ 'néi₃ 'ñio₅ lín₃ ca₂lia'₂ qui₂ca₂quig'₂ mi₂jan₅₄ a₂'ñiai₅₄ Té₂. 55 La₁ Té₂ në₃, rë₂rín₅ Jme₂dsí₂ Jñiós₅ të₂dsí₅, ca₂chóg'₃ ne₅₄ guei'₅₄ i₂juíg₃ jaun₂ ca₂jág₃ a₂co₂tág₅ co₂'né₅ quió'₅ Diú₄, jaun₂ ca₂jñin₂ Jesús chéin'₅ të₂le₃ gu₂ ne₁ quió'₅ Diú₄ Jmei₂. 56 Jaun₂ ca₂juá'₂ táng₃ Té₂:

—jag₄! —juá'₂! —. Jág₅ jniá₂ rë₂na₄ guei'₅₄ i₂juíg₃. Jin₄ jniá₂ Jaun₅ dsa₂ mi₂güig₃ 'ein₅₄ të₂le₃ gu₂ ne₁ quió'₅ Diú₄.

57 La₁ dsa₂ 'éi₂ qui₂ca₂jne₃ rë₂gua₅₄, tsá₃ 'nio₃ nag₃, qui₂ca₂tóin'₂ co₂mi'₅₄ ca₂guió'₃ jmái'₂ Té₂. 58 Jaun₂ ca₂dsei₂₃ 'ni'₂ juig₂. Jaun₂ ja₁jaun₂ ca₂jñag'₃ quian'₅₄ cang₄. Jaun₂ dsa₂ i₂qui₂ca₂jñáu'₂ cang₄ në₃ ca₂dsia₃ ni₁tsin'₅₄ o₄gú₃ jan₂ dsó₂ chi'₂ i₂jme₁chen₂ Saulo.

59 Të₁lia'₂ tióin'₅₄ qui₂cuë'₅ Té₂ cang₄, jaun₂ ca₂mi₃ Té₂ ca₂tsí'₃ Diú₄ ca₂juá'₂:

—Te₁gui'₅₄ Jesús, guen'₅₄ jme₂dsí₂ quió₃.

60 Jaun₂ guë₄ ca₂chi₃jné₃, jaun₂ ca₂guió'₃ tiá₂ ca₂juá'₂:

—Te₁gui'₅₄, tsá₃ jme₁cain'₅₄ dso₄ la₂.

Jme₁ca₂lë₃ juá'₂ le₂në₅, ca₂join₃ jaun₂ në₃.

8

Co₂'en₅ Saulo dsa₂ i₂ma₂'én₂

§ 7:43 Amós 5:25-27. * 7:50 Isaías 66:1-2. † 7:51 lit. "jui₁lia'₂ dsa₂ i₂tsá₃ lo₄ rë₂uing₄."

1 Jaun₂ caun₂ bá₄ 'ei₅ jág₁ quió'₅ Saulo a₂ca₂jñí'₃ dsa₂ Té₂. Dsi₂jui₅ jmig₄ jaun₂ bá₄, ca₂jme₃lióg₃ dsa₂ qui₂co₂'ein₃ 'ñio₅ lin₃ ta₁caun₂ nió'₃ dsa₂ i₂lín₅ guá'₅ jë₄ juig₂ Jerusalén. Ca₂le₃jín₃ dsa₂ 'éi₂ ca₂i₃lén₂ tsi₁rë₂jain₅₄ le₂tan₅₄ 'uë₃ Judea quian'₅₄ Samaria. Jñia'₅₄ lia'₂ dsa₂ guia₃-tín₂ i₂chen₄ quián₅ Jesús bá₄ ca₂jñia₃ guë₄ juig₂ Jerusalén. 2 I₂lin₅₄ dsa₂ dsen₃ i₂'nio₃ Diú₄ ca₂'óin₂ Té₂, qui₂ca₂'o₃ 'ñio₅ lin₃ o₄quió'₄ 'éi₂. 3 Të₁lia'₂ jaun₂, i₂ñi₅₄ Saulo quian'₅₄ riin'₅₄ qui₂co₂'ein₂₃ dsa₂ i₂'én₂, qui₂dsi₂toin'₅₄ të₂ dsi₂néi₂ qui₂'uín'₂ dsa₂ tsi₁cuin'₂, lia'₂ dsa₂ ñe'₂ lia'₂ dsa₂ mí₂, qui₂të₂ a₂to'₂ 'né₅ 'má₃.

Ca₂'ë₂ dsa₂ jág₁ dse₃ juig₂ Samaria

4 La₁ ca₂le₃jín₃ dsa₂ i₂ca₂'uin₂ juig₂ Jerusalén, ca₂le₃jë₃ ja₁ca₂i₁lein₅₄ qui₂ca₂'ë₂ jág₁ dse₃. 5 Jan₂ 'éi₂, i₂chen₂ Fe₂li₄, ca₂ñó₃ caun₂ juig₂ ja₁tén₄ 'uë₃ Samaria ca₂dsia₃ jág₁ tsí'₅ dsa₂ ja₁jaun₂, 'iin₂₃ Cristo.* 6 Jaun₂ jme₁ñi'₂ dsa₂ jmo₂₃ tei₄ ca₂le₃jín₃, të₅ dsí₅ nag₂₃ jág₁ a₂juá'₂ Fe₂li₄, ia₁ ján₃ bá₄ ca₂jág₃ dsa₂ léi₄ dsi₂gó'₃ dsi₅ a₂jme₁jmo₅ 'éi₂. 7 Ia₁ juin₅ i₂tion'₅₄ jme₂dsí₂ 'lin'₅₄ të₂dsí₅ qui₂ca₂'lóin₂. Ca₂le₃jín₃ jme₂dsí₂ 'lin'₅₄ 'éi₂ qui₂ca₂'uin₂ qui₂guió'₅. Ján₃ bá₄ juin₅ dsa₂ 'lian'₂, dsa₂ guian'₅₄ në₃, qui₂ca₂'lóin₂. 8 Uig₅₄ jaun₂ 'ñio₅ 'io'₂ ca₂jmo₃ dsa₂ juig₂ jaun₂.

9 Juig₂ jaun₂ jme₁chan₂ jan₂ dsa₂ i₂jme₁chen₂ Si₂mu₅₄, i₂jme₁jmo₅ ta₁ a₂chan₂ dsí₅ le₂jñiá₅, jme₁jme₂gain₂₃ dsa₂ juig₂ Samaria, a₂juá'₂ a₂lín₅ dsa₂ dsen₅₄.

10 Ca₂le₃jín₃ dsa₂, lia'₂ dsa₂ can'₅₄ lia'₂ chi'₂ në₃, jme₁nag₂₃ të₅ dsí₅ jág₁ quió'₅, qui₂dsia₂₃:
—Dsa₂ në₅ tiin₂ quian'₅₄ juí₅bí₂ quió'₅ Diú₄.

11 Jme₁tón₂ dsa₂ juí₅ jág₁ quió'₅ gui'₅₄ 'éi₂, ia₁ ma₂lig'₂ bá₄ ma₂já₅ qui₂jme₂gain₂₃ dsa₂ quian'₅₄ bí₂ a₂chan₂ dsí₅.

12 La₁ dsi₂jui₅ jme₁ca₂rë₃'én₂ dsa₂ jág₁ dse₃ quió'₅ Jesucristo a₂ca₂'ë₂ Fe₂li₄ juí₁lia'₂ ja₁gon₂ Diú₄, jaun₂ qui₂ca₂ñó₂ dsa₂ jmig₂ lia'₂ dsa₂ ñe'₂ lia'₂ dsa₂ mí₂. 13 Ján₃ bá₄ ca₂rë₃'én₂ 'ñiog₅ Si₂mu₅₄ 'éi₂, ca₂jñó₂ jmig₂ ján₃. Jaun₂ guë₄ ca₂jme₃lióg₃ ca₂jme₃quian'₅₄ Fe₂li₄, qui₂jág₅ dsi₂gó'₃ dsí₅ léi₄ juë'₂ a₂jmo₅ 'éi₂.

14 Jme₁ca₂rë₃ñi₅ dsa₂ i₂chen₄ quián₅ Jesús i₂tion'₅₄ Jerusalén, a₂ma₂'én₂ dsa₂ chan₂ 'uë₃ Samaria jág₁ quió'₅ Diú₄, jaun₂ ca₂chein₃ ja₁jaun₂ Pe₄ quian'₅₄ Juan₅₄. 15 Jme₁ca₂dsi₃lén₂ 'éi₂ 'uë₃ Samaria, jaun₂ ca₂mí₃ ca₂tsí'₃ Diú₄ o₄quió'₄ dsa₂ i₂ma₂'én₂ ja₁jaun₂, ia₁jaun₂ guen₃ dsa₂ 'éi₂ Jme₂dsí₂ Jñi₅ ján₃. 16 Ia₁ 'i₁jan₂ dsa₂ 'éi₂ tsá₃ Jme₂dsí₂ Jñi₅ ma₂guan₅ guë₄ ne₄ quió'₅, Jñia'₅₄ con'₂ ma₂jñó₂ jmig₂ bá₄ lia'₂ con'₂ lë₅ 'éi'₃ quió'₅ Te₁gui'₅₄ Jesús. 17 Jaun₂ në₃ Pe₄ quian'₅₄ Juan₅₄ qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guë₄ ca₂guein₃ Jme₂dsí₂ Jñi₅.

18 Jme₁ca₂jág₃ Si₂mu₅₄ a₂ca₂sión₃ Jme₂dsí₂ Jñi₅ jme₁ca₂quiog₂ dsa₂ i₂chen₄ 'éi₂ gu₂ ne₄ quió'₅ dsa₂, jaun₂ ca₂jen'₂ cu₄, 19 ca₂juá'₂:

—Cuë₄ jniá₂ ján₃ juí₁lia'₂ bí₂ a₂tin'₂ 'nia'₂ në₅, ia₁jaun₂ lé₂ le₃jmo₅₄ jniá₂ ján₃ a₂guen₃ dsa₂ Jme₂dsí₂ Jñi₅ jë₁ma₂ca₂co₃ gu₃ ne₄ quió'₅ chi₂jua'₂ 'ein₂.

20 Jaun₂ ca₂ñag₃ Pe₄ ca₂tsí'₃ dsa₂ 'éi₂:

—Juí₁dsi₂'éng'₂ co₂dsia₅ quian'₅₄ cú'₂ ia₁ 'e₂ lë₃ dsi₂jio₅ 'au'₂ le₂në₅, a₂lín₂ a₂lé₂ lá₃ dsa₂ quian'₅₄ cu₄ bí₂ a₂cuë₅ Diú₄. 21 Tsá₃ ca₂tín'₂ 'ne₂ a₂në₅, ia₁ tsá₃ dse₃ 'ei₅ 'au'₂ ne₄ Diú₄.

22 Co₂dsia₅ t₃ ca₂le₃jë₃ a₂'lig'₅₄ a₂dsi₂jio₅ 'au'₂ në₅. Mí₄ ne₄ Te₁gui'₅₄ chi₂jua'₂ 'éin₂ dsáu'₂ 'e₂ lë₃ dsi₂jio₅ 'au'₂ le₂në₅. 23 Ia₁ léi₄ jniá₂ rë₂rin₅ cosa 'lig'₅₄ të₂'au'₂; quian'₅₄ dsáu'₂ në₅ jmo₅ chi₁'neg'₂.

24 Jaun₂ në₃, ca₂ñag₃ Si₂mu₅₄:

—Mí₄ 'nia'₂ chei'₅₄ Te₁gui'₅₄ o₄quió'₃, ia₁jaun₂ tsá₃ juí₁dsi₂ñig₂ a₂ma₂në₂jua'₅₄ 'nia'₂ në₅.

25 Jme₁ca₂dsan₃ jáng'₅ Pe₄ quian'₅₄ Juan₅₄ jág₁ dsau₅ a₂dsia₂₃ jág₁ quió'₅ Diú₄, jaun₂ guë₄ ca₂i₃lein₃ juí₅ Jerusalén. Le₂'i₄ juí₅ ja₁i₃lein₃ jaun₂, qui₂ca₂'ë₂ guë₄ jág₁ dse₃ a₂lión₂ dsa₂ le₂tan₅₄ juig₂ ja₁tén₄ 'uë₃ Samaria.

* 8:5 o₃, I₂rë₂'in₁ quián₅ Diú₄.

Fe₂li₄ quiain'₅₄ dsa₂ chan₂ Etiopía

²⁶ Cang₂ jaun₂, ca₂juá'₂ jan₂ ángel quián₅ Te₁gui'₅₄ ca₂tsí'₃ Fe₂li₄:

—Nau₂, gua₂ jui₅ ja₁'uin₂ dsa₂ Jerusalén a₂dsióg₄ 'uë₃ Gaza.

Jui₅ jaun₂ dsó₅ jë₄ 'uë₃ quein₂. ²⁷ Jaun₂ ca₂nau₂ Fe₂li₄ ca₂ñó₃. Le₂'i₄ jui₅ ja₁ñó₃ jaun₂, ca₂jein'₂ jan₂ dsa₂ chan₂ Etiopía, i₂jme₁lín₄ jan₂ dsa₂ eunuco, dsa₂ dsen₅₄ i₂niog₅ gu₂ cu₄ quió'₅ 'io₅₄ Candace i₂gon₂ 'uë₃ Etiopía. Dsa₂ 'éi₂ ñei₅₄ i₁chi₂i₁lein'₄ Diú₄ juig₂ Jerusalén.

²⁸ Ma₂'ein₅₄ jui₅ ñái'₄ juig₂ go₅₄ guá₅ ne₄ carroza quió'₅, 'i₂₃ Si₂ quió'₅ Isaías i₂jme₁'ë₂ jág₁ quió'₅ Diú₄ ma₂líg'₂. ²⁹ Jaun₂ ca₂juá'₂ Jme₂dsí₂ quián₅ Diú₄ ca₂tsí'₃ Fe₂li₄:

—Gua₂ le₃jén'₃ cau₅ carro në₅.

³⁰ Ca₂dsióg₃ Fe₂li₄ cau₅, jaun₂ ca₂nág₂ i₁'i₅ dsa₂ 'éi₂ Si₂ quió'₅ Isaías. Jaun₂ ca₂ñag₃ Fe₂li₄:

—¿'Níg'₂ 'e₂ juá'₂ si₂ a₂'i₂?

³¹ Jaun₂ ca₂ñag₃ táng₃ dsa₂ 'éi₂:

—¿'A₂ bá₄ lia'₂ le₃ñí'₂ jniá'₂? Tsá₃ guë'₂ 'ein₂ chan₂ i₂juá'₂ 'e₂ jein₅ jág₁ a₂juá'₂ si₂ la₂.

Jaun₂ ca₂tsí'₃ Fe₂li₄ a₂uig₂ 'éi₂ guei'₅₄ a₂guá₃ co₂lë₅ quiong'₅₄.

³² Jme₁'i₅ dsa₂ 'éi₂ Si₂ quió'₅ Diú₄ ja₁juá'₂ le₂la₂:

Ca₂jio₃ dsa₂ i₁ñag'₂ jui₁lia'₂ jñi'₅ dsa₂ já'₂ cha'₂.

Ján₃ guë'₂ jui₁lia'₂ tsá₃ guió'₅ guein₂ já'₂ cha'₂

të₁lia'₂ chéi₅ dsa₂ jñí₁,

ján₃ bá₄ le₂jaun₂ tsá₃ 'e₂ ca₂juá'₂ i₂'éi₂.

³³ Ca₂cuë₃ dsa₂ o₂guí'₃,

tsá₃ 'éi'₃ rë₂ ca₂të₁dsi₅₄ quió'₅;

chi'₂ tsi₁jon₂ quián₅ guë'₂ në₃,

¿'ein₂ bá₄ lé₂ le₃dsia₃ 'iin₃ chi'₂ dsio₅₄?

ton'₂ ca₂jñióg'₂ bá₄ guë'₂ dsa₂

ne₄ gua'₅₄ 'uë₃ la₂.†

³⁴ Jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Jmo₄ dse₃ 'au'₂, jua'₅₄ 'e₂ jein₅ jág₁ a₂juá'₂ si₂ la₂. ¿'Ein₂ 'in₅ dsa₂ quián₅ Diú₄ i₂ca₂jmo₃ si₂ la₂? ¿A₂'iin₂₃ 'ñiog₅, o₃ a₂'iin₂₃ i₂sián'₂ 'e₂?

³⁵ Jaun₂ ca₂jme₃lió₃ Fe₂li₄ ca₂juá'₂ 'e₂ juá'₂ ne₄ Si₂ ja₁jme₁'i₅ dsa₂ dsen₅₄ 'éi₂, qui₂ca₂cuë₃ jág₁ dse₃ 'iin₂₃ Jesús. ³⁶ Jme₁ca₂dsi₃léin₂ caun₂ ja₁cha₂ jmig₂, jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Cha₂ jmig₂ ja₁lá₃, ¿Cha₁ 'e₂ lë₃ jua'₅₄ tsá₃ lé₂ tsón₄ jniá'₂ jmig₂?

³⁷ Jaun₂ ca₂juá'₂ Fe₂li₄:

—Chi₂jua'₂ 'éng'₂ dsón'₂ ca₂le₃jë₃ 'au'₂, lé₂ bá₄.

Jaun₂ ca₂ñag₃ táng₃ dsa₂:

—'Én₂ bá₄ jniá'₂ a₂lín₅ Jesucristo Ja₁ñi'₅₄ Diú₄.‡

³⁸ Jaun₂ ca₂jmo₃ 'éi'₃ ca₂jñia₃ carroza quió'₅. Jaun₂ ca₂sióin₃ le₂oin₃ chei'₅₄ jmig₂, jaun₂ ca₂cho₃ Fe₂li₄ jmig₂ § quió'₅ dsa₂ 'éi₂. ³⁹ Jme₁ca₂'uin₂ jmig₂, jaun₂ Jme₂dsí₂ quián₅ Te₁gui'₅₄ ca₂tág₃ Fe₂li₄, jaun₂ dsitán₅₄ 'éi₂ tsá₃ ma₃ca₂jág₂ mei'₂. La₁ 'io'₂ bá₄ jmo₂₃ le₂'i₄ jui₅ ja₁ñái'₄.

⁴⁰ Fe₂li₄ në₃ ma₂'ein₅₄ caun₂ juig₂ ja₁chei₂ Azoto, jaun₂ le₂tan₅₄ guë₄ juig₂ te₁'i₁ ja₁jaun₂ ca₂ñei₅₄ qui₂ca₂'ë₂ jág₁ dse₃ a₂lión₂ dsa₂, ca₂lia'₂ ca₂dsióg₃ ca₂të₂ juig₂ Cesarea.

9

Ca₂jme₃tsín₃ Saulo dsí₅

(Hechos 22:6-16; 26:12-18)

¹ Të₁lia'₂ jaun₂, dsa₂ i₂chen₂ Saulo caun₂ qui₂quiain₂₃ juë'₅ a₂'nio₃ jme₃dsiáin₃ dsa₂ i₂'én₂ jág₁ quió'₅ Te₁gui'₅₄. Jaun₂ lë₃, ca₂ñei₅₄ i₁jñi₂₃ jme₂dsa₂ dsen₅₄. ² Ca₂mi₃ ne₄ 'éi₂ caun₂ si₂

† 8:33 Isaías 53:7-8. ‡ 8:37 A₂lín₅₄ chog₅₄ si₂ tsá₃ chi₂ton₅ versículo 37. § 8:38 lit. “ca₂tió₃ Fe₂li₄ jmig₂.”

a₂cuē₃ bí₂ a₂dsó₃ guá'₅ sinagogas quió'₅ dsa₂ juig₂ Damasco a₂dsi₃'niai'₂ dsa₂ i₂tion'₅₄ tē₂le₃ quió'₅ Jui₅ quió'₅ Te₁gui'₅₄. Jme'₁nio₃ Saulo dsi₃te₅₄ dsa₂ chi₁'nei'₂ ca₂tē₂ Jerusalén, lia'₂ dsa₂ ŋe'₂ lia'₂ dsa₂ mí₂. ³ La₁ jme₁ja₂quián₃ dsióg₄ juig₂ Damasco, con'₂ tsá₃ jáin₅ jme₁ca₂tág₃ caun₂ si₂ tág₅ jmá'₅ ne₄ quió'₅. Si₂ jaun₂ a₂já₃ jui₅ guei'₅₄ i₂juíg₃. ⁴ Co₂tan₅₄ ca₂quin'₃ Saulo, jaun₂ ca₂nág₂ juá'₂ jág₁ jē₄ si₂ jaun₂:

—Saulo, Saulo, ¿'e₂ lē₃ co₂'éin'₅ jniá'₂?

⁵ Jaun₂ ca₂ŋag₃ Saulo:

—¿'Ein₂ 'ne₂, gui'₅₄?

Jaun₂ ca₂ŋag₃ táng₃ jág₁ né'₂ jē₄ si₂:

—Jesús bá₄ jniá'₂ i₂co₂'én'₅ 'ne₂ ŋi'₂. Jnia'₅₄ jmag'₅₄ uig₅ 'ŋiag'₂ bá₄ jmo'₂ jui₁lia'₂ jmo₅ ca₁jui₅ jē₁ma₂jnú₃ ni₁'ma₂ chen'₂.

⁶ Jaun₂ ca₂jlen₃ Saulo, ca₂rē₃gó'₅, ca₂juá'₂:

—Te₁gui'₅₄, ¿'e₂ 'niog'₂ 'ne₂ jmo₅₄ jniá'₂?

Jaun₂ ca₂ŋag₃ táng₃ Te₁gui'₅₄:

—Nau₂, 'ú₅ juig₂ Damasco. Jē₁ma₂dsióg'₃, ja₁jaun₂ bá₄ juá'₂ dsa₂ 'e₂ jmó'₂.

⁷ Dsa₂ i₂jme₁quian'₅₄ Saulo ně₃, 'ŋio₅ lín₃ ca₂rē₃gó'₅, ia₁ ca₂nág₂ jág₁ a₂juá'₂ jē₄ si₂ jaun₂, ton'₂ 'i₁jan₂ guē'₂ tsá₃ 'ein₂ ca₂jín₂. ⁸ Jaun₂ ca₂nau₂ Saulo, la₁ jme₁ca₂nau₂ jaun₂, tsá₃ ma₃lé₂ jág₃, tsá₃ ma₃jniá'₂ mi₂ne₅₄. Dsa₂ i₂jme₁quian'₅₄ bá₄ ca₂tág₃ le₁chan'₂ gu₂, ca₂jio₃ tē₂ juig₂ Damasco. ⁹ Ja₁jaun₂ ca₂'í₃ tein₅₄ 'ni₅ jmig₄, tsá₃ 'e₂ ca₂gué'₃, on₃ guē'₂ 'e₂ ca₂'in'₃ 'i₁caun₂.

¹⁰ Juig₂ Damasco jaun₂, jme₁guá₄ jan₂ dsa₂ i₂'én₂ i₂jme₁chen₂ Ananías. I₂'éi₂ ca₂jén'₃ ca₂jín₂ Te₁gui'₅₄ i₂ca₂juá'₂:

—¡Ananías!

Jaun₂ ca₂ŋag₃ 'éi₂:

—Ja₁lá₃ bá₄ 'eng₅₄, Te₁gui'₅₄.

¹¹ Jaun₂ ca₂juá'₂ táng₃ Te₁gui'₅₄:

—Nau₂, gua₂ calle chei₂ Co₂dsau₅ ja₁quió'₄ dsa₂ chen₂ Judas. Ja₁jaun₂ o₂'nia'₂ jan₂ dsa₂ chan₂ Tarso i₂chen₂ Saulo, i₂'en₅₄ chi₂lén'₂ Diú₄ con'₂ lē₅ la₂. ¹² Ia₁ ma₂qui₃ a₂ma₂jín₂ jan₂ dsa₂ i₂chen₂ Ananías ca₂'í₃ ca₂quiog₂ gu₂ ne₄ quió'₅ ia₁jaun₂ jnia₃ táng₃ mi₂ne₅₄.

¹³ Jme₁ca₂nág₂ Ananías le₂nē₅, jaun₂ ca₂juá'₂:

—Te₁gui'₅₄, juin₅ dsa₂ ma₂tság₃ jniá'₂ ca₂le₃jē₃ 'e₂ 'lig'₅₄ a₂jmo₅ dsa₂ 'éi₂ a₂jmái'₂ dsa₂ chan₂ Jerusalén i₂'én₂ jág₁ quiáng'₂. ¹⁴ Ta₁ jaun₂ já₅ 'éi₂ ja₁lá₃ quian'₅₄ 'éi'₃ quió'₅ juig₅₄ jme₂dsa₂ ia₁jaun₂ tē₂ le₁'ŋe₅ ca₂le₃jín₃ dsa₂ quiáng'₂ i₂'in₅ 'ne₂.

¹⁵ La₁ jaun₂ ca₂juá'₂ táng₃ Te₁gui'₅₄:

—La₁ gua₂, ia₁ i₂ma₂quion'₄ jniá'₂ 'éi₂ ia₁ 'nio₃ jniá'₂ dsó₃ qui₂dsi₃'ag₃ jniá'₂ lia'₂ jin₄ dsi₂nau₂ lia'₂ ne₄ rag₅₄ quiáin₅, jin₄ dsa₂ israelitas ně₃. ¹⁶ Ia₁ jniá'₂ bá₄ 'ě₄ 'a₂ lia'₂ tion₅₄ niog₅ ŋág₃ uig₅ 'ŋio₅ lín₃ o₄quió₃ jniá'₂.

¹⁷ Jaun₂ gué₄ ŋó₃ Ananías ja₁chí'₄ tsí₁'né₅ ja₁jme₁'en₅₄ Saulo. Ca₂'í₃ dsi₂néi₂, ca₂quiog₂ gu₂ ne₄ quió'₅ Saulo, jaun₂ ca₂juá'₂:

—Saulo rin'₅₄ jniog₄, Te₁gui'₅₄ Jesús i₂ca₂jeng'₂ le₂'i₄ jui₅ lia'₂ con'₂ ŋe'₃, ně₂chei₃ jniá'₂ ia₁jaun₂ jnia₅₄ táng₃ mi₂ne'₅₄, jaun₂ guéng'₄ Jme₂dsi₂ Jnió₅ ně₃.

¹⁸ Co₂tan₅₄ dsi₂jui₅ jaun₂ qui₂ca₂séi'₂ jui₁lia'₂ tsí₁ mi₂ne₄ Saulo, co₂tan₅₄ ca₂jág₃ táng₃. Jaun₂ gué₄ ca₂nau₂ Saulo, ca₂i₁choin₃ jmig₂. ¹⁹ Jaun₂ ca₂gué'₃, ca₂tín'₃ táng₃ bí₂. Jaun₂ ca₂'í₃ bá₄ gué₄ tñ₃-ni₅ jmig₄ quian'₅₄ dsa₂ 'én₂ i₂jme₁tián'₄ juig₂ Damasco jaun₂.

Ca₂'ě₂ Saulo jág₁ dse₃ juig₂ Damasco

²⁰ Dsi₂jui₅ bá₄ ca₂jme₃lióg₃ Saulo ca₂nei₅₄ guá'₅ sinagogas ca₂i₁jme₁tiin₂₃ dsa₂ a₂juá'₂ a₂lín₅ Jesús Ja₁ŋi'₅₄ Diú₄. ²¹ Ca₂le₃jín₃ dsa₂ i₂ca₂nág₂ ca₂i₃gó'₃ dsí₅, qui₂ca₂dsia₃:

—¿On₃jua'₅₄ dsa₂ nē₅ i₂ñ₄ lē₃ jme₁ñ₅ juig₂ Jerusalén qui₂co₂'ein₂₃ dsa₂ i₂'én₂ le₃quió'₅ Jesús? ¿On₃jua'₅₄ i₂nē₅ 'ñiog₅ i₂ma₂guan₅ ja₁lá₃ a₂qui₂tē₂ le₁'ñe₅ dsa₂ jaun₂ qui₂dsi₂jang'₅₄ o₄gú₃ juig₅₄ jme₂dsa₂?

²² La₁ tē₂le₃ lē₅ guē₄ ca₂'ág₂ tiá₂ dsí₅ Saulo, qui₂ca₂'ě₂ jág₁ a₂lín₅ dsón'₂ Jesús I₂rē₂'ín₁ quián₅ Diú₄. Ca₂lia'₂ ca₂i₃cón'₅ dsí₅ dsa₂ judíos i₂jme₁tián'₄ juig₂ Damasco ia₁ ca₂'ě₂ Saulo jág₁ le₂jaun₂.

Ca₂lón₂ Saulo o₄gú₃ dsa₂ judíos

²³ 'Lióng₂ jmig₄ cang₂ jaun₂, ca₂jmo₃ dsa₂ judíos caun₂ jág₁ a₂jme₁jñi'₃ Saulo. ²⁴ A₂jmi₂ a₂'uē₂ qui₂ca₂jñiai₃ Saulo o₄'né₄ o₄juí₅ juig₂ jaun₂, ia₁jaun₂ jñag'₃. La₁ ca₂rē₃ñi₅ bá₄ Saulo. ²⁵ Jaun₂ dsa₂ 'én₂ riin'₅₄ nē₃, ca₂to'₂ 'ñió'₃ caun₂ tsi₁mi'₂ pa₁, jaun₂ a₂'uē₂ ca₂sióin₂ 'éi₂ juí₅ ne₄ ni₁'ia'₂ a₂jme₁lē₄ le₃lág'₃ juig₂. Jaun₂ le₂nē₅ ca₂lón₂.

Ma₂'en₅₄ táng₃ Saulo juig₂ Jerusalén

²⁶ Jme₁dsián'₃ Saulo Jerusalén, jme₁'nio₃ jme₃quiain'₅₄ dsi₂juí₅ dsa₂ 'én₂ ja₁jaun₂. La₁ ca₂le₃jín₃ dsa₂ 'éi₂ nē₃ ca₂rē₃gain₃ 'éi₂, ia₁ tsá₃ jaun₂ líin₂ a₂ma₂'én₂ Saulo jág₁ dse₃. ²⁷ La₁ia₁ dsa₂ i₂chen₂ Bernabé ca₂jio₃ ne₄ dsa₂ guia₃-tín₂ i₂chen₄ 'éi₂. Jaun₂ ca₂dsia₃ 'a₂ lia'₂ ca₂lē₃ a₂ca₂jme₃jein'₂ Te₁gui'₅₄ le₂'i₄ juí₅, 'e₂ jág₁ a₂ca₂juá'₂ nē₃, 'a₂ lia'₂ ca₂dsia₃ Saulo ján₃ tiá₂ dsí₅ juig₂ Damasco ca₂'ě₂ jág₁ 'iin₂₃ Jesús. ²⁸ Jaun₂ bá₄ ca₂'í₃ Saulo juig₂ Jerusalén ca₂jme₃quiain'₅₄ dsa₂ 'éi₂. ²⁹ Caun₂ ca₂dsia₃ tiá₂ dsí₅ bá₄ qui₂ca₂'ě₂ jág₁ 'iin₂₃ Te₁gui'₅₄ qui₂ca₂dsia₃ jág₁ qui₂ca₂tsiin₂ quian'₅₄ dsa₂ judíos i₂dsia₅ jág₁ jmei₅ griego. La₁ dsa₂ 'éi₂ nē₃ caun₂ 'nio₃ jme₁jñi'₃ bá₄ Saulo. ³⁰ Jme₁ca₂rē₃lí₄ rin'₅₄ Saulo a₂jaun₂, jaun₂ ca₂jio₃ juí₅ juig₂ Cesarea. A₂'ein₅₄ guē₄ ja₁jaun₂ ca₂dsióg'₂ riin'₅₄ juig₂ go₅₄ ja₁chei₂ Tarso.

³¹ Jaun₂ ca₂le₃jín₃ guá'₅, dsa₂ i₂'én₂, le₂tan₅₄ ja₁tén₄ 'uē₃ Judea, Galilea, Samaria nē₃, tei₄ bá₄ 'ei₅ tion'₅₄ dsa₂, caun₂ ca₂rē₃béin₂ ján₃. Jme₁jme₂gain₃ bá₄ Te₁gui'₅₄ tioin'₅₄. Quian'₅₄ bí₂ quió'₅ Jme₂dsí₂ Jñió₅, caun₂ qui₂ca₂juín₂ bá₄ dsa₂ i₂'én₂.

Ca₂'lón₂ dsa₂ chen₂ Eneas

³² Lia'₂ con'₂ ñi₅ Pe₄ qui₂dsi₂jñin₅₄ riin'₅₄, ca₂i₁jñin₁₂ ján₃ dsa₂ i₂ma₂'én₂ jág₁ dse₃ i₂jme₁tián'₄ juig₂ ja₁chei₂ Lida. ³³ Ja₁jaun₂ ca₂jñin₂ jan₂ dsa₂ 'lian'₂ i₂jme₁chen₂ Eneas i₂ma₂tē₂ jñia₃ ñi₂ ron₅, ia₁ tsá₃ lé₂ ñi₃. ³⁴ Jaun₂ ca₂juá'₂ Pe₄ ca₂tsí'₃ dsa₂ 'éi₂:

—Eneas, Jesucristo jme₂'lió₂. Nau₂, jmo₄ dse₃ tsi₁cama quiáng'₂.

Jaun₂ dsi₂juí₅ le₂jaun₂ ca₂nau₂ Eneas. ³⁵ Jaun₂ ca₂le₃jín₃ dsa₂ i₂tián'₅ Lida quian'₅₄ juig₂ Sarón ca₂jág₃ a₂ca₂'lón₂ 'éi₂, jaun₂ ca₂jéin'₃ le₃quió'₅ Te₁gui'₅₄.

Ca₂jen'₅₄ 'io₅₄ Dorcas

³⁶ Jmí₄ jaun₂ jme₁chan₂ jan₂ 'io₅₄ i₂'én₂ jē₄ juig₂ Jope i₂jme₁chen₂ Tabita. Quian'₅₄ jág₁ jmei₅ griego jme₁tē'₂ dsa₂ Dorcas. 'Io₅₄ 'éi₂ lia'₂ con'₂ chain₂ jme₁jmo₂₃ dse₃ jme₂'oin₅₄ dsa₂ te₂ñé₂. ³⁷ Tē₃jē₄ jmí₄ jaun₂, ca₂rē₃dso'₅₄ Dorcas, ca₂join₃ bá₄ jaun₂ nē₃. Cang₂ jme₁ca₂lē₃ sei₅ dsa₂, jaun₂ ca₂i₁quio₂₃ caun₂ dsi₂néi₂ jē₁ca₂tē₂ tñ₃ juín₃. ³⁸ Juig₂ Jope ma₂quián₅ bá₄ ja₁niog₅ juig₂ Lida ja₁'en₅₄ Pe₄. Jaun₂ jme₁ca₂rē₃ñi₅ dsa₂ 'én₂ a₂'en₅₄ Pe₄ ja₁jaun₂, jaun₂ ca₂chein₃ on₃ riin'₅₄ ca₂i₁te'₂ 'éi₂:

—Ñia₅ tē₂nē₃ cón'₅ juí₅ Jope.

³⁹ Jaun₂ ñó₃ Pe₄ co₂lē₅ quiain'₅₄ dsa₂ 'éi₂. Jme₁ca₂dsióg₃, ca₂i₁jio₃ dsa₂ ja₁rē₂quian₅ 'lag₄. Ja₁jaun₂ tion'₅₄ le₁ñi'₂ ca₂le₃jín₃ 'io₅₄ 'nág₂ qui₂'-o₂₃, qui₂ca₂'ě₃ Pe₄ 'mi₂ tsin'₅₄ dsa₂, ta₁ a₂jme₁jmo₅ Dorcas lia'₂ con'₂ chain₂. ⁴⁰ Jaun₂ ca₂jmo₃ Pe₄ 'éi₃ ca₂'uin₂ dsa₂ dsi₂néi₂ ja₁rē₂quian₅ 'lag₄. Jaun₂ ca₂chi₃jné₃ ca₂chi₃lén'₂ Diú₄. Jaun₂ guē₄ ca₂jñin₂ 'lag₄, ca₂juá'₂:

—Tabita, nau₂.

Dsi₂juí₅ jaun₂ ca₂ján₃ 'io₅₄ jme₁ne₁₂. Jme₁ca₂jñin₂ Pe₄, ca₂guá₂ 'io₅₄ jaun₂ nē₃. ⁴¹ Jaun₂ ca₂jña'₃ Pe₄ mi₂gu₂ 'io₅₄, ca₂chó'₂. Jaun₂ ca₂tē'₃ táng₃ Pe₄ riin'₅₄, 'io₅₄ 'nág₂ nē₃, jaun₂ ca₂jñin₂

'io₅₄ 'éi₂, la₁ ma₂jein'₅₄ bá₄. ⁴² Ta₁caun₂ juig₂ Jope ca₂i₃'ág₃ jág₁ a₂ca₂lë₃ le₂jaun₂. Jaun₂ juin₅ lin₃ dsa₂ ca₂rë₃'én₂ jág₁ quió'₅ Te₁gui'₅₄. ⁴³ Ca₂'í₃ bá₄ guë₄ Pe₄ 'lióng₂ jmig₄ jaun₂ ja₁quió'₄ jan₂ dsa₂ i₂chen₂ Si₂mu₅₄ i₂jme₂dse₃ lo₄ já'₂.

10

Pe₄ quian'₅₄ Cornelio

¹ Juig₂ Cesarea jme₁chan₂ jan₂ dsa₂ i₂jme₁chen₂ Cornelio, i₂jme₁lín₄ juig₅₄ co₂nió'₃ 'lióg₂ i₂të'₂ dsa₂ i₂chan₂ Italia. ² Juig₅₄ 'lióg₂ 'éi₂ jme₁jme₂gain₃ Diú₄ co₂lë₅ quian'₅₄ dsa₂ dsi₂néi₂ quió'₅. Ján₃ bá₄ jme₁dsi₀'₅ cu₄ jme₁jme₂'oin₅₄ dsa₂ judíos. Ca₂le₃jë₃ jmig₄ në₃, jme₁chi₁lén'₂ Diú₄. ³ Co₂ráun₂ con'₂ hora n₁'i₅ le₃ca₂'láu₂,* a₂lë₁ca₂jén'₃ ca₂jág₃ ca₂jín₂ jan₂ ángel quián₅ Diú₄ ca₂'í₃ dsi₂néi₂ ja₁'ein₅₄. Jaun₂ ca₂juá'₂ ángel:

—¡Cornelio!

⁴ Jaun₂ ca₂jág₃ Cornelio gó'₅ 'nio₅ lin₃ ca₂jín₂ ángel. Jaun₂ ca₂ḡag₃ ca₂juá'₂:

—¿'E₂ lë₅, gui'₅₄?

Jaun₂ guë₄ ca₂juá'₂ ángel:

—A₂nag₅ bá₄ Diú₄ a₂juig'₂ a₂chi₂lein'₅₄. Já₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ḡé₂.

⁵ Jaun₂ lë₃ chen₅ dsa₂ juig₂ Jope dsi₃quián₂ dsa₂ i₂chen₂ Si₂mu₅₄ i₂të'₂ dsa₂ Pe₄ ján₃. ⁶ I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jm₁ni'₄.

⁷ Jme₁ma₂ḡá'₅ ángel, jaun₂ ca₂të'₃ Cornelio on₃ dsa₂ mozo quián₅, jan₂ guë'₂ 'lióg₂, dsa₂ jme₂ti₃ i₂jme₂gan₃ Diú₄ ján₃. ⁸ Jaun₂ ca₂dsia₃ Cornelio ca₂tsí'₃ dsa₂ a₂ca₂jén'₃, jaun₂ ca₂chein₃ dsa₂ jui₅ juig₂ Jope.

⁹ Jme₁jnia₃ jaun₂, ca₂lén₂ dsa₂ 'éi₂. Pe₄ në₃ ca₂uí₂ le₃co'₅₄ tsi₁'né₅ con'₂ dsi₃ní'₃† a₂chi₃lén'₂ Diú₄. ¹⁰ I₁cón'₅ 'nio₅ lin₃. Të₁lia'₂ jmo₅ dsa₂ má₃ në₃, jaun₂ a₂lë₁ca₂jén'₃ ca₂jág₃ Pe₄. ¹¹ ca₂niá₃ guei'₅₄ i₂juig₃. Jaun₂ ca₂sió₃ jui₁lia'₂ caun₂ tsi₁'mi'₂ pa₁ a₂rë₂quein₅ ta₁quén₂ qui'₅₄. ¹² 'Nió'₃ jaun₂, jme₁tion'₅₄ ca₂le₃jín₃ ne₅₄ já'₂: já'₂ cha₂ quén₂ mi₂tag₄, já'₂ i₂tsë'₅ quió'₅, já'₂ i₂'in₅ guei'₅₄ në₃. ¹³ Jaun₂ ca₂nág₂ Pe₄ jág₁ ca₂juá'₂:

—Nau₂ Pe₄, jme₁dsian₅ já'₂, quíng'₄.

¹⁴ Jaun₂ ca₂ḡag₃ Pe₄:

—Jan₂'ón₄, Te₁gui'₅₄. Ia₁ 'i₁co₂ráun₂ tsá₃ ma₂ca₂guë'₃ jniá₂ ni₁ni₁ já'₂ a₂jmo₅ a₂rë₂'nio₅ dsa₂.

¹⁵ Jaun₂ ca₂ḡag₃ táng₃ jág₁ a₂juá'₂:

—Tsá₃ lë₁juá'₂ 'ne₂ 'lig'₅₄ cosa a₂ma₂jmo₃ Diú₄ le₁jë₃.

¹⁶ 'Ni₅ ráun₂ ca₂lë₃ le₂jaun₂, jaun₂ guë₄ ca₂ḡáu'₃ táng₃ tsi₁'mi'₂ jui₅ guei'₅₄. ¹⁷ Të₁lia'₂ guá₅ Pe₄ 'no'₂ dsí₅ 'e₂ léi₄ jáng'₅ a₂ca₂jág₃ jaun₂, jme₁ca₂dsi₃lén₂ dsa₂ i₂chen₄ quián₅ Cornelio o₄'né₄ quió'₅ Si₂mu₅₄, a₂ḡag₂₃ a₂já'₄ chí'₅ 'ne₄ Si₂mu₅₄. ¹⁸ Jme₁ca₂dsi₃lén₂ dsa₂ 'éi₂, ca₂ḡag₃ juá'₂ tiá₂ chi₂juá'₂ 'en₅₄ ja₁jaun₂ jan₂ dsa₂ i₂chen₂ Si₂mu₅₄ i₂të'₂ dsa₂ Pe₄ ján₃. ¹⁹ Të₁lia'₂ jaun₂ caun₂ qui₂'no'₂ dsí₅ Pe₄ a₂ca₂jág₃, jaun₂ ca₂juá'₂ Jme₂dsí₂ Jnió₅:

—Jag₄; ún₂ dsa₂ o₂lén₂ 'nau'₂. ²⁰ Nau₂, sión₅, gua₂ quian'₅₄, tsá₃ lë₁jmo₂ 'i₅ 'au'₂ jua'₅₄ líng'₂ a₂tsá₃ tí₅ jág₁, ia₁ jniá₂ bá₄ në₂tsín₂.

²¹ Jaun₂ ca₂sión₃ Pe₄ ca₂i₁jín₁₂ dsa₂ i₂chen₄ quián₅ Cornelio, jaun₂ ca₂juá'₂ Pe₄:

—Jniá₂ bá₄ 'éi₂ i₂'na'₂ 'nia'₂. ¿Cha₁ ta₁ ja₂nó'₅ 'nia'₂?

²² Jaun₂ ca₂ḡag₃ táng₃ dsa₂:

—Gui'₅₄ juig₅₄ 'lióg₂ Cornelio bá₄ ca₂chei₃ jnia'₅₄ ja₂náu₅. Dsa₂ dsen₃ bá₄ 'éi₂, i₂jme₂gan₃ Diú₄; 'nio₃ dsa₂ judíos 'nio₅ lin₃, jme₂go₃ në₃. Jan₂ ángel i₂chen₄ quián₅ Diú₄ ca₂juá'₂ a₂të'₂ 'ne₂ ja₁quió'₄ jaun₂ nag₃ 'e₂ jág₁ cuë'₅₄.

²³ Jaun₂ ca₂juá'₂ Pe₄ tón'₃ dsa₂ 'éi₂ dsi₂néi₂, jaun₂ ja₁jaun₂ ca₂jnia₃ dsa₂ 'éi₂ quian'₅₄ Pe₄ a₂'uë₂ jaun₂. Jme₁jnia₃ jaun₂ guë₄ ca₂ḡó₃ Pe₄ quian'₅₄ dsa₂ 'éi₂. Ca₂jme₃quiong'₅₄ guë₄ i₂lin₅₄ dsa₂ r₁in'₅₄ i₂jme₁'én₂ i₂jme₁tián'₄ juig₂ Jope.

* **10:3** lit. “hora n₁.” † **10:9** lit. “hora jḡéi₂.”

24 Jme₁jnia₃ jaun₂ guë₄ táng₃, ca₂dsi₃lén₂ juig₂ Cesarea ja₁guá₄ Cornelio. 'Éi₂ guë'₂ ně₃ jme₁ma₂chi₁jñiog₂₃ quiain'₅₄ co₂nió'₃ o₁r₁in'₅₄ a₂mei₅₄ quiáin₅ i₂jein'₂ 'ñio₅ lin₃ quiain'₅₄ ně₃, i₂ca₂tě'₃.

25 Jme₁ca₂dsióg₃ Pe₄ o₄'né₄, co₂tan₅₄ ca₂o₃'ín₃ Cornelio ca₂guei₃, ca₂chi₃jnë₃ ne₄ 'éi₂, ca₂jme₃juag'₂. 26 La₁ Pe₄ ně₃ ca₂chó'₂, ca₂juá'₂:

—Nau₂, ia₁ dsa₂ mi₂güig₃ bá₄ jniá₂, jui₁lia'₂ 'ne₂ ján₃.

27 Tě₃ dsia₅ jág₁ Pe₄ quiong'₅₄, ca₂'í₃ dsi₂néi₂, jaun₂ ca₂jág₃ juin₅ bá₄ dsa₂ ma₂le₁ñi'₂ dsi₂néi₂.

28 Jaun₂ ca₂juá'₂ Pe₄ ca₂tsí'₃ dsa₂:

—Ñi'₅₄ bá₄ 'nia'₂ jaun₂ tsá₃ cuë₅ jmig₄ 'Éi'₃ Juá'₅ quió'₅ dsa₂ judíos jua'₅₄ a₂ñii'₂ quian'₅₄ dsi₂nau₂, on₃ guë'₂ lé₂ ñi₃ dsi₂néi₂ quió'₅. La₁ Diú₄ ma₂'ě₃ a₂tsá₃ tě₄ jniá₂ 'i₁jan₂ dsa₂ tsá₃ le₁jín₃. 29 Jaun₂ lě₃ dsi₂jui₅ bá₄ guio₃ jme₁ca₂dsi₃lén₂ dsa₂ quiáng'₂, tě₂. Tsá₃ ně₂jan₅₄ uë₂. Jaun₂ jme₁'nio₃ le₃guion₅₄ 'e₂ lě₃, 'e₂ ta₁ ně₂tě'₂.

30 Jaun₂ ca₂ñag₃ Cornelio:

—Ma₂quén₂ jmig₄, con'₂ hora la₂ jme₁'eng₅₄ dsi₂néi₂ la₂ quió'₃, jme₁jme₂'ing₅₄, tsá₃ ca₂guë'₃. Jme₁'eng₅₄ chi₁leng'₄ Diú₄ tě₂le₃ ca₂'láu₂. Jaun₂ a₂lě₁ca₂jéin₃ ca₂jing₅₄ jan₂ dsa₂ qui'₂ 'mi'₂ tiog₂ jau₂. 31 Jaun₂ ca₂juá'₂ ca₂tság₃ jniá₂: “Cornelio, a₂nág₅ bá₄ Diú₄ a₂juig'₂. Já₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ñé₂. 32 Jaun₂ lě₃, chen₅ dsa₂ juig₂ Jope dsi₃quiáin₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jm₁ñi'₄. Jě₁ma₂guain₂₃, dsia₃ jág₁ quian'₅₄ 'ne₂.” 33 Jaun₂ bá₄ lě₃ ca₂tsing₂ dsa₂ dsi₂jui₅ a₂i₁'niai'₂ 'ne₂ ně₃. Dse₃ bá₄ lia'₂ ně₂jmo'₅₄ ñe'₃. Jaun₂ lě₃ tio'₅₄ jnia'₅₄ ca₂le₃jág₃ le₁ñag'₂ ne₄ Diú₄ ia₁ 'niog₂ jnia'₅₄ néi₁ jág₁ a₂ma₂cuë₃ Te₁gui'₅₄ a₂juig'₅₄ jnia'₅₄.

Jág₁ a₂ca₂ton₃ Pe₄ dsi₂néi₂ quió'₅ Cornelio

34 Jaun₂ ca₂jme₃lióg₃ Pe₄ ca₂juá'₂ ca₂tsí'₃ dsa₂:

—Ně₃ guë₄ dsón'₂ ma₂ñi'₂ jniá₂, tsá₃ jma₃quén₅ jín₂ Diú₄ dsa₂ mi₂güig₃. 35 Ia₁ ca₂le₃jě₃ juig₂ ja₁jme₂gan₃ dsa₂ Diú₄, nag₅ dsa₂ gau₂ jág₁ quió'₅, jmo₂₃ dse₃ ně₃, dsa₂ le₂'éi₂ bá₄ guén'₂ Diú₄. 36 Ca₂juá'₂ Diú₄ ca₂tsí'₃ tsi₁jon₂ quián₅ Israel, ca₂'ě₂ jág₁ a₂tian'₃ dsa₂ tei₄ tě₂le₃ quian'₅₄ Jesucristo i₂lín₅ Te₁gui'₅₄ quián₅ ca₂le₃jín₃. 37 Ñi'₅₄ rě₂ bá₄ 'nia'₂ 'e₂ ca₂lě₃ ta₁caun₂ juig₂ go₄ dsa₂ judíos, a₂ca₂jme₃lióg₃ 'uë₃ Galilea, cang₂ jme₁ma₂'ě₂ Juan₅₄ jág₁, ca₂choin₃ dsa₂ jmig₂ ně₃. 38 Ñi'₅₄ bá₄ 'nia'₂ 'a₂ lia'₂ ca₂cuë₃ Diú₄ ca₂cuë'₃ Jesús chan₂ Nazaret ju₁bí₂ quió'₅ Jme₂dsi₂ Jñi₂ó₅; 'a₂ lia'₂ ca₂ñi₃ jmo₂₃ dse₃, jme₂'lión₂ ca₂le₃jín₃ dsa₂ i₂jme₁chan₂ jm₁ui₅ jmóg'₂ i₂sě₃dsen₃. Ca₂le₃jě₃ a₂ně₅ ca₂jmo₃ ia₁ jme₁quiain'₅₄ Diú₄. 39 Ca₂tě₂ ne₄ jnia'₅₄ ca₂le₃jě₃ a₂ně₅ a₂ca₂jmo₃ Jesús, lia'₂ jě₄ juig₂ Jerusalén, lia'₂ le₂tan₅₄ ja₁tián'₄ dsa₂ chan₂ Judea. Cang₂ jaun₂ ca₂ñag'₃ dsa₂ ca₂tion₃ cróg₄. 40 La₁ jě₁ca₂tě₂ 'ni₅ jmig₄, ca₂jme₃jein'₅₄ táng₃ Diú₄ Jme₁₂, ca₂jmo₃ ca₂jme₃jnia₅ 'éi₂ jin₄ jnia'₅₄. 41 Tsá₃ ca₂jme₃jniai₂₃ jin₄ ca₂le₃jín₃ dsa₂. Jmá'₃ lia'₂ jě₄ quián₂ jnia'₅₄ bá₄ con'₂ dsa₂ i₂ca₂quióin'₂ le₂jñiá₅ i₁tě₃ ne₄. Ca₂que₅₄ guë₄ jnia'₅₄ co₂lě₅ quiain'₅₄ jme₁ma₂jein'₅₄ táng₃ jin₄ 'lag₄. 42 Jaun₂ ca₂jmo₃ 'éi'₃ a₂qui₂dsi₁'ě₄ jnia'₅₄ jág₁, a₂dsi₁jang'₅₄ jág₁ dsau₅ jin₄ dsa₂: Diú₄ ma₂dsiain₃ Jesús a₂qui₃dsi₅ 'éi'₃ quió'₅ dsa₂ i₂chan₂, quió'₅ i₂ma₂dsan₃ ně₃. 43 Ján₃ bá₄ le₂ně₅ jáng'₅ jág₁ dsau₅ ca₂le₃jín₃ dsa₂ i₂jme₁'ě₂ jág₁ quiáin₅, a₂qui₃'én₂ Diú₄ dsau₁ ca₂le₃jín₃ dsa₂ i₂'én₂ jág₁ quió'₅.

Ca₂guei₃ dsi₂nau₂ ca₂guein₃ Jme₂dsi₂ Jñi₂ó₅

44 Tě₃ jě₄ 'ě₂ guë₄ Pe₄ jág₁, jme₁ca₂sión₃ Jme₂dsi₂ Jñi₂ó₅ ne₄ quió'₅ ca₂le₃jín₃ dsa₂ i₂tion'₅₄ nag₅ jág₁. 45 Dsa₂ judíos[‡] i₂jme₁'én₂ i₂ca₂o₃lén₂ quian'₅₄ Pe₄, tióin₂ jág₅ dsi₂gó'₃ dsí₅, ia₁ ján₃ guë'₂ ca₂guen₃ dsi₂nau₂ Jme₂dsi₂ Jñi₂ó₅. 46 Ia₁ nag₂₃ dsia₅ dsa₂ jág₁ jmei₅ siá'₂, jme₂juin'₂ Diú₄. 47 Jaun₂ ca₂juá'₂ Pe₄:

—¿Lé₂ le₃jua'₅₄ tsá₃ jmig₂ lé₂ tsón₃ dsa₂ ně₅, ton'₂ ma₂ně₂guein₃ bá₄ guë'₂ Jme₂dsi₂ Jñi₂ó₅, co₂rě₂ bá₄ jui₁lia'₂ jniog₄?

‡ 10:45 lit. “dsa₂ i₂rě₂uig₄ lo₄.”

48 Jaun₂ ca₂jmo₃ 'éi'₃ a₂tsón₃ dsa₂ 'éi₂ jmig₂, lia'₂ con'₂ lě₅ 'éi'₃ quió'₅ Jesucristo. Jme₁co₂lág₂ jaun₂, ca₂mi₃ dsa₂ ca₂tsí'₃ Pe₄ a₂jñia₃ guě₄ tin₃-ni₅ jmig₄ quiong'₅₄.

11

Jág₁ ca₂'ě₂ Pe₄ jin₄ dsa₂ 'én₂ juig₂ Jerusalén

1 Ca₂rě₃ñi₅ jág₁ dsa₂ i₂chen₄ quián₅ Jesús, quiain'₅₄ riin'₅₄ i₂tion'₅₄ Judea, a₂ma₂ca₂rě₃'én₂ dsi₂nau₂ jág₁ quió'₅ Diú₄ ján₃. 2 Jme₁ca₂dsián'₃ táng₃ Pe₄ juig₂ Jerusalén, jaun₂ ca₂le₃jín₃ dsa₂ judíos i₂'én₂ ca₂jí₂ quió'₅ 3 ca₂juá'₂:

—¿'E₂ lě₃ neg'₅₄ ja₁con₂ dsi₂nau₂* i₁que'₅₄ quiain'₅₄ ně₃?

4 Jaun₂ ca₂juá'₂ Pe₄ ca₂tsí'₃ dsa₂ ca₂le₃jě₃ 'a₂ lia'₂ ca₂lě₃, ca₂juá'₂:

5 —Juig₂ Jope bá₄ jme₁eng₅₄, chi₁leng'₄ Diú₄. Tě₃jě₄ jaun₂, ca₂jéin₃ ca₂jág₃ ju₁lia'₂ caun₂ tsi₁'mi'₂ tióg₃ pa₁ a₂rě₂quein₅ le₃quén₂ qui'₅₄, ca₂sió₃ ju₁ gwei'₅₄, ca₂tě₂ cau₅ quió₃.

6 Jme₁ca₂jág₃ jniá₂ dse₃ 'e₂ tio'₅₄ 'ñió'₃, jua'₂ ca₂le₃jín₃ ne₄ já'₂ bá₄ tion'₅₄: já'₂ cha₂ quén₂ mi₂tag₄, já'₂ tsáu₂ dsi₅, já'₂ i₂tsě'₅ quió'₅, já'₂ i₂'in₅ gwei'₅₄ ně₃. 7 Jaun₂ ca₂nag₃ jág₁ a₂ca₂juá'₂

ca₂tság₃ jniá₂: “Nau₂ Pe₄, jme₁dsian₅ já'₂, quing'₄.” 8 Jaun₂ ca₂ñag₄ jniá₂: “Jan₂'ón₄, Te₁gui'₅₄.

Ia₁ 'i₁co₂ráun₂ tsá₃ ma₂'í₅ 'o₃ 'i₁caun₂ a₂'lig'₅₄ a₂jmo₅ a₂rě₂'ñio₅ dsa₂.” 9 Jaun₂ ca₂ñag₃ táng₃ jág₁

a₂já₅ gwei'₅₄, ca₂juá'₂: “Ju₁lia'₂ a₂ma₂jmo₃ Diú₄ le₁jě₃, tsá₃ lě₁juá'₂ 'ne₂ 'lig'₅₄.” 10 'Ni₅ ráun₂

ca₂lě₃ le₂jaun₂, jaun₂ guě₄ ca₂ñáu'₃ táng₃ ca₂le₃jě₃ ju₁ gwei'₅₄. 11 Tě₃jě₄ jaun₂ ca₂dsi₃lén₂ ún₂

dsa₂ 'né₅ ja₁jme₁eng₅₄, i₂chen₄ quián₅ dsa₂ chan₂ Cesarea a₂'nau'₂ jniá₂. 12 Jaun₂ Jme₂dsí₂

quián₅ bá₄ Diú₄ ca₂chei₃ ca₂ñó₃ quiang'₅₄ dsa₂ 'éi₂, caun₂ bá₄ 'ei₅ dsi₃ ñó₃. Ján₃ bá₄ i₁len₅₄

jñé₂ rin'₅₄ jniog₄ la₂ quiong'₅₄ jniá₂. Jaun₂ ca₂tió'₄ jnia'₅₄ ca₂le₃jág₃ dsi₂néi₂ quió'₅ dsa₂ chan₂

Cesarea 'éi₂. 13 Dsa₂ 'éi₂ ca₂dsia₃ ca₂tság₃ jnia'₅₄ 'a₂ lia'₂ ca₂jín₂ jan₂ ángel jme₁chén'₄ dsi₂néi₂

quió'₅ i₂ca₂juá'₂: “Chen₅ dsa₂ juig₂ Jope a₂dsi₃quián₂ Si₂mu₅₄ i₂tě'₂ dsa₂ Pe₄ ján₃. 14 Dsa₂

'éi₂ juá'₂ 'a₂ lia'₂ jmó'₂, ia₁jaun₂ lióng'₂, quiang'₅₄ dsa₂ dsi₂néi₂ quiáng'₂. 15 Jme₁ca₂jme₁lióg₄

jniá₂ juig₂ jág₁, jaun₂ ca₂sión₃ Jme₂dsí₂ Jñi₅ ne₄ quió'₅ dsa₂ 'éi₂, ju₁lia'₂ ca₂guain₃ ne₄ quián₂

jniog₄ le₂'uig₅₄. 16 Jaun₂ guě₄ ca₂dsáu'₃ dsi₃ a₂ma₂ca₂juá'₂ Te₁gui'₅₄ le₂jñiá₅: “Dsau₅ bá₄

ca₂tióg₃ Juan₅₄ ca₂tián₂ jmig₂ dsa₂, la₁ 'nia'₂ guě'₂ ně₃ tióg₂ Diú₄ Jme₂dsí₂ Jñi₅.”† 17 Jaun₂

chi₂jua'₂ co₂rě₂ bá₄ ca₂cuě₃ Diú₄ ca₂cuě'₃ dsa₂ 'éi₂ ju₁lia'₂ a₂ma₂cuě₃ jniog₄ i₂ma₂'én₂ tē₂le₃

quió'₅ Te₁gui'₅₄ Jesucristo, ¿i₂'ein₂ bá₄ jniá₂ jua'₅₄ jniá₂ jñig₅₄ 'éi'₃ quió'₅ Diú₄?

18 Jme₁ca₂nág₂ dsa₂ jág₁ ně₅, tei₄ bá₄ ca₂jmo₃. Jaun₂ ca₂jme₃juin'₂ Diú₄, ca₂tsí'₃ rin'₅₄:

—Ján₃ guě₄ ma₂cuě₃ Diú₄ jmig₄ quió'₅ dsi₂nau₂, a₂jme₂tsiin₃ dsi₅ ia₁jaun₂ tñin'₄ le₃chain₂

co₂tan₅₄!

Dsa₂ 'én₂ i₂chan₂ juig₂ Antioquía

19 Lia'₂ con'₂ jme₁ca₂jñi'₃ dsa₂ Esteban, caun₂ qui₂ca₂co₃'ein₃ bá₄ dsa₂ quió'₅ ca₂le₃jín₃

dsa₂ i₂'én₂. Jaun₂ tion₅₄ bá₄ ca₂cuing₃ ca₂i₃lén₂ ca₂tě₂ Fenicia, Chipre, Antioquía ně₃. La₁

jmá'₃ dsa₂ judíos bá₄ ca₂cuě'₃ jág₁ dse₃. 20 La₁ i₂lin₅₄ dsa₂ 'én₂ i₂chan₂ Chipre quián'₅₄ Cirene

ca₂dsi₃lén₂ juig₂ Antioquía ca₂dsia₃ jág₁ quián'₅₄ dsa₂ chan₂ Grecia, ca₂'ě₂ jág₁ dse₃ ca₂'iin₃

Te₁gui'₅₄ Jesús. 21 Ca₂jme₃'on₅₄ Te₁gui'₅₄ dsa₂ 'éi₂ ja₁jaun₂ quián'₅₄ bí₂ quió'₅, jaun₂ lě₃ juin₅

lin₃ dsa₂ ca₂jéin₃ le₃quió'₅ Te₁gui'₅₄.

22 Jme₁ca₂rě₃ñi₅ dsa₂ 'én₂ i₂tion'₅₄ Jerusalén, jaun₂ ca₂chein₃ Bernabé ca₂tě₂ Antioquía.

23 Jme₁ca₂dsióg₃ Bernabé ja₁jaun₂, jaun₂ ca₂jág₃ a₂dse₃ dsi₅ Diú₄ a₂ca₂jmo₃ ja₁con₂ dsa₂ 'éi₂,

jaun₂ lě₃ ca₂jmo₃ 'io'₂. Jaun₂ ca₂toin'₂ dsa₂ jág₁ dsia₃ tiá₂ dsi₅, tsán'₂ tiá₂ jág₁ 'ein₃ Te₁gui'₅₄.

24 Ia₁ dsa₂ dsen₃ bá₄ jme₁lín₄ Bernabé, jme₁rě₂rin₅ Jme₂dsí₂ Jñi₅ tē₂dsi₅, jme₁'éin₂ 'ñio₅ lin₃.

Jaun₂ le₂ně₅ juin₅ dsa₂ ca₂jén'₃ tē₂le₃ ja₁con₂ Te₁gui'₅₄.

25 Cang₂ jaun₂ ca₂ñó₃ Bernabé juig₂ Tarso a₂ca₂i₁'niai'₂ Saulo. Jme₁ca₂dsáin'₂ 'éi₂,

jaun₂ ca₂tág₃ juig₂ Antioquía. 26 Ja₁jaun₂ ca₂tóin'₂ caun₂ ñi₂ quián'₅₄ dsa₂ i₂'én₂ ja₁jaun₂,

* 11:3 lit. “ja₁con₂ dsa₂ i₂tsá₃ lo₄ rě₂uing₄.” † 11:16 Hechos 1:5.

qui₂ca₂jme₃tiin₂₃ juin₅ lin₃ dsa₂. Juig₂ Antioquía jaun₂ bá₄ ja₁le₂'uig₅₄ ca₂quiong₃ dsa₂ ca₂quian₃ dsa₂ i₂'én₂ “cristianos”.

²⁷ Jmíg₄ jaun₂, i₂lin₅₄ dsa₂ i₂jme₁cuë₅ jág₁ dse₃ a₂ma₂gue₃ quió'₅ Diú₄ ca₂'uin₂ juig₂ Jerusalén ca₂i₁lein₅₄ Antioquía. ²⁸ Jan₂ i₂chen₂ Agabo ca₂nau₂ jin₄ riin'₅₄. Jaun₂ quian'₅₄ bí₂ quió'₅ Jme₂dsí₂ Jñi₅, ca₂'ě₂ jág₁ a₂le₃'in₂ a₂guë'₃ dsa₂ ta₁caun₂ mi₂güig₃. Jaun₂ le₂jaun₂ ca₂rë₃ti₃ ně₃ jmíg₄ lia'₂ con'₂ jme₁guá₄ gui'₅₄ emperador Claudio. ²⁹ Jaun₂ ca₂le₃jin₃ dsa₂ 'én₂ i₂chan₂ Antioquía ca₂jmo₃ caun₂ jág₁ ca₂jme'₃oin₅₄ riin'₅₄ i₂jme₁tián'₄ Judea, 'a₂ con'₂ jnia'₅₄ qui'₅₄ jmíg₄ cuë₃ le₂jain₂ le₂jain₂. ³⁰ Jaun₂ le₂në₅ ca₂jmo₃. Ca₂chein₃ cu₄ ne₄ dsa₂ can'₅₄‡ quián₅ dsa₂ 'én₂, ca₂i₁can₅ Bernabé quian'₅₄ Saulo.

12

Ca₂jon₃ Jacobo, Pe₄ guë'₂ ca₂jné₂ dsa₂ 'né₅ 'má₃

¹ Jmíg₄ jaun₂ ca₂jme₃lióg₃ Rag₅₄ Herodes qui₂ca₂jmái'₂ dsa₂ i₂'én₂. ² Ca₂jmo₃ 'éi'₃ ca₂jñi'₃ dsa₂ Jacobo rin'₅₄ Juan₅₄, quian'₅₄ ñi₁tág₂. ³ Jme₁ca₂jág₃ Herodes a₂ca₂tě₂ dsí₅ dsa₂ judíos, jaun₂ ca₂jmo₃ táng₃ 'éi'₃ ca₂jña'₃ dsa₂ Pe₄ ján₃. Ca₂le₃jě₃ a₂në₅ ca₂lě₃ lia'₂ con'₂ jmo₅ dsa₂ jmíg₄ a₂guë'₅ dsa₂ i₁ñí'₄ 'ua'₂ a₂tsá₃ levadura quian'₅₄. ⁴ Jme₁ma₂ně₂chán'₂ dsa₂ Pe₄, jaun₂ ca₂jmo₃ Herodes 'éi'₃ ca₂to'₂ 'né₅ 'má₃, jaun₂ ca₂tón'₂ quén₂ nió'₃ 'lióg₂ i₂lě₂ jma₃quén₂ le₂caun₂ nió'₃, qui₂ca₂jmo₃ 'í₁ Pe₄. Jme₁dsi₂jio₅ dsí₅ Herodes jme₁dsei₂₃ tē₃jin₄ dsa₂ juig₂ jē₁ma₂ca₂ñi'₂ Jmíg₄ Tě₂'in₅₄. ⁵ Jaun₂ le₂në₅ 'en₅₄ Pe₄ né'₃ 'má₃, lě₅ 'í₁ dse₃ lin₃. La₁ dsa₂ riin'₅₄ ně₃ caun₂ chi₂lén'₂ Diú₄ bá₄ tío₅ mi₂₃ 'ñio₅ lin₃ o₄quió'₄ 'éi₂.

Ca₂lión₂ Diú₄ Pe₄ 'né₅ 'má₃

⁶ Caun₂ 'uë₂, ju₁lia'₂ 'ióg₃ jme₁ma₂lě₅ jág₁ jme₁dsei₅ Herodes jin₄ dsa₂ juig₂, a₂'uë₂ jaun₂ jme₁rě₂quian₅ Pe₄ rě₂güin₃ rě₂'ñei₂₃ dse₃ lin₃ quian'₅₄ tin₃ cadenas jě₄ quió'₅ on₃ 'lióg₂. 'Lióg₂ sián'₂ guë'₂ jme₁tion'₅₄ o₄'né₄ jmo₂₃ 'í₁ 'né₅ 'má₃. ⁷ Tě₃jě₄ jaun₂, ca₂jme₃nia₅ jan₂ ángel quián₅ Te₁gui'₅₄, jaun₂ ca₂tág₃ si₂ ta₁caun₂ dsi₂néi₂ 'né₅ 'má₃. Jaun₂ ca₂quén'₃ ángel dsi₂con₂ Pe₄ a₂ca₂ñei₃. Jaun₂ ca₂juá'₂:

—Nau₂ tē₂ně₃ cón'₅.

Jaun₂ ca₂séi'₂ 'uë₃ ni₁ñi₁ cadenas a₂jme₁tio'₅₄ gu₂ Pe₄. ⁸ Jaun₂ ca₂juá'₂ táng₃ ángel:

—Dse₃ 'ñei₂ tog'₂, tio'₂ lau₂ tag'₅₄.

Jme₁ca₂lě₃ jmo₅ Pe₄ a₂jaun₂, jaun₂ ca₂juá'₂ táng₃ ángel:

—Qui'₂ 'mi'₂ dsiog₂ quiáng'₂, 'éin₃ jniá₂.

⁹ Jaun₂ ca₂o₃'ín₃ Pe₄ chi₁co'₅₄ quió'₅ ángel. Tsá₃ jaun₂ ñi₅ chi₂jua'₂ dsón'₂ dsi₂jó'₃ a₂ca₂jmo₃ ángel le₂jaun₂, ia₁ a₂lě₁ca₂jág₃ bá₄ lín₂. ¹⁰ Jaun₂ ca₂ñi₅ ja₁le₂'uig₅₄ tion'₅₄ 'lióg₂, ja₁ca₂tě₂ táng₃ ně₃. Jme₁ca₂dsi₃lén₂ o₄'né₄ a₂lě₅ quian'₅₄ ni₁ñi₁, ja₁'uin₂ dsa₂ jě₄ calle, a₂lě₁ca₂niá₃ 'ñiog₅ bá₄ o₄'né₄. Ca₂'uin₂ bá₄ jaun₂ ně₃. Jme₁ma₂i₂nioi₅₄ caun₂ calle, jaun₂ ca₂ñá'₃ ángel 'éi₂, ca₂téin₂ Pe₄. ¹¹ Jaun₂ guë'₄ ca₂rě₃lí'₄ Pe₄, ca₂juá'₂:

—Ně₃ guë'₄ dsón'₂ guion₄ jniá₂ a₂ně₂chen₃ Te₁gui'₅₄ ángel quián₅ a₂ně₂lió₂ ja₁con₂ Herodes, ca₂le₃jě₃ guë'₄ e₂ jme₁'nio₃ dsa₂ judíos jmóg'₂.

¹² Tě₃ dsi₂jio₅ dsí₅ le₂jaun₂ Pe₄, ca₂ñó₃ ju₁quió'₄ María chog₅₄ Juan₅₄ i₂chen₂ Marcos ján₃. Ja₁jaun₂ jme₁tion'₅₄ dsa₂ le₁ñi'₂ chi₂lén'₂ Diú₄. ¹³ Jme₁ca₂quein₃ Pe₄ o₄'né₄ i₁dsi₅, jaun₂ ca₂o₃'ín₃ jan₂ 'io₅₄ bē'₅₄ i₂chen₂ Rode i₂jág₂ 'ein₂ tē₂. ¹⁴ La₁ jme₁ca₂nág₂, ca₂rě₃cuí'₅ jág₁ quió'₅ Pe₄ ně₃, jaun₂ tsá₃ ca₂niá₃ dsi₂jui₅, ia₁ ñí'₄ lě₃ ca₂jmo₃ 'io'₂. Jaun₂ ca₂ñái'₃ bá₄ táng₃ dsi₂néi₂ i₁con₂ jág₁, Pe₄ bá₄ 'éi₂ ca₂dsióg₃. ¹⁵ Jaun₂ ca₂juá'₂ dsa₂ ca₂tsí'₃ 'io₅₄ bē'₅₄ 'éi₂:

—i₂A₂lě₁tě₂'i'₂ bá₄ 'ne₂!

La₁ caun₂ ca₂juá'₂ bá₄ 'io₅₄, a₂dsón'₂ bá₄ 'éi₂. Jaun₂ ca₂ñag₃ táng₃ dsa₂, ca₂juá'₂:

—¿'A₂ bá₄ lia'₂ jaun₂? On₃juá'₅₄ 'éi₂ ně₅. 'In₁ ángel quián₅ bá₄ ně₅.

‡ 11:30 griego: presbíteros.

16 Tè'lia'₂ jaun₂, caun₂ i₁të₅₄ bá₄ Pe₄ o₄'né₄ i₁chéin'₄. Jme₁ca₂niá₃, ca₂jín₂ Pe₄, jaun₂ ca₂igó'₃ dsí₅. 17 La₁ jaun₂ ca₂jmo₃ 'éi₂ léi₄ quian'₅₄ mi₂gu₂ a₂ca₂juá'₂ a₂jmo₃ dsa₂ tei₄. Jaun₂ ca₂dsia₃ 'a₂ lia'₂ ca₂lë₃ ca₂jmo₃ Te₁gui'₅₄ a₂ca₂i₂dsei'₂₃ 'né₅ 'má₃. Jaun₂ ca₂juá'₂:

—O₂dsia₄ 'nia'₂ o₂chei'₅₄ Jacobo,* ca₂le₃jín₃ guë₄ rin'₅₄ jniog₄.

Jaun₂ ca₂o₃'ín₃ táng₃, ca₂ñó₃ ja₁siá'₂.

18 Jme₁jnia₃ jaun₂, ca₂tón'₂ 'lióg₂ go₂'i₃, ia₁ tsá₃ ñi₅ 'e₂ ca₂lë₃ quian'₅₄ Pe₄. 19 Jaun₂ Herodes ca₂chein₃ dsa₂ dsí₃'niog'₂. La₁ia₁ tsá₃ ma₃ca₂dsáu'₂. Jaun₂ jme₁ca₂cáun₂ jág₁ dsau₅ quió'₅ 'lióg₂ i₂jme₁jmo₅ 'í₁ 'éi₂, ca₂jmo₃ 'éi'₃ ca₂jme₃dsiog₅ dsa₂. Cang₂ jaun₂, ca₂o₃'ín₃ Herodes 'uë₃ Judea, jaun₂ ca₂ñó₃ ca₂i₁gua₂ Cesarea.

Ca₂jon₃ Herodes

20 Jme₁'ne₂ Herodes quian'₅₄ dsa₂ i₂jme₁tián'₄ Tiro quian'₅₄ Sidón. La₁ dsa₂ 'éi₂ ně₃ ca₂jmo₃ caun₂ jág₁ ca₂i₁lein₅₄ ca₂jme₁jniai'₂₃ ne₅₄. Ca₂jme₃'uáin₂ dsí₅ jan₂ i₂chen₂ Blasto a₂jmo₃ dse₃ dsí₅. Jme₁lín₄ Blasto jan₂ dsí₂tan₅₄ juin'₂ quián₅ Rag₅₄ Herodes. Ca₂nau₂ ne₄ jág₁, ca₂mi₃ dsian₅ mi'₅₄. Ia₁ juig₂ go₄ rag₅₄ bá₄ jme₁rau₂ a₂guë'₅ dsa₂ chan₂ Tiro quian'₅₄ Sidón. 21 Herodes ně₃ ca₂të₃, ca₂tióng₃ caun₂ jmig₄ a₂chi₁jñiog₂₃ dsí₁lén₂ dsa₂. Jme₁ca₂të₂ jmig₄ jaun₂, ca₂quí'₂ Herodes tsin'₅₄ a₂rë₂lin₅₄ a₂lín₅ rag₅₄, jaun₂ ca₂i₁gua₂ ne₄ ne₄ta₁ quió'₅, jaun₂ ca₂ton₃ jág₁. 22 Jaun₂ ca₂jme₃lióg₃ dsa₂ juig₂ qui₂ca₂guió'₃ ca₂juá'₂:

—i₁juá'₂ ně₅, on₃jua'₅₄ dsa₂ mi₂güig₃! Jan₂ diú₄ bá₄ ně₅.

23 Co₂tan₅₄ dsí₂jui₅ le₂jaun₂ ca₂jmo₃ ángel i₂chen₄ quián₅ Te₁gui'₅₄ a₂ca₂rë₃dso'₅₄ Herodes, ia₁ ca₂cuë₃ jmig₄ a₂jme₃juag'₂ dsa₂ 'ñiog₅, 'nió'₄ a₂jme₁jme₃juin'₂ Diú₄. Ca₂join₃ bá₄ jaun₂ ně₃, ca₂dsó'₃ i₁ja'₅₄ quió'₅.

24 La₁ jág₁ dse₃ quió'₅ Te₁gui'₅₄ ně₃ caun₂ ca₂i₃'ág₃ bá₄, qui₂ca₂'ë₂ dsa₂ 'lióng₂ juig₂.

25 Jme₁ca₂lë₃ ta₁ jaun₂ quió'₅ Bernabé quian'₅₄ Saulo, jaun₂ ca₂'uin₂ Jerusalén ca₂i₃lein₃† jñiai₂₃ i₂jme₁chen₂ Juan₅₄ i₂jme₁të'₂ dsa₂ Marcos ján₃.

13

Ca₂jme₃lióg₃ Bernabé quian'₅₄ Saulo ca₂jmo₃ ta₁ a₂'ë₂ jág₁ dse₃

1 Co₂nió'₃ dsa₂ i₂'éñ₂ jág₁ quió'₅ Jesús, i₂jme₁tián'₄ juig₂ Antioquía, jme₁chan₂ dsa₂ i₂jme₁'ë₂ jág₁ quiáin₅, tē₅ ně₃, juí'lia'₂ Bernabé quian'₅₄ Si₂mu₅₄ (i₂të'₂ dsa₂ dsa₂ lia'₂); Lucio i₂chan₂ Cirene; Manaén ně₃ (i₂co₂lë₅ ca₂can'₅₄ quian'₅₄ Herodes i₂lín₅ dsí₄má'₂ 'uë₃ Galilea)* quian'₅₄ Saulo ně₃. 2 Co₂ráun₂ tioin'₅₄ le₁ñi'₂ jme₂juin'₂ Te₁gui'₅₄, a₂jme₂'in₅₄, jaun₂ ca₂juá'₂ Jme₂dsí₂ Jñiós:

—Con'₂ chén'₂ 'nia'₂ Bernabé quian'₅₄ Saulo, ia₁jaun₂ dsí₃jmó₂ ta₁ a₂ma₂të₃ jniá₂ jmo₃.

3 Jaun₂ jme₁ca₂lë₃ chi₂lén'₂ Diú₄, a₂jme₂'in₅₄ ně₃, qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guë₄ qui₂ca₂'ág'₃ jág₁ rin'₅₄.

Dsa₂ i₂chen₄ quián₅ Jesús 'ë₂ jág₁ tē₂ Chipre

4 Jaun₂ ca₂chei₃ Jme₂dsí₂ Jñiós ca₂chein₃ Bernabé quian'₅₄ Saulo a₂ca₂i₃lén₂ juí₅ Seleucia. Ja₁jaun₂ ca₂tón'₂ ni₁barco a₂ca₂i₃lén₂ caun₂ 'uë₃ a₂niog₅ jë₄ jmí₁ñí'₄, ja₁chei₂ Chipre. 5 Jme₁ca₂dsí₃lén₂ ja₁jaun₂, caun₂ juig₂ a₂niog₅ chei'₅₄ jmí₁ñí'₄ ja₁të'₂ dsa₂ Salamina, ja₁jaun₂ ca₂jme₃lióg₃ qui₂ca₂'ë'₃ dsa₂ jág₁ dse₃ quió'₅ Te₁gui'₅₄ dsí₂néi₂ guá'₅ sinagogas quió'₅ dsa₂ judíos. Jme₁quiain'₅₄ bá₄ Juan₅₄ ján₃ i₂lín₅ dsa₂ i₂jme₂'o₅₄ quió'₅.

6 Ca₂i₁nioi₂ ta₁caun₂ 'uë₃ jaun₂, ca₂dsí₃lén₂ caun₂ juig₂ ja₁të'₂ dsa₂ Pafos. Ja₁jaun₂ ca₂jein'₂ jan₂ dsa₂ judío, jan₂ dsa₂ i₂chan₂ dsí₅, i₂tin₂ jág₁ tē₂jág₁, a₂jme₁jme₂gain₂₃ dsa₂ a₂juá'₂ a₂lín₅ jan₂ i₂'ë₂ jág₁ quián₅ Diú₄. Dsa₂ 'éi₂ jme₁të'₂ dsa₂ Barjesús.† 7 Jme₁quiain'₅₄ dsí₄má'₂ i₂chen₂

* 12:17 o₃, Santiago. Rin'₅₄ Jesús. I₂sián'₂ bá₄ Jacobo rin'₅₄ Juan₅₄ (ja₁ñi'₅₄ Zebedeo) i₂ca₂jñag'₃ Herodes, Hechos 12:1.

† 12:25 A₂lín₅₄ chog₅₄ si₂: “jaun₂ ca₂i₃lein₃ Jerusalén.” * 13:1 griego: Herodes tetrarca. † 13:6 Barjesús: a₂jein₅, jág₁ “ja₁ñi'₅₄ Jesús” quian'₅₄ jág₁, jmei₅, arameo.

Sergio Paulo. Dsi₄má'₂ 'éi₂ jme₁lín₄ jan₂ dsa₂ i₂nio₅ dsi₄ 'ñio₅ lín₃. Co₂ráun₂ ca₂tě'₃ Bernabé quian'₅₄ Saulo, ia₁ a₂'nio₃ nag₃ jág₁ dse₃ quió'₅ Diú₄. ⁸La₁ Barjesús 'éi₂ ně₃, i₂tě'₂ dsa₂ Elimas ján₃, tsá₃ jme₁'nio₃ a₂le₃'én₂ dsi₄má'₂. Jaun₂ jme₁jné₅ jui₅. ⁹Jaun₂ Saulo, i₂tě'₂ dsa₂ Pablo ján₃, rē₂rín₅ Jme₂dsí₂ Jñio₅ tē₂dsí₅, ca₂jín₂ tiá₂ dsa₂ 'éi₂, ¹⁰jaun₂ ca₂juá'₂:

—i'Ne₂ dsa₂ tē₂jág₁, dsa₂ quián₅ i₂sē₃dse₃, i₂'io'₅₄ ca₂le₃jě₃ cosa dse₃! ¿'E₂ lē₃ qui₁jñig'₄ jui₅ co₂dsau₅ quió'₅ Te₁gui'₅₄? ¹¹Tē₂ně₃ cón'₅ 'ě₂ Te₁gui'₅₄ jmi₁uig₅ quiáng'₂, co₂dsia₅ tēng'₂, co₂'na₂ tsá₃ ma₃lé₂ jag'₅₄ si₂ quió'₅ 'iog₂.

Dsi₂jui₅ jaun₂ ca₂téin₂ co₂dsia₅, qui₁né'₃ ca₂jén'₃. Jaun₂ jme₁'nai'₂ jan₂ i₂tē₂ tsán'₂ gu₂. ¹²Jme₁ca₂jág₃ gui'₅₄ dsi₄má'₂ a₂ca₂lě₃ jaun₂, ca₂rě₃'éin₂ ca₂nág₂ dsi₂gó'₃ dsí₅ jág₁ dse₃ quió'₅ Te₁gui'₅₄.

Pablo quian'₅₄ Bernabé tíoin'₅₄ Antioquía ja₁tén₄ Pisidia

¹³Ca₂'í₃ Pablo quian'₅₄ rín'₅₄ 'ñio₃ ni₁barco juig₂ Pafos, ca₂i₃lén₂ jui₅ Perge, juig₂ tén₅ 'uě₃ Panfilia. Ca₂tén₂ Juan₅₄ rín'₅₄ ja₁jaun₂, jaun₂ ca₂ñái'₃ jui₅ Jerusalén. ¹⁴Ca₂'uin₂ rín'₅₄ Perge ca₂dsi₃lén₂ táng₃ Antioquía, juig₂ tén₅ 'uě₃ Pisidia. Jaun₂ ca₂i₃toin'₅₄ guá'₅ sinagoga caun₂ jmig₄ sa₅₄, jaun₂ ca₂tián'₂ dsi₂néi₂. ¹⁵Jme₁ma₂ca₂lě₃ 'i₅ dsa₂ Si₂ 'Éi'₃ quió'₅ Diú₄ quian'₅₄ Si₂ a₂ca₂jmo₃ dsa₂ i₂jme₁'ě₂ jág₁ ma₂líg'₂ ně₃, jaun₂ ca₂chen₃ jág₁ dsa₂ can'₅₄ quián₅ guá'₅ sinagoga, ca₂juá'₂:

—Rín'₅₄ jniog₄, chi₂jua'₂ cha₂ jág₁ dse₃ quián'₂ 'nia'₂ a₂cuě'₅₄ dsa₂, lé₂ bá₄ jua'₅₄ 'nia'₂.

¹⁶Jaun₂ ca₂nau₂ Pa₄ ca₂jmo₃ léi₄ quian'₅₄ gu₂ a₂mi₂₃ a₂jmo₃ dsa₂ tei₄, jaun₂ ca₂juá'₂:

—Nei₂ 'nia'₂ dsa₂ israelitas, 'nia'₂ guě₄ dsa₂ sián'₂ i₂gan₃ Diú₄: ¹⁷Diú₄ quián₂ jniog₄ dsa₂ lág₅ juig₂ Israel ca₂quióin'₂ dsa₂ can'₅₄ quián₂ jniog₄ ma₂líg'₂. Ca₂jmo₃ Diú₄ ca₂i₃juín₂ dsa₂ 'éi₂ lia'₂ con'₂ jme₁tián'₄ 'uě₃ Egipto a₂lín₅ dsi₂nau₂. Cang₂ jaun₂ ca₂lě₃ caun₂ juig₂ pa₁. Diú₄ ně₃ ca₂lió₂ quian'₅₄ bí₂ quió'₅, ca₂'uág'₂ 'uě₃ jaun₂. ¹⁸Ca₂jme₃juín'₂ Diú₄ dsí₅ quiong'₅₄ † tē₂láu₃ ñi₂ tē₁lia'₂ jme₁i₂nioi₅₄ gua'₅₄ quein₂, ¹⁹ca₂'éin₂ guio₃ juig₂ go₄ dsa₂ i₂jme₁tián'₄ 'uě₃ Cana'án, 'uě₃ jaun₂ ně₃ ca₂cuě'₃ dsa₂ can'₅₄ quián₂ jniog₄ i₂jme₁chan₂ ma₂líg'₂.

²⁰'Cang₂ jaun₂ ca₂dsin₃ con'₂ quén₂ 'ñiá₂-láu₂ rē₂dsí₂ tē₂láu₃-guiá₂ (450) ñi₂, ca₂qui₃dsi₅ Diú₄ 'éi'₃ jin₄ dsa₂ 'éi₂ tē₂le₃ quian'₅₄ juě₄ ca₂lia'₂ ca₂tě₂ jmig₄ a₂ca₂rě₃chán₃ Samuel i₂qui₂ca₂'ě₂ jág₁ quió'₅ Diú₄ cang₂ jaun₂. ²¹Jaun₂ ca₂mi₃ jan₂ rag₅₄. Jaun₂ Diú₄ ně₃ ca₂cuin₃ Saúl ja₁ñi'₅₄ Cis, tsi₁jon₂ Benjamín; ca₂jmo₃ 'éi'₃ con'₂ tē₂láu₃ ñi₂. ²²Cang₂ jaun₂ ca₂jñiá'₂ Diú₄ ta₁ quió'₅ Saúl a₂jme₁lín₄. Jaun₂ David bá₄ ca₂chein'₃ ca₂lín₃ rag₅₄. Jaun₂ ca₂juá'₂ Diú₄ 'in₂₃ Rag₅₄ David: “Ca₂dsó'₂ jniá₂ ja₁con₂ David ja₁ñi'₅₄ Isaí, a₂lín₅ jan₂ dsa₂ i₂lě₅ dsí₅ lia'₂ lě₅ dsí₃ jniá₂, jan₂ dsa₂ i₂jmo₃ a₂'ñio₂ dsí₃.”

²³'Jaun₂ ně₃ rín'₅₄ jniog₄, jan₂ chi'₂ dsio₄ David 'éi₂ bá₄ lín₅ Jesús i₂ca₂chen₃ Diú₄ a₂lióin₂ dsa₂ juig₂ Israel lia'₂ con'₂ lě₅ jág₁ quió'₅ ma₂cuě₃ le₂jñiá₅. ²⁴Né'₃ a₂guán₂ Jesús, ca₂'ě₂ Juan₅₄ jág₁ ca₂tsí'₃ ca₂le₃jín₃ dsa₂ Israel a₂'nió'₅ qui₃choin₃ jmig₂, dsi₃quén'₅ dsí₅ ně₃. ²⁵Jaun₂ ca₂juá'₂ Juan₅₄ jme₁ja₂quián₃ jóin₂: “On₃jua'₅₄ 'éi₂ jniá₂ ju₁lia'₂ dsi₂jio₅ 'au'₂ 'nia'₂ lín₅ jniá₂. La₁ i₂já₅ chi₁co'₅₄ quió₃ ně₃, 'éi₂ bá₄ i₂'uan'₂ guě₄ lia'₂ con'₂ guě₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄ quió'₅.”§

²⁶'Rín'₅₄ jniog₄, ca₂le₃jín'₃ guě₄ 'nia'₂ i₂lín₅ chi'₂ dsio₄ Abraham, quian'₅₄ ca₂le₃jín₃ guě₄ 'ein₂ chan₂ quián'₂ 'nia'₂ i₂jme₂gan₃ Diú₄: a₂quián'₂ 'nia'₂ bá₄ jág₁ dse₃ la₂ a₂ca₂'ě₂ Diú₄ a₂lión₂ dsa₂. ²⁷Dsa₂ i₂jme₁tián'₄ Jerusalén quian'₅₄ dsa₂ can'₅₄ quián₅, tsá₃ ca₂rě₃ñi₅ 'ein₂ 'éi₂ jme₁chen₂ Jesús, on₃ guě₄ ca₂rě₃ñi'₂ jág₁ a₂qui₂ca₂'ě₂ dsa₂ i₂chen₄ quián₅ Diú₄ le₂jñiá₅. Jaun₂ lě₃, jág₁ jaun₂ a₂'i₂₃ ne₄ Si₂ ca₂le₃jě₃ jmig₄ sa₅₄ ca₂jme₃ti₃ guioin₅₄ jme₁ca₂jmo₃ 'éi'₃ a₂jñi'₃ Jesús. ²⁸I₁caun₂ dsáu₁ Jesús tsá₃ 'e₂ ca₂dsó'₂ dsa₂ jua'₅₄ a₂'i₄ 'éi'₃ a₂jñag'₃, la₁ tion₅₄ bá₄ ca₂mi₃ dsa₂ jág₁ ne₄ Pilato a₂jmo₃ 'éi₂ 'éi'₃ a₂jñag'₃. ²⁹Jaun₂ ně₃ jme₁ma₂lě₅ 'a₂ con'₂

‡ 13:18 A₂lín₅₄ chog₅₄ si₂juá'₂: “ca₂jmo₃ Diú₄ 'í₁ quió'₅.” § 13:25 Mateo 3:11.

lě₅ juá'₂ ne₄ Si₂ quió'₅ Diú₄ a₂ iin₂₃ Jesús, jaun₂ ca₂sió₂ dsa₂ ne₄ cróg₄, jaun₂ ca₂i'ó₄. ³⁰ La₁ Diú₄ ně₃, ca₂jme₃jein'₅₄ táng₃ jin₄ 'lag₄. ³¹ Lióng₂ jmiğ₄ bá₄ qui₂ca₂jme₃jnia₅ Jesús ne₄ dsa₂ i₂jme₁quiain'₅₄ lia'₂ con'₂ jme₁ca₂ņó₃ tē₂ Galilea ca₂dsióg₃ tē₂ Jerusalén. Jaun₂ ně₃ dsa₂ 'éi₂ bá₄ i₂jáng'₅ jág₁ dsau₅ tsí'₅ dsa₂ rē₂ně₃.

³² 'Jaun₂ le₂ně₅ bá₄ a₂cuē₂ jnia'₅₄ jág₁ dse₃ 'nia'₂, jág₁ a₂ca₂cuē₃ Diú₄ ca₂cuē'₃ dsa₂ quián₂ jniog₄ ma₂líg'₂ jaun₂, ³³ ma₂ca₂rē₃ti'₅₄ Diú₄ ja₁con₂ jniog₄ i₂lág₅ chi'₂-guein₂ quián₅ dsa₂ 'éi₂, jme₁ca₂jme₃jein'₅₄ Jesús con'₂ lě₅ jág₁ tio'₅₄ jē₁ca₂tē₂ tin₃ Salmo, a₂juá'₂:

'Ne₂ línğ'₅ jón₃ quiáng₃;

jmiğ₄ ně₃, ca₂lin₃ jniá₂ ňéi'₅ 'ne₂. *

³⁴ 'Ca₂juá'₂ Diú₄ le₂ņjiá₅ a₂jme₃jein'₅₄ jin₄ 'lag₄ ia₁jaun₂ tsá₃ dsi₃'én₂ quió'₅. Jui₁lia'₂ juá'₂ ne₄ Si₂ quió'₅ Diú₄:

Ján₃ bá₄ cuē₄ jniá₂ 'nia'₂

ca₂le₃jě₃ 'e₂ cosa dse₃

a₂jme₁ti₁ jág₁ quió₃ a₂ca₂cuē₃ David. †

³⁵ 'Jaun₂ lě₃, ján₃ guē'₂ juá'₂ ne₄ Si₂ Salmos ja₁siá'₂ táng₃:

Tsá₃ cuē'₁ jmiğ₄

a₂dsi₃guí'₂ quió'₅ dsa₂ jnió₅ 'éi₂ quiáng'₂

i₂jme₂ti₃ ta₁ ne'₅₄. ‡

³⁶ 'David ně₃ ca₂jme₃ti₃ bá₄ jág₁ ne₄ dsa₂ quián₅ tē₁lia'₂ ca₂rē₃cháin₃ jmiğ₄ jaun₂, jui₁lia'₂ 'éi'₃ ca₂juá'₂ Diú₄. La₁ ca₂jon₃ bá₄ David ně₃, jaun₂ ca₂i'ó₄ dsa₂ ja₁le₁'on₅ dsa₂ can'₅₄ quián₅, ca₂siá'₃ bá₄ ni₁ņi₁ 'éi₂ ně₃. ³⁷ La₁ ni₁ņi₁ Jesús ně₃, i₂ca₂jme₃jen'₅₄ Diú₄, tsá₃ 'e₂ ca₂'en₃.

³⁸ 'Jaun₂ ně₃ riñ'₅₄ jniog₄, tion₅₄ 'nió'₅ le.ņi'₅₄ 'nia'₂ jág₁ a₂'ě₅ jniá₂: tē₂le₃ quian'₅₄ Jesús bá₄ dsón'₂ 'én₂ dsáu'₂ 'nia'₂. ³⁹ Tē₂le₃ quian'₅₄ 'éi₂, ca₂le₃jín₃ i₂'én₂ tē₂le₃ quió'₅, rē₂'én₄ ca₂le₃jě₃ dsáu₁ a₂tsá₃ o₂'én₂ dso₄ cha₂ quián'₂ 'nia'₂ tē₂le₃ quian'₅₄ 'Éi'₃ quió'₅ Moisés. ⁴⁰ 'Í₁ jmo₄ 'nia'₂, ia₁jaun₂ tsá₃ dsi₃ņí'₂ 'nia'₂ jui₁lia'₂ juá'₂ dsa₂ i₂jme₁'ě₂ jág₁ quián₅ Diú₄, jme₁ca₂juá'₂ ne₄ Si₂:

⁴¹ Jag₄ 'nia'₂ dsa₂ i₂táun₂ 'lig'₅₄,

jui₁dsi₂gó'₃ 'au'₂, jui₁dsian'₂ 'nia'₂.

Ia₁ jniá₂ i₂línğ₅ Diú₄ jmo₅₄ léi₄ juē'₂

jmiğ₄ tē₁lia'₂ chan'₂ 'nia'₂.

La₁ léi₄ jaun₂, 'i₁jan'₂ 'nia'₂ tsá₃ le₃'én₂,

o₁ņnia'₅₄ 'a₂ guē'₂ lia'₂ chan₂ i₂dsia₃. §

⁴² Jme₁ca₂o₃'in₃ Pa₄ quiain'₅₄ riñ'₅₄ guá'₅ sinagoga quió'₅ dsa₂ judíos, jaun₂ ca₂mi₃ dsa₂* a₂ja₃lén₂ táng₃ 'éi₂ jmiğ₄ sa₅₄ caun₂ a₂ja₃'ě₂ jág₁ jaun₂. ⁴³ Jme₁ca₂dsan₃ le.ņi'₂ dsa₂ dsi₂néi₂ guá'₅, jaun₂ juin₅ lin₃ dsa₂ judíos quian'₅₄ dsa₂ i₂ma₂gue₃ i₂ma₂tión₂ tiá₂ juá'₅ quió'₅ dsa₂ judíos, ca₂'ein₃ Pa₄ quiain'₅₄ Bernabé, ca₂jme₃quiong'₅₄. Jaun₂ ca₂juá'₂ dsa₂ i₂chen₄ quián₅ Jesús 'éi₂ ca₂tsí'₃ dsa₂ ca₂cuē'₃ bí₂ a₂tion₅₄ 'nió'₅ tsán'₂ tiá₂ jág₁ dse₃ quió'₅ Diú₄ i₂'ua₁ dsí₅.

⁴⁴ Caun₂ semana cang₂ jaun₂, jme₁ca₂tē₂ táng₃ jmiğ₄ sa₅₄, jaun₂ qui₂ca₂ņi'₂ mei'₂ tsá₃ ca₂le₃jín₃ dsa₂ juig₂ a₂ca₂o₃néi₃ jág₁ quió'₅ Diú₄. ⁴⁵ La₁ jme₁ca₂jág₃ dsa₂ judíos juin₅ lin₃ dsa₂ tion'₅₄, jaun₂ ca₂rē₃'néi₃ a₂dsí'₅ 'ņio₅ lin₃, tē₂le₃ jen₅ bá₄ qui₂ca₂ņag₃ jág₁ a₂juá'₂ Pa₄, qui₂ca₂ņáu'₂ jág₁ uig₅ ně₃.

⁴⁶ Jaun₂ ca₂juá'₂ Pa₄ quian'₅₄ Bernabé, ca₂dsia₃ tiá₂ dsí₅ ca₂tsí'₃ dsa₂:

—Tion₅₄ 'nió'₅ jniá₅ de'₂ jin'₄ 'nia'₂ con'₂ dsa₂ i₂lín₅ judíos, ca₂tág₂ jnia'₅₄ 'ě₄ jág₁ dse₃ quió'₅

Diú₄. La₁ tsá₃ guē'₂ 'niog'₂ 'nia'₂ guéi'₁, jaun₂ ma₂léi₄ bá₄ a₂tsá₃ lé₂ tin'₄ 'nia'₂ guei'₅₄ i₂juig₃. Jaun₂ lě₃, dsi₁ná₄ jnia'₅₄ ja₁con₂ dsi₂nau₂. ⁴⁷ Ia₁ le₂ně₅ bá₄ 'éi'₃ ca₂cuē₃ Te₁gui'₅₄ jme₁ca₂juá'₂: Jui₁lia'₂ si₂ bá₄ lín₅ 'ne₂

* 13:33 Salmo 2:7. † 13:34 Isaiás 55:3. ‡ 13:35 Salmo 16:10. § 13:41 Habacuc 1:5. * 13:42 A₂lin₅₄ chog₅₄ si₂: "ca₂mi₃ dsi₂nau₂."

i₂ca₂dsiáng₃ quió'₅ dsi₂nau₂,
ia₁jaun₂ 'ë'₅₄ dsa₂ chan₂ ta₁caun₂ mi₂güig₃
jui₅ ja₁tín'₄ dsa₂.†

48 Jme₁ca₂nág₂ dsi₂nau₂ jág₁ në₅, qui₂ca₂jmo₃ 'io'₂, qui₂ca₂dsia₃, dsón'₂ bá₄ dse₃ jág₁ quió'₅ Te₁gui'₅₄. Jaun₂ ca₂rë₃'én₂ ca₂le₃jín₃ i₂con'₂ 'i₄'éi'₃ tín'₄ ja₁le₃chain₂ co₂tan₅₄. 49 Jaun₂ le₂në₅ ca₂i₃'ág₃ jág₁ dse₃ quió'₅ Te₁gui'₅₄ ta₁caun₂ 'uë₃ jaun₂. 50 La₁ dsa₂ judíos në₃ ca₂jmo₃ jág₁ quian'₅₄ i₂lín₅₄ 'io₅₄ dsen₃ i₂jme₂go₃ dsa₂ juig₂, quian'₅₄ i₂lín₅₄ dsa₂ can'₅₄ në₃, ia₁jaun₂ jme₃'iog₅₄ jme₃'ñiai₅₄ Pa₄ quian'₅₄ Bernabé. Jaun₂ le₂në₅ bá₄ ca₂jme₃lióg₃ ca₂jmo₃ jág₁ a₂qui₂ca₂co₃'ein₃ Pa₄ quian'₅₄ Bernabé ca₂lia'₂ ca₂'uin₂ 'éi₂ juig₂ jaun₂. 51 Jaun₂ 'éi₂ në₃ qui₂ca₂séi'₂ 'liog₂ mi₂tag₅₄.‡ Ca₂'uin₂ bá₄ jaun₂, ca₂i₃lén₂ jui₅ Iconio. 52 La₁ ca₂le₃jín₃ dsa₂ i₂ca₂rë₃'én₂ në₃, 'io'₂ jmo₂₃, rë₂rín₅ Jme₂dsí₂ Jñió₅ të₂dsí₅.

14

Pablo quian'₅₄ Bernabé tíoín'₅₄ juig₂ Iconio

1 Ca₂'í₃ Pablo co₂lë₅ quian'₅₄ Bernabé dsi₂néi₂ guá'₅ sinagoga quió'₅ dsa₂ judíos juig₂ Iconio. Ja₁jaun₂ ca₂jme₃tíin₂₃ táng₃ dsa₂ jág₁ dse₃ quió'₅ Diú₄. Juín₅ bá₄ dsa₂ ca₂rë₃'én₂, lia'₂ dsa₂ judíos lia'₂ dsi₂nau₂ në₃. 2 La₁ dsa₂ judíos i₂tsá₃ 'én₂ në₃, ca₂tsí'₃ dsi₂nau₂ a₂chi₃'in₃ 'lig'₅₄ dsa₂ i₂'én₂. 3 Jaun₂ lë₃, uë₂ bá₄ ca₂'í₃ Pa₄ quian'₅₄ Bernabé. Ca₂dsia₃ tiá₂ dsí₅ quian'₅₄ bí₂ quió'₅ Te₁gui'₅₄, qui₂ca₂'ë₂ jág₁; jaun₂ Diú₄ në₃ ca₂cuë₃ bí₂ ca₂jmo₃ 'éi₂ léi₄ jué'₂ a₂dsi₃gó'₃ dsí₅, ia₁jaun₂ le₃lí'₄ dsa₂, jág₁ dsau₅ a₂dse₃ dsí₅ Diú₄ bá₄ 'ë₂ 'éi₂. 4 La₁ dsa₂ juig₂ 'éi₂ jme₁lë₄ le₁dson'₅₄ i₂jme₁tión₂ le₃quió'₅ dsa₂ judíos, i₂jme₁tión₂ le₃quió'₅ dsa₂ i₂chen₄ quián₅ Jesús 'éi₂ në₃.

5 Jaun₂ ca₂jmo₃ caun₂ jág₁ dsa₂ judíos quian'₅₄ dsi₂nau₂, quian'₅₄ dsi₂tan₅₄, a₂tsí'₃ jág₁ uig₅ dsa₂ 'éi₂, a₂qui₃ñáu'₂ cang₄ në₃. 6 La₁ jme₁ca₂rë₃ñi₅ Pa₄ quian'₅₄ Bernabé, ca₂cuing₃ jui₅ Lистра, jui₅ Derbe në₃, tín₃ juig₂ ja₁tén₄ Licaonia, ca₂i₁nioi₁₂ le₂tan₅₄ 'uë₃ jaun₂, 7 qui₂jme₂tíin₂₃ dsa₂ jág₁ dse₃ a₂lión₂ dsa₂.

Ca₂cuë₃ dsa₂ cang₄ ca₂cuë'₃ Pablo juig₂ Lистра

8 Juig₂ Lистра jme₁chan₂ jan₂ dsa₂ i₂tsá₃ lé₂ñi₃. Lia'₂ jaun₂ lín₅, lia'₂ con'₂ jme₁ca₂rë₃cháin₃, guá'₅ ja₁jaun₂, 'i₁cón'₂ tsá₃ ma₂ca₂ñi₃ ca₂le₃jë₃ jmi₃g₄ a₂chain₂. 9 Ca₂nág₂ dsa₂ 'éi₂ jág₁ a₂ca₂dsia₃ Pa₄. Jaun₂ Pa₄ në₃ ca₂jág₃ tiá₂ ca₂jín₂ dsa₂ 'éi₂, jaun₂ ca₂rë₃lí'₄ Pa₄ a₂'én₂ dsa₂ 'éi₂ a₂lé₂ 'lióin₂. 10 Jaun₂ ca₂juá'₂ tiá₂ ca₂tsí'₃ dsa₂ 'éi₂:

—Rë₂ nau₂. Co₂dsau₅ chí'₂ mi₂tag'₅₄.

Jaun₂ dsi₂jui₅ ca₂ráun₂ ca₂nau₂ dsa₂ 'éi₂, ca₂jme₃lióg₃ ca₂ñi₃. 11 Jme₁ca₂jág₃ dsa₂ a₂ca₂jmo₃ Pa₄ jaun₂, ca₂tóin'₂ co₂mi'₅₄, ca₂guió'₃ quian'₅₄ jág₁ jmei₅ quió'₅ dsa₂ chan₂ Licaonia, ca₂juá'₂:

—¡Diú₄ i₂lín₅ dsa₂ ca₂sión₃ jë₄ quián₂ jniog₄!

12 Juá'₂ dsa₂ a₂lín₅ Bernabé diú₄ Júpiter, Pa₄ guë'₂ lín₅ diú₄ Mercurio* ia₁ 'éi₂ bá₄ i₂juá'₂ guë'₄ jág₁. 13 Jaun₂ jme₁chí'₄ guá'₅ quió'₅ diú₄ Júpiter ja₁dsi₁lén₂ dsa₂ juig₂ jaun₂. Dsa₂ i₂lín₅ jme₂dsa₂ quián₅ Júpiter ca₂dsióg₃ quian'₅₄ juín₅ dsa₂ le₁jñiai₂₃ ca₁jui₅ le₁quian₅ lí₁ në₃, a₂jme₁'nio₃ jme₃dsiain₂₃ ca₁jui₅ a₂jme₁jéin'₂ ne₄ Pa₄ quian'₅₄ Bernabé. 14 La₁ jme₁ca₂rë₃lí'₄ Pa₄ quian'₅₄ Bernabé i₂chen₄ quián₅ Jesús, a₂ma₂tión'₅₄ dsa₂ jmo₂₃ le₂jaun₂, jaun₂ ca₂jme₃lióg₃ ca₂gág₃ tsin'₅₄.† Jaun₂ ca₂tóin'₂ jin₄ dsa₂ ca₂guió'₃ ca₂juá'₂:

15 —¡Nei₂ 'nia'₂! ¿'E₂ lë₃ jmo'₂ 'nia'₂ le₂në₅? Dsa₂ mi₂güig₃ bá₄ jnia'₅₄, jui₁lia'₂ 'nia'₂. A₂le₁quian₁ jág₁ dse₃ bá₄ jnia'₅₄ ja₂náu₅, a₂chei₅₄ 'nia'₂ a₂jñiá'₄ 'nia'₂ ca₂le₃jë₃ a₂në₅ a₂tsá₃ 'e₂

† 13:47 Isaías 49:6. ‡ 13:51 Co₂'nió'₄ a₂ca₂jmo₃ léi₄, guion₅₄ bá₄ dsa₂ juig₂ ma₂rë₂cáin'₄ ia₁ tsá₃ ca₂gue₃ jág₁ quió'₅ Diú₄. 'Nio'₂ ja₁ton₅ Marcos 6:11, Lucas 9:5, 10:11, Hechos 18:6. * 14:12 griego: Hermes. † 14:14 ca₂gág₃ tsin'₅₄; le₂jaun₂ jme₁jmo₃ dsa₂ léi₄ chi₂juá'₂ 'e₂ tsá₃ të₅ dsí₅.

ta₁ tí₄, a₂jen'₅₄ 'nia'₂ të₂le₃ quió'₅ Diú₄ jén'₃ i₂ca₂jmo₃ guei'₅₄ i₂juíg₃, gua'₅₄ 'uë₃, jmi₁ñi'₄ ně₃, ca₂le₃jě₃ guë'₄ e₂ a₂cha₂ ja₁jaun₂. ¹⁶ N'io₅ Diú₄ ca₂cuë₃ jmig₄ ma₂lig'₂ ca₂cuë'₃ ca₂le₃jín₃ dsa₂ chan₂ gua'₅₄ 'uë₃ a₂jmo₃ con'₂ lě₂ dsí₅ guioin₅₄. ¹⁷ La₁ Diú₄ ca₂'ě'₃ dsa₂ 'ein₂ lín₅, ca₂jmo₃ bá₄ léi₄ të₂le₃ quian'₅₄ ca₂le₃jě₃ a₂dse₃ a₂qui₂ca₂jmo₃. 'Éi₂ bá₄ jmo₅ a₂tang₂ jmí₅ ia₁jaun₂ qui₃ráu₃ ca₂le₃jě₃ a₂qui₂guë'₃ dsa₂. 'Éi₂ bá₄ jmo₅ a₂le₁'ág₄ dse₃ dsí₅ dsa₂.

¹⁸ Ja₂lag₃ le₂jaun₂ bá₄ ca₂tió'₃ ca₂jme₃'uáin₂ dsí₅ dsa₂, a₂tsá₃ ma₃qui₃jéin'₂ já'₂ ne₅₄.

¹⁹ Jaun₂ ca₂dsilén₂ i₂lín₅₄ dsa₂ judíos i₂chan₂ Antioquía, quian'₅₄ i₂chan₂ Iconio, qui₂ca₂toin'₂ jág₁ dsa₂, ca₂jmo₃ jág₁. Jaun₂ ca₂cuë'₃ cang₄ Pa₄, ca₂tsi₂cuang'₂ të₂'ni'₂ juig₂, a₂ma₂ně₂jñag'₃ bá₄ lín₂. ²⁰ La₁ jme₁ca₂ñi'₂ dsa₂ i₂'én₂ riin'₅₄ ja₁rě₂quiain₂₃, ca₂nau₂ Pa₄, ca₂ñó₃ táng₃ jui₅ jě₄ juig₂. Jme₁jnia₃ jaun₂ guë'₄, ca₂o₃'iín₃ juig₂ jaun₂ quiain'₅₄ Bernabé, ca₂i₃lén₂ jui₅ Derbe.

²¹ Juin₅ dsa₂ chan₂ juig₂ Derbe ca₂rě₃'éin₂ jme₁ca₂nág₂ ca₂'ě₂ dsa₂ 'éi₂ jág₁ dse₃ a₂tín'₄ dsa₂. Jaun₂ ca₂'uín₂ ja₁jaun₂, ca₂i₃lén₂ táng₃ jui₅ Listra, jui₅ Iconio ně₃, a₂ca₂dsilén₂ táng₃ Antioquía. ²² Le₂tan₅₄ juig₂ ja₁jaun₂ qui₂ca₂cuë'₃ bí₂ dsa₂ i₂'én₂. Qui₂ca₂toin'₂ jág₁ dsa₂ a₂'nió'₅ tsán'₂ dsa₂ tiá₂ jág₁ dse₃. Ca₂juá'₂:

—Tion₅₄ 'nió'₅ ñag'₅₄ de'₂ 'nia'₂ jmi₁uig₅ mi₂güig₃ la₂, né'₃ guë'₄ a₂dsi₁no'₃ 'nia'₂ ja₁gon₂ Diú₄.

²³ Ján₃ bá₄ ca₂'in₃ dsa₂ dsa₂ can'₅₄† lia'₂ caun₂ guá'₅. Jaun₂ cang₂ jme₁ca₂lě₃ chi₂lén'₂ dsa₂ Diú₄, a₂jme₂'iín₅₄ ně₃, ca₂dsiain₃ riin'₅₄ i₂'én₂ 'éi₂ o₄gú₃ Te₁gui'₅₄, ia₁ të₂le₃ quió'₅ Te₁gui'₅₄ bá₄ ma₂'én₂ dsa₂.

Pa₄ quian'₅₄ Bernabé ca₂i₃lein₃ táng₃ Antioquía ja₁tén₄ Siria

²⁴ Cang₂ jaun₂ ca₂ñí₃ jui₅ 'uë₃ Pisidia, jaun₂ ca₂dsilén₂ 'uë₃ Panfilia. ²⁵ Qui₂ca₂'ě₂ jág₁ juig₂ Perge, jaun₂ ca₂i₃lén₂ juig₂ Atalia. ²⁶ Ja₁jaun₂ ca₂tóin'₂ ni₁barco a₂ca₂i₃lein₃ táng₃ Antioquía, juig₂ ja₁ca₂jáng'₂ dsa₂ riin'₅₄ o₄gú₃ Diú₄ le₂jñiá₅, a₂jmo₃ ta₁, co₂'nió'₄ ta₁ a₂ma₂ca₂lě₃ jmo₂₃. ²⁷ Jme₁ca₂dsi₃lein₃ Antioquía, ca₂ñí'₂ ca₂le₃jín₃ riin'₅₄. Jaun₂ ca₂dsia₃ ca₂le₃jě₃ 'e₂ ca₂jmo₃ Diú₄ quiong'₅₄, 'a₂ lia'₂ ca₂niá₃ Diú₄ jui₅ quió'₅ dsí₂nau₂, ia₁jaun₂ le₃'én₂ 'éi₂ ján₃. ²⁸ Jaun₂ uë'₂ bá₄ ca₂'í₃ Pa₄ ja₁jaun₂, Bernabé ně₃ quian'₅₄ dsa₂ i₂'én₂.

15

Ca₂ñi'₂ riin'₅₄ Jerusalén

¹ Jmíg₄ jaun₂ i₂lín₅₄ dsa₂ chan₂ Judea ca₂dsilén₂ juig₂ Antioquía, ca₂jme₃lióg₃ ca₂jme₃tiin₂₃ riin'₅₄ ja₁jaun₂, ně₁jua'₂ tsá₃ ti₅ dsa₂ ni₁lo₁ dsa₂ ñe'₂ lia'₂ con'₂ lě₅ Si₂ 'Éi'₃ quió'₅ Moisés, tsá₃ lé₂ tñin'₄. ² Pablo quian'₅₄ Bernabé ca₂tsiín₂ 'ñio₅ lín₃ quian'₅₄ dsa₂ 'éi₂. Jaun₂ ca₂'in₃ dsa₂ Pa₄ quian'₅₄ Bernabé, quiain'₅₄ i₂lín₅₄ guë'₄ dsa₂ sián'₂ ně₃, a₂dsi₃lén₂ Jerusalén a₂jme₃rě₃ jág₁ jaun₂ quiain'₅₄ dsa₂ riin'₅₄ i₂chen₄* quián₅ Jesús quian'₅₄ dsa₂ can'₅₄† quián₅ dsa₂ 'én₂.

³ Co₂nió'₃ dsa₂ i₂'én₂ juig₂ Antioquía ca₂'ág'₃ jág₁ riin'₅₄ i₂ca₂'iín₃ 'éi₂, jaun₂ 'éi₂ ně₃ ca₂i₁nioi₁₂ 'uë₃ Fenicia quian'₅₄ 'uë₃ Samaria. Ja₁jaun₂ ca₂dsia₃ 'a₂ lia'₂ ca₂rě₃'én₂ dsí₂nau₂. Jaun₂ lě₃, 'ñio₅ lín₃ 'io'₂ ca₂jmo₃ dsa₂ riin'₅₄ jme₁ca₂rě₃ñi₅.

⁴ Jme₁ca₂dsióg₃ Pa₄ quiain'₅₄ Bernabé juig₂ Jerusalén, ca₂guei₃ ca₂le₃jín₃ dsa₂ 'én₂ ja₁jaun₂, dsa₂ riin'₅₄ i₂chen₄ quián₅ Jesús, dsa₂ can'₅₄ quián₅ dsa₂ 'én₂ ně₃. Jaun₂ ca₂dsia₃ Pa₄ quian'₅₄ Bernabé ca₂tsí'₃ riin'₅₄ 'a₂ lia'₂ ma₂jmo₃ Diú₄ quiong'₅₄.

⁵ La₁ qui₂ca₂nau₂ i₂lín₅₄ dsa₂ fariseos i₂ma₂'én₂, jaun₂ ca₂juá'₂:

—Ca₂tñin₂ dsí₂nau₂ ti₃ dsa₂ ni₁lo₁₂, jaun₂ 'nió'₅ nag₃ a₂jme₃ti₃ Si₂ 'Éi'₃ quió'₅ Moisés.

⁶ Jaun₂ ca₂ñi'₂ dsa₂ i₂chen₄ quián₅ Jesús, quian'₅₄ dsa₂ can'₅₄ ně₃, ia₁jaun₂ 'no'₂ dsí₅ 'a₂ lia'₂ jmo₃ jui₁lia'₂ jág₁ jaun₂. ⁷ Jme₁ma₂ně₂dsia₃ jág₁ 'ñio₅ lín₃, ca₂nau₂ Pedro jaun₂ ca₂juá'₂:

‡ 14:23 griego: presbíteros. * 15:2 griego: apóstolous. † 15:2 griego: presbíteros.

—Rin'54 jniog4, ni'54 bá4 'nia'2 jaun2, jniá2 dsa2 i2ca2quiún'2 Diú4 jin'4 'nia'2 ma2i1jáun3, ia1jaun2 cué4 jniá2 jág1 dse3 dsi2nau2, ia1jaun2 le3'éin2. 8 Jaun2 Diú4 ně3, i2cuí'5 dsi5 dsa2, ca2jmo3 léi4 a2guei3 bá4, ca2cuin3 Jme2dsi2 Jnió5 quián5, ca2cuin3 dsa2 'éi2 jui1lia'2 ma2cuag3 jniog4. 9 Tsá3 jma3quén5 'nio3 Diú4 jniog4 quian'54 dsa2 'éi2, ia1 ján3 bá4 ca2rang3 jme2dsi2 quió'5 dsa2 'éi2 ia1 ca2rē3'éin2. 10 Jaun2 ně3, ě'e2 lē3 dsi2jniog5 'au'2 'nia'2 a2tsá3 dsau5 a2ma2jmo3 Diú4? ě'E2 lē3 lín'2 'nia'2 a2tion54 'nió'5 jme3ti3 dsa2 i2'én2 'éi2 Si2 'Éi'3, ton'2 ca2lia'2 jnia'54 dsa2 can'54 quián2 jniog4 tsá3 ca2tió'3 jme3ti3, on3 guē'2 jniog4 tián2 jme1ti1? 11 La1 ne4 jniog4, a2dse3 dsi5 Te1gui'54 Jesús bá4 a2tág'4, co2rē2 quian'54 dsa2 'éi2.

12 Jaun2 ca2jmo3 dsa2 tei4, jaun2 ca2nág2 tē2lia'2 ca2juá'2 Bernabé quian'54 Pablo ca2le3jě3 léi4 juē'2 a2ma2jmo3 Diú4 tē2le3 quiong'54, jin4 dsi2nau2. 13 Jme1ca2dsan3 juá'2 'éi2, jaun2 ca2juá'2 táng3 Jacobo:

—Rin'54 jniog4, nei2 'nia'2 a2juá'4 jniá2: 14 Ma2ně2dsia3 Si2mu54 Pe4 'a2 lia'2 ca2jmo3 Diú4 dse3 dsi5 jē2le'2 uig54 tē2le3 quió'5 dsi2nau2, 'a2 lia'2 ca2quiún'2 ján3 jin4 dsa2 'éi2, co2nió'3 dsa2 i2lén2 dsa2 quián5 'niog5. 15 Le2ně5 bá4 lē5 jág1 quió'5 dsa2 i2jme'ě2 jág1 quián5 Diú4, jui1lia'2 ca2tióng3 ne4 Si2:

16 Guio54 táng3 cang2, jaun2 jmóg'4 táng3 ne4ta1
quió'5 Rag54 David a2ma2qui'3;

tsi'54 táng3 ni1cang1 a2ma2gon3 quió'5,

17 ia1jaun2 ca2le3jín3 dsi2nau2 'nai'2 Te1gui'54,
ca2le3jě3 juig2 ně3,
dsa2 i2chen2 dsa2 quián5 Diú4.

18 Le2ně5 bá4 juá'2 Te1gui'54
i2jmo5 ca2le3jě3 a2ně5,
a2ma2cuí'5 dsa2 ca3ma2líg'2,‡

19 'Jaun2 ně3 lín2 jniá2 —juá'2 Jacobo—, tsá3 dse3 cue54 jniog4 o2me'54 dsi5 dsi2nau2 i2ma2jén'2 tē2le3 quió'5 Diú4. 20 Tió'5 me'2 a2jnia'54 jmó1 jniog4 caun2 si2 a2chei54 jniog4 a2tsá3 ma3guē'3 má3 a2tsá3 dsi2ten54 guē'3 jui1lia'2 a2dsia5 dsa2 ne4 ne4chei2 quió'5 diú4 lag4. Dse3 chei54 jniog4 a2tsá3 nió'3 jág1 quian'54 dsa2 i2tsá3 lín5 dsi2l2gu2, on3 guē'2 guē'3 má3 a2tsá3 dsi2ten54 guē'3 dsa2 judíos, jui1lia'2 já'2 i2güí'5 dsa2 dsi2lag4, on3 guē'2 jmi4 já'2 ně3. 21 Ia1 ma2líg'2 bá4 ma2tu1ja2lén2 dsa2 qui'ě2 'Éi'3 Juá'5 quió'5 Moisés le2caun2 le2caun2 juig2, qui'ě2 dsi2néi2 guá'5 sinagogas ca2le3jě3 jmig4 sa54.

22 Jaun2 ně3, ca2tē1gua1 jág1 quió'5 dsa2 i2chen4 quián5 Jesús, quian'54 dsa2 can'54, ca2le3jín3 guē4 dsa2 i2lín5 guá'5 a2'in3 i2lín54 jē4 quió'5 rin'54, i2chein3 quian'54 Pablo, Bernabé ně3, jui5 Antioquía. Jaun2 ca2'in3 dsa2 Judas i2chen2 Barsabás ján3, quian'54 i2chen2 Silas i2lín5 dsa2 i2quian5 ne4 jui5 jē4 quió'5 dsa2 i2'én2. 23 Jaun2 quian'54 'éi2 ca2chein3 si2 carta a2juá'2 le2la2:

Jnia'54 con'2 lág5 dsa2 chen4 quián5 Jesús, quian'54 dsa2 can'54 quián2 jnia'54, ca2le3jín3 guē4 rin'54 jnia'54 i2'én2, chen4 jnia'54 si2 la2 ne'54 'nia'2 dsi2nau2 rin'54 jniog4 i2tián'5 juig2 Antioquía, quian'54 i2tián'5 'uē3 Siria, quian'54 i2tián'5 'uē3 Cilicia ně3. Cuín5 jnia'54 Diú4 'nia'2.

24 Ma2ca2rē3ne4 jnia'54 jág1 a2i1len54 i2lín54 dsa2 chan2 ja1lá3, on3jua'54 i2chen4 quián2 jnia'54. Ma2dsi3lén2 cué'5 o2me'54 dsi5 'nia'2 quian'54 jág1 quió'5 a2tsí'5 'nia'2 a2tion54 'nió'5 ti3 dsa2 ni1lo1 dsa2 ne'2, a2jme1ti'4 'nia'2 'Éi'3 quió'5 Moisés ně3. 25 'Uig54 jaun2, ca2jmó1 jnia'54 caun2 jág1, ca2'in4 jnia'54 rin'54 jē4 quián2 jnia'54 a2dsi3lén2 co2lē5 quiain'54 Bernabé quian'54 Pa4 i2'nio4 lín3 quián2 jnia'54, a2dsi3jin54 'nia'2. Ia1 le2jaun2 bá4 dse3, lág2 jnia'54. 26 Ma2le1'ág4 caun2 dsi5 gue3 'mú3 o1quió'4 Te1gui'54 Jesucristo quián2 jniog4. 27 Jaun2 chen4 jnia'54 Judas quian'54 Silas ně3, jaun2 i2ně5 bá4 juá'2 quian'54 jág1 tio'54 'o54 ca2le3jě3 a2jua'2 jnia'54 la2. 28 Jaun2 ně3, Jme2dsi2 Jnió5 bá4 ca2jme'054 a2'nio'54 jnia'54 dsi5, jaun2 dse3 bá4 lág2 jnia'54

‡ 15:18 Amós 9:11-12.

a₂tsá₃ cuë₅₄ jnia'₅₄ 'nia'₂ 'éi'₃ guei₂, jnia'₅₄ lia'₂ jmá'₃ lia'₂ a₂léi₄ 'nió'₅ quián'₂ 'nia'₂ la₂: ²⁹ A₂tsá₃ quë'₅₄ 'nia'₂ ni₁ñí₅ a₂ma₂dsia₃ dsa₂ ne₄chei₂ quió'₅ diú₄ lag₄; já₃ bá₄ tsá₃ quë'₅₄ 'nia'₂ jmi₄ já'₂, on₃ guë'₂ ni₁ñi₁ já'₂ i₂dsan₂ i₂güí'₅ dsa₂ dsi₂lag₄. Tsá₃ nió'₄ 'nia'₂ já₃ quián'₅₄ dsa₂ i₂tsá₃ lín₅ dsi₂i₂gog'₂. Nē₁jua'₂ ca₂jme₁ti'₄ 'nia'₂ já₃ la₂, dse₃ bá₄ le₃chan'₂ 'nia'₂.

Co₂nē₅ bá₄ já₃.

³⁰ Jaun₂ nē₃, le₂nē₅ bá₄ ca₂tón'₂ 'éi' jui₅, ca₂i₃léin₂ jui₅ Antioquía. Jaun₂ ca₂ñí'₂ dsa₂ i₂én₂ ja₁jaun₂. Jaun₂ ca₂jín'₃ dsa₂ si₂ carta a₂jme₁quian₅. ³¹ Jme₁ca₂'í₂ riin'₅₄ si₂, qui₂ca₂jmo₃ 'io'₂ o₁quió'₄ já₃ a₂cuë₅ lián'₂ dsí₅ jaun₂. ³² Ia₁ Judas quián'₅₄ Silas, i₂jme₁'ě₂ já₃ a₂cuë₅ Diú₄ já₃, ca₂cuë₃ 'lióng₂ já₃ dse₃ a₂ca₂jmo₃ ca₂'ág₂ dse₃ dsí₅ riin'₅₄, 'ñio₅ lín₃ ca₂cuë₃ bí₂ nē₃, quián'₅₄ já₃ quió'₅. ³³ Jme₁ma₂tě₂ 'lióng₂ jmig₄ tío₁n'₅₄ ja₁jaun₂, ca₂dsióg'₂ táng₃ dsa₂ caun₂ tei₄ ja₁con₂ riin'₅₄ i₂ca₂chei₃. § ³⁵ La₁ ca₂jnia₃ Pa₄ quián'₅₄ Bernabé juig₂ Antioquía, qui₂jme₂tiin₂₃ dsa₂, quiain'₅₄ juin₅ guë₄ i₂sián'₂, qui₂'ě'₅ dsa₂ já₃ dse₃ quió'₅ Te₁gui'₅₄.

Ca₂ñó₃ Pa₄ ca₂i₁'ě₄ já₃ jě₂ ca₂tě₂ tin₃ ráun₂

³⁶ Cang₂ jaun₂, ca₂juá'₂ Pa₄ ca₂tsí'₃ Bernabé:

—Dsau₅₄ táng₃ dsi₁jín₁ riin'₅₄ ca₂le₃jě₃ juig₂ ja₁ma₂ca₂i₁'ě'₅₄ dsa₂ já₃ dse₃ quió'₅ Te₁gui'₅₄, dsi₁jag₅₄ nē₁jua'₂ 'a₂ lia'₂ chain₂.

³⁷ Bernabé nē₃ jme₁'nio₃ jniai₃ Juan₅₄, i₂chen₂ Marcos já₃. ³⁸ La₁ Pa₄ guë'₂ nē₃ tsá₃ ca₂gue₃ jiog₃, ia₁ ca₂téi₂ bá₄ 'éi₂ lia'₂ con'₂ jme₁i₁nioi₁₂ 'uë₃ Panflia,* tsá₃ ma₃ca₂jme₃quiong'₅₄ jua'₅₄ a₂jme₃'o₅₄. ³⁹ Jaun₂ ca₂tsín₂ 'ñio₅ lín₃, ca₂lia'₂ ca₂i₃léin₂ jma₃quén₅. Jaun₂ Bernabé bá₄ ca₂jnia₃ Marcos, ca₂tóin'₂ ni₁barco, ca₂i₃léin₂ jui₅ Chipre. ⁴⁰ Pa₄ guë'₂ ca₂quióin'₂ Silas. Jme₁ma₂nē₂jáng'₂ riin'₅₄ o₄gú₃ Te₁gui'₅₄ i₂'nio₃, jaun₂ qui₂ca₂'ág'₃ já₃ riin'₅₄, ca₂i₃léin₂. ⁴¹ Jaun₂ ca₂i₁ñi₁₂ le₂tan₅₄ 'uë₃ Siria quián'₅₄ Cilicia, qui₂i₁cuë'₂ bí₂ riin'₅₄ i₂tián'₅ ja₁jaun₂.

16

Ca₂jme₃quiong'₅₄ Timoteo ca₂jme₃quian'₅₄ Pa₄ quián'₅₄ Silas

¹ Ca₂dsióg₃ Pa₄ quián'₅₄ Silas juig₂ Derbe, juig₂ Listra nē₃. Ja₁jaun₂ ca₂jein'₂ jan₂ dsa₂ 'én₂ i₂chen₂ Timoteo. Chog₅₄ Timoteo 'éi₂ jme₁lín₄ 'io₅₄ judía i₂ma₂'én₂ já₃ dse₃. Jme₁i₂ guë'₂ jme₁lín₄ jan₂ griego. ² Jaun₂ dsa₂ i₂'én₂ i₂jme₁tián'₄ Listra quián'₅₄ Iconio, dse₃ bá₄ jme₁'ag₂₃. ³ Jaun₂ 'nio₃ Pa₄ jiog₃ quiong'₅₄, jaun₂ ca₂ti₃ ni₁lo₁ 'éi₂,* ia₁jaun₂ tsá₃ jén'₄ 'lig'₅₄ dsa₂ judíos i₂tián'₅ ja₁jaun₂. Ia₁ ma₂ñi₅ bá₄ ca₂le₃jín₃ dsa₂, a₂lín₅ griego jme₁'éi₂. ⁴ Ca₂le₃jě₃ juig₂ ja₁ca₂ñí₃, qui₂ca₂jme₃jein'₂ riin'₅₄ ca₂cuë₃ 'éi'₃ con'₂ lě₅ já₃ quió'₅ dsa₂ i₂chen₄ quián₅ Jesús, já₃ quió'₅ dsa₂ can'₅₄ i₂tián'₅ Jerusalén nē₃. ⁵ Jaun₂ nē₃, ca₂le₃jín₃ dsa₂ i₂lín₅ guá'₅, ca₂jña'₃ tiá₂ já₃ dse₃ a₂'éin₂, jaun₂ le₂o₃ jmig₄ bá₄ ca₂i₃juin₂.

Ca₂qui₃ Pablo a₂ca₂jín₂ jan₂ dsa₂ chan₂ Macedonia

⁶ Tsá₃ ca₂cuë₃ Jme₂dsí₂ Jñio₅ jmig₄ a₂'ě₂ dsa₂ já₃ dse₃ 'uë₃ Asia. Jaun₂ lě₃ ca₂i₁lein₅₄ ca₂i₁ñi₁₂ le₂tan₅₄ 'uë₃ Frigia quián'₅₄ 'uë₃ Galacia. ⁷ Jaun₂ ca₂dsi₃léin₂ ja₁jén₂ 'uë₃ Misia. Ja₁jaun₂ jme₁'nio₃ jme₁dsi₃léin₂ 'uë₃ Bitinia. La₁ tsá₃ ca₂cuë₃ jmig₄ Jme₂dsí₂ quián₅ Jesús dsi₃léin₂ ja₁jaun₂. ⁸ Jaun₂ con'₂ ca₂ñí₃ bá₄ 'uë₃ Misia, ca₂dsi₃léin₂ 'o₄ jmi₁ñí'₄ ja₁chei₂ Troas. ⁹ Ja₁jaun₂ ca₂qui₃ Pa₄ a₂'uë₂ jaun₂ a₂ca₂jín₂ jan₂ dsa₂ chan₂ 'uë₃ Macedonia, a₂chéin'₅ mi₂₃, a₂juá'₂: “Ñi₅₄ jui₅ 'uë₃ Macedonia i₂jme₁'o₁ jnia'₅₄.” ¹⁰ Dsi₂jui₅ jme₁ca₂qui₃ Pa₄ le₂nē₅, jaun₂ ca₂jmó₁ jnia'₅₄ co₂jnia₅₄ a₂dsi₁ná₄ jui₅ Macedonia. Ia₁ dsón'₂ lág₂ jnia'₅₄ a₂tě₂ Diú₄ ja₁jaun₂ a₂dsi₁'ě₄ jnia'₅₄ já₃ dse₃.†

§ 15:33 A₂lín₅₄ chog₅₄ si₂ chi₁ton₅ versículo 34: “La₁ Silas nē₃, ca₂dsia₃ dsí₅ jnia₃.” * 15:38 'Nio'₂ ja₁ton₅ Hechos 13:15. † 16:3 o₃, “ca₂jmo₃ a₂ca₂ti₃ dsa₂ ni₁lo₁ 'éi₂.” † 16:10 Ja₁lá₃ ca₂jme₃lióg₃ Lucas ca₂jme₃quian'₅₄ Pa₄ quián'₅₄ riin'₅₄ ja₁jme₁i₂nioi₅₄. Ja₁lá₃ ca₂jme₃lióg₃ juá'₂ “jnia'₅₄” lia'₂ con'₂ jme₁ca₂jmo₃ Si₂ Hechos la₂.

Pa₄ quian'₅₄ Silas tioen'₅₄ juig₂ Filipos

11 Ca₂tió'₄ jnia'₅₄ 'ñió'₃ ni₁barco juig₂ Troas. Ca₂i₃náu₅ jnia'₅₄ co₂dsau₅ juí₅ 'uë₃ Samotracia a₂niog₅ jë₄ jm₁ñí'₄. Jme₁jnia₃ jaun₂, ca₂dsi₃náu₅ jnia'₅₄ Neápolis. 12 Tio'₅₄ jnia'₅₄ ja₁jaun₂, i₂náu₅ táng₃ ja₁chei₂ Filipos. Ja₁jaun₂ lë₅ caun₂ colonia romana ja₁lë₄ juig₂ dsen₅₄ guë₄ quió'₅ dsa₂ chan₂ 'uë₃ Macedonia. Ja₁jaun₂ ca₂tió'₄ jnia'₅₄ tin₃-ni₅ jmig₄. 13 Caun₂ jmig₄ sa₅₄ ca₂i₁náu₄ juí₅ 'ni'₂ juig₂, cau₅ chei'₅₄ cuá₃, caun₂ ja₁jme₁lë₄ ja₁dsi₂lén₂ dsa₂ a₂chi₂lén₂ Diú₄. Ja₁jaun₂ ca₂'io₄ jnia'₅₄, ca₂jme₁tin₅ jnia'₅₄ 'io₅₄ i₂ca₂ñi'₂, jág₁ dse₃ quió'₅ Diú₄. 14 Jan₂ 'io₅₄ i₂jme₁'en₅₄ jë₄ jaun₂ i₂chen₂ Lidia i₂chan₂ juig₂ Tiatira, jme₁lín₄ dsa₂ i₂'nag₅ 'mi'₂ 'ui'₃ jlá'₁. 'Io₅₄ 'éi₂, jme₁jme₂juin'₂ Diú₄. Jaun₂ ca₂jmo₃ Te₁gui'₅₄ ca₂lë₃ dsí₅ 'io₅₄ 'éi₂ a₂nag₃ a₂tón₂ juí₅ a₂juá'₂ Pa₄. 15 Jaun₂ ca₂jñó'₂ jmig₂ co₂dsia₅ quian'₅₄ ca₂le₃jín₃ dsa₂ dsi₂néi₂ quió'₅. Jme₁co₂lág₂ jaun₂, ca₂mi₃ tság₅ jnia'₅₄:

—Chi₂jua'₂ jmo'₂ 'nia'₂ 'au'₂ a₂lín₅ jniá₂ tē₃dsón'₂ dsa₂ i₂'én₂ jág₁ quió'₅ Te₁gui'₅₄, i₂nó'₅ 'nia'₂ ja₁quió'₃ i₁jñia'₄.

Jaun₂ ca₂juá'₂ tion₅₄ a₂ca₂jñia₄ jnia'₅₄.

16 Co₂ráun₂ ca₂lë₃, lia'₂ con'₂ jme₁i₃náu₅ jnia'₅₄ ja₁chi₂lén'₂ dsa₂ Diú₄, ca₂jen'₂ jnia'₅₄ jan₂ 'io₅₄ chi'₂ i₂jme₁'en₅₄ jme₂dsí₂ 'lín'₅₄ tē₂dsí₅, i₂dsi₂jág₁. † 'Io₅₄ 'éi₂ a₂lë₃jmo₂₃ bá₄ ta₁, ia₁ juig₅₄ bá₄ jme₁cán₂ cu₄ a₂jme₁lí'₂ a₂dsi₂ jág₁. 17 'Io₅₄ chi'₂ 'éi₂ ca₂'ein₃ Pa₄, ca₂'ein₃ jnia'₅₄ nē₃, ca₂quió'₃ ca₂tsí'₃ dsa₂ i₂jme₁tion'₅₄:

—Dsa₂ nē₅ i₂jme₂ti₃ ta₁ ne₄ Diú₄ juin'₂ guë₄. Jaun₂ 'ë₂ jág₁ tsí'₅ 'nia'₂ 'a₂ lia'₂ lé₂ lión'₂ 'nia'₂.

18 'Lióng₂ jmig₄ ca₂jmo₃ le₂jaun₂. Ca₂lë₃ jme₁ca₂lë₃ ca₂i₃mé'₂ dsí₅ Pa₄. Jaun₂ ca₂jí₂, ca₂juá'₂ ca₂tsí'₃ jme₂dsí₂ 'lín'₅₄ i₂jme₁'en₅₄ quió'₅ 'io₅₄ 'éi₂:

—Quian'₅₄ bí₂ 'éi'₃ quió'₅ Jesucristo, jmo₅₄ jniá₂ 'éi'₃, jú₅ quió'₅ 'io₅₄ nē₅.

Jaun₂ co₂tan₅₄ dsi₂juí₅ jaun₂, ca₂o₃ 'ín₃ jme₂dsí₂ 'lín'₅₄ ca₂téin₂ 'io₅₄.

19 Jme₁ca₂rë₃lí'₄ dsa₂ juig₅₄ 'io₅₄ 'éi₂, a₂tsá₃ ma₃cuin₅ jmig₄ a₂lí'₂ guë₄ cu₄ quian'₅₄ 'éi₂, jaun₂ ca₂jñai'₃ Pa₄ quian'₅₄ Silas, ca₂tág₃ juí₅ 'ma'₅₄ ne₄ dsi₂tan₅₄. 20 Jaun₂ ca₂i₁jo₅₄ ja₁tián'₄ juë₄, jaun₂ ca₂juá'₂:

—Dsa₂ la₂, i₂lín₅ judíos, i₂niói₅₄ tsi₂jñin₂₃ dsa₂ juig₂ go₄ jniog₄. 21 Qui₂'ë'₅ jme₂tiin₂₃ dsa₂ tag₄ a₂tsá₃ dsi₂ten₅₄ guéi₁ jniog₄, on₃ guë'₂ dsi₂ten₅₄ jua'₅₄ a₂jmo₁, ia₁ dsa₂ romanos bá₄ lág₅.

22 Jaun₂ ca₂nau₂ dsa₂ juig₂ 'nei₂ ca₂jmaí'₂ Pa₄ quian'₅₄ Silas. Jaun₂ ca₂dsi₂ dsi₂tan₅₄ a₂dsi₂uig₅ ni₁tsin'₅₄, jaun₂ ca₂jmo₃ 'éi'₃ a₂bóg₂ nē₃ quian'₅₄ ni₁'ma₂. 23 Jme₁ma₂dsan₃ bóg₂ 'ñio₅ lín₃, jaun₂ guë₄ ca₂to'₂ né'₃ 'má₃. Ca₂jmo₃ 'éi'₃ a₂jmo₃ dsa₂ i₂niog₅ gu₂ 'né₅ 'má₃ 'í₁ dse₃ lín₃. 24 Dsa₂ 'éi₂ nē₃, jme₁ca₂ñi₂ 'éi'₃ jaun₂, ca₂i₁tio'₂ ca₂të₂ quióng₄ tsi₁'né₅ 'má₃, le₁tia₃ mi₂tag₅₄ 'ñió'₃ tau₂ ni₁'ma₂.

25 La₁ con'₂ dsi₃nei₅ jme₁ca₂'ë₃ Pa₄ alabanzas quian'₅₄ Silas qui₂ca₂tsí'₃ Diú₄, qui₂ca₂nág₂ bá₄ dsa₂ sián'₂ i₂tion'₅₄ 'né₅ 'má₃. 26 Të₃jë₄ jaun₂, con'₂ tsá₃ ján₅ dsa₂, ca₂i₁bí₅₄ 'uë₃ tiá₂ lín₃, ca₂lia'₂ qui₂ca₂jë'₂ 'uig₅₄ ni₁'ia'₂ tsi₁'né₅ 'má₃, qui₂ca₂niá₃ ca₂le₃jë₃ o₄'né₄, qui₂ca₂gag₂ ñí₁ cadenas a₂jme₁le₁'ñe'₅₄ ca₂le₃jín₃ dsa₂ i₂jme₁tion'₅₄ 'ñió'₃. 27 Jme₁ca₂ñé₃ dsa₂ i₂jmo₅ 'í₁, ca₂jág₃ ma₂le₁na₁ jë₂ o₄'né₄ 'né₅ 'má₃, jaun₂ ca₂dsi₂ ñi₁tág₂ quió'₅ a₂jme₁jñi'₃ 'ñiog₅. Ia₁ lín₂ ma₂ca₂lón₂ jñi₂ bá₄ i₂le₁jñi₅ né'₃ 'má₃. 28 La₁ dsi₂juí₅ ca₂quió'₃ Pa₄ ca₂juá'₂:

—Tsá₃ lë₃jmag'₅₄ uig₅ 'ñiag'₂, ia₁ la₂ bá₄ tio'₅₄ jnia'₅₄ ca₂le₃jág₃.

29 Jaun₂ ca₂mi₃ dsa₂ 'éi₂ si₂, jaun₂ ca₂'í₃ co₂chi'₅₄ dsi₂néi₂ tē₃ gó'₅ jlein₂₃ ñó₃ ca₂chi₃jné₃ ne₄ Pa₄ quian'₅₄ Silas. 30 Jaun₂ ca₂'uág'₂ tē₂ca₁'né₄, jaun₂ ca₂ñag₃:

—'Nia'₂ dsa₂, ¿'e₂ 'nió'₅ jmo₅₄ jniá₂ ia₁jaun₂ lión₂ jniá₂?

31 Jaun₂ ca₂juá'₂ 'éi₂:

—'Én₃ tē₂le₃ quió'₅ Te₁gui'₅₄ Jesucristo, jaun₂ bá₄ tíng'₄, quiang'₅₄ ca₂le₃jín₃ dsa₂ dsi₂néi₂ quiáng'₂.

‡ 16:16 lit. “jan₂ 'io₅₄ chi'₂ i₂jme₁jñiog₅ jme₂dsí₂ quió'₅ dsi₂mi'₂ cua₁ pithón.”

³² Jaun₂ ca₂cuë₃ Pa₄ quian'₅₄ Silas jág₁ dse₃ quió'₅ Te₁gui'₅₄ ca₂cuë'₃ dsa₂ 'éi₂ quian'₅₄ ca₂le₃jín₃ dsa₂ i₂tián'₅ dsi₂néi₂ quió'₅. ³³ Hora jaun₂ a₂'uë₂, dsa₂ i₂niog₅ gu₂ 'né₅ 'má₃ 'éi₂ qui₂ca₂rín'₃ ja₁qui₂le₁cuí'₃ quió'₅ Pa₄ quian'₅₄ Silas. Jaun₂ 'éi₂ quian'₅₄ ca₂le₃jín₃ dsa₂ dsi₂néi₂ quió'₅, ca₂jñó₂ jmíg₂. ³⁴ Jme₁co₂lág₂ jaun₂, ca₂tág₃ ja₁quió'₄, ca₂i₁cuë₂ a₂gué'₃. Jaun₂ 'io'₂ jmo₂₃ ca₂le₃jín₃, ia₁ ca₂rë₃'éin₂ jág₁ quió'₅ Diú₄.

³⁵ Jme₁jnia₃ jaun₂, ca₂chen₃ juë₄ chi'₂ 'i'₅₄ a₂ca₂i₁chi'₄ dsa₂ i₂niog₅ gu₂ 'né₅ 'má₃, a₂lióin₂ dsa₂ 'éi₂. ³⁶ Jaun₂ ca₂juá'₂ dsa₂ i₂niog₅ gu₂ 'né₅ 'má₃ ca₂tsí'₃ Pa₄:

—Ma₂ñig₂ 'éi'₃ quió'₅ juë₄ a₂long₅₄ 'nia'₂. Jaun₂ ma₂lé₂ o₁no'₄ 'nia'₂ tei₄ quiáng'₂.

³⁷ Jaun₂ ca₂juá'₂ Pa₄ ca₂tsí'₃ chi'₂ 'i'₅₄:

—Ca₂chóng'₂ dsa₂ jnia'₅₄, qui₂ca₂bóg₂ tē₃jín₄ dsa₂ juin₅ tē₃ tsá₃ ca₂caún₃ de'₂ jág₁ dsau₅ quián₂ jnia'₅₄ i₂lág₅ dsa₂ tén₅ juig₂ Roma. Jaun₂ guë₄ ca₂to'₂ né₃ 'má₃. ¿Nē₃ nē₃ 'nio₃ lió₂ jnia'₅₄ con'₂ tē₃co'₅₄? Tsá₃ le₂jaun₂. Jui₁ja₂lén₂ guioin₅₄ jui₁ja₂'uag'₅₄, jui₁lia'₂ ca₂to'₂.

³⁸ Jaun₂ guë₄ ca₂i₁con₂ chi'₂ 'i'₅₄ jág₁ jaun₂ ne₄ juë₄, jaun₂ ca₂rë₃gó'₅ jme₁ca₂rë₃ñi₅ a₂lín₅ Pa₄ quian'₅₄ Silas dsa₂ tén₅ Roma. ³⁹ Jaun₂ ca₂i₁len₅₄ dsi₂tan₅₄ ca₂i₁mi₂ o₂'én₂ dso₄ ne₄ Pa₄ quian'₅₄ Silas. Ca₂'uág'₂ bá₄ jaun₂ nē₃, jaun₂ ca₂juá'₂ a₂'uín₃ 'éi₂ juig₂ jaun₂. ⁴⁰ Jme₁ma₂'uin₂ 'éi₂ 'né₅ 'má₃, ca₂i₁lein₃ ja₁quió'₄ 'io'₅₄ Lidia. Jme₁ca₂ñi'₂ quian'₅₄ riin'₅₄, qui₂ca₂cuë₃ bí₂ nē₃, jaun₂ guë₄ ca₂'uin₂ ja₁jaun₂, ca₂i₁lein₅₄ guë₄ juig₂ siá'₂.

17

Ca₂lë₃ mi'₅₄ juig₂ Tesalónica

¹ Jui₅ ja₁ca₂ñe₄ Pa₄ quian'₅₄ Silas jaun₂, ca₂i₁ñi₁₂ juig₂ Anfípolis quian'₅₄ juig₂ Apolonia nē₃. Jaun₂ ca₂dsi₃lén₂ juig₂ chei₂ Tesalónica. Ja₁jaun₂ jme₁chí'₄ guá'₅ sinagoga quió'₅ dsa₂ judíos. ² Pa₄ nē₃, ia₁ le₂jaun₂ tin₂ quió'₅, ca₂ñei₅₄ guá'₅. Tē₁lia'₂ ca₂'í₃ tin₃'ni₅ semana ja₁jaun₂, qui₂ca₂dsia₃ jág₁ quian'₅₄ dsa₂ ca₂le₃jë₃ jmíg₄ sa₅₄, jui₁lia'₂ jág₁ a₂juá'₂ ne₄ Si₂. ³ Qui₂ca₂cuë₃ jág₁ dsau₅ 'a₂ lia'₂ dsón'₂ 'i₄ 'éi'₃ ne₄ Si₂ quió'₅ Diú₄ a₂juá'₂ a₂tion₅₄ ñág₃ uig₅ I₂rë₂'ín₁ quián₅ Diú₄, jaun₂ cang₂ jë₁ma₂join₂₃, a₂tion₅₄ niog₅ jein'₅₄ táng₃. Jaun₂ caun₂ ca₂juá'₂ bá₄:

—Jesús i₂'ín₅ jniá₂, jág₁ a₂'ë₅ juig₂ 'nia'₂, I₂rë₂'ín₁ quián₅ Diú₄ bá₄ 'éi₂.

⁴ Jaun₂ ca₂rë₃'én₂ i₂lín₅₄ dsa₂ judíos, ca₂jme₃quian'₅₄ Pa₄ quian'₅₄ Silas. Ján₃ bá₄ ca₂rë₃'én₂ juin₅ dsa₂ griegos i₂jme₁jme₂juin'₂ Diú₄, ca₂rë₃'én₂ juin₅ 'io'₅₄ dsen₅₄ nē₃. ⁵ La₁ dsa₂ judíos i₂tsá₃ 'én₂ nē₃, ca₂rë₃'néi₃ a₂dsí'₅. Jaun₂ ca₂jme₃quian'₅₄ co₂nió'₃ dsa₂ juí'₅ i₂lë₁jme₁nió₄ tsí₁jín₁ jë₄ calle. Ca₂quin'₃ jág₁ quió'₅, ca₂i₁nioi₁₂ ca₂tó'₂ mi'₅₄, tsí₂jín₂₃ dsa₂ juig₂. Jaun₂ ca₂i₁toin'₁ tion₅₄-jan₃ ja₁quió'₄ Jasón, a₂jme₁'nio₃ dsein₂₃ Pa₄ quian'₅₄ Silas, a₂jme₁të₂ 'éi₂ jín₄ dsa₂ juig₂. ⁶ Ia₁ tsá₃ ca₂dsáin'₂ 'éi₂ ja₁jaun₂, Jasón bá₄ qui₂ca₂tsi₃cuin'₂ quian'₅₄ guë₄ riin'₅₄ i₂'én₂, jaun₂ ca₂tág₃ jui₅ ne₄ta₁, ca₂i₁jang'₂ ne₄ dsi₂tan₅₄, jaun₂ ca₂juá'₂ ca₂lia'₂ quió'₅ tioin'₅₄:

—I₂la₂ bá₄ dsa₂ i₂ñí₄ lë₃ ma₂jmo₃ tsá₃ ma₃caun₂ 'ei₅ jág₁, qui₂ma₂jéin'₂ dsa₂ ta₁caun₂ mi₂güig₃. Le₂jaun₂ bá₄ 'nio₃ jmo₃ ja₁lám₃ ján₃, ta₁ jaun₂ bá₄ ja₂lén₂. ⁷ Jasón la₂ nē₂cuë₃ jmíg₄ nē₂jñia₃ dsa₂ 'éi₂ ja₁quió'₄. Ca₂le₃jín₃ 'éi₂ jmo₂₃ a₂tsá₃ dsi₂ten₅₄ jmo₃ lia'₂ con'₂ lë₅ 'éi'₃ quió'₅ gui'₅₄ emperador. Ia₁ i₂nioi₅₄ tsí'₅ dsa₂ a₂chan₂ guë₄ jan₂ rag₅₄ sián'₂, jan₂ i₂chen₂ Jesús.

⁸ Jme₁ca₂ñág₂ dsa₂ le₂në₅, ca₂tóin'₂ go₂'i₃ quian'₅₄ dsi₂tan₅₄. ⁹ La₁ Jasón quian'₅₄ riin'₅₄ ca₂quí₃ cu₄ ne₄ dsi₂tan₅₄, jaun₂ guë₄ ca₂lió₂ dsa₂.

Pablo quian'₅₄ Silas tioin'₅₄ juig₂ Berea

¹⁰ Dsi₂jui₅ le₂jaun₂ ca₂jmo₃ riin'₅₄ a₂ñó₃ Pa₄ quian'₅₄ Silas tē₃ a₂'uë₂ jui₅ Berea. Jme₁ca₂dsi₃lén₂ ja₁jaun₂, i₁lein₅₄ dsi₂jui₅ dsi₂néi₂ guá'₅ sinagoga quió'₅ dsa₂ judíos. ¹¹ Dsa₂ judíos i₂jme₁tián'₄ ja₁jaun₂ jme₁dsein₃ con'₂ guë₄ dsa₂ juig₂ Tesalónica. Lia'₂ 'i₄ rë₂ jág₁ bá₄ ca₂gue₃ jág₁ dse₃ quió'₅ Diú₄. Jaun₂ ca₂le₃jë₃ jmíg₄ bá₄ jme₁'no'₂ ne₄ Si₂ quió'₅ Diú₄, ia₁

'nio₃ le₃ŋi₅ chi₂jua'₂ dsón'₂ bá₄ le₂jaun₂ lě₅ jág₁ a₂cuē₅ Pa₄ quian'₅₄ Silas. ¹² Juin₅ bá₄ dsa₂ judíos 'éi₂ ca₂rě₃'én₂. Ján₃ bá₄ le₂jaun₂ juin₅ dsa₂ griegos, lia'₂ dsa₂ ŋe'₂ lia'₂ 'io₅₄ dsen₅₄ ně₃. ¹³ La₁ jme₁ca₂rě₃ŋi₅ dsa₂ chan₂ Tesalónica a₂'en₅₄ Pa₄ 'ě₅ dsa₂ jág₁ dse₃ quió'₅ Diú₄ juig₂ Berea ján₃, jaun₂ ca₂i₃lěin₂ ja₁jaun₂, ca₂chi₂ca₂jain₃ dsa₂. ¹⁴ La₁ co₂tan₅₄ ca₂chei₃ riin'₅₄ ca₂chein₃ Pa₄ chei'₅₄ jmi₁ŋi'₄. Ca₂ŋia₃ bá₄ Silas quian'₅₄ Timoteo juig₂ Berea. ¹⁵ Ca₂i₁jiog₃ dsa₂ i₂jme₁quian'₅₄ Pa₄ ca₂i₁ŋiai₃ 'éi₂ ca₂tě₂ juig₂ Atenas. Jaun₂ ca₂i₃lěin₃ táng₃ le₁quion₂ jág₁ quió'₅ Pa₄ a₂jiá₃ Silas quian'₅₄ Timoteo a₂dsi₃jme₃quiong'₅₄ dsi₂jui₅.

En₅₄ Pablo juig₂ Atenas

¹⁶ Tě₂lia'₂ 'en₅₄ Pa₄ chi₁ŋiai₂₃ Silas quian'₅₄ Timoteo juig₂ Atenas, tsá₃ dse₃ 'ei₅ dsi₅, ia₁ ca₂jiin₂ juin₅ lin₃ diú₄ lag₄ tión₂ le₂tan₅₄ jě₄ juig₂. ¹⁷ Jaun₂ ca₂i₁'ě₄ jág₁ dse₃ dsi₂néi₂ guá'₅ sinagoga, ca₂tsí'₃ dsa₂ judíos, dsa₂ sián'₂ ně₃ i₂jme₂juin'₂ Diú₄ tě₃dsón'₂. Ca₂le₃jě₃ jmi₄ ně₃, qui₂ca₂'ě₂ Pa₄ jág₁ dse₃ jě₄ 'ma'₅₄ ca₂tsí'₃ ca₂le₃jin₃ dsa₂ i₂jme₁jein'₂ ja₁jaun₂. ¹⁸ I₂lin₅₄ dsa₂ i₂jme₁jme₂tag₅ si₂ quió'₅ dsa₂ i₂tě'₂ dsa₂ epicúreos, i₂lin₅₄ guē'₂ i₂jme₁jme₂tag₅ si₂ quió'₅ i₂tě'₂ dsa₂ estoicos, dsa₂ 'éi₂ ca₂jme₃lióg₃ ca₂dsia₃ jág₁ quian'₅₄ Pa₄. I₂lin₅₄ guē'₂ dsia₅ tsí'₅ riin'₅₄:

—Tsá₃ ne₄ 'e₂ bá₄ jág₁ quian'₅₄ i₁ten'₅₄ ně₅ a₂juá'₂ tság₃ jniog₄.

I₂lin₅₄ guē'₂ juá'₂ táng₃:

—Mei'₂ tsá₃ i₂'ě₂ jág₁ quió'₅ diú₄ sián'₂ i₂quián₅ dsi₂nau₂ bá₄ ně₅.

Jaun₂ bá₄ juá'₂ le₂jaun₂, ia₁ 'en₅₄ Pa₄ 'ě₂ jág₁ dse₃ quió'₅ Jesús, 'a₂ lia'₂ ca₂jein'₅₄ táng₃. ¹⁹ Jaun₂ ca₂ŋiai₃ Pa₄ caun₂ ja₁chei₂ Areópago. Jme₁ca₂dsi₃lěin₂ ja₁jaun₂, ca₂ŋi'₃ Pa₄ ca₂juá'₂:

—¿Lé₂ le₃ne₄ ŋia'₅₄ 'e₂ jág₁ 'mí₂ dsia'₂ a₂jme₂tág'₂? ²⁰ Niog₂ ŋia'₅₄ le₃ne₄ 'e₂ jein₅ jág₁ a₁juá'₂ 'ne₂ ně₅. Ja₂lin₃ guē'₄ siá'₂ né'₂.

²¹ Ia₁ ca₂le₃jin₃ bá₄ dsa₂ chan₂ Atenas, quian'₅₄ dsi₂nau₂ i₂jme₁tián'₄ ja₁jaun₂, jmá'₃ a₂jaun₂ bá₄ jme₁tiin₂ qui₂jmo₂₃: qui₂nag₂₃, qui₂dsia₂₃ ně₃, jmá'₃ ca₂ne₅₄ jág₁ 'mí₂ a₂cha₂.

²² Jaun₂ ca₂nau₂ Pa₄ dsi₂jo₂ ja₁le₁ŋi'₂ dsa₂ jaun₂, jaun₂ ca₂juá'₂:

—'Nia'₂ dsa₂ chan₂ Atenas, jág₅ jniá'₂ 'ŋio₅ 'én'₂ 'nia'₂ tě₂le₃ quió'₅ diú₄ lag₄ quián'₂ 'nia'₂.

²³ Ia₁ lia'₂ con'₂ ca₂ŋi₅ jniá'₂ ca₂jág₃ ja₁chi₁len'₄ 'nia'₂ diú₄ lag₄ quiáng'₂, ca₂jág₃ caun₂ ja₁lě₄ ne₄chei₂ le₁ton₅ letras la₂, a₂juá'₂: “QUIÓ'₅ DIÚ₄ I₂TSÁ₃ CUŋN₅ DSA₂.” Ia₁ dse₃ bá₄ guē'₂ jaun₂. Diú₄ 'éi₂ i₂chi₁len'₄ 'nia'₂, Diú₄ i₂tsá₃ cuin'₂ 'nia'₂, i₂'éi₂ bá₄ 'ín₄ jniá'₂, jág₁ quió'₅ 'éi₂ bá₄ 'ě₅ jniá'₂, juig₂ 'nia'₂.

²⁴ Diú₄ 'éi₂ i₂ca₂jmo₃ mi₂güig₃, ca₂jmo₃ ca₂le₃jě₃ 'e₂ a₂cha₂ ja₁jaun₂, 'éi₂ bá₄ quió'₅ guei'₅₄ mi₂güig₃ quian'₅₄ gua'₅₄ 'uě₃ ně₃. La₁ tsá₃ guá₅ dsi₂néi₂ guá'₅ a₂jmo₅ dsa₂ mi₂güig₃, ²⁵ on₃ guē'₂ chi₁quian₁₂ jmi₄ jua'₅₄ a₂'nió'₅ jmo₃ dsa₂ 'e₂ jmo₃ quió'₅. Ia₁ 'ŋiog₅ bá₄ Diú₄ jmo₂₃ cuē₂₃ jme₂dsí₂ quián₂ jniog₄, jmo₂₃ dsí₂ a₂quian₂ jniog₄, ca₂jmo₃ ca₂le₃jě₃ guē'₄ 'e₂ a₂cha₂.

²⁶ 'Quian'₅₄ ca₂cho'₅₄ dsa₂ bá₄ ca₂jmo₃ ca₂le₃jě₃ juig₂, ia₁jaun₂ tiain'₃ ta₁caun₂ mi₂güig₃. Jaun₂ ca₂jmo₃ Diú₄ 'éi'₃ ca₂'ě₃ ja₁tian'₃ dsa₂ ně₃, 'a₂ con'₂ uě₂ 'io₃ bí₂ le₂caun₂ le₂caun₂ juig₂,

²⁷ ia₁jaun₂ 'nai'₂ Diú₄, a₂ŋia'₅₄ chi₂lá'₂ quian'₅₄ gu₂, con'₂ tsá₃ ŋó₅ ně₁ca₂dsáu'₂, o₁ŋia'₅₄ la₂ tsá₃ uíng₂ guá₅ Diú₄ ja₁con₂ jniog₄ le₂jau₂ le₂jau₂. ²⁸ Ia₁ a₂chan₂ Diú₄ bá₄ a₂chong₂ jniog₄ a₂i₂nio₄ jniog₄ ně₃. * Ju₁lia'₂ ma₂ca₂juá'₂ i₂lin₅₄ dsa₂ poetas quián'₂ 'nia'₂ ján₃, jme₁ca₂juá'₂:

“Chi'₂-guein₂ quián₅ Diú₄ bá₄ lág₅ jniog₄.” ²⁹ Chi₂juá'₂ lág₅ jniog₄ chi'₂-guein₂ quián₅ Diú₄, jaun₂ tsá₃ dse₃ jua'₅₄ a₂jmo₁ jniog₄ dsi₅ a₂lín₅ Diú₄ ju₁lia'₂ lě₅ caun₂ nió'₄ dsa₂ lag₄ cu₄nióg₄,

on₃ guē'₂ cu₄tiog₂, on₃ guē'₂ ni₁cang₁ a₂tin₂ dsa₂ jmo₂₃ con'₂ lě₅ dsi₂jiog₅ dsi₅ guoin₅₄. ³⁰ Tsá₃ lin₄ ca₂tón'₃ Diú₄ ju₁'a₂ lia'₂ ca₂jmo₃ dsa₂ ma₂líg'₂, ia₁ tsá₃ 'e₂ ŋi₅ dsa₂. La₁ rě₂ně₃ ně₃, jmo₅ Diú₄ 'éi'₃ quió'₅ dsa₂ chan₂ ta₁caun₂ mi₂güig₃ a₂'nió'₅ dsi₃quén'₅ dsi₅. ³¹ Ia₁ ma₂lě₅ 'éi'₃ quió'₅ Diú₄ a₂já₅ caun₂ jmi₄ jě₁qui₃dsi₂₃ 'éi'₃ rě₂ con'₂ dsi₂ten₅₄ quió'₅ dsa₂ mi₂güig₃, tě₂le₃ quian'₅₄

* 17:28 lit. “a₂chong₂, a₂i₂nio₄ jniog₄, a₂i₁ jme₂dsí₂ jniog₄.”

jan₂ dsa₂ i₂ca₂quióin'₂ quiáin₅. Jaun₂ ma₂ca₂jmo₃ léi₄ lia'₂ con'₂ jme₁ca₂jme₃jein'₅₄ 'éi₂ jin₄ 'lag₄.

³² Jme₁ca₂nág₂ dsa₂ ca₂juá'₂ Pa₄ a₂jen'₅₄ 'lag₄, i₂lin₅₄ dsa₂ jnia'₅₄ ca₂nág₂ bá₄. I₂lin₅₄ guë'₂ ca₂juá'₂:

—Në₅ néi₁ táng₃ jnia'₅₄ caun₂ jmig₄ siá'₂ quiáng'₂.

³³ Jaun₂ ca₂o₂'ín₃ bá₄ Pa₄ jë₄ jaun₂.

³⁴ La₁ i₂lin₅₄ dsa₂ ca₂rë₃'éin₂ bá₄, jaun₂ ca₂'ein₃ 'éi₂. Jë₄ jaun₂ jme₁'en₅₄ i₂chen₂ Dionisio i₂lín₅ rin'₅₄ dsi₂tan₅₄ quián₅ Areópago; jan₂ guë'₂ 'io₅₄ në₃ i₂chen₂ Dámaris; lë₂ bá₄ guë₄ dsa₂ i₂quiong'₅₄.

18

'En₅₄ Pablo juig₂ Corinto

¹ Cang₂ jaun₂ ca₂o₃'ín₃ Pa₄ juig₂ Atenas, ca₂ñó₃ jui₅ Corinto. ² Ja₁jaun₂ ca₂jein'₂ jan₂ dsa₂ judío i₂chen₂ Aquila i₂chan₂ 'uë₃ Ponto. Jme₁guá'₄ 'uë₃ Italia le₃jniá'₅, la₁ ca₂jmo₃ 'éi'₃ gui'₅₄ emperador Claudio a₂ca₂'uüin'₂ ca₂le₃jín₃ dsa₂ judíos i₂jme₁tián'₄ juig₂ Roma. 'Uig₅₄ jaun₂ ca₂o₃'ín₃ quiain'₅₄ Priscila 'io₅₄ quiáin₅, a₂ma₂tián'₅ juig₂ Corinto. Jme₁ca₂dsióg₃ Pa₄ ca₂i₁jjin₁₂ dsa₂ 'éi₂, ³ jaun₂ ca₂'í₃ ja₁quió'₄, ca₂jmo₃ ta₁ co₂lë₅ quiong'₅₄, ia₁ ján₃ bá₄ tiin₂ 'me₃ tsi₁'mí'₂ a₂jmo₅ dsa₂ tsi₁'né₅. ⁴ Jaun₂ ca₂le₃jë₃ jmig₄ sa₅₄, jme₁dsó₅ Pa₄ guá'₅ sinagoga a₂jme₂tiin₂₃ dsa₂ jág₁ dse₃, a₂jme₁jme₂'uáin₂ dsí₅ dsa₂, lia'₂ dsa₂ judíos lia'₂ dsi₂nau₂ në₃. ⁵ Jme₁dsióg₃ Timoteo quiain'₅₄ Silas a₂ca₂'uüin₂ Macedonia, a₂dsi₃léin₂ të₂ ja₁'en₅₄ Pa₄, jaun₂ guë₄ ca₂'ë₂ Pa₄ dsen₅₄ dsí₅ jág₁ quió'₅ Diú₄. Jaun₂ guë₄ ca₂tsí'₃ dsa₂ judíos a₂lín₅ Jesús dsa₂ I₂rë₂'ín₁ quián₅ Diú₄. ⁶ La₁ dsa₂ në₃, 'io₅₄ ca₂tiin₂ jág₁ jaun₂, jaun₂ ca₂jme₃lióg₃ qui₂ca₂jní'₂ jág₁ uig₅ Pa₄. 'Éi₂ në₃ qui₂ca₂séi'₂ 'liog₂ ni₁tsin'₅₄, jaun₂ ca₂tsí'₃ dsa₂:

—Guion'₅₄ bá₄ 'nia'₂ le₁cáng'₄ a₂dsián'₃ 'nia'₂ lia'₂ jma₃quian'₅₄ dsáu'₂. Tsá₃ ma₃'e₂ le₁cán'₄ jniá₂. Le₃ne₄ jui₅ në₃ nei₅₄ ja₁con₂ dsi₂nau₂.

⁷ Ca₂o₃'ín₃ bá₄ Pa₄ dsi₂néi₂ guá'₅ sinagoga jaun₂ në₃. Ca₂ñó₃ ja₁quió'₄ jan₂ dsa₂ i₂chen₂ Justo i₂jme₁jme₂juin'₂ Diú₄. Justo 'éi₂ në₃, jme₁guá'₄ cau₅ guá'₅. ⁸ Dsa₂ i₂jme₁lín₄ dsa₂ dsen₅₄ quián₅ guá'₅, dsa₂ i₂chen₂ Crispo, ca₂rë₃'éin₂ të₂le₃ quió'₅ Te₁gui'₅₄, co₂dsia₅ quian'₅₄ dsa₂ dsi₂néi₂ quió'₅. Juin₅ bá₄ dsa₂ chan₂ Corinto ca₂rë₃'én₂ jág₁ dse₃ jme₁ca₂nág₂, jaun₂ qui₂ca₂choin₃ jmig₂. ⁹ Caun₂ a₂'uë₂, a₂lë₁ca₂jén'₃ Pa₄ ca₂jjin₂ Te₁gui'₅₄, a₂juá'₂:

—Tsá₃ lë₁jmo₂ gang'₃ a₂'ë₄ jág₁. Caun₂ dsia₄ bá₄, tsá₃ lë₁jmo₂ tei₄. ¹⁰ Ia₁ quian'₅₄ bá₄ jniá₂ 'ne₂, 'i₁jan₂ tsá₃ téi₂ gu₂ jua'₅₄ a₂j móg'₂ uig₅. Ia₁ juin₅ dsa₂ chan₂ juig₂ la₂ i₂le₃'én₂ quiáng₃.

¹¹ Caun₂ ñi₂ të₂ ca₂'nau₅₄ ca₂'í₃ Pa₄ juig₂ Corinto, qui₂ca₂jme₃tiin₂₃ dsa₂ jág₁ quió'₅ Diú₄.

¹² La₁ jmig₄ jaun₂ ca₂lín₃ dsi₄má'₂ 'uë₃ Acaya jan₂ dsa₂ i₂chen₂ Galión. Jaun₂ ca₂ñí'₂ dsa₂ judíos i₂'ñia₅₄ Pa₄, ca₂tág₃ jui₅ ne₄ta₁. ¹³ Jaun₂ ca₂juá'₂ ca₂tsí'₃ dsi₄má'₂ 'éi₂:

—Le₂siá'₂ bá₄ jme₂tag₅ i₂në₅, toin'₂ jág₁ dsa₂, a₂jme₃juin'₂ Diú₄ on₃jua'₅₄ lia'₂ con'₂ lë₅ 'Éi'₃.

¹⁴ Jë₁jme₁ma₂ñag₃ Pa₄, jme₁ca₂juá'₂ Dsi₄má'₂ Galión ca₂tsí'₃ dsa₂ judíos:

—Jua'₅₄ mei'₂ guë₃ dso₄ juë'₂ ca₂rë₃cán'₂ dsa₂ në₅, jme₁jmo₅₄ bá₄ jniá₂ juin'₂ dsi₃ a₂jme₁nag₅₄ jág₁ quián'₂ 'nia'₂. ¹⁵ La₁ tsá₃ le₂jaun₂. Chi₂jua'₂ 'uig₅₄ jág₁ 'éi'₃ juá'₅ siá'₂ quián'₂ 'nia'₂ guiong'₅₄, tsá₃ 'éi'₃ qui₁dsi₅ jniá₂. Jme₁rë₂ bá₄ 'nia'₂ guiong'₅₄ quiáng'₂.

¹⁶ Jaun₂ ca₂'uág'₂ ca₂'uüin'₂ 'éi₂ ne₄ta₁ jaun₂. ¹⁷ Jaun₂ ca₂jñau'₃ ca₂le₃jín₃ dsa₂ griegos ca₂jñai'₃ Sóstenes i₂lín₅ juig₅₄ quián₅ guá'₅ sinagoga, qui₂ca₂bóg₂ të₃ jág₅ dsi₄má'₂. La₁ tsá₃ ma₃a₂jaun₂ dsan₂ dsí₅ gui'₅₄ Galión, 'i₁caun₂.

Ca₂jón'₃ táng₃ Pablo juig₂ Antioquía, jaun₂ ca₂ñó₃ táng₃ ca₂i₁'ë₄ jág₁ dse₃ jë₁ca₂të₂ 'nag'₂ ráun₂

¹⁸ Uë₂ bá₄ guë₄ ca₂jñia₃ Pa₄ jë₄ juig₂ Corinto. Cang₂ guë₄ jaun₂ ca₂'ág'₃ jág₁ riin'₅₄. Jme₁ma₂tioin'₅₄ juig₂ Cencrea në₃, ca₂chéi₃ Pa₄ dsi₅₄ ca₂jmo₃ léi₄ a₂ca₂jme₃ti₃ jág₁ a₂ma₂cuë'₃ Diú₄ le₂jñiá₅. Jaun₂ ca₂'í₃ ni₁barco ca₂ñó₃ jui₅ ja₁tén₄ Siria quiain'₅₄ Priscila, Aquila

ně₃. ¹⁹ Jme₁ca₂dsi₃lén₂ juig₂ Efeso, ca₂tén₂ Pa₄ Priscila quian'₅₄ Aquila, ca₂ηó₃ jui₅ guá'₅ sinagoga ca₂i₁dsia₂ jág₁ quian'₅₄ dsa₂ judíos i₂jme₁tion'₅₄ le₁ηi'₂. ²⁰ Jme₁ca₂juá'₂ gué₄ dsa₂ ja₁jaun₂ a₂jme₁ηia₃ gué₄ uě₂ Pa₄, la₁ tsá₃ ma₃ca₂gue₃ 'éi₂. ²¹ Jaun₂ ca₂'ág'₃ jág₁ jin₄ riin'₅₄, ca₂juá'₂:

—Tion₅₄ niog₅ nég'₄ Jerusalén i₁jmo₃ jmig₄ a₂já₅. La₁ guáng₂ bá₄ táng₃ i₁jing₁₂ 'nia'₂ ně₁jua'₂ 'nio₃ Diú₄.

Jaun₂ ca₂'í₃ ni₁barco ca₂o₃'iin₃ juig₂ Efeso. ²² Jme₁ca₂dsióg₃ Cesarea, ca₂ηe₄ Pa₄ i₁cuin₃ Diú₄ riin'₅₄ i₂tián'₅ Jerusalén. Jaun₂ ca₂ηái'₃ táng₃ jui₅ Antioquía. ²³ Jme₁ma₂ne₁ηó₄ jmig₄ 'ein₅₄ ja₁jaun₂, ca₂ηei₅₄ táng₃ ca₂i₁ηi₂ le₂caun₂ le₂caun₂ juig₂ ja₁tén₄ 'uě₃ Galacia quian'₅₄ Frigia, qui₂ca₂cuě'₃ bí₂ ca₂le₃jín₃ dsa₂ i₂'én₂ riin'₅₄.

Ca₂'ě₂ Apolos jág₁ dse₃ juig₂ Efeso

²⁴ Jmig₄ jaun₂ ca₂dsióg₃ Efeso jan₂ dsa₂ judío i₂chen₂ Apolos, dsa₂ chan₂ juig₂ Alejandría. 'Nio₅ lin₃ jme₁tin₂ dsa₂ 'éi₂ 'ě₂ jág₁ quió'₅ Diú₄, dse₃ jme₁cuí'₅ Si₂ quió'₅ Diú₄.

²⁵ Jme₁ma₂ηi₅ Apolos 'éi₂ 'a₂ lia'₂ lě₅ jui₅ quió'₅ Te₁gui'₅₄. Jaun₂ 'ηio₂ dsí₅ qui₂ca₂dsia₃ jág₁ qui₂ca₂jme₂tiin₂₃ dsa₂ co₂rě₂ jág₁ quió'₅ Jesús, ton'₂ jmá'₃ ηia'₅₄ a₂jaun₂ bá₄ jme₁ηi₅ Apolos 'a₂ lia'₂ jme₁jme₂tag₅ Juan₅₄ jui₁lia'₂ a₂choin₂₃ dsa₂ jmig₂. ²⁶ Ca₂jme₃lióg₃ Apolos ca₂juá'₂ dsi₂néi₂ guá'₅ sinagoga ca₂tsí'₃ dsa₂, ca₂dsia₃ tiá₂ dsí₅; la₁ jme₁ca₂nág₂ Priscila quian'₅₄ Aquila, ca₂tě'₃ Apolos cau₅, ca₂jme₃tag₂₃ gué₄ rě₂ 'a₂ lia'₂ lě₅ jui₅ quió'₅ Diú₄. ²⁷ Jaun₂ ně₃, lia'₂ con'₂ jme₁'nio₃ Apolos jme₁ηi₃ jui₅ Acaya, ca₂cuě₃ riin'₅₄ bí₂, ca₂chein₃ si₂ carta ne₄ dsa₂ 'én₂ i₂tián'₅ ja₁jaun₂, a₂guein₃ 'éi₂. Jme₁ca₂dsióg₃ Apolos 'uě₃ Acaya, ca₂jme₃'oin₅₄ 'ηio₅ dsa₂ 'én₂ i₂tián'₅ ja₁jaun₂. Ia₁ a₂dse₃ dsí₅ Diú₄ ca₂jmo₃ a₂ca₂rě₃ 'én₂ dsa₂ 'éi₂. ²⁸ Jaun₂ qui₂ca₂tsiin₂ quian'₅₄ dsa₂ judíos, jaun₂ ca₂lí'₃ bá₄ Apolos ne₄ ja₁tsiin₂₃ jaun₂, tě₃ jág₅ ca₂le₃jín₃ dsa₂. Ia₁ lia'₂ con'₂ lě₅ Si₂ quió'₅ Diú₄ bá₄ ca₂'ě'₃ dsa₂ 'éi₂, a₂dsón'₂ bá₄ lín₅ Jesús I₂rě₂'ín₁ quián₅ Diú₄.

19

'En₅₄ Pablo juig₂ Efeso

¹ Tě₁lia'₂ 'en₅₄ Apolos juig₂ Corinto, Pa₄ guě'₂ ca₂ηi₃ le₂tan₅₄ jui₅ má'₂ a₂ca₂dsióg₃ Efeso. Ja₁jaun₂ ca₂jein'₂ i₂lin₅₄ dsa₂ 'én₂. ² Jaun₂ ca₂ηag₃ 'éi₂ ca₂ηi₃ dsa₂ ca₂juá'₂:

—¿Ca₂guen'₅₄ 'nia'₂ Jme₂dsí₂ Jñiós lia'₂ con'₂ jme₁ca₂rě₃ 'én₂ 'nia'₂ jág₁ dse₃?

Jaun₂ ca₂ηag₃ dsa₂:

—Ca₂lia'₂ ηia'₅₄ tsá₃ ma₂ne₄ ηia'₅₄ jua'₅₄ chan₂ jan₂ Jme₂dsí₂ Jñiós.

³ Jaun₂ ca₂ηag₃ táng₃ Pa₄:

—¿'A₂ guě'₂ lia'₂ ca₂ηó'₂ 'nia'₂ jmig₂?

Ca₂ηag₃ táng₃ dsa₂:

—Jui₁lia'₂ ca₂jme₃tag₅ Juan₅₄ bá₄.

⁴ Ca₂juá'₂ Pa₄:

—Jme₁chon₅ Juan₅₄ jmig₂ dsa₂ co₂'nió'₄ léi₄ a₂jme₃tsín₃ dsa₂ dsí₅. La₁ jme₁juá'₂ ján₃, a₂'nió'₅ le₃'én₂ dsa₂ le₃quió'₅ i₂jia₃ chi₁quín₃, a₂'iin₂₃ Jesucristo.

⁵ Jme₁ma₂ně₂néi₂ dsa₂ le₂ně₅, qui₂ca₂choin₃ jmig₂ lia'₂ con'₂ lě₅ 'éi'₃ quió'₅ Te₁gui'₅₄ Jesús.

⁶ Jaun₂ jme₁ca₂quiog₂ Pa₄ gu₂ ne₄ quió'₅ dsa₂ 'éi₂, dsi₂jui₅ le₂jaun₂ ca₂guan₃ Jme₂dsí₂ Jñiós ca₂'í₃ tě₂dsí₅ dsa₂. Jaun₂ qui₂ca₂dsia₃ dsa₂ jág₁ jmei₅ siá'₂, qui₂ca₂juá'₂ jág₁ a₂ca₂cuě₃ Diú₄ ně₃. ⁷ Con'₂ guia₃-tín₂ dsa₂ jme₁lě₂ le₃jín₃.

⁸ Con'₂ 'ni₅ tsi'₂ ca₂dsin₃ a₂jme₁dsó₅ Pa₄ guá'₅ sinagoga ca₂dsia₃ tiá₂ dsí₅ ca₂jme₃tiin₂₃ dsa₂ qui₂co₂jéin'₂ dsa₂ tě₂le₃ ja₁gon₂ Diú₄. ⁹ La₁ i₂lin₅₄ dsa₂ ca₂jmo₃ 'ua'₂ dsí₅, tsá₃ ca₂rě₃'éin₂. Jñia'₅₄ qui₂ca₂ton₃ 'lig'₅₄ bá₄ jui₅ quió'₅ Te₁gui'₅₄ jin₄ dsa₂. Jaun₂ ca₂tě'₃ Pa₄ co₂'nió'₃ jmá'₃ dsa₂ i₂'én₂ ca₂'uiin₂ ja₁jaun₂ ca₂i₃lén₂ caun₂ escuela ja₁tě'₂ quió'₅ Tirano ja₁táun₂ dsa₂ jág₁. Ja₁jaun₂ ca₂i₁jme₁tiin₂₃ dsa₂ ca₂le₃o₃ jmig₄. ¹⁰ Ca₂dsin₃ tin₃ ηi₂ ca₂'í₃ ja₁jaun₂, jaun₂ le₃jín₃

dsa₂ i₂jme₁tián'₄ 'lióng₂ juig₂ ja₁tén₄ Asia ca₂nág₂ jág₁ quió'₅ Te₁gui'₅₄ Jesús lia'₂ dsa₂ judíos lia'₂ dsa₂ griegos ně₃. ¹¹ Jaun₂ 'lióng₂ léi₄ juë'₂ ca₂jmo₃ Diú₄ të₂le₃ quian'₅₄ Pa₄, ¹² le₂jio₅ ni₁tsin'₅₄ dsa₂, o₃ pe₁guí₄ 'e₂ a₂qui₂ca₂ní'₃ quió'₅, jme₁qui₂dsi₂con₃ dsa₂ ja₁con₂ dsa₂ dso'₅₄, qui₂ca₂'lón₂ dsa₂ 'e₂ caun₂ dso₄ niog₅ lín₅, qui₂ca₂'uín₂ jme₂dsí₂ 'lín'₅₄ quió'₅ dsa₂ ně₃.

¹³ La₁ i₂lín₅₄ dsa₂ judíos i₂jme₁i₂nio₄ jmo₂₃ 'uín'₂ jme₂dsí₂ 'lín'₅₄ quió'₅ dsa₂,* dsa₂ 'éi₂ jme₁nio₃ jme₁'iín₃ Te₁gui'₅₄ Jesús ju₁lia'₂ jë₁'uín'₂ jme₂dsí₂ 'lín'₅₄, ca₂juá'₂ tsí'₅ jme₂dsí₂ 'lín'₅₄:

—'Éi'₃ jmo₅ jniá₂ quian'₅₄ bí₂ 'éi'₃ quió'₅ Jesús i₂'iín₅ Pa₄ ně₅, 'uín'₂ 'nia'₂.

¹⁴ Le₂jaun₂ jme₁jmo₅ ta₁guion₃ chí'₂ ja₁ñi'₅₄ jan₂ dsa₂ judío i₂chen₂ Esceva, i₂jme₁lín₄ jan₂ juig₅₄ jme₂dsa₂. ¹⁵ La₁ jme₁ca₂jmo₃ le₂jaun₂, jaun₂ ca₂ñag₃ jme₂dsí₂ 'lín'₅₄:

—Cuín₅ bá₄ jniá₂ Jesús, ján₃ bá₄ guion₄ bá₄ jniá₂ 'ein₂ 'éi₂ Pa₄. La₁ 'nia'₂ ně₃, ¿'ein₂ bá₄ 'nia'₂ jmo₂ 'éi'₃ a₂jú₄ jniá₂?

¹⁶ Jaun₂ dsa₂ i₂jme₁'en₅₄ jme₂dsí₂ 'lín'₅₄ quió'₅, ca₂cuë₃ 'ñio₅ lín₃ ca₂cuë'₃ ca₂le₃jín₃ dsa₂ 'éi₂, ca₂lia'₂ ca₂l₃le₃in₃ cuing₂₃ le₁cuáin'₃ qui₂le₁cuíin'₂ ně₃. ¹⁷ Jaun₂ ca₂le₃jín₃ dsa₂ judíos, quian'₅₄ dsa₂ griegos ně₃, i₂jme₁tián'₄ juig₂ Efeso, ca₂rë₃gó'₅ 'ñio₅ lín₃ jme₁ca₂rë₃ñi₅. Jaun₂ ca₂rë₃juin'₂ Te₁gui'₅₄ Jesús 'ñio₅ lín₃.

¹⁸ Jaun₂ juin₅ dsa₂ i₂ca₂rë₃'én₂, ca₂dsi₃léin₂ ca₂jmo₃ qui₂ñí₃ quió'₅ ca₂le₃jë₃ a₂'lig'₅₄ a₂qui₂ma₂jmo₃. ¹⁹ Jaun₂ juin₅ dsa₂ i₂jme₁jmo₅ ta₁ a₂chan₂ dsí₅ ně₃, ca₂i₁quian₅₄ si₂ lia'₂ quió'₅, jaun₂ ca₂dsí₂ 'të₃ jág₅ dsa₂. Jme₁ca₂chen₃ dsa₂ cuenta je₂liá'₂ dsin₅ 'i₄ 'ma'₅₄ le₃jë₃ si₂ jaun₂, ca₂dsió₃ con₂ të₂láu₃-guíá₂ mei₅ 'éi'₃ cu₄ tiog₂. ²⁰ Jaun₂ ně₃, quian'₅₄ bí₂ quió'₅ Te₁gui'₅₄ caun₂ ca₂i₃'ág₃ jág₁ quió'₅, caun₂ ca₂lí₃ bá₄.

²¹ Cang₂ jaun₂ ca₂'ág₂ Pa₄ caun₂ dsí₅ a₂dsi₃jág₂ le₂tan₅₄ juig₂ ja₁tén₄ 'uë₃ Macedonia quian'₅₄ Acaya, lia'₂ ma₂ñó₅ jaun₂ të₂ Jerusalén. Ján₃ bá₄ ca₂juá'₂ táng₃, jë₁ma₂ca₂dsió₃ Jerusalén, a₂tion₅₄ dsó₃ ca₂të₂ Roma ján₃. ²² Jaun₂ ca₂chein₃ on₃ dsa₂ i₂jme₁'o₅₄† quiáin₅: Timoteo, quiaín₅₄ Erasto, a₂dsi₃léin₂ ju₁ Macedonia. Ca₂rë₃'iín₅₄ bá₄ guë₄ 'ñiog₅, 'uë₃ Asia.

Ca₂nio₃ mi'₅₄ juig₂ Efeso

²³ Jmí₄ jaun₂, 'ñio₅ lín₃ ca₂nio₃ mi'₅₄ o₄quió'₄ Ju₁ quió'₅ Te₁gui'₅₄. ²⁴ Ia₁ jan₂ dsa₂ i₂chen₂ Demetrio i₂jme₁lín₄ të₅ñí₁ cu₄tiog₂, jme₁jmo₂₃ chéi₂ a₂rë₂lag₄ lia'₂ lë₅ guá'₅ ja₁chén₄ 'io₅₄ diú₄ Diana.‡ 'Ñio₅ jme₁tiín₂₃ cu₄ quian'₅₄ ta₁ jaun₂ quió'₅, quian'₅₄ të₅ñí₁ riin'₅₄ i₂jmo₅ ta₁ le₂jaun₂. ²⁵ Jaun₂ Demetrio ně₃, ca₂ñí₂ 'éi₂ quian'₅₄ guë₄ dsa₂ sián'₂ i₂jmo₅ ta₁ le₂jaun₂ ján₃. Jaun₂ ca₂juá'₂:

—'Nia'₂ dsa₂ riin'₅₄ jniog₄, ñi'₅₄ bá₄ 'nia'₂ rë₂, a₂chong₂ jniog₄ dse₃ quian'₅₄ ta₁ quián₂.

²⁶ Jaun₂ jág'₂ bá₄ 'nia'₂ a₂jmo₅ Pa₄ ñi₂₃ juá'₂ tsí'₅ dsa₂, a₂tsá₃ 'e₂ quen₅ diú₄ i₂jmó'₂ dsa₂ mi₂güí₃, ia₁ tsá₃ lín₅ diú₄, juá'₂. Jaun₂ juin₅ dsa₂ i₂ma₂ca₂rë₃'én₂ ně₃, on₃juá'₅₄ jmá'₃ juig₂ Efeso la₂, mei'₂ tsá₃ le₂tan₅₄ 'uë₃ Asia bá₄. ²⁷ Jaun₂ go'₂ të₂le₃ quián₂ jniog₄, ia₁ dsí₃'én₂ ta₁ quián₂ lé₂. Ján₃ guë'₂ le₂jaun₂, të₂le₃ quió'₅ guá'₅ quió'₅ diú₄ Diana juin'₂, go'₂ a₂dsi₃'én₂ ján₃. Ia₁ në₁juá'₂ tsá₃ ma₂'nio₃ dsa₂, jaun₂ dsí₃'én₂ bá₄ bí₂ quió'₅ a₂lín₅ dsa₂ juin'₂. Ia₁ rë₂ně₃ ta₁caun₂ 'uë₃ Asia, ta₁caun₂ mi₂güí₃ ně₃ jme₂go₃ dsa₂ a₂jme₂juag'₂.

²⁸ Jme₁ca₂dsan₃ nag₅ dsa₂ le₂ně₅, ca₂rë₃'néi₃ 'ñio₅ lín₃, ca₂tóin'₂ ca₂quió'₃ ca₂juá'₂:

—i'Ñio₅ juin'₂ diú₄ Diana quián₅ dsa₂ juig₂ Efeso!

²⁹ Jaun₂ ca₂lë₃ mi'₅₄ quió'₅ ca₂le₃jín₃ dsa₂ juig₂ jaun₂. Jaun₂ le₃on₃ dsa₂ chan₂ Macedonia i₂chen₂ Gayo quiaín₅₄ Aristarco i₂jme₁quian'₅₄ Pa₄, ca₂jñau'₃ ca₂i₃toin'₅₄ co₂dsia₅ ca₂të₂ ja₁ñi'₂ § dsa₂ juig₂. ³⁰ Jaun₂ jme₁'nio₃ Pa₄ jme₁dsó₃ jin₄ dsa₂ juig₂ a₂jme₁dsi₃chí'₅₄ dsa₂. La₁ tsá₃ ca₂cuë₃ jmí₄ riin'₅₄ i₂'én₂. ³¹ I₂lín₅₄ dsa₂ dsen₅₄ quián₅ 'uë₃ Asia, i₂lín₅ dsa₂ a₂mei₅₄ quián₅

* **19:13** griego: exorkiston (exorcistas). † **19:22** griego: diákonous. ‡ **19:24** griego: Artemis; (Diana chein₂ quian'₅₄ latín, jág₁ jmei₅ romano). § **19:29** griego: theatron (co₂'nió₄ caun₂ estadio a₂lë₃ dso'₂ dsí₂con₂).

Pa₄, já_n₃ bá₄ ca₂chein₃ já_g₁ a₂tsá₃ dsiten₅₄ jua'₅₄ a₂dsi'_í₂ Pa₄ ja₁jaun₂. ³² Të₁lia'₂ jaun₂ ně₃ ja₁tion'₅₄ dsa₂ juig₂ le₁ñi'₂ tioin'₅₄ co₂mi'₅₄, lě₅ bá₄ qui₂juá'₂ jan₂-jan₂, tsá₃ caun₂ já_g₁ 'ei₅, lě₅ guě₄ ca₂dsion₄ dsa₂ ñja'₅₄ tsá₃ ñi₅ 'e₂ lě₃ le₁ñi'₂. ³³ La₁ jě₄ jaun₂ jme₁tion'₅₄ bá₄ i₂lín₅₄ dsa₂ i₂ñi₅. Jaun₂ ca₂juá'₂ 'a₂ lia'₂ lě₅ ca₂tsí'₃ jan₂ i₂chen₂ Alejandro i₂jme₁ca₂'lian'₃ dsa₂ judíos a₂ca₂dsió_g₃ të₂ne₄ dsa₂ juig₂. Jaun₂ ca₂jmo₃ Alejandro léi₄ quian'₅₄ gu₂ a₂jme₁mi₂₃ a₂jmo₃ dsa₂ tei₄, ia₁ a₂jme₁'nio₃ juá'₂ já_g₁ a₂jme₁tsí'₃ dsa₂ a₂jme₁lióin₂ dsa₂ on₃ i₂ca₂ñja'₃ dsa₂ 'éi₂. ³⁴ La₁ jme₁ca₂rě₃lí'₄ dsa₂ a₂lín₅ Alejandro 'éi₂ jan₂ dsa₂ judío, jaun₂ ca₂tóin'₂ co₂mi'₅₄, con'₂ tin₃ hora qui₂guió'₅ ca₂juá'₂:

—i'Ñio₅ juin'₂ diú₄ Diana quián₅ dsa₂ juig₂ Efeso!

³⁵ Jaun₂ dsa₂ i₂lín₅ të₅sí₃ quián₅ dsa₂ juig₂ jaun₂, ca₂tió'₃ jme₁ca₂tió'₃, ca₂jmo₃ ca₂i₃lén₂ dsa₂ tei₄. Jaun₂ guě₄ ca₂juá'₂:

—'Nia'₂ dsa₂ chan₂ Efeso, ta₁caun₂ mi₂güig₃ bá₄ le₁ñi₅ dsa₂ a₂ca₂tín₂ dsa₂ juig₂ Efeso jmo₃ 'í₁ guá'₅ quió'₅ diú₄ juin'₂ Diana, ton'₂ jmo₃ 'í₁ nió'₄ quió'₅ a₂ca₂sió₃ guei'₅₄ i₂juig₃. * ³⁶ I₁jan₂ jua'₅₄ le₃juá'₂ a₂tsá₃ ñi₅. Jaun₂ tei₄ jmo₄ 'nia'₂, 'nio'₂ 'nia'₂ 'au'₂ dse₃ né'₃ guě₄ a₂jmó'₂ 'e₂ jmó'₂. ³⁷ Ia₁ dsa₂ i₂ně₂chan'₂ 'nia'₂, tsá₃ 'ang₂₃ a₂ca₂tín₂ guá'₅, on₃ guě₄ 'iin₂₃ 'lig'₅₄ diú₄ quián₂ jniog₄. ³⁸ Chi₂jua'₂ 'nio₃ Demetrio mi₃ dso₄, quian'₅₄ ca₂le₃jín₃ i₂jmo₅ ta₁ quian'₅₄, jaun₂ guě'₂ chan₂ dsit₂tan₅₄ ne₄ ta₁ ja₁lé₂ dsim₃ dso₄. ³⁹ La₁ ně₃ jua'₂ a₂mi'₂ 'nia'₂ lě₅ caun₂ dso₄ juě'₂ guě₄ con'₂ guě₄ a₂jaun₂, 'nió'₅ le₃rě₂ ne₄ dsit₂tan₅₄ jě₁ma₂le₁ñi'₂ dsa₂ juig₂. ⁴⁰ Ia₁ go'₂ quián₂ jniog₄ a₂jmo'₂ 'nia'₂ le₂ně₅, ně₃ jua'₂ ca₂'nag₃ dsa₂ a₂ñi₄ lě₃ 'niog₂ mi'₅₄, ju₁lia'₂ mi'₅₄ a₂ca₂lě₃ ně₃. Ia₁ ně₃ jua'₂ ca₂ñag₃ dsa₂ 'e₂ 'uig₅₄ ca₂lě₃ mi'₅₄ la₂, tsá₃ 'e₂ cha₂ le₃ñag₄.

⁴¹ Jme₁ma₂ca₂dsan₃ juá'₂ le₂ně₅, ca₂jme₃dsian₂₃ bá₄ já_g₁ a₂le₁ñi'₂ dsa₂. Jaun₂ ca₂dsiáin'₂ bá₄ dsa₂, qui₂ca₂i₃lein₃ quió'₅.

20

Ca₂ñó₃ Pablo 'uě₃ Macedonia quian'₅₄ Grecia

¹ Jme₁ca₂dsan₃ mi'₅₄ jaun₂, qui₂ca₂tě'₃ Pa₄ le₃jín₃ dsa₂ 'én₂, qui₂ca₂cuě'₃ bí₂. Jme₁ca₂lě₃ jaun₂, qui₂ca₂'ág'₃ já_g₁ riin'₅₄. Jaun₂ guě₄ ca₂ñó₃ ju₁ Macedonia. ² Jaun₂ qui₂i₁jag₅₄ le₂tan₅₄ juig₂ te₁'i₁ ja₁jaun₂. Quian'₅₄ já_g₁ quió'₅ qui₂i₁cuě'₂ bí₂ riin'₅₄. Cang₂ guě₄ jaun₂ ca₂ñó₃ táng₃ ju₁ Grecia. ³ Ja₁jaun₂ ca₂'í₃ 'ni₅ tsi'₂. Jme₁ma₂'ein₅₄ ju₁ 'í₂ ni₁barco a₂dsó₃ ju₁ Siria, jme₁ca₂rě₃ñi₅ a₂ma₂jmo₅ dsa₂ judíos caun₂ já_g₁ a₂tsáun'₂. Jaun₂ co₂ñei'₅₄ tsá₃ ma₃ca₂ñái'₃ ju₁ jaun₂. Ca₂ñái'₃ bá₄ táng₃ ju₁ 'uě₃ ca₂ñi₃ Macedonia. ⁴ Jaun₂ ca₂jme₃quiong'₅₄ dsa₂ le₂'i₄ ju₁ i₂chen₂ Sópater ja₁ñi'₅₄ Pirro,* i₂chan₂ Berea, Aristarco quian'₅₄ Segundo i₂chan₂ Tesalónica, Gayo i₂chan₂ Derbe; Timoteo, Tíquico quian'₅₄ Trófimo ně₃ i₂chan₂ juig₂ gu'₂ ja₁tén₄ 'uě₃ Asia. ⁵ Jaun₂ ně₃, rin'₅₄ jniog₄ 'éi₂ ca₂i₃ñiái₄ ca₂i₁jniog₁₂ juig₂ Troas. ⁶ Cang₂ jme₁ca₂gú'₃ jmig₄ a₂guě'₅ dsa₂ i₁ñi'₄ a₂tsá₃ levadura quian'₅₄, jaun₂ ca₂tió'₄ ñia'₅₄ ni₁barco ca₂'uag₂ Filipos. A₂'ñiá₂ jmig₄ jaun₂, ca₂join₃ ñia'₅₄ juig₂ Troas. Ja₁jaun₂ ca₂ñia₄ ñia'₅₄ guio₃ jmig₄.

'En₅₄ Pablo juig₂ Troas

⁷ Jm₁g₄ jě₁le₂'uig₅₄ semana, ca₂ñag'₂ ñia'₅₄ a₂ca₂dsió'₄ i₁ñi'₄. Jaun₂ të₃jě₄ jaun₂ ca₂jme₃tag₅ Pa₄ ca₂jme₃tiin₂₃ dsa₂. Caun₂ ca₂ton₃ já_g₁ ca₂lia'₂ ca₂tě₂ dsi₃nei₅, ia₁ a₂ma₂'ein₅₄ ju₁ dsáin'₃ jě₁ma₂ñia₃ jaun₂. ⁸ Jme₁tio'₅₄ ñia'₅₄ le₁ñag'₂ caun₂ dsi₂néi₂ ja₁lě₄ guei'₅₄. 'Lióng₂ tsí₅ jme₁le₁'ág₄ le₁guí'₂ si₂. ⁹ Jan₂ guě'₂ dsó₂ jme₁guá₄ caun₂ o₄'né₄ tau₂ quei₂ i₂jme₁chen₂ Eutico. Ia₁ a₂ñi₄ lě₃ uě₂ qui₂ca₂dsia₃ Pa₄ já_g₁, jaun₂ tsá₃ ma₃ca₂tió'₃ 'éi₂ a₂i₁güin₃. Jme₁ma₂rě₂güin₃ tsá₃ ma₃lí'₄ jme₁ca₂táin'₂ ca₂tě₂ ja₁lě₄ 'ni₅ juín₃ guei'₅₄. Ma₂join₂₃ jme₁ca₂i₁cho'₄ dsa₂. ¹⁰ Jaun₂ ca₂sión₃ Pa₄ já_n₃, ca₂ñai'₃ 'lag₄ ca₂quiog₂ ne₄ quió'₅, jaun₂ ca₂juá'₂ ca₂tsí'₃ riin'₅₄:

* 19:35 A₂lin₅₄ chog₅₄ si₂: “a₂ca₂sió₃ ja₁con₂ diú₄, Júpiter.”

* 20:4 A₂lin₅₄ chog₅₄ si₂ tsá₃ chi₁ton₅ “ja₁ñi'₅₄ Pirro.”

—Tsá3 lë1jmo2 'nia'2 gang'3, ia1 'i4 bá4 jme2dsí2 quió'5 chi'2.

11 Jaun2 ně3 ca2uig2 táng3 Pa4 guei'54. Jaun2 ca2dsió'3 i1ñí'4, ca2guě'3 bá4 jaun2 ně3. Caun2 ca2dsia3 bá4 guě4 Pa4 jág1 ca2lia'2 ca2jnia3. Ca2ñá'3 bá4 jaun2 ně3. 12 La1 dsó2 'éi2 ně3, jéin'3 bá4 ca2tág3 dsa2, jmo5 dsa2 'io'2 ca2le3jín3.

Ca2uin2 dsa2 Troas, ca2i3lén2 táng3 juí5 Mileto

13 Ca2i3ñióg4 bá4 jnia'54 i2nú5 quian'54 ni1barco ca2të2 Asón ca2i1te1 Pa4, ia1 jme1ma2lë5 jág1 a2'nio3 dsó3 'ñiog5 juí5 tag54. 14 Jme1ca2rë3quian'54 jnia'54 juig2 Asón, ca2'í3 ni1barco quian'54 jnia'54 a2ca2i3nú5 juí5 Mitilene. 15 Ca2'uag2 jnia'54 ja1jaun2. Jme1jnia3 jaun2, ca2ñag54 cau5 ja1të'2 dsa2 Quío, (a2niog5 jë4 jmi1ñí'4). Caun2 jmi4 cang2 jaun2, ca2dsi3nú5 jnia'54 'o4 jmi1ñí'4 ja1chei2 Samos. [Jaun2 ca2jñia1 jnia'54 juig2 Trogilio].† Jme1jnia3 jaun2 guě4 ca2dsi3nú5 jnia'54 të2 juig2 Mileto. 16 Jaun2 le2ně5 ca2lë3, ia1 tsá3 'nio3 Pa4 'í2 uë2 'uë3 Asia, tsá3 ma3ca2ñei54 juí5 Efeso. Ia1 'nio3 dsáin'4 ñí'54 ta1 juí5 Jerusalén, a2'nio3 ñi5 ja1jaun2 Jmi4 Të2láu3-guiá2 ně1jua'2 ca2lë3.

Ca2ton3 Pablo jág1 jñ4 dsa2 can'54 quián5 rin'54 chan2 Efeso

17 'En54 Pa4 juig2 Mileto, jaun2 ca2ñí'2 ca2le3jín3 dsi2gui'54 can'54 quián5 rin'54 i2chan2 Efeso. 18 Jme1ca2dsi3lén2 dsa2, jaun2 ca2juá'2 Pa4:

—Ñi'54 bá4 'nia'2 'a2 lia'2 ma2jmo3 jniá2 ca2le3 guang3 le2'uig54 'uë3 Asia. 19 Ca2le3jë3 jmi4 bá4 lia'2 con'2 ca2'ú3 jñ'4 'nia'2, ca2jme1ti12 ta1 ne4 Te1gui'54. Tsá3 ca2jme1juing'2 'ñió3. Tsá3 caun2 ca2iñig2 'uig54 ca2le3jë3 a2jme1nio3 dsa2 judíos jme1jmóg'2. 20 La1 on3jua'54 jaun2 tsá3 ma3ca2jme1tin5 jniá2 'nia'2 a2dse3 quián'2 'nia'2, ca2i1'ë4 jñ4 dsa2, ca2ñeg54 të2 dsi2néi2 quián'2 'nia'2 ně3. 21 Lia'2 dsa2 lín5 judíos lia'2 dsa2 griegos ně3, qui2ma2juig2 jniá2 a2'nió'5 jme3tsín3 dsa2 dsí5 ne4 Diú4, a2le3'éin2 të2le3 quió'5 Te1gui'54 Jesucristo quián2 jniog4. 22 Jaun2 ně3, ma2'eng54 juí5 nei54 juí5 Jerusalén, ia1 chi2quióng2 jmi4 Jme2dsí2 quián5 Diú4. Tsá3 a2jaun2 guion54 'e2 dsi3ñig2 ja1jaun2. 23 Jñia'54 lia'2 jaun2 bá4 guion54, ia1 le2caun2 le2caun2 juig2 ja1ma2ñeg54, ma2'ë2 jág1 Jme2dsí2 Jñiós a2i1ñag12 uig5, a2to'2 dsa2 'né5 'má3 ně3. 24 La1 tsá3 a2jaun2 'i5 dsi3 jniá2, o1jñia'54 ca2quín2 'mú3 quió3, ia1jaun2 bá4 le3tei54 jniá2 ta1 a2ma2chei'3 Te1gui'54 Jesús a2jmo54, a2jme1ting5 dsa2 jág1 dse3 a2'ua1 dsí5 Diú4.

25 'Jaun2 ně3 dsón'2 lín2 jniá2, 'nia'2 rin'54 jniog4 i2ma2nei'2 jág1 a2ma2qui2ma2'ë3 jniá2 ñi23, o1líg'2 jmi4 tsá3 ma2jag'54 'nia'2 jniá2 táng3. 26 Jaun2 lë3 juig2 jniá2 'nia'2 tsá3 ma3'e2 rë2cán'4 jniá2 ja1con2 ca2le3jín3 dsa2, 27 ia1 ma2ca2juig2 bá4 jniá2 'nia'2 lia'2 con'2 lë5 dsi2jio5 dsí5 Diú4 jmo3, tsá3 'e2 ca2'ma3 jniá2 ja1con'2 'nia'2. 28 Jaun2 ně3, jmo4 'nia'2 'í1 guiong'54, jmo4 'í1 ca2le3jín3 dsa2 ríng'2 i2'én2 ně3. Ia1 o4gog'2 'nia'2 bá4 ma2dsiog3 Jme2dsí2 Jñiós † a2jmó'2 'í1 dsa2 i2lín5 guá'5 quián5 Diú4 i2'lian'54 të2le3 quian'54 jmi2 'an54 'ñiog5 ja1ñí'54. 29 Guion4 bá4 jniá2 a2ja1lén2 dsa2 sián'2 jë1ma2ñag'5, a2'nio3 'éin2 'nia'2 ca2le3jíng'3, a2jmo3 juí1lia'2 jmo5 dsi2ji'54 náu2 tsau2 dsí5, jme2dsiain23 juí1lia'2 já'2 cha'2. 30 Náu3 jë4 quián'2 'nia'2 guiong'54 dsa2 i2jme3tag5 le3jen5 ia1jaun2 'ein3 juí5 quió'5 'éi2 juí1lia'2 dsa2 i2ma2'én2 jág1 dse3. 31 Jaun2 rë2ján'1 'nia'2, dsá2 'au'2 'nia'2 jmo4, ia1 'ni5 ñi2 ca2dsin3 ca2cuë3 'nia'2 jág1 lia'2 'uë2-jmi2, ca2le3jë3 ca2'o3.

32 'Jaun2 ně3 rin'54 jniog4, dsián4 jniá2 'nia'2 o4gú3 Diú4, ne4 jág1 dse3 quió'5 a2'ua1 dsí5, a2lé2 jmo3 a2'uan'2 'nia'2, a2lé2 jmo3 a2tin'54 'nia'2 a2dse3 a2cha2 quió'5, juí1lia'2 a2tin54 ca2le3jín3 dsa2 i2lë5 'í1 quián5. 33 Tsá3 'e2 ma2ca2rë'ín2 dsi3 a2jmo54 quió3, juí1lia'2 a2cha2 quió'5 i2sián'2, on3 guë'2 cu4nióg4, on3 guë'2 cu4tiog2, on3 guë'2 tsin'54 ně3. 34 Ñi'54 bá4 'nia'2 rë2, të2le3 ma2jmo3 bá4 ta1 'ñió3 quian'54 gu2-tag3 ma2'no3 a2'nió'5 dsi3ñig2 quian'54 i2quiang'54. 35 Ca2le3o3 jmi4 bá4 ma2'ë3 'nia'2 'a2 lia'2 'nió'5 jmo3 dsa2 ta1, a2'nió'5 jme3'on54 dsa2 dsa2 i2'nió'5 quió'5. Dsá2

† 20:15 A2lin54 chog54 si2 tsá3 le1ton5 jág1 ně5, † 20:28 griego: (ma2chei'3 Jme2dsí2 Jñiós a2lén'2 'nia'2) episkopos (dsa2 i2con2 'í1).

'au'₂ 'nia'₂ jmo₄ jág₁ quió'₅ Te₁gui'₅₄ Jesús, jme₁ca₂juá'₂: “Ja₂lin₃ guě₄ dse₃ 'ei₅ dsí₅ dsa₂ i₂cuē₅, con'₂ guě₄ dsa₂ i₂gue₅.”

36 Jme₁ca₂dsan₃ juá'₂ Pa₄ le₂nē₅, ca₂chi₃jnē₃ quiaín'₅₄ ca₂le₃jín₃ dsa₂, ca₂chilén'₂ Diú₄. 37 Ca₂le₃jín₃ qui₂ca₂'o₃, qui₂ca₂jñai'₃ Pa₄, ca₂chen'₃ quió'₅. 38 La₁ ja₂lin₃ guě₄ 'lia'₂ dsí₅ dsa₂ ca₂tón'₂ jme₁ca₂juá'₂ Pa₄, ca₂lia'₂ o₁líg'₂ jmíg₄ tsá₃ ma₃jín₂ guě₄ riín'₅₄. Jaun₂ ca₂jme₃quiong'₅₄ dsa₂, ca₂i₁join₅₄ Pa₄ tē₂ ja₁'ei₅ ni₁barco.

21

Ca₂ñá'₃ Pa₄ jui₅ Jerusalén

1 Jme₁ca₂tén'₂ dsí₅ jnia'₅₄ dsa₂ rin'₅₄, jaun₂ ca₂l₃náu₅ jui₅ ne₄ jmi₁ñí'₄ co₂dsau₅ tē₂ Cos (a₂niog₅ jē₄ jmi₁ñí'₄). Jme₁jnia₃ jaun₂ táng₃, ca₂ñag₅₄ ja₁chei₂ Rodas, jaun₂ guě₄ dsí₃náu₅ jnia'₅₄ juig₂ Pátara. 2 Juig₂ Pátara jaun₂, cane₅₄ táng₃ jnia'₅₄ caun₂ ni₁barco a₂ñó₃ jui₅ 'uē₃ Fenicia, jaun₂ ca₂tió'₄ jnia'₅₄, ca₂l₃náu₅ táng₃. 3 Jaun₂ ca₂ñag₅₄ jnia'₅₄ ja₁jniá₂ Chipre tē₂ le₃ gu₂ jen₅, jaun₂ ca₂l₃náu₅ jnia'₅₄ tē₂ Siria. Jaun₂ ca₂dsióg₃ ni₁barco juig₂ Tiro, ia₁ i₁con₂ lio₅₄ ja₁jaun₂. Jaun₂ ca₂sió₄ jnia'₅₄ ja₁jaun₂. 4 Jaun₂ ca₂jen'₂ jnia'₅₄ dsa₂ 'én₂ rin'₅₄ tián'₅ ja₁jaun₂. Jaun₂ ca₂tió'₄ jnia'₅₄ guio₃ jmíg₄ quiaín'₅₄. Dsa₂ 'éi₂ nē₃, ca₂'ē₂ jág₁ a₂ca₂cuē₃ Jme₂dsí₂ Jñió₅, ca₂tsí'₃ Pa₄ a₂tsá₃ dsí₂ten₅₄ dsó₃ jui₅ Jerusalén. 5 Jme₁ca₂dsin₃ guio₃ jmíg₄ tio'₅₄ jnia'₅₄ jaun₂, jaun₂ ca₂'uag₂ táng₃. Jaun₂ ca₂le₃jín₃ dsa₂ i₂én₂, quiaín'₅₄ 'io₅₄ quiaín₅, chi'₂ quiaín₅ nē₃, ca₂jme₃quiong'₅₄ tē₂ 'ni'₂ juig₂, ca₂i₁jo₅₄ tē₂ chei'₅₄ jmi₁ñí'₄. Ja₁jaun₂ ca₂chi₁jne₁ jnia'₅₄ ca₂le₃jág₃, ca₂chilen'₄ jnia'₅₄ Diú₄. 6 Jaun₂ qui₂ca₂chan'₅₄ jnia'₅₄ rin'₅₄ ca₂'ei'₅₄ jág₁. Jaun₂ guě₄ ca₂uig₅₄ jnia'₅₄ 'ñió'₃ ni₁barco. 'Éi₂ nē₃ ca₂l₃lein₃ bá₄ quió'₅.

7 Jme₁ca₂'uag₂ jnia'₅₄ juig₂ Tiro, ca₂l₃náu₅ jui₅ ne₄ jmi₁ñí'₄ a₂ca₂l₃náu₅ jui₅ Tolemaida. Ca₂cuin₅₄ jnia'₅₄ Diú₄ rin'₅₄ i₂tián'₅ ja₁jaun₂, ca₂jñia₄ jnia'₅₄ co₂jmíg₄ quiaín'₅₄. 8 Jme₁jnia₃ jaun₂, ca₂le₃jág₃ con'₂ i₂quian'₅₄ Pa₄ ca₂'uag₂ ja₁jaun₂, ca₂dsí₃náu₅ juig₂ Cesarea. Ja₁jaun₂ ca₂i₁náu₄ jnia'₅₄ ja₁quió'₄ Felipe i₂'ē₂ jág₁ dse₃, i₂lín₅ jan₂ rin'₅₄ dsa₂ guion₃ i₂jme₂'o₅₄* i₂ca₂quión'₂ dsa₂ le₂jñiá₅. 9 Felipe 'éi₂ jme₁chan₂ quén₂ ja₁míg₄ on₃jua'₅₄ i₂ma₂jen'₂ gu₂. 'Io₅₄ quén₂ 'éi₂ jme₁'ē₂₃ 'ē'₅ dsa₂ jág₁ a₂cuē₅ Diú₄. 10 Ma₂ne₁ñó₄ ca₂la₂ jmíg₄ tio'₅₄ jnia'₅₄ jme₁ca₂dsióg₃ jan₂ dsa₂ i₂tē'₂ dsa₂ Agabo, i₂'ē₂ jág₁ a₂cuē₅ Diú₄, a₂ca₂o₃jag₅₄ jnia'₅₄. 11 Jaun₂ jme₁ca₂guan₃ 'éi₂ nē₃, ca₂can₃ lau₂ jén'₅ tú'₅ Pa₄, jaun₂ qui₂ca₂'néi₂ mi₂tag₅₄ 'ñiog₅ quian'₅₄ mi₂gu₂ nē₃. Jaun₂ ca₂juá'₂:

—Le₂la₂ juá'₂ Jme₂dsí₂ Jñió₅: “Le₂la₂ jmo₃ dsa₂ judíos jē₄ juig₂ Jerusalén jmái'₂ dsa₂ i₂quió'₅ ni₁lau₂ la₂, jaun₂ jáng'₂ o₄gú₃ dsí₂nau₂.”

12 Jme₁ca₂néi₁ jnia'₅₄ le₂nē₅, jaun₂ ca₂mí₁ jnia'₅₄ quian'₅₄ dsa₂ chan₂ Cesarea ca₂chei₅₄ Pa₄ a₂tsá₃ ma₃dsó₃ Jerusalén. 13 La₁ jaun₂ ca₂ñag₃ Pa₄:

—¿'E₂ lē₃ qui'₂-'au'₂ 'nia'₂, jmo'₂ 'nia'₂ 'ag₅ 'lia'₂ dsí₃? Ia₁ ma₂rē₂ján₁ bá₄ jniá₂, on₃jua'₅₄ jmái'₃ ca₂ne₅₄ a₂'nei₃ dsa₂. Ján₃ bá₄ ma₂'ei₅ caun₂ dsí₃ a₂jóng₂, jñag'₃ dsa₂ juig₂ Jerusalén, o₄quió'₄ Te₁gui'₅₄ Jesús.

14 Ia₁ tsá₃ jág₁ ca₂can₃ Pa₄ a₂ca₂chei₅₄ jnia'₅₄ a₂tsá₃ dsó₃, jaun₂ ca₂jmó₁ jnia'₅₄ tei₄ jme₁ma₂nē₂jua'₅₄:

—Jui₁le₅₄ bá₄ a₂'ñio₂ dsí₅ Te₁gui'₅₄ jaun₂.

15 Cang₂ jaun₂ ca₂jmó₁ jnia'₅₄ co₂jñia₅₄ quiaín₂, ca₂tió'₄ jui₅ i₃náu₅ jui₅ Jerusalén. 16 I₂lin₅₄ dsa₂ 'én₂ i₂chan₂ Cesarea ca₂jme₃quiong'₅₄. Jē₄ jaun₂ ñó₃ jan₂ dsa₂ i₂chen₂ Mnasón i₂chan₂ Chipre. Ma₂líg'₂ bá₄ ma₂jás₅ dsa₂ 'éi₂ a₂lín₅ dsa₂ i₂én₂. Ja₁quió'₄ 'éi₂ ca₂l₁jñia₄ jnia'₅₄ Jerusalén.

Ca₂i₁jin₁ Pa₄ Jacobo

* 21:8 dsa₂ guion₃ i₂jme₂'o₅₄: 'Nio'₂ ja₁ton₅ Hechos 6:1-7; Filipenses 1:1.

17 Jme₁ca₂dsi₃náu₅ jnia'₅₄ juig₂ Jerusalén, jaun₂ rin'₅₄ i₂tián'₅ ja₁jaun₂ ca₂guei₃ ca₂lia'₂ 'io'₂ jén'₅. 18 Jme₁jnia₃ jaun₂, n₃ó₃ Pa₄ quiain'₅₄ jnia'₅₄ a₂ca₂i₁j₁n₁ jnia'₅₄ Jacobo. Ja₁quió'₄ 'éi₂ jme₁tion'₅₄ j₂n₂ gui'₅₄ can'₅₄.† 19 Jaun₂ qui₂ca₂cuag₃ Pa₄ Diú₄. Jaun₂ ca₂dsia₃ Pa₄ ca₂le₃jé₃ 'e₂ a₂ma₂jmo₃ Diú₄ j₂n₂ dsi₂nau₂ të₂le₃ quian'₅₄ 'éi₂. 20 Jme₁ca₂nág₂ dsa₂ jág₁, jaun₂ ca₂jme₃juin'₂ Diú₄. Jaun₂ ca₂juá'₂ ca₂tsí'₃ Pa₄:

—Dse₃ jaun₂ rin'₅₄ jniog₄, la₁ n₁'₅₄ bá₄ 'ne₂, të₂le₃ mei₅ bá₄ dsa₂ judíos i₂ma₂'én₂. Ca₂le₃jín₃ 'éi₂ ně₃, dsen₅₄ dsí₅ le₃quió'₅ 'Éi'₃ Juá'₅. 21 Jaun₂ ma₂juá'₂ dsa₂ a₂n₁'₂ 'ne₂ jme₂tíng'₁ dsa₂ judíos i₂tián'₅ go₄ dsi₂nau₂, a₂tsá₃ ma₃tón'₂ jui₅, tsá₃ ma₃jme₃ti₃ 'éi'₃ ca₂jmo₃ Moisés, a₂tsá₃ ma₃ti₃ dsa₂ ni₁lo₁ chí'₂ dsa₂ n₂e'₂ quiáin₅, on₃ guē'₂ jmo₃ jui₁lia'₂ tag₄ chí'₅ quián₂ jniog₄. 22 ¿'E₂ lé₂ ně₃? Ia₁ tion₅₄ ja₁lén₂ dsa₂ a₂n₁'₂ jē₁ma₂ca₂rē₃n₁i₅ a₂'eng'₅₄ ja₁lá₃.‡ 23 Co₂n₂e₁'₅₄ guē'₄ dse₃ jmó'₂ a₂juá'₅₄ jnia'₅₄ la₂: Chan₂ jē₄ la₂ quián₂ jnia'₅₄ quén₂ dsa₂ i₂tion₅₄ niog₅ jme₃ti₃ caun₂ jág₁ quió'₅ a₂ma₂cuē'₃ Diú₄. 24 Jniai₅ jui₁dsi₂lén₂ quian'₅₄ 'ne₂, jmo₄ le₁jé₃ quiáng'₂ quiain'₅₄. Jaun₂ 'ne₂ bá₄ qui'₅₄ 'lia'₅₄ ia₁jaun₂ ma₂lé₂ jme₃ti₃ a₂chéi₃ n₁i₂ dsi₅₄, ia₁jaun₂ ca₂le₃jín₃ bá₄ dsa₂ le₃lí'₄ a₂tsá₃ dsau₅ jág₁ a₂dsia₅ dsa₂ a₂i₁n₂₃ 'ne₂. Jaun₂ le₃n₁i₅ dsa₂ a₂jme₂ti'₅₄ bá₄ 'ne₂ ján₃ con'₂ lé₅ 'Éi'₃ Juá'₅ quió'₅ Moisés. § 25 La₁ ma₂ca₂chen₅₄ bá₄ jnia'₅₄ si₂ ne₄ dsi₂nau₂, a₂ca₂chei₅₄ jnia'₅₄ a₂tsá₃ lín₄ jmo₃ o₂i₁ dsi₅ quian'₅₄ 'Éi'₃ Juá'₅,* a₂jnia'₅₄ lia'₂ tsá₃ quíg'₃ n₁i₄ já'₂ i₂ma₂cuin₃ dsa₂ diú₄ lag₄, on₃ guē'₂ guē'₃ jmi₂, on₃ guē'₂ n₁i₄ já'₂ i₂güí'₃ dsa₂ dsi₂lag₄, tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂ ně₃.

Ca₂jña'₃ dsa₂ Pa₄ i₁dsi₅ guá'₅ templo

26 Jaun₂ ca₂jña₃ bá₄ Pa₄ dsa₂ quén₂ 'éi₂. Jme₁jnia₃ jaun₂ ně₃, Pa₄ quiain'₅₄ dsa₂ quén₂ 'éi₂ ca₂jmo₃ le₁jé₃ quió'₅. Jaun₂ ca₂'₁₃ i₁dsi₅ guá'₅ templo ca₂l₁'_é jág₁ i₂líg'₂ dsian₅ ta₁guio₃ jmig₄ a₂jmo₂₃ le₁jé₃ quió'₅, jē₁ma₂tē₂ rē₁dsín'₂ dsa₂ já'₂ ne₄ ne₄chei₂ o₄quió'₄ le₂jain₂ le₂jain₂.†

27 La₁ jme₁ja₂quían₃ dsin'₅₄ ta₁guio₃ jmig₄ jaun₂, jan₂-on₃ dsa₂ judíos i₂chan₂ 'uē₃ Asia ca₂o₃lén₂, jaun₂ ca₂jín₂ Pa₄ i₁dsi₅ guá'₅. I₂'éi₂ ca₂jmo₃ ca₂tón'₂ dsa₂ co₂mí'₅₄, jaun₂ ca₂jña'₃ dsa₂ Pa₄. 28 Jaun₂ qui₂ca₂tón'₂ ca₂guió'₃ ca₂juá'₂:

—i'Nia'₂ dsa₂ juig₂ Israel, jme₁'o₁ jnia'₅₄! I₂la₂ bá₄ dsa₂ i₂n₁'₄ lē₃ n₁i₅ ca₂le₃jé₃ juig₂ jme₂tiin₂₃ dsa₂ jág₁ 'lig'₅₄ ja₁con₂ juig₂ go₄ jniog₄, a₂jme₂tiin₂₃ dsa₂ a₂tsá₃ jme₃ti₃ dsa₂ 'Éi'₃ Juá'₅ quió'₅ Moisés, a₂tsá₃ 'e₂ quen₅ guá'₅ templo la₂ quián₂ jniog₄. Ně₃ ně₃, ma₂nē₂tióin'₂ i₂lín₅₄ dsa₂ griegos i₁dsi₅ guá'₅ templo, a₂ma₂nē₂jme₂'ióg₃ ja₁jñiós la₂.

29 Juá'₂ le₂nē₅, ia₁ ma₂jág₂ dsa₂ le₂jñiá₅ ma₂jín₂ Trófimo i₂chan₂ Efeso a₂i₂n₁'₅₄ quiain'₅₄ Pa₄ jē₄ juig₂ Jerusalén, jaun₂ lín₂ a₂ma₂jña₃ Pa₄ 'éi₂ i₁dsi₅ guá'₅.

30 Ta₁caun₂ juig₂ ca₂tón'₂ dsa₂ co₂mí'₅₄, jaun₂ ca₂o₃lén₂ dsa₂ co₂chi'₅₄. Jaun₂ ca₂jña'₃ dsa₂ Pa₄ qui₂ca₂tsag'₂ të₂le₃ ca₁'né₄ i₁dsi₅ guá'₅, jaun₂ ca₂jnéi₃ dsa₂ dsi₂jui₅ o₄'né₄. 31 Jme₁ma₂'nio₃ jme₁jñi'₃ bá₄ Pa₄ jme₁ca₂dsióg₃ jág₁ ca₂rē₃n₁i₅ juig₅₄ 'lióg₂ dsen₅₄, ca₂le₃jín₃ bá₄ dsa₂ juig₂ Jerusalén tíoin'₅₄ co₂mí'₅₄. 32 Dsi₂jui₅ jaun₂ ca₂n₁'₂ juig₅₄ 'lióg₂ quian'₅₄ ca₂le₃jín₃ 'lióg₂ quiáin₅, ca₂l₃lén₂ co₂'ei₅ ja₁tion'₅₄ dsa₂ co₂mí'₅₄. Jaun₂ dsi₂jui₅ jme₁ca₂jág₃ dsa₂ dsi₃lén₂ 'lióg₂ quiain'₅₄ juig₅₄ 'lióg₂ dsen₅₄, jaun₂ ca₂téin₂ bá₄ Pa₄, ia₁ jme₁tioin'₅₄ cuē₂₃. 33 Jaun₂ jme₁ca₂dsióg₃ juig₅₄ 'lióg₂ dsen₅₄, ca₂jñai'₃ Pa₄ ca₂jmo₃ 'éi'₃ ca₂'néi₂ 'lióg₂ quian'₅₄ tin₃ n₁i₁ cadenas. Jaun₂ guē'₄ ca₂n₁'₃ dsa₂ 'ein₂ 'éi₂ Pa₄, 'e₂ ca₂jmo₃. 34 Jaun₂ jma₃quén₅ qui₂ca₂guió'₃ dsa₂ juig₂ le₂jain₂ le₂jain₂. Ca₂lia'₂ jnia'₅₄ tsá₃ ca₂n₁'₂ juig₅₄ 'lióg₂, ia₁ a₂n₁'₄ chí'₅ co₂mí'₅₄. Jaun₂ ca₂jmo₃ 'éi'₃ ca₂tág₃ dsa₂ Pa₄ jui₅ 'né₅ ja₁tion'₅₄ 'lióg₂. 35 Jme₁ja₂quían₃ dsi₁lén₃ dsa₂ ja₁lē₄ ni₁ta₅ 'né₅ ja₁tion'₅₄ 'lióg₂, jaun₂ ca₂jio₃ 'lióg₂ ca₂jñai₃ Pa₄ jui₅ guei'₅₄ ia₁ a₂n₁'₄ 'nio₅ lín₃ 'ne₂ dsa₂ juig₂. 36 Ia₁ ca₂le₃jín₃ bá₄ dsa₂ juig₂ jme₁ja₂lén₂ chi₁co'₅₄ qui₂guió'₅ qui₂juá'₂:

† 21:18 griego: presbíteros. ‡ 21:22 A₂lín₅₄ chog₅₄ si₂: “Ia₁ tion₅₄ bá₄ le₃n₁i₅ dsa₂ a₂'eng'₅₄ ja₁lá₃.” § 21:24 'Í₂ Números 6. 'Nio'₅ ja₁ton₅ Hechos 18:18. * 21:25 A₂lín₅₄ chog₅₄ si₂ tsá₃ chi₁ton₅ “a₂tsá₃ lín₄ jmo₃ o₂i₁ dsi₅ quian'₅₄ 'Éi'₃ Juá'₅.” † 21:26 'Í₂ Números 6.

—jui₁jon₅₄ i₂hē₅!

Ca₂ton₃ Pa₄ jág₁ a₂lióin₂ 'ñiog₅ ne₄ dsa₂ juig₂

³⁷ Jë₁jme₁ma₂to₂ 'lióg₂ toin₂ Pa₄ dsi₂néi₂ ne₄ta₁ quió₅, jaun₂ ca₂juá₂ Pa₄ ca₂tsí₃ juig₅₄ 'lióg₂ dsen₅₄:

—¿Lé₂ le₃juá₄ jniá₂ ca₂jon₄ jág₁?

Jaun₂ ca₂ñag₃ juig₅₄ 'lióg₂:

—¿Tin₂ 'ne₂ dsiá₁ jág₁ jmei₅ griego? ³⁸ Jaun₂, ¿on₃jua₅₄ 'ne₂ líng₅ dsa₂ egipcio i₂ca₂jmo₃ mi₅₄ qui₂ca₂tsi₂jain₃ dsa₂ ma₂i₁jáun₃, ca₂'uín₂ quén₂ mei₅ dsa₂ i₂ma₂ca₂jme₃dsian₅ dsa₂ jui₅ 'uē₃ quein₂?

³⁹ Jaun₂ ca₂juá₂ táng₃ Pa₄:

—Dsa₂ judío bá₄ lín₅ jniá₂, i₂chan₂ juig₂ Tarso, caun₂ juig₂ dsen₅₄ tén₅ 'uē₃ Cilicia. La₁ jmo₄ dse₃ 'au₂ cué₁ jmig₄ a₂juig₅₄ jniá₂ dsa₂ juig₂ jág₁.

⁴⁰ Ca₂cué₃ bá₄ jmig₄ jaun₂ ně₃. Jaun₂ ca₂nau₂ Pa₄ ne₄ ni₁ta₅ jaun₂. Jaun₂ ca₂jmo₃ léi₄ quian₅₄ gu₂ ca₂tsí₃ dsa₂ a₂jmo₃ tei₄. Jme₁ma₂chí₅ tei₄, jaun₂ ca₂jme₃lióg₃ ca₂juá₂ jág₁ quian₅₄ jág₁ jmei₅ hebreo, † ca₂tsí₃ dsa₂:

22

¹ —'Nia₂ dsa₂ go₂ rin₅₄ jniog₄, gui₅₄ can₅₄ ně₃, nei₂ de₂ 'nia₂ a₂juá₄ jniá₂ juig₅₄ 'nia₂ a₂jáng₄ jág₁ dsau₅ quió₃.

² Tè₂le₃ tei₄ gué₄ ca₂i₃lén₂ dsa₂ jme₁ca₂nág₂ a₂juá₂ Pa₄ quian₅₄ jág₁ jmei₅ hebreo. * Jaun₂ caun₂ ca₂juá₂ bá₄ 'éi₂:

³ —Dsa₂ judío bá₄ lín₅ jniá₂. Juig₂ Tarso bá₄ chang₂, ja₁tén₄ 'uē₃ Cilicia. La₁ Jerusalén la₂ bá₄ ca₂i₃juing₂. Ca₂'i₃ jniá₂ si₂ a₂ca₂jme₃tag₅ tē₅ Gamaliel. Co₂rē₂ bá₄ ca₂jme₃tag₂₃ con₂ lē₅ Si₂ 'Éi₃ quió₅ dsa₂ quián₂ jniog₄ ma₂líg₂. A₂dsen₅₄ dsi₃ jme₁líng₄ le₃quió₅ Diú₄, ju₁lia₂ jmo₂ 'nia₂ ca₂le₃jíng₃ rē₂ně₃. ⁴ Qui₂ca₂co₃ 'én₃ jniá₂ dsa₂ i₂tion₅₄ Ju₁₅ quió₅ Te₁gui₅₄ le₂jniá₅, ca₂lia₂ ca₂quín₂ 'mú₃ quió₅. Qui₂ca₂toin₂ 'né₅ 'má₃ lia₂ dsa₂ ñe₂ lia₂ dsa₂ mí₂. ⁵ Lé₂ bá₄ jáng₃ jág₁ dsau₅ jme₂dsa₂ dsen₅₄, ca₂le₃jín₃ gué₄ dsi₂gui₅₄ can₅₄ ně₃, ia₁ guioin₅₄ bá₄ ca₂jáng₃ si₂ jniá₂ a₂ca₂chein₃ ne₄ rin₅₄ i₂tián₅ Damasco, ca₂jmo₃ 'éi₃ a₂jme₁i₁chán₃ jniá₂ ríng₃ i₂tián₅ ja₁jaun₂, a₂jme₁tē₁₂ le₁ñei₅₄ ia₁jaun₂ gue₃ uig₅ jē₄ juig₂ Jerusalén la₂.

Ca₂dsia₃ Pa₄ 'a₂ lia₂ jme₁ca₂jéin₃ ca₂rē₃ 'éin₂ jág₁ dse₃
(Hechos 9:1-19; 26:12-18)

⁶ 'La₁ia₁ lia₂ con₂ jme₁ñó₃ jniá₂ le₂i₄ jui₅ né₃ a₂dsióg₄ juig₂ Damasco, con₂ dsi₂ñí₃, con₂ tsá₃ jáng₅ jme₁ca₂téng₃ caun₂ si₂ tág₅ jmá₅ a₂já₃ jui₅ guei₅₄ i₂juig₃. ⁷ Jaun₂ i₃'íng₃ 'uē₃. Dsi₂jui₅ le₂jaun₂ ca₂nag₃ jág₁ a₂juá₂: “Saulo, Saulo, ¿'e₂ lē₃ co₂'éin₅ jniá₂?” ⁸ Jaun₂ ca₂ñag₄ jniá₂: “¿'Ein₂ 'ne₂ gui₅₄?” Jaun₂ ca₂juá₂ tság₅ jniá₂: “Jesús chan₂ Nazaret bá₄ jniá₂ i₂co₂'én₅ 'ne₂.” ⁹ Ján₃ bá₄ ca₂jág₃ dsa₂ i₂jme₁quian₅₄ jniá₂ si₂ jaun₂, jaun₂ ca₂rē₃gó₅. La₁ tsá₃ ca₂nág₂ jág₁ quió₅ i₂ca₂juá₂ ca₂tság₃ jniá₂. ¹⁰ Jaun₂ ca₂ñag₄ jniá₂ jaun₂ ně₃: “Te₁gui₅₄, ¿'e₂ 'nió₅ jmo₅₄ jniá₂?” Jaun₂ ca₂juá₂ Te₁gui₅₄: “Nau₂, gua₂ jui₅ juig₂ Damasco. Ja₁jaun₂ juá₂ dsa₂ ca₂le₃jě₃ 'e₂ 'nió₅ jmó₂.” ¹¹ Ia₁ co₂dsia₅ ca₂téng₂ bá₄ quian₅₄ si₂, jaun₂ dsa₂ i₂quiang₅₄ bá₄ ca₂jiog₃ le₁chan₂ gu₃ a₂ca₂dsióg₃ tē₂ Damasco. ¹² Ja₁jaun₂ jme₁guá₄ jan₂ dsa₂ chen₂ Ananías, i₂jme₁jme₂ti₃ con₂ lē₅ Si₂ 'Éi₃ Juá₅ quió₅ Moisés, jaun₂ ca₂le₃jín₃ dsa₂ judíos i₂tián₅ Damasco ca₂juá₂ dse₃ 'iin₂₃ 'éi₂. ¹³ Jaun₂ ca₂dsióg₃ Ananías i₁jag₅₄ ja₁jme₁eng₅₄. Jme₁ca₂dsióg₃, ca₂juá₂: “Saulo rin₅₄ jniog₄, guei₅₄ táng₃ jme₁ne₄.” Dsi₂jui₅ jaun₂ bá₄ ca₂lág₃ táng₃ míg₂ ne₃, jaun₂ ca₂jñin₅₄ jaun₂ ně₃. ¹⁴ Jaun₂ ca₂tság₃ táng₃ jniá₂: “Diú₄ quián₅ dsa₂ can₅₄ quián₂ jniog₄ ma₂ca₂quióin₂ 'ne₂ le₂jniá₅, ia₁jaun₂ le₃cuíng₂ 'e₂ jaun₂ a₂ñio₂ dsí₅, ia₁jaun₂ jing₅₄ i₂qui₂dsi₅ 'éi₃ rē₂ quián₅, ia₁jaun₂ nág₁ jág₁ quió₅ 'ñiog₅ a₂tio₅₄ mi₂'o₅₄. ¹⁵ Jaun₂ 'ne₂

† 21:40 o₃, arameo. * 22:2 o₃, arameo.

gog' ₅₄ a₂chi₂o₁'iín' ₃ o₁dsia' ₄ o₁chei' ₄ ca₂le₃jín₃ dsa₂ ca₂le₃jě₃ 'e₂ ma₂jag' ₅₄ 'e₂ qui₂ma₂nei' ₂ ně₃.
 16 Jaun₂ ně₃, tsá₃ ma₃jme₁'ag₁₂. Nau₂, o₂chon₅₄ jmig₂, mi₄ ne₄ 'éi₂, ia₁jaun₂ jhí₃ dsáu' ₂.”

Ca₂dsia₃ Pa₄ 'a₂ lia' ₂ ca₂lě₃ a₂chein₅₄ ηei₅₄ ja₁con₂ dsi₂nau₂

17 'Jme₁ca₂guáng' ₃ Jerusalén, ηeg₅₄ guá' ₅ templo i₂chi₁leng' ₄ Diú₄. Jaun₂ a₂lě₃ca₂jéin₃ ca₂jág₃, 18 ca₂jing₅₄ Te₁gui' ₅₄, jaun₂ ca₂juá' ₂: “I₂ηáu' ₂ jú₅ tē₂le₃ dséi₂ juig₂ Jerusalén, ia₁ tsá₃ tón' ₂ dsa₂ juí₅ jág₁ a₂juig' ₅₄ a₂'ág' ₄ jniá₂.” 19 Jaun₂ ca₂ηag₄ jniá₂ ca₂juig₂: “Te₁gui' ₅₄, ca₂le₃jín₃ bá₄ dsa₂ 'éi₂ le₁ηi₅ a₂jme₁ηi₅ jniá₂ a₂jme₁nei₂₃ ca₂le₃jě₃ guá' ₅ sinagogas a₂co₂'éng₅ qui₂cuě₅ ca₂le₃jín₃ dsa₂ i₂'én₂ jág₁ dse₃ quiáng' ₂, a₂jme₁i₂tioin' ₂ 'né₅ 'má₃. 20 Jme₁ca₂ηi' ₃ dsa₂ Esteban, dsa₂ i₂jme₁jáng' ₅ jág₁ dsau₅ quiáng' ₂, jaun₂ bá₄ jme₁chén' ₄ jniá₂ ján₃, ia₁ jme₁lě₄ caun₂ jág₁ quió₃ quian' ₅₄ dsa₂ i₂ca₂ηi' ₃ 'éi₂. Jaun₂ ca₂jmo₃ jniá₂ 'í₁ ni₁tsin' ₅₄ dsa₂ i₂ca₂ηag' ₃.” 21 La₁ jaun₂ ca₂juá' ₂ Te₁gui' ₅₄ ca₂tság₃ jniá₂: “La₁ gua₂, ia₁ tsag₅₄ jniá₂ uíng₂ quiáng' ₂, a₂o₁'ě₃ jág₁ ja₁con₂ dsi₂nau₂.”

Ma₂nio₅ ne₄ juig₅₄ 'lióg₂ bá₄ Pablo

22 Co₂jaun₂ bá₄ ca₂nág₂ dsa₂ juig₂. Jaun₂ ca₂jme₃lióg₃ ca₂tóin' ₂ co₂mi' ₅₄ ca₂guió' ₃ ca₂juá' ₂:
 —jui₁jón₅₄ i₂ně₅! ¡Tsá₃ ma₃'nió' ₅ le₃chain₂ guě₄!
 23 Jaun₂ dsa₂ juig₂ ně₃, caun₂ qui₂ca₂tě₂ca₂'oin' ₂ bá₄ Pa₄, qui₂ca₂gág₃ tsin' ₅₄ tioin' ₅₄,† qui₂ca₂cho₃ dsa₂ 'lióg₂ juí₅ guei' ₅₄. 24 Jaun₂ ca₂jmo₃ juig₅₄ 'lióg₂ dsen₅₄ 'éi' ₃ ca₂tóin' ₂ Pa₄ dsi₂néi₂ ja₁tion' ₅₄ dsi₂'lióg₂. Jaun₂ ca₂jmo₃ 'éi' ₃ a₂báin₂ Pa₄ ia₁jaun₂ jmo₃ jág₁ 'e₂ dso₄ riin₂, 'e₂ 'uig₅₄ ca₂rě₃ 'né₃ dsa₂ juig₂ quiong' ₅₄. 25 La₁ jme₁ma₂rě₂ 'ηei' ₅₄ a₂jme₁ma₂bóg₂ dsa₂, ca₂juá' ₂ Pa₄ ca₂tsí' ₃ jan₂ juig₅₄ 'lióg₂ i₂chén' ₅ cau₅:

—¿Ca₂tín' ₂ 'nia' ₂ báng' ₄ jan₂ dsa₂ i₂tén₅ Roma tē₃ tsá₃ ma₂ně₂quion' ₂ 'nia' ₂ jág₁ dsau₅ quió' ₅?

26 Jme₁ca₂nág₂ juig₅₄ 'lióg₂ a₂ně₅, jaun₂ ca₂ηei₅₄ i₁chi' ₂ juig₅₄ dsen₅₄ quiáin₅ ca₂juá' ₂:

—Tě₃ηi' ₅₄ quiáng' ₂ ně₁juá' ₂ 'e₂ ca₂jmag' ₅₄ dsa₂ ně₅, ia₁ dsa₂ tén₅ Roma bá₄ ně₅.

27 Jaun₂ ca₂jme₃quián₃ juig₅₄ 'lióg₂ dsen₅₄ ja₁'en₅₄ Pa₄, jaun₂ ca₂ηag₃:

—¿Dsón' ₂ lín' ₅ 'ne₂ dsa₂ tén₅ Roma?

Jaun₂ ca₂ηag₃ táng₃ Pa₄:

—Ján₅.

28 Jaun₂ ca₂juá' ₂ juig₅₄ 'lióg₂ jaun₂ ně₃:

—'Lióng₂ cu₄ ca₂quín₂ quió₃ a₂ca₂ling₃ dsa₂ tén₅ Roma.

Jaun₂ ca₂juá' ₂ táng₃ Pa₄:

—La₁ jniá₂ ně₃, a₂ma₂lín₅ bá₄ jniá₂ lia' ₂ con' ₂ ca₂rě₃cháng₃.

29 Dsi₂juí₅ jme₁ca₂nág₂ dsa₂ i₂jme₁bán₂ Pa₄, jaun₂ ca₂i₃lěin₂ cau₅, ján₃ bá₄ le₂jaun₂ juig₅₄ 'lióg₂ dsen₅₄ ně₃. Ia₁ jme₁ca₂rě₃ηi₅ a₂lín₅ Pa₄ dsa₂ tén₅ Roma, ca₂rě₃gó' ₅ bá₄ jaun₂ ně₃ ia₁ a₂ca₂'nei' ₂ Pa₄.

Ma₂chén' ₅ Pa₄ ne₄ dsi₂tan₅₄ quián₅ dsa₂ judíos

30 Jme₁jnia₃ jaun₂, jme₁'nio₃ le₃ηi₅ juig₅₄ 'lióg₂ dsen₅₄ 'e₂ 'uig₅₄ jme₁cuě' ₅ dsa₂ judíos dso₄ Pa₄. Jaun₂ ca₂chéin' ₂ 'éi₂ ia₁ a₂jme₁chi' ₁ 'ηei' ₅₄ quian' ₅₄ ni₁ηi₁ cadenas. Jaun₂ ca₂jmo₃ 'éi' ₃ a₂ηi' ₂ juig₅₄ jme₂dsa₂ quian' ₅₄ ca₂le₃jín₃ dsi₂tan₅₄ quián₅ dsa₂ judíos. Jaun₂ guě₄ ca₂dsein₂₃ Pa₄ ca₂chei' ₃ ne₄ dsa₂ 'éi₂.

23

1 Jme₁ma₂chén' ₅ Pa₄ ne₄ dsi₂tan₅₄ quián₅ dsa₂ judíos, jaun₂ ca₂jín₂ ca₂le₃jín₃ dsa₂ can' ₅₄ 'éi₂, jaun₂ ca₂juá' ₂:

—Rin' ₅₄ jniog₄, tei₄ bá₄ 'ei₅ dsi₃ ma₂guio₃, chang₂ tē₂ jmig₄ ně₃, ne₄ Diú₄.

† 22:23 ca₂gág₃ tsin' ₅₄: Le₂jaun₂ jme₁jmo₅ dsa₂ léi₄ chi₂juá' ₂ 'e₂ tsá₃ tē₅ dsi₅.

² Jaun₂ Ananías, i₂lín₅ jme₂dsa₂ dsen₅₄, ca₂tsí'₃ dsa₂ i₂jme₁tión₂ cau₅ quió'₅ Pa₄, a₂jnú₃ mi₂'o₄ 'éi₂. ³ Jaun₂ ca₂ṇag₃ Pa₄ ca₂tsí'₃ jme₂dsa₂ dsen₅₄ 'éi₂:

—i₂Diú₄ jnú₃ quiáng'₂ 'ṇiag'₂, 'ne₂ i₂lín'₅ lia'₂ lě₅ caun₂ ni₁'ia'₂ a₂jṇia'₅₄ jniá₂ tiog₂ tē₂le₃ co'₅₄! * ¿'Néi'₂ 'ne₂ ja₁ně₅ qui₂dsí'₁ 'éi'₃ ja₁con₂ jniá₂ con'₂ lě₅ Si₂ 'Éi'₃? ¿Jaun₂ 'e₂ lě₃ jmo'₂ 'éi'₃ a₂cuē₃ dsa₂ jniá₂, ton'₂ tsá₃ le₂jaun₂ ta₁ qui'₅ Si₂ 'Éi'₃?

⁴ Jaun₂ ca₂ṇag₃ dsa₂ i₂tion'₅₄ guē₄ ja₁jaun₂:

—¿'E₂ lě₃ ṇag'₅₄ le₂ně₅ ne₄ jme₂dsa₂ dsen₅₄ quián₅ Diú₄?

⁵ Ca₂ṇag₃ táng₃ Pa₄:

—Rin'₅₄ jniog₄, tsá₃ jaun₂ guion₅₄ a₂lín₅ jme₂dsa₂ dsen₅₄. Ia₁ juá'₂ ne₄ Si₂ quió'₅ Diú₄: “Tsá₃ chi₁'íng'₄ 'lig'₅₄ dsi₂tan₅₄ juig₂ go'₅₄.”†

⁶ Jaun₂ ca₂rě₃lí'₄ Pa₄, i₂lín₅₄ dsa₂ 'éi₂ lín₅ dsa₂ saduceos, i₂lín₅₄ guē'₂ lín₅ dsa₂ fariseos. Jaun₂ guē₄ ca₂juá'₂ Pa₄ tiá₂, ca₂tsí'₃ dsa₂:

—Rin'₅₄ jniog₄, dsa₂ fariseo bá₄ lín₅ jniá₂. Fariseos bá₄ jme₁lín₄ dsa₂ can'₅₄ quiáng₃ ně₃. 'Uig₅₄ ia₁ a₂'éng₂ jág₁ a₂jen'₅₄ táng₃ 'lag₄ bá₄ a₂'iog₅₄ dsa₂, a₂con₂ dsa₂ jág₁ dsau₅ chéng'₅ la₂.

⁷ Jme₁ca₂juá'₂ Pa₄ le₂ně₅, dsa₂ i₂lín₅ fariseos, quian'₅₄ dsa₂ i₂lín₅ saduceos ně₃, ca₂jme₃lióg₃ qui₂ca₂tsíin₂ guioin₅₄, ca₂lě₃ le₁dsoin₅₄. ⁸ Ia₁ dsa₂ saduceos, tsá₃ 'e₂ 'éin₂ a₂jen'₅₄ dsa₂ jě₁ma₂dsain₃, on₃ guē'₂ 'éin₂ a₂chan₂ ángeles, on₃ guē'₂ 'éin₂ a₂chan₂ jme₂dsí₂. La₁ dsa₂ fariseos guē'₂ ně₃, 'éin₂ bá₄ ca₂le₃jě₃ a₂jaun₂. ⁹ Jaun₂ ca₂tóin'₂ ca₂tsíin₂ co₂mi'₅₄. Jaun₂ i₂lín₅₄ dsa₂ i₂lín₅ tē₅juá'₅ i₂tión₂ tē₂le₃ quió'₅ dsa₂ fariseos, ca₂nau₂ ca₂juá'₂:

—'I₁caun₂ 'lig'₅₄ tsá₃ 'e₂ ma₂jmo₃ dsa₂ ně₅. ¿'E₂ lé₂ chi₂jua'₂ dsón'₂ bá₄ ca₂juá'₂ jan₂ ángel, o₃ jan₂ jme₂dsí₂ 'e₂, ca₂tsí'₃ i₂ně₅?

¹⁰ Jaun₂ 'ṇio₅ ca₂tón'₂ dsa₂ ca₂tsíin₂, ca₂lia'₂ ca₂rě₃gó'₅ juig₅₄ 'lióg₂ dsen₅₄ jme₁ca₂jág₃. Ia₁ ně₅ tsá₃ ma₂jmo₃ dsa₂ jma₃quén₅ quió'₅ Pa₄, lín₂. Jaun₂ ca₂jmo₃ 'éi'₃ ca₂o₃lén₂ 'lióg₂ ca₂dsein₂₃ Pa₄ jě₄ quió'₅ dsa₂, ca₂tág₃ juí₅ ne₄ta₁ ja₁tion'₅₄ 'lióg₂.

¹¹ Jme₁ca₂tě₂ tin₃ nei₅ 'en₅₄ Pa₄ ja₁jaun₂,‡ ca₂jme₃jnia₅ Te₁gui'₅₄ ne₅₄, jaun₂ ca₂juá'₂:

—Quen'₂ bí₂, Pa₄, ia₁ juí₁lia'₂ ma₂ně₂jang'₅₄ jág₁ dsau₅ ně₂'ag'₅₄ jniá₂ jě₄ juig₂ Jerusalén la₂, le₂ně₅ bá₄ o₁jang'₁ jág₁ dsau₅ o₁'ág'₃ jniá₂ jě₄ juig₂ Roma ján₃.

Ca₂jmo₃ dsa₂ judíos jág₁ a₂jme₁jṇi'₃ Pa₄

¹² Jme₁jnia₃ jaun₂, ca₂jmo₃ jág₁ i₂lín₅₄ dsa₂ judíos a₂jṇi'₃ Pa₄. Ca₂'iin₃ Diú₄ a₂ca₂juá'₂ a₂tsá₃ 'e₂ guē'₃, a₂tsá₃ 'e₂ 'ín'₂ ně₃, ca₂lia'₂ ca₂lě₃ a₂niog₅ dsí₅ jmo₃. ¹³ Jme₁lě₂ lě₅ guē₄ con'₂ tē₂lón₃ dsa₂ i₂jme₁ma₂lí'₅ jág₁ jmo₃ le₂jaun₂. ¹⁴ Jaun₂ ca₂i₁lein₅₄ i₁jṇi₅₄ juig₅₄ jme₂dsa₂, ca₂le₃jín₃ guē₄ gui'₅₄ can'₅₄ quián₅ dsa₂ judíos ně₃, a₂ca₂i₁juá'₁:

—Jnia'₅₄ ma₂'ín₃ Diú₄ a₂tsá₃ 'e₂ tí₄ 'o₄, ca₂lia'₂ ma₂ně₂jṇi'₄ jnia'₅₄ Pa₄. ¹⁵ Jaun₂ 'nia'₂ ně₃, quian'₅₄ dsi₂tan₅₄ quián₅ guá'₅, o₂chei'₅₄ 'nia'₂ juig₅₄ 'lióg₂ a₂ja₂jṇiai₃ Pa₄ ne'₅₄ 'nia'₂ 'ióg₃. A₂lě₁juig'₅₄ bá₄ 'nia'₂ a₂caun'₅₄ jág₁ dsau₅ co₂rě₂ quió'₅, ia₁jaun₂ bá₄ ja₃jio₃. Jaun₂ jnia'₅₄ guē'₂ ně₃, ma₂lág₅ co₂jṇia₅₄ a₂jṇi'₄ né'₃ a₂guáin₂ tē₂la₂.

¹⁶ La₁ ja₁ṇi'₅₄ 'io₅₄ rin'₅₄ Pa₄ ca₂rě₃ṇi₅ jág₁ jaun₂. Jaun₂ ca₂ṇei₅₄ ne₄ta₁ quió'₅ 'lióg₂ ca₂i₁'ě₄ jág₁ ne₄ Pa₄. ¹⁷ Jaun₂ Pa₄ ně₃ ca₂tě'₃ jan₂ juig₅₄ 'lióg₂, jaun₂ ca₂juá'₂:

—Jnia₅ chi'₂ la₂ ne₄ juig'₂ 'nia'₂, ia₁ cha₂ jág₁ quian₅ dsi₃'ě₃.

¹⁸ Jaun₂ ca₂ṇe₄ 'éi₂ ca₂i₁jṇiai₃ chi'₂, jaun₂ ca₂juá'₂:

—Pa₄ i₂lě₅ 'í₁ quián₅ 'lióg₂ ně₂tē₂ jniá₂ a₂ně₂mi₃ a₂i₁jṇiag₂ chi'₂ la₂, ia₁ cha₂ jág₁ quian₅ a₂'ě₂ ne'₅₄.

¹⁹ Jaun₂ ca₂jṇa'₃ juig₅₄ 'lióg₂ dsen₅₄ 'éi₂ mi₂gu₂ chi'₂ 'éi₂, con'₂ ca₂jio₃ cau₅, jaun₂ ca₂ṇag₃:

—¿'E₂ jág₁ quian'₅₄ juig'₅₄ jniá₂?

²⁰ Jaun₂ ca₂ṇag₃ chi'₂ 'éi₂:

* 23:3 ni₁'ia'₂ tiog₂: 'Nio'₂ ja₁ton₅ Mateo 23:27. † 23:5 Éxodo 22:28. ‡ 23:11 o₃, “A₂'uē₂ jmi₂g₁ jaun₂.”

—Ma₂nē₂jmo₃ dsa₂ judíos caun₂ jág₁ a₂mi₃ ne'₅₄ a₂o₁jñiag'₂ Pa₄ 'ióg₃ ne₄ dsi₂tan₅₄ quián₅ dsa₂ judíos. A₂'nio₃ jme₃gain₂₃ 'ne₂ jmo₃ nē₂jag₄ bá₄ a₂con₂ dsi₂tan₅₄ jág₁ dsau₅ quió'₅ 'éi₂.
²¹ La₁ tsá₃ o₁'eng'₅₄, ia₁ lē₅ guē₄ tē₂lón₃ dsa₂ quiáin₅ ma₂le₁'mai₅₄ cau₅ jui₅ le₁jñiog₂₃. Ma₂'iin₃ Diú₄ a₂tsá₃ 'e₂ guē'₃, 'ín'₂, ca₂lia'₂ ca₂jñi'₃ Pa₄. Jñia'₅₄ lia'₂ a₂jaun₂ bá₄ le₁jñia₂₃ chi₂jua'₂ 'e₂ jág₁ juig'₅₄ 'ne₂.

²² Jaun₂ ca₂'ág'₃ jág₁ juig₅₄ dsen₅₄ 'éi₂, ca₂juá'₂ a₂tsá₃ 'ein₂ tsí'₃ jág₁ a₂ca₂dsia₃ jaun₂.

Ca₂dsián'₂ dsa₂ Pa₄ ne₄ Dsi₄má'₂ Félix

²³ Jaun₂ ca₂tē'₃ juig₅₄ 'lióg₂ dsen₅₄ on₃ juig₅₄ 'lióg₂ quiáin₅, ca₂jmo₃ 'éi'₃ a₂jmo₃ 'éi₂ co₂jñia₅₄ tin₃ 'ñiá₂-lón₂ 'lióg₂ a₂dsi₃lén₂ jui₅ tag₅₄; 'nag'₂ ne₂guión₂ rē₂dsí₂ guan₃ guē'₂ (70) dsi₃lén₂ co₁dsin₅₄ cua₁, tin₃ 'ñiá₂-lón₂ guē'₂ i₂cán₂ ñí₁ chen'₂, a₂dsi₃lén₂ jui₅ Cesarea con'₂ hora ñí₁ ñi₃ le₃ca₂nei₂, § ²⁴ Jaun₂ ca₂chein₃ jág₁ a₂jmo₃ dsa₂ co₂jñia₅₄ cua₁ i₂co₃dsin₅₄ Pa₄. Ca₂jmo₃ 'éi'₃ a₂jmo₃ dsa₂ 'í₁, dsi₃jón₂ 'éi₂ o₄gú₃ Dsi₄má'₂ Félix tē₂dsein₃ jéin'₃ le₂jaun₂. ²⁵ Jaun₂ quian'₅₄ dsa₂ i₂l₁jon₅₄ Pa₄, ca₂chen₃ juig₅₄ dsen₅₄ si₂ la₂ a₂juá'₂:

²⁶ Jñiá₂, Claudio Lisias, tsing₂ si₂ la₂ ne'₅₄ 'ne₂, gui'₅₄ Dsi₄má'₂ juin'₂ Fé₁. Cúing₅ Diú₄ 'ne₂.

²⁷ Ca₂jñau'₃ dsa₂ judíos ca₂jñai'₃ dsa₂ nē₅, a₂jme₁jñag'₃. La₁ jme₁ca₂rē₃guion₅₄ a₂lín₅ dsa₂ tén₅ Roma, jaun₂ ca₂ñeg₅₄ i₁lioin₁₂ quian'₅₄ 'lióg₂ quiáng₃. ²⁸ Ia₁ jme₁'nio₃ le₃guion₅₄ 'e₂ 'uig₅₄ 'nag₅ dsa₂, jaun₂ ca₂i₁jñiá₂ ne₄ dsi₂tan₅₄ quiáin₅. ²⁹ Jaun₂ ca₂rē₃léi₄ jñiá₂, 'uig₅₄ quió'₅ Si₂ 'Éi'₃ quió'₅ guion₅₄ bá₄ dsa₂, cuē'₅ i₂nē₅ dso₄. Jaun₂ tsá₃ cha₂ 'e₂ lē₃ jua'₅₄ a₂'i₄ 'éi'₃ a₂jñag'₃ dsa₂, on₃ guē'₂ dsi₂ten₅₄ jua'₅₄ a₂'i₂ 'né₅ 'má₃ nē₃. ³⁰ Jaun₂ jme₁ca₂rē₃guion₅₄ a₂ma₂jmo₃ dsa₂ judíos caun₂ jág₁ a₂jñag'₃, jaun₂ bá₄ lē₃ dsiain'₄ jñiá₂ o₄gog'₂ 'ne₂. Jaun₂ ma₂juig₂ bá₄ jñiá₂ ján₃, dsa₂ i₂'nag₅ 'ni₅ i₂nē₅, a₂dsi₃lén₂ ne'₅₄ 'ne₂, a₂dsi₃can₅ dso₄ a₂bóin'₂ i₂nē₅. Co₂nē₅ bá₄.

³¹ Jaun₂ 'lióg₂ nē₃, con'₂ lē₅ 'éi'₃ ma₂ñi₂, ca₂dsein₂₃ Pa₄ ca₂tág₃ tē₃ 'uē₂ ca₂dsi₃lén₂ tē₂ juig₂ Antipatris. ³² Jme₁jñia₃ jaun₂, 'lióg₂ i₂l₃lén₂ jui₅ tag₄ ca₂jéin'₃ táng₃ jui₅, ja₂lein₃ táng₃. Jmá'₃ 'lióg₂ i₂co₁dsin₅₄ cua₁ bá₄ ca₂l₃lén₂ i₃jón₂ guē'₄ Pa₄. ³³ Jme₁ca₂dsi₃lén₂ tē₂ juig₂ Cesarea, jaun₂ ca₂jñin'₃ dsi₄má'₂ si₂ carta a₂quian₅. Ca₂jñin'₂ Pa₄ nē₃. ³⁴ Jme₁ma₂nē₂'i₂ dsi₄má'₂ si₂, jaun₂ ca₂ñi'₃ Pa₄ a₂já'₄ chain₂. Jme₁ca₂rē₃ñi₅ a₂chan₂ 'éi₂ 'uē₃ Cilicia, ³⁵ jaun₂ ca₂juá'₂:

—Nē₅ nag₅₄ jág₁ quiáng'₂ jē₁ma₂o₂lén₂ dsa₂ i₂'nag₅ quiáng'₂.

Jaun₂ ca₂jmo₃ dsi₄má'₂ 'éi'₃ a₂jmo₃ 'lióg₂ 'í₁ Pa₄ dsi₂nei₂ ne₄ta₁ palacio quió'₅ Rag₅₄ Herodes.

24

Ca₂jáng'₃ Pa₄ jág₁ dsau₅ a₂lióin₂ 'ñiog₅ ne₄ Dsi₄má'₂ Fé₁

¹ A₂'ñiá₂ jmig₄ cang₂ jaun₂, ca₂dsióg₃ Ananías i₂lín₅ jme₂dsa₂ dsen₅₄, quiaín'₅₄ i₂lín₅₄ gui'₅₄ can'₅₄ nē₃, quiaín'₅₄ Tértulo i₂lín₅ i₂chén'₅ ne₄ jág₁ quiáin₅, ca₂dsi₃lén₂ Cesarea. Jaun₂ ca₂dsi₃lén₂ ne₄ dsi₄má'₂ a₂'ni₃ Pa₄. ² Jme₁ca₂i₁quian₅₄ dsa₂ Pa₄, jaun₂ ca₂jme₃lióg₃ Tértulo ca₂tsí'₃ dsi₄má'₂ a₂'ni₂₃ Pa₄, ca₂juá'₂:

—Ti₁'mag'₄ 'ne₂, tei₄ bá₄ 'ei₅ tio'₅₄ jñia'₅₄, jaun₂ dse₃ bá₄ lia'₂ con'₂ lē₅ 'éi'₃ quiáng'₂ a₂ting'₂.

³ Jaun₂ con'₂ lē₅ 'éi'₃ qui'₂ 'ne₂ bá₄ qui₂jmo₅ dsa₂, a₂jmo₂ jñia'₅₄ ján₃. Jaun₂ cuē₂ jñia'₅₄ ti₁'mag'₄ 'ne₂, Fé₁ juin'₂. ⁴ La₁ jaun₂ tsá₃ uē₂ jme₁'ag₁₂ jñia'₅₄ quiáng'₂, mi₂ jñia'₅₄ jmó'₂ dse₃ 'au'₂ a₂nág'₁ jág₁ quián₂ jñia'₅₄ a₂jua'₅₄. ⁵ Ma₂ne₅₄ jñia'₅₄ ca₂le₃jē₃ 'e₂ 'lig'₅₄ jmo₅ dsa₂ nē₅, ñi₂₃ ca₂le₃jē₃ juig₂ qui₂dsiain₂₃ mi'₅₄ dsa₂ judíos qui₂jmo₃ le₁dson'₅₄ dsa₂. Jaun₂ i₂nē₅ bá₄ lín₅ jan₂ dsa₂ i₂quian₅ ne₄ jui₅ quió'₅ co₂nió'₃ dsa₂ i₂tē'₂ dsa₂ nazarenos. ⁶ Jme₁'nio₃ jme₁jme₂'ióg₃ guá'₅ templo quián₂ jñia'₅₄. Jaun₂ bá₄ lē₃ ca₂chain'₅₄ jñia'₅₄, [jme₁'niog₂ jme₁qui₂dsi₂ 'éi'₃ con'₂ lē₅ Si₂ 'Éi'₃ quián₂ jñia'₅₄. ⁷ La₁ jme₁ca₂'i₃ juig₅₄ 'lióg₂ Lisias, ca₂jñiá'₂ Pa₄ jin₄ jñia'₅₄ quian'₅₄ bí₂ quió'₅ 'lióg₂ quiáin₅, a₂ca₂tág₃. ⁸ Ca₂juá'₂ Lisias 'éi₂ a₂'nió'₅ ja₃lén₂ dsa₂ i₂'nag₅ ne'₅₄ 'ne₂.]* Dse₃ ñag'₅₄ 'ne₂ 'ñiag'₂ ia₁jaun₂ le₃ñi'₅₄ lia'₂ tí₅ jág₁ 'e₂ lē₃ 'ni₅ jñia'₅₄.

§ 23:23 lit. "hora 'ni₅ a₂'uē₂." * 24:8 A₂lín₅₄ chog₅₄ si₂ tsá₃, le₁ton₅ jág₁ a₂tio'₅₄ 'ñió'₅ corchetes [le₂la₂].

9 Jaun₂ ca₂le₃jín₃ gué₄ dsa₂ judíos i₂jme₁tió₂ ja₁jaun₂ ca₂juá'₂ a₂dsón'₂ dsau₅ bá₄ jág₁ ně₅.
10 Jaun₂ ca₂jmo₃ léi₄ dsi₄má'₂ ca₂tsí'₃ Pa₄ a₂juá'₂ 'éi₂ jág₁. Jaun₂ ca₂juá'₂ 'éi₂ jaun₂ ně₃:

—A₂'ñio₂ dsi₃ jáng'₄ jág₁ dsau₅ a₂long₅₄ 'ñió₃ ne'₅₄ 'ne₂, ia₁ guion₅₄ bá₄ jaun₂ a₂líng'₅ dsi₂tan₅₄ ma₂ne₁ñó₄ ñi₂ a₂qui₂dsí'₁ 'éi'₃ quió'₅ ta₁caun₂ 'uē₃ la₂. 11 Lé₂ bá₄ le₃caun'₅₄ jág₁ dsau₅, mei'₂ tsá₃ guia₃-tín₂ jmig₄ bá₄ ma₂tě₂ a₂guang₃ Jerusalén a₂chi₁leng'₄ Diú₄. 12 Tsá₃ jua'₅₄ ca₂jo₃ dsa₂ a₂tsíng₂ quian'₅₄ dsa₂, on₃ guē'₂ jua'₅₄ a₂qui₂dsia₂₃ mi'₅₄ i₁dsi₅ guá'₅ templo, on₃ guē'₂ dsi₂néi₂ guá'₅ sinagogas, on₃ guē'₂ jē₄ juig₂. 13 Tsá₃ qui'₅₄ jmig₄ i₂ně₅ jme₃jniái₂₃ ca₂le₃jě₃ a₂'nag₂₃. 14 La₁ a₂juá'₅ jniá'₂ ne'₅₄, a₂jme₂ti₅₄ ne₄ Diú₄ quián₅ dsa₂ can'₅₄, con'₂ lě₅ jui₅ a₂juá'₂ i₂ně₅ a₂tsá₃ dsau₅. Ia₁ 'éng₂ ca₂le₃jě₃ a₂tio'₅₄ ne₄ Si₂ 'Éi'₃ quian'₅₄ Si₂ quió'₅ dsa₂ i₂jme₁'ě₂ jág₁ quián₅ Diú₄ ně₃. 15 Le₂jaun₂ bá₄ 'éng₂ le₃quió'₅ Diú₄, jui₁lia'₂ 'éin₂ guioin₅₄ bá₄ ján₃, ia₁ 'éng₂ a₂qui₂jen'₅₄ 'lag₄, lia'₂ dsa₂ dsen₃ lia'₂ dsa₂ 'lin'₅₄ ně₃. 16 'Uig₅₄ jaun₂, le₃jě₃ jmig₄ bá₄ quín'₅ jniá'₂ bí₂ a₂tsá₃ 'e₂ dsi₃ñi₅ dsi₃, lia'₂ ne₄ Diú₄ lia'₂ ne₄ dsa₂ mi₂güig₃ ně₃.

17 'Jme₁ca₂dsin₃ tin₃-ni₅ ñi₂ a₂ñi₂₃ juig₂ siá'₂, ca₂guáng'₃ táng₃ Jerusalén a₂jme₁ong₁₂ dsa₂ te₂ñé₂, a₂dsíng'₄ já'₂ ne₄ ne₄chei₂ ně₃. 18 A₂jaun₂ bá₄ 'eng₅₄ jmo₂₃ i₁dsi₅ guá'₅ templo jme₁ma₂ně₂jmo₃ le₁jě₃ quió'₃ lia'₂ con'₂ lě₅ tag₄ chí'₅ quián₂ jniá'₅₄. La₁ on₃jua'₅₄ a₂jme₁tion'₅₄ dsa₂ juin₅, on₃ guē'₂ jua'₅₄ ca₂dsia₃ jniá'₂ mi'₅₄. Jaun₂ ca₂dsi₃lén₂ i₂lin₅₄ dsa₂ judíos i₂ja₂lén₂ juig₂ siá'₂ ja₁tén₄ 'uē₃ Asia. I₂'éi₂ bá₄ ca₂jo₃ 'eng₅₄ i₁dsi₅ guá'₅ templo. 19 I₂'éi₂ bá₄ 'nió'₅ ja₁lén₂ ja₁lá₃ ia₁jaun₂ 'nag₃ chi₂jua'₂ cha₂ a₂'nag₃ jniá'₂. 20 Nē₁jua'₂ tsá₃ a₂cha₂ 'nag₃ 'éi₂, jaun₂ jui₁'nag₅₄ i₂tió₂ ně₅ chi₂jua'₂ cha₂ dso₄ ca₂'no₃ ja₁con₂ dsi₂tan₅₄ quián₅ dsa₂ judíos. 21 O₃ 'uig₅₄ jaun₂ 'e₂, ia₁ a₂'én₂ jniá'₂ a₂jen'₅₄ 'lag₄, jui₁lia'₂ ca₂juá'₃ jniá'₂ tiá₂ ca₂juig₂ 'éi₂ lia'₂ con'₂ jme₁'eng₅₄ jē₄ quió'₅, ca₂juig₂: “A₂cáun'₂ 'nia'₂ jág₁ dsau₅ quió'₃ jniá'₂, ia₁ a₂'éng₂ a₂jen'₅₄ 'lag₄.”

22 Jme₁ca₂nag₂ gui'₅₄ Dsi₄má'₂ Fé₁ le₂ně₅, jaun₂ tsá₃ ma₃'e₂ ca₂jme₃rě₃. Ia₁ jme₁ma₂ñi₅ rě₂ bá₄ i₂'e₂ jaun₂ a₂tě₂ dsa₂ “Jui₅”. Jaun₂ ca₂juá'₂:

—Ně₅ bá₄ jme₁rě₂ jniá'₂ jág₁ ně₅ quián'₂ 'nia'₂, jē₁ma₂guan₅ juig₅₄ 'lióg₂ dsen₅₄ Lisias.

23 Jaun₂ ca₂jmo₃ gui'₅₄ dsi₄má'₂ 'éi'₃ ca₂tsí'₃ juig₅₄ 'lióg₂ quián₅ a₂toin'₂ Pa₄ né'₃ 'má₃. La₁ ca₂cuē₃ bá₄ jmig₄ lé₂ bá₄ dsi₃jag₅₄ a₂mei₅₄ quián₅ Pa₄ a₂jme₃'o₅₄ ně₁jua'₂ 'e₂ ca₂rě₃'nió'₅ quió'₅.

24 Jme₁ca₂dsin₃ tin₃-ni₅ jmig₄ cang₂ jaun₂, ca₂dsióg₃ táng₃ Fé₁ quiain'₅₄ 'io₅₄ quián₅ i₂chen₂ Drusila, i₂lín₅ judía. Jaun₂ ca₂jmo₃ Fé₁ 'éi'₃ ca₂i₁quian₅₄ dsa₂ Pa₄, jaun₂ ca₂nág₂ tě₂lia'₂ ca₂dsia₃ 'éi₂ jui₁lia'₂ 'a₂ lia'₂ lě₅ a₂'éin₂ tě₂le₃ quió'₅ Cristo Jesús. 25 La₁ jme₁ca₂dsia₃ Pa₄ a₂'nió'₅ cán₂ dsa₂ caun₂ jui₅ co₂dsau₅, a₂'nió'₅ jme₃'uán₂ dsa₂ dsí₅ 'ñiog₅; jme₁ca₂dsia₃ Pa₄ a₂já₅ caun₂ jmig₄ a₂con₂ Diú₄ jág₁ dsau₅ quió'₅ le₂jan₂ le₂jan₂ dsa₂, jaun₂ gué₄ ca₂rě₃gó'₅ gui'₅₄ Fé₁. Jaun₂ ca₂juá'₂:

—Dse₃ bá₄ guang'₂ táng₃ ja₁jme₁'eng'₅₄. Ně₅ bá₄ tě₄ táng₃ jmig₄ siá'₂ jē₁ma₂jing₅₄.

26 Jme₁'ín₂ dsí₅ Fé₁ a₂jme₁jén'₃ Pa₄ cu₄ ia₁jaun₂ jme₁lió₂. Jaun₂ 'lióng₂ ráun₂ jme₁ca₂tě₃ a₂dsia₂₃ jág₁ quiong'₅₄. 27 Tin₃ ñi₂ ca₂ñi₂ le₂jaun₂ jme₁ca₂o₃'ín₃ gui'₅₄ Fé₁ ta₁ a₂jme₁lín₄, a₂ca₂'í₃ táng₃ Porcio Festo. Jaun₂ lia'₂ ma₂'en₅₄ jaun₂ bá₄ Pa₄ né'₃ 'má₃ ca₂jmo₃ Fé₁, ia₁jaun₂ tě₃tsiin'₅₄ dse₃ quian'₅₄ dsa₂ judíos.

25

Ca₂ñe₄ Pa₄ ne₄ Dsi₄má'₂ Festo

1 Ma₂'ni₅ jmig₄ a₂ca₂gue₃ Festo ta₁ dsi₄má'₂, ca₂'uín₂ juig₂ Cesarea ca₂uíg₂ juig₂ Jerusalén.
2 Ja₁jaun₂ ca₂jmo₃ jme₂dsa₂ dsen₅₄ quiain'₅₄ ca₂le₃jín₃ juig₅₄ jme₂dsa₂ quián₅ dsa₂ judíos, ca₂mi₃ dso₄ ne₄ Festo a₂'nii₂₃ Pa₄. 3 Ján₃ bá₄ ca₂mi₃ a₂jmo₃ 'éi₂ dse₃ dsí₅, a₂jmo₃ 'éi'₃ a₂dsi₃quián₂ dsa₂ Pa₄ a₂dsi₃jó₂ juig₂ Jerusalén. Ia₁ a₂jme₁ma₂li'₅₄ jág₁ a₂jme₁ñi₃ Pa₄ le₂'i₄ jui₅. 4 La₁ jaun₂ ca₂ñag₃ Festo a₂'ein₅₄ jui₅ dsáin'₃ ñi'₅₄ ta₁ tě₂ juig₂ Cesarea ja₁'en₅₄ Pa₄ né'₃ 'má₃. 5 Jaun₂ ca₂juá'₂:

—Jui₁ja₂lén₂ dsa₂ i₂lín₅ ta₁ quián'₂ 'nia'₂ quian'₅₄ jniá₂ jui₅ Cesarea, jui₁'nag₁₂ ja₁jaun₂ chi₂jua'₂ cha₂ a₂r₁in₂.

⁶ Jnia'₅₄ con'₂ jnia₃ o₃ guia₃ jmig₄ bá₄ ca₂'í₃ Festo Jerusalén, jaun₂ ca₂ñái'₃ Cesarea. Jme₁jnia₃ táng₃ jaun₂, ca₂i₁gua₂ ne₄ta₁ ja₁qui₂dsi₂₃ 'éi'₃, jaun₂ ca₂jmo₃ 'éi'₃ a₂ca₂i₁quian'₅₄ dsa₂ Pa₄. ⁷ Jme₁ca₂'í₃ Pa₄ dsi₂néi₂ ne₄ta₁, jaun₂ ca₂jme₃quián₃ dsa₂ judíos i₂ja₂lén₂ juig₂ Jerusalén. Jaun₂ 'lióng₂ ne₅₄ dso₄ jué'₂ qui₂ca₂bóin'₂ Pa₄. La₁ tsá₃ ca₂tió'₃ jme₃jniai₂₃ a₂dsón'₂ dsau₅ ca₂le₃jé₃ dso₄ a₂bóg'₂ jaun₂. ⁸ Jaun₂ ca₂jáng'₃ Pa₄ jág₁ dsau₅ a₂lióin₂ 'ñiog₅, ca₂juá'₂:

—'I₁caun₂ dso₄ nē₅ tsá₃ ma₂'no₃ jniá₂, on₃ gué'₂ jua'₅₄ a₂tsá₃ ma₂ca₂rē₃tei₅₄ con'₂ lē₅ Si₂ 'Éi'₃ quió'₅ dsa₂ judíos, on₃ gué'₂ le₃quió'₅ guá'₅ templo jua'₅₄ a₂ma₂'no₃ dso₄, on₃ gué'₂ jua'₅₄ a₂cha₂ dso₄ ma₂ca₂táng'₂ ja₁con₂ gui'₅₄ emperador romano.

⁹ La₁ia₁ jme₁'nio₃ Festo tē₃tsin'₅₄ rē₂ quian'₅₄ dsa₂ judíos, jaun₂ ca₂ñái'₃ Pa₄:

—'N₁og'₂ guang'₅₄ tē₂ juig₂ Jerusalén ia₁jaun₂ ja₁jaun₂ jme₁rē₂ jniá₂ quiáng'₂?

¹⁰ Jaun₂ ca₂ñag₃ Pa₄:

—Jaun₂ gué'₂ ma₂chén'₅ jniá₂ ja₁lá₃ caun₂ ne₄ta₁ ja₁tén₄ gui'₅₄ emperador romano ja₁dsi₂ten₅₄ qui₃dsi₅ dsa₂ 'éi'₃ quió₃. Ia₁ rē₂ bá₄ ñi'₅₄ 'ne₂, tsá₃ 'e₂ dso₄ r₁n₂ jniá₂ ja₁con₂ dsa₂ judíos. ¹¹ Chi₂jua'₂ cha₂ gué'₂ dso₄ a₂ma₂'no₃, a₂ca₂tíng₂ jóng₂, jaun₂ guén₄ bá₄ jniá₂ 'mú₃ quió₃. La₁ chi₂jua'₂ tsá₃ dsau₅ dso₄ a₂bóg'₂ dsa₂ nē₅, jaun₂ 'i₁jan₂ tsá₃ 'ein₂ ca₂tín₂ jua'₅₄ a₂jáng'₂ jniá₂ o₄gú₃ dsa₂ 'éi₂. Jaun₂ mi₅ jniá₂ nég'₄ ne₄ gui'₅₄ emperador, ia₁jaun₂ 'éi₂ qui₃dsi₅ 'éi'₃ ja₁cong₂.

¹² Jme₁ca₂lē₃ dsia₅ Festo jág₁ quian'₅₄ dsa₂ i₂to'₂ jág₁ dse₃ quiáin₅, jaun₂ ca₂juá'₂ ca₂tsí'₃ Pa₄:

—Ia₁ ma₂nē₂mi'₅₄ guang'₅₄ ne₄ gui'₅₄ emperador, ne₄ 'éi₂ guang'₅₄ gué'₂ jaun₂.

Ma₂chén'₅ Pa₄ ne₄ Rag₅₄ Agripa

¹³ Tin₃-ni₅ jmig₄ cang₂ jaun₂, ca₂dsióg₃ Rag₅₄ Agripa quiain'₅₄ Berenice ca₂i₁lein₅₄ juig₂ Cesarea i₁cuiin₃ Diú₄ Festo. ¹⁴ Ca₂tóin'₂ bá₄ tin₃-ni₅ jmig₄ ja₁jaun₂, jaun₂ ca₂dsia₃ Festo ca₂tsí'₃ Rag₅₄ Agripa jág₁ jaun₂ quió'₅ Pa₄. Jaun₂ ca₂juá'₂:

—'En₅₄ jan₂ dsa₂ 'né₅ 'má₃ ja₁lá₃, i₂ca₂ton'₂ Fé₁. ¹⁵ Lia'₂ con'₂ jme₁'en₅₄ jniá₂ juig₂ Jerusalén, ca₂mi₃ dso₄ ne₃ jniá₂ juig₅₄ jme₂dsa₂ quián₅ dsa₂ judíos, dsa₂ can'₅₄ quiáin₅ nē₃, a₂'ni₂₃ dsa₂ 'éi₂, a₂jme₁mi₂₃ jme₁qui₁dsi₅ jniá₂ 'éi'₃ quió'₅, a₂'ě₄ uig₅ nē₃. ¹⁶ Jaun₂ bá₄ lē₃ ca₂ñag₄ jniá₂ ca₂juig₂: “Tsá₃ le₂jaun₂ tin₂ quió'₅ dsi₂tan₅₄ romano jua'₅₄ qui₃dsi₅ 'éi'₃ quió'₅ jan₂ dsa₂, tē₃ tsá₃ ma₂nē₂jín₂ dsa₂ i₂qui₂'nag₅ quió'₅, tē₃ tsá₃ ma₂cuin₅ jmig₄ lióin₃ 'e₂ dso₄ bóg'₂ dsa₂.”

¹⁷ Jaun₂ lē₃, jme₁ca₂o₃lén₂ ja₁lá₃, dsi₂jui₅ bá₄ ca₂i₁gua₂ ne₄ta₁ quió₃ jme₁jnia₃ jaun₂, jaun₂ ca₂jmo₃ 'éi'₃ ca₂i₁quian'₅₄ dsa₂ dsa₂ 'éi₂. ¹⁸ La₁ jme₁ca₂o₃lén₂ dsa₂ i₂'nag₅, tsá₃ 'e₂ dso₄ ca₂bóg'₂ dsa₂ jui₁lia'₂ dso₄ jme₁lín₂ jniá₂ a₂jme₁bóg'₂. ¹⁹ Jnia'₅₄ lia'₂ a₂jaun₂ bá₄ 'ni₂₃ 'éi₂ lia'₂ con'₂ lē₅ 'Éi'₃ Juá'₅ quió'₅, ia₁ a₂juá'₂ 'iin₂₃ jan₂ i₂chen₂ Jesús i₂ca₂jon₃, jaun₂ juá'₂ Pa₄ i₂chan₂ bá₄ 'éi₂.

²⁰ Ia₁ tsá₃ guion₅₄ 'a₂ lia'₂ jme₁rē₂ jág₁ jaun₂, jaun₂ bá₄ lē₃ ca₂juig₂ Pa₄ chi₂jua'₂ 'nio₃ dsó₃ jui₅ Jerusalén, ia₁jaun₂ qui₃dsi₅ dsa₂ 'éi'₃ ja₁jaun₂. ²¹ La₁ 'ñiog₅ nē₃ ca₂mi₃ a₂qui₃dsi₅ 'éi'₃ gui'₅₄ emperador Augusto, jaun₂ bá₄ lē₃ ca₂jmo₃ jniá₂ 'éi'₃ lia'₂ ma₂'ein₅₄ nē₅ 'né₅ 'má₃, ca₂lia'₂ ca₂cuin₃ jmig₄ a₂tsin₅₄ ne₄ gui'₅₄ emperador.

²² Jaun₂ ca₂juá'₂ gui'₅₄ Agripa ca₂tsí'₃ Festo:

—Ján₃ bá₄ 'nio₃ jniá₂ nag₅₄ jág₁ quió'₅ dsa₂ 'éi₂.

Jaun₂ ca₂ñag₃ táng₃ Festo:

—'Ióg₃ nág'₁ jág₁ quió'₅.

²³ Jaun₂ jme₁jnia₃ jaun₂, ca₂dsióg₃ gui'₅₄ Agripa quian'₅₄ Berenice. 'Nio₅ lín₃ jlá'₁ ca₂i₃toin'₅₄ dsi₂néi₂. Ca₂dsi₃lén₂ juig₅₄ 'lióg₂ dsen₅₄, ca₂le₃jín₃ dsa₂ dsen₅₄ quián₅ juig₂ ca₂dsi₃lén₂. Jaun₂ ca₂jmo₃ Festo 'éi'₃ a₂ca₂i₁quian'₅₄ dsa₂ Pa₄. ²⁴ Jaun₂ ca₂juá'₂:

—'Ne₂ Rag₅₄ Agripa, ca₂le₃jín'₃ 'nia'₂ dsa₂ i₂le₁ñi'₂ ja₁lá₃ quian'₅₄ jnia'₅₄, la₂ chén'₅ dsa₂ la₂. Jui₅ dsa₂ judíos i₂chan₂ juig₂ Jerusalén, dsa₂ chan₂ juig₂ Cesarea ja₁lá₃ nē₃, 'ni₂₃ dsa₂ la₂.

Jaun₂ ca₂le₃jě₃ jmig₄ tsá₃ cán₂ jág₁, a₂mi₂₃ jón₂ i₂ně₅,²⁵ La₁ con'₂ lín₂ jniá₂, tsá₃ 'e₂ dso₄ riin₂ jua'₅₄ a₂dsi₂ten₅₄ jón₂. Ton'₂ mi₂₃ táng₃ 'ñiog₅ a₂dsáin'₃ ne₄ gui'₅₄ emperador Augusto, jaun₂ lě₃ ma₂i₂jio₅ dsi₃ dsiain'₅₄ co₂ñei'₅₄ ne₄ 'éi₂.²⁶ Ia₁ tsá₃ guion₅₄ 'e₂ jág₁ dsón'₂ tó'₄ ne₄ si₂ a₂juig₅₄ gui'₅₄ emperador a₂'nig₄ i₂ně₅. Jaun₂ bá₄ lě₃ i₂jñiái₂ ne'₅₄ 'nia'₂, la₁ 'ñio₅ dsen₅₄ guě₄ le₂'uig₅₄ ne'₅₄ 'ne₂ gui'₅₄ Rag₅₄ Agripa, ia₁jaun₂ caun'₅₄ jág₁ dsau₅ quió'₅, ia₁jaun₂ cha₂ a₂tó'₄ ne₄ si₂ 'e₂ a₂rě₂cáin'₂.²⁷ Ia₁ tsá₃ dse₃ jniá₂, lín₂ jniá₂, jua'₅₄ a₂dsiang'₅₄ jan₂ dsa₂ chi₁'ñei'₅₄ jua'₅₄ a₂tsá₃ juig₅₄ 'e₂ lě₃ 'nag₅ dsa₂.

26

Ca₂jáng'₃ Pablo jág₁ dsau₅ quió'₅ ne₄ Rag₅₄ Agripa

¹ Jaun₂ ca₂juá'₂ Rag₅₄ Agripa ca₂tsí'₃ Pa₄:

—Lé₂ bá₄ jua'₅₄ jág₁ a₂jang'₅₄ jág₁ dsau₅ o₄quiáng'₂ 'ñiag'₂.

Jaun₂ ca₂chóg'₃ Pa₄ gu₂ ca₂jme₃lióg₃ ca₂juá'₂ le₂la₂:

² —Jmo₅ jniá₂ dsi₃, 'e₂ bá₄ dsen₃ jniá₂, a₂ma₂chéng'₅ ne'₅₄ 'ne₂ Rag₅₄ Agripa, a₂long₅₄, juig₅₄ 'ne₂ 'a₂ lia'₂ lě₅ ca₂le₃jě₃ dso₄ a₂bóg'₂ dsa₂ judíos jniá₂.³ Ia₁ ma₂ñi'₅₄ bá₄ 'ne₂ co₂rě₂ 'a₂ lia'₂ lě₅ tag₄ a₂chí'₅ quián₂ jnia'₅₄ dsa₂ judíos, quian'₅₄ jág₁ a₂tság₂ jnia'₅₄ jin₄ rin'₅₄ ně₃. Jaun₂ lě₃ mi₅ jniá₂ ne'₅₄ a₂jmó'₂ juin'₂ 'au'₂ a₂nág'₁ jág₁ quió'₃.

Ca₂dsia₃ Pablo, le₂la₂ bá₄ jme₁lín₄ né'₃ a₂jéin'₃ le₃quió'₅ Te₁gui'₅₄

⁴ 'Ca₂le₃jín₃ bá₄ dsa₂ judíos le₁ñi₅ 'a₂ lia'₂ jme₁jmo₅ jniá₂ juig₂ go₃ quian'₅₄ jě₄ juig₂ Jerusalén ně₃. Jaun₂ le₁ñi₅ bá₄ dsa₂ 'a₂ lia'₂ jme₁ñi₅ jniá₂ lia'₂ bing'₅₄.⁵ Le₁ñi₅ 'éi₂ ján₃, jaun₂ lé₂ bá₄ jáng₃ jág₁ dsau₅ ně₁jua'₂ 'nio₃, lia'₂ con'₂ jme₁i₃juing'₂ bá₄, ma₂lín₅ bá₄ jniá₂ dsa₂ fariseo. Jaun₂ jnia'₅₄ i₂jme₁lág₄ fariseos jme₁jme₂tí₁ guě₄ 'ñio₅ lín₃ juá'₅ quián₂.⁶ Ia₁ a₂'éng₂ a₂jme₃jen'₅₄ Diú₄ 'lag₄, ju₁lia'₂ lě₅ jág₁ quió'₅ ca₂cuě'₃ gui'₅₄ can'₅₄ quián₂ jnia'₅₄ ma₂líg'₂, 'uig₅₄ jaun₂ bá₄ a₂chéng'₅ ja₁lág₃, a₂con₂ dsa₂ jág₁ dsau₅ quió'₃.⁷ Ta₁guia₃-tín₂ bá₄ cho'₅₄ tsi₁jon₂ dsa₂ juig₂ jnia'₅₄ jme₂juin'₂ Diú₄, jaun₂ lia'₂ 'uě₂-jmi₂ bá₄ jme₂tí₃ ta₁ ne₄ Diú₄ ia₁ le₁'ín₂ dsi₅ a₂jme₂tí₃ Diú₄ jág₁ jaun₂ quió'₅ ca₂cuě₃. 'Uig₅₄ jaun₂ bá₄ ně₃, 'ne₂ gui'₅₄ Rag₅₄ Agripa, 'uig₅₄ ia₁ a₂'ín₂ dsi₃ jniá₂ le₂jaun₂ bá₄, a₂'nag₅ dsa₂ judíos jniá₂.⁸ ¿'E₂ 'uig₅₄ jmo'₂ 'nia'₂ 'au'₂ a₂tsá₃ qui'₅₄ Diú₄ jmig₄ jme₃jein'₅₄ 'lag₄?

Ca₂dsia₃ Pa₄ 'a₂ lia'₂ qui₂ca₂co₃'ein₃ quió'₅ dsa₂ quián₅ Jesús

⁹ 'Jniá₂ 'ñió₃, jme₁dsi₂jio₅ dsi₃ le₂jniá₅ jme₁jmo₅₄ 'líong₂ ne₅₄ cosas a₂jme₁jmag'₅₄ dsa₂ quián₅ Jesús chan₂ Nazaret.¹⁰ Jaun₂ le₂ně₅ ca₂jmo₃ jě₄ juig₂ Jerusalén. Quian'₅₄ 'éi'₃ ca₂cuě₃ juig₅₄ jme₂dsa₂, qui₂ca₂tong'₂ 'né₅ 'má₃ juin₅ lín₃ dsa₂ 'én₂.^{*} Caun₂ bá₄ jág₁ jme₁lě₄ quió'₃ quian'₅₄ dsa₂ i₂ca₂jme₃dsian₅ i₂lín₅₄ dsa₂ i₂'én₂ 'éi₂.¹¹ 'Líong₂ ráun₂ qui₂ca₂'ě₃ jniá₂ uig₅, ia₁jaun₂ jmo₃ tion₅₄ a₂tí₂ a₂'éin₂. Le₂jaun₂ bá₄ qui₂ca₂jmo₃ jniá₂ le₂tan₅₄ guá'₅ sinagogas, ca₂lia'₂ ca₂i₁'éin₄ le₂tan₅₄ juig₂ go₄ dsa₂ sián'₂ ně₃, ia₁ 'ñio₅ lín₃ jme₁'ñiai₅₄ jniá₂.

Ca₂dsia₃ táng₃ Pa₄ 'a₂ lia'₂ ca₂lě₃ a₂ca₂jéin'₃

(Hechos 9:1-19; 22:6-16)

¹² 'Ta₁ jaun₂ jme₁ñó₃ jniá₂ ju₁5 Damasco ca₂chei₃ dsa₂ quian'₅₄ bí₂ 'éi'₃ ca₂cuě₃ juig₅₄ jme₂dsa₂ a₂jme₁i₂cháng'₃ dsa₂ 'én₂ i₂jme₁tion'₅₄ ja₁jaun₂.¹³ La₁ lia'₂ con'₂ jme₁ñó₃ le₂'i₄ ju₁5, 'ne₂ gui'₅₄ rag₅₄, con'₂ dsi₃ñi'₃ bá₄ jaun₂, ca₂jág₃ jniá₂ caun₂ si₂ a₂já₃ ju₁5 guei'₅₄ i₂juig₃, ca₂tág₃ le₃lág'₃ quió'₃, quian'₅₄ dsa₂ i₂jme₁quiang'₅₄. 'Ñio₅ lín₃ guě₄ tág₅ con'₂ guě₄ 'iog₂.¹⁴ Jaun₂ ca₂le₃jág₃ bá₄ jnia'₅₄ i₂gau'₅₄ 'uě₃ dsi₂ju₁5 le₂jaun₂. Jaun₂ ca₂nag₃ caun₂ jág₁ ca₂juá'₂ dsa₂ quian'₅₄ jág₁ jme₁hebreo:† “Saulo, Saulo, ¿'e₂ lě₃ co₂'éin'₅ jniá₂? A₂jñia'₅₄ jmag'₅₄ uig₅ 'ñiag'₂ bá₄, jmo'₂ ju₁lia'₂ jmo₅ ca₁ju₁5 quia'₂ 'uě₃ a₂jnaú₅ nei'₅₄ ni₁'ma₂ chen'₂.”¹⁵ Jaun₂ ca₂ñag₄ jniá₂: “¿'Ein₂ bá₄ 'ne₂, gui'₅₄?” Jaun₂ ca₂ñag₃ táng₃: “Jesús bá₄ jniá₂ i₂co₂'én'₅ 'ne₂.¹⁶ La₁

* 26:10 lit. “juin₅ lín₃ dsa₂ jnió₅.” † 26:14 o₃, arameo.

nau₂, chí₂ tag^{'54}, ia₁ nē₂jme₁jniag₅ ne^{'54} 'ne₂, ia₁ 'nio₃ jme₁ti^{'4} ta₁ ne₃, ia₁jaun₂ jang^{'54} jág₁ dsau₅ 'e₂ nē₂jag^{'54} nē₃, quian^{'54} a₂jag^{'54} guē₄ cang₂ a₂jme₁jnia₅ jniá₂. ¹⁷ Tsin₅₄ jniá₂ 'ne₂, jaun₂ gog^{'54} ja₁con₂ dsi₂nau₂, jaun₂ jmo₅₄ bá₄ jniá₂ 'í₁ 'ne₂ ia₁jaun₂ tsá₃ jmóg^{'2} dsa₂ juig₂, on₃ guē^{'2} dsi₂nau₂ nē₃. ¹⁸ Jaun₂ juí₅ ja₁con₂ dsa₂ 'éi₂ tsin₅₄ jniá₂ 'ne₂, ia₁jaun₂ le₃jnio₂ ne₄ dsa₂, ia₁jaun₂ 'uín₃ jē₄ qui₁né^{'3}, qui₃jéin^{'3} ne₅₄ ja₁tág₅ si₂; ia₁jaun₂ tsá₃ lē₅ jua^{'54} tioin^{'54} guē₄ 'éi^{'3} quió^{'5} Satanás, ia₁jaun₂ dsi₁lein₃ ja₁con₂ Diú₄, dsi₃'én₂ bá₄ dsáu₁, ia₁jaun₂ gue₃ juí₁lia^{'2} a₂ca₂tín₂ dsa₂ i₂lē₅ 'í₁ quián₅ Diú₄, 'uig₅₄ ia₁ a₂'éin₂ le₃quió₃ jniá₂.”

Ca₂jme₃ti₃ Pa₄ a₂ca₂jág₃ jaun₂

¹⁹ Jaun₂ le₂nē₅ bá₄, 'ne₂ gui^{'54} Rag₅₄ Agripa, tsá₃ jua^{'54} a₂tsá₃ ca₂jme₁ti₁₂ con^{'2} lē₅ a₂ca₂jág₃ a₂jág₃ guei^{'54}. ²⁰ Jaun₂ lē₃, jē₄ juig₂ Damasco ca₂'ě₃ le₂'uig₅₄ jág₁ dse₃. Jaun₂ guē₄ ca₂neg₅₄ juí₅ Jerusalén, le₂tan₅₄ juig₂ ja₁tén₄ 'uē₃ Judea nē₃. Ján₃ bá₄ ca₂neg₅₄ jin₄ dsi₂nau₂, ca₂i₁chei₁₂ a₂'nió^{'5} dsi₃quén^{'5} dsí₅, jéin^{'3} le₃quió^{'5} Diú₄, a₂jme₃li₅₄ a₂ma₂ca₂rē₃tsín₃ dsí₅ tē₂le₃ quian^{'54} ca₂le₃jē₃ a₂jmo₂₃. ²¹ 'Uig₅₄ jaun₂ bá₄ a₂ca₂jñau^{'3} dsa₂ judíos jniá₂ i₁dsi₅ guá^{'5} templo a₂jme₁'nio₃ jme₁jñag^{'3}. ²² La₁ Diú₄ bá₄ jme^{'o₅₄} cuē₂₃ bí₂ a₂chan^{'54} tiá₂ jág₁ quió^{'5} ca₂tē₂ jmig₄ nē₃, qui₂jáng^{'5} jág₁ dsau₅ a₂juig₂ lia^{'2} dsa₂ dsen₅₄ lia^{'2} dsa₂ lē₁dsa₂ nē₃. 'I₁caun₂ jág₁ siá^{'2} tsá₃ juig₂ jniá₂ dsa₂, jñia^{'54} con^{'2} lē₅ jág₁ ca₂juá^{'2} dsa₂ i₂jme^{'ě₂} jág₁ quián₅ Diú₄ ma₂líg^{'2}, quian^{'54} a₂ca₂juá^{'2} Moisés, jme₁ca₂juá^{'2} ca₂le₃jē₃ 'e₂ niog₅ lé₂, ²³ co^{'nió^{'4}} a₂tion₅₄ 'nió^{'5} ñág₃ uig₅ I₂rē^{'ín₁} quián₅ Diú₄; jaun₂ 'éi₂ bá₄ lén₂ i₂le^{'uig₅₄} i₂jen^{'54} jin₄ 'lag₄, ia₁jaun₂ dsi₃'ě₃ jág₁ dse₃ a₂lión₂ dsa₂, juí₁lia^{'2} caun₂ si₂ a₂tág₅ lia^{'2} jin₄ dsa₂ juig₂ quián₂ jnia^{'54}, lia^{'2} jin₄ dsi₂nau₂ nē₃.

Ca₂jmo₃ Pa₄ bí₂ a₂jme₁le^{'én₂} Rag₅₄ Agripa tē₂le₃ quió^{'5} Jesús

²⁴ Jme₁ca₂juá^{'2} Pa₄ jág₁ jaun₂ a₂jme₁lióin₂ 'ñiog₅ ne₄ dsi₂tan₅₄, jaun₂ ca₂guió^{'3} Dsi₄má^{'2} Festo ca₂juá^{'2}:

—i₂A₂lē₁tē₂'í₂ bá₄ 'ne₂, Pa₄! Ia₁ a₂ñí₄ lē₃ 'í₂ si₂, jaun₂ ma₂ca₂rē₃ñág^{'5}.

²⁵ Jaun₂ ca₂ñag₃ táng₃ Pa₄:

—Tsá₃ ñá₅ jniá₂, 'ne₂ gui^{'54} Dsi₄má^{'2} Festo. Jág₁ dsau₅ dsón^{'2} bá₄ a₂juá^{'5} jniá₂ la₂. ²⁶ La₂ bá₄ guá₅ gui^{'54} Rag₅₄ Agripa i₂cuí^{'5} dse₃ 'a₂ lia^{'2} lē₅ jág₁ nē₅. A₂jaun₂ bá₄ lē₃ tiá₂ dsi₃ a₂juá^{'5} ne₅₄, ia₁ dsón^{'2} ñi₅ ca₂le₃jē₃ jág₁ nē₅, ia₁ on₃jua^{'54} a₂ca₂lē₃ caun₂ ja₁quióng₄ con^{'2} tē₃co^{'54}. ²⁷ ¿'Én^{'2} 'ne₂ gui^{'54} Rag₅₄ Agripa jág₁ a₂ca₂juá^{'2} dsa₂ i₂jme^{'ě₂} jág₁ quián₅ Diú₄? Guion₄ bá₄ jniá₂ a₂'én^{'2} 'ne₂.

²⁸ Jaun₂ ca₂ñag₃ Rag₅₄ Agripa:

—Ca₂juig₄ mei^{'2} tsá₃ jme^{'uang^{'54}} dsi₃ a₂lég₂ jan₂ dsa₂ cristiano.

²⁹ Jaun₂ ca₂juá^{'2} táng₃ Pa₄:

—Chi₂jua^{'2} ca₂juig₄ o₃ tsá₃ ca₂juig₄ 'e₂, 'e₂ guē₄ dse₃ nē₁jua^{'2} jmo₃ Diú₄ on₃jua^{'54} jmá^{'3} 'ne₂, ján₃ bá₄ le₂jaun₂ ca₂le₃jin₃ dsa₂ i₂nag₅ jág₁ quió₃ nē₃, a₂lén₂ juí₁lia^{'2} lín₅ jniá₂, o₁jñia^{'54} guē₄ on₃jua^{'54} quian^{'54} ni₁ñí₁ cadena juí₁lia^{'2} chén^{'5} jniá₂ la₂.

³⁰ Jme₁ma₂ca₂lē₃ juá^{'2} Pa₄ le₂jaun₂, ca₂nau₂ Rag₅₄ Agripa quian^{'54} Dsi₄má^{'2} Festo, 'io₅₄ Berenice nē₃, ca₂'uín₂ co₂lē₅ quian^{'54} ca₂le₃jin₃ guē₄ dsa₂ i₂jme^{'tion^{'54}}. ³¹ Con^{'2} ca₂i₃lén₂ cau₅, ca₂i₁dsia^{'2} 'a₂ lia^{'2} jmo₃ jág₁ jaun₂ quió^{'5} Pa₄, jaun₂ ca₂juá^{'2} ca₂tsí^{'3} rñin^{'54}:

—'I₁ca₂juig₄ tsá₃ 'e₂ ma₂jmo₃ dsa₂ nē₅, jua^{'54} a₂ca₂tín₂ 'i₄ 'éi^{'3} jóin₂, on₃ guē^{'2} jua^{'54} a₂dsi₂ten^{'54} 'ein^{'54} né^{'3} 'má₃ nē₃.

³² Jaun₂ ca₂juá^{'2} Rag₅₄ Agripa ca₂tsí^{'3} Dsi₄má^{'2} Festo:

—Jme₁lé₂ bá₄ jme₁lión₂ dsa₂ nē₅, jua^{'54} mei^{'2} guē₃ tsá₃ ca₂mi₃ 'ñiog₅ a₂jme₃rē₃ gui^{'54} emperador jág₁ quió^{'5}.

¹ Jme₁ca₂jmo₃ dsa₂jág₁ a₂chei₃ jnia'₅₄ jui₅ 'uë₃ Italia, jaun₂ Pa₄ quian'₅₄ guë₄ dsa₂ i₂le₁ 'ne'₅₄ riin'₅₄ ca₂jáng'₂ dsa₂ o₄gú₃ jan₂ juig₅₄ 'lióg₂ i₂chen₂ Julio, i₂tén₅ të₂le₃ quió'₅ co₂nió'₃ 'lióg₂ i₂të'₂ dsa₂ quián₅ Augusto. ² Jaun₂ ca₂tió'₄ jnia'₅₄ caun₂ ni₁barco a₂já₃ jui₅ 'o₄ jmi₁ñí'₄ ja₁chei₂ Adramitio a₂jme₁ma₂chí'₅ dsáu'₃ jui₅ 'o₄ jmi₁ñí'₄ a₂niog₅ 'uë₃ Asia. Jme₁quian'₅₄ jnia'₅₄ Aristarco dsa₂ chan₂ Tesalónica, juig₂ tén₅ 'uë₃ Macedonia. ³ Jme₁jnia₃ táng₃ jaun₂, ca₂dsi₃náu₅ jnia'₅₄ 'o₄ jmi₁ñí'₄ juig₂ Sidón. Ja₁jaun₂ ca₂dsia₃ néi₂ dsí₅ Julio ja₁con₂ Pa₄, ca₂cuë₃ bá₄ jmi₁g₄ ca₂i₁jin₁₂ a₂mei₅₄ quián₅, ia₁jaun₂ jme₃'o₅₄ 'éi₂ 'e₂ a₂'nió'₅ quió'₅. ⁴ Jme₁ca₂'uag₂ jnia'₅₄ juig₂ Sidón, ca₂i₃náu₅ jnia'₅₄ jui₅ ja₁jniá₂ Chipre të₂le₃ gu₂ jen₅, ia₁ të₂le₃ siá'₂ bá₄ jme₁'ei₅ dsí₂. ⁵ Jaun₂ ca₂ñag₅₄ jnia'₅₄ jmi₁ñí'₄ chei'₅₄ 'uë₃ Cilicia quian'₅₄ Panfilia. Jaun₂ dsí₃náu₅ jnia'₅₄ ja₁chei₂ Mira, juig₂ tén₅ 'uë₃ Licia.

⁶ Ja₁jaun₂ ca₂dsó'₂ juig₅₄ 'lióg₂ caun₂ ni₁barco já₃ juig₂ Alejandría, a₂ma₂'i₄ jui₅ dsáu'₅ jui₅ Italia. Jaun₂ ca₂jmo₃ 'éi'₃ ca₂tió'₄ jnia'₅₄ ni₁barco, jaun₂ ca₂i₃náu₅ táng₃. ⁷ 'Lióng₂ jmi₁g₄ ca₂tió'₄ jnia'₅₄ ni₁barco, ia₁ a₂i₃náu₅ të₂'ua₁. Jaun₂ të₃ quian₅ ta₁ le₂jaun₂ bá₄ dsí₃náu₅ ja₁chei₂ Gnido. Ia₁ lia'₂ ma₂'ei₅ jaun₂ bá₄ dsí₂ le₃siá'₂, jaun₂ ca₂ñag₅₄ jnia'₅₄ cau₅ ja₁chei₂ Salmón, ca₂i₁jei₅₄ le₃ja₁chei₂ Creta, 'uë₃ 'i₄ jë₄ jmi₁ñí'₄. ⁸ Jaun₂ të₃ quian₅ ta₁ le₂jaun₂ bá₄ ca₂dsi₃náu₅ jnia'₅₄ ja₁të'₂ dsa₂ 'O₄ jmi₁ñí'₄ Dse₃, ja₁ma₂quián₅ juig₂ Lasea.

⁹ 'Lióng₂ jmi₁g₄ ca₂rë'₃ ag₄ jnia'₅₄. Ma₂të₂ jein₂ a₂ma₂go'₂ i₃nió₄ dsa₂ jui₅ ne₄ jmi₁ñí'₄, ia₁ a₂ma₂ja₂quián₃ jein₂ güig₂, Jaun₂ lë₃, jme₁ca₂juá'₂ Pa₄ ca₂tsí'₃ dsa₂:

¹⁰ —'Nia'₂ dsa₂, jág₅ jniá₂ 'ñio₅ ma₂go'₂ quián₂ jniog₄ të₂le₃ ja₁dsau₅₄ në₅, ia₁ dsí₃'én₂ ni₁barco, lio₅₄ në₃, ca₂të₂ guio₅₄ jniog₄ go'₂ dsíó₃ në₁jua'₂ 'e₂ ca₂lë₃.

¹¹ La₁ juig₅₄ 'lióg₂ në₃, tsá₃ jui₅ ca₂tón'₃ jág₁ jaun₂ quió'₅ Pa₄. Ca₂tón'₃ bá₄ jui₅ jág₁ quió'₅ dsa₂ juig₅₄ ni₁barco quian'₅₄ dsa₂ i₂quian₄ ni₁barco në₃. ¹² Ia₁ tsá₃ dse₃ 'o₄ jmi₁ñí'₄ jaun₂ jua'₅₄ a₂jñia₃ dsa₂ jein₂ güig₂ ja₁jaun₂, jaun₂ mei'₂ tsá₃ ca₂le₃jín₃ dsa₂ ca₂jmo₃ jág₁ a₂jme₁dsi₁náu₄ jui₅ ja₁tág'₄ juig₂ Fenice, caun₂ 'o₄ jmi₁ñí'₄ quió'₅ Creta ja₁jniá₂ të₂le₃ noroeste quian'₅₄ të₂le₃ suroeste, ia₁jaun₂ dsí₁jñia₁ jnia'₅₄ ja₁jaun₂ të₂lia'₂ ñag₅ jein₂ güig₂.

Ca₂'ág₂ dsí₂ tiá₂ lín₃ ne₄ jmi₁ñí'₄

¹³ Jaun₂ ca₂jme₃lióg₃ ca₂'ág₂ dsí₂ 'ua₁ a₂já₃ të₂le₃ sur. Jaun₂ caun₂ lé₂ dsí₃léin₂ bá₄ lín₂. Jaun₂ ca₂'uñin₂ jaun₂ në₃, ca₂i₃léin₂ jui₅ ma₂quián₅ chei'₅₄ 'uë₃ Creta. ¹⁴ La₁ jme₁co₂lág₂ jaun₂, ca₂já₃ dsí₂ tiá₂ lín₃ a₂chei₂ Nordecte ca₂të₂ ni₁barco. ¹⁵ Jaun₂ ca₂jio₃ dsí₂ le₃siá'₂ quió'₅ ni₁barco, ia₁ tsá₃ ma₃lé₂ jua'₅₄ dsau₅₄ jnia'₅₄ co₂dsau₅, jaun₂ co₂ñei'₅₄ ca₂cuë₁ jnia'₅₄ jmi₁g₄ a₂jio₃ dsí₂. ¹⁶ Jaun₂ ca₂ñag₅₄ jnia'₅₄ le₃co'₅₄ caun₂ 'uë₃ pí'₁ ja₁chei₂ Cauda* a₂niog₅ jë₄ jmi₁ñí'₄. Ja₁jaun₂ tsá₃ lín₄ ma₃'ei₅ dsí₂ tiá₂, jaun₂ të₃ quian₅ ta₁ le₂jaun₂, ja₂lag₃ bá₄ ca₂tián₃ jnia'₅₄ a₂ca₂quiong₅₄ táng₃ tsi₁mu₅ a₂jme₁le₁'in₁ le₃chi₁co'₅₄. ¹⁷ Jme₁ca₂lë₃ ca₂tó'₂ dsa₂ tsi₁mu₅ guei'₅₄ 'ñio'₃ ni₁barco, jaun₂ qui₂ca₂'néi₂ dsa₂ dse₃ ni₁barco quian'₅₄ tsi₁'nei₅₄ ia₁jaun₂ jmo₃ bën₂ guë₄. Jaun₂ ia₁ jme₁gó'₅ dsa₂ a₂'í₂ ni₁barco ne₄ ti₁tsag₁ ja₁të'₂ dsa₂ Sirte, jaun₂ ca₂sió₂ tsi₁'mi'₂ quió'₅ ni₁barco, jaun₂ ca₂cuë₃ jmi₁g₄ a₂jio₃ dsí₂. ¹⁸ Jme₁jnia₃ jaun₂, ia₁ tiá₂ bá₄ guë₄ 'ei₅ dsí₂, jaun₂ ca₂jme₃lióg₃ qui₂ca₂tó'₂ lio₅₄ ne₄ jmi₁ñí'₄. ¹⁹ Jme₁ca₂të₂ 'ni₅ jmi₁g₄, jaun₂ guio₅₄ jnia'₅₄ quian'₅₄ gu₂ qui₂ca₂tio'₅₄ dsí₂jmi₁g₂ le₂jio₅ a₂jmó'₂ ta₁ ni₁barco 'ñiog₅. ²⁰ 'Lióng₂ jmi₁g₄ tsá₃ ma₃ca₂jnia₃ 'iog₂, on₃ guë'₂ nei₅ në₃. Tsá₃ ma₃lág₂ jnia'₅₄ jua'₅₄ a₂tág'₄ guë₄, ia₁ a₂ñí₄ lë₃ tiá₂ jme₁'ei₅ dsí₂.

²¹ Ia₁ ma₂ne₁ñó₄ 'lióng₂ jmi₁g₄ tsá₃ ma₃'ein₂ jnia'₅₄ guë'₅, jaun₂ ca₂nau₂ Pa₄ jë₄ quió'₅ dsa₂ 'éi₂, jaun₂ ca₂juá'₂:

—'Nia'₂ dsa₂, dse₃ jua'₅₄ co₂ñei'₅₄ ca₂tion'₂ bá₄ 'nia'₂ jui₅ jág₁ quió'₃ a₂tsá₃ jme₁'uág₃ Creta. Jñia'₅₄ ca₂i₃'én₂ bá₄ quián₂, ton'₂ ca₂ñag₅₄ rë'₂ uig₅ në₃. ²² La₁ në₃ në₃, quen'₂ 'nia'₂ bí₂, ia₁ 'i₁jan'₂ 'nia'₂ tsá₃ 'ein₂ dsíán₃, o₁jñia'₅₄ dsí₃'én₂ ni₁barco. ²³ Ia₁ a₂'uë₂ la₂ në₂jme₃jnia₅ jan₂ ángel ne₃, i₂chen₄ quián₅ Diú₄ i₂jme₂tí₁ jniá₂ ne₅₄. ²⁴ Jaun₂ në₂juá'₂ ángel në₂chéi₃ jniá₂: “Tsá₃ lë₁jmo₂ gang'₃ Pa₄, ia₁ tion₅₄ niog₅ bá₄ gog'₅₄ a₂jme₁jniag'₂ ne₄ gui'₅₄ emperador romano.

* 27:16 A₂lín₅₄ chog₅₄ si₂: “Clauda.”

'Uig⁵⁴ quián² 'ne² bá⁴ a²lión² Diú⁴ ca²le³jín³ dsa² i²quiang⁵⁴ 'ñi³ barco, tsá³ ma³dsiáin³.”
²⁵ Jaun² lè³, 'nia² rin⁵⁴ jniog⁴, quen² 'nia² bí², tsá³ jmo² 'nia² o²l¹ dsi⁵. Ia¹ dson² bá⁴ 'én²
jniá² tē²le³ quió⁵ Diú⁴ a²tion⁵⁴ jmo³ con² lē⁵ jág¹ a²nē²juá² 'ángel nē²ché²jniá². ²⁶ La¹ tion⁵⁴
niog⁵ dsi¹tió⁴ bá⁴ jniog⁴ caun² 'uē³ dsi²jo² jmi¹ñí⁴.

²⁷ Caun² 'uē² jme¹ma²tē² tin³ semanas a²tio⁵⁴ jnia⁵⁴ jui⁵, lia² ma²jio⁵ jaun² bá⁴ dsí²
ne⁴ jmi¹ñí⁴. Adria,† jme¹ca²rē³lí⁴ dsa² i²quian⁵ ni¹barco con² dsi³nei⁵ jaun², a²ja²quián³
dsi¹lén² 'uē³. ²⁸ Jaun² ca²can³ dsa² 'éi³ 'a² con² jí² guē⁴ jmig². Jme¹ca²jág³ dsa², con²
guióg²-guiá²-ñjé² (36) metros bá⁴ jí² guē⁴. Ca²juig⁴ guē⁴ le³cau⁵ jaun² ca²can³ táng³ dsa²
'éi³. Jme¹ca²jág³ táng³, guióg²-guio³ (27) metros bá⁴ tí⁵ guē⁴ jí². ²⁹ Ia¹ a²gó⁵ dsa² jná³
ni¹barco con² tiá² dso² ni¹cang¹ 'lau², jaun² ca²sió² le³chi¹co⁵⁴ ni¹barco quén² ni¹ñí¹ 'lá¹
guei² quian⁵⁴ tsi¹nei⁵⁴ jui⁵ né³ jmi¹ñí⁴. Tē³ tion⁵⁴ dsa² gó⁵ le²jaun², qui²ca²chi³lén²
Diú⁴ a²jnia³. ³⁰ Tē²lia² jaun², jme¹ma²dsi²jio⁵ dsí⁵ dsa² i²quian⁵ ni¹barco a²jme¹cuing³.
Qui²ca²sió² tsi¹mu⁵ ne⁴ jmi¹ñí⁴, a²jmo²³ ju¹lia² a²tioin⁵⁴ tó⁵ ni¹ñí¹ guei² tē²le³ ne⁴ ni¹barco.

³¹ La¹ jaun² ca²juá² Pa⁴ ca²tsí³ juig⁵⁴ 'lióg² quian⁵⁴ ca²le³jín³ guē⁴ 'lióg² ně³, ca²juá²:

—Nē¹juá² tsá³ ñjia⁵ i²nē⁵ 'ñi³ ni¹barco, tsá³ jaun² lión² 'nia².

³² Jaun² qui²ca²ti³ 'lióg² 'nei⁵⁴ a²jme¹chi¹quian⁵ tsi¹mu⁵, ca²tá² jaun² ně³ ne⁴ jmig².

³³ Tē² o³ 'iog² lin³, ca²juá² Pa⁴ ca²tsí³ ca²le³jín³ dsa² a²nió⁵ guē³. Jaun² ca²juá²:

—Ma²tē² tin³ semanas a²tsá³ ma²güin² 'nia² on³ guē² ma²quē². ³⁴ Jaun² lè³ juá⁵ jniá²,
quē² 'nia² ca²la². Tion⁵⁴ 'nió⁵ quē⁵⁴ 'nia² ia¹jaun² bá⁴ lión² 'nia². 'I¹jan² jniog⁴ tsá³ 'ein²
dsi²'én² ja¹lá³. Ca²lia² ñjia⁵⁴ ca²mí² jni² dsi⁴ jniog⁴ tsá³ 'e² dsi³'én².

³⁵ Dsi²jui⁵ jme¹ca²juá² Pa⁴ le²nē⁵, ca²can³ i¹ñí⁴ jaun² ca²cuē³ ti¹mag⁴ Diú⁴ tē³ jág⁵ dsa²
ca²le³jín³. Jaun² ca²dsion³ Pa⁴ i¹ñí⁴ ca²guē³ jaun² ně³. ³⁶ Jaun² ca²le³jín³ dsa² ca²tiin³
táng³ bí² jme¹ma²nē²guē³. ³⁷ Ca²le³jág³ jnia⁵⁴ con² jme¹tio⁵⁴ ni¹barco jme¹téi⁴ tin³ 'ñiá²-
lón² rē²dsí² 'nag² co²ne²guióg² rē²dsí² guia³-ñjé² (276) dsa². ³⁸ Jme¹ca²lí³ guē⁵ dsa² con²
jme¹nio³, jaun² ca²guia³ lio⁵⁴ trigo ne⁴ jmi¹ñí⁴ ia¹jaun² sión² guē⁴ guei² ni¹barco.

Ca²i³guen⁵⁴ ni¹barco né³ jmi¹ñí⁴

³⁹ Jme¹jnia³ jaun², dsa² i²quian⁵ ni¹barco tsá³ ca²rē³cuí⁵ 'uē³ jaun². La¹ jaun² ca²jág³
caun² dsiog⁵ jmi¹ñí⁴ a²niog⁵ jē⁴ 'uē³, ja¹'ei⁵ tei⁴ guē⁴ jmig². Chei⁵⁴ jaun² tio⁵⁴ 'lióng² ti¹tsag¹
ja¹lē⁴ jo² guē⁴. Jaun² ca²'náu³ dsí⁵ chi²jua² lé² jnióg³ ni¹barco ca²tē² jaun². ⁴⁰ Jaun² ca²ti³
'nei⁵⁴ a²jme¹le¹quian⁵ ni¹ñí¹ 'lá¹. Né³ jmi¹ñí⁴ jaun² bá⁴ ca²tí² dsa² ni¹ñí¹ jaun². Qui²ca²jiá²
dsa² 'ma² a²jmo⁵ dsó³ ni¹barco 'a² jui⁵ 'nio³ dsa². Jaun² ca²chóg³ tsi¹'mí² le³ne⁴ jui⁵ quió⁵
ni¹barco, ia¹jaun² tē³ dsí². Jaun² dsi²jui⁵ bá⁴ ca²jme³lióg³ ca²ñi³ ni¹barco ca²jme³quián³
le³chei⁵⁴ 'uē³ ja¹lē⁴ ti¹tsag¹. ⁴¹ La¹ jui⁵ ja¹ñó³ ni¹barco jaun² ca²dsi³quén⁵ caun² ja¹lē⁴ tin³
ne⁵⁴ la⁵⁴ ja¹'ei⁵ tiá² jmig². Tē²le³ ja¹lē⁴ le³ne⁴ jui⁵ quió⁵ ni¹barco ca²i³'ó⁵ jē⁴ ti¹tsag¹, ca²quí³
tiá² lin³, ca²lia² tsá³ ma³ca²tió³ dsa² dsí³. Jaun² le³ja¹lē⁴ le³chi¹co⁵⁴, qui²ca²juin³, ia¹ a²ñí⁴ lē³
tiá² qui²jná⁵ jmi¹ñí⁴. ⁴² Jme¹nio³ 'lióg² jme³dsiain²³ dsa² i²niog⁵ gu² 'éi² ia¹jaun² tsá³ lióin²
jē¹ma²qui²ca²ain² jmig². ⁴³ La¹ tsá³ ca²cuē³ jmig⁴ juig⁵⁴, ia¹ 'nio³ lióin² Pa⁴. Jaun² ca²jmo³
'éi³ ca²tsí³ ca²le³jín³ dsa² i²tin² qui³dsi⁵ jmig², ju¹tioin⁵⁴ jmig² le²'uig⁵⁴ ia¹jaun² tñin⁴ 'uē³;
⁴⁴ dsa² sián² guē⁴ ně³, ju¹'ain⁵⁴ jmig² le¹chan² jau⁵⁴ 'ma², o³ ni¹'nau⁵⁴ quió⁵ ni¹barco 'e².
Le²jaun² bá⁴ ca²lè³ qui²ca²ló² jnia⁵⁴ a²ca²tág³ táng³ 'uē³.

28

'En⁵⁴ Pablo 'uē³ Malta a²niog⁵ jē⁴ jmi¹ñí⁴

¹ Jme¹ma²ca²ló² jnia⁵⁴ ca²le³jág³, jaun² guē⁴ ca²rē³ne⁴ jnia⁵⁴ a²chei² Malta 'uē³ jaun²,
a²niog⁵ jē⁴ jmi¹ñí⁴. ² Dsa² chan² ja¹jaun² ca²jmo³ bá⁴ dse³ dsí⁵ ja¹con² jnia⁵⁴. Ca²dsia³ dsa²
si² pa¹ jaun² ca²tē³ jnia⁵⁴ a²jme¹dsion², ia¹ a²ñí⁴ lē³ güig², dsó⁵ jmí⁵ ně³. ³ Pa⁴ guē² ně³

† 27:27 o³, “Jmi¹ñí⁴ Mediterráneo.”

qui₂ca₂cág₃ ni₁'ma₂ quein₂. Lia₂ con₂' jme₁'ein₅₄ tó₅ dsi₂si₂, con₂' tsá₃ jáin₅ ca₂o₃'ín₃ jan₂ dsi₂mi₂' a₂cuing₂₃ jme₁ca₂'ě₂ dséi₂ quió₅, ca₂chi₃dséin₂ mi₂gu₂ Pa₄. ⁴Jme₁ca₂jág₃ dsa₂ chan₂ ja₁jaun₂ 'en₅₄ dsi₂mi₂' chi₁dsein₅₄ mi₂gu₂'éi₂, qui₂ca₂dsia₃ jág₁ guioin₅₄ qui₂ca₂tsí₃ rīn₅₄':

—I₂ma₂jñi₃' dsa₂ bá₄ dsa₂ nē₅. O₁jñia₅₄ la₂ ca₂lōin₂ ne₄ jmi₁ñi₄', la₁ tsá₃ 'i₄ 'éi₃ a₂le₃chain₂ guē₄.

⁵La₁ qui₂ca₂bí₂ Pa₄ mi₂gu₂ jaun₂ nē₃, ca₂tán₂' dsi₂mi₂' dsi₂si₂. La₁ tsá₃ 'e₂ ca₂jén₃' Pa₄ 'i₁ca₂juig₄. ⁶Ca₂le₃jín₃ dsa₂ jme₁le₁jñia₂₃ guióng₃ dsi₂jui₅ quió₅ Pa₄, o₃ jme₁dsi₃'in₅ 'e₂, jōin₂ dsi₂jui₅. La₁ jme₁co₂lág₂ jaun₂, ia₁ ca₂jág₃ tsá₃ 'e₂ i₁jén₄' guē₂ Pa₄, jaun₂ ca₂i₃jio₅ dsí₅ tē₂le₃ siá₂, qui₂ca₂tsí₃ rīn₅₄ a₂lín₅ Pa₄ jan₂ diú₄.

⁷Cau₅ jaun₂ jme₁ron₅ 'uē₃ quió₅ dsa₂ dsen₅₄ quián₅ dsa₂ chan₂ ja₁jaun₂, dsa₂ i₂chen₂ Publio. Ca₂jmo₃ dse₃ dsí₅ ca₂ag₃' jnia₅₄, 'ni₅ jmig₄ ca₂tág₃ jnia₅₄ ja₁quió₄. ⁸Jmei₂ Publio 'éi₂ jme₁ron₅ dso₅₄ 'i₄ dséi₂, a₂tag₂₃ jmī₂ nē₃. Pa₄ nē₃ ca₂ñei₅₄ ca₂i₁jñin₁₂ dsa₂ dso₅₄ 'éi₂. Jme₁ma₂nē₂chi₃lén₂ Diú₄, jaun₂ guē₄ ca₂quio₂ gu₂ ne₄ quió₅ dsa₂ dso₅₄, ca₂jme₃'lió₂. ⁹Jme₁ca₂lē₃ le₂jaun₂, caun₂ ca₂dsilén₂ bá₄ dsa₂ dso₅₄ sián₂' i₂chan₂ 'uē₃ jaun₂, caun₂ ca₂jme₃'lió₂ bá₄ guē₂ Pa₄. ¹⁰'Io₂ ca₂jmo₃ dsa₂ quian₅₄' jnia₅₄. Jaun₂ ca₂cuē₃ dsa₂ ca₂le₃jē₃ 'e₂ 'nió₅ quián₂ jnia₅₄ jē₁ma₂tē₂ rē₁tió₄' táng₃ jnia₅₄ jui₅.

Ca₂dsió₃ Pa₄ jē₄ juig₂ Roma

¹¹Cang₂ jme₁ma₂ca₂ñi₂' 'ni₅ tsi₂'₂, jaun₂ ca₂tió₄' táng₃ jnia₅₄ caun₂ ni₁barco a₂jme₁chí₄' ja₁jaun₂ tē₁lia₂' jein₂ güig₂. Ni₁barco jaun₂ ca₂já₃ juig₂ Alejandría. Guei₅₄' ni₁barco jaun₂ jme₁tióng₂ nió₅' quió₅' diú₄ Cástor quian₅₄' diú₄ Pólux.* ¹²Ca₂dsi₃náu₅ jnia₅₄' 'o₄ jmi₁ñi₄'₄ juig₂ chei₂ Siracusa. Ja₁jaun₂ ca₂jñia₄' jnia₅₄' 'ni₅ jmig₄. ¹³Ca₂'uag₂ jnia₅₄' ja₁jaun₂, ca₂i₁ñag₅₄' jnia₅₄' quián₅ chei₅₄' 'uē₃ ca₂lia₂' ca₂dsi₃náu₅' tē₂ ja₁chei₂ Regio. Jme₁jnia₃' jaun₂, ca₂'ág₂ dsí₂' a₂já₅ tē₂le₃ sur. Jē₁ca₂tē₂ tin₃ jmig₄' guē₄ ca₂dsi₃náu₅' jnia₅₄' ca₂tē₂' juig₂ Puteoli. ¹⁴Ja₁jaun₂ ca₂jen₂' jnia₅₄' i₂lín₅₄' dsa₂ rīn₅₄' i₂én₂. I₂'éi₂ ca₂tē₃' jnia₅₄' ca₂i₁jñia₁' jē₄ quió₅' caun₂ semana. Jaun₂ guē₄ ca₂i₃náu₅' jnia₅₄' jui₅ Roma. ¹⁵Ca₂le₃jín₃' dsa₂ rīn₅₄' i₂tián₅' Roma jme₁ma₂le₁ñi₅' a₂dsi₃náu₅' jnia₅₄'. Jaun₂ i₁lein₅₄' i₁jñiog₁₂' le₂' i₄ jui₅' ca₂tē₂' ja₁chei₂ Foro de Apio quian₅₄' ja₁tē₂' dsa₂ Las Tres Tabernas. Jme₁ca₂jág₃' Pa₄ ca₂jín₂' dsa₂ 'éi₂, jaun₂ ca₂cuē₃' ti₁'mag₄' Diú₄ ca₂tiin₂' táng₃ bí₂ ca₂lág₃' dsí₅. ¹⁶Jme₁ca₂dsi₃náu₅' jnia₅₄' Roma, [ja₁jaun₂ guē₄ ca₂jáng₂' juig₅₄' 'lióg₂ ca₂jín₂' ne₄ juig₅₄' 'lióg₂ i₂jmo₅' 'í₁ ja₁jaun₂ ca₂le₃jín₃' dsa₂ i₂jñia₂₃' i₂nio₅' gu₂. La₁]† Pa₄ nē₃ ca₂cuē₃' juig₅₄' 'lióg₂ jmig₄' a₂guá₃' 'éi₂ ja₁siá₂' con₂' 'ñiog₅' quian₅₄' jan₂' 'lióg₂ i₂jmo₃' 'í₁ quió₅'.

Ca₂'ě₂ Pa₄ jág₁ dse₃ juig₂ Roma

¹⁷'Ni₅ jmig₄' cang₂ jme₁ca₂dsió₃' Pa₄ juig₂ Roma, ca₂tē₃' ca₂le₃jín₃' dsa₂ dsen₅₄' quián₅' dsa₂ judíos juig₂ jaun₂. Jme₁ma₂le₁ñi₂' dsa₂, jaun₂ ca₂juá₂' Pa₄:

—Rīn₅₄' jñiog₄, o₁jñia₅₄' guē₄ tsá₃' 'e₂ ma₂ca₂jmo₃' jniá₂' ja₁con₂' dsa₂ judíos, on₃ guē₂' jua₅₄' cha₂ a₂ma₂ca₂jmo₃' quian₅₄' tag₄ chí₅' quió₅' dsa₂ quián₂' jñiog₄' ma₂líg₂'₂, tion₅₄' bá₄ a₂lē₁ca₂jáng₂' dsa₂ jniá₂' chi₁'ñeg₂₃' o₄gú₃' dsa₂ romanos. ¹⁸Jaun₂ jme₁ca₂ñag₃' dsa₂, tsá₃' 'e₂ dsáu₅' jniá₂' ca₂dsó₂'₂, jua₅₄' a₂'i₄' 'éi₃' jóng₂. Jaun₂ jme₁'nio₃' jme₁lió₂'. ¹⁹La₁ dsa₂ judíos tsá₃' cán₂' jág₁. Jaun₂ bá₄ lē₃' ca₂mi₃' jniá₂' a₂'nio₃' jme₃rē₃' gui₅₄' emperador, on₃ jua₅₄' ia₁' a₂cha₂' dso₄' jme₂cán₂' jniá₂' dsa₂ go₃. ²⁰'Uig₅₄' jaun₂ bá₄' nē₂tē₃' jniá₂, ia₁' a₂'nio₃' jñing₅₄' 'nia₂', a₂'nio₃' dsia₅₄' jág₁' quian₅₄' 'nia₂'. Ia₁' 'uig₅₄' jág₁' quió₅' Diú₄' a₂'éin₂' jñiog₄' con₂' dsa₂ lág₅' israelitas, 'uig₅₄' a₂'in₂' dsi₅' jñiog₄' a₂jme₃ti₃' Diú₄' jág₁' quió₅' a₂ma₂cuē₃, 'uig₅₄' jaun₂ bá₄' chi₁'ñe₅₄' jniá₂' ni₁ñi₁' cadena la₂.

²¹Jaun₂ ca₂ñag₃' dsa₂ ca₂tsí₃' Pa₄:

* **28:11** griego: Dioskouri, co₂'nió₄' le₃jua₅₄' on₃ dsa₂ tsin₅₄' i₂lín₅' ja₁ñi₅₄' diú₄ Zeus quian₅₄' Leda. Co₂'nió₄' diú₄ patrón quián₅ ni₁barco. † **28:16** A₂lín₅₄' chog₅₄' si₂ tsá₃' le₁ton₅' jág₁' a₂tió₅₄' 'ñi₀'₃ corchetes [le₂la₂].

—Tsá₃ 'e₂ si₂ ma₂ca₂gú'₃ ne₄ jnia'₅₄, quió'₅ dsa₂ chan₂ Judea, a₂ 'iin₂₃ 'ne₂. On₃ guë'₂ 'i₁jan₂ dsa₂ rin'₅₄ jniog₄ dsa₂ judíos i₂ja₂lén₂ ja₁jaun₂ jua'₅₄ a₂ma₂juá'₂ 'iin₂₃ 'ne₂ 'lig'₅₄. ²² 'Niog₂ jnia'₅₄ néi₁ 'a₂ guë'₂ lia'₂ lě₅ jág₁ quián'₂ 'ne₂ chi₂jua'₂ 'a₂ lia'₂ líng'₂. Ia₁ ne₄ bá₄ jnia'₅₄ jág₁, ta₁caun₂ mi₂güig₃ bá₄ dsia₅ dsa₂ tsá₃ tē₅ dsí₅ jág₁ 'mí₂ nē₅ a₂'én'₂ 'nia'₂.

²³ Jaun₂ nē₃, ca₂jmo₃ dsa₂ jág₁ ca₂tióng₃ caun₂ jmi₃g₄. Jmi₃g₄ jaun₂ nē₃ ca₂dsi₃lén₂ juin₅ dsa₂ ja₁'en₅₄ Pa₄. Jaun₂ ca₂jme₂lióg₃ ca₂'ě'₃ dsa₂ tē₃ o₃'iog₂ jág₁ jui₁lia'₂ ja₁gon₂ Diú₄, qui₂ca₂dsia₃ ca₂lia'₂ ca₂jen₃ 'iog₂ tē₂le₃ ca₂'láu₂. Tē₂le₃ quian'₅₄ 'Éi'₃ Juá'₅ quió'₅ Moisés, quian'₅₄ ca₂le₃jě₃ gué'₄ Si₂ quió'₅ dsa₂ i₂jme₁'ě₂ jág₁ quián₅ Diú₄ nē₃, qui₂ca₂cué'₃ dsa₂ jág₁ dsau₅ ia₁jaun₂ le₃'én₂ dsa₂ 'éi₂ tē₂le₃ quió'₅ Jesús. ²⁴ I₂lin₅₄ dsa₂ ca₂gue₃ bá₄ jág₁ a₂ca₂juá'₂ Pa₄ jaun₂, ca₂rě₃'éin₂ bá₄. I₂lin₅₄ guë'₂ tsá₃ ca₂rě₃'én₂, tsá₃ 'nio₃. ²⁵ Ia₁ tsá₃ caun₂ jág₁ 'ei₅ quió'₅, i₂lin₅₄ ca₂jme₃lióg₃ ca₂'u₁in₂ bá₄ i₃lein₃. Jaun₂ ca₂juá'₂ Pa₄ ca₂tsí'₃ dsa₂ 'éi₂:

—Rē₂ bá₄ jui₁lia'₂ ca₂juá'₂ Jme₂dsí₂ Jnió₅ ca₂tsí'₃ dsa₂ quián₂ jniog₄ ma₂líg'₂ tē₂le₃ quian'₅₄ Isaías, i₂jme₁'ě₂ jág₁ o₄quió'₄ Diú₄, jme₁ca₂juá'₂:

²⁶ Gua₂ o₂chei'₅₄ dsa₂ juig₂ nē₅ le₂la₂:

“Dsón'₂ qui₁nág'₁ bá₄ 'nia'₂,

la₁ tsá₃ le₃ñí'₂ 'nia'₂.

Jag'₅₄ bá₄ 'nia'₂,

la₁ tsá₃ le₃len'₄ 'nia'₂.”

²⁷ Ia₁ a₂ma₂'ua'₂ dsí₅ bá₄ dsa₂ la₂,

ja₂lag₃ bá₄ nag₂₃,

nē₂jag₄ bá₄ i₂ma₂rě₂jni₅ rē₂gua₄;

ján₃ bá₄ le₂nē₅, nē₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guë'₂ nag₃ quian'₅₄ rē₂gua₅₄,

on₃ guë'₄ le₃ñí'₂ dsí₅,

ia₁jaun₂ tsá₃ jéin'₃ dsí₅ ja₁con₂ jniá₂

ia₁jaun₂ jme₁'lioin₁₂ jniá₂.[‡]

²⁸ 'Dsá₂ 'au'₂ 'nia'₂ jmo₄ —ca₂juá'₂ Pa₄—, jág₁ dse₃ la₂ a₂lión₂ dsa₂, a₂jén'₂ Diú₄ le₃ne₄ jui₅ quió'₅ dsí₂nau₂. 'Éi₂ nē₃, tón'₃ bá₄ jui₅. ²⁹ Jme₁ca₂lě₃ juá'₂ Pa₄ le₂nē₅, ca₂lě₃len₃ dsa₂ judíos tsí₁in₂₃ 'ñio₅ lin₃ quian'₅₄ riin'₅₄.[§]

³⁰ Ti₃ ñi₂ lia'₂ tí₅ ca₂guá₂ Pa₄ 'né₅ ja₁quí₅ 'lia'₅₄. Ja₁jaun₂ ca₂guein₃ ca₂le₃jín₃ dsa₂ i₂jme₁dsí₂lén₂ dsí₂jag₅₄. ³¹ Jaun₂ ca₂jme₃tiin₂₃ dsa₂ qui₂ca₂'ě₂ jág₁ 'a₂ lia'₂ lě₅ ja₁gon₂ Diú₄. Ca₂jme₃tiin₂₃ bá₄ dsa₂ jág₁ quió'₅ Te₁gui'₅₄ Jesucristo. Ja₁jaun₂ ca₂'í₃ tei₄, tsá₃ 'ein₂ ca₂jné₃ jui₅ a₂'ě₂ Pa₄ jág₁ dse₃.

Co₂nē₅.

[‡] 28:27 Isaías 6:9-10. [§] 28:29 A₂lin₅₄ chog₅₄ si₂ tsá₃ chi₁ton₅ versículo 29.

Si₂ carta a₂ca₂jmo₃ San Pablo ne₄ dsa₂ ROMANOS

Jmo₅ Pa₄ si₂ a₂chein₃ ne₄ Guá'₅ i₂chan₂ Roma

¹ Jniá₂ Pa₄, líng₅ dsa₂ i₂jme₂ti₃ ne₄ Jesucristo; Diú₄ ca₂tě₃ jniá₂, jaun₂ ca₂chei'₃ a₂léng₂ dsa₂ i₂chen₄ quiáin₅ ia₁jaun₂ qui₁'ě₄ jág₁ dse₃ quió'₅.

² Ca₂'ě₂ Diú₄ jág₁ dse₃ ně₅ ca₂tó'₂ ne₄ Si₂ jnió₅ quió'₅ ma₂líg'₂, ca₂cuě₃ tē₂le₃ quian'₅₄ dsa₂ i₂jme₁'ě₂ jág₁ quiáin₅, ³ a₂'i_{in}₂₃ ja₁ŋi'₅₄, i₂jme₁lín₄ tsi₁jon₂ David lia'₂ con'₂ lín₅ dsa₂ mi₂güí₃; ⁴ lia'₂ con'₂ lě₅ Jme₂dsí₂ Jnió₅ ně₃ ca₂jme₃jnia₅ a₂lín₅ 'éi₂ Ja₁ŋi'₅₄ Diú₄ jme₁ca₂jein'₅₄ táng₃ jin₄ 'lag₄, quian'₅₄ jui₅bí₂ quió'₅, a₂'uain'₂. Jesucristo Te₁gui'₅₄ quián₂ jniog₄ bá₄ 'éi₂. ⁵ Tē₂le₃ quian'₅₄ Jesucristo, ton'₂ o₄quió'₄ 'éi₂ bá₄, ma₂jmo₃ Diú₄ dse₃ dsí₅ ja₁con₂ jnia'₅₄, jaun₂ ca₂chei₃ jin₄ dsí₂nau₂ ia₁jaun₂ le₃chan₂ dsa₂ ca₂le₂con₂ juig₂ i₂jme₂ti₃ jág₁ quió'₅, ia₁ a₂'éin₂. ⁶ Jin₄ dsa₂ 'éi₂ tián'₅ 'nia'₂ i₂ma₂tě'₃ Diú₄ ján₃, a₂lén'₂ 'nia'₂ i₂quián₅ Jesucristo.

⁷ Jaun₂ tsíng₂ si₂ la₂ ne'₅₄ ca₂le₃jín'₃ 'nia'₂ i₂tián'₅ jě₄ juig₂ Roma, i₂lín₅ i₂'nio₃ Diú₄, jaun₂ ma₂tě₂₃ a₂le₃chan'₂ 'nia'₂ líng'₅ dsa₂ i₂lě₅ 'í₁ i₂ma₂quiáin₅. Jui₁jme₂gu'₅₄ bá₄ Diú₄ jui₁le₂chan'₂ bá₄ 'nia'₂ dse₃, jui₁'ag₅₄ bá₄ tei₄ o₄quió'₄ Diú₄ Jmei₂ jniog₄, o₄quió'₄ Te₁gui'₅₄ Jesucristo ně₃.

'Nio₃ Pa₄ dsí₃jág₂ juig₂ Roma

⁸ Jě₁le₂'uig₅₄, tē₂le₃ quian'₅₄ Jesucristo cuě₅ ti₁'mag'₄ Diú₄ quiáng₃ o₄quián'₂ 'nia'₂ ca₂le₃jíng'₃, ia₁ ca₂le₂con₂ bá₄ 'ei₅ jág₁ dsia₅ dsa₂ 'a₂ lia'₂ 'én'₂ 'nia'₂. ⁹ Jaun₂ Diú₄, i₂jme₂tí₁ jniá₂ ne₄ ca₂le₃jě₃ jme₂dsí₂ quió'₃, a₂qui₂'ě₅ jág₁ dse₃ quió'₅ Ja₁ŋi'₅₄, 'éi₂ bá₄ i₂lín₅ i₂jáng'₅ jág₁ dsau₅ 'a₂ lia'₂ dsau₂ dsí₃ 'nia'₂ ca₂le₃jě₃ jě₁chi₂lén'₂ jniá₂ Diú₄. ¹⁰ Co₂tan₅₄ bá₄ mi₅ jniá₂ ne₄ Diú₄ jui₁le₅₄ bá₄ 'a₂ lia'₂ 'ŋio₂ dsí₅, 'a₂ lia'₂ lé₂ a₂cuin₃ jmig₄, ca₂lia'₂ ca₂lě₃ a₂nei₅₄ i₁jíng₁₂ 'nia'₂. ¹¹ Ia₁ 'ín₅ dsí₃ i₁jíng₁₂ 'nia'₂, ton'₂ 'nio₃ jme₁'ong₁₂ 'e₂ caun₂ 'nió'₅ jme₁'ong₁₂ 'nia'₂ tē₂le₃ quió'₅ jme₂dsí₂, ia₁jaun₂ le₃náu'₁ guě₄ 'nia'₂ tiá₂; ¹² co₂'nió'₄ le₃juá'₅₄, ia₁jaun₂ lé₂le₃cuě₅₄ lián'₂ rín'₅₄ le₂jau₂ le₂jau₂ quian'₅₄ a₂'éin₂ jui₁lia'₂ 'én'₂ 'nia'₂ jui₁lia'₂ 'én'₂ jniá₂ ján₃.

¹³ Rín'₅₄ jniog₄, 'nio₃ le₃ŋi'₅₄ 'nia'₂ 'lióng₂ ráun₂ bá₄ ma₂lě₅ dsí₃ a₂'nio₃ nei₅₄ i₁jíng₁₂ 'nia'₂, la₁ ca₂lia'₂ jnia'₅₄ rě₂ně₃ tsá₃ ma₂lě₅, ia₁ ma₂rě₂jni₅ jui₅. 'Nio₃ nei₅₄ ia₁jaun₂ chi₁lo'₂ a₂ma₂rau₂ quió'₅ Jme₂dsí₂ jě₄ quián'₂ 'nia'₂, jui₁lia'₂ ma₂cag'₄ jniá₂ ján₃ juig₂ siá'₂, go₄ dsí₂nau₂ sián'₂ ján₃. ¹⁴ Ia₁ jniá₂ bá₄ niog₅ ne₃ ca₂tíng₂ quian'₅₄ ca₂le₃jín₃, jui₁lín₄ dsa₂ 'e₂ lín₅, dsa₂ griego, o₃ dsí₂nau₂ 'e₂, dsa₂ i₂ŋí'₂ dsí₅, o₃ dsa₂ co₄ 'e₂; ¹⁵ jaun₂ le₂ně₅ bá₄ 'ín₅ dsí₃ a₂qui₂i₁'ě₃ jág₁ dse₃ ja₁con₂ dsa₂ juig₂ go'₄ 'nia'₂ i₂chan₂ Roma ján₃.

Bí₂ a₂'io₅ jág₁ dse₃

¹⁶ Ia₁ tsá₃ 'e₂ o₂guí'₃ jéin₅ jniá₂ quian'₅₄ jág₁ dse₃, ia₁ jui₅bí₂ quió'₅ Diú₄ bá₄ ně₅ a₂lión₂ ca₂le₃jín₃ i₂'én₂: quió'₅ dsa₂ judíos de'₂ le₂'uig₅₄, ján₃ bá₄ le₂jaun₂ quió'₅ dsí₂nau₂. ¹⁷ Ia₁ jág₁ dse₃ la₂ jáng'₅ jág₁ dsau₅ 'a₂ lia'₂ chei'₂ Diú₄ jui₅ co₂rě₂, jui₅ ja₁ma₂dsan₃ dsáu₁ dsa₂, jui₅ a₂jme₂lióg₃ a₂'én₂ dsa₂, ton'₂ a₂'én₂ dsa₂ ca₂lia'₂ jě₁ca₂tó'₂. Le₂ně₅ juá'₂ ne₄ Si₂: "Dsa₂ i₂ŋi₅ jui₅ co₂rě₂ ia₁ a₂'éin₂, 'éi₂ bá₄ le₃chan₂."*

A₂ma₂rě₂cán'₄ dsa₂ mi₂güí₃ guioin₅₄

¹⁸ A₂juá'₅ jniá₂ le₂ně₅, ia₁ a₂ne₄ bá₄ jniog₄ jaun₂, caun₂ jme₂jnia₅ Diú₄ a₂'nei₂ tē₂ ja₁guá₄ guei'₅₄ i₂jui₁G₃ ja₁con₂ dsa₂ i₂tsá₃ Diú₄ cuin₅, ja₁con₂ dsa₂ i₂tsá₃ tion'₅₄ jui₅ co₂dsau₅, dsa₂ i₂jnéi₅ jui₅ quió'₅ jág₁ dsau₅ tē₂le₃ quian'₅₄ jui₅ 'lig'₅₄ ja₁i₂nioi₅₄. ¹⁹ Ia₁ rě₂jniá₂ rě₂ bá₄ ca₂le₃jě₃ a₂ŋi₅ dsa₂ 'a₂ lia'₂ lín₅ Diú₄, ia₁ a₂ma₂ca₂jme₃jniai₂₃ tē₂le₃ quian'₅₄ a₂ma₂jmo₃, ²⁰ ia₁ ca₂le₃jě₃ a₂tsá₃ rě₂jniá₂ quió'₅ Diú₄, lé₂le₃cuí'₅ dsa₂ tē₂le₃ quian'₅₄ ca₂le₃jě₃ a₂ma₂jmo₃; ma₂ca₂rě₂jniá₂

* 1:17 Habacuc 2:4.

dse₃ lin₃ bá₄, ca₂le₃ ca₂jmo₃ Diú₄ mi₂güig₃ a₂lín₅ dsón'₂ Diú₄, ton'₂ a₂'io₂₃ jui₅bí₂ co₂tan₅₄ bá₄; jaun₂ le₂ně₅ bá₄ tsá₃ ma₃'e₂ lé₂ le₃juá'₂ dsa₂ jua'₅₄ a₂tsá₃ ŋi₅. ²¹ Ia₁ o₁ŋia'₅₄ ŋi₅ le₂ně₅ a₂chan₂ Diú₄, la₁ tsá₃ ma₂ca₂jme₃juag'₂ lia'₂ con'₂ lě₅ ca₂tín₂ Diú₄ le₃juin'₂, on₃ guë'₂ ma₂cuë'₃ Diú₄ ti₁'mag'₄. Jë₂ bá₄ ma₂ja₂lén₂ qui₂'no'₂ dsí₅ a₂tsá₃ ta₁ tí₄; tsá₃ tē₂tsi'₅₄ dsí₅, jaun₂ ma₂tē₁'ŋiá₄ jë₄ qui₁'né'₃. ²² Jui₁'a₂ guë'₃ la₂ juá'₂ a₂lín₅ dsa₂ i₂cuí'₅, a₂tín₂ a₂ŋi₅, la₁ dsa₂ co₄ bá₄ ca₂lín₃ jë₁ca₂tó'₂. ²³ Jaun₂ ně₃, 'nió'₄ a₂jme₁jme₃juin'₂ Diú₄ i₂tsá₃ ton₄ jmig₄ jón₂, ma₂ca₂jme₃tsín₃ bá₄ a₂co₂tág₅ co₂'né'₅ quió'₄ Diú₄ quian'₅₄ nió'₄ quió'₅ dsa₂ mi₂güig₃ i₂dsan₂, ju₁lia'₂ nió'₄ quió'₅ já'₂ i₂'in₅, já'₂ i₂tsé'₅ quió'₅, já'₂ i₂lě₂ quén₂ mi₂tag₄ ně₃.

²⁴ 'Uig₅₄ ně₅ ně₃ co₂dsia₅ ma₂jáng'₄ Diú₄ jui₅ 'lig'₅₄ a₂'ín₅ dsí₅ a₂tsá₃ le₁jě₃, ia₁jaun₂ caun₂ i₃nioi₅₄ jmo₂₃-dsáu₅ cosa a₂o₂guí'₃ a₂jmái'₅ ni₁ŋi₁₂ quiaín'₅₄ riin'₅₄ le₂jain₂ le₂jain₂, ²⁵ ia₁ ca₂jme₃tsín₃† jág₁ dsau₅ quió'₅ Diú₄ quian'₅₄ jág₁ tē₂jág₁; jaun₂ ma₂ja₂lén₂ jme₂gó'₃ jme₂juin'₂ cosas a₂ca₂jmo₃ Diú₄, 'nió'₄ a₂jme₁jme₃juin'₂ Diú₄ 'ŋiog₅, i₂ca₂tín₂ dsón'₂ a₂jme₃juag'₂ dsa₂ co₂tan₅₄. ¡Le₂ně₅ dsón'₂ bá₄! A₂méi₃.

²⁶ 'Uig₅₄ ně₅ co₂dsia₅ ma₂jáng'₂ jui₅ ja₁cuë'₅ o₂'ŋi₃ o₂ŋia₃ dsí₅ a₂lě₅ o₂guí'₃, ia₁ ca₂le₂jio₅ dsa₂ m'í₂ quiaín₅ bá₄ ca₂jme₃tsín₃ 'a₂ lia'₂ i₂nioi₅₄, a₂tsá₃ ma₃i₂nioi₅₄ lia'₂ con'₂ dsi₂ten₅₄ 'i₄ 'éi'₃ i₃nio₄ lia'₂ dsa₂ m'í₂ dsa₂ ŋe'₂. ²⁷ Ján₃ bá₄ guë'₂ le₂jaun₂ dsa₂ ŋe'₂ ma₂ca₂tí₂ bá₄ 'a₂ lia'₂ 'i₄ 'éi'₃ le₃chain₂ tiain'₃ quiaín'₅₄ dsa₂ m'í₂; ma₂ja₂lén₂ chóg'₅ dséi₂ quiaín'₅₄ dsa₂ ŋe'₂ riin'₅₄, jmo₂₃-dsáu₅ a₂o₂guí'₃ le₂jain₂ le₂jain₂, jaun₂ gue₂₃ uig₅ guioin₅₄ a₂ca₂tín₂ o₄quió'₄ jui₅ ja₁ca₂quiá₂ cau₅.

²⁸ Jaun₂, 'uig₅₄ ia₁ a₂lín₂ a₂tsá₃ 'e₂ quen₅ Diú₄, tsá₃ toin'₂ jui₅ 'éi₂, jaun₂ co₂dsia₅ ma₂jáng'₂ Diú₄ jui₅ ja₁dsi₂qui₂dsi₃jio₅ dsí₅ a₂'lig'₅₄, a₂dsi₂qui₂dsi₃cóin'₅ a₂'liain'₂, a₂jmo₃ a₂tsá₃ dsi₂ten₅₄. ²⁹ Ca₂lia'₂ qui₂rē₂riin₅ ca₂le₃jě₃ ne₅₄ cosa 'lig'₅₄ jme₂dsí₂ quió'₅, qui₂'no₂₃ dso₄, jmá'₃ guioin₅₄ bá₄ 'nio₃ jme₁'ŋi₃o'₃, a₂qui₂'no'₂ dsí₅ 'a₂ lia'₂ 'ě'₃ uig₅ riin'₅₄. Rē₂can'₂ dsí₅ a₂uig₅ dsí₅ j'ín₂ riin'₅₄, a₂jme₂dsiain₂₃ riin'₅₄, a₂lě₁qui₂dsia₂₃ mi'₅₄, a₂qui₂jme₂gain₂₃ riin'₅₄, tsá₃ dsau₅ jág₁ quian₅, 'ŋio₅ 'ŋio₄ dsa₂, a₂co₂jmo₅ dsa₂ jág₁ tē₂jág₁ jë₄ tē₃co'₅₄. ³⁰ Ján₃ bá₄ le₂jaun₂ a₂lě₁chi₂'ag₅ dsa₂, 'ŋia₁i₅₄ bá₄ Diú₄, a₂lě₁co₂jmái'₂ riin'₅₄, a₂jme₂rón₂ guioin₅₄, dsia₂₃ jág₁ tá'₅, a₂qui₂'no'₂ dsí₅ 'a₂ lia'₂ jmo₃ a₂'lig'₅₄, on₃ guë'₂ jmá'₃ jme₂gain₃ chog₅₄-jmei₂; ³¹ tsá₃ tē₂tsi'₅₄ dsí₅ ně₃, on₃ guë'₂ jua'₅₄ jme₃ti₃ 'e₂ caun₂ jág₁ cuë₂₃ a₂jmo₃; tsá₃ 'ein₂ 'iin₂₃ 'i₁jan₂, tsá₃ tin₂ dsí₅ 'éin₂ dso₄ quió'₅ riin'₅₄, on₃ guë'₂ ŋéi₂ dsí₅. ³² I₂ŋi₅ rē₂ bá₄ dsa₂ 'éi₂ 'a₂ lia'₂ lě₅ 'éi'₃ ma₂quí'₃ Diú₄, ia₁ ca₂le₃jín₃ i₂jmo₅ le₂ně₅ ca₂tín₂ dsiáin₃ bá₄; la₁ ju₁'e₂ guë'₃ ŋi₅ a₂jaun₂, on₃ jua'₅₄ jmá'₃ guioin₅₄ caun₂ qui₂jmo₂₃, tē₂le₃ tē₅ dsí₅ bá₄ a₂jmo₅ i₂sián'₂ ján₃.

2

Diú₄ bá₄ con₂ 'í₁ co₂rē₂ 'a₂ lia'₂ con'₂ lě₅ dsón'₂

¹ Jaun₂ ně₃, tsá₃ 'e₂ lé₂ le₃jua'₅₄ 'ne₂ jua'₅₄ a₂tsá₃ 'e₂ dso₄ ríng'₂, 'ne₂ guë'₂ i₂con₂ 'í₁ ja₁con₂ i₂sián'₂, tsá₃ a₂nag₅₄ ju₁'ein₂ guë'₃ líng'₅. Ia₁ ně₃ jua'₂ cáun'₂ 'í₁ ja₁con₂ ríng'₂, jaun₂ co₂'nió'₄ ma₂qui₂dsí₁ 'éi'₃ ja₁con₂ 'ŋiag'₂, ton'₂ ján₃ bá₄ le₂jaun₂ jmo'₂ 'ne₂ 'ŋiag'₂ a₂cáun'₂ 'í₁ jaun₂. ² Ia₁ ne₄ bá₄ jniog₄ jaun₂, Diú₄ bá₄ i₂con₂ 'í₁ rē₂ 'a₂ lia'₂ con'₂ lě₅ dsón'₂, ja₁con₂ dsa₂ i₂jmo₅ le₂ně₅. ³ Jaun₂ 'ne₂ ně₃ i₂cáun'₂ 'í₁ ja₁con₂ i₂sián'₂ ton'₂ a₂le₂jaun₂ bá₄ guë'₂ jmo'₂ 'ŋiag'₂, 'e₂ líng'₂? 'A₂líong'₂ jë₁ma₂tē₂ rē₁con₂ Diú₄ 'í₁ ja₁cong'₂? ⁴ 'O₃ bá₄ tsá₃ dsáu₅ 'au'₂ ia₁ a₂ŋi₄ lě₃ dse₃ 'ua₁ dsí₅ Diú₄, a₂jmo₂₃ tió'₃ dsí₅, a₂jme₂juin'₂ dsí₅ ně₃? 'Tsa₁ len'₅₄ 'ne₂, ta₁ a₂quí'₅ a₂dse₃ dsí₅ Diú₄ a₂jaun₂ bá₄ jio₂₃ a₂dsi₃quén'₅ 'au'₂? ⁵ La₁ 'ŋio₅ 'ua'₂ 'au'₂ tsá₃ 'niog'₂ jme₁tsíng'₄ 'au'₂; 'uig₅₄ jaun₂ ně₃ caun₂ jme₁juí'₁ bá₄ a₂jme₂'ne₅₄ Diú₄ ne₄ quiáng'₂ 'ŋiag'₂ a₂tíng'₃ jmig₄ jaun₂ jë₁ma₂tē₂ rē₁jme₃ŋiaí₂₃ a₂'nei₂, jë₁qui₃dsi₂₃ 'éi'₃ co₂rē₂. ⁶ Ia₁ jma₃quén₅ qui₃ bá₄ Diú₄ 'lian'₅₄

† 1:25 'Nio'₂ ja₁ton₅ Jeremías 2.11.

le₂jan₂ le₂jan₂ 'a₂ lia'₂ con'₂ lě₅ a₂ma₂ca₂jmo₃. * 7 Jui₁lia'₂ dsa₂ i₂jmo₅ tió'₃ dsí₅ jmo₂₃ a₂dse₃, a₂qui₂'no'₂ a₂co₂tág₅ co₂'né'₅, ton'₂ 'no'₂ jui₅ 'a₂ lia'₂ jme₃gu'₅₄ Diú₄ quian'₅₄ caun₂ a₂dse₃, ton'₂ 'no'₂ jui₅ a₂tsá₃ dsiáin₃, 'éi₂ bá₄ cué'₃ Diú₄ a₂le₃chain₂ co₂tan₅₄. 8 La₁ quian'₅₄ a₂'nei₂ cué'₃ uig₅ ca₂le₃jín₃ i₂dsia₅ mi'₅₄, i₂tsá₃ 'nio₃ cán₂ caun₂ jui₅ a₂nag₃ gau₂ jág₁ tí₅, i₂jmá'₃ jui₅ 'lig'₅₄ bá₄ 'nio₃ cán₂. 9 Le₃cha₂ uig₅ o₂i₁ dsi₅ quió'₅ ca₂le₃jín₃ i₂jmo₅ a₂'lig'₅₄, jě₁le₂'uig₅₄ tě₂le₃ quió'₅ dsa₂ judíos, ján₃ guě'₂ le₂jaun₂ le₃ja₁con₂ dsi₂nau₂. 10 La₁ ja₁con₂ le₂jan₂ le₂jan₂ i₂jmo₅ a₂dse₃, cuě₃ Diú₄ a₂co₂tág₅ co₂'né'₅, ton'₂ cuě₃ caun₂ a₂dse₃, jmo₃ 'ei₅ tei₄, jě₁le₂'uig₅₄ quió'₅ dsa₂ judíos, ján₃ guě'₂ le₂jaun₂ le₃ja₁con₂ dsi₂nau₂.

11 Ia₁ tsá₃ jma₃quén₅ jín₂ Diú₄ dsa₂ lia'₂ ca₂ton₂ ca₂ton₂; 12 ia₁ ca₂le₃jín₃ i₂'no₅ dso₄ i₂tsá₃ ca₂tín₂ 'Éi'₃ quió'₅ Moisés, dsiáin₃ tě₃ tsá₃ 'Éi'₃ jaun₂ ca₂tín₂; la₁ ján₃ guě'₂ le₂jaun₂ dsa₂ i₂'no₅ dso₄ nē₁jua'₂ ron₅ bá₄ 'Éi'₃ quió'₅ Moisés ně₃, tě₃dsi₅₄ bá₄ 'éi'₃ quió'₅, jióg'₂ 'í₁ lia'₂ con'₂ lě₅ 'Éi'₃ jaun₂. 13 Ia₁ on₃jua'₅₄ dsa₂ i₂nag₅ 'Éi'₃ i₂jín₂ Diú₄ a₂lín₅ dsa₂ i₂jme₂ti₃; dsa₂ i₂jmo₅ lia'₂ con'₂ lě₅ 'Éi'₃ bá₄, i₂'éi₂ bá₄ i₂jín₂ Diú₄ a₂lín₅ dsa₂ i₂jme₂ti₃. 14 Ia₁ jui₁lia'₂ dsi₂nau₂ ně₃, i₂tsá₃ 'Éi'₃ cha₂ ja₁coin₂, la₁ nē₁jua'₂ chain₂ jui₅ a₂jme₂ti₃ con'₂ jaun₂ ma₂tín₂ dsí₅, guion₅₄ bá₄ dsa₂ 'éi₂ nj₅ tě₂dsí₅ 'a₂ lia'₂ lě₅ 'Éi'₃ quió'₅ Diú₄, o₁n₃ja'₅₄ tsá₃ a₂jaun₂ ron₅ quió'₅. 15 Ia₁ cuě₂₃ léi₄ 'a₂ lia'₂ lě₅ chain₂, a₂rě₂ton₅ tě₂dsí₅ ta₁ a₂quí₅ 'Éi'₃. Jaun₂ tě₂dsí₅ guioin₅₄ bá₄ jáng'₅ jág₁ dsau₅ o₄quió'₄, jaun₂ tsá₃ quin₅ 'a₂ lia'₂ dsi₂jiog₅ dsí₅ guioin₅₄; a₂lín₅₄ jáng'₂, a₂lín₅₄ guě'₂ tě₂le₃ lió₂. 16 Le₂ně₅ bá₄ lé₂ jě₁ma₂tě₂ jmig₄ jaun₂ a₂con₂ Diú₄ 'í₁ ca₂le₃jě₃ a₂'ma₄ jlě₅ quió'₅ ca₂le₃jín₃ dsa₂, tě₂le₃ quian'₅₄ Jesucristo, lia'₂ con'₂ lě₅ jág₁ dse₃ a₂qui₂'ě₅ jniá₂.

Dsa₂ judíos, quian'₅₄ 'Éi'₃ quió'₅ Moisés

17 La₁ chi₂jua'₂ lín₅ 'ne₂ dsa₂ judío jaun₂ dsia'₂ a₂chéng'₅ tiá₂ quian'₅₄ 'Éi'₃ quió'₅ Moisés, jaun₂ jmo'₂ táng'₅ ia₁ a₂cuing'₂ Diú₄; 18 chi₂jua'₂ ma₂ca₂jme₃tín₅ dsa₂ 'ne₂ 'a₂ lia'₂ lě₅ 'Éi'₃, jaun₂ nj₅₄ 'a₂ lia'₂ 'nio₃ Diú₄, ton'₂ tǐng'₂ caun₅₄ 'í₁ 'a₂ lia'₂ lě₅ a₂dse₃; 19 jaun₂ chi₂jua'₂ tě₃dsón'₂ líng'₂ a₂tǐng'₂ jang'₅₄ dsa₂ ten₄, chi₂jua'₂ nj₅₄ 'a₂ lia'₂ téi'₄ si₂ ja₁con₂ dsa₂ i₂i₂nio₄ jě₄ qui₁né'₃, 20 chi₂jua'₂ nj₅₄ 'a₂ lia'₂ jme₁rě'₂ jui₅ a₂quian₅ dsa₂ co₄, chi₂jua'₂ nj₅₄ 'a₂ lia'₂ cuě'₅₄ jág₁ i₂'nió'₄ i₂lín₅ chi₂'₂, ia₁ a₂ron₅ 'Éi'₃ ja₁cong'₂, a₂tén₅ ne₄ 'Éi'₃ 'a₂ lia'₂ 'nió'₅ le₃n₁5 dsa₂, 'a₂ lia'₂ lě₅ jág₁ dsau₅; 21 'ne₂ guě'₂ i₂jme₂tǐng'₂ i₂sián'₂, ħ₂e₂ guě'₂ 'uig₅₄ tsá₃ jme₂tǐng'₁ guě'₂ 'njag'₂? Chi₂jua'₂ 'ne₂ guě'₂ 'ě₅ jág₁ a₂tsá₃ ca₂tín₂ dsa₂ 'ang₃, ħ₂tsa₁ 'ang'₂ 'njag'₂? 22 Chi₂jua'₂ 'ne₂ juá'₂ tsá₃ ca₂tín₂ dsa₂ nió'₃ jág₁ quian'₅₄ i₂tsá₃ lě₅ dsi₂i₂gu₂, ħ₂tsa₁ nióg'₅ guě'₂ 'ne₂ jág₁ jaun₂ 'njag'₂? Chi₂jua'₂ 'ne₂ 'njio₅ lín₃ 'njag'₅₄ diú₄ lag₄, ħ₂tsa₁ 'ang'₂ 'ne₂ a₂quen₅ a₂te₁'i₁ dsi₂néi₂ 'né₅ quió'₅? 23 'Ne₂ guě'₂ i₂jmo'₂ táng'₅ ja₁con₂ 'Éi'₃, ħ₂tsa₁ 'lig'₅₄ tsǐng'₂ Diú₄ ia₁ tsá₃ jme₂tí'₁ 'Éi'₃ jaun₂? 24 Ia₁ jui₁lia'₂ juá'₂ ne₄ Si₂:

'Ag₅ dsi₂nau₂ 'iin₂₃ 'lig'₅₄ Diú₄

'uig₅₄ quián'₂ 'nia'₂.†

25 Dsón'₂ bá₄ dsau₅ quen₅ a₂ti₃ dsa₂ lo₅₄ nē₁jua'₂ jme₂ti₃ 'Éi'₃ quió'₅ Moisés, la₁ nē₁jua'₂ tsá₃ jme₂ti₃ dsa₂ ně₃, tsá₃ 'e₂ ta₁ jmo₃, ně₂jag₄ bá₄ a₂tsá₃ 'e₂ rě₂uǐng₄ bá₄ quió'₅. 26 Jui₁lia'₂ dsa₂ i₂tsá₃ 'e₂ ma₂rě₂uǐng₄ quió'₅, la₁ nē₁jua'₂ jme₂ti₃ 'e₂ ta₁ qui₅ 'Éi'₃, co₂jaun₂ bá₄ jín₂ Diú₄ dsa₂ 'éi₂ ně₂jag₄ bá₄ i₂ma₂rě₂uǐng₄ quió'₅ o₁n₃ja'₅₄ tsá₃ ma₂rě₂uǐng₄. 27 Dsa₂ i₂tsá₃ 'e₂ rě₂uǐng₄ lo₄, la₁ nē₁jua'₂ jme₂ti₃ 'a₂ lia'₂ juá'₂ 'Éi'₃, i₂'éi₂ bá₄ chen'₅ Diú₄ ne₄ jui₅ a₂con₂ 'í₁ ja₁con₂ 'ne₂, ia₁ tsá₃ jme₂tí'₁, jui₁'e₂ guě₃ ron₅ Si₂ tio'₅₄ 'Éi'₃ quiáng'₂, jui₁'e₂ guě₃ rě₂uǐng₄ quiáng'₂ ně₃. 28 Ia₁ jui₁lia'₂ jan₂ dsa₂ i₂lín₅ judío dsón'₂, on₃jua'₅₄ rě'₂ njia'₅₄ lín₅ dsa₂ léi₄ jmá'₃ le₃co'₅₄, on₃ guě'₂ le₂jaun₂ jui₁lia'₂ ta₁ dsón'₂ a₂quí₅ a₂qui₂rě₂uǐng₄ lo₄ dsa₂, on₃jua'₅₄ njia'₅₄ rě₂uǐng₄ lín₅ léi₄ jmá'₃ le₃co'₅₄ ni₁n₁í₅, 29 Tě₂le₃ a₂ca₂tín₂ bá₄ dsa₂ jmo₃, a₂lín₅ tě₃dsón'₂ dsa₂ judío, a₂lín₅ ca₂tě₂ dsí₅; ján₃ guě'₂ le₂jaun₂ jui₁lia'₂ a₂lín₅ dsa₂ léi₄ a₂rě₂uǐng₄ quió'₅, a₂lě₅ ca₂tě₂ dsí₅ bá₄ dsa₂;

* 2:6 'Nio'₂ ja₁ton₅, Salmo 62:12; Proverbios 24:12. † 2:24 Isaías 52:5; Ezequiel 36:22.

ton'₂ a₂gu₂dsí₂ bá₄ a₂jaun₂, on₃jua'₅₄ jmá'₃ lia'₂ con'₂ le₁ton₅ ne₄ Si₂ 'Éi'₃. Dsa₂ i₂lín₅ le₂në₅
chéin'₅ rë₂ quian'₅₄ Diú₄, on₃jua'₅₄ rë'₂ quian'₅₄ dsa₂ mi₂güig₃.

3

¹ Jaun₂ ně₃, ¿'e₂ ta₁ jmo₅ a₂quen₅ guě₄ a₂lín₅ dsa₂ dsa₂ judío? ¿O₃ 'e₂ ta₁ jmo₅ a₂lín₅ dsa₂ léi₄
a₂rë₂uing₄ ni₁lo₁₂? ² 'Lióng₂ bá₄ 'uig₅₄ cha₂. Jë₁le₂'uig₅₄, ca₂dsia₃ Diú₄ jág₁ dse₃ quió'₅ o₄gú₃
dsa₂ judíos. ³ ¿La₁ 'e₂ bá₄ lé₂ ně₃ ně₁jua'₂ chan₂ i₂lín₅₄ i₂tsá₃ ca₂rë₃ti'₅₄? * ¿O₃ bá₄ lín'₂ 'nia'₂
ján₃ a₂tsá₃ le₃ti'₅₄ Diú₄ jág₁ quió'₅ ia₁ a₂tsá₃ ca₂rë₃ti'₅₄ dsa₂ 'éi₂? ⁴ ;Dsón'₂ bá₄ tsá₃ le₂jaun₂!
Jui₁le₂lei₅₄ bá₄ jniog₄, Diú₄ ně₃ jmo₃ bá₄ ca₂le₃jě₃ lia'₂ con'₂ lě₅ jág₁ tí₅ quió'₅, jui₁'e₂ guě₃
ca₂le₃jín₃ dsa₂ tsá₃ tí₅ jág₁ quió'₅; ia₁ ne₄ Si₂ juá'₂:

ia₁jaun₂ le₃lí'₄ dsa₂ a₂lín'₅ i₂dsen₃

jui₁lia'₂ jë₁dsia'₂ jág₁,

ia₁jaun₂ bá₄ léng'₂

jë₁ma₂të₂ rë₁con₂ dsa₂ 'í₁ ja₁cong'₂. †

⁵ La₁ ně₁jua'₂ tí₅ ta₁ dsáu₁ jniog₄ a₂rë₂jniá₂ Diú₄ a₂lín₅ i₂dsen₃, ¿'e₂ le₂jua'₅₄ jniog₄ ně₃?
¿'An₁ tsá₃ rë₂ qui₂dsi₅ Diú₄ 'éi'₃ ně₁jua'₂ ca₂rë₃'néi₃ 'ě₂ uig₅ ja₁con₂ jniog₄? (A₂lë₁juá'₅ jniá₂
lia'₂ jë₁juá'₂ dsa₂ mi₂güig₃ bá₄.) ⁶ ;Dsón'₂ bá₄ on₃jua'₅₄ le₂në₅! Ia₁ jua'₅₄ mei'₂ guě₃ tsá₃ rë₂
qui₂dsi₅ Diú₄ 'éi'₃, ¿'a₂ bá₄ lia'₂ le₃con₂ 'í₁ ja₁con₂ dsa₂ mi₂güig₃?

⁷ La₁ ně₁jua'₂ jág₁ tē₂jág₁ quió₃ tí₅ ta₁ ia₁jaun₂ lě₅ a₂rë₂jniá₂ guě₄ jág₁ dsau₅ quió'₅ Diú₄
ia₁jaun₂ tē₂le₃ dse₃ guě₄ chéin'₅, ¿'e₂ lě₃ qui₂dsi₅ Diú₄ 'éi'₃ a₂rīn₂ jniá₂ dso₄? ⁸ ¿Ja₁lín₃ guě₄
dse₃ jua'₅₄ caun₂ a₂jmo₅₄ a₂'lig'₅₄, ia₁jaun₂ jiá₃ a₂dse₃? A₂le₂në₅ bá₄ chi₂'ag₅ i₂lín₅₄ 'ag₂₃ jnia'₅₄
a₂jme₂tīn₂ jnia'₅₄ dsa₂. La₁ gue₃ bá₄ uig₅ dsa₂ i₂dsi₂jioḡ₅ dsí₅ le₂në₅ 'a₂ con'₂ ca₂tīn₂.

Ca₂le₃jág₃ bá₄ jniog₄ rë₂cáu'₄ dso₄

⁹ ¿'E₂ jaun₂ ně₃? ¿A₂dse₃ guě₄ tíng₂ jnia'₅₄ dsa₂ judíos? ;Dsau₅ bá₄ on₃jua'₅₄ le₂jaun₂! Ia₁
ma₂të₂tsi'₅₄ jág₁, co₂jaun₂ bá₄ dsa₂ judíos con'₂ dsi₂nau₂, caun₂ bá₄ jui₅ tíoīn'₅₄ 'uig₅₄ dsáu₁.

¹⁰ Lě₅ jui₁lia'₂ juá'₂ ne₄ Si₂:

Ca₂lia'₂ 'i₁jan₂ dsa₂ tsá₃ chan₂

i₂jme₂ti₃ 'Éi'₃ quió'₅ Diú₄,

ca₂lia'₂ 'i₁jan₂ tsá₃ chan₂;

¹¹ tsá₃ i₂chan₂ jua'₅₄ i₂ñí'₂ dsí₅,

'i₁jan₂ tsá₃ chan₂ jua'₅₄ i₂'nio₃ 'na'₂ Diú₄.

¹² Ca₂le₃jín₃ bá₄ ma₂i₂nio₄ cau₅ jui₅ ma₂i₂cóin'₅,

co₂dsia₅ bá₄ ma₂i₃lén₂ jui₅ ja₁tsá₃ ta₁ tí₄.

Tsá₃ 'ein₂ chan₂ ca₂lia'₂ 'i₁jan₂

jua'₅₄ i₂qui₂jmo₅ a₂dse₃,

ca₂lia'₂ 'i₁jan₂ tsá₃ chan₂. ‡

¹³ 'Uě'₅ jág₁ 'lig'₅₄ le₂'o₅₄

jui₁lia'₂ ja₂ dsí₂ 'lig'₅₄ a₂'uě'₅ tau₂ 'ñio₅ a₂rë₂na₄;

quian'₅₄ le₁tsi'₂ jmo₂₃ a₂jui₁gain₂. §

Në₂jag₄ bá₄ náu₁ dsi₂mi'₂ 'a₄ mi₂'o₅₄; *

¹⁴ Jmá'₃ caun₂ a₂jaun₂ bá₄ juá'₂ dsa₂,

a₂uig₅ dsí₅, a₂jme₃dsi'₃ ja₁con₂ rīin'₅₄; †

¹⁵ Ma₂ně₃ bá₄ i₂ñi₂₃ cán₂ tag₅₄

a₂dsi₃jme₁dsiain₂₃ rīin'₅₄.

¹⁶ Léi₄ jë₁ca₂ñi₅ ca₂quiog₂ caun₂ jui₅ a₂o₂i₁ dsi₅,

* 3:3 o₃, "i₂tsá₃ ca₂rë₃'én₂." † 3:4 Salmo 51:4. ‡ 3:12 Salmo 14:1-3; 53:1-3; Ecclesiastés 7:20. § 3:13 Salmo 5:9.

* 3:13 Salmo 140:3. † 3:14 Salmo 10:7.

ja₁i₃'én₂ 'a₂ lia'₂ chan₂ dsa₂;

17 ia₁ tsá₃ cuí'₅ dsa₂ 'éi₂ jui₅ 'ei₅ tei₄;‡

18 Tsá₃ a₂jaun₂ dsi₂jio₅ dsi₅

jua'₅₄ a₂gain₃ Diú₄.§

19 A₂ne₄ bá₄ jnio₄, ca₂le₃jě₃ já_g₁ a₂tio'₅₄ ne₄ Si₂ 'Éi'₃ quió'₅ Diú₄, a₂juá'₂ tsí'₅ ca₂le₃jín₃ i₂ca₂tín₂ 'Éi'₃ jaun₂, ia₁jaun₂ jmo₃ tei₄ mi₂'o₄ ca₂le₃jín₃, ia₁jaun₂ ca₂le₃jín₃ dsa₂ mi₂güí₃ tē₃tsi_{in}'₅₄ rē₂cáin'₄ ne₄ Diú₄. 20 Ia₁ ca₂lia'₂ 'i₁jan₂ tsá₃ 'ein₂ jín₂ Diú₄ a₂tsá₃ dso₄ rē₂cáin'₄ jua'₅₄ a₂jme₃ti₃ a₂juá'₂ 'Éi'₃, ia₁ 'nio₅ bá₄ 'Éi'₃ qui'₅ ta₁ a₂le₃ne₄ jnio₄ a₂lág₅ dsa₂ cha₂ dsá_u₁.

A₂lión₂ dsa₂ tē₂le₃ a₂jnia'₅₄ quian'₅₄ a₂'éin₂ bá₄

21 La₁ nē₃ nē₃, ma₂ca₂jme₃jnia₅ bá₄ Diú₄ jui₅ a₂tsá₃ ma₃dso₄ rē₂cáu'₄ jnio₄, on₃jua'₅₄ tē₂le₃ quian'₅₄ Si₂ 'Éi'₃, ju_i₁'e₂ guě₃ já_g₁ dsau₅ jui₅ jaun₂ a₂juá'₂ ne₄ Si₂ tio'₅₄ 'Éi'₃, quian'₅₄ Si₂ a₂qui₂ca₂jmo₃ dsa₂ i₂jme₁'ě₂ já_g₁ quián₅ Diú₄ nē₃. 22 Já_g₁ dsau₅ jui₅ dse₃ quió'₅ Diú₄ a₂tsá₃ dso₄ rē₂cán'₄ dsa₂, jnia'₅₄ lia'₂ tē₂le₃ quian'₅₄ a₂'éin₂ tē₂le₃ quió'₅ Jesucristo; tsá₃ jma₃quén₅ jmo₂₃ ja₁con₂ ju_i₁'ein₂ guě₃; 23 ia₁ ca₂le₃jín₃ bá₄ ma₂qui₂ma₂'ná_u₂ dso₄, jaun₂ uí_{ng}₂ lín₃ bá₄ tióin₂ ja₁qui₂tág₅ co₂'né'₅ quió'₅ Diú₄. 24 La₁ Diú₄ nē₃, ia₁ a₂'ua₁ dsi₅ bá₄ 'ě₂ já_g₁ a₂tsá₃ dso₄ rē₂cáin'₄, on₃jua'₅₄ a₂'nió'₅ qui₃ 'lia'₅₄. A₂lě₁lió₂ bá₄ tē₂le₃ quian'₅₄ Cristo Jesús i₂ca₂quí₃ o₄quió'₄ dsá_u₁ dsa₂. 25 Ca₂chen'₃ Diú₄ ja₁ni'₅₄ ia₁jaun₂ dsian₅ dsá_u₁ dsa₂ mi₂güí₃ quian'₅₄ jm_i₂ 'ain₅₄ a₂ca₂tein₃. A₂lě₁gue₅ bá₄ dsa₂ a₂jaun₂ jmá'₃ tē₂le₃ quian'₅₄ a₂'éin₂. Le₂nē₅ ca₂rě₃jniá₂ Diú₄ i₂lín₅ i₂qui₃dsi₅ 'éi'₃ rē₂, ia₁ a₂ma₂ca₂jme₃juin'₂ dsi₅ a₂ma₂ca₂ñág₃ bá₄ dsá_u₁ dsa₂ a₂jme₁'no₂₃ ma₂líg'₂. 26 Le₂nē₅ ca₂jmo₃ Diú₄ a₂ca₂jme₃jniai₂₃ a₂rē₂ qui₃dsi₂₃ 'éi'₃, a₂ca₂jme₃jniai₂₃ a₂jín₂ dsa₂ i₂'én₂ tē₂le₃ quió'₅ Jesús nē₂jag₄ bá₄ a₂ca₂jme₃ti₃.

27 ¿'E₂ bá₄ ca₂lě₃ jaun₂ nē₃ quian'₅₄ a₂jmo₅ dsa₂ táin'₅? Co₂dsia₅ tē₂tsi'₅₄ cau₅ bá₄ a₂jaun₂. ¿'E₂ 'uig₅₄? ¿'An₁ 'uig₅₄ a₂jme₃ti₃ dsa₂ 'Éi'₃? Jan₂'ón₄. 'Uig₅₄ ia₁ a₂'én₂ bá₄ dsa₂.

28 Ma₂nē₂quiong₅₄ bá₄ jnio₄ 'í₁ jaun₂ nē₃, a₂jín₂ Diú₄ dsa₂ nē₂jag₄ bá₄ a₂ca₂jme₃ti₃, 'uig₅₄ ia₁ a₂'éin₂, jaun₂ tsá₃ 'e₂ 'í₁ con₂ guě₄ jua'₅₄ a₂ca₂jme₃ti₃ o₃ tsá₃ ca₂jme₃ti₃ 'e₂, con₂ lě₅ 'Éi'₃.

29 ¿O₃ bá₄ lín₅ Diú₄ ca₂ne₅₄ jmá'₃ i₂quián₅ dsa₂ judíos? ¿On₁jua'₅₄ i₂quián₅ dsi₂nau₂ ján₃? Ján₅. I₂quián₅ 'éi₂ bá₄ ján₃, 30 ia₁ jan₂ tan₅₄ bá₄ Diú₄ chan₂; jaun₂ 'éi₂ bá₄ já_g₃ jín₂ dsa₂ i₂rē₂u_{ing}₄ ni₁lo₁ nē₂jag₄ bá₄ a₂ca₂jme₃ti₃, 'uig₅₄ ia₁ a₂'éin₂; ján₃ bá₄ le₂jaun₂ já_g₃ jín₂ dsa₂ i₂tsá₃ rē₂u_{ing}₄ ni₁lo₁ nē₂jag₄ bá₄ a₂ca₂jme₃ti₃, o₄quió'₄ a₂'éin₂. 31 ¿'E₂ jua'₂ jnio₄ jaun₂ nē₃? ¿A₂tsá₃ ta₁ tí₄ 'Éi'₃ ia₁ a₂'éin₂ jnio₄? ¡Dsón'₂ tsá₃ le₂jaun₂! 'Nió'₄ tē₂le₃ cuě₂ bá₄ jnio₄ bí₂ a₂quen₅ 'Éi'₃.

4

'A₂ lia'₂ tē₂tsin'₅₄ Abraham ne₄ Diú₄

1 ¿'E₂ lé₂le₃jua'₅₄ jnio₄ jaun₂ nē₃? ¿'E₂ ca₂dsó'₂ Abraham dsa₂ juin'₂ quián₂ jnia'₅₄ ma₂líg'₂, lia'₂ jme₁lín₄ dsa₂ mi₂güí₃? 2 Jua'₅₄ mei'₂ guě₃ Diú₄ ca₂chi'₃ já_g₁ jua'₅₄ a₂dsen₃ 'éi₂ tē₂le₃ quian'₅₄ 'e₂ a₂ca₂jmo₃, jua'₅₄ a₂ca₂jme₃ti₃ 'Éi'₃, jaun₂ jme₁cha₂ ju_i₅ a₂jme₁jmo₃ róin₂. La₁ on₃jua'₅₄ ne₄ Diú₄. 3 Jaun₂, ¿'e₂ juá'₂ ne₄ Si₂? “Ca₂rě₃'én₂ bá₄ Abraham já_g₁ ca₂cuě₃ Diú₄; jaun₂ 'uig₅₄ ia₁ a₂ca₂rě₃'éin₂ jaun₂ nē₃, ca₂guéi'₂ Diú₄ nē₂jag₄ bá₄ a₂ca₂jme₃ti₃.”* 4 Jaun₂ nē₃, ju_i₁lia'₂ jan₂ dsa₂ i₂jme₂ti₃ ta₁ quió'₅ jan₂ juig₅₄, cu₄ a₂lí'₂ jaun₂ quió'₅, on₃jua'₅₄ a₂lě₁cuě₃ juig₅₄, ia₁ a₂ma₂rín₂₃ quió'₅ 'éi₂ 'lia'₅₄ ta₁ quió'₅. 5 La₁ nē₁jua'₂ 'éin₂ tē₂tsá₃ 'e₂ jmo₂₃, 'éin₂ a₂guén'₅ Diú₄ dsa₂ i₂cha₂ dsá_u₁, Diú₄ guéi'₂ quió'₅ nē₂jag₄ bá₄ dsa₂ dsen₃, o₄quió'₄ a₂'éin₂. 6 'Nio₅ bá₄ David juá'₂ a₂dsen₃ ju_i₁lia'₂ dsa₂ i₂guéi'₂ Diú₄ nē₂jag₄ bá₄ a₂tsá₃ ma₂'e₂ dsá_u₁ cha₂, tsá₃ 'e₂ 'í₁ con₂ Diú₄ 'a₂ lia'₂ ca₂jme₃ti₃. 7 Ca₂juá'₂ David:

‡ 3:17 Isaías 59:7-8. § 3:18 Salmo 36:1. * 4:3 Génesis 15:6. Ján₃ bá₄ le₂nē₅

'E₂ guë₄ dsen₃ jui₁lia'₂ dsa₂ i₂ca₂'én₂ Diú₄ dsáu₁,
i₂ca₂jlë₂ Diú₄ dso₄ a₂ca₂'náu₂.

8'E₂ guë₄ dsen₃ dsa₂ i₂ca₂jmo₃ Te₁gui'₅₄ dsí₅
a₂tsá₃ dso₄ riin₂.†

9A₂dse₃ nē₅ nē₃, ¿a₁dse₃ jmá'₃ lia'₂ ca₂ne₅₄ quió'₅ dsa₂ i₂rë₂uing₄ ni₁lo₁, o₃ bá₄ le₂jio₅ a₂dse₃ quió'₅ i₂tsá₃ 'e₂ rë₂uing₄ quió'₅ bá₄ ján₃? Ma₂në₂jua'₅₄ jnia'₅₄ a₂ca₂guén'₂ Diú₄ Abraham në₂jag₄ bá₄ a₂ca₂jme₃ti₃ 'éi'₃, 'uig₅₄ ia₁ a₂'éin₂. 10 ¿'A₂ lia'₂ jme₁lín₄ Abraham lia'₂ con'₂ ca₂guéi'₂ jaun₂? ¿Ca₂guéi'₂ cang₂ lia'₂ con'₂ jme₁ma₂ti₃ Abraham quió'₅, o₃ le₂jniá₅ 'e₂? Le₂jniá₅ bá₄, on₃jua'₅₄ cang₂. 11 Cang₂ jaun₂ bá₄ ca₂gue₃ Abraham 'éi'₃ jaun₂ a₂ti₃ ni₁lo₁₂, a₂lín₅ léi₄ co₂'nió'₄ caun₂ sello quió'₅ Diú₄ a₂ma₂guéi'₂, në₂jag₄ bá₄ dsa₂ i₂ca₂jme₃ti₃, 'uig₅₄ ia₁ a₂'éin₂. Le₂në₅ bá₄ ca₂dsióg₃ Abraham a₂ca₂lín₃ cho'₅₄ ca₂le₃jín₃ i₂'én₂ ján₃, o₁jnia'₅₄ tsá₃ ma₂gue₃ 'éi'₃ jaun₂ a₂uíng₃ quió'₅. Jaun₂ le₂në₅ bá₄ guén'₂ Diú₄ ján₃ dsa₂ tsi₁jon₂ 'éi₂ në₂jag₄ bá₄ a₂lín₅ dsa₂ i₂ca₂jme₃ti₃. 12 Dsau₅ bá₄ a₂lín₅ Abraham cho'₅₄ ca₂le₃jín₃ i₂ma₂gue₃ 'éi'₃ jaun₂ a₂uíng₃ quió'₅, la₁ on₃jua'₅₄ jmá'₃ 'uig₅₄ ia₁ a₂rë₂uing₄ quió'₅; ján₃ bá₄ 'uig₅₄ ia₁ a₂quian₅ jui₅ a₂'éin₂ jaun₂, jui₁lia'₂ ca₂can₃ Abraham jmei₂ jnia'₅₄ lia'₂ con'₂ tsá₃ ma₂uíng₂ quió'₅.

Të₂le₃ quian'₅₄ a₂'én₂ bá₄ dsa₂ jme₃ti₃ Diú₄ jág₁ quió'₅ a₂ma₃cuë₃

13 Jaun₂ ca₂cuë₃ Diú₄ jág₁ quió'₅ ca₂cuë'₃ Abraham quiain'₅₄ chi'₂-guein₂ quiáin₅, a₂gue₃ gua'₅₄ 'uë₃ a₂cuë₃ Diú₄; la₁ on₃jua'₅₄ ia₁ a₂ca₂jme₃ti₃ Abraham 'Éi'₃, të₂le₃ ia₁ a₂caun₂ 'éin₂ jág₁ a₂cuë₅ Diú₄, ton'₂ ca₂guéi'₂ Diú₄ në₂jag₄ bá₄ a₂ca₂jme₃ti₃ 'Éi'₃. 14 Jua'₅₄ mei'₂ guë₃ jmá'₃ i₂jme₂ti₃ 'Éi'₃ bá₄ gue₅ a₂dse₃ a₂cuë₅ Diú₄ cuë'₅ chi'₂-guein₂ quiáin₅, jaun₂ tsá₃ ma₃'e₂ ta₁ tí₄ a₂'én₂ dsa₂, ton'₂ ján₃ guë'₂ le₂jaun₂ jág₁ a₂cuë₄ quió'₅ Diú₄ tsá₃ ma₃quen₅. 15 Ia₁ jui₅ a₂'ne₂ Diú₄ bá₄ jio₅ 'Éi'₃, la₁ ja₁tsá₃ 'Éi'₃ ca₂tín₂, tsá₃ 'ein₂ dsi₂juin₅₄ ja₁jaun₂.

16 'Uig₅₄ jaun₂, o₄quió'₄ a₂'én₂ dsa₂ cuë₅ Diú₄ a₂dse₃ cuë'₅ chi'₂-guein₂ quiáin₅, ia₁jaun₂ chi'₃ tiá₂ jág₁ a₂cuë₄ ne₄ a₂'ua₁ dsí₅, ia₁jaun₂ dsón'₂ jaun₂ bá₄ jág₁ a₂gue₃ ca₂le₃jín₃ tsi₁jon₂ Abraham, on₃jua'₅₄ jmá'₃ quió'₅ dsa₂ i₂qui₂rë₂ti'₅₄ 'Éi'₃; quió'₅ ca₂le₃jín₃ i₂'én₂ bá₄ ján₃ jui₁lia'₂ jme₁'én₂ Abraham. Jaun₂ 'éi₂ bá₄ já₅ co₂'nió'₄ lín₅ jmei₂ jniog₄ ca₂le₃jág₃. 17 Jui₁lia'₂ juá'₂ ne₄ Si₂: “Ne₂ ma₂tsín'₂ jniá₂ a₂lín₅ cho'₅₄ dsa₂ chan₂ 'lióng₂ juig₂ nación.”‡ Jaun₂ 'éi₂ bá₄ i₂lín₅ jmei₂ jniog₄ ne₄ Diú₄, ton'₂ ca₂'éin₃ jág₁ quió'₅ Diú₄ 'éi₂ i₂ton'₂ jme₂dsí₂ dsa₂ i₂ma₂dsan₃, ján₃ guë'₂ të'₂ a₂tsá₃ ma₂cha₂ në₂jag₄ bá₄ a₂ma₂cha₂.

18 Jui₁'e₂ guë₃ tsá₃ ma₃'e₂ jmig₄ jme₁ma₃cha₂ ja₁con₂ Abraham lia'₂ con'₂ lë₅ lín₂ dsa₂ mi₂güig₃, të₂le₃ ia₁ a₂ca₂rë₃'éin₂ jág₁ quió'₅ Diú₄, ca₂dsióg₃ “a₂lín₅ jmei₂ dsa₂ chan₂ 'lióng₂ juig₂”, lia'₂ con'₂ lë₅ ca₂juá'₂ Diú₄: “co₂në₅ tén₅ chi'₂-guein₂ dsió'₂ lë₂.”§

19 Jui₁'e₂ guë₃ jme₁ma₂'en₅₄ Abraham con'₂ 'ñiá₂-láu₂ ñi₂, lí'₄ bá₄ 'ñiog₅ a₂ma₂guen'₂ ni₁ñi₁₂, ján₃ guë'₂ le₂jaun₂ Sara quiáin₅ në₃ co₂në₅ a₂ma₂chain₂ dsiáin₃ bá₄, tsá₃ ma₃'ein₂ guein₂ lë₂ le₃cáin₂, la₁ tsá₃ ca₂'uáin₂ quian'₅₄ jág₁ a₂ma₂chan'₂. 20 Tsá₃ ca₂'ág₂ caun₂-tín₃ dsí₅ jua'₅₄ a₂tsá₃ 'éin₂ jág₁ a₂ca₂cuë₃ Diú₄, të₂le₃ ca₂i₃tsón₂ bá₄ bí₂ a₂'éin₂, ton'₂ ca₂jme₃juin'₂ Diú₄, 21 caun₂ bá₄ 'ei₅ dsí₅ a₂'io₅ Diú₄ jui₅bí₂ a₂jme₃ti₃ jág₁ quió'₅ a₂ca₂cuë₃. 22 'Uig₅₄ jaun₂ ca₂guéi'₂ Diú₄ në₂jag₄ dsa₂ i₂ca₂jme₃ti₃.

23 Jág₁ nē₅, “a₂ca₂guéi'₂ Diú₄”, ca₂i₃to'₅₄ ne₄ si₂, on₃jua'₅₄ a₂'iin₂₃ jmá'₃ Abraham; 24 a₂'ag₂₃ jniog₄ bá₄ ján₃. 'Uig₅₄ ia₁ a₂'éin₂ jniog₄, guéi'₂ Diú₄ a₂lág₅ jniog₄ në₂jag₄ bá₄ dsa₂ dsen₃ i₂ca₂jme₃ti₃ con'₂ i₂'én₂ të₂le₃ quió'₅ Diú₄ i₂ca₂jme₃jen'₅₄ Jesús jin₄ 'lag₄. Jesús bá₄ i₂lín₅ Te₁gui'₅₄ quián₂ jniog₄, 25 i₂ca₂jín'₂ dsa₂ a₂jóin₂ ne₄ 'uig₅₄ dsáu₁ jniog₄, con'₂ siá'₂ ca₂jein'₅₄ táng₃ ia₁jaun₂ guéi'₂ Diú₄ jniog₄ në₂jag₄ dsa₂ dsen₃ i₂ca₂jme₃ti₃.

† 4:8 Salmo 32:1-2. ‡ 4:17 Génesis 17:5. § 4:18 Génesis 15:5.

5

Lé2 le3chong2 jniog4 'ei5 tei4 quian'54 Diú4

¹ Le2në5 jaun2, ia1 a2ma2'ë2 Diú4 jág1 a2tsá3 'e2 dso4 rë2cáu'4 jniog4, 'uig54 ia1 a2'ëin2, ma2chong2 jniog4 'ei5 tei4 quian'54, të2le3 quian'54 Te1gui'54 Jesucristo quián2. ² Ia1 të2le3 quian'54 Cristo 'éi2 bá4 ma2i1to'54 jniog4 ja1jme2gu'54 Diú4 ia1 a2'ua1 dsí5, të2le3 ia1 a2'ëin2, Ja1dse3 në5 në3, tíong2 jniog4 tiá2 'io'2 jein2, ia1 'ín2 dsí5 jniog4 a2dsón'2 jme1quian'54 Diú4 jë4 co2tág5 co2'né'5 quió'5. ³ On3 rë'2 jua'54 jmá'3 a2në5; jmo2 jniog4 'io'2 ne4 o2i1 dsí5 a2qui2dsi2nág2; ia1 ne4 jniog4, quian'54 o2i1 dsí5 bá4 qui2rë2juin'2 dsí5 jniog4. ⁴ A2juin'2 dsí5 jniog4 jaun2, jmo5 a2chei'2 rë2 jniog4 'a2 lia'2 lág5; a2tíong2 jniog4 rë2 jaun2 në3, jmo5 a2'ín2 dsí5 jniog4 jmíg4 a2le3ti3. ⁵ Jmíg4 a2'ín2 dsí5 jniog4 jaun2, tsá3 lé2 le3jmo3 jua'54 jéin2 jniog4 o2guí'3, ia1 'niog5 Diú4 ma2ca2jme3cain'2 jme2dsí2 quián2 jniog4 ia1 a2nǎ4 lë3 'nio3 jniog4, të2le3 quian'54 Jme2dsí2 Jnió5 i2ma2cuiin3.

⁶ Ia1 lia'2 con'2 jme1lág4 jniog4 dsa2 mi2güí3 'uan54 i2tsá3 cha2 jui5 'a2 lia'2 lion4 guio54, la1 jme1ca2të2 jmíg4 a2ca2tíong3 Diú4, jaun2 ca2jon3 bá4 I2rë'ín1 quián5 o4quió'4 dsa2 i2tsá3 Diú4 cuin5. ⁷ A2quian5 ta1 lin3 bá4 jua'54 mei'2 guë3 jan2 dsa2 lé2 le3guein3 'mú3 o4quió'4 jan2 dsa2 mi2güí3 riin'54, ca2lia'2 jnia'54 o4quió'4 jan2 dsa2 i2jmo5 rë2; 'an1 mei'2 tsá3 chan2 jan2 i2lé2 le3tiá2 dsí5 guen3 'mú3 o4quió'4 jan2 dsa2 i2dse3 dsí5 dsón'2. ⁸ La1 ma2ca2cuë3 bá4 Diú4 léi4 a2dsón'2 'nio3 jniog4, ia1 a2ca2jon3 Cristo 'uig54 quián2, lia'2 con'2 jme1lág4 guë4 dsa2 cha2 dsáu1. ⁹ A2jaun2 në3, 'uig54 ia1 a2ma2'ë2 Diú4 jág1 të2le3 quian'54 jmi4 Cristo a2ca2tang2, a2tsá3 ma2dso4 rag2, jaun2 të2le3 i2jui'2 guë4 lió2 jniog4 të2le3 quian'54 'éi2 a2gau2 a2'ne2 Diú4 a2jiá3 jë1ca2tó'2. ¹⁰ Ia1 chi2jua'2 ma2ca2'ág2 Diú4 caun2 jág1 quian'54 jniog4 të2le3 quian'54 'mú3 a2ca2i3nǎ2 Ja1ni'54 lia'2 con'2 jme1lág4 guë4 jniog4 dsa2 i2'nia54 'éi2, ján3 bá4 le2jaun2 të2le3 i2jui'2 guë4 lió2 jniog4 'uig54 ia1 a2chain2, në3 lia'2 ma2'ei5 caun2 jág1 quiain'54. ¹¹ Ia1 on3 guë'2 jua'54 jmá'3 a2në5, ia1 chong2 jniog4 jme1'nió4 dsí5 ján3 le3quió'5 Diú4 të2le3 quian'54 Te1gui'54 Jesucristo, ia1 të2le3 quian'54 Cristo bá4 ca2dsi3náu5 jniog4 'ei5 caun2 jág1 quian'54 Diú4.

Adán quian'54 Cristo

¹² Le2në5 jaun2, jui1lia'2 të2le3 quian'54 jan2 dsa2 ca2rë3chá3 dsáu1 dsa2 mi2güí3, 'uig54 në5 bá4 ca2já3 'mú3, le2në5 bá4 ján3 ca2nag5 'mú3 ja1con2 ca2le3jín3 dsa2 mi2güí3, ia1 ca2le3jín3 bá4 ca2'náu2 dso4. ¹³ Le2jniá5, lia'2 con'2 tsá3 'Éi'3 jme1ma2ron5, ma2qui2'no5 bá4 dsa2 dso4 mi2güí3, la1 tsá3 lé2 le3jió'2 'í1 'e2 a2rin2 dsa2 ja1tsá3 'éi'3 cha2. ¹⁴ La1 ca2le3 jme1chan2 Adán, ca2lia'2 ca2të2 jmíg4 a2jme1chan2 Moisés, ca2'io3 'mú3 jui5bí2 ne4 quió'5 dsa2 i2qui2ca2'náu2 dso4, o1jniá'54 dsáu1 dsa2 jaun2 on3jua'54 a2ca2i3juin54 dsa2 caun2 'éi'3 jui1lia'2 ca2jmo3 Adán; jme1lín4 Adán co2'nió'4 caun2 nió'4 quió'5 i2jiá3 chi1quín3.

¹⁵ La1 dsáu1 Adán në3, tsá3 lé2 le3quin3 quian'54 a2lë1cuë5 Diú4 jniog4. Ia1 jui1lia'2 o4quió'4 dsáu1 jan2 dsa2, juin5 i2ca2dsan3, ján3 bá4 le2jaun2 të2le3 lë5 guë4 a2'ua1 dsí5 Diú4 a2lió2 a2lë1ma2cuë'3 co2nǎ2 dsa2 juin5 të2le3 quian'54 jan2 tan54 dsa2 i2'ua1 dsí5. Dsa2 'éi2 lín5 Jesucristo. ¹⁶ Dso4 a2ca2'náu2 jan2 dsa2 tsá3 lé2 le3quin3 quian'54 a2lió2 Diú4 a2cuë23 jniog4; ia1 jme1ca2cáun2 Diú4 'í1 dso4 a2ca2rë3cán'2 jan2 dsa2, jaun2 ca2já3 jui5 a2ca2qui3dsí5 Diú4 'éi'3 ja1con2 dsa2 mi2güí3; la1 jui1lia'2 a2lión2 dsa2 në3, a2lë'ë2 Diú4 co2nǎ2 bá4 jág1 a2tsá3 'e2 dso4 rin2 dsa2, jui1'a2 guë3 la2 qui2ma2'náu2 'líong2 dso4. ¹⁷ Chi2jua'2 ca2'io3 bí2 'mú3 ne4 ca2le3jín3 dsa2 o4quió'4 dsáu1 jan2 dsa2, të2le3 i2jui'2 guë4 'nio5 tson2 a2'ua1 dsí5 Diú4 ja1con2 dsa2 i2guéin'2 në2jag4 bá4 a2tsá3 'e2 dso4 riin2, a2'io23 bí2 a2le3chain2 dse3 të2le3 quian'54 jan2 dsa2, i2lín5 Jesucristo.

¹⁸ Jaun2 lë3, jui1lia'2 dsáu1 Adán ca2chein'3 ca2le3jín3 dsa2 jui5 ja1'ë3 Diú4 uig5, le2në5 bá4 ján3, ta1 a2quí'5 a2dse3 a2ca2jmo3 Jesucristo ca2cain3 ca2le3jín3 dsa2 jui5 ja1lé2 le3chain2 dse3, ja1guéi'2 Diú4 në2jag4 bá4 a2tsá3 'e2 dso4 riin2. ¹⁹ Co2'nió'4 le3jua'54, ia1 jui1lia'2 tsá3 gau2

ca₂nág₂ jan₂ dsa₂ 'éi₂, jaun₂ juin₅ i₂ca₂rë₃chá₃ dsáu₁, ján₃ bá₄ le₂në₅, 'uig₅₄ ia₁ a₂ca₂nág₂ gau₂ jan₂ tan₅₄ dsa₂, jaun₂ juin₅ i₂guén₂ Diú₄ në₂jag₄ bá₄ i₂ca₂jme₃tí₃.

²⁰ Ca₂të₁ron₅₄ 'Éi₃ ia₁jaun₂ dsi₃juin₅₄ guë₄ dso₄; la₁ ja₁'ñio₅ lin₃ guë₄ ca₂i₁juin₅₄ dso₄, jaun₂ 'ñio₅ lin₃ guë₄ ca₂jmo₃ Diú₄ ca₂i₃tsón₂ a₂'ua₁ dsí₅. ²¹ Jaun₂ le₂në₅ bá₄ ju₁lia₂ ca₂tín₂ bí₂ dso₄ ju₁ a₂quian₅ 'mú₃, le₂në₅ bá₄ ján₃ ca₂'io₃ bí₂ a₂'ua₁ dsí₅ Diú₄ a₂jág₂ jniog₄ në₂jag₄ bá₄ dsa₂ i₂ca₂jme₃tí₃, a₂cuë₃ a₂le₃chong₂ jniog₄ dse₃ co₂tan₅₄ të₂le₃ quian₅₄ Te₁gui₅₄ Jesucristo quián₂ jniog₄.

6

Ma₂dsau₃ të₂le₃ quió₅ dsáu₁, la₁ chong₂ le₃quió₅ Cristo

¹ ¿'E₂ jua₅₄ jniog₄ jaun₂ në₃? ¿A₁caun₂ dse₃ 'nióg₁ bá₄ jniog₄ dso₄ ia₁jaun₂ caun₂ dsi₃tsón₃ a₂'ua₁ dsí₅ Diú₄ quian₅₄ jniog₄? ² ¿Dsón₂ bá₄ on₃jua₅₄ le₂në₅! Ia₁ ma₂ca₂dsau₃ bá₄ jniog₄ le₃quió₅ dsáu₁; ¿'a₂ bá₄ lia₂ lé₂ jaun₂ në₃ jua₅₄ a₂caun₂ chong₂ jniog₄ le₃quió₅ dsáu₁? ³ ¿Tsa₁ ñi₅₄ 'nia₂, lia₂ con₂ jme₁ca₂tió₄ jniog₄ jmig₂ le₃quió₅ Cristo Jesús, ca₂tió₄ jniog₄ 'mú₃ quió₅? ⁴ Ia₁ jme₁ca₂tió₄ jniog₄ jmig₂, co₂'nió₄ bá₄ ja₁jaun₂ ca₂'o₃ jniog₄ co₂lë₅ quian₅₄ Cristo në₂jag₄ bá₄ a₂ca₂dsau₃, ia₁jaun₂ jein₅₄ táng₃ a₂le₃chong₂ caun₂ jme₂dsí₂ 'mí₂, ju₁lia₂ ca₂jen₅₄ Cristo a₂jme₁rë₂join₅₄, të₂le₃ quian₅₄ ju₁bí₂ jlá₁ quió₅ Jmei₂.

⁵ Ia₁ chi₂jua₂ ca₂jme₁quian₅₄ jniog₄ ne₄ 'mú₃ quió₅, ján₃ bá₄ le₂jaun₂ tion₅₄ bá₄ jme₁quian₅₄ jë₁ma₂ca₂jein₅₄ jniog₄ ju₁lia₂ ca₂jen₅₄ 'éi₂. ⁶ Ne₄ bá₄ jniog₄, lia₂ con₂ lë₅ jme₁lág₄ le₂jñiá₅, ne₄ cróg₄ bá₄ ca₂ñó₃ a₂jaun₂ co₂lë₅ quian₅₄ Cristo, ia₁jaun₂ dsi₃'én₂ ju₁bí₂ a₂'io₅ dsáu₁ ne₄ ni₁ñi₁ jniog₄, ia₁jaun₂ tsá₃ ma₃lë₅ jua₅₄ a₂qui₂rë₂'ñei₅₄ guë₄ a₂chong₂ qui₂jme₂tí₁ ta₁ ne₄ dsáu₁, në₂jag₄ bá₄ ne₄ jan₂juig₅₄ jniog₄. ⁷ Ia₁ ju₁lia₂ i₂ma₂jón₅, tsá₃ ma₂'e₂ rë₂'ñei₅₄, ma₂lón₂ bá₄ ne₄ dsáu₁. ⁸ Chi₂jua₂ ma₂ca₂dsau₃ jniog₄ quian₅₄ Cristo, ján₃ bá₄ le₂jaun₂ 'éin₂ a₂le₃chong₂ quian₅₄ 'éi₂, ⁹ ia₁ ne₄ bá₄ jniog₄, con₂ jme₁ca₂jen₅₄ Cristo ne₄ 'mú₃, o₁líg₂ jmig₄ tsá₃ ma₃lë₂ le₃jóin₂; tsá₃ ma₂'e₂ ju₁bí₂ 'io₅ 'mú₃ ne₄ quió₅ 'éi₂. ¹⁰ Ia₁ jme₁ca₂jón₃ Cristo, co₂ráun₂ bá₄ ca₂join₃ 'uig₅₄ dsáu₁ dsa₂; la₁ në₃ lia₂ ma₂chain₂, chain₂ le₃quió₅ Diú₄. ¹¹ Le₂në₅ bá₄ 'nia₂ ján₃, jmo₄ bá₄ 'nia₂ 'au₂ a₂ma₂dsang₃ të₂le₃ quió₅ dso₄, la₁ chan₂ bá₄ 'nia₂ le₃quió₅ Diú₄ të₂le₃ quian₅₄ Cristo Jesús.

¹² A₂jaun₂ në₃, 'a₃ cuë₂ 'nia₂ jmig₄ jua₅₄ a₂'io₃ guë₄ ju₁bí₂ dsáu₁ ne₄ ni₁ñi₁ 'nia₂ a₂siá₃, a₂qui₂chi₃quióng₂ jmig₄ a₂jme₁ti₄ 'nia₂ a₂mi₅ ni₁ñi₅. ¹³ A₃ qui₁jín₅₄ 'nia₂ a₂tén₅ ni₁ñi₁ jua₅₄ a₂'no₃ guë₄ dso₄, co₂'nió₄ a₂jmó₂ ta₁ a₂jmo₃ a₂'lig₅₄. Të₂le₃ ne₄ Diú₄ bá₄ jin₅₄ 'nia₂ a₂lín₅ co₂'nió₄ dsa₂ i₂ma₂dsan₃, i₂ma₂jen₅₄ táng₃. Jang₅₄ 'nia₂ a₂tén₅ ni₁ñi₁ le₃ja₁con₂ Diú₄, co₂'nió₄ a₂jmó₂ ta₁ a₂jmo₃ jmá₃ a₂dse₃. ¹⁴ Ia₁ tsá₃ 'io₃ guë₄ bí₂ dsáu₁ ne₄ quián₂ 'nia₂ në₂jag₄ bá₄ jan₂ juig₅₄ 'nia₂, ia₁ tsá₃ o₄gú₃ 'Éi₃ tion₅₄ 'nia₂; të₂le₃ o₄gú₃ a₂'ua₁ dsí₅ Diú₄ bá₄ tion₅₄ 'nia₂.

¹⁵ ¿'E₂ bá₄ jaun₂ në₃? ¿A₁caun₂ 'nióg₁ dso₄ bá₄ ia₁ tsá₃ o₄gú₃ 'Éi₃ tio₅₄ jniog₄, ia₁ ja₁'ua₁ dsí₅ Diú₄ bá₄ tíong₂? ¿Dsón₂ bá₄ on₃jua₅₄ le₂në₅! ¹⁶ ¿Tsa₁ ñi₅₄ 'nia₂, në₁jua₂ ca₂jín₅₄ 'nia₂ guiong₅₄ o₄gú₃ jan₂ juig₅₄ a₂jme₁ti₄ ta₁ ne₅₄, ma₂lín₅ jan₂ i₂ma₂chi₁'ñe₅₄ i₂quián₅ dsa₂ 'éi₂? Ján₃ bá₄ le₂jaun₂, në₁jua₂ ca₂jín₅₄ 'nia₂ guiong₅₄ ne₄ dsáu₁, dsáu₁ jaun₂ i₂ma₂lín₅ juig₅₄ 'nia₂, jio₅ ju₁ 'mú₃; o₃ në₁jua₂ ca₂jín₅₄ 'nia₂ ne₄ a₂nág₁ gau₂ jág₁ quió₅ Diú₄, a₂jaun₂ bá₄ i₂ma₂lín₅ juig₅₄ 'nia₂, jio₅ ju₁ co₂dsau₅. ¹⁷ Ju₁'e₂ guë₃ jme₁rë₂qui₂rë₂'ñe₂ 'nia₂ le₂jñiá₅ ne₄ dsáu₁, la₁ rë₂në₃ në₃, ti₁'mag₄ Diú₄, ma₂nei₂ bá₄ 'nia₂ gau₂ ca₂le₃jé₃ jme₂dsí₂ quiáng₂ jág₁ quen₅ a₂ma₂rë₂jín₅₄ 'nia₂, a₂jme₂tín₂. ¹⁸ Jaun₂ në₃ ma₂lón₂ 'nia₂ o₄gú₃ dsáu₁, ma₂tion₅₄ bá₄ 'nia₂ o₄gú₃ ju₁ co₂dsau₅. ¹⁹ (Juá₅ jniá₂ juí₂ 'nia₂ lia₂ con₂ lë₅ jág₁ dsia₅ dsa₂ mi₂güí₃, ia₁ dsón₂ bá₄ quian₅₄ ta₁ le₃ñi₂ 'au₂ 'nia₂ dse₃ ia₁ të₂le₃ a₂lín₅ 'nia₂ dsa₂ mi₂güí₃.) Ia₁ le₂jaun₂ bá₄ ján₃ ju₁lia₂ qui₂ca₂jín₅₄ 'nia₂ le₂jñiá₅ a₂tén₅ ni₁ñi₁ ju₁ ja₁tsá₃ nág₂ gau₂,

ja₁ca₂jme₁ti₄ 'nia'₂ ta₁ ne₄ ca₂le₃jě₃ ne₅₄ a₂'lig'₅₄, le₂ně₅ bá₄ guë'₂ jang'₅₄ táng₃ 'nia'₂ a₂tén₅ ni₁ñi'₁ ja₁jme₁ti₄ ta₁ ne₄ jui₅ jñi₅ ja₁caun₂ le₃dsen'₃ 'nia'₂.

²⁰ Lia'₂ con'₂ jme₁líng'₄ guë'₄ dsa₂ i₂qui₂rě₂'ñe'₅₄ le₃quió'₅ dsáu₁, tsá₃ jme₁rě₂'ñeg'₅₄ jua'₅₄ a₂jme₂ti₄ guë'₄ 'nia'₂ ta₁ ne₄ jui₅ co₂dsau₅. ²¹ La₁ ¿'e₂ bá₄ a₂dse₃ ca₂lín'₃ 'nia'₂ ca₂le₃jě₃ a₂jaun₂, a₂caun₂ lě₁o₂guí'₃ quián'₂ 'nia'₂ rě₂ně₃? Ia₁ jmá'₃ lia'₂ ca₂ne₅₄ a₂dsi₂óg₄ ne₄ jui₅ 'mú'₃ bá₄ a₂jaun₂. ²² La₁ rě₂ně₃ ně₃, ma₂lón'₂ 'nia'₂ jui₅ ja₁jme₁qui₂rě₂'ñe'₅₄ 'nia'₂ 'nau'₂ dso₄, ma₂i₂ton'₅₄ 'nia'₂ jui₅ ja₁jme₁ti₄ ta₁ ne₄ Diú₄, jaun₂ lén'₂ 'nia'₂ jui₅ jñi₅ ja₁caun₂ le₃dsen'₃ 'nia'₂, jui₅ ja₁dsi₂óg₄ a₂le₃chan'₂ 'nia'₂ dse₃ co₂tan₅₄. ²³ Ia₁ jñia'₅₄ lia'₂ 'mú'₃ bá₄ lí'₂ dsa₂ co₂'nió'₄ 'lia'₅₄ dsáu₁, la₁ a₂lě₁cuë₅ bá₄ Diú₄ a₂le₃chan₂ dsa₂ dse₃ co₂tan₅₄ tē₂le₃ quian'₅₄ Cristo Jesús i₂lín₅ Te₁gui'₅₄ quián₂ jñiog₄.

7

Caun₂ jág₁ a₂jáng'₅ léi₄ a₂jau'₂ jui₁lia'₂ ja₁con₂ dsa₂ i₂rě₂jen'₂ gu₂

¹ Rin'₅₄ jñiog₄, 'nia'₂ dsa₂ i₂cuí'₅ 'a₂ lia'₂ juá'₂ ne₄ Si₂ 'Éi'₃, ¿tsa₁ ñi'₅₄ 'nia'₂ a₂'io₅ bí₂ 'Éi'₃ ja₁con₂ jan₂ dsa₂ jmá'₃ tē₁lia'₂ chain₂? ² Jui₁lia'₂ jan₂ dsa₂ m₂i₂chan₂ dsi₂i₂gu₂, co₂'nió'₄ a₂chi₁'ñei'₅₄ bá₄ quian'₅₄ dsi₂i₂gu₂ lia'₂ con'₂ lě₅ ne₄ Si₂ 'Éi'₃, tē₁lia'₂ chan₂ dsa₂ ñe'₂. La₁ nē₁jua'₂ ca₂jon₃ dsi₂i₂gu₂ ně₃, ca₂tsin'₂ bá₄ dsa₂ m₂i₂ tē₂le₃ quió'₅ 'éi'₃ a₂jme₁le₁quian₅ quió'₅ quian'₅₄ dsi₂i₂gu₂. ³ Nē₁jua'₂ ca₂guá'₂ 'io₅₄ quian'₅₄ dsa₂ ñe'₂ sián'₂ tē₃ chan₂ dsi₂i₂gu₂, dso₄ bá₄ 'no₂₃; la₁ nē₁jua'₂ ca₂jon₃ dsi₂i₂gu₂ ně₃, ca₂tsin'₂ bá₄ 'io₅₄ tē₂le₃ quió'₅ 'éi'₃, ma₂lé₂ bá₄ jéin'₂ táng₃ gu₂ quian'₅₄ dsa₂ ñe'₂ sián'₂, tsá₃ ma₃dso₄ 'no₂₃.

⁴ Le₂ně₅ bá₄ ján₃, 'nia'₂ rin'₅₄ jñiog₄, ma₂dsan'₃ 'nia'₂ le₃quió'₅ 'Éi'₃ tē₂le₃ quian'₅₄ ñi₄ Cristo, ia₁jaun₂ tēng'₄ ja₁con₂ i₂sián'₂: ja₁con₂ 'éi₂ i₂ca₂jen'₅₄ táng₃ ne₄ 'mú'₃. Le₂ně₅ ca₂lě₃ ia₁jaun₂ le₃chong₂ jñiog₄ tēi₅ ta₁ ne₄ Diú₄. ⁵ Ia₁ lia'₂ con'₂ jme₁chong₂ jñiog₄ lia'₂ jme₁jñiog₅ ni₁ñi'₁ jñiog₄, ta₁ jaun₂ ca₂quí'₃ 'Éi'₃ a₂ca₂ñei₃ jui₅ ni₁ñi'₁ jñiog₄ a₂ca₂lě₃ dsi₅ jmó₁ a₂'lig'₅₄, ca₂quí'₃ ta₁ a₂ca₂i₁jo₅₄ ne₄ 'mú'₃. ⁶ La₁ rě₂ně₃ ně₃, ma₂dsau₃ le₃quió'₅ Si₂ 'Éi'₃ a₂jme₁jñiog₅ jme₁le₁'ñei'₅₄, a₂jme₁ti₁ ne₄ Diú₄ jui₅ 'm₂i₂ quió'₅ Jme₂dsí₂ quián₅. Jaun₂ tsá₃ ma₃tio'₅₄ jñiog₄ le₁'ñei'₅₄ ne₄ 'Éi'₃ a₂chi₁ton₅ ne₄ si₂.

Dso₄ a₂'i₄ ja₁con₂ jniá₂

⁷ ¿'E₂ jua'₅₄ jñiog₄ jaun₂ ně₃? ¿A₂lě₅ dso₄ bá₄ 'Éi'₃ jaun₂? ¿Dsón'₂ bá₄ on₃jua'₅₄ le₂jaun₂! La₁ jniá₂ ně₃ tsá₃ ca₂rě₃guion₅₄ 'e₂ jaun₂ dsáu₅, jua'₅₄ mei'₂ guë'₃ tsá₃ 'Éi'₃ ron₅. Co₂'nió'₄ le₃jua'₅₄, tsá₃ 'e₂ ca₂rě₃guion₅₄, jui₁lia'₂ a₂'ín₅ dsi₃ a₂cha₂ quió'₅ i₂sián'₂, jua'₅₄ mei'₂ guë'₃ tsá₃ a₂juá'₂ 'Éi'₃ ne₄ Si₂: "Tsá₃ lě₁jmo₂ 'ín₅ 'au'₂ a₂quió'₅ dsa₂ sián'₂."*

⁸ La₁ dsáu₁ ně₃ ca₂jme₃'ñi₃ bá₄ jág₁ nē₅; 'ñiog₅ bá₄ 'Éi'₃ ca₂cuë₃ jmig₄ ca₂ñei₃ tē₂dsi₃ ca₂le₃jě₃ ne₅₄ a₂'ín₅ dsi₃ a₂cha₂ quió'₅ i₂sián'₂. Ia₁ jui₁lia'₂ ja₁tsá₃ 'Éi'₃ ron₅, tsá₃ léi₄ jniá₂ a₂cha₂ dsáu₅. ⁹ Ján₃ bá₄ jme₁chang₂ caun₂ jmig₄ lia'₂ con'₂ tsá₃ 'Éi'₃ quió'₅ Moisés ma₂ca₂tíng₂. La₁ jme₁ca₂já₃ 'Éi'₃, co₂'nió'₄ a₂ca₂jen'₅₄ bá₄ táng₃ dsáu₁; jniá₂ guë'₂, co₂'nió'₄ a₂ca₂jong₃. ¹⁰ Le₂ně₅ bá₄ ca₂lě₃ quian'₅₄ 'ñiog₅ 'Éi'₃ jaun₂; 'nió'₄ a₂jme₁cuë₃ bí₂ a₂le₃chan₂ jniá₂, tē₂le₃ ca₂jñiog₃ jui₅ 'mú'₃ bá₄ a₂jaun₂. ¹¹ Ia₁ dsáu₁ ně₃, ca₂jme₃'ñi₃ bá₄ ne₄ 'Éi'₃ ja₁con₂ jniá₂, ca₂jme₃gau₂₃. Jaun₂ quian'₅₄ 'ñiog₅ bá₄ 'Éi'₃, ca₂cuë₃ 'mú'₃.

¹² Jaun₂ ně₃, a₂jñi₅ bá₄ Si₂ 'Éi'₃; ján₃ guë'₂ le₂jaun₂ ca₂le₃jě₃ 'éi'₃ tio'₅₄, a₂jñi₅, con₂ 'í₁ con'₂ dsi₂ten₅₄, a₂dse₃ lín₃ bá₄ a₂jaun₂. ¹³ ¿'E₂ bá₄ jaun₂ ně₃? ¿Jui₁lia'₂ a₂dse₃ jaun₂ ca₂lě₃ 'mú'₃ ja₁con₂ jniá₂? ¿Dsón'₂ on₃jua'₅₄ jaun₂! 'Uig₅₄ dsáu₅ bá₄ jniá₂ jaun₂, ca₂jñiog₃ jui₅ 'mú'₃, le₂ně₅ ca₂cuë₃ léi₄ a₂lě₅ dso₄ a₂jaun₂ a₂jme₁jmo₅ jniá₂; ca₂jmo₃ tē₂le₃ quian'₅₄ a₂dse₃, jaun₂ le₂ně₅ ca₂jme₃jnia₅ 'Éi'₃ 'e₂ a₂lě₅ a₂jui₁si 'lig'₅₄ a₂lě₅ dsáu₁.

* 7:7 Éxodo 20:17; Deuteronomio 5:21.

14 Ne₄ bá₄ jniog₄ jaun₂ a₂lě₅ a₂gu₂dsí₂ bá₄ 'Éi'₃, la₁ dsa₂ ni₁ñí₅ bá₄ jniá₂; co₂'nió'₄ a₂rě₂'ni₅ bá₄ jniá₂ ne₄ dso₄. 15 Ia₁ tsá₃ ñí'₂ dsi₃ 'e₂ lě₃ jmo₂₃ 'e₂ jmo₂₃, ia₁ tsá₃ lé₂ jmo₅₄ a₂'ín₅ dsi₃ jmo₅₄, ia₁ ca₂le₃ǰ₃ a₂'io₄ jniá₂ a₂tsá₃ 'nio₃ jmo₅₄, a₂jaun₂ dé₄ dsón'₂ jmo₂₃. 16 Ia₁ chi₂jua'₂ jmo₅ jniá₂ a₂tsá₃ tē₅ dsi₃ jmo₅₄, jaun₂ jmo₅ jniá₂ dsi₃ a₂dse₃ bá₄ 'Éi'₃. 17 Le₂ně₅ bá₄ jaun₂, on₃jua'₅₄ jniá₂ 'ñi₃'no₂₃ dso₄; dsáu₅ jniá₂ a₂'i₄ tē₂dsi₃ bá₄, a₂jaun₂ bá₄ jmo₅. 18 Ia₁ guion₄ jniá₂, 'i₁caun₂ a₂dse₃ tsá₃ cha₂ tē₂dsi₃ jniá₂, co₂'nió'₄ le₃jua'₅₄ lia'₂ con'₂ líng₅ dsa₂ ni₁ñí₅, ia₁ 'ín₅ bá₄ dsi₃ jmo₅₄ a₂dse₃, la₁ tsá₃ qui'₅₄ jmig₄ jmo₅₄. 19 Tsá₃ qui₂jmo₅ jniá₂ a₂dse₃ a₂'nio₃ jmo₅₄; caun₂ jmo₅ bá₄ jniá₂ a₂'lig'₅₄ a₂tsá₃ 'nio₃ jmo₅₄. 20 Jaun₂ ně₃, chi₂jua'₂ jmo₅ jniá₂ a₂tsá₃ tē₅ dsi₃ jmo₅₄, on₃jua'₅₄ jniá₂ 'ñi₃'no₂₃ a₂jaun₂; dsáu₅ jniá₂ a₂'i₄ tē₂dsi₃ bá₄, a₂jaun₂ bá₄ jmo₅.

21 Jaun₂ ma₂ca₂rě₃léi₄, cha₂ caun₂ 'éi'₃: jē₁ma₂tě₂ rē₁'nio₃ jmo₅₄ a₂dse₃, ñja'₅₄ lia'₂ a₂'lig'₅₄ bá₄ cha₂ ja₁cong₂. 22 Né'₃ jme₂dsí₂ quió₃, tē₅ bá₄ dsi₃ 'Éi'₃ quió'₅ Diú₄; 23 la₁ jág₅ jniá₂ ja₁con₂ a₂tén₅ ni₁ñi₃, cha₂ caun₂ 'éi'₃ siá'₂ a₂jmo₅ 'nei₂ quian'₅₄ 'éi'₃ 'a₂ lia'₂ dsi₂jio₅ dsi₃, a₂tē₂ chi₁'neg'₁ ne₄ 'éi'₃ quió'₅ dso₄ a₂jmo₅ ta₁ ja₁con₂ a₂tén₅ ni₁ñi₃.

24 ¡'E₂ guě₄ juíg₂ jniá₂! ¿'Ein₂ bá₄ jiá₃ lió₂ ne₄ ni₁ñi₃ a₂jio₅ 'mú₃ la₂? 25 Ti₁'mag'₄ Diú₄, cha₂ bá₄ jui₅ 'a₂ lia'₂ lé₂ tē₂le₃ quian'₅₄ Te₁gui'₅₄ Jesucristo quián₂ jniog₄.

Jaun₂ ně₃, 'ñi₃'no₂₃ bá₄ jniá₂ quian'₅₄ 'a₂ lia'₂ dsi₂jio₅ dsi₃, jme₂tí₁ ta₁ ne₄ 'Éi'₃ quió'₅ Diú₄, la₁ lia'₂ con'₂ líng₅ dsa₂ ni₁ñí₅, jme₂tí₁ jniá₂ ne₄ 'éi'₃ quió'₅ dso₄.

8

'A₂ lia'₂ chan₂ dsa₂ con'₂ lě₅ jio₅ Jme₂dsí₂ quián₅ Diú₄

1 Ně₃ ně₃ jaun₂, tsá₃ ma₂'e₂ uig₅ 'ě₂ Diú₄ ne₄ quió'₅ dsa₂ i₂ma₂'ei₅ caun₂ jág₁ quian'₅₄ Cristo Jesús.* 2 Ia₁ bí₂ a₂'io₅ 'éi'₃ quió'₅ Jme₂dsí₂ ma₂cuě₅ jmig₄ a₂chan₂ jniá₂ tē₂le₃ quian'₅₄ Cristo Jesús, ia₁ ma₂ca₂lió₂ jniá₂ ne₄ 'éi'₃ quió'₅ dso₄, quió'₅ 'mú₃ ně₃. 3 Ia₁ ma₂ca₂jmo₃ Diú₄ a₂tsá₃ ca₂qui'₅₄ jmig₄ Si₂ 'Éi'₃ jmo₃ ia₁ ca₂'uán₂ bá₄ 'Éi'₃ 'uig₅₄ dsáu₁ dsa₂ ni₁ñí₅: ca₂chein₃ ja₁ñi'₅₄ 'ñio₅ o₄quió'₄ dsáu₁ dsa₂; ca₂jmo₃ a₂lín₅ 'éi₂ dsa₂ chi₁dsáin₃ lia'₂ lín₅ dsa₂ mi₂güí₃ i₂'no₅ dso₄, jaun₂ le₂ně₅ bá₄ ca₂'ě₂ uig₅ ne₄ dso₄, ia₁ a₂lín₅ dsa₂ chi₁dsáin₃. 4 Le₂ně₅ ca₂jmo₃ ia₁jaun₂ le₃tí₃ 'Éi'₃ a₂con₂ 'í₁ con'₂ dsi₂ten₅₄, ja₁con₂ jniog₄, i₂i₂nio₄, on₃jua'₅₄ lia'₂ con'₂ lě₅ jio₅ ni₁ñi₁₂, i₂i₂nio₄ lia'₂ con'₂ lě₅ jio₅ Jme₂dsí₂ bá₄.

5 Ia₁ dsa₂ i₂chan₂ lia'₂ con'₂ lě₅ jio₅ ni₁ñi₁ qui₂dsi₂jio₅ dsí₅ jui₅ quió'₅ ni₁ñí₅, la₁ jui₁lia'₂ dsa₂ i₂ma₂chan₂ lia'₂ con'₂ lě₅ jio₅ Jme₂dsí₂ quián₅ Diú₄, qui₂dsi₂jio₅ dsí₅ a₂quió'₅ jme₂dsí₂ bá₄. 6 Ia₁ jui₁lia'₂ a₂qui₂dsi₂jio₅ dsí₅ dsa₂ jui₅ quió'₅ ni₁ñí₅, a₂lě₅ 'mú₃ bá₄ jaun₂; la₁ jui₁lia'₂ a₂qui₂dsi₂jio₅ dsí₅ dsa₂ le₃quió'₅ Jme₂dsí₂ quián₅ Diú₄, a₂jaun₂ bá₄ jmo₅ a₂le₃chan₂ dsa₂ dse₃, a₂'ag₃ tei₄ dsí₅ dsa₂ ně₃. 7 Ia₁ jui₁lia'₂ i₂qui₂dsi₂jio₅ dsí₅ jui₅ quió'₅ ni₁ñí₅, i₂'ñia₅₄ Diú₄ bá₄ i₂le₂'éi₂, ia₁ tsá₃ 'nio₃, on₃ guě'₂ lé₂ jme₃tí₃ 'Éi'₃ quió'₅ Diú₄. 8 'Uig₅₄ jaun₂ bá₄, jui₁lia'₂ i₂i₂nio₄ lia'₂ con'₂ jio₅ ni₁ñi₁₂, tsá₃ lé₂ le₃jmo₃ a₂tē₅ dsí₅ Diú₄.

9 La₁ jui₁lia'₂ 'nia'₂ ně₃, tsá₃ ma₃i₂nio'₅₄ 'nia'₂ lia'₂ con'₂ jio₅ ni₁ñí₅, ia₁ ma₂quian'₅₄ bá₄ 'nia'₂ Jme₂dsí₂, ně₁jua'₂ guá₅ Jme₂dsí₂ quián₅ Diú₄ tē₂'au'₂ 'nia'₂. Ia₁ jui₁lia'₂ dsa₂ i₂tsá₃ 'en₅₄ Jme₂dsí₂ quián₅ Cristo tē₂dsí₅, tsá₃ lín₅ i₂quián₅ 'éi₂. 10 La₁ ně₁jua'₂ 'en₅₄ Cristo tē₂'au'₂ 'nia'₂, jaun₂ chan₂ bá₄ jme₂dsí₂ quián₂ 'nia'₂ 'uig₅₄ ia₁ a₂ma₂jín₂ Diú₄ 'nia'₂ ně₂jag₄ bá₄ a₂ma₂jme₂tí₂ 'nia'₂, o₁ñia'₅₄ 'io₅ 'mú₃ ni₁ñi'₁ 'nia'₂ o₄quió'₄ dso₄. 11 Chi₂jua'₂ chan₂ ja₁con'₂ 'nia'₂ Jme₂dsí₂ quián₅ i₂ca₂jme₃jen'₅₄ Cristo Jesús ne₄ 'mú₃, 'ñio₅ bá₄ 'éi₂ cuě₃ jme₂dsí₂ 'mí₂ ne₄ ni₁ñi'₁ 'nia'₂ a₂ca₂tín₂ 'mú₃, tē₂le₃ quian'₅₄ Jme₂dsí₂ quián₅ Diú₄ i₂guá₅ tē₂'au'₂ 'nia'₂.

12 Le₂ně₅ bá₄ jaun₂, 'nia'₂ rín'₅₄ jniog₄, cha₂ a₂ca₂tág₂ jniog₄ jmó₁, la₁ on₃jua'₅₄ rě₂ ne₄ ni₁ñí₅ jua'₅₄ a₂'nió'₅ le₃chong₂ jniog₄ 'io₄ táng₃ lia'₂ con'₂ lě₅ mi₅ ni₁ñi₁. 13 Ia₁ ně₁jua'₂ chan₂ 'nia'₂

* 8:1 A₂lín₅₄ chog₅₄ si₂ a₂ca₂lě₃ cang₂ guě₄, juá'₂ le₂la₂ ján₃: "i₂i₂nio₄, on₃jua'₅₄ lia'₂ con'₂ lě₅ jio₅ ni₁ñi₁₂, i₂i₂nio₄ lia'₂ con'₂ lě₅ jio₅ Jme₂dsí₂ bá₄."

lia'₂ con'₂ mi₅ ni₁ŋi'₁, dsián'₃ bá₄ 'nia'₂; la₁ nē₁jua'₂ tē₂le₃ quian'₅₄ Jme₂dsí₂, ŋj'₅ 'nia'₂ a₂jmo₅ ni₁ŋi'₁, jaun₂ le₃chan'₂ bá₄ 'nia'₂.

14 Ia₁ ca₂le₃jín₃ dsa₂ i₂i₂nio₄ lia'₂ con'₂ lē₅ jiog₅ Jme₂dsí₂ quián₅ Diú₄, lín₅ chi'₂-guein₂ quián₅ Diú₄. 15 Ia₁ Jme₂dsí₂ i₂ma₂guen'₅₄ 'nia'₂ on₃jua'₅₄ i₂lín₅ jme₂dsí₂ i₂qui'nei'₂ táng₃ jua'₅₄ a₂jmo₃ a₂le₃gan'₃ táng₃ 'nia'₂. Jme₂dsí₂ 'éi₂ bá₄ i₂ma₂guen'₅₄ 'nia'₂ i₂jmo₃ a₂lén'₂ 'nia'₂ chi'₂-guein₂ quián₅ Diú₄. Jme₁jua'₂ jniog₄ tē₂le₃ quian'₅₄ 'éi₂: “¡Abba!† ¡Tia₅₄ quiáng₃!””, 16 jaun₂ 'ŋiog₅ bá₄ Jme₂dsí₂ nē₅ jme₂quiain'₅₄ jme₂dsí₂ quián₂ jniog₄, jáng'₅ jág₁ dsau₅ juá'₂ a₂ma₂lág₅ jniog₄ chi'₂-guein₂ quián₅ Diú₄. 17 Jaun₂ chi₂jua'₂ lág₅ jniog₄ ja₁ŋi'₅₄, ján₃ bá₄ ca₂tág₂ jniog₄ guéi₁ a₂dse₃ a₂ma₂lē₅ jág₁ cuē₃ Diú₄ a₂cuē'₃ chi'₂-guein₂ quián₅; guéi₁ jniog₄ a₂nē₅ co₂lē₅ quian'₅₄ Cristo, chi₂jua'₂ quein'₅₄ jniog₄ quian'₅₄ jmi₁uig₅ quió'₅ ia₁jaun₂ quein'₅₄ jniog₄ cang₂ jē₄ co₂tág₅ co₂'né'₅ quió'₅.

18 Ia₁ lín₂ jniá₂ on₃jua'₅₄ cha₂ 'e₂ uig₅ a₂ŋag₄ jniog₄ rē₂nē₃ on₃jua'₅₄ a₂quin₃ quian'₅₄ a₂co₂tág₅ co₂'né'₅ a₂jiá₃ a₂le₃jniá₂ ja₁con₂ jniog₄. 19 Ia₁ ma₂chi₁ŋia₅ chi₂quian'₅₄ jmi₄ ca₂le₃jē₃ a₂ca₂jmo₃ Diú₄, a₂'ín₅ dsi₅ jmi₄ jē₁ma₂tē₂ rē₁le₃jniá₂ chi'₂-guein₂ quián₅ Diú₄. 20 Ia₁ ca₂le₃jē₃ a₂ca₂jmo₃ Diú₄ nē₃ ma₂qui₂le'nei'₅₄ ne₄ jui₅ ja₁tsá₃ ta₁ tí₄, on₃jua'₅₄ ia₁ a₂ca₂rē'ŋi₃ dsi₅ guoin'₅₄, ia₁ le₂jaun₂ 'éi'₃ ca₂jmo₃ Diú₄ 'ŋiog₅ bá₄. A₂'ín₂ dsi₅ ca₂le₃jē₃ a₂nē₅, 21 jmi₄ a₂lió₂ Diú₄ a₂qui₂chi'nei'₅₄ ne₄ jui₅ a₂siá'₃ quió'₅, ia₁jaun₂ jme₃quiain'₅₄ chi'₂-guein₂ quián₅ Diú₄ jē₄ co₂tág₅ co₂'né'₅ jui₁lia'₂ i₂ma₂qui₂ca₂lón₂. 22 Ia₁ ne₄ bá₄ jniog₄, ca₂lia'₂ jnió₄ jmi₄ nē₃, ca₂le₃jē₃ a₂ca₂jmo₃ Diú₄, qui₂'ŋióg₂ qui₂'ŋia₂₃ co₂lē₅ chain₂ uig₅. 23 On₃jua'₅₄ jmá'₃ a₂jaun₂; ján₃ bá₄ le₂jaun₂ jniog₄ nē₃, i₂'io₅ a₂le₂'uig₅₄ a₂ca₂ráu₃ quió'₅ Jme₂dsí₂, qui₂'ŋióg₅ qui₂'ŋia₂ tē₂dsi₅ jniog₄ tē₁lia'₂ chi₁ŋia₁ a₂'ín₅ dsi₅ jmi₄ jaun₂, a₂jme₃jnia₅ a₂lág₅ jniog₄ chi'₂-guein₂ quián₅ Diú₄, jmi₄ a₂lióin₂ ni₁ŋi₁ jniog₄ la₂. 24 Ia₁ tē₂le₃ quian'₅₄ jmi₄ a₂'ín₂ dsi₅ jniog₄ nē₅ bá₄ ca₂lió₂; la₁ nē₁jua'₂ ma₂jág₅ dsa₂ a₂'ín₂ dsi₅, on₃jua'₅₄ ma₃le₃'ín₂ dsi₅ dsa₂ jui₁lia'₂ a₂ma₂jág₅, tsá₃ ma₃tion'₅₄ 'nió'₅ 'ín₂ dsi₅. 25 La₁ nē₁jua'₂ 'ín₂ dsi₅ jniog₄ caun₂ a₂tsá₃ ma₂ne₅₄, juin'₂ bá₄ dsi₅ jnia₄ a₂'ín₂ dsi₅.

26 Jáñ₃ bá₄ le₂nē₅ jme₂'o₅₄ Jme₂dsí₂ quián₅ Diú₄ a₂'uan'₅₄ dsi₅ jniog₄. Ia₁ tsá₃ tag₂ chilén'₄ Diú₄ 'a₂ con'₂ dsi₂ten'₅₄, la₁ 'ŋiog₅ bá₄ Jme₂dsí₂ ŋj'₅ nē₃ mi₂₃ ne₄ Diú₄ o₄quián₂ jniog₄, ca₂le₃jē₃ qui₂'ŋióg₂ qui₂'ŋia₃ on₃jua'₅₄ a₂lé₂ le'ŋióg₃ jniog₄ quian'₅₄ jág₁. 27 La₁ Diú₄ nē₃ i₂tē₂li₅ tē₂dsi₅ dsa₂ mi₂güig₃, 'éi₂ bá₄ ŋi₅ 'e₂ 'nio₃ Jme₂dsí₂ 'éi₂ juá'₂; ia₁ mi₅ Jme₂dsí₂ ŋj'₅ lia'₂ con'₂ lē₅ 'ŋio₂ dsi₅ Diú₄, o₄quió'₄ dsa₂ ŋj'₅ quián₅.

Tē₂le₃ ŋag₅₄ guē₄ léi₂ jniog₄

28 Ne₄ bá₄ jniog₄, Diú₄ bá₄ i₂jmo₅ ne₄ ca₂le₃jē₃, a₂dse₃ quió'₅ dsa₂ i₂'nio₃ Diú₄, quió'₅ dsa₂ i₂ma₂tē'₃ Diú₄ lia'₂ con'₂ lē₅ ma₂i₂jiog₅ dsi₅ jmo₃. 29 Ia₁ i₂ma₂cuig₅ Diú₄ ca₂le₂jñiá₅, jáñ₃ bá₄ ca₂chei'₃ ca₂'iin₃ 'éi₂ a₂lén₂ jui₁lia'₂ lín₅ Ja₁ŋi'₅₄, ia₁jaun₂ lén₂ Ja₁ŋi'₅₄ i₂le₂ne₁ jē₄ quió'₅ riin'₅₄ i₂juin₅. 30 Dsa₂ i₂con'₂ ma₂ca₂chen'₃ Diú₄ lia'₂ ca₂le₂jñiá₅, ca₂tē'₃ 'éi₂ jáñ₃; dsa₂ i₂con'₂ ca₂tē'₃ 'éi₂ nē₃, jáñ₃ bá₄ ca₂jág₂ nē₂jag₄ a₂tsá₃ 'e₂ dso₄ riin₂; dsa₂ i₂con'₂ ca₂jág₂ Diú₄ a₂tsá₃ 'e₂ dso₄ riin₂ nē₃, jáñ₃ bá₄ ca₂jme₃jláin'₁.

31 ¿'E₂ le₃jua'₅₄ jniog₄ nē₃, quian'₅₄ a₂nē₅? Chi₂jua'₂ chén'₅ Diú₄ ne₄ jág₁ quián₂ jniog₄, ¿'ein₂ bá₄ qui'₅₄ jmi₄ jmóg'₂ jniog₄? 32 Tsá₃ ca₂jmo₃ Diú₄ jua'₅₄ tsá₃ jme₁cuin₂₃ Ja₁ŋi'₅₄ 'ŋiog₅, tē₂le₃ ca₂jáng'₂ bá₄, ca₂ŋó₃ 'éi₂ ne₄ 'mú₃ o₄quián₂ jniog₄; ¿'a₂ bá₄ lia'₂ jua'₅₄ a₂tsá₃ cuē₃ jniog₄ jáñ₃ co₂dsia₅ quian'₅₄ 'éi₂ ca₂le₃jē₃? 33 ¿'Ein₂ bá₄ lé₂ le'ni₃ dsa₂ i₂ma₂quión'₂ Diú₄? Ton'₂ 'ŋiog₅ bá₄ Diú₄ juá'₂ a₂tsá₃ 'e₂ riin₂. 34 ¿'Ein₂ i₂lé₂ le'ē₂ uig₅? Ia₁ Cristo Jesús bá₄ i₂ca₂jon₃; tē₂le₃ lē₅ bá₄ guē₄, a₂ca₂jein'₅₄ táng₃, ton'₂ ma₂guá₅ le₃gu₂ ne₁ quió'₅ Diú₄, mi₂₃ o₄quián₂ jniog₄. 35 ¿'Ein₂ bá₄ i₂lé₂ 'liog'₃ jniog₄ cau₅ ne₄ a₂'nio₃ Cristo? ¿O₃ bá₄ qui'₅₄ jmi₄ jui₁lia'₂ caun₂ jmi₁uig₅, o₃ jui₁lia'₂ caun₂ o₂i₁ dsi₅, o₃ jmi₄ jui₁lia'₂ a₂co₂'ein₅ dsa₂, o₃ jmi₄ jui₁lia'₂ jme₁'in₂ a₂que₅₄, o₃

† 8:15 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

ia₁ a₂tsá₃ cha₂ a₂qui'₅₄ 'e₂ jniog₄, o₃ 'e₂ caun₂ a₂gau₂ cha₂, o₃ a₂go₃ jniog₄ a₂jme₃dsiog₅ dsa₂ quián'₅₄ ηi₁tág₂? ³⁶ Jui₁lia'₂ rē₂ton₅ ne₄ Si₂:
O₄quián'₂ 'ne₂ bá₄ guei₂ jnia'₅₄ 'mú₃ co₂tan₅₄.

Jmo₅ dsa₂ dsí₅ a₂lág₅ jnia'₅₄
nē₂jag₄ bá₄ já'₂ cha'₂
i₂ma₂le₁te₂ dsa₂ a₂jme₃dsiog₂₃,[‡]

³⁷ La₁ jē₄ ca₂le₃jē₃ a₂nē₅, tson₂ guē₄ léi₂ tián₂ jniog₄ tē₂le₃ quián'₅₄ 'éi₂ i₂ma₂ca₂rē₃'nio₃ quián₂ jniog₄. ³⁸ Ia₁ caun₂ bá₄ 'ei₅ dsí₃, 'i₁caun₂ tsá₃ 'e₂ lé₂ le₃'liog'₃ cau₅ ne₄ a₂'nio₃ Diú₄ jniog₄. Tsá₃ qui'₅₄ jmig₄ 'mú₃, on₃ guē'₂ a₂chong₂, on₃ guē'₂ ángeles, on₃ guē'₂ dsí₂tan₅₄ quián₅ jme₂dsí₂, on₃ guē'₂ a₂cha₂ rē₂nē₃, on₃ guē'₂ a₂cha₂ jmig₄ ne₄ jui₅ nē₃, on₃ guē₄ jui₅bí₂, ³⁹ on₃ guē'₂ i₂tion'₅₄ ja₁ηei₅ lín₃, on₃ guē'₂ i₂tion'₅₄ ja₁'uin₃ lín₃, on₃ guē'₂ jui₁'e₂ guē₃ a₂siá'₂ a₂ca₂jmo₃ Diú₄, jua'₅₄ le₃qui'₅₄ jmig₄ jmo₃ jua'₅₄ a₂tsá₃ ma₃jme₃'nio₃ Diú₄ jniog₄, tē₂le₃ quián'₅₄ Cristo Jesús Te₁gui'₅₄ quián₂ jniog₄.

9

Ma₂quión'₂ Diú₄ dsa₂ juig₂ Israel

¹ Jág₁ tí₅ dsón'₂ bá₄ juá'₅ jniá₂ le₃quió'₅ Cristo la₂, tsá₃ jme₂gau₅₄ jniá₂; tē₂dsi₃ jniá₂ jiog₅ Jme₂dsí₂ Jñio₅ juá'₂ tság₅ jniá₂ a₂dsón'₂ bá₄ dsau₅; ² 'ηio₅ lín₃ chang₂ go₂'i₃ qui'₂ dsí₃ co₂tan₅₄, ³ ia₁ ca₂tē₂ 'ñio₃ jniá₂ jme₁'nio₃ jua'₅₄ dsí₃'éngi₁, rē₂'na₄ jág₁ ja₁con₂ Cristo jua'₅₄ mei'₂ guē₃ le₂jaun₂, o₄quió'₄ ríng'₃ dsa₂ go₃ jniá₂ le₃quió'₅ ni₁ηí₅. ⁴ 'Éi₂ bá₄ i₂lín₅ dsa₂ tsi₁jon₂ Israel; * 'éi₂ bá₄ i₂lín₅ dsa₂ i₂ca₂guéi'₂ Diú₄ a₂lín₅ chi'₂-guein₂ quián₅; 'éi₂ bá₄ i₂ca₂tē₂ ne₄ a₂tág₅ co₂'né₅ quió'₅ Diú₄; 'éi₂ bá₄ i₂ca₂lí'₃ jág₁ quián'₅₄ Diú₄; 'éi₂ bá₄ i₂ca₂gue₃ Si₂ 'Éi'₃ ca₂cuē₃ Diú₄; 'éi₂ bá₄ i₂ca₂tín₂ jme₃ti₃ a₂qui₂jén'₃ ne₄ Diú₄; 'éi₂ bá₄ i₂ca₂cuē₃ Diú₄ jág₁ quió'₅ nē₃. ⁵ 'Éi₂ bá₄ i₂lín₅ tsi₁jon₂ dsa₂ can'₅₄ quián₂ jnia'₅₄ ma₂líg'₂. Jaun₂ tē₂le₃ quián'₅₄ tsi₁jon₂ 'éi₂ nē₃, ca₂guan₃ I₂rē₂'ín₁ quián₅ Diú₄ chi₁dsáin₃, i₂lín₅ Diú₄ ne₄ quió'₅ ca₂le₃jē₃, i₂jme₃juin'₂ dsa₂ co₂tan₅₄, a₂mei₃.

⁶ On₃jua'₅₄ rē'₂ a₂tsá₃ ca₂rē₃ti₃ jág₁ a₂rē₂cuē₄ quió'₅ Diú₄, ia₁ tsá₃ ca₂le₃jín₃ dsa₂ tsi₁jon₂ Israel lín₅ tē₃dsón'₂ dsa₂ i₂tén₅ juig₂ Israel. ⁷ On₃ guē'₂ lín₅ ca₂le₃jín₃ dsa₂ tsi₁jon₂ Abraham tē₃dsón'₂ chi'₂-guein₂ quián₅ 'éi₂; ia₁ jme₁ca₂juá'₂ Diú₄ ca₂tsí'₃ Abraham: “Tē₂le₃ quián'₅₄ Isaac bá₄ ja₃lén₂ tsi₁jong'₂.”[†] ⁸ Jág₁ nē₅, jein₅ jág₁, on₃jua'₅₄ chi'₂ dsio₄ le₃quió'₅ ni₁ηí₅ i₂lín₅ chi'₂-guein₂ quián₅ Diú₄; ton'₂ con'₂ i₂lín₅ guein₂ i₂ca₂rē₃chán₃ lia'₂ con'₂ lē₅ jág₁ quió'₅ Diú₄ a₂jme₁ma₂cuē₃, jmá'₃ i₂'éi₂ bá₄ i₂jín₂ Diú₄ i₂lín₅ tē₃dsón'₂ tsi₁jon₂ Abraham. ⁹ Ia₁ jág₁ quió'₅ Diú₄ a₂ca₂cuē₃ Abraham, a₂la₂ bá₄ jaun₂: “Jein₂ rē₂nē₃ ηi₂ caun₂, guio₅₄ jniá₂, jaun₂ le₃chan₂ jan₂ guein₂ quián₅ Sara.”[‡] ¹⁰ On₃jua'₅₄ jmá'₃ a₂jaun₂. Qui₂ca₂can₃ Rebeca guein₂ quián'₅₄ jan₂ dsa₂ ηe'₂ i₂lín₅ Isaac jmei₂ jnia'₅₄. ¹¹ La₁ tsá₃ jme₁ma₂ca₂rē₃chán₃ guein₂ quián₅ i₁Bé'₄, on₃ guē'₂ a₂'lig'₅₄ a₂dse₃ jme₁ma₂tiin₂ jmo₃, jme₁ca₂jmo₃ Diú₄ jág₁, ia₁jaun₂ tē₃'ñiá₄ a₂ca₂tín₂ Diú₄ qui₃quió'₂ lia'₂ con'₂ lē₅ niog₅ dsí₅; ¹² on₃jua'₅₄ 'uig₅₄ ia₁ a₂jme₂ti₃ dsa₂, tē₂le₃ 'uig₅₄ ia₁ a₂tē₂ Diú₄; ca₂juá'₂ Diú₄ ca₂tsí'₃ i₁Bé'₄: “I₂lín₅ i₂juin'₂ jme₃ti₃ ne₄ i₂me'₂.”[§] ¹³ Jui₁lia'₂ chi₁ton₅ ne₄ Si₂: “Ca₂quio'₄ jniá₂ ca₂jme₁gu'₅₄ quió'₅ Jacob, lē₅ guē₄ con'₂ guē₄ Esaú.”^{*}

¹⁴ ¿'E₂ bá₄ le₃jua'₅₄ nē₃? ¿On₃ bá₄ tsá₃ rē₂ qui₂dsí₅ Diú₄ 'éi'₃? ¿Dsón'₂ on₃jua'₅₄ le₂jaun₂! ¹⁵ Ia₁ ca₂tsí'₃ Moisés:
Dsi₅₄ jniá₂ ηéi₂ dsí₃
ja₁con₂ i₂'nio₃ jniá₂ dsia₅₄ ηéi₂ dsí₃ quiain'₅₄;
ján₃ bá₄ jmo₅₄ jniá₂ 'ua₁ dsí₃
ja₁con₂ i₂'nio₃ jniá₂ jmo₅₄ 'ua₁ dsí₃ quiain'₅₄.[†]

[‡] 8:36 Salmo 44:22. * 9:4 Israel: co₂'nió'₄ le₃jua'₅₄, Jacob. Génesis 35:10. † 9:7 Génesis 21:12. ‡ 9:9 Génesis 18:10,14. § 9:12 Génesis 25:23. * 9:13 Malaquías 1:2-3; lit. “Ca₂jme₁'nió₄ jniá₂ Jacob, Esaú guē'₂ ca₂jme₁'ñiai₅₄.”
† 9:15 Éxodo 33:19.

16 Le₂nē₅ bá₄ jaun₂, on₃jua'₅₄ rē'₂ ia₁ 'nio₃ jan₂ dsa₂, o₃ a₂quín'₃ bí₂ 'e₂; ton'₂ ia₁ a₂ñéi₂ dsí₅ Diú₄ bá₄. 17 Ia₁ chi₁ton₅ ne₄ Si₂ 'a₂ lia'₂ ca₂juá'₂ Diú₄ ca₂tsí'₃ Faraón:‡ “Ta₁ jaun₂ tē₃dsón'₂ bá₄ ca₂tság'₂ jniá₂ a₂lég'₂ rag₅₄, ia₁jaun₂ jme₁jnia₅ jniá₂ jui₅bí₂ quió'₃ tē₂le₃ quian'₅₄ 'ne₂, ia₁jaun₂ guē₄ le₃ñi₅ dsa₂ ta₁caun₂ gua'₅₄ 'uē₃ 'a₂ lia'₂ lín₅ jniá₂.” § 18 Jaun₂ lē₃, ca₂tín₂ Diú₄ dsia₃ ñéi₂ dsí₅ ja₁con₂ chi₂'ein₂ 'nio₃, ton'₂ ján₃ guē'₂ jme₃'ua'₂ dsí₅ chi₂'ein₂ 'nio₃ jme₃'ua'₂ dsí₅. 19 La₁ jaun₂, lé₂ jua'₅₄ juig'₅₄ jniá₂: “Chi₂jua'₂ le₂nē₅, ¿'e₂ lē₃ cuē'₅ Diú₄ dso₄ dsa₂, jaun₂ nē₃? Ia₁, ¿'ein₂ bá₄ qui'₅₄ jmi₄g₄ jné₃ a₂niog₅ dsí₅ Diú₄ jmo₃?” 20 ¡La₁ 'ne₂ nē₃! ¿I₂'ein₂ bá₄ lín₅ 'ne₂ dsa₂ mi₂güig₃, jua'₅₄ a₂tsing'₄ quian'₅₄ Diú₄? ¿O₃ bá₄ lé₂ le₃juá'₂ jui₁lia'₂ ni₁tí'₂ gua'₅₄, tsí'₃ i₂ca₂jmo₃: “¿'E₂ lē₃ ca₂jmog'₅₄ jniá₂ le₂la₂?”* 21 Jui₁lia'₂ jan₂ tē₅ i₂jmo₅ tí'₂: ¿Tsa₁ ca₂tín₂ 'uē'₃ quian'₅₄ ca₂bē'₅₄ ti₁jein₂ caun₂ ni₁tí'₂ a₂jmo'₂ dsa₂ ta₁ jmá'₃ lia'₂ a₂jlá'₁, caun₂ guē'₂ a₂jmo'₂ dsa₂ ta₁ lia'₂ 'ei₅ ne₅₄ cosa?†

22 ¿'E₂ guē'₂ lé₂ le₃jua'₅₄ 'ne₂ chi₂jua'₂ 'nio₃ Diú₄ jme₁jnia₅ a₂'nei₂, jme₁jnia₅ jui₅bí₂ quió'₅ nē₃, la₁ ca₂jmo₃ tió'₃ ca₂jme₃juin'₃ dsí₅ 'ñio₅ lín₃ quian'₅₄ dsa₂ i₂jme₁ca₂tín₂ gue₃ uig₅ i₂jme₁'i₄ 'éi'₃ dsí₃'én₂? 23 ¿'E₂ guē'₂ chi₂jua'₂ ca₂jmo₃ Diú₄ le₂jaun₂, ia₁jaun₂ qui₃le₃ñi₅ dsa₂ a₂jláin'₁ a₂'uain'₂, a₂jme₂jnia₂₃ a₂ñéi₂ dsí₅ ja₁con₂ dsa₂ i₂ca₂jmoí'₂ co₂jñia₅₄ tē₃jñiá₅, ia₁jaun₂ tiin₅₄ jē₁tág₅ co₂'né₅ quió'₅? 24 Jniog₄ bá₄ 'éi₂ i₂ca₂tē'₃ Diú₄, on₃jua'₅₄ jmá'₃ jē₄ quió'₅ dsa₂ judíos; ján₃ bá₄ ca₂tē'₃ dsa₂ jē₄ quió'₅ dsi₂nau₂. 25 Jui₁lia'₂ juá'₂ ne₄ si₂ quió'₅ Oseas:

Dsa₂ i₂tsá₃ jme₁lín₄ dsa₂ juig₂ quiáng₃,
ca₂tē₃ dsa₂ juig₂ quiáng₃;
ján₃ guē'₂ co₂'nió'₄ 'io₅₄ i₂tsá₃ jme₁'nióg₃,
ca₂tē₃ bá₄ jniá₂ a₂nió₃ guē₄ lín₃.‡

26 Ján₃ bá₄ juá'₂:
Co₂dsau₅ jaun₂ ja₁jme₁juá'₂ dsa₂
a₂tsá₃ lín₅ 'nia'₂ dsa₂ quiáng₃,
ja₁jaun₂ nág'₁ 'nia'₂ a₂tē₂ dsa₂
a₂lín₅g'₅ chi₂-guein₂ quián₅ Diú₄ jén'₃.§

27 La₁ tē₂le₃ quió'₅ dsa₂ israelitas nē₃, ca₂juá'₂ Isaías a₂dsen₅₄ dsí₅: “Jui₁'a₂ guē'₃ la₂ juin₅ lín₃ tsi₁jon₂ dsa₂ juig₂ Israel téin₅ jui₁lia'₂ tí₅ ti₁tsag₁ cha₂ chei'₅₄ jmi₁ñí'₄, la₁ me'₂ co₂ñi₂ bá₄ dsa₂ i₂juin₅ 'éi₂ tén'₄. 28 Ia₁ qui₃dsí₅ bá₄ Diú₄ 'éi'₃ ne₄ gua'₅₄ 'uē₃, jme₃ti₃ ca₂le₃jē₃ co₂ñei'₅₄.”*

29 Jui₁lia'₂ ca₂juá'₂ 'ñiog₅ Isaías le₂jñiá₅:
Jua'₅₄ mei'₂ guē₃ Te₁gui'₅₄ Juig₅₄ 'Lióg₂
tsá₃ ca₂dsiain₃ tsi₁jon₂ dsa₂ go₂ jniog₄,
le₂jaun₂ bá₄ jme₁dsi₁ñág₂ jniog₄
jui₁lia'₂ ca₂i₃ñí₂ dsa₂ juig₂ Sodoma quian'₅₄ Gomorra.†

Dsa₂ judíos quian'₅₄ jág₁ dse₃

30 ¿'E₂ le₃jua'₅₄ jniog₄ jaun₂ nē₃? Jui₁lia'₂ dsi₂nau₂ i₂tsá₃ jme₁'no'₂ jui₅ ja₁guei₃ Diú₄ nē₂jag₄ bá₄ a₂tsá₃ 'e₂ dso₄ riin₂, 'éi₂ bá₄ ma₂lí'₂ jui₅ jaun₂, caun₂ jui₅ ja₁guéi'₂ Diú₄ nē₂jag₄ bá₄ a₂ca₂jme₃ti₃, tē₂le₃ a₂jñia'₅₄ con'₂ a₂'éin₂ bá₄. 31 La₁ dsa₂ juig₂ Israel guē'₂ nē₃, i₂jme₁tion'₅₄ 'Éi'₃ ia₁jaun₂ jme₁guéi'₂ Diú₄ 'uig₅₄ ia₁ a₂jme₂ti₃, lín₂, tsá₃ ca₂tió'₃ jme₃ti₃ 'Éi'₃ jaun₂. 32 ¿'E₂ lē₃? Ia₁ jme₁'no'₂ jui₅ ja₁guéi'₂ Diú₄ jaun₂, on₃jua'₅₄ tē₂le₃ quian'₅₄ a₂'éin₂, tē₂le₃ quian'₅₄ a₂jme₁jmo₂₃ guioin₅₄ bá₄. 'Uig₅₄ jaun₂ qui₂ca₂nió₃ bá₄ quian'₅₄ “Ni₁cang₁ a₂nió₅ dsa₂.”

33 Jui₁lia'₂ rē₂ton₅ ne₄ Si₂:
Ní₂ de'₂ 'nia'₂, tsin₅₄ jniá₂ jan₂ jē₄ juig₂ Sión
i₂lén₂ nē₂jag₄ ni₁cang₁ a₂qui₂nió₅ dsa₂,

‡ 9:17 Faraón: co₂'nió'₄ le₃jua'₅₄, rag₅₄ quián₅ 'uē₃ Egipto. § 9:17 Éxodo 9:16. * 9:20 Isaías 29:16; 45:9. † 9:21 'Nio'₂ ja₁ton₅ 2 Timoteo 2:20. ‡ 9:25 Oseas 2:23. § 9:26 Oseas 1:10. * 9:28 Isaías 10:22-23. † 9:29 Isaías 1:9.

ján₃ guë'₂ co₂'nió'₄ ni₁'lau₂
 a₂jmo₃ dsi₂gan'₅₄ dsa₂;
 jaun₂ jui₁lia'₂ i₂'én₂ le₃quió'₅ 'éi₂,
 tsá₃ dsi₁ñí₂ o₂guí'₃.‡

10

¹ Rin'₅₄ jniog₄, a₂'ín₅ dsi₃'ñio₅ lin₃, a₂chi₂leng'₅₄ Diú₄ o₄quió'₄ dsa₂ israelitas, ia₁jaun₂ tíin'₄ bá₄. ²Ia₁ jáng'₅ bá₄ jniá₂ jág₁ dsau₅ ja₁coin₂, a₂dsen₅₄ dsi₅ le₃quió'₅ Diú₄, la₁ia₁ on₃jua'₅₄ jaun₂ ñí'₂ dsi₅. ³Uig₅₄ ia₁ a₂tsá₃ ca₂tón'₃ jui₅ 'a₂lia'₂ lě₅ jaun₂ a₂guéi'₂ Diú₄, jaun₂ qui₂'no'₂ jui₅ quió'₅ guoin₅₄ bá₄, tsá₃ ca₂jme₃gó'₃ jui₅ a₂ca₂cuë₃ Diú₄. ⁴Ia₁ ca₂jme₃'ñia₅ I₂rë₂'ín₁ quián₅ Diú₄ 'Éi'₃, ia₁jaun₂ guéi'₂ Diú₄ chi₂jua'₂ 'ein₂ i₂'én₂, nē₂jag₄ bá₄ a₂ma₂can₃ caun₂ jui₅ co₂dsau₅.

⁵Ia₁ jui₁lia'₂ a₂guéi'₂ Diú₄ quió'₅ dsa₂ ia₁ a₂ca₂jme₃ti₃ 'Éi'₃, juá'₂ Moisés ne₄ Si₂: “Nē₁jua'₂ ca₂can₃ dsa₂ caun₂ jui₅ co₂dsau₅ lia'₂ con'₂ lě₅ chi₂quióng₂ jmig₄ Si₂ 'Éi'₃, tē₂le₃ quian'₅₄ 'Éi'₃ jaun₂ le₃chain₂.”* ⁶La₁ jui₁lia'₂ jui₅ co₂dsau₅ a₂já₅ 'uig₅₄ ia₁ a₂'én₂ dsa₂, juá'₂ Si₂ le₂la₂: “Tsá₃ jua'₅₄ 'ne₂ tē₂le₃ jui₅ 'au'₂: ¿'Ein₂ bá₄ lé₂ le₃uig₂ guei'₅₄ i₂juig₃?† —co₂'nió'₄ le₃jua'₅₄, ia₁jaun₂ sióin₂ I₂rë₂'ín₁ quián₅ Diú₄ ja₁con₂ jniog₄—; ⁷on₃ guë'₂ jua'₅₄ 'ne₂ ján₃: “¿'Ein₂ bá₄ lé₂ le₃sión₃ ca₂tē₂ ja₁ca₂jein₃ chi₁dsio₅₄?”‡ —co₂'nió'₄ le₃jua'₅₄, ia₁jaun₂ chóin'₂ táng₃ I₂rë₂'ín₁ quián₅ Diú₄, jin₄ 'lag₄. ⁸¿La₁ 'e₂ bá₄ guë'₂ juá'₂ Si₂? Cong'₂ bá₄ 'nia'₂ 'ei₅ jág₁ la₂,

'i₄ mi₂'o'₅₄, quian'₅₄ jui₅ tē₂'au'₂, §
 co₂'nió'₄ le₃jua'₅₄, jág₁ nē₅ bá₄ lě₅ jág₁ a₂'én₂ dsa₂ a₂qui₂'ě₅ nia'₅₄ dsa₂: ⁹Chi₂jua'₂ jmo'₂ jág₁ quian'₅₄ mi₂'o'₅₄ a₂lín₅ Jesús Te₁gui'₅₄, ján₃ guë'₂ chi₂jua'₂ 'éng'₂ jui₅ tē₂'au'₂ a₂ca₂jme₃jein'₅₄ táng₃ Diú₄ a₂jme₁rë₂'lín₅₄, tíng'₄ bá₄. ¹⁰Ia₁ tē₂le₃ jui₅ tē₂dsi₅ bá₄ dsa₂ rē₂'én₂, ia₁jaun₂ guéi'₂ Diú₄ nē₂jag₄ bá₄ a₂ca₂jme₃ti₃; ján₃ guë'₂ le₂jaun₂ tē₂le₃ quian'₅₄ 'o₄ dsa₂ jmo₂₃ jág₁ ia₁jaun₂ tíin'₄ bá₄.

¹¹Ne₄ Si₂ juá'₂: “Jui₁lia'₂ i₂'én₂ le₃quió'₅ 'éi₂, tsá₃ dsi₃ñí₂ o₂guí'₃.”* ¹²Tsá₃ jma₃quén₅ jág₂ Diú₄ jín₂ dsa₂ judíos quian'₅₄ guë'₂ dsa₂ griegos; ia₁ 'ñiog₅ bá₄ 'éi₂ lín₅ Te₁gui'₅₄ quián₅ ca₂le₃jín₃, ján₃ guë'₂ jme₂gu'₅₄ cuë₂₃ ca₂lia'₂ 'lióng₂ a₂dse₃ quió'₅, cuë'₅ ca₂le₃jín₃ i₂chi₂léi'₂. ¹³Ia₁ juá'₂ le₂la₂: “Ca₂le₃jín₃ i₂chi₂lí'₂ ne₄ Te₁gui'₅₄, tíin'₄ bá₄.”† ¹⁴La₁, ¿'A₂ bá₄ lia'₂ lé₂ chi₃lí'₂ ne₄ jan₂ i₂tsá₃ ma₂ca₂rë₃'éin₂ le₃quió'₅? Ján₃ guë'₂, ¿'a₂ bá₄ lia'₂ le₃'én₂ dsa₂ le₃quió'₅ nē₁jua'₂ tsá₃ ma₂nág₂ guë'₂ 'ag₅ dsa₂ 'iin₂₃ 'éi₂? ¿'A₂ guë'₂ lia'₂ lé₂ nag₃ dsa₂ nē₁jua'₂ tsá₃ 'ein₂ chan₂ i₂'ě₂ jág₁ dse₃? ¹⁵¿'A₂ bá₄ lia'₂ lé₂ dsi₁lén₂ i₂'ě₂ jág₁ dse₃ nē₁jua'₂ tsá₃ 'ein₂ chei₅? Jui₁lia'₂ ma₂rë₂ton₅ ne₄ Si₂: “i'_{E2} guë'₄ jlá'₁ gu₂-tag₄ i₂quian₅ jág₁ dse₃!”‡

¹⁶La₁ tsá₃ ca₂le₃jín₃ dsa₂ ca₂tón'₃ jui₅ jág₁ dse₃. Jui₁lia'₂ ca₂juá'₂ táng₃ Isaías: “¿Te₁gui'₅₄ 'ein₂ bá₄ i₂ma₂ca₂rë₃'én₂ jág₁ a₂ca₂'ě₂ jniog₄?”§ ¹⁷Le₂nē₅ bá₄ jaun₂, jui₁lia'₂ a₂'én₂ dsa₂, lě₅ tē₂le₃ quian'₅₄ a₂nag₅ dsa₂; a₂nag₅ dsa₂ jaun₂, lě₅ tē₂le₃ quian'₅₄ jág₁ quió'₅ I₂rë₂'ín₁ quián₅ Diú₄.

¹⁸La₁ ñag₄ jniá₂, ¿O₃ bá₄ tsá₃ ca₂nág₂ dsa₂ jág₁ dse₃? ¡Ma₁ tē₃dsón'₂ bá₄ ca₂nág₂! Ia₁ juá'₂ Si₂:

Ta₁caun₂ gua'₅₄ 'uë₃ bá₄ ca₂dsia₃ dsa₂;
 ca₂le₂con₂ quióng₄ mi₂güig₃ bá₄
 ma₂ca₂i'₃ ág₃ jág₁ quió'₅.*

¹⁹La₁ ñag₄ táng₃ jniá₂, ¿O₃ bá₄ a₂tsá₃ ma₂ca₂rë₃lí'₄ 'e₂ dsa₂ juig₂ Israel? Ia₁ jē₁le₂'uig₅₄, juá'₂ Moisés:

‡ 9:33 Isaías 8:14; 28:16. * 10:5 Levítico 18:5. † 10:6 Deuteronomio 30:12. ‡ 10:7 Deuteronomio 30:13.
 § 10:8 Deuteronomio 30:14. * 10:11 Isaías 28:16. † 10:13 Joel 2:32. ‡ 10:15 Isaías 52:7. § 10:16 Isaías 53:1. * 10:18 Salmo 19:4.

Jmo₅₄ jniá₂ a₂lén'₂ 'nia'₂ dsa₂ i₂dsí'₅
 ja₁con₂ dsa₂ i₂tsá₃ juig₂ nación lín₅;
 ján₃ bá₄ jmo₅₄ jniá₂ le₃'ne'₂ 'nia'₂
 o₄quió'₄ caun₂ juig₂ i₂tsá₃ njí'₂ dsí'₅.†
 20 Con'₂ siá'₂, tiá₂ dsí'₅ Isaías a₂juá'₂, o₄quió'₄ Diú₄:

Dsa₂ i₂tsá₃ jme₁'nau'₂ jniá₂,
 ca₂dsáu'₂ bá₄;
 ca₂jme₁jnia₅ jniá₂
 ja₁con₂ dsa₂ i₂tsá₃ jme₁ḡag₅ jniá₂.‡

21 La₁ia₁ dsa₂ israelitas bá₄ jme₁tsí'₅ Isaías, jme₁ca₂juá'₂: “Tē₁ne₁ jmig₄ bá₄ jme₁chén'₄ jniá₂ chi₁jan₁₂ cu₃ ja₁con₂ juig₂ cang₄ mi₂dsi₄ i₂tsá₃ ne'₅₄.”§

11

Dsa₂ Israel i₂tín'₄

1 Jaun₂ ně₃ ḡag₄ jniá₂, ¿O₃ bá₄ ma₂chen'₃ cau₅ Diú₄ dsa₂ juig₂ Israel quiáin₅? ¡On₃jua'₅₄ le₂jaun₂! Ia₁ 'ḡi₃ bá₄ jniá₂ líng₅ jan₂ dsa₂ israelita, jan₂ chi'₂ dsio₄ Abraham, jan₂ tsi₁jon₂ Benjamín. 2 Ca₂le₂jniá₅ ma₂líg'₂ lín₃ bá₄ ca₂qui₃ón'₂ Diú₄ dsa₂ juig₂ quiáin₅; jaun₂ rē₂ně₃ ně₃ tsá₃ jua'₅₄ ma₂ca₂téi₂. ¿Tsa₁ ḡi'₅₄ 'nia'₂ 'a₂ lia'₂ juá'₂ ne₄ Si₂ ja₁'in₂₃ Elías, 'a₂ lia'₂ ca₂chi₃lén'₂ Diú₄ a₂ca₂'ni₃ dsa₂ Israel? Ca₂juá'₂: 3 “Te₁gui'₅₄, ma₂ca₂jme₃dsian₅ bá₄ dsa₂, dsa₂ i₂jme₁'ě₂ jág₁ quiáng'₂, ma₂qui₂ma₂'éin₂ ne₄chei₂ quiáng'₂ ně₃; ḡia'₅₄ lia'₂ jan₂ jniá₂ bá₄ chang₂ guě₄, qui₂co₂'ein₅ dsa₂, ján₃ guě'₂ 'nio₃ ḡag₃.”*

4 Jaun₂, ¿'E₂ jág₁ ca₂jéin'₃ Diú₄? “Ma₂ca₂tsón₃ jniá₂ guion₃ mei₅ dsa₂ tē₂le₃ quió₃ i₂tsá₃ ma₂qui₂ca₂jón'₂ mi₂jne₄ ne₄ Ba'al.”† 5 Jaun₂ le₂ně₅ bá₄ ján₃ rē₂tsón₂ ca₂dsion₄ dsa₂ 'éi₂ rē₂ně₃, jaun₂ Diú₄ ně₃ tē₂le₃ ia₁ a₂'ua₁ dsí'₅ ma₂qui₃ón'₂ 'éi₂. 6 Chi₂jua'₂ tē₂le₃ ia₁ a₂'ua₁ dsí'₅ Diú₄, on₃jua'₅₄ jaun₂ ia₁ a₂jmo₅ dsa₂ 'e₂ jmo₂₃. Ia₁ jua'₅₄ mei'₂ guě₃ le₂ně₅ ně₃, tsá₃ le₃jua'₅₄ jua'₅₄ a₂'ua₁ dsí'₅ Diú₄. 7 ¿'E₂ jaun₂ ně₃? Tsá₃ ca₂tió'₃ dsa₂ juig₂ Israel dsio'₂ a₂jme₁'no'₂, la₁ dsa₂ i₂ca₂qui₃ón'₂ Diú₄ 'ḡiog₅ bá₄ ca₂dsáu'₂. I₂sián'₂ guě'₂ qui₂ca₂rē₃'uá'₃ dsí'₅, 8 jui₁lia'₂ juá'₂ ne₄ Si₂:

Ca₂jmo₃ Diú₄ a₂le₃tín₄ dsa₂ 'éi₂ le₃quió'₅ jme₂dsí'₂;
 ca₂cuě₃ mi₂ne₅₄ a₂tsá₃ jniá₂,
 ca₂cuě₃ rē₂gua₅₄ a₂tsá₃ nag₅,
 le₂jḡi₃ó₄ jmig₄ ně₃.‡

9 Já₃n₃ bá₄ ca₂juá'₂ David:
 Ca₂le₃jě₃ a₂i₂tsón₃ jme₁cha₂ quió'₅
 jui₁le₅₄ co₂'nió'₄ tsi₁liá₂ o₃ 'má'₅ 'e₂,
 ia₁jaun₂ qui₃nió₃, gue₃ 'liain'₅₄.

10 Jui₁le₅₄ tsá₃ jnió'₅ mi₂ne₅₄
 jui₁guen'₅₄ mi₂ca'₅₄ co₂ḡei'₅₄.§

Dsi₂nau₂ i₂tín'₄

11 Nag₅ jniá₂ ně₃, ¿O₃ bá₄ co₂ḡei'₅₄ con'₂ ca₂sén'₂ jaun₂ bá₄ dsa₂ judíos jme₁ca₂nió₃? ¡On₃jua'₅₄ le₂jaun₂! Tē₂le₃ jen₅ bá₄, jme₁ca₂i₂lén₂ dsa₂ judíos ca₂i₂juin₅₄, ca₂jmo₃ Diú₄ a₂ca₂dsó'₂ dsi₂nau₂ jui₁ ja₁tín'₄, ia₁jaun₂ le₃dsí'₅ 'éi₂.

12 La₁ chi₂jua'₂ a₂ca₂i₂juin₅₄ 'éi₂ jaun₂, ca₂dsi₃óg₃ tē₂le₃ dse₃ bá₄ o₄quió'₄ dsa₂ mi₂güí₃, ján₃ bá₄ chi₂jua'₂ a₂ca₂i₂én₂ quió'₅ 'éi₂, ca₂dsi₃óg₃ a₂tē₁dsi₅₄ quió'₅ dsi₂nau₂, ¡'e₂ guě₄ dse₃ le₂, jē₁ma₂ca₂rē₃'ḡia₅ táng₃ 'éi₂!

† 10:19 Deuteronomio 32:21. ‡ 10:20 Isaías 65:1. § 10:21 Isaías 65:2. * 11:3 1 Reyes 19:10,14. † 11:4 1 Reyes 19:18. ‡ 11:8 Deuteronomio 29:4; Isaías 19:10. § 11:10 Salmo 69:22-23.

13 La₁ a₂juá'₅ jniá'₂ juíg'₂ 'nia'₂ i₂lín'₅ dsi₂nau₂: Ia₁ dsón'₂ lín'₅ jniá'₂ jan₂ dsa₂ i₂chen₄ ja₁con₂ dsi₂nau₂, jmo₅ jniá'₂ dsi₃ 'nio₅ lín₃ dsen₅₄ ta₁ quió'₃, 14 con'₂ tsá₃ ŋó₅ ně₁jua'₂ ca₂rě₃dsí'₅ dsa₂ go₃ jniá'₂ ja₁con'₂ 'nia'₂, jaun₂ lé₂ líón₂ i₂lín₅₄ 'éi₂. 15 Chi₂jua'₂ jme₁ca₂téi₂ Diú₄ quió'₅ dsa₂ judíos, ca₂lí'₃ dsa₂ mi₂güig'₃ a₂ca₂'ág₂ caun₂ jág₁ quian'₅₄ Diú₄, ħ'e₂ bá₄ lé₂ jaun₂ ně₃ jě₁ma₂tě₂ rě₁guéi'₂ Diú₄ quió'₅ dsa₂ 'éi₂? Lé₂ co₂'nió'₄ ca₂gue₃ táng₃ jme₂dsí₂ dsa₂ i₂jme₁ma₂rě₂lín₄.

16 Chi₂jua'₂ lě₅ 'í₁ jui₁lia'₂ i₁ŋí'₄ a₂le₂'uig₅₄ a₂jén'₅ dsa₂ ne₄ Diú₄, ján₃ bá₄ le₂jaun₂ lě₅ 'í₁ ta₁jě₂ ti₁can₁; ján₃ bá₄ chi₂jua'₂ lě₅ 'í₁ le₃quió'₅ Diú₄ jui₁lia'₂ jmú₄ caun₂ ni₁'ma₂, ján₃ bá₄ le₂jaun₂ lě₅ 'í₁ ni₁gu'₂ nei'₅₄ ni₁'ma₂ ján₃.

17 Dsa₂ judíos i₂ca₂téi₂ Diú₄ 'éi₂ ně₃, lín₅ co₂'nió'₄ gu'₂-nei'₅₄ ni₁'ma₂ olivo a₂chein'₅₄, a₂ca₂uín'₂ a₂lín₅₄ ni₁gu'₂; ně₃ ně₃, chi₂jua'₂ lín'₅ 'ne₂ jan₂ dsi₂nau₂ i₂ma₂rě₂'lión₅, ně₂jag₄ bá₄ caun₂ ni₁gu'₂ olivo a₂cha₂ ja₁nau₂, ma₂qui₂ma₂guión'₃ jmi'₅₄ ni₁'ma₂ olivo a₂qui₂jme₂tan₅₄ ni₁gu'₂, 18 tsá₃ jmó'₂ táng₅ ja₁con₂ ni₁gu'₂ siá'₂. Chi₂jua'₂ le₂jaun₂ jmó'₂, dsá₂ 'au'₂ jmo₄, on₃jua'₅₄ 'ne₂ jme₂tang'₅₄ jmú₄; jmú₄ bá₄ jme₂tau₅₄ 'ne₂.

19 Mei'₂ tsá₃ le₃ŋag'₅₄ 'ne₂, jaun₂ ně₃: “Ján₅, dsau₅ bá₄ ně₅. La₁ia₁ a₂ca₂uín'₂ ni₁gu'₂ jaun₂ ia₁jaun₂ lén₂ jniá'₂ jan₂ i₂rě₂'lión₅ ja₁jme₁ca₂tíin₂.” 20 Dse₃, la₁ ca₂uín'₂ ni₁gu'₂ jaun₂ 'uig₅₄ ia₁ a₂tsá₃ jme₁'éin₂, la₁ 'ne₂ guě'₂ ně₃ tě₂'ŋiág'₄ 'uig₅₄ ia₁ a₂'éng'₂. Le₂ně₅ bá₄ jaun₂, jui₁le₁gan'₃ 'nia'₂, tsá₃ lě₁jmo₂ róng'₂. 21 Ia₁ chi₂jua'₂ tsá₃ ca₂dsia₃ Diú₄ ŋéi₂ dsí₅ ja₁con₂ ni₁gu'₂ quió'₅ tě₃dsón'₂ ni₁'ma₂ jaun₂, ján₃ bá₄ le₂jaun₂ tsá₃ dsia₃ ŋéi₂ dsí₅ ja₁con'₂ 'ne₂ ján₃.

22 Jag₄ jaun₂, 'e₂guě₄ dsen₃ Diú₄, la₁ ján₃ bá₄ rě₂ qui₂dsi₂₃'éi'₃. Ia₁ ma₂qui₂dsi₂₃'éi'₃ ja₁con₂ i₂ma₂ca₂sén'₂, la₁ dsein₃ bá₄ quian'₅₄ 'ne₂, chi₂jua'₂ caun₂ náu'₁ tiá₂ jui₅ ja₁'ua₁ dsí₅ Diú₄. Ia₁ ně₁jua'₂ tsá₃ le₂jaun₂, ján₃ bá₄ quéin'₂ 'ne₂.

23 Jui₁lia'₂ 'éi₂ ně₃, ně₁jua'₂ ca₂rě₃'éin₂ táng₃, lé₂ bá₄ le₃'lióin₃. Ia₁ 'io₅ Diú₄ bí₂ chóng'₃ táng₃. 24 Ia₁ ně₁jua'₂ 'ne₂, jan₂ dsi₂nau₂, co₂'nió'₄ caun₂ ni₁gu'₂ nau₂, ca₂queng'₃ dse₃ quian'₅₄ ni₁'ma₂ olivo a₂chein'₅₄, o₁ŋia'₅₄ líng'₅ ni₁gu'₂ ni₁'ma₂ siá'₂, ħ'e₂ guě₄ tson₂ lé₂ le₃quen'₃ 'éi₂, i₂lín₅ co₂'nió'₄ ni₁gu'₂ a₂caun₂ ne₅₄ quian'₅₄ ni₁'ma₂ olivo jaun₂!

A₂tín'₄ dsa₂ juíg'₂ Israel

25 Rin'₅₄ jniog₄, tsá₃ 'nio₃ jniá'₂ jua'₅₄ tsá₃ ŋi'₅₄ 'nia'₂ jág₁ a₂jme₁rě₂'ma₄ la₂, con'₂ tsá₃ ŋó₅ ně₁jua'₂ ca₂jmo'₅₄ 'nia'₂ róng'₂ quian'₅₄ a₂ŋí'₂ 'au'₂ 'nia'₂ guiong'₅₄. Jui₁lia'₂ ma₂jmo₃ i₂lín₅₄ dsa₂ juíg'₂ Israel, ca₂rě₃'uá'₃ dsí₅, ca₂lia'₂ ca₂rě₃'ŋia₅ dsi₂nau₂ i₂con'₂ ca₂tín₂ tón'₃. 26 Jaun₂ guě₄ líón₂ ca₂le₃jín₃ dsa₂ juíg'₂ Israel, ia₁ juá'₂ ne₄ Si₂:

O₃'in₅ dsa₂ i₂lió₂ juíg'₂ Sión,*

co₂dsia₅ ŋiá'₂ a₂tsá₃ dse₃ jmo₅ tsi₁jon₂ Jacob.

27 Jaun₂ a₂la₂ bá₄ jág₁ quió'₃ jmo₅₄ quiang'₅₄ dsa₂ 'éi₂:

jě₁ma₂tě₂ rě₁'éng₄ dsáu₁.†

28 Jui₁lia'₂ tě₂le₃ quian'₅₄ jág₁ dse₃ a₂líón₂ dsa₂, lín₅ co₂'nió'₄ dsa₂ i₂'ŋia₅₄ Diú₄, o₄quián'₂ 'nia'₂; la₁ lia'₂ ma₂'nio₃ jaun₂ bá₄ Diú₄ quió'₅ dsa₂ 'éi₂, ia₁ a₂ca₂quióin'₂ dsa₂ can'₅₄ quiáin₅ ma₂líg'₂. 29 Ia₁ tsá₃ dsi₂quén'₅ dsí₅ Diú₄ jui₁lia'₂ a₂cuě₂₃, on₃ guě'₂ jui₁lia'₂ a₂tě₂. 30 Jui₁lia'₂ 'nia'₂ ně₃, i₂tsá₃ jme₁'ne₅₄ ja₁con₂ Diú₄ le₂jniá'₅, ma₂ca₂tín'₂ 'nia'₂ a₂ŋéi₂ dsí₅ Diú₄ rě₂ně₃, 'uig₅₄ ia₁ a₂tsá₃ ne'₅₄ dsa₂ 'éi₂, 31 ján₃ bá₄ le₂ně₅ tsá₃ ne'₅₄ dsa₂ 'éi₂ rě₂ně₃, ia₁jaun₂ tě₂le₃ quian'₅₄ a₂ŋéi₂ dsí₅ Diú₄ a₂ca₂tín'₂ 'nia'₂, tíin₅₄ ján₃ a₂ŋéi₂ dsí₅ Diú₄. 32 Ia₁ Diú₄ ně₃ co₂rě₂ bá₄ 'iin₃ dsa₂ a₂tsá₃ ne'₅₄ dsa₂ le₂jain₂ le₂jain₂, ia₁jaun₂ co₂dsia₅ bá₄ dsia₃ ŋéi₂ dsí₅ ja₁con₂ ca₂le₃jín₃.

33 ħ'e₂ guě₄ 'ŋio₅ 'ei₄ lě₅ ca₂le₃jě₃ a₂jlá'₁ cha₂ quió'₅ Diú₄,

ca₂le₃jě₃ a₂ŋí'₂ dsí₅, a₂ŋi₅ ně₃!

Ca₂lia'₂ tsá₃ lé₂ le₃quiong₅₄ 'í₁ a₂niog₅ dsí₅,

on₃ guě'₂ lé₂ le₃ŋág'₂ dsí₅ jui₅ quió'₅.

* 11:26 Sión: co₂'nió'₄ le₃jua'₅₄, juíg'₂ Jerusalén. † 11:27 Isaiás 59:20-21; 27:9.

34 “¿'Ein₂ bá₄ cuí'₅ 'e₂ dsi₂jio₅ dsí₅ Te₁gui'₅₄,
o₃ 'ein₂ i₂ma₂tió'₃ cuë₃ jág₁ dse₃ cuë'₃ 'éi₂?'”‡

35 “¿'Ein₂ bá₄ ca₂cuë₃ 'e₂ ca₂cuë'₃ 'éi₂ le₂'uig₅₄
ia₁jaun₂ jéin'₃ qui₃ quió'₅?”§

36 Ia₁ ca₂le₃jé₃ a₂niog₅ cha₂, ca₂lë₃
ja₁con₂ 'éi₂, tē₂le₃ quian'₅₄ 'éi₂, o₄quió'₄ 'éi₂ ně₃.
jui₁jme₂juag'₂ bá₄ dsa₂ co₂tan₅₄! A₂méi₃.

12

'A₂ lia'₂ i₂nio₄ dsa₂ i₂rē₂tson₄ quián₅ Diú₄

1 Le₂nē₅ bá₄ jaun₂ rīn'₅₄ jniog₄, tē₂le₃ quian'₅₄ a₂ñéi₂ dsí₅ Diú₄, mi₅ jniá₂ ne'₅₄ 'nia'₂, co₂dsia₅ jin'₄ 'nia'₂ ni₁ñi'₁ guiong'₅₄, co₂'nió'₄ a₂rē₂jeng'₅₄ le₁jén'₃ ne₄ Diú₄, a₂rē₂tsong'₅₄, a₂'ñio₂ dsí₅ Diú₄, a₂dsi₂ten₅₄ jme₁ti'₄ ne₅₄. 2 Tsá₃ i₁nio'₄ 'nia'₂ lia'₂ con'₂ lē₅ i₂nio₄ dsa₂ mi₂güig'₃ la₂. Tē₂le₃ cuë₄ jmig₄ a₂jme₃tsín₃ Diú₄ 'a₂ lia'₂ qui₂dsi₂jñia₅ 'au'₂ 'nia'₂, ia₁jaun₂ bá₄ qui₃le₃'mag'₂ táng₃ 'au'₂, ia₁jaun₂ lé₂ le₃caun'₅₄ 'nia'₂ 'í₁ 'a₂ lia'₂ lē₅ a₂'ñio₂ dsí₅ Diú₄, a₂dse₃, a₂tē₅ dsí₅, a₂rē₂'ñia₅ ně₃.

3 Ia₁ o₄quió'₄ a₂'ua₁ dsí₅ Diú₄ a₂ma₂dsia₃ gu₃ jniá₂, juíg₂ jniá₂ le₂jan'₂ le₂jan'₂ 'nia'₂: tsá₃ lē₁jui₁qui₂dsi₂jñia₅ 'au'₂ a₂lín₅ dseng'₅₄ ñag₅₄ guë₄ con'₂ ca₂tín'₂ 'nia'₂ dsi₃jñia₅ 'au'₂; tē₂le₃ jui₁qui₂dsi₃jio₅ bá₄ 'au'₂ a₂'en₅₄ 'au'₂ 'nia'₂, 'a₂ con'₂ tí₅ ma₂ca₂rē₃'én'₂ 'nia'₂ a₂ma₂cuë₃ Diú₄.

4 Ia₁ le₂nē₅ jui₁lia'₂ lē₅ caun₂ ni₁ñi'₁ jniog₄ le₂jau₂ le₂jau₂, 'lióng₂ a₂chei₂ le₂caun₂ le₂caun₂ a₂tén₅ quió'₅, tsá₃ ca₂ne₅₄ ta₁ jme₂ti₃, 5 le₂nē₅ bá₄ jniog₄ ján₃, jui₁'a₂ guë₃ la₂ juag₅ jniog₄, caun₂ bá₄ ni₁ñi₁₂ jniog₄ lág₅ le₃quió'₅ Cristo, téi₅ jniog₄ le₂jau₂ le₂jau₂ quian'₅₄ rīn'₅₄.

6 Jma₃quén₅ bá₄ qui₂'au₂ jniog₄ bí₂, lia'₂ con'₂ lē₅ ma₂cuë₃ Diú₄ a₂'ua₁ dsí₅. Jaun₂ ca₂tág₂ jniog₄ jmo'₄ ta₁ jui₅bí₂ a₂ma₂cuë₃. Jui₁lia'₂ dsa₂ i₂ma₂cuë₃ Diú₄ bí₂ a₂tiin₂ a₂'ē₂ jág₁ dse₃ a₂gue₂₃ quió'₅ Diú₄, jui₁'ē₅₄ bá₄ jág₁ 'a₂ con'₂ tí₅ a₂'éin₂; 7 jui₁lia'₂ i₂ma₂cuë'₃ jui₅bí₂ jme₃'o₅₄, jui₁jme₂'o₅₄; jui₁lia'₂ i₂'io₅ bí₂ jme₃tag₂₃, jui₁jme₂tiin₂₃ bá₄ dsa₂; 8 jui₁lia'₂ i₂tiin₂ jmo₃ lián'₂ dsí₅ i₂sián'₂, ca₂tiin₂ bá₄ jmo₃ le₂jaun₂; jui₁lia'₂ i₂jmo₅ dsió₁, jui₁cuë₁₂ a₂'ua₁ dsí₅, on₃jua'₅₄ rē'₂ cha₂ a₂'ín₂ dsí₅ 'ñiog₅; jui₁lia'₂ i₂quian₅ ne₄ jui₅, jui₁jmo₁₂ bá₄ a₂dsen₅₄ dsí₅; jui₁lia'₂ i₂dsia₅ ñéi₂ dsí₅, jui₁jmo₁₂ bá₄ quian'₅₄ o₂'ñio₃ o₂jñia₃ dsí₅.

'A₂ lia'₂ ca₂tín₂ le₃chan₂ dsa₂ quián₅ Cristo

9 Jui₁le₂chan'₂ 'nia'₂ tē₃dsón'₂ bá₄ a₂'nió'₃ 'nia'₂ ríng'₂ le₂jang'₂ le₂jang'₂. Co₂dsia₅ jmo₄ 'nia'₂ 'ñiag'₅₄ co₂ñei'₅₄ a₂'lig'₅₄; chan'₂ bá₄ 'nia'₂ tiá₂ jui₁lia'₂ a₂dse₃. 10 Jme₁'nió'₄ 'nia'₂ ríng'₂ a₂'ñio₂ 'au'₂; jmo₄ 'nia'₂ a₂dsen₅₄ guë₄ ríng'₂ le₂jang'₂ le₂jang'₂.*

11 Tsá₃ jmo₂ 'nia'₂ juíng'₅, 'ag₃ caun₂-tín₃ 'au'₂, tē₂le₃ jme₁ti₁ ne₄ Te₁gui'₅₄ ca₂lia'₂ dsen₅₄ jme₂dsí₂ quiáng'₂.

12 Jui₁chan'₂ 'nia'₂ o₂jñia₃ 'au'₂, ia₁ ma₂lē₅ bá₄ co₂jñia₅₄ a₂'ín₂ 'au'₂ 'nia'₂. Jmo₄ 'nia'₂ juin'₂ 'au'₂ jmig₄ jme₁chan'₂ 'nia'₂ o₂i₁ dsí₅. O₁'nió'₄ bá₄ 'nia'₂ co₂tan₅₄ a₂chi₂leng'₅₄ Diú₄.

13 Jme₁on₁ 'nia'₂ dsa₂ 'én₂ ríng'₂ chi₂jua'₂ 'e₂ niog₅ cha₂ a₂'nió'₅ quió'₅. Dse₃ guen₅₄ 'nia'₂ jui₁lia'₂ 'ein₂ niog₅ qui₂dsi₂jag₅₄ 'nia'₂.

14 Jme₁gu'₅₄ bá₄ 'nia'₂ jui₁lia'₂ i₂jmóg'₂. Jua'₅₄ bá₄ 'nia'₂ jág₁ dse₃ on₃jua'₅₄ jág₁ uig₅.

15 Jmo₄ 'nia'₂ 'io'₂ quian'₅₄ jui₁lia'₂ i₂jmo₅ 'io'₂; ján₃ guë'₂ qui₂'-o₄ 'nia'₂ quian'₅₄ i₂'o₅.

16 Jui₁le₂chan'₂ bá₄ 'nia'₂ a₂jeng'₂ le₂jang'₂ le₂jang'₂. Tsá₃ jmo₂ 'nia'₂ róng'₂, co₂rīn'₂ bá₄ 'nia'₂ jmo₄ quiang'₅₄ dsa₂ te₂ñé₂. Tsá₃ lē₁jmo₂ 'nia'₂ jua'₅₄ a₂ñí₄ lē₃ cuing'₂.

‡ 11:34 Isaías 40:13. § 11:35 Job 41:11. * 12:10 o₃, “jme₁li₅₄ tē₃jñiá₅ a₂jme₂gan'₃ 'nia'₂ ríng'₂ le₂jang'₂ le₂jang'₂.”

17 Tsá₃ jein'₅₄ 'nia'₂ 'lig'₅₄ quian'₅₄ a₂'lig'₅₄. Quen'₂ 'nia'₂ bí₂ jmó'₂ con'₂ dsi₂ten₅₄ ja₁tē₃ ne₄ ca₂le₃jín₃. 18 Jmo₄ 'nia'₂ bí₂, 'a₂ con'₂ ca₂tíng'₂, 'a₂ con'₂ ja₁qui'₅₄ 'nia'₂ jmíg₄, 'nau'₅₄ 'nia'₂ jui₅ ja₁ag₃ tei₄ quian'₅₄ ca₂le₃jín₃. 19 Rin'₅₄ jniog₄, tsá₃ lē₁jen'₅₄ 'nia'₂ guiong'₅₄ jui₁lia'₂ quió'₅ i₂jmóg'₂, tē₂le₃ dsia₄ 'nia'₂ o₄gú₃ Diú₄ a₂jaun₂. Ia₁ ma₂rē₂ton₅ ne₄ Si₂: “Jniá₂ bá₄ ca₂tíng'₂ jein'₅₄ uig₅; jniá₂ bá₄ qui₄, juá'₂ Te₁gui'₅₄.”† 20 La₁: “Chi₂jua'₂ i₁cón'₅ jui₁lia'₂ dsa₂ i₂'iog₅₄, cuē'₅₄ bá₄ 'nia'₂ a₂guē'₃. Chi₂jua'₂ η₁₂₃ rē₂quein₂ dsí₅, cuē'₅₄ a₂'ín'₂. Ia₁ jē₁ma₂ca₂jmo'₅₄ le₂nē₅, jmai'₅₄ tsá₃ dséi₂ dsi₂ne₅₄,‡ jéin'₄ o₂guí'₃.”§ 21 Tsá₃ cuín₅ jmíg₄ jua'₅₄ a₂jo₃ a₂'lig'₅₄; tē₂le₃ quen'₂ bí₂, tión₃ 'uē₃ a₂'lig'₅₄ tē₂le₃ quian'₅₄ a₂dse₃.

13

1 Ca₂le₃jín₃ bá₄ ca₂tín₂ tón'₃ 'éi'₃ quió'₅ dsi₂tan₅₄ i₂gon₂. Ia₁ 'i₁jan₂ dsi₂tan₅₄ i₂chan₂, jua'₅₄ tsá₃ ca₂chei'₃ Diú₄. Jaun₂ ca₂le₃jín₃ dsi₂tan₅₄ i₂chan₂ nē₃, i₂dsián₁ quián₅ Diú₄ bá₄ 'éi₂. 2 Jaun₂ le₂nē₅, jui₁lia'₂ i₂nau₂ quen₅ ja₁con₂ dsi₂tan₅₄, nau₂ quein₂₃ ja₁con₂ i₂dsián₁ quián₅ Diú₄ bá₄. Jaun₂ gue₃ uig₅ jui₁lia'₂ i₂jmo₅ le₂jaun₂. 3 Ia₁ tsá₃ ta₁ jaun₂ dsián₄ dsi₂tan₅₄ a₂jmo₃ gó'₅ jui₁lia'₂ i₂jmo₅ a₂dse₃; a₂jmo₃ gó'₅ dsa₂ i₂jmo₅-dsá₅ a₂'lig'₅₄ bá₄. ζ 'Niog'₂ 'ne₂ le₃chang'₂ a₂tsá₃ gang'₃ dsi₂tan₅₄? Jmo₄ bá₄ a₂dse₃, jaun₂ con₂ 'í₁ dsi₂tan₅₄ ja₁cong'₂, a₂líng'₅ dsa₂ dsen₃. 4 Ia₁ ta₁ jaun₂ tián'₅ jme₂ti₃ ne₄ Diú₄ bá₄, a₂dse₃ quiáng'₂. La₁ nē₁jua'₂ ca₂jmo'₅₄ a₂'lig'₅₄ nē₃, ca₂tíng'₂ le₃gang'₃, ia₁ on₃jua'₅₄ a₂lē₁lē₄ 'io₅ dsi₂tan₅₄ 'éi'₃ a₂chain₂ bí₂ cuē₃ uig₅. Jan₂ i₂jme₂ti₃ ne₄ Diú₄ bá₄ 'éi₂, a₂'ē₂ uig₅ ja₁con₂ dsa₂ i₂jmo₅ a₂'lig'₅₄. 5 Jaun₂ lē₃, tion₅₄ bá₄ 'nió'₅ tón'₃ dsa₂ 'éi'₃ quió'₅ dsi₂tan₅₄, on₃jua'₅₄ rē'₂ a₂jnia'₅₄ ia₁jaun₂ tsá₃ gue₃ uig₅; tē₂le₃ ia₁ a₂lē₅ dsí₅ le₂jaun₂ jmo₂₃ a₂dse₃. 6 'Uig₅₄ nē₅ bá₄ qui'₂ 'nia'₂ 'lia'₅₄ a₂ca₂tín₂ dsi₂tan₅₄, ia₁ ca₂ne₅₄ jme₂ti₃ dsi₂tan₅₄ ta₁ a₂lín₅ ne₄ Diú₄.

7 Cuē'₅₄ bá₄ 'nia'₂ dsa₂ 'e₂ niog₅ qui₂ca₂tín₂. Chi₂jua'₂ ca₂tín₂ dsi₂tan₅₄ 'lia'₅₄, qui₄ 'lia'₅₄; chi₂jua'₂ ca₂tín₂ mi₃ cu₄ te₁'éng'₂, cuē'₅₄ cu₄ jaun₂; chi₂jua'₂ 'ein₂ ca₂tín₂ jme₃go₃ dsa₂, jme₁gan₃ bá₄ 'éi₂; chi₂jua'₂ 'ein₂ ca₂tín₂ jme₃juag'₂ dsa₂, jme₁juin'₂ bá₄. 8 Ja₁con₂ 'i₁jan₂ tsá₃ jui₁le₅₄ jua'₅₄ cha₂ a₂qui₂le₂rín'₂ 'nia'₂ uē₂, jnia'₅₄ lia'₂ a₂qui₂le₂ríng'₂ a₂'nióg'₃ ríng'₂ le₂jang'₂ le₂jang'₂ bá₄; ia₁ jui₁lia'₂ i₂'nio₃ dsa₂ mi₂güig₃ rín'₅₄, ma₂ca₂jme₃ti₃ 'Éi'₃ quió'₅ Diú₄. 9 Juá'₂ 'Éi'₃ quió'₅ Diú₄: “Tsá₃ nióg'₄ jág₁ quian'₅₄ i₂tsá₃ lín₅ dsi₂i₂gog'₂; tsá₃ jníg'₄ dsa₂ mi₂güig₃ ríng'₂; tsá₃ 'áng'₁; tsá₃ jmó'₂ jág₁ tē₂jág₁; tsá₃ jmó'₂ 'ín₅ 'au'₂ a₂quió'₅ i₂sián'₂.”* 'Éi'₃ nē₅ quian'₅₄ guē'₄ ca₂le₃jé₃ 'éi'₃ siá'₂ nē₃, qui₂rē₂tan₅₄ quian'₅₄ jág₁ la₂: “Jme₁'nió₄ dsa₂ mi₂güig₃ ríng'₂ jui₁lia'₂ 'nióg'₃ 'ñiag'₂.”†

10 Jui₁lia'₂ dsa₂ i₂'nio₃ dsa₂ mi₂güig₃ rín'₅₄, tsá₃ 'e₂ 'lig'₅₄ jmo₂₃ ja₁coin₂. Le₂nē₅ bá₄ jaun₂ ja₁'nio₃ dsa₂ rín'₅₄, co₂'nió'₄ ca₂rē₃ti₃ bá₄ 'Éi'₃ qui'₅ Si₂.

11 Jē₄ ca₂le₃jé₃ a₂nē₅ nē₃, jmo₄ a₂ñí'₂ 'au'₂ jui₁lia'₂ jmíg₄ chong₂ rē₂nē₃, a₂ma₂ca₂tē₂ hora a₂ñéi₂ jniog₄ jē₄ le₁guág₃. Ia₁ jē₁lió₂ jniog₄ caun₂ ma₂ja₂quián₃ co₂ñí₂ bá₄ rē₂nē₃ lia'₂ con'₂ guē'₄ jme₁ca₂rē₃'éin₂ jniog₄ le₂'uig₅₄. 12 Jui₁lia'₂ jē₄ 'uē₂ la₂ caun₂ qui₂dsi₂juin₅₄ bá₄; caun₂ ma₂ja₂quián₃ jnia₅₄ bá₄. 'Uig₅₄ jaun₂ bá₄ ca₂tág₂ jniog₄ tí₄ a₂tsá₃ ma₃jmó₁ jui₁lia'₂ a₂lē₂ jē₄ qui₁né'₃, a₂quián₁ qui'₅₄ ca₂le₃jé₃ a₂'nió'₅ quián₂, a₂jmo₅ 'í₁, a₂i₁nio₁ jui₁lia'₂ 'lióg₂ i₂i₂nio₄ jē₄ jniá₂ si₂. 13 Jui₁i₁nio₁ jniog₄ lia'₂ con'₂ dsi₂ten₅₄, jui₁lia'₂ i₂nio₄ dsa₂ a₂jmi₂. Tsá₃ ma₃'nió'₅ le₃chong₂ i₁nio₁ le₁'ein₅, on₃ guē'₂ o₂ñió₃ o₂jnia₃ dsí₅, on₃ guē'₂ nió'₄ jniog₄ jág₁ quian'₅₄ i₂tsá₃ lín₅ dsi₂i₂gu₂ jniog₄, on₃ guē'₂ jmó₁ a₂tsá₃ dsi₂ten₅₄, on₃ guē'₂ dsiá₁ mi'₅₄, on₃ guē'₂ qui₁jín₁ uin₅ dsí₅ rín'₅₄ nē₃. 14 Tē₂le₃ qui'₂ 'nia'₂ co₂'nió'₄ a₂qui₂rē₂lión'₃ 'nia'₂ lē₅ 'í₁ tē₂le₃ quian'₅₄ 'ñiog₅ Te₁gui'₅₄ Jesucristo, tsá₃ ma₃jui₁dsi₂jio₅ guē'₄ 'au'₂ 'a₂ lia'₂ mag'₂ dsí₅ a₂mi₅ ni₁ñi'₁ 'nia'₂.

† 12:19 Deuteronomio 32:35. ‡ 12:20 lit. “jmó'₂ nio₃ ni₁ta₂ le₁guí'₂ si₂ ne₄ mi₂dsi₅₄.” § 12:20 Proverbios 25:21-22.

* 13:9 Éxodo 20:13-15,17; Deuteronomio 5:17-19,21. † 13:9 Levítico 19:18.

14

Tsá chi'ing' uig ríng'

¹ Chi₂jua'₂ chan₂ dsa₂'uan₅₄ të₂le₃ quian'₅₄ a₂'éin₂, qui₁guein₅₄ 'nia'₂, la₁ on₃jua'₅₄ ia₁jaun₂ qui₁tsín'₂ 'nia'₂ 'a₂ lia'₂ lě₅ ŋí'₂. ² Chan₂ i₂lin₅₄ i₂'én₂ a₂lé₂ le₃guě'₃ ca₂le₃jě₃ jui₁'e₂ guě'₃, ton'₂ chan₂ guě'₂ táng₃ i₂lin₅₄ i₂'uan₅₄ dsí₅ 'a₂ lia'₂ 'éin₂, i₂guě'₅ jmá'₃ lia'₂ ca₂ne₅₄ mi₂ján'₅. ³ Jaun₂ lě₃ i₂guě'₅ lia'₂ 'ei₅ ne₄ ně₃, tsá₃ ca₂tíin₂ jmo₃ jua'₅₄ tsá₃ jein₅₄ i₂tín₂ dsí₅ guě'₅ jmá'₃ lia'₂ a₂lin₅₄ má₃; ton'₂ ján₃ guě'₂ le₂jaun₂ ju₁lia'₂ i₂tsá₃ guě'₅ le₃jě₃, tsá₃ lě₁o₁quion₂ 'í₁ ja₁con₂ dsa₂ i₂guě'₅ le₃jě₃. Ia₁ ján₃ bá₄ ca₂guéi'₂ Diú₄ quió'₅ dsa₂ 'éi₂.

⁴ 'Ne₂ guě'₂, ħ'ein₂ bá₄ líng'₅ jua'₅₄ a₂caun'₅₄ 'í₁ ja₁con₂ dsa₂ i₂jme₂ti₃ ne₄ i₂sián'₂? Ia₁ ju₁g₅₄ bá₄ 'éi₂ i₂niog₅ ne₄ con₂ 'í₁ chi₂jua'₂ chén'₅ 'éi₂ rě₂, o₃ të₂tsiin'₅₄ 'lig'₅₄ 'e₂. Jaun₂ të₃tsiin'₅₄ bá₄ rě₂, ia₁ i₂qui₁'₅₄ jmig₄ Te₁gui'₅₄ jmo₃ a₂tě₃tsin'₅₄ dsa₂ 'éi₂.

⁵ Chan₂ guě'₂ i₂lin₅₄ táng₃ i₂jmo₅ dsí₅, 'ñio₅ guě'₄ quen₅ a₂lin₅₄ jmig₄ lia'₂ con'₂ guě'₄ jmig₄ siá'₂; chan₂ guě'₂ i₂lin₅₄ i₂'én₂ jmo₂₃ dsí₅ a₂co₂rě₂ bá₄ ca₂le₃jě₃ jmig₄. Le₂jan₂ le₂jan₂ 'nió'₅ jmo₃ 'ei₅ caun₂ dsí₅ lia'₂ con'₂ lě₅ dsi₂jnia₅ dsí₅ 'ñiog₅. ⁶ Jui₁lia'₂ dsa₂ i₂jme₂gó'₃ caun₂ jmig₄, le₃quió'₅ Te₁gui'₅₄ bá₄ jme₂gó'₃ jmig₄ jaun₂. Le₂ně₅ bá₄ jui₁lia'₂ dsa₂ i₂guě'₅ lia'₂ 'ei₅ ne₄ má₃, guě'₅ le₃quió'₅ Te₁gui'₅₄, ia₁ cuě'₅ ti₁'mag'₄ Diú₄. Ján₃ bá₄ le₂ně₅ quian'₅₄ ju₁lia'₂ i₂tsá₃ guě'₅ lia'₂ 'ei₅ ne₄ má₃, le₃quió'₅ Te₁gui'₅₄ bá₄ tsá₃ guě'₅; ján₃ bá₄ cuě'₅ ti₁'mag'₄ Diú₄.

⁷ Ia₁ 'i₁jan₂ jniog₄ tsá₃ lé₂ le₃chong₂ le₃quián₂ guio₅₄, on₃ guě'₂ lé₂ le₃dsióg₃ le₃quián₂ guio₅₄ ně₃. ⁸ Ia₁ të₁lia'₂ chong₂ jniog₄, chong₂ le₃quió'₅ Te₁gui'₅₄ bá₄, ně₁jua'₂ ca₂dsau₃ guě'₂ ně₃, dsióg₃ le₃quió'₅ Te₁gui'₅₄ bá₄ ján₃. Le₂ně₅ bá₄, të₁lia'₂ chong₂ o₃ jě₁ma₂dsau₃ 'e₂, lág₅ i₂quián₅ Te₁gui'₅₄ bá₄. ⁹ 'Uig₅₄ jaun₂ ca₂jon₃ Cristo, ton'₂ ca₂jein'₅₄ táng₃: ia₁jaun₂ léin₂ Te₁gui'₅₄ quián₅ dsa₂ i₂ma₂dsan₃, lia'₂ dsa₂ i₂chan₂ ně₃.

¹⁰ La₁ 'ne₂ ně₃, ħ'e₂ 'uig₅₄ cáun'₂ 'í₁ ja₁con₂ ríng'₂? ħ'o₃ 'e₂ lě₃ jing'₅₄ sion₅ ríng'₂? Ia₁ ca₂le₃jág₃ bá₄ jniog₄ dsi₁no₃ dsi₂jme₁jnia₅ ne₄ Diú₄ ia₁jaun₂ con₂ 'éi₂ 'í₁ quián₂. ¹¹ Ia₁ ne₄ Si₂juá'₂: Jui₁lia'₂ a₂dsón'₂ dsau₅ bá₄ a₂chan₂ jniá₂,

juá'₂ Te₁gui'₅₄,
le₂ně₅ bá₄ dsau₅ dsón'₂,
ca₂le₃jín₃ bá₄ qui₃jóin'₂ jne₅₄ ne₃ jniá₂,
jaun₂ ca₂le₃jín₃ bá₄ jmo₃ jág₁ quian'₅₄ mi₂'o₅₄
le₃ne₄ Diú₄.*

¹² Le₂ně₅ bá₄ jaun₂, le₂jau₂ le₂jau₂ bá₄ jniog₄ dsi₁jang'₅₄ jág₁ dsau₅ quián₂ ne₄ Diú₄.

Tsá jmó' jua' qui₂nió₃ ríng'

¹³ Jaun₂ lě₃, tsá₃ ma₃jua'₅₄ qui₁quiong₅₄ jniog₄ 'í₁ le₂jau₂ le₂jau₂ ja₁con₂ rin'₅₄. Tě₂le₃ jmo₄ 'nia'₂ 'í₁, jmo₄ co₂ñei'₅₄ tsá₃ 'e₂ jmó'₂ 'i₁caun₂ jua'₅₄ a₂qui₃nió₃ ríng'₂. ¹⁴ Guion₄ bá₄ jniá₂, 'ei₅ caun₂ dsi₃ le₃quió'₅ Te₁gui'₅₄, 'i₁caun₂ tsá₃ cha₂ jua'₅₄ tsá₃ le₁jě₃ con'₂ lě₅ 'ñiog₅. La₁ ně₁jua'₂ chan₂ jan₂ jmo₂₃ dsí₅, cha₂ caun₂ a₂tsá₃ le₁jě₃, le₃quió'₅ 'ñiog₅ bá₄, tsá₃ le₁jě₃. ¹⁵ Ně₁jua'₂ ca₂jén'₃ qui₂' dsí₅ ríng'₂ o₄quió'₄ a₂quě'₂ 'ne₂, tsá₃ ma₃jmo'₂ a₂'nióg'₃ ríng'₂. Tsá₃ jmo₂ jua'₅₄ cuě'₁ jui₅ o₄quió'₄ a₂quě'₂, a₂dsi₂'én₂ jan₂ ríng'₂, ia₁ ca₂jon₃ Cristo o₄quió'₄ 'éi₂ ján₃. ¹⁶ Tsá₃ cuě'₂ 'nia'₂ jui₅ jua'₅₄ a₂qui₃dsia₃ dsa₂ 'lig'₅₄ 'ě₃ jui₁lia'₂ a₂jmo'₂ 'au'₂ a₂dse₃. ¹⁷ Ia₁ jui₁lia'₂ ja₁gon₂ Diú₄, tsá₃ lin₄ quen₅ jui₁lia'₂ a₂guě'₅ dsa₂, a₂qui₂'ín'₂ dsa₂ ně₃; a₂jaun₂ bá₄ a₂quen₅ guě'₄ lin₃: a₂guéi'₂ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂, a₂chong₂ jniog₄ tei₄ o₂'ñió₃ o₂jnia₃ dsí₅ të₂le₃ quian'₅₄ Jme₂dsí₂ Jñió₅. ¹⁸ Ia₁ jui₁lia'₂ i₂jme₂ti₃ ta₁ ne₄ Cristo le₂ně₅, jmo₂₃ a₂'ñio₂ dsí₅ Diú₄, ton'₂ dse₃ 'ag₅ táng₃ dsa₂ mi₂güig₃.

¹⁹ Le₂ně₅ bá₄ jaun₂, caun₂ jui₁'niog'₅₄ jniog₄ jmá'₃ lia'₂ a₂cuě₅ jui₅ ja₁'ag₃ tei₄, a₂jme₂'o₅₄ dsi₃cau₅₄ jniog₄ të₂le₃ jui₅ jme₂dsí₂. ²⁰ Tsá₃ lě₁'én₅ 'ne₂ ta₁ quió'₅ Diú₄ o₄quió'₄ má₃. Dsón'₂ bá₄ jaun₂, a₂le₁jě₃ ca₂le₃jě₃ a₂niog₅ guě'₅ dsa₂. La₁ tsá₃ dse₃ ně₁jua'₂ o₄quió'₄ a₂quě'₂ 'ne₂,

* **14:11** Isaías 49:18; 45:23.

tián'₂ dso₄ ríng'₂. 21 Ja₂lin₃ gué₄ dse₃ a₂tsá₃ quíg'₂ ḡí₅, on₃ guè'₂ 'ag'₅₄ vino, on₃ guè'₂ jmó'₂ jui'₁e₂ gué₃ a₂lé₂ le₃qui₃nió₃ ríng'₂. 22 Jui'₁lia'₂ a₂'én'₂ 'ne₂, a₂'én'₂ 'ne₂ 'ḡiag'₂ bá₄ jaun₂ tē₂le₃ ne₄ Diú₄. †E₂ gué₄ dsen₃ jui'₁lia'₂ dsa₂ i₂con₂ 'í₁ ja₁con₂ 'ḡiog₅, i₂tsá₃ qui₂dsi₂ḡi₅ dsí₅ o₄quió'₄ a₂cuē₂₃ jmig₄ 'ḡiog₅! 23 La₁ jui'₁lia'₂ dsa₂ i₂gué'₅, i₂'ei₅ caun₂tin₃ dsí₅, ma₂gue₃ uig₅, ia₁ tsá₃ ca₂gué'₃ tē₂le₃ quian'₅₄ a₂'én₂. Ia₁ ca₂le₃jě₃ a₂jmo₅ dsa₂ a₂tsá₃ lě₅ tē₂le₃ quian'₅₄ a₂'én₂, dso₄ bá₄ jaun₂.

15

Jmo₄ a₂'ḡio₂ dsí₅ dsa₂ mi₂güig₃ ríng'₂, on₃jua'₅₄ rē₂ jmá'₃ a₂tē₅ 'au'₂ 'ḡiag'₂

1 Jniog₄ i₂tióng₂ tiá₂ a₂'én₂, ca₂tág₂ gué'₁ co₂'nió'₄ caun₂ lio₅₄ quián₂, 'a₂ lia'₂ qui₂ḡí'₂ dsí₅ dsa₂ i₂'uan₅₄ 'a₂ lia'₂ 'én₂, jaun₂ tsá₃ 'nió'₅ jmó₁ con'₂ a₂tē₅ dsí₅ guio₅₄. 2 Le₂jau₂ le₂jau₂ bá₄ jniog₄ ca₂tág₂ jmó₁ a₂tē₅ dsí₅ dsa₂ mi₂güig₃ rin'₅₄, a₂jmó₁ a₂lě₅ a₂dse₃ ja₁coin₂, jui'₁lia'₂ jui'₅ ja₁lé₂ qui₂dsi₃cói₃ le₃quió'₅ jme₂dsí₂. 3 Ia₁ ca₂lia'₂ ḡjia'₅₄ 'ḡiog₅ Cristo tsá₃ ca₂jmo₃ a₂tē₅ dsí₅ 'ḡiog₅. Tē₂le₃ ca₂i₃ḡi₂ jui'₁lia'₂ juá'₂ ne₄ Si₂:

Ca₂le₃jě₃ jág₁ uig₅ a₂jme₁tsí'₅ dsa₂ 'nia'₂,

ne₃ jniá₂ bá₄ ca₂tē₁tsí'₅₄.*

4 Ia₁ ca₂le₃jě₃ con'₂ lě₅ jág₁ a₂ca₂i₃to'₅₄ ne₄ Si₂, a₂ca₂i₃to'₅₄ ia₁jaun₂ jme₁tag₅ jniog₄ rē₂ně₃, ia₁jaun₂ caun₂ chong₂ jniog₄ 'ín₂ dsí₅ le₃quió'₅ Diú₄, tē₂le₃ quian'₅₄ a₂juin'₂ dsí₅, a₂lě₂ lián'₂ dsí₅ a₂cuē₅ jág₁ a₂já₅ ne₄ Si₂ jaun₂. 5 Jui'₁jme₂'o₅₄ bá₄ Diú₄, i₂jmo₅ a₂juin'₂ dsí₅ dsa₂, i₂cuē₅ lián'₂ ně₃, jui'₁jme₂'oi₅₄ 'nia'₂ a₂tiáng'₄ a₂jen'₂ 'nia'₂ le₂jang'₂ le₂jang'₂ con'₂ lě₅ i₂nio'₅₄ 'nia'₂ jui'₅ quió'₅ Cristo Jesús,† 6 ia₁jaun₂ ca₂le₃jín'₃ 'nia'₂ co₂dsia₅, caun₂ bá₄ jág₁, jme₁juin'₂ 'nia'₂ Diú₄ Jmei₂ Te₁gui'₅₄ Jesucristo quián₂.

Dsi₂'ag₅ jág₁ dse₃ ja₁con₂ dsi₂nau₂

7 Le₂ně₅ jaun₂, qui₂guen₅₄ 'nia'₂ ríng'₂ le₂jang'₂ le₂jang'₂ jui'₁lia'₂ ca₂gué'₂ Cristo guio₅₄ jniog₄, ia₁jaun₂ le₃juin'₂ Diú₄. 8 Ia₁ a₂juá'₅ jniá₂ juíg₂ 'nia'₂, ca₂guan₃ I₂rē₂'ín₁ quián₅ Diú₄, ca₂jme₃ti₃ ja₁con₂ ḡjia'₅₄ con'₂ lág₅ dsa₂ judíos,‡ ia₁jaun₂ le₃ti₃ jág₁ ron₅ a₂ca₂ḡi₂ dsa₂ can'₅₄ quián₂ ḡjia'₅₄ ma₂líg'₂. Jaun₂ le₂ně₅ bá₄ ca₂rē₃jniá₂ ně₃ i₂rē₂ti'₅₄ bá₄ Diú₄ jág₁ a₂cuē₂₃. 9 Guain₃ ján₃ ia₁jaun₂ jme₃juag'₂ dsi₂nau₂ jme₃juin'₂ Diú₄ i₂ḡéi₂ dsí₅, jui'₁lia'₂ rē₂ton₅ ne₄ Si₂:

'Uig₅₄ jaun₂ jme₁juin'₂ jniá₂ 'ne₂ jin₄ dsi₂nau₂;

'ē₅₄ jniá₂ ne'₅₄ 'ne₂ a₂jme₁juag'₂. §

10 Con'₂ siá'₂ juá'₂ táng₃:

Jmo₄ 'io'₂, 'nia'₂ dsi₂nau₂,

quian'₅₄ dsa₂ juig₂ quián₅.*

11 Ja₁siá'₂ táng₃ juá'₂:

Jme₁juin'₂ 'nia'₂ Te₁gui'₅₄,

'nia'₂ ca₂le₃jín₃ dsi₂nau₂,

jui'₁jme₂juag'₂ bá₄ ca₂le₃jě₃ juig₂. †

12 Ján₃ bá₄ juá'₂ Isaías:

'ḡio₂ tsin₅ cho'₅₄ Isaí,

jaun₂ náu₃ jan₂ i₂qui₃dsi₅ 'éi'₃ ja₁con₂ dsi₂nau₂;

le₃quió'₅ 'éi₂ bá₄ qui₃le₃'ín₂ dsí₅

le₂caun₂ le₂caun₂ juig₂. ‡

* 15:3 Salmo 69:9. † 15:5 'Nio'₂ ja₁ton₅ Filipenses 2:5. ‡ 15:8 lit. "dsa₂ i₂rē₂uig₄ quió'₅." § 15:9 2 Samuel 22:50; Salmo 18:49. * 15:10 Deuteronomio 32:43. † 15:11 Salmo 117:1. ‡ 15:12 Isaías 11:10.

13 Jaun₂ Diú₄, i₂jmo₅ 'ei₅ caun₂ dsi₅ a₂'ín₂ dsi₅ jniog₄, ju₁i₁jme₂cain' ₂ bá₄ 'au' ₂ 'nia' ₂, a₂chang' ₂ jmó' ₂ 'nia' ₂ 'io' ₂, 'ag₃ tei₄ a₂'éng' ₂ le₃quió' ₅, ia₁jaun₂ rē₂tsón₂ a₂le₁'ág₄ caun₂ 'au' ₂ a₂'ín₂ 'au' ₂ 'nia' ₂ quian' ₅₄ ju₁i₅bí₂ quió' ₅ Jme₂dsí₂ Jñi₅ó₅.

14 Caun₂ bá₄ 'ei₅ dsi₃ jniá₂, rin' ₅₄ jniog₄, ma₂qui₂le₁rin₅ 'au' ₂ 'nia' ₂ a₂ñéi₂ 'au' ₂ ríng' ₂, ton' ₂ qui₂le₁rin₅ 'au' ₂ 'nia' ₂ a₂tín' ₂ 'nia' ₂, jaun₂ qui' ₅₄ 'nia' ₂ jmig₄ tóng' ₄ jág₁ ríng' ₂ le₂jang' ₂ le₂jang' ₂. 15 A₂tiá₂ dsi₃ jniá₂ ma₂nē₂juá' ₃ ja₁lin₅₄, ma₂nē₂tó' ₃ jniá₂ jág₁ ne₄ si₂ la₂ ne' ₅₄ 'nia' ₂, ia₁jaun₂ tsá₃ dsi₃'én₂ 'au' ₂ 'nia' ₂. A₂'ua₁ dsí₅ bá₄ Diú₄ ma₂dsia₃ gu₃ ta₁ la₂, 16 a₂jme₂tí₁ ne₄ Jesucristo jē₄ quió' ₅ dsi₂nau₂, a₂qui₂jen' ₄ jniá₂ ne' ₅₄ 'nia' ₂ jág₁ dse₃ a₂lión₂ dsa₂, ia₁jaun₂ lé₂ qui₁jen' ₄ 'nia' ₂ i₂líng' ₅ dsi₂nau₂, le₃ne₄ Diú₄, nē₂jag₄ bá₄ caun₂ a₂rē₂jen' ₅₄ a₂guéi' ₃, co₂'nió' ₄ dsa₂ i₂ma₂rē₂tson₄, ca₂jmo₃ Jme₂dsí₂ Jñi₅ó₅.

17 Jaun₂ lē₃, jmo₅ jniá₂ táng' ₅ le₃quió' ₅ Cristo Jesús, quian' ₅₄ ta₁ a₂jmo₅ jniá₂ ne₄ Diú₄; 18 on₃jua' ₅₄ rē' ₂ a₂tiá₂ dsi₃ jniá₂ le₃juá' ₄ lē₅ guē₄ lia' ₂ con' ₂ guē₄ ju₁lia' ₂ a₂ma₂qui₂ma₂jmo₃ Cristo tē₂le₃ quian' ₅₄ jniá₂, a₂tsin' ₅₄ jniá₂ dsi₂nau₂ ne₄ ju₁i₅, quian' ₅₄ jág₁ quió₃, quian' ₅₄ ta₁ quió₃ nē₃, a₂le₃ne' ₅₄ 'éi₂ ne₄ Diú₄. 19 A₂lē₅ ta₁ nē₅ tē₂le₃ quian' ₅₄ ju₁i₅bí₂ a₂'io₅ léi₄ juē' ₂ a₂dsi₂gó' ₃ dsí₅ dsa₂, tē₂le₃ quian' ₅₄ ju₁i₅bí₂ quió' ₅ Jme₂dsí₂ Jñi₅ó₅ nē₃. Le₂nē₅ bá₄ ma₂ca₂jme₁'ñiag₂₃ ta₁ ma₂qui₂ma₂'ē₃ jág₁ dse₃ quió' ₅ Cristo, ca₂jme₁lióg₄ jniá₂ juig₂ Jerusalén, jaun₂ guē₄ ñeg₅₄ ta₁caun₂ ju₁i₅ le₃lág' ₃, ca₂lia' ₂ ca₂dsióg₃ tē₂ 'uē₃ Ilírico. 20 Le₂nē₅ bá₄ ma₂ca₂jmo₃ dsen₅₄ dsi₃ ma₂qui₂ma₂'ē₃ jág₁ le₂tan₅₄ juig₂ ja₁'i₁cón' ₂ tsá₃ jme₁ma₂nág₂ dsa₂ a₂'in₅ dsa₂ Cristo, ia₁jaun₂ tsá₃ cho₅₄ jniá₂ ta₁ ne₄ 'uig₅₄ 'ia' ₂ a₂ma₂ca₂jme₃lióg₃ i₂sián' ₂. 21 La₁ ju₁lia' ₂ juá' ₂ ne₄ Si₂:

Jág₃ dsa₂ jñin₃ 'éi₂

i₂tsá₃ jme₁ma₂gú' ₃ jág₁ quió' ₅;

jaun₂ le₃ñí' ₂ dsí₅

ju₁lia' ₂ i₂tsá₃ jme₁ma₂nág₂ a₂'in₅ 'éi₂. §

Dsi₂jio₅ dsí₅ Pa₄ dsó₃ ju₁i₅ Roma

22 'Uig₅₄ nē₅ ca₂jñi₃ jniá₂ ju₁i₅ 'lióng₂ ráun₂ lia' ₂ con' ₂ jme₁'nio₃ jme₁i₁jñing₁₂ 'nia' ₂. 23 La₁ nē₃ guē' ₂ lia' ₂ tsá₃ ma₃cha₂ ja₁jmo₅₄ ta₁ le₂tan₅₄ juig₂ te₁'i₁ le₃la₂, jaun₂ ma₂ne₁ñó₄ bá₄ 'lióng₂ ñi₂ jme₁'in₅ dsi₃ jme₁nei₅₄ i₁jñing₁₂ 'nia' ₂, 24 'in₂ dsi₃ jniá₂ ñig₅₄ ju₁i₅ ja₁tion' ₅₄ 'nia' ₂ jē₁ma₂tē₂ rē₁nei₅₄ ju₁i₅ España, ia₁jaun₂ lé₂ le₃tsag' ₅₄ ne₄ ju₁i₅ jaun₂, cang₂ jē₁ma₂ca₂mag' ₂ dsi₃ jñing₅₄ 'nia' ₂. 25 La₁ rē₂nē₃ nē₃, 'eng₅₄ ju₁i₅ nei₅₄ ju₁i₅ Jerusalén, a₂jme₁tí₁ jniá₂ ta₁ ja₁con₂ dsa₂ quián₅ Diú₄ ja₁jaun₂. 26 Ia₁ i₂chan₂ Macedonia quian' ₅₄ i₂chan₂ Acaya nē₃, ca₂jmo₃ dsí₅ ca₂cág' ₃ cu₄ a₂chein₃ ne₄ rin' ₅₄ jniog₄ i₂tē₂ñé₂ i₂chan₂ juig₂ Jerusalén. 27 A₂'ñio₂ dsí₅ ca₂jmo₃ le₂jaun₂, ia₁ dsau₅ bá₄ jaun₂ riin₂ le₃quió' ₅ 'éi₂. Ia₁ chi₂jua' ₂ ma₂qui₂ma₂quen' ₅₄ dsi₂nau₂ a₂gu₂dsí₂ a₂ca₂cuē₃ dsa₂ judíos, ján₃ bá₄ le₂jaun₂ ca₂tín₂ jme₃'o₅₄ quian' ₅₄ a₂'nió' ₅ le₃quió' ₅ ni₁ñí₅. 28 Jaun₂ le₂nē₅, jē₁ma₂ca₂dsan₃ jáng' ₅ jniá₂ ne₅₄ a₂ma₂ca₂cág' ₃ dsa₂ jaun₂, jaun₂ guē₄ 'ú₄ ju₁i₅ a₂nei₅₄ ju₁i₅ España, a₂i₁jñing₁₂ 'nia' ₂ lia' ₂ ma₂'eng₅₄ ju₁i₅. 29 Jaun₂ caun₂ bá₄ 'ei₅ dsi₃, a₂jme₃gu' ₅₄ bá₄ Cristo lia' ₂ rē₂'ñia₅ jē₁ma₂tē₂ rē₁dsióg₄ jniá₂ a₂i₁jñing₁₂ 'nia' ₂.

30 Rin' ₅₄ jniog₄, mi₅ jniá₂ ja₁con' ₂ 'nia' ₂ lia' ₂ con' ₂ lē₅ 'éi' ₃ quió' ₅ Te₁gui' ₅₄ Jesucristo quián₂ jniog₄, ton' ₂ ia₁ a₂cuē₅ Jme₂dsí₂ bí₂, a₂jme₁'nió₄ jniog₄ rin' ₅₄: a₂jme₁quiong' ₅₄ 'nia' ₂ jniá₂, ne₄ 'nei₂ a₂chéng' ₅, a₂chi₁len' ₄ 'nia' ₂ Diú₄ o₄quió₃. 31 Mi₄ 'nia' ₂ ne₄ Diú₄ ju₁lío₅₄ jniá₂ o₄gú₃ dsa₂ i₂tsá₃ 'én₂ i₂chan₂ Judea, le₂jaun₂ guē' ₂ ján₃ ju₁gue₅₄ bá₄ rin' ₅₄ jniog₄ juig₂ Jerusalén caun₂ dse₃ a₂i₁can₁₂ a₂jme₁'oin₁₂, 32 ia₁jaun₂ chi₂jua' ₂ 'nio₃ Diú₄ a₂dsióg₄ jniá₂, i₁jñing₁₂ 'nia' ₂ a₂'io' ₂ jmo₂₃, a₂tág' ₄ jme₂dsí₂ quió₃ co₂dsia₅ quian' ₅₄ 'nia' ₂.

33 Ju₁quiong' ₅₄ bá₄ Diú₄ i₂jmo₅ 'ei₅ tei₄, ca₂le₃jín' ₃ 'nia' ₂. A₂méi₃.

16

Cui₂₃ Diú₄ le₂jan₂ le₂jan₂

1 Jme₂jnia₄ jniá₂ 'io₅₄ rin'₅₄ jniog₄ Febe, i₂ma₂já₅ jme₂ti₃ ja₁con₂ guá'₅ chan₂ Cencrea.
2 Guein₅₄ bá₄ dse₃ o₄quió'₄ Te₁gui'₅₄, jmo₄ bá₄ con'₂ dsi₂ten₅₄ jmo₃ dsa₂ ja₁con₂ rin'₅₄ i₂'én₂,*
ján₃ guë'₂ jme₁'oin₁₂ quian'₅₄ jui₁'e₂ guë₃ a₂ca₂rë₃'nió'₃ quió'₅, ia₁ ma₂ca₂jme₃'o₅₄ bá₄ 'éi₂
'ñiog₅ ma₂ca₂jme₃'oin₅₄ juin₅, ján₃ guë'₂ le₂jaun₂ ma₂ca₂jme₃'o₅₄ jniá₂.

3 Cuin₅₄ Diú₄ Priscila† quian'₅₄ Aquila, i₂lín₅ i₂quian'₅₄ jniá₂ jë₄ ta₁ a₂niog₅ quió'₅ Cristo
Jesús. 4 'Éi₂ bá₄ ca₂jmo₃ tén'₂ dsí₅ o₄quió'₃ jniá₂, o₁jñia'₅₄ ca₂quí'₃ dsa₂ dsi₂lag₅₄. Jaun₂ cuë'₅
jniá₂ ti₁'mag'₄ 'éi₂. On₃ jua'₅₄ jmá'₃ jniá₂; ca₂le₃jín₃ dsi₂nau₂ i₂'én₂ cuë'₂₃ ti₁'mag'₄ ján₃.

5 Në₅ i₂cuíng'₅ Diú₄ ján₃ dsa₂ rin'₅₄ jniog₄ i₂ñi'₂ dsi₂néi₂ quió'₅ Priscila quian'₅₄ Aquila në₃,
Cuin₅₄ Diú₄ Epeneto a₂mei₅₄ quiáng₃, dsa₂ i₂le₂'uig₅₄ i₂ca₂rë₃'én₂ le₃quió'₅ Cristo 'uë₃ Acaya.‡

6 Cuin₅₄ co₂nio₄ Diú₄ María, ia₁ 'ñio₅ lín₃ ma₂jmo₃ ta₁ o₄quián'₂ 'nia'₂.

7 Cuin₅₄ co₂nio₄ Diú₄ Andrónico quian'₅₄ Junias, dsa₂ go₃ jniá₂ i₂quiang'₅₄ ca₂'ú₃ né'₃ 'má₃;
co₂'nió'₄ dsa₂ i₂lén₄ i₂cuig₅ guë'₄ dsa₂ i₂chen₄ quián₅ Te₁gui'₅₄, co₂'nió'₄ dsa₂ i₂jme₁ma₂tion'₅₄
le₃quió'₅ Cristo le₂jñiá₅ guë'₄ con'₂ guë'₄ jniá₂.

8 Cuin₅₄ Diú₄ Amplias, jan₂ i₂'nió₃ jniá₂ le₃quió'₅ Te₁gui'₅₄.

9 Cuin₅₄ co₂nio₄ Diú₄ ján₃ Urbano, dsa₂ i₂quian'₅₄ jniog₄ jmo₂ ta₁ quió'₅ Cristo Jesús,
quian'₅₄ Estaquis në₃ i₂lín₅ a₂mei₅₄ quiáng₃ i₂'nióg₃ guë'₄ lín₃.

10 Cuin₅₄ Diú₄ Apeles, i₂ma₂já₅ cuë'₂₃ léi₄ a₂ñi₂₃ le₃quió'₅ Cristo, le₂jaun₂ bá₄ jmo₄ co₂nio₄
quian'₅₄ ca₂le₃jín₃ i₂chan₂ dsi₂néi₂ quió'₅ Aristóbulo ján₃.

11 Cuin₅₄ Diú₄ Herodión, dsa₂ go₃ jniá₂, quian'₅₄ guë'₂ dsa₂ familia quián₅ Narciso i₂'én₂
le₃quió'₅ Te₁gui'₅₄.

12 Cuin₅₄ bá₄ co₂nio₄ Diú₄ Trifena quian'₅₄ Trifosa në₃, on₃ dsa₂ mí₂ i₂jmo₅ ta₁ quió'₅
Te₁gui'₅₄, quian'₅₄ guë'₂ 'io₅₄ rin'₅₄ jniog₄ Pérsida i₂'nió₄ guë'₄ lín₃, i₂ñiá₅ ma₂jmo₃ ta₁ quió'₅
Te₁gui'₅₄ ján₃.

13 Cuin₅₄ bá₄ Diú₄ Rufo i₂lín₅ dsa₂ i₂ma₂quion'₅₄ quián₅ Te₁gui'₅₄, quian'₅₄ chog₅₄, i₂jñing₅₄
në₂jag₄ bá₄ cha₃ ján₃.

14 Cuin₅₄ Diú₄ Asíncrito, Flegonte, quian'₅₄ guë'₂ Hermas, Patrobas, Hermes në₃, quian'₅₄
guë'₂ dsa₂ rin'₅₄ jniog₄ i₂quian'₅₄ në₃.

15 Cuin₅₄ 'nia'₂ Diú₄ ján₃ i₂chen₂ Filólogo quian'₅₄ Julia, Nereo në₃, quian'₅₄ 'io₅₄ rin'₅₄;
cuin₅₄ 'nia'₂ Diú₄ Olimpas quian'₅₄ guë'₂ ca₂le₃jín₃ rin'₅₄ jniog₄ i₂'én₂§ i₂tion'₅₄ quian'₅₄.

16 Cuin₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁* 'nia'₂ quió'₅ ríng'₂, a₂lë₅ léi₄
a₂ma₂'ei₅ caun₂ jág₁ a₂le₁jë₃ 'au'₂ quian'₅₄ ríng'₂. Ca₂le₃jín₃ bá₄ guá'₅ quián₅ Cristo dsiáin'₂
jág₁ a₂cuin₂₃ Diú₄ 'nia'₂.

17 Rin'₅₄ jniog₄, mi₅ jniá₂ ne'₅₄ 'nia'₂, rë₂ de'₂ quion₂ 'nia'₂ 'í₁, 'ein₂ dsa₅ mi'₅₄ jmo₅ le₁dson'₅₄
guá'₅, 'ein₂ chi'₅ jui₅ a₂qui₂nió₃ dsa₂, a₂tsá₃ dsi₂ten₅₄ lia'₂ con'₂ lë₅ jág₁ a₂ma₂ca₂rë₃tín'₃ 'nia'₂.
Jaun₂ co₂dsia₅ chén'₂ 'nia'₂ cau₅ i₂jmo₅ le₂jaun₂. 18 Ia₁ on₃jua'₅₄ dsa₂ i₂jme₂ti₃ ne₄ Te₁gui'₅₄
Jesucristo i₂le₂'éi₂; con'₂ jñia'₅₄ jme₂ti₃ ne₄ a₂mi₅ ni₁ñi₁ guioin₅₄ bá₄, qui₂jme₂gain₂₃ dsí₅
jui₁lia'₂ dsa₂ i₂tsá₃ lín₄ ñi'₂ dsí₅, quian'₅₄ jág₁ 'ua₁, jág₁ rau₂ në₃.

19 Ca₂le₃jín₃ bá₄ dsa₂ le₁ñi₅ 'a₂ lia'₂ ma₂ja₂nó'₅ 'nia'₂ a₂neg'₅₄, jaun₂ 'io'₂ jmo₅ jniá₂ o₄quián'₂
'nia'₂. La₁ia₁ 'nio₃ jniá₂ a₂lén'₂ 'nia'₂ 'ñiog'₅₄ le₃quió'₅ a₂dse₃, ján₃ bá₄ le₂në₅ a₂lëng'₂ dsa₂ i₂tsá₃
'e₂ dsi₂jñia₅ dsí₅ ne₄ a₂'lig'₅₄. 20 Jaun₂ Diú₄ i₂jmo₅ 'ei₅ tei₄, ñi'₅₄ ta₁ jlein'₃ i₂së₃dsen₃ o₄tag'₄
'nia'₂. Jui₁'ei₅ bá₄ a₂dse₃ dsí₅ Te₁gui'₅₄ Jesús quián₂ jniog₄ ja₁con'₂ 'nia'₂.

21 Timoteo, i₂quian'₄ jniá₂ jmo₂₃ ta₁, dsiáin'₂ jág₁ a₂cuin₂₃ Diú₄ 'nia'₂; le₂jaun₂ bá₄ ján₃
Lucio quian'₅₄ Jasón, Sosípater, i₂lín₅ dsa₂ go₃ jniá₂.

22 Jniá₂ Tercio i₂tó'₃ jág₁ la₂ ne₄ si₂, ján₃ bá₄ cuin₅ jniá₂ Diú₄ 'nia'₂ o₄quió'₄ Te₁gui'₅₄.

* 16:2 lit. "dsa₂jnió₅." † 16:3 griego: Prisca. ‡ 16:5 griego: Asia. § 16:15 lit. "dsa₂jnió₅." * 16:16 Caun₂
tag₄ a₂jme₁chí'₄ lia'₂ con'₂ ca₂jmo₃ Pa, si₂ la₂.

²³ Gayo ně₃ dsiáin'₂ jág₁ a₂cuin'₂₃ Diú₄ 'nia'₂. Dsi₂néi₂ quió'₅ 'éi₂ bá₄ 'eng₅₄. Já_{n3} bá₄ cuë'₂₃ dsi₂néi₂ quió'₅ cuë'₅ ca₂le₃jín₃ dsa₂ quián₅ guá'₅. Erasto dsa₂ i₂nio₅ gu₂ cu₄ quió'₅ dsa₂ juig₂ ně₃, dsiáin'₂ jág₁ a₂cuin'₂₃ Diú₄ 'nia'₂ já_{n3}; i₂chen₂ Cuarto rin'₅₄ jniog₄ ně₃.

²⁴ Jui₁jme₂gu'₅₄ bá₄ Te₁gui'₅₄ Jesucristo 'nia'₂ ca₂le₃jíng'₃, A₂méi₃.†

'Ág'₃ jág₁ Pa₄ a₂jme₂juin'₂ Diú₄

²⁵ Ně₃ ně₃, jui₁jme₁juin'₂ jniog₄ Diú₄. 'Éi₂ bá₄ lé₂ le₃jmo₃ a₂ná_{u1} 'nia'₂ tiá₂ lia'₂ con'₂ lě₅ jág₁ dse₃ quió'₅ Cristo a₂'ě₅ jniá₂, lia'₂ con'₂ lě₅ ca₂jme₃jnia₅ Diú₄ jág₁ quió'₅ a₂jme₁rě₂'ma₄ ca₃ma₂líg'₂ lín₃. ²⁶ Diú₄ i₂chan₂ co₂tan₅₄ 'éi₂ bá₄ ca₂jmo₃ 'éi'₃ a₂jmo₃ jág₁ dsa₂ i₂chen₄ quián₅ ma₂líg'₂, jág₁ a₂ca₂tó'₂ 'éi₂ ne₄ Si₂, ia₁jaun₂ le₃ŋi₅ dsa₂ chan₂ ca₂le₃jě₃ juig₂ nación, ia₁jaun₂ le₃'éin₂ jág₁ jaun₂, le₃nei'₅₄ ně₃.

²⁷ ¡Diú₄ i₂jan₂ tan₅₄, i₂tín₂, i₂ŋi₅, jui₁le₂juin'₂ bá₄ tē₂le₃ quian'₅₄ Jesucristo ca₂lia'₂ co₂tan₅₄! A₂méi₃. Co₂ně₅.

† 16:24 Chog₅₄ si₂ a₂dse₃ guě₄ tsá₃ chi₁ton₅

Si carta le uig a ca jmo San Pablo ne dsa CORINTIOS

Jmo Pa si le uig a chein ne Guá i chan juig Corinto

¹ Jniá Pa, co₂nē₅ ca₂rē₃'ñi₃ó₃ dsí₅ Diú₄, ca₂tē₃'éi₂ a₂lén₂g₂ dsa₂ i₂chen₄ quián₅ Te₁gui'₅₄ Jesucristo; jnia'₅₄ co₂dsia₅ quian'₅₄ Sóstenes rin'₅₄ jniog₄, ² jmo₂₃ si₂ carta la₂ a₂dsian'₄ ja₁con₂ guá'₅ quián₅ Diú₄, dsa₂ chan₂ juig₂ Corinto, dsa₂ i₂ma₂tē₅ Diú₄ a₂lén₂ dsa₂ i₂le₃chan₂ lē₅'í₁ le₃quió'₅ Cristo Jesús; co₂dsia₅ bá₄ quian'₅₄ ca₂le₃jín₃ i₂jme₂juin'₂ Te₁gui'₅₄ Jesucristo ca₂le₂con₂ mi₂güig₃, a₂lín₅'éi₂ Te₁gui'₅₄ quián₅, jui₁lia'₂ quián₂ jniog₄ táng₃: ³ Jui₁chan'₂ bá₄'nia'₂'ei₅ tei₄, jui₁jme₂gu'₅₄ bá₄ Diú₄ i₂lín₅ jme₂ jniog₄, jui₁jme₂gu'₅₄ Te₁gui'₅₄ Jesucristo ján₃.

Jme₂gu'₅₄ Diú₄ tē₂le₃ quian'₅₄ Cristo

⁴ Ca₂le₃o₃ jmi₂g₄ bá₄ cuē₅ jniá₂ ti₁'mag'₄ Diú₄ o₄quián'₂'nia'₂, ia₁ ca₂jme₃gu'₅₄ bá₄ Diú₄ tē₂le₃ quian'₅₄ Cristo Jesús. ⁵ Tē₂le₃ ia₁ a₂chan'₂'nia'₂ le₃quió'₅ Cristo, Diú₄ bá₄ ma₂ca₂jme₃'o₅₄'nia'₂ ca₂le₃jē₃ ne₅₄ a₂dse₃ quió'₅, jui₁lia'₂ jág₁ a₂'ña'₂'nia'₂, jui₁lia'₂ ca₂le₃jē₃ a₂tin'₂'nia'₂ ně₃. ⁶ Le₂nē₅ bá₄ ca₂le₃jē₃'e₂ niog₅ ca₂jme₁tag₅ jnia'₅₄ tē₂le₃ quió'₅ Cristo, ma₂ca₂rē₃ti₃ bá₄ tē₂le₃ quian'₅₄'nia'₂. ⁷ Jaun₂ lē₃, tsá₃ ma₃'e₂'nió'₅ quián'₂'nia'₂ jua'₅₄ a₂cuē₃ Diú₄ caun₂ bí₂ a₂gu₂dsí₂, tē₂lia'₂ jan'₅₄'nia'₂ a₂'ín₂'au'₂ a₂jme₃jnia₅ Te₁gui'₅₄ Jesucristo quián₂ jniog₄. ⁸ 'Éi₂ bá₄ jme₃'o₅₄ náu'₁'nia'₂ tiá₂ ca₂tē₂ jmi₂g₄ jē₁ca₂tó'₂, ia₁jaun₂ tsá₃'e₂ dso₄ rin'₂'nia'₂ jē₁ma₂ca₂tē₂ jmi₂g₄ quió'₅ Te₁gui'₅₄ Jesucristo. ⁹ I₂jme₃ti₃ bá₄ Diú₄ ca₂le₃jē₃ jág₁ quió'₅; 'éi₂ bá₄ ma₂ca₂tē₃'nia'₂'ag₃ caun₂ jág₁ quian'₅₄ Jesucristo ja₁ñi'₅₄, Te₁gui'₅₄ quián₂.

A₂tsi₂jín₅ dsa₂ dsia₂₃ mi'₅₄ jmo₂₃ le₁dsoin'₅₄

¹⁰ Rin'₅₄ jniog₄, mi₅ jniá₂ ja₁con'₂'nia'₂ quian'₅₄'éi'₃ quió'₅ Jesucristo Te₁gui'₅₄ quián₂, 'éi₂'nia'₂ caun₂ jág₁, tsá₃ dsia₂'nia'₂ mi'₅₄ a₂jmo'₂ le₁dsong'₅₄. Tē₂le₃ ca₂tin'₂ bá₄'nia'₂ tóng'₄'ei₅ caun₂ jág₁ jen'₂'nia'₂, jui₁lia'₂'a₂lia'₂ñi'₂'nia'₂, a₂dsi₂jio₅'au'₂ ně₃. ¹¹ Juig₂ jniá₂'nia'₂ le₂nē₅, rin'₅₄ jniog₄, ia₁ ca₂rē₃chá₃ jág₁ juá'₂ dsa₂ familia quián₅ Cloé, 'a₂lia'₂ lē₅ tion'₅₄'nia'₂, a₂niog₅ mi'₅₄ jin'₄'nia'₂. ¹² Co₂'nió'₄ le₃jua'₅₄ jág₁, jma₃quén₅ bá₄ ma₂lē₅ jag'₅₄'nia'₂ tiong'₅₄. I₂lín₅₄ ma₂juá'₂: “I₂quián₅ Pa₄ bá₄ jniá₂”; i₂lín₅₄ guē'₂ juá'₂ táng₃: “Jniá₂ guē'₂ líng₅ i₂quián₅ Pe₄”; sián'₂ guē'₂ juá'₂ táng₃: “Jniá₂ guē'₂ líng₅ dsa₂ i₂quián₅ Apolos”; i₂lín₅₄ guē'₂ juá'₂ táng₃: “Jniá₂ guē'₂ líng₅ i₂quián₅ Cristo.” ¹³ ¿O₃ bá₄ le₁dso'₄ ma₂i₂lé₂ quió'₅ Cristo ně₁jua'₂ le₂jaun₂? ¿O₃ bá₄ Pa₄ i₂ca₂tē₁ton₅₄ cróg₄ o₄quián'₂'nia'₂? Le₂jaun₂ guē'₂ ján₃, ¿O₃ bá₄ lia'₂ con'₂ lē₅'éi'₃ quió'₅ Pa₄ ca₂jñó'₂'nia'₂ jmi₂g₂?* ¹⁴ Ti₁'mag'₄ Diú₄ tsá₃ jniá₂ ca₂chóng₃ jmi₂g₂† 'i₁jan'₂'nia'₂, jnia'₅₄ lia'₂ Crispo quian'₅₄ Gayo, ¹⁵ con'₂ tsá₃ lē₅ jua'₅₄ a₂dsia₃ dsa₂ a₂ca₂chóin₃ jniá₂ jmi₂g₂‡ lia'₂ con'₂ lē₅'éi'₃ quió'₃. ¹⁶ (Jña'₅₄ lia'₂ familia quián₅ Estéfanos bá₄ ján₃, dsá₂ dsí₃ ca₂chón₃ jniá₂ jmi₂g₂. Jaun₂ tsá₃ ma₃dsá₂ dsí₃ jua'₅₄ chan₂ guē'₄ i₂sián'₂ ca₂chón₃ jniá₂ jmi₂g₂.)§ ¹⁷ Ia₁ tsá₃ ta₁ jaun₂ ca₂chei₃ Cristo jniá₂ jua'₅₄ a₂tsón₄ jniá₂ jmi₂g₂ dsa₂,* con'₂ jnia'₅₄ lia'₂ a₂qui₁'ē₄ jág₁ a₂tin'₄ dsa₂ bá₄, on₃jua'₅₄ qui₁ton₁ jág₁ jua'₅₄ a₂jmo₅₄ a₂ñi₄ ting₂, con'₂ tsá₃ lē₅ jua'₅₄ a₂tsá₃ ta₁ tí₄ a₂ca₂guen₃ Cristo 'mú₃ ne₄ cróg₄.

Cristo i₂lín₅ bí₂ quió'₅ Diú₄

¹⁸ Jág₁ dse₃ la₂, 'a₂lia'₂ ca₂jon₃ Cristo ne₄ cróg₄, lē₅ jág₁ co₄ tē₂le₃ ja₁con₂ dsa₂ i₂tion'₅₄ jui₅ dsí₃'én₂. La₁ tē₂le₃ quián₂ jniog₄ i₂tio'₅₄ jui₅ a₂tág'₄, lē₅ jui₅bí₂ quió'₅ Diú₄. ¹⁹ Ia₁ jui₁lia'₂ juá'₂ ne₄ Si₂: Co₂dsia₅'én₄ jniá₂ jui₁lia'₂ a₂tin₂ dsa₂

* 1:13 lit. “ca₂i₃tian'₃'nia'₂ jmi₂g₂.” † 1:14 lit. “ca₂tióg₃ jmi₂g₂.” ‡ 1:15 lit. “a₂ca₂tián₃ jniá₂ jmi₂g₂.” § 1:16 lit. “ca₂tián₃ jniá₂ jmi₂g₂.” * 1:17 lit. “a₂tián₄ jniá₂ jmi₂g₂ dsa₂.”

i₂ŋí₄ lē₃ ŋi₅ jmo₅,
 já_{n3} guē'₂ jmo₅₄ cau₅ já_{g1} a₂ŋí'₂ dsí₅
 dsa₂ i₂jmo₅ a₂ŋí₄ lē₃ 'ŋioi₅₄.†

20 ¿'E₂ bá₄ ta₁ tén₄ jui₁lia'₂ dsa₂ i₂ŋí₄ tñ₂ ně₃, jui₁lia'₂ tē₅, o₃ jui₁lia'₂ dsa₂ i₂ŋí₄ ŋi₅ dsia₃ ca₂le₃jě₃ 'a₂ lia'₂ niog₅ lē₅ mi₂güig₃ la₂? Ia₁ ca₂le₃jě₃ 'e₂ niog₅ ŋí'₂ dsa₂ mi₂güig₃ la₂, 'ŋiog₅ bá₄ Diú₄ ma₂jmo₃ já_{g1} jaun₂ a₂tsá₃ ta₁ tí₄. 21 Ia₁ jui₁lia'₂ ca₂'náu'₃ dsí₅ Diú₄ jmo₃, tsá₃ ca₂rē₃cui_{g5} dsa₂ mi₂güig₃ tē₂le₃ quian'₅₄ já_{g1} a₂ŋí'₂ dsí₅ guoin₅₄, a₂jaun₂ bá₄ ca₂rē₃'ŋió₃ dsí₅ Diú₄ a₂lióin₂ dsa₂ i₂'én₂ já_{g1} quió'₅, tē₂le₃ quian'₅₄ já_{g1} a₂ca₂'ě₂ dsa₂, caun₂ já_{g1} a₂jmo₅ dsa₂ mi₂güig₃ dsí₅ caun₂ já_{g1} co₄.

22 Jui₁lia'₂ dsa₂ judíos ně₃, 'nio₃ tē₃ ne₅₄ léi₄ juē'₂, dsa₂ griego ně₃ 'no'₂ já_{g1} a₂le₃ŋí₂ dsí₅, 23 la₁ia₁ nia'₅₄ ně₃, qui₂'ě₅ já_{g1} 'ín₅ nia'₅₄ Cristo i₂ca₂jon₃ tē₁ton₅₄ cróg₄. Já_{g1} ně₅ ně₃, lē₅ caun₂ a₂jnág₅ jui₅ ja₁jme₁rē₂'én₂ dsa₂ judíos, já_{n3} bá₄ lē₅ caun₂ já_{g1} co₄ tē₂le₃ quió'₅ dsí₂nau₂. 24 La₁ tē₂le₃ quió'₅ dsa₂ i₂ma₂tē₅ Diú₄, lia'₂ dsa₂ judíos lia'₂ dsa₂ griegos táng₃, 'ín₅ nia'₅₄ Cristo i₂lín₅ jui₅bí₂ quió'₅ Diú₄, i₂lín₅ já_{g1} a₂ŋí'₂ dsí₅ Diú₄ ně₃. 25 Ia₁ co₂'nió'₄ já_{g1} co₄ quió'₅ Diú₄, juá'₂ dsa₂ mi₂güig₃, já_{g1} ně₅ bá₄ a₂lē₅ a₂dsen₅₄ quen₅ guē₄ lia'₂ con'₂ guē₄ já_{g1} a₂ŋí'₂ dsí₅ dsa₂ mi₂güig₃. Já_{n3} bá₄ jui₁lia'₂ a₂jmo₅ dsa₂ dsí₅ a₂'uan₅₄ quió'₅ Diú₄, a₂jaun₂ guē₄ dsón'₂ a₂'io₅ guē₄ bí₂ lia'₂ con'₂ guē₄ bí₂ quió'₅ dsa₂ mi₂güig₃.

26 Rin'₅₄ jniog₄, ca₂tín'₂ bá₄ 'nia'₂ 'nau'₅₄ 'au'₂ 'a₂ lia'₂ ca₂tē₃ Diú₄ 'nia'₂. Tsá₃ juin'₅ 'nia'₂ i₂tñ₂ ŋi₅ lia'₂ con'₂ lē₅ ŋi₅ dsa₂ mi₂güig₃; já_{n3} guē₄ tsá₃ juin'₅ 'nia'₂ 'au'₂ bí₂; tsá₃ juin'₅ 'nia'₂ ca₂rē₃chán'₃ jui₁lia'₂ familia dsen₅₄ ně₃. 27 La₁ia₁ ma₂quió'₂ Diú₄ já_{g1} a₂jmo₅ dsa₂ mi₂güig₃ dsí₅ já_{g1} co₄, a₂jmo₃ a₂tē₃tsin'₅₄ o₂guí'₃ dsa₂ i₂lín₂ ŋí'₂ guē₄ dsí₅. Já_{n3} bá₄ ma₂quió'₂ Diú₄ já_{g1} a₂jmo₅ dsa₂ mi₂güig₃ dsí₅ já_{g1} 'uan₅₄, a₂jmo₃ a₂tē₃tsin'₅₄ o₂guí'₃ jui₁lia'₂ dsa₂ i₂lín₂ a₂'uain'₂. 28 Ma₂quión'₂ Diú₄ jui₁lia'₂ dsa₂ i₂jín₂ dsa₂ mi₂güig₃ i₂tsá₃ 'e₂ quen₅, i₂sion₅ guē₄, i₂tsá₃ 'e₂ lín₅, a₂tón₂ 'uē₃ jui₁lia'₂ i₂ŋí₄ lē₃ dsen₅₄ lín₂, 29 ia₁jaun₂ tsá₃ 'ein₂ lé₂ dsia₃ já_{g1} tá'₅ le₃ne₄ Diú₄. 30 'Ŋiog₅ bá₄ Diú₄ ma₂jmo₃ a₂tion'₅₄ 'nia'₂ le₃quió'₅ Cristo Jesús, i₂ma₂lín₅ i₂ŋí'₂ dsí₅ quián₅ Diú₄ o₄quián₂ jniog₄. Co₂'nió'₄ le₃jua'₅₄, tē₂le₃ quian'₅₄ Cristo bá₄ ma₂guei₃ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂; tē₂le₃ quian'₅₄ Cristo bá₄ já_{g2} Diú₄ jniog₄ dsa₂ le₁jín₃ i₂lē₅ 'í₁ quiáin₅; tē₂le₃ quian'₅₄ Cristo bá₄ já_{n3}, ca₂'ág₂ táng₃ caun₂ já_{g1} quián₂ jniog₄ quian'₅₄ Diú₄. 31 Jaun₂ lē₃, jui₁lia'₂ juá'₂ ne₄ Si₂, "Jui₁lia'₂ dsa₂ i₂dsia₅ já_{g1} tá'₅, jui₁dsia₁₂ já_{g1} tá'₅ le₃quió'₅ Te₁gui'₅₄.‡

2

Já_{g1} quió'₅ Cristo, a₂ca₂ŋó₃ ne₄ cróg₄

1 Rin'₅₄ jniog₄, lia'₂ con'₂ ŋeg₅₄ ja₁con'₂ 'nia'₂, i₁chei₁₂ 'nia'₂ já_{g1} tí₅ la₂ quió'₅ Diú₄, tsá₃ jaun₂ ca₂jmo₃ juá'₅₄ ca₂juig₂ 'nia'₂ já_{g1} ca'₅₄ jui₁lia'₂ jmo₅ dsa₂ i₂ŋí₄ tñ₂. 2 Lia'₂ con'₂ jme₁'eng₅₄ quiang'₅₄ 'nia'₂, tsá₃ 'e₂ já_{g1} siá'₂ jme₁'nio₃ le₃guion₅₄, jñia'₅₄ lia'₂ ca₂ne₅₄ já_{g1} quió'₅ Cristo bá₄, i₂tē₁ton₅₄ cróg₄. 3 Ca₂dsióg₃ jniá₂ ja₁con'₂ 'nia'₂ a₂lín₅ jan₂ dsa₂ 'uan₅₄, gó'₅, jleng₂₃ 'ŋio₅ lín₃. 4 Lia'₂ jme₁ca₂jme₁ting₂₃ 'nia'₂ já_{g1} dse₃, tsá₃ ca₂jmo₃ já_{g1} jui₁lia'₂ jmo₅ dsa₂ i₂tñ₂; jmá'₃ lia'₂ quian'₅₄ já_{g1} a₂jme₂jnia₅ jui₅bí₂ quió'₅ Jme₂dsí₂ ŋñió₅ bá₄ ca₂'ě₂ jniá₂ já_{g1}, 5 ia₁jaun₂ tē₂le₃ quian'₅₄ jui₅bí₂ quió'₅ Diú₄ bá₄ lē₅ a₂'én₂ 'nia'₂, on₃jua'₅₄ lia'₂ con'₂ lē₅ tñ₂ dsa₂ mi₂güig₃.

Jme₂jnia₅ Diú₄ ja₁con₂ dsa₂ mi₂güig₃ tē₂le₃ quian'₅₄ Jme₂dsí₂ quiáin₅

6 La₁ia₁ dsia₂ bá₄ jnia'₅₄ já_{g1} ca'₅₄ a₂tag₂ a₂ne₄ jñ₄ rin'₅₄ i₂ma₂ron₂, la₁ on₃jua'₅₄ já_{g1} ca'₅₄ a₂cha₂ mi₂güig₃ la₂, on₃ quē'₂ já_{g1} ca'₅₄ quió'₅ dsa₂ i₂gon₂ mi₂güig₃ la₂, i₂qui₂dsi₃ŋí₂. 7 Tē₂le₃ já_{g1} a₂jme₁rē₂'ma₄ quió'₅ Diú₄ la₂ bá₄ 'ě₅ jnia'₅₄, qui₂chei₂ jnia'₅₄ dsa₂ ca₂le₃jě₃

† 1:19 Isaías 29:14. ‡ 1:31 Jeremías 9:24.

a₂nio₅ dsí₅ Diú₄ jmo₃ a₂jlá'₁ o₄quián₂ jniog₄ né'₃ guë₄ a₂nio₃ mi₂güig₃. ⁸ Ca₂lia'₂ 'i₁jan₂ dsa₂ can'₅₄ i₂qui₂dsí₅ 'éi'₃ mi₂güig₃ la₂ ma₂ca₂rë₃ñí'₂ jág₁ la₂; ia₁ jua'₅₄ mei'₂ guë₃ ca₂rë₃ñí'₂, tsá₃ jme₁tion₃ ne₄ cróg₄ Te₁gui'₅₄ 'uan'₂ quián₂. ⁹ La₁ia₁, ju₁lia'₂ juá'₂ ne₄ Si₂:

Tsá₃ ne₄ dsa₂ ma₂té₂,

on₃ guë'₂ ma₂nág₂,

on₃ guë'₂ ma₂i₂jio₅ dsí₅ dsa₂

a₂ma₂jmo₃ Diú₄ co₂jñia₅₄ quió'₅ dsa₂ i₂'nio₃.*

¹⁰ La₁të₂le₃ quian'₅₄ Jme₂dsí₂ quiáin₅, Diú₄ bá₄ ma₂ca₂jme₃jnia₅ a₂jaun₂ ja₁con₂ jniog₄. Ia₁ Jme₂dsí₂ 'éi₂ bá₄ téi₂ si₂ jág₁ juë'₂ a₂nio₅ cha₂ quió'₅ Diú₄ 'ñiog₅.

¹¹ Të₂le₃ jin₄ dsa₂ mi₂güig₃ guioin₅₄ guë'₂ në₃, ¿'ein₂ bá₄ qui'₅₄ jmig₄ le₃ñi₅ 'e₂ dsi₂jio₅ dsí₅ riin'₅₄, jñia'₅₄ lia'₂ jme₂dsí₂ quió'₅ 'ñiog₅ bá₄ dsa₂ a₂'i₄ të₂dsí₅ ñi₅? Le₂jaun₂ bá₄ lë₅ le₃quió'₅ Diú₄. 'I₁jan₂ tsá₃ 'ein₂ ma₂ca₂rë₃ñi₅ 'a₂ lia'₂ dsi₂jio₅ dsí₅ Diú₄; jñia'₅₄ lia'₂ 'ñiog₅ bá₄ Jme₂dsí₂ ñi₅. ¹² Tsá₃ jme₂dsí₂ quián₅ mi₂güig₃ la₂ ma₂guén₄ jniog₄; Jme₂dsí₂ a₂já₅ ja₁con₂ Diú₄ bá₄ i₂ma₂ca₂guén₄ jniog₄, ia₁jaun₂ le₃ñí'₂ dsi₅ jniog₄ ca₂le₃jë₃ 'e₂ a₂ma₂cuë₃ Diú₄ jniog₄ ia₁ a₂'ua₁ dsí₅. ¹³ Jniog₄ në₃, le₂në₅ lë₅ ca₂le₃jë₃ jág₁ a₂dsia₂ jniog₄ con'₂ lë₅ ma₂ca₂jme₃tag₅ Jme₂dsí₂ quián₅ Diú₄, on₃jua'₅₄ con'₂ lë₅ jág₁ a₂ñí'₂ dsí₅ dsa₂ mi₂güig₃. Le₂në₅ bá₄ jme₂jniá₁ jnia'₅₄ jág₁ a₂gu₂dsí₂ qui₂chei₂ jnia'₅₄ dsa₂ i₂gu₂dsí₂.†

¹⁴ Ju₁lia'₂ dsa₂ i₂tsá₃ lín₅ i₂gu₂dsí₂ në₃, tsá₃ guein₂₃ jág₁ quió'₅ Jme₂dsí₂, ia₁ lë₅ jág₁ co₄ bá₄ la₂ le₃quió'₅ 'éi₂. Tsá₃ lé₂ le₃ñí'₂, ia₁ ca₂le₃jë₃ a₂në₅ qui₃jio₅'₂ 'í₁ të₂le₃ quian'₅₄ Jme₂dsí₂ bá₄.

¹⁵ La₁ dsa₂ i₂gu₂dsí₂ në₃, qui₂con₂ 'í₁ le₃jë₃, la₁ia₁ 'i₁jan₂ tsá₃ lé₂ le₃con₂ 'í₁ ja₁coin₂. ¹⁶ Ia₁: ¿'Ein₂ bá₄ 'éi₂ i₂ñi₅

'a₂ lia'₂ dsi₂jio₅ dsí₅ Te₁gui'₅₄,

jua'₅₄ lé₂ le₃jme₃tin₂₃ 'éi₂?‡

La₁ jniog₄ në₃ dsi₂jio₅ dsí₅ ju₁lia'₂ dsi₂jio₅ dsí₅ Cristo.

3

Rin'₅₄ jniog₄ i₂jmo₅ ta₁ jme₂ti₃ ne₄ Diú₄

¹ Rin'₅₄ jniog₄, tsá₃ ca₂lë₃ jua'₅₄ juig₅₄ 'nia'₂ ju₁lia'₂ 'nia'₂ dsa₂ i₂jio₅ con'₂ lë₅ Jme₂dsí₂, të₂le₃ ju₁lia'₂ 'nia'₂ dsa₂ i₂jio₅ con'₂ lë₅ ni₁ñi₁ bá₄ ca₂juig₂ jniá₂ 'nia'₂, në₂jag₄ bá₄ guein₂ le₃quió'₅ Cristo. ² Jmá'₃ lia'₂ jág₁ a₂tsá₃ juí'₅ bá₄ ma₂ca₂jme₁tin₅ jniá₂ 'nia'₂, në₂jag₄ bá₄ guein₂ bë'₅₄ i₂'ín'₂ dsi'₅₄ i₂tsá₃ ma₂lé₂ guë'₃ má₃ bén₂. Dsón'₂ bá₄ jaun₂, tsá₃ ma₂lé₂ nág'₁ 'nia'₂ jág₁ bén₂. ³ Ia₁ lia'₂ lín₅ dsa₂ i₂jio₅ con'₂ lë₅ ni₁ñi₁ bá₄ guë'₄ lín'₅ 'nia'₂. Ia₁ të₁lia'₂ tion'₅₄ 'nia'₂ le₂jaun₂ a₂uig₅ 'au'₂ 'nia'₂, a₂qui₂tsín'₂ 'nia'₂ në₃, ¿Tsa₁ i₂nio'₅₄ 'nia'₂ con'₂ jio₅ ni₁ñi₁? ¿Tsa₁ i₂nio'₅₄ 'nia'₂ ju₁lia'₂ i₂nio₅ dsa₂ mi₂güig₃? ⁴ Ia₁ chi₂jua'₂ chan₂ jan₂ i₂juá'₂: “Dsa₂ quián₅ Pa₄ bá₄ jniá₂”; i₂lín₅₄ guë'₂ dsia₅ táng₃, juá'₂: “Jniá₂ guë'₂ lín₅ dsa₂ quián₅ Apolos”, ¿on₁jua'₅₄ lia'₂ lín₅ dsa₂ mi₂güig₃ bá₄ lín'₅ 'nia'₂?

⁵ Jaun₂ në₃, ¿'ein₂ 'éi₂ Apolos? Le₂jaun₂ guë'₂ ¿'Ein₂ 'éi₂ Pa₄? Jñia'₅₄ lia'₂ dsa₂ i₂jme₂ti₃ ta₁ ne₄ Diú₄ bá₄ lág₅ jnia'₅₄ i₂i₂nio₄ jme₂tin₁ dsa₂ ju₁lia'₂ ca₂lë₃ jme₁ca₂rë₃'én'₂ 'nia'₂ të₂le₃ quió'₅ Te₁gui'₅₄. Le₂jau₂ le₂jau₂ jnia'₅₄ ma₂ja₂náu₅ jmo₂ ta₁ con'₂ lë₅ ma₂cuë₃ Te₁gui'₅₄. ⁶ Jñia'₅₄ con'₂ ca₂jan₃ jon₂ bá₄ jniá₂; Apolos guë'₂ ca₂séi₂ jmig₂. La₁ia₁ 'ñiog₅ bá₄ Diú₄ ca₂jmo₃ ca₂i₃cón₃. ⁷ Jaun₂ në₃, dsa₂ i₂jne₅, quian'₅₄ guë'₂ i₂séi₂ jmig₂, tsá₃ 'e₂ tin₂ 'éi₂; jñia'₅₄ lia'₂ 'ñiog₅ bá₄ Diú₄ jmo₂₃ a₂dsi₂cón₃. ⁸ Ju₁lia'₂ dsa₂ i₂jne₅ quian'₅₄ guë'₂ dsa₂ i₂séi₂ jmig₂, co₂rë₂ bá₄ téin₅ ta₁. Jaun₂ le₂jaun₂ bá₄ gue₃ 'liain'₅₄ le₂jain₂ le₂jain₂ lia'₂ con'₂ lë₅ ta₁ quió'₅. ⁹ Jme₁tí₁ jnia'₅₄ ne₄ Diú₄ quian'₅₄ rin'₅₄ jmo₂ ta₁; 'nia'₂ bá₄ lín₅ co₂'nió'₄ 'uë₃ ja₁nau₂ ja₁lë₂ ta₁. O₃ lé₂ le₃jua'₅₄ ján₃, lín'₅ 'nia'₂ në₂jag₄ caun₂ 'né₅ a₂chí'₅ quió'₅ Diú₄. ¹⁰ Uig₅₄ ia₁ a₂'ua₁ dsí₅ Diú₄, ca₂cuë₃ ta₁

* 2:9 Isaías 64:4. † 2:13 o₃, “qui₂chei₂ jnia'₅₄ dsa₂ a₂gu₂dsí₂.” ‡ 2:16 Isaías 40:13.

a₂tsi'⁵⁴ 'uig⁵⁴ 'ia'₂, co₂'nió'₄ jan₂ tē₅'ia'₂ bá₄ líng⁵. I₂sián'₂ guē'₂ táng₃ jui₂₃ ne₄ jaun₂. Le₂jan₂ le₂jan₂ i₂jui₅ ně₃, ca₂tín₂ con₂ 'í₁ rē₂ chi₂jua'₂ rē₂ bá₄ jui₂₃ tíoín'⁵⁴. ¹¹ Ia₁ 'i₁jan₂ tsá₃ ma₃'ein₂ lé₂ chi'₃ 'uig⁵⁴ siá'₂, jñia'⁵⁴ lia'₂ con'₂ caun₂ a₂ma₂chí'⁵ bá₄; a₂jaun₂ lín⁵ Cristo 'ñiog⁵. ¹² Nē₃ ně₃, jui₁lia'₂ ja₁jui₅ dsa₂ ne₄ 'uig⁵⁴ jaun₂ quian'⁵⁴ cu₄nió^g₄, cu₄tio^g₂, quian'⁵⁴ ni₁cang₁ tág⁵ jlá'₁, o₃ jui₁lia'₂ ja₁jui₅ 'e₂ dsa₂ quian'⁵⁴ jau⁵⁴ 'ma₂ o₃ quian'⁵⁴ ni₁ñei₂, ni₁'ma₂ ta₅ ně₃, ¹³ tion⁵⁴ bá₄ le₃jniá₂ ta₁ quió'⁵ le₂jan₂ le₂jan₂. Jmí^g₄ i₁jáun₃, si₂ bá₄ jme₃jnia₅ a₂jaun₂, jióg'₂ 'í₁ ně₃ 'a₂ lia'₂ lě₅ ta₁ quió'⁵ le₂jan₂ le₂jan₂. ¹⁴ Chi₂jua'₂ ca₂jiog₃ a₂ca₂chí'₃ dsa₂ jaun₂, gue₃ bá₄ 'liain'⁵⁴; ¹⁵ la₁ ně₁jua'₂ ca₂cáu₂ ně₃, dsí₃'én₂ bá₄ quió'⁵. La₁ jñia'⁵⁴ con'₂ lióin₂ jmá'₃ 'ñiog⁵, ně₂jag₄ bá₄ jan₂ dsa₂ i₂ja₂lag₃ ca₂lón₂ ne₄ si₂ bá₄ lé₂.

¹⁶ ¿Tsa₁ ñi'⁵⁴ 'nia'₂, guion'⁵⁴ bá₄ 'nia'₂ líng'⁵ guá'⁵ quió'⁵ Diú₄, ton'₂ guá⁵ Jme₂dsí₂ quián⁵ Diú₄ tē₂'au'₂ 'nia'₂? ¹⁷ Nē₁jua'₂ 'ein₂ ca₂'én₂ guá'⁵ quió'⁵ Diú₄, Diú₄ ně₃ co₂dsia₅ 'éin₂ dsa₂ 'éi₂. Ia₁ i₂jñió₅ bá₄ guá'⁵ quián⁵ Diú₄, jaun₂ guion'⁵⁴ bá₄ 'nia'₂ líng'⁵ guá'⁵.

¹⁸ 'I₁jan'₂ 'nia'₂ tsá₃ 'ein₂ jui₁le₂gan₂. Chi₂jua'₂ chan₂ i₂lín₂ 'ñio₅ lín₃ ñí'₂ dsí₅ lia'₂ con'₂ lě₅ ñí'₂ dsí₅ dsa₂ mi₂güí^g₃, jui₁jmo₁₂ co₂dsia₅ ne₂jag₄ bá₄ a₂tsá₃ 'e₂ ñi₅, ia₁jaun₂ guē₄ dsióg₄ léin₂ tē₃dsón'₂ dsa₂ i₂tín₂ i₂ñi₅. ¹⁹ Ia₁ ca₂le₃jě₃ a₂ñí₄ 'ñio₅ tín₂ dsa₂ mi₂güí^g₃, ca₂le₃jě₃ a₂jaun₂ tsá₃ 'e₂ quen₅ le₃ne₄ Diú₄. Ia₁ ne₄ Si₂ juá'₂: “Diú₄ join₂₃ dsa₂ jē₄ mai⁵⁴ quió'⁵ guioin⁵⁴.”* ²⁰ Juá'₂ ne₄ Si₂ ján₃: “I₂ñi₅ bá₄ Te₁gui'⁵⁴ 'a₂ lia'₂ qui₂dsí₂jiog⁵ dsí₅ dsa₂ i₂tín₂, a₂tsá₃ 'e₂ ta₁ tí₄.”† ²¹ Jaun₂ lě₃, 'i₁jan₂ tsá₃ jui₁dsia₁₂ jág₁ tá'₅ le₃quió'⁵ dsa₂ mi₂güí^g₃. Ia₁ a₂ca₂tín'₂ 'nia'₂ bá₄ ca₂le₃jě₃ a₂cha₂. ²² Pa₄, Apolos, Pe₄,‡ mi₂güí^g₃ a₂chong₂ jniog₄, 'mú₃, jmí^g₄ rē₂ně₃, jui₁la₂ jmí^g₄ 'ió^g₃ ně₃: ca₂le₃jě₃ bá₄ ně₅ lě₅ quián'₂ 'nia'₂. ²³ Le₂jaun₂ guē'₂ ján₃, i₂quián⁵ Cristo bá₄ 'nia'₂; Cristo guē'₂ lín₅ i₂quián⁵ Diú₄.

4

Ta₁ a₂ca₂tín₂ dsa₂ i₂chen₄ quián⁵ Cristo

¹ Jaun₂ bá₄ ně₃, con'₂ jñia'⁵⁴ dsa₂ i₂jme₂ti₃ ta₁ ne₄ Cristo bá₄ ca₂tín₂ dsa₂ jág₂ jnia'⁵⁴, a₂niog⁵ ne₄ jnia'⁵⁴ jág₁ a₂jme₁rē₂ 'ma₄ quió'⁵ Diú₄. ² Con'₂ siá'₂ táng₃, chi₂jua'₂ le₂ně₅, jaun₂ bá₄ tion⁵⁴ ca₂tín₂ jui₁lia'₂ dsa₂ i₂niog⁵ gu₂ ta₁ le₂'éi₂, jme₃ti₃ quian'⁵⁴ ta₁ a₂ca₂ñi₂. ³ Tē₂le₃ quió'₃ jniá₂ ně₃, tsá₃ a₂nag⁵⁴ jaun₂ ně₁jua'₂ ca₂quion'₂ 'nia'₂ 'í₁ le₃ja₁cong₂, o₃ ně₁jua'₂ ca₂cáun₃ 'í₁ dsi₂tan⁵⁴ dsa₂ mi₂güí^g₃ 'e₂. Ca₂lia'₂ jñia'⁵⁴ 'ñió₃, tsá₃ cáun₅ 'í₁ le₃ja₁cong₂ 'ñió₃. ⁴ 'I₁caun₂ tsá₃ 'e₂ dsi₂jñi₅ dsí₃. La₁ on₃jua'⁵⁴ le₂ně₅ o₂'ag⁵ jág₁ a₂tsá₃ 'e₂ rē₂cáng'₄. 'Ñiog⁵ bá₄ Te₁gui'⁵⁴ i₂con₂ 'í₁ quió'₃. ⁵ Jaun₂ tsá₃ lē₁cáun₂ de'₂ 'nia'₂ 'í₁ tē₃jñiá₅. Jē₁ma₂guán'⁵ Te₁gui'⁵⁴, téi₂ si₂ ne₄ a₂rē₂'ma₄ a₂jmo⁵-dsáu₅ dsa₂ jē₄ qui₁né'₃; jme₃jñiá₂₃ ca₂le₃jě₃ a₂niog⁵ qui₂dsí₂jñiá₅ dsí₅ dsa₂. Jaun₂ guē₄ gue₃ dsa₂ 'liain'⁵⁴ a₂cuē₃ Diú₄ a₂ 'ñio₂ dsí₅ quió'⁵ le₂jain₂ le₂jain₂.

⁶ Rin'⁵⁴ jniog₄, a₂dse₃ quián'₂ bá₄ 'nia'₂ juá'⁵ jniá₂ ca₂le₃jě₃ a₂ně₅, a₂'íng⁵ Apolos quian'⁵⁴ guē'₂ 'ñió₃ jniá₂. Juá'⁵ le₂ně₅ ia₁jaun₂ tē₂le₃ quian'⁵⁴ jág₁ jáng'⁵ léi₄ ně₅ quián₂ jnia'⁵⁴, le₃tín'₂ 'nia'₂, a₂tsá₃ jmó'₂ 'nia'₂ ñag⁵⁴ guē₄ con'₂ lě₅ juá'₂ ne₄ Si₂, con'₂ tsá₃ ñó₅ ně₁jua'₂ ca₂jmo⁵⁴ 'nia'₂ rón'₂ o₄quió'₄ jan₂, a₂jñi'⁵⁴ 'nia'₂ sion₅ i₂sián'₂. ⁷ ¿'Ein₂ 'éi₂ 'ag⁵ 'ne₂ a₂dseng'₃ guē₄ lia'₂ con'₂ guē₄ ríng'₂? ¿'E₂ bá₄ bí₂ 'au'₂ jua'⁵⁴ tsá₃ ma₂cuē₃ Diú₄ ně₃? ¿'E₂ guē'₂ lě₃ dsia'₂ jág₁ tá'₅ ně₂jag₄ bá₄ a₂ca₂jñag'₂ 'ñiag'₂ a₂cha₂ quiáng'₂ jmo'₂?

⁸ Jmo'₂ 'nia'₂ 'au'₂ 'ñio₅ lín₃ dse₃ ma₂chang'₂; ma₂cha₂ quián'₂ 'nia'₂ ca₂le₃jě₃. Ma₂jmo'₂ 'nia'₂ 'au'₂ ma₂tiáng'⁵ can'⁵⁴ bá₄ 'nia'₂, tsá₃ ma₃quiong'⁵⁴ jnia'⁵⁴. jua'⁵⁴ mei'₂ guē₃ dsón'₂ dsi₂jó'₃ ma₂gon'₂ 'nia'₂! Jaun₂ bá₄ jme₁lē₂ gon₂ jnia'⁵⁴ co₂lě₅ quian'⁵⁴ 'nia'₂ jua'⁵⁴ mei'₂ guē₃ le₂jaun₂. ⁹ Ia₁ lín₂ jniá₂, lia'₂ lě₅ bá₄ tē₂le₃ jē₁ca₂tó'₂ bá₄ ma₂chei'₃ Diú₄ con'₂ jnia'⁵⁴ i₂lág⁵ dsa₂ i₂chen₄ quián⁵, a₂jág₂ dsa₂ lia'₂ ja₁jín₂ dsa₂ i₂ma₂'í₄ 'éi'₃ dsián₃. Ma₂ja₂lén₂ dsa₂ jág₂ jnia'⁵⁴ ně₂jag₄ a₂lě₁'io'₂ tē₅ dsí₅ jág₃ ca₂lě₃jín₃ i₂chan₂, lia'₂ dsa₂ mi₂güí^g₃ lia'₂ ángeles ně₃. ¹⁰ Dsa₂ co₄

* 3:19 Job 5:13. † 3:20 Salmo 94:11. ‡ 3:22 griego: Cefas.

bá₄ 'ag₅ dsa₂ jnia'₅₄ o₄ quió'₄ Cristo; 'nia'₂ guë'₂ ma₂ jmo'₂ 'ñio₅ lín₃ ma₂ ñí'₂ 'au'₂ juí₁ lia'₂ tē₂ le₃ quió'₅ Cristo. Ma₂ jmo'₂ 'nia'₂ 'ñio₅ lín₃ tiá₂ ma₂ tióng'₂; jnia'₅₄ guë'₂ jag'₅₄ táng₃ nē₂ jag₄ dsa₂ 'uan'₅₄. Jme₂ gan₃ dsa₂ 'nia'₂; jnia'₅₄ guë'₂ nē₃ tsá₃ jei₅₄ dsa₂. ¹¹ Ca₂ lia'₂ jñió₂ jmig₄ nē₃, ja₂ náu₅ jnia'₅₄ a₂ 'ong₄, qui₂ rē₂ quein₂ dsi₅, tsá₃ cha₂ a₂ qui'₅₄, tsá₃ dsi₂ néi₂ cha₂ 'io₁ jnia'₅₄. Dsa₂ guë'₂, con'₂ lē₁ co₂ jmóg'₂. ¹² Ja₂ náu₅ jnia'₅₄ jmo₂ ta₁ quian'₅₄ gu₂-tag₄ guio₅₄. Juí₁ lia'₂ jme₁ tē₂ 'o'₂ dsa₂, caun₂ jág₁ dse₃ bá₄ qui₁ jein'₄ jniá₂ quió'₅. Juí₁ lia'₂ jme₁ co₂ 'ein₅ dsa₂, la₁ jmo₂ bá₄ jnia'₅₄ tió'₃ dsi₅. ¹³ Chan₂ guë'₂ dsa₂ i₂ dsia₅ 'ag₅ 'lig'₅₄, la₁ caun₂ jág₁ dse₃ bá₄ cuë'₂ táng₃ jnia'₅₄. Jág₂ dsa₂ nē₂ jag₄ ti₁ 'ñe'₅₄ a₂ tsá₃ ta₁ tí₄, nē₂ jag₄ bá₄ jme₁ qui₅ quió'₅ dsa₂ mi₂ güí₃ nē₃, ca₂ lia'₂ jñió₂ jmig₄ nē₃.

¹⁴ On₃ jua'₅₄ ia₁ jaun₂ cán'₁ 'nia'₂ o₂ guí'₃ tó'₅ jniá₂ jág₁ la₂ ne₄ si₂. A₂ jaun₂ bá₄ jmo₂₃ jág₁ tē₃ jñiá₅ ja₁ cong'₂, nē₂ jag₄ bá₄ chi'₂-guein₂ quiáng₃ i₂ 'nióg₃ guë'₄ lín₃. ¹⁵ Ia₁ o₁ jñia'₅₄ guia₃ mei₅ tē₅ ca₂ rē₃ chá₃ i₂ jme₃ tag₅ 'nia'₂ le₃ quió'₅ Cristo, la₁ tsá₃ juí₅ néi'₅ 'nia'₂ chan₂. Ia₁ le₃ quió'₅ Cristo Jesús, tē₂ le₃ quian'₅₄ jág₁ dse₃ quió'₅, ca₂ lín₃ jniá₂ néi'₅ 'nia'₂. ¹⁶ Jaun₂ lē₃, mi₅ jniá₂ ja₁ con'₂ 'nia'₂, jaun₂ tón'₂ 'nia'₂ juí₅ i₁ nio'₄ 'nia'₂ ja₁ ma₂ ñí₃ jniá₂.

¹⁷ 'Ui₅₄ jaun₂ bá₄ tsín₂ jniá₂ Timoteo, i₂ jmo₅ jniá₂ dsi₃ co₂ 'nió'₄ guein₂ quiáng₃ i₂ 'nióg₃ guë'₄ lín₃, i₂ rē₂ ti'₅₄ le₃ ja₁ con₂ Te₁ gui'₅₄. 'Éi₂ bá₄ jmo₃ dsiog'₂ 'au'₂ 'nia'₂ 'a₂ lia'₂ lē₅ chan₂ jniá₂ a₂ 'éng₂ le₃ quió'₅ Cristo, lia'₂ con'₂ lē₅ jme₂ títng₁ guá'₅ ca₂ le₂ con₂ ja₁ siá'₂. ¹⁸ I₂ lín₅₄ 'nia'₂ ma₂ i₂ niog'₅₄ jmo'₂ 'nia'₂ róng'₂, a₂ lín₂ 'nia'₂ a₂ tsá₃ ma₂ dsióg₄ jniá₂ i₁ jñing₁₂ 'nia'₂. ¹⁹ La₁ ñi'₅₄ ta₁ la₂ bá₄ 'nio₃ dsióg₄ i₁ jág₃ nē₁ jua'₂ ca₂ cuë₃ Te₁ gui'₅₄ jmig₄. Jm₁ g₄ jaun₂ le₃ guion₅₄ jniá₂, on₃ jua'₅₄ jmá'₃ jág₁ tá'₅ a₂ dsia₅ dsa₂ jin'₄ 'nia'₂ tíoín₅₄, le₃ guion₅₄ jniá₂ ján₃ 'a₂ con'₂ bí₂ 'io₂₃. ²⁰ Ia₁ juí₁ lia'₂ ja₁ gon₂ Diú₄, on₃ jua'₅₄ a₂ jñia'₅₄ dsi₂ lē₂ jmá'₃ jág₁; a₂ quian'₅₄ juí₅ bí₂ bá₄ ján₃. ²¹ ¿'E₂ 'niog'₂ 'nia'₂: a₂ 'i₁ 'é₃ jniá₂ uig₅ jē₁ ma₂ dsióg₃, o₃ a₂ dsióg₄ jniá₂ caun₂ dse₃ a₂ 'nió₃ jniá₂ 'nia'₂ a₂ 'ua₁ dsi₃ 'e₂?

5

Jau'₂ 'í₁ quió'₅ jan₂ dsa₂ i₂ ca₂ 'nú₂ dso₄

¹ 'E₂ ca₂ rē₃ chá₃ jág₁, a₂ chan₂ jan₂ jin'₄ 'nia'₂ 'no₂₃ dso₄, a₂ jmo₂₃ a₂ lē₅ quiáin₅ bá₄ dsa₂ mí₂ quián₅ jmei₂. Caun₂ dso₄ ca₂ lia'₂ jñia'₅₄ dsa₂ i₂ tsá₃ cuí₅ Diú₄ bá₄ guë'₄ tsá₃ jmo₂₃ le₂ nē₅. ² jmo'₂ guë'₄ 'nia'₂ 'au'₂ a₂ tióng'₅₄ dse₃ jmo'₂ róng'₂ tióng'₅₄! 'Nió'₄ jme₁ tón'₂ 'nia'₂ qui₁ 'áú'₂ 'lia'₂ 'au'₂! Dsa₂ i₂ ca₂ 'nú₂ dso₄ nē₅ ca₂ tñin₂ o₃ 'iin₅ bá₄ jin'₄ 'nia'₂ nē₅. ³ O₁ jñia'₅₄ tsá₃ quian'₅₄ jniá₂ 'nia'₂ dsi₁ ne₁, la₁ 'eng₅₄ bá₄ ja₁ nē₅ quian'₅₄ 'nia'₂ tē₂ le₃ quian'₅₄ jme₂ dsi₂; ma₂ cáun₃ jniá₂ 'í₁ ja₁ con₂ dsa₂ i₂ ca₂ jmo₃ le₂ nē₅, nē₂ jag₄ bá₄ a₂ chéng'₅ 'ñió₃ tē₃ dsón'₂. ⁴ Tión'₂ 'nia'₂ long'₂ o₄ quió'₄ Te₁ gui'₅₄ Jesús, a₂ 'en₅₄ jniá₂ tē₂ le₃ quian'₅₄ jme₂ dsi₂ quió'₃, quian'₅₄ juí₅ bí₂ quió'₅ Te₁ gui'₅₄ Jesús, ⁵ a₂ jin'₅₄ 'nia'₂ dsa₂ 'éi₂ o₄ gú₃ Satanás, ia₁ jaun₂ qui₂ dsi₃ 'én₂ ni₁ ñí₁₂, ia₁ jaun₂ tñin'₂ jme₂ dsi₂ quió'₅ jmig₄ i₁ jáun₃ quió'₅ Te₁ gui'₅₄.

⁶ Tsá₃ dse₃ a₂ dsia₂ 'nia'₂ jág₁ tá'₅. ¿Tsa₁ ñi'₅₄ 'nia'₂, "Quian'₅₄ ca₂ juig₄ bá₄ levadura guion'₂ ta₁ jē₂ ti₁ can₁?" ⁷ Jñiá'₃ 'nia'₂ levadura gui'₅₄, ia₁ jaun₂ lén'₂ 'nia'₂ co₂ 'nió'₄ ca₂ mí₂ g₂ ti₁ can₁ a₂ tsá₃ levadura quian'₅₄, juí₁ lia'₂ tē₃ dsón'₂ lín'₅ 'nia'₂. Ia₁ 'ñio₅ bá₄ Cristo ca₂ join₃ ñó₃ a₂ rē₂ jein'₅₄ ne₄ Diú₄ o₄ quián₂ jniog₄; a₂ lín₅ já'₂ cha₂ i₂ ca₂ jon₃ Jm₁ g₄ Tē₂ 'in₅₄ quián₂. ⁸ Jaun₂ lē₃, jme₁ go₃ jniog₄ Jm₁ g₄ jaun₂, on₃ jua'₅₄ quian'₅₄ levadura gui'₅₄, on₃ guë'₂ quian'₅₄ a₂ 'lig'₅₄ qui₂ dsi₂ jñia₅ dsi₅ jniog₄ ja₁ con₂ rin'₅₄, on₃ guë'₂ jmó₁ uig₅ dsi₅ ja₁ con₂ rin'₅₄; tē₂ le₃ jme₁ go₃ jniog₄ quian'₅₄ jág₁ tí₅ dsi₂ jó'₃.

⁹ Ne₄ si₂ carta quió'₃ a₂ ca₂ tsíng₂ ne'₅₄ 'nia'₂ le₂ jñiá₅, ca₂ juá'₃ a₂ tsá₃ jme₁ quian'₅₄ 'nia'₂ dsa₂ i₂ 'nió'₅ jág₁ quian'₅₄ dsa₂ i₂ tsá₃ lē₅ dsi₂ i₂ gu₂. ¹⁰ On₃ jua'₅₄ jaun₂ rē₂ juá'₅ jniá₂ a₂ qui₂ dsi₃ uín'₃ 'nia'₂ co₂ dsia₅ co₂ ñei'₅₄ ja₁ con₂ dsa₂ i₂ 'no₅ dso₄, ja₁ con₂ dsa₂ i₂ 'ua'₂ dsi₅, dsa₂ i₂ 'ang₅, dsa₂ i₂ qui₂ jme₂ juín'₂ diú₄ lag₄ nē₃. Ia₁ co₂ ñei'₅₄ jme₁ 'uín'₃ 'nia'₂ mi₂ güí₃ la₂, jua'₅₄ mei'₂ guë'₃ le₂ jaun₂. ¹¹ A₂ la₂ bá₄ juá'₅, a₂ tsá₃ dsi₂ ten₅₄ jme₁ jen'₂ 'nia'₂ 'ñio₅ lín₃ 'ei₅ caun₂ jág₁ quian'₅₄ jan₂ i₂ jmo₅ a₂ lín₅ jan₂ rin'₅₄ jniog₄, chi₂ jua'₂ ján₃ guë'₂ nió'₅ jág₁ quian'₅₄ i₂ tsá₃ lē₅ dsi₂ i₂ gu₂,

chi₂jua'₂ 'ua'₂ dsí'₅, chi₂jua'₂ jme₂juin'₂ diú'₄ lag₄, chi₂jua'₂ qui₂juá'₂ jág₁ uig₅, chi₂jua'₂ qui₂i₂nioi'₅₄ le₁'ein₅, chi₂jua'₂ qui₂'ang₂₃ ně₃. On₃ guè'₂ ca₂tín'₂ 'nia'₂ què'₅₄ quian'₅₄ dsa₂ le₂'éi₂. ¹² Tsá₃ ca₂tín'₂ jniá'₂ cáun₄ 'í₁ ja₁con₂ dsa₂ i₂tsá₃ quiong'₅₄ jniog₄. Diú'₄ bá₄ i₂con₂ 'í₁ ja₁con₂ dsa₂ 'éi₂. ¹³ La₁ia₁ 'nia'₂, ca₂tín'₂ caun'₅₄ 'í₁ jmá'₃ lia'₂ dsa₂ i₂quiong'₅₄ jniog₄. Jaun₂ ně₃: “Dsen₅₄ 'nia'₂ cau₅ dsa₂ 'lin'₅₄ i₂'en₅₄ jin'₄ 'nia'₂.”*

6

Mi'₅₄ a₂cha₂ jin₄ dsa₂ 'én₂ 'ni₂₃ rin'₅₄ ne₄ dsi₂tan₅₄ i₂tsá₃ 'én₂

¹ Jui₁lia'₂ jme₁chan₂ 'ein₂ 'nia'₂ 'nio₃ dsia₃ dso₄ 'ni₃ rin'₅₄, ¿'a₂ bá₄ lia'₂ tiá'₂ 'au'₂ o₁dsia'₄ dso₄ ne₄ jui₁lia'₂ dsa₂ i₂tsá₃ Diú'₄ cuin₅, 'nió'₄ a₂jme₁juig'₅₄ 'nia'₂ dsa₂ quián₅ Diú'₄? ² ¿Tsa₁ ñi'₅₄ 'nia'₂ jua'₂ dsa₂ juig₂ quián₅ Diú'₄ bá₄ guè'₂ i₂con₂ 'í₁ quió'₅ dsa₂ mi₂güig₃? Chi₂jua'₂ 'nia'₂ i₂cáun'₂ 'í₁ quió'₅ dsa₂ mi₂güig₃ ně₃, ¿'en₁ jmá'₃ guè'₂ tsá₃ 'ein₂ i₂tín₂ chan₂ i₂lé₂ jme₃rě₃ jui₁lia'₂ mi'₅₄ me'₂? ³ ¿Tsa₁ ñi'₅₄ 'nia'₂ jua'₂ le₂jniog₅ ángeles bá₄ quiong₅₄ jniog₄ 'í₁ quió'₅? ¿'E₂ guè'₄ bá₄ jaun₂ ca₂tág₂ jniog₄ jme₁rě₂ 'e₂ caun₂ o₂me'₅₄ dsí₅ rě₂cha₂ ne₄ gua'₅₄ 'uè₃ la₂! ⁴ Chi₂jua'₂ 'e₂ caun₂ mi'₅₄ cha₂ quián'₂ 'nia'₂, rin'₅₄ jniog₄, ¿'e₂ lě₃ o₂nó'₅ 'nia'₂ o₂dsia'₅₄ dso₄ ne₄ dsa₂ i₂tsá₃ 'e₂ quen₅ le₃quió'₅ guá'₅? ⁵ Juá'₅ jniá'₂ le₂ně₅ ia₁jaun₂ le₃guen'₅₄ 'nia'₂ ca₂la₂. ¿O₃ bá₄ 'i₁jan₂ jmá'₃ tsá₃ 'ein₂ chan₂ jin'₄ 'nia'₂ i₂qui'₅₄ jmi₄ jme₃rě₃ mi'₅₄ a₂niog₅ jin₄ rin'₅₄? ⁶ ¿Rě₂ guè'₄ dsióg₅, lín'₂ 'nia'₂, jui₁lia'₂ jan₂ rin'₅₄ jniog₄ dsi₂dsiá'₃ dso₄ ne₄ dsa₂ i₂tsá₃ 'én₂?

⁷ Chi₂jua'₂ ma₂tion'₅₄ 'nia'₂ mi'₅₄ jin'₄ 'nia'₂, co₂dsia₅ ma₂tán'₂ bá₄ 'nia'₂ jág₁ chi₂jua'₂ le₂jaun₂. ¿Tsa₁ dse₃ guè'₄ jmo₃ dsa₂ co₂ñei'₅₄ tió'₃ dsí₅ a₂caun₂ lě₁dsi₂ñi₂ jmóg'₂ riin'₅₄? ¿Tsa₁ dse₃ guè'₄ guén₄ jniog₄ jui₁'ang₁₂ 'e₂ 'ang₃ quián₂? ⁸ La₁ 'nia'₂ ně₃, jmag'₅₄ dsa₂, 'ang'₂ quió'₅ dsa₂; ca₂tě₂ ja₁con₂ rín'₂ 'nia'₂ guiong'₅₄ jmo'₂ le₂ně₅. ⁹ ¿O₃ bá₄ tsá₃ ñi'₅₄ 'nia'₂, tsá₃ ja₁gon₂ Diú'₄ ca₂tín'₂ dsa₂ i₂tsá₃ cuin₅ Diú'₄? Tsá₃ cuin₅ 'nia'₂ jmi₄ jua'₅₄ a₂le₃gang'₂, ia₁ jui₁lia'₂ dsa₂ i₂i₂nio₄ nió'₅ jág₁ quian'₅₄ dsa₂ i₂tsá₃ lě₅ dsi₂i₂gu₂, jui₁lia'₂ dsa₂ i₂qui₂jme₂juin'₂ diú'₄ lag₄, jui₁lia'₂ dsa₂ ñe'₂ i₂dsi₂jñia₅ dsí₅ lia'₂ dsi₂jñia₅ dsí₅ 'io₅₄,* jui₁lia'₂ dsa₂ ñe'₂ i₂nió'₅ jág₁ quian'₅₄ dsa₂ ñe'₂ riin'₅₄, ¹⁰ jui₁lia'₂ dsa₂ 'ang₂, dsa₂ i₂'ua'₂ dsí₅, dsa₂ i₂i₂nio₄ 'en₅, dsa₂ i₂i₂nio₄ qui₂dsia₂₃ jág₁ tē₂jág₁, dsa₂ i₂lí'₂ cu₄ tē₂le₃ quian'₅₄ a₂ñioi₅₄ jme₂gain₂₃ riin'₅₄: dsa₂ le₂'éi₂ ně₃, tsá₃ ca₂tín₂ ja₁gon₂ Diú'₄. ¹¹ Le₂ně₅ bá₄ jme₁chan₂ i₂lin₅₄ 'nia'₂ le₂jñiá₅. La₁ 'ñiog₅ bá₄ Diú'₄ ma₂qui₂ca₂rín'₃ jme₂dsí₂ quián'₂ 'nia'₂, ma₂lě₅ 'í₁ quián₅, ca₂guei₃ Diú'₄ 'nia'₂ ně₂jag₄ bá₄ a₂tsá₃ 'e₂ dso₄ rin'₂ 'nia'₂, tē₂le₃ quian'₅₄ Te₁gui'₅₄ Jesús, quian'₅₄ guè'₂ Jme₂dsí₂ quián₅ Diú'₄ quián₂.

A₂'nió'₅ jmo₃ dsa₂ 'í₁ ni₁ñi₁₂

¹² Chan₂ dsa₂ i₂juá'₂: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃.” Dsón'₂ bá₄ dsau₅, la₁ tsá₃ jua'₅₄ ca₂le₃jě₃ jaun₂ jme₂'o₅₄. Dsau₅ bá₄ “I₄ 'éi'₃ le₃jmo₅₄ jniá'₂ ca₂le₃jě₃ 'e₂ 'nio₃ jmo₅₄”, la₁ia₁ tsá₃ cuin₄ jniá'₂ jmi₄ jua'₅₄ co₂dsia₅ jin'₄ jniá'₂ co₂ñei'₅₄ ne₄ 'i₁caun₂. ¹³ Dsau₅ bá₄ jui₁lia'₂ juá'₂ dsa₂: “Lě₅ má₃ o₄quió'₄ rě₂tú'₅ dsa₂; rě₂tú'₅ guè'₂ dsa₂ lě₅ o₄quió'₄ má₃.” La₁ já₅ jmi₄ a₂'én₂ Diú'₄ ta₁tín₃. La₁ tsá₃ ta₁ jaun₂ qui'₅ ni₁ñi₁₂ jua'₅₄ a₂'no₃ dsa₂ dso₄ quian'₅₄ i₂sián'₂. Ta₁ a₂qui'₅ ni₁ñi₁₂, a₂jme₃ti₃ ta₁ ne₄ Te₁gui'₅₄ bá₄ jaun₂; jaun₂ Te₁gui'₅₄ ně₃ i₂cuē₅ bí₂ quió'₅ ni₁ñi₁₂. ¹⁴ Ia₁ jui₁lia'₂ ca₂jme₃jen'₅₄ Diú'₄ Te₁gui'₅₄ quian'₅₄ ju₁₅bí₂ quió'₅, le₂jaun₂ bá₄ jmo₃ a₂jein'₅₄ guè'₂ jniog₄ ján₃.

¹⁵ ¿Tsa₁ ñi'₅₄ 'nia'₂ jaun₂ a₂tén₅ tē₂le₃ quió'₅ Cristo bá₄ ni₁ñi'₁ 'nia'₂? ¿On₃ bá₄ lé₂ le₃tion₄ jniog₄ jui₁lia'₂ a₂tén₅ ni₁ñi₁ Cristo le₃ja₁con₂ jui₁lia'₂ jan₂ 'io₅₄ i₂'nag₅ quió'₅? ¿Tsá₃ jui₁le₅₄ bá₄ le₂jaun₂! ¹⁶ ¿Tsa₁ ñi'₅₄ 'nia'₂, jui₁lia'₂ jan₂ dsa₂ ñe'₂ i₂nió'₅ jág₁ quian'₅₄ jan₂ 'io₅₄ i₂'nag₅ quió'₅, co₂'nió'₄ caun₂ ni₁ñi₅ bá₄ lě₅ jě₁le₃oin₃ le₂jaun₂? Ia₁ ne₄ Si₂ juá'₂: “Co₂'nió'₄ caun₂ ni₁ñi₅ lé₂

* 5:13 Deuteronomio 17:7; 19:19; 21:21,24; 24:7.

* 6:9 o₃, “dsa₂ ñe'₂ i₂'nag₅ quió'₅.”

le₃oin₃ le₂jaun₂.”† 17 La₁ ju₁lia'₂ jan₂ dsa₂ i₂rē₂quian'₅₄ Te₁gui'₅₄, co₂'nió'₄ jan₂ jme₂dsí₂ bá₄ lé₂ quian'₅₄.

18 Cu₁ng₄ 'nia'₂ ja₁con₂ a₂'lig'₅₄ ju₁lia'₂ a₂qui₂'no₅ dsa₂ dso₄ quian'₅₄ i₂sián'₂. Ju₁'e₂ gué₃ dso₄ siá'₂ a₂'no₅ dsa₂, 'no₂₃ le₃co'₅₄ ni₁ñi₁₂ bá₄. La₁ ju₁lia'₂ dsa₂ i₂nió'₅ jág₁ quian'₅₄ i₂tsá₃ lín₅ dsi₂i₂gu₂, 'no₂₃ dso₄ ja₁con₂ ni₁ñi₁ 'ñiog₅ bá₄. 19 ¿Tsa₁ ñi'₅₄ 'nia'₂ a₂lě₅ ni₁ñi'₁ 'nia'₂ caun₂ guá'₅ ja₁'en₅₄ Jme₂dsí₂ Jñi₀₅ i₂ma₂cuin₃ Diú₄? Jaun₂ tsá₃ lě₅ jua'₅₄ a₂tén'₅ guion'₅₄ 'nia'₂; 20 ia₁ i₂ma₂ca₂lán₂ 'mu'₅₄ lín₃ Diú₄ 'nia'₂. Jaun₂ bá₄ lě₃ ca₂tín'₂ 'nia'₂ jme₁gan'₃ Diú₄ tē₂le₃ quian'₅₄ ni₁ñi'₁ 'nia'₂.

7

A₂to'₂ jág₁ dse₃ tē₂le₃ quió'₅ ju₁lia'₂ dsa₂ i₂jén'₂ gu₂

1 La₂ jein'₄ jniá₂ jág₁ quián'₂ 'nia'₂ a₂juá'₂ 'nia'₂ ne₄ si₂ a₂ca₂chen'₂ 'nia'₂ ne₃. 2 Dsón'₂ bá₄ dse₃ jua'₅₄ mei'₂ gué₃ co₂ñei'₅₄ tsá₃ jén'₂ dsa₂ ñe'₂ gu₂; la₁ 'uig₅₄ ia₁ ñí₄ lě₃ qui₂i₂nio₄ dsa₂ jmo₂₃ 'lig'₅₄ jmig₄ ně₃, jaun₂ bá₄ lě₃ co₂ñei'₅₄ ju₁jen'₅₄ bá₄ dsa₂ mí₂ dsa₂ ñe'₂ gu₂, ju₁le₂chan₂ bá₄ dsi₂i₂gu₂ le₂jain₂ le₂jain₂. 3 Dsa₂ ñe'₂ gué'₂ ně₃ ca₂tín₂ jme₃ti₃ ca₂le₃jě₃ con'₂ a₂ca₂tín₂ jme₃ti₃ le₃ja₁con₂ dsa₂ mí₂ quiáin₅; le₂jaun₂ gué'₂ dsa₂ mí₂ ně₃ ca₂tín₂ jme₃ti₃ táng₃ le₃ja₁con₂ dsi₂i₂gu₂ ca₂le₃jě₃ con'₂ a₂ca₂tín₂ jme₃ti₃. 4 On₃jua'₅₄ a₂ca₂tín₂ 'ñiog₅ dsa₂ mí₂ ni₁ñi₁₂ 'ñio'₂; a₂ca₂tín₂ dsa₂ ñe'₂ quiáin₅ bá₄ ján₃. Ján₃ gué'₂ le₂jaun₂ dsa₂ ñe'₂ táng₃, on₃jua'₅₄ a₂ca₂tín₂ 'ñiog₅ 'éi₂ ni₁ñi₁₂; a₂ca₂tín₂ dsa₂ mí₂ quiáin₅ bá₄ ján₃. 5 Tsá₃ lě₃jmo₂ 'nia'₂ jua'₅₄ a₂tsá₃ guéin'₄ le₂jang'₂ le₂jang'₂, ñña'₅₄ lia'₂ chi₂jua'₂ 'niog'₂ jmó'₂ 'nia'₂ caun₂ jág₁ a₂tsá₃ tiáng'₄ 'nia'₂ co₂lě₅ tin₃-ni₅ jmig₄ ia₁ a₂'niog'₂ jmó'₂ ca₂ne₅₄ chi₁lég'₄ Diú₄, jme₂'ing'₄ tē₂lia'₂ jmig₄ jaun₂. Jē₁ma₂ca₂ñí₂ jmig₄ jaun₂, tián'₂ táng₃ 'nia'₂. Ia₁ con'₂ tsá₃ ñó₅ ně₁ca₂caun₃ táu₂ i₂sē₃dsen₃ ně₁jua'₂ tsá₃ ca₂tió'₃ 'au'₂ 'nia'₂.

6 Ca₂le₃jě₃ a₂juá'₅ jniá₂ ně₅ cué₅ jniá₂ 'nia'₂ jmig₄, on₃jua'₅₄ rē'₂ a₂ton'₂ jniá₂ 'nia'₂ caun₂ 'éi'₃. 7 Con'₂ juá'₅ jniá₂ 'ñi₀₃, 'nio₃ jniá₂ jua'₅₄ ca₂le₃jín₃ bá₄ dsa₂ ñe'₂ lín₅ lia'₂ lín₅ 'ñi₀₃; la₁ con'₂ ně₅ tin₂ Diú₄ jma₃quén₅ ma₂cué'₃ dsa₂ 'a₂ lia'₂ niog₅ lín₅ dsa₂ le₂jain₂ le₂jain₂.

8 Ju₁lia'₂ dsa₂ i₂tsá₃ gu₂ le₂jen'₂, ju₁lia'₂ dsa₂ mí₂ i₂ma₂'ní₂ ně₃, juá'₅ jniá₂ 'e₂ gué₄ dse₃ jua'₅₄ co₂ñei'₅₄ bá₄ tsá₃ ma₃jéin'₂ gu₂, tiain'₃ ju₁lia'₂ chan₂ jniá₂ tsá₃ 'ein₂ gua₅₄ quiang'₅₄. 9 La₁ia₁ ně₁jua'₂ tsá₃ qui'₅₄ jmig₄ jmo₃ tió'₃ dsí₅ ně₃, ju₁jein'₅₄ gu₂, ia₁ ja₂lín₃ gué₄ dse₃ bá₄ jéin'₂ co₂ñei'₅₄ gu₂, lia'₂ con'₂ gué₄ a₂ñí₄ dsíin'₂ 'ñiog₅.

10 La₁ juá'₅ jniá₂ juí₂ ca₂le₃jín₃ ju₁lia'₂ i₂ma₂tián'₅ le₂jen'₂ gu₂, tsá₃ ma₃o₁tein₅₄ riin'₅₄ le₂jain₂ le₂jain₂. 'Éi'₃ ně₅ on₃jua'₅₄ 'éi'₃ quió₃ jniá₂ 'ñi₀₃; 'éi'₃ quió'₅ Te₁gui'₅₄ 'ñiog₅ bá₄ ně₅.

11 La₁ ně₁jua'₂ chan₂ jan₂ dsa₂ mí₂ ca₂téin₂ dsi₂i₂gu₂, ju₁gua₂ bá₄ tei₄ 'ñiog₅; o₃ ju₁'ei₅₄ bá₄ táng₃ caun₂ jág₁ quian'₅₄ dsi₂i₂gu₂ 'e₂. Le₂ně₅ bá₄ ju₁lia'₂ dsa₂ ñe'₂ táng₃, tsá₃ 'nió'₅ téin₂ dsa₂ mí₂ quiáin₅.

12 Juí₂ jniá₂ ju₁lia'₂ i₂sián'₂, (jág₁ quió₃ 'ñi₀₃, on₃jua'₅₄ 'éi'₃ quió'₅ Te₁gui'₅₄): Chi₂jua'₂ tsá₃ 'én₂ dsa₂ mí₂ quián₅ ju₁lia'₂ jan₂ dsa₂ 'én₂ rin'₅₄ jniog₄, la₁ ně₁jua'₂ 'ñio₂ bá₄ dsí₅ dsa₂ mí₂ 'éi₂ guá₅ quiong'₅₄, tsá₃ 'nió'₅ téi₂ rin'₅₄ jniog₄ 'éi₂. 13 O₃ chi₂jua'₂ dsa₂ ñe'₂ i₂tsá₃ 'én₂ lín₅ dsi₂i₂gu₂ jan₂ dsa₂ mí₂ i₂'én₂, la₁ ně₁jua'₂ 'ñio₂ bá₄ dsí₅ guá₅ quian'₅₄ dsa₂ mí₂ 'éi₂, ján₃ bá₄ tsá₃ ca₂tín₂ dsa₂ mí₂ téi₂ ján₃. 14 Ia₁ ju₁lia'₂ dsi₂i₂gu₂ i₂tsá₃ 'én₂ ně₃, ma₂jmo₅ bá₄ Diú₄ a₂lě₅ 'í₁ tē₂le₃ quian'₅₄ dsa₂ mí₂; dsa₂ mí₂ i₂tsá₃ 'én₂ ně₃, lě₅ bá₄ 'í₁ quián₅ Diú₄ tē₂le₃ quian'₅₄ dsa₂ ñe'₂ i₂'én₂ rin'₅₄ jniog₄. Jua'₅₄ mei'₂ tsá₃ le₂jaun₂, 'uí₂ chi'₂-guein₂ quián'₂ 'nia'₂ tsá₃ le₁jín₃. La₁ia₁, lia'₂ con'₂ tí₅ jág₁, ma₂jñi₀₅ bá₄ 'éi₂. 15 La₁ ju₁lia'₂ dsa₂ ñe'₂ o₃ dsa₂ mí₂ i₂tsá₃ 'én₂ ně₃, chi₂jua'₂ tion₅₄ 'nio₃ téin₂ riin'₅₄, ju₁tein₅₄ riin'₅₄. Tsá₃ lě₅ jua'₅₄ rē₂jnág₅ ju₁quió'₅ dsa₂ i₂'én₂

† 6:16 Génesis 2:24.

rin'⁵⁴ chi₂jua'² le₂jaun².^{*} Ia₁ ma₂të₃ Diú₄ jniog₄ a₂le₃chong₂ le₁'ág₄ tei₄ dsí₅. ¹⁶ Ia₁, ç'_{a2} lia'² ñi'⁵⁴ 'ne₂ dsa₂ mí₂, jua'⁵⁴ lé₂ long'⁵⁴ dsí₂i₂gog'²? Le₂jaun₂ guë'² 'ne₂ dsa₂ ñe'², ç'_{a2} bá₄ lia'² ñi'⁵⁴ jua'⁵⁴ lé₂ long'⁵⁴ dsa₂ mí₂ quiáng'²?

¹⁷ Jñia'⁵⁴ lia'² jui₁i₂nio₄ dsa₂ le₂jain₂ le₂jain₂ jui₁lia'² niog₅ lë₅ jui₅ ma₂chei'³ Te₁gui'⁵⁴, lia'² con'² lë₅ ma₂të₅ Diú₄. 'Éi'³ në₅ cuë'⁵ jniá₂ ca₂le₃jín₃ guá'⁵. ¹⁸ Chi₂jua'² i₂lín₅₄ ma₂le₁uñg₁ lo₄ lia'² con'² jme₁ca₂rë₃'éin₂ ca₂të₃ Te₁gui'⁵⁴, tsá₃ jui₁jme₂tsín₃ léi₄ jaun₂. O₃ chi₂jua'² 'ein₂ ca₂rë₃'én₂ le₃quió'⁵ Te₁gui'⁵⁴ tē₃ tsá₃ rē₂uñg₄ quió'⁵, tsá₃ jui₁guein₁₂ uñg₃ quió'⁵. ¹⁹ Ia₁ tsá₃ 'e₂ dsen₅₄ ta₁ jua'⁵⁴ rē₂uñg₄ o₃ tsá₃ rē₂uñg₄ quió'⁵ dsa₂ te₁i₂nioi₅₄. A₂jme₃ti₃ 'éi'³ quió'⁵ Diú₄ bá₄ dsa₂ dsen₅₄ ta₁. ²⁰ Le₂jan₂ le₂jan₂ bá₄ dsa₂ ca₂tíin₂ le₃chain₂ lia'² con'² lín₅ 'ñiog₅ lia'² con'² jme₁ca₂të₃ Te₁gui'⁵⁴. ²¹ Chi₂jua'² jme₁lín₄'g⁴ dsa₂ i₂jme₂ti₃ a₂tsá₃ 'liang'⁵⁴, lia'² con'² jme₁ca₂të₃ Te₁gui'⁵⁴, tsá₃ jmo₂ 'i₅ 'au'² a₂jaun₂; la₁ chi₂jua'² ca₂cuñ₃ jmí₄ a₂tsá₃ ma₃lén₄'g² dsa₂ i₂jme₂ti₃ ta₁, ja₂lín₃ guë'⁴ dse₃ quió'⁵⁴ jui₅ jaun₂. ²² Jui₁lia'² dsa₂ i₂jme₁lín₄ i₂jme₂ti₃ ta₁ ne₄ dsa₂ lia'² con'² jme₁ca₂të₃ Te₁gui'⁵⁴, la₁ rē₂në₃ në₃ ma₂lín₅ dsa₂ i₂jme₂ti₃ le₃ja₁con₂ Te₁gui'⁵⁴. Ján₃ bá₄ guë'² le₂jaun₂ jui₁lia'² dsa₂ i₂tsá₃ 'ein₂ ne₄ jme₁jme₂ti₃ lia'² con'² jme₁ca₂të₃ Te₁gui'⁵⁴ la₁ rē₂në₃ guë'² në₃, ma₂lín₅ dsa₂ i₂jme₂ti₃ ta₁ ne₄ Cristo. ²³ I₂ca₂quín₁ 'mu'⁵⁴ lín₃ bá₄ 'nia'² ca₂lá₂ Cristo. Jaun₂ tsá₃ ma₃cuñ₅ 'nia'² jmí₄ jua'⁵⁴ a₂jme₁ti₄ guë'⁴ ne₄ dsa₂ mi₂güí₃. ²⁴ Le₂në₅ bá₄ jaun₂, 'nia'² rin'⁵⁴ jniog₄, jui₁tión'² bá₄ 'nia'² lia'² jme₁lín₄'g⁴ lia'² con'² jme₁ca₂të₃ Diú₄ 'nia'².

²⁵ Nē₃ në₃, jui₁lia'² dsa₂ mi₄ i₂tsá₃ dsa₂ ñe'² ma₂jio₅, tsá₃ 'e₂ 'éi'³ ma₂ñi₂ jniá₂ ja₁con₂ Te₁gui'⁵⁴. La₂ cuë'⁵⁴ jniá₂ jág₁ lia'² con'² ñi'² dsí₃, co₂'nió'⁴ jan₂ i₂tí₅ jág₁ quió'⁵ ia₁ a₂ñé₂ dsí₅ Te₁gui'⁵⁴. ²⁶ Jaun₂ lín₂, ja₂lín₃ guë'⁴ dse₃ jua'⁵⁴ co₂ñei'⁵⁴ guë'⁴ jui₁chan'² bá₄ 'nia'² 'a₂ lia'² lë₅ chang'², 'uig⁵⁴ ia₁ 'ñio₅ lín₃ cha₂ o₂me'⁵⁴ dsí₅ jmí₄ rē₂në₃. ²⁷ Chi₂jua'² majen'² gog'², tsá₃ jmó'² 'au'² jua'⁵⁴ téng'⁴ ríng'². Chi₂jua'² tsá₃ majen'² guë'² gog'², tsá₃ lë₁ 'nág'² dsa₂ mí₂ i₂ne'⁵⁴ quiang'⁵⁴. ²⁸ La₁ nē₁jua'² ca₂jén'² guë'² gog'², on₃jua'⁵⁴ 'e₂ dso₄ jaun₂. Le₂jaun₂ bá₄ ján₃ jui₁lia'² dsa₂ mi₄, chi₂jua'² ca₂jéin'² gu₂, on₃jua'⁵⁴ 'e₂ dso₄ jaun₂ ján₃. La₁ jñia'⁵⁴ lia'² a₂jaun₂ bá₄ juá'⁵ jniá₂, le₃chain₂ quian₅ o₂me'⁵⁴ dsí₅ mi₂güí₃ la₂. A₂jaun₂ tsá₃ jme₁'nio₃ jniá₂ dsí₂ñi'² 'nia'².

²⁹ A₂la₂ bá₄ 'nio₃ jniá₂ juá'⁴, rin'⁵⁴ jniog₄. Tsá₃ ma₃uë'² le₃'ag₄ a₂dsió₄ jmí₄ quió'⁵ Te₁gui'⁵⁴. 'Uig⁵⁴ jaun₂, juí₂ jniá₂ 'nia'²: në₃ tē₂le₃ ne₄ jui₅, ca₂le₃jín₃ i₂ma₂tián₅ quian₅₄ dsa₂ mí₂, jui₁le₂chain₂ në₂jag₄ bá₄ a₂tsá₃ dsa₂ mí₂ quiáin₅ chan₂. ³⁰ Jui₁lia'² dsa₂ i₂chan₂ qui₂le₁qui'² dsí₅, jui₁jmo₁₂ bá₄ dsí₅ në₂jag₄ bá₄ a₂tsá₃ 'e₂ o₂i₁ dsí₅ chain₂. Le₂jaun₂ guë'² jui₁lia'² dsa₂ i₂jmo₅ 'io'², ca₂tíin₂ bá₄ jmo₃ në₂jag₄ bá₄ a₂tsá₃ dse₃ chain₂. Le₂jaun₂ guë'² ján₃ jui₁lia'² dsa₂ i₂qui₂lá₅ 'e₂ lá₅, jui₁jmo₁₂ bá₄ dsí₅ në₂jag₄ bá₄ on₃jua'⁵⁴ a₂quió'⁵ 'e₂ ma₂lá₃. ³¹ Le₂jaun₂ guë'² jui₁lia'² dsa₂ i₂jmó'² ta₁ a₂cha₂ mi₂güí₃ la₂, jui₁jmo₁₂ bá₄ dsí₅ në₂jag₄ bá₄ a₂tsá₃ chi₂quian₂₃ jmí₄ a₂jaun₂. Ia₁ ma₂ja₂quián₃ dsí₃ñi'² bá₄ lia'² lë₅ mi₂güí₃ la₂.

³² Jaun₂ 'nio₃ jniá₂ tsá₃ tón'² 'nia'² qui₂le₁quian₄ 'nia'² o₂i₁ dsí₅. Ia₁ jui₁lia'² jan₂ dsa₂ ñe'² i₂con'² 'ñio'² i₂tsá₃ dsa₂ mí₂ quian₅₄, 'i₅ dsí₅ tē₂le₃ quió'⁵ Te₁gui'⁵⁴, ton'² jmo₂₃ bá₄ a₂'ñio₂ dsí₅ 'éi₂. ³³ Ia₁ jui₁lia'² dsa₂ i₂jen'² gu₂ në₃, 'ñio₅ lín₃ guë'⁴ dsan₂ dsí₅ jui₁lia'² 'e₂ a₂niog₅ cha₂ mi₂güí₃, 'a₂ lia'² jmo₃ a₂'ñio₂ dsí₅ 'io₅₄ quiáin₅. ³⁴ Jma₃quén₅ bá₄ dsí₂jio₅ dsí₅. Jui₁lia'² jan₂ 'io₅₄ i₂tsá₃ gu₂ ma₂rē₂jen'², o₃ jan₂ dsa₂ mi₄ 'e₂, 'ñio₅ guë'⁴ dsan₂ dsí₅ tē₂le₃ o₄quió'⁴ Te₁gui'⁵⁴, a₂'nio₃ lén₂ 'í₁ le₃ja₁con₂ Diú₄, lia'² le₃quió'⁵ ni₁ñi₁₂, lia'² le₃quió'⁵ jme₂dsí₂ në₃. La₁ jui₁lia'² dsa₂ mí₂ i₂ma₂chan₂ dsí₂i₂gu₂ guë'² në₃, 'ñio₅ lín₃ guë'⁴ dsan₂ dsí₅ jui₁lia'² 'e₂ niog₅ cha₂ mi₂güí₃, 'a₂ lia'² jmo₃ a₂'ñio₂ dsí₅ dsa₂ ñe'² quiáin₅.

* 7:15 lit. "Tsá₃ chi₁'ñe'⁵⁴ dsa₂ i₂'én₂ rin'⁵⁴ chi₂jua'² le₂jaun₂."

³⁵ A₂dse₃ quián' ₂ bá₄ 'nia' ₂ juá' ₅ jniá₂ le₂nē₅, on₃jua' ₅₄ rē' ₂ a₂jni₄ jniá₂ quián' ₂ 'nia' ₂, tē₂le₃ ia₁jaun₂ le₃chan' ₂ 'nia' ₂ lia' ₂ con' ₂ dsi₂ten₅₄, ia₁jaun₂ lé₂jang' ₅₄ 'nia' ₂ 'au' ₂ ne₄ Te₁gui' ₅₄ tē₃ tsá₃ jnág₅ cha₂.

³⁶ La₁ chi₂jua' ₂ 'ein₂ chan₂ jan₂ dsa₂ mi₄ i₂jme₁ma₂li' ₅₄ já_{g1} a₂jéin' ₂ gu₂ quiain' ₅₄, ton' ₂ ma₂ca₂ñí₂ jmig₄ i₁jéin' ₂ gu₂, chi₂jua' ₂ lín₂ a₂tsá₃ jmo₂₃ lia' ₂ dsi₂ten₅₄ ja₁con₂ 'éi₂, chi₂jua' ₂ le₂jaun₂ dsi₂ten₅₄ lé₂ a₂jéin' ₂ gu₂, jui₁jmo₁₂ bá₄ 'a₂ lia' ₂ 'ñio₂ dsí₅; lé₂ bá₄ qui₂jéin' ₂ gu₂, ia₁ on₃jua' ₅₄ 'e₂ dso₄ jaun₂. ³⁷ La₁ jui₁lia' ₂ dsa₂ i₂ma₂'ei₅ caun₂ dsí₅, on₃jua' ₅₄ a₂'nió' ₅ 'ein₂ qui₂chi₂quióng₂ jmig₄, tē₂le₃ qui' ₅₄ jmig₄ jmo₃ 'í₁ 'ñiog₅, a₂dse₃ bá₄ jaun₂. ³⁸ Jaun₂ le₂nē₅ bá₄, jui₁lia' ₂ dsa₂ i₂jén' ₂ gu₂, a₂dse₃ bá₄ jmo₂₃; la₁ia₁ jui₁lia' ₂ i₂tsá₃ jén' ₂ gu₂ ja₂lin₃ gué₄ dse₃ jmo₂₃.†

³⁹ 'I₄ 'éi' ₃ jiog₃ dsa₂ mí₂ jñiai₃ dsi₂i₂gu₂ 'a₂ con' ₂ jñia' ₅₄ jmig₄ chan₂ 'éi₂. Nē₁ca₂jon₃ dsi₂i₂gu₂ guē' ₂ ně₃, jaun₂ gué₄ le₃jñin₅₄ guá₃ táng₃ jéin' ₂ gu₂ chi₂jua' ₂ 'ein₂ quiain' ₅₄ 'nio₃, la₁ lē₃ jua' ₅₄ lín₅ dsa₂ 'én₂ 'éi₂. ⁴⁰ La₁ ja₂lin₃ gué₄ dse₃ le₃chain₂ jua' ₅₄ co₂ñei' ₅₄ tsá₃ ma₃gu₂ jéin' ₂ táng₃. Le₂nē₅ con' ₂ lín₂ jniá₂ bá₄. Qui₂dsi₂jio₅ dsi₃ con' ₂ lē₅ jio₅ Jme₂dsí₂ quián₅ Diú₄ bá₄, lín₂ jniá₂.

8

Jui₁lia' ₂ ñi₄ já' ₂ a₂qui₂rē₂jen' ₅₄ ne₄ diú₄ lag₄

¹ La₂ juá' ₄ táng₃ jui₁lia' ₂ cuente quió' ₅ ñi₄ já' ₂ a₂qui₂jén' ₅ dsa₂ ne₄ diú₄ lag₄. Dsón' ₂ bá₄ jaun₂ cha₂ a₂ne₄ jniog₄, ca₂le₃jág₃. Jui₁lia' ₂ a₂ñi₅ dsa₂ ně₃, a₂jaun₂ bá₄ jmo₅ a₂róin₂; la₁ jui₁lia' ₂ a₂'nio₃ dsa₂ riin' ₅₄, a₂jaun₂ bá₄ jmo₅ a₂dsi₂cóin₃. ² Chi₂jua' ₂ chan₂ i₂juá' ₂ ma₂tiin₂, tsá₃ bá₄ gué₄ 'e₂ ma₂tiin₂ lia' ₂ con' ₂ dsi₂ten₅₄ le₃tiin₂. ³ Chi₂jua' ₂ 'ein₂ tē₃dsón' ₂ 'nioi₃ Diú₄, i₂cuin₅ bá₄ Diú₄ dsa₂ le₂'éi₂.

⁴ Jaun₂ ně₃, já_{g1} jui₁lia' ₂ a₂quig' ₂ dsa₂ ñi₅ a₂ma₂tē₁no₁ ně₂jén' ₃ dsa₂ ne₄ diú₄ lag₄: ne₄ bá₄ jniog₄ jaun₂, 'i₁caun₂ tsá₃ 'e₂ quen₅ jui₁lia' ₂ diú₄ lag₄ ne₄ gua' ₅₄ 'uē₃ la₂, ia₁ jñia' ₅₄ lia' ₂ jan₂ bá₄ Diú₄ chan₂. ⁵ Jui₁'a₂ gué₃ la₂ chan₂ i₂tē' ₂ dsa₂ diú₄ guei' ₅₄ i₂juíg₃ quian' ₅₄ ne₄ gua' ₅₄ 'uē₃, (ia₁ tē₃dsón' ₂ lē₅ le₂jaun₂ ně₃, a₂niog₅ chan₂ juin₅ "diú₄", já₃n₃ guē' ₂ le₂jaun₂ juin₅ i₂gon₂ já₃n₃), ⁶ la₁ tē₂le₃ quián₂ jniog₄ ně₃, jñia' ₅₄ lia' ₂ jan₂ bá₄ Diú₄ chan₂, i₂lín₅ Jmei₂ jniog₄, i₂ca₂jmo₃ ca₂le₃jě₃ 'e₂ niog₅ cha₂. Le₂jaun₂ guē' ₂ jniog₄ ně₃ chong₂ o₄quió' ₄ 'éi₂. Jñia' ₅₄ lia' ₂ jan₂ tan₅₄ bá₄ i₂gon₂, i₂lín₅ Jesucristo. Tē₂le₃ ne₄ o₄quió' ₄ 'éi₂ bá₄ ca₂lē₃ ca₂le₃jě₃ a₂cha₂, ca₂tē₂ jniog₄ guio₅₄ ně₃, chong₂ tē₂le₃ quian' ₅₄ 'éi₂.

⁷ La₁ tsá₃ ca₂le₃jín₃ ñi₅ a₂nē₅. I₂chan₂ bá₄ gué₄ i₂qui₂ma₂tiin₂ dsí₅ jme₂gain₃ diú₄ lag₄, jmo₂₃ bá₄ gué₄ dsí₅ jui₁lia' ₂ jme₁quig' ₂ ñi₅ a₂ma₂jáu' ₅ ne₄ diú₄ lag₄, 'uig₅₄ ia₁ a₂'uan₅₄ jme₂dsí₂ quió' ₅, tsá₃ caun₂ a₂qui₂dsi₂jein₃ dsí₅, ma₂ca₂rē' ₂ iog₅ bá₄ jme₂dsí₂ quió' ₅. ⁸ Dsón' ₂ bá₄, on₃jua' ₅₄ o₄quió' ₄ má₃ náu₂ jniog₄ rē₂ ne₄ Diú₄. Ia₁ on₃jua' ₅₄ a₂náu₂ rē₂ gué₄ ne₄ 'éi₂, ně₂jua' ₂ ca₂que₅₄, on₃ guē' ₂ jua' ₅₄ a₂tsá₃ rē₂ tióg₂ ně₂jua' ₂ tsá₃ ca₂que₅₄ guē' ₂ táng₃. ⁹ La₁ia₁ jag₄ de' ₂ 'nia' ₂, ia₁ con' ₂ tsá₃ ñó₅ ně₁qui₂ca₂sén' ₂ jui₁lia' ₂ i₂'uan₅₄, 'uig₅₄ ia₁ a₂rē₂na₄ jui₅ quián' ₂ 'nia' ₂ a₂lé₂ le₃quio' ₅₄. ¹⁰ Chi₂jua' ₂ ñi' ₅₄ 'ne₂ rē₂ 'a₂ lia' ₂ dsi₂ten₅₄ jmó' ₂, ně₁jua' ₂ ca₂jág₂ jan₂ rin' ₅₄ i₂'uan₅₄, i₂tsá₃ lin₄ rē₂ ñi' ₂ dsí₅, a₂ñéi' ₂ quē' ₂ ja₁tión₂ diú₄ lag₄, ¿'e₂ bá₄ lé₂ ně₁jua' ₂ ca₂tiá₂ dsí₅ 'éi₂ guē' ₃ a₂ma₂rē₂jen' ₅₄ ne₄ diú₄ lag₄? ¹¹ O₄quió' ₄ a₂ñi' ₅₄ 'ne₂ jaun₂, dsi₃'én₂ ríng' ₂ i₂'uan₅₄ gué₄ ně₃. Ca₂jon₃ Cristo o₄quió' ₄ 'éi₂ bá₄ já₃n₃. ¹² Ia₁ ně₂jua' ₂ jmo' ₂ 'nia' ₂ a₂tsá₃ caun₂ a₂qui₂dsi₂jein₃ dsí₅ ríng' ₂ i₂'uan₅₄, 'nau' ₂ 'nia' ₂ dso₄ tē₂le₃ ne₄ Cristo. ¹³ Jaun₂ lē₃, chi₂jua' ₂ léi₄ 'ñi₃ bá₄ jniá₂

† 7:38 o₃, "La₁ chi₂jua' ₂ 'ein₂ chan₂ jan₂ ja₁míg₄ i₂jē₁ca₂ñi₅ ñi₂ a₂jéin' ₂ gu₂, chi₂jua' ₂ le₂jaun₂ lín₂ dsa₂ a₂dsi₂ten₅₄ gué₄, jui₁jmo₅₄ bá₄ 'a₂ lia' ₂ 'ñio₂ dsí₅, lé₂ bá₄ cuin₃ ja₁míg₄ a₂jéin' ₂ gu₂, ia₁ on₃jua' ₅₄ 'e₂ dso₄ jaun₂. La₁ ně₂jua' ₂ chan₂ guē' ₂ i₂lín₂ on₃jua' ₅₄ a₂'nió' ₅ 'ein₂ qui₂chi₂quióng₂ jmig₄, 'nio₃ a₂tsá₃ gu₂ jén' ₂ bá₄ ja₁míg₄, caun₂ bá₄ 'ei₅ dsí₅ a₂tē₃gua₄ ja₁míg₄ le₂jaun₂ tē₃ tsá₃ gu₂ jéin' ₂, a₂dse₃ bá₄ jaun₂. Jaun₂ le₂nē₅ bá₄, 'ein₂ qui₂cuin₅ ja₁míg₄, qui₂jen₂ gu₂, a₂dse₃ bá₄ jmo₂₃. Le₂jaun₂ guē' ₂ jui₁lia' ₂ i₂tsá₃ cuin₅ ja₁míg₄ a₂jen' ₂ gu₂, ja₂lin₃ gué₄ dse₃ bá₄ já₃n₃."

jmo₂₃ a₂tan'₂ dso₄ ríng'₃ o₄quió'₄ 'e₂ a₂guë'₂, ja₂lín₃ guë'₄ dse₃ o₁líg'₂ jmíg₄ tsá₃ ma₃quig'₅₄ ñí₅, ia₁jaun₂ tsá₃ ma₃tián'₃ dso₄.

9

Jui₁lia'₂ a₂ca₂tín₂ jan₂ dsa₂ i₂chen₄ quián₅ Jesús

¹ Dsón'₂ bá₄ rē₂na₄ jui₅ a₂ca₂tíng₂ ca₂le₃jě₃ con'₂ lě₅ ca₂tíng₂ ia₁ líng₅ dsa₂ i₂chen₄, ia₁ ma₂ca₂jíng₅₄ bá₄ Jesús i₂lín₅ Te₁gui'₅₄ quián₂. Guion'₅₄ bá₄ 'nia'₂ ně₃, líng'₅ co₂'nió'₄ ta₁ a₂rē₂jniá₂ quió₃, tē₂le₃ quió'₅ Te₁gui'₅₄. ² 'An₁ chan₂ bá₄ i₂lín₅₄ jmo₅ dsí₅ a₂tsá₃ lín₅ jniá₂ dsa₂ i₂chen₄ quián₅ Te₁gui'₅₄. La₁ 'nia'₂ ně₃, ca₂tín'₂ bá₄ 'nia'₂ jmó'₂ 'au'₂, le₂ně₅ líng₅, ia₁ 'nia'₂ bá₄ líng'₅ i₂jáng'₅ léi₄ ta₁ quió₃, a₂tě₃dsón'₂ líng₅ jan₂ dsa₂ i₂chen₄ quián₅ Te₁gui'₅₄.

³ Jui₁lia'₂ dsa₂ i₂con₂ 'í₁ ja₁con₂ jniá₂, le₂la₂ bá₄ lě₅ jág₁ a₂jein'₅₄ jniá₂ quió'₅: ⁴ ¿O₃ bá₄ tsá₃ ca₂tín₂ jniá₂ gue₅₄ ca₂le₃jě₃ 'e₂ cuē₅ dsa₂ a₂guë'₅₄, o₃ 'e₂ cuē₅ dsa₂ a₂gui'₅₄ ján₃? ⁵ ¿O₃ bá₄ tsá₃ ca₂tág₂ jnia'₅₄ jniá₂ jan₂ dsa₂ mί₂ i₂'én₂ i₂jen'₄ jnia'₅₄ gu₂ quian'₅₄, jui₁lia'₂ jmo₅ dsa₂ i₂chen₄ sián'₂ quian'₅₄ guë'₂ chi'₂ rin'₅₄ Te₁gui'₅₄ 'ñiog₅, jui₁lia'₂ chan₂ Pe₄* ně₃? ⁶ ¿O₃ bá₄ lín'₂ 'nia'₂, jnia'₅₄ lia'₂ jniá₂ quian'₅₄ Bernabé ca₂tág₂ jmó₁ ta₁ a₂'nióg₂ a₂dsi₃ñág₂? ⁷ ¿Ein₂ bá₄ 'lióg₂ jme₂ti₃ chi₂jua'₂ 'ñiog₅ bá₄ qui₃ 'liain'₅₄ a₂dsi₂ñí₂? ¿I₂'ein₂ bá₄ 'éi₂ i₂chén'₅ ni₁uing₂ uvas jua'₅₄ tsá₃ guë'₃ guë'₂ mί₂ jaun₂? O₃ jui₁lia'₂ dsa₂ i₂jmo₅ ta₁ jme₂can'₅₄ chein₄ lau₂, ¿Ján₃ guë'₂ tsá₃ lé₂ le₃'ín'₂ dsí₁ já'₂? ⁸ Tsá₃ o₁len'₂ 'nia'₂ jua'₅₄ jniá₂ a₂lě₁juá'₅ con'₂ lě₂ dsi₃ 'ñió₃; ján₃ bá₄ le₂ně₅ juá'₂ ne₄ Si₂ 'Éi'₃. ⁹ Ia₁ chi₁ton₅ ne₄ Si₂ 'Éi'₃ quió'₅ Moisés le₂la₂: “Tsá₃ tó'₂ 'nia'₂ 'nei₅₄ mi₂'o₄ ca₁jui₅ i₂jmo₅ ta₁ i₂chén₂ mί₂ trigo.”† ¿A₂'i₅ dsí₅ Di₄ ca₁jui₅ a₂juá'₂ le₂jaun₂? ¹⁰ ¿O₃ a₂juá'₂ o₄quián₂ jniog₄ bá₄? Dsón'₂ bá₄ o₄quián₂ jniog₄ bá₄ ca₂i₃to'₅₄ 'éi'₃ ně₅ ne₄ Si₂. Ia₁ le₂jaun₂ bá₄ lě₅ jui₁lia'₂ dsa₂ i₂quia'₂ 'uē₃ quian'₅₄ guë'₂ dsa₂ i₂cág'₅ mί₂ trigo. Tsá₃ a₁jaun₂ jua'₅₄ a₂lě₁jmo₅ dsa₂ 'éi₂ ta₁ a₂jmo₂₃, jua'₅₄ tsá₃ 'ín₂ dsí₅ a₂ca₂tíin₂ a₂cág'₃ jaun₂. ¹¹ Jaun₂ le₂ně₅, chi₂jua'₂ jaun₂ ma₂jñí₁ jnia'₅₄ jě₄ quián'₂ 'nia'₂ caun₂ jon₂ a₂gu₂dsí₂, ¿a₁lín₃ 'ñio₅ lín'₂ 'nia'₂ jua'₅₄ a₂cag'₄ ca₂la₂ ja₁con'₂ 'nia'₂ jui₁lia'₂ a₂dsi₃ñág₂ jnia'₅₄ tē₁lia'₂ chong₂? ¹² Chi₂jua'₂ ca₂tín₂ dsa₂ sián'₂ a₂jme₁'oin'₄ 'nia'₂, 'ě₂ guë'₄ bá₄ ca₂tág₂ jnia'₅₄.

La₁ tsá₃ 'e₂ ma₂ca₂chi₁quian₁ jnia'₅₄ 'nia'₂ jmíg₄ jua'₅₄ a₂mi₂ a₂ca₂tág₂ jnia'₅₄ jaun₂. Ma₂jmó₁ bá₄ jnia'₅₄ tió'₃ dsí₅ ca₂le₃jě₃, ia₁jaun₂ tsá₃ lě₅ jua'₅₄ cha₂ jnág₅ a₂qui₂dsi₃'ag₅ jág₁ dse₃ quió'₅ Cristo. ¹³ ¿Tsa₁ ñi'₅₄ 'nia'₂, jui₁lia'₂ dsa₂ i₂niog₅ ne₄ a₂jñió₅ dsi₂néi₂ guá'₅, guë'₅ jui₁lia'₂ a₂cha₂ dsi₂néi₂ guá'₅; jui₁lia'₂ dsa₂ i₂tion'₅₄ qui₂jme₂ti₃ ne₄chei₂ ně₃, ján₃ guë'₂ quein'₅₄ gue₂₃ a₂jén'₅ ne₄chei₂? ¹⁴ Ján₃ bá₄ le₂jaun₂ ca₂jmo₃ Te₁gui'₅₄ 'éi'₃, jui₁lia'₂ dsa₂ i₂i₂nio₄ qui₂'ě₂ jág₁ dse₃, quian'₅₄ ta₁ jaun₂ le₃chain₂. ¹⁵ La₁ jniá₂ ně₃, tsá₃ 'e₂ ma₂ca₂chi₁quian₁ jniá₂ jmíg₄ 'nia'₂ jua'₅₄ a₂tion₅₄ lé₂ a₂ca₂tíng₂. On₃ guë'₂ jua'₅₄ jaun₂ jmo₅ jniá₂ si₂ la₂ ne'₅₄ 'nia'₂ jua'₅₄ a₂'ín₂ dsi₃ a₂jmó'₂ le₂jaun₂ quian'₅₄ jniá₂. ¡Tē₂le₃ quió₃ jniá₂, ja₂lín₃ guë'₄ dse₃ jua'₅₄ jóng₂, lia'₂ con'₂ guë'₄ ně₁jua'₂ 'ein₂ jné₅ jui₅ a₂tsá₃ ma₃jme₁ti₁₂ guë'₄ ta₁ quió₃ a₂jmo₂₃ táng'₅!

¹⁶ La₁ia₁, jui₁lia'₂ jme₁'ě₅ jniá₂ jág₁ dse₃, tsá₃ ca₂tín₂ jniá₂ dsia₅₄ jág₁ tá'₅, ia₁ tion₅₄ 'nió'₅ ca₂tíng₂ bá₄ qui₂'ě₄ dsa₂ jág₁ dse₃. ¡'E₂ guë'₄ juí₂ jniá₂ ně₁jua'₂ tsá₃ ma₃ca₂'ě₃ jniá₂ jág₁ dse₃! ¹⁷ Ia₁ ně₁jua'₂ 'ě₅ jniá₂ jág₁ dse₃ a₂'ñio₂ dsi₃ 'ñió₃, gue₅₄ bá₄ 'liang'₅₄. La₁ ně₁jua'₂ tsá₃ jmo₂₃ a₂'ñio₂ dsi₃ 'ñió₃, a₂lě₁jme₂tí₁ bá₄ jniá₂ ta₁ a₂'niog₅ gu₃ jmo₅₄. ¹⁸ ¿Na₅ bá₄ 'lian'₅₄ jniá₂ jaun₂ ně₃? A₂jaun₂ bá₄ 'lian'₅₄ jniá₂: a₂lé₂ qui₁'ě₄ jniá₂ jág₁ dse₃ ja₁con₂ dsa₂, a₂tsá₃ 'lia'₅₄ can₅₄, on₃jua'₅₄ chi₁quiang₁₂ jmíg₄ gue₅₄ a₂ca₂tíng₂.

¹⁹ O₁jñia'₅₄ la₂ jin₅₄ jniá₂, on₃jua'₅₄ chan₂ 'ein₂ ne₄ jme₂tí₁, la₁ jmo₅₄ jniá₂ dsi₃ ně₂jag₄ bá₄ i₂ma₂rē₂'ñe'₅₄ jniá₂ quián₅ ca₂le₃jín₃, ia₁jaun₂ lé₂ le₃léi₂ guë'₄ juin₅ dsa₂ tē₂le₃ quió'₅ Cristo. ²⁰ Jui₁lia'₂ jme₁'eng₅₄ quiang'₅₄ dsa₂ judíos, jmo₂₃ dsi₃ ně₂jag₄ bá₄ líng₅ co₂'nió'₄ jan₂ dsa₂ judío, ia₁jaun₂ cui₃ jmíg₄ a₂jóin₄ jniá₂. Jui₁lia'₂ ja₁con₂ dsa₂ i₂tion'₅₄ 'Éi'₃ quió'₅ Moisés, jmo₅₄

* 9:5 griego: Cefas. † 9:9 Deuteronomio 25:4.

jniá₂ dsi₃ nē₂jag₄ bá₄ a₂'eng₅₄ 'Éi'₃, ia₁jaun₂ jón₄ jniá₂ ju₁lia'₂ i₂tion'₅₄ 'Éi'₃, (o₁jnia'₅₄ la₂ tsá₃ 'Éi'₃ jaun₂ 'eng₅₄ tē₃dsón'₂). ²¹ Tē₂le₃ quió'₅ guē'₂ ju₁lia'₂ dsa₂ i₂tsá₃ tion'₅₄ 'Éi'₃ nē₃, ján₃ bá₄ co₂ring₂ quian'₅₄ dsa₂ 'éi₂ jmo₂₃ dsi₃, ia₁jaun₂ jóng₄ ju₁lia'₂ dsa₂ i₂tsá₃ tion'₅₄ 'Éi'₃, (o₁jnia'₅₄ la₂ tsá₃ lon₄ jniá₂ ne₄ 'Éi'₃ quió'₅ Diú₄, a₂'eng₅₄ bá₄ 'éi'₃ quió'₅ Cristo). ²² Ju₁lia'₂ ja₁con₂ dsa₂ 'uan₅₄ i₂tsá₃ lin₄ ma₂'én₂ rē₂, ján₃ bá₄ le₂jaun₂ jmo₂₃ dsi₃ líng₅, ia₁jaun₂ jóng₄ ju₁lia'₂ i₂'uan₅₄. Ja₁con₂ ca₂le₃jín₃ dsa₂ ma₂jmo₃ jniá₂ dsi₃ a₂co₂ring₂ quian'₅₄ ca₂lē₃jín₃, ia₁jaun₂ cu₁n₃ jmíg₄ a₂lé₂ le₃lión₂ i₂lin₅₄. ²³ Ca₂le₃jě₃ a₂nē₅ jmo₅ jniá₂ o₄quió'₄ jág₁ dse₃, ia₁jaun₂ bá₄ quen'₅₄ jniá₂ tē₂le₃ quian'₅₄ jág₁ dse₃.

²⁴ ¿Tsa₁ ŋi'₅₄ 'nia'₂ ju₁lia'₂ dsa₂ i₂i₂nio₄ co₂chi'₅₄ jme₁co₂₃, ca₂le₃jín₃ bá₄ 'éi₂ i₂nioi₅₄, la₁ i₂jan₂ tan₅₄ ju₁lia'₂ i₂lí₂ bá₄, gue₅ premio? Le₂jaun₂ bá₄ 'nia'₂ ján₃, quen'₂ bí₂ o₂nóg'₅ co₂chi'₅₄ ia₁jaun₂ guéi'₁ 'nia'₂ premio. ²⁵ Ca₂le₃jín₃ dsa₂ i₂jme₂tin₅ ia₁ cha₂ ja₁lě₄ jág₁ a₂dsi₃cá_u₂, jmo₂₃ 'í₁ 'ŋiog₅, ia₁jaun₂ bá₄ lí₂ caun₂ corona a₂jio₅ co₂'na₂. La₁ jniog₄ nē₃ quen'₂ bí₂ léi₂ caun₂ corona a₂jio₅ co₂tan₅₄ bá₄. ²⁶ Jaun₂ le₂nē₅, 'ŋió₃ jniá₂ nē₃, on₃jua'₅₄ a₂lě₁i₂ŋi₄ jniá₂ co₂chi'₅₄; jaun₂ jme₁quín'₂ jniá₂, on₃jua'₅₄ a₂lě₁dsi₂dsi₂ ja'₂. ²⁷ Tē₂le₃ jma'₄ cuē₅ uig₅ ŋi₃ 'ŋió₃, nē₂jag₄ bá₄ a₂rē₂'ŋe'₅₄, con'₂ tsá₃ ŋó₅ nē₁jua'₂ tē₁tsing'₄ 'lig'₅₄ 'ŋió₃, lia'₂ con'₂ jme₁ca₂jme₁ting₅ i₂sián'₂.

10

To'₂ jág₁ a₂tsá₃ jme₃gan₃ dsa₂ diú₄ lag₄

¹ Tsá₃ 'nio₃ jniá₂ jua'₅₄ a₂tsá₃ ŋi'₅₄ 'nia'₂ rin'₅₄ jniog₄, a₂jme₁tion'₅₄ dsa₂ can'₅₄ quián₂ jnia'₅₄ ma₂líg'₂ né₃ jnei₅, jaun₂ guē₄ ca₂ŋi₃ ca₂le₃jín₃ Jm₁ŋí'₄ Guéin₂. ² Ca₂tón'₂ dsa₂ co₂lě₅ ca₂le₃jín₃ quian'₅₄ Moisés jē₄ jnei₅ quian'₅₄ jē₄ jm₁ŋí'₄ nē₃. ³ Le₂jaun₂ bá₄ ján₃, ca₂guē'₃ co₂dsia₅ ca₂le₃jín₃ má₃ a₂gu₂dsi₂; ⁴ ca₂'in'₃ jmíg₂ a₂gu₂dsi₂ ján₃. Ia₁ ca₂'in'₃ jmíg₂ a₂ca₂'ia₂ dso'₂ ni₁'lau₂ a₂gu₂dsi₂ jaun₂ a₂ca₂jme₃quiong'₅₄ ca₂le₃jě₃ jmíg₄ tioen'₅₄ ju₁i₅. Ni₁'lau₂ jaun₂ nē₃, Cristo bá₄ 'éi₂. ⁵ La₁ia₁, mei'₂ tsá₃ le₃jín₃ dsa₂ 'éi₂ nē₃, tsá₃ ca₂jmo₃ a₂'ŋio₂ dsí₅ Diú₄. Jaun₂ ne₄ 'uig₅₄ jaun₂, qui₂i₃ga'₅₄ ni₁ŋi₁₂ 'uē₃ quein₂ co₂'ŋiog₅ jaun₂.

⁶ Ca₂le₃jě₃ a₂nē₅ ca₂lě₃ ia₁jaun₂ lě₅ caun₂ jág₁ a₂jáng'₅ léi₄ quián₂ jniog₄ jmíg₄ nē₃, ia₁jaun₂ tsá₃ jmó₁ jniog₄ 'ín₅ dsí₅ ja₁con₂ a₂'lig'₅₄, ju₁lia'₂ ca₂jmo₃ dsa₂ 'éi₂ 'ín₅ dsí₅. ⁷ Jaun₂ juíg₂ jniá₂ 'nia'₂, tsá₃ jme₁gan₃ 'nia'₂ diú₄ lag₄, ju₁lia'₂ ca₂jmo₃ i₂lin₅₄ dsa₂ 'éi₂; ju₁lia'₂ juá'₂ ne₄ Si:
“Ca₂tián'₂ dsa₂ ca₂guē'₃ qui₂ca₂'in'₃ nē₃, jaun₂ guē₄ qui₂ca₂nau₂, ca₂co₃.”* ⁸ Tsá₃ ca₂tág₂ jniog₄ 'nióg₁ dso₄ jua'₅₄ nió'₄ jniog₄ jág₁ quian'₅₄ ju₁'ein₂ guē₃, ju₁lia'₂ ca₂jmo₃ i₂lin₅₄ dsa₂ 'éi₂. Ne₄ 'uig₅₄ jaun₂, quian'₅₄ co₂jmíg₄ ca₂dsan₃ con'₂ guióg₂-ni₅ mei₅ dsa₂ 'éi₂. ⁹ On₃ guē'₂ ca₂tág₂ jniog₄ a₂quiong₅₄ táu₂ Te₁gui'₅₄ ju₁lia'₂ ca₂jmo₃ i₂lin₅₄ dsa₂ 'éi₂, jaun₂ qui₂ca₂dsain₃, qui₂ca₂cag'₂ dsí₂mi'₂. ¹⁰ On₃ guē'₂ chi₁'ín'₄ 'nia'₂ uig₅ Diú₄, ju₁lia'₂ ca₂jmo₃ i₂lin₅₄ dsa₂ 'éi₂, jaun₂ ca₂chen₃ Diú₄ ángel i₂quian₅ 'mú₃, ca₂jme₃dsain₂₃ dsa₂ 'éi₂.

¹¹ Le₂nē₅ bá₄ ca₂i₃ŋi₂ dsa₂ 'éi₂, ia₁jaun₂ jióg'₂ 'í₁ lě₅ léi₄; ca₂i₃to'₅₄ ne₄ Si₂ co₂'nió'₄ caun₂ jág₁ a₂i₂'ag₅₄ tē₃ŋiá₅, ia₁jaun₂ dsiog'₂ dsí₅ jniog₄ jmíg₄ nē₃, ia₁ ma₂ja₂quián₃ bá₄ le₃'ŋia₅ jmíg₄ a₂le₂ti₃ a₂lě₅ dsí₅ Diú₄ jmo₃ ja₁con₂ jniog₄. ¹² Le₂nē₅ bá₄, chi₂jua'₂ 'ein₂ lín₂ chéin'₅ tiá₂ a₂'éin₂, ju₁jmo₁₂ 'í₁ ia₁jaun₂ tsá₃ tián'₃. ¹³ Tsá₃ 'e₂ táu₂ ma₂i₂ŋi'₂ 'nia'₂, jnia'₅₄ lia'₂ a₂qui₂dsi₂ŋi₂ dsa₂ mi₂güí₃. La₁ i₂rē₂ti'₅₄ bá₄ Diú₄, tsá₃ cuē₃ jmíg₄ jua'₅₄ ŋi₄ a₂qui₂dsi₂juin₅₄ 'a₂ con'₂ jnia'₅₄ tiang'₃. Tē₂le₃ 'ŋiog₅ bá₄ Diú₄ jmo₃ caun₂ ju₁i₅ 'a₂ lia'₂ lě₂ jmó'₂ a₂tiang'₃, ju₁'e₂ guē₃ caun₂ táu₂ já₅.

¹⁴ Jaun₂ juíg₂ jniá₂ 'nia'₂ rin'₅₄ jniog₄, quiá₂ 'nia'₂ cau₅ ja₁jme₂juin'₂ dsa₂ diú₄ lag₄. ¹⁵ Juíg₂ jniá₂ 'nia'₂ dsa₂ i₂ŋi'₂ dsí₅: quion₂ de'₂ 'nia'₂ caun₂ 'í₁ a₂juá'₅. ¹⁶ Ju₁lia'₂ jme₁quian'₅₄ jniog₄ rin'₅₄, 'ne'₂ jniog₄ a₂'a₄ copa jŋi₅, cuē₂ ti₁'mag'₄ Diú₄: ¿on₁jua'₅₄ a₂quein'₄ jniog₄ jm₁4 Cristo? Le₂jaun₂ bá₄ ján₃ ju₁lia'₂ jme₁quian'₅₄ jniog₄ rin'₅₄ jmo₂ dsióg₁ i₁ŋí'₄: ¿on₁jua'₅₄ a₂quein'₄

* 10:7 Éxodo 32:6.

jniog₄ ni₁ni₁ Cristo? ¹⁷ Ju₁lia' ₂ caun₂ bá₄ i₁ni' ₄ lě₅, já_n bá₄ le₂jaun₂ jniog₄ ně₃, o₁jnia' ₅₄ la₂ juag₅ jniog₄ lě₂, la₁ caun₂ bá₄ ni₁ni' ₅ lág₅ jniog₄, ia₁ caun₂ i₁ni' ₄ bá₄ que₂ jniog₄.

¹⁸ Quion₂ de' ₂ 'nia' ₂ 'í₁ 'a₂ lia' ₂ lě₅ juig₂ Israel: ¿Tsa₁ lín' ₂ 'nia' ₂, jnia' ₅₄ dsa₂ i₂guě' ₅ má₃ ni₄ já' ₂ a₂qui₂rě₂jen' ₅₄ ne₄chei₂, le₂jaun₂ bá₄ quein' ₅₄ guioin' ₅₄ ne₄chei₂ jaun₂? ¹⁹ Tsá₃ juig₂ jniá₂ 'nia' ₂ jua' ₅₄ a₂cha₂ bí₂ 'io₅ diú₄ lag₄, on₃ guě' ₂ le₂jaun₂ ni' ₅ a₂te' ₁ ne₅₄. ²⁰ Tě₂le₃ juá' ₅ jniá₂, jme₁jén' ₅ dsa₂ 'e₂ qui₂jén' ₅ ne₄ 'éi₂, qui₂jén' ₅ dsa₂ a₂jaun₂ ne₄ je₂na' ₅₄, on₃jua' ₅₄ rě' ₂ ne₄ Diú₄ tē₃dsón' ₂. Jaun₂ tsá₃ 'nio₃ jniá₂ jua' ₅₄ quen' ₅₄ 'nia' ₂ quian' ₅₄ je₂na' ₅₄. ²¹ Tsá₃ lé₂ 'ag' ₅₄ 'nia' ₂ copa quió' ₅ Te₁gui' ₅₄, chi₂jua' ₂ já_n guě' ₂ 'ag' ₅₄ táng₃ copa quió' ₅ je₂na' ₅₄. On₃ guě' ₂ lé₂ quen' ₅₄ 'nia' ₂ ne₄ mesa quió' ₅ Te₁gui' ₅₄, chi₂jua' ₂ já_n guě' ₂ quen' ₅₄ táng₃ 'nia' ₂ ne₄ mesa quió' ₅ je₂na' ₅₄.

²² ¿'E₂ lé₂ ně₃? ¿O₃ bá₄ lé₂ le₃jmó₁ jniog₄ ia₁jaun₂ le₃dsí' ₅ Te₁gui' ₅₄ o₄quián₂ jniog₄? ¿O₃ bá₄ 'uau' ₂ guě₄ jniog₄ lia' ₂ con' ₂ guě₄ 'éi₂?

A₂ con' ₂ jnia' ₅₄ cuě₂₃ jmig₄ ia₁ a₂lág₅ jniog₄ dsa₂ quián₅ Cristo

²³ Dsón' ₂ bá₄ dsau₅: “I₄ bá₄ 'éi' ₃ le₃jmo₃ dsa₂ 'e₂ 'nio₃ jmo₃”, la₁ tsá₃ jua' ₅₄ ca₂le₃jě₃ a₂jaun₂ jme₂o₅₄; dsau₅ bá₄: “I₄ 'éi' ₃ le₃jmo₃ dsa₂ ca₂le₃jě₃ 'e₂ 'nio₃ jmo₃”, la₁ia₁ tsá₃ jua' ₅₄ ca₂le₃jě₃ a₂jaun₂ jmo₃ a₂dsi₃cón₃ dsa₂ tē₂le₃ quió' ₅ jme₂dsi₂. ²⁴ Nió' ₅ bá₄ 'no' ₂ dsa₂ ju₁5 jmo₃ a₂dse₃ le₃ja₁con₂ riin' ₅₄, on₃jua' ₅₄ rě' ₂ jmá' ₃ lia' ₂ a₂dse₃ ja₁coin' ₂ 'niog₅.

²⁵ Qué' ₂ bá₄ 'nia' ₂ lia' ₂ 'ei₅ ne₄ a₂dsi₂'nag₂ 'ma' ₅₄, lě₃ jua' ₅₄ tsá₃ 'e₂ cáun' ₂ 'nia' ₂ 'í₁ o₄quió' ₄ a₂qui₂dsi₂jni₅ 'au' ₂ 'nia' ₂. ²⁶ Ia₁: “Gua' ₅₄ 'uě₃, quian' ₅₄ guě₄ ca₂le₃jě₃ 'e₂ niog₅ cha₂ ja₁jaun₂, a₂quió' ₅ Te₁gui' ₅₄ jě₂ bá₄ jaun₂.” †

²⁷ Nē₁jua' ₂ 'ein₂ dsa₂ i₂tsá₃ 'én₂ ca₂tě₃ 'nia' ₂ a₂o₁qué' ₂ ja₁quió' ₄, nē₁jua' ₂ 'niog' ₂ 'nia' ₂ o₁nóg' ₅, jaun₂ qué' ₂ bá₄ 'nia' ₂ ca₂le₃jě₃ 'e₂ niog₅ dsia₃ dsa₂ ne' ₅₄, lě₃ jua' ₅₄ tsá₃ cáun' ₂ 'í₁ o₄quió' ₄ a₂qui₂dsi₂jni₅ 'au' ₂ 'nia' ₂. ²⁸ La₁ nē₁jua' ₂ chan₂ guě' ₂ 'ein₂ juá' ₂: “Má₃ a₂qué' ₂ 'nia' ₂ nē₅ a₂ma₂jáu' ₅ jme₁rě₂jen' ₅₄ ne₄ diú₄ lag₄ bá₄ nē₅”, co₂dsia₅ tsá₃ ma₃quě' ₂ 'nia' ₂, o₄quió' ₄ i₂juá' ₂ le₂ně₅, já_n bá₄ o₄quió' ₄ a₂qui₂dsi₂jni₅ dsí₅ ně₃. ‡ ²⁹ A₂qui₂dsi₂jni₅ dsí₅ dsa₂ 'éi₂ bá₄ guě' ₂, on₃jua' ₅₄ rě' ₂ 'nia' ₂.

La₁ chan₂ guě' ₂ i₂le₃juá' ₂ táng₃: “¿'E₂ 'uig₅₄ qui₂con₂ dsa₂ 'í₁ tē₂le₃ ju₁5 a₂tsá₃ jnág₅ quió₃, o₄quió' ₄ 'a₂ lia' ₂ niog₅ ni' ₂ dsí₅ i₂sián' ₂?” ³⁰ Chi₂jua' ₂ cuě₅ jniá₂ ti₁'mag' ₄ o₄quió' ₄ caun₂ má₃ a₂quen' ₅₄ jniá₂ jě₄ guě' ₅ dsa₂, ¿'e₂ 'uig₅₄ chi₂'ag₅ dsa₂ o₄quió' ₄ a₂guě' ₂ jaun₂, chi₂jua' ₂ cuě₅ ti₁'mag' ₄ ně₃? ³¹ Jaun₂ lě₃, chi₂jua' ₂ quě' ₂, 'ag' ₂, já_n guě' ₂ le₂jaun₂ chi₂jua' ₂ 'e₂ guě₄ niog₅ jmo' ₂ 'nia' ₂, jmo₄ bá₄ a₂jaun₂, la₁ jua' ₅₄ le₃juin' ₂ bá₄ Diú₄ le₃jě₃ a₂jaun₂. ³² La₁ tsá₃ cuě₂ 'nia' ₂ jmig₄ jua' ₅₄ ja₁lé₂ tsi₃sén' ₂ dsa₂ judíos, on₃ guě' ₂ dsa₂ griegos, on₃ guě' ₂ dsa₂ i₂tén₅ le₃quió' ₅ guá' ₅ quián₅ Diú₄ ně₃. ³³ Jniá₂ 'nió₃ ně₃, quín' ₅ bí₂ jmo₂₃ a₂tě₅ dsí₅ ca₂le₃jín₃, tsá₃ jmo₅ jniá₂ dsí₃ a₂'náu' ₅ jniá₂ a₂dse₃ le₃ja₁cong₂ 'nió₃. Jmo₅ bá₄ jniá₂ a₂dse₃ le₃ja₁con₂ i₂sián' ₂, ia₁jaun₂ lióin₂.

11

¹ Quian₂ 'nia' ₂ ju₁5 a₂ca₂can₃ jniá₂, ju₁lia' ₂ jniá₂ ně₃, quian₅₄ ju₁5 a₂ca₂can₃ Cristo.

A₂ lia' ₂ dsi₂ten₅₄ jmo₃ dsa₂ mí₂ jme₁tioin' ₅₄ culto

² Rin' ₅₄ jniog₄, a₂'nio₂ dsí₃ lín₃ cuě₅ jniá₂ ti₁'mag' ₄ 'nia' ₂, 'uig₅₄ ia₁ a₂dsau' ₂ bá₄ 'au' ₂ jniá₂, ia₁ chan' ₅₄ bá₄ 'nia' ₂ tiá₂ já_g₁ con' ₂ lě₅ ma₂ca₂jme₁tin₅ jniá₂ 'nia' ₂. ³ La₁ 'nio₃ jniá₂ a₂le₃ni' ₅₄ 'nia' ₂: ju₁lia' ₂ lín₅ Cristo mi₂dsi₄ le₂jan₂ le₂jan₂ dsa₂ ne' ₂, já_n guě' ₂ le₂jaun₂ lín₅ dsa₂ ne' ₂ mi₂dsi₄ dsa₂ mí₂; jaun₂ lín₅ Diú₄ mi₂dsi₄ Cristo. ⁴ Jua' ₅₄ mei' ₂ guě₃ jan₂ dsa₂ ne' ₂ jlě₂ dsi₅₄ jme₁chi₂léin' ₂ Diú₄ jě₁le₁ni' ₂ dsa₂, o₃ jme₁niág₅ já_g₁ a₂cuě₅ Diú₄, chein' ₂₃ o₂guí' ₃ mi₂dsi₅₄ chi₂jua' ₂ le₂jaun₂. ⁵ La₁ chi₂jua' ₂ jan₂ guě' ₂ dsa₂ mí₂ tsá₃ chi₁jlě₅ dsi₅₄ jme₁chi₂léin' ₂ Diú₄, o₃ jme₁niág₅ já_g₁ a₂cuě₅ Diú₄, chein' ₂₃ o₂guí' ₃ mi₂dsi₅₄ chi₂jua' ₂ le₂jaun₂ já_n; co₂jaun₂ bá₄

† **10:26** Salmo 24:1. ‡ **10:28** A₂lín₅₄ chog₅₄ si₂ juá' ₂ já_n; “Ia₁ gua' ₅₄ 'uě₃, quian' ₅₄ guě₄ ca₂le₃jě₃ 'e₂ niog₅ cha₂ ja₁jaun₂, a₂quió' ₅ Te₁gui' ₅₄ jě₂ bá₄ jaun₂.”

dsióg₅ nē₂jag₄ bá₄ rē₂chei₄ jñi₂ dsi₅₄. ⁶ Chi₂jua'₂ tsá₃ 'nio₃ jui₁lia'₂ jan₂ dsa₂ mí₂ jlě₂ dsi₅₄, co₂ñei'₅₄ o₁chéi₄ jñi₂ dsi₅₄. La₁ chi₂jua'₂ caun₂ o₂guí'₃ jaun₂, a₂chéi₃ jan₂ dsa₂ mí₂ jñi₂ dsi₅₄, o₃ a₂téi'₅ 'e₂, jui₁jlě₅₄ bá₄ mi₂dsi₅₄. ⁷ Tsá₃ ca₂tín₂ dsa₂ ñe'₂ jlě₂ dsi₅₄, ia₁ 'éi₂ bá₄ lín₅ co₂'nió'₄ nió'₄ quió'₅ Diú₄, i₂jme₂jnia₅ a₂jlá'₁ quió'₅ Diú₄. La₁ia₁ dsa₂ mí₂ nē₃, lín₅ i₂jlán'₁ quián₅ dsa₂ ñe'₂. ⁸ Le₂'uig₅₄ lia'₂ con'₂ jme₁ca₂jmó'₂ Diú₄ dsa₂ ñe'₂, ma₁ on₃jua'₅₄ quió'₅ dsa₂ mí₂ ca₂can₃ 'uig₅₄. Dsa₂ mí₂ bá₄ 'éi₂ ca₂já₃ ca₂lín₃ quian'₅₄ ni₁ñi₁ dsa₂ ñe'₂. ⁹ O₄quió'₄ dsa₂ ñe'₂ bá₄ ca₂jmó'₂ Diú₄ dsa₂ mí₂, jaun₂ on₃jua'₅₄ rē'₂ dsa₂ ñe'₂ ca₂lín₃ o₄quió'₄ dsa₂ mí₂. ¹⁰ 'Uig₅₄ jaun₂ guē'₂ nē₃, o₄quió'₄ ángeles, ca₂tín₂ dsa₂ mí₂ cán₂ caun₂ léi₄ ne₄ mi₂dsi₅₄, a₂'ein₅₄ 'éi'₃. ¹¹ La₁ tē₂le₃ quió'₅ Te₁gui'₅₄ nē₃, tsá₃ lé₂ le₃chan₂ dsa₂ ñe'₂ jua'₅₄ mei'₂ guē₃ tsá₃ dsa₂ mí₂ chan₂. Le₂jaun₂ guē'₂ ján₃ tsá₃ lé₂ le₃chan₂ dsa₂ mí₂ jua'₅₄ mei'₂ guē₃ tsá₃ dsa₂ ñe'₂ chan₂ táng₃. ¹² Ia₁ jui₁lia'₂ ca₂já₃ dsa₂ mí₂ dsi₁con₂ dsa₂ ñe'₂, ján₃ bá₄ le₂jaun₂ guē'₂ nē₃ rē₂chan₂ dsa₂ ñe'₂ cáun₂ dsa₂ mí₂. La₁ ja₂lé₂ ca₂le₃jě₃ ja₁con₂ Diú₄.

¹³ Quion₂ 'nia'₂ 'í₁ jñ'₄ 'nia'₂ guiong'₅₄: ¿Dsi₁ten₅₄ chi₃lén'₂ dsa₂ mí₂ Diú₄ jme₁le₁ñi'₂ 'nia'₂ tē₃ tsá₃ chi₁jlě₅ mi₂dsi₅₄? ¹⁴ ¿Tsa₁ léi₄, tsa₁ jág'₂ 'nia'₂ 'a₂ lia'₂ lě₅ dsi₂ten₅₄ i₂nio₄ dsa₂, caun₂ o₂guí'₃ bá₄ jaun₂ quió'₅ jui₁lia'₂ jan₂ dsa₂ ñe'₂, chi₂jua'₂ quian₅ jñi₂ dsi₅₄ jang₄? ¹⁵ La₁ dsa₂ mí₂ guē'₂ nē₃, jlá'₁ bá₄ tē₂le₃ quió'₅ 'éi₂ chi₂jua'₂ quian₅ jñi₂ dsi₅₄ jang₄. Ia₁ con'₂ jaun₂ ca₂ñi₂ jñi₂ dsi₅₄ jang₄ co₂'nió'₄ caun₂ 'mi'₂ 'ñiá'₂. ¹⁶ Chi₂jua'₂ chan₂ guē'₂ i₂'nio₃ tsin₃ quió'₅ jág₁ nē₅, jaun₂ juá'₅ jniá₂, ca₂lia'₂ jñia'₅₄ jnia'₅₄ guio₅₄, on₃ guē'₂ 'i₁caun₂ guá'₅ quián₅ Diú₄, tsá₃ tag₄ siá'₂ chí'₅.

Ca₂i,juin₅₄ ñag₅₄ ca₂guē'₃ dsa₂ ja₂jmóg'₅ Má₃ quió'₅ Te₁gui'₅₄

¹⁷ La₁ ne₄ si₂ la₂, 'éi'₃ a₂nē₃ guē'₄ jmo₅₄ jniá₂, tsá₃ lé₂ jua'₅₄ juá'₄ jniá₂ a₂dse₃ tion'₅₄ 'nia'₂. Ia₁ jmo'₂ 'nia'₂ dain₅₄ jme₁ñig'₂, 'nió'₄ a₂jme₁jmó'₂ 'nia'₂ a₂dse₃. ¹⁸ Jē₁le₂'uig₅₄ juá'₅ jniá₂, ma₂guion₅₄ jág₁ a₂jmo'₂ 'nia'₂ le₁dsong'₅₄, lia'₂ jme₁ñi'₂ 'nia'₂. Mei'₂ tsá₃ tí₅ bá₄ ca₂la₂ jág₁ nē₅, líng₂. ¹⁹ Dsón'₂ bá₄ jaun₂, tion₅₄ niog₅ qui₃jmo₃ dsa₂ jma₃quén₅ la₂-nē₅, ia₁ jaun₂ le₃jniá₂ jñ'₄ 'nia'₂ jui₁lia'₂ dsa₂ i₂ma₂guei₃ Diú₄. ²⁰ Jaun₂ lě₃, jme₁ñi'₂ 'nia'₂, tsá₃ ma₂lě₅ quió'₅ Te₁gui'₅₄, má₃ a₂quē'₂ 'nia'₂ jaun₂, ²¹ ia₁ jē₁ma₂ca₂tě₂ hora a₂quē'₅₄ 'nia'₂, jmo₅ dsa₂ i₂lín₅₄ jma₃quén₅ dsi₂jñiá₄ qui₂guē'₅. Chan₂ i₂lín₅₄ tion'₅₄ i₁cón'₅; tē₂lia'₂ tion'₅₄ i₂sián'₂ le₁'ein₅. ²² ¿Tsa₁ dsi₂néi₂ quián'₂ 'nia'₂ cha₂ja₁lé₂ le₃qui₁quē'₅₄ qui₁'ag'₅₄ 'nia'₂ nē₃? ¿O₃ bá₄ ma₂jñin'₅₄ 'nia'₂ sion₅ guá'₅ quián₅ Diú₄, ján₃ guē'₂ cuē'₂ 'nia'₂ o₂guí'₃ dsa₂ i₂tsá₃ 'e₂ cha₂ quió'₅? ¿'E₂ bá₄ juig₅₄ jniá₂ 'nia'₂? ¿A₁juá'₄ jniá₂ dse₃ lia'₂ tion'₅₄ 'nia'₂ ia₁ a₂jmo'₂ le₂jaun₂? ¡Dsón'₂ bá₄ tsá₃ le₂jaun₂!

Má₃ quió'₅ Te₁gui'₅₄

(Mateo 26:26-29; Marcos 14:22-25; Lucas 22:14-20)

²³ Ia₁ a₂ca₂ñi₂ bá₄ jniá₂ a₂ca₂jme₃tag₅ 'ñiog₅ Te₁gui'₅₄ a₂ma₂ca₂jme₁tin₅ guē'₂ jniá₂ 'nia'₂: lia'₂ con'₂ le₃ca₂nei₂ jmi₄ jme₁ca₂jáng'₂ dsa₂, ca₂can₃ i₁ñi'₄. ²⁴ Jme₁ma₂dsan₃ cuē'₅ ti₁'mag'₄ Diú₄, jaun₂ guē'₄ ca₂'niai₃ ca₂dsióg'₃ i₁ñi'₄, jaun₂ ca₂juá'₂: “Qué'₂ 'nia'₂; a₂la₂ bá₄ ñi₃ a₂rē₂'na₄ o₄quián'₂ 'nia'₂. Jmo₄ 'nia'₂ le₂la₂ a₂dsiog'₂ 'au'₂ jniá₂.” ²⁵ Ján₃ bá₄ le₂nē₅, jme₁ma₂ca₂lě₃ guē'₅ i₁ñi'₄, ca₂can₃ táng₃ copa, jaun₂ ca₂juá'₂: “A₂'a₄ copa la₂, lě₅ jág₁ 'mí₂ a₂li'₅₄ tē₂le₃ quian'₅₄ jmi₃.* Lia'₂ co₂ráun₂ 'ag'₅₄ 'nia'₂, jmo₄ 'nia'₂ a₂dsau'₂ 'au'₂ jniá₂.” ²⁶ Jaun₂ le₂nē₅ bá₄, lia'₂ co₂ráun₂ tón'₄ 'nia'₂ quē'₅₄ i₁ñi'₄, 'ag'₅₄ 'nia'₂ a₂'a₄ copa, qui₂'é'₅ 'nia'₂ 'mú₃ quió'₅ Te₁gui'₅₄ ca₂lia'₂ ca₂tě₂ jmi₄ i₁guain'₂ táng₃.

A₂ lia'₂ dsi₂ten₅₄ tón'₃ dsa₂jmóg'₂ guē'₃ Má₃ quió'₅ Te₁gui'₅₄

²⁷ Jaun₂ lě₃, chi₂jua'₂ 'ein₂ guē'₅ i₁ñi'₄, 'ín'₂ a₂'a₄ copa jaun₂, on₃jua'₅₄ ia₁ a₂léi₄ dsan₂ dsi₅, a₂rē₂cán'₄ bá₄ 'éi₂ le₃ja₁con₂ ñi₄ jmi₄ Te₁gui'₅₄. ²⁸ 'Uig₅₄ jaun₂ nē₃, né₃ a₂guē'₃ jan₂ dsa₂ i₁ñi'₄, né₃ a₂'ín'₂ a₂'a₄ copa, jui₁quion₂ 'í₁ ja₁con₂ 'ñiog₅. ²⁹ Ia₁ nē₁ca₂guē'₃ ca₂'in'₃, tē₃ tsá₃ rē₂ñi'₂ dsi₅, tsá₃ rē₂cuí'₅ ñi₄ Te₁gui'₅₄, cuē'₅ uig₅ 'ñiog₅ bá₄ nē₁ca₂guē'₃ ca₂'in'₃ le₂jaun₂. ³⁰ Ne₄

* 11:25 'Nio'₂ ja₁ton₅, Mateo 26:28; Éxodo 24:8; 1 Corintios 10:16.

'uig₅₄ jaun₂, juin₅ 'nia'₂ i₂le₁dso'₅₄, i₂'uan₅₄ ně₃; i₂lin₅₄ guë'₂ ma₂qui₂ca₂dsain₃. ³¹ La₁ ně₁jua'₂ ca₂quiong₅₄ jniog₄ 'í₁ ds₁₅ guio₅₄, tsá₃ 'e₂ 'í₁ con₂ Te₁gui'₅₄ ja₁con₂ jniog₄. ³² Jme₁con₂ Te₁gui'₅₄ 'í₁ ja₁con₂ jniog₄, jme₂rě₃ jui₅ quián₂ jniog₄, ia₁jaun₂ tsá₃ guë₁ uig₅ co₂lě₅ quian'₅₄ dsa₂ mi₂güig₃.

³³ Jaun₂ le₂ně₅ bá₄, 'nia'₂ rin'₅₄ jniog₄, ju₁lia'₂ juá'₅ jniá₂ chi₂jua'₂ líg'₂ jme₁tón'₂ 'nia'₂ long'₂ quian'₅₄ ríng'₂ a₂jmog'₅₄ 'nia'₂ Má₃ quió'₅ Te₁gui'₅₄, jñia₄ 'nia'₂ ríng'₂ jang'₂ jang'₂ a₂quë'₅₄ co₂dsia₅. ³⁴ Chi₂jua'₂ chan₂ jan₂ i₁cón'₅, ju₁guë'₄ co₂ñei'₅₄ ja₁quió'₄, ia₁jaun₂ tsá₃ 'ě₂ Diú₄ uig₅ ju₁lia'₂ jě₁ñig'₂ 'nia'₂.

Ju₁lia'₂ jág₁ a₂'nió'₅ le₃rě₂, ně₅ bá₄ jme₁rě₂ jniá₂ jě₁ma₂tě₂ rě₁dsióg₄.

12

Ju₁lia'₂ ta₁ a₂tin₂ dsa₂ a₂cuë₅ Jme₂dsí₂ Jñió₅ cuë'₅ le₂jan₂ le₂jan₂ dsa₂

¹ Ně₃ ně₃, rin'₅₄ jniog₄, ju₁lia'₂ tě₂le₃ a₂gu₂dsí₂, tsá₃ 'nio₃ jniá₂ jua'₅₄ tsá₃ le₃ñi'₅₄ 'nia'₂.

² Ma₂ñi'₅₄ bá₄ 'nia'₂, rin'₅₄ jniog₄, lia'₂ con'₂ tsá₃ dsa₂ 'én₂ jme₁ma₂lín'₅ 'nia'₂, jme₁tě₁i₂nio'₄ 'nia'₂ chi₁co'₅₄ quió'₅ dsa₂ lag₄, on₃ i₂lé₂ le₃juá'₂ jág₁. ³ Jaun₂ ně₃, juig₅₄ jniá₂ 'nia'₂, 'i₁jan₂ dsa₂ i₂dsia₅ jág₁ lia'₂ con'₂ jniog₅ Jme₂dsí₂ quián₅ Diú₄, tsá₃ juá'₂: “Ju₁dsi₂'én₂ Jesús!” Ján₃ guë'₂ le₂jaun₂, 'i₁jan₂ tsá₃ lé₂ le₃juá'₂: “Jesús bá₄ i₂lín₅ Te₁gui'₅₄!” chi₂jua'₂ tsá₃ Jme₂dsí₂ Jñió₅ jniog₅ guë'₂.

⁴ Lióng₂ bá₄ ju₁bí₂ cha₂ a₂lé₂ le₃ñe₂ dsa₂, la₁ia₁ jan₂ bá₄ Jme₂dsí₂ i₂cuë₅. ⁵ Lióng₂ ne₅₄ bá₄ ta₁ a₂cha₂ a₂lé₂ jme₃tí₃ dsa₂, la₁ia₁ jan₂ tan₅₄ bá₄ Te₁gui'₅₄ chan₂. ⁶ Cha₂ 'lióng₂ ne₅₄ bá₄ ta₁ a₂lé₂ le₃jmo₃ dsa₂; jñia₄ lia'₂ jan₂ bá₄ Diú₄ i₂jmo₅ ca₂le₃jě₃ ta₁ jaun₂ ja₁con₂ ca₂le₃jín₃ dsa₂.

⁷ Ně₃ ně₃, a₂dse₃ quió'₅ ca₂le₃jín₃ bá₄ a₂jme₂jnia₅ Diú₄ ju₁bí₂ quió'₅ Jme₂dsí₂ ja₁con₂ le₂jan₂ le₂jan₂. ⁸ Tě₂le₃ quian'₅₄ Jme₂dsí₂ bá₄ cuë₅ Diú₄ ju₁bí₂ cuë'₅ ju₁lia'₂ jan₂ dsa₂ a₂lé₂ le₃cuë₅ jág₁ a₂ñí'₂ dsí₅. I₂sián'₂ guë'₂ ně₃, ñei₂ bí₂ a₂tin₂ 'a₂ lia'₂ le₃ñi₅ caun₂ jág₁, tě₂le₃ quian'₅₄ jan₂ Jme₂dsí₂ 'éi₂ bá₄. ⁹ Ju₁lia'₂ i₂sián'₂ guë'₂ ně₃, rě₂'éin₂ 'ñio₅ lín₃, a₂jmo₅ 'ñiog₅ Jme₂dsí₂ 'éi₂ bá₄ ján₃. I₂sián'₂ guë'₂ qui'₅₄ jmíg₄ a₂lé₂ le₃jme₃'lión₂ ju₁lia'₂ dsa₂ dso'₅₄ ně₃, tě₂le₃ quian'₅₄ jan₂ Jme₂dsí₂ 'éi₂. ¹⁰ I₂lín₅₄ guë'₂ tin₅ ju₁bí₂ a₂jmo₃ léi₄ juë'₂; i₂lín₅₄ guë'₂ i₂lé₂ le₃'ě₂ jág₁ a₂jme₂jnia₅ Diú₄ ne₅₄; i₂lín₅₄ guë'₂ ñei₂ bí₂ a₂tin₂ con₂ 'í₁ a₂rě₂lí'₄ dsí₅ jin₄ jme₂dsí₂; i₂lín₅₄ guë'₂ ñei₂ bí₂ a₂lé₂ le₃dsia₃ jág₁ jmei₅ siá'₂; i₂lín₅₄ guë'₂ i₂qui'₅₄ jmíg₄ a₂juá'₂ 'e₂ jein₅ jág₁ jmei₅ jaun₂. ¹¹ Ca₂le₃jě₃ ju₁bí₂ ně₅, jan₂ Jme₂dsí₂ quián₅ Diú₄ bá₄ cuë₅ a₂tin₂ dsa₂ le₂jain₂ le₂jain₂, lia'₂ con'₂ lě₅ 'ñio₂ dsí₅.

Ca₂le₃jág₃ bá₄ jniog₄ lág₅ co₂'nió'₄ caun₂ bá₄ ñí₅

¹² Ia₁, ju₁lia'₂ lě₅ caun₂ ni₁ñi₁ dsa₂, 'lióng₂ a₂chei₂ le₂caun₂ le₂caun₂ a₂tén₅ quió'₅, la₁ caun₂ bá₄ ni₁ñi₁₂ lě₅; ján₃ bá₄ le₂jaun₂ lě₅ le₃quió'₅ Cristo. ¹³ Ia₁ ca₂le₃jág₃ bá₄ jniog₄, lia'₂ con'₂ jme₁qui₂ca₂jñó₂* jmíg₂, tě₂le₃ quian'₅₄ jan₂ Jme₂dsí₂ 'éi₂ bá₄ ca₂jñó₂ jniog₄ jmíg₂, ca₂lag₃ co₂'nió'₄ caun₂ ni₁ñí₅. Tsá₃ a₂lě₅ jaun₂ ju₁la₂ a₂lág₅ jniog₄ dsa₂ judíos, o₃ dsa₂ griegos 'e₂; o₃ ju₁la₂ lág₅ jniog₄ ju₁lia'₂ i₂jme₂tí₃ ta₁ ne₄ juig₅₄, o₃ dsa₂ i₂tsá₃ 'ein₂ ne₄ jua'₅₄ jme₂tí₃; ca₂le₃jág₃ bá₄ jniog₄ qui₂ca₂ñag₂ jan₂ Jme₂dsí₂ 'éi₂ i₂quein'₄ jniog₄, i₂'ne'₅₄ ně₂jag₄ bá₄ jmíg₂.

¹⁴ Ia₁ tsá₃ lé₂ le₃jmó₁ jniog₄ dsí₅, ju₁lia'₂ caun₂ ni₁ñi₁ dsa₂ mi₂güig₃, jua'₅₄ cha₂ ca₂ne₅₄ a₂tén₅ quió'₅; ia₁ 'lióng₂ bá₄ a₂cha₂ chei₂ a₂tén₅ quió'₅. ¹⁵ Ia₁ jua'₅₄ mei'₂ guë₃ mi₂tag₄ dsa₂ lé₂ le₃juá'₂: “Uig₅₄ ia₁ tsá₃ mi₂gu₂ líng₅, jaun₂ tsá₃ ca₂tíng₂ téng₃ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅. ¹⁶ O₃ jua'₅₄ mei'₂ guë₃ rě₂gua₄ dsa₂ lé₂ le₃juá'₂: “Ia₁ a₂tsá₃ líng₅ mi₂ne₄, jaun₂ tsá₃ téng₅ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅. ¹⁷ Jua'₅₄ mei'₂ guë₃ ta₁caun₂ ni₁ñi₁ dsa₂ ca₂lě₃ jmá'₃ mi₂ne₄ dsa₂, ě₂'a₂ bá₄ lia'₂ lé₂ jme₁néi₁ jniog₄? O₃ jua'₅₄ mei'₂ guë₃ ta₁caun₂ ni₁ñi₁ dsa₂ ca₂lě₃ jmá'₃ rě₂gua₄ dsa₂, ě₂'a₂ bá₄ lia'₂ lé₂ jme₁jén'₂ jniog₄? ¹⁸ La₁ 'ñiog₅ bá₄ Diú₄ ně₃,

* **12:13** lit. “lia'₂ con'₂ jme₁i₂tio₃ jmíg₂.”

lia'₂ con'₂ lě₅ 'ñio₂ dsí₅, jma₃quén₅ qui₂ca₂jmo₃ ca₂tión₃ lia'₂ ca₂ne₅₄ a₂cha₂ chei₂ quió'₅ dsa₂ con'₂ ja₁ca₂tín₂ ni₁ñi₁ dsa₂. 19 Jua'₅₄ mei'₂ guě₃ ca₂ne₅₄ lě₅ quió'₅ dsa₂, ¿a₂lia'₂ lé₂ le₃juá'₂ dsa₂ caun₂ ni₁ñi₁₂? 20 La₁ lě₅ ně₃, jui'₁a₂ guě₃ la₂ lě₂ 'lión₃ jma₃quén₅ a₂chei₂ quió'₅ dsa₂, caun₂ bá₄ ni₁ñi₁₂ lě₅.

21 Tsá₃ lé₂ le₃juá'₂ jme₁ne₁ dsa₂ tsí'₃ mi₂gu₂: “Tsá₃ 'ne₂ 'nió'₅ quió₃.” Ján₃ bá₄ le₂ně₅, tsá₃ lé₂ le₃juá'₂ mi₂dsi₅₄ tsí'₃ mi₂tag₅₄: “Tsá₃ 'nia'₂ 'nió'₅ quió₃.” 22 Tě₂le₃ 'ñio₅ guě₄ dse₅₄ jui₁lia'₂ ja₁lín₂ dsa₂ a₂uan₅₄ quió'₅. 23 Jui₁lia'₂ a₂tén₅ quián₂ jniog₄ ja₁tsá₃ lín₄ quen₅, lág₂ jniog₄, a₂jaun₂ bá₄ guě'₂ 'ñio₅ guě₄ dse₃ lio₂ jniog₄. Le₂jaun₂ bá₄ ján₃, jui₁lia'₂ ja₁tsá₃ lín₄ dsi₂ten₅₄ rě₂jniá₂ quián₂ jniog₄, ja₁le₂jaun₂ bá₄ guě'₂ jmo₂ jniog₄ 'í₁, 24 la₁ ja₁dsi₂ten₅₄ rě₂jniá₂ guě'₂ ně₃, tsá₃ lín₄ 'nió'₅ lě₅ 'í₁. Le₂jaun₂ bá₄ ca₂jme'₃ñia₅ Diú₄ ni₁ñi₁₅, a₂ca₂jme₃dse₅₄ jui₁lia'₂ ja₁tsá₃ lín₄ dse₅₄ 25 ia₁jaun₂ tsá₃ lé₂ le₁dso'₅₄ ni₁ñi₁₅, tě₂le₃ jui₁dsian₂ bá₄ dsí₅ o₄quió'₄ riin'₅₄ le₂jain₂ le₂jain₂. 26 Chi₂jua'₂ cha₂ ja₁qui'₂ uig₅ quió'₅ dsa₂, ca₂le₃jě₃ guě₄ ja₁siá'₂ quió'₅ dsa₂ chain₂ uig₅ ján₃; chi₂jua'₂ cha₂ jui₁lia'₂ ja₁rě₂dse₅₄ quió'₅ dsa₂, le₂ně₅ bá₄ ján₃ lě₂ 'io'₂ ca₂le₂con₂ quió'₅ dsa₂.

27 Le₂ně₅ bá₄ jui₁lia'₂ 'nia'₂ ně₃: guion'₅₄ bá₄ 'nia'₂ caun₂ bá₄ ja₁téng'₄ ñi₄ Cristo; le₂jan'₂ le₂jan'₂ 'nia'₂, lín₅ lia'₂ caun₂ ja₁tén₄ quió'₅. 28 Le₂ně₅ bá₄ ján₃, jma₃quén₅ lě₅ bí₂ ma₂cuě₃ Diú₄ ma₂cuě'₃ le₂jan₂ le₂jan₂ dsa₂ i₂tén₅ guá'₅ quián₅. Jě₁le₂'uig₅₄ ca₂'iin₃ dsa₂ i₂chen₄ quián₅; jě₁ca₂tě₂ tñ₃, ca₂'iin₃ dsa₂ i₂'ě₂ jág₁ quián₅; jě₁ca₂tě₂ 'nag'₂, dsa₂ i₂jme₂tag₅ lín₅ tě₅; ñó₅ jaun₂, dsa₂ i₂'io₅ bí₂ jmo₃ léi₄ juě'₂; dsa₂ i₂qui'₅₄ jmig₄ jme'lióin₂ dsa₂ dso'₅₄; dsa₂ i₂jme'₂o₅₄ jme'₂oin₅₄ riin'₅₄; ñó₅ jaun₂, jui₁lia'₂ dsa₂ i₂cán₂ ne₄ jui; dsa₂ i₂dsia₅ 'lión₃ ne₅₄ jág₁ jmei₅. 29 Jaun₂ ně₃, ¿O₃ bá₄ ca₂le₃jín₃ lín₅ dsa₂ i₂chen₄ quián₅ Te₁gui'₅₄? ¿O₃ bá₄ ca₂le₃jín₃ 'ě₂ jág₁ a₂ñi₂ cuě₅ Diú₄? ¿Lín'₂ 'nia'₂ ca₂le₃jín₃ lín₅ tě₅ i₂jme₂tag₅? ¿O₃ bá₄ ca₂le₃jín₃ tñ₂ jmo₃ léi₄ juě'₂? 30 ¿Lé₂ le₃jme'lió₂ ca₂le₃jín₃ jme'lióin₂ dsa₂ dso'₅₄? ¿O₃ bá₄ qui'₅₄ jmig₄ ca₂le₃jín₃ dsia₃ jág₁ jmei₅ siá'₂? ¿Ján₃ bá₄ lé₂ le₃juá'₂ ca₂le₃jín₃ 'e₂ jein₅ jág₁ jmei₅ jaun₂? Ma₁ tsá₃ le₂jaun₂. 31 Jmo₄ 'nia'₂ 'ín₅ 'au'₂ jui₁bí₂ a₂dse₅₄ guě₄.

La₁ a₂ně₃ guě₄ 'ě₄ jniá₂ 'nia'₂ caun₂ jui₁ a₂dse₃ guě₄ lín₃.

13

Jui₁lia'₂ a₂jme'₂nio₃ dsa₂ riin'₅₄

1 Jui₁'a₂ guě₃ la₂ ting₂ dsia₅₄ quian'₅₄ jág₁ jmei₅ quió'₅ dsa₂ mi₂güig₃ ríng'₃, o₃ jág₁ jmei₅ quió'₅ ángeles ně₃, la₁ ně₁jua'₂ tsá₃ jme'₂nióg₄ guě'₂ ríng'₃ ně₃, tsá₃ 'e₂ ta₁ jmo₃ a₂jmo₅ jniá₂ a₂dseng₃. Lín₅ ně₂jag₄ bá₄ caun₂ ñi₁ tě₂bong₅ a₂lě₁i₂'ein₅₄, o₃ co₂'nió'₄ caun₂ ni₁ñi₁ tó'₅ mi'₅₄ bá₄. 2 Jui₁la₂ qui'₅₄ jniá₂ jmig₄ a₂'ě₄ jág₁ a₂jme₂jnia₅ Diú₄, jui₁la₂ guion₄ jniá₂ jág₁ ca'₅₄ a₂jme₁rě₂'ma₄ le₂jniá₅, ján₃ bá₄ jui₁la₂ ñi'₂ dsi₃ jniá₂ ca₂le₃jě₃, jui₁la₂ 'éng₂ 'ñio₅ lín₃, ca₂lia'₂ qui'₅₄ jniá₂ jmig₄ le₃jniog'₅₄ ni₁má'₂ ně₃, la₁ ně₁jua'₂ tsá₃ jme'₂nióg₄ guě'₂ dsa₂ mi₂güig₃ ríng'₃ ně₃, tsá₃ 'e₂ ta₁ jmo₃ co₂ñi₂ quió₃ a₂jmo₂₃ a₂ting₂. 3 Jui₁la₂ qui₂ca₂dsio'₄ jniá₂ 'e₂ a₂cha₂ quió₃, quió'₅ dsa₂ ti₂ñé₂, o₁ñia'₅₄ la₂ ca₂cuíng₃ ni₁ñi₃ 'ñio₃ a₂dsi'₂, tsá₃ 'e₂ ta₁ 'i₄ co₂ñi₂ a₂jaun₂, ně₁jua'₂ tsá₃ jme'₂nióg₄ guě'₂ dsa₂ mi₂güig₃ ríng'₃.

4 Jui₁lia'₂ dsa₂ i₂tě₃dsón'₂ jme'₂nio₃ riin'₅₄, juin'₂ dsí₅ lín₅; ton'₂ 'ua₁ dsí₅ ně₃; tsá₃ uig₅ dsí₅ quiain'₅₄ 'i₁jan₂, on₃ guě'₂ jmo₂₃ táin'₅ ja₁con₂ riin'₅₄; on₃ guě'₂ jmo₂₃ róin₂ ně₃. 5 Tsá₃ jmo₂₃ a₂tsá₃ dsi₂ten₅₄ jmo₃ ja₁con₂ riin'₅₄; tsá₃ 'no'₂ jmá'₃ lia'₂ con'₂ a₂dse₃ quió'₅ 'ñiog₅; tsá₃ con'₂ lě₂rě₂'nei₂, on₃ guě'₂ jmo₂₃ 'i₄ 'nei₂ dsí₅ ně₃. 6 Jui₁lia'₂ dsa₂ i₂jme'₂nio₃ riin'₅₄, tsá₃ jmo₂₃ tě₅ dsí₅ 'e₂ caun₂ 'lig'₅₄ ca₂jmo₃ i₂sián'₂, tě₂le₃ jmo₂₃ 'io'₂ ja₁con₂ jág₁ tí₅. 7 Ca₂le₃jě₃ bá₄ jlě₂; ca₂le₃jě₃ bá₄ a₂'éin₂ ja₁con₂ riin'₅₄; ca₂le₃jě₃ bá₄ 'ín₂ dsí₅ a₂dsi₃ñi₂ riin'₅₄ caun₂ dse₃; ca₂le₃jě₃ bá₄ jmo₂₃ tió'₅ dsí₅, nau₂ tiá₂.

⁸ Tsá₃ líg'₂ jmig₄ dsian₅ a₂jme₂'nio₃ dsa₂ riin'₅₄. Dsón'₂ bá₄ já₅ jmig₄ jè₁tsá₃ ma₃'ein₂ 'ě₂ jág₁ a₂ñi₂ cuë₅ Diú₄, jè₁tsá₃ ma₃dsia₃ dsa₂ jág₁ jmei₅ siá'₂, jè₁dsi₃ñí₂ le₃jě₃ a₂ñi₅ dsa₂ niog₅ dsi₅₄.
⁹ Ia₁ tsá₃ rē₂'ñia₅ a₂ne₄ jniog₄, jaun₂ tsá₃ rē₂'ñia₅ jág₁ a₂jme₂jnia₅ Diú₄ a₂qui₂'ě₅ jniog₄. ¹⁰ La₁ jè₁ma₂tě₂ jmig₄ a₂le₃'ñia₅ le₃jě₃, jaun₂ guë₄ dsi₃'én₂ bá₄ jui₁lia'₂ a₂tsá₃ rē₂'ñia₅ jaun₂.

¹¹ Lia'₂ con'₂ jme₁lín₄ jniá₂ jan₂ chi'₂ bē'₅₄, jme₁dsia₅ jniá₂ jág₁ lia'₂ dsia₅ jan₂ chi'₂ bē'₅₄, jme₁dsi₂jio₅ dsi₃ jniá₂, lia'₂ dsi₂jio₅ dsi₅ jan₂ chi'₂ bē'₅₄, ján₃ guë'₂ jme₁qui₂ñí'₂ dsi₃, lia'₂ ñí'₂ dsi₅ jan₂ chi'₂ bē'₅₄; la₁ jme₁ca₂lín₃ jniá₂ dsa₂ juin'₂, ca₂dsia₃ jniá₂ cau₅ jē₂ a₂ca₂tín₂ quió'₅ chi'₂. ¹² Le₂jaun₂ bá₄ lē₅ jui₁lia'₂ jmig₄ nē₃: ne₂ jniog₄ nē₂jag₄ bá₄ caun₂ ni₁'i₂ a₂jniá₂ lian₂. La₁ já₅ bá₄ jmig₄ a₂ne₅₄ jniog₄ dsi₁ne₁ lia'₂ lē₅. Rē₂nē₃ nē₃, tsá₃ rē₂'ñia₅ a₂cuig₅ jniá₂; la₁ já₅ bá₄ jmig₄ ja₁le₃cuig₅ lia'₂ rē₂'ñia₅, jui₁lia'₂ cuig₅ ñiog₅ Diú₄ jniá₂.

¹³ Jaun₂ nē₃, 'ni₅ a₂la₂ lē₂ a₂jio₅ guë₄ uē₂: a₂'én₂ dsa₂; a₂'ín₂ dsi₅ dsa₂; a₂jme₂'nio₃ dsa₂ riin'₅₄. La₁ 'ñio₅ lín₃ guë₄ dsen₅₄ a₂jaun₂ a₂jme₂'nio₃ dsa₂ riin'₅₄.*

14

Jui₁lia'₂ a₂dsia₅ dsa₂ jág₁ jmei₅ siá'₂

¹ Quen'₂ 'nia'₂ bí₂ a₂dsan₂ 'au'₂ jme₁'nió₄ 'nia'₂ ríng'₂, jaun₂ jmo₄ 'nia'₂ a₂'ín₅ 'au'₂ cuë₃ Diú₄ jui₅bí₂ a₂gu₂dsí₂, la₁ ja₂lín₃ guë₄ dsen₅₄ a₂lé₂ le₃'ě₄ 'nia'₂ jág₁ a₂jme₂jnia₅ Diú₄. ² Ia₁ jui₁lia'₂ dsa₂ i₂dsia₅ jág₁ jmei₅ siá'₂, tsí'₅ Diú₄ bá₄, on₃jua'₅₄ dsa₂ mi₂güig₃, ia₁ tsá₃ ñág'₂. Já₁ rē₂'ma₄ bá₄ dsia₂₃, tē₂le₃ quió'₅ Jme₂dsí₂. ³ La₁ jui₁lia'₂ dsa₂ i₂'ě₂ jág₁ tsí'₅ dsa₂ mi₂güig₃, dsia₂₃ jág₁ a₂jme₃'o₅₄ a₂dsi₃cón₃ dsa₂ tē₂le₃ quió'₅ jme₂dsí₂, cuë'₅ bí₂ riin'₅₄, cuë₂₃ lián'₂ dsi₅ nē₃. ⁴ Jui₁lia'₂ dsa₂ i₂dsia₅ jág₁ jmei₅ siá'₂ nē₃, jñia'₅₄ jme₂'oin₅₄ 'ñiog₅ bá₄ a₂dsi₃cón₃, la₁ jui₁lia'₂ dsa₂ i₂'ě₂ jág₁ nē₃, jme₂'o₅₄ a₂qui₂dsi₃cón₃ guá'₅.

⁵ 'Nio₃ jniá₂ jua'₅₄ ta₁jín'₂ bá₄ 'nia'₂ tìng'₅₄ a₂lé₂ le₃dsiá'₁ 'nia'₂ jág₁ jmei₅ siá'₂. La₁ ja₂lín₃ guë₄ dsen₅₄ jua'₅₄ 'ě₄ 'nia'₂ jág₁ a₂cuë₅ Diú₄. Ia₁ jui₁lia'₂ dsa₂ i₂'ě₂ jág₁, dsen₅₄ guë₄ lia'₂ con'₂ guë₄ dsa₂ i₂dsia₅ jág₁ jmei₅ siá'₂, nē₁jua'₂ tsá₃ juá'₂ 'e₂ jein₅ jág₁, ia₁jaun₂ jme₃'o₅₄ a₂dsi₃cón₃ guá'₅. ⁶ Nē₃ nē₃, 'nia'₂ riin'₅₄ jniog₄, jui₁la₂ ca₂dsióg₃ jniá₂ ja₁con'₂ 'nia'₂, a₂jñia'₅₄ con'₂ i₂dsia₃ jniá₂ jág₁ jmei₅ siá'₂, ĉ₂'e₂ bá₄ ta₁ tí₄ jág₁ jaun₂, ja₁con'₂ 'nia'₂, nē₁jua'₂ tsá₃ i₂quian₅₄ caun₂ jág₁ a₂jme₂jnia₅ Diú₄, o₃ jág₁ a₂guion₅₄ jniá₂, o₃ a₂'ě₄ jniá₂, o₃ a₂jme₂tág₂ 'e₂?

⁷ Jui₁lia'₂ ni₁ñí₁ a₂tsá₃ jme₂dsí₂ 'i₄, jui₁lia'₂ te₁fí₁, o₃ caun₂ tsi₁ton₅* 'e₂, ĉ₂'a₂ bá₄ lia'₂ lé₂ le₃ñi₅ dsa₂ chi₂jua'₂ 'e₂ son₅₄ jéi₂ dsa₂, o₃ tsá₅ 'e₂, chi₂jua'₂ tsá₃ jma₃quén₅ i₂'ein₅₄, cuë₅ léi₄ 'a₂ lia'₂ dsó₅? ⁸ Le₂jaun₂ bá₄ ján₃ jui₁lia'₂ ne₄ 'nei₂. Nē₁jua'₂ tsá₃ ca₂né₂ rē₂ i₂'ein₅₄ jéi₂ dsa₂ ñí₁ trompeta, ĉ₂'ein₂ bá₄ jmo₃ co₂jñia₅₄ quió'₅ a₂quín'₂ ne₄ 'nei₂? ⁹ Le₂nē₅ bá₄ lē₅ jui₁lia'₂ quian'₅₄ 'nia'₂ táng₃, Nē₁jua'₂ tsá₃ ca₂ñág'₂ jág₁ a₂uē₂ mi₂'o₅₄ 'nia'₂, ĉ₂'a₂ bá₄ lia'₂ lé₂ le₃ñi₅ dsa₂ 'e₂ juá'₂ 'nia'₂? ¡A₂lē₁qui₂dsi₃dsí₂ dsi₃'én₂ jág₁ jaun₂ quiáng'₂! ¹⁰ Mei'₂ tsá₃ 'lióng₂ bá₄ jág₁ jmei₅ cha₂ mi₂güig₃; la₁ tsá₃ cha₂ caun₂ jua'₅₄ tsá₃ jág₁ jein₅. ¹¹ Ia₁ jua'₅₄ mei'₂ guë₃ jan₂ dsa₂ tság₃ jniá₂ quian'₅₄ jág₁ jmei₅ quió'₅ a₂tsá₃ ñíg'₂, co₂'nió'₄ dsi₂nau₂ bá₄ 'éi₂ le₃ja₁con₂ jniá₂; le₂jaun₂ bá₄ jniá₂ táng₃, líng₅ co₂'nió'₄ dsi₂nau₂ le₃ja₁con₂ 'éi₂. ¹² Le₂nē₅ bá₄ lē₅ jui₁lia'₂ quian'₅₄ 'nia'₂ táng₃. Ia₁ a₂ñí₄ lē₃ 'ín₅ 'au'₂ 'nia'₂ guéi'₁ a₂tìng'₅₄ jui₅bí₂ a₂gu₂dsí₂, quen'₂ 'nia'₂ bí₂ a₂dsi₃tsón'₃ 'nia'₂ quian'₅₄ jui₅bí₂ a₂jme₂'o₅₄ a₂dsi₃cón₃ guá'₅.

¹³ 'Uig₅₄ jaun₂, jui₁lia'₂ i₂dsia₅ jág₁ jmei₅ siá'₂, jui₁mi₁₂ ne₄ Diú₄ a₂lé₂ le₃juá'₂ 'e₂ jein₅ jág₁ jaun₂. ¹⁴ Jua'₅₄ mei'₂ guë₃ mi₅ jniá₂ ne₄ Diú₄ quian'₅₄ jág₁ jmei₅ siá'₂, jme₂dsí₂ quió₃ bá₄ chi₂lén'₂ Diú₄; la₁ a₂ñí'₂ dsi₃, tsá₃ 'e₂ ta₁ jmo₅. ¹⁵ ĉ₂'A₂ bá₄ lia'₂ jmo₅₄ jniá₂ jaun₂ nē₃? Ca₂tìng₂ bá₄ chi₁leng'₄ Diú₄ jui₅ jme₂dsí₂ quió₃, la₁ ján₃ bá₄ ca₂tìng₂ chi₁leng'₄ Diú₄ a₂ñí'₂ dsi₃ nē₃. Le₂nē₅ bá₄ ján₃, ca₂tìng₂ 'ě₅₄ tē₂le₃ jui₅ jme₂dsí₂ quió₃, la₁ ján₃ bá₄ ca₂tìng₂ 'ě₅₄ a₂ñí'₂ dsi₃ nē₃. ¹⁶ Ia₁ chi₂jua'₂ jme₂juín'₂ 'ne₂ Diú₄ jmá'₃ tē₂le₃ jui₅ jme₂dsí₂ quiáng'₂, ĉ₂'a₂ bá₄ lia'₂ lé₂, le₃quió'₅

* 13:13 'Nio₂ ja₁ton₅ Colosenses 3:14. * 14:7 griego: kithara.

jui₁lia'₂ jan₂ dsa₂ lē₂ dsa₂ i₂ en₅₄ i₂ tsá₃ ŋí'₂? ¿'A₂ lia'₂ lé₂ le₃ juá'₂ a₂ méi₃ jme₁ cuë'₂ 'ne₂ ti₁ mag'₄, chi₂ jua'₂ ján₃ guë'₂ tsá₃ ŋi₅ 'e₂ juá'₂ 'ne₂? 17 Dsón'₂ bá₄ jaun₂ jlá'₁ a₂ cuë'₂ 'ne₂ ti₁ mag'₄, la₁ ia₁ tsá₃ jme₂ o₅₄ a₂ jaun₂ a₂ dsi₃ cón₃ i₂ sián'₂. 18 Cuë'₅ jniá'₂ ti₁ mag'₄ Diú₄ ia₁ a₂ qui'₅₄ jniá'₂ jmig'₄ le₃ dsia₅₄ guë'₄ jág₁ jmei₅ siá'₂, lia'₂ con'₂ guë'₄ ca₂ le₃ jín'₃ 'nia'₂. 19 La₁ jui₁lia'₂ jme₁ le₁ ŋi'₂ dsa₂, ja₂ lín₃ guë'₄ 'nio₃ jui₅₄ dsa₂ 'ŋiá'₂ jon₄ jág₁ a₂ ŋíg'₂, ia₁ jaun₂ lé₂ jme₁ tñ₅ i₂ sián'₂, lia'₂ con'₂ guë'₄ a₂ jme₁ jui₅₄ dsa₂ guia₃ mei₅ jág₁ a₂ tsá₃ 'ein₂ ŋí'₂.

20 'Nia'₂ rñ'₅₄ jniog₄, tsá₃ ma₃ jui₁ dsi₂ jio₅ 'au'₂ 'nia'₂ jui₁lia'₂ dsi₂ jio₅ dsí₅ i₂ bē'₅₄. Jmo₄ bá₄ a₂ líng'₅ i₂ bē'₅₄ tē₂ le₃ ja₁ con₂ a₂ lig'₅₄. La₁ jui₁ qui₂ le₂ ŋí'₂ 'au'₂ 'nia'₂ co₂ 'nió'₄ dsa₂ can'₅₄. 21 Juá'₂ bá₄ ne₄ Si₂:

Jui₅₄ jniá'₂ dsa₂ jui₂ nación la₂

tē₂ le₃ quian'₅₄ dsa₂ i₂ dsia₅ jág₁ jmei₅ siá'₂,

le₃ jui₅ mi₂ o₄ dsi₂ nau₂ ně₃;

la₁ on₃ bá₄ guë'₂ le₂ jaun₂ jua'₅₄ a₂ qui₃ tón'₂ dsa₂ jui₅ jág₁ quió₃,

juá'₂ Te₂ gui'₅₄.†

22 Jaun₂ le₂ nē₅ bá₄ lē₅ a₂ dsia₅ dsa₂ jág₁ jmei₅ siá'₂. Quian'₅₄ jág₁ jmei₅ jaun₂ jáng'₅ caun₂ léi₄ tē₂ le₃ ja₁ con₂ dsa₂ i₂ tsá₃ 'én₂, on₃ jua'₅₄ rē'₂ le₃ quió'₅ dsa₂ i₂ 'én₂. La₁ jui₁lia'₂ jme₁ 'ě₂ dsa₂ jág₁ a₂ jme₂ jnia₅ Diú₄, jág₁ le₂ jaun₂ ně₃ jáng'₅ táng₃ caun₂ léi₄ le₃ ja₁ con₂ dsa₂ 'én₂ bá₄, on₃ jua'₅₄ le₃ ja₁ con₂ dsa₂ i₂ tsá₃ 'én₂. 23 Jaun₂ le₂ nē₅ bá₄, jme₁ le₁ ŋi'₂ guá'₅, jua'₅₄ mei'₂ guë'₃ ca₂ le₃ jín₃ dsia₂₃ jág₁ jmei₅ siá'₂, nē₁ jua'₂ tē₃ jē₄ jaun₂ ca₂ dsi₃ lén₂ jui₁lia'₂ dsa₂ i₂ tsá₃ lín₄ ŋi₅, o₃ i₂ tsá₃ 'én₂ ně₃, ¿tsa₁ lé₂ le₃ juá'₂ 'éi₂: “Dsa₂ ŋá₅ bá₄ nē₅ tion'₅₄”, 'iñ₃ 'nia'₂? 24 La₁ nē₁ jua'₂ ca₂ dsió₃ jan₂ dsa₂ i₂ tsá₃ ma₂ 'én₂, o₃ i₂ tsá₃ lín₄ ŋi₅ 'e₂, tē₁ lia'₂ tion'₅₄ ca₂ le₃ jín₃ 'ě₂ jág₁ a₂ ma₂ cuë'₃ Diú₄, jaun₂ guë'₄ le₃ lí'₄ dsí₅ 'ŋiog₅ 'a₂ lia'₂ chain₂ le₃ jniá'₂ dsá_{u1}, co₂ 'nió'₄ a₂ con₂ 'í₁ jág₁ a₂ nag₂₃ a₂ 'ě₂ dsa₂ tíoñ'₅₄. 25 Jaun₂ guë'₄ le₃ jniá'₂ a₂ rē₂ 'ma₄ jlē₅ a₂ ŋiog₅ dsí₅. Jaun₂ bá₄ chi₃ jné₃ jme₃ juñ'₂ Diú₄, ton'₂ juá'₂: “Tē₃ dsón'₂ bá₄ 'en₅₄ Diú₄ jñ'₄ 'nia'₂”.

Jmo₄ bá₄ 'nia'₂ ca₂ le₃ jē₃ con'₂ dsi₂ ten₅₄, dse₃ jniá'₂

26 ¿'E₂ bá₄ jaun₂ ně₃, rñ'₅₄ jniog₄? Jē₁ ma₂ tē₂ rē₁ tón'₄ 'nia'₂ long'₂, le₂ jan'₂ le₂ jan'₂ 'nia'₂ quian'₅₄ caun₂ salmo, o₃ caun₂ jág₁ a₂ jme₂ tág'₂ 'nia'₂, o₃ caun₂ jág₁ a₂ jme₂ jnia₅ Diú₄, o₃ caun₂ jág₁ a₂ juá'₂ quian'₅₄ jág₁ jmei₅ siá'₂, o₃ caun₂ jág₁ dsau₅ jui₁lia'₂ 'e₂ jein₅ jág₁ jaun₂; la₁ jui₁ le₅₄ ca₂ le₃ jē₃ a₂ nē₅ o₄ quió'₄ a₂ dsi₃ cón₃ dsa₂ tē₂ le₃ quió'₅ jme₂ dsí₂. 27 Jē₁ ma₂ tē₂ rē₁ dsia₃ 'ein₂ dsia₃ jág₁ jmei₅ siá'₂, jui₁ dsia₁₂ on₃, chi₂ jua'₂ ŋí'₄ lē₃ ca₂ juë'₃, ún₂ jniá'₄, tē₃ qui₂ jain₃, jaun₂ 'nió'₅ le₃ chan₂ jan₂ i₂ juá'₂ 'e₂ jein₅ jág₁ jaun₂. 28 La₁ nē₁ jua'₂ tsá₃ 'ein₂ chan₂ i₂ lé₂ le₃ juá'₂ 'e₂ jein₅ jág₁ jaun₂, co₂ dsia₅ jui₁ jmo₁₂ tei₄ dsi₂ néi₂ guá'₅, jui₁ dsia₁₂ tē₂ dsí₅ 'ŋiog₅, jui₁ chi₂ lén'₄ Diú₄.

29 Le₂ nē₅ bá₄ ján₃ jui₁lia'₂ i₂ 'ě₂ jág₁ a₂ jme₂ jnia₅ Diú₄: jui₁ jua'₅₄ on₃ -ún₂, la₁ ma₂ tion'₅₄ i₂ sián'₂ i₂ con₂ 'í₁. 30 La₁ nē₁ jua'₂ ca₂ jme₃ jnia₅ Diú₄ caun₂ jág₁ ne₄ jan₂ i₂ guá'₅ jē₄ le₁ ŋi'₂ dsa₂ jaun₂, jui₁ jmo₅₄ i₂ le₂ 'uig₅₄ 'éi₂ tei₄. 31 Ia₁ lé₂ le₃ 'ě'₄ ca₂ le₃ jín'₃ 'nia'₂ jág₁ tē₃ qui₂ jáng'₃, ia₁ jaun₂ ca₂ le₃ jín₃ qui₃ le₃ tñ₂, gue₃ lián'₂ dsí₅ ján₃. 32 Ca₂ tñ₂ dsa₂ i₂ 'ě₂ jág₁ a₂ cuë'₅ Diú₄ a₂ qui'₅₄ jmig'₄ jme₃ 'uáñ₂ jme₂ dsí₂ quió'₅. 33 Ia₁ jmo₅ Diú₄ a₂ 'ei₅ tei₄, on₃ jua'₅₄ rē'₂ a₂ gó₂.

Jui₁lia'₂ lē₅ ca₂ le₃ jē₃ ja₁ ŋi'₂ dsa₂ rñ'₅₄ jniog₄, ‡ 34 ca₂ tñ₂ bá₄ dsa₂ mí₂ jmo₃ tei₄ dsi₂ néi₂ guá'₅. Tsá₃ 'i₄ 'éi'₃ táun₂ jág₁, tē₂ le₃ ca₂ tñ₂ nag₃ gau₂ bá₄, jui₁lia'₂ juá'₂ Si₂ 'Éi'₃. 35 Chi₂ jua'₂ 'e₂ 'nio₃ le₃ ŋi₅, ca₂ tñ₂ ŋí'₃ dsi₂ i₂ gu₂ guioñ₅₄, dsi₂ néi₂ quió'₅. Ia₁ caun₂ o₂ guí'₃ jaun₂, jua'₅₄ mei'₂ guë'₃ dsa₂ mí₂ táun₂ jág₁ dsi₂ néi₂ guá'₅.

36 ¿O₃ bá₄ ca₂ rē₃ lióg₃ jág₁ quió'₅ Diú₄ ja₁ con₂ 'nia'₂? ¿O₃ bá₄ jmá'₃ lia'₂ ja₁ con₂ 'nia'₂ ca₂ dsió₃ jág₁ dse₃? 37 Chi₂ jua'₂ chan₂ jan₂ i₂ lín₂ lín₅ jan₂ i₂ 'ě₂ jág₁ a₂ cuë'₅ Diú₄, o₃ i₂ 'io₅ a₂ tñ₂ caun₂ jui₅ bí₂ a₂ gu₂ dsí₂, jui₁ le₂ ŋi₅ bá₄ rē₂ jia₃ jág₁ a₂ tó'₅ jniá'₂ ne₄ si₂ la₂ a₂ juig'₂ jniá'₂ 'nia'₂,

† 14:21 Isaías 28:11-12; Deuteronomio 28:49. ‡ 14:33 lit. “dsa₂ jnió₅.”

co₂nē₅ lē₅ 'éi'₃ quió'₅ Te₁gui'₅₄ bá₄. ³⁸ Chi₂jua'₂ chan₂ guē'₂ i₂tsá₃ tón'₂ jui₅ jág₁ nē₅, tsá₃ ton'₅₄ 'nia'₂ jui₅ dsa₂ 'éi'₂. §

³⁹ Le₂nē₅ bá₄ jaun₂ 'nia'₂ rin'₅₄ jniog₄, quen'₂ 'nia'₂ bí₂ a₂lé₂ le'_ě₄ 'nia'₂ jág₁ dse₃ a₂já₅ le₃ja₁con₂ Diú₄. Tsá₃ jmo₂ 'nia'₂ jua'₅₄ a₂tsá₃ cuě'₁ 'nia'₂ jmig₄ a₂dsia₃ dsa₂ jág₁ jmei₅ siá'₂.

⁴⁰ La₁ia₁ jmo₄ 'nia'₂ ca₂le₃jě₃ lia'₂ con'₂ dsi₂ten₅₄, lia'₂ con'₂ lē₅ ca₂tíin₂ jmo₃ le₂jain₂ le₂jain₂.

15

Jui₁lia'₂ a₂ca₂jen'₅₄ Cristo

¹ Nē₃ nē₃ rin'₅₄ jniog₄, jmo₅ jniá₂ a₂dsiog'₂ 'au'₂ 'nia'₂ 'a₂ lia'₂ lē₅ jág₁ dse₃ a₂ma₂ca₂'ě₃ jniá₂ jin'₄ 'nia'₂, a₂ma₂ca₂gue'₅₄ 'nia'₂, a₂tión'₂ 'nia'₂ tiá₂. ² Tě₂le₃ quian'₅₄ jág₁ dse₃ la₂ bá₄ a₂lión'₂ 'nia'₂, chi₂jua'₂ chan'₅₄ 'nia'₂ tiá₂ jág₁ a₂ma₂ca₂'ě₃ jniá₂ 'nia'₂. Chi₂jua'₂ tsá₃ le₂jaun₂ nē₃, tsá₃ ta₁ tí₄ a₂ma₂ca₂rě₃'én'₂ 'nia'₂.

³ Jě₁le₂'uig₅₄ juá'₅, ca₂jáng'₃ jniá₂ jág₁ a₂ma₂ca₂ŋi₂ jniá₂: a₂ca₂jon₃ I₂rě₂'ín₁ quián₅ Diú₄ 'uig₅₄ dsá_u jniog₄, lia'₂ con'₂ lē₅ juá'₂ ne₄ Si₂; ⁴ a₂ca₂'ó₂ dsa₂, a₂ca₂jein'₅₄ táng₃ ja₁ŋáu'₄ 'ni₅ jmig₄, lia'₂ con'₂ lē₅ juá'₂ ne₄ Si₂ bá₄ ján₃; ⁵ a₂ca₂jme₃jniai₂₃ ne₄ Pe₄; * jaun₂ guě₄ ca₂jme₃jniai₂₃ ne₄ chi'₂ dsi₂guia₃-tín₂. ⁶ Cang₂ jaun₂, ca₂jág₂ co₂nio₄ lē₅ guě₄ ca₂jau₅₄ mei₅ dsa₂ rin'₅₄ jniog₄; mei'₂ tsá₃ ca₂le₃jín₃ bá₄ dsa₂ i₂ca₂jág₂ 'éi₂ chain₂ bá₄ guě₄ jmig₄ nē₃, o₁ŋia'₅₄ la₂ ma₂dsan₃ i₂lín₅₄. ⁷ Cang₂ jaun₂, ca₂jme₃jniai₂₃ ne₄ Jacobo, ŋó₅ jaun₂ ca₂jme₃jniai₂₃ ne₄ ca₂le₃jín₃ dsa₂ i₂chen₄ quiáin₅.

⁸ Jě₁ca₂tó'₂ guě₄ nē₃ ca₂jme₃jniai₂₃ ne₃ jniá₂, o₁ŋia'₅₄ jme₁lín₄ jniá₂ nē₂jag₄ bá₄ jan₂ i₂tsá₃ dse₃ ca₂rě₃chán₃. ⁹ Ia₁ lín₅ jniá₂ i₂'uin₃ guě₄ jui₁lia'₂ con'₂ guě₄ ca₂le₃jín₃ dsa₂ i₂chen₄ quiáin₅, ca₂lia'₂ ŋia'₅₄ tsá₃ ca₂tíng₂ a₂quiong₃ dsa₂ a₂lín₅ i₂chen₄ quiáin₅. Ia₁ qui₂ca₂co₃'éng₃ dsa₂ 'én₂ le₂jniá₅. ¹⁰ La₁ 'uig₅₄ ia₁ a₂'ua₁ dsí₅ bá₄ Diú₄, lín₅ jniá₂ 'e₂ lín₅; jaun₂ jui₁lia'₂ a₂ca₂dsia₃ Diú₄ dse₃ dsí₅ ja₁cong₂, tsá₃ lē₅ jua'₅₄ a₂tsá₃ ta₁ tí₄. La₁ 'ŋio₅ lín₃ guě₄ ma₂jmo₃ jniá₂ ta₁ lia'₂ con'₂ guě₄ ca₂le₃jín₃ i₂chen₄ quiáin₅; ton'₂ on₃jua'₅₄ ca₂jmo₃ jniá₂ 'ŋió₃, a₂ma₂ca₂jme₃quiong'₅₄ a₂'ua₁ dsí₅ Diú₄ bá₄ ma₂guio₃. ¹¹ La₁ tsá₃ a₂lě₅ jaun₂ jua'₅₄ jniá₂, o₃ 'éi₂ 'e₂ ma₂jmo₃, la₁ caun₂ jág₁ la₂ bá₄ ma₂ja₂náu₅ jnia'₅₄ 'ě₅. Jág₁ nē₅ bá₄ a₂ma₂ca₂nei'₂ ca₂rě₃'én'₂ guě'₂ 'nia'₂.

Jui₁lia'₂ a₂já₅ caun₂ jmig₄ a₂jen'₅₄ 'lag₄

¹² La₁ chi₂jua'₂ ma₂qui₂rě₂'ě₂ jág₁ a₂ca₂jen'₅₄ bá₄ Cristo a₂jme₁rě₂'lín₅₄, ħ'a₂ bá₄ lia'₂ lē₅ a₂juá'₂ 'nia'₂ i₂lín₅₄ a₂tsá₃ jen'₅₄ 'lag₄? ¹³ Nē₃ nē₃, chi₂jua'₂ tsá₃ jen'₅₄ 'lag₄, jaun₂ ca₂lia'₂ ŋia'₅₄ Cristo tsá₃ rě₂jen'₅₄ chi₂jua'₂ le₂jaun₂; ¹⁴ jaun₂ chi₂jua'₂ tsá₃ ca₂jen'₅₄ guě'₂ Cristo, le₃jua'₅₄ tsá₃ ma₃'e₂ ta₁ tí₄ jág₁ a₂'ě₅ jnia'₅₄, jaun₂ tsá₃ ta₁ tí₄ a₂'én'₂ 'nia'₂. ¹⁵ Chi₂jua'₂ le₂nē₅, jnia'₅₄ nē₃ ma₂ja₂náu₅ jag'₅₄ 'nia'₂ a₂lág₅ dsa₂ tē₂jín₁, tsá₃ tí₅ jág₁ quián₂ jnia'₅₄ a₂'ín₅ jnia'₅₄ Diú₄. Ia₁ ma₂ja₂náu₅ jnia'₅₄ 'ín₅ Diú₄, a₂ca₂jme₃jein'₅₄ Cristo i₂tsá₃ rě₂jen'₅₄ chi₂jua'₂ tsá₃ dsau₅ jág₁ nē₃ a₂jen'₅₄ 'lag₄. ¹⁶ Chi₂jua'₂ le₂jaun₂ tsá₃ jen'₅₄ 'lag₄, le₂jaun₂ guě'₂ ján₃, on₃ guě'₂ Cristo 'ŋiog₅ ca₂jein'₅₄ nē₃; ¹⁷ nē₁tsá₃ guě'₂ ca₂jen'₅₄ 'éi₂, tsá₃ 'e₂ ta₁ jmo₃ a₂'én'₂ 'nia'₂ le₃quió'₅ nē₃, jaun₂ lia'₂ ma₂le₁cán'₄ jaun₂ bá₄ 'nia'₂ dsá_u'₂ nē₃. ¹⁸ Ján₃ guě'₂ le₂jaun₂, jui₁lia'₂ dsa₂ i₂ma₂dsan₃ le₃quió'₅ Cristo, i₂rě₂'én₄ bá₄ 'éi₂, chi₂jua'₂ le₂jaun₂. ¹⁹ Jaun₂ jniog₄ nē₃, chi₂jua'₂ a₂ŋia'₅₄ 'ín₂ dsí₅ jniog₄ le₃quió'₅ Cristo jui₁lia'₂ jmig₄ tē₁lia'₂ chong₂ la₂, 'e₂ guě₄ juig₂ jniog₄ con'₂ guě₄ ca₂le₃jín₃ dsa₂.

²⁰ La₁ a₂tě₃dsón'₂ bá₄ dsau₅ a₂ca₂jen'₅₄ Cristo a₂jme₁rě₂'lín₅₄; lín₅ co₂'nió'₄ mīg₂ le₂'uig₅₄ a₂'ag₅ a₂ro'₂ dsa₂, ia₁ lín₅ i₂le₂'uig₅₄ i₂ca₂jen'₅₄ jin₄ dsa₂ i₂ma₂dsan₃. ²¹ Le₂jaun₂ bá₄, jui₁lia'₂ 'uig₅₄ quió'₅ jan₂ dsa₂ ca₂'í₃ 'mú₃ mi₂güig₃, ján₃ bá₄ 'uig₅₄ quió'₅ jan₂ dsa₂ ca₂rě₃lió₃ a₂jen'₅₄

§ 14:38 A₂lín₅₄ chog₅₄ si₂juá'₂: “Chi₂jua'₂ chan₂ guě'₂ i₂tsá₃ tón'₂ jui₅ jág₁ nē₅, tsá₃ lē₅ jui₁tioin'₅₄ jui₅ guě'₂ jaun₂.” * 15:5 griego: Cefas.

'lag₄. ²² Ia₁ ju₁lia'₂ lě₅ a₂dsan₂ ca₂le₃jín₃ ia₁ a₂lín₅ tsí₁jon₂ Adán, ján₃ bá₄ le₂ně₅ le₃chan₂ ca₂le₃jín₃ ia₁ a₂lín₅ i₂quián₅ Cristo, ²³ la₁ia₁ le₂jan₂ le₂jan₂ bá₄ 'a₂ lia'₂ lě₅ niog₅ tiin₃: Cristo le₂'uig₅₄, co₂'nió'₄ jon₂ le₂ne₁ a₂ráu₃; jaun₂ guě₄ 'éi₂, dsa₂ quián₅ Cristo, jě₁ma₂tě₂ rě₁guain'₂, ja₃te₅₄ 'éi₂ tě₂le₃ja₁coin₂. ²⁴ Jaun₂ guě₄ ně₃, jiá₃ jmig₄ jě₁dsian₅ ca₂le₃jě₃, jě₁ma₂tě₂ rě₁jang'₃ ta₁ a₂lín₅ a₂goin₂, ne₄ Diú₄ Jmei₂, cang₂ jě₁ma₂ca₂'éin₂ ca₂le₃jě₃ 'éi'₃, ca₂le₃jín₃ dsi₂tan₅₄, ca₂le₃jě₃ ju₁ibí₂. ²⁵ Ia₁ tion₅₄ bá₄ ca₂tín₂ 'éi₂ goin₂, ca₂lia'₂ ca₂tě₂ jmig₄ i₁guian'₃ Diú₄ o₄tag₁₂ ca₂le₃jín₃ i₂'iog₅₄. ²⁶ Ia₁ i₂jě₁ca₂tó'₂ i₂'iog₅₄ i₂dsi₃'én₂, 'mú₃ bá₄ jaun₂. ²⁷ Ia₁ Diú₄ bá₄ "ma₂ca₂guiog'₃ o₄tag₄ 'éi₂ ca₂le₃jě₃ ju₁ibí₂."† Ně₃ ně₃, ju₁lia'₂ jme₁juá'₂ Si₂ a₂ca₂guiog'₃ ca₂le₃jě₃, jaun₂ njág'₂ rě₂jiá₃, tsá₃ quen'₅₄ Diú₄ njog₅ jin₄ dsa₂ i₂le₁gan'₅₄ o₄tag₄ Cristo, ia₁ 'njog₅ bá₄ Diú₄ ca₂guiog'₃. ²⁸ Jě₁ma₂ca₂dsióg₃ jmig₄ jaun₂ a₂niog₅ ca₂le₃jě₃ o₄gú₃ Ja₁ni'₅₄, jaun₂ guě₄ ně₃ 'njog₅ Ja₁ni'₅₄ jín₂ táng₃ o₄gú₃ i₁ca₂guiog'₃ 'éi₂, ia₁ jaun₂ lén₂ Diú₄ ju₁ig₅₄ ca₂le₃jě₃, ne₄ ca₂le₃jě₃.

²⁹ Ně₃ ně₃, ně₁juá'₂ tsá₃ jen'₅₄ 'lag₄, ě₂ guě'₂ jmo₃ ju₁lia'₂ dsa₂ i₂jnó₂ jmig₂ o₄quió'₄ 'éi₂? Chi₂juá'₂ dsón'₂ rě'₂ dsau₅ a₂tsá₃ jen'₅₄ 'lag₄, ě₂ guě'₂ lě₃ jnó₂ dsa₂ jmig₂ o₄quió'₄? ³⁰ Ju₁lia'₂ jnia'₅₄ ně₃, ě₂ bá₄ ta₁ jmo₃ i₁nió₄ jnia'₅₄ 'ei₅ gau₂ co₂tan₅₄? ³¹ Le₂o₃ jmig₄ bá₄ gue₅ jniá₂ 'mú₃. Dsón'₂ bá₄ jaun₂, rin'₅₄ jniog₄, ju₁lia'₂ dsón'₂ bá₄ jmo₅ jniá₂ táng₅ o₄quián'₂ 'nia'₂ i₂'én₂ le₃quió'₅ Cristo Jesús, Te₁gui'₅₄ quián₂ jniog₂. ³² Chi₂juá'₂ ca₂quín'₂ jniá₂ quian'₅₄ dsa₂ tsau₂ dsí₅ i₂chan₂ juig₂ Efeso, con'₂ dsi₂jio₅ dsí₅ dsa₂ mi₂güig₃, ě₂ a₂dsí₂ quió₃? Chi₂juá'₂ dsau₅ jaun₂ a₂tsá₃ jen'₅₄ 'lag₄,

ju₁que₅₄ ju₁'en'₅₄ jniog₄,
ia₁ con'₂ tsá₃ njó₅ ně₁juá'₂
ca₂dsau₃ bá₄ ju₁la₂ 'ióg₃.‡

³³ Jaun₂ ju₁g₂ jniá₂ 'nia'₂, tsá₃ lě₃jme₁gan₅ 'nia'₂ 'au'₂. Tsá₃ i₂jmo₂ 'nia'₂ ju₁lia'₂ juá'₂ caun₂ jág₁ a₂cha₂: "Ju₁lia'₂ dsa₂ i₂jme₂quian'₅₄ dsa₂ i₂con'₂ lě₁lín₄, dsi₃'én₂ tag₄ a₂dse₃ a₂'io₂₃." ³⁴ Jaun₂ juá'₅ jniá₂, jme₁jnio₂ 'nia'₂ ne'₅₄, jen'₅₄ táng₃ 'nia'₂ ju₁ co₂dsau₅, tsá₃ ma₃'nau₂ 'nia'₂ dso₄. Ia₁ i₂chan₂ bá₄ i₂lín₅₄ 'nia'₂ i₂tsá₃ cuin₅ Diú₄. Juá'₅ jniá₂ le₂ně₅ ia₁ jaun₂ cán'₁ 'nia'₂ ca₂la₂ o₂guí'₃.

'A₂ lia'₂ lě₅ a₂jen'₅₄ táng₃ 'lag₄

³⁵ Chan₂ bá₄ i₂le₃ngag₃: "ě₂ 'A₂ bá₄ lia'₂ lě₅ jaun₂ a₂jen'₅₄ 'lag₄? ě₂ 'A₂ lia'₂ lín₅, 'a₂ lia'₂ lě₅ ni₁ni₁₂ jě₁ma₂ja₂lein₃?" ³⁶ i₁Caun₂ jág₁ co₄ bá₄ ně₅! Ia₁ ju₁lia'₂ jme₁jne₅ dsa₂ 'e₂ jon₂ jne₂₃, tsá₃ 'ia₂ juá'₅₄ tsá₃ dsi₃'én₂ jon₂ a₂dsi₂jnia₄. ³⁷ Ia₁ ju₁lia'₂ jme₁jan'₂ 'e₂ jan'₂, on₃juá'₅₄ a₂jan'₂ tag₄ a₂lé₂ cang₂. Le₂jaun₂ lě₅ ju₁lia'₂ cuig₂, Š ju₁'e₂ guě₃ jon₂ siá'₂ ján₃. ³⁸ Le₂jaun₂ bá₄ jmo₅ Diú₄: cuě₂₃ cho'₅₄ lia'₂ con'₂ lě₅ 'ni₁o₂ dsí₅; lia'₂ ca₂ne₅₄ míg₂ 'io₂₃ cho'₅₄ con'₂ a₂ca₂tiin₂. ³⁹ Le₂jaun₂ bá₄ lě₅ quian'₅₄ ju₁lia'₂ ni₁ni₁₅: tsá₃ le₃jě₃ lě₅ co₂rě₂. Jma₃quén₅ bá₄ lě₅ ni₁ni₁ dsa₂ mi₂güig₃, quian'₅₄ ni₁ni₁ já'₂ náu₂, ju₁lia'₂ quió'₅ i₁tan₅; ju₁lia'₂ guě'₂ quió'₅ i₁ju₁ ján₃. ⁴⁰ Le₂ně₅ bá₄ lě₅ ju₁lia'₂ a₂cha₂ guei'₅₄ mi₂güig₃, quian'₅₄ a₂cha₂ ne₄ gua'₅₄ 'uě₃. Tsá₃ co₂rě₂ jlá'₁ tág₅ a₂cha₂ guei'₅₄ quian'₅₄ a₂jlá'₁ a₂cha₂ ne₄ gua'₅₄ 'uě₃. ⁴¹ Le₂ně₅ bá₄ siá'₂ tág₅ quió'₅ 'iog₂, quian'₅₄ tsi'₂, quian'₅₄ guě'₂ nei₅ táng₃. Ján'₃ bá₄ siá'₂ tág₅ nei₅ jě₄ rin'₅₄.*

⁴² Le₂ně₅ bá₄ guě'₂ niog₅ lě₂ quian'₅₄ dsa₂, jě₁ma₂ca₂jein'₅₄. Dsi₃'o₃ caun₂ ni₁ni₁₅ a₂niog₅ siá'₃; jaun₂ jen'₅₄ táng₃ caun₂ a₂tsá₃ ton₅ jmig₄ siá'₃. ⁴³ Dsi₃'o₃ caun₂ ni₁ni₁₅ co₂'nió'₄ a₂lě₅ o₂guí'₃; jaun₂ náu₃ caun₂ ni₁ni₁₅ jlá'₁. Dsi₃'o₃ caun₂ ni₁ni₁₅ 'uan₅₄; la₁ jen'₅₄ táng₃ caun₂ a₂bén₂. ⁴⁴ Dsi₃'o₃ caun₂ ni₁ni₁₅ a₂lě₅ a₂ca₂tín₂ gua'₅₄ 'uě₃ la₂; jaun₂ guě'₄ jen'₅₄ táng₃ caun₂ ni₁ni₁₅ a₂gu₂dsí₂.

† 15:27 Salmo 8:6. ‡ 15:32 Isaías 22:13. § 15:37 lit. "trigo." * 15:41 Co₂'nió'₄ le₃juá'₅₄, cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3, Romanos 1:25.

45 Jaun₂ bá₄ lë₃ chi₁ton₅ ne₄ Si₂: “Ca₂lin₃ Adán le₂'uig₅₄ jan₂ dsa₂ i₂'i₄ jme₂dsí₂.”† La₁ i₂lín₅ Adán i₂co₂'nió₄ jë₁ca₂tó₂ guë₂ në₃, ca₂lin₃ jan₂ jme₂dsí₂ i₂to₂ jme₂dsí₂ jniog₄. 46 La₁ on₃jua₅₄ jme₂dsí₂ ca₂gua₃ de₂ le₂'uig₅₄. A₂ca₂tín₂ gua₅₄ 'uë₃ bá₄ ca₂lë₃ le₂'uig₅₄; cang₂ jaun₂ ca₂gua₃ a₂gu₂dsí₂. 47 Dsa₂ i₂le₂ne₁ 'éi₂ jme₁lín₄ quian₅₄ ti₁gua₅₄ quió₅ 'uë₃ la₂; i₂jë₁ca₂të₂ on₃ dsa₂ në₃, i₂ca₂já₃ guei₅₄ i₂juí₃ bá₄ 'éi₂. 48 Ca₂le₃jín₃ dsa₂ i₂chan₂ ne₄ gua₅₄ 'uë₃, lín₅ jui₁lia₂ jme₁lín₄ dsa₂ i₂ca₂lin₃ quian₅₄ ti₁gua₅₄ 'éi₂; ján₃ bá₄ le₂jaun₂ lín₅ dsa₂ i₂tin₅ guei₅₄ i₂juí₃, jui₁lia₂ lín₅ i₂ca₂já₃ guei₅₄ i₂juí₃. 49 Jui₁lia₂ quióng₂ jniog₄ quió₅ dsa₂ i₂ca₂lin₃ quian₅₄ ti₁gua₅₄ 'éi₂, ján₃ bá₄ le₂në₅ quiong₅₄‡ jniog₄ lia₂ jniá₂ i₂ca₂sión₃ guei₅₄ i₂juí₃.

50 Juí₂ jniá₂ 'nia₂, rin₅₄ jniog₄, tsá₃ ca₂tín₂ dsa₂ i₂quian₅ mu₅-ñí₅ ja₁gon₂ Diú₄; on₃ guë₂ ca₂tín₂ jui₁lia₂ a₂siá₃, caun₂ ja₁tsá₃ ton₅ jmi₄ siá₃. 51 Nei₂ 'nia₂. La₂ 'ë₄ jniá₂ caun₂ jág₁ a₂jme₁rë₂'ma₄ le₂jñiá₅: tsá₃ dsió₃ ca₂le₃jág₃. La₁ ca₂le₃jág₃ bá₄ jniog₄ le₃tság₃, 52 con₂ tiá₂, në₃jag₄ bá₄ a₂'méi₂ dsa₂ co₂ráun₂ jme₁ne₁₂, jë₁ma₂i₁'ein₅₄ ñí₂ trompeta jë₁ca₂tó₂. Ia₁ dsi₃'ein₅₄ ñí₁ trompeta, jaun₂ guë₄ jen₅₄ ca₂le₃jín₃ dsa₂ i₂ma₂dsan₃, jaun₂ guë₄ o₁líg₂ jmi₄ tsá₃ ma₃dsiáin₃. Jaun₂ jniog₄ ca₂le₃jág₃ në₃, qui₂le₃tság₃. 53 Ia₁ ca₂tín₂ qui₃ a₂siá₃ quian₅₄ caun₂ a₂tsá₃ siá₃; a₂qui₃ a₂jón₂ quian₅₄ caun₂ a₂tsá₃ líg₂ jmi₄ jón₂. 54 Jë₁ma₂qui₂ ni₁ñí₅ a₂siá₃ la₂ quian₅₄ a₂tsá₃ siá₃, jë₁ma₂qui₂ ni₁ñí₅ a₂jón₂ la₂ quian₅₄ a₂tsá₃ líg₂ jón₂, jaun₂ guë₄ le₃ti₃ jág₁ la₂ a₂tio₅₄ ne₄ Si₂:

Co₂dsia₅ ca₂lí₃ co₂ñei₅₄ Te₁gui₅₄ ne₄ 'mú₃. §

55 ¿A₂já₄ bá₄ ñó₅ a₂jme₁lén₂ 'ne₂, 'mú₃?

¿'E₂ bá₄ ca₂lë₃, 'ne₂ 'mú₃,

quian₅₄ uig₅ a₂jme₁'ág₁ jnia₅₄?*

56 Në₃ në₃, jui₁lia₂ uig₅ a₂jme₁'ág₁ 'mú₃ jniog₄, dsá_{u1} bá₄ jniog₄ jaun₂; jui₁lia₂ bí₂ a₂'io₅ dsá_{u1} jniog₄, Si₂ 'Éi₃ bá₄ jaun₂. 57 ¡La₁ ti₁'mag₄ Diú₄ i₂cuë₅ bí₂ a₂lág₂ jniog₄ të₂le₃ quian₅₄ Te₁gui₅₄ Jesucristo quián₂ jniog₄!

58 Jaun₂ lë₃, 'nia₂ rin₅₄ jniog₄, i₂'nió₃ guë₄ lín₃, nau₂ bá₄ 'nia₂ tiá₂, tsá₃ cuín₅ 'nia₂ jmi₄ jua₅₄ 'ein₂ guë₃ jñió₂ 'nia₂ cau₅; jui₁dsi₂tsón₃ bá₄ 'nia₂ quian₅₄ ta₁ quió₅ Te₁gui₅₄. Ia₁ ma₂ñi₅₄ bá₄ 'nia₂ tsá₃ lë₅ jua₅₄ a₂lë₁jmo₂ can₂ 'nia₂ ta₁ le₃quió₅ Te₁gui₅₄.

16

Ca₂cág₃ cu₄ a₂jme₃'oin₅₄ rin₅₄

1 Në₃ në₃, të₂le₃ quió₅ guë₂ cu₄ a₂cag₄ 'nia₂ jme₁'ong₁ rin₅₄ i₂'én₂,* le₂jaun₂ bá₄ jmo₄ 'nia₂ ján₃ con₂ lë₅ jág₁ ma₂cuë₃ jniá₂ guá₅ i₂chan₂ 'uë₃ Galacia. 2 Le₂caun₂ do₂mei₅₄,† ca₂tín₂ bá₄ 'nia₂ le₂jang₂ le₂jang₂ cáu₁ ca₂la₂ 'a₂ con₂ tí₅ ca₂ling₃. A₂jaun₂ con₂ quiog₂ 'ma₄ 'nia₂, ma₂lë₅ co₂jñia₅₄ ia₁jaun₂ tsá₃ lë₅ jua₅₄ jaun₂ guë₄ cag₅₄ 'nia₂ jë₁ma₂dsió₃ jniá₂. 3 Jaun₂ bá₄, jë₁ma₂të₂ rë₁dsió₄ jniá₂, jaun₂ le₃chen₄ dsa₂ rin₅₄ i₂'ín₄ 'nia₂ guiong₅₄, dsi₃lén₂ 'éi₂ juig₂ Jerusalén quian₅ caun₂ si₂ a₂lé₂. Jaun₂ 'éi₂ bá₄ cán₂ cu₄ quián₂ 'nia₂ a₂cag₅₄ në₅ a₂jme₁'ong₁ rin₅₄ ja₁jaun₂. 4 Në₁jua₂ dsi₂ten₅₄ guë₂ nei₅₄ 'ñi₃ në₃, jme₃quiong₅₄ 'éi₂.

Jmo₅ Pa₄ co₂jñia₅₄ a₂'í₂ jui₅

5 Jë₁ma₂të₂ rë₁nei₅₄ i₁ñig₁₂ le₂tan₅₄ 'uë₃ Macedonia, jaun₂ guë₄ dsió₄ ja₁con₂ 'nia₂. 6 Con₂ tsá₃ ñó₅ në₁ca₂jan₄ ca₂la₂ uë₂, o₃ në₁ca₂lë₃ ñig₅ le₂tan₅₄ jein₂ güí₂ quian₅₄ 'nia₂, ia₁jaun₂ lé₂ tsag₅₄ 'nia₂ jui₅ chi₂jua₂ ja₁ca₂tín₂ jniá₂ nei₅₄. 7 Ia₁ tsá₃ 'nio₃ jniá₂ nei₅₄ të₂në₃, jua₅₄ con₂ ca₂ñig₅ bá₄ ja₁tion₅₄ 'nia₂. Jaun₂ 'ín₂ bá₄ dsi₃ jniá₂ i₁jñia₁₂ ca₂la₂ uë₂ quian₅₄ 'nia₂, në₁jua₂ ca₂cuë₃ Te₁gui₅₄ jmi₄. 8 La₁ i₁jñia₁ jniá₂ juig₂ Efeso ca₂lia₂ ca₂të₂ Jmi₄ Të₂láu₃-guiá₂. 9 Ia₁

† 15:45 Génesis 2:7. ‡ 15:49 A₂lin₅₄ chog₅₄ si₂ gui₅₄ juá₂: “jui₁quiong₅₄ jniog₄.” § 15:54 Isaías 25:8. * 15:55 o₃, “¿'E₂ bá₄ ca₂lë₃, 'ne₂ 'mú₃, quian₅₄ uig₅ a₂jme₁'ág₁ jnia₅₄? ¿A₂já₄ bá₄ ñó₅ a₂jme₁lén₂ 'ne₂, tau₂ 'ñio₃?” Oseas 13:14. * 16:1 lit. “dsa₂ jñió₅.” † 16:2 lit. “jmi₄ le₂'uig₅₄ quió₅ semana.”

'ŋio₅ bá₄ cui_{n5} jmig₄ rē₂ na₄ jui₅ lé₂ le_{3i1} jmo₃ ta₁ quió'₅ Te₁gui'₅₄, a₂léi₄ a₂tē₃ dsi₅₄ dsón'₂; ton'₂ le₂jaun₂ bá₄ juin₅ dsa₂ i₂náu₃ 'io'₅₄ táng₃.

¹⁰ Nē₁jua'₂ ca₂dsióg₃ Timoteo rin'₅₄ jniog₄, jag₄ 'nia'₂ jaun₂, jaun₂ tsá₃ lē₅ jua'₅₄ a₂gó'₅ 'ein'₅₄ jē₄ quián'₂ 'nia'₂, ia₁ ma₂já₅ 'éi₂ jmo₂₃ ta₁ quió'₅ Te₁gui'₅₄, jui₁lia'₂ jniá₂ ján₃. ¹¹ Jaun₂ tsá₃ jmó'₂ 'nia'₂ 'au'₂ jua'₅₄ tsá₃ 'e₂ quein₅. Tē₂le₃ chén'₂ 'nia'₂ jui₅ a₂'ag₃ tei₄ dsí₅, ia₁jaun₂ jíá₃ ja₃jag₅₄ jniá₂. Ia₁ chi₁jain₁₂ jniá₂ quian'₅₄ rin'₅₄ jniog₄.

¹² Nē₃ ně₃, jui₁lia'₂ Apolos rin'₅₄ jniog₄, jme₁chi₂quian'₅₄ jniá₂ jmig₄ a₂dsó₃ quian'₅₄ rin'₅₄ jniog₄ dsi₁jin₁₂ 'nia'₂. Co₂dsia₅ tsá₃ ca₂lē₃ dsí₅ dsó₃ rē₂nē₃, la₁ ně₅ bá₄ dsióg₄ líg'₂ ca₂cui_{n3} jmig₄ dsó₃.

Jág₁ a₂'ág'₃ jág₁ jē₁ca₂tó'₂

¹³ Jmo₄ 'í₁, nau₂ 'nia'₂ tiá₂ a₂'én'₂ 'nia'₂. Jmo₄ ma₂chang'₂ a₂lē₅ 'au'₂ ma₂ca₂cang'₅₄ ma₂ŋi'₅₄, tión'₁ 'nia'₂ a₂'uang'₂. ¹⁴ Ca₂le₃jē₃ 'e₂ niog₅ jmo'₂ 'nia'₂ ja₁con₂ ríng'₂, jmo₄ léi₄ a₂'nióg'₃ tē₃dsón'₂ ríng'₂.

¹⁵ Nē₃ ně₃, jui₁lia'₂ ma₂ŋi'₅₄ 'nia'₂, rin'₅₄ jniog₄: Estéfanos, quian'₅₄ dsa₂ dsi₂néi₂ quió'₅, ca₂liin₃ dsa₂ i₂le₂'uig₅₄ i₂ca₂rē₃ 'én₂ jág₁ dse₃ 'uē₃ Acaya. Dsa₂ rin'₅₄ 'éi₂ ně₃ ma₂ja₂lén₂ ca₂ne₅₄ jme₁jme₂ti₃ ja₁con₂ rin'₅₄ jniog₄ dsa₂ 'én₂ ja₁jaun₂. Chi₂quian'₅₄ jniá₂ 'nia'₂ jmig₄ jaun₂ ně₃, ¹⁶ jme₁gan'₃ 'nia'₂ jui₁lia'₂ dsa₂ le₂'éi₂, quian'₅₄ gué₄ ca₂le₃jín₃ rin'₅₄ jui₁lia'₂ i₂jme₂'o₅₄ quian'₅₄ ta₁ le₂jaun₂. ¹⁷ 'Io'₂ jmo₅ jniá₂ ně₃, ia₁ ma₂guan₅ Estéfanos, Fortunato, quian'₅₄ Acaico; ma₂ca₂jme₃'ŋiai₂₃ jui₁lia'₂ a₂jme₁'nió'₅ ja₁con₂ jniá₂ 'uig₅₄ ia₁ a₂tsá₃ 'nia'₂ chan'₂ ja₁lá₃. ¹⁸ 'Éi₂ bá₄ ma₂jmo₃ lián'₂ dsi₃ tē₂le₃ jui₅ jme₂dsí₂, le₂jaun₂ bá₄ ma₂qui₂ma₂jmo₃ lián'₂ 'au'₂ 'nia'₂ ján₃. Jaun₂ 'nió'₅ jme₁gan₃ jniog₄ dsa₂ le₂'éi₂.

¹⁹ Ca₂le₃jín₃ guá'₅ ja₁tén₄ le₂tan₅₄ 'uē₃ Asia, cui_{n23} Diú₄ 'nia'₂. Le₂jaun₂ bá₄ Aquila quian'₅₄ Priscila_‡ ně₃, quian'₅₄ co₂nió'₃ dsa₂ rin'₅₄ i₂ŋi'₂ dsi₂néi₂ quió'₅ ně₃, cui_{n23} Diú₄ 'ŋio₅ lín₃ 'nia'₂, le₃quió'₅ Te₁gui'₅₄. ²⁰ Ca₂le₃jín₃ rin'₅₄ jniog₄ i₂tion'₅₄ ja₁lá₃, cui_{n23} Diú₄ 'nia'₂. Qui₁cui_{n54} 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ Š jú'₅ ríng'₂, a₂lē₅ léi₄ a₂ma₂'ei₅ caun₂ jág₁ a₂le₁jē₃ 'au'₂ quian'₅₄ ríng'₂.

²¹ Jniá₂ Pa₄, cui_{n5} Diú₄ 'nia'₂ ne₄ si₂ la₂, quian'₅₄ gu₃ 'nió₃.*

²² Chi₂jua'₂ chan₂ jan₂ tsá₃ 'nioi₃ Te₁gui'₅₄, co₂dsia₅ bá₄ jui₁dsi₂'éin₂. jŋiá'₅ 'ne₂, Te₁gui'₅₄!†

²³ Jui₁jme₂gu'₅₄ bá₄ Te₁gui'₅₄ Jesucristo i₂'ua₁ dsí₅. ²⁴ Ca₂le₃jín₃ bá₄ 'nia'₂ 'nióg₃, le₃quió'₅ Te₁gui'₅₄ Cristo Jesús. A₂méi₃.‡
Co₂nē₅.

‡ 16:19 griego: Prisca. § 16:20 Caun₂ tag₄ a₂jme₁chí₄ lia'₂ con'₂ jme₁ca₂jmo₃ Pa₄ si₂ la₂. * 16:21 'Nio'₂ ja₁ton₅ Gálatas 6:11; Colosenses 4:18; 2 Tesalonicenses 3:17; Filemón 19. † 16:22 griego: maranatha, jág₁ arameo a₂juá'₂ "Njá'₅ 'ne₂, Te₁gui'₅₄." ‡ 16:24 A₂lín₅₄ chog₅₄ si₂ tsá₃ chi₁ton₅ "A₂méi₃."

Si₂ carta jë₁ca₂të₂ tin₃ a₂ca₂jmo₃ San Pablo ne₄ dsa₂ CORINTIOS

Jmo₅ Pa₄ si₂ jë₁ca₂të₂ tin₃ a₂chein₃ ne₄ Guá'₅ i₂chan₂ juig₂ Corinto

¹ Jniá₂ Pa₄, co₂në₅ 'éi'₃ ca₂jmo₃ 'ñiog₅ Diú₄, a₂lín₅ jan₂ dsa₂ i₂chen₄ quián₅ Jesucristo, jmo₂₃ si₂ la₂ co₂lë₅ quian'₅₄ rin'₅₄ jniog₄ Timoteo a₂dsian'₄ ne₄ guá'₅ quián₅ Diú₄ i₂chan₂ juig₂ Corinto, quian'₅₄ ca₂le₃jín₃ guë₄ dsa₂ sián'₂ i₂tén₅ le₃quió'₅ Diú₄* i₂chan₂ le₂tan₅₄ 'uë₃ Acaya. ² Jui₁jme₂gu'₅₄ bá₄ Diú₄ 'nia'₂; jui₁tion'₅₄ bá₄ 'nia'₂ le₁'ág₄ tei₄ jmo₅ Diú₄ Jmei₂ jniog₄, jmo₅ Te₁gui'₅₄ Jesucristo në₃.

Ca₂ñág₃ uig₅ Pa₄

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ 'éi₂ bá₄ i₂lín₅ Tia₅₄ quián₂ i₂ñí₄ ñéi₂ dsí₅ jniog₄; i₂'éi₂ bá₄ Diú₄ i₂jmo₅ lián'₂ dsí₅ jniog₄ chong₂. ⁴ 'Éi₂ bá₄ i₂jmo₅ lián'₂ ja₁con₂ jniog₄ jë₄ ca₂le₃jë₃ 'e₂ o₂l₁ dsí₅ cha₂, le₂jaun₂ guë'₂ jniog₄ táng₃ lé₂ le₃jmó₁ lián'₂ dsí₅ jui₁lia'₂ i₂chan₂ o₂l₁ dsí₅ ñág₅ uig₅. Lé₂ le₃cuë₅₄ jniog₄ lián'₂ dsí₅ jui₁lia'₂ jmo₅ Diú₄ ja₁con₂ jniog₄ guio₅₄. ⁵ Ia₁ le₂në₅ jui₁lia'₂ ñag₄ jniog₄ jmi₁uig₅ juë'₂ lín₃ a₂ca₂can₃ Cristo, ján₃ bá₄ le₂në₅ táng₃ të₂le₃ quian'₅₄ Jesucristo guéi₁ jniog₄ lián'₂ a₂le₃chong₂ dse₃. ⁶ Jaun₂ në₃, chi₂jua'₂ ñag₄ jnia'₅₄ uig₅ chong₂, le₂në₅ le₃cha₂ lián'₂ ja₁con₂ 'nia'₂ jaun₂ lión'₂ 'nia'₂ në₃; o₃ chi₂jua'₂ guei₂ jnia'₅₄ lián'₂ 'e₂, ján₃ bá₄ le₃cha₂ lián'₂ ja₁con₂ 'nia'₂, jaun₂ lé₂ le₃jmó'₂ tió'₃ 'au'₂ 'e₂ uig₅ cha₂, jui₁lia'₂ jmo₂ jnia'₅₄. ⁷ Caun₂ bá₄ le₁'ág₄ dsí₅ jnia'₅₄ le₃ja₁con₂ 'nia'₂ a₂jmó'₂ tió'₃ 'au'₂ a₂lión'₂ 'nia'₂ në₃. Ia₁ ne₄ bá₄ jniog₄, në₃ jua'₂ quen'₅₄ 'nia'₂ ñag'₅₄ uig₅ a₂ñag₄ jnia'₅₄, ján₃ bá₄ le₂në₅ guéi'₁ 'nia'₂ lián'₂ a₂guéi₁ jnia'₅₄ a₂cuë₃ Diú₄.

⁸ Chei₂ jnia'₅₄ 'nia'₂ le₂në₅, rin'₅₄ jniog₄, ia₁ a₂'niog₂ jnia'₅₄ a₂le₃ñi'₅₄ 'nia'₂ 'a₂ lia'₂ lë₅ o₂me'₅₄ dsí₅ a₂ca₂quián₁ jnia'₅₄ le₂tan₅₄ juig₂ tio'₅₄ 'uë₃ Asia. 'Ñio₅ lín₃ bá₄ uig₅ ca₂ñag₄ jnia'₅₄; 'ñio₅ lín₃ guei₂ ta₁ a₂tióng₂ jnia'₅₄, ca₂lia'₂ jnia'₅₄ mei'₂ tsá₃ ca₂'uá₂ co₂ñei'₅₄ a₂tsá₃ ma₃jme₁tián₂. ⁹ Con'₂ siá'₂ lág₂ jnia'₅₄ a₂tsá₃ ma₃jmig₄ cha₂ quián₂ jnia'₅₄, në₂jag₄ bá₄ a₂ma₂'i₄ 'éi'₃ dsióg₃. La₁ tsá₃ a₂ñag₅₄, ia₁ ca₂le₃jë₃ a₂l₃ñág₂ jnia'₅₄ jaun₂ ca₂jmo₃ ta₁ a₂ca₂jme₁tin₅ jnia'₅₄ a₂'éin₂ le₃quió'₅ Diú₄, on₃jua'₅₄ le₂quián₂ jnia'₅₄ guio₅₄. Ia₁ i₂'éi₂ bá₄ lín₅ i₂jme₂jen'₅₄ 'lag₄. ¹⁰ Ia₁ ma₂lió₂ bá₄ Diú₄ ne₄ 'mú₃ gau₂ jaun₂, ton'₂ caun₂ lió₂ bá₄ jui₁lia'₂ jmig₄ në₃. Jaun₂ le₃ja₁con₂ 'éi₂ bá₄ ma₂'éi₁ jnia'₅₄ caun₂ dsí₅ a₂lió₂ ne₄ jui₅ ¹¹ chi₂jua'₂ jme₁'o₁ 'nia'₂ chi₂leng'₅₄ Diú₄ o₄quián₂ jnia'₅₄. Chi₂jua'₂ juin₅ dsa₂ i₂mí₅ ne₄ Diú₄ o₄quián₂ jnia'₅₄, ján₃ bá₄ juin₅ dsa₂ i₂cuë'₃ ti₁'mag'₄ Diú₄ ne₄ ca₂le₃jë₃ a₂dse₃ a₂jme₃'o₅₄.†

E₂ lë₃ tsá₃ ca₂ñe₄ Pa₄ juig₂ Corinto

¹² Cha₂ caun₂ cosa ja₂ të₅ dsí₅ jnia'₅₄ ton'₂ guio₅₄ jnia'₅₄ quiong₂ 'í₁ të₂dsí₅, lei₅₄ jnia'₅₄ a₂lé₂ le₃jang'₅₄ jág₁ dsau₅ a₂chong₂ jmo₂ a₂dse₃ a₂tí₅ ne₄ gua'₅₄ 'uë₃ la₂, jui₁lia'₂ jme₂ti₃ Diú₄, la₁ 'ñio₅ lín₃ guë₄ le₃ja₂con₂ 'nia'₂. Ia₁ a₂'ua₁ dsí₅ bá₄ Diú₄, ma₂ca₂jme₃'o₅₄ a₂chong₂ jnia'₅₄ le₂në₅; on₃jua'₅₄ ia₁ a₂tag₂ jnia'₅₄ guio₅₄. ¹³ Ca₂le₃jë₃ a₂jua'₂ jnia'₅₄ a₂tio'₅₄ ne₄ si₂ carta quián₂, tsá₃ 'e₂ a₂siá'₂ jua'₂ jnia'₅₄ jua'₅₄ a₂tsá₃ tin'₂ 'nia'₂ 'í'₄, o₃ a₂tsá₃ ñí'₂ 'nia'₂. ¹⁴ Jaun₂ 'ín₂ dsí₅ jnia'₅₄, jui₁lia'₂ ma₂ca₂rë₃ñíg₂ 'nia'₂ quián₂ jnia'₅₄ ja₁lín₅₄, ján₃ bá₄ le₂në₅ le₃ñí'₂ 'nia'₂ lia'₂ rë₂'ñia₅, ia₁ jaun₂ lé₂ le₃dsiá'₁ 'nia'₂ jág₁ tá'₅ o₄quián₂ jnia'₅₄, ton'₂ lé₂ le₃dsiá'₁ jnia'₅₄ jág₁ tá'₅ o₄quián₂ 'nia'₂ ján₃, jë₁ma₂ca₂të₂ jmig₄ quió'₅ Jesús Te₁gui'₅₄ quián₂.

¹⁵ 'Uig₅₄ ia₁ caun₂ bá₄ 'ei₅ dsí₃ ca₂le₃jë₃ a₂në₅, jaun₂ jme₁lín₂ nei₅₄ i₁jing₁₂ de'₂ jniá₅ 'nia'₂ a₂i₁jmo₃ lián'₂ 'au'₂ 'nia'₂ 'ñio₅ lín₃, ia₁ dsióg₄ i₁jing₁₂ 'nia'₂ ta₁tin₃ ráun₂. ¹⁶ Jme₁dsi₂jio₅ dsí₃ jme₁i₁ñig₁₂ ja₁tion'₅₄ 'nia'₂ lia'₂ ma₂'eng₅₄ jui₅ guio₃ ju₅ Macedonia; jë₁ma₂të₂ rë₁né₃'₄ táng₃, jaun₂ i₁jing₁₂ táng₃ 'nia'₂. Ia₁ lín₂, 'nia'₂ bá₄ jme₁'o₁ a₂lé₂ dsióg₄ jniá₂ të₂ Judea. ¹⁷ ¿O₃ bá₄

* 1:1 lit. "dsa₂ jnió₅." † 1:11 A₂lín₅₄ chog₅₄ si₂: "o₄quián₂ 'nia'₂."

lín'₂ 'nia'₂ a₂'eí₅ caun₂-tin₃ dsí₃ a₂juá'₅ le₂nē₅? ¿O₃ bá lín'₂ 'nia'₂ a₂lě₅ jág₁ quió₃ lia'₂ lě₅ jág₁ quió'₅ dsa₂ i₂tsá₃ 'én₂ i₂lě₁qui₂co₅ jág₁ quió'₅, nē₃ rē'₂ juá'₂ “ján₅,” nē₃ guè'₂ “jan₂'ón₄” táng₃? 18 Tí₅ bá₄ jág₁ quián₂ jnia'₅₄, juí₅lia'₂ tí₅ jág₁ quió'₅ Diú₄; líg'₂ jmíg₄ jua'₅₄ a₂lě.cuē₂ jnia'₅₄ jág₁ quián₂, jua'₅₄ a₂jua'₂ jnia'₅₄ “ján₅,” con'₂ siá'₂ “jan₂'ón₄” táng₃. 19 Ia₁ Cristo Jesús i₂lín₅ Ja₁ñi'₅₄ Diú₄ i₂qui'ín₅ jnia'₅₄ i₂nio₄, chei₂ 'nia'₂ quian'₅₄ Silvano, † Timoteo nē₃, 'éi₂ nē₃ tsá₃ líg'₂ jmíg₄ jua'₅₄ a₂lě₁qui₂ca₂co₃ jág₁ quió'₅ jua'₅₄ nē₃ rē'₂ juá'₂ “ján₅,” nē₃ cón'₅ “jan₂'ón₄” táng₃. Tē₂le₃ quian'₅₄ Cristo, a₂dsau₅ dsón'₂ bá₄ jág₁. 20 Ia₁ tē₂le₃ quian'₅₄ 'éi₂ bá₄ rē₂ti₃ ca₂le₃jě₃ jág₁ a₂cuē₂ quió'₅ Diú₄. Jaun₂ tē₂le₃ quian'₅₄ 'éi₂, jua'₂ jniog₄ a₂méi₃, ia₁ a₂dsau₅ dsón'₂. Jaun₂ le₂nē₅ lé₂ le₃jme₁juin'₂ jniog₄ Diú₄. 21 Jaun₂ 'ñiog₅ bá₄ Diú₄ jmo₂₃ tē₂le₃ ja₁con₂ jnia'₅₄, quian'₅₄ guè'₂ le₃ja₁con'₂ 'nia'₂ nē₃, a₂tíong₂ jniog₄ tiá₂ le₃quió'₅ Cristo. 'Ñiog₅ bá₄ Diú₄ ma₂ca₂'ag₃ jniog₄ nē₃. 22 Ma₂ca₂jmóg'₂ jniog₄ léi₄ co₂'nió'₄ quian'₅₄ sello quió'₅, ton'₂ ma₂cuin₃ Jme₂dsí₂ Jnió₅ quiáin₅ tē₂dsí₅ jniog₄, nē₂jag₄ bá₄ cu₄ a₂ma₂ron₅ dsí₂jñiá₄, a₂ma₂lág₅ jniog₄ léi₄ a₂dsí₁no₃ jniog₄ dsí₁guéí₁ a₂cuē₃.

23 Chi₂jua'₂ tsá₃ ma₂ca₂lě₃ dsíóg₄ juig₂ Corinto lia'₂ con'₂ lě₅ ma₂i₂jio₅ dsí₃, jág₅ bá₄ Diú₄ ia₁ tsá₃ 'nio₃ jniá₂ a₂cán'₂ 'nia'₂ o₂me'₅₄ dsí₅ a₂tsá₃ ca₂dsíóg₃; ia₁ nē₁jua'₂ tsá₃ le₂jaun₂, caun₂ bá₄ 'eí₅ dsí₃ o₁jñia'₅₄ 'mú₃ ca₂quín₂ quió₃. 24 On₃jua'₅₄ a₂'niog₂ jnia'₅₄ a₂jme₁gon₂ ne₄ 'a₂ lia'₂ 'én'₂ 'nia'₂, ia₁ ma₂tión'₂ bá₄ 'nia'₂ tiá₂ a₂'éng'₂. Jñia'₅₄ lia'₂ 'niog₂ jnia'₅₄ jmó₁ ta₁ co₂dsia₅ quian'₅₄ 'nia'₂ ia₁jaun₂ le₃cha₂ guē₄ o₂'ñió₃ dsí₅ ja₁con'₂ 'nia'₂, ia₁ o₄quió'₄ a₂'éng'₂ bá₄ 'nia'₂, tión'₂ 'nia'₂ tiá₂.

2

1 Jaun₂ ma₂ca₂dsia₃ jniá₂ dsí₃ a₂tsá₃ ma₃i₁jng₁₂ táng₃ 'nia'₂ tē₃ 'lia'₂ dsí₃. 2 Ia₁ nē₁jua'₂ i₁jmo₃ 'lia'₂ 'au'₂ 'nia'₂ bá₄ jniá₂, ¿'ein₂ bá₄ i₂jmo₃ jéin₄ jniá₂ 'io'₂? Jñia'₅₄ lia'₂ 'nia'₂ bá₄ i₂ma₂nē₂jmo₃ jniá₂ 'lia'₂ 'au'₂. 3 Jaun₂ lě₃, ca₂jmo₃ si₂ ca₂juá'₃, ia₁ tsá₃ 'nio₃ jmó'₂ 'nia'₂ 'lia'₂ dsí₃ jē₁ma₂dsíóg₃, ia₁ 'nia'₂ dsón'₂ bá₄ ca₂tíng'₂ jmó'₂ a₂jéin₄ 'io'₂ jē₁ma₂dsíóg₃. Ia₁ caun₂ bá₄ 'eí₅ dsí₃ ja₁con'₂ 'nia'₂ a₂dsíóg₄ 'eí₅ dse₃ dsí₃, le₂jaun₂ a₂'eí₅ rē₂ 'au'₂ 'nia'₂ ján₃. 4 Ia₁ a₂jme₁quian₄ o₂i₁ dsí₅, tē₃ ca₂tán'₂ dsí₃, jme₁ca₂jmo₃ jniá₂ si₂ jaun₂, ca₂le₃jě₃ jme₁'o₅ jniá₂. La₁ on₃jua'₅₄ jaun₂ ca₂juá'₃ ia₁jaun₂ tiá'₃ 'lia'₂ 'au'₂ 'nia'₂ ján₃; tē₂le₃ ia₁jaun₂ le₃ñi'₅₄ 'nia'₂ 'a₂ lia'₂ lě₅ dsí₃ a₂'nióg₃ 'nia'₂ 'ñio₅ lin₃.

Ca₂'éng'₂ dsáú₁ jan₂ dsa₂ i₂ca₂'náú₂ dso₄

5 Nē₁jua'₂ chan₂ i₂ma₂jmo₃ a₂cha₂ o₂i₁ dsí₅, on₃jua'₅₄ jmá'₃ ja₁con₂ jniá₂ ma₂jmo₃ quian'₅₄ o₂i₁ dsí₅; le₂jio₅ ja₁con'₂ 'nia'₂ bá₄ ca₂jmo₃ ca₂la₂ a₂ma₂ca₂quian'₂ 'nia'₂ o₂i₁ dsí₅ ca₂le₃jíng'₃. A₂juá'₅ jniá₂ “a₂ca₂jmo₃ ca₂la₂,” ia₁jaun₂ tsá₃ lin₄ uig₅ tin'₅₄ 'nia'₂ jág₁ nē₅. 6 Co₂'nió'₄ uig₅ a₂ca₂cuē'₅₄ 'nia'₂ dsa₂ 'éi₂ jē₄ le₁ñi'₂ 'nia'₂ ca₂le₃jíng'₃, tió'₅ bá₄ co₂nē₅. 7 Ca₂tín'₂ bá₄ 'nia'₂ nē₃ jmó'₂ 'ua₁ 'au'₂ 'éng'₄ dsáú₁, jmó'₂ táng₃ 'nia'₂ lián'₂ dsí₅, ia₁ con'₂ tsá₃ ñó₅ nē₁jua'₂ ca₂tán'₂ co₂ñei'₅₄ dsí₅. 8 Jaun₂ chi₂len'₄ jniá₂ 'nia'₂ a₂jme₁jniag'₂ táng₃, a₂dsón'₂ 'nióí'₃ 'nia'₂. 9 'Uig₅₄ jaun₂ bá₄ ma₂juá'₃ bá₄ jniá₂ le₂jñiá₅ quian'₅₄ si₂ a₂ma₂tsíng₂ ne'₅₄ 'nia'₂, a₂jñia'₅₄ con'₂ ca₂cáun₃ 'í₁ bá₄ quián'₂ 'nia'₂ o₁ne₄ nē₁jua'₂ jmó'₂ dsón'₂ 'nia'₂ con'₂ lě₅ ca₂le₃jě₃ jág₁ a₂juá'₅ jniá₂. 10 Jaun₂ nē₃, juí'e₂ guē₃ 'a₂ lia'₂ lě₅ dsáú₁ rín'₂ 'nia'₂ a₂'éng'₄, ján₃ bá₄ le₂jaun₂ le₃jmo₅₄ jniá₂ dsí₃, 'én₄ bá₄ jniá₂ dsáú₁ dsa₂ 'éi₂. Ia₁ juí₅lia'₂ dso₄ a₂ma₂én₃ jniá₂, chi₂jua'₂ 'e₂ caun₂ dso₄ ma₂'éng₃, o₄quián'₂ 'nia'₂ bá₄ ma₂jmo₃, tē₃ne₄ Cristo. 11 Jmo₅ jniá₂ le₂nē₅ ia₁jaun₂ tsá₃ jo₃ i₂sē₃dsen₃, ia₁ a₂ne₄ rē₂ bá₄ jniog₄ 'a₂ lia'₂ lě₅ mai₅₄ 'io₅ 'éi₂.

Tsá₃ rē₂ jme'ei₅ dsí₅ Pa₄ juig₂ Troas

12 Jaun₂ jme₁ca₂dsíóg₃ jniá₂ juig₂ Troas a₂'ě₄ jág₁ dse₃ quió'₅ Cristo, 'ñio₅ bá₄ jme₁rē₂na₄ juí₅ a₂jme₁jmo₅₄ ta₁ quió'₅ Te₁gui'₅₄ ja₁jaun₂. 13 La₁ tsá₃ tei₄ jme'ei₅ dsí₃, ia₁ tsá₃ ca₂dsáng'₂

† 1:19 Lia'₂ chen₂ Silvano co₂rē₂ quian'₅₄ Silas.

Tito rɪn'₅₄ jniog₄. Ca₂'ág'₃ bá₄ jniá₂ jág₁ rɪn'₅₄ jniog₄ ja₁jaun₂, jaun₂ guě₄ guio₃ le₃'uě₃ Macedonia la₂.

A₂léi₂ jniog₄ quian'₅₄ Cristo

14 La₁ ti₁'mag'₄ Diú₄ ia₁ co₂tan₅₄ bá₄ jiog₂₃ jui₅ a₂léi₂ jniog₄ le₃quió'₅ Cristo Jesús, ia₁ tē₂le₃ quian'₅₄ jniog₄ bá₄ jme₂jniai₂₃ jág₁ dse₃ la₂ quió'₅, ia₁jaun₂ dsa₂ ně₃ le₃cuin₂₃ 'éi₂, co₂'nió'₄ a₂ja₂dsí₂ ma₂juig₂ ca₂le₂con₂. 15 Ia₁ jniog₄ bá₄ lág₅ co₂'nió'₄ chen₂ a₂cau₂ ja₂dsí₂ ma₂juig₂ ma₂ro₂ a₂jén'₅ Cristo ne₄ Diú₄, a₂qui₂dsi₂'ag₅ jē₄ quió'₅ dsa₂ i₂i₂nio₄ jui₅ a₂lióin₂, qui₂ja₂dsí₂ ján₃ jē₄ quió'₅ i₂dsi₂'én₂ ně₃. 16 Tē₂le₃ ja₁con₂ dsa₂ i₂dsi₂'én₂ ně₃, chen₂ la₂ lě₅ a₂ja₂dsí₂ 'lig'₅₄ a₂ma₂le₃dsiáin₃; la₁ tē₂le₃ quió'₅ dsa₂ i₂tín'₄ guě'₂ ně₃, lě₅ caun₂ cosa a₂ja₂ ma₂juig₂ ma₂ro₂ a₂tín'₂ jme₂dsi₂ quió'₅, ¿'Ein₂ bá₄ 'éi₂ i₂qui'₅₄ jmig₄ quian'₅₄ ta₁ ně₅? 17 Jnia'₅₄ bá₄ 'éi₂ i₂qui'₅₄ jmig₄, ia₁ tsá₃ ta₁ jaun₂ i₂nio₄ jnia'₅₄ jua'₅₄ a₂jmo'₁ 'ma'₅₄ jág₁ dse₃ quió'₅ Diú₄ jui₁lia'₂ jmo₅ i₂lin₅₄. Tē₂le₃ jág₅ bá₄ Diú₄, chei₂ jnia'₅₄ dsa₂ lia'₂ tí₅ jág₁, lág₅ jnia'₅₄ dsa₂ quián₅ Diú₄ i₂juá'₂ o₄quió'₄ Cristo.

3

Jág₁ 'mí₂ a₂li'₅₄ quian'₅₄ Diú₄

1 ¿O₃ bá₄ lín'₂ 'nia'₂ a₂jnia'₅₄ 'ín₅ dse₃ guio₅₄ bá₄ jnia'₅₄ jme₁jua'₂ le₂ně₅? ¿O₃ bá₄ 'niog'₂ 'nia'₂ a₂'ě₄ si₂ a₂jáng'₅ jág₁ dsau₅ o₃ a₂mí'₁ 'e₂ jnia'₅₄ ne'₅₄ 'nia'₂ a₂cuě'₁ caun₂ si₂ jui₁lia'₂ jmo₅ dsa₂ i₂lin₅₄? 2 Jnia'₅₄ lia'₂ guion'₅₄ bá₄ 'nia'₂ ma₂cuě'₂ jág₁ dsau₅ a₂ma₂léi₄ co₂'nió'₄ caun₂ si₂ tē₂dsi₅ jnia'₅₄ a₂lé₂ le₃con₂ dsa₂ sián'₂ 'í₁ co₂'nió'₄ a₂lé₂ le₃'₃ dsa₂ ně₃. 3 Guion'₅₄ bá₄ 'nia'₂ lín'₅ co₂'nió'₄ caun₂ si₂ a₂ca₂jmo₃ Cristo 'niog₅, a₂ca₂dsia₃ gu₂ jnia'₅₄. Caun₂ si₂, on₃jua'₅₄ a₂léi₄ a₂qui₂rē₂tsáng₂ quian'₅₄ jmi₁jné₂; lě₅ léi₄ tē₂le₃ quian'₅₄ Jme₂dsi₂ quián₅ Diú₄ i₂chan₂ dsón'₂. Lě₅ caun₂ si₂ carta, on₃jua'₅₄ a₂léi₄ rē₂ton₅ dso'₂ ni₁cang₁; lě₅ léi₄ jui₅ tē₂dsi₅ dsa₂ mi₂güig₃ bá₄.

4 Caun₂ bá₄ le₁'ág₄ dsi₅ jnia'₅₄ a₂'éin₂ jnia'₅₄ le₂ně₅ le₃ja₁con₂ Diú₄ tē₂le₃ quian'₅₄ Cristo. 5 On₃jua'₅₄ a₂tag₂ jnia'₅₄ guio₅₄ a₂jmo₂ 'e₂ jmo₂. Ca₂le₃jě₃ 'e₂ niog₅ jmo₂ jnia'₅₄, Diú₄ bá₄ jmo₅ a₂qui'₅₄ jnia'₅₄ jmig₄ quian'₅₄ ta₁ ně₅. 6 'Éi₂ bá₄ ma₂jmo₃ a₂qui'₅₄ jnia'₅₄ jmig₄ a₂i₂quian₄ jnia'₅₄ * jág₁ 'mí₂ a₂ma₂li'₅₄ quian'₅₄ Diú₄: on₃jua'₅₄ tē₂le₃ quian'₅₄ 'éi'₃ a₂ton₅ ne₄ si₂; tē₂le₃ quian'₅₄ Jme₂dsi₂ quián₅ Diú₄ bá₄. Ta₁ a₂qui'₅ 'éi'₃ a₂rē₂ton₅ ne₄ si₂, a₂jio₅ ne₄ 'mú₃ bá₄ jaun₂. La₁ Jme₂dsi₂ quián₅ Diú₄ guě'₂ ně₃ to'₂ jme₂dsi₂ a₂chan₂ dsa₂.

7 'Éi'₃ jaun₂ ca₂tióng₃ Diú₄ dso'₂ ni₁cang₁ jē₄ si₂ a₂tág₅ co₂'né'₅. Tsá₃ ma₃ca₂tió'₃ dsa₂ israelitas jág₃ uě₂ ne₄ Moisés, ia₁ a₂ñí₄ lě₃ co₂tág₅ co₂'né'₅ ca₂jnia₃, jui₁'e₂ guě₃ la₂ jē₁ca₂ag₂ si₂ jaun₂. La₁ chi₂jua'₂ le₂ně₅ 'ñio₅ jlá'₁ ca₂lě₃ jme₁ca₂lě₃ 'éi'₃ a₂tsá₃ jme₁'io₅ bí₂ jua'₅₄ a₂tsá₃ dsián₂ dsa₂ jaun₂, 8 i'ě₂ guě₄ dse₃ jlá'₁, jág₁ dse₃ a₂quian₅ Jme₂dsi₂ Jnió₅ a₂jmo₅ a₂chan₂ táng₃ dsa₂! 9 Co₂'nió'₄ le₃jua'₅₄, chi₂jua'₂ lág₂ jniog₄ a₂ñí₄ lě₃ jlá'₁ ca₂lě₃ 'a₂ lia'₂ ca₂cuě₃ Diú₄ 'Éi'₃ tē₂le₃ quian'₅₄ Moisés, 'éi'₃ a₂jme₁bóg'₂ dso₄ jaun₂, i'ě₂ guě₄ jlá'₁ ta₁b quián₂ jnia'₅₄ a₂i₁quian₄ jnia'₅₄ jág₁ dse₃ a₂jme₂jnia₅ Diú₄ a₂tsá₃ ma₂dsáᵤ₁ jniog₄ cha₂! 10 Ia₁ jui₁lia'₂ 'éi'₃ a₂jme₁jlá'₁ ma₂líg'₂, tsá₃ ma'e₂ quen₅ ně₁ma₂ca₂quin₃ quian'₅₄ jág₁ jlá'₁ guě₄ a₂cha₂ rē₂ně₃. 11 Chi₂jua'₂ lág₂ jniog₄ a₂ñí₄ lě₃ jme₁jlá'₁ ta₁b quió'₅ a₂tsá₃ uě₂ tió'₅ jaun₂, i'ě₂ guě₄ 'ñio₅ jlá'₁ ta₁† quió'₅ jág₁ 'mí₂ a₂tsá₃ ma₂dsi₃ñí₂ o₁líg'₂!

12 'Uig₅₄ ia₁ caun₂ le₁'ág₄ dsi₅ jnia'₅₄ le₂ně₅, jua'₂ jnia'₅₄ co₂ñei'₅₄ rē₂jiá₃ jág₁. 13 Tsá₃ jmo₂ jnia'₅₄ jui₁lia'₂ ca₂jmo₃ Moisés; ca₂jlě₂ 'éi₂ ne₅₄ quian'₅₄ 'mí'₂ ia₁jaun₂ tsá₃ jág₃ dsa₂ israelitas 'a₂ lia'₂ éi₃ a₂co₂tág₅ jaun₂. 14 La₁ tsá₃ ca₂rě₃ñí'₂ dsí₅ dsa₂ 'éi₂ ně₃, ia₁ cang₄ dsi₅₄. Ca₂lia'₂ jnió₄ jmig₄ ně₃ 'i₅ dsa₂ Si₂ 'Éi'₃ a₂ron₅ ma₂líg'₂, lia'₂ ma₂lín₅ jaun₂ bá₄ 'éi₂, co₂'nió'₄ rē₂jlě₅ ne₅₄, a₂tsá₃ ñí'₂. Ia₁ jmá'₃ tē₂le₃ quian'₅₄ Cristo bá₄ lé₂ le₃jnia'₃ a₂jlě₅ a₂ñí'₂ dsí₅ dsa₂ jaun₂. 15 Ca₂lia'₂

* 3:6 griego: diákonous (ministros). † 3:11 griego: diakonía (ministerio).

jñi₄ jmig₄ nē₃, jē₁ma₂tóin'₂ 'i₂₃ si₂ quió'₅ Moisés, jlin₅ ne₄ dsa₂, tsá₃ rē₂ñí'₂. ¹⁶ Ia₁ jui₁lia'₂ jan₂ dsa₂ i₂jén'₅ le₃quió'₅ Te₁gui'₅₄, jñia'₅ a₂jmo₅ a₂jlin₅ ne₄ dsa₂ jaun₂. ¹⁷ Te₁gui'₅₄ nē₃, ia₁ i₂lín₅ Jme₂dsí₂ bá₄ 'éi₂; ja₁'en₅₄ Jme₂dsí₂ quián₅ Te₁gui'₅₄, jui₁lia'₂ tē₂dsí₅ dsa₂ i₂'én₂, ja₁jaun₂ rē₂na₄ bá₄ jui₅. ¹⁸ Ia₁ ca₂le₃jág₃ jniog₄ tsá₃ ma₃le₁jlē₅ ne₄ jniog₄; lág₅ jniog₄ jui₁lia'₂ lē₅ ni₁'i₂ a₂jniá₂ a₂co₂tág₅ co₂'né₅ a₂jlán'₁ Te₁gui'₅₄. Le₂nē₅ bá₄ jniog₄ guio₅₄, caun₂ i₂ne₁ca₂lag₃ jniog₄ jui₁lia'₂ lín₅ Cristo 'ñiog₅, ia₁ lia'₂ caun₂ jmig₄ caun₂ jmig₄ bá₄ caun₂ i₂ne₁ca₂lag₃ jniog₄ jlán'₁ jui₁lia'₂ lín₅ 'éi₂. Ca₂le₃jē₃ a₂nē₅ jmo₅ Te₁gui'₅₄, i₂lín₅ Jme₂dsí₂.

4

¹ 'Uig₅₄ jaun₂, o₁líg'₂ jmig₄ tsá₃ tián'₃ dsí₅ jnia'₅₄ dsa₂ i₂quian₅ jág₁ dse₃ quió'₅ Diú₄, ia₁ 'ñiog₅ bá₄ Diú₄ ca₂dsia₃ ñéi₂ dsí₅ ca₂dsia₃ gu₂jnia'₅₄ ta₁ la₂. ² Ma₂ca₂tí₄ jnia'₅₄ ca₂le₃jē₃ a₂'lig'₅₄ o₂guí'₃ a₂jmo₅-dsáu₅ dsa₂ jē₄ rē₂'ma₄; tsá₃ a₂nē₅ i₂nio₄ jnia'₅₄ quian'₅₄ mai₅₄ a₂qui₂jme₂gán₂ jnia'₅₄ dsa₂. On₃ guē'₂ jua'₅₄ jmo₂ jnia'₅₄ caun₂-tín₃ jág₁ jua'₅₄ a₂co₂gün'₄ jnia'₅₄ jág₁ dse₃ quió'₅ Diú₄. Jág₁ tí₅ dsón'₂ rē₂jiá₃ jág₁ bá₄ jme₂tín₁ jnia'₅₄ dsa₂, ne₄ Diú₄, ia₁ jaun₂ le₃lí'₄ tē₂dsí₅ dsa₂ a₂dsau₅ bá₄ jág₁ a₂i₂quian₄ jnia'₅₄. ³ Nē₁jua'₂ rē₂jlē₅ jág₁ dse₃ a₂i₂quian₄ jnia'₅₄, rē₂jlē₅ ja₁con₂ dsa₂ i₂dsi₃'én₂ jme₂dsí₂ quió'₅ bá₄. ⁴ Ia₁ dsa₂ i₂le₂'éi₂ i₂tsá₃ 'én₂, co₂'nió'₄ a₂rē₂jlin₅ dsí₅, nē₂jag₄ bá₄ a₂tein₅₄, a₂jmo₅ diú₄ quián₅ dsa₂ mi₂güig₃ la₂, ia₁ jaun₂ tsá₃ tág₃ si₂ a₂le₃ñí'₂ dsí₅ 'a₂ lia'₂ jlá'₁ jág₁ dse₃ quió'₅ Cristo i₂jlán'₁ lia'₂ lín₅ Diú₄ 'ñiog₅. ⁵ Ia₁ on₃jua'₅₄ guio₅₄ jnia'₅₄ 'ín₅ jē₁ma₂tē₂ rē₁'é₄ jág₁ dse₃; Cristo Jesús bá₄ 'ín₅ jnia'₅₄ a₂lín₅ Te₁gui'₅₄, a₂lág₅ jnia'₅₄ dsa₂ i₂jme₂ti₃ ta₁ ne'₅₄ 'nia'₂ ján₃ o₄quió'₄ Jesús. ⁶ Ia₁ 'ñiog₅ bá₄ Diú₄ ca₂juá'₂ jme₁ca₂jmo₃ mi₂güig₃: “Jui₁jnia₄ tág₅ jē₄ qui₁né'₃”. * Jaun₂ i₂'éi₂ bá₄ ma₂jmo₃ nē₃ a₂tág'₄ si₂ tē₂dsi₅ jnia'₅₄ ia₁ jaun₂ jág₃ i₂sián'₂ si₂ jaun₂, ia₁ jaun₂ le₃ñi₅ dsa₂ 'a₂ lia'₂ jlán'₁ Diú₄ tē₂le₃ ne₄ Jesucristo.

'A₂ lia'₂ 'nió'₅ le₃chan₂ dsa₂ ia₁ a₂'éin₂

⁷ Ca₂le₃jē₃ a₂jlá'₁ a₂quen₅ 'ñio₅ lin₃ nē₅ nē₃, a₂quian₄ jnia'₅₄ a₂lág₅ lia'₂ lē₅ ca₂míg₂ ni₁ti'₂ tsá₃ quen₅, jē₁rē₂'ma₄ cosa a₂quen₅ 'ñio₅, ia₁ jaun₂ le₃jniá₂ a₂já₅ ja₁con₂ Diú₄ bá₄ jui₅bí₂ juē'₂ lin₃ nē₅, on₃jua'₅₄ a₂'niog'₂ jnia'₅₄ dsí₅ guio₅₄. ⁸ Le₂nē₅ nē₃, jui₁'a₂ guē₃ la₂ tē₂ja₂lé₂ o₂me'₅₄ dsí₅ jē₁chong₂ jnia'₅₄, la₁ tsá₃ lē₅ jua'₅₄ a₂tsá₃ dsian₅. Jui₁'e₂ guē₃ já₅ caun₂ jui₅bí₂ a₂'i₅ dsí₅ jnia'₅₄ chong₂, la₁ tsá₃ jua'₅₄ a₂ñí₄ quian₄ jnia'₅₄ o₂i₁ dsí₅. ⁹ Jui₁'e₂ guē₃ qui₂co₂'ein₅ dsa₂, la₁ tsá₃ guio₅₄ jnia'₅₄ tióng₂. Jui₁'e₂ guē₃ ca₂guiog'₃ dsa₂ 'uē₃, la₁ tsá₃ ca₂dsau₃ guē₄ jnia'₅₄. ¹⁰ Tē₁i₂nio₄ jnia'₅₄ le₁quian₁ i₁gú'₃ 'mú₃ quió'₅ Jesús jui₅ ni₁ñi₁ jnia'₅₄, ia₁ jaun₂ le₃jniá₂ jui₅ ni₁ñi₁ jnia'₅₄ ján₃ a₂chan₂ Jesús. ¹¹ Ia₁ tē₁lia'₂ chong₂ jnia'₅₄ la₂, le₂o₃ jmig₄ bá₄ go'₂ a₂jme₃dsiog₅ dsa₂ o₄quió'₄ Jesús, ton'₂ ia₁ jaun₂ le₃jniá₂ jui₅ ni₁ñi₁ jnia'₅₄ a₂siá'₃ la₂, a₂chan₂ bá₄ Jesús. ¹² Jaun₂ nē₃, 'uig₅₄ ia₁ a₂tio'₅₄ jnia'₅₄ jui₅ 'mú₃, 'nia'₂ nē₃ tióng₅₄ jui₅ a₂le₃chan₂ jme₂dsí₂ quiáng'₂.

¹³ Le₂la₂ juá'₂ ne₄ Si₂: “Ca₂rē₃'éng₂, jaun₂ bá₄ lē₃ ca₂juá'₃.”† Le₂nē₅ bá₄ jnia'₅₄ ján₃, ia₁ a₂'i₄ jme₂dsí₂ i₂cuē₅ bí₂ a₂'éin₂, jaun₂ bá₄ lē₃ 'éin₂ jnia'₅₄, jaun₂ bá₄ lē₃ jua'₂ jnia'₅₄ ján₃. ¹⁴ Ia₁ ma₂ne₄ bá₄ jnia'₅₄, Diú₄ i₂ca₂jme₃jen'₅₄ Te₁gui'₅₄ Jesús a₂jme₁rē₂join₅₄, le₂jaun₂ bá₄ jme₃jein'₅₄ jnia'₅₄ ján₃, jui₁lia'₂ ca₂jme₃jein'₅₄ 'éi₂, tē₂ co₂dsia₅ quian'₅₄ 'nia'₂ ja₁coin₂. ¹⁵ A₂dse₃ o₄quián'₂ 'nia'₂ bá₄ ca₂le₃jē₃ a₂ma₂ca₂lē₃ nē₅, ia₁ nē₁jua'₂ le₂jaun₂ juin₅ guē₄ dsa₂ i₂tín₅ a₂'ua₁ dsí₅ Diú₄, le₂jaun₂ bá₄ ján₃ juin₅ guē₄ dsa₂ lē₂ i₂cuē₃ ti₁'mag'₄ qui₂le₃juin'₂ Diú₄.

¹⁶ Jaun₂, o₁líg'₂ jmig₄ tsá₃ qui₂'uán₂ dsí₅ jnia'₅₄. Tsá₃ a₂léi'₂ jaun₂ caun₂ ma₂ne₁ca₂dsa₃ bí₂ ni₁ñi₁ jnia'₅₄. La₁ jme₂dsí₂ quián₂ nē₃ caun₂ rē₂'mag'₄ bá₄ lia'₂ caun₂ jmig₄.‡ ¹⁷ Ia₁ jmi₁uig₅ a₂ca₂juig₄ a₂dsi₂ñág₂ jnia'₅₄ rē₂nē₃, a₂ñi'₅₄ ta₁ dsí₃ñí₂, jmo₃ a₂tē₃dsi₅₄ a₂léi₂ ñag₅₄ guē₄ jnia'₅₄ ja₁jlá'₁ guē₄ 'ñio₅ lin₃ a₂jio₅ co₂tan₅₄. ¹⁸ Ia₁ tsá₃ jua'₅₄ tion'₂ jnia'₅₄ jui₅ caun₂ cosa a₂jniá₂; a₂jaun₂ bá₄ tion'₂ jnia'₅₄ jui₅ jui₁lia'₂ a₂tsá₃ jniá₂. Ia₁ ca₂le₃jē₃ a₂jniá₂, tsá₃ uē₂ jio₅. A₂dsau₅ bá₄ a₂tsá₃ jniá₂, a₂jaun₂ bá₄ a₂jio₅ co₂tan₅₄.

* 4:6 Génesis 1:3. † 4:13 Salmo 116:10. ‡ 4:16 lit. “Tsá₃ a₂léi'₂ jaun₂ caun₂ ma₂ne₁ca₂dsa₃ quió'₅ dsa₂ le₂co'₅₄; la₁ dsa₂ le₂né'₃ nē₃ caun₂ rē₂'mag'₄ bá₄ lia'₂ caun₂ jmig₄.”

5

1 Ia₁ ma₂ne₄ bá₄ jniog₄, jë₁ma₂ca₂dsau₃ ca₂'en₃ ni₁ñi₁ jniog₄ la₂, a₂lë₅ co₂'nió₄ caun₂ 'né₅ quián₂ të₁lia₂ chong₂ mi₂güig₃ la₂, la Diú₄ në₃ cuë₃ caun₂ ja₁'io₁ guei₅₄ i₂juig₃ ja₁lë₄ co₂'nió₄ caun₂ 'né₅ a₂tsá₃ ma₃ton₅ jmig₄ dsi₃'én₂, on₃jua₅₄ a₂ca₂jmo₃ dsa₂ mi₂güig₃. 2 Dsón₂ bá₄ të₁lia₂ chong₂ jniog₄ jui₅ ni₁ñi₅ la₂, ca₂le₃jë₃ chon₂ jniog₄ dsi₅, a₂'ín₅ dsi₅ dsi₁'io₁ 'né₅ quián₂ guei₅₄ i₂juig₃, 3 ia₁jaun₂ jlë₂ quián₂ në₂jag₄ bá₄ caun₂ 'mi₂ a₂quei₂ Te₁gui₅₄ ia₁jaun₂ tsá₃ dsi₁no₃ rë₂ñág₅. 4 Të₁lia₂ chong₂ jniog₄ quian₅₄ ni₁ñi₁ la₂, ca₂le₃jë₃ chon₂ jniog₂ dsi₅ a₂le₁quian₁ o₂i₁ dsi₅. On₃jua₅₄ a₂'niog₂ jniog₄ a₂tsá₃ 'e₂ qui₄ jniog₄; a₂jaun₂ bá₄ 'niog₂ jniog₄ a₂lió₃ co₂ñei₅₄ ni₁ñi₁ a₂jón₂ la₂, quian₅₄ ni₁ñi₁ 'mí₂ a₂le₃chan₂ co₂tan₅₄. 5 Diú₄ bá₄ dsón₂ i₂ma₂jmo₃ co₂ñia₅₄ jniog₄ i₂ma₂cuin₃ Jme₂dsí₂ quián₅, a₂lë₅ léi₄ a₂jme₃ti₃ jág₁ quió₅.

6 Le₂në₅ jaun₂ le₁'ág₄ bá₄ caun₂ dsi₅ jniog₄ co₂tan₅₄, ia₁ ne₄ bá₄ jniog₄ jaun₂, të₁lia₂ chong₂ jui₅ ni₁ñi₁ la₂, tsá₃ 'io₄ 'né₅ ja₁guá₄ Te₁gui₅₄. 7 La₁ i₂nio₄ jniog₄ ca₂le₃jág₃ a₂ñia₅₄ con₂ 'éin₂ bá₄, on₃jua₅₄ con₂ a₂të₅ ne₄ jniog₄. 8 La₁ caun₂ bá₄ le₁'ág₄ dsi₅, lág₂ jniog₄ 'e₂ guë₄ dse₃ jua₅₄ në₃ bá₄ 'uág₃ dsi₂néi₂ tsi₁'né₅ ni₁ñi₁ la₂, a₂dsau₅₄ dsi₁'io₁ quian₅₄ Te₁gui₅₄. 9 'Uig₅₄ jaun₂, co₂tan₅₄ quen₂ jniog₄ bí₂ jmo₂ a₂të₅ dsi₅ Te₁gui₅₄, të₁lia₂ chong₂ jui₅ ni₁ñi₁ la₂, o₃ në₁tsá₃ ma₂chong₂ 'e₂. 10 Ia₁ le₃jág₃ bá₄ jniog₄ dsi₁no₃ ne₄ta₁ quió₅ Cristo, ia₁jaun₂ gue₃ le₂jan₂ le₂jan₂ dsa₂ con₂ ca₂tñin₂, lia₂ con₂ lë₅ ca₂jmo₃ të₁lia₂ jme₁chain₂ jui₅ ni₁ñi₁₂, a₂dse₃, o₃ a₂'lig₅₄ 'e₂.

Jág₁ dse₃ quió₅ Diú₄ a₂'ag₃ tei₄ dsi₅ dsa₂

11 'Uig₅₄ në₅, ia₁ a₂ne₄ jnia₅₄ a₂ñi₄ lë₃ gau₂ lé₂ jë₁ma₂tión₂ dsa₂ ne₄ Te₁gui₅₄, a₂quen₂ jnia₅₄ bí₂ chei₂ jnia₅₄ dsa₂ jág₁ dsau₅ o₁ne₄ tsa₁ jiá₂ dsi₅, gue₃ jág₁ dse₃. Jaun₂ ma₂ñi₅ bá₄ Diú₄ 'a₂ lia₂ lë₅ chong₂ jnia₅₄; jaun₂ 'ín₂ dsi₃ jniá₂ a₂ñi₅₄ bá₄ 'nia₂ të₂'au₂ ján₃. 12 Tsá₃ o₁len₂ 'nia₂ jua₅₄ 'niog₂ jnia₅₄ 'ín₄ rë₂ guio₅₄. Jñia₅₄ lia₂ cuë₂ jnia₅₄ jmig₄ a₂dsiá₂ 'nia₂ jág₁ tá₅ o₄quián₂ jnia₅₄, ton₂ ia₁jaun₂ ñi₅₄ 'nia₂ 'a₂ lia₂ ñag₅₄ ne₄ jui₁lia₂ dsa₂ i₂nio₃ dsia₃ jág₁ tá₅, i₂jñia₅₄ dse₃ le₁'ág₄ o₁ne₁, on₃jua₅₄ rë₂ a₂dsi₂jó₃ le₁jë₃ jme₂dsí₂ quió₅. 13 Ia₁ chi₂jua₂ quiong₅ dsa₂ a₂lág₅ jnia₅₄ dsa₂ ñá₅, lë₁ o₄quió₄ Diú₄ bá₄. La₁ chi₂jua₂ tsá₃ lág₅ jnia₅₄ dsa₂ ñá₅ në₃, a₂dse₃ quián₂ 'nia₂ bá₄ jaun₂. 14 Ia₁ a₂ñi₄ lë₃ 'nio₃ Cristo jnia₅₄, a₂jaun₂ tion₅₄ bá₄ ca₂tág₂ jnia₅₄ jme₁'nió₄ dsa₂ mi₂güig₃ rin₅₄ jui₁lia₂ ca₂rë₃'nio₃ 'éi₂. Ia₁ caun₂ bá₄ 'éin₂ jnia₅₄, jan₂ bá₄ i₂ca₂jon₃ o₄quió₄ ca₂le₃jín₃; 'uig₅₄ jaun₂, në₂jag₄ bá₄ a₂ma₂dsau₃ le₂jág₃. 15 Jan₂ Cristo bá₄ i₂ca₂jon₃ ne₄ o₄quió₄ ca₂le₃jín₃, ia₁jaun₂ tsá₃ ma₃'nió₅ le₃chain₂ jmá₃ o₄quió₄ guioin₅₄; jui₁le₂chain₂ bá₄ le₃quió₅ i₂ca₂jon₃ o₄quió₄, le₃quió₅ i₂ca₂jen₅₄ táng₃. 16 Jaun₂ tsá₃ ma₃'ein₂ jin₄ jnia₅₄ në₃ të₂le₃ ne₄ jui₅ lia₂ con₂ lë₅ jág₂ dsa₂ mi₂güig₃. Jui₁'e₂ guë₃ le₂jñiá₅ jme₁jin₄ jnia₅₄ Cristo lia₂ con₂ lë₅ jág₂ dsa₂ mi₂güig₃, tsá₃ ma₃le₂jaun₂ jin₄ jnia₅₄ 'éi₂. 17 Jaun₂ le₂në₅, jui₁lia₂ dsa₂ i₂ma₂chén₅ le₃quió₅ Cristo, jan₂ dsa₂ 'mí₂ bá₄ 'éi₂. Ca₂le₃jë₃ 'a₂ lia₂ jme₁lë₄ le₂jñiá₅, ca₂ñi₂ bá₄ jaun₂. ¡Ma₂ca₂rë₃'mag₄ bá₄ ca₂le₃jë₃!

18 Ca₂le₃jë₃ a₂në₅, le₂në₅ ma₂jmo₃ Diú₄ 'ñiog₅. Ca₂'ág₂ táng₃ caun₂ jág₁ quian₅₄ jniog₄ të₂le₃ quian₅₄ Cristo. Jaun₂ 'éi₂ në₃ ma₂cuë₃ ta₁ a₂jme₁tin₅ jnia₅₄ dsa₂ 'a₂ lia₂ 'nió₅ jmo₃ 'ag₃ caun₂ jág₁ quian₅₄ Diú₄. 19 Co₂'nió₄ le₃jua₅₄, të₂le₃ quian₅₄ Cristo bá₄ jme₁'ag₅ Diú₄ caun₂ jág₁ quian₅₄ dsa₂ mi₂güig₃. Të₂le₃ quian₅₄ Cristo bá₄, jín₂ Diú₄ dsa₂ co₂'nió₄ a₂tsá₃ ma₃'e₂ dso₄ rë₂cán₄ dsa₂. Jaun₂ të₂le₃ quian₅₄ Cristo bá₄ ma₂dsia₃ gu₂ jnia₅₄ në₃ a₂qui₁'é₄ jnia₅₄ dsa₂ jág₁ dse₃ la₂, ia₁jaun₂ le₃ñi₅ a₂tsá₃ ma₃mi₅₄ cha₂ quian₅₄ Diú₄. 20 Jaun₂ le₂në₅ bá₄ lë₅ 'a₂ lia₂ të₁i₂nio₄ jnia₅₄ i₂quian₄ jnia₅₄ jág₁ o₄quió₄ Cristo, ia₁ co₂'nió₄ 'ñiog₅ bá₄ Diú₄ chi₂lén₂ dsa₂ të₂le₃ quian₅₄ jnia₅₄. Jaun₂ jnia₅₄ në₃, chi₂lén₄ jnia₅₄ 'nia₂* quian₅₄ jág₁ 'éi₃ quió₅ Cristo: “Éi₂ 'nia₂ caun₂ jág₁ quian₅₄ Diú₄.” 21 I₁caun₂ dso₄ tsá₃ 'e₂ ca₂'náu₂ Cristo; la₁ 'uig₅₄

* 5:20 o₃, “chi₂lén₄ jnia₅₄ dsa₂.”

dsáu₁ jniog₄ bá₄ ně₃, ca₂'ě₃ Diú₄ uig₅ 'éi₂ ně₂jag₄ bá₄ a₂rě₂cáin'₄ dso₄, ia₁jaun₂ jniog₄ ně₃ jě₁ma₂ca₂rě₃quian'₅₄ Cristo, 'ě₂ Diú₄ jág₁ a₂tsá₃ 'e₂ dso₄ rě₂cáu'₄.

6

¹ Jaun₂ le₂ně₅, jnia'₅₄ dsa₂ i₂jmo₂ ta₁ co₂lě₅ quian'₅₄ Te₁gui'₅₄, chi₂len'₄ jnia'₅₄ 'nia'₂ a₂tsá₃ i₂jmo₂ 'nia'₂ jua'₅₄ a₂tsá₃ ta₁ jmo₃ jág₁ a₂'ua₁ dsí₅ Diú₄ a₂ma₂gue'₅₄ 'nia'₂. ² Ia₁ le₂la₂ juá'₂ Diú₄ ne₄ Si₂:

Ca₂rě₃chá₃ bá₄ jmig₄ a₂ca₂jmo₃ 'ua₁ dsí₃,
ca₂nag₃ jág₁ quián'₂ 'nia'₂;
jmig₄ a₂jme₁cuin₅ jmig₄ lión'₂ 'nia'₂
jme₁ca₂jme₁'o₁ jniá₂.*

Jaun₂ rě₂ně₃ bá₄ 'ě₂₃, cuin₅ jmig₄ a₂jmo₅ Diú₄ 'ua₁ dsí₅, Rě₂ně₃ bá₄ ján₃ cuin₅ jmig₄ a₂lión₂ dsa₂.

³ 'I₁caun₂ jnág₅ tsá₃ jmo₂ jnia'₅₄ ja₁con₂ dsa₂, ia₁jaun₂ tsá₃ táun₂ dsa₂ 'lig'₅₄ ta₁† quián₂ jnia'₅₄. ⁴ Tě₂le₃ 'niog₂ jnia'₅₄ cuě₅₄ léi₄ jě₄ ca₂le₃jě₃, a₂lág₅ tě₃dsón'₂ dsa₂ i₂jme₂ti₃ ta₁ ne₄ Diú₄: jě₄ a₂jmo₂ jnia'₅₄ tió'₅ dsí₅; jě₄ jmi₁uig₅ a₂ŋag₄ jnia'₅₄ jě₄ jme₁dsi₂ŋág₂ jnia'₅₄, a₂tsá₃ a₂ne₄ jnia'₅₄ jmó₁; jě₄ o₂i₁ dsí₅; ⁵ jě₄ qui₂bóg₂ dsa₂; jě₄ qui₂to'₂ dsa₂ né'₃ 'má₃; jě₄ mi'₅₄; jě₄ ta₁ 'ua'₂; jě₄ tsá₃ guag₂ jnia'₅₄; jě₄ jme₁'in₂ a₂que₅₄ jnia'₅₄; ⁶ jě₄ a₂le₁jě₃ jme₂dsí₂ quián₂ jnia'₅₄ ně₃; jě₄ jme₂juín'₁ dsí₅ ja₁con₂ rin'₅₄; jě₄ a₂'ua₁ dsí₅ jnia'₅₄; jě₄ a₂quiong'₅₄ Jme₂dsí₂ Jnió₅; jě₄ a₂'nio₃ jnia'₅₄ rin'₅₄ tě₃dsón'₂; ⁷ jě₄ quian'₅₄ jág₁ dsau₅ tě₃dsón'₂; jě₄ quian'₅₄ jui₅bí₂ quió'₅ Diú₄; jě₄ quian'₅₄ jui₅ co₂dsau₅ a₂tsá₃ 'e₂ rě₂cáu'₄, quian'₅₄ a₂ně₅ lion₄ jnia'₅₄ co₂'nió'₄ ŋí₁ a₂chan'₂ jnia'₅₄ quian'₅₄ gu₂ ne₁ quian'₅₄ gu₂jen₅ ně₃; ⁸ tě₂le₃ quian'₅₄ a₂jme₂juag'₂ dsa₂; tě₂le₃ quian'₅₄ a₂chei'₂ dsa₂ 'lig'₅₄; tě₂le₃ quian'₅₄ jág₁ 'lig'₅₄ a₂qui₂'ag₅ dsa₂; tě₂le₃ quian'₅₄ jág₁ dse₃ a₂qui₂'ag₅ dsa₂ ně₃; a₂lág₅ jnia'₅₄ dsa₂ i₂ti₅ jág₁ quió'₅ jui₁'a₂ guě₃ la₂ quiong₅ dsa₂ jnia'₅₄ i₂tě₂jín₁; ⁹ ně₂jag₄ bá₄ i₂tsá₃ 'ein₂ cuig₅, la₁ chan₂ bá₄ i₂cuig₅ rě₂; ně₂jag₄ bá₄ a₂ma₂i₁dsióg₃ jnia'₅₄, la₁ j₂ag₄! lia'₂ chong₂ jaun₂ bá₄ jnia'₅₄; qui₂jmóg'₂ dsa₂ uig₅, la₁ tsá₃ ca₂jme₃dsiog₂₃; co₂'nió'₄ a₂qui₂' dsí₅, ¹⁰ la₁ i₂gú'₃ bá₄ chong₂ jnia'₅₄ o₂'ŋi₃ dsí₅; co₂'nió'₄ i₂tě₂ŋé₂, la₁ jmo₂ jnia'₅₄ a₂le₃chan₂ dse₃ juin₅ i₂sián'₂; co₂'nió'₄ a₂tsá₃ 'e₂ cha₂ quián₂ jnia'₅₄, la₁ 'io₂ bá₄ jnia'₅₄ ca₂le₃jě₃.

¹¹ 'Nia'₂ rin'₅₄ jniog₄ i₂chan₂ juig₂ Corinto, ma₂ně₂jua'₅₄ jnia'₅₄ rě₂jiá₃ jág₁, ně₂jag₄ bá₄ a₂ma₂rě₂nia₅₄ jnia'₅₄ tě₂dsí₅ ja₁con'₂ 'nia'₂. ¹² 'I₁caun₂ tsá₃ 'e₂ jnág₅ ma₂jmó₁ jnia'₅₄ ja₁con'₂ 'nia'₂; guion'₅₄ bá₄ 'nia'₂ jmo₂ qui₂nióg₅ tě₂'au'₂, jag'₅₄ jnia'₅₄. ¹³ 'Nia'₂ ně₃, jein'₅₄ 'au'₂ tě₂le₃ ja₁con₂ jnia'₅₄: jaun₂ ně₃ chi₂len'₄ jnia'₅₄ 'nia'₂ ně₂jag₄ bá₄ co₂'nió'₄ ŋéi'₅ 'nia'₂ a₂na'₅₄ 'nia'₂ tě₂'au'₂ ja₁con₂ jnia'₅₄.

Lág₅ jniog₄ guá'₅ quián₅ Diú₄ i₂chan₂ tě₃dsón'₂

¹⁴ Tsá₃ i₁nió'₄ 'nia'₂ jua'₅₄ a₂ling'₅₄ jág₁ quian'₅₄ dsa₂ i₂tsá₃ 'én₂. Ia₁ ně₂jua'₂ le₂jaun₂ ně₃, dsí₁no'₅ 'nia'₂ léng'₂ jui₁lia'₂ on₃ dsí₂ca₁jui₅ i₂quia'₂ 'uě₃, i₂tsá₃ co₂rin₂.‡ Ia₁ tsá₃ a₁jaun₂ quin₃ dsí₅ dsa₂ i₂quian₅ jui₅ dse₃ quian'₅₄ dsa₂ i₂quian₅ jui₅ 'lig'₅₄. Já₃ guě'₂ le₂jaun₂, o₁líg'₂ jmig₄ tsá₃ lé₂ le₃jen'₂ ja₁tág₅ quian'₅₄ jui₁lia'₂ ja₁qui₁né'₃ táng₃. ¹⁵ ¿O₃ lín'₂ 'nia'₂, lé₂ le₃'ag₃ caun₂ jág₁ Cristo quian'₅₄ i₂sě₃dsen₃ táng₃? O₃, ¿'e₂ bá₄ quen'₅₄ jui₁lia'₂ jan₂ dsa₂ 'én₂ quiaín'₅₄ jan₂ i₂tsá₃ 'én₂? ¹⁶ ¿O₃ bá₄ lé₂ le₃'ag₃ caun₂ jág₁ guá'₅ quió'₅ Diú₄ quian'₅₄ diú₄ lag₄? Ia₁ guio₅₄ bá₄ jniog₄ lág₅ guá'₅ quió'₅ Diú₄ jén'₃. Lě₅ jui₁lia'₂ ca₂juá'₂ Diú₄ 'ŋiog₅:

Gua₅₄ ŋi₅₄ quiang'₅₄ dsa₂.

Jniá₂ bá₄ léng₂ Diú₄ quián₅.

Dsa₂ 'éi₂ guě'₂ lén₂ dsa₂ juig₂ quiáng₃.§

¹⁷ Jaun₂ lě₃:

Co₂dsia₅ 'uin'₂ 'nia'₂ jě₄ quió'₅ diú₄ lag₄ 'éi₂;

* 6:2 Isaías 49:8. † 6:3 griego: diakonía (ministerio). ‡ 6:14 'Nio'₂ ja₁ton₅ Deuteronomio 22:10. § 6:16 Levítico 26:12; Jeremías 32:38; Ezequiel 37:27.

con² nau² 'nia'², juá'² Te₁gui'⁵⁴;
 Tsá₃ qui²tí'⁵ 'nia'² gog'² a₂tsá₃ le₁jě₃.
 Jaun² bá₄ guen'⁴ jniá'² 'nia'²,*
 18 jaun² jan² jniá'² bá₄ léng² 'néi'⁵ 'nia'²,
 jaun² 'nia'² guë'² léng² chí'²-guein² quiáng³.
 juá'² Te₁gui'⁵⁴ i²'uan'² gué'⁴ lin³.†

7

1 Le²ně⁵ bá₄, rin'⁵⁴ jniog⁴, 'uig⁵⁴ ia₁ a₂ron⁵ jág₁ a₂cuë'¹ quió'⁵ Diú⁴ ja₁con² jniog⁴, jaun² ca₂tág² jniog⁴ chí⁵⁴ quián² ca₂le₃jě₃ a₂'lig'⁵⁴ a₂lé² le₃'iog⁵ jme₂dsi₂ quián², le₂jaun² ni₁ni₁ ně₃. Jui₁le₂chong² bá₄ co₂nei'⁵⁴ dsa₂ i₂lě⁵ 'í₁ i₂jme₂gan³ Diú⁴.

A₂ lia'² ca₂rě₃tsín₃ dsí₅ dsa₂ Corintios, ca₂can₃ táng₃ ju₅ dse₃

2 Jmo⁴ 'nia'² 'au'² a₂jag'⁵⁴ dse₃ jnia'⁵⁴. Ia₁ tsá₃ 'e₂ 'lig'⁵⁴ ma₂jma'⁵⁴ 'i₁jan'² 'nia'², on₃ guë'² 'e₂ jág₁ ga₂ ma₂chéi₂ jnia'⁵⁴ 'i₁jan², on₃ guë'² jua'⁵⁴ ma₂ca₂jme₁gan⁵ jnia'⁵⁴ 'i₁jan'² 'nia'² ně₃.

3 On₃ jua'⁵⁴ a₂juá'⁵ jniá'² ia₁ a₂bong'⁵⁴ 'nia'² dso⁴. Lia'² ma₂juá'⁵ jaun² bá₄ jniá'², jing⁵⁴ 'nia'² ca₂le₃jě₃ dsi₃, a₂'nió₃ jniá'² 'nia'². Caun² bá₄ 'ei₅ dsi₃ chang² co₂lě₅ quiang'⁵⁴ 'nia'², o₃ dsióg³ co₂lě₅ 'e₂. 4 Caun² bá₄ 'ei₅ dsi₃ jing⁵⁴ 'nia'², 'nio₅ jmo⁵ jniá'² táng'⁵ o₄quián'² 'nia'². Rě²'nia₅ a₂lián'² dsi₃, lia'² rě₂tsón² a₂'io'² jéin² jniá'², jě₄ ca₂le₃jě₃ o₂i₁ dsi₅ a₂chong² jnia'⁵⁴.

5 Ia₁ lia'² con'² jme₁o₃náu⁵ jnia'⁵⁴ 'uë₃ Macedonia la₂, tsá₃ ma₂ca₂rě₃jag⁵⁴ 'i₁ca₂juig⁴, ia₁ o₂me'⁵⁴ dsi₅ bá₄ ma₂ca₂rě₃chá₃ le₂con² tē₂le₃ la₂: mi'⁵⁴ bá₄ ca₂já₃ le₃lág'³ ja₁tio'⁵⁴ jnia'⁵⁴, ca₂le₃jě₃ ca₂'í₃ gó'⁵ dsi₅ jnia'⁵⁴. 6 La₁ Diú⁴ i₂j móg'⁵ táng³ dsí₅ dsa₂ i₂'lia'² dsí₅, ca₂j móg'³ bá₄ táng³ dsí₅ jnia'⁵⁴ jme₁ca₂guan³ Tito, 7 ton'² 'éi₂ 'nio₅ guë'² ně₃, 'nio₅ lin³ 'ei₅ dsí₅ o₄quián'² 'nia'². 'Éi₂ bá₄ dsia₅ ně₃ tság⁵ jnia'⁵⁴, 'nio₅ 'ín₅ 'au'² jag'⁵⁴ jniá'². Dsia₂₃ a₂qui'² 'au'². Dsia₂₃ ján³ a₂tion'⁵⁴ 'nia'² dsen⁵⁴ 'au'² o₄quió₃ jniá'². Jaun² bá₄ tē₂le₃ lě₅ guë'⁴ 'io'² jéin⁵ jme₁ca₂rě₃guion⁵⁴.

8 Tsá₃ a₂nag⁵⁴ ca₂tió'n'² 'nia'² co₂'na₂ qui'² 'au'² quian'⁵⁴ si₂ carta a₂ca₂tsing²; la₁ tsá₃ dsi₂quén'⁵ dsi₃ rě₂ně₃. Dsón'² bá₄ ca₂dsi₃quén'⁵ dsi₃ co₂'na₂ le₂jniá₅ ján³ jme₁ca₂rě₃guion⁵⁴ o₄quió'⁴ si₂ jaun², ca₂tió'n'² 'nia'² qui'² 'au'² co₂'na₂. 9 Jaun² ně₃ 'io'² jéin⁵ bá₄ rě₂ně₃, on₃ jua'⁵⁴ ia₁ a₂ca₂tió'n'² 'nia'² qui'² 'au'² jaun²; a₂jaun² bá₄ ia₁ a₂ca₂rě₃tsín³ bá₄ 'au'² 'nia'² ia₁ a₂ca₂tió'n'² 'nia'² qui'² 'au'². Ca₂quian'² 'nia'² o₂i₁ dsi₅ lia'² tē₅ dsí₅ Diú⁴. Jaun² tsá₃ le₃jua'⁵⁴ a₂ca₂jma'⁵⁴ jnia'⁵⁴ dain⁵⁴ 'nia'².

10 Ia₁ jui₁lia'² a₂qui'² dsí₅ dsa₂ 'a₂ con'² 'nio₃ Diú⁴, a₂jaun² bá₄ jmo⁵ a₂rě₃tsín³ dsí₅ dsa₂, a₂jio₅ jui₅ a₂lión² dsa₂. Jaun² tsá₃ cha₂ 'e₂ lě₃ jua'⁵⁴ dsi₁quén'⁵ dsí₅ dsa₂. La₁ia₁ jui₁lia'² a₂qui'² dsí₅ dsa₂ lia'² con'² lě₅ a₂qui'² dsí₅ dsa₂ mi₂güí₃ ně₃, a₂jaun² bá₄ jio₅ jui₅ 'mú₃. 11 Jag⁴ 'nia'² jaun², a₂la₂ bá₄ a₂tē₁dsi₅₄ quián'² 'nia'², ia₁ ca₂tió'n'² 'nia'² qui'² 'au'² jaun² lia'² con'² 'nio₂ dsí₅ Diú⁴: 'e₁ bá₄ chí₂quian'¹ 'nia'² jmig⁴; 'e₁ bá₄ dsan² 'au'² jme₁rě² a₂jaun² jě₄ quián'² 'nia'²; 'e₁ bá₄ ca₂imé'² 'au'² ne₄ dso⁴ jaun²; 'e₁ bá₄ ca₂já₃ gó'⁵ 'au'² 'nia'²; 'e₁ bá₄ 'ín₅ 'au'² 'nia'² guë'⁴ lin³; 'e₁ bá₄ dsen⁵⁴ 'au'² 'nia'² a₂jme₁'ě'⁴ 'nia'² uig⁵ ně₃. Jě₄ ca₂le₃jě₃ a₂ně₅ ma₂cuë'⁵⁴ bá₄ 'nia'² léi₄ a₂tsá₃ dso⁴ rin'² 'nia'² a₂ca₂lě₃ le₂jaun².

12 Lia'² con'² ca₂tsing² si₂ carta jaun², on₃ jua'⁵⁴ jaun² ca₂tsing² o₄quió'⁴ i₂ca₂jmo³ 'lig'⁵⁴, on₃ guë'² o₄quió'⁴ i₂ca₂i₃ji₂ ně₃. A₂jaun² bá₄ ca₂tsing² ia₁ jaun² le₂len'⁴ 'nia'² tē₂le₃ ne₄ Diú⁴ a₂dsan² 'au'² o₄quián² jnia'⁵⁴.

13 'Uig⁵⁴ jaun², 'io'² jéin² bá₄ jnia'⁵⁴ ně₃, cha₂ lián'² dsí₅.

La₁ 'nio₅ lin³ guë'⁴ 'io'² jmo² jnia'⁵⁴ jme₁guan³ Tito, 'ei₅ dse₃ dsí₅ quion² jág₁ ia₁ ca₂le₃jin'³ bá₄ 'nia'² ca₂jme₁oin¹, ca₂j móg'⁵⁴ dsí₅ tē₁lia'² ca₂i₁'i₅ quian'⁵⁴ 'nia'². 14 Jaun² tsá₃ jua'⁵⁴ a₂lě₁ca₂juig² jág₁ tá'⁵ jme₁ca₂juig² 'io'² jéin⁵ o₄quián'² 'nia'². Tsá₃ o₂guí'³ chén'⁵ jniá'². Ia₁ le₂ně₅ bá₄ jui₁lia'² dsau⁵ ca₂le₃jě₃ jág₁ a₂ma₂ca₂chéi₂ jnia'⁵⁴ 'nia'², ján³ bá₄ le₂jaun² ca₂le₃jě₃ jág₁ a₂ca₂chei⁵⁴ jnia'⁵⁴ Tito 'a₂ lia'² lě₅ tion'⁵⁴ 'nia'², ca₂rě₃ti₃ bá₄ lia'² lě₅ jaun². 15 Jaun² ně₃, tē₂le₃ 'nio₅ lin³ guë'⁴ 'nioi₃ 'nia'² ia₁ juá'² ca₂jmo'⁵⁴ bá₄ 'nia'² ca₂le₃jě₃ 'e₂ ca₂mi₃, ca₂jmo'⁵⁴ bá₄

* 6:17 Isaiás 52:11; Ezequiel 20:34-41. † 6:18 2 Samuel 7:14.

'nia'₂ 'ua'₁ 'au'₂ ca₂guein'₅₄ bá₄ 'nia'₂ caun₂ dse₃ a₂gain'₃. 16 Jaun₂ tē₅ bá₄ dsi₃; caun₂ bá₄ 'ei'₅ dsi₃ quian'₅₄ 'nia'₂.

8

A₂cuē₃ dsa₂ 'e₂ cuē₃ 'a₂ con'₂ 'ñio₂ dsí₅

1 Nē₃ nē₃, rin'₅₄ jniog₄, 'niog₂ jnia'₅₄ a₂le₃ñi'₅₄ 'nia'₂ 'a₂ lia'₂ ma₂ca₂rē₃jniá₂ a₂'ua₁ dsí₅ Diú₄ ja₁con₂ guá'₅ i₂chan₂ 'uē₃ Macedonia la₂.

2 Jui'₁a₂ guē₃ la₂ ma₂ja₂lén₂ quian'₅ o₂i₁ dsi₅, tsá₃ caun₂ táu₂ dsi₂ñí₂, la₁ dse₃ bá₄ chain₂ tei₄ bá₄ le'₁ág₄ dsí₅. Jui'₁e₂ guē₃ la₂ te₂ñé₂ chain₂, la₁ tson₂ guē₄ a₂ma₂cuē₃ con'₂ 'ñio₂ dsí₅ con'₂ guē₄ dsa₂ i₂cha₂ quió'₅. 3 Jniá₂ jáng'₅ jág₁ dsau₅, a₂tē₃dsón'₂ bá₄ ma₂cuē₃ 'a₂ con'₂ tió'₅, tē₂le₃ lē₅ guē₄ ma₂cuē₃ 'a₂ con'₂ cha₂ quió'₅, ia₁ a₂'ñio₂ dsí₅. 4 Ca₂tság₃ jnia'₅₄ tion₅₄-jan₃, a₂cuē₅₄ jnia'₅₄ jmig₄ a₂quein'₅₄ quian'₅₄ jnia'₅₄ ta₁ dse₃ a₂jme'₁on₁₂ dsa₂ quián₅ Diú₄.* 5 Tē₂le₃ lē₅ guē₄ ca₂cuē₃ bá₄ lia'₂ con'₂ guē₄ jme'₁lág₂ jnia'₅₄. Jniá₅ de'₂ o₄gú₃ Te₁gui'₅₄ ca₂dsia₃, jaun₂ guē₄ ca₂dsia₃ ne₄ jnia'₅₄, lia'₂ con'₂ 'nio₃ Diú₄. 6 Jaun₂ ma₂chi₁ca₂len'₄ jnia'₅₄ Tito jaun₂ jmo₃ dse₃ dsí₅ a₂jme'₃ñia₂₃ ta₁ dse₃ nē₅ jin'₄ 'nia'₂ 'uig₅₄ a₂ma₂'eī₅ le₂jñiá₅ 'a₂ con'₂ ca₂lē₃ 'au'₂ 'nia'₂ jme'₁o'₁. 7 Ia₁ jui'₁lia'₂ ma₂dsi₂jñiá'₄ 'nia'₂ jē₄ le₂jē₃: a₂'én'₂ 'nia'₂, a₂'ñia'₂ 'nia'₂ jág₁ dse₃, a₂ñí'₂ 'au'₂ 'nia'₂, a₂dsen₅₄ 'au'₂, a₂'nióg'₃ jnia'₅₄ nē₃; ján₃ bá₄ le₂nē₅ ca₂tín'₂ 'nia'₂ dsi₃jñiá'₄ quian'₅₄ a₂la₂, a₂jmó'₂ 'ua'₁ 'au'₂.

8 Tsá₃ o₁len'₂ 'nia'₂ jua'₅₄ a₂jmo₅ jniá₂ 'éi'₃ ja₁con'₂ 'nia'₂. Jñia'₅₄ lia'₂ 'nio₃ jniá₂ cáun₄ 'í₁ tē₂le₃ quian'₅₄ a₂dsen₅₄ dsí₅ i₂sián'₂ chi₂jua'₂ dsón'₂ bá₄ 'nióg'₃ ríng'₂ ján₃. 9 Ia₁ ma₂ñi'₅₄ bá₄ 'nia'₂ 'a₂ lia'₂ 'ua₁ dsí₅ Te₁gui'₅₄ Jesucristo quián₂. O₄quió'₄ a₂'nioi₃ 'nia'₂, ca₂ñi₃ te₂ñé₂, o₁jñia'₅₄ la₂ jme'₁chain₂ dse₃, ia₁jaun₂ le₃chan'₂ 'nia'₂ dse₃ tē₂le₃ quian'₅₄ juí₅ te₂ñé₂ a₂ca₂can'₃ 'éi₂.

10 Cuē₅ jniá₂ jág₁ dse₃ a₂juí₂ 'nia'₂, jui'₁lia'₂ jág₁ la₂, a₂dse₃ quián'₂ 'nia'₂ guiong'₅₄ bá₄, ia₁ 'nia'₂ bá₄ i₂ca₂jme'₁lióg'₄ ma₂ca₂ñi₂, a₂ca₂jme'₁o'₁ 'nia'₂, a₂'ñio₂ 'au'₂ 'nia'₂ nē₃: 11 jaun₂ nē₃ nē₃, jme'₁ñia₅ 'nia'₂ ta₁ jaun₂ a₂ca₂jme'₁lióg'₂, ia₁jaun₂ le₃ti₃ a₂'ñio₂ 'au'₂ 'nia'₂ jaun₂, lia'₂ con'₂ lē₅ cha₂ quián'₂ 'nia'₂. 12 Ia₁ jui'₁lia'₂ a₂cuē₅ dsa₂ a₂'ñio₂ dsí₅ tē₃dsón'₂ 'e₂ 'nio₃ cuē'₃ Diú₄, a₂le₂jaun₂ bá₄ gue₅ Diú₄ 'ñio₂ dsí₅, lia'₂ con'₂ lē₅ a₂cha₂ quió'₅ dsa₂, on₃jua'₅₄ lia'₂ con'₂ lē₅ a₂tsá₃ cha₂ quió'₅.

13 On₃jua'₅₄ a₂jaun₂ guē'₂ juá'₅ jniá₂ ia₁jaun₂ tón'₃ dsa₂ 'éi₂ a₂rē₂tsón₂ ñag₅₄ quió'₅, ton'₂ tē₂le₃ ja₁con'₂ 'nia'₂ guiong'₅₄ guē'₂ nē₃ tsá₃ cha₂ lé₂. 14 Tē₂le₃ ia₁jaun₂ dsióg₄ co₂rē₂ bá₄ lē₅ chan₂ dsa₂, 'nia'₂ cuē'₂ 'e₂ niog₅ tsá₃ tín'₂ quió'₅ ríng'₂ jmig₄ nē₃; jui'₁la₂ 'ióg₃ guē'₂, 'éi₂ guē'₂ ma₂tión₂ jme'₁o₅₄ cuē₃ 'e₂ niog₅ tsá₃ tín'₂ quián'₂ 'nia'₂ táng₃. Jaun₂ le₂nē₅ bá₄ dsióg₄ co₂rē₂ bá₄ lē₅ chan₂ dsa₂. 15 Jaun₂ le₂ti₃ jui'₁lia'₂ juá'₂ ne₄ Si₂ quió'₅ Diú₄: “I₂ca₂ro'₂ 'lióng₂ tsá₃ 'e₂ jua'₅₄ a₂ca₂chóng₃ quió'₅; le₂jaun₂ guē'₂ le₂ja₁con₂ i₂ca₂ro'₂ me'₂, tsá₃ 'e₂ ca₂lē₃ jua'₅₄ a₂tsá₃ ca₂tín'₂ quió'₅.”†

Tito quian'₅₄ rin'₅₄

16 Ti₁'mag'₄ Diú₄ ca₂jmo₃ a₂ca₂lē₃ dsí₅ Tito a₂ca₂'í₃ dsí₅ 'nia'₂ 'ñio₅ lín₃, jui'₁lia'₂ 'í₅ dsi₃ jniá₂. 17 Ia₁ dsi₂jui'₅ bá₄ ca₂gue₃ jme'₁ca₂chéi₂ jnia'₅₄ dsó₃, ton'₂ ia₁ dsan₂ bá₄ dsí₅ 'éi₂ 'ñiog₅ a₂dsó₃ dsi₃jñi'₅₄ 'nia'₂ a₂'ñio₂ dsí₅.

18 Jan₂ rin'₅₄ jniog₄ i₂'eī₅ jág₁ dse₃ quió'₅ le₂con₂ guá'₅ Macedonia la₂, 'éi₂ chen₅₄ jnia'₅₄ dsó₃ co₂lē₅ quian'₅₄ Tito. 19 Rin'₅₄ i₂'ín₅ jnia'₅₄ nē₅, ca₂quión'₂ guá'₅ a₂jme₃quiong'₅₄ jnia'₅₄ a₂i₁nio₁ jmó₁ ta₁ dse₃ a₂jme'₁on₁ jnia'₅₄ rin'₅₄ ia₁jaun₂ le₂juin'₂ Te₁gui'₅₄, ton'₂ ia₁jaun₂ léi₄ a₂dsen₅₄ dsí₅ jnia'₅₄ a₂jme'₁on₁ rin'₅₄.‡ 20 Tsá₃ 'niog₂ jnia'₅₄ jua'₅₄ a₂chi₂'ag₃ dsa₂ o₄quió'₄ cu₄ a₂rē₂tsón₂ jaun₂ a₂niog₅ o₄gu₂ jnia'₅₄. 21 'Niog₂ jnia'₅₄ jmó₁ a₂le₁jē₃ jme₂dsi₂ quián₂ tē₃ne₄ dsa₂ lia'₂ quian'₅₄ tē₃ne₄ Te₁gui'₅₄ nē₃.

* 8:4 lit. “dsa₂ jñióg₅.” † 8:15 Éxodo 16:18. ‡ 8:19 A₂lín₅₄ chog₅₄ si₂: “a₂dsen₅₄ 'au'₂ 'nia'₂ a₂jme'₁ong'₁ ríng'₂.”

22 Ján₃ guë'₂ chen₅₄ jnia'₅₄ jan₂ rin'₅₄ sián'₂ i₂ma₂cuë₃ léi₄ a₂dsen₅₄ dsí₅ 'ñio₅ lín₃. La₁ nē₃ nē₃ 'ñio₅ lín₃ guë'₄ jmo₂₃ a₂dsen₅₄ dsí₅ ia₁ a₂ñí₄ lē₃ caun₂ 'ei₅ dsí₅ o₄quián'₂ 'nia'₂. 23 Tito nē₃, lín₅ jan₂ ríng'₃ i₂jmo₅ ta₁ co₂lē₅ quian'₅₄ jniá₂ a₂jme₂ti₃ ta₁ ne'₅₄ 'nia'₂. Rin'₅₄ jniog₄ i₂quiain'₅₄ nē₃, i₂chen₄ quián₅ guá'₅ i₂i₂nio₄ cuë₂₃ léi₄ a₂jlán'₁ Cristo. 24 Jaun₂ nē₃, jme₁jnia₅ ne₄ dsa₂ nē₅, lia'₂ le₃ne₄ ca₂le₃jín₃ guá'₅ nē₃, qui₁jang'₅₄ 'nia'₂ léi₄ a₂dsón'₂ 'nióg'₃ 'nia'₂ dsa₂ 'én₂ ríng'₂, qui₁jang'₅₄ léi₄ ján₃, 'e₂ 'uig₅₄ a₂ñí₄ lē₃ dsia₂ jnia'₅₄ jág₁ tá'₅ 'ín₅ 'nia'₂.

9

A₂cág'₃ dsa₂ cu₄ a₂jme₃'oin₅₄ rin'₅₄ ja₁siá'₂

1 Jui₁lia'₂ cu₄ a₂jme₂'on'₅₄ 'nia'₂ dsa₂ 'én₂ rin'₅₄,* tsá₃ ma₂tion₅₄ jua'₅₄ a₂qui₂juá'₄ guë'₄ ne₄ si₂. 2 Ia₁ ma₂guion₅₄ bá₄ a₂le₁'ág₄ 'au'₂ 'nia'₂ a₂jme₁'o'₁; o₄quió'₄ a₂nē₅ jmo₅ jniá₂ táng'₅ jin₄ dsa₂ chan₂ 'uë₃ Macedonia. Ia₁ ma₂ca₂ñi₂ bá₄ jme₁ma₂chan₂ co₂jnia₅₄ dsa₂ chan₂ 'uë₃ Acaya, ton'₂ mei'₂ tsá₃ ca₂le₃jín₃ bá₄ ca₂lē₃ dsí₅ jme₃'o₅₄ o₄quió'₄ a₂dsen₅₄ 'au'₂ 'nia'₂ jaun₂. 3 Ia₁jaun₂ tsá₃ lē₅ jua'₅₄ a₂lē₁ca₂cuë₃ jág₁ tá'₅ quió₃, jaun₂ tsíng₂ rin'₅₄ la₂ dsi₃jág₂ ia₁ jág₁ jaun₂ ma₂lē₅, ma₂tión'₂ 'nia'₂ co₂jnia₅₄. 4 Ia₁ con'₂ tsá₃ ñó₅ nē₁ca₂l₃lén₂ i₂lín₅₄ rin'₅₄ i₂chan₂ Macedonia quian'₅₄ jniá₂, jaun₂ tsá₃ lē₂ jua'₅₄ caun₂ dé₄ o₂guí'₃ tsá₃ co₂jnia₅₄ 'nia'₂ chang'₂ jē₂ma₂ca₂dsi₃ná₅ jnia'₅₄. Le₂jio₅ jniá₂ chéng'₅ 'lig'₅₄ (le₂jaun₂ 'nia'₂ táng₃) ia₁ ma₂juig₂ jniá₂ dsa₂ 'ñio₅ dsen'₃ 'nia'₂. 5 'Uig₅₄ nē₅ ma₂mi₃ jniá₂ ja₁con₂ rin'₅₄ jniog₂, ia₁ 'nió'₅ bá₄ líng₂, ia₁jaun₂ dsi₃lén₂ dsi₃jín₅₄ 'nia'₂ ia₁jaun₂ jme₃'o₅₄ guë'₄ rin'₅₄ cu₄, jág₁ a₂ma₂cuë'₅₄ 'nia'₂ quiáng'₂ le₂jniá₅ a₂cuë'₁, ia₁jaun₂ ma₂lē₅ co₂jnia₅₄ 'a₂ con'₂ lē₅ 'ñio₂ 'au'₂ 'nia'₂, on₃jua'₅₄ ia₁ a₂chi₁quiong₅₄ jnia'₅₄ jmig₄.

6 Dsá₂ 'au'₂ 'nia'₂ jmo₄, jág₁ a₂juá'₄ la₂: jui₁lia'₂ dsa₂ i₂jne₅ me'₂, me'₂ bá₄ a₂ráu₃ quió'₅; jui₁lia'₂ dsa₂ i₂jne₅ 'lióng₂ guë'₂ nē₃, ján₃ bá₄ 'lióng₂ ráu₃ quió'₅. 7 Le₂jan₂ le₂jan₂ bá₄ ca₂tín₂ cuë'₃ 'a₂ con'₂ ma₂ca₂lē₃ dsí₅ cuë₃, tsá₃ ca₂tín₂ dsa₂ cuë₃ jua'₅₄ a₂ma₂dsi₂mé'₃ dsí₅, on₃ guë'₂ ca₂tín₂ dsa₂ cuë₃ ia₁ a₂ma₂nē₂chi₃quióng₂ dsa₂ jmig₄ tion₅₄. Ia₁ Diú₄ 'nioi₃ dsa₂ i₂cuë₅ a₂'io'₂ jén'₅. 8 Diú₄ bá₄ i₂qui'₅₄ jmig₄ jme₃gu'₅₄ 'nia'₂ 'ñio₅ lín₃ ca₂lia'₂ qui₂rē₂tsón₂ quián'₂ 'nia'₂, ia₁jaun₂ le₃cha₂ ca₂le₃jē₃ a₂'nió'₅ quián'₂ 'nia'₂, ia₁jaun₂ rē₂tsón₂ lē₂ le₃jme₁'on'₁ 'nia'₂ ríng'₂ ca₂le₃jē₃ jmig₄, quian'₅₄ ca₂le₃jē₃ ne₅₄ ta₁ dse₃. 9 Jaun₂ le₃ti₃ a₂juá'₂ ne₄ Si₂:

Jui₁lia'₂ dsa₂ i₂jmo₅ dsióg₁,

cuë₂₃, jme₁'oin₅₄ dsa₂ i₂te₂ñé₂,

lia'₂ co₂tan₅₄ bá₄ dsiog'₂ dsí₅ dsa₂

ca₂le₃jē₃ ne₅₄ a₂dse₃ a₂'ua₁ dsí₅ ca₂jmo₃.†

10 'Nio₅ bá₄ Diú₄ ca₂cuë₃ jon₂ a₂ca₂jnia₄; ca₂jmo₃ ca₂rau₂ a₂quë'₅₄ 'nia'₂, ton'₂ jmo₃ ján₃ le₃cha₂ ca₂le₃jē₃ ne₅₄ a₂tsá₃ cha₂ quián'₂ 'nia'₂; jaun₂ le₃dse₃ ca₂le₃jē₃ 'e₂ a₂ján'₄ 'nia'₂ nē₃, jmo₃ qui₂dsi₃cón₃ dsi₃ca'₅₄, jmo₃ a₂caun₂ ráu₃ a₂'ua₁ 'au'₂ 'nia'₂ jmo₂. 11 Le₂nē₅ bá₄ le₃chan'₂ 'nia'₂ dse₃ le₃cha₂ quián'₂ 'nia'₂, ia₁jaun₂ le₃cha₂ a₂lē₂ le₃jme₁'ong'₁ guë'₄ juin₅ dsa₂ te₂ñé₂ jmó'₂ 'ua₁ 'au'₂. Le₂jaun₂ bá₄ le₃jme₁'ong'₁ 'nia'₂ rin'₅₄ jniog₄ tē₂le₃ quian'₅₄ jnia'₅₄, jaun₂ juin₅ i₂lē₂ dsí₅ cuë'₃ ti₁'mag'₄ Diú₄. 12 Ta₁ a₂jme₂ti₄ jniog₄ ne₄ i₂sián'₂ jaun₂, jmo₅ ta₁ on₃jua'₅₄ jmá'₃ a₂jme₂'o₅₄ cuë₃ a₂'nió'₅ quió'₅ rin'₅₄ jniog₄; ján₃ bá₄ jmo₅ ta₁ ia₁jaun₂ juin₅ i₂rē₂tsón₂ i₂cuë'₃ ti₁'mag'₄ Diú₄. 13 Tē₂le₃ quian'₅₄ ta₁ a₂jme₂ti₄ jniog₄ ne₄ rin'₅₄ ja₁siá'₂ nē₅, cuë₂ jniog₄ léi₄ a₂tē₃dsón'₂ bá₄ jme₂ti₅₄ 'nia'₂ jág₁ dse₃ quió'₅ Cristo a₂ma₂gue'₅₄ 'nia'₂, ia₁ a₂'ua₁ 'au'₂ ja₁con₂ ríng'₂, quian'₅₄ ja₁con₂ ca₂le₃jín₃. Le₂nē₅ bá₄ juin₅ dsa₂ i₂jme₃juin'₂ Diú₄. 14 Le₂nē₅ bá₄ lē₂ dsí₅ mi₃ ne₄ Diú₄ o₄quián'₂ 'nia'₂, ton'₂ 'ín₅ dsí₅ 'ñio₅ lín₃ o₄quián'₂ 'nia'₂, ia₁ ma₂rē₂jniá₂ le₃ja₁con'₂ 'nia'₂ 'a₂ lia'₂ ma₂jmo₃ Diú₄ a₂'ua₁ 'au'₂ 'nia'₂. 15 'E₁ guë'₄ ti₁'mag'₄ Diú₄ ia₁ ma₂cuag₃ jniog₄ i₂dsen₃ i₂quen₅ guë'₄ lín₃, ca₂lia'₂ tsá₃ ne₄ 'a₂ lia'₂ le₃jua'₅₄!

* 9:1 lit. "dsa₂ jnió₅." † 9:9 Salmo 112:9.

10

A₂quen₅ jág₁ quió'₅ Pa₄ ia₁ a₂lín₅ i₂chen₄ quián₅ Cristo

1 Jniá₂ Pa₄, mi₂₃ juíg₂ 'nia'₂ quian'₅₄ jág₁ 'ua₁, ia₁ a₂'ua₁ dsí₅ Cristo. Cha₂ jág₁ a₂lín₅ jan₂ dsa₂ i₂quian'₅₄ jág₁ 'ua₁ jme'₁eng₅₄ jë₄ quián'₂ 'nia'₂, la₁ jë₁ma₂'eng₅₄ ja₁siá'₂ 'ñio₅ bá₄ ma₂bén₂ jág₁ quió₃. 2 Jaun₂ mi₅ jniá₂ ne'₅₄ 'nia'₂, tsá₃ jmo₂ jua'₅₄ a₂tion₅₄ 'nió'₅ jmo₅₄ tiá₂ dsí₃ jë₁ma₂dsióg₃, quian'₅₄ dsa₂ i₂bóg'₂ dso₄, a₂'ag₂₃ jniá₂ a₂jmo₂₃ lia'₂ jmo₅ dsa₂ mi₂güí₃. Ia₁ caun₂ bá₄ ma₂'ei₅ dsí₃ a₂dsia₅₄ jág₁ quian'₅₄ dsa₂ i₂le₂'éi₂. 3 Dsón'₂ bá₄ jaun₂ dsa₂ mi₂güí₃ bá₄ lág₅ jnia'₅₄ të₁lia'₂ chong₂ la₂. La₁ tsá₃ cág'₂ jnia'₅₄ ju₁lia'₂ quín'₂ dsa₂ mi₂güí₃. 4 Ia₁ on₃jua'₅₄ quian'₅₄ ni₁ñí₁ cág'₂ jnia'₅₄, ju₁lia'₂ ni₁ñí₁ a₂qui₂jmo'₂ ta₁ dsa₂ mi₂güí₃, ju₁lia'₂ jë₁quín'₂ jmo₂₃ 'nei₂; quian'₅₄ bí₂ quió'₅ Diú₄ bá₄ cág'₂ jnia'₅₄, a₂jaun₂ bá₄ 'nió'₄ ñí₁ quián₂ jnia'₅₄ a₂'io₅ bí₂ quió'₅ Diú₄ a₂qui₂le₃juin₃ ca₂le₃jë₃ a₂bén₂ a₂niog₅ tíong₂ quió'₅ i₂së₃dsen₃. 5 Le₂në₅ bá₄ ma₂ja₂náu₅ jnia'₅₄ ma₂tián₃ ma₂jne₅₄ jnia'₅₄ ca₂le₃jë₃ 'e₂ niog₅ 'ag₅ dsa₂ ja₁con₂ Diú₄, ju₁lia'₂ dsa₂ i₂jmo₅ rón₂, i₂tsá₃ 'nio₃ le₃cuin₅ Diú₄. Ján₃ bá₄ le₁te₁ jnia'₅₄ le₁'ñe₅ ca₂le₃jë₃ a₂dsi₂jio₅ dsí₅ dsa₂, ia₁jaun₂ le₃néi'₂ nag₃ gau₂ jág₁ quió'₅ Cristo. 6 Lia'₂ ma₂tíong₂ jaun₂ bá₄ jnia'₅₄, le₃'ë₅₄ jnia'₅₄ uig₅ ca₂le₃jín₃ i₂tsá₃ jág₁ cán₂ i₂tsá₃ ne'₅₄. Le₂jaun₂ bá₄ lé₂ jë₁ma₂rë₂'ñia₅ a₂né'₂ 'nia'₂.

7 Caun'₅₄ 'nia'₂ 'í₁ a₂ma₂jniá₂ dsi₁ne₁, ju₁lia'₂ jág₁ a₂juá'₄ jniá₂ la₂: chi₂jua'₂ caun₂ 'ei₅ dsí₅ i₂lín₅₄ a₂lín₅ të₃dsón'₂ i₂quián₅ Cristo, ca₂tín₂ le₃ñi₅, jnia'₅₄ guë'₂ në₃ dsón'₂ bá₄ lág₅ i₂quián₅ Cristo ján₃. 8 Mei'₂ tsá₃ lín'₂ 'nia'₂ a₂juá'₅ jniá₂ ñag₅₄ ju₁lia'₂ con'₂ ta₁ a₂lág₅ jnia'₅₄. La₁ on₃jua'₅₄ a₂gui'₅₄ jniá₂ jág₁ a₂juá'₅, ia₁ a₂ca₂tín₂ bá₄ jniá₂ juá'₄, ia₁ 'ñiog₅ bá₄ Te₁gui'₅₄ ma₂cuë₃ 'éi'₃ a₂qui₂jme₁'an₂'au'₂ 'nia'₂ a₂dse₃ jmo₃ ta₁ a₂qui₂dsi₃cón₃ jme₂dsí₂ quián'₂ 'nia'₂. On₃jua'₅₄ rë'₂ të₂le₃ a₂lé₂ tsí₁rë₂jan'₅₄ 'nia'₂. 9 Tsá₃ o₁len'₂ 'nia'₂ jua'₅₄ 'nio₃ jniá₂ quiang₅₄ juë'₅ 'nia'₂ quian'₅₄ si₂ a₂jmo₅ jniá₂. 10 Juá'₂ bá₄ i₂lín₅₄ 'ñio₅ bën₂ jág₁ quió₃ tio'₅₄ ne₄ si₂, la₁ jan₂ dsa₂ 'uan₅₄ bá₄ lín₅ ju₁lia'₂ jme₁'eng₅₄ jë₄ quián'₂ 'nia'₂, jaun₂ lín₂ a₂tsá₃ lín₄ ta₁ tí₄ jág₁ quió₃ a₂dsia₂₃ dsi₁ne₁. 11 Ju₁le₂ñí'₂ bá₄ dsa₂ i₂le₂'éi₂, ju₁lia'₂ lë₅ jág₁ quián₂ jnia'₅₄ a₂tio'₅₄ ne₄ si₂, ju₁'e₂ guë₃ uíng₂ tio'₅₄ jnia'₅₄, le₂jaun₂ dsón'₂ jmo₂ bá₄ jnia'₅₄ jme₁tio'₅₄ quian'₅₄ 'nia'₂ ján₃.

12 Ia₁ tsá₃ tiá₂ dsí₅ jnia'₅₄ 'ín₄ dse₃ guio₅₄, on₃ guë'₂ a₂quin₅₄ jnia'₅₄ quian'₅₄ i₂lín₅₄ i₂jme₂juin'₂ guioin₅₄ le₂jaun₂. La₁ 'éi₂ në₃ jme₁con₂ 'í₁ chi₂jua'₂ co₂rín₂, quin₂₃ guioin₅₄ quian'₅₄ riin₅₄, tsá₃ 'an₂ dsí₅ chain₂. 13 Jaun₂ tsá₃ dsiá₁ jnia'₅₄ jág₁ tá'₅ ñag₅₄ guë'₄ con'₂ guë'₄ ja₁ca₂tág₂. Con'₂ jaun₂ bá₄ jmo₂ jnia'₅₄ con'₂ lë₅ 'éi'₃ ca₂cuë₃ Diú₄ a₂jmo₁. Jaun₂ 'éi₂ bá₄ ca₂jmo₃ 'éi'₃ a₂dsi₁náu₅ jnia'₅₄ të₂go'₅₄ 'nia'₂. 14 Jaun₂ tsá₃ o₁len'₂ 'nia'₂ jua'₅₄ jnia'₅₄ i₂nio₄ të₂ ja₁tsá₃ ma₃dsi₂ten₅₄ i₂nio₁. Le₂në₅ jme₁lé₂ jua'₅₄ mei'₂ guë'₃ tsá₃ ma₂ca₂dsi₃náu₅ jnia'₅₄ ca₂të₂ ja₁tion'₅₄ 'nia'₂. Dsá₂ 'au'₂ 'nia'₂ jmo₄, jnia'₅₄ bá₄ i₂le₂'uig₅₄ i₂can₁ jág₁ dse₃ la₂ quió'₅ Cristo jin'₄ 'nia'₂. 15 Tsá₃ dsiá₁ jnia'₅₄ jág₁ tá'₅ ñag₅₄ guë'₄ quian'₅₄ ta₁ quió'₅ i₂sián'₂. Jñia'₅₄ lia'₂ a₂jaun₂ bá₄ 'ín₂ dsí₅ jnia'₅₄, jë₁ma₂'én'₂ guë'₄ 'nia'₂, jaun₂ 'ag₃ caun₂ jág₁ quian'₅₄ 'nia'₂, ia₁jaun₂ lé₂ dsí₃cón₃ guë'₄ ta₁ quián₂ jnia'₅₄, o₄quió'₄ Diú₄, 16 ia₁jaun₂ lé₂ le₃dsau₅₄ uíng₂ a₂ñag₅₄ guë'₄ ja₁tion'₅₄ 'nia'₂ qui₂dsí₁'ë₄ jág₁ dse₃. La₁ tsá₃ dsi₁jmo₁ jnia'₅₄ rón₂ quian'₅₄ ta₁ a₂ma₂niog₅ ma₂jmo₃ dsa₂ sián'₂.

17 La₁ ju₁lia'₂ juá'₂ ne₄ Si₂: "Ju₁lia'₂ dsa₂ i₂dsia₅ jág₁ tá'₅, ju₁dsia₁₂ jág₁ tá'₅ le₃quió'₅ Te₁gui'₅₄."* 18 Ia₁ on₃jua'₅₄ dsa₂ i₂'in₅ dse₃ 'ñiog₅, chén'₅ dse₃, të₂le₃ i₂'ín₁ dse₃ quió'₅ Te₁gui'₅₄ bá₄.

11

Juá'₂ Pa₄ 'ín₂₃ dsa₂ i₂jme₂tag₅ jág₁ ju₁gain₂

1 Jme₁'nio₃ jniá₂ jua'₅₄ jmó'₂ bá₄ 'nia'₂ tió'₃ 'au'₂ quian'₅₄ jág₁ quió₃ la₂, a₂në₃ guë'₄ juá'₄, a₂lë₅ lia'₂ lë₅ jág₁ quió'₅ dsa₂ i₂tsá₃ 'en₅₄ dsí₅. La₁ jmo₄ bá₄ 'nia'₂ juin'₂ 'au'₂. 2 Ia₁ 'ñio₅ lín₃ dsé₅

* 10:17 Jeremías 9:24.

jniá₂ quian'₅₄ 'nia'₂, a₂lě₅ dsi₃ dséi₅ o₄quió'₄ Diú₄. Ia₁ jniá₂ bá₄ ma₂ca₂jmo₃ jág₁ a₂jme₁jnia₅ jniá₂ 'nia'₂ co₂'nió'₄ dsa₂ dsen₃, i₂le₁jě₃ jme₂dsí₂ quió'₅, ne₄ Cristo, ju₁lia'₂ jan₂ jmei₂ chi'₂ dsa₂ mi₄ jme₂jniai₂₃ ja₁míg₄ ne₄ i₂lě₅ jág₁ i₂lě₂ dsi₂i₂gu₂. ³ La₁ gó₅ jniá₂ ia₁ con'₂ tsá₃ nō₅ nē₁ca₂rě₃gán'₃ 'nia'₂ jme₃gau₅ dsa₂ quian'₅₄ mai₅₄ quió'₅, ju₁lia'₂ ca₂i₃ñí₂ Eva ca₂jme₃gau₅ dsi₂mi'₂, nē₁ca₂i₃uín₂ cau₅ 'a₂lia'₂ dsi₂jio₅ 'au'₂ 'nia'₂, a₂qui₂le₁jě₃ 'au'₂, a₂rě₂teng'₅₄ le₃quió'₅ Cristo. ⁴ Ia₁ ma₂ja₂nó'₅ 'nia'₂ qui₂guéng'₅ rě₂ dsa₂ i₂tě₁ja₂lén₂ jme₂tag₅, la₁ le₂siá'₂ bá₄ 'iin₂₃ Jesús, tsá₃ lě₅ jág₁ quió'₅ lia'₂ con'₂ lě₅ jág₁ a₂ma₂gue'₅₄ 'nia'₂ le₂jniá₅ quió'₅ Jesús. Jaun₂ le₂ně₅ bá₄ ma₂guen'₅₄ táng₃ 'nia'₂ jme₂dsi₂ sián'₂, on₃jua'₅₄ i₂quián₅ Diú₄ i₂jme₁ma₂guen'₅₄ 'nia'₂. jDse₃ bá₄ jmo'₂ 'nia'₂ tió'₃ 'au'₂ quian'₅₄ jág₁ a₂rě₂tsín₄ guě₄, a₂tsá₃ lě₅ con'₂ lě₅ jág₁ dse₃ a₂lió₂ a₂jme₁ma₂nei'₂ 'nia'₂! ⁵ La₁ jniá₂ ně₃, tsá₃ líng₂ jua'₅₄ a₂me'₂ guě₄ quen₅ jniá₂, jua'₅₄ ca₂juig₄ guě₄, lia'₂ con'₂ guě₄ dsa₂ 'éi₂ i₂ñí₄ lě₃ jme₂can'₅₄ guion₅₄ a₂jmo₂₃ a₂lín₅ dsa₂ i₂chen₄ quián₅ Cristo. ⁶ O₁jnia'₅₄ tsá₃ lín₄ dse₃ 'ñiag₂ jág₁, la₁ tsá₃ 'e₂ lě₅; la₁ niog₅ bá₄ dsi₃. Ma₂ca₂jme₁jnia₅ bá₄ jniá₂ ca₂le₃jě₃ ja₁con'₂ 'nia'₂.

⁷ ¿O₃ bá₄ lín'₂ 'nia'₂ a₂ca₂'no₃ jniá₂ dso₄ ia₁ ca₂dsióg₃ ca₂jmo₃ meg'₂ a₂ca₂chon'₄ jniá₂ 'nia'₂ jme₁ca₂'ě₃ jniá₂ jág₁ dse₃ a₂lión'₂ 'nia'₂, ia₁ tsá₃ 'lia'₅₄ ca₂can₃ jniá₂? ⁸ Guá'₅ ja₁siá'₂ bá₄ i₂ca₂jme₃o₅₄, co₂'nió'₄ a₂ca₂can₃ jniá₂ cu₄ quió'₅, ia₁jaun₂ le₃jmo'₂ ta₁ a₂le₃ti₃ ta₁ ja₁con'₂ 'nia'₂. ⁹ Lia'₂ con'₂ jme₁eng₅₄ quian'₅₄ 'nia'₂, dsón'₂ bá₄ ca₂rě₃'nió'₅ quió₃ le₂jaun₂, la₁ tsá₃ 'e₂ guei₂ ca₂cuě₃ jniá₂ 'i₁jan'₂ 'nia'₂. Ia₁ dsa₂ rín'₅₄ jniog₄ i₂chan₂ Macedonia la₂ bá₄ ca₂l₁lein₅₄ juig₂ Corinto ně₅, ca₂l₁can₅ a₂tsá₃ cha₂ quió₃ lia'₂ con'₂ jme₁chi₁quian₁₂ jniá₂ jmig₄. Qui₂ca₂jmo₃ bá₄ jniá₂ 'í₁ jaun₂ tsá₃ 'ein₂ 'nia'₂ cán'₁ guei₂ o₄quió₃ jniá₂, jaun₂ caun₂ jmo₅₄ bá₄ jniá₂ 'í₁ jaun₂. ¹⁰ Jaun₂, o₄quió'₄ jág₁ tí₅ dsón'₂ quió'₅ Cristo a₂'i₄ dsi₃, juá'₅ jniá₂, 'i₁jan₂ tsá₃ lě₂ jné₃ jua'₅₄ a₂tsá₃ lě₂ juá'₄ jniá₂ con'₂ 'ñio₂ dsi₃ le₂tan₅₄ 'uě₃ Acaya. ¹¹ ¿'E₂ lě₃ juá'₅ jniá₂ le₂ně₅, lín'₂ 'nia'₂? ¿O₃ bá₄ ia₁ a₂tsá₃ 'nió₃ jniá₂ 'nia'₂? N₁ bá₄ Diú₄, a₂'nióg₃ bá₄ 'nia'₂.

¹² Jaun₂ caun₂ jmo₅₄ bá₄ jniá₂ a₂ma₂guió₃ jmo₂₃, ia₁jaun₂ jni₃ juí₅ quió'₅ ju₁lia'₂ i₂i₂nio₄ ně₅ a₂'nio₃ dsia₃ jág₁ tá'₅ jmo₂₃ dsí₅ a₂lě₅ rě₂ ta₁ quió'₅, ju₁lia'₂ lě₅ ta₁ quián₂ jnia'₅₄. ¹³ Ia₁ dsa₂ i₂le₂'éi₂ ně₃ lín₅ dsa₂ i₂chen₄ i₂ju₁gan₂. A₂jmo₂₃ ta₁ a₂jnia'₅₄ jme₂gau₂₃, a₂qui₂jmoí'₂ a₂jmo₂₃ lín₅ dsa₂ i₂chen₄ quián₅ Cristo. ¹⁴ On₃jua'₅₄ a₂dsi₂gó'₃ dsi₅, ia₁ le₂jio₅ 'ñiog₅ i₂sě₃dsen₃ qui₂jmoí'₂ a₂jmo₂₃ lín₅ jan₂ ángel i₂jniá₂ táng₅. ¹⁵ 'Uig₅₄ jaun₂ ně₃, le₂jaun₂ bá₄ lě₅ ju₁lia'₂ quian'₅₄ dsa₂ i₂jme₂ti₃ ta₁ ne₄ 'éi₂: qui₂jmoí'₂ a₂jmo₂₃ lín₅ lia'₂ lín₅ i₂jme₂ti₃ ta₁ ne₄ a₂dse₃, con'₂ dsi₂ten₅₄. La₁ jě₁ca₂tó'₂ bá₄ dsi₃guéi₃ con'₂ lě₅ ca₂tiín₂ co₂niog₅ lě₅ jmo₂₃.

A₂lia'₂ niog₅ lě₅ uig₅ ca₂ñág₃ Pa₄ ne₄ ia₁ a₂lín₅ dsa₂ i₂chen₄ quián₅ Cristo

¹⁶ Con'₂ siá'₂ juig₂ 'nia'₂: tsá₃ o₁len'₂ 'nia'₂ jua'₅₄ tě₃dsón'₂ líng₅ dsa₂ co₄. La₁ o₁jnia'₅₄ 'ein₂ guě'₂ jmo₅ dsí₅ a₂lín₅ le₂ně₅, la₁ guei₅₄ jniá₂ ně₂jag₄ bá₄ a₂lín₅ dsa₂ co₄, ia₁jaun₂ lě₂ dsia₅₄ ca₂la₂ jág₁ tá'₅. ¹⁷ Ju₁lia'₂ juá'₅ jniá₂, on₃jua'₅₄ lia'₂ con'₂ lě₅ 'nio₃ Te₁gui'₅₄, lia'₂ jě₁tě₂'i₅ jan₂ dsa₂ co₄ bá₄ juá'₅ jniá₂, jmo₅₄ róng₂, co₂'nió'₄ caun₂ bá₄ 'ei₅ dsi₃. ¹⁸ Ju₁lia'₂ juín₅ lín₃ i₂chan₂ dsia₅ jág₁ tá'₅ quian'₅₄ cosa a₂cha₂ mi₂güig₃ la₂, ján₃ bá₄ le₂jaun₂ guě'₂, la₂ dsia₅₄ jniá₂ jág₁ tá'₅. ¹⁹ 'Uig₅₄ ia₁ a₂ñag₅₄ ñi'₅₄ bá₄ 'nia'₂, jaun₂ 'ñio₂ bá₄ 'au'₂ 'nia'₂ jmo'₂ tió'₃ 'au'₂ quian'₅₄ dsa₂ co₄. ²⁰ Ia₁ jmo'₂ bá₄ 'nia'₂ tió'₃ 'au'₂ quian'₅₄ dsa₂ i₂chi₂quióng₂ jmig₄ tion₅₄-jan₃, dsa₂ i₂guě'₅ ta₁ 'ua'₂ quián'₂ 'nia'₂, dsa₂ i₂jo₅ quián'₂ 'nia'₂, dsa₂ i₂jmo₅ can'₅₄ ne₄ quián'₂ 'nia'₂, dsa₂ i₂qui₂jno₂ quián'₂ 'nia'₂ ně₃. ²¹ 'An₁ lín'₂ 'nia'₂ a₂lág₅ jnia'₅₄ dsa₂ 'uan₅₄ ia₁ a₂tsá₃ 'ein₂ jnia'₅₄ tiá₂ dsí₅ jmo₃ le₂ně₅ ja₁con'₂ 'nia'₂. 'An₁ le₃jéin₄ jniá₂ o₂guí'₃ bá₄ ia₁ a₂juá'₅ a₂lín₅ dsa₂ 'uan₅₄.

La₁ chi₂jua'₂ tiá₂ bá₄ guě'₂ dsí₅ i₂sián'₂ dsia₃ jág₁ tá'₅, ján₃ bá₄ tiá₂ dsi₃ jniá₂ jmo₅₄ le₂jaun₂. (La₁ juá'₅ jniá₂ lia'₂ ja₁juá'₂ jan₂ dsa₂ co₄.) ²² ¿'E₂? ¿Jmá'₃ dsa₂ 'éi₂ bá₄ i₂tin₂ dsia₃ jág₁ jmei₅ hebreo? Ján₃ bá₄ tin₂ jniá₂ táng₃. ¿Jmá'₃ dsa₂ 'éi₂ bá₄ lín₅ dsa₂ israelitas? Ján₃ bá₄ 'éi₂ guě'₂ jniá₂ ján₃. ¿'E₂? ¿Jmá'₃ lia'₂ dsa₂ 'éi₂ bá₄ lín₅ tsi₁jon₂ Abraham? Ján₃ bá₄ 'éi₂ guě'₂

lín₅ jniá₂. ²³ ¿Jmá'₃ dsa₂ 'éi₂ lín₅ dsa₂ i₂jme₂ti₃ ja₁con₂ Cristo? Tson₂ bá₄ guë₄ lín₅ jniá₂, ia₁ 'nio₅ lín₃ guë₄ ma₂guio₃ jme₂ti₅₄ ja₁con₂ Cristo lia'₂ con'₂ guë₄ dsa₂ 'éi₂. (A₂lë₁juá'₅ bá₄ jniá₂, lia'₂ lë₁të₂'i₅ dsa₂ njá₅.) Ia₁ tson₂ lín₃ guë'₂ ma₂guio₃ jmo₂₃ ta₁ jme₂ti₅₄; ia₁ 'lióng₂ guë₄ 'mi₅ ma₂qui₂ma₂can₃ jniá₂ lia'₂ con'₂ guë₄ dsa₂ 'éi₂; ma₂qui₂ma₂'ú₃ 'lióng₂ lín₃ ráun₂ né'₃ 'má₃ né₃; 'lióng₂ ráun₂ ma₂i₂ñí₂ jnia'₅₄ mei'₂ tsá₃ ma₂jong₃. ²⁴ Con'₂ 'ñiá₂ ráun₂ ma₂ca₂bóg₂ dsa₂ judíos jma'₃ guióg₂-guia₃-né₂ ráun₂ lia'₂ co₂ráun₂. * ²⁵ 'Nag'₂ ráun₂ guë'₂ ma₂bóg₂ dsa₂ quian'₅₄ ni₁'ma₂; co₂ráun₂ guë'₂ ca₂cuë₃ cang₄ tío_{in}'₅₄. 'Nag'₂ ráun₂ guë'₂ ne₄ jmi₁ñí'₄ ca₂i₃ñí₂ ca₂'en₃ ni₁barco a₂jme₁'eng₅₄. Co₂ráun₂ guë'₂ ca₂ñig₅ co₂jmi₁ñí'₄ né₃. ²⁶ 'Lióng₂ ráun₂ dsi₂jui₅ ja₁ma₂qui₂i₁ñi₃, ma₂ca₂i₁ñí₂ a₂go'₂ ia₁ te₁'i₁ cuá₃, a₂go'₂ ia₁ a₂chan₂ dsa₂ 'ang₂, a₂go'₂ rë'₂ a₂jo₅₄ dsa₂ go₃, a₂go'₂ jo₅₄ dsi₂nau₂, a₂go'₂ rë'₂ 'eng₅₄ ciudad, a₂go'₂ jë₁ma₂ñig₅ má'₂ ja₁co₂'ñiog₅, a₂go'₂ jë₁ma₂ñig₅ ne₄ jmi₁ñí'₄, a₂go'₂ rë'₂ quian'₅₄ dsa₂ i₂jui₁gan₂ i₂jmo₅ lín₅ rin'₅₄ jniog₄, ²⁷ jë₄ ta₁ 'ua'₂ lín₃, jë₄ ma₂ca₂'ú₃ lín₃, jë₄ jme₁tsá₃ güing₂₃, jë₄ i₁cón₅ rë₂quein₂ dsi₃, jë₄ jme₁in₂ a₂tsá₃ cha₂ a₂guë'₅₄, jë₄ jein₂ güig₂, jë₄ a₂tsá₃ 'e₂ cha₂ qui'₄ né₃.

²⁸ Cha₂ guë₄ caun₂ siá'₂ táng₃ a₂chang₂ ca₂le₃jë₃ jmi₁g₄ a₂'i₅ dsi₃ o₄quió'₄ ca₂le₃jë₃ guá'₅. ²⁹ ¿'Ein₂ 'éi₂ i₂'uan₅₄, jniá₂ guë'₂ tsá₃ 'uang₅₄? ¿'Ein₂ 'éi₂ i₂ca₂tán'₂ dso₄ a₂'uin₄ i₂sián'₂, jniá₂ guë'₂ tsá₃ 'e₂ i₂mé'₂ dsi₃? ³⁰ Në₁jua'₂ ca₂tíng₂ dsia₅₄ jág₁ tá'₅, jaun₂ dsia₅₄ jniá₂ jág₁ tá'₅ të₂le₃ ne₄ ca₂le₃jë₃ a₂cuë₅ léi₄ a₂lín₅ jan₂ dsa₂ 'uan₅₄. ³¹ Diú₄ Jmei₂ Jesucristo Te₁gui'₅₄ quián₂ jniog₄ bá₄ i₂ca₂tín₂ jme₁juin'₂ dsa₂ co₂tan₅₄, 'éi₂ bá₄ ñi₅ a₂dsau₅ bá₄ jág₁ quió₃. ³² Lia'₂ con'₂ jme₁'eng₅₄ juig₂ Damasco, i₂lín₅ dsi₄má'₂ ja₁jaun₂ i₂jme₁jme₂ti₃ ne₄ Rag₅₄ Aretas, ca₂jmo₃ 'éi'₃ a₂ca₂jmo₃ dsa₂ 'í₁ o₄jui₅ ia₁ jme₁tsáun'₂ jme₁dsi₃tióg₃ né'₃ 'má₃. ³³ La₁ jui₅ siá'₂ bá₄ ca₂sió₂ rin'₅₄ jniog₄, 'eng₅₄ 'ñió'₃ tsi₁mi'₂ ca₂sió₂ të₂'ua₁ jui₅ dso'₂ ni₁'ia'₂ a₂rë₂juí₄ le₃lág'₃ juig₂; le₂në₅ bá₄ ca₂lóng₂ o₄gú₃ 'éi₂.†

12

Jui₁lia'₂ a₂ma₂ca₂jme₃jnia₅ Te₁gui'₅₄

¹ Tion₅₄ caun₂ dsia₅₄ jniá₂ jág₁ tá'₅. Jui₁'e₂ guë₃ tsá₃ ta₁ jmo₃, caun₂ juá'₄ jniá₂ jui₁lia'₂ a₂ca₂jéin₃ jniá₂ a₂ma₂jág₃, jui₁lia'₂ a₂ma₂ca₂jme₃jnia₅ Te₁gui'₅₄ né₃. ² Cuing₅ jan₂ dsa₂ i₂'ei₅ caun₂ jág₁ quiain'₅₄ Cristo, ma₂guia₃-quén₂ ñi₂ ca₂uí₂g₂ jui₅ guei'₅₄ ca₂të₂ ja₁guá₄ Diú₄.* (A₂jaun₂ bá₄ tsá₃ guion₄ jniá₂ jua'₅₄ a₂ñe₄ lia'₂ jma₃quian'₅₄ ni₁ñi₁₂, o₃ jmá'₃ jme₂dsí₂ quió'₅ 'e₂. La₁ jnia'₅₄ lia'₂ 'ñiog₅ bá₄ Diú₄ ñi₅.) ³ La₁ guion₄ jniá₂, chan₂ jan₂, (jnia'₅₄ lia'₂ a₂jaun₂ bá₄ tsá₃ guion₄ jniá₂ chi₂jua'₂ ca₂ñei₅₄ chi₁dsáin₃, o₃ jmá'₃ jme₂dsí₂ quió'₅ 'e₂ ca₂dsióg'₃ ja₁jaun₂. Jnia'₅₄ lia'₂ 'ñiog₅ bá₄ Diú₄ ñi₅); ⁴ jan₂ i₂ca₂ron'₂ ca₂të₂ Ja₁jlá'₁† ja₁ca₂nág₂ jág₁ a₂tsá₃ lé₂le₃jmog'₅₄ on₃ guë₄ 'i₄'éi'₃ dsia₃ dsa₂ mi₂güig₃. ⁵ O₄quió'₄ jan₂ dsa₂ le₂'éi₂ bá₄ lé₂ dsia₅₄ jniá₂ jág₁ tá'₅, on₃jua'₅₄ o₄quió₃ 'ñió₃ jmo₂₃ táng'₅, jnia'₅₄ lia'₂ o₄quió'₄ a₂'uan₅₄ bá₄ jniá₂. ⁶ O₁jnia'₅₄ la₂ 'nio₃ jniá₂ dsia₅₄ jág₁ tá'₅, on₃jua'₅₄ dsa₂ co₂ lín₅ jniá₂, ia₁ jág₁ tí₅ dsón'₂ bá₄ a₂juá'₅ jniá₂. La₁ cáun₄ bá₄ dsi₃ tsá₃ jmo₅₄ le₂jaun₂, ia₁jaun₂ tsá₃ le₃lín₂ dsa₂ jua'₅₄ jniá₂ lín₅ ñag₅₄ guë₄ lia'₂ con'₂ niog₅ a₂ma₂nág₂ a₂qui₂ma₂të₂ ne₄ dsa₂ a₂jmo₅ jniá₂ 'e₂ jmo₂₃.

⁷ Jág₁ a₂ca₂rë₃jniá₂ jaun₂ lë₅ caun₂ jág₁ jlá'₁ jmá'₅ a₂lé₂ le₃jme₁jmo₅₄ jniá₂ róng₂ jua'₅₄ mei'₂ guë₃ le₂jaun₂. La₁ ca₂jéin₃ uig₅ në₂jag₄ bá₄ a₂i₃'i'₅₄ ni₁taun₅ ca₂lë₃ ni₁ñi₃, co₂'nió'₄ i₂chen₄ quián₅ i₂së₃dse₃ bá₄ caun₂ qui₂bóg₂, ia₁jaun₂ tsá₃ jmo₅₄ jniá₂ róng₂ i₁juin₅₄ ñag₅₄. ⁸ Ni₅ ráun₂ ma₂ca₂chilen'₄ jniá₂ Te₁gui'₅₄ a₂jme₃'lió₂ jniá'₄ jmi₁uig₅ a₂quian₅₄. ⁹ La₁ ca₂juá'₂ Te₁gui'₅₄ tság₅ jniá₂: “Tió'₅ bá₄ a₂'ua₁ dsi₃ ja₁con'₂ 'ne₂, ia₁ rë₂'ñia₅ jui₅bí₂ quió₃ jui₁lia'₂ jme₁'uan₅₄ dsa₂.” Jaun₂ 'io'₂ jéin₅ bá₄ ia₁ a₂'uang₅₄, ia₁jaun₂ le₂jniá₂ jui₅bí₂ quió₃ Cristo le₃ja₁con₂ jniá₂. ¹⁰ Jaun₂ të₅ bá₄ dsi₃ a₂'uang₅₄ quian'₅₄ ca₂le₃jë₃ a₂dsi₂ñí₂: a₂juá'₂ dsa₂ uig₅, quian'₅₄ guë₄

* **11:24** lit. “jmá'₃ të₂láu₃ ráun₂ tsá₃ tí₅ caun₂, lia'₂ co₂ráun₂.” † **11:33** 'Nio'₂ ja₁ton₅ Hechos 9:25. * **12:2** lit. “ca₂të₂ guei'₅₄ i₂juí₃ jë₁ca₂të₂ 'nag'₂.” † **12:4** griego: paradeiso (Paraíso).

ca₂le₃jě₃ a₂chang₂, cha₂ a₂qui₂tsá₃ tín'₂ quió₃. A₂chang₂ a₂co₂'ein₅ dsa₂, ca₂le₃jě₃ gué₄ o₂i₁ dsi₅ a₂dsi₂ñí₂g₂ o₄quió'₄ Cristo. Ia₁ jui₁lia'₂ jme₁'uang₅₄, tē₂le₃ 'uan'₂ bá₄ jniá'₂ le₃ja₁con₂ Diú₄.

'Nio₅ lín₃ 'i₅ dsí₅ Pa₄ o₄quió'₄ guá'₅ chan₂ juig₂ Corinto

¹¹ Ma₂nē₂dsia₃ lia'₂ ja₁dsia₅ jan₂ dsa₂ co₄, ia₁ ma₂nē₂'íng₃ dse₃ 'ñio₃, la₁ guion'₅₄ bá₄ 'nia'₂ chi₂quiong'₅₄ jmí₂g₄. Ia₁ 'nia'₂ bá₄ jme₁ca₂tíng'₂ jme₁'ág'₄ dse₃ jniá'₂, ia₁ tsá₃ 'e₂ me'₂ quen₅ jniá'₂ lia'₂ con'₂ gué₄ dsa₂ i₂chen₄ 'éi₂ i₂ñí₄ lē₃ jme₂can'₅₄ guion₅, jui₁'e₂ gué₃ tsá₃ 'e₂ quen₅ jniá'₂. ¹² Dsón'₂ bá₄ ma₂ca₂rē₃jniá'₂ léi₄ a₂lín₅ dsa₂ i₂chen₄ quián₅ Cristo jē₄ quián'₂ 'nia'₂, jē₄ ca₂le₃jě₃ a₂juin'₂ dsi₃: léi₄ a₂dsi₂gó'₃ dsi₅, quian'₅₄ jui₁bí₂jlá'₁ ně₃. ¹³ Tsá₃ sion₅ ma₂jñi₄ jniá'₂ 'nia'₂ lia'₂ con'₂ gué₄ guá'₅ sián'₂, jñia'₅₄ lia'₂ jniá'₂ 'ñio₃ tsá₃ 'e₂ guei₂ ma₂ca₂cué₃ jniá'₂ 'nia'₂. ¡'Én₃ 'nia'₂ dso₄ quió₃ chi₂jua'₂ tsá₃ dse₃ ca₂jmo₃ jniá'₂ ja₁con'₂ 'nia'₂!

¹⁴ Ma₂chang₂ bá₄ co₂jñiag₅₄ a₂dsi₂gó₄ i₁jñing₁₂ 'nia'₂ jē₁ca₂tē₂'nag'₂ ráun₂, jaun₂ tsá₃ lē₅ jua'₅₄ a₂i₁cué₃ 'nia'₂ guei₂. Ia₁ tsá₃ ta₁ jaun₂ ñi₅ jniá'₂ jua'₅₄ a₂'ín₅ dsi₃ a₂cha₂ quián'₂ 'nia'₂; guion'₅₄ bá₄ 'nia'₂ 'nió₃ jniá'₂. Ia₁ guion₅₄ bá₄ jui₁lia'₂ chog₅₄-jmei₂ chi'₂ ca₂tín₂ 'no₃ cu₄ a₂qui₂dsi₃ñí₂ quiain'₅₄ chi'₂-guein₂ quiáin₅, jaun₂ on₃jua'₅₄ rē₂ chi'₂ ca₂tín₂ 'no₃ a₂dsi₃ñí₂ quiain'₅₄ chog₅₄-jmei₂. ¹⁵ Jaun₂ jniá'₂ ně₃, 'ñio₂ bá₄ dsi₃ qui₁'éng₄ a₂cha₂ quió₃, ton'₂ 'ñio₂ bá₄ dsi₃ jme₁dsiang₅ dsi₃ o₄quió'₄ jme₂dsí₂ quián'₂ 'nia'₂. Chi₂jua'₂ jaun₂, ia₁ tē₂le₃ lē₅ gué₄ 'nió₃ jniá'₂ 'nia'₂, ¿a₁tē₂le₃ me'₂ bá₄ 'nió'₃ 'nia'₂ jniá'₂ jaun₂ ně₃?

¹⁶ Jui₁'e₂ gué₃ dsau₅ a₂tsá₃ 'e₂ guei₂ ca₂cué₃ jniá'₂ 'nia'₂, la₁ 'ñio₄ bá₄ jniá'₂, juá'₂ 'nia'₂, a₂ca₂jón₃ jniá'₂ 'nia'₂ quian'₅₄ mai₅₄ quió₃. ¹⁷ ¿O₃ bá₄ lín'₂ 'nia'₂ a₂'lig'₅₄ ca₂lág₃ jniá'₂ quian'₅₄ dsa₂ i₂ca₂tsíng₂ ne'₅₄ 'nia'₂? ¹⁸ Ca₂mi₃ bá₄ jniá'₂ ne₄ Tito a₂jmo₃ dse₃ dsí₅ a₂ca₂ñei₅₄ ja₁con'₂ 'nia'₂, ton'₂ ca₂tsín₂ jniá'₂ ján₃ jan₂ rín'₅₄ jniog₄ i₂quiain'₅₄. Jaun₂, ¿O₃ bá₄ ca₂jme₃gau₅ 'éi₂? ¿O₃ bá₄ tsá₃ 'én'₂ 'e₂ 'nia'₂ a₂ma₂ja₂náu₅ jnia'₅₄ co₂dsia₅ quiain'₅₄, jmo₂ ta₁ co₂rē₂ quiain'₅₄, ton'₂ jan₂ bá₄ Jme₂dsí₂ i₂quiong'₅₄ táng₃?

¹⁹ 'An₁ mei'₂ tsá₃ caun₂ lín'₂ bá₄ gué₄ 'nia'₂ a₂jñia'₅₄ con'₂ 'niog₂ jnia'₅₄ lion₄ guio₅₄ ne'₅₄ 'nia'₂. La₁ jág₅ bá₄ Diú₄ tsá₃ le₂jaun₂ dsi₂jio₅ dsi₅ jnia'₅₄. Jág₁ tí₅ bá₄ chei₂ jnia'₅₄ 'nia'₂ ne₄ Cristo. La₁ jē₄ ca₂le₃jě₃ a₂nē₅ a₂dse₃ ia₁jaun₂ qui₃dsi₂cón'₃ 'nia'₂ tē₂le₃ quió'₅ jme₂dsí₂, 'nia'₂ rín'₅₄ jniog₄ i₂'nió₃ gué₄ lín₃. ²⁰ Ia₁ gó₅ jniá'₂ con'₂ tsá₃ ñó₅ ně₃ jua'₂ tsá₃ dse₃ tion'₅₄ 'nia'₂ lia'₂ con'₂ lē₅ 'nió₃ jniá'₂, jē₁ma₂ca₂dsi₂gó₃, ján₃ bá₄ le₂jaun₂ ně₁jua'₂ tsá₃ ca₂jein'₂ 'nia'₂ jniá'₂ lia'₂ con'₂ 'niog'₂ 'nia'₂ gué'₂ táng₃. Ia₁ gó₅ jniá'₂ ně₁jua'₂ tion'₅₄ 'nia'₂ a₂tsá₃ jen'₂ 'nia'₂ quian'₅₄ ríng'₂; ně₁jua'₂ tion'₅₄ 'nia'₂ uig₅ 'au'₂ jñing'₅₄ ríng'₂; ně₁jua'₂ ca₂rē₃'né'₂ 'nia'₂ co₂tiá₂; ně₁jua'₂ 'ua'₂ 'au'₂ 'nia'₂ tiong'₅₄; ně₁jua'₂ qui₂tsín'₂ 'nia'₂ 'lig'₅₄ ríng'₂; ně₁jua'₂ qui₂chi₂'ín'₅ 'nia'₂ ríng'₂; ně₁jua'₂ chan₂ i₂qui₂jmo₅ rón₂; ně₁jua'₂ tion'₅₄ 'nia'₂ mi'₅₄. ²¹ Ján₃ bá₄ gó₅ jniá'₂ ně₁jua'₂ ca₂jmo₃ Diú₄ a₂tē₂tsín'₅₄ jniá'₂ o₂guí'₃ o₄quián'₂ 'nia'₂ jē₁ma₂dsi₂gó₃; go'₂ le₃jiá₃ tiá'₃ qui'₂ dsi₃ 'o₅₄ o₄quió'₄ i₂ma₂qui₂ma₂náu₂ dso₄ le₂jñiá₅, ton'₂ tsá₃ 'e₂ ma₂ca₂dsi₃quén'₅ dsí₅ o₄quió'₄ a₂'lig'₅₄ a₂jmo₅-dsá_u₅; a₂nió₁'₅ jág₁ quiain'₅₄ dsa₂ i₂tsá₃ lín₅ dsi₂l₂gu₂; ca₂le₃jě₃ gué₄ a₂'lig'₅₄ o₂guí'₃ a₂qui₂ma₂jmo₃.

13

'Ág'₅ Pa₄ jág₁ ton'₂ 'ě₂ gué₄ jág₁ tē₃jñiá₅

¹ A₂dsi₂gó₅ 'nag'₂ ráun₂ a₂i₁jñi₁₂ 'nia'₂ la₂. “Ca₂le₃jě₃ 'e₂ niog₅ lē₂jió₂' 'í₁ tē₂le₃ quian'₅₄ on₃-ún₂ dsa₂ i₂jáng'₃ jág₁ dsau₅.”* ² Ma₂ca₂'ě₃ jniá'₂ jág₁ tē₃jñiá₅ ne₄ dsa₂ i₂jme₁tián'₄ 'no₅ dso₄ le₂jñiá₅, ton'₂ ne₄ ca₂le₃jín₃ i₂sián'₂ ně₃, ján₃ bá₄ 'ě₅ jniá'₂ jág₁ a₂'eng₅₄ uíng₂ ja₁con'₂ 'nia'₂, jui₁lia'₂ ca₂jmo₃ jniá'₂ lia'₂ con'₂ ñeg₅₄ jē₁ca₂tē₂ tñ₃ ráun₂ a₂i₁jñing₁₂ 'nia'₂: ně₁jua'₂ con'₂ siá'₂ ca₂dsi₂gó₃ jniá'₂ a₂i₁jñing₁₂ 'nia'₂, jaun₂ tsá₃ ma₃jmo₅₄ jniá'₂ ñéi₂ dsi₃ ně₁jua'₂ chan₂ gué₄ i₂tsá₃ ma₂dsi₂quén'₄ dsí₅. ³ Le₂jaun₂ jmo₅₄ jniá'₂ chi₂jua'₂ a₂jaun₂ 'niog'₂ 'nia'₂ a₂jáng'₄ jniá'₂ léi₄,

* 13:1 Deuteronomio 19:15.

a₂dsón'₂ bá₄ juá'₂ Cristo tsí'₅ 'nia'₂ quian'₅₄ jág₁ a₂quian₄ jniá'₂. Tsá₃ jua'₅₄ a₂lín₅ 'uan'₅₄ ja₁con'₂ 'nia'₂; 'nió'₄ të₂le₃ jme₂jnia₅ bá₄ 'éi₂ a₂'io₂₃ jui₅bí₂ jë₄ quián'₂ 'nia'₂. ⁴ Dsón'₂ bá₄ jaun₂ ca₂tion₃ cróg₄ dsa₂ nē₂jag₄ bá₄ a₂lín₅ jan₂ dsa₂ 'uan'₅₄, la₁ rē₂nē₃ nē₃ chain₂ të₂le₃ quian'₅₄ jui₅bí₂ quió'₅ Diú₄. Le₂nē₅ bá₄ jui₁lia'₂ jnia'₅₄ táng₃, quian₄ jui₅ jaun₂ a₂jmo₂ jnia'₅₄ 'uan'₅₄ o₄quió'₄ 'éi₂, le₂jaun₂ bá₄ le₃chong₂ guë'₂ jnia'₅₄ ja₁con'₂ 'nia'₂ quian'₅₄ jui₅bí₂ quió'₅ Diú₄.

⁵ Te₁li₁ 'nia'₂ ja₁con'₂ guiong'₅₄ chi₂jua'₂ dsón'₂ tión'₂ 'nia'₂ jui₅ quió'₅ Te₁gui'₅₄. Quion₂ de'₂ 'nia'₂ caun₂ 'í₁ le₃ja₁con'₂ 'nia'₂ guiong'₅₄. ¿Tsa₁ len'₄ 'nia'₂, a₂'en'₅₄ bá₄ Jesucristo ja₁con'₂ 'nia'₂, jaun₂ bá₄ nē₁jua'₂ tsá₃ të₁tsin'₅₄ 'nia'₂ 'lig'₅₄ nē₁ma₂ca₂quion'₂ 'nia'₂ 'í₁ jaun₂? ⁶ La₁ 'ín₂ dsi₃ jniá₂ le₃len'₄ 'nia'₂ a₂tsá₃ le₂jaun₂ lág₅ jnia'₅₄ jua'₅₄ a₂tsá₃ dse₃ të₃tsag'₅₄ jnia'₅₄ nē₁ma₂ca₂quion'₂ 'nia'₂ 'í₁, jua'₅₄ a₂tsá₃ dsau₅ a₂lág₅ jnia'₅₄ dsa₂ i₂chen₄ quián₅ Te₁gui'₅₄.

⁷ Qui₂mi₂ jnia'₅₄ chi₂len'₄ Diú₄ o₄quián'₂ 'nia'₂ ia₁jaun₂ tsá₃ ma₃jmo₄-dsáu'₄ 'nia'₂ a₂'lig'₅₄. On₃jua'₅₄ ia₁jaun₂ të₃tsag'₅₄ jnia'₅₄ dse₃, të₂le₃ ia₁jaun₂ jmó'₂ 'nia'₂ a₂dse₃, jui₁'e₂ guë₃ chan₂ i₂lín₂ a₂tsá₃ dse₃ të₃tsag'₅₄ jnia'₅₄. ⁸ Ia₁ tsá₃ lé₂ náu₂ jnia'₅₄ quein₅ ja₁con₂ jág₁ tí₅, të₂le₃ tióng₂ bá₄ jnia'₅₄ quian'₅₄ jág₁ tí₅. ⁹ Jaun₂ të₂le₃ 'io'₂ bá₄ jmo₂ jnia'₅₄ jme₁lág₄ jnia'₅₄ dsa₂ 'uan'₅₄, 'nia'₂ guë'₂ lín'₅ dsa₂ 'uan'₂. A₂jaun₂ caun₂ chi₂len'₄ bá₄ jnia'₅₄ Diú₄ ia₁jaun₂ len'₂ 'nia'₂ co₂nei'₅₄.

¹⁰ Jaun₂ lë₃, jmo₂₃ si₂ carta la₂ tsíng₂ ne'₅₄ 'nia'₂ të₁lia'₂ 'eng'₅₄ úing₂, ia₁jaun₂ tsá₃ 'nió'₅ jua'₅₄ a₂jmo₅₄ jniá₂ tsau₂ dsi₃ jë₁ma₂dsióg₃, lia'₂ con'₂ lë₅ ta₁ a₂lín₅ a₂ca₂cuë₃ Te₁gui'₅₄, ia₁jaun₂ të₂le₃ lei₂ bá₄ jme₂dsí₂ quián'₂ 'nia'₂, on₃jua'₅₄ të₂le₃ qui₃jë'₂.

¹¹ Nē₃ nē₃, rin'₅₄ jniog₄, caun₂ jui₁le₂chan'₂ bá₄ 'nia'₂ dse₃ qui₂jmo'₂ 'nia'₂ 'io'₂. Jmog'₅₄ 'nia'₂ 'au'₂ o₄quió'₄ jme₂dsí₂ quián'₂ 'nia'₂ nē₃; jui₁chan'₂ bá₄ 'nia'₂ rē₂ a₂'ei₅ caun₂ jág₁ quian'₅₄ ríng'₂. Jaun₂ Diú₄ i₂jmo₅ 'ei₅ tei₄ i₂'nio₃ 'nia'₂, 'éi₂ bá₄ jme₃quiong'₅₄ 'nia'₂ ca₂le₃jë₃ jmig₄. ¹² Cu_{in}₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁† 'nia'₂ quió'₅ ríng'₂ a₂lë₅ léi₄ a₂ma₂'ei₅ caun₂ jág₁ a₂le₁jë₃ 'au'₂ quian'₅₄ ríng'₂. ¹³ Ca₂le₃jín₃ bá₄ rin'₅₄ jniog₄‡ ja₁lá₃ dsiáin'₂ jág₁ a₂cu_{in}₂₃ Diú₄ 'nia'₂.

¹⁴ Jaun₂ jui₁jme₂gu'₅₄ bá₄ Te₁gui'₅₄ Jesucristo; jui₁le₂jniá₂ jë₄ quián'₂ 'nia'₂ a₂'nio₃ Diú₄ 'nia'₂; jui₁'ei₅ caun₂ jág₁ jin'₄ 'nia'₂ quian'₅₄ Jme₂dsí₂ Jnió₅. A₂méi₃.

Co₂nē₅.

† 13:12 Caun₂ tag₁ a₂jme₁chí'₁ lia'₂ con'₂ jme₁ca₂jmo₃ Pa₄ si₂ la₂. ‡ 13:13 lit. “dsa₂ jnió₅.”

Si₂ carta a₂ca₂jmo₃ San Pablo ne₄ dsa₂ GÁLATAS

Jmo₅ Pa₄ si₂ a₂chein₃ ne₄ Guá'₅ i₂chan₂ 'uë₃ Galacia

¹ Jniá₂ Pa₄, líng₅ i₂chen₄ quián₅ Te₁gui'₅₄ la₁ tsá₃ líng₅ i₂'ín₁ quián₅ dsa₂ mi₂güí₃, on₃ guë'₂ i₂chen₄ quián₅ dsa₂ mi₂güí₃ ně₃. Líng₅ jan₂ i₂'ín₁ quián₅ Jesucristo, quian'₅₄ Diú₄ Jmei₂ i₂ca₂jme₃jein'₅₄ ja₁jme₁rë'₂lín₅₄. ² Jniá₂, quian'₅₄ ca₂le₃jín₃ rin'₅₄ jniog₄ i₂quiang'₅₄, jmo₂ jnia'₅₄ si₂ carta la₂ a₂dsian'₅₄ jnia'₅₄ ja₁con₂ ca₂le₃jín₃ guá'₅ i₂chan₂ 'uë₃ Galacia. ³ Jui₁jme₂gu'₅₄ bá₄ Diú₄ 'nia'₂, jui₁jmo₅₄ bá₄ Diú₄ Jmei₂ quian'₅₄ Te₁gui'₅₄ Jesucristo ně₃, jui₁'ei₅ bá₄ tei₄ tion'₅₄ 'nia'₂. ⁴ Jesús 'éi₂ bá₄ ca₂gue₃ 'mú₃ 'uig₅₄ dsáu₁ jniog₄, a₂lió₂ jë₄ mi₂güí₃ 'lig'₅₄ la₂, co₂jaun₂ ca₂rë₃'ñió₃ dsí₅ Diú₄ quián₂ i₂lín₅ jmei₂ jniog₄. ⁵ 'Éi₂ bá₄ jui₁le₂juin'₂ co₂tan₅₄! A₂meí₃.

Tsá₃ ma₃jág₁ siá'₂ cha₂ jua'₅₄ a₂lión₂ dsa₂

⁶ Dsi₂gó'₃ dsí₃ ia₁ ma₂'niog'₂ 'nia'₂ téng'₄ cón'₂ Diú₄ i₂ca₂të₃ 'nia'₂ të₂le₃ ia₁ a₂'ua₁ dsí₅ Cristo. Ia₁ a₂ma₂nag'₂ táng₃ 'nia'₂ jág₁ siá'₂. ⁷ On₃jua'₅₄ a₂dsi₂jó'₃ a₂cha₂ guë'₄ jág₁ dse₃ siá'₂ a₂lió₂. La₁ia₁ juá'₅ jniá₂, chan₂ i₂lín₅₄ i₂línio₄ jmo₅ a₂dsi₂cón'₅ 'au'₂ 'nia'₂. A₂'nio₃ jme₃tsíin₃ jág₁ dse₃ la₂ quió'₅ Cristo a₂tín'₄ dsa₂. ⁸ La₁ ně₁jua'₂ chan₂ i₂jme₂tín₅ 'nia'₂ caun₂ jág₁ a₂juá'₂ a₂tín'₄ dsa₂, la₁ ně₁jua'₂ tsá₃ lë₅ con'₂ lë₅ jág₁ a₂ma₂'ë₄ jnia'₅₄, dsa₂ 'éi₂ jui₁të₂tsin'₅₄ náu₃ a₂dsi₃'éin₂. Tsá₃ a₂nag₅₄ o₁jnia'₅₄ guio₅₄ jnia'₅₄, o₃ o₁jnia'₅₄ jan₂ ángel i₂já₅ guei'₅₄ i₂juí₃. ⁹ Jui₁lia'₂ ma₂jua'₅₄ jnia'₅₄ ně₅, juá'₄ táng₃ siá'₂; ně₁jua'₂ chan₂ i₂'ë₂ jág₁ a₂ma₂rë₂tsín₄, a₂tsá₃ lë₅ con'₂ lë₅ a₂ma₂gue'₅₄ 'nia'₂, dsa₂ 'éi₂ jui₁të₂tsin'₅₄ náu₃ a₂dsi₃'éin₂. ¹⁰ ¿'E₂ lín'₂ 'nia'₂? ¿O₃ bá₄ a₂jme₂'uá₁ jniá₂ dsí₅ dsa₂ mi₂güí₃ con'₂ dsi₂ten₅₄? ¿O₃ bá₄ a₂jme₂'uá₁ jniá₂ dsí₅ Diú₄ 'e₂? ¿O₃ bá₄ jmo₅ jniá₂ a₂'ñio₂ dsí₅ dsa₂ mi₂güí₃ 'e₂? Tsá₃ ma₃le₃jua'₅₄ a₂líng₅ guë'₄ dsa₂ i₂jme₂ti₃ ja₁con₂ Cristo, jua'₅₄ mei'₂ guë'₃ le₂jaun₂.

A₂ lia'₂ ca₂lín₃ Pa₄ jan₂ i₂chen₄ quián₅ Jesús

¹¹ Jui₁le₂ñi'₅₄ 'nia'₂ rin'₅₄ jniog₄, jág₁ dse₃ a₂tín'₄ dsa₂ a₂qui₂'ë₅ jniá₂, on₃jua'₅₄ jág₁ a₂le₃jua'₅₄ a₂lë₁'no'₂ dsa₂ mi₂güí₃ dsí₅. ¹² On₃ guë'₂ jua'₅₄ a₂ca₂gue₃ jniá₂ quió'₅ 'i₁jan₂ dsa₂ mi₂güí₃, on₃ guë'₂ jua'₅₄ chan₂ dsa₂ i₂ca₂jme₃tag₅ jniá₂. 'Ñiog₅ bá₄ Te₁gui'₅₄ Jesucristo ca₂jme₃jniai₂₃ jág₁ ně₅ ja₁cong₂. ¹³ Ia₁ ma₂ca₂rë₃ñi'₅₄ bá₄ 'nia'₂ 'a₂ lia'₂ jme₁líng₄ le₂jñiá₅, lia'₂ con'₂ jme₁eng₅₄ guë'₄ juá'₅ quió'₅ dsa₂ judíos. Ma₂ñi'₅₄ bá₄ 'nia'₂ ně₃ a₂dséi₂ dsí₃ guë'₄ lín₃ ca₂'éng₃ dsa₂ quián₅ Diú₄, 'ñio₅ lín₃ jme₁quín'₅ jniá₂ bí₂ a₂co₂dsia₅ jme₁'éng₄ dsa₂ 'éi₂. ¹⁴ Ia₁ jniá₂ bá₄ i₂jme₁dsi₂jñiá₄ 'ñio₅ lín₃ guë'₄ con'₂ guë'₄ ca₂le₃jín₃ dsa₂ go₃ i₂co₂ríng₂ quiang'₅₄. Ia₁ jniá₂ 'ñio₅ lín₃ guë'₄ jme₁jme₂gó₁ jmo₂₃ 'í₁ tag₄ quió'₅ dsa₂ can'₅₄ quián₂ jnia'₅₄ ma₂líg'₂. ¹⁵ La₁ lia'₂ con'₂ né₃ a₂le₃chang₂, ca₂quió'₂ Diú₄. A₂'ua₁ dsí₅ guë'₄ lín₃ ca₂të₃ jniá₂. Ca₂rë₃'ñió₃ dsí₅, ¹⁶ ca₂jmo₃ ca₂rë₃cuíng₅ ca₂'iin₃ Ja₁ñi'₅₄, ia₁jaun₂ qui₁'ë₄ jniá₂ jág₁ dse₃ quió'₅, jin₄ dsi₂nau₂. Jaun₂ tsá₃ jua'₅₄ ca₂ñeg₅₄ ca₂l₁'niag'₂ dsa₂ mi₂güí₃ i₂to'₂ jág₁, ¹⁷ on₃ guë'₂ ca₂ñeg₅₄ juig₂ Jerusalén jua'₅₄ ca₂i₁jing₁₂ i₂ma₂lín₅ dsa₂ i₂chen₄ quián₅ Te₁gui'₅₄, i₂ma₂ja₂lén₂ jñiá₅ guë'₄ lia'₂ con'₂ guë'₄ jniá₂. Dsi₂jui₅ bá₄ ca₂ñeg₅₄ le₂'uig₅₄ jui₅ 'uë₃ Arabia. Cang₂ guë'₄ jaun₂ ca₂ñág₃ jui₅ Damasco. ¹⁸ Jme₁ca₂dsin₃ 'ni₅ ñi₂ cang₂ jaun₂, jaun₂ guë'₄ ca₂ñeg₅₄ Jerusalén ca₂l₁dsia₂ jág₁ quian'₅₄ Pe₄. * Ja₁jaun₂ ca₂jan₅₄ guia₃-ñiá₂ jmig₄. ¹⁹ La₁ 'i₁jan₂ i₂sián'₂ i₂lín₅ i₂chen₄ quián₅ Jesús tsá₃ ca₂jing₅₄, jñia'₅₄ lia'₂ jan₂ Jacobo dsó₂ rin'₅₄ Te₁gui'₅₄ bá₄. ²⁰ Jág₅ bá₄ Diú₄, jág₁ dsau₅ bá₄ tó'₅ ne₄ si₂ la₂, tsá₃ të₂jíng₁. ²¹ Cang₂ jaun₂ guë'₄ ně₃, ca₂ñó₃ le₂tan₅₄ juig₂ ja₁tén₄ 'uë₃ Siria

* 1:18 griego: Cefas.

quian'⁵⁴ Cilicia. ²² Rin'⁵⁴ jniog⁴ quián⁵ guá'⁵ chan² 'uë³ Judea ně³ i²tión² le³quió'⁵ Cristo, tsá³ jme¹ma²cuig²³ dsi¹ne¹. ²³ Jñia'⁵⁴ lia'² jme¹ma²nág² bá⁴ dsia⁵ rin'⁵⁴ jniog⁴ 'ag²³ juá'²: “Dsa² i²jme¹co²'ein⁵ jniog⁴ le²jñiá⁵, la¹ rē²ně³ ně³ ma²ñi²³ ján³ 'ě² jág¹ a²jme¹'nio³ jme¹'éin² le²jñiá⁵.” ²⁴ Jaun² ca²jme³juin'² Diú⁴ bá⁴ o⁴quió³.

2

Dsa² i²chen⁴ sián'² guein²³ Pa⁴

¹ Jme¹ca²ñi² guia³-quén² ñi² cang², jaun² guë⁴ ca²ñeg⁵⁴ táng³ Jerusalén quiang'⁵⁴ Bernabé. Tito ně³, ca²jáng². ² Ca²ñeg⁵⁴ ja¹jaun² ia¹ ca²jme³jnia⁵ Diú⁴ ne³ a²ca²tíng² nei⁵⁴. Jaun² ca²dsia³ bá⁴ jniá² ne⁴ dsa² i²tián'⁵ Jerusalén 'éi² jág¹ dse³ ně⁵ a²'ě⁵ jniá² jin⁴ dsi²nau², la¹ jmá'³ lia'² quian'⁵⁴ dsa² i²lia'² lě⁵ i²quian⁵ ne⁴ jui⁵ bá⁴, jë⁴ con'² jmá'³ guio⁵⁴ bá⁴ jnia'⁵⁴, ca²dsiá¹ jág¹ ia¹jaun² tsá³ lě⁵ jua'⁵⁴ a²lě¹ñi⁵ jniá² jmo²³ ta¹ a²tsá³ ta¹ tí. ³ Ca²lia'² jñia'⁵⁴ Tito, i²jme¹quian'⁵⁴ jniá², tsá³ ca²chi³quióng² dsa² jmig⁴ jua'⁵⁴ a²tion⁵⁴ jme³ti³ 'éi'³ a²jme¹ti³ ni¹lo¹², o¹jñia'⁵⁴ jme¹lín⁴ 'éi² griego. ⁴ Jág¹ ně⁵ ca²ñó³ ia¹ i²lín⁵⁴ dsa² i²jui¹gan² i²juá'² lín⁵ rin'⁵⁴ jniog⁴, ca²i³toin'⁵⁴ con'² tē³co'⁵⁴ jë⁴ quián² jnia'⁵⁴, a²jme¹'nio³ tiog³ con² 'í¹ 'a² lia'² lě⁵ chong² jnia'⁵⁴ con'² dsa² ma²lón² le³quió'⁵ Cristo Jesús, ia¹ tsá³ ma³tio'⁵⁴ jniog⁴ 'éi'³; la¹ 'éi² ně³ jme¹'nio³ jme¹to'² táng³ 'éi'³ guei² jaun². ⁵ La¹ tsá³ 'ein² ca²cuë³ jnia'⁵⁴ jmig⁴ jñia'⁵⁴ 'i¹ca²tiá² tei⁴ jua'⁵⁴ jme³gau⁵ 'éi², ia¹ 'niog² jnia'⁵⁴ a²caun² o¹nóg'⁵ cha² jág¹ dsau⁵ ja¹con'² 'nia'² jág¹ dse³ a²lión² dsa².

⁶ Jui¹lia'² dsa² i²lia'² lě⁵ lín⁵ dsa² dsen⁵⁴ i²juá'⁵ jniá², (ton'² ján³ bá⁴ tsá³ a²jaun² tion⁵⁴ 'ín⁵ dsi³ le³guion⁵⁴ 'a² lia'² ma²ja²lén² 'éi² jmo²³ guioin⁵⁴. Ia¹ tsá³ 'í¹ jaun² con² Diú⁴ jua'⁵⁴ 'a² lia'² jniá² dsa²), jui¹lia'² dsa² 'éi² ně³, tsá³ 'e² ñag⁵⁴ jua'⁵⁴ a²ca²jme³tag²³ guë⁴ con'² lě⁵ jág¹ a²'ě⁵ jniá². ⁷ Ia¹ tē²le³ ca²rě³lí'⁴ bá⁴ guioin⁵⁴, co²jaun² bá⁴ ta¹ a²ma²cuë³ Diú⁴ a²'ě⁴ jniá² jág¹ dse³ jin⁴ dsi²nau²,* jui¹lia'² lě⁵ ta¹ ma²dsia³ gu² Pe⁴ a²'ě² jág¹ dse³ jin⁴ dsa² judíos.† ⁸ Jaun² Diú⁴ i²jan² tan⁵⁴ 'éi² bá⁴ ca²chein³ guë'² Pe⁴ a²lín⁵ 'éi² dsa² i²chen⁴ quiáin⁵ tē²le³ jin⁴ dsa² judíos, le²jaun² bá⁴ ca²chei³ guë'² jniá² ján³ a²lín⁵ i²chen⁴ quiáin⁵ tē²le³ jin⁴ dsi²nau². ⁹ Jaun² lě³, Jacobo, Pe⁴,‡ quian'⁵⁴ Juan⁵⁴ ně³, co²'nió'⁴ i²lín⁵ dsa² dsen⁵⁴ quián⁵ guá'⁵, ca²rě³lí'⁴ bá⁴ guioin⁵⁴, 'ñiog⁵ bá⁴ Diú⁴ ma²cuë³ ta¹ ně⁵, jaun² ca²cuë³ gu² a²ca²jmo³ léi⁴, jniá² quian'⁵⁴ Bernabé co²'nió'⁴ a²'ei⁵ caun² jág¹ quiain'⁵⁴ a²dsau⁵⁴ jnia'⁵⁴ dsi¹jmó¹ ta¹ ja¹con² dsi²nau². Guioin⁵⁴ guë'² táng³ dsi²jmó² ta¹ jin⁴ dsa² judíos. ¹⁰ Jñia'⁵⁴ lia'² a²jaun² bá⁴ jág¹ a²ca²cuë³ a²jmó¹ jnia'⁵⁴ dsiog'² dsi⁵ dsa² te²ñé², a²ně⁵ bá⁴ guë'² a²'ín⁵ dsi³ jniá² quín'⁵ jniá² bí² jmo²³.

Ca²j² Pa⁴ ca²jéin² Pe⁴ juig² Antioquía

¹¹ La¹ lia'² con'² ñe⁴ Pe⁴ juig² Antioquía, ca²jéin² jniá² dsi¹ne¹, 'uig⁵⁴ ia¹ a²jmo²³ a²tsá³ dsi²ten⁵⁴ jmo³. ¹² Ia¹ le²jñiá⁵ jme¹guë'⁵ co²dsia⁵ quiain'⁵⁴ dsi²nau²; la¹ jme¹ca²dsi³lén² i²chen⁴ quián⁵ Jacobo, jaun² guë⁴ ca²jme³lióg³ ca²ñó³ cau⁵, tsá³ ma³ca²guë'³ quiain'⁵⁴ dsa² 'éi², 'uig⁵⁴ ia¹ a²gain³ dsa² i²ti⁵ lo⁴. ¹³ Jaun² dsa² judíos i²'én² sián'² ca²jme³quiain'⁵⁴ bá⁴ Pe⁴ a²lě¹co²jmo²³ o¹ne¹ quiong'⁵⁴; ca²lia'² le²jjiog⁵ Bernabé ca²ñó³ quiong'⁵⁴ ján³. ¹⁴ La¹ jme¹ca²jág³ jniá² tsá³ jmo²³ lia'² con'² lě⁵ tí⁵ dson'² juá'² jág¹ dse³, jaun² ca²juig² jniá² Pe⁴ tē³ñag⁵ le³jín³ dsa²:

—'Ne² guë'² lín⁵ jan² dsa² judío, le²jaun² bá⁴ guë'² chang'² jmo'² lia'² lě⁵ chan² dsi²nau², on³jua'⁵⁴ rē'² con'² lě⁵ jme¹jmó'² ia¹ a²lín⁵ dsa² judío, ¿'a² bá⁴ lia'² jaun² chi¹quiang'⁵⁴ jmig⁴ dsi²nau² a²le³chain² con'² lě⁵ chan² dsa² judíos?

¹⁵ 'Lág⁵ jniog⁴ judíos con'² lě⁵ chong², —ca²juig² jniá² Pe⁴—, on³jua'⁵⁴ rē'² jui¹lia'² dsi²nau² i²qui²rē²cán⁴ dso⁴. ¹⁶ Jaun², a²ne⁴ bá⁴ jniog⁴, 'i¹jan² tsá³ 'ein² guén'² Diú⁴ ně²jag⁴ i²tsá³ 'e² dso⁴ rin², jua'⁵⁴ a²jme³ti³ 'Éi'³, jñia'⁵⁴ lia'² a²le³'én² bá⁴ dsa² tē²le³ quió'⁵ Jesucristo. 'Uig⁵⁴

* 2:7 lit. “jin⁴ dsa² i²tsá³ lo⁴ rē²uig⁴.” † 2:7 lit. “jin⁴ dsa² i²rē²uig⁴ lo⁴”; ján³ bá⁴, ‡ 2:9 griego: Cefas; ján³ bá⁴

jaun₂ ca₂tē₂ jniog₄ ján₃ ma₂ca₂rē₃'éin₂ tē₂le₃ quió'₅ Jesucristo ia₁jaun₂ bá₄ guéi'₂ Diú₄ jniog₄ nē₂jag₄ a₂tsá₃ ma₃'e₂ dso₄ rē₂cáu'₄, tē₂le₃ a₂jñia'₅₄ con'₂'éin₂ bá₄, on₃jua'₅₄ rē'₂ a₂'nió'₅ jme₁tí₁ ta₁ qui'₅ 'Éi'₃. Ia₁ 'i₁jan₂ tsá₃ 'ein₂ chén'₅ rē₂ ne₄ Diú₄ tē₂le₃ quian'₅₄ a₂jme₂tí₃ 'Éi'₃. ¹⁷ Nē₃ nē₃, chi₂jua'₂ 'niog₂ jniog₄ tē₂tsag'₅₄ dse₃ tē₂le₃ ne₄ Diú₄, 'uig₅₄ ia₁ a₂ma₂tióng₂ le₃quió'₅ Cristo, jaun₂ gué₄ ca₂dsióg₃ rē₂jniá₂ a₂lág₅ jniog₄ dsa₂ i₂qui₂rē₂cán'₄ dso₄ bá₄ ján₃, ζon₁ bá₄ 'nió'₄ le₃jua'₅₄ Cristo tē₂le₃ cuē₅ bí₂ bá₄ jniog₄ a₂caun₂ 'nióg₁ dso₄? ¡Dsón'₂ bá₄ on₃jua'₅₄ le₂jaun₂!

¹⁸ Ia₁ chi₂jua'₂ co₂dsia₅ ma₂ca₂'éng₃ caun₂ cosa, con'₂ siá'₂ guē'₂ 'nio₃ chog'₅₄ táng₃, jaun₂ gué₄ dsón'₂ a₂jme₂jniág₁ 'ñió₃, a₂ma₂ca₂i₁juing₅₄ 'éi'₃. ¹⁹ Tsá₃ 'io₅ bí₂ 'Éi'₃ jua'₅₄ a₂chei'₃ rē₂ ne₄ Diú₄. Jaun₂ nē₂jag₄ bá₄ i₂co₂dsia₅ ma₂jon₅ bá₄ jniá₂ tē₂le₃ ne₄ 'Éi'₃ ia₁jaun₂ le₃chang₂ táng₃ tē₂le₃ ne₄ Diú₄. ²⁰ Jaun₂ co₂'nió'₄ ca₂tē₁ton₅₄ bá₄ jniá₂ co₂lē₅ quian'₅₄ Cristo ne₄ cróg₄; jaun₂ on₃jua'₅₄ 'ñió₃ jniá₂ chang₂; 'ñiog₅ bá₄ Cristo i₂chan₂ jui₅ jme₂dsí₂ quió₃. Lia'₂ con'₂ lē₅ chang₂ ni₁ñí₅ la₂, chang₂ tē₂le₃ a₂jñia'₅₄ con'₂ 'éng₂ tē₂le₃ quió'₅ Ja₁ñi'₅₄ Diú₄, i₂ca₂rē₃'nio₃ jniá₂, ca₂jñin'₂ 'ñiog₅ o₄quió₃ jniá₂. ²¹ Jaun₂ tsá₃ 'nio₃ jniá₂ jua'₅₄ a₂jmo₅₄ cau₅ a₂'ua₁ dsí₅ Diú₄; ia₁ jua'₅₄ mei'₂ gué₃ guion₅₄ dsa₂ lé₂ le₃jmo₃ a₂chein'₃ rē₂ ne₄ Diú₄ tē₂le₃ quian'₅₄ a₂jme₃tí₃ 'Éi'₃, tsá₃ 'e₂ ta₁ tí₄ a₂ca₂jon₃ Cristo jua'₅₄ mei'₂ gué₃ le₂jaun₂.

3

A₂ lia'₂ guén'₂ Diú₄ dsa₂

¹ ¡'En₁ jmá'₃ tsá₃ rē₂'en₅₄ 'au'₂ 'nia'₂ dsa₂ gálatas! ζ'Ei₂ bá₄ je₂na'₅₄ i₂ca₂jme₃gau₅ 'nia'₂? Jua'₂ ma₂ca₂tē₂ bá₄ ne'₅₄ 'nia'₂ guiong'₅₄ a₂ma₂ca₂jme₁jnia₅ jnia'₅₄ tē₂dsón'₂ 'ñiog₅ Jesucristo i₂tē₁ton₅₄ cróg₄. ² Nag₄ caun₂ 'nia'₂ a₂juá'₄ la₂: ζ'A₂ lia'₂ ca₂guen'₅₄ 'nia'₂ Jme₂dsí₂ quián₅ Diú₄? ζCa₁guein'₅₄ 'nia'₂ ia₁ a₂ca₂jme₁tí₄ ta₁ qui'₅ 'Éi'₃ quió'₅ Moisés? ζO₃ bá₄ ca₂guein'₅₄ 'nia'₂ jme₁ca₂rē₃'éng₂ jág₁ a₂ma₂nei'₂ 'e₂ 'nia'₂? ³ ζ'A₂ bá₄ lia'₂ ñí₄ tsá₃ rē₂'en₅₄ 'au'₂ 'nia'₂? ζO₃ bá₄ 'náu'₂ 'nia'₂ 'au'₂ a₂jme₁'ñiag'₂ quian'₅₄ jui₅bí₂ quiáng'₂ guiong'₅₄ a₂ma₂ca₂jme₁lióg₄ quian'₅₄ Jme₂dsí₂? ⁴ ζO₃ bá₄ tsá₃ 'e₂ ta₁ tí₄ ca₂le₃jé₃ a₂ma₂ca₂i₃ñí'₂ 'nia'₂? Jui₁le₅₄ bá₄ a₂cha₂ ta₁ jmo₃ bá₄ ca₂la₂ a₂jaun₂. ⁵ Jē₁ma₂ca₂cuin₃ Diú₄ Jme₂dsí₂ quián₅ jmo₂₃ léi₄ jué'₂ jin'₄ 'nia'₂, ζ'e₂ lē₃ jmo₂₃? On₃jua'₅₄ a₂jaun₂ guē'₂ jmo₂₃ ia₁ a₂jme₂tí₅₄ 'nia'₂ 'Éi'₃. A₂jaun₂ bá₄ jmo₂₃ léi₄ jué'₂ tē₂le₃ ia₁ a₂ca₂rē₃'én'₂ 'nia'₂ jág₁ a₂ma₂nei'₂ bá₄. ⁶ Ia₁ Abraham nē₃, ca₂rē₃'éin₂ tē₂le₃ quió'₅ Diú₄. A₂ca₂rē₃'éin₂ jaun₂, ca₂guéi'₂ Diú₄ nē₂jag₄ bá₄ i₂ca₂rē₃tí₅₄ 'éi'₃. * ⁷ Uig₅₄ jaun₂ nē₃, ca₂tín'₂ 'nia'₂ le₃ñi'₅₄: jui₁lia'₂ dsa₂ i₂én₂, i₂'éi₂ bá₄ i₂lín₅ tē₂dsón'₂ co₂'nió'₄ tsi₁jon₂ Abraham. ⁸ Ne₄ Si₂ gui'₅₄ jaun₂ ca₂juá'₂ Diú₄ tē₂jñiá₅ ca₂tsí'₃ Abraham a₂guein₃ le₂jio₅ dsí₂nau₂ tē₂le₃ jñia'₅₄ con'₂ le₃'éin₂ bá₄, co₂'nió'₄ nē₂jag₄ bá₄ i₂le₃tí₅₄ 'éi'₃, jme₁ca₂juá'₂ le₂la₂: “Ca₂le₃jé₃ jui₂g₂ te₁'i₁ gua'₅₄ 'uē₃ jme₁gon'₅₄ jniá₂ tē₂le₃ quian'₅₄ 'ne₂.”† ⁹ Jaun₂ le₂nē₅ bá₄ nē₃, jui₁lia'₂ dsa₂ i₂én₂ nē₃, i₂'éi₂ bá₄ i₂lín₅ dsa₂ i₂rē₂gon'₅₄ quián₅ Diú₄ co₂dsia₅ quian'₅₄ Abraham i₂ca₂rē₃'én₂ 'éi₂.

¹⁰ Dsa₂ i₂jmo₅ dsí₅ a₂tióin'₅₄ 'Éi'₃ tióin₂ jui₅ 'éi'₃ a₂dsi₃'éin₂. Ia₁ juá'₂ ne₄ Si₂: “Ca₂le₃jín₃ i₂tsá₃ jme₂tí₃ ca₂le₃jé₃ 'éi'₃ a₂tio'₅₄ ne₄ Si₂ tióin'₅₄ 'éi'₃ a₂dsi₃'éin₂.”‡ ¹¹ Rē₂ bá₄ léi₄ jaun₂ nē₃, 'i₁jan₂ tsá₃ 'ein₂ lé₂ le₃náu₃ rē₂ ne₄ Diú₄ tē₂le₃ ia₁ a₂jme₃tí₃ 'Éi'₃. Ia₁ ne₄ Si₂ juá'₂: “Dsa₂ i₂guén'₂ Diú₄ co₂'nió'₄ i₂lín₅ i₂dsen₃, tē₂le₃ a₂jñia'₅₄ con'₂ a₂'éin₂ bá₄ le₃chain₂.”§ ¹² La₁ 'Éi'₃ Juá'₅ quió'₅ Moisés nē₃, on₃jua'₅₄ a₂cha₂ ja₁já₄ 'uig₅₄ a₂'én₂ dsa₂ jaun₂. Ia₁ tē₂le₃ le₂la₂ bá₄ juá'₂: “Dsa₂ i₂jmo₅ lia'₂ con'₂ lē₅ juá'₂ 'Éi'₃, quian'₅₄ 'Éi'₃ jaun₂ le₃chain₂.”* ¹³ Cristo ca₂quí₃ ca₂lió₂ jniog₄ uig₅ a₂jme₁ca₂tág₂ guéi₁ con'₂ lē₅ 'Éi'₃. Ia₁ ne₄ Si₂ juá'₂: “Ma₂rē₂'ē₂ uig₅ ja₁con₂ chi₂jua'₂ 'ein₂ i₂tē₂ton₅₄ guei'₅₄ 'ma₂.”† ¹⁴ Le₂nē₅ ca₂quí₃ ia₁jaun₂ a₂dse₃ jaun₂ a₂ca₂jme₃gon'₅₄ Diú₄ Abraham, ñag₅ le₃ja₁con₂ dsí₂nau₂ tē₂le₃ quian'₅₄ Cristo Jesús. Ca₂quí₃ ia₁jaun₂ guéi₁ jniog₄ ca₂le₃jág₃ tē₂le₃ ia₁ a₂'éin₂, guén₄ Jme₂dsí₂ Jñió₅ a₂ma₂juá'₂ cuin₃.

* 3:6 Génesis 15:6. † 3:8 Génesis 12:3; 18:18; 22:18. ‡ 3:10 Deuteronomio 27:26. § 3:11 Habacuc 2:4. * 3:12 Levítico 18:5. † 3:13 Deuteronomio 21:23.

Ju₁lia₂ 'Éi₃ Juá₅, quian₅₄ jág₁ a₂ma₂cuë₃ Diú₄

¹⁵ Rin₅₄ jniog₄, la₂ cuë₅₄ jniá₂ caun₂ jág₁ jáng₅ léi₄ 'a₂ lia₂ lë₅ jmo₅ dsa₂ mi₂güig₃: Ju₁lia₂ jme₁quiog₂ dsa₂ caun₂ si₂ ja₁tio₅₄ jág₁ a₂li₅₄ jaun₂ tio₅₄ firma quió₅, jaun₂ 'i₁jan₂ tsá₃ 'ein₂ lé₂ le₃jmo₃ tsá₃ quen₅ si₂ jaun₂, on₃ guë₂ ma₃lé₂ jua₅₄ jmo₃ guë₄ ηag₅₄ 'i₁caun₂ con₂ lë₅ jaun₂. ¹⁶ Jaun₂ le₂në₅ ca₂cuë₃ Diú₄ jág₁ quió₅ ca₂cuë₃ Abraham quian₅₄ chi₂ dsio₄ 'éi₂. Ne₄ Si₂ quió₅ tsá₃ juá₂ jua₅₄ a₂'iin₂₃ "juin₅ tsi₁jon₂" 'éi₂. Ca₂juá₂ "tsi₁jon₂ quiáng₂", † 'iin₂₃ jan₂ dsa₂ bá₄. I₂jan₂ 'éi₂ lín₅ Cristo. ¹⁷ Le₂la₂ bá₄ 'ë₅ jniá₂: Ca₂jmo₃ Diú₄ caun₂ jág₁ quian₅₄ Abraham. Jaun₂ jme₁ca₂gua₃ 'Éi₃ Juá₅ në₃, quén₂ 'ñiá₂-láu₂ rë₂dsí₂ guióg₂-guiá₂ (430) ηi₂ cang₂ jaun₂, la₁ tsá₃ le₃jua₅₄ jua₅₄ a₂tsá₃ quen₅ jág₁ a₂li₅₄ Diú₄ quian₅₄ Abraham, on₃ guë₂ le₃jua₅₄ a₂tsá₃ jma₃quen₅ jág₁ ron₅ a₂rë₂cuë₁ quió₅ Diú₄. ¹⁸ Ia₁ jua₅₄ mei₂ guë₃ lé₂ gue₃ dsa₂ a₂ca₂tíin₂ a₂cuë₃ Diú₄ të₂le₃ ia₁ a₂jme₂ti₃ 'Éi₃, jaun₂ tsá₃ ma₃le₃jua₅₄ jua₅₄ a₂gue₃ guë₄ dsa₂ të₂le₃ ia₁ a₂ma₂cuë₃ Diú₄ jág₁ quió₅. La₁ ca₂cuë₃ Diú₄ jág₁ quió₅ në₃ ca₂cuë₃ Abraham a₂ca₂tíin₂ gue₃ a₂lë₁gue₃ co₂ηí₂ bá₄. ¹⁹ ¿'E₂ ta₁ qui₅ 'Éi₃ Juá₅ jaun₂ në₃? Cang₂ jaun₂ bá₄ ca₂já₃, a₂quí₃ ta₁ a₂'ë₃ 'a₂ lia₂ lë₅ qui₂i₁juin₅₄ dsa₂ 'no₂₃ dso₄. 'Éi₃ jaun₂ ca₂gua₃ ca₂lia₂ ca₂guan₃ "tsi₁jon₂ i₂jan₂ i₂'iin₂₃ 'éi₂" con₂ lë₅ jág₁ ma₂cuë₃ Diú₄. 'Éi₃ jaun₂ në₃, ca₂të₁ron₅₄ të₂le₃ quian₅₄ ángel i₂ca₂'ë₂ jág₁. Ca₂të₁tsin₅₄ jan₂ dsa₂ i₂chén₅ ne₄ jág₁. ²⁰ La₁ jme₁ca₂dsia₃ Diú₄ jág₁ quian₅₄ Abraham le₂'uig₅₄, 'ñiog₅ bá₄ ca₂dsia₃ jág₁. Tsá₃ 'ein₂ sián₂ ca₂nau₂ ne₄ jág₁. Ia₁ i₂jan₂ tan₅₄ 'éi₂ bá₄ Diú₄ i₂ca₂juá₂ jme₁ca₂juá₂.

Ta₁ a₂quí₅ 'Éi₃ Juá₅

²¹ ¿O₃ bá₄ co₂'nió₄ juá₂ jaun₂ në₃, a₂quí₅ ta₁ 'Éi₃ a₂'nio₃ 'éin₂ jág₁ a₂ma₂cuë₃ Diú₄? On₃jua₅₄ le₂jaun₂. Jua₅₄ mei₂ guë₃ lé₂ le₃cuë₃ 'Éi₃ Juá₅ caun₂ jui₅ ja₁lé₂ le₃chan₂ jme₂dsí₂, jaun₂ bá₄ jme₁lé₂ le₃guen₃ Diú₄ dsa₂ të₂le₃ quian₅₄ a₂jme₃ti₃ dsa₂ 'Éi₃ jaun₂. ²² La₁ lia₂ con₂ lë₅ juá₂ ne₄ Si₂, ca₂le₃jín₃ bá₄ dsa₂ tioen₅₄ le₁'ñei₅₄ jui₅ ja₁'no₂₃ dso₄, ia₁ jaun₂ të₂le₃ a₂jñia₅₄ con₂ 'éin₂ bá₄ të₂le₃ quió₅ Jesucristo le₃gue₃ a₂ma₂juá₂ Diú₄ cuë₃.

²³ Né₃ a₂guá₂ jág₁ a₂le₃'én₂ dsa₂ në₃, jme₁tio₅₄ jniog₄ le₁jnág₅ quian₅₄ 'Éi₃, co₂'nió₄ a₂jme₁jmo₂₃ 'í₁ jniog₄, qui₂le₁jñia₁ a₂le₃jniá₂ a₂le₃'éin₂ jaun₂. ²⁴ 'Uig₅₄ jaun₂ bá₄ në₃, 'Éi₃ ca₂jme₃góin₃ ne₄ quián₂ jniog₄, në₂jag₄ bá₄ jan₂ të₅ i₂ca₂jniog₃ ca₂të₂ ja₁con₂ Cristo, ia₁ jaun₂ jë₁ma₂ca₂rë₃'éin₂ të₂le₃ quió₅ 'éi₂, lé₂ le₃të₃tsag₅₄ jniog₄ rë₂ ne₄ Diú₄. ²⁵ Jaun₂ rë₂në₃ në₃ ma₂gua₅ bá₄ a₂'éin₂ jniog₄, tsá₃ ma₃tio₅₄ ne₄ 'Éi₃ jua₅₄ a₂jaun₂ a₂jniog₅ guë₄ jniog₄, jmo₅ 'í₁. ²⁶ A₂lín₅ 'nia₂ ca₂le₃jíng₃ chi₂-guein₂ quián₅ Diú₄, të₂le₃ ia₁ a₂'én₂ 'nia₂ le₃quió₅ Cristo Jesús. ²⁷ Jaun₂ ca₂le₃jín₃ 'nia₂ con₂ i₂ma₂tion₅₄ 'ei₅ caun₂ jág₁ quian₅₄ Cristo lia₂ con₂ jme₁ca₂jñóg₂ jmi₂g₂, tión₂ 'nia₂ a₂rë₂jniág₁ rë₂ling₅₄ në₂jag₄ bá₄ Cristo 'ñiog₅. ²⁸ Tsá₃ ma₃jma₃quén₅ tión₂ dsa₂, tsá₃ a₂nag₅₄ o₁jñia₅₄ i₂lín₅ judíos, o₃ griegos, on₃ guë₂ i₂lín₅ dsa₂ i₂jme₂ti₃ ta₁ ne₄ juig₅₄, on₃ guë₂ dsa₂ i₂tsá₃ 'ein₂ ne₄ jme₂ti₃ në₃; dsa₂ ηe₂, o₃ dsa₂ mí₂ 'e₂; ia₁ i₂co₂rín₂ bá₄ 'nia₂ le₃quió₅ Cristo Jesús. ²⁹ Chi₂jua₂ tén₅ 'nia₂ le₃quió₅ Cristo, jaun₂ guë₄ líng₅ dsa₂ tsi₁jon₂ Abraham, jaun₂ ca₂tín₂ 'nia₂ gué₁ a₂lë₅ jág₁ a₂cuë₃ Diú₄.

4

¹ A₂la₂ bá₄ juá₅ jniá₂: Të₁lia₂ bin₅₄ guein₂, i₂ca₂tín₂ gue₃ a₂lë₅ jág₁ a₂cuë₃ jmei₂, tsá₃ jua₅₄ jma₃quén₅ lín₅ quian₅₄ dsa₂ i₂'lian₅₄ quián₅ jmei₂, o₁jñia₅₄ a₂dsau₅ jan₂ i₂'éi₂ bá₄ quió₅ ca₂le₃jë₃. ² Chan₂ dsa₂ i₂jmo₅ 'í₁ nio₅ gu₂ ca₂le₃jë₃ a₂cha₂ quió₅ 'éi₂, ca₂lia₂ ca₂të₂ jmi₂g₄ a₂'ë₅ jmei₂. ³ Jaun₂ le₂në₅ bá₄ lë₅ quian₅₄ jniog₄. Të₁lia₂ con₂ big₅₄, jme₁chong₂ jniog₄ le₁'ñei₅₄ ne₄ 'éi₃, tag₄ a₂jniog₅ bí₂ja₁con₂ dsa₂ mi₂güig₃. ⁴ La₁ jme₁ca₂dsin₃ jmi₂g₄, ca₂chen₃ Diú₄ Ja₁ñi₅₄, ca₂rë₃cháin₃ ca₂caun₃ jan₂ dsa₂ mí₂ dsa₂ mi₂güig₃, ca₂guain₃ lín₅ jan₂ dsa₂ i₂rë₂'en₅₄ ne₄ 'Éi₃ Juá₅. ⁵ Le₂në₅ bá₄ guain₃ a₂quí₃ a₂lió₂ ca₂le₃jág₃ jniog₄ con₂ dsa₂ jme₁tio₅₄ 'Éi₃ jaun₂,

† 3:16 Génesis 12:7; 13:15; 24:7.

ia₁jaun₂ guéi'₂ Diú₄ jniog₄ a₂ma₂lág₅ chi'₂-guein₂ quiáin₅. ⁶ Jaun₂, 'uig₅₄ ia₁ a₂lín'₅ 'nia'₂ chi'₂-guein₂ quiáin₅ ně₃, jaun₂ ca₂chein₃ Jme₂dsí₂ quián₅ Ja₁ŋi'₅₄ tē₂dsi₅ jniog₄, jaun₂ Jme₂dsí₂ ně₃ juá'₂: “¡Abba!* ¡Tia₅₄ quiáng₃!” ⁷ Le₂ně₅ jaun₂, tsá₃ ma₂lín'₅ 'ne₂ jan₂ i₂chi₁'ŋe'₅₄ ne₄ 'éi'₃; ma₂lín'₅ jan₂ ja₁ŋi'₅₄ bá₄. Jaun₂ chi₂jua'₂ lín'₅ jan₂ ja₁ŋi'₅₄, ján₃ bá₄ ma₂lín'₅ jan₂ i₂ca₂tín₂ gue₃ a₂lě₅ jág₁ cuě₃.

I₅ dsí₅ Pa₄ o₄quió'₄ dsa₂ 'én₂

⁸ Le₂ŋiá₅, lia'₂ con'₂ tsá₃ Diú₄ jme₁ma₂cuin'₂ 'nia'₂, jme₁tiong'₅₄ le₁'ŋeg'₅₄ ja₁con₂ diú₄ lag₄ i₂tē₃dsón'₂ on₃jua'₅₄ i₂le₃jua'₅₄ diú₄ dsón'₂. ⁹ La₁ rē₂ně₃ ně₃ ma₂cuin'₂ 'nia'₂ Diú₄, co₂'nió'₄ juá'₅, ma₂cuin'₅ Diú₄ 'nia'₂. Jaun₂ ně₃, ħ'₂ bá₄ lia'₂ lě₅ a₂o₂no'₅₄ táng₃ 'nia'₂ le₃ca'₃ tsá₃ caun₂ a₂qui₂'náu'₂ 'au'₂ a₂tóng'₂ táng₃ ne₄ 'éi'₃ tag₄ 'uan₅₄ a₂tsá₃ ta₁ tí₄? ¹⁰ Ia₁ jmo'₂ bá₄ guě₄ 'nia'₂ 'au'₂ a₂jme₂jué'₁ a₂lín₅₄ jmig₄, tsi'₂, ŋi₂, jein₂ ně₃. ¹¹ 'ŋio₅ dsi₂gó'₃ dsi₃ ia₁ con'₂ tsá₃ ŋó₅ ně₃jua'₂ tsá₃ 'e₂ ta₁ tí₄ ta₁ a₂ma₂jmo₃ jniá₂ jin'₄ 'nia'₂.

¹² Rin'₅₄ jniog₄, chi₂len'₄ jniá₂ 'nia'₂ ju₁len'₅₄ bá₄ 'nia'₂ lia'₂ lín₅ jniá₂, ia₁ jniá₂ ma₂ca₂jmo₃ dsi₃ ján₃ a₂lín'₅ lia'₂ lín₅ 'nia'₂. Tsá₃ 'e₂ jua'₅₄ a₂tsá₃ dsi₂ten₅₄ a₂ma₂jmog'₅₄ 'nia'₂. ¹³ Ia₁ ma₂ŋi'₅₄ bá₄ 'nia'₂, lia'₂ jme₁ca₂'ě₃ jniá₂ jág₁ dse₃ a₂lión₂ dsa₂ jin'₄ 'nia'₂ le₂'uig₅₄, ca₂lě₃ le₂jaun₂ 'uig₅₄ caun₂ dso₄ a₂jme₁lín'₄. ¹⁴ Dso₄ a₂ca₂jéin₃ jniá₂ jaun₂ ně₃ co₂'nió'₄ a₂ca₂caun₃ táu₂ Diú₄ 'nia'₂ bá₄ jaun₂. La₁ on₃jua'₅₄ a₂jaun₂ tsá₃ ca₂guei'₅₄ 'nia'₂ jua'₅₄ a₂tsá₃ ca₂rě₃jei'₅₄. Tē₂le₃ 'io'₂ guě₄ ca₂guei'₅₄ bá₄ 'nia'₂ jniá₂ ně₂jag₄ bá₄ jan₂ ángel quián₅ Diú₄, ně₂jag₄ bá₄ lín'₅ Cristo Jesús 'ŋiog₅. ¹⁵ ħ'₂ E₂ bá₄ ca₂lě₃ quian'₅₄ a₂ŋi₄ lě₃ dse₃ jme₁ca₂'ág₂ 'au'₂ 'nia'₂ le₂jaun₂? Lé₂ le₃juá'₄ jniá₂, jua'₅₄ mei'₂ guě₃ lé₂, jme₁'uě'₄ 'nia'₂ míg₂ ne'₅₄ guiong'₅₄, a₂jme₁cuě'₁ jniá₂. ¹⁶ Jaun₂ ně₃, ħ'on₃ bá₄ lín'₂ 'nia'₂ a₂'iog₅₄ bá₄ jniá₂ ia₁ a₂juá'₅ lia'₂ tí₅ jág₁?

¹⁷ Dsa₂ 'éi₂ ně₃, 'ŋio₅ dsen₅₄ dsí₅ jmo₂₃ quian'₅₄ 'nia'₂, la₁ on₃jua'₅₄ a₂dse₃ dsón'₂ lia'₂ dsi₂jio₅ dsí₅. A₂'no'₂ jui₅ a₂téi'₄ 'nia'₂ jniá₂, ia₁jaun₂ le₃dsen₅₄ 'au'₂ a₂'éin'₄ guioin₅₄. ¹⁸ A₂dsón'₂ a₂dse₃ bá₄ jaun₂ a₂cuě'₅ dsa₂ bí₂ riin'₅₄, chi₂jua'₂ a₂jaun₂ bá₄ a₂dse₃ a₂dsi₂jio₅ dsí₅. La₁ jui₁jmo₁₂ le₂jaun₂ co₂tan₅₄, on₃jua'₅₄ rē'₂ jmá'₃ jme₁'en₅₄ jniá₂ quian'₅₄ 'nia'₂. ¹⁹ 'Nia'₂ chi'₂-guein₂ quiáng₃, con'₂ siá'₂ táng₃ ma₂ŋag₅₄ uig₅ o₄quián'₂ 'nia'₂, lín'₅ ně₂jag₄ bá₄ jan₂ 'io'₅₄ i₂chan₂ uig₅; caun₂ ŋag₅₄ uig₅ le₂ně₅ bá₄ ca₂lia'₂ ca₂lín'₃ 'nia'₂ a₂dsi₁nóg'₅ léng'₂ lia'₂ lín₅ Cristo. ²⁰ ¡Jua'₅₄ mei'₂ bá₄ lé₂ le₃dsióg₄ jniá₂ tē₂ně₃ ja₁con'₂ 'nia'₂, ia₁jaun₂ jme₁tsíng₄ 'a₂ lia'₂ dsia₅₄ jág₁ quian'₅₄ 'nia'₂! Ia₁ 'ŋio₅ lín₃ tsá₃ guion₅₄ 'a₂ lia'₂ jmo₅₄ quian'₅₄ 'nia'₂.

Jág₁ jáng'₅ léi₄ ju₁lia'₂ Agar quian'₅₄ Sara

²¹ 'Nia'₂ con'₂ dsa₂ i₂'niog'₂ tón'₄ táng₃ 'Éi'₃ Juá'₅, ŋag₄ caun₂ 'nia'₂ a₂juá'₄ jniá₂ la₂: ħ'Tsa₁ ma₂nei'₂ 'nia'₂ a₂juá'₂ 'Éi'₃ jaun₂? ²² Ia₁ juá'₂ Si₂ 'iin₂₃ Abraham, 'éi₂ ně₃ ca₂rě₃chán₃ on₃ ja₁ŋi'₅₄. Jan₂ i₂ca₂can₃ dsa₂ m₁í₂ i₂jme₁jme₂ti₃ ta₁ ne₅₄; jan₂ guě'₂ i₂ca₂can₃ dsa₂ m₁í₂ quiáin₅ dsón'₂ i₂tsá₃ 'ein₂ ne₄ dsa₂ sián'₂ jme₂ti₃. ²³ Guein₂ i₂ca₂can₃ dsa₂ m₁í₂ i₂jme₂ti₃ ta₁ ne₄ Abraham, ca₂rě₃chán₃ con'₂ lě₅ rē₂chan₂ guein₂ lě₁guein₂, la₁ guein₂ i₂ca₂can₃ dsa₂ m₁í₂ quián₅ Abraham 'ŋiog₅ ně₃ ca₂rě₃chán₃ a₂ca₂rě₃ti₃ jág₁ a₂cuě'₁ quió'₅ Diú₄. ²⁴ Jág₁ ně₅, lě₅ caun₂ jág₁ a₂jáng'₅ léi₄. Le₃on₃ 'io'₅₄ ně₅ co₂'nió'₄ t₁n₃ jág₁ a₂l₁'₅₄ Abraham quian'₅₄ Diú₄. Caun₂ jág₁ ně₅ lě₅ co₂'nió'₄ Má'₂ Sinaí a₂jáng'₅ léi₄ tē₂le₃ quió'₅ Agar i₂cán₂ guein₂ i₂'i₄ 'éi'₃ jme₃ti₃ ta₁ ne₄ dsa₂. ²⁵ Jaun₂ lín₅ Agar co₂'nió'₄ Má'₂ Sinaí, a₂chí'₅ 'uě₃ Arabia, a₂lě₅ caun₂ nió'₄ quió'₅ Jerusalén jmig₄ ně₃, ia₁ tion'₅₄ dsa₂ chan₂ ciudad jaun₂ jme₂ti₃ 'éi'₃ co₂dsia₅ quian'₅₄ chi'₂-guein₂ quiáin₅. ²⁶ La₁ ju₁lia'₂ Jerusalén 'm₁í₂ quió'₅ guei'₅₄ ně₃, rē₂na₄ bá₄ jui₅; jaun₂ ja₁jaun₂ bá₄ lě₅ ně₂jag₄ bá₄ chog₅₄ jniog₄. ²⁷ Ia₁ ne₄ Si₂ juá'₂: Quian₂ o₂'ŋi₃ dsí₅, 'ne₂ 'io'₅₄ quen₂,

'ne₂ dsa₂ m₁í₂ i₂tsá₃ guein₂ ma₂can₅,

* 4:6 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

'ú₅ co₂mi'₅₄ guio'₅₄ a₂'io'₂ jéng'₂,
 'ne₂ i₂tsá₃ 'e₂ jme₁ma₂cuíng'₂ 'e₂ jaun₂ a₂chang'₂ uig₅.
 Ia₁ tē₂le₃ ju₁n₅ guē₄ guein₂ le₃chan₂ bá₄
 quió'₅ dsa₂ mí₂ i₂ca₂téi₂ dsa₂,
 lia'₂ con'₂ guē₄ dsa₂ mí₂ i₂chan₂ dsi₂i₂gu₂.†

28 Rin'₅₄ jniog₄, lín'₅ bá₄ 'nia'₂ ju₁lia'₂ Isaac; lín'₅ 'nia'₂ chi'₂-guein₂ con'₂ lē₅ jág₁ ca₂cuē₃ Diú₄. 29 Le₂nē₅ bá₄ ju₁lia'₂ jmig₄ jaun₂, ja₁ñi'₅₄ i₂ca₂rē₃chán₃ con'₂ lē₅ rē₂chan₂ ca₂le₃jín₃, qui₂ca₂co₃'ein₃ bá₄ ja₁ñi'₅₄ Abraham i₂ca₂rē₃chán₃ con'₂ ta₁ quió'₅ jme₂dsí₂, le₂nē₅ bá₄ lē₅ rē₂nē₃ ján₃. 30 ¿La₁ 'e₂ juá'₂ ne₄ Si₂? Juá'₂: “Dsen₅₄ dsi₂néi₂ 'io₅₄ i₂jme₂ti₃ ta₁ ne'₅₄ nē₅ lia'₂ jma₃quiai₅₄ ja₁ñi'₅₄, ia₁ lia'₂ o₁líg'₂ jmig₄ jua'₅₄ ja₁ñi'₅₄ 'io₅₄ 'lian'₅₄ nē₅ ca₂tín₂ tñ₅₄ a₂dse₃ a₂ca₂tín₂ ja₁ñi'₅₄ 'io₅₄ i₂jñ₅₄.”‡ 31 Jaun₂ nē₃, rin'₅₄ jniog₄, tsá₃ lág₅ jniog₄ chi'₂-guein₂ quián₅ 'io₅₄ i₂co₂'nió'₄ chi'₁'ñe'₅₄ 'éi₂. Lág₅ bá₄ jniog₄ chi'₂-guein₂ quián₅ 'io₅₄ i₂jñ₅₄ § bá₄.

5

Tiá₂ nau₂ 'nia'₂ ju₁i₅ rē₂na₄

1 Cristo ca₂chéi'₂ jniog₄, ia₁ jaun₂ tsá₃ ma₃le₃chong₂ jua'₅₄ a₂le₁'ñei'₅₄ guē₄. Jaun₂ tiá₂ nau₂ 'nia'₂ ju₁i₅ rē₂na₄, tsá₃ ma₃tón'₂ 'nia'₂ táng₃ uig₅ 'éi'₃ guei₂ co₂'nió'₄ a₂jmo₅ a₂rē₂'ñe'₅₄ dsa₂. 2 Jaun₂ rē₂ nei₂ 'nia'₂. Jniá₂ Pa₄, juí₂ 'nia'₂: Nē₁jua'₂ cuín'₅ 'nia'₂ a₂ti₃ dsa₂ ni₁lo'₄, jaun₂ dsióg₅ 'i₁ca₂juig₄ tsá₃ 'e₂ ta₁ tén₄ Cristo ja₁con'₂ 'nia'₂. 3 'Nio₃ jniá₂ juá'₄ táng₃: nē₁'ein₂ cuín₅ a₂ti₃ dsa₂ ni₁lo₁₂, ca₂tñ₂ jme₃ti₃ ca₂le₃jē₃ 'éi'₃ qui'₅ Si₂ quió'₅ Moisés. 4 'Nia'₂ i₂'náu'₂ ju₁i₅ a₂guéi'₂ Diú₄ a₂lín₅ dsa₂ dsen₃ tē₂le₃ 'uig₅₄ ia₁ a₂rē₂ten'₅₄ 'nia'₂ 'Éi'₃, ca₂dsióg₃ táng₃ co₂dsia₅ ma₂ca₂'nia'₅₄ bá₄ 'nia'₂ jág₁ quian'₅₄ Cristo; ma₂i₂uín'₃ bá₄ táng₃ 'nia'₂ ja₁dsia₅ Diú₄ 'ua₁ dsí₅ ja₁con'₂ 'nia'₂. 5 Ia₁ tē₂le₃ quian'₅₄ Jme₂dsí₂, tē₂le₃ jñia'₅₄ 'a₂ con'₂ 'éin₂ bá₄ jniog₄, chong₂ a₂'ín₂ dsí₅ le₁jñia₁ a₂já₅ caun₂ jmig₄ jē₁léi₂ dsón'₂ jniog₄ dsa₂ dsen₃. 6 Ia₁ nē₁jua'₂ chong₂ le₃quió'₅ Cristo Jesús, tsá₃ 'e₂ ta₁ jmo₃ o₁jñia'₅₄ a₂rē₂uing₄ o₃ tsá₃ rē₂uing₄ 'e₂ lo₄ dsa₂. Ia₁ a₂le₃'éin₂ bá₄ tē₂dsón'₂ quen₅, a₂le₃jñiá₂ tē₂le₃ quian'₅₄ a₂jme₁'nió₄ jniog₄ rin'₅₄. 7 Dse₃ bá₄ lia'₂ con'₂ jme₁ma₂ja₂nó'₅ 'nia'₂. ¿'Ein₂ bá₄ ca₂jmo₃ jnág₅ ju₁i₅ jaun₂ tsá₃ ma₃nág'₁ gau₂ jág₁ a₂ti₅ dsón'₂? 8 On₃jua'₅₄ a₂jaun₂ a₂ma₂tē₅ Diú₄ 'nia'₂ jua'₅₄ a₂jmó'₂ le₂nē₅. 9 Lē₅ ju₁lia'₂ juá'₂ jág₁ quió'₅ dsa₂ ma₂líg'₂: “Quian'₅₄ ca₂juig₄ bá₄ ju₁i₁ levadura, jmo₃ ta₁ guion'₂ ca₂le₃jē₃ ti₁can₁.” 10 Caun₂ bá₄ 'ei₅ dsí₃ tē₂le₃ ja₁con₂ Te₁gui'₅₄, a₂tsá₃ ma₃dsí₃jniog₅ 'au'₂ 'nia'₂ le₂siá'₂; Diú₄ bá₄ 'ē₂ uig₅ quió'₅ dsa₂ i₂chi₂jan₅ chi₂nei₂₃ jág₁ jin'₄ 'nia'₂, tsá₃ a₂lē₅ jaun₂ ju₁i₁'ein₂ guē₃. 11 Tē₂le₃ quió'₃ guē'₂ rin'₅₄ jniog₄, jua'₅₄ mei'₂ guē₃ ñi₅ jniá₂ te₁neg'₅₄ dsa₂ a₂ti₃ lo₅₄, ¿'e₂ guē'₂ lē₃ qui₂co₂'ein₅ dsa₂ jniá₂? Jág₁ dse₃ a₂rē₂'ē₂ quió'₅ Cristo a₂ca₂join₃ ne₄ cróg₄, tsá₃ 'lig'₅₄ jme₁tñ₃ jua'₅₄ mei'₂ guē₃ le₂jaun₂. 12 La₁ ju₁lia'₂ dsa₂ i₂cuē₅ o₂me'₅₄ dsí₅ 'nia'₂ a₂'ē₂₃ a₂ti₃ dsa₂ lo₅₄, jua'₅₄ co₂ñei'₅₄ bá₄ ti₃ quió'₅ guoin₅₄!

13 Ia₁ 'nia'₂, rin'₅₄ jniog₄, ma₂ca₂rē₃té₄ a₂lén'₂ 'nia'₂ dsa₂ i₂i₂nio₄ lon₄. Jñia'₅₄ lia'₂ tsá₃ cuín₅ 'nia'₂ jmig₄ jua'₅₄ a₂jme₁ti'₄ guē₄ 'nia'₂ a₂mí₅ ni₁ñi'₁ ia₁ a₂lín₅ dsa₂ i₂ma₂lón₂. Tē₂le₃ jme₁ti₁ 'nia'₂ ja₁con₂ ríng'₂ le₂jang'₂ le₂jang'₂, tē₂le₃ ia₁ a₂'nió'₃ 'nia'₂ ríng'₂. 14 Ia₁ quian'₅₄ ca₂jon₄ jág₁ bá₄ a₂rē₂'ñia₅ ca₂le₃jē₃ 'Éi'₃ Juá'₅: “Jme₁'nió₄ dsa₂ mi₂güí₃ ríng'₂ ju₁lia'₂ 'nió₃' 'ñiag'₂.”* 15 La₁ nē₁jua'₂ tion'₅₄ 'nia'₂ quíng'₅ ríng'₂ quian'₅₄ i₂la₂ i₂ó₃, tē₂ñi'₅₄ quián'₂ 'nia'₂ ia₁ con'₂ tsá₃ ñó₅ nē₁jua'₂ guion'₅₄ bá₄ 'nia'₂ qui₂co₂dsí₃ 'éng'₅.

A₂ lia'₂ le₃chan₂ dsa₂ tē₂le₃ quió'₅ Jme₂dsí₂ mi₂güí₃ la₂

16 A₂la₂ bá₄ a₂juí₂ jniá₂ 'nia'₂: Ju₁le₂chan'₂ bá₄ 'nia'₂ con'₂ lē₅ jniog₅ Jme₂dsí₂, jaun₂ bá₄ dsióg₄ a₂tsá₃ ma₃jme₁ti'₄ 'nia'₂ a₂mí₅ ni₁ñi'₁. 17 Ia₁ ca₂le₃jē₃ a₂'ín₅ dsí₅ ni₁ñi'₁ dsa₂, 'io'₅₄

† 4:27 Isaías 54:1. ‡ 4:30 Génesis 21:10. § 4:31 o₃, “'io₅₄ i₂lon₄.” * 5:14 Levítico 19:18.

Jme₂dsí₂ quián₅ Diú₄. Ján₃ guë'₂ le₂jaun₂ a₂ín₅ dsí₅ Jme₂dsí₂ 'io'₅₄ ni₁ñí₅ táng₃. Tsá₃ jein'₂; lë'₅ 'nei₂. 'Uig₅₄ jaun₂ bá₄ tsá₃ lé₂ le₃jmó'₂ 'nia'₂ a₂'niog'₂. ¹⁸ Ia₁ nē₁jua'₂ jiog₅ Jme₂dsí₂, tsá₃ ma₃tióng'₅₄ 'Éi'₃ Juá'₅. ¹⁹ Ia₁ a₂rē₂jniá₂ dse₃ bá₄ 'a₂ lia'₂ lë'₅ chan₂ dsa₂ i₂i₂nio₄ con'₂ lë'₅ 'ñio₂ dsí₅ ni₁ñí₁₂: nió'₅ jág₁ a₂tsá₃ dsi₂ten₅₄ nió'₃; i₂nioi₅₄ 'ñio₅ lë'₁ñioi₅ 'e₂ guë'₃ a₂jmo₅-dsáú₅; tsá₃ con₂ dsí₅; ²⁰ qui₂jme₂gain₃ diú₄ lag₄; jmo₂₃ mí₅ a₂chan₂ dsí₅; † i₂'ñia₅₄ dsa₂ mi₂güig₃ rin'₅₄; i₂qui₂tsin₅ quián'₅₄ rin'₅₄; i₂dsí'₅ 'uin₅ dsí₅; i₂caun₂ lë'₁rē₂'ne₂; i₂'ë'₂ a₂cha₂ quió'₅; i₂dsia₅ mi₅₄ jmo₅ le₁dson'₅₄ dsa₂; i₂jmo₅ jmá'₃ co₂nió'₃ quián'₅₄ riin'₅₄; ²¹ i₂uig₅ dsí₅; [i₂jme₂dsian₅ rin'₅₄]; ‡ i₂i₂nio₄ lë'₁en₅; qui₂jmo₂₃ jmig₄ ja₁qui₂jmo₅-dsáú₅ a₂'lig'₅₄ ně₃. 'Lióng₂ bá₄ guë'₄ a₂siá'₂ jmo₅ i₂lín₅₄ a₂mei'₂ tsá₃ co₂rē₂ ján₃. Jaun₂ 'ë₅ jniá₂ jág₁ tē₃ñiá₅, ju₁lia'₂ ma₂juá'₃ jniá₂ le₂jniá₅ ma₂juig₂ 'nia'₂, ca₂le₃jín₃ dsa₂ i₂qui₂jmo₅-dsáú₅ a₂nē₅ o₁líg'₂ jmig₄ tsá₃ tín'₄ ja₁gon₂ Diú₄. ²² La₁ le₂la₂ bá₄ chan₂ dsa₂ i₂jio₅ Jme₂dsí₂: A₂'nioi₃ riin'₅₄; chain₂ o₂'ñio₃ dsí₅; tei₄ le₁'ág₄ dsí₅ ně₃, ton'₂ juin'₂ dsí₅ lín₅; 'ñio₂ dsí₅ quiain'₅₄ riin'₅₄; jmo₂₃ a₂dse₃ dsí₅ ja₁con₂ riin'₅₄ ně₃; tí₅ jág₁ quió'₅ nē'₁e₂ jág₁ jmo₂₃ quiain'₅₄ riin'₅₄. ²³ 'Ua₁ dsí₅ lín₅ ja₁con₂ riin'₅₄; ñi₅ 'a₂ lia'₂ jme₃'uáin₂ dsí₅ 'ñiog₅ 'e₂ jme₁ja₂ dsí₅ jmo₃. 'I₁caun₂ 'éi'₃ tsá₃ cha₂ jua'₅₄ a₂lé₂ le₃'liog'₃ quió'₅ dsa₂ i₂chan₂ le₂nē₅. ²⁴ Ia₁ dsa₂ i₂ma₂lín₅ quián₅ Cristo, nē₂jag₄ bá₄ a₂ma₂ca₂l₃lé₂ ne₄ cróg₄ ca₂le₃jě₃ lia'₂ lë'₅ jme₁lín₄ chain₂ mi₂güig₃, co₂dsia₅ quián'₅₄ a₂jme₁'ín₅ dsí₅, a₂jme₁qui₂dsi₂jio₅ dsí₅ jmo₃ ně₃. ²⁵ Le₂nē₅ chi₂jua'₂ chong₂ jniog₄ tē₂le₃ quián'₅₄ Jme₂dsí₂, ján₃ bá₄ ju₁i₁nio₁ jniog₄ lia'₂ jiog₅ Jme₂dsí₂. ²⁶ Tsá₃ ca₂tág₂ jniog₄ jmó₁ táu'₅, on₃ guë'₂ dsiá₁ mi₅₄ le₂jau₂ le₂jau₂, on₃ guë'₂ jmó₁ uig₅ dsí₅ quián'₅₄ rin'₅₄.

6

Jme₁'on₁ 'nia'₂ ríng'₂ le₂jang'₂ le₂jang'₂

¹ Rin'₅₄ jniog₄, nē'₁ein₂ 'nia'₂ ca₂tán'₂ dso₄, 'nia'₂ guë'₂ con'₂ i₂ma₂jio₅ Jme₂dsí₂, ca₂tín'₂ 'nia'₂ jme₁oin'₁, ia₁jaun₂ roin'₂ táng₃, jmó'₂ 'nia'₂ 'ua₁ 'au'₂ ja₁coin₂. La₁ 'í₁ jmo₄, ia₁ con'₂ tsá₃ ñó₅ nē₁le₂jio₅ 'ñiag'₂ ca₂táng'₂ ján₃. ² Jme₁'on₁ 'nia'₂ ríng'₂ le₂jang'₂ le₂jang'₂, chi₂jua'₂ 'e₂ caun₂ o₂me'₅₄ dsí₅ guei₂ quián₅ ríng'₂, ia₁ le₂nē₅ bá₄ le₃ten'₅₄ 'nia'₂ 'éi'₃ a₂ca₂quiog₂ Cristo.* ³ Ia₁ nē₁jua'₂ chan₂ 'ein₂ lín₂ tín₂ jmo₂₃, nē₁jua'₂ tsá₃ 'e₂ ta₁ tén₄ guë'₂ ně₃, jme₂gain₂₃ 'ñiog₅. ⁴ Le₂jan₂ le₂jan₂ bá₄ dsa₂ ca₂tín₂ con₂ 'í₁ 'a₂ lia'₂ jñia'₅₄ ma₂lë'₅ chain₂ guioin₅₄. Nē₁jua'₂ ca₂rē₃l₄ rē₂ ma₂chain₂, tióin₂ dse₃ guioin₅₄ bá₄, on₃jua'₅₄ jñia'₅₄ 'nio₃ chein'₃ dse₃ o₄quió'₄ i₂sián'₂. ⁵ Ia₁ i₂jma₃quén₅ cán₂ guei₂ o₂me'₅₄ dsí₅ guion₅₄ bá₄ dsa₂ le₂jain₂ le₂jain₂. ⁶ Ju₁lia'₂ dsa₂ i₂rē₂tín₂ jág₁ quió'₅ Diú₄, ca₂tín₂ jme₃oin₅₄ tē₅ quián₅ quián'₅₄ ca₂le₃jě₃ ne₅₄ a₂dse₃ a₂cha₂ quió'₅. ⁷ Tsá₃ lē₁jme₂gán₁ 'nia'₂ 'au'₂ guiong'₅₄: ia₁ 'i₁jan₂ tsá₃ 'ein₂ lé₂ lē₁co₃jmá'₂ Diú₄, ia₁ chi₂jua'₂ 'e₂ caun₂ a₂jne₅ dsa₂, a₂jaun₂ bá₄ ráu₃ quió'₅. ⁸ Ju₁lia'₂ jan₂ dsa₂ i₂jne₅ a₂ín₅ dsí₅ ni₁ñí₁ 'ñiog₅, ju₁ ni₁ñí₁₂ jaun₂ bá₄ ro'₂ 'mú₃; la₁ dsa₂ i₂jne₅ tē₂le₃ quió'₅ Jme₂dsí₂, ju₁ Jme₂dsí₂ bá₄ ráu₃ quió'₅ ján₃ a₂le₃chain₂ co₂tan₅₄. ⁹ Le₂nē₅ bá₄, tsá₃ lē₀1'ú'₄ dsí₅ jniog₄ a₂jmó₁ a₂dse₃; ia₁ nē₁jua'₂ tsá₃ ca₂'ág₂ caun₂-tín₃ dsí₅ jniog₄, já₅ bá₄ jmig₄ tē₅₄ a₂ráu₃ quián₂. ¹⁰ Jaun₂ lē₃, lia'₂ co₂ráun₂ lé₂ le₃jmó₁, o₁jmó₁ jniog₄ a₂dse₃ ja₁con₂ ca₂le₃jín₃, la₁ ja₂lín₃ guë'₄ le₃ja₁con₂ rin'₅₄ jniog₄ i₂'én₂.

'Ĕ₂ guë'₄ jág₁ tē₃ñiá₅, jē₁'ág₅ jág₁

¹¹ Jag₄ 'nia'₂ quián'₅₄ letras ca₁ca'₅₄ jmo₂₃ quián'₅₄ gu₃ 'ñio₃, † si₂ a₂tsíng₂ ne'₅₄ 'nia'₂. ¹² Dsa₂ i₂jñia'₅₄ 'nio₃ le₃jñia₂ tióin₂ dse₃, chi₂quián₂ jmig₄ 'nia'₂ a₂tí'₁ 'nia'₂ lo'₅₄; jmo₂₃ le₂jaun₂ ia₁jaun₂ tsá₃ 'ein₂ co₃'ein₃ 'uig₅₄ ne₄ jág₁ quió'₅ cróg₄ quió'₅ Cristo. ¹³ Ca₂lia'₂ jñia'₅₄ guion₅₄ dsa₂ i₂ti₅ lo₄ 'éi₂, tsá₃ a₂jaun₂ jme₂ti₃ a₂juá'₂ ca₂le₃jě₃ 'Éi'₃ Juá'₅ jaun₂. La₁ 'nio₃ ně₃ a₂tí'₁ 'nia'₂

† 5:20 griego: farmakeía. ‡ 5:21 A₂lín₅₄ chog₅₄ si₂ tsá₃ le₁ton₅ jág₁ ně₅. * 6:2 'Nio'₂ ja₁ton₅ Juan 13:34. † 6:11 'Nio'₂ ja₁ton₅ 1 Corintios 16:21; Colosenses 4:18; 2 Tesalonicenses 3:17; Filemón 19.

quiáng'₂, ia₁jaun₂ le₃jmo₃ táin'₅ ja₁con₂ ni₁ñi'₁ 'nia'₂. 14 La₁ jniá₂ ně₃, o₁líg'₂ tsá₃ 'nio₃ jmo₅₄ táng'₅, jñia'₅₄ lia'₂ le₃quió'₅ 'mú₃ a₂ca₂i₃ñí₂ Te₁gui'₅₄ Jesucristo quián₂ jniog₄ ne₄ cróg₄ bá₄. Ia₁ 'uig₅₄ a₂ca₂jon₃ Cristo ne₄ cróg₄, ma₂ca₂ñí₂ bá₄ mi₂güí₃ ja₁con₂ jniá₂; jáñ₃ gué'₂ le₂jaun₂ co₂'nió'₄ ma₂jon₅ bá₄ jniá₂ të₂le₃ ne₄ mi₂güí₃. 15 Jaun₂ ně₃, 'i₁caun₂ tsá₃ 'e₂ quen₅ a₂rë₂uing₄ o₃ a₂tsá₃ 'e₂ rë₂uing₄ lo₄ dsa₂; la₁ a₂léi₂ jniog₄ dsa₂ i₂ma₂ca₂rë₃'mag'₂ të₂dsí₅, a₂ně₅ bá₄ dsón'₂ a₂quen₅. 16 Të₂le₃ ja₁con₂ ca₂le₃jín₃ dsa₂ i₂i₂nio₄ lia'₂ con'₂ lě₅ jág₁ ně₅, jui₁le'₁ ág₄ bá₄ tei₄ 'au'₂ 'nia'₂, jui₁dsia₅₄ bá₄ Diú₄ ñéi₂ dsí₅ ja₁con'₂ 'nia'₂ i₂lín'₅ të₃dsón'₂ dsa₂ juig₂ quián₅. 17 Ně₃ ně₃, të₂le₃ ne₄ jui₅ ja₁dsau₅₄ ně₅, 'i₁jan₂ tsá₃ 'ein₂ jui₁cuë₅₄ o₂me'₅₄ dsí₃, ia₁ ma₂quian₄ bá₄ jniá₂ 'ñió₃ léi₄ tio'₅₄ ni₁ñi₃ a₂jáng'₅ jág₁ dsau₅ a₂lín'₅ të₃dsón'₂ jan₂ dsa₂ quián₅ Jesús.

18 Jui₁jme₂gu'₅₄ bá₄ Te₁gui'₅₄ Jesucristo quián₂ jniog₄ jme₂dsí₂ quián'₂ 'nia'₂, rñ'₅₄ jniog₄. A₂méi₃.
Co₂ně₅.

Si₂ carta a₂ca₂jmo₃ San Pablo ne₄ dsa₂ EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Efeso

¹ Jniá₂, Pablo, co₂ně₅ ca₂rě₃'ñi₃ó₃ dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsíng₂ ja₁con'₂ 'nia'₂ i₂tén₅ le₃quió'₅ Diú₄* i₂chan₂ ciudad Efeso,† ja₁con₂ ca₂le₃jín₃ guě₄ i₂én₂ le₃quió'₅ Cristo Jesús. ² Ju₁jme₂gu'₅₄ bá₄ Diú₄ Jmei₂ jniog₄, quian'₅₄ Te₁gui'₅₄ Jesucristo ně₃. Ju₁jmo₁₂ bá₄ 'ei₅ tei₄ chan'₂ 'nia'₂.

A₂ lia'₂ jme₂gu'₅₄ Diú₄ le₃quió'₅ jme₂dsí₂, o₄quió'₄ Cristo

³ Ju₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ le₃quió'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñio₅ lín₃ quian'₅₄ ca₂le₃jě₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juíg₃. ⁴ Lia'₂ con'₂ né'₃ a₂jmo₃ Diú₄ mi₂güig₃, ca₂quió'₂ jniog₄ a₂léi₂ dsa₂ i₂náu₁ le₃quió'₅ Cristo, ia₁jaun₂ le₃chong₂ le₃ne₅₄ lě₅ 'í₁ quián₅, tsá₃ ma'₂ e₂ dsáu₁ jniog₄ cha₂. 'Uig₅₄ ia₁ a₂'nio₃ bá₄ jniog₄, ⁵ ca₂quió'₂ ca₂le₂jñiá₅, a₂guéi'₂ léi₂ jniog₂ chi'₂guein₂ quián₅ tē₂le₃ quian'₅₄ Jesucristo, lia'₂ con'₂ lě₅ ca₂i₃jio₅ dsí₅. Ia₁ le₂ně₅ ca₂rě₃'ñi₃ó₃ dsí₅ 'ñio₅. ⁶ 'Uig₅₄ ně₅ ně₃ jme₂juin'₁ jniog₄ Diú₄ ia₁ 'ua₁ dsí₅ 'ñio₅ lín₃, jaun₂ ca₂jme₃gu'₅₄ jniog₄ le₃quió'₅ Ja₁ñi'₅₄ i₂ñi₄ 'nioi₃ lín₃. ⁷ 'Éi₂ bá₄ ca₂quí₃ ca₂láu₂ jniog₄ tē₂le₃ quian'₅₄ jmi₂ 'ain₅₄, ca₂'éin₂ dsáu₁ jniog₄ a₂jme₁le₁cáu'₄, tē₂le₃ ia₁ a₂ñi₄ lě₃ 'ua₁ dsí₅. ⁸ A₂dse₃ dsí₅ lín₃ bá₄ Diú₄ ca₂jmo₃ a₂le₃ñi'₂ dsí₅ jniog₄ a₂le₃tag₂ ca₂le₃jě₃, ⁹ a₂ma₂ca₂jme₃jñiai₂₃ ja₁con₂ jniog₄ jág₁ quió'₅ a₂jme₁rě₂'ma₄, a₂i₃jio₅ dsí₅ jmo₃, lia'₂ con'₂ lě₅ ca₂rě₃'ñi₃ó₃ dsí₅ jmo₃ a₂dse₃ dsí₅. 'Ñio₅ bá₄ Diú₄ ca₂lě₃ dsí₅ jmo₃ le₃quió'₅ Cristo. ¹⁰ Lia'₂ con'₂ lě₅ jág₁, jme₃ti₃ bá₄ lia'₂ tí₅ jág₁ quió'₅ jē₁ma₂ca₂tě₂ jmi₄ a₂'i₄ 'éi'₃ dsia₃ o₄gú₃ Cristo a₂jmo₃ 'éi₂ 'éi'₃ lia'₂ guei'₅₄ i₂juíg₃ lia'₂ ne₄ gua'₅₄ 'uě₃.

¹¹ Ján₃ bá₄ le₂ně₅, a₂tióng₂ jnia'₅₄ le₃quió'₅ Cristo, ca₂quió'₂ Diú₄ tē₂jñiá₅ lia'₂ con'₂ lě₅ ta₁ quió'₅ a₂ma₂i₂jio₅ dsí₅ jmo₃ le₂jñiá₅. Ia₁ Diú₄ bá₄ i₂jmo₅ 'e₂ niog₅ lě₂, lia'₂ con'₂ lě₅ dsí₂jio₅ dsí₅ jmo₃. ¹² Le₂ně₅ ma₂ca₂jmo₃ ia₁jaun₂ jnia'₅₄ i₂le₂'uig₅₄ 'éi₁ caun₂ dsí₅ tē₂le₃ quió'₅ Cristo, le₃chong₂ jnia'₅₄ jmó₁ juě'₂ a₂co₂tág₅ quió'₅. ¹³ Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rě₃'ě₂ jág₁ a₂lión₂ dsa₂, jaun₂ ca₂rě₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lín₃ 'nia'₂ léi₄ a₂lín₅ i₂quián₅ Diú₄ tē₂le₃ quian'₅₄ Jme₂dsí₂ Jñi₃ó₅ i₂ma₂lě₅ jág₁ cuin₃ Diú₄. ¹⁴ Jme₂dsí₂ Jñi₃ó₅ 'éi₂ bá₄ ně₃ lín₅ co₂'nió'₄ caun₂ cu₄ a₂ma₂quio₂ dsa₂ tē₂jñiá₅ co₂'nió'₄ a₂ma₂lě₅ chi₁quian₅ quián₂ jniog₄ a₂tē₂dsón'₂ guéi₁ a₂ca₂tág₂ a₂cuě₃ Diú₄ jē₁ma₂ca₂'ñia₅ a₂lión₂ dsa₂ quián₅, ia₁jaun₂ jme₃juě'₂ dsa₂ a₂co₂tág₅ quió'₅.

Mi₅ Pa₄ ne₄ Diú₄ a₂jmo₃ a₂le₃ñi'₂ dsí₅ dsa₂ 'én₂

¹⁵ 'Uig₅₄ jaun₂ jniá₂ ně₃, jme₁ca₂rě₃guion₅₄ a₂'én'₂ 'nia'₂ tē₂le₃ quió'₅ Te₁gui'₅₄ Jesús, con'₂ siá'₂ táng₃ ia₁ 'nió'₃ bá₄ 'nia'₂ ca₂le₃jín₃ i₂tén₅ le₃quió'₅ Diú₄, ¹⁶ jaun₂ ně₃ ca₂le₃o₃ jmi₄ bá₄ tsá₃ lě₅ jua'₅₄ tsá₃ cuě₅ ti₁'mag'₄ o₄quián'₂ 'nia'₂, 'ín₅ jniá₂ 'nia'₂ ne₅₄. ¹⁷ Caun₂ qui₂mi₅ jniá₂ juíg₂ Diú₄ quián₅ Te₁gui'₅₄ Jesucristo quián₂ jniog₄, i₂lín₅ Tia₅₄ juin'₂, ju₁jmo₁₂ bá₄ a₂lén'₂ 'nia'₂ dsa₂ i₂tín₂ i₂niog₅ dsí₄ tē₂le₃ quió'₅ jme₂dsí₂, a₂le₃ñi'₂ 'au'₂ 'nia'₂ a₂jme₃jñiai₂₃ ia₁jaun₂ le₃cuin'₂ guě₄ 'nia'₂ dse₃. ¹⁸ Mi₅ jniá₂ ján₃, ju₁jme₂jnio₅₄ ne'₅₄ 'nia'₂, ia₁jaun₂ le₃ñi'₅₄ 'e₂ jaun₂ a₂le₁'ág₄ caun₂ 'au'₂ 'nia'₂ a₂ma₂tě₂₃ a₂cuě₃; a₂quen₅ lín₃ bá₄ ca₂le₃jě₃ a₂jlá'₁ a₂ca₂tín₂ dsa₂ i₂lě₅ 'í₁ quián₅;‡ ¹⁹ mi₅ jniá₂ ju₁le₂ñi'₅₄ 'nia'₂ ján₃, 'e₂ guě₄ tson₂ juě'₂ bí₂ quió'₅, a₂niog₅ jmo₂₃ le₃quián₂ jniog₄ i₂'éin₂. Ju₁i₅bí₂ ně₅ ně₃ a₂le₂jaun₂ bá₄ ně₅ ju₁lia'₂ a₂ca₂jme₃jnia₅ Diú₄ ²⁰ jme₁ca₂jme₃jein'₅₄ Cristo ja₁jme₁rě₂'lín₅₄ a₂ca₂dsiog₃ jaun₂ ně₃ le₃gu₂ ne₁ quió'₅, guei'₅₄

* 1:1 lit. "dsa₂ jñi₃ó₅." † 1:1 A₂lín₅₄ chog₅₄ si₂ tsá₃ chi₁ton₅ "ciudad Efeso." ‡ 1:18 lit. "a₂ca₂tín₂ dsa₂ jñi₃ó₅."

i₂juíg₃. ²¹ Ja₁jaun₂ ca₂dsiog₃ ca₂'ag₃ a₂lín₅ ta₁ jué'₂ lín₃ a₂goin₂ ne₄ quió'₅ ca₂le₃jě₃ 'éi'₃, ne₄ quió'₅ ca₂le₃jě₃ jui₅bí₂ a₂cha₂. 'Éi₂ bá₄ juin'₂ ne₄ quió'₅ ca₂le₃jín₃ ds₂tan₅₄ i₂'uan'₂ gon₂, ne₄ ca₂le₃jín₃ i₂juin'₂ i₂lín₅ juig₅₄, ján₃ bá₄ 'éi₂juin'₂ ne₄ ca₂le₃jě₃ ne₅₄ ta₁ a₂lé₂ le₃lén₂ dsa₂, on₃jua'₅₄ jmá'₃ mi₂güig₃ la₂, nō₅ nē₅ jmo₂₃ 'éi'₃ le₂tan₅₄ mi₂güig₃ caun₂. ²² O₄tag₄ Cristo bá₄ ca₂ton'₂ Diú₄ ca₂le₃jín₃ i₂chan₂, ca₂le₃jě₃ a₂cha₂ nē₃, jaun₂ 'njog₅ gué'₂ Cristo ca₂'iin₃ a₂lín₅ mi₂dsi₄ ne₄ ca₂le₃jě₃ le₃quió'₅ guá'₅ quiáin₅. ²³ Jaun₂ guá'₅ quiáin₅ nē₃, lě₅ co₂'nió'₄ ni₁ñi₁₂ 'njog₅ a₂rē₂'ñia₅ ta₁jain₂; jaun₂ Cristo 'njog₅ bá₄ jme₃'ñiai₂₃ ca₂le₃jě₃ gué₄ a₂'nió'₅ ca₂le₂con₂.

2

Ca₂rě, chón₃g jniog₄ le₃quió'₅ Cristo

¹ 'Nia'₂ nē₃, jme₁tiong'₅₄ le₂jñiá₅ líng'₅ 'lag₄ ne₄ 'uig₅₄ a₂jme₁i₂niog'₅₄ i₁juing'₅₄, le₁cáng'₄ dsáu'₂, ² lia'₂ con'₂ jme₁chang'₂ tiong'₅₄ 'éng'₅ jui₅ con'₂ lě₅ jiog₅ mi₂güig₃ la₂, jme₁jme₂tí'₁ 'nia'₂ con'₂ lě₅ 'njio₂ dsí₅ jme₂dsí₂ i₂gon₂ ne₄ 'éi'₃ a₂cha₂ jě₄ dsí₂, i₂jmo₅ ta₁ tē₂dsí₅ jaun₅ dsa₂ i₂tsá₃ ne'₅₄, i₂tsá₃ gan₃ Diú₄. ³ Le₂nē₅ bá₄ jme₁i₂nio₄ jniog₄ ján₃, jmig₄ jaun₂, jme₁chong₂ jme₁jme₂tí'₁ 'a₂ con'₂ lě₂ dsi₄ guio₅₄, jme₁jme₂tí'₁ a₂mi₅ ni₁ñi₁₂. 'Uig₅₄ lia'₂ con'₂ lě₅ jme₁lág₄ jniog₄ jme₁ca₂tág₂ gué₁ co₂rē₂ uig₅ gau₂ quió'₅ Diú₄, ju₁lia'₂ lě₅ tin₃ ca₂le₃jín₃ i₂sián'₂. ⁴ La₁ Diú₄ nē₃, 'uig₅₄ ia₁ a₂ñí₄ lě₃ néi₂ dsí₅ bá₄, ca₂rě₃'nio₃ lín₃ jniog₄. ⁵ Ca₂to'₂ jme₂dsí₂ ca₂jme₃jein'₅₄ jniog₄ co₂lě₅ quian'₅₄ Cristo, lia'₂ con'₂ jme₁lág₄ gué₄ jniog₄ 'lag₄ 'uig₅₄ dsáu₁. Ia₁ jmá'₃ lia'₂ quian'₅₄ a₂'ua₁ dsí₅ Diú₄ 'njog₅ bá₄ ma₂lón'₂ 'nia'₂. ⁶ Jaun₂ le₂nē₅ ca₂chó'₂ co₂lě₅ quian'₅₄ Cristo Jesús jaun₂ ma₂ca₂dsiog₃ co₂lě₅ quiong'₅₄ guei'₅₄ i₂juíg₃. Le₂nē₅ ma₂ca₂jmo₃ ca₂le₃jě₃, ne₄ 'uig₅₄ ia₁ a₂chong₂ jniog₄ rē₂nē₃ le₃quió'₅ Cristo Jesús. ⁷ Le₂nē₅ ca₂cuē₃ léi₄ a₂'nio₃ jniog₄ 'njio₅ lín₃ ca₂le₃jě₃ jmig₄ ja₁já₄ nē₅, 'a₂ lia'₂ ñí₄ lě₃ tson₂ a₂'ua₁ dsí₅ a₂ca₂jmo₃ dse₃ dsí₅ ia₁ a₂chong₂ le₃quió'₅ Cristo Jesús. ⁸ Nē₃ nē₃, tē₂le₃ ia₁ a₂'ua₁ dsí₅ bá₄ Diú₄ ma₂ca₂lón'₂ 'nia'₂, tē₂le₃ ia₁ a₂'éng'₂. A₂ca₂lón'₂ 'nia'₂ nē₅ nē₃, on₃jua'₅₄ ia₁ 'e₂ cha₂ tin'₂ 'nia'₂ jua'₅₄ a₂ma₂jmo'₅₄ guiong'₅₄; a₂lě₁ca₂ñi'₂ bá₄ 'nia'₂ nē₅ ca₂cuē₃ Diú₄. ⁹ On₃jua'₅₄ tē₂le₃ quian'₅₄ a₂jmo₅ dsa₂ guioin₅₄ ia₁jaun₂ 'i₁jan₂ tsá₃ 'ein₂ jmo₃ tán'₅. ¹⁰ Ia₁ lág₅ bá₄ jniog₄ co₂'nió'₄ ta₁ quió'₅ Diú₄ 'njog₅; ca₂jmo₃g'₂ jniog₄ le₃quió'₅ Cristo Jesús ia₁jaun₂ quián₁ jui₅ jmó₁ a₂dse₃, jui₅ a₂ma₂ca₂jmo₃ 'éi₂ co₂jñia₅₄ a₂i₁nio₁.

Ei₅ tei₄ dsí₅ jniog₄ le₃quió'₅ Cristo

¹¹ Le₂nē₅ bá₄, ju₁dsiog'₂ 'au'₂ 'nia'₂ 'a₂ lia'₂ jme₁lín₃g'₄ le₂jñiá₅. 'Nia'₂ con'₂ i₂lín₃g'₅ dsí₂nau₂ i₂tsá₃ rē₂uing₄ lo₄, quiong₅ dsa₂ i₂rē₂uing₄ lo₄, (ta₁ jaun₂ a₂jmo₅ dsa₂ mi₂güig₃ quian'₅₄ gu₂); ¹² ju₁dsiog'₂ 'au'₂ 'nia'₂: jmig₄ jaun₂ lia'₂ con'₂ jme₁chang'₂ tsá₃ I₂rē₂'ín₁ quián₅ Diú₄ jme₁chan₂ ja₁con'₂ 'nia'₂; uing₂ bá₄ jme₁tió'n'₂ 'nia'₂ ja₁lě₄ juig₂ Israel, tsá₃ jme₁cuin'₂ 'nia'₂ jág₁ a₂jme₁lǐ'₅₄ dsa₂ juig₂ quián₂ jnia'₅₄ quian'₅₄ Diú₄. Jme₁chan'₂ 'nia'₂ mi₂güig₃ la₂ tsá₃ Diú₄ chan₂ quián'₂ 'nia'₂ on₃ gué'₂ jme₁cha₂ jmig₄ jua'₅₄ a₂jme₁tín'₄ 'nia'₂. ¹³ La₁ rē₂nē₃ nē₃, ma₂quian'₅₄ 'nia'₂ Cristo Jesús, 'nia'₂ i₂jme₁tióng'₂ uing₂ le₂jñiá₅. Quián₅ bá₄ ma₂tióng'₂ rē₂nē₃ tē₂le₃ quian'₅₄ jmi₂ 'an₅₄ Cristo. ¹⁴ Le₂nē₅ bá₄ ca₂dsióg₃: 'njog₅ bá₄ Cristo i₂jmo₅ 'ei₅ tei₄ quián₂ jniog₄. 'Éi₂ bá₄ ca₂jmo₃ nē₃ ca₂chain'₃ co₂ñei'₅₄ jnia'₅₄ dsa₂ judíos quian'₅₄ 'nia'₂ dsí₂nau₂, caun₂ juig₂ bá₄ ca₂jmo₃, ca₂góin₂ bá₄ co₂'nió'₄ ni₁'ia'₂ a₂jme₁chí'₄ a₂jáng'₅ léi₄ a₂jme₁jmo₅ jma₃quén₅ jin₄ jniog₄. ¹⁵ Quian'₅₄ ni₁ñi₁₂ 'njog₅, ca₂jme₃dsiain₂₃ 'Éi'₃ Juá'₅ a₂jme₁tē₂néi'₂ chi₂quióng₂ jmig₄ jmá'₃ 'éi'₃. Ca₂lě₃ bá₄ nē₃ lia'₂ con'₂ lě₅ ca₂i₃jio₅ dsí₅, ca₂jmo₃ caun₂ juig₂ 'mí₂ quió'₅ 'njog₅, ca₂'ág₂ tei₄ quió'₅ dsa₂ le₃tin₃ juig₂. ¹⁶ Le₂nē₅ bá₄ ca₂dsióg₃ ca₂lě₃ co₂'nió'₃ dsa₂ jē₁ca₂le₃jín₃. Tē₂le₃ quian'₅₄ 'mú₃ quió'₅ ne₄ cróg₄, ca₂jme₃dsian₅ Cristo mi'₅₄ a₂jme₁nió'₅ le₃tin₃ juig₂, ca₂'ág₂ caun₂ jág₁ quian'₅₄ Diú₄. ¹⁷ Ca₂guan₃ Cristo quian'₅₄ jág₁ dse₃ a₂'ag₃ tei₄ quió'₅ ca₂le₃jín₃: le₃quián'₂ 'nia'₂ dsa₂ i₂jme₁tió'n'₂ uing₂, lia'₂ le₃quián₂

jnia'⁵⁴ dsa₂ judíos i₂jme₁tio'⁵⁴ quián⁵. ¹⁸ Jaun₂ të₂le₃ quian'⁵⁴ Cristo, lé₂ le₃jme₁quián⁴ jniog₄ ja₁con₂ Tia⁵⁴ quián₂ të₂le₃ quian'⁵⁴ jan₂ Jme₂dsí₂, tsá₃ a₂nag⁵⁴ o₁jñia'⁵⁴ la₂ lág₅ jniog₄ dsa₂ judíos o₃ dsí₂nau₂ 'e₂. ¹⁹ 'Uig⁵⁴ në₅, ma₂lín'⁵ bá₄ 'nia'₂ co₂'nió'₄ dsa₂ i₂'én₂ rín'⁵⁴ jniog₄ i₂lě₅ 'í₁ quián₅ Diú₄;^{*} tsá₃ ma₃lín'⁵ 'nia'₂ dsí₂nau₂ jua'⁵⁴ tsá₃ cuin₅ jniog₄ rín'⁵⁴. Ma₂lín'⁵ 'nia'₂ chi'₂-guein₂ quián₅ Diú₄ ně₃. ²⁰ Ca₂dsióg₃ lín'⁵ 'nia'₂ co₂'nió'₄ caun₂ 'né₅ pa₁; lín'⁵ 'nia'₂ ján₃ co₂'nió'₄ n₁cang₁ a₂juí₅ dsa₂ ne₄ 'uig⁵⁴ 'ia'₂ a₂ca₂chi'₃ dsa₂ i₂chen₄ quián₅ Jesús, quian'⁵⁴ dsa₂ i₂jme₁'ě₂ jág₁ o₄quió'₄ Diú₄ ma₂líg'₂. 'Niog₅ guë'₂ Jesucristo lín₅ co₂'nió'₄ n₁cang₁ a₂dsen⁵⁴ guë₄. ²¹ Le₃quió'₅ 'éi₂ ně₃, tsau₂ ta₁ ta₁caun₂ tsi₁'né₅, lě₂ rě₂juí₄ rě₂, ca₂lia'₂ ca₂dsióg₃ lé₂ caun₂ guá'₅ a₂lě₅ 'í₁ quió'₅ Te₁gui'⁵⁴. ²² Le₃quió'₅ 'éi₂ ně₃, 'nia'₂ bá₄ ján₃ lín'₅ co₂'nió'₄ n₁cang₁ a₂caun₂ juí₅ n₁'ia'₂, ca₂lia'₂ ca₂dsi₃nó'₅ 'nia'₂ léng'₂ caun₂ dsí₂néi₂ ja₁guá₄ Diú₄ a₂gu₂dsí₂.

3

A₂niog₅ gu₂ Pa₄ qui₃'ě₂ jág₁ dse₃ ja₁con₂ dsí₂nau₂

¹ 'Uig⁵⁴ në₅ bá₄ ně₃, jniá₂ Pa₄, jme₂juíng'₁ Diú₄, ton₂ rě₂'eng⁵⁴ né₃ 'má₃ 'uig⁵⁴ quió'₄ Cristo Jesús a₂dse₃ o₄quián'₂ 'nia'₂ i₂lín'₅ dsí₂nau₂. ² Lín'₂ a₂ma₂le₁ñi'⁵⁴ dsón'₂ bá₄ 'nia'₂ a₂dse₃ dsí₅ Diú₄ ma₂ca₂dsia₃ gu₃ ta₁ la₂, a₂dse₃ o₄quián'₂ 'nia'₂. ³ Ma₂ca₂rě₃ñi'⁵⁴ bá₄ 'nia'₂ jág₁ a₂jme₁rě₂'ma₄ le₂jñiá₅, 'e₂ a₂niog₅ dsí₅ jmo₃; ca₂jmo₃ ca₂rě₃guion⁵⁴, juí₁lia'₂ ma₂juá'₃ ca₂jón₄ jág₁ ne₄ si₂ le₂jñiá₅. ⁴ Jě₁ma₂ca₂'í'₂ 'nia'₂ si₂ ně₅, le₃len'⁵⁴ 'nia'₂ a₂ma₂ñí'₂ dsí₃ jě₂ jág₁ a₂jme₁rě₂'ma₄ quió'₅ Cristo, ⁵ caun₂ jág₁ a₂tsá₃ 'ein₂ ca₂rě₃ñi₅ ca₃ma₂líg'₂, la₁ rě₂ně₃ ně₃ ma₂ca₂jme₃jnia₅ Jme₂dsí₂ quián₅ Diú₄ ja₁con₂ dsa₂ jñi₅ quián₅: dsa₂ i₂chen₄ quián₅ Jesús, quian'⁵⁴ ja₁con₂ dsa₂ i₂jme₁'ě₂ jág₁ o₄quió'₄ ně₃. ⁶ Jág₁ a₂ma₂ca₂rě₃jniá₂, a₂la₂ bá₄ jaun₂: të₂le₃ quian'⁵⁴ jág₁ dse₃ a₂lión₂ dsa₂, tñ₃ dsí₂nau₂ gue₃ a₂lě₅ jág₁ cuë₃ Diú₄ co₂rě₂ bá₄ quian'⁵⁴ a₂tñ₃ dsa₂ judíos. Lín'⁵ 'nia'₂ dsa₂ i₂tén₅ caun₂ bá₄ ñí₅, ján₃ guë'₂ tñ₃ 'nia'₂ jág₁ a₂ron₅ cuë₁ quió'₅ Diú₄ le₃quió'₅ Cristo Jesús.

⁷ Jág₁ ně₅ ma₂chéng'₅ jmo₂₃ ta₁ a₂'ě₅ jág₁ dse₃, lia'₂ con₂ lě₅ a₂lě₁ca₂cuë₃ Diú₄ a₂'ua₁ dsí₅, lia'₂ con₂ lě₅ jmo₅ ta₁ juí₅bí₂ quió'₅. ⁸ O₁jñia'⁵⁴ la₂ lín₅ jniá₂ jan₂ i₂me₂' guë₄ con₂ guë₄ i₂tsá₃ 'e₂ quen₅ jě₄ quió'₅ ca₂le₃jín₃ i₂tén₅ le₃quió'₅ Diú₄,^{*} la₁ 'éi₂ ma₂cuë₃ jniá₂ a₂dse₃ në₅ a₂'ě₄ jág₁ jñ₄ dsí₂nau₂, caun₂ jág₁ dse₃ a₂le₃chong₂ jniog₄ dse₃ guë₄ lín₃ a₂jme₃gu'⁵⁴ Cristo, ca₂lia'₂ tsá₃ lé₂ le₃jua'⁵⁴ a₂le₃ñí'₂ dsí₅ dsa₂. ⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jín₃, jág₁ dse₃ a₂jme₁rě₂'ma₄, ca₂le₃ ca₂ño₃ mi₂güí₃, 'a₂ lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jě₃ 'e₂ a₂cha₂. ¹⁰ Ca₂l₃jio₅ dsí₅ jmo₃ të₂le₃ quian'⁵⁴ dsa₂ quián₅, juí₁le₂ñi₅ ca₂le₃jín₃ i₂'io₅ juí₅bí₂, i₂lín₅ ta₁ tion'⁵⁴ guei'⁵⁴, 'lión₂ ne⁵⁴ 'ñio₅ lín₃ bá₄ a₂ñí'₂ dsí₅ Diú₄; ¹¹ jaun₂ juí₁le₂ñi₅ bá₄, Diú₄ ca₂jmo₃ le₂ně₅ con₂ lě₅ i₃jio₅ dsí₅ jmo₃ co₂tan⁵⁴ të₂le₃ quian'⁵⁴ Te₁gui'⁵⁴ Jesucristo. ¹² Tě₂le₃ quian'⁵⁴ Cristo cha₂ juí₅ quián₂ a₂lě₂ le₃jme₁quián₄ jniog₄ dsí₁ tiá₂ dsí₅ ja₁con₂ Diú₄, caun₂ bá₄ le₁'ág₄ dsí₅ 'uig⁵⁴ ia₁ a₂'éin₂ le₃quió'₅ 'éi₂. ¹³ Jaun₂ lě₃, chi₂len'₄ jniá₂ 'nia'₂ a₂tsá₃ 'ág'₂ caun₂-tñ₃ 'au'₂ 'uig⁵⁴ ia₁ a₂chang₂ ñag⁵⁴ uig₅ o₄quián'₂ 'nia'₂, la₁ia₁ dse₃ të₂le₃ ja₁con₂ 'nia'₂, ia₁ le₂ně₅ bá₄ dsióg₅ a₂le₃juin'₂ 'nia'₂.

A₂lia'₂ tson₂ ca₂rě₃'nio₃ Cristo jniog₄

¹⁴ 'Uig⁵⁴ në₅ bá₄, no₂₃ chi₂jne⁵⁴ ne₄ Diú₄ Jmei₂ Te₁gui'⁵⁴ Jesucristo, ¹⁵ i₂lín₅ jmei₂ ca₂le₃jín₃ i₂chan₂ guei'⁵⁴ i₂juí₃ quian'⁵⁴ i₂chan₂ ne₄ gua'⁵⁴ 'uë₃. ¹⁶ Mi₅ jniá₂ ne₄ Tia⁵⁴ a₂jmo₃ të₂'au'₂ 'nia'₂, cuë₃ juí₅bí₂ bėn₂ jlá'₁ quió'₅ të₂le₃ quian'⁵⁴ Jme₂dsí₂ quián₅, ¹⁷ ia₁jaun₂ të₂le₃ jñia'⁵⁴ 'a₂ con₂ 'én'₂ bá₄ 'nia'₂, jiá₃ Cristo ja₃guá₃ të₂'au'₂ 'nia'₂. Le₂ně₅ jě₁ma₂tión'₂ 'nia'₂ tiá₂ lé₂ co₂'nió'₄ qui₂le₁'má₂ jmú₄ jí'₂ lín₃, jme₁'nió'₄ 'nia'₂ ríng'₂. ¹⁸ Mi₅ jniá₂ a₂lě₂ le₃ñí'₂ 'au'₂ 'nia'₂, quian'⁵⁴ ca₂le₃jín₃ con₂ i₂ma₂lě₅ 'í₁ quián₅, † a₂juë'₂ lín₃, ton₂ a₂cu₂ lín₃, ton₂ a₂ñei₅ lín₃, a₂jí'₂ lín₃ bá₄,

* 2:19 lit. "dsa₂ jñi₅."

* 3:8 lit. "ca₂le₃jín₃ dsa₂ jñi₅."

† 3:18 lit. "ca₂le₃jín₃ dsa₂ jñi₅."

'a₂ lia'₂ 'nio₃ Cristo jniog₄. ¹⁹ Mi₅ jniá₂ ne₅₄, jui₁ le₂ cuin'₂ 'nia'₂ a₂ nē₅ a₂ lē₅ a₂ juē'₂ lín₃, on₃ jua'₅₄ ia₁ a₂ le₃ cuí'₅ le₃ ŋí'₂ dsí₅ dsa₂; mi₅ jniá₂ ia₁ jaun₂ le₂ nē₅ tiáng'₄ le₃ chang'₂ co₂ ŋei'₅₄ qui₂ rē₂ rin'₅ tē₂ 'au'₂ ca₂ le₃ jě₃ 'a₂ lia'₂ lín₅ Diú₄. ²⁰ Jaun₂ nē₃, jui₁ le₂ juin'₂ bá₄ Diú₄, i₂ lé₂ le₃ jmo₃ tson₂ guě₄ lia'₂ con'₂ guě₄ a₂ mi₂ jniog₄, lia'₂ con'₂ guě₄ dsi₂ jniog₅ dsí₅ nē₃, tē₂ le₃ quian'₅₄ bí₂ a₂ jmo₂₃ ja₁ con₂ jniog₄. ²¹ jui₁ le₂ juin'₂ bá₄ Diú₄ ja₁ con₂ guá'₅ qui₂ ain₅ tē₂ le₃ quian'₅₄ Cristo Jesús, ca₂ lia'₂ con'₂ tan₅₄ ca₂ le₃ jě₃ tsi₁ jon₂ dsa₂ i₂ ja₃ lén₂ chi₁ quín₃ ca₂ le₃ jě₃ ŋi₂ co₂ tan₅₄! A₂ méi₃.

4

Chong₂ jniog₄ 'ei₅ caun₂ jág₁ tē₂ le₃ quian'₅₄ Jme₂ dsí₂

¹ 'Uig₅₄ nē₅ bá₄ nē₃, rē₂ jní₅ né'₃ 'má₃ o₄ quió'₄ Te₁ gui'₅₄, chi₂ len'₄ jniá₂ 'nia'₂ a₂ tiáng'₄ lia'₂ con'₂ dsi₂ ten₅₄ ca₂ tín₂ le₃ chan₂ dsa₂ i₂ tē₄ quián₅ Diú₄, ia₁ a₂ jaun₂ bá₄ ca₂ tē'₃ 'nia'₂. ² Jmo₄ 'nia'₂ meg'₂, 'ua₁ 'au'₂ quiang'₅₄ ríng'₂. Jmo₄ 'nia'₂ juin'₂ 'au'₂, tió'₃ 'au'₂ jmo₄ quiang'₅₄ ríng'₂ le₂ jang'₂ le₂ jang'₂ ia₁ a₂ 'nió₃ ríng'₂. ³ Dsen₅₄ 'au'₂ 'nia'₂ jmo₄ tiong'₅₄ 'ei₅ tián₂ caun₂ jág₁ tē₂ le₃ quian'₅₄ Jme₂ dsí₂ ŋjío₅, co₂ 'nió'₄ bá₄ chan'₂ 'nia'₂ qui₂ rē₂ queng'₅₄ quian'₅₄ ríng'₂ 'ei₅ tei₄. ⁴ Lág₅ jniog₄ caun₂ bá₄ ŋí₅ ta₁ caun₂ nió'₃, ján₃ guē'₂ jan₂ bá₄ Jme₂ dsí₂ táng₃, a₂ tián'₄ 'nia'₂ le₂ nē₅ bá₄ ma₂ ca₂ tē₃ Diú₄ caun₂ bá₄ jmi₄ a₂ 'ín₂ 'au'₂ 'nia'₂ chang'₂. ⁵ Jan₂ bá₄ Te₁ gui'₅₄ i₂ lín₅ jui₅₄ jniog₄ chan₂, caun₂ bá₄ a₂ 'éin₂ jniog₄, ján₃ guē'₂ ca₂ le₃ jág₃ bá₄ jniog₄ ca₂ jñó₂ jmi₂ le₃ quió'₅ jan₂ bá₄ Te₁ gui'₅₄. ⁶ Jan₂ bá₄ Diú₄ chan₂ i₂ lín₅ Tia₅₄ quián₂ jniog₄ ca₂ le₃ jág₃. 'Éi₂ bá₄ i₂ niog₅ gu₂ jniog₄ ca₂ le₃ jág₃; 'éi₂ bá₄ i₂ jmo₅ ta₁ ja₁ con₂ jniog₄ ca₂ le₃ jág₃; 'ein₅₄ ja₁ con₂ jniog₄ ca₂ le₃ jág₃ nē₃.

⁷ La₁ le₂ jau₂ le₂ jau₂ bá₄ jniog₄ jma₃ quén₅ lē₅ bí₂ a₂ ma₂ ca₂ ŋag₂, lia'₂ con'₂ lē₅ ma₂ ca₂ dsió'₃ Cristo quió'₅. ⁸ Jaun₂ lē₃ juá'₂ ne₄ Si₂:

Ca₂ uíg₂ guei'₅₄ i₂ juíg₃
te₂ le₁ ŋe'₅₄ ca₂ le₃ jín₃ i₂ ca₂ lí₃,
jaun₂ ca₂ dsió'₃ bí₂ jma₃ quén₅
ca₂ cuě'₃ dsa₂ mi₂ güí₃.*

⁹ Jaun₂, ċ'e₂ jág₁ dsau₅ jein₅ jág₁ "A₂ ca₂ uíg₂" nē₅ nē₃? ŋjia'₅₄ lia'₂ juá'₂ le₂ 'uig₅₄ ca₂ sióin₃ ja₁ lē₄ ja₁ uin₃ guě₄ 'ŋi₅ lín₃ ne₄ gua'₅₄ 'uē₃. ¹⁰ I₂ ca₂ sión₃ 'éi₂ bá₄ ján₃, i₂ ca₂ uíg₂ táng₃ ja₁ lē₄ ja₁ ŋei₅ guě₄ guei'₅₄ i₂ juíg₃, ia₁ jaun₂ jme₃ cain'₂ ca₂ le₂ con₂ quian'₅₄ Jme₂ dsí₂ quián₅. ¹¹ Jaun₂ jma₃ quén₅ ca₂ chein'₃ dsa₂ quián₅ ca₂ cuě₃ bí₂ ca₂ cuě'₃ le₂ jan₂ le₂ jan₂; i₂ lín₅₄ ca₂ chein'₃ a₂ lēin₂ i₂ chen₄ quián₅; i₂ lín₅₄ guē'₂ ca₂ ŋi₂ bí₂ a₂ lē₂ ŋág₃ jág₁ a₂ guéi'₅ quió'₅ Diú₄; i₂ lín₅₄ guē'₂ ca₂ cuě'₃ bí₂ a₂ qui₂ dsi₃ 'ě₃ jág₁ dse₃ a₂ lión₂ dsa₂; i₂ lín₅₄ guē'₂ ca₂ cuě'₃ bí₂ a₂ lēin₂ dsa₂ i₂ 'ě₂ jág₁ i₂ jme₂ tin₅ guá'₅. ¹² Le₂ nē₅ qui₂ ca₂ chein'₃ dsa₂ guá'₅ ia₁ jaun₂ jmo₃ co₂ jnia₅₄ dsa₂ quián₅ a₂ jme₃ ti₃ ta₁ a₂ 'nio₃ 'éi₂ lé₂, ia₁ jaun₂ caun₂ qui₂ dsi₃ cón₃ bá₄ ŋi₅₄ 'ŋi₅, ¹³ ca₂ lia'₂ ca₂ dsi₃ ná₅ 'ei₅ caun₂ jág₁ quian'₅₄ rin'₅₄, 'éin₂ rē₂, ŋí'₂ dsi₅ le₃ quió'₅ Ja₁ ŋi'₅₄ Diú₄. Le₂ nē₅ bá₄ dsi₁ ná₅ léi₂ dsa₂ i₂ ma₂ ca₂ can'₅₄ co₂ ŋei'₅₄ lia'₂ con'₂ lē₅ lín₅ Cristo 'ŋi₅. ¹⁴ Jaun₂ tsá₃ ma₃ léi₂ jniog₄ lia'₂ lín₅ i₂ bē'₅₄ i₂ caun₂ lē₁ qui₂ rē₂ gan₂ tsá₃ uin₅ qui₂ jme₂ tsin₃; nē₂ jag₄ bá₄ a₂ qui₂ tsag'₂ dsí₂ a₂ caun₂ 'ŋi₅ dsí₅ bá₄ jui₁ 'e₂ guě₃ a₂ jme₂ tag₅ dsa₂, qui₂ sē₂ sein'₂ jē₁ jme₂ gau₅ dsa₂ i₂ ŋí₄ 'ŋi₅ 'io₅ mai₅₄, 'nio₃ jiog₃ jui₅ jē₁ tsá₃ dsau₅. ¹⁵ Tē₂ le₃ 'nió'₅ dsiá₁ jniog₄ jág₁ tí₅ a₂ 'nio₃ jniog₄ rin'₅₄. Ca₂ tág₂ bá₄ jniog₄ qui₂ dsi₃ cau'₅₄ ne₄ ca₂ le₃ jě₃ le₃ quió'₅ 'éi₂ i₂ lín₅ mi₂ dsi₄ quián₂ jniog₄, le₃ quió'₅ Cristo bá₄ guē'₂. ¹⁶ Tē₂ le₃ quian'₅₄ 'éi₂ qui₂ dsi₃ cau'₅₄ jniog₄ 'a₂ lia'₂ jme₁ 'nió₄ jniog₄ rin'₅₄. Lág₅ jniog₄ nē₂ jag₄ bá₄ caun₂ ni₁ ŋí₅ a₂ qui₂ rē₂ tion'₅₄ rē₂ le₂ caun₂ le₂ caun₂ ja₁ qui₂ le₁ chan'₂ quió'₅ dsa₂, jma₃ quén₅ bá₄ lē₅ ta₁ quió'₅ qui₂ jme₂ 'on₅₄ rin'₅₄, ca₂ lia'₂ ca₂ i₃ cón₃ rē₂, dse₃ le₁ ág₄ dsí₅, 'nio₃ riin'₅₄ nē₃.

* 4:8 Salmo 68:18; 'Nió'₂ ja₁ ton₅ Colosenses 2:15.

Jui₅ 'mí₂ le₃quió₅ Cristo

17 A₂la₂ bá₄, juá₅ jniá₂ chi₂quiáng₅₄ jmig₄ 'nia'₂ o₄quió₄ Te₁gui₅₄: tsá₃ ma₃jui₁le₂chan'₂ 'nia'₂ jui₁lia'₂ chan₂ dsa₂ i₂tsá₃ Diú₄ cuin₅, ia₁ 'éi₂ ně₃ chain₂ lia'₂ con'₂ lě₅ niog₅ dsi₅₄ tsá₃ 'e₂ ta₁ tí₄. 18 'Nio₅ tē₂le₃ jen₅ bá₄ ma₂ŋi'₂ dsí₅, uing₂ bá₄ chain₂ ja₁jme₁ca₂tín₂ le₃chain₂ le₃quió₅ Diú₄, ia₁ lín₅ dsa₂ i₂co₂ŋei₅₄ tsá₃ 'e₂ tin₂ tsá₃ 'e₂ ŋi₅ ia₁ a₂ma₂ca₂rě₃'uá'₃ dsí₅. 19 Tsá₃ ma₃lí₄ 'e₂ jaun₂ o₂gui₃, co₂dsia₅ ma₂ca₂jín₂ bá₄ guoin₅₄ ne₄ ca₂le₃jě₃ jmá'₃ lia'₂ a₂mi₅ ni₁ŋi₁₂, caun₂ ma₂ŋio₂ dsí₅ bá₄ jmo₂₃ ca₂le₃jě₃ ne₅₄ a₂lě₁'iog₅. 20 La₁ 'nia'₂ ně₃, tsá₃ le₂ně₅ ca₂rě₃tíng'₃ le₃quió₅ Cristo. 21 Ia₁ dsón'₂ bá₄ ma₂ca₂nei'₂ 'nia'₂ le₃quió₅ 'éi₂ lín₂ jniá₂, jaun₂ ca₂rě₃tíng'₃ bá₄ lia'₂ con'₂ lě₅ ca₂jme₃tag₅ 'éi₂, lia'₂ con'₂ lě₅ jág₁ tí₅ dsón'₂ a₂cha₂ ja₁con₂ Jesús. 22 Ca₂rě₃tíng'₃ a₂co₂dsia₅ ŋjiá'₄ cau₅ lia'₂ con'₂ lě₅ jme₁líng'₄ le₂ŋjiá₅, ně₂jag₄ bá₄ dsa₂ i₂co₂ŋei₅₄ ŋjiá'₂ tsin₅₄; a₂jme₁rě₂'én'₄ ne₄ a₂jme₁qui₂rě₂gáng'₃ ne₄ ca₂le₃jě₃ a₂jme₁'ín₅ 'au'₂ 'nia'₂, con'₂ lě₅ jme₁chang'₂. 23 Ca₂rě₃tíng'₃, a₂ca₂tín'₂ 'nia'₂ jme₁'mag'₂ lia'₂ lě₅ dsí₂jio₅ 'au'₂. 24 Ca₂rě₃tíng'₃ a₂jmog'₅₄ le₁líng'₄ a₂líng'₅ ně₂jag₄ bá₄ jan₂ dsa₂ 'mí₂ i₂ca₂rě₃chán₃ lia'₂ con'₂ lě₅ 'nio₃ Diú₄, a₂léng'₂ dsa₂ dsen₃ dsón'₂ i₂ŋjió₅ quiáin₅. 25 Jaun₂ ně₃, ŋjiá'₃ 'nia'₂ cau₅ jág₁ tē₂jág₁, le₂jang'₂ le₂jang'₂, dsia₄ 'nia'₂ jág₁ tí₅ quian'₅₄ dsa₂ mi₂güig₃ ríng'₂, ia₁ ca₂le₃jág₃ bá₄ jniog₄ téi₅ caun₂ ni₁ŋi₅. 26 “Chi₂jua'₂ ca₂rě₃'né₃ 'nia'₂, tsá₃ lě₁'nau₂ 'nia'₂ dso₄”;† tsá₃ cuē₂ 'nia'₂ jmig₄ jua'₅₄ 'í₁ 'nei₂ 'au'₂ tē₂ne₁ jmig₄, ca₂lia'₂ ŋjiá'₅₄ lia'₂ ca₂rin₂ 'iog₂; 27 tsá₃ ná₂ 'nia'₂ jui₅ quió₅ i₂sě₃dsen₃. 28 I₂jme₁'ang₅ guē₂, tsá₃ ma₃o₁'ang₁₂, tē₂le₃ jui₁jmo₁₂ ta₁ quian'₅₄ gu₂-tag₅₄ 'e₂ caun₂ ta₁ dse₃ cha₂, ia₁ jaun₂ le₃cha₂ a₂lé₂ jme₃oin₅₄ ca₂la₂ dsa₂ i₂'nió₅ quió₅. 29 Tsá₃ lě₁'uē₅₄ 'nia'₂ jág₁ 'lig'₅₄ mi₂'o₅₄; jme₁tín₅ 'nia'₂ dsiá'₁ jmá'₃ lia'₂ jág₁ dse₃, ia₁ a₂ně₅ bá₄ jme₃'o₅₄ a₂qui₂dsi₃cón₃ ríng'₂ i₂'nió₅ quió₅ le₃quió₅ jme₂dsí₂, ton'₂ dse₃ quió₅ i₂nag₅ ně₃. 30 Tsá₃ jmo₂ 'nia'₂ jén₂ dsí₅ Jme₂dsí₂ ŋjió₅ quián₅ Diú₄, ia₁ tē₂le₃ quian'₅₄ 'éi₂ ma₂lín₅ 'nia'₂ léi₄ i₂ma₂lě₅ 'í₁ quián₅ Diú₄ ca₂lia'₂ ca₂tē₂ jmig₄ i₁líón'₂ 'nia'₂ co₂ŋei₅₄. 31 Co₂dsia₅ ŋjiá'₃ 'nia'₂ a₂dsi₃ cha₂ tē₂'au'₂, ca₂le₃jě₃ guē₄ a₂dsén'₂ 'nia'₂, 'nei₂ a₂'i₄ 'au'₂ ně₃; ca₂le₃jě₃ a₂co₂mi₅₄ co₂dsio₅₄ a₂'ne'₂ 'nia'₂, ca₂le₃jě₃ guē₄ jág₁ uig₅ a₂qui₂'ín₅ 'nia'₂ ríng'₂, ca₂le₃jě₃ ne₅₄ a₂'lig'₅₄ ně₃. 32 Tē₂le₃ jmo₄ 'nia'₂ a₂dse₃ ja₁con₂ ríng'₂ le₂jang'₂ le₂jang'₂, jui₁le₂cha₂ bá₄ a₂ŋei₂ 'au'₂ 'nia'₂, 'én₃ 'nia'₂ dsáu₁ ríng'₂ le₂jang'₂ le₂jang'₂ jui₁lia'₂ ca₂'én₂ Diú₄ dsáu₂ 'nia'₂ tē₂le₃ o₄quió₄ Cristo.

5*A₂ lia'₂ 'nió₅ le₃chan₂ chi'₂-guein₂ quián₅ Diú₄*

1 Ia₁ a₂lín₅ 'nia'₂ chi'₂-guein₂ i₂'nió₁ quián₅ Diú₄, quen'₂ 'nia'₂ bí₂ léng'₂ lia'₂ lín₅ 'Éi₂. 2 Jui₁le₂chan'₂ 'nia'₂ 'nióg'₃ ríng'₂, jui₁lia'₂ ca₂rě₃'nio₃ Cristo jniog₄ jaun₂ ca₂jín₂ o₄quián₂ jniog₄ a₂lín₅ co₂'nió₄ já'₂ cha'₂ ŋó₃ rě₂jen₅₄ ne₄ Diú₄ jain₂ ma₂jui₂ ma₂ro₂. 3 Ia₁ ma₂lín₅ 'nia'₂ i₂tén₅ le₃quió₅ Diú₄, ca₂lia'₂ ŋjiá'₅₄ tsá₃ 'nió₅ le₃cha₂ jág₁ jín₄ 'nia'₂ jua'₅₄ chan₂ i₂'nió₅ jág₁ quian'₅₄ dsa₂ i₂tsá₃ lín₅ dsí₂i₂gu₂, on₃ guē₂ 'i₁caun₂ a₂siá'₂ a₂lě₁'iog₅ ně₃, on₃ guē₂ ma₃'nió₅ le₃chan₂ guē₄ i₂'ua'₂ dsí₅, ia₁ tsá₃ dsi₂ten₅₄ co₂ŋi₂ jua'₅₄ dsa₂ i₂ma₂lě₅ 'í₁ quián₅ Diú₄ jmo₃ guē₄ le₂ně₅. 4 Tsá₃ lě₁dsia₂ 'nia'₂ jág₁ 'lig'₅₄, on₃ guē₂ jág₁ ga₂, on₃ guē₂ jui₁lia'₂ jág₁ ŋág₄ lě₁'iog₅ ně₃. Ia₁ ca₂le₃jě₃ jág₁ le₂ně₅ tsá₃ dsi₂ten₅₄; ja₂lín₃ guē₄ dse₃ cuē₅₄ 'nia'₂ ti₁'mag'₄ Diú₄. 5 Tsá₃ jui₁dsi₂'én₂ 'au'₂ 'nia'₂ a₂la₂: 'i₁jan₂ jui₁lia'₂ i₂'nió₅ jág₁ quian'₅₄ i₂tsá₃ lín₅ dsí₂i₂gu₂, on₃ guē₂ 'i₁jan₂ jui₁lia'₂ i₂jmo₅-dsáu₅ lě₁'iog₅, on₃ guē₂ jui₁lia'₂ dsa₂ i₂'ua'₂ dsí₅, (ia₁ i₂co₂rín₂ bá₄ dsa₂ i₂'ua'₂ dsí₅ quian'₅₄ jui₁lia'₂ dsa₂ i₂jme₂juin₂ diú₄ lag₄), o₁líg'₂ tsá₃ lé₂ le₃tín₃ ja₁gon₂ Cristo quian'₅₄ Diú₄. 6 'I₁jan₂ tsá₃ 'ein₂ jui₁jme₂gau₅ 'nia'₂ quian'₅₄ jág₁ a₂tsá₃ ta₁ tí₄, ia₁ 'uig₅₄ ně₅ bá₄ já₅ uig₅ gau₂ quió₅ Diú₄ ne₄ quió₅ jaun₅ dsa₂ i₂tsá₃ ne₅₄. 7 Jaun₂ 'nia'₂ ně₃, co₂dsia₅ tsá₃ lě₁tóng'₂ quian'₅₄ dsa₂ le₂'éi₂. 8 Ia₁ le₂ŋjiá₅ jme₁tén'₄ 'nia'₂ caun₂ mi₂güig₃ qui₁né₃, la₁

† 4:26 Salmo 4:4.

rë₂në₃ në₃, ma₂tén₅ 'nia'₂ le₃quió₅ Te₁gui₅₄ ja₁jniá₂ si₂. Ju₁le₂chan₂ 'nia'₂ jaun₂, ju₁lia₂ ca₂tín₂ le₃chan₂ chi₂-guein₂ i₂tén₅ të₂le₃ ja₁jniá₂ si₂. ⁹ Ia₁ ja₁jniá₂ si₂ në₃, rë₂jniá₂ 'ua₁ dsí₅ dsa₂, tí₅ jág₁ quió₅ dsa₂, a₂rë₂chan₂ dsa₂ quian₅ caun₂ ju₁5 co₂dsau₅. ¹⁰ Dsen₅₄ jme₁tin₅ 'nia'₂ 'au'₂ jmó₂ na₅ a₂të₅ dsí₅ Te₁gui₅₄. ¹¹ Tsá₃ quen₅₄ 'nia'₂ jë₄ 'e₂ a₂tsá₃ ta₁ tí₄ a₂nio₅ jmo₅-dsá₅ dsa₂ i₂tén₅ jë₄ qui₁né₃; ja₂lín₃ guë₄ dse₃ jme₁jnia₅ 'nia'₂ a₂jaun₂ të₂le₃ ja₁jniá₂ si₂. ¹² Ia₁ caun₂ lë₁o₂guí₃ bá₄, jua₅₄ la₂ dsia₃ dsa₂ a₂jmo₅ dsa₂ 'éi₂ jë₄ të₃co₅₄. ¹³ La₁ ca₂le₃jë₃ bá₄ rë₂jniá₂ jë₁ma₂ca₂tág₃ si₂. ¹⁴ Ia₁ quian₅₄ si₂ bá₄ jmo₅ a₂rë₂jniá₂ ca₂le₃jë₃. 'Uig₅₄ jaun₂ guë₂ juá₂: Jme₁jnio₂ ne₅₄, 'ne₂ i₂rë₂güin₃; nau₂, jú₅ jin₄ 'lag₄, jaun₂ jmo₃ Cristo tág₅ si₂ quió₅ ja₁cong₂.

¹⁵ Jaun₂ lë₃, rë₂ de₂ quion₂ 'nia'₂ 'í₁ 'a₂ lia₂ i₂nio₅₄. Jaun₂ tsá₃ ma₃i₁nio₅₄ ju₁lia₂ i₂nio₄ dsa₂ i₂tsá₃ 'e₂ nî₂ dsí₅; ju₁i₂nio₄ bá₄ 'nia'₂ a₂lín₅ dsa₂ i₂tin₂, i₂nî₂ dsí₅. ¹⁶ Quen₂ 'nia'₂ bí₂, në₃ lia₂ cuin₅ jmig₄, a₂jmó₂ 'nia'₂ a₂dse₃, ia₁ 'nio₅ ju₁si ma₂'lín₅₄ dsa₂ jmig₄ rë₂në₃. ¹⁷ Jaun₂ lë₃, tsá₃ jme₁con₅₄ 'nia'₂ 'au'₂; dsen₅₄ 'au'₂ 'nia'₂ jmo₄ ju₁le₂nî₂ na₅ a₂'nio₂ dsí₅ Te₁gui₅₄. ¹⁸ Tsá₃ ju₁qui₂le₂'en₅ 'nia'₂ quian₅₄ ti₁jmig₃, ia₁ a₂në₅ bá₄ jio₅ ju₁5 ja₁dsi₂'én₂ dsa₂; të₂le₃ ju₁jme₂can₂ 'nia'₂ quian₅₄ Jme₂dsí₂ Jnio₅. ¹⁹ Dsia₄ 'nia'₂ le₂jang₂ le₂jang₂ qui₁juig₅₄ ríng₂ quian₅₄ salmos, quian₅₄ himnos, quian₅₄ son₅₄ a₂gu₂dsí₂, 'ë₄ 'nia'₂ jmo₄ son₅₄ ju₁5 të₂'au'₂ a₂jme₁juing₂ Te₁gui₅₄. ²⁰ Ju₁i₂nio₄ bá₄ 'nia'₂ co₂tan₅₄ cuë₅₄ ti₁'mag₄ Diú₄ i₂lín₅ Tia₅₄ quián₂ o₄quió₄ ca₂le₃jë₃, lia₂ con₂ lë₅ bí₂ quió₅ Te₁gui₅₄ Jesucristo quián₂ jnio₄.

'A₂ lia₂ 'nió₅ le₃chan₂ dsa₂ 'én₂ ta₁caun₂ nió₃ lia₂ caun₂ dsi₂néi₂

²¹ Tión₂ 'nia'₂ 'éi₃ quió₅ ríng₂ le₂jang₂ le₂jang₂, ia₁ a₂gan₃ 'nia'₂ Cristo.* ²² 'Nia'₂ dsa₂ mí₂, tión₂ 'nia'₂ 'éi₃ quió₅ dsa₂ ñe₂ quiáng₂, ju₁lia₂ tion₅₄ 'nia'₂ 'éi₃ quió₅ Te₁gui₅₄. ²³ Ia₁ dsa₂ ñe₂ bá₄ i₂lín₅ mi₂dsi₄ quián₅ 'io₅₄, ju₁lia₂ lín₅ Cristo mi₂dsi₄ quián₅ guá₅. Cristo bá₄ ján₃ i₂lín₅ i₂ma₂lió₂ quián₅ guá₅, ia₁ guá₅ guë₂ në₃ lë₅ co₂'nió₄ ni₁nî₁₂ 'nio₅. ²⁴ Le₂në₅ ju₁lia₂ guá₅ tióin₅₄ 'éi₃ quió₅ Cristo, ján₃ bá₄ le₂në₅ ju₁lia₂ dsa₂ mí₂ ca₂tín₂ tóin₃ 'éi₃ quió₅ dsi₂i₂gu₂ jë₄ ca₂le₃jë₃. ²⁵ 'Nia'₂ dsa₂ ñe₂ guë₂ në₃, jme₁'nió₄ 'nia'₂ dsa₂ mí₂ quiáng₂ ju₁lia₂ ca₂jmo₃ Cristo ca₂jme₃'nioi₃ guá₅, ca₂le₃jë₃ ca₂guein₃ 'mú₃ o₄quió₄ 'éi₂. ²⁶ Le₂në₅ ca₂jmo₃ ia₁jaun₂ ma₂lë₅ 'í₁ Guá₅ ca₂jme₃dse₃ ca₂ráng₂ në₂jag₄ bá₄ quian₅₄ jmig₂ të₂le₃ quian₅₄ jág₁ quió₅; ²⁷ ia₁jaun₂ jme₃jnio₂₃ chei₃ ne₅₄ 'nio₅ a₂lág₅ guá₅ i₂jlán₁ i₂tsá₃ rë₂'nió₄ 'i₁caun₂, on₃ guë₂ cha₂ jua₅₄ ja₁lë₄ qui₂lë₁tsín₃ quió₅, on₃ guë₂ 'i₁caun₂ guë₄ jua₅₄ a₂siá₂ lë₅, jaun₂ dsió₄ lín₅ caun₂ guá₅ i₂lë₅ 'í₁ quián₅ i₂dsen₃ guë₄ lín₃. ²⁸ Le₂në₅ bá₄ ján₃, ca₂tín₂ dsa₂ ñe₂ jme₃'nioi₃ dsa₂ mí₂ quián₅, ju₁lia₂ 'nio₃ nî₅₄ 'nio₅. I₂'nio₃ dsa₂ mí₂ quián₅, 'nioi₃ 'nio₅ bá₄ ján₃. ²⁹ Ia₁ 'i₁jan₂ tsá₃ jua₅₄ 'io₅₄ ni₁nî₁₂ 'nio₅, të₂le₃ jme₂tau₅₄, jmo₂₃ 'í₁, ju₁lia₂ jmo₅ Cristo ján₃ quian₅₄ guá₅, ³⁰ ia₁ le₂jau₂ le₂jau₂ jnio₄ téi₅ ni₁nî₁† 'éi₂. ³¹ “Jaun₂ bá₄ lë₃ ca₂tín₂ dsa₂ ñe₂ qui₃téin₂ chog₅₄-jmei₂, con₂ tiain₃ jme₃quiain₅₄ dsa₂ mí₂ quián₅, ia₁jaun₂ dsió₄ lén₂ caun₂ bá₄ nî₅ jë₁le₃oin₃ le₂jaun₂.” ‡ ³² Jág₁ në₅ lë₅ caun₂ jág₁ juë₂ a₂ma₂ca₂rë₃jniá₂. La₁ juá₅ jniá₂ 'íng₅ Cristo quian₅₄ guá₅ quián₅. ³³ La₁ në₃ në₃, le₂jan₂ le₂jan₂ 'nia'₂ jme₁'nió₄ dsa₂ mí₂ quiáng₂, ju₁lia₂ 'nió₃ guion₅₄; ján₃ guë₂ le₂jaun₂ dsa₂ mí₂ ca₂tín₂ jme₃gain₃ dsi₂i₂gu₂.

6

¹ 'Nia'₂ i₂lín₅ chî₂, ca₂tín₂ le₃quió₅ Te₁gui₅₄ nág₁ gau₂ 'e₂ te₂néi₂ chog₂-ñéi₅ 'nia'₂, ia₁ le₂në₅ bá₄ dse₃. ² Le₂la₂ juá₂ jë₁le₂'uig₅₄ 'éi₃ quió₅ Diú₄ ja₁juá₂ cha₂ a₂cuë₃: “Jme₁gan₃ 'nia'₂ chog₂-ñéi₅, ³ ia₁jaun₂ bá₄ dse₃ le₃chang₂ ton₂ uë₂ le₃chang₂ ne₄ gua₅₄ 'uë₃.” * ⁴ 'Nia'₂ guë₂ jmei₂ chî₂, tsá₃ jmag₅₄ chî₂ quiáng₂ jua₅₄ a₂lë₁jmai₅₄, ia₁jaun₂ tsá₃ uë₂ 'í₂ 'nei₂ dsí₅, të₂le₃

* **5:21** A₂lín₅₄ chog₅₄ si₂: “ia₁ a₂gan₃ 'nia'₂ Diú₄.” † **5:30** A₂lín₅₄ chog₅₄ si₂: “quian₅₄ mu₅ 'ein₅₄ në₃.” ‡ **5:31** Génesis 2:24. * **6:3** Deuteronomio 5:16.

'nió'₅ tsin'₅₄ 'nia'₂ caun₂ juí₅ rē₂, a₂jme₁tin'₅ le₃quió'₅ Te₁gui'₅₄. ⁵ 'Nia'₂ guē'₂ dsa₂ i₂jme₂ti₃ ta₁ ne₄ dsa₂, jme₁ti₁ 'nia'₂ ta₁ a₂te₂néi'₂ juig'₂ 'nia'₂ ne₄ gua'₅₄ 'uē'₃ la₂, juí₁le₂tin'₂ 'au'₂ 'nia'₂ 'ei'₅ gau₂ ton'₂ tí₅ jág₁ quián'₂ 'nia'₂, jmo₄ 'nia'₂ nē₂jag₄ bá₄ a₂jme₂tí'₁ ta₁ ne₄ Cristo. ⁶ Jme₁ti₁ 'nia'₂, on₃jua'₅₄ jmá'₃ lia'₂ jme₁jág₅ jua'₅₄ a₂'náu'₂ 'nia'₂ juí₅ a₂jñia'₅₄ con'₂ tíong'₂ dse₃ quian'₅₄; jmo₄ 'nia'₂ a₂lín'₅ i₂jme₂ti₃ ne₄ Cristo, jmo₄ 'nia'₂ a₂'nio₃ Diú₄ ca₂le₃jě'₃ 'au'₂. ⁷ Jaun₂ 'ñio₂ 'au'₂ 'nia'₂ jme₁ti₁, co₂'nió'₄ bá₄ a₂jme₂tí'₁ ta₁ ne₄ Te₁gui'₅₄; on₃jua'₅₄ rē'₂ ne₄ dsa₂ mi₂güig₃. ⁸ Ia₁ ma₂ñi'₅₄ bá₄ 'nia'₂, cuē'₃ Te₁gui'₅₄ 'lian'₅₄ dsa₂ ca₂le₃jín₃ lia'₂ con'₂ lě₅ a₂dse₃ a₂ma₂ca₂jmo₃, o₁jñia'₅₄ dsa₂ i₂jme₂ti₃ ta₁ ne₄ juig₅₄, o₃ i₂tsá'₃ 'ein₂ ne₄ jme₂ti₃ 'e₂.

⁹ 'Nia'₂ guē'₂ i₂lín₅ juig₅₄, le₂ně₅ bá₄ jmo₄ 'nia'₂ ján₃ quian'₅₄ dsa₂ i₂jme₂ti₃ ta₁ ne'₅₄. Tsá₃ ma₃quian'₅₄ 'nia'₂ juě'₅. Ia₁ ma₂ñi'₅₄ bá₄ 'nia'₂, jan₂ Juig'₂ 'nia'₂ chan₂, i₂guá₅ guei'₅₄ i₂juig₃, i₂lín₅ Juig₅₄, lia'₂ ne₄ 'nia'₂, lia'₂ ne₄ dsa₂ i₂jme₂ti₃ ne'₅₄ 'nia'₂. 'Éi₂ bá₄ tsá₃ jma₃quén₅ jín₂ dsa₂.

E₂ quian'₅₄ jmo₅ dsa₂ 'én₂ 'nei₂ a₂gu₂dsí₂

¹⁰ Nē₃ ně₃, jē₁ca₂tó'₂ juá'₅ jniá₂ juig₂ 'nia'₂, rin'₅₄ jniog₄: Nau₂ 'nia'₂ tiá₂ le₃quió'₅ Te₁gui'₅₄, quian'₅₄ juí₅bí₂ bēn₂ quió'₅. ¹¹ Qui'₂ 'nia'₂ ca₂le₃jě'₃ 'e₂ a₂cuē'₅ Diú₄ le₁lín'₄ 'nia'₂ jmo₄, co₂'nió'₄ bá₄ jan₂ 'lióg₂, ia₁jaun₂ bá₄ tian'₃ 'nia'₂ 'náu'₁ tiá₂ ne₄ mai₅₄ quió'₅ i₂sě₃dsen₃. ¹² Ia₁ on₃jua'₅₄ quian'₅₄ dsa₂ mi₂güig₃ rin'₅₄ jniog₄ cág'₂; quian'₅₄ i₂lín₅ co₂'nió'₄ dsi₂tan₅₄ gu₂dsí₂, quian'₅₄ jme₂dsí₂ i₂'io₅ juí₅bí₂, quian'₅₄ jme₂dsí₂ i₂gon₂ jmo₅ 'éi'₃ i₂jmo₅ qui₁né'₃ mi₂güig₃ la₂, quian'₅₄ guě₄ 'lióg₂ 'lín'₅₄ gu₂dsí₂ i₂i₂nio₄ gon₂ dsi₁güig₂ bá₄ cág'₂ jniog₄. ¹³ Jaun₂ lě₃, quian₂ le₁lín'₄ 'nia'₂ jmo₄ quian'₅₄ ca₂le₃jě'₃ a₂le₃lon'₄ 'nia'₂ a₂cuē'₅ Diú₄, ia₁jaun₂ bá₄ tian'₃ 'nia'₂ tíong'₂ tiá₂ jē₁ma₂tě₂ rē₂jímóg'₂ 'nei₂ i₂sě₃dsen₃, ia₁jaun₂ cang₂ jē₁ma₂ca₂lín'₃ 'nia'₂ 'nei₂ ně₃, lia'₂ ma₂tión'₂ jaun₂ bá₄ 'nia'₂ tiá₂. ¹⁴ Nau₂ 'nia'₂ tiá₂ jaun₂ ně₃, co₂'nió'₄ a₂qui₂rē₂'ñe'₅₄ tog'₂ quian'₅₄ jág₁ tí₅, a₂lě₅ co₂'nió'₄ lau₂ rē₂jén'₅ tog'₂ 'nia'₂, lě₅ 'í₁; quian₂ 'nia'₂ caun₂ juí₅ co₂dsau₅ a₂lě₅ 'í₁ le₁'au'₂ co₂'nió'₄ bá₄ juí₁lia'₂ jan₂ 'lióg₂ i₂rē₂lióg₃ ñí₁ le₁dsí₅. ¹⁵ Chan'₂ 'nia'₂ rē₂jáng'₁ a₂'ě₄ jág₁ dse₃ a₂'ag₃ tei₄ ja₁con₂ dsa₂, a₂lín'₅ nē₂jag₄ bá₄ jan₂ 'lióg₂ chén'₅ rē₂ján₁ rē₂lín'₅₄ ton₅ lau₂ tag₅₄. ¹⁶ Ne₄ ca₂le₃jě'₃ a₂ně₅, juí₁le₂cha₂ 'én'₂ 'nia'₂ ia₁jaun₂ lě₅ nē₂jag₄ co₂'nió'₄ caun₂ ñí₁ lí₂ a₂chan'₄ 'nia'₂ a₂rē₂quion'₅₄ 'nia'₂ a₂long'₅₄, co₁'54 a₂jaun₂ qui₂éi₃ 'ma₂ chen'₂ le₁guí'₂ si₂ a₂qui₂ñáu'₂ i₂sě₃dsen₃ jnái'₂ 'nia'₂. ¹⁷ Juí₅ ma₂lón'₂ 'nia'₂ chang'₂ ně₅, juí₁le₅₄ bá₄ juí₁lia'₂ lě₅ ñí₁ 'i₄ dsi₄ 'lióg₂, lě₅ 'í₁; ton'₂ quian₂ 'nia'₂ jág₁ quió'₅ Diú₄ a₂lě₅ ñi₁tág₂ quió'₅ Jme₂dsí₂, a₂cuē'₅ 'nia'₂. ¹⁸ Chi₁len'₄ 'nia'₂ Diú₄ le₃quian'₅₄ Jme₂dsí₂, ca₂le₃jě'₃ 'e₂ caun₂ a₂lě₅, ca₂le₃jě'₃ ne₅₄ a₂mi'₂ 'nia'₂ juig'₂ Diú₄. 'Uig₅₄ ně₅ ně₃, chan'₂ 'nia'₂ rē₂jáng'₁ co₂tan₅₄ mi₄ 'nia'₂ o₄quió'₄ ca₂le₃jín₃ i₂ma₂tén₅ le₃quió'₅ Diú₄. ¹⁹ Chi₁len'₄ 'nia'₂ Diú₄ ján₃, o₄quió₃ jniá₂, ia₁jaun₂ bá₄ jmo₃ Diú₄ dsi₃ 'a₂ lia'₂ juá'₄ jág₁, jaun₂ nio₃ tiá₂ dsi₃ ně₃ a₂'ě₄ jág₁ dse₃ a₂jme₁rē₂'ma₄ quió'₅ Diú₄. ²⁰ Diú₄ ma₂ca₂chei₃ jniá₂ a₂lín'₄ i₂chen₄ quián₅ quian'₅₄ jág₁ dse₃; 'uig₅₄ ně₅ bá₄ ně₃ dseng₅₄ cadena 'eng₅₄. Chi₁len'₄ 'nia'₂ Diú₄ ia₁jaun₂ nio₃ tiá₂ dsi₃ 'ě₄ jág₁ dse₃ la₂, lia'₂ con'₂ dsi₂ten₅₄ ca₂tíng₂ jmo₅₄.

Cuag₂₃ Diú₄ jē₁ca₂tó'₂

²¹ Tíquico, rin'₅₄ jniog₄ i₂'nióg₃ guě₄ lín₃, i₂jme₂ti₃ i₂jme₂'o₅₄ quian'₅₄ ta₁ quió'₅ Te₁gui'₅₄, 'éi₂ bá₄ quian₅ ca₂le₃jě'₃ jág₁ tsí'₃ 'nia'₂ ia₁jaun₂ le₃ñi'₅₄ 'nia'₂ 'a₂ lia'₂ lě₅ chang₂, quian'₅₄ 'e₂ a₂jmo₂₃ ně₃. ²² Jaun₂ bá₄ lě₃ tsín₂ jniá₂ ja₁tion'₅₄ 'nia'₂, ia₁jaun₂ le₃ñi'₅₄ 'a₂ lia'₂ lě₅ chong₂ jnia'₅₄ ia₁jaun₂ cuē'₅₄ 'nia'₂ lián'₂ 'au'₂.

²³ Juí₁jmo₅₄ Diú₄ Tia₅₄ quián₂, quian'₅₄ Te₁gui'₅₄ Jesucristo ně₃, 'ei₅ tei₄ tiong'₅₄, 'nió'₃ 'nia'₂ ríng'₂, 'én'₂ 'nia'₂ ně₃.

²⁴ Juí₁jme₂gu'₅₄ bá₄ Diú₄ ca₂le₃jín₃ i₂tsá₃ líg'₂ jmig₄ téi₂ i₂'nio₃ Te₁gui'₅₄ Jesucristo quián₂ jniog₄.

Co₂ně₅.

Si₂ carta a₂ca₂jmo₃ San Pablo ne₄ dsa₂ FILIPENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Filipos, tē₁lia'₂ 'ein₅₄ né'₃ 'má₃

¹ Jniá₂ Pa₄, quiang'₅₄ Timoteo, lág₅ jnia'₅₄ i₂jme₂ti₃ ta₁ ne₄ Jesucristo; jmo₂ jnia'₅₄ si₂ carta la₂ dsiang'₅₄ ja₁con₂ ca₂le₃jín₃ rin'₅₄ jniog₄ i₂tián'₅ Filipos i₂lě₅ 'í₁ quián₅ Cristo Jesús, ja₁con₂ dsa₂ i₂niog₅ ne₄ guá'₅, * quian'₅₄ ja₁con₂ dsa₂ i₂jme₂'o₅₄† ně₃. ² Jui₁jme₂gu'₅₄ Diú₄, jui₁'ag₅₄ bá₄ tei₄'au'₂ 'nia'₂ jmo₃ Diú₄ Tia₅₄ quián₂ jniog₄, jmo₃ Te₁gui'₅₄ Jesucristo ně₃.

Chi₂lén'₂ Pa₄ Diú₄ o₄quió'₄ dsa₂ i₂'én₂

³ Cuě₅ ti₁'mag'₄ Diú₄ quiáng₃ lia'₂ co₂ráun₂ dsau'₂ dsi₃ 'nia'₂. ⁴ Lia'₂ co₂ráun₂ chi₂len'₄ jniá₂ Diú₄, o₄quián'₂ 'nia'₂ ca₂le₃jíng'₃, co₂tan₅₄ lia'₂ 'io'₂ jéin₅, ⁵ ia₁ co₂dsia₅ bá₄ ma₂ja₂náu₅ jniog₄ quen'₂ bí₂ o₄quió'₄ jág₁ dse₃ ca₃le₃ jmig₄ le₂'uig₅₄ ca₂lia'₂ jnió₂ jmig₄ ně₃. ⁶ Caun₂ bá₄ 'ei₅ dsi₃ líng₂, Diú₄ bá₄ i₂ca₂jme₃lióg₃ jmo₂₃ ta₁ dse₃ ja₁con₂ 'nia'₂, jme₃ 'ñiai₂₃ ca₂lia'₂ ca₂tě₂ jmig₄ quió'₄ Cristo Jesús.

⁷ Dsi₂ten₅₄ bá₄ 'ag₅₄ dsi₃ le₂ně₅ o₄quián'₂ 'nia'₂ ca₂le₃jíng'₃, ia₁ 'i₄ dsi₃ jniá₂ 'nia'₂. Ia₁ quian'₅₄ jniog₄ rin'₅₄ co₂dsia₅ bá₄ guei₂ jniog₄ a₂jme₂gu'₅₄ Diú₄, tsá₃ a₂nag₅₄ jaun₂ a₂'eng₅₄ né'₃ 'má₃, o₃ jñia'₅₄ ne₄ dsi₂tan₅₄ dsióg₄ jniá₂ ja₁lě₂ le₃long₅₄ jág₁ dse₃, ton'₂ lě₂ le₃jáng'₄ jág₁ dsau₅ a₂tě₃dsón'₂ bá₄ tí₅ jág₁. ⁸ I₂ñi₅ dsi₂jó'₃ bá₄ Diú₄ a₂ñí₄ lě₃ dsen₅₄ dsi₃ jniá₂ 'nia'₂ ca₂le₃jíng'₃, lia'₂ con'₂ lě₅ ñí₄ lě₃ Cristo.

⁹ Le₂la₂ bá₄ chi₂len'₄ jniá₂ Diú₄: a₂qui₂dsi₃jón₃ a₂jme₁'nió'₄ 'nia'₂ ríng'₂ 'ñio₅ lin₃, lia'₂ ma₂tě₂dsi₅₄ jaun₂ a₂qui₂rě₂ñí'₂ dsei'₂ 'nia'₂ a₂qui₂le₃quing'₅₄ 'nia'₂ jmig₄, ¹⁰ ia₁ jaun₂ lě₂ le₃caun'₅₄ 'í₁ 'e₂ jaun₂ a₂dsen₅₄ guě₄. Jaun₂ le₂ně₅ bá₄ le₃chan'₂ 'nia'₂ tsá₃ qui₂le₁'ióg₄ jme₂dsí₂ quián'₂ 'nia'₂, jua'₅₄ qui₂le₁cán'₄ 'nia'₂ dso₄ jě₁ma₂tě₂ rě₁tě₃ jmig₄ quió'₄ Cristo. ¹¹ Le₂ně₅ bá₄ ján₃, lě₂ jui₅ a₂i₁nio'₄ 'nia'₂ a₂léi₄ a₂le₃jniá₂ ca₂le₃jě₃ ne₅₄ a₂dse₃ a₂niog₅ qui₂ma₂jmo'₅₄ 'nia'₂ tē₂le₃ quian'₅₄ Jesucristo. Ca₂le₃jě₃ a₂ně₅, Diú₄ bá₄ i₂gue₃ ti₁'mag'₄, qui₂le₃juin'₂ ně₃.

Tě₂le₃ quió'₃ jniá₂, o₄quió'₄ Cristo bá₄ chang₂

¹² Rin'₅₄ jniog₄, 'nio₃ jniá₂ le₃ñi'₅₄ 'nia'₂, ca₂le₃jě₃ a₂niog₅ ma₂i₃ñig₂, tē₂le₃ lě₅ guě₄ dsón'₂ cuě₂₃ bí₂ a₂dsi₃'ag₅ jág₁ dse₃. ¹³ Le₂ně₅ bá₄ le₁ñi₅ ca₂le₃jín₃ 'lióg₂ i₂tion'₅₄ ne₄ta₁ quian'₅₄ ca₂le₃jín₃ guě₄ riin'₅₄ ně₃, a₂'eng₅₄ rě₂jñig₅ 'uig₅₄ ia₁ a₂'eng₂ le₃quió'₅ Cristo. ¹⁴ 'Uig₅₄ ia₁ a₂rě₂jñig₅ ně₃, mei'₂ tsá₃ ca₂le₃jín₃ bá₄ rin'₅₄ jniog₄ le₃quió'₅ Te₁gui'₅₄ ma₂qui₂ma₂tiin'₂ bí₂ a₂'ě₂ jág₁ quió'₅ Diú₄ a₂tiá₂ dsí₅, tsá₃ 'e₂ gau₂ cha₂.

¹⁵ A₂dsau₅ bá₄ jaun₂ chan₂ i₂lin₅₄ dsia₂₃ 'iin₂₃ Cristo a₂uig₅ dsí₅, dsia₂₃ mi'₅₄, ton'₂ chan₂ guě₂ i₂lin₅₄ dsia₂₃ a₂dse₃ dsí₅ 'iin₂₃ Cristo. ¹⁶⁻¹⁷ I₂le₂'éi₂ ně₃ jmo₂₃ ia₁ a₂'nio₃, ia₁ ñi₅ rě₂'eng₅₄ ja₁lá₃ 'uig₅₄ ia₁ a₂long₅₄ jág₁ dse₃. Dsa₂ i₂le₂ne₁ ně₃, dsia₂₃ 'iin₂₃ Cristo cha₂ a₂'ín₅ dsí₅ a₂jñia'₅₄ con'₂ 'ín₂ dsí₅ le₃chain₂ dse₃ guioin₅₄ bá₄, on₃jua'₅₄ rě'₂ a₂tě₃dsón'₂ lě₅ dsí₅; a₂'nio₃ jmóg'₂ jniá₂ cuě₃ o₂me'₅₄ dsí₅ tē₁lia'₂ 'eng₅₄ rě₂jñig₅. ¹⁸ La₁ tsá₃ cha₂ 'e₂ a₂jaun₂. Jñia'₅₄ lia'₂ jui₁'e₅₄ dsa₂ jág₁ quió'₅ Cristo, ca₂le₃jě₃ ne₅₄ 'a₂ lia'₂ jmo₃ dsa₂, jua'₅₄ a₂dse₃ dsí₅ o₃ a₂tsá₃ dse₃ dsí₅ 'e₂. Tion₅₄ bá₄ jéin₅ jniá₂ 'io'₂.

'A₂ con'₂ dsón'₂ jmo₅₄ jniá₂ 'io'₂, ¹⁹ ia₁ guion₄ bá₄ jniá₂ jaun₂, quian'₅₄ ca₂le₃jě₃ a₂ně₅, o₃'ing₅ a₂lióng₂ con'₂ dse₃, tē₂le₃ ia₁ a₂mi'₂ 'nia'₂ ne₄ Diú₄ o₄quió₃, tē₂le₃ quian'₅₄ bí₂ a₂cuě₅ jme₂'o₅₄ Jme₂dsí₂ quián₅ Jesucristo ně₃. ²⁰ Ia₁ chi₁jan₁ jniá₂ 'ín₂ dsi₃ a₂tsá₃ tē₃tsing'₅₄ o₂gui'₃ quian'₅₄ 'i₁caun₂, jaun₂ tē₂le₃ lě₅ guě₄ 'ag₃ caun₂ dsi₃, ia₁ jaun₂ le₃jniá₂ a₂jlán'₁ Cristo jui₅ ñi₁ñi₃ jniá₂,

* 1:1 griego: epískopos. † 1:1 griego: diákonous. 'Nio'₂ ja₁ton₅ Hechos 6:1-7; 21:8.

o₁jnia'₅₄ la₂ chang₂, o₃ jóng₂ 'e₂. ²¹ Ia₁ të₂le₃ quió₃ jniá₂, o₄quió'₄ Cristo bá₄ chang₂, já₃ bá₄ a₂ca₂lág₃ co₂'nió'₄ a₂të₁dsi₅₄ nē₁ca₂jong₃. ²² Ia₁ nē₁jua'₂ caun₂ chang₂ 'ñio'₃ ni₁ñi₅ la₂, caun₂ lé₂ le₃jmo₅₄ bá₄ ta₁ a₂dse₃ o₄quió'₄ Te₁gui'₅₄. Jaun₂ lē₃ tsá₃ guion₄ jniá₂ 'e₂ quio'₅₄. ²³ 'Nio₅ juí'₅ líng₂ na₅ bá₄ jaun₂ a₂quio'₄ jniá₂ jē₁le₃tin₃ le₂nē₅: të₂le₃ ca₂ton₂, 'nio₃ jua'₅₄ jóng₂ nég'₄ i₁gua₃ quian'₅₄ Cristo, a₂nē₅ bá₄ ja₂lin₃ guē₄ dse₃ të₂le₃ quió₃ jniá₂; ²⁴ la₁ të₂le₃ ca₂ton₂ guē'₂ nē₃, 'ñio₅ guē₄ dsen₅₄ ta₁ ja₁con'₂ 'nia'₂, 'nió'₅ le₃chang₂ 'ñio'₃ ni₁ñi₅ la₂. ²⁵ Jaun₂ caun₂ bá₄ 'ei₅ dsi₃ líng₂ le₂nē₅, jaun₂ jan₅₄ bá₄ guē₄ jniá₂ quian'₅₄ 'nia'₂, ia₁jaun₂ lé₂ le₃jme₁on₁ jniá₂ 'nia'₂ a₂náu'₁ tiá₂ a₂o₁nóg'₅ ne₄ juí₅ a₂jmo'₂ 'nia'₂ 'io'₂ guē₄ a₂'éng'₂, ²⁶ ia₁jaun₂ dsi₃tsón₃ a₂jmo'₂ 'nia'₂ 'io'₂ le₃quió'₅ Cristo Jesús o₄quió₃ jniá₂, 'uig₅₄ ia₁ a₂quian'₄ jniá₂ 'nia'₂.

²⁷ Jnia'₅₄ lia'₂ cán₂ 'nia'₂ caun₂ juí₅ con'₂ dsi₂ten₅₄ lia'₂ con'₂ lē₅ já₃ dse₃ quió'₅ Cristo. Le₂nē₅ jaun₂, o₁jnia'₅₄ la₂ ca₂dsióg₃ jniá₂ i₁jag₁₂, o₃ tsá₃ ca₂dsióg₃, o₃ chi₂jua'₂ të₂le₃ ca₂ñó₃ guē₄ úing₂ 'e₂, la₁ 'nio₃ jniá₂ dsi₁lé₂ já₃ le₃guion₅₄ a₂chan'₂ 'nia'₂ tíong'₂ tiá₂, 'ei₅ caun₂ já₃ le₃quió'₅ jme₂dsi₂, jme₂'ñio'₄ 'nia'₂ ca₂le₃jíng'₃ co₂dsia₅ o₄quió'₄ já₃ dse₃ a₂'éin₂ jniog₄. ²⁸ Tsá₃ lē₁can₂ 'nia'₂ jué'₅ 'e₂ qui₂quiong₅ juí₁lia'₂ dsa₂ i₂'iog₅₄ 'nia'₂. Ia₁ a₂nē₅ jau'₂ 'í₁ rē₂ a₂lén₄ dsa₂ 'éi₂ a₂tioin'₅₄ juí₅ ja₁dsi₃'éin₂; la₁ le₂jaun₂ guē'₂ já₃ jau'₂ léi₄ rē₂ táng₃ a₂tion'₅₄ 'nia'₂ juí₅ ja₁tíng'₄; a₂nē₅ bá₄ a₂já₅ quió'₅ Diú₄. ²⁹ Ia₁ 'uig₅₄ quió'₄ Cristo ca₂ñi'₂ 'nia'₂, on₃jua'₅₄ jmá'₃ le₃'én'₂ 'nia'₂ le₃quió'₅, já₃ guē'₂ le₂jaun₂ ñag'₅₄ uig₅ o₄quió'₄, ³⁰ ia₁ co₂rē₂ bá₄ 'nei₂ dsi₂ñi'₂ 'nia'₂ juí₁lia'₂ ma₂tē₂ ne'₅₄ 'nia'₂ a₂dsi₂ñi'₂ jniá₂, con'₂ siá'₂ táng₃ rē₂nē₃ rē₂ñi'₅₄ 'nia'₂ lia'₂ ma₂dsi₂ñi'₂ jaun₂ bá₄.

2

A₂ lia'₂ ca₂jmo₃ Cristo sioin₅, 'a₂ lia'₂ ca₂rē₃juin'₂ táng₃

¹ Jaun₂ le₂nē₅, chi₂jua'₂ qui₂gue'₂ 'nia'₂ lián'₂ le₃quió'₅ Cristo, chi₂jua'₂ 'a₂ lia'₂ 'nio₃ 'éi₂ 'nia'₂ qui₂'ag₂₃ bá₄ dse₃ 'au'₂, chi₂jua'₂ 'ei₅ caun₂ já₃ quian'₅₄ Jme₂dsi₂ quiáin₅, chi₂jua'₂ cha₂ a₂'ua₁ ñéi₂ 'au'₂ 'nia'₂ ríng'₂: ² jme₁'ñia₅ 'nia'₂ o₂'ñio₃ dsi₃ jniá₂, a₂tión'₂ 'nia'₂ 'ei₅ caun₂ já₃, quian'₅₄ 'nia'₂ ríng'₂ 'nió'₃ 'nia'₂, të₂le₃ quian'₅₄ jan₂ Jme₂dsi₂, ca₂ne₅₄ bá₄ ta₁ tión'₂ 'nia'₂. ³ 'I₁caun₂ tsá₃ lē₁jmo₂ 'nia'₂ jua'₅₄ a₂jnia'₅₄ dse₃ ja₁con'₂ 'nia'₂ guiong'₅₄ on₃ guē'₂ jmo₂ 'nia'₂ róng'₂. Jmo₄ bá₄ 'nia'₂ meg'₂, jmo₄ 'nia'₂ 'au'₂ ja₂lin₃ guē₄ dsen₃ rín'₂ 'nia'₂ con'₂ guē₄ guion'₅₄ 'nia'₂. ⁴ 'I₁jan'₂ 'nia'₂ tsá₃ ca₂ne₅₄ 'no'₂ jua'₅₄ a₂jnia'₅₄ con'₂ dse₃ ja₁con'₂ 'nia'₂ guiong'₅₄, 'nio'₂ bá₄ 'nia'₂ a₂dse₃ quió'₅ ja₁con₂ i₂sián'₂ já₃.

⁵ Juí₁le₅₄ bá₄ 'au'₂ 'nia'₂ juí₁lia'₂ ca₂lē₃ dsí₅ Cristo Jesús:

⁶ Ia₁ o₁jnia'₅₄ la₂ lín₅ 'éi₂ nió'₄ quió'₅ Diú₄,
on₃jua'₅₄ jaun₂ ca₂jmo₃ dsí₅ a₂ca₂tíin₂ tion₅₄
a₂léin₂ co₂ríin₂ quian'₅₄ Diú₄,

⁷ të₂le₃ ca₂jmo₃ bá₄ 'éi₂ cau₅ a₂jme₁tíin₂ nē₃,
nē₂jag₄ bá₄ a₂tsá₃ 'e₂ quein₅,
ca₂can₃ juí₅ ca₂já₃ a₂lín₅ dsa₂ i₂jme₂tí₃,
jme₁ca₂rē₃cháin₃ a₂lín₅ dsa₂ mi₂güí₃.

⁸ Jme₁ma₂ca₂rē₃jniái₂ a₂lín₅ dsa₂ nē₃,
ca₂jmo₃ mei'₂.

Jaun₂ guē₄ ca₂lín₃ jan₂ i₂ca₂rē₃ne'₅₄,
ca₂jme₃tí₃ nē₃,

ca₂le₃jē₃ ca₂guein₃ 'mú₃,
ca₂lia'₂ jnia'₅₄ lia'₂ ca₂dsióg₃ 'mú₃ të₃toin₅₄ cróg₄.

⁹ 'Uig₅₄ jaun₂, Diú₄ nē₃, ja₂lin₃ guē₄ ñei₅ ca₂jme₃juag'₂,
já₃ guē'₂ ca₂dsiog₃ a₂lín₅ ta₁ juē'₂ a₂goin₂
a₂quein₅ guē₄ 'ñio₅ lín₃ con'₂ guē₄ ca₂le₃jín₃,

10 ia₁jaun₂ të₂le₃ ne₄ 'éi'₃ a₂gon₂ Jesús,
 jui₁chi₂jnë₃ ca₂le₃jín₃ i₂tion'₅₄ guei'₅₄ i₂juíg₃,
 quian'₅₄ i₂tion'₅₄ gua'₅₄ 'uë₃,
 quian'₅₄ i₂tion'₅₄ le₃né'₃ 'uë₃ ně₃;
 11 ia₁jaun₂ tion₃ ca₂le₃jě₃ le₁tsi'₂ dsa₂
 a₂dsón'₂ bá₄ lín₅ Jesucristo Te₁gui'₅₄,
 jaun₂ le₂ně₅ le₃juin'₂ Diú₄ Jmei₂.

Lín₅ dsa₂ quián₅ Cristo ně₂jag₄ bá₄ si₂ të₂le₃ ja₁con₂ dsa₂ mi₂güig₃

12 'Uig₅₄ jaun₂ ně₃, 'nia'₂ rin'₅₄ jniog₄, jui₁lia'₂ ma₂ja₂nóg'₅ ma₂rě₂ten'₅₄ tián₂ 'nia'₂ lia'₂ con'₂
 jme₁eng₅₄ quian'₅₄ 'nia'₂, të₂le₃ 'ņio₅ lín₃ guě₄ ca₂tín'₂ 'nia'₂ nág'₁ gau₂ rě₂ně₃, të₂lia'₂ 'eng₅₄
 uíng₂. Jme₁le₅₄ bá₄ 'nia'₂ guiong'₅₄ jui₁lia'₂ ta₁ a₂ma₂lóng'₂, jmo₂ 'nia'₂ meg'₂ 'ei₅ gau₂. 13 Ia₁
 Diú₄ bá₄ i₂jmo₅ ta₁ ja₁con'₂ 'nia'₂, a₂qui₂lě₂ 'au'₂ 'nia'₂ a₂dse₃, a₂qui₂lě₂ ta₁ ján₃, lia'₂ con'₂ lě₅
 a₂'ņio₂ dsí₅.

14 Jmo₄ ca₂le₃jě₃, la₁ tsá₃ jmo₂ jua'₅₄ tsá₃ dsáu₅ 'au'₂ 'nia'₂ ríng'₂ a₂chi₂'iin'₄ 'nia'₂, on₃ guě'₂
 jmo₂ 'nia'₂ mi'₅₄, 15 ia₁jaun₂ bá₄ 'i₁jan₂ tsá₃ 'ein₂ le₃bóg'₂ dso₄ on₃ guě'₂ jua'₅₄ cha₂ a₂rě₂cán'₄
 'nia'₂, jmo₄ 'nia'₂ a₂lín'₅ chi'₂-guein₂ quián₅ Diú₄ i₂tsá₃ 'e₂ rě₂cán'₄, i₂tsá₃ 'e₂ rě₂'ņio₄ jě₄ quió'₄
 dsa₂ 'lín'₅₄ i₂rě₂gán₃ dsí₅. 'Nia'₂ bá₄ lín'₅ jui₁lia'₂ nei₅, a₂jmo₂ 'tág₅ ne₄ quió'₅ caun₂ mi₂güig₃
 qui₁né'₃, 16 ja₁o₂can'₄ 'nia'₂ jág₁ dse₃ a₂le₃chan₂ dsa₂. Le₂ně₅, jě₁ma₂tě₂ rě₂guan'₂ Cristo,
 lě₂ le₃jmo₅₄ jniá₂ dsí₃ ně₂jag₄ a₂rě₃tan₅₄ jniá₂ o₄quián'₂ 'nia'₂, jě₁ma₂cha₂ caun₂ léi₄ a₂tsá₃
 jua'₅₄ a₂lě₁ca₂ņi₃ co₂chi'₅₄, on₃ guě'₂ jua'₅₄ ca₂jmo₃ ta₁ a₂tsá₃ 'e₂ ta₁ tí₄. 17 La₁ jui₁'a₂ guě₃ la₂
 ca₂quíng₂ a₂lěng₂ rě₂jeng'₅₄ ne₄ Diú₄, o₄quió'₄ a₂'én'₂ 'nia'₂, 'ņio₅ lín₃ 'io'₂ jéin₅ jniá₂, quian'₅₄
 bá₄ jniog₄ rin'₅₄ a₂jmo₁ 'io'₂ ca₂le₃jág₃. 18 Jmo₄ 'nia'₂ 'io'₂ ján₃, jme₁quiong'₅₄ bá₄ 'nia'₂ jniá₂
 a₂jéin'₅ jniá₂ 'io'₂.

Timoteo quian'₅₄ Epafrodito

19 Ně₁jua'₂ 'nio₃ Te₁gui'₅₄ Jesús, 'ín₂ dsí₃ jniá₂ tsing₅₄ ŋi'₅₄ ta₁ Timoteo dsí₃jün₅₄ 'nia'₂,
 ia₁jaun₂ 'ņio₅ lín₃ guě₄ 'io'₂ jmo₅₄ jě₁ma₂ca₂rě₃guion₅₄ jniá₂ 'a₂ lia'₂ chan'₂ 'nia'₂. 20 Ia₁
 'i₁jan₂ i₂sián'₂ tsá₃ chan₂ i₂lě₅ dsí₂jio₅ dsí₅ co₂rě₂ jui₁lia'₂ dsí₂jio₅ dsí₃ jniá₂, jua'₅₄ i₂'i₅ dsí₅
 të₃dsón'₂ a₂dse₃ të₂le₃ ja₁con'₂ 'nia'₂; 21 ia₁ ca₂le₃jín₃ bá₄ dsa₂ 'no'₂ a₂dse₃ quió'₅ guioin₅₄,
 tsá₃ dsan₂ dsí₅ a₂'ín₅ dsí₅ ja₁con₂ Cristo Jesús. 22 La₁ ca₂le₃jín₃ bá₄ 'nia'₂ ma₂ņi'₅₄ 'a₂ lia'₂
 ma₂ca₂jme₃jnia₅ Timoteo a₂tín₂ a₂ņi₅ a₂ma₂ja₂náu₅ jnia'₅₄ quian'₅₄ a₂jme₂tí₁ a₂qui₂'ě₅ jág₁
 dse₃, ma₂já₅ jme₂tí₃ co₂lě₅ ne₄ Te₁gui'₅₄ jui₁lia'₂ jan₂ chi'₂ i₂jme₂'on₅₄ jmei₂. 23 Le₂ně₅ 'ín₂
 dsí₃ caun₂ jmig₄ a₂tsiin₅₄ dsí₁jün₁₂ 'nia'₂ jě₁ma₂ca₂rě₃guion₅₄ 'a₂ lia'₂ lě₅ të₂le₃ quió₃ ja₁lá₃.
 24 La₁ia₁ caun₂ bá₄ 'ei₅ dsí₃ ja₁con₂ Te₁gui'₅₄, 'nio₃ bá₄ jniá₂ dsí₃og₄ ŋi'₅₄ ta₁ i₁jün₁₂ 'nia'₂.

25 La₁ tion₅₄ 'nió'₅ ján₃, lín₂ jniá₂, dsiang'₅₄ Epafrodito, i₂lín₅ i₂quiang'₅₄ jmo₂₃ ta₁ quen'₂
 jnia'₅₄ bí₂ co₂dsia₅ quian'₅₄, i₂ca₂chen'₂ 'nia'₂ guiong'₅₄ o₃can₅ a₂'nió'₅ quió₃. 26 'Éi₂ ně₃
 'ņio₅ lín₃ 'ín₅ dsí₅ jün₂ ca₂le₃jín₃ 'nia'₂, 'ņio₅ 'i₅ dsí₅ ia₁ ca₂rě₃ņi'₅₄ bá₄ 'nia'₂ a₂ca₂rě₃dso'₅₄ 'éi₂.
 27 Dsón'₂ bá₄ jaun₂ ca₂rě₃dso'₅₄, jnia'₅₄ mei'₂ tsá₃ ca₂join₃; la₁ ca₂dsia₃ bá₄ Diú₄ ŋéi₂ dsí₅ quió'₅,
 on₃jua'₅₄ rě'₂ jmá'₃ ja₁con₂ 'éi₂, ia₁ ca₂dsia₃ bá₄ ŋéi₂ dsí₅ jniá₂ ně₃, ia₁jaun₂ tsá₃ ŋí₄ lě₃ 'lia'₂ dsí₃
 tsá₃ len₅ 'a₂ con'₂ ma₂chang₂ quian'₅₄ o₂i₁ dsí₅. 28 'Uig₅₄ jaun₂ ně₃ 'ņio₅ guě₄ lě₂ dsí₃ dsian'₅₄,
 ia₁jaun₂ jmó'₂ 'nia'₂ 'io'₂ jün₅₄ táng₃, ia₁jaun₂ tsá₃ ŋí₄ lě₃ chang₂ 'i₅ dsí₃. 29 Guein₅₄ 'nia'₂
 ca₂lia'₂ a₂'ņio₂ 'au'₂ guě₄ lín₃, a₂lín₅ 'éi₂ jan₂ rín'₂ 'nia'₂ të₂le₃ ja₁con₂ Te₁gui'₅₄, jme₁gon₃ bá₄
 'nia'₂ jui₁lia'₂ i₂lín₅ lia'₂ lín₅ 'éi₂; 30 ia₁ ca₂juig₄ bá₄ mei'₂ tsá₃ ca₂join₃ 'uig₅₄ ia₁ a₂jme₂tí₃ ta₁ ne₄
 Cristo. Ca₂can₃ caun₂ juí₅ go'₂ ja₁lě₂ le₃quín₃ jme₂dsí₂ quió'₅ a₂jme₃'ņiai₂₃ jme₃o₅₄ a₂tsá₃ lě₂
 le₃jme₁'o₁ 'nia'₂.

3

Jui₅ a₂tē₃dsón'₂ dsau₅

¹ Nē₃ ně₃, 'nia'₂ rīn'₅₄ jniog₄, jmo₄ 'nia'₂ 'io'₂ le₃quió'₅ Te₁gui'₅₄. Tē₂le₃ ja₁con₂ jniá₂, 'i₁ca₂juig₄ o₂me'₅₄ dsi₅ tsá₃ cha₂ jua'₅₄ a₂juá'₄ táng₃ jniá₂ a₂ma₂juá'₃ ne₄ si₂, ia₁ con'₂ lě₅ co₂jnia₅₄ tē₂le₃ ja₁con'₂ 'nia'₂.

² Jmo₄ 'nia'₂ 'í₁ quian'₅₄ dsa₂ i₂chan₂ jmo₅ līn₅ lia'₂ lín₅ dsi₂jī'₅₄, i₂jmo₅ a₂'lig'₅₄, dsa₂ i₂qui₂ti₅ ni₁ŋi₁₂; ³ ia₁ jniog₄ bá₄ i₂tē₃dsón'₂ lág₅ dsa₂ co₂'nió'₄ i₂ma₂qui₂rē₂uīng₄ lo₄, jniog₄ con'₂ i₂jme₂juín'₁ Diú₄ a₂gu₂dsí₂. Jaun₂ o₂'ŋi₃ o₂jnia₃ dsi₅ jniog₄ ia₁ lág₅ i₂quián₅ Cristo Jesús, tsá₃ jaun₂ 'ín₂ dsi₅ jniog₄ jui₁lia'₂ a₂jmo₅ dsa₂ co'₅₄ ni₁ŋi₁₅, ⁴ o₁jnia'₅₄ jniá₂ rē'₂ ján₃ jme₁ca₂tíng₂ jme₁jmo₁₂ 'ín₂ dsi₃ a₂ně₅.

Chi₂jua'₂ 'ein₂ lín₂ cha₂ 'uig₅₄ a₂'ín₂ dsi₅ ni₁ŋi₁₅, tē₂le₃ lě₅ guē₄ tson₂ bí₂ chan₂ jniá₂ 'uig₅₄ a₂jaun₂; ⁵ jme₁ca₂dsin₃ jnia₃ jmīg₄ lia'₂ con'₂ jme₁ca₂rē₃cháng₃ bá₄ ca₂ti₃ dsa₂ lo₃; ia₁ líng₅ dsa₂ tsi₁jon₂ israelitas, téng₅ le₃quió'₅ co₂'nió'₃ dsa₂ quián₅ tsi₁jon₂ Benjamín; líng₅ hebreo ia₁ ja₁jaun₂ chang₂ líng₅ chi'₂ quián₅ dsa₂ hebreos. Fariseo bá₄ jme₁líng₄ lia'₂ con'₂ lě₅ jme₁ŋi'₂ dsi₃ Si₂ 'Éi'₃; ⁶ jui₁lia'₂ a₂dsen₅₄ dsi₃ guē'₂, ca₂lia'₂ qui₂ca₂co₃'én₃ jniá₂ dsa₂ quián₅ guá'₅; ton'₂ lia'₂ con'₂ lě₅ jme₁chang₂ quian₅₄ jui₅ dse₃ lia'₂ con'₂ lě₅ 'Éi'₃ Juá'₅, 'i₁jan₂ tsá₃ 'ein₂ lé₂ le₃jme₁bóg'₂ dso₄.

⁷ La₁ ca₂le₃jě₃ a₂ně₅ le₃jua'₅₄ jág₁ a₂tē₃ dsi₅₄ le₃quió₃ jniá₂, a₂jaun₂ jmo₅ jniá₂ dsi₃ a₂ma₂l₃'én₂ le₃quió'₅ Cristo. ⁸ Dsón'₂ bá₄ jaun₂, tē₂le₃ lě₅ guē₄ jmo₅ jniá₂ dsi₃ ně₂jag₄ bá₄ a₂ma₂i₂'én₂ ca₂le₃jě₃, ia₁ tsá₃ quin₅ 'a₂ con'₂ quen₅ a₂ma₂ca₂rē₃cuíng₅ Cristo Jesús Te₁gui'₅₄ quiáng₃. 'Uig₅₄ quió'₄ Cristo bá₄ ma₂i₂'én₂ jě₂ a₂jaun₂ quió₃. Jmo₅ jniá₂ dsi₃ ně₂jag₄ bá₄ jme₁qui₅ a₂jaun₂, ia₁ 'nio₃ jniá₂ léi₂ ja₁con₂ Cristo; ⁹ 'nio₃ jniá₂ dsió₄ ja₁con₂ 'éi₂, on₃jua'₅₄ a₂chang₂ quian₅₄ jui₅ co₂dsau₅ a₂tíng₂ 'ŋi₃ lia'₂ con'₂ lě₅ 'Éi'₃ Juá'₅, tē₂le₃ ia₁ a₂quian₄ jniá₂ jui₅ co₂dsau₅ a₂cuē₅ Diú₄ cuē'₅ i₂'én₂ le₃quió'₅ Cristo. Co₂'nió'₄ le₃jua'₅₄, a₂chan₂ dsa₂ quian₅ caun₂ jui₅ co₂dsau₅ a₂já₅ le₃quió'₅ Diú₄ 'uig₅₄ cho'₅₄ tē₂le₃ ia₁ a₂'én₂ bá₄ dsa₂. ¹⁰ A₂'nio₃ jniá₂ le₃cuíng₅ Cristo bá₄, 'nio₃ jniá₂ can₅₄ jui₅bí₂ a₂ca₂jein'₅₄; ján₃ guē'₂ can₅₄ jui₅ jmi₁uig₅ a₂ca₂can₃ 'éi₂, ján₃ guē'₂ a₂dsió₄ jniá₂ léng₂ jui₁lia'₂ jme₁lín₄ 'éi₂ lia'₂ con'₂ jme₁ca₂join₃, ¹¹ ia₁jaun₂ caun₂ bá₄ 'ei₅ dsi₃ dsió₄ jniá₂, chi₂jua'₂ lé₂, a₂jeng'₅₄ jin₄ 'lag₄.

Jui₅ ja₁ca₂tág₂ i₁no₁ ja₁lě₄ léi₄ dsi₁no₃

¹² On₃jua'₅₄ guē'₂ a₂ma₂ca₂dsió₃ jniá₂, on₃ guē'₂ ma₂ca₂rē₃'ŋia₅ quió₃. La₁ caun₂ nei₅₄ bá₄ ne₄ jui₅ jme₁'ŋi₃ a₂'ín₂ dsi₃, jui₁lia'₂ ca₂jme₃'ŋi₃ Cristo jniá₂. ¹³ Rīn'₅₄ jniog₄, tsá₃ jmo₅ jniá₂ dsi₃ jua'₅₄ a₂ma₂ca₂jme₁'ŋi₃ jniá₂ a₂jaun₂. La₁ia₁ caun₂ la₂ bá₄ jmo₅ jniá₂: a₂qui₂dsi₃'én₂ dsi₃ a₂qui₂ma₂ŋi₂, a₂quín'₄ bí₂ a₂tió₄ nei₅₄ le₃ne₄ jui₅, ¹⁴ a₂dsió₄ jniá₂ ja₁lě₄ léi₄ ja₁ca₂tíng₂ dsió₄, ja₁i₁gue₃ jniá₂ premio a₂tě₂ Diú₄ cuē₃ guei'₅₄ i₂juíg₃ a₂cuē'₃ dsa₂ i₂tion'₅₄ le₃quió'₅ Cristo Jesús. ¹⁵ Ca₂le₃jág₃ bá₄ jniog₄ i₂ma₂le₁'ŋia₅ quián₂, ca₂tág₂ dsi₃jnia₅ dsi₅ le₂jaun₂. Nē₁jua'₂ cha₂ ja₁lín₅₄ a₂ŋi'₂ 'au'₂ 'nia'₂ le₂siá'₂, Diú₄ bá₄ jmo₃ jnio₂ ne'₅₄ 'nia'₂ a₂jaun₂ ján₃. ¹⁶ Jnia'₅₄ lia'₂ ca₂tág₂ jniog₄ a₂i₁nio₁ lia'₂ ma₂ja₂ná_{u5}.

¹⁷ Rīn'₅₄ jniog₄, quian₂ 'nia'₂ jui₅ co₂lě₅ con'₂ lě₅ jui₅ ma₂guio₃ jniá₂, jag₄ 'nia'₂ rē₂ ján₃ ja₁con₂ ca₂le₃jín₃ i₂ma₂chan₂ lia'₂ con'₂ lě₅ ma₂ca₂jme₁tín₅ jnia'₅₄ 'nia'₂. ¹⁸ Ia₁ jui₁lia'₂ ma₂ca₂juíg₂ jniá₂ 'nia'₂ 'líong₂ ráun₂, con'₂ siá'₂ juá'₅ bá₄ guē₄ cón'₂ táng₃ ca₂le₃jě₃ dsá₂ jmīg₂ jme₁ne₃, ia₁ juín₅ i₂chan₂ co₂'nió'₄ i₂'io'₅₄ a₂ca₂jmo₃ Cristo ne₄ cróg₄. ¹⁹ Jě₁ca₂tó'₂ dsi₁lein₃ ja₁dsi₃'éin₂. Ia₁ i₂co₂'nió'₄ i₂lín₅ diú₄ quián₅ co₂'nió'₄ a₂lag₃ ně₁rē₂can'₂ tú'₅ bá₄, 'ŋio₅ róin₂ jmo₂₃ a₂'nió'₄ jme₁cán₂ o₂guí'₃. Jmá'₃ lia'₂ quió'₅ a₂cha₂ ne₄ gua'₅₄ 'uē₃ la₂ bá₄ dsi₂jio₅ dsi₅. ²⁰ La₁ jniog₄ ně₃ lág₅ dsa₂ i₂tén₅ guei'₅₄ i₂juíg₃, jnia'₅₄ lia'₂ a₂jaun₂ bá₄ le₁jnia₁ jniog₄ dsen₅₄ dsi₅ a₂jŋi₃o'₂ ja₁jaun₂ jan₂ i₂li₃o₂, i₂lín₅ Te₁gui'₅₄ Jesucristo. ²¹ 'Éi₂ bá₄ jme₃tsín₃ ni₁ŋi₁ jniog₄

a₂dsi₃'én₂ la₂, ia₁jaun₂ lé₂ lia'₂ jlá'₁ ni₁ñi₁₂ 'ñiog₅. Jmo₃ bá₄ a₂jaun₂ të₂le₃ quian'₅₄ bí₂ a₂'io₂₃ a₂tiin₂ dsia₃ o₄gú₃ 'ñiog₅ ca₂le₃jě₃.

4

Jmo₄ 'nia'₂ 'io'₂ co₂tan₅₄ le₃quió'₅ Te₁gui'₅₄

¹ Jaun₂ lě₃, rin'₅₄ jniog₄, 'nia'₂ i₂'nió₃ guě₄ lin₃, i₂ñí₄ lě₃ 'ín₅ dsi₃ jing₅₄; 'nia'₂ bá₄ líng'₅ a₂ñí₄ dse₃ 'ei₅ dsi₃, 'nia'₂ bá₄ líng'₅ co₂'nió'₄ premio quió₃, jui₁chan'₂ bá₄ 'nia'₂ le₂ně₅ jaun₂ ně₃, tión'₂ 'nia'₂ tiá₂ le₃quió'₅ Te₁gui'₅₄.

² Chi₂len'₄ jniá₂ Evodia quian'₅₄ Síntique ján₃, jmo₄ 'nia'₂ caun₂ jág₁ jin₄ ríng'₂ o₄quió'₄ Te₁gui'₅₄. ³ Quian'₅₄ 'ne₂, rin'₅₄ jniog₄ i₂co₂dsia₅ jmo₂ ta₁, juíg₂ jniá₂ 'ne₂ a₂jme₁'ong'₁ dsa₂ mí₂ rin'₅₄ jniog₄ ně₅, ia₁ 'éi₂ ca₂quín'₃ bí₂ i₂quian'₄ jniá₂ jme₁ca₂'ě₃ jág₁ dse₃ a₂lión₂ dsa₂, quian'₅₄ Clemente ně₃, quian'₅₄ guě₄ rin'₅₄ sián'₂ ca₂jmo₃ ta₁ quian'₅₄ jniá₂. Ma₂le₁ton₅ lia'₂ chein₂ ne₄ si₂ a₂le₃chain₂ co₂tan₅₄.

⁴ 'Io'₂ jmo₄ 'nia'₂ co₂tan₅₄ le₃quió'₅ Te₁gui'₅₄. Cón'₂ siá'₂ juá'₅ táng₃, 'io'₂ jmo₄ 'nia'₂!
⁵ Jui₁le₂jniá₂ a₂'ua₁ 'au'₂ 'nia'₂ jě₄ quió'₅ le₃jín₃ dsa₂, ia₁ ma₂ja₂quían₃ guan'₂ Te₁gui'₅₄.

⁶ Tsá₃ jmo'₂ 'nia'₂ 'is₅ 'au'₂ 'i₁caun₂. La₁ chi₂jua'₂ 'e₂ lě₅, chi₂len'₄ 'nia'₂ Diú₄; mi₄ 'nia'₂ ne₄ 'éi₂ ton'₂ ján₃ guě'₂ cuě'₅₄ 'nia'₂ ti₁'mag'₄ 'éi₂. ⁷ Jaun₂ Diú₄ bá₄ jmo₃ 'í₁ jme₂dsí₂ quían'₂ 'nia'₂ quian'₅₄ a₂qui₂dsi₂jio₅ 'au'₂ 'nia'₂ ně₃, të₂le₃ quian'₅₄ Cristo Jesús. Diú₄ bá₄ jmo₃ a₂'ag₃ tei₄ 'au'₂ 'nia'₂ ñag₅₄ guě₄ lin₃ con'₂ guě₄ a₂lé₂ le₃ñí'₂ dsa₂.

Jui₁dsi₂jio₅ 'au'₂ jmá'₃ a₂dse₃

⁸ Jaun₂ lě₃, rin'₅₄ jniog₄, jui₁dsi₂jio₅ 'au'₂ 'nia'₂ jui₁'e₂ a₂tí₅ dsón'₂, jui₁'e₂ a₂ca₂tín₂ jme₃gó'₃ dsa₂, jui₁'e₂ a₂dsi₂ten₅₄, jui₁'e₂ a₂le₁jě₃, jui₁'e₂ a₂'io'₂, jui₁'e₂ a₂quen₅ jág₁ dse₃; chi₂jua'₂ cha₂ a₂jlá'₁ a₂ca₂tín₂ 'ag₃ dse₃ jág₁, a₂jaun₂ bá₄ jui₁dsi₂jio₅ 'au'₂ 'nia'₂. ⁹ Jme₁dsau₅ 'nia'₂ caun₂ a₂ma₂gue'₅₄ 'nia'₂, a₂ma₂ca₂jme₁tag₅ a₂ma₂nei'₂ 'nia'₂ ma₂juá'₃ quian'₅₄ a₂qui₂ma₂tě₂ ne'₅₄ ma₂jag'₅₄ 'a₂ lia'₂ jmo₅ jniá₂: le₂jaun₂ jmo₄ 'nia'₂. Jaun₂ Diú₄ ně₃ i₂jmo₅ 'ag₅ tei₄ 'au'₂ 'nia'₂, 'ein₅₄ ja₁con'₂ 'nia'₂.

Cuě₅ Pa₄ ti₁'mag'₄ cuě'₅ dsa₂ Filipenses

¹⁰ 'E₂ guě₄ të₅ dsi₃ 'io'₂ jén₅ guě₄ lin₃ le₃quió'₅ Te₁gui'₅₄ 'a₂ lia'₂ lě₃ a₂ca₂dsáu'₃ táng₃ 'au'₂ 'nia'₂ jniá₂. Tsá₃ 'nio₃ jniá₂ juá'₄ jua'₅₄ a₂ma₂i₂'én₂ 'au'₂ 'nia'₂ jniá₂, të₂le₃ ia₁ a₂tsá₃ ma₂cuin₃ jmig₄ jme₁'o₁ bá₄. ¹¹ On₃jua'₅₄ rě'₂ juá'₅ jniá₂ ia₁ a₂ca₂rě₃'nió'₃ quió₃; ia₁ jniá₂ ně₃ ma₂ca₂rě₃tín₃ bá₄ jniá₂ a₂'ei₅ dse₃ dsi₃ chi₂jua'₂ 'a₂ lia'₂ lě₅ a₂chang₂. ¹² Ma₂guion₄ bá₄ jniá₂ 'a₂ lia'₂ lě₅ jme₁rě₂chang₂ te₂ñég₂, ján₃ guě'₂ guion₄ jniá₂ 'a₂ lia'₂ lě₅ a₂qui₂rě₂tsón₂ quió₃. Jaun₂ ma₂ca₂rě₃tíng₃ bá₄ a₂chéng'₅ tiá₂ jui₁lě₄ bá₄ 'a₂ lia'₂ lě₅ chang₂. Cha₂ jme₁lin₅₄ qui₂rě₂tang₅₄ dse₃ lin₃, o₃ 'ong₅₄ 'e₂ jme₁lin₅₄. Cha₂ jme₁lin₅₄ qui₂rě₂tsón₂, o₃ a₂tsá₃ 'e₂ cha₂ mei'₂ 'e₂. ¹³ Ca₂le₃jě₃ bá₄ qui₁'₅₄ jniá₂ jmig₄ të₂le₃ quian'₅₄ Cristo i₂cuě₅ bí₂. ¹⁴ La₁ia₁, dse₃ bá₄ jaun₂ ca₂quen'₄ 'nia'₂ o₂i₁ dsi₅ a₂quian₄ jniá₂.

¹⁵ Jui₁lia'₂ ma₂ñi'₅₄ 'nia'₂, rin'₅₄ jniog₄ i₂chan₂ juig₂ Filipos, lia'₂ con'₂ jme₁ca₂jme₁lió₄ jniá₂ ca₂'ě₃ jág₁ dse₃ a₂lión₂ dsa₂, jme₁ca₂o₃'ín₃ jniá₂ 'uě₃ Macedonia, 'i₁caun₂ guá'₅ tsá₃ ca₂jme₃quen'₄ të₂le₃ quian'₅₄ cu₄; jñia'₅₄ lia'₂ 'nia'₂ bá₄. ¹⁶ Ia₁ lia'₂ con'₂ jme₁en₅₄ jniá₂ juig₂ Tesalónica, on₃jua'₅₄ co₂ráun₂ ca₂jme₁'o₁ 'nia'₂ jniá₂, ca₂chen'₂ 'nia'₂ cu₄ 'uig₅₄ ia₁ a₂ca₂rě₃'nió'₃ quió₃. ¹⁷ On₃jua'₅₄ rě'₂ a₂dsi₂jio₅ dsi₃ a₂jñia'₅₄ caun₂ le₃cha₂ a₂ca₂tín₂ jniá₂ a₂qui₁gue₅₄; a₂jaun₂ bá₄ 'nio₃ jniá₂ a₂le₃cha₂ 'uig₅₄ a₂jme₃'mag'₂ Diú₄ quían'₂ 'nia'₂. ¹⁸ La₁ ma₂gue₃ bá₄ jniá₂ le₃jě₃, të₂le₃ lě₅ guě₄. Quian'₅₄ a₂ca₂chen'₂ 'nia'₂ të₂le₃ quian'₅₄ Epafrodito, ma₂rě₂tsón₂ bá₄ quió₃. A₂ca₂chen'₂ 'nia'₂ jaun₂ quió₃, lě₅ jui₁lia'₂ lě₅ caun₂ a₂rě₂jen'₅₄ ne₄ Diú₄ a₂ja₂ mi₂juig₂ a₂ñio₂ dsí₅ Diú₄ guéi'₅. ¹⁹ Diú₄ quiáng₃ ně₃, 'éi₂ bá₄ cuě₃ ca₂le₃jě₃ a₂'nió'₅ quían'₂ 'nia'₂ lia'₂ con'₂ lě₅ a₂ñí₄ lě₃ jlá'₁ a₂rě₂tsón₂ quió'₅, cuě'₃ 'nia'₂ të₂le₃ quian'₅₄ Cristo Jesús. ²⁰ jui₁jme₂juin'₂ bá₄ dsa₂ Diú₄ Jmei₂ jniog₄ ca₂lia'₂ co₂tan₅₄! A₂méi₃.

²¹ Cu_in₅₄ 'nia'₂ Diú₄ o₄quió₃, ca₂le₃jín₃ i₂tén₅a le₃quió'₅ Cristo Jesús. Dsa₂ rin'₅₄ * i₂quian'₄ jniá₂ ně₃, cui_in₂₃ Diú₄ 'nia'₂. ²² Cu_in₅ 'nia'₂ Diú₄ ca₂le₃jín₃ dsa₂ jnió₅, la₁ia₁ ja₂lin₃ guě₄ dsen₅₄ cuag₅ Diú₄ dsa₂ i₂tián'₅ dsi₂néi₂ quió'₅ gui'₅₄ rag₅₄ emperador.

²³ Jui₁jme₂gu'₅₄ bá₄ Te₁gui'₅₄ Jesucristo jme₂dsí₂ quián'₂ 'nia'₂. A₂méi₃.†
Co₂ně₅.

* 4:21 lit. “dsa₂ jnió₅.” † 4:23 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ San Pablo ne₄ dsa₂ COLOSENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Colosas tē₁lia'₂ 'ein₅₄ né'₃ 'má

¹ Jniá₂, Pa₄, ia₁ co₂nē₅ 'nio₃ Diú₄ bá₄, líng₅ jan₂ i₂chen₄ quián₅ Jesucristo. Co₂lē₅ quiang'₅₄ rín'₅₄ jniog₄ Timoteo, ² jmo₂₃ si₂ carta la₂ a₂dsiang'₅₄ ne'₅₄ 'nia'₂ rín'₅₄ jniog₄ a₂ i₂chang'₂ juig₂ Colosas, dsa₂ i₂lē₅ 'í₁ i₂jme₂ti₃ ja₁con₂ Cristo:

Jui₁jme₂gu'₅₄ bá₄ Diú₄ i₂lín₅ Tia₅₄ quián₂, jui₁jmo₁₂ bá₄ 'ag₃ tei₄ tion'₅₄ 'nia'₂.

Mi₅ Pa₄ ne₄ Diú₄ o₄quió'₄ dsa₂ i₂'én₂

³ Cuē₂ jnia'₅₄ ti₁'mag'₄ Diú₄ Jme₂ Jesucristo Te₁gui'₅₄ quián₂, co₂tan₅₄ bá₄ mi₂ jnia'₅₄ ne₅₄ o₄quián'₂ 'nia'₂. ⁴ Ia₁ ma₂ca₂rē₃ne₄ bá₄ jnia'₅₄ 'a₂ lia'₂ lē₅ a₂'én'₂ 'nia'₂ le₃quió'₅ Cristo Jesús, 'a₂ lia'₂ lē₅ 'nió'₃ 'nia'₂ ca₂le₃jín₃ i₂ma₂tén₅ le₃quió'₅ Diú₄, * ⁵ ia₁ cha₂ a₂'ín₂ 'au'₂ 'nia'₂ a₂ma₂rē₂'ma₄ a₂lé₂ quián'₂ 'nia'₂ guei'₅₄ i₂juig₃, jág₁ dse₃ a₂tí₅ a₂jme₁ma₂nei'₂ 'nia'₂ le₂jñiá₅, ⁶ a₂jme₁ma₂dsióg₃ ja₁con'₂ 'nia'₂. Ca₂le₂con₂ ta₁caun₂ mi₂güig₃, ma₂léi₄ ma₂rē₂rau₂ a₂rē₂'én₂ dsa₂, le₂jaun₂ qui₂dsi₂cón₃ jág₁. Lē₂ jui₁lia'₂ ma₂qui₂ma₂lē₅ quian'₅₄ 'nia'₂ ca₂le₃ jmi₄g₄ jme₁ca₂nei'₂ 'nia'₂ jág₁ dse₃ a₂lión₂ dsa₂, jme₁ca₂rē₃ñí'₂ 'au'₂ 'nia'₂ ně₃, 'a₂ lia'₂ lē₅ a₂tē₃dsón'₂ bá₄ dsau₅ 'ua₁ dsí₅ Diú₄. ⁷ A₂nē₅ ma₂ca₂rē₃tín'₃ 'nia'₂ ca₂jme₃tag₅ Epafras i₂'nióg₃ guē₄ lín₃, i₂ma₂já₅ co₂lē₅ quian'₅₄ jnia'₅₄ jme₂ti₃ ta₁ ne₄ Cristo. 'Éi₂ bá₄ chén'₅ ja₁con'₂ 'nia'₂ a₂lín₅ dsa₂ rē₂ti'₅₄ i₂jmo₅ ta₁ quió'₅ Cristo, o₄quián'₂ 'nia'₂. ⁸ 'Éi₂ bá₄ ma₂o₃can₅ jág₁ 'a₂ lia'₂ 'nió'₃ 'nia'₂ ríng'₂ le₃quió'₅ Jme₂dsí₂.

⁹ 'Uig₅₄ jaun₂, jnia'₅₄ ně₃, ca₂le₃ jmi₄g₄ jme₁ca₂rē₃ne₄ jnia'₅₄, ma₂ja₂náu₅ tsá₃ ma₂tí₄ jnia'₅₄ jua'₅₄ tsá₃ chi₂len'₄ jnia'₅₄ Diú₄ o₄quián'₂ 'nia'₂. Mi₂ jnia'₅₄ jui₁jmo₁₂ jui₁qui₂le₂'an₂ 'au'₂ ia₁jaun₂ qui₂le₃ñí'₂ le₃ñi'₅₄ 'nia'₂ le₃quió'₅ jme₂dsí₂, 'e₂ jaun₂ a₂'nio₃ 'éi₂, ¹⁰ ia₁jaun₂ bá₄ i₁nió'₄ 'nia'₂ con'₂ dsi₂ten₅₄ jmo₃ dsa₂ quián₅ Te₁gui'₅₄, lia'₂ con'₂ lē₅ 'ñio₂ dsí₅ 'éi₂, jui₁le₂rau₂ bá₄ con'₂ dse₃ ca₂le₃jē₃ ne₅₄ a₂dse₃ jmo'₂ 'nia'₂, caun₂ dsi₁nó'₅ 'nia'₂ le₃cuing'₂ guē₄ dse₃ Diú₄. ¹¹ Mi₂ jnia'₅₄ ne₄ 'éi₂ a₂chein'₃ 'nia'₂ tiá₂ quian'₅₄ jui₁bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃ 'au'₂, a₂juin'₂ 'au'₂, ton'₂ o₂'ñió₃ 'au'₂ ně₃. ¹² Mi₂ jnia'₅₄ ia₁jaun₂ bá₄ cuē'₅₄ 'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂† dsa₂ i₂lē₅ 'í₁‡ quián₅, i₂ca₂tín₂ le₃quen'₄ ja₁tág₅ si₂. ¹³ Ma₂ca₂lió₂ Diú₄ jniog₄ o₄gú₃ i₂gon₂ jē₄ qui₁né'₃, a₂ma₂ca₂dsiog₃ táng₃ ja₁gon₂ Ja₁ñi'₅₄ i₂ñí₄ lē₃ 'nioi₃. ¹⁴ 'Éi₂§ bá₄ ca₂láu₂, ca₂'éin₂ dsáu₁ jniog₄.

'Ei₅ tei₄ quian'₅₄ Diú₄ o₄quió'₄ a₂ca₂jon₃ Cristo

¹⁵ 'Éi₂ bá₄ lín₅ nió'₄ quió'₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jē₃ a₂ca₂rē₃chá₃. ¹⁶ Tē₂le₃ quian'₅₄ 'éi₂ bá₄, ca₂jmo₃ Diú₄ ca₂le₃jē₃ 'e₂ a₂cha₂ guei'₅₄ i₂juig₃ quian'₅₄ gua'₅₄ 'uē₃, ca₂le₃jē₃ a₂jniá₂ quian'₅₄ guē₄ ca₂le₃jē₃ a₂tsá₃ jniá₂ ně₃: co₂'nió'₄ a₂ca₂jmói'₂ ca₂le₃jín₃ i₂jmo₅ 'éi'₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ ně₃. Ca₂le₃jín₃ i₂nē₅ ca₂lín₃ tē₂le₃ quian'₅₄ 'éi₂, ton'₂ o₄quió'₄ 'éi₂ ně₃. ¹⁷ 'Éi₂ bá₄ i₂jme₁ma₂chan₂ lia'₂ con'₂ né'₃ guē₄ a₂le₃cha₂ ca₂le₃jē₃; 'éi₂ bá₄ jmo₅ a₂niog₅ lē₂ rē₂ ca₂le₃jē₃. ¹⁸ 'Éi₂ bá₄ lín₅ ján₃ mi₂dsi₄ ni₁ñi₁₂, co₂'nió'₄ le₃jua'₅₄ guá'₅ quián₅. 'Éi₂ bá₄ lín₅ i₂ca₂jme₃lióg₃ ca₂le₃jē₃; ton'₂ 'éi₂ bá₄ lín₅ ján₃ i₂le₂'uig₅₄ i₂ca₂jen'₅₄ jín₄ 'lag₄, ia₁jaun₂ lén₂ 'éi₂ i₂dsen₅₄ guē₄ ne₄ quió'₅ ca₂le₃jē₃. ¹⁹ Ia₁ ca₂rē₃'ñió₃ dsí₅ Diú₄ ca₂tē₁gua₁ tē₂le₃ ja₁con₂ 'éi₂ ca₂le₃jē₃ 'a₂ lia'₂ lín₅ 'ñiog₅; ²⁰ ca₂rē₃'ñió₃ dsí₅ ján₃, tē₂le₃ quian'₅₄ 'éi₂, ca₂'ág₂ táng₃ caun₂ jág₁ quian'₅₄ 'ñiog₅, ca₂le₃jē₃ a₂cha₂: lia'₂

* 1:4 lit. "dsa₂ jnió₅." † 1:12 A₂lín₅₄ chog₅₄ si₂ juá'₂: "ma₂jmo₃ ma₂léi₄ jniog₄." ‡ 1:12 lit. "dsa₂ jnió₅." § 1:14 A₂lín₅₄ chog₅₄ si₂ juá'₂: "Quián'₅₄ jmi₂'an₅₄ 'éi₂."

ta₁caun₂guei'₅₄ mi₂güig₃ lia'₂ quian'₅₄ ne₄ gua'₅₄ 'uë₃, ca₂jmo₃ ca₂'ág₂ táng₃ tei₄ të₂le₃ quian'₅₄ jmi₂'ain₅₄ a₂ca₂tein₃ ne₄ cróg₄.

²¹ 'Nia'₂ ně₃, tsá₃ jág₁ jme₁nióg'₅ quian'₅₄ Diú₄ le₂jñiá₅; të₂le₃ jme₁'ñiai'₅₄ bá₄ 'nia'₂, jui₅ 'a₂ lia'₂ jme₁qui₂dsi₂jio₅g 'au'₂, jui₅ 'a₂ lia'₂ jme₁jmo₂'-dsáu'₅ 'nia'₂ ně₃. ²² La₁ rë₂ně₃ ně₃, ma₂ca₂jmo₃ Diú₄ ca₂'ág₂ táng₃ caun₂jág₁ 'nia'₂ quian'₅₄, të₂le₃ quian'₅₄ 'mú₃ a₂ca₂can₃ Cristo jui₅ ñi₅₄. A₂ně₅ ca₂jmo₃ ia₁jaun₂ chein'₃ 'nia'₂ ne₅₄, jme₃jñiai₂₃ 'nia'₂ dsa₂ i₂ma₂lě₅ 'í₁, * i₂tsá₃ ma₃'e₂ rë₂'ñi₄, on₃ guë'₂ ma₂'e₂ dso₄ rin'₂ 'nia'₂. ²³ A₂jaun₂ chi₂jua'₂ caun₂ náu'₂ 'nia'₂ tiá₂ a₂'éng'₂, në₂jag₄ quian'₅₄ jmú₄ tio'₅₄ 'ei₄; jaun₂ tsá₃ qui₂dsi₃mú'₃ 'nia'₂ cau₅ a₂'ín₂ 'au'₂ të₂le₃ quian'₅₄ jág₁ dse₃ a₂ma₂nei'₂ 'nia'₂. Já₁ dse₃ ně₅ ma₂qui₂rë₂'ë₂ ne₄ le₂jan₂ le₂jan₂ i₂chan₂ ne₄ gua'₅₄ 'uë₃. Jniá₂ Pa₄, jaun₂ ně₃, líng₅ jan₂ i₂qui₂jme₂'o₅₄ dsi₂'ë₃ jág₁ jaun₂.

Jme₂ti₃ Pa₄ ja₁con₂ guá'₅

²⁴ Ně₃ ně₃ 'io'₂ jéin₅ jë₄ dsi₂ñig₂ uig₅ o₄quián'₂ 'nia'₂, ia₁ le₂la₂ bá₄ 'eng₅₄ jui₅ a₂jme₁'ñiag₅, quian'₅₄ ñi₃ 'ñi₃ó₃ a₂'nió'₅ guë₄ jui₁lia'₂ jmi₁uig₅ a₂ca₂i₃ñi₂ Cristo o₄quió'₄ guá'₅ quián₅, a₂lě₅ ñi₅₄. ²⁵ A₂ma₂ca₂dsi₃óg₃ jniá₂ a₂líng₅ jan₂ i₂jme₂ti₃ ja₁con₂ guá'₅ ján₃, con₂ lě₅ ca₂dsia₃ Diú₄ gu₃, a₂dse₃ quián'₂ 'nia'₂, a₂'ë₄ jniá₂ lia'₂ qui₂rë₂'ñia₅ jág₁ quió'₅, ²⁶ co₂'nió'₄ le₃jua'₅₄, jág₁ a₂tsá₃ jme₁ca₂rë₃jniá₂ a₂jme₁rë₂'ma₄ quió'₅ Diú₄ ca₂le₃ ma₂líg'₂ lín₃ ma₂qui₂ma₂ñi₂ jui₅ lín₃ tsi₁jon₂ dsa₂ ně₃. La₁ rë₂ně₃ ma₂cuë₃ a₂le₃cuí'₅ dsa₂ i₂lě₅ 'í₁† quián₅. ²⁷ Ja₁con₂ dsa₂ quián₅ 'éi₂ bá₄ ca₂rë₃'ñi₃ó₃ dsi₅ Diú₄ ca₂jmo₃ a₂le₃cuí'₅ dsi₂nau₂ 'e₂ jaun₂ a₂jlá'₁ lín₃ jág₁ a₂jme₁rë₂'ma₄ jaun₂: co₂'nió'₄ le₃jua'₅₄, 'en₅₄ bá₄ Cristo jë₄ quián'₂ 'nia'₂, 'éi₂ bá₄ lín₅ i₂'ín₂ 'au'₂ ja₁dse₃ ja₁jlá'₁ a₂guéi'₁ 'nia'₂. ²⁸ Jniá'₅₄ ně₃ qui₂'ë₅ jág₁ a₂'ín₅ 'éi₂, le₂jan₂ le₂jan₂ dsa₂ qui₂tioin'₂ jniá'₅₄ jág₁, le₂jan₂ le₂jan₂ bá₄ dsa₂ qui₂jme₂tín₁ ia₁jaun₂ le₃ñí'₂, ia₁jaun₂ lé₂ jme₁jnia₅ jniá'₅₄ le₂jan₂ le₂jan₂ dsa₂ a₂ma₂lín₅ dsa₂ ma₂ron₂ le₃quió'₅ Cristo. ²⁹ 'Uig₅₄ jaun₂ bá₄ ně₃, jmo₅ jniá₂ ta₁, quín'₅ jniá₂ bí₂ lia'₂ con₂ lě₅ ta₁ bën₂ a₂jmo₅ 'éi₂ ja₁cong₂.

2

¹ Ia₁ 'nio₃ jniá₂ jui₁le₃ñi'₅₄ 'nia'₂ 'a₂ lia'₂ ñi₄ lě₃ quian₅ ta₁ a₂quíng'₅ bí₂ o₄quián'₂ 'nia'₂, quian'₅₄ o₄quió'₄ i₂chan₂ juig₂ Laodicea, o₄quió'₄ ca₂le₃jín₃ i₂tsá₃ cui₅ i₂tsá₃ jág₂ dsi₁ne₁ ně₃. ² Jmo₅ jniá₂ bí₂ le₂ně₅ ia₁jaun₂ qui₂le₁'ág₄ lián'₂ dsi₅ 'éi₂, caun₂ 'ei₅ jág₁ jme₂'noi₃ rñin'₅₄; ia₁jaun₂ bá₄ 'io₃ a₂quen₅ lín₃ a₂le₂jaun₂ a₂caun₂ le₁'ág₄ dsi₅ ia₁ a₂qui₂ma₂'an₂ dsi₅; ton₂ ia₁jaun₂ le₃ñí'₂ jág₁ a₂rë₂'ma₄ quió'₅ Diú₄. Já₁ jaun₂ ně₃, Cristo 'ñiog₅ bá₄ 'éi₂. * ³ Ia₁ të₂le₃ ja₁con₂ 'éi₂ bá₄ qui₂rë₂'ma₄ jë₂ jág₁ a₂quen₅ lín₃ a₂lé₂ le₃ñí'₂ dsi₅ dsa₂, a₂lé₂ le₃ñi₅ dsa₂ ně₃. ⁴ A₂ně₅ juig₂ 'nia'₂ ia₁jaun₂ 'i₁jan₂ tsá₃ 'ein₂ jui₁jme₂gau₅ 'nia'₂ quian'₅₄ jág₁ a₂'io₂ quió'₅. ⁵ Jaun₂ o₁jñia'₅₄ la₂ tsá₃ quian'₅₄ jniá₂ 'nia'₂ dsi₁ne₁ 'ñi₃ó₃ dsón'₂, la₁ 'eng₅₄ bá₄ quian'₅₄ 'nia'₂ të₂le₃ quian'₅₄ jme₂dsí₂, jmo₂₃ 'io'₂, jág₅ 'a₂ lia'₂ tiong'₅₄ rë₂ con₂ dsi₂ten₅₄, ton₂ tíong'₂ bá₄ tiá₂ a₂'éng'₂ le₃quió'₅ Cristo. ⁶ Jaun₂ lě₃, le₂ně₅ jui₁lia'₂ ca₂guen'₅₄ 'nia'₂ Cristo Jesús† a₂lín₅ juig'₂ 'nia'₂, caun₂ jui₁i₂nio'₄ bá₄ 'nia'₂ le₃quió'₅ 'éi₂; ⁷ jui₁të₂ton₅₄ bá₄ jmú₄ jui₅ jme₂dsí₂ quián'₂ 'nia'₂ të₂le₃ quió'₅ 'éi₂, jui₁qui₂dsi₂cón'₃ bá₄ 'nia'₂ le₃quió'₅ 'éi₂ të₂le₃ ia₁ a₂'éng'₂, lia'₂ con₂ lě₅ a₂ca₂rë₂tín'₃ 'nia'₂, a₂rë₂tsón₂ të₂'au'₂ a₂cuë'₅₄ ti₁'mag'₄ Diú₄.

A₂le₃chan₂ dsa₂ caun₂ ju₅ 'mí₂ le₃quió'₅ Cristo

⁸ 'Í₁ jmo₄ 'nia'₂, ia₁ con₂ tsá₃ ñó₅ nē₁ca₂tág₃ dsa₂† të₂le₃ quian'₅₄ jág₁ a₂jñia'₅₄ ñi₂ dsi₅ dsa₂ mi₂güig₃, a₂jme₂gau₅, a₂tsá₃ ta₁ tí₄, lia'₂ con₂ lě₅ tag₄ chí'₅ quió'₅ dsa₂, a₂cha₂ 'uig₅₄ 'a₂ con₂ jñia'₅₄ lě₂ a₂cha₂ mi₂güig₃ la₂, on₃jua'₅₄ rë₂'lia'₂ con₂ lě₅ jág₁ quió'₅ Cristo. ⁹ Ia₁ ja₁con₂ Cristo bá₄ të₁gua₁ chi₁dsáin₃ ca₂le₃jě₃ lia'₂ con₂ lě₅ niog₅ lín₅ Diú₄. ¹⁰ Jaun₂ 'nia'₂ ně₃, ma₂le₁'ñia'₅

* 1:22 lit. “dsa₂ jñi₃ó₅.” † 1:26 lit. “dsa₂ jñi₃ó₅.” * 2:2 A₂lín₅₄ chog₅₄ si₂: “já₁ a₂rë₂'ma₄ quió'₅ Diú₄, Jmei₂, quió'₅ Cristo ně₃.” † 2:6 o₃, “Jesucristo.” ‡ 2:8 o₃, “nē₁ca₂'ang₃ a₂'én'₂ 'nia'₂.”

'nia'₂ le₃quió'₅ 'éi'₂, i₂lín₅ co₂'nió'₄ mi₂dsi₄ ne₄ quió'₅ ca₂le₃jín₃ i₂gon₂, ca₂le₃jín₃ i₂jio₅ 'éi'₃ ján₃. ¹¹ Le₂jaun₂ bá₄ ján₃, ia₁ a₂quian'₅₄ 'nia'₂ Cristo, co₂'nió'₄ bá₄ ma₂qui₂rë₂uing₄ quián'₂ 'nia'₂, ma₂lë₅ léi₄. La₁ on₃jua'₅₄ rë'₂ lia'₂ lë₅ jmo₅ dsa₂ mi₂güig₃, të₂le₃ a₂ma₂qui₂ma₂tí'₃ 'nia'₂ 'nau'₄ dso₄ lia'₂ 'ín₅ dsí₅ ni₁ñi'₁; ma₂qui₂le₁lín'₅ 'nia'₂ léi₄ le₃quió'₅ Cristo. ¹² Ia₁ lia'₂ con'₂ jme₁ca₂qui₂ca₂jñó'₂ 'nia'₂ jmig₂, § në₂jag₄ bá₄ ca₂i₃'on'₃ 'nia'₂ co₂lë₅ quian'₅₄ Cristo, ján₃ guë'₂ le₂jaun₂ ca₂jen'₅₄ 'nia'₂ co₂lë₅ quian'₅₄ 'éi'₂, ia₁ ca₂rë₃'én'₂ 'nia'₂ jui₅bí₂ quió'₅ Diú₄ a₂ca₂jme₃jein'₅₄ ja₁jme₁rë₂'lín₅₄. ¹³ Lia'₂ con'₂ jme₁rë₂'lín'₄ 'nia'₂ le₃quió'₅ jme₂dsi₂, jme₁qui₂le₁cán'₂ jme₁qui₂le₁quian'₄ 'nia'₂ dsáu'₂, në₂jag₄ bá₄ a₂tsá₃ jme₁rë₂uing₄ lo'₄ 'nia'₂ jme₁chang'₂; la₁ Diú₄ në₃ ma₂to'₂ táng₃ jme₂dsi₂ 'nia'₂ co₂lë₅ quian'₅₄ Cristo, qui₂ca₂'éin₂ bá₄ jë₂ dsáu'₂ 'nia'₂. ¹⁴ Co₂dsia₅ ca₂'éin₂ bá₄ jág₁ a₂jme₁chi₁ton₅ ne₄ si₂ a₂jme₁ron₅ a₂jme₁juá'₂ a₂jme₁rag₂ jniog₄, Si₂ 'Éi'₃ jaun₂ a₂jme₁'liog'₅ jniog₄; ma₂ca₂jñiá'₂ cau₅ co₂ñei'₅₄, në₂jag₄ bá₄ a₂ca₂i₃ba₅₄ mi₂ñi₁ si₂ jaun₂ dso'₂ cróg₄. ¹⁵ Le₂në₅ co₂dsia₅ ca₂chein'₃ 'uin₃ jme₂dsi₂ i₂jme₁gon₂, i₂jme₁jio₅ 'éi'₃ në₃, jaun₂ ca₂jio₃ cha₂ juig₃ të₃ jág₅ ca₂le₃jín₃ dsa₂, jme₁ca₂tió'₃ ca₂tiain'₃ 'éi'₂ jág₁, ne₄ cróg₄.*

'Nio'₂ 'nia'₂ a₂cha₂ le₃quió'₅ guei'₅₄ i₂juig₃

¹⁶ Jaun₂ lë₃, 'i₂jan₂ tsá₃ 'ein₂ qui₂o₁'ag₅₄ 'nia'₂ o₄quió'₄ 'e₂ má₃ quë'₂, o₃ jui₁lia'₂ 'e₂ qui₂'ág'₂ 'nia'₂, o₃ quian'₅₄ jui₁lia'₂ jmig₄ jme₁niog₅ jmig₄, o₃ jui₁lia'₂ jmig₄ tsí'₂ 'io'₅₄, † o₃ jui₁lia'₂ jmig₄ sa₅₄ në₃. ¹⁷ Ca₂le₃jë₃ a₂në₅, lë₅ co₂'nió'₄ caun₂ 'én'₁ quió'₅ a₂'i₄ 'éi'₃ jiá₃ bá₄ jaun₂, la₁ia₁ jui₁lia'₂ a₂tí₅ të₃dsón'₂, Cristo bá₄ 'éi'₂. ¹⁸ Tsá₃ cuë'₂ 'nia'₂ jmig₄ jua'₅₄ 'liog'₃ dsa₂ cau₅ 'nia'₂, jui₁lia'₂ dsa₂ i₂jmo₅ a₂lín₅ mei'₂, ton'₂ jme₂juin'₂ ángeles në₃. Qui₂tiáin₂ 'ñio₅ lin₃ a₂cha₂ të₅ ne₅₄ a₂lë₁qui₂jág₅, ‡ 'ñio₅ jme₂cain'₅₄ jmo₂₃ róin₂ a₂qui₂ñí'₂ dsí₅ guioin₅₄. ¹⁹ Dsa₂ i₂le₂'éi'₂ në₃, tsá₃ chi₁chain'₅ le₃quió'₅ Cristo, i₂lín₅ mi₂dsi₄ i₂jme₂tau₅₄ ca₂le₃jë₃ ja₁qui₂le₁tion'₅₄ quió'₅, jmo₂₃ qui₂dsi₂cón₃ ta₁caun₂ ni₁ñi₁₂, lia'₂ con'₂ lë₅ 'ñio₂ dsí₅ Diú₄.

²⁰ Chi₂jua'₂ jaun₂ ma₂dsan'₃ bá₄ 'nia'₂ quian'₅₄ Cristo, ja₁con₂ jág₁ le₂'uig₅₄ lia'₂ ñí'₂ dsí₅ dsa₂ mi₂güig₃, ¿'e₂ guë'₂ 'uig₅₄ lë₃ në₃, qui₂tián'₅ guë'₄ 'nia'₂ 'éi'₃ në₂jag₄ a₂lín'₅ bá₄ guë'₄ 'nia'₂ dsa₂ mi₂güig₃? ²¹ Co₂'nió'₄ a₂juá'₂ 'éi'₃: “Tsá₃ i₂tí₅ gog'₂, tsá₃ i₂quë'₂ má₃ ó₃, tsá₃ i₂jmá'₂ a₂ó₃ në₃.” ²² Ta₁jë₂ bá₄ a₂në₅ dsiá₃ jui₁lia'₂ jë₁jmó'₂ ta₁. Të₂le₃ ia₁ con'₂ lë₅ 'éi'₃ a₂jme₂tag₅ dsa₂ mi₂güig₃ bá₄ jaun₂. ²³ Jág₁ a₂le₃ñí'₂ dsí₅, jág₁ le₂në₅, lé₂ le₁lín₂ dsa₂, ia₁ qui₂chi₂quióng₂ jmig₄ 'ñio₅ lin₃ a₂jmo₃ dsa₂ a₂ñí₄ cui_{in}₂₃ Diú₄, a₂qui₂jmo₂₃ mei'₂, a₂qui₂cuë'₅ uig₅ ni₁ñi₁₂ në₃; la₁ 'i₁ca₂juig₄ tsá₃ 'e₂ ta₁ jmo₃ jua'₅₄ quian'₅₄ a₂në₅ lé₂ le₃guia'₃ dsa₂ cau₅ a₂'ág'₄ dsí₅ a₂mi₅ ni₁ñi₁₂.

3

¹ Le₂në₅ bá₄ jaun₂, ia₁ a₂ma₂ca₂jen'₅₄ guë'₂ 'nia'₂ quian'₅₄ Cristo, 'nio'₂ 'nia'₂ jaun₂ a₂lë₅ le₃quió'₅ guei'₅₄ i₂juig₃, ja₁guá₄ Cristo të₂le₃ gu₂ ne₁ quió'₅ Diú₄. ² Jmo₄ bá₄ 'nia'₂ 'i₅ 'au'₂ a₂ca₂tín₂ guei'₅₄ i₂juig₃, on₃jua'₅₄ rë'₂ a₂ca₂tín₂ ne₄ gua'₅₄ 'uë₃. ³ Ia₁ ma₂dsan'₃ bá₄ 'nia'₂, jaun₂ ma₂rë₂'ma₄ a₂chan'₂ 'nia'₂ quian'₅₄ Cristo ja₁con₂ Diú₄. ⁴ Jë₁ma₂të₂ rë₂jme₃jnia₅ Cristo në₃, i₂lín₅ i₂jmo₅ a₂chong₂ jniog₄, jaun₂ në₃, ján₃ guë'₂ le₂jaun₂ 'nia'₂ le₃jniág'₂ co₂lë₅ quian'₅₄ jë₄ co₂tág₅ co₂'né'₅ quió'₅.

Jui₅ gui'₅₄ quian'₅₄ jui₅ 'mí₂

⁵ Jaun₂ lë₃, co₂dsia₅ jmo₄ 'nia'₂ jui₁dsian₂ gog'₂-tag'₅₄ a₂jmo₅-dsáu₅ jui₁lia'₂ a₂lë₂ gua'₅₄ 'uë₃ la₂: jui₁lia'₂ a₂nió'₅ dsa₂ jág₁ a₂tsá₃ dsi₂ten₅₄ nió'₃; jui₁lia'₂ a₂jmo₅ dsa₂ cosa lë₁'iog₅, jui₁lia'₂ a₂'ín₅ dsí₅ cosa 'lig'₅₄, jui₁lia'₂ a₂'ín₅ dsí₅ dsa₂ jme₃'ñi₃ a₂ca₂tín₂ i₂sián'₂. Ia₁ a₂co₂jaun₂ bá₄ në₅ jui₁lia'₂ a₂jme₂gan₃ dsa₂ diú₄ lag₄. ⁶ Ia₁ 'uig₅₄ quió'₄ a₂le₂në₅ bá₄ já₅ uig₅ gau₂ a₂'ë₂

§ 2:12 lit. “lia'₂ con'₂ jme₁ca₂i₃tian'₃ 'nia'₂ jmig₂.” * 2:15 'Nio'₂ ja₁ton₅ Efesios 4:8. † 2:16 lit. “tsí'₂ guen₂.” ‡ 2:18 A₂lín₅₄ chog₅₄ si₂ juá'₂: “qui₂tiáin₂ 'ñio₅ lin₃ jui₁lia'₂ a₂tsá₃ ma₂jág₃.”

Diú₄ ne₄ quió'₅ jaun₅ dsa₂ i₂tsá₃ ne'₅₄.^{*} 7 Jui₅ le₂ně₅ jme₁i₂nio'₄ 'nia'₂ lia'₂ lě₅ jme₁chan'₂ 'nia'₂ le₂jñiá₅. 8 La₁ rě₂ně₃ ně₃, tí₃ ca₂le₃jě₃ a₂le₂ně₅: jui₁lia'₂ a₂'i₄ 'nei₂ 'au'₂ 'nia'₂, jui₁lia'₂ a₂lě₁qui₂rě₂'neg'₂, jui₁lia'₂ a₂'lig'₅₄ a₂qui₂dsi₂jñiá₅ 'au'₂ 'nia'₂, jui₁lia'₂ a₂'ín'₅ 'nia'₂ uig₅ ríng'₂, jui₁lia'₂ jág₁ ga₂ a₂'uě₂ mi₂'o'₅₄. 9 Tsá₃ ma₃dsia₂ 'nia'₂ jág₁ tē₂jág₁ quian'₅₄ rín'₂ 'nia'₂ le₂jang'₂ le₂jang'₂, ia₁ ma₂dsian'₅₄ 'nia'₂ cau₅ dsa₂ 'ón₅ 'a₂ lia'₂ jme₁lín'₄ 'nia'₂ le₂jñiá₅, quian'₅₄ guě₄ ca₂le₃jě₃ a₂jme₁jmo₅-dsá_{u5}, 10 co₂'nió'₄ ma₂ca₂qui'₂ táng₃ 'nia'₂ caun₂ a₂'mí₂, co₂'nió'₄ a₂lín'₅ dsa₂ 'mí₂; a₂caun₂ qui₂rě₂'mag'₂ 'nia'₂, ia₁jaun₂ dsi₁nóg'₅ ja₁le₃cuin'₂ 'nia'₂ dse₃ lín₃ Diú₄, ja₁le₃lén'₂ 'nia'₂ lia'₂ lín₅ 'éi₂ i₂ca₂jmo'₂ 'nia'₂. 11 Ja₁jaun₂ tsá₃ 'ein₂ jmo₅ jma₃quén₅ jui₁lia'₂ dsi₂nau₂ o₃ dsa₂ judíos 'e₂, jui₁lia'₂ dsa₂ i₂rě₂uing₄ o₃ tsá₃ rě₂uing₄ quió'₅ 'e₂, jui₁lia'₂ dsa₂ i₂chan₂ uing₂, o₃ i₂chan₂ má'₂ 'e₂, jui₁lia'₂ dsa₂ i₂jme₂ti₃ ta₁ ne₄ juig₅₄, o₃ i₂tsá₃ 'ein₂ ne₄ jme₂ti₃; la₁ Cristo bá₄ quen₅ ne₄ ca₂le₃jě₃, ton'₂ 'ein₅₄ ja₁con₂ ca₂le₃jín₃.

12 Jaun₂ lě₃, rín'₅₄ jniog₄, jui₁lia'₂ ca₂tín₂ jmo₃ dsa₂ i₂ma₂quió'n'₂ Diú₄, i₂ma₂lě₅ 'í₁ quiáin₅, i₂ñí₄ lě₃ 'nioi₃ 'éi₂: qui'₂ 'nia'₂ a₂rě₂lín'₅₄ a₂ñéi₂ 'au'₂, a₂'ua₁ 'au'₂, a₂jmo'₂ meg'₂, a₂jme₁gan'₃ 'nia'₂ ríng'₂, a₂juin'₂ 'au'₂ 'nia'₂ ně₃. 13 Jmo₄ 'nia'₂ tió'₃ 'au'₂ quian'₅₄ ríng'₂ le₂jang'₂ le₂jang'₂, ton'₂ 'én₃ 'nia'₂ dsá_{u1} ríng'₂, ně₁jua'₂ chan₂ i₂dsia₅ dsá_{u1} rín'₅₄. Jui₁lia'₂ ca₂'én₂ Te₁gui'₅₄ dsá_{u2} 'nia'₂ guiong'₅₄, le₂jaun₂ jmo₄ 'nia'₂ ján₃. 14 A₂dsen₅₄ guě₄ jě₄ ca₂le₃jě₃, qui'₂ 'nia'₂ quian'₅₄ a₂jme₁'nió'₄ 'nia'₂ ríng'₂, † a₂ně₅ bá₄ jmo₃ 'ag₃ co₂dsia₅ caun₂ jág₁ 'nia'₂. 15 Jui₁le₂gon₂ tē₂'au'₂ 'nia'₂ a₂'ei₅ tei₄ quió'₅ Cristo, ‡ ia₁ ta₁ jaun₂ ma₂qui₂rě₂té₄ 'nia'₂ a₂lén'₂ caun₂ bá₄ ñí₅. Jaun₂ jmo₄ 'nia'₂ 'au'₂ cuě'₅₄ ti₁'mag'₄. 16 Jui₁tě₂gua₄ tē₂'au'₂ 'nia'₂ lia'₂ rě₂tsón₂ jág₁ dse₃ quió'₅ Cristo; quian'₅₄ ca₂le₃jě₃ a₂ñí'₂ dsí₅ Diú₄, jě₁jme₂tín'₂ 'nia'₂ ríng'₂, jě₁qui₂ton'₂ 'nia'₂ jág₁ ríng'₂ tē₂le₃ quian'₅₄ salmos, himnos, son₅₄ a₂gu₂dsí₂ ně₃, a₂qui₁'ě'₂ 'nia'₂ a₂cuě'₅₄ ti₁'mag'₄ Diú₄ jui₅ tē₂'au'₂ 'nia'₂. 17 Jui₁'e₂ guě₃ a₂jmo'₂, o₃ 'e₂ jág₁ dsiá'₁ 'nia'₂, jmo₄ 'nia'₂ ca₂le₃jě₃ o₄quió'₄ Te₁gui'₅₄ Jesús, qui₁cuě'₅₄ 'nia'₂ ti₁'mag'₄ Diú₄ Jmei₂ jniog₄ le₃quió'₅ 'éi₂.

A₂ca₂tín₂ dsa₂ quián₅ Cristo jmo₃ quiain'₅₄ rín'₅₄

18 'Nia'₂ dsa₂ mí₂ i₂chan₂ dsi₂i₂gu₂, tión'₂ 'nia'₂ 'éi'₃ quió'₅ dsa₂ ñe'₂ quiáng'₂, jui₁lia'₂ dsi₂ten₅₄ ia₁ lín'₅ dsa₂ 'én₂ le₃quió'₅ Te₁gui'₅₄. 19 'Nia'₂ guě'₂ dsa₂ ñe'₂ i₂chan₂ dsa₂ mí₂ quián₅, jme₁'nió₄ 'nia'₂ dsa₂ mí₂ quiáng'₂, tsá₃ jmo₂ 'nia'₂ 'ua'₂ 'au'₂ ja₁coin₂. 20 'Nia'₂ chí'₂-guein₂, nei₂ 'nia'₂ gau₂ jág₁ quió'₅ chog'₂-ñéi'₅ jě₄ le₃jě₃, ia₁ a₂ně₅ bá₄ tē₅ dsí₅ Te₁gui'₅₄. 21 'Nia'₂ guě'₂ ně₃, jmei₂ chí'₂, tsá₃ tó'₂ 'nia'₂ 'nei₂ dsí₅ chí'₂-guein₂ quián'₂ 'nia'₂, ia₁jaun₂ tsá₃ jén₂ dsí₅. 22 'Nia'₂ dsa₂ i₂jme₂ti₃ ne₄ dsa₂, jme₁ti₁ 'nia'₂ ca₂le₃jě₃ 'e₂ ta₁ ti₂néi'₂ juig'₂ i₂lín₅ juig'₂ tē₂le₃ ne₄ gua'₅₄ 'uě₃ la₂, on₃jua'₅₄ jmá'₃ jme₁jág₅ ia₁jaun₂ tē₂tsin'₅₄ 'nia'₂ dse₃ quiain'₅₄, la₁ jmo₄ bá₄ jui₅ tē₂'au'₂ a₂tí₅ tē₃dsón'₂, ia₁ tē₂le₃ a₂gang'₃ Te₁gui'₅₄. 23 Jui₁'e₂ guě₃ caun₂ a₂jmo'₂ 'nia'₂, jmo₄ 'nia'₂ a₂ñio₂ 'au'₂ co₂'nió'₄ a₂jmo'₂ ta₁ le₃quió'₅ Te₁gui'₅₄, on₃jua'₅₄ le₃quió'₅ dsa₂. 24 Ia₁ ma₂ñi'₅₄ bá₄ 'nia'₂, Te₁gui'₅₄ bá₄ cuě₃ 'liang'₅₄ a₂ma₂lě₅ jág₁ ca₂tín'₂. Ia₁ ne₄ Te₁gui'₅₄ Cristo jme₂tí'₁ 'nia'₂ ta₁. 25 La₁ jui₁lia'₂ i₂jmo₅-dsá_{u5} a₂'lig'₅₄, gue₃ bá₄ 'liain'₅₄ lia'₂ con'₂ lě₅ 'lig'₅₄ a₂jmo₂₃. Ia₁ tsá₃ jma₃quén₅ jín₂ Diú₄ le₂jan₂ le₂jan₂ dsa₂.

4

1 'Nia'₂ dsa₂ i₂lín'₅ juig₅₄ quián₅ dsa₂, ca₂tín'₂ 'nia'₂ jmó'₂ lia'₂ con'₂ dsi₂ten₅₄, 'i'₅₄ jág₁ 'nia'₂ quiang'₅₄ dsa₂ i₂qui₂jme₂ti₃ ne'₅₄. Jui₁dsiog'₂ bá₄ 'au'₂ 'nia'₂ a₂chan₂ jan₂ Juig'₂ 'nia'₂ ján₃ i₂guá₅ guei'₅₄ i₂juig₃.

2 Caun₂ chí₂len'₄ 'nia'₂ Diú₄ a₂léi₄ rě₂jnio₄ ne'₅₄ 'nia'₂, cuě'₅₄ ti₁'mag'₄. 3 Mí₄ 'nia'₂ ne₄ Diú₄ o₄quián₂ jnia'₅₄ ján₃, ia₁jaun₂ bá₄ cuě₃ Te₁gui'₅₄ jui₅ rě₂na₄ jnia'₅₄ ia₁jaun₂ lé₂ le₃qui₁'ě₄ jág₁

* 3:6 A₂lín₅₄ chog₅₄ si₂ tsá₃ chí₁ton₅ jág₁: “ne₄ quió'₅ jaun₅ dsa₂ i₂tsá₃ ne'₅₄.” † 3:14 'Nio'₂ ja₁ton₅ 1 Corintios 13:13.
‡ 3:15 o₃, “quió'₅ Diú₄.”

dse₃ a₂qui₁chei₅₄ jnia'₅₄ dsa₂ jág₁ a₂rë₂'ma₄ quió'₅ Cristo; 'uig₅₄ jág₁ nē₅ bá₄ 'eng₅₄ rë₂jníg₅.
⁴Chi₂len'₄ 'nia'₂ Diú₄ ia₁jaun₂ lé₂ le₃'ě₄ lia'₂ qui₂rë₂jiá₃ jág₁ lia'₂ con'₂ dsi₂ten₅₄ jmo₅₄.

⁵Tián'₂ 'nia'₂ 'en₅₄ 'au'₂ jmo₄ quian'₅₄ jui₁lia'₂ dsa₂ i₂tsá₃ 'én₂, 'ñio'₄ 'nia'₂ jmo₄ a₂dse₃ jë₁cuin₅ jmig₄. ⁶Jág₁ a₂dsia'₂ 'nia'₂ co₂tan₅₄ bá₄ ca₂tín'₂ 'nia'₂ dsiá'₁ a₂'ua₁ 'au'₂, jág₁ a₂'ñio₂ dsi₅ a₂ja₂ mi₂juig₂. Ca₂tín'₂ 'nia'₂ ján₃ le₃ñi'₅₄ 'a₂ lia'₂ qui₁jein'₄ jág₁ ja₁con₂ le₂jan₂ le₂jan₂ dsa₂.

Cuag₂₃ Diú₄ jë₁ca₂tó'₂

⁷Tíquico rín'₅₄ jniog₄ i₂'nióg₃ guě₄ lín₃, i₂ma₂já₅ jme'_{o54} qui₂rë₂ti'₅₄, jme₂ti₃ quian'₅₄ jniá₂ ne₄ Te₁gui'₅₄, 'éi₂ bá₄ dsia₃ ca₂le₃jě₃ 'a₂ lia'₂ lě₅ chang₂. ⁸'Uig₅₄ jaun₂ tsín₂ jniá₂ ja₁con'₂ 'nia'₂ ia₁jaun₂ dsia₃ 'a₂ lia'₂ chong₂ jnia'₅₄ ja₁lá₃, ton'₂ ia₁jaun₂ cuě'₃ 'nia'₂ lián'₂; ⁹quian'₅₄ Onésimo nē₃, jan₂ rín'₅₄ jniog₄ i₂rë₂ti'₅₄, i₂lín₅ jan₂ i₂quian'₄ 'nia'₂; i₂nē₅ bá₄ dsia₃ ca₂le₃jě₃ 'e₂ niog₅ lě₂ ja₁lá₃.

¹⁰Aristarco, i₂quiong'₅₄ jniá₂ né'₃ má₃, dsiáin'₂ jág₁ a₂cuin₂₃ Diú₄ 'nia'₂, ján₃ bá₄ le₂jaun₂ Marcos, i₂lín₅ chí'₂ rín'₅₄* Bernabé. Të₂le₃ quió'₅ Marcos 'éi₂ nē₃, ma₂gue'₅₄ bá₄ 'nia'₂ jág₁ 'a₂ lia'₂ jmó'₂; nē₁jua'₂ ca₂dsióg₃ dsi₁jín₁₂ 'nia'₂, guein₅₄ bá₄ 'nia'₂ dse₃. ¹¹Ján₃ bá₄ cuag₅ Diú₄ i₂chen₂ Jesús i₂tě'₂ dsa₂ Justo ján₃. Jñia'₅₄ lia'₂ i₂nē₅ bá₄ lín₅ i₂ún₂ tan₅₄ i₂rë₂uing₄ quió'₅, i₂jmo₅ ta₁ quian'₅₄ jniá₂ o₄quió'₄ ja₁gon₂ Diú₄, i₂ma₂ja₂lén₂ jmo₅ lián'₂ dsi₃. ¹²Epafras nē₃ jan₂ i₂lín₅ rín'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, jan₂ rín'₅₄ i₂jme₂ti₃ ne₄ Cristo Jesús. Co₂tan₅₄ bá₄ chí₂lén'₂ 'éi₂ Diú₄ 'ñio₅ lín₃ o₄quián'₂ 'nia'₂, ia₁jaun₂ tón'₂ 'nia'₂ rë₂'ñiag'₅, 'ei₅ caun₂ jág₁ 'nia'₂ jë₄ ca₂le₃jě₃ 'a₂ lia'₂ 'ñio₂ dsí₅ Diú₄. ¹³Lé₂ jáng'₄ jniá₂ jág₁ dsau₅ 'a₂ lia'₂ ma₂já₅ 'éi₂ dsan₂ dsí₅ 'nia'₂, ján₃ bá₄ le₂jaun₂ o₄quió'₄ i₂tián'₅ juig₂ Laodicea quian'₅₄ guě'₂ i₂tián'₅ Hierápolis ján₃. ¹⁴Lucas, i₂lín₅ tē₅mí₅ i₂'nió₄ guě₄ lín₃, cuin₂₃ Diú₄ 'nia'₂; ján₃ guě'₂ le₂jaun₂ i₂tě'₂ Demas. ¹⁵Cuin₅₄ 'nia'₂ Diú₄ rín'₅₄ i₂tián'₅ juig₂ Laodicea. Cuin₅₄ 'nia'₂ Diú₄ ján₃ 'io₅₄ Ninfas, quian'₅₄ co₂nió'₃ guá'₅ i₂ñi'₂ dsi₂néi₂ quió'₅ nē₃. ¹⁶Jë₁ma₂ca₂'í'₂ 'nia'₂ si₂ la₂ jë₄ quián'₂ 'nia'₂, jaun₂ tsing'₅₄ 'nia'₂ guá'₅ chan₂ Laodicea ia₁jaun₂ 'i₃ táng₃ rín'₅₄ jniog₄ ja₁jaun₂; ton'₂ ján₃ guě'₂ 'í'₂ 'nia'₂ si₂ a₂ca₂dsióg₃ ne₄ i₂chan₂ Laodicea. ¹⁷A₂la₂ chei'₅₄ Arquipo: “Tion'₂ 'ne₂ jui₅ ta₁ a₂ma₂gue'₅₄ a₂ma₂dsia₃ Te₁gui'₅₄ gog'₂, a₂jme₁ti'₄ rë₂.”

¹⁸Jniá₂ Pa₄, cúing₅ Diú₄ 'nia'₂ quian'₅₄ letra quió₃ 'ñió₃.† Jui₁dsiog'₂ bá₄ 'au'₂ 'nia'₂ a₂'eng₅₄ rë₂jníg₅. Jui₁jme₂gu'₅₄ bá₄ Diú₄ 'nia'₂.

Co₂nē₅.

* 4:10 o₃, “primo.” † 4:18 'Nio'₂ ja₁ton₅ 1 Corintios 16:21; Gálatas 6:11; 2 Tesalonicenses 3:17; Filemón 19.

Si₂ carta le₂'uig₅₄ a₂ca₂jmo₃ San Pablo ne₄ dsa₂ TESALONICENSES

Pablo quian'₅₄ rin'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

¹ Jniá₂ Pa₄, quian'₅₄ Silvano,* Timoteo ně₃, jmo₂₃ si₂ la₂ a₂dsiang'₅₄ ne₄ dsa₂ i₂ma₂'én₂ le₃quió'₅ Jesús, i₂chan₂ juig₂ Tesalónica, dsa₂ i₂'ei₅ caun₂ jág₁ quian'₅₄ Diú₄, quian'₅₄ Te₁gui'₅₄ Jesucristo ně₃. Ju₁i₁jme₂gu'₅₄ Diú₄ 'nia'₂. Ju₁i₁'ei₅ bá₄ tei₄ tion'₅₄ 'nia'₂ quian'₅₄ 'éi'₃ quió'₅ Diú₄ Jmei₂ jniog₄, quian'₅₄ 'éi'₃ quió'₅ Te₁gui'₅₄ Jesucristo ně₃.

Cha₂ léi₄ ja₁con₂ dsa₂ chan₂ Tesalónica ia₁ a₂'éin₂

² Ca₂le₃jě₃ jmig₄ bá₄ cuē₂ jnia'₅₄ ti₁'mag'₄ Diú₄ o₄quían'₂ 'nia'₂ ca₂le₃jíng'₃. Jē₁ma₂tě₂ rē₁chi₁len'₄ jnia'₅₄ Diú₄, dsau'₂ bá₄ dsi₅ jnia'₅₄ 'nia'₂. ³ Dsau'₂ bá₄ dsi₅ jnia'₅₄ 'nia'₂ ne₄ Diú₄ Jmei₂ jniog₄, ia₁ 'ñio₅ lin₃ ma₂jmo'₅₄ 'nia'₂ ta₁ cha₂ léi₄ ja₁con'₂ 'nia'₂ ia₁ 'éng'₂, ia₁ 'ñio₅ lin₃ jme₂ti'₅₄ 'nia'₂ ta₁ ne₄ Te₁gui'₅₄ 'uig₅₄ ia₁ a₂'nió'₃ 'nia'₂. Jaun₂ caun₂ bá₄ le₁'ág₄ 'au'₂ 'nia'₂ a₂'ín₂ 'au'₂ le₃quió'₅ Te₁gui'₅₄ Jesucristo quían₂ jniog₄. ⁴ Rin'₅₄ jniog₄, 'nio₃ bá₄ Diú₄ 'nia'₂, ne₄ bá₄ jnia'₅₄ a₂ma₂quióin'₂ 'nia'₂. ⁵ Lia'₂ con'₂ jme₁ca₂jme₁tin₅ jnia'₅₄ 'nia'₂ jág₁ dse₃, on₃jua'₅₄ jmá'₃ quian'₅₄ jág₁ jaun₂ jme₁ne₄. Ia₁ jme₁quian'₅₄ bá₄ jui₅bí₂ quió'₅ Jme₂dsí₂ Jñio₅ ján₃, ca₂'é₄ jág₁ dse₃ la₂ jin'₄ 'nia'₂. Jaun₂ caun₂ bá₄ 'ei₅ dsi₅ jnia'₅₄ ia₁ Jme₂dsí₂ Jñio₅ bá₄ jmo₃ jme₃'uá₂ 'au'₂ 'nia'₂ a₂le₃'éng'₂. Nj'₅₄ bá₄ 'nia'₂ dse₃ 'a₂ lia'₂ ca₂tió'₄ jnia'₅₄ jin'₄ 'nia'₂ a₂dse₃ quían'₂ bá₄ 'nia'₂ jaun₂.

⁶ 'Nia'₂ ně₃, ca₂quian'₂ 'nia'₂ jui₅ a₂ca₂quían₁ jnia'₅₄, a₂ca₂can₃ Te₁gui'₅₄ ně₃. Ca₂gue'₅₄ bá₄ 'nia'₂ a₂'ñio₂ 'au'₂ jág₁ dse₃. Chan'₂ bá₄ 'nia'₂ o₂'ñio₃ o₂jñia₃ 'au'₂ a₂jmo₅ Jme₂dsí₂ quían₅ Diú₄, tsá₃ a₂nag₅₄ jaun₂ ca₂quín₂ a₂ca₂3ñí'₂ 'nia'₂ uig₅ 'ñio₅ lin₃ 'uig₅₄ jág₁ dse₃. ⁷ Jaun₂ le₂ně₅ bá₄ ca₂dsi₃nó'₅ 'nia'₂ ca₂cuē'₅₄ 'nia'₂ caun₂ jui₅ dse₃ jaun₂ ca₂cáun₃ 'í₁ ca₂le₃jín₃ dsa₂ i₂'én₂ le₂tan₅₄ juig₂ te₁'i₁ 'uē₃ Macedonia quian'₅₄ le₂tan₅₄ 'uē₃ Acaya ně₃. ⁸ Jaun₂ le₂ně₅ ma₂ca₂'ē'₅₄ 'nia'₂ dsa₂ jág₁ dse₃ quió'₅ Te₁gui'₅₄, on₃jua'₅₄ jmá'₃ dsa₂ chan₂ Macedonia quian'₅₄ Acaya ma₂qui₂ma₂'ē'₅₄ 'nia'₂ jág₁, ia₁ ca₂le₂con₂ ja₁siá'₂ bá₄ ján₃ le₁ñi₅ dsa₂ a₂lín'₂ 'nia'₂ dsa₂ i₂'én₂ quían₅ Diú₄. Jaun₂ tsá₃ ma₃'e₂ jua'₅₄ 'nió'₅ guē₄ chei₅₄ jnia'₅₄ 'i₁caun₂ 'nia'₂. ⁹ Tē₂le₃ dsia₅ bá₄ 'éi₂ guoin₅₄ a₂ca₂guei'₅₄ 'nia'₂ dse₃ jnia'₅₄, dsia₂₃ 'a₂ lia'₂ ca₂tí'₃ a₂jme₁'éng'₂ tē₂le₃ quió'₅ diú₄ lag₄, a₂ca₂rě₃'én'₂ 'nia'₂ tē₂le₃ quió'₅ Te₁gui'₅₄, ca₂jme₁ti'₄ ne₄ Diú₄ jén'₃ dsón'₂ i₂chan₂. ¹⁰ Dsia₂₃ bá₄ ján₃ 'a₂ lia'₂ tion'₅₄ 'nia'₂ le₁jan'₄ a₂jñio'₂ táng₃ jui₅ guei'₅₄ i₂juíg₃ Jesús Ja₁ñi'₅₄ Diú₄ i₂ca₂jme₃jein'₅₄ jin'₄ lag₄. I₂'éi₂ bá₄ lió₂ jniog₄ ne₄ a₂'i₄ 'nei₂ dsí₅ Diú₄.

2

Ta₁ a₂ca₂jmo₃ Pablo juig₂ Tesalónica

¹ Ia₁ ñi'₅₄ bá₄ 'nia'₂ guiong'₅₄, rin'₅₄ jniog₄, tsá₃ jua'₅₄ a₂lě₁ca₂1náu₄ jnia'₅₄ ca₂1jin₁ 'nia'₂. ² Ia₁ ma₂ñi'₅₄ bá₄ 'nia'₂, tē₂le₃ ca₂jme₃'o₅₄ bá₄ Diú₄ ca₂nio₃ tiá₂ dsi₅, ca₂'é₄ jnia'₅₄ ja₁con'₂ 'nia'₂ jág₁ dse₃ a₂lión₂ dsa₂, o₁jñia'₅₄ ca₂jmo₃'g'₂ dsa₂ ca₂tē₂ca₂'o'₂ juig₂ Filipos le₂jñiá₅. ³ Ia₁ jág₁ a₂ca₂tion'₅₄ jnia'₅₄ 'nia'₂, on₃jua'₅₄ a₂já₃ 'uig₅₄ ia₁ a₂2gon₂ jnia'₅₄, on₃ guē'₂ o₄quió'₄ ia₁ a₂dsi₂jñia₅ dsi₅ a₂'lig'₅₄, on₃ guē'₂ jua'₅₄ ia₁ a₂jme₂gán₁ jnia'₅₄ 'nia'₂. ⁴ Tē₂le₃ ia₁ Diú₄ bá₄ ca₂cáun₃ 'í₁ a₂jmo₂ jnia'₅₄, ca₂dsia₃ gu₂ jnia'₅₄ a₂qui₁'é₄ jág₁ dse₃. Jaun₂ le₂ně₅ ju₁lia'₂ jág₁ a₂jua'₂ jnia'₅₄, on₃jua'₅₄ a₂jua'₂ ia₁jaun₂ 'ñio₂ dsí₅ dsa₂ mi₂gúig₃, tē₂le₃ ia₁jaun₂ 'ñio₂ dsí₅ Diú₄ bá₄ i₂con₂ 'í₁ tē₂dsi₅ jniog₄. ⁵ Nj'₅₄ bá₄ 'nia'₂, 'i₁cón'₂ tsá₃ jua'₅₄ ca₂dsiá₁ jnia'₅₄ jág₁ rau₂, on₃ guē'₂ jua'₅₄ ca₂'má₂ jnia'₅₄ jág₁ a₂tsá₃ dsi₂ten₅₄ 'má₂ ia₁jaun₂ léi₂ cu₄. Já₅ bá₄ Diú₄ ca₂le₃jě₃ a₂ca₂jmo₃. ⁶ Tsá₃ a₂jaun₂ 'niog₂ jnia'₅₄ jua'₅₄ a₂jme₃juag'₂ dsa₂ 'ñio₅ lin₃, on₃ guē'₂ 'nia'₂, on₃ guē'₂ dsa₂ sián'₂ ně₃, o₁jñia'₅₄ jme₁ca₂tág₂ rē'₂ jnia'₅₄ jmó₁ 'éi'₃ jaun₂ ia₁ a₂lág₅ dsa₂ i₂chen₄

* 1:1 Lia'₂ chen₂ Silvano, co₂rě₂ quian'₅₄ Silas.

quián⁵ Cristo. ⁷ Tē₂le₃ ca₂jmó₁ bá₄ jnia'⁵⁴ 'ua₁ dsi₅ ja₁con'² 'nia'², ju₁lia'² lín₅ jan₂ chog⁵⁴ chi'², a₂jme₂cain'⁵⁴ chi'² quián⁵ qui₂jmo₂₃ 'í₁. ⁸ Jaun₂ lē₃ 'nio₅ lín₃ ca₂rē₃'nio₃ jnia'⁵⁴ 'nia'², ca₂lia'² jnia'⁵⁴ on₃jua'⁵⁴ jmá'³ jág₁ dse₃ quió'⁵ Diú₄ nē₅ ca₂tág₂ jnia'⁵⁴ cuē₁, le₂jio₅ jme₂dsi₂ quián² jnia'⁵⁴ 'nio₂ dsi₅ cuē₁ ján₃. Ia₁ ma₂dsi₂nó'⁵ 'nia'² léng'² dsa₂ i₂'nió₄ lín₃ quián² jnia'⁵⁴. ⁹ Jua'² jnia'⁵⁴ le₂nē₅, rín'⁵⁴ jniog₄, ia₁jaun₂ dsá₂ bá₄ 'au'² 'nia'² 'a₂ lia'² ca₂jmó₁ jnia'⁵⁴ ta₁ a₂ca₂lag₃ a₂que⁵⁴. Lia'² 'uē₂-jm₂ bá₄ qui₂ca₂jmó₁ jnia'⁵⁴ ta₁, ia₁jaun₂ 'i₁jan'² 'nia'² tsá₃ jua'⁵⁴ 'ein₂ 'nio₅ guei₂ ca₂can₃ quian'⁵⁴ jnia'⁵⁴, tē₁lia'² ca₂tió'⁴ ca₂'ē₄ jág₁ dse₃ quió'⁵ Diú₄.

¹⁰ Ca₂tē₂ bá₄ ne'⁵⁴ 'nia'², jág₅ bá₄ Diú₄ ján₃, ca₂tió'⁴ jnia'⁵⁴ quian'⁵⁴ 'nia'² dsa₂ i₂'én₂, a₂lág₅ jnia'⁵⁴ dsa₂ jnió₅, dsa₂ dsen₃, i₂tsá₃ 'ein₂ lé₂ le₃bóg'² dso₄. ¹¹ Nj'⁵⁴ bá₄ 'nia'² ján₃, ca₂jmó₁ jnia'⁵⁴ jin'⁴ 'nia'² ju₁lia'² jmo₅ jan₂ jmei₂ dsa₂ jmá'² chi'² quián⁵, qui₂ca₂cuē⁵⁴ jnia'⁵⁴ bí² 'nia'², ca₂tion'⁵⁴ jnia'⁵⁴ jág₁ 'nia'² jaun₂ náu'¹ tiá₂ ju₅ dse₃. ¹² Jaun₂ qui₂ma₂chei⁵⁴ bá₄ jnia'⁵⁴ 'nia'² a₂i₁niog'⁴ lia'² con'² dsi₂ten⁵⁴ i₂'nio₄ dsa₂ quián⁵ Diú₄ i₂tē₂ a₂jme₁quian'⁴ 'nia'² ja₁jmo₂₃ 'éi'³ guei'⁵⁴ i₂ju₃ig₃ ja₁lē₄ co₂tág₅ co₂'né'⁵ quió'⁵.

¹³ Jaun₂ lē₃, ca₂le₃jē₃ jmig₄ bá₄ cuē₂ jnia'⁵⁴ ti₁'mag'⁴ Diú₄. Ia₁ le₂'uig⁵⁴ jme₁ca₂nei'² 'nia'² jág₁ dse₃ quió'⁵ Diú₄ a₂ca₂jua'⁵⁴ jnia'⁵⁴, ca₂gue'⁵⁴ bá₄ 'nia'² con'² lē₅ jág₁ dse₃ quió'⁵ Diú₄, on₃jua'⁵⁴ con'² lē₅ jág₁ quió'⁵ dsa₂ mi₂güig₃. Ia₁ dsón'² bá₄ jág₁ dse₃ quió'⁵ Diú₄ nē₅, a₂jmo₃ léi₄ tē₂'au'² 'nia'² dsa₂ i₂'én₂. ¹⁴ Rín'⁵⁴ jniog₄, lia'² con'² ca₂ñag'⁵⁴ 'nia'² uig⁵ qui₂ca₂'ein₃ dsa₂ go'⁴ 'nia'², ca₂i₃ñí'² 'nia'² ju₁lia'² ca₂jmá'² dsa₂ guá'⁵ quián⁵ Diú₄ i₂tián'⁵ Judea i₂ma₂lín⁵ quián⁵ Cristo Jesús. Le₂jaun₂ bá₄ ca₂qui₂co₂'ein₃ dsa₂ judíos dsa₂ go⁵⁴. ¹⁵ Dsa₂ judíos 'éi₂ bá₄ i₂ca₂ñi'³ Te₁gui'⁵⁴ Jesús, i₂ca₂jme₃dsian⁵ dsa₂ i₂chen₄ quián⁵ Diú₄ nē₃. Jaun₂ ca₂'uág'² bá₄ jnia'⁵⁴. Tsá₃ 'nioi₃ Diú₄. 'Niai⁵⁴ bá₄ ca₂le₃jín₃ dsa₂. ¹⁶ Cha₂ jme₁lín⁵⁴ 'niog₂ jnia'⁵⁴ chei⁵⁴ jág₁ dsi₂nau₂, ia₁jaun₂ líón₂ 'éi₂ ján₃. La₁ 'éi₂ bá₄ jné₅ ju₅. Jaun₂ le₂nē₅ caun₂ dsi₂juē'² bá₄ dsáu₁. Co₂ñei'⁵⁴ ma₂já₅ a₂'i₄ 'nei₂ dsi₅ Diú₄ ja₁coin₂.

Dsi₂jio₅ dsi₅ Pablo dsó₃ táng₃ ju₅ Tesalónica

¹⁷ Rín'⁵⁴ jniog₄, lia'² con'² jme₁ca₂tén₄ co₂'na₂ rín'⁵⁴, o₁jnia'⁵⁴ tsá₃ né₅ jnia'⁵⁴ 'nia'², la₁ tion⁵⁴ bá₄ jme₁dsau'² dsi₅ jnia'⁵⁴, 'nio₅ lín₃ jme₁'niog₂ jnia'⁵⁴ dsau⁵⁴ táng₃ dsi₁né₄ 'nia'². ¹⁸ Jaun₂ dsón'² bá₄ jme₁'niog₂ jnia'⁵⁴ dsau⁵⁴ dsi₁jin₁ 'nia'². Jniá₂ Pa₄ 'líóng₂ ráun₂ jme₁ca₂quín'³ bí₂ a₂nei⁵⁴. La₁ i₂sē₃dsen₃ bá₄ ca₂jné₃ ju₅. ¹⁹ Jaun₂ ¿₂e₂ jaun₂ a₂'ín₂ dsi₅ jnia'⁵⁴ chong₂, a₂jmo₅ jnia'⁵⁴ 'io'², o₃ premio o₄quió'⁴ a₂jmó₁ jnia'⁵⁴ táu'⁵ jē₁ma₂tē₂ rē₁guan'² Jesús Te₁gui'⁵⁴ quián²? ¿On₁jua'⁵⁴ o₄quián'² 'nia'² bá₄? ²⁰ 'Uig⁵⁴ quián'² 'nia'² bá₄ ñí₄ 'io'² jein₅ jnia'⁵⁴; o₄quián'² 'nia'² bá₄ jme₂go₃ dsa₂ sián'² nē₃

3

¹ Jaun₂ nē₃, ia₁ tsá₃ ma₃tián₂ jnia'⁵⁴, ca₂rē₃'nió₃ bá₄ dsi₅ jnia₁ guio⁵⁴ juig₂ Atenas. ² Jaun₂ ca₂chen⁵⁴ jnia'⁵⁴ Timoteo rín'⁵⁴ ca₂i₁jín₁₂ 'nia'², ia₁ i₂ma₂lín⁵ quián⁵ Diú₄ bá₄ 'éi₂, ia₁ jmo₂₃ ta₁ co₂lē₅ quian'⁵⁴ jnia'⁵⁴ a₂jme₂tin₂₃ dsa₂ jág₁ dse₃ quió'⁵ Cristo. Lé₂ le₃juá'² 'éi₂ lia'² tí₅ jág₁ cuē'³ bí₂ 'nia'² a₂le₃'én'² guē₄ 'nia'², ³ ia₁jaun₂ 'i₁jan'² 'nia'² tsá₃ dsi₃lén₂ cau⁵ 'uig⁵⁴ a₂co₂'ein₅ dsa₂. Ia₁ ñi'⁵⁴ bá₄ 'nia'² guiong'⁵⁴, 'éi'³ nē₅ tio'⁵⁴. ⁴ Lia'² con'² jme₁tio'⁵⁴ jnia'⁵⁴ quian'⁵⁴ 'nia'² le₂jñiá₅, ca₂jua'⁵⁴ jnia'⁵⁴ a₂tion⁵⁴ niog₅ ñag⁵⁴ 'uig⁵⁴, jaun₂ le₂jaun₂ ca₂lē₃ nē₃, jaun₂ ma₂ñi'⁵⁴ bá₄ 'nia'². ⁵ Jaun₂ lē₃, ia₁ tsá₃ ma₃tió₅ 'i₅ dsi₃, ca₂tsing₂ dsa₂ ca₂i₁ñag₁₂ 'a₂ lia'² lē₅ ma₂'én'² 'nia'² tiong'⁵⁴, ia₁ con'² tsá₃ ñó₅ nē₁ca₂'liog'³ i₂sē₃dsen₃ a₂jmó₂ 'nia'² cosa 'lig'⁵⁴. Tsá₃ ma₃ta₁ tí₄ ta₁ quián² jnia'⁵⁴, jua'⁵⁴ mei'² guē₃ le₂jaun₂.

⁶ La₁ ma₂guán'⁵ bá₄ táng₃ Timoteo juig₂ Tesalónica, quion₂ jág₁ dse₃ 'én'² bá₄ 'nia'² jág₁ quió'⁵ Diú₄, 'nió'₃ bá₄ 'nia'² ríng'² le₂jang'² le₂jang'². Juá'² bá₄ ján₃, jmo₂ 'nia'² 'io'² a₂dsau'² 'au'² 'nia'² jnia'⁵⁴ ca₂le₃jē₃ jmig₄, a₂'ín₅ 'au'² 'nia'² 'nio₅ lín₃ jag'⁵⁴ jnia'⁵⁴, le₂jaun₂ bá₄ jnia'⁵⁴ ján₃ ju₁lia'² 'nia'² 'ín₅ dsi₅ jin₄ 'nia'². ⁷ Jaun₂ le₂nē₅, rín'⁵⁴ jniog₄, tē₃jē₄ uig⁵ chong₂ 'i₅ dsi₅ jnia'⁵⁴, la₁ ca₂'ág₂ lián'² dsi₅ jnia'⁵⁴ jme₁ca₂rē₃ne₄ 'a₂ lia'² lē₅ a₂'én'² 'nia'². ⁸ 'Io'² jein₅ jnia'⁵⁴ chong₂ jme₁ca₂rē₃ne₄ tión'² bá₄ 'nia'² tiá₂ tē₂le₃ quió'⁵ Te₁gui'⁵⁴. ⁹ Ca₂lia'² tsá₃ ne₄ jnia'⁵⁴ 'a₂ lia'²

cuë₅₄ ti₁'mag'₄ Diú₄ con'₂ dsi₂ten₅₄ o₄quió'₄ a₂'io'₂ jmo₂ jnia'₅₄ le₃ne₄ Diú₄ quián₂ o₄quián'₂ 'nia'₂. ¹⁰ Ca₂le₃jě₃ dsi₅ bá₄ jnia'₅₄ mi₂ lia'₂ 'uë₂-jm₂ne₄ Diú₄ a₂cuë₃ jmig₄ dsi₁jñ₁ 'nia'₂, jaun₂ jme₁'ñia₅ guë₄ jnia'₅₄ a₂'nió'₅ le₃tin'₂ guë₄ 'nia'₂ a₂le₃'éng'₂.

¹¹ 'Niog₂ jnia'₅₄, Diú₄ Jmei₂ 'ñiog₅ quian'₅₄ Te₁gui'₅₄ Jesucristo, jme₃ o₅₄ cuë₃ jmig₄ dsi₁náu₅ dsi₁jñg₅₄ 'nia'₂. ¹² Jui₁jmo₅₄ bá₄ Te₁gui'₅₄ jui₁ dsi₂cón₃ a₂jme₁'nió'₄ guë₄ 'nia'₂ ríng'₂ le₂jan'₂ le₂jan'₂ 'nia'₂ quian'₅₄ ca₂le₃jín₃ guë₄ jui₁'ein₂ guë₃ dsa₂ jui₁lia'₂ 'nio₃ jnia'₅₄ 'nia'₂. ¹³ Jui₁jmo₅₄ bá₄ Diú₄ 'ag₃ tiá'₂ 'au'₂ 'nia'₂, lén'₂ 'nia'₂ dsa₂ i₂ma₂lě₅ 'í₁ quián₅ i₂tsá₃ ma₃'e₂ dsáu₁ cha₂ ne₄ Diú₄ Jmei₂ jniog₄ jë₁ma₂tě₂ rë₁jñió'₂ Te₁gui'₅₄ Jesús quian'₅₄ ca₂le₃jín₃ i₂quián₅.*

4

A₂ lia'₂ dsi₂ten₅₄ le₃chan₂ dsa₂ con'₂ 'ñio₂ dsi₅ Diú₄

¹ Në₃ ně₃ rñ'₅₄ jniog₄, mi₂ jnia'₅₄ ne'₅₄ 'nia'₂ tē₂le₃ o₄quió'₄ Te₁gui'₅₄ Jesús, a₂i₁nio'₄ 'nia'₂ lia'₂ con'₂ 'ñio₂ dsi₅ Diú₄, jui₁lia'₂ ca₂jme₁tag₅ jnia'₅₄. Le₂jaun₂ caun₂ jmo₄ 'nia'₂ ca₂le₃jě₃ jmig₄.

² Nj'₅₄ bá₄ 'nia'₂ 'a₂ lia'₂ lě₅ jág₁ ca₂jme₁tag₅ jnia'₅₄, 'éi'₃ ca₂cuë₃ Te₁gui'₅₄ Jesús. ³ A₂'nio₃ Diú₄ a₂i₁nio'₄ 'nia'₂ líng'₅ dsa₂ i₂ma₂lě₅ 'í₁ ca₂ne₅₄ i₂ma₂quián₅ 'ñiog₅; 'i₁jan₂ tsá₃ 'ein₂ jui₁nió'₄ jág₁ a₂tsá₃ dsi₂ten₅₄ nió'₃. ⁴ Jui₁le₂ñi'₅₄ 'nia'₂ le₂jang'₂ le₂jang'₂ 'a₂ lia'₂ tiáng'₄ quiang'₅₄ dsa₂ mí₂ quiáng'₂, lě₅ 'í₁, jme₁gain'₃ 'nia'₂.* ⁵ On₃jua'₅₄ a₂lě₅ qui₂dsi₂jein₅ 'au'₂ 'nia'₂ 'lig'₅₄ jui₁lia'₂ jmo₅ dsi₂nau₂ i₂tsá₃ Diú₄ cuñ₅. ⁶ Jaun₂ 'i₁jan₂ tsá₃ 'ein₂ jui₁qui₂dsi₂juñ₅₄ jua'₅₄ jme₃gain₂₃ riñ'₅₄, quian'₅₄ 'i₁caun₂. Ia₁ Te₁gui'₅₄ bá₄ jéin'₃ uig₅ ca₂le₃jě₃ a₂le₂ně₅, jui₁lia'₂ ma₂chei₅₄ jnia'₅₄ 'nia'₂ le₂jñiá₅. ⁷ Ia₁ on₃jua'₅₄ jaun₂ ma₂tě₅ Diú₄ a₂qui₂dsi₂jniog₅ dsi₅ 'lig'₅₄; a₂jaun₂ bá₄ ca₂tě₃ a₂le₃chong₂ jniog₄ jñió₅. ⁸ Jaun₂ le₂ně₅, jui₁lia'₂ i₂tsá₃ gue₅ jág₁ a₂jme₁tág₁ jnia'₅₄ la₂, on₃jua'₅₄ dsa₂ tsá₃ guein₂₃; Diú₄ bá₄ tsá₃ guein₂₃, i₂ma₂cuñ₃ Jme₂dsi₂ Jñi₅ quián₅.

⁹ Tsá₃ 'e₂ tion₅₄ 'nió'₅ jua'₅₄ a₂juá'₄ jniá₂ tó'₄ ne₄ si₂ la₂, jua'₅₄ a₂juá'₄ jniá₂ 'a₂ lia'₂ dsi₂ten₅₄ jme₁'nió'₄ 'nia'₂ dsa₂ i₂én₂ ríng'₂. Ia₁ ma₂ca₂jme₃tag₅ bá₄ Diú₄ 'ñiog₅ 'a₂ lia'₂ jme₁'nió'₃ 'nia'₂ ríng'₂ le₂jang'₂ le₂jang'₂. ¹⁰ Jaun₂ le₂ně₅ bá₄ jmo₂ 'nia'₂ ja₁con₂ rñ'₂ 'nia'₂ i₂én₂ i₂tián'₅ 'uë₃ Macedonia. La₁ mi₂ jnia'₅₄ ja₁con₂ 'nia'₂, rñ'₅₄ jniog₄, caun₂ jui₁dsi₂tsón₃ bá₄ a₂'nióg'₃ 'nia'₂ ríng'₂. ¹¹ Quen'₂ 'nia'₂ bí₂ tián'₂ 'nia'₂ 'ei₅ tei₄, jmo₄ 'nia'₂ jmá'₃ con'₂ a₂ca₂tín'₂ 'nia'₂ jmó'₂ guiong'₅₄, jmo₄ 'nia'₂ ta₁ quiáng'₂ quian'₅₄ gog'₂-tag'₅₄, jui₁lia'₂ qui₂ma₂jua'₅₄ jnia'₅₄ le₂jñiá₅, ¹² ia₁jaun₂ i₁nio'₄ 'nia'₂ caun₂ jui₅ a₂jme₃go₃ dsa₂ sián'₂ i₂tsá₃ 'én₂, ia₁jaun₂ tsá₃ lě₅ jua'₅₄ cha₂ a₂'nió'₅ quián'₂ 'nia'₂.

A₂jñió'₂ Te₁gui'₅₄

¹³ Rñ'₅₄ jniog₄, tsá₃ 'niog₂ jnia'₅₄ jua'₅₄ tsá₃ ñi'₅₄ 'nia'₂ 'e₂ lé₂ quian'₅₄ dsa₂ 'én₂ i₂ma₂dsan₃, ia₁jaun₂ tsá₃ jmó'₂ 'nia'₂ 'lia'₂ 'au'₂ jui₁lia'₂ 'lia'₂ dsi₅ dsa₂ i₂tsá₃ jmig₄ cha₂ quió'₅ jua'₅₄ tñ'₄. ¹⁴ Jaun₂ le₂ně₅, jui₁lia'₂ 'éin₂ jniog₄ a₂ca₂jón₃ Jesús, a₂ca₂jein'₅₄ táng₃ ně₃, le₂jaun₂ bá₄ 'éin₂ jniog₄ ján₃ a₂jme₃jen'₅₄ Diú₄ co₂lě₅ quian'₅₄ Jesús dsa₂ i₂ca₂dsan₃ i₂én₂ le₃quió'₅.

¹⁵ Jaun₂ lě₃ chei₂ jnia'₅₄ 'nia'₂ jui₁lia'₂ ca₂jme₃tag₅ Te₁gui'₅₄, con'₂ jniog₄ i₂chong₂ ca₂lia'₂ ca₂tě₂ jmig₄ a₂guan'₂ Te₁gui'₅₄, 'i₁jan₂ tsá₃ 'ein₂ jua'₅₄ i₂dsi₃jñiá₄ con'₂ guë₄ dsa₂ i₂ma₂dsan₃. ¹⁶ Ia₁ 'ñiog₅ bá₄ Te₁gui'₅₄ sióin₃ guei'₅₄ i₂juí₃ guió'₃ tiá₂ jmo₃ 'éi'₃, quian'₅₄ jág₁ quió'₅ ángel i₂'uan'₂ guë₄, dsi₃'ein₅₄ ñi₁ trompeta quió'₅ Diú₄ ně₃. Jaun₂ guë₄ ca₂le₃jín₃ dsa₂ i₂én₂ le₃quió'₅ Cristo i₂ma₂dsan₃, qui₃jein'₅₄ le₂'uig₅₄. ¹⁷ Jaun₂ jniog₄ i₂chong₂ guë₄, i₂të₁'ñiá₄ guë₄ ně₃, chó'₂ co₂lě₅ jë₄ jnei₅ quian'₅₄ dsa₂ i₂ma₂dsan₃ 'éi₂, a₂dsi₂jme₁jen'₂ Te₁gui'₅₄ guei'₅₄ dsi₁guig₂. Jaun₂ le₂ně₅ dsi₁tió'₄ co₂tan₅₄ quian'₅₄ Te₁gui'₅₄. ¹⁸ Jaun₂ lě₃, cuë₅₄ 'nia'₂ lián'₂ ríng'₂ quian'₅₄ jág₁ la₂.

* 3:13 lit. "dsa₂ jñi₅ quián₅."

* 4:4 o₃, "Jui₁le₂ñi'₅₄ 'nia'₂ le₂jang'₂ le₂jang'₂ 'a₂ lia'₂ jme₁'uang'₅₄ ni₁ñi'₁ guiong'₅₄, lě₅ 'í₁, con'₂ dsi₂ten₅₄."

5

¹ La₁ tsá₃ tion₅₄ jua'₅₄ a₂juá'₄ jniá'₂ tó'₄ ne₄ si₂ 'e₂ 'i₀'₄ 'e₂ jmi_g₄ a₂lé₂ jaun₂. ² Jaun₂ ma₂le₁ñi'₅₄ bá₄ 'nia'₂ dse₃ guiong'₅₄, jmi_g₄ a₂jnió'₂ Te₁gui'₅₄ con'₂ tsá₃ ján₅ bá₄ dsa₂, jui₁lia'₂ ja₁já₄ jan₂ dsa₂ 'ang₂ caun₂ 'uë₂. ³ Jë₁ma₂të₂ rë₁juá'₂ dsa₂: “Ca₂le₃jë₃ lë₅ 'í₁, tei₄ bá₄ 'ei₅”, tã₃jë₄ jaun₂ 'ën₂ con'₂ tiá₂ ne₄ quió'₅ dsa₂ 'éi₂. Lé₂ jui₁lia'₂ ja₁jén'₅ 'io₅₄ i₂quian₅ guein₂. Con'₂ tsá₃ rë₂jáin₁ jë₁ma₂tá'₂ qui'₂ uig₅ quió'₅, tsá₃ a₁jaun₂ a₂lióin₂ jua'₅₄ a₂tsá₃ ñág₃ jmi₁uig₅ jaun₂. ⁴ La₁ 'nia'₂ rín'₅₄ jniog₄, tsá₃ tion₅₄ 'nia'₂ jë₄ qui₁né'₃, jaun₂ tsá₃ lë₅ jua'₅₄ jo₅₄ jmi_g₄ jaun₂ quián'₂ 'nia'₂, jui₁lia'₂ ja₁jo₅ jan₂ 'ang₂. ⁵ Ia₁ ca₂le₃jín'₃ bá₄ 'nia'₂ líng'₅ jaun₅ quián₅ ja₁tág₅ si₂, quian'₅₄ a₂jmi₂ nã₃. Tsá₃ téi₅ jniog₄ a₂'uë₂, on₃ guë'₂ jë₄ qui₁né'₃. ⁶ Jaun₂ tsá₃ 'nió'₅ guág₃ jniog₄ jui₁lia'₂ güin₂ i₂lin₅₄. Le₁jnio₂ ne₄ bá₄ jniog₄ 'nió'₅ jmó₁, lei₅₄, 'en₅₄ dsi₅. ⁷ A₂'uë₂ bá₄ güin₂ dsa₂, ján₃ guë'₂ a₂'uë₂ bá₄ 'ín'₂ dsa₂ 'en₅. ⁸ La₁ jniog₄ nã₃, i₂téi₅ a₂jmi₂, 'nió'₅ lei₅₄, 'en₅₄ dsi₅. 'Nió'₅ qui₁jmó₁ 'í₁ quian'₅₄ a₂'éin₂ quian'₅₄ a₂jme₁'nió₄ rín'₅₄ nã₃, nã₂jag₄ bá₄ qui₂rë₂lióg₃ ñí₁ le₁dsi₅, lë₅ 'í₁; a₂'ín₂ dsi₅ jniog₄ a₂tág₄ nã₃, lë₅ co₂'nió'₄ ñí₁ a₂'i₄ mi₂dsi₄ 'lióg₂, lë₅ 'í₁. ⁹ Ia₁ on₃jua'₅₄ jaun₂ ca₂'ag₃ Diú₄ a₂guéi₁ jniog₄ 'nei₂ a₂'i₄ dsí₅; a₂jaun₂ bá₄ ca₂'ag₃ a₂lió₂ jniog₄ tã₂le₃ quian'₅₄ Te₁gui'₅₄ Jesucristo quián₂. ¹⁰ O₄quián₂ jniog₄ ca₂join₃ ia₁jaun₂ dsi₁'io₁ co₂lë₅ quian'₅₄, tã₂lia'₂ chong₂, o₃ jë₁ma₂dsau₃ 'e₂.^{*} ¹¹ Jaun₂ caun₂ dsia₄ 'nia'₂ tiá₂ 'au'₂, cuë'₅₄ bí₂ ríng'₂ le₂jang'₂ le₂jang'₂, jui₁lia'₂ ma₂jmo'₂ nã₅.

Ton'₂ Pablo jág₁ dsa₂ rín'₅₄

¹² Rín'₅₄ jniog₄, mi₂ jnia'₅₄ a₂jme₁gang'₃ dsa₂ i₂jmo₅ ta₁ jë₄ quián'₂ 'nia'₂, i₂jio₅ ne₄ jui₅ le₃quió'₅ Te₁gui'₅₄, i₂to'₂ jág₁ dse₃ nã₃. ¹³ Ca₂tín'₂ 'nia'₂ jme₁gain'₃ 'ñio₅ lin₃, a₂jme₁'nió₄ nã₃, o₄quió'₄ ta₁ a₂jmo₂₃. Jui₁'ei₅ bá₄ tei₄ tion₅₄ 'nia'₂ le₂jang'₂ le₂jang'₂.

¹⁴ Ján₃ guë'₂ le₂jaun₂ rín'₅₄ jniog₄, jén₃ 'nia'₂ dsa₂ i₂tsá₃ ta₁ 'nio₃ jmo₃. Cuë'₅₄ 'nia'₂ bí₂ dsa₂ i₂tsá₃ lin₄ niog₅ tiá₂ dsí₅, jme₁'on₁ 'nia'₂ dsa₂ 'uan₅₄, jme₁juin'₂ 'nia'₂ 'au'₂ quian'₅₄ ca₂le₃jín₃ ríng'₂.

¹⁵ Jmo₄ 'nia'₂ 'í₁, ia₁jaun₂ 'i₁jan₂ tsá₃ jéin'₃ 'lig'₅₄ quió'₅ i₂jmóg'₂ 'lig'₅₄. Tã₂le₃ caun₂ o₂no'₅ bá₄ 'nia'₂ jmo₄ a₂dse₃ co₂tan₅₄ quian'₅₄ rín'₂ 'nia'₂ le₂jang'₂ le₂jang'₂ quian'₅₄ guë₄ ca₂le₃jín₃ dsa₂.

¹⁶ Tián'₂ bá₄ 'nia'₂ 'io'₂ jéng'₂ co₂tan₅₄. ¹⁷ Chi₂len'₅₄ 'nia'₂ Diú₄ lia'₂ tsá₃ 'na₂. ¹⁸ Cuë'₅₄ 'nia'₂ ti₁'mag'₄ Diú₄ ne₄ ca₂le₃jë₃, ia₁ a₂nã₅ bá₄ 'ñio₂ dsí₅ Diú₄ tã₂le₃ quián'₂ 'nia'₂ o₄quió'₄ Cristo Jesús.

¹⁹ Tsá₃ lë₁ag₂ 'nia'₂ si₂ quió'₅ Jme₂dsí₂ Jñio₅. ²⁰ Nã₂jua'₂ 'ein₂ 'ë₂ jág₁ a₂guéi'₅ quió'₅ Diú₄, tsá₃ lë₁jmo₂ 'nia'₂ jua'₅₄ a₂tsá₃ jeng'₅₄. ²¹ Quion₂ de'₂ 'nia'₂ 'í₁ ca₂le₃jë₃ a₂nã₅, jaun₂ chan'₂ bá₄ 'nia'₂ jmá'₃ a₂dse₃. ²² Co₂dsia₅ jmo₄ 'nia'₂ cau₅ ca₂le₃jë₃ ne₅₄ a₂'lig'₅₄.

²³ 'Ñiog₅ Diú₄ i₂jmo₅ 'ei₅ tei₄, jui₁jmo₁₂ a₂lén'₂ 'nia'₂ dsa₂ jñio₅ co₂ñei'₅₄; jui₁le₅₄ bá₄ 'í₁ 'nia'₂, ta₁jang'₂; lia'₂ jme₂dsí₂, lia'₂ 'au'₂, lia'₂ ñí₄ 'nia'₂; ia₁jaun₂ tsá₃ 'ein₂ lé₂ le₃bóg'₂ dso₄ jë₁ma₂të₂ rë₁guan'₂ Te₁gui'₅₄ Jesucristo quián₂. ²⁴ I₂ma₂të₃ quián'₂ 'nia'₂ tí₅ bá₄ jág₁ quió'₅, jaun₂ jme₃ti₃ bá₄ ca₂le₃jë₃ a₂nã₅.

'Ág'₅ jág₁ jë₁ca₂tó'₂

²⁵ Rín'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄.

²⁶ Cuin₅₄ Diú₄ ca₂le₃jín₃ rín'₅₄ a₂qui₁chén'₁† 'nia'₂ quió'₅ ríng'₂, a₂lë₅ léi₄ a₂ma₂'ei₅ caun₂ jág₁ a₂le₁jë₃ 'au'₂ quian'₅₄ ríng'₂.

²⁷ Mi₅ jniá₂, lia'₂ con'₂ lë₅ 'éi'₃ quió'₅ Te₁gui'₅₄, 'í₂ 'nia'₂ si₂ carta la₂ jin₄ ca₂le₃jín₃ rín'₅₄.

²⁸ Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín₃ 'nia'₂.

Co₂nã₅.

* **5:10** lit. “chi₂jua'₂ le₁jnio₂ ne₄ jniog₄, o₃ le₁guág₃ 'e₂.” † **5:26** Caun₂ tag₄ a₂jme₁chí₄ lia'₂ con'₂ ca₂jmo₃ Pa₄ si₂ la₂.

Si₂ carta jë₁ca₂të₂ tin₃ a₂ca₂jmo₃ San Pablo ne₄ dsa₂ TESALONICENSES

*Pablo quian'*₅₄ *r'in'*₅₄ *jmo'*₂₃ *si₂ a₂chein₃ ne₄ Guá'*₅ *i₂chan₂ juig₂ Tesalónica*

¹ Jniá₂ Pa₄, quian'₅₄ Silvano, * quian'₅₄ Timoteo ně₃, dsian'₄ jnia'₅₄ si₂ la₂ ne'₅₄ 'nia'₂ rin'₅₄ jniog₄ i₂chan₂ juig₂ Tesalónica, 'nia'₂ dsa₂ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Te₁gui'₅₄ Jesucristo. ² Jui₁jme₂gu'₅₄ bá₄ Diú₄, jui₁jme₂gu'₅₄ Te₁gui'₅₄ Jesucristo ně₃, jmo₃ 'ua₁ dsí₅ ja₁con'₂ 'nia'₂, jui₁'ei₅ dse₃ 'au'₂, tiong'₅₄ 'ei₅ tei₄.

Ě₂ Diú₄ uig₅ ja₁con₂ dsa₂ i₂le₁cán'₄ dso₄ jë₁ma₂të₂ rë₁guan'₂ táng₃ Cristo mi₂güig₃

³ Rin'₅₄ jniog₄, ca₂le₃jë₃ jmi₄g₄ bá₄ ca₂tág₂ jnia'₅₄ cuë'₅₄ ti₁'mag'₄ Diú₄ o₄quián'₂ 'nia'₂, ia₁ le₂jaun₂ bá₄ dse₃ dsióg₅, ia₁ caun₂ dsi₂cón'₃ bá₄ 'nia'₂ a₂rë₂'éng'₂ jág₁ quió'₅ Diú₄, caun₂ jme₂'nióg'₃ bá₄ 'nia'₂ ríng'₂ 'ñio₅ lín₃ le₂jang'₂ le₂jang'₂. ⁴ Jaun₂ lë₃, jmá'₃ lia'₂ jág₁ dse₃ bá₄ dsia₂ jnia'₅₄ 'ín₅ 'nia'₂ jn₄ guá'₅ quián₅ Diú₄, 'a₂ lia'₂ ma₂ca₂tian'₃ 'nia'₂ a₂ma₂ca₂jme₁juing'₂ 'au'₂ a₂'én'₂ 'nia'₂ ne₄ ca₂le₃jë₃ a₂co₂'ein₅ dsa₂, a₂qui₂jmóg'₂ dsa₂ ně₃. ⁵ Jaun₂ le₂në₅ cuë'₅ léi₄, con'₂ dsi₂ten₅₄ bá₄ qui₂dsi₅ Diú₄ 'éi'₃, ia₁jaun₂ lén'₂ 'nia'₂ dsa₂ i₂ca₂tín'₂ dsi₁niog'₃ ja₁gon₂ Diú₄; o₄quió'₄ a₂jaun₂ ñag'₅₄ 'nia'₂ uig₅.

⁶ Ján₃ bá₄ le₂jaun₂ dsi₂ten₅₄, Diú₄ bá₄ jme₃rë₃ cuë'₃ uig₅ a₂ca₂tín₂ dsa₂ i₂ma₂jmá'₂ 'nia'₂. ⁷ Jaun₂ 'nia'₂ dsa₂ i₂qui₂ma₂ñag'₅₄ uig₅, Diú₄ jmo₃ a₂'ag₃ tei₄ 'au'₂ 'nia'₂, a₂'ag₃ tei₄ dsi₅ jnia'₅₄ ján₃ jë₁ma₂të₂ rë₁jnió'₂ Te₁gui'₅₄ Jesús jui₅ guei'₅₄ i₂juig₃ jë₄ si₂ ca₂jo'₅₄, quian'₅₄ ángeles i₂'uan'₂ quiáin₅. ⁸ Jnió'₂ a₂cuë'₃ uig₅ dsa₂ i₂tsá₃ cuin₅ Diú₄, ia₁ on₃ guë'₂ jui₅ ca₂tón'₃ jág₁ dse₃ quió'₅ Te₁gui'₅₄ Jesucristo. ⁹ Ca₂le₃jín₃ 'éi₂ gue₃ 'liain'₅₄ a₂dsi₃'éin₂ co₂ñei'₅₄, co₂dsia₅ jñiai'₃ ne₄ Te₁gui'₅₄, dsi₃toin'₅₄ uing₂ ja₁tsá₃ ma₃'e₂ bí₂ jlá'₁ quió'₅ Diú₄ jniá₂. ¹⁰ Jmi₄g₄ jaun₂, jë₁ma₂të₂ rë₁guan'₂ Te₁gui'₅₄, a₂jme₃juag'₂ ca₂le₃jín₃ dsa₂ i₂'én₂ quiáin₅, † jaun₂ dsa₂ i₂'én₂ ně₃ qui₂dsi₃gó'₃ dsí₅ jág₃ jín₂ Te₁gui'₅₄. Ján₃ bá₄ o₁ton'₄ 'nia'₂ ja₁jaun₂, ia₁ a₂ma₂ca₂rë₃'én'₂ 'nia'₂ jág₁ dsau₅ quián₂ jnia'₅₄.

¹¹ 'Uig₅₄ jaun₂ bá₄ ján₃, chi₂len'₄ jnia'₅₄ Diú₄ ca₂le₃jë₃ jmi₄g₄ o₄quián'₂ 'nia'₂, jui₁i₂nio'₄ 'nia'₂ con'₂ dsi₂ten₅₄ i₃nio₄ dsa₂ i₂ma₂të₃ quiáin₅; jui₁jme₂ti₃ të₂le₃ quian'₅₄ bí₂ quió'₅ ca₂le₃jë₃ a₂dse₃ a₂'ñio₂ 'au'₂ 'nia'₂ jmó'₂, quian'₅₄ ca₂le₃jë₃ ta₁ a₂jmo'₂ 'nia'₂ ia₁ a₂'éng'₂. ¹² Jaun₂ le₂në₅ bá₄ lé₂ le₂juin'₂ Te₁gui'₅₄ Jesucristo quián₂ ja₁con'₂ 'nia'₂, ján₃ bá₄ le₂jaun₂ 'nia'₂ ja₁con₂ 'éi₂, lia'₂ con'₂ lë₅ a₂'ua₁ dsí₅ Diú₄ quian'₅₄ Te₁gui'₅₄ Jesucristo.

2

Le₃jniá₂ jan₂ dsa₂ i₂tsá₃ 'e₂ 'éi'₃ gó'₅

¹ Jaun₂ ně₃, 'nia'₂ rin'₅₄ jniog₄, jui₁lia'₂ jë₁ma₂të₂ rë₂guan'₂ Te₁gui'₅₄ Jesucristo, jë₁ma₂të₂ rë₂tió'₄ lo'₂ quian'₅₄, mi₂ jnia'₅₄ chei₂ 'nia'₂, rin'₅₄ jniog₄, ² a₂tsá₃ caun₂ lë₁jme₁tsín₄ 'nia'₂ a₂dsi₃jniog₅ 'au'₂ le₂siá'₂, on₃ guë'₂ can₂ 'nia'₂ go₂'i₃, ně₁'e₂ guë'₃ jág₁ a₂já₅ të₂le₃ quian'₅₄ jan₂ jme₂dsi₂, on₃ guë'₂ jág₁ a₂dsia₅ dsa₂, on₃ guë'₂ ně₁'e₂ si₂ carta a₂chen₅ dsa₂ ne'₅₄ 'nia'₂ ně₂jag₄ bá₄ a₂jmo₂ jnia'₅₄, jë₁juá'₂ dsa₂ a₂ma₂ca₂të₂* jmi₄g₄ quió'₅ Te₁gui'₅₄. ³ Tsá₃ lë₁cuín₅ 'nia'₂ jmi₄g₄ a₂jme₃gau₅ dsa₂. Ia₁ né'₃ a₂te₅₄ jmi₄g₄ jaun₂, jmo₃ dsa₂ caun₂ jág₁ a₂jme₃'ñiai₅₄ Diú₄, jaun₂ le₃jniá₂ jan₂ dsa₂ i₂tsá₃ 'e₂ 'éi'₃ gó'₅ 'i₁caun₂, i₂ma₂'i₄ 'éi'₃ dsi₃'én₂. ⁴ Dsa₂ 'éi₂ náu₃ quein₅ ne₄ ca₂le₃jë₃ a₂jmo₅ dsa₂ dsí₅ lín₅ Diú₄, o₃ a₂jme₂juag'₂ dsa₂ 'e₂. Ca₂lia'₂ dsióg₄ guá₃ të₂ dsi₂néi₂ guá'₅ templo quió'₅ Diú₄, a₂jmo₂₃ lín₅ Diú₄.

* **1:1** Lia'₂ chen₂ Silvano, co₂rë₂ quian'₅₄ Silas. † **1:10** lit. "dsa₂ jnió₅ quiáin₅." * **2:2** o₃, "a₂ma₂ja₂quián₃."

⁵ ¿Tsa₁ dsá₂ 'au'₂ 'nia'₂, lia'₂ con'₂ jme₁'eng₅₄ guě₄ quian'₅₄ 'nia'₂, ca₂juá'₃ jniá₂ le₃jě₃ a₂ně₅?
⁶ Jaun₂ ně₃ ma₂ñi'₅₄ bá₄ 'nia'₂ 'ein'₂ 'éi'₂ i₂jñé₅ jui₅, jaun₂ tsá₃ jme₃jniog₂₃ jniá₅ né'₃ a₂tě₅₄ jmi₄ quió'₅.
⁷ La₁ tion₅₄ bá₄ ma₂jmo₅ i₂'lin'₅₄ 'éi'₂ bí₂ rě₂'ma₄ quió'₅ ia₁jaun₂ tsá₃ le₃ji'₅₄ dsa₂ 'éi'₃ quió'₅ Diú₄. Jnia'₅₄ lia'₂ chi₁jñia₂₃ a₂jñia'₃ i₂chén'₅ dsi₂jo₂ i₂jmo₅ jnág₅ jui₅.
⁸ Jaun₂ guě₄ jme₃jnia₅ dsa₂ 'lin'₅₄ 'éi'₂. Jaun₂ Te₁gui'₅₄ Jesús ně₃ jñag'₃ quian'₅₄ dsí₂ tio'₅₄ 'o₅₄, 'éin₂ 'éi'₂ quian'₅₄ a₂co₂tág₅ co₂'né'₅ quió'₅ ně₃ jě₁jñi_ó'₂.
⁹ Satanás bá₄ jmo₃ jiá₃ dsa₂ 'lin'₅₄ 'éi'₂, ia₁ guáin₂ ján₃ quian₅ bí₂ a₂o₂dsain₂ jmo₃ léi₄ juě'₂ jme₃gau₂₃.
¹⁰ Ca₂le₃jě₃ ne₅₄ cosa 'lig'₅₄ jmo₃ a₂jme₃gain₂₃ dsa₂ i₂tion'₅₄ jui₅ dsi₃'én₂ ia₁ tsá₃ guě'₂ ca₂rě₃'nio₃ gue₃ jág₁ tí₅ dsón'₂ a₂jme₁lió₂.
¹¹ Jaun₂ bá₄ lě₃ cuě₃ Diú₄ jmi₄ a₂le₃gain₂, ia₁jaun₂ jui₁le₂ 'éin₂ co₂ñei'₅₄ jág₁ tě₂jág₁,
¹² ia₁jaun₂ 'é₂ Diú₄ uig₅ quió'₅ ca₂le₃jñin₃ ia₁ tsá₃ guě'₂ ca₂rě₃'éin₂ jág₁ tí₅ dsón'₂, ia₁ ja₂lin₃ guě₄ tě₅ dsi₅ cosa 'lig'₅₄.

Dsa₂ i₂ma₂quion'₅₄ quián₅ Diú₄

¹³ La₁ jnia'₅₄ ně₃, ca₂le₃jě₃ jmi₄ bá₄ cuě₂ ti₁'mag'₄ Diú₄ o₄quián'₂ 'nia'₂, rin'₅₄ jniog₄, i₂'nió₄ quián₅ Te₁gui'₅₄. Jaun₂ lě₃ lia'₂ con'₂ jme₁ca₂rě₃lió₃ jmi₄ bá₄ ca₂qui_ón'₂ Diú₄ 'nia'₂ ia₁jaun₂ tín'₄ 'nia'₂, lén'₂ 'nia'₂ dsa₂ i₂le₁jě₃ tě₂dsí₅ tě₂le₃ quian'₅₄ Jme₂dsí₂ quián₅ Diú₄, tě₂le₃ quian'₅₄ jág₁ dsau₅ a₂ma₂'én'₂ 'nia'₂ ně₃.
¹⁴ Ta₁ jaun₂ ca₂tě₃ Diú₄ 'nia'₂ tě₂le₃ quian'₅₄ jág₁ dse₃ a₂ca₂jme₁tag₅ jnia'₅₄, ia₁jaun₂ dsi₁nó'₅ 'nia'₂ quen'₅₄ quiang'₅₄ a₂jlá'₁ a₂lín₅ Te₁gui'₅₄ Jesucristo quián₂ jniog₄.

¹⁵ Jaun₂ le₂ně₅, rin'₅₄ jniog₄, caun₂ 'éi'₂ 'nia'₂ 'au'₂, chan'₂ tiá₂ jág₁, tsá₃ jui₁dsi₂'én₂ 'au'₂ 'nia'₂ jág₁ a₂qui₂ma₂cuě₁ jnia'₅₄, lia'₂ jág₁ quian'₅₄ si₂ cartas ně₃.
¹⁶ Jaun₂ 'ñiog₅ Te₁gui'₅₄ Jesucristo quian'₅₄ Diú₄ Jme₂ jniog₄, i₂ma₂jmo₃ 'ua₁ dsí₅ 'nio₃ jniog₄, cuě₂₃ lián'₂ co₂tan₅₄, cuě₂₃ a₂'ín₂ dsi₅ jniog₄ tág'₄ ně₃,
¹⁷ jui₁cuě'₄ bí₂ tě₂'au'₂ 'nia'₂ ia₁jaun₂ caun₂ bá₄ 'ag₃ 'au'₂ 'nia'₂, jě₁dsiá'₁ jág₁, jě₁jmo'₂ 'nia'₂ ca₂le₃jě₃ ne₅₄ a₂dse₃.

3

Chi₁len'₄ 'nia'₂ Diú₄ o₄quián₂ jnia'₅₄

¹ Jě₁ca₂tó'₂ rin'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄, ia₁jaun₂ ma₂ně₃ cón'₅ dsió₄ jág₁ dse₃ quió'₅ Te₁gui'₅₄ ca₂le₃jě₃ jui₂. Jui₁gue₅₄ bá₄ dsa₂ 'ñio₂ dsí₅ jui₁jme₂juě'₂ bá₄ dsa₂ jág₁ la₂ jui₁lia'₂ ca₂lě₃ quian'₅₄ 'nia'₂.
² Mi₄ 'nia'₂ o₄quián₂ jnia'₅₄ ján₃, ia₁jaun₂ lió₂ jnia'₅₄ o₄gú₃ dsa₂ 'lin'₅₄ i₂jmóg'₂ mī'₅₄, ia₁ tsá₃ 'én₂ ca₂le₃jñin₃.
³ La₁ tí₅ bá₄ jág₁ quió'₅ Te₁gui'₅₄ quián'₂ 'nia'₂. Jmo₃ bá₄ 'ag₃ caun₂ 'au'₂ 'nia'₂ qui₂jmo₃ 'í₁, ia₁jaun₂ tsá₃ jmóg'₂ i₂sě₃dsen₃.
⁴ Caun₂ bá₄ 'ei₅ dsi₅ jnia'₅₄ tě₂le₃ quió'₅ Te₁qui'₅₄, a₂jmo'₂ ton'₂ a₂jmo'₂ 'nia'₂ ně₃, ca₂le₃jě₃ 'e₂ a₂ma₂jua'₂ jnia'₅₄ jmó'₂ 'nia'₂.
⁵ Jui₁jñiog₅₄ bá₄ Te₁gui'₅₄ tě₂'au'₂ 'nia'₂ ja₁'nio₃ Diú₄, ja₁jme₁juin'₂ 'nia'₂ 'au'₂ jui₁lia'₂ juin'₂ dsi₅ Cristo ně₃.

Ca₂tín₂ bá₄ dsa₂ jmo₃ ta₁

⁶ Rin'₅₄ jniog₄, cuě₂ jnia'₅₄ 'éi'₃ tě₂le₃ o₄quió'₄ Te₁gui'₅₄ Jesucristo, jmo₄ 'nia'₄ cau₅ jui₁'ein₂ guě₃ rin'₅₄ jniog₄ juín'₅ jmo₃ ta₁ on₃ guě'₂ jmo₂₃ con'₂ lě₅ a₂ca₂jme₁tin₅ jnia'₅₄ 'nia'₂.
⁷ Jaun₂ ñi'₅₄ bá₄ 'nia'₂ 'a₂ lia'₂ 'nió'₅ tiáng'₄ a₂jmo'₂ con'₂ lě₅ 'a₂ lia'₂ chong₂ jnia'₅₄. Tsá₃ jua'₅₄ a₂tsá₃ ca₂jmó₁ jnia'₅₄ ta₁ tě₁lia'₂ ca₂tió'₄ quian'₅₄ 'nia'₂,
⁸ on₃ guě'₂ jua'₅₄ ca₂que₅₄ jnia'₅₄ a₂lě₁ca₂que₅₄ quió'₅ rin'₅₄, jua'₅₄ tsá₃ ca₂qui₅₄. Tě₂le₃ qui₂ca₂jmó₁ bá₄ jnia'₅₄ ta₁ 'ñio₅ lin₃ lia'₂ 'uě₂-jmi₂ ia₁jaun₂ tsá₃ cán'₁ 'nia'₂ guei₂ o₄quián₂ jnia'₅₄.
⁹ On₃jua'₅₄ ia₁ a₂tsá₃ ca₂tág₂ jnia'₅₄; a₂jñia'₅₄ lia'₂ ca₂quián₁ jnia'₅₄ caun₂ jui₅ ne₄ 'nia'₂, ia₁jaun₂ 'nia'₂ ně₃ cán'₁ jui₅ jaun₂ a₂ca₂quián₁ jnia'₅₄.
¹⁰ Ia₁ lia'₂ con'₂ jme₁tio'₅₄ jnia'₅₄ quian'₅₄ 'nia'₂, ca₂cuě₁ 'éi'₃ la₂: Jui₁lia'₂ dsa₂ i₂juín'₅ jmo₃ ta₁, tsá₃ jui₁guě'₄.
¹¹ Ma₂ne₄ jnia'₅₄ dsia₅ dsa₂ tság₅ jnia'₅₄, chan₂ 'nia'₂ i₂lin₅₄ tián'₅ tsá₃ ta₁ 'nio₃ jmo₃, 'ñio₅ bá₄ tsá₃ jñin₅₄ qui₂tián₂ ja₁tsá₃ ca₂tñin₂.
¹² Jaun₂ dsa₂ 'éi'₂ ně₃ chei₂ jnia'₅₄ le₃quió'₅ Te₁gui'₅₄ Jesucristo quián₂, jui₁jmo₁₂ ta₁ quió'₅ ia₁jaun₂ cha₂ a₂qui₂dsi₃ñi₂.

13 Rin'₅₄ jniog₄, tsá₃ jmo₂ 'nia'₂ a₂ca₂'ong'₃ jmo'₂ cosa dse₃. 14 Chi₂jua'₂ chan₂ i₂tsá₃ tón'₂ jui₅ a₂jua'₂ jnia'₅₄ ne₄ si₂ la₂, jag₄ 'nia'₂ 'ein₂ 'éi₂ jaun₂ tsá₃ ma₃jme₁quian'₅₄ 'nia'₂, ia₁jaun₂ le₃gui'₅₄. 15 La₁ tsá₃ jme₁'niai'₅₄ 'nia'₂, tē₂le₃ cuē'₅₄ tioen'₂ 'nia'₂ jág₁ dse₃ co₂'nió'₄ ríng'₂.

Jui₁jme₂gu'₅₄ bá₄ Diú₄: Jág₁ jē₁ca₂tó'₂ quió'₅ Pa₄

16 'Nio₅ Te₁gui'₅₄ i₂jmo₅ 'ag₅ tei₄ dsí₅ dsa₂, jui₁jmo₁₂ le₁'ág₄ tei₄ 'au'₂ 'nia'₂ quian'₅₄ ca₂le₃jě₃ a₂jmo'₂ 'nia'₂. Jui₁'en₅₄ bá₄ Diú₄ quian'₅₄ ca₂le₃jín'₃ 'nia'₂.

17 Jniá₂ Pa₄ jmo₂₃ si₂ la₂ quian'₅₄ gu₃* cuíng₅ Diú₄ 'nia'₂, co₂'nió'₄ léi₄ a₂tó'₅ jniá₂ ne₄ ca₂le₃jě₃ si₂ a₂jmo₂₃. Le₂la₂ lē₅ letra quió₃. 18 Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín'₃ 'nia'₂.

Co₂nē₅.

* 3:17 'Nio'₂ ja₁ton₅ 1 Corintios 16:21; Gálatas 6:11; Colosenses 4:18; Filemón 19.

Si₂ carta le₂'uig₅₄ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

1 Jniá₂ Pa₄, líng₅ dsa₂ i₂chen₄ quián₅ Jesucristo, 'éi₃ quió₅ Diú₄ quián₂ jniog₄ i₂lió₂, quian₅₄ Te₁gui₅₄ Jesucristo i₂'ín₂ dsi₅ jniog₄. 2 Jaun₂ jmo₂₃ si₂ la₂ tsíng₂ ne₅₄ 'ne₂ Timoteo, 'ne₂ guë₂ dsa₂ ma₂líng₅ co₂'nió₄ jan₂ jón₃ quiáng₃ tē₃dsón₂ ia₁ ca₂rē₃'éng₂ jág₁ quió₅ Diú₄. Jaun₂ 'nio₃ jui₁jme₂gu₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄ quian₅₄ Te₁gui₅₄ Cristo Jesús quián₂ jniog₄ 'ua₁ nēi₂ dsí₅ ja₁cong₂, a₂'ag₃ tei₄ 'au₂ nē₃.

Toin₂ dsa₂ jág₁ a₂tsá₃ tón₃ jui₅ jág₁ a₂tsá₃ dsau₅

3 Jui₁lia₂ ca₂juá₃ jniá₂ né₃ a₂nei₅₄ jui₅ 'uë₃ Macedonia, a₂jan₅₄ juig₂ Efeso ia₁jaun₂ juig₅₄ dsa₂ i₂lin₅₄ a₂tsá₃ jme₃tag₂₃ juá₅ a₂tsá₃ dsau₅, 4 on₃ guë₂ tón₃ jui₅ 'e₂ jág₁ a₂lē₁dsia₅ dsa₂, o₃ a₂'in₅ dsa₂ dsa₂ can₅₄ i₂jme₁chan₂ ma₂líg₂, jág₁ a₂tsá₃ líg₂ jmi₄ dsian₅. Jnia₅₄ con₂ dsiog₅ mi₅₄ a₂tsin₅ dsa₂, 'nió₄ a₂jme₁jme₃'o₅₄ a₂le₃tei₅₄ jniog₄ ta₁ quió₅ Diú₄, a₂lē₂ tē₂le₃ quian₅₄ a₂'én₂ dsa₂.

5 Jē₁ma₂le₁jě₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃ a₂ca₂tág₂ jniog₄ jmó₁, on₃juá₅₄ a₂lē₁jmo₂ a₂'éin₂ nē₃, jaun₂ guë₄ lé₂ le₃jiá₃ lé₂ tē₂dsi₅ jniog₄ a₂jme₁'nio₃ rín₅₄ le₂jau₂ le₂jau₂. Ta₁ jaun₂ qui₅ 'éi₃ la₂. 6 Ia₁ i₂lin₅₄ dsa₂ ma₂i₂lén₂ tē₂le₃ cau₅ ma₂i₂cóin₅ jui₅ quian₅₄ jág₁ a₂tsá₃ ta₁ tí₄. 7 'Nio₃ lén₂ tē₅juá₅, la₁ jnia₅₄ guoin₅₄ bá₄ tsá₃ nji₂ 'e₂ juá₂ a₂jme₂tin₂₃ dsa₂, nja₅₄ rē₂ 'ei₅ caun₂ dsí₅, nē₂jag₄ bá₄ a₂dsau₅ dsón₂ a₂jme₂tag₂₃.

8 Ma₂ne₄ bá₄ jniog₄ a₂dse₃ bá₄ 'Éi₃ nē₂juá₂ ca₂jmó₂ dsa₂ ta₁ con₂ dsi₂ten₅₄. 9 Ma₂ne₄ jniog₄, 'i₁caun₂ 'éi₃ tsá₃ ca₂quiog₂ Diú₄ quió₅ dsa₂ dsen₃. O₄quió₄ i₂jmo₅ 'lig₅₄ bá₄ ca₂quiog₂ 'Éi₃: o₄quió₄ jui₁lia₂ dsa₂ i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó₃ Juá₅, dsa₂ i₂jme₂dsian₅ chog₅₄-jmei₂, quió₅ ca₂le₃jín₃ dsa₂ i₂jme₂dsian₅ dsa₂ nē₃; 10 o₄quió₄ jui₁lia₂ dsa₂ i₂nió₅ jág₁ a₂tsá₃ dsi₂ten₅₄ nió₃, o₄quió₄ jui₁lia₂ dsa₂ nē₂ i₂nió₅ jág₁ 'lig₅₄ quian₅₄ dsa₂ nē₂ rín₅₄, o₄quió₄ dsa₂ i₂'ang₅ 'in₅ dsa₂, o₄quió₄ dsa₂ i₂jme₂gan₅ rín₅₄, o₄quió₄ dsa₂ i₂co₂jmo₅ jág₁ tē₂jág₁ 'in₂₃ Diú₄, o₄quió₄ dsa₂ i₂jmo₅ jui₁'e₂ guë₄ cosa a₂tsá₃ lē₅ con₂ lē₅ juá₅ dse₃. 11 Juá₅ dse₃ la₂, co₂rē₂ bá₄ quín₅ quian₅₄ jág₁ jlá₁ a₂tín₄ dsa₂, a₂ca₂dsia₃ Diú₄ Jnió₅ o₄gu₃ jniá₂.

Ia₁ 'ua₁ dsí₅ Diú₄ jaun₂ cuë₅ Pa₄ ti₁ 'mag₄

12 Cuë₅ jniá₂ ti₁'mag₄ Te₁gui₅₄ Jesucristo quián₂ jniog₄, ia₁ qui₂ma₂cuë₃ bí₂ jmo₅ jniá₂ ta₁ la₂ quió₅ a₂ma₂dsia₃ gu₃, ton₂ ia₁ jág₂ bá₄ jniá₂ lia₂ ja₁jín₂ jan₂ dsa₂ i₂rē₂ti₅₄. 13 Ca₂jmo₃ Cristo ca₂le₃jě₃ nē₅ ja₁con₂ jniá₂, o₁jnia₅₄ jme₁dsia₅ jniá₂ 'lig₅₄ jme₁'ín₅ le₂jniá₅, qui₂ca₂'éng₃ dsa₂ i₂jme₁quian₅₄, qui₂ca₂jmai₄ jniá₂ tsau₂ dsi₃ nē₃. La₁ ca₂dsia₃ Te₁gui₅₄ nēi₂ dsí₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia₂ con₂ tsá₃ jme₁'éng₂. 14 Jaun₂ Te₁gui₅₄ quián₂ jniog₄ 'nio₅ lin₃ ca₂jmo₃ 'ua₁ dsí₅ ja₁cong₂, a₂ca₂rē₃'éng₂ le₃quió₅ Cristo Jesús i₂'nio₃ guë₄ lin₃.

15 Dsón₂ dsau₅ bá₄ jág₁ la₂, jaun₂ ca₂le₃jín₃ 'nió₅ le₃'én₂: Ta₁ jaun₂ guan₃ Cristo Jesús mi₂güí₃ la₂, a₂qui₃lióin₂ dsa₂ i₂le₁cán₄ dso₄; jē₄ quió₅ 'éi₂, jniá₂ líng₅ i₂le₂'uig₅₄ i₂rē₂cán₄ guë₄ dso₄. 16 La₁ Diú₄ ca₂dsia₃ nēi₂ dsí₅ jniá₂, ia₁jaun₂ lén₂ jniá₂ i₂jáng₃ jág₁ dsau₅ 'a₂ lia₂ dsia₅ Jesucristo nēi₂ dsí₅ lióin₂ dsa₂ i₂ní₄ rín₂ dso₄. Le₂jaun₂ bá₄ ma₂guio₃ jniá₂ quian₅₄ ne₄ jui₅ ia₁jaun₂ jág₃ ca₂le₃jín₃ dsa₂ i₂le₃'én₂ tē₂le₃ quió₅ Jesucristo ia₁jaun₂ le₃chain₂ co₂tan₅₄. 17 Jaun₂ lē₃, le₃quió₅ Rag₅₄ i₂chan₂ co₂tan₅₄, i₂tsá₃ líg₂ jmi₄ jón₂, on₃ guë₂ jniá₂, i₂jan₂ tan₅₄ Diú₄ i₂ní₂ dsí₅: jui₁jme₂go₃ dsa₂, jui₁jme₂juag₂ dsa₂ ca₂le₃jě₃ jmi₄ nji₂ a₂já₅. A₂méi₃.

18 Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂ gog'₂, lia'₂ con'₂ lě₅ jág₁ dse₃ a₂ca₂cuē₃ Jme₂dsí₂ Jñi₀₅ ca₂cuē'₃ dsa₂ rin'₅₄ jniog₄ i₂ca₂'ag₃ ca₂'iin₃ 'ne₂ le₂jñiá₅: jmo₄ dsen₅₄ 'au'₂ a₂náu'₁ tiá₂ a₂quing'₄ ne₄ 'nei₂ a₂gu₂dsí₂, tē₂le₃ quian'₅₄ jág₁ a₂ca₂cuē₃ dsa₂ jaun₂:
 19 a₂chan'₅₄ tiá₂ a₂'éng'₂, a₂tsá₃ 'e₂ 'lig'₅₄ qui₂dsi₂jñi₅ 'au'₂ ně₃, I₂lin₅₄ dsa₂, 'uig₅₄ ia₁ a₂ca₂dsia₃ cau₅ a₂ně₅ ca₂i₃'én₂ a₂'éin₂, ně₂jag₄ bá₄ caun₂ ni₁barco a₂ca₂lě₃ le₁jui_g le₁dsog'₅₄ ne₄ jmi₁ñí'₄.
 20 Le₂ně₅ bá₄ ca₂i₃ñí₂ Himeneo quian'₅₄ Alejandro i₂ma₂ca₂jñ'₄ jniá₂ ja₁con₂ i₂sě₃dsen₃ ia₁jaun₂ le₃'en₅₄ dsí₅ a₂tsá₃ ma₃juá'₂ 'lig'₅₄ tē₃'oin'₂ Diú₄.

2

Cuē₂₃ jág₁ dsau₅ 'a₂ lia'₂ chi₃lén'₂ dsa₂ Diú₄

1 Jē₁le₂'uig₅₄, chi₁quian₅₄ jniá₂ jmi_g₄ a₂mí'₁ 'nia'₂ ne₄ Diú₄, a₂chi₁lein'₅₄ 'nia'₂, a₂cuē'₅₄ 'nia'₂ ti₁'mag'₄ ně₃, o₄quió'₄ ca₂le₃jín₃ dsa₂, 2 o₄quió'₄ ju₁lia'₂ rag₅₄, o₄quió'₄ ca₂le₃jín₃ ju₁lia'₂ dsi₂tan₅₄, ia₁jaun₂ bá₄ lé₂ le₃'io₄ jniog₄ 'ei₅ tei₄ tsá₃ mí'₅₄ cha₂, ia₁jaun₂ chong₂ jniog₄ con'₂ dsi₂ten₅₄, le₁jě₃ jme₂dsí₂ quián₂ ne₄ ca₂le₃jě₃, le₃ne₄ Diú₄. 3 Ia₁ le₂ně₅ bá₄ dse₃, 'ñio₂ dsí₅ Diú₄ quián₂ jniog₄ i₂lió₂, 4 i₂'nio₃ lión₂ ca₂le₃jín₃ dsa₂, ton'₂ 'nio₃ a₂dsi₁lén₂ ja₁le₃ñí'₂ dsí₅ jág₁ tí₅. 5 Jan₂ bá₄ Diú₄ chan₂, ton'₂ jan₂ bá₄ dsa₂ chan₂ i₂ñág₅ jág₁, i₂chén'₅ jě₄ quió'₅ Diú₄ quian'₅₄ dsa₂ mi₂güig₃. Dsa₂ 'éi₂ lín₅ Cristo Jesús.* 6 'Éi₂ ně₃ ca₂jñ'₂ 'ñiog₅ ca₂quí₃ 'lia'₅₄ ia₁jaun₂ lión₂ ca₂le₃jín₃ dsa₂. Jág₁ dsau₅ ně₅ ně₃, ca₂rě₃ñi₅ dsa₂ jme₁ca₂tě₂ jmi_g₄ a₂le₃ñi₅. 7 Ta₁ jaun₂ ca₂rě₃'ín₁ jniá₂ ia₁jaun₂ léng₂ jan₂ i₂'ě₂ jág₁, jan₂ i₂chen₄ quián₅ Jesús ně₃, jan₂ tē₅ i₂jme₂tin₅ dsi₂nau₂ ju₁lia'₂ 'a₂ lia'₂ lě₅ a₂'én₂ dsa₂, 'a₂ lia'₂ lě₅ jág₁ tí₅ ně₃. Jág₁ dsau₅ bá₄ a₂juá'₅† tsá₃ tē₂jing₁.

8 Jaun₂ 'nio₃ jniá₂ a₂chi₃lén'₂ dsa₂ Diú₄ ca₂le₂con₂, a₂qui₃chóg'₃ gu₂ qui₂le₁jě₃ tē₂dsí₅, on₃jua'₅₄ a₂'i₄ 'nei₂ dsí₅, on₃ guē'₂ a₂qui₂tsin₂₃ quian'₅₄ rin'₅₄. 9 'Io₅₄ guē'₂ ně₃ 'nió'₅ quí'₃ tsin'₅₄ con'₂ dsi₂ten₅₄, dse₃ jniá₂, li'₅₄ quió'₅. Ju₁jmoi'₅₄ a₂rě₂lin₅₄, on₃jua'₅₄ quian'₅₄ a₂ñí₄ lě₃ jlá'₁ qui₂rě₂lag₄ dsi₅₄, on₃ guē'₂ quian'₅₄ cu₄nióg₄, on₃ guē'₂ quian'₅₄ mīg₂ perlas a₂tó'₅ lag₅₄, on₃ guē'₂ quian'₅₄ tsin'₅₄ 'mu'₅₄ ně₃; 10 tē₂le₃ quian'₅₄ a₂dse₃ a₂qui₂jmo₂₃ bá₄ 'nió'₅ jmói'₂, ju₁lia'₂ ca₂tín₂ jmo₃ dsa₂ mí₂ i₂ma₂jñ'₂ ja₁con₂ Diú₄. 11 Dse₃ bá₄ tón'₃ 'io₅₄ tei₄, nag₃, gue₃ jág₁ quió'₅ Diú₄ a₂jme₂tag₅ dsa₂, a₂caun₂ nei'₅₄ jě₄ ca₂le₃jě₃. 12 Tsá₃ cuē₅ jniá₂ jmi_g₄ jua'₅₄ a₂jme₂tag₅ 'io₅₄, on₃ guē'₂ jua'₅₄ jmo₃ 'éi'₃ ja₁con₂ dsa₂ ñe'₂. Jñia'₅₄ lia'₂ 'nió'₅ jmo₃ tei₄ bá₄. 13 Ia₁ Adán bá₄ i₂le₂'uig₅₄ ca₂jmo'₂ Diú₄; cang₂ bá₄ ca₂jmói'₂ Eva. 14 Jaun₂ on₃jua'₅₄ Adán i₂ca₂rě₃gán₃; 'io₅₄ bá₄ i₂ca₂rě₃gán₃ jaun₂ ca₂táin'₂ dso₄. 15 La₁ia₁, lión₂ bá₄ 'io₅₄ ně₁jua'₂ jme₂cain'₅₄ chi'₂guein₂ quián₅, chi₂jua'₂ caun₂ 'éin₂ jág₁ quió'₅ Diú₄, caun₂ 'nioi₃ rin'₅₄, caun₂ chain₂ le₁jě₃ jme₂dsí₂ quió'₅, a₂li'₅₄ quió'₅ ně₃.

3

'A₂ lia'₂ ca₂tín₂ jmo₃ ju₁lia'₂ dsa₂ i₂cán₂ ne₄ ju₁5 quián₅ guá'₅

1 Dsón'₂ bá₄ dsau₅ jág₁ la₂: chi₂jua'₂ 'ein₂ 'nia'₂ 'nio₃ cán₂ ne₄ ju₁5 jñia₃ rin'₅₄,* ta₁ dse₃ bá₄ jaun₂ 'ín₅ dsí₅. 2 Jaun₂ lě₃ juá'₅ jniá₂, dsa₂ i₂chén'₅ ne₄ ju₁5 a tsá₃ 'nió'₅ jua'₅₄ cha₂ ja₁coin₂ a₂lé₂ le₃bóg'₂ dsa₂ dso₄, jua'₅₄ a₂'ag₃ 'lig'₅₄. Ján₃ guē'₂, jan₂ bá₄ 'io₅₄ quián₅ i₂guá₅ quian'₅₄; 'en₅₄ dsí₅ 'nió'₅ lén₂; li'₅₄ quió'₅, i₂ñi₅ con'₂ dse₃ jniá₂, qui₂guein₃ dsa₂ dsi₂néi₂ quió'₅, qui₅₄ jmi_g₄ jme₃tin₂₃ dsa₂. 3 Tsá₃ 'nió'₅ ñi₃ 'ein₅, on₃ guē'₂ qui₃'no₃ mí'₅₄, on₃ guē'₂ 'nió'₅ jmo₃ 'ín₅ dsí₅ jua'₅₄ a₂lě₁'nio₃ lí'₂ cu₄ quió'₅ dsa₂. Tē₂le₃ 'nió'₅ ñi₃ caun₂ tei₄ jmo₃ 'ua₁ dsí₅ quian'₅₄ rin'₅₄, tsá₃ 'nió'₅ jmo₃ jua'₅₄ a₂ñí₄ lě₃ 'ín₅ dsí₅ cu₄. 4 'Nió'₅ ñi₅ 'a₂ lia'₂ jñiai₃ dsa₂ dsi₂néi₂ quió'₅, 'a₂ lia'₂ co₂jéin'₂ chi'₂ quián₅ ia₁jaun₂ bá₄ jme₂go₃ chi'₂ quián₅ ne₄ ca₂le₃jě₃. 5 Ia₁ ně₁jua'₂ tsá₃ ñi₅ 'a₂ lia'₂ jñiai₃ dsa₂ dsi₂néi₂ quió'₅ ně₃, ċ'₂ a₂ bá₄ lia'₂ lé₂ le₃jmo₃ 'í₁ guá'₅ quián₅ Diú₄? 6 Tsá₃ 'nió'₅

* 2:5 o₃, "Jesucristo." † 2:7 A₂lin₅₄ chog₅₄ si₂ juá'₂ ján₃: "le₃quió'₅ Cristo." * 3:1 griego: episkopos.

cán₂ ne₄ jui₅ quió'₅ guá'₅ jan₂ i₂tē₂ca₂rē₃'én₂. Ia₁ con'₂ tsá₃ nō₅ nē₁jua'₂ 'njo₅ ca₂jmo₃ róin₂, tián'₃ jui₁lia'₂ ca₂tán'₂ i₂sē₃dse₃. ⁷ Ján₃ bá₄ 'nió'₅ 'ei₅ jág₁ dse₃ quió'₅ jin₄ dsa₂ i₂tsá₃ 'én₂, ia₁ con'₂ tsá₃ nō₅ nē₁ca₂tán'₂ jág₁ lia'₂ chain₂, a₂tián'₂ tsi₁cág'₅ quió'₅ i₂sē₃dse₃ nē₃.

A₂ lia'₂ 'nió'₅ jmo₃ dsa₂ i₂jme₂'o₅₄ quián₅ guá'₅

⁸ Le₂nē₅ bá₄ ján₃, 'nió'₅ jmo₃ dsa₂ i₂jme₂'o₅₄a quián₅ guá'₅, 'nió'₅ lén₂ dsa₂ i₂'en₅₄ dsí₅ ján₃, i₂quian₅ caun₂ jui₅ dse₃. Tsá₃ 'nió'₅ lén₂ dsa₂ i₂lē₁qui₂co₅ jág₁ quió'₅, on₃ guē'₂ 'nió'₅ i₃nioi₅₄ 'ein₅, tsá₃ 'nió'₅ jmo₃ 'in₅ dsí₅ jua'₅₄ a₂lē₁'nio₃ lí'₂ cu₄ quió'₅ dsa₂. ⁹ 'Nió'₅ jmo₃ 'í₁ jág₁ dse₃ a₂rē₂'ma₄ quió'₅ Diú₄ a₂'éin₂ jniog₄, a₂le₁jē₃ tē₂dsí₅. ¹⁰ 'Nió'₅ con₂ de'₂ dsa₂ 'í₁ quió'₅ ca₂le₃jín₃ con'₂ dsa₂ i₂lén₂ i₂jme₂'o₅₄ nē₁jua'₂ 'a₂ lia'₂ lín₅. Nē₁jua'₂ tsá₃ 'e₂ riin₂, jaun₂ guē'₄ dsi₂ten₅₄ lén₂ dsa₂ i₂jme₂'o₅₄a quián₅ guá'₅. ¹¹ Jui₁lia'₂ dsa₂ mī₂ guē'₂ nē₃, ján₃ bá₄ le₂jaun₂ 'nió'₅ lí'₅₄ quió'₅, tsá₃ 'nió'₅ a₂lē₁bóg'₂ dso₄. 'Nió'₅ 'en₅₄ dsí₅ lén₂, rē₂ti'₅₄ jē₄ ca₂le₃jē₃ nē₃. ¹² I₂jme₂'o₅₄ quián₅ guá'₅ 'nió'₅ jmo₃ ján₃, jan₂ bá₄ 'io₅₄ quián₅ i₂rē₂jen'₂ gu₂ quián'₅₄. Jaun₂ 'nió'₅ nī₅ 'a₂ lia'₂ co₂jén'₂ con'₂ dsi₂ten₅₄ chí'₂ quián₅, quian'₅₄ dsa₂ dsi₂néi₂ quió'₅ nē₃. ¹³ Ia₁ jui₁lia'₂ dsa₂ i₂jme₂'o₅₄† i₂rē₂ti'₅₄ dse₃ ta₁ quió'₅ a₂lín₅, lí'₄ a₂'ag₃ dsa₂ dse₃ quió'₅, ton'₂ ján₃ guē'₂ caun₂ guē'₄ 'ag₃ dsí₅ a₂dsia₃ 'a₂ lia'₂ 'éin₂ tē₂le₃ quió'₅ Cristo Jesús.

Le₂la₂ lē₅ jág₁ quió'₅ Diú₄ a₂'éin₂ jniog₄

¹⁴ 'In₂ dsí₃ jniá₂ nei₅₄ nī₅₄ ta₁ i₁jing₁₂ 'ne₂. La₁ né'₃ a₂dsió_{g4}, jmo₂₃ si₂ la₂, ¹⁵ ia₁ jaun₂ nē₁jua'₂ ca₂rē₃'ing₅₄, le₃nī₅₄ bá₄ 'a₂ lia'₂ ca₂tín₂ i₃nio₄ dsa₂ dsi₂néi₂ quió'₅ Diú₄, i₂lín₅ guá'₅ quián₅ Diú₄ jén'₃, co₂'nió'₄ 'uig₅₄ 'ia'₂, 'ma₂dsi₅ nē₃, quió'₅ jág₁ tí₅. ¹⁶ Dsón'₂ bá₄ juē'₂ juá'₅ a₂'éin₂ jniog₄, a₂jme₂rē₂'ma₄ le₂nī₅:

Ca₂guan₃ Diú₄ chí₁dsain₂;

ca₂jme₃jniog₅ Jme₂dsí₂ a₂lín₅ i₂dse₃;

ca₂jág₂ ángeles;

ca₂rē₃'ē₂ jág₁, ca₂'ag₃ dsa₂ jin₄ dsi₂nau₂;

ca₂rē₃'én₂ dsa₂ mi₂güig₃ jág₁ quió'₅;

ca₂guéi'₂ táng₃ Jmei₂ guei'₅₄ i₂juig₃ nē₃.

4

Dsa₂ i₂dsi₃lén₂ cau₅, qui₃tí₂ jág₁ quió'₅ Diú₄

¹ Lia'₂ tí₅ jág₁ dsón'₂ bá₄ ma₂ca₂juá'₂ Jme₂dsí₂ quián₅ Diú₄ 'a₂ lia'₂ lé₂ jmi_{g4} jē₁ca₂tó'₂. I₂lín₅₄ dsa₂ dsi₃lén₂ cau₅, tí₂ jág₁ a₂'éin₂ jniog₄, tón'₂ jui₅ jág₁ quió'₅ jme₂dsí₂ i₂jui₁gan₂, jág₁ juá'₅ a₂já₅ quió'₅ je₂na'₅₄ nē₃, ² a₂jme₂tag₅ dsa₂ i₂jniá'₅₄ qui₂le₁'ág₄ dse₃ o₁ne₁, i₂co₂jmo₅ jág₁ tē₂jág₁, i₂tsá₃ ma₃'e₂ qui₂dsi₂jni₅ dsí₅ ia₁ ma₂lē₅ dsí₅ nē₂jag₄ bá₄ a₂ma₂cáu₂ quian'₅₄ ni₁nī₁ dséi₂. ³ Jme₃tag₂₃ a₂tsá₃ ma₃jén'₂ dsa₂ gu₂; a₂lín₅₄ má₃ guē'₂ nē₃ tsá₃ ma₃cuē₃ jmi_{g4} jua'₅₄ a₂guē'₃ guē'₄ dsa₂, o₁jnia'₅₄ ca₂jmo₃ Diú₄ ca₂le₃jē₃ ne₅₄ cosa ia₁ jaun₂ guē'₃ dsa₂ i₂'én₂ i₂cu₁'i₅ jág₁ dsau₅, a₂cuē₃ ti₁'mag'₄ nē₃. ⁴ A₂dse₃ jē₂ bá₄ a₂ca₂jmo₃ Diú₄. Jaun₂ dse₃ bá₄ guéi₁ jniog₄ cuē₅₄ ti₁'mag'₄ Diú₄, tsá₃ 'nió'₅ jua'₅₄ a₂tsá₃ guéi₁. ⁵ Ia₁ ma₂ron₅ jág₁ quió'₅ Diú₄, juá'₂ a₂le₁jē₃ bá₄ jaun₂. Jme₂jnió₃ bá₄ Diú₄ jme₁cuē₅ dsa₂ ti₁'mag'₄.

Dsa₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂tíng'₁ dsa₂ rin'₅₄ jniog₄ le₂nē₅, léng'₂ dsa₂ dse₃ i₂jme₂ti₃ ta₁ ne₄ Jesucristo. Qui₂rē₂tang'₅₄, rē₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ nē₃. ⁷ La₁ tsá₃ lē₁tón'₂ jui₅ jág₁ co₄ a₂lē₁dsia₅ dsa₂ mi₂güig₃, on₃ guē'₂ tón'₂ jui₅ cuentos a₂le₁dsia₅ guiong'₂ can'₅₄ nē₃. Caun₂ jme₁dsau₅ quiáng'₂ tē₂le₃ quió'₅ Diú₄. ⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dséi₂ ni₁nī₁₂ jui₁lia'₂ jme₁co₂₃. La₁ 'njo₅ lín₃ guē'₄ dse₃ jme₃dsau₅ dsa₂ tē₂le₃ quió'₅ jme₂dsí₂ quió'₅ a₂'nioi₃ Diú₄. Ia₁ a₂nē₅ bá₄ cuē₃ a₂dse₃ quián₂ jniog₄ mi₂güig₃

† 3:13 griego: diákonous.

caun₂, on₃jua'₅₄ jmá'₃ ne₄ gua'₅₄ 'uë₃ la₂,⁹ Ca₂le₃jín₃ bá₄ 'nió'₅ le₃'én₂ jág₁ la₂, ia₁ tē₃dsón'₂ bá₄ dsau₅.¹⁰ A₂jaun₂ bá₄ lē₃ dsen₅₄ dsí₅ jmo₂ jniog₄ ta₁, qui₂jnaú'₂ dsa₂ jág₁ uig₅, ia₁ ma₂ca₂'éi₁ jniog₄ caun₂ dsí₅ tē₂le₃ quió'₅ Diú₄ jén'₃ tē₃dsón'₂ i₂lín₅ i₂lió₂ quián₅ ca₂le₃jín₃ dsa₂, la₁ tē₂le₃ dsen₅₄ guē₄ quián₅ dsa₂ i₂'én₂.

¹¹ Jág₁ nē₅ ca₂tíng'₂ juig'₅₄ dsa₂, jme₁tiin'₂ nē₃. ¹² Tsá₃ lē₁cuín₅ jmig₄ jua'₅₄ a₂tsá₃ jme₃go₃ dsa₂ ia₁ a₂meg'₂. Tē₂le₃ 'ñio₅ lin₃ guē₄ ca₂tíng'₂ cán'₁ ne₄ juí₅ a₂jmó'₂ a₂dse₃ ia₁jaun₂ jág₃ ca₂le₃jín₃ dsa₂ i₂'én₂; juí₁lia'₂ 'a₂lia'₂ lē₅ jág₁ quiáng'₂, jme₁dsia'₂ jág₁, juí₁lia'₂ 'a₂lia'₂ chang'₂ ñi'₂, juí₁lia'₂ 'a₂lia'₂ 'nió'₃ 'ne₂ dsa₂ ríng'₂, juí₁lia'₂ 'a₂lia'₂ 'éng'₂, juí₁lia'₂ 'a₂lia'₂ chang'₂ a₂le₁jē₃ tē₂'au'₂ nē₃. ¹³ Tē₁lia'₂ tsá₃ ma₂dsióg₃ jniá₂, 'í₁ Si₂ quió'₅ Diú₄ jin₄ dsa₂; tioen'₂ jág₁ dse₃ jme₁tiin₅ nē₃. ¹⁴ Tsá₃ juí₁dsi₂'én₂ 'au'₂ a₂ma₂cuē₃ Diú₄ a₂ma₂tíng'₂ a₂ca₂ñig'₂ tē₂le₃ quián'₅₄ dsa₂ can'₅₄ rin'₅₄ jniog₄ i₂ca₂quiog₂ gu₂ ne₄ quiáng'₂.

¹⁵ Dsen₅₄ 'au'₂ jmo₄ jme₁dsau₅ quiáng'₂ ca₂le₃jē₃ a₂nē₅, ia₁jaun₂ le₃lí'₄ dsa₂ a₂ma₂dsi₂jñiág'₄ a₂tíng'₂. ¹⁶ Jmo₄ 'í₁ 'ñiag'₂, ján₃ guē'₂ le₂jaun₂ quián'₅₄ juá'₅ a₂jme₂tíng'₁ dsa₂. Caun₂ jmo₄ bá₄ a₂nē₅. Nē₁jua'₂ ca₂jme₁ti'₄ ca₂le₃jē₃ a₂nē₅, long'₅₄ 'ñiag'₂, ján₃ guē'₂ long'₅₄ ca₂le₃jín₃ i₂nag₅ jág₁ quiáng'₂.

5

A₂lia'₂ 'nió'₅ jmo₃ jin₄ dsa₂ 'én₂ rin'₅₄

¹ Tsá₃ lē₁tē₂jén₅ juí₁lia'₂ dsa₂ ma₂guen'₂. Tē₂le₃ 'nió'₅ tioen'₂ jág₁, jmo₄ bá₄ 'au'₂ co₂'nió'₄ ñéi'₅. Ján₃ guē'₂ le₂jaun₂ dsa₂ ñe'₂ chí'₂, jmo₄ 'au'₂ jin₅₄ lia'₂ ja₁jíng'₅₄ ríng'₂. ² Ján₃ guē'₂ le₂jaun₂ juí₁lia'₂ dsa₂ mí₂ ma₂guen'₂ nē₃, jme₁'nió₄ juí₁lia'₂ 'nióg'₃ chog'₂. Le₂jaun₂ guē'₂ juí₁lia'₂ 'io₅₄ chí'₂, jin₅₄ jme₁'nió₄ juí₁lia'₂ ja₁'nióg'₃ 'io₅₄ ríng'₂ ján₃, a₂le₁jē₃ 'au'₂ co₂ñei'₅₄.

³ Juí₁lia'₂ 'io₅₄ 'nág₂ guē'₂ nē₃, jme₁'oin₅₄ nē₁jua'₂ léi₄ a₂'nió'₅ dsón'₂ quió'₅. ⁴ La₁ nē₁jua'₂ jan₂ dsa₂ mí₂ 'nág₂ chan₂ chí'₂ quiáin₅ o₃ chí'₂ dsio₅₄ 'e₂, i₂'éi₂ bá₄ le₂'uig₅₄ ca₂tín₂ jme₃tin₅ dsí₅ nio₃ ne₅₄ chog₅₄, a₂jéin'₅ dsí₅ jme₃'nioi₃ chog₅₄ ia₁ ma₂ca₂jme₃cau'₅₄. Ia₁ le₂nē₅ bá₄ dse₃, 'ñio₂ dsí₅ Diú₄. ⁵ 'Io₅₄ 'nág₂ i₂tē₃dsón'₂ tsá₃ 'ein₂ chan₂ quián₅, caun₂ a₂jaun₂ bá₄ chain₂ 'ín₂ dsí₅ le₃quió'₅ Diú₄ bá₄, chí₂lén'₂ Diú₄ 'uē₂-jmi₂ mi₂₃ 'e₂ 'nió'₅ quió'₅. ⁶ La₁ nē₁jua'₂ 'io₅₄ 'nág₂ i₂lē₁ñi₅ cuē'₅ o₂'ñio₃ o₂ñia₃ dsí₅ 'ñiog₅ nē₃, co₂'nió'₄ 'lag₄ bá₄ 'éi₂ chan₂. ⁷ Jaun₂ ca₂le₃jē₃ a₂nē₅ chei'₅₄ dsa₂ jaun₂ tsá₃ 'e₂ cha₂ jua'₅₄ a₂cuín₃ jmig₄ 'ag₃ dsa₂ 'lig'₅₄. ⁸ Nē₁jua'₂ chan₂ i₂tsá₃ juí₅ tón'₂ 'e₂ ta₁ chain₂ quiáin₅₄ i₂chan₂ quiáin₅, la₁ 'ñio₅ lin₃ guē₄ nē₁jua'₂ tsá₃ tóin'₂ juí₅ i₂chan₂ dsí₂néi₂ quió'₅ 'ñiog₅ nē₃, ma₂dsia₃ cau₅ a₂'éin₂; i₂le₂'éi₂ lín₅ tson₂ guē₄ lia'₂ dsa₂ i₂tsá₃ 'én₂.

⁹ 'Nió'₅ tē₃ton₅₄ ne₄ si₂ jmá'₃ 'io₅₄ 'nág₂ i₂ma₂tion₅₄ lē₅ guē₄ ma₃'nag'₂ ne₂guióg₂ ñi₂, i₂ma₂jñia₃ jan₂ bá₄ dsí₂i₂gu₂. ¹⁰ 'Nió'₄ dsa₂ i₂ma₂cuín₅ dsa₂ dse₃, a₂dsón'₂ bá₄ dsein₃, dse₃ bá₄ ta₁ jē₁ma₂já₅, juí₁lia'₂ chí₂jua'₂ ma₂ca₂jme₃cain'₅₄ chí₂-guein₂ quiáin₅, chí₂jua'₂ ma₂qui₂ma₂cuē₃ bá₄ 'ñio₂ dsí₅ dsí₂néi₂ quió'₅ ma₂qui₂ma₂jñia₃ dsa₂, chí₂jua'₂ ma₂ca₂jme₃ti₃ bá₄ ta₁ 'ñio₂ dsí₅ ne₄ dsa₂ rin'₅₄ jniog₄ i₂'én₂, * tsá₃ jmo₂₃ dsí₅ jua'₅₄ quein₅ guē₄ con'₂ guē₄ rin'₅₄, chí₂jua'₂ ma₂ca₂jme₃'oin₅₄ bá₄ i₂chan₂ o₂i₁ dsí₅, chí₂jua'₂ ma₂jmo₃ ca₂le₃jē₃ ne₅₄ a₂dse₃ nē₃. ¹¹ La₁ tsá₃ tē₃ton₅₄ ne₄ si₂ 'io₅₄ 'nág₂ i₂tion₅₄ me'₂ guē₄ ñi₂, ia₁ jē₁ma₂ca₂lē₃ dsí₅ 'ñio₅ lin₃ guē₄ tón'₂ juí₅ a₂mi₅ dsí₅ con'₂ guē₄ a₂jme₃ti₃ ta₁ a₂tióin₂ ne₄ Cristo, gu₂ bá₄ tiá₂ 'nio₃ jéin'₃ táng₃. ¹² Le₂nē₅ bá₄ rē₂cáin₄ ia₁ tsá₃ ca₂rē₃ti'₅₄ jág₁ quió'₅ a₂ma₂cuē₃. ¹³ Ján₃ guē'₂ con'₂ tsá₃ ñó₅ nē₁jua'₂ ca₂rē₃tín₃ dsí₅ jñia'₅₄ i₂nioi₅₄ tē₂juin₂ tsi₁jin₁₂. Ján₃ guē'₂ le₂jaun₂, on₃jua'₅₄ rē'₂ jñia'₅₄ tiin₂ i₂nioi₅₄ tsi₁jin₁₂, dsí₂lén₂ le₂'í₁ 'né₅ ton'₂ qui₂i₂quián₅₄ jág₁ a₂la₂ a₂ó₃, qui₂tiáin₂ ja₁tsá₃ ca₂tíin₂. ¹⁴ Jaun₂ lē₃ 'nio₃ jniá₂ co₂ñei'₅₄ jén'₂ táng₃ gu₂ juí₁lia'₂ 'io₅₄ 'nág₂ chí'₂, juí₁le₂chan₂ chí₂-guein₂ quiáin₅, juí₁lein₅₄ bá₄ dsa₂ i₂niog₅ gu₂ dsí₂néi₂. Jaun₂ tsá₃ cuín₃ jmig₄ jmo₃ i₂sē₃dsen₃ lé₂ dsí₅ dsa₂ 'ag₃ 'lig'₅₄. ¹⁵ Ia₁ i₂lin₅₄ ma₂i₂lén₂ cau₅, 'ein₂₃ Satanás.

* 5:10 lit. "chí₂jua'₂ ma₂qui₂ma₂rang₃ mi₂tag₄ dsa₂ jñiós."

16 Chi₂jua'₂ chan₂ rin'₅₄ jniog₄ dsa₂ ñe'₂, o₃ dsa₂ mí₂ 'e₂, † chi₂jua'₂ chan₂ dsa₂ 'nág₂ quió'₅, ne₄ 'éi₂ nio₃ 'e₂ 'nió'₅ quió'₅ dsa₂ 'nág₂, ia₁ jaun₂ tsá₃ ñí₄ lë₃ guei₂ cán₂ guá'₅, ia₁ jaun₂ bá₄ cui₃ jmig₄ lé₂ le₃ jme₃ 'o₅₄ guá'₅ jmá'₃ quió'₅ 'io₅₄ 'nág₂ i₂ 'nió'₅ dsón'₂ quió'₅.

17 Dsa₂ can'₅₄ i₂ jmo₅ 'éi'₃ dse₃ guá'₅, tin₃ ráun₂ lë₅ guë₄ 'nió'₅ jme₃ go₃ dsa₂, jág₂ dsa₂ dse₃. La₁ 'ñio₅ lin₃ guë₄ ca₂ tin₂ dsa₂ jín₂ dse₃ jme₃ 'nioi₃ i₂ jmo₅ ta₁ i₂ cuë₅ jág₁ jme₂ tag₂₃. 18 Ia₁ ne₄ Si₂ quió'₅ Diú₄ juá'₂: “Tsá₃ lë₁ tón'₂ 'nei₅₄ mí₂ 'o₄ ca₁ juí₅ i₂ jmo₅ ta₁ qui₂ tsó'₅ i₂ 'uig₂ mig₂ trigo.” ‡ Ján₃ guë₂ le₂ jaun₂ juá'₂ Si₂: “Ca₂ tin₂ bá₄ dsa₂ i₂ jmo₅ ta₁ gue₃ 'liain'₅₄.” §

19 Tsá₃ lë₁ tón'₂ juí₅ nē₁ jua'₂ chan₂ 'ein₂ dsia₅ dso₄ 'ñi₂₃ jan₂ gui'₅₄ can'₅₄ nē₁ jua'₂ tsá₃ tión₂ on₃-ún₂ dsa₂ i₂ jáng'₃ jág₁ dsau₅. * 20 La₁ juí₁ lia'₂ dsa₂ i₂ caun₂ 'no₅ dso₄, tē₂ jéin₃ tē₃ jē₄ ja₁ le₁ ñi'₂ 'nia'₂ ca₂ le₃ jín₃, ia₁ jaun₂ tē₃ ne₄ ca₂ le₃ jín₃ jaun₂ le₃ gó'₃ ján₃. 21 O₄ quió'₄ Diú₄, quian'₅₄ Te₁ gui'₅₄ Jesucristo, quian'₅₄ ca₂ le₃ jín₃ ángeles i₂ ma₂ quióin'₂, cuë₅ jniá₂ 'éi'₃ la₂ ia₁ jaun₂ jme₂ ti'₄ 'ne₂: Tsá₃ jmó'₂ jua'₅₄ a₂ jing'₅₄ jma₃ quén₅ ríng'₂ a₂ jmó'₂ i₂ lin₅₄ tē₁ jéng'₄, i₂ lin₅₄ guë'₂ tsá₃ tē₁ jéng'₄. Co₂ rē₂ bá₄ tē₁ jéng'₄ con'₂ i₂ ca₂ tin₂ dsi₃ jen₅₄. 22 Tsá₃ caun₂ lē₁ 'ín₅ † de'₂ tē₂ le₃ dséi₂ dsa₂ i₂ jiog₃ cán₂ ne₄ juí₅ guá'₅, con'₂ tsá₃ ñó₅ nē₁ jua'₂ le₃ jiog₄ 'ne₂ ca₂ rē₃ cáng'₂ dsáu₁ i₂ sián'₂. Jmo₄ 'í₁ a₂ chang'₂ le₂ jē₃ tē₂ 'au'₂.

23 Ia₁ a₂ rē₂ dsong'₅₄ i₂ gú'₃ ton₅ dso₄ tog'₂, tsá₃ ma₃ 'nió'₅ 'ag'₅₄ jmá'₃ jmig₂; 'én'₂ ca₂ la₂ vino ján₃.

24 Dso₄ a₂ 'no₅ dsa₂ i₂ lin₅₄ a₂ léi₄, jniá₂ dse₃ bá₄ né₃ a₂ dsi₁ lein₃ ja₁ jáng'₃ cuenta quió'₅. Quió'₅ i₂ lin₅₄ guë'₂ tsá₃ léi₄ dsi₂ juí₅. Cang₂ bá₄ rē₂ léi₄. 25 Ján₃ guë'₂ le₂ jaun₂, chi₂ jua'₂ 'e₂ dse₃ jmo₅ dsa₂, rē₂ léi₄, jniá₂ bá₄. O₁ jñia'₅₄ tsá₃ qui₂ rē₂ jniá₂ dsi₂ juí₅, tion₅₄ bá₄ rē₂ jniá₂ juí₁ la₂ 'ióg₃.

6

1 Dsa₂ i₂ jme₂ ti₃ ta₁ ne₄ juig₅₄ 'nió'₅ jme₃ gain₃ juig₅₄ ia₁ jaun₂ tsá₃ chi₂ 'ag₃ dsa₂ 'lig'₅₄ 'iin₃ Diú₄, on₃ guë'₂ 'ē₃ dsa₂ 'lig'₅₄ 'e₂ jme₂ tin₁ jniog₄ dsa₂. 2 Chi₂ jua'₂ chan₂ juig₅₄ i₂ 'én₂ nē₃, tsá₃ jua'₅₄ jaun₂ 'nió'₅ jme₃ go₃ dsa₂ me'₂ guë₄ ia₁ lín₅ dsa₂ 'én₂ riin'₅₄. Co₂ rē₂ bá₄ 'nió'₅ jme₃ gan₃ dsa₂ riin'₅₄ con'₂ riin'₅₄ i₂ 'én₂ tē₂ le₃ quió'₅ Cristo. Tē₂ le₃ 'nió'₅ jme₃ ti₃ guë₄ dsa₂ dse₃ ta₁ ne₁₂, ia₁ a₂ lín₅ dsa₂ 'én₂ rin'₅₄ i₂ 'nió₄. Le₂ nē₅ jme₁ tin₅ dsa₂, tioen'₂ jág₁ nē₃.

'Ag₅ dsa₂ dse₃ dsí₅ jmo₂₃ 'io'₂ quian'₅₄ juá'₅

3 Chi₂ jua'₂ chan₂ i₂ jme₂ tag₅ le₂ siá'₂, ton'₂ tsá₃ dsáu₅ dsí₅ jág₁ dse₃ quió'₅ Te₁ gui'₅₄ Jesucristo, on₃ guë₄ juá'₅ quió'₅ Diú₄ nē₃, 4 a₂ jñia'₅₄ con'₂ jme₂ rón₂ 'ñiog₅ bá₄ dsa₂ 'éi₂, 'i₁ ca₂ juig₄ tsá₃ 'e₂ ñí'₂ dsí₅. Nē₂ jag₄ bá₄ i₂ dso₅₄ bá₄ i₂ le₂ 'éi₂, ia₁ a₂ jñia'₅₄ 'nio₃ dsia₃ mí₅₄ quian'₅₄ jág₁. 'Uig₅₄ jaun₂ ja₂ uig₅ dsí₅ dsa₂, qui₂ tsin₅ dsa₂, qui₂ jná'₂ dsa₂ jág₁ uig₅ riin'₅₄, tsá₃ 'e₂ dse₃ jín₂ dsa₂ riin'₅₄ nē₃. 5 Lē₅ bá₄ caun₂ jñia'₅₄ niog₅ mí₅₄ tsá₃ dsian₅ lē₅ jin₄ dsa₂ i₂ tsá₃ dse₃ qui₂ dsi₂ jiog₅ dsí₅. Tsá₃ ma₃ 'e₂ jág₁ dsau₅ cuí'₅; lín₂ quian'₅₄ juá'₅ a₂ jme₂ tag₂₃, a₂ tē₃ dsi₅₄ quió'₅. [Co₂ dsia₅ jñiag'₃ cau₅, tsá₃ lē₁ 'ú₅ quian'₅₄ dsa₂ i₂ le₂ 'éi₂.]* 6 Dsau₅ bá₄ jaun₂ a₂ quen₅ juá'₅, la₁ ia₁ a₂ tē₁ dsi₅₄ guë₄ lin₃ le₃ quió'₅ dsa₂ i₂ le₁ 'ág₄ tei₄ dsí₅, i₂ chan₂ ma₂ dsáu₅ dsí₅ 'e₂ cha₂ quió'₅. 7 Ia₁ 'i₁ caun₂ tsá₃ 'e₂ le₁ quian₁ jniog₄ ca₂ o₃ náu₅ mí₂ güig₃ la₂, on₃ guë'₂ cha₂ jua'₅₄ a₂ lé₂ le₃ quiong₅₄ 'i₁ caun₂ táng₃. 8 Ia₁ nē₁ jua'₂ cha₂ bá₄ a₂ que₅₄, cha₂ bá₄ tsin'₅₄ jniog₄ nē₃, co₂ jaun₂ bá₄ guë'₂ jñia'₅₄ 'nió'₅ le₃ 'éi₁ jniog₄ tei₄ dsi₅ jmó'₁ 'io'₂. 9 La₁ juí₁ lia'₂ dsa₂ i₂ 'ín₅ dsí₅ le₃ cha₂ cu₄ nē₃, tsi₂ séin'₂ dso₄, tsi₂ séin'₂ 'ñió'₃ tsi₁ cág'₅ quió'₅ i₂ sē₃ dsen₃, ne₄ ca₂ le₃ jē₃ a₂ 'ín₅ dsí₅ a₂ tsá₃ ta₁ tí₄, a₂ jmóg'₂ dain₅₄, a₂ dsi₂ 'éin₂ nē₃. 10 Ia₁ a₂ ñí₄ lē₃ 'ín₅ dsí₅ dsa₂ le₃ cha₂ cu₄, 'uig₅₄ jaun₂ lé₂ le₃ jiog₃ ca₂ le₃ jē₃ ne₅₄ juí₅ 'lig'₅₄. Chan₂ i₂ lin₅₄ ia₁ a₂ 'ín₅ dsí₅ a₂ jaun₂, ma₂ i₂ léin₂ cau₅ juí₅ a₂ jme₁ 'éin₂; a₂ 'uín₅₄ guioin₅₄ ma₂ chain₂ jmí₁ uig₅ 'ñio₅ lin₃.

† 5:16 A₂ lin₅₄ chog₅₄ si₂: “Chi₂ jua'₂ chan₂ dsa₂ mí₂ rin'₅₄ jniog₄.” ‡ 5:18 Deuteronomio 25:4. § 5:18 Lucas 10:7.

* 5:19 'Nio'₂ ja₁ ton₅ Números 35:30, Deuteronomio 17:6. † 5:22 lit. “Tsá₃ caun₂ dsí₁ 'gog'₂ de'₂ tē₂ le₃ dséi₂.” * 6:5 A₂ lin₅₄ chog₅₄ si₂ tsá₃ le₁ ton₅ jág₁ nē₃.

Dsa₂ i₂quín'₅ bí₂ ia₁ 'éin₂

¹¹ La₁ 'ne₂, dsa₂ quián₅ Diú₄, co₂dsia₅ cuin'₅₄ ca₂le₃jě₃ a₂ně₅. Co₂dsia₅ ŋi₄ bá₄ quian₂ caun₂ jui₅ co₂dsau₅, jme₁dsau₅ quiáng'₂ tē₂le₃ quió'₅ Diú₄, caun₂ 'én₂ bá₄, chan'₂ tiá₂ jág₁, caun₂ jme₁'nió₄ ríng'₂, jme₁juin'₂ 'au'₂, jmo₄ meg'₂ ně₃. ¹² Quen'₂ bí₂ dse₃ o₄quió'₄ jág₁ a₂'éin₂ jniog₄, jui₁lia'₂ jan₂ 'lióg₂ quín'₅ bí₂ ne₄ 'nei₂. Tio'₂ gog'₂ ja₁le₃chan₂ co₂tan₅₄ jme₂dsí₂ quiáng'₂, ia₁ ta₁ jaun₂ ca₂tě₃ Diú₄. Ia₁ dse₃ bá₄ ma₂ŋe'₃ jmo'₂ jin₄ dsa₂, a₂cuě'₂ léi₄ a₂'éng'₂. ¹³ Ně₃ ně₃, jág₅ bá₄ Diú₄ i₂jmo₅ jén'₃ ca₂le₃jín₃, jág₅ bá₄ Jesucristo ně₃ i₂ca₂jáng'₃ dse₃ jág₁ dsau₅ ne₄ Poncio Pilato, juíg₂ jniá₂ 'ne₂ ¹⁴ a₂jme₁ti'₄ 'éi'₃ ně₅ tsá₃ qui₂rě₂'ióg₄ ia₁jaun₂ tsá₃ cuin'₅ jmi₄g₄ jua'₅₄ tē₃jí₂ dsa₂ ca₂lia'₂ ca₂tě₂ jmi₄g₄ i₁guan'₂ Te₁gui'₅₄ Jesucristo quián₂. ¹⁵ Jē₁ma₂ca₂tě₂ jmi₄g₄ jaun₂, ia₁ jnia'₅₄ lia'₂ 'ŋiog₅ bá₄ Te₁gui'₅₄ Diú₄ jmo₃. 'Ŋiog₅ bá₄ lín₅ i₂jnió₅ i₂'uan'₂, i₂lín₅ Rag₅₄ quián₅ rag₅₄, Te₁gui'₅₄ quián₅ ca₂le₃jín₃ juig₅₄ can'₅₄ i₂chan₂ ne₄ gua'₅₄ 'uě₃ la₂. ¹⁶ Jnia'₅₄ lia'₂ jan₂ 'éi₂ bá₄ i₂chan₂ i₂ca₂lia'₂ o₁líg'₂ jmi₄g₄ tsá₃ jón₂, i₂chan₂ i₂guá₅ ja₁jniá₂ si₂ ja₁ca₂lia'₂ 'i₁jan₂ tsá₃ 'ein₂ qui'₅₄ jmi₄g₄ jme₃quián₃, i₂tsá₃ 'ein₂ dsa₂ mi₂güí₃ ma₂jág₂, on₃ guě'₂ qui'₅₄ jmi₄g₄ jág₂. i₂Ca₂tín₂ bá₄ Diú₄ ca₂le₃jě₃ bí₂! i₂Quió'₅ 'éi₂ bá₄ jme₃juag'₂ dsa₂ co₂tan₅₄! i₂A₂méi₃! ¹⁷ Jui₁lia'₂ i₂cha₂ cu₄ mi₂güí₃ la₂, chei'₅₄ tsá₃ lē₁jui₁jmo₁₂ róin₂, on₃ guě'₂ jui₁jmo₅₄ 'ín₂ dsí₅ le₃quió'₅ cu₄, ia₁ a₂lē₁lé₂ dsí₃'én₂ bá₄ cu₄. Co₂dsia₅ guě₄ jmo₅ jui₁jmo₁₂ 'ín₂ dsí₅ tē₂le₃ quió'₅ Diú₄ jén'₃ i₂jén'₅ ca₂le₃jě₃ lia'₂ qui₂rě₂tsón₂ ia₁jaun₂ jmó₁ 'io'₂ le₃chong₂. ¹⁸ Chei'₅₄ jui₁jmo₁₂ a₂dse₃ 'ŋio₅ lín₃, jui₁jmo₁₂ 'ŋio₂ dsí₅ jui₁jme₂'oin₅₄ riin'₅₄ quian'₅₄ 'e₂ a₂cha₂ ca₂la₂ quió'₅. ¹⁹ Jaun₂ le₂ně₅ qui₂dsi₃tsón₃ 'uig₅₄ ja₁náu₃ tiá₂ tē₂le₃ ne₄ jui₅ ja₁ŋó₄, tó'₃ gu₂ ja₁le₃chain₂ dsón'₂.

Jág₁ a₂ca₂tsí'₃ guě₄ Timoteo jē₁ca₂tó'₂

²⁰ 'Ne₂ Timoteo, dse₃ jmo₄ 'í₁ a₂ma₂niog₅ ne'₅₄. Tsá₃ lē₁tón'₂ jui₅ jág₁ a₂tsá₃ ta₁ tí₄ a₂niog₅ dsia₅ dsa₂ mi₂güí₃ i₂tsá₃ 'én₂. Ní₂ dse₃, tsá₃ tón'₂ jui₅ jág₁ quió'₅ dsa₂ i₂ŋí₄ lē₃ 'ŋio₅ ŋi₅ jmo₅, ia₁ on₃jua'₅₄ dsau₅ dsón'₂ tin₂ dsa₂ 'éi₂, ia₁ tsá₃ jme₂tag₂₃ lia'₂ con'₂ lē₅ juá'₅ dse₃ dsón'₂. ²¹ Ia₁ i₂lín₅₄ dsa₂ i₂ca₂rě₃'én₂ jág₁ quió'₅ dsa₂ le₂'éi₂ ma₂i₂cóin'₅ bá₄ táng₃ jui₅ quió'₅ Diú₄ a₂jme₁'éin₂. Jui₁jme₂gu'₅₄ bá₄ Diú₄ quiáng'₂. Co₂ně₅.

Si₂ carta jë₁ca₂të₂ tin₃ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Te₁gui₅₄ Jesucristo, cheng₅₄ con₂ nē₅ 'nio₃ Diú₄ bá₄, con₂ lě₅ jág₁ ca₂cuē₃ Diú₄ jniog₄ a₂le₃chong₂ të₂le₃ quian₅₄ Cristo Jesús. ² Jmo₅ jniá₂ si₂ la₂ ne₅₄ 'ne₂ jón₃ quiáng₃ Timoteo, 'nio₃ jniá₂ jui₁chang₂ bá₄ nē₂ dsí₅ Diú₄, jui₁jme₂gu₅₄ bá₄, jui₁chang₂ bá₄ 'ei₅ tei₄, jui₁jmo₅₄ Diú₄ Jme₁₂ jniog₄ quian₅₄ Te₁gui₅₄ Jesucristo quián₂.

'A₂ lia₂ dsi₂ten₅₄ jáng₃ dsa₂ jág₁ dsau₅ të₂le₃ quió₅ Cristo

³ Dsau₂ dsi₃ co₂tan₅₄ bá₄ 'ne₂ jë₄ chi₂leng₅₄ Diú₄ lia₂ 'uë₂-jmi₂. Jaun₂ lě₃ cuē₅ jniá₂ ti₁'mag₄ jme₂tí₁ ta₁ ne₅₄ a₂ma₂le₁jě₃ a₂qui₂dsi₂jni₅ të₂dsi₃ jui₁lia₂ ca₂jmo₃ dsa₂ can₅₄ quiáng₃ ma₂líg₂. ⁴ Ca₂le₃jě₃ jmi₄ bá₄ dsau₂ dsi₃ lia₂ con₂ ca₂'o₅₄ le₂jaun₂, jaun₂ jme₁'nio₃ i₁jing₁₂ táng₃ 'ne₂ ia₁jaun₂ jmo₅₄ 'io₂. ⁵ Dsau₂ bá₄ dsi₃, ia₁ 'éng₂ të₂dsón₂. Chi₁'io₄ Loida quian₅₄ chog₂ Eunice, ján₃ bá₄ le₂nē₅ ca₂rě₃ 'éin₂ le₂'uig₅₄. Jaun₂ të₂dsón₂ lín₂ jniá₂ ján₃ bá₄ le₂jaun₂ 'én₂ 'ne₂.

⁶ Jaun₂ lě₃ juá₅ jniá₂, cuē₅₄ bí₂ ca₂le₃jě₃ a₂ma₂cuē₃ Diú₄ të₂'au₂, a₂lě₅ lia₂ lě₅ si₂ të₂'au₂ a₂ca₂ñig₂ lia₂ con₂ jme₁ca₂co₃ jniá₂ gu₃ ne₄ quiáng₂. ⁷ Ia₁ on₃jua₅₄ jme₂dsí₂ i₂gó₅ ma₂cuin₃ Diú₄ jniog₄. Jme₂dsí₂ 'éi₂ bá₄ ma₂cuin₃ i₂jmo₃ a₂nio₃ tiá₂ dsi₅ jniog₄, i₂jmo₃ a₂jme₁'nió₄ jniog₄ rin₅₄, i₂jmo₃ a₂jme₂'uán₄ dsi₅ guio₅₄. ⁸ Tsá₃ lě₁jmo₂ gueng₅₄ ja₁jang₅₄ jág₁ dsau₅ o₄quió₄ Te₁gui₅₄ quián₂, on₃ guē₂ jmo₂ gueng₅₄ o₄quió₃ jniá₂ ia₁ 'eng₅₄ né₃ 'má₃ o₄quió₄ 'éi₂. Të₂le₃ guen₅₄ bá₄ ján₃ jë₂ jmi₁uig₅ a₂já₅ o₄quió₄ jág₁ dse₃, con₂ lě₅ bí₂ a₂cuē₅ Diú₄ ⁹ i₂ca₂lió₂ jniog₄ ton₂ ca₂tě₃ ia₁jaun₂ le₃chong₂ jniog₄ jnió₅. On₃jua₅₄ ia₁ cha₂ 'e₂ dse₃ ma₂jmo₁ jniog₄, ia₁ le₂nē₅ ca₂lě₃ dsí₅ 'niog₅ ca₂jmo₃ 'ua₁ dsí₅ ca₂rě₃'nio₃ jniog₄ të₂le₃ 'uig₅₄ o₄quió₄ Cristo Jesús. Ia₁ le₂jaun₂ jme₁ma₂'nio₃ bá₄ Diú₄ jniog₄ ca₂le₂jniá₂ lia₂ con₂ tsá₃ mi₂güig₃ ma₂jmo₃. ¹⁰ Diú₄ ma₂ca₂jme₃jnia₂₃ léi₄ ja₁con₂ dsa₂ mi₂güig₃, a₂'nio₃, jme₁ca₂chein₃ Jesucristo i₂lió₂ quián₂ jniog₄, co₂dsia₅ ca₂'éin₂ bí₂ a₂'io₅ 'mú₃; ton₂ ca₂jme₃jnia₂₃ të₂le₃ quian₅₄ jág₁ dse₃, 'a₂ lia₂ le₃chan₂ dsa₂ co₂tan₅₄.

¹¹ 'Uig₅₄ jaun₂ ca₂rě₃ 'ín₁ jniá₂, ia₁jaun₂ qui₂i₁'ě₃ jág₁ dse₃ la₂, a₂lěng₂ jan₂ të₅ i₂chen₄ quián₅. ¹² 'Uig₅₄ jaun₂ bá₄ a₂ñag₅₄ ca₂le₃jě₃ ne₅₄ uig₅ la₂. La₁ tsá₃ o₂guí₃ jéin₅ jniá₂, ia₁ guion₅₄ bá₄ 'ein₂ të₂le₃ quió₅ ma₂ca₂'ag₃ caun₂ dsi₃, 'éng₂ bá₄ a₂'io₅ 'éi₂ bí₂ a₂jmo₃ 'í₁ a₂le₃tei₅₄ jniá₂ ta₁ a₂ma₂ca₂dsia₃ gu₃,† ca₂lia₂ ca₂tě₂ jmi₄ jaun₂.

¹³ Caun₂ jmo₄ bá₄ jui₁lia₂ ma₂ca₂jme₁ting₂₃ 'ne₂. Jui₁chang₂ bá₄ 'éng₂, jme₁'nió₄ ring₂ le₃quió₅ Cristo Jesús. ¹⁴ Quian₅₄ bí₂ quió₅ Jme₂dsí₂ quián₅ Diú₄ i₂jio₅ të₂dsi₅ jniog₄, jmo₄ 'í₁ a₂ma₂dsia₃ Diú₄ gog₂.

¹⁵ Ma₂ñi₅₄ bá₄, ca₂le₃jín₃ bá₄ dsa₂ chan₂ 'uë₃ Asia ma₂ca₂téi₂ bá₄ jniá₂, i₂lin₅₄ 'éi₂ Figelo quian₅₄ Hermógenes nē₃. ¹⁶ Jui₁dsia₅₄ bá₄ Te₁gui₅₄ nē₂ dsí₅ ca₂le₃jín₃ dsa₂ dsi₂nēi₂ quió₅ Onesíforo, ia₁ 'lióng₂ ráun₂ bá₄ ma₂guain₂₃ o₃jag₅₄ ca₂jmo₃ ca₂rě₃güig₂ jme₂dsí₂ quió₃. On₃jua₅₄ a₂jaun₂ gui₅₄ ja₃jag₅₄ ia₁ a₂'eng₅₄ né₃ 'má₃. ¹⁷ Të₂le₃ ca₂o₃'niog₂ bá₄ jniá₂ jme₁guain₃ Roma. Ca₂lia₂ ca₂dsá_u' bá₄ ca₂jmo₃. ¹⁸ Jui₁dsia₅₄ bá₄ Te₁gui₅₄ nē₂ dsí₅ ja₁coin₂ jë₁ma₂tě₂ jmi₄ jaun₂. Dsá₂ bá₄ 'au₂ 'ne₂, ca₂jme₃'o₅₄ 'nio₅ lin₃ jniog₄ lia₂ con₂ jme₁tio₅₄ jui₂g₂ Efeso.

2

Jan₂ 'lióg₂ dsen₃ quián₅ Jesucristo

* **1:11** A₂lin₅₄ chog₅₄ si₂ juá₂ ján₃: "a₂jme₁tin₂₃ dsi₂nau₂." † **1:12** o₃, "a₂jmo₃ 'í₁ a₂ma₂ca₂dsia₃ jniá₂ gu₂ 'éi₂."

¹ La₁ 'ne₂ ně₃ jón₃ quiáng₃, quen'₂ bí₂ nau₂ tiá₂ ia₁ a₂'ua₁ dsí₅ Diú₄ ca₂jmo₃ tē₂le₃ quian'₅₄ Cristo Jesús. ² Ca₂le₃jě₃ a₂ma₂nei'₂ ma₂juá'₃ jniá₂ tē₃jín₄ juin₅ dsa₂ i₂ca₂tě₂ ne₄, jág₁ jaun₂ dsia₄ gu₂ dsa₂ i₂rě₂ti'₅₄ i₂qui'₅₄ jmi₄g₄ jme₃tin₅ i₂sián'₂ táng₃. ³ 'Njag'₂ guě'₂ ně₃, tiang'₃ jmo₄ ŋag'₅₄ uig₅ o₄quió'₄ Jesucristo, jmo₄ bá₄ jui₁lia'₂ ja₁jmo₅ jan₂ 'lióg₂ tió'₃ dsí₅ jui₁lia'₂ jme₁'ein₅₄ ne₄ 'nei₂. ⁴ I₁jan₂ 'lióg₂ i₂jme₂ti₃ dse₃ ta₁ a₂chéin'₅ jua'₅₄ lé₂le₃qui₂tián₂ tsi₃nei₃ jág₁ a₂ca₂tín₂ dsa₂ lē₁dsa₂, ia₁jaun₂ bá₄ lé₂jme₃ti₃ con'₂ 'ñio₂ dsí₅ juig₅₄. ⁵ Ján₃ bá₄ le₂jaun₂ jui₁lia'₂ dsa₂ i₂co₅, tsá₃ a₁jaun₂ jua'₅₄ a₂lí'₂ 'e₂ lí'₂ ně₁jua'₂ tsá₃ ca₂quín'₃ bí₂ co₃ con'₂ dsi₂ten₅₄ qui'₅ 'éi'₃. ⁶ Ján₃ bá₄ le₂jaun₂ jui₁lia'₂ dsa₂ i₂jmo₅ ta₁ ja₁nau₂, ca₂tíin₂ bá₄ gue₃ le₂'uig₅₄ con'₂ ca₂tíin₂ jē₁ma₂rau₂. ⁷ 'Nio'₂ 'au'₂ a₂juá'₅ jniá₂ la₂. Te₁gui'₅₄ bá₄ jmo₃ le₃ñíg'₂ ca₂le₃jě₃.

⁸ Dsau'₂ 'au'₂ jmo₄, tsá₃ jui₁dsi₂'én₂ 'au'₂ Te₁gui'₅₄ Jesucristo i₂ca₂jen'₅₄ táng₃ jin₄ 'lag₄, i₂jme₁lín₄ tsi₁jon₂ David; a₂la₂ bá₄ jág₁ dse₃ a₂lión₂ dsa₂, a₂'ě₅ jniá₂. ⁹ 'Uig₅₄ jág₁ dse₃ la₂ bá₄, jmo₅ jniá₂ tió'₅ dsí₃ ŋag₅₄ uig₅. Rē₂'ñeg'₅₄ quian'₅₄ ñí₁ cadena co₂jmo₂g'₂ dsa₂ jui₁lia'₂ ja₁jmá'₂ dsa₂ jan₂ dsa₂ i₂rě₂cán'₄ dso₄ juě'₂. La₁ jág₁ dse₃ quió'₅ Diú₄ ně₃, tsá₃ rē₂'ñe'₅₄ quian'₅₄ ñí₁ cadena. ¹⁰ Jaun₂ bá₄ lē₃, o₄quió'₄ dsa₂ i₂ma₂quión'₂ Diú₄ jmo₂₃ tió'₅ dsí₃ ca₂le₃jě₃, ia₁jaun₂ bá₄ tín'₄ 'éi₂ ján₃ le₃quió'₅ Cristo Jesús ja₁lě₄ co₂tág₅ co₂'né₅ co₂tan₅₄.

¹¹ Tē₃dsón'₂ bá₄ dsau₅ a₂la₂:
Nē₁jua'₂ ca₂dsau₃ jniog₄ quian'₅₄ Jesucristo,
ján₃ bá₄ le₂jaun₂ le₃chong₂ jniog₄ quiaín'₅₄.

¹² Nē₁jua'₂ ca₂náu₂ jniog₄ tiá₂,*
ján₃ bá₄ le₂jaun₂ jme₁gon₂ jniog₄ quiaín'₅₄.

Nē₁jua'₂ tsá₃ tión₅ jniog₄ a₂cuín₅,
ján₃ bá₄ le₂jaun₂ tsá₃ 'ag₃ jniog₄ ján₃.

¹³ Nē₁jua'₂ tsá₃ ca₂rě₃tei₅₄ jniog₄,
la₁ le₃ti'₅₄ bá₄ 'ñiog₅,
ia₁ caun₂ jág₁ ma₂juá'₂ Diú₄
tsá₃ a₁jaun₂ lé₂ jua'₅₄ tsá₃ jme₃ti₃.

Jui₁lia'₂ dsa₂ i₂jme₂ti₃ dse₃ ta₁ ne₄ Diú₄

¹⁴ A₂la₂ chei'₅₄ dsa₂ i₂jme₂tíng'₁: dsá₂ dsí₅ jui₁jmo₁₂ o₄quió'₄ Te₁gui'₅₄ a₂tsá₃ tsiin₃ quiaín'₅₄ dsa₂, jág₁ a₂tsá₃ ta₁ tí₄, ia₁ ně₁jua'₂ tsin₅ dsa₂ ně₃, tsá₃ 'e₂ a₂dse₃ jmo₂₃, jñia'₅₄ con'₂ jmo₂₃ a₂gon₃ a₂'én₂ dsa₂ i₂nag₅ bá₄. ¹⁵ Jmo₄ dsen₅₄ 'au'₂ a₂jme₁jñiag'₅ ne₄ Diú₄ a₂léi₄ ma₂ca₂tiang'₃ táu₂ a₂ma₂i₂ñíg'₂, a₂lín₅ jan₂ dsa₂ i₂jmo₅ ta₁, i₂tsá₃ 'e₂ jua'₅₄ cha₂ a₂jéin'₂ o₂guí'₃, i₂jme₂tag₅ rē₂ jág₁ tí₅. ¹⁶ Tsá₃ lē₁cuín₅ jmi₄g₄ jua'₅₄ a₂dsiá'₁ jág₁ quió'₅ mi₂güig₃ a₂tsá₃ ta₁ tí₄. Ia₁ dsa₂ i₂co₂jmo₅ le₂jaun₂ caun₂ qui₂dsi₃lén₂ ne₄ jui₅ jē₄ cosa 'lig'₅₄. ¹⁷ Cosa a₂jme₂tag₂₃ qui₂dsi₂jón₃ lia'₂ jē₁qui₂dsi₂jón₃ caun₂ dso₄ a₂jmo₅ a₂dsa₂ ni₁ñi₁ dsa₂. Le₂ně₅ bá₄ ca₂lě₃ quian'₅₄ Himeneo quian'₅₄ Fileto ně₃. ¹⁸ Ma₂i₃lén₂ tē₂le₃ cau₅ ja₁tsá₃ tí₅ jág₁, a₂qui₂jme₂tiin₂₃ dsa₂ a₂juá'₂ ma₂ca₂tě₂ bá₄ jmi₄g₄ a₂jen'₅₄ 'lag₄, jmo₂₃ a₂qui₂nió₅ i₂lín₅₄ 'a₂ lia'₂ 'éin₂. ¹⁹ La₁ Diú₄ ma₂chi'₃ caun₂ cho'₅₄ 'uig₅₄ a₂chí'₅ tiá₂ co₂tan₅₄. A₂jaun₂ jáng'₅ léi₄ a₂juá'₂: “I₂cuín₅ bá₄ Te₁gui'₅₄ i₂lín₅ dsa₂ quiaín₅”; † jaun₂ ně₃: “Ca₂le₃jín₃ i₂quian₅ lia'₂ chen₂ Cristo ‡ ca₂tiin₂ jmo₃ cau₅ ca₂le₃jě₃ ja₁jmo₅ dsa₂ cosa 'lig'₅₄.”

²⁰ Jui₁lia'₂ caun₂ dsi₂néi₂ pa₁, on₃jua'₅₄ jmá'₃ ca₂ne₅₄ cosa jlá'₁ a₂lě₅ quian'₅₄ cu₄nióg₄ quian'₅₄ cu₄tiog₂ tio'₅₄, ia₁ ján₃ bá₄ tio'₅₄ cosa a₂lě₅ quian'₅₄ ni₁'ma₂, a₂lě₅ quian'₅₄ ti₁gua'₅₄ ján₃. A₂lín₅₄ a₂lě₅ 'í₁ a₂jmó'₂ dsa₂ ta₁ jmá'₃ lia'₂ ne₄ a₂jlá'₁; a₂lín₅₄ guě'₂ qui₂jmó'₂ dsa₂ ta₁ lia'₂ 'ei₅ ne₅₄ cosa. † ²¹ Nē₁jua'₂ ca₂jñiá'₃ 'ne₂ ca₂le₃jě₃ ne₅₄ jui₅ 'lig'₅₄, a₂jmó'₂ jmá'₃ ca₂ne₅₄ cosa dse₃, jaun₂ guě₄ lēng'₂ lia'₂ lě₅ caun₂ ni₁uig₅ jlá'₁ a₂lě₅ 'í₁, jaun₂ guě₄ téng'₃ ta₁ cáun₂ Juig'₂ 'ne₂ jmó'₂ ca₂ne₅₄ ta₁ dse₃ quió'₅.

* 2:12 o₃, “Nē₁jua'₂ ŋag₄ jniog₄ uig₅.” † 2:19 Números 16:5. ‡ 2:19 o₃, “Ca₂le₃jín₃ i₂mi₅ ne₄ Te₁gui'₅₄.” § 2:20 'Nio'₂ ja₁ton₅ Romanos 9:21.

22 Cuin' 54 'ne 2 ca 2le 3jě 3 ne 54 cosa 'lig' 54 a 2ja 2 dsí 5 dsa 2 jmo 3 tē 1lia' 2 mei' 2. Quian 2 caun 2 juí 5 co 2dsau 5 a 2'éng' 2, a 2'nióg' 3 ríng' 2, a 2'eí 5 teí 4 'au' 2 quian' 54 ca 2le 3jín 3 dsa 2 i 2ma 2le 1jě 3 tē 2dsí 5, i 2jme 2juin' 2 Te 1gui' 54. 23 Tsá 3 lē 1tón' 2 juí 5 'e 2 jág 1 tsá 3 ta 1 tí 4 a 2tsi 2jín 5 dsa 2 i 2tsá 3 ma 2'en 54 dsí 5. Ia 1 ma 2ñi' 54, a 2jñia' 54 dsiog 5 mi' 54 bá 4 a 2jaun 2. 24 Jan 2 dsa 2 i 2jme 2ti 3 ta 1 ne 4 Te 1gui' 54 tsá 3 ca 2tín 2 tsi 3nei 3 jě 4 mi' 54, tē 2le 3 'nió' 5 jme 3dsein 3 bá 4 quian' 54 ca 2le 3jín 3. 'Nió' 5 lē 1in 2 jan 2 dsa 2 i 2qui' 54 jmi 4 g 4 jme 3tín 23 dsa 2, juin' 2 dsí 5, 25 jmo 3 'ua 1 dsí 5 jē 1chein' 3 juí 5 rē 2 juí 1lia' 2 dsa 2 i 2nau 2 quen 5, con' 2 tsá 3 nō 5 nē 1jua' 2 ca 2cuē 3 Diú 4 jmi 4 g 4 a 2le 3tsín 3 dsí 5 dsa 2 'éi 2, ia 1jaun 2 le 2nē 5 le 3cuí' 5 jág 1 tí 5; 26 ia 1jaun 2 lió 1in 2 'uí 1in 3 tsi 1cág' 5 quió' 5 i 2sē 3dsen 3 i 2ca 2jo 3 ia 1jaun 2 jmo 3 a 2'ñio 2 dsí 5 'éi 2.

3

A 2lia' 2 niog 5 lē 2 dsa 2 jmi 4 g 4 jē 1ca 2tó' 2

1 'Nió' 5 le 3ñi' 54 'ne 2 ján 3, jē 1ma 2ja 2quián 3 jmi 4 g 4 jē 1ca 2tó' 2, 'ñio 5 lín 3 le 3gau 2, quian 5 ta 1 lé 2. 2 Jmi 4 g 4 jē 1ca 2tó' 2 le 3chan 2 dsa 2 i 2jñia' 54 'nio 3 guioin 54 bá 4 quian' 54 cú 1; le 3chan 2 dsa 2 i 2jñia' 54 jme 3jlán' 1 jmo 3 róin 2 guioin 54; le 3chan 2 dsa 2 i 2lē 1tē 2'o' 2 tē 2'oin' 2 rín' 54; le 3chan 2 dsa 2 i 2tsá 3 ma 3jme 3gan 3 Diú 4, i 2tsá 3 ma 3jme 3gan 3 chog 54-jme 2 nē 3. Le 3chan 2 dsa 2 i 2tsá 3 'e 2 ti 1'mag' 4 cha 2ja 1coin 2, on 3 guē 2 ma 3jme 3gó' 3 juá' 5 quió' 5 Diú 4. 3 Le 3chan 2 dsa 2 i 2tsá 3 'nio 3 rín' 54, i 2tsá 3 ma 3'e 2 nē 1 dsí 5 dsa 2 mi 2gü 3g 3 rín' 54; le 3chan 2 dsa 2 i 2tsá 3 ma 3jme 3ti 3 'e 2 jág 1 li' 54 quian' 54 rín' 54; le 3chan 2 dsa 2 tē 2jág 1 i 2lē 1qui 3ni 3 rín' 54; le 3chan 2 dsa 2 i 2tsá 3 ñi 5, tsá 3 tñin 2 'a 2lia' 2 jme 3'uán 2 dsí 5; le 3chan 2 dsa 2 i 2lén 2 juí 1lia' 2 já' 2 tsau 2 dsí 5; le 3chan 2 dsa 2 i 2le 3'io' 54 ca 2le 3jě 3 cosa dse 3. 4 Le 3chan 2 dsa 2 i 2qui 3jín' 2 rín' 54; le 3chan 2 dsa 2 i 2tsá 3 'en 54 dsí 5 jmo 3 tē 2le 3 dséi 2 nē 1'e 2 caun 2 cosa jmo 3 juí 1le 54 bá 4 'e 2 ca 2lē 3; 'ñio 5 cain' 54 'ñio 5 ñi 5 jmo 3; le 3chan 2 dsa 2 i 2'no' 2 jmá' 3 juí 5 ja 1le 3chain 2 o 2'ñio 3 o 2jñia 3 dsí 5 bá 4 'nió' 4 jme 1'nai' 2 Diú 4. 5 Le 3chan 2 dsa 2 i 2jmo 3 a 2ñi 4 lē 3 cuin 23 Diú 4, la 1 le 3léi 4 bá 4 'a 2lia' 2 tē 1i 3nioi 54 le 3chain 2, tsá 3 'e 2 bí 2 quió' 5 Diú 4 cha 2ja 1coin 2. Co 2dsia 5 jñiag' 3 cau 5, tsá 3 lē 1'ú 5 quian' 54 dsa 2 i 2le 2'éi 2. 6 Jē 4 quió' 5 dsa 2 le 2'éi 2, chan 2 i 2lín 54 i 2qui 2dsi 2ton' 54 tsi 1'né 5, qui 2jme 2gain 23 'io 54 'uan 54 i 2qui 2rē 2cán' 4 dsáu 1 'ñio 5 lín 3, i 2ma 2lē 5 dsí 5 jmo 3 ca 2le 3jě 3 guē 4 cosa 'lig' 54. 7 Co 2tan 54 bá 4 jmo 23 lia' 2 jmo 5 dsa 2 i 2ñi 4 lē 3 'nio 3 le 3tín 2 jág 1, la 1 tsá 3 a 1jaun 2 qui' 54 jmi 4 g 4 le 3cuí' 5 jág 1 tí 5 dsón' 2. 8 Juí 1lia' 2 ca 2jmo 3 on 3 dsa 2 'lín' 54 i 2jme 1chen 2 Janes quian' 54 Jambres ca 2rē 3 'ñia 154 Moisés, ján 3 bá 4 le 2jaun 2 'io' 54 dsa 2 'éi 2 jág 1 dsau 5 dsón' 2. Dsa 2 i 2le 2'éi 2 nē 3 co 2dsia 5 ma 2ñi' 2 tē 2le 3 jen 5 bá 4 dsí 5, 'uig 54 jaun 2 tsá 3 ma 2'e 2 tió' 5 a 2le 3ñi' 2 dse 3 dsí 5 juí 1lia' 2 ja 1ñi' 2 dsí 5 dsa 2 i 2'én 2. 9 La 1 tsá 3 jua' 54 ja 1uíng 2 dsi 1lén 2, ia 1 ca 2le 3jín 3 bá 4 dsa 2 le 3cuig 5 a 2lín 5 dsa 2 co 4, juí 1lia' 2 ca 2i 3ñi 2 le 3on 3 i 2ca 2jme 3 'ñia 54 Moisés.

Jág 1 jē 1ca 2tó' 2 a 2ca 2cuē 3 guē 4 Pa 4 ca 2tsí' 3 Timoteo

10 La 1 'ne 2 nē 3 ma 2ca 2rē 3tíng' 3 bá 4 dse 3 jē 2lia' 2 lē 5 juá' 5 a 2ca 2jme 1tag 5 jniá 2; ma 2ñi' 54 'a 2lia' 2 lín 5, chang 2 ma 2guio 3; ma 2cuíng' 2 bá 4 'e 2 ta 1 ma 2guio 3 jniá 2 jmo 23; 'éng' 2 bá 4 ján 3 'a 2lia' 2 'én 2 jniá 2; jme 2juíng' 1 bá 4 'au' 2 juí 1lia' 2 ma 2ca 2jme 1juin' 2 jniá 2 dsí 3; jme 2'nióg' 3 bá 4 ríng' 2 juí 1lia' 2 ma 2jmo 3 jniá 2; tiang' 3 bá 4 ján 3 juí 1lia' 2 ca 2tió 3 jniá 2. 11 Ma 2qui 2ma 2ein 3 dsa 2, ma 2qui 2ma 2ñag 54 uig 5, juí 1lia' 2 ca 2i 3ñi 2 juig 2 ciudad Antioquía, juig 2 Iconio quian' 54 juig 2 Listra nē 3. Qui 2ca 2co 3 'ein 3 dsa 2, la 1 ne 4 ca 2le 3jě 3 a 2nē 5, ca 2lió 2 bá 4 Te 1gui' 54. 12 Jaun 2 a 2dsón' 2 bá 4 jaun 2, ca 2le 3jín 3 i 2'nio 3 le 3chan 2 lē 5 'í 1 quián 5 Cristo Jesús, tion 54 le 2jaun 2 dsí 3ñi 2 uig 5 co 2'ein 3 dsa 2. 13 La 1 dsa 2 'lín' 54 nē 3 quian' 54 ca 2le 3jín 3 dsa 2 i 2qui 2jme 2gau 5, tsá 3 ma 2'e 2 dse 3 jua' 54 le 3chain 2, ia 1 caun 2 le 3'lín' 54 bá 4, qui 2jme 3gau 23, qui 2rē 2gain 2 guioin 54 nē 3.

14 La 1 'ne 2 nē 3, nau 2 tiá 2 a 2ma 2ca 2rē 3tíng' 3, caun 2 bá 4 'ei 5 'au' 2 jág 1 a 2ma 2ca 2rē 3'éng' 2. 'Ñiag' 2 bá 4 ñi' 54 'ein 2 ca 2jme 3tag 5. 15 Lia' 2 con' 2 bíng' 54 bá 4 ma 2ñe' 3 cuíng' 2 Si 2jñio 5 quió' 5 Diú 4. Si 2 nē 5 bá 4 a 2jio 3 quiáng' 2, a 2tíng' 4 tē 2le 3 quian' 54 Cristo Jesús ia 1 'éng' 2. 16 Ca 2le 3jě 3 bá 4 Si 2

quió'₅ Diú₄ ca₂lě₃ tē₂le₃ quian'₅₄ Jme₂dsí₂ quiáin₅, a₂tí₅ ta₁ jme₃tag₅ a₂dse₃, tē₂jǐ₂, chein'₂ dsa₂ caun₂ jui₅ rē₂, jme₃tag₅ 'a₂ lia'₂ i₂nio₄ dsa₂ jui₅ co₂dsau₅, 17 ia₁jaun₂ lén₂ dsa₂ quián₅ Diú₄ jan₂ dsa₂ ma₂ron₂, rē₂ rē₂qui₂rē₂'an₂ dsí₅, rē₂'ñia₅ ca₂le₃jě₃ a₂'nió'₅ quió'₅ jaun₂ jmo₃ ca₂le₃jě₃ ne₅₄ a₂dse₃.

4

1 Jág₅ bá₄ Diú₄ quian'₅₄ Te₁gui'₅₄ Jesucristo ně₃ i₂lě₅ jág₁ jñió'₂ ja₃goin₂, i₂qui₃dsi₅ 'éi'₃ ne₄ quió'₅ i₂chan₂ lia'₂ i₂ma₂dsan₃ ně₃. Jaun₂ lě₃ chi₂quian'₅₄ jniá₂ jmiḡ₄ 'ne₂. 2 'Ē₃ jág₁ dse₃. Ma₂rē₂jáng'₁ 'nio'₂ jui₅ 'a₂ lia'₂ jme₁ting'₂ dsa₂ jme₁cuin₅ jmiḡ₄ o₃ tsá₃ cuin₅ jmiḡ₄ 'e₂. Jmó'₂ jme₁uang'₅₄ dsí₅ dsa₂, tē₂jén₃ dsa₂, tióin'₂ jág₁ dse₃, o₁líg'₂ jmiḡ₄ jua'₅₄ a₂jmó'₂ a₂tsá₃ jme₁juin'₂ 'au'₂ quian'₅₄ jē₁jme₂tiin'₂. 3 Ia₁ já₅ jmiḡ₄ a₂tsá₃ ma₃jmo₃ dsa₂ tió'₅ dsí₅ quian'₅₄ juá'₅ dse₃. Tē₂le₃ lia'₂ con'₂ lě₅ dsí₅ guioin'₅₄ qui'₃nai'₂ juin₅ lin₃ tē₅ i₂jme₃tag₅ jmá'₃ a₂'ín₅ dsí₅ guioin'₅₄ nag₃ bá₄. 4 Cau₅ bá₄ jén'₃ táng₃ jui₁lia'₂ ja₁jme₂tag₅ dsa₂ jág₁ tí₅ dsón'₂. Cang₂ jaun₂ ně₃, tóin'₃ jui₅ dsí₃lén₂ nag₃ ca₂lia'₂ 'ei₅ ne₄ jág₁ cuento ga₂ a₂'én₂ dsa₂. 5 La₁ 'ne₂ ně₃, 'en'₅₄ 'au'₂ jmo₄, tiang'₃ jmo₄ ñag'₅₄ uig₅. Caun₂ qui₂'ě₃ bá₄ jág₁ dse₃ a₂lión₂ dsa₂. Jme₁ti₁ dse₃ ta₁ quiáng'₂.

6 Jniá₂ ně₃, ca₂tē₂ jmiḡ₄ jē₁o₃'ing₅ mi₂güig₃ la₂, ia₁ ně₃ guě₄ jñag'₃ dsa₂ jui₁lia'₂ ja₁jñi'₂ dsa₂ já'₂ i₂jén'₂ dsa₂ ne₄ Diú₄. 7 Ma₂ca₂quín'₃ jniá₂ bí₂, ma₂jmo₃ a₂dse₃ jui₁lia'₂ ja₁jmo₅ jan₂ 'lióg₂ ne₄ 'nei₂; ma₂ca₂ñi₃ jniá₂ lia'₂ con'₂ lě₅ jui₅ quió'₅ Te₁gui'₅₄, ca₂dsióg₃ jniá₂ tē₂ jē₁ca₂tó'₂ jui₅; ma₂ca₂jmá'₃ tiá₂ a₂'éng₂. 8 Ně₃ guě₄ ně₃ ma₂lě₅ co₂jñia₅₄ ja₁le₃chang₃ dse₃, co₂'nió'₄ caun₂ corona a₂cuē₃ Te₁gui'₅₄ jmiḡ₄ jaun₂. Ia₁ Te₁gui'₅₄ 'éi₂ bá₄ i₂qui₃dsi₅ 'éi'₃ co₂rē₂ jmiḡ₄ jaun₂, on₃jua'₅₄ a₂cuē₃ jmá'₃ jan₂ jniá₂ corona; a₂cuē'₃ ca₂le₃jín₃ i₂le₁jñiog₅ 'ñio₂ dsí₅ ca₂lia'₂ ca₂tē₂ jmiḡ₄ jaun₂ a₂guain'₂ táng₃.

Cuě'₅ jág₁ rñin'₅₄ con'₂ ca₂tiin₂ guioin'₅₄

9 Jmo₄ dsen'₅₄ 'au'₂ a₂i₁jag'₄ jniá₂ ñi'₅₄ ta₁ la₂. 10 Ia₁ i₂chen₂ Demas ma₂téi₂ bá₄ 'uig₅₄ ia₁ 'ñio₅ lin₃ guě₄ 'ín₅ dsí₅ cosa a₂cha₂ mi₂güig₃ la₂, jaun₂ ma₂ñó₅ jui₅ juig₂ Tesalónica. I₂chen₂ Crescente guě'₂ ně₃, ma₂ñó₅ jui₅ 'uě₃ Galacia; Tito guě'₂ ně₃ ma₂ñó₅ jui₅ Dalmacia. 11 Jñia'₅₄ lia'₂ jan₂ Lucas bá₄ i₂quian'₅₄ guě₄ jniá₂ ja₁lá₃. 'Nia'₂ Marcos ia₁jaun₂ jain'₅₄ ñe'₅₄ quian'₅₄, ia₁ téin₅ ta₁ jme₃ti₃. 12 Tíquico guě'₂ ně₃ ca₂tsín₂ jui₅ juig₂ Efeso. 13 Jē₁ma₂tē₂ rē₁ñe'₅₄, quian₂ co₂nio₄ tsi₁'mi'₂ dsioḡ₂ quió'₃ a₂ca₂dsia₃ juig₂ Troas ja₁quió'₄ Carpo. Ján₃ bá₄ le₂jaun₂ quian₂ si₂ rē₂bñin₅ quió'₃. La₁ 'ñio₅ guě₄ dsen'₅₄ 'nió'₅ ni₁lo₁ já'₂ a₂lě₅ tsi₁mi₂si₂.

14 Alejandro i₂lín₅ tē₅ñi₁ 'ñio₅ lin₃ tsá₃ 'e₂ dse₃ ma₂jmóg'₂. Te₁gui'₅₄ bá₄ quí₃ quió'₅ lia'₂ con'₂ lě₅ a₂ma₂jmo₃. 15 'Í₁ jmo₄ 'ne₂ ján₃ ia₁jaun₂ tsá₃ jo₅₄, ia₁ 'ñio₅ lin₃ ma₂nau₂ quein₅ a₂'io'₅₄ jág₁ dse₃ quián₂.

16 Le₂'uig₅₄ con'₂ jme₁ca₂chei'₃ dsa₂ ne₄ dsí₂tan'₅₄ jē₁ca₂caun₃ dsa₂ le₂'uig₅₄ jág₁ dsau₅ quió'₃, 'i₁jan₂ tsá₃ 'ein₂ ca₂jme₃quiong'₅₄, ca₂téi₂ ca₂le₃jín₃. Tsá₃ jui₁quion₂ bá₄ Diú₄ 'í₁ quió'₅ ia₁ ca₂jmóg'₂ le₂jaun₂. 17 La₁ 'ñiog₅ bá₄ Te₁gui'₅₄ ca₂jme₃quiong'₅₄ ca₂cuē₃ bí₂ ia₁jaun₂ tē₂le₃ quian'₅₄ jniá₂ ca₂rē₃ti₃ ca₂jme₁ting₂₃ dsí₂nau₂, ca₂lia'₂ rē₂'ñia₅ jág₁ dse₃. Jaun₂ le₂ně₅ bá₄ ca₂lió₂ Te₁gui'₅₄ jniá₂ mi₂'o₄ dsí₂'ia'₂. 18 La₁ Te₁gui'₅₄ bá₄ caun₂ lió₂ guě₄ ia₁jaun₂ tsá₃ dsí₃ñjḡ₂ ca₂le₃jě₃ cosa 'lig'₅₄, jaun₂ jniá₂ i₂lě₅ 'í₁ quiáin₅, tē₂ guei'₅₄ i₂juig₃ ja₁goin₂. [Jui₁jme₂juag'₂ bá₄ dsa₂ co₂tan'₅₄] ¡A₂méi₃!

'Ág'₅ jág₁ jē₁ca₂tó'₂, cuag₂₃ Diú₄ ně₃

19 Dsian'₄ jniá₂ jág₁ cúng₅ Diú₄ Priscila* quian'₅₄ Aquila ně₃, quian'₅₄ ca₂le₃jín₃ dsa₂ dsí₂néi₂ quió'₅ Onesíforo ně₃. 20 Juig₂ Corinto bá₄ ca₂jñia₃ Erasto. I₂chen₂ Trófimo guě'₂ ca₂tē₁'ñiá₄ dso'₅₄ jme₁o₃'ing₃ juig₂ Mileto. 21 Quen'₂ bí₂ ñe'₅₄ ñi'₅₄ ta₁ né'₃ a₂tē₅₄ jein₂

* 4:19 griego: Prisca.

güí₂. Eubulo quiain'₅₄ Pudente, Lino quiain'₅₄ Claudia ně₃ quiain'₅₄ ca₂le₃jín₃ rin'₅₄ jniog₄
 dsiain'₂ jág₁ ne'₅₄ a₂cuin₂₃ Diú₄ 'ne₂.

²² Jui₁'en₅₄ bá₄ Te₁gui'₅₄ Jesucristo ja₁con₂ jme₂dsí₂ quiáng'₂; jui₁jme₂gu'₅₄ bá₄ Diú₄ 'nia'₂.
 Co₂ně₅.

Si₂ carta a₂ca₂jmo₃ San Pablo ne₄ TITO

Jmo₅ Pa₄ si₂ a₂chein₃ ne₄ Tito

¹ Jniá₂ Pa₄, líng₅ dsa₂ i₂jme₂ti₃ ta₁ ne₄ Diú₄, líng₅ jan₂ dsa₂ i₂chen₄ quián₅ Jesucristo ia₁jaun₂ le₃'én₂ ca₂le₃jín₃ i₂ma₂quió_n'₂ Diú₄, ia₁jaun₂ le₃cuí₅ jág₁ tí₅ a₂jio₅ jui₅ dse₃,
² ia₁jaun₂ jmo₃ 'ín₂ dsí₅ ja₁le₃chain₂ co₂tan₅₄. Diú₄, i₂tsá₃ lé₂ le₃chain₂ të₂jín₁, ca₂cuë₃ jág₁ quió₅, a₂ca₂i₃jio₅ dsí₅ lia₂' con₂' né₃ guë₄ a₂nio₃ mi₂güí₃, a₂le₃chong₂ jnio₄ co₂tan₅₄.
³ Në₃ guë₄ në₃, ca₂të₂ jmí₄ a₂le₃ne₄ jnio₄ jág₁ dse₃ të₂le₃ quian₅₄ jág₁ a₂'ë₄ jniá₂ a₂ma₂dsia₃ Diú₄ quián₂ i₂lió₂ o₄gu₃, lia₂' con₂' lë₅ 'éi₃ quió₅.
⁴ Jmo₅ jniá₂ si₂ la₂ dsiang₅₄ ne₅₄ 'ne₂ Tito i₂líng₅ co₂'nió₄ jan₂ jón₃ quiáng₃ të₃dsón₂, ia₁ 'éin₂ jnio₄ le₃o₃. Jui₁jme₂gu₅₄ Diú₄ 'ne₂, jui₁'ei₅ tei₄ 'au₂, jmo₅ Diú₄ Jmei₂ jnio₄, jmo₅ Te₁gui₅₄ Jesucristo i₂ma₂ca₂lió₂ jnio₄ në₃.

Ta₁ quió₅ Tito a₂jmo₃ 'uë₃ Creta

⁵ Ca₂dsián₃ jniá₂ 'ne₂ 'uë₃ Creta ia₁jaun₂ jme₁rë₂ 'ne₂ a₂'nió₅ lé₂ guë₄ dse₃, a₂dsiáng₄ dsa₂ can₅₄* i₂nio₃ ne₄ jmo₃ 'í₁ le₂caun₂ le₂caun₂ guá₅ lia₂' con₂' lë₅ jág₁ a₂ma₂juá₃ jniá₂,
⁶ jui₁lia₂ i₂chan₂ i₂tsá₃ cha₂ jua₅₄ lé₂ le₃bóg₂ dsa₂ dso₄, i₂'nio₅ jan₂ bá₄ dsa₂ mí₂, i₂'nio₅ chi₂ quián₅ i₂'én₂, i₂tsá₃ 'e₂ qui₂rë₂'ni₄ jua₅₄ a₂lë₁qui₂i₂nioi₅₄, jua₅₄ nau₂ 'nei₂ në₃.
⁷ Dsa₂ i₂nio₅ gu₂ guá₅,† ca₂tín₂ 'ni₃ le₃ne₄ Diú₄ tsá₃ 'e₂ jág₁ cha₂ jua₅₄ lé₂ le₃bóg₂ dsa₂ dso₄, on₃jua₅₄ i₂tsá₃ jág₁ cán₂, on₃ guë₂ i₂caun₂ lë₂rë₂'ne₂, on₃ guë₂ 'nió₅ lén₂ jan₂ dsa₂ 'en₅, on₃ guë₂ dsa₂ i₂tín₂ dsí₅ 'no₅ mi₅₄, on₃ guë₂ dsa₂ i₂lë₁'nio₃ lí₂ cu₄ quió₅ dsa₂ në₃.
⁸ Të₂le₃ 'nió₅ qui₂guein₃ dsa₂ i₂dsi₁lén₂ quió₅. 'Nió₅ lén₂ jan₂ dsa₂ i₂të₅ dsí₅ jmá₃ a₂dse₃, li₅₄ quió₅, i₂quian₅ caun₂ jui₅ rë₂, i₂jñiós, i₂con₂ dsí₅ në₃.
⁹ 'Nió₅ lén₂ jan₂ dsa₂ i₂chan₂ tiá₂ jág₁ tí₅ dsón₂ lia₂' con₂' lë₅ ca₂rë₃tín₃, ia₁jaun₂ bá₄ lé₂ le₃cuë₃ lián₂' dsí₅ dsa₂ sián₂' jmá₃ lia₂' con₂' lë₅ juá₅ dse₃, lé₂ le₃jme₃'uáin₂ dsí₅ dsa₂ i₂juá₂' 'lig₅₄ 'ë₂₃ jág₁ dse₃.

¹⁰ Ia₁ jui₁ bá₄ dsa₂ i₂tsá₃ ne₅₄, i₂dsia₅ jág₁ a₂tsá₃ ta₁ tí₄, i₂jui₁gan₂ në₃, të₂le₃ lë₅ guë₄ jë₄ quió₅ dsa₂ judíos.†
¹¹ Dsa₂ i₂le₂'éi₂ 'en₄ jne₃ dsa₂ mi₂'o₄, ia₁ ta₁jma₃caun₂ cho₅₄ dsa₂ dsi₂néi₂ ma₂le₁gáin₃ ma₂le₁'ág₄ caun₂-tín₃ dsí₅ a₂jme₁ma₂'éin₂, ia₁ i₂'éi₂ i₂nio₄ jme₂tag₂₃ a₂tsá₃ ca₂tín₂ a₂jñia₅₄ 'nio₃ lí₂ cu₄ bá₄.
¹² Dsón₂' bá₄ dsau₅ jui₁lia₂' ca₂juá₂' jan₂ dsa₂ go₅₄ guioin₅₄ ma₂lig₂' jme₁ca₂juá₂': "Dsa₂ chan₂ Creta 'nio₅ lín₃ të₂jín₁, lín₅ jui₁lia₂' lín₅ já₂ tsau₂ dsí₅, juín₅, jlén₂ në₃."
¹³ Jaun₂ tí₅ bá₄ jág₁ ca₂juá₂' 'éi₂. Jaun₂ lë₃ juá₅ jniá₂ të₂jéin₃ 'ne₂ 'nio₅ lín₃, ia₁jaun₂ náu₃ táng₃ tsán₂' tiá₂ jág₁ dse₃,
¹⁴ ia₁jaun₂ tsá₃ ma₃tón₂' jui₅ jág₁ a₂lë₁'no₂ dsa₂ judíos dsí₅ guioin₅₄, on₃ guë₂ 'nió₅ tón₂' jui₅ 'e₂ 'éi₃ cuë₅ dsa₂ i₂tsá₃ ji₅₄ jág₁ tí₅.
¹⁵ Të₂le₃ quió₅ dsa₂ i₂le₁jë₃ të₂dsí₅, ca₂le₃jë₃ bá₄ cosa ma₂le₁jë₃. La₁ të₂le₃ quió₅ i₂dsi₂jio₅ 'lig₅₄ dsí₅, i₂tsá₃ 'én₂ në₃, 'i₁caun₂ tsá₃ 'e₂ le₁jë₃. Ia₁ ma₂le₁'ió₄ a₂dsi₂jio₅ dsi₅₄, le₂jio₅ a₂qui₂dsi₂jñi₅ dsí₅ në₃.
¹⁶ Juá₂' bá₄ a₂cuin₂₃ Diú₄, la₁ të₂le₃ quian₅₄ a₂jmo₂₃ guë₂' në₃, jáng₅ léi₄ a₂tsá₃ dsau₅. 'Lig₅₄ lín₃ bá₄ jmo₂₃ ne₄ Diú₄, 'io₅₄ jág₁ dse₃, 'i₁caun₂ a₂dse₃ tsá₃ ta₁ téin₄ jmo₃.

2

Jui₁lia₂' juá₅' tí₅ dsón₂'

¹ La₁ 'ne₂ në₃, chei₅₄ dsa₂ lia₂' con₂' lë₅ juá₅ dse₃.
² Jui₁lia₂' dsa₂ can₅₄, jui₁jmo₁₂ 'en₅₄ dsí₅, tsá₃ caun₂ lë₁lín₅, jui₁jmo₁₂ li₅₄ quió₅, jui₁le₂'éin₂ bá₄ juá₅ dse₃, jui₁jme₂'nioi₃ riin₅₄, jui₁jmo₁₂ bá₄ jui₁'ni₂ dsí₅.
³ Ján₃ guë₂' le₂jaun₂ të₂le₃ quió₅ dsa₂ mí₂ ma₂can₅₄, jui₁i₂nioi₅₄ jñiós,

* 1:5 griego: presbíteros. † 1:7 griego: epískopos. ‡ 1:10 lit. "jë₄ quió₅ dsa₂ i₂rë₂uing₄ lo₄."

tsá₃ jui₁'iin₁₂ riin₅₄ jua₅₄ a₂lë₁bóg₂ dso₄, on₃ guë₂ 'nió₅ jme₂tün₂₃ dsí₅ 'ín₂ ti₁jmíg₃, tē₂le₃ ca₂tün₂ 'ë₃ caun₂ jui₅ dse₃, ⁴ ia₁jaun₂ lé₂ le₃jme₃tün₂₃ jui₁lia₂ 'io₅₄ chi₂ 'a₂ lia₂ jme₃'nioi₃ dsí₂i₂gu₂, a₂jme₃'nioi₃ chi₂'guein₂ quiáin₅ nē₃, ⁵ 'a₂ lia₂ jmo₃ 'en₅₄ dsí₅, 'a₂ lia₂ jmo₃ léi₄ a₂ma₂le₁jě₃ tē₂dsí₅, 'a₂ lia₂ jmo₃ 'í₁ dse₃ dsí₂néi₂ quió₅, 'a₂ lia₂ jmo₃ 'ua₁ dsí₅, 'a₂ lia₂ tóin₃ 'éi₃ quió₅ dsí₂i₂gu₂ nē₃, ia₁jaun₂ bá₄ tsá₃ 'ein₂ juá₂ 'lig₅₄ 'ë₃ jág₁ quió₅ Diú₄.

⁶ Ján₃ guë₂ le₂jaun₂ chei₅₄ dsa₂ ñe₂ chi₂ ca₂tün₂ jmo₃ 'en₅₄ dsí₅. ⁷ Jñiá₅ de₂ 'ne₂ ca₂tíng₂ 'ë₅₄ jui₅ dse₃ 'a₂ lia₂ ca₂tün₂ jmo₃: A₂jme₂tün₅ on₃jua₅₄ a₂cha₂ 'e₂ 'ín₂ 'au₂, on₃jua₅₄ a₂caun₂ lë₁líng₄, ⁸ chei₅₄ jmá₃ lia₂ quian₅₄ jág₁ rē₂ a₂tsá₃ 'ein₂ lé₂ le₃'ë₃ 'lig₅₄, ia₁jaun₂ le₃gui₅₄ jui₁lia₂ dsa₂ i₂nau₂ quen₅, ia₁ tsá₃ 'e₂ cha₂ a₂'ag₃ 'lig₅₄ jniog₄.

⁹ Jui₁lia₂ dsa₂ i₂jme₂tü₃ ne₄ juig₅₄, tioen₂ jág₁ dse₃ jui₁jme₂tü₃ ca₂le₃jě₃ 'e₂ ta₁ te₂néi₂ dsa₂ juig₅₄, jui₁jmo₁₂ bá₄ jē₂ a₂tē₅ dsí₅ juig₅₄, tsá₃ 'nió₅ a₂caun₂ lë₁qui₂ñag₃ ne₄ 'éi₂. ¹⁰ Tsá₃ 'nió₅ qui₂jñiá₂ 'e₂ cha₂ quió₅ juig₅₄. Ca₂le₃jě₃ bá₄ 'nió₅ jmo₃ tí₅ jág₁ quió₅ ia₁jaun₂ bá₄ rē₂ jniá₂ qui₂rē₂lag₄ juá₅ quió₅ Diú₄ quián₂ jniog₄ i₂lió₂.

¹¹ Ia₁ ma₂ca₂jme₃jnia₅ Diú₄ a₂'ua₁ dsí₅, a₂lióin₂ bá₄ ca₂le₃jín₃ dsa₂ mi₂güí₃, ¹² jme₂tag₂₃ a₂tí₄ jniog₄ ca₂le₃jě₃ a₂'lig₅₄, ca₂le₃jě₃ a₂'ín₅ dsí₅ dsa₂ mi₂güí₃ la₂; a₂le₃chong₂ jniog₄ mi₂güí₃ la₂ 'en₅₄ dsí₅, quián₁ caun₂ jui₅ co₂dsau₅, qui₂rē₂jñin₅₄ jniog₄ ja₁con₂ Diú₄ nē₃. ¹³ Jme₂tag₂₃ ján₃, a₂'io₁ jniog₄ chi₂jñia₁ a₂'ín₂ dsí₅ a₂le₃ti₃ jág₁ jlá₁ jaun₂, a₂le₃jniá₂ a₂co₂tág₅ co₂'né₅ quió₅ Diú₄ 'uan₂, Cristo Jesús* i₂lió₂ jniog₄. ¹⁴ 'Éi₂ nē₃, ca₂jñin₂ 'ñiog₅ o₄quián₂ jniog₄, ca₂quí₃ ca₂lió₂ jē₄ ca₂le₃jě₃ a₂'lig₅₄, ca₂chéi₂ jniog₄ ia₁jaun₂ léi₂ jniog₄ dsa₂ juig₂ quiáin₅ 'ñiog₅, a₂dsen₅₄ dsí₅ jmó₁ jmá₃ a₂dse₃.

¹⁵ Jág₁ nē₅ bá₄ dsia₄ tiá₂ 'au₂ jmo₄ 'éi₃ chei₅₄ dsa₂ qui₁cuë₅₄ bí₂, a₂tē₁jéin₄ nē₃. Tsá₃ lë₁cuë₂ jmíg₄ jua₅₄ a₂tsá₃ jme₃go₃ dsa₂.

3

Jui₁lia₂ a₂ca₂tün₂ dsa₂ i₂'én₂ jmo₃.

¹ Chei₅₄ 'ne₂ jui₁dsiog₂ bá₄ dsí₅ jui₁tioen₅₄ 'éi₃ quió₅ dsí₂tan₅₄ dsa₂ can₅₄, jui₁nei₅₄ gau₂ jág₁ quió₅, jui₁chain₂ co₂jñiai₅₄ a₂jmo₃ ca₂le₃jě₃ ne₅₄ ta₁ dse₃. ² Tsá₃ jui₁'iin₁₂ 'lig₅₄ 'i₁jan₂ dsa₂, tsá₃ 'ein₂ 'en₄ jmái₂ mi₅₄ nē₃. Jui₁lein₅₄ bá₄ dsa₂ juin₂ dsí₅, 'ua₁ dsí₅ ja₁con₂ ca₂le₃jín₃ dsa₂.

³ Ia₁ le₂nē₅ bá₄ jme₁lág₄ jniog₄ guio₅₄ le₂jñiá₅ ján₃, tsá₃ 'en₅₄ dsí₅, tsá₃ né₂ jniog₄ ja₁con₂ Diú₄. I₂jme₁ma₂i₂cón₅ bá₄ jniog₄ jme₁i₂nio₄. Jme₁i₂nio₄ jniog₄ qui₂rē₂'ñei₅₄ quian₅₄ ca₂le₃jě₃ ne₅₄ cosa 'lig₅₄ jme₁'ín₅ dsí₅ jniog₄ jmó₁. 'Nio₅ 'lag₅₄ jniog₄ jme₁chong₂. Jme₁ui₅ dsí₅ jniog₄, jme₁'iog₅₄ dsa₂ jniog₄, ton₂ jme₁'ñia₅₄ jniog₄ rin₅₄ le₂jau₂ le₂jau₂. ⁴ La₁ jme₁ca₂jme₃jnia₅ Diú₄ quián₂ i₂lió₂ ca₂jmo₃ léi₄ a₂'ua₁ dsí₅, a₂'nioi₃ dsa₂ mi₂güí₃, ⁵ jaun₂ ca₂lió₂ jniog₄, on₃jua₅₄ ia₁ 'e₂ dse₃ a₂ma₂jmó₁. Tē₂le₃ 'ñiog₅ bá₄ ca₂dsia₃ ñéi₂ dsí₅ jniog₄ ca₂lió₂ tē₂le₃ quian₅₄ a₂qui₂ca₂chéi₂ jniog₄, a₂ca₂rē₃chóng₃ tâng₃, a₂le₃chong₂ quián₁ caun₂ jui₅ 'mí₂, ca₂jmo₃ Jme₂dsí₂ Jñió₅ ⁶ i₂ca₂tein₃ lia₂ rē₂tsón₂ ne₄ quián₂ jniog₄ tē₂le₃ quian₅₄ Jesucristo i₂lió₂. ⁷ Tē₂le₃ ia₁ a₂'ua₁ dsí₅ ma₂ca₂juá₂ nē₃, dsa₂ ma₂le₁jín₃ bá₄ jniog₄, jaun₂ guéi₂ bá₄. Jaun₂ le₂nē₅ bá₄ 'ín₂ dsí₅ jniog₄ guéi₁ ja₁le₃chong₂ co₂tan₅₄.

⁸ Jág₁ dsau₅ dsón₂ bá₄ nē₅, jaun₂ 'nio₃ jniá₂ caun₂ 'éi₂ 'au₂ caun₂ jme₂tün₅ jág₁ nē₅, ia₁jaun₂ i₂'én₂ le₃quió₅ Diú₄ quín₃ bí₂ jmo₃ a₂dse₃. Ca₂le₃jě₃ cosa nē₅ dse₃, tí₅ ta₁ quió₅ ca₂le₃jín₃. ⁹ La₁ tsá₃ lë₁cuë₂ jmíg₄ jua₅₄ a₂lë₁qui₂ñag₃ dsa₂ jág₁ a₂tsá₃ 'e₂ ta₁ tí₄, jui₁lia₂ jág₁ a₂'ín₅ dsa₂ i₂qui₂ma₂ñí₂ ma₂líg₂, jui₁lia₂ jág₁ a₂tsin₅ dsa₂ a₂nio₅ mi₅₄, jui₁lia₂ jág₁ a₂já₅ o₄quió₄ Si₂ 'Éi₃ nē₃. Ia₁ tsá₃ 'e₂ ta₁ jmo₃, tsá₃ 'e₂ ta₁ tí₄.

¹⁰ Nē₅ jua₂ chan₂ jan₂ i₂jmo₅ le₁dson₅₄ dsa₂, te₂ co₂ráun₂, tin₃ ráun₂, 'ë₃ jág₁ chei₅₄ tsá₃ dse₃ jmo₃ le₂jaun₂. Chi₂jua₂ tsá₃ tón₂ jui₅ jág₁ quiáng₂, co₂dsia₅ dsein₅₄ jē₄ quián₂ 'nia₂.

* 2:13 o, "Jesucristo."

¹¹ Jɲia' ₅₄ lia' ₂ co₂ně₅ bá₄ ma₂ca₂rě₃ɲi' ₅₄ 'ne₂, dsa₂ i₂le' _{éi₂} ně₃ tsá₃ ma₃'e₂ dse₃ dsi₂jein₃ dsí'₅; tē₂le₃ quian' ₅₄ dsáu₁ 'ɲiog₅ bá₄ a₂'liog' ₅ quió' ₅.

Cuě' ₅ jág₁ r'in' ₅₄ con' ₂ ca₂t'in₂ guioin₅₄

¹² Jē₁ma₂tě₂ rē₁tsin₅₄ jniá₂ i₂chen₂ Artemas ne' ₅₄, o₃ i₂chen₂ Tíquico 'e₂, ně₅ i₂ɲe' ₂ dsi₂jui₅ i₁jag' ₄ jui₅ Nicópolis, ia₁ ja₁jaun₂ ma₂i₂jio₅ dsi₃ ɲig₅₄ jein₂ güí_g₂. ¹³ Zenas i₂chén' ₅ ne₄ jág₁, quian' ₅₄ Apolos ně₃, 'a₂ con' ₂ lé₂ quiáng' ₂ jme' _{oin₁₂} 'a₂ con' ₂ jɲia' ₅₄ len₅ quió' ₅ tío_{in}' ₅₄ jui₅.

¹⁴ Jui₁le₂t'in₂ bá₄ dsa₂ quián₂ jniog₄ jmo₃ a₂dse₃ jme' _{oin₅₄} r'in' ₅₄ jui₁lia' ₂ jme' _{nió'} ₅, ia₁ con' ₂ tsá₃ ɲó₅ ně₁tsá₃ 'e₂ dse₃ ca₂rau₂ lia' ₂ chain₂.

'Ág' ₅ jág₁ jē₁ca₂tó' ₂, cuag₂₃ Diú₄ ně₃

¹⁵ Ca₂le₃jín₃ i₂quian' ₅₄ jniá₂ ja₁lá₃ chein₂₃ jág₁ a₂cuin₂₃ Diú₄ 'ne₂. Cuin₅₄ Diú₄ ca₂le₃jín₃ i₂'nio₃ jniog₄ i₂'én₂. Jui₁jme₂gu' ₅₄ bá₄ Diú₄ 'nia' ₂ ca₂le₃jín₃.

Co₂ně₅.

Si₂ carta a₂ca₂jmo₃ San Pablo ne₄ FILEMÓN

Ca₂jmo₃ Pablo si₂ca₂chein₃ ne₄Filemón

¹ Jniá₂ Pa₄ 'eng₅₄ né₃ 'má₃ o₄quió₄ Cristo Jesús. Jmo₅ jniá₂ si₂ carta la₂ quiang₅₄ rín₅₄ jniog₄ Timoteo, ne₅₄ 'ne₂ Filemón i₂'nió₄, i₂co₂dsia₅ jmo₂ ta₁, ² ne₄ 'io₅₄ rín₅₄ jniog₄ Apia, quian₅₄ Arquipo ně₃, co₂'nió₄ bá₄ jan₂ 'lióg₂ rín₅₄ jniog₄, quian₅₄ ne₄ guá₅ i₂ñi₂ dsi₂néi₂ quiáng₂. ³ Jui₁jme₂gu₅₄ bá₄ Diú₄ 'nia₂, jui₁tion₄ bá₄ 'nia₂ 'ei₅ tei₄, jmo₅ Diú₄ Jmei₂ jniog₄ quian₅₄ Te₁gui₅₄ Jesucristo.

'A₂ lia₂ jme₁'nio₃ Filemón rín₅₄ ia₁ a₂'éin₂

⁴ Ca₂le₃jě₃ ráun₂ cuě₅ jniá₂ ti₁'mag₄ Diú₄, 'ín₅ jniá₂ 'ne₂ jě₁ma₂chi₁ca₂lein₄ jniá₂. ⁵ Ia₁ ma₂ca₂rě₃guion₅₄ jág₁ a₂'nióg₃ Te₁gui₅₄ Jesús, 'éng₂ bá₄ tē₂le₃ quió₅, ján₃ bá₄ le₂jaun₂ 'nióg₃ ca₂le₃jín₃ i₂ma₂tén₅ tē₂le₃ quió₅ Diú₄. * ⁶ Mi₅ jniá₂ ján₃ a₂jmo₂ dsen₅₄ 'au₂ a₂quen₅₄ a₂'éng₂ jin₄ dsa₂ sián₂, ia₁jaun₂ le₃cuí₅ ca₂le₃jě₃ a₂dse₃ a₂cha₂ ja₁con₂ jniog₄ o₄quió₄ Cristo Jesús. ⁷ 'Nio₅ lín₃ 'io₂ 'jéin₅, 'ei₅ lián₂ dsi₃, ia₁ a₂'nióg₃ jniá₂, ia₁ 'uig₅₄ quián₂ 'ne₂ bá₄ rín₅₄ jniog₄, ma₂qui₂le₁ 'ág₄ tei₄ dsi₅ dsa₂ i₂'én₂. †

Mi₅ Pa₄ ne₄ Filemón a₂jmo₃ 'éi₂ dse₃ dsi₅ le₃quió₅ Onésimo

⁸ Jaun₂ lě₃, o₁jñia₅₄ jme₁ca₂tín₂ jniá₂ le₃quió₅ Cristo a₂jmo₅₄ 'éi₃ ne₅₄ 'ne₂, jui₁lia₂ 'e₂ dsi₂ten₅₄ jmó₂, ⁹ la₁ tē₂le₃ ia₁ a₂ñi₄ lě₃ 'nió₃ bá₄ jniá₂ 'ne₂, ja₂lín₃ guě₄ dse₃ chilén₄ jniá₂ 'ne₂, lín₂ jniá₂. Jniá₂ Pa₄ ma₂gueng₂ 'eng₅₄ né₃ 'má₃ o₄quió₄ Cristo Jesús. ¹⁰ Mi₅₄ jmó₂ dse₃ 'au₂ tē₂le₃ quió₅ Onésimo i₂ca₂lín₃ co₂'nió₄ jan₂ chí₂ quiáng₃ dsi₂néi₂ 'né₅ 'má₃ la₂.

¹¹ Le₂jñiá₅ ně₃ jme₁lín₄ Onésimo † jan₂ dsa₂ i₂tsá₃ ta₁ tén₄ jme₃ti₃ ta₁ ne₅₄. La₁ rě₂ně₃ ně₃, ma₂tén₅ bá₄ ta₁ jme₃ti₃ ta₁ ne₄ jniog₄ le₃o₃. ¹² Jaun₂ dsiain₅₄ táng₃ jniá₂ ne₅₄, jaun₂ guein₅₄ bá₄ co₂nio₄ co₂'nió₄ bá₄ a₂jme₁guéi₄ jniá₂ 'ñi₃. ¹³ O₁jñia₅₄ jme₁'ín₅ dsi₃ jme₁'í₂ guě₄ ja₁lá₃ jme₃ti₃ ta₁ ne₃ co₂'nió₄ bá₄ a₂jme₁jme₁ti₄ 'ne₂ tē₂lia₂ 'eng₅₄ guě₄ né₃ 'má₃ 'uig₅₄ quió₅ jág₁ dse₃, ¹⁴ la₁ tsá₃ 'e₂ 'nio₃ jmo₅₄ 'i₁caun₂ jua₅₄ a₂tíng₂ 'ñi₃ jua₅₄ a₂tsá₃ 'ei₅ caun₂ jág₁ quian₅₄ 'ne₂. Jaun₂ tsá₃ o₁leng₂ jua₅₄ a₂chi₂quiong₅₄ jniá₂ jmi₄ a₂jmo₂ tion₅₄; jaun₂ 'a₂ con₂ 'ñio₂ 'au₂ 'ñiag₂ bá₄ 'ne₂. ¹⁵ 'An₁ Diú₄ bá₄ ca₂cuě₃ jmi₄ ca₂téi₂ Onésimo co₂'na₂ quián₂ 'ne₂, ia₁jaun₂ guéin₄ jme₃quiong₅₄ co₂tan₅₄, ¹⁶ on₃jua₅₄ ma₃lín₅ ca₂ne₅₄ dsa₂ i₂lě₁jme₂ti₃ ta₁ ne₅₄, ton₂ tē₂le₃ dse₃ guě₄ ma₂lín₅ jan₂ ríng₂ i₂'niog₃ tē₂le₃ quian₅₄ jme₂dsi₂. Jniá₂ 'ñio₅ lín₃ 'nió₃, la₁ 'ne₂ ně₃ 'ñio₅ lín₃ guě₄ ca₂tíng₂ jme₁'nió₄ jaun₂ tsá₃ ma₃jín₅₄ jui₁lia₂ ja₁jíng₄ jan₂ dsa₂ lě₁dsa₂. Jíin₅₄ bá₄ jui₁lia₂ ja₁jíng₄ jan₂ ríng₂ tē₂le₃ quió₅ Te₁gui₅₄.

¹⁷ Le₂ně₅ jaun₂, chi₂jua₂ dsón₂ jmo₂ 'au₂ a₂lín₅ jniá₂ jan₂ dsa₂ i₂jmo₂ ta₁ quiang₅₄, jaun₂ guein₅₄ bá₄, jmo₄ 'au₂ co₂'nió₄ a₂guéi₅ jniá₂ 'ñi₃. ¹⁸ Chi₂jua₂ 'e₂ dain₅₄ ma₂jmo₂g₂, o₃ chi₂jua₂ cha₂ a₂rín₂, quió₃ jniá₂ mi₄. ¹⁹ Jniá₂ Pa₄ jmo₂₃ si₂ la₂ 'ñi₃ tē₃dsón₂ quian₅₄ gu₃ § Jniá₂ bá₄ qui₄, jñia₅₄ jme₁'nio₃ jniá₂ jmo₅₄ dsiog₂ 'au₂ a₂ríng₂ quiáng₂ 'ñiag₂ quió₃ ján₃. ²⁰ Jaun₂ le₂ně₅ bá₄, 'ne₂ rín₅₄ jniog₄, jmo₄ dse₃ 'au₂ quian₅₄ jniá₂ jui₁lia₂ dsi₂ten₅₄ jmo₃ dsa₂ i₂'én₂ le₃quió₅ Te₁gui₅₄, jmo₄ jui₁le₂güig₂ dsi₃ jui₁lia₂ jan₂ ríng₂ le₃quió₅ Cristo.

²¹ Dsian₄ jniá₂ si₂ la₂ ne₅₄, ia₁ dsón₂ bá₄ líng₂ jme₁ti₄ bá₄ ca₂le₃jě₃, tē₂le₃ lě₅ guě₄ jmó₂ con₂ guě₄ a₂juá₅. ²² Jmo₄ dse₃ 'au₂, jmo₄ co₂jñia₅₄ caun₂ dsi₂néi₂ ja₁i₁jñia₁₂, ia₁ 'ín₂ dsi₃ jniá₂ a₂ñág₃ Diú₄ a₂mi₂ 'nia₂, jmo₃ bá₄ a₂dsióg₄ jniá₂ i₁jag₁₂.

* **1:5** lit. "ca₂le₃jín₃ dsa₂jñi₅." † **1:7** lit. "dsa₂jñi₅." ‡ **1:11** Já₁ jui₁lia₂ chen₂ Onésimo co₂'nió₄ a₂juá₂, Dsa₂ i₂tén₅ ta₁, quian₅₄ jág₁ jme₅ griego. § **1:19** 'Nio₂ ja₁ton₅ 1 Corintios 16:21; Gálatas 6:11; Colosenses 4:18; 2 Tesalonicenses 3:17.

'Ág'₅ jág₁ jĕ₁ca₂tó'₂, cuag₂₃ Diú₄ ně₃

²³ Ríng'₃ i₂chen₂ Epafras i₂quiang'₅₄ 'eng₅₄ né'₃ 'má₃ 'uig₅₄ quió'₅ Cristo Jesús, dsiáin'₂ jág₁ a₂cuin₂₃ Diú₄ 'ne₂. ²⁴ Já₁₃ bá₄ le₂jaun₂ Marcos, Aristarco, Demas quian'₅₄ Lucas ně₃ i₂jme₂'o₅₄ jmo₅ ta₁.

²⁵ Jui₁jme₂gu'₅₄ Te₁gui'₅₄ Jesucristo jme₂dsí₂ quián'₂ 'nia'₂.
Co₂nĕ₅.

Si₂ a₂chen₄ ne₄ dsa₂ HEBREOS

Ma₂dsia₅ Diú₄ jág₁ quian'₅₄ dsa₂ mi₂güig₃ të₂le₃ quian'₅₄ Ja₁ñi'₅₄

¹ Lióng₂ ráun₂ ca₂juá'₂ Diú₄ jág₁ jmig₄ ma₂líg'₂ ca₂tsí'₃ dsa₂ can'₅₄ quián₂ jniog₄, tsá₃ ca₂ne₅₄ jág₁ ca₂'ě₂ të₂le₃ quian'₅₄ dsa₂ i₂ca₂chein₃. ² La₁ jmig₄ jē₁ca₂tó'₂ rē₂ně₃ ně₃, ma₂ca₂juá'₂ tság₅ jniog₄ të₂le₃ quian'₅₄ Ja₁ñi'₅₄ i₂ca₂jmo₃ ca₂le₃jě₃ a₂cha₂ mi₂güig₃; ján₃ bá₄ o₄gú₃ 'éi₂ ma₂dsia₃ ca₂le₃jě₃. ³ 'Éi₂ bá₄ i₂lín₅ i₂jlán'₁ i₂tág₅ quió'₅ Diú₄; 'éi₂ bá₄ i₂lín₅ nió'₄ të₃dsón'₂ i₂jang'₅ léi₄ 'a₂ lia'₂ lín₅ Diú₄. Já₃n₃ bá₄ lín₅ 'éi₂ i₂jmo₅ 'í₁ ca₂le₃jě₃ quian'₅₄ jág₁ bēn₂ quió'₅. Cang₂ jme₁ca₂rín'₃ 'éi₂ dsáu₁ jniog₄, jaun₂ ca₂guá'₂ guei'₅₄ i₂juig₃ con₂ Diú₄ të₂le₃ gu₂ ne₁ ne₄ta₁ quió'₅.

Ja₁ñi'₅₄ Diú₄ bá₄ i₂juin'₂ guě₄ lia'₂ con'₂ guě₄ ángeles

⁴ Ma₂ca₂lín₃ Ja₁ñi'₅₄ Diú₄ i₂juin'₂ guě₄ lia'₂ con'₂ guě₄ ángeles, ia₁ ma₂gue₃ quió'₅ jmei₂ a₂ma₂lín₅ ta₁ a₂dse₅₄ guě₄ lia'₂ con'₂ guě₄ ángeles.

⁵ Tsá₃ líg'₂ ca₂juá'₂ Diú₄ ca₂tsí'₃ ángeles quián₅ 'i₁jan₂ le₂la₂:

Lín'₅ 'ne₂ chi'₂-guein₂ quiáng₃;

jmig₄ ně₃ ma₂lín₅ jniá₂ ñéi'₅.*

On₃ guě₄ 'i₁jan₂ ángel tsá₃ ca₂'iín₃ jua'₅₄ a₂juá'₂ le₂la₂:

Lén₂ jniá₂ jmei₂ 'éi₂,

'éi₂ guě'₂ lén₂ chi'₂-guein₂ quiáng₃.†

⁶ La₁ ja₁siá'₂ ně₃, lia'₂ con'₂ jme₁ca₂o₃jñiai₃ Ja₁ñi'₅₄ i₂ne₅₄ mi₂güig₃, jaun₂ juá'₂:

Jui₁jme₂juag'₂ ca₂le₃jín₃ ángeles quián₅ Diú₄.‡

⁷ Jui₁lia'₂ të₂le₃ quió'₅ ángeles guě'₂ juá'₂:

Jmo₅ Diú₄ a₂lín₅ ángeles co₂'nió'₄ dsí₂,

jmo₂₃ a₂lín₅ i₂jme₂ti₃ ne₅₄

co₂'nió'₄ le₁tsí'₅₄ si₂.§

⁸ La₁ jui₁lia'₂ të₂le₃ quió'₅ Ja₁ñi'₅₄ ně₃, juá'₂:

Jiog₅ ca₂le₃jě₃ jmig₄ ne₄ta₁ quián'₂ 'ne₂,

Diú₄ quiáng₃.

Quian'₅₄ jág₁ tí₅* qui₂dsí'₁ 'ne₂ 'éi'₃.

⁹ A₂'niog'₂ 'ne₂ a₂tí₅, a₂'ñia'₅₄ 'ne₂ a₂'lig'₅₄;

'Uig₅₄ jaun₂, Diú₄ ně₃, Diú₄ quiáng'₂,

ma₂ca₂chein'₃ 'ne₂

ne₄ juí₅ quió'₅ ca₂le₃jín₃ ríng'₂,

ca₂jmo₃ Diú₄ a₂rē₂rín₅ 'au'₂ a₂jmo'₂ 'io'₂.†

¹⁰ Já₃n₃ bá₄ juá'₂:

Lia'₂ ne₁, 'ne₂ Te₁gui'₅₄ quiáng₃,

ca₂jmo'₅₄ 'uig₅₄ tag₄ mi₂güig₃;

guei'₅₄ i₂juig₃ guě'₂ ně₃,

ta₁ a₂ca₂lě₃ quian'₅₄ gog'₂ bá₄ jaun₂.

¹¹ A₂dsi₃ñí₂ ca₂le₃jě₃ a₂ně₅,

la₁ 'ne₂ ně₃, con'₂ tan₅₄ bá₄ lín'₅ 'ne₂;

rē₃ 'áu₂ a₂jaun₂ jui₁lia'₂ ni₁tsin'₅₄ dsa₂.

¹² A₂jóng'₅ a₂jaun₂ jui₁lia'₂ jē₁jón'₂ dsa₂ tsi₁'mi'₂.

* 1:5 Salmo 2:7. † 1:5 2 Samuel 7:14. ‡ 1:6 Deuteronomio 32:43. § 1:7 Salmo 104:4. * 1:8 lit. "Quian'₅₄ 'ma₂'i₅₄ dsau₅." † 1:9 Salmo 45:6-7.

La₁ 'ne₂ ně₃, lia'₂ ma₂lín'₅ jaun₂ bá₄ 'ne₂.

Tsá₃ o₁líg'₂ jmíg₄ dsiá₃ a₂chan'₂ 'ne₂.‡

13 Tsá₃ líg'₂ ca₂juá'₂ Diú₄ ca₂tsí'₃ 'i₁jan₂ ángel le₂la₂:
Né₂ con₂ jniá₂ të₂le₃ gu₃ ne₁,

ca₂lia'₂ ca₂tě₂ jmíg₄

a₂tón'₁ jniá₂ dsa₂ i₂'iog₅₄ o₄tag'₄.§

14 Ia₁ lín₅ ángeles jme₂dsí₂ i₂jme₂'o₅₄ i₂chen₄ a₂jme₂ti₃ ta₁ ne₄ i₂ca₂tín₂ gue₃ a₂lió₂ Diú₄.

2

Tion₅₄ 'nió'₅ tón'₂ dsa₂ jui₅

1 'Uig₅₄ jaun₂ bá₄ tion₅₄ niog₅ tion'₂ jniog₄ jui₅ 'ñio₅ lín₃ guě₄, jág₁ a₂ma₂néi₁ jniog₄, ia₁jaun₂ tsá₃ qui₂dsi₃cón'₅ jniog₄ jui₅.

2 Ia₁ chi₂jua'₂ tion₅₄ jme₂jme₂ti₃ dsa₂ 'éi'₃ jaun₂ a₂ca₂quiog₂ Diú₄ ma₂líg'₂ të₂le₃ quian'₅₄ ángeles quiáin₅, jaun₂ chi₂jua'₂ qui₂ca₂gue₃ dsa₂ uig₅ 'a₂ con'₂ ca₂tín₂ jme₁ca₂'náu₂ dso₄, ³¿'a₂ bá₄ lia'₂ lé₂ le₃lió₂ jniog₄ ně₁jua'₂ tsá₃ tion'₂ jniog₄ jui₅ jág₁ a₂ñí₄ lě₃ quen₅ a₂lió₂ jaun₂? Ia₁ 'ñiog₅ bá₄ Te₁gui'₅₄ 'éi₂ i₂ca₂juá'₂ le₂'uig₅₄ jág₁ a₂lió₂ jaun₂. Jaun₂ guě₄ qui₂ca₂cuě₃ jág₁ dsau₅ tság₅ jnia'₅₄ dsa₂ i₂ca₂nág₂.

4 Ján₃ bá₄ ca₂cuě₃ Diú₄ jág₁ dsau₅ të₂le₃ quian'₅₄ léi₄ a₂dsi₃gó'₃ dsí₅ dsa₂ ca₂jmo₃ 'lióng₂ ráun₂, ján₃ bá₄ të₂le₃ quian'₅₄ Jme₂dsí₂ Jñio₅ i₂ma₂qui₂ma₂cuin₃ jniog₄ le₂jau₂ le₂jau₂ lia'₂ con'₂ lě₅ a₂'nio₃ 'éi₂.

Ca₂lín₃ Jesús lia'₂ lín₅ riin'₅₄

5 On₃jua'₅₄ o₄gú₃ ángeles ca₂dsia₃ mi₂güig₃ a₂já₅, a₂'ě₂ jnia'₅₄.

6 La₁ia₁ cha₂ bá₄ caun₂ ja₁ma₂cuě₅ dsa₂ jág₁ dsau₅ le₂la₂;

¿I₂'ein₂ bá₄ dsa₂ mi₂güig₃,

a₂ñí₄ lě₃ dsau'₂ 'au'₂ 'éi₂?

¿I₂'ein₂ bá₄ tsi₁jon₂ dsa₂ mi₂güig₃,

a₂ñí₄ lě₃ tón'₂ 'ne₂ jui₅ 'éi₂?

7 Ca₂jmoi'₅₄ ca₂tiá₂ mei'₂ guě₄

con'₂ guě₄ ángeles quiáng'₂;

la₁ ma₂ca₂jme₃juin'₂, ma₂ca₂jmo'₅₄ a₂lín₅ i₂dsen₅₄ guě₄,

[ca₂dsiain'₅₄ a₂'nio₃ gu₂ a₂ca₂jmo'₅₄ 'ne₂ quian'₅₄ gog'₂].*

8 ma₂dsia'₅₄ 'ne₂ ca₂le₃jě₃ o₄tag₁₂.†

Jaun₂ ně₃, jme₁ca₂dsia₃ Diú₄ ca₂le₃jě₃ o₄tag₄ dsa₂ mi₂güig₃, tsá₃ ma₂'e₂ cha₂ jua'₅₄ a₂tsá₃ niog₅ gu₂ 'éi₂. La₁ia₁ rě₂ně₃ ně₃, tsá₃ ma₂léi₄ guě₄ a₂niog₅ gu₂ 'éi₂ le₃jě₃.

9 La₁ia₁ jin₄ bá₄ jniog₄ Jesús i₂ca₂lín₃ ca₂tiá₂ mei'₂ guě₄ con'₂ guě₄ ángeles, ca₂rě₃juin'₂, ca₂lín₃ i₂dsen₅₄ guě₄ ně₃ ia₁ ca₂i₃ñí₂ uig₅ ne₄ 'mú₃, ia₁jaun₂ le₃cuí'₅ 'mú₃ o₄quió'₄ ca₂le₃jin₃, ia₁ a₂'ua₁ dsí₅ Diú₄.

10 Quió'₅ Diú₄ bá₄ le₃jě₃; të₂le₃ quian'₅₄ 'éi₂ ca₂lě₃ le₃jě₃. Jaun₂ 'nio₃ Diú₄ chóin'₂ ca₂le₃jin₃ chi'₂guein₂ quiáin₅, a₂lén₂ 'éi₂ jláin'₁ co₂lě₅ quian'₅₄. 'Uig₅₄ jaun₂, dsi₂ten₅₄ bá₄ a₂ca₂jme₃'ñia₅ Diú₄ ca₂jme₃'ñiai₂₃ Jesucristo të₂le₃ quian'₅₄ jmí₁uig₅ a₂ca₂l₃ñí₂ jme₁ca₂niá₃ jui₅ a₂lióin₂ 'éi₂.

11 Ia₁ jui₁lia'₂ i₂jme₂jñió₃ quian'₅₄ i₂rě₂jñió₃ ně₃, jan₂ bá₄ Jmei₂ chan₂. 'Uig₅₄ jaun₂, tsá₃ gui'₅₄ Ja₁ñi'₅₄ Diú₄ tě'₂ dsa₂ 'éi₂ riin'₅₄.

12 Le₂la₂ juá'₂ ne₄ si₂;

‡ 1:12 Salmo 102:25-27. § 1:13 Salmo 110:1. * 2:7 Chog₅₄ si₂ a₂dse₃ guě₄ tsá₃ le₁ton₅ jág₁ a₂tio'₅₄ 'ñió'₃ corchetes [le₂la₂]. † 2:8 Salmo 8:4-6.

'ɪn₄ jniá₂ 'ne₂ jin₄ ríng'₃,
te₂jě₄ ja₁le₁ɲi'₂ dsa₂
'ë₅₄ jniá₂ son₅₄ a₂jme₁juag'₂ quiáng'₂.‡
13 Ján₃ bá₄ juá'₂:

Caun₂ bá₄ 'ag₁₂ dsi₃ ja₁con₂ 'éi₂.§
Con'₂ siá'₂ táng₃ juá'₂;
ja₁lá₃ bá₄ chén'₅ jniá₂,
ca₂lia'₂ ma₂quian'₅₄ chi'₂-guein₂
i₂ma₂cuin₃ Diú₄ jniá₂.*

14 Jui₁lia'₂ ca₂tín₂ chi'₂-guein₂ jan₂ chog₅₄-jmei₂ dsa₂ mi₂güig₃ caun₂ jmi₂ 'ain₅₄, ján₃ bá₄ le₂ně₅ ca₂tín₂ Jesús caun₂ jmi₂ 'ain₅₄ quian'₅₄ dsa₂ mi₂güig₃, ia₁jaun₂ tē₂le₃ quian'₅₄ 'mú₃ quió'₅ lé₂ le₃lí'₂ ne₄ 'éi₂ i₂'io₅ bí₂ quió'₅ 'mú₃, co₂'nió'₄ le₃juá'₅₄ i₂sě₃dsen₃.

15 Ján₃ bá₄ le₂jaun₂ ca₂jmo₃ ia₁jaun₂ lé₂ le₃qui₂le₃chen'₂ dsa₂ i₂ně₂jag₄ bá₄ i₂qui₂rě₂'ɲe'₅₄, ia₁ ca₂le₃jě₃ jmi₂g₄ a₂chain₂, gó'₅ 'mú₃ quió'₅.

16 Ia₁ dsón'₂ bá₄ on₃juá'₅₄ jaun₂ ca₂guain₃ jua'₅₄ a₂jme₃oin₅₄ ángeles; ta₁ jaun₂ bá₄ ca₂guain₃ a₂jme₃oin₅₄ tsi₁jón₂ Abraham.

17 'Uig₅₄ jaun₂, tion₅₄ bá₄ ca₂lín₃ ca₂le₃jě₃ jui₁lia'₂ lín₅ dsa₂ mi₂güig₃ riin'₅₄, ia₁jaun₂ dsióg₄ lén₂ jan₂ jme₂dsa₂ dsen₅₄ i₂ɲéi₂ dsi₅, i₂rě₂ti'₅₄ ně₃, ia₁jaun₂ jniá'₂ dsáu₁ dsa₂ tē₂le₃ quian'₅₄ a₂jéin'₂ ne₄ Diú₄.

18 Jaun₂ jui₁lia'₂ ca₂ɲág₃ uig₅ 'éi₂ jme₁ca₂caun₃ Diú₄ táu₂, ján₃ bá₄ le₂ně₅ qui'₅₄ jmi₂g₄ jme₃oin₅₄ jui₁lia'₂ dsa₂ i₂caún₂ dsa₂ táu₂.

3

Jesús bá₄ i₂dsen₅₄ guě₄ con'₂ guě₄ Moisés

1 Le₂jaun₂ 'nia'₂ rin'₅₄ jniog₄ i₂ma₂rě₂tson₄ quián₅ Diú₄, 'nia'₂ i₂ca₂tín₂ tē₂ Diú₄ guei'₅₄ i₂juíg₃, dsiog'₂ 'au'₂ 'nia'₂ Cristo Jesús i₂chen₄ quián₅ Diú₄, ján₃ bá₄ i₂lín₅ jme₂dsa₂ dsen₅₄ i₂'ín₅ jniog₄.

2 'Niog₅ Jesús ma₂ca₂rě₃ti'₅₄ ja₁con₂ Diú₄ i₂ca₂'ag₃ a₂jmo₃ ta₁ ně₅, jui₁lia'₂ ca₂jme₃ti₃ Moisés con'₂ ta₁ jme₁chén'₄ ja₁con₂ ca₂le₃jín₃ chi'₂-guein₂ quián₅ Diú₄.

3 La₁ia₁ ca₂tín₂ Jesús jme₃juag'₂ dsa₂ con'₂ guě₄ Moisés, jui₁lia'₂ quen₅ guě₄ dsa₂ i₂jmo₅ 'né₅ con'₂ guě₄ tsi₁'né₅ 'ɲiog₅.

4 Jui₁lia'₂ caun₂ 'né₅, tion₅₄ bá₄ chan₂ i₂jmo₃; la₁ 'ɲiog₅ bá₄ Diú₄ ca₂jmo₃ ca₂le₃jě₃ 'e₂ a₂cha₂.

5 Ca₂jme₃ti₃ Moisés ja₁con₂ ca₂le₃jín₃ chi'₂-guein₂ quián₅ Diú₄, con'₂ ta₁ a₂jme₁lín₄ ne₄ Diú₄, qui₂ca₂jáng'₃ jág₁ dsau₅ jui₁lia'₂ jág₁ quió'₅ Diú₄ a₂jme₁juá'₂.

6 La₁ia₁ Cristo ně₃, rě₂ti'₅₄ bá₄ a₂lín₅ Ja₁ɲi'₅₄ Diú₄ i₂chén'₅ ne₄ ca₂le₃jín₃ chi'₂-guein₂ quián₅ Diú₄. Chi'₂-guein₂ 'éi₂ lág₅ jniog₄ guio₅₄ ně₁juá'₂ chan'₂ jniog₄ tiá₂ a₂caun₂ 'ei₅ dsi₅ jniog₄, jmo₂ jniog₄ 'io'₂, ia₁ cha₂ a₂'ín₂ dsi₅ jniog₄ tag₃; a₂jaun₂ bá₄ 'io'₂ jein₂ jniog₄.

7 'Uig₅₄ jaun₂, lě₅ jui₁lia'₂ juá'₂ Jme₂dsí₂ Jɲió₅ ne₄ si₂:

Jmi₂g₄ ně₃ ně₁juá'₂ nag'₂ 'nia'₂ jág₁ quió'₅ Diú₄,

8 Tsá₃ lě₁jme₂'uá'₂ 'nia'₂ 'au'₂
jui₁lia'₂ ca₂jmo₃ i₂lín₅₄ ca₂nau₂ 'nei₂
ca₂cain₃ táu₂ Diú₄ 'uě₃ co₂'ɲiog₅ jaun₂.

9 Ja₁jaun₂ ca₂caun₃ táu₂ jniá₂
dsa₂ can'₅₄ quián'₂ 'nia'₂ ma₂líg'₂,
o₁jɲia'₅₄ ma₂qui₂ma₂jág₃ ta₁ quió'₃
ma₂tě₂láu₃ ɲi₂.

‡ 2:12 Salmo 22:22. § 2:13 Isaiás 8:17. * 2:13 Isaiás 8:18.

10 'Uig⁵⁴ jaun₂ ca₂jén₂ dsi₃
 quian'⁵⁴ dsa₂ i₂jme₁chan₂ jmig₄ jaun₂,
 jaun₂ ca₂juá'₃ jniá'₂:

“Con'₂ tan⁵⁴ bá₄ i₂nio₄ dsa₂ nē₅
 qui₂dsi₂cón'₅ dsí₅,

tsá₃ 'nio₃ le₃cuí'₅ jui₅ quió'₃.”

11 'Uig⁵⁴ jaun₂ ca₂'ín₃ jniá'₂ 'ñió₃

jme₁ca₂'í₃ 'nei₂ dsi₃,

a₂tsá₃ dsi₁len₃ 'éi₂

jua'⁵⁴ a₂jñia₃ ja₁con₂ jniá'₂.*

12 Rín'⁵⁴ jniog₄, jmo₄ 'nia'₂ 'í₁ ia₁jaun₂ 'i₁jan'₂ 'nia'₂ tsá₃ le₃'ua'₂ dsí₅, jua'⁵⁴ a₂'nio₃ náu₃ cau₅
 ja₁con₂ Diú₄ jén'₃ ia₁ tsá₃ 'éin₂ jág₁ quió'₅.

13 Tē₂le₃ cuē'⁵⁴ 'nia'₂ bí₂ ríng'₂ le₂jang'₂ le₂jang'₂ lia'₂ caun₂ jmig₄, tē₁lia'₂ jiog₅ “jmig₄ nē₃”
 a₂ma₂juá'₂ Si₂, ia₁jaun₂ 'i₁jan'₂ 'nia'₂ tsá₃ le₃'ua'₂ 'au'₂ tsá₃ le₃gan'₂ 'nia'₂ quian'⁵⁴ dso₄.

14 Ia₁ i₂ma₂quián⁵ Cristo bá₄ jniog₄, nē₁jua'₂ ca₂tián₃ jniog₄ tē₂ jē₁ca₂tó'₂ caun₂ bá₄ 'ei₅ dsi₅
 jniog₄ jág₁ quió'₅ lia'₂ con'₂ lē₅ jme₁ca₂rē₃ 'éin₂ le₂'uig⁵⁴.

15 Jui₁lia'₂ ma₂nē₂juá'₂:

Jmig₄ nē₃, nē₁jua'₂ ca₂'nei₂ 'nia'₂

jág₁ quió'₅ Diú₄,

tsá₃ jme₁'ua'₂ 'nia'₂ 'au'₂,

jui₁lia'₂ ca₂jmo₃ i₂lín⁵⁴

ca₂nau₂ 'nei₂ ne₄ Diú₄.†

16 ¿'Ein₂ 'éi₂ i₂ca₂nág₂ jág₁ quió'₅ Diú₄ jaun₂ ca₂nau₂ 'nei₂ cang₂ jaun₂? Ca₂le₃jín₃ dsa₂
 i₂ca₂'uín'₂ Moisés 'uē₃ Egipto, i₂'éi₂ bá₄.

17 ¿'Ein₂ quian'⁵⁴ ca₂rē₃'né₃ Diú₄ con'₂ tē₂láu₃ ñi₂? Quian'⁵⁴ dsa₂ i₂ca₂'náu₂ dso₄ bá₄,
 i₂ca₂dsan₃ 'uē₃ co₂'ñiog₅ jaun₂.

18 ¿Ja₁con₂ 'ein₂ ca₂cuē₃ Diú₄ jág₁ quió'₅ a₂tsá₃ dsi₁lein₃ jua'⁵⁴ jñia₃ quiong'⁵⁴? Ja₁con₂ dsa₂
 i₂tsá₃ ca₂nág₂ gau₂ jág₁ quió'₅ bá₄.‡

19 Jaun₂ ne₄ jniog₄, le₂jaun₂ bá₄ ca₂i₃ñi₂: tsá₃ a₁jaun₂ ca₂i₃toin'⁵⁴, 'uig⁵⁴ ia₁ a₂tsá₃
 ca₂rē₃'éin₂.

4

1 'Uig⁵⁴ jaun₂, tē₁lia'₂ ron₅ guē₄ jág₁ a₂ma₂cuē₃ Diú₄ a₂dsi₁no₃ jniog₄ ja₁dsi₁jñia₁ ja₁coin₂,
 'nió'₅ jmó₁ jniog₄ 'í₁ con'₂ tsá₃ ñó₅ nē₁jua'₂ 'ein₂ 'nia'₂ tsá₃ ca₂tíng'₂ ja₁jaun₂.

2 Ia₁ ján₃ bá₄ le₂jaun₂ ma₂ca₂rē₃'ē₂ jág₁ a₂lió₂ ja₁con₂ jniog₄ jui₁lia'₂ ma₂ca₂rē₃'ē₂ ja₁con₂
 'éi₂; la₁ia₁ tsá₃ ta₁ ca₂jmo₃ co₂ñi₂ a₂ca₂nág₂ jág₁, 'uig⁵⁴ ia₁ a₂tsá₃ ca₂'an₂ dsí₅ jág₁ jaun₂ jua'⁵⁴
 a₂ca₂rē₃'éin₂.

3 La₁ jniog₄ i₂ma₂ca₂rē₃'éin₂ nē₃, dsi₁no₃ bá₄ jniog₄ dsi₁jñia₁₂ ja₁jaun₂ jui₁lia'₂ a₂ma₂juá'₂
 Diú₄:

'Uig⁵⁴ jaun₂ ca₂'ín₃ jniá'₂ 'ñió₃,

jme₁ca₂'í₃ 'nei₂ dsi₃,

a₂tsá₃ dsi₁len₃ 'éi₂

jua'⁵⁴ jñia₃ ja₁con₂ jniá'₂.*

La₁ia₁ ma₂ca₂'i₃ ta₁ quió'₅ Diú₄ ca₂le₃ ca₂'nio₃ mi₂gúig₃.

4 Ia₁ cha₂ ja₁juá'₂ ne₄ Si₂ le₂la₂, a₂'ē₂₃ jē₁ca₂tē₂ guio₃ jmig₄: “Ca₂jñia₃ Diú₄ jē₁ca₂tē₂ guio₃
 jmig₄, jme₁ca₂lē₃ ca₂le₃jē₃ ta₁ quió'₅.”† 5 Con'₂ siá'₂ táng₃ juá'₂ ne₄ Si₂: “Tsá₃ dsi₁lein₃ jua'⁵⁴
 a₂jñia₃ ja₁con₂ jniá'₂.”

* 3:11 Salmo 95:7-11. † 3:15 Salmo 95:7-8. ‡ 3:18 'Nio'₂ ja₁ton₅ Números 14:22-23. * 4:3 Salmo 95:11; ján₃ bá₄,
 le₂nē₅, † 4:4 Génesis 2:2.

6 La₁ ju₁lia'₂ chan₂ i₂lin₅₄ i₂'nió'₅ tón'₃ ja₁jaun₂, i₂sián'₂ guë'₂ tsá₃ ca₂tion'₅₄ le₂jniá'₅ jme₁ca₂nág₂ jág₁, 'uig₅₄ ia₁ a₂tsá₃ ca₂rë₃'éin₂, 7 con'₂ siá'₂ ca₂tióng₃ Diú₄ caun₂ jmig₄ ca₂juá'₂ të₂le₃ quian'₅₄ David 'lióng₂ η₁ cang₂ jaun₂ ca₂të'₃ "jmig₄ në₃" jme₁ca₂juá'₂ ne₄ Si₂ jág₁ a₂ma₂ca₂juá'₂ le₂jniá'₅:

Jmig₄ në₃ në₁jua'₂ ca₂nei'₂ 'nia'₂ jág₁ quió'₅ Diú₄,

tsá₃ lë₁jme₂'uá'₂ 'nia'₂ 'au'₂.‡

8 Ia₁ jua'₅₄ mei'₂ guë₃ Josué ca₂cuë₃ caun₂ ja₁jñia₃ dsa₂, tsá₃ jaun₂ jme₁juá'₂ Diú₄ cang₂ jaun₂ jme₁'ë₃ jmig₄ siá'₂.

9 Jaun₂ lë₃, lia'₂ ma₂cha₂ jaun₂ bá₄ jmig₄ sa₅₄ ja₁jñia₅ dsa₂ juig₂ quián₅ Diú₄. 10 Ia₁ ju₁lia'₂ ca₂jñia₃ Diú₄ ta₁ quió'₅ a₂ca₂jmo₃, ján₃ bá₄ le₂jaun₂ ju₁lia'₂ i₂dsi₃ton'₅₄ dsi₃jñia₅₄ ja₁con₂ Diú₄, tí₂ ta₁ quió'₅, jñia₃.

11 'Uig₅₄ jaun₂ 'nió'₅ 'niog'₅₄ jniog₄ ju₁ a₂quen'₂ bí₂ a₂dsi₁no₃ ja₁jaun₂, ia₁jaun₂ 'i₁jan₂ tsá₃ 'ein₂ tián'₃ a₂cán₂ ju₁ a₂ca₂i₁nio₄ 'éi₂ a₂tsá₃ ca₂nág₂ gau₂ jág₁ quió'₅ Diú₄.

12 Ia₁ jén'₃ bá₄ jág₁ quió'₅ Diú₄, 'io₅ bí₂ në₃, 'ηio₅ chen'₂ con'₂ guë₄ caun₂ η₁tág₂ 'mu₃ le₃tin₃ ton₂, dsi₂tia₃ ca₂të₂ né'₃ jmo₅ le₁dso'₅₄ të₂dsí₅ dsa₂ quian'₅₄ jme₂dsí₂, jmo₅ le₁dso'₅₄ ja₁jón'₅ quian'₅₄ dsí₅ ni₁mu₅ në₃, jme₂jñia₅ ca₂le₃jë₃ 'e₂ dsi₂jio₅ dsí₅ dsa₂, ca₂le₃jë₃ 'a₂ lia'₂ lín₂ dsa₂ në₃.

13 Ca₂lia'₂ 'i₁caun₂ a₂ca₂jmo₃ Diú₄ tsá₃ lé₂ le₃'má₂ ne₄ 'éi₂; ca₂le₃jë₃ bá₄ rë₂jniá₂ rë₂na₄ ne₄ i₂dsi₁jang'₅₄ jniog₄ cuenta quián₂.

Lín₅ Jesús Jme₂dsa₂ Dsen₅₄ i₂juin'₂

14 Jaun₂ në₃, jme₂dsa₂ dsen₅₄ i₂juin'₂ quián₂ jniog₄ lín₅ Jesús, Ja₁ηi'₅₄ Diú₄, i₂ca₂uig₂ guei'₅₄ i₂juig₃. 'Uig₅₄ jaun₂ 'nió'₅ caun₂ chan'₅₄ jniog₄ tiá₂ jág₁ a₂'éin₂ jniog₄.

15 On₃jua'₅₄ a₂tsá₃ lé₂ dsia₃ ηéi₂ dsí₅ jme₂dsa₂ dsen₅₄ quián₂ jniog₄ jë₁ma₂ca₂'uá₂ jniog₄. Ia₁ ma₂ca₂caun₃ dsa₂ ca₂le₃jë₃ táu₂ quió'₅, ju₁lia'₂ cáun₂ dsa₂ táu₂ jniog₄, la₁ia₁ tsá₃ dso₄ ca₂'náu₂ 'éi₂.

16 Jaun₂ në₃ ma₃ jme₁quián₄ jniog₄ caun₂ bá₄ 'ei₅ dsí₅ ca₂të₂ ne₄ta₁ ja₁guá₄ Diú₄ i₂'ua₁ dsí₅, ia₁jaun₂ dsia₃ 'éi₂ ηéi₂ dsí₅, a₂jme₃'o₅₄ a₂'ua₁ dsí₅ jë₁ma₂ca₂rë₃'nió'₅ quián₂ jniog₄.

5

1 I₂rë₂quion'₅₄ jin₄ dsa₂ mi₂güig₃ bá₄ le₂jan₂ le₂jan₂ jme₂dsa₂ dsen₅₄ a₂rë₂'iin₄ a₂chéin'₅ ne₄ jág₁ o₄quió'₄ dsa₂ mi₂güig₃ ne₄ Diú₄ ia₁jaun₂ jén'₃ ju₁lia'₂ 'e₂ 'nió'₅ jén'₃, a₂qui₃dsiin'₂ já'₂ në₃ o₄quió'₄ dsáu₁ dsa₂.

2 Jaun₂ ju₁lia'₂ jme₂dsa₂ le₂'éi₂, ján₃ bá₄ lín₅ dsa₂ mi₂güig₃ a₂'uain₅₄; lé₂ bá₄ jme₃'ua₁ dsí₅ ja₁con₂ ju₁lia'₂ dsa₂ i₂tsá₃ ηi₅, ju₁lia'₂ dsa₂ i₂ma₂i₂nio₄ cau₅ ju₁ në₃.

3 'Uig₅₄ ia₁ a₂lín₅ dsa₂ mi₂güig₃ 'uain₅₄, tion₅₄ 'nió'₅ jén'₃ ne₄ Diú₄, lia'₂ o₄quió'₄ dsáu₁ 'ηiog₅ lia'₂ o₄quió'₄ dsáu₁ dsa₂ juig₂ táng₃.

4 'I₁jan₂ tsá₃ lé₂ le₃lén₂ ta₁ juë'₂ jaun₂ jua'₅₄ a₂le₃'iin₃ 'ηiog₅; tion₅₄ bá₄ 'nió'₅ 'ag₃ Diú₄ ju₁lia'₂ ca₂'iin₃ Aarón.*

5 Ján₃ bá₄ le₂në₅ lë₅ quian'₅₄ Cristo. Tsá₃ ca₂jme₃juin'₂ 'ηiog₅ jua'₅₄ ca₂'iin₃ 'ηiog₅ a₂lén₂ jme₂dsa₂ dsen₅₄; Diú₄ bá₄ ca₂'ag₃ ta₁ juë'₂ jaun₂. Jaun₂ ca₂juá'₂ Diú₄:

Lín'₅ 'ne₂ chi'₂-guein₂ quiáng₃;

Jmig₄ në₃ ma₂lín₅ jniá₂ ηéi'₅.†

6 Ján₃ bá₄ le₂në₅ juá'₂ ja₁siá'₂ táng₃:

Lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.‡

‡ 4:7 Salmo 95:7-8. * 5:4 Aarón: 'Nio'₂ ja₁ton₅ Éxodo 4:14. † 5:5 Salmo 2:7. ‡ 5:6 Salmo 110:4.

7 Lia'₂ con'₂ jme₁chan₂ Jesús mi₂güig₃ la₂, ca₂mi₃ tiá₂ ne₄ Diú₄ Jmei₂, ca₂'o₃ a₂jme₁mi₂₃ tion₅₄ ne₄ 'éi₂ i₂'io₅ bí₂ a₂jme₁lió₂ ne₄ 'mú₃. Jaun₂ Diú₄ ně₃ ca₂nág₂ bá₄ quió'₅, 'uig₅₄ ia₁ a₂ca₂nág₂ gau₂ jág₁ quió'₅ 'éi₂.

8 O₁jnja'₅₄ jme₁lín₄ Ja₁ñi'₅₄ Diú₄, ca₂rē₃tín₃ a₂nag₃ gau₂ tēle₃ quian'₅₄ uig₅ a₂ca₂l₃ñí₂.

9 Jaun₂ jme₁ca₂rē₃'ñia₅ quió'₅, jaun₂ guě₄ ca₂lín₃ 'uig₅₄ ja₁lión₂ co₂tan₅₄ ca₂le₃jín₃ i₂nag₅ gau₂ jág₁ quió'₅, 10 ia₁ Diú₄ bá₄ ca₂'ag₃ a₂léin₂ jme₂dsa₂ dsen₅₄ ca₂ne₅₄ lia'₂ jme₁lín₄ Melquisedec.

Go'₂ ně₁jua'₂ ca₂tí₂ dsa₂ a₂'éin₂

11 'Lióng₂ bá₄ jág₁ le₂ně₅ cha₂ a₂'nió'₅ jua'₅₄ jnia'₅₄, la₁ia₁ quian₅ ta₁ jua'₅₄ a₂jme₁tin₅ jnia'₅₄ 'nia'₂ jág₁ ně₅, ia₁ a₂ca₂lín'₃ 'nia'₂ cang₄ dsei'₂.

12 Ma₂líg'₂ bá₄ ca₂rē₃'én'₂ 'nia'₂ jág₁; rē₂ně₃ le₃jua'₅₄ a₂ma₂ca₂tíng'₂ 'nia'₂ léng'₂ tē₅. La₁ tion₅₄ bá₄ 'nió'₅ jme₃tag₅ táng₃ dsa₂ quian'₅₄ 'nia'₂ jág₁ 'ua₁ le₂'uig₅₄ quió'₅ Diú₄, ně₂jag₄ bá₄ a₂'nió'₅ 'ag'₅₄ 'nia'₂ jmá'₃ dsi'₅₄, 'nió'₄ a₂jme₁quíng'₂ 'nia'₂ ñí₅.

13 Jaun₂ juí₁lia'₂ dsa₂ i₂'ín'₂ jmá'₃ dsi'₅₄, lín₅ juí₁lia'₂ lín₅ guein₂ i₂tsá₃ lín₄ tin₂ jág₁ quió'₅ juí₅ co₂dsau₅.

14 Juí₁lia'₂ má₃ quió'₅ dsa₂ can'₅₄ ně₃, lē₅ jmá'₃ quió'₅ dsa₂ ma₂ron₂, quió'₅ dsa₂ i₂ma₂'en₅₄ dsí₅ i₂ca₂rē₃tín₃ i₂ca₂rē₃ñi₅ na₂ juí₅ dse₃, na₂ juí₅ 'lig'₅₄ 'e₂.

6

1 Jaun₂ ně₃, juí₁dsiá₁ jniog₄ cau₅ jág₁ le₂'uig₅₄ quió'₅ Cristo a₂ma₂ca₂jme₁tag₅ jniog₄. Ma₃dsau₅₄ jniog₄ ne₄ juí₅ ia₁jaun₂ lén₂ jniog₄ dsa₂ ma₂ron₂. Tsá₃ ma₂'nió'₅ jua'₅₄ a₂quián₂ táng₃ jniog₄ 'uig₅₄ jág₁ juí₁lia'₂ jē₁jme₂tsín₃ dsa₂ dsí₅ a₂tsá₃ ma₂jmo₂₃ juí₁lia'₂ a₂jniog₂₃ juí₅ 'mú₃, juí₁lia'₂ 'a₂ lia'₂ rē₂'én₂ dsa₂ jág₁ quió'₅ Diú₄ ně₃; 2 tsá₃ ma₂'nió'₅ jua'₅₄ caun₂ jme₁tag₅ jniog₄ juí₁lia'₂ a₂chon₅ dsa₂ jmig₂, juí₁lia'₂ a₂quiog₂ dsa₂ gu₂ ne₄ quió'₅ dsa₂, juí₁lia'₂ a₂jen'₅₄ dsa₂ jin₄ 'lag₄, on₃ guě₄ juí₁lia'₂ a₂qui₃dsi₅ Diú₄ 'éi'₃ co₂tan₅₄ ně₃.

3 Le₂jaun₂ jmó₁ bá₄ jniog₄, a₂dsau₅₄ ne₄ juí₅, chi₂jua'₂ jme'₃o₅₄ Diú₄.

4 Ia₁ juí₁lia'₂ dsa₂ i₂ma₂ca₂rē₃ñí'₂ dsí₅, dsa₂ i₂ma₂ca₂rē₃cuí'₅ 'a₂ lia'₂ 'ua₁ dsí₅ Diú₄, dsa₂ i₂ca₂tín₂ jma₂me'₂ quió'₅ Jme₂dsí₂ Jñió₅, 5 dsa₂ i₂ma₂ca₂rē₃cuí'₅ a₂dse₃ jág₁ quió'₅ Diú₄, dsa₂ i₂ma₂ca₂rē₃cuí'₅ bí₂ quió'₅ mi₂güig₃ a₂jiá₃; 6 ně₁jua'₂ ca₂i₃lén₂ táng₃ cau₅ juí₅, * tsá₃ ma₃lé₂ dsí₅te₁ jniog₄ jaun₂ jéin'₃ táng₃ dsí₅, ia₁ ně₂jag₄ bá₄ a₂tioin₂₃ táng₃ cróg₄ Ja₁ñi'₅₄ Diú₄ le₃quió'₅ guioin₅₄, jaun₂ chei'₂₃ tē₃jin₄ dsa₂ ia₁jaun₂ cán₂ 'éi₂ o₂guí'₃.

7 A₂lín₅ dsa₂ 'éi₂ lia'₂ lē₅ gua'₅₄ 'uě₃ a₂'ín'₅ jmí₅ lia'₂ co₂ráun₂ téin₃ ne₄ quió'₅. Ně₁jua'₂ ca₂rau₂ dse₃ gua'₅₄ 'uě₃ jaun₂ quió'₅ dsa₂ i₂ca₂jmo₃ ta₁ ja₁jaun₂, jaun₂ lé₂ le₃jmó'₂ ta₁ 'a₂ con'₂ ca₂rau₂, jaun₂ jme₃gu'₅₄ bá₄ Diú₄.

8 La₁ ně₁jua'₂ ca₂'ia₂ ni₁taun₅ quian'₅₄ ni₁nau₂, jaun₂ tsá₃ ma₃ta₁ tí₄ 'uě₃ jaun₂; go'₂ a₂'ě₂ Diú₄ uig₅. Jē₁ca₂tó'₂ jaun₂, dsí'₂ bá₄ dsa₂.

A₂'éin₂ bá₄ jniog₄ jmo₅ a₂tíóng₂ tiá₂

9 Rin'₅₄ jniog₄, o₁jnja'₅₄ ma₂ně₂jua'₅₄ jnia'₅₄ le₂ně₅, caun₂ bá₄ 'ei₅ dsí₅ jnia'₅₄ a₂jmo'₂ 'nia'₂ dse₃ guě₄ con'₂ guě₄ a₂jaun₂, a₂chan'₅₄ 'nia'₂ tiá₂ jág₁ a₂lión'₂ 'nia'₂.

10 Ia₁ dse₃ bá₄ dsí₅ Diú₄, tsá₃ jua'₅₄ a₂dsi₃'én₂ dsí₅ ca₂le₃jě₃ a₂ma₂jmo'₅₄ 'nia'₂, quian'₅₄ ca₂le₃jě₃ 'a₂ lia'₂ lē₅ a₂'nió'₃, a₂rē₂jniá₂ ia₁ a₂ma₂jme'₂on'₅₄ 'nia'₂ dsa₂ rin'₅₄ jniog₄ i₂'én₂, juí₁lia'₂ caun₂ jmo'₂ 'nia'₂ rē₂ně₃.

11 'In₅ bá₄ dsí₅ jnia'₅₄ a₂jmó'₂ 'nia'₂ le₂jaun₂ a₂dsen₅₄ 'au'₂ le₂jang'₂ le₂jang'₂ ca₂tē₂ jē₁ca₂tó'₂, ia₁jaun₂ lén'₄ 'nia'₂ co₂ñei'₅₄ ca₂le₃jě₃ a₂'ín₂ 'au'₂ 'nia'₂.

12 Tsá₃ 'niog₂ jnia'₅₄ jua'₅₄ a₂le₃juin'₃ 'nia'₂, la₁ tē₂le₃ o₁nó'₅ 'nia'₂ ne₄ juí₅ quió'₅ dsa₂ i₂ma₂'én₂ i₂ma₂juin'₂ dsí₅ ně₃ jaun₂ ca₂tíin₂ a₂dse₃ lia'₂ con'₂ lē₅ jág₁ quió'₅ Diú₄ a₂ma₂cuě₃.

* 6:6 'Nio'₂ ja₁ton₅ 2 Pedro 2:21.

13 Lia'₂ con'₂ jme₁ca₂cuë₃ Diú₄ jág₁ quió'₅ ca₂cué'₃ Abraham, ca₂'in₃ 'ñiog₅, ia₁ ca₂lia'₂ 'i₁jan₂ i₂sián'₂ tsá₃ jme₁chan₂ i₂juin'₂ guë₄ jua'₅ i₂'in₃.

14 Jaun₂ ca₂juá'₂: “Të₃dsón'₂ bá₄ jme₁gu'₅ jniá₂ 'ne₂ 'ñio₅ lin₃, jaun₂ cuín₄ jniá₂ 'ne₂ juin₅ tsi₁jon₂.”†

15 Juin'₂ bá₄ dsí₅ Abraham ca₂ñia₃, jaun₂ ca₂gue₃ bá₄ lia'₂ con'₂ lë₅ jág₁ a₂jme₁ma₂cuë₃ Diú₄.

16 Jui₁lia'₂ jë₁'in₅ dsa₂ mi₂güí₃ Diú₄, 'in₂₃ jui₁lia'₂ i₂lín₅ i₂juin'₂ con'₂ guë₄ guioin₅₄, a₂jáng'₅ jág₁ dsau₅ a₂dsón'₂ bá₄ tí₅ jág₁, jaun₂ co₂në₅ bá₄ dsan₂ mi'₅₄ a₂nió'₅ quian'₅₄ riin'₅₄.

17 Ján₃ bá₄ le₂në₅ ca₂jmo₃ Diú₄ ia₁ a₂jme₁'nio₃ jme₃nia₅ ja₁con₂ dsa₂ i₂ca₂tín₂ gue₃ lia'₂ con'₂ lë₅ jág₁ a₂ca₂cuë₃, a₂tsá₃ jme₂tsín₃ 'a₂ lia'₂ dsi₂jio₅ dsí₅ jmo₃ ja₁coin₂. Ca₂'in₃ 'ñiog₅ ca₂jáng'₃ jág₁ dsau₅ a₂dsón'₂ bá₄ tí₅ jág₁ quió'₅ a₂ma₂cuë₃.

18 Jaun₂ në₃, të₂le₃ quian'₅₄ tin₃ ne₅₄ jág₁ në₅ a₂tsá₃ lé₂ le₃ tsín₃ a₂tsá₃ lé₂ le₃ jmo₃ Diú₄ të₂jín₁, (co₂'nió'₄ le₃jua'₅₄ jág₁ a₂ca₂cuë₃ Diú₄, quian'₅₄ jág₁ a₂ca₂'in₃ 'ñiog₅), jaun₂ gué₁ bá₄ jniog₄ lián'₂ bën₂ jui₁lia'₂ jniog₄ i₂ma₂cuing₅₄ a₂dsi₁lion₅₄ ja₁coin₂, ia₁jaun₂ chan'₅₄ jniog₄ tiá₂ jág₁ a₂'in₂ dsi₅ jniog₄.

19 A₂bén₂ bá₄ jág₁ jaun₂ a₂jmo₅ a₂tióng₂ tiá₂ të₂dsi₅ jniog₄, jui₁lia'₂ bën₂ ni₁'lá'₂ quió'₅ ni₁barco jë₁ma₂ca₂quian₃ tiá₂ ca₂të₂ 'uig₅₄ jmi₁ñí'₄. Jág₁ a₂'in₂ dsi₅ jniog₄ jaun₂, a₂'í₂ bá₄ ca₂të₂ ja₁jnió₅ guë₄ ca₂të₂ 'ñio'₃ 'mi'₂ jnió₅, 20 ja₁ca₂'í₃ Jesús o₄quián₂ jniog₄, ca₂dsián'₃ ne₄ jui₅ quián₂ jniog₄, ia₁ a₂ca₂lín₃ jme₂dsa₂ dsen₅₄ co₂tan₅₄, ca₂ne₅₄ lia'₂ jme₁lín₄ Melquisedec.

7

Lín₅ Jesús jme₂dsa₂ ca₂ne₅₄ lia'₂ jme₁lín₄ Melquisedec

1 Melquisedec 'éi₂ në₃ jme₁lín₄ rag₅₄ quián₅ juig₂ Salem, jme₁lín₄ jme₂dsa₂ në₃ quián₅ Diú₄ i₂juin'₂ guë₄ lin₃. Lia'₂ con'₂ jme₁ca₂jón'₃ Abraham jme₁ca₂lí'₃ 'nei₂ a₂ca₂jmo₃ quian'₅₄ rag₅₄ sián'₂, jaun₂ ca₂o'₃'in₃ Melquisedec ca₂jme₃quiong'₅₄ ca₂jme₃gu'₅₄ quió'₅.

2 Ca₂cuë₃ Abraham ca₂cuë'₃ Melquisedec caun₂ qui'₅₄ a₂guia₃ con'₂ tí₅ a₂ca₂lí'₃ jë₄ 'nei₂. Le₂ne₁, jág₁ lia'₂ chen₂ Melquisedec co₂'nió'₄ le₃jua'₅₄, Rag₅₄ Dsen₃; jaun₂ táng₃, ia₁ a₂jme₁lín₄ rag₅₄ quián₅ juig₂ Salem, ja₁'nió'₄ le₃jua'₅₄, ja₁'ei₅ tei₄, ján₃ bá₄ le₂jaun₂ jein₅ jág₁, rag₅₄ ja₁'ei₅ tei₄.

3 Tsá₃ jág₁ cha₂ jua'₅₄ chan₂ jmei₂ on₃ guë'₂ chog₅₄, on₃ guë'₂ dsa₂ can'₅₄ quián₅; ján₃ bá₄ tsá₃ jág₁ cha₂ 'e₂ jmi₄ ca₂rë₃cháin₃, on₃ guë₄ 'e₂ jmi₄ ca₂join₃ në₃. Jaun₂ caun₂ lín₅ jme₂dsa₂ co₂tan₅₄ lia'₂ lín₅ Ja₁ñi'₅₄ Diú₄.

4 Në₃ në₃, quion₂ 'nia'₂ 'í₁, 'ñio₅ lin₃ jme₁juin'₂ Melquisedec, ca₂lia'₂ ñia₅ 'ñiog₅ Abraham, dsa₂ juin'₂ quián₂ jniog₄, ca₂cuë'₃ 'éi₂ caun₂ qui'₅₄ a₂guia₃ con'₂ tí₅ a₂ca₂lí'₃ quió'₅ rag₅₄ jë₄ 'nei₂.

5 Dsau₅ bá₄, lia'₂ con'₂ lë₅ 'Éi'₃ quió'₅ Moisés në₃, jui₁lia'₂ dsa₂ tsi₁jon₂ Leví i₂ca₂lín₃ ta₁ quió'₅ jme₂dsa₂, ca₂tín₂ cán₂ caun₂ qui'₅₄ a₂guia₃ quió'₅ dsa₂ juig₂ ca₂le₃jë₃ a₂jme₁cha₂ quió'₅, o₁ñia'₅₄ jme₁lín₄ dsa₂ tsi₁jon₂ Abraham riin'₅₄, jui₁lia'₂ lín₅ guioin₅₄ táng₃.

6 La₁ia₁ Melquisedec në₃, o₁ñia'₅₄ guë₄ tsá₃ jme₁lín₄ tsi₁jon₂ Leví, ca₂gue₃ caun₂ qui'₅₄ a₂guia₃ quió'₅ Abraham, ca₂jme₃gu'₅₄ në₃ quió'₅ i₂jme₁ma₂ca₂gue₃ jág₁ a₂ma₂cuë₃ Diú₄.

7 Tsá₃ 'ein₂ lé₂ le₃juá'₂ a₂tsá₃ tí₅ jág₁ la₂: A₂juin'₂ guë₄ dsa₂ i₂jme₂gu'₅₄ con'₂ guë₄ dsa₂ i₂gue₅ a₂jme₂gu'₅₄ jaun₂.

8 Jaun₂ jin₄ jniog₄, jui₁lia'₂ i₂gue₅ caun₂ qui'₅₄ a₂guia₃ lín₅ dsa₂ i₂dsan₂; la₁ia₁ të₂le₃ quió'₅ Melquisedec juá'₂ ne₄ Si₂ 'in₂₃ 'éi₂ në₂jag₄ bá₄ jan₂ dsa₂ i₂caun₂ chan₂.

9 Mei'₂ tsá₃ lé₂ le₃jua'₅₄, jui₁lia'₂ Leví quian'₅₄ le₃jín₃ jme₂dsa₂ tsi₁jon₂ 'éi₂, jui₁lia'₂ i₂gue₅ qui'₅₄ a₂guia₃ rë₂në₃, ján₃ bá₄ ca₂quí₃ caun₂ qui'₅₄ a₂guia₃ ja₁con₂ Melquisedec jme₁ca₂quí₃

† 6:14 Génesis 22:17.

Abraham, ¹⁰ ia₁ co₂'nió'₄ a₂jme₁ma₂lín₅ bá₄ Leví tsi₁jon₂ Abraham o₁jñia'₅₄ guë₄ tsá₃ jme₁ma₂chain₂, lia'₂ con'₂ jme₁ca₂cuë₃ Abraham qui'₅₄ a₂guia₃ ca₂cuë'₃ Melquisedec.

¹¹ Ca₂gue₃ dsa₂ juig₂ Israel 'Éi'₃ tē₂le₃ quian'₅₄ jme₂dsa₂ levitas, i₂lín₅ tsi₁jon₂ Aarón. Jaun₂ ně₃, jua'₅₄ mei'₂ guë₃ 'éi₂ ca₂tió'₃ jmo₃ a₂ma₂ron₂ dsa₂ tē₂le₃ quian'₅₄ 'Éi'₃ jaun₂, jaun₂ tsá₃ jme₁ma₃'nió'₅ jua'₅₄ a₂jme₁rē₃jniá₂ táng₃ jan₂ jme₂dsa₂ sián'₂ i₂ca₂ne₅₄ jui₁lia'₂ Melquisedec, on₃jua'₅₄ jui₁lia'₂ Aarón.

¹² Ia₁ jē₁rē₂tsín₃ ta₁ quió'₅ jme₂dsa₂, ján₃ bá₄ le₂jaun₂ 'nió'₅ le₃tsín₃ 'Éi'₃ ján₃.

¹³ Te₁gui'₅₄ quián₂ jniog₄ ně₃, jui₁lia'₂ juá'₂ Si₂ le₂ně₅ 'iin₂₃ 'éi₂, a₂tēin₅ tsi₁jon₂ sián'₂, jaun₂ 'i₁jan₂ i₂tén₅ tsi₁jon₂ 'éi₂ tsá₃ ma₂lín₅ ta₁ quió'₅ ne₄chei₂.

¹⁴ Ia₁ ne₄ bá₄ jniog₄, a₂ca₂rē₃chán₃ Te₁gui'₅₄ quián₂ jniog₄ a₂lín₅ jan₂ tsi₁jon₂ quián₅ Judá. La₁ tsá₃ 'e₂ ca₂juá'₂ Moisés 'iin₂₃ tsi₁jon₂ 'éi₂ jme₁ca₂dsia₃ a₂'ē₂₃ jui₁lia'₂ ta₁ quió'₅ jme₂dsa₂.

¹⁵ 'Ni₅ guë₄ rē₂ léi₄ táng₃ jme₁ca₂rē₃jniá₂ jan₂ jme₂dsa₂ sián'₂ i₂lín₅ jui₁lia'₂ Melquisedec, ¹⁶ tsá₃ ca₂lín₃ jme₂dsa₂ 'uig₅₄ ia₁ a₂quí'₅ 'Éi'₃ a₂juá'₂ 'ein₂ tsi₁jon₂ 'nió'₅ jiá₃, jñia'₅₄ lia'₂ a₂lín₅ jme₂dsa₂ 'uig₅₄ bí₂ quió'₅ jme₂dsí₂ a₂tsá₃ lé₂ dsí₃'én₂.

¹⁷ Ia₁ le₂la₂ bá₄ juá'₂ Diú₄ 'iin₂₃ 'éi₂:
lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.*

¹⁸ Jaun₂ ně₃, co₂ñei'₅₄ ca₂'ná₂ 'Éi'₃ a₂jme₁lě₄ le₂jñiá₅, ia₁ a₂tsá₃ jme₁bén₂, a₂tsá₃ ta₁ tí₄ ně₃.

¹⁹ Ia₁ tsá₃ ca₂tió'₃ 'Éi'₃ jua'₅₄ a₂jme₃ñiai₂₃ ta₁. Tē₂le₃ ca₂rē₃chá₃ quián₂ jniog₄ caun₂ jág₁ a₂dse₃ guë₄ a₂'ín₂ dsí₅ jniog₄, tē₂le₃ quian'₅₄ a₂lé₂ jme₁quián₄ jniog₄ ja₁con₂ Diú₄.

²⁰ Tsá₃ ca₂cuë₃ Diú₄ jág₁ jaun₂ quió'₅ a₂'ín₂ dsí₅ jniog₄ jua'₅₄ tsá₃ ca₂'iin₃ 'ñiog₅. Jui₁lia'₂ jme₂dsa₂ le₂jñiá₅ ně₃, ca₂lín₃ ta₁ jaun₂ la₁ia₁ on₃jua'₅₄ chan₂ 'ein₂ ca₂'in₃ Diú₄ jme₁ca₂'ag₃.

²¹ La₁ tē₂le₃ quió'₅ Te₁gui'₅₄ quián₂ jniog₄ ně₃, chan₂ jan₂ i₂ca₂'in₃ Diú₄ jme₁ca₂lín₃ jme₂dsa₂. Ia₁ ne₄ Si₂ juá'₂ tsí'₅ 'éi₂:

Ca₂'in₃ Diú₄ 'ñiog₅,

jaun₂ tsá₃ lé₂ jme₃tsiin₃ dsí₅:

“Lín'₅ 'ne₂ jme₂dsa₂ con'₂ tan₅₄,

[ca₂ne₅₄ lia'₂ jme₁lín₄ Melquisedec].”†

²² 'Uig₅₄ jaun₂, Jesús bá₄ i₂jmo₅ 'í₁ jág₁ a₂ma₂li'₅₄ a₂dse₃ guë₄ jaun₂.

²³ Jui₁lia'₂ jme₂dsa₂ i₂ca₂rē₃chán₃ gua'₅₄ 'uë₃ ně₃, juiin₅ ca₂lín₃, ia₁ tsá₃ ca₂cuë₃ 'mú₃ jmig₄ jua'₅₄ caun₂ lín₅ ta₁ jaun₂.

²⁴ La₁ 'uig₅₄ ia₁ a₂chan₂ Jesús co₂tan₅₄ ně₃, jaun₂ con'₂ tan₅₄ bá₄ lín₅ ta₁ jme₂dsa₂.

²⁵ 'Uig₅₄ jaun₂ lé₂ le₃lióin₂ co₂ñei'₅₄ le₃jín₃ i₂jme₂quián₃ ja₁con₂ Diú₄ tē₂le₃ quian'₅₄ 'éi₂, ia₁ chain₂ co₂tan₅₄ a₂qui₃mi₃ ne₄ Diú₄ o₄quió'₄ le₃jín₃ 'éi₂.

²⁶ Jaun₂ ně₃, dsí₂ten₅₄ bá₄ a₂lín₅ Jesús jme₂dsa₂ dsen₅₄ i₂jme₁'nió'₅ quián₂ jniog₄. 'Éi₂ bá₄ i₂jñi₅, 'i₁caun₂ a₂'lig'₅₄ tsá₃ 'e₂ cha₂ ja₁coin₂, on₃ guë'₂ dso₄ rē₂cáin'₄, i₂rē₂jñia'₅₄ cau₅ tsá₃ quian'₅₄ dsa₂ i₂'no₅ dso₄, i₂ca₂ron₂ guë₄ ñei₅ con'₂ guë₄ guei'₅₄ mi₂güig₃.

²⁷ Tsá₃ lín₅ lia'₂ lín₅ jme₂dsa₂ dsen₅₄ sián'₂. Tion₅₄ 'nió'₅ qui₂jme₃dsiain₂₃ já'₂ a₂jén'₅ ne₄ Diú₄ lia'₂ caun₂ jmig₄, o₄quió'₄ dsáu₁ guioin₅₄ le₂jñiá₅, jaun₂ guë₄ o₄quió'₄ dsáu₁ dsa₂ juig₂. La₁ia₁ Jesús ně₃ co₂ráun₂ tan₅₄ bá₄ ca₂jmo₃ jme₁ca₂jén'₂ 'ñiog₅.

²⁸ Jaun₂ Si₂ 'Éi'₃ quió'₅ Moisés ně₃, 'iin₂₃ dsa₂ mi₂güig₃ 'uan₅₄ a₂lén₂ jme₂dsa₂ dsen₅₄. La₁ cang₂ guë₄ jaun₂, ca₂cuë₃ Diú₄ jág₁ quió'₅ ca₂'iin₃ 'ñiog₅ jme₁ca₂'in₃ Ja₁ñi'₅₄ a₂lén₂ 'éi₂ jme₂dsa₂ dsen₅₄ con'₂ tan₅₄ ia₁ ca₂jme₃ñiai₂₃ co₂ñei'₅₄.

* **7:17** Salmo 110:4. Chog₅₄ si₂ a₂dse₃ guë₄ tsá₃ le₁ton₅ jág₁ a₂tió'₅₄ 'ñi₃ corchetes [le₂la₂]. † **7:21** Salmo 110:4. Chog₅₄ si₂ a₂dse₃ guë₄ tsá₃ le₁ton₅ jág₁ a₂tió'₅₄ 'ñi₃ corchetes [le₂la₂].

8

Jesús bá₄ i₂chén'₅ ne₄ jág₁ 'mí₂ a₂lí'₅₄ quian'₅₄ Diú₄

¹ A₂la₂ bá₄ jág₁ dsen₅₄ guě₄ a₂ma₂ja₂náu₅ jnia'₅₄ jua'₂: a₂chan₂ bá₄ jan₂ jme₂dsa₂ dsen₅₄ le₂'éi₂ quián₂ jniog₄, i₂ma₂ca₂guá'₂ tē₂le₃ gu₂ ne₁ ne₄ta₁ quió'₅ Diú₄ guei'₅₄ i₂juíg₃.

² Ján₃ bá₄ jme₂ti₃ a₂lín₅ jme₂dsa₂ dsen₅₄ dsi₂néi₂ guá'₅ jnió'₅ tē₃dsón'₂ a₂ca₂chi'₃ 'ñiog₅ Te₁gui'₅₄, on₃jua'₅₄ a₂ca₂jmo₃'₃ dsa₂ mi₂güí₃.

³ Le₃jín₃ jme₂dsa₂ dsen₅₄ rē₂'íin₁ ia₁jaun₂ qui₃jén'₃ 'e₂ cuě'₃ Diú₄, qui₃dsiín'₂ já'₂ ně₃ ne₄ Diú₄. 'Uig₅₄ jaun₂ tion₅₄ 'nió'₅ a₂cha₂ caun₂ 'e₂ a₂jén'₃ Jesucristo ne₄ 'éi₂.

⁴ Jua'₅₄ mei'₂ guě₃ 'éi₂ ně₃, 'ein₅₄ gua'₅₄ 'uě₃, on₃ guě'₂ jme₁lén₂ jme₂dsa₂, ia₁ chan₂ bá₄ guě₄ jme₂dsa₂ i₂qui₂jén'₅ 'e₂ cuě₃ lia'₂ con'₂ lě₅ qui'₅ Si₂ 'Éi'₃ quió'₅ Moisés.

⁵ Jme₂dsa₂ la₂ ně₃ jme₂ti₃ ta₁ a₂lín₅, dsi₂néi₂ guá'₅, a₂lě₅ nió'₄ a₂rē₂'uín₄ quió'₅ ja₁jnió'₅ a₂cha₂ guei'₅₄ i₂juíg₃; a₂lě₅ co₂'nió'₄ 'en'₂ a₂cuě₅ léi₄ quió'₅ a₂ma₂já₅. Ma₂ne₄ bá₄ jniog₄ a₂rē₂'uín₄ bá₄ jaun₂, ia₁ lia'₂ con'₂ jme₁ma₂chi'₃ Moisés guá'₅ tabernáculo jaun₂, ca₂juá'₂ Diú₄: “Jag₄ de'₂ tion'₂ jui₅ jmo₄ con'₂ lě₅ nió'₄ a₂ca₂'ē₃ jniá₂ ne₄ má'₂.”*

⁶ La₁ia₁ jme₂dsa₂ dsen₅₄ quián₂ jniog₄ guě'₂ ně₃, ma₂ca₂'iό'₃ ta₁ a₂jlá'₁ guě₄ lín₃. Ján₃ bá₄ le₂ně₅ a₂jlá'₁ guě₄ lín₃ jág₁ a₂lí'₅₄ a₂chén'₅ 'éi₂ ne₄, ia₁ a₂'io₅ 'uig₅₄ bēn₂ a₂dse₃ guě₄ a₂lě₅ jág₁ a₂ma₂cuě₃ Diú₄.

⁷ Ia₁ jua'₅₄ mei'₂ guě₃ jág₁ a₂jme₁lí'₅₄ le₂'uig₅₄ tsá₃ 'e₂ jme₁'nió'₅, jaun₂ tsá₃ 'uig₅₄ cha₂ jua'₅₄ a₂jme₁lé₂ jág₁ jē₁ca₂tē₂ táng₃.

⁸ Ia₁ Diú₄ ně₃ ca₂dsó'₂ ja₁ con₂ dsa₂ 'éi₂ caun₂ a₂tsá₃ rē₂'ñia₅, jaun₂ ca₂juá'₂: Jíá₃ caun₂ jmig₄, juá'₂ Te₁gui'₅₄,

a₂jmo₅₄ jniá₂ caun₂ jág₁ 'mí₂
a₂lí'₅₄ quian'₅₄ dsa₂ juig₂ Israel
quian'₅₄ dsa₂ juig₂ Judá ně₃.

⁹ On₃jua'₅₄ a₂lé₂ lia'₂ lě₅ jág₁
jme₁ca₂jmo₃ jniá₂ quian'₅₄ dsa₂ can'₅₄ quiáin₅

lia'₂ con'₂ jmig₄ jme₁ca₂tē₅₄ jniá₂
ca₂jmá'₃ gu₂ ca₂'uín'₅₄ 'uě₃ Egipto.
La₁ tsá₃ ca₂jme₃ti₃ con'₂ lě₅ jág₁ quió'₃
a₂jme₁ca₂jmo₃ jniá₂ quiáin'₅₄.

'Uig₅₄ jaun₂ bá₄ ca₂téin₃ jniá₂,
juá'₂ Te₁gui'₅₄.

¹⁰ Jág₁ a₂jmo₅₄ jniá₂ quian'₅₄ dsa₂ juig₂ Israel
jē₁ma₂ñí₂ jmig₄ jaun₂ lé₂ le₂la₂, juá'₂ Te₁gui'₅₄:

Co₅₄ jniá₂ 'éi'₃ quió'₃ ja₁'i₄ dsi₄ dsa₂.
Ján₃ bá₄ le₂jaun₂ taun₅₄ jniá₂ né'₃ tē₂dsí₅.
Jaun₂ guě₄ lén₂ jniá₂ Diú₄ quiáin₅,
dsa₂ 'éi₂ guě'₂ ně₃ lén₂ dsa₂ juig₂ quiáng₃.

¹¹ Tsá₃ 'nió'₅ jua'₅₄ jme₃tiín₂₃
le₂jan₂ le₂jan₂ dsa₂ go₅₄, on₃ guě'₂ ríin'₅₄,
ia₁jaun₂ le₃cuín₂₃ Te₁gui'₅₄,

ia₁ le₃jín₃ bá₄ le₃cuig₅ jniá₂
lia'₂ i₂me'₂ guě₄ lia'₂ i₂juín'₂ ně₃.

¹² Jniá₂ ně₃ a₂ñéi₂ dsi₃ 'éng₄
le₃jě₃ a₂'lig'₅₄ a₂qui₂rē₂cáin'₄,
lia'₂ o₁líg'₂ jmig₄ tsá₃ ma₃dsiog'₂ dsi₃
dsáu₁ dsa₂.†

* 8:5 Éxodo 25:40. † 8:12 Jeremías 31:31-34.

13 Jui₁lia'₂ jē₁'ē₅ Diú₄ jág₁ 'mí₂ a₂li'₅₄, co₂'nió'₄ a₂jmo₂₃ a₂tsá₃ ma₃ta₁ tí₄ jág₁ a₂jme₁li'₅₄ le₂'uig₅₄. Jui₁lia'₂ a₂tsá₃ ta₁ tí₄ ně₃, a₂ma₂'ei₅ ne₄ lě₂ gui'₅₄, a₂ma₂ja₂quián₃ dsi₃'én₂ bá₄ jaun₂.

9

Guá'₅ a₂cha₂ gua'₅₄ 'uē₃ la₂, quian'₅₄ guá'₅ a₂cha₂ guei'₅₄ i₂juíg₃

1 Ně₃ ně₃, jui₁lia'₂ jág₁ a₂jme₁li'₅₄ le₂'uig₅₄, jme₁quian'₅₄ 'éi'₃ jui₁lia'₂ 'a₂ lia'₂ jme₃ti₃ dsa₂ ne₄ Diú₄, ján₃ bá₄ jme₁cha₂ caun₂ ja₁jñi₅ a₂ca₂jmo₃ dsa₂ mi₂güí₃. 2 Jui₁lia'₂ guá'₅ tabernáculu jaun₂: dsi₂néi₂ le₂'uig₅₄ jaun₂ jme₁chí'₄ ni₁ñí₁ a₂le₁dsi₅₄ tag₄ ja₁le₁gui'₂ si₂, quian'₅₄ ni₁mesa ja₁niog₅ i₁ñí'₄ jñi₅; "ja₁jñi₅" jme₁chei₂ dsi₂néi₂ le₂'uig₅₄ jaun₂. 3 Le₃co'₅₄ 'mi'₂ cortina ja₁ca₂tě₂ táng₃, jme₁lě₄ ja₁chei₂ Ja₁jñi₅ Lin₃ Gué₄. 4 Ja₁jaun₂ jme₁chí'₄ caun₂ ne₄chei₂ a₂lě₅ jmá'₃ quian'₅₄ cu₄nióg₄ ja₁qui₂dsi'₂ chen₂, quian'₅₄ tsi₁gu₅ quió'₅ jág₁ a₂li'₅₄ quian'₅₄ Diú₄. Rě₂lióg₃ ta₁caun₂ tsi₁gu₅ quian'₅₄ cu₄nióg₄. 'Nió'₃ jaun₂ jme₁chí'₄ ni₁dsig₁ cu₄nióg₄ a₂jme₁tio'₅₄ i₁ñí'₄ maná, quian'₅₄ 'ma₂'i₅₄ quió'₅ Aarón a₂ca₂'ia₂ tsin₅ ně₃. Já₁n₃ bá₄ jme₁tio'₅₄ ni₁cang₁ 'í₂ a₂le₁ton₅ jág₁ a₂li'₅₄ quian'₅₄ Diú₄. 5 Ne₄ tsi₁gu₅ jaun₂ jme₁tión₂ le₁jné₅ querubines, co₂'nió'₄ léi₄ a₂tág₅ co₂'né'₅ quió'₅ Diú₄. Jme₁le₁jné₅ qui₂rě₂jlě₅ quian'₅₄ tsi₁rě₂cu₅ ja₁'én₂ Diú₄ dsáu₁ dsa₂. La₁ia₁ tsá₃ jě₄ jua'₅₄ le₃jua'₅₄ gué₄ jnia'₅₄ jág₁ 'lióng₂ jui₁lia'₂ ca₂le₃jě₃ a₂ně₅, ne₄ si₂ la₂.

6 Jme₁ma₂lě₅ co₂jñia₅₄ le₃jě₃ a₂jaun₂ ně₃, jaun₂ gué₄ qui₂dsi₂ton'₅₄ i₂gú'₃ jme₂dsa₂ dsi₂néi₂ le₂'uig₅₄ qui₂dsi₂jmo₂ lia'₂ con'₂ lě₅ ta₁ a₂lín₅. 7 La₁ia₁ jě₁ca₂tě₂ táng₃ dsi₂néi₂, dsi₂'í₂ jnia'₅₄ lia'₂ jme₂dsa₂ dsen₅₄ co₂ráun₂ lia'₂ caun₂ ñi₂, la₁ tsá₃ 'í₂ jua'₅₄ tsá₃ quian'₅₄ jmi₄ já'₂ a₂qui₂dsi₃jen'₅₄ o₄quió'₄ dsáu₁ 'ñiog₅ quian'₅₄ dsáu₁ dsa₂ jui₂g₂ a₂ca₂'náu₂ tě₃ tsá₃ ñi₅. 8 Le₂ně₅ jme₁jme₂jniá₂ Jme₂dsi₂ Jñi₅, a₂tsá₃ jme₁ma₂rě₂na₄ gué₄ jui₅ ja₁dsi₃ton'₅₄ dsa₂ ja₁jñi₅ lin₃ gué₄, tě₁lia'₂ jme₁chí'₄ gué₄ guá'₅ le₂'uig₅₄. 9 Co₂'nió'₄ a₂jáng₅ léi₄ a₂la₂, jui₁lia'₂ quió'₅ jmi₄g₄ rě₂ně₃, ia₁ le₃jě₃ a₂cué'₃ dsa₂ Diú₄, quian'₅₄ le₃jín₃ já'₂ a₂qui₂jén'₅ dsa₂ ne₄ Diú₄ ně₃, tsá₃ a₁jaun₂ tió'₅ le₃ñia₅ dsa₂ jua'₅₄ a₂jñiá'₂ a₂qui₂dsi₂jñi₅ dsí₅. 10 Jñia'₅₄ lia'₂ jaun₂ bá₄ ta₁ qui'₅ le₃jě₃ a₂jaun₂ jui₁lia'₂ 'a₂ lia'₂ lě₅ má₃ a₂gué'₅ dsa₂, a₂'ín'₂ dsa₂, quian'₅₄ le₃jě₃ gué₄ 'e₂ a₂jmo₂₃ a₂le₁jín₃, jmá'₃ 'éi'₃ quió'₅ le₃co'₅₄, jaun₂ quen₅ ca₂tiá₂, ca₂lia'₂ jme₃rě₃ Diú₄ le₃jě₃.

Ta₁ a₂quí'₅ jmi₄ Cristo

11 La₁ia₁ ma₂guan₅ Cristo, jaun₂ 'éi₂ bá₄ ma₂lín₅ jme₂dsa₂ dsen₅₄ i₂quió'₅ le₃jě₃ a₂dse₃ a₂ma₂o₂lé₂. Ma₂ca₂'í₃ guá'₅ jlá'₁ gué₄ a₂rě₂'ñia₅, on₃jua'₅₄ a₂ca₂jmo₃ dsa₂ mi₂güí₃. Co₂'nió'₄ le₃jua'₅₄, on₃jua'₅₄ quió'₅ mi₂güí₃ la₂. 12 On₃jua'₅₄ a₂ca₂'í₃ tě₂le₃ quian'₅₄ jmi₄ chein₄ lau₂ on₃ gué₄ quian'₅₄ jmi₄ guein₂ ca₁jui₅ ně₃, la₁ tě₂le₃ quian'₅₄ jmi₂ 'ain₅₄ 'ñiog₅ bá₄ ca₂'í₃ ja₁jñi₅ gué₄ co₂ráun₂ tan₅₄, jaun₂ le₂ně₅ bá₄ ca₂'náu₂ a₂li₂o₂ jniog₄ co₂tan₅₄. 13 Dsón'₂ bá₄ dsau₅ qui'₅ ta₁ jui₁lia'₂ jmi₄ ca₁jui₅, quian'₅₄ jmi₄ chein₄ lau₂, quian'₅₄ ti₁juá₃ quió'₅ guein₂ ca₁jui₅ i₂qui₂dsin'₂ ne₄chei₂, a₂qui₂rě₂séi₂ ne₄ quió'₅ dsa₂ i₂tsá₃ le₁jín₃. Qui'₅ ta₁ a₂jme₃jñi₃o₃ jui₁lia'₂ dsa₂ i₂ma₂le₁jín₃ le₃co'₅₄. 14 La₁ ja₂lín₃ gué₄ quen₅ jmi₄ Cristo i₂ca₂jéin'₂ 'ñiog₅ ne₄ Diú₄ tě₂le₃ quian'₅₄ Jme₂dsi₂ i₂chan₂ co₂tan₅₄, ca₂join₃ tě₃ tsá₃ 'e₂ rě₂cáin'₄. Quian'₅₄ jui₅bí₂ jmi₄ Cristo a₂jmo₅ le₁jě₃ tě₂dsi₅ jniog₄, a₂tsá₃ ma₃jmo₂ jniog₄ a₂jio₅ jui₅ 'mú₃ ia₁jaun₂ lé₂ jme₁ti₁ jniog₄ ne₄ Diú₄ jén'₃.

15 'Uig₅₄ jaun₂, Jesucristo bá₄ lín₅ i₂chén'₅ ne₄ jág₁ 'mí₂ a₂li'₅₄ * quian'₅₄ Diú₄, ia₁jaun₂ jui₁lia'₂ i₂ma₂ca₂tág₃ Diú₄, lé₂ le₃gue₃ a₂ca₂tín₂ a₂jio₅ co₂tan₅₄ con'₂ lě₅ jág₁ a₂ma₂cué₃ Diú₄ a₂cué₃. Ia₁ quian'₅₄ 'mú₃ quió'₅ Cristo, ca₂lón₂ dsa₂ i₂ca₂'náu₂ dso₄ lia'₂ con'₂ jme₁li'₅₄ gué₄ jág₁ le₂'uig₅₄.

16 Jui₁lia'₂ ja₁ron₅ jág₁ a₂ma₂quiog₂ dsa₂ né'₃ gué₄ a₂jóin₂, tion₅₄ 'nió'₅ con₂ dsa₂ jág₁ dsau₅ chi₂jua'₂ ma₂jon₅ bá₄ dsa₂ i₂ca₂jmo₃, ia₁jaun₂ bá₄ lé₂ le₃ti₃ jág₁ a₂ca₂quiog₂ jaun₂. 17 Jaun₂ lě₃, tsá₃ ta₁ tí₄ jág₁ le₂jaun₂ tě₁lia'₂ ně₅ bá₄ chan₂ dsa₂ i₂ca₂jmo₃; jñia'₅₄ lia'₂ jě₁ma₂ca₂join₃

* 9:15 'Nio'₂ ja₁ton₅ Mateo 26:28, Marcos 14:24, Lucas 22:20, 1 Corintios 11:25.

bá4 qui'5 ta1. 18 'Uig54 jaun2, jág1 a2jme1i'54 ně3, tsá3 ca2quí'3 ta1 jua'54 tsá3 ca2tang2 jmi2. 19 Ia1 cang2 jme1ma2ca2'ě2 Moisés ca2le3jě3 jág1 quió'5 'Éi'3 Juá'5 ca2'ě'3 dsa2 juig2, jaun2 guě4 ca2can3 ni1jñi2 guéin2 quió'5 já'2 cha'2, quian'54 caun2 ni1gu'2 ni1'ma2 hisopo, jaun2 ca2jme3jlé'3 quian'54 jmi4 guein2 ca1jui5 quian'54 jmi4 chein lau a2rě2cón'5 quian'54 jmi2,† jaun2 guě4 ca2séi2 lia'2 ne4 si2 a2rě2bin5 ja,le1ton5 'éi'3, lia'2 ne4 quió'5 le3jín3 dsa2 ně3. 20 Jaun2 guě4 ca2tsí'3 dsa2 juig2: “A2la2 bá4 jmi2 quió'5 jág1 a2ma2li'54 quian'54 Diú4, lia'2 con'2 lě5 'éi'3 a2ma2jmo3 Diú4 quián'2 'nia'2.”‡ 21 Ján3 bá4 ca2séi2 Moisés quian'54 jmi2 jaun2, guá'5 tabernáculo quian'54 le3jě3 guě4 a2jmó'2 dsa2 ta1 guá'5. 22 Dsón'2 bá4 jaun2, con'2 lě5 ta1 qui'5 Si2 'Éi'3, mei'2 tsá3 le3jě3 bá4 'nió'5 qui2le3chí2 quian'54 jmi2. Jaun2 tsá3 o2'én2 dso4 cha2 jua'54 tsá3 qui2i2'o54 jmi2.

Jmi2 a2ca2jén'3 Cristo bá4 jñiá'2 dsáu1 dsa2

23 Jaun2 lě3, tion54 bá4 qui2le3chí2 le2ně5 quian'54 jmi4 já'2 ca2le3jě3 a2jaun2 a2qui2rě2'uin4 jui1lia'2 quió'5 guei'54 i2juig3. La1ia1 ca2le3jě3 a2ně5 a2cha2 guei'54 i2juig3 ně3, tion54 'nió'5 séi2 quian'54 jmi2 a2dse3 guě4 con'2 guě4 a2jaun2. 24 Ia1 on3jua'54 a2ca2'í3 Cristo dsi2néi2 ja,jñiós jaun2 a2rě2lag4 quian'54 gu2-tag4 dsa2 mi2güig3, a2rě2'uin4 quió'5 ja1jñiós 'ñiog5 dsón'2, la1 tē2le3 co2dsau5 guei'54 i2juig3 'ñiog5 dsón'2 bá4 ca2'í3, ja1qui2jme2jñiai23 jmi4 rě2ně3 ne4 Diú4 o4quián2 jniog4. 25 Tsá3 jaun2 qui2ca2'í3 i2gú'3 jua'54 qui2ca2jén'2 'ñiog5 jui1lia'2 dsi2'í2 jme2dsa2 dsen54 ja1jñiós guě4 lia'2 caun2 ñi2 a2qui2dsi2jen'54 jmi4 i2sián'2. 26 Jua'54 mei'2 guě3 le2jaun2 ně3, tion54 bá4 jme1'nió'5 jón2 'lióng2 ráun2 ca2le3 ca2nio3 mi2güig3. La1ia1 le2la2 bá4 lě5 jui1lia'2 rě2ně3, a2jē1ma2ca2dsin3 jmi4, ca2jme3jñiá2 Cristo co2ráun2 tan54 bá4 ia1jaun2 lé2 le3jñiá'2 dsáu1 dsa2 tē2le3 quian'54 a2ca2jén'2 'ñiog5. 27 Jaun2 jui1lia'2 co2ráun2 bá4 ca2tín2 dsa2 mi2güig3 dsián3, jaun2 cang2 jaun2 jiá3 jmi4 jē1tē3dsi54 'éi'3, 28 ján3 bá4 le2jaun2, co2ráun2 tan54 bá4 ca2jon3 Cristo ia1jaun2 qui3cán2 dsáu1 dsa2 mi2güig3. Cang2 guě4 jaun2 jme3jñiai23 jē1ca2tē2 táng3, la1 on3jua'54 'uig54 dsáu1 dsa2, a2ja3lioin54 jui1lia'2 i2qui2le1jñiog5 bá4.

10

1 Ia1 Si2 'Éi'3 quió'5 Moisés ně3, co2'nió'4 caun2 'en'2 quió'5 a2dse3 a2ja3lé2, on3jua'54 rě'2 'a2 lia'2 lě5 dsón'2. 'Uig54 jaun2, lia'2 o1líg'2 jmi4 tsá3 tió'5 'Éi'3 jaun2 jua'54 a2jme3'ñiai23 jui1lia'2 dsa2 i2ja2quián3 ja1con2 Diú4 tē2le3 quian'54 a2caun2 qui2jén'3 jmi4 já'2 le2jaun2, lia'2 'í2 ñi2.

2 Jua'54 mei'2 guě3 tió'5 le2jaun2, †tsa1 jme1ma2'ná3 a2jén'3 dsa2 já'2 ne4 Diú4, lín'2 'nia'2? Ia1 tsá3 ma3'e2 qui2dsi2jñi5 dsí5 dsa2 dsáu1 i2jme2ti3 le2jaun2 jē1ma2ca2rín'2 jme2dsi2 quió'5.

3 Tē2le3 qui2dsau'2 dsí5 bá4 dsa2 lia'2 'í2 ñi2 a2jén'2 já'2 a2qui2rě2cáin'4 dso4, 4 ia1 tsá3 lé2 jñiá'2 dsáu1 dsa2 jui1lia'2 jmi4 ca1jui5 quian'54 jmi4 chein4 lau2.

5 'Uig54 jaun2, lia'2 con'2 jme1ca2'í3 Cristo mi2güig3, ca2juá'2 ca2tsí'3 Diú4:

Tsá3 'ñiog'2 a2qui3jén'2 dsa2 já'2 ne'54,
on3 guě'2 'ñiog'2 'e2 jme1cué'5 dsa2 'ne2.

La1 ca2jmo'54 co2jñia54 quió3
caun2 ñi4 dsa2 mi2güig3.

6 Tsá3 ca2tē2 'au'2 a2qui2dsín'2 dsa2 já'2,
on3 guě4 ca2tē2 'au'2 'e2 a2qui2ca2cuě'3 dsa2 'ne2
o4quió'4 dsáu1 dsa2.

7 'Uig54 jaun2 ca2juá'3:
“Jag4, la2 guio3, jmo54 a2'ñio2 'au'2 'ne2,
Diú4 quiáng3,
jui1lia'2 chí1ton5 ne4 si2 a2rě2bin5,
a2'ag23 jñiá2.”*

† 9:19 'Nió'2 ja1ton5 Juan 19:34. ‡ 9:20 Éxodo 24:8. * 10:7 Salmo 40:6-8.

8 Le₂'uig₅₄, juá'₂: “Tsá₃ 'nio₃ Diú₄ on₃ guë'₂ tē₅ dsí₅ a₂qui₃jén'₂ dsa₂ já'₂ ne₅₄, on₃ guë'₂ jui₁lia'₂ a₂jme₁cuë'₅ dsa₂ Diú₄ o₄quió'₄ dsá_{u1} dsa₂”, (o₁jñia'₅₄ jén'₃ dsa₂ lia'₂ con'₂ quí'₅ 'Éi'₃ a₂'nió'₅ jmo₃ dsa₂).

9 Jaun₂ ně₃, cang₂ guë'₄ jaun₂, juá'₂: “La₂ guio₃ jmo₅₄ a₂'ñio₂ 'au'₂ 'ne₂, Diú₄ quiáng₃.” Co₂'nió'₄ a₂juá'₂ ca₂dsia₃ cau₅ a₂le₂'uig₅₄ jaun₂, ia₁jaun₂ ca₂chi'₃ jág₁ jē₁ca₂tē₂ táng₃.

10 'Uig₅₄ ia₁ a₂ca₂jmo₃ Jesucristo a₂'ñio₂ dsí₅ Diú₄ jaun₂, ma₂ca₂rē₃jñio₄ jniog₄ jme₁ca₂jén'₃ ni₁ñi₁₂ 'ñiog₅ co₂ráun₂ tan₅₄. 11 Caun₂ tión₂ bá₄ jme₂dsa₂ lia'₂ 'í₂ jmig₄ a₂qui₂jmo₂₃ ta₁ a₂lín₅, lia'₂ ma₂jmo₂₃ jaun₂ bá₄ a₂qui₂jén'₂ já'₂ 'líong₂ ráun₂, ton'₂ tsá₃ tió'₅ guë'₂ 'éin₂ dsá_{u1} dsa₂.

12 La₁ Jesucristo ně₃, jme₁ma₂ca₂jén'₂ 'ñiog₅ co₂ráun₂ tan₅₄ jaun₂ o₄quió'₄ dsá_{u1} dsa₂, jaun₂ guë'₄ ca₂guá₂ tē₂le₃ gu₂ ne₁ Diú₄.

13 Ja₁jaun₂ guá₅ chi₁jñia₂₃ ca₂lia'₂ ca₂jmo₃ Diú₄ co₂'nió'₄ caun₂ ja₁chi'₃ tag₅₄ quian'₅₄ quió'₅ dsa₂ i₂'iog₅₄ quió'₅.

14 Ia₁ tē₂le₃ quian'₅₄ a₂ca₂jén'₂ co₂ráun₂ jaun₂, ca₂rē₃'ñia₅ co₂tan₅₄ dsa₂ i₂lē₅ 'í₁ quiáin₅.

15 Ján₃ bá₄ le₂jaun₂ jáng'₅ jág₁ dsau₅ Jme₂dsí₂ Jñio₅. Ca₂juá'₂ le₂'uig₅₄:

16 Jág₁ a₂jmo₅₄ jniá₂ a₂li'₅₄ quian'₅₄ dsa₂ 'éi₂

cang₂ jmig₄ jaun₂,

lé₂ le₂la₂, juá'₂ Te₁gui'₅₄.

Co₅₄ jniá₂ 'éi'₃ quió₃ tē₂dsí₅ dsa₂ 'éi₂.

Ján₃ bá₄ taun₅₄ jniá₂ ja₁'i₄ dsi₅₄ táng₃.†

17 Cang₂ guë'₄ jaun₂ juá'₂ táng₃:

Lia'₂ o₁líg'₂ jmig₄ tsá₃ ma₃dsiog'₂ dsi₃ jniá₂

dso₄ a₂jme₁rē₂cáin'₄,

on₃ guë'₂ 'e₂ a₂'lig'₅₄ a₂ma₂jmo₃.‡

18 Jaun₂ ně₃, chi₂jua'₂ ma₂ca₂'en₃ dsá_{u1} dsa₂, jaun₂ tsá₃ ma₂'e₂ 'nió'₅ jén'₃ guë'₄ dsa₂ o₄quió'₄ dsá_{u1}.

Ma₃ jme₁quián₄ jniog₄ ja₁ con₂ Diú₄

19 Jaun₂ lē₃, rin'₅₄ jniog₄, 'uig₅₄ ia₁ a₂ma₂lé₂ dsi₁tió'₄ jniog₄ caun₂ bá₄ 'ei₅ dsi₅ ca₂tē₂ ja₁jñio₅ lín₃ guë'₄ tē₂le₃ quian'₅₄ jmí₄ Jesucristo, 20 tē₂le₃ quian'₅₄ jui₅ 'mí₂ jén'₃ a₂ca₂niá₃ 'éi₂ ně₂jag₄ bá₄ tē₂le₃ quian'₅₄ 'mí'₂ cortina, co₂'nió'₄ le₃jua'₅₄ tē₂le₃ quian'₅₄ ni₁ñi₁₂ 'ñiog₅, 21 ján₃ bá₄ 'uig₅₄ ia₁ a₂chan₂ jme₂dsa₂ dsen₅₄ juin'₂ quián₂ jniog₄ i₂niog₅ gu₂ dsa₂ quián₅ Diú₄, 22 'uig₅₄ jaun₂ ně₃, ma₃ jme₁quián₄ jniog₄ ja₁ con₂ Diú₄ ca₂le₃jé₃ dsi₅ jniog₄, caun₂ bá₄ 'ei₅ dsi₅ a₂'éin₂, a₂tsá₃ ma₃'e₂ qui₂dsi₂jñi₅ dsi₅ jniog₄, ně₂jag₄ bá₄ a₂ma₂qui₂le₁chi₄ a₂ma₂qui₂le₁séi₂ dsi₅ jniog₄. Ján₃ bá₄ le₂jaun₂ co₂'nió'₄ a₂ma₂ca₂rin'₂ ni₁ñi₁ jniog₄ quian'₅₄ jmig₂ le₁jé₃.

23 Ju₁iná₂ jniog₄ tiá₂ a₂'éin₂, tsá₃ ju₁'éi₂ jniog₄ caun₂-tín₃ dsi₅ ju₁lia'₂ jág₁ a₂'ín₂ dsi₅. Ia₁ i₂rē₂ti'₅₄ bá₄ Diú₄ i₂ma₂cuë₃ jág₁ quió'₅.

24 Ján₃ bá₄ ju₁'niog'₅₄ jniog₄ dsi₅ 'a₂ lia'₂ tion'₅₄ jniog₄ jág₁ rin'₅₄ le₂jau₂ le₂jau₂ a₂jme₁'nio₃ jniog₄ dsa₂, a₂jmo₁ jniog₄ a₂dse₃.

25 Tsá₃ ju₁tí₄ jniog₄ a₂ñag'₂ jniog₄ co₂lē₅, ju₁lia'₂ ma₂tín₂ i₂lín₅₄, tē₂le₃ 'nió'₅ cuë'₅₄ jniog₄ bí₂ rin'₅₄ le₂jau₂ le₂jau₂, tē₂le₃ lē₅ guë'₄ ia₁ ma₂léi₄ a₂ma₂ja₂quián₃ jmig₄ jaun₂.

26 Ia₁ ně₂jua'₂ a₂ta₁ dsi₅ jniog₄ caun₂ qui₂'niog₂ dso₄ tē₃ ma₂ne₅₄ jág₁ dsau₅, jaun₂ tsá₃ ma₂'e₂ cha₂ guë'₄ jua'₅₄ lé₂ le₂jen'₄ jniog₄ o₄quió'₄ dsá_{u1}.

27 Jñia'₅₄ lia'₂ a₂jaun₂ bá₄ 'ei₅ guë'₄ a₂jñia₅ jniog₄ a₂'ei₅ gau₂ jē₁qui₃dsi₅ Diú₄ 'éi'₃, ju₁lia'₂ jē₁cau₂ si₂ a₂quió₃ i₂'iog₅₄ quió'₅ Diú₄.

28 Ju₁lia'₂ dsa₂ i₂tsá₃ dsá_{u5} dsí₅ 'Éi'₃ quió'₅ Moisés, tion₅₄ bá₄ jón₂ tsá₃ o₂'én₂ dso₄ cha₂ quió'₅, 'uig₅₄ jág₁ dsau₅ a₂jáng'₅ on₃-ún₂.§

† 10:16 Jeremías 31:33. ‡ 10:17 Jeremías 31:34. § 10:28 'Nio'₂ ja₁ton₅ Números 35:30; Deuteronomio 17:6.

29 Jaun₂ ně₃, ě₂ guě₄ uig₅ ca₂tín₂, lín₂ 'nia'₂, ju₁lia'₂ dsa₂ i₂qui₂tsón'₁ Ja₁ŋi'₅₄ Diú₄, ju₁lia'₂ dsa₂ i₂tsá₃ ji'₅₄ jmi₄ 'éi₂ a₂ca₂lí'₃ jág₁ a₂con'₂ ca₂chein'₃ 'éi₂, ju₁lia'₂ dsa₂ i₂tě₂'on'₂ Jme₂dsí₂ quián₅ Diú₄ i₂'ua₁ dsí₅?

30 Ma₂ne₄ bá₄ jniog₄ a₂ca₂juá'₂ Te₁gui'₅₄: “Jniá₂ bá₄ ca₂tíng₂ 'ě₄ uig₅ dsa₂; ján₃ bá₄ jniá₂ quiá₄.”* Con'₂ siá'₂ ca₂juá'₂: “Qui₃dsi₅ Te₁gui'₅₄ 'éi'₃ ja₁con'₂ dsa₂ juig₂ quiáin₅.”†

31 i₂A₂gau₂ bá₄ jaun₂ a₂tián'₃ dsa₂ o₄gú₃ Diú₄ jén'₃!

32 La₁ dsá₂ 'au'₂ 'nia'₂ jmo₄ jmig₄ le₂ŋiá₅, lia'₂ con'₂ le₂'uig₅₄ jme₁ca₂rě₃ŋí'₂ 'au'₂ 'nia'₂, ján₃ bá₄ 'a₂ lia'₂ juin'₂ 'au'₂ 'nia'₂ ca₂tiang'₃ ca₂gueng'₅₄ mi'₅₄ o₂i₁ dsi₅ quian'₅₄ uig₅ a₂ca₂i₂ŋíg'₂.

33 I₂lín₅₄ 'nia'₂ qui₂ca₂ŋnú'₂ dsa₂ jág₁ qui₂ca₂jmóg'₂ tě₃ŋi₄ dsa₂ juig₂. I₂lín₅₄ guě'₂ ca₂jme₃quiong'₅₄ ca₂jme₃quiain'₅₄ dsa₂ i₂qui₂ca₂ŋág₃ uig₅ le₂ně₅.

34 'Nia'₂ ně₃ ca₂dsia'₅₄ ŋéi₂ 'au'₂ i₂jme₁tion'₅₄ né'₃ 'má₃. Já₃ bá₄ ca₂jmo'₅₄ 'nia'₂ 'io'₂ ca₂tiang'₃ lia'₂ con'₂ jme₁qui₂ca₂ŋiá'₂ dsa₂ le₃jě₃ 'e₂ a₂jme₁cha₂ quián'₂ 'nia'₂. Ia₁ ŋi'₅₄ bá₄ 'nia'₂ a₂cha₂ guei'₅₄ i₂juíg₃ caun₂ a₂dse₃ guě₄ a₂jio₅ co₂tan₅₄ a₂ca₂tíng'₂.

35 Jaun₂ lě₃, tsá₃ lě₁dsia₂ cau₅ a₂caun₂ 'ei₅ 'au'₂, ia₁ 'ŋio₅ lín₃ bá₄ quen₅ a₂quí₃ Diú₄ 'lia'₅₄ a₂'éng'₂.

36 Ia₁ 'nió'₅ quián'₂ 'nia'₂ a₂jmó'₂ tió'₃ 'au'₂, ia₁jaun₂ lé₂ le₃jmó'₂ 'nia'₂ a₂'ŋio₂ dsí₅ Diú₄, ia₁jaun₂ guéi'₁ 'nia'₂ a₂ma₂ca₂juá'₂ 'éi₂ cuě₃.

37 Ia₁ ŋi'₅₄ ta₁, 'ŋio₅ ŋi'₅₄ ta₁:

Jiá₃ i₂ma₂lě₅ jág₁ jiá₃,

tsá₃ le₃'iin₅₄.

38 La₁ dsa₂ i₂ŋi₅ ju₁5 co₂rě₂ ia₁ a₂'éin₂,

'éi₂ bá₄ le₃chan₂.‡

Jaun₂ ně₃juá'₂ dsi₂lein₃ le₃ca'₃,

tsá₃ dse₃ 'ag₃ dsi₃ jniá₂ quian'₅₄ 'éi₂.§

39 La₁ jniog₄ ně₃, tsá₃ tíong₂ quian'₅₄ dsa₂ i₂dsi₂len₃ le₃ca'₃ i₂qui₂dsi₂'én₂ quió'₅. Le₃jaun₂ bá₄ tíong₂ jniog₄ le₃quió'₅ dsa₂ i₂'én₂, jaun₂ le₂ně₅ bá₄ tín'₄ jme₂dsí₂ quián₂.

11

Ju₁lia'₂ a₂'én₂ dsa₂

1 Ně₃ ně₃, ju₁lia'₂ dsa₂ i₂'én₂ ně₃, caun₂ bá₄ 'ei₅ dsí₅ a₂gue₃ a₂jaun₂ a₂'ín₂ dsí₅; ján₃ bá₄ jáng'₅ léi₄ a₂'éin₂, a₂cha₂ tě₃dsón'₂ ju₁lia'₂ a₂tsá₃ jniá₂.

2 Ia₁ le₂ně₅ bá₄ ca₂rě₃'én₂ dsa₂ can'₅₄ ma₂líg'₂, jaun₂ ca₂'ag₃ dse₃ Diú₄.

3 Tě₂le₃ a₂'éin₂ bá₄ jniog₄, ŋág'₂ jniog₄ a₂ca₂jmo₃ Diú₄ bá₄ mi₂güíg₃ tě₂le₃ quian'₅₄ jág₁ quió'₅. Jaun₂ lě₃, ju₁lia'₂ a₂jniá₂ rě₂ně₃ ca₂lě₃ tě₂le₃ quian'₅₄ a₂tsá₃ jme₁rě₂jniá₂.

Tě₂le₃ a₂'én₂ dsa₂

4 Tě₂le₃ a₂'én₂ bá₄ Abel,* ca₂jén'₃ ne₄ Diú₄ caun₂ a₂dse₃ guě₄ con'₂ guě₄ a₂ca₂jén'₃ Caín riin'₅₄. 'Uig₅₄ jaun₂ ca₂'ag₃ dse₃ Diú₄ co₂'nió'₄ dsa₂ dsen₃, lia'₂ con'₂ jme₁ca₂gue₃ a₂ca₂jén'₃ jaun₂. Jaun₂ ně₃, o₁ŋnia'₅₄ guě₄ ma₂rě₂jon₅₄ Abel, ně₂jag₄ bá₄ a₂caun₂ jáng'₅ jág₁ dsau₅ rě₂ně₃, ia₁ a₂ca₂rě₃'éin₂.

5 Tě₂le₃ a₂'én₂ bá₄ Enoc,† ca₂ŋái'₃ mi₂güíg₃ caun₂ tě₃ tsá₃ ca₂join₃, tsá₃ ma₂'ein₂ ca₂dsáu'₂ quió'₅, ia₁ Diú₄ bá₄ i₂ca₂tág₃ quió'₅. Ne₄ si₂ juá'₂ a₂ca₂'ag₃ dse₃ Diú₄ né'₃ guě₄ a₂tě₂, ia₁ lia'₂ con'₂ jme₁chain₂ ca₂jmo₃ a₂ca₂tě₂ dsí₅ Diú₄.

* 10:30 Deuteronomio 32:35. † 10:30 Deuteronomio 32:36; Salmo 135:14. ‡ 10:38 o, “La₁ tě₂le₃ quian'₅₄ a₂'én₂ bá₄ dsa₂ le₃chain₂, jág₂ Diú₄ ně₂jag₄ bá₄ dsa₂ dsen₃.” § 10:38 Habacuc 2:3-4. * 11:4 Abel: 'Nio'₂ ja₁ton₅ Génesis 4:4. † 11:5 Enoc: 'Nio'₂ ja₁ton₅ Génesis 5:18-24.

6 La₁ia₁ lia'₂ o₁lig'₂ jmig₄ tsá₃ lé₂ le₃jmo₃ dsa₂ a₂jme₂'ñio₂ dsí₅ Diú₄ në₁jua'₂ tsá₃ 'éin₂, ia₁ jui₁lia'₂ dsa₂ i₂'nio₃ jme₃quián₃ ja₁con₂ Diú₄, tion₅₄ 'nió'₅ le₃'éin₂ de'₂ a₂chan₂ Diú₄, ján₃ bá₄ 'nió'₅ le₃'éin₂ a₂qui₅ Diú₄ 'lian'₅₄ jui₁lia'₂ i₂'nau'₂ a₂dsen₅₄ dsí₅.

7 Tè₂le₃ a₂'én₂ bá₄ Noé,[‡] lia'₂ con'₂ jme₁ca₂jmo₃ Diú₄ jág₁ 'e₂ niog₅ lé₂, jui₁lia'₂ a₂tsá₃ jniá₂ guě₄, ca₂tón'₃ bá₄ jui₅ a₂ca₂juá'₂ Diú₄, ca₂jmo₃ bá₄ ni₁barco ja₁lióin₃ le₂jio₅ dsa₂ dsi₂néi₂ quiáin₅ ně₃. Jaun₂ le₂ně₅ ně₂jag₄ bá₄ a₂ca₂qui₃dsi₂₃ 'éi'₃ ja₁con₂ dsa₂ mi₂güig₃, jaun₂ le₂ně₅ bá₄ ca₂tín₂ a₂lió₂ Diú₄ co₂'nió'₄ dsa₂ dsen₃, të₂le₃ a₂'éin₂ bá₄ ján₃.

8 Tè₂le₃ a₂'én₂ Abraham,[§] lia'₂ con'₂ jme₁ca₂tě₃ Diú₄, ca₂nág₂ bá₄. Ca₂o₃'íin₃ ca₂'í₃ jui₅ a₂dsó₃ ja₁juá'₂ Diú₄ cuě₃ caun₂ 'uě₃ a₂ca₂tín₂ lé₂ quió'₅. Ca₂o₃'íin₃ 'uě₃ go₅₄ të₃ tsá₃ ñi₅ a₂já'₄ ñó₃.

9 'Uig₅₄ ia₁ a₂jme₁'éin₂, ca₂guá₂ gua'₅₄ 'uě₃ a₂ca₂juá'₂ Diú₄ cuě₃, co₂'nió'₄ a₂lín₅ dsi₂nau₂ jě₄ 'uě₃ siá'₂. Ca₂guá₂ tsi₁'né₅ a₂lě₅ quian'₅₄ tsi₁'m'₂; ján₃ bá₄ le₂jaun₂ ca₂jmo₃ Isaac quiain'₅₄ Jacob ně₃, ia₁ ján₃ bá₄ ca₂tín₂ le₂jio₅ quian'₅₄ 'éi₂ a₂jme₁ca₂juá'₂ Diú₄ cuě₃.

10 Ia₁ jme₁chi₁ñia₅ Abraham juig₂ ciudad jaun₂ a₂chí'₅ tiá₂, 'uig₅₄ ia₁ Diú₄ bá₄ i₂ca₂'nau'₃ dsí₅ jmo₃, ján₃ bá₄ i₂ca₂jmo₃'₃.

11 Já₃ bá₄ të₂le₃ a₂'én₂ 'ñiog₅ Sara,^{*} të₃ ma₂guein'₂ a₂le₃chan₂ guein₂ quiáin₅, ca₂gue₃ bá₄ jui₅bí₂ a₂lén₂ chog₅₄ guein₂ ia₁ lín₂ i₂rě₂ti'₅₄ bá₄ Diú₄ i₂ma₂cuě₃ jág₁ quió'₅.

12 Jaun₂ ně₃ Abraham, o₁ñia'₅₄ a₂ma₂i₁jóin₂, ca₂rě₃chán₃ bá₄ guě₄ tsi₁jon₂ i₂juin₅ guě₄ lín₃ jui₁lia'₂ nei₅ a₂jniá₂ guei'₅₄ mi₂güig₃, jui₁lia'₂ mi₂tsag₄ a₂cha₂ chei'₅₄ jmi₁ñi'₄ a₂tsá₃ lé₂ le₃'i₃ dsa₂.

13 Ca₂dsan₃ bá₄ le₃jín₃ 'éi₂ të₃ tsá₃ ca₂gue₃ jui₁lia'₂ a₂jme₁ca₂juá'₂ Diú₄ cuě₃. La₁ia₁ jme₁'éin₂ bá₄, jaun₂ ně₂jag₄ bá₄ a₂ca₂jág₃ të₂ uing₂ a₂jaun₂ a₂'éin₂, të₅ bá₄ dsí₅ a₂ca₂jág₃. Jaun₂ le₂ně₅ bá₄ ca₂jmo₃ jág₁ a₂lín₅ dsi₂nau₂ i₂con'₂ ca₂ñi₅ mi₂güig₃ la₂.

14 Jaun₂ jui₁lia'₂ i₂dsia₅ jág₁ le₂ně₅, jáng'₅ léi₄ a₂i₂nioi₅₄ bá₄ guě₄ a₂qui₂'no'₂ caun₂ juig₂ jě₂tian'₃.

15 Jua'₅₄ mei'₂ guě₃ caun₂ qui₂dsau'₂ bá₄ guě₄ dsí₅ gua'₅₄ 'uě₃ ja₁ca₂'u_{in}₂, jme₁lé₂ bá₄ jme₁dsi₂lein₃ táng₃ ja₁jaun₂.

16 La₁ të₂le₃ jme₁'ín₂ dsí₅ caun₂ 'uě₃ a₂dse₃ guě₄, co₂'nió'₄ a₂'ě₂₃ 'uě₃ a₂cha₂ guei'₅₄ i₂juig₃. 'Uig₅₄ jaun₂ tsá₃ o₂guí'₃ cán₂ Diú₄ a₂quiong₅ dsa₂ Diú₄ quián₅ dsa₂ 'éi₂, ia₁ ma₂ca₂jmo₃ co₂ñia₅₄ caun₂ juig₂ ciudad quió'₅ 'éi₂.

17 Tè₂le₃ a₂'én₂ bá₄ Abraham, lia'₂ con'₂ jme₁ca₂caun₃ Diú₄ táu₂, ca₂jéin'₂ bá₄ Isaac[†] quiáin₅, ne₄ Diú₄. Jme₁ma₂chéin'₅ co₂ñia₅₄ a₂jme₁ñji'₃ ja₁ñi'₅₄ i₂jan₂ tan₅₄ quiáin₅,¹⁸ o₁ñia'₅₄ jme₁ca₂juá'₂ Diú₄ cuag₃ a₂ca₂juá'₂: “Tè₂le₃ quian'₅₄ Isaac le₃chan₂ tsi₁jon₂ quiáng'₂.”[‡]

19 Ca₂i₃jio₅ dsí₅ Abraham, a₂'io₅ Diú₄ jui₅bí₂ a₂jme₃jein'₅₄ le₂jio₅ jin₄ 'lag₄. Jaun₂ dsón'₂ bá₄ ca₂guéin'₂ táng₃ ja₁ñi'₅₄, ně₂jag₄ bá₄ a₂ca₂jein'₅₄ táng₃ jin₄ 'lag₄.

20 Tè₂le₃ a₂'én₂ Isaac, ca₂jme₃gu'₅₄ quió'₅ Jacob quiain'₅₄ Esaú, ca₂cuě₃ jág₁ quió'₅ a₂cuě₃ Diú₄ a₂dse₃ të₂le₃ ne₄ jui₅ jmig₄ a₂le₃chain₂.[§]

21 Já₃ bá₄ të₂le₃ a₂'én₂ Jacob,^{*} jme₁ma₂ja₂quián₃ jóin₂, ca₂jme₃gu'₅₄ quió'₅ le₂jan₂ le₂jan₂ chi'₂ ja₁ñi'₅₄ José. Jaun₂ ca₂jme₃juin'₂ Diú₄, a₂chéin'₅ rě₂dsiin₂ ne₄ 'ma₂'i₅₄ quió'₅.

22 Tè₂le₃ a₂'én₂ José,[†] lia'₂ con'₂ jme₁ma₂ja₂quián₃ jóin₂, ca₂juá'₂ ca₂'iin₃ dsa₂ juig₂ Israelitas a₂'u_{in}₃ cang₂ guě₄ jaun₂ 'uě₃ Egipto, jaun₂ ca₂quio₂ 'éi'₃ 'e₂ 'nió'₅ jmo₃ dsa₂ quian'₅₄ ni₁mu₁₂.

23 Tè₂le₃ a₂'én₂ bá₄ chog₅₄-jmei₂ Moisés, jme₁ca₂rě₃chán₃ 'éi₂, ca₂'mog₃ con'₂ 'ni₅ tsi'₂. Ia₁ ca₂jág₃ a₂'ñio'₂ guein₂ 'éi₂, tsá₃ jua'₅₄ ca₂ja₃gó'₃ 'a₂ lia'₂ lě₅ 'éi'₃ quió'₅ rag₅₄ a₂ñag₃ quió'₅.[‡]

‡ 11:7 Noé: 'Í₂ Génesis 6-9. § 11:8 Abraham: 'Í₂ Génesis 12-25. * 11:11 Sara: 'Í₂ Génesis 18:1-15; 21:1-7. † 11:17 Isaac: 'Í₂ Génesis 21-22. ‡ 11:18 Génesis 21:12. § 11:20 'Í₂ Génesis 27. * 11:21 Jacob: 'Í₂ Génesis 48. † 11:22 José: 'Nio'₂ ja₁ton₅ Génesis 50:24-26. ‡ 11:23 'Nio'₂ ja₁ton₅ Éxodo 2:1-10.

24 Të₂le₃ a₂'én₂ bá₄ Moisés, § lia₂' con₂ jme₁ma₂lín₅ dsa₂ ma₂juin'₂, tsá₃ ca₂gue₃ quiong₃ dsa₂ ja₁ñi'₅₄ quián₅ ja₁míg₄ rag₅₄ quián₅ Egipto.

25 Co₂ñei'₅₄ guë₄ ca₂'náu'₃ dsí₅ ñág₃ uig₅ quiaín'₅₄ dsa₂ juig₂ quián₅ Diú₄, con'₂ guë₄ a₂le₃chain₂ o₂ñi₃ó₃ dsí₅ ca₂tiá₂ a₂'no₃ dso₄.

26 'Ñi₅ guë₄ quen₅, lín₂, a₂ñág₃ uig₅ a₂të₃'o'₂ dsa₂, lia₂' te₃'on'₂ I₂rë₂'ín₁ quián₅ Diú₄, con'₂ guë₄ quen₅ ca₂le₃jë₃ cu₄nióg₄ a₂rë₂'ma₄'uë₃ Egipto. Ia₁ 'liain'₅₄ a₂cuë₃ Diú₄, co₂dsau₅ jaun₂ bá₄ ca₂jág₃.

27 Të₂le₃ a₂'én₂ Moisés, ca₂o₃'íin₃ 'uë₃ Egipto, * tsá₃ ca₂rë₃gó'₅ a₂'ne₂ rag₅₄; ca₂nau₂ bá₄ tiá₂ në₂jag₄ bá₄ a₂jíin₂ Diú₄ i₂tsá₃ jniá₂.

28 Të₂le₃ a₂'én₂ Moisés, ca₂jmo₃ Jmíg₄ Të₂'in₅₄, † ca₂tsáng₂ jmi₂ o₄'né₄ në₃, ia₁jaun₂ i₂niog₅ ne₄ jme₃dsiain₂₃ jui₁lia'₂ chi'₂ dsa₂ ñe'₂ i₂le₂ne₁ quián₅ dsa₂, tsá₃ téin₂ gu₂-tag₅₄ chi'₂ i₂le₂ne₁ quián₅ dsa₂ juig₂ Israel.

29 Të₂le₃ a₂'én₂ dsa₂ juig₂, ca₂ñí₃ Jmí₁ñí'₄ Guéin₂, ‡ ne₄ 'uë₃ quein₂. La₁ lia₂' con'₂ jme₁'nio₃ jmo₃ le₂jaun₂ dsa₂ juig₂ Egipto, ca₂dsain₃ bá₄, ca₂'in'₃ jmig₂.

30 Të₂le₃ a₂'én₂ bá₄ dsa₂ israelitas, ca₂lia'₂ ca₂gon₃ ni₁'ia'₂ quió'₅ juig₂ Jericó, § jme₁ma₂ca₂lë₃ i₂nioi₅₄ guio₃ jmig₄ le₃lág'₃ quió'₅.

31 Ján₃ bá₄ të₂le₃ a₂'én₂ 'io₅₄ Rahab* i₂jme₁'nag₅ quió'₅ në₃, tsá₃ ca₂join₃ co₂lë₅ quiaín'₅₄ dsa₂ i₂tsá₃ ca₂né'₂, † ia₁ ca₂guein₃ bá₄ rë₂ dsa₂ israelitas i₂jme₁i₂nio₄ tiog₅.

32 ¿'E₂ guë₄ juá'₄ jniá₂? Tsá₃ jë₄ jmig₄ jua'₅₄ juá'₄ jniá₂ a₂'íng₄ Gedeón, ‡ quian'₅₄ Barac, § Sansón, * Jefté, † David, ‡ Samuel, § quian'₅₄ dsa₂ i₂jme₁'ë₂ jág₁ quián₅ Diú₄ në₃.

33 Të₂le₃ a₂'éin₂ bá₄ ján₃, ca₂lí'₃ juig₂ siá'₂ ja₁gon₂ rag₅₄, rë₂ bá₄ ca₂qui₃dsi₂₃ 'éi'₃ në₃, ján₃ bá₄ ca₂'ió'₃ a₂ca₂jme₃'o₅₄ Diú₄ con'₂ lë₅ jág₁ a₂ca₂cuë₃ a₂jme₃'o₅₄. Ján₃ bá₄ le₂në₅ ca₂jnéi₃ i₂lín₅₄ 'o₄ dsi₂'ia'₂, 34 ca₂ei₃ si₂cau₂ ca₂jjo'₅₄, qui₂ca₂lón₂ i₂lín₅₄ a₂jme₁dsiáin₃ quian'₅₄ 'o₄ ñi₁tág₂ në₃. Ján₃ bá₄ le₂jaun₂ ca₂quín'₃ bí₂ dsa₂ 'uan₅₄ ca₂jme₃'uáin'₃, ján₃ bá₄ ca₂rë₃béin₂ quín'₂ ja₁niog₅ 'nei₂, jaun₂ ca₂tió'₃ bá₄ jme₁ca₂quín'₂ quian'₅₄ 'lióg₂ dsa₂ i₂'iog₅₄ quió'₅. 35 Ján₃ bá₄ le₂në₅ chan₂ dsa₂ mí₂ ca₂guein₃ táng₃ 'lag₄ quián₅ jme₁ca₂jein'₅₄ táng₃. I₂sián'₂ guë'₂ qui₂ca₂jmóg'₂ dsa₂, la₁ tsá₃ ca₂gue₃ a₂lióin₂, ia₁jaun₂ tiin₅₄ a₂jein'₅₄ a₂le₃chain₂ guë₄ dse₃. 36 I₂sián'₂ guë'₂ ca₂ñág₃ le₃jë₃ jág₁ qui₂ca₂jnáu'₂ dsa₂ qui₂ca₂bóg₂ dsa₂; ca₂lia'₂ ca₂'nei'₂ dsa₂ quian'₅₄ ñí₁ cadenas, ca₂to'₂ dsa₂ né'₃ 'má₃ në₃. 37 I₂lín₅₄ guë'₂ ca₂dsan₃ qui₂ca₂jnáu'₂ dsa₂ cang₄, i₂sián'₂ në₃ ca₂ti₃ dsa₂ ca₂'nói₁ quian'₅₄ ñí₁ chi₁jan₁, * ca₂jme₃dsiog₅ dsa₂ quian'₅₄ ñi₁tág₂ në₃. Qui₂i₂nioi₁₂ i₁jnai'₅₄ a₂la₂-ó₃ le₁qui'₂ jmá'₃ ni₁lo₄ já'₂ cha'₂ quian'₅₄ ni₁lo₄ chein₄ lau₂ në₃; të₂ñéi₂, tsá₃ dse₃ qui₂le₁'ág₄ dsí₅, ján₃ bá₄ qui₂ca₂jmóg'₂ dsa₂. 38 Tsá₃ lé₂ le₃jua'₅₄ jua'₅₄ jme₁ca₂tín₂ dsa₂ mi₂güig₃ le₃chan₂ dsa₂ 'éi₂ quiong'₅₄. Jme₁i₂nioi₅₄ 'uë₃ co₂ñiog₅, le₂con₂ má'₂ në₃, né₃ cang₄ të₂'lau₂, né₃ tau₂ a₂niog₅ né₃ 'uë₃ në₃.

39 Le₃jín₃ dsa₂ 'éi₂, ca₂'ag₃ Diú₄ dse₃ 'uig₅₄ ia₁ a₂'éin₂, la₁ia₁ tsá₃ ca₂'ió'₃ a₂jme₁ca₂juá'₂ Diú₄ cuë₃. 40 Jme₁ma₂i₃jio₅ dsí₅ Diú₄ jmo₃ co₂jñia₅₄ caun₂ a₂dse₃ guë₄ quián₂ jniog₄, ia₁jaun₂ tsá₃ le₃ñia₅ dsa₂ 'éi₂ jua'₅₄ tsá₃ le₃ñiai₂₃ co₂lë₅ quian'₅₄ jniog₄.

12

Jin₄ jniog₄ Jesús

§ 11:24 Moisés: 'Í₂ Éxodo 2 - 11. * 11:27 Noé: 'Í₂ Génesis 6 - 9. † 11:28 Egipto, Jmig₄ Të₂'in₅₄: 'Í₂ Éxodo 12 - 13. ‡ 11:29 Ján₃ bá₄ chei₂ "Jmí₁ñí'₄ 'Ma₂tas." § 11:30 Jericó: 'Í₂ Josué 6. * 11:31 Rahab: 'Í₂ Josué 2:1-21; 6:25; Mateo 1:5; Santiago 2:25. † 11:31 o₃, "dsa₂ i₂tsá₃ ca₂rë₃'én₂." ‡ 11:32 Gedeón: 'Í₂ Jueces 6 - 7. § 11:32 Barac: 'Í₂ Jueces 4 - 5. * 11:32 Sansón: 'Í₂ Jueces 13 - 16. † 11:32 Jefté: 'Í₂ Jueces 11 - 12. ‡ 11:32 David: 'Í₂ 1 Samuel 16 - 31 quian'₅₄ 2 Samuel. § 11:32 Samuel: 'Í₂ 1 Samuel. * 11:37 A₂lín₅₄ chog₅₄ si₂ chi₁ton₅ ján₃: "ca₂can₃ dsa₂ táu₂."

¹ Jaun₂ lë₃, ia₁ ñá₁ lë₃ juin₅ dsa₂ qui₂le₁lio₃ jniog₄ i₂ma₂ca₂jme₃jnia₅ a₂'éin₂, jaun₂ dsiá₁ jniog₄ cau₅ ca₂le₃jě₃ lio₅₄ a₂jmo₅ jnág₅ quián₂, ján₃ bá₄ le₂në₅ ju₁lia'₂ dso₄ a₂qui₂nió₅ jniog₄ ně₃, jaun₂ dsau₅₄ jniog₄ ne₄ ju₁ a₂juin'₂ dsi₅, ně₂jag₄ bá₄ a₂i₂nio₄ co₂chi'₅₄ a₂tián'₅ jág₁ rin'₅₄.

² Jaun₂ ně₃, né₄ jniog₄ Jesús, i₂ca₂niá₃ ju₁ a₂'éin₂ jniog₄, ján₃ bá₄ i₂jme₂'ñia₅ a₂'éin₂ jniog₄. Ca₂jmo₃ 'éi₂ tió'₃ dsí₅ ne₄ cróg₄, tsá₃ ca₂tón'₃ ju₁ a₂o₂guí'₃ a₂ca₂can₃, ia₁ jme₁ma₂ñi₅ bá₄ a₂cán₂ o₂'ñi₃ dsí₅ a₂'io'₂ jén'₅ cang₂ gué₄ jaun₂. Jaun₂ ně₃, ca₂guá₂ tē₂le₃ gu₂ ne₁ ne₄ta₁ quió'₅ Diú₄.

³ 'Nió'₂ 'nia'₂ 'au'₂ jaun₂, 'a₂ lia'₂ ca₂jmo₃ Jesús: ca₂jmo₃ tió'₃ dsí₅ mī₅₄ a₂ca₂dsia₃ dsa₂ i₂qui₂rē₂cán'₄ dso₄, ja₁coin₂, ia₁ con'₂ tsá₃ ñó₅ ně₂jua'₂ ca₂'ong'₃ 'nia'₂, ca₂lia'₂ ca₂'uáng'₂.

⁴ Ia₁ tsá₃ gué₄ 'ein₂ ma₂qui₂ca₂quín'₂ 'nia'₂ ca₂lia'₂ ca₂tang₂ jmi₂ 'an'₅₄ 'nia'₂ quian'₅₄ mī₅₄ a₂jmo'₂ quian'₅₄ dsáu₁.

⁵ Jaun₂ ma₂ca₂'en₃ bá₄ 'au'₂ 'nia'₂ jág₁ a₂ma₂chi₂ca₂léi'₁ Diú₄ ju₁lia'₂ jan₂ chi'₂-guein₂ quiáin₅. Le₂la₂ juá'₂ ne₄ Si₂:

Tsá₃ lë₁o₁le₅₄, jón₃,

juá'₅₄ tsá₃ ton'₅₄ 'ne₂ ju₁
jme₁chei'₅ Te₁gui'₅₄ caun₂ ju₁ dse₃,

on₃ gué'₂ tsá₃ lë₁o₁'ag₅₄ i₁tín₄ 'au'₂

jme₁cuē₂₃ uig₅.

⁶ Ia₁ jme₂rě₃ Te₁gui'₅₄ ju₁
quió'₅ ju₁lia'₂ i₂'nioi₃,

ján₃ bá₄ cuē₂₃ uig₅ quió'₅ ca₂le₃jín₃ i₂guein₂₃

ju₁lia'₂ jan₂ chi'₂-guein₂ quiáin₅.*

⁷ Tiang'₃ 'nia'₂ jmo₄ ca₂le₃jě₃ uig₅ a₂ñag'₅₄, ia₁ le₂jaun₂ jme₂tag₅ Diú₄ jme₂tiin₂₃ 'nia'₂ ju₁lia'₂ jan₂ chi'₂-guein₂ quiáin₅. ¿'Ein₂ bá₄ ja₁ñi'₅₄ chan₂ i₂tsá₃ jme₂tag₅ jmei₂?

⁸ Chei'₅ Diú₄ caun₂ ju₁ rē₂ chein'₂₃ ca₂le₃jín₃ chi'₂-guein₂ quiáin₅. Jaun₂ ně₃, jua'₅₄ mei'₂ gué₄ Diú₄ tsá₃ chein'₂₃ 'nia'₂ caun₂ ju₁ dse₃, tsá₃ lé₂ le₃jua'₅₄ a₂lín'₅ 'nia'₂ chi'₂-guein₂ quiáin₅ tē₃dsón'₂, jñia'₅₄ lia'₂ a₂jaun₂ bá₄ lín'₅ 'nia'₂ ju₁lia'₂ jan₂ chi'₂-guein₂ i₂lë₂ca₂rě₃chán₃.

⁹ Ján₃ bá₄ le₂jaun₂ jniog₄ ně₃, lia'₂ con'₂ jme₁lág₄ jniog₄ guein₂, jme₁tē₂jí₂ chog₅₄-jmei₂ jniog₄ i₂chan₂ gua'₅₄ 'uē₃. Jaun₂ jme₁jme₂gain₃ bá₄ jniog₄ ně₃. ¿Tsa₁ dse₃ néi₁ jniog₄ gau₂ ja₁con₂ Diú₄? Tē₂le₃ 'ē₂ gué₄ 'nió'₅ jme₁gan₃ bá₄ jniog₄ Diú₄ Jmei₂ jniog₄ tē₂le₃ quió'₅ jme₂dsí₂, ia₁jaun₂ le₂në₅ bá₄ le₃chong₂.

¹⁰ Jme₁ca₂cuē₃ ca₂tiá₂ uig₅ chog₅₄-jmei₂ jniog₄ i₂chan₂ gua'₅₄ 'uē₃, lia'₂ con'₂ lē₅ ca₂i₃jio₅ dsí₅ a₂dse₃. La₁ia₁ Diú₄ ně₃ cuē₂₃ jniog₄ uig₅ a₂dse₃ quián₂ jniog₄ guio₅₄, ia₁jaun₂ quein'₅₄ jniog₄ a₂jñi₅ a₂lín₅ 'éi₂.

¹¹ Dsón'₂ bá₄ jaun₂, lia'₂ 'i₁caun₂ uig₅ tsá₃ tē₅ dsí₅ jniog₄, tē₂le₃ 'ñio₅ uig₅ bá₄ lág₂ jniog₄. La₁ia₁ cang₂ gué₄ jaun₂, ju₁lia'₂ i₂rē₂ti₂ tē₂le₃ quian'₅₄ uig₅ a₂ñag₅, ně₂jag₄ bá₄ caun₂ ni₁'ma₂ a₂le₁'ág₄ mīg₂ dse₃, léi₄ bá₄ rē₂jniá₂ tē₂le₃ 'a₂ lia'₂ dse₃ chain₂ 'ei₅ tei₄ dsí₅.

A₂go'₂ a₂tí₁ dsa₂ jág₁ quió'₅ Diú₄

¹² 'Uig₅₄ jaun₂ chog'₅₄ 'nia'₂ táng₃ gog'₂ a₂qui₂le₁ta'₅₄, ján₃ bá₄ chí'₁ táng₃ 'nia'₂ tiá₂ mi₂jne'₅₄ a₂jlen₅.

¹³ "Jmo₄ 'nia'₂ caun₂ ju₁ dsau₅ quió'₅ mi₂tag'₅₄ guiong'₅₄, "† ia₁jaun₂ tsá₃ 'e₂ qui₃nió₃ i₂sián'₂ ju₁lia'₂ i₂guián'₅₄, tē₂le₃ 'lóin₂ bá₄.

¹⁴ Quen'₂ 'nia'₂ bí₂ a₂i₁nio'₄ 'nia'₂ 'ei₅ tei₄ quian'₅₄ ca₂le₃jín₃, a₂le₃chan'₂ 'nia'₂ jñi₅ ně₃. Ia₁ ca₂lia'₂ 'i₁jan₂ tsá₃ lé₂ le₃jín₃ Te₁gui'₅₄ ně₁jua'₂ tsá₃ jñi₅.

¹⁵ Quion₂ 'nia'₂ 'í₁ ia₁jaun₂ ca₂lia'₂ 'i₁jan₂ jua'₅₄ a₂tsá₃ tiin₃ a₂jme₃gu'₅₄ Diú₄ a₂'ua₁ dsí₅, ia₁jaun₂ tsá₃ 'iá₃ jín'₄ 'nia'₂ co₂'nió'₄ caun₂ tsin₅ ni₁nau₂ dsi'₃ jmo₅ jan₂ i₂quian₅ o₂me'₅₄ dsí₅ jmo₅ dain₅₄ a₂rē₂'lín'₅₄ juin₅.

* **12:6** Proverbios 3:11-12. † **12:13** Proverbios 4:26.

16 Jmo₄ 'nia'₂ 'í₁ ia₁jaun₂ tsá₃ 'ein'₂ 'nia'₂ i₃nio₄ lia'₂ con'₂ lě₅ mi₅ ni₁ŋi₁₂, on₃ guē'₂ i₃nioi₅₄ jua'₅₄ a₂tsá₃ tón'₂ jui₅ jág₁ quió'₅ Diú₄. Le₂ně₅ bá₄ ca₂jmo₃ Esaú.‡ O₄quió'₄ caun₂ má₃ bá₄ ca₂'nag₃ ca₂le₃jě₃ a₂jme₁ca₂tín₂ a₂lín₅ chi'₂ dsa₂ ŋe'₂ i₂ne₅₄.

17 Ma₂ŋi'₅₄ bá₄ 'nia'₂, cang₂ guě₄ jaun₂ lia'₂ con'₂ jme₁'nio₃ táng₃ Esaú gue₃ a₂jme₁ca₂tín₂, a₂jme₃gu'₅₄ jmei₂, tsá₃ ca₂guéi'₂ jmei₂. Jaun₂ ně₃, tsá₃ ma₃ca₂dsó'₂ 'a₂ lia'₂ tǐn'₄ táng₃ jui₁lia'₂ a₂jme₁ca₂tín₂, o₁ŋia'₅₄ ca₂'náu'₃ 'ŋio₅ lín₃ ca₂le₃jě₃ ca₂'o₃.

18 Quion₂ 'nia'₂ 'í₁ jaun₂ ně₃, ia₁ on₃jua'₅₄ a₂ma₂ca₂jme₁quián'₄ 'nia'₂ má'₂ ŋei₅ jaun₂ a₂jniá₂, a₂cau₂ quian'₅₄ si₂, ja₁lě₄ qui₁né'₃ 'ei₅ nei₂, dsí₂ ně₃, qui₃lě₂ gau₂ 'ŋio₅ lín₃.

19 On₃ guē'₂ ca₂nei'₂ 'nia'₂ a₂i₂'ein₅₄ ŋi₁ trompeta, on₃ guē'₂ jág₁ quió'₅ Diú₄ a₂juá'₂ jág₁ gau₂ tsí'₅ dsa₂ 'éi₂, ca₂lia'₂ i₂ca₂nág₂ jág₁ jaun₂ ca₂mi₃ a₂tsá₃ ma₂juá'₂ 'éi₂ jág₁.

20 Ia₁ tsá₃ jme₁tió'₅ nag₃ 'éi'₃ quió'₅ Diú₄ a₂juá'₂: “Ně₁jua'₂ jan₂ já'₂ ca₂'ě₃ má'₂ jaun₂, 'nió'₅ jóin₂ qui₃dsag₅ dsa₂ cang₄.”§

21 'Uig₅₄ ia₁ a₂ŋi₄ lě₃ gau₂ a₂jniá₂ ja₁jaun₂, ca₂lia'₂ ŋiog₅ Moisés ca₂juá'₂, “'Ŋio₅ lín₃ jlen₅ jniá₂ a₂gó₅.”*

22 La₁ia₁ 'nia'₂ ně₃, ma₂ca₂jme₁quián'₄ Má'₂ Sión, co₂'nió'₄ Jerusalén a₂niog₅ guei'₅₄ i₂juíg₃, ciudad quió'₅ Diú₄ jén'₃. Ma₂ca₂jme₁quián'₄ 'nia'₂ ja₁con₂ 'lióng₂ lín₃ mei₅ ángeles i₂ŋi'₂ jmo₂₃ 'io'₂.

23 Ma₂ca₂jme₁quián'₄ 'nia'₂ ja₁con₂ dsa₂ i₂tion'₅₄ lo'₂ a₂jme₃juin'₂ Diú₄, quian'₅₄ ca₂le₃jín₃ chi'₂-guein₂ quián₅ Diú₄ i₂ca₂tín₂ ca₂le₃jě₃ lia'₂ jě₁ca₂tín₂ ja₁ŋi'₅₄ i₂ne₅₄, i₂ma₂quile₁ton₅ guei'₅₄ i₂juíg₃. Ma₂ca₂jme₁quián'₄ 'nia'₂ ja₁con₂ Diú₄ i₂qui₃dsi₅ 'éi'₃ quió'₅ ca₂le₃jín₃, ja₁con₂ jme₂dsí₂ quió'₅ dsa₂ dsen₃ i₂ma₂quile₁ŋia₅, 24 quian'₅₄ ja₁con₂ Jesús i₂chén'₅ ne₄ jág₁ 'mí₂ a₂li'₅₄ quian'₅₄ Diú₄, quian'₅₄ ja₁con₂ jmi₂ a₂rě₃séi₂, a₂quen₅ guě₄ a₂jáng'₅ léi₄ a₂'ua₁ dsí₅ con'₂ guě₄ quen₅ jmi₄ Abel.

25 Jmo₄ 'nia'₂ 'í₁ a₂tsá₃ jmó'₂ 'nia'₂ jua'₅₄ tsá₃ guén'₄ 'nia'₂ Diú₄ i₂juá'₂ tság₅ jniog₄. Ia₁ chi₂jua'₂ tsá₃ ca₂lón₂ jui₁lia'₂ i₂tsá₃ ca₂guén'₂ i₂'éi₂ i₂ca₂'ě₂ jág₁ gua'₅₄ 'uě₃ la₂, 'ě₂ guě₄ bá₄ jniog₄ tsá₃ lé₂ le₃lió₂, ně₁jua'₂ tsá₃ ca₂guén₄ jniog₄ i₂juá'₂ tě₂ guei'₅₄ i₂juíg₃.

26 Jmíg₄ jaun₂, ca₂i₁bi₅₄ 'uě₃ jme₁ca₂juá'₂ Diú₄. La₁ia₁ rě₂ně₃ ně₃, ma₂cuě₃ jág₁ quió'₅, a₂juá'₂: “jmo₅₄ guě₄ jniá₂ con'₂ siá'₂ a₂dsi₃bi₅₄, la₁ia₁ on₃jua'₅₄ jmá'₃ gua'₅₄ 'uě₃, le₂jniog₅ guei'₅₄ dsi₂güig₂ bá₄ ján₃.”†

27 Jui₁lia'₂ a₂juá'₂, “con'₂ siá'₂”, dsi₂jain₃ jág₁ a₂ŋiá'₂ ca₂le₃jě₃ a₂jniá₂ a₂dsi₂bi₅₄ a₂lé₂ qui₂le₃ŋia'₃, ia₁jaun₂ tě₃gua₄ co₂tan₅₄ a₂tsá₃ lé₂ dsi₃bi₅₄, on₃ guē'₂ lé₂ le₃ŋia'₃.

28 Jaun₂ 'uig₅₄ ia₁ a₂tsá₃ ma₃lé₂ qui₂dsi₃bi₅₄ ja₁gon₂ Diú₄, ja₁cuě₃ jniog₄, jaun₂ cuě'₅₄ jniog₄ ti₁'mag'₄ jaun₂ ně₃, o₄quió'₄ ca₂le₃jě₃ a₂la₂, jme₁ti₁ jniog₄ ne₄ Diú₄ ně₃ 'a₂ lia'₂ 'ŋio₂ dsí₅, jme₁'nió₄ jniog₄ Diú₄ a₂'ei₅ gau₂ dsí₅ jniog₄.

29 Ia₁ lín₅ Diú₄ quián₂ jniog₄ lia'₂ lě₅ caun₂ si₂ a₂'éin₂ le₃jě₃.‡

13

'A₂ lia'₂ jmo₃ a₂tě₅ dsí₅ Diú₄

1 Tsá₃ lě₁tí₅ 'nia'₂ a₂'nióg'₃ le₂jang'₂ le₂jang'₂ jui₁lia'₂ ríng'₂ 'nia'₂.

2 Tsá₃ jui₁dsi₂'én₂ 'au'₂ 'nia'₂ a₂guéng'₄ dsi₂néi₂ quiáng'₂ jui₁lia'₂ dsa₂ i₂chan₂ ja₁siá'₂, ia₁ le₂ně₅ bá₄ ma₂jmo₃ i₂lín₅₄ ma₂ca₂guein₃ ángeles tě₃ tsá₃ lí₄.

3 Dsau'₂ 'au'₂ 'nia'₂ jmo₄, jui₁lia'₂ dsa₂ i₂tion'₅₄ né'₃ 'má₃, ně₂jag₄ bá₄ a₂tion'₅₄ 'nia'₂ guiong'₅₄ co₂lě₅ quiaín₅₄. 'Nio'₂ 'au'₂ jui₁lia'₂ i₂ŋi₄ lě₃ qui₂ma₂jmóg'₂ dsa₂, ia₁ ján₃ bá₄ dsa₂ chi₁dsán'₃ bá₄ 'nia'₂ i₂lé₂ le₃ŋág₃ uig₅.

‡ 12:16 Esaú: 'Í₂ Génesis 25:27-34. § 12:20 Éxodo 19:12-13. * 12:21 Deuteronomio 9:19. † 12:26 Haggeo 2:6.
‡ 12:29 Deuteronomio 4:24.

4 Jui₁jme₂gó'₃ bá₄ le₃jín₃ jui₁lia'₂ a₂jén'₂ dsa₂ gu₂, ján₃ bá₄ jui₁le₅₄ bá₄ 'í₁ jui₁lia'₂ ja₁tian'₃ dsi₂i₂gu₂ co₂lě₅, ia₁ qui₃dsi₅ bá₄ Diú₄ 'éi'₃ ja₁con₂ dsa₂ i₂qui₂'no₅ dso₄, jui₁lia'₂ i₂nió'₅ jág₁ quian'₅₄ i₂sián'₂ on₃jua'₅₄ dsi₂i₂gu₂.

5 Tsá₃ jui₁chan'₂ 'nia'₂ a₂qui₂chi₁'neg'₁ 'nia'₂ jua'₅₄ a₂ñí₄ lě₃ 'ín₅ 'au'₂ 'nia'₂ cu₄. Dsáu₅ 'au'₂ 'nia'₂ jmo₄ lia'₂ con'₂ tí₅ a₂cha₂ quián'₂ 'nia'₂, ia₁ ma₂ca₂juá'₂ Diú₄:
lia'₂ o₁líg'₂ jmi_g₄ tsá₃ tón₂ jniá'₂ 'nia'₂,
on₃ guë'₂ tén₄ jniá'₂ 'nia'₂.*

6 Jaun₂ ně₃ lé₂ le₃jua'₅₄ a₂ma₂'ei₅ caun₂ dsi₅:
Te₁gui'₅₄ bá₄ i₂jme₂'o₅₄ jniá'₂;
tsá₃ gó₅ jui₁lia'₂ 'e₂ lé₂ le₃jmóg'₂
dsa₂ mi₂güí_g₃.†

7 Dsá₂ 'au'₂ 'nia'₂ jmo₄, jui₁lia'₂ dsa₂ i₂ma₂jio_g₃ ne₄ jui₅, i₂ma₂juá'₂ jág₁ quió'₅ Diú₄ ca₂tsí'₃ 'nia'₂. Quion₄ 'nia'₂ 'í₁ 'a₂ lia'₂ lě₅ ca₂dsióg₃ jui₅ a₂chan₂ dsa₂ 'éi'₂, jaun₂ 'én'₄ 'nia'₂ jui₅ jaun₂ jui₁lia'₂ 'én₂ 'éi'₂.

8 Lia'₂ ma₂lín₅ jaun₂ bá₄ Jesucristo, dsióg₂, jmi_g₄ ně₃, lia'₂ con'₂ tan₅₄ bá₄ lín₅.

9 Tsá₃ lě₁cuë'₂ 'nia'₂ jmi_g₄ jua'₅₄ jio_g₃ i₂sián'₂ i₂jme₂tag₅ 'lióng₂ ne₅₄ juá'₅ siá'₂, a₂tsá₃ lě₅ con'₂ lě₅ juá'₂ jág₁ quió'₅ Diú₄. Co₂ñei'₅₄ guë'₄ dse₃ a₂gue₃ tē₂dsi₅ jnio_g₄ jui₅bí₂ tē₂le₃ quian'₅₄ a₂'ua₁ dsi₅ Diú₄, con'₂ guë'₄ tē₂le₃ quian'₅₄ 'éi'₃ jui₁lia'₂ 'a₂ lia'₂ 'nió'₅ guë'₃ dsa₂. Ia₁ tsá₃ ta₁ tí₄ 'éi'₃ jaun₂ jua'₅₄ a₂jme₃'o₅₄ quió'₅ jui₁lia'₂ dsa₂ i₂i₂nio₄ le₂jaun₂.

10 La₁ia₁ cha₂ bá₄ caun₂ ne₄chei₂ quián₂ jnio_g₄ ja₁tsá₃ ca₂tín₂ guë'₃ jui₁lia'₂ i₂jme₂ti₃ ta₁ guá'₅ tabernáculo.

11 Ia₁ ne₄ bá₄ jnio_g₄, a₂dsi₂can₅ jme₂dsa₂ dsen₅₄ jmi₄ já'₂ dsi₂néi₂ ja₁jñi₅ lín₃ guë'₄, a₂jén'₄ o₄quió'₄ dsáu₁ dsa₂. La₁ia₁ ni₁ñi₄ já'₂ 'éi'₂ qui₂dsi'₂ dsa₂ 'ni'₂ ja₁tián'₄ dsa₂ jui_g₂ Israel.

12 Ján₃ bá₄ le₂jaun₂ ca₂ñág₃ Jesús uig₅ 'ni'₂ jui_g₂, ia₁jaun₂ qui₂jme₃jñi₃ dsa₂ jui_g₂ quián₅ tē₂le₃ quian'₅₄ jmi₄ 'ñio_g₅.

13 Dsi₁náu₄ jnio_g₄ jaun₂ ně₃ ja₁con₂ Jesús, co₂'nió'₄ cau₅ ja₁tión₂ dsa₂ jui_g₂ Israel, a₂quian₂ jnio_g₄ o₂gui'₃ o₄quió'₄ Jesús.

14 Ia₁ mi₂güí_g₃ la₂, 'i₁caun₂ jui_g₂ tsá₃ cha₂ quián₂ jnio_g₄ jua'₅₄ a₂jio_g₅ co₂tan₅₄, la₁ a₂jaun₂ bá₄ 'niog'₂ jnio_g₄ ciudad jaun₂ a₂ně₃ guë'₄ jiá₃.

15 Tē₂le₃ quian'₅₄ Jesucristo jaun₂ ně₃, ma₃ jme₁juin'₂ jnio_g₄ Diú₄ co₂tan₅₄, co₂'nió'₄ a₂jen'₄ jnio_g₄ ne₄ 'éi'₂ jág₁ a₂'uë'₂ mi₂'o₄ jnio_g₄ con'₂ dsi₂ten₅₄ jmo₃ dsa₂ i₂tión₂ le₃quió'₅ 'éi'₂.

16 Ján₃ bá₄ tsá₃ o₁ló₄ dsi₂'én₂ 'au'₂ 'nia'₂ a₂dse₃ a₂qui₁cuë'₅₄ 'nia'₂ ca₂la₂ ríng'₂, 'e₂ a₂cha₂ quiáng'₂. Ia₁ jui₁lia'₂ a₂jen'₅₄ 'nia'₂ le₂jaun₂ bá₄ a₂tē₅ dsi₅ Diú₄.

17 Né'₂ 'nia'₂ jmo₄ ja₁con₂ jui₁lia'₂ i₂quian₅ ne₄ jui₅, jme₁gan₃ 'nia'₂ 'éi'₂. Ia₁ jmo₂₃ 'í₁ jme₂dsi₂ quián'₂ 'nia'₂, a₂lín₅ dsa₂ i₂ca₂tín₂ dsi₃jang'₅₄ cuenta ja₁con₂ Diú₄. Jui₁le₅₄ bá₄ dse₃ ta₁ a₂niog₅ gu₂ 'éi'₂ ia₁jaun₂ jmo₃ 'io'₂, on₃jua'₅₄ 'lia'₂ dsi₅, ia₁ tsá₃ ta₁ tí₄ ja₁con₂ 'nia'₂ ně₁jua'₂ le₂jaun₂ ca₂'lia'₂ dsi₅.

18 Chi₁len'₄ 'nia'₂ Diú₄ o₄quián₂ jnia'₅₄, ia₁ caun₂ bá₄ 'ei₅ dsi₅ jnia'₅₄ a₂quile₂jě₃ jme₂dsi₂ quián₂, ia₁ 'niog₂ bá₄ jnia'₅₄ qui₂i₁nio₁ lia'₂ dsi₂ten₅₄ jě₄ ca₂le₃jě₃.

19 Ja₂lín₃ guë'₄ dsen₅₄ mi₅ jniá₂ a₂chi₁len'₄ 'nia'₂ Diú₄ ia₁jaun₂ lé₂ nei₅₄ a₂i₁'ú₃ táng₃ ja₁con₂ 'nia'₂ ñi'₅₄ ta₁.

'Ág'₅ jág₁ jě₁ca₂tó'₂, cui_ñ₂₃ Diú₄

20 Jui₁jmo₅₄ Diú₄ i₂jmo₅ 'ei₅ tei₄, i₂ca₂tág₃ táng₃ tē₂le₃ quian'₅₄ jmi₂ a₂li'₅₄ jág₁ a₂jio_g₅ co₂tan₅₄, ca₂tág₃ Te₁gui'₅₄ Jesucristo quián₂ jnio_g₄ ja₁jme₁rě₂ 'lín₅₄, dsa₂ juin'₂ 'éi'₂ jui_g₅₄ já'₂ cha'₂, 21 jui₁jmo₅₄ bá₄ Diú₄ jui₁jmoi'₅₄ 'nia'₂ dsa₂ rě₂ñia₅ jě₄ ca₂le₃jě₃ a₂dse₃ ia₁jaun₂ jmó'₂

* 13:5 Deuteronomio 31:6. † 13:6 Salmo 118:6-7.

a₂'ŋio₂ dsí₅ 'éi₂. Ján₃ bá₄ jui₁jmo₅₄ 'éi₂ 'e₂ 'nio₃ jmo₃ quian'₅₄ ca₂le₃jág₃ jniog₄ tē₂le₃ quian'₅₄ Jesucristo. Jui₁le₂juin'₂ bá₄ 'éi₂ lia'₂ co₂tan₅₄. A₂méi₃.

²² Rin'₅₄ jniog₄, mi₅ jniá₂ quián'₂ 'nia'₂, jmo₄ bá₄ 'nia'₂ juin'₂ 'au'₂ quian'₅₄ jág₁ dse₃ la₂ a₂chi₁len'₄ jniá₂ 'nia'₂, ia₁ tsá₃ jua'₅₄ ŋí₄ lē₃ 'lióng₂ jág₁ ma₂nē₂táun₂ jniá₂ ne₄ si₂.

²³ Jui₁le₂ŋi'₅₄ 'nia'₂ jág₁ jui₁lia'₂ rin'₅₄ jniog₄ Timoteo: ma₂dsei₅ bá₄ dsa₂ né'₃ 'má₃. Nē₁jua'₂ ca₂guáin₂ ŋi'₅₄ ta₁, jaun₂ jain₅₄ jniá₂ jē₁ma₂tē₂ rē₁nei₅₄ jniá₂ i₁jing₁₂ 'nia'₂.

²⁴ Cuin₅₄ 'nia'₂ Diú₄ ca₂le₃jín₃ jui₁lia'₂ i₂jjiog₅ quián'₂ 'nia'₂, quian'₅₄ ca₂le₃jín₃ guē'₂ dsa₂ juig₂ quián₅ Diú₄.‡ Rin'₅₄ jniog₄ i₂chan₂ Italia cuin₂₃ Diú₄ 'nia'₂.

²⁵ Jui₁jme₂gu'₅₄ bá₄ Diú₄ ca₂le₃jín'₃ 'nia'₂. A₂méi₃.§
Co₂nē₅.

‡ 13:24 lit. “dsa₂jníó₅.” § 13:25 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ SANTIAGO

Jmo₅ Santiago si₂ a₂chein₃ ne₄ dsa₂ 'én₂ i₂tián'₅ tsi₁rë₂jan₅₄ úing₂

¹ Jniá₂ Santiago, líng₅ i₂jme₂ti₃ ne₄ Diú₄ quian'₅₄ ne₄ Te₁gui'₅₄ Jesucristo, cúing₅ Diú₄ ta₁guaia₃-tín₂ nió'₃ tsi₁jon₂ dsa₂ juig₂ Israel i₂tián'₅ tsi₁rë₂jan₅₄ ta₁caun₂ mi₂güig₃.

Jui₁lia'₂ jme₁jau'₂ 'í₁ a₂dsi₂ñi'₂ dsa₂ 'én₂ 'e₂ niog₅ dsi₂ñi'₂

² 'Nia'₂ rin'₅₄ jniog₄, jmo₄ 'nia'₂ 'au'₂ a₂dseng'₃ gué₄ lin₃, jme₁dsi₂ñi'₂ 'nia'₂ ca₂le₃jě₃ ne₅₄ táu₂ a₂jau'₂ 'í₁ ja₁con'₂ 'nia'₂. ³ Ia₁ ma₂ñi'₅₄ bá₄ 'nia'₂ jě₁ma₂ca₂jáu'₃ 'í₁ 'a₂lia'₂ 'én'₂ 'nia'₂, dsióg₄ lia'₂ ma₂tión'₂ jaun₂ bá₄ 'nia'₂ tiá₂. ⁴ La₁ cuin'₅₄ 'nia'₂ jmi₄ a₂le₃ñia₅ a₂ně₅ ja₁cong'₂, tió'₃ 'au'₂ 'nia'₂ jmo₄, jaun₂ dsi₁nóg'₅ léng'₂ dsa₂ i₂ma₂ca₂can'₅₄, i₂ma₂rě₂ñia₅ lia'₂ ñi'₂ dsi₄, tsá₃ ma₃ 'e₂ 'nió'₅ quián'₂ 'nia'₂.

⁵ Chi₂jua'₂ chan'₂ 'nia'₂ i₂'nió'₅ le₃ñi'₂ dsí₅, jui₁mi₁₂ ja₁con₂ Diú₄, jaun₂ 'éi₂ bá₄ cuë₃. Ia₁ Diú₄ i₂'ua₁ dsí₅ jmo₂₃ qui₂rě₂tin₂ ca₂le₃jín₃, on₃jua'₅₄ a₂tě₂jí₂. ⁶ La₁ ca₂tín'₂ 'nia'₂ a₂mí'₁ a₂'éng'₂ tě₃dsón'₂ on₃jua'₅₄ a₂'ág'₁ 'nia'₂ caun₂-tín₃ 'au'₂; ia₁ jui₁lia'₂ dsa₂ i₂'ag₅ caun₂-tín₃ dsí₅, lín₅ jui₁lia'₂ lě₅ jmi₄ a₂qui₂ráun₂ ne₄ jmi₁ñi'₄, a₂qui₂jná'₅ can₂ dsí₂ ca₂taun₂ ca₂taun₂. ⁷ Dsa₂ i₂lín₅ le₂jaun₂, tsá₃ jui₁dsi₂jio₅ dsí₅ jua'₅₄ cha₂ a₂gue₃ quió'₅ Te₁gui'₅₄. ⁸ Ia₁ jui₁lia'₂ dsa₂ i₂'ei₅ tin₃ dsí₅ tsá₃ 'e₂ tiá₂ chén'₅ i₂le₂'éi₂ ca₂le₃jě₃ gué₄ 'e₂ a₂jmo₂₃, o₃ 'e₂ jág₁ quió'₅ cuë₂₃. ⁹ Dsa₂ rin'₅₄ jniog₄ i₂te₂ñé₂, ca₂tíin₂ jmo₃ dsí₅ 'io'₂ jén'₅, ia₁ tě₃dsón'₂ bá₄ quein₅ le₃ja₁con₂ Diú₄. ¹⁰ Jui₁lia'₂ i₂cha₂ cu₄ guë'₂, ca₂tíin₂ bá₄ jmo₃ 'io'₂ ján₃ ia₁ tsá₃ 'e₂ quein₅ ja₁con₂ Diú₄ quian'₅₄ cú₁. Ia₁ i₂lín₅ jui₁lia'₂ lě₅ lí₁ ni₁nau₂ bá₄ dsa₂ i₂cha₂ cu₄ ia₁ i₂dsi₃ñi'₂ bá₄ 'éi₂ jui₁la₂ 'ióg₃. ¹¹ Jě₁ma₂ca₂'ia₂ * 'iog₂ dséi₅ 'ñio₅ lin₃ rě₂juing₅ bá₄ ni₁nau₂, rě₂quein₂, ta'₂ bá₄ lí₁ ján₃, 'én₂ bá₄ 'a₂lia'₂ jlá'₁ jme₁jniá₂. Le₂ně₅ bá₄ lě₅ quian'₅₄ dsa₂ cha₂ cu₄: qui₂dsi₃ñi'₂ bá₄ tě₃ ja₁'no₂₃ cu₄.

On₃jua'₅₄ Diú₄ i₂jmo₅ a₂co₂dsi₂'én'₅ dsa₂

¹² 'E₂ gué₄ dsen₃ dsa₂ i₂tió'₅ jmo₅ juin'₂ dsí₅ jě₁ma₂qui₂i₂ñi'₂ 'e₂ táu₂ i₂ñi'₂; ia₁ jě₁ma₂ca₂ñi₅ jaun₂, gue₃ ja₁le₃chain₂ dse₃, a₂lě₅ ně₂jag₄ bá₄ caun₂ corona a₂cuë₃ Diú₄ cuë'₃ ca₂le₃jín₃ i₂'nio₃ quió'₅. ¹³ Chi₂jua'₂ chan'₂ i₂lin₅₄ qui₂ja₂ bí₂ 'lig'₅₄ dsí₅, tsá₃ jui₁dsi₂jio₅ dsí₅ jua'₅₄ Diú₄ i₂jmo₅ a₂dsi₂jio₅ dsí₅ le₂jaun₂; ia₁ 'i₁caun₂ a₂'lig'₅₄ tsá₃ qui'₅₄ jmi₄ jua'₅₄ a₂cáin₂ táu₂ Diú₄, on₃ guë'₂ cáun₂ Diú₄ táu₂ quió'₅ 'i₁jan₂ ia₁jaun₂ jmo₃ dsa₂ a₂'lig'₅₄. ¹⁴ Le₂la₂ bá₄ lě₅: guion₅₄ bá₄ dsa₂ tsi₂cuin'₂ jui₅ ja₁'ín₅ dsí₅ jmo₃ a₂'lig'₅₄, ja₁tiáin'₃ dso₄, lín₅ ně₂jag₄ bá₄ jui₁lia'₂ jan₂ i₁ju₁ i₂nág'₅ mi₂cu₄. ¹⁵ Ne₄ ja₁'ín₅ dsí₅ jmo₃ a₂'lig'₅₄ ně₃, tě₂le₃ ne₄ ja₁ñó₄ jaun₂ rě₂jniá₂ dso₄ bá₄ ja₁coin₂; jě₁ma₂ca₂ñia₅ dso₄ ně₃, rě₃cha₂ 'mú₃.

¹⁶ 'Nia'₂ rin'₅₄ jniog₄ i₂'nióg₃, tsá₃ jui₁le₂gan'₂ 'nia'₂, ¹⁷ ia₁ ca₂le₃jě₃ a₂lě₅ a₂dse₃ lin₃ a₂guei₂ jniog₄ já₅ guei'₅₄ quió'₅ Diú₄ Jmei₂ jniog₄ i₂ca₂jmo₃ ca₂le₃jě₃ si₂ cha₂ guei'₅₄ dsi₂güig₂. La₁ ja₁con₂ Diú₄ 'i₁caun₂ tsá₃ 'e₂ jua'₅₄ a₂qui₂rě₂tsín₃, jui₁la₂ qui₂rě₂tsín₃ si₂ le₁'ág₄ guei'₅₄, 'ag₅ 'en'₂. ¹⁸ Lia'₂ ma₂lě₅ jaun₂ bá₄ con'₂ lě₅ ma₂ca₂rě₃ñi₃ dsí₅ 'ñiog₅, ma₂ca₂jmo₃ a₂ma₂ca₂rě₃chóng₃ jniog₄ tě₂le₃ quian'₅₄ jág₁ dse₃ a₂tí₅ quió'₅, ia₁jaun₂ léi₂ jniog₄ i₂le₂'uig₅₄ jui₁lia'₂ caun₂ a₂ca₂rau₂ ca₂le₃jě₃ a₂ma₂jmo₃ 'éi₂.

Jui₁lia'₂ jě₁'én₂ dsón'₂ dsa₂ co₂dsau₅

¹⁹ Jui₁le₂ñi'₅₄ 'nia'₂ a₂la₂, rin'₅₄ jniog₄: le₂jan'₂ le₂jan'₂ 'nia'₂ rě₂jáng'₁ a₂ñia'₅₄ nág'₁ de'₂, tsá₃ 'nió'₅ jua'₅₄ a₂ma₂tě₂chan'₅₄ 'nia'₂ jág₁ a₂ñag'₅₄ dsi₂jui₅, on₃ guë'₂ 'nió'₅ tin'₃ 'nia'₂ dséng'₂ ně₃

* **1:11** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

cón⁵. ²⁰ Ia₁ jui₁lia² quian⁵⁴ a₂dsén₂ dsa₂ tsá₃ lé₂ le₃jmo₃ a₂'ñio₂ dsí₅ Diú₄. ²¹ Jaun₂ lë₃, tí₃ 'nia² ca₂le₃jë₃ a₂'lig⁵⁴ a₂lë₅ dso₄ a₂ñí₄ 'ñio₅ cha₂ jmig₄ në₃, jmo₄ 'nia² meg² guen⁵⁴ co₂ñei⁵⁴ jág₁ dse₃ a₂ma₂jnia₄ tē₂'au² 'nia²; ia₁ jág₁ dse₃ nē₅ bá₄ a₂'io₅ jui₅bí₂ a₂lió₂ jme₂dsí₂ quián² 'nia².

²² La₁ jui₁le₂chan² 'nia² lia² con² lë₅ jág₁, on₃jua⁵⁴ rē² a₂jñia⁵⁴ 'nió⁵ nág¹ 'nia². Ia₁ nē₁jua² tsá₃ jme₂tí¹ 'nia², guion⁵⁴ bá₄ 'nia² jme₂gáng¹. ²³ Ia₁ jui₁lia² dsa₂ i₂jñia⁵⁴ tē₅ dsí₅ nag₂₃, tsá₃ jmo₂₃ guē² a₂nag₂₃, lín₅ lia² lín₅ jan₂ dsa₂ i₂jín₂ 'ñiog₅ ne₄ ni¹'i₂; ²⁴ la₁ jē₁ma₂ñó₅ cau₅ nē₃, dsí₂'én₂ bá₄ táng₃ dsí₅ 'a₂ lia² jniái₂. ²⁵ La₁ 'e₂ guē₄ dsen₃ dsa₂ i₂tsá₃ dsí₂'én₂ dsí₅ 'e₂ nag₂₃ tē₂le₃ 'ñio₅ lín₃ guē₄ tón² jui₅ rē₂ jág₅ 'éi³ dse₃ a₂lión₂ dsa₂. Ia₁ jme₃gu⁵⁴ bá₄ Diú₄ chi₂jua² jmo₅ dsa₂ 'e₂ ta₁ qui⁵ 'éi³ jaun₂, caun₂ nau₂ tiá₂ bá₄.

²⁶ Chi₂jua² chan₂ i₂lín₅₄ lín₂ 'ñio₅ lín₃ jme₂tí₃ ne₄ Diú₄, la₁ nē₁jua² tsá₃ con₂ guē² dsí₅ 'a₂ lia² dsia₂₃ jág₁ nē₃, ján₃ bá₄ guion⁵⁴ i₂le₂'éi₂ jme₂gain₂₃, ia₁ a₂'éin₂ jaun₂ tsá₃ 'e₂ ta₁ tí₄. ²⁷ Jui₁lia² dsa₂ i₂'én₂ tē₃dsón² lia² dsí₂ten⁵⁴ 'nio₃ Diú₄ Jmei₂ jniog₄, le₂la₂ bá₄ jmo₂₃: a₂jme₂'oin⁵⁴ chi² 'nág₂ quian⁵⁴ 'io⁵⁴ 'nág₂ nē₃, 'e₂ caun₂ o₂i₁ dsí₅ chan² 'éi₂, ton² jmo₂₃ 'í₁ a₂tsá₃ jme₃'ñio₂₃ quian⁵⁴ a₂'lig⁵⁴ cha₂ mi₂güig₃.

2

¹ Rin⁵⁴ jniog₄, i₂'én₂ le₃quíó⁵ Te₁gui⁵⁴ Jesucristo i₂jlán¹ quián₂ jniog₄, tsá₃ ca₂tín² 'nia² jing⁵⁴ jma₃quén₅ i₂la₂ i₂ó₃. ² Jui₁lia² tē₃jë₄ tion⁵⁴ 'nia² le₁ñig², dsíó₄ jan₂ dsa₂ cha₂ cu₄ i₂'i₄ anillo cu₄nió₄ gu₂, i₂chén⁵ jlá¹, la₁ nē₁jua² ján₃ guē² tē₃jë₄ jaun₂ dsíó₄ jan₂ dsa₂ te₂ñé₂ i₂chén⁵ 'lig⁵⁴, ³ nē₁jua² ca₂guen⁵⁴ 'nia² rē₂ lín₃ i₂qui² tsin⁵⁴ jlá¹, nē₁jua² ca₂chei⁵⁴ 'nia²: “Ñia₅ i₂nē₂ ja₁dse₃ la₂”, la₁ i₂te₂ñé₂ guē² nē₃ juig⁵⁴ 'nia²: “Ne₂ jó₄ nau₂”, o₃ “ja₁lá₃ i₂nē₂ 'uē₃ cau₅ ja₁tióng₂ tag₃”; ⁴ nē₁jua² le₂nē₅ jmo² 'nia², ma₂jing⁵⁴ jma₃quén₅ ríng², ma₂qui₂caun² 'nia² 'í₁, a₂ma₂dsí₂jio₅ 'lig⁵⁴ 'au². ⁵ 'Nia² rin⁵⁴ jniog₄, nei₂ 'nia² a₂la₂: Diú₄ ma₂ca₂quíóin² i₂lín₅ i₂te₂ñé₂ mi₂güig₃ la₂, ia₁ jaun₂ léin₂ dsa₂ jlán¹ quian⁵⁴ a₂'éin₂, ia₁ tiin₃ ja₁gon₂ Diú₄ ja₁ma₂lë₅ jág₁ cuē³ ca₂le₃jín₃ i₂'nio₃ quió⁵. ⁶ La₁ 'nia² nē₃ tē₂le₃ o₂guí³ bá₄ tsíng² dsa₂ te₂ñé₂. ¿Ia₁ on₁jua⁵⁴ dsa₂ cha₂ cu₄ guē² i₂jmóg² 'ang₂ quián² 'nia², qui₂tsin² 'nia² dsí₂chei² ne₄ dsí₂tan⁵⁴ nē₃? ⁷ ¿On₁jua⁵⁴ dsa₂ le₂'éi₂ guē² i₂táun₂ 'lig⁵⁴ jmá⁵ 'iin₂₃ i₂chen₂ jlán¹, i₂le₃quíó⁵ ja₁tén⁴ 'nia²?

⁸ Nē₁jua² dsí₂jó³ jme₂tí¹ 'nia² 'éi³ dsen⁵⁴ lia² con² lë₅ juá² ne₄ Si₂: “Jme₁'nió₄ dsa₂ mi₂güig₃ ríng² jui₁lia² 'nió₃ 'ñiag²”, * dse₃ bá₄ nē₁jua² jmo² 'nia² le₂jaun₂. ⁹ La₁ nē₁jua² jin⁴ 'nia² jma₃quén₅ i₂la₂ i₂ó₃, 'nau² 'nia² dso₄, ia₁ ma₂tē₁dsí₅₄ 'Éi³ ja₁con² 'nia² guiong⁵⁴; ma₂tē₁tsin⁵⁴ 'nia² ma₂le₁cáng⁴ bá₄. ¹⁰ Ia₁ jui₁lia² dsa₂ i₂jme₂tí₃ ca₂le₃jë₃ 'Éi³, la₁ nē₁jua² ca₂'liain² caun₂ 'éi³ tio⁵⁴ nē₃, ja₁jaun₂ ca₂rē₃cáin² ca₂le₃jë₃ bá₄ 'éi³ a₂tio⁵⁴ ne₄ Si₂ jaun₂. ¹¹ Ia₁ Diú₄ 'éi₂ bá₄ i₂ca₂juá² jme₁ca₂juá²: “Tsá₃ nió⁴ 'nia² jág₁ quian⁵⁴ dsa₂ i₂tsá₃ lín₅ dsí₂i₂gog²”, † ján₃ bá₄ i₂'éi₂ ca₂juá²: “Tsá₃ jñig⁴ dsa₂ mi₂güig₃ ríng².” ‡ Jaun₂ le₂nē₅ chi₂jua² tsá₃ ca₂táng² guē² dso₄ quian⁵⁴ i₂tsá₃ lín₅ dsí₂i₂gog², la₁ nē₁jua² ca₂jñig³ guē² dsa₂ mi₂güig₃ ríng² nē₃, ja₁jaun₂ ca₂rē₃cáng² bá₄ ta₁jē₂ 'Éi³. ¹² Ca₂tín² 'nia² jmó² ton² dsíá¹ jui₁lia² dsa₂ i₂nē₃ guē₄ tē₃dsí₅₄ 'éi³ quió⁵ con² lë₅ 'éi³ a₂lió₂. ¹³ Ia₁ jui₁lia² dsa₂ i₂tsá₃ ca₂dsia₃ ñéi₂ dsí₅ rin⁵⁴, ján₃ bá₄ le₂jaun₂ tsá₃ ñéi₂ dsí₅ Diú₄ dsia₃ ja₁con² 'éi₂ jē₁ma₂tē₂ rē₁tē₃dsí₅₄ 'éi³ quió⁵; la₁ jui₁lia² i₂ca₂dsia₃ ñéi₂ dsí₅ rin⁵⁴, a₂ñéi₂ dsí₅ jaun₂ bá₄ lí² jē₁ma₂tē₂ rē₁tē₃dsí₅₄ 'éi³ quió⁵.

Nió⁵ le₃jniá₂ a₂'én₂ dsa₂

¹⁴ 'Nia² rin⁵⁴ jniog₄, ¿'e₂ bá₄ ta₁ jmo₃ nē₁jua² chan₂ i₂juá² ma₂'éin₂, nē₁jua² tsá₃ guē² 'e₂ a₂'ua₁ dsí₅ jmo₂₃? ¿Lé₂ le₃jua⁵⁴ jniog₄ a₂tín⁴ dsa₂ le₂'éi₂ quian⁵⁴ a₂'éin₂ le₂jaun₂? ¹⁵ Jua⁵⁴ mei² guē₃ chan₂ jan₂ dsa₂ ñe², o₃ jan₂ dsa₂ mí₂ rin⁵⁴ jniog₄, 'in₂ tsin⁵⁴, 'in₂ a₂guē³,

* 2:8 Levítico 19:18. † 2:11 Éxodo 20:14; Deuteronomio 5:18. ‡ 2:11 Éxodo 20:13; Deuteronomio 5:17.

'oin₅₄ η₂₃ le₂o₃ jmig₄; ¹⁶ nē₁jua'₂ chan'₂ 'nia'₂ i₂ca₂chei'₅₄: “Guan'₂ caun₂ dse₃ quiáng'₂”, o₃ “Guan'₂ o₂jme₁dsion'₂”, o₃ “Guan'₂ o₂jme₁tan₅₄ ja₁quiáng'₂”, nē₁jua'₂ tsá₃ ca₂cuē'₅₄ guē'₂ 'nia'₂ a₂dsen₅₄ a₂'nió'₅ quió'₅ ni₁η₁₂, ζ'e₂ bá₄ ta₁ jmo₃ a₂'én'₂ 'nia'₂ le₂nē₅? ¹⁷ Le₂nē₅ bá₄ lē₅ quian'₅₄ a₂'én₂ dsa₂: nē₁jua'₂ tsá₃ léi₄ qui₂rē₂jniá₁ a₂jmo₅ dsa₂ a₂'ua₁ dsí₅, tsá₃ 'e₂ ta₁ tí₄ a₂'éin₂ jaun₂, lē₅ caun₂ co₂'nió'₄ a₂'lag₄ bá₄ jaun₂.

¹⁸ 'An₁ chan₂ bá₄ i₂juá'₂ ně₃: “'Én'₂ bá₄ 'ne₂, la₁ jniá₂ guē'₂ jmo₂₃ a₂dse₃.” Jniá₂ juá'₅: 'Ē₄ a₂'éng'₂, on₃juá'₅₄ quian'₅₄ a₂dse₃ a₂jmo'₂, jaun₂ jniá₂ ně₃ jme₁jniag₅ a₂'éng₂ tē₂le₃ quian'₅₄ a₂dse₃ a₂jmo₂₃. ¹⁹ 'Én'₂ bá₄ 'ne₂ a₂chan₂ jan₂ Diú₄; ζ'e₂ a₂dse₃ jmo'₂ nē₁jua'₂ le₂jaun₂? Ján₃ bá₄ le₂nē₅ guē'₂ je₂na'₅₄ 'éin₂ a₂chan₂ Diú₄, la₁ jlein₂₃ bá₄. ²⁰ La₁ 'ne₂ ně₃ dsa₂ co₄, ζ'niog'₂ cuē'₅₄ jniá₂ caun₂ léi₄ a₂tsá₃ 'e₂ quen₅ a₂'én₂ dsa₂ nē₁jua'₂ tsá₃ 'e₂ a₂dse₃ a₂qui₂rē₂jniá₁ jmo₂₃? ²¹ ζOn₁juá'₅₄ ca₂tē₁tsin'₅₄ rē₂ Abraham ne₄ Diú₄ tē₂le₃ quian'₅₄ a₂dse₃ a₂jme₁jme₂jniá₂₃ lia'₂ con'₂ jme₁ca₂jéin'₂ Isaac ja₁η₁'₅₄ quiáin₅ ne₄ Diú₄ a₂jme₁jag₃ ne₄ ne₄chei'? ²² Rē₂ de'₂ quion₂ 'nia'₂ 'í₁ 'a₂ lia'₂ ca₂lē₃ quian'₅₄ Abraham: ja₁jaun₂ ca₂rē₃jniá₂ a₂'éin₂ tē₂le₃ quian'₅₄ a₂ca₂jmo₃ jaun₂, ja₁jaun₂ ca₂jáu'₃ 'í₁ ca₂'ηia₅ a₂'éin₂ tē₂le₃ quian'₅₄ a₂ca₂rē₃jniá₂ a₂ca₂jmo₃ jaun₂. ²³ Le₂nē₅ bá₄ ca₂rē₃ti₃ a₂juá'₂ ne₄ Si₂ 'iin₂₃ Abraham ja₁juá'₂: “Ca₂rē₃'én₂ Abraham ja₁con₂ Diú₄; a₂ca₂rē₃'éin₂ le₂jaun₂ ně₃, ca₂gué'₂ Diú₄ tē₁tsin'₅₄ lín₅ dsa₂ dsen₃.” Š Jaun₂ Diú₄ ně₃ ca₂caun₃ ca₂lín₃ 'éi₂ a₂mei₅₄ quiáin₅. ²⁴ Ja₁nē₅ bá₄ rē₂jniá₂ jaun₂ ně₃, 'a₂ lia'₂ tē₂tsin'₅₄ dsa₂ rē₂ ne₄ Diú₄ tē₂le₃ quian'₅₄ a₂dse₃ a₂jmo₂₃, on₃juá'₅₄ rē'₂ a₂ηia₅₄ 'nió'₅ juá'₂ a₂'éin₂. ²⁵ Ján₃ bá₄ le₂nē₅ ca₂lē₃ quian'₅₄ Rahab i₂jme₁'nag₅ quió'₅; * ca₂tē₁tsin'₅₄ rē₂ ne₄ Diú₄ tē₂le₃ quian'₅₄ a₂dse₃ a₂ca₂jmo₃: ca₂cuē₃ dsi₂néi₂ quió'₅ ca₂ηia₃ dsa₂ quián₅ Diú₄, ján₃ guē'₂ ca₂jme₃'oin₅₄ dsa₂ 'éi₂ ca₂'uág'₂ jui₅ siá'₂. ²⁶ Jaun₂ le₂nē₅ bá₄ jui₁lia'₂ ni₁η₁₅ a₂tsá₃ jme₂dsí₂ 'i₄, lē₅ caun₂ ni₁η₁₅ 'lag₄, ján₃ bá₄ le₂nē₅ lē₅ a₂'én₂ dsa₂, nē₂jag₄ bá₄ 'lag₄ ján₃ nē₁jua'₂ tsá₃ rē₂jniá₂ a₂dse₃ a₂jmo₂₃.

3

Jui₁lia'₂ le₁tsi'₂ dsa₂

¹ Rin'₅₄ jniog₄, tsá₃ 'nió'₅ jua'₅₄ juin₅ i₂lén₂ tē₅ jin'₄ 'nia'₂, ia₁ ma₂ηi'₅₄ bá₄ 'nia'₂, 'ηio₅ guē'₄ bēn₂ 'éi'₃ tē₃dsi₅₄ ja₁con₂ jniog₄ con'₂ lág₅ i₂jme₂tín₁ rin'₅₄. ² Ia₁ ca₂le₃jág₃ bá₄ jniog₄ co₂dsi₂'éin'₅ ne₄ 'lióng₂ ne₅₄. Nē₁jua'₂ chan₂ i₂tsá₃ ma₃dso₄ 'no₅ 'i₁ca₂juig₄ ja₁dsia₂₃ jág₁, dsa₂ le₂'éi₂ lín₅ dsa₂ rē₂'ηia₅, i₂'io₅ bí₂ ne₄ ni₁η₁₂ 'ηiog₅, ta₁jain₂. ³ Jui₁lia'₂ jme₁tó'₅ dsa₂ ni₁η₁ mi₂'o₄ dsi₂cua₁ ia₁jaun₂ jme₃ti₃, lé₂ jéin'₂ dsa₂ ta₁jain₂ 'a₂ jui₅ 'nio₃ dsa₂ jiog₃. ⁴ Ní₂ de'₂ 'nia'₂ ján₃ jui₁lia'₂ ni₁barco jui₁'a₂ guē'₂ lia'₂ ca'₅₄ pa₁ lín₃, qui₂'lia'₂ dsí₂ tiá₂, dsa₂ i₂quian₅ ně₃ lé₂ le₃cán₂ 'a₂ jui₅ 'nio₃, quian'₅₄ caun₂ timón pí'₁ bá₄. ⁵ Le₂nē₅ bá₄ lē₅ quian'₅₄ le₁tsi'₂ dsa₂ ján₃; le₁tsi'₂ dsa₂ lē₅ caun₂ ni₁η₁₅ pí'₁ ton₅ ni₁η₁ dsa₂; 'e₂ bá₄ lín₂ lé₂ le₃jmo₃ 'lióng₂ jág₁ ca'₅₄. ηí₂ de'₂ 'nia'₂ ján₃, 'e₂ guē'₄ pa₁ 'ηa₁ má'₂ lé₂ le₃dsi'₂ quian'₅₄ ca₂míg₂ si₂ pí'₁!

⁶ Jaun₂ le₁tsi'₂ dsa₂ ně₃, lē₅ co₂'nió'₄ caun₂ si₂ a₂quian'₅₄ quió'₅ dsa₂. A₂lē₅ co₂'nió'₄ caun₂ mi₂güig₃ 'lig'₅₄ a₂ton₅ ni₁η₁ jniog₄, a₂jmo₅ ta₁ a₂qui₂rē₂'ηio₅ dsa₂ ta₁jain₂. Quian'₅₄ jág₁ dséi₂ a₂'ηiog₂ jniog₄, nē₂jag₄ bá₄ a₂gui'₂ si₂ le₁tsi'₂ jniog₄ jui₅ quián₂ tē₁lia'₂ chong₂, lē₅ nē₂jag₄ bá₄ si₂ a₂ca₂tín₂ bí₂ quian'₅₄ tsi'₅₄ si₂ a₂já₅ guio₃-juig₃. ⁷ Qui'₅₄ jmig₄ dsa₂ mi₂güig₃ jme₃'uáin₂ dsí₅ ca₂le₃jě₃ ne₅₄ já'₂ i₂tsau₂ dsí₅, já'₂ i₂'in₅, já'₂ i₂tsě'₅ quió'₅, já'₂ i₂chan₂ jmi₁η₁'₄ ně₃, ⁸ la₁ 'i₁jan₂ dsa₂ tsá₃ 'éin₂ ma₂tió'₃ jme₃'uáin₂ le₁tsi'₂ guoin₅₄. Lē₅ caun₂ a₂'lig'₅₄ a₂tsá₃ tei₄ lé₂ le₃jmo₃, qui₂rē₂can'₂ jág₁ dséi₂ nē₂jag₄ bá₄ mí₅ 'lig'₅₄ a₂dsan₂ dsa₂. ⁹ Quian'₅₄ le₁tsi'₂ jniog₄ jme₂juín'₁ Te₁gui'₅₄ quián₂ i₂lín₅ Jme₂jniog₄, ton'₂ ján₃ guē'₂ 'ín₅ 'lig'₅₄ dsa₂ mi₂güig₃ i₂ma₂ca₂jmo'₂ Diú₄ lia'₂ lē₅ nió'₄ quió'₅ 'ηiog₅. ¹⁰ Quian'₅₄ mi₂'o₄ jniog₄ la₂, 'uē₂ jág₁ a₂jme₂juín'₁ Diú₄, ján₃ guē'₂ 'uē₂ jág₁ 'lig'₅₄ a₂'ín₅ dsa₂ rin'₅₄. Rin'₅₄ jniog₄, tsá₃ dsi₂ten₅₄ le₂nē₅. ¹¹ ζ'A₂ bá₄ lia'₂ chi₂juá'₂ caun₂ o₄tu₁ jmig₂ lé₂ le₃'iá₃ jmig₂ ráu₂ lia'₂ jmig₂ dsi'₃ ně₃? ¹² 'Nia'₂ rin'₅₄ jniog₄, ζlé₂ le₃lé₂ jua'₅₄ caun₂ ni₁'ma₂ a₂'ag₅ mīg₂ higo, jua'₅₄ a₂jaun₂ 'ag₃ táng₃ mīg₂ aceitunas? O₃, ζlé₂ le₃lé₂

jua⁵⁴ ca₂cho⁵⁴ uing₂ uvas, a₂jaun₂ 'ag₃ táng₃ míg₂ higos? Ján₃ bá₄ le₂ně₅, 'i₁caun₂ tu₄ jmig₂ ja₁'ia₂ jmig₂ ŋi⁵⁴ tsá₃ lé₂ le₃'iá₃ jmig₂ ráu₂ ně₃.

Le₂la₂ dsón² bá₄ lě₅ a₂dse₃ lia² con² dsi₂ten⁵⁴ le₃ŋi² dsí₅ dsa₂

¹³ Ně₁jua² chan₂ jě₄ quián² 'nia² jan₂ i₂ŋi² dsí₅, jui₁jme₂jniai₂₃ jui₅ dse₃ 'a₂ lia² ŋi₂₃ tē₂le₃ quian⁵⁴ a₂jmo₃ a₂dse₃, a₂jmo₃ mei² lia² con² lě₅ ŋi². ¹⁴ La₁ ně₁jua² tion⁵⁴ 'nia² jmo² uin₅ 'au² cha₂ a₂dsi³ tē₂'au² 'nia², tiong⁵⁴ cha₂ a₂ma²'ín₅ 'au² guiong⁵⁴; ně₁jua² le₂ně₅, tsá₃ ca₂tín² 'nia² jmó² táng⁵, on₃ guē² jmó² tē₂jíng¹ quian⁵⁴ jág₁ tí₅. ¹⁵ Ia₁ a₂ŋi² dsí₅ dsa₂ le₂ně₅, on₃jua⁵⁴ a₂já₅ guei⁵⁴ ně₅; quió⁵ mi₂güig₃ bá₄. A₂lě₂ dsí₅ ni₁ŋi₁ dsa₂ guoin⁵⁴, ta₁ quió⁵ je₂na⁵⁴ bá₄ ně₅. ¹⁶ Ia₁ jui₁lia² ja₁tion⁵⁴ dsa₂ uin₅ dsí₅ quian⁵⁴ riin⁵⁴, ton² co₂tan⁵⁴ cha₂ a₂ma²'ín₅ dsí₅ dsa₂ a₂lí² jmá³ guoin⁵⁴, ja₁le₂jaun₂ tsá₃ 'e₂ dse₃ chí⁵ tion⁵⁴ dsa₂, ton² jmo₅-dsáu₅ dsa₂ ca₂le₃jě₃ ne₅₄ a₂'lig⁵⁴. ¹⁷ La₁ jui₁lia² ja₁ŋi² dsón² dse₃ dsí₅ dsa₂ a₂já₅ guei⁵⁴ i₂juig₃, jě₁le₂'uig⁵⁴ de² chan₂ dsa₂ quian₅ caun₂ jui₅ le₁jě₃; ŋó₅ jaun₂ táng₃ 'no² jui₅ ja₁'ag₃ tei₄; 'en⁵⁴ dsí₅ dsa₂ lín₅ ně₃; caun₂ dsáu₅ dsí₅ bá⁴ 'e₂ caun₂ a₂lě₂; chain₂ ŋé₂ dsí₅ dsa₂ mi₂güig₃ riin⁵⁴; jmo₂₃ jmá³ lia² a₂dse₃; ton² tsá₃ 'e₂ qui₂co₂₃ jág₁ quió⁵; ton² tsá₃ jua⁵⁴ a₂lě₁co₂jmo₂₃ o₁ne₁ ně₃. ¹⁸ Dsa₂ i₂quín⁵ bí₂ jne₂₃ a₂'ag₃ tei₄, jaun₂ ro² a₂le₃chain₂ caun₂ jui₅ co₂dsau₅.

4

Jui₁lia² jme₁tón⁵ dsa₂ 'én₂ jmo₂₃ ján₃ a₂jmo₅ dsa₂ mi₂güig₃

¹ ¿A₂ jui₅ já₅ mi⁵⁴ 'nei₂ a₂cha₂ jin⁴ 'nia²? ¿On₁jua⁵⁴ 'uig⁵⁴ ia₁ a₂'niog² 'nia² le₃chang² o₂ŋi₃ o₂jŋia₃ 'au², cuē₅ 'nei₂ ni₁ŋi¹ 'nia²? ² Cha₂ a₂'niog² 'nia² jui₁lia² a₂tsá₃ cha₂ quiáng². Uin₅ 'au² 'nia² líng⁵. Ia₁ tsá₃ le₃lén² 'nia² a₂'ín₅ 'au². Jmo² 'nia² mi⁵⁴, dsia² 'nia² 'nei₂ ně₃, la₁ tsá₃ cha₂ quián² 'nia² ně₃, ia₁ tsá₃ mi². ³ Jui₁lia² jme₁mi² guē² 'nia², la₁ tsá₃ ŋi² guē² 'nia² 'uig⁵⁴ ia₁ tsá₃ mi² 'nia² con² dsi₂ten⁵⁴, ia₁ a₂jŋia⁵⁴ 'niog² 'nia² 'éng⁴ a₂le₃chang² o₂ŋi₃ o₂jŋia₃ 'au² bá₄. ⁴ ¿E₂ guē⁴ lín⁵ 'nia² jui₁lia² lín₅ dsa₂ mí₂ i₂tsá₃ jen⁵⁴ dsi₂i₂gu₂, qui₂'no² jui₅ dsó₅ quian⁵⁴ i₂sián²! ¿Tsa₁ ŋi⁵⁴ 'nia², jui₁lia² dsa₂ i₂jen² dsí₅ quian⁵⁴ mi₂güig₃, i₂le₂'éi₂ tē₂tsin⁵⁴ lín₅ i₂ŋia₅₄ Diú₄ bá₄? Jaun₂ lě₃, jui₁'ein₂ guē₃ i₂jen² quian⁵⁴ mi₂güig₃, i₂ŋia₅₄ Diú₄ bá₄ 'éi₂. ⁵ ¿O₃ bá₄ lín² 'nia², on₃jua⁵⁴ 'e₂ cha₂ jein₅ jág₁ a₂juá² ne₄ Si₂: “Jme₂dsí₂ i₂ma₂cuin₃ i₂'en⁵⁴ jě₄ quián₂ jniog₄, dsí⁵ 'ŋio₅ lín₃ ia₁ a₂'nio₃ jniog₄”? ⁶ La₁ tē₂le₃ 'ŋio₅ guē⁴ bēn₂ a₂'ua₁ dsí₅ Diú₄ a₂cuē₂₃ jniog₄; 'uig⁵⁴ jaun₂ juá² ne₄ Si₂:

Nau₂ Diú₄ quein₅ ne₄ dsa₂ i₂jmo₅ tán⁵,

la₁ jmo₂₃ 'ua₁ dsí₅ ja₁con₂ dsa₂ i₂jmo₅ me².†

⁷ Tión² 'nia² o₄gú₃ Diú₄. Tsá₃ lě₁cuín₅ 'nia² i₂sě₃dsen₃, jaun₂ i₂cuing₃ bá₄ 'éi₂ ja₁con² 'nia². ⁸ Jme₁quián₄ 'nia² tē₂le₃ ja₁con₂ Diú₄, jaun₂ bá₄ jme₃quián₃ 'éi₂ ja₁con² 'nia² ján₃. 'Nia² dsa₂ i₂qui₂rě₂cán⁴ dso₄, rang₂ 'nia² gog²; jmo₄ 'nia² le₁jě₃ tē₂'au², 'nia² dsa₂ i₂le₁'ág₄ caun₂-tín₃ dsí₅. ⁹ Tión² 'nia² quian₂ o₂i₁ dsí₅, qui²-o₄. Nág⁴ quián² 'nia², jui₁le₂tsín₃ jui₁le₅₄ a₂qui²- 'áu² 'nia²; ján₃ guē² le₂ně₅ ně₁jua² chan² 'nia² i₂'io² jén⁵, jme₁tsín₄, tión² 'nia² 'lia² 'au². ¹⁰ Jmo₄ 'nia² meg² tē₂le₃ ne₄ Te₁gui⁵⁴, jaun₂ bá₄ chó² 'éi₂ táng₃.

Diú₄ bá₄ i₂ca₂tín₂ con² 'í₁

¹¹ Rin⁵⁴ jniog₄, tsá₃ 'ín₅ 'nia² 'lig⁵⁴ ríng² le₂jang² le₂jang². Ia₁ jui₁lia² i₂'ín₅ 'lig⁵⁴ jan₂ rin⁵⁴, o₃ ŋi₂₃ qui₂con² 'í₁, co₂'nió⁴ 'lig⁵⁴ bá₄ 'ě₅ 'éi₂ 'Éi³ quió⁵ Diú₄, ton² jmo₂₃ dsí₅ tsá₃ 'e₂ quen₅ 'Éi³. Ia₁ ně₁jua² cáun² 'ne₂ 'í₁ ne₄ 'Éi³, co₂'nió⁴ bá₄ a₂ma₂jmo² 'au² ján₃ a₂líng⁵ jan₂ i₂'io₅ bí₂ con² 'í₁ ne₄ 'Éi³ 'nió⁴ a₂jme₁tí⁴ 'ŋiag². ¹² Jan₂ tan⁵⁴ bá₄ i₂chan₂ i₂ca₂tín₂ cuē₃ 'éi³; i₂'éi₂

* 4:5 'Nio² ja₁ton₅ Éxodo 20:5. † 4:6 Proverbios 3:34.

bá₄ lín₅ i₂'io₅ bí₂ dsí₃ 'éi'₃, jaun₂ 'njog₅ bá₄ 'éi₂ ně₃ lé₂ le₃lió₂ o₃ 'liog'₃ 'e₂. La₁ ħ₂'ein₂ bá₄ 'ne₂? ħ₂'E₂ lě₃ cáun₂ 'í₁ quió'₅ dsa₂ mi₂güig₃ ríng'₂?

¹³ Ně₃ ně₃, nei₂ 'nia'₂ a₂la₂, 'nia'₂ i₂jag₄ juá'₂: “Ně₃ o₃ 'ióg₃, dsau₅₄ ciudad ně₅, o₃ ciudad ó₃; ja₁jaun₂ dsi₁ňag₅₄ caun₂ ŋi₂ dsi₁'nág₁ dsi₁jmo₁ 'ma'₅₄ jaun₂ léi₂ cu₄.” ¹⁴ La₁ 'i₁ca₂juig₄ tsá₃ jaun₂ ŋi₅₄ 'nia'₂ 'e₂ lé₂ 'ióg₃, dsi₂jui₅ ja₁o₁nóg'₅. Ia₁ jui₁lia₂ 'lē₅ caun₂ bē₅₄ jnei₅ tei₂ bá₄ lín₅ 'nia'₂, ně₃ jniá₂ 'ei₅, ně₃ cón₅ tsá₃ ma₃cha₂ táng₃. ¹⁵ Nió'₄ a₂jme₁dsiá'₂ 'nia'₂ jág₁ le₂ně₅, le₂la₂ bá₄ ca₂tín₂ 'nia'₂ dsiá'₁: “Chi₂jua'₂ le₂jaun₂ 'nio₃ Te₁gui'₅₄ le₃chong₂ jniog₄, jaun₂ bá₄ dsi₁jmo₁ a₂la₂ a₂ó₃.” ¹⁶ La₁ 'nia'₂ ně₃, ting'₂ dsiá'₂ jág₁ tá'₅ jmo₂ 'nia'₂ róng'₂; ca₂le₃jě₃ a₂dsia₅ dsa₂ jág₁ le₂ně₅, 'lig'₅₄ bá₄. ¹⁷ Jaun₂ ně₃, dsa₂ i₂ŋi₅ a₂dse₃ a₂lé₂ le₃jmo₃, la₁ ně₃jua'₂ tsá₃ ca₂jmo₃ ně₃, dso₄ bá₄ jaun₂ le₃quió'₅ 'éi₂.

5

A₂rě₂'ě₂ jág₁ ja₁con₂ dsa₂ cha₂ cu₄

¹ ħ₂'nei₂ 'nia'₂ a₂la₂, 'nia'₂ dsa₂ i₂cha₂ cu₄! Qui'₂'o₄, guio'₅₄ 'nia'₂ o₄quió'₄ ca₂le₃jě₃ ne₅₄ jmi₁uig₅ a₂dsi₃ŋí'₂ 'nia'₂. ² Ca₂le₃jě₃ a₂cha₂ quián'₂ 'nia'₂ ma₂'áu₁, le₂jaun₂ guē'₂ 'mi'₂ a₂quí'₂ 'nia'₂ ma₂quí'₅ i₁cá₁. ³ Cu₄nióg₄ cu₄tiog₂ quián'₂ 'nia'₂ qui₂ma₂'io₂ juí'₅. Já₅ caun₂ jmi₄g₄ jáng'₃ léi₄ juí'₅. A₂ně₅ bá₄ a₂co₃dsag₅₄ quián'₂ 'nia'₂, a₂dsiá₃ ni₁ŋi'₁ 'nia'₂ guiong'₅₄, lé₂ ně₂jag₄ bá₄ si₂. Ia₁ 'ŋio₅ lin₃ qui₂ma₂dsia'₅₄ 'nia'₂ le₁má'₂ ca₂le₃jě₃ ne₅₄ a₂cha₂ quiáng'₂, jmi₄g₄ jě₁ca₂tó'₂ la₂. ⁴ ħ₂jag₄! 'Lian'₅₄ dsa₂ i₂qui₂ma₂jmo₃ ta₁ ja₁nau₂ quián'₂ 'nia'₂ 'lian'₅₄ dsa₂ a₂tsá₃ ca₂qui'₅₄ 'nia'₂, quió'₅ 'o₂₃; le₂jaun₂ guē'₂ jág₁ quió'₅ guion₅₄ dsa₂ 'éi₂, ma₂dsi₃lé₂ gua₄ Te₁gui'₅₄ Juig₅₄ 'Lióg₂. ⁵ Ia₁ 'ŋio₅ lin₃ dse₃ jlá'₁ ma₂ca₂rě₃chán₃ 'nia'₂ ne₄ gua'₅₄ 'uě₃ la₂, ma₂qui₂ma₂quian'₂ 'nia'₂ o₂'ŋi₃ o₂jŋia₃ dsi₅, Ma₂ca₂jme₁'on₁ 'nia'₂ lia'₂ 'on'₅₄ ca₁jui₅; la₁ já₅ jmi₄g₄ ja₁dsián'₃ 'nia'₂ jui₁lia₂ dsan₂ ca₁jui₅. ⁶ 'Nia'₂ ma₂qui₂ma₂'liáng'₃ ma₂ca₂jme₁dsiang'₂ dsa₂ i₂tsá₃ 'e₂ rin₂; ħ₂tsa₁ lín₂ 'nia'₂ jŋia₅₄ dsa₂ 'éi₂ mi₃ tě₃dsi₅₄ 'éi'₃ jmi₄g₄ jaun₂?*

A₂chan₂ dsa₂ juin'₂ dsí₅ lín₅ caun₂ chi₁jŋia₂₃ a₂jéin'₃ Diú₄ 'e₂ ma₂mi₃

⁷ Jaun₂ ně₃, rin'₅₄ jniog₄, jmo₄ 'nia'₂ juin'₂ 'au'₂ ca₂lia₂ ca₂tě₂ jmi₄g₄ i₁guan'₂ Te₁gui'₅₄. Jui₁lia₂ jan₂ dsa₂ i₂jmo₅ ta₁ ja₁nau₂ chi₁jŋia₂₃ ráu₃ dse₃ lin₃ ta₁ quió'₅, jaun₂ caun₂ jmo₂₃ juin'₂ dsí₅ bá₄ chi₁jŋia₂₃ a₂guá₂ le₂'uig₅₄ jmi₅ tiá₄, a₂tě₅₄ jein₂ jmi₅ ně₃. ⁸ Le₂ně₅ bá₄ 'nia'₂ ján₃, jmo₄ 'nia'₂ juin'₂ 'au'₂, caun₂ 'éi₂ 'nia'₂ 'au'₂, ia₁ ja₂quián₃ bá₄ jmi₄g₄ a₂guan'₂ Te₁gui'₅₄. ⁹ Rin'₅₄ jniog₄, tsá₃ ma₃o₁le₅₄ 'au'₂ 'nia'₂ jua'₅₄ a₂caun₂ qui₁'ní₄ guě₄ 'nia'₂ ríng'₂ le₂jang'₂ le₂jang'₂, ia₁jaun₂ bá₄ tsá₃ tě₃dsi₅₄ 'éi'₃ ja₁con'₂ 'nia'₂ guiong'₅₄. Ia₁ juě₄ i₂qui₃dsi₅ 'éi'₃ ně₂jag₄ i₂ma₂chén'₅ o₄'né₄ bá₄ 'éi₂. ¹⁰ 'Nia'₂ rin'₅₄ jniog₄, quian'₂ 'nia'₂ jui₅ jui₁lia₂ jui₅ a₂ca₂can₃ dsa₂ i₂ca₂'ě₂ jág₁ quián₅ Te₁gui'₅₄ ma₂líg'₂. Ca₂rě₃juin'₃ dsí₅ ne₄ ca₂le₃jě₃ jmi₁uig₅ a₂ca₂l₃ŋí₂. ¹¹ Jag₄ jaun₂, jmo₂ jniog₄ dsi₅, 'e₂ guě₄ dsen₃ dsa₂ i₂ca₂nau₂ tiá₂ 'éi₂. Ján₃ bá₄ ŋi'₅₄ 'nia'₂ 'a₂ lia'₂ ca₂rě₃juin'₃ dsí₅ Job, ca₂nau₂ tiá₂, ton₂ ŋi'₅₄ bá₄ 'nia'₂ ján₃ 'a₂ lia'₂ ca₂jme₃gu'₅₄ táng₃ Te₁gui'₅₄ quió'₅ 'éi₂ jě₁ca₂tó'₂. Ia₁ le₂ně₅ bá₄ jau'₂ 'í₁ i₂'ua₁ dsí₅ lin₃ bá₄ Te₁gui'₅₄, ton₂ ŋéi₂ dsí₅.

¹² Le₂ně₅ bá₄, jmo₄ 'nia'₂ ne₄ ca₂le₃jě₃, rin'₅₄ jniog₄, jui₁lia₂ jme₁dsia'₂ 'nia'₂ jág₁, tsá₃ lě₁'ě₂ 'nia'₂ guei'₅₄ i₂juig₃, on₃ guē'₂ 'ě₂ 'nia'₂ gua'₅₄ 'uě₃, on₃ guē'₂ 'i₁caun₂ cosa siá'₂ a₂lě₁'ě₁ 'nia'₂ jua'₅₄ a₂'íng'₄ Diú₄. Jě₁ma₂tě₂ rě₁dsiá'₁ 'nia'₂ jág₁, jua'₅₄ 'nia'₂ “ján₅”, jui₁le₂ti₃ bá₄ “ján₅” jaun₂; ján₃ bá₄ le₂ně₅ jui₁lia₂ jme₁jua'₂ 'nia'₂ “jan₂'ón₄”, jui₁le₂ti₃ bá₄ “jan₂'ón₄” jaun₂, ia₁jaun₂ tsá₃ tě₃dsi₅₄ 'éi'₃ ja₁con'₂ 'nia'₂.

¹³ Ně₃jua'₂ 'ein₂ 'nia'₂ chan₂ o₂i₁ dsi₅, jui₁chi₂lén'₂ ne₄ Diú₄. Ně₃jua'₂ 'ein₂ guē'₂ chan₂ i₂'ei₅ dse₃ dsí₅, jui₁'ě₁₂ son₅₄ a₂rě₂juin'₂ Diú₄. ¹⁴ Ně₃jua'₂ chan₂ 'ein₂ i₂dso₅₄, ca₂tín₂ tě'₂ dsa₂ can'₅₄ quián₅ guá'₅, † ia₁jaun₂ chi₃lén'₂ 'éi₂ Diú₄ ne₄ quió'₅, jaun₂ tsáng₂ no'₅₄ lia'₂ con'₂ lě₅ 'éi'₃ quió'₅ Te₁gui'₅₄. ¹⁵ Ia₁ jě₁chi₂lén'₂ dsa₂ Diú₄ a₂'éin₂ tě₃dsón'₂, 'lión₂ dsa₂ dso'₅₄; chó'₂ bá₄

* **5:6** o₃, “tsá₃ jua'₅₄ a₂jaun₂ tsá₃ ca₂guen₃ 'éi₂.” † **5:14** griego: presbíteros.

Te₁gui'₅₄. Nē₁jua'₂ 'e₂ dso₄ ma₂táin'₂ ně₃, 'én₂ bá₄ dsáu₁. ¹⁶Jaun₂ lë₃, jme₁jnia₅ 'nia'₂ ne₄ ríng'₂ 'e₂ ma₂qui₂ma₂'lian'₂ 'nia'₂, ján₃ guë'₂ chi₂len'₄ 'nia'₂ Diú₄ o₄quió'₄ ríng'₂ le₂jang'₂ le₂jang'₂ ia₁jaun₂ 'lión'₂ 'nia'₂. Ia₁ jui₁lia'₂ dsa₂ i₂tión₂ rē₂ ne₄ Diú₄, 'io₅ bí₂ jág₁ quió'₅ 'e₂ caun₂ a₂mi₂₃ ne₄ Diú₄. ¹⁷Elías jme₁lín₄ jan₂ dsa₂ lia'₂ lág₅ jniog₄; jme₁ca₂mi₃ jë₄ chi₂lén'₂ Diú₄ a₂co₂ñei'₅₄ tsá₃ ma₃téin₃ jmí₅, jaun₂ 'ni₅ ñi₂ tē₂ ca₂dsio₄ tsá₃ ma₃jmí₅ ca₂tang₂ ne₄ gua'₅₄ 'uë₃. ¹⁸Cang₂ jaun₂, ca₂mi₃ táng₃ ne₄ Diú₄, jaun₂ ca₂tang₂ táng₃ jmí₅, ca₂rau₂ táng₃ ne₄ gua'₅₄ 'uë₃.

¹⁹'Nia'₂ rin'₅₄ jniog₄, nē₁jua'₂ chan₂ 'nia'₂ i₂dsi₂cón'₅ dsí₅ jui₅ dsau₅, nē₁jua'₂ jan₂ guë'₂ i₂ca₂jén'₂ táng₃, ²⁰dsá₂ 'au'₂ 'nia'₂ jmo₄ a₂la₂: jui₁ 'ein₂ guë'₃ i₂jén'₂ jan₂ dsa₂ i₂rē₂cán'₄ dso₄ jui₅ 'lig'₅₄ a₂jme₁ma₂ñó₅, lióin₂ jme₂dsí₂ quió'₅ 'éi₂ ne₄ 'mú₃, jaun₂ le₂në₅ jlë₂ 'lióng₂ dso₄ dsí₂ 'én₂ ně₃.

Co₂në₅.

Si₂ carta le₂'uig₅₄ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂ i₂tián₅ tsi₁rě₂jan₅₄ úing₂

¹ Jniá₂ Pe₄, líng₅ dsa₂ i₂chen₄ quián₅ Jesucristo jmo₂₃ si₂ la₂ tsíng₂ ne₄ ca₂le₃jín₃ dsa₂ i₂tsi₁rě₂jan₅₄ i₂ma₂lín₅ co₂'nió₄ dsi₂nau₂ i₂tián₅ úing₂, le₂tan₅₄ 'uē₃ Ponto, quian₅₄ Galacia, Capadocia, Asia, Bitinia ně₃, ² ne₄ ca₂le₃jín₃ dsa₂ i₂ma₂quion₅₄ quián₅ Diú₄ Jmei₂ jniog₄ lia₂ con₂ lě₅ ma₂i₃jio₅ dsí₅ ca₂le₂jniá₅. Ca₂quió₂ Diú₄ tē₂le₃ quian₅₄ ta₁ quió₅ Jme₂dsí₂ quián₅ ia₁jaun₂ ma₂lě₅ 'í₁ 'nia₂, ia₁jaun₂ le₃chang₂ jme₁ti₄ ne₅₄, chan₂ 'nia₂ qui₂le₃jě₃ jme₂dsí₂ quiáng₂ ně₃, rě₂jnióg₄ le₁séng₅ jmi₂ 'an₅₄ Jesucristo. Jaun₂ juá₅ jniá₂, ju₁chan₂ bá₄ 'nia₂ dse₃ ne₄ ca₂le₃jě₃ ne₅₄ a₂dse₃ jme₂gu₅₄ Diú₄, 'ei₅ tei₄ ja₁con₂ 'nia₂ ca₂le₃jíng₃.

A₂ lia₂ chan₂ dsa₂ caun₂ bá₄ a₂le₁'ág₄ dsí₅ a₂ma₂rě₂'én₄ dsáu₁, tíin₄ guei₅₄ i₂juíg₃

³ Ju₁le₂juin₂ bá₄ Diú₄ Jmei₂ Te₁gui₅₄ Jesucristo quián₂, ia₁ ca₂dsia₃ nēi₂ dsí₅ 'nio₅ lín₃ jniog₄, ca₂cuē₃ jme₂dsí₂ 'mí₂, ma₂jmo₃ bá₄ a₂ma₂ca₂rě₃chóng₃ táng₃ jniog₄ tē₂le₃ quian₅₄ ju₁bí₂ a₂ca₂jen₅₄ táng₃ Jesucristo jin₄ 'lag₄. 'Uig₅₄ ně₅ bá₄ a₂chong₂ jniog₄ caun₂ bá₄ qui₂le₁'ág₄ dsi₅ a₂dsi₁no₃ tág₄ guei₅₄ i₂juíg₃. ⁴ Ton₂ jmo₃ a₂guéi₁ 'nia₂ a₂ma₂lě₅ jág₁ a₂tíng₅₄ cuē₃ Diú₄, a₂lě₅ caun₂ a₂tsá₃ ton₅ jmig₄ dsi₃'én₂, on₃ guē₂ lé₂ le₃'lig₅₄, on₃ guē₂ ton₅ jmig₄ le₃juíng₅ ně₃. Ca₂le₃jě₃ a₂ně₅ ma₂lě₅ co₂jnia₅₄ rě₂'ma₄ guei₅₄ i₂juíg₃ quián₂ 'nia₂. ⁵ Tē₂le₃ ia₁ a₂'én₂ 'nia₂ ma₂jmo₂₃ 'í₁ quian₅₄ ju₁bí₂ quió₅ a₂dsi₁no₃ 'nia₂ tíng₄ a₂le₃jniá₂ jmig₄ jě₁ca₂tó₂ i₁lión₂ 'nia₂.

⁶ 'Uig₅₄ ně₅ bá₄ ně₃ ju₁chan₂ 'nia₂ qui₂le₁'ág₄ dse₃ 'au₂, 'io₂ jéng₂, tsá₃ a₂léi₂ ju₁la₂ 'lióng₂ táu₂ a₂qui₂dsi₃ně₂ 'nia₂ co₂'na₂. ⁷ Ia₁ lia₂ lě₅ cu₄nióg₄ bá₄ lě₅ 'én₂ 'nia₂: jaun₂ tion₅₄ 'nió₅ cáu₃, nğ₅ si₂, jióg₂ 'í₁ le₃léi₄ chi₂jua₂ tē₃dsón₂ bá₄ dse₃. Ju₁lia₂ jau₂ 'í₁ cu₄nióg₄ tē₂le₃ quian₅₄ si₂, ján₃ bá₄ le₂ně₅ jióg₂ 'í₁ a₂'én₂ 'nia₂ tē₂le₃ quian₅₄ uig₅ a₂niog₅ qui₂dsi₂ně₂. Ia₁ a₂'én₂ 'nia₂ ně₅, quen₅ guē₄ 'nio₅ lín₃ lia₂ con₂ guē₄ cu₄nióg₄, ia₁ cu₄nióg₄ ně₃, a₂dsi₂'én₂ bá₄ jaun₂. Jaun₂ ně₃ jě₁ma₂ca₂o₃'ág₃ jág₁ a₂'én₂ 'nia₂ tē₃dsón₂, jaun₂ guē₄ 'ag₃ Diú₄, 'én₂ bá₄ 'nia₂ dse₃ lín₃, ton₂ qui₂jme₃go₃ bá₄ dsa₂, jaun₂ guéin₂ bá₄ 'nia₂ guei₅₄ i₂juíg₃ jě₁ma₂ca₂rě₃jniá₂ Jesucristo.

⁸ 'Nió₃ bá₄ 'nia₂ Cristo ju₁la₂ tsá₃ ma₂ca₂tě₂ ne₅₄ 'nia₂. Caun₂ bá₄ qui₂le₁'ág₄ 'au₂ 'nia₂ le₃quió₅ 'éi₂, jnia₅₄ la₂ tsá₃ ma₂ca₂jín₅₄ 'nia₂ dsón₂ dsi₁ne₁ la₁ 'nio₅ lín₃ bá₄ 'io₂ jén₂ 'nia₂ ca₂lia₂ tsá₃ ne₄ 'a₂ lia₂ le₃jua₅₄, ⁹ ia₁ le₂ně₅ bá₄ ma₂lín₂ 'nia₂ ju₁ja₁ma₂lón₂ jme₂dsí₂ quiáng₂; ia₁ ja₁jaun₂ dsi₁no₃ dsón₂ bá₄ 'nia₂ lia₂ con₂ lě₅ 'éng₂.

¹⁰ Ju₁lia₂ jág₁ a₂lió₂ Diú₄ ně₅, lia₂ con₂ lě₅ jme₁'ě₂ dsa₂ quián₅ Diú₄ jág₁ ma₂líg₂, ca₂juá₂ tē₃jniá₅ 'a₂ lia₂ jmo₃ 'ua₁ dsí₅ jme₃goin₅₄ 'nia₂, jaun₂ dsa₂ 'éi₂ ně₃ ca₂'nau₃ jág₁ dsau₅ ca₂cáun₃ 'í₁ rě₂ lín₃, ¹¹ 'ein₂ dsón₂ 'éi₂, o₃ 'e₂ 'ió₄ a₂nğ₃ uig₅, a₂le₃juin₂ táng₃ cang₂ jaun₂. Ca₂jmo₃ bá₄ dsa₂ 'éi₂ ně₃ lia₂ con₂ lě₅ ca₂'ě₃ Jme₂dsí₂ quián₅ Cristo ju₁tě₂dsí₅.

¹² Ca₂jme₃jnia₅ Diú₄ jág₁ a₂qui₂ca₂ně₂ dsí₅ dsa₂ 'éi₂, la₁ on₃jua₅₄ a₂dse₃ ja₁coin₂ guoin₅₄, a₂dse₃ tē₂le₃ ja₁con₂ 'nia₂ bá₄ a₂ca₂jme₃ti₃ 'éi₂ lia₂ con₂ jme₁ca₂'ě₂ jág₁, co₂rě₂ bá₄ lia₂ con₂ lě₅ jág₁ a₂ma₂ca₂rě₃'ě₂ ja₁con₂ 'nia₂ tē₂le₃ quian₅₄ Jme₂dsí₂ Jnió₅ i₂chen₄ já₅ guei₅₄ i₂juíg₃. Ca₂le₂jio₅ ángeles ně₃, jme₁ín₅ dsí₅ tē₃ ne₅₄ ca₂le₃jě₃ a₂ně₅.

Diú₄ ma₂ca₂tě₃ jniog₄ a₂le₃chong₂ le₃jě₃ jme₂dsí₂ quián₂

¹³ Jaun₂, rě₂ján₁ 'nia₂ jmo₄, a₂le₃ně₂ dsei₂ a₂le₃'en₅₄ 'au₂ 'nia₂. Caun₂ bá₄ le₁'ág₄ 'au₂ 'nia₂ jmo₄ a₂le₃jan₄ a₂jme₃gu₅₄ Diú₄ jmig₄ jě₁ma₂tě₂ rě₁jme₃jnia₅ Jesucristo. ¹⁴ La₁ ju₁len₅₄ 'nia₂ chi₂-guein₂ dsen₃ quián₅ Diú₄ i₂qui₂rě₂ti₅₄. Tsá₃ ma₃tián₂ 'nia₂ jua₅₄ a₂qui₂dsi₂jnia₅

gué₄ 'lig'₅₄ 'au'₂, lia'₂ jme₁líng'₄ le₂jñiá'₅ lia'₂ con'₂ tsá'₃ 'e₂ jme₁ma₂ñi'₅₄ 'nia'₂ le₃quíó'₅ Diú₄.
¹⁵ Tè₂le₃ jui₁le₂chan'₂ bá₄ 'nia'₂ qui₂le₁jě₃ tē₂'au'₂ qui₂rē₂jñi₄ co₂ñei'₅₄ jme₂dsí₂ quiáng'₂
 quian'₅₄ ca₂le₃jě₃ gué₄ a₂jmo'₂ 'nia'₂. Ia₁ i₂jñi₅ lín₃ bá₄ Diú₄ i₂ma₂ca₂tē₃ 'nia'₂. ¹⁶ Ia₁ juá'₂
 ne₄ Si₂: “Jui₁le₂jñi₄ bá₄ 'nia'₂, ia₁ i₂jñi₅ bá₄ jniá'₂ 'ñi₃.”*

¹⁷ Chi₂jua'₂ tē₂ 'nia'₂ “Tia₅₄” i₂qui₂con₂ 'í₁ quió'₅ le₂jan₂ le₂jan₂ dsa₂ lia'₂ con'₂ lē₅ ma₂jmo₃,
 la₁ tsá'₃ jma₃quén₅ jín₂ ca₂le₃jín₃, jaun₂ ca₂tín'₂ 'nia'₂ jme₁gain'₃ ca₂le₃jě₃ jmig₄ tē₂lia'₂ chan'₂
 'nia'₂ líng'₅ nē₂jag₄ bá₄ dsi₂nau₂ ne₄ gua'₅₄ 'uē₃ la₂. ¹⁸ Ia₁ ma₂ñi'₅₄ bá₄ 'nia'₂, on₃jua'₅₄
 a₂ca₂qui₃ quian'₅₄ cosa a₂tsá'₃ uē₂ jiog₅, quian'₅₄ jui₁lia'₂ cu₄nió₄ cu₄tio₂ a₂ca₂lión₂ 'nia'₂
 ne₄ jui₅ a₂tsá'₃ ta₁ tí₁ a₂jme₁le₁quian'₄ 'nia'₂, a₂ca₂rē₂tíng'₃ ca₂ñág₃ dsa₂ can'₅₄ quiáng'₂.
¹⁹ Ca₂quín'₂ 'nia'₂ tē₂le₃ quian'₅₄ jmi₂ 'an₅₄ Cristo a₂quen₅ gué₄ lín₃, a₂ca₂ñó₃ qui₂rē₂jein'₅₄
 ne₄ Diú₄ nē₂jag₄ bá₄ já'₂ cha'₂ i₂tsá'₃ 'e₂ 'lig'₅₄ lín₅ 'i₁caun₂. ²⁰ Ia₁ lia'₂ con'₂ né'₃ a₂ni₃ mi₂güig₃,
 jme₁ma₂rē₂'iín₁ bá₄ a₂lión₂ dsa₂ mi₂güig₃. Ia₁ ma₂ca₂rē₂jniá'₂ jmig₄ jē₁ca₂tó'₂ rē₂nē₃, a₂dse₃
 o₄quián'₂ 'nia'₂. ²¹ Ia₁ tē₂le₃ quian'₅₄ 'é₂ bá₄ 'én'₂ 'nia'₂ le₃quíó'₅ Diú₄ i₂ca₂jme₃jen'₅₄ Cristo
 ja₁jme₁rē₂'lín₅₄, jaun₂ ca₂jme₃jláu'₁ nē₃. 'Uig₅₄ jaun₂, jui₁le₁'ág₄ 'au'₂ 'nia'₂ 'éng'₂ tē₂le₃ quió'₅
 Diú₄.

²² Nē₃ nē₃ ma₂le₁jín₃ bá₄ 'nia'₂ ia₁ ma₂jme₂tí'₁ 'nia'₂ jág₁ tí₅, ia₁ tē₃dsón'₂ bá₄ ma₂'nió'₃
 'nia'₂ ríng'₂, jme₁'nió'₄ 'nia'₂ ríng'₂ le₂jang'₂ le₂jang'₂ jaun₂ nē₃ ca₂le₃jě₃ 'au'₂.† ²³ Ia₁
 ma₂ca₂rē₂chán'₃ 'nia'₂ táng₃, la₁ on₃jua'₅₄ lia'₂ lē₅ rē₂chan₂ jaun₅ dsa₂ i₂dsan₂. A₂ca₂líng'₃
 jaun₅ Diú₄ bá₄ i₂tsá'₃ líg'₂ jmig₄ dsián₃. Ca₂rē₂cháng'₃ tē₂le₃ quian'₅₄ jág₁ jén'₃ quió'₅ Diú₄ bá₄
 a₂jiog₅ co₂tan₅₄. ²⁴ Ia₁ ne₄ Si₂ juá'₂:

Ca₂le₃jín₃ dsa₂ mi₂güig₃

lín₅ jui₁lia'₂ lē₅ ni₁nau₂,

ca₂le₃jě₃ 'a₂ lia'₂ jláin'₁

lē₅ lia'₂ lē₅ lí₁ jlá'₁ quió'₅ ni₁nau₂.

Jē₁ma₂ca₂rē₂quén₃ ni₁nau₂,

ca₂tá'₂ bá₄ lí₁ ján₃.

²⁵ La₁ jág₁ quió'₅ Te₁gui'₅₄ jiog₅ co₂tan₅₄ bá₄.‡

Jaun₂ jág₁ dse₃ a₂lión₂ dsa₂ nē₅ ma₂ca₂rē₂ 'ē₂ jñ'₄ 'nia'₂.

2

¹ Jaun₂ nē₃, co₂dsia₅ tí₃ 'nia'₂ ca₂le₃jě₃ ne₅₄ a₂'lig'₅₄, quian'₅₄ 'a₂ lia'₂ lē₅ jme₁chan'₂ 'nia'₂
 jmo'₂ o₁ne'₄, o₁gang'₂, jme₁chan'₂ 'nia'₂ jmo'₂ uig₅ 'au'₂, ca₂le₃jě₃ gué₄ a₂lē₁chi₂dsia'₂ 'nia'₂
 'íng'₅ ríng'₂. ² Jmo₄ 'nia'₂ nē₂jag₄ bá₄ guein₂ pí'₁ i₂'ín₅ dsí₅ 'ín'₂ dsi'₅₄ jmá'₅ a₂gu₂dsí₂, jaun₂
 tē₂le₃ quian'₅₄ a₂jaun₂ qui₂dsi₃can'₅₄ 'nia'₂ ca₂lia'₂ ca₂ñia₅ i₁lión'₂ 'nia'₂, ³ chi₂jua'₂ tē₃dsón'₂
 bá₄ ma₂ca₂rē₂len'₄ 'nia'₂ jmá'₂ a₂dse₃ dsí₅ Te₁gui'₅₄.*

Cristo bá₄ i₂lín₅ ni₁'lau₂ jén'₃

⁴ Jme₁quián'₄ 'nia'₂ ja₁con₂ Te₁gui'₅₄ i₂lín₅ ni₁cang₁ jén'₃. Dsa₂ mi₂güig₃ nē₃ tsá'₃ ca₂rē₂jei₅₄,
 la₁ tē₂le₃ quió'₅ Diú₄ nē₃ lē₅ ni₁cang₁ rē₂quío'₅₄ a₂jlá'₁ a₂quen₅ gué₄ lín₃. ⁵ Le₂nē₅ bá₄ 'nia'₂
 ján₃, jmo₄ 'nia'₂ 'au'₂ a₂líng'₅ co₂'nió'₄ ni₁cang₁ jén'₃ a₂jmó'₂ Diú₄ ta₁ a₂ju₂₃ jmóg'₅ caun₂
 'né₅ a₂gu₂dsí₂, ia₁jaun₂ dsi₁nó'₅ 'nia'₂ léng'₂ co₂'nió'₄ jme₂dsa₂ i₂lē₅ 'í₁ quiáin₅ i₂qui₂jén'₅ 'e₂
 qui₂jén'₅ ne₄ Diú₄ a₂gu₂dsí₂ a₂lē₅ a₂'ñio₂ dsí₅ 'é₂ gue₂₃ tē₂le₃ quian'₅₄ Jesucristo. ⁶ Ia₁ ne₄ Si₂
 juá'₂ ján₃:

la₂ dsián₄ jniá'₂ ciudad Sión i₂lín₅ ni₁cang₁

quíó'₅ qui'₅₄ 'uig₅₄ 'ia'₂.

Ca₂le₃jín₃ i₂'én₂ le₃quíó'₅,

* **1:16** Levítico 11:14,45; 19:2; 20:7. † **1:22** A₂lín₅₄ chog₅₄ si₂: “a₂le₃jě₃ 'au'₂.” ‡ **1:25** Isaías 40:6-8. * **2:3** Salmo 34:8.

o₁líg'₂ tsá₃ 'ag₃ caun₂-tin₃ dsí₅.†
 7 Tě₂le₃ quián'₂ 'nia'₂ i₂'éng'₂, ni₁'lau₂ jaun₂ lě₅ a₂quen₅ 'nio₅ lin₃. La₁ tě₂le₃ quió'₅ i₂tsá₃ 'én₂
 ně₃, rě₂ti₃ jui₁lia'₂ juá'₂ ne₄ Si₂:
 Ni₁cang₁ a₂tsá₃ ca₂rě₃ji'₅₄ dsa₂ i₂jme₁jmóg'₅ 'né₅,
 ca₂lě₃ ni₁cang₁ a₂dsen₅₄ guě₄ quió'₅ qui'₅₄ 'ia'₂.‡
 8 Rě₂ti₃ ján₃ ja₁juá'₂ ne₄ Si₂:
 ni₁cang₁ a₂qui₂nió₅ dsa₂,
 ni₁'lau₂ a₂jmo₅ a₂dsi₂gan'₅₄ dsa₂.Š
 'Uig₅₄ ia₁ a₂tsá₃ 'nio₃ jme₃ti₃ jág₁ dse₃, qui₂nió₅ jui₁lia'₂ ma₂'i₄ 'éi'₃ dsi₃ñi₂.

Dsa₂ i₂tén₅ le₃quió'₅ Diú₄

9 Ma₂lín'₅ bá₄ 'nia'₂ ně₃, jon₂ dsa₂ i₂rě₂quion'₅₄ quián₅ Diú₄. Líng'₅ co₂nió'₃ jme₂dsa₂
 i₂jme₂ti₃ ta₁ ne₄ Rag₅₄, caun₂ juig₂ ñiō₅, dsa₂ juig₂ quián₅ Diú₄ 'ñiog₅. Ca₂le₃jě₃ a₂ně₅ lín'₅
 'nia'₂, ia₁jaun₂ qui₂jme₁jnia'₅ 'nia'₂, ca₂le₃jě₃ a₂jlá'₁ a₂ma₂jmo₃ Diú₄. Ia₁ 'éi₂ bá₄ ma₂ca₂'uín'₂
 'nia'₂ jě₄ qui₁né'₃, ca₂tág₃ tě₂le₃ ja₁jniá₂ si₂jlá'₁ quió'₅. 10 Le₂jñiá₅ ně₃, tsá₃ dsa₂ juig₂ jme₁lín'₄
 'nia'₂; la₁ rě₂ně₃ ně₃ ma₂ca₂dsi₃nó'₅ 'nia'₂ ma₂líng'₅ dsa₂ juig₂ quián₅ Diú₄. Ca₂le₂jñiá₅, 'i₁jan₂
 tsá₃ 'ein₂ jme₁ñéi₂ dsí₅ 'nia'₂; la₁ rě₂ně₃, Diú₄ ma₂ca₂tá'₂ ñéi₂ dsí₅.

Tián'₂ 'nia'₂ a₂jme₁ti'₄ ne₄ Diú₄

11 'Nia'₂ rin'₅₄ jniog₄ i₂nió₃, 'nia'₂ i₂tiáng'₅ úing₂ i₂ma₂líng'₅ ně₂jag₄ bá₄ dsi₂nau₂, chi₂len'₄
 jniá₂ 'nia'₂ co₂dsia₅ tí₃ 'nia'₂ ca₂le₃jě₃ a₂'lig'₅₄ a₂'ín₅ dsí₅ ni₁ñi'₁ a₂jmo₅ 'nei₂ ja₁con₂ jme₂dsí₂
 quián'₂ 'nia'₂. 12 I₂nio₄ bá₄ 'nia'₂ con'₂ dsi₂ten₅₄ jin₄ dsi₂nau₂ juig₂ ja₁tiáng'₄, ia₁jaun₂ jui₁la₂
 'ag₂₃ 'iin₂₃ 'nia'₂ 'lig'₅₄ a₂jág₂ jín₂ 'nia'₂ ně₂jag₄ bá₄ dsa₂ i₂le₁cán'₄ dso₄, la₁ jě₁ma₂ca₂tě₂ ne₅₄
 a₂dse₃ jmo'₂ 'nia'₂, jme₃juin'₂ bá₄ Diú₄ jě₁ma₂tě₂ rě₁tě₃ dsi₅₄ 'éi'₃.

13 Ia₁ a₂gan'₃ 'nia'₂ Te₁gui'₅₄, tión'₂ 'nia'₂ ca₂le₃jě₃ 'éi'₃ qui'₅ jui₁ein₂ guě₃ dsi₂tan₅₄ i₂dsián₁
 quián₅ dsa₂ ne₄ gua'₅₄ 'uě₃ la₂; tión'₂ 'nia'₂ 'éi'₃ qui'₅ jui₁lia'₂ gui'₅₄ dsi₂tan₅₄ emperador 14 lia'₂
 'éi'₃ quió'₅ i₂lín₅ dsi₄má'₂ i₂dsián₁ quián₅, a₂cuě'₃ uig₅ dsa₂ i₂jmo₅ 'lig'₅₄, la₁ dse₃ 'iin₃ dsa₂
 i₂jmo₅ a₂dse₃. 15 Ia₁ a₂ně₅ bá₄ a₂'nio₃ Diú₄; a₂jmó'₂ 'nia'₂ ca₂ne₅₄ a₂dse₃, ia₁jaun₂ dsi₃lén₂ tei₄
 dsa₂ co₄ i₂'in₅ 'lig'₅₄ 'nia'₂ ia₁ a₂tsá₃ ñi₅.

16 I₂nio'₄ bá₄ 'nia'₂ jaun₂, lia'₂ jě₁₂nio₄ dsa₂ i₂ma₂ca₂lón₂ i₂ma₂ca₂niá₃ jui₅ quió'₅, la₁ tsá₃
 o₁leng'₅₄ jua'₅₄ a₂ma₂rě₂na₄ jui₅ ia₁jaun₂ 'náu'₁ dso₄. Ju₁le₂chan'₂ 'nia'₂ a₂líng'₅ dsa₂ i₂jme₂ti₃
 ta₁ ne₄ Diú₄. 17 Jme₁gan₃ 'nia'₂ ca₂le₃jín₃ dsa₂; jme₁nió₄ 'nia'₂ ríng'₂ ně₃. Jme₁gan₃ 'nia'₂ Diú₄,
 ton'₂ jme₁gan₃ 'nia'₂ dsi₂tan₅₄ dsa₂ juin'₂.*

Caun₂ jág₁ dsau₅ 'a₂ lia'₂ lě₅ jmi₁uig₅ a₂ca₂iñi₂ Cristo

18 'Nia'₂ guě'₂ dsa₂ i₂jme₂ti₃ ta₁ ne₄ dsa₂, tión'₂ 'nia'₂ 'ei₅ gau₂ ca₂le₃jě₃ 'e₂ te₂néi'₂ juig'₂ 'nia'₂.
 Ca₂tín'₂ 'nia'₂ jme₁ti'₄, on₃jua'₅₄ jmá'₃ ne₄ dsa₂ dsen₃ i₂juin'₂ dsí₅; ca₂tín'₂ bá₄ 'nia'₂ jme₁ti'₄
 le₂jiog₅ ne₄ dsa₂ i₂tsau₂ dsí₅ ně₃. 19 Ia₁ ja₂lín₃ guě₄ dse₃ tě₂tsin'₅₄ dsa₂ ne₄ Diú₄ jme₁jmo₂₃ tió'₃
 dsí₅ ñág₅ uig₅ on₃jua'₅₄ a₂cha₂ rin₂, ne₄ ia₁ a₂lí'₄ dsí₅ a₂'ñio₂ dsí₅ Diú₄ bá₄. 20 Ia₁ ně₁jua'₂ jmo'₂
 'nia'₂ tió'₃ 'au'₂ jme₁qui₂dsi₂bang'₅₄ ne₄ 'uig₅₄ dsáu'₂ 'nia'₂ guiong'₅₄, ĉ'e₂ a₂dse₃ a₂lě₂ le₃guéi'₁
 'nia'₂ ně₁jua'₂ le₂jaun₂? La₁ ně₁jua'₂ ñag'₅₄ 'nia'₂ uig₅ ne₄ 'uig₅₄ a₂dse₃ a₂jmo'₂, ton'₂ jmo'₂ 'nia'₂
 tió'₃ 'au'₂, ia₁ le₂ně₅ bá₄ dsió₄ tě₃tsin'₅₄ 'nia'₂ dse₃ ne₄ Diú₄. 21 Ia₁ ta₁ jaun₂ ma₂ca₂rě₃tě₄ 'nia'₂,
 ia₁ ján₃ bá₄ ca₂ñág₃ Cristo uig₅ o₄quián'₂ 'nia'₂, a₂ca₂quiog₂ caun₂ jui₅ ia₁jaun₂ le₂ně₅ i₁nio'₄
 'nia'₂ jui₁lia'₂ ca₂ñi₃ 'ñiog₅.

22 'I₁caun₂ dso₄ tsá₃ 'e₂ ca₂'náu₂,

on₃ guě'₂ 'i₁ca₂míg₂ jág₁ a₂jui₁gain₂ ca₂o₃'ág₃ mi₂'o₅₄;†

† 2:6 Isaías 28:16. ‡ 2:7 Salmo 118:22. § 2:8 Isaías 8:14. * 2:17 lit. "jme₁gan₃ 'nia'₂ rag₅₄." † 2:22 Isaías 53:9.

23 jme₁qui₂ca₂jnaú'₂ dsa₂ jág₁ uig₅, tsá₃ le₂jaun₂ ca₂jéin₃ jág₁ jua'₅₄ a₂ca₂quiain₃ dsa₂ jué'₅. Tè₂le₃ caun₂ bá₄ ca₂'ág₂ dsí₅ ca₂dsiain₃ o₄gú₃ i₂qui₃dsi₅ 'éi'₃ lia'₂ tí₅. 24 Le₂ně₅ bá₄ ca₂caun₃ Cristo jui₅ ni₁ñi₁₂ 'ñiog₅ dsáu₁ jniog₄ jme₁ca₂ñó₃ ne₄ cróg₄ ia₁jaun₂ dsióg₃ jniog₄ ne₄ dso₄, a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín'₂ Cristo ca₂'lón'₂ bá₄ 'nia'₂. 25 Ia₁ le₂jñiá₅ jme₁i₂nio'₄ 'nia'₂ lia'₂ ja₁i₂nio₄ já'₂ cha'₂ i₂ma₂i₂cón'₅, ‡ la₁ rě₂ně₃ ma₂ca₂jén'₃ bá₄ táng₃ 'nia'₂ le₃quió'₅ Cristo. 'Éi₂ bá₄ i₂jio₅, niog₅ gu₂, jmo₅ 'í₁ § jme₂dsí₂ quián'₂ 'nia'₂.

3

A₂ lia'₂ dsi₂ten₅₄ le₃chan₂ dsa₂ i₂le₁jen'₂ gu₂

1 Le₂ně₅ bá₄ ján₃, 'nia'₂ dsa₂ mí₂ i₂le₁jen'₂ gu₂, tión'₂ 'nia'₂ 'éi'₃ quió'₅ dsi₂i₂gog'₂, ia₁jaun₂ ně₁jua'₂ chan₂ i₂tsá₃ 'én₂, lé₂ le₃join'₅₄ ia₁jaun₂ le₃'éin₂ ján₃, on₃jua'₅₄ a₂'nió'₅ jui₅g'₅₄ 'nia'₂ jág₁ 'líong₂, të₂le₃ quian'₅₄ jui₅ 'a₂ lia'₂ lě₅ i₂nio'₄ bá₄ 'nia'₂, 2 ia₁ tē₃ ne₅₄ a₂ma₂lín'₂ 'nia'₂ dsa₂ i₂le₁jě₃ dsí₅, i₂ñi₅ 'a₂ lia'₂ jme₃go₃. 3 Tsá₃ ju₁le₅₄ jua'₅₄ a₂jñia'₅₄ tión'₂ 'nia'₂ jlá'₁ jmá'₃ lia'₂ le₃co'₅₄, quian'₅₄ ju₁lia'₂ a₂ñí₄ jlá'₁ qui₂rě₂lag₄ dsei'₂, o₃ a₂qui₂le₁lín'₄ 'nia'₂ ju₁lia'₂ quian'₅₄ mí₂ cu₄nióg₄, tsín'₂ jlá'₁ ně₃. 4 Qui₁jmo'₅₄ bá₄ 'nia'₂ jláng'₁ të₂le₃ quian'₅₄ a₂rě₃'ma₄ të₂'au'₂ 'nia'₂, a₂rě₂lag₄ quian'₅₄ caun₂ jme₂dsí₂ a₂jmo'₂ 'nia'₂ meg'₂. A₂rě₃lín₄ dsa₂ le₂ně₅ bá₄ lě₅ caun₂ a₂jlá'₁ a₂tsá₃ líg'₂ jmíg₄ dsi₃'én₂, ton'₂ quen₅ 'ñio₅ lín₃ të₂le₃ ja₁con₂ Diú₄. 5 Ia₁ le₂ně₅ bá₄ jme₁qui₂le₁lín₄ dsa₂ mí₂ i₂jme₁lě₄ 'í₁ quián₅ Diú₄ ma₂líg'₂: jme₁i₂nioi₅₄ caun₂ bá₄ jme₁le₁'ág₄ dsí₅ le₃quió'₅ Diú₄, ton'₂ tióin'₅₄ 'éi'₃ quió'₅ dsi₂i₂gu₂. 6 Já₃ bá₄ le₂ně₅ jme₁lín₄ Sara, ca₂nág₂ gau₂ jág₁ quió'₅ Abraham, jaun₂ ca₂tě₃ "Gui'₅₄ quiáng₃". Le₂ně₅ bá₄ dsi₁nó'₅ 'nia'₂ léng'₂ ju₁lia'₂ jme₁lín₄ 'éi₂, ně₂jag₄ bá₄ chi'₂ quián₅ bá₄ ján₃, ně₁jua'₂ ca₂jmo'₅₄ con'₂ dsi₂ten₅₄, tsá₃ ma₃'e₂ gau₂ jiá'₃ 'au'₂ 'nia'₂.

7 Le₂ně₅ bá₄ ján₃, 'nia'₂ dsa₂ ñe'₂, jmo₄ 'nia'₂ 'en₅₄ 'au'₂ 'a₂ lia'₂ tiáng'₄ quian'₅₄ dsa₂ mí₂ quiáng'₂, ju₁iñei₂ bá₄ a₂ca₂tíin₂ jme₁gain'₃ 'nia'₂, ia₁ lín₅ i₂'uan₅₄ guě₄ lia'₂ con'₂ guě₄ guiong'₅₄, lín₅ co₂'nió'₄ caun₂ ni₁vaso a₂go'₂ guě₄; ia₁ co₂rě₂ bá₄ lín'₅ 'nia'₂ dsa₂ i₂rě₂gon'₅₄ i₂ca₂tín₂ le₃chan₂ dse₃. Le₂ně₅ jmo₄ 'nia'₂ ia₁jaun₂ 'i₁caun₂ tsá₃ 'e₂ jnág₅ cha₂ jě₁ma₂tě₂ rě₁chi₁len'₄ 'nia'₂ Diú₄.

Dsa₂ i₂ñág₅ uig₅ ne₄ ia₁ a₂jmo₂₃ a₂dse₃

8 Jě₁ca₂tó'₂ rín'₅₄ jniog₄, ju₁chan'₂ bá₄ 'nia'₂ ca₂le₃jíng'₃ 'ei₅ caun₂ jág₁, jeng'₂ quian'₅₄ ríng'₂; 'ua₁ 'au'₂ 'nia'₂ jmo₄; jme₁'nió'₄ 'nia'₂ ríng'₂; ju₁chan'₂ 'nia'₂ ñei₂ 'au'₂; jmo₄ 'nia'₂ meg'₂ ně₃.

9 Tsá₃ lě₁jein'₅₄ 'nia'₂ 'lig'₅₄ quian'₅₄ a₂'lig'₅₄; tsá₃ të₁óng'₁ dsa₂ i₂tě₂'o'₂. Tě₂le₃ jein'₅₄ jág₁ dse₃ a₂jme₃gu'₅₄ Diú₄ quió'₅ dsa₂ le₂'éi₂. Ia₁ ta₁ ně₅ bá₄ a₂'nio₃ Diú₄ jmó'₂ 'nia'₂ a₂ma₂ca₂tě₃, ia₁jaun₂ bá₄ tñ'₃ 'nia'₂ jme₃gu'₅₄ Diú₄. 10 Ia₁:

Ca₂le₃jín₃ dsa₂ i₂'nio₃ le₃chan₂ dse₃

ca₂tíin₂ jmo₃ 'í₁ le₁tsi'₂

jaun₂ tsá₃ 'ñiái₃ jág₁ 'lig'₅₄,

on₃ guě'₂ 'nió'₅ 'uě'₃ jág₁ të₂jág₁ mi₂'o₅₄.

11 Co₂dsia₅ 'nió'₅ quiá'₂ dsa₂ cau₅

ju₁lia'₂ ju₁ 'lig'₅₄, jmo₃ ca₂ne₅₄ a₂dse₃;

'nió'₅ 'no'₂ dsa₂ ju₁ ja₁'ei₅ tei₄,

jaun₂ ju₁ jaun₂ 'en₃.

12 Ia₁ jme₁ne₁ Te₁gui'₅₄ tsá₃ 'na₂ jín₂ dsa₂ dsen₃,

ton'₂ rě₂jáin₁ nag₂₃ 'e₂ chi₂léi'₂ dsa₂ quián₅,

la₁ të₂le₃ quió'₅ i₂jmo₅ a₂'lig'₅₄,

le₂cau₅ bá₄ jéin'₅ ne₅₄.*

‡ 2:25 'Nio'₂ ja₁ton₅ Isaías 53:5,6. § 2:25 griego: episkopos. * 3:12 Salmo 34:12-16.

¹³ ǀ₂'ein₂ bá₄ lé₂ le₃jmóg'₂ ně₁jua'₂ dsen₅₄ 'au'₂ 'nia'₂ ca₂jmo'₅₄ a₂dse₃? ¹⁴ La₁ jui₁ 'a₂ gué₃ la₂ ŋag'₅₄ 'nia'₂ uig₅ ne₄ ia₁ a₂jmo'₂ 'nia'₂ a₂dse₃, la₁ia₁ 'e₂ gué₄ dsen'₃ 'nia'₂ chang'₂ jua'₅₄ le₂jaun₂. Tsá₃ jmo₂ 'nia'₂ gang'₃ 'e₂ a₂gó'₅ dsa₂ 'éi₂ chain₂, on₃ gué'₂ cán'₁ 'nia'₂ jué'₅.† ¹⁵ Tě₂le₃ jmo₄ bá₄ 'nia'₂ 'au'₂ a₂lín₅ Cristo jui₂ 'nia'₂ i₂ŋi₅o₅, a₂lě₅ 'í₁ tě₂'au'₂ 'nia'₂. Chan'₂ 'nia'₂ rě₂jáng'₁, a₂jein'₅₄ jág₁ quió'₅ dsa₂ i₂'nio₃ le₃ŋi₅ 'a₂ lia'₂ lě₅ a₂'ín₂ 'au'₂ 'nia'₂. Jŋia'₅₄ lia'₂ jmo₄ a₂ně₅ jmá'₃ lia'₂ quian'₅₄ a₂'ua₁ 'au'₂, a₂jme₁gan'₃ 'nia'₂ dsa₂ ně₃, a₂qui₂le₁jě₃ a₂qui₂dsi₂ŋi₅ 'au'₂, ¹⁶ ia₁jaun₂ le₃gui'₅₄ dsa₂ i₂chi₂'ag₅ 'lig'₅₄ o₄quió'₄ jui₅ dse₃ a₂l₂nio'₄ 'nia'₂ le₃quió'₅ Cristo. ¹⁷ Ně₁jua'₂ le₂jaun₂ 'nio₃ Diú₄, ja₂lín₃ gué₄ dse₃ a₂ŋág₅ dsa₂ uig₅ ne₄ ia₁ a₂jmo₂₃ a₂dse₃, lia'₂ con'₂ gué₄ ne₄ a₂jmo₂₃ a₂'lig'₅₄.

¹⁸ Ia₁ le₂ně₅ bá₄ ján₃, co₂ráun₂ bá₄ ca₂jon₃ Cristo‡ jme₁ca₂join₃ ne₄ 'uig₅₄ dsáu₁ jniog₄. I₂jme₁lín₄ jan₂ dsa₂ dsen₃ co₂ŋí₂ bá₄ 'éi₂, ca₂join₃ o₄quió'₄ dsa₂ cha₂ dsáu₁, ia₁jaun₂ tě₂ ja₁con₂ Diú₄. Ca₂join₃ jui₅ ni₁ŋi₁₂, ton'₂ ca₂jein'₅₄ bá₄ táng₃ tě₂le₃ quian'₅₄ Jme₂dsí₂. ¹⁹ Jaun₂ le₂ně₅, ca₂ŋei₅₄ ca₂i₁'ě₄ jág₁ ja₁con₂ jme₂dsí₂ i₂jme₁tion'₅₄ le₁ŋí₅ ²⁰ i₂tsá₃ ca₂nág₂ gau₂ jmig₄ ma₂líg'₂ jaun₂ lia'₂ con'₂ jme₁chan₂ Noé. Uě₂ bá₄ ca₂jmo₃ Diú₄ juin'₂ dsí₅ ca₂ŋia₃ tě₁lia'₂ lě₂ ni₁barco.Š Jŋia₃ tan₅₄ dsa₂ bá₄ lě₂ i₂ca₂lón₂ quian'₅₄ a₂jaun₂ jme₁ca₂'a₃ jmig₂ mi₂güí₃. ²¹ A₂jaun₂ jáng'₅ caun₂ léi₄ jme₁chó₅ jniog₄ jmig₂ jmig₄ rě₂ně₃, a₂ma₂ca₂lag₃ jniog₄ dsa₂ i₂ma₂ca₂lón₂; on₃jua'₅₄ a₂ŋia'₃ a₂'lian₅₄ dsa₂, tě₂le₃ a₂jang'₂ jniog₄ caun₂ léi₄ a₂quián₁ jniog₄ caun₂ jui₅ a₂le₁jě₃ jme₂dsí₂ quián₂ tě₂le₃ ne₄ Diú₄ bá₄, ton'₂ ca₂ló₂ jniog₄ tě₂le₃ quian'₅₄ jui₅bi₂ a₂ca₂jen'₅₄ Jesucristo. ²² Ca₂uig₂ táng₃ ŋái'₃ guei'₅₄ i₂juí₃; ja₁jaun₂ guá₅ tě₂le₃ gu₂ ne₁ Diú₄; 'éi'₃ quió'₅ 'éi₂ bá₄ tion'₅₄ ca₂le₃jín₃ ángeles quian'₅₄ ca₂le₃jín₃ i₂lín₅ ta₁, ca₂le₃jín₃ gué₄ i₂'io₅ jui₅bi₂ ně₃.

4

A₂jme₂ti₃ dsa₂ lia'₂ con'₂ lě₅ jui₅bi₂ a₂ma₂cué₃ Diú₄

¹ Jaun₂ lě₃, ia₁ ca₂ŋág₃ Cristo uig₅ jui₅ ni₁ŋi₁₂, le₂ně₅ bá₄ 'nia'₂ ján₃ chan'₂ 'nia'₂ rě₂lín₅'₅₄ caun₂ 'éi₂ 'nia'₂ 'au'₂ a₂cán'₁ jmi₁uig₅. Ia₁ jui₁lia'₂ dsa₂ i₂ma₂ca₂ŋág₃ uig₅ jui₅ ni₁ŋi₁₂, co₂dsia₅ ma₂tí₂ bá₄ jui₅ jě₁jme₁'no₂₃ dso₄. ² A₂le₃chain₂ táng₃ tě₂le₃ ne₄ jui₅ ja₁ŋó₄, a₂jme₃ti₃ a₂'nio₃ Diú₄ bá₄, tsá₃ ma₃le₃chain₂ jua'₅₄ a₂cué'₃ gué₄ o₂'ŋi₃ o₂ŋia₃ dsi₅ con'₂ niog₅ mi₅ ni₁ŋi₁₂. ³ Tió'₅, a₂ma₂ca₂ŋí₂ juin₅₄ qui₂ma₂jmo'₅₄ 'nia'₂ ja₁ma₂ja₂nóg'₅, lia'₂ con'₂ lě₅ jmo₅-dsáu₅ ca₂le₃jín₃ dsa₂ i₂tsá₃ cuin₅ Diú₄. Ia₁ jme₁chan'₂ 'nia'₂ tsá₃ caun₂ a₂jme₁'ín₅ 'au'₂; tsá₃ caun₂ a₂'lig'₅₄ a₂jme₁qui₂lě₂ 'au'₂ 'nia'₂ ně₃; jme₁qui₂l₂niog'₅₄ qui₂le₁'eng'₅; jme₁qui₂qué'₂ 'nia'₂ tóng'₂ chí'₅ co₂mi₅'₅₄ niog₅ jmig₄. Jme₁'ág'₂ 'nia'₂ ca₂lia'₂ tsá₃ cuente niog₅; jme₁jme₂juín'₂ 'nia'₂ diú₄ lag₄, caun₂ a₂'io'₅₄ Diú₄. ⁴ Dsi₂gó'₃ dsí₅ dsa₂ 'éi₂ a₂tsá₃ jme₂quiain'₅₄ 'nia'₂ jě₄ ca₂le₃jě₃ a₂i₂juin₅₄ a₂'lig'₅₄ a₂jmo₅-dsáu₅, jaun₂ 'lig'₅₄ bá₄ 'ag₂₃. ⁵ La₁ já₅ bá₄ jmig₄ ja₁jáng'₃ cuenta quió'₅ ne₄ i₂ma₂lě₅ co₂ŋia₅₄ con₂ 'í₁ lia'₂ quió'₅ i₂chan₂ lia'₂ quió'₅ i₂ma₂dsan₃ ně₃. ⁶ 'Uig₅₄ ně₅, ca₂rě₃'ě₂ jág₁ dse₃ ca₂lia'₂ ja₁con₂ dsa₂ i₂ma₂dsan₃: ia₁jaun₂ tě₃dsi₅₄ 'éi'₃ le₃quió'₅ ni₁ŋi₁₂, lia'₂ con'₂ lě₅ dsi₂jio₅ dsí₅ dsa₂ mi₂güí₃, ia₁jaun₂ gué₄ le₃chain₂ jui₅ jme₂dsí₂ ně₃, lia'₂ con'₂ lě₅ dsi₂jio₅ dsí₅ Diú₄.

⁷ La₁ ja₂quián₃ bá₄ jmig₄ jě₁dsian₅ ca₂le₃jě₃. Jaun₂ ně₃ len'₅₄ 'nia'₂ chang'₂, 'en₅₄ 'au'₂, ia₁jaun₂ lě₂ chi₁lén₅'₄ Diú₄. ⁸ La₁ a₂dsen₅₄ gué₄ 'ŋio₅ lín₃, 'nió'₅ a₂jme₁'nió'₄ 'nia'₂ ríng'₂ 'ŋio₅ lín₃ le₂jang'₂ le₂jang'₂. Ia₁ ja₁'nio₃ dsa₂ riin'₅₄, 'lióng₂ o₂'én₂ dso₄ cha₂ ja₁con₂ riin'₅₄ dsa₂.* ⁹ Guen₅₄ 'nia'₂ ríng'₂ i₂qui₂dsi₂jag₅₄ dsi₂néi₂ quiáng'₂, on₃jua'₅₄ a₂qui₂dsi₂mé'₂ 'au'₂ quiain'₅₄. ¹⁰ Le₂jan'₂ le₂jan'₂ 'nia'₂ ca₂tíng'₂ jme₁'ong'₁ ríng'₂ lia'₂ con'₂ lě₅ ma₂ca₂rě₃tíng'₃ a₂'lióng₂ ne₅₄ a₂ma₂ca₂jme₃gu'₅₄ Diú₄, a₂niog₅ gog'₂ 'nia'₂ jmó'₂. ¹¹ Ně₁jua'₂ 'ein₂ 'nio₃ te₂néi'₂ jág₁, jui₁te₂néi'₂ bá₄ quian'₅₄ jág₁ quió'₅ Diú₄. Ně₁jua'₂ chan₂ gué'₂ 'ein₂ 'nio₃ jme₃'o₅₄ jui₁jme₂'o₅₄

† **3:14** Isaías 8:12. ‡ **3:18** A₂lín₅₄ chog₅₄ si₂: “ca₂ŋág₃ Cristo uig₅.” § **3:20** Noé: Í₂ Génesis 6 - 9. * **4:8** 'Nio'₂ ja₁ton₅ Proverbios 10:12.

bá₄ lia'₂ con'₂ lě₅ jui₅bí₂ a₂ma₂cuē₅ Diú₄, ia₁jaun₂ le₂ně₅ bá₄ le₃juin'₂ Diú₄ ne₄ ca₂le₃jě₃ tē₂le₃ quian'₅₄ Jesucristo. 'Éi₂ bá₄ ca₂tín₂ ŋe₂ ca₂le₃jě₃ ti₁'mag'₄, ca₂le₃jě₃ jui₅bí₂, ca₂le₃jě₃ jmi₄co₂tan₅₄. ¡A₂méi₃!

A₂ŋá₅ dsa₂ uig₅ ne₄ 'uig₅₄ ia₁ a₂'éin₂

¹² 'Nia'₂ rin'₅₄ jniog₄ i₂'nióg₃, tsá₃ lě₁jmo₂ 'nia'₂ go₂'i₃ jme₁dsi₂ŋí₂' táu₂ a₂lě₅ lia'₂ lě₅ si₂ dséi₂ ja₁con'₂ 'nia'₂, jua'₅₄ a₂le₃jmo'₂ 'nia'₂ 'au'₂ jua'₅₄ a₂tsá₃ ma₂cuin'₂ 'nia'₂, 'a₂ lia'₂ lě₅ dsi₂ŋí₂'₂.

¹³ Tē₂le₃ jmo₄ 'nia'₂ 'io'₂, ia₁ le₂ně₅ bá₄ can'₂ 'nia'₂ ján₃ jmi₁uig₅ jui₁lia'₂ a₂ca₂i₃ŋí₂ Cristo, ia₁jaun₂ bá₄ cán'₁ 'nia'₂ ján₃ o₂'ŋi₃ 'au'₂ 'ŋio₅ lín₃ jē₁ma₂tē₂ rē₁jme₃jniai₂₃ 'a₂ lia'₂ jláin'₁. ¹⁴ 'E₂ gué₄ dsen'₃ 'nia'₂ jme₁tē₂'o'₂ 'ein₂ tē₂'o'₂ o₄quió'₄ Cristo, ia₁ le₂ně₅ bá₄ tē₂'ŋiá₄ Jme₂dsi₂ quián₅ Diú₄ i₂tág₅ co₂'né₅ ne₄ quián'₂ 'nia'₂. ¹⁵ Chi₂jua'₂ 'ein₂ 'nia'₂ dsi₂ŋí₂ uig₅, la₁ lag₃ nē₁jua'₂ tsá₃ lě₅ dso₄ 'ang₂, o₃ a₂ca₂jŋii'₃ dsa₂, o₃ chan₂ i₂ca₂cuē₃ dsa₂ mi₂güig₃ rin'₅₄, o₃ a₂qui₂tián₂ caun₂ ja₁tsá₃ ca₂tín₂. ¹⁶ La₁ nē₁jua'₂ ŋag'₅₄ 'nia'₂ uig₅ ca₂ne₅₄ ia₁ a₂lín₅ dsa₂ “cristianos”, tsá₃ 'nió'₅ jmó'₂ 'nia'₂ gueng'₅₄. Diú₄ bá₄ 'nió'₅ jme₁juin'₂ 'nia'₂ ia₁ a₂quiong₅ dsa₂ le₂jaun₂.

¹⁷ Ia₁ ma₂tē₂ jmi₄ a₂tē₂dsi₅₄ 'éi'₃ le₂'uig₅₄ de'₂ ja₁con₂ dsa₂ dsi₂néi₂ quió'₅ Diú₄. Chi₂jua'₂ le₂'uig₅₄ jme₂lióg₃ quian'₅₄ jniog₄, ¿'a₂ bá₄ lia'₂ dsióg₄ dsi₁ŋí₂ ca₂le₃jín₃ i₂tsá₃ jme₂ti₃ jág₁ dse₃ quió'₅ Diú₄? ¹⁸ Chi₂jua'₂ quian₅ ta₁ lín₃ a₂tín₅ dsa₂ dsen₃, “¿'ē₂ gué₄ bá₄ dsióg₄ dsi₁ŋí₂ dsa₂ i₂tsá₃ Diú₄ cuin₅, i₂le₁cán'₄ dso₄?”† ¹⁹ Jaun₂ ně₃, i₂ŋá₅ uig₅ lia'₂ con'₂ lě₅ 'ŋio₂ dsí₅ Diú₄, ca₂tín₂ caun₂ jmo₃ a₂dse₃ bá₄, dsia₃ o₄gú₃ Diú₄ jme₂dsi₂ quió'₅, ia₁ Diú₄ bá₄ i₂ca₂jmó'₂ 'éi₂, i₂rē₂ti'₅₄ ně₃.

5

Toin'₂ jág₁ dse₃ dsa₂ 'én₂

¹ Jaun₂ ně₃, jág₁ la₂ cuē₅ jniá₂ ca₂le₃jín₃ dsa₂ can'₅₄ i₂quian₅ ne₄ jui₅* quián'₂ 'nia'₂, ia₁ le₂ně₅ bá₄ jniá₂ 'ŋi₃ ján₃ lín₅ jan₂ dsa₂ juin'₂ i₂niog₅ ne₄ guá'₅, ton'₂ lín₅ jan₂ i₂ca₂tē₂ ne₄ 'a₂ lia'₂ lě₅ jmi₁uig₅ a₂ca₂i₃ŋí₂ Cristo. Jaun₂ le₂ně₅ bá₄ ján₃, lín₅ jan₂ i₂jme₃quian'₅₄ jē₁ma₂tē₂ rē₁jme₃jniai₂₃ a₂jláin'₁. Jág₁ la₂ juig₂ jniá₂ 'nia'₂: ² Dse₃ jmo₄ 'nia'₂ 'í₁ guá'₅ quián₅ Diú₄ i₂lín₅ co₂nió'₃ já'₂ cha'₂ i₂niog₅ gog'₂. Jmo₄ 'nia'₂ ta₁ nē₅ a₂'ŋio₂ 'au'₂, lia'₂ con'₂ lě₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂chan₂ i₂chi₂quióng₂ jmi₄, on₃ gué'₂ jmo₂ 'nia'₂ 'au'₂ jua'₅₄ a₂ŋí₄ 'ín₅ 'au'₂ cu₄ ně₃. Jmo₄ 'nia'₂ ta₁ quió'₅ Diú₄ a₂dsen₅₄ 'au'₂. ³ Tsá₃ jmo₂ 'nia'₂ jua'₅₄ guion'₅₄ 'nia'₂ ca₂tín₂ jmó'₂ gong'₂ ne₄ quió'₅ guá'₅ i₂niog₅ gog'₂, tē₂le₃ ca₂tín₂ bá₄ 'nia'₂ cuē'₅₄ caun₂ jui₅ dse₃ já'₂ cha'₂ quián₅ Diú₄. ⁴ Jaun₂ bá₄ jē₁ma₂tē₂ jmi₄ i₁jme₃jnia₅ i₂lín₅ juig₅₄ dsen₅₄ i₂quián₅ juig₅₄ já'₂ cha'₂, ŋe'₂ 'nia'₂ jma₃caun₃ corona a₂tsá₃ líg'₂ jmi₄ le₃juing₅.

⁵ Le₂ně₅ bá₄ 'nia'₂ dsa₂ chi'₂ ján₃, tión'₂ 'nia'₂ 'éi'₃ quió'₅ dsa₂ can'₅₄ quián'₂ 'nia'₂. Ton'₂ jui₁qui₂rē₂lín₅ quian'₅₄ a₂meg'₂ ja₁con₂ ríng'₂ le₂jang'₂ le₂jang'₂, ia₁: Tsá₃ jen₅₄ Diú₄ jui₁lia'₂ dsa₂ i₂jmo₅ rón₂,

la₁ jme₂oin₅₄ a₂'ua₁ dsí₅ dsa₂ i₂jmo₅ me'₂.†

⁶ Jaun₂ ně₃, le₂ně₅ jmo₄ 'nia'₂ meg'₂ o₄gú₃ bēn₂ quió'₅ Diú₄ ia₁jaun₂ bá₄ chó'₂ 'éi₂ jmi₄ jaun₂ quió'₅. ⁷ O₄gú₃ 'éi₂ dsia₄ 'nia'₂ ca₂le₃jě₃ 'e₂ o₂i₁ dsí₅ a₂chan'₂ 'nia'₂, ia₁ dsan₂ bá₄ dsí₅ 'éi₂ 'nia'₂ ján₃.

⁸ 'En₅₄ 'au'₂ 'nia'₂ jmo₄, chang'₂ rē₂jáng'₁, ia₁ i₂sē₃dsen₃ i₂'ŋia₅₄ 'nia'₂ ŋi₂₃ lín₅ lia'₂ lín₅ 'ia'₂ i₂ŋi₅ i₂jme₂'ne₅₄ 'ŋióg₂ a₂'nai'₂ 'ein₂ i₂'nio₃ quin'₂. ⁹ Quian'₅₄ a₂'én'₂ 'nia'₂, nau₂ tiá₂ queng'₂ ne₅₄, ia₁ ŋi'₅₄ bá₄ 'nia'₂ ta₁caun₂ mi₂güig₃ bá₄ qui₂dsi₂ŋí₂ ríng'₂ jmi₁uig₅ le₂ně₅ ján₃.

¹⁰ Ia₁ jē₁ma₂ca₂ŋi'₂ 'nia'₂ co₂'na₂ uig₅ le₂ně₅, 'ŋiog₅ bá₄ Diú₄ i₂'ua₁ dsí₅ lín₃ chei'₃ táng₃ rē₂ a₂jme₃'ŋiai₂₃ a₂'nió'₅ gué₄ quián'₂ 'nia'₂, cuē₃ bí₂ náu'₁ 'nia'₂ tiá₂. Jme₃gu'₅₄ bá₄ 'éi₂ jniog₄

† 4:18 Proverbios 11:31. * 5:1 griego: presbíteros. † 5:5 Proverbios 3:34.

ne₄ ca₂le₃jě₃ ne₅₄ a₂dse₃. Ia₁ ma₂ca₂tě₃ jniog₄ le₃quió'₅ Cristo Jesús, a₂jme₁quiain'₄ jniog₄ co₂tan₅₄ ja₁co₂tág₅ co₂'né'₅ quió'₅. ¹¹ 'Éi₂ bá₄ ca₂tín₂ jui₅bí₂ ca₂le₃jě₃ jmi_g₄ co₂tan₅₄. A₂méi₃.

Cuag₂₃ Diú₄ jě₁ca₂tó'₂ jě₁'ág'₅ já_g₁

¹² Tě₂le₃ quian'₅₄ Silvano[‡] i₂jing₅₄ lia'₂ ja₁jing₁₂ jan₂ ríng'₃ i₂rě₂tí'₅₄, ma₂jmo₃ si₂ la₂ ja₁juá'₅ tin₃-ni₅ jon₂ já_g₁ a₂cuě₃ bí₂ 'nia'₂. Já_g₁ a₂ma₂ně₂juá'₃ jniá₂ ně₅, jáng'₅ léi₄ 'a₂ lia'₂ dsón'₂ 'ua₁ dsí₅ Diú₄. Jaun₂ nau₂ 'nia'₂ tiá₂ jui₅ ně₅. ¹³ Guá'₅ i₂chan₂ ja₁tě'₂ dsa₂ juig₂ “Babilonia” la₂, dsa₂ i₂ma₂ca₂quióin'₂ Diú₄ jui₁lia'₂ ma₂ca₂quióin'₂ 'nia'₂, dsiáin'₂ já_g₁ a₂cuin₂₃ Diú₄ 'nia'₂, le₂jaun₂ bá₄ Marcos jón₃ quiáng₃ ně₃. ¹⁴ Cuin₅₄ 'nia'₂ Diú₄ ríng'₂ le₂jang'₂ le₂jang'₂, chen'₅₄ § 'nia'₂ jú'₅ ríng'₂ ia₁ a₂'nióg'₃ ríng'₂.

Tián'₂ bá₄ 'nia'₂ 'ei₅ tei₄ ca₂le₃jín'₃ 'nia'₂ i₂tén₅ le₃quió'₅ Cristo.

Co₂ně₅.

‡ 5:12 Co₂'nió'₄ lia'₂ chen₂ Silas. § 5:14 Caun₂ tag₄ a₂jme₁chí'₄ lia'₂ con'₂ ca₂jmo₃ Pe₄ si₂ la₂.

Si₂ carta jë₁ca₂të₂ tin₃ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂

¹ Jniá₂, Si₂mu₅₄ Pe₄, líng₅ dsa₂ i₂jme₂ti₃ ne₄ Jesucristo, ton'₂ líng₅ jan₂ i₂chen₄ quiáin₅. Jmo₂₃ si₂ carta la₂ a₂tsíng₂ ne'₅₄ 'nia'₂ i₂ma₂ca₂rë₃'éng'₂. Ia₁ të₂le₃ a₂ñí₄ lë₃ dsen₃ Diú₄ quián₂ jniog₄ quiain'₅₄ Jesucristo i₂ma₂ca₂lió₂, ma₂ca₂ñi'₂ 'nia'₂ jág₁ dse₃ jlá'₁ a₂ca₂rë₃'éng'₂ jui₁lia'₂ 'éin₂ jnia'₅₄. ² Jui₁chan'₂ bá₄ 'nia'₂ jme₂gu'₅₄ Diú₄, ton'₂ jui₁jmo₁₂ bá₄ 'ei₅ tei₄ lia'₂ qui₂rë₂tsón₂ të₂le₃ ia₁ a₂ma₂ca₂rë₃cuin'₂ 'nia'₂ 'a₂ lia'₂ lín₅ Diú₄ quian'₅₄ Jesucristo Te₁gui'₅₄ quián₂ jniog₄.

'A₂ lia'₂ dsi₂ten₅₄ lén₂ dsa₂ 'én₂

³ Diú₄ ma₂cuë₃ quian'₅₄ bí₂ quió'₅, ca₂le₃jë₃ a₂'nió'₅ quián₂ jniog₄ le₃chong₂, a₂léi₂ jniog₄ dsa₂ jnió₅ në₃, ton'₂ ma₂jmo₃ ján₃ a₂ma₂ca₂rë₃cuin'₂ 'nia'₂ 'a₂ lia'₂ lín₅. Ma₂ca₂të₃ jniog₄ të₂le₃ quian'₅₄ jui₅bí₂ jlá'₁ quió'₅, 'uig₅₄ ia₁ a₂ñí₄ dse₃ dsí₅.^{*} ⁴ Le₂në₅ ma₂ca₂quiog₂ 'lióng₂ jág₁ ca'₅₄ a₂quen₅ 'ñio₅ lín₃ quió'₅, ia₁jaun₂ të₂le₃ quian'₅₄ jág₁ a₂ma₂cuë₃ jaun₂ dsi₁nó'₅ 'nia'₂ lióng'₂ jui₅ja₁tión₂ dsa₂ mi₂güig₃ ja₁dsi₃'éin₂ 'uig₅₄ ia₁ a₂tsá₃ caun₂ 'ín₅ dsí₅, ton'₂ dsi₁nó'₅ 'nia'₂ léng'₂ lia'₂ lín₅ Diú₄. ⁵ Jaun₂ lë₃, quen'₂ 'nia'₂ bí₂ ne₄ ia₁ a₂'éng'₂, quian₂ 'nia'₂ caun₂ jui₅ dse₃; ia₁jaun₂ ne₄ jui₅ dse₃ jaun₂, jui₁len'₅₄ 'nia'₂ dsa₂ i₂ñí₂ dsí₅; ⁶ ne₄ ja₁ñó₄ jaun₂ táng₃, jui₁le₂ñí₂ 'au'₂ 'nia'₂ 'a₂ lia'₂ jme₁'uang'₅₄ 'au'₂ guiong'₅₄; ne₄ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂juin'₂ dsí₅; ne₄ jui₅ja₁ñó₄ jaun₂ táng₃, jui₁len'₅₄ 'nia'₂ dsa₂ i₂qui₂rë₂jín'₅₄ ne₄ Diú₄; ⁷ ja₁ñó₄ jaun₂, jmo₄ 'nia'₂ 'ua₁ 'au'₂; jë₁ca₂tó'₂ guë₄ në₃, jme₁'nió₄ 'nia'₂ ríng'₂.

⁸ Ia₁ në₁jua'₂ quian'₅₄ 'nia'₂ jui₅ le₂në₅, dsi₂cang'₅₄, tsá₃ lë₅ jua'₅₄ a₂tsá₃ ta₁ tí₄ 'a₂ lia'₂ niog₅ chan'₂ 'nia'₂, tsá₃ jua'₅₄ a₂lë₁ma₂ca₂rë₃cuin'₂ 'nia'₂ Te₁gui'₅₄ Jesucristo quián₂. ⁹ Ia₁ jui₁lia'₂ dsa₂ i₂tsá₃ jme₂tin₅ dsí₅ le₃chain₂ lia'₂ con'₂ lë₅ jág₁ në₅, lín₅ në₂jag₄ bá₄ jan₂ dsa₂ ten₄, o₃ jan₂ dsa₂ i₂tsá₃ lín₄ uíng₂ jnió'₅, ia₁ ma₂ca₂i₃'én₂ bá₄ dsí₅ a₂jme₁ma₂le₁chí₄ quió'₅, ca₂le₃jë₃ dso₄ a₂jme₁rë₂cáin'₄ le₂jñiá₅. ¹⁰ Jaun₂ në₃ 'nia'₂ rin'₅₄ jniog₄, dsen₅₄ 'au'₂ 'nia'₂ cuë'₅₄, ia₁jaun₂ bá₄ chí₁dse₃ ta₁ a₂ma₂ca₂të₃ Diú₄ a₂ma₂quióin'₂ 'nia'₂. Ia₁ në₁jua'₂ ca₂tión'₂ 'nia'₂ quian'₅₄ jui₅ në₅, o₁líg'₂ tsá₃ ma₃tsi₃sén'₂ 'nia'₂. ¹¹ Ia₁ le₂në₅ bá₄ tin'₃ 'nia'₂, caun₂ dse₃ ja₁o₁tong'₄ co₂tan₅₄ guei'₅₄ i₂juig₃ ja₁gon₂ Te₁gui'₅₄ Jesucristo quián₂ i₂lió₂.

¹² Jui₁la₂ ma₂ñi'₅₄ 'nia'₂, la₁ co₂tan₅₄ bá₄ ca₂tin₂ jniá₂ juá'₄ ia₁jaun₂ bá₄ dsiog'₂ 'au'₂ 'nia'₂ náu'₁ tiá₂ jui₅ dsau₅ a₂ma₂tión'₂ 'nia'₂ ja₂nóg'₅. ¹³ Ia₁ lín₂ jniá₂ 'ñio₃, 'ñio₅ lín₃ dsi₂ten₅₄, a₂jui₅ jniá₂ 'nia'₂ të₁lia'₂ chang₂ guë₄ ni₁ñi₃ la₂, jaun₂ dsiog'₂ 'au'₂ jág₁ në₅. ¹⁴ Ia₁ a₂ma₂ca₂rë₃guion₅₄, ñi'₅₄ ta₁ bá₄ tí₄ ni₁ñi₃† lia'₂ con'₂ lë₅ ma₂ca₂jme₃jnia₅ Jesucristo Te₁gui'₅₄ quián₂ jniog₄. ¹⁵ La₁ quín'₅ jniá₂ bí₂ juá'₅ ia₁jaun₂ dsiog'₂ 'au'₂ 'nia'₂ co₂tan₅₄, jë₁ma₂jong₂₃, ca₂le₃jë₃ jág₁ në₅ ca₂juá'₃.

Dsa₂ i₂qui₂ca₂të₂ ne₄ 'a₂ lia'₂ lë₅ jui₅bí₂ quió'₅ Cristo

¹⁶ Ca₂le₃jë₃ a₂ma₂ca₂jme₁tag₅ jnia'₅₄ 'a₂ lia'₂ lë₅ jui₅bí₂ quió'₅ Te₁gui'₅₄ Jesucristo, 'a₂ lia'₂ lé₂ i₂guain'₂ táng₃, jaun₂ tsá₃ o₁len'₂ 'nia'₂ jua'₅₄ a₂lín'₂ jág₁ la₂ a₂lë₁qui₂ca₂'náu'₃ dsí₅ dsa₂ i₂ñí₄ 'io₅ mai₅₄ 'a₂ lia'₂ jme₃gau₂₃. Ia₁ guio₅₄ dsón'₂ bá₄ jnia'₅₄ ca₂të₂ ne₄ ton'₂ ca₂néi₄ jnia'₅₄ 'a₂ lia'₂ lë₅ jui₅bí₂ a₂ca₂jme₃jniai₂₃ a₂jláin'₁. ¹⁷ Ca₂jme₃juag'₂ Diú₄ Jme₁lia'₂ con'₂ jme₁ca₂né'₂ jág₁ juë'₂ quió'₅ jme₁ca₂juá'₂: “I₂la₂ bá₄ jón₃ quiáng₃ i₂ñí₄ lë₃ 'nióg₃ guë₄ lín₃; 'e₂ bá₄ 'ñio₂ dsi₃ quiain'₅₄.” ‡ ¹⁸ Le₂në₅ ca₂néi₁ jnia'₅₄ guio₅₄ jág₁ në₅ a₂ca₂já₃ guei'₅₄ i₂juig₃, lia'₂ con'₂ jme₁quiain'₅₄ jnia'₅₄ ne₄ má'₂ jnió₅ jaun₂.

* **1:3** A₂lín₅₄ chog₅₄ si₂: “Ma₂ca₂të₃ jniog₄ a₂jme₁jnia₅ jui₅bí₂ jlá'₁ quió'₅ 'ñio₅.” † **1:14** lit. “tabernáculo la₂.” ‡ **1:17** Mateo 17:5; Marcos 9:7; Lucas 9:35.

19 Le₂nē₅ bá₄ lē₅ chi₁dse₃ 'ñio₅ lín₃ bá₄ jág₁ ron₅ quió'₅ dsa₂ i₂jme₁'ē₂ jág₁ quián₅ Diú₄ ma₂líg'₂. Jaun₂ 'nia'₂ ně₃, dse₃ lín₃ bá₄ dsi₁nóg'₅ ně₁jua'₂ ca₂tion'₂ 'nia'₂ jui₅, ia₁ lē₅ lia'₂ lē₅ caun₂ ni₁tsí₅ chi₁guí'₂ si₂ tág₅ jē₄ qui₁né'₃, ca₂lia'₂ ca₂jnia₃ ca₂lia'₂ ca₂'ñia₂ Nei₅ 'Ióg₁Š i₂jmo₃ tág₅ tē₂'au'₂ 'nia'₂. 20 La₁ ne₄ ca₂le₃jě₃, dsá₂ 'au'₂ 'nia'₂ jmo₄ a₂la₂: 'i₁caun₂ jág₁ a₂rē₂'ē₂ ne₄ Si₂ quió'₅ Diú₄ tsá₃ ca₂tó'₂ dsa₂ quián₅ Diú₄ jua'₅₄ 'a₂ con'₂ ca₂ñí'₂ dsí₅ guoin₅₄. 21 Ján₃ bá₄ guē'₂ le₂jaun₂, tsá₃ jág₁ cha₂ jua'₅₄ ca₂rē₃lióg₃ 'uig₅₄ con'₂ 'ñio₂ dsí₅ dsa₂ mi₂güig₃. Dsa₂ 'éi₂ ně₃, tē₂le₃ ca₂dsia₃ bá₄ o₄quió'₄ Diú₄ lia'₂ con'₂ lē₅ ca₂jio₃ Jme₂dsí₂ Jñio₅.

2

Dsa₂ i₂jme₂tag₅ jág₁ a₂tsá₃ tí₅ (Judas 4–13)

1 Le₂nē₅ bá₄ ca₂rē₃chán₃ dsa₂ i₂jui₁gan₂ ján₃ i₂ca₂'ē₂ jág₁ a₂tsá₃ tí₅ jin₄ dsa₂ juig₂ quián₅ Diú₄ ma₂líg'₂, le₂nē₅ bá₄ qui₃'uín₃ jē₄ quián'₂ 'nia'₂ rē₂ně₃ tē₅ i₂qui₂jme₃gau₅. Dsa₂ le₂'éi₂, 'a₂ con'₂ tsá₃ jme₁li₅₄ mei'₂ jme₃tag₂₃ juá'₅ a₂tsá₃ tí₅ a₂jio₅ jui₅ ja₁dsi₃'én₂ dsa₂. Jmo₃ ca₂lia'₂ tsá₃ ma₃le₃ji'₅₄ 'éi'₃ quió'₅ Te₁gui'₅₄ i₂ca₂láu₂. La₁ tsá₃ uē₂ le₃léi₄ dsi₃'éin₂ bá₄ guoin₅₄. 2 Jui₅ lín₃ dsa₂ i₂'en₃ jui₅ ja₁tión₂ dsa₂ 'éi₂, jmo₅-dsá₅ lia'₂ lē₂ dsí₅, jaun₂ 'éi₂ bá₄ 'uin₄ ně₃ a₂qui₃táun₂ dsa₂ 'lig'₅₄ jui₅ tí₅. 3 Ne₄ ia₁ a₂tsá₃ o₁jau₅₄ lí'₂ cu₄, qui₂jme₃tag₂₃ jág₁ a₂qui₂ma₂'náu'₃ dsí₅ guoin₅₄, a₂con'₂ jñia'₅₄ lē₁'nio₃ lí'₂ quián'₂ 'nia'₂. La₁ ma₂i₁jáun₃ bá₄ ma₂lē₅ co₂jñia₅₄ jág₁ a₂ma₂tioin'₅₄ 'éi'₃ a₂dsi₁qui₅ ñi'₅₄ ta₁ ja₁dsi₃'éin₂; tion₅₄ bá₄ dsi₃'éin₂.

4 Chi₂jua'₂ le₂nē₅ tsá₃ ca₂'én₂ Diú₄ dsá₁ ángeles i₂ca₂sén'₂ dso₄ ma₂líg'₂, i₃gain'₅₄ bá₄ guio₃-juig₃ i₃lén₂ le₁'ñei'₅₄ jē₄ qui₁né'₃, ja₁jaun₂ tioin'₅₄ lē₅ co₂jñia₅₄ jmi₄ i₁tē₃dsi₅₄ 'éi'₃ quió'₅; 5 ján₃ bá₄ le₂nē₅ chi₂jua'₂ tsá₃ ca₂'én₂ Diú₄ dsá₁ dsa₂ i₂jme₁chan₂ mi₂güig₃ gui'₅₄ ma₂líg'₂, tion₅₄ bá₄ ca₂jme₃cain'₂ jmi₄ ca₂'éin₂ ca₂le₃jín₃ dsa₂ i₂tsá₃ Diú₄ cuin₅, jñia'₅₄ lia'₂ Noé bá₄ i₂ca₂lióin₂ i₂jme₁'ē₂ jág₁ a₂'ē₂₃ caun₂ jui₅ co₂dsau₅, quian'₅₄ guē₄ guion₃ dsa₂; 6 chi₂jua'₂ le₂jaun₂ bá₄ ján₃, ca₂'én₂ Diú₄ le₃tin₃ juig₂ Sodoma quian'₅₄ Gomorra, ca₂dsí'₂ ca₂lia'₂ ca₂lē₃ jua₂ li₁, jaun₂ le₂nē₅ jáng'₅ caun₂ jág₁ dsau₅ co₂'nió'₄ a₂rē₂'ē₂ jág₁ ja₁con₂ dsa₂ i₂tsá₃ Diú₄ cuin₅ i₂qui₂le₃chan₂ cang₂; 7 chi₂jua'₂ le₂nē₅ ca₂lióin₂ bá₄ jan₂ Lot, i₂jme₁lín₄ guē₄ dsa₂ dsen₃ jme₁chain₂ quian₅ o₂i₁ dsí₅ ia₁ jme₁tē₅ ne₅₄ 'a₂ lia'₂ lē₅ jui₅ le₁quian₅ dsa₂ 'lin'₅₄ jmi₄ jaun₂, 8 (jaun₂ jme₁ta₂ qui'₂ dsí₅ bá₄ dsa₂ dsen₃ 'éi₂, ia₁ ca₂le₃jě₃ jmi₄ bá₄ jme₁tē₅ ne₅₄, jme₁nag₂₃ ně₃ ca₂le₃jě₃, ne₅₄ cosa 'lig'₅₄ a₂jme₁jmo₅-dsá₅ dsa₂ juig₂ ja₁jme₁guá₄); 9 chi₂jua'₂ le₂nē₅, jaun₂ ñi₅ bá₄ Te₁gui'₅₄ 'a₂ lia'₂ lióin₃ dsa₂ dsen₃ ne₄ 'e₂ táu₂ dsi₂ñí₂, ton'₂ ñi₅ 'a₂ lia'₂ toin'₂ dsa₂ 'lin'₅₄ lē₅ 'í₁ ca₂lia'₂ ca₂tē₂ jmi₄ i₁gue₃ uig₅ i₁tē₃dsi₅₄ 'éi'₃ quió'₅.

10 A₂nē₅ ně₃, lē₅ caun₂ jág₁ tí₅ dsón'₂ a₂jáng'₅ jág₁ dsau₅ ja₁con₂ jui₁lia'₂ dsa₂ i₂i₂nio₄ jme₂ti₃ a₂'lig'₅₄ a₂mi₅ ni₁ñi₁₂, co₂'nió'₄ quió'₅ dsa₂ i₂tsá₃ ji'₅₄ 'éi'₃. I₂ñioi₅₄ 'ñio₅ lín₃ táin'₅, 'nio₃ jua'₅₄ 'éi'₃ quió'₅ 'éi₂ bá₄ lé₂, ton'₂ 'ñio₅ lín₃ tiá₂ dsí₅ 'e₂ caun₂ a₂'nio₃ jmo₃; tsá₃ gó'₅ táun₂ 'lig'₅₄ 'iin₂₃ jui₁lia'₂ i₂jlán'₁ chan₂ quián₅ Diú₄, 11 jui₁la₂ ángeles i₂'io₅ guē₄ bí₂, i₂'uan'₂ guē₄, tsá₃ le₂jaun₂ tiá₂ dsí₅ jua'₅₄ 'ag₃ 'lig'₅₄, a₂'ñi₃ dsa₂ 'éi₂ ne₄ Te₁gui'₅₄.

12 La₁ dsa₂ 'éi₂, lín₅ jui₁lia'₂ lín₅ já'₂ náu₂ i₂tsá₃ 'en₅₄ dsí₅, chain₂ tsá₃ 'e₂ ñí'₂ dsí₅ 'e₂ jmo₅-dsá₅, rē₂chain₂ a₂jñia'₅₄ con'₂ tsáun'₂ dsa₂ jme₃dsiog₂₃. Tē₃jñiá₅ bá₄ ma₂'ē₂₃ 'lig'₅₄ 'e₂ a₂tsá₃ ma₂ñí'₂. La₁ le₂jaun₂ bá₄ dsiáin₃ ján₃ jui₁lia'₂ dsan₂ já'₂ náu₂. 13 Le₃chain₂ ñág₃ uig₅ co₂'nió'₄ 'liain'₅₄ jui₁lia'₂ qui₂ma₂jmaí'₂ i₂sián'₂. Jmo₂₃ dsí₅ 'ñio₅ lín₃ dse₃ chain₂ lín₂ ia₁ cué'₅ o₂'ñio₃ o₂jñia₃ dsí₅ o₁jñia'₅₄ a₂jmi₂. Lín₅ dsa₂ 'éi₂ co₂'nió'₄ caun₂ 'mé'₅ 'lig'₅₄ a₂rē₂'ióg₄ a₂quian₅ o₂guí'₃ jē₄ quián'₂ 'nia'₂, 'ñio₅ tē₅ dsí₅ cué'₅ o₂'ñio₃ dsí₅ a₂jme₂gau₂₃ tóin'₅ jmo₂₃ jmi₄ jin'₄ 'nia'₂.

14 Co₂tan₅₄ lia'₂ ma₂dsi₂jio₃ dsí₅ 'lig'₅₄ bá₄ jē₁ma₂ca₂jñin₂ jan₂ dsa₂ mí₂, tsá₃ mag'₂ dsí₅ jua'₅₄ a₂tsá₃ 'no₂₃ dso₄; 'ñio₅ lín₃ 'io₂₃ mai₅₄ ñi₅ 'a₂ lia'₂ jme₃gain₂₃ dsí₅ jui₁lia'₂ dsa₂ 'uan₅₄ i₂tsá₃

tiá₂ tión₂; 'ñio₅ lín₃ tiín₂ ñi₅ táng₃ 'a₂ lia₂ jme₃ 'ñiói'₃ 'e₂ caun₂ 'nio₃ jme₃ 'ñiói'₃; ia₁ lín₅ jaun₅ i₂ma₂tion'₅₄ juí₅ dsi₃ 'én₂. ¹⁵ Ma₂qui₂ma₂tí₄ juí₅ co₂dsau₅, ton'₂ ma₂i₂cóin'₅, ma₂qui₂le₁quian'₅ juí₅ quió'₅ Bala'am* ja₁ñi'₅₄ Beor, i₂'éi₂ jme₁ 'nio₃ lí'₂ cu₄ quian'₅₄ caun₂ a₂'lig'₅₄ a₂jme₁jmo₃. ¹⁶ Jan₂ dsi₂bú'₄ i₂tsá₃ lé₂ dsia₃ jág₁ bá₄ ca₂jí₂ quió'₅ 'uig'₅₄ dsáu₁, ia₁ já'₂ 'éi₂ ca₂'ñiai₂ jág₁ lia'₂ lě₅ jag₄ dsa₂ mi₂güig₃. Ca₂ñé₃ juí₅ co₄ quió'₅ dsa₂ i₂'é₂ jág₁ quián₅ Diú₄ 'éi₂.

¹⁷ Dsa₂ 'éi₂ lín₅ juí₁lia'₂ lě₅ caun₂ o₄tu₁ jmig₂ a₂tsá₃ 'e₂ jmig₂ cha₂; o₃ le₃jua'₅₄ lín₅ juí₁lia'₂ lě₅ ti₁jnei₅ a₂lě₁qui₂ñag₅ tiá₂ quian'₅₄ dsi₂. Ma₂tioin'₅₄ juí₅ a₂dsi₁lein₅ jě₄ qui₁né'₃ 'ñio₅ lín₃, ja₁ma₂lě₅ co₂ñia₅₄ quió'₅.† ¹⁸ Ia₁ qui₂'uē'₅ mi₂'o₅₄ jág₁ tá'₅ a₂tsá₃ ta₁ tí₄, qui₂cáin₂ dsa₂ a₂jmo₃ dsó₃ a₂jme₃ti₃ a₂'ín₅ dsi₅ ni₁ñi₁₂; qui₂jme₂gain₂₃ dsa₂ i₂lag₃ ma₂lión₂ o₄gú₃ dsa₂ i₂le₁quian'₅ juí₅ a₂ma₂i₂cóin'₅. ¹⁹ Qui₂cuē'₂₃ jág₁ a₂juá'₂ a₂lió₂, la₁ guioin'₅₄ guē'₂ ně₃ i₂nioi₅₄ le₁'ñei'₅₄ juí₅ ja₁dsi₃'én₂. Ia₁ le₂jaun₂ dsón'₂ lě₅ bá₄, lé₂ le₃jua'₅₄ chi₁'ñe'₅₄ dsa₂ ne₄ juí₁'e₂ caun₂ juí₅ 'lig'₅₄ a₂quian'₅, ia₁ dso₄ jaun₂ ca₂lě₃ juig₅₄ bá₄ dsa₂. Ia₁ a₂jaun₂ jiog₅ jmo₅ 'éi'₃ ja₁coin₂. ²⁰ La₁ juí₁lia'₂ dsa₂ i₂ma₂ca₂rě₃cuin₅ Te₁gui'₅₄ Jesucristo i₂lín₅ i₂ma₂ca₂lió₂ quió'₅ ne₄ juí₅ lě₁'iog₅ a₂le₁quian'₅ dsa₂ mi₂güig₃, la₁ ně₃jua'₂ siá'₂ ca₂dsi₃lein₅ ca₂guioin'₂ táng₃ quian'₅₄ a₂'lig'₅₄, o₃ ně₃jua'₂ ca₂jme₃gón₃ táng₃ a₂'lig'₅₄ jaun₂ tē₂dsi₅, dsi₁lein₅ tsón₂ guē₄ le₃'lín₅₄ con'₂ guē₄ le₂jñiá₅.‡ ²¹ Juí₁lia'₂ dsa₂ le₂'éi₂, ja₂lín₃ guē₄ dse₃ jua'₅₄ co₂ñei'₅₄ bá₄ tsá₃ ca₂rě₃cuí'₅ juí₅ co₂dsau₅, lia'₂ con'₂ guē₄ a₂ma₂ca₂rě₃ñi₅, ně₃jua'₂ cang₂ jaun₂ ca₂tí₂ bá₄ táng₃ 'éi'₃ jñió₅ a₂jme₁ma₂ñi₂.§ ²² La₁ ja₁jaun₂ rě₃ti₃ quian'₅₄ dsa₂ le₂'éi₂ juí₁lia'₂ lě₅ caun₂ jag₄ dsa₂ jme₁juá'₂: “Guē'₅ táng₃ dsi₂jí'₅₄ te₁ñi₅₄ quió'₅”,* con'₂ siá'₂ táng₃: “Juí₁lia'₂ i₂ñí₅ i₂lia'₂ ma₂ně₂sei₃ dsa₂, dsó₅ qui₂ba₂lín'₂ táng₃ jě₄ ti₁jéin₃.”

3

Jmig₄ i₂jñió'₂ Te₁gui'₅₄

¹ 'Nia'₂ rín'₅₄ jniog₄ i₂'nióg₃, jě₁ca₂tě₂ tñ₃ si₂ bá₄ la₂ tsing₂ ne'₅₄ 'nia'₂. Jě₁le₃tñ₃ si₂ ně₅ ma₂ca₂jme₁jñio₂ jñiá₂ ne'₅₄, ma₂ca₂jmo₃ dsá₂ 'au'₂ a₂dsi₃jio₅ 'au'₂ jmá'₃ lia'₂ a₂le₁jě₃. ² Juí₁dsiog'₂ 'au'₂ 'nia'₂ ca₂le₃jě₃ jág₁ a₂qui₂ca₂juá'₂ dsa₂ jñió₅ i₂jme₁'ě₂ jág₁ quián₅ Diú₄ ma₂líg'₂ quian'₅₄ guē₄ 'éi'₃ a₂ca₂quiog₂ Te₁gui'₅₄ i₂ma₂lió₂ jniog₄, a₂ma₂ca₂ñag₅ ja₁con'₂ 'nia'₂ tē₂le₃ quian'₅₄ dsa₂ i₂chen₄ quián₅. ³ Jě₁le₂'uig'₅₄ jmo₄ 'nia'₂ dsá₂ 'au'₂ a₂juá'₅ jñiá₂ la₂. Jmig₄ jě₁ca₂tó'₂ tē₁ja₃lén₂ dsa₂ i₂caun₂ lě₁qui₃táun₂ 'lig'₅₄, le₃chain₂ jmá'₃ lia'₂ jñia'₅₄ con'₂ lě₂ 'ín₅ dsi₅ guioin₅₄. ⁴ Dsa₂ 'éi₂ ñag₃, juá'₂: “¿E₂ ca₂lě₃ quian'₅₄ jág₁ a₂ron₅, a₂juá'₂ 'nia'₂ a₂guan'₂ táng₃ Cristo? Ia₁ ca₂le₃ ca₂dsan₃ dsa₂ can'₅₄ quián₂ jniog₄, jua'₂ lia'₂ ma₂lě₅ jaun₂ bá₄ mi₂güig₃ lia'₂ con'₂ lě₅ jme₁ca₂ñio₃ le₂'uig'₅₄.” ⁵ La₁ a₂ta₁ dsi₅ bá₄ dsa₂ 'éi₂ tsá₃ 'nio₃ le₃ñí'₂, a₂ca₂lě₃ tē₂le₃ quian'₅₄ jág₁ quió'₅ Diú₄ dsi₄ guei'₅₄ mi₂güig₃ ma₂líg'₂, quian'₅₄ gua'₅₄ 'uē₃, quian'₅₄ jmig₂ a₂ca₂jmo₃ jma₃quén₅ gua'₅₄ 'uē₃ quian'₅₄ jmig₂ ně₃. ⁶ Ton'₂ quian'₅₄ jmig₂ bá₄ ján₃, ca₂'én₂ Diú₄ mi₂güig₃ jmig₄ jaun₂. ⁷ Ján₃ bá₄ le₂ně₅, tē₂le₃ quian'₅₄ jág₁ quió'₅ 'ñiog₅ bá₄ Diú₄, dsi₄ guei'₅₄ quian'₅₄ gua'₅₄ 'uē₃, ron₅ ma₂lě₅ co₂ñia₅₄ a₂ca₂u₃ jě₁ma₂tě₂ jmig₄ i₁qui₃dsi₅ Diú₄ 'éi'₃ i₁'éin₂ co₂ñei'₅₄ dsa₂ i₂tsá₃ Diú₄ cuin₅.

⁸ Con'₂ siá'₂ rín'₅₄ jniog₄, tsá₃ juí₁dsi₂'én₂ 'au'₂ 'nia'₂, ia₁ tē₂le₃ quió'₅ Te₁gui'₅₄, lě₅ caun₂ jmig₄ co₂'nió'₄ caun₂ mei₅ ñi₂; ton'₂ caun₂ mei₅ ñi₂ guē'₂, lě₅ co₂'nió'₄ caun₂ jmig₄. ⁹ La₁ tsá₃ o₁lei₅₄ jniog₄ jua'₅₄ a₂jme₂'ag₄ Te₁gui'₅₄ a₂jme₃ti₃ jág₁ quió'₅, juí₁lia'₂ lín₂ i₂lín₅₄; a₂jmo₂₃ juin'₂ dsi₅ bá₄ ja₁con'₂ 'nia'₂, ia₁ 'nio₃ jua'₅₄ 'i₁jan₂ bá₄ tsá₃ 'ein₂ dsi₃'én₂, 'nio₃ jua'₅₄ ca₂le₃jín₃ bá₄ dsi₁quén'₅ dsi₅.

¹⁰ Ia₁ jmig₄ jaun₂ quió'₅ Te₁gui'₅₄ guá₂ con'₂ tsá₃ 'ein₂ rě₂ján₁, lé₂ juí₁lia'₂ ja₁'í₂ jan₂ 'ang₂. Jaun₂ guē₄ tē₃tsi'₅₄ co₂mi'₅₄ gau₂ lín₃ lé₂ dsi₃'én₂ dsi₄ guei'₅₄; qui₂dsi₃'én₂ ca₂le₃jě₃ a₂cha₂

* **2:15** Bala'am: 'Í₂ Números 22 - 24. † **2:17** Niog₅ a₂lín₅₄ chog₅₄ si₂ a₂juá'₂: “ja₁ma₂lě₅ co₂ñia₅₄ ja₁dsi₁toin'₄ co₂tan₅₄.”

'Nio'₂ ja₁ton₅ Judas 13. ‡ **2:20** 'Nio'₂ ja₁ton₅ Mateo 12:45; Lucas 11:26. § **2:21** 'Nio'₂ ja₁ton₅ Hebreos 6:4-6. * **2:22** Proverbios 26:11.

qui₃jmá_g₂ quian'₅₄ si₂; lia'₂ rē₂cuá'₃ * gua'₅₄ 'uē₃ lé₂, lia'₂ jma₃quian'₅₄ 'e₂ niog₅ ca₂jmo₃ dsa₂ ja₁jaun₂.

¹¹ Chi₂jua'₂ le₂nē₅ dsi₃'én₂ ca₂le₃jě₃, i_e₂ guě₄ 'ñio₅ lin₃ dsi₂ten₅₄ 'nió'₅ jmó'₂ 'nia'₂ dsen₅₄ 'au'₂ le₃chang'₂ jñio₅, a₂'nióg'₃ Diú₄! ¹² Jmo₄ 'nia'₂ co₂jñiag'₅₄ rē₂jáng'₁ ia₁jaun₂ ñi'₅₄ ta₁ guá₂ jmig₄ jaun₂ quió'₅ Diú₄. Jmig₄ jaun₂ guei'₅₄ mi₂güig₃ qui₂dsi₃'én₂ quian'₅₄ si₂, ca₂le₃jě₃ 'e₂ a₂cha₂ qui₃jmá_g₂ jē₁ma₂ca₂dséi₃ 'ñio₅ lin₃. ¹³ La₁ jniog₄ ně₃, le₁jñia₁ dsi₁no₃ caun₂ guei'₅₄ i₂juíg₃ 'mí₂ quian'₅₄ caun₂ gua'₅₄ 'uē₃ 'mí₂ ja₁ma₂lě₅ jág₁ cuē₃ Diú₄, ja₁tē₂ 'ñiá₄ jmá₃ a₂jñio₅.

¹⁴ Le₂nē₅ jaun₂ ně₃ rin'₅₄ jniog₄, tē₁lia'₂ tsá₃ ma₂tē₂ jmig₄ jaun₂, quen'₂ 'nia'₂ bí₂ ia₁jaun₂ bá₄ dsiog'₂ Diú₄ qui₂le₁'ág₄ bá₄ tei₄ 'au'₂ 'nia'₂, tsá₃ 'e₂ cha₂ jua'₅₄ lě₅ qui₂rē₂'ióg₄ jme₂dsí₂ quiáng'₂, jua'₅₄ a₂rē₂cán'₄ 'nia'₂ dso₄. ¹⁵ Jmo₄ 'nia'₂ 'au'₂ a₂juin'₂ dsí₅ bá₄ Te₁gui'₅₄ ia₁jaun₂ cuin₅ jmig₄ líón'₂ 'nia'₂. Le₂nē₅ bá₄ ján₃, Pa₄ rin'₅₄ jniog₄ ma₂dsiáin'₂ si₂ ne'₅₄ 'nia'₂, con'₂ lě₅ ma₂ñí'₂ dsí₅ a₂ma₂ca₂cuē₃ Diú₄. ¹⁶ Jē₄ ca₂le₃jě₃ Si₂ quió'₅, ma₂ca₂tsí'₃ 'nia'₂ ján₃ ca₂le₃jě₃ a₂nē₅, o₁jñia'₅₄ la₂juí'₅ le₃ñág'₂ a₂lin₅₄; 'uig₅₄ jaun₂ dsa₂ i₂tsá₃ lin₄ ñí'₂ dsí₅ i₂tsá₃ tiá₂ tión₂, le₃jen₅ bá₄ jme₂tiin₂₃ dsa₂, ján₃ bá₄ le₂jaun₂ ca₂le₃jě₃ guě₄ rin'₅₄ Si₂ quió'₅ Diú₄ ně₃, la₁ a₂'uin₅₄ guoin₅₄ bá₄ a₂dsi₃'éin₂ ia₁ a₂jmo₂₃ le₂jaun₂.

¹⁷ Jaun₂ lē₃ 'nia'₂ rin'₅₄ jniog₄, ia₁ tē₃jñiá₅ bá₄ ma₂le₁ñi'₅₄ 'nia'₂ 'a₂ lia'₂ niog₅ lé₂, jmo₄ 'nia'₂ 'í₁ ia₁jaun₂ tsá₃ qui₃tsag'₂ dsa₂ 'lin'₅₄ i₂jme₂gau₅, jaun₂ tsá₃ sēn'₂ 'nia'₂ jui₅ ja₁tióng'₂ tiá₂. ¹⁸ La₁ jui₁dsi₂can'₅₄ bá₄ 'nia'₂ jui₅ ja₁'ua₁ dsí₅ Te₁gui'₅₄ Jesucristo quián₂ jniog₄ i₂ma₂lió₂, jaun₂ dsi₁nó'₅ 'nia'₂ le₃cuin'₂ guě₄ dse₃. 'Éi₂ bá₄ ca₂tín₂ le₃juin'₂, jmig₄ ně₃, co₂tan₅₄. ¡A₂méi₃! Co₂nē₅.

* 3:10 A₂lin₅₄ chog₅₄ si₂: “qui₂dsi₃'én₂ cáu₃.”

Si₂ carta le₂'uig₅₄ a₂ca₂jmo₃ SAN JUAN

Jág₁ dse₃ juí₁lia'₂ 'a₂ lia'₂ le₃chan₂ dsa₂

¹ Jmo₂ jnia'₅₄ si₂ la₂ dsiang'₅₄ ne'₅₄ 'nia'₂, ja₁'ín₅ jnia'₅₄ i₂jme₁ma₂chan₂ lia'₂ con'₂ jme₁ca₂rë₃lióg₃ ca₂le₃jě₃ a₂cha₂, ja₁'ín₅ jnia'₅₄ jan₂ i₂qui₂ma₂néi₁ jnia'₅₄ jág₁ quió'₅, ma₂ca₂néi₄ jnia'₅₄ quian'₅₄ jme₁ne₁ guio₅₄, ma₂qui₂ma₂tí₄ jnia'₅₄ gu₂ quió'₅ ně₃. Të₂le₃ quian'₅₄ jág₁ quió'₅ 'éi₂ bá₄ a₂le₃chan₂ dsa₂. ² I₂chan₂ 'éi₂ ně₃ ca₂jme₃jniai₂₃ 'ñiog₅ jë₄ quió'₅ dsa₂ mi₂güí₃. Jaun₂ jnia'₅₄ ně₃, ca₂néi₄, jaun₂ jang'₂ jnia'₅₄ jág₁ dsau₅ quió'₅ 'éi₂. Qui₂'ë₅ jnia'₅₄ ja₁con'₂ 'nia'₂ 'a₂ lia'₂ le₃chan₂ dsa₂ co₂tan₅₄. Jme₁ma₂chain₂ bá₄ quiaín'₅₄ Jmei₂, ton'₂ ma₂ca₂jme₃jniai₂₃ jë₄ quián₂ jnia'₅₄. ³ Jaun₂ 'ë₅ jnia'₅₄ jág₁ juí₁lia'₂ a₂ma₂ne₅₄ a₂ma₂néi₁ ně₃, ia₁jaun₂ jme₁quiong'₅₄ 'nia'₂ jnia'₅₄ 'ei₅ caun₂ jág₁, juí₁lia'₂ jnia'₅₄ ně₃ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Jesucristo Ja₁ñi'₅₄ ně₃. ⁴ Jaun₂ bá₄ lë₃ jmo₂ jnia'₅₄ si₂ la₂ dsiang'₅₄ ne'₅₄ 'nia'₂, jua'₂ jnia'₅₄ ca₂le₃jě₃ jág₁ la₂, ia₁jaun₂ rë₂ 'ñia₅ a₂'io'₂ jein₂ jniog₄.*

Diú₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'₅₄ quió'₅, a₂'ë₄ táng₃ jnia'₅₄ ja₁con'₂ 'nia'₂: Lín₅ Diú₄ si₂; 'i₁caun₂ ja₁qui₁né'₃ tsá₃ cha₂ ja₁coin₂. ⁶ Në₁jua'₂ jua'₂ jniog₄ 'ei₅ caun₂ jág₁ quian'₅₄ Diú₄, la₁ në₁jua'₂ i₂nio₄ guë'₂ jniog₄ jë₄ qui₁né'₃, jmo₂ jniog₄ të₂jág₁; tsá₃ juí₅ dsau₅ chong₂. ⁷ La₁ në₁jua'₂ qui₂i₂nio₄ jniog₄ ja₁jniá₂ si₂, juí₁lia'₂ 'en₅₄ 'éi₂ ja₁jniá₂ si₂, 'ei₅ caun₂ jág₁ quian'₅₄ rin'₅₄ jniog₄ le₂jau₂ le₂jau₂, jaun₂ jmi₄ Jesucristo Ja₁ñi'₅₄ qui₂chéi₂ ca₂le₃jě₃ dsáu₁ jniog₄.

⁸ Në₁jua'₂ jua'₂ jniog₄ tsá₃ 'e₂ dso₄ le₁cáu'₄, jme₂gán₁ jniog₄ guio₅₄, tsá₃ tí₅ jág₁ quián₂. ⁹ La₁ në₁jua'₂ jmo₂ jniog₄ jág₁ dsau₅ a₂rë₂cáu'₄ dso₄, rë₂tí₅₄ bá₄ Diú₄, rë₂ bá₄ qui₂dsi₂₃ 'éi'₃, 'éin₂ bá₄ dso₄ quián₂ jniog₄, qui₃chéi₂ ca₂le₃jě₃ a₂'lig'₅₄. ¹⁰ La₁ në₁jua'₂ jua'₂ jniog₄ tsá₃ 'e₂ dso₄ ma₂'nióg₁, jmo₂ jniog₄ co₂'nió'₄ të₂jín₁ bá₄ Diú₄; tsá₃ 'i₄ jág₁ quió'₅ ja₁con₂ jniog₄.

2

Cristo bá₄ lín₅ i₂chén'₅ ne₄ jág₁ quián₂ jniog₄

¹ 'Nia'₂ chí₂-guein₂ quiáng₃, jmo₅ jniá₂ si₂ la₂ ja₁juá'₅ ca₂le₃jě₃ ia₁jaun₂ tsá₃ ma₃'náu'₁ 'nia'₂ dso₄. Në₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog₄ ne₄ Diú₄ Jmei₂. I₂'éi₂ lín₅ Jesucristo i₂dsen₃. ² 'Éi₂ bá₄ i₂ca₂ñó₃ rë₂jen'₅₄ ne₄ Diú₄ 'uig'₅₄ dsáu₁ jniog₄. On₃jua'₅₄ rë'₂ jmá'₃ 'uig'₅₄ dsáu₁ jniog₄, 'uig'₅₄ dsáu₁ ca₂le₃jín₃ dsa₂ mi₂güí₃ bá₄ ján₃.

³ Në₁jua'₂ jme₂tí₁ 'éi'₃ quió'₅ ně₃, jaun₂ le₂në₅ bá₄ ne₄ a₂ma₂ca₂rë₃cuín₅ jniog₄. ⁴ La₁ në₁jua'₂ chan₂ i₂juá'₂: “Cuín₅ jniá₂ Diú₄”, la₁ në₁jua'₂ tsá₃ jme₂ti₃ guë'₂ 'éi'₃ quió'₅, i₂'éi₂ lín₅ dsa₂ të₂jág₁, tsá₃ 'i₄ jág₁ tí₅ ja₁coin₂. ⁵ La₁ të₂le₃ quió'₅ juí₁lia'₂ i₂jme₂ti₃ 'éi'₃ quió'₅ Diú₄, i₂'éi₂ guë'₂ dsón'₂ rë₂'ñia₅ a₂'nioi₃ Diú₄. Jaun₂ le₂në₅ bá₄ ne₄ jniog₄ chong₂ a₂'ei₅ caun₂ jág₁ quiaín'₅₄. ⁶ Juí₁lia'₂ i₂juá'₂ téin₅ le₃quió'₅ Diú₄, 'nió'₅ i₃nioi₅₄ juí₁lia'₂ ca₂ñi₃ Jesucristo.

Caun₂ 'éi'₃ m'í₂

⁷ 'Nia'₂ rin'₅₄ jniog₄ i₂'nióg₃, on₃jua'₅₄ 'éi'₃ 'm'í₂ la₂ tó'₅ jniá₂ ne₄ si₂ juíg₂ 'nia'₂. A₂le₂jaun₂ bá₄ la₂ juí₁lia'₂ 'éi'₃ a₂jme₁ma₂cha₂ ja₁con'₂ 'nia'₂ ca₂le₃ jmig₄ le₂'uig'₅₄ jme₁ca₂rë₃'én'₂ 'nia'₂. 'Éi'₃ gui'₅₄ la₂ lë₅ jág₁ a₂ma₂nei'₂ 'nia'₂. ⁸ La₁ ia₁ a₂tó'₅ jniá₂ ne₄ si₂ la₂ a₂tsing₂ ne'₅₄ 'nia'₂, lë₅ co₂'nió'₄ caun₂ 'éi'₃ 'm'í₂, a₂dsau₅ të₃dsón'₂ quió'₅ Cristo, ján₃ guë'₄ dsau₅ të₂le₃ ja₁con'₂ 'nia'₂ ně₃. Ia₁ ma₂ca₂ñi₂ bá₄ jë₄ qui₁né'₃, ma₂tág₅ si₂ a₂dsau₅ të₃dsón'₂.

* 1:4 A₂lín₅₄ chog₅₄ si₂: “a₂'io'₂ jén'₂ 'nia'₂.”

⁹ Chi₂jua'₂ chan₂ i₂juá'₂ chain₂ ja₁jniá'₂ si₂, la₁ nē₁jua'₂ 'ñiai₅₄ bá₄ guē'₂ riin'₅₄ ně₃, i₂le₂'éi₂ 'ein₅₄ bá₄ guē'₄ jē₄ qui₁né'₃. ¹⁰ La₂ i₂'nio₃ rin'₅₄ guē'₂ ně₃, tē₂'ñiai₅₄ ja₁jniá'₂ si₂, ton'₂ 'i₁caun₂ tsá₃ 'e₂ cha₂ jua'₅₄ jmo₃ a₂qui₃nió'₃. ¹¹ La₁ i₂'ñiai₅₄ rin'₅₄ guē'₂ ně₃, 'ein₅₄ jē₄ qui₁né'₃. Tsá₃ ñi₅ 'a₂ jui₅ dsó₃, ia₁ co₂'nió'₄ tein₅₄ bá₄ ñi₂₃ jē₄ nei₂.

¹² Tsín₂ jniá'₂ si₂ la₂ ne'₅₄ 'nia'₂ i₂líng'₅ chi'₂-guein₂ quiáng₃, ia₁ ma₂rē₂'én₄ bá₄ dsáu'₂ 'nia'₂, ma₂ca₂'én₂ bá₄ Diú₄ tē₂le₃ o₄quió'₄ Jesucristo. ¹³ 'Nia'₂ dsa₂ i₂chan₂ chi'₂ quián₅, tsín₂ jniá'₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ bá₄ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jě₃. 'Nia'₂ dsa₂ chi'₂, tsíng₂ si₂ la₂ ne'₅₄ 'nia'₂ ia₁ ma₂ca₂tian'₃ bá₄ 'nia'₂ ne₄ quió'₅ i₂sě₃dsen₃.

'Nia'₂ guein₂ quiáng₃, jmo₅ jniá'₂ si₂ la₂ tsíng₂ ja₁con'₂ 'nia'₂ ia₁ ma₂ca₂rē₃cuin'₂ 'nia'₂ Diú₄ Jmei₂jniog₄. ¹⁴ 'Nia'₂ dsa₂ i₂chan₂ chi'₂ quián₅, tsín₂ jniá'₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jě₃. Ján₃ bá₄ tsín₂ jniá'₂ si₂ la₂ ne'₅₄ 'nia'₂ dsa₂ chi'₂, ia₁ 'uan'₂ bá₄ 'nia'₂, ia₁ jág₁ dse₃ quió'₅ Diú₄ ma₂'i₄ 'au'₂ 'nia'₂, ia₁ ma₂ca₂tian'₃ 'nia'₂ ne₄ quió'₅ i₂sě₃dsen₃.

¹⁵ Tsá₃ lē₁jmo₂ 'nia'₂ 'ín₅ 'au'₂ jua'₅₄ a₂le₃chang'₂ i₁niog'₄ jui₅ ja₁i₂nio₄ dsa₂ mi₂güig₃, on₃ guē'₂ jmó₁ 'nia'₂ 'ín₅ 'au'₂ 'e₂ niog₅ cha₂ mi₂güig₃. Chi₂jua'₂ chan₂ i₂'ín₅ dsí₅ a₂jén'₅ mi₂güig₃, i₂le₂'éi₂ tsá₃ tē₃dsón'₂ 'nioi₃ Diú₄ Jmei₂. ¹⁶ Ia₁ ca₂le₃jě₃ a₂jén'₅ mi₂güig₃, ju₁lia'₂ ca₂le₃jě₃ a₂'lig'₅₄ a₂mi₅ ni₁ñi₁ dsa₂, a₂'ín₅ dsí₅ dsa₂ jmo₃ ca₂le₃jě₃ 'e₂ niog₅ tē₅ jme₁ne₁₂, a₂jme₂rón₂ dsa₂ 'e₂ niog₅ cha₂ quió'₅ tē₁lia'₂ chain₂: Ca₂le₃jě₃ a₂ně₅, on₃jua'₅₄ já₅ quió'₅ Diú₄ Jmei₂jniog₄; a₂já₅ quió'₅ mi₂güig₃ bá₄ jaun₂. ¹⁷ La₁ a₂jē₁ca₂ñi₂ bá₄ mi₂güig₃, quian'₅₄ ca₂le₃jě₃ 'e₂ 'lig'₅₄ a₂'ín₅ dsí₅ dsa₂ chain₂ ne₄ gua'₅₄ 'uē₃. La₁ i₂jmo₅ a₂ñio₂ dsí₅ Diú₄, le₃chain₂ co₂tan₅₄.

Ju₁lia'₂ 'a₂lia'₂ lē₅jág₁ dsau₅ dsón'₂, 'a₂lia'₂ lē₅jág₁ tē₂jág₁ táng₃

¹⁸ 'Nia'₂ chi'₂-guein₂ quiáng₃, jmi₄g₄ jē₁ca₂tó'₂ bá₄ la₂ chong₂ jniog₄. Ma₂nei'₂ bá₄ 'nia'₂, já₅ jan₂ i₂'ñiai₅₄ Cristo. Rē₂ně₃ ně₃, ju₁n₅ bá₄ i₂ma₂ca₂rē₃jniá'₂ i₂'ñiai₅₄ Cristo. Jaun₂ bá₄ lē₃ ne₄ jniog₄ a₂ja₂quián₃ jmi₄g₄ jē₁ca₂tó'₂. ¹⁹ I₂ca₂'uin₂ jē₄ quián₂ jniog₄ bá₄ 'éi₂. Dsón'₂ bá₄ dsau₅, on₃jua'₅₄ i₂quián₂ jniog₄ 'éi₂, ia₁ jua'₅₄ mei'₂ guē₃ lín₅ i₂quián₂ jniog₄, jme₁jñia₃ bá₄ quian'₅₄ jniog₄. La₁ le₂ně₅ ca₂lē₃ ia₁jaun₂ le₃jniá'₂, 'i₁jan₂ 'éi₂ tsá₃ lín₅ i₂quián₂ jniog₄. ²⁰ La₁ 'nia'₂ ně₃, ma₂ca₂guen'₅₄ bá₄ 'nia'₂ Jme₂dsí₂ Jñió₅, jaun₂ cuing'₂ bá₄ 'nia'₂ ca₂le₃jíng'₃* jág₁ tí₅. ²¹ Jaun₂ tsíng₂ si₂ la₂ ne'₅₄ 'nia'₂, on₃jua'₅₄ ia₁ a₂tsá₃ cuin'₂ 'nia'₂ jág₁ tí₅, tē₂le₃ ia₁ a₂cuin'₂ 'nia'₂. Jaun₂ ma₂le₁ñi'₅₄ bá₄ 'nia'₂, 'i₁caun₂ jág₁ tē₂jág₁ tsá₃ lé₂ le₃o₃'ag₅ jē₄ jág₁ dsau₅. ²² ¿Ein₂ 'éi₂ i₂lín₅ tē₂jág₁? I₂'éi₂ bá₄ i₂juá'₂ a₂tsá₃ lín₅ Jesús I₂rē₂'ín₁ quián₅ Diú₄. 'Éi₂ bá₄ i₂'ñiai₅₄ Cristo, i₂tsá₃ jen₅₄ Diú₄ Jmei₂, on₃ guē'₂ Ja₁ñi'₅₄ ně₃. ²³ Ca₂le₃jín₃ i₂tsá₃ jen₅₄ Ja₁ñi'₅₄ Diú₄, ján₃ bá₄ le₂jaun₂ tsá₃ quian'₅₄ Diú₄ Jmei₂. La₁ ju₁lia'₂ i₂jme₂jnia₅ jáng'₅ jág₁ dsau₅ tē₂le₃ quió'₅ Ja₁ñi'₅₄, ján₃ bá₄ le₂jaun₂ quian'₅₄ Jmei₂ ně₃.

²⁴ Jaun₂ lē₃, ma₄ 'nia'₂ tē₂'au'₂ jág₁ dse₃ a₂ma₂nei'₂ 'nia'₂ le₂'uig₅₄. Ia₁ nē₁jua'₂ ma₂tē₁'ñiá'₄ tē₂'au'₂ 'nia'₂, jaun₂ tē₃'ñiá'₄ bá₄ 'nia'₂ ja₁con₂ Ja₁ñi'₅₄, quian'₅₄ Jmei₂ ně₃. ²⁵ Jaun₂ a₂la₂ bá₄ jág₁ quió'₅ a₂ca₂cuē₃: A₂le₃chong₂ jniog₄ co₂tan₅₄.

²⁶ Jaun₂ tsín₂ jniá'₂ si₂ la₂ ne'₅₄ 'nia'₂ ja₁'íng₅ ju₁lia'₂ i₂'nio₃ jiog₃ cau₅. ²⁷ La₁ quian'₅₄ bá₄ 'nia'₂ Jme₂dsí₂ Jñió₅ i₂ma₂tē₁'ñiá'₄ tē₂'au'₂ 'nia'₂ i₂ma₂cuin₃ Cristo. Jaun₂ tsá₃ ma₃i₂sián'₂ 'nió'₅ jme₃tag₅. La₁ ju₁tē₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñió₅ jme₃tñin₂₃ 'nia'₂ ca₂le₃jě₃ con'₂ lē₅ jág₁ tí₅ dsón'₂, on₃jua'₅₄ jág₁ tē₂jág₁.

²⁸ Jaun₂ ně₃, 'nia'₂ chi'₂-guein₂ quiáng₃, ju₁tē₂'ñiá'₄ bá₄ 'nia'₂ quian'₅₄, ia₁jaun₂ caun₂ bá₄ le₁'ág₄ dsí₅ jniog₄ jē₁ma₂tē₂ jmi₄g₄ i₂jme₃jñiai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jē₁ma₂guáin'₅. ²⁹ Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsi₂ten₅₄, jaun₂ ju₁le₂ñi'₅₄ bá₄ 'nia'₂ ján₃, ca₂le₃jín₃ i₂jmo₅ con'₂ dsi₂ten₅₄, lín₅ chi'₂-guein₂ quián₅ Diú₄.

* 2:20 o₃, "ca₂le₃jě₃,"

3

Chi'-guein₂ quián₅ Diú₄

¹ Jag₄ 'nia'₂ jaun₂, 'ñio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ tē₂ jniog₄ a₂lág₅ chi'-guein₂ quián₅. 'Uig₅₄ nē₅, dsa₂ mi₂güig₃ tsá₃ cui₂₃ jniog₄ ia₁ tsá₃ ma₂ca₂rē₃cui₂₃ Diú₄.
² 'Nia'₂ rin'₅₄ jniog₄ i₂'nióg₃, ma₂lág₅ jniog₄ chi'-guein₂ quián₅ Diú₄. O₁jñia'₅₄ la₂ tsá₃ ma₂ne₄ guē₄ jniog₄ 'a₂ lia'₂ léi₂ jē₁ca₂tó'₂, la₁ ne₄ jniog₄, jmig₄ jē₁ma₂tē₂ rē₁jme₃jnia₅ 'éi₂, léi₂ jniog₄ jui₁lia'₂ lín₅ 'ñiog₅, ia₁ néi₄ jniog₄ ton'₂ le₃cui₂₃ jniog₄ 'a₂ lia'₂ jniái₂.
³ Ca₂le₃jín₃ i₂'ín₂ dsí₅ jág₁ nē₅, jmo₂₃ le₁jē₃ tē₂dsí₅, jui₁lia'₂ le₁jín₃ 'éi₂.

⁴ Dsa₂ i₂caun₂ 'no₅ dso₄, rē₂cáin'₄ 'Éi'₃ quió'₅ Diú₄. Ia₁ jui₁'ein₂ guē₃ i₂ca₂i₁juin₅₄ con'₂ lē₅ 'Éi'₃, dso₄ bá₄ jaun₂.
⁵ Ia₁ ma₂ñi'₅₄ bá₄ 'nia'₂, ta₁ jaun₂ ca₂guan₃ dsa₂ i₂rē₂'ín₁ 'éi₂ quián₅ Diú₄, a₂qui₃'éin₂ dsá₁ jniog₄. Ia₁ 'i₁caun₂ dso₄ tsá₃ 'e₂ ca₂rē₃cáin'₂ 'ñiog₅.
⁶ Jaun₂ le₂nē₅, 'i₁jan₂ i₂chan₂ le₃quió'₅ 'éi₂ tsá₃ ma₃ñi₂₃ jua'₅₄ caun₂ qui₂'no₂₃ guē₄ dso₄. La₁ jui₁lia'₂ i₂caun₂ i₂nio₄ 'no₅ dso₄ nē₃, tsá₃ ma₂ca₂jág₂, on₃ guē'₂ ma₂ca₂rē₃cui₂₃ nē₃.
⁷ 'Nia'₂ chi'-guein₂ quiáng₃, tsá₃ 'ein₂ jui₁jio₅₄ cau₅ quián'₂ 'nia'₂. Jui₁lia'₂ i₂jmo₅ con'₂ dsi₂ten₅₄, dsein₃ bá₄, jui₁lia'₂ dsen₃ 'éi₂ 'ñiog₅.
⁸ La₁ jui₁lia'₂ i₂caun₂ 'no₅ dso₄, i₂quián₅ i₂sē₃dsen₃ bá₄ 'éi₂, ia₁ i₂sē₃dsen₃ nē₃ ma₂já₅ 'no₂₃ dso₄ ca₂le₃jme₁ca₂rē₃lióg₃ mi₂güig₃. La₁ Ja₁ñi'₅₄ Diú₄ nē₃, ta₁ jaun₂ ca₂guain₃ a₂qui₂'éin₂ ta₁ quió'₅ i₂sē₃dsen₃.

⁹ 'I₁jan₂ jui₁lia'₂ i₂ma₂ca₂rē₃chán₃ le₃quió'₅ Diú₄, jua'₅₄ caun₂ qui₂'no₂₃ guē₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lélé₂ jua'₅₄ caun₂ 'no₃ guē₄ dso₄, ia₁ ma₂ca₂rē₃chán₃ ma₂lín₅ guein₂ quián₅ Diú₄ bá₄.
¹⁰ Jaun₂ le₂nē₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂sē₃dsen₃ nē₃. Ia₁ jui₁'ein₂ guē₃ i₂tsá₃ dse₃ jmo₅, o₃ jui₁lia'₂ i₂tsá₃ 'nio₃ rin'₅₄, on₃jua'₅₄ chi'-guein₂ quián₅ Diú₄ 'éi₂.

Jui₁jme₁'nió₄ jniog₄ rin'₅₄ le₂jau₂ le₂jau₂

¹¹ Jág₁ dse₃ a₂ma₂nei'₂ 'nia'₂ le₂'uig₅₄, a₂la₂ bá₄ jaun₂: a₂jme₁'nió₄ jniog₄ rin'₅₄ le₂jau₂ le₂jau₂.
¹² Tsá₃ 'nió'₅ jmó₁ jniog₄ jui₁lia'₂ ca₂jmo₃ Cáin i₂jme₁lín₄ i₂quián₅ i₂sē₃dsen₃, jaun₂ ca₂ñi'₃ dsó₂ riin'₅₄. ¿'E₂ lē₃ ca₂ñag'₃? Ia₁ a₂'lig'₅₄ bá₄ jme₁jmo₅-dsá₁ 'éi₂ 'ñiog₅; riin'₅₄ guē'₂ nē₃, a₂dse₃ bá₄ jme₁jmo₂₃.

¹³ Rin'₅₄ jniog₄, tsá₃ jui₁dsi₂gó'₃ 'au'₂ 'nia'₂ nē₁jua'₂ 'iog₅₄ dsa₂ mi₂güig₃,
¹⁴ ia₁ ma₂ca₂ñag₅ bá₄ jniog₄ ja₁jme₁dsióg₃; ma₂ca₂rē₃chóng₃ táng₃ jniog₄ jē₁le₃chong₂ co₂tan₅₄. Ne₄ jniog₄ a₂nē₅ ia₁ 'nio₃ bá₄ jniog₄ rin'₅₄. La₁ i₂tsá₃ 'nio₃ rin'₅₄, i₂caun₂ ñi₅ 'lín₄ bá₄ 'éi₂.
¹⁵ Ca₂le₃jín₃ jui₁lia'₂ i₂'ñia₅₄ rin'₅₄, i₂rē₂cán'₄ dso₄ co₂'nió'₄ i₂jme₂dsian₅ dsa₂ bá₄ 'éi₂. Ñi'₅₄ bá₄ 'nia'₂ jaun₂, 'i₁jan₂ dsa₂ i₂jme₂dsian₅ dsa₂ tsá₃ 'i₄ jme₂dsí₂ a₂chain₂ co₂tan₅₄.
¹⁶ Le₂la₂ bá₄ ne₄ jniog₄ 'e₂ jaun₂ a₂'nio₃ dsa₂ rin'₅₄, ia₁ chan₂ jan₂ i₂ca₂guen₃ 'mú₃ o₄quián₂ jniog₄. Ján₃ bá₄ le₂jaun₂ ca₂tág₂ jniog₄ guén₄ 'mú₃ o₄quió'₄ rin'₅₄.
¹⁷ Jui₁lia'₂ i₂cha₂ quió'₅ ne₄ gua'₅₄ 'uē₃ la₂, nē₁jua'₂ chan₂ jan₂ riin'₅₄, i₂ñi₅ 'ín₂ quió'₅, nē₁jua'₂ tsá₃ ca₂dsia₃ guē'₂ néi₂ dsí₅ ja₁coin₂, ¿'a₂ lia'₂ lé₂ le₃juá'₂ ma₂tē₁'ñiá₄ tē₂dsí₅ a₂'nio₃ Diú₄?
¹⁸ 'Nia'₂ guein₂ quiáng₃, on₃jua'₅₄ jmá'₃ quian'₅₄ jág₁ tio'₅₄ 'o₄ jniog₄ dsi₂ten₅₄ jua'₅₄ a₂'nio₃ jniog₄ rin'₅₄. A₂ca₂tág₂ jniog₄ jme₁'nió₄ tē₃dsón'₂ rin'₅₄, tē₂le₃ quian'₅₄ a₂léi₄ a₂qui₂rē₂jniái₂ 'e₂ a₂jmo₂ jniog₄.

'Ei₅ caun₂ dsi₅ jniog₄ tē₂le₃ quió'₅ Diú₄

¹⁹ Le₂nē₅ bá₄ ne₄ jniog₄ a₂téi₅ le₃quió'₅ jui₅ dsau₅, jaun₂ guē₄ le₃'éi₁ jniog₄ caun₂ dsi₅ ne₄ Diú₄.
²⁰ La₁ nē₁jua'₂ cha₂ a₂qui₂dsi₂ñi₅ dsi₅ jniog₄ a₂jme₂cáu'₂, Diú₄ bá₄ i₂lín₅ i₂juin'₂ guē₄ lia'₂ con'₂ guē₄ 'e₂ a₂qui₂dsi₂ñi₅ dsi₅; 'éi₂ bá₄ ñi₅ ca₂le₃jē₃.
²¹ Le₂nē₅ jaun₂ rin'₅₄ jniog₄ i₂'nióg₃ guē₄ lín₃, chi₂jua'₂ lei₅₄ jniog₄ tē₂dsi₅ guio₅₄ tsá₃ 'e₂ rē₂cáu'₄, caun₂ bá₄ lé₂ le₃'éi₁ jniog₄ dsi₅ ne₄ Diú₄,
²² jaun₂ cuē₃ bá₄ 'éi₂ ca₂le₃jē₃ 'e₂ a₂mi₂, tē₂le₃ ia₁ jme₂tí₁ jniog₄ 'éi'₃ quió'₅, ton'₂ ia₁ jmo₂ bá₄ jniog₄ ne₄ 'éi₂ a₂tē₅ dsí₅.
²³ A₂la₂ bá₄ 'éi'₃ quió'₅: a₂le₃'éin₂ jniog₄ tē₂le₃ quió'₅ Jesucristo Ja₁ñi'₅₄, ton'₂ ján₃ guē'₂ jme₁'nió₄ jniog₄ rin'₅₄ le₂jau₂ le₂jau₂. Con'₂ nē₅ bá₄ lē₅ 'éi'₃ quió'₅

ca₂tság₃ jnia'₅₄. ²⁴ Ca₂le₃jín₃ i₂jme₂tí₃ 'éi'₃ ně₅ ně₃, chain₂ le₃quíó'₅ 'éi'₂; ján₃ guë'₂ le₂jaun₂ 'éi'₂ 'ñiog₅ chain₂ ja₁con₂ 'éi'₂ ně₃. Le₂ně₅ bá₄ ne₄ jniog₄ a₂guá₅ 'éi'₂ tē₂dsí₅ jniog₄: tē₂le₃ quian'₅₄ Jme₂dsí₂ i₂ma₂cuin₃.

4

Jme₂dsí₂ quián₅ Diú₄ quian'₅₄ jme₂dsí₂ i₂ñia₅₄ Cristo

¹ 'Nia'₂ guein₂ quiáng₃ i₂'nió₃ guë'₄ lín₃, tsá₃ o₁len'₂ 'nia'₂ jua'₅₄ ca₂le₃jín₃ i₂juá'₂, jiog₅ Jme₂dsí₂ quián₅ Diú₄. Rē₂ de'₂ quion₂ 'nia'₂ 'í₁ quió'₅, chi₂jua'₂ tē₂dsón'₂ lín₅ i₂quián₅ Diú₄. Ia₁ juin₅ dsa₂ ju₁gan₂ ma₂i₂nio₄ qui₂'ē₂ jág₁ mi₂güig₃ la₂. ² Le₂la₂ bá₄ lé₂ le₃caun'₅₄ 'nia'₂ 'í₁ quió'₅ i₂juá'₂ jiog₅ Jme₂dsí₂ quián₅ Diú₄: ca₂le₃jín₃ jme₂dsí₂ i₂jmo₅ jág₁ a₂ca₂guan₃ Jesucristo chi₁dsáin₃ mi₂güig₃ la₂, i₂le₂'éi'₂ bá₄ lín₅ i₂quián₅ Diú₄. ³ La₁ ju₁'ein₂ guë'₃ jme₂dsí₂ i₂tsá₃ jmo₅ jág₁ le₂ně₅ 'in₂₃ Jesús, on₃jua'₅₄ i₂quián₅ Diú₄ 'éi'₂. I₂quián₅ i₂ñia₅₄ Cristo bá₄ i₂le₂'éi'₂, i₂ma₂nei'₂ 'nia'₂ jág₁ a₂jiá₃, i₂ma₂'en₅₄ mi₂güig₃ rē₂ně₃.

⁴ 'Nia'₂ chi₂'guein₂ quiáng₃, lín₅ bá₄ 'nia'₂ i₂quián₅ Diú₄; ia₁ ma₂ca₂tian'₃ bá₄ 'nia'₂ dsa₂ i₂tē₂jín₁. Ia₁ i₂'uan'₂ lín₃ guë'₄ bá₄ Jme₂dsí₂ i₂quian'₅₄ 'nia'₂, lia'₂ con'₂ guë'₄ i₂quian'₅₄ dsa₂ mi₂güig₃. ⁵ Dsa₂ mi₂güig₃ bá₄ 'éi'₂, jaun₂ jmá'₃ lia'₂ ca₂ne₅₄ a₂cha₂ mi₂güig₃ bá₄ jme₂tag₂₃. Jaun₂ lē₃ dsa₂ mi₂güig₃ ně₃ nag₂₃ jág₁ a₂jme₂tag₅ dsa₂ 'éi'₂. ⁶ La₁ dsa₂ quián₅ Diú₄ bá₄ lág₅ jniog₄; jaun₂ lē₃, ju₁lia'₂ dsa₂ i₂cuin₅ Diú₄ ně₃, nag₂₃ jág₁ quián₂ jniog₄. La₁ dsa₂ i₂tsá₃ quián₅ Diú₄ ně₃, tsá₃ 'nio₃ nag₃ jág₁ quián₂ jniog₄. Jaun₂ le₂ně₅ bá₄ rē₂cuin₅ jniog₄ ju₁lia'₂ i₂jio₅ Jme₂dsí₂ quió'₅ jág₁ tí₅. Já₃n guë'₂ le₂jaun₂ rē₂cuin₅ jniog₄ ju₁lia'₂ i₂jio₅ jme₂dsí₂ i₂ju₁gan₂.

Diú₄ bá₄ i₂'nio₃ jniog₄

⁷ Rin'₅₄ jniog₄, ju₁jme₁'nió₄ jniog₄ rin'₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin'₅₄. Ca₂le₃jín₃ i₂'nio₃ rin'₅₄ ca₂rē₃cháin₃ tē₂le₃ quió'₅ Diú₄, ton'₂ cuin₂₃ Diú₄. ⁸ I₂tsá₃ 'nio₃ rin'₅₄ ně₃, tsá₃ ma₂ca₂rē₃cuin₂₃ Diú₄, ia₁ Diú₄ lín₅ i₂'nio₃. ⁹ Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ñi'₅₄ i₂jan₂ tan₅₄ 'éi'₂ mi₂güig₃ la₂. ¹⁰ Le₂la₂ bá₄ lē₅ a₂'nio₃ Diú₄: on₃jua'₅₄ a₂ma₂ca₂jme₁'nió₄ jniog₄ ja₁ma₂ja₂náu₅. 'Niog₅ bá₄ Diú₄ ca₂dsia₃ ñéi₂ dsí₅ ca₂rē₃'nio₃. Jaun₂ ca₂chein₃ Ja₁ñi'₅₄ ia₁jaun₂ 'éi'₂ qui₃ a₂rag₂ jniog₄.

¹¹ Rin'₅₄ jniog₄, chi₂jua'₂ le₂ně₅ ca₂rē₃'nio₃ Diú₄, já₃n bá₄ le₂ně₅ ca₂tág₂ jniog₄ jme₁'nió₄ rin'₅₄ le₂jau₂ le₂jau₂. ¹² 'I₁jan₂ tsá₃ 'ein₂ ma₂jín₂ Diú₄. La₁ ně₁jua'₂ 'nio₃ jniog₄ rin'₅₄ le₂jau₂ le₂jau₂, guá₅ bá₄ Diú₄ tē₂dsí₅ jniog₄, ton'₂ qui₂rē₂'ñia₅ bá₄ tē₂dsí₅ a₂'nio₃ Diú₄. ¹³ Le₂ně₅ bá₄ jau'₂ 'í₁ a₂téi₅ jniog₄ tē₂le₃ quió'₅ Diú₄, ton'₂ 'ein₅₄ tē₂dsí₅ jniog₄ ně₃: ia₁ ma₂cuin₃ Jme₂dsí₂ quián₅. ¹⁴ Jnia'₅₄ guio₅₄ ca₂néi₄, jaun₂ jang'₂ jnia'₅₄ jág₁ dsau₅ la₂: Diú₄ Jmei₂ ca₂chein₃ Ja₁ñi'₅₄ a₂ca₂o₃lioin₅₄ dsa₂ mi₂güig₃. ¹⁵ Ju₁'ein₂ guë'₃ i₂'in₅ Jesús, a₂lín₅ 'éi'₂ Ja₁ñi'₅₄ Diú₄, quian'₅₄ bá₄ Diú₄, ton'₂ guá₅ bá₄ Diú₄ quiong'₅₄ táng₃.

¹⁶ Le₂ně₅ ma₂ca₂rē₃ne₄, ma₂ca₂rē₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rin'₅₄ ně₃, chain₂ le₃quíó'₅ Diú₄, ton'₂ chan₂ Diú₄ ja₁coin₂ já₃n. ¹⁷ Le₂ně₅ bá₄ rē₂'ñia₅ ja₁con₂ jniog₄ a₂jme₁'nió₄ jniog₄ rin'₅₄, ia₁jaun₂ jē₁ma₂ca₂tē₂ jmi₂g₄ i₁qui₃dsí₅ Diú₄ 'éi'₃, lé₂ le₃'éi'₁ jniog₄ caun₂ dsí₅. Ia₁ lág₅ jniog₄ chong₂ mi₂güig₃ la₂ lia'₂ lín₅ Jesucristo. ¹⁸ Ju₁lia'₂ jē₁'nio₃ dsa₂ riin'₅₄, tsá₃ 'e₂ gau₂ cha₂. La₁ ju₁lia'₂ jē₁'nio₃ dsa₂ riin'₅₄ lia'₂ rē₂'ñia₅, quian'₅₄ a₂ně₅ jñia'₅ a₂gó'₅ dsa₂. Ia₁ ju₁lia'₂ a₂gó'₅ dsa₂, caun₂ jmi₂uig₅ bá₄ jaun₂ rē₂'ē₄ ja₁coin₂. Ia₁ ju₁lia'₂ i₂gó'₅, tsá₃ ma₂ca₂rē₃'ñia₅ ja₁coin₂ 'a₂ lia'₂ jme₃'nioi₃ riin'₅₄.

¹⁹ 'Nio₃ jniog₄ Diú₄ ia₁ 'niog₅ de'₂ le₂'uig₅₄ ca₂rē₃'nio₃ jniog₄. ²⁰ La₁ ně₁jua'₂ chan₂ i₂lín₅₄ juá'₂: “Nió₃ jniá₂ Diú₄”, la₁ ně₁jua'₂ 'ñia₅₄ bá₄ guë'₂ riin'₅₄ ně₃, jan₂ dsa₂ tē₂jág₁ bá₄ 'éi'₂. Ia₁ ně₁jua'₂ tsá₃ 'nio₃ dsa₂ riin'₅₄ i₂jín₂, ¿a₂ bá₄ lia'₂ lé₂ jme₃'nioi₃ Diú₄ i₂tsá₃ ma₂jín₂? ²¹ 'Niog₅ bá₄ Diú₄ ma₂cuë₃ 'éi'₃ la₂: I₂'nio₃ Diú₄, ca₂tíin₂ jme₃'nioi₃ riin'₅₄ já₃n.

5

Ca₂tían₃ jniog₄ ne₄ cosas 'lig'₅₄ a₂jén'₅ mi₂güüg₃

¹ Ca₂le₃jín₃ i₂'én₂ a₂lín₅ Jesús tē₃dsón'₂ I₂rē₂'ín₁ quián₅ Diú₄, lín₅ chi'₂-guein₂ quián₅ Diú₄. Ju₁lia'₂ ja₁'nio₃ dsa₂ jan₂ dsa₂, ján₃ bá₄ 'nio₃ chi'₂ quián₅ dsa₂ 'éi₂. ² Le₂nē₅ bá₄ ne₄ jniog₄ 'a₂ lia'₂ jme₁'nió₄ chi'₂-guein₂ quián₅ Diú₄: chi₂jua'₂ dsón'₂ 'nió₃ jniog₄ Diú₄, ton'₂ jme₁tí₁ jniog₄ 'éi'₃ quió'₅. ³ A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi'₃ quió'₅ bá₄. 'Éi'₃ quió'₅ nē₃, on₃jua'₅₄ 'e₂ ŋ₁₄ guei₂. ⁴ Ia₁ ca₂le₃jín₃ i₂ma₂lín₅ chi'₂-guein₂ quián₅ Diú₄, lí'₂ ne₄ cosas a₂jén'₅ mi₂güüg₃. Jaun₂ quian'₅₄ a₂'éin₂ bá₄ jniog₄, léi₂ ne₄ cosas a₂jén'₅ mi₂güüg₃. ⁵ ¿'Ein₂ 'éi₂ i₂lí'₂ ne₄ cosas a₂jén'₅ mi₂güüg₃? Ŋ₁₄lia'₅₄ lia'₂ i₂'éi₂ bá₄ i₂'én₂ a₂lín₅ Jesús Ja₁ŋi'₅₄ Diú₄.

Jág₁ dsau₅ 'ein₂ 'éi₂ lín₅ Ja₁ŋi'₅₄ Diú₄

⁶ Lia'₂ con'₂ jme₁guan₃ Jesucristo, ca₂jáng'₃ Diú₄ Jmei₂ jág₁ dsau₅ a₂lín₅ Jesús Ja₁ŋi'₅₄ tē₃dsón'₂. Ia₁ ca₂cuē₃ léi₄ jme₁ca₂ŋó₂ 'éi₂ jmig₂. Jaun₂ on₃jua'₅₄ jmá'₃ jme₁ca₂ŋó₂ jmig₂ ca₂cuē₃ léi₄. Jme₁ca₂jon₃ Jesús, jme₁ca₂l₃'o₅₄ jmi₂ 'ain₅₄ nē₃, ca₂cuē₃ léi₄ táng₃. Quian'₅₄ le₃tín₃ léi₄ nē₅ ca₂jáng'₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅. ⁷ Ún₂ i₂lín₅ i₂jáng'₅ jág₁ dsau₅ nē₃: ⁸ Jme₂dsí₂ Ŋ₁₀ió₅ i₂ŋ₁₄ia₄ jniog₄ tē₂dsí₅, Diú₄ Jmei₂ i₂ca₂cuē₃ léi₄ con'₂ jme₁ca₂ŋó₂ Jesús jmig₂, 'ŋiog₅ Jesús nē₃ ca₂cuē₃ léi₄ lia'₂ con'₂ jme₁ca₂join₃, ca₂l₃'o₅₄ jmi₂ 'ain₅₄. Le₃ún₂ i₂nē₅ caun₂ bá₄ jág₁ lē₅ quió'₅.* ⁹ Guén₅ bá₄ jniog₄ ju₁lia'₂ 'e₂ caun₂ jág₁ dsau₅ jáng'₅ dsa₂ mi₂güüg₃, la₁ 'ŋio₅ lín₃ guē₄ quen₅ jág₁ dsau₅ a₂ca₂cuē₃ Diú₄ 'ŋiog₅, ia₁ quian'₅₄ jág₁ dsau₅ a₂ca₂jáng'₃ jaun₂ nē₃, ca₂'ē₃ 'ein₂ lín₅ Ja₁ŋi'₅₄. ¹⁰ I₂'én₂ tē₂le₃ quió'₅ Ja₁ŋi'₅₄ Diú₄, 'i₄ jág₁ dsau₅ nē₅ tē₂dsí₅. I₂tsá₃ 'én₂ tē₂le₃ quió'₅ Diú₄ nē₃, jmo₂₃ dsí₅ co₂'nió'₄ tē₂jín₁ bá₄ Diú₄, ia₁ tsá₃ 'éin₂ jág₁ dsau₅ a₂ma₂cuē₃ Diú₄ tē₂le₃ quió'₅ Ja₁ŋi'₅₄. ¹¹ ¿'E₂ jaun₂ a₂ma₂juá'₂ Diú₄? Ma₂ca₂juá'₂ a₂ma₂cuē₃ jág₁ quió'₅ a₂le₃chong₂ jniog₄ co₂tan₅₄. Jaun₂ le₃chong₂ jniog₄ co₂tan₅₄ tē₂le₃ quian'₅₄ Ja₁ŋi'₅₄. ¹² Dsa₂ i₂quian'₅₄ Ja₁ŋi'₅₄ Diú₄, jéin'₃ bá₄. La₁ ju₁lia'₂ i₂tsá₃ quian'₅₄ Ja₁ŋi'₅₄ Diú₄, tsá₃ jéin'₃.

Toin'₂ jág₁ riin'₅₄ jē₁ca₂tó'₂

¹³ Jmo₅ jniá₂ si₂ la₂ tsíng₂ ne'₅₄ 'nia'₂ dsa₂ i₂'én₂ tē₂le₃ quió'₅ Ja₁ŋi'₅₄ Diú₄, ia₁ jaun₂ ŋi'₅₄ 'nia'₂ chang'₂, a₂'i₄ tē₂'au'₂ jme₂dsí₂ a₂chang'₂ co₂tan₅₄.†

¹⁴ Caun₂ 'ei₅ dsí₅ jniog₄ chong₂ tē₂le₃ quió'₅ Diú₄, ia₁ ne₄ jniog₄ nē₁jua'₂ 'e₂ caun₂ a₂mi₂ jniog₄ lia'₂ con'₂ lē₅ 'ŋio₂ dsí₅, nag₃ bá₄ jág₁ quián₂. ¹⁵ Chi₂jua'₂ ne₄ jniog₄, a₂nag₂₃ jág₁ a₂chi₂lein'₅₄ jniog₄, ne₄ bá₄ jniog₄ ján₃, nē₂jag₄ bá₄ a₂ma₂nē₂guéi₁ 'e₂ mi₂.

¹⁶ Nē₁jua'₂ chan₂ i₂ca₂jín₂ rin'₅₄ 'no₂₃ dso₄, la₁ nē₁jua'₂ tsá₃ lē₅ dso₄ a₂jio₅ ju₁'mú₃, 'nió'₅ mi₃ dsa₂ ne₄ Diú₄ ia₁ jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió'₄ le₃jua'₅₄ dso₄ on₃jua'₅₄ a₂jio₅ ju₁'mú₃. Ia₁ cha₂ dso₄ a₂jio₅ ju₁'mú₃. Tsá₃ juá'₅ jniá₂ a₂'nió'₅ mi₃ dsa₂ o₄quió'₄ dsa₂ i₂'no₅ dso₄ le₂jaun₂. ¹⁷ Ca₂le₃jē₃ a₂'lig'₅₄, dso₄ bá₄ jaun₂. La₁ cha₂ dso₄ a₂tsá₃ jio₅ ju₁'mú₃.

¹⁸ Ne₄ bá₄ jniog₄, ju₁lia'₂ i₂ca₂rē₃chán₃ le₃quió'₅ Diú₄, tsá₃ ma₂ŋi₂₃ jua'₅₄ caun₂ qui₂'no₂₃ guē₄ dso₄; ia₁ Ja₁ŋi'₅₄ Diú₄ bá₄ jmo₅ 'í₁,‡ jaun₂ tsá₃ téi₂ i₂sē₃dsen₃ gu₂.

¹⁹ Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton'₂ ne₄ bá₄ jniog₄ ján₃, a₂ma₂rē₂'i₄ bí₂ quió'₅ i₂sē₃dsen₃ ta₁caun₂ mi₂güüg₃.

²⁰ Ján₃ bá₄ ne₄ jniog₄, ta₁ jaun₂ ca₂guan₃ Ja₁ŋi'₅₄ Diú₄ a₂jme₃tag₂₃ ia₁ jaun₂ le₃jág'₂ jniog₄ 'a₂ lia'₂ 'nió'₅ le₃cuin₅ jniog₄ i₂lín₅ tē₃dsón'₂. Jaun₂ chong₂ bá₄ jniog₄ 'ei₅ caun₂ jág₁ le₃quió'₅ i₂lín₅ tē₃dsón'₂, co₂'nió'₄ le₃jua'₅₄ le₃quió'₅ Jesucristo Ja₁ŋi'₅₄ Diú₄. 'Éi₂ bá₄ lín₅ Diú₄ tē₃dsón'₂ i₂cuē₅ a₂le₃chan₂ dsa₂ co₂tan₅₄.

* **5:8** A₂lín₅₄ chog₅₄ si₂ a₂ca₂lē₃ cang₂ quian'₅₄ jág₁ jmei₃ latín, juá'₂ le₂la₂: “i₂jáng'₅ jág₁ dsau₅ nē₅ guei'₅₄ i₂juíg₅: Diú₄ Jmei₂, Ja₁ŋi'₅₄ i₂lín₅ jág₁ quió'₅, quian'₅₄ Jme₂dsí₂ Ŋ₁₀ió₅. Le₃ún₂ i₂nē₅ ca₂ne₅₄ bá₄ lín₅. Ján₃ bá₄ ún₂ i₂lín₅ i₂jáng'₅ jág₁ dsau₅ ne₄ gua'₅₄ 'uē₃.” † **5:13** A₂lín₅₄ chog₅₄ si₂ a₂ca₂lē₃ cang₂ guē₄, juá'₂ ján₃: “ton'₂ ia₁ jaun₂ le₃'éng'₂ le₃quió'₅ Ja₁ŋi'₅₄ Diú₄.” ‡ **5:18** o₃, “ju₁lia'₂ i₂ca₂rē₃chán₃ le₃quió'₅ Diú₄, jmo₂₃ 'í₁ 'ŋiog₅.”

21 'Nia'₂ chi'₂-guein₂ quiáng₃, jmo₄ 'nia'₂ 'í₁ jaun₂ tsá₃ le₃gan'₂ 'nia'₂ quian'₅₄ diú₄ lag₄.
Co₂në₅.

Si₂ carta jë₁ca₂të₂ tin₃ a₂ca₂jmo₃ SAN JUAN

Jág₁ dsau₅, quian'₅₄ 'a₂ lia'₂ 'nió'₅ jme₃'nio₃ dsa₂ r'in'₅₄

¹ Jniá₂ i₂ling₅ gui'₅₄ juin'₂ quián₅ guá'₅ jmo₂₃ si₂ la₂ tsing₂ ne'₅₄ 'ne₂ 'io₅₄* rin'₅₄ jniog₄ i₂ma₂quion'₅₄ quián₅ Diú₄, quian'₅₄ chi'₂ quiáng'₂ i₂'nióg₃ guë₄ lin₃. On₃jua'₅₄ jma'₃ jniá₂ 'nióg₃ 'nia'₂, ján₃ bá₄ 'nio₃ ca₂le₃jín₃ i₂ma₂le₁ñi₅ jág₁ tí₅. ² O₄quió'₄ jág₁ dsau₅ bá₄ 'nióg₃ 'nia'₂, jág₁ a₂ma₂të₁'ñiá₄ të₂dsi₅ jniog₄, ton'₂ jiog₅ co₂tan₅₄ ja₁con₂ jniog₄. ³ Diú₄ Jmei₂ quian'₅₄ Te₁gui'₅₄ Jesucristo Ja₁ñi'₅₄, ju₁jme₂gu'₅₄, dsa₃ñéi'₂ dsí₅, jmo₃'ag₃tei₄'au'₂ 'nia'₂, ia₁ a₂dsón'₂ bá₄ 'nioi₃ 'nia'₂.

⁴ 'Nio₅ të₅ dsi₃ ia₁ ma₂jing₅₄ i₂lin₅₄ chi'₂ quiáng'₂ tiáin'₅ bá₄ lia'₂ con'₂ lë₅ jág₁ tí₅, lia'₂ con'₂ lë₅ juá'₂ Diú₄ Jmei₂ jniog₄, 'éi'₃ a₂ma₂cuë₃. ⁵ Në₃ në₃ 'io₅₄ rin'₅₄ jniog₄, mi₅ jniá₂ juig₂ 'ne₂, a₂jme₁'nió₄ jniog₄ rin'₅₄ le₂jau₂ le₂jau₂. A₂juá'₅ jniá₂ ne₄ si₂ la₂, on₃jua'₅₄ 'éi'₃ 'mí₂ la₂, 'éi'₃ jaun₂ bá₄ la₂ ju₁lia'₂ 'éi'₃ a₂jme₁ma₂ron₅ quián₂ jniog₄ le₂'uig₅₄. ⁶ Le₂në₅ bá₄ jme₁'nió₄ jniog₄ rin'₅₄: a₂i₂nio₄ jniog₄ lia'₂ con'₂ lë₅ 'éi'₃ quió'₅ Diú₄. 'Éi'₃ a₂ma₂nei'₂ 'nia'₂ le₂'uig₅₄ bá₄ jaun₂, a₂le₃chang'₂ jme₁'nióg₄ ríng'₂.

Ju₁lia'₂ dsa₂ i₂jme₂gau₅

⁷ Le₂con₂ mi₂güig₃ bá₄ i₂nio₄ juin'₅ dsa₂ i₂jme₂gau₅, tsá₃ jág₁ jmo₂₃ jua'₅₄ a₂juá'₂ a₂ca₂guan₃ Te₁gui'₅₄ chi₁dsáin₃. Dsa₂ le₂'éi₂ bá₄ lín₅ i₂jme₂gau₅, i₂'ñia₅₄ Cristo në₃. ⁸ Jmo₄ 'nia'₂ 'í₁ ia₁jaun₂ tsá₃ lë₁dsi₃'én₂ ta₁ quián'₂ 'nia'₂ a₂jmo₂ ia₁ 'éng'₂, jaun₂ bá₄ tin'₃ 'nia'₂ lia'₂ 'ñia₅ 'liang'₅₄ cuë₃ Diú₄.

⁹ Ia₁ ju₁'ein₂ guë₃ i₂dsi₂ñiá₄ jmo₂₃ ñag₅₄ guë₄ jme₂tag₂₃ con'₂ jág₁ a₂ma₂ca₂jme₃tag₅ Cristo, tsá₃ Diú₄ quian'₅₄ dsa₂ 'éi₂. La₁ ju₁lia'₂ i₂juá'₂ jme₂tag₂₃ con'₂ lë₅ ca₂jme₃tag₅ Cristo, chan₂ Diú₄ Jmei₂ ja₁coin₂, ján₃ guë'₂ quiain'₅₄ bá₄ Ja₁ñi'₅₄ Diú₄ në₃. ¹⁰ Në₁jua'₂ chan₂ i₂ca₂dsióg₃ ja₁con'₂ 'nia'₂, la₁ në₁jua'₂ tsá₃ jme₂tag₂₃ lia'₂ con'₂ lë₅ jág₁ në₅, tsá₃ lë₁guéin₅ 'nia'₂ dsi₂néi₂ quiáng'₂, ca₂lia'₂ jñia'₅₄ Diú₄ tsá₃ 'nió'₅ cuín'₄ 'nia'₂. ¹¹ Ia₁ në₁jua'₂ chan₂ i₂ca₂cuin₃ Diú₄ dsa₂ le₂'éi₂, co₂'nió'₄ quein'₅₄ 'e₂ a₂'lig'₅₄ a₂jmo₅-dsá₅ 'éi₂.

Jág₁ jë₁ca₂tó'₂

¹² 'Lióng₂ bá₄ jág₁ a₂'nio₃ jniá₂ juig₅₄ 'nia'₂, la₁ tsá₃ 'nio₃ jniá₂ jua'₅₄ a₂juá'₄ të₂le₃ quian'₅₄ si₂, on₃ guë'₂ quian'₅₄ jmi₁ñé₂. Ia₁ 'in₂ dsi₃ jniá₂ dsióg₄ bá₄ 'ñió₃ ia₁jaun₂ dsiá₁ jniog₄ jág₁ dsi₁ne₁, ia₁jaun₂ le₃'ñia₅ a₂'io'₂ jein₂ jniog₄.

¹³ Chi'₂ quián₅ 'io₅₄ ríng'₂ i₂ma₂quion'₅₄ quián₅ Diú₄, dsiáin'₂ jág₁ a₂cuin₂₃ Diú₄ 'nia'₂. Co₂në₅.

* **1:1** i₂lin₅₄ të₅sí₃ ñí'₂ dsí₅ ju₁lia'₂ jág₁ në₅, co₂'nió'₄ të₂ guá'₅ në₂jag₄ bá₄ jan₂ 'io₅₄; chi'₂ quián₅ guë'₂ në₃, co₂'nió'₄ dsa₂ i₂tén₅ guá'₅.

Si₂ carta jë₁ca₂të₂ 'ni₅ a₂ca₂jmo₃ SAN JUAN

Dsia₅ dsa₂ dse₃ 'in₂₃ Gayo

¹ Jniá₂ gui'₅₄ juin'₂ quián₅ guá'₅, jmo₂₃ si₂ tsíng₂ ne'₅₄ 'ne₂ Gayo a₂mei₅₄ quiáng₃, ia₁ të₃dsón'₂ bá₄ 'nióg₃ 'ne₂.

² Chilen'₄ jniá₂ Diú₄ o₄quián'₂ 'ne₂ rin'₅₄ jniog₄, ia₁jaun₂ jmo₃ le₃chang'₂ dse₃, Ju₁'ei₅ bá₄ dse₃ 'au'₂ ján₃, ju₁lia'₂ 'ei₅ 'au'₂ të₂le₃ quian'₅₄ jme₂dsí₂ quiáng'₂. ³ 'Nio₅ lin₃ 'io'₂ jéin₅ jniá₂ jme₁ca₂o₃lén₂ i₂lin₅₄ rin'₅₄ jniog₄. 'Éi₂ ně₃ ca₂dsia₃ 'a₂ lia'₂ dse₃ ma₂chang'₂ rë₂teng'₅₄ lia'₂ con'₂ lě₅ jág₁ tí₅. ⁴ 'Icaun₂ a₂siá'₂ tsá₃ cha₂ jua'₅₄ a₂lé₂ le₃jmo₃ 'ag₃ dse₃ dsi₃ 'io'₂ jéin₅, jnia'₅₄ lia'₂ a₂le₃guion₅₄ a₂i₂nio₄ bá₄ chi'₂-guein₂ quiáng₃ lia'₂ con'₂ lě₅ jág₁ tí₅. ⁵ A₂mei₅₄ quiáng₃, caun₂ a₂rë₂ti'₅₄ bá₄ jaun₂ a₂jmo'₂ 'ne₂ jme₁cuë'₂ gog'₂-tag'₅₄ o₄quió'₄ rin'₅₄ jniog₄, o₁jnia'₅₄ tsá₃ cuiin'₂. ⁶ Të₃ ja₁le₁ñi'₂ guá'₅, ma₂ca₂jáng'₃ 'éi₂ jág₁ dsau'₅ 'a₂ lia'₂ ñi₄ lě₃ 'niói'₃. Jmo₄ dse₃ 'au'₂ jme₁oin₁₂ a₂'nió'₅ quió'₅, ia₁jaun₂ caun₂ dsi₃lén₂ bá₄ ne₄ ju₁ ja₁tioin'₅₄ ju₁ dsi₁lén₂. Jmo₄ a₂të₅ dsí₅ Diú₄. ⁷ Ia₁ tioin'₅₄ ju₁ i₂lén₂ dsi₃jmo₂ ta₁ quió'₅ Jesucristo, la₁ tsá₃ 'e₂ ma₂gue₃ 'i₁caun₂ quió'₅ dsa₂ i₂tsá₃ 'én₂. ⁸ Jaun₂ lě₃, jniog₄ ně₃ ca₂tág₂ dsiá₁ gu₂, jme₁oin₁₂ a₂dsi₁lén₂ ja₁tioin'₅₄ ju₁ dsi₃ 'ě₃ jág₁ tí₅ quió'₅ Diú₄.

Tsá₃ dse₃ jmo₅ Diótfrefes

⁹ Ca₂jmo₃ jniá₂ caun₂ si₂ ca₂tsíng₂ ne₄ guá'₅. La₁ Diótfrefes tsá₃ gue₂₃ 'éi'₃ quián₂ jnia'₅₄, ia₁ 'nio₃ jme₃góin₃ 'ñiog₅ jmo₃ juin'₂ cán₂ ne₄ ju₁ quió'₅ guá'₅. ¹⁰ Jaun₂ lě₃, ně₁jua'₂ ca₂ñó₃ jniá₂, i₁jéin₂ ia₁ 'e₂ lě₃ jmo₂₃ jág₁ të₂jág₁ 'ag₂₃ jnia'₅₄. Tsá₃ mag'₂ bá₄ guë₄ dsí₅ a₂jaun₂, ia₁ ján₃ bá₄ tsá₃ guein₂₃ rin'₅₄ jniog₄ i₂dsi₂lén₂ ně₃; qui₂jné₅ bá₄ ně₁jua'₂ chan₂ guë'₂ i₂'nio₃ guei₃, 'u₁in'₂ bá₄ 'éi₂ jë₄ quió'₅ guá'₅.

¹¹ Rin'₅₄ jniog₄, tsá₃ can₂ 'nia'₂ ju₁ 'lig'₅₄ quió'₅ 'éi₂. Jmo₄ 'nia'₂ a₂dse₃. Dsa₂ i₂jmo₅ a₂dse₃, i₂quián₅ Diú₄ bá₄ 'éi₂. La₁ i₂jmo₅ a₂'lig'₅₄ ně₃, tsá₃ ma₂ca₂rë₃cuiin₂₃ Diú₄.

Caun₂ ju₁ dse₃ a₂rë₂jniá₂ ñi₅ Demetrio

¹² Ca₂le₃jín₃ bá₄ juá'₂ dse₃ 'in₂₃ Demetrio. Ia₁ rë₂jniá₂ bá₄ 'a₂ lia'₂ ñi₂₃. Le₂ně₅ bá₄ jnia'₅₄ ně₃, dsia₂ jág₁ dse₃ 'in₅ 'éi₂, jaun₂ ñi'₅₄ 'nia'₂, dsau₅ bá₄ jág₁ a₂jang'₂ jnia'₅₄.

Jág₁ jë₁ca₂tó'₂

¹³ 'Lióng₂ bá₄ jág₁ 'nio₃ jniá₂ juá'₄, la₁ tsá₃ 'nio₃ jmo₅₄ quian'₅₄ jmi₁jné₂ on₃ guë'₂ quian'₅₄ pluma; ¹⁴ ia₁ 'ín₂ dsi₃ jniá₂ jag₅₄ dsi₁ne₁ ñi'₅₄ ta₁ la₂ ia₁jaun₂ dsiá₁ jág₁.

¹⁵ Ju₁chang'₂ bá₄ 'ei₅ tei₄ 'au'₂. Dsa₂ a₂mei₅₄ quiáng'₂ i₂chan₂ ja₁lá₃ chein₂₃ jág₁ a₂cuiin₂₃ Diú₄ 'ne₂. Jmo₄ dse₃ 'au'₂ cuiin₅₄ Diú₄ le₂jan₂ le₂jan₂ a₂mei₅₄ quián₂ ja₁ně₅.

Co₂ně₅.

Si₂ carta a₂ca₂jmo₃ JUDAS

Jmo₅ Judas si₂ ne₄ dsa₂ i₂ma₂quion'₅₄ quián₅ Diú₄

¹ Jniá₂ Judas, líng₅ dsa₂ i₂jme₂ti₃ ne₄ Jesucristo, líng₅ rin'₅₄ Jacobo. Jmo₂₃ si₂ carta la₂ tsing₂ ne₄ ca₂le₃jín₃ i₂tě₄ i₂nió₄ quián₅ Diú₄ Jmei₂ jniog₄, con'₂ i₂chan₂ lě₅ 'í₁ le₃quió'₅ Jesucristo.
² Jui₁le₂tsón₂ bá₄ ja₁con'₂ 'nia'₂ a₂ñéi₂ dsí₅ Diú₄, a₂'ei₅ tei₄, a₂'nió'₃ 'nia'₂ ríng'₂ ně₃.

*Dsa₂ i₂jme₂tag₅ juá'₅ jág₁ tē₂jág₁
(2 Pedro 2:1-17)*

³ 'Nia'₂ rin'₅₄ jniog₄ i₂'nióg₃, lě₂ dsí₃ 'ñio₅ lín₃ a₂jmo₅₄ si₂ tsing₅₄ ja₁con'₂ 'nia'₂ ja₁juá'₄ jui₁lia'₂ jág₁ a₂lión₂ dsa₂ a₂ma₂le₁ne₁ jniog₄. La₁ia₁, ně₃ ně₃, 'nió'₅ jmo₅₄ si₂ a₂chi₁leng'₄ 'nia'₂, a₂'nió'₅ quin'₅₄ 'nia'₂ bí₂ o₄quió'₄ jág₁ a₂'éin₂ jniog₄, jág₁ a₂ma₂dsia₃ Diú₄ o₄gú₃ dsa₂ i₂lě₅ 'í₁ quián₅.^{*}
⁴ Ia₁ ma₂ca₂i₃ton'₅₄ i₂lín₅₄ con'₂ tē₃co'₅₄ jě₄ quián'₂ 'nia'₂, dsa₂ i₂ma₂ja₂lén₂ rě₂'ín₄ ne₄ Si₂ ca₃ma₂líg'₂ i₂ma₂tion'₅₄ jui₅ dsí₃'én₂. Lín₅ dsa₂ i₂tsá₃ Diú₄ cuin₅, i₂'nio₃ jme₃tsín₃ jág₁ a₂'ua₁ dsí₅ Diú₄ quián₂ jniog₄ con'₂ tsá₃ o₁jau₅₄ jui₅ a₂tóin'₃ jmo₃-dsáu₅ a₂'lig'₅₄ a₂ja₂ dsí₅; tsá₃ tióin₂₃ a₂lín₅ Jesucristo i₂jan₂ tan₅₄ jui₅₄ jniog₄ Te₁gui'₅₄ quián₂.

⁵ Jui₁la₂ ma₂le₁ñi'₅₄ 'nia'₂, la₁ 'nio₃ jniá₂ juá'₄ táng₃ ia₁jaun₂ dsiog'₂ 'au'₂, ia₁ lia'₂ con'₂ jme₁ca₂'uín'₂ Te₁gui'₅₄† dsa₂ jui₂ Israel ma₂líg'₂ lia'₂ con'₂ jme₁tióin'₅₄ 'uě₃ Egipto, la₁ ca₂jme₃dsiain₂₃ bá₄ i₂lín₅₄ dsa₂ 'éi₂ ia₁ tsá₃ ca₂'éin₃. ⁶ Le₂jaun₂ bá₄ táng₃ quian'₅₄ ángeles i₂tsá₃ 'í₁ ca₂l'í'₃ ta₁ a₂jme₁lín₄, tē₂le₃ ca₂tí₂ bá₄ ja₁jme₁tiáin'₄. 'Éi₂ ně₃ rě₂ně₃ tióin'₅₄ le₁jní₅ jě₄ qui₁né'₃, ja₁ma₂le₁'ñei'₅₄ co₂tan₅₄ quian'₅₄ ñi₁ cadenas, lě₅ 'í₁ quió'₅ Jmíg₄ Jué'₂ jaun₂.
⁷ Le₂ně₅ bá₄ ján₃ jui₁lia'₂ ca₂jmo₃ dsa₂ i₂jme₁chan₂ jui₂ Sodoma quian'₅₄ Gomorra, ca₂le₃jě₃ guě₄ jui₂ i₂jén₂ ma₂quián₅ jaun₂, ca₂jín₂ qui₂ca₂nió'₃ ca₂le₃jě₃ ne₅₄ jág₁ 'lig'₅₄, qui₂i₂lěin₂ chi₁co'₅₄ quió'₅ a₂'ín₅ dsí₅ ni₁ñi₁ i₂sián'₂ a₂tsá₃ dsi₂ten₅₄ jmo₃. Uig₅ a₂ñág₅ jě₄ si₂ a₂jio₅ co₂tan₅₄ a₂ca₂gue₃ jaun₂, 'ě₂ jág₁ ja₁con₂ dsa₂ i₂chan₂ jmíg₄ ně₃.

⁸ Le₂ně₅ bá₄ ján₃, tē₂le₃ quian'₅₄ 'e₂ a₂niog₅ qui₅ dsa₂ 'éi₂, qui₂jme₂'ióg₃ ni₁ñi₁ guioin₅₄ quian'₅₄ dso₄ a₂qui₂'no₂₃, tsá₃ ji'₅₄ 'éi'₃, 'lig'₅₄ bá₄ táun₂ le₃quió'₅ i₂jlán'₁ chan₂ quián₅ Diú₄. ⁹ Ia₁ ca₂lia'₂ jñia'₅₄ ángel Mi₂gue₅₄ i₂lín₅ i₂dsen₅₄ guě₄ quián₅ Diú₄, lia'₂ con'₂ jme₂ca₂tsín₂ quian'₅₄ i₂sě₃dsen₃ ne₄ o₄quió'₄ ni₁ñi₁ 'lag₄ Moisés, tsá₃ ca₂tiá₂ dsí₅ 'éi₂ jua'₅₄ 'ag₃ 'lig'₅₄ a₂'nag₃, tē₂le₃ ca₂juá'₂: “Te₁gui'₅₄ bá₄ jui₁qui₂dsí₅ 'éi'₃ ja₁cong'₂.”

¹⁰ La₁ dsa₂ 'éi₂ ně₃ 'ě₂₃ 'lig'₅₄ 'e₂ caun₂ a₂lě₂, tē₃ tsá₃ ma₂ñi₅ rě₂; jmo₂₃-dsáu₅ lia'₂ ja₁jmo₅ já'₂ náu₂ i₂tsá₃ 'e₂ ñi'₂ dsí₅, ia₁ jui₁lia'₂ a₂cuí'₅ con'₂ lě₅ a₂ñi'₂ dsí₅ guioin₅₄ a₂cha₂ m₂güí₃ la₂, quian'₅₄ a₂jaun₂ bá₄ dsí₃'éin₂.

¹¹ ¡'E₂ guě₄ jui₂ dsa₂ 'éi₂! Ia₁ ma₂ja₂lén₂ quian₅ jui₅ quió'₅ Caín; ne₄ 'uig₅₄ ia₁ a₂dsí'₅₄ cu₄ bá₄ ca₂i₁noi₁₂ tē₂le₃ dséi₂, 'ein₂₃ jui₅ ja₁tsá₃ dsau₅ a₂ca₂can₃ Bala'am. La₁ ca₂i₃'éin₂ jui₁lia'₂ ca₂i₃'én₂ Coré[‡] jme₁ca₂nau₂ quein₅. ¹² Co₂'nió'₄ caun₂ 'mé'₅ a₂quian₅ o₂guí'₃ bá₄ a₂jmo₅-dsáu₅ dsa₂ 'éi₂ jin'₄ 'nia'₂ jme₁tóng'₅ quě'₂ jmo'₂ 'nia'₂ jmíg₄ a₂'nióg'₃ ríng'₂. La₁ dsa₂ 'éi₂ quein'₅₄ jin'₄ 'nia'₂ qui₂guě'₅ qui₂'ín'₂ 'io'₂ jén'₅ ca₂lia'₂ tsá₃ 'e₂ gó'₃ jmo₂₃. Lín₅ jui₁lia'₂ jan₂ dsa₂ i₂jmo₅ 'í₁ já'₂ cha'₂, la₁ jñia'₅₄ con'₂ dse₃ jme₂tain₅₄ guioin₅₄ bá₄. Lín₅ jui₁lia'₂ lě₅ jnei₅ a₂lě₁qui₂ñag₅ quian'₅₄ dsí₂ tsá₃ 'e₂ jmí₅ cha₂ guě'₂; o₃ lín₅ táng₃ jui₁lia'₂ ni₁'ma₂ a₂lě₁le₁dsí₅₄ tó'₅ lí₁ jein₂ quió'₅, la₁ tsá₃ 'e₂ míg₂ cha₂ guě'₂ jaun₂ ně₃. Lín₅ co₂'nió'₄ ni₁'ma₂ a₂ma₂ca₂cang₅ le₂jio₅ jmú₄, le₃jua'₅₄ a₂ma₂quian₅ tin₃ ne₅₄ 'mú₃. ¹³ Lín₅ jui₁lia'₂ lě₅ jmíg₂ a₂lě₁qui₂jná'₅

* 1:3 lit. “dsa₂ jnió₅.” † 1:5 A₂lín₅₄ chog₅₄ si₂ a₂gui'₅₄ guě₄: “Jesús.” ‡ 1:11 Core: 'Í₂ Números 16.

tiá₂ ne₄ jm₁i₁ŋí₄ a₂ráun₂ quian'₅₄ dsí₂, quile₁'ág₄ ne₄ jan₅ ca₂le₃jě₃ a₂lě₁'iog₅ o₂guí'₃ quió'₅.
Tioin'₅₄ jui₅ i₂nioi₅₄ lín₅ jui₁lia'₂ lě₅ nei₅ a₂lě₁ma₂i₂nio₄, tsá₃ ma₃jui₅ co₂dsau₅ le₁quian₅.
Ma₂tioin'₅₄ jui₅ a₂dsi₁lein₃ jě₄ qui₁né'₃ 'ŋio₅ lín₃, ja₁ma₂lě₅ co₂jŋia₅₄ ja₁dsi₁toin'₄ co₂tan₅₄.

¹⁴ Le₂jaun₂ bá₄ Enoc ján₃, dsa₂ i₂jě₁ca₂tě₂ jŋé₂ tsi₁jon₂ Adán i₂ca₂rě₃chán₃; 'éi₂ ca₂'ě₂ jág₁ tě₃jŋiá₅ ca₂'iin₃ dsa₂ le₂'éi₂ jme₁ca₂juá'₂: “Ca₂jŋg₅₄ Te₁gui'₅₄ jóin'₅ ca₂sióin₃ quian'₅₄ tě₂le₃ mei₅ bá₄ i₂jŋi₅ quiáin₅, ¹⁵ a₂qui₃dsi₂₃ 'éi'₃ ne₄ quió'₅ ca₂le₃jín₃, a₂'liain'₃ ca₂le₃jín₃ dsa₂ 'lín'₅₄, ne₄ 'uig₅₄ ca₂le₃jě₃ ne₅₄ a₂'lig'₅₄ a₂qui₂ma₂jmo₃, ne₄ ca₂le₃jě₃ jág₁ lě₁'iog₅ a₂qui₂ma₂'iin₃ Diú₄ ně₃.” ¹⁶ Dsa₂ le₂'éi₂ ně₃ ca₂le₃jě₃ bá₄ 'i₄ dsí₅ jmo₂₃, qui₂'no'₂ dsáu₁ dsa₂, jmá'₃ lia'₂ jui₅ ja₁le₃chain₂ dse₃ ja₁mag'₂ dsí₅ guioin₅₄ bá₄ 'no'₂. Tŋin₂ dsia₃ jmá'₃ lia'₂ jág₁ tá'₅, ton'₂ 'ŋioi₅₄ 'a₂ lia'₂ jme₃'uáin₂ dsí₅ dsa₂ ia₁jaun₂ lí'₂ 'e₂ a₂'nio₃.

Ě₂ guě₄ jág₁ tě₃jŋiá₅ tsí'₅ dsa₂ 'én₂

¹⁷ La₁ 'nia'₂ ně₃ rŋin'₅₄ jniog₄, jui₁dsiog'₂ 'au'₂ 'nia'₂, ca₂le₃jě₃ jág₁ a₂ma₂cuě₃ dsa₂ i₂chen₄ quián₅ Te₁gui'₅₄ Jesucristo quián₂ jniog₄, ¹⁸ ca₂juá'₂ ca₂tsí'₃ 'nia'₂: “Jmŋg₄ jě₁ca₂tó'₂ le₃chan₂ dsa₂ i₂jŋia'₅₄ lě₁qui₃táun₂ 'lig'₅₄, a₂le₃chain₂ tian'₃ con'₂ lě₅ mi₅ dsí₅ guioin₅₄, ia₁ tsá₃ Diú₄ cui₁n₂₃.” ¹⁹ Dsa₂ le₂'éi₂ bá₄ i₂jmo₃ le₁dson'₅₄ 'nia'₂; i₂nioi₅₄ con'₂ dsí₂jio₅ dsí₅ guioin₅₄, tsá₃ Jme₂dsí₂ quián₅ Diú₄ quiain'₅₄.

²⁰ La₁ 'nia'₂ ně₃ rŋin'₅₄ jniog₄, caun₂ jui₁dsi₂cón'₃ bá₄ 'nia'₂ quian'₅₄ a₂'éng'₂ a₂lě₅ a₂jŋi₅ guě₄ lín₃. Chi₁len'₅₄ 'nia'₂ Diú₄ con'₂ lě₅ jio₅ Jme₂dsí₂ Jŋi₅. ²¹ Jui₁chan'₂ bá₄ 'nia'₂ lě₅ 'í₁ ja₁'nio₃ Diú₄ 'nia'₂; qui₂le₁jan'₄ a₂dsia₃ ŋéi₂ dsí₅ Te₁gui'₅₄ Jesucristo quián₂, ca₂lia'₂ ca₂tě₂ jmŋg₄ i₁cuě₃ ja₁le₃chan'₂ 'nia'₂ co₂tan₅₄.

²² Dsia₄ 'nia'₂ ŋéi₂ 'au'₂ ja₁con₂ jui₁lia'₂ dsa₂ i₂quile₁'ág₄ caun₂-tŋin₃ dsí₅, ²³ lion₅₄ 'nia'₂ i₂lín₅₄ ně₂jag₄ bá₄ a₂'uŋin'₅₄ jě₄ si₂. Dsia₄ 'nia'₂ ŋéi₂ 'au'₂ ja₁con₂ i₂sián'₂, tě₃ gang'₃, tě₃ 'ŋiag'₅₄ ca₂le₂jio₅ ni₁tsin'₅₄ a₂rě₂'i₅og₄ quian'₅₄ ni₁ŋi₁₂.

Jág₁ a₂rě₂juin'₂ Diú₄ jě₁ca₂tó'₂

²⁴ Ně₃ ně₃, tě₂le₃ quió'₅ i₂qui'₅₄ jmŋg₄ jmo₃ 'í₁ 'nia'₂ ia₁jaun₂ tsá₃ tsi₃séng'₂, jme₃jŋiai₂₃ 'nia'₂ ján₃, ja₁jlá'₁ lín₃ ja₁guá₄ Diú₄ a₂tsá₃ ma₂'e₂ dso₄ rě₂cáng'₄, ja₁jiá₃ 'au'₂ 'nia'₂ 'io'₂ jén'₂ guě₄ lín₃, ²⁵ le₃quió'₅ Diú₄ i₂jan₂ tan₅₄ [i₂ŋí'₂ dsí₅]Š i₂li₅o₂ jniog₄, i₂'éi₂ bá₄ i₂ca₂tŋin₂ ca₂le₃jě₃ ti₁'mag'₄, ca₂le₃jě₃ a₂jme₂juag'₂ dsa₂, ca₂le₃jě₃ guě₄ jui₅bí₂, ca₂le₃jě₃ 'éi'₃ ně₃, [tě₂le₃ quian'₅₄ Jesucristo Te₁gui'₅₄ quián₂ jniog₄],* ca₂le₃jě₃ jmŋg₄ ja₁ma₂já₅, jmŋg₄ rě₂ně₃, lia'₂ co₂tan₅₄ ně₃! ¡A₂méi₃! Co₂ně₅.

Š 1:25 Chog₅₄ si₂ a₂dse₃ guě₄ tsá₃ le₁ton₅ jág₁ ně₅.

* 1:25 A₂lín₅₄ chog₅₄ si₂ tsá₃ le₁ton₅ jág₁ ně₅.

Jág₁ a₂ca₂jme₃jnia₅ Jesucristo ne₄ San Juan₅₄

Jág₁ a₂ca₂jme₃jnia₅ Diú₄

¹ A₂la₂ bá₄ jág₁ a₂ca₂jme₃jnia₅ Diú₄ ne₄ Jesucristo, ia₁jaun₂ 'éi₂ ně₃ 'ě₃ táng₃ dsa₂ i₂jme₂ti₃ ne₅₄, ca₂juá'₂ ca₂le₃jě₃ a₂tion₅₄ niog₅ lé₂ ŋi'₅₄ ta₁. Jaun₂ 'ŋiog₅ bá₄ 'éi₂ ca₂jmo₃ ca₂rě₃ŋi₅ ma₂ca₂jme₃jniai₂₃ tē₂le₃ quian'₅₄ ángel quiáin₅ ne₄ Juan₅₄, jan₂ dsa₂ i₂jme₂ti₃ ta₁ ne₅₄. ² Jniá₂ bá₄ 'éi₂ i₂jáng'₅ jág₁ dsau₅ la₂, ca₂le₃jě₃ lia'₂ con'₂ lě₅ a₂ca₂jág₃ ca₂tě₂ ne₃; ton'₂ jáng'₅ bá₄ jniá₂ jág₁ dsau₅ 'a₂ lia'₂ lě₅ jág₁ dse₃ quió'₅ Diú₄, quian'₅₄ 'a₂ lia'₂ lín₅ Jesucristo.

³ 'E₂ guě₄ dsen₃ i₂'i₅ si₂ la₂, a₂chi₁ton₅ jág₁ a₂'ě₂ Diú₄. Le₂jaun₂ guě'₂ táng₃ jui₁lia'₂ i₂nag₅ jág₁ la₂ a₂'ě₂ Diú₄; dsen₃ i₂tón'₂ jui₅ jág₁ a₂chi₁ton₅, ia₁ ma₂ja₂quián₃ jmi_g₄.

Jmo₅ Juan₅₄ si₂ a₂ca₂chein₃ ne₄ ta₁guion₃ guá'₅

⁴ Jniá₂ Juan₅₄ jmo₂₃ si₂ a₂dsiang'₅₄ ne₄ ta₁guion₃ guá'₅ i₂chan₂ le₂tan₅₄ 'uě₃ Asia. Jui₁jme₂gu'₅₄ Diú₄ 'nia'₂, jui₁chan'₂ bá₄ 'nia'₂ 'ei₅ tei₄ tē₂le₃ quian'₅₄ Diú₄ i₂lín₅ jmi_g₄ ně₃, i₂jme₁lín₄ tián₂ le₂jniá₅, i₂lén₂ ca₂lia'₂ co₂tan₅₄; ján₃ bá₄ jui₁jme₂gu'₅₄ Diú₄ 'nia'₂ tē₂le₃ quian'₅₄ ta₁guion₃ jme₂dsi₂ i₂tion'₅₄ le₃ne₄ ne₄ta₁ ja₁guá₄; ⁵ ján₃ guě'₂ jui₁jme₂gu'₅₄ Diú₄ 'nia'₂ tē₂le₃ quian'₅₄ Jesucristo, i₂tí₅ jág₁ dsau₅ quió'₅, i₂le₂ne₁ ma₂ca₂jen'₅₄ ne₄ 'mú₃, i₂gon₂ ne₄ rag₅₄ chan₂ gua'₅₄ 'uě₃. Le₃quió'₅ 'éi₂ bá₄ i₂ca₂rě₃ 'nio₃ jniog₄ ton'₂ ma₂ráng'₂ jniog₄ ne₄ 'uig₅₄ dsáu₁ jniog₄ quian'₅₄ jmi₂ 'ain₅₄ 'ŋiog₅; ⁶ le₃quió'₅ 'éi₂ ně₃ i₂ma₂jmo₃ a₂lág₅ jniog₄ rag₅₄, jme₂dsa₂ ně₃, a₂jme₁ti₁ jniog₄ ne₄ Diú₄ quiáin₅ i₂lín₅ Jmei₂. ¡Le₃quió'₅ 'éi₂ bá₄ ca₂tín₂ jme₃juag'₂ dsa₂, ca₂tín₂ goin₃ co₂tan₅₄! A₂méi₃.

⁷ ¡Jag₄! ¡Ma₂já₅ jě₄ jnei₅!

Ca₂le₃jín₃ bá₄ dsa₂ tē₃ ne₅₄,

ca₂le₂jio₅ dsa₂ jui_g₂ i₂ca₂'ág'₂;

ca₂le₃jín₃ dsa₂ chan₂ jui_g₂ ta₁caun₂ mi₂gü_g₃

tóin'₃ qui'₃-o₃ jě₁ma₂ca₂jág₂.

¡Le₂jaun₂ lé₂, a₂méi₃!

⁸ “Jniá₂ bá₄ 'éi₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega”, juá'₂ Te₁gui'₅₄ Diú₄. “Jniá₂ bá₄ lín₅ rě₂ně₃, i₂lín₅ ma₂i₁jaun₃, i₂lín₅ co₂tan₅₄ ne₄ jui₅, * i₂'uan'₂ guě₄ lín₃.”†

Jan₂ i₂lín₅ lia'₂ lín₅ Jaun₅ dsa₂ mi₂gü_g₃

⁹ Jniá₂ Juan₅₄, lín₅ rín'₂ 'nia'₂, ia₁ quein'₅₄ jniog₄ co₂dsia₅ ŋag₄ uig₅, le₂jaun₂ chi₁jnia₁ jniog₄ ja₁gon₂ Diú₄, ton'₂ co₂dsia₅ guei₂ bí₂ a₂tián₂ jniog₄ juin'₂ dsi₅ le₃quió'₅ Jesús. Jme₁'eng₅₄ rě₂jní_g₅ caun₂ 'uě₃ a₂rě₂quí'₅ jě₄ jmi₁ŋí'₄ ja₁chei₂ Patmos, ne₄ 'uig₅₄ ia₁ a₂ma₂ca₂'ě₃ jág₁ dse₃ quió'₅ Diú₄, ton'₂ ia₁ 'uig₅₄ a₂ma₂cuě₃ jniá₂ jág₁ dsau₅ 'íng₅ Jesucristo. ¹⁰ Co₂ráun₂ ně₃ co₂jmi_g₄ quió'₅ Te₁gui'₅₄ ja₁'eng₅₄ jaun₂, ca₂lě₃ a₂jme₁'en₅₄ jniá₂ le₃quió'₅ Jme₂dsi₂. Jaun₂ ca₂nag₃ jág₁ a₂ca₂hé'₂ le₃co'₅₄ lag₃ ca₂juá'₂ tiá₂ lín₃ jui₁lia'₂ jě₁i₂'ein₅₄ ŋí₁ trompeta, ¹¹ ca₂juá'₂ tság₅ jniá₂:

—Jniá₂ bá₄ 'éi₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega. Ne₄ si₂ rě₂bín₅, tion₅ a₂jág'₂ ia₁jaun₂ qui₁dsiang'₅₄ ne₄ ta₁guion₃ guá'₅ ja₁tén₄ 'uě₃ Asia, co₂'nió'₄ le₃juá'₅₄ quió'₅ guá'₅ i₂chan₂ jui_g₂ Efeso, Esmirna, Pérgamo, Tiatira, Sardis, Filadelfia, quian'₅₄ Laodicea ně₃.

¹² Ca₂jen'₄ jniá₂ jaun₂ ně₃, a₂jíng₅₄ 'ein₂ 'éi₂ i₂juá'₂ jág₁ tság₅ jniá₂. Jme₁ca₂jeng'₅₄, ca₂jág₃ tíong₂ guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂. ¹³ Jě₄ ta₁guio₃ mi₂tag₄ si₂ jaun₂ ně₃,

* 1:8 'Nio'₂ ja₁ton₅ Éxodo 3:14; Juan 8:58. † 1:8 'Nio'₂ ja₁ton₅ Isaías 41:4; 44:6; 48:12.

jme₁chen'₄ jan₂ i₂lín₅ lia'₂ lín₅ Jaun₅ dsa₂ mi₂güig₃, † i₂qui'₂ 'mi'₂ chen'₅₄ jang₄, mei'₂ tsá₃ tsáng₂ co'₅₄ tag₁₂. A₂jme₁rē₂jén'₅ le₁dsí₅ guē'₂ ně₃, jme₁lě₄ jmá'₃ cu₄nióg₄. ¹⁴ Jj₁₂ dsi₅₄ guē'₂ ně₃, jme₁tiog₂ lia'₂ ja₁tiog₂ jñí₂ já'₂ cha'₂, a₂tiog₂ jui₁lia'₂ tiog₂ 'mu₂. Jme₁ne₁₂ guē'₂ ně₃ jme₁jniá₂ tág₅ jui₁lia'₂ jniá₂ ca₂jo'₅₄ si₂. ¹⁵ Mi₂tag₅₄ guē'₂ ně₃ jme₁jniá₂ tág₅ lia'₂ lě₅ jmá'₃ ni₁ñí₁ nióg₂ a₂rē₂ta₄ a₂ma₂jmág₂ né'₃ táu₃ si₂. Já₁g₁ quió'₅ guē'₂ ně₃ jme₁né'₂ tiá₂ lín₃ jui₁lia'₂ né'₂ caun₂ ja₁ta'₂ la'₅₄ pa₁ lín₃. § ¹⁶ Gu₂ ne₁ guē'₂ ně₃ jme₁chan'₂ guio₃ nei₅; mi₂o₅₄ guē'₂ ně₃ jme₁jniá₂ 'ia₂ lia'₂ lě₅ caun₂ ñi₁tág₂ chen'₂ a₂'mu₃ le₃tin₃ ton₂. Ne₅₄ guē'₂ ně₃ tág₅ jmá'₅, jui₁lia'₂ tág₅ 'iog₂.

¹⁷ Jme₁ca₂jág₃, ca₂tón₂ jniá₂ ja₁tióng₂ mi₂tag₅₄, lia'₂ tsá₃ léi₄ mei'₂. Jaun₂ ca₂quiog₂ gu₂ ne₁ ne₄ quió₃, jaun₂ ca₂juá'₂:

—Tsá₃ jmo₂ gang'₃, ia₁ jniá₂ bá₄ líng₅ i₂le₂ne₁, ton'₂ jniá₂ bá₄ líng₅ i₂jē₁ca₂tó'₂. ¹⁸ Jniá₂ bá₄ 'éi₂ i₂chan₂; jme₁rē₂'lín₄ bá₄ jniá₂, la₁ jja₄! ma₂chang₂ bá₄ táng₃ ca₂le₃jě₃ jmig₄, ca₂lia'₂ co₂tan₅₄. * Jniá₂ bá₄ chan'₄ ñí₁ llaves quió'₅ 'mú₃ quian'₅₄ guē'₂ tau₂ 'ñio₅. † ¹⁹ Jaun₂ lě₃, ne₄ si₂, tióng₅ jui₁lia'₂ 'e₂ a₂ně₂jag'₅₄, 'a₂ lia'₂ niog₅ lě₅ rē₂ně₃ quian'₅₄ guē'₂ a₂ně₃ guē'₄ niog₅ lé₂. ²⁰ A₂la₂ bá₄ já₁g₁ dsau₅ a₂jme₁rē₂'ma₄ le₂jñiá₅: jui₁lia'₂ guio₃ nei₅ a₂ně₂jag'₅₄ chi₁chan'₄ gu₃ ne₁, quian'₅₄ guē'₂ ta₁guio₃ tag₄ a₂lě₅ quian'₅₄ cu₄nióg₄ ja₁le₁guí'₂ si₂. Já₁g₁'₅ já₁g₁ ta₁guio₃ nei₅ co₂'nió'₄ guion₃ dsa₂ i₂i₃quian₄ já₁g₁ † quián₅ ta₁guion₃ guá'₅; guio₃ tag₄ ja₁le₁guí'₂ si₂ guē'₂ ně₃, co₂'nió'₄ ta₁guion₃ guá'₅.

2

Jág₁ a₂chen₅ ne₄ le₂guion₃ guá'₅; Jág₁ a₂ñó₃ ne₄ guá'₅ chan₂ Efeso

¹ Jmo₄ si₂ ne₄ dsa₂ i₂'ě₂ já₁g₁ guá'₅ i₂chan₂ juig₂ Efeso, chei'₅₄ le₂la₂:

Le₂la₂ juá'₂ i₂chan₂ le₃guio₃ nei₅ quian'₅₄ gu₂ ne₁, i₂ñi₅ jē₄ ta₁guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂: ² Guion₄ bá₄ jniá₂ ca₂le₃jě₃ ta₁ 'ua'₂ a₂jmo₂ 'nia'₂, 'a₂ lia'₂ juin'₂ 'au'₂ ně₃. Guion₅₄ bá₄ já₁n₃ a₂tsá₃ ma₂tiang'₃ quiang'₅₄ dsa₂ i₂jmo₅ a₂'lig'₅₄. Guion₅₄ bá₄ já₁n₃ 'a₂ lia'₂ ma₂quion'₂ 'í₁ ja₁con₂ dsa₂ i₂i₂nio₄ a₂juá'₂ lín₅ dsa₂ i₂chen₄ quián₅ Jesús, la₁ tsá₃ guē'₂ lín₅. Ma₂ca₂jme₁jniá'₂ a₂lín₅ dsa₂ tē₂jín₁. ³ Juin'₂ bá₄ 'au'₂ líng₅ ma₂ja₂nóg'₅ qui₂ñag'₅₄ uig₅ jmo₂ ta₁ 'ñio₅ lín₃ o₄quió₃ jniá₂, tsá₃ ma₂qui₂ca₂'ú'₃ 'au'₂ 'nia'₂.

⁴ La₁ia₁ cha₂ guē'₄ caun₂ ja₁cong'₂, a₂tsá₃ tē₅ dsi₃: ia₁ tsá₃ ma₃'nióg'₃ jniá₂ lia'₂ jme₁'nióg'₃ le₂ne₁. ⁵ Jaun₂ ně₃, dsá₂ 'au'₂ 'nia'₂ jmo₄, a₂já'₄ ma₂qui₂ma₂sén'₂ 'nia'₂. Ju₁i₁dsi₂quén'₅ táng₃ 'au'₂ 'nia'₂, jmo₄ táng₃ lia'₂ jme₁jmo₂ le₂ne₁. Ia₁ ně₃juá'₂ tsá₃ le₂jaun₂ ně₃, ñi'₅₄ ta₁ la₂ dsióg₄ i₁jñiá'₃ tag₄ si₂ quiáng'₂ ja₁chí'₄, ně₃juá'₂ tsá₃ ca₂jme₁tsíng'₄ 'au'₂. ⁶ Jñia'₅₄ lia'₂ caun₂ a₂dse₃ la₂ bá₄ cha₂ ja₁cong'₂: a₂'ñia'₅₄ 'nia'₂ 'a₂ lia'₂ lě₅ jmo₅-dsá₅ dsa₂ nicolaítas, a₂jaun₂ bá₄ 'io₄ guē'₂ jniá₂ já₁n₃.

⁷ Jui₁lia'₂ i₂le₁dsi₅₄ rē₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Jui₁lia'₂ i₂ca₂tió'₃, ñei₂ guē'₃ mǐg₂ 'ma₂ a₂chan₂ dsa₂ co₂tan₅₄, a₂chí'₅ Ja₁jlá'₁ * quió'₅ Diú₄.

Jág₁ a₂ñó₃ ne₄ guá'₅ chan₂ Esmirna

⁸ Jmo₄ si₂ ne₄ dsa₂ i₂'ě₂ já₁g₁ guá'₅ i₂chan₂ juig₂ Esmirna chei'₅₄ le₂la₂:

Le₂la₂ juá'₂ i₂le₂'uig₅₄, i₂lín₅ jē₁ca₂tó'₂ guē'₂ táng₃; i₂ca₂jon₃ 'éi₂, i₂ma₂ca₂jen'₅₄ guē'₂ táng₃: ⁹ Guion₅₄ bá₄ ca₂le₃jě₃ 'a₂ lia'₂ lě₅ chang'₂ ñag'₅₄ uig₅, ton'₂ a₂te₂ñég'₂ guē'₂ já₁n₃. La₁ on₃juá'₅₄ a₂dsi₂jó'₃ te₂ñég'₂ jme₁né₄, ia₁ chang'₂ bá₄ dse₃ já₁n₃. Guion₅₄ bá₄ já₁n₃ 'a₂ lia'₂ 'ag₅ 'lig'₅₄ dsa₂ i₂juá'₂ lín₅ judíos, la₁ tsá₃ guē'₂ lín₅. Dsa₂ i₂tén₅ guá'₅ sinagoga quió'₅ Satanás bá₄ 'éi₂. ¹⁰ Tsá₃ jmo₂ 'nia'₂ gang'₃ 'e₂ niog₅ a₂dsi₁ñig'₂, ia₁ tsáun'₂ i₂sē₃dsen₃ toin'₂ né'₃ 'má₃ i₂lín₅₄ 'nia'₂ co₂'nió'₄ a₂cáun₂ táu₂, jaun₂ ñag'₅₄ 'nia'₂ uig₅ guia₃ jmig₄. La₁ tiá₂ nau₂ 'nia'₂ o₁jñia'₅₄ ca₂quín₂

‡ **1:13** 'Nio'₂ ja₁ton₅ Daniel 7:13. § **1:15** o₃, "lia'₂ né'₂ 'lióng₂ jmig₂." * **1:18** A₂lín₅₄ chog₅₄ si₂ juá'₂ já₁n₃ "A₂méi₃."

† **1:18** griego: hades, co₂'nió'₄ a₂juá'₂, ja₁quió'₄ 'lag₄. ‡ **1:20** griego: ángeles, co₂'nió'₄ i₂quian₅ já₁g₁. 'Nio'₂ ja₁ton₅ "ángel" ne₄ glosario. * **2:7** griego: paradeiso (Paraíso).

'mú₃, ia₁ jniá₂ bá₄ cuë₅₄ ja₁le₃chan'₂ 'nia'₂ co₂tan₅₄ co₂'nió'₄ caun₂ corona. ¹¹ Jui₁lia'₂ i₂le₁dsi₅₄ rë₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Jui₁lia'₂ i₂ca₂tió'₃, 'i₁caun₂ uig₅ tsá₃ jén'₄ jë₁ca₂të₂ tin₂ 'mú₃.

Jág₁ a₂ñó₃ ne₄ guá'₅ chan₂ Pérgamo

¹² 'Jmo₄ si₂ ne₄ dsa₂ i₂'ë₂ jág₁ guá'₅ i₂chan₂ juig₂ Pérgamo, chei'₅₄ le₂la₂:

Le₂la₂ juá'₂ i₂'io₅ ñi₁tág₂ 'mu₃ le₃tin₃ ton₂: ¹³ Guion₄ bá₄ jniá₂ ja₁tián'₅ 'nia'₂,† ja₁lë₄ ne₄ta₁ ja₁gon₂ Satanás. La₁ lia'₂ tión'₂ jaun₂ bá₄ 'nia'₂ tiá₂ quian'₅₄ jág₁ quió'₃. Tsá₃ ma₂tí'₃ a₂'éng'₂ le₃quió'₃, ca₂lia'₂ ñia'₅₄ jmig₄ lia'₂ con'₂ jme₁ca₂ñi'₃ dsa₂ Antipas, dsa₂ i₂rë₂ti'₅₄ quiáng₃ i₂jme₁jáng'₅ jág₁ dsau₅, ca₂lë₃ jë₄ quián'₂ 'nia'₂, caun₂ juig₂ ja₁guá₄ Satanás. ¹⁴ La₁ia₁ cha₂ a₂lin₅₄ ja₁cong'₂, a₂tsá₃ të₅ dsi₃: jë₄ në₅ quián'₂ 'nia'₂ tion'₅₄ i₂lin₅₄ i₂tsá₃ tí₂ a₂'lig'₅₄ lia'₂ jme₁jmo₅ Bala'ama a₂ca₂toin'₂ jág₁ ca₂tsí'₃ Balac‡, ca₂jmo₃ ca₂tsi₁sén'₂ dso₄ dsa₂ israelitas a₂ca₂gué'₃ má₃ a₂rë₂jen'₅₄ ne₄ diú₄ lag₄ quiáin₅; ca₂jmo₃ ca₂can₃ dsa₂ 'éi₂ jui₅ qui₂ca₂nió'₃ jág₁ 'lig'₅₄. ¹⁵ Le₂në₅ bá₄ ján₃, tion'₅₄ jë₄ quián'₂ 'nia'₂ i₂lin₅₄ i₂jme₂tag₅ jág₁ quió'₅ dsa₂ nicolaítas. ¹⁶ Jui₁dsi₂quén'₅ 'au'₂ jaun₂ në₃; ia₁ në₁jua'₂ tsá₃ ca₂tion'₂ 'nia'₂ jui₅, ñi'₅₄ ta₁ la₂ dsió₄ jniá₂ ja₁cong'₂ i₁quíng'₃ quian'₅₄ dsa₂ 'éi₂ quian'₅₄ ñi₁tág₂ a₂'ia₂ mi₂'o₃. ¹⁷ Jui₁lia'₂ i₂le₁dsi₅₄ rë₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Jui₁lia'₂ i₂ca₂tió'₃, ñei₂ maná a₂rë₂'ma₄, ton'₂ ñei₂ jma₃ca₂míg₂ ni₁cang₁ tiog₂ ja₁chi₁ton₅ jág₁ 'mí₂ 'a₂ lia'₂ chein₂, a₂tsá₃ 'ein₂ cuí'₅; jmá'₃ lia'₂ con'₂ i₂gue₃ bá₄ ñi'₂.

Jág₁ a₂ñó₃ ne₄ guá'₅ chan₂ Tiatira

¹⁸ 'Jmo₄ si₂ ne₄ dsa₂ i₂'ë₂ jág₁ guá'₅ i₂chan₂ juig₂ Tiatira, chei'₅₄ le₂la₂:

Le₂la₂ juá'₂ Ja₁ñi'₅₄ Diú₄ i₂tág₅ jme₁ne₁₂ lia'₂ tág₅ jo'₅₄ si₂, i₂lë₅ mi₂tag₄ lia'₂ lë₅ ñi₁ nió₂ a₂rë₂ta₄: ¹⁹ Guion₅₄ bá₄ ca₂le₃jë₃ 'e₂ a₂jmo'₂, 'a₂ lia'₂ 'nió₃ ríng'₂, 'a₂ lia'₂ lë₅ a₂'éng'₂ në₃, ta₁ quiáng'₂ a₂jme₂tí'₁, juin'₂ bá₄ 'au'₂ chang'₂ në₃; guion₄ bá₄ jniá₂, 'ñio₅ gué₄ jmo'₂ 'nia'₂ lia'₂ con'₂ gué₄ le₂ne₁. ²⁰ La₁ia₁ cha₂ gué₄ caun₂ ja₁cong'₂ a₂tsá₃ të₅ dsi₃: ia₁ cuë'₂ 'nia'₂ jmig₄ 'en₅₄ jin'₄ 'nia'₂ 'io₅₄ Jezabel i₂juá'₂ i₂'ë₂ jág₁ o₄quió'₄ Diú₄. Jme₂tag₂₃ a₂jñia'₅₄ qui₂jme₂gain₂₃ dsa₂ quiáng₃ i₂jme₂ti₃ ne₃ ia₁jaun₂ cán₂ jui₅ jmo₃ dsá₃ qui₃nió'₃ jág₁ 'lig'₅₄, ia₁jaun₂ ján₃ gué₄ qui₃gué'₃ má₃ a₂rë₂jen'₅₄ ne₄ diú₄ lag₄ quiáin₅. ²¹ Ma₂cuë₃ jniá₂ 'io₅₄ 'éi₂ jmig₄ ne₄ tsa₁ dsi₁quén'₅ dsí₅ 'lig'₅₄ a₂jmo₂₃, la₁ tsá₃ 'nio₃. ²² ¡Jag₄! Tóin₂ jniá₂ ne₄ tsi₁cama jaun₂ le₃dso'₅₄, ján₃ gué'₂ jmo₅₄ ñág₃ uig₅ dsa₂ i₂qui₂'no₅ dso₄ quian'₅₄, në₁jua'₂ tsá₃ ca₂dsi₃quén'₅ dsí₅ a₂jmo₅-dsá₅ 'io₅₄ 'éi₂, ²³ ton'₂ jme₁dsian₅ jniá₂ chi'₂ quián₅ 'io₅₄ 'éi₂ në₃. Jaun₂ bá₄ le₃ñi₅ ca₂le₃jín₃ guá'₅, jniá₂ i₂con₂ 'í₁ 'a₂ lia'₂ lë₅ jme₂dsí₂ quió'₅ dsa₂, ca₂le₃jë₃ a₂qui₂dsi₂jio₅ dsí₅ dsa₂ në₃; jaun₂ jniá₂ bá₄ cuë₄ 'lian'₅₄ 'nia'₂ lia'₂ con'₂ lë₅ qui₂ca₂jmo'₅₄. ²⁴ La₁ juig₂ jniá₂ ca₂le₃jín₃ gué₄ 'nia'₂ i₂tián'₅ juig₂ Tiatira i₂tsá₃ ma₂gue₃ jág₁ a₂jme₂tag₅ 'io₅₄ 'éi₂, on₃ gué'₂ cuí'₅ a₂të'₂ dsa₂ 'éi₂ jág₁ ca'₅₄ a₂rë₂'ma₄ quió'₅ Satanás: co₂në₅ bá₄ guei₂ a₂cuë₄ jniá₂ 'nia'₂. ²⁵ Jñia'₅₄ lia'₂ caun₂ jmo'₂ 'nia'₂ a₂dse₃ a₂ma₂ja₂nóg'₅ jmo'₂, ca₂lia'₂ ca₂të₂ jmig₄ i₁dsióg₄ táng₃. ²⁶ Jui₁lia'₂ i₂ca₂tió'₃, i₂qui₂jmo₅ 'a₂ con'₂ 'nio₃ jniá₂ lé₂, ca₂lia'₂ i₁ca₂të₂ jmig₄ jë₁ca₂tó'₂, cuë₄ jniá₂ bí₂ jaun₂ jmo₃ 'éi'₃ ne₄ juig₂ a₂te₁ 'i₁ gua'₅₄ 'uë₃.

²⁷ Goin₃ ne₄ quió'₅ quian'₅₄ 'ma₂'í'₅₄

a₂lë₅ quian'₅₄ ni₁ñi₁;

qui₃dsia₃ le₁juig₁ në₂jag₄ bá₄ ni₁ti'₂, §

²⁸ lia'₂ con'₂ lë₅ ma₂gue₃ jniá₂ 'éi'₃ ma₂cuë₃ Ne'₃. Cuín₄ jniá₂ ján₃ Nei₅ 'Ióg₁.* ²⁹ Jui₁lia'₂ i₂le₁dsi₅₄ rë₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

† 2:13 A₂lin₅₄ chog₅₄ si₂: “Guion₅₄ bá₄ ca₂le₃jë₃ 'e₂ a₂jmo'₂, ján₃ bá₄ guion₅₄ ja₁tián'₅ 'nia'₂.” ‡ 2:14 Bala'am, Balac: 'Nio'₂ ja₁ton₅ Números 23 - 24. § 2:27 Salmo 2:9. * 2:28 Nei₅ 'Ióg₁ lë₅ caun₂ 'a₂ lia'₂ chen₂ Jesús. 'Nio'₂ ja₁ton₅ 2 Pedro 2:21; Apocalipsis 22:16.

3

Jág₁ a₂ñó₃ ne₄ guá'₅ chan₂ Sardis

1'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Sardis, chei'₅₄ le₂la₂:

Le₂la₂ juá'₂ i₂jiog₅ ta₁guion₃ jme₂dsí₂ quián₅ Diú₄, i₂chan₂ guio₃ nei₅ ně₃: Guion₄ bá₄ jniá₂ ca₂le₃jě₃ a₂jmo'₂, a₂dsia₅ dsa₂ a₂jén'₃ 'nia'₂, la₁ia₁ i₂rě₂'lin'₄ bá₄ 'nia'₂. 2 Jme₁jnio₂ ne'₅₄, tióng'₂ táng₃ bí₂ a₂jme₁ma₂i₁jón₂ quiáng'₂, ia₁ tsá₃ ma₂dsó'₂ jniá₂ jua'₅₄ a₂rě₂tán₄ a₂qui₂ma₂jmo'₅₄ 'nia'₂ le₃ne₄ Diú₄ quiáng₃. 3 Dsiog'₂ 'au'₂ 'nia'₂ jmo₄ jaun₂ ně₃, a₂qui₂ma₂gue'₅₄ 'nia'₂, a₂qui₂ma₂nei'₂ 'nia'₂, ju₁dsi₂quén'₅ 'au'₂. La₁ ně₁jua'₂ tsá₃ ca₂jme₁jnio'₂ ne'₅₄, ŋi'₅₄ ta₁ dsióg₄ jniá₂ ja₁cong'₂ con'₂ tsá₃ rě₂jáng'₁, ně₂jag₄ bá₄ jan₂ 'ang₂, ca₂lia'₂ jñia'₅₄ tsá₃ ŋi'₅₄ 'nia'₂ 'e₂ hora dsióg₄. 4 La₁ chan₂ bá₄ gué₄ i₂lin₅₄ jin'₄ 'nia'₂ guá'₅ Sardis ně₅ i₂tsá₃ ma₂ca₂jme'₃ ióg₃ tsin'₅₄; i₂'éi₂ ně₃ jme₃quiong'₅₄ jniá₂ i₃nioi₅₄ le₁qui'₂ 'mí'₂ tiog₂, ia₁ le₂jaun₂ ca₂tíin₂. 5 Ju₁lia'₂ i₂ca₂tió'₃, tsin'₅₄ tiog₂ bá₄ qui₃quí'₃, jaun₂ lia'₂ o₁líg'₂ tsá₃ 'én₄ lia'₂ chein₂ ja₁le₁toin₂₃ ne₄ si₂ a₂chan₂ dsa₂ co₂tan₅₄. Jaun₂ 'ín₄ jniá₂ 'éi₂ jme₁jniai₂₃ jniá₂ ne₄ Ne'₃, ne₄ ángeles quián₅ ně₃. 6 Ju₁lia'₂ i₂le₁dsi₅₄ rě₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Filadelfia

7'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Filadelfia, chei'₅₄ le₂la₂:

Le₂la₂ juá'₂ 'éi₂ i₂jñió₅, i₂tě₃dsón'₂ tí₅ jág₁ quió'₅, i₂'io₅ ŋi₁ llave quió'₅ Rag₅₄ David. Ju₁lia'₂ a₂niá₅ 'éi₂, 'i₁jan₂ tsá₃ lé₂ jnéi₃; ján₃ guě'₂ le₂jaun₂, ju₁lia'₂ a₂jnéi₅ 'éi₂, tsá₃ 'ein₂ lé₂ le₃niá₃ táng₃. 8 Guion₅₄ bá₄ jě₂ a₂jmo'₂. ¡Jag!₁ Caun₂ o₄'né₄ a₂rě₂na₄ ma₂ca₂tsí'₂ jniá₂ ne'₅₄; 'i₁jan₂ tsá₃ 'ein₂ lé₂ le₃jnëi₃. O₁jñia'₅₄ la₂ tsá₃ ma₃lin₄ béng'₂, * ma₂ca₂tion'₂ ju₁ jág₁ quió'₃, on₃jua'₅₄ jaun₂ a₂tsá₃ ma₂'ag'₅₄ jniá₂. 9 ¡Jag!₄ Ju₁lia'₂ dsa₂ quián₅ guá'₅ sinagoga quió'₅ Satanás, dsa₂ i₂juá'₂ líin₅ judíos la₁ tsá₃ guě'₂ líin₅, jmo₅₄ jniá₂ chi₃jnë₃ 'éi₂ ne'₅₄, ia₁ jaun₂ le₃ñi₅ a₂'nió₃ jniá₂ 'nia'₂. 10 'Uig₅₄ ia₁ a₂ma₂jmo'₅₄ 'nia'₂ 'í₁ 'éi'₃ quió'₃ a₂tion'₅₄ 'nia'₂ juin'₂ 'au'₂, jmo₅₄ bá₄ jniá₂ 'í₁ 'nia'₂ a₂tsá₃ jióg'₂ 'í₁ ja₁cong'₂ ju₁lia'₂ a₂dsi₂ñí₂ dsa₂ i₂chan₂ ta₁caun₂ gua'₅₄ 'uě₃. 11 ŋi'₅₄ ta₁ bá₄ guióng₄. Jmo₄ 'í₁ a₂ma₂ting'₂ ia₁ jaun₂ tsá₃ 'ein₂ jñiá'₂ corona quiáng'₂. 12 Ju₁lia'₂ i₂ca₂tió'₃, jmo₅₄ jniá₂ a₂léin₂ ně₂jag₄ bá₄ ni₁dsi₅ a₂chí'₅ dsi₂néi₂ guá'₅ templo quió'₅ Diú₄ quiáng₃. O₁líg'₂ jmig₄ tsá₃ ma₃'uín₃ ja₁jaun₂. Ne₄ quió'₅ 'éi₂, taun₅₄ lia'₂ chen₂ Diú₄ quiáng₃, quian'₅₄ guě'₂ a₂lia'₂ chei₂ juig₂ quió'₅ Diú₄ quiáng₃ ně₃: juig₂ Jerusalén 'mí₂ a₂sió₃ guei'₅₄ i₂juig₃ quió'₅ Diú₄ quiáng₃. Ján₃ guě'₂ le₂jaun₂ taun₅₄ jniá₂ ne₄ 'éi₂ jág₁ 'mí₂ lia'₂ cheng₂. 13 Ju₁lia'₂ i₂le₁dsi₅₄ rě₂gua₅₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Laodicea

14'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Laodicea, chei'₅₄ le₂la₂:

Le₂la₂ juá'₂ i₂lín₅ tē₃dsón'₂, † i₂jáng'₅ jág₁ dsau₅ i₂rě₂ti'₅₄, i₂lín₅ juig₅₄ ne₄ ca₂le₃jě₃ a₂ca₂jmo₃ Diú₄: 15 Guion₄ bá₄ jniá₂ ca₂le₃jě₃ 'a₂ lia'₂ lě₅ jmo'₂ 'nia'₂. Guion₅₄ bá₄, a₂tsá₃ güing'₂, on₃ guě'₂ dséng'₂ ně₃. ¡Jua'₅₄ co₂ñei'₅₄ bá₄ guě'₂ güing'₂, o₃ co₂ñei'₅₄ bá₄ guě'₂ dséng'₂! 16 La₁ 'uig₅₄ ia₁ a₂jñia'₅₄ dsión'₂ 'nia'₂, ia₁ tsá₃ güing'₂ guě'₂ co₂ñei'₅₄, on₃ guě'₂ dséng'₂ ně₃, jaun₂ ráun₂ i₁ñi₄ jniá₂ 'nia'₂ ju₁ mi₂'o₃. 17 Ia₁ juá'₂ 'nia'₂ a₂ma₂chang'₂ dse₃ a₂ma₂qui₂ma₂dsia'₅₄ 'nia'₂ 'lióng₂ rě₂má'₂, ton'₂ tsá₃ 'e₂ 'nió'₅ quiáng'₂; la₁ tsá₃ jaun₂ len'₅₄ 'nia'₂ a₂lín'₅ dsa₂ i₂lě₂ñéi₂ dsí₅, i₂te₂ñé₂, i₂ten₄, i₂rě₂cuán'₃ ně₃. 18 'Uig₅₄ jaun₂ ton'₂ jniá₂ jág₁ 'nia'₂, i₂nó'₅ 'nia'₂ ja₁con₂ jniá₂ i₂liá₃ cu₄nióg₄ a₂rě₂lag₄ quian'₅₄ si₂, ia₁ jaun₂ guě'₄ dsón'₂ le₃chang'₂ dse₃; i₂liá₃ 'nia'₂ tsing'₂ tiog₂ a₂qui₁qui'₅₄, ia₁ jaun₂ tsá₃ le₃jniá₂ a₂o₂guí'₃ a₂rě₂cuáng'₃. Iliá₃ mí₅ 'ág'₄ jme₁ne'₄ ia₁ jaun₂ jnio₂, lé₂ jag'₅₄. 19 Tě₂jén₅ jniá₂ tsing'₂ táng₃ ju₁ dse₃ ca₂le₃jín₃ i₂'nióg₃. Ju₁len'₅₄ bá₄ 'nia'₂ dsa₂ i₂dsen₅₄ dsí₅ jaun₂ ně₃, ju₁dsi₂quén'₅ 'au'₂. 20 ¡Jag!₄ La₂ chén'₅ jniá₂ o₄'né₄ tē₅; chi₂jua'₂ chan₂ i₂ca₂nág₂ jág₁ quió'₃, niá₅ o₄'né₄ ně₃, jaun₂ bá₄ 'ú₄ dsi₂néi₂ quió'₅, guě'₅₄

* 3:8 o₃, "tsá₃lin₄juin'₅ 'nia'₂." † 3:14 lit. "Le₂la₂juá'₂ ju₁lia'₂ i₂tě'₂ A₂méi₃."

co₂lë₅ quiain'₅₄. ²¹ Jui₁lia'₂ i₂ca₂tió'₃, cuë₄ jma₃caun₂ ja₁tian'₃ cau₅ quió'₃ ne₄ta₁ ja₁gua₄ jniá'₂, jui₁lia'₂ ca₂tió'₃ jniá'₂, jaun₂ ca₂gua₃ con₂ Ne'₃ ne₄ta₁ quió'₅. ²² Jui₁lia'₂ i₂le₁dsi₅₄ rë₂gua₅₄, jui₁nei₅₄ a₂juá'₂ Jme₂dsí'₂ tsí'₅ ca₂le₃jín₃ guá'₅.

4

A₂ lia'₂ qui₂rë₂juin'₂ Diú₄ guei'₅₄ i₂juíg₃

¹ Cang₂ guë₄ jaun₂, ca₂jág₃ táng₃ jniá'₂ caun₂ o₄'né₄ rë₂na₄ guei'₅₄ i₂juíg₃. Jaun₂ ca₂nag₃ jág₁ jaun₂ a₂ca₂nag₃ le₂'uig₅₄ a₂né'₂ në₂jag₄ bá₄ jë₁i₂'ein₅₄ njí₁ trompeta, ca₂juá'₂ tság₅ jniá'₂:

—Uíg₂ ja₁lá₃, jaun₂ 'ë₅₄ ca₂le₃jë₃ a₂niog₅ lé₂ cang₂ guë₄ jë₁ma₂lë₅ a₂ma₂në₂jag'₅₄ në₅.

² Jaun₂ ca₂lë₃ jme₁'en₅₄ jniá'₂ le₃quió'₅ Jme₂dsí'₂, jaun₂ ca₂jnia₃ caun₂ ne₄ta₁ chí'₅ guei'₅₄ i₂juíg₃. Ne₄ ne₄ta₁ jaun₂ jme₁guá'₄ jan₂ dsa₂. ³ Dsa₂ i₂jme₁guá'₄ 'éi₂ në₃, jme₁jniá'₂ tág₅ 'njio₅ lin₃ në₂jag₄ bá₄ ni₁cang₁ tág₅ jaspe o₃ cornalina. Le₃lág'₃ ne₄ta₁ ja₁guá'₄ jaun₂ jme₁jniá'₂ mi₂jo'₅₄ si₂ a₂tág₅ lin₃, në₂jag₄ bá₄ ni₁cang₁ esmeralda. ⁴ Le₃lág'₃ ne₄ta₁ ja₁guá'₄ dsa₂, ca₂jág₃ con'₂ guë₄ guióg₂-quén₂ ne₄ta₁ ja₁tián'₄ guión₂-quén₂ gui'₅₄ can'₅₄ i₂le₁lin₁ le₁qui'₂ jmá'₃ 'mi'₂ tiog₂, tio'₅₄ coronas a₂lë₅ jmá'₃ cu₄nióg₄ dsi₅₄. ⁵ Ja₁chí'₄ ne₄ta₁ jaun₂, qui₂lë₂ si₁ní'₃, chí'₅ co₂mi'₅₄, quia'₂ njí'₃ në₃. Ne₄ ja₁chí'₄ ne₄ta₁ jaun₂, jniá'₂ guio₃ si₂ ni₁tsí'₅ a₂cau₂. A₂jaun₂ në₃ lë₅ ta₁guion₃ jme₂dsí'₂ quián₅ Diú₄. ⁶ Të₂le₃ ne₄ jui₅ ne₄ta₁ në₃, jniá'₂ táng₃ lia'₂ lë₅ jmi₁ní'₄ a₂lë₅ ui'₂ lin₃ jui₁lia'₂ ui'₂ ni₁'i₂.

Dsi₂jo₂, le₂tan₅₄ le₃lág'₃ ja₁chí'₄ ne₄ta₁, jniá'₂ táng₃ quén₂ i₂lín₅ lia'₂ lín₅ já'₂ i₂rë₂can'₂ jmá'₃ mi₂ne₄ lia'₂ le₃ne₅₄ lia'₂ le₃co'₅₄ lag₁₂ në₃. ⁷ Jë₁le₂'uig₅₄ já'₂ quén₂ 'éi₂ në₃, jniá'₂ lia'₂ jniá'₂ dsi₂'ia'₂ león. Jë₁ca₂të₂ on₃, jme₁lín₄ lia'₂ lín₅ jan₂ guein₂ ca₁jui₅. Jë₁ca₂të₂ ún₂, jniá'₂ dsi₂ne₅₄ lia'₂ jniá'₂ dsi₂ne₄ dsa₂ mi₂güig₃. I₂jë₁ca₂të₂ quén₂ në₃, jniá'₂ lia'₂ jniá'₂ i₁mi₂g₂ i₂'en₅ güig₂. ⁸ Jë₁le₃quén₂ le₂jaun₂ në₃, le₁dsi₅₄ jma₃jné₂ tsí₁rë₂cu₅ le₂jain₂ le₂jain₂. Qui₂rë₂lióin₃ mi₂ne₄ le₃co'₅₄ lia'₂ le₃né'₃ në₃. Lia'₂ 'uë₂-jmi₂ bá₄ tsá₃ 'na₂ i₁juá'₄:

Jñio₅ bá₄, jñio₅ bá₄, jñio₅ bá₄,

Te₁gui'₅₄ Diú₄ i₂'uan'₂ guë₄ lin₃,

i₂jme₁lín₄, i₂lín₅ rë₂në₃,

i₂lén₂ co₂tan₅₄ bá₄ ján₃.

⁹ Lia'₂ co₂ráun₂ cuë₅ já'₂ 'éi₂ cuë'₅ ti₁'mag'₄ jme₂juin'₂ guë₄ lin₃ i₂guá'₅ ne₄ ne₄ta₁, i₂chan₂ co₂tan₅₄ në₃, ¹⁰ jaun₂ guë₄ qui₂tón₂ 'uë₃ ta₁guión₂-quén₂ gui'₅₄ can'₅₄ 'éi₂, ne₄ i₂guá'₅ ne₄ ne₄ta₁, qui₂jme₂juin'₂ i₂chan₂ co₂tan₅₄, qui₂dsia₂₃ coronas quió'₅ 'uig₅₄ ne₄ta₁, juá'₂:

¹¹ Te₁gui'₅₄ Diú₄ quián₂,

'ne₂ bá₄ ca₂tíng'₂ guéi'₁ a₂jme₃juag'₂ dsa₂,

'ne₂ bá₄ ca₂tíng'₂ 'éi'₃, jui₅bí₂ në₃.

Ia₁ co₂jaun₂ ca₂rë₃'njio₃ 'au'₂

a₂ca₂rë₃chá₃ ca₂le₃jë₃ a₂cha₂.

5

Si₂ a₂rë₂bín₅ quian'₅₄ guë'₂ Guein₂ Já'₂ Cha'₂

¹ Jaun₂ ca₂jág₃ jniá'₂ i₂guá'₅ ne₄ ne₄ta₁ 'éi₂ chi₁chan'₂ quian'₅₄ gu₂ ne₁ caun₂ mi₂si₂ a₂rë₂bín₅ tio'₅₄ jág₁ lia'₂ le₃co'₅₄ lia'₂ le₃né'₃, a₂chi₁jni₅ dse₃ quian'₅₄ guio₃ bë'₅₄ mi₄cuíng₅. ² Jaun₂ ca₂jíng₅₄ jan₂ ángel i₂'uan'₂ lin₃ quián₅ Diú₄, jniá'₂ chéin'₅ njag₂₃ juá'₂ tiá'₂:

—¿'Ein₂ 'éi₂ i₂ca₂tín₂ niá'₃ si₂ në₅, qui₃choin₃ mi₄cuíng₅ quió'₅ në₃?

³ La₁ on₃ guë'₂ guei'₅₄ i₂juíg₃, on₃ guë'₂ ne₄ gua'₅₄ 'uë₃, on₃ guë'₂ le₃né'₃ guë₄ gua'₅₄ 'uë₃, tsá₃ chan₂ 'i₁jan₂ i₂ca₂tín₂ niá'₃ si₂ jaun₂, on₃ guë'₂ ca₂tín₂ jág₃. ⁴ 'Nio₅ lin₃ ca₂'o₃ jniá'₂ 'uig₅₄

ia₁ a₂tsá₃ 'ein₂ ca₂dsán'₂ 'i₁jan₂, i₂ca₂tín₂ jme₁niá₃ si₂ jaun₂,* on₃ guë'₂ a₂jág₃. ⁵Jaun₂ ně₃, jan₂ i₂lín₅ gui'₅₄ can'₅₄ 'éi₂ ca₂tság₃ jniá₂:

—Tsá₃ lë'₁ au₂ 'ne₂, ia₁ i₂lín₅ 'ia'₂ león quián₅ tsi₁jon₂ Judá, i₂ca₂lín₃ cho'₅₄ Rag₅₄ David, 'éi₂ bá₄ ma₂ca₂tió'₃; 'éi₂ bá₄ ca₂tín₂ niá₃ si₂, le₂jio₅ ta₁guio₃ mi₄cuing₅ quió'₅ ně₃.

⁶Jaun₂ ja₁lë₄ dsi₂jo₂ ne₄ta₁, jë₄ quió'₅ le₃quén₂ já'₂ 'éi₂, jë₄ quió'₅ gui'₅₄ can'₅₄ ně₃, ca₂jing₅₄ jan₂ i₂lín₅ lia'₂ lín₅ Guein₂ Já'₂ Cha'₂ chéin'₅, a₂léin₄ ně₂jag₄ i₂ca₂jon₃ ca₂jñag'₃ dsa₂. Le₁dsi₅₄ guio₃ mi₂juí₁, guio₃ guë'₂ mi₂ne₅₄. Mi₂ne₅₄ jaun₂ ně₃ co₂'nió'₄ guion₃ jme₂dsí₂ quián₅ Diú₄ i₂ma₂'uin₂ a₂chein₅₄ ta₁caun₂ gua'₅₄ 'uë₃. ⁷I₂lín₅ Guein₂ Já'₂ Cha'₂ 'éi₂ ně₃, ñó₃ ca₂tín₂ mi₂si₂ rë₂bin₅ a₂jme₁chi₁chan'₂ le₂gu₂ ne₁ i₂guá₅ ne₄ta₁. ⁸Jme₁ca₂can₃ mi₂si₂, jaun₂ qui₂ca₂tón₂ 'uë₃ le₃quén₂ já'₂ 'éi₂, quian'₅₄ guë'₂ ta₁guión₂-quén₂ gui'₅₄ can'₅₄ ně₃, ca₂tóin₂ ne₄ Guein₂ Já'₂ Cha'₂. Le₂jan₂ le₂jan₂ 'éi₂ ně₃ le₁chan'₂ jma₃cáun₃ tsi₁ton₅ arpa,[†] le₁chan'₂ jma₃cáun₃ guë'₂ ni₁uing₅ ji'₂ a₂lë₅ jmá'₃ cu₄nió₄, a₂le₁can'₂ chen₂, a₂co₂'nió'₄ já₁ a₂qui₂rë₂jen'₅₄ ne₄ Diú₄ a₂qui₂chi₂léi'₂ dsa₂ quián₅.[‡] ⁹Tioin'₅₄ 'ë₂₃ caun₂ canto 'mí₂ la₂:

'Ne₂ bá₄ ca₂tíng'₂ jma'₅₄ mi₂si₂,
a₂chóng'₄ mi₄cuing₅ quió'₅;
ia₁ 'ne₂ bá₄ i₂ca₂jñag'₃ dsa₂.
Quian'₅₄ jmi₂ 'ang'₅₄ a₂ca₂tein'₅₄,
ca₂liáng'₃ dsa₂ mi₂güí₃ le₃quió'₅ Diú₄:

ca₂le₃jín₃ ne₅₄ dsa₂ i₂chan₂,
ca₂le₃jě₃ já₁ jmei₅,
ca₂le₃jě₃ jui₂g₂ te₁'i₁ mi₂güí₃,
ca₂le₃jě₃ tsi₁jon₂ ně₃.

¹⁰Ma₂ca₂jmoi'₅₄ rag₅₄, jme₂dsa₂ ně₃,
le₃quió'₅ Diú₄ quián₂.

Jaun₂ 'éi₂ bá₄ le₃gon₂ ne₄ gua'₅₄ 'uë₃.

¹¹Jaun₂ jme₁ca₂jág₃, ca₂nag₃ jniá₂ já₁ quió'₅ juin₅ ángeles, i₂lë₂ të₂le₃ mei₅, i₂lë₂ ca₂lia'₂ juin₅ lín₃. Jme₁tioin'₅₄ le₃lág'₃ ne₄ta₁ jaun₂, quian'₅₄ guë'₂ já'₂ quén₂ 'éi₂, gui'₅₄ can'₅₄ ně₃,

¹²i₁juá'₄ tiá₂ lín₃:

i₂ca₂tín₂ Guein₂ Já'₂ Cha'₂ i₂ca₂jñag'₃ dsa₂,
a₂le₂goin₂₃, 'io₃ ca₂le₃jě₃ a₂jlá'₁,
a₂tiin₂ a₂ñí'₂ dsí₅,

a₂gue₃ jui₅bí₂, a₂jme₃juag'₂ dsa₂,
a₂léin₂ tág₅ co₂'né'₅, a₂jme₃go₃ dsa₂!

¹³Ca₂nag₃ jniá₂ já₃, ca₂le₃jín₃ i₂chan₂ i₂ca₂jmo'₂ Diú₄ guei'₅₄ mi₂güí₃ quian'₅₄ gua'₅₄ 'uë₃, quian'₅₄ le₃né'₃ 'uë₃; ne₄ jmi₁ñí'₄, i₂chan₂ le₃né'₃ jmi₁ñí'₄ ně₃, i₁juá'₄:

i₂le₃quió'₅ i₂guá₅ ne₄ ne₄ta₁,
le₃quió'₅ Guein₂ Já'₂ Cha'₂ ně₃,
jui₁jme₂go₃ dsa₂ jui₁jme₂juag'₂ dsa₂;
jui₁gue₁₂ a₂tág₅ co₂'né'₅,
jui₁gue₁₂ jui₅bí₂ ně₃
ca₂lia'₂ co₂tan₅₄!

¹⁴Jaun₂ ca₂juá'₂ le₃quén₂ já'₂:

—i₂A₂méi₃!

Ta₁guión₂-quén₂ gui'₅₄ can'₅₄ ně₃ qui₂ca₂tóin₂ 'uë₃ qui₂ca₂jme₃juag'₂.§

* 5:4 A₂lín₅₄ chog₅₄ si₂ juá'₂ já₃: “on₃ guë'₂ 'i₃,” † 5:8 griego: kithara. ‡ 5:8 lit. “dsa₂ jñió₅.” § 5:14 A₂lín₅₄ chog₅₄ si₂ juá'₂: “qui₂ca₂jme₃juin₂ i₂chan₂ co₂tan₅₄.”

6

Ca₂niá₃ ta₁guio₃ mi₄cuing₅

¹ Ca₂jág₃ jniá₂ jme₁ca₂niá₃ Guein₂ Já₂ Cha₂ jë₁le₂'uig₅₄ mi₄cuing₅ guio₃ jaun₂, ca₂né₂ i₁juá₄ jan₂ rin₅₄ i₂quén₂ já₂ 'éi₂. Né₂ lë₅ já₁ quió₅ në₂jag₄ bá₄ jë₁quia₂ 'ñí₃, a₂juá₂':

—¡Ñia₅, jaun₂ jag₅₄!

² Jaun₂ jme₁ca₂jág₃ jniá₂, jaun₂ ca₂jing₅₄ jan₂ i₁cua₁ tion₂. I₂jme₁co₂dsin₅₄ já₂ 'éi₂ në₃ jme₁chan₂ caun₂ ni₁'ma₂ cá₂g₅. Jaun₂ ca₂ñi₂ caun₂ corona, jaun₂ ca₂o₃'íin₃ ñó₃ ne₄ 'nei₂ a₂tió₃ a₂lí₂ 'nei₂.

³ Jme₁ca₂niá₃ Guein₂ Já₂ Cha₂ jë₁ca₂të₂ tin₃ mi₄cuing₅, jaun₂ ca₂nag₃ i₁juá₄ jë₁ca₂të₂ on₃ já₂ 'éi₂:

—¡Ñia₅, jaun₂ jag₅₄!

⁴ Jaun₂ ca₂jnia₃ ca₂o₃'íin₃ táng₃ jan₂ dsi₂cua₁ guén₂; dsa₂ i₂jme₁co₂dsag₅₄ guë₂ në₃, ca₂ñi₂ bí₂ a₂lé₂ jmo₃ a₂ñia₃ a₂'ei₅ tei₄ ta₁caun₂ gua₅₄ 'uë₃, ia₁jaun₂ jme₃dsian₅ dsa₂ riin₅₄. Jaun₂ 'éi₂ në₃ ca₂ñi₂ caun₂ ñi₁tág₂ juë₂.

⁵ Jme₁ca₂niá₃ Guein₂ Já₂ Cha₂ jë₁ca₂të₂ 'ni₅ mi₄cuing₅, jaun₂ ca₂nag₃ táng₃ i₁juá₄ i₂ca₂të₂ ún₂ já₂':

—¡Ñia₅, jaun₂ jag₅₄!

Jaun₂ jme₁ca₂jág₃ táng₃ jniá₂, ca₂jnia₃ táng₃ jan₂ dsi₂cua₁ lian₂; dsa₂ i₂jme₁co₂dsag₅₄ në₃, caun₂ mi₂gu₂ jme₁chan₂ caun₂ cua₅₄ 'éi₃. ⁶ Jaun₂ ca₂né₂ jág₁ jë₄ quió₅ le₃quén₂ já₂, a₂juá₂':

—Caun₂ kilo cui₂ bá₄ le₂caun₂ denario; 'ni₅ kilo cebada le₂caun₂ denario. La₁ tsá₃ i₂'én₅ aceite quian₅₄ vino.

⁷ Jme₁ca₂niá₃ Guein₂ Já₂ Cha₂ jë₁ca₂të₂ quén₂ mi₄cuing₅, jaun₂ ca₂nag₃ i₁juá₄ jë₁ca₂të₂ quén₂ já₂':

—¡Ñia₅, jaun₂ jag₅₄!

⁸ Jme₁ca₂jág₃ jniá₂, ca₂jnia₃ jan₂ dsi₂cua₁ nió₂; i₂jme₁co₂dsag₅₄ në₃, jme₁chein₂ 'Mú₃. Chi₁co₅₄ quió₅ 'éi₂ guë₂ në₃ já₅ jan₂ i₂të₂ Tau₂ 'Ñio₅. * Le₃on₃ 'éi₂ në₃ ca₂ñi₂ bí₂ ne₄ quió₅ gua₅₄ 'uë₃ caun₂ qui₅₄ quió₅ quén₂, a₂jme₃dsian₂₃ dsa₂ quian₅₄ ñi₁tág₂, quian₅₄ a₂le₃'on₄ dsa₂, quian₅₄ jmi₁uig₅, quian₅₄ já₂ tsau₂ dsí₅ në₃, i₂chan₂ gua₅₄ 'uë₃.

⁹ Jme₁ca₂niá₃ Guein₂ Já₂ Cha₂ jë₁ca₂të₂ 'ñiá₂ mi₄cuing₅, ca₂jág₃ jniá₂ né₃ ne₄chei₂ ja₁tion₅₄ jme₂dsí₂ quió₅ dsa₂ mi₂güig₃ i₂ca₂jme₃dsian₅ dsa₂ ne₄ 'uig₅₄ quió₄ jág₁ dse₃ quió₅ Diú₄, quian₅₄ ne₄ 'uig₅₄ quió₄ jág₁ dsau₅ a₂qui₂ca₂can₃. ¹⁰ Jaun₂ tiá₂ né₂ jág₁ quió₅ 'éi₂, i₁juá₄':

—¿Con₂ je₂líg₂ caun₅₄ 'í₁, Te₁gui₅₄ i₂ñi₂o₅ i₂tí₅ jág₁ quiáng₂, ja₁con₂ dsa₂ i₂chan₂ gua₅₄ 'uë₃, jaun₂ caun₅₄ 'ma₅₄ jmi₂ 'au₅₄ jnia₅₄?

¹¹ Jaun₂ qui₂ca₂ñi₂ le₂jain₂ le₂jain₂ 'mi₂ tiog₂. Jaun₂ ca₂né₂ i₁juá₄ a₂jnia₃ guë₄ co₂'na₂, tē₁lia₂ le₃'ñia₅ riin₅₄ i₂jme₂ti₃ ta₁ ne₄ Cristo, i₂'i₄ 'éi₃ dsián₃ guë₄, ju₁lia₂ ca₂dsan₃ 'éi₂.

¹² Jme₁ca₂niá₃ Guein₂ Já₂ Cha₂ jë₁ca₂të₂ jñéi₂ mi₄cuing₅, ca₂jág₃ jniá₂ ca₂i₁bi₅₄ 'uë₃ tiá₂ lin₃. Ca₂të₁tsi₅₄ qui₁né₃, ca₂rë₃liá₃ 'iog₂ në₂jag₄ bá₄ tsi₁'mi₂ taun₅ a₂lë₅ quian₅₄ ni₁ñi₂, a₂quí₅ dsa₂ ja₁ron₅ 'lag₄. Tsi₂ guë₂ në₃ ca₂jnia₃ guéin₂, lia₂ jniá₂ jmi₂. ¹³ Nei₅ guë₂ në₃ qui₂tsi₂ca₂séi₂ 'uë₃ në₂jag₄ bá₄ tsi₂séi₂ míg₂ higo rë₂ jë₁ma₂ca₂guiong₃ dsí₂ tiá₂. ¹⁴ Guei₅₄ dsi₂güig₂ në₃ co₂dsia₅ ca₂i₃'én₂ ca₂bín₃ lia₂ ja₁bín₅ mi₂si₂. Ca₂le₃jë₃ ni₁má₂, ca₂le₃jë₃ 'uë₃ le₁quí₅ jë₄ jmi₁ñí₄ në₃, qui₂ca₂jñi₂óg₃ cau₅ ja₁jme₁niog₅. ¹⁵ Jaun₂ qui₂ca₂'ma₃ ju₁ né₃ tau₂ 'lau₂, ju₁ jë₄ ni₁'lau₂ cha₂ má₂, ju₁lia₂ rag₅₄ i₂gon₂ gua₅₄ 'uë₃, ju₁lia₂ dsa₂ dsen₅₄, ju₁lia₂ dsa₂ juig₅₄ 'lióg₂, ju₁lia₂ dsa₂ i₂cha₂ cu₄, ju₁lia₂ dsa₂ 'uan₂, ca₂le₃jín₃ ju₁lia₂ i₂jme₂ti₃ ta₁ ne₄ juig₅₄, ju₁lia₂ dsa₂ i₂tsá₃ 'ein₂ ne₄ jme₂ti₃ në₃; ¹⁶ qui₂ca₂juá₂ ca₂tsí₃ má₂, ni₁'lau₂:

* 6:8 griego: hades, co₂'nió₄ a₂juá₂, ja₁quió₄ 'lag₄.

—Sen' ⁵⁴nia' ₂ ne ₄ quián' ₂ jnia' ⁵⁴, 'mog' ⁵⁴ jnia' ₅₄ ia₁jaun' ₂ tsá' ₃ já' ₂ i₂guá' ₅ ne₄ta₁ ó' ₃, tsá' ₃ cuë' ₂ jmig' ₄ a' ₂ 'ë' ₂ Guein' ₂ Já' ₂ Cha' ₂ ó' ₃ uig' ₅ a' ₂ nei' ₂. ¹⁷ Ia' ₁ nē' ₃ guë' ₄ dsón' ₂ gua' ₅ jmig' ₄ a' ₂ 'ño' ₅ jaun' ₂ a' ₂ 'ë' ₂ uig' ₅ a' ₂ nei' ₂. ¿'Ein' ₂ bá' ₄ qui' ₅₄ jmig' ₄ tió' ₅?

7

Dsa' tsi'jon' Israel i'lin' léi'

¹ Jme' ₁ma' ₂ca' ₂lë' ₃ jaun' ₂, ca' ₂jing' ₅₄ quén' ₂ ángeles, tióin' ₂ le' ₃quén' ₂ qui' ₅₄ mi' ₂gü' ₃, a' ₂jné' ₅ le' ₃quén' ₂ dsí' ₂ quió' ₅ gua' ₅₄ 'uë' ₃, ia₁jaun' ₂ tsá' ₃ ma' ₃lé' ₂ 'ag' ₃ dsí' ₂ ta' ₁caun' ₂ ne' ₄ gua' ₅₄ 'uë' ₃, on' ₃ guë' ₂ ne' ₄ jmi' ₁ñí' ₄, on' ₃ guë' ₂ ne' ₄ 'i'caun' ₂ ni' ₁'ma' ₂. ² Jaun' ₂ guë' ₄ ca' ₂jing' ₅₄ jan' ₂ ángel sián' ₂, já' ₅ tē' ₂le' ₃ ja' ₁ia' ₂ * 'iog' ₂, já' ₅ 'éi' ₂ quian' ₅ sello quió' ₅ Diú' ₄ jén' ₃. Ángel 'éi' ₂ guë' ₄ nē' ₃ ca' ₂tsí' ₃ le' ₃quén' ₂ ángeles i' ₂jme' ₁ma' ₂ñi' ₂ bí' ₂ a' ₂jmo' ₃ dain' ₅₄ 'uë' ₃ quian' ₅₄ guë' ₂ jmi' ₁ñí' ₄, ca' ₂juá' ₂ tiá' ₂ lin' ₃:

³ —'A' ₃ lē' ₁jmo' ₂ de' ₂ dain' ₅₄ 'uë' ₃, on' ₃ guë' ₂ jmi' ₁ñí' ₄, on' ₃ guë' ₂ ni' ₁'ma' ₂ a' ₂cha' ₂ nē' ₃, ca' ₂lia' ₂ ca' ₂tióng' ₅₄ jnia' ₅₄ léi' ₄ quian' ₅₄ sello ne' ₄ chi' ₁quí' ₃ dsa' ₂ i' ₂jme' ₂ti' ₃ ne' ₄ Diú' ₄ quián' ₂.

⁴ Jaun' ₂ ca' ₂nag' ₃ jniá' ₂ 'a' ₂ con' ₂ tén' ₅ i' ₂ca' ₂lin' ₃ léi' ₄ 'éi' ₂; lē' ₂ caun' ₂ 'ñiá' ₂-láu' ₂ rē' ₂dsí' ₂ tē' ₂láu' ₃-quén' ₂ mei' ₅ (144,000), jmá' ₃ dsa' ₂ tsi' ₁jon' ₂ dsa' ₂ juig' ₂ Israel.

⁵ Guia' ₃-tín' ₂ mei' ₅ dsa' ₂ i' ₂ca' ₂lë' ₃ lén' ₄ dsa' ₂ tsi' ₁jon' ₂ Judá;

 guia' ₃-tín' ₂ mei' ₅ dsa' ₂ tsi' ₁jon' ₂ Rubén;

 guia' ₃-tín' ₂ mei' ₅ dsa' ₂ tsi' ₁jon' ₂ Gad;

⁶ guia' ₃-tín' ₂ mei' ₅ dsa' ₂ tsi' ₁jon' ₂ Aser;

 guia' ₃-tín' ₂ mei' ₅ dsa' ₂ tsi' ₁jon' ₂ Neftalí;

 guia' ₃-tín' ₂ mei' ₅ dsa' ₂ tsi' ₁jon' ₂ Manasés;

⁷ guia' ₃-tín' ₂ mei' ₅ dsa' ₂ tsi' ₁jon' ₂ Simeón;

 guia' ₃-tín' ₂ mei' ₅ dsa' ₂ tsi' ₁jon' ₂ Leví;

 guia' ₃-tín' ₂ mei' ₅ dsa' ₂ tsi' ₁jon' ₂ Isacar;

⁸ guia' ₃-tín' ₂ mei' ₅ dsa' ₂ tsi' ₁jon' ₂ Zabulón;

 guia' ₃-tín' ₂ mei' ₅ dsa' ₂ tsi' ₁jon' ₂ José;

 guia' ₃-tín' ₂ mei' ₅ dsa' ₂ tsi' ₁jon' ₂ Benjamín nē' ₃.

Dsa' i'juin' lin' le' qui' 'mi' tiog'

⁹ Jme' ₁ca' ₂lë' ₃ jaun' ₂, ca' ₂jág' ₃ táng' ₃ jniá' ₂, jaun' ₂ ca' ₂jnia' ₃ juin' ₅ lin' ₃ dsa' ₂, ca' ₂lia' ₂ 'i' ₁jan' ₂ tsá' ₃ 'ein' ₂ qui' ₅₄ jmig' ₄ 'i' ₃ quió' ₅: dsa' ₂ chan' ₂ ca' ₂le' ₃jě' ₃ juig' ₂, ca' ₂le' ₃jě' ₃ tsi' ₁jon' ₂, ca' ₂le' ₃jě' ₃ go' ₄ dsa' ₂, ca' ₂le' ₃jě' ₃ já' ₁ jmei' ₅ nē' ₃. Tióin' ₂ 'uig' ₅₄ ne' ₄ta' ₁ quian' ₅₄ ne' ₄ Guein' ₂ Já' ₂ Cha' ₂, i' ₂le' ₁qui' ₂ 'mi' ₂ tiog' ₂, i' ₂le' ₁chan' ₂ jma' ₃ca' ₂nei' ₅₄ mog' ₅₄ 'ma' ₂tsín' ₅. ¹⁰ Tióin' ₅₄ co' ₂mi' ₅₄ juá' ₂:

Jui' ₁lia' ₂ a' ₂lión' ₂ dsa' ₂,

 já' ₅ quió' ₅ Diú' ₄ quián' ₂ bá' ₄ jniog' ₄ i' ₂guá' ₅ ne' ₄ta' ₁;

 já' ₅ quió' ₅ Guein' ₂ Já' ₂ Cha' ₂ nē' ₃.

¹¹ Jme' ₁tióin' ₂ ca' ₂le' ₃jín' ₃ ángeles le' ₃lág' ₃ ne' ₄ta' ₁, le' ₃lág' ₃ quió' ₅ gui' ₅₄ can' ₅₄ quian' ₅₄ guë' ₂ já' ₂ quén' ₂ 'éi' ₂. Jaun' ₂ qui' ₂ca' ₂tóin' ₂ 'uë' ₃ rē' ₂'éin' ₂ co' ₂ñei' ₅₄, ca' ₂jme' ₃juin' ₂ Diú' ₄, ¹² a' ₂juá' ₂:
jA' ₂mei' ₃!

Le' ₃quió' ₅ Diú' ₄ quián' ₂ bá' ₄ ca' ₂tín' ₂

 ca' ₂le' ₃jě' ₃ a' ₂jme' ₃go' ₃ dsa' ₂,

 ca' ₂le' ₃jě' ₃ a' ₂lén' ₂ tág' ₅ co' ₂'né' ₅,

 ca' ₂le' ₃jě' ₃ a' ₂ñí' ₂ dsí' ₅,

 ca' ₂le' ₃jě' ₃ ti' ₁'mag' ₄,

 ca' ₂le' ₃jě' ₃ a' ₂jme' ₃juag' ₂ dsa' ₂,

 ca' ₂le' ₃jě' ₃ a' ₂le' ₃goin' ₂,

* **7:2** Co' ₂nió' ₄ le' ₃juá' ₅₄, caun' ₂ cosa a' ₂tsá' ₃ 'i' ₁jme' ₂dsí' ₂, a' ₂ca' ₂jmo' ₃ Diú' ₄, 'Nio' ₂ ja' ₁ton' ₅ Salmo 8:3; Romanos 1:25.

ca₂le₃jě₃ jui₅bí₂,
 ca₂lia'₂ co₂tan₅₄. A₂méi₃.
 13 Jaun₂ ně₃, jan₂ gui'₅₄ can'₅₄ 'éi₂ ca₂ṇag₃ jniá₂ ca₂juá'₂:
 —¿'Ein₂ bá₄ i₂le₁qui'₂ tsin'₅₄ tiog₂ tión₂ ně₅? ¿Já'₄ ja₂lén₂?
 14 Jaun₂ ca₂ṇag₄ jniá₂:
 —Ni'₅₄ bá₄ 'ne₂, gui'₅₄.
 Jaun₂ ca₂ṇag₃ táng₃ gui'₅₄ 'éi₂:
 —I₂ně₅ bá₄ 'éi₂ i₂ma₂ṇi₅ Jmi₁uig₅ Juë'₂; ma₂qui₂ca₂rang₃ tsin'₅₄, ma₂jmo₃ tiog₂ ně₃ tēle₃
 quian'₅₄ jmi₂ 'an₅₄ Guein₂ Já'₂ Cha'₂. 15 'Uig₅₄ jaun₂ ně₃,
 tióin₂ ne₄ta₁ ně₅ quió'₅ Diú₄,
 jme₂ti₃ ne₅₄ lia'₂ 'uë₂-jmi₂ dsi₂néi₂ guá'₅ ně₅ quió'₅;
 i₂guá'₅ ne₄ ne₄ta₁ ó₃ ně₃, 'éi₂ bá₄ jmo₃ 'í₁
 ně₂jag₄ a₂qui₃jlin₂ dsa₂ quian'₅₄ 'mi'₂ 'én'₁ quió'₅.
 16 Tsá₃ ma₃qui₂i₁cón'₅ lé₂,
 on₃ guë'₂ ma₃qui₃le₃quein₂ dsí₅, i₁'ín'₂ jmi₂g₂,
 on₃ guë'₂ ma₃qui₃ṇág₂ guë'₄ uig₅
 jua'₅₄ a₂dséi₂ 'iog₂.
 17 Ia₁ Guein₂ Já'₂ Cha'₂
 i₂guá'₅ dsi₂jo₂ ne₄ta₁ ně₅ bá₄
 jmo₃ 'í₁
 ně₂jag₄ dsa₂ i₂jmo₅ 'í₁ já'₂ cha'₂ quián₅,
 jiog₃ jui₅ tu₁ jmi₂g₂ ja₁'ia₂ jmi₂g₂ jén'₃.
 Jaun₂ qui₃chí₃ Diú₄ jme₁ne₁₂
 ca₂le₃jě₃ jmi₂g₂ a₂le₁'ág₄.

8

Mi₄cuing₅ jě₁ca₂tě₂ guio₃

1 Jme₁ca₂niá₃ guë'₂ táng₃ Guein₂ Já'₂ Cha'₂ jě₁ca₂tě₂ guio₃ mi₄cuing₅ quió'₅ mi₂si₂ a₂rě₂bin₅,
 jaun₂ ca₂tě₁tsi'₅₄ tei₄ guei'₅₄ i₂juí₃ con'₂ ca₂jau₅₄ hora. 2 Ján₃ bá₄ ca₂jín₄ jniá₂ ta₁guion₃
 ángeles i₂tión₂ ne₄ Diú₄. 'Éi₂ guë'₂ ně₃ ca₂ṇi₂ guio₃ ṇí₂ trompetas. 3 Cang₂ jaun₂ ca₂já₃ táng₃
 jan₂ ángel ca₂o₃náu₃ ne₄chei₂, chi₁chan'₂ caun₂ ṇí₁ tó'₅ chen₂, a₂lě₅ jmá'₃ cu₄nióg₄. Jaun₂
 ca₂ṇi₂ 'lióng₂ chen₂, jaun₂ jén'₃ co₂dsia₅ quian'₅₄ jág₁ a₂chi₂lí'₂ ca₂le₃jín₃ dsa₂ i₂tén₅ le₃quió'₅
 Diú₄, * dsia₃ ne₄ ne₄chei₂ a₂lě₅ cu₄nióg₄ a₂chí'₅ 'uig₅₄ ne₄ta₁. 4 Jaun₂ ca₂jṇáu₂ jme₁ṇi₁ chen₂
 lia'₂ jma₃quian'₅₄ jág₁ a₂chi₂lí'₂ dsa₂ quián₅ Diú₄, qui₂ca₂'uë₂ o₄gú₃ ángel le₃ne₄ Diú₄. 5 Jaun₂
 ca₂tín₂ ángel ṇí₁ a₂tó'₅ chen₂, jaun₂ ca₂jme₃cain'₂ míg₂ si₂tá'₃ tio'₅₄ ne₄chei₂, jaun₂ ca₂guia'₃
 jaun₂ ně₃, ne₄ gua'₅₄ 'uë₃. Jaun₂ ca₂lě₃ gau₂ ca₂quia'₂ ṇí'₃, ca₂tě₁tsi'₅₄ co₂mi'₅₄, qui₂ca₂'né'₃
 si₁ṇí'₃, ca₂i₁bi₅₄ 'uë₃ ně₃.

Ní₁ trompetas

6 Jaun₂ ně₃, le₃guion₃ ángeles i₂le₁chan'₂ ṇí₁ trompetas, ca₂jmo₃ co₂jnia₅₄ a₂jéi₂ ṇí₁ quió'₅.
 7 Jaun₂ ca₂jéi₂ jě₁le₂'uig₅₄ ángel ṇí₁ quió'₅, jaun₂ dsi₂jui₅ le₂jaun₂ ca₂séi'₂ mi₂dsí₅ quian'₅₄
 míg₂ si₂tá'₃ a₂qui₂rě₂cón'₅ jmi₂, ca₂tang₂ ne₄ gua'₅₄ 'uë₃. Jaun₂ guë'₄ ca₂cáu₂ ca₂qui'₅₄ quió'₅
 'ni₅ quió'₅ gua'₅₄ 'uë₃; qui₂ca₂cáu₂ ca₂qui'₅₄ quió'₅ 'ni₅ quió'₅ ni₁'ma₂ a₂cha₂ 'ṇa₁; qui₂ca₂cáu₂
 guë'₄ ca₂le₃jě₃ nau₂ rě'₂.
 8 Jaun₂ ca₂jéi₂ jě₁ca₂tě₂ on₃ ángel ṇí₁ quió'₅, jaun₂ ca₂jnia₃ ṇó₃ ca₂qui'₃ a₂lě₅ lia'₂ lě₅ má'₂ ne₄
 jmi₁ṇí'₄, jniá₂ chi₁guí'₂ si₂ ṇó₃. Jaun₂ ca₂lě₃ jmi₂ ca₂qui'₅₄ quió'₅ 'ni₅ quió'₅ jmi₁ṇí'₄. 9 Jaun₂
 ca₂dsan₃ ca₂qui'₅₄ quió'₅ 'ni₅ jui₁lia'₂ já'₂ i₂chan₂ jmi₁ṇí'₄, jaun₂ ca₂'en₃ ca₂qui'₅₄ quió'₅ 'ni₅
 jui₁lia'₂ ni₁barcos ján₃.

* 8:3 lit. "ca₂le₃jín₃ dsa₂ jnió₅."

10 Jaun₂ ca₂jéi₂ jē₁ca₂tē₂ ún₂ ángel n₁ quió'₅, jaun₂ ca₂tá'₂ caun₂ nei₅ pa₁a chi₁guí'₂ si₂ ca₂tá'₂ guei'₅₄ dsi₂güig₂, qui₂cau₂ lia'₂ cau₂ ni₁qui₂; ca₂tá'₂ ne₄ ca₂qui'₅₄ quió'₅ 'ni₅ ca₂le₃jě₃ cuá₃, ne₄ ca₂le₃jě₃ o₄tu₁ jmig₂ ně₃. 11 Nei₅ jaun₂ chei₂ Nei₅† Dsi'₃. Jaun₂ ca₂lě₃ dsi'₃ ca₂qui'₅₄ quió'₅ 'ni₅ jui₁lia'₂ jmig₂ cha₂gua'₅₄ 'uě₃. Jaun₂ juin₅ lin₃ dsa₂ i₂ca₂dsan₃ ia₁ ca₂'in'₃ jmig₂ dsi'₃ jaun₂, 'uig₅₄ ia₁ a₂ca₂lě₃ dsi'₃ jmig₂.

12 Jaun₂ ca₂jéi₂ jē₁ca₂tē₂ quén₂ ángel n₁ quió'₅, jaun₂ ca₂ba₅₄ ca₂qui'₅₄ quió'₅ 'ni₅ quió'₅ 'iog₂, ca₂qui'₅₄ quió'₅ 'ni₅ quió'₅ tsi'₂, ca₂qui'₅₄ quió'₅ 'ni₅ jui₁lia'₂ nei₅ ně₃, ia₁jaun₂ néi₃ ca₂qui'₅₄ quió'₅ 'ni₅ ca₂le₃jě₃ a₂jaun₂, ia₁jaun₂ tsá₃ ma₃jnia₃ ca₂qui'₅₄ quió'₅ 'ni₅ a₂jmi₂, ján₃ bá₄ le₂jaun₂ a₂'uě₂.

13 Jaun₂ ca₂jág₃ jniá₂ táng₃, ca₂jing₅₄ jan₂ i₁mi₂ i₂ni₅ 'en₅ dsi₂güig₂, ca₂né'₂ tiá₂ jág₁ quió'₅, i₁juá'₄:

— ¡Juíg₂! ¡Juíg₂! ¡Juíg₂ guě₄ lin₃ jui₁lia'₂ i₂chan₂ ne₄ gua'₅₄ 'uě₃, 'uig₅₄ n₁ trompetas a₂ně₃ guě₄ dsi₃'ein₅₄ a₂jéi₂ le₃ún₂ ángeles i₂'nió'₅ guě₄ 'éi₂!

9

1 Jaun₂ ca₂jéi₂ jē₁ca₂tē₂ 'niá₂ ángel n₁ quió'₅, jaun₂ ca₂jín₄ jniá₂ jan₂ nei₅ i₂ca₂tán'₂ guei'₅₄ i₂juíg₃ ca₂tē₂ gua'₅₄ 'uě₃. * Ca₂ni₂ n₁ llave a₂ca₂tín₂ quió'₅ ja₁ca₂jein₃ chi₁dsio₅₄. 2 Dsi₂jui₅ jme₁ca₂niá₃ 'éi₂ ja₁jaun₂, jaun₂ ca₂'ia₂ jme₁ni₁ 'nei₂ jui₁lia'₂ jme₁ni₁ a₂'uě₂ tau₂ si₂ pa₁ lin₃ ja₁jme₂jmág₂ dsa₂ ni₁n₁. Jaun₂ co₂dsia₅ ca₂lě₃ qui₁né'₃ 'iog₂, dsi₄ mi₂güig₃ ně₃ quian'₅₄ jme₁ni₁ a₂ca₂'ia₂ ja₁jaun₂. 3 Jē₄ jme₁ni₁ jaun₂ ca₂'uin₂ i₁ni'₂ ca₂l₁nioi₁₂ tsi₁co₂jě'₂ 'uě₃. I₁ni'₂ 'éi₂, ca₂ni₂ bí₂ a₂lín₅ jui₁lia'₂ lín₅ i₁'né₅ i₂chan₂ gua'₅₄ 'uě₃. 4 Jaun₂ ca₂ni₂ 'éi'₃ a₂tsá₃ dain₅₄ jmo₃ jui₁lia'₂ 'au₂ a₂cha₂ gua'₅₄ 'uě₃, on₃ guě'₂ 'i₁caun₂ a₂rě'₂ jui₁lia'₂ mog'₅₄ 'ma₂ a₂cha₂ ně₃. Bí₂ jaun₂ bá₄ ca₂ni₂, a₂jmo₃ dain₅₄ jmá'₃ lia'₂ dsa₂ i₂tsá₃ léi₄ quió'₅ Diú₄ le₁quian₅ chi₁quí₃. 5 La₁ tsá₃ 'éi'₃ jaun₂ ca₂ni₂ jua'₅₄ a₂co₂dsia₅ jme₃dsiain₂₃ dsa₂; a₂jnia'₅₄ con'₂ 'ě₃ jmi₁uig₅ ca₂lia'₂ ca₂dsin₃ 'niá₂ tsi'₂. Uig₅ a₂cuě₂₃ jaun₂ lě₅ lia'₂ lě₅ caun₂ uig₅ qui'₂ jui₁lia'₂ ja₁'í₅ i₁'né₅ quió'₅ dsa₂. 6 Jmig₄ jaun₂ qui₃'no'₂ dsa₂ 'mú₃, la₁ tsá₃ a₁jaun₂ dsio'₂. 'fn₅ dsí₅ jua'₅₄ dsiáin₃ bá₄ co₂nei'₅₄, la₁ 'mú₃ ně₃, cuing₃ ja₁coin₂.

7 I₁ni'₂ 'éi₂ ně₃, jme₁lín₄ lia'₂ lín₅ dsi₂cua₁ i₂lě₅ co₂jnia₅₄ dsi₃lén₂ ne₄ 'nei₂. Mi₂dsi₅₄ guě'₂ ně₃ jme₁le₁quian₅ a₂lě₅ lia'₂ lě₅ coronas a₂lě₅ cu₄nió₄. Dsi₂ne₄ guě'₂ jme₁lě₄ lia'₂ lě₅ dsi₂ne₄ dsa₂ mi₂güig₃. 8 Jni₂ dsi₅₄ guě'₂ ně₃, jme₁lě₄ lia'₂ lě₅ jni₂ dsi₄ dsa₂ mí₂. Mi₂jan₅₄ guě'₂ jme₁lě₄ lia'₂ lě₅ mi₂jan₄ 'ia'₂ león. 9 Guion₅₄ guě'₂ já'₂ qui₂rě₂lióin₃ rě₂, lě₅ 'í₁ quian'₅₄ a₂lě₅ lia'₂ lě₅ ni₁n₁. Mi'₅₄ a₂tó'₅ tsi₁rě₂cu₅ jē₁ma₂'in₂ ně₃, jme₁lě₄ jui₁lia'₂ lě₅ mi'₅₄ a₂tó'₅ 'lióng₂ n₁ carretas a₂'in₅ dsi₂cua₁ co₂'ei₅ ne₄ 'nei₂. 10 Ne₁con₅ a₂le₁dsi₅₄ guě'₂ ně₃, jme₁lě₄ jui₁lia'₂ lě₅ ne₁con₅ i₁'né₅ le₁dsi₅₄ táun₂. Jui₅ nei'₅₄ con₅ jaun₂, 'io₅ bí₂ a₂le₃jmái'₂ dain₅₄ dsa₂, con'₂ 'niá₂ tsi'₂. 11 Ne₄ i₁ni'₂ 'éi₂ jme₁gon₂ jan₂ rag₅₄, i₂lín₅ ángel i₂niog₅ ne₄ ja₁ca₂jein₃ chi₁dsio₅₄. Jme₁chein₂ Abadón quian'₅₄ jág₁ jmei₅ hebreo. Le₃quian'₅₄ jág₁ jmei₅ griego guě'₂, chei₂ Apolión, co₂'nió'₄ i₂tě'₂ I₂qui₂'én₂.

12 Le₂'uig₅₄ jmi₁uig₅ ma₂ca₂ηag₅; la₁ 'ei₅ guě₄ con'₂ guě₄ tin₃, a₂ně₅ guě₄ ηág₃ dsa₂.

13 Jaun₂ ca₂jéi₂ jē₁ca₂tē₂ jné₂ ángel n₁ quió'₅. Jaun₂ ca₂nag₃ jág₁ a₂'ia₂ jē₄ ta₁quén₂ gua₄ a₂le₁dsi₅₄ ne₄chei₂ a₂lě₅ cu₄nió₄ a₂chí'₅ ne₄ Diú₄. 14 Ca₂juá'₂ ca₂tsí'₃ ángel i₂jē₁ca₂tē₂ jné₂ 'éi₂, i₂chan'₂ n₁ trompeta, ca₂juá'₂:

— 'Uin'₅₄ le₃quén₂ ángeles i₂le₁'ne'₅₄ cau₅ cuá₃ juě'₂ Eufrates.

15 Jaun₂ qui₂ca₂'uin'₂ le₃quén₂ ángeles 'éi₂ i₂jme₁lě₄ 'í₁ o₄quió'₄ hora la₂, jmig₄ ně₃, tsi'₂ la₂, ni₂ la₂ ně₃, i₂jme₁lě₄ co₂jnia₅₄ ia₁jaun₂ i₂jme₁dsiain₂₃ ca₂qui'₅₄ quió'₅ 'ni₅ jui₁lia'₂ dsa₂ mi₂güig₃. 16 Jmá'₃ lia'₂ 'lióng₂ i₂co₁dsin₅₄ cua₁, tén₅ tin₃ 'niá₂-lón₂ millón. Ca₂nag₃ bá₄ jniá₂ 'a₂ con'₂ téin₅ lě₂.

† 8:11 Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * 9:1 'Nio'₂ ja₁ton₅ Isaías 14:12-15; Lucas 10:18; Apocalipsis 12:9.

17 Le₂ně₅ bá₄ ca₂jág₃ a₂lě₅ca₂jág₃ jaun₂, qui₂ca₂jing₅₄ cua₁ quian'₅₄ dsa₂ i₂co₁dsag₅₄ 'éi₂. Le₁lióg₃ le₁dsí₅ dsa₂ jma₃cáun₃ a₂lě₅ 'í₂ a₂jniá₂ guéin₂, a₂lian₂, quian'₅₄ gué'₂ a₂nióg₂ lia'₂ nióg₂ azufre. Mi₂dsi₄ dsi₂cua₁ gué'₂ ně₃, jniá₂ lia'₂ jniá₂ mi₂dsi₄ 'ia'₂ león. Jui₅ mi₂'o₅₄ gué'₂ ně₃ 'ia₂ si₂, 'ia₂ jme₁ñi₁, azufre ně₃. 18 Jaun₂ ca₂dsan₃ ca₂qui'₅₄ quió'₅ 'ni₅ jui₁lia'₂ dsa₂ mi₂güig₃ quian'₅₄ 'ni₅ jmi₁uig₅ a₂qui₂ca₂'uē₂ mi₂'o₄ dsi₂cua₁ 'éi₂: a₂lě₅ si₂, jme₁ñi₁, quian'₅₄ azufre ně₃. 19 Ia₁ bí₂ a₂jme₁le₁quian'₅₄ dsi₂cua₁ jme₁'io₂₃ jui₅ mi₂'o₅₄ quian'₅₄ jui₅ ne₁con₅ ně₃. Ia₁ jme₁lě₄ nei'₅₄ con₅ 'éi₂ lia'₂ lín₅ dsi₂mi'₂, a₂qui₂le₁dsi₅₄ mi₂dsi₅₄. Quian'₅₄ a₂jaun₂ jmo₂₃ dain₅₄. 20 Dsa₂ i₂ca₂chón₂, i₂tsá₃ ca₂dsan₃ quian'₅₄ jmi₁uig₅ a₂qui₂ca₂lě₃ jaun₂, tsá₃ jua'₅₄ jaun₂ qui₂ca₂tí₂ 'e₂ jmo₅-dsáu₅ gu₂-tag₅₄, jua'₅₄ a₂tsá₃ ma₃chi₂lěin'₂ je₂na'₅₄, on₃ gué'₂ qui₂ca₂tí₂ a₂tsá₃ ma₃jme₂juiin'₂ diú₄ lag₄ i₂lín₅ quian'₅₄ cu₄nióg₄ quian'₅₄ cu₄tiog₂, quian'₅₄ ni₁ñi₁ nióg₂, quian'₅₄ ni₁cang₁, quian'₅₄ ni₁'ma₂ ně₃; on₃ i₂lé₂ ñi₃, on₃ i₂lé₂ dsia₃ jág₁, on₃ i₂lé₂ jág₃, on₃ gué'₂ lé₂ nag₃ ně₃. 21 On₃ gué'₂ qui₂ca₂tí₂ jua'₅₄ a₂tsá₃ ma₃jme₃dsiain₂₃ dsa₂ mi₂güig₃ riin'₅₄, on₃ gué'₂ qui₂ca₂tí₂ ta₁ a₂jme₁jmo₂₃ m'í₅ a₂chan₂ dsí₅.† On₃ gué'₂ qui₂ca₂tí₂ jua'₅₄ tsá₃ ma₃nió'₅ jág₁ a₂tsá₃ dsi₂ten₅₄ nió'₃, on₃ gué'₂ qui₂ca₂tí₂ jua'₅₄ a₂tsá₃ ma₃'ang₃ ně₃.

10

Mi₂si₂ pí'₁ rě₂bín₅

1 Jaun₂ ca₂jing₅₄ táng₃ jan₂ ángel sián'₂, i₂'uan'₂ lín₃, ca₂jniai₃ já₅ ca₂sióin₃ guei'₅₄ i₂juig₃, rě₂lióin₃ jnei₅ rě₂lag₄ lí₁ lia'₂ jniá₂ mi₂jo'₅₄ si₂ mi₂dsi₅₄. Jme₁tág₅ dsi₂ne₅₄ lia'₂ tág₅ 'iog₂; mi₂tag₅₄ gué'₂ ně₃, jme₁lě₄ lia'₂ lě₅ tag₄ dsi₅ ni₁'ia'₂, a₂tág₅ si₂. 2 Jme₁chi₁chan'₂ caun₂ mi₂si₂ pí'₁ a₂rě₂bín₅, a₂rě₂na₄. Jaun₂ ca₂chi'₃ mi₂tag₅₄ ne₁ ne₄ jmi₁ñi'₄, tag₅₄ jen₅ gué'₂ ca₂chi'₃ ne₄ 'uē₃. 3 Jaun₂ ca₂guió'₃ tiá₂, lia'₂ jě₁'nióg₁ 'ia'₂ león. Jaun₂ dsi₂jui₅ jme₁ca₂guió'₃, ca₂quia'₂ ta₁guio₃ ñi'₃, qui₂ca₂'uē'₃ jág₁ quió'₅. 4 Jme₁ma₂ně₂dsia₃ jág₁ ta₁guio₃ ñi'₃, jaun₂ gué'₄ jme₁ma₂taun₅₄ ne₄ si₂. La₁ ca₂né'₂ jág₁ a₂jág₃ guei'₅₄ i₂juig₃, ca₂juá'₂ tság₅ jniá₂:

—Ma₄ jág₁ a₂ně₂juá'₂ guio₃ ñi'₃ ně₅, 'a₃ lě₁taun₂ de'₂ ne₄ si₂.

5 Jaun₂ ángel i₂ca₂jing₅₄, i₂chén'₅ chí'₅ caun₂ tag₅₄ ne₄ jmi₁ñi'₄ caun₂ gué'₂ tag₅₄ ne₄ 'uē₃, ca₂chóg₃ gu₂ ne₁ jui₅ guei'₅₄ i₂juig₃. 6 Jaun₂ ca₂juá'₂ ca₂'iin₃ i₂chan₂ co₂tan₅₄, i₂ca₂jmo₃ ca₂dsia₃ mi₂güig₃, quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ guei'₅₄ mi₂güig₃ quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ jmi₁ñi'₄, quian'₅₄ ca₂le₃jě₃ a₂tio'₅₄ ja₁jaun₂; ca₂juá'₂:

—Tsá₃ ma₂uē₂ le₃'ag₄. 7 La₁ jě₁ma₂tě₂ jmi₁g₄ jě₁ma₂ca₂jéi₂ ángel i₂ca₂tě₂ guion₃ 'éi₂ ñi₁ trompeta quió'₅, jmi₁g₄ jaun₂ dé₄ dsón'₂ le₃ti₃ jág₁ a₂rě₂'ma₄ quió'₅ Diú₄, a₂ca₂'ě₂ ne₄ dsa₂ i₂jme₁'ě₂ jág₁ quiáin₅, i₂ca₂jme₃ti₃ ta₁ ne₅₄.

8 Jaun₂ jág₁ a₂ca₂nag₃ a₂jág₅ guei'₅₄ i₂juig₃ jaun₂, ca₂juá'₂ táng₃ ca₂tság₃ jniá₂:

—Gua₂, o₂quian₂ mi₂si₂ pí'₁ a₂rě₂na₄ a₂chi₁chan'₂ ángel i₂chén'₅ ne₄ jmi₁ñi'₄, ne₄ gua'₅₄ 'uē₃.

9 Jaun₂ ñó₃ jniá₂ ja₁chén'₄ ángel, jaun₂ ca₂juig₂ jniá₂ a₂cuē₃ mi₂si₂ pí'₁. Jaun₂ ca₂juá'₂ 'éi₂ ca₂tság₃ jniá₂:

—Ján'₅, tio'₂ mi₂'o₅₄ co₂dsia₅ jme₁dsia₂ qué'₂. A₂jma₂ rau₂ bá₄ ně₅, la₁ jě₁ma₂dsióg₃ tě₂'au'₂, le₃dsi'₃ bá₄.

10 Jaun₂ ca₂ting₂ si₂ a₂ca₂cuē₃ ángel 'éi₂. Jaun₂ ca₂tó'₃ mi₂'o₃. Dsón'₂ bá₄ ráu₂ 'ñio₅ lín₃, lě₅ lia'₂ lě₅ jmi₁tá'₄. La₁ jme₁ma₂ně₂nág₃ jniá₂ ně₃, ca₂rě₃léi₄ 'e₂ bá₄ dsi'₃ ca₂dsióg₃ tě₂dsi₃.

11 Jaun₂ ca₂juá'₂ ca₂tság₃ jniá₂:

—Tion₅₄ 'nió'₅ o₁'ě₃ bá₄ táng₃ 'ne₂ jág₁ ne₄ ca₂le₃jin₃ ne₅₄ dsa₂, ne₄ 'lióng₂ juig₂, ne₄ 'lióng₂ jág₁ jmei₅, ne₄ jui₅ rag₅₄ ně₃.

11

Le₃on₃ dsa₂ i₂jáng'₅ jág₁ dsau₅

† 9:21 griego: farmakeía.

¹ Jaun₂ ca₂ŋi_{g2} ca₂'nau₅₄ 'ma₂ta₅ a₂lě₅ lia'₂ lě₅ ni₁'ma₂ a₂quiog₂ dsa₂ 'éi'₃. Jaun₂ ca₂nag₃ ca₂juá'₂:

—Nau₂, o₂quiog₂ 'éi'₃ quió'₅ guá'₅ quió'₅ Diú₄, o₂quiog₂ 'éi'₃ ne₄chei₂ ně₃. O₁'én₁ dsa₂ i₂tón'₅ jme₂juin'₂ Diú₄ ja₁jaun₂. ² Tsá₃ cán'₁ 'éi'₃ i₁dsi₅ guá'₅ a₂lě₅ le₃ca₁'né₄, ia₁ a₂ma₂lě₅ quió'₅ dsi₂nau₂ bá₄ ja₁jaun₂; jaun₂ 'éi₂ bá₄ dsa₂ i₂qui₃tsó'₃ ta₁caun₂ juig₂ ŋi_{ó5} jaun₂ con'₂ ca₂dsin₃ tē₂láu₃-tin₃ tsi'₂. ³ Tsin₅₄ bá₄jniá₂ on₃ dsa₂ i₂jáng'₅ jág₁ dsau₅ o₄quió'₃, a₂qui₃'ě₂ jág₁ caun₂ mei₅ rē₂dsí₂ tin₃ 'ŋiá₂-láu₂ rē₂dsí₂ 'nag'₂ ne₂guióg₂ (1260) jmig₄, le₁qui'₂ 'mi'₂ lia'₂ ju₁lia'₂ a₂quí'₅ dsa₂ ja₁ron₅ 'lag₄.

⁴ Co₂'nió'₄ dsa₂ on₃ i₂jáng'₅ jág₁ dsau₅, lě₅ co₂'nió'₄ tin₃ ni₁'ma₂ olivos, quian'₅₄ guē'₂ tin₃ tag₄ ja₁le₁guí'₂ si₂, a₂tióng₂ ne₄ Te₁gui'₅₄ i₂lín₅ juig₅₄ gua'₅₄ 'uē₃. ⁵ Nē₁jua'₂ 'ein₂ 'nio₃ jmóg'₂ dain₅₄, la₁ quian'₅₄ si₂ a₂'uē'₅ 'o₄ bá₄ 'éi₂ co₂dsia₅ dság'₂ dsin'₂ ca₂le₃jín₃ i₂'iog₅₄. Jaun₂ le₂ně₅ bá₄ ca₂tín₂ dsián₃ ju₁lia'₂ i₂'nio₃ jmá'₂ dain₅₄ 'éi₂. ⁶ I₂jáng'₅ jág₁ dsau₅ 'éi₂ ně₃ 'io₃ bí₂ a₂lé₂ jnéi₂ guei'₅₄ mi₂güig₃ ia₁jaun₂ tsá₃ ma₃lé₂ téin₃ jmí₅ ca₂le₃jě₃ jmig₄ tē₁lia'₂ tē₂i₃nioi₅₄ qui₃'ě₂ jág₁ o₄quió'₄ Diú₄. Jaun₂ 'io₃ bí₂ ján₃ a₂lé₂ le₃jmo₃ lé₂ jmi₂ ju₁lia'₂ jmig₂, a₂lé₂ qui₃cuē₃ ca₂le₃jě₃ ne₅₄ jmi₁uig₅ ne₄ gua'₅₄ 'uē₃ i₂gú'₃ ráun₂ 'a₂ con'₂ ŋjia'₅₄ 'nio₃. ⁷ La₁ jē₁ma₂dsan₃ ta₁ quió'₅ 'éi₂ ně₃ a₂qui₃jáng'₃ jág₁ dsau₅, jaun₂ guē₄ o₃'in₅ Já₂ 'Lin'₅₄* ja₁ca₂jein₃ chi₁dsio₅₄. 'Éi₂ guē₄ cuē₃, jo₅₄, jme₃dsiog₂₃. ⁸ Jē₄ calle juig₂ dsen₅₄ jaun₂, le₁gain'₅₄ le₁'lin₁₂ lé₂, co₂'nió'₄ ja₁chei₂ quian'₅₄ jág₁ jáng'₅ léi₄, Sodoma quian'₅₄ Egipto, ján₃ bá₄ ja₁ca₂tion₃ dsa₂ cróg₄ Te₁gui'₅₄ quiáin₅.† ⁹ Con'₂ 'ni₅ jmig₄ rē₂tón₂ con'₂ dsi₃ŋí'₃, ca₂le₃jín₃ dsa₂ chan₂ le₂con₂ juig₂, ca₂le₃jín₃ ne₅₄ dsa₂, ca₂le₃jě₃ ne₅₄ jag₄ dsa₂, jág₃ jín₂ 'lag₄ 'éi₂. La₁ tsá₃ 'ein₂ ŋe₂ jmig₄ jua'₅₄ a₂dsi₃'ó₃. ¹⁰ Ca₂le₃jín₃ dsa₂ i₂chan₂ guē₄ gua'₅₄ 'uē₃, 'ŋio₅ tóin'₃ jmo₃ 'io'₂ o₄quió'₄ 'éi₂, jmo₃ jmig₄ a₂cha₂ qui₂dsi₃can₅ cuē'₃ riin'₅₄. Ia₁ dsa₂ on₃ quián₅ Diú₄ i₂ca₂dsan₃ 'éi₂, 'ŋio₅ lin₃ jme₁le₁quian₅ jmi₁uig₅ ja₁con₂ dsa₂ i₂chan₂ gua'₅₄ 'uē₃. ¹¹ La₁ jme₁ca₂dsin₃ 'ni₅ jmig₄ tón₂ con'₂ dsi₃ŋí'₃ jaun₂, Diú₄ ně₃ ca₂tó'₂ táng₃ jme₂dsi₂ quió'₅ dsa₂ 'éi₂, jaun₂ qui₂ca₂nau₂ táng₃. Jaun₂ ca₂i₃gó'₃ dsí₅ 'ŋio₅ lin₃ dsa₂ i₂ca₂jág₂. ¹² Jaun₂ qui₂ca₂nág₂ jág₁ tiá₂ a₂já₅ ju₁5 guei'₅₄ i₂juig₃ a₂ca₂juá'₂:

—I₂nó'₅ 'nia'₂ guei'₅₄ la₂.

Jaun₂ ca₂i₃lén₂ ju₁5 guei'₅₄ i₂juig₃ rē₂lióin₃ jnei₅, tē₃ jág₅ jaun₂ dsa₂ i₂jme₁'iog₅₄. ¹³ Hora jaun₂ dé₄ ca₂i₁bi₅₄ 'uē₃ tiá₂ lin₃. Jaun₂ qui₂ca₂gon₃ ca₂qui'₅₄ quió'₅ guia₃ juig₂ ciudad. Guio₃ mei₅ dsa₂ i₂ca₂dsan₃ jme₁ca₂jě'₂ 'uē₃. Dsa₂ i₂ca₂chón₃ guē₄ ně₃, qui₂ca₂can₃ juē'₅ dsí₅ 'ŋio₅ lin₃. Ca₂jme₃juin'₂ Diú₄ i₂guá₅ guei'₅₄ i₂juig₃.

¹⁴ Jaun₂ co₂ně₅ ca₂lě₃ jē₁ca₂tě₂ tin₃ jmi₁uig₅ a₂ca₂i₃ŋí₂ dsa₂ jaun₂. La₁ ŋi'₅₄ ta₁ jiá₃ táng₃ jē₁ca₂tě₂ 'ni₅.

Jē₁ca₂tě₂ guio₃ trompeta

¹⁵ Jaun₂ ca₂jéi₂ táng₃ jē₁ca₂tě₂ guion₃ ángel ŋí₁ quió'₅, jaun₂ qui₂ca₂né'₂ jág₁ guei'₅₄ i₂juig₃ qui₂i₁juá'₄ tiá₂ lin₃:

Ja₁gon₂ dsa₂ mi₂güig₃ ne₄ gua'₅₄ 'uē₃,
ma₂ca₂lě₃ ja₁gon₂ Te₁gui'₅₄ quián₂ jniog₄,
ja₂gon₂ dsa₂ I₂rē₂'ín₁ quiáin₅ ně₃.

Jaun₂ 'éi₂ bá₄ i₂gon₃ ca₂lia'₂ co₂tan₅₄.

¹⁶ Jaun₂ ta₁guión₂-quén₂ i₂lín₅ dsa₂ can'₅₄ i₂tián'₅ ne₄ta₁ quió'₅ ne₄ Diú₄, qui₂ca₂tóin₂ tē₂ 'uē₃ rē₂'éin₂ co₂ŋei'₅₄, ca₂jme₃juin'₂ Diú₄, ¹⁷ qui₂ca₂juá'₂:

Cuē₂ jnia'₅₄ ti₁'mag'₄ 'ne₂,
Te₁gui'₅₄ Diú₄ i₂'Uan'₂ guē₄ lin₃,
'ne₂ bá₄ i₂lín₅, 'ne₂ i₂jme₁lín₅,‡
ia₁ ma₂ca₂jme₁'ŋi_{ó2} 'ne₂ bí₂ juē'₂ quiáng'₂,

* **11:7** 'Í₂ Apocalipsis 13; 'Nio'₂ ja₁ton₅ Apocalipsis 20:2-3 ján₃. † **11:8** A₂lin₅₄ chog₅₄ si₂: "Te₁gui'₅₄ quián₂." ‡ **11:17** A₂lin₅₄ chog₅₄ si₂ juá'₂ ján₃: "'ne₂ bá₄ i₂lén'₂ ján₃."

ma₂ca₂jme₁lióg₄ gong₂.
 18 Jme₁qui₂nau₂ 'nei₂ juig₂ gua₅₄ 'uë₃,
 la₁ nē₃ gué₄ já₅ 'nei₂ a₂'i₄ 'au₂,
 ia₁ ma₂ca₂tě₂ jmig₄ a₂qui₁dsi₂ 'éi₃ ja₁con₂ 'lag₄.
 Ton₂ ca₂tě₂ jmig₄ ja₁qui₅₄ 'lian₅₄ dsa₂ quiáng₂
 i₂ca₂jme₃ti₃ ta₁ ne₅₄
 i₂qui₂ma₂'ě₂ jág₁ quiáng₂.
 Le₂jaun₂ guë₂ i₂jme₂go₃ 'a₂ lia₂ lín₅ 'ne₂
 lia₂ dsa₂ can₅₄, lia₂ dsa₂ me₂.
 Ján₃ guë₂ ca₂tě₂ jmig₄ a₂'éng₄
 jui₁lia₂ i₂qui₂'én₂ ne₄ gua₅₄ 'uë₃.

19 Jaun₂ guë₄ ca₂niá₃ dsi₂néi₂ guá₅ quió₅ Diú₄ guei₅₄ i₂juig₃. Ca₂jnia₃ tsi₁gu₅ quió₅ jág₁
 a₂li₅₄ quián₅₄ Diú₄ dsi₂néi₂ guá₅ quió₅. Tě₃jě₄ jaun₂ qui₂ca₂lě₃ si₁ñí₃, qui₂ca₂né₂ jág₁,
 qui₂ca₂quia₂ ñí₃, qui₂ca₂i₁bi₅₄ 'uë₃, qui₂ca₂séi₂ dsí₅ ca₅₄.

12

Jan₂ dsa₂ m₂ quián₅₄ cua₁ dragón

1 Jaun₂ ca₂jnia₃ guei₅₄ i₂juig₃ caun₂ léi₄ juë₂ a₂dsi₃gó₃ dsi₅: jan₂ 'io₅₄ i₂rě₂lión₃ co₂tág₅
 lia₂ jniá₂ 'iog₂. Le₃né₃ ja₁chéin₄ ton₅ tsi₂. Caun₂ guë₂ corona 'i₄ dsi₅₄, le₁ton₅ guia₃-
 tín₂ nei₅. 2 'Io₅₄ 'éi₂ quiain₂₃ guein₂, a₂guió₅ co₂mi₅₄ a₂chain₂ uig₅ a₂le₃chan₂ guein₂.
 3 Jaun₂ guë₄ ca₂jnia₃ léi₄ siá₂ táng₃ guei₅₄ i₂juig₃: jan₂ cua₁ dragón* guén₂ i₂pan₅₄ lin₃
 i₂quián₅ guio₃ mi₂dsi₄ quián₅₄ guia₃ mi₂jui₁. Jma₃caun₃ corona tio₅₄ lia₂ ca₂míg₂ mi₂dsi₅₄.
 4 Quián₅₄ ne₁con₅ já₂ 'éi₂ qui₂ca₂tsě₃ ca₂qui₅₄ quió₅ 'ni₅ jui₁lia₂ nei₅ i₂jme₁le₁'ín₄ guei₅₄,
 jaun₂ qui₂ca₂guiain₃ ne₄ gua₅₄ 'uë₃. Jaun₂ ca₂nau₂ cua₁ dragón ne₄ 'io₅₄ i₂jě₁ca₂rě₃chán₃
 guein₂, ia₁jaun₂ quiin₂ guein₂ dsi₂jui₅ jě₁ma₂ca₂rě₃chán₃. 5 Ca₂rě₃chán₃ rě₂ guein₂ quiáin₅,
 jan₂ guein₂ dsa₂ ñe₂ i₂'i₄ 'éi₃ gon₃ ne₄ ca₂le₃jě₃ juig₂ quián₅₄ 'ma₂'i₅₄ a₂lě₅ ni₁ñí₁ 'ua₂.† Jaun₂
 ca₂jñia₃ bá₄ guein₂ 'éi₂ ca₂tág₃ Diú₄ i₃guá₃ ne₄ta₁ quió₅. 6 Jaun₂ ca₂cuing₃ 'io₅₄ jui₅ 'uë₃
 quein₂ co₂ñiog₅ ja₁ma₂lě₅ co₂jñia₅₄ quió₅ Diú₄, ia₁jaun₂ le₃tain₅₄ ca₂lia₂ ca₂dsin₃ caun₂ mei₅
 rě₂tón₂ tin₃ 'ñiá₂-láu₂ rě₂dsí₂ 'nag₂ ne₂guióg₂ (1260) jmig₄.

7 Jaun₂ ca₂lě₃ 'nei₂ guei₅₄ i₂juig₃: ca₂jmo₃ 'nei₂ Mi₂gue₅₄ quiain₅₄ ángeles quiáin₅,
 ca₂quíin₂ ca₂cuë₃ cua₁ dragón. Ján₃ guë₂ le₂jaun₂ ca₂jéin₃ dragón quiain₅₄ ángeles quiáin₅.
 8 La₁ tsá₃ ca₂tió₃, jaun₂ tsá₃ ma₃ja₁ca₂rě₃chá₃ guë₄ ja₁cuin₅ jmig₄ tóin₃ guei₅₄ i₂juig₃. 9 Jaun₂
 ja₁jaun₂ ca₂jñia₃ cau₅ dragón juin₂ 'éi₂, dsi₂mi₂ gui₅₄ i₂jme₁chan₂ ma₂líg₂, i₂tě₂ i₂sě₃dsen₃,
 i₂chen₂ Satanás ně₃, i₂jme₂gan₅ dsa₂ ta₁caun₂ mi₂güig₃. Ca₂i₃gain₅₄ ca₂tě₂ gua₅₄ 'uë₃, lia₂
 jma₃quiain₅₄ ángeles quiáin₅.‡

10 Jaun₂ ca₂né₂ jág₁ tiá₂ guei₅₄ i₂juig₃, i₁juá₄:
 Ně₃ guë₄ ca₂tě₂ jmig₄ quió₅ Diú₄ a₂lión₂ dsa₂,
 ca₂dsióg₃ jmig₄ ja₁lé₂ jui₅bí₂ 'éi₃ quió₅ Diú₄ quián₂
 a₂gon₂ 'éi₂ quiain₅₄ I₂rě₂'ín₁ quiáin₅.
 Ia₁ ca₂guiain₃ 'uë₃ i₂jme₁bóg₂ dso₄ quió₅ rin₅₄ jniog₄
 le₃ne₄ Diú₄ lia₂ 'uë₂-jmi₂.

11 Ca₂tió₃ bá₄ 'éi₂
 tě₂le₃ quián₅₄ jmi₂ 'an₅₄ Guein₂ Já₂ Cha₂,
 tě₂le₃ quián₅₄ jág₁ dsau₅ ně₃
 a₂ma₂qui₂ma₂jáng₃ 'éi₂;

ia₁ tsá₃ ca₂dsán₃ dsí₅ jme₂dsí₂ quió₅

* 12:3 griego: drakón (dsi₂mi₂). † 12:5 'Nio₂ ja₁ton, Salmo 2:9. ‡ 12:9 'Nio₂ ja₁ton, Isaías 14:12-15; Lucas 10:18; Apocalipsis 9:1.

o₁jñia'₅₄ ca₂dsain₃.
 12 Jaun₂ lē₃, 'io'₂ jmo₄ 'nia'₂ i₂juíg₃,
 quian'₅₄ guē'₂ 'nia'₂ i₂tián'₅ ja₁jaun₂.
 ¡La₁ 'e₂ guē'₄ juíg₂ jui₁lia'₂ i₂chan₂ gua'₅₄ 'uē₃,
 quian'₅₄ guē'₂ i₂chan₂ né'₃ jmi₁ñí'₄!
 Ia₁ ma₂sión₃ i₂sē₃dsen₃ ja₁con'₂ 'nia'₂;
 ma₂'i₄ 'nei₂ dsí₅, ia₁ ma₂ñi₅ rē₂ bá₄,
 ca₂juig₄ jmá'₅ jmig₄ cha₂ guē'₄ quió'₅.
 13 Jme₁ca₂rē₃lí'₄ dragón a₂ma₂ñó₅ jui₅ gua'₅₄ 'uē₃, jaun₂ 'éi₂ ně₃ ca₂'ein₃ 'io'₅₄ i₂ca₂rē₃chán₃
 guein₂ dsa₂ ñe'₂ quián₅. 14 La₁ 'io'₅₄ 'éi₂ ně₃, ca₂ñi₂ tsi₁rē₂cu₅ ca₁ca'₅₄ a₂lě₅ lia'₂ lě₅ tsi₁rē₂cu₅
 i₁mig₂, ia₁jaun₂ 'iin₃ jui₅ ja₁quió'₄, ja₁lě₄ 'uē₃ quein₂ co₂ñiog₅, ja₁lě₄ 'í₁ 'ni₅ ñi₂ tē₂ ca₂jau₅₄
 le₃ne₄ dsi₂mí'₂. 15 Jaun₂ ca₂'uē'₃ dsi₂mí'₂ jmig₂ jui₅ mi₂'o₅₄, ně₂jag₄ bá₄ caun₂ cuá₃ juē'₂,
 ia₁jaun₂ dsi₃ñi₃ 'io'₅₄ 'éi₂ quian'₅₄ jmig₂. 16 La₁ ca₂jme₃'o₅₄ gua'₅₄ 'uē₃, ca₂jme₃'oin₅₄ 'io'₅₄,
 ca₂niá₃ 'uē₃ ca₂nág'₃ jmig₂ cuá₃ jaun₂ a₂ca₂'uē'₃ dragón jui₅ mi₂'o₅₄. 17 Jaun₂ ca₂rē₃'ně₃
 dragón le₃ja₁con₂ 'io'₅₄, jaun₂ ñei₅₄ i₁quin'₅₄ quian'₅₄ tsi₁jon₂ i₂ca₂chón₃ quián₅ 'io'₅₄, co₂'nió'₄
 i₂jme₂ti₃ 'éi'₃ quió'₅ Diú₄ i₂le₁quian₅ jág₁ dsau₅ quió'₅ Jesús ně₃.
 18 Jaun₂ ca₂nau₂ 'éi₂ chei'₅₄ jmi₁ñí'₄. Š

13

Le₃on₃ Já'₂ 'Lin'₅₄

1 Jaun₂ ca₂jág₃ ca₂'ñio₂ ne₄ jmi₁ñí'₄ jan₂ já'₂ i₂jniá₂ gau₂ jmá'₅, i₂le₁dsi₅₄ guio₃ mi₂dsi₄, guia₃
 guē'₂ mi₂juí₁. Ne₄ mi₂juí₁ ně₃, jme₁le₁dsi₅₄ guia₃ coronas. Ne₄ mi₂dsi₅₄ ně₃, jme₁le₁ton₅
 jág₁ lia'₂ chein₂ a₂jmo₂₃ a₂lín₅ Diú₄. 2 Jme₁lín₄ já'₂ i₂ca₂jing₅₄ 'éi₂ lia'₂ lín₅ dsi₂'ia'₂ leopardo.
 Le₁dsi₅₄ mi₂tag₅₄ lia'₂ lě₅ gu₂-tag₄ oso. Mi₂'o₅₄ guē'₂ lě₅ lia'₂ lě₅ mi₂'o₅₄ 'ia'₂ león. Ca₂cuē₃ dragón
 jui₅bí₂ ca₂cuē'₃ já'₂ 'éi₂ lia'₂ jma₃quian'₅₄ ne₄ta₁ quió'₅ ně₃, a₂qui₃dsi₂₃ 'éi'₃ a₂'uain'₂ lín₃.
 3 Ca₂míg₂ mi₂dsi₄ Já'₂ 'Lin'₅₄ 'éi₂, lě₅ lia'₂ lě₅ a₂rē₂cuí'₃ 'ñio₅ lín₃, lě₅ ně₂jag₄ bá₄ a₂chain₂ join₅₄.
 La₁ia₁ ca₂'láu₂ bá₄. Ta₁caun₂ mi₂güig₃ bá₄ ca₂l₃gó'₃ dsí₅ dsa₂, ca₂'ein₃ Já'₂ 'Lin'₅₄ 'éi₂. 4 Jaun₂
 ca₂jme₃juag'₂ dsa₂ ca₂jme₃juin'₂ dragón, ia₁ ca₂cuē₃ 'éi'₃ ca₂cuē'₃ Já'₂ 'Lin'₅₄. Ca₂jme₃juin'₂
 Já'₂ 'Lin'₅₄ ně₃, qui₂ca₂juá'₂ ca₂tóin₂:

—¿'Ein₂ chan₂ i₂lín₅ lia'₂ lín₅ i₂ně₅? —'iin₂₃ Já'₂ 'Lin'₅₄ 'éi₂—. ¿'Ein₂ bá₄ tió'₅ jmo₃ 'nei₂
 ja₁coin₂?

5 Ján₃ bá₄ ca₂ñi₂ jág₁ a₂le₃róin₂ a₂qui₃jmo₃ a₂lín₅ Diú₄; ca₂ñi₂ bí₂ ně₃ a₂qui₃dsi₂₃ 'éi'₃ con'₂
 tē₂láu₃-tin₃ tsi'₂. 6 Jaun₂ ca₂jáin₃ mi₂'o₅₄, ca₂ton₃ 'lig'₅₄ le₃quió'₅ Diú₄. Ca₂ton₃ rē'₂ 'lig'₅₄ ca₂'ē₃
 ja₁guá₄ Diú₄; ca₂'iin₃ rē'₂ ca₂lia'₂ i₂tion'₅₄ guei'₅₄ i₂juíg₃ ně₃. 7 Ca₂ñi₂ bá₄ jmig₄ a₂jmo₃ 'nei₂
 ja₁con₂ dsa₂ i₂tén₅ le₃quió'₅ Diú₄,* a₂jo₃ ně₃; ca₂ñi₂ bí₂ a₂qui₃dsi₂₃ 'éi'₃ ne₄ quió'₅ ca₂le₃jě₃
 tsi₁jon₂, ca₂le₃jě₃ go₄ dsa₂, ca₂le₃jě₃ jág₁ jmei₅, ca₂le₃jě₃ juig₂ ně₃. 8 Jme₃juag'₂ ca₂le₃jín₃ dsa₂
 i₂chan₂ gua'₅₄ 'uē₃ jme₃juin'₂ Já'₂ 'Lin'₅₄ 'éi₂: ca₂le₃jín₃ i₂con'₂ tsá₃ le₃ton₅ ne₄ si₂ rē₂bín₅
 a₂le₃chan₂ dsa₂, a₂ron₅ quió'₅ Guein₂ Já'₂ Cha'₂, i₂jme₁ma₂'i₄ 'éi'₃ a₂jñag'₃ dsa₂, ca₂le₃ ca₂nio₃
 mi₂güig₃.

9 Nē₁jua'₂ 'ein₂ le₁dsi₅₄ rē₂gua₄, rē₂ jui₁nei₅₄.

10 Jui₁lia'₂ i₂jñia₅ dsa₂ jui₅ né'₃ má₃,
 ján₃ bá₄ jui₅ né'₃ má₃ dsi₃lén₂;
 jui₁lia'₂ dsa₂ i₂jme₂dsian₅ dsa₂ quian'₅₄ ñi₁tág₂,
 quian'₅₄ ñi₁tág₂ dsiáin₃.†

Š 12:18 A₂lín₅₄ chog₅₄ si₂, 'nió'₄ a₂jme₁ton₅ versículo 18, juá'₂ le₂la₂: “Jaun₂ ca₂no₃ chei'₅₄ jmi₁ñí'₄”, a₂chi₁ton₅ jē₁le₂'uig₅₄
 Capítulo 13. * 13:7 lit. “ja₁con₂ dsa₂ jñió₅.” † 13:10 o₃, “Chi₂jua'₂ chan₂ i₂'i₄ 'éi'₃ jnéi₂ dsa₂, jui₅ né'₃ 'má₃ bá₄ dsó₃;
 chi₂jua'₂ chan₂ i₂'i₄ 'éi'₃ jñag'₃ dsa₂ quian'₅₄ ñi₁tág₂, quian'₅₄ ñi₁tág₂ guē'₂ jñag'₃ dsa₂.”

'Uig₅₄ nē₅ nē₃, ca₂le₃jín₃ i₂tén₅ le₃quió'₅ Diú₄, 'nió'₅ jmo₃ tió'₃ dsí₅, a₂tsá₃ qui₂dsi₃uín₂ a₂'éin₂.
 11 Cang₂ jaun₂ ca₂jín₄ táng₃ jniá₂ jan₂ já'₂ 'lin'₅₄ sián'₂, ca₂'ñioi₂ ne₄ gua'₅₄ 'uē₃. 'Éi₂ nē₃ jme₁le₁dsi₅₄ tin₃ mi₂juí₁ lia'₂ lē₅ mi₂juí₁ jan₂ guein₂ já'₂ cha'₂. La₁, lia'₂ lē₅ jág₁ quió'₅ dragón bá₄, jme₁lē₄ jág₁ quió'₅. 12 Co₂jaun₂ bá₄ jme₁'io₂₃ bí₂ ján₃, juí₁lia'₂ Já'₂ 'Lin'₅₄ i₂le₂'uig₅₄, a₂qui₃dsi₂₃ 'éi'₃ o₄quió'₄; chi₃quióng₂ jmig₄ jme₃juag'₂ ta₁caun₂ mi₂güig₃ quian'₅₄ i₂chan₂ ja₁jaun₂, jme₃juin'₂ Já'₂ 'Lin'₅₄ i₂le₂'uig₅₄ i₂ca₂'lón₂ i₂jme₁rē₂cuín'₃ 'éi₂. 13 'Lióng₂ léi₄ juè'₂ a₂o₂dsain₂ ca₂jmo₃ ján₃. Ca₂jmo₃ ca₂tá'₂ si₂guei'₅₄ mi₂güig₃ nē₃, ca₂jmo₃ tē₃ne₄ dsa₂ mi₂güig₃. 14 Tē₂le₃ quian'₅₄ léi₄ juè'₂ a₂ca₂jmo₃ o₄quió'₄ i₂'lin'₅₄ i₂le₂ne₁ 'éi₂, ca₂jme₃gain₂₃ dsa₂ i₂chan₂ gua'₅₄ 'uē₃. Ca₂jmo₃ 'éi'₃ a₂chi'₃ dsa₂ caun₂ nió'₄ quió'₅ Já'₂ 'Lin'₅₄ i₂jme₁rē₂cuín'₃ quian'₅₄ ñi₁tág₂ i₂ca₂'lón₂ 'éi₂. 15 Ca₂ñi₂ bí₂ a₂toin'₂ jme₂dsi₂ nió'₄ quió'₅ Já'₂ 'Lin'₅₄, ia₁jaun₂ juá'₂ jág₁, ia₁jaun₂ jme₃dsiain₂₃ ca₂le₃jín₃ i₂tsá₃ gue₃ jme₃juin'₂ nió'₄ quió'₅ 'éi₂. 16 Ca₂chi₃quiain₂ jmig₄ lia'₂ dsa₂ can'₅₄ lia'₂ dsa₂ me'₂, lia'₂ dsa₂ i₂cha₂ cu₄ lia'₂ dsa₂ te₂ñé₂, lia'₂ dsa₂ i₂jme₂ti₃ ta₁ne₄ juig₅₄ lia'₂ dsa₂ i₂tsá₃ 'ein₂ ne₄ jme₂ti₃ nē₃, a₂guein₃ léi₄ dso'₂ gu₂ ne₁, o₃ chi₁quí₃ 'e₂. 17 Jaun₂ tsá₃ ma₃lé₂ lá₃ 'i₁jan₂, on₃ guè'₂ ma₃lé₂ 'nag₃, jua'₅₄ tsá₃ líin₅ léi₄, o₃ tsá₃ le₁quian₅ jág₁ lia'₂ chen₂ Já'₂ 'Lin'₅₄, o₃ tsá₃ le₁quian₅ número quió'₅ lia'₂ chein₂. 18 Le₂la₂ bá₄ jág₁ a₂ñí'₂ dsí₅; juí₁lia'₂ dsa₂ i₂'i₄ jág₁, juí₁chein'₄ cuentas 'a₂ lia'₂ lē₅ número quió'₅ Já'₂ 'Lin'₅₄. Ia₁ número quió'₅ dsa₂ mi₂güig₃ bá₄ jaun₂. Le₂la₂ lē₅ número quió'₅: ññéi₂ 'ñiá₂-lá₂u₂ rē₂dsí₂ 'nag'₂ ne₂guióg₂ rē₂dsí₂ ññéi₂ (666).

14

Canto a₂ca₂'ē₃ caun₂ 'ñiá₂-lón₂ rē₂dsí₂ tē₂láu₃-quén₂ mei₅ (144,000) dsa₂

1 Cang₂ jaun₂ ca₂jing₅₄ táng₃ Guein₂ Já'₂ Cha'₂ jniá₂ chéin'₅ ne₄ Má'₂ Sión, quian'₅₄ caun₂ 'ñiá₂-lón₂ rē₂dsí₂ tē₂láu₃-quén₂ mei₅ dsa₂ i₂jme₁le₁quian₅ léi₄, i₂le₁ton₅ chi₁quí₃ lia'₂ chen₂ Guein₂ Já'₂ Cha'₂ quian'₅₄ 'a₂ lia'₂ chen₂ Jmei₂ nē₃. 2 Jaun₂ guē₄ ca₂nag₃ caun₂ mi'₅₄ a₂já₅ guei'₅₄ i₂juig₃, a₂lē₅ nē₂jag₄ bá₄ caun₂ la'₅₄ juè'₂ lin₃,* ton'₂ nē₂jag₄ bá₄ ja₁dein₅ quia'₂ tiá₂ lin₃ ñí'₃. Mi'₅₄ a₂ca₂nag₃ jaun₂ ca₂né'₂ juí₁lia'₂ ja₁jmo₅ dsa₂ son₅₄ quian'₅₄ tsí₁ton₅ arpas † quió'₅. 3 Qui₂i₁'ē₂₃ caun₂ canto 'mí₂ ne₄ ne₄ta₁, ne₄ le₃quén₂ já'₂, ne₄ gui'₅₄ can'₅₄ nē₃. Ca₂lia'₂ 'i₁jan₂ dsa₂ sián'₂ tsá₃ 'ein₂ lé₂ le₃tin₂ son₅₄ a₂'ē₅ dsa₂ jaun₂, jmá'₃ lia'₂ dsa₂ 'ñiá₂-lón₂ rē₂dsí₂ tē₂láu₃-quén₂ mei₅ i₂rē₂'lian'₅₄ ne₄ gua'₅₄ 'uē₃ 'éi₂ bá₄. 4 Ca₂le₃jín₃ dsa₂ 'éi₂ i₂tsá₃ ca₂rē₃'iog₅ jme₂dsí₂ quió'₅ quian'₅₄ 'io₅₄ 'lin'₅₄, ia₁ qui₂ma₂ca₂rē₃cháin₃ ja₂léin₂ le₁jín₃. Quian'₅₄ bá₄ Guein₂ Já'₂ Cha'₂ juí₁'a₂ guē₃ ja₁dsó₃ 'éi₂. Quile₁'liain₅₄ tē₂le₃ jín₄ dsa₂ mi₂güig₃, co₂'nió'₄ i₂le₂'uig₅₄ i₂rē₂jen'₅₄ le₃ne₄ Diú₄, le₃ne₄ Guein₂ Já'₂ Cha'₂ nē₃. 5 'I₁caun₂ jág₁ tē₂jág₁ tsá₃ ca₂'uē₂ mi₂'o₄ 'éi₂; tsá₃ dso₄ qui₂rē₂cáin'₄.‡

Jág₁ quió'₅ le₃ún₂ ángeles

6 Jaun₂ ca₂jing₅₄ táng₃ jan₂ ángel sián'₂ a₂ñi₂₃ dsi₂jo₂ dsi₄ güig₂, i₂quian₅₄ jág₁ dse₃ a₂le₃chan₂ dsa₂ co₂tan₅₄, já₅ ja₂'ē₃ ja₂chi'₅₄ dsa₂ i₂tián'₅ ne₄ gua'₅₄ 'uē₃: ca₂le₃jě₃ juig₂, ca₂le₃jě₃ tsí₁jon₂ dsa₂, ca₂le₃jě₃ jág₁ jmei₅, ca₂le₃jě₃ go₄ dsa₂; 7 i₁juá'₄ tiá₂:

—Jme₁gan₃ 'nia'₂ Diú₄; jme₁juin'₂ 'nia'₂ 'éi₂. Ia₁ ma₂gua₅ hora a₂qui₃dsi₂₃ 'éi'₃. Jme₁juin'₂ 'nia'₂ i₂ca₂jmo₃ guei'₅₄ mi₂güig₃ quian'₅₄ gua'₅₄ 'uē₃, jmi₁ñí'₄ nē₃, quian'₅₄ guē₄ ca₂le₃jě₃ o₄tu₁ jmig₂.

8 Chi₁quín₃ guē₄ jaun₂ ján₃, ca₂já₃ jan₂ ángel sián'₂ i₂ca₂juá'₂:

—Ma₂ca₂i₃'én₂, ma₂ca₂i₃'én₂ Babilonia juè'₂, 'uig₅₄ ia₁ a₂ca₂jmo₃ a₂qui₂ca₂'in'₃ ca₂le₃jě₃ juig₂ vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

9 Jaun₂ ca₂guan₃ táng₃ jē₁ca₂tē₂ ún₂ ángel, ján₃ guē'₂ tiá₂ ca₂juá'₂:

* 14:2 o₃ "lia'₂ né₂ 'lióng₂ jmig₂." † 14:2 griego: kithara. ‡ 14:5 A₂lin₅₄ chog₅₄ si₂juá'₃ ján₃: "le₃ne₄ ne₄ta₁."

—Chi₂jua'₂ 'ein₂ ca₂guen₃ jme₃juin'₂ Já'₂ 'Lin'₅₄, quian'₅₄ nió'₄ quió'₅, o₃ ně₁jua'₂ ca₂guein₃ cán₂ léi₄ dso'₂ chi₁quí₃, o₃ co'₅₄ gú₃ 'e₂, ¹⁰ján₃ bá₄ 'ín'₂ 'éi₂ vino a₂'i₄ 'nei₂ dsí₅ Diú₄ a₂ma₂i₂tang₄ a₂tsá₃ 'e₂ qui₂rě₂cón'₅ 'ñió'₃ copa a₂cha₂ 'uig₅₄ a₂le₃'nei₂; qui₃ñág₃ uig₅ quian'₅₄ si₂ quian'₅₄ azufre tē₃ne₄ ángeles jñi₅ quián₅ Diú₄ quian'₅₄ guē'₂ le₃ne₄ Guein₂ Já'₂ Cha'₂. ¹¹Jme₁ñi₁ a₂tsá₃ ja₁ñág₃ uig₅ ně₃, dsi₅₄ co₂tan₅₄ lé₂, on₃ guē'₂ 'uē₂-jmi₂bá₄ lé₂ jua'₅₄ a₂le₃jñia₃ a₂tsá₃ ñág₃ ca₂tiá₂ uig₅ ca₂le₃jín₃ i₂jme₃juin'₂ Já'₂ 'Lin'₅₄ 'éi₂ quian'₅₄ nió'₄ quió'₅, ca₂le₃jín₃ i₂ca₂guen₃ cán₂ léi₄ lia'₂ chein₂ ně₃.

¹²Ja₁ně₅ bá₄ 'nió'₅ jmo₃ juin'₂ dsí₅ dsa₂ i₂tén₅ le₃quió'₅ Diú₄, § dsa₂ i₂tión₂ tiá₂ jme₂ti₃ 'éi'₃ quió'₅, a₂'éin₂ le₃quió'₅ Jesús ně₃.

¹³Jaun₂ ca₂né'₂ táng₃ jág₁ a₂já₅ guei'₅₄ i₂juig₃, ca₂juá'₂ tság₅ jniá₂:

—Jmo₄ si₂ tióng₅ ca₂le₃jě₃ a₂ně₅ a₂juá'₂: “E₂ guē₄ 'ñio₅ dsen₃ dsa₂ i₂dsián₃ le₃ne₄ jui₅ la₂, i₂'én₂ le₃quió'₅ Te₁gui'₅₄.” Ján₅, juá'₂ Jme₂dsí₂, ia₁jaun₂ jñia₃ ca₂le₃jě₃ ta₁ quió'₅, jaun₂ qui₃le₃quen₅ 'i₄ ta₁ ca₂le₃jě₃ a₂ca₂jmo₃.”

A₂ráu₃ ne₄ gua'₅₄ 'uē₃

¹⁴Jaun₂ ca₂jág₃ táng₃ ca₂jñia₃ caun₂ jnei₅ tiog₂ jmá'₅. Ne₄ jnei₅ jaun₂, guá₅ jan₂ i₂lín₅ lia'₂ lín₅ Jaun₅ dsa₂ mi₂güig₃. * Chi₁'i₁ caun₂ corona a₂lě₅ jmá'₃ cu₄nióg₄ mi₂dsi₅₄, chi₁chan'₂ caun₂ ñí₁ hoz a₂'mu₃. ¹⁵Jaun₂ o₂'ín₃ táng₃ jan₂ ángel dsi₂néi₂ guá'₅ templo, ca₂juá'₂ tiá₂ ca₂tsí'₃ i₂guá₅ ne₄ jnei₅:

—Tiá₃ ñí₁ hoz quiáng'₂, cag'₅₄; ia₁ ma₂gua₅ hora cag'₅₄, ia₁ ma₂ca₂ron₂ a₂ráu₃ ne₄ gua'₅₄ 'uē₃. ¹⁶Jaun₂ ca₂tiá₂ hoz ne₄ gua'₅₄ 'uē₃, dsa₂ i₂guá₅ ne₄ jnei₅ 'éi₂, ca₂cág'₃ a₂ma₂ca₂rau₂ ja₁jaun₂.

¹⁷Jaun₂ ca₂o₃'ín₃ táng₃ jan₂ ángel sián'₂ dsi₂néi₂ guá'₅ chí'₅ guei'₅₄ i₂juig₃; ján₃ bá₄ chi₁chan'₂ caun₂ ñí₁ hoz a₂'mu₃. ¹⁸Jaun₂ ca₂o₃'ín₃ táng₃ ne₄chei₂ jan₂ ángel sián'₂ guē₄ táng₃, i₂'io₅ bí₂ ne₄ si₂. Jaun₂ ca₂juá'₂ tiá₂ ca₂tsí'₃ i₂chan'₂ ñí₁ hoz 'mu₃, ca₂juá'₂:

—Tiá₃ ñí₁ 'mu₃ quiáng'₂; chi₁lo'₂ cag'₅₄ ni₁'mu'₂ a₂quile₁'ág₄ ni₁uing₂ a₂cha₂ gua'₅₄ 'uē₃, ia₁ ma₂ca₂juig₂ míg₂ uvas quió'₅.

¹⁹Jaun₂ ca₂tiá₂ 'éi₂ hoz quió'₅ ne₄ gua'₅₄ 'uē₃, ca₂cág'₃ míg₂ uvas quió'₅ gua'₅₄ 'uē₃. Ca₂tó'₂ caun₂ ja₁juē'₂ ja₁qui₂jlen'₃ dsa₂, co₂'nió'₄ le₃jua'₅₄, ja₁'i₄ 'nei₂ dsí₅ Diú₄. ²⁰Jaun₂ ca₂rě₂tso'₄ a₂jaun₂ 'ni'₂ juig₂, ca₂'io₂ jmi₂. Jmi₂ jaun₂ ně₃ ca₂i₃'o₅₄ a₂ji'₂ con'₂ 'ei₅ rě₂'o₄ dsi₂cua₁, a₂juē'₂ ja₁ca₂'a₃ tí₅ con'₂ 'ni₅ 'ñiá₂-láu₂ (300) kilómetros.

15

Guion₃ ángeles i₂le₁quian₅ guio₃ jmi₁uig₅ jě₁ca₂tó'₂

¹Ca₂jág₃ jniá₂ guei'₅₄ i₂juig₃ caun₂ léi₄ juē'₂ a₂dsi₂gó'₃ dsi₅: guion₃ ángeles i₂quian₅ guio₃ guē₄ jmi₁uig₅ ja₁con₂ dsa₂. Co₂'nió'₄ a₂jaun₂ guē₄ lě₅ jě₁ca₂tó'₂, ia₁ co₂jaun₂ ca₂'ñia₅ a₂'i₄ 'nei₂ dsí₅ Diú₄.

²Jaun₂ ca₂jág₃ jniá₂ jui₁lia'₂ caun₂ jmi₁ñí'₄ a₂lě₅ ni₁'i₂ a₂rě₂cón'₅ quian'₅₄ si₂. Ne₄ jmi₁ñí'₄ a₂lě₅ ni₁'i₂ jaun₂, jme₁tión₂ dsa₂ i₂ca₂tió'₃ ne₄ Já'₂ 'Lin'₅₄, ne₄ nió'₄ quió'₅, ne₄ número quió'₅ lia'₂ chein₂ ně₃. Qui₂le₁chan'₂ tsi₁ton₅ arpas* a₂ca₂cuē₃ Diú₄. ³Ti₁ón₂ 'ě₂₃ canto quió'₅ Moisés† dsa₂ i₂ca₂jme₂ti₃ quián₅ Diú₄, quian'₅₄ canto quió'₅ Guein₂ Já'₂ Cha'₂, a₂juá'₂: 'E₂ guē₄ juē'₂ a₂jlá'₁ lín₃ ca₂le₃jě₃ a₂ma₂jmo'₅₄ 'ne₂,

Te₁gui'₅₄ Diú₄ i₂'Uan'₂ guē₄ lín₃.

A₂dsau₅, a₂tí₅ lín₃ bá₄ jui₅ quiáng'₂,

'Ne₂ Rag₅₄ quián₅ ca₂le₃jě₃ juig₂.

⁴¿'Ein₂ bá₄ 'éi₂ i₂tsá₃ jme₃gon₃ 'ne₂, Te₁gui'₅₄?

§ 14:12 lit. “dsa₂jñi₅,” * 14:14 'Nio'₂ja₁ton₅ Daniel 7:13. * 15:2 griego: kithara. † 15:3 canto quió'₅ Moisés: 'Nio'₂ja₁ton₅ Éxodo 15; Deuteronomio 32.

¿'Ein₂ bá₄ i₂tsá₃ jme₃juag'₂ guë'₂ ján₃?

Ia₁ jan'₂ 'ne₂ bá₄ líng'₅ i₂jñi₅ó.

Ca₂le₃jě₃ juig₂ qui₂ja₃léin₂ qui₂jme₃juin'₂ 'ne₂,

ia₁ ma₂ca₂rě₃jniá'₂ 'éi'₃ a₂qui₂dsí'₂ 'ne₂.

⁵ Cang₂ jaun₂ ca₂jág₃ jniá₂ guei'₅₄ i₂juí₃, ca₂niá₃ guá'₅, co₂'nió'₄ le₃jua'₅₄ ja₁jñi₅ó guë'₄, ja₁rě₂'ma₄ jág₁ dsau₅ a₂lí'₅₄ quian'₅₄ Diú₄. ⁶ Guá'₅ jaun₂, ca₂'uin₂ guion₃ ángeles i₂le₁quian₅ le₃guio₃ jmi₁uig₅. Le₁qui'₂ 'mi'₂ lino jlá'₁, a₂tág₅ lín₃. A₂jme₁rě₂jén'₅ le₁dsí₅ guë'₂ ně₃, jme₁lě₄ jmá'₃ cu₄nióg₄. ⁷ Jaun₂ guë'₄ jan₂ já'₂ quén₂ i₂tión₂ ne₄ ne₄ta₁, ca₂cuë'₃ le₂jan₂ le₂jan₂ ta₁guion₃ ángeles jma₃caún₃ ni₁uig₅ jí'₂ a₂lě₅ cu₄nióg₄, le₁'a₁ co₂'nió'₄ a₂'nei₂ a₂'i₄ dsí₅ Diú₄ i₂chan₂ ca₂lia'₂ co₂tan₅₄. ⁸ Jaun₂ ca₂can'₂ dsi₂néi₂ guá'₅ quian'₅₄ jme₁ñi₁ a₂já₅ ja₁con₂ a₂jlá'₁ a₂'uan'₂ Diú₄. Ca₂lia'₂ 'i₁jan₂ tsá₃ lé₂ dsi₃ton'₅₄ ja₁jaun₂, ca₂lia'₂ ca₂rě₃'ñia₅ le₃guio₃ jmi₁uig₅ a₂le₁quian₅ ta₁guion₃ ángeles.

16

Ta₁guio₃ jmi₁uig₅ a₂'ě₂ Diú₄

¹ Jaun₂ ca₂nag₃ jniá₂ jág₁ tiá₂ lín₃ i₁juá'₄ dsi₂néi₂ guá'₅, a₂tsí'₅ le₃guion₃ ángeles 'éi₂:

—O₂nó'₅ 'nia'₂ o₂jen₄ ne₄ gua'₅₄ 'uë₃ 'nei₂ a₂'i₄ dsí₅ Diú₄ a₂le₁'a₁ ni₁uig₅ ně₅.

² Jaun₂ ca₂o₃'ín₃ jě₁le₂'uig₅₄ ángel, jaun₂ ca₂jein₃ a₂chi₁'a₄ ni₁uig₅ quió'₅ ne₄ gua'₅₄ 'uë₃. Jaun₂ ca₂le₃jín₃ dsa₂ i₂le₁quian₅ léi₄ quió'₅ Já'₂ 'Lín'₅₄, i₂jme₂juin'₂ nió'₄ quió'₄ ně₃, qui₂ca₂'ñiai₂ 'mé'₅ 'lig'₅₄ a₂qui'₂ guë'₄ lín₃.

³ Jaun₂ ca₂jen₃ jě₁ca₂tě₂ on₃ ángel a₂'a₄ ni₁uig₅ quió'₅ ne₄ jmi₁ñí'₄. Jaun₂ ca₂lě₃ jmi₂, ně₂jag₄ bá₄ jmi₂ 'an₅₄ jan₂ 'lag₄. Ca₂dsan₃ ca₂le₃jín₃ já'₂ i₂jme₁chan₂ jmi₁ñí'₄ jaun₂.

⁴ Ján₃ bá₄ le₂jaun₂ ca₂jen₃ jě₁ca₂tě₂ ún₂ ángel a₂'a₄ ni₁uig₅ quió'₅, ne₄ jmi₂guá'₃, ne₄ o₄tu₁ jmi₂ ně₃; jaun₂ jmá'₃ jmi₂ bá₄ qui₂ca₂lě₃ ján₃. ⁵ Jaun₂ ca₂nag₃ juá'₂ ángel i₂niog₅ gu₂ jmi₂, ca₂juá'₂:

Rě₂ bá₄ cáun'₂ 'ne₂ 'í₁, Diú₄ Jñi₅ó;

'ne₂ i₂lín₅, i₂jme₁lín₄,*

ia₁ a₂ně₂qui₁dsí'₂ 'éi'₃ le₂ně₅.

⁶ Ia₁ ca₂tein₃ 'éi₂ jmi₂ a₂jme₁'an₅₄

dsa₂ i₂jme₁tén₄ le₃quiáng'₂,

dsa₂ i₂jme₁qui₂ca₂'ě₂ jág₁ quiáng'₂ ně₃.

Ně₃ guë'₄ ně₃, ně₂'ein'₅₄ jmi₂,

ia₁ le₂ně₅ 'en₄ quió'₅ bá₄.

⁷ Ca₂nag₃ jniá₂ ján₃ jě₄ ne₄chei₁, i₁juá'₄:

Dsón'₂ le₂ně₅, Te₁gui'₅₄ Diú₄ i₂'Uan'₂ guë'₄ lín₃,

dsón'₂ bá₄ qui₂dsí'₁ 'ne₂ 'éi'₃ lia'₂ con'₂ dsi₂ten₅₄.

⁸ Jaun₂ ca₂jen₃ jě₁ca₂tě₂ quén₂ ángel a₂'a₄ ni₁uig₅ quió'₅ ne₄ 'iog₂, jaun₂ ca₂ñi₂ 'iog₂ bí₂ a₂dsín'₂ dsa₂ mi₂güí₃ quian'₅₄ si₂. ⁹ Jaun₂ ca₂dsin'₂ ca₂le₃jín₃ dsa₂ quian'₅₄ a₂dséi₂ gau₂ lín₃. Jaun₂ qui₂ca₂'ag₃ dsa₂ 'lig'₅₄ qui₂ca₂'iin₃ Diú₄ i₂'io₅ bí₂ ne₄ jmi₁uig₅ jaun₂. Tsá₃ ca₂jme₃tsiin₃ dsí₅, jua'₅₄ ca₂jme₃juin'₂ 'éi₂.

¹⁰ Jaun₂ ca₂jen₃ jě₁ca₂tě₂ 'ñiá₂ ángel a₂'a₄ ni₁uig₅ quió'₅ ne₄ ne₄ta₁ quió'₅ Já'₂ 'Lín'₅₄, jaun₂ ca₂tě₁tsí'₅₄ qui₁né'₃ ja₁goin₂ jaun₂. Dsa₂ ně₃ qui₂ca₂qui₂'le₁tsí'₂ a₂ca₂jme₃uí'₃. ¹¹ Con'₂ siá'₂ ca₂'iin₃ 'lig'₅₄ Diú₄ i₂quió'₅ guei'₅₄ i₂juí₃, ne₄ 'uig₅₄ a₂le₁quian₂₃ jmi₁uig₅, 'uig₅₄ ia₁ a₂lín₅ 'mé'₅ ně₃. La₁ tsá₃ ca₂dsi₃quén'₅ dsí₅ jua'₅₄ ca₂tí₂ a₂jmo₂₃-dsáu₅.

* 16:5 A₂lín₅₄ chog₅₄ si₂ chi₁ton₅ ján₃: "i₂lén₂ co₂tan₅₄."

12 Jaun₂ ca₂jen₃ jë₁ca₂të₂ jñé₂ ángel a₂'a₄ ni₁uing₅ quió'₅ ne₄ cuá₃ juë'₂ Eufrates. Jaun₂ co₂dsia₅ ca₂rë₃quén₃ cuá₃ jaun₂, ia₁jaun₂ ma₂lë₅ co₂jñia₅₄ caun₂ jui₅ quein₂ ja₁i₃nio₄ rag₅₄ i₂ja₃lén₂ të₂le₃ ja₁'ia₂'iög₂.

13 Jaun₂ ca₂jág₃ ca₂'uin₂ ún₂ jme₂dsí₂ 'lin'₅₄, i₂jniá₂ lia'₂ jniá₂ i₁jë'₅, ca₂'uin₂ jma₃ján₃ jui₅ mi₂'o₄ já'₂ dragón, mi₂'o₄ Já'₂ 'Lin'₅₄, quian'₅₄ mi₂'o₄ i₂të'₂ dsa₂ i₂'ë₂ jág₁ a₂ju₁gain₂ në₃.

14 Jme₂dsí₂ i₂lín₅ je₂na'₅₄ bá₄ 'éi₂, i₂qui₃jmo₃ léi₄ juë'₂, i₂qui₂dsi₃lén₂ uíng₂ ja₁con₂ rag₅₄ quián₅ dsa₂ i₂chan₂ ta₁caun₂ mi₂güig₃, ia₁jaun₂ chi₃lo'₃ a₂dsia₃ 'nei₂ jmig₄ juë'₂ jaun₂ quió'₅ Diú₄ i₂'Uan'₂ guë₄ lín₃.

15 “Rë₂ján'₁ 'nia'₂ ia₁ guió'n'₄ jniá₂ con'₂ tiá₂, në₂jag₄ bá₄ jan₂ 'ang₂. 'E₂ guë₄ dsen₃ jui₁lia'₂ i₂rë₂jnio₄ ne₄, i₂lë₅ 'í tsin'₅₄, con'₂ tsá₃ nó₅ në₁jua'₂ i₃ñi₅₄ rë₂ñí₅ të₃ jág₅ dsa₂ o₂quí'₃ quió'₅.”

16 Jaun₂ qui₂ca₂liain'₃ rag₅₄ caun₂ ja₁chei₂ Armagedón quian'₅₄ jág₁ jmei₅ hebreo.

17 Jaun₂ ca₂jen₃ jë₁ca₂të₂ guion₃ ángel a₂'a₄ ni₁uing₅ quió'₅, ca₂'éin₂ dsi₂güig₂. Jaun₂ ca₂né'₂ dsi₂néi₂ guá'₅ a₂chí'₅ guei'₅₄ i₂juig₃, jág₁ a₂juá'₂ tiá₂, a₂já₅ ne₄ta₁, i₁juá'₄:

—jMa₂ca₂lë₃ bá₄!†

18 Jaun₂ qui₂ca₂lë₃ si₁ñí'₃, ca₂të₁tsi'₅₄ co₂mi'₅₄, ca₂quia'₂ ñí'₃. Ta₁caun₂ gua'₅₄ 'uë₃ qui₂ca₂jë'₂ ca₂i₁bi₅₄ 'uë₃ tiá₂ lín₃, ca₂lia'₂ 'i₁cón'₂ tsá₃ le₂jaun₂ jua'₅₄ a₂ma₂i₁bi₅₄ 'uë₃ ca₂le₃ ca₂rë₃chán₃ dsa₂ ne₄ gua'₅₄ 'uë₃, ia₁ a₂ñí₄ lë₃ gau₂ ca₂lë₃. 19 Ca₂lë₃ 'ni₅ dso'₅₄ ciudad dsen₅₄ jaun₂, jaun₂ qui₂ca₂lë₃ jui₅ 'uë₃ ca₂le₃jë₃ juig₂ ciudad jme₁te₁ 'i₁ mi₂güig₃. Jaun₂ guë₄ ca₂dsáu'₃ dsí₅ Diú₄ Babilonia juë'₂; ca₂cuë'₃ copa a₂'a₄ vino a₂'i₄ 'nei₂ dséi₂ dsí₅. 20 Jaun₂ qui₂ca₂cuíng₃ ca₂le₃jë₃ 'uë₃ a₂qui₂le₁quí'₅ jë₄ jmi₁ñí'₄; ca₂le₃jë₃ ni₁má'₂ në₃, co₂dsia₅ ca₂i₃có'₂. 21 Qui₂ca₂tang₂ ne₄ quió'₅ dsa₂ mi₂güig₃ dsí₅ ca₁ca'₅₄ 'ñio₅ lín₃, a₂guei₂ jma₃të₂láu₃ kilo lia'₂ ca₂míg₂. † Ján₃ bá₄ le₂jaun₂ qui₂ca₂'ag₃ dsa₂ 'lig'₅₄ 'in₂₃ Diú₄, 'uig₅₄ ia₁ a₂ca₂séi'₂ dsí₅ jaun₂, ia₁ a₂ñí₄ lë₃ ca₂i₁juin₅₄ gau₂ jmi₁uig₅ a₂ca₂lë₃.

17

Jë₁ca₂i₃'én₂ 'io₅₄ juin'₂ i₂'nag₅ quió'₅

1 Jaun₂ ca₂já₃ jan₂ ángel i₂lë₂ guion₃ i₂jme₁le₁chan'₂ ni₁uing₅ 'éi₂, ca₂tság₃ jniá₂:

—Ñia₅, la₂ 'ë₅₄ 'a₂ lia'₂ lë₅ jmi₁uig₅ a₂'ë₂ Diú₄ ne₄ 'io₅₄ juin'₂ i₂'nag₅ quió'₅, i₂guá₅ ne₄ ja₁te₁ 'i₁ 'lióng₂ jmig₂. 2 Ca₂le₃jín₃ bá₄ rag₅₄ i₂chan₂ ne₄ gua'₅₄ 'uë₃ ma₂qui₂ca₂nió'₄ jág₁ quian'₅₄ 'io₅₄ 'éi₂; ján₃ bá₄ le₂jaun₂ ma₂qui₂ca₂rë₃'en₅ dsa₂ i₂tián'₅ ne₄ gua'₅₄ 'uë₃, quian'₅₄ vino a₂co₂'nió'₄ dso₄ a₂ca₂jmo₃-dsáu₅ 'io₅₄ 'éi₂.

3 Jaun₂ ca₂jio₃ ángel, të₂lia'₂ 'eng₅₄ le₃quió'₅ Jme₂dsí₂, caun₂ 'uë₃ quein₂ co₂'ñiog₅. Ja₁jaun₂ ca₂të₂ ne₃ ca₂jing₅₄ jan₂ 'io₅₄, co₂dsin₅₄ jan₂ já'₂ guén₂ i₂jniá₂ gau₂ jmá'₅, i₂le₁dsi₅₄ guio₃ mi₂dsi₄, guia₃ guë'₂ mi₂juí₁, i₂jme₁quian₅ 'lióng₂ jág₁ 'lig'₅₄ lia'₂ chein₂ a₂jmo₂₃ a₂lín₅ Diú₄ në₃. 4 'Io₅₄ 'éi₂ në₃ rë₂lín₅₄ qui'₂ tsin'₅₄ guéin₂ si₂, quian'₅₄ a₂'u₃. A₂lë₅ jlá'₁, tio₅₄ cu₄nióg₄, ni₁cang₁ jlá'₁ quian'₅₄ míg₂ perlas në₃. Ján₃ guë₄ chi₁chan'₂ caun₂ copa a₂lë₅ jmá'₃ cu₄nióg₄, rë₂'a₄ a₂'lig'₅₄ a₂jmo₅-dsáu₅, quian'₅₄ jág₁ 'lig'₅₄ a₂nió'₅. 5 Le₁ton₅ jág₁ ne₄ chi₁quí₃, a₂juá'₂: JÁG₁ A₂RË₂'MA₄ BABILONIA JUIN'₂ CHOG₅₄ 'IO₅₄ I₂'NAG₅ QUIÓ'₅ CHOG₅₄ CA₂LE₃JË₃ NE₅₄ A₂LË₁'IOG₅ NE₄ GUA'₅₄ 'UË₃.

6 Jaun₂ ca₂jín₄ jniá₂ 'io₅₄, a₂'ein₅ guá₅, quian'₅₄ jmi₂ 'an₅₄ i₂tén₅ le₃quió'₅ Diú₄,* quian'₅₄ guë'₂ jmi₂ 'an₅₄ i₂ma₂jáng'₃ jág₁ dsau₅ le₃quió'₅ Jesús. Jaun₂ ca₂i₃gó'₃ dsi₃ guë₄ lín₃ jme₁ca₂të₂ ne₃ a₂jaun₂. 7 Jaun₂ ca₂juá'₂ ángel tság₅ jniá₂:

—¿'E₂ lë₃ dsi₂gó'₃ 'au'₂? La₂ juá'₄ jniá₂ jág₁ rë₂'ma₄, co₂'nió'₄ 'e₂ léi₄ jáng'₅ 'io₅₄ ó₃, 'e₂ guë'₂ léi₄ jáng'₅ táng₃ Já'₂ 'Lin'₅₄ i₂jio₅ i₂cha₂ guio₃ mi₂dsi₄, i₂le₁dsi₅₄ guio₃ mi₂juí₁ në₃. 8 Já'₂ 'Lin'₅₄ i₂në₂jing'₅₄ në₅, jme₁chan₂ le₂jñiá₅, rë₂në₃ në₃ tsá₃ ma₃chain₂. La₁ jë₁ma₂o₃'in₅ uig₂

† 16:12 Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅, Salmo 8:3; Romanos 1:25. ‡ 16:17 'Nio'₂ ja₁ton₅ Juan 19:30. § 16:21 lit. “a₂guei₂ caun₂ talento lia'₂ ca₂míg₂.” * 17:6 lit. “quian'₅₄ jmi₂ 'an₅₄ dsa₂ jñi₅.”

ja₁ca₂jein₃ chi₁dsio₅₄, jaun₂ dsióg₄ ja₁dsi₃'éin₂. Dsi₃gó'₃ dsí₅ dsa₂ i₂chan₂ ne₄ gua'₅₄ 'uë₃, ca₂le₃jín₃ i₂con'₂ tsá₃ le₁ton₅ ne₄ si₂ ca₂le₃ ca₂nio₃ mi₂güí₃, mi₂si₂ a₂rë₂bin₅ a₂le₃chan₂ dsa₂; dsi₂qui₂dsi₃gó'₃ dsí₅ jë₁ma₂jín₂ Já'₂ 'Lin'₅₄, 'uig₅₄ ia₁ a₂jme₁chain₂, tsá₃ ma₃chain₂ rë₂në₃, la₁ia₁ a₂guáin₂ táng₃.

⁹ Já₁g₁ la₂ cha₂ a₂lé₂ le₃ñí'₂ jui₁lia'₂ dsa₂ i₂ñí'₂ dsí₅: jáng'₅ já₁ dsau₅ guio₃ mi₂dsi₄ já'₂, co₂'nió'₄ guio₃ dsi₂con'₂ ja₁guá'₄ 'io₅₄ 'éi₂. ¹⁰ Já₃ bá₄ co₂'nió'₄ guion₃ rag₅₄ a₂jaun₂. Ma₂l₃gan'₅₄ cau₅ 'ñiá₂ rag₅₄ 'éi₂; jan₂ bá₄ i₂gon₂ rë₂në₃; jan₂ guë'₂ i₂tsá₃ ma₂guan₅ guë'₄. Jë₁ma₂të₂ rë₁guá₃ 'éi₂ guë'₂ në₃, ca₂tiá₂ bá₄ ca₂tín₂ guá₃. ¹¹ Já'₂ 'Lin'₅₄ i₂jme₁chan₂, i₂tsá₃ chan₂ rë₂në₃ 'éi₂ guë'₂ në₃, lén₂ i₂gon₂ i₂ca₂të₂ jñia₃ i₂co₂'nió'₄ rín'₅₄ i₂guion₃ 'éi₂ bá₄. Já₃ bá₄ dsióg₄ ja₁dsi₃'éin₂.

¹² 'A₂lë₅ guia₃ mi₂juí₁ a₂në₂jag'₅₄ në₃, co₂'nió'₄ guan₃ rag₅₄ i₂tsá₃ ma₂ñi₂ ja₁le₃goin₂. La₁ ñei₃ bí₂ 'éi'₃ ca₂tiá₂ le₂jaun₂, në₂jag₄ caun₂ hora, lia'₂ ma₂quiain'₅₄ Já'₂ 'Lin'₅₄. ¹³ Tóin'₃ caun₂ ta₁ co₂dsia₅, 'ei₅ caun₂ já₁, ton'₂ qui₃cuë₃ jui₅bí₂ quian'₅₄ 'éi'₃ quió'₅ cuë'₃ Já'₂ 'Lin'₅₄. ¹⁴ Qui₃jmo₃ 'nei₂ quíin'₂ quian'₅₄ Guein₂ Já'₂ Cha'₂. La₁ Guein₂ Já'₂ Cha'₂ bá₄ i₂lí'₂, ia₁ 'éi₂ bá₄ lín₅ Juig₅₄ quián₅ ca₂le₃jín₃ juig₅₄ dsa₂; ton'₂ lín₅ Rag₅₄ quián₅ ca₂le₃jín₃ rag₅₄. Ca₂le₃jín₃ i₂quian'₅₄ Guein₂ Já'₂ Cha'₂ në₃, lín₅ i₂ma₂quióin'₂ i₂ma₂të'₃ Diú₄, tióin₂ lín₅ dsa₂ i₂rë₂ti'₅₄ quián₅.

¹⁵ Jaun₂ ca₂tság₃ jniá₂:

—Jui₁lia'₂ a₂lë₅ 'lióng₂ jmig₂ ja₁guá'₄ 'io₅₄ 'lín'₅₄ a₂në₂jag'₅₄ në₅, co₂'nió'₄ ca₂le₃jë₃ go₄ dsa₂, ca₂le₃jë₃ nió'₃ dsa₂, ca₂le₃jë₃ juig₂, ca₂le₃jë₃ já₁ jmei₅ në₃. ¹⁶ Jaun₂ jme₃'iog₅₄ dsa₂ i₂co₂'nió'₄ a₂lë₅ guia₃ mi₂juí₁ i₂në₂jag'₅₄, jme₃'iog₅₄ Já'₂ 'Lin'₅₄ guë'₂ në₃, jme₃'ñiai₅₄ 'io₅₄ 'éi₂. Co₂dsia₅ qui₃téi₂ co₂'nió'₄ tëtsiin'₅₄ rë₃ñí₅; qui₃quí₃' nñi_{ñi₂}, jaun₂ guë'₄ dság'₂ quian'₅₄ si₂. ¹⁷ Ia₁ Diú₄ në₃ ma₂jmo₃ dsí₅ dsa₂ 'éi₂ jui₁jmo₁₂ ca₂le₃jë₃ 'e₂ niog₅ dsí₅ jmo₃, ia₁jaun₂ jmo₃ caun₂ já₁ a₂cuë₃ jui₅bí₂ a₂goin₂, cuë'₃ Já'₂ 'Lin'₅₄, ca₂lia'₂ ca₂dsióg₃ jmig₄ a₂le₃ti₃ já₁ quió'₅ Diú₄ a₂ma₂ron₅. ¹⁸ 'Io₅₄ i₂në₂jing'₅₄ në₃, co₂'nió'₄ ciudad juë'₂ ja₁o₂'ag₅ 'éi'₃ ne₄ quió'₅ ca₂le₃jín₃ rag₅₄ i₂chan₂ mi₂güí₃.

18

Jë₁ca₂ñó₃ 'uë₃ bí₂ quió'₅ Babilonia

¹ Cang₂ jaun₂, ca₂jing₅₄ táng₃ jan₂ ángel sián'₂, ca₂sióin₃ guei'₅₄ i₂juí₃ i₂'io₅ bí₂ 'éi'₃ a₂'uain'₂ lín₃. Ta₁caun₂ mi₂güí₃ bá₄ ca₂tág'₃ a₂co₂tág₅ co₂'né'₅ quió'₅. ² Quian'₅₄ já₁ tiá₂ lín₃, ca₂juá'₂: Ma₂ca₂i₃'én₂, ma₂ca₂i₃'én₂ Babilonia juë'₂,

'ne₄ ca₂le₃jín₃ ne₅₄ je₂na'₅₄ bá₄ ca₂lë₃;

'né₅ 'má₃ ja₁ñí'₂ ca₂le₃jín₃ ne₅₄ jme₂dsí₂ 'lín'₅₄,

ca₂le₃jín₃ ne₅₄ i₁tan₅ 'lín'₅₄ lë₁'ñio₅.

³ Ia₁ ma₂qui₂ma₂'in'₃ ca₂le₃jë₃ juig₂

vino a₂ca₂jme₃cón₂ dsí₅ a₂qui₂nió'₃ já₁ 'lig'₅₄ quió'₅.

Ma₂qui₂ca₂nió'₃ já₁ rag₅₄ i₂chan₂ gua'₅₄ 'uë₃

quiain'₅₄ 'io₅₄ 'éi₂.

Ca₂le₃jín₃ jui₁lia'₂ dsa₂ i₂i₂nio₄ jmo₂₃ 'ma'₅₄,

ma₂qui₂ca₂rë₃chá₃ cu₄ 'ñio₅ lín₃

të₂le₃ quian'₅₄ jui₅bí₂ a₂ma₂i₁juin₅₄ ñag₅₄

a₂jlá'₁ jmo₂₃ róin₂.

⁴ Jaun₂ ca₂nag₃ táng₃ caun₂ já₁ a₂já₅ guei'₅₄ i₂juí₃, a₂juá'₂:

'Uin'₂ 'nia'₂ jë₄ juig₂ në₅,

con'₂ 'nia'₂ i₂lín₅ dsa₂ juig₂ quiáng₃,

ia₁jaun₂ tsá₃ le₃quen'₄ 'nia'₂ dso₄ a₂'no₅ 'io₅₄ në₅,

on₃ guë'₂ tin'₃ 'nia'₂ jmi₁uig₅ a₂já₅ ja₁coin₂.

⁵ Ia₁ 'lióng₂ lín₃ dsáu₁ 'io₅₄ nē₅ ma₂rē₂juí₄,
nē₂jag₄ bá₄ ma₂tě₂ ca₂tě₂ guei'₅₄ i₂juíg₃.

Jaun₂ Diú₄ nē₃ ma₂dsáu'₅ dsí₅
ca₂le₃jě₃ a₂'lig'₅₄ a₂ma₂rē₂cáin'₄.

⁶ A₂le₂jaun₂ cuē'₅₄ 'nia'₂ 'io₅₄ nē₅
juí₁lia'₂ lě₅ a₂ma₂qui₂ma₂cuē'₃ dsa₂ 'ŋiog₅.

Qui'₄ 'nia'₂ tin₃ ju'₂
lia'₂ con'₂ guě₄ a₂ma₂jmo₃.

Co₂gün'₅₄ 'nia'₂ tin₃ ráun₂ a₂'ŋio₅ guě₄
ŋió'₂ copa quió'₅ 'ŋiog₅,
con'₂ guě₄ a₂ma₂cuē'₃ i₂sián'₂.

⁷ Juí₁lia'₂ a₂ŋí₄ lě₃ ma₂qui₂ma₂chain₂ jlá'₁ a₂róin₂,
co₂jaun₂ cuē'₅₄ 'nia'₂ jmi₁uig₅ a₂qui'₂ dsí₅.

Ia₁ ma₂juá'₂ bá₄ juí₅ tē₂dsí₅:

“La₂ gua₅₄ a₂líng₅ jan₂ 'io₅₄ rag₅₄,
tsá₃ dsa₂ 'nág₂ líng₅.
Tsá₃ o₁líng'₂ ŋag₅₄ uig₅ le₃qui'₂ dsí₃.”

⁸ Uig₅₄ jaun₂ nē₃,
co₂nio₄ co₂jmi₄g₄ bá₄ ja₃lé₂ jmi₁uig₅ ja₁coin₂;

'mú₃, qui'₃-o₃, le₃'oin₅₄ nē₃;
jaun₂ guě₄ dsiin'₂ co₂ŋei'₅₄.

Ia₁ i₂'uan'₂ lín₃ bá₄ Te₁gui'₅₄ Diú₄
i₂qui₃dsí₅ 'éi'₃ ja₁coin₂ jmi₄g₄ jaun₂.

⁹ 'Cán₂ go₂'i₃, qui'₃-o₃ ca₂le₃jín₃ rag₅₄ quián₅ gua'₅₄ 'uě₃ i₂qui₂ca₂nió'₄ jág₁ quiain'₅₄ 'io₅₄
'éi₂, i₂qui₂ma₂ca₂rē₃cháin₃ jlá'₁ quiain'₅₄, jē₁ma₂ca₂jág₃ tsau₂ jme₁ŋi₁ guei'₅₄ a₂ma₂qui₂cau₂
quió'₅ 'io₅₄. ¹⁰ La₁ uíng₂ bá₄ qui₂dsí₃ná_{u3}, qui₃jág₃ gó'₃ 'ŋio₅ lín₃, jaun₂ juá'₂:

i'₂E₂ guě₄ juíg'₂, 'e₂ guě₄ juíg'₂,
'ne₂ ciudad juě'₂,

'ne₂ Babilonia i₂jme₁'uang'₂ lín₃ nē₃!

i₂Quian'₅₄ ca₂tiá₂ co₂lág₂ bá₄
gua₅ uig₅ a₂rē₂'ě₂ ja₁cong'₂!

¹¹ 'Cán₂ go₂'i₃, qui'₃-o₃ dsa₂ i₂jme₁i₂nio₄ jmo₅ 'ma'₅₄ ne₄ gua'₅₄ 'uě₃, o₄quió'₄ 'éi₂; ia₁ tsá₃
ma₂'ein₂ le₃chan₂ qui₃lá₃ guě₄ 'e₂ lio₅₄ i₂quian'₅₄. ¹² lio₅₄ a₂lě₅ cu₄nióg₄, cu₄tiog₂, cang₄ jlá'₁,
míg₂ perlas, ca₂le₃jě₃ ne₅₄ juí₁lia'₂ 'mi'₂ jlá'₁, juí₁lia'₂ lino quian'₅₄ seda a₂'lióng₂ ne₅₄ jniá₂,
a₂'uí'₃, a₂guéin₂ nē₃; ca₂le₃jě₃ ne₅₄ 'ma₂ jlá'₁ nē₃ a₂ja₂ mi₂juig₂ ma₂ro₂; líóng₂ ne₅₄ cosas jlá'₁
nē₃, juí₁lia'₂ a₂lě₅ ni₁mu₅, a₂lě₅ ni₁'ma₂ jlá'₁ a₂'mu'₅₄, a₂lě₅ ni₁ŋí₁ 'ua'₂, a₂lě₅ ni₁ŋí₁ nióg₂ nē₃,
ni₁cang₁ mármol táng₃; ¹³ lio₅₄ canela, ca₂le₃jě₃ guě₄ a₂ja₂ mi₂juig₂ ma₂ro₂ juí₁lia'₂ chen₂,
mirra, no'₅₄ mi₂juig₂ nē₃; vino quian'₅₄ no'₅₄ olivo; cui₂g₂ dse₃ quian'₅₄ trigo; já'₂ nē₃, juí₁lia'₂
ca₁juí₅, já'₂ cha'₂ quian'₅₄ cua₁; ni₁ŋí₁ carrozas nē₃. Ca₂le₂jio₅ dsa₂ mi₂güig₃ rín'₅₄ dsa₂
i₂jme₂ti₃ ta₁ ne₅₄. ¹⁴ La₁ jmi₄g₄ jaun₂ guě₄ nē₃, juá'₂ tsí'₃ ciudad jaun₂:

i₂Ma₂ca₂ŋia'₃ ja₁cong'₂, míg₂ jlá'₁
a₂ŋí₄ lě₃ jme₁'ín₅ 'au'₂ quě'₅₄!

i₂A₂co₂dsia₅ ca₂i₃'én₂ jaun₂ bá₄
ca₂le₃jě₃ a₂jlá'₁

a₂jme₁quen₅ cu₄ a₂jme₁cha₂ quiáng'₂!

Tsá₃ ma₃o₁líng'₂ jmi₄g₄ dsiang'₂.

15 'Dsa₂ i₂qui₂ma₂jmo₃ 'ma'₅₄ ca₂le₃jě₃ a₂ně₅, i₂qui₂ca₂rě₃chá₃ cu₄ 'ŋio₅ lín₃ tē₂le₃ quian'₅₄ 'io₅₄ 'éi₂, qui₂dsi₃ná_{u3} uíng₂, qui₃jág₃ gó'₃ 'uig₅₄ jmi₁uig₅ a₂go₂'i₃ jaun₂. 16 Jaun₂ juá'₂ tiá₂:
i'E₂ guě₄ juíg'₂, 'e₂ guě₄ juíg'₂,
'ne₂ ciudad juě'₂!

i₁la₁ jme₁lě₄ jui₁lia'₂ lín₅ jan₂ 'io₅₄ jlán'₁
i₂jme₁qui'₂ tsin'₅₄ jlá'₁ lín₃
a₂jme₁jniá₂ 'ui'₃ quian'₅₄ a₂guéin₂,
i₂jme₁rě₂lín₄ jlán'₁ quian'₅₄ cu₄nióg₄,
ni₁cang₁ jlá'₁, míg₂ perlas ně₃!

17 i₁Quian'₅₄ ca₂tiá₂ co₂lág₂ bá₄,
qui₂ca₂dsa₃ ca₂ag₂ a₂jlá'₁ a₂quen₅ 'lióng₂ lín₃!

'Ca₂le₃jín₃ jui₁lia'₂ i₂i₂quian₅ ni₁barcos, ca₂le₃jín₃ guě₄ dsa₂ i₂i₂nio₄ ne₄ jmi₁ŋí'₄, ca₂le₃jín₃
guě₄ dsa₂ i₂no₅ a₂dsi₂ŋí₂ ne₄ jmi₁ŋí'₄, qui₂dsi₃ná_{u3} uíng₂, 18 jě₁ma₂ca₂jág₃ jme₁ŋi₁
a₂ma₂qui₂cau₂ quió'₅, qui₃juá'₂ tiá₂ tóin'₃:

—¿'E₂ bá₄ ciudad lé₂ le₃quin₃ quian'₅₄ ciudad juě'₂ ně₅?

19 Jaun₂ qui₂tó'₃ ti₁ju₁ ne₄ mi₂dsi₅₄ guioin₅₄, qui'₂-o₂₃, a₂juá'₂ tiá₂:

i'E₂ guě₄ juíg'₂, 'e₂ guě₄ juíg'₂
ciudad juě'₂ ně₅!

Quian'₅₄ ca₂le₃jě₃ a₂jme₁cha₂ quió'₅,
ca₂rě₃chá₃ cu₄ ca₂le₃jín₃ dsa₂
i₂qui₂le₁'io₅ barcos ne₄ jmi₁ŋí'₄.

i₁Quian'₅₄ ca₂tiá₂ co₂lág₂ bá₄ ca₂'en₃ jě₂!

20 La₁ 'nia'₂ ně₃,

i₂chan'₂ guei'₅₄ i₂juíg'₃,

jmo₄ 'nia'₂ 'io'₂ ne₄ quió'₅ juig₂ jaun₂.

Ca₂le₃jín'₃ guě'₂ 'nia'₂ i₂tén₅ le₃quió'₅ Diú₄,

i₂chen₄ quiáin₅, i₂qui₂'ě₂ jág₁ quió'₅ ně₃.

Ia₁ ma₂ně₂qui₃dsi₅ Diú₄ 'éi'₃ ja₁con₂ juig₂ jaun₂,

ma₂ně₂jme₃rě₃ ca₂le₃jě₃ a₂ma₂jmaí'₂ 'nia'₂ jaun₂.

21 Jaun₂ ca₂chóg'₃ jan₂ ángel 'uan'₂ ca₂míg₂ ni₁cang₁ pa₁, a₂lě₅ jui₁lia'₂ lě₅ ni₁cang₁ éi'₅ cui₂
'í₅; ca₂ton₃ ne₄ jmi₁ŋí'₄, ca₂juá'₂:

Quian'₅₄ 'nei₂ uig₅ le₂ně₅ bá₄

dsó₃ 'uě₃ ján₃,

Babilonia ciudad juě'₂,

tsá₃ ma₃a₁jaun₂ jua'₅₄ le₃cha₂.

22 O₁líg'₂ jmi₂g₄ tsá₃ ma₃qui₂né'₂ a₂jmo₃ dsa₂ son₅₄

jui₁lia'₂ jě₄ calle quiáng'₂:

jui₁lia'₂ son₅₄ tsi₁ton₅ arpas,*

son₅₄ 'ma₂, son₅₄ ŋí₁ trompeta ně₃.

Tsá₃ ma₃le₃chan₂ tē₅

i₂tín₂ ta₁ 'i₁jan₂, ja₁cong'₂;

tsá₃ ma₃qui₃né'₂ mī'₅₄

ni₁cang₁ éi'₅ cui₂'í₅, ja₁cong'₂;

23 si₂ nng'₂;

jág₁ quió'₅ 'io₅₄,

quió'₅ dsa₂ ŋe'₂ i₂jen'₂ gu₂,

tsá₃ ma₃o₁líg'₂ qui₃né'₂ ja₁cong'₂.

* 18:22 griego: kithara.

Ia₁ dsa₂ dse_{n54} jin₄ dsa₂ mi₂güig₃
 jme₁lín₄ dsa₂ i₂qui₂jme₁jmo₅ 'ma'₅₄ quiáng'₂,
 ia₁ ca₂jme₁gang'₂ ca₂le₃jě₃ juig₂
 tē₂le₃ quian'₅₄ a₂chan₂ 'au'₂.
 24 Ia₁ 'éi₂ bá₄ rē₂cán'₄ jmi₂ 'an₅₄
 ca₂le₃jín₃ dsa₂ i₂tén₅ le₃quió'₅ Diú₄,
 i₂ma₂'ě₂ jág₁ quió'₅ ně₃,
 quian'₅₄ ca₂le₃jín₃ i₂ca₂dsan₃
 ca₂jme₃dsiog₅ dsa₂, ne₄ gua'₅₄ 'uě₃.

19

1 Cang₂ jaun₂, ca₂nag₃ lia'₂ lě₅ jág₁ quió'₅ juin₅ lin₃ dsa₂ i₂tion'₅₄ guei'₅₄ i₂juig₃, i₁juá'₄
 co₂mi'₅₄:
 ¡Aleluya!*

Te₁gui'₅₄ Diú₄ quián₂ bá₄ jniog₄ i₂lió₂,
 i₂ca₂tín₂ gue₃ a₂jme₃juag'₂ dsa₂,
 i₂ca₂tín₂ juí₅bí₂ a₂náu₃ ne₄ 'éi'₃.

2 Ia₁ dsau₅, ton'₂ dsi₂ten₅₄ bá₄ lě₅
 a₂qui₂dsi₂₃ 'éi'₃.

Ia₁ ma₂ně₂qui₂dsi₂₃ 'éi'₃
 ja₁con₂ 'io₅₄ 'lín'₅₄ juin'₂,
 i₂ma₂ca₂jme₃ 'ióg₃ ta₁caun₂ mi₂güig₃
 quian'₅₄ jág₁ 'lig'₅₄ a₂ma₂qui₂ma₂nió'₃.

Jaun₂ 'njog₅ bá₄ Diú₄ ma₂ně₂quion₃ 'ma'₅₄
 ja₁con₂ 'io₅₄ 'éi₂,

ne₄ quió'₅ jmi₂ 'an₅₄ ca₂le₃jín₃ dsa₂ quián₅ Diú₄
 i₂jme₂ti₃ ta₁ ne₅₄.

3 Con'₂ siá'₂ táng₃ ca₂juá'₂:
 ¡Aleluya!

Tsau₂ jme₁ñi₁ a₂con₂ 'io₅₄ 'éi₂
 ca₂lia'₂ co₂tan₅₄:

4 Jaun₂ ně₃, le₃guión₂-quén₂ dsa₂ can'₅₄, quian'₅₄ guě'₂ le₃quén₂ já'₂ i₂tion₂ le₃ne₄ ne₄ta₁,
 qui₂ca₂tóin₂ 'uě₃ ca₂jme₃juin'₂ Diú₄ i₂guá₅ ne₄ta₁, qui₂ca₂juá'₂:

—¡A₂méi₃! ¡Aleluya!

5 Jaun₂ guě₄ ca₂né'₂ jág₁ tē₂ ne₄ta₁, i₁juá'₄:
 Jme₁juin'₂ 'nia'₂ Diú₄ quián₂
 ca₂le₃jín₃ 'nia'₂ i₂jme₂ti₃ ne₅₄
 ca₂le₃jín₃ 'nia'₂ i₂juin'₂ i₂me'₂
 i₂go₃ gain₃ 'éi₂.

Jmig₄ ja₁jen'₂ gu₂ Guein₂ Já'₂ Cha'₂

6 Jaun₂ ca₂nag₃ jniá₂ co₂mi'₅₄ a₂né'₂ lia'₂ né'₂ jág₁ ja₁i₁tion'₅₄ dsa₂ juin₅, lia'₂ né'₂ ja₁ta'₂ la'₅₄
 pa₁ lin₃,* juí₁lia'₂ tē₂tsi'₅₄ co₂mi'₅₄ quia'₂ njí'₃ tiá₂ lin₃, i₁juá'₄:
 ¡Aleluya!

Ia₁ ma₂gon₂ Te₁gui'₅₄ Diú₄ quián₂ jniog₄
 i₂'Uan'₂ guě₄ lin₃.

7 ¡Juí₁jmo₁ jniog₄ 'io'₂
 o₂'njí₃ o₂ñia₃ dsi₅,
 juí₁jme₁juin'₂ jniog₄ 'éi₂!

* 19:6 o₃ "lia'₂ né'₂ 'lóng₂ jmig₂."

Ia₁ ca₂tě₂ hora a₂jen'₂ gu₂
Guein₂ Já'₂ Cha'₂.

Dsa₂ mí₂ i₂jen'₂ gu₂ quaiain'₅₄ ně₃
ma₂chain₂ co₂jñiai₅₄.

⁸Ma₂ñi₂ tsi₁'mi'₂ lino jlá'₁
a₂tág₅, a₂le₁jě₃ lin₃, a₂rě₂lin₅₄.

(Ia₁ jui₁lia'₂ tsi₁'mi'₂ lino jlá'₁ ně₃, co₂'nió'₄ jui₅ dsau₅ a₂ma₂quian₅ dsa₂ i₂tén₅ le₃quió'₅ Diú₄.)†

⁹Jaun₂ ca₂juá'₂ ángel ca₂tság₃ jniá₂:

—Jmo₄ si₂ tiong₅: “E₂ guě₄ dsen₃ ca₂le₃jín₃ dsa₂ i₂tě₄ jmig₄ ja₁jen'₂ gu₂ Guein₂ Já'₂ Cha'₂.”

Jaun₂ ca₂juá'₂ táng₃:

—Jág₁ tí₅ tē₃dsón'₂ bá₄ la₂ quió'₅ Diú₄.

¹⁰Jaun₂ ca₂tón₂ jniá₂ ja₁tióng₂ tag₄ ángel 'éi₂ a₂jme₁jme₁juin'₂ jniá₂. La₁ ca₂juá'₂ ně₃:

—'A₃ jmo₂ le₂ně₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂'ě₂ jág₁ o₄quió'₄ Diú₄, quian'₅₄ i₂tón'₂ jui₅ jág₁ a₂rě₂'ě₂ quió'₅ Diú₄ a₂tio'₅₄ ne₄ si₂ la₂. Jme₁juin'₂ Diú₄. Ia₁ jág₁ dsau₅ quió'₅ Jesús bá₄ a₂'i₄ jme₂dsí₂ quió'₅ jui₁lia'₂ i₂'ě₂ jág₁ o₄quió'₄ Diú₄.

Dsa₂ i₂ñó₅ co₁dsin₅₄ cua₁ tion₂

¹¹Jaun₂ ca₂jág₃ jniá₂ rě₂na₄ guei'₅₄ i₂juíg₃, jaun₂ ca₂jnia₃ jan₂ dsi₂cua₁ tion₂. Dsa₂ i₂co₂dsag₅₄ guě'₂ chen₂ I₂rě₂ti'₅₄, I₂dsau₅ ně₃. Con'₂ dsi₂ten₅₄ bá₄ qui₂dsi₂₃ 'éi'₃, jmo₂₃ 'nei₂.

¹²Tág₅ jme₁ne₁₂ lia'₂ tág₅ si₂; tio'₅₄ 'lióng₂ coronas mi₂dsi₅₄ ja₁le₁ton₅ lia'₂ chein₂, jnia'₅₄ lia'₂ 'ñiog₅ bá₄ ñí'₂, tsá₃ 'ein₂ i₂sián'₂ ñí'₂. ¹³Qui'₂ caun₂ 'mi'₂ chen'₅₄ a₂ně₂jag₄ bá₄ ma₂i₂tia₃ jmi₂; a₂chen₂ 'éi₂ guě'₂ ně₃ Jág₁ quió'₅ Diú₄.‡ ¹⁴Chi₁co'₅₄ quió'₅ 'éi₂, tē₁ja₂lén₂ juin₅ lin₃ 'lióg₂ quián₅ guei'₅₄ i₂juíg₃. Ca₂le₃jín₃ le₁qui'₂ jmá'₃ 'mi'₂ lino tiog₂ jlá'₁ a₂le₁jě₃, a₂ca₂'u₁in₂ qui₂co₂dsin₅₄ cua₁ tion₂. ¹⁵Mi₂'o₄ 'éi₂ dsi₅₄ caun₂ a₂lě₅ lia'₂ lě₅ ñi₁tág₂ 'mu₃ lin₃ a₂jmái'₂ ca₂le₃jín₃ juig₂ ne₄ gua'₅₄ 'uě₃. “Goin₃ ne₄ 'éi₂ quian'₅₄ 'ma₂'i'₅₄ a₂lě₅ ni₁ñí₁ 'ua'₂.”§ Qui₃tsó'₃ ně₂jag₄ bá₄ míg₂ uvas a₂'i₄ 'nei₂ dséi₂ dsí₅ Diú₄ 'Uan'₂. ¹⁶Ne₄ tsi₁'mi'₂ chen'₅₄, ne₄ mi₂qui₅₄ ně₃, chi₁ton₅ 'a₂ lia'₂ chein₂: RAG₅₄ QUIÁN₅ CA₂LE₃JĪN₃ RAG₅₄ JUĪG₅₄ CA₂LE₃JĪN₃ JUĪG₅₄.

¹⁷Jaun₂ ca₂jing₅₄ jan₂ ángel chéin'₅ dsi₂jo₂ 'iog₂. 'Éi₂ ně₃ ca₂juá'₂ tiá₂ lin₃ qui₂ca₂tsí'₃ ca₂le₃jín₃ já'₂ i₂'in₅ guei'₅₄ dsi₂güig₂:

—I₂nó'₅ 'nia'₂, tión'₂ 'nia'₂ lo'₂, ia₁ le₃cha₂ má₃ pa₁ cuě₃ Diú₄, ¹⁸ia₁jaun₂ tón'₄ 'nia'₂ quě'₅₄ jmá'₃ ñí₅: ñi₄ rag₅₄, ñi₄ ca₂le₃jín₃ juig₅₄ 'lióg₂, ñi₄ ca₂le₃jín₃ guě₄ dsa₂ bėn₂ ně₃. Ca₂lia'₂ ñi₄ cua₁ ně₃, ñi₄ dsa₂ i₂jme₁co₂dsag₅₄ ně₃; ñi₄ ca₂le₃jín₃ guě₄ dsa₂: lia'₂ dsa₂ i₂jme₂ti₃ ta₁ ne₄ juig₅₄, lia'₂ dsa₂ i₂tsá₃ 'ein₂ ne₄ jme₂ti₃; lia'₂ dsa₂ i₂juin'₂ lia'₂ dsa₂ me'₂.

¹⁹Jaun₂ ca₂jing₅₄ i₂tě'₂ Já'₂ 'Lin'₅₄, quaiain'₅₄ ca₂le₃jín₃ rag₅₄ chan₂ ta₁caun₂ gua'₅₄ 'uě₃, quaiain'₅₄ ca₂le₃jín₃ 'lióg₂ quiáin₅. Ca₂liain'₃ riin'₅₄ ca₂jmo₃ caun₂ jág₁ a₂quín'₂ quaiain'₅₄ i₂co₂dsin₅₄ cua₁ quaiain'₅₄ ca₂le₃jín₃ 'lióg₂ i₂quaiain'₅₄ ně₃. ²⁰Já'₂ 'Lin'₅₄ ně₃ ca₂'néi'₃ bá₄ co₂dsia₅ quaiain'₅₄ dsa₂ i₂'ě₂ jág₁ a₂jui₁gain₂ i₂ma₂jmo₃ 'lióng₂ léi₄ juě'₂ o₄quió'₄ 'éi₂; ia₁ tē₂le₃ quian'₅₄ tsá₃ caun₂ o₂dsain₂ ca₂jme₃jñiai₂₃ jin₄ dsa₂, ca₂jme₃gain₂₃ dsa₂ i₂ma₂lín₅ léi₄ quián₅ Já'₂ 'Lin'₅₄, i₂ma₂ca₂jme₃juin'₂ nió'₄ quió'₅ 'éi₂ ně₃. Le₃on₃ 'éi₂ co₂dsia₅ bá₄ ca₂tě₁dsin₅₄ tē₃jéin'₃ le₂jaun₂ ja₁'a₄ si₂ a₂cau₂ quian'₅₄ azufre, a₂juě'₂ lia'₂ juě'₂ jmi₁ñí'₄. ²¹Ca₂le₃jín₃ guě₄ rín'₅₄ 'éi₂ ně₃ ca₂dsain₃ quian'₅₄ ñi₁tág₂ a₂o₂'ag₅ mi₂'o₄ i₂co₂dsin₅₄ dsi₂cua₁ 'éi₂. Jaun₂ guě₄ qui₂ca₂guě'₃ ca₂le₃jín₃ já'₂ i₂'in₅, lia'₂ mag'₂ dsí₅, ñi₄ i₂ca₂dsan₃ 'éi₂.

20

Caun₂ mei₅ ñi₂

† 19:8 lit. “a₂ma₂quian₅ dsa₂ jñi₁'o₅.” ‡ 19:13 'Nio'₂ ja₁ton₅ Juan 1:1-14. § 19:15 Salmo 2:9.

¹ Jaun₂ ca₂jing₅₄ táng₃ jan₂ ángel, ca₂sióin₃ guei'₅₄ i₂juíg₃. Chi₁chan'₂ ní₁ llave quió'₅ ja₁ca₂jein₃ chi₁dsio₅₄, caun₂ guè'₂ cadena pa₁ quian₅. ² Jaun₂ ca₂jñai'₃ i₂té'₂ já'₂ dragón, dsí₂mi'₂ 'ón₅ 'éi₂, i₂lín₅ i₂sē₃dsen₃ i₂chen₂ Satanás, jaun₂ ca₂'néi'₃ caun₂ mei₅ ñi₂. ³ Ca₂'liog'₃ ja₁ca₂jein₃ chi₁dsio₅₄, ca₂jnéi₃ ja₁jaun₂, ton'₂ ca₂tióng₃ caun₂ sello ia₁jaun₂ tsá₃ ma₃lé₂ jme₃gain₂₃ gué₄ juig₂ a₂cha₂ ne₄ gua'₅₄ 'uē₃, ca₂lia'₂ ca₂dsin₃ caun₂ mei₅ ñi₂. Cang₂ jaun₂ jē₁ma₂ca₂dsin₃ caun₂ mei₅ ñi₂, jaun₂ gué₄ chein'₂ táng₃ co₂'na₂.

⁴ Jaun₂ ca₂jág₃ táng₃ jniá₂ ja₁tióng₂ ne₄ta₁; ja₁jaun₂ tián'₅ i₂ma₂ñi₂ jui₅bí₂ a₂qui₃dsi₂₃ 'éi'₃. Ján₃ bá₄ ca₂jág₃ jme₂dsí₂ quió'₅ dsa₂ i₂qui₂ca₂qui'₃ dsa₂ dsí₂lag₄ ne₄ 'uig₅₄ ia₁ a₂qui₂ca₂jáng'₃ jág₁ dsau₅ quió'₅ Jesús, o₄ quió'₄ jág₁ quió'₅ Diú₄ ně₃. Tsá₃ ca₂jme₃juin'₂ Já'₂ 'Lin'₅₄, on₃ guē'₂ ca₂gue₃ tē₃ton₅₄ léi₄ quió'₅, dso'₂ chi₁quí₃, on₃ guē'₂ co₂'gú₃ ně₃. Jaun₂ ca₂jen'₅₄ táng₃ 'éi₂, ca₂rē₃goin₂ quiaín'₅₄ Cristo caun₂ mei₅ ñi₂. ⁵ (La₁ ca₂le₃jín₃ gué₄ 'lag₄ sián'₂ guē'₂ ně₃, tsá₃ ca₂jein'₅₄ ca₂lia'₂ ca₂dsin₃ caun₂ mei₅ ñi₂.) Co₂'nió'₄ a₂jaun₂ bá₄ le₃jua'₅₄ jē₁le₂'uig₅₄ a₂jen'₅₄ 'lag₄. ⁶ 'E₂ gué₄ dsen₃, 'e₂ gué₄ jñió₅, jui₁lia'₂ dsa₂ i₂quen'₄ jē₁le₂'uig₅₄ a₂jen'₅₄ dsa₂! Ia₁ ja₁con₂ 'éi₂ gué₄ ně₃ tsá₃ ma₃jui₅bí₂ 'io₃ jē₁ca₂tē₂ táng₃ 'mú₃. Dsa₂ 'éi₂ gué₄ ně₃ lēin₂ jme₂dsa₂ le₃ne₄ Diú₄, quian'₅₄ le₃ne₄ Cristo, ton'₂ goin₃ ján₃ quiaín'₅₄ 'éi₂ caun₂ mei₅ ñi₂.

⁷ Jē₁ma₂ñi₂ caun₂ mei₅ ñi₂ jaun₂, jaun₂ gué₄ chen'₂ táng₃ Satanás ja₁rē₂jñi₅, ⁸ a₂o₃'iin₅, dsí₃jme₃gain₂₃ juig₂ ta₁quén₂ qui'₅₄ quió'₅ gua'₅₄ 'uē₃: ca₂tē₂ ja₁chei₂ Gog quian'₅₄ Magog.* Ja₁jaun₂ gué₄ ně₃ chi₃liain'₃ a₂jmo₃ caun₂ jág₁ a₂jmo₃ 'nei₂. I₂juin₅ lin₃ lē₂, lia'₂ ja₁lē₄ mi₂tsag₄ a₂cha₂ chei'₅₄ jmi₁ñi₄.

⁹ Jaun₂ ca₂i₃lēin₂ ta₁caun₂ jui₅ con'₂ lē₅ 'i₂ gua'₅₄ 'uē₃, jaun₂ ca₂jē₂li'₅₄ le₃lág'₃ ja₁tion'₅₄ dsa₂ i₂tén₅ le₃quió'₅ Diú₄, co₂'nió'₄ juig₂ ciudad a₂'nio₃ Diú₄. Jaun₂ qui₂ca₂séi'₂ si₂ guei'₅₄ i₂juíg₃, ca₂dsin'₂ co₂ñei'₅₄. ¹⁰ Jaun₂ i₂sē₃dsen₃ i₂ca₂jme₃gau₅ quió'₅ dsa₂ 'éi₂ ně₃, i₂'iin₃ ja₁'a₄ si₂ a₂cau₂ quian'₅₄ azufre, ja₁ma₂'en₅₄ Já'₂ 'Lin'₅₄ quiaín'₅₄ dsa₂ i₂'ē₂ jág₁ a₂jui₁gain₂, a₂ñág₃ uig₅ lia'₂ 'uē₂-jmi₂ ca₂lia'₂ co₂tan₅₄.

Jē₁tē₃dsi₅₄ 'éi'₃ ne₄ta₁ tiog₂ a₂juē'₂

¹¹ Jaun₂ ca₂jág₃ táng₃, ca₂jnia₃ caun₂ ne₄ta₁ juē'₂ tiog₂, jaun₂ ca₂jing₅₄ i₂guá₅ ne₄ta₁. Ne₄ 'éi₂ ca₂cuing₃ gua'₅₄ 'uē₃ quian'₅₄ guei'₅₄ dsí₂güig₂, ca₂lia'₂ tsá₃ ma₃ja₁ca₂dsáu'₂. ¹² Ja₁jaun₂ gué₄ ca₂jing₅₄ ca₂le₃jín₃ 'lag₄, lia'₂ i₂can'₅₄ lia'₂ i₂me'₂, jniái₂ tióin₂ ne₄ Diú₄. Jaun₂ qui₂ca₂niá₃ mi₂si₂ rē₂bin₅. Con'₂ siá'₂ ca₂niá₃ mi₂si₂ a₂le₃chan₂ dsa₂ co₂tan₅₄. Ca₂tē₁dsi₅₄ 'éi'₃ ja₁con₂ 'lag₄ lia'₂ con'₂ lē₅ ca₂jmo₃ le₂jain₂ le₂jain₂ con'₂ lē₅ le₁ton₅ ne₄ mi₂si₂ jaun₂. ¹³ Ca₂jín'₂ jmi₁ñi₄ ca₂jín'₂ 'lag₄ i₂jme₁tion'₅₄ jē₄ jaun₂; qui₂ca₂jín'₂ 'Mú₃ quian'₅₄ guē'₂ Tau₂ 'Nio₅a qui₂ca₂jín'₂ 'lag₄ i₂jme₁tion'₅₄ ja₁jaun₂. Jaun₂ ca₂tē₁dsi₅₄ 'éi'₃ quió'₅ le₂jain₂ le₂jain₂ lia'₂ con'₂ lē₅ a₂ca₂jmo₃. ¹⁴ Jaun₂ qui₂i₃gan'₅₄ 'Mú₃ quian'₅₄ Tau₂ 'Nio₅† ja₁'a₄ si₂. Co₂'nió'₄ ja₁'a₄ si₂ jaun₂, lē₅ jē₁ca₂tē₂ táng₃ 'mú₃. ¹⁵ Jui₁lia'₂ i₂tsá₃ ca₂dsán'₂ chi₁toin₂₃ ne₄ mi₂si₂ a₂chan₂ dsa₂ co₂tan₅₄, ja₁'a₄ si₂ bá₄ ca₂i₃'iin₃.

21

Caun₂ gua'₅₄ 'uē₃ 'mí₂, quian'₅₄ caun₂ dsí₄ 'mí₂

¹ Cang₂ jaun₂, ca₂jág₃ táng₃ jniá₂ caun₂ gua'₅₄ 'uē₃ 'mí₂, caun₂ dsí₄ 'mí₂ táng₃, ia₁ jē₁le₂'uig₅₄ dsí₄ quian'₅₄ guē'₂ le₂'uig₅₄ gua'₅₄ 'uē₃ co₂dsia₅ ca₂i₃'én₂ bá₄ jaun₂, on₃ guē'₂ jmá'₃ jmi₁ñi₄ ma₃cha₂ ně₃. ² Jaun₂ ca₂jág₃ jniá₂* Juig₂ Ciudad Jñió₅, Jerusalén 'mí₂, a₂ca₂jnia₃ ca₂sió₃ guei'₅₄ i₂juíg₃ ne₄ Diú₄. Jniá₂ ma₂lē₅ co₂jñia₅₄ jlá'₁ lin₃, ně₂jag₄ bá₄ jan₂ dsa₂ mí₂ i₂rē₂lin₄ quián₅ dsa₂ ñe'₂ i₂li₅₄ jág₁ quiaín'₅₄. ³ Jaun₂ ca₂nag₃ jág₁ a₂já₅ ne₄ta₁ ca₂juá'₂ tiá₂:

—Jag₄, ma₂guá₅ bá₄ Diú₄ jin₄ dsa₂ mi₂güig₃. Jin₄ 'éi₂ 'í₂ co₂tan₅₄ bá₄. Lén₂ dsa₂ 'éi₂ dsa₂ juig₂ quiáin₅, jaun₂ 'ñiog₅ bá₄ Diú₄ jme₃quiong'₅₄ a₂lēin₂ Diú₄ quiáin₅, ⁴ Jaun₂ qui₃chí₃ jme₁ne₁ 'éi₂

* **20:8** o₃, “Magog ja₁gon₂ Gog”. 'Nio'₂ ja₁ton₅ Ezequiel 38:2 - 39:16. † **20:14** griego: hades, co₂'nió'₄ a₂juá'₂, ja₁quió'₄ 'lag₄. * **21:2** Cha₂ a₂lin₅₄ chog₅₄ si₂ me'₂, a₂juá'₂: “jniá₂, Juan₅₄, ca₂jág₃,”

ca₂le₃jě₃ jmig₂ a₂le₁'ág₄. Tsá₃ ma₃le₃cha₂ guě₄ 'mú₃, on₃ guě₂ jua'₅₄ nē₅ qui₃tón'₃ guě₄ dsa₂ qui'₂-o₂₃, on₃ guě₂ nē₅ i₃nioi₅₄ guě₄ chain₂ o_{2i} dsi₅, on₃ guě₂ le₃cha₂ jua'₅₄ qui'₂ uig₅ quió'₅. Ia₁ co₂dsia₅ ca₂ñí₂ bá₄ ca₂le₃jě₃ 'e₂ a₂jme₁cha₂ le₂jniá₅.

⁵ Jaun₂ ca₂juá'₂ i₂guá₅ ne₄ta₁:

—La₂ jag₄, jmo₅₄ jniá₂ a₂'mí₂ ca₂le₃jě₃.

Ca₂juá'₂ ján₃:

—Tiong₅ ne₄ si₂, ia₁ jág₁ dsau₅ a₂rē₂ti'₅₄ bá₄ la₂.

⁶ Jaun₂ ca₂tság₃ jniá₂:

—Ca₂lě₃. Jniá₂ bá₄ 'éi₂ i₂lín₅ Alfa quian'₅₄ Omega: i₂lín₅ i₂le₂ne₁, i₂lín₅ jě₁ca₂tó'₂ ně₃. Jui₁lia'₂ i₂rē₂quein₂ dsi₅, cuě₅₄ jniá₂ a₂'ín₂ 'éi₂ jmig₂ a₂'ia₂ o₄tu₁ jmig₂ a₂le₃chan₂ dsa₂, on₃jua'₅₄ a₂cha₂ quin₃ 'i₁caun₂. ⁷ Jui₁lia'₂ i₂ca₂tió'₃, a₂lě₁ñei₃ cuě₅₄ jniá₂ ca₂le₃jě₃ a₂nē₅, jaun₂ jniá₂ bá₄ léng₂ Diú₄ quiáin₅, 'éi₂ guě₂ lén₂ chi'₂-guein₂ quiáng₃. ⁸ La₁ jui₁lia'₂ dsa₂ i₂tén'₅, jui₁lia'₂ dsa₂ i₂tsá₃ 'én₂, jui₁lia'₂ i₂li₁'ñio₅, jui₁lia'₂ i₂jme₂dsian₅ rin'₅₄, jui₁lia'₂ i₂nió'₅ jág₁ a₂tsá₃ dsi₂ten₅₄ nió'₃, jui₁lia'₂ i₂tín₂ mí₅ a₂chan₂ dsi₅, jui₁lia'₂ i₂jme₂juin'₂ diú₄ lag₄, ca₂le₃jín₃ i₂co₂jmo₅ jág₁ tē₂jág₁ ně₃; ca₂le₃jín₃ dsa₂ nē₅ tiin₃ dsi₃lén₂ ja₁'a₄ si₂ a₂cau₂ quian'₅₄ azufre, a₂lě₅ jě₁ca₂tě₂ táng₃ 'mú₃.

Caun₂ Jerusalén 'mí₂

⁹ Jaun₂ ca₂guan₃ jan₂ ángel i₂lě₂ i₂guion₃ i₂jme₁le₁chan'₂ guio₃ ni₁uig₅ le₁can'₂ le₃guio₃ jmi₁uig₅ jě₁ca₂tó'₂ 'éi₂, ca₂juá'₂ ca₂tság₃ jniá₂:

—Nia₅, la₂ 'ín₄ jniá₂ dsa₂ mí₂ i₂lě₂ dsi₂i₂gu₂ Guein₂ Já'₂ Cha'₂.

¹⁰ Jaun₂ ca₂jio₃ a₂'eng₅₄ le₃quió'₅ Jme₂dsí₂, ca₂tě₂ ja₁lě₄ má'₂ juě'₂ a₂ñei₅. Ja₁jaun₂ ca₂'ě₃ juig₂ Jñi₅, Jerusalén, a₂sió₅ guei'₅₄ i₂juig₃ ne₄ Diú₄. ¹¹ A₂jniá₂ tág₅ 'ñio₅ lin₃ quian'₅₄ a₂co₂tág₅ quió'₅ Diú₄, a₂jniá₂ co₂tág₅ co₂'né₅ jui₁lia'₂ jniá₂ ni₁cang₁ jlá'₁, jui₁lia'₂ ni₁cang₁ Jaspe a₂rē₂jě₃ lia'₂ lě₅ ni₁'i₂. ¹² Le₃lág'₃ juig₂ jaun₂, chí'₅ caun₂ ni₁'ia'₂ pa₁ lin₃ a₂ñei₅, a₂le₁dsi₅₄ guia₃-tín₂ o₄'né₄, tión₂ guia₃-tín₂ ángeles o₄'né₄. Qui₂le₁ton₅ o₄'né₄ lia'₂ chen₂ le₃guia₃-tín₂ tsi₁jon₂ Israel. ¹³ Ni₅ o₄'né₄ le₁dsi₅₄ tē₂le₃ ja₁'ia₂† 'iog₂, 'ni₅ guě₂ tē₂le₃ ca₂ton₂ norte, 'ni₅ guě₂ tē₂le₃ ca₂ton₂ sur, 'ni₅ guě₂ táng₃ tē₂le₃ ja₁rin₂ 'iog₂. ¹⁴ Jme₁lě₂ guia₃-tín₂ 'uig₅₄ ni₁'ia'₂ juig₂ ciudad jaun₂; ne₄ jaun₂ qui₂le₁ton₅ lia'₂ chen₂ dsa₂ guia₃-tín₂ i₂chen₄ quián₅ Guein₂ Já'₂ Cha'₂. ¹⁵ Chi₁chan'₂ ángel i₂dsia₅ jniá₂ jág₁ quiang'₅₄ caun₂ ni₁'ma₂ a₂quiog₂ dsa₂ 'éi'₃, a₂lě₅ jmá'₃ cu₄nióg₄, a₂qui₃quióg₃ 'éi'₃ juig₂ jaun₂, ca₂le₃jě₃ o₄'né₄ quió'₅, dso'₂ ni₁'ia'₂ ně₃. ¹⁶ Ta₁caun₂ juig₂ jaun₂ lě₅ cha₂ qui'₅₄, co₂jaun₂ bá₄ 'í₂ con'₂ cu₂. Ca₂quiog₂ 'éi'₃ ta₁caun₂ juig₂ quian'₅₄ 'ma₂'éi'₃ jaun₂. Jaun₂ jme₁ca₂tě₁ron₅₄ 'éi'₃, ca₂dsióg₃ tin₃ mei₅ rē₂dsí₂ tin₃ 'ñiá₂-láu₂ (2,200) kilómetros con'₂ tē₂le₃ jang₄ juig₂. Con'₂ jaun₂ bá₄ ján₃, ca₂dsióg₃ tē₂le₃ 'í₂ quian'₅₄ guě₂ tē₂le₃ ñei₅ niog₅ juig₂. ¹⁷ Jaun₂ ca₂quiog₂ 'éi'₃ jmá'₃ ni₁'ia'₂. Jaun₂ ca₂dsióg₃ caun₂ 'ñiá₂-láu₂ rē₂dsí₂ tē₂láu₃-quén₂ (144) lě₂, 'éi'₃ quió'₅ dsa₂ mi₂güig₃, 'éi'₃ a₂jmó'₂ ángel ta₁.‡

¹⁸ Ni₁'ia'₂ ně₃, jme₁lě₄ jmá'₃ quian'₅₄ ni₁cang₁ jaspe; ta₁caun₂ ciudad guě₂ ně₃, jmá'₃ cu₄nióg₄ jmá'₅, a₂tág₅ lia'₂ tág₅ ni₁'i₂ rē₂jě₃. ¹⁹ Uig₅₄ ni₁'ia'₂ ciudad ně₃, qui₂rē₂lag₄ quian'₅₄ ca₂le₃jě₃ ne₅₄ ni₁cang₁ jlá'₁.

Jě₁le₂'uig₅₄ rē₂lag₄ quian'₅₄ jaspe;

jě₁ca₂tě₂ tin₃ ně₃, quian'₅₄ zafiro;

jě₁ca₂tě₂ 'ni₅ ně₃, quian'₅₄ ágata;

jě₁ca₂tě₂ quén₂ guě'₂, quian'₅₄ esmeralda;

²⁰ jě₁ca₂tě₂ 'ñiá₂ rē₂lag₄ quian'₅₄ ónice;

jě₁ca₂tě₂ jñéi₂ guě'₂ ně₃, quian'₅₄ cornalina;

jě₁ca₂tě₂ guio₃ táng₃, quian'₅₄ crisólito;

† 21:13 Co₂'nió'₄ le₃jua'₅₄, caun₂ cosa a₂tsá₃, 'i₄ jme₂dsí₂, a₂ca₂jmo₅ Diú₄. 'Nio'₂ ja₁ton₅ Salmo 8:3; Romanos 1:25. ‡ 21:17 o₃, "'éi'₃ quió'₅ dsa₂ mi₂güig₃, co₂'nió'₄ 'éi'₃ quió'₅ ángel."

jë₁ca₂të₂ njia₃ në₃, quian'₅₄ berilo;
 jë₁ca₂të₂ nj₃ në₃, quian'₅₄ topacio;
 jë₁ca₂të₂ guia₃ guë'₂ në₃, quian'₅₄ crisoprasa;
 jë₁ca₂të₂ guia₃-cáun₃ në₃, quian'₅₄ jacinto;
 jë₁ca₂të₂ guia₃-tín₂ guë'₂ në₃, rë₂lag₄ quian'₅₄ amatista.

²¹ Ta₁guia₃-tín₂ o₄'né₄ në₃, jme₁lë₄ mig₂ perlas, ia₁ jma₃cáun₃ o₄'né₄ jme₁lë₄ jma₃ca₂míg₂ perla. Calle dsen₅₄ dsi₂jo₂ juig₂ ciudad jaun₂, jme₁lë₄ cu₄nióg₄ a₂le₁jë₃ në₂jag₄ bá₄ ni₁'i₂ rë₂jë₃.

²² Tsá₃ ca₂jág₃ jniá₂ 'i₁caun₂ guá'₅, jua'₅₄ chí'₅ jë₄ juig₂, ia₁ 'ñiog₅ bá₄ Te₁gui'₅₄ Diú₄ i₂'Uan'₂ guë₄ lin₃, 'éi₂ bá₄, quian'₅₄ Guein₂ Já'₂ Cha'₂, lín₅ guá'₅ quió'₅. ²³ Tsá₃ si₂ quió'₅ 'iog₂ on₃ guë'₂ si₂ quió'₅ tsi'₂ 'nió'₅ quió'₅ juig₂ jaun₂, ia₁ quian'₅₄ a₂co₂tág₅ co₂'ne'₂ quió'₅ 'ñiog₅ bá₄ Diú₄, jmo₅ jniá₂ ja₁jaun₂, quian'₅₄ guë'₂ Guein₂ Já'₂ Cha'₂, i₂lín₅ co₂'nió'₄ si₂ ni₁tsí₅.

²⁴ Jaun₂ qui₂l₃nio₄ ca₂le₃jë₃ juig₂ § ja₁tág₅ si₂ quió'₅ 'éi₂; qui₂ja₃lén₂ rag₅₄ chan₂ gua'₅₄ 'uë₃, qui₂le₁quian₅ a₂jlá'₁ quió'₅ jë₄ jaun₂. ²⁵ Lia'₂ o₁líg'₂ jmig₄ tsá₃ jnág₃ o₄'né₄ a₂jmí₂, ia₁ tsá₃ ma₃a₂'uë₂ le₃cha₂. ²⁶ Ja₁jaun₂ qui₂dsi₃to'₅₄ ca₂le₃jë₃ a₂jlá'₁, a₂quen₅ quió'₅ juig₂ a₂te₁'i₁ gua'₅₄ 'uë₃. ²⁷ La₁ ja₁jaun₂ tsá₃ qui₂dsi₃to'₅₄ 'i₁caun₂ a₂lë₁'iog₅, on₃ guë'₂ 'i₁jan₂ dsa₂ i₂qui₂jmo₅ a₂o₂guí'₃, i₂jui₁gan₂ në₃. Jmá'₃ lia'₂ con'₂ i₂ma₂tion'₅₄ le₁ton₅ lia'₂ chein₂ ne₄ mi₂si₂ a₂le₃chan₂ dsa₂ co₂tan₅₄ quió'₅ Guein₂ Já'₂ Cha'₂ bá₄, jmá'₃ lia'₂ i₂'éi₂ bá₄ dsi₁len₃ ja₁jaun₂.

22

Cuá₃ ja₁ñi₅ jmig₂ a₂chan₂ dsa₂

¹ Jaun₂ ca₂'ë₃ ángel caun₂ cuá₃ ja₁ñi₅ jmig₂ a₂chan₂ dsa₂, a₂rë₂jë₃ lia'₂ lë₅ ni₁'i₂; a₂já₅ ja₁lë₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂, ² a₂ñi₅ dsi₂jo₂ jë₄ calle dsen₅₄ quió'₅ ciudad jaun₂. Lia'₂ ca₂ton₂ jmig₂ cuá₃ në₃, dsi₅₄ ni₁'ma₂ a₂chan₂ dsa₂; * a₂'ag₅ guia₃-tín₂ ne₅₄ mig₂, jma₃ca₂ne₅₄ mig₂ le₂'i₁ tsi'₂† Mog'₅₄ guë'₂ në₃, jmo₅ ta₁ a₂'lón₂ ca₂le₃jë₃ juig₂. ³ Ia₁ ja₁jaun₂ guë₄ në₃, tsá₃ ma₃jág₁ uig₅ le₃cha₂. Jë₄ juig₂ ciudad tē₃tsi'₅₄ ne₄ta₁ quió'₅ Diú₄, quió'₅ Guein₂ Já'₂ Cha'₂ në₃, jaun₂ qui₂jme₃ti₃ dsa₂ quiáin₅ ne₅₄. ⁴ Ja₁jaun₂ jág₂ dsi₁ne₁, qui₃cán₂ lia'₂ chen₂ 'éi₂ le₁ton₅ chi₁quí₃, ⁵ Tsá₃ ma₃a₂'uë₂ cha₂ ja₁jaun₂; le₂jaun₂ guë'₂ táng₃ juí₁lia'₂ i₂tián'₅ ja₁jaun₂ tsá₃ ma₃si₂ ni₁tsí₅ 'nió'₅ quió'₅, on₃ guë'₂ si₂ quió'₅ 'iog₂. Ia₁ 'ñiog₅ bá₄ Te₁gui'₅₄ Diú₄ téi₂ si₂ ja₁coin₂. Jaun₂ qui₃goin₃ ján₃ ca₂lia'₂ co₂tan₅₄.

⁶ Jaun₂ ca₂juá'₂ ángel ca₂tság₃ jniá₂:

—Jág₁ dsau₅ a₂rë₂ti'₅₄ bá₄ la₂ a₂juí₂ jniá₂ 'ne₂. 'Ñiog₅ bá₄ Te₁gui'₅₄, i₂lín₅ Diú₄ i₂cuë₅ bí₂ jme₂dsí₂ quió'₅ dsa₂ i₂qui₂'ë₂ jág₁ o₄quió'₄, 'éi₂ bá₄ ma₂ca₂chein₃ ángel quiáin₅ në₃, a₂ca₂jme₃jniai₂₃ ne₄ dsa₂ i₂qui₂jme₂ti₃ ne₅₄, ca₂le₃jë₃ 'e₂ niog₅ lé₂ ñi'₅₄ ta₁.

Ni'₅₄ ta₁ guan'₂ bá₄ Te₁gui'₅₄ Jesucristo

⁷ —jJag₄! iÑi'₅₄ ta₁ la₂ bá₄ guióng'₄! i'E₂ guë₄ dsen₃ i₂tón'₂ juí₅ jág₁ a₂rë₂'ë₂ quió'₅ Diú₄ a₂tio'₅₄ ne₄ si₂ la₂!

⁸ Jniá₂, Juan₅₄, jniá₂ bá₄ lín₅ i₂ca₂jág₃, i₂ca₂nag₃ ca₂le₃jë₃ cosa në₅. Jaun₂ jme₁ma₂në₂jág₃ ma₂në₂nag₃, jaun₂ ca₂tón₂ jniá₂ 'uë₃ ja₁tión₂ mi₂tag₄ ángel, a₂jme₁jme₁juin'₂. ⁹ La₁ jaun₂ ca₂tság₃ jniá₂:

—A₃ jmo₂ le₂në₅. Ia₁ jan₂ rín'₂ 'ne₂ bá₄ lín₅, i₂jme₂ti₃ ta₁ ne₄ Diú₄, ton'₂ lín₅ jan₂ rín'₅₄ rín'₂ 'ne₂ i₂qui₂'ë₂ jág₁ o₄quió'₄ Diú₄, quian'₅₄ i₂tón'₂ juí₅ jág₁ a₂tio'₅₄ ne₄ si₂ la₂. Jme₁juin'₂ Diú₄.

¹⁰ Jaun₂ juá'₂ tság₅ jniá₂:

—Tsá₃ lë₁'ma₂ tei₄ jág₁ a₂rë₂'ë₂ quió'₅ Diú₄ a₂tio'₅₄ mi₂si₂ rë₂bín₅ la₂. Ia₁ ma₂ja₂quián₃ jmig₄ jaun₂. ¹¹ Juí₁lia'₂ i₂jmo₅ a₂'lig'₅₄, caun₂ juí₁jmo₂₃ a₂'lig'₁₂; juí₁lia'₂ i₂rë₂'ñió₄, caun₂

§ 21:24 A₂lin₅₄ chog₅₄ si₂: “ca₂le₃jë₃ juig₂ a₂ma₂lón₂.” * 22:2 o₃, “a₂já₅ ja₁lë₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂. Dsi₂jo₂ jë₄ calle dsen₅₄ quió'₅ ciudad jaun₂, con'₂ guë'₂ lia'₂ ca₂ton₂ jmig₂ cuá₃ në₃, dsi₅₄ ni₁'ma₂ a₂chan₂ dsa₂.”

† 22:2 o₃, “a₂'ag₅ mig₂ guia₃-tín₂ ráun₂, co₂ráun₂ le₂'i₁ tsi'₂.”

ju_i1jme₂'ŋi_o3. Le₂jaun₂ guë'₂ táng₃, ju_i1lia'₂ i₂ŋi₅ ju_i5 co₂dsau₅, ju_i1ŋi₁₂ lia'₂ ma₂ŋi₂₃ jaun₂, ju_i5 co₂dsau₅; jaun₂ ju_i1lia'₂ i₂lín₅ i₂ŋi_o5, caun₂ ju_i1lein₅₄ bá₄ rë₂ŋi_o5.

¹² —iDsón'₂ bá₄ ŋi'₅₄ ta₁ guióng'₄! Quion₅₄ 'lia'₅₄ premio quió₃; dsió'₄ cuë'₄ le₂jan₂ le₂jan₂ lia'₂ con'₂ lë₅ ma₂jmo₃. ¹³ Jniá₂ bá₄ líng₅ Alfa quian'₅₄ Omega; i₂le₂ne₁, i₂jë₁ca₂tó'₂ ně₃; i₂le₂'uig₅₄, i₂jë₁ca₂dsan₃ táng₃. ¹⁴ 'E₂ guë'₄ dsen₃ ju_i1lia'₂ i₂ma₂le₁jë₃ tsin'₅₄, ia₁jaun₂ bá₄ ŋei₃ bí₂ a₂tiin₃ ni₁'ma₂ a₂le₃chan₂ dsa₂, a₂tiin₃ dsi₃toin'₅₄ le₃o₄'né₄ ju_ig₂ ciudad ně₃. ¹⁵ Ca₁'né₄ bá₄ tion'₅₄ ju_i1lia'₂ i₂lín₅ lia'₂ lín₅ dsi₂jí'₅₄, ju_i1lia'₂ i₂tin₂ mí₅ a₂chan₂ dsí₅; † ju_i1lia'₂ i₂qui₂nió'₅ jág₁ 'lig'₅₄, ju_i1lia'₂ i₂jme₂dsian₅ rín'₅₄, ju_i1lia'₂ i₂jme₂ju_in'₂ diú₄ lag₄, ca₂le₃jín₃ guë'₄ i₂të₅ dsí₅ qui₂jme₂gan₅ rín'₅₄, a₂qui₂jmo₂₃ jág₁ të₂jág₁ ně₃.

¹⁶ 'Jniá₂ Jesús, ma₂ca₂tsíng₂ ángel quiáng₃, a₂jáng'₃ jág₁ dsau₅ ně₅ ja₁con'₂ 'nia'₂ ne₄ ca₂le₃jín₃ guá'₅. Jniá₂ bá₄ líng₅ lia'₂ cho'₅₄ lia'₂ tsi₁jon₂ Rag₅₄ David, ján₃ bá₄ líng₅ Nei₅ 'Tóg₁ i₂tág₅ quió'₅.

¹⁷ Jme₂dsí₂ Jŋi_o5, quian'₅₄ dsa₂ mí₂ quián₅ Guein₂ Já'₂ Cha'₂ juá'₂:

—Ŋia₅.

Le₂jaun₂ guë'₂ ju_i1lia'₂ i₂nag₅ juá'₂ i₂në₅, ju_i1jua'₅₄:

—Ŋia₅.

Chi₂jua'₂ 'ein₂ i₂rë₂quein₂ dsí₅, ju_i1jia₂; chi₂jua'₂ 'ein₂ 'nio₃, ju_i1ja₂'én'₃ jmig₂ a₂le₃chain₂, on₃jua'₅₄ cha₂ quín₃ 'i₁caun₂.

¹⁸ Ca₂le₃jín₃ i₂nag₅ jág₁ dse₃ a₂rë₂'ë₄ quió'₅ Diú₄, a₂tio'₅₄ mi₂si₂ la₂, 'ë₅ jniá₂ jág₁ dsau₅ la₂: chi₂jua'₂ 'ein₂ ca₂jmo₃ ŋag₅₄ con'₂ lë₅ jág₁ a₂ma₂tio'₅₄, Diú₄ bá₄ jme₃juë'₂ jmi₁uig₅ quió'₅ lia'₂ con'₂ lë₅ le₁ton₅ ne₄ mi₂si₂ la₂. ¹⁹ Në₁jua'₂ 'ein₂ guë'₂ ca₂ŋiá'₂, ca₂jmo₃ me'₂ jág₁ a₂rë₂'ë₂ ne₄ si₂ la₂, Diú₄ bá₄ jŋiá'₂ a₂jme₁ca₂tíin₂ quió'₅ ni₁'ma₂ a₂chan₂ dsa₂, quian'₅₄ guë'₄ quió'₅ ciudad jŋi_o5 a₂le₁ton₅ ne₄ si₂ la₂.

²⁰ I₂jáng'₅ jág₁ dsau₅ la₂ juá'₂:

—Dsón'₂ bá₄ ŋi'₅₄ ta₁ guióng'₄.

A₂jaun₂ guë'₂ dsón'₂. iŋiá'₅ 'ne₂, Te₁gui'₅₄ Jesús!

²¹ Ju_i1jme₂gu'₅₄ bá₄ Te₁gui'₅₄ Jesucristo ca₂le₃jín₃ 'nia'₂.

Co₂në₅.

† 22:15 griego: farmakeía.